



1-2

DISPUTATIONVM

ROBERTI BELLARMINI

POLITIANI.

S. R. E. CARDINALIS.


DE CONTROVERSIIS

CHRISTIANÆ FIDEI,

Aduersus huius temporis Hæreticos;

Tomus Quartus.

EDITIO PLVRIMIS LOCIS AVCTA ET EMENDATA,
ex correctorio libello nuper ab Auctore Romæ vulgato.



LVTETIÆ PARISIORVM:

Sumptibus PETRI BILLAINE, via Iacobæa sub signo
Bonæ Fidei, & in Palatio iuxta D. Michaëlis Sacellum.

M. D C X X.

2. 16. M. 16

✠

8

BEATISSIMO SANCTISSIMOQVE

PATRI
CLEMENTI VIII.

PONTIF. MAX.

ROBERTVS CARD. BELLARMINVS.



UOBISVM opus & arduum, PATER BEATISSIME, quod aduersus omnes huius temporis hæreses iam dudum molior; non semel nec breui tempore interruptum & impeditum; nunc demum Dei benignitate perfectum, sub tuo sanctissimo nomine prodit in lucem. Quanquam haud scio, si mihi data fuisset optio; an opportunius tempus eligere potuissem, quo postrema hæc mea cum Hæreticis concertatio lucem aspiceret, quàm initium Pontificatus tui.

VIDEO enim ad bellum hoc spirituale conficiendum, & Rempub. Christianam, extinctis hæresibus, aliquando pacificandum, multa & magna in Sanctitatem Tuam præsidia diuinitus esse collata: Nam vt studium hæresum profligandarum, Catholicæque Religionis propagandæ nulli Pontificum Maximorum defuerit: illud certè negari non potest, quibusdam ætatem propè iam exactam, aliis valetudinem nimis infirmam, magnoad res præclare gerendas impedimento fuisse.

Tu verò Sanctissime Pater, ea primum ætate ad Apostolatum vocatus es, quæ & matura sit ad consilium, & non impar ad labores, vt senis prudentiam habeat cum patientia iuuenis. Deinde corporis firmitatem diuino munere nactus es, qualem ea mens requirebat, quæ præter instantia quotidiana tum Romani Episcopatus amplissimi, tum nobilissimi Ecclesiastici Principatus, Omnium, quæ vsquam sunt, Ecclesiarum sollicitudinem gerit. Adhæc, non vt alij, vastitatem atque exitium, quod multis prouincijs hæresis attulit, per litteras & nuncios cognouisti; sed ipse coram aspexisti atque tractasti: quippe qui totum fermè Occidentem & Septentrionem ob negocia Christianæ Reipub. peragasti.

SED illud longè maximum cùm ad hæreses tam varias reprimendas, tum ad collapsam morum disciplinam restituendam videtur: quod ea vitæ innocentia, ea morum sanctitate, ea doctrina, prudentia, vigilantia, eo denique Zelo diuini honoris præditum esse te, ac semper fuisse, Orbis

EPISTOLA DEDICATORIA.

Christianus intelligit; ut nec tibi potestas, aut voluntas constituendæ Christianæ Reipub. deesse possit: nec improbi homines exemplo vitæ tuæ perditos mores suos vlla ratione tegere, vel excusare queant: Hæreticorum verò calumniæ; atque mendacia in Apostolicam Sedem, eodem vitæ tuæ exemplo, nobis etiam tacentibus, refellantur. Tanto igitur nunc alacrius atque ardentius cum hostibus Fidei congregari audebimus, quanto certior fore victoriam, te cælestis huius militiæ Duce atque Imperatore confidimus.


Quod autem ad me attinet, si libri qui nomini tuo inscripti apparent, sapientissimo, acerrimoque iudicio Sanctitatis Tuæ non improbatifuerint, facile sperare potero, non solum Ecclesiæ Catholicæ, cui regendæ præsides, sed ipsi etiam Christo, cuius vices in terris geris, non ingratum fore quaecunque hoc meæ tenuitatis, atque humilitatis obsequium. Te verò, Pater optime, munusculum hoc meum, quamvis nulla ex parte tanta Majestate dignum, non aspernaturum, eximia illa, quæ tibi non sine causa nomen dedit, benignitas, & clementia pollicetur.



✠ c

P R Æ F A T I O A D

L E C T O R E M.



Non me fugit optime Lector, non paucos esse, qui mirentur, cur editio huius quarti Tomi tam longo tempore dilata fuerit. Sed ij mirari desinent, si causas, quæ omnino verae & multis nota sunt, huius dilationis attenderint. Nam & opuscula quædam ob varias occasiones non sine magno labore conficere hoc ipso tempore me oportuit: & aduersa valetudine non semel tentatus, studia remittere, vel etiam penitus intermittere aliquando coactus sum. Nec defuerunt in Vrbe occupationes plurimæ tum publicæ, tum priuatae, quæ sæpe menses, interdum annos huic à me instituto operi eripuerunt.

Accessit postremo Gallicana peregrinatio, non minus diuturna, quàm periculosa, siquidem in eorum numerum, qui SIXTI V. iussu Legatum Apostolicum comitabantur, adscitus, annum integrum & eo amplius, partim in varijs itineribus conficiendis, partim in tolerandis obsidionis Parisiensis incommodis ita consumpsi, ut in tanto armorum strepitu vix aliquid commentationi, aut scriptioni operæ & laboris impenderim.

Et quoniam in mentionem huius Legationis incidimus, & ego insignium virtutum Henrici Caietani Cardinalis & Legati spectator & testis fui, iniuriam posteritati facere me arbitrarer, nisi hoc loco testatum relinquerem, Legatum Caietanum primariæ nobilitatis virum, ea pietatis, sapientiæ, fortitudinis, liberalitatis, comitatis, doctrinæ etiam & ingenij laude toto legationis tempore floruisse, ut una esset omnium vox, ad ea negocia tot periculis obnoxia, totque difficultatibus implicata, nullum ab Apostolica Sede mitti potuisse hominem aptiorem. Eius certè incredibili animi magnitudini, in summa rerum omnium desperatione, salutem suam debere se Galliarum metropolis Lutetia libenter agnoscit, & prædicat.

Ego verò cum itinerum laboribus, bellorumque periculis essem aliquando liberatus, retuli me ad iam pridem institutum: sed non ita pristinas occupationes effugere potui, quin mihi rursus annus alius quasi de manibus elaberetur. Itaque hyeme superiore, ut omnino ab occupationibus cæteris me subducerem, secessi in Tusculanum, atque in ea solitudine paucis mensibus tandem perfeci, quod alioqui multis annis perficere non potueram. Quartus igitur hic Tomus, quo totum opus concluditur & absoluitur, ante quadriennium inchoatus, nunc demum Deo iuuante prodit in lucem.

Quamuis autem controuersias omnes temporis nostri complecti, certaque methodo in unum quasi corpus conferre voluerim: tamen controuersiam de Indulgentiis, quæ cæteris omnibus occasionem dedit, video nondum esse tractatam. Nam cum in libris de Penitentia ea disputatio locum habere debuisset; & ego rebus alijs impeditus ante nundinas autumnales manum illi extremam imponere non potuissem; malui sine hac disputatione Tomum illum tertium tunc emitte, quàm cum Typographi dispendio propter vnius libri additionem, vernales nundinas expectare.

Cæterum si Deus vitam mihi paulò longiorem donare dignabitur, & aliquid ocij nactus fuero, in alia totius operis editione non solum librum de Indulgentiis, sed etiam alia quædam, quæ nonnullis desiderari videntur, adiungam. Interim his meis laboribus, quales quales sunt, vnius diuinæ gloriæ, & vtilitatis tuæ causa susceptis, pie Lector, vttere, meque apud Deum precibus tuis iuuare.

A P P R O B A T I O.



CV M Tomus hic quartus de Fidei Christianæ Controuersijs, Auctore Illustrissimo & Reuerendissimo ROBERTO Cardinali BELLARMINO, ex Societate IESV, tribus eiusdem Tomis iam antea optimo consilio, maximoque cum fructu editis, pulcherrimè respondeat atque cohæreat, adeoque veram & salutarem Catholicæ Ecclesiæ doctrinam aduersus malè sanos & pestiferos veterum ac recentium Sectariorum errores, non minùs eruditè solidèque, quàm Tomi illi tres, defendat, confirmet, explicet; non minùs profectò ipse, quàm illi, lucem & laudem mereri, & adeo dignus esse videtur, qui ad communem Reipub. Christianæ vtilitatem typis vulgetur, & ab omnibus veritatis studiosis perquam studiosè legatur.

*Sic censeo ego ALBERTVS HVMGERVS
S. Theolog. D. Professor, & Procancellarius,
atque Theologici Collegij pro tempore
Decanus, in Academia INGOLSTADIANA.*

ORATIO IN SCHOLIS HABITA.



NNVM iam decimum cum Lutheranis in hac palæstra depugno. Nec mihi tamen vnquam venit in mentem, vt antequam nouum certamen ingrediar, quale tandem sit animal, Lutheranus, aperiam, cum præsertim apud eos agatur, quorum non pauci fortasse numquam eiusmodi monstra viderunt. Sed hoc anno rei, de qua agitur, magnitudo admonuit, vt quoniam concertatio grauissima, non cum vno, vel altero grege Lutheranorum, sed cum omnibus omnino, quamuis inter se non minus, quam à nobis dissidentibus, futura est, non ante in hanc arenam pugnaturus ingrediar, quam breuiter exposuero, quid sit quod vulgo dicitur Lutheranus.

Ac vt nemo dubitet, orationi meæ fidem habere, nihil ipse fingam, nihil adferam meum, sed eum virum auctorem, ac testem producam, cuius vel solum nomen ad fidem faciendam sufficiat. Is erit Apostolus, & Euangelista Ioannes, qui in illa sua diuinissima Apocalypsi, posteaquam de prioribus sæculis multa longè prospiciendo perscripserat, vbi ad hoc sæculum venit, Lutherum per stellam de cælo cadentem, Lutheranam doctrinam per fumum de tartaro ascendentem; ipsos autem Lutheranos per exercitum innumerabilem, atque horribilem locustarum, ita suis coloribus, ita ad viuum, ita luculenter expressit, vt nihil dici potuisse videatur apertius. Quamobrem si quæ Ioannes de stella, de fumo, & de locustis in Apocalypsi scripsit, paulò diligentius pro temporis breuitate exposuerimus, nemo erit, qui non intelligat, quod genus bestiarum sit, cum quo, Deo bene iuuante, pugnare aggredimur.

IGITUR de Stella, quæ primo loco inspicienda est, ita loquitur nouum caput Apocalypscos: *Et quintus Angelus tuba cecinit, & vidi stellam de cælo cecidisse in terram, & data est ei clavis putei abyssi. Et aperuit puteum abyssi.* SEPTEM Angelos Ioannes inducit, qui toti orbi terrarum septem ingentes calamitates septem tubarum clangore prænunciant. De primis QUATUOR cum aduersarijs conuenimus, quatuor principales hæreses, quæ Catholicam Ecclesiam suis temporibus affligerunt, tubis illis mysticis indicari. De SEXTA & SEPTIMA tuba, nulla dubitatio esse potest. Satis enim apertè sexta tuba postremam, eamque grauissimam Antichristi persecutionem. Septima verò mundi totius interitum, & (vt Scriptura loquitur) consummationem significant.

DE vaticinio QUINTÆ tubæ nonnulla controuersia est, dum illud in nos quadrare Lutherani clamant, Nos in illos apertissimè conuenire non solum dicimus, sed etiam apertissimè comprobamus. Illi enim vaticinium quintæ tubæ in Catholicos retorquere nullo modo queunt, nisi quintam, ac sextam tubam ita confundant, vt vnā efficiant ex duabus, & sacrum, ac mysticum tubarum numerum penitus destruant. Neque enim Catholicæ nostræ Ecclesiæ vllam certam hæreseos notam inurunt, sed etiam in Antichristi regnum degenerasse, degeneres ipsi, & verè adulterini filij mentiuntur. Regnum autem, & tempora Antichristi ad sextam tubam, non ad quintam pertinere, & res ipsa loquitur, & interpretes eius loci summa consensione testantur.

MVLTO igitur verius, ac probabilius est, vt quatuor primis tubis quatuor principales hæreses designantur, ita etiam quinta tuba hæresim quandam multiplicem, & deterrimam significari, quæ Antichristi persecutionem proximè præcurrat, eique viam patefaciat, atque sternerat: quam hæresim Lutheranam esse, non ego solus, vel primus, sed plurimi ante me ex coniecturis non leuibus docuerunt. Sed quicquid sit de proprio, ac germano sensu verborum Ioannis, neque enim audeo de vaticinio obscurissimo quidquam temerè pronunciare: Illud affirmo, quæ Ioannes hoc loco de stella, de fumo, de locustis loquitur, in Lutherum, & Lutheranos mirificè conuenire.

QVId enim aliud (vt à stella cadente exordiar) vobis esse videtur, stellam de cælo cadere, nisi hominem cælesti vitæ addictum, à terra longissimo interuallo remotum, sacri cœlibatus, ac monasticæ professionis splendore, & puritate micantem, subito ad terrenas delicias, atque ad negocia huius mundi delabi; mortali coniugio implicari, in carne & sanguine volutari? Lutherum autem quis tandem ignorat, cum aliquando monasticam vitam, perfectam, pauperem, continentem, cœlestem planè, ac diuinam in clarissimo quodam ordine profiteretur, repente no atque horribili casu, ex sacerdote laicum, ex paupere diuitem, ex continente maritum, ex

monacho politicum factum? monasterium in palatium, pannosam vestem in sericam, victum sobrium, ac tenuem in opiparas, cœnas, & prandia commutasse? Denique qui propter Christum vxorem, liberos, agros, nummósque contempserat: iterum propter vxorem & liberos, propter agros & nummos, Christum reliquisse?

QVI A verò Lutherus præcipuum studium suum in Apostolica Sede oppugnanda positurus erat, seque Christi Vicario Antagonistam singularem professurus, pulchrè Ioannes dicit, stellæ de cœlo cadenti *clauem abyssi datam*. Ita nimirum oportebat, vt sicut Christus Apostolo Petro, eiusque successoribus clauēs regni cœlorum attribuit, ita etiam Satanas cum Apostolo suo primario clauem abyssi communicaret: & sicut Petrus cœlesti clauē diuinā oracula referabat, ac populis sibi creditis doctrinam salutarem de cœlo adferebat: sic Lutherus abyssi clauē infernalem puteum aperiret, ac tetros inde errores, antiquarum hæresum colluuiem, dogmata pernicioſa, tartareaque deduceret.

AT QV E hoc est, quod sequitur in Apocalypsi: *Et aperuit puteum abyssi; & ascendit fumus putei sicut fumus fornacis magnæ, & obscuratus est Sol, & aer de fumo putei*. Fumus iustum, qui Lutheri casum consecutus est planè est cæcus, & stupidus, qui non sentit. Antequàm enim stella ista laberetur è cœlo, totus fermè Occidens, vel potius Latina Ecclesia vniuersa, vno Boëmiae angulo excepto, eiusdem fidei & religionis erat, & quocunque aliquis iret, fratres suos continuò agnoscebat. Si quidem omnes versabantur in lumine. Vna erat omnium fides, eadem prædicatione, ijdem ritus Sacramentorum, eadem ieiuniorum, festorumque obseruatio: non erat altare contra altare, nec domus contra domum, sed vbique ad vnum atque idem sacrificium à sacerdotum Principe colligebamur, atque in vnum ouile ab vno pastore congregabamur & ad vbera eiusdem matris Catholicæ Ecclesiæ nutriebamur. At posteaquàm stellæ huius fulgor in tenebras est plangenda conuersione mutatus, & byssi clauē puteum tenebrarum aperuit: tantus est fumus hæresum, schismatum, sectarum exortus, vt iam nec in eadem prouincia, nec in eadem ciuitate, vel domo, vnus alium internoscatur. En quanto miraculo separauit Deus Israëlẽ ab Ægyptijs. Nos enim ad quos Dei beneficio, fumus ille tartareus non peruenit, non solum in Italia, Hispania, Gallia, sed in ipsa etiam Germania, & Britannia, & in vltimis orbis terræ partibus fratres nostros videmus; cùm Ægypti Boreales, quorum terram operuere tenebræ Ægyptijs densiores, & quorum populos caligo feralis inuoluit; in eadem (vt dixi) domo inter se non agnoscant.

OBSCURAVIT quoque hic fumus (vt in Apocalypsi dicitur) Solem & aërem. Nam per Solem, Christum accipiendum esse, qui de se ipse dicit: *Ego sum lux mundi*, per aërem, scripturas, per quas in huius vitæ laboribus quodammodo respiramus, & nostri, & aduersarij, hoc est, & Catholici, & Hæretici libenter admittunt. Et Christum quidem, quàm vehementer fumus iste teterrimus obscurauerit, testis est Transyluania, & finitimæ regiones, vbi à nouis Ebionitis, Samosatenis, & Arianis, qui omnes è Lutheri Gymnasio prodierant, Christi diuinitas palam, ac sine vllis ambagibus abnegatur. Testis Morauia, Hollandia, & nescio quot aliæ nationes, vbi Anabaptistæ, qui & ipsi Luthero, si non parente, certe auo, & maiore gloriantur Christo veram carnem, atque animam suis erroribus adimunt. Testis etiam ipsa Germania, vbi qui veri, ac rigidi Lutherani dici volunt per nouum nescio quod figmentum Vbiquitatis humanam Christi naturam cum diuina confundunt.

NON defuerunt olim Hæretici veteres, qui Christum iustitiæ Solem variis errorum nebulis obscurare tentarunt: sed nulli vnquam liberius, nulli impudentius, nulli horribilius, quàm ij, quos mundo Lutheri schola produxit. Quis enim in antiquis Hæreticis legit, Christum non modò non esse Deum, sed neque adorandum aut inuocandum; eundem etiam de salute desperasse, atque esse damnatum? Vt omittam Cerberos tricipites & tricorpores Geriones Deum fictitium, imaginarium; phantasticon, aliæque id genus nomina blasphemix, quæ pijsissimi scilicet isti Theologi vsurpant, cùm sacrosanctæ Trinitatis arcana explicare, vel potius temerare nituntur. Horror est audire, vel legere, quanta temeritate hoc tempore de Christi mysterijs disputetur; vt iam dubitari non possit, quin isti sibi non leuibz nebulis, sed fumo teterrimo, atque tractabili Christum Solem obduxerint.

PORRÒ scripturas, quæ (vt dixi) per aërem significantur, incredibile dictu est, quàm densis tenebris hic fumus inuoluerit. Tot enim iam extant interpretationes contrariæ, tot commentaria inter se pugnantia, tot lites, & contentiones de intelligentia verbi Dei, vt ea quæ olim clarissima omnibus erant, nunc obscurissima, ac veluti ænigmata quædam esse videantur.

IOANNIS Euangelium quis nescit aduersus Cherinthum, & Ebionem præcipuè scriptum fuisse, qui Christum sempiternum, ac Deum esse negabant? Et quid illis verbis clarius pro Christi diuinitate, atque æternitate dici potest: *In principio erat verbum, & verbum erat apud Deum, & Deus erat verbum*? Et tamen hodie Transyluani locum istum ita suis commentariis peruerterunt, ac deprauarunt vt ex isto ipso loco argumentum ducant, quo probent

Christum

Christum neque esse Deum, neque ante Matrem Virginem extitisse. Quid in re sacramentaria? Dicine potest aliquid planius illis verbis: *Hoc est corpus meum*? At hoc tempore pauca ista verba tam altè in cimmerias tenebras demersa à LUTHERANIS, & ZVINGLIANIS sunt, ut nuper quidam ducentas collegerit horum verborum vel apertas deprauationes, vel inter se dissidentes interpretationes. Exempla generis eiusdem propè innumerabilia possem adferre; nisi me locustæ iamdudum ad se inspiciendas inuitarent.

DE fumo igitur putei prodixisse IOANNES vidit agmina quædam admirabilium, & furentium locustarum, quæ paulò post etiam equorum, & scorpionum, & leonum, & currum volitantium, & hominum armatorum speciem præ se ferrent. PRIMVM locusta sordidum, atque ut ita dicam, ventrosus est animal, totum siquidem eius corpus nihil ferè est, nisi venter. Quocirca nec incedere, nec volare rectè potest, sed saltitando erigit se in sublime quasi volatura, & mox nimio ventris pondere ad terram depressa turpiter cadit. Tales omninò sunt Hæretici LUTHERANI, homines ventri addicti, hostes ieiuniorum, continentiae inimici; & ea de causa nec possunt rectè viuendo per viam mandatorum incedere, neque pennis contemplationis sese ad res cœlestes, ac diuinas intuendas erigere. Nituntur quidem interdum sese attollere, & mores emendare, sed more locustarum continuò iterum cadunt, ac deprimuntur ad terram.

TESTIS esse potest Saxonica visitatio. Nam cùm LUTHERVS animaduerneret aliquando ob euangelicam libertatem à se tot annis prædicatam, omnèsque leges Ecclesiasticas abrogatas, & ipsum decretum publicè in foro exustum, populos Germaniæ iam sine vllò fræno in vitia ruere; quandam instituit visitationem, atque admonuit verbi ministros, ut prædicarent poenitentiam, timorem Dei, obedientiam, opera bona. Sed saltus fuit locustæ, nam nec ipse mores emendauit suos, nec populi pastorum admonitionibus paruerunt. Nec sanè immeritò. Quorsum enim bonis operibus studeant, quibus sufficit vna fides?

PARI ratione conantur plerique eorum per contemplationem volare, & scribunt iam passim libros de tribus personis, de duabus naturis, de vera Christi diuinitate, deque alijs summis fidei nostræ mysterijs, sed interim ita cadunt, ut non tibia tantum, sed etiam caput ad terram allidant. Rari enim admodum sunt apud LUTHERANOS, qui in libris de CHRISTO editis vel Ebionem, aut Atrium, vel Nestorium, vel Eutychetem non sapiant.

HABENT deinde locustæ illud etiam proprium, quod cum rege careant, tamen turmatim incedunt. Sic enim legimus in Proverbijis Salomonis, *Regem locusta non habet, & egreditur vniuersa per turmas suas*. Sic etiam Regem LUTHERANI non habent vllum. Nullum enim esse volunt, qui toti Ecclesiæ cum potestate præsit; neque aliud magis in Catholicis reprehendunt, quàm quod vni omnes obediant, quòdque vnum agnoscant Christi in terris Vicarium, Petri Apostoli successorem, Ecclesiæ vniuersæ patrem, & pastorem. Sed licet Rege careant nouæ istæ locustæ, breui tamen ita propagatæ, atque auctæ sunt, ut turmatim ingenti agmine progrediantur. Quod quidem nonnulli non mediocriter admirantur. Quæ fieri potest (inquiunt) ut doctrina ista noua non sit à Deo, & tamen tot populos, tot prouincias, tot regna tam breui tempore occupauerit? Sed si ita liceat philosophari, magis adhuc mirabimur, cur MAHVMETI Alcoranum in magna parte orbis terræ tam faciliè obtinuerit?

SED nulla est, mihi credite, causa admirationis, cùm & Alcoranum MAHVMETI, & Euangelium LUTHERI, carni, ac sensibus commodissimè accidunt. CHRISTI Euangelium, quod res difficillimas ad credendum, & laboriosissimas ad operandum imperat, quòdque carni, & sanguini penitus aduersatur, piscatorum opera tam felici progressu in toto orbe terrarum breuissimo tempore disseminatum, receptumque fuisse. Verè est admirandum, certissimumque diuinæ potentiae argumentum. At MAHVMETI LUTHERIQUE doctrinam nihil est mirum, & faciliè, & in multis locum reperisse, multa enim eaque difficillima fidei nostræ mysteria sustulit, & simul fræna libidinibus laxauit, & omnibus scelestis hominibus aditum patefecit.

ASPICITE enim qui sint qui ad LUTHERANOS plerumque deficiunt? Gulæ addicti ad eos accurrunt: quòd non sint apud eos statuta ieiunia: incontinentes; quòd apud eos etiam Monachis, & Monialibus matrimonia concedantur; desertores monasteriorum, quòd omnia apud eos vota laxentur, omnia claustra referentur, continentia cum coniugio, cum diuitijs paupertas, obedientia cum licentia commutetur. Homines auari, & ambitiosi, quòd eis Lutherani non solum opes Ecclesiæ, sed etiam personas, & ipsam fidem ac religionem inaudita adulatione subijciant: Itemque otiosi quòd LUTHERI religio sola fide contenta, opera non requirat. Denique improbi, & scelerati omnes, quòd nec peccata sacerdotibus confiteri, nec vlli hominum vitæ suæ rationem reddere teneantur.

ET miramur adhuc si crescat numerus locustarum? Homines enim ita comparati à natura sunt, ut id faciliè, & libenter credant, quòd cupiunt, quòd placet, quòd delectat. Non est

difficile voluptariis, & carnalibus hominibus persuadere, Sacerdotes & Monachos coniugio alligari oportere, continentiam esse rem supra vires, ieiunia superuacanea, delectum ciborum superstitiosum. Non est difficile apud auaros excusare vsuras, apud ambitiosos simoniam, apud lasciuos fornicationem.

Legite Euangelium: *Audiebant* (inquit sanctus Lucas) *omnia hæc Pharisei, qui erant auari, & deridebant eum.* Non credebant Pharisei differenti Domino ac dicenti: *Non potestis Deo seruire, & Mammona.* Quare? quia erant auari, neque à Mammona auelli se patiebantur. Et alio loco ad ambitiosos Dominus: *Quomodo* (inquit) *vos potestis credere, qui gloriam ab inuicem accipitis, & gloriam, quæ à solo Deo est, non queritis?* Non miror (inquit) vos non credere; mirarer si crederetis, quando superbia atque ambitio ita oculos vestros excecavit, vt humilem CHRISTVM, & gloriæ contemptorem agnoscere non possitis. Accepissent sanè Pharisei libenter CHRISTVM, si non crucem, non egestatem, non humilitatem prædicasset, sed primos accubitus in cœnis, primas cathedras in synagogis, salutationes in foro, denique magnas opes, & clarissimos honores hîc in terris suis sectatoribus attulisset.

QVÆ cùm ita sint, nihil est cur quisquam miretur, si tam multi, & tam facile MAHVMETO, ac LVTHERO carnis libertatem prædicantibus manus dederunt. Erant enim utroque tempore, vt ex historicis cognosci potest, mores hominum Christianorum magna ex parte corruptissimi, sacramenta, religiones, disciplina Ecclesiastica contemnebantur, conculcabantur, iacebant: florebant verò, ac vigeabant, vel potius dominabantur, ac regnabant omnia genera vitiorum, vt iam homines sic affecti sanam doctrinam non sustinerent, sed quærerent sibi magistros prurientes auribus. Non fiebant hæretici, quod nemo esset qui hæreses prædicaret. Sed iam erant ipsi ad hæresim suscipiendam præparati. Ligna erant arida, atque ad flammam concipiendam idonea. Expectabatur solum qui ignem excitaret, atque subijceret. Non defuit Satanæ muneri suo, ac per MAHVMETVM in Oriente, per LVTHERVVM in Occidente tantum incendium excitauit, quantum multis annis, & magno labore restingui non poterit. Habemus igitur, cur LOCVSTÆ tam subito propagentur, vt per turmas plenius agminibus gradientur. Videamus nunc, si placent, quibus verbis à spiritu describantur.

AIT igitur Beatus IOANNES, vidisse se in locustis *faciem humanam, capillos muliebres, caudam scorpionum, dentes Leonum, caput corona quasi aurea insigne, pectus lorica ferrea communitum.* Atque addit, *Fuisse eas quasi equos paratos ad prælium, & sonitum alarum ipsarum, quasi currus equorum properantium ad certamen; & habuisse Regem supra se Angelum abyssi, qui dicitur Hebraicè Abaddon, Græcè Apollon, Latine Exterminator.* Percurramus breuiter singula.

FACIES humana, blanda, muliebris, designat initium hæreticæ prædicationis. Nihil enim se docturos affirmant, nisi simplicem veritatem, ac purissimum Dei verbum; nolle se aliquid immutare, vel innouare, sed repurgare tantum nescio quos abusus, ac breuiter doctrinam fidei, & Religionem Christianam ad purissimos fontes Euangelij reuocare. Ita nimirum simpliciores alliciunt, sibi quæ audientiam parant.

CAUDA scorpionis significat exitum lethiferum, ac venenatum. Nam posteaquàm Dei verbum Lutheranus Minister proposuit, continuò illud peruersa interpretatione deprauat, atque ad varios detorquet errores, & eo modo quasi retorta cauda aculeum infigans in audientium mentes lethiferum virus infundit. *Scriptum est* (inquit) *Bibite ex hoc omnes, perperam igitur, & contra Euangelium faciunt, qui calicem Domini non omnibus præbent.* Agnosco Dei verbum, ac veneror: *Bibite ex hoc omnes.* At bone vir, quo tandem verbo Dei probabis, vocabulum (*omnes*) ad omnes omnino homines, & non ad omnes certi alicuius generis pertinere? Alioquin si ita videtur, demus etiam Turcis, Iudæis, Ethnicis, infantibus, morionibus sacrum calicem; nam & isti inter hominès numerantur. *Scriptum est*, inquit, *Honorabile connubium in omnibus.* Ergo in Apostolum peccant qui connubium in laicis venerantur, in Sacerdotibus, & Monachis reprehendunt. Sed si ita est, & in omnibus hominibus connubium honorare oportet, honoremus connubium parentis cum filia, fratris cum sorore, aui cum nepte. Quid quod connubium dixit Apostolus, non sacrilegium? Coniugia verò post solennia vota, non connubia, sed sacrilegia à sanctis Patribus nominantur.

SED pergamus ad cætera. *Dentes Leonum* detractiones sunt, quibus assiduè & litteris, & sermonibus LVTHERANI famam lacerant Monachorum, Sacerdotum, Pontificum, ipsorum etiam Sanctorum, qui cum Deo feliciter regnant. Et sanè detractionibus ita delectantur LVTHERANI, vt eis nutrirî, sustentari, ac viuere videantur. Et tam multa dicunt, & scribunt, quæ nec sunt, nec fuerunt, fortasse etiam numquam erunt, vt videantur omnem penitus sensum pudoris, atque omnem conscientiam exuisse. Certè si ex eorum disputationibus, & concionibus ex commentariis, & libris detractiones detraherentur: sic ab eis tota substantia, & succus omnis abscederet, vt ingentia illa volumina, quibus bibliothecas nunc replent, in pauca folia contrahi possent.

fiam, omnem virtutem, omnem domus Dei decorem, ac pulchritudinem exterminauit.

QVId iam de Purgatorio dicam? ubi non modò pias illas mentes, viuorum suffragiis priuauit, sed ipsum totum Purgatorium funditus euertere, extinguere, exterminare conata est. Sed fortè inferis pepercit? ne suo Regi Angelo Abyssi iniuriam facere videretur. Non ita est. Nam etiam inferos veros, & locales multi Lutheranorum negant, & imaginarios nescio quos inferos ex capite suo fingunt. Vera igitur exterminatrix hæresis hæc dici potest & eo Rege digna, qui Hebraicè ABADDON, Græcè APOLLYON, Latinè EXTERMINATOR appellatur. Et mirum sanè esset, si non etiam LVThERANI ipsi hoc exterminium mirarentur, nisi à tumultu illo putei planè obcæcati fuissent.

SED vna in tot malis consolatio est. Quod vt IOANNES in eodem loco scribit: *Locustæ istæ herbas virides, florentesque arbores non ledunt: sed ligna solum arida, atque ad incendium parata.* LVThERANA etenim secta cum tota carnalis sit, non faciliè viros bonos, & in quorum animis viret, ac floret religio, & pietas fallere potest, & rarò aut nunquam fortassè contingit, vt Ecclesia Catholica deserta ad LVThERANOS transfugerit, qui non antea corruptè, & perditè inter Catholicos vixerit.

CVM areæ ventilari incipiunt non frumenta, sed paleæ vento abripiente separantur ab area. Ita prorsus cum Ecclesia per Ethnicorum persecutiones, vel Hæreticorum deceptiones, Deo permittente, cribratur, aut ventilatur à Satana: non viri sancti, & graues, sed improbi, leues, curiosi, lasciui ab Ecclesia auolantes ad Ethnicos, Hereticosvè transfugiunt, nec ferè solet accidere, vt antè circa fidem aliquis naufraget, quàm naufragare cœperit circa mores. Quare vt hoc tempore improba vita gradus quidam est ad hæresim LVThERANAM, sic etiam contra pestem eandem antidotum præsentissimum, atque optimum erit innocentia vitæ, & studium operum bonorum.



CORONA in capite locustarum superbia atque arrogantia est. Qua sese **LUTHERANI** super omnes efferunt. Extat liber **LUTHERI** ad Ducem Saxonie Georgium; in eo sic ait: *A tempore Apostolorum nullus Doctor aut Scriptor, nullus Theologus, aut Iurisconsultus tam insigniter, & sacrè conscientias secularium statuum confirmavit, influxit, & consolatus est, sicut ego feci. Per singularem Dei gratiam hoc certo scio, quoniam neque Augustinus, neque Ambrosius, qui tamen in hacre optimi sunt, mihi in hoc aequales sunt.* Et rursus in sermone de euerfione Hierusalem: *Tam copiosè, inquit, prædicatum est à nobis Euangelium, ut ne Apostolorum quidem tempore tam clarum fuerit.* Quid quod in libro contra Bullam Leonis X. Summi Pontificis, audet homo priuatus Pontificem Maximum, cum vniuersa quæ illi paret Ecclesia excommunicare? Quis vnquam legit, vel audiuit, Episcopum à presbytero, ne dicam summum Pontificem à Monacho excommunicari potuisse? Exhorruit quondam Chalcedonense Concilium Dioscori audaciam, qui Concilio Ephesino secundo, præfident, Leonem primum Pontificem excommunicare præsumperat. At quæ comparatio esse potest inter Dioscorum Patriarcham secundæ sedis generali Concilio præfidentem; & Lutherum priuatum Monachum in suo cubiculo delirantem? Quid quod non modò **LUTHERVS**, & **CALVINVS** nihil faciunt mille Cyprianos, & mille Augustinos, sed etiam quiuis eorum minister, pro asinis, & stipitibus ducit omnes Catholicos?

ERANT autem coronæ illæ quasi aureæ, id est, aureæ videbantur, sed non erant; simulant enim se Deizelo ad ea quæ dicunt incitari, cum tamen nihil minus, quàm zelum Dei nouerint. Vel ideo coronæ dicuntur quasi aureæ, quia magnis se nominibus ornant, cum se Prophetas, Euangelistas, Helias tertios, Repurgatores doctrinæ, Instauratores fidei, ac religionis, appellant: cæterum solo fulgore, ac sonitu insignium vocabulorum, cum in re nihil subfit, inaniter gloriantur.

PECTVS lorica ferrea armatum obstinationem designat. **LUTHERANI** siquidem, sed magis adhuc **CALVINISTÆ**, & maximè omnium **ANABAPTISTÆ** ita animum obdurant, atque obfirmant; ita pectus obstinatione, & pertinacia muniunt, ut quamuis apertissimè conuincantur, malint tamen millies mori, quàm ab errore recedere.

IAM verò similitudo equestris, qui parati videbantur ad bellum, signum est audaciæ, ac temeritatis. Si quis **LUTHERVM** audiat, putabit omnino se Goliath Philistæum, vel Thrafonem quempiam audire: *Adeste* (inquit in assertionem art. 25.) *adeste adhuc omnes Papiste in vnum; constate studia vestra omnia in vnum, si fortè possitis hoc vinculum dissoluere.* Et ibidem: *Hanc ratiunculam, inquit, neque solunt, neque soluent vnquam omnes Papiste in vnum Chaos confusi.* Sed quàm temerè gloriosus miles ista effutierit, Episcopus Roffensis beatissimus Martyr ostendit, qui vincula illa Lutheri iudicio indissolubilia, tanquam fila araneorum momento dissoluit.

PORRÒ volantes currus miram indicant velocitatem, qua noua ista secta instar pestiferæ tabis sese per varias regiones effudit. Nam non contenta Occiduis, & Aquilonaribus regnis, ad Orientem quoque, & Meridiem, ad Græcos, ad ipsum nouum orbem nauigare ausa est; quam & à Græcis cum ignominia repulsa fuit, & apud Indos non permisit Dominus, ut vestigium figere posset. Neque enim tam horribile flagellum innocens illa, ac tenera Christi Ecclesia merebatur.

Ad extremum: *Regem supra se locusta habere dicuntur Angelum Abyss.* Nam etsi Regem aspectabilem, & corporalem **LOCUSTÆ** non habent, ut supra ex Salomone docuimus; inuisibili tamen Rege, velint nolint, catere non possunt. *Ipsè est enim* (ut ait S. Iob) *Rex super omnes filios superbiæ: in filiis autem superbiæ principem locum Hæretici tenent.*

PORRÒ Exterminator dicitur Rex locustarum, quod per nullam vnquam hæresim, aut persecutionem Satanas Ecclesiam ita vastare, atque ad vltimum exterminium vocare conatus sit, ut hoc tempore fecit per **LUTHERANOS**. Cæteræ hæreses caput aliquod religionis petebant, sed ordinem, ac disciplinam, aliæque vel munimenta, vel ornamenta Ecclesiæ pro viribus conseruabant. Hæresis **LUTHERANA** partim per se, partim per suas proles, **CONFESSIONISTAS**, **ZVINGLIANOS**, **ANABAPTISTAS**, **LIBERTINOS**, **SAMOSATENOS**, **ARRIANOS**, **VBIQVISTAS**, omnia omnino Ecclesiæ bona in iis locis, vbi grassari potuit, instar sæuæ grandinis prostrauit, dissipauit, perdidit, exterminauit.

PERCVRRIT etiam cælum, terras, purgatorium, gehennam. Quid est in cælo? **DEVS CHRISTVS**, Angeli, Beati. Quid in his intactum reliquerunt? planè nihil. Deum spoliarunt Trinitate, Christum Deitate, & humanitate; sanctos homines beatitudine, eosdem cum Angelis omni cultu, & veneratione.

AB Ecclesia quæ est in terris, quid non abstulit **LUTHERANA** tempestas? magnam partem Scripturæ, omnia penè Sacramenta, omnes traditiones, sacerdotium, sacrificium, vota, ieiunia, festos dies, templa, altaria, reliquias, cruces, imagines, vno verbo monimenta omnia pietatis, leges Ecclesiasticas, disciplinam, atque ordinem vniuersum, populorum erga principes obedientiam, principum erga inferiores potestatem, denique omnem mode-



DISPUTATIONVM
DE CONTROVERSIIS
CHRISTIANAE FIDEI
aduersus nostri temporis hæreticos,

TOMVS QVARTVS.
CONTROVERSIA PRIMA GENERALIS.

DE GRATIA GENERI HVMANO IN
PRIMO PARENTE COLLATA,
vnico libro explicata.

INDEX LIBRORVM

TOMI QVARTI.

Tomus Quartus tres habet Controuersias generales. VNAM de gratia generi humano in primo patente collata. ALTERAM de amissione gratiæ, & statu peccati. TERTIAM de reparatione gratiæ, per Iesum Christum Dominum nostrum.

Prima Controuersia generalis.

De gratia primi hominis liber vnus.

Secunda Controuersia generalis.

De amissione gratiæ, & statu peccati libri sex.

- CAP. I. De definitione & partitione peccati, vbi etiam de peccato mortali & veniali.
 II. De causa peccati, ac præsertim an Deus sit causa peccati.
 III. De peccato primi hominis.
 IV. De propagatione primi peccati.
 V. De natura & ratione peccati originalis.
 VI. De pœna & effectibus eiusdem peccati.

Tertia Controuersia generalis.

De Reparatione gratiæ tres sunt Controuersia principales. VNA de gratia & libero arbitrio. ALTERA de iustificatione impij. TERTIA de bonis operibus & fructibus iustificatorum.

Prima Controuersia principalis.

De gratia & libero arbitrio libri sex.

- LIBER I. De gratia in genere, id est, de nomine, definitione, & partitione gratiæ.
 II. De communicatione gratiæ, & de prædestinatione.
 III. De naturali liberi arbitrij, actu, subiecto, & objecto, &c.
 IV. De viribus liberi arbitrij, & gratiæ necessitate in operibus naturalibus.
 V. De viribus liberi arbitrij, & gratiæ necessitate in operibus moralibus.
 VI. De viribus liberi arbitrij, & gratiæ necessitate in operibus supernaturalibus.

Secunda Controuersia principalis.

De iustificatione impij libri quinque.

- LIBER I. De fide iustificante, siue de præparatione ad iustificationem.
 II. De iustitia inhærente habituali.
 III. De incertitudine, inæqualitate, mutabilitate iustitiæ.
 IV. De necessitate, & veritate iustitiæ actualis.
 V. De meritis operum bonorum.

Tertia Controuersia principalis.

(. . .)

De operibus bonis in particulari libri tres.

- LIBER I. De oratione.
 II. De ieiunio.
 III. De eleemosyna.

(. . .)

DE GRATIA PRIMI HOMINIS, LIBER VNVS.

CAPVT PRIMVM.

*Proponitur controuersia, fuerit necne primus homo cum dono
aliquo supernaturali conditus.*



CVM in hac postrema nostri operis parte de gratia humano generi in primo nostro parente collata, deque eius gratiæ per peccatum eiusdem primi hominis amissione, ac demùm de gratiæ per Iesum Christum Dominum nostrum reparatione propositum nobis sit (Deo bene iuuante) disserere; ratio ordinis postulat, vt ab eo quod primo loco positum est, disputandi principium faciamus.

Igitur de gratia primi hominis disputaturus, ac de gratia triplici, videlicet de gratia Animæ, quæ dicitur iustitia originalis; de gratia Corporis, id est, de corporis immortalitate; de gratia Loci, hoc est, de Paradiso, ab ea quæstione ducemus exordium, quæ naturæ ordine cæteras antecedit. Est autem ea quæstio: *Utrum primus homo cum dono aliquo supernaturali conditus fuerit.* In qua quæstione, ex vno eodemque principio Pelagiani, ac Lutherani in contrarias pugnantisque sententias abierunt.

Pelagiani enim cùm in primo homine nullum supernaturale donum, sed naturales tantùm facultates agnoscerent, & simul animaduertent, nihil in homine nunc desiderari, quod ad naturam humanam constituendam requiratur; in eam sententiam venerunt, vt existimarent per Adami peccatum nihil omninò homines perdidisse, talemque nunc quoque humanam esse naturam, qualem initio primus homo de manu Conditoris acceperat.

Contrà Lutherani, cùm pro comperto habeant, hominem per lapsum primi parentis factum esse deteriore, & cùm nulla supernaturalia dona (in quo cum Pelagianis conueniunt) in primo homine fuisse contendunt, eò venire compulsi sunt, vt dicant aliquid naturale, quale in primis est liberum arbitrium, naturæ hominis nunc deesse.

Porro Catholici Doctores, qui multis supernaturalib. donis primum nostrum parentem initio creationis ornatum fuisse non dubitant, duos illos errores sine vlla difficultate declinant. Docent enim per Adæ peccatum totum hominem verè deteriorem esse factum, tamen nec liberum arbitrium, neque alia naturalia dona, sed solum supernaturalia perdidisse.

Erroris Pelagianorum testis est S. August. qui tum in lib. de hæres. cap. 88. tum apertius in epist. 106. ad Paulinum, scribit, sensisse Pelagianos talem omninò conditam fuisse primum hominem, quales nunc cæteros homines nasci videmus. nasci autem nunc homines sine vllis supernaturalibus donis, extra controuersiam est.

In eodem principio cum Pelagianis conuenire Lutheranos, cæterosq; huius temporis hæreticos facile demonstrabimus. Ioan. enim Calvinus in 1. li. Instit. c. 15. §. 8. describens primi hominis conditionem, nullam mentionem facit supernaturalium donorum, in eoq; ponit discrimen inter naturam humanam, qualis initio fuit, & qualis nunc eo carcat. Ergo, inquit, *animam hominis Deus mente instruxit, quæ bonum à malo, iustum ab iniusto discerneret, ac quid sequendum, vel su-*

A giendum sit, præcunte rationis luce videret. Hinc adiunxit voluntatem, penes quam est electio. His præclaris donibus excelluit prima hominis conditio. Et paulò post: *In hac integritate libero arbitrio pollebat homo, quo si vellet, adipses posset vitam æternam.*

Hanc autem integritatem fuisse primo homini naturalem, declarat idem Calu. in verbis sequentibus, vbi describit eiusdem primi hominis lapsum: *Hinc tanta, inquit, Philosophis objecta caligo, quod in ruina adificium, & in dissipatione aptas iuncturas quærebant. Principium illud tenebant, non fore hominem rationale animal, nisi inesset libera boni & mali electio. Veniebat etiam illis in mentem, aliqui tolli discrimen inter virtutes & vicia, nisi proprio consilio vitam homo institueret. Probè quidem hæ-*

B *tenus, si nulla fuisset in homine mutatio, quæ dum ipsos latuit, nihil mirum si cælum terræ miscant; qui verò Christi se discipuli esse professi, in homine perditio, & in spirituale exitium demersa, liberum arbitrium adhuc quæruunt, inter Philosophorum placita, & calidam doctrinam partem do planè desipiunt, vt nec cælum, nec terram attingant. Quibus verbis dum faceret Calvinus rectè à Philosophis indicatum esse non fore hominem rationale animal, nisi inesset libera boni & mali electio, satis apertè significat, ad naturam hominis pertinere, vt insit in eo libertas arbitrij, quemadmodum ad naturam eiusdem hominis pertinet vt sit animal rationale. Quare cùm mutationem quæ per peccatum facta est, Calvinus in liberi arbitrij amissione constituat, efficitur, vt integritatem illam, in qua primus homo conditus fuit, omninò naturalem fuisse Calvinus affirmet.*

C Sed multò adhuc apertius Martinus Lûcherus rem eandem asseruit in comment. ad 3. c. Gen. Differens enim de originali iustitia primi hominis, ita concludit: *Quærestatimamus iustitiam non fuisse quoddam donum, quod ab extra accederet, separatim à natura hominis, sed fuisse verè naturalem, vt natura. Adæ esset diligere Deum, credere Deo, agnoscere Deum; hæc tam naturalia fuisse in Adamo, quàm naturale est, quod oculi lumen recipiunt. Et infra: Porro, inquit, hæc probant, iustitiam esse de natura hominis, ea autem per peccatum amissa, non mansisse integra naturalia, vt Scholastici delirant.*

D Neque opus erit in aliorum hæreticorum sententijs referendis laborare; tum quod Lutherum, vel Calvinum penè omnes pro summis doctoribus habeant; tum etiam quoniam quotquot sunt ab Ecclesia Catholica ob Lutheri dogmata separati, luctam illam carnis ac spiritus, quam omnes experimur, verè proprièq; peccatum esse definiunt, quamuis homo sit iustus, & concupiscentiæ motibus itrenuè repugnet. Ex eo verò id sequitur, vt non potuerit homo, ex eorum sententia, talis initio condi, qualis nunc nascitur, quia videlicet semper ac necessarîo ex ipsa sui institutione peccaret, ac per hoc eius peccata in auctorem naturæ Deum refunderentur. Originalis igitur iustitia, quæ rebellionem illam carnis coërebant, ex aduersariorum sententia, ad naturalem hominis constitutionem, non ad dona supernaturalia pertinebat. Huc etiam referri debent articuli qui-

quia nondum libido membras illas preter arbitrium commouebat, nondum ad hominis inobedientiam redarguendam sua inobedientia caro quodammodo testimonium perhibebat.

S. Bernardus serm. 1. de Annunc. Nonne, inquit, contrariam legem inuenerat in membris suis, quos de nouo pudore cæperat nuditatis? Neque his dissimilia scribunt Chrysost. Eucherius, Rupertus & alij in comment. 2. c. lib. Gen. Greg. Nazianzenus orat. 2. de Pascha, & Cyrillus Alexandr. lib. 3. in Julian. Huc etiam pertinet illud Apostoli Rom. 7. Jam non ego operor illud, sed quod habuit in me peccatum. Vocat enim peccatum rebellionem carnis, quia ex peccato nata fuerat. Ex quo sequitur, ut Adam ante peccatum rebellionem illa caruerit, sine qua nullus iam hominum nascitur. Præterea, Creauit Deus initio hominem rectum, ut legimus Eccles. 7. & secundum se vestit illam virtute, Eccles. 17. Nunc autem, sumus natura filij iræ, ut ait Apost. ad Ephes. 2. Non igitur tales nunc nascimur, qualis initio primus homo conditus fuerat.

Ad hæc, *Ecce Deus hominem inexterminabilem*, Sap. 2. & idè ad præcepti custodiam poenam illam comminatus fuerat, *Quacunque die comederis, morte morieris*, Genes. 2. Quare cum nunc ex ipso ortu mortis debitum circumferamus, neque vllus sit qui mortis imperium effugere queat, certè sequitur longè deterioris conditionis esse hominum propagationem, quam fuerit prima creatio.

Deniq; planè felicem fuisse vitam duorum illorum hominum, qui Paradisum voluptatis ante peccatum securi incolebant, breuiter indicat Scriptura diuina 2. c. lib. Gen. quod paulò fultus his verbis explicat S. August. lib. 14. de ciuit. Dei, c. 22. Quid, inquit, timere vel dolere poterant illi homines, quorum affluentia bonorum, ubi nec mors metuebatur, nec illa corporis mala valetudo, nec aberat quicquam quod bona voluntas adipisceretur, nec inerat quod carnem animamve hominis feliciter viuientis offenderet? Et infra: Quam felices erant primi homines, & nullis agitabantur perturbationibus animorum, nullis corporum ladebantur incommodis: tam felix vniuersa societas esset humana, si nec illi malum, quod in posteros transiret, nec quisquam ex eorum stirpe iniquitatem committeret, quæ damnationem reciperet. Vide copiosiorè descriptionem felicitatis primorum hominum apud Prosperum in 2. li. de vita contemplatiua, cap. 18. At nunc tantam experimur omnes corporis animique miseriam, ut Apost. exclamet Rom. 7. Infelix ego homo, quis me liberabit de corpore mortis huius? Et ante eum Eccl. c. 40. Graue iugum super filios Adam à die exitus de ventre matris eorum usque in diem sepulture in matrem omnium. Et Iob adhuc antiquior: Homo (inquit c. 14.) natus de muliere, breuis viuens tempore, repletur multis miserijs, qui quasi filios egreditur, & conteritur, & fugit velut umbra, & nunquam in eodem statu permanet. Vide plura de hac re in 3. lib. de peccato originali, ubi differimus de pœna, & consequentib. malis peccati originalis.

CAPVT III.

Primum hominem gratiam gratum facientem in creatione accepisse.

SEQVITVR nunc altera propositio: Primus homo non quamlibet animi rectitudinem, sed ipsam etiam gratiam gratum facientem in creatione accepit. Non desunt quidem Theologi, qui iustitiam originalem primo parenti in creatione concessam, separant à gratia gratum faciente, ac doceant accepisse Adamum initio habitum quendam, qui partem inferiorem superiori subijceret, non tamen accepisse gratiam illam gratum facientem, quæ filios & amicos Dei efficit, quæque ad vitam æternam promerendam necessaria est. In qua sententia videtur fuisse Petr. Lombard. in 2. li.

Sent. dist. 24. & qui eum sequitur, Io. Scotus, & alij quidam. Nos Alber. Magnum in comment. eiusdem dist. & S. Tho. 1. par. q. 95. art. 1. & alios sequimur, qui iustitiam originalem cum gratia gratum faciente ita coniungunt, ut obedientia partis inferioris ad superiorem à gratia gratum faciente, quæ partem superiorem Deo obloquentem reddebat, veluti à fonte & radice dependeat, siue autem gratia gratum faciens, dicenda sit pars originalis iustitiæ, siue tantum radix, & causa, non multum referre videtur. Quare id solum probare aggrediemur, primum parentem nostrum cum gratia gratum faciente conditum fuisse.

Ac primum diuinæ litteræ satis aperte hoc indicant, cum dicunt nos per Christum renouari ad eam iustitiam in qua initio conditi sumus: *Renouamini* (inquit Apost. ad Eph. 4.) *spiritu mentis vestre, & induite nouum hominem, qui secundum Deum creatus est in iustitia & sanctitate veritatis*. Qui renouari iubetur, fuit aliquando nouus; quod si renouatio consistit in eo, ut induamus hominem Christo similem, creatum secundum Deum in iustitia & sanctitate veritatis, fuimus igitur aliquando, videlicet in primo nostro parente, homines noui, conditi secundum Deum in iustitia & sanctitate veritatis. Dicit autem B. Paulus, *Renouamini spiritu mentis vestre*; tum ut intelligamus in Adamo non solam carnem, sed etiam mentem nostram fuisse vitiatam per amissionem gratiæ, tum quia non renouamur in hoc mundo ad eam innocentiam quæ fuit in carne primi hominis, sed solum ad eam quæ fuit in mente, expectantes interim redemptionem corporis nostri, ut idem Apost. ait ad Rom. 8.

Similis locus est in epist. ad Col. *Nolite* (inquit B. Paul.) *mentiri inuicem, expoliantes vos veterem hominem cum rebus suis, & induentes nouum, tum qui renouatur in agnitionem, secundum imaginem eius qui creauit illud*. Homo qui renouatur in agnitionem secundum imaginem Dei, ad quam initio conditus fuerat, animus noster est, qui per Christi gratiam quotidie proficit in agnitione Dei & sanctitate ac iustitia, & eo modo renouatur in eo diuina imago, quæ per peccatum obscurata fuerat. Ex quo sequitur ut ante vetulatem & obscurationem istam fuerit in homine agnitio Dei & sanctitas, atq; adèd noua & splendidissima Dei imago.

Neque absimilis est locus ille ex posteriore epist. ad Cor. c. 4. *Sed licet is qui foris est noster homo corrumpitur, tamen is qui intus est renouatur de die in diem*.

Præter hæc testimonia Scripturæ diuinæ, habemus testimonia Concilij II. Arausiaci, canone 19. in hæc verba: *Natura humana etiam si in illa integritate, in qua condita est, permaneret, nullo modo seipsam Creatore suo non adiuvante, seruaret; unde cum sine gratia Dei salutem non posset custodire quam accepit, quomodo sine Dei gratia poterit reparare quod perdidit?* Ex quo loco colligimus, nos cum per Christi gratiam iustificamur, id reparare quod in Adamo perdidimus; reparamus autem gratiam gratum facientem, qua filij Dei per adoptionem efficiamur, hanc igitur gratiam perdidimus in Adamo.

Concilium Trid. sess. 5. in decret. de peccato originis, sic ait: *Si quis non confiteatur primum hominem Adam cum mandato Dei in Paradiso fuisse transgressum, statim sanctitatem & iustitiam in qua constitutus fuerat, amisisse, &c. anathema sit*. Et paulò infra: *Si quis Adam per amissionem sibi soli, & non eius propagini asserit nocuisse, & acceptam à Deo sanctitatem & iustitiam quam perdidit sibi soli, & non nobis etiam cum perdidisse, &c. anathema sit*. Fuit igitur Adam in Paradiso non solum iustus, sed etiam sanctus; sanctos autem non facit nisi Spiritus sanctus per gratiam inhabitans corda hominum, ut S. Basil. docet in lib. de Spiritu sancto, ad Amphilochem, c. 16.

mali exponit illa verba Genes. *Factus est homo in animam viventem*, de corpore spiritali, adjungit ipse, *Secundus homo factus est in spiritum vivificantem*. Et hæc est expositio Chrysostomi, Theophylacti, Ambrosij, Anselmi, Thomæ, & aliorum in comment. eius loci, & S. Augustini in epist. 146. & lib. 13. de civ. Dei, cap. 2. & 23. quamvis autem corpus Adam in Paradiso animale fuerit, potuit tamen animus eius spiritalis esse, ut reuera fuit per Spiritum sanctum in eius pectore habitantem.

CAPVT IV.

Non eguisse primum hominem, in statu innocentie, auxilio speciali, quo excitaretur ad bene operandum, vel ad vitanda peccata.

VT melius intelligatur qualis fuerit gratia primi hominis in statu innocentie, sit propositio tertia. *Primus homo iustitia originalis, & habitu gratia gratum facientis ornatus, non eguit auxilio speciali, quo excitaretur ad bene operandum, vel ad vitanda peccata.* Hæc propositio sic explicatur.

Quatuor dona Dei possunt in homine considerari. **PRIMUM**, est habitus gratiæ naturam perficiens, ut pars inferior superiori, & superior Deo subiecta maneat. **SECUNDUM**, conseruatione eius habitus; est enim commune omnibus rebus creatis, ut permanere non possint, nisi Deo eas perpetuò conseruante. **TERTIUM**, cooperatio Dei cum homine per auxilium generale in operibus naturalibus, & speciale in supernaturalibus. Neque enim possunt secundæ causæ operari, nisi cooperante cum eis prima causa. **QUARTUM**, est motio quædam Dei per auxilium excitans, quæ facit hominem uti prioribus donis. Priora enim tria dona, non præstant homini ut operetur, sed tantum ut possit operari si velit; quartum autem donum facit hominem velle, & operari. Id quod explicat S. August. in lib. de corrept. & gratia, cap. 12. & li. 14. de civ. Dei, cap. 27. per similitudinem alimentorum. Sicut enim qui præbet homini cibos, & relinquit in eius arbitrio, ut comedat si velit, non præstat ei ut viuatur, sed ut possit viuere si velit; qui vero non solum alicui cibos præbet, sed etiam ipsos in os eius infundit, is non tantum præstat posse viuere, sed etiam viuere. Sic & Deus per habitum gratiæ infusum, & eius habitus conseruationem, & per hoc quod promptus est ad cooperandum, dat homini posse bene operari si velit, non tamen dat velle: at speciali illa motione & excitatione uti faciens habitum gratiæ, dat velle, & operari.

Iam igitur primus homo habuit tria priora dona, quarto non eguit, neque illud habuit; nos post lapsum eius indigemus omnibus, & omnia de Dei benignitate per Christi merita obtinemus. Ratio huius discriminis est, quia primum donum in Adamo non solum mentem subijciebat Deo, sed etiam carnem spiritui, ut supra diximus, proinde non impediabatur, nec retardabatur Adam à bono opere, neque ad peccandum incitabatur per carnalem concupiscentiam; in nobis autem primum illud donum mentem subijcit Deo, sed non carnem spiritui, ideo propter carnales illecebras, quæ assidue vel incitant ad peccatum, vel à bono retardant, delibescunt; ac dormitantes efficiunt, egemus auxilio excitante, dirigente, ac protegente.

Hæc omnia ex doctrina S. Augustini confirmari possunt. Ac **PRIMUM** datum fuisse Adamo donum gratiæ, quod carnem spiritui, & spiritum Deo subijceret, ex multis testimonijs supra probauimus, & insigne est testimonium illud lib. 4. in Iulian. cap. vlt. *Gratia Dei magna ibi erat, ubi terrenum & animale corpus bestialem libidinem non habebat.*

A Deinde indignis Adamum **SECUNDO** illo dono, quo conseruationem primi boni diximus contineri, perspicuum est ex lib. 8. de Gen. ad lit. cap. 12. ubi sic legimus: *Neque tale aliquid est homo factus, ut discedente eo qui fecit, possit aliquid agere bene tanquam ex seipso, &c.* Et ponit similitudinem: *Sicut, inquit, aer præsentelumine non factus est lucidus, sed fit; quia si factus esset, non fieret, sed etiam absente lumine lucidus maneret: sic homo Deo sibi præsenteluminatur, absente autem continuo tenebratur, à quo non locorum interuallis, sed voluntatis auersione disceditur.*

B **TERTIO** autem dono, id est, cooperatione diuina, siue auxilio adiuuante, præter gratiam habitualement, opus habuisse Adamum, indicat S. August. illis verbis in lib. de natura & gratia, cap. 26. *Sicut oculus corporis etiam plenissime sanus, nisi candore lucis adiutus, non potest cernere: sic homo etiam perfectissime iustificatus, nisi æterna luce iustitiæ diuinitus adiungetur, recte non potest viuere.* Neque subtilius inquirendum est hoc loco, quomodo lux cooperetur oculo ad videndum. Siquidem S. August. in eo solo similitudinem constituit, quod sicut oculus perfectissime sanus, non potest cernere, nisi extrinsecus adiuuetur: sic etiam homo plenissime iustificatus, non potest bene viuere, nisi extrinsecus illi adsit cooperatio omnipotentis boni. Neque illud mouere nos debet, quod paulò ante à luce similitudinem duxerit August. ad probandam conseruationem, nunc ab eadem luce similitudinem petat ad probandam cooperationem. Nam variæ sunt rerum earundem proprietates, & ideo ab iisdem rebus variæ similitudines trahuntur, prout materia de qua disseritur, locus, tempus, occasio postulant. Sed habemus alia loca præterea ad eam eandem comprobendam. In epist. 106. *Natura humana, si in illa integritate, in qua condita est, permaneret, nullo modo seipsam Creatore suo non adiuuante seruaret.* Et in Enchir. cap. 106. *Esi peccatum in solo libero arbitrio erat constitutum, non tamen iustitiæ retinenda sufficiebat liberum arbitrium, nisi participatione immutabilis boni diuinum adiutorium præberetur.* Et in lib. de corrept. & gratia, cap. 11. *Tunc ergo dederat homini Deus bonam voluntatem, in illa quippe eum fecerat, qui fecerat rectum, dederat adiutorium, sine quo in ea non posset permanere, si vellet, &c.* Denique in lib. 14. de ciuit. Dei, cap. 27. *Cur non permitteret Deus, ut ab illo primus homo tentaretur, quandoquidem sic erat institutus, ut si de adiutorio Dei fideret, bonus homo malum Angelum vinceret; si autem Creatorem, atque adiutorem Deum superbe sibi placendo desereret, vinceretur.*

C **QUARTO** dono, id est, auxilio excitante & suadente interius, non eguisse, atque ob id carnis Adamum, facile potest intelligi primum ex illis verbis S. Aug. de corrept. & grat. c. 11. *Ille non opus habebat eo adiutorio, quod implorant isti cum dicunt: Video aliam legem in membris meis, &c.* Deinde ex eo quod idem S. Aug. dicit in lib. de bono perseuerantiæ, cap. 7. ubi querit, An possit homo non peccare, id est, perseuerare in bono, resistere omni tentationi, seruare omnia madata, &c. & respondet: *Non est hoc in viribus liberi arbitrij, quales nunc sunt: fuerat in homine antequam caderet.* Et in lib. 3. Hypognost. circa principium: *Respondemus, inquit, neminem posse per se sibi, id est, per liberum arbitrium implere quod vult: recte dicimus, nisi protoplastam solum potuisse, cum voluntas liberi arbitrij fuisset sana et ante culpam.* Et infra loquens de sanitate liberi arbitrij: *Ipsa, inquit, est prima gratia, qua primus homo stare potuisset, si mandata seruare voluisset.*

D In his locis S. Aug. non significat fuisse in viribus liberi arbitrij, ante lapsum Adæ, perseuerare in bono sine vlla Dei gratia, id enim repugnat plurimis testimonijs paulò ante adductis; neque significat post la-

psum Adæ non esse in viribus liberi arbitrij, adjuncta gratia Dei perseverare in bono: sed significat, fuisse in statu innocentie in viribus liberi arbitrij perseverare in bono, quia ipsa etiam gratia, sine qua perseverare non potuisset, erat in potestate liberi arbitrij: nam gratia habitualis iam illi aderat, eaque uti poterat cum volebat; conservatio quoque gratiæ non deerat, nec defutura erat, nisi ipse sponte à Deo recedere voluisset; cooperatio divina promptissima erat, sed in actu primo (ut sic loquar) illi assistens, non in actu secundo, nisi cum ipsi Adamo operari aliquid libuisset.

Dicitur autem post lapsum Adæ in viribus liberi nostri arbitrij non esse perseverare in bono, quia præter gratiam habitualement, conservacionem, & cooperacionem in actu primo, egeamus ob naturæ corruptionem vocatione, & suasionem interna, quæ non est in nostra potestate; quamvis enim consentire vocationi sit in nostra potestate, tamen ipsum vocari, & præsertim sic vocari, ut Deus videt nobis aptum, congruumque esse, ut vocationi non resistamus, sine dubio non est in nostra potestate. Sed de his plura suo loco dicemus. Illud hic satis est didicisse ex doctrina S. August. non eguisse Adamum vlla gratia, præter eam quæ illi semper aderat, quæque quodammodo in eius erat potestate. Quocirca in lib. de corrept. & grat. ca. 12. & lib. 14. de civit. Dei, cap. 27. comparat gratiam, & omnia auxilia concessa primo homini, cum alimentis quibus utimur si volumus, non utimur si non volumus. Et in iisdem locis sæpius repetit, habuisse primum hominem gratiam, quæ posset perseverare si vellet, ut autem vellet, relictum fuisse in eius libero arbitrio. Neque ab hac sententia dissentiunt Theologi Scholastici, ut videre est apud Magistrum in lib. 2. Sent. dist. 24. §. 4. S. Bonavent. in eadem dist. q. 2. Greg. Ariminensem, dist. 29. q. 1. art. 1. conclus. 3. & S. Tom. in 1. 2. q. 109. art. 9.

CAPUT V.

Supernaturale donum fuisse rectitudinem, quam primus homo in creatione accepit.

PROPOSITIONEM primam, secundam, & tertiam, quæ erat adversus Pelagianos, satis (ut opinor) pro instituta brevitæ probavimus. Nunc postrema contra Lutheranos asserenda & confirmanda est.

QUARTA igitur propositio hæc esse potest: *Rectitudo illa cum qua Adam creatus fuit, & sine qua post eius lapsum homines omnes nascuntur, donum supernaturale fuit.* Hæc est adversus hæreticos huius temporis. Sed antequam probetur, explicanda est.

Sciendum est igitur PRIMO, hominem naturaliter constare ex carne & spiritu, & ideo partim cum bestiis, partim cum Angelis communicare naturam, & quidem ratione carnis & communionis cum bestiis, habere propensionem quandam ad bonum corporale, & sensibile, in quod fertur per sensum, & appetitum, ratione spiritus & communionis cum Angelis, habere propensionem ad bonum spirituale, & intelligibile, in quod fertur per intelligentiam & voluntatem. Ex his autem diversis, vel contrariis propensionibus existere in uno eodemque homine pugnam quandam, & ex ea pugna ingentem bene agendi difficultatem, dum una propensio alteram impedit.

Sciendum SECUNDO, divinam providentiam initio creationis ut remedium adhiberet huic morbo, seu langori naturæ humanæ, qui ex conditione materiæ oriebatur, addidisse homini donum quoddam insigne, iustitiam videlicet originalem, quæ veluti aureo quodam fræno pars inferior parti superiori, & pars superior Deo facile subiecta contineretur. Sic au-

tem subiectam fuisse carnem spiritui, ut non posset ipso invito moveri, neque ei rebellis fieri, nisi ipse fieret rebellis Deo; in potestate tamen spiritus fuisse, rebellem Deo fieri, & non fieri.

Sciendum TERTIO, multis modis dici aliquid naturale. PRIMVM enim naturale dicitur id omne quod habetur à natiuitate, quæ significatione dicimur naturæ filij iuxta, Ephes. 2. & hoc modo iustitiam originalem fateamur dici posse naturalem. Sed hæc significatio ad questionem præsentem non pertinet, propterea quod naturale hoc modo acceptum non opponitur supernaturali, cum tam naturalia, quam supernaturalia dona possint haberi à natiuitate, ut notum est.

SECUNDO, naturale dici potest id, quod est naturæ consentaneum, quodque eam non destruit, sed ornat, ac perficit. Quæ notione S. Aug. lib. de spiritu & littera, cap. 27. dictum esse docet ab Apost. *Genes quæ legem non habent, naturaliter quæ legi sunt, faciunt*, Rom. 2. Quia enim vitium est contra naturam, gratia verò sanat naturam, cum ex gratia lex impletur, naturaliter impleri non ineptè dici potest. Cæterum de naturali hoc modo accepto, nulla questio est, cum eiusmodi naturale non supernaturali, sed ei quod est contra naturam opponatur, & non solum iustitia originalis, sed etiam donum quodcumque, & ipsa etiam vita æterna hoc modo dicenda sit naturalis.

TERTIO, dicitur naturale, quod tametsi donum sit gratuitum, tamen naturam iuvat, ac perficit in operibus naturalibus, neque eam eleuat ad opera vlla supernaturalia. Et hoc modo iustitia originalis, si distincta esse intelligatur à gratia gratum faciente, donum naturale dici potest, ut loquitur Andreas Vega lib. 2. in Concil. Trid. cap. 11.

QUARTO, naturale vocatur, quod aut est pars naturæ, aut fluit à principiis naturæ. Quæ significatione corpus & animus, facultates quoque tum sentiendi, tum intelligendi, & operationes quæ ab iisdem facultatibus exercentur, naturalia esse dicuntur. Atque hæc est significatio de qua hoc loco propriè disputamus, & naturali hoc modo considerato, valde propriè opponitur supernaturale.

Potest autem duobus modis dici aliquid supernaturale, per se, & per accidens. Per se dicitur supernaturale, quod ex genere suo non est aptum fluere ex principiis naturæ, qualis fuit ascensio Helix igneo curru in cælum, robur Samsonis, & alia id genus. Per accidens supernaturale vocatur, quod interdum obtinetur diuino miraculo, licet alioqui ex naturæ principiis fluere soleat. Talis fuit sensus videndi, quem Dominus cæco nato restituit; sapientia diuinitus Salomoni tributa, & alia non pauca, quæ in Scripturis leguntur.

Iam igitur adversarij censent, rectitudinem illam in qua creatus est Adam, fuisse illi naturalem hoc ultimo modo, nimirum quod fuerit velut quædam sanitas debita naturæ, aptaque natæ ex ipsa natura bene constituta, id est, non corrupta; & nunc hominibus qui eam rectitudinem amiserunt in Adam, deesse bonum aliquod naturale, quale deesset pecudæ si cæca, vel claudicans, vel febricitans nasceretur. Et si nunc alicui homini originalis illa iustitia diuinitus redderetur, dicerent eam esse donum supernaturale per accidens, non per se, ut diximus de oculis redditæ cæco nato.

Nos verò existimamus rectitudinem illam, etiam partis inferioris, fuisse donum supernaturale, & quidem per se, non per accidens, ita ut neque ex naturæ principiis fluxerit, neque potuerit fluere. Et quia donum illud supernaturale erat, ut statim probaturi

sumus,

sumus, eo remoto, natura humana sibi relicta, pugnam illam experiri cepit partis inferioris cum superiore, quæ naturalis futura erat, id est, ex conditione materię sequutura, nisi Deus iustitię donum homini addidisset.

Quare non magis differt status hominis post lapsum Adæ à statu eiusdem in puris naturalibus, quàm differat spoliatus à nudo; neque deterior est humana natura, si culpam originalem detrahas; neque magis ignorantia & infirmitate laborat, quàm esset & laboraret in puris naturalibus condita. Proinde corruptio naturæ, non ex alicuius doni naturalis carentia, neque ex alicuius malæ qualitatis accessu, sed ex sola doni supernaturalis ob Adæ peccatum amissione profluxit. Quæ sententia communis est Doctorum Scholasticorum veterum & recentiorum. Neque enim, quod nos docemus, ex vno Dominico à Soto accepimus, neque contrarium scripsit S. Thomas cum cæteris probatoribus auctoribus (ut quidam viri alioqui insigniter eruditi censent) sed, ut dixi, est hæc sententia communior, ut testimonia que subiungimus, indicabunt.

Primum igitur S. Tho. 1. p. q. 95. art. 1. sic loquitur de rectitudine cum qua conditus fuit Adam: *Manifestum, inquit, est, quod illa subiectio corporis ad animam, & inferiorum virium ad rationem, non erat naturalis, alioquin post peccatum mansisset, cum etiam in demonibus data naturalia post peccatum permanserint.* Et infra: *Ex quo datur intelligi, si deserente gratia soluta est obedientia carnis ad animam, quod per gratiam in anima existentem inferiora ei subdantur.* Ex hoc loco aperte discimus hominem in puris naturalibus conditum, habiturum fuisse rebellionem illam carnis ad spiritum, quam nunc post amissum iustitię originalis donum omnes experimur. Quandoquidem obedientia carnis ad spiritum non fuit in primo homine naturalis, sed supernaturalis, & gratuita. Proinde iustitia originalis diuinitus homini collata, non conferauit solum, sed attulit, & fecit rectitudinem partis inferioris.

Idem S. Tho. 1. 2. q. 82. art. 1. ad 3. *Ex peccato, inquit, originalis sequitur aliqua inclinatio in actum inordinatum, non directè, sed indirectè, scilicet per remotionem prohibentis, id est, originalis iustitię, quę prohibebat inordinatos motus.* Fuissent igitur in homine inordinati motus, nisi donum supernaturale accessisset. Idem auctor 1. 2. q. 87. art. 7. dicit ex peccato originali factum esse, ut natura humana sibi ipsi relinqueretur destituta auxilio iustitię originalis. Idem auctor in q. 4. de malo, art. 1. sic loquitur: *Est autem considerandum, quod primo homini in sua institutione datum fuerat diuinitus quoddam supernaturale donum, scilicet originalis iustitię, per quam ratio subdebatur Deo, & inferiores vires rationi, & corpus animæ, &c.* Idem auctor lib. 4. contra Gentes, cap. 52. *Secundum doctrinam, inquit, fides ponimus hominem à principio taliter esse institutum, quod quamdā ratio hominis Deo esset subiecta, & inferiores vires ei sine impedimento deferuerent, & corpus ab eius subiectione impediri non posset per aliquod impedimentum corporale, & Deo & sua gratia supplente quod ad hoc perficiendū natura minus habebat.* Idem in 2. Sent. dist. 31. q. 1. art. 1. *Dens, inquit, humanā naturā in sui principio supra conditionem suorum principiorum contulerat, ut esset in ratione rectitudo quædam originalis iustitię, quam sine aliqua resistētia imprimere posset inferioribus viribus.* Quia hoc gratis collatum fuerat, ideo in se per ingratiitudinem inobedientię subuersum est. Unde factum est, ut primo homine peccante, natura humana quę in ipso erat, sibi ipsi relinqueretur, ut consisteret secundum conditionem suorum principiorum. Natura igitur humana talis nunc est ex sententia S. Thomæ, qualis fuisset si donum illud supernaturale nunquam habuisset, eo

A excepto, quod nunc est pœna ex peccato inflicta, quod tunc ex natura, & conditione materię profluxisset.

Neque his repugnat, quod idem S. Tho. docet 1. 2. q. 82. art. 3. ad 1. concupiscere esse homini naturalem in quantum est secundum ordinem rationis; inesse autem homini contra naturam in quantum transcendit limites rationis. Neque enim his verbis significatur non fuisse futuram in homine condito in puris naturalibus concupiscentiam transcendentem limites rationis: contrarium enim expresse docuit S. Thomas, cum ait ordinatos motus consequutos esse ex peccato originali, tanquam ex remouente prohibens. Id igitur significatur istam concupiscentiam non fuisse futuram, & bonum aliquod naturale, sed ut languorem, & vitium naturæ, non ex intentione conditoris, sed ex conditione materię consequens, quale vitium est in gladio ferreo, subiectum esse rubigini; omne enim vitium contra naturam dici potest.

B Multo minus his repugnat quod scribit S. Tho. in 1. 2. q. 85. art. 1. & 2. per peccatum non solum priuari hominem donis supernaturalibus, sed etiam diminui bonum naturę. Nam in eo loco non disputat S. Tho. de peccato originis in specie, sed de peccato in vniuersum, ac dicit, bonum naturę diminui per peccatum, quia ex actu peccandi oritur in eo qui peccat, inclinatio ad idem peccatum, & per hoc diminuitur inclinatio ad virtutem oppositam, quæ inclinatio ad virtutem bonorum naturę dici potest.

C Ex qua generali doctrina sequitur, ut ex peccato actuali oriatur propensio actualis ad idem peccatum (ut idem auctor diuersis verbis docet in eadem q. 85. art. 3.) ex peccato autem originali, quod non in actu, sed in habitu consistit, non oriatur directè vlla inclinatio ad malum, sed indirectè (ut S. Tho. loquitur) tanquam ex remouente prohibens. Atque hæc sunt vulnera singularum potentiarum, de quib. loquitur idem S. Tho. 1. 2. q. 85. art. 3. quia enim iustitia originalis languorem illum impediēbat, qui in natura humana existeret potuisset ex conditione materię, ideo remoto originalis iustitię dono, langor ille se prodidit, & factum est vulnus peccati, quod languor naturę esse potuisset.

D Denique eam esse sententiam S. Thomæ, quàm nos diximus, peripicuum esse potest ex omnibus eius interpretibus. Omnes enim communi consensu docent, rectitudinem primi hominis effectum fuisse doni cuiusdam supernaturalis, & eo dono remoto, mansisse naturam qualis esset, si in puris naturalibus condita fuisset, quod attinet ad motus inordinatos partis inferioris. Vide Ioan. Capreol. in 2. Sent. dist. 30. q. 5. art. 1. Tho. Caiet. 1. 2. q. 85. art. 3. ad 2. dubium, & q. 109. art. 2. Franc. Ferrarien. in comment. 4. lib. contra Gentes, c. 52. Denique Conradum Kœllium, & Barthol. Medinam 1. 2. q. 85. art. 3. & 6. qui auctor postremus addit hanc esse communem sententiam omnium Theologorum.

E Et certe Ioannes Scotus disertis verbis eam docet, cum sic loquitur in 2. Sent. dist. 29. q. unica: *Potest dici ergo, quod si originalis iustitię habuit illum effectum, facere scilicet perfectam tranquillitatem in anima quantum ad omnes potentias, ita quod natura inferior non inclinaretur contra iudicium superioris, aut si inclinaretur quantum est ex se, posset tamen ordinari & regulari sine difficultate superioris, & sine tristitia inferioris; cum hoc non habueris potentia facta in puris naturalibus, necesse est ipsum ponere donum supernaturale, quod sit illa tranquillitas perfecta in anima.*

Nec minus aperte docet eam Durandus in 2. Sent. dist. 2. q. 5. ubi cum dixisset, iusticiam originalem

proprie esse rectum ordinem virium inferiorum, & superiorum, ita inferiores superioribus subiectæ essent. infra nu. 7. sic loquitur: *Iustitia originalis quamvis esset conditio corporalis, erat tamen merè donum Dei, & non proprietas naturalis, alioquin mansisset post peccatum, sicut natura mansit cum suis naturalibus proprietatibus; ergo iustitia originalis non fuisset transfusa à parente in prolem, sed fuisset proles à Deo infusa, sicut parentibus fuit à Deo gratuita collata.* Et dist. 30. q. 1. admittit cum S. Thoma, mortem, & ceteros defectus humanos, in quos per Adæ peccatum incurrimus, esse à natura, ut à causa per se, à culpa verò, sicut à causa remouente prohibens, quia videlicet per culpam Adæ amisimus donum iustitiæ originalis, quæ defectus illos prohibebat. Idem apertissime docent Gabriel in 2. dist. 30. q. 1. Marfilus in 2. q. 18. & 19. & alij, quos longum esset, & minimè necessarium huc adducere.

Porro veteribus Scholasticis consentiunt recentiores Doctores; ac ut paucos de multis proferam, Io. Driedo lib. 1. de gratia, & lib. arbitrio, cap. 3. part. 4. in fine: *Ex horum, inquit, consideratione facile potest quis intelligere temperaturam illam, seu consonantiam omnium virium sub imperio rationis, non fuisse hominis secundum naturam eius constitutam ex anima rationali & carne, sed secundum peculiarem gratiam Dei dantis primo homini, ut inquit Sapiens, virtutem continendi omnia, per quam non solum inferiores animæ vires, sed & totum corpus continebatur sub rationalis animæ imperio, per quam & corporales defectus, ut mors, morbi, & humorum corruptiones poterant cohiberi. Per peccatum autem amissa virtute hac, quæ erat originalis iustitia, iam natura humana sibi relicta secundum diuersitatem naturalium complexionum diuersimodè mouetur.*

Ruardus Tapper. in defensione articuli secundi, ponit aliquot propositiones de peccato originali, quarum duas hic adscribam, secundam & tertiam. Secunda propositio hæc est. *Fide firma & infallibili credendum est, quod virium rebellio, & motiones inordinatæ, ignorantia, infirmitates, mors, & vniuersa miseria, quas patiuntur homines, sunt pæna peccati, & non naturales hominis conditi conditiones.* Tertia propositio hæc. *Vniuersa hæc mala potuissent esse naturales hominis conditiones & proprietates, ut si homines creasset sine gratia & iustitia originali, quæ sola impendebat ne hæc mala essent in homine, sine quæsequenda fuissent principia naturæ, sicut & nunc sequuntur naturam ab ea destitutam, quemadmodum earum plurimæ sunt in cæteris animalibus.* Hæc ille.

Andreas Vega lib. 2. in Concilium Tridentinum, cap. 11. Ipsa, inquit, lex membrorum, carnis scilicet rebellio ad spiritum, ex conditione est naturæ nostræ, & non ex aliqua mala qualitate transfusa in nos à parentibus nostris, ut communiter docent Scholastici contra Gregorium Ariminensem, & perinde atque in nobis, fuisset in omnibus creatis puris naturalibus. Habent tamen hæc in nobis rationem pæna, quam non haberent in creatis in puris naturalibus, quia Deus hos defectus naturales reformauerat per iustitiæ originalem, quam perdidimus per peccatum. Vide in eandem sententiam Dominicum à Soro libro primo de natura & gratia, cap. 13. Albertum Pighium controuersia prima, & alios.

Denique, nescio quomodo possit ullus hoc tempore Catholicus dubitare, fueritne primi hominis integritas naturalis, an supernaturalis, cum, ut supra notauimus, duo summi Pontifices, Pius V. & Greg. XIII. articulum illum damnauerint: *Integritas primæ conditionis non fuit indebita natura humana exaltatio, sed naturalis eius conditio.*

CAPVT VI.

Probaturs veritas quartæ propositionis.

Nunc tandem propositio quarta superiore capite explicata ex diuinis litteris, veterum testimonijs & argumentis ex ratione ductis comprobanda est. Quo loco illud animaduertere oportebit, testimonijs omnib. nostram sententiam confirmari, quæ vel ostendunt integritatem primi hominis fuisse supernaturalem, vel certè donum aliquod supernaturale primo homini fuisse collatum; vtrumque enim in controuersiam venit, & suos habet oppugnatores.

PRIMUM igitur sacræ literæ, quid ea conditione suæ naturæ sit homo, indicant illis verbis: *Pulvis es, & in puluerem reuerteris*, Gen. 3. Hæc enim est sententia illorum verborum; Quamquam te valde gloriosum mea benignitate effecerim, itaut posses neque mortem, neque mala vlla formidare, tamen ex natura tua pulvis eras, mortalis, fragilis, doloribus, laboribusque obnoxius; & quia dono illo meo superaddito culpa tua spoliatus es, & in statum tuum naturalem recidisti, idèò nunc etiam pulvis es, & in puluerem reuerteris. Ad hæc in Psal. 8. describitur his verbis hominis prima creatio: *Quid est homo, quia memor es eius, aut filius hominis, quia visitas eum? minuisi eum paulo minus ab Angelis, gloria & honore coronasti eum, & constituisti eum super opera manuum tuarum.* Casus autem eiusdem describitur in Psal. 48. *Homo cum in honore esset, non intellexit, comparatus est iumentis insipientibus, & similis factus est illis.* Quibus duobus modis indicatur fuisse primum hominem donis supernaturalibus ornatum: Primum, quoniam miratur Propheta hominem ferè Angelis æquatum: *Quid est homo*, inquit, *quod minor es eius?* quasi dicere vellet, mirum esse hominem natura sua corporatum, mortalem, animalium cæterorum affectibus obnoxium, ad eam gloriam euectum, ut parum omnino ab Angelis abesset. Deinde accedit, quod dona alia primo homini initio collata, vocat honorem & gloriam; honor autem & gloria sine dubio aliquid extrinsecum & superadditum designant.

Item Eccles. 7. *Deus creauit hominem de terra, & secundum se vestiuit illum virtute.* Quo loco creatio refertur ad naturam, indumentum virtutis ad superaddita dona. Quemadmodum enim de honore, sic etiam de indumento rectè dici potest esse quid extrinsecum, & superadditum. Quo etiam pertinet parabola de eo qui incidit in latrones, Luc. 10. primum enim despoliauerunt eum, deinde plagis impositis, abierunt, tenuiuo relicto. Vbi non solum intelligimus, ex nomine vestium, quæ (ut diximus) extrinsecum quid significant, colligi posse donis supernaturalibus priuatum fuisse primum hominem; sed etiam animaduertimus, plagas naturæ humanæ ex despoliatione consequutas esse. Neque enim sine causa Dominus in parab. illa prius dixit, hominem spoliatum, posterius autem vulneratum fuisse, cum tamen contrà accidere soleat in veris latrocinijs; nimirum indicare voluit in hoc spiritali latrocinio, ex ipsa amissione iustitiæ originalis nata esse vulnera nostræ naturæ, siquidem donum illud iustitiæ non solum tegebatur, & ornabat, sed etiam curabat, & sanabat languorem illum, qui ex conditione materiæ alioqui pullulasset. Proinde ex natura humana dono illo iustitiæ spoliata, sibi relicta, continuò plagæ illæ & vulnera eruperunt. Quæ omnes ex Adamo nati experimur.

Porro, parabolam istam de iactura donorum, & virtutum, quam primus homo peccando fecit, exponunt cõmmuni consensu Patres, S. Ambr. Beda, Theophylactus, & S. Basilus, quem in catena citat

S. Thomas in commentario huius loci, necnon S. August. lib. 2. questionum Evangelicarum, qu. 19. & S. Bernard. serm. 1. de Annuntiatione.

Accedant SECUNDO testimonia veterum Patrum. S. Dionysius Areop. lib. de diuinis nominib. cap. 4. part. 4. de demonibus loquens: *Nec Angelica*, inquit, *munera his tributa aliquando permutata, sed integra sunt, penitusque conspicua*. Quae verba ita edisserit in comment. eius loci Marcellus Ficinus: *Sicut*, inquit, *nocturnus ac tenebrosus, non quia vel rem nouam subeat, vel naturam amittat suam: sed quia deest ei solus lumen, quod rem per se tenebrosam efficit lucidam: sic animus, ac demon malus cognominatur, non propterea quod vel naturale quicquam perdat, vel suscipiat alienum, sed quia deficit à beneficio Dei munere*. Hæc ille.

Atque hinc acceperunt Scholastici Theologi communem illam sententiam: Naturalia in demonibus post casum (Dionysio teste) mansisse integra. Quod idem sine dubio de homine quoque intelligi debeat. Quod si naturalia in Angelo & homine post lapsum, integra remanserunt, & satis constat, iustitiam, in qua conditi sunt, in eis post lapsum non mansisse, certè manifestè sequitur, iustitiam illam Angelo & homini naturalem non fuisse.

Neque repugnat quod hoc loco ex Dionysio docemus, naturalia in Angelo, & homine post lapsum, integra remansisse, cum eo, quod supra non semel docuimus naturam nostram per Adæ peccatum vulneratam, & corruptam esse: nam eadem nostra, & demonum natura, si referatur ad eum statum in quo esse potuisset, si in puris naturalibus creata fuisset, integra dici debet; & in hoc sensu integra dicitur à Dionysio, & Theologis. Si verò statum illum respiciamus, ad quem benignitate conditoris fuerat euecta, vulnerata, & corrupta dicenda est. Exemplum huius rei habemus in Samphone, qui post crines resecutos, cum insignem illam fortitudinem diuinitus acceptam amisisset, infirmus factus dicitur, non quod esset iam infirmior, quàm homines ut plurimum esse soleant, sed quod esset iam infirmior, quàm ipse antea fuisset.

S. Basilius in lib. de Spiritu sancto ad Amphilochiū, cap. 16. *Sanctificatio*, inquit, *non est absque Spiritu: non enim natura sancta sunt eorum virtutes, sed iuxta proportionem eminentie inter ipsas, sanctificationis mensuram à Spiritu sancto habent*. Hæc ille. Neque dubitari potest quin quod de Angelis S. Basil. scripsit, idem in primum hominem aptè conueniat. Quare non natura sanctus fuit primus homo, dum Paradisum incolebat, sed à Spiritu sancto mensuram sanctificationis acceperat, proinde iustitia illa originalis, diuinaque similitudo qua præditus erat, non conditio naturalis, sed donum supernaturale fuit.

S. Ioan. Chrysost. homil. 15. in Gen. de Adamo & Eua, qui cum nudi essent, tamen ob iustitiam originalem non erubescabant, ita loquitur: *Gloria*, inquit, *qua superne venerat, vestitus erant*. Vbi vides iustitiam originalem comparari indumento, & indumento superne venienti; ut intelligaseam non ex naturæ principijs, sed à cælo, ac supra naturæ conditionem primis parentibus accessisse.

S. Cyrillus lib. 1. in Ioan. cap. 9. de Adamo loquens: *Participatione*, inquit, *luminis splendet super naturam suam glorificationis Dei gratia, & vixit donum ornamentis ascenden*. Et infra: *Miserere enim verè Dominus est, qui creaturam paruam, atque abjectam secundum naturam, magnam atque mirabilem sua efficit bonitate*. Et cap. 13. *Creatura enim seruata, non solum & voluntate vultus ad superna naturalia vocatur*. Et in lib. de ador. in spiritu, ante medium: *Vbi*, inquit, *Deo conditore animal bonè, id est, homo, sua*

natura rationib. absolutum est, accipit statim similitudinem ad illum. Denique in lib. quod Spiritus sit Deus, prope initium: *Cum*, inquit, *posse facere, & concedere, & caturus dignitatem, qua creaturam excedit, amplius sit, quàm ferat creaturam naturam, & Spiritus desit, quomodo esset creatura, & non magis Deus, ut posset Desit?* Ex his S. Cyrilli doctissimi hominis testimonijs apertissimè discimus, Adam præter naturalia ornamenta, multa etiam dona supernaturalia accepisse, & naturam humanam, per se paruam, atque abjectam esse, sed conditoris benignitate, ad ingentem gloriam exaltari. Neque his dissimilia tradunt Patres Latini.

S. Ambrosius in lib. de Isaac, & anima, c. 5. *Nec Adam*, inquit, *nudus erat, quando cum innocentiæ vestiebat*. Et lib. 2. de Iacob, & beata vita, c. 5. *Sic*, inquit, *despoliatus Adam, nudus inuentus est*. Et lib. de Helia, & ieiunio, c. 4. *Operius*, inquit, *erat Adam virtutum velamine, priusquam peccauit dicitur, sed tanquam exutus peccati actione, vidit se esse nudum, quia indumentum quod habebat, amiserat*. Innocentiæ autem illius vestem, non naturalem, sed gratuitam fuisse indicat tum ipsa vestis appellatio, quæ superadditum quid significat, tum id quod idem auctor scribit lib. 7. in Luc. c. 47. ubi explicans parabolam eius qui incidit in latrones, & eam applicans ad Adam, & nos omnes: *Qui sunt*, inquit, *isti latrones, nisi Angeli noctis & tenebrarum? Hi ante despoliati, quæ accepimus indumenta gratis spiritualis, & sic vulnera inferre consueverunt*. Et in lib. de Paradiso, c. 14. *Quid est*, inquit, *Adam ubi est id est, non in quo, sed in quibus es: non ergo interrogatio est, sed inceptio, de quibus (inquit) bonis, de qua beatitudine, de qua gratia, in quam miseriam recidisti*.

S. Hieronymus in c. 3. Osee: *Demonies*, inquit, *qui lapsi sunt à propria dignitate, & nihil antique gratiæ possidentes, aridi sunt, & veteri siccitate marcentes*. Ex quo loco habemus, Angelos per peccatum dona supernaturalia perdidisse. Si enim nomine gratiæ dona naturalia intelligeremus, consequens esset, ut Angeli nihil naturalium donorum post peccatum retinerent, atque adeo ad nihilum redacti essent. Est autem eadem ratio hominum, & Angelorum, ut aduertarij continentur, & colligitur ex sancto Augustino, libro de correptione & gratia, cap. 10. & 11. non igitur negandum est homines per lapsum Adæ, dona supernaturalia amisisse.

S. Augustinus lib. 12. de ciuit. Dei, c. 9. de Angelis ita loquitur: *Simul in eis condens naturam, & largiens gratiam*. Vbi apertissimè distinguit in Angelis naturam à gratia; & lib. 13. c. 13. de primis nostris parentibus sic ait: *Posteaquam præcepti transgressio facta est, gratia deferente diuina, de corporum suorum nuditate confusi sunt*. Et lib. 11. de Gen. c. 13. *Max*, inquit, *ut præceptum transgressi sunt, inueniunt gratia deferente, omnino nudati in sua membra oculos iniecerunt*. Et lib. 4. in Iulian. ca. ult. *Quid est*, inquit, *gustato cibo prohibito nuditas indicata, nisi peccato nudatum quod gratia contegebat? gratia quippe Dei magna ibi erat; ubi terrenum & animale corpus bestialem libidinem non habebat. Qui ergo vestitus gratia, non habebat in suo corpore quod pudret, spoliatus gratia, sensit quod operire deberet*.

Vides in his locis, semper ab August. innocentiam illam, iustitiamque originalem primi hominis, gratiam nominari. Vides item eam indumento, quod superadditur extrinsecus humano corpori perpetuo comparari. Vides denique bestialem libidinem terreno, & animali corpori naturaliter conuenire, & ideo non ex natura, sed ex magna Dei gratia corpus Adami terrenum, & animale libidine illa in statu innocentiae caruisse. Adde quod idem S. Aug. lib. 3. de lib. arbitrio, cap. 20. 22. & 24. non obicure docet,

proprie esse rectum ordinem virium inferiorum, & superiorum, ita inferiores superioribus subiectæ essent. infra nu. 7. sic loquitur: *Iustitia originalis quamvis esset conditio corporalis, erat tamen merè donum Dei, & non proprietas naturalis, alioquin mansisset post peccatum, sicut natura mansit cum suis naturalibus proprietatibus; ergo iustitia originalis non fuisset transfusa à parente in prolem, sed fuisset proli à Deo infusa, sicut parentibus fuit à Deo gratia collata.* Et dist. 30. q. 1. admittit cum S. Thoma, mortem, & cæteros defectus humanos, in quos per Adæ peccatum incurrimus, esse à natura, ut à causa per se, à culpa verò, sicut à causa remouente prohibens, quia videlicet per culpam Adæ amisimus donum iustitiæ originalis, quæ defectus illos prohibebat. Idem apertissime docent Gabriel in 2. dist. 30. q. 1. Marsilius in 2. q. 18. & 19. & alij, quos longum esset, & minimè necessarium huc adducere.

Porro veteribus Scholasticis consentiunt recentiores Doctores; ac ut paucos de multis proferam, Io. Driedo lib. 1. de gratia, & lib. arbitrio, cap. 3. part. 4. in fine: *Ex horum, inquit, consideratione facile potest quis intelligere temperaturam illam, seu consonantiam omnium virium sub imperio rationis, non fuisse hominis secundum naturam eius constitutam ex anima rationali & carne, sed secundum peculiarem gratiam Dei dantis primo homini, ut inquit Sapiens, virtutem continendi omnia, per quam non solum inferiores animæ vires, sed & totum corpus continebatur sub rationalis animæ imperio, per quam & corporales defectus, ut mors, morbi, & humorum corruptiones poterant cohiberi. Per peccatum autem amissa virtute hac, quæ erat originalis iustitia, iam natura humana sibi relicta secundum diuersitatem naturalium complexionum diuersimodè mouetur.*

Ruardus Tapper. in defensione articuli secundi, ponit aliquot propositiones de peccato originali, quarum duas hic adscribam, secundam & tertiam. Secunda propositio hæc est. *Fide firma & infallibili credendum est, quod virum rebellio, & motiones inordinatæ, ignorantia, infirmitates, mors, & vniuersa miseria, quas patiuntur homines, sunt pœna peccati, & non naturales hominis conditi conditiones.* Tertia propositio hæc. *Vniuersa hæc mala potius essent naturales hominis conditiones & proprietates, ut si homines creasset sine gratia & iustitia originali, quæ sola impediebat ne hæc mala essent in homine, sine qua sequenda fuissent principia naturæ, sicut & nunc sequuntur naturam ab ea destitutam, quemadmodum eorum plurima sunt in cæteris animalibus.* Hæc ille.

Andreas Vega lib. 2. in Concilium Tridentinum, cap. 11. *Ipsa, inquit, lex membrorum, carnis scilicet rebellio ad spiritum, ex conditione est naturæ nostræ, & non ex aliqua mala qualitate transfusa in nos à parentibus nostris, ut communiter docent Scholastici contra Gregorium Ariminensem, & perinde atque in nobis, fuissent in omnibus creatis puris naturalibus. Habent tamen hæc in nobis rationem pœnæ, quam non haberent in creatis in puris naturalibus, quia Deus hos defectus naturales reformauerat per iustitiam originalem, quam perdidimus per peccatum.* Vide in eandem sententiam Dominicum à Soto libro primo de natura & gratia, cap. 13. Albertum Pighium controuersia prima, & alios.

Denique, nescio quomodo possit vllus hoc tempore Catholicus dubitare, fueritne primi hominis integritas naturalis, an supernaturalis, cum, ut supra notauimus, duo summi Pontifices, Pius V. & Greg. XIII. articulum illum damnauerint: *Integritas primæ conditionis non fuit indebita naturæ humanæ exaltatio, sed naturalis eius conditio.*

CAPVT VI.

Probatur veritas quartæ propositionis.

NVNC tandem propositio quarta superiore capite explicata ex diuinis litteris, veterum testimonijs & argumentis ex ratione ductis comprobanda est. Quo loco illud animaduertere oportebit, testimonijs omnib. nostram sententiam confirmari, quæ vel ostendunt integritatem primi hominis fuisse supernaturalem, vel certè donum aliquod supernaturale primo homini fuisse collatum; vtrumq; enim in controuersiam venit, & suos habet oppugnatores.

PRIORVM igitur sacræ literæ, quid ea conditione suæ naturæ sit homo, indicant illis verbis: *Puluis es, & in puluerem reuerteris*, Gen. 3. Hæc enim est sententia illorum verborum; Quamquam te valde gloriosum mea benignitate effecerim, itaut posses neque mortem, neque mala vlla formidare, tamen ex natura tua puluis eras, mortalis, fragilis, doloribus, laboribusq; obnoxius; & quia dono illo meo superaddito culpa tua spoliatus es, & in statum tuum naturalem recidisti, idèò nunc etiam puluis es, & in puluerem reuerteris. Ad hæc in Psal. 8. describitur his verbis hominis prima creatio: *Quid est homo, quis memores eius, aut filius hominis, quia visitas eum? ministris enim paulo minus ab Angelis, gloria & honore coronasti eum, & constituisti eum super opera manuum tuarum.* Casus autem eiusdem describitur in Psal. 48. *Homo cum in honore esset, non intellexit, comparatus est iumentis insipientibus, & similis factus est illis.* Quibus duobus modis indicatur fuisse primum hominem donis supernaturalibus ornatum: Primum, quoniam miratur Propheta hominem ferè Angelis æquatum: *Quid est homo*, inquit, *quod memores eius?* quasi dicere vellet, mirum esse hominem natura sua corporatum, mortalem, animalium cæterorum affectibus obnoxium, ad eam gloriam euectum, ut parum omnino ab Angelis abesset. Deinde accedit, quod dona alia primo homini initio collata, vocat honorem & gloriam; honor autem & gloria sine dubio aliquid extrinsecum & superadditum designant.

Item Eccles. 7. *Dens creauit hominem de terra, & secundum se vestiuit illum virtute.* Quo loco creatio refertur ad naturam, indumentum virtutis ad superaddita dona. Quemadmodum enim de honore, sic etiam de indumento rectè dici potest esse quid extrinsecum, & superadditum. Quo etiam pertinet parabola de eo qui incidit in latrones, Luc. 10. primum enim despoliauerunt eum, deinde plagis impositis, abierunt, tectumque relicto. Vbi non solum intelligimus, ex nomine vestium, quæ (ut diximus) extrinsecum quid significant, colligi posse donis supernaturalibus priuatum fuisse primum hominem; sed etiam animaduertimus, plagas naturæ humanæ ex despoliatione consequitas esse. Neque enim sine causa Dominus in parab. illa prius dixit, hominem spoliatum, posterius autem vulneratum fuisse, cum tamen contrà accidere soleat in veris latrocinijs; nimirum indicare voluit in hoc spiritali latrocinio, ex ipsa amissione iustitiæ originalis nata esse vulnera nostræ naturæ, siquidem donum illud iustitiæ non solum tegebatur, & ornabat, sed etiam curabat, & sanabat languorem illum, qui ex conditione materiæ alioqui pullulasset. Proinde ex natura humana dono illo iustitiæ spoliata, sibi relicta, continuo plagæ illæ & vulnera eruperunt. Quæ omnes ex Adamo nati experimur.

Porro, parabolam istam de iactura donorum, & virtutum, quam primus homo peccando fecit, exponunt communi consensu Patres, S. Ambr. Beda, Theophylactus, & S. Basilus, quem in catena citat

S. Thomas in commentario huius loci, necnon S. August. lib. 2. questionum Evangelicarum, qu. 19. & S. Bernard. serm. 1. de Annuntiatione.

Accedant SECUNDO testimonia veterum Patrum. S. Dionysius Areop. lib. de diuinis nominib. cap. 4. part. 4. de demonibus loquens: *Nec Angelica*, inquit, *munera his tributa aliquando permutata, sed integra sunt, penitusque conspicua*. Quæ verba ita edisserit in comment. eius loci Marfilus Ficinus: *Sicut*, inquit, *nocturnus aer tenebrosus, non quia vel rem nouam subeat, vel naturam amittat suam: sed quia deest ei solis lumen, quod rem per se tenebrosam efficit lucidam: sic animus, ac demon malus cognominatur, non propterea quod vel naturale quicquam perdat, vel suscipiat alienum, sed quia deficit à beneficio Dei munere*. Hæc ille.

Atque hinc acceperunt Scholastici Theologi communem illam sententiam: Naturalia in demonibus post casum (Dionysio teste) mansisse integra. Quod idem sine dubio de homine quoque intelligi debeat. Quod si naturalia in Angelo & homine post lapsum, integra remanserunt, & satis constat, iustitiam, in qua conditi sunt, in eis post lapsum non mansisse, certè manifestè sequitur, iustitiam illam Angelo & homini naturalem non fuisse.

Neque repugnat quod hoc loco ex Dionysio docemus, naturalia in Angelo, & homine post lapsum, integra remansisse, cum eo, quod supra non semel docuimus naturam nostram per Adæ peccatum vulneratam, & corruptam esse: nam eadem nostra, & demonum natura, si referatur ad eum statum in quo esse potuisset, si in puris naturalibus creata fuisset, integra dici debet; & in hoc sensu integra dicitur à Dionysio, & Theologis. Si verò statum illum respiciamus, ad quem benignitate conditoris fuerat euecta, vulnerata, & corrupta dicenda est. Exemplum huius rei habemus in Samsone, qui post crines resecutos, cum insignem illam fortitudinem diuinitus acceptam amisisset, infirmus factus dicitur, non quod esset iam infirmior, quàm homines ut plurimum esse soleant, sed quod esset iam infirmior, quàm ipse antea fuisset.

S. Basilius in lib. de Spiritu sancto ad Amphilochiū, cap. 16. *Sanctificatio*, inquit, *non est absque Spiritu: non enim natura sancta sunt calorum virtutes, sed iuxta proportionem eminentie inter ipsas, sanctificationis mensuram à Spiritu sancto habent*. Hæc ille. Neque dubitari potest quin quod de Angelis S. Basil. scripsit, idem in primum hominem aptè conueniat. Quare non natura sanctus fuit primus homo, dum Paradisum incolebat, sed à Spiritu sancto mensuram sanctificationis acceperat; proinde iustitia illa originalis, diuinaque similitudo qua præditus erat, non conditio naturalis, sed donum supernaturale fuit.

S. Ioan. Chrysost. homil. 15. in Gen. de Adamo & Eva, qui cum nudi essent, tamen ob iustitiam originalem non erubescabant, ita loquitur: *Gloria*, inquit, *qua supernè venerat, vestitus erant*. Vbi vides iustitiam originalem comparari indumento, & indumento supernè venienti; ut intelligas eam non ex naturæ principijs, sed è cælo, ac supra naturæ conditionem primis parentibus accessisse.

S. Cyrillus lib. 1. in Ioan. cap. 9. de Adamo loquens: *Participatione*, inquit, *luminis splendet super naturam suam glorificatus Dei gratia, & vniuersis donorum ornamentis ascensus*. Et infra: *Miserere enim rei: Dominus est, qui creaturam paruam, atque abjectam secundum naturam, magnam usque mirabilem sua efficit bonitate*. Et cap. 13. *Creatura cum seruassit, natiu solam & voluntate parua ad supernaturalia vocatur*. Et in lib. de ador. in Spiritu, ante medium: *Vbi*, inquit, *Deo conditore animal hoc, id est, homo, sua*

natura rationib. absolutum est, accipit statim similitudinem ad illum. Denique in lib. quod Spiritus sit Deus, prope initium: *Cum*, inquit, *posse facere, & concedere, & caturus dignitatem, quæ creaturam excedit, amplius sit, quàm ferat creaturam natura, & Spiritus despectus, quomodo iussit creatura, & non magis Deus, ut poset Despectus?* Ex his S. Cyrilli doctissimi hominis testimonijs apertissimè discimus, Adam præter naturalia ornamenta, multa etiam dona supernaturalia accepisse, & naturam humanam, per te paruam, atque abjectam esse, sed conditoris benignitate, ad ingentem gloriam exaltari. Neque his dissimilia tradunt Patres Latini.

S. Ambrosius in lib. de Isaac, & anima, c. 5. *Nec Adam*, inquit, *nudus erat, quando cum innocentiæ vestiebat*. Et lib. 2. de Iacob, & beata vita, c. 5. *Sic*, inquit, *despoliatus Adam, nudus inuentus est*. Et lib. de Helia, & ieiunio, c. 4. *Operens*, inquit, *erat Adam virtutum velamine, priusquam prauaricatus, sed tanquam exutus prauaricatione, vidit se esse nudum, quia indumentum quod habebat, amiserat*. Innocentiæ autem illius vestem, non naturalem, sed gratuitam fuisse indicat tum ipsa vestis appellatio, quæ superadditum quid significat, tum id quod idem auctor scribit lib. 7. in Luc. c. 47. ubi explicans parabolam eius qui incidit in latrones, & eam applicans ad Adam, & nos omnes: *Qui sunt*, inquit, *isti latrones, nisi Angeli noctis & tenebrarum? Hi ante despoliati, quæ accepimus indumenta gratis spiritualis, & sic vulnera inferre consueverunt*. Et in lib. de Paradiso, c. 14. *Quid est*, inquit, *Adam ubi est id est, non in quo, sed in quibus es: non ergo interrogatio est, sed increpato, de quibus (inquit) bonis, de qua beatitudine, de qua gratia, in quam miseriam recidisti*.

S. Hieronymus in c. 3. Osee: *Dæmones*, inquit, *qui lapsi sunt à propria dignitate, & nihil amique gratia possidentes, aridi sunt, & veteri siccitate marcescentes*. Ex quo loco habemus, Angelos per peccatum dona supernaturalia perdidisse. Si enim nomine gratiæ dona naturalia intelligeremus, consequens esset, ut Angeli nihil naturalium donorum post peccatum retinerent, atque adeo ad nihilum redacti essent. Est autem eadem ratio hominum, & Angelorum, ut aduertarij continentur, & colligitur ex sancto Augustino, libro de correptione & gratia, cap. 10. & 11. non igitur negandum est homines per lapsum Adæ, dona supernaturalia amisisse.

S. Augustinus lib. 12. de ciuit. Dei, c. 9. de Angelis ita loquitur: *Simul in eis condens naturam, & largiens gratiam*. Vbi apertissimè distinguit in Angelis naturam à gratia; & lib. 13. c. 13. de primis nostris parentibus sic ait: *Posteaquam preceptum transgressi facti est, gratia deferente diuina, de corporum suorum nuditate confusi sunt*. Et lib. 11. de Gen. c. 13. Moyses, inquit, *ut preceptum transgressi sunt, inuasi sunt gratia deferente, omnino nudati in sua membra oculos iniecerunt*. Et lib. 4. in Iulian. ca. ult. *Quid est*, inquit, *gustato cibo prohibito nuditas indicata, nisi peccato nudatum quod gratia contegebat? gratia quippe Dei magnas habet; ubi terrenum & animale corpus bestialem libidinem non habebat. Qui ergo vestitus gratia, non habebat in suo corpore quod puderet, spoliatum gratia, sensit quod operire deberet*.

Vides in his locis, semper ab August. innocentiam illam, iustitiamque originalem primi hominis, gratiam nominari. Vides item eam indumento, quod superadditur extrinsecus humano corpori perpetuo comparari. Vides denique bestialem libidinem terreno, & animali corpori naturaliter conuenire, & ideo non ex natura, sed ex magna Dei gratia corpus Adami terrenum, & animale libidine illa in statu innocentie caruisse. Adde quod idem S. Aug. lib. 3. de lib. arbitrio, cap. 20. 22. & 24. non obscure docet,

potuisse creari hominem sine iustitia originali, neque eum locum in Retractionibus correxit, sed confirmavit potius, cum in lib. 1. Retractat. cap. 9. ita loquutus est: *Ignorantia, & difficultas, etiam si essent hominis primordia naturalia, nec si culpandus Deus, sed laudandus esset. At si iustitia originalis naturalis esset, non potuisset homo sine ea creari, nisi Deus rem naturaliter mancā & imperfectā sponte condere voluisset, quod abhorrere videtur ab eius sapientia, & bonitate: Dei enim perfecta sunt opera, Deut. 32.*

S. Anselmus in libro de conceptu virginali, & peccato originali, cap. 22. de Adamo sic loquitur: *Quoniam, inquit, in tanta gratia celsitudine posuit, quā bona sibi & alijs seruanda acceperat, sponte deseruit, idcirco filij perdidērunt, quā pater illis cum seruando dare posset, non seruando abstulit.*

Denique S. Bernardus in serm. de Annunc. dicit, Adamum prauaricando amisisse indumenta virtutum, & similitudinem ad Deum, non autem imaginem diuinā: *Quia illa (vt ipse loquitur) non erat asfuta, sed insita, atque ipsi impressa natura.* Quocirca ex testimonio S. Bernardi, iustitia, ceteræque virtutes, quarum iacturam primus homo peccando fecit, non erant insitæ, & impressæ ipsi naturæ, vt sunt dona naturalia, sed extrinsecus allatæ, ac superadditæ, vt sunt dona supernaturalia. Atq; hæc ex Patribus sufficiat. Addamus nunc argumenta ex ratione petita.

PRIMA ratio. Naturale est corpori animali sensu & appetitu prædito, concupiscere bonum sensibile, naturale est spiritui rationali concupiscere bonum spirituale; quare si fiat vna natura ex spiritu rationali, & corpore animali conflata, naturale erit illi habere diuersas & inter se pugnantes propensiones. Quod igitur primi parentes nostri ante peccatum pugna ista diuersarum appetitionum carerent, donum erat supernaturale, non conditio naturalis.

SECUNDA ratio. Si corruptio, quæ nunc est in natura humana, non est consequuta ex sola remotione doni supernaturalis, neq; fuisset in homine in puris naturalibus condito, quæro causam eius, aliqua enim causa esse debet rebellionis carnis ad spiritum. Respondent quidam, causam esse Deum: at Scripturæ passim reclamant, quæ concupiscentiam non esse ex Deo multis in locis testantur. Ioan. in epist. 1. cap. 2. dicit concupiscentiam non esse ex Patre, sed ex mundo. Iacob. in epist. sua, cap. 1. scribit, neminem à Deo tentari, sed à concupiscentia sua; quod certè non scriberet, si concupiscentia ipsa, quæ fons est temptationum, à Deo nobis esset inserta. Lex, *Non concupisces*, sancta, & bona, quam & legem mentis Apostolus vocat ad Rom. 7. sine dubio est à Deo; quomodo igitur lex membrorum, quæ illi repugnat, est à Deo? & quomodo iubet Deus vt non faciamus quod ipse in pœnam peccati cogit nos facere?

Porro S. August. scribit quidem multis in locis inobedientiam carnis à Deo retributam homini in pœnam peccati, sed explicat id factum esse per ablationem gratiæ, non per immissionem concupiscentiæ. Sic enim loquitur lib. 11. de Gen. cap. 31. *Mox vt præceptum transgressi sunt, intrinsecus gratia deserente omnino nudati, in sua membra oculos iniecerunt.* Et lib. 4. in Iulian. cap. 13. *Non in fructu, inquit, ligni fuit libido, & ideo bonum erat lignum, sed mala est inobedientia libidinis, quæ aduersus hominis inobedientiam, quam in ligno admisit, Deo deserente surrexit.* Audis, Deo deserente, non Deo inferente, libidinem surrexisse? Et similiter loquitur in alijs locis supra citatis. Quemadmodum etiam cum idem August. docet, peccatum aliquando pœnam esse peccati, & per hoc à Deo, à quo est omnis iusta pœna, non intelligit peccatum esse à Deo inferente

malitiam, sed non impartiendo misericordiam, libro 5. in Iulian. c. 3. *Cum, inquit, dicitur homo tradidit desideria sua, inde fit reus, quia desertus à Deo, cedit eis, atque consentit, vincitur, capitur, trahitur, possidetur, & sic ei peccatum consequens præcedentis pœna peccati.* Et in epist. 105. ad Sixtum: *Non obdurat Deus impariendis malitiam, sed non impartiendo misericordiam.* Et tract. 53. in Ioan. *Sic excacat, si obdurat Deus, discedendo, & non adiuvando, quod occulto iudicio facere potest, iniquo non potest.* Itaque non est Deus concupiscentiæ, siue corruptionis nostræ naturæ causa, nisi vt remouens, prohibens, vt sanctus Thomas loquitur in locis supra citatis.

Omitto sententias illas, quæ causam huius corruptionis referunt in pomū vetitum, siue in statum serpentis, tum quod planè sint improbables, tum quod in disputatione de peccato originis commodius refelli possint. Quare cū nulla possit reddi causa huius corruptionis præter cōditionem materiæ, vt causam efficiētem, & peccatū Adami, vt causam demeritoriam, & diuinam iustitiā dono supernaturali hominem spoliāntem, vt causam remouentem prohibēs, in his est acquiescendum, neq; alia causa est quærenda.

TERTIA ratio. Ex peccatis quæ ab hominibus post lapsum primi hominis committuntur, quamuis plurimis, & grauissimis, amittitur solum donum gratiæ supernaturalis, & acquiritur propensio quædam ad idem peccatum iterum committendum, & minuitur inclinatio ad virtutem peccato illi contrariam, sed corrumpitur principium, aut donum aliquod naturale, neq; acquiritur, aut augetur propensio ad omnia vitia, neq; minuitur inclinatio ad omnes virtutes, vt experientia ipsa testatur. At peccatum Adæ cū fuerit certum quoddam & actuale peccatum, & eiusdem generis, cuius sunt cetera quæ ab hominibus committuntur, non videtur alium effectum producere potuisse, quàm producant cetera, eo excepto, quod illud, vt capitis totius naturæ, in omnes posteros redundauit: non igitur probabile est ex peccato Adæ, naturalia principia, siue dona potuisse corrumpi, neque concupiscentiam illam nasci, quæ est propensio ad omnia vitia, nisi ea, remoto iustitiæ originali dono, ex ipsa natura composita, ex contrarijs consequuta fuisset.

QUARTA ratio. Si natura humana, qualis nunc est, remota culpa, mala est, & necessariò labitur in peccata, & ideo non potuit à Deo creari, vt aduersarij volunt, sine iustitia originali; certè sequitur, non posse hominem mortuum à Deo reuocari ad vitam, nisi præditum originali iustitia: idem enim sequitur absurdum, siue creetur, siue reparetur à Deo natura mala, & quæ necessariò peccet. Non enim reparatio illa minus est opus solius Dei, quā creatio. Et licet Deus diceretur auctor peccati, si naturam crearet, quæ non posset peccata vitare; sic etiam censeretur peccati auctor, si naturam repararet, præsertim solus, & immediata sua actione, quæ non posset peccato abstinere. At multos nouimus ex sacris litteris à mortuis excitatos diuina virtute, & ex ijs nonnullos, quos omnino credibile est à peccato originis fuisse purgatos, qualis fuit Lazarus frater Marthæ, infantes illi, quos Helias & Heliseus à mortuis reuocarunt, qui tamen sine dubitatione vlla etiam in noua illa vitæ iustitia originali carebant, & tales erant, quales sunt ceteri qui ex parentum carne per generationem via ordinaria propagantur. Adde quod ratio à maiori dici potest. Nam si Deus animas iustas Lazari & infantium, de quibus diximus, coniungere potuit corpori mortali, animali, concupiscentiæ & ignorantie obnoxio; cur non magis potuit initio animas, neque iustas, neque iniustas simili corpori coniungere?

QVINTA ratio propriè pugnat aduersus illos, qui non solum qualemque rectitudinem, sed etiam omnia dona primis parentibus in creatione concessa naturalia fuisse contendunt. Primi parentes euecti fuere ad eam dignitatem, vt essent filij Dei, & Dij quidam, id est, diuinæ confortes naturæ, vt S. Petrus loquitur de ijs qui iustificantur per Christum. Neque id aduersarij negant, & nos in sequenti disputatione fufius comprobabimus: at profecto absurdissimum est, rem creatam, qualis est homo, Deum, vel Dei filium naturaliter facere. Quocirca S. Aug. in 3. lib. aduersus Maximinum, cap. 15. *Ideo, inquit, homo fit gratia filius, quia non est natura.* Et S. Cyrillus lib. 1. in Ioan. cap. 18. *Alia, inquit, natura ratio, alia adoptionis, & alia veri filij, alia adoptati.* Sumus autem nos filij Dei adoptione. Verè igitur ac naturaliter ille filius est, per quem nos in filiationem adoptati, & suprà dixerat: *Quoniam gentes filium per fidem receperunt, potestatem etiam accipiunt vt filij Dei fiant; accipiunt autem à filio, cui soli naturaliter hoc inest.*

CAPVT VII.

Refelluntur argumenta contra superiorem sententiam.

SOLVEMVS nunc aliquot objectiones, quæ aduersus quartam propositionem fieri solent.

PRIMA obiectio, Si iustitia originalis supernaturalis fuisset, sequeretur concupiscentiam carnis futuram fuisse naturalem, ac per hoc bonam, & à Deo: at Ioan. in 1. epist. c. 2. dicit eam non esse ex Patre, sed ex mundo. Et Paulus ad Rom. 7. dicit se eam odisse; & Aug. lib. 6. contra Iulian. c. 5. & alibi multis in locis, probat eam esse malam, ac naturæ contrariam.

RESPONSIO, Concupiscentia carnis nunc quidem pœna peccati est, tamen homini condito in puris naturalibus fuisset sine dubio naturalis, non quidem vt bonum aliquod naturæ, sed vt defectus, & quasi morbus quidam naturæ, ex conditione materiæ consequens. Quare rectissime dicitur, non esse ex Deo, odio, non amore dignam, malam, naturæq; contrariam, propter duas causas, primum, quia non ex intentione auctoris naturæ, sed præter eius intentionem in homine extitisset, si in puris naturalibus homo creatus fuisset. Deinde quia Deus illam sustulerat, & ex ipsius hominis culpa locum in nobis habet.

SECUNDA obiectio, S. Aug. in Enchir. cap. 11. scribit, animorum quæcumque sunt vitia, naturalium esse priuationes bonorum. Sunt autem vulnera nobis ex peccato primi parentis relicta, vitia quædam animorum; igitur ea vulnera naturalium sunt priuationes bonorum, iustitia igitur originalis, & prima illa naturæ humanæ integritas, cui priuatiuè vulnera opponuntur, naturalis erat.

RESPONSIO, Videtur S. Aug. eo loco per naturalia bona, non formas, sed subiecta intelligere, vt sententia eius sit, mala illa quæ dicuntur vitia, priuationes esse naturalium bonorum, quia in bonis naturis insunt, easq; contrarijs virtutibus priuant. Nam paulo ante dixerat, eadem forma loquendi vtens, corporales morbos esse priuationes bonorum, quia substantia bona est, quæ accedente morbo sanitate priuatur. Quod si hoc modo accipiamus verba S. Aug. verissima sunt, neq; pugnant contra sententiam nostram: neque enim negamus animos humanos, qui virtutibus priuantur succedentibus vitijs, naturalia bona dici debere, & esse. Præterea, loquitur S. Aug. de vitijs, quæ sunt habitus quidam per iteratos malos actus acquisiti, non de concupiscentia, ignorantia, infirmitate, & malitia, cum quibus nascimur.

Porro, vitia omnia priuationes sunt naturalium bonorum, id est, naturalis rectitudinis, non qualis in

A primo homine fuit, sed qualis esse potuit, si in puris naturalibus conditus fuisset. Natura enim creata sine iustitia, & sine peccato (id enim vocamus in puris naturalibus) suam quandam habet rectitudinem, quatenus videlicet nullam habet vitij curritatem. Denique si cogeremur per naturalia bona apud August. intelligere iustitiâ originalem diuinitus datam, & superadditam naturæ, promptum esset respondere donum illud naturale bonum vocari, quia naturam non destruat, sed perficiat: quemadmodum è contrario vitium dicitur contra naturam, quia naturam non perficit, sed corrumpit.

B TERTIA obiectio, S. Augustinus lib. 12. de ciu. Dei, cap. 1. sic loquitur de Angelis: *Cum vitium creature Angelica dicitur, quod non adhaeret Deo, hinc aperissime declaratur, eius naturæ vt Deo adhaereat conuenire.* Quod si naturale est Angelo adhærere Deo, certè naturale erit etiam homini: non igitur opus fuit dono aliquo supernaturali vt primus homo Deo adhaereret, ac per hoc iustus & rectus esset.

C RESPONSIO, Docet eo loco S. August. naturæ Angelicæ conuenire vt per charitatem adhaereat Deo, & in hoc distingui à naturis ratione carentibus, quibus non conuenit vt per charitatem adhaereant Deo, ac de ipso beatæ sint, quamquam nec miseræ esse possint. Sed non docet id Angelorum naturæ naturaliter conuenire, quasi possit Angelus suis solis viribus Deo per charitatem inhaerere, aut certè quali donum charitatis infusæ necessariò Angelis debeatur, itaut naturale, non supernaturale; debitum, non gratuitum dici debeat. Quin potius contrarium disertis verbis docet in eodem lib. 12. cap. 9. cum sic loquitur: *Et istam (bonam voluntatem) quis fecerat nisi ille, qui eos cum bona voluntate, id est, cum amore casto, quo illi adhaerent, creauit, simul in eis & condens naturam, & largiens gratiam?* Et infra: *Conferendum est igitur cum debita laude Creatoris, non ad solos sanctos homines pertinere, verum etiam de sanctis Angelis posse dici, quod charitas Dei diffusa sit in eis per Spiritum sanctum, qui datus est eis.* Hæc ille, qui apertissime distinguit in Angelis naturam à charitate, quam gratiam vocat, & non per creationem, sed per Spiritus sancti inspirationem diffusam in eis fuisse scribit. Denique, nihil aliud hoc loco de Angelis dicit, nisi quod de hominibus dixit libro de prædestinatione Sanctorum, cap. 8. posse habere fidem, & charitatem, naturæ esse hominum, habere autem, gratiæ fidelium.

D QVARTA obiectio, S. August. in lib. de correptione & gratia, cap. 11. & in Enchirid. cap. 106. scribit, felicitatem illam, per quam homo neque peccare, neque mori poterit, id est, vitam æternam nunc esse munus gratiæ quæ merces meriti futura erat, si primus homo in statu innocentie permanisset. Ex quo sequi videtur, vt in statu innocentie nulla gratia opus esset ad vitam æternam promerendam, ac per hoc iustitia originalis, & ipsa charitas per quam meremur, non donum gratiæ, sed conditio naturalis primis parentibus fuerit.

E RESPONSIO, Ex sententia S. Augustini, merita vitæ æternæ vt nobis post lapsum Adæ sunt ex gratia, ita quoque Angelis sanctis, & ipsi Adæ ante lapsum fuerunt ex gratia, proinde in omni statu vita æterna & merces est, & gratia. Non potuisse Angelos, aut primum hominem in statu innocentie, meritum vitæ æternæ habere sine gratia, docet Augustinus in ijdem locis, vnde sumpta est obiectio: nam in Enchiridio, cap. 106. cum dixisset: *Natura humana (felicitatem, qua mori non poterit) est acceptura per gratiam, quam fuerat, si non peccasset, acceptura per meritum;* concludit subiungit: *Quamuis sine gratia nec tunc ullum*

potuisse creari hominem sine iustitia originali, neque eum locum in Retractionibus correxit, sed confirmavit potius, cum in lib. 1. Retractat. cap. 9. ita loquutus est: *Ignorantia, & dissimulatio, etiam si essent hominis primordia naturalia, nec si culpandus Deus, sed laudandus esset. At si iustitia originalis naturalis esset, non potuisset homo sine ea creari, nisi Deus rem naturaliter mancā & imperfectā sponte condere voluisset, quod abhorrere videtur ab eius sapientia, & bonitate: Deī enim perfectā sunt opera, Deut. 32.*

S. Anselmus in libro de conceptu virginali, & peccato originali, cap. 22. de Adamo sic loquitur: *Quoniam, inquit, in tanta gratiæ celsitudine posuit, quā bonā sibi & alijs seruanda acceperat, sponte deseruit, idcirco filij perdidērunt, quā pater illis cum seruando dare posset, non seruando abstulit.*

Denique S. Bernardus in serm. de Annunc. dicit, Adamum prauaricando amisisse indumenta virtutum, & similitudinem ad Deum, non autem imaginem diuinā: *Quia illa (vt ipse loquitur) non erat assumpta, sed insita, atque ipsi impressa natura.* Quocirca ex testimonio S. Bernardi, iustitia, ceteræque virtutes, quarum iacturam primus homo peccando fecit, non erant insitæ, & impressæ ipsi naturæ, vt sunt dona naturalia, sed extrinsecus assutæ, ac superadditæ, vt sunt dona supernaturalia. Atq; hæc ex Patribus sufficiat. Addamus nunc argumenta ex ratione petita.

PRIMA ratio. Naturale est corpori animali sensu & appetitu prædito, concupiscere bonum sensibile, naturale est spiritui rationali concupiscere bonum spirituale; quare si fiat vna natura ex spiritu rationali, & corpore animali conflata, naturale erit illi habere diuersas & inter se pugnantes propensiones. Quod igitur primi parentes nostri ante peccatum pugna ista diuersarum appetitionum carerent, donum erat supernaturale, non conditio naturalis.

SECUNDA ratio. Si corruptio, quæ nunc est in natura humana, non est consequuta ex sola remotione doni supernaturalis, neq; fuisset in homine in puris naturalibus condito, quæto causam eius, aliqua enim causa esse debet rebellionis carnis ad spiritum. Respondent quidam, causam esse Deum: at Scripturæ passim reclamant, quæ concupiscentiam non esse ex Deo multis in locis testantur. Ioan. in epist. 1. cap. 2. dicit concupiscentiam non esse ex Patre, sed ex mundo. Iacob. in epist. sua, cap. 1. scribit, neminem à Deo tentari, sed à concupiscentia sua; quod certè non scriberet, si concupiscentia ipsa, quæ fons est temptationum, à Deo nobis esset inserta. Lex, *Non concupisces*, sancta, & bona, quæ & legem mentis Apostolus vocat ad Rom. 7. sine dubio est à Deo; quomodo igitur lex membrorum, quæ illi repugnat, est à Deo? & quomodo iubet Deus vt non faciamus quod ipse in pœnam peccati cogit nos facere?

Porro S. August. scribit quidem multis in locis inobedientiam carnis à Deo retributam homini in pœnam peccati, sed explicat id factum esse per ablationem gratiæ, non per immisionem concupiscentiæ. Sic enim loquitur lib. 11. de Gen. cap. 31. *Mox vt præceptum transgressi sunt, intrinsecus gratia deserente omnino nudati, in sua membra oculos iniecerunt.* Et lib. 4. in Iulian. cap. 13. *Non in fructu, inquit, ligni fuit libido, & ideo bonum erat lignum, sed mala est inobedientia libidinis, quæ aduersus hominis inobedientiam, quam in ligno admisit, Deo deserente surrexit.* Audis, Deo deserente, non Deo inferente, libidinem surrexisse? Et similiter loquitur in alijs locis supra citatis. Quemadmodū etiam cum idem August. docet, peccatum aliquando pœnam esse peccati, & per hoc à Deo, à quo est omnis iusta pœna, non intelligit peccatum esse à Deo inferente

maliciam, sed non impartiendo misericordiam, libro 5. in Iulian. c. 3. *Cum, inquit, dicitur homo tradidit desiderij sui, inde fit reus, quia desertus à Deo, cedit eis, atque consentit, vincitur, capitur, trahitur, possidetur, & sic ei peccatum consequens præcedentis pœna peccati.* Et in epist. 105. ad Sixtum: *Non obdurat Deus impartiendo malitiam, sed non impartiendo misericordiam.* Et tract. 53. in Ioan. *Sic excacat, sic obdurat Deus, discedendo, & non adiuvando, quod occulto iudicio facere potest, iniquo non potest.* Itaque non est Deus concupiscentiæ, siue corruptionis nostræ naturæ causa, nisi vt remouens, prohibens, vt sanctus Thomas loquitur in locis supra citatis.

Omitto sententias illas, quæ causam huius corruptionis referunt in pomū vetitum, siue in flatum serpentis, tum quod planè sint improbables, tum quod in disputatione de peccato originis commodius refelli possint. Quare cū nulla possit reddi causa huius corruptionis præter cōditionem materiæ, vt causam efficiētem, & peccatū Adami, vt causam demeritoriam, & diuinam iustitiā dono supernaturali hominem spoliāntem, vt causam remouentem prohibēs, in his est acquiescendum, neq; alia causa est querenda.

TERTIA ratio. Ex peccatis quæ ab hominibus post lapsum primi hominis committuntur, quamuis plurimis, & grauissimis, amittitur solum donum gratiæ supernaturalis, & acquiritur propensio quædam ad idem peccatum iterum committendum, & minuitur inclinatio ad virtutem peccato illi contrariam, sed corrumpitur principium, aut donum aliquod naturale, neq; acquiritur, aut augetur propensio ad omnia vitia, neq; minuitur inclinatio ad omnes virtutes, vt experientia ipsa testatur. At peccatum Adæ cū fuerit certum quoddam & actuale peccatum, & eiusdem generis, cuius sunt cetera quæ ab hominibus committuntur, non videtur alium effectum producere potuisse, quā producant cetera, eo excepto, quod illud, vt capitis totius naturæ, in omnes posteros redundauit: non igitur probabile est ex peccato Adæ, naturalia principia, siue dona potuisse corrumpi, neque concupiscentiam illam nasci, quæ est propensio ad omnia vitia, nisi ea, remoto iustitiæ originalis dono, ex ipsa natura composita, ex contrarijs consequuta fuisset.

QUARTA ratio. Si natura humana, qualis nunc est, remota culpa, mala est, & necessariò labitur in peccata, & ideo non potuit à Deo creari, vt aduersarij volunt, sine iustitia originali; certè sequitur, non posse hominem mortuum à Deo reuocari ad vitam, nisi prædicitum originali iustitia: idem enim sequitur absurdum, siue creetur, siue reparetur à Deo natura mala, & quæ necessariò peccet. Non enim reparatio illa minus est opus solius Dei, quā creatio. Et licet Deus diceretur auctor peccati, si naturam crearet, quæ non posset peccata vitare; sic etiam censeretur peccati auctor, si naturam repararet, præsertim solus, & immediata sua actione, quæ non posset peccato abstinere.

At multos nouimus ex sacris litteris à mortuis excitatos diuina virtute, & ex ijs nonnullos, quos omnino credibile est à peccato originis fuisse purgatos, qualis fuit Lazarus frater Marthæ, infantes illi, quos Helias & Heliseus à mortuis reuocarunt, qui tamen sine dubitatione vlla etiam in noua illa vitæ iustitia originali carebant, & tales erant, quales sunt ceteri qui ex parentum carne per generationem via ordinaria propagantur. Adde quod ratio à maiori duci potest. Nam si Deus animas iustas Lazari & infantium, de quibus diximus, coniungere potuit corpori mortali, animali, concupiscentiæ & ignorantæ obnoxio; cur non magis potuit initio animas, neque iustas, neque iniustas simili corpori coniungere?

QVINTA ratio propriè pugnat aduersus illos, qui non solum qualemunque rectitudinem, sed etiam omnia dona primis parentibus in creatione concessa naturalia fuisse contendunt. Primi parentes euecti fuere ad eam dignitatem, vt essent filij Dei, & Dij quidam, id est, diuinæ confortes naturæ, vt S. Petrus loquitur de ijs qui iustificantur per Christum. Neque id aduersarij negant, & nos in sequenti disputatione fusiùs comprobabimus: ac profecto absurdissimum est, rem creatam, qualis est homo, Deum, vel Dei filium naturaliter facere. Quocirca S. Aug. in 3. lib. aduersus Maximinum, cap. 15. *Idè, inquit, homo fit gratia filius, quia non est natura.* Et S. Cyrillus lib. 1. in Ioan. cap. 18. *Alia, inquit, naturæ ratio, alia adoptionis, & alia veri filij, alia adoptati.* Sumus autem nos filij Dei adoptione. Verè igitur ac naturaliter ille filius est, per quem nos in filiationem adoptati, & suprà dixerat: *Quomam gentes filium per fidem receperunt, potestatem etiam accipiunt vt filij Dei fiant; accipiunt autem à filio, cui soli naturaliter hoc inest.*

CAPVT VII.

Refelluntur argumenta contra superiorem sententiam.

SOLVEMVS nunc aliquot objectiones, quæ aduersus quartam propositionem fieri solent.

PRIMA obiectio, Si iustitia originalis supernaturalis fuisset, sequeretur concupiscentiam carnis futuram fuisse naturalem, ac per hoc bonam, & à Deo: at Ioan. in 1. epist. c. 2. dicit eam non esse ex Patre, sed ex mundo. Et Paulus ad Rom. 7. dicit se eam odisse; & Aug. lib. 6. contra Iulian. c. 5. & alibi multis in locis, probat eam esse malam, ac naturæ contrariam.

RESPONSIO, Concupiscentia carnis nunc quidem pœna peccati est, tamen homini condito in puris naturalibus fuisset sine dubio naturalis, non quidem vt bonum aliquod naturæ, sed vt defectus, & quasi morbus quidam naturæ, ex conditione materiæ consequens. Quare rectissime dicitur, non esse ex Deo, odio, non amore dignam, malam, naturæq; contrariam, propter duas causas, primùm, quia non ex intentione auctoris naturæ, sed præter eius intensionem in homine extitisset, si in puris naturalibus homo creatus fuisset. Deinde quia Deus illam sustulerat, & ex ipsius hominis culpa locum in nobis habet.

SECUNDA obiectio, S. Aug. in Enchir. cap. 11. scribit, animorum quæcumque sunt vitia, naturalium esse priuationes bonorum. Sunt autem vulnera nobis ex peccato primi parentis relicta, vitia quædam animorum; igitur ea vulnera naturalium sunt priuationes bonorum, iustitia igitur originalis, & prima illa naturæ humanæ integritas, cui priuatiuè vulnera opponuntur, naturalis erat.

RESPONSIO, Videtur S. Aug. eo loco per naturalia bona, non formas, sed subiecta intelligere, vt sententia eius sit, mala illa quæ dicuntur vitia, priuationes esse naturalium bonorum, quia in bonis naturis insunt, easq; contrarijs virtutibus priuant. Nam paulo ante dixerat, eadem forma loquendi vtens, corporales morbos esse priuationes bonorum, quia substantia bona est, quæ accedente morbo sanitate priuatur. Quod si hoc modo accipiamus verba S. Aug. verissima sunt, neq; pugnant contra sententiam nostram: neque enim negamus animos humanos, qui virtutibus priuantur succedentibus vitijs, naturalia bona dici debere, & esse. Præterea, loquitur S. Aug. de vitijs, quæ sunt habitus quidam per iteratos malos actus acquisiti, non de concupiscentia, ignorantia, infirmitate, & malicia, cum quibus nascimur.

Porrò, vitia omnia priuationes sunt naturalium bonorum, id est, naturalis rectitudinis, non qualis in

A primo homine fuit, sed qualis esse potuit, si in puris naturalibus conditus fuisset. Natura enim creata sine iustitia, & sine peccato (id enim vocamus in puris naturalibus) suam quandam habet rectitudinem, quatenus videlicet nullam habet vitij curuitatem. Denique si cogeremur per naturalia bona apud August. intelligere iustitiā originalem diuinitus datam, & superadditam naturæ, promptum esset respondere donum illud naturale bonum vocari, quia naturam non destruat, sed perficiat: quemadmodum è contrario vitium dicitur contra naturam, quia naturam non perficit, sed corrumpit.

B TERTIA obiectio, S. Augustinus lib. 12. de ciu. Dei, cap. 1. sic loquitur de Angelis: *Cum vitium creature Angelicæ dicitur, quod non adheret Deo, hinc apertissime declaratur, eius naturæ vt Deo adhæreat conuenire.* Quod si naturale est Angelo adhærere Deo, certè naturale erit etiam homini: non igitur opus fuit dono aliquo supernaturali vt primus homo Deo adhæreret, ac per hoc iustus & rectus esset.

C RESPONSO, Docet eo loco S. August. naturæ Angelicæ conuenire vt per charitatem adhæreat Deo, & in hoc distingui à naturis ratione carentibus, quibus non conuenit vt per charitatem adhæreant Deo, ac de ipso beate sint, quamquam nec misere esse possint. Sed non docet id Angelorum naturæ naturaliter conuenire, quasi possit Angelus suis solis viribus Deo per charitatem inhærere, aut certè quasi donum charitatis infusæ necessariò Angelis debeatur, itaut naturale, non supernaturale; debitum, non gratuitum dici debeat. Quin potius contrarium disertis verbis docet in eodem lib. 12. cap. 9. cum sic loquitur: *Es istam (bonam voluntatem) quis fecerat nisi ille, qui eos cum bona voluntate, id est, cum amore casto, quo illi adherent, creauit, simul in eis & condens naturam, & largiens gratiam?* Et infra: *Considendum est igitur cum debita laude Creatoris, non ad solos sanctos homines pertinere, verum etiam de sanctis Angelis posse dici, quod charitas Dei diffusa sit in eis per Spiritum sanctum, qui datus est eis.* Hæc ille, qui apertissime distinguit in Angelis naturam à charitate, quam gratiam vocat, & non per creationem, sed per Spiritus sancti inspirationem diffusam in eis fuisse scribit. Denique, nihil aliud hoc loco de Angelis dicit, nisi quod de hominibus dixit libro de prædestinatione Sanctorum, cap. 8. posse habere fidem, & charitatem, naturæ esse hominum, habere autem, gratia fidelium.

D QVARTA obiectio, S. August. in lib. de correptione & gratia, cap. 11. & in Enchirid. cap. 106. scribit, felicitatem illam, per quam homo neque peccare, neque mori poterit, id est, vitam æternam nunc esse munus gratiæ quæ merces meriti futura erat, si primus homo in statu innocentie permansisset. Ex quo sequi videtur, vt in statu innocentie nulla gratia opus esset ad vitam æternam promerendam, ac per hoc iustitia originalis, & ipsa charitas per quam meremur, non donum gratiæ, sed conditio naturalis primis parentibus fuerit.

E RESPONSO, Ex sententia S. Augustini, merita vitæ æternæ vt nobis post lapsum Adæ sunt ex gratia, ita quoque Angelis sanctis, & ipsi Adæ ante lapsum fuerunt ex gratia, proinde in omni statu vita æterna & merces est, & gratia. Non potuisse Angelos, aut primum hominem in statu innocentie, meritum vitæ æternæ habere sine gratia, docet Augustinus in iisdem locis, vnde sumpta est obiectio: nam in Enchiridio, cap. 106. cum dixisset: *Natura humana (felicitatem, qua mori non poterit) est acceptiua per gratiam, quam fuerat, si non peccasset, acceptura per meritum;* continuò subiungit: *Quamuis sine gratia nec tunc ullum*

meritum esse potuisset. Et libr. de correptione & gratia, cap. 11. de statu primi hominis ante lapsum disserens: *Nec ipsum, inquit, Deus esse voluit sine gratia sua, quia liberum arbitrium ad malum sufficit, ad bonum autem parum est, nisi adiuvetur ab omnipotenti bono.* Vides igitur ex Augustino, neque Angelis, neque primo homini ante lapsum, felicitatem esse potuisse mercedem, & non gratiam, cum sine gratia nulla bona merita habere potuerit. Nobis autem post lapsum Adæ vitam æternam non esse solam gratiam, sed etiam mercedem, docet idem S. Augustinus in epist. 105. ad Sixtum: *Nullane, inquit, sunt merita iustorum? sunt plane, sed ut iustificent, merita non fuerunt.* Et infra: *Sicut merito peccati tanquam stipendium redditur mors, ita merito iustitiae tanquam stipendium vita æterna.*

Cur ergo (inquies) si & nobis & illis vita æterna est merces, & gratia, S. Augustinus dicit in locis citatis, nobis vitam æternam esse donum gratiæ, quæ merces meriti futura erat, si Adam non peccasset?

RESPONDEO propter duas causas. PRIMUM, quia Angeli, & primus homo ante lapsum habuerunt solum gratiam qua possent bene mereri, & perseverare si vellent, ut autem vellent, relictum est in eorum libero arbitrio; Sancti vero post lapsum Adæ non habent solum gratiam qua possint bene mereri, & perseverare, si velint, sed habent gratiam quandam potentiorē, qua fit ut velint, ut S. August. docet lib. de correptione & gratia, cap. 11. & 12. Itaque respectu huius gratiæ, quæ facit nos velle, & perseverare, dicitur vita æterna nobis donum gratiæ, Angelis autem, & primo homini, si non peccasset, merces meriti; quamvis, ut ostendimus, absolute utrisque sit merces, & gratia. Quemadmodum autem gratia illa quæ facit nos velle, non tollat liberum arbitrium, dicemus postea suo loco.

ALTERA causa est, quia nos post Adæ peccatum indigni facti sumus beatitudine, & digni miseria sempiterna; neque solum non habemus velle bonum, sed neque posse id velle, nisi ex nova Dei benignitate, id assequamur. Quare respectu huius novæ benignitatis, qua non eguerunt Angeli sancti, neque primus homo si non peccasset, eguisset, dicitur nobis beatitudo donum gratiæ, quæ alioqui merces meriti futura erat. Atque hoc est quod docet S. August. in Enchiridio, cap. 106. cum ait: *Sed post illam ruinam maior est misericordia Dei, quando & ipsum liberum arbitrium liberandum est à servitute, cui dominatur cum morte peccatum.* Exemplum huius rei esse posset, si Rex quispian athleticas multos ad certamen pro insigni obtinendo bravio sua benignitate admitteret, eosdemq; armis, & cæteris necessariis rebus instrueret; deinde aliqui ex ijs fortiter pugnando ad palmam pertingerent, alij victi discederent: sed Rex victos illos liberalitate melioribus armis instrueret, atque ad pugnam rursus admitteret, ac demum efficeret, ut ipsi quoque victores euaderent. Tametsi enim absolute bravium omnibus qui vicissent, & merces esset, & gratia; tamen si priores cum posteriorib. conferrentur, recte dici posset, prioribus mercedem meriti, posterioribus donum gratiæ bravium illud fuisse.

QVINTA objectio, S. Augustinus lib. 3. de lib. arbitrio, cap. 18. sic loquitur: *Approbare falsa pro veris, ut erres inustus, & resistente atque torquente dolore carnalis vinculi non posse à libidinosis operibus temperare, non est natura instituti hominis, sed pæna damnati.*

RESPONDEO, Loquitur de natura, qualis fuit in primo homine, non qualis esse potuit. Nam in eodem lib. (ut supra notauimus) idem August. scribit: Si ignorantia, & difficultas essent hominis primordia naturalia, non potuisset reprehendi, sed laudari

Creatorem. Et satis copiose disputat cap. 20. & seq. potuisse hominem creari, qualis nunc nascitur, etiam si nullum peccatum ante præcessisset.

SEXTA objectio, S. Leo ser. 13. de passione Domini, vocat innocentiam primi hominis naturalem, cum sic ait: *Libertatem itaque innocentiam naturalem, quam primorum parentum prævaricatione perdidimus, nulla per Sanctorum precedentium merita receperunt.*

RESPONSIO, Innocentiam naturalem vocat, quia ab initio conditionis cum ipsa natura tributa, & per modum naturæ in posteros propaganda fuerat. Quemadmodum nunc peccatum originis dici potest naturale, iuxta illud: *Erasmus & nos natura filij ira*, Ephes. 2. Sed sicut peccatum illud, quamvis à natiuitate trahatur, tamen extrinsecus accedit naturæ, non autem ex naturæ principijs fluit; ita quoque donum innocentiam originalis, etiam si cum natura transfusum fuisset, non tamen ex naturæ principijs, sed ex munere supernaturalis gratiæ profluxisset.

SEPTIMA objectio, Concil. Trid. sess. 5. docet, propter peccatum originis incurrisse nos potestatem diaboli, totumque hominem secundum corpus & animam in deterius esse mutatum. Hoc autem non est solum priuari dono originalis iustitiæ ac gratiæ: nam homo in puris naturalibus sine gratia in potestate diaboli minimè fuisset, non solum ratione mortalitatis nostræ, sed etiam ratione peccati.

RESPONSIO, Nemo nostrum negat, propter peccatum originis non solum iustitiæ originali & gratia nos esse miserè spoliatos, sed etiam incurrisse in diaboli potestatem, & totum hominem secundum corpus & animam in deterius esse mutatum. Neque illud dicimus, hominem in puris naturalibus conditum futurum fuisse in diaboli potestate, sed futurum fuisse quales nos sumus, quoad mortalitatem corporis, & rebellionem membrorum, ignorantiam, difficultatem, & similia; ac proinde mutationem totius hominis secundum corpus & animam in deterius ex amissione iustitiæ originalis natam esse, ita ut non sit opus dicere, Deum vel diabolus rebellionem carnis nobis inferuisse, aut nos dedita opera excæcasse, cum ignorantia, & cupiditas, & alia id genus mala, ex amissione iustitiæ originalis, ut ex remouente prohibens dimanare potuerint.

OCTAVA objectio, Naturalem carnis nostræ impetum magis nunc esse rebellem, quam ante peccatum sine gratia futurus erat, ex doctrina Augustini clarissima argumenta peti possunt. Hæc sunt verba Augustini, lib. de correptione & gratia, cap. 11. *Ille Adam videlicet in bonis suæ naturæ erat, nos in malis natura sumus. Ille non eguit morte Christi, supple, ut sanitatem conservaret: nos egemus, supple, ut sanitatem recuperemus, clamante Paulo, Quis me liberabit, &c. Ille non opus habuit adiutorio contra iram carnis: nos illo opem habemus. Ille denique accepit gratiam, qua potius si vellet: nos accepimus, ut velimus, idque tantum velimus, tantoque ardore diligamus, ut voluntatem contraria concupiscentem voluntate spiritus vincamus.* Hæc ille. Haud dubie igitur pura illius naturalia, seclusa gratia, & dono iustitiæ, multò erant saniora, & puriora, ut quæ minori remedio conservabantur, seu perficiebantur, quam nostra sunt sublata gratia.

RESPONSIO, Ex his verbis S. Augustini non potest vlla ratione colligi naturalem carnis nostræ impetum magis nunc esse rebellem, quam ante peccatum sine gratia futurus erat; neque illud, pura naturalia fuisse saniora, & puriora ante peccatum, quam modo sint post peccatum. Nam primum non dicit Augustinus Adamum fuisse in bonis naturæ, nos esse in malis naturæ. Sed hæc sunt verba eius: *Ille in bonis erat, quæ*

bonitates

bonitates sui Conditoris acceperat. Et paulò post: *Sancti vero in hac vita, ad quos pertinet liberationis hæc gratia, in malis sunt, &c.* Vbi nulla fit mentio naturæ. Et ex superioribus verbis intelligimus eum loqui de bonis gratiæ, non naturæ. Sic enim ait: *Quid ergo? Adam non habuit Dei gratiam? imò verò habuit magnam, sed disparem. Ille in bonis erat, quæ bonitates sui Conditoris acceperat, &c.* Itaque sensus eorum verborum esse videtur, Adamum fuisse in bonis gratiæ, originalique iustitiæ; nos esse in malis, quæ ex amissione gratiæ redundarunt.

Sed fac, August. dixisse, Ille erat in bonis naturæ, nos sumus in malis naturæ; quid inde colliges, nisi Adamum habuisse naturam per supernaturale donum sanctam ab eo morbo, qui ex conditione materiæ nasci potuerat; nos habere naturam dono illo priuatam, ac per hoc naturali ægritudine obnoxiam, atque subjectam? Deinde quod addit August. Adamum non eguisse morte Christi, nos egere; illam habere causam, quam ibidem idem August. indicat, cum ait, nos à reatu hæreditario, & proprio Christi sanguine liberari: hinc enim sequitur, ut Adam in illo statu Christi sanguine non egerit, quia nullum habebat reatum hæreditarium, vel proprium, à quo liberandus esset; nos verò Christi sanguine egeamus, quia reatum proprium, vel hæreditarium omnes habemus. Quid autem pertinet ad probandum, pura naturalia fuisse in primo homine, seclusa gratia, laniora quàm nostra sint?

Quod ibidem addit Augustinus, Adamum non eguisse adiutorio contra rixam carnis, nihil est mirum, cum in eo iustitia originalis sustulerit rixam carnis; neque enim scribit August. Adamum in puris naturalibus, seclusa originali iustitia, non opus habuisse adiutorio contra rixam carnis, sed Adamum in illis bonis, id est, in statu illo felicitatis, in quo diuino munere originalis iustitiæ ornatus atque instructus, nullas carnis molestias patiebatur, non habuisse opus illo adiutorio, quod nos assidue imploramus, cum dicimus: *Video aliam legem in membris meis, &c.* Infelix ego homo, quis me liberabis de corpore mortis huius? Proinde latiore gratia donatus fuit Adam, nos potentiore, quia gratia in illo non solum mentem subijciebat Deo, sed etiam carnem spiritui; in nobis verò relicta pugna carnis cum spiritu, gratia Dei tanto ardore mentem subijcit Deo, ut appetitum inferiorem contraria concupiscentem appetitu superiore vincamus. Hinc denique factum est ut placuerit Deo, primo homini iustitia originali prædico dare solum gratiam, qua posset iustitiam operari, si vellet; nobis autem iustitia illa spoliatis dare gratiam potentiorē, qua re ipsa vellemus.

NONA objectio, In paruulis quamprimum adolefcunt, maxima vanæ cupiditatis abundantia apparet, suæque sponte immani impetu in vitia, vel omnia, vel plurima, præcipientes feruntur. De qua lege Augustinum lib. 22. de ciuit. Dei, cap. 22. Non sic homo in puris naturalibus in lucem editus fuisset; nuda enim in illo fuisset possibilitas peccandi, non præcepti aliqua inclinatio.

RESPONDEO. Probanda erat assumptio argumenti. Gratis enim assumitur, non talem fuisse futurum hominem in puris naturalibus conditum, ut in eo præter peccandi possibilitatem esset etiam præceptum in vitia inclinatio, qualis in nobis cernitur post lapsum Adæ. Quin potius apertissima ratio docet, talem omnino fuisse futurum hominem in puris naturalibus, ut in eo esset præceptum illa in vitia inclinatio. Tum quia objecta sensuum propinqua, & præsentia sunt, objecta autem spiritus quodammodo absentia,

ac longè remota; tum quia toto infantia & pueritia tempore vix vllum habemus rationis vsum, ob naturalem organorum indispositionem, sensus autem & appetitus inferior quouis tempore vigent; tum denique quia nili ex materiæ conditione illa inclinatio ad vitia oriatur, nulla eius causa demonstrari potest, ut suprà ostendimus.

DECIMA objectio, Si talis sensualitatis impetus, saltem secundum quid, & ratione materiæ, contra hominis naturam, in primo homine fuisset, tunc lanè etiam ante peccatum corruptam naturam, & ad peccatum allicientem homo habuisset. Sed si hoc ponatur, difficillimum erit Deum excusare, ne sit auctor peccati, qui impetum tam rebellem, & iniquum, ideoque malum, & quidem peccatum, quia inobedientia quædam est contra dominatum mentis (ut ait August. lib. 5. cap. 3. contra Iulianum) ipsi naturæ ante vllum hominis demeritum indidit. Sed contra clamat Scriptura, quod Deus fecerit hominem rectum, utique sine tali curvitate, ipse autem se immiscuerit infinitis quæstionibus, rixis videlicet, & pugnis carnalibus.

RESPONSO. In hoc argumento non rectè confunditur status, in quo Adam re ipsa conditus fuit, cum eo in quo condi potuisset. Quod enim Scriptura clamat, à Deo rectum hominem esse factum, ipsum autem se immiscuisse infinitis quæstionibus, verissimum est, quia Deus hominem (ut sepe iam diximus) condidit vestitum originali iustitia, quæ pacem summam, ac lætissimam inter carnem & spiritum faciebat; ipse verò peccando iustitiam illam amisit, atque ita pugnam carnis ac spiritus sibi ipse peperit. Sed si Deus hominem in puris naturalibus condidisset, fecisset quidem rectum in eo sensu, quia nullum ei vitiosum habitum insensisset, sed obnoxium tamen rebellionem carnis ad spiritum.

Neque propterea difficile est demonstrare quemadmodum Deus non sit auctor peccati. PRIMVM enim rebellionem illam Deus non fecisset, etiamsi hominem in puris naturalibus condidisset, sed ea præter intentionem agentis ex conditione materiæ consequuta fuisset. Nam neque faber ferrarius rectè dici potest auctor rubiginis, quam gladius ferreus contrahit, tametsi gladium ferreum ipse fecerit. Deinde, rebellio illa nec propriè peccatum est (ut in libris de peccato originis demonstrabimus, ubi etiam locum Augustini in argumento adductum exponemus) nec necessariò ad peccatum inducit, ut sanctus Augustinus disputat in lib. 3. de libero arbitrio. Nam vel homini creato in puris naturalibus Deus præberet auxilium, quo pollet concupiscentiam coercere, aut certe cupiditatibus eius non consentire, vel non præberet: Si præberet, non necessariò homo concupiscentiæ cederet; si non præberet, cederet quidem, sed non sua culpa cederet, proinde nec peccaret. Atque hoc ipsum his verbis sanctus Augustinus scribit in lib. de correptione & gratia, cap. 11. *Si autem hoc adiutorium vel Angelo, vel homini quamprimum facti sunt, defuisset, quamam non talis natura facta erat, ut sine diuino adiutorio posset manere si vellet, non utique sua culpa cecidisset; adiutorium quippe defuisset, sine quo manere non possent.*

VNDECIMA objectio, Contra accusatores naturæ solent Patres peccati originis corruptelam nostro vitio inuictam opponere, non ipsam naturam, ut faciunt Ethnici, nouercam vocare. Vide August. lib. 4. in Iulian. lib. 2. cap. 22. de peccatorum meritis, & remissione: & lib. 14. cap. 17. de ciuit. Dei.

RESPONSO. Rectè Patres docent non esse naturam accusandam, sed in originale peccatum nostrarum

omnium ærumnarum causam referendam. Nam (vt supra non semel diximus) Deus hominem in ipsa conditione felicissimum fecerat, sed eundem hominem sua inobedientia miserrimum reddidit.

At, inquires, quod Philosophi Ethnici naturam accusent, eamque nobis non parentem, sed nouercam fuisse dicant, argumento est naturam humanam qualis nunc est, non talem esse, qualis naturaliter esse deberet.

RESPONDEO, Philosophos Ethnicos contraria de natura nostra sensisse, vt ostendit Theodor. lib. 5. ad Græcos. Alij enim hominem miserrimum, alij felicissimum à natura conditum discebant. Tullius in tertio libro de Republica, apud Augustinum lib. 4. in Iulianum, cap. 12. naturam nobis nouercam fuisse queritur. Contrà, Plato in tertio item de Republica scribit, hominem per corpus fieri posse beatum, esseque animantium omnium felicissimum. Nec minus Galenus in libris de partibus, passim celebrat auctorem naturæ, vt qui cum hominum genere præclarissime egerit.

Potèrò cur Philosophi Ethnici inter se de natura humana disenserint, causa esse potuit, quia nonnulli spectarunt in homine in puris naturalibus constituto, multa egregia bona, quæ in eo inesse, ac mirifice elucere nemo inficari potest. Alij mentis oculos conuertunt ad eos defectus, qui ex conditione materiæ præter intentionem agentis in hominis natura existunt; & quoniam æquum esse censebant, vt naturæ auctor hos etiam defectus suo beneficio summoueret, ignorabant autem quod nos ex diuinis scripturis didicimus, defectus illos à Deo in primi hominis conditione sublato, rursus in pœnam peccati ex conditione materiæ oriri permillos, ideo S. August. in 4. lib. aduersus Iulianum, cap. 12. recte scripsit, Philosophos, qui nouercam naturam appellabant, rem vidisse, causam ignorasse.

DVODECIMA obiectio. Concupiscentiæ carnalis inordinati motus maximè in genitalibus apparent: Sed illorum ante peccatum nullus fuisset inordinatus motus, sed generationi seruissent sine vllò libidinis actu, vt longa disputatione contra Pelagianos demonstrat Augustinus; Ergo nec alius vllus concupiscentiæ contra rationem impetus in puris naturalibus locum habere potuit.

RESPONDEO, Assumptio argumenti probanda fuerat. Nam S. Augustinus longa disputatione contra Pelagianos, demonstrat quidem non fuisse in primo homine iustitia originali prædito vllum libidinis æstum, de qua re nulla apud nos dubitatio est: non tamen demonstrat, in puris naturalibus nullum futurum fuisse æstum libidinis, sed contrarium potius demonstrat in tot locis à nobis supra citatis. Quare conclusio illa (Ergo nec alius vllus concupiscentiæ contra rationem impetus in puris naturalibus locum habere potuit) nec Augustino, nec veritati consentanea est.

Addi potest obiectio DECIMATERTIA in hunc modum. Æterna beatitudo finis est hominis naturalis, vt sanctus Thomas docet in prima parte, quæstione 12. art. 1. debuit igitur homo media naturalia habere ad eum finem consequendum, alioqui rebus omnibus esset inferior & abjectior, cum res cætera fines suos proprijs ac naturalibus viribus assequantur. Iustitia ergo & cætera virtutes, quæ ad beatitudinem adipiscendam necessaria sunt, primo homini naturalia fuerunt.

RESPONDEO. Non parua quæstio est, sitne sempiterna beatitudo, quæ in visione Dei sita est, finis hominis naturalis, an supernaturalis. Sed quia non mul-

tum facit ad rem nostram illius quæstionis explicatio, admissa parte affirmante: Respondeo, beatitudinem finem hominis naturalem esse, quoad appetitum, non quoad consequutionem. Neque est aut nouum, aut hominis natura indignum, vt naturaliter appetat, quod non nisi supernaturali auxilio consequi valeat. Non est, inquam, nouum, siquidem animæ hominum solutæ corporibus, naturalem habent ordinem, & propensionem ad corpora, quorum formæ fuerunt, nec tamen iterum coniungi corporibus sine supernaturali auxilio poterunt. Non est autem natura humana indignum, sed contrà potius ad maximam eius pertinet dignitatem, quod ad sublimiorem finem condita sit, quàm vt eum solis naturæ suæ viribus attingere possit.

DICET fortasse quispiam: Esto, egeat homo supernaturalibus medijs; tamen id sequetur, vt non potuerit sine medijs illis creari, ac per hoc non potuerit talis creari, qualis nunc nascitur; neque enim ad finem inferiorem condi potuit, nisi natura eius mutaretur, neque negari media potuerunt ad finem naturalem obtinendum.

RESPONDEO, Æquum omnino fuisse, vt Deus homini ad finem tam sublimem ordinato media necessaria non negaret, tamen nihil absurdi sequitur, si negasset. Nam tametsi summa illa beatitudo sit finis hominis naturalis, tamen est finis improporcionatus, & præter eum habet homo alium finem naturalem sibi omnino proporcionatum, qui est ratiocinando inquirere veritatem. Quare potuit Deus hominem per naturalia media ad finem naturæ suæ proporcionatum perducere, nec altius euehere. Cuius rei exemplum habemus in vespertione, qui naturalem habet capacitatem, & appetitum videndi solem, & tamen credibile est nunquam futurum, vt is videat solem, sed lumen tantum debile, ac subobscurum, quod est objectum oculorum eius non solum naturale, sed etiam proporcionatum.

CAPVT VIII.

Adamum, eiusque posteros nequaquam mori potuisse, nisi peccassent.

DISSERVIMVS hæcenus de donis supernaturalibus, quæ ad animum primi hominis in statu innocentie pertinebant. Nunc de corporis immortalitate disputandum erit. Vno siquidem errores quemadmodum de iustitia originali, ita etiam de corporis immortalitate reperiuntur.

PRIOR fuit Pelagianorum, qui affirmabant hominem fuisse moriturum, etiam si non peccasset, vt S. August. testatur in lib. de hæres. c. 88. Ad quem errorem proximè accessit August. Eugubin. in annotationibus ad 2. cap. Gen. Scribit enim ex Adami lapsu genus humanum in mortem animæ, non corporis incurrisse, & fuisse hominem moriturum, quamuis non peccasset. Addit tamen se id, si fortè contra fidem sit, omnino damnare, ac retractare.

POSTERIOR eorum est, qui non solum docent, hominem nisi peccasset, non moriturum, sed etiam illam eius immortalitatem naturalem dicendam esse volunt, non supernaturalem. Quæ sententia videtur sequi ex illa, quam supra refutauimus de iustitia originali. Et huc pertinet art. 75. eorum, quos nuper Pius V. & Gregorius XIII. damnauerunt. Sic enim habet: *Immortalitas primi hominis non erat gratia beneficium, sed naturalis eius conditio.* Nos igitur vtrumque errorem breuiter confutabimus, ac primum ex Scripturis, ex Patrum testimonijs, ex ratione ipsa perspicue demonstrabimus, mortem pœnam esse peccati, ac per hoc neque Adamum, neque eius poste-

ros potuisse mori, nisi culpa præcederet. Deinde probabimus, hanc primi hominis immortalitatem non naturalem, sed supernaturalem; non debitam, sed gratiam; non naturæ conditionem, sed gratiæ beneficium esse nominandam.

Quod igitur ad PRIMVM attinet, mortem poenam esse peccati, colligitur ex verbis illis Gen. 2. *Quacumque die comederis, morte morieris.* Quorsum enim mortis comminatio in prævaricationis poenam, si Adam etiam non peccando moriturus erat? Respondebant olim Pelagiani (teste S. Augustino lib. 1. de peccatorum meritis & remissione, cap. 2.) hunc locum de morte animæ, non de morte corporis intelligendum esse, quemadmodum intelligimus illum, *Sine mortuis sepelire mortuos suos.* Sed refellit S. Augustinus hanc explicationem ex verbis illis Gen. 3. *Pulvis es, & in pulverem reverteris.* Dominus enim his verbis Adamum damnat ad eam poenam, quam illi fuerat antea comminatus. Proinde vnus locus alium explicat. Certum autem est, corpus, non animam, ex pulvere factum esse, & per mortem in pulverem rediturum. Quare B. Hieronymus in quæstionibus Hebraicis, laudat Symmachum, quod hoc loco verterit, quacumque comederis, mortalis eris, quia videlicet Adam per transgressionem non erat continuò moriturus, sed certè morti obnoxius futurus.

Neque his repugnat quod S. Gregorius libro 5. epist. 14. exponat hunc locum de morte animæ: nam de vtraque morte intelligi potest, & plenus commentarius erit, si explicationem Augustini & Gregorij coniungentes dicamus, Deum minatum esse Adamo mortem animæ, & consequenter necessitatem moriendi etiam corporaliter, cum immortalitas corporis (vt paulò post demonstrabimus) ex vita animæ, id est, ex Dei gratia, & amicitia dependeret. Imò S. August. lib. 3. de ciuit. Dei, cap. 12. hunc locum de triplici morte intelligit propter eandem rationem, quia vna est causa alterius, de morte videlicet animæ per amissionem gratiæ, de morte corporis per amissionem animæ, & de morte nobilissima per amissionem gloriæ. Et ante eum S. Ambros. in lib. de Paradiso, cap. 9. scribit, ideò dictum esse, *morte morieris*, & non simpliciter, *morieris*, quia de morte corporis & animæ sermo erat.

Sed præter hunc locum, habemus alia multa, eaq; tam perspicua, vt nullo modo in aliam sententiam detorqueri valeant; quid enim apertius illis verbis? Sap. 1. *Deus mortem non fecit.* Et Sap. 2. *Deus creauit hominem inextinguibilem; inuidia autem diaboli mors intrauit in orbem terrarum.* Et Rom. 5. *Per unum hominem peccatum in hunc mundum intrauit, & per peccatum mors.* Et Rom. 6. *Stipendium peccati mors.* Et Rom. 8. *Si autem Christus in vobis est, corpus quidem mortuum est propter peccatum, &c.* Notat autem S. August. lib. 1. de peccatorum meritis & remissione, cap. 5. Apostolum noluisse dicere, corpus mortale est propter peccatum, sed mortuum, quia etiam ante peccatum corpus Adami erat aliquo modo mortale, sed per peccatum coniectum est in necessitatem inextinguibilem moriendi. Id autem quod necessariò breui futurum est, quodque iam imminet, vsitatè dicitur factum. Denique 1. Cor. 15. S. Apostolus non semel repetit hanc veritatem, cum ait: *In Adam omnes moriuntur*: Et, *Per hominem mors*: Et, *Stimulus mortis peccatum est.*

His accedunt Conciliorum definitiones. Sic enim legimus in Concil. Mileuitano, canone 1. *Placuit, vt quicumque dicit, Adam primum hominem mortalem factum, statim sine peccato, sine non peccato, moreretur in corpore, hoc est, de corpore exiret, non peccati merito, sed necessitate*

A *natura, anathematis.* Et in Concil. Arausicano, canone 2. *Si quis soli Adæ prævaricationem suam, non etiam eius propagini asserit nocuisse, aut certè mortem tantum corporis, quæ poena peccati est, non autem & peccatum, quod mors est animæ, per unum hominem in omne genus humanum transisse testatur, iniustitiam Deo dabit, contradicens Apostolo dicenti, Per unum hominem peccatum intrauit in mundum, & per peccatum mors in omnes homines pertransiit, in quo omnes peccauerunt.* Atque his similia leguntur in Concilio Tridentino, sess. 5.

B Accedat VLTIMO (vt Patrum testimonia, quæ obuia sunt, omittamus) argumentum ex ratione peti-
tum. Non potest homo defungi vita, nisi vno ex his quatuor modis, vt scilicet aut externa vi opprimatur, aut fame, sitive deficiat, aut morbis ex interna humorum intemperie extinguatur, aut tandem senio contabescat. At primus homo sapientissimus erat, & rebus omnibus, quæ infra ipsum erant, liberè dominabatur, vt perspicuum est ex nominibus, quæ animantibus omnibus imposuit, & ex illa Dei voce: *Dominamini piscibus maris, & volatilibus celi, &c.* Gen. 1. & 2. Quare nouerat omnia noxia, & ea vitare poterat, & debebat, & nisi vitasset, peccatum haud dubiè commisisset, ac proinde non in statu innocentie perijisset.

C Ne autem dormienti noxium aliquid accideret, aut alio modo Adam extrinsecus læderetur, vigilabat oculus diuinæ prouidentie, & Angelorum custodia. Quod enim de homine iusto legimus: *Dominus custodit te ab omni malo, Psal. 120.* Et: *Angelus suis mandauit de te, vt custodiant te in omnibus vijs tuis, Psal. 90.* dubitari non potest, quin etiam de Adamo, quo tempore iustus, & amicus Dei erat, dici potuisset.

Ut autem ciborum inopia homo non moretetur, prouiderat Deus multos arborum fructus, ex quibus si vesci noller ad vitam sustentandam, planè peccaret. Nam & Deus dixerat: *De omni ligno comede, &c.* Gen. 2. Et ratio naturalis, id est, lex diuina in corde scripta, dictabat necessarium esse vti cibis quos Deus creauerat.

D Ad hæc, ne ex humorum intemperie morbi, ac mors accidere possent, data fuerat homini iustitia originalis, quæ non solum appetitum inferiorem rationi, sed etiam corpus animæ perfectè subiciebat, vt homo in eo statu felicitatis incredibili pace intus & extra frueretur.

Denique, ne senio ex debilitate virtutis nutrientis contabesceret, ac deficeret, constituerat Deus, aut per vsum ligni vitæ corroborare vim nutrientem, aut antè transferre homines ad statum gloriæ, quàm fenescendi tempus accederet. Loquor autem sub distinctione, quia duæ sunt opiniones de viu ligni vitæ, vt in vltimo capite demonstrabitur.

C A P V T IX.

E *Immortalitatem primi hominis supernaturalem fuisse, non naturalem.*

I AM verò primi hominis immortalitatem supernaturalem fuisse, non naturalem, constans est sanctorum Patrum sententia. S. Augustinus lib. 6. de Genesi ad litteram, cap. 25. *Aliud est, inquit, non posse mori, aliud posse non mori, secundum quendam modum primus creatus est homo immortalis, quod ei præstabatur de ligno vitæ, non de constitutione naturæ.* Et paulò post: *Mortalis ergo erat conditione corporis animalis, immortalis autem beneficio Conditoris.* Lib. 13. de ciuit. Dei, cap. 20. loquens de immortalitate primorum hominum: *Qui status, inquit, eis de ligno vitæ, quod in medio Paradisum arboris verita simul erat, mirabili Dei gratia præ-*

omnium ærumnarum causam referendam. Nam (vt supra non semel diximus) Deus hominem in ipsa conditione felicissimum fecerat, sed eundem hominem sua inobediencia miserrimum reddidit.

At, inquires, quod Philosophi Ethnici naturam accuserent, eamque nobis non parentem, sed nouercam fuisse dicant, argumento est naturam humanam qualis nunc est, non talem esse, qualis naturaliter esse deberet.

RESPONDEO, Philosophos Ethnicos contraria de natura nostra sensisse, vt ostendit Theodor. lib. 5. ad Grecos. Alij enim hominem miserrimum, alij felicissimum à natura conditum dicebant. Tullius in tertio libro de Republica, apud Augustinum lib. 4. in Iulianum, cap. 12. naturam nobis nouercam fuisse queritur. Contrà, Plato in tertio item de Republica scribit, hominem per corpus fieri posse beatum, esseque animantium omnium felicissimum. Nec minus Galenus in libris de partibus, passim celebrat auctorem naturæ, vt qui cum hominum genere præclarissime egerit.

Porrò cur Philosophi Ethnici inter se de natura humana dissenferint, causa esse potuit, quia nonnulli inspectarunt in homine in puris naturalibus constituto, multa egregia bona, quæ in eo inesse, ac mirifice elucere nemo inficari potest. Alij mentis oculos conuertunt ad eos defectus, qui ex conditione materiæ præter intentionem agentis in hominis natura existunt; & quoniam æquum esse censebant, vt naturæ auctor hos etiam defectus suo beneficio summoueret, ignorabant autem quod nos ex diuinis scripturis didicimus, defectus illos à Deo in primi hominis conditione sublato, rursus in pœnam peccati ex conditione materiæ oriri permisos, ideo S. August. in 4. lib. aduersus Iulianum, cap. 12. recte scripsit, Philosophos, qui nouercam naturam appellabant, rem vidisse, causam ignorasse.

DVODECIMA objectio. Concupiscentiæ carnalis inordinati motus maximè in genitalibus apparent. Sed illorum ante peccatum nullus fuisset inordinatus motus, sed generationi seruissent sine villo libidinis actu, vt longa disputatione contra Pelagianos demonstrat Augustinus; Ergo nec alius vllus concupiscentiæ contra rationem impetus in puris naturalibus locum habere potuit.

RESPONDEO, Assumptio argumenti probanda fuerat. Nam S. Augustinus longa disputatione contra Pelagianos, demonstrat quidem non fuisse in primo homine iustitia originali prædito vllum libidinis æstum, de qua re nulla apud nos dubitatio est: non tamen demonstrat, in puris naturalibus nullum futurum fuisse æstum libidinis, sed contrarium potius demonstrat in tot locis à nobis supra citatis. Quare conclusio illa (Ergo nec alius vllus concupiscentiæ contra rationem impetus in puris naturalibus locum habere potuit) nec Augustino, nec veritati consentanea est.

Addi potest objectio DECIMATERTIA in hunc modum. Æterna beatitudo finis est hominis naturalis, vt sanctus Thomas docet in prima parte, quæstione 12. art. 1. debuit igitur homo media naturalia habere ad eum finem consequendum, alioqui rebus omnibus esset inferior & abiectionis, cum res ceteræ fines suos proprijs ac naturalibus viribus assequantur. Iustitia ergo & ceteræ virtutes, quæ ad beatitudinem adipiscendam necessaria sunt; primo homini naturalia fuerunt.

RESPONDEO. Non parua quæstio est, sitne sempiterna beatitudo, quæ in visione Dei sita est, finis hominis naturalis, an supernaturalis. Sed quia non mul-

tum facit ad rem nostram illius quæstionis explicatio, admissa parte affirmante: Respondeo, beatitudinem finem hominis naturalem esse, quoad appetitum, non quoad consequutionem. Neque est aut nouum, aut hominis natura indignum, vt naturaliter appetat, quod non nisi supernaturali auxilio consequi valeat. Non est, inquam, nouum, siquidem animæ hominum solutæ corporibus, naturalem habent ordinem, & propensionem ad corpora, quorum formæ fuerunt, nec tamen iterum coniungi corporibus sine supernaturali auxilio poterunt. Non est autem natura humana indignum, sed contrà potius ad maximam eius pertinet dignitatem, quod ad sublimiorem finem condita sit, quàm vt eum, solis naturæ suæ viribus attingere possit.

DICET fortasse quispiam: Esto, egeat homo supernaturalibus medijs; tamen id sequetur, vt non potuerit sine medijs illis creari, ac per hoc non potuerit talis creari, qualis nunc nascitur; neque enim ad finem inferiorem condi potuit, nisi natura eius mutaretur, neque negari media potuerunt ad finem naturalem obinendum.

RESPONDEO, Æquum omninò fuisse, vt Deus homini ad finem tam sublimem ordinato media necessaria non negaret, tamen nihil absurdi sequitur, si negasset. Nam tametsi summa illa beatitudo sit finis hominis naturalis, tamen est finis improporcionatus, & præter eum habet homo alium finem naturalem sibi omninò proportionatum, qui est ratiocinando inquirere veritatem. Quare potuit Deus hominem per naturalia media ad finem naturæ suæ proportionatum perducere, nec altius euehere. Cuius rei exemplum habemus in vespertione, qui naturalem habet capacitatem, & appetitum videndi solem, & tamen credibile est nunquam futurum, vt is videat solem, sed lumen tantum debile, ac subobscurum, quod est objectum oculorum eius non solum naturale, sed etiam proportionatum.

C A P V T VIII.

Adamum, eiusque posteros nequaquam mori potuisse, nisi peccassent.

D ISSERVIMVS hætenus de donis supernaturalibus, quæ ad animum primi hominis in statu innocentie pertinebant. Nunc de corporis immortalitate disputandum erit. DVO siquidem errores quemadmodum de iustitia originali, ita etiam de corporis immortalitate reperiuntur.

PRIOR fuit Pelagianorum, qui affirmabant hominem fuisse moriturum, etiam si non peccasset, vt S. August. testatur in lib. de hæres. c. 88. Ad quem errorem proximè accessit August. Eugubin. in annotationibus ad 2. cap. Gen. Scribit enim ex Adami lapsu genus humanum in mortem animæ, non corporis incurrisse, & fuisse hominem moriturum, quamuis non peccasset. Addit tamen se id, si fortè contra fidem sit, omninò damnare, ac retractare.

POSTERIOR eorum est, qui non solum docent, hominem nisi peccasset, non moriturum, sed etiam illam eius immortalitatem naturalem dicendam esse volunt, non supernaturalem. Quæ sententia videtur sequi ex illa, quam supra refutauimus de iustitia originali. Et huc pertinet art. 75. eorum, quos nuper Pius V. & Gregorius XIII. damnauerunt. Sic enim habet: *Immortalitas primi hominis non erat gratiæ beneficium, sed naturalis eius conditio.* Nos igitur verumque errorem breuiter confutabimus, ac primum ex Scripturis, ex Patrum testimonijs, ex ratione ipsa peripicue demonstrabimus, mortem pœnam esse peccati, ac per hoc neque Adamum, neque eius poste-

ros potuisse mori, nisi culpa præcederet. Deinde probabimus, hanc primi hominis immortalitatem non naturalem, sed supernaturalem; non debitam, sed gratuitam; non naturæ conditionem, sed gratiæ beneficium esse nominandam.

Quod igitur ad PRIMVM attinet, mortem pœnam esse peccati, colligitur ex verbis illis Gen. 2. *Quacunque die comederis, morte morieris.* Quorsum enim mortis comminatio in præuaricationis pœnam, si Adam etiam non peccando moriturus erat? Respondebant olim Pelagiani (teste S. Augustino lib. 1. de peccatorum meritis & remissione, cap. 2.) hunc locum de morte animæ, non de morte corporis intelligendum esse, quemadmodum intelligimus illum, *Sine mortuos sepelire mortuos suos.* Sed refellit S. Augustinus hanc explicationem ex verbis illis Gen. 3. *Pulvis es, & in pulverem reuerteris.* Dominus enim his verbis Adamum damnat ad eam pœnam, quam illi fuerat antea comminatus. Proinde vnus locus alium explicat. Certeum autem est, corpus, non animam, ex pulvere factum esse, & per mortem in pulverem rediturum. Quare B. Hieronymus in quæstionibus Hebraicis, laudat Symmachum, quod hoc loco verterit, quacunque comederis, mortalis eris, quia videlicet Adam per transgressionem non erat continuo moriturus, sed certè morti obnoxius futurus.

Neque his repugnat quod S. Gregorius libro 5. epist. 14. exponat hunc locum de morte animæ: nam de vtraque morte intelligi potest, & plenus commentarius erit, si explicationem Augustini & Gregorij coniungentes dicamus, Deum minatum esse Adamo mortem animæ, & consequenter necessitatem moriendi etiam corporaliter, cum immortalitas corporis (vt paulò post demonstrabimus) ex vita animæ, id est, ex Dei gratia, & amicitia dependeret. Imò S. August. lib. 3. de ciuit. Dei, cap. 12. hunc locum de triplici morte intelligit propter eandem rationem, quia vna est causa alterius, de morte videlicet animæ per amissionem gratiæ, de morte corporis per amissionem animæ, & de morte nouissima per amissionem gloriæ. Et ante eum S. Ambros. in lib. de Paradiso, cap. 9. scribit, idè dictum esse, *morte morieris*, & non simpliciter, *morieris*, quia de morte corporis & animæ sermo erat.

Sed præter hunc locum, habemus alia multa, eaq; tam perspicua, vt nullo modo in aliam sententiam detorqueri valeant; quid enim apertius illis verbis? Sap. 1. *Deus mortem non fecit.* Et Sap. 2. *Deus creauit hominem inextinguibilem; inuidia autem diaboli mors intravit in orbem terrarum.* Et Rom. 5. *Per unum hominem peccatum in hunc mundum intravit, & per peccatum mors.* Et Rom. 6. *Stipendium peccati mors.* Et Rom. 8. *Si autem Christus in vobis est, corpus quidem mortuum est propter peccatum, &c.* Notat autem S. August. lib. 1. de peccatorum meritis & remissione, cap. 5. Apostolum noluisse dicere, corpus mortale est propter peccatum, sed mortuum, quia etiam ante peccatum corpus Adami erat aliquo modo mortale, sed per peccatum coniectum est in necessitatem inuitabilem moriendi. Id autem quod necessarid breui futurum est, quodque iam imminet, vñtatè dicitur factum. Denique 1. Cor. 15. S. Apostolus non semel repetit hanc veritatem, cum ait: *In Adamo omnes moriuntur*: Et, *Per hominem mors*: Et, *Stimulus mortis peccatum est.*

His accedunt Conciliorum definitiones. Sic enim legimus in Concil. Mileuitano, canone 1. *Placuit, vt quicumq; dicit, Adam primum hominem mortalem factum, iustit sine peccato, siue non peccaret, moreretur in corpore, hoc est, de corpore exiret, non peccati merito, sed necessitate*

A *natura, anathematis.* Et in Concil. Arausicano, canone 2. *Si quis soli Adæ præuaricationem suam, non etiam eius propagini asserit nocuisse, aut certe mortem tantum corporis, quæ pœna peccati est, non autem & peccatum, quod mors est anima, per unum hominem in omne genus humanum transisse testatur, iniustitiam Deo dabit, contradicens Apostolo dicenti, Per unum hominem peccatum intravit in mundum, & per peccatum mors in omnes homines pertransiit, in quo omnes peccauerunt.* Atque his similia leguntur in Concilio Tridentino, sess. 5.

B Accedat VLTIMO (vt Patrum testimonia, quæ obuia sunt, omittamus) argumentum ex ratione peti-
tum. Non potest homo defungi vita, nisi vno ex his quatuor modis, vt scilicet aut externa vi opprimatur, aut fame, siue deficiat, aut morbis ex interna humorum intemperie extinguatur, aut tandem senio contabescat. At primus homo sapientissimus erat, & rebus omnibus, quæ infra ipsum erant, liberè dominabatur, vt perspicuum est ex nominibus, quæ animantibus omnibus imposuit, & ex illa Dei voce: *Dominamini piscibus maris, & volatilibus celi, &c.* Gen. 1. & 2. Quare nouerat omnia noxia, & ea vitare poterat, & debebat, & nisi vitasset, peccatum haud dubiè commisisset, ac proinde non in statu innocentie perisset.

C Ne autem dormienti noxium aliquid accideret, aut alio modo Adam extrinsecus læderetur, vigilabat oculus diuinæ prouidentiae, & Angelorum custodia. Quod enim de homine iusto legimus: *Dominus custodit te ab omni malo*, Psal. 125. Et: *Angelus suus mandauit de te, vt custodiant te in omnibus vijs tuis*, Psal. 90. dubitari non potest, quin etiam de Adamo, quo tempore iustus, & amicus Dei erat, dici potuisset.

Ut autem ciborum inopia homo non moreretur, prouiderat Deus multos arborum fructus, ex quibus si vesci nollet ad vitam sustentandam, planè peccaret. Nam & Deus dixerat: *De omni ligno comede, &c.* Gen. 2. Et ratio naturalis, id est, lex diuina in corde scripta, dictabat necessarium esse vti cibis quos Deus creauerat.

D Ad hæc, ne ex humorum intemperie morbi, ac mors accidere possent, data fuerat homini iustitia originalis, quæ non solum appetitum inferiorem rationi, sed etiam corpus animæ perfectè subiciebat, vt homo in eo statu felicitatis incredibili pace intus & extra frueretur.

Denique, ne senio ex debilitate virtutis nutrientis contabesceret, ac deficeret, constituerat Deus, aut per vsum ligni vite corroborare vim nutrientem, aut antè transferre homines ad statum gloriæ, quàm fenescendi tempus accederet. Loquor autem sub distinctione, quia duæ sunt opiniones de vñ ligni vitæ, vt in vltimo capite demonstrabitur.

C A P V T IX.

E *Immortalitatem primi hominis supernaturalem fuisse, non naturalem.*

I AM verò primi hominis immortalitatem supernaturalem fuisse, non naturalem, constans est sanctorum Patrum sententia. S. Augustinus lib. 6. de Genesi ad litteram, cap. 25. *Aliud est, inquit, non posse mori, aliud posse non mori, secundum quendam modum primus creatus est homo immortalis, quod ei præstatur de ligno vite, non de constitutione naturæ.* Et paulò post: *Mortalis ergo erat conditione corporis animalis, immortalis autem beneficio Conditoris.* Lib. 13. de ciuit. Dei, cap. 20. loquens de immortalitate primorum hominum: *Qui statim, inquit, eis de ligno vite, quod in medio Paradisi cum arbore veritatis simul erat, mirabili Dei gratia præ-*

statur. Et lib. 1. de peccatorum meritis & remissione, cap. 4. *Si Deus, inquit, Israelitarum vestimentis, & calceamentis praeiussit, quod per tot annos non sunt obrita, quid mirum si obedienti homini eiusdem potentia praestaretur, ut animale, & mortale habens corpus, haberet in eo quendam statum, quo sine defectu esset annosus, tempore quo Deus vult à mortalitate ad immortalitatem sine media morte venturus? Sicut enim haec ipsa caro quam nunc habemus, non ideo non est vulnerabilis, quia non est necesse ut vulneretur: sic illa non ideo non fuit mortalis, quia non erat necesse ut moreretur. Eadem putè habitudinem adhuc in corpore animalis, atque mortalis, etiam illis, qui sine morte hinc translati sunt, fuisse concessam. Neque enim Henoch & Helias per eam longam aetatem senectute maruerunt.*

Hoc loco multis modis docet Augustinus primi nostri parentis corpus natura sua fuisse mortale, sola autem gratia Conditoris immortale. PRIMO, quia comparat immortalitatem primi hominis cum vestimentis, & calceamentis Israelitarum, quae in solitudine per annos quadraginta obrita non sunt. Neque enim dubitari potest, quin ea vestimenta & calceamenta naturaliter corrumpi debuerint. SECUNDO, quia comparat statum primi hominis ante peccatum, cum statu Henoch, & Helias, quos certum est corpus habere mortale, & aliquando moriturum, tamen diuina gratia per tot saeculorum curricula conseruetur. TERTIO, quia bis terve dicit, corpus primi hominis fuisse mortale, & à mortalitate ad immortalitatem quandoque sine media morte venturum. Quod si mortale erat, certè natura mortale erat, nisi quis ita desipiat, ut mortalitatem primi hominis adscribat gratiae, immortalitatem naturae. QUARTO, quia dicit, sic fuisse mortale corpus illud, quamvis nunquam moriturum, quemadmodum caro nostra vulnerabilis est, quamvis non sit eam necesse vulnerari. Caro autem nostra natura vulnerabilis est, sed diligenti custodia fieri potest, ut nunquam vulneretur: Igitur & illud corpus natura mortale erat, sed diuina gratia futurum erat, ut nunquam moreretur.

S. Cyrillus lib. 1. in Ioan. cap. 15. *Rationale, inquit, animal homo à Deo productus, quia natura sua incorruptibilis, atque perpetuus esse non poterat, spiritui vitae signatus, immortalitatis bonum super naturam suam consequutus est.* Eandem sententiam habent Theologi Scholastici cum Magistro Sent. lib. 2. dist. 19. quam etiam ratio euidens, ac certa confirmat. Nam cum hominis natura ex contrariis elementis, atque humoribus constet, intrinsecam potentiam ad corruptionem habet; proinde immortalitas est ei praeter naturam, vel potius supra naturam, mortalitas autem naturalis. Praeterea, homo in statu innocentiae generabilis erat, cum ei dictum esset, Gen. 1. *Crescite, & multiplicamini:* Igitur & corruptibilis natura sua, quamvis diuino beneficio futurum erat ut non corrumpere-tur. Item, in statu innocentiae natura humana cibo & potu indigebat, ut perspicuum est ex cap. 1. Genesis, ubi dantur herbae, atque arborum fructus, tum homini, tum animantibus ceteris in escam: At corpus quod cibo indiget, ut conseruetur, & si non alatur, perit, certè mortale natura sua esse conuincitur. Huc denique pertinet locus ille Scripturae, Gen. 3. *Pulvis es, & in pulverem reuerteris*, ut supra initio disputationis deduximus.

Obiciet aliquis testimonium S. August. ex lib. 23. de ciuit. Dei, cap. 15. ubi sic legimus: *Constat inter Christianos veraciter Catholicam tenentes fidem, etiam ipsam nobis corporis mortem, non lege naturae, sed merito inflictam esse peccati.*

RESPONDEO, significat his verbis S. August. mor-

riendi necessitatem, quae ex natura hominis sequutura erat, per Dei gratiam fuisse sublata, & ideo mortem, quae nunc regnat in nobis, non lege naturae, sed merito inflictam esse peccati.

SECUNDO, posset obijci testimonium Concilij II. Arausiaci, canone 2. ubi dicuntur iniustitiam Deo dare, qui allerunt homines morituros fuisse, quamvis non peccassent. Nam si mors homini naturalis esset, protectò sine vlla Dei iniustitia homines mori possent, quemadmodum animantia cetera sine vlla Dei iniustitia moriuntur.

RESPONDEO, Si in puris naturalibus homo fuisset conditus, potuisset utique sine vlla Dei iniustitia mori; quia vero Dei benignitate moriendi necessitas ab hominis natura sublata, & in peccati stipendium commutata fuerat, non potuit sine iniustitia fieri, ut homo sine vilo culpa merito moreretur. Praeterea, mors, quae homini in puris naturalibus condito natura debitum fuisset, nunc sine dubio poena est; poena autem iusta esse non potest, nisi quam culpa praecessit. Quare iniustitiam nunc Deo daret, qui diceret hominem ex naturae debito, non ex peccati merito vitam finire.

Obijci posset VLTIMO, Animam rationalem naturam immortalem esse, proinde corpus illi dandum fuisse, quod esset naturaliter immortale, ac per hoc immortalitatem homini naturalem esse, mortalitatem autem praeter naturam.

RESPONDEO, Animae rationali, quae immortalis est, corpus immortale apertissime congruebat; quia tamen eadem anima corporis forma est, simpliciter ei corpus attribuendum fuit, quod esset aptum ad functiones, quas eadem anima in corpore exercere debebat. Porro, functiones quas nunc exercemus, & quae nobis etiam in statu innocentiae exercendae fuissent, requirunt corpus ex contrariis humoribus & qualitatibus temperatum, ex qua temperatione moriendi necessitas naturaliter sequitur. Itaque absolute corpus primi hominis natura sua mortale, dici debuit per gratiam opificis immortale.

CAPVT X.

Paradisum terrestrem, corporalemque fuisse, in quo Adam in statu innocentiae habitauit.

DISSERVIMVS haecenus de gratia, & de immortalitate primi hominis, id est, de bonis animi & corporis eidem à Conditore concessis; nunc de bonis externis, de Paradiso, & ligno vitae breuiter differemus.

Est autem PRIMA quaestio: *Fueritne Paradisus locus aliquis verus, & corporalis, ut Scriptura in libro Geneseos significare videtur, an potius spiritnalis, ac (ut sic loquar) allegoricus.* Non deluerunt ex veteribus, qui totam illam historiam de Paradiso, de fluminibus, & arboribus destruere, & in meras allegorias transmutare voluerint. Nota est sententia Philonis Hebraei in li. 1. Allegoriarum, Valentini Hæresiarchæ apud Irenæum lib. 1. aduers. hæres. cap. 1. ante medium, & Origenis commentarios libri Genes. Sed nostro saeculo (quod mirum videri debet) sententiam iam olim à Patribus damnatam, iterum reuocauit ad lucem, ac propugnare conatus est Franciscus Georgius in tom. 1. problematum, exponens illa verba, *Plantauerat Dominus Paradisum voluptatis*, Genes. 2. Et in Harmonia mundi, cant. 1. tom. 7. cap. 21. cuius rationes paulò post refellemus.

Igitur Paradisum locum fuisse corporeum, plantis veris corporatisque plenum, & vero fonte fluminibusque irriguum, probare possumus. PRIMO, ex diuinis litteris, quae ita describunt Paradisum, ut am-

bigi non possit, quin sit locus verus & corporalis, Genes. 2. *Plantauerat autem Dominus Deus Paradisum voluptatis à principio, & in eo posuit hominem quem formauerat.* At plantari corporum est, & homo corporalis, & animalis, qualem fuisse Adamum omnes fatentur, in loco vero & corporali poni debuit. Item ibidem additur: *Fluvius egrediebatur de loco voluptatis ad irrigandum Paradisum, qui inde dividitur in quatuor capita, nomen uni Phison, &c.* At flumina ista vera, corporalia, aspectabilia, nauigabilia, & potabilia sunt, ut perspicuum est de Euphrate & Tigri notissimis, maximisque fluminibus. Rursus, cap. 3. Adam & Eva absconderunt se inter ligna Paradisi, consueveruntque sibi perizomata de folijs ficus. Erant igitur in Paradiso vera & corporalia ligna, inter quæ latere poterant homines veri & corporales; erant enim folia ficulnea vera, quibus vera hominum membra tegi poterant. Denique ibidem legimus, ejectum fuisse Adamum de Paradiso, custodiamque Angelorum adhibitam, ne aditus ei pateret ad lignum vitæ. At si lignum vitæ fuisset solum spiritale, sapientia videlicet, aut virtus aliqua, ut quidam somniant, tanta diligentia Deus non cauisset, ne ad ipsum hominibus aditus pateret. Siquidem in libro Prouerb. cap. 3. ubi sapientia dicitur lignum vitæ, passim homines inuitantur ad sapientiam & virtutem.

Accedant SECUNDO testimonia Patrum, qui sententiam Origenis, ut planè erroneam, & cum orthodoxa fide pugnantem refellunt. S. Methodius apud Epiphanius in hæresi, quæ est 64. *Paradisus, inquit, unde in primo parente ejecti sumus, ex hac terra palam est locus eximius ad iucundam quietem, & vitam meliorem sanctis destinatus. Ab ipso Tigris, & Euphrates, & reliqui fluvij qui illic profundantur, hic apparent fluxionum excursus in nostrum continentem inundantes: non enim ex supernis de caelis effunduntur, ac eliduntur, nam neque sustinere potuisset terra, ut tantum aquæ molem acervatim ex alto dilabentem susciperet, &c.*

S. Epiphanius in epist. ad Ioannem Episcopum Hierosolymit. *Quis, inquit, audiat in tertio celo duantem nobis Origenem Paradisum, & illum, quem Scriptura commemorat, de terra ad cælestia transferentem, & omnes arbores quæ scribuntur in Genesi sic allegoricè intelligentem, quod scilicet arbores angelica fortitudines sint, cum hoc veritas non recipiat?*

S. Hieronymus in epist. ad Pammachium de erroribus Ioan. Hierosol. enumerans Origenis errores: *Sextum, inquit, quod sic Paradisum allegorizet, ut historia auferat veritatem, pro arboribus Angelos, pro fluminibus virtutes cælestes intelligens, totamque Paradisi continentiam tropologica interpretatione subvertens.* Et in comment. cap. 10. Dan. exponens illud: *In die autem vicesima & quarta mensis primi, erant iuxta fluvium magnum, qui est Tigris. Unde, inquit, eorum deliramenta conticescant, qui umbras & imagines in veritate querentes, ipsam conantur emettere veritatem, ut flumina, & arbores, & Paradisum putent allegoria legibus se debere subnere.*

S. Ioannes Chrysostomus hom. 13. in Gen. *Ideirco, inquit, nomen loci Scripturis inseruit B. Moses, ut non liceat nugari volentibus imponere simpliciterum auribus, ac dicere, nullum esse in terra hortum, quem dicunt Paradisum, sed in cælo, & fabulas quasiam eosinodi somniare.*

S. August. lib. 13. de civit. Dei, cap. 21. posteaquam pluribus verbis confutauerat eos, qui Paradisum ita spiritualement faciebant, ut corporalem esse negarent, concludit hoc modo: *Hæc & si quæ alia commodius dici possunt, de intelligendo spiritualiter Paradiso nemine prohibente dicantur, dum tamen & illius historia veritas fidelissima rerum gestarum narratione commendata credatur.* Et lib. 8. de Gen. c. 1. eorum sententiam probari sibi

affirmat, qui Paradisum corporalem simul & spiritualement fuisse docent. Ex quorum numero est S. Basilus, qui in lib. de Paradiso, tametsi Origenis, & errorum eius non fecerit mentionem, exponit tamen narrationem de Paradiso, & secundum historiam veritatem, & secundum intelligentiam spiritualement. Quod idem fecisse S. Ambrosium paulo post demonstrabo. Vide etiam Theodor. qu. 24. & 29. in Gen. Ioannem Damascenum lib. 2. de fide orthodoxa, cap. 11. Bedam, Eucherium, & Rupertum in cap. 2. lib. Gen. Adde & Scholasticos Doctores in 1. Sent. dist. 17. Omnes enim communi consensu Paradisum corporalem faciunt. Adde postremo argumenta Francisci Georgij leuissima esse, ut merito mirari possis virum alioqui doctum, ob tam debiles ratiunculas, à communi totius Ecclesiæ sententia recedere potuisse.

CAPUT XI.

Solvuntur objectiones.

IGITUR PRIMA eius obiectio talis est. Nusquam legitur in Scriptura, Paradisum in terra fuisse plantatum. **R**ESPONDEO, satis id colligitur ex eo quod dicitur plantatus. Neque enim nisi in terra plantari queunt horti. Quod idem apertissimè docent arbores, & flumina, & cætera quæ in Paradisi descriptione ponuntur. Alioqui eadem forma argumentationis ita colligere possemus; Nusquam legimus in Scriptura primum hominem habuisse præcordia: non igitur habuit ille præcordia.

SECUNDA obiectio, Si Paradisus terrenus & corporalis esset, certe tertia die condi debuisset, tunc enim iussu Dei protulit terra herbam virentem, & omnes arbores. At Paradisi & arborum eius productio post 6. diem facta describitur. **R**ESPONDEO, S. Basilus in libro de Paradiso, existimat Paradisum, eiusque arbores creatas fuisse speciali quadam providentia Dei non cum cæteris plantis tertia die, sed seorsim alio tempore. Sed possumus etiam dicere, arbores Paradisi, atque adeo ipsum Paradisum tertia die fuisse conditum, cæterum quia res erat maximè memorabilis, fusius descriptam fuisse productionem eius post narrationem operum sex dierum. Nam **A**dami quoque productio ex limo terræ, & Eux ex latere viri, describitur post narrationem operum sex dierum, & tamen constat eos creatos fuisse sexta die. Fortasse etiam ideo interpres Latinus reddidit: *Plantauerat autem Dominus Paradisum*, & non, *Plantavit Dominus Paradisum*; ut significaret, non tunc primum conditum Paradisum, sed multo antea, nimirum tertia die.

TERTIA obiectio, Frustra Paradisus ille terrenus creatus fuisset, quippe qui nulli usus esset futurus, cum non ignoraret Deus hominem peccaturum, & ex eo loco proijciendum. **R**ESPONDEO, Theodor. q. 24. in Gen. annotavit, non frustra conditum Paradisum, quamvis Adam omnino modico tempore in eo habitaturus esset; Primum quidem, quia non parum utilis esse potuit homini deinceps ad peccatum fugiendum, recordatio tam iucundæ habitationis, à qua, ob inobedientiam, se excidisse nouerat. Deinde, quia Deus non punit homines antequam peccent, neque desinit eis benefacere, ex eo solum, quod prævidet peccaturos. Addunt alij nunc etiam usum esse aliquem Paradisi, cum in eo Henoch, & Elias habitare credantur. Addi potest, utilem quoque nunc esse nobis terrenum illum Paradisum, ut in descriptione illa tam insignis loci, tanquam in imagine quadam, intueamur excellentiam spiritualis, ac cælestis Paradisi. Denique, si non frustra datum fuit

homini, ut posset non mori, & non peccare, & ut originis iustitia insignis esset, quamvis non ignoraret Deus hominem peccaturum, & moriturum, & dona illa eximia breui utiturum, profecto nec frustra dici debet conditus Paradisus, si nec illi Adamus eo diu non esset usus.

QUARTA obiectio, S. Hieronymus in questionibus Hebraicis, exponens illud, *Plantauerat Dominus Paradisum voluptatis à principio*, scribit, Paradisum ante cælum & terram fuisse creatum: At fieri non potest, ut Paradisum terrenum & corporalem Hieronymus crediderit ante cælum & terram extitisse; igitur sententia S. Hieronymi Paradisus non est terrenus & corporalis, sed diuinus & spiritualis. RESPONDEO, S. Hieronymus aut eo loco ex aliorum sententia loquutus est, ut sæpe fecit in commentarijs epist. ad Ephes. & in alijs locis; aut significare voluit Paradisum conditum fuisse, antequam cæli & terræ fabrica omnino perficeretur, quod verissimum est. Nam etiam si tertia die, qua Paradisus conditus creditur, cæli & terræ opificium inchoatum esset, non tamen absolutum erat: nam quarto die cælum syderibus, quinto autem & sexto terra animantibus ornata fuit. Certe de sancti Hieronymi sententia nullo modo dubitari potest, ut paulò ante ex verbis eius ostendimus.

Addere possumus ad has quatuor Francisci Georgij obiectiones, duas alias.

Est igitur QUINTA obiectio, qua utebantur veteres Valentiniani, & Origeniani; Apost. Paulus in epist. posteriore ad Corinth. cap. 12. scribit se raptum fuisse in tertium cælum, & continuo id ipsum repetens, dicit se raptum in Paradisum; igitur in tertio cælo est Paradisus. RESPONDEO, B. Methodius apud Epiphanius, & ipse S. Epiphanius locis antea notatis, docent, duos fuisse Apostoli raptus, vnum in tertium cælum, alterum in Paradisum, proinde non debere ex hoc loco colligi, in tertio cælo esse Paradisum. Facilius responderi potest, non esse eundem Paradisum ex quo eiectus fuit Adam, & in quem raptus fuit Paulus, ut recte docet commentarius S. Ambrosio inscriptus in cap. 6. prioris ad Corinthios. Vox enim *Paradisus*, locum deliciarum, siue hortum significat, & in Scripturis interdum accipitur pro Paradiso corporali, non solum Genes. 2. & 3. sed etiam Eccles. 2. Vbi enim nos legimus: *Feci mihi hortos & pomaria*, in Hebræo habetur, *hortos & paradisos*. Et Cant. 4. *Omisiones tue paradisos malorum puniceorum cum pomorum fructibus*. Interdum autem pro Paradiso spirituali, cuius corporalis ille figura fuit, ut Ezech. 28. *In delicijs Paradisi fuisti*. Luc. 23. *Hodie mecum eris in Paradiso*. Et Apoc. 2. *Vincenti dabo edere de ligno vite, quod est in Paradiso Dei mei*. Et sine dubio sic accipiendus videtur Paradisus 1. ad Corinth. 12.

SEXTA obiectio ducitur ab auctoritate S. Ambrosij, qui non solum in lib. de Paradiso totam illam narrationem mysticè & spiritualiter explicat, sed etiam in epist. 42. ad Sabinum, iam (ut ipse dicit) veteranus Sacerdos, interrogatus à Sabino per litteras, quid sentiret de Paradiso, respondit, se de ea re librum integrum scripsisse, & commemoratis aliorum sententijs, dicit in eo conuenire omnes, ut spiritualis sit: *Omnes, inquit, congruunt, in Paradiso & lignum vite radscatum, & lignum scientia, quæ discernat bonum & malum; cetera quoque ligna plena vigoris, plena viuificationis, spirantia, & rationalia*. Ex quibus colligitur Paradisum ipsum non terrenum videri posse, non in solo aliquo, sed in nostro principali, quod animatur, & viuificatur animæ virtutibus, & infusione spiritus Dei. RESPONDEO, S. Ambrosius non negauit, Paradisum in quo fuit

Adam, corporalem fuisse, sed eo posito, ut certo, ex historia sacra, totus fuit in explicandis Paradisi significationibus atque mysterijs occupatus. Quod multis modis probare possumus.

PRIMO, quia in lib. de Paradiso, cap. 1. habet hæc verba: *In hoc ergo Paradiso Deus hominem posuit, quem plasmavit. Intellige, quod non eam hominem, qui secundum imaginem Dei est, posuit, sed eum qui secundum corpus incorporealis enim in loco non est*. Hæc verba satis apertè indicant, Paradisum ex Ambrosij sententia fuisse corporalem, cum in eo positus fuerit Adam, qui corpore, non quæ spiritu præditus erat.

SECUNDO, quia in eodem lib. c. 3. fatetur Ambrosius de Paradiso egredi flumina illa, Phison, Geon, Tigris, & Euphratem; & explicat Phison ipsum esse Gangem, Geon autem Nilum, flumina verissima, atque notissima. Et addit Tigris & Euphratem quæ fluunt de Paradiso, ipsa esse quæ ita mediam includunt Mesopotamiam, ut inde ea regio nomen acceperit. Quod si flumina corporalia in Paradiso oriri, & inde egredi S. Ambrosius credidit, profecto Paradisum ipsum corporalem fuisse minimè dubitauit.

TERTIO, quia in eodem libro, capite 7. proponit questionem, unde mors Adæ acciderit, verum à natura ligni, an à Deo; & responderet, mortem neque à naturali ligni, neque à Deo accidisse, sed ab inobediencia Adami, qui de fructu ligni vetiti gustare presumpsit. In qua questione & questionis solutione, pro comperio accipit illud lignum fuisse corporale.

QUARTO, quia in epist. 42. supra citata ad Sabinum, posteaquam dixerat varias de Paradiso extare sententias, ita subiungit: *Nam Iosephus, inquit, ut potest Historiographus, locum dicit referri arboribus, virgulisque plurimis, irrigari etiam flumine, qui diuiditur in quatuor fluitus, &c.* Vbi Iosephum non damnat, sed tantum indicat, eum ut historicum de solius historie descriptione fuisse sollicitum. Ex quo intelligimus, historiam rei gestæ ab Ambrosio non negari, sed omitti ut rem notam, atque ab alijs explicatam, aliqui non diceret, Iosephum ut historiographum, Paradisum corporalem descripsisse, sed ut Iudæum nihil nisi corporales delicias somniantem.

QUINTO, quia in eadem epist. dicit, omnes in eo conuenire, ut in Paradiso fuerint ligna spirantia, & rationalia. Quod quidem si de Paradiso mysticè accepto intelligatur, verum erit; si de Paradiso simpliciter, neque verum est, neque potuit S. Ambrosius in mentem cadere, ut id verum crederet. Nam, ut omitam scripta S. Epiphanijs contra Origenistas negantes Paradisum corporalem, quæ non videntur incognita S. Ambrosio esse potuisse, certe legerat idem Ambrosius librum S. Basilij de Paradiso. Quemadmodum enim ex homilij Basilij de opere sex dierum, composuit Ambrosius suum Exameron, ita ex libr. eiusdem de Paradiso, multa in suum librum de Paradiso transtulit. Basilius autem apertissimè Paradisum corporalem fuisse scribit, & simul mysticas eiusdem Paradisi significationes exponit. Quod igitur Ambrosius ait, Paradisum ipsum non terrenum videri posse, non in solo aliquo, sed in nostro principali, non de quocunque Paradiso accipiendum est, sed de eo tantum, in quo paulò ante dixerat inesse ligna spirantia, & rationalia.

CAPVT XII.

Locum terrestres Paradisi, à cognitione humana remotissimum esse.

ALTERA de Paradiso questio est, In qua parte terrarum sit Paradisus. Quidam arbitrati sunt, totum orbem terrarum esse Paradisum illum de quo

Scriptura loquitur Gen. 2. In qua sententia videtur esse Ioseph. lib. 1. antiquit. cap. 2. ubi dicit, fluvium qui Paradisum irrigabat, esse annem quendam totam terram ambientem, quo nomine Oceanum significasse creditur. Sed repugnat huic sententiae Scriptura divina. Nam si Deus hominem extra Paradisum de limo terrae formatum, in Paradisum introduxit, ac deinde e Paradiso eiecit, in eam regionem delinxit ubi conditus fuerat, ut legimus Gen. 2. & 3. quomodo fieri potest, ut sit universa terra Paradisus? nisi forte extra orbem terrarum fuerit limus, ex quo Adam formatus fuit, & ipse Adam post lapsum extra universam terram pulsus fuerit, ut omittam custodiam Angelorum Paradiso oppositam, ne hominibus reliquam terram incoleptibus aditus ad Paradisum pateat. Accedit quoque scriptorum penè omnium consensus, qui Paradisum quoddam esse volunt orbis terrae portum, & quasi regiam principis animalium.

ALIA sententia in altero extremo aliorum est, qui docent Paradisum esse extra totam terram quam nos incolimus. Existimant enim terram nostram vndique cingi ab Oceano, Oceanum autem cingit alia terra longè maiore, eamque esse, & nominari Paradisum. Tribuit hanc sententiam S. Ephren Bar. Cepha in libro, quem scripsit de Paradiso. Sed neque hanc sententia satis cum divinis litteris, aut Patrum traditione congruit. Siquidem Tigris, & Euphrates, & cetera flumina quae oriuntur ex Paradiso, in hac terra nostra inveniuntur, neque credibile est ea per immensum tractum ad nos pervenire ex illo alio orbe terrarum, qui fingitur ultra Oceanum. Deinde videtur iam satis compertum varijs multorum navigationibus, neq; ab Oceano cingi omnem terram, neque esse ultra Oceanum aliam terram. Denique communis est opinio, & secundum versionem 70. Interpretum colligitur ex ipsa divina Scriptura Gen. 2. Paradisum situm situm esse ad Orientem. Ex quo sequitur ut sit falsum ab eo cingi Oceanum universum.

TERTIA est aliorum sententia, Paradisum esse locum quendam sublimem, & usque ad globum lunae pertingentem; tribui solet hanc sententia venerabili Bedae, sed in eius operibus nusquam eam reperire potui. Extat autem in quadam glossa Bridesferri Ramessensis ad cap. 41. Bedae de ratione temporum, & eam refert, nec refellit Petr. Lombardus in 2. li. Sent. dist. 17. At profecto incredibile est eum esse situm Paradisi, tum quod ea regio insaluberrima sit, atque adeo inhabitabilis propter nimiam aëris subtilitatem, & perpetuam agitationem; tum quia si tanta esset eius loci sublimitas, ab aliqua regione Paradisus conspiceretur, & vel nobis, vel antipodis nostris aliquando solis & lunae conspectum creparet, praeter tum eum eadem illa opinio ad Orientem Paradisum constituat, ut perspicuum est ex glossa Bridesferri supra citata. Tum denique quia si vlla esset proportio altitudinis Paradisi ad latitudinem, non sufficeret totius terrae amplitudo ad basin eius capiendam, siquidem Mathematici demonstrant, à superficie terrae usque ad globum lunae intercedere spatium supra centum nullum miliariorum. Sed fortasse auctor eius sententiae hyperbole uti voluit, ut ex altitudine hyperbolica Paradisi excellentiam demonstraret, ut admonet S. Tho. 1. p. q. 102. art. 1. Quemadmodum intelligimus verba S. Basilij, qui in li. de Paradiso scribit, Paradisum ob situs sublimitatem nullas tenebras admittere; & Io. Damasceni, qui lib. 2. de fide, cap. 11. scribit, Paradisum esse terra nostra sublimiorem; & Ruperti, qui lib. 1. in Gen. cap. 37. scribit, Paradisum esse locum caelo proximum; &

A denique Alethum Auti, qui lib. 1. carminum de initio mundi, cap. 9. de paradisi situ ita cecinit:

*Ergo ubi transmissis mundi caput incipit Indis,
Qua perhibent terram confinia iungere caelo,
Lucis inaccessa cunctis mortalibus arce
Permanet.*

Quo alludit Cl. Marius Victor, cum lib. 1. carminum in Genesim ait:

*Ecce aperit felix quae terra recessus,
Editore globo nemoris paradisi ameni
Panditur, & iteris distinguitur ordine sylvae.*

QUARTA sententia est recentiorum quorundam, Augustini Engubini, Hieronymi ab Oleastro, Francisci Vatabli in annotationibus ad caput 2. Genes. & Cornelij Iansenij in cap. 143. Concordiae Evangelicae, qui existimant paradisum fuisse in Mesopotamia, sed diluvij tempore ita eius pulchritudinem & amoenitatem perisse, ut nullum remanserit vestigium paradisi, & iam neque sit opus custodia Cherubim, & flammei gladij, & non solum hominibus quibuscunque, sed etiam bestiis pateat ad eum locum aditus.

Mihi verò multis de causis hanc sententia non probatur. PRIMVM, quoniam est opinio nova, & repugnans communi Doctorum consensui, non solum Patrum, sed etiam Scholasticorum. DEINDE in ipso paradiso oriebatur fluvius, qui inde diuidebatur in quatuor capita, quorum nomina sunt Euphrates, Tigris, Phison, & Geon: at in Mesopotamia nullus eiusmodi fluvius oritur. Fluunt quidem per Mesopotamiam Euphrates & Tigris, ceterum non ibi oriuntur, sed in Armenia fontes suos habent. Quare secundum hanc rationem, Armeniae potius (quod tamen nullus dixit) quam Mesopotamiae paradisi nomen congrueret. Porro Phison & Geon, neque in Mesopotamia fontes habent, neque in ea villo modo reperiuntur.

Respondent aliqui; in Mesopotamia Euphratem, & Tigridem coniungi, at paulo post iterum separari, atque ita effici quatuor capita, ac veluti flumina; & quidem duo priora esse Tigridem & Euphratem, duo posterora Phison, & Geon, quamvis his nominibus hoc tempore non vocentur. Sed non videtur satis apta responsio: nam Scriptura non dicit, flumina aliunde venientia in paradiso coniungi, sed inde primum exoriri, & post egressionem de paradiso diuidi in quatuor capita: *Fluvius*, inquit Scriptura, *egrediebatur de loco voluptatis ad irrigandum paradisum, qui inde diuiditur in quatuor capita.* Itaque quod in Mesopotamia nullus oriatur fluvius, sed flumina iam diuisa aliunde venientia, illic cernantur, argumento est, non fuisse in eo loco, neque esse paradisum.

DEINDE Phison, & Geon dicuntur circuire varias regiones, illa autem duo capita quae nascuntur ex diuisione Tigris & Euphratis, brevissimo rectissimoque tractu in mare Persicum demerguntur. Si tamen verum est quod isti dicunt. Nam alioqui ego inspicere tabulas Geographicas, non video Tigridem & Euphratem post conuersionem iterum seungi, sed simul in mare Persicum exonerari. Non igitur dici possunt duo illa capita Phison & Geon.

ADHAEC, Phison & Geon à multis grauissimisque scriptoribus dicuntur esse Ganges & Nilus. Sic enim docet Ioseph. lib. 1. antiquit. c. 2. Epiph. in epist. ad Ioannem. Hierosol. Ambros. lib. de paradiso, ca. 3. Hieronym. in locis Hebraeis, August. lib. 8. de Genesi, cap. 7. Alethimus Autus, & Clau. Marius Victor locis paulo ante citatis, Eucherius in Genesi. & alij. Et quod minus est, Hierem. 2. ubi vulgata editio habet: *Quid tibi vis in via Aegypti, ut bibas aquam*

turbidam? In 7^o Interpretibus legitur, ut bibas aquam Geon. Et S. Hieronym. in comment. eius loci, testatur semper in communis editione fuisse Geon. Neque repugnat vulgata editio cum editione Septuaginta, siquidem aquam Nili, quidam 7^o Interpretibus dicunt Geon, verè turbidam esse testatur in eodem loco S. Hieronymus.

Adde etiam quod ipsa divina Scriptura, Eccles. 24. docere videtur Phison & Geon, esse Gangem & Nilum: *Qui adimplet, inquit, quasi Phison, sapientiam, & sicut Tigris in diebus novorum, 7^o adimplet quasi Euphrates sensum, qui multiplex est quasi Iordanis in tempore messis, qui munit disciplinam sicut lucem, & assistens quasi Geon in die vindemiarum.* Quo loco Raban, Iansenius, & alij interpretes, sine dubio per Phison Gangem, per Geon Nilum intelligi volunt. Nam Ganges est flumen amplissimus, & hoc ipsum significat nomen Phison, dicitur enim à *πρ* quod est redundare, quia præter cetera flumina impleri solet. Et ad hanc etymologiam alludit Ecclesiasticus dicens: *Qui adimplet quasi Phison, sapientiam.*

Porro Nilus incrementum accipere incipit post solstitium æstivum, & in tempore vindemiarum plenissimum esse solet; & ideo dicit Ecclesiasticus, *Et sicut Geon in die vindemiarum.* Præterea ut rectè notavit Iansenius, comparare volens Ecclesiasticus sapientiam Dei quinque celeberrimis fluminibus, descripsit ea flumina illo ordine quem verè inter se habent: Primus enim ab Oriente est Ganges, secundus Tigris, tertius Euphrates, quartus Iordanis, ultimus Nilus. Itaque ipse ordo narrationis cogit, ut per Phison intelligamus Gangem, per Geon Nilum, cum videamus primo loco nominari Phison, ult. loco Geon, neque vlla ratio esse possit cur Iordanis prius nominatus sit quàm Geon, nisi quia prior est quoad situm. Quod si Phison & Geon sunt Ganges & Nilus, ut tot & tam graues auctores constanter affirmant, profectò neque capita illa ex Tigris & Euphratis disunctione exorta dici possunt Phison & Geon, neque in Mesopotamia collocandus est paradysus, cum duo ista flumina paradisi ad Mesopotamiam nulla ratione pertineant.

Ex quo etiam refellitur quod alij dicunt, Phison & Geon fuisse videntem circa Mesopotamiam, sed aut mutasse vocabula, aut exaruisse. Quamquam hoc postremum repugnat expressè Scripturæ sacræ, quæ ut diximus Eccl. 24. indicat Phison & Geon fuisse flumina ingentia, qualia non faciliè exarescunt, nec præter Tigrim & Euphratem in ea regione conspiciuntur. Nam etiam si quis obstinatè contenderet, Phison & Geon apud Ecclesiasticum non esse Gangem & Nilum, tamen nullo modo negare posset esse flumina maxima, & celeberrima, non autem exundantiam, aut ramos aliorum fluminum; nisi vellet Ecclesiasticum ineptè comparasse summam affluentiam diuinæ sapientiæ exiguis fluuijs, & eisdem exiguos fluuios coniunxisse celeberrimis fluminibus Tigris & Euphrati.

Accedit ad hæc, quod paradysus ita describitur à S. Basilio in lib. de paradiso, à Ioan. Damasceno lib. 2. de fide, cap. 11. à S. August. lib. 14. de ciu. Dei, c. 10. ab Alchimio Auito, & Clau. Mario Victore, & alijs suprà citatis, Isidor. lib. 14. etymol. c. 3. & alijs communiter, ut fuerit in eo verè perpetuum, nulla frigora, nulli æstus, nullæ pluuiæ, niues, grandines, nullæ etiam nubes. Quod ipsum significat Scriptura, cum dicit primos homines in paradiso fuisse nudos.

Hic (inquit Alchimius) verè æsiduum cæli clementia Turbidus auster abest, semperq. sub ære sereno [seruat. Nubila diffundunt iugi cessura sereno.

A Nec posset natura loci quos non habes tmbres,
Sed contenta suo dotantur germine arbor.
Sic cum desit hyems, nec torrida seruat æstas.

Fructibus Autumnus, Ver floribus occupat æuvm.

At Mesopotamia, quamquam est amœnissima regio, sua tamen habet frigora, suos æstus, pluuias, grandines, &c. Neque responderi potest, ob diluuium mutatam esse magna ex parte loci illius felicitatem: nam diluuium non mutauit situm locorum, & æris temperamentum. Itaque perierunt ob diluuium arbores, perierunt fructus & flores, temperamentum æris perire non potuit. Quo magis Lutherrum miror, qui in comment. 2. cap. Gen. scribit in paradiso non fuisse hyemem, sed verè perpetuum, & tamen contendit paradysum fuisse Syriam, Mesopotamiam, Ægyptum & Danaisum, in quibus regionibus non potest fuisse verè perpetuum, nisi alius tunc fuerit cursus solis, quàm nunc est.

B Accedit postremo, quod sententia est grauissimorum auctorum, Henoch & Heliam translatos esse in paradysum, vnde expulsus fuit Adam, atq. illic nunc vitam felicissimam degere. Credo autem nemini vquam venisse in mentem, ut diceret Henoch & Heliam translatos fuisse in Mesopotamiam. Vide Irenæum lib. 5. aduers. hæres. cap. 5. vbi ex traditione rresbyterorum qui Apostolos audierunt, scribit, Henoch & Heliam translatos esse in paradysum vbi fuit Adam. Vide etiam Athanasium in lib. siue epist. Quod Nicæna Synodus, &c. Hieronym. in epist. ad Pammach. de erroribus Ioan. Hierosol. & August. lib. 1. de peccat. merit. & remiss. c. 3. & lib. 2. de peccato origin. c. 23. Et confirmatur hæc sententia ex illo Eccles. 44. *Henoch placuit Deo, & translatus est in paradysum, ut det gentibus penitentiam.* Non est quidem in codice Græco vox illa (in paradysum) tamen est in omnibus codicibus vulgata editionis Latine, quam rejicere non possumus, si Concilio generali Tridentino, sess. 3. (ut debemus) obtemperare volumus. Et quamquam vox (paradisi) quolibet hortum significare possit, ut suprà diximus, tamen cum in Scriptura absolutè ponitur, non solet significare nisi eximium illum paradysum in quo fuit Adam, aut eum, cuius ille figura fuit, id est, cœlestem. Certum autem est Henoch in cœlestem paradysum non ascendisse; nemo enim inde descendet, ut det gentibus penitentiam.

CAPVT XIII.

Soluntur obiectiones.

NEQUE verò eiusmodi sunt argumenta sententiarum contrariarum, ut solui non possunt.

Obijciunt enim PRIMO, quod Scriptura testatur paradysum plantatum fuisse in Eden ad Orientem, Gen. 2. Eden autem locus sit propè Charan in Mesopotamia, ut intelligi potest ex illo Ezech. 27. *Charan, & Chene, & Eden negotiatores sui.* Et ex illo 4. Reg. 14. *Namquid liberauerunt Dy gentium singulos, quos transauerunt patres mei, Goran videlicet, & Charan, & Reseph, & filios Eden qui erant in Thalaspar.* Et denique ex illo Gen. 4. *Egressusque Cain à facie Domini, habitauit profugus in terra ad Orientalem plagam Eden.* SECUNDO, quod in Mesopotamia repertiuntur flumina, quæ dicuntur fuisse in paradiso. TERTIO, quod ea sit regio amœnissima.

E Sed RESPONDEMUS, vocem Eden, in Scriptura tunc esse nomen loci, nunc verò significare delicias, seu voluptatem, ut notum est lingua Hebraicæ peritis. Et quidem in locis citatis, Eden esse nomen loci peripicuum est, sed non esse eum locum, vnde eiectus fuit Adam, non leue argumentum esse vide-

tur, quod in eodem dicatur habitasse Cain, nisi quis ita deliriat, ut existimet datum fuisse Caino pro exilio paradisum. Præterea ex Eden, ubi erat paradisus, oriebatur flumen, quod inde diuiditur in quatuor capita, Gen. 2. At ex Eden, quod est prope Mesopotamiam, nullum eiusmodi flumen oriri compertissimum est. In secundo autem cap. Gen. non esse nomen loci, sed voluptatem significare, satis nobis persuadet auctoritas editionis vulgatæ, & S. Hieronymi, qui non solum ita vertit, sed etiam in questionibus Hebraicis notat sic vertisse Symmachum, & ipsos etiam Septuaginta. Quod attinet ad flumina, & loci amoenitatem, iam ostendimus in Mesopotamia nullum oriri ex fluminibus paradisi, neque eam esse amoenitatem quæ fuisse dicitur in paradiso. Proinde eam sententiam melius referri, quàm confirmari argumento fluminum, & amoenitatis.

Est aliud argumentum quod contra nos fieri posset de fontibus Euphratis & Tigris, qui noti esse perhibentur. Sed respondent S. August. lib. 8. de Gen. c. 7. Theodor. q. 29. in Gen. & Rupert. li. 2. in Gen. c. 24. Sed vnius Augustini verba hoc loco adducemus: *Quoniam (inquit S. August.) locus ipse paradisi à cognitione hominum est remotissimus, inde quatuor aquarum partes diuidi credendum est, sicut fidelissima Scriptura testatur: sed ea flumina, quorum fontes noti esse dicuntur, alicubi esse sub terras, & post tractus prolixarum regionum locis alijs erupisse, ubi tanquam in suis fontibus noti esse perhibentur. Nam hæc solere nonnullas aquas facere, quis ignorat?*

CAPVT XIV.

Paradisum adhuc superesse.

TRACTATVR alia questio à Theologis, Num aquæ diluuij paradisum destruxerint? Et quidem recentiores illi, quos capite superiore nominauimus, Eugubinus, Iansenius, & alij, omninò contendunt, nullquam in terris nunc extare paradisum illum; in quo Adam habitauit. Quod probant tum ex cap. 7. Gen. ubi dicuntur aquæ diluuij cooperuisse omnes montes excelsum sub omni cælo, tum quia paradisus in Mesopotamia situs erat, quæ regio notissima est, nec in ea vllus cernitur paradisus.

Quia verò nullum vnquam ex veteribus legi, qui paradisum terrestrem vel aquis diluuij, vel alia de causa periisse scripserit; & contrà, legi plurimos, qui illum extare affirmant, ut Scholasticos ferè omnes, in 2. Sent. dist. 17. & S. Thomam 1. p. q. 102. art. 1. præterea veteres Patres, Irenæum, Hieronymum, Augustinum, Theodoretum, Bedam, Alchimum, Auitum, & cæteros, quos capite superiore citauimus, non facile auderem à tam communi celebrique opinionione recedere; præsertim cum S. Augustinus videatur ad fidem Catholicam hoc referre, cum sic loquitur in 2. lib. de peccato originali, cap. 23. *Longè aliter se habent quæstiones istæ, quas esse præter fidem arbitrat, quàm sint illæ in quibus salua fide, qua Christiani sumus, aut ignoratur quid verum sit, & sententia diffinitiva suspenditur, aut aliter quàm est, humana & infirma suspitione conijciuntur, veluti cum queritur qualis, vel ubi sit paradisus, ubi constituit Deus hominem, quem formauit ex puluere, cum tamen esse illum paradisum fides Christiana non dubitet.* Hæc ille.

Nec videtur satis apertè responderi, si dicatur Augustinum non velle significare paradisum nunc extare, sed non esse rem fictam, aut parabolicam id quod in Genesi de paradiso narratur. Nam in primis quæstiones illæ, quæ salua fide disputari possunt, qualis sit, & ubi sit paradisus, præsupponunt paradisum esse etiam nunc in rerum natura, alioqui posset etiam, vel potius deberet queri, Sitne paradisus, antequam

A queratur, qualis sit, vel ubi sit. Deinde id cognosci potest ex alia questione, quam ibidem continuo subiungit Augustinus: *Ubi sit, cum queritur ubi sint nunc Helias, & Henoch, an ibi, an alibi, quos tamen non dubitamus in quibus nati sunt corporibus viuere.* Quo loco sicut dixerat paradisum esse fides Christiana non dubitat; ita dicit Henoch & Heliam non dubitamus in suis corporibus viuere. At certum est, non solum Henoch & Heliam non esse res fictas, sed etiam re ipsa hoc tempore extare, & viuere; igitur eodem modo certum est apud August. paradisum non solum non esse rem fictam, sed etiam nunc re ipsa extare. Denique idem August. lib. 2. in Gen. cap. 24. dicit non posse dubitari quin flumina orientur ex paradiso, quia Scriptura hoc dicit, licet fontes alibi videantur. Vbi apertè indicare videtur, non posse dubitari quin hoc tempore extet paradisus.

B Accedit etiam ratio probabilis, cur paradisus conseruari debuerit, videlicet, ut Henoch, & Helias, quos certum est in suis corporibus viuere, congruentem suo statui sedem haberent, donec tempus esset ut cum Antichristo congregientes, vitam cum morte commutarent. Hos enim duos adhuc viuere, & venturos, ut diximus, ad mundi finem, ut scilicet Antichristo opponant, probauimus ex Scripturis, & communi Patrum Græcorum Latinorumque consensu, lib. 3. de summo Pontifice, cap. 6. ad quem locum lectorem remittimus.

C Neque argumentum illud de aquis diluuij cogit ut à communi sententia recedamus. Nam credibile est, in paradisum aquas diluuij minimè penetrasse, ut Scholastici Theologi docent. Ad illum autem Scripturæ locum, ubi dicuntur aquæ cooperuisse omnes montes sub vniuerso cælo, respondemus, id esse intelligendum de omnibus montibus eius terræ quæ à peccatoribus incolebatur, quæque habitationi hominum post lapsum Adæ data erat. Similis est locus in eodem cap. 7. Gen. *Mortui sunt vniuersi homines, remansitque solus Noe, & qui cum eo erant in arca.* Est enim vniuersalis propositio: *Mortui sunt vniuersi homines,* non minus quàm illa: *Cooperiti sunt omnes montes.* At certum est illam propositionem, *Mortui sunt vniuersi homines,* intelligendam esse de hominibus, qui vitam mortalem in communi hac terra degabant, non de omnibus omninò, siquidem Henoch mortuus non est, quamuis non esset in arca. Igitur eodem modo propositio illa, *Cooperiti sunt omnes montes,* intelligenda est de omnibus montibus terræ, ubi erant homines morti destinati, non de montibus aut regione paradisi.

D At, inquires, si aquæ diluuij paradisum non attigerunt, frustra Noe tanto labore confecit arcam. Poterat enim cum omnibus animantibus in paradiso conseruari. Denique cum aquæ diluuij fuerint altiores quindecim cubitis omnibus montibus vniuersæ terræ, certè non potuit sine miraculo fieri, ut aquæ non obruerent paradisum; non sunt autem facile miracula confingenda. Denique propositio Scripturæ vniuersalis non debet restringi, nisi in ipsa Scriptura exceptio fiat, aut ratio necessaria eam exposcat. Exceptio autem paradisi ab aquis diluuij omnem terram operientibus, neque in Scriptura extat, neque vlla necessaria ratione inducta est.

E Ad PRIMUM respondeo, paradisum non esse locum hominum peccatorum, & humanis calamitatibus subiectorum, sed eorum tantum qui communibus huius vitæ miserijs non sunt obnoxij, quales fuerunt olim Adam & Eva, & nunc Henoch atque Helias. Itaq; non conueniebat regio paradisi Noe, & filijs, atque vxoribus eorum. Et idè necessarium fuit alia ratione vitæ ipsorum à Domino prouideri.

malitiæ appellatum, quod gustatum, ob inobedientiam culpam, multa mala adferret, ac per hoc homines excedendo discerent discrimen boni & mali, quo tanta sola contemplatione didicerant. Ita docet S. Augustinus lib. 14. de ciuit. cap. 17. & lib. 8. Gen. cap. 6. S. Cyrillus lib. 3. in Iulian. Theodoretus quart. 26. in Gen. & Eucherius lib. 1. in Gen.

CAPVT XVIII.

*Lignum vitæ perfectam immortalitatem
afferre potuisse.*

VLTIMA restat quaestio, *De vi atque efficacia ligni vitæ.* VNA S. Augustini, quem Theologi Scholastici ferè sequuntur, lignum vitæ institutum fuisse ad arcendam mortem, quæ contingere solet ex senio. Quamuis enim per communes cibos reparetur humidum illud, quod ex generatione accepimus, quodque assidue per actionem caloris naturalis abluuntur, tamen extranea illa substantia, quæ ex alimento accedit præexistenti humido, nunquam est tantæ virtutis, quantæ fuerat illa quæ deperdita est. Ita paulatim vis nutriens diminuitur, ac tandem funditus perit, & ea pereunte, vita animalis extinguitur. Vult igitur S. Augustinus eum fuisse vsum ligni vitæ, vt vim nutrientem roboraret, & eo modo hominem à senectute & morte defenderet: *Cibus*, inquit lib. 14. de ciuit. Dei, cap. 26. *aderat ne esuriret, potus ne sitiret, lignum vitæ ne illum senectû dissolueret; nullus intrinsecus morbus, nullus istas metuebatur extrinsecus.* Vide eundem lib. 6. de Gen. c. 25. & lib. 8. c. 5. & lib. 2. de peccat. merit. & remiss. c. 3. & lib. 13. de ciuit. Dei, cap. 20.

ALTERA sententia multorum est veterum Patrum, & (nisi ego fallor) valdè conformis Scripturæ sacræ, & rationi. Docet hæc sententia, lignum vitæ eam vim habuisse, vt vel semel gustatum, perfectam adferret immortalitatem, qualem habebimus post resurrectionem, & ideo non antè sumendum fuisse, quàm transferendi essent homines de statu gratiæ, in quo poterant non mori, ad statum gloriæ, in quo non possunt amplius mori. Glossa interlinearis in illa verba: *Ne forte sumas de ligno vitæ, &c.* sic loquitur: *Impleto electorum numero, gustaturi erant de ligno vitæ, & si ad beatum statum migraturi.* Rupertus lib. 3. in Gen. cap. 30. Nequaquam, inquit, *vt nonnulli arbitrantur, frequentandum erat necessario lignum, tanquam perpetuanda vitæ transituum medicamentum, sed semel hoc sumpto, vinceret corpus in æternum.* Theodoretus quart. 26. in Genesim, scribit lignum vitæ positum fuisse in medio paradisi, tanquam præmium obedientiæ. Non erat autem futurum obedientiæ præmium corroboratio virtutis nutrientis, sed perfecta immortalitas. S. Ioannes Chrysostomus (quem imitatus videtur Theodoretus) homil. 18. in Genesim, scribit duas fuisse arbores in paradiso preter cæteras admirabiles; vnâ mortis, alterâ vitæ; priorem in stipendium inobedientiæ, posteriorem in præmium obedientiæ. Ex quo sequitur, vt quemadmodum arbor scientiæ, quæ erat arbor mortis, semel gustata, necessitatem attulit moriendi; sic etiam arbor vitæ, semel gustata, æternitatem esset allatura viuendi. S. Irenæus lib. 3. aduers. hæres. cap. 37. scribit Adamum de paradiso fuisse expulsum, ne lignum vitæ attingere posset. Idque non tam ex indignatione, quàm ex misericordia, ne videlicet fieret miser in æternum, & malum eius esset irreparabile: *Eiecit*, inquit, *eum de paradiso, & à ligno vitæ longè transtulit, non inuidens ei lignum vitæ, sed miserans eius, vt non perseveraret semper transgressor, neque immortale quod esset circa eum, & malum intermi-*

A *nabile.* Idem habet S. Hilarius in comment. Psal. 68. in illa verba, *Quem tu percussisti, persequuti sunt.* Non percerat, inquit, primo illi de terra limo Adæ, quem de paradiso post culpam, ne lignum vitæ attingens, in æternitate pœna maneret, eiecit. Idem his verbis breuiter significat S. Greg. Nazianzenus orat. 2. de Pascha: *Iude* (Adam de paradiso eiectus, & à ligno vitæ separatus) *lucratur quippiam, maiorem nempe, ac peccati abscissionem, ne malum esset immortale, sique pœna misericordia.* Vide in eandem sententiam S. Hieronymum in cap. 65. Isaia, S. Cyrillum lib. 3. aduers. Iulian. circa medium, Eucherium lib. 1. in Gen. & Rupertum lib. 3. in Gen. cap. 29.

B NEQUE responderi potest ad ista loca Patrum, sententiam ipsorum esse, eiectum fuisse Adamum de paradiso, ne sæpius recurrendo ad arborem vitæ, conseruaret virtutem nutrientem, & eo modo nunquam moreretur. Nam si lignum vitæ non habuisset aliam vim, quàm roborandi & conseruandi virtutem nutrientem, non solum non fecisset post peccatû Adæ homines immortales, sed parum omnino profuisset ad vitæ diuturnitatem; siquidem post lapsum Adæ maxima pars hominum extinguitur ante senium, febre, peste, fame, ferro, præcipitio, alijsque innumerabilibus casibus; rarissimi sunt, qui solo senio moriantur. Patres autem dicunt, homines post peccatum futuros fuisse planè immortales, & perpetuò miseros, & malum eorum interminabile, quale est peccatum, & infelicitas dæmonum, si lignum vitæ attingere potuissent. Sentiebant igitur Patres lignum vitæ non solam virtutem nutriendi roborasse, sed perfectam immortalitatem attulisse.

C PORRO fauet huic sententiæ vehementer testimonium illud Scripturæ diuinæ: *Dixit Deus ne forte mittat manum suam, & sumat de ligno vitæ, & viuat in æternum, &c.* Illa enim particula, *ne forte*, vt Rupertus annotauit, cogere videtur vt ex hoc loco intelligamus lignum vitæ etiam semel casu gustatum, perfectam immortalitatem allaturum. Quod verò quidam dicunt, Deum loquutum esse ironicè, cum ait, *& viuat in æternum*, non est probabile, tum quia repugnat testimonijs Patrum quos citauimus, tum quia eiectio Adæ de paradiso, & Angelus cum gladio flammeo constitutus ad custodiendam viam ligni vitæ, satis indicant Deum non ironicè, sed propriè, & serio esse loquutum.

D Quod autem alij dicunt, illud, *in æternum*, significare in longum tempus, non autem in perpetuum, propterea quod vox Hebraica *על* hoc loco scribatur sine littera *ו* parum mouere debet: illa enim obseruatio S. Hieronymi in comment. primi capitis epistolæ ad Galatas, de voce *על* & *על* vera est, sed non perpetua. Sæpe enim confunduntur hæc vocabula, vt ex hoc ipso loco perspicuum est. Scribit enim S. Hieronymus loco citato, *על* sine littera *ו*, significare spatium quinquaginta annorum, quo numero definiebatur tempus Iubilei apud Hebræos. Et tamen Gen. 3. vbi legimus: *Ne forte sumas de ligno vitæ, & viuat in æternum*, habetur vox illa *על* sine *ו*; & certum est ea non significari spatium quinquaginta annorum. Cur enim timeri poterat ne vinceret Adam quinquaginta annos auxilio ligni vitæ, cum vixerit sine ligno vitæ supra nongentos?

E ACCEDIT postremò etiam ratio. Nam non videtur fuisse necessarium lignum vitæ vt conseruaret homines in statu innocentiae, ne senium eos dissolueret; si enim absque iustitia originali, & extra paradisum inter tot angustias & pericula vixerunt multi supra nongentos annos, vt Adam, Seth, Enos, Cainan, Jared, Mathusalem, Noe, ceteri cum originali iusti-

SECUNDA
CONTROVERSIA
GENERALIS;

DE AMISSIONE
GRATIAE ET STATV
peccati, sex Libris explicata.


QVORVM TRES POSTERIORES TRACTANT
DE PECCATO ORIGINIS.



INDEX LIBRORVM ET CAPITVM SECUNDÆ CONTROVERSIÆ GENERALIS.


LIBER PRIMVS.

De statu peccati, qui est de peccato in genere.

- CAP. I.  E peccati definitione.
- II. Peccati partitiones.
- III. De discrimine peccati mortalis & venialis.
- IV. Referuntur sententiæ hæreticorum. *
- V. Refellitur sententia Ioviniani & Pelagij.
- VI. Diluuntur objectiones Pelagianorum.
- VII. Refellitur error Ioannis Vvicleffi, & Ioannis Caluini.
- VIII. Refellitur error Lutheranorum.
- IX. Peccatum veniale natura sua distingui à mortali, ostenditur ex Scripturis.
- X. Idem ostenditur ex traditione Ecclesiæ & Patrum.
- XI. Idem probatur ex ratione.
- XII. Diluuntur objectiones ex Scripturis.
- XIII. Soluuntur objectiones ex Patribus. *
- XIV. Diluuntur objectiones ex naturali ratione petitz.

LIBER SECUNDVS.

*De statu peccati, qui est de causa peccati primi hominis, ac de causa
peccati in genere.*

- CAP. I.  E erroribus circa primariam causam peccati.
- II. Explicatur status quæstionis.
- III. Sententiæ Zuinglij, Caluini, & Bezzæ in medium adducuntur.
- IV. Ex sententia Zuinglij, Caluini, & Bezzæ, rectè colligi, Deum esse auctorem peccatorum quæ à nobis fiunt.
- V. Ex Zuinglij, Caluini, & Bezzæ sententia sequi, Deum verè ac propriè peccare.
- VI. Ex doctrina Caluini, Zuinglij, & Bezzæ, & similium, colligi & Deum solùm verè peccare, non autem homines.
- VII. Ex doctrina Zuinglij, Caluini, & Bezzæ, non malè colligi esse peccatum, nisi falsam opinionem, vt volunt Libertini.
- VIII. Probat ex diuinis litteris, Deum non peccare, non esse peccati auctorem.
- IX. Probat testimonij Patrum, Deum non esse peccati auctorem.
- X. Eadem veritas rationibus comprobatur.
- XI. Refelluntur objectiones depromptæ ex diuinis litteris.
- XII. Soluuntur objectiones ex alijs testimonijs Scripturæ.
- XIII. Soluuntur objectiones ex alijs Scripturæ locis.
- XIV. Soluuntur objectiones ex Scripturæ testimonijs petitz.
- XV. Explicantur alia Scripturæ testimonia.
- XVI. Explicantur loca aliquot Augustini, quæ in speciem fauere videntur aduersarijs.
- XVII. Soluuntur objectiones ductæ ex ratione.
- XVIII. Soluitur objectio quæ à Theologis proponi solet, veritatis cognoscendæ gratia.



LIBER TERTIVS.

De statu peccati, qui est de peccato primi hominis.

CAP. I.

DE tentatione quæ peccatum primorum parentum præcessit, quod tentatio ad peccandum fuerit, quodque primi parentes verè peccauerint.

- II. Cur Deus permiserit tentari hominem, quem sciebat casurum.
- III. De serpente qui Euam seduxit, quod verus & naturalis fuerit serpens, quodque per eum diabolus sit loquutus.
- IV. Primum peccatum parentum primorum fuisse superbiam.
- V. Soluuntur objectiones, & explicatur quæ fuerit superbia primorū hominū.
- VI. Primos parentes amisisse fidem, & quæ fuerit eorum infidelitas.
- VII. Adamum propriè non fuisse seductum.
- VIII. Primum Adami peccatum non potuisse esse veniale.
- IX. Peccatum Adami grauius fuisse quàm peccatum Eue.
- X. Peccatum primi hominis fuisse aliquo modo peccatorum omnium grauissimum, non tamen absolutè.
- XI. De pœna primi peccati.
- XII. De pœnitentia & salute primorum hominum.

LIBER QVATVVS.

De statu peccati, qui est primus de peccato originis.

CAP. I.

PROPONITVR materia disputationis sequentis, & qui de ea scripserint, breuiter explicatur.

- II. Referuntur errores circa primam quæstionem, quæ est, an sit aliquod peccatum originis.
- III. Deriuari ex peccato Adami in posteros aliquod veri nominis peccatum, probatur ex cap. 5. ad Romanos.
- IV. Idem probatur ex alijs testimonijs Scripturæ diuinæ.
- V. Probatur eadem veritas testimonijs Patrum, qui ante Pelagianam hæresim exortam scripserunt.
- VI. Probatur eadem veritas ex definitione Ecclesiastica.
- VII. Res eadem rationibus confirmatur.
- VIII. Diluuntur objectiones ex Scripturis.
- IX. Explicantur testimonia Patrum, quæ Pelagianis in speciem fauere videntur.
- X. Diluuntur argumenta ducta ex ratione.
- XI. Explicatur quæstio de origine animæ.
- XII. Explicatur quomodo peccatum originis traducatur, & soluitur argumentum Pelagianorum, quod cap. 10. extremo propositum fuit.
- XIII. Non ab Eua, sed à solo Adamo peccatum originis trahi.
- XIV. Ad filios fidelium peccatum originis pertinere, quemadmodum ad filios infidelium.
- XV. B. Virginem Mariam sine peccato originali conceptam fuisse.
- XVI. Soluuntur argumenta quæ aduersus immaculatam B. Virginis conceptionem fieri solent.
- XVII. Refelluntur mendacia & calumniæ Kemnitij circa beatæ Virginis conceptionem.
- XVIII. Non transisse ad posteros per generationem omnia peccata parentum, sed primum tantum primi hominis lapsum.

CONTROVERSIA

SECUNDA GENERALIS,

QUÆ EST DE AMISSIONE GRATIÆ,
SIVE DE STATU PECCATI.

ORDO DISPUTATIONIS.

DISSERVIMVS hæcenus de gratia collata humano generi in primo nostro parente Adamo: Nunc de gratiæ eiusdem amissione, & consequentibus malis differemus. Erit autem hic ordo disputationis, ut PRIMVM generatim explicemus definitionem, partitionemque peccati, ubi partitio illa in peccatum mortale, & veniale potissimum discutietur. DEINDE consideremus peccatum ipsum primi hominis, ubi simul de prima peccati causa differetur. POSTREMO de propagatione eius peccati, id est, de peccato originis, eiusque pœna, & effectibus differemus.

LIBER PRIMVS.

DE STATU PECCATI,

QUI EST DE PECCATO IN GENERE.

CAPVT PRIMVM.

De Peccati definitione.

DE PECCATO multa à Theologis disputantur, quæ non videntur multum ad rem nostram facere. Quare ijs omissis, definitionem solum & partitionem, causam, & discrimina peccati trademus, quæ necessaria, vel certè valdè utilia sunt ad eas controuersias, quas habemus præ manibus explicandas.

Est igitur initio animaduertendum, non esse idem peccatum, & vitium. Peccatum enim est nomen operationis malæ, quæ opponitur operationi virtutis: vitium autem est nomen habitus mali, qui opponitur virtuti, ut virtus habitum significat. In hoc enim mala bonis præstant, quod vocabulis magis abundant. Nam ad significandam actionem virtutis, nullam habemus propriam vocem, & idcirco utimur nomine virtutis, tum ad actionem, tum ad habitum designandum. Ad significandam autem actionem, quæ nascitur ex vitio, habemus plurimas voces, peccatum, crimen, delictum, scelus, facinus, flagitium, culpam, erratum, & alia. Esse autem vitium nomen habitus, non actionis, ex corporalibus rebus intelligi potest, unde nomina ad res spirituales transferri solent. Dicimus enim vitium esse in equo, quando habet permanentem aliquam qualitatem, ob quam sæpè aut cespitat, aut terretur, aut freno retineri nequit: sed si casu id accidat semel, atque iterum, non propterea dicitur equus vitiosus. Quocirca rectè Aristoteles in septimo libro de moribus, capite octauo, vitium comparat cum hydropisi, quæ est sitis permanens. Et S. Augustinus in libro de perfectione institutæ, cap. 4. simile esse dicit vitium curuitati tibiarum, peccatum autem claudicationi.

A Prætermisso igitur vitio, de quo non est nobis in præsentia disputandum, Peccatum sic definitur à S. Augustino, lib. 2. de consensu Evangelistarum, c. 4. *Peccatum est transgressio legis.* Quæ definitio generalissima est, & conuenit in peccata omnia, non solum morum, sed etiam naturæ, & artis. Nihil est enim aliud peccatum, nisi declinare, ac recedere à regula. Quod etiam breuissimè docuit S. Ioannes in epist. 1. cap. 3. his verbis: *Peccatum est iniquitas.* Et clarius Græcè ἀμαρτία ἢ ἀνομία.

B At peccatum in moribus, de quo solo nos agimus, definit idem S. Augustinus lib. 22. contra Faustum, cap. 27. *Dictum, vel factum, vel concupitum contra legem æternam.* Quam definitionem Theologi magno applausu receperunt, nec immerito. Nam cum duo quædam in peccato reperiantur, substantia, quæ est materiale, & ratio ipsa, quæ est formale peccati, utrumque Augustinus ea definitione complexus est. Substantia peccati est actio aliqua voluntaria, vel voluntaria actionis omissio. Ratio peccati est ipsa declinatio, & recessio à regula in illa actione, vel eius omissione. Et quoniam tria sunt instrumenta generalia actionum, cor, lingua, manus; & rursus tria sunt genera actionum, vnum planè spirituum, ut desideriorum; aliud planè corporaliū, ut factorum; aliud partim spirituum, partim corporaliū, ut verborum: propterea sanctus Augustinus ut comprehenderet quicquid est in peccato materiale, dixit, peccatum esse dictum, vel factum, vel concupitum. Non meminit autem omissionis, quia definitiones debent esse breues, & negatio ex affirmatione colligitur.

Porro peccati rationem, atque adeò ipsum forma-

le peccati indicauit August. cum ait, contra legem æternam, nec dicere voluit, contra rationem, ut loquuntur Philosophi, neque contra legem Dei, ut loquitur. S. AMBROSIVS lib. de paradiso, c. 8. neque contra legem simpliciter, sed contra legem æternam, nimirum ut comprehenderet omnes leges, & ipsam legum radicem. Si quidem omnis lex tum naturalis, & tum positua; & positua tum Dei, tum hominum, ideo est lex, quia congruit cum lege æterna, quæ est ipsa Dei ratio summa, ac perfectissima regula; neque est aliud quælibet vera lex, nisi adumbratio quædam, atque participatio legis æternæ.

Vnum desiderari videtur in Augustini definitione, ut videlicet voluntarij mētio in ea fieret. Non enim quoduis dictum, factum, concupitum; sed dictum, factum, concupitum voluntarium, contra legem æternam, est peccatum; *Vsq̃ue adeò*, inquit August. in lib. de vera religione, c. 14. *peccatum voluntarium est malum, ut nullo modo sit peccatum, si non sit voluntarium.* Sed non sine causa hoc loco Augustinus voluntarium prætermisit. Poterat enim ex alijs partibus definitionis facillè colligi. Siquidem non est propriè contra legem, nisi id quod est voluntarium. Neque enim lex propriè datur nisi ijs, qui habent vsum liberi arbitrij.

Hæc de definitione peccati hoc loco sufficiant. Illud solùm obiter obseruandum est, tantam esse aliquorum ex Lutheranis imperitiam, vel impudētiam, ut Augustini definitionem, tacito eius nomine, inter errores numerare non vereantur, idque non alia de causa, nisi quia eandem definitionem apud scriptores Catholicos inuenerunt. Tilmannus Heshusius, qui se Episcopum Sambiensem vocitat, in li. de sexcentis erroribus Pontificiorum, loco 4. num. 1. *Pontificij*, inquit, *hoc modo definiunt plerumque peccatum, quod sit vel dictum, vel factum, vel cupitum contra Dei legem.* Et num. 2. *Tanquam immotam*, inquit, *regulam vrgent vsque adeò voluntarium est peccatum, ut non sit peccatum, si non sit voluntarium.* Deinde enumeratis alijs aliquot eiusdem sententijs antidotum tanquam contra venena subiungit.

At vel ignorabat Heshusius has esse sancti Augustini sententias, vel non ignorabat: Si ignorabat, valdè imperitus sit necesse est, cum hæc sint sententiæ celeberrimæ, ac ferè omnibus notæ: Si non ignorabat, impudentissimus est, cum tantum Doctorem contemnere non dubitauerit, ac præsertim in ea re, in qua (ut ipse idem August. loquitur loco citato, de vera religione, c. 14.) nulla Doctorem paucitas, nulla indoctorum turba dissentit. Agimus tamen gratias, quod dum Augustini sententias, ut Pontificiorum errores damnat, Augustinum Pontificium fuisse concedit.

CAPVT II.

Peccati partitiones.

IAM VERO quinque sunt peccati partitiones. **P**RI-
MA sumitur ab objectis, ac proinde specifica par-
titio est; Si quidem actiones ab objectis species su-
munt. Ab objectis autem generatim duo ducuntur
genera peccatorum. alia enim sunt peccata carnalia,
alia spiritualia, iuxta illud Apost. 1. ad Cor. 7. *Emun-*
demus nos ab omni inquinamento carnis, & spiritus. Est
autem hæc plena atque perfecta partitio. Siquidem
res omnes, ad quas inordinatè conuertimur, cum
peccamus, aut sunt bona apprehensa sensibus car-
nis, ut cibus, potus, concubitus; aut intelligentia, ut

A honor, potestas, diuitiæ. Per conuersionem ad prio-
ra sunt peccata carnalia, per conuersionem ad po-
steriora sunt peccata spiritualia. Illa nos reddunt si-
miles belluis, ista dæmonibus; & Latine dicuntur
illa flagitia, ista scelera, vel facinora.

ALTERA partitio ducitur ab origine: dicuntur
enim alia peccata actualia, alia originalia. **A**CTVA-
LIA sunt quæ propria voluntate committimus. **O**-
RIGINALIA sunt quæ trahuntur à primo parente
Adamo, per carnalem propagationem, quæque vo-
luntaria sunt aliena, non propria voluntate; sed de
peccato originis plura dicemus infra suo loco.

TERTIA partitio sumitur à lege. Dicuntur en-
nim alia peccata commissionis, alia omissionis.
COMMISSIONIS peccata sunt, quæ pugnant
cum lege negante, ac prohibente aliquid, ut aulte-
rium, homicidium, furtum, quæ legibus illis repu-
gnant: *Non machaberis, Non occides, Non furaberis.*
OMISSIONIS VERO ea peccata dicuntur, quæ vio-
lant leges affirmantes, & imperantes aliquid, ut cum
quis parentibus debitum honorem non exhibet,
contra illud, *Honora parentes.* Et quidem commis-
sio, peccatum; omissio, delictum propriè dici solet:
ut S. Augustinus q. 20. in Leuiticum colligit ex c. 7.
Leuitici, ubi alia sacrificia instituuntur pro peccatis,
alia pro delictis.

QUARTA partitio sumitur ab eorum varietate,
quæ potissimum peccato læduntur. Alia enim pecca-
ta committuntur in Deum, alia in proximum, alia in
nosipsum. Aduersus quæ peccata nos munit Aposto-
lus cum ait in epist. ad Titum c. 2. *Sobriè, iuste, & piè*
viuamus in hoc saculo. Sobriè videlicet quoad nos; ius-
tè quo ad proximum; piè quoad Deum. Et Prophe-
ta David in Psalmo quinquagesimo, aduersus eadem
peccata Spiritum sanctum, spiritum rectum, spiritum
principalem à Deo petebat.

QUINTA partitio nascitur ex gravitate culpæ,
siue ex reatu pænæ, qui peccantes consequitur. Di-
cuntur enim peccata quædam lethalia, alia venialia.
LETHALIA sunt quæ hominem planè auertunt à Deo,
& quibus pœna debetur æterna. **V**ENIALIA, quæ
nonnihil impediunt cursum ad Deum, non tamen
ab eo auertunt, & facili negotio expiantur. Priora
dicuntur crimina, posteriora peccata, ut S. Augu-
stinus monet in Enchirid. cap. 64. ubi scribit, sine
crimine iustos homines viuere, sine peccato non vi-
uere. Denique simile est mortale peccatum vulneri
lethifero, quod subito vitam extinguit, veniale au-
tem plagæ legi, quæ sine vitæ periculo suscipitur, &
facile curatur. Illud enim cum charitate, quæ vita est
animæ, pugnat, hoc non tam contra, quam præter
charitatem est. Et quoniam hæc postrema partitio
præter cæteras ab aduersarijs oppugnatur, de ea co-
piofius differemus.

CAPVT III.

De discrimine peccati mortalis, & venialis.

DE discrimine peccati mortalis & venialis non
leuis controuersia est. Sed ut status causæ fa-
cilis possit intelligi, præmittendæ sunt partitiones
quædam peccati venialis.

PRIMA partitio est trimembris; peccata venialia à
causâ, ab euentu, ex natura & ratione peccati. Pec-
catum veniale à CAUSÂ dicitur peccatum, quod ex
ignorantia, vel ex infirmitate committitur, quod ge-
nus peccati non dicitur veniale, ut distinguatur con-
tra quodcunque mortale, sed contra peccatum

mortale

mortale ex malitia. Tameſi enim peccata ex ignorantia, vel ex infirmitate, ſepè ſint merè mortalia, tamen dicuntur omnia venialia, quia eſt in eis aliquid imminuens culpæ prauitatem, & ratione cuius is qui peccauit, eſt viciniſſimus indulgentiæ. De quo genere peccati loquitur Apoſt. in epiſt. priore ad Timoth. cap. 1. cùm ait: *Fui blaſphemus, & contumelioſus, & perſecutor: ſed miſericordiam conſequutus ſum, quia ignorans feci in incredulitate.*

Peccatum veniale **AB EVENTU** dicitur id, quod per pœnitentiam expiatur, iuxta illud S. Ambroſij in lib. de Paradifo, cap. 14. *Venialis culpa, quam ſequitur profeſſio delictorum.* Qua ſignificatione videtur accepſiſſe S. Auguſt. veniale peccatum, in lib. de ciuit. Dei, c. vlt. cùm ait: *Nunc verò dum venialis iniquitatis etiamſi perſeueret, ignoratur modus, profeſſio & ſtadium in meliora proficiendi orationi inſtando vigilantius adhibetur, & faciendi de mammona iniquitatis ſanctos amicos cura non ſpernitur.* Eadem notione uſus eſt auctor libri de vera & falſa pœnitentia, cap. 18. qui ſcripſit, peccata per pœnitentiam fieri venialia. Hæc quoque venialia non opponuntur abſolutè mortalibus, ſed ijs quæ re ipſa nunquam remittuntur; ac per hoc ad mortem perducunt æternam.

Peccata venialia **EX NATURA** & ratione peccati dicuntur, ea quæ non ſunt contraria charitati Dei, & proximi, quæque propriè & abſolutè mortalibus opponuntur. De venialibus primi & ſecundi generis nulla controuerſia eſt. Nemo eſt enim qui neget peccatorum alia ex ignorantia, vel infirmitate, alia ex malitia poſſe committi; & rurfus alia per pœnitentiam expiari, alia per pœnitentiam non expiata, in æternum puniri. De venialibus tertij generis eſt tota quæſtio. Quæ venialia rurfus in duo genera diuiduntur: alia enim dicuntur venialia ex genere ſuo, alia ex imperfectione operis.

Venialia **EX GENERE SVO** dicuntur ea, quæ habent pro objecto rem malam, & inordinatam, ſed quæ charitati Dei, vel proximi non repugnet, quale eſt verbum otioſum, riſus nimius, & alia id genus; & his contraria ſunt peccata mortalia ex genere ſuo, vt perjurium, adulterium, & ſimilia, quæ apertè cum charitate Dei, vel proximi pugnant.

Venialia **EO IMPERFECTIONE OPERIS** ea ſunt, quæ tameſi ex genere ſuo mortalia eſſe poſſent, tamen ob imperfectionem operis venialia efficiuntur, quia videlicet ſola imperfectio operis facit, vt cum charitate pugnare non indigentur. His verò contraria ſunt mortalia ex parte agentis, quæ quidem ex genere ſuo venialia eſſe potuiſſent, & tamen ex diſpoſitione quadam peccantis mortalia ſunt; tale peccatum eſſet, ſi quis adedò delectaretur otioſis conſabulationibus, vt paratus eſſet in ijs tempus conterere, etiam cùm ex diuino præcepto aliquid ei neceſſariò faciendum incumberet.

Rurfus peccata venialia ex imperfectione operis in duo membra ſecari ſolent. Alia enim dicuntur venialia ex ſubreptione, alia ex paruitate materiæ. Ex **SUBREPTIONE** dicuntur ea, quæ non ſunt perfectè voluntaria, quales ſunt ſubiti motus cupiditatis, iræ, inuidentiæ, & alij ſimiles, qui prius in animo exiſtunt, quàm ratio planè deliberare potuerit, eſſent necne admittendi, qui quidem & peccata ſunt, cùm præueniri, aut continuò repelli potuiſſent, ſi ratio vigilaret; & tamen venialia ſunt, cùm pleno voluntatis aſſenſu caruerint. Ex **MATERIÆ PARVITATE** dicuntur ea, quæ in re parua ac leui committuntur, quale eſſet furtum vnius oboli, quod neque proximum notabiliter lædit, neque eiſmodi eſt, vt apud æquos homines amicitiam tollere queat.

CAPVT IV.

Referuntur ſententiæ hæreticorum.

HI ſ ita conſtitutis, ad ſententias aduerſariorum explicandas accedamus. Primi fuerunt Iouinianus, & Pelagius, qui diſcrimen peccati mortalis, & venialis ſuſtulerunt è medio. Iouinianus enim docuit, peccata omnia eſſe paria, vt breuiter indicauit S. Auguſtinus lib. de hæreſibus, cap. 82. ſed clariſſus S. Hieronymus in 20. lib. aduerſus Iouinianum, non procul à fine, his verbis: *De eo autem quod niteris approbare, conuſium & homicidium, raca & adulterium, otioſum ſermonem & impietatem vno ſupplicio reperiari, iam ſuprà tibi reſponſum eſt.* Et infra: *Non tibi habebunt tantas gratias, quos de humili in ſublime leuas, quantum irafceantur, quos propter leue quorundamque peccatum, in exteriores tenebras extruſiſti.* Hæc ille. Quocirca valdè mirum eſt, quid Alphonſo de Castro venerit in mentem, vt in ſuo libro duodecimo contra hæreſes, verbo Peccatum, hæreſi octaua, ſcriberet, hunc errorem de peccatorum æqualitate, niſquam à S. Hieronymo in duobus libris aduerſus Iouinianum, ipſi Iouiniano adſcribi. Nam per multas paginas in lib. ſecundo contra Iouinianum, S. Hieronymus non ſolùm hunc errorem nominatim Iouiniano tribuit, ſed etiam omnia eius argumenta proponit, & ſoluit. Et S. Auguſtinus in epiſt. 29. ad Hieronymum, hunc Iouiniani errorem ab ipſo Hieronymo præclauè confutatum fuiſſe teſtatur.

Iouinianum ſequutus Pelagius, quolibet peccato iuſtitiam amitti docebat, ac per hoc omne peccatum eſſe mortale; & quoniam multos iuſtos eſſe negare non poterat, affirmabat poſſe hominem in hac vita ſine omni peccato viuere. Ita refert S. Hieronymus in primo & ſecundo Dialogo contra Pelagianos. Et S. Auguſtinus in lib. de hæreſibus, cap. 88. *In id etiam (inquit Auguſtinus) progrediuntur, vt dicant vitam iuſtorum in hoc ſeculo nullum omnino habere peccatum, & ex his Eccleſiam Chriſti in hac mortalitate perfici, vt ſit omnino ſine macula & ruga, quaſi non ſit Chriſti Eccleſia, qua in toto terrarum orbe clamat ad Deum: Dimitte nobis debita noſtra.*

Post hos Ioannes Vvicleſſus (vt refert Thomas Vvaldenſis tomo 2. de Sacramentis, cap. 54. & ſeq.) totam Eccleſiam reprehendebat, quod ignoraret diſtinctionem peccati mortalis, & venialis. Docebat verò ipſe, omnia peccata eſſe mortalia, ſi per mortale intelligatur id quod eſt mortis æternæ inductiuum. Si verò per mortale intelligatur id, quod de facto mortem æternam adducit, tunc omnia peccata reproborum eſſe mortalia, electorum venialia ex natura ſua. Ex qua ſententia illud manifeſtè ſequitur, vt omnia ſint mortalia.

Noſtro ſeculo, quo veteres errores penè omnes renaſcuntur, nulli ſunt hæretici, qui verum diſcrimen agnoſcant inter peccata mortalia, & venialia. Martinus Lutherus in aſſertione omnium articulorum ſuorum, cùm in articulo 52. dixiſſet, omne opus hominis iuſti eſſe peccatum, & hoc Leo X. Pontifex damnaret, ita ſuum errorem auxit, vt diceret, omne opus hominis iuſti eſſe peccatum ex natura ſua mortale, & ex ſola Dei miſericordia veniale. Idem Lutherus in libro de captiu. Babylonica, capite de Baptiſmo, indicat omnia peccata eſſe venialia, præter incredulitatem, cùm ait: *Ita vides, quam diues ſit homo Chriſtianus, ſine baptizatus, quæ etiam volens non poſſet perdere ſalutem ſuam quantuſcunque peccatus, niſi nullus credere.* Quod non ita accipiendum eſt, quali exiſtimauerit Lutherus non eſſe vlla peccata ex natura

fua mortalia præter incredulitatem: fed illud dicit, quia fibi perfuafit omnia peccata condonari, vel non imputari credentibus, non credentibus autem nullum condonari, cum fides fola eius opinione iustificet, ita reditur ad primum errorem, vt quæuis peccata natura fua mortalia fint, fola verò Dei mifericordia venialia.

Philippus Melanchthon in locis communibus, tit. de difcrimine peccati mortalis & venialis, videtur quidem agnoscere diftinctionem aliquam inter hæc peccata, fed reuera à Lutheri fententia non recedit. Scribit enim peccata mortalia effe, quæ excutiunt Spiritum fanctum; venialia, quæ non excutiunt. Sed inter explicandum fatis apertè prodit errores fuos. Primum enim docet difcrimen peccati mortalis & venialis non habere locum in non renatis: *Quamquam*, inquit, *Nemo Epicurus multò atrocius peccant, quàm Cato, tamen utriusque funt oppreffis peccatis mortalibus horrendis, & ira Dei æterna. Nec neceffe eft in non renatis querere difcrimen peccati mortalis & venialis, quia omne quod non eft ex fide, peccatum eft. Quod fi peccata non renatorum funt omnia mortalia, id omninò fequitur, vt nulla fint peccata ex natura fua venialia. Nam fi quæ effent ex natura fua venialia, etiam in non renatis effent venialia.*

SECUNDO, docet in renatis venialia peccata effe motus prauos, qui rationem ita præueniunt, aut rapiunt, vt voluntarij dici non poffint, quique nobis inuitis & repugnantibus in nobis interdum exiftunt. Et quia poterat aliquis occurrere, ac dicere, ea quæ non funt voluntaria, non effe peccata, nec mortalia, nec venialia; subiungit vulgatum illud dictum: (*Quod non eft voluntarium, non eft peccatum*) intelligendum effe, quoad iudicium ciuile, non quo ad iudicium legis diuinæ. Itaque omnia illa quæ funt ex fententia Catholicorum vera peccata, id eft, quæ funt aliquo modo voluntaria omnia (inquam) ex Philippi fententia funt mortalia, & fola illa apud eum venialia funt, quæ apud Catholicos nulla peccata funt.

TERTIO, docet peccata venialia effe verè contra legem Dei, & magnam deformitatem adferre, atque aded iram Dei mereri: fed venialia dici, quia condonantur ijs, qui Deo grati funt. Quod eft illud ipfum quod Lutherus voluit, cum ait, omnia opera iuftorum effe peccata mortalia ex natura fua, fed venialia ex mifericordia Dei, quia credentibus non imputantur: *Quamquam*, inquit, *renati, in quibus eft accenfa cognitio Chrifti, & vera inuocatio, & inchoata eft obedientia, funt iufti, placent Deo, & habent Spiritum fanctum: tamen in eis adhuc in hac vita manet ingens infirmitas, videlicet caligo in mente de Deo, & voluntatis, ac cordis praua inclinatio, & multi vitiofi affectus, &c. Et paulò poft: Hæc mala in renatis funt contra legem Dei, vt Paulus teftatur Rom. capite feptimo; & quanta fit deformitas, quanta magnitudo horum malorum, pñ in veris doloribus aliquo modo agnoscunt. Sed quia perfona accepta eft, accenfa agnitione Chrifti, & fide in corde, & donato Spiritu fancto, & aliquo modo infirmitatem agnofcit, & deplorat, & expañfeit agnitione ira Dei aduerfus peccatum, & petit condonationem, & repugnat primis incendijs: funt huic perfona hæc mala venialia peccata, id eft, condonata, itaut non excutiant Spiritum fanctum, & fidem, ac maneat perfona in gratia. Et rursus paulò inferius: Et fi, inquit, morbi barentes adhuc in renatis in hac vita, & vitiofi affectus, non funt lenia, aut contemnenda mala, nec funt tantum ætæria præter legem Dei, vt Monachi finxerunt, fed verè funt contra legem Dei: tamen donec manet in renatis bona confcientia & fides, manet etiam Spiritus fanctus.*

QUARTO, docet peccata mortalia effe illa omnia, quæ excutiunt fidem, id eft, quæ fimul cum fide conftertere nequeunt, talia autem effe omnia peccata voluntaria: *Postremo*, inquit, *hæc duo impoffibile eft fimul exiftere, malam confcientiam, id eft, propofitum peccandi, & fidem, quæ eft fiducia mifericordiae Dei propter Chriftum promiffæ: quia habens propofitum peccandi, contemnit, aut fugit Deum, non accedit ad Deum: at fiducia mifericordiae accedit ad Deum Pontifice Chrifto. Ex his habemus Philippum non agnoscere vlla peccata venialia, nifi inuoluntaria, & ea venialia effe, non ex natura fua, fed quia ob fidem non imputantur.*

Eandem fententiam exprimit Tilmannus Heshufius in libro de erroribus Pontificiorum, titulo quarto, qui eft de peccato, num. 24. his verbis: *Contendunt Pontificij, difcrimen inter peccatum mortale & veniale non in eo confiftere, quod venialia peccata tefta & condonata funt; mortalia verò æterna damnationi obnoxia: fed quod difcrimen fit in ipsa peccatorum natura & actione, hoc modo, quod peccata mortalia funt eiusmodi, vt repugnent iuftitiæ, charitati, & legi diuinæ, & mereantur æternam damnationem; venialia verò nec charitati, nec iuftitiæ, nec legi aduerfantur, nec etiam mereantur mortem, vel iram Dei, fed funt digna venia.*

In eandem fententiam concurrunt Magdeburgenfes, centuria prima, lib. 2. c. 4. col. 171. vbi fic loquuntur de difcrimine peccatorum ex doctrina (vt ipfi putant) Apostolica: *Docent (Apostoli) veniale peccatum nullum quidem per fe effe, dum afferunt omnia peccata pugnare cum lege diuinæ, & mereri iram Dei, & æternas pœnas: fed per accidens, hoc eft propter caufas aliunde incidentes, nempe propter remiffionem peccatorum, quæ contingit fidelibus propter Chriftum. Et paulò ante dixerant: Qui natus eft ex Deo, peccatum non committit, hoc eft, non committit peccatum mortale: fed venialia eius funt peccata, fen peccata propter fidem in Chriftum, ipfi non imputantur. Et col. 173. Impijs, inquit, & incredulis non tantum feclera externa contra legem Dei adferunt mortem & condemnationem, verum etiam deprauata natura, & interni affectus mali, & opera externa, etiam cinihter honefta. Renatis verò mortem adferunt omnia aétualia peccata: fme interna, vt cogitationes, & affectus; fme externa, vt dicta & facta contra legem Dei, fi non repugnent ijs fide, fed affentiantur ad efficiendum ea, fme in aétum perducantur, fme non. Et paulò infrà: Peccata mortalia excutiunt fidem, & Spiritum fanctum, & bonam confcientiam.*

Eadem eft fententia Martini Kemnitij, prima parte Examinis Concil. Trid. pa. 926. & 927. Peccata mortalia, inquit, excutiunt fidem, & Spiritum fanctum, & tunc definnunt effe iufti. Venialia verò peccata funt etiam in renatis, nec propterea definnunt effe iufti. Et infrà: Licet fint differentia, & gradus peccatorum, nullum tamen tam minutum & lenè peccatum eft, quod non fit contra legem Dei, & prauaricatio legis diuinæ. Et infrà: Lex accusat, & damnat etiam illa peccata, quæ venialia vocantur, nifi tegantur, & non imputentur propter Chriftum.

Porrò Ioannes Calvinus partim Lutherò, partim Iouiniano, partim Vicleffo affentitur. Nam libro fecundo Institutionum, capite octauo, §. 59. ita concludit: *Habeant filij Dei omne peccatum mortale effe, quia eft aduerfus Dei voluntatem rebellio, quæ eius iram neceffariò prouocat, quia eft legis prauaricatio, in qua edictum eft fine exceptione Dei iudicium; Sanctorum delicta venialia effe, non ex fua pte natura, fed quia ex Dei mifericordia veniam confequuntur. Et lib. 3. cap. 4. §. 28. Cæterum, inquit, fidelium peccata venialia effe, non quia non mortem mereantur, fed quia Dei mifericordia nulla eft condemnatio ijs qui funt in Chrifto Iefu, quia non imputantur, quia venia delentur. Neque his diffimilia fcribit in*

Antidoto Concilij Tridentini, feff. sexta, cap. 12.

Atque hæc quidem consentanea funt doctrinæ Lutheranorum. Sed quia idem Caluinus lib. 3. Instit. cap. 2. §. 11. docet, fidem esse donum proprium electorum, & semel verè habitam, non posse vnuquam amitti: inde consequitur, vt ex doctrina Caluini peccata omnia reproborum sint mortalia, electorum autem venialia, vt Vicleffum etiam sentisse demonstrauimus. Hoc tamen interest inter Vicleffum & Caluinum, quod Vicleffus absolutè peccata electorum facit venialia; Caluinus autem vult esse venialia, quæ fluunt ab electis post fidem semel adeptam, non autem quæ ante fidem.

Itaq; opinione Caluini peccata fidelium electorum sunt venialia, non tam quia electi sunt, quàm quia manent cum fide, quæ semel habita nunquam perit, & propria electorum est; in quo Caluinus Iouinianum sequitur, qui docuit, hominem semel baptizatum non posse vnuquam à gratia Dei excidere, teste S. Hieronymo lib. 2. aduers. Iouinian. Verba autem Caluini lib. 3. Instit. c. 2. §. 11. hæc sunt: *Reprobi nunquam sensum gratiæ nisi confusum percipiunt, vt vmbra potius apprehendant, quam solidum corpus; quia peccatorum remissionem spiritus propriè in solis electis obfignat, vt eam specialem fide in vsum suum applicent.* Et paulò ante: *Ergo, inquit, vt solos electos semine incorruptibili Deus in perpetuum regenerat, vt nunquam dispareat semen vitæ eorum cordibus insitum, ita solide in illis obfignat adoptionis suæ gratiam, vt stabilis, ac rata sit.*

His omnibus erroribus contraria est sententia communis Theologorum Catholicorum apud Magist. Sententiarum in 2. libro Sent. dist. 42. & S. Thom. 1. 2. q. 88. art. 1. & omnium ferè scriptorum, qui aduersus hæreticos de hac controuersia disseruerunt. Docent enim communi consensu; peccata quædam ex natura sua, nulla ratione habita ad prædeterminationem, vel reprobationem, aut ad statum renatorum, vel non renatorum, esse mortalia, quædam venialia, & prioribus quidem indignum reddi hominem amicitia Dei, & mortis eternæ reum. Posterioribus temporalis tantum supplicij, paternæque castigationis hominem reum constitui. Excipiuntur Ioan. Gerson, 3. part. Theologiæ, tractatu de vita spiritali animæ, lect. 1. Iacobus Almain, tract. 3. cap. 20. & Ioan. Episcopus Rossensis in refutatione art. 32. Lutheri, qui nonnihil à communi Theologorum sententia deflexerunt, sed absque perniciacia, & longè alia ratione, quàm hostes fidei faciant.

CAPVT V.

Refellitur sententia Iouiniani, & Pelagij.

REUELLEMVS nunc ordine; PRIMO Iouinianum, & Pelagium; DEINDE Vicleffum & Caluinum; TERTIO Lutherum, Philippum, Kemnitiū, & ceteros eiusdem sectæ; POSTREMO aduersus omnes simul probabimus Catholicam sententiam de distinctione peccati mortalis & venialis ex natura sua.

IGITUR Iouinianus & Pelagius, qui simpliciter distinctionem peccati mortalis & venialis tollebant è medio, ex ijs Scripturis apertissimè refelluntur, quæ docent peccata quædam iniustos homines constituere, quædam in ipsis iustis ita hære, vt non propterea iusti esse desinant. Ad PRIMVM caput illa pertinent Ezech. 18. vbi posteaquam Dominus per Prophetam descripsit hominem probum, qui non leuauerit oculos ad idola domus Israël, non adulterium, non furtum fecerit, hominem non contristauerit, &c. subiungit: *Hic iustus vita viuet*; quasi dicere ve-

Alit, si secus fecerit, iustus non erit, sed iniustus. Et ideo paulò post addit: *Si auerterit se iustus à iustitia sua, & fecerit iniquitatem secundum omnes abominaciones, quas operari solet impius, nunquid viuet?* Eodem pertinet illud Apostoli 1. Corinth. 6. *An nescitis, quia iniqui regnum Dei non possidebunt? nolite errare, neque fornicari, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledicti, neque rapaces regnum Dei possidebunt; & hæc quidem fuistis, sed abluti estis, s. d. sanctificati estis, sed iustificati estis in nomine Domini Iesu Christi, & in spiritu Dei nostri.*

BVbi Apostolus tribus modis ostendit, peccata quæ hic enumerantur, facere homines iniustos, siue cum iustitia non posse consistere. PRIMO, quia docet eos qui talia agunt, esse iniquos: nam cum dixisset, *Nescitis, quia iniqui regnum Dei non possidebunt?* continuo explicuit qui sint appellandi iniqui, cum addidit, *Neque fornicari, neque idolis seruientes, &c.* SECUNDO, quia purificationem vocat, sed etiam iustificationem, nimirum, vt indicaret iniustos esse qui talia agunt, vel egerunt, donec per Dei gratiam iustificentur. TERTIO, quia testatur eiusmodi peccatis excludi homines, ac priuari possessione regni cælorum, quæ merces est operum bonorum, & corona iustitiæ. Multa possent alia huc adduci, sed non est opus, cum hanc partem omnes admittant.

CAd ALTERVM igitur caput, de quo solo potest esse dubitatio, pertinet illud Proph. Psal. 31. *Pro hac orabit ad te omnis Sanctus in tempore opportuno*: vbi illud, *Pro hac*, refertur ad peccati remissionem, de qua paulò ante dixerat: *Dixi confitebor aduersum me iniquitatem meam Domino: & tu remisisti impietatem peccati mei.* Cum igitur pro remissione peccati oret omnis Sanctus, manifestè sequitur esse quædam peccata, quæ in Sanctis aliquando inveniuntur, nec tollunt sanctitatem. Eodem pertinet illud Psal. 98. *Moyse, & Aaron in sacerdotibus eius, & Samuel inter eos qui innocent nomen eius, custodiabant testimonia eius, & præceptum quod dedit illis, Domine Deus noster, tu exaudiebas eos: Deus in propitiis fuisti eis, & vltiscens in omnes adinunctiones eorum.* Ex hoc loco discimus, Moysen, Aaron, & Samuelem, viros iustos fuisse & custodisse præcepta Domini, & tamen non defuisse illis peccata, ob quæ propitiatione Dei indigerent, & à Domino paternè castigarentur. Simile est illud Salomonis, Prouerb. 24. *Septies in die cadet iustus, & resurgit.* Et Eccles. 7. *Non est homo iustus in serua, qui faciat bonum, & non peccet.* Et in Testamento nouo docuit Christus Apostolos, & omnes alios fideles, quantumuis iustissimos, quotidie dicere: *Dimitte nobis debita nostra*, Matth. 6. Et S. Ioannes, qui sine dubio sanctus & iustus erat, de se & alijs dicit, 1. Ioan. 1. *Si dixerimus, quia peccatum non habemus, nos ipsos seducimus.* Et B. Iacobus similiter de se & cæteris pronunciat: *In multis offendimus omnes*, Iacobi 3. Igitur ex diuinis litteris apertè conuincitur, esse peccata quædam, quæ cum iustitia & sanctitate non pugnent. Idem probari potest ex definitione Conciliorum. Nam Concilium Mileuitanum canone septimo, ita de hac re loquitur: *Item, acuit, vt quicumque dixerit in oratione Domini, ideo dicere Sanctos, Dimitte nobis debita nostra, vt non pro seipsis hoc discant, quia non est eis iam necessaria ista petitio, sed pro alijs, qui sunt in suo populo peccatores, & ideo non dicere vnumquemque Sanctorum, Dimitte mihi debita mea: sed, Dimitte nobis debita nostra; vt hoc pro alijs possit, quàm pro se petere intelligatur, anathema sit.* Similia habentur canone 6. & 8. Cui Concilio ante mille & centum annos ce-

lebrato fubfcripfit Concilium Oecumenicum Tridentinum, cum ait feffione fexta, capite vndecimo: *Licet in hac mortali vita, quantumvis fancti & iufti in leuia faltem & quotidiana, qua etiam venialia dicuntur, peccata quandoque cadant, non propterea definunt eſſe iuſti. Nam iuſtorum illa vox eſt humilis & verax, Dimitte nobis debita noſtra.*

ACCEDIT præterea ſanctorum Patrum conſenſus. Sanctus Cyprianus in ſermone de elecmolyna: *Si autem, inquit, nemo eſſe ſine peccato poteſt, & quiſque ſe inculpatum dixerit, aut ſuperbus, aut ſtultus eſt, quam neceſſaria, quam benigna eſt clementia diuina, qua cum ſciat non deeſſe ſancti quodam poſtmodum vulnera, dedit curandis denuo, ſanandiſque vulneribus remedia ſalutaria.*

Sanctus Baſilius oratione in Pfalmum 114. *Qui in peccato, inquit, mortali hæret, dicat: Circundederunt me dolores mortis, & pericula inferni innenerunt me. Quo loco ſanctus Baſilius cum peccatum mortale nominat, ſignificat, inueniri etiam peccatum veniale, ob quod non ſit opus dicere, Circundederunt me dolores mortis.*

Sanctum Ambroſius in Pfalmum 118. ſermone 16. explicans illud, *Fac cum ſeruo tuo ſecundum miſericordiam tuam. Non poteſt, inquit, hoc iuſtus negare, quia nemo ſine peccato.*

Sanctus Gregorius Nazianz. oratione 2. in Iulian. ultra medium: *Magnum, inquit, eſt, neque ab initio peccare, aut ſaltem non in maximis delinquere. Quoniam penitus à peccato liberum eſſe, Deus ſupra humanam naturam ordinauit. Ex quo loco intelligimus, peccata quædam leuia in omnibus hominibus, quamuis iuſtis & ſanctis, reperiri.*

Sanctus Hieronymus lib. 2. aduerſus Pelagianos, non procul ab initio: *Iuſtos, inquit, eſſe concedo, ſine omni autem peccato omnino non aſſentior. Idem fuſiſſimè docet toto lib. 2. & 3. contra Pelagianos, & libro 2. contra Iouinianum.*

Sanctus Auguſtinus lib. 1. contra duas epiſtolas Pelagianorum, cap. 14. *Nullus, inquit, in Eccleſia rectè poſſet ordinari miniſter, ſi dixiſſet Apoſtolus, ſi quis ſine peccato, ubi ait, ſi quis ſine crimine eſt. Multi quippe fideles baptizati, ſunt ſine crimine, ſine peccato autem in hac vita neminem dixerim. Et libro tertio, capite tertio: Quamuis, inquit, diabolus ſit auctor & princeps omnium peccatorum, non tamen filius diaboli faciunt quacunque peccata. Peccant enim & filij Dei, quoniam ſi dixerint ſe non habere peccatum, ſeipſos ſeducunt, & veritas in eis non eſt. Idem libro de natura & gratia, capite 36. ſcribit, omnes homines ſanctos, excepta ſancta Virgine Deipara, dicere potuiſſe illa verba ſancti Ioannis iam citata: *Si dixerimus, quia peccatum non habemus, nos ipſos ſeducimus, & veritas in nobis non eſt.**

Ioannes Caſſianus collat. 22. capite decimotertio: *Ceterum, inquit, iuſtos, ac ſanctos viros non eſſe immunes à culpa, manifeſtè Scriptura pronunciat, dicens: Septies in die cadit iuſtus, & reſurgit. Quid enim aliud eſt cadere, quam peccare? Et tamen cum dicatur ſepties cadere, iuſtus nihilominus pronunciat, nec iuſtitia eius præiudicat lapſus fragilitatis humana, quia multum intereſt inter ſancti, & peccatoris hominis lapſum. Aliud enim eſt admittere mortale peccatum, & aliud eſt cogitatione, qua peccato non careat, præueniri, &c.*

Sanctus Gregorius lib. 21. Moralium, cap. 9. *Hoc, inquit, inter peccatum diſtat, & crimen, quod omne crimen peccatum eſt, non tamen omne peccatum crimen eſt: & in hac vita multis ſine crimine, nullus verò eſſe ſine peccatis valet, in qua videlicet peccatorum & criminum diſtinctione penſandum eſt, quia nonnulla peccata animam polluunt, quam crimina extinguunt.*

Sanctus Bernardus in ſermone, de cœna Domini: *Et vnde, inquit, ſcimus, quia ad diluenda peccata qua non ſunt ad mortem, & à quibus plenè carere non poſſumus ante mortem ablutio iſta pertineat? Vide eundem in libro de præcepto & diſpenſatione, ubi ex Scripturis, ex Regula S. Benedicti, & ex ipſa ratione, demonſtrat quædam eſſe peccata lethaliter criminalia, ut ipſe loquitur, quædam autem venialia. Vide etiam eiſdem æqualem Richardum de S. Victore, qui librum integrum ſcripſit de diſtinctione peccati mortalis & venialis, ac docuit, omnes Sanctos in hac vita venialiter aliquando peccare, & priuilegium eſſe beatorum in cœlo regnantium, venialibus omnino carere. Huc etiam pertinere poſſunt argumenta, qua paulò poſt aduerſus Lutheranorum ſententiam proponemus.*

CAPVT VI.

Diluuntur obſiſiones Pelagianorum.

PELAGIANI (ut referunt ſancti Patres Hieronymus, & ſanctus Auguſtinus) loca quædam ex Scripturis urgebant, ex quibus effici arbitrabantur, poſſe, ac debere homines peccatis omnibus carere, ac per hoc nullum eſſe peccatum quod iuſtitia non repugnet.

PRIMA obſectio ſumitur ex illis testimonijs, quæ docent, homines debere eſſe perfectos, Deut. 18. *Tu autem perfectus eris coram Domino Deo tuo. Matth. 5. Eſſote perfecti, ſicut Pater veſter cœleſtis perfectus eſt. Certè perfectus dici non poteſt, cui aliquid deeſt; deeſſe autem aliquid ei qui in peccatis eſt, negari non poteſt. Poſſumus igitur & debemus omni peccato carere, & hoc Deus iubet, ut ſimus perfecti, ſi amici & filij eius eſſe volumus.*

RESPONSIO. Perfectio in Scripturis non vno modo accipitur. Interdum enim perfecti dicuntur, qui ſemper actu diligunt Deum, & omnia qua faciunt, in ipſum actu referunt. Cum quia perfectione nullum peccatum, ac ne veniale quidem conſiſtere poſſet. Sed hæc perfectio propria beatorum eſt, neque nobis in hac vita à Domino imperatur. Itaque Apostolus de hoc perfectionis gradu loquens in epiſtola ad Philippenses, cap. 3. ait: *Non quod iam acceperim, aut iam perfectus ſim. Sequor autem ſi comprehendam, &c. Interdum perfecti dicuntur, qui tamenſi non ſemper actu Deum cogitent & diligant, ut beati faciunt, tamen totos ſe Deo conſecrant, atque omnia deferunt, ut Deo placeant, iuxta illud Matthæi 19. Si vis perfectus eſſe, vade, vende omnia qua habes, & da pauperibus, & habebis theſaurum in cælo, & veni, ſequere me. Atque hæc perfectio non imperatur, ſed conſulitur, ut ſanctus Auguſtinus docet in epiſt. 89. qu. 4. & ante eum ſanctus Ambroſius in lib. de viduis, & S. Hieronymus in lib. contra Vigilantium. Denique perfecti dicuntur, & quidem valdè frequenter, qui Deum ſuper omnia diligunt, & licet non deferant actu res ſuas, tamen parati ſunt potius omnium rerum, & ipſius vitæ iacturam facere, quam Dei gratiam & amicitiam perdere; atque ita ſeruant omnia diuina mandata, dum nihil admittunt quod charitati, qua finis eſt perfecti, repugnet.*

Hunc perfectionis gradum Chriſtus imperauit, cum ait, *Eſſote perfecti*, Matt. 5. & de eodem loquitur Scriptura Gen. 6. cum ait: *Noë vir iuſtus atque perfectus fuit. Et ca. 17. Ambula coram me, & eſſo perfectus. Et Deut. 18. Tu autem perfectus eris cum Domino Deo tuo. Et Philip. 3. Quicumque perfecti ſumus, hoc ſentiamus. Iſti autem duo gradus perfectionis non excludunt*

omnia

omnia peccata, sed ea solum, quæ charitati repugnant. Nam Apostoli perfecti erant, iuxta illud iam citatum ad Philip. 3. *Quicumque perfecti sumus.* Et in priore ad Cor. cap. 2. *Sapientiam loquimur inter perfectos:* Et tamen Apostoli erant, qui dicebant: *Si dixerimus, quia peccatum non habemus, &c.* Et: *In malis offendimus omnes.* Et Apostolos Dominus orare docuit: *Dimitte nobis debita nostra.*

SECUNDA obiectio sumitur ex illis testimonijs quæ veram iustitiam omni macula carere oportere affirmant. Psal. 14. *Domine quis habitabit in tabernaculo tuo, aut quis requiescet in monte sancto tuo? Qui ingreditur sine macula, & operatur iustitiam.* Psal. 17. *Ero immaculatus cum eo, & observabo me ab iniquitate mea.* Psal. 118. *Beati immaculati in via, qui ambulant in lege Domini.* Ephes. 1. *Et sit nos in ipso ante mundi constitutionem, ut essemus sancti, & immaculati.*

RESPONSIO, S. Augustinus in libro de perfectione iustitiæ, dicit Sanctos in hac vita appellari posse immaculatos, non quod nullas contrahant maculas, sed quia cupiunt, ac student nullas contrahere, & si quas contrahunt, continuo eas per orationem tergunt. POSSET etiam responderi, maculam propriè non oriri ex peccato veniali, sed solum mortali, ut S. Thom. docet 1. 2. q. 89. art. 1. Siue autem dicamus cum S. August. iustos in hac vita nominari immaculatos, quia sunt desiderio, ac studio tales; sine cum S. Thoma. quia veniale peccatum non efficit maculam; illud negari non potest, in Scripturis vocari immaculatos etiam eos, qui venialibus peccatis non carent, cum si de vllis hominibus dici possit, *Beati immaculati in via:* & *Qui ingreditur sine macula:* & *Ut essemus sancti & immaculati:* id sine dubio de Apostolis dici possit, & tamen clamat vnus ex ipsis: *Si dixerimus, quia peccatum non habemus, nos ipsos seducimus.*

Obiectio TERTIA sumitur ex testimonio illo primæ Ioan. 3. *Omnis qui natus est ex Deo, peccatum non facit, quoniam semen ipsius manet in eo, & non potest peccare, quoniam ex Deo natus est.* RESPONSIO, S. Augustinus lib. 2. de peccat. merit. & remiss. c. 7. dicit iustos in hac vita partim esse filios Dei ratione gratiæ iustificantis, partim filios huius sæculi, ratione carnalis concupiscentiæ, quæ ex peccato primi hominis in nobis relicta est; & quidem ut filios Dei non peccare, sed perfici quotidie magis ac magis; tamen ut filios huius sæculi ratione infirmitatis nondum omnino sublata, aliquando labi. S. Bernardus serm. 1. de Septuagesima, refert hunc locum ad prædeterminationem, ac dicit filios Dei non peccare, itaut in peccato permaneant: *Omnis, inquit, qui natus est ex Deo, non peccat, id est, non permanet in peccato, quia conservat illum (vique ut perire non possit) quasi salvi non potest, generatio cælestis.* Sed optime omnium videntur hunc locum exposuisse S. Augustinus tract. 5. in epist. S. Ioannis, & S. Hieronymus lib. 1. aduers. Pelagianos, qui docent, homines iustos, dum iusti sunt, non posse peccare eo peccati genere, quod repugnat iustitiæ, siue charitati, quæ est verissima, perfectissimaque iustitia. Itaque de venialibus peccatis, quæ cum charitate non pugnant, scripsit S. Ioannes: *Si dixerimus, quia peccatum non habemus, &c.* De lethalibus autem: *Qui natus est ex Deo, non peccat, &c.*

Obiectio QUARTA sumitur ex testimonio illo Luc. 1. *Erant autem iusti ambo, incedentes in omnibus mandatis, & iustificationibus Domini sine querela.* Videtur enim hoc loco S. Euangelista Lucas, posteaquam dixerat, *Erant autem iusti ambo,* explicare voluisse quid sit esse iustum, & idcò adjunxisse, *Incedentes in omnibus mandatis, & iustificationibus Domini sine querela.* Quæ explicatio remouere videtur ab homine iusto

A peccata omnia, non solum grauiora, sed etiam leuiora. Et confirmabat hoc argumentum Pelagius ex commentario S. Ambrosij in hunc locum Euangelij, vbi S. Ambrosius inuehitur in eos qui putant homines non posse absque peccato viuere.

RESPONSIO. Ad locum Euangelij respondet sanctus August. in lib. de perfectione iustitiæ, & in lib. de gratia Christi, cap. 48. & 49. aliud esse viuere sine querela, aliud viuere sine peccato: illum enim sine querela viuere; de quo homines queri non possint, qui nemini noceat, omnibus profit, scandalum nulli tribuat, licet coram Deo peccatis venialibus non careat, & tales fuisse Zachariam, & Elizabeth. Ad comment. S. Ambr. respondet ibid. Augustinus, S. Ambrosium aut postea sententiam suam humiliter correxisse, aut solum significare voluisse posse homines sine peccato viuere, non absolute, sed secundum quendam modum, itaut sine querela inter homines conuerterentur. Nam idem Ambrosius in comment. Isaiæ (quem Augustinus eo loco citat) aperte scribit, neminem in hac vita sine peccato, aut omnino immaculatum esse posse.

Est autem hoc loco obiteruandum, quod tametsi dixerimus nullum, quantumvis iustum, & sanctum, potuisse in hac vita sine peccatis venialibus viuere, tamen excipimus Dominum nostrum IESVM CHRISTVM, & eius matrem semper VIRGINEM MARIAM. Nam potissima causa cur à peccatis venialibus omnino liberari nequeamus in hac vita, est concupiscentia illa carnis, quæ & peccati fomes à Theologis dicitur, quam ex iustitiæ originalis amissione contraximus; Christus autem concupiscentia illa omnino caruit, quippe qui de Virgine, virtute Spiritus sancti, conceptus fuit. Ipsa autem sancta Virgo (ut S. Tho. docet in 3. p. q. 27. art. 3.) in prima sanctificatione, vel à fomite planè liberata, vel (quod ipse magis probat) tanta gratiæ copia repleta fuit, ut fomes in ea ligatus maneret, ac deinde in ipsa filij conceptione penitus ablatum fuerit. Itaque de Christo legitur: *Qui peccatum non fecit, nec inuentus est dolus in ore eius,* 1. Petro 2. De Virgine autem: *Tota pulchra es amica mea, & macula non est in te,* Cant. 4.

D De eadem S. Cyprianus (vel quicumque fuit auctor, sine dubio antiquus & doctus) in sermone de Natiuitate Christi: *Plurimum, inquit, à cæteris differens (Maria) natura communicabat, non culpa.* De eadem S. Ambrosius serm. vlt. in Psal. 118. *Suscipe, inquit, me, non ex Sara, sed ex Maria, ut incorrupta sis Virgo, sed Virgo per gratiam ab omni integra labe peccati.* Et S. Augustinus libro de natura & gratia, cap. 36. *Excepta, inquit, sancta Virgine Maria, de qua propter honorem Domini, nullam profus, cum de peccatis agitur, habere volo questionem. Inde enim scimus, quod ei plus gratia collatum fuerit ad vincendum omni ex parte peccatum, quia concipere, ac parere meruit enim, quem constat nullum habuisse peccatum.*

E Et S. Anselmus lib. de conceptu virginali, cap. 17. *Decuit, inquit, ut ea puritate Virgo niteretur, qua maior sub Deo nequit intelligi.* Et S. Bernardus in epist. 174. *Ego, inquit, puta, quod & copiosior sanctificationis benedictio in eam descenderit, quæ ipsius non solum sanctificaret ortum, & vitam deinceps ab omni peccato custodiret immunem, quod nemini alteri in natis quidem mulierum creditur esse donatum. Decuit nimirum Regnam Virginum singulari privilegio sanctitatis absque omni peccato ducere vitam, quæ dum peccati mortisque pareret peremptorem, munus vitæ & iustitiæ omnino obtineret.* Idem docet S. Thom. 3. part. quest. 17. art. 4. S. Bonauentura, & ceteri Theologi in 3. Sent. dist. 3. & copiose Richardus de S. Victore in 2. lib. de Emanuele. Denique Concilium Tridentinum sess. 6. can. 23. ita concludit: *Si quis dixerit*

hominem semel iustificatum, posse in tota vita peccata omnia A
etiam venialia vitare, nisi ex speciali Dei privilegio, quem
admodum de B. Virgine tenet Ecclesia, anathemasis.

Neque mouete debent testimonia Chrysostomi, Ambrosij, & Augustini, quæ contrâ citat Caluinus in Antidoto huius canonis Concil. Tridentini. Nam testimonium Ambrosij, quod ille citat, nullquam extat. Testimonium autem Augustini generale est, & exceptionem admittit, quam ipse Augustinus in alio loco adhibet, vt nos ostendimus. Chrysostomus videtur quidem aliquid dicere aduersus ea quæ communiter Patres docent, tamen & verba eius benignè exponi possunt, & ipse sibi anteferri sine dubio patietur communem Patrum consensum, & ipsas Græcas Liturgias, in quibus asseritur B. Virgo planè irreprehensâ, & incontaminata, sanctior Cherubin & Seraphin. Vide plura apud Canisium nostrum lib. 1. de B. Virgine, cap. 10. & lib. 4. cap. vlt.

CAPVT VII.

Refellitur error Ioannis Vicleffi, &
Ioannis Caluini.

DEMONSTRAVIMVS hætenus esse discrimen ali-
quod inter peccata, & quædam eorum lethalia, quædam venialia rectè nominari. Nuncij refellendi sunt, qui distinctionem istam admittunt, sed peruersâ interpretatione deprauant. Ac in primis occurrunt Ioan. Vicleffus, & Ioan. Caluinus, qui (vt suprâ ostendimus) peccata venialia dici volunt omnia peccata prædestinatorum, mortalia verò peccata omnia reproborum. Quam sententiam non solum Catholici Doctores, sed etiam Lutherani, ex Scripturarum exemplis firmissima ratione confutât. Nam profectò Adam prædestinatus erat, & nunc in cælo cum beatis spiritibus regnat. Nam inter hæreticos numerant Tatianum, qui negabat Adamum saluum esse. Iren. lib. 1. cap. 31. Tertul. lib. de præscr. hæret. Epiphani. hæret. 46. & August. in lib. de hæresibus, cap. 25. & tamen eundem Adamum lethaliter peccasse, & verè à gratia Dei excidisse nemo vnquam negauit, cum Apostolus dicat: *Per unum hominem peccatum in hunc mundum intravit, & per peccatum mors*, Rom. 5. Et cum Deus tam apertè comminatus esset: *Quæcumque die comederis ex eo, morte morieris*, Gen. 2. Quod de morte non solum corporis, sed etiam animæ intelligendum esse docent sancti Patres, Ambrosius lib. de paradiso, cap. 9. Augustinus lib. 13. de ciuit. Dei, cap. 12. & Gregorius lib. 5. epist. 14.

Adde etiam quod non solum lapsus est Adam in peccatum lethalis inobedientiæ, sed etiam fidem amisit, quam amitti non posse Caluinus existimat. Audi Tertullianum in 2. lib. aduersus Marcionem: *Quis dubitabit ipsam illud Ada delictum hæresim pronuntiare?* Et infra: *Rudis admodum hæreticus (Adam) fuit.* Audi S. Ambrosium in epist. 33. ad sororem Marcellinam: *Agnosce Adam, te esse nudum, quia bona indumenta fidei perdidisti.* Et lib. 7. in Lucam, cap. 47. dicit Adamum exutum fuisse fidei vestimento, cum primum peccauit. Audi S. Augustinum lib. 14. de ciuit. Dei, cap. 17. *Hoc itaque cognouerunt, quod felices ignorarent, si Deo credentes & obediētes non committerent quod eos cogeret experiri, infidelitas & inobediētia quid nocerent.* Et lib. 1. in Iulianum, cap. 2. idem probat testimonio S. Olympi Episcopi Hispani. Audi S. Prosperum in responsione ad tertium dubium Genuenium: *Credendo Adam diabolo, non credidit Deo.* Et infra: *Quomodo fides in Adam perditâ, in quo quam filiorum eius inueniretur, nisi eam idem spiritus qui omnia in omnibus operatur, infunderet?* Et infra: *Omnes igitur quod Adam perdidit, perdidērunt. Perdidit autem primum*

fidem, quam omnes, quia primam potuimus amittere, primam habemus accipere. Cum igitur Adam electus, ac prædestinatus, fidem semel habitam peccando perdidit, & reus mortis æternæ constitutus fuerit, falsum omnino esse conuincitur quod Vicleffus, & Caluinus, & ante eos Iouinianus asseruit, peccata prædestinatorum non posse esse lethalia, præsertim si fidem aliquando habuerint.

ALTERVM exemplum est S. Prophetæ David, quem prædestinatum fuisse, atque adeo saluum, & sanctum esse nemo negare potest, cum Dominus dicat in Euangelio, Luc. 13. *Cum videris Abraham, Isaac, & Iacob, & omnes Prophetas in regno Dei.* Certè enim si omnes Prophetæ erunt in regno Dei, sine dubio non aberit David, qui per excellentiam Prophetæ cognomen inuenit. Eundem fuisse fidelem & iustum, antequam in peccatum adulterij & homicidij laberetur, æquè certum est. Nam Apostolus Paulus Act. 13. sic ait de eo: *Suscitauit illis (Deus) David Regem, cui testimonium perhibens dixit, Inueni David filium esse virum secundum cor meum.* Et Psalmi eius apertè indicant fuisse Dauidem plenum fide, & Spiritu sancto.

Porro eundem lapsum esse in peccata mortalia, ea-
que grauissima, ac per hoc Spiritum sanctum excus-
sisse, & graua excidisse, facile probari potest. Nam in primis hoc apertissime docet ipse David in Psal. 50. vbi propriè (vt ex titulo constat) desit adulterium suum, & homicidium occasione Bethsabeæ commissum, vbi inter cætera dicit: *Tibi soli peccavi, & malum coram te feci.* Et: *Cor mundum creauit me Deus, & spiritum rectum innouauit in visceribus meis.* Nec sanè peteret cor mundum in se creari, & renouari spiritum rectum, nisi crederet per peccatum munditiem cordis, & rectitudinem spiritus se amisisse. Quod verò subiungitur: *& spiritum sanctum tuum ne auferas à me*, non significat in eo peccante remanere se habitatorem Spiritum sanctum, qui in solis iustis propriè inhabitat: sed significat (Augustino teste) Spiritum cepisse iterum Dauidi adesse, cum ei pœnitentiam inspirauit, & ideò Dauidem, qui donum Dei non ignorabat, peccatum esse à Deo, vt spiritum illum sanctum pœnitentiæ lachrymas in se excitantem non auferret. Quod autem David reconciliationem adhuc expectaret, & peteret, perspicuum est ex verbis sequentibus: *Redde mihi lætitiā salutaris tui.* Et rursum: *Audiui meo dabis gaudium & lætitiā, & exultabunt ossa humiliata.* Et: *Cor contritum & humilatum Deus non despicies.*

His accedunt testimonia Patrum: nam S. Ambrosius in lib. de Apologia Davidis, cap. 16. explicans illud: *Libera me de sanguinibus, &c. Ad Vriam mortem*, inquit, potest referri, quod mandata necis eius conscius veniam tanti poscat admissi. Et infra: *Quibus vinculis se enodari desiderans, diuinum sibi precatur auxilium, vt ab omni criminis perpetrati labe mundetur.* Et infra: *Non est mirum, quod tam grauiter doleat fundendi sanguinis innoxij sibi obrepisse peccatum. Ideò liberari se à sanguinibus, hoc est, à peccatis mortalibus, postulat.* His verbis Ambrosius Davidis adulterium & homicidium, peccata mortalia fuisse docet, cum & crimina, & vincula, & tanta admissa, & expressè peccata mortalia nomen.

S. Augustinus tractatu in Psalmum quinquagesimum, ita Dauidem loquentem inducit: *Miserere mei secundum magnam misericordiam tuam. Subueni graui vulnere secundum magnam medicinam tuam. Graue est quod habeo, sed ad omnipotentem confugio. De meo tam lethali vulnere desperarem, nisi tantum medicum reperirem.* Et hic vides peccatum Davidis graue, & lethale no-

minari, & eiusmodi, vt ferè ad desperationem posset adducere.

S. Hieronymus in epistola ad Oceanum, de obitu Fabiolæ, describit pœnitentiam publicam Davidis, qualis in Ecclesia pro magnis sceleribus fieri solet. Ex quo satis indicat, graue admodum fuisse peccatum Davidis.

S. Gregorius lib. 22. Moral. cap. 13. scribit, peccatorem similem esse Lazaro mortuo, qui Domini vocereuocatur ad vitam; atque exemplum Davidis adducens, ait: *Vnde David Propheta ab illa tanti mole facinus reuincens ad vocem Domini, quasi faras exijt, dum per Nathan correptus, quod fecerat accusauit.* Ex his igitur manifestum est, Dauidem prædestinatum, fidelem, & iustum, in peccatum mortale incidisse, & rursus per pœnitentiam ad gratiam Domini rediisse; ac proinde falsam, atque etiam apertissime falsam Vicleffi & Caluini esse sententiam.

TERTIVM exemplum est Apostoli Petri, quem prædestinatum fuisse, & nunc saluum, sanctum, & beatum esse nemo negat, cum B. Ioannes in extremo Euangelio suo tam luculentum testimonium reddiderit beatæ morti ipsius. Nam cum Dominus Petro dixisset: *Cum senex tu alius cinges te, & ducet quò tu non vis*, subiunxit Euangelista: *Hoc autem dixit, significans quia morte clarificaturus esset Deum.* Eundem Petrum fidelem & iustum fuisse antequam Dominum ter abnegaret, testis est Christus ipse, qui & Matth. 16. eum beatum appellauit; & Ioan. 13. eidem dixit: *Qui lotus est, non indiget nisi vt pedes lauet. Et vos mundi estis, sed non omnes, &c.*

Eundem autem mortale peccatum, & quidem grauissimum admisisse, cum ad vocem ancillæ Domini negauit, nec solum negauit, sed etiam iureiurando, & anathematizando negationem confirmauit, testantur lachrymæ, & pœnitentia eius. Nam (vt scribit Matth. ca. 26.) post tantum admissum facinus, flevit amarè. Testantur etiam sancti Patres id ipsum passim: sed vt non laboremus in re perspicua, vnus hoc loco sufficiet Augustinus, qui tract. 66. in Ioan. non solum hoc docet, sed etiam contendit ita esse, nec posse (salua fide) aliter dici. Inter alia sic Petrum alloquitur: *Timendo mortem carnis tuæ, mortem dabis animæ tuæ. Quanta enim vita est consieri Christum, tanta mors est negare Christum.* Et infra: *In anima Petri contigit, quod offerebat in corpore, non tamen pro Domino, quod temerè præsumebat, præcessit, sed aliter quàm putabat: namque aut mortem & resurrectionem Domini, & mortuus est negando, & renixit plorando. Sed mortuus est, qui superbe præsumpsit; renixit autem, quia benignè ille respexit.* Ecce quoties Augustinus repetit, Petrum in anima mortuum esse, ac proinde peccatum mortale commississe, cum Christum negauit. Et audet tamen Caluinus dicere, fideles prædestinatos lethaliter peccare non posse.

His omnibus accedat manifesta ratio ex aduersariorum ducta principijs. Actiones illas Adami, Davidis, Petri, ex genere suo peccata fuisse nemo negare potest, nisi præuaticatio cœlestis mandati specialis, adulterium, homicidium, Christi abnegatio cum execratione & perjurio, alicui non videantur esse peccata; ea verò peccata à scientibus & volentibus commissa, atque adeò voluntaria fuisse, extra controuersiam est. Quæro igitur, an ea peccata simul, cum fide iustificante in hominibus illis Adamo, Dauide, Petro, consistere potuerint, an non potuerint. Nam si non potuerunt, excussit fidei iustificantem, ac per hoc lethalia fuerunt, quod nos contendimus. Neque ipsi hoc negare possunt, cum ex communi aduersariorum doctrina, illa sint mortalia peccata,

quæ cum fide consistere nequeunt.

Si verò dicat Caluinus, peccata illa Adami, Davidis, Petri, cum fide consistere potuisse; sequitur, posse homines semel iustificatos, liberè præuaticari Dei mandata, adulteria & homicidia perpetrare, Christum abnegare, addita etiam execratione, atque perjurio. Nam si hæc in hominibus semel iustificatis cum ipsa fide iustificante manent, hoc ipso à Deo non imputantur, nec tam sunt venialia, & remittenda, quàm re ipsa condonata, atque dimissa, neque reum faciunt vilius pœnæ ac supplicij. Hoc verò dogma nemo non videt quàm sit absurdum & perniciosum. Huc igitur summa disputationis perducitur, vt vel concedere cogatur Caluinus posse homines fideles & prædestinatos peccare lethaliter, ac per hoc non esse peccata omnia prædestinatorum, post fidem semel adeptam, venialia; vel prædestinatis fidelibus, id est, verè fidelibus licentiam tribuat adulteria, homicidia, perjuria, & alia id genus scelera impunè, ac liberè perpetrandi.

Videtur autem Caluinus hoc posterius membrum eligere: nam tametsi in Antidoto Concilij Tridentini, sess. 6. can. 27. scripserit, vbi fides regnat nullum esse peccatum, tamen can. 28. addit, semen fidei, id est, fidem veram, & viuam, sed sopitam manere cum grauissimis lapsibus: *Semen, inquit, aliquod fides manere in homine, licet suffocatum, etiam inter grauissimos lapsus, non nego, id quantumcumque est, particulam esse fidei veræ fidei, addo etiam viuæ, quando aliter non posset ex ea oriri fructus. Verùm quoniam non apparet ad tempus, nec se resistis signis exerit, perinde habetur atque emortua, quoad sensum nostrum.* Itaque cum velit manere fidem veram, & viuam, in homine cum grauissimis lapsibus, licet ea non se prodant exterius; & certò sibi persuaferint aduersarij, fidem iustificare, & facere vt nulla peccata imputentur, sequitur vt crediderit Caluinus grauissimos lapsus fidelibus non imputari.

CAPVT VIII.

Refellitur error Lutherorum.

LUTHERANI, vt supra ostendimus ex Luthero, Melanchthone, Illyrico, Heshusio, & Kemnitio, tria præcipuè docent. PRIMO, peccata venialia esse illa, quæ à Deo non imputantur, quamuis ex se digna sint pœna ac supplicio sempiterno. SECUNDO, illa peccata à Deo non imputari, quæ simul in homine cum fide, id est, cum fiducia misericordiarum consistunt. TERTIO, illa sola peccata cum fide consistere, quæ sunt inuoluntaria. Ex quibus sequitur, QUARTO, omnia peccata in infidelibus esse mortalia, & consequenter omnia peccata ex natura sua esse mortalia. De quo 4. c. quia commune est etiam quibusdam alijs scriptoribus non Lutheranis, seorsim postea differimus. Nunc tria priora capita, quæ propria videntur esse Lutheranorum, breuiter refellamus.

Quod igitur PRIMO loco affirmant, peccata venialia esse ea quæ non imputantur, repugnat apertè Scripturis & Patribus; Scriptura siquidem in ijs locis vbi de peccatis venialibus ex consensu etiam Lutheranorum loquitur, manifestè docet, oportere à Deo peti remissionem eorum peccatorum: non igitur ea sunt recta & condonata, vel non imputata (vt ipsi dicunt) sed imputantur, & ligant, ac reum faciunt, quamuis facile condonentur, ac remittantur. Conuenit inter nos & Lutheranos, de venialibus agi Matth. 6. *Dimitte nobis debita nostra*, quia iustorum etiam est hæc humilis & vera confessio. At hic videmus peti à iustis remissionem peccatorum venialium, proinde non fuisse antea condonata, vel non imputata. Eadem ratio est de loco illo 1. Ioan. 1. *Si dixerimus, quia*

peccatum non habemus, &c. continuò subiungitur: Si confiteamur peccata nostra, fidelis eft, & iuftus, ut remittat nobis peccata nostra, & emundet nos ab omni iniquitate.

At fi peccata iuftorum, quia perfona grata eft, non imputarentur, quid opus effer remiffione? & cur oporteret confeffionem antè præmittere? nec diffimilis eft locus ille Pfal. 31. *Pro hac* (id eft, pro remiffione peccati) *orabit ad te omnis Sanctus in tempore opportuno.* Et illud Pfal. 98. *Tu propitijs fuiffi eis, & uolucifcens in omnes adinventiones eorum.* Certè fi uleifcebat Deus peccata feruorum fuorum fidelium Moïfis, Aaronis, & Samuelis, imputabat eis, nec tegebat, donec purgata efferent. Huc etiam pertinet illud Ioan. 13. *Qui lotus eft, non indiget nifi ut pedes lauet.* Quod sancti Patres ad peccata venialia pertinere docuerunt. Qui enim locus eft ab impietate, & lethali bus criminibus, adhuc eget lotionè pedum, id eft, remiffione venialium, quæ inflar pulueris in uia uitæ huius pedibus noftris adhærent. *Dominus dicit* (inquit sanctus Auguftinus tract. 56. in Ioan.) *Veritas loquitur, quod opus habeas pedes lauare etiam ille qui lotus eft. Quid fratres mei, quid putatis, nifi quia homo in sancto quidem baptifmo totus abluitur, non præter pedes, fed totus omnino: ueruntamen cum in rebus humanis poftca uiuitur, utique terra calcatur. Ipsi igitur humani affectus, fine quibus in hac mortalitate non uiuitur, quafi pedes funt, ubi ex humanis rebus afficimur, & fic afficimur, ut fi dixerimus, quia peccatum non habemus, nos ipfos decipiamus, & ueritas in nobis non fit. Quotidie igitur lauat pedes nobis, qui interpellat pro nobis, & quotidie nos opus habere, ut pedes lauemus, id eft, uias spiritualium grefsum dirigamus. In ipfa oratione Dominica confitemur, cum dicimus, Dimitte nobis debita nofta, ficut & nos dimittimus debitoribus noftris. Si enim confitemur, ficut fcriptum eft, peccata nofta, profecto ille qui lauit pedes difcipulorum fuorum, fidelis eft & iuftus, qui dimittat nobis peccata nofta, & mundet nos ab omni iniquitate, id eft, ufque ad pedes, quibus conuerfamur in terra.* Hæc sanctus Auguftinus. Ex omnibus quibus perfpicuum effer potest, quàm falfo & temerè dixerit Philippus (ut citauimus cap. 4.) peccata venialia effer peccata condonata. Et Illyricus, effer peccata quæ propter fidem in Chriftum non imputantur. Et Heshufius, effer peccata tefta. Et Caluinus, effer peccata, quæ ijs qui funt in Chrifto Iefu non imputantur.

Quod autem **S E C V N D O** loco dicunt, illa peccata non imputari, ac per hoc effer venialia, quæ fimul cum fide confiftunt, facili negotio conuincitur effer falsum. Nam fi id ita effer, ut aduerfarij uolunt, fequeretur nullum effer mortale peccatum præter infidelitatem; proinde facrilegia, homicidia, adulteria, furta, rapinas, non effer peccata mortalia, quod eft & contra manifeltam Chrifli, & Apoftolorum doctrinam, & contra ipforum Lutheranorum fententiam. Sequi autem ex dogmate aduerfariorum, nullum effer mortale peccatum præter infidelitatem, probatur: Nam nullum effer peccatum, quod fidem neceffariò excludat, præter id quod ei opponitur, quod eft infidelitas. Quod idem experientia ipfa manifeltè teftatur: nani fi per fidem intelligatur affenfus certus & indubitatus, his omnibus rebus adhibitis, quas Ecclefia ex uerbo Dei fcripto, vel tradito, credendas effer docet, multos uidemus inter Catholicos, publicos peccatores, homicidas, fornicarios, fures, ebrios, qui tamen fine ulla dubitatione fidem habent ijs omnibus, quæ Ecclefia credenda proponit.

Si uerò per fidem accipiamus id quod Lutherani falfo fibi perfuaserunt effer fidem, fiduciam uidelicet misericordie propter Chriftum, & quidem fpeciale; quia vnufquifque certò credat, & confidat, fibi

Deum propter Chriftum effer propitium, uidemus plurimos inter hæreticos, qui eiusmodi fidem fe habere dicant, cum uitam turpiffimam ducant, & errores etiam grauiffimos de Chrifto, de Ecclefia, de Sacramentis, de peccatis, de iuftificatione, cæterisque rebus ad doctrinam fidei pertinentib. doceant. Nam huic fpeciali fidei Lutheranorum non repugnat quilibet infidelitas, fed ea folùm, qua quis non certò credit fibi Deum effer propitium.

Quod fi fortè Lutherani dicant fe nullos habere errores, & fidem illam tuam fpeciale effer non poffe in ijs, qui homicidia, adulteria, & alia id genus peccata comittunt: fuis dimiffis aliarum feftarum homines parumper infpiciant. Certè Calvinianos in erroribus multis & magnis uerfari, atq; aded blafphemos & facrilegos effer neque ignorant, neque tacent; & tamen negare non poterunt, eos fibi certò perfuadere fe Deo propter Chriftum effer cariffimos, ac proinde habere fidem illam fpeciale, quæ apud eos fola iuftificat. Quod idem dicere poffumus de Anabaptiftis, de Trinitarijs, & alijs, qui Lutheranis hæretici funt, & tamen certò credunt fibi Deum propter Chriftum effer propitium. Quod fi fiducia illa concipi potest ab ijs qui in erroribus contra uerbum Dei pertinaciffimi funt, cur non poterit etiam concipi ab ijs, quos homicidia, adulteria, furta, & alia fimilia peccata delestant?

A T (inquit Philip. in Locis, tit. de difcrimine peccati mortalis & uenialis) qui habet propositum peccandi, non accedit ad Deum, fed eum contemnit, ac fugit: Fides autem ad Deum accedit per Chriftum Pontificem; Igitur impoffibile effer hæc duo fimul confiftere, propositum peccandi, & fidem. **R E S P O N D E O**, eum qui habet propositum peccandi, fi apprehendat Deum ut iultum iudicem, & qui peccata, dum in nobis manent, odit, ac punit, quemadmodum eum Catholici apprehendunt, fine dubio fugere à Deo: at fi Deum apprehendat (ut eum Lutherani apprehendunt) ita misericordem & facilem, ut peccata in nobis uerè inherentia & uiuentia nolit punire, fed tegere, ac pro eis Chrifli iuftitiam, & merita nobis imputare, nego eum ad Deum non accedere. Qui enim fibi perfuadere potuit peccata uerè in fe manentia fibi à Deo non imputari, & ijs non obftantibus fe Deo propter Chriftum carum & gratum effer, eadem facilitate credere poterit, propositum peccandi fibi à Deo non imputari, dummodo Chrifli merita, fua faciat per fidem. Certè Calvinus non exiftimauit impoffibile propositum peccandi cum fide coniungere, quando in Antidoto can. 28. felf. 6. Conc. Trid. fcripfit, etiam in magnis lapfibus remanere fidem ueram & uiuam. Ac ne ipfe quidem Lutherus tam certò credidit non poffe duo illa coniungi, ut credidit Philippus. Nam in lib. de captiuit. Babil. cap. de Baptifmo, fcribit, non poffe hominem damnari quantifcunque peccatis, fi fter, uel redeat fides. Quo loco per illam difiunctionem (fi fter, uel redeat fides) aperte fignificauit, non fe certò ftatuiffe, non poffe ftare fidem cum magnis lapfibus.

Habemus igitur ex ipfa natura & ratione fidei, omnia peccata cum ipfa fide poffe confiftere, præter infidelitatem, uel diffidentiam fidei, uel fiducie contrariam; ac per hoc omnia peccata, præter infidelitatem, uel diffidentiam prædictam, effer uenialia, fi omnia illa dici debent uenialia, quæ fidem non excludunt.

Sed probatur hoc idem rurfus ex doctrina Patrum, & ex communi fenfu & confenfu omnium gentium. Nam fi peccata omnia, uel faltem grauiora, quæ nos mortalia nominamus, cum fide confiftere non poffent, fequeretur non poffe hominem Chriftianum

labi in fornicationem, furtum, homicidium, aut aliud ſimile peccatum, quin eodem momento heret hereticus. Nam fidem iuſtificantem amitteret, quæ ſola eſt vera fides; qui autem fidem veram amittunt, heretici dicuntur. At hoc repugnat toti antiquitati, & ſenſui, ac conſenſui omnium gentium. Semper enim in Eccleſia latiffimum diſcrimen agnitum eſt inter hereticos, & malos Catholicos, cum illi diſceſſionem faciant ab Eccleſia, iſti intra Eccleſiam perditæ viuunt; illi doctrinam oppugnent, iſti diſciplinam violent; illi zizanij, iſti paleis; illi lupis rapacibus, iſti morbidis ouibus comparentur.

Dénique inauditum eſt in Eccleſia, vt ob ſolam fornicationem, vel adulterium, aut aliud ſimile peccatum, Chriſtianus aliquis fidem amiſiſſe, atque adedò inſidelis, aut hereticus factus fuiſſe dicatur. S. Auguſtinus in lib. quæſt. in Matth. q. 11. *Inter hereticos, inquit, & malos Catholicos hoc intereſt, quod heretici falſa credunt; illi autem vera credentes, non viuunt ita vt credunt.* Et lib. 4. de Baptiſmo contra Donauſt. cap. 18. *Conſtituamus, inquit, aliquem caſtum, continentem, non auarum, non idolis ſeruientem, hoſpitalitatem indigentibus miniſtrantem, non cuiuſquam inimicum, non contentioſum, patientem, quietum, nullum amulanſem, nulli inuidentem, ſobrium, frugalem, ſed hereticum: nulli vtiq; dubium eſt propter hoc ſolum, quod hereticus eſt regnum Dei non poſſeſſurum. Conſtituamus alium fornicantem, immundum, luxurioſum, auarum, vel etiam apertius idolis dedicatum, venenſum, diſcordioſum, contentioſum, amulum, animoſum, ſeditioſum, inuidum, ebrioſum, comeſſatore, ſed Catholicum: nunquid propter hoc ſolum quod Catholicus eſt, regnum Dei poſſidebit, agens talia, de quibus ſic concludit Apoſtolus: quæ prædico vobis, ſicut prædixi, quoniam ſi talia agunt, regnum Dei non poſſidebunt? Si hoc dicimus, nos ipſos ſeducimus.* Neque opus eſt alia Patrum teſtimonia ſuperaddere, cum res adedò ſit perſpicua, vt mirum ſit ab vilo hominum in dubium reuocari potuiſſe.

Probatum igitur eſt, ſequi ex doctrina Lutheranorum, vt adulteria, homicidia, furta, & alia id genus peccata, ſint omnia venialia, cum fidem vtrūque ea accipiat, non excludant. Eſſe autem hoc dogma contra doctrinam Chriſti & Apoſtolorum, & contra eorundem Lutheranorum ſententiam, quæ erat aſſumptio noſtri argumenti, ciliè poteſt oſtendi. Chriſtus enim, Matth. 5. *Qui dixerit, inquit, fratri ſuoſatne, reus eris gehennæ ignis.* Ex quo intelligimus, verbum contumelioſum in fratrem, peccatum eſſe lethale. Et Matth. 25. *Ite maledicti in ignem æternum: Eſurius enim, & non dedisti mihi manducare, &c.* Ex quo loco rectè colligit S. Auguſt. lib. de fide & operibus, cap. 15. non communicare bona ſua cum indigentibus, & multo magis rapere aliena, peccata eſſe mortalia, etiam in his qui fidem nunquam amiſerunt: *Erit ergo, inquit, æterna combuſtio, & eos in illam ituros veritas dicit, quorum non fidem, ſed bona opera deſuiſſe declarauit.* Apoſtolus autem, vt paulò ante idem Auguſt. commemorauit, 1. ad Cor. 6. ad Ephes. 1. & ad Galat. 5. enumerat aliquot genera peccatorum, & ſubiungit: *Qui talia agunt, regnum Dei non poſſidebunt.*

Déniq; Philip. Melanchthon (vt ſuprà citauimus) diſertis verbis ſcripſit in Locis cõmunibus, titulo de diſcrimine peccati mortalis & venialis, peccata voluntaria contra legem Dei omninò eſſe mortalia: *Dixi, inquit, de peccato veniali. Sed cum hi qui fuerunt renati, ſcientes, & volentes violant legem Dei, vt cum amplectuntur impijs opimones, aut ſtabiliunt eas ſua approbatione, aut indulgent odijs, ambitione, flammis libidinum, auaritia, aut exterius factis viuunt contra legem Dei, vt Dauid rapiens alienam coniugem, & aſtutè maritum interfici-*

ciens. Hæ actiones cõtra conſcientiam ſunt peccata mortalia. Hæc ille. Cum igitur voluntarium adulterium, vel homicidium, vel aliud ſimile peccatum, ipſo etiam teſte Philippo, ſit mortale, & tamen (vt antè oſtendimus) cum fide conſiſtere poſſit, nanifeſtè ſequitur aut falſum eſſe quod idem Philip. cum Lutheranis cæteris docet, omnia peccata quæ ſimul cum fide conſiſtunt, eſſe venialia; aut certè ipſorum ſententias inter ſe eſſe pugnantes, & alteram ab altera deſtrui, atque vnã ex altera refutari.

Iam verò TERTIVM caput, quod continebat, illa ſola peccata quæ ſunt planè inuoluntaria, cum fide poſſe conſiſtere, ex ijs quæ dicta ſunt, apertiffimè conuincitur eſſe falſum. Iam enim oſtendimus, non ſolùm peccata inuoluntaria, ſed etiam voluntaria quantumuis graua, ſimul cum fide conſiſtere, præter id ſolum quod fidei contrarium eſt, hæreſim videlicet, aut inſidelitatem. Deinde peccata prorsus inuoluntaria apud eos qui rectè iudicare poſſunt, non venialia, ſed nulla ſunt. Et ſi S. Auguſt. credimus, repugnantia loquitur, qui dicit peccatum inuoluntarium, *non de ratione peccati ſit eſſe voluntarium: Vſque adedò* (inquit Auguſt. lib. de vera religione, cap. 14.) *peccatum voluntarium eſt malum, vt nullo modo ſit peccatum, ſi non ſit voluntarium.* Neque loquitur S. Auguſt. de iudicio ciuili, vt Philip. nugatur, ſed diuino. Nam loquitur de peccato in genere, vt comprehendit etiam peccata malorum Angelorum, quæ ad iudicium ciuile nullo modo pertinent. Sed de hoc paradoxo Lutheranò, in diſputatione de concupiſcentia, & de libero arbitrio plura dicemus.

CAPVT IX.

Peccatum veniale natura ſua diſtingui à mortali, oſtenditur ex Scripturis.

NUNC tandem ad veram ſententiã comprobendam accedimus, ex cuius comprobatione non ſolùm ſupradicti errores omnes radicitus euellentur, ſed etiam refutabuntur ſententiæ eorum ſcriptorum, qui à communi Theologorum, & Eccleſiæ doctrina quauis ratione diſceſſerunt. Probandum igitur nobis eſt, peccatum veniale ex natura ſua diſtingui à mortali, ac ſine vlla relatione vel ad prædeſtinationem, vel ad miſericordiam Dei, vel ad ſtatum renatorum, eſſe eiufmodi, vt pœnam quidem mereatur, ſed non æternam; & Deum offendat, ſed non vſque ad amicitia diſſolutionem. Id PRIMVM probabitur ex Scripturis, TVM ex definitionibus Eccleſiaſticis, DEINDE ex doctrina Patrum, POSTREMO ex ratione.

Quod attinet ad PRIMVM, Matth. 5. ſic legimus: *Qui traſtitur fratri ſuo, reus erit iudicio: qui dixerit raca, reus erit concilio: qui dixerit ſaturne, reus erit gehennæ ignis.* Hoc loco non reſpicit Dominus prædeſtinationem, neque diſcutit, quid poſſit aut velit diuina miſericordia, ſed reſ ipſas dijudicat, & peccatorum menſuram. Facit autem tres gradus iracundiæ: VNVM eius quæ ita leuis eſt, vt in vocem nullam erumpat: ALTERVM eius, quæ paulò grauior eſt, non tamen peruenit vſque ad apertum conuicium: TERTIVM eius, quæ grauiffima eſt, & manifeſtum conuicium parit. Quamuis enim poſſit interdum iracundia interior eſſe grauiffima, & tamen diſſimulari exterius, nihilominus ordinariè quo eſt maior, eo ſe magis prodit, & ideo Dominus leuiſſimam iracundiam vocat eam, quæ non manifeſtatur yllò ſigno exteriori.

Quod verò dicitur in ſecundo gradu, *Qui dixerit fratri ſuo raca*, non eſt omninò certum quid propriè ſignificet. S. Auguſt. lib. 1. de ſerm. Domini in monte, cap. 9. & S. Gregor. lib. 21. Moral. cap. 5. ſcribunt eſſe interjectionem iracundiæ, quæ nihil deter-

minatè significet, sed solum exprimat animum esse commotum. Quæ interpretatio probabilis est, præsertim cum dicat August. se id accepisse ab Hebræis. Quamvis enim non inueniatur in Scripturis eiusmodi interiectio, neque in Dictionarijs Hebræicis, & Chaldaicis, quæ nunc extant. Potuit tamen eo tempore fuisse in usu, ac deinde obsoleuisse, neque etiam necesse est in Dictionarijs omnes omnino voces inueniri. Denique quod ea vox translata non fuerit in Græcum, aut Latinum, argumento est, nihil ea proprie significari. Cæterum S. Hieronymus in comment. huius loci, annotauit vocem *Raca*, significare hominem vacuum. Nam à verbo ריק quod est euacuare, fit nomen רק vacuus, & addito & more Syrorum, fit רקא.

Sed quod addit idem auctor hoc loco significare hominem vacuum cerebro, non caret difficultate, tum quia in Scripturis non facile inuenitur ea vox in hoc sensu, tum quia vocare hominem vacuum cerebro, non videtur esse minus conuicium, quam si vocetur stultus. Non possum autem me continere, quin Theodozi Beza ineptias hoc loco pauca perstringam. Is enim in annot. ad hunc locum, versionem Hebræicam huius Euangelij reprehendit, quod pro *Raca*, habeat רעה quia (vt ipse dicit) maius conuicium est vocare hominem רעה id est, malum, quam fatuum; & tamen ipse idem suspicatur, Christum sua lingua dixisse רעה pro eo quod nos habemus *Raca*, neque animaduertit maius conuicium significari per vocem רעה quam per vocem רעה; illa enim impium significat, hæc malum, & sæpissimè accipitur non pro malo, id est, scelerato, sed pro tenui, aut deformi, aut macilento, vt omittam quod littera ר non redditur Latine per ch, sed per sc, aut per s, simpliciter, vt patet in vocibus Hofanna, Salomon, Sabaoth, Sabbathum, & similibus. Proinde igitur est, *Raca*, hoc loco significare hominem vacuum operibus, aut dignitate, aut certè vanum & ociosum. Nam & in his significationibus inuenitur ea vox in Scripturis, & longè minus lædit, quam vox fatuus. Sed quidquid sit de propria significatione eius vocabuli, illud nobis hoc loco facis est, minus graue peccatum describi per *Raca*, quam per *Fatue*.

His autem tribus gradibus peccatorum respondent tres reatus, iudicij, concilij, & gehennæ ignis. Et quidem reus iudicij dicitur (vt rectè explicat S. Augustinus loco supra notato) qui aliquid fecit, vnde in iudicium vocari possit, vt causa eius discutatur. Reus concilij dicitur, cuius culpa certa est, sed ambiguum quanta sit, & quam pœnam mereatur, & idè iudices inter se conueniunt in concilium, vt definiant pœnæ mensuram. Reus gehennæ ignis dicitur, cuius culpa & mensura culpæ, ac per hoc etiam pœnæ grauitas certa est. Significari autem per gehennam ignis, mortem æternam apud inferos, docent in commentario huius loci Hilarius, Augustinus, Chrysostomus, & Theophylactus. Hieronymus hoc loco nihil dicit, sed in comment. cap. 10. in illa verba: *Time eum, qui potest animam & corpus perdere in gehennam*, scribit nomine gehennæ semper in Euangelio significari pœnas æternas.

Ex his igitur conficitur argumentum eiusmodi; Manifestum conuicium, teste vel iudice Christo, facit reum gehennæ ignis, ac per hoc est peccatum mortale: Iracundia, sono vocis expressa, sed ad malum conuicij non pertingens, facit reum concilij, id est, non constat an mereatur gehennam, sed aut ea pœna, aut minore digna est. Inueniuntur igitur peccata quædam, quæ leuiora sunt, quam vt gehennam ignis mereantur. Quorum enim coheretur concilium ad

discernendum, num aliqua culpa gehennæ ignis punienda esset, si omnes culpæ gehennam ignis mereantur? Sunt igitur culpæ aliquæ, quæ diuino iudicio sola pœna temporali multande sunt. Rursus iracundia quæ nullo ligno externo foras erupit, non facit reum concilio, sed iudicio; hoc est, non constat, an mereatur pœnam aliquam, an nullam; ex quo sequitur, vt sine dubio si pœnam meretur, temporalem, non æternam mereatur, cum sit leuior culpa, quam ea esset, de qua dubium esse poterat, temporalene supplicium, an æternum mereretur.

Neque digna videtur responsione annotatio Beza ad hunc locum Euangelij. Scribit enim inæqualia peccata hic describi à Domino, & minus esse reum fieri iudicio, quam concilio, & concilio, quam gehennæ ignis. Addit tamen, omnia peccata, quamuis inter se inæqualia, mortem mereri, quia stipendium peccati mortem esse scribit Apost. ad Rom. 6. At li per mortem idem intelligit Apostolus, quod per gehennam Christus, cum eam vitæ æternæ opponat, dicens: *Stipendium peccati mors, gratia Dei vitæ æternæ*; fieri non potest, vt omnia peccata mortem mereantur, nisi gehennam omnia mereantur. Iam autem demonstrauimus ex Christi sententia, non omnia peccata reum facere gehennæ ignis. Non igitur stipendium est omnis peccati mors, sed eius tantum peccati, quod opponitur gratiæ & amicitie cum Deo, de quo Apost. loquebatur. Imque diuersis gradibus peccatorum, qui describuntur à Domino, non respondent diuersi gradus suppliciorum in gehenna, vt Beza existimat, quia si ita esset, non rectè Dominus de solo tertio gradu dixisset, *Reus erit gehennæ ignis*: sed respondent diuersi gradus suppliciorum, quorum alia sint æterna, alia temporalia, alia breuissima. Atque hæc de primo testimonio Scripturæ.

Alia duo testimonia habentur Matth. 23. & Luc. 6. in quibus locis Dominus peccata quædam comparat rebus natura sua leuissimis, alia verò grauissimis: *Duces cæci* (inquit Matth. 23.) *excolantes culicem, camelum autem glutescentes*. Hic videmus peccata quædam conferri culicibus, alia camelis; arguit enim Dominus Phariseos, quod grauissima præcepta legis faciliè transgredirentur, minuta verò diligentissimè obseruarent, atque ita peccata leuissima studiosè cauerent, maxima verò sine scrupulo perpetrarent. Constat autem inter culicem & camelum tantum esse ex natura rei discrimen, vt nulla ferè inter ea proportio esse videatur.

Rursus Luc. 6. *Quid, inquit, vides festucam in oculo fratris tui, trabem autem qua in oculo tuo est, non consideras?* Certè inter festucam & trabem tanta ex natura rei differentia est, vt festuca leuiter portari queat, trabs autem sit importabilis, & non solum oculum destruat, sed etiam totum corpus hominis opprimat, si illi imponatur. Si autem omnia peccata ex natura sua morte sempiterna digna essent, quis credat, ita quædam ab iplo Domino extenuari potuisse, vt cum festuca & culice conferrentur, præsertim cum alia camelis & trabibus ab eodem Domino fuerint comparata?

Est aliud testimonium Luc. 12. *Dico tibi, non exies inde, donec etiam nouissimum minutum reddas*. Per nouissimum minutum intelligunt Patres peccata minuta & leuissima, pro quibus in carcere Purgatorij satisfaciendum est, nisi in hac vita purgata, vel relaxata fuerint. Tertul. in lib. de anima, cap. 7. per *nouissimum quadrantem*, siue *minutum*, exponit modica quæq; delicta purganda ante resurrectionem. Orig. hom. 35. in Luc. dicit eos reddere nouissimum quadrantem, qui modicum debent, & vsque ad certum tempus deti-

nentur

nentur in carcere. Hieron. in commēt. ad c. 5. Matt. *Hoc est, inquit, quod dicit, non egredieris de carcere, donec etiam minuta peccata persoluas.* Denique Cyprian. lib. 4. epist. 2. Ambr. in comment. ad c. 2. Luc. & Eusebius Emis. (seu potius Cæsarius Arelatensis) hom. 3. de Epiphania, scribunt, per nouissimum quadrantem intelligi ea peccata quæ post hanc vitam in locis purgatorijs expiantur, quæ sine dubio venialia sunt. Nam qui cum peccato mortali decedit ex hac vita, continuo stipendium peccati, mortem videlicet sempiternam, accipit. Jam igitur cum debitum vnius minuti minimum sit, neque in vlllo tribunali pro tam exiguo debito vllus damnari possit ad mortem; si Dominus peccata venialia cum tali debito rectè comparauit, sequitur vt peccata venialia ex natura sua mortem æternam nulla ratione mereantur.

Ad hæc, Apost. Paulus, 1. Cor. 3. peccata venialia rebus natura sua leuissimis comparat, ligno, fœno, stipulis: *si quis, inquit, superedificat supra fundamentum hoc, aurum, argentum, lapides preciosos, ligna, fœnum, stipulam, vniuscuiusque opus manifestum erit. Dies enim declarabit, quia in igne reuelabitur, & vniuscuiusque opus, quale sit, ignis probabit. Si cuius opus manserit quod superedificauit, mercedem accipiet: si cuius opus arserit, detrimentum patietur, ipse autem saluus erit, sic tamen quasi per ignem.* Quo loco et exponunt Ambr. ferm. 20. l. 118. Hieron. lib. 2. aduers. Iouinian. August. lib. 21. de ciu. Dei, c. 26. Greg. lib. 4. Dialog. c. 39. & alij) significat Apostolus per aurum, & argentum, & lapides preciosos, opera perfecta, & laudabilia, quæ in iudicio Dei examinata, nihil nisi mercedem promerentur: per lignum, fœnum, & stipulas, opera inutilia, & reprehensione digna, sed venialia, quæ detrimentum quidem adferant, & purgatione indigeant, non tamen à salute excidere faciant. Nunquam autem B. Paulus peccata venialia cum fœno & stipulis comparasset, nisi reuera essent (vt loquitur S. Greg. loco notato) peccata minuta, atque leuissima. Peccata enim ex natura sua mortalia, ferro potius, aut æri, vel plumbo (vt ibid. idem Greg. dicit) comparanda fuissent.

Accedat his testimonium S. Iacobi Apost. qui in 1. c. suæ epist. distinguit tentationem à peccato, & peccatum à crimine: *Vnusquisque, inquit, tentatur à concupiscentia sua, abstractus, & illectus. Concupiscentia verò cum conceperit, parit peccatum: peccatum verò cum consummatum fuerit, generat mortem.* Vbi S. Iacob. non distinguit motus concupiscentiæ in inuoluntarium & voluntarium, nec dicit omnem motum voluntarium esse peccatum mortale, omnem inuoluntarium esse veniale, vt Philip. Melancthon voluisset. Sed distinguit tres motus concupiscentiæ. VNUM inuoluntarium, quo quis ad peccatum incitatur sine vlllo suo consensu, cum ait: *Vnusquisque tentatur à concupiscentia sua, abstractus & illectus*: Et hunc motum non dicit Apost. esse peccatum, sed causam peccati, si nimirum accedat consensus. ALTERVM motum vult esse imperfectè voluntarium, cum addit: *Concupiscentia verò cum conceperit, parit peccatum.* Esse autem hunc motum imperfectè voluntarium, & proinde peccatum, sed veniale, patet, quia nominatur peccatum, & tamen distinguitur à peccato consummato, & mortem generante. Ex quo intelligimus hunc secundum motum non esse peccatum consummatum, nec generare mortem, ac per hoc non esse peccatum mortale. TERTIVM denique adiungit perfectè voluntarium, & hunc motum esse peccatum mortale, declarat Apost. dicens: *Peccatum verò cum consummatum fuerit, generat mortem.* Neque verò suspicari debemus, peccatum consummatum hoc loco dici solum peccatum opere perpetratum, quasi desideria illicita mor-

A talia peccata nominari non possent, nisi opere compleantur. Nam cum inter prima decem præcepta legis distinctè nominentur, tanquam duo diueria mandata, *Non mœchaberis: &, Non concupisces uxorem proximi tui*: & cum Dominus in Euangelio, Matth. 5. dixerit, *Qui videt mulierem ad concupiscendam eam, iam mœchatus est eam in corde suo*: dubium esse non potest, quin peccatum consummatum, & generans mortem, sit concupiscentia, cui perfectus & consummatus adhibetur assensus, tamen si nunquam opere compleatur. Neque respondere possunt Lutherani, peccatum illud, de quo S. Iacobus loquitur, cum ait, *Concupiscentia cum conceperit, parit peccatum*, esse peccatum veniale ex misericordia Dei, quia videlicet fidelib. non imputatur, non autem esse tale ex natura sua. Nam ipsi solum ea dicunt non imputari, quæ sunt planè inuoluntaria. Hoc autem de quo loquimur, non est omninò inuoluntarium: nam alioqui non potuisset distinguere S. Iacob. concupiscentiam illicentem, & parientem peccatum, ab ipso peccato, quod ab ea concupiscentia paritur. Siquidem (vt paulo ante diximus) non potest fingi, quemadmodum concupiscentia peccatum pariat, nisi eliciendo à voluntate consensum.

C Accedant VLTIMO duo loca, in quibus de peccatis quibusdam longè mitius Scripturæ loquuntur, quàm de ijs loqui soleant quæ sunt omnium consensu peccata lethalia. Matth. 12. *De omni verbo ocioso quod loquutur fuerint homines, reddent rationem in die iudicii.* Aliud profectò est, verbum ociosum non esse sine culpa, & idèò discutiendum in die iudicii. Aliud verò: *Ite in ignem æternum. Ligati manibus & pedibus eius, projicite eum in tenebras exteriores. Discite à me omnes operari iniquitatis*, & alia id genus, quæ passim occurrunt in Euangelijs; Ephes. 5. *Fornicatio, & omnis immunditia, aut auaritia, nec nominetur in vobis, sicut deceit sanctos, aut turpitudò, aut stultiloquium, aut scurrilitas quæ ad rem non pertinet, sed magis gratiarum ætio.* Hoc enim sciote, intelligentes, quod omnis fornicator, aut immundus, aut auarus, quod est idolorum seruitus, non habet hæreditatem in regno Christi & Dei. Non temerè B. Apost. cum sex peccatorum genera cauenda esse pronunciauisset, quæ videlicet apud Gentiles vix pro peccatis agnoscebantur, fornicationem, immunditiam, auaritiam, turpia verba, stultiloquia & scurrilitatem, de tribus prioribus tantum adiunxit, eos qui talia agunt, non habere hæreditatem in regno Christi & Dei. Nimirum enim docere volebat, tria posteriora debere quidem esse aliena ab ore sanctificato fidelium, non tamen ex genere suo talia esse, quæ excludant ab hæreditate Christi & Dei.

D Neque hic locum habet quod aduersarij dicere solent, quædam esse peccata venialia, quæ non excludant à regno Dei, sed ea non esse talia ex natura sua, sed ex misericordia Dei non imputante. Nam vt sæpè diximus, ea sola venialia ipsi agnoscunt, ac non imputari dicunt quæ sunt inuoluntaria. At peccata, de quibus hic agunt Christus & Paulus, voluntaria sunt, videlicet verba ociosa, minus honesta, stulta, scurrilia.

CAPVT X.

Idem ostenditur ex traditione Ecclesiæ, & Patrum.

E PECCATA quædam ex natura sua venialia esse, non solum Scripturæ, quas hæcenus protulimus, ostendunt, sed etiam testimonia Ecclesiæ & Patrum. Nam Concil. Mileuit. can. 6. 7. & 8. docet, sanctos & iustos homines habere peccata quædam, quæ tamen si sanctitati & iustitiæ non repugnent, tamen verè peccata sunt, & remissione indigeant. Sed quia possent aduersarij respondere, peccata illa Sanctorum

effe venialia ex misericordia Dei, non ex natura fua, proferemus commentarium S. Augufti. qui eorum canonum auctor fuit, vt ipfe fua verba exponat. Tamenli enim canones illi nomine totius Concilij editi funt, tamen qui eos composuit, Auguft. fuit. Is autem in lib. de natura & gratia, c. 35. 36. & 37. profert eafdem Scripturas: *Dimitte nobis debita nofta*: Et, *Si dixerimus, quia peccatum non habemus, &c.* quas protulerat in illis canonibus Mileuitanis.

Deinde cap. 38. explicat de quibus peccatis Scriptura illa intelligenda fit: *Ita*, inquit, *nec commemorandum fuit, fi Abel, quamuis merito iuftus appellatus eft, paulo immoderatus aliquando vifit, vel animi remiffione iocatus eft, vel vidit aliquid ad concupifcendum, vel aliquando immoderatus poma decerpfit, vel plufculo cibo crudior fuit, vel cum oraret, cogitauit aliquid, vnde eius in aliud auocaretur intentio; & quomodo illis ifta, ac fimilia multa fubreperint.* Hæc ille. Vbi fatis oftendit, peccata venialia non effe folùm primos & inuoluntarios motus concupifcentiæ, quos aduerfarij peccata mortalia ex natura fua, & venialia ex Dei misericordia effe docent, fed etiam actiones quasdam malas, & planè voluntarias, vt rifum immoderatum, cibum nimium, iocum non neceffarium; quæ actiones fi effent peccata mortalia ex natura fua, fine dubio imputarentur à Deo, & hominem damnarent, ac per hoc cum iuftitia nulla ratione confisterent. Sola enim inuoluntaria (ex fententia aduerfariorum) non imputantur, & cum iuftitia confiftunt: At hæc peccata ex doctrina S. Auguftini, & Concilij Mileuitani, venialia funt, & cum iuftitia confiftunt: Igitur non funt mortalia ex natura fua, fed ex natura, & ex genere, & modis omnibus, abfolutè, & fimpliciter venialia.

Confirmatur hoc idem (propter Catholicos) ex Trid. Conc. Nam feff. 14. c. 5. docemur, in confeffione Sacramentali peccata mortalia omnia quæ menti occurrunt, poft diligentem confcientiæ difcuffionem, effe neceffariò aperienda: venialia verò vtiliter aperiri, non neceffariò; ex quo fequitur, vt peccata venialia non folùm in hominibus iuftis, fed etiam in impijs effe poffint, alioqui homines impij omnia omninò peccata in confeffione neceffariò aperire deberent, quod eft contra doctrinam Concilij, & fenfum Ecclefiæ vniuerfæ: At peccata venialia ex misericordia Dei ea non imputante, non funt in impijs, fed in folis pijs & iuftis, ex fententia aduerfariorum; Igitur peccata venialia, quæ in impijs effe Concilium Trid. admittit, non funt venialia ex misericordia Dei ea non imputante, fed ex natura fua. Deniq; his accedat quod in Bulla Pij V. Pont. Max. per Gregorium XIII. renouata, in qua multi errores damnantur; vnus eft, nulla effe peccata venialia ex natura fua.

PRÆTER hæc testimonia non defunt etiam Patrum Græcor. & Latinor. fententiæ. Intelligimus enim fanctos Patres, cum de peccatis venialibus verba faciunt, ea venialia peccata fignificare velle, quæ natura fua talia funt, ex eo quod leuiffima, minuta, quotidiana vocant. Neque enim minuta, & leuia rectè dici queunt, quæ ex natura fua reum mortis æternæ conftituunt, licet ex misericordia condonentur.

Origenes hom. 35. in Luc. fic ait: *Vnusquisque pro qualitate & quantitate peccati, diuerfam multa fententiam expendit. Si parum eft quod peccas, ferieris damno minuti, vt Lucas fcripfit, vt vero Matthæus, quadrantem. Veruntamen neceffe eft hoc ipfum, quod extulifti debitor, foluere. Non enim inde exies, nifi & minima quæque perfolueris.* Hic loquitur Origenes de venialibus, non mortalibus (ne fortè quis dicat, minima dici ab eo peccata minima inter mortalia) nam in fine homiliæ fcribit, eos qui debent vnum quadrantem, certò tempore detineri in

A carcere (videlicet in Purgatorio) qui debent ingentem summam, fempiterno tempore cruciari: *Si*, inquit, *qui parum debet, non egreditur, nifi exoluat minutum quadrantem: vsque qui tanto debito fuerit obnoxius, infinita ei ad reddendum fecula numerabuntur.* Itaque venialia peccata vocat minima, & idèò minima, quia qualitate & quantitate funt minima. Nam vt ipfe dicit, pro qualitate & quantitate peccati fupplicia decernuntur. Porro peccata minima qualitate & quantitate, ex natura & ratione fua minima funt. Tertul. in libro de anima, cap. 17. peccata quæ temporariam purgationem admittunt, modica delicta nominauit, vt fuprà citauimus.

B S. Ioannes Chryfoftomus hom. 14. in Matth. exponens illud, c. 7. *Quid vides feflucam in oculo fratris, &c.* peccata venialia, quæ flagitijs opponuntur, delicta leuiffima, & culpas paruulas appellauit.

C S. Hieronymus in comment. cap. 5. Euang. Matthæi, eadem venialia peccata, peccata minuta nominanda cenfuit. Et ibid. explicans illud: *Qui videri mulierem ad concupifcendum eam, &c.* dicit effe difcrimen inter *videri* & *deprehendi*, quod *videri* fit defideriũ cum confenfu: *deprehendi* fit titillatio fine confenfu, & addit *deprehendi* culpam habere vitij, non tamen teneri in crimine. Vbi apertè docet, titillationem effe peccatum, sed leue, nec dici poffe crimen, nifi accedat confenfus, quia videlicet in illa titillatione non fit nifi peccatum negligentie in præcauendo, vel citò reiiciendo, quod præcauendum, vel reiiciendum erat. Idem lib. 2. aduerfus Iovinian. qui peccata paria effe dicebat: *Non tibi*, inquit, *habebunt tantas gratias, quos de humili in fublime leuas, quantum irafcentur, quos propter leue quotidianumque peccatum in exteriores tenebras retrufifti.* Vbi S. Hiero. apertiffimè docet, leuia quotidianaque peccata, qualia funt (vt ipfe ibidem ait) verba otiofa, non mereri ex natura fua pœnam gehennæ. Nam fi talem pœnam ea peccata mererentur, nulla fieret homini iniuria, fi ob cuiusmodi delicta in exteriores tenebras truderetur, neque iufte inde queri, vel irafci poffet. Sed nec leuia villo modo nominanda effent, ob quæ in tenebras exteriores detrudi aliquis poffet.

D S. Auguftinus lib. de nat. & gratia, c. 38. *Quia*, inquit, *fape in leuiffimis, & aliquando incautis obrepit peccatum, & iufti fuerunt, & fine peccato non fuerunt.* Hoc loco videmus, venialia peccata quæ iufticiam non auferunt, vel idèò talia effe, quia in re leuiffima confiftunt, vel quia obrepunt incautis. Proinde ratio cur peccatum aliquod fit veniale, non eft, quia non imputatur, licet imputari poffit (vt aduerfarij docent) sed quia in re leuiffima confiftit, vt in verbo otiofo, in rifu nimio, in ioco fuperuacaneo, vel quia obrepit incautis, vt euagatio mentis tempore orationis, vt cum Auguftino Catholici docent.

E Idem auctor de fpiritu & lit. cap. 36. *Hic*, inquit, *confiftunt, peccatum erit hominis ex fide veniens, aliquando alicui delectationi illicitæ confentire, non tantum in illis horrendis facinoribus, & flagitijs perpetrandis, verum etiam in iſtis lenioribus, vt vel alicui vocis, quæ audienda non effet, vel linguam alicui, quæ dicenda non effet, accommodes.* Et in Enchir. c. 71. *De quotidianis*, inquit, *breuibus, leuibusque peccatis, fine quibus hæc vita non ducitur, quotidiana fidelium oratio fatisfacit.* Eorum enim eft dicere, *Pater noſter qui es in cælis*, qui iam Patri tali regenerati funt ex aqua & Spiritu fancto, delet omninò hæc oratio minima & quotidiana peccata. Et fermone 41. de Sanctis: *Illo*, inquit, *transitorio igne (de quo dixit Apoftolus) ipfe autem faluus erit, fic tamen quafi per ignem, non capitalia, fed minuta peccata purgantur.* Et infra: *Quibus peccatis licet occidi animam non credamus, ita tamen eam*

veluti quibusdam pustulis, & quasi horrenda scabie replentes deformem faciunt, ut eam ad amplexus illius sponsi cœlestis, aut vix, aut cum grandi confusione venire permittant.

Ex his locis colligimus, sensibile Augustinum, peccata venialia ex natura esse talia. Tum quia vocat ea breuia, leuia, leuissima, minuta, minima, quotidiana. Tum quia comparat ea cum pustulis, & scabie, quæ non solum non occidit, sed etiam ex natura sua non sunt morbi lethales. Tum denique quia peccata venialia vocat non solum subitos quosdam concupiscentiæ motus, quos solos aduersarij pro venialibus habent, atque à Deo non imputari dicunt, sed etiam peccata quædam omnino voluntaria, ut iocos superuacaneos, risum nimium, & similia, quæ ex natura sua in rebus leuissimis consistunt, quibus adiungit etiam mendacia officiosa in Enchir. c. 22. cum sic loquitur: *Non ideo mendacium potest aliquando laudari, quia nonnunquam pro salute quorundam mentimur. Peccatum ergo est, sed veniale, quod beneuolentia excusat.*

CAPVT XI.

Idem probatur ex ratione.

IAM verò peccata quædam ex natura sua venialia esse, ac per hoc non esse tam graua, ut reatum sempiternæ mortis efficiant, his argumentis ex naturali ratione ductis confirmari potest.

PRIMUM argumentum. Si peccata venialia ex natura sua essent mortalia, & solum fidelibus, ob fidem quam habent, non imputarentur, certè infidelibus omnino imputarentur, & mortalia essent; Id verò manifestè falsum atque absurdum est: Igitur falsum quoque & absurdum erit, peccata venialia ex natura sua esse mortalia. Propositio ab aduersarijs conceditur, neq; vlla probatione eget. Nam si sola fides causa est cur peccata aliqua sint venialia, sine dubio peccata omnia mortalia erunt ijs qui fide carent. Assumptio igitur argumenti probatur. Nam in eodem genere peccati, grauius Deum fidelis quàm infidelis offendit; siquidem fidelis magis tenetur perfectioni vitæ studere, quàm infidelis, cum & maiori lumine sit præditus, & plura à Deo beneficia, plura contra peccatum remedia, plura denique adiumenta receperit: *Ille seruus (ait Christus Luc. 12.) qui cognouit voluntatem domini sui, & non preparauit, & non fecit secundum voluntatem eius, vapulabit multis; qui autem non cognouit, & fecit digna plagis, vapulabit paucis. Omnis autem, cui multum datum est, multum quæretur ab eo; & cui commendauerunt multum, plus petens ab eo.* Item ad Hebr. 10. *Quanto magis (inquit Apost.) putatis deteriora mereri supplicia, qui filium Dei conculeauerit, & sanguinem testamenti pollutum duxerit, in quo sanctificatus est, & spiritus gratia contumeliam fecerit?* Contrà verò idem Apost. docet, peccata infidelium, ob ignorantiam, esse leuiora, cum de se ita loquitur in epist. priore ad Timoth. cap. 1. *Misericordiam consecutus sum, quia ignorans feci in incredulitate.*

Quare meritò S. Th. 1. 2. q. 89. art. 5. scribit, irratiōnabiliter dici motus illos sensualitatis, qui in fidelibus peccata sunt venialia, in infidelibus esse mortalia, cum dignitas personæ non minuat, sed angeat rationem culpæ. Et sanè quis capiat, verbum ociosum infideli alicui peccatum esse mortale, mihi autem veniale? cum ego disertis verbis Deum dixisse lererim: *De omni verbo otioso, quod loquuti fuerint homines, reddent rationem in die iudicii:* Ille autem nihil eiusmodi nouerit, & cum sine vlla comparatione magis teneat ego perfectioni studere, quàm ille. Igitur cum non sit Euangelio, neque rectæ rationi consentaneum, ut peccata fidelium venialia, mortalia sint infidelibus, sequitur ut etiam infidelibus sint venialia, ac per hoc

ex natura sua, non ex coniunctione cum fide, vel alia ratione extrinseca sint venialia.

SECUNDUM argumentum. Si propriè loqui velimus, non ideo peccatum aliquod est veniale, quia Deus illud ad reatum mortis æternæ non imputat, sed ideo Deus ad reatum mortis æternæ non imputat, quia veniale est. Veniale siquidem dicitur, quod est venia dignum, siue in quo aliud est, cur mitius puniri debeat. Quæro igitur quid illud sit, quod facit ut peccatum aliquod sit venia dignum, ad reatum mortis à Deo non imputetur. Respondebunt esse fidem, cum qua peccatum illud simul consistit. Sed rursus quæro, cur peccatum aliquod cum fide simul consistat, & sit veniale, aliud fidem excludat, & sit mortale. Respondebunt, quia illud inuoluntarium est, hoc voluntarium. Id enim, ut supra diximus, Ph. Melancthon, & cæteri Lutherani docent. At quid est hoc aliud, nisi discrimen peccatorum mortalium & venialium ad ipsam peccati rationem & naturam referre, & verbo negare, quod re ipsa affirmare cogaris? nam voluntarium esse vel inuoluntarium, ad ipsam peccati naturam & rationem pertinet. Siquidem peccatum, quo magis est voluntarium, eo magis est peccatum; quo minus est voluntarium, eo minus est peccatum; & si nullo modo voluntarium sit, nullo modo peccatum erit, ut supra ex Augustino docuimus.

TERTIUM argumentum ex S. Th. 1. 2. q. 87. art. 5. & 3. par. q. 86. art. 4. Peccatum veniale ex natura sua non ponit in homine auersionem à Deo, cum non repugnet charitati, ut perspicuum est: At pœna æterna non debetur peccato, nisi ratione auersionis à bono æterno, quod est Deus: Igitur peccatum veniale ex natura sua non est eiusmodi, ut reum faciat hominem supplicij sempiterni.

QUARTUM argumentum. Si natura sua quæuis offensio dissolueret amicitiam Dei, eadem ratione dissolueret quamuis aliam amicitiam. Quod enim ex natura rei conuenit, semper & vbique conuenit. At multum distat offensio grauis & capitalis, à leui & veniali inter homines. Qui enim amicum vel incautè lædit, vel in re leuissima, iudicio prudentium non censetur soluendæ amicitia satis iustam causam dedisse, & sanè stultissimus haberetur, qui ob quamcunque offensionculam inimicus amico efficeretur, eumq; vsque ad mortem insectari vellet: igitur eam etiam amicitiam, quæ nobis cum Deo intercedit, non dissoluet ex natura sua quælibet culpa; neque vilo modo probabile est, risum immoderatum, aut verbum ociosum ex natura sua tale esse, ut hominem alioqui iustum, & Dei amicum, dignum efficiat perpetuo odio Dei, & sempiterno cruciatu.

QUINTUM argumentum. Peccatum non dicitur vniuersè de mortali & veniali, sed per analogiam quandam, & proinde peccatum veniale non est perfectè peccatum sicut mortale, sed imperfectè, ut rectè docent Albertus, S. Bonauent. & alij, in 2. Sent. distinct. 42. & S. Tho. in 1. 2. quæst. 88. art. 1. ad 1. Igitur non debetur ei pœna mortis æternæ, quæ est simpliciter & perfectè pœna, vel potius pœnarum omnium grauissima.

ANTECEDENS huius argumēti, quod solum in controuersiam venire potest, hac ratione probō. Ad peccatum constituendum duo potissimum requiruntur, ut sit voluntarium, & contra legem, ut initio huius libri demonstraui: peccatum autem veniale omne, aut non est perfectè voluntarium, aut non est perfectè contra legem; igitur nullum est veniale peccatum, quod perfectè & simpliciter sit peccatum, sed imperfectè, ut diximus, & secundum quid.

ASSUMPTIO declaratur, & probatur. Nam pecca-

tum veniale triplex eft, vt fuprà diximus; aut enim eft veniale ex genere fuo, vt verbum ociofum; aut ex imperfectione operis, & hoc vel ex fubreptione, vt defiderium illicitæ rei non plenè deliberatum; vel ex paruitate materiæ, vt furtum vnius oboli, vel alterius rei, nullo, aut viliffimo pretio æftimata. Peccatum igitur veniale ex fubreptione non eft perfectè voluntarium, proinde nec perfectè peccatum. Peccatum autem veniale ex paruitate materiæ, eft quidem perfectè voluntarium, fed non perfectè contra legem. Lex enim non prohibet furtum vnius oboli in fpecie, fed prohibet furtum in genere. Et quia finis præcepti eft charitas, qui prohibet furtum, prohibet iniuriam, & læfionem proximi, & furtum quidem rei notabilis, quo fimpliciter proximus læditur, prohibet fimpliciter furtum rei minimæ, quo proximus non læditur, nifi fecundum quid, non prohibet, nifi fecundum quid. Quod autem de lege prohibente furtum exempli caufa diximus, idem de cæteris fimilibus legibus intelligendum eft. Quare peccatum veniale ex imperfectione operis, non eft perfectè contra legem, proinde nec perfectè peccatum.

Deniq; peccatum veniale ex genere fuo efle poteft perfectè voluntarium, & perfectè contra legem, fi lex aliqua fpecialis de eo fit, fed ea lex non erit perfectè, & in rigore lex, vt fic loquamur. Nam cùm (vt diximus, vel potius vt Apoft. dicit) finis præcepti fit charitas, & ex fine mefurentur præcepta; fi quod præceptum conftituatur de re, quæ parum admodum ad eum finem pertineat, vt fi fpeciali præcepto caueatur, ne quis verbum ociofum loquatur, id præceptum non poterit efle perfectè, & in rigore, atque (vt aliqui loquuntur) antonomaflicè lex. Ita videmus, omnia peccata venialia aut non efle perfectè voluntaria, aut non efle perfectè contra legem, quæ perfectè & in rigore fit lex. Et quia quod non eft perfectè voluntarium, hoc ipfo etiam non eft perfectè contra legem, nifi materialiter; propterea rectè dicunt Theologi, peccata venialia, cuiufcunque tandem generis fint, non efle contra legem, fed præter legem.

Quod totum hac etiam ratione confirmari poteft. Si peccatum veniale perfectè ac propriè efferet contra legem, fequeretur hominem iultum ftatim atque vnum aliquod peccatum veniale commiffit, efle verè ac perfectè legis præuaricatorem, & per hoc reum omnium cœleftium præceptorum, iuxta illud Apoft. Iacobi 2. *Qui offendit in vno, factus eft omnium reus.* Hoc autem falum & abfurdiffimum efle conftat ex eo, quod Scriptura vocat homines fimpliciter fanctos, & iultos, & legis diuinæ obferuatores, etiam cùm peccatis venialibus non carent. Nam de Zacharia & Elizabeth fic fcribit Luc. c. 1. *Erant autem iufti ambo ante Deum, incedentes in omnibus mandatis & iuftificationibus Domini fine querela.* Hos autem non caruiſſe peccatis venialibus etiam nunc, cùm (tefte Euangelifta) incedebant in omnibus mandatis Domini, dubium efle non poteft, cùm Apoft. Ioan. de fe, & fui fimilibus dicat: *Si dixerimus, quia peccatum non habemus, nos ipfos feducimus, 1. Ioan. 1.* Et alius Apoftolus: *In multis offendimus omnes, Iac. 2.*

Denique peccata venialia non excludunt charitatem, nam alioqui in hominibus iultis efle non poſſent, cùm (tefte Auguſt. lib. de natura & gratia, cap. vlt.) charitas fit vera, perfectaque iuftitia: *Qui autem diligit, legem implet, vt Apoft. ait Rom. 13.* non igitur legis præuaricator eft, qui ſola habet peccata venialia, quin potius ijs etiam præſentibus legem implere dicitur. Quare non ſunt peccata venialia propriè contra legem, neque perfectè, fimpliciterque peccata.

CAPVT XII.

Diluantur objectiones ex Scripturis.

RESTAT nunc vt objectiones, quæ contra ea quæ diximus, fieri ſolent, breuiter diluamus.

PRIMA obiectio ſumitur ex Scripturis, quæ generatim de omni peccato ita pronunciant: *Maledictus omnis qui non permanserit in omnibus quæ ſcripta ſunt in libro legis huius. Deut. 27. Anima quæ peccauerit, ipſa morietur. Ezech. 18. Stipendium peccati mors. Ro. 6. Qui offenderit in vno, factus eſt omnium reus. Iac. 2. Qui ſoluerit vnum de mandatis iſtis minimis, minimus vocabitur in regno cœlorum. Match. 5.* Hæc dicuntur de peccatis vniuerſis; igitur omnia peccata reum faciunt maledictionis diuinæ, & mortis æternæ, & à regno cœlorum excludunt. Quare ſunt omnia ex ſe mortalia, & ſi quæ venialia ſunt, id non habent ex natura ſua, ſed ex miſericordia Dei.

Ac ne fortè quis dicat, peccata venialia non efle ſimpliciter & abſolutè peccata, Scripturas autem allegatas de veris perfectiſque peccatis efle accipien-
Cdas, probari poteſt ex Apoft. Ioan. peccata venialia ſimpliciter & abſolutè peccata & iniquitates in diuinis litteris nominari. De venialibus enim loquitur in epiſt. 1. c. 1. cùm ait: *Si dixerimus, quia peccatum non habemus, nos ipſos feducimus, & veritas in nobis non eſt; ſi autem confeſeamur peccata noſtra, fidelis eſt & iuſtus, vt remittat nobis peccata noſtra, & emundet nos ab omni iniquitate.* Apoft. quoque Iacob. c. 3. ſuæ epiſt. peccata venialia offenſiones appellat, cùm ait: *In multis offendimus omnes.* Et ipſe idem c. 2. de offenſionibus generatim ait: *Qui offenderit in vno, factus eſt omnium reus.*

Deinde ſi minima mandata violari non poſſunt ſine amiſſione regni cœleftis (minimum enim vocari in regno cœlorum) nulla peccata tam parua erunt, quæ non poſſint hominem damnare, ſi à Deo abſque miſericordia iudicemur.

RESPONDEO, Quamuis peccata venialia, ſi cum mortalibus conferantur, non ſunt perfectè peccata, vt in extremo cap. ſuperiore docuimus, abſolutè tamen peccata nominari poſſunt, vt in ſacris litteris nominantur. Nam iuxta communioſiorem Philoſophorum doctrinam, ens non vniuocè dicitur de Deo & rebus creatis, neque de ſubſtantia & accidente, & ſunt res omnes creatæ, res imperfectæ, cum Creatore collatæ; & accidentia, entia ſunt imperfecta, ſi cum ſubſtantia conferantur: nomen tamen entis non ſolùm Deo, ſed etiam rebus creatis, & ipſis quoque accidentibus abſolutè communicatur. Itaque non negamus peccata venialia, abſolutè peccata, & iniquitates, atque offenſiones dici poſſe, & re ipſa his nominibus in diuinis litteris appellari: ſed dicimus vocabula iſta non vniuocè peccatis mortalibus, & venialibus conuenire, & idcirco non efle ex ſolis his vocibus de rebus ipſis pronũciandũ, ſed oportere ex adiunctis antecedentibus & ſequentibus iudicare, vbi Scripturæ diuinæ de peccatis mortalibus, & vbi de venialibus loquantur.

Porrò in locis in argumento allatis, non de peccatis in vniuerſum, ſed de ſolis mortalibus agi, facilè probare poſſumus. **P**RIMUM, quia ſi Scripturæ illæ peccata venialia comprehenderent, fequeretur homines iultos ob ſola peccata venialia non ſolùm excidere poſſe à vita gratiæ, ſed etiam re ipſa excidere: non enim Scripturæ illæ dicunt, animam quæ peccauerit, poſſe mori, ſi Deus imputare velit peccatum, ſed planè mori: neque dicunt eum qui non permanserit in præceptis Domini, poſſe maledici, ſi Deus voluerit, ſed iam efle maledictum; & ſtipendium peccati non dicunt poſſe efle mortem, ſed re ipſa efle; neque ait S. Iacobus, eum qui offendit in vno, poſſe fieri om-

nium reum, ſed factum eſſe omnium reum. Et denique in Euangelio Dominus non ait, Qui ſoluerit vnum de mandatis iſtis minimis, & docuerit ſic homines, minimus vocari poterit in regno cœlorum; ſed abſolutè pronunciat minimum, id eſt, nullum, eum eſſe vocandum in regno cœlorum. At ne ipſi quidem aduerſarij concedunt, ob ſola peccata venialia hominem iuſtum excidere à vita gratiæ, vel maledici à Domino, vel fieri totius diuinæ legis violatæ reum, vel excludi continuò ab hæreditate regni cœleſtis: igitur loca illa non de venialibus delictis, ſed de criminibus tantùm accipienda ſunt.

Deinde hoc idem oſtenditur ex adiunctis præcedentibus, vel ſequentib. Siquidem maledictio illa Deuteronomij refertur ad violatores mandatorum, quæ in eo ipſo loco tradita fuerant. Id enim ſignificat illud pronomen *huius*, cùm dicitur: *Maledictus qui non permanſerit in omnibus quæ ſcripta ſunt in libro legis huius*. Ea verò mandata ſunt omnia longè grauiffima de cauenda idololatria, inceſtu, homicidio, & ſimilibus, quæ conſenſu omnium crimina ſunt, ac peccata lethalia. Pari ratione Ezech. vbi ait, *Anima quæ peccauerit, ipſa morietur*, enumerat varia ſcelera, quæ ſunt omnia genere ſuo mortalia, & quidem ex grauiorib. & idè abominationes, & res detestandas, atque impietates ea nominat. De cuiſmodi autem peccatis reſtiſſimè dicitur, *Anima quæ peccauerit, ipſa morietur*.

Iam verò B. Paulus in toto 6. cap. epiſt. ad Rom. de peccato illo diſſerit, quod pugnat cum gratia, & ſimul cum iuſticia manere non poteſt, & quod qui habet, mortuus eſt; qui non habet, viuus: qualia ſunt non omnia peccata, ſed ſolùm lethalia; venialibus enim gratiam, iuſticiam, & vitam non excludi, & Catholici & Lutherani admittunt. De his igitur peccatis in extremo capite concludit: *Stipendium peccati mors, gratia autem Dei vita æterna*.

S. Iacobus in epiſt. ſua c. 2. cùm ait, *Qui offenderit in vno, factus eſt omnium reus*, explicat ſatis apertè de criminibus ſe loqui, quæ propriè & perfectè ſunt contra legem. Sic enim ſubjungit continuò: *Qui enim dixit, Non mæchaberis, dixit &, Non occides. Quod ſi non mæchaberis, occides autem, factus es tranſgreſſor legis*. Curautem dixerit, reum eſſe omnium mandatorum, qui vnum tranſgreſſus fuerit, etiamſi cætera obſeruaſſe videatur, cauſam reddit S. Auguſt. in epiſt. 29. ad ſanctum Hieron. quem ſequitur Beda in comment. huius, & Oecumenius, quia videlicet omnia mandata ad vnum reuocantur, quod eſt mandatum dilectionis, vt Apoſt. docet Rom. 13. hinc enim ſequitur, vt qui vnum aliquod præceptum violat, conſequentèr charitatem violet; qui autem charitatem violat, totam legem quodammodo violat: efficitur enim ita ſimpliciter tranſgreſſor legis, & reus mortis æternæ, ac ſi nullum vnquam præceptum ſeruaſſet. Et quemadmodum auctor operis imperfecti in Mattheum hom. 35. in 2. tom. S. Ioan. Chryſoſtomi, ei qui vnā ſolùm corporis partem non armatam reliquit, & inde vulnus accepit, & periit, nihil prodeſt, quod reliqua membra magno labore munierit; ita nihil prodeſt ad mortem æternam euadendam omnia præcepta ſeruare, ſi quis offendat, ac labatur in vno, cùm omnia ſint in charitate connexa, & qui charitatem violat, amicus Dei eſſe non poſſit.

Ex his autem perſpicuum eſt, B. Iacobum per offenſionem in vno, hoc loco non intelligere quamlibet offenſionem, ſed eam tantùm, quæ charitatem excludat, qualis certè non eſt offenſio, quam venialem dicimus, quippe quæ in hominibus iuſtis & charitate ſagranibus reperitur. Neque enim ſine charitate erat diſcipulus ille quem diligebat Ieſus, cùm

de ſe & cæteris diceret: *Si dixerimus, quia peccatum non habemus, nos ipſos ſeducimus, &c.* Quare S. Iacobus longè aliter accipit offenſionem, cùm dicit cap. 2. *Qui offendit in vno, factus eſt omnium reus*. Et cùm poſtea cap. 3. dicit, *In multis offendimus*: Ibi enim de offenſione mortali, hic de veniali loquutus eſt; & idè ibi de eo qui offendit in vno, ſubjunxit, *Factus eſt omnium reus*: hic autem addit, *Qui autem non offendit in verbo, hic perfectus eſt vir*. Vbi de ea offenſione loqui ſe declarauit, quæ perfectioni, non de ea, quæ neceſſariè integritati opponitur.

RESTAT vltimus locus ex Euangelio Mat. 5. quem locum præter cæteros vrget Caluinus in Antid. Concilij Trid. ſeſſ. 6. c. 12. vbi PRIMVM obſeruandum eſt, non dixiſſe Dominum, *Qui fecerit peccatum minimum, minimus vocabitur in regno cœlorum*, neque etiam dixiſſe, qui ſoluerit vnum ex his mandatis minimis, minimus vocabitur, &c. Sed: *Qui ſoluerit vnum de his mandatis minimis, & docuerit ſic homines, minimus vocabitur in regno cœlorum*. Vbi Dominus excludit à regno, non eos qui quomodocunque ſoluunt mandata legis diuinæ, ſed qui ſoluunt praua interpretatione illa deſtruentes, quod Scribæ & Phariſæi faciebant, qui ſic prædicabant dilectionem amicorum, vt inimicos odio haberi præciperet; & ſic adulterium damnabant, vt concupiſcentiam ſolo corde conceptam, prohibitam eſſe negarent. Hinc enim Dominus clamabat: *Non veni legem* (moralem videlicet) *ſoluere*, id eſt, abrogare, ac tollere: *ſed adimplere*, id eſt, perfectè explicare, & vires ad eam ſeruandam fidelibus ſuppeditare. Itaque hoc modo vnum ex minimis mandatis ſoluere, non eſt peccatum minimum, ac veniale, ſed ingens ac lethale crimen, cùm ſit deprauare ac corrumpere verbum Dei.

Et hoc modo intelligit hunc locum S. Hieron. in comment. vbi dicit, à Domino ſugillari Scribas, & Phariſæos, qui mandata diuina perperam exponendo corrumpebant. S. etiam Auguſt. in lib. 1. de ſerm. Domini in monte, c. 16. ſcribit, illud, *Qui ſoluerit, & docuerit ſic homines*, ita eſſe accipiendum, vt ſenſus ſit: *Qui ſoluerit, & docuerit ſic, id eſt, ſecundum id quod ſoluunt, non ſecundum id quod inueniunt, & legit*.

DEINDE ſi quis contendat, excludi hoc loco à regno cœlorum, non ſolùm qui peruerſè docet, ſed etiam qui non obſeruat mandata minima, etiamſi fortè rectè doceat; poſſumus aliam adhibere ſolutionem. Nam per mandata minima rectè poſſunt intelligi mandata legis veteris, *Non occides, Non mæchaberis, &c.* de quibus paulò ante dixerat, *Non veni legem ſoluere, ſed implere*. Et hoc modo hunc locum intelligit S. Auguſt. in lib. 1. de ſerm. Dom. in monte, c. 18. & S. Anſelm. in comment. Dicuntur enim illa minima, non quia peccatum minimum aut leue committant, qui ea præuariantur; ſed quia minus perficiant hominem, quàm ea quæ Chriſtus explicando & perficiendo tradidit. Minus enim perfectus eſt qui tantùm non mæchatur, quàm qui etiam non videt ad concupiſcendum; & minus perfectus eſt qui tantùm non occidit, quàm qui etiam nullum verbum contumelioſum dicit.

DEINQUE ſi quis omninò velit per mandata minima intelligi mandata quæ Chriſtus adiecit ſupra iuſtitiam Scribarum, & Phariſæorum, vt exponunt Chryſoſt. & Theophylaſt. tum ſolutionem tertiam adferemus. Dicemus enim mandata minima vocari, *Non concupiſcere mulierem alienam, Non dimittere propriam, niſi ob fornicationem, Non aliam ducere priore viuente, Non dicere proximo fatue, Non odiſſe inimicos, & ſimilia*, quæ vera & propria mandata ſunt, quæque ſine crimine violari non poſſunt.

Nam vt docent Chryfoft. & Theophyl. non vocauit ea Chriftus minima mandata, quia reuera fint leuia & exigua, fed vt modeste de rebus fuis loqueretur, & nos doceret etiam in hac doctrina humilitatem, vel etiam quia minus peccatum eft hæc violare, quam fuperiora. Minus enim malum eft concupifcere, quam re ipfa mœchari; & dicere fatue, quam occidere. Quocirca ficut non occidere & non mœchari funt minima, quoad perfectionem, vt dicebat S. Auguft. & S. Anfelm. & è contrario funt maxima, quoad reatum, quem inducunt, fi violentur; fic etiam non concupifcere, & non conuiciari, funt minima, quoad reatum, & è contrario funt maxima, quoad perfectionem.

SED OBJICES, inter Chrifti mandata non folum inueniri, Non conuiciari, fed etiam, Non irafci, & Non dicere raca, quæ qui non obferuent, peccant venialiter, & tamen iuxta Domini fententiam, qui mandata illa minima foluerit, minimus vocabitur in regno cælorum.

RESPONDEO, illa non effe proprie & per fe mandata, fed gradus eiuſdem mandati. Dominus enim explicare volens perfecte mandatum illud legis, *Non occides*, quod à Scribis & Pharifæis perperam exponebatur, docuit non folum re ipſa, fed etiam verbis, & cogitatione, proximum lædere peccatum effe; & fimul explicuit difcrimen horum graduum, cum ait: *Qui irafcitur, reus erit iudicio: Qui dixerit raca, reus erit concilio: Qui dixerit fatue, reus erit gehennæ ignis*. Itaque docuit, mandatum de non occidendo perfectiffimè obferuari ab eo, qui ne irafcitur quidem proximo fine caufa, fi verò quis leuiter irafcitur, itaut non prorumpat in vocem indignationis, aut certè non in apertum conuiciam, cum iam recedere à perfecta obſervatione legis, fed tamen cenſeri fecundum quid, non autem ſimpliciter præuicatore, & ideo non effe reum gehennæ ignis, fed pœnæ longè mitioris. Si quis autem manifeſtum conuicium in proximum iaciat, quod cerè ex amico pectore progredi nequit, tum demùm non à perfecta obſervatione, fed ſimpliciter ab obſervatione legis eum cecidiſſe, atque adeò reum gehennæ ignis factum effe, & fi reus effe ſimpliciter violatæ legis, qui verbo lædit, multò magis reum effe, qui verberibus, aut morte fratrem ſuum afficit. Atque hæc de prima obſectione.

Aliæ obſectiones ſumuntur ex alijs Scripturæ ſacræ testimonijs, quæ non ita directè, fed quaſi ex obliquo pugnare videntur contra ea, quæ nos ſuprà docuimus.

Eſt igitur SECUNDA obſectio, quam Ioan. Caluinus producit in medium, illud Matth. 22. *Dilige Dominum Deum tuum ex toto corde, &c.* Ex quo loco eiufmodi argumentum conficit in Antidoto Conc. Trid. ſeſſ. 6. c. 12. *Quæro*, inquit, *an nullum ſit omnino quodlibet leue peccatum, quod non legis obſeruantia repugnet? quæ enim vitioſa cogitatio obreperet in hominis animum, ſi totus Dei amore occupetur? non autem ſatisfit legi, niſi cum diligatur Deus ex toto corde.*

RESPONDEO, Dilectio Dei ex toto corde duobus modis intelligi poteſt: Vno modo, vt idem ſit ex toto corde, quod ſuper omnia alia integrè ac perfectè, vt nihil Dei amori anteponatur, vel adæquetur: Altero modo, vt ſemper actu Deus cogitetur, & diligatur, & ſic animum Dei amor occupatum teneat, vt nihil obreperere poſſit, quod ſit (non inquam) contra, fed præter Dei, vel proximi charitatem. Priore modo fatemur imperari nobis, vt Deum ex toto corde diligamus: ſed cum hac dilectione negamus pugnare peccata venialia, ac per hoc falſum effe contendimus repugnare obſeruantia legis quodlibet le-

ue peccatum. Poſteriore modo fatemur, nullam vitioſam cogitationem obreperere poſſe ei, qui totus in Dei amore occupetur: ſed eam dilectionem, quæ propria eſt beatorum, nobis in hac vita non propriè imperari, ſed tantùm indicari aſſerimus, vt nimirum ſciamus quo ſpem ac deſideria dirigere debeamus.

Hæc autem ita ſe habere in li. de Monachis. c. 2. & 13. iam antea demonſtrauimus. Sed hoc loco nobis illud vnum argumentum ſufficiet, quod Scriptura teſtetur Dauidem in toto corde ſuo ſequutum effe Deum, 3. Reg. 14. & ſimiliter Iofiam, 4. Reg. 23. & de Zacharia & Elizabeth ſcribat Luc. c. 1. Ambulaſſe eos in omnibus mandatis & iuſtificationibus Domini; neque enim dicerentur ambulaſſe in omnib. mandatis, qui primum & maximum, quod eſt de diligendo Deo ex toto corde neglexiſſent. Quod autem de Dauid, Iofia, Zacharia, Elizabeth Scripturæ teſtantur, ambigi non poteſt, quin etiam dici poſſit de Abrahamo, de Moyſe, de Helia, de Io. Bapt. de Apoſtolis Petro, Paulo, Ioanne, Iacobo, & cæteris; & tamen Ioannem dixiſſe ſciamus: *Si dixerimus, quia peccatum non habemus, nos ipſos ſeducimus*, 1. Io. 1. & Iacobum ſimiliter: *In multis offendimus omnes*, Iac. 3. Quare non repugnant obſeruantia legis imperantis dilectionem ex toto corde, leuia illa peccata quæ in illis fuerunt, qui Deum ex toto corde dilexerunt.

TERTIA obſectio ſumitur ex illo Ioan. 13. *Si non laueris te, non habebis partem mecum*. Nam S. Auguſt. in comment. huius loci interpretatur per lotionem pedum, purgationem à peccatis venialib. cuius expoſitionem ſequitur etiam S. Bernar. in ſerm. de coena Domini. Quod ſi peccata venialia excludunt à parte Domini, id eſt, à regno cæleſti; profectò natura ſua non venialia, ſed mortalia dicenda ſunt. Adde quod S. Baſil. lib. 1. de Baptiſmo, c. 2. dicit Iacobum ideo dixiſſe; *Qui offendit in vno, factus eſt omnium reus*, quia audierat à Domino, *Si non laueris te, non habebis partem mecum*. ex quo intelligimus, ad venialia peccata etiam pertinere illud; *Qui offendit in vno, factus eſt omnium reus*.

RESPONDEO, illud (ſi non laueris te, non habebis partem mecum) duobus modis exponi poteſt. Vno modo ad litteram de materiali pedum lotionem, vt videlicet notetur inobedientia Apoſtoli Petri, qui Domini parere nolebat in eo, vt ſineret ſibi pedes lauari; & hoc modo accepit S. Baſil. hanc Domini comminationem; & rectè dixit, tale peccatum effe non obedire Domino, vt qui in ea vna re offendat, fiat omnium præceptorum reus; non enim veniale, ſed mortale peccatum fuiſſe, ſi Apoſt. Petr. perſpecta Domini voluntate obſtinatè reſiſtere omnino decreuiſſet.

ALTERO modo de ſpirituale lotionem à peccatis venialibus, quomodo acceperunt hunc locum S. Aug. & S. Bernar. præſertim propter illa verba: *Qui lotus eſt, non indiget, niſi vt pedes lauet*; quibus verbis ſignificatur homines iuſtos effe quidem lotos, & tamen egere in hac vita purgatione à peccatis venialibus quaſi ſordibus pedum ex humana cōuerſatione contractis. Quamuis autè fieri non poſſit, vt quis cum eiufmodi ſordibus in regnum cælorum ingrediatur, quo nihil coinquinatum intrahit, Apoc. 21. & ideo rectè dictum ſit, *ſi non laueris te, non habebis partem mecum*; tamen non ſimpliciter eiufmodi peccata excludunt à regno, ſed ſolum ad tempus, donec videlicet purgata non fuerint; & quia non merentur ex natura ſua pœnam æternam, ſed temporalem, ideo ex natura ſua non excludunt à regno niſi pro tempore illo, quod ad ſui purgationem exigunt.

QUARTA obſectio ſumitur ex illo Matt. 10. *Qui cumq; dederit vni ex minimis iſtis calicem aquæ frigida, non perdet mercedem ſuam*. Sic enim quidam ratiocinan-

tur; Minima opera bona merentur vitam æternam, vñ ex testimonio allato perspicuum est; igitur & minima peccata merentur supplicium sempiternum.

RESPONDEO, multis modis argumentum hoc peccat. PRIMVM enim non ait Dominus de eo qui dedit calicem aquæ frigidæ, vitam æternam possidebit, sed, *non perdet mercedem suam*. Quare ex testimonio effici non debet minima peccata mereri mortem æternam, sed non perditura esse pœnam suam, quod quidem libenter concedimus, sed non continuo pœna illa erit sempiterna. Deinde etiam si Dominus disertis verbis promississet regnum cœlorum ijs qui darent calicem aquæ frigidæ, non tamen consequens esset, ut minimo peccato deberetur pœna gehennæ. Dare enim minimo operi maximum præmium, ingens liberalitas & misericordia esset. Dare autem minimo peccato maximam pœnam, iniustitia, & crudelitas esset. Denique dare calicem aquæ frigidæ ex charitate Dei, non est minimum opus, sed valdè magnum, & verè meritorium vitæ æternæ; huic autem operi bono non est opponendum peccatum veniale, quod simul cum charitate consistit, sed mortale, quod charitati repugnat. Quodlibet autem peccatum charitati repugnans, etiam si alioqui minimum videatur, non minimum, sed magnum erit, & verè mortis æternæ meritorium.

Aliæ quædam objectiones proponi possent ex illis Scripturæ testimonijs, quæ docere videntur, animas in Purgatorio non esse certas de salute; ex quo deducitur, peccata venialia quæ in illis fortè hærent, cum de hac vita discedunt, mortem sempiternam promereri. Sed hæc solutæ sunt in 2. lib. de Purgat. c. 5.

CAPVT XIII.

Soluntur objectiones ex Patribus.

IAM verò ex Patribus primo loco obijci solet S. Basil. qui in quæstionibus compendio explicatis q. 4. scribit, nullum peccatum esse contemnendum ut paruum, cum reuera nullum sit paruum, quando B. Paulus de omni peccato generatim pronunciauerit, stimulum mortis peccatum esse; & rursus q. 293. affirmat in nouo Testamento nullam inueniri differentiam grauium & leuium peccatorum.

RESPONDEO, Non certò constat an ex quæstiones sint Magni Basilij, an potius Eustachij Sebasteni, cuius multi & graues errores damnantur in Concilio Gangrensi. Huic enim auctori à multis hoc opus olim adscriptum fuisse testes sunt Sozom. lib. 3. hist. c. 13. & Niceph. lib. 9. c. 16. & lib. 13. c. 29. Huc etiam accedit, quod auctor harum quæst. q. 1. & q. 95. non videtur admittere traditiones non scriptas, cum è contrario S. Basilij in lib. de Spiritu sancto ad Amphilochem, c. 27. acriter eas defendat. Quare cum valdè probabile sit eas quæstiones editas esse ab homine parum probatæ fidei, non est cur earum testimonium magni faciamus.

Possumus tamen eas sententias, cuiuscunque sint, in bonum sensum explicare. Solùm enim videtur auctor ille demonstrare voluisse, nullum peccatū apud Christianos, ac potissimum apud Monachos, ut paruum, ac leue contemnendum esse. Quamuis enim vñ peccatum sit alio grauius, ut idem auctor docet q. 106. tamen omnia etiam leuissima Christiano homini, à quo maior vitæ perfectio exigitur, quàm à Iudæo, pro vitijs cauenda sunt. Quod si id Christianis in commune rectè præcipitur, quanto magis Monachis, quos auctor ille potissimum instituendos suscepit, præcipiendum erit? Quod verò ille addit omne peccatum esse stimulum mortis, potest etiam admitti, quia omne peccatum aut mortem efficit, si

est mortale; aut ad eam disponit, si est veniale.

SECUNDO loco obijci potest testimonium S. Hieronymi, qui in 2. dial. aduers. Pelagianos ante mediam, videtur omnia peccata habere pro mortalibus, cum ita loquitur: *Si ira, & sermone iniuria, atque interdum iocus, iudicio, concilioque, & gehennæ ignibus delegatur, quid merebitur impium rerum appetitus, & auaritia, quæ radix est omnium malorum?*

RESPONDEO, Sine vlla dubitatione S. Hieronym. non accepit illos reatus coniunctim, quali existimauerit, iram, vel iocum reos homines eiacere iudicij, concilij, & gehennæ ignis. Si enim hoc vellet, pugnaret cum ipsa Domini sententia, quam ipse idem Hieronym. paulò ante adduxerat. Siquidem in ea sententia tres reatus tribus peccatorum generibus, vel potius tribus gradibus eiusdem peccati respondent, singuli singulis, non singulis omnibus. Et quamuis Hieronym. in enumerandis gradibus peccati, primo loco posuerit iram, 2. sermonis iniuriam, 3. iocum: In enumerandis autem reatibus, primo loco posuerit iudicium, 2. concilium, 3. gehennam ignis: Iamen non respondet ioco gehennæ ignis, sed sermonis iniuriæ, ut ex Euangelij textu colligitur. Quare S. Hieronym. non habuit rationem ordinis in illa enumeratione, sed tantum numeri.

TERCIO, obijciunt aliqui S. Augustinum, qui in lib. 2. de peccat. merit. & remiss. c. 3. habet hæc verba: *Quis enim spe aliqua adipiscenda salutis æternæ, de hac vita in græuē, manente illa sententia, quod quicunque totam legem seruauerit, offēdat autem in vno, factus est omnium reus, nisi post penitentiam sequatur, superexultat autem misericordia iudicis? Videtur enim his verbis S. August. significare peccata quæcunque etiam venialia, ex se mereri mortem æternam, & reuera ob quodlibet peccatum damnandos homines, nisi misericordia iudicij mitigaret. Cui sententiæ similis est illa eiusdem auctoris, in epist. 129. Cum Rex iustus sederet in throno, quis gloriabitur castum se habere cor? aut quis gloriabitur mundum se esse à peccato? quæ igitur spes est, nisi superexultet misericordia iudicis? Et illa ex confell. lib. 9. cap. vit. Væ etiam laudabili vita hominum, si remota misericordia discedat eam.*

Sunt præterea multa loca eiusdem auctoris, quæ docent, multa venialia simul collecta damnare hominem; ex quo sequi viderur, ut si pauca venialia non damnent, id fiat ex misericordia Dei, non ex natura ipsius peccati. Loca sunt hæc: In epist. 129. ad Hieronymum: Denique, inquit, sanctus Iacobus iam ex isto loco de misericordia operibus loquitur, ut quos vehementer illa sententia terruerat, consoletur, cum admonet quomodo etiam quotidiana peccata (sine quibus hic non vivitur) quotidianis remedijs expiantur, homo, qui cum in vno offēderet, fiat omnium reus: in multis offendendo, quia in multis offendimus, propter magnum aggerem reatus sui minutatim collectam, ad tribunal tanti ludicij perueniat, & eam, quam non fecit, misericordiam non inueniat, sed potius dimittendo, atque dando, mereatur suos dimitti peccata, red-dique promissa. In epist. 108. ad Seleucianum: Est etiam, inquit, penitentia bonorum & humilium factuum pœna quotidiana, in qua pectora tundimus, dicentes: Dimitte nobis debita nostra, sicut & nos dimittimus debitoribus nostris. Neque enim ea nobis dimitti volumus, quæ dimissa non dubitamus in baptismo, sed illa vitæ, quæ humana fragilitati, quamuis parua, tamen crebra subreperunt: quæ si collecta contra nos fuerint, ita nos gravabunt, & opprimunt, sicut vñ aliquod grande peccatum. Quid enim interstet ad naufragium, vitæ vno grandi fluctu nauis operari, & obstruatur, an paulatim subrepens aqua in finitima, & per negligentiam deuersa, atque contempta, impleat nauem, atque submergat? In concione 3. super Psal. 118. Sed quoniam,

inquit, tentatio est vita hominis super terram, etiamsi à criminibus longè finis, non tamen deest, ubi desiderys peccati vel facti, vel dicti, vel cogitati obediamus, quando aduersus maiora vigilantibus quædam incautus minuta subre-punt, que si aduersus non colligantur, etiamsi non singula suis motibus conuertunt, omnia tamen aceruo nos obruunt. Tract. 12. in Ioan. Quomodo, inquit, minuta peccata si negligan-tur, occidunt? minuta sunt gutta, que flumina implent. Mi-nuta sunt grana arena, sed si multa arena imponatur, premi atque opprimat. Hoc facit sentina neglecta, quod fluctus ir-ruens paulatim per sentinam intrat: sed diu intrando, & non exhauriendo, mergit nauis. Denique tractatu 1. in epist. Ioan. Ista leuia, inquit, que diximus, uoli contem-neri: si contemnunt, quando appendis, expauesce quando nu-meras. Leuia multa faciunt unum grande. Multa gutta im-plent flumen. Multa grana faciunt massam.

RESPONDEO, Duo quædam pro compertis haben-da sunt, ex quibus pendet horum locorum explica-tio. PRIMVM est, S. Augustinum non existimasse eum qui venialiter offendit in vno, fieri omnium reum, iuxta sententiam S. Iacobi, sed solum eum qui lethaliter offendit. Id quod perspicuum est ex epist. 29. ad Hieron. ubi S. August. non semel repetit idèd, qui offendit in vno, fieri omnium reum, quia pugnat contra charitatem, ex qua pendent omnia mandata. Quare ex sententia S. Augustini, qui peccat salua charitate, non ita offendit, ut fiat omnium reus. Idem autem S. August. in eadem epist. scribit, peccata ve-nialia committi à filiis Dei iustis & charitatem ha-bentibus, sed non tantam, quantam in patria cælesti habebunt. Ex eo enim quod non est in hac vita cha-ritas tam perfecta, quam erit in futura vita, omnia peccata venialia committi dicit.

Ita vult peccata lethalia simpliciter cum charitate non posse consistere: peccata autem venialia consi-tere quidem cum charitate, sed non cum perfectio-ne illa charitatis, quam habebimus in patria. Ex quo sequitur, ut qui lethaliter offendit in vno, fiat om-nium reus, non autem qui venialiter. Quocirca in extrema epist. ubi loquitur de peccatis venialibus, dicit eos qui multa peccata leuia & quotidiana com-mittunt, terri à B. Iacobo dicente: *Qui offendit in vno, factus est omnium reus*: non quia vnum peccatum leue & quotidianum eam vim habeat, ut faciat om-nium reum; sed quia magna congeries peccatorum leuium videatur æquare vnum aliquod grande pec-catum, quod qui commiserit, fiet omnium reus. Hoc enim significant illa verba suprà citata, quos vehementer illa sententia terruerat, consolatur, cum admonet, quomodo etiam quotidiana peccata, sine quibus hic non viuitur, quotidianis remedijs expien-tur, ne homo qui cum in vno offenderit, fiat omnium reus, in multis offendendo, quia in multis offendimus, propter magnum aggerem reatus sui minutatim col-lectum, ad tribunal tanti iudicis perueniat, &c.

ALTERVM est, sententias illas S. Augustini, in qui-bus docet multa peccata leuia simul collecta occide-re, & damnare hominem, non secus atque vnum grande peccatum, non sic esse accipiendas, quasi multitudo peccatorum venialium, dum venialia ma-nent, æquari possit vni mortali. Id enim apertissimis rationibus conuincitur esse falsum. Nam venialia peccata, ex consensu omnium Theologorum, ne-que tollunt, neque minuunt habitum charitatis, sed solum actum & feruorem eius impediunt; quare etiamsi omnia peccata venialia simul colligerentur in vnum, nunquam efficerent id quod facit vnum lethale peccatum, quod videlicet continuo charita-tem excludit. Deinde pœna mortalis peccati sempiterna est, pœna venialis temporaria: At nulla spacia

A temporalia æternitatem adæquare queunt; Igitur nec vlla multitudo venialium peccatorum vnus mortalis peccati grauitatem vnquam adæquabit. Si-quidem ea est proportio pœnæ ad pœnam, quæ cul-pæ ad culpam, cum pœna sequatur culpam. Adhuc si multa venialia vni mortali æqualia essent, incredi-bilis ambiguitas in animis fidelium existeret, cum neque Scripturæ, neque Concilia, neque vlli aucto-res vnquam definiunt, quot venialia requirantur ad vnum mortale efficiendum. Denique oporteret ve-nialia peccata, cum multa sunt, necessario in confes-sione sacramentali Sacerdotibus aperire: quod & Concilio Trident. sess. 14. cap. 5. & communi Chri-stianorum sensui, & consuetudini repugnat.

B Sententia igitur S. August. (ut rectè docet B. Tho. in 1. 2. q. 88. art. 3.) ea fuit, multa venialia, si contem-nantur & negligantur, paulatim disponere hominem ad mortale crimen: quemadmodum vulnus curabi-le si negligatur, paulatim gignit apostema lethife-rum, & eo modo dicitur fieri incurabile. Id quod apertius scribit S. Greg. lib. 10. Moral. cap. 14. illis verbis: *Si curare parua negligimus, insensibiliter seducti, audenter etiam maiora perpetramus*. Et ante utrumque idem scripsit Ecclesiast. cap. 19. cum ait: *Qui spernit modica, paulatim decideret*. Posset etiam dici, multa ve-nialia, secundum Augustini sententiam æquari vni mortali, quoad pœnam temporalem in Purgatorio luendam.

C His duobus præmissis, RESPONDEO ad primum testimonium ex libro secundo de peccatorum meri-tis & remissione, duabus de causis S. Augustinum scripsisse, *Quis cum aliqua spe adipiscenda salutis, &c.* PRIMO, quia quodlibet crimen quamuis solum & minimum sit, sufficit ad æternam hominis perditionem, & nemo certò nouit, an non habeat, vel ha-buerit aliquod eiusmodi crimen, vnde iram Dei sibi conciliauerit, & ad gratiam eius per veram pœnitentiam non redierit. Et idèd nemo cum spe adipiscen-dæ salutis de hac vita migraret, nisi sciret se bonum dominum habere, & speraret per eius misericordiam peccata sua, præsertim lethalia, iam esse dimissa.

D DECVNDO, quia in venialibus offendimus omnes, multa autem venialia disponunt (ut diximus) ad mortale; qui verò offendit in vno mortaliter, effici-tur omnium reus. Idèd nisi Deus prouidisset nobis quotidiana remedia ad quotidiana purganda pecca-ta, nemo ferè esset, qui cum spe aliqua adipiscenda salutis, de hac vita migraret.

Ad ALTERVM locum ex epistola 29. & ad ter-tium ex libro nono confess. RESPONDEO, loqui S. August. de pœna Purgatorij, quæ acerbissima est, & quam vix vlli iusti homines, nisi ex magna Dei mi-sericordia, euadunt, itaut rectè ex corpore ad cælum euolent. Hoc autem ita esse perspicuum est ex eo-dem libro nono confess. cap. ult. Nam oraturus Au-gustinus pro anima matris suæ defunctæ, quam ve-ehementer laudauerat, ne quis fortè miraretur, cur pro ea oraret, quam tantopere commendauerat, red-dit rationem, dicens: *Væ etiam laudabili vita hominum, si remota misericordia discutias eam*. Vbi si illud *Væ*, re-spiceret damnationem æternam, non fuisset ratio, cur pro defuncta matre orandum esset; neque enim pro damnatis orare licet.

Itaque significare voluit, homines etiam vitæ lau-dabilis, non carere peccatis venialibus, ob quæ, si seuerè iudicentur, grauissimas pœnas in Purgatorio luere debeant. Pœnas autem Purgatorij maiores es-sse omnibus pœnis & supplicijs huius vitæ, & pro-pterea rectè dici, *Væ illis*, qui ad eas luendas descen-dunt, testatur idem Aug. tract. in Psal. 37. ubi sic ait:

Saluus erit quafi per ignem, grauior tamen erit ille ignis, quàm quidquid potest homo pati in hac vita. Ad alia loca iam refponfum eft.

CAPVT XIV.

Diluuntur obiectiões ex naturali ratione petite.

SUPERVNT adhuc pauca quædam obiectiões, quæ ex ipfa naturali ratione ducuntur.

PRI^{MA} obiectio: Qualibet culpa iuste potest à Deo puniri pœna mortis, & temporalis, & æternæ; Igitur quælibet culpa natura sua mortalis est, & sola Dei misericordia venialis. Antecedens probatur. Nam malum culpæ, etiam leuissimæ, maius est quolibet malo pœnæ etiam grauissimæ; igitur iuste potest quælibet culpa puniri quauis pœna etiam mortis æternæ. Antecedens huius argumenti posterioris probatur, quia potius subeunda est quæuis pœna, quamuis grauissima, quàm peccatum aliquod etiam leuissimum perpetrandum; nam alioqui peccatum aliquando licitum esset, quod nullo modo fieri potest, cùm repugnantia sint, aliquid esse peccatum, & esse licitum.

RESPONDEO, potest quidem Deus de rebus suis facere quicquid libuerit, & non solum hominem qui venialiter peccauit, interficere, sed etiam in nihilum redigere; tamen si id faceret, Dominum se probaret, non Iudicem. Nam (vt S. August. ait lib. 3. aduersus Iulian. c. 18.) *Bonus est Deus, iustus est Deus, potest aliquos sine bonis meritis liberare, quia bonus est: non potest quemquam sine malis meritis damnare, quia iustus est.* Ita possumus & nos dicere: Bonus est Deus, iustus est Deus. Potest aliquos supra condignum remunerare, quia bonus est; non potest quemquam supra condignum punire, quia iustus est. Quare negamus quod in antecedenti illo assumitur, posse Deum iuste punire peccatum quodlibet, etiam veniale, pœna omnium grauissima, quæ est mors æterna.

Ad probationem **R**ESPONDEMUS, culpam quidem, etiam leuissimam, esse maius malum, quàm sit pœna quæcunque, etiam grauissima. Nam culpa est malum simpliciter, & nullo modo eligibilis; pœna autem est malum illi qui punitur, non tamen simpliciter, quin etiam bona & iusta dici debet, & est eligibilis ad vitandum malum culpæ. Sed non idè debetur maxima pœna leuissimæ culpæ, quia pœna ex genere suo minus est malum; quàm culpa. Non enim debetur culpæ ex ratione iustitiæ maximum aliquod malum simpliciter, sed malum pœnæ, quod cum malo culpæ proportionem habet; itaut grau culpæ grauis pœna, grauiori grauior, grauissimæ grauissima; & contrà, leui leuis, leuiori leuior, leuissimæ leuissima pœna respondeat. Itaque tamen mors potius oppetenda sit, si optio detur, quàm otiosum verbum proferendum; non tamen otiosum verbum prolatum, sempiterna morte vindicandum erit, quo supplicio parricidia, atque adulteria, aliaque eiusdem generis crimina vindicantur.

AL^{TERA} obiectio. Peccatum veniale infinitam habet malitiam, estq; infinito odio dignum; Igitur infinitam pœnam ex natura sua meretur. Probatur antecedens: nam non debet peccatum veniale committi ad quoduis bonum, etiam infinitum adipiscendum; ergo non minus est odibile peccatum veniale, quàm sit amabile bonum infinitum; bonum autem infinitum infinito amore dignum est, ergo peccatum veniale infinito odio dignum est, habet igitur peccatum veniale infinitam malitiam, sicut bonum infinitum infinitam bonitatem.

RESPONDEO, Peccatum veniale non habet malitiam infinitam, cùm non auertat hominem à Deo,

summo atque infinito bono. Ea enim causa est, cur peccatum mortale dicatur infinitam malitiam habere, quia mutat vltimum finem, ac facit vt homo, relicto Deo, qui verè est infinitus, in rem creatam, vt in suum finem vltimum conuertatur. Quod autem non oporteat peccatum veniale committere ad bonum infinitum adipiscendum, non est ea ratio, quia sit ipsum etiam malum infinitum, sed quia est simpliciter malum, vt non possit vilo modo fieri bonum, ac per hoc non sit eligibile, neque medium ad vllum bonum consequendum.

TERTIA obiectio, Peccatum veniale potest nunquam remitti; atqui peccatum quod nunquam remittitur, semper puniri potest: igitur peccatum veniale semper puniri potest; proinde quod temporaliter, & non in æternum puniatur, non est ex natura eius, sed ex misericordia Dei. Propositio huius argumenti probatur: nam peccatum veniale remitti non potest sine gratia Dei; quod autem ex gratia Deus facit, potest haud dubio non facere: igitur potest veniale peccatum nunquam remittere. Et confirmari potest argumentum ex sententia S. Thomæ, qui in 1.2. q. 87. art. 5. scribit, peccata venialia in hominibus ad inferos condemnatis, sempiterno supplicio puniri.

RESPONDEO, Peccatum veniale potest nunquam remitti, sed non oritur id ex natura ipsius peccati, sed aliunde. Possunt autem duo quædam in peccato considerari. Primo deformitas, siue macula quæ ex peccato relinquitur in anima. Secundo reatus pœnæ ob iniuriam Deo factam. Et quidem deformitas quam parit peccatum mortale, oritur ex amissione gratiæ Dei, quæ est quasi lux quædam, & vita ipsius animæ; & quia nemo potest seipsum à morte reuocare, idè peccatum mortale, quod tollit principium vitæ, id est, gratiam, ex natura sua est quodammodo irremissibile. Nihil enim relinquit in homine, vnde per se resurgere possit; sed si fortè resurgit, id fit ex peculiari & magna Dei misericordia: at peccatum veniale non excludit gratiam Dei, non tollit principium vitæ, sed tantum impedit aliquo modo feruorem charitatis, & idè propriè non efficit maculam, seu deformitatem in anima; quod si deformitas dicenda sit priuatio illa feruoris, ea facile tolli potest per actum dilectionis, qui quidem est in potestate hominis iusti, & habitu charitatis præditi. Quare peccatum veniale, quod attinet ad maculam, seu deformitatem, non est ex natura sua irremissibile, sed remissibile, cùm relinquit in homine charitatem, ex cuius actu facile remitti potest.

Quod si in homine peccatore sit veniale peccatum, in eo irremissibile erit, donec non remittitur peccatum mortale. Sed hoc erit per accidens, nimirum ratione subiecti, quia videlicet homo ille gratia Dei & vita spiritali priuatus, non potest actum vllum charitatis efficere, quo peccata venialia deleat. Quod autem attinet ad reatum, peccatum mortale per se inducit reatum pœnæ sempiternæ, sicut per se est irremissibile. Neque enim debet deformitas sempiterna sine pœna sempiterna manere, vt pulchritudo, quæ de operibus Dei per culpam perpetuo tollitur, per decorem iustitiæ perpetuo reparatur. Contrà autem veniale peccatum quemadmodum non est per se & ex natura sua irremissibile, ita non inducit per se & ex natura sua reatum pœnæ sempiternæ, sed temporalis, quamuis per accidens fieri possit, vt per omnem æternitatem puniatur, sicut per accidens fieri diximus, vt aliquando per omnem æternitatem minimè deleatur.

Ex his ad formam argumenti propositi responde-

mus, ac primùm concedimus, peccatum veniale poſſe nunquam remitti, & ſemper puniri, ſed per accidens, ut diximus, non per ſe. Ex quo etiam ſoluitur confirmatio ex auctoritate ſancti Thomæ.

Ad illud autem quod obijciebatur in probatione propoſitionis (peccatum veniale remitti non poteſt ſine gratia; quod autem ex gratia Deus facit, poteſt non facere: igitur poteſt veniale peccatum nunquam remittere.) **RESPONDEMVS**, vel gratiam in argumento ſumi pro habitu gratiæ in anima inhærente, vel pro liberali condonatione pœnæ. Et quidem ſi accipiatur pro habitu gratiæ, non negamus abſque gratia peccatum remitti non poſſe: ſed eam gratiam iam habet homo iuſtus, qui peccatum veniale purgare debet, proinde non eget noua infuſione gratiæ, ſed ſatis illi erit, ſi ex ipſa gratia quam habet, actum aliquem dilectionis eliciat. Si verò gratia accipiatur pro liberali condonatione pœnæ, fatemur poſſe Deum abſolutè non condonare pœnam, quod enim ex gratia facit, poteſt non facere: ſed tamen cùm promiſerit diſſertis verbis in Euangelio donum remiſſionis, ſi &

A ipſi remiſerimus debitoribus noſtris: *Si enim remiſeritis hominibus* (inquit Matth. 6.) *peccata eorum, dimiſerit & vobis Pater vſter cœleſtis delicta veſtra*: Profectò ſi non abſolutè, certè ratione promiſſionis & pacti non poterit non remittere, ſi & nos remiſerimus, eique dixerimus, ut ipſe nos docuit: *Dimiſſe nobis debita noſtra, ſicut & nos dimiſimus debitoribus noſtris*. Itaque S. Auguſt. in lib. de correptione & gratia, c. 13. dicit, in iudicio miſericordiam bonis meritis iuſtorum eſſe reddendam. Merentur enim qui bene operantur, ut Deus miſericorditer indulgeat, ſi quid manente charitate deliquerint.

Adde **POSTREMO**, quod ſi veilet Deus non condonare, ſed omninò exigere pœnam peccati venialis ab eo, qui culpam ipſam venialem per actum dilectionis purgaſſet, temporalem tantùm, non autem ſempiternam exigere poſſet. Quocirca etiamſi nullum eſſet pactum Dei nobiſcum de remiſſione pœnæ, adhuc tamen perſpicuum eſſet, peccatum veniale ex natura ſua non inducere reatum pœnæ ſempiternæ. **B** Atque hic ſit huius diſputationis terminus.

LIBER SECVNDVS, DE STATV PECCATI;

Qui eſt de cauſa peccati primi hominis, ac de cauſa peccati in genere.

DISSERVIMVS in primo libro de peccati definitione, & partitione: nunc de peccato primi hominis, cuius merito diuina gratia iacturam genus humanum fecit, Deo iuuante diſſeremus. Ac **PRIMUM** quidem de cauſa illius peccati, **TVM** de ipſo peccato diſputandum erit. Porro de cauſa peccati illius, atque adeò de cauſa peccati in vniuerſum, grauiffima controuerſia eſt, quænam ſit propria & præcipua cauſa peccati, an ea videlicet in hominem, an potius in Deum referenda ſit. Qua controuerſia explicata, ubi conſiſterit Deum non eſſe cauſam peccati, ſubiicientur tres aliæ queſtiones breuioreſ de tentatione, quam ſatis conſtat cauſam fuiſſe minus principalem & extrinſecam eiſdem peccati: **VNAM**, cur Deus tentari permiſerit primum hominem, quem non ignorabat ea tentatione vincendum: **ALTERAM**, quid fuerit ſerpens ille, qui primum hominem in Paradifo tentauit: **TERTIAM**, qualis fuerit illa tentatio.

CAPVT PRIMVM.

De erroribus circa primariam cauſam peccati.

MULTI fuerunt, tum ex antiquis, tum ex recentioribus hæreticis, qui primariam peccati cauſam, ingenti blaſphemia in Deum ipſum retulerunt. **PRINCEPS** huius erroris ille ipſe fuit, qui ſimpliciter **PRIMVS** talis dicitur omnium hæreticorum. Sic enim de Simone Mago ſcribit Vincentius Lirinensis in commonitorio aduerſus profanas vocum nouitates: *Quis ante Magum Simonem Apoſtolica diſtinctione percuſſum, à quo vetus ille turpitudinum gurgis uſque in noſtriſſimum Præſcillianum continua, & occulta ſucceſſione manauit, auctorem malorum, id eſt, ſclerum, impietatum, flagitioſarumque noſtrorum auſus eſt dicere Creatorem Deum?*

DEINDE Cerdoniſtæ, Marcioniſtæ, Manichæi, Præſcillianiſtæ, Albigenſes, qui varijs ſæculis, & in diuerſis regionibus ſcholas impietatis aperientes, duoque prima principia, ac veluti duos Deos, vnum bonum, alterum malum introducentes, primariam

A peccati cauſam Deum malum eſſe voluerunt. De Cerdoniſtis, vide Tertullianum in libro de præſcriptione aduerſus hæreticos. De Marcioniſtis, Irenæum lib. 1. cap. 19. aduerſus hæreſes. De Manichæis, S. Auguſtinum in lib. de hæreſibus, cap. 49. De Præſcillianiſtis, S. Leonem in epistoſola ad Turbium 95. cap. 6. De Albigenſibus, S. Antoninum in Summa Theologica, part. 4. tit. 11. cap. 7. §. 5. Sed quamquam illi omnes Deum peccati cauſam eſſe dicerent, tamen ſententiam ſuam aliquo modo temperabant. Nam Simon Magus non docebat apertè Deum velle, aut imperare, aut etiam efficere mala: ſed ea ratione peccatorum noſtrorum cauſam eſſe, quod eam naturam nobis dederit, quæ non poſſit non peccare. Cerdon, Marcion, Manichæus, & cæteri, qui duo rerum principia ſtatuebant, referebant quidem peccati cauſam in principium quoddam primum, & ſempiternum: ſed illud non Deum, ſed diabolum, aut certè Deum non bonum, ſed malum nominabant.

PRIMVS igitur qui aperte Deum, & bonum Deum auctorem peccati fecit, Florinus quidam fuit, qui ex Montani discipulo, per nouum hoc dogma hæresiar-cha fieri meruit. De quo Florino rectè scripsit Iren. (vt refert Cæsariensis lib. 5. hist. cap. 20.) eum fuisse plusquam hæreticum, cum id ausus fuerit palam asserere, quod nullus hæreticorum vsque ad id tempus asseruerat. S. August. in lib. de hæres. c. 50. scribit Seleucianorum hæresim fuisse, malum aliquando esse à Deo, aliquando à materia. Sed non explicuit, an de malo naturali, an de morali, quod propriè dicitur peccatum, Seleuciani loquerentur.

Florinum, Irenæo (vt diximus) plusquam hæreticum, nostro hoc sæculo non pauci sequuti sunt. Precepti sunt, qui dicuntur Libertini, quorum sectam (quoniam alios auctores non habemus) ex Calu. didicimus, & ex eodem historiam quam hoc loco recensemus, petere coacti sumus. Scripsit enim Io. Calu. duos libros aduers. Libertinos, quorum alter inscribitur: Instructio contra Libertinos, alter est epist. ad Rotomagenes aduersus Franciscanum quendam Libertini erroris sectarium. Igitur auctores dogmatis fuerunt Coppinus, & Quintinus, Sutores Flandri; quorum alter, id est Quintinus, Tornaci à Catholico Magistratu, tum ob multa flagitia, tum etiam ob nouam, eamque valde perniciosam hæresim, interfectus est, sed prius erroribus abjuratis.

PRIMARIVS eorum fuit error, vnum esse tantum spiritum immortalem, videlicet Deum: Angelos, demones, animas, nihil esse præter opinionem. Hinc verò multa, eaque absurdissima dogmata colligebant. **PRIMVM** erat, quæcunque fieri videntur ab hominibus, siue bona, siue mala illa sint, omnia fieri non ab hominibus, sed ab illo vno spiritu Dei, qui omnia in omnibus operatur.

ALTERVM, peccatum nihil esse præter inaniem, & falsam opinionem, cum Deus omnia faciat, qui nihil mali facere potest.

TERTIVM, non debere reprehendi eos, qui occidunt, mæchantur, furantur; id enim esset Deum reprehendere.

QVARTVM, regenerationem esse depositionem conscientie, abjectionem scrupulorum, ignorantiam discriminis inter bonum & malum. Nam in statu innocentie ignorabat Adam discrimen boni & mali, atque ad eum statum redire dicunt Libertini eos, qui sine scrupulo quidlibet agunt, & hanc esse Christianam libertatem, & mortificationem veteris Adami. Quocirca si quem vident reformidare actiones malas, dicere solent, O Adam, adhuc aliquid vides, adhuc pomi illius gustum retines.

QVINTVM, penitentiam nihil esse aliud, nisi agnoscere & profiteri se nihil egisse mali, atque ea de causa dicunt, Petro peccatum fuisse dimissum, quia crediderit se non peccasse, cum Christum negauit; Iudæ non fuisse dimissum, quia crediderit se peccasse, neque potuerit conscientiam illam exuere, vt ex illis eius verbis cognoscitur: Peccaui tradens sanguinem iustum.

SEXTVM, posse hominem in hac vita ad summam perfectionem & innocentiam peruenire, quia videlicet, si abijciat omnes scrupulos, omni peccato carebit.

SEPTIMVM, Christum nihil esse nisi quiddam compositum ex spiritu Dei & opinione. Tunc autem mortuum esse Christum, quando aboleuit illam opinionem, quod peccatum sit aliquid; tunc verò ab inferis rediisse, & nos omnes in vitam reuocasse, cum docuit, nos esse ipsum Dei spiritum, qui semper viuit, & regnat, neq; aliam expectandam esse resurrectionem.

OCTAVVM, licitum esse simulare, ac dissimulare omnia, & cum Catholicis Catholicè, cum Lutheranis Lutheranè viuere.

NONVM, Scripturas sacras non esse magnificandas, cum spiritus sufficiat. Porro ipsi Libertini non solum Scripturas, sed etiam Scriptores sacros ita contemnebant, vt per contumeliam S. Ioannem iuuenem stolidum, S. Matthæum fœneratorem, S. Paulum vā contractum, S. Petrum Christi abnegatorem nominarent.

Quamuis autem horrendas istas blasphemias Caluinus detestari se dicat, & eas etiam (vt diximus) editis libellis refutare conatur, omnino tamen probabile est, vt Anabaptistæ ex Lutheranis, sic Libertinos ex Calvinianis promanasse. Nam in libris Caluini & Magistri eius Zuinglij, ac discipuli eius Bezæ, necnon Martini Buceri, & Petri Martyris, qui in multis cum Caluino conueniunt, inueniuntur apertissime sententiæ, ex quibus colligitur Deum esse auctorem omnium scelerum, quæ ab omnibus perpetrantur.

Docuerunt enim olim Lutherus & Melanchthon, vt perspicuum est ex assertione art. 36. vbi Lutherus scribit, neminem habere in potestate, vt cogitet bonum vel malum; & clarius ex commentario Melanchthonis in ca. 8. ad Rom. vbi legimus, sic esse opus Dei Dauidis adulterium, & Iudæ proditionem, vt Pauli vocationem. Cæterum vterque sententiam retractauit. Nam Lutherus in lib. de visitatione Saxonica, agnoscit, & docet liberum arbitrium in rebus ciuilibus tam ad bonum, quam ad malum; & Melanchthon in locis communibus anno M. D. XXXVI. editis, titulo de causa peccati, studiosè refellit sententiam illam, quæ refert in Deum actiones malas. Multi enim Lutheranorum, vt Heshusius, Castalio, & alij, Caluini sententiam de causa peccati libris editis refutarunt. Quæ sit autem Caluini sententia, in tertio capite demonstrabimus.

CAPVT II.

Explicatur status questionis.

QVIA præcipua controuersia cum Zuinglio, & Caluino, & ijs qui in eodem errore versantur, disputanda est; operæ pretium esse duxi, statum questionis breuiter explicare: nam si sub his verbis controuersia proponatur, An Deus sit auctor malorum; vel, An peccare possit; vel, An sit causa cur nos peccemus, nulla questio erit. Siquidem illa omnia non solum Catholici, sed etiam Calvinistæ, & ipsi quoque Libertini negant.

De Libertinis id refert Caluinus in epistola ad Rotomagenes, aduersus Franciscanum quendam Libertinum, his verbis: *Contestatur, inquit, sibi longè aliam esse mentem, sequi Deum mali auctorem facere nolle affirmat: sed quid prædest eiusmodi subterfugium in re tam aperta?* Itaque Libertini, tametsi adulteria, homicidia, rapinas, & cætera hominum scelera, atque flagitia in Deum referrent, negabant tamen se facere Deum auctorem malorum, quia videlicet non indicabant illa esse mala, cum à Deo fierent, qui nihil mali facere potest.

Zuinglius in sermone de prouidentia, cap. quinto & sexto, non semel repetit, Deum iniustum non esse, nec peccare vlla ratione posse. Ioannes verò Caluinus non vno in loco disertis verbis affirmat Deum non esse auctorem malorum. Præfatione libri de æterna Dei prædestinatione: *Inter omnes prius, inquit, fixum hoc, & confessum esse debet, non esse cur suis peccatis socium homines Deum adscribant, vel villo modo secum inuoluant ad partem culpa sustinendam.* Et in fine eiusdem

libri: Ergo, inquit, cum iufta de caufa, licet nobis ignota, à Domino procedant, quæ fclerati ab hominibus maleficia perpetrantur, etiamfi rerum omnino prima cauffa fit eius voluntas peccati, tamen eum effe auctorem nego. Et paulò post: Turpi quidem, inquit, & illiberali calumnia nos grauant, qui Deum peccati auctorem fieri obtendunt, fi omnium quæ aguntur cauffa fit eius voluntas. Et lib. I. Inftit. cap. 17. §. 3. Ad hanc modestiam, inquit, quicunque erunt compofiti, neque in præteritum de rebus aduerfus contra Deum fremunt, neque fclerum culpam in ipfum reuerent. Et ibidem reprehendit Lyconidem, qui apud Plautum dicit: *Deus impulfor fuit, credo Deos voluiffe.* Denique idem Caluinus in admonitione aduerfus Libertinos, longa difputatione probare nititur, Deum non effe caufam peccati. Petrus Martyr in commentario 1. cap. epift. ad Rom. fcribit quidem Deum verè ac propriè impellere homines ad peccandum: tamen fimul negat, Deum peccare, aut effe auctorem peccati.

Denique Theod. Beza tum in refponfione ad Heshufium, tum in alia ad Caftalionem, diligenter purgat fe & Caluinum ab illa nota, quod Deum auctorem peccati faciat. Ac (vt omitram cætera) in refponfione ad Caftalionem, triginta & octo Aphorifmif explicat totam fententiam fuam, & præceptoris fui Caluini. Eorum aphorifmorum octauus fic habet: *Non confequitur ex iſtis ulla iſtarum blaſphemiarum, nempe vel Deum effe auctorem peccati, ſive delectari iniquitate, aut etiam velle iniquitatem: vel ſatanam, aut homines malè agendo, obedire Deo, aut quatenus malè agunt, facere quod Deus vult, ac proinde effe extra culpam. Abſint verò quàm longiſſimè omnes cuiuſmodi blaſphemia, non tantum à lingua, ſed etiam à cogitationibus noſtris.*

Quare cum aduerſarij verbo fateantur id quod Catholici docent, fruſtrà laboraremus in teſtimonijs Scripturæ & Patrum adducendis, quibus probatur Deum non effe caufam peccati, niſi antea doceremus eos re ipſa ſentire, quod verbo profiteri non audent. Ideò nobis tria præſtanda erunt. PRIMÒ, explicandum quid ipſi doceant de caufa peccati ex parte Dei. SECUNDO, an ex eo quod ipſi docent, ſequatur Deum effe auctorem peccati. TERTIO, an fit verà eorum ſententia, ac proinde, an Deus fit auctor peccati.

CAPVT III.

Sententia Zuinglij, Caluini, & Bezæ, ex verbis ipſorum in medium adducitur.

QUOD igitur ad primum attinet, ſententia Zuinglij, Caluini, & Bezæ de caufa peccati ex parte Dei quinque propoſitionibus comprehendì poteſt.

PRIMA eſt Deus non ſolùm permittit, ſed etiam vult fieri quæcunque fiunt ab hominibus peccata. SECUNDA, Deus non ſolùm vult fieri, ſed etiam ab æternitate decreuit, vt fierent, quæcunque fiunt ab hominibus peccata, idque non præuiſa determinatione voluntatis humanæ. Deus enim non decernit quidquam, quia præſcit futurum; ſed præſcit futura, quia ipſe decreuit vt fierent. TERTIA, Deus non ſolùm ab æternitate decreuit, vt fierent quæcunque fiunt ab hominibus peccata, ſed etiam imperat ſatanæ, & improbis hominibus, vt concipiant maleficia, eoſque ad hoc inclinât, impellit, & etiam cogit. QUARTA, Deus non ſolùm imperat ſatanæ, vel eum inclinât, & impellit, vt homines ad peccandum inducat, ſed etiam ipſe operatur in mentibus hominum impiorum, & per eoſ, vt per ſua instrumenta, ipſe tanquam prima cauſa facit ea omnia, quæ reſpe-

Actu hominum dicuntur, & ſunt verè peccata. QUINTA, tametli ea, quæ reſpectu hominum dicuntur, & ſunt verè peccata, ſiant Deo volente, definiente, imperante, & operante, tamen reſpectu Dei non poſſunt dici, nec ſunt peccata, ſed opera bona & iuſta, quia homines mala intentione, Deus autem bono conſilio illa omnia facit. Proinde Deus neque ipſe peccat, neque eſt auctor, & cauſa peccati. Hanc eſſe Zuinglij, Caluini, & Bezæ ſententiam, ex ipſorum libris & confeſſione facili negotio demonſtrabimus.

PRIMUM igitur Zuinglius in ſerm. de Prouidentia, quem ſcripſit ad Principem Cartorum Philippum anno 1530. haſ teterrimas, ac planè tartareas blaſphemias habet. Nam c. 5. ita loquitur: Porro in iuſtitiâ in ſeſe nobis oſtendere numen cum nulla ratione poſſet, vt quod vndique verum, bonum, ſanctum natura ſit, per creaturam iniuſtitiâ exemplum produxit, non quaſi creaturam illam ſuo Marte produxerit, quæ nec eſt, nec vinit, nec operatur ſine numine, ſed quod numen ipſum auctor eſt eius quod nobis eſt iniuſtitiâ, illi verò nullatenus eſt. Et infra: Cum igitur Angelum tranſgreſſorem faci, & hominem, ipſe tamen tranſgreſſor non conſtituitur. Et cap. 6. Quod Deus operatur per hominem, homini vultu vertitur, non etiam Deo. Et infra: Vnum igitur atque idem facinus punit adulterium, aut homicidium, quantum Dei eſt auctoris, motoris, impulſoris, opus eſt, crimen non eſt; quantum autem hominis eſt, crimen ac ſcelus eſt. Et infra: Cum monet ad opus aliquod, quod perficienti instrumento fraudi eſt, ſibi tamen non eſt, ipſe enim liberè monet, neque instrumento facit iniuriam, cum omnia ſint magis ſua, quàm cuiuſque artiſtis ſua instrumenta, quibus non facit iniuriam, ſi nunc limam in malleum, & contra malleum in limam conuertat. Monet ergo latronem ad occidendum innocentem, etiam ac imparatum ad mortem. Hæc ille.

Sed iam Caluinum audiamus. Is primum in lib. 1. Inſtit. cap. 17. §. 11. ſic loquitur: Verùm ubi in memoriam reuocant diabolum, totamque improborum cohortem ſic omnibus partibus manu Dei tanquam freno cohiberi, vt nec concipere vllum aduerſus nos maleficium, nec conceptum moliri, nec ad perpetrandum, ſi maxime moliantur, digitum mouere queant, niſi quantum ille permiſerit, imò niſi quantum ille mandarit, nec compediſus tantum eius teneri ligatos, ſed etiam ad obſequia præſtanda freno cogi, habent vnde ſe prolixè conſolentur. Nam vt domini eſt, eorum ſuorem armare, & conuerrere, deſtinareque quo libereris, ita & modum finemque ſtatuerè, ne pro ſua libidine licentioſè exultent. Hæc ille. In quibus verbis habemus tertiam propoſitionem, quam paulò ante notauimus in explicanda Caluini ſententia. Hic enim diſertis verbis Caluinus dicit, Deum non ſolùm permittere, ſed etiam mandare, vt ſatan & improbi concipiant maleficia, & ea moliantur aduerſus probos, & furorem ipſorum armari, & deſtinari à Deo, quo ipſe voluerit, & tandem cogi quaſi freno ſatanam & impios ad obſequia præſtanda, id eſt, vt iuxta Dei mandatum maleficia concipiant, & moliantur.

Rurſus in eodem lib. cap. 18. §. 1. Abſurdum, inquit, videtur, volente ac iubente Deo excacari hominem, qui mox cecitatis ſue pœnas daturus eſt, tergiverſando itaque effugunt, Dei tantum permiſſu, non etiam voluntate hoc fieri, ipſe verò palam ſe facere pronuncians, effugium illud repudiat. Quod autem nihil efficiant homines, niſi arcano Dei iutu, nec quidquam deliberando agunt, niſi quod ipſe iam apud ſe decreuerit, & arcana ſua directione conſtituat, innumeris & claris teſtimonijs probatur. Et §. 2. Et cerè, inquit, niſi iuſtus operaretur in mentibus hominum, non reſtè dictum eſſet, auferre labium à veracibus, & à ſenſibus prudentiam. Et paulò poſt: Sed nihil, inquit, clariuſ poteſt deſiderari, quàm ubi toties pronunciat ſe excacare hominum mentes, ac vertigine percutere,

spiritu foporis inebriare, incutere amentiam, obdurare corda. Hæc etiam ad permiſſionem multis reſciunt, ac ſi deferendo reprobos, à ſatana excæcari ſineret. Sed cum diſertè expri-
mitur ſpiritus, iuſto Dei iudicio infligi cæcitatem & amen-
tiam, nimis frigida eſt ſolutio. Et paulò poſt, de ſcele-
ribus Alſyriorum: Apparet, inquit, certa deſtinatione
Dei fuiſſe impulſos. Et infra: Dicitur etiam idem ſatan ex-
cæcare infidelium mentes: ſed unde hoc, niſi quod à Deo ip-
ſo manas efficacia erroris, ut mendacijs credant, qui renunt
parere veritati? Et §. 2. Homo, inquit, iuſto Dei impulſu
agit quod ſibi non licet.

Ex his habemus quatuor priores propoſitiones: au-
dimus enim Deum non ſolùm permiſſione, & deter-
tione, ſed voluntate, decreto, impulſu, præcepto,
interna operatione efficere, ut homines cogitent,
deliberent, agant quæ ſibi non licent.

Idem auctor lib. 2. Inſtit. cap. 4. §. 2. Satan, inquit,
aliqui prauos Chaldeorum animos venenatis ſuis aculeis
ad perpetrandum id ſlagitium inſtigat, illi ad iniuſtitiam
furioſe ruunt, omniaque membra ſcelere obſtrungunt, ac con-
taminant. Propriè ergo agere dicitur ſatan in reprobis, in
quibus regnum ſuum, hoc eſt, nequitia, exerceret. Dicitur
& Deus ſuo modo agere quod ſatan ipſe, inſtrumentum cum
ſit ira eius, pro eius nunt, ac imperio, huc atque illuc ſe in-
ſtectis ad exequenda eius iuſta iudicia. Omitto hic univer-
ſalem Dei motionem, unde creatura omnes ut ſuſtinentur,
ita efficaciam quidam agendi ducunt. De illa ſpeciali actione
tantum loquor, quæ in unoquoque facinore apparet. Idem
ergo facinus Deo, ſatana, homini assignari, videmus non
eſſe abſurdum.

Rurſus §. 3. poſteaquam dixerat Calvinus, Deum
poſſe dici excæcare homines deferendo, adjungit
aliam rationem his verbis: Secunda ratio, quæ multò
propius accedit ad verborum proprietatem, quod exequenda
ſua iudicia per miniſtrum ira ſue ſatanam, & conſilia co-
rum deſtinat quo viſum eſt, & voluntates excitat, & con-
atus ſuſcit. Et §. 4. Poſtea, inquit, dicit ſe aggravaviſſe cor
illius & induraviſſe, an induraveris non emolliendo? id qui-
dem verum eſt: ſed plus aliquid fecit, quod obſtinatione pe-
ccati eius obſtandum ſatana mandavit. In his locis ter-
tia propoſitio apertiffimè continetur. Audimus enim
ſpecialem illam actionem, quæ in facinore cernitur,
Deo auctori tribuendam eſſe, quod ipſe per miniſte-
rium ſatanæ voluntates impiorum excitet ad malum,
& corda eorum obduret, ne obediant, &c.

Idem auctor in 3. lib. Inſtit. cap. 23. §. 4. ita ſibi ipſe
objicit: Nonne, inquit, ad eam, quæ nunc pro damnatio-
nis cauſa obſtenditur, correptionem, Dei ordinatione præde-
ſtinati ante fuerant? cum ergo in ſua corruptione pereunt,
nihil aliud, quàm poenas luunt eius calamitatis in quam
ipſius prædeſtinatione lapſus eſt Adam, ac poſteros præci-
pes ſecum traxit, an non itaque iniuſtus, qui creaturis ſuis
tam crudeliter illudit? Huic obiectioni ita reſpondet:
Fateor ſanè in hanc, quæ nunc illigati ſunt, conditionis mi-
ſeriam, Dei voluntate decidiſſe omnes filios Adam, atque
id eſt, quod principio dicebam, redeundum tandem ſemper
eſſe ad ſolum divinæ voluntatis arbitrium, cuius cauſa ſit
in ipſo abſcondita. Et §. 7. Diſertè, inquit, verbis hoc
extare negant, decretum fuiſſe à Deo, ut ſua defectione pe-
ririt Adam, quaſi verò idem ille Deus, quem Scriptura
predicat, facere quacunque vult, ambiguo ſine conſideris
nobiliffimam ex ſuis creaturis.

Et paulò poſt: Decretum quidem, inquit, horribile ſa-
teor: inſiciari tamen nemo poteſt, quin præſciuerit Deus
quem exitum eſſet habiturus homo, antequam ipſum con-
deret, & idè præſciuerit, quia decreto ſuo ſic ordinaverat.
Et §. 8. Quamquam, inquit, nec ipſum, quem probabile
eſt, ſola Dei permiſſione, nulla Dei ordinatione hominem ſibi
acceſſiſſe interitum. Et paulò poſt: Cadit igitur homo,
Dei providentia ſic ordinatum. Et §. 9. Excusabiles, inquit,

A peccando haberi volunt reprobi, quia cadere nequeunt pec-
candi neceſſitatem, præſertim cum Dei ordinatione ſibi in-
ciatur huiusmodi neceſſitas. Nos verò inde negamus ræ ex-
cuſari, quandoquidem Dei ordinationi, qua ſe exitio deſti-
natos conqueruntur, ſua conſtet æquitas, nobis quidem inco-
gnita, ſed illi certiffima.

Ex his locis ſatis apertè colliguntur prima & ſe-
cunda propoſitio Calviniani erroris. Diſertis enim
verbis non ſemel Calvinus rep. tit, non ſolùm Dei
permiſſione, ſed voluntate, ordinatione, prædeſtina-
tione primum hominem lapſum eſſe, quia Deus id
voluerat, & ordinaverat, idè etiam præſciuiſſe;
nec ſolùm primum hominem, ſed omnes eius po-
ſteros ex Dei prædeſtinatione incidit in peccandi
neceſſitatem.

B Poſtò hæc omnia iterum repetit, & copioſius etiam
tract. in lib. de æterna Dei prædeſtinatione. Quia ve-
ro liber eius valdè prolixus eſt, neque diſtinctionem
vllam habet capitum, aut ſectionum aliarum, citabo
numetum paginarum, iuxta editionem opulculorum
Geneuenſem, anni M. D. LII. in fol. Sic igitur loquitur
pag. 905. Arcanum Dei conſilium, quo prædeſtinatus fue-
rat hominis lapſus, quæ decet ſobrietate pro. al. ad oculi ſiles
noſtra. Et pag. 906. Ad inſtam hominis dæmonationem ſa-
tis erat in vi. ſalutis cum eſſet collocatus, ind. ſponte exi-
diſſe. At fieri aliter non potuit. Quid tum? An idè culpa
liberatur, quæ tota in eius voluntate reſidet? Vides lector
hoc loco, Calvinum concedere, non potuiſſe homi-
nem non cadere, quia æterno Dei decreto fuerat iam
eius caſus præordinatus.

C Rurſus pag. 916. Non niſi ſciente, atque ira ordinante
Deo, cecidit Adam, ſeq. & poſteros perdidit. Et pag. 917.
Quomodo autem Dei præſentia & decreto ſtatutum fuerit,
quod de homine futurum erat: neque tamen in culpa ſocieta-
tem trahendus ſit Deus, quaſi transgreſſionis vel auctor ſit,
vel approbator, cum longè altius humana mentiſ perſpectiva
eſſe arcanum palam ſit, ne ignorantiam noſtram ſatari pu-
deat. Imò ne quem ex fidelibus neſci ire pteat, quod Domi-
nus lucis ſue inaccessæ ſingore abſorbet. Hoc verè Calvi-
nus dixit, inexplicabile, vel potius inintelligibile ef-
ſe, quomodo Deus non ſit auctor peccati, ſi eius de-
creto primus homo peccavit. Nam ut paulò poſt
demonſtrabimus, apertiffimè falſum eſt, Deum non
eſſe auctorem peccati, ſi eius decreto homines pec-
cant, quod autem falſum eſt, mirum non eſt, ſi ex-
plicari, & intelligi nequeat.

D Rurſus pag. 944. Hinc certè iam colligere promptum
eſt, quam inane & fluxum ſit illud divina iuſtitia patro-
nium, quæ malis ſunt, non eius voluntate, ſed permiſſu dum-
taxat fieri, equidem quatenus mala ſunt, quæ malo animo
perpetrant homines, ut ſtatim planius exponam, Deo minime
facere fateor: ſed quod octoſum ea permittere ſingunt, quæ
Scriptura non tantum eo volente, ſed auctore fieri pronun-
ciat, nimis friuolum eſt effugium. Et pag. 946. Ergo cum
iuſta de cauſa licet nobis ignota à Domino procedant, quæ ſe-
clerare ab hominibus maleſicia perpetrantur, etiamſi rerum
prima cauſa ſit eius voluntas, peccati tamen eum eſſe aucto-
rem nego. Nec verò obſtione tegenda eſt illa, quam poſui
cauſarum diuerſitas, quod alia eſt propinqua, alia autem re-
mota cauſa: ut ſciamus quàm longa inter æquabilem Dei pro-
videntiam, & turbulentos hominum impetus, ſit diſtantia.
Hæc ille. Ex quibus habemus primam, ſecundam,
& quintam Ioannis Calvini propoſitionem.

E Sed eandem quintam propoſitionem fuſius & aper-
tius explicat idem Calvinus in inſtructione aduer-
ſus Libertinos, cap. 14. vbi poſteaquam dixerat, in
omni opere tam bono quàm malo, eſſe homines in-
ſtrumenta Dei, ſubjungit hæc verba: Magna eſt diſ-
ferentia inter opus Dei, & opus impij, cum eo Deus vive
inſtrumentum vitatur. Impius enim ſua ſuavitæ, aut ambi-

ione, aut invidia, aut crudelitate, incitatur ad faciendum suum, nec altum finem spectat, ideo ex radice illa, id est, ex animi affectione, & sine quem spectat, opus qualitatem sumit, & merito malum indicatur: s. d. Deus respectum omnino contrarium habet, nempe ut iustitiam suam exerceat, &c. Et infra, similem esse dicit Deum soli, qui radijs suis in cadauere corruptionem generat, & tamen impuritatem nullam ad se trahit.

Addam nunc etiam Theodori Beza testimonia, ut exactè intelligatur quid Caluinus, & eius sectatores de hac re sentiant. Is igitur in responsione ad Sebastianum Castalionem, de aeterna Dei prædestinatione, in refutatione secundæ calumniæ, ita loquitur de casu Adami: Deus hominem conditurus ad gloriam, tum misericordiae, tum severitatis suæ declarandam, Adamum condidit ad imaginem suam, id est, sanctum, ac innocentem. Cur nam id verò? nempe quia bonus cum sit, non potest ab eo vitiosum quicquam creari: vitiosi autem sunt oportet, tum quorum constituit misereri, tum etiam quos iuste decrevit gloriæ suæ causa condemnare. Idcirco oportuit Adamum condidit sanctum & innocentem, sed qui sua sponte, & sine ulla Dei culpa vitiosus factus, viam pacis faceret æternus Dei consilij, id est, tum misericordiae, tum severitatis ipsius declarandæ. Oportuit ergo Deum quoque hanc unicam viam sibi aperire, id est, Adam lapsum ordinare, sed ad eum quem dixi finem, qui cum sit iustissimus, & sanctissimus, iustam quoque ipsius ordinationem esse consequitur. Et paulò post: Querenda, inquit, est vitij origo in instrumentorum spontaneo motu, quæ sit ut Deus iuste decreverit, quod illi iuste fecerunt. At enim dices, Non potuerunt resistere Dei voluntati, id est, decreto, fateor, sed sicut non potuerunt, ita etiam noluerunt. Verum non poterant aliter velle. Fateor quoad euentum, & inopiam, sed voluntas tamen Adami coacta non fuit.

Idem Beza paulò post explicat sententiam Caluini, & suam, triginta octo aphorismis, ac in primis lepremedicem nihil aliud docet, nisi Deum esse causam primam omnium rerum quæ fiunt, & determinasse omnia ab æterno ante omnem prævisionem determinationis secundarum causarum. Secundas autem causas, siue ex sint rationis expertes, siue ratione prædictæ, in omni opere suo esse instrumenta Dei. Vbi (ut ostendat Deum non esse causam peccati) multa tradit & de instrumentorum varietate. Ac tandem subiicit quinque aphorismos 18. 19. 20. 21. & 22. in quibus consistit totius rei summa, quos iidem verbis huc refert placuit.

Aphorismus XVIII. Jam igitur ista ad Deum ipsum accommodemus, cuius efficacitatem ante probavimus in omnibus quæ fiunt, intervenire sine ulla exceptione: & ita quidem, ut per ea quæ condidit, tanquam per instrumenta, exequatur suo tempore quicquid ab æterno decrevit.

XIX. Quicquid agit Deus, bonum est, cum à summo bono nihil mali possit proficisci: omnia autem efficit, omnia igitur bona sunt, quatenus à Deo efficiuntur, & discrimen illud boni & mali in instrumentis duntaxat locum habet.

XX. Nam si hæc instrumenta bona sunt, & respiciunt præfectam Dei voluntatem, bene agunt, & Deus quoque bene agit per illa. Quo sit ut id opus omnibus modis sit bonum.

XXI. Mala autem instrumenta, mala, inquam, non ex creatione, sed ex corruptione, quatenus quidem agunt, mali semper agunt, ideoque iuste incurrunt iram Dei; quatenus autem Deus per illa agit, bono Dei operi, vel inuita, vel per ignorantiam serviunt. Nam Deus per quaecumque agat instrumenta, semper bene agit.

XXII. Sic autem agit per illa instrumenta, ut non tantum sinat illa agere, nec tantum moderetur euentum, sed etiam excitet, impellat, moneat, regat, atque adeò quod omnium est maximum, etiam creet, ut per illa agat quod constituit. Quæ omnia recte agit Deus, & sine ulla iniustitia.

Atque hæc quidem omnino sufficerent ad sententiam Caluini & Beza intelligendam. Addam tamen adhuc unum aphorismum, ut ex eo discamus quàm acutè Beza de his rebus differere soleat. Sic igitur loquitur in aphorismo 31. Agit (Deus) sui operis respectu: permittit verò eius operis respectu, quod mala ipsa instrumenta sponte peragunt, sine quatenus activa sunt, non passiva instrumenta, ut visitata in scholis verba retineamus. Iuste tamen permittit, quod ista iniuste agunt, quoniam peccata, quatenus à Deo nolente permittuntur, peccata non sunt, sed peccatorum pœna: iustum enim est coram Deo peccata etiam peccatis ulcisci. Sed ista eadem actiones, quatenus à satana, & à malis per satanam, & per propriam concupiscentiam sollicitatis proficiuntur, eadem demum peccata sunt, quæ Dominus iuste suo tempore ulciscitur. Nunquam enim Dominus peccata permittit, quatenus peccata sunt, imò semper prohibet, ac vetat.

Sequuntur autem ex hoc eleganti aphorismo tria quædam notatu dignissima. PRIMO sequitur, ea quæ fiunt ab instrumentis malis, sub eadem ratione permitti, & non permitti. Nam quæ fiunt ab instrumentis malis, quatenus ea instrumenta activa sunt, non fiunt à Deo, sed permittuntur, ut habet initium aphorismi huius 31. & illa eadem, sub eadem ratione, id est, ut fiunt ab instrumentis malis, quatenus ea instrumenta activa sunt, non permittuntur à Deo. Deus enim peccata non permittit, sed prohibet, ut habet finis eiusdem aphorismi, peccata autem sunt ea quæ fiunt ab instrumentis malis, quatenus activa sunt, ut habet aphorismus 21. Igitur eadem opera sub eadem ratione permittuntur, & non permittuntur.

SECUNDO sequitur, & eadem illa opera sub eadem ratione esse peccata, & non esse peccata. Nam quæ fiunt ab instrumentis malis, quatenus ea activa sunt, mala sunt, id est peccata, ut docet aphor. 21. Sed rursus illa eadem sub eadem ratione peccata non sunt, Deus enim peccata non permittit, sed prohibet, ut docet aphor. 31. permittit autem opera quæ fiunt ab instrumentis malis, quatenus activa sunt, ut docet idem aphorismus; igitur eadem opera sub eadem ratione peccata sunt, & peccata non sunt.

TERCIO sequitur, instrumenta mala, quatenus activa sunt, inuito Deo, vel ignorante operari. Nam vel novit Deus quid illa agant, vel ignorat. Si ignorat, igitur ignorante Deo instrumenta Dei opera sua perficiunt. Si novit, aut consentit, aut repugnat, aut permittit; neque fingi potest quartum membrum, nam qui permittit, medius est inter consentientem, & repugnantem. Quocirca S. August. in Enchiridio cap. 95. scribit, nihil omnino fieri posse, nisi Deo, vel faciente, vel permittente. Nam eo repugnante nihil fieri posse, extra controuersiam esse credidit. At per aphorismum Beza, quæ fiunt ab instrumentis malis, quatenus activa sunt, Deo nec agente, nec permittente fiunt, quia peccata sunt, & Deus peccata nec facit, nec permittit. Igitur ea Deo, vel ignorante, vel repugnante fiunt.

CAPVT IV.

Ex sententia Zuingij, Caluini, & Beza, rectè colligi, Deum esse auctorem peccatorum, quæ à nobis fiunt.

EXPOSITA sententia Zuinglij, Caluini, & Beza, de causa peccati ex parte Dei, sequitur ut probeamus ex ea sententia rectè colligi, Deum esse auctorem peccati, quamvis id ipsi, ne inuidiam tam horribilis blasphemiarum subeant, nec palam affirmare au-

deant,

deant, & non raro difertis verbis inficientur. Ac ut fit clarior difputatio, & impietas aduerfariorum magis eluceſcat, quatuor abſurda, & blaſphema ex ſententia aduerfariorum ſequi demonſtrabo. PRIMVM enim erit, Deum verè & propriè eſſe auctorem peccatorum quæ fiunt ab hominibus. SECUNDO, propriè & verè Deum peccare. TERTIVM, Deum ſolum verè peccare. QVARTVM, ſi hæc negentur, veram fore Libertinorum ſententiam, quæ habet, nihil eſſe peccatum niſi falſam opinionem. Ex quibus intelligitur abſurdiſſimum dogma Libertinorum, quod ab ipſo Caluino refutatum eſt, ab eiſdem Caluini doctrina, tanquam à radice ſurculum germinaffe.

Veniamus ad PRIMVM. Deus (ex ſententia aduerſariorum) impellit homines ad peccandum, atque adeò cogit eos peccare. Sic enim Zuinglius ſcribit in ſerm. de providentia, cap. 6. *Nec dicit quifquam, Innocens igitur eſt latro, Deo enim impulſore egit. Nam contra legem peccauit. At, inquit, coactus eſt ad peccandum. Permiſſo, inquam, coactus eſſe, ſed in hoc vi & alter transferretur, & alter cruci adfigeretur. Vbi fatetur Zuinglius, cogi latronem à Deo ad homicidium, ſed ad eum finem, ut occiſus à latrone, transferatur ad cælum; & ipſe latro, ex ſententia Iudicis, affigatur in cruce. Sic enim ſeipſe exponit.*

Calu. ſic loquitur lib. 1. Inſt. c. 18. §. 4. *Homo iuſto Dei impulſu agit quod ſibi non licet.* Et ſuprà c. 17. §. 11. dixerat impios à Deo cogi quaſi fræno, ut maleſicia concipiant, & moliantur. At qui impellit & cogit alium ad opus quodcunque faciendum, eiſdem operis auctor primarius eſt, & dicitur apud omnes gentes, neque ſinit vlllo modo naturale lumen intelligentiæ noſtræ inſitum hoc negari; igitur Deus, ex ſententia aduerſariorum, auctor primarius eſt eorum peccatorum quæ ab hominibus perpetrantur.

Rurſus, Deus ex ſententia aduerſariorum iubet ſatanæ & impijs, ut maleſicia concipiant, & moliantur, ut in loco proximè citato idem Caluinus ſcribit: At opus quodcunque, ex communi conſenſu omnium gentium, magis pertinet ad imperantem quàm ad exequentem; igitur ſatanæ & impiorum maleſicia magis pertinent ad Deum, ut auctorem, quàm ad ipſos impios & ſatanam.

Adhæc, impij dum peccant, instrumenta Dei ſunt, ut paſſim in locis citatis Caluinus & Beza teſtantur: At qui utitur instrumento, auctor eſt primarius eiſus operis, quod ipſe per instrumentum facit; igitur Deus, ex ſententia Caluini & Beza, auctor eſt primarius omnium peccatorum.

Denique Deus ab æternitate voluit, & decrevit, ut primus homo caderet in peccatum, non ante præuiſa determinatione voluntatis humanæ, ſed ex mero & abſoluto beneplacito ſuo, ut Calu. docet lib. 3. Inſt. c. 23. & lib. de prædeſt. quæ loca ſuprà fuſè citauimus. At ſi Deus permiſiſſet primo homini, ut ſtaret, vel caderet pro arbitrio ſuo, & non potius efficaciter procuraret ut caderet, facilè decretum illud fruſtrari potuiſſet; igitur necelle fuit ut Deus primi hominis caſum efficaciter procuraret, atque adeò primo homini peccandi neceſſitatem inijceret. Quod ipſum libenter Calu. admittit in locis citatis. At qui procurat, & quidem efficaciter, ut aliquis peccet, is eiſus peccati veriſſimus auctor dici debet, niſi cum ipſo naturæ lumine pugnare velimus; igitur Deus, ex Caluini ſententia, veriſſimus auctor peccati, quod primus homo commiſit, haberi poteſt, ac debet.

Hæc argumenta, quæ partim ex aduerſariorum pronunciatis, partim ex certiſſimo lumine naturæ & conſenſu, confeſſioneq; omnium gentium contexta ſunt, non difficulter Zuinglius & Caluinus vnica di-

ſtinctione ſibi videntur eludere. Dicunt enim Deum impellere, & cogere impios ad ſceleſta concipienda & molienda, ſed ea non eſſe ſceleſta, quatenus ſunt Deo impellente & cogente: ſed quatenus procedunt à mala impiorum volūtate, & ideò non Deum, ſed ipſos impios eſſe auctores ſcelerum ſuorum. Pari ratione dicunt Deum iubere impijs, ut ſceleſta concipiant; item eſſe impios instrumenta Dei; & denique Deum efficaciter procurare, ut homines cadant: ſed opera impiorum non poſſe dici, neque eſſe peccata, qua parte à Dei mandato, providentia, vel inortione procedunt: ſed ea ſolum ex parte qua ſunt ipſorum instrumentorum, id eſt, hominum impiorum opera.

Cur autem mala ſit voluntas hominis, quæ flagitium eligit, non autem ſit mala voluntas Dei, quæ idem flagitium eligi voluit; ſive cur in eodem opere bona ſit voluntas Dei, mala voluntas hominis, tres cauſas reddunt. Vna eſt, quia natura humana vitio primi hominis tota corrupta eſt: ſed iſta ratio, quam alio loco copioſius reſutabimus, non ſoluit quaſtione. Nam peccatum primum primi hominis, ut etiam peccatum primum ſatanæ, non ortum duxit ex aliqua præexiſtente naturæ corruptione, ut aduerſarij conſtitentur. Ex quo etiam reſeſtitur alia ratio, quæ adferri poſſet, cur Deus non ſit auctor peccati, quia videlicet non velit peccatum ut culpam, ſed ut pœnam alterius peccati. Nam iſta ratio non poteſt habere locum in primo peccato primi hominis & Angeli, quod cum fuerit primum, nullius præcedentis peccati pœna eſſe potuit.

Quærimus igitur, cur in eodem opere mala fuerit voluntas primi hominis ante naturæ humanæ deprauationem, & ante alium lapſum; Dei autem voluntas non fuerit mala. Ergo prima illa ratione omiſſa, ſecundam adhibent, quam etiam multis in locis viſque ad nauſeam repetunt. Scribunt enim Dei voluntatem eſſe bonam, dum ad flagitia impellit, vel ea iubet, aut procurat, aut per impios, tanquam per ſua quædam instrumenta perficit, quia bonum finem Deus propoſitum habet. Vult enim homines peccatores, ut habeat quos iuſtè damnet, & quorum liberaliter miſereatur, ut ea ratione iuſtitix, miſericordixque ſuæ gloriam manifeſtet.

Porro impiorum voluntatem eſſe malam, quia in illo ipſo opere, quod imperante, impellente, & mouente Deo faciunt, malum finem ſpectant, videlicet ut libidinem ſuam expleant, non ut gloria Dei ſeruiant; hanc rationem reddit Zuinglius in ſerm. de prouid. c. 6. *Quod, inquit, Deus facit, liberè facit, alienus ab omni affectu noxio, igitur & alique peccato, ut adulterium David, quod ad auctorem Deum pertinet, non magis Deo ſi peccatum, quàm cum laurus totum armentum inſcendit, & implet, &c.* Eandem rationem reddit Caluinus lib. 1. Inſt. c. 17. §. 5. & in lib. de æterna Dei prædeſt. p. 946. & in inſtruct. aduerſus Libertinos, cap. 14. & Beza in reſponſione ad Sebastianum Caſtalionem, in reſutatione ſecundæ calumniæ, & in Aphoriſm. ut ſuprà citauimus. Sed hanc eorundem doctrinam, quæ totius erroris fundamentum eſt, nullo negotio ſolidiſſimè poſſumus reſutare.

PRIMUM enim doctrina Apoſtolica eſt, non eſſe facienda mala, ut veniant bona, Rom. 3. non igitur bona intentio, & finis bonus animo conceptus id efficere poteſt, ut liceat ea facere, quæ per ſe intrinſecè, & ex objecto mala ſunt. Alioqui reprehendi non deberet, qui cauſa eleemoſynæ furtum faceret; neque is qui priuata auctoritate hominem interficeret, ne is exemplo, aut factò ſuo alijs noceret; neque ille, qui ſuſcipiendæ proliſ gratia committeret adulte-

rium, fi quidem ifti omnes bonum finem fpectarent. Quod fi hominum furtâ, homicidia, adulteria, verè peccata funt, & homines eorum fcclerum auctores iuftiffimè puniuntur, tametiſi bona intentione facta eſſe reuera dicantur, & ſint, cur Deus eorumdem operum auctor ob ſolam intentionem bonam excuſandus erit? fallitur igitur aduerſarius, & quia mala intentio vitiat opus alioqui malum, perperam ipſe colligit opera mala ex intentione bona iuſtificari. Nam opus bonum naſcitur ex integra cauſa, malum autem ex quouis defectu oriri poteſt. Id quod nemo ignorat, qui vel prima moralis Philoſophiæ rudimenta didicerit.

Deinde quæram ab aduerſario, vtrum mala hominis intentio ſit à Deo, necne. Nam ſi malæ intentionis eſt auctor Deus, ſequitur omninò peccati auctorem eſſe Deum. Quomodo enim non eſt auctor peccati, qui non ſolùm actionis malæ auctor eſt, ſed etiam ipſius intentionis malæ, vnde habet actio, Caluino & Beza doctõibus, vt ſit mala, & peccatum propriè nominetur? Porro Deum intentionis malæ auctorem eſſe, negare non poſſunt aduerſarij, niſi ſecum ipſi manifeſtè pugnare velint. Nam ſi Deus (vt ipſi volunt) impellit homines ad peccatum, & peccatum non eſt ſine mala intentione, certè impellit etiam ad malam intentionem. Et ſi ab æternitate decreuit ad miſericordiam & iuſtitiam ſuam oſtendendam, vt homo peccaret; & peccatum non eſt peccatum, niſi mala intentione fiat; neque poteſt ex miſericordia verè remitti, aut ex iuſtitia verè puniri, niſi verè peccatum ſit, hoc eſt, niſi mala intentione fiat, manifeſtè ſequitur, Deum ab æternitate voluiſſe, & ſtatuſſe, vt homo mala intentione operaretur, & eo modo caderet. Et quia decretum Dei non debet eſſe incertum, neq; ab arbitrio creaturæ pendere, oportuit ipſum Deum efficaciter procurare, vt homo mala intentione operaretur, & non minus intentionis malæ, quàm ipſius operis auctorem eſſe.

TERTIA ratio propria eſt Zuinglio, qui idè tradit malam eſſe hominis voluntatem in opere malo, Dei non malam, quia Deo non eſt poſita lex, homini autem poſita eſt, proinde in eodem opere voluntas hominis transgreditur legem, & mala eſt; Dei voluntas non transgreditur, & mala non eſt. Sic enim loquitur in eodem ſerm. de prouid. c. 6. Quod, inquit, Deus facit, non eſt peccatum, quia non eſt contra legem: illi enim non eſt lex poſita, vt pote iuſto, nam iuſti non ponitur lex, iuxta Pauli ſententiam. Vnum igitur atque idem facinus, puta adulterium, aut homicidium, quantum Dei eſt auctoris, motoris, ac impulſus, opus eſt, crimen non eſt, quantum autem hominis eſt, crimen ac ſcelus eſt. Ille enim lege non tenetur, hic autem lege etiam damnatur. Et ſupra c. 5. Cum, inquit, Deus Angelum, vel hominem transgreſſorem facit, ipſe tamen non transgreditur, vt qui contra legem non veniat. Non eſt igitur peccatum quod Deus fecit, ſed homini, atque Angelo eſt; illos enim lex premit, atque accuſat. Deo cum creaturis ſuis liberè licet agere, non minus quàm patri familiæ cum rebus ſuis, quàm ſigulo cum luto. Vtunque igitur creaturam huc impellat, aut illuc agat, tantùm abeſt vt peccet, vt hæc circa inſigne bonum non faciat, cum interim homo, cui lex eſt præfixa, etiam cum impellitur, peccet, aduerſus enim legem operatur. Hæc ille.

Sed hæc Zuinglij doctrina ſibi ipſa repugnat, & euidentiffimè refutatur. PRIMVM, ſi Deus impellit hominem ad adulterium (vt ipſe dicit) quemadmodum artifex instrumentum ad opus: vult igitur vt homo ſibi pareat in adulterio perpetrando, quemadmodum vult artifex vt ſibi pareat instrumentum in opere faciendo, proinde ille impulſus Dei eſt præceptum & lex quam homo implere tenetur, vt instrumen-

tum tenetur obtequi artifice à quo mouetur. Ergo homo impulſus à Deo, adulterium committens præuaricatur, & non præuaricatur Dei legem, peccat, & non peccat. Et Deus illum impellens, vult eum ſeruare & non ſeruare legem, peccare & non peccare.

DEINDE licet Deo non ſit lex poſita ab aliquo ſuperiore legiſlatore, tamen ſua ſapientia ipſi eſt lex, & (vt ipſe Zuinglius ibidem docet) quod nobis eſt lex, Deo eſt ingenium, & natura. Non minus ergo tenetur Deus non repugnare ingenio, ſapientiæ, & naturæ ſuæ, quàm teneantur homines non repugnare legi Dei. Quare ſi Deus impelleret homines ad ea quæ ſunt contraria legi æternæ, ac proinde ingenio & ſapientiæ Dei, quale eſt adulterium, mala eſſet eius voluntas, quippe quæ repugnet regulæ rectæ diuinæ ſapientiæ, & Deus ſeipſum negaret, quod nullo modo fieri poteſt, vt Apoſtolus ait.

TERTIO, Deo non eſt lex poſita ex ſententiâ Zuinglij, quomodo iuſto non eſt lex poſita. At iuſto non eſt lex poſita quæ cum teneat, quia ſponte ſua legem ſeruatur, non autem quia non peccet, ſi fortè contra legem aliquid faciat. Nam Ezech. 18. Dominus teſtatur, iuſtum planè peccaturum, & damnandum, ſi fecerit ea quæ ſunt lege prohibita. Igitur eodem modo Deo non eſt lex poſita, quia ſponte ſua, imò ex natura ſua ſemper conformis eſt voluntas eius ſapientiæ ipſius, non quod liceat Deo ſeipſum negare ad ea homines impellendo, quæ repugnant æternæ legi, quæ eſt ipſa Dei infinita ratio, & ſapientia.

QUARTO, non poteſt villo modo fieri, vt homo Deo impellente, faciat quod lege Dei prohibitum eſt, & tamen Deus impellens non ſit auctor criminis, ſed operis. Nam quid aliud eſt crimen, niſi patratio operis lege Dei prohibiti: quomodo igitur Deus non eſt auctor criminis; ſi eſt auctor operis lege diuina prohibiti? & quomodo Zuinglius dicit à Deo factum eſſe hominem, & Angelum transgreſſorem legis, ſi Deus non eſt auctor transgreſſionis, ſed operis tantùm? Omitto hic quanta ſit impietas docere, à Deo puniri homines, quia faciant ea quæ Deus ipſe cogit vt faciant. Habemus igitur ex Zuinglij, Calu. & Beze ſententiâ, rectiſſimè colligi, Deum verè ac propriè auctorem eſſe peccati, tametiſi ipſi verbo id negent.

CAPVT V.

Ex Zuinglij, Caluini, & Beze ſententiâ ſequi, Deum verè, ac propriè peccare.

SEQUITVR nunc vt probemus Deum, ex ſententiâ aduerſariorum, non ſolùm eſſe peccati auctorem, ſed verè ac propriè peccare; quæ eſt blaſphemia horribilis, & quam ne ipſi quidem Libertini liberè proferre audent. SCIENDVM eſt igitur ad hoc, vt aliquis verè ac propriè peccet, non id requiri, vt iſ velit peccatum ſub ratione peccati, id eſt, eligat ipſam peccati turpitudinem, atque malitiam, ſed vt ſit cauſa actionis malæ, quatenus ex ipſa actione conſequitur ea malitia. Nullus enim eſt, qui velit malum ſub ratione mali, cum malum ſit extra obiectum voluntatis, & nihil habeat vnde appeti, eligere poſſit. Itaque facinoroſi omnes in peccatis non ipſam peccati turpitudinem, ſed bonum aliquod, vt lucrum, aut voluptatem ſpectant: ſed idè verè ac propriè peccare dicuntur, quia lucrum, aut voluptatem querunt per actionem, cui eſt annexa turpitudò, & eius actionis ipſi cauſa ſunt, non quocunque modo, ſed vt ex illa actione neceſſariò ſequitur turpitudò. Hinc enim ſit, vt peccati turpitudò ipſis iure, ac meritò tribuatur.

Porro, tria requiruntur, vt actionem aliquam tur-

pitudo fequatur, ac per hoc tria requiruntur vt aliquis verè ac propriè peccare dici poffit. PRIMVM eft, vt actio repugnet legi, fiue pofitiuæ, fiue naturali, fiue temporali, fiue æternæ. Nam vt lib. fupiore docuimus ex Scriptura & Patrib. nihil eft aliud peccatum, nifi præuaticatio legis. Denique, extra controuerfiam eft, actionem non effe malam, quæ nulli legi repugnet. Proinde extra cōtrouerfiam etiam effe debet quod primo loco pofuimus, requiri in actione, ad quam fequitur turpitudine, vt alicui legi repugnet.

ALTERVM eft, vt ea actio à caufa libera efficiatur. Hæc. n. fola ratio eft, cur animãtia bruta, pueri, ftulti, dormientes, non peccent, quamuis ea faciant, quæ alioqui cū regula rectæ rationis apertiffimè pugnant, vt fi hominem interimant, aut blafphemum aliquid proferant (nam & pſitaci & corui interdum ad loquendum aſueſcunt) aut res facras turpiter fœdent, aut aliquid aliud eiufdem generis perpetrent.

TERTIVM, quoad veram peccati rationem exigitur, eft, vt qui actionem cum lege pugnantem facit, non ſolùm liberè faciat, fed etiam faciat vt caufa particularis, itaut actio talis fit in ſpecie, quia à tali caufa procedit, quia enim caufa vniuerſalis limitatur, ac determinatur à caufa particulari, & ex ſe indifferens eft ad hanc actionem & ad illam, non poteſt rectè dici hanc actionem effe talem in ſpecie, quia eft à caufa vniuerſali, ſed ſolùm quia à tali caufa particulari. Et quoniam deformitas illa quæ cernitur in peccato, confequitur actionem vt eft talis in ſpecie. Ideò non poteſt ea deformitas in cauſam vniuerſalem, ſed ſolùm in particularem propriè referri. Certè cū oriuntur monſtra, fiue in hominibus, fiue in animalibus brutis, nemo dicit cauſam monſtroſitatis, quæ eft quoddam naturæ peccatum, referendam effe in cælum, aut aliam cauſam vniuerſalem, ſed ſolùm in cauſas propinquas; cælum enim influxu ſuo non magis produceret hominem quàm equum, aut plantam; & ſi hominem, non magis iſtum, quàm illum, niſi à caufa particulari determinaretur. Proinde monſtroſitatis quæ in homine cernitur, caufa eft alter homo, qui hominem illum genuit, non cælum, quod influxum præſtitit eiufmodi, vt cum eo perfectus homo gigni potuiſſet, niſi in cauſa proxima impedimentum extitiſſet.

Iam igitur ſi Deus concurrat cum homine ad actionem illam, quæ peccatum eft, ſolùm vt caufa vniuerſalis, faciſe poterit intelligi quomodo & actionis illius caufa ſit, & caufa peccati non ſit. Erit enim verè caufa actionis, quia verè concurrat ad ſubſtantiam, ſiue entitatem (vt ſic loquamur) actionis illius producendam, & tamen caufa peccati non erit, quia concurrat influxu quodam vniuerſali, & indifferenti ad hanc actionem, & ad contrariam; ac per hoc non erit talis actio in ſpecie, quia à Deo, ſed quia ab homine prodit, & tota culpa erit hominis, qui concurſu Dei abuti voluit ad iſtam actionem, cū ad aliam bene vti potuiſſet. Qua ratione etiam non dicitur Deus caufa peccati, quod libera hominis voluntate committitur, licet liberam voluntatem homini ipſe dederit, eamque conſeruet, quia videlicet libera voluntate poteſt homo bene vti ſi velit, & eam illi Deus ideò dedit, vt ea bene vteretur, non vt illa in ſuam perniciem, & donatoris iniuriam abuteretur.

Quod ſi Deus, non ſolùm vt caufa vniuerſalis ad eas actiones, quæ malæ ſunt, concurrat, ſed etiam vt caufa particularis, eas, vt tales ſunt in ſpecie, intendat, eaſque imperet, vel ad eas hominem impellat, vel per homines, vt per instrumenta, actiones illas in ſpecie efficiat, nullo modo intelligi poterit, quemadmodum Deus ipſe non peccet. Non enim homi-

nes alia de cauſa peccare dicuntur, & verè, ac propriè re ipſa omnium conſenſu peccant, niſi quia ſunt cauſæ liberæ, & particulares earum actionum, quæ cum ratione, atque æterna lege pugnant. Deformitas enim illa, & malitia, in qua peccati ratio propriè conſiſtit, neceſſariò ſequitur ad eiufmodi actiones, vt ſuprà demonſtratum eſt.

Iam verò Calu. & Zuingl. non negant Deum concurrere ad actiones quaſdam, quæ cum æterna lege pugnant, & ex objecto ſunt malæ; neque illud etiam negant, Deum liberè, ac (vt Apoſt. loquitur) ſecundum conſilium voluntatis ſuæ omnia operari. In quibus duobus ab eis non diſſentimus: ſed de 3. illo cap. quod ad peccandum requiri diximus, tota controuerſia eſt. Non enim Deū dicimus concurrere ad eas actiones ſolum vt cauſam vniuerſalem, per influxum quandam indifferentem tam ad eas, quàm ad contrarias; & præterea ſi non de phyſica, ſed de morali cauſa agatur, dicimus actiones illas in ſpecie à Deo non intendi, nec imperari, ſed è contrario improbari, prohiberi, damnari, atque ideò non poſſe vilo modo in Deum referri earum malitiam ac turpitudinem.

At aduerſarij non vno in loco docent, Deum non ſolùm vt cauſam vniuerſalem ad actiones illas concurrere, ſed etiam eas, vt tales ſunt in ſpecie, velle, & imperare, ac per instrumenta ſua propriè cūducere, ac per hoc effe cauſam particularem, cum moralem, cum phyſicam. Quod certè nihil eſt aliud, niſi verè & propriè peccare. Audi Calu. lib. 2. Inſt. c. 4. §. 2. *Omitto, inquit, hic vniuerſalem Dei motionem, vnde creatura omnes, vt ſuſtinentur, ita ſiſſi actum quidam agendi ducunt. De illa ſpeciali actione tantum loquor, quæ in vniquoque facinore apparet; idem ergo facinus Dei, ſatana, homini, aſſignari, videmus non eſſe abſurdum.* Hæc ille.

Vbi vides quemadmodum Calu. velit ipſum facinus, quod à ſatana, vel ab homine perpetratur, aſſignari debere etiam Deo, cuius ſatan & homo instrumenta ſunt, quia Deus non influxu tantum generali cum ſatana, vel homine cooperatur, ſed etiam ſpecialem illam actionem, quæ cernitur in facinore, ipſe intendit, & ad eam infligit hominis & ſatanæ voluntatem, ac denique illum propriè ipſe facit.

Idem etiam lib. 1. Inſt. c. 18. §. 2. vbi explicat quemadmodum homines excecari, ac decipi Scripturæ doceant, dicit Deum non tantum ſinere vt ſatan homines decipiat, ſed ipſum Deum intus in mentibus operari, atque ab ipſo Deo manare efficaciam erroris. Hæc enim ſunt verba eius: *Certe, inquit, niſi operaretur intus in mentibus hominum, non rectè dictum eſſet auferre labium à veracibus.* Et infra: *Dicitur etiam idem ſatan excecave infidelium mentes, ſed vnde hoc niſi quod à Deo ipſo manat efficacia erroris?* Hæc ille.

Itaque quemadmodum S. Patres, Aug. tract. 26. in Ioan. & lib. de prædeſt. Sanctorum, cap. 8. & Greg. lib. 11. Moral. c. 5. & alij, docent, fruſtrâ concionatores exterius exhortari, niſi Deus intus operetur, & ideò conuerſionem peccatoris eſſe opus Dei: Ita Calu. docet fruſtrâ ſatanam conari ad excecandos & decipiendos, niſi Deus operetur intus, & ideò efficaciam erroris ab ipſo Deo manare. Et ſicut in conuerſione peccatoris, Deus eſt qui propriè illuminat, & conuertit; ita in peruerſione iuſti Deum eſſe, qui propriè ſeducit, & pervertit. At illuminare, & convertere, opus eſt bonum, & rectæ rationi congruens; & contrâ, ſeducere & pervertere, opus eſt malum, & à recta ratione abhorrens. Igitur ſicut Deus bene facit illuminando, & conuertendo; ita malè facit, & peccat ſeducendo, & pervertendo.

Zuſiglius in ſerm. de prouidentia, c. 5. dicit, fuiſſe neceſſariam iniuſticiam, vt iuſticia cognosci poſſet.

t cap. 6. dicit fuiffe neceffarium mendacium, vt veritas cognofceretur, & ideo Deum impuliffe Angelum & hominem ad mendacium & iniufticiam. Igitur ex fententia Zuinglij Deus voluit, & proprie intendit in particulari actionem mendacij & iniufticie. Et per hoc mala fuit eius voluntas, ac manifefte peccauit.

Porro Beza in Aphorifmo 22. docet, Deum non folim excitare, & impellere instrumenta ad actiones illas quæ malæ funt, & peccata refpectu instrumentorum, fed etiam creare ipfa instrumenta, id eft, homines ad eum finem, vt actiones illas ab ipfo intentas & decretas iam inde ab æternitate, perficiant. Et quæ Bezae doctrina manifeflum eft, actiones malas vt tales funt in fpecie, à Deo efle intentas, & ipfi, vt veræ & propriæ, ac principali caufæ, efle tribuendas. Ex quo fequitur (vt etiam dictis patet) Deum ex fententia Bezae, verè ac proprie peccare.

Sed præter hoc argumentum, idem colligitur ex ijs quæ diximus cap. fupiore. Nam fi rectè colligimus ex aduerfariorum fententia, Deum efle verè ac proprie auctorem peccatorum quæ à nobis fiunt, certè rectè etiam colligere possumus verè ac proprie Deum peccare. Qui enim eft alteri auctor vt peccet, continuò ipfe etiam peccat. Neque enim magis pugnat cum æterna lege velle mentiri, aut fornicari, aut innoxium punire, quàm velle efficere vt alius mentiaur, aut fornicetur, aut innoxium puniat. Itaque in omni Repub. non minus puniri folet is qui homicidium fecit, quàm is, qui, vt illud fieret, imperauit. Non autem punitur nifi qui peccat; igitur confenfu omnium, qui peccatum imperat, ipfe etiam peccat.

Neque verò fatisfacit fimilitudo illa de fole & cafauere, quam Calvinus adducere folet, vt oftendat Deum non peccare, licet fit caufa cur alij peccent. Quam quidem fimilitudinem adeò propriam, & ad rem illuftrandam appofitam exiftimauit, vt eam multis in locis repetierit, vt lib. 1. Inftit. c. 17. §. 5. in inftit. contra Libertinos, c. 14. & in epift. cont. Francifcanum quendam Libertinum. Eft autem hæc fimilitudo, quam verbis eius referam ex lib. 1. Inftit. Et vnde, quæfo, inquit, fætor in cadauere, quod calore foli um putrefactum, tum rifeorum fuerit? radij folis exciari minime vident, nemo tamen illos fætere ideo dicit. Ita cum in nomine malo fubfideat mali materia & culpa, quid eft quod inquinamentum aliquod contrahere putetur Deus, fi ad fuum arbitrium viatur eius ministerio? Hæc ille.

At tribus in rebus peccat hæc fimilitudo. Primum, quod ante actionem folis ponatur cadauer, id eft, corpus iam corruptum. Neque enim ex corpore integro folis radij fætozem excitare potuiffent. At Deus ab aduerfarijs affirmatur, peccatum excitafle in voluntate primi hominis, cum adhuc ea integra, & omnino fana, & innocens eflet.

Deinde fol eft caufa vniuerfalis, neque corruptionem, fed calefactionem intendit, quæ calefactio ex fe indifferens eft ad effectus varios producendos, & à caufis particularibus limitatur, & determinatur ad hoc potius, quam illud efficiendum. Itaque cur ex cadauere calefacto exciretur fætor, ex pomo, aut aromate fimiliter calefacto exiftat odor; non in folem, fed in caufas particulares caufa referenda eft. Deus autem, vt fuprà docuimus, non folùm vt caufa vniuerfalis, fed etiam vt particularis, ex doctrina Caluini & Bezae, concurret ad actiones malas, quæ ab hominibus fiunt. Eas enim in particulari Deus intendit, imperat, & per humanas voluntates, vt per fua instrumenta perficit.

Denique, fol etiamfi eflet caufa particularis, non tamen corrumperetur corrumpendo alia, quia non

agit libera voluntate, neque per actionem vllam immanentem, fed per actionem in aliud tranfeuntem, & neceffariam. At qui libera voluntate facit alium peccare, is etiam continuò peccat, non potelt corruptione peccati alium putrefacere, nifi funul etiam ipfe putrefcat. Nam ea voluntas qua vult alium peccare, in ipfo eft, non in alio, & cum ea fit mala, quippe quæ liberè fertur in objectum cum recta ratione non congruens, fequitur vt ipfe etiam fit malus, & peccet.

CAPVT VI.

Ex doctrina Zuinglij, Caluini, Bezae, & fimilium colligi, Deum folum verè peccare, non autem homines.

OSTENDIMVS hætenus, fequi ex doctrina Zuinglij, Caluini, & Bezae, Deum efle auctorem omnium peccatorum, quæ ab hominibus perpetrantur, & ipsum etiam Deum verè peccare. Nunc demonftrandum eft, folùm Deum (ex fententia eorundem) ita peccare, vt homines à peccato immunes iudicari debeant. Vt autem hac ratiocinatione: Nemo peccat in eo quod vitare non potelt: primi parentes noftri, in ftatu innocentie, actiones malas vitare non potuerunt; igitur primi parentes noftri in actionibus malis non peccarunt. Quod fi primi parentes, quo tempore gratia Dei, & libero arbitrio præditi erant, peccatum vitare non poterant, ac per hoc non peccabant, etiamfi malè agerent; certè multò minus poffunt homines poft Adæ peccatum malas actiones vitare, cum gratia Dei & libero arbitrio, ex aduerfariorum fententia careant, ac proinde non peccant, etiamfi in omnia fclerum & flagitiorum genera dilabantur.

PROPOSITIO illa, Nemo peccat in eo quod vitare non potelt, certiffima eft. Nam vt S. Auguftinus ait lib. de vera religione, cap. 14. Ita manifeflum eft, peccatum non efle quod non fit voluntarium, vt nulla hinc Doctorum paucitas, nulla indoctorum turba diffentiat. Neque verò debet eo loco voluntarium diftingui contra coactionem, fed contra neceffitatem. Nam paulo infra explicans idem Auguftinus, quid fit voluntate bene facere, aut male: Tales, inquit, fciuos fuos meliores eff: Deus indicauit, fi ei feruirent liber aliter, quod nullo modo fieri poffet, fi non voluntate, fed neceffitate feruirent. Et in fine capitis: Quod autem, inquit, homini à peruerfo Angelo perfuafum dicitur, etiam ad hoc vitæ voluntate confenfit. Nam fi neceffitate id feciffet, nullo peccati crimine teneretur. Hæc ille.

Vbi vides, primum hominem non potuiffe teneri crimine, fi neceffitate peccaffet, id eft, peccatum vitare non potuiffet. Quod etiam affirmat idem S. Auguft. in lib. de correptione & gratia, quem librum fenex confcripfit, exorta iam antea hærefi Pelagiana, (ne fortè Calvinus lib. de vera religione contemnendum cenfeat, quod ab Auguftino iuvene fcriptus fuerit.) In lib. igitur de correptione & gratia, cap. 11. fic loquitur S. Auguft. de Adamo: Tunc ergo dederat homini Deus bonam voluntatem; in illa quippe eum fecerat, qui fecerat rectum, dederat adiutorium, fine quo in ea non poffet, permanere fi vellet, vt autem vellet, in eius reliquerat libero arbitrio. Poffet ergo permanere fi vellet, quia dederat adiutorium per quod poffet, & fine quo non poffet perfeueranter bonum tenere quod vellet. Sed quia noluit permanere, profecto eius culpa eft, cuius meritum fuiffet, fi permanere voluiffet. Et mox: Si autem hoc adiutorium, vel Angelo, vel homini, quamprimum facti funt, defuiffet, quomodo non talis natura facta erat, aut fine diuino adiutorio poffet manere fi vellet, non vitæ fua culpa cecidiffent. Adiutorium quippe defuiffet, fine quo manere non poffent.

Hæc ille.

Hæc ille. Itaque ex fententia S. Auguft. Angelus & primus homo non fua culpa ceciderunt, fi eorum vitare non potuerunt.

Neque id refponderi poteft (quod Calu. & Beza folent) videlicet, eos qui non poliunt vitare peccatum, verè tamen peccare, quia volunt peccare. Nam qui non poliunt vitare peccatum, non poliunt non velle peccare, quia fi poliunt non velle, poliunt etiam non peccare, cum in voluntate peccatum fit: qui autem non poliunt non velle peccare, non habent adiutorium, quo in bona voluntate manere poliunt. De his autem pronunciat S. Aug. eos non fua culpa cadere, quibus tale adiutorium fuerit denegatum.

Iam verò ASSUMPTIO primi argumenti, videlicet, primos parentes noftros in ftatu innocentie non potuiffe vitare peccatum, difertis verbis ab aduerfarijs affirmatur. Nam vt fup. c. 4. citauimus, hæc funt verba Zuinglij c. 6. de prouidentia: *Et, inquit, coactus eft homo ad peccandum, permittit, inquam, coactus effe.* Hæc ille. Et vt in 3. ca. recitauimus, hæc funt verba Calu. li. 3. Inftit. c. 23. §. 7. *Decretum quidem horribile, fateor, inficiari tamen nemo poteft, quin præftiterit Deus, quem exitum effe habiturus homo, antequam ipfum conderet, & ideo præftiterit, quia decreto fuo fic ordinauerat.* Vbi docet Calu. Deum ex fua fola voluntate, antequam determinationem liberi arbitrij primi hominis prævideret, decreuiffe hominis lapfum, & quia Dei voluntati nemo refiftere poteft, fequitur, non potuiffe primum hominem effugere lapfum illum. Quod idem Calu. agnofcit cum fubiungit §. 9. *Excufabiles peccando haberi volunt reprobi, quia euadere nequeunt peccandi neceffitatem: præfertim cum ex Dei ordinatione fibi injiciatur eiuſmodi neceffitas: Nos vero inde negamus ritè excufari, quandoquidem Dei ordinationi, qua fe exitio deftinatos conueruntur, fua conſtet æquitas, nobis quidem incognita, fed illi certiffima.* Vbi non negat Calu. hominem neceffariò peccare, fed dicit effe inexcufabilem, quia Deo fua conſtat ratio, cur homini peccandi neceffitatem iniecerit.

Nos verò hoc loco nihil aliud probare contendimus, niſi primum hominem, vt etiam ceteros omnes ex Calu. fententia peccatum vitare non potuiffe. Quod cum ille concedat, nihil defideramus amplius. Porro idem Calu. in li. de æterna Dei prædeftinatione, pag. 906. de re eadem fic loquitur: *Ad iuſtam hominis damnationem fatis erat in via falutis cum eſſet collocatus, inde ſpontè excidiſſe. At fieri aliter non potuit. Quid enim? an ideo culpa liberatur, quæ tota in eius voluntate refidet? Quo loco rurfus fateor, primum hominem non potuiffe vitare peccatum, fed ideo vult, cum effe inexcufabilem, quia culpa in eius voluntate refideat, id eſt, quia peccare voluerit, & ſpontè peccauerit, tamen non potuerit non velle peccare.*

Quod & docet Beza in reſponſione ad Caſtalionè de æterna Dei prædeftinatione, cum ait: *Quærenda eſt vitæ origo in instrumentorum ſpontaneo motu. Quo fit vt Deus iuſtè decreuerit, quod illi iniuſtè fecerint. At enim dices, non potuerunt reſiſtere Dei voluntati, fateor, fed ſi eunt non potuerunt, ita etiam noluerunt. Verùm non potuerunt aliter velle, fateor quoad euentum, & impetum, fed voluntas tamen Adami coacta non fuit.* Quibus verbis cum Calu. tum Beza aperitiſſimè conſentiant non potuiffe Adamum non velle peccare, & ideo neceſſariò peccaſſe, tamen non coactè, fed ſpontè voluerit, & peccauerit. Quæ ipſorum confeſſio, quamuis abſtineat à vocabulo coactionis, à quo Zuinglius non abſtinet, tamen ſatis nobis eſt ad probandam aſſumptionem argumenti, quod initio propoſuimus. Id enim ſolùm aſſumpſimus, primos parentes noſtros non potuiffe vitare peccatum.

Quod autem Calu. & Beza dicunt, primum hominem neceſſariò quidem, ſed tamen ſpontè peccaſſe: nihil eos iuuat. Iam. n. ex Auguſtino docuimus, primos parentes ſi neceſſitate peccarunt, nullo culpa crimine detineri, & ſi non habuerunt adiutorium, quo poliunt permanere in bona voluntate, id eſt, quo poliunt non velle peccare, non fua culpa cecidiſſe. Alioqui ſi ſufficeret ad peccandum, ſpontè aliquid velle, & non requireretur, non neceſſariò velle, nulla eſſet ratio: cur pueri, atque imbecilles, & ipſæ etiam beſtiæ non peccarent, cum hominem lædunt, aut aliquid magni pretij deltruunt, agunt. nati omnia ſpontè, & ſpontè appetunt, non coactè, ea quæ non poliunt non agere, vel non appetere.

Habemus igitur quod initio propoſuimus, ex doctrina Zuinglij, Caluini & Beza, rectè colligi Deum eſſe peccati auctorem, ipſum etiam peccare, & ſolùm ipſum propriè, ac verè peccare. Quanquam de eo, quod homo non ſit reus culpa, ſi neceſſariò peccat, in tractatu de libero arbitrio copioſius diſceremus.

C A P V T VII.

Ex doctrina Zuinglij, Caluini & Beza, non male colligitur nihil eſſe peccatum, niſi falſam opinionem, vt volunt Libertini.

QUOD ſi blaſphemum, & Chriſtianis auribus intolerandum videtur, vt ſauè videri debet, Deum & peccati eſſe auctorem, & ſolum ipſum verè peccare: nihil reſtat aliud, niſi vt aduerſarij. dicant, nullum eſſe, neque vnquam fuiſſe peccatum. Nam neque homines peccant, cum quicquid agunt, Deo iubente, & impellente, atque adeo neceſſitatem adferente faciunt: neque Deus etiam peccat, cum ipſe, qui ſummum eſt bonum, nihil facere poſſit mali. Atque hoc ipſum eſt; quod Libertini volunt, quos Calu. à ſe genitos immerito recuſat agnoſcere.

Tanta eſt autem Libertini huius dogmatis abſurditas, vt vel ex ipſa ſatis admoneri Calu. potuerit, vt cogitaret quàm peſtilentem, ac pernicioſam doctrinam in orbem terrarum inuexerit. Nam ſi ſemel tollatur diſcrimen boni, & mali, quemadmodum illud tollere conantur Libertini, conuulſum & fides, ac religio, qua Chriſtiani ſumus, collectur è medio, & omnis politica gubernatio, per quam homines cum hominibus ſociantur, penitus interibit. Nam ſi nullum eſſe poteſt in mundo peccatum, tota Scriptura diuina, quæ paſſim peccata reprehendit, falſa erit: nulla quoque erit gehenna, quam tam ſæpe Dominus peccatoribus comminatur: nullum erit futurum iudiciũ in fine ſæculi, quod idem Dominus non ſemel prædixit: ipſe etiã Chriſtus fruſtra venerit in hunc mundum peccatores ſaluos facere; fruſtra crucem, & mortem pertulerit vt ſua obedientia Adami inobedientiam expiaret; fruſtra inſtituerit Sacramenta, quæ eſſent & remedia peccatorum præteritorum, & præſidia ad cauenda futura.

Quod ſi Scriptura diuina falſa eſt, ſi inania Sacramenta, ſi Chriſti incarnatio, paſſio, reſurrectio, nihil proſuit, ſi nullus eſt iudicij, aut gehennæ metus, quorum Chriſtiani ſumus? Ac vt omittamus religionem, ſi parricidia, adulteria, furta, proditioes, peccata non ſunt, certe iuſtè puniri nequeunt; ſi verò impunè talia perpetrentur, quo pacto vlla ſocietas hominum diu ſtare poterit? Sed non eſt opus hunc errorem verbis, aut rationibus conſutare, qui cum ipſo lumine rationis aperitiſſimè pugnat. Rectè enim admonuit Ariſtoteles lib. 1. Topic. c. 9. eos, qui de rebus clariſſimis dubitant, non eſſe verbis, ſed verberibus cœcrendos.

CAPVT VIII.

*Probatnr ex diuinis litteris, Deum nec peccare, nec
effe peccati auctorem.*

SEQVITVR TERTIA pars disputationis de causa peccati ex parte Dei, in qua demonstrandum erit ex Scripturis, & Patribus, & naturali etiam ratione, Deum nec peccare, nec esse villo modo peccati auctorem: Iam enim ostendimus, absurdissimum istum errorem Libertinis cum Caluino & Beza esse communem.

PRIMUM igitur Scripturæ disertis verbis affirmant, à Deo peccata non fieri. Gen. 1. *Vidit Deus cuncta quæ fecerat, & erant valde bona.* Deut. 32. *Dens fidelis, & absque vlla iniquitate.* Habac. 1. *Mundi sunt oculi tui, ne videant malum, & respicere ad iniquitatem non poteris.* Rom. 3. *Nunquid iniquus est Deus? absit, aliqui quomodo indicabit Deus hunc mundum?* Rom. 9. *Nunquid iniquitas apud Deum? absit.* 1. Ioan. 3. *Peccatum in eo non est.* Sap. 11. *Nihil odisti eorum quæ fecisti.* Et Sap. 14. *Odio est Deus impius, & impietas eius.* Denique Scriptura plena est eiusmodi testimonijs. Neque aduersarij tam sunt impudentes, vt apertè dicere audeant à Deo peccata fieri, itaut ipse peccet, quamuis id ex eorum doctrina (vt suprâ ostendimus) colligatur.

SECUNDO, Scriptura docet Deum non velle peccata, ac proinde non decreuisse ab æterno vt peccata fierent. Psal. 5. *Non Deus volens iniquitatem tuas.* Psal. 72. *Odisti omnes qui fornicantur abs te.* Ezech. 18. *Nunquid voluntatis mea est mors impij? dicit Dominus.* 2. Petri 3. *Dens neminem vult perire.*

Ad hæc, & similia, quæ adduci possent, respondent Caluinus & Beza locis citatis. Et Petrus Martyrin comment. 1. cap. epist. ad Rom. Deum non velle peccata fieri ea voluntate, quæ nobis in Scripturis declarata est, quam Theologi voluntatem signi nominare solent, & de hac voluntate esse accipienda testimonia suprâ citata. Nihilominus tamen alia quadam voluntate omnino velle Deum, vt homines peccent, quoniam alioqui non assequeretur finem sibi propositum declarandæ gloriæ suæ in condonatione, vel punitione peccati.

Sed isti dum dicunt, voluntatem Dei in Scripturis patefactam, eam esse, quæ prohibet peccata, satis ostendunt, illam aliam voluntatem, qua Deus vult peccata, non esse in Scripturis patefactam, seq; eam non ex Scripturis, sed ex proprio capite deduxisse. Præterea cum in Deo non possint esse contrariæ voluntates, & velle peccatum, ac non velle peccatum, sint contraria, si Deus vult peccata, sequitur vt in eo non sit voluntas quæ nolit peccata, ac per hoc sequitur, vt voluntas declarata in Scripturis, siue voluntas signi, nihil aliud sit, nisi voluntas mentiendi. Quid enim est, velle peccata, & tamen velle indicare, ac declarare se nolle peccata, nisi velle mentiri? nisi fortè mendacium non sit significare nolle, quod maximè velis. Adhæc voluntas signi dicitur à Theologis ipsum præceptum, vel prohibitio; proinde illa sola Scripturæ loca continent voluntatem signi, quæ præcepta vel prohibitiones continent. Illa igitur testimonia, quæ nos paulò ante adduximus, *Non Deus volens iniquitatem tuas*, & similia, quæ per modum indicandi, non per modum imperandi proponuntur, non sunt ad voluntatem signi propriè referenda.

TERTIO, Scriptura manifestè docet, Deum non imperare peccata, ac per hoc non esse auctorem peccatorum vt causam moralem. Eccl. 15. *Nemini mandauit impiè agere.* Hier. 19. *Edificauerunt excelsa Baalim, quæ non præcepi, nec loquutus sum, nec ascenderunt in cor meum.*

A Denique Deus seuerissimè prohibet, & punit omnia peccata: non igitur imperat vt fiant, nisi fortè secum ipse pugnare credatur. Quid ad hæc loca respondere soleant aduersarij, iam suprâ diximus, & eorum tergiversationem refutauius, vbi ostendimus ex sententia aduersariorum rectè colligi, Deum esse peccatorum auctorem, quia ex eorum sententia Deus imperat vt ea fiant, quæ non possunt nisi malè fieri.

QUARTO, Scriptura docet, Deum non incitare, ac multò minus compellere homines ad peccandum. Iac. 1. *Nemo cum tentatur, dicat quoniam à Deo tentatur: Dens enim intentator malorum est. Ipse autem neminem tentat.* Eccl. 15. *Non dicas, per Deum abest: Quæ enim odit, ne feceris. Non dicas, ille me implanauit. Non enim necessary sunt ei homines impij.* Quo testimonio Spiritus sanctus studiosè refutare voluisse videtur sententiam aduersariorum. Nam Petrus ille falsò Martyr nominatus, in comment. 1. c. ad Ro. duobus modis dicit Deum impellere homines ad opera mala, vno modo, ita deserendo, vt nulla ratione possit homo tentationi resistere: altero modo, præbendo peccandi incitamento intus in animo, & etiam extra. Contra priorem modum clamat Spiritus sanctus: *Non dicas, per Deum abest.* Contra posteriorem addit: *Non dicas, ille me implanauit.* Et quoniam Beza docet, Deum voluisse, ac decreuisse, vt primus homo peccaret, & peccando nos omnes peccatores efficeret, quoniam nisi homines peccatores essent, non posset Deus gloriam iustitiæ & misericordiæ suæ, partim puniendo, partim miserendo patefacere; ex quo sequitur, vt necessarij Deo sint homines impij. Idè Spiritus sanctus addi voluit illam rationem: *Non enim necessary sunt ei homines impij.*

C Adhæc S. Paul. in epist. priorè ad Cor. c. 10. *Fidelis Deus*, inquit, *qui non sinet vos tentari supra id quod potestis.* Profectò qui non permittit nos tentari supra vires, multò minus ipse nos tentat, aut impellit ad peccandum. Petrus Martyr loco citato respondet ad testimonium S. Iacobi à nobis primo loco adductum; ac primum reijcit distinctionem sancti Augustini, qui lib. 2. de consensu Euangelistarum, cap. 30. scribit, duplex esse genus tentationis, vnum ad probandum, alterum ad seducendum; & de priore scriptum esse: *Tentauit Deus Abraham*, Genes. 22. de posteriore scriptum esse: *Dens intentator malorum est, ipse autem neminem tentat*, Iacobi 1.

D Hanc distinctionem tanti auctoris, & per se etiam certissimam, atque verissimam, superbè contemnit Pet. Martyr, in qua re magnum causæ suæ præiudiciū fecit. Quis enim non malit S. August. quàm isti Petro solo nomine Martyri fidem habere? Adfert autem ipse aliam distinctionem, ac dicit, tentationum alias esse externas, alias internas; externas interdum esse à Deo, & idè non loqui Iacobum de tentationibus quæ extrinsecus adhibentur, sed de ijs quæ intus in animo suggeruntur. Sed quoniam istas etiam internas tentationes à Deo esse paulò ante docuerat idem auctor, idcirco adiungit, sententiam Iacobi esse, Deum non tentare internis suggestionibus, ita vt homo sit excusabilis: Nam in homine Deus inuenit materiam, quasi & seminarium tentationum, innatam videlicet concupiscentiam.

E Ac hæc Petri doctrina repugnat omnino sententiæ B. Iacobi, qui absolute pronunciat, à Deo neminem tentari, & Deum intentatorem malorum esse: non enim rectè dicitur non tentare is, qui reuera tentat, licet non reddat inexcusabilem eum qui tentatur, alioqui ipse etiam Satan dici posset, neminem tentare, & intentator malorum esse, cum ipse quoq; non reddat homines, quos tentat, inexcusabiles, & non

sit ipse

ſit ipſe origo mali, ſed inueniat in hominibus materiam, & ſeminarium tentationum, inſitam videlicet concupiſcentiam.

QVINTO Scriptura docet, peccatum eſſe proprium creaturæ; ex quo ſequitur, vt nullo modo in Creatorem referri poſſit. Oſæ 13. *Perditio tua ex te Iſrael, tantummodo in me auxilium tuum.* hoc eſt, nihil ex me habes, niſi adiutorium, ruinam ex te ſolo habes. Ioan. 8. *Cum loquitur mendacium, ex proprijs loquitur, quia mendax eſt & pater eius.* 1. Ioan. 3. *Qui facis peccatum, ex diabolo eſt.* Denique 1. Ioan. 1. legimus: *Deus lux eſt, & tenebra non ſunt in eo vlla.*

RESPONDENT Caluinus & Martyr, originem mali eſſe in homine propter naturæ corruptionem, & hoc ſignificari teſtimonio illo Oſæ Prophetæ, & alijs ſimilibus. At peccatum primum Adami non habuit originem ex naturæ corruptione, ſed ipſum eſt, quod naturam corrumpit; quare ſi illud etiam commiſſum eſt impellente Deo, vt ſuprà Caluinum velle demonſtrauiſmus, ſequitur vt vel de Adamo dici non potuerit, *Perditio tua ex te*, vel Caluini ſententia falſa ſit.

Deinde ipſam concupiſcentiam, & peccatum originis peccatum eſſe in humana natura ab ipſo Deo, docet Petrus Martyr loco citato in cap. 1. ad Romanos. Igitur non ſolum de Adamo, ſed neque de cæteris hominibus verè dici poteſt, *Perditio tua ex te.* At, inquit Martyr, *concupiſcentia, ipſumque originale peccatum inferum quidem eſt in homine à Deo, ſed in pœnam peccati Adami. Ita prima origo perditionis humana non eſt Deus, ſed Adam.*

Omitto quod non dixit Propheta, *Perditio tua ex te*, ſed ex te; & quod ſi peccatum ipſum Adami refertur in Deum, in Deum quoque; referri debeat peccatum noſtrum originale, quod ex illo fluxit. Hoc tantum accipio, abſurdum, & iniquum eſſe, vt vnus puniatur pro alio, ea præſertim pœna, quæ ſit etiam propriè peccatum, dicente Domino per Ezechielem cap. 18. *Anima quæ peccauerit, ipſa morietur, & filius non portabit iniquitatem patris.* Qua igitur ratione fieri poteſt, vt Deus iuſtiſſimus in pœnam peccati Adami inferuerit verum peccatum in omnibus eius filijs & nepotibus?

His accedit, quod non ſolum ait Propheta, *Perditio tua ex te*, ſed addit etiam, *In me tantummodo auxilium tuum.* Quib. verbis duo ſignificantur, non eſſe alium qui poſſit auxiliari generi humano iam perduto, præter Deum, & in Deo nihil eſſe aliud, niſi auxilium; proinde non tentationem, nec impulſionem ad peccatum, neque illam ruinæ, & perditionis cauſam. Neque aliud denique, quod auxilio ſit contrarium. Vt ſenſus ſit, ex te perditio, ex me non perditio, ſed auxilium tantum.

SEXTO, Scriptura docet, Deum hortari homines vt non obdurent corda ſua, Pſal. 94. *Noli obdurare corda veſtra.* Item pulſare ad oſtium cordis, ac paratum eſſe ingredi, ſi aperiat, Apoc. 3. *Ego ſto ad oſtium, & pulſo: ſi quis aperuerit mihi, intrabo ad eum.* Item inuitare omnes ad ſe, Matthæi vndecimo: *Venite ad me omnes.* Non igitur Deus poteſt eſſe cauſa peccati, indurando propriè corda hominum, & intus efficaciter operando, vt aduerſarij dicunt. Alioqui videretur Deus ſibi ipſe contrarius. Quorſum enim dicit, *Noli obdurare corda veſtra*, ſi ea vult obdurari, & ipſe eſt, qui ea quaſi manibus ſuis obdurat? & quorſum ſtat ad oſtium, & pulſat, ſi ipſe claudit corda, & efficaciter operatur, ne aperiantur? quorſum etiam omnes vocat, atque inuitat, ſi ipſe aggrauat aures, ne fortè audiant, & conuertantur, & viuant?

CAPVT IX.

Probatur teſtimonijs Patrum, Deum non eſſe peccati auctorem.

AD Scripturarum teſtimonia addemus traditionem Eccleſiaſticam. Igitur S. DIONYSIVS AREOPAGITA in lib. de diuinis nominib. cap. 4. *Non igitur, inquit, Deus auctor eſt mali.* Et paulo poſt demonſtrat Angelos & animas fieri malas, cum à Dei bonis deficient.

S. IVSTINVS in dialogo cum Triphone, propè extremo: *Illud quoque, inquit, ante docuit, Deum non eſſe cauſam, cur ij, quorum peccata ante cognita ſunt, ſine Angelis, ſine homines improbi efficiantur, ſed ſua quiſque culpa tales ſunt.*

IRENÆVS integrum opus aduerſus hanc hæreſim ſcripſit, teſte Euſebio lib. 5. hiſt. cap. 19. cum enim Florinus quidam doceret, Deum eſſe auctorem mali, reprehendit eum S. Irenæus his verbis, quæ apud Euſebium loco citato reperies: *Iſta dogmata, Florine, vt tecum agam humanius, ſane doctrina & ſententia non ſunt. Iſta dogmata ſunt Eccleſiæ repugnantiæ, vt pote quæ eos, qui illis obſequuntur, in maximam impietatem deiciunt. Iſta dogmata ne hæretici quidem, qui erant ab Eccleſiâ exturbati, vnquam affirmare audebant. Iſta dogmata Presbyteri, qui ante nos fuerunt, quique erant Apoſtolorum diſcipuli, minimè tibi tradiderunt.*

CLEMENS ALEXANDRINVS lib. 1. Strom. circa medium, oſtendit cauſam peccati non poſſe referri in Deum, cum Deus non impediatur, quo minus liberum arbitrium eligat quod voluerit: *Qui, inquit, non prohibuit liberam animæ electionem, iuſte iudicat, vt vel maximè quidem Deus nobis non ſit cauſa vitij.* Et lib. 1. Pædagogi, cap. 8. *Culpa, inquit, eſt eius qui eligit, in Deum autem culpa conſerri nequit.*

ORIGINES lib. 4. contra Celſum, poſt medium: *Poſt hæc, inquit, pergit Celſus, naturam malorum cognoscere difficile eſt non philoſophantibus, & ſatis eſt vulgus doceri, mala non eſſe à Deo, ſed materiam veſari circa mala.* Et infra: *Eſt quidem verum, inquit, mala non eſſe ex Deo. Nam & noſter Hieremias manifeſtè docet, quod ex ore Domini non egredientur mala cum bonis; cæterum materiam, quæ verſetur circa mortalia, cauſam eſſe malorum, falſum eſt. Nam ſua cuique ratio cauſa eſt exiſtentis in ipſo malitia, quæ quidem malum eſt, mala quoque actiones, quæ ex ea promouunt.*

EVSEBIUS CÆSAR. lib. 6. de prepar. Euang. cap. 5. *Impius, inquit, proſectò indicabitur, imò verò perſiſſimus omnium, qui à Creatore vniuerſaliſ alios ad adulteria, alios ad rapinas, alios ad alia vitia impelli arbitretur. Unde ſequitur, aut hæc peccata non eſſe, aut peccandi cauſam in Creatorem referri.* Et infra: *Quare non iure homo, ſed Creator eius peccator eris, quo dogmate nihil ſceleſtius cogitari poteſt.*

S. ATHANAſ. in orat. contra idola, non procul ab initio, demonſtrat, Deum auctorem mali eſſe non poſſe: *Id, inquit, abſurdum ſimul & impoſſibile fuerit. Non enim ex bono malum, neque in eo eſt, neque per eum. Alioqui pro bono haberi non poſſet, cum aut miſcellaneam, contrariamque naturam haberet, aut cauſa, auctorque malorum exiſteret.* Idem Athanaſius eandem ſententiam tribuit S. Antonio, eius vitam deſcribens.

S. BASILIUS homilia 2. de opere ſex dierum: *At, inquit, à Deo malum profluxiſſe, primum non eſt dicere.* Idem integram orationem ſcripſit de eo, quod Deus non ſit auctor malorum.

S. GREGORIUS NISSENVS lib. 7. Philoſophiæ, cap. 1. *Non enim, inquit, Deo ſas eſt adſcribere turpes actiones, & iniuſtas.*

S. GREGOR. NAZIANZ. orat. I. in Iulianum, ante medium, diſſerens de conſilijs diuinæ providentiæ: *A quibus*, inquit, conſilijs non ille quidem ad malum excitatus eſt (Deus enim nullo modo cauſa eſt mali, quippe natura bonus, vitiumque eius eſt qui eligit) baud tamen ab impetu ſuo, animique propoſito reſpreſſus eſt.

S. IOAN. CHRYSOSTOMVS hom. 13. in Acta Apoſt. Nullus, inquit, dicat, Deus nobis auctor malorum eſt. Et infra: *Satiſ ſuerit ſexcenties defodi, quam Deum audire talia per nos.* Et hom. 3. in Genef. *Propter hoc*, inquit, creaturam hanc omnem produxit, & nos formauit, non ut peccamus, neque ut ſupplicijs nos torqueat, ſed ut ſaluet. Et homil. de interdictione arboris ad Adam, quæ habetur poſt hom. in Genefim, inquit: *Maniſteſtum eſt, Deum noluiſſe Adam peccare, qui voluit eum ante delictum præſtrueret; poſuit Adam Deo parere, quod noluit, qui conſentire diabolo maluit.* Quæ duo loca pugnant apertè cum ſententia Caluini & Bezæ, qui dicunt, à Deo creatos homines, ut eos perderet, & Deum voluiſſe ut Adam peccaret, & omnes poſteros peccato ſuo inſiceret, quo aditus ipſi Deo aperiretur ad iuſtitiam, & miſericordiam oſtendendam.

S. EPIPHANIVS hæreſi 66. quæ eſt Manichæi, non procul ab initio: *Absurdum*, inquit, eſt, malitiam Deo tribuere, & diuinæ, ac Eccleſiaſticę Scripturę character hoc conſuetur, Deum penitus alienum, & impermixtum à malo eſſe: *Deus enim niſi mali fecit, ſed omnia valde bona, ut qui bonus ſi natura, incomprehenſibilis eſſentia, omnia continens, & ipſe à nemine contentus.* Neque igitur malum ſemper erat, neq; ex Deo factum eſt malum. Et infra: *Iuxta permiſſionem liberi arbitrij omnibus propria voluntate viſ concedit, ut quiſque quod voluerit, faciat, quod ipſe quidem malorum cauſa non ſit, &c.*

THEODORETVS in Epitome diuinorum decretorum, cap. de Antichriſto: *Deus*, inquit, non eſt cauſa malorum, ut volunt etiam externi philoſophi. Nec enim ipſe Cain effecit homicidam. Idem auctor ſer. 5. ad Græcos, copioſè hoc oſtendit, adductis testimonijs Platonis, & aliorum.

S. CYRILLVS ALEXANDRINVS lib. 3. in Iulianum, circa medium: *Igitur bona quidem, & bene operans, imò ipſa bonitas eſt diuina, & ineffabilis natura, non ignorauit autem malum, ſed nouit non præctice id quod nos ſentiſimus, in omne venientes malum.* Hæc ille. Vbi docet, Deum ſcire bonum & malum, ſed bonum theoricè & præctice, quia ſemper benè operatur; malum autem theoricè, non præctice, quia nunquam malè operatur.

S. IOAN. DAMASCENVVS lib. 4. de fide, cap. 20. nihil aliud docet, niſi Deum non eſſe auctorem mali, & explicat testimonia Scripturæ, quæ ſecus habere videntur. Atque hæc quidem ſunt Græcorum testimonia. Addemus nunc etiam Latinorum.

TERTULLIANVS in lib. aduerſus Hermogenem: *Iam ergo*, inquit, malum ab ipſo, qui eſt mali, ſi non auctor, quia non effector, certè permiſſor, quia dominator. Et in lib. de Trinitate: *Nec enim poſſe fieri, ut ſit initia- tor, aut artiſex ullius mali operis, qui nomen ſibi perfecti vendicat, & parentis, & iudicis.*

S. AMBROSIVS lib. de paradifo, cap. 15. *Deus*, inquit, operatur quod bonum eſt, non quod malum. Idem in libro primo Exameron, cap. 8. *Nunquid*, inquit, malitiam Deus creauit? ſed ea ex nobis orta, non à Creatore Deo condita, morum leuitate generatur. Et infra: *Eradicari hanc Deus vult de animis ſingulorum. Quomodo ipſe eam generaret, cum clamer Propheta, Deſine à malitijs veſtris & præcipue ſanctus Danid, Deſine, inquit, à malo, & fac bonum? Quomodo ergo ei initium à Domino datus? Sed hæc opinio ſerualis eorum, qui perturbandam Eccleſiam putauerunt.*

S. HIERON. in comment. 1. cap. ad Ephes. explicans illud, *Qui vniuerſa operatur ſecundum conſilium voluntatis ſuę.* Non, inquit, quo omnia quæ in mundo ſiunt, Dei voluntate & conſilio peragantur, alioquin & mala Deo poterunt imputari: ſed quo vniuerſa quæ ſciit, conſilio facit, & voluntate. Et in comment. cap. 7. Eccleſ. explicans illa verba: *Deus creauit hominem rectum. Ne videretur*, inquit, Deum auctorem maliſacere, arguè præcauit, & ait bonos nos à Deo creatos: ſed quia libero ſumus arbitrio deſecti, vitio noſtro ad peiora delabi. Vide eundem lib. 12. in Iſaiam extremo, & in principio primi lib. contra Pelagianos.

S. AVGVSTINVS tres libros de libero arbitrio ea potiſſimùm de cauſa ſcripſit, ut oſtenderet Deum non eſſe cauſam peccati. Idem Auguſt. epiſt. 105. ad Sixtum: *Iniquitatem, quam rectiſſima veritas improbat, damnare nouit ipſe, non facere.* Et lib. 13. de Trin. cap. 12. *Modus*, inquit, quo traditus eſt homo in diaboli poteſtatem, non ita debet debet intelligi, tanquam hoc Deus fecerit, aut fieri iuſſerit, ſed quod tantum permiſerit. Et lib. 5. de ciuit. Dei, cap. 8. *A Deo ſunt omnes poteſtates, quamuis ab illo non ſint omnium voluntates.* Et cap. 9. *Sicut omnium naturarum creator eſt, ita omnium poteſtatum dator, non voluntatum.* Mala quippe voluntates ab illo non ſunt, quoniam contra naturam ſunt, quæ ab illo eſt. Lib. 12. Confell. cap. 11. *Hoc ſolum à ſe non eſt, quod non eſt, motusque voluntatis à ſe qui eſt, ad id quod minus eſt, quia talis motus delictum, atque peccatum eſt.* Idem lib. de ſpiritu & littera, cap. 31. *Nuſquam*, inquit, legimus, non eſt voluntas niſi à Deo, & rectè non ſcripſim eſt, quia verum non eſt, alioquin etiam peccatorum (quod abſit) auctor eſt Deus, ſi non eſt voluntas niſi ab illo, quoniam mala voluntas iam ſola peccatum eſt, etiamſi deſit affectus, id eſt, non habeat poteſtatem. Et lib. 2. de peccatorum meritis & remiſſ. cap. 17. *Nullus*, inquit, culpa humane in Deum referas cauſam. Et cap. 18. *Malam voluntatem ad auctorem Deum eſſe reſendam, neſas eſt dicere. Item: Si ergo volumus aut bona eſt, aut mala, & vtiſque malam non habemus ex Deo, reſſat ut bonam habeamus ex Deo.* Lib. de prædeſt. Sanct. cap. 10. *Præſcire*, inquit, potens eſt Deus, etiam quæ ipſe non facit, ſicut quacunque peccata.

Quo loco demonſtrat S. Auguſtinus prædeſtinationem ſine præſcientia eſſe non poſſe. Poſe autem eſſe ſine prædeſtinatione præſcientiam: prædeſtinauit enim Deus bona, quæ ſe præſciebat eſſe facturum. Mala autem præſciuit, ſed non prædeſtinauit; proinde non ſiunt mala (ut Calu. dicit) ei decreto Dei. Idem auctor lib. 3. de libero arbitrio, cap. 16. ita concludit: *Omnino non inuenio, nec inueniri poſſe, & proſus non eſſe confirmo, quomodo tribuantur peccata noſtra Creatori noſtro Deo, quando & in ipſis cum laudabilem inuenio, non ſolum quod ea punit, ſed etiam quod tunc ſiunt, cum ab eius veritate receditur.* Deniq; in 1. lib. de ordine, cap. 1. *Sequitur*, inquit, aut diuinam providentiam non uſque ad hæc ima portendi, aut centè mala omnia Dei voluntate committi, utrumque impium, ſed magis poſterius. Quid clarius contra Calu. & Bezam dici potuit? Similia paſſim in Auguſtino reperiuntur.

Auctor lib. Hypogn. qui habetur inter opera eiufdem Aug. l. 6. circa medium, diſſerens de peccato Iudæ proditoris: *Absit*, inquit, hoc à ſummo bono iudice, auctore omnium bonorum Deo, damnatore vero cunctorum malorum: quia mala Iudæ, ut prædixi, præſciuit, non fecit.

S. PROSPER in reſponſione ad capitula Gallo- rum, cap. 12. *Voluntas Dei nunquam vult, niſi bona: Præſcientia autem, & bona noſcit, & mala; ſed bona quæ aut ipſe faciat, aut etiam ut nos faciamus, imperat: mala autem, quæ omnino ipſe non facit, nec fieri ſuaſit, aut impulſit.* Et cap. 14. *Inſidelitas non credentium Euangelio, nequaquam ex Dei prædeſtinatione generatur.*

Bonorum enim Deus auctor est, non malorum. Vide etiam responsionem ad capitula Vicentiana, cap. 5. 7. 8. 9. 10. 11. 12. & 13.

S. LEO Pontifex auctor est Sententiarum, quæ in Concilio Arausicano II. definitæ sunt, in quarum vigesima quinta, quæ est postrema, ita legimus: Aliquos ad malum diuina potestate prædestinatos esse, non solum non credimus, sed etiam si sunt qui tantum malum credere velint, cum omni detestatione illis anathema dicimus. Quam sententiam iterum confirmauit, & quasi suam fecit Synodus Valentina, quæ tempore Lotharij Imperatoris in Gallijs celebrata est. cap. 3. Idem S. Leo serm. 16. de passione Domini: Nonquid, inquit, iniquitas persequentium Christum ex Dei est ora consilio? & illud facinus quod omni maius est crimine, manus diuine præparationis armauit? non hoc planè de summa iustitia sentiendum est.

S. FULGENTIVS lib. 1. ad Monimum toto, disputat hanc quæstionem, Vtrum peccata fiant ex prædestinatione Dei. Quæ est ipsa quæstio, quam nunc tractamus aduersus Caluinistas. Nam (vt idem Fulgentius testatur in eodem lib. 1. ad Monimum, cap. ult.) paulò post obitum S. Augustini, non defuerunt aliqui, qui ex lib. de prædest. Sanctorum B. August. malè intellecto, collegerunt, Deum prædestinasse impios ad opera mala, & proinde fieri opera mala ex decreto, & impulsu Dei. Quem errorem copiosissimè refutauit primò S. Prosper, deinde S. Leo, & Concilium Arausicanum suprà citatum; cum sanctus Fulgentius, & auctores qui eos sequuti sunt, vt Leo IX. & alij.

Sed operæpretium erit aliquid ex libro S. Fulgentij huc adducere. Sic igitur ipse loquitur lib. 1. ad Monimum, cap. 12. Potest, inquit, sicut voluit, prædestinare quosdam ad gloriam, quosdam ad penam. Sed quos prædestinauit ad gloriam, prædestinauit ad iustitiam; quos autem prædestinauit ad penam, non prædestinauit ad culpam. Posset enim peccatum aliquod ex prædestinatione Dei esse, si posset aliquis hominum iuste peccare. Nullus autem hominum iuste peccat, quamuis cum Deus iuste peccare permittat. Et infrà In Sanctis coronat Deus iustitiam, quam eis gratis ipse tribuit, gratis seruauit, gratisque perfecit: iniquos autem condemnabit pro impetate, vel iniustitia, quam in eis ipsi non fecit. In illis enim opera sua glorificat, in istis autem opera non sua condemnat. Et cap. 21. Si enim cum à Deo fieret homo, sic erat in præsentis opere Dei bonus, vt in prædestinatione eius esset malus, proculdubio Dei opere malus futurus erat, à quo ad peccandum prædestinatus fiebat. Vbi statim illa consequetur absurditas, vt dicatur, quia Deus, de quo Propheta dicit: Quis fecit quæ futura sunt, in se habuit, quod absit, iniquitatis originem, si hominem à se factum ipse prædestinauerat peccatorem. Prædestinatio enim eius præparatio est operum eius. Et sicut competit Deo bono, vt causa sit totius operis boni; sic incongruum est, vt imputetur causa in iustis operis mali.

S. GREGORIUS lib. 29. Moral. cap. 21. Dominus, inquit, auctor est nature, non culpe. Et hom. 9. in Ezechielem, in principio: Sed sciendum, inquit, quia mala nostra solummodo nostra sunt, bona autem nostra & omnipotentis Dei sunt, & nostra.

LEO IX. Pontifex in epist. ad Petrum Antiochenum, tradens fidei Catholicæ confessionem: Credo, inquit, Deum prædestinasse solum bona, præsciuisse autem bona & mala.

HUGO de S. Victore lib. 1. de Sacramentis, part. 5. cap. 27. Malis, inquit, Deus potestatem tribuit solum, non voluntatem, quia licet ex ipsius permissione sit, quod malum possunt, ex inspiratione tamen eius non est, quod malum volunt. Malorum enim voluntatum Deus ordinator est, non creator.

His addere possumus tria gentium testimonia, qui sapientissimi præter ceteros haberi solent. Vnum est Mercurij Trismegisti in Pimandro, cap. ult. vbi legimus, A Deo factum esse nihil turpe, nihil malum prodire. Alterum est Platonis in 1. dialogo de Republica, qui sic ait: Bonorum quidem solus Deus causa est dicendus; malorum autem quamlibet aliam, præter Deum, causam querere decet. Et infrà: Malorum alicui causam esse Deum, cum bonus sit, refellendum est omnino, nec permittendum hoc quemquam dicere in sua ciuitate, si bonis iustis legibus ciuitas debet. Nec insuper quemquam audire, siue sit ille iunior, siue senior, siue ex armibus hæc inferantur, siue soluta oratione narrentur, tanquam quæ nequæ illis sancta sint, neque alijs utilia, nec inter se consona. Tertium est Maximi Tyrij, qui in serm. 25. vbi de causa mali disserit, ita loquitur de malo morali, quod propriè dicitur peccatum: Eius, inquit, nomen est improbitas, causamque ab eligentis arbitrio nanciscitur, Deo semper extra omnem causam constituto.

CAPVT X.

Eadem veritas rationibus comprobatur.

AD hæc testimonia rationes addi possunt. PRIMA ratio sit ea, quæ vultur sanctus Anselmus in libro de libero arbitrio, cap. 8. Iusta voluntas hominis est ea tantum, quæ vult id, quod Deus vult eam velle: iniusta verò è contraria ea est, quæ vult id, quod Deus non vult eam velle; ergo si Deus vellet hominem peccare (quod aduersarij dicunt) vellet hominem velle id, quod non vellet eum velle, quæ est manifesta contradictio. Quare non solum non vult Deus hominem peccare, sed nec potest illa ratione id velle. Ex quo etiam sequitur, vt non sit Deus auctor peccati, nec hortando, nec imperando, nec impellendo, nec vltio alio modo. Vel enim id faceret nolens, aut volens, non utique nolens, ergo volens; quod si volens, sequitur (vt diximus) apertissima contradictio.

SECUNDA ratio esse potest ea, quæ apud sanctum Fulgentium lib. 1. ad Monimum, cap. 21. 22. & 23. In Dei operibus nihil esse potest non plenum sapientiæ & rationis: nulla autem potest excogitari ratio cur Deus velit, aut faciat homines peccare; non igitur id vult, nec facit. Assumptio demonstratur hoc modo: In omni opere Dei, aut iustitia, aut misericordia cernitur. Nam omnes viæ eius misericordia, & veritas, Psal. 24. Et quidem cur Deus hominem ex iniusto faciat iustum, ratio reddi potest, quia in eo opere misericordia diuina mirificè declaratur: at cur ex iusto facere velit iniustum, non potest reddi ratio, cum in hoc opere nec misericordia, nec iustitia, sed iniquitas potius, & crudelitas locum habeant.

Dicet fortassis aliquis, etiam si in hoc opere, quo quis efficitur iniustus, nulla cerni possit misericordia, vel iustitia, tamen potest hoc opus ordinari ad finem, in quo misericordia, vel iustitia luceat; proinde poterit reddi ratio, cur Deus velit aliquos iniustos facere, nimirum vt habeat, quorum misereatur, & quos puniat. Hæc enim est ratio Theodori Beza, vt suprà vidimus, qui docuit, Deum decreuisse lapsum primi hominis, & omnium filiorum eius, vt viam patefaceret misericordiae & iustitiæ suæ manifestandæ. At (vt rectè dicit sanctus Fulgentius loco citato, lib. 1. ad Monimum, cap. 22.) iustitia iusta non erit, si puniendum reum non inuenisse, sed fecisse dicatur, quin potius maior erit iniustitia, si lapsus Deus tribuat penam, quem stantem prædestinasse dicitur ad ruinam.

Potro misericordia illa crudelis, & immifericors efflet, quæ hominem impium faceret, vt eum ab impietate poſtea liberaret, niſi forte à clementia laudandus eſſe videatur, qui hominem ſpoliet, vt veſtiat; vulneret, vt ſanet, in puteum deiſciat, vt eum inde extrahat. Pulchrè S. Auguſt. lib. 3. Confeſſ. cap. 2. dicit, maleuolam beneuolentiam (quod eſſe non poteſt) omnino futuram, ſi quis miſerum aliquem eſſe velit, vt ei miſereatur. Adde quod non poterant Deo deſſe plurimæ rationes gloriæ ſuæ manifeſtandæ, etiamſi homines non peccaſſent. Re- cte enim ſcripſit Eccleſiaſticus, cap. 15. non eſſe Deo neceſſarios homines impios.

TERTIA ratio eſt S. Auguſtini lib. 83. quæſtione- num, q. 3. Nullo ſapiente homine auctore ſit homo deterior. Non enim parua iſta culpa eſt, imò tanta eſt, quæ in ſapientem quamuis hominem cadere ne- queat. Eſt autem Deus omni homine ſapiente præ- ſtantior. Multò minus igitur Deo auctore ſit homo deterior. Item q. 21. Quiſquis omnium quæ ſunt au- ctor eſt, & ad cuius bonitatem id tantum pertinet, vt ſit omne quod eſt, non eſſe, ad eum pertinere nullo pacto poteſt. Omne autem quod deficit ab eo quod eſt eſſe, deficit, & tendit in non eſſe. Eſſe autem, & in nullo deficere, bonum eſt, & malum eſt deficere. At ille, ad quem non eſſe non pertinet, non eſt cauſa deficienti, id eſt, tendendi ad non eſſe, quia (vt ita dicam) eſſendi cauſa eſt. Boni igitur tantummodo cauſa eſt, & propterea ipſe ſummum bonum eſt, quocirca mali auctor non eſt, qui omnium quæ ſunt auctor eſt, quia in quantum ſunt, in tantum bona ſunt. Hæc ille. Similiratione vtuntur ferè omnes Pa- tres ſuprà citati, ac præſertim Athanaſius, Baſilius, Nazianzenus, Epiphanius, qui ex eo quod Deus na- tura bonus eſt, & ſummum, purumq; bonum, colli- gunt fieri non poſſe, vt ab ipſo ſit origo mali, cum ſi- mile à ſimili, non à contrario producat.

QUARTA ratio eſt S. Ambroſij lib. 1. Exam. c. 8. Deus cupit eradicari malitiam, & ideò prohibet, ac punit peccata. Et ipſe Dei filius venit, vt tollat pecca- ta mundi, vt diſſoluat opera diaboli, vt deſtruat cor- pus peccati; qua ratione igitur fieri poteſt, vt Deus velit homines peccare, & ideò non ſolum peccata permittat, ſed etiam incitet, & impellat homines ad peccatum, & (vt aduerſarij blaſphemant) ipſe per homines, tanquam per instrumenta ſua, illa omnia efficaciter peragat, quæ ſclerate fiunt ab illis?

QUINTA ratio talis eſſe poteſt, Si Deus eſſet au- ctor peccati, ipſe quoque peccaret. At peccare non minus Deo repugnat, quàm non eſſe Deum: Igitur fieri nequit, vt Deus ſit auctor peccati. Propoſitio certiffima eſt. Nam ſi Deus eſſet auctor peccati, cer- tè vellet homines peccare: homines peccare eſt ma- lum; igitur Deus vellet malum, ac per hoc voluntas eius eſſet mala; vbi autem eſt voluntas mala, ibi eſt peccatum. Aſſumptio primi argumenti probatur ex ipſa Dei natura, quæ planè tollitur, ac deſtruitur, ſi peccatum in ea ponatur. Nam peccare eſt deficere. Deus autem, ſi poteſt deficere, non eſt ſummum & infinitum eſſe, proinde nec eſt Deus. Item, peccare non poteſt, qui non errat aliqua in re, neq; enim vo- luntas poteſt appetere malum, niſi ſub ratione boni. Vnde eſt illud Sap. Errant qui operantur malum, Pro- uerb. 22. Et illud Philoſophi: Omnis malus ignorans, 3. Ethic. c. 1. Deus autem ſi poteſt errare, non eſt ſum- ma & infinita ſapientia, proinde nec eſt Deus.

Rurſus, peccare eſt recedere à regula legis æternæ, quæ eſt ipſa diuina ſapientia; Deus autem à diuina ſapientia recedere non poteſt, quin à ſe ipſo recedat, cum ſit ipſa diuina ſapientia. Denique peccare eſt

A auerti ab ultimo fine & ſummo bono, quod nihil eſt niſi Deus; igitur ſicut repugnat Deum à ſe auerti, ita repugnat Deum peccare.

Accedat POSTREMA ratio ex eo quod omnes communiter execrantur Marcionem, Manichæum, & alios veteres hæreticos, qui aliquo modo Deum faciebant auctorem peccatorum. At longè magis execrandi ſunt Libertini & Caluiſtæ, ſiquidem illi veteres, cum non auderent in Deum bonum referre cauſam mali, duos Deos finxerunt, vnum bonum, bonorum auctorem; & alterum malum, auctorem malorum. Libertini verò & Caluiſtæ, vnum & eundem Deum auctorem faciunt omnium ſclerum & flagitiorum, quæ ab hominibus perpetrantur. Sed de his hætenus.

CAPVT XI.

Reſelluntur obſeſſiones depromptæ ex diuinis litteris.

SUPEREST vt ad argumenta reſpondeamus, & quo- niàm multa loca diuinæ Scripturæ ab aduerſarijs adferuntur, reuocabimus omnia ad certa capita.

PRIMUM igitur obijciuntur ea teſtimonia, qui- bus ſignificari videtur Deum velle & decreuiſſe iam ab æternitate, vt fiant mala opera. Huc pertinet il- lud Genef. 45. *Non veſtro conſilio, ſed Dei voluntate* C *huc miſſus ſum.* Et cap. 50. *Nolite timere, num Dei poſſu- mus reſiſtere voluntati?* In quibus duobus locis excu- ſat Ioseph ſcelus fratrum ſuorum, qui eum vendide- rant Madianitis, quia ſic Deus voluerit, cuius vo- luntati reſiſtere nemo poſſit.

Huc etiam pertinent illa: *Hunc definito conſilio, & præſcientia Dei traditum, per manus iniquorum affligentes interemiſiſti, Actor. 2.* Et: *Conuenerunt verè in ciuitate iſta aduerſus ſanctum puerum iunum Ieſum, quem vnxiſti, Herodes, & Pontius Pilatus, cum gentibus, & populo Is- rael, facere quæ manus tua, & conſilium tuum decreuerunt fieri, Actor. 4.*

RESPONSIO. In malis operibus ſæpè accidit, vt actio ſit mala, & paſſio bona. Venditio enim Patriarchæ Ioseph, & occiſio Domini noſtri Ieſu Chriſti, ſi con- ſiderentur ex parte agentium, id eſt, vendentium & occidentium, ſclera erant grauiffima; ſi ex parte pa- tientium, videlicet Ioseph & Chriſti, æquo animo ferentium venditionem, vel mortem, opera erant ſummæ patientiæ, ac per hoc valdè bona. Deus igitur voluit, ac prædefiniuit opera iſta virtutum, quæ in paſſione conſiſtunt, cum voluit, ac prædefiniuit, vt Ioseph venderetur, & Chriſtus occideretur. Ope- ra autem mala vendentium Ioseph, & occidentium Chriſtum, non voluit, nec prædefiniuit, ſed præſci- uit, & permisit, vt multi ſancti Patres ſuprà citati do- cent, & in ijs Auguſt. Proſper, Fulgentius, qui accu- ratius de ijs rebus diſſeruerunt. Ad hoc enim, vt in- fallibiliter fieret quod Deus voluerat & prædefinie- rat, vt videlicet Ioseph venderetur, & Chriſtus occi- deretur, ſatis erat Deum præuidiſſe malas voluntates fratrum Ioseph, & Iudæorum, ac Pilati, & ſimul vo- luiſſe permittere, vt malæ illæ voluntates ſuo tem- pore parerent, quod ſclerate conceperant.

Ac vt ſingula loca in argumento propoſito breui- ter explicemus, in cap. 45. & 50. libri Geneſeos, non dicit Ioseph, à Deo impulſos fuiſſe fratres ſuos ad ſcelus, ſed Deum conuerſiſſe malum eorum in bonum. Sic enim ait: *Vos cogitaſtiſ de me malum, ſed Deus vertiſ illud in bonum, vt exaltaret me, & ſaluos faceret multos populos.* Conſolatur autem Io- ſeph fratres ſuos, oſtendens bonum rei euentum ex diuina prouidentia, quæ malum illud permisit, vt

multa,

multa, & magna bona inde eliceret. Id enim significat illa verba, cap. 45. Nolite timere, neque durum vobis videatur, quod me vendidistis in his regionibus: pro salute enim vestra misit me Dominus ante vos. Neque enim parua consolatio est ei qui peccauit, & quem peccati iam pœnitet, si videat occasione peccati sui magnum aliquod bonum esse consequutum.

Illud autem: Non vestro consilio, sed Dei voluntate huc missus sum, in eundem sensum recidit. Pertinet enim (vt exponit Chrysost. hom. 64. in Genes.) ad consolationem fratrum, & sensus est, Nisi Deus permittere voluisset id, quod de me facere conabamini, non potuissetis vestro consilio quidquam agere; propterea non vestro consilio, sed Dei prouidentia adscribo causam ingressus Dei in Ægyptum. Quod etiam docet S. Ambrosius lib. de Ioseph, cap. 12. vbi scribit, S. Ioseph non tam attendisse quod à fratribus missus fuisset ad mortem, quam quod à Deo missus fuisset ad vitam, & ideo fraterna charitate conatum esse peccatum illorum excusare, & causam ingressus sui in Ægyptum, non illorum impietati, sed Dei prouidentia tribuisse.

Illud autem cap. 50. Nolite timere, num Dei possumus resistere voluntati? longè alium sensum habet, quam prima fronte verba præ se ferre videantur. Non enim significat, non potuisse fratres Ioseph resistere Dei voluntati, quæ erat, vt Ioseph Ægypti vendideretur: sed non potuisse ipsum Ioseph resistere Dei voluntati, quæ erat vt fratribus suis ignosceret. Verba enim Hebræa hæc sunt, Nolite timere, nam sub Deo sum ego: אֲנִי כִּי תַחַת אֱלֹהִים & concordat textus Græcus & Chaldeus, & sensus est (vt exponit Chrysostomus hom. vlt. in Genes.) Deum timeo, & illi subiectus sum, & ideo illum imitari, eique obedire debeo. Quare cum ille tam magna bona mihi præstiterit per occasionem huius venditionis, non debeo, nec possum vobis irasci, ne ingratus erga Deum videar. Itaque verba illa interpretis Latini, Num Dei possumus resistere voluntati? ad solum Ioseph referenda sunt, qui de se in numero multitudinis loquitur, quod non est inusitatum, præsertim cum de ea re loquatur, quæ ad omnes pertinet, qui verè Deum timeant.

Neq; aliam responsionem exigunt duo testimonia ex Actis Apostolorum, de quibus sic loquitur S. Leo serm. 16. de passione Domini: Multum diuersum, multumq; contrarium est id, quod in malignitate Iudeorum est præcognitum, & quod in Christi est passione dispositum. Non inde processit voluntas interficiendi, vnde moriendi, nec de vno extitit spiritus atrocitas sceleris, & tolerantia redemptoris. Non enim impias furentium manus immisit in se Dominus, sed admisit, nec præsciendo quod faciendum esset, cœgit vt fieret, cum tamen ad hoc carnem suscepisset, vt fieret. Hæc ille. Nihil igitur aliud ex locis illis colligi potest, nisi Deum voluisse, ac definiuisse, vt Christus passione, ac morte sua mundum redimeret; non autem voluisse, aut definiuisse, vt Iudas Christum proderet, Iudei ad Pilatum adducerent, Pilatus morti adjudicaret, milites denique illum crucifigerent, & occiderent: sed hæc omnia præuidisse futura, si ipse permitteret, & voluisse, ac decreuisse permittere.

CAPVT XII.

Soluntur objectiones ex alijs testimonijs Scripturæ.

SE CUNDO loco obijciunt ea testimonia, quibus significatur, Deum creare impios, vt postea in eorum pœnis iustitia diuina reluceat. Sic enim legimus Prouerb. 10. Omnia propter semetipsum operans est De-

A minus, impium quoque ad diem malum. Et Rom. 9. An non habet potestatem singulus facere aliud vas in honorem, aliud in contumeliam? Exo. 9. Idcirco autem posui te, vt ostendam in te fortitudinem meam, & navesur nomen meum in omni terra. Vel vt Apostolus citat Rom. 9. In hoc ipsum excitauit te, vt ostendas in te virtutem meam, &c.

RE S P O N D E O, Deum non creare impios nisi materialiter, vt in scholis Theologi loquuntur, id est, creare eos, quos vider futuros impios, vt eorum impietate, quam ipse non fecit, sed tantum præsciuit, vtatur ad iusticiam, & potentiam suam manifestandam. Sic S. Augustinus loquitur in epist. 106. ad Paulinum: Quamuis peccata non feceris, naturas tamen ipsas, quæ per se ipsas sine dubio bonæ sunt, quibus tamen ex arbitrio voluntatis futura essent vitia peccatorum, & in multis talia, quibus esset æterna pœna reddenda, quis nisi Deus creauit? Quare, nisi quia voluit? quare autem volueris, o homo, tu qui es, qui respondeas Deo? nunquid dicis figmentum ei qui se finxit, quare sic me fecisti? An non habet potestatem singulus luti ex eadem conspersione facere, aliud quidem vas in honorem, aliud in contumeliam. Hæc ille.

Item in Enchiridio, cap. 27. posteaquam dixerat, totam naturam infectam esse peccato originali, sic ait: Non sanè creatoris desistente bonitate, & hominum, quamuis de propagine vitiosa damnataque nascentium, formare semina, & animare, & ordinare membra per temporum ætates, per locorum spatia, vegetare sensus, alimenta donare. Melius enim indicauit de malis benefacere, quam mala nulla esse permittere. In Prouerbis igitur cum legimus, Deum omnia propter semetipsum operari, impium quoque ad diem malum; nihil aliud intelligendum est, nisi Deum, qui omnia produxit in gloriam suam, eos etiam quos vidit impios fore, si crearentur, nihilominus procreasse, vt reddita eis pœna, quam mererentur, iustitiæ lux gloriam patefaciat.

Itaque negamus aliquos à Deo creati ad interitum sempiternum, sed eos qui ad malum, siue interitum præuidentur ituri, dicimus creati propter gloriam Dei. Hoc enim dicit Salomon, Deum omnia propter semetipsum operari, impium quoque ad diem malum (videlicet iturum) propter semetipsum, id est, ad gloriam operari.

Tota autem quæstio in eo sita esse videtur, an impij creantur ad gloriam diuinæ iustitiæ, in eorum supplicijs demonstrandam, ob decretum Dei, quod omnem culpæ præuisionem antecesserit, vt Calvinus & Beza docent: an potius, quod nos credimus, quia Deus ob eorum præuisa peccata, eos decreto suo ab æternitate damnauerit. Tantum autem abest, vt Salomon dixerit, Deum ante peccati præuisionem decreuisse aliquos damnare, vt potius contrarium significasse videatur, cum ait, Deum omnia operari propter semetipsum, id est, vt gloriam misericordiæ iustitiæve suæ demonstret. Nam damnationem decernere ob præuisa peccata, iustitiæ est. Sine præuisione autem peccatorum damnationem decernere, iniustitiæ esse videtur. Sic enim loquitur sanctus Augustinus lib. 3. in Iulianum, cap. 18. Bonus est Deus, iustus est Deus, potest aliquos sine bonis meritis liberare, quia bonus est: non potest quemquam sine malis meritis damnare, quia iustus est. Et in epist. 106. ad Paulinum: Quicumque immetum, & nulli peccato obnoxium, si Deus damnare creditur, alienus ab iniquitate creditur. Non potuit igitur Deus ante præuisionem peccati decernere damnationem alicuius, vt iusticiam suam ea damnatione monstraret.

Quod etiam manifestius fiet ex testimonij secundi explicatione. Nam quod dicitur Deus fecisse vasa

quædam in contumeliam, non fic accipiendum eft, quafi ipfe ex materia nobili, aut indifferenti fecerit vafa in contumeliam, fed quod ex materia damnata & contumeliofa fecerit vafa, qualia materia ipfa poftulabat, cum tamen ex eadem materia fecerit alia quædam in honorem, pro voluntate fua, non pro conditione materiæ, quomodo fi figulus ex luto vafa quædam lutea faceret, eaque vt materia ipfa requirit, viliffimis miniſterijs deputaret; quædam autem ex eodem luto facta fuprà materiæ conditionem auro & gemmis ornaret, & ad nobiſſimos vfus adhiberet. Ex quo fequitur, vt vafa facta in contumeliam, à Deo habeant vt ſint vafa, à materia verò, vt ſint in contumeliam; vafa verò facta in honorem, à Deo vtrumque habeant, & quod vafa ſint, & quod in honorem ſint.

Ita exponit S. Auguſtinus in epiſt. 105. ad Sixtum: *An non habet, inquit, poteſtatem figulus luti ex eadem maſſa, vtiſque meriti, recteque damnata, facere aliud vas in honorem indebitum, propter miſericordiæ gratiam, aliud in contumeliam debitum, propter iræ iuſtitiam?* Et rurius ibidem: *Quamvis itaque Deus faciat vafa iræ in perditionem, vt oſtendas iram, & demonſtret potentiam ſuam, quæ bene etiam vtiſur malis, & vt notas faciat diuitias gloriæ ſuæ, in vafa miſericordiæ, quæ fecit in honorem, non damnabili maſſæ debitum, ſed ſua gratiæ largitate donatum, tamen in eſdem iræ vafis propter meritum maſſæ in contumeliam debitum factis, id eſt, hominibus, propter naturæ bonum creatis, ſed propter vitia ſupplicio diſtinctis, iniquitatem, quam reſiſtunt veritas improbat, damnare nouit ipſe, non facere.* Et in epiſt. 106. ad Paulinum: *Hæc maſſa, inquit, ſi ſciſſa media, vt quemadmodum nihil boni, ita nec mali aliquid mereretur, non fruſtrâ videatur iniquitas, vt ex ea fierent vafa in contumeliam. Cum verò per liberum arbitrium primi hominis in condemnationem vniuerſa deſtruxerit, proculdubio quod ex ea ſunt vafa in honorem, non ipſius iuſtitie, quæ gratiam nulla præceſſit, ſed Dei miſericordiæ: quod verò in contumeliam, non iniquitati Dei, quæ abſiſt vt ſit apud Deum, ſed iudicio deputandum eſt.*

Sed Theodorus Beza animaduertens hunc locum ita explicatum errori ſuo, ad quem ſtabiliendum eum adduxerat, nihil fauere, confidenter S. Auguſt. ſententiam reiſcit, & per maſſam, ex qua ſunt vafa in honorem, & in contumeliam, intelligendum eſſe contendit genus humanum non creatum, & vitio primi peccati corruptum, ſed creandum, ſiue lutum illud, ex quo Deus Adamum, & in illo omnes homines finxit. Sic enim loquitur in reſponſione ad acta Colloquij Montisbelgardenſis, parte prior. pag. 155. *Sed requirit, inquit, D. Andreas aliquid expreſſius. Cum igitur ſedem Apoſtolus Deum teſtatur iuſtæ ſiguli ex eadem maſſa quædam vafa honori, quædam dedecori ſciſſe, quomodo dictum illud explicari verè & commodè poteris, quin ad ipſum uſque Adami opificium aſcendamus? nec enim maſſæ nomen humano generi conſiſt, ſed condendo conuenit, ne dum vt maſſa appellatione corruptum humanum genus intelligatur. Nam ſi ita eſſet, minimè dixiſſet Apoſtolus, Deum ex illa maſſa facere vafa iræ, ſed quæ iam eſſent iræ vafa, in illa miſera maſſa relinquare: nec Apoſtolo laborandum fuiſſet in aſſerenda Dei iuſtitia in reproborum exitio. Deus igitur illic conſertur cum figulo, cuiſi conceditur vafa tum ad honeſtæ, tum ad turpæ uſus arbitrio ſuo concedere, neque luto propterea fieri putatur iniuria; an non multo magis Deo ſic lutum illud, ex quo humanum genus in vno homine conderet, diſponere licuit, vt inde alios educeret, in quibus iuſtam iram ſuam exerceret, alios quos per iriſignem ſuam bonitatem bearet. Quomodo verò illa conſiſt? certe in Adamo, cuius etiam creationem proculdubio reſpexit Apoſtolus, cum ſiguli & luti meminit. Et pag. 164. Nec*

etiam ignoro, inquit, ipſum Auguſtinum ſæpe per luti maſſam intelligere humanum genus, non ſolum vt iam conſiſt, ſed etiam originis peccato vitiatum, unde naſcuntur, quorum miſereatur, & quos iuſtè induret. Sed ſi valeret illud, iam nota eſſet cauſa deſtinationis ad iram, quam deſtinationis ad miſericordiam. Cur autem Apoſtolus, ſi ita eſſet, exclamaret, O altitudo diuitiarum?

Sed facile eſt iſtam Beza ſententiam reſutare, & eius objectionibus reſpondere. Nam vt omittam quod per maſſam, genus humanum peccato corruptum intelligunt præter Aug. Ambr. Haymo, Primafius, Beda, Anſelmus, Thomas, & alij in hunc locum, id ipſum indicat Apoſt. cum ait: *Si Deus volens oſtendere iram, & notas facere potentiam ſuam, ſuſtinuit in multa patientia vafa iræ, apta in interitum, vt oſtenderet diuitias gloriæ ſuæ, in vafa miſericordiæ, quæ præparauit in gloriam.* Quibus verbis ſignificatur, Deum quidem valdè odiffe vafa illa contumeliæ, & voluiſſe primo quoque tempore in eorum confractione oſtendere iram, & potentiam ſuam, tamen ſuſtinuiſſe vafa illa in multa patientia, quia id vtile eſſet vafis miſericordiæ, quæ præparata erant in gloriam.

At certè ſi Deus feciſſet vafa contumeliæ propria ſua voluntate, non id exigente conditione materiæ, non ea odiſſet, neque iure confringere vellet. Nihil enim Deus odit eorum quæ fecit. Et cur, quæſo, ſuſtinere deberet Deus in multa patientia vafa illa, ſi ea ſponte ipſe feciſſet, & talia eſſe voluiſſet? certe figulus ſi ex luto faciat vafa lutea, eaque viliffimis miniſterijs deputet, non propterea illa odit, neque illis iraiſcitur, neque contracta videre cupit.

Deinde quamvis S. Auguſt. auctoritatem Beza repudiet, eius tamen rationem, velit, nolit, admittere debet. Eſt enim illud inſolubile argumentum, ſi maſſa aliqua ita eſſet media, vt nec boni, nec mali aliquid mereretur (vt Beza exiſtimat) non fruſtrâ videatur iniquitas apud Deum, ſi ſiſ ex ea faceret vafa in contumeliam: At non eſt, nec eſſe poteſt iniquitas apud Deum; igitur maſſa, ex qua ſunt vafa in contumeliam, eſt ante corrupta per peccatum, & iram Dei, contumeliamque meretur.

Quod verò Beza dicit, non fieri vafa in contumeliam, niſi interueniente lapſu Adami, parùm valet ad Dei iuſtitiam demonſtrandam. Nam vt ipſe ibidem (in reſponſione ad acta Colloquij Montisbelgardenſis, pagina 155. & 164.) dicit: *Decretum Dei aſciendiſ ex eadem maſſa vafa, alijs in honorem, alijs in contumeliam, antecedit omnem præuiſionem culpæ, & omnem omnino cauſam; ſed quia non poterat Deus executioni huius decreti viam aperire, niſi homo peccaret, idè ordinauit lapſum Adami, vt haberet quorum miſereretur, & quos iuſtè puniret.* Itaque interuentus ille lapſus primi hominis, non ad decretum diuinum de perdendis in æternum reprobis, ſed ad exequutionem decreti pertinet. Quod certè iniuſtitiam Dei non tollit, ſed auget. Sicut enim iniuſtum eſt in exequutione damnare hominem nihil merentem, ita iniuſtum eſt decernere hominem damnare, cuius nullum extet malum meritum, ne in præuiſione quidem, cum ſit decretum. Cum enim iuſtitia exigat, vt pœna reſpondeat culpæ, ſicut exequutio damnationis iniuſta eſt, culpa non præcedente; ita etiam decretum damnationis iniuſtum eſt, niſi ob culpam; ſaltem præuiſum, fiat.

Dixi autem iniuſtitiam non ſolum non tolli, ſed etiam augeti, quia additur nouum genus iniuſtitie, cum dicitur, Deum decreuiſſe, & ordinariſſe primi hominis lapſum, vt haberet quos iuſtè puniret, quin etiam magis iniuſtum eſt, vt Deus velit & ordinet, vt homo peccet, vt habeat quos puniat, quàm

ut simpliciter absque culpa puniat. Maius enim malum est culpa, quam poena, & ideo maior iniustitia est alicui nihil mali merito auctorem esse culpæ, quam poenæ.

Sed respondeamus ad argumenta, quibus Beza probat, massam apud Apostolum esse genus humanum, originis vitio iam deprauatum. PRIMUM argumentum: Si ita esset, inquit, non diceret Apostolus, Deum ex illa massa facere vasa iræ, sed quæ iam essent ira vasa in illa misera massa relinquare. RESPONDEO, rectè Apostolum dixisse, à Deo vasa fieri ex massa, non autem relinqui in massa; quia homines nondum nati non sunt in massa, nec sunt vasa, nisi in potentia. Cum autem actu nascuntur, tunc incipiunt esse actu vasa, & quidem ex massa corrupta formata, id est, ex genere humano originali vitio infecto, propagata.

SECUNDUM argumentum, Si de massa iam corrupta loqueretur Apostolus, non laboraret in asserenda Dei iustitia in reprobatorum exitio. Tam enim nota esset causa destinationis ad iram, quam destinationis ad misericordiam. Cur autem si ita esset, exclamaret: O altitudo diuitiarum. RESPONDEO, non laborare Apostolum in asserenda Dei iustitia in reprobatorum exitio, sed in eo, quod in pari causa Deus vnus miseretur, alterius non miseretur. Quod Iacob diligit, Esau odio habeat, antequam quidquam boni, vel mali egerint, cum vterque natura sit filius iræ. Quod denique ex eadem massa, corrupta videlicet, & vitiata, alia vasa efficiat, ut massa ipsa meretur, in contumeliā, alia præter omne meritum efficiat in honorem. Huius enim discretionis nulla causa assignari potest, nisi Dei voluntas, quemadmodum etiā illius, quæ figulus ex eadem massa aliud vas deputat cibis, aliud sordibus excipiendis, & illud ornat auro, & pictura, hoc luteum, ut est, relinquit. Atque ad hanc discretionem perpetuo refert S. AUGUSTINUS illā Apostoli exclamationem. O altitudo diuitiarum, ac præsertim in epist. 105. ad Sixtū, ubi tractans illud: O altitudo. Nec, inquit, de inscrutabilibus iudicijs eius audeant indicare, cur in vna eademque causa super aliū veniat misericordia eius, super aliū maneat ira eius. Qui enim sunt isti, qui respondeant Deo? Et ibidem: Cur autem istum potius, quam illum liberet, aut non liberet, scrutetur qui potest iudiciorum eius tam magnum profundum, verumtamen caueat precipitium.

TERCIUM argumentū, Ad primi hominis creationem proculdubio respexit Apostolus, cum figuli, & luti meminit. RESPONDEO, id non esse necessarium nec verisimile, cum extet locus apertissimus in Isaia, c. 45. ad quē Apostolus, Caluino etiā, & Petro Martyre testibus, quos Beza præceptores agnoscit, allusit: Nūquid dicit lutū figulo suo, quid facis, &c. ubi propheta non tractat de prima hominis formatione, sed dicit, non minus posse Deum de hominibus pro arbitrio disponere, quam figulū de vasis. Præterea si propriè loqui velimus, ex luto, vnde formauit Deus primum hominem, non sunt facta multa vasa, sed vnum tantum, idque in honorem. Ceteros enim homines non ex luto Deus fingit, sed ex alijs hominibus, per carnalem generationem quotidie propagat. Proinde massa, ex qua fiunt vasa alia in honore, alia in contumeliā, non est lutum illud, ex quo primus homo solus, & extraordinario quodam modo formatus est, sed homines ipsi sunt, ex quibus per naturalem generationis vitam alij homines procreantur.

RESTAT vltimus locus ex cap. 9. Exodi, & cap. 9. ad Rom. In hoc ipsum posui, siue excitavi te, ut ostendam in te potentiam meam, &c. videtur enim his verbis colligi Pharaonem ideo fuisse à Deo creatum, ut peccaret, & ob peccata punitus, Dei potentiam demonstraret. Sed facile est ex ijs, quæ antea dicta sunt,

A hunc locum explicare, siue enim illud, posui, aut excitavi te, significet, creavi te, siue ad regnum promouui, siue conseruavi, cum iam dudum mori debuisses (omnia enim hæc patitur vox Hebræa, העצרת, quæ ad verbum sonat, stare feci te) semper intelligendum est, præuisum peccatum, quod Deus non facit, sed ordinat in bonum.

Itaque sensus est, cum præviderim fore te mihi contrarium, & obstinata mente præceptis meis repugnaturum; & cum potuerim impedire, ne nascereris, aut ne ad regnum conscenderes, vel etiam statim te de medio tollere, cum primum peccare cœpisti, ideo tamen vitam, & regnum tribui tibi, idque ad non breue tempus, ut malitia tua vterer ad exercitium populi mei, & iustitiam, ac potentiam meam in tuo supplicio demonstrarem.

S. AUGUSTINUS q. 32. in Exodum, ita hunc locum exponit: Et propter hoc ipsum conseruatus es, ut ostendam in te potentiam meam, & ut annuncietur nomen meum in vniuersa terra. Hæc Scriptura verba & Apostolus posuit, cum in eodem loco perdifficili versaretur: Ibi autem & hoc ait, si autem volens Deus ostendere iram, & demonstrare potentiam suam, sustinuit in multa patientia vasa iræ, parcendo vtiq; ijs, quos malos futuros esse præscierat, quæ vasa dicit perfecta in perditionem. Et infra: Nōuit ergo Deus vti malis, in quibus tamen humanam naturam non ad malitiam creat, sed eos perfert patienter, quousque scit oportere, non inaniter, sed utendo eis ad admonitionem, vel exercitationem bonorum. Ecce enim ut annuncietur nomen Dei in vniuersa terra, vasis misericordia vtiq; prodest. Ad eorum itaque vtilitatem Pharaos seruatus est, sicut & Scriptura testatur, & exitus docet.

Porro Rupertus Tuitiensis hunc eundem locum explanans, ita ait: Nam idcirco potius Deus Pharaonem excitauit, subauditur in regnum, & idcirco summam illi potestatem contulit, quia vni ira fuit, & quia iam dudum aptus erat in interitum, idcirco corripendis superpositus est misericordia filijs, ut esset virga furoris, & baculus in manu Domini super eos, quos per tribulationem in gloriam transferre præparauit. Igitur cum dicit, idcirco excitavi te, subaudiendum est, in regnum, permittendo videlicet, non agendo ut in summum ascenderes imperium, ut haberes potestatem secundum nequitiam, vel duritiam cordis tui sapiendi in populum meum. Hæc ille.

Caluinus, & Petrus Martyr in comment. cap. 9. ad Romanos, referunt illud: Excitavi te, ad inobedientiam Pharaonis, ut sensus sit, In hoc ipsum incitavi te, ut populum meum affligeres, & mihi resisteres, quo in te demonstraretur potentia mea. Et si quidem vellent, Pharaonem excitatum, ut eius inobedientia præuisa Deus vteretur ad populi iustæ castigationem, & potentia suæ ostensionem, idem dicerent, quod nos cum S. Augustino paulo antè diximus. Sed si velint, quod sanè velle videntur, Deum ante omnem peccati Pharaonis præuisionem absolute Pharaonem excitasse ut sibi resisteret, apertissimè Deum auctorem peccati faciunt, & S. Angu. repugnant, quia in loco, paulo antè citato, dixit, Deum non creare homines ad inlicitam, sed ijs, quos malos scit futuros, bene vti. Neque ex verbis Moysis, aut Pauli, aliud colligi potest, quam Pharaonem, à Deo fuisse creatum, vel conseruatum, vel ad regnum promotum, quamuis eum inobedientem, & obstinatum futurum sciret, vel iustitiam, & potentiam suam manifestaret.

CAPVT XIII.

Soluntur objectiones ex alijs Scriptura locis.

TERTIVM caput continet ea loca, in quibus significatur, Deum impellere homines ad mala, & ipsi quasi instrumentis uti ad opera, quae sine peccato perfici nequeunt. Lib. 2. Reg. c. 24. *Addidit irasci furor Domini contra Israel, commouitq; Dauid in eis dicentem, Vade numera Israel.* Eodem lib. c. 16. *Dominus praecepit Semei, ut malediceret Dauid.* 3. Reg. 22. dicit Deus spiritui malo, qui promiserat se decepturum Achab: *Decipies, & praeualebis, vade, fac ita.* Item lib. 3. Reg. c. 11. & 12. & lib. 4. c. 9. & 10. dicitur à Deo fuisse rebellio Hieroboam contra Roboam, & Hiehu contra Achab, & tamen constat utrumq; peccasse vnà cum populo, qui à legitimis Regibus defecit. Iob 1. *Dominus dedit, Dominus abstulit:* ubi dicitur Deus abstulisse, quae Chaldaei abstulerant, quia illi instrumenta Dei fuerant in eo opere. Isa. 10. Sennacherib dicitur Serra in manu Domini. Et ibid. virga furoris, & baculus irae eius. Et cap. 13. *Ecce ego suscitabo contra vos Medos, qui de argento non cogitabunt, nec aurum desiderabunt, arcibus suis pueros configent, & fructus ventris non miserebuntur, nec parces filijs oculis eorum.* Et ab initio capitis: *Præcepi, inquit, sanctificatis meis.* Vbi Medos & Persas sanctificatos suos vocat, quia instrumenta erant irae suae. Hierem. 51. *Excitauit Dominus spiritum Regum Medorum, quoniam cogitatio eius est contra Babel.* Et cap. 50. vocatur Rex Babylonis, malleus vniuersae terrae. Et Ezech. 12. vocatur idem Rex, rete Dei ad capiendos Israelitas expansum. Huc etiam pertinent illa loca Psalmorum, Psal. 43. *Declinasti semitas nostras à via tua.* Psal. 104. *Conuersit cor eorum, ut odirent populum eius.* Psal. 118. *Inclina cor meum in testimonia tua, & non in auaritiam.* Psal. 140. *Non declines cor in verba malitiae.* Denique illud: *Et ne nos inducas in tentationem.* Match. 6.

RESPONDEO, quatuor modis posse intelligi, ut Deus impellat, siue inclinet aliquem ad malum. PRIMVS modus esset, si Deus per se, & propriè impelleret, ut physicè, id est, mouendo immediatè voluntatem; vel moralitor, id est, verè & propriè imperando. Sed hic modus est manifestè falsus, & in Deum impius, ac blasphemus. S. August. tract. 53. in Ioan. *Fecerunt, inquit, peccatum Iudaei, quod eos non compulsi facere, cui peccatum non placet, sed facturos esse praeuidit, quem nihil latet.* Et paulò post: *Hoc omnino pietas religiosorum inconcussum debet, inuiolatissime tenere, sicut Apostolus dicit, cum eandem tractaret difficillimam questionem, nunquid iniquitas apud Deum absit.* Et libro de gratia & libero arbitrio, cap. 20. *Quomodo, inquit, dixeris Dominus Semei maledicere Dauid, qui sapiens, & intelliget non enim iubendo dixit, ubi obedientia laudaretur. Nam si iubenti obtemperasset, laudandus potius, quam puniendus esset, sicut ex hoc postea nouimus esse punitum.* Itaque S. Augustinus negat peccatores compelli à Deo ad peccatum, quia esset iniquitas apud Deum; & simul etiam negat à Deo propriè imperari peccatoribus, ut peccent, quia illi obtemperantes Deo, laudandi potius, quam puniendi essent.

Hoc igitur modo, ut impij, praetermisso, S. c. v. n. d. v. s. modus est, ut intelligimus, Deum in Scripturis dici excitare, & prouocare aliquos ad malum, vel etiam imperare ut malè operentur, eisque tanquam instrumentis uti, quia permittit eos malè agere. Quamuis enim non omnis qui aliquid permittit, rectè dicatur imperare ut illud fiat, neque excitare, & prouocare ad illud; tamen Deus, sine cuius permissione nihil fieri potest, cum ad certum aliquem fi-

A nem consequendum, fieri finit aliquid, rectè dicitur per quendam tropum, illud imperare, atque ad illud excitare. Quemadmodum etiam vsitatè dicimus, à venatore immissum fuisse canem in leporem, quamuis venator funem solum laxauerit, quo canis retinebatur ne leporem persequi posset.

B Id apertè discimus ex historia Iob, neq; enim Deus diabolum excitauit in Iob, sed petenti facultatem eum vexandi, concessit illis verbis: *Ecce vniuersa quae habet, in manu tua sunt, tantum in euni non extendas manum tuam.* Neq; necesse erat ut Deus incitaret diabolum in Iob, neq; ut illi imperaret, ut sanctum illum virum tam atrociter diuexaret. Ipse enim diabolus satis per se oderat Iobum, & omnem suam potentiam in eum experiri cupiebat; quia tamen ei nocere non poterat, nisi Deus permitteret, & quamdiu, quousque, quomodo permitteret, idè Scriptura totam illam afflictionem Deo potius, quàm diabolo tribuit. Nam & Iob dicit: *Dominus dedit, Dominus abstulit.* Et diabolus dicit: *Extende manum tuam, & tange cuncta quae possidet, nisi in faciem benedixeris tibi.* Et Deus ipse dicit: *Tu autem commouisti me, ut affligerem eum frustra.* Videmus igitur Deo tribui actiones illas, cum solum eas fieri ipse permisit.

C Idem patet ex August. qui lib. 2. ad Simplicianum, q. 2. explicans testimonium Iob, dicit satanam per se habuisse malam voluntatem nocendi S. Iob, à Deo autem nihil petiuisse, nisi permissionem exequendi quod iam conceperat. Et lib. de gratia & libero arbitrio, cap. 13. sic ait: *Cum audis, inquit, Ego Dominus seduxi Prophetam illum, vel quem vult inducat, eius merita cogitate, quem sic obdurari, vel seduci permisit.*

TERTIVS modus est, ut dicatur Deus excitare ad malum, vel imperare malum, vel uti malis impiorum voluntatibus tanquam instrumentis, quia non solum permittat impios malè agere, sed etiam deferat eos qui affliguntur, & sic donet impijs in eos victoriam. Sic dicitur Deus imperasse spiritui, ut deciperet Achab, quia non solum permisit spiritui ut loqueretur mendacia per ora omnium Prophetarum Achab, sed etiam non dedit illi lumen, quo discerneret mendacium à veritate. Sic etiam dicitur Deus vsus Assyrio Rege, tanquam virga, & baculo, vel etiam malleo, & securi, ad percutiendos filios Israel, quia non solum permisit Regem illum armari in Israelitas, sed etiam deseruit populum suum, auertit adiutorium gladij sui, & non est auxiliatus ei in bello, ut dicitur in Psal. 88. Sic etiam exponit S. August. in epist. 89. q. 2. illud, *Es ne nos inferas in tentationem.* *Intelligitur, inquit, ne nos inferri deferendo permittas.*

D Sed si fortè isti modi non per omnia satisfaciunt, accedat ALIVS, qui omnino satisfaciat. Deus igitur non solum permittit impios agere multa mala, nec solum deseruit pios, ut cogantur pati quae ab impijs inferuntur, sed etiam praesidet ipsis voluntatibus malis, easque regit, & gubernat, torquet, ac flectit in eis inuisibiliter operando, ut licet vitio proprio malè sint, tamen à diuina prouidentia ad vnum potius malum, quàm ad aliud, non posituè, sed permissuè ordinentur.

E Explicat hoc Hugo de S. Victore libro 1. de Sacramentis, parte 5. cap. 29. his verbis: *De illo autem modo diuinæ moderationis, quo malas etiam voluntates praesidens occulta & inuisibili operatione ad suum arbitrium temperat & inclinat, hoc sentendum, ut credatur, Deus malis voluntatibus non dare corruptionem, sed ordinem.* Et infra: *Voluntati ergo malae vitium est ex ipsa quo mala est, ordo autem ex Deo est, quo per velle, siue ad hoc, siue ad illud est. In voluntate ergo vitium est, & ipsum malum*

est,

est, & ex ipfo voluntas mala est. In velle autem & vitium est, in quantum velle ex voluntate mala est, & ordo est, in quantum ad hoc, vel ad hoc ex disponente est. Et cum ipsum velle ad hoc aliquid est, malum est, quod ad hoc est, quia mala voluntate est; quod autem potius ad hoc, quam ad illud est, bonum est, quia ordo est, & ex bene disponente est. Potest ergo voluntas mala in se corrumpi, & resolui per proprium vitium quod ei aliunde non datur, sed non potest per velle extra se præcipitari, nisi qua ei via aperitur. Et qui præcipiti qua vult ad ruinam viam aperit, quodammodo ipsam inclinat, non impellendo, sed permittendo, & non tenendo; nec auctor illi est ruendi, sed incedendi ordinator. Hæc ille.

His autem addi potest ex S. Tho. in comment. c. 9. ad Ro. Deum non solum inclinare voluntates malas ad vnum potius, quam ad aliud permittendo, vt ferantur in vnum, & non permittendo, vt ferantur in aliud, vt Hugo rectè docuit, sed etiam positiuè, inclinando in vnum, & auertendo ab alio, non quidem per se, & physicè mouendo voluntatem ad vnum, & remouendo ab alio, quod libertati arbitrii præiudicare videretur, sed occasionaliter, vt S. Tho. loquitur, & moraliter, immittendo videlicet cogitationem aliquam bonam, ex qua malus ob suum vitium occasionemumat iudicandi, melius esse huic nocere, quam illi, siue huic potius iniquitati seruire, quam illi. Et iuxta hunc modum S. August. & Theodoret. exponunt illud Psal. 104. *Conuertit cor eorum, vt odirent populum eius.* Dicunt enim Deum id fecisse, non peruertendo corda Ægyptiorum, sed benefaciendo populo suo, vnde Ægyptij maioris odij occasionem acceperunt. Ita igitur Deus, licet malas non faciat voluntates, eis tamen præsidet, & regit, atque ordinat in bonum electorum suorum, quemadmodum (vt docet S. Basilii in oratione, quod Deus non sit auctor malorum) medici vtuntur viperæ veneno, quod ipsi non fecerunt ad corpora curanda.

Atq; ex ijs explicari possunt omnia loca suprâ citata. Quod enim lib. 2. Reg. c. 24. dicitur à Deo commotum Dauidem, vt numeraret populum, in qua numeratione grauer peccauit; ex lib. 1. Paralip. cap. 21. explanatur, vbi sic legimus: *Consurrexit autem satan contra Israel, & incitauit Dauid, vt numeraret Israel.* Itaque is qui propriè Dauidem incitauit ad peccatum, non Deus, sed diabolus fuit; tribuitur tamen hæc incitatio etiam Deo, quia nisi Deus permisisset, diabolus id non fecisset: permisit autem Deus, quia id peccatopopuli merebantur.

Ad illud de maledictione Semei, iam dictum est, quemadmodum intelligi debeat, Deum præcepisse Semei, vt malediceret Dauid. Dicitur enim Deus præcepisse, quia corruptam Semei voluntatem inclinauit ad maledicendum Dauid. Inclinauit autem (vt diximus ex Hugone) non compellendo, sed aperiendo illi viam ad hoc malum, & claudendo ad alia, id est, permittendo, vt hoc solum malum vellet, & perageret, ex multis, ad quæ parata erat.

Eadem est responsio ad illud de spiritu decipiente Achabum. Ipse enim spiritus obtulit se Deo, ad decipiendum Regem, nec tam imperio, quam permissione diuina egebat, cum ex se promptissimus ad omne malum, immo & cupidissimus nocendi esset. Sed vrget Calvinus lib. 1. Instit. cap. 18. §. 1. *Si Dei iudicium est execratio, & amens Achab, nuda permissionis signum euascent, quia ridiculum esset iudicium tantum peruenire, non etiam decernere quid fieri velit, & mandare executionem ministris.*

At S. Augustino ridiculum non est visum, iudicem tantum permittente, cum ait libro de gratia & libero

arbitrio, cap. 23. *Cum auditis, Ego Dominus decepti Prophetam illum, & quem vult indurat, eius merita cogitat, quem sic obdurari, & seduci permisit.* Vbi cum sanctus Augustinus dicit, ob merita hominum Deum permittente deceptionem & indurationem, satis ostendit, Deum vt iudicem illa permittente. Quamuis enim simpliciter soleat, etiam is qui non est iudex, tamen si quis in manu sua habeat impedire, vel permittente, vt vnus alteri noceat, & decernat non impedire, sed permittente vt hac ratione puniat eum qui tali pœna dignus est, is profectò iudicem in ea permissione ager.

Ad alia duo de Hieroboam, & Hiehu, eadem responsio adhiberi posset, sed probabilius dici posse auctor, verumque fuisse legitimum Regem, & à Deo propriè electum. Quamuis enim Calvinus lib. primo Instit. cap. vltime, velit Hieroboam & Hiehu deficiendo à proprijs dominis, & regnum inuadendo grauer peccasse, & idem de Hieroboam sentiat Petrus Martyr in commentario cap. 11. lib. 3. Reg. Tamen sanctus Augustinus libro 17. de ciuit. Dei, cap. 21. & 22. aperte docet, neque Hieroboam, neque populum in ea defectione peccasse: *Apparuit, inquit, noli. vni in care, nec Regis Israel, nec populi fuisse peccatum, sed voluntatem Dei vindicantis impletam.* Et profectò Scriptura sancto Augustino manifestè fauet. Nam libro tertio Regum, capite vndecimo, posteaquam Abdias Propheta nomine Dei regnum promiserat Hieroboamo, subiungit hæc verba: *Si audieris omnia quæ præcepero tibi, & ambulaueris in vitijs meis, & feceris quod rectum est coram me, custodiens mandata mea, & præcepta mea, sicut fecit Dauid seruus meus, ero tecum, & edificabo tibi domum fidelem, quæ modo edificauit Dauid domum.* At certè Deus non conferret Hieroboamum cum Dauid, neque illi promitteret protectionem in regno, & fidelem successionem, si eum non verum Regem, sed tyrannum, & inualorem fuisse sciuisset.

Præterea, cap. 12. cum Roboam aciem armatam educere vellet in Hieroboam, vt vniuersum regnum recuperaret, misit Deus Semeiam Prophetam, qui diceret Regi Roboam, & vniuerso populo: *Non ascendetis, neque bellabitis contra fratres vestros, filios Israel. A me enim factum est verbum hoc.* Quo audito, cellauerunt ab intentione bellandi, & agnouerunt Hieroboam vt legitimum Regem, atque à Deo creatum super decem tribus, quemadmodum Rex erat Roboam super tribum Iuda & Benjamin. Itaque licet postea Hieroboam scelestissimus fuerit, & schisma fecerit in religione, tamen cum regnum accepit, bonus erat, & electione diuina, ac totius populi consensu & vocatione, legitime regnare cepit.

Quod idem constat de Hiehu, non enim regnum ambiuit, sed ad eum, nihil tale cogitantem, misit Helisæus vnum de filijs Prophetarum, qui eum nomine Dei vngeret Regem super Israel, & imperaret vt occideret Achabum Regem, Iezabelem Reginam, & omnem eius domum exterminaret. Ac deinde cum id ipse perfecisset, dixit ad eum Dominus: *Quia studiosè egisti quod rectum erat, & placebat in oculis meis, & omnia quæ erant in corde meo, fecisti contra domum Achab, filij tui vsque in quartam generationem sedebunt super thronum Israel.* lib. 4. Regum, cap. 9. & 10. Quis autem credat Deum laudaturum fuisse factum Hiehu, ac dicturum, eum studiosè fecisse, quod rectum erat, si Hiehu ex ambitione rebellasset, & iniuste Dominum suum occidisset, vt Calvinus docet? Non igitur rectè probauit Calvinus, ex Deo esse quæ peruersè fiunt ab hominibus, quia fuerit auctor regni Hieroboam & Hiehu.

Sed obijcit Caluinus, quod in Osee cap. 8. Deus videatur improbare regnum Hieroboam, cum ait: *Ipsi regnauerunt, & non ex me, Principes existerunt, & non cognoui.* Quem locum S. Hieronymus etiam de Hieroboam interpretatur. **R**ESPONDEO, duobus modis dici posse Hieroboam regnasse non ex Deo, id est, Deo non approbante. **P**RI-MUM enim exponi potest hic locus (vt S. Thomas admonet in comment. cap. 13. epist. ad Rom.) de vsu regni, non de institutione, & hoc modo certum est, non fuisse ex Deo regnum Hieroboam, neque aliorum, qui eum sequuti sunt. Omnes enim impij Reges fuerunt.

DEINDE, potest hic idem locus exponi de causa, siue occasione institutionis regni Hieroboam, ea siquidem non fuit ex Deo, ac per hoc nec ipsa institutio, nimirum si ad occasionem respiciatur, fuit ex Deo. Deus enim non volebat Salomonem ita grauiter peccare, vt mereretur diuisionem regni, neque absolute volebat regnum diuidi; tamen posito peccato Salomonis, placuit Deo vt regnum diuideretur, & ideo ipse partem eius regni tradidit Hieroboam. Qua ratione conciliare solemus duo illa loca: *Deum mortem non fecit*, Sap. 1. Et: *Dominus mortificat, & viuificat*, 1. Reg. 2. Deus enim verè neci dat quos vult, sed tamen id non faceret, nisi in primo parente totum genus humanum mortis reatum contraxisset.

Neq; aliud voluisse S. Hieronymum, perspicui potest ex eo, quod ipse testimonium Osee non exponit de solo Hieroboam, sed etiam de Saule. Constat autem Saulem verum & legitimum Regem fuisse, & à Deo electum, iuxta illud 1. Reg. 10. *Certe videtis quem elegit Dominus, quoniam non est illi similis in omni populo.* Et tamen quia peccauit populus in petendo Rege, vt habemus 1. Reg. 12. occasio eligendi Saulem, siue instituendi regni in populo Dei, non fuit ex Deo, & verè dicere potuit Deus per Prophetam: *Ipsi regnauerunt, & non ex me.* Sed de hoc loco satis multa dicta sunt.

Ad illud Psal. 43. *Declinasti semitas nostras à via tua*, **R**ESPONDEO, Declinationem illam semitarum à vijs Domini, non esse declinationem ad peccata, sed declinationem ab auxilio & fauore diuino. Præcedit enim in eo loco: *Hæc omnia venerunt supra nos, nec oblitus sumus te, & inique non egimus in testamento tuo.* Et paulò post sequitur: *Et declinasti semitas nostras à via tua.* Et mox adiungitur explicatio: *Quoniam humiliasti nos in loco afflictionis, & cooperuit nos umbra mortis.*

Adde, quod licet videatur per affirmationem dici, *Declinasti semitas nostras à via tua*, tamen possumus subintelligere negationem, quæ habetur ad initium versiculi, iuxta regulas Hebræorum, vt sensus sit, Non recessit retro cor nostrum, & non declinasti semitas nostras à via tua, id est, te adiutore non declinauimus à via tua, tantum abest, vt retrocesserit à te cor nostrum. Itaque S. Hierony. vertit: *Non recessit retro cor nostrum, nec declinauerunt semite nostre à vijs tuis.* Ad alia loca non est opus alia responsione. Iam enim exposuimus quemadmodum intelligenda sint.

CAPVT XIV.

Soluntur objectiones ex alijs Scripturæ testimonijs petita.

QUARTUM caput continet ea loca, in quibus Deus dicitur excæcare, vel indurare corda hominum, vt non velint, nec possint bene agere. Exodi 7. 8. & 9. *Indurauit Dominus cor Pharaonis.* Deut. 10. *Indurauit Dominus spiritum Sebon.* Iosue 11. *Dominus sen-*

sentia fuerat, vt indurarentur. 1. Reg. 1. *Non audierunt vocem patris sui, quia voluit Dominus occidere eos.* 3. Reg. 12. *Non acquiescit Rex populo, quoniam auersatus eum fuerat Dominus.* Iob 12. *Qui commutat labium veracium, & doctrinam senum auertit, qui immutat cor Principum, & decipit eos, vt frustra incedant per inuicem: palpabunt quasi in tenebris, & non in luce, & errare eos faciet quasi ebrios.* Esaie 19. *Dominus miscuit in medio eius spiritum vertiginis.* Et cap. 63. *Quare errare nos fecisti de vijs tuis, indurasti cor nostrum ne timeremus te?* Hierem. 20. *Seduxisti me Domine, & seductus sum.* Ioan. 12. *Propterea non poterant credere, quia iterum dixit Isaias, Excæcaui oculos eorum, & indurauit cor eorum, &c.* Rom. 1. *Tradidit eos Deus in reprobum sensum, vt faciant quæ non conueniunt.* Et Rom. 9. *Cuius vult miseretur, & quem vult indurat.*

RESPONDEO, ex communi sanctorum Patrum sententia, Deum non esse causam excæcationis & indurationis positivè (vt sic loquar) sed negatiuè, videlicet, permittendo, deferendo, non miserendo. Quod iustum esse negari non potest, cum Deus non deierat, nisi desertus, & iustum sit, vt qui deserunt, deferantur, vt S. August. docet lib. de natura & gratia, cap. 26. & tract. 1. in Ioan. Et quamuis Petrus Martyr in comment. 1. cap. ad Rom. fateatur, omnes Patres ita exponere vt diximus, non grauabor tamen aliqua testimonia S. Augustini in medium adducere. Igitur in epist. 105. ad Sixtum, sic ait: *Non obdurat Deus impariando malitiam, sed non impariando misericordiam.* Item libro primo ad Simplicianum, quæ secunda, circa medium: *Obdurare, inquit, Deum est nolite miseri, nec ab illo irrogatur aliquid, quo sit homo deterius, sed tantum quo sit melior non erogatur.* Et lib. 5. in Iulianum, cap. 3. *Cum ergo, inquit, dicitur homo tradidit desiderijs suis, inde fit reus, quia desertus à Deo cedit eis, atque consentit, vincitur, capitur, trahitur, possidetur.* Denique in Ioan. tract. 53. *Sic, inquit, excæcas Deus, sic obdurat, deferendo, non adiuuando, quod occulto iudicio facere potest, iniquo non potest.*

Similia habet S. Ioan. Chrysost. hom. 3. in epist. ad Rom. vbi ponit exemplum ducis milites suos in acie deferentis. Similia etiam S. Gregorius libro 25. Moralium, cap. 12. & 13. & Damascenus lib. 4. de fide, cap. 20. Isidorus lib. 2. de summo bono, cap. 19. Sed quia non quælibet permissio, vel desertio dici potest excæcatio, vel induratio, res tota paulò diligentius explicanda est.

PRI-MO igitur obseruandum est, cæcitatem mentis, vt etiam cordis obdurationem esse peccatum, causam peccati, & effectum, seu pœnam peccati. Sic enim scribit sanctus Augustinus libro 5. contra Iulianum, cap. 3. *Cæcitas, inquit, mentis, quam solus illuminator Deus remouere potest, & est peccatum, quo in Deum non creditur, & est pœna peccati, quæ cor superbum digna animaduersione puniatur, & est causa peccati, cum aliquid mali cæcis cordis errore committitur.* Quod idem de obduratione cordis intelligitur, nam eo loco promiscuè loquitur S. Augustinus de cæcitate & obduratione. Et in Scripturis de vtraque homines reprehenduntur, tanquam de vero, maximoque peccato. Matth. 13. *Iurassatum est cor populi huius, & auribus graniter audierunt, & oculos suos claustrunt, ne quando videant oculis, & auribus audiant, & corde intelligent, & conuertantur, & sanentur.*

Itaque cæcitas cordis, de qua loquimur, non est simplex carentia luminis, sed affectus prauus, quo quis illustrationes diuinas repellit, vel impedimentum ponit, quo minus à Deo illuminetur. Quare dicuntur eiusmodi homines, Matth. 13. videntes videre, & non videre, quia vident quidem vnde illuminari possent, sed ex malitia sua nolunt aduertere,

atque

atque ita exerceat eos malitia ipforum. Pari ratione cordis obduratio est prauus affectus, quo quis ad monitiones diuinas, siue internas, siue externas contemnit, & semper magis ac magis eis resistit, donec ad eum itatum deueniat, vteas ne sentiat quidem. Hinc enim cor dicitur durum, lapideum, graue, crassum, quando non monetur ad correptiones & increpatione diuinas, quia quæ sunt eiusmodi, nec cedunt, nec sentiunt. Sicut è contrario cor dicitur tenerum, molle, & carneum, quando facile acquiescit Deo, vel homini admonenti, quia caro mollis, ac tenera facile penetratur, & exiguas etiam punitiones percipit: *Cor durum* (inquit sanctus Bernardus lib. 1. de Consideratione) *nec seipsum exhorrescit, quia seipsum non sentit, non mouetur precibus, minis non cedit, flagellis magis duratur.*

Hinc habemus permissionem illam, qua Deus finit primum hominem labi, & qua nunc etiam finit iustos peccare, non posse dici excæcationem, vel indurationem, quia excæcatio & induratio cum sit pœna peccati, non potest esse primum peccatum, neque excæcantur, vel indurantur iusti, sed peccatores. Rom. 1. *Sicut non probauerunt, Deum habere in notitia, tradidit illos Deus in reprobum sensum.* Item: *Quia commutauerunt veritatem Dei in mendacium, & coluerunt, ac seruiuerunt creaturæ potius quam creatori: propterea tradidit illos Deus in passionem ignominie.* Et 2. ad Thess. 2. *Eò quod charitatem veritatis non receperunt, ut salui fierent, ideo mittet illis Deus operationem erroris, ut credant mendacio.*

SECUNDO loco obseruandum est, ad excæcationem, & obdurationem non sufficere, ut quis non videat, vel non cedat, sed requiri ut non possit moraliter videre, nec cedere. Id enim ostendit nomen excæcationis & obdurationis. Cæci siquidem non dicuntur qui videre possunt, licet non videant; & res dæ illæ dicuntur, quæ nec cedunt, si comprimantur, nec cedere queunt, & potius franguntur, quam cedant. Hinc Ioan. 12. legimus: *Ideo non puerant credere, quia iterum dixit Isaias, Excæca cor populi huius, & aures aggraua.* Et Eccles. 7. *Considera opera Dei, quod nemo possit corrigere, quem Deus despecterit.* Ex quo intelligimus, non dici Deum excæcare, vel indurare, quando iuuat hominem auxilio suo, ita ut ille verè possit, si velit, licet permittat eum labi, & eatenus deferat, quia non præbet auxilium, quo ille infallibiliter velit. Alioqui omnes qui peccant, essent excæcati, & obdurati, cum nemo peccet nisi permittente, atque aliquo modo deferente Deo: Constat autem non omnes qui peccant, excæcatos vel obduratos propriè dici posse.

Illa igitur sola permissio, atque desertio, excæcatio & obduratio dicitur ex parte Dei, qua fit, ut homo iusto Dei iudicio, peccata præterita punientis, ita destituatur auxilio diuino, ut non possit moraliter non cadere, quod pulchrè ostendit similitudo illa Chrysostomi, de duce milites in prælio deferente. Ex quo etiam soluitur quod obijcere solet Calvinus, cum argumentatur, excæcationem, & obdurationem non posse referri ad solam permissionem, vel desertionem, cum Deus iudicem agat in hac re; & iudicis sit non solum permittere, vel deferere, sed etiam re ipsa punire. Nam ista permissio, ac desertio grauissima est punitio, cum homo in pœnam peccati præteriti in medio hostium nudus, atque inermis diuino iudicio relinquatur.

TERTIO obseruandum est, hanc impotentiam, qua homo excæcatus, vel obduratus, non potest videre quod videndum est, nec agere quod agendum est, non esse absolutam, sed ex hypothese: Nam li-

cet homo, dum est cæcus, & obduratus, non possit cernere, & credere, tamen absolute potest, quia potest cum Dei gratia remouere cæcitatem, & obdurationem, quibus remotis cernere poterit, & credere. Nunquam enim Deus ita destituit, quin saltem iuuat ad impetrandam gratiam, & vires, quibus obduratio tolli possit, quando tenetur homo conuertere ad fidem, vel iusticiam, & nisi faciat peccet. Proinde qui non potest facere quod debet, sua culpa non potest, & ideo peccat, quia si peteret auxilium, utique impetraret.

Et hinc est quod Exod. 8. & alibi in Scripturis obdurati reprehenduntur, & puniuntur; quia culpa sua in durationem incurrunt, & in ea perseverant. S. Ioan. qui cap. 12. dixerat de quibusdam: *Propterea non poterant credere, quia dixit Isaias: Excæca cor populi huius.* Idem c. 15. dicit de iisdem: *Excusationem non habent de peccato suo.* Et S. Aug. tract. 53. in Ioan. tractans illud: *Propterea non poterant credere,* monet, ut nemo audeat propter eiusmodi impotentiam negare liberum arbitrium, aut excusare peccatum, & rationem insinuat, quia licet cæci non possint videre, tamen possunt ex cæcis fieri videntes.

Sed occurreret aliquis, atque obijciat, incertum fore iudicium Dei, quo in pœnam peccati præteriti aliquos obdurat, & excæcat, si in illorum potestate est non excæcari, vel obdurari, aut continuè cæcitatem, obdurationemque repellere. RESPONDEO, certitudinem diuini iudicii ex eo pendere, quod eum, qui excæcari, atque obdurari meretur, Deus non solum deserit, ac desertione sua vinci finit ab hostibus, & in peccata varia trahi, atque perducere, sed etiam non dat gratiam congruentem eius ingenio ad impetrandas vires, quæ est alia occultior desertionis species, id est, non eum excitat, & vocat, quomodo præiudicat illi aptum esse, ut sequatur excitantem, & vocantem; & quamuis non denegat auxilium, quo ille absolute possit auxilium petere, tamen certissimè videt eum auxilio illo non usurum. Atque ita cuius vult miseretur, & quem vult obdurat, ut dicitur Rom. 9.

QUARTO obseruandum est, hanc desertionem secundum morem loquendi Scripturæ, rectè significari per vocabula actionem exprimentia, quamuis reuera non sit actio, sed actionis omissio. Nam in 2. lib. Reg. cap. 12. dicitur Dauid occidisse Vriam Hetæum, cum tamen Dauid eum per se non occiderit, nec iusserit propriè occidi, sed tantum imperauit Duci Ioab, ut eum constitueret in loco, ubi fortissimum esset prælium, ibique eum defereret ut vinceretur, & moreretur. Sic igitur Deus rectè dicitur tradere in reprobum sensum; inducere in tentationem, mittere operationem erroris, obdurare, & excæcare, licet hæc omnia non faciat nisi permittendo, & deferendo.

Neque tamen hinc sequitur, Deum esse causam peccati, aut peccare deferendo homines in tentationibus; licet Dauid peccauerit, & causa fuerit peccati, iubendo Vriam deferri in prælium. Nam Vrias innocens erat, nec poterat iuste à Dauide, vel Ioabo interfici, & ideo peccauit Dauid, cum iussit eum in prælio derelinqui, ut moreretur: At si Vrias necem promouisset, potuisset utiq; Dauid eum illa ratione de medio tollere; & quamuis tunc etiam verè diceretur causa mortis Vriæ, tamen neque ipse peccaret, neque esset causa peccati Ammonitarum, quorum gladio ille perijt. Neq; enim Dauid iussit Ammonitis, ut Vriam occiderent, sed cum illi sponte sua raperentur ad cædem filiorum Israel, uti voluit Dauid eorum imperu ad necem Vriæ, quem relin-

qui iuffit, non ad necem aliorum, quos à prælio fubduxit.

Ita quoque & Deus cùm aliquos iufto iudicio deferendo tradit in reprobum fentum, excæcat, obdurat, in tentationem inducit, neque ipfe peccat, quia iuffe deferit, neque eft caufa peccati, quia non excitat ipfe fatanam ad tentandum, & hominem ad confentendum, nifi (vt fuprà diximus) excitare fit non impedire, fed vitetur vtriusque nequitia ad eum puniendum, qui tali pœna dignus eft.

Porro Calvinus lib. 2. Inftit. cap. 4. §. 4. admittit Deum fæpè obdurare folum delerendo, tamen addit effe alia testimonia, quæ vltà procedant: *Qualia funt*, inquit, *de Pharaonis induratione. An induravit non emollescendo? id quidem verum eft, fed plus aliquid fecit, quod obftinatione peccus eius obfirmandum, fatana mandavit.* Hæc ille. Sed hoc quod ipfe dicit de fatana iuffu Dei obfirmante cor Pharaonis, ex diuinis litteris non colligitur, neque ipfe locum vllum profert, vnde id probetur. Quamvis exponi facillimè poffet, vt fuprà expofuimus illud: *Dominus præcepit Semel maledicere Daidi.*

QVINTO eft obferuandum, actionem excæcandi & obdurandi interdum tribui in Scripturis etiam illis rebus, quæ funt occafiones potius quàm caufæ eiusmodi actionum. Sic enim dicuntur munerata excæcare oculos fapientum, Exo. 23. & Eccl. 20. Sic creaturæ dicuntur factæ in mufcipulam pedibus infipientium, Sap. 14. Sic vinum & mulieres apoftatare faciunt fapientes, Eccl. 19. Sic patientia Dei aliquo modo indurat, Rom. 2. Cæterum cùm occafione talium rerum homines excæcantur, vel indurantur, non dicitur Deus eos excæcare, vel indurare, nifi fortè per accidens, fed ipfi homines abutentes rebus bonis, feipfos excæcant, vel obdurant. Deus enim cùm in Scripturis dicitur excæcare, vel indurare, id facit vt iuftus iudex, & idè non conuerfionem & pœnitentiam, fed pœnam & ruinam eorum intendit, qui excæcantur, vel obdurantur. At cùm patienter expectat, vel peccata diffimulat, non pœnam & ruinam, fed conuerfionem & pœnitentiam intendit: *Diffimulat enim peccata hominum propter pœnitentiam*, vt dicitur Sap. 11. & Apoftolus ait: *Ignoras quia patientia Dei ad pœnitentiam te adducit? in autem fecundum duritiam tuam, & impœnitens cor, thefaurizas tibi iram in die iræ, & iufti iudicij Dei*, Rom. 2.

Quare patientia Dei ad pœnitentiam adducit, & idè qui inde excæcantur, non excæcantur à Deo, fed excæcat eos malitia ipforum, vt dicitur Sap. 5. Et verè fi Deum excæcare nihil efferet aliud nifi patienter expectare, orandus efferet Deus, vt S. Aug. rectè colligit lib. 5. in Iulian. c. 3. vt nos excæcaret. Igitur loca initio capituli adducta, quæ significant à Deo homines indurari, vel excæcati, non poffunt commodè explicari de excæcatione & obduratione per patientiam, fed per defertionem, vt fuprà diximus, & vt perfpicuum erit, fi eorum aliqua percurramus.

PRIMUM testimonium fumptum fuerat ex c. 7. 8. & 9. Exod. vbi agitur de induratione Pharaonis. Videmus autem in ijs locis aliquando tribui caufam efficientem indurationis ipsi Pharaoni, qui ex patientia Dei fumebat occafionem contemnendi ipfum Deum, & obfirmandi cor fuum in proposito non obediendi, aliquando tribui ipsi Deo, qui non ita illustrabat, neque mouebat per gratiam cor illius, vt videbat congruum illi efferet, vt attenderet, & flecteretur: *Videns Pharaon* (inquit Moles Exod. 8.) *quod data efferet requies, ingratum cor fuum, & non audiret eos, ficut præceperat Dominum.* Ecce quomodo abutitur Pharaon Dei patientia ad indurationem. Et rursus cap. 9. *Videns Pharaon*

quod cefferet pluuia, & grando, & tonitrua, auxil peccatum, & ingratum efferet cor eius, & ftridorum illius, & induratum nimis: quia videlicet flagella Dei cefferant, exiftimabat Pharaon nihil iam efferet periculi, & grandinem, ac tonitrua cafu accidiffe, idè confirmabat propositum non parendi. Sed quia quod non cogitaret idem Pharaon flagellorum cefferationem prouenire ex precibus Moles, nafcebatur ex iufto Dei iudicio, quo decreuerat non mifereri Pharaonis, neque eum illustrare & mouere, vt videbat eius ingenio congruum, aptumque efferet, propterea in ijsdem locis fæpè repetitur, *Induravit Dominus cor Pharaonis.*

Eodem modo explicanda funt loca fimilia adducta ex Deut. Iofue, libris Regum, ex Ifaia, & ex Apoftolo. Illud autem Iob, *Quia commutauit labium veracium, & doctrinam fnum auferit, & qui iurauit cor Principum, & decipit*, non habet difficultatem. Non enim Deus immutat labium veracium mentiando, fed vel permittendo, vt decipiantur, vt diximus cap. fupiore, vel reddendo mutos, & elingues prudentiffimos confiliarios. Neque etiam Deus immutat cor Principum, faciendo ex bono malum, vel aliquam fallam notitiam eis infpirando, fed immittendo bonam aliquam cogitationem, aut certè indifferentem, ex qua tamen impediuntur à proposito fuo, atque ita decipiantur, cùm Dei prouidentia fiat, vt non affequantur quod cupiebant.

Exemplum habemus in Abfalone, qui cùm patrem fuum ex vrbe regia expuliffet, & eum omninò perdere defideraret, vt ipfe vnus regno vniuerfo liberè potiretur, Dei prouidentia agente, confilium conuocauit, & audito confilio Achitophel, ac probato, quod quidem ad implendum eius defiderium vtiliffimum erat, Deo infpirante, audire voluit etiam confilium Chufai, quod in fpeciem erat vtile, re autem vera perniciofum; effecit verò Deus, vt Abfalon attenderet ad confilium Chufai, & rationes eius ponderaret, oblitus confilij Achitophel, atque ita immutauit cor eius, ac fecit, vt reprobo confilio Achitophel, eligeret confilium Chufai, ex quo impeditus eft ab eo, quod maximè cupiebat. Vide lib. 2. Reg. cap. 17.

Simile eft quod accidit S. Athanaſio. Nam cùm in nauicula fugeret perſecutores fuos, Deo infpirante, onuertit nauiculam, & obuiam ire perrexit aduerſarijs, qui per idem flumen eum inſequebantur. Egredere verò diuina prouidentia, vt illi eum non agnoſcentes, ab illo ipſo peterent, quantum inde Athanaſius abeſſet, quo reſpondente non longè abeſſe, illi citato curſu deſcendere feſtinarunt. Atq; ita ſine villo mendacio ab Athanaſio, vel à Deo potius iuſtiſſime decepti, palpabant, vt inquit Iob, quaſi in meridie, & errabant velut ebrij, cùm eo magis ab Athanaſio recederent, quo ſe ad eum propius accedere cogitabant. Vide Theod. hiſt. lib. 3. c. 8. vel Ruſſim lib. 1. c. 14.

Illud Hierem. 20. *Seduxiſti me, Domine, & ſeductus ſum*, rectè exponitur à S. Hieronymo, quod ambiguitate, non falſitate contigerit. Audierat enim Hieremias: *Ecce Prophetam in gentibus dedi te.* Et rursus: *Ecce conſtiti te ſuper gentes & regna.* Itaque libenter munus prophetandi aſſumpſerat, tanquam contra gentes, à quib. populus Domini vexabatur prophetaturus. Aduertit tamen poſtea, ſe perpetuò contra gentem ſuam, & Reges ſuos Domino iubente prophetare, ex quo multas, & varias calamitates patiebatur. Accedit, quod cùm prædiceret capiendam urbem Hieroſolymam à Chaldeis, ita loquebatur, ac ſi itatim id efferet implendum, vnde cùm non ita accideret, putabatur mentitus, & à populo, tanquam impoſtor deludebatur. Ita igitur ambiguitate verborum Domini, partim quoad gentes, partim quoad

tempus deceptum ſe dicit, cū alior videret impleri ſermones Domini, quā antè crediderat.

DENIQUE illud Ioan. 12. *Propterea non poterant credere, quia ſermonem dixit Iſaias: Excecaui oculos eorum, &c.* duobus modis intelligi poteſt. **A**UT enim cauſa, cur Iudæi credere non poſſent, erat, quia id prædixit Iſaias ita futurum; **A**UT quia excecati erant iuxta vaticinium Iſaiæ. Si dicatur **PRIMUM**, tunc res eſt perſpicua. Non enim præſcientia, & prædiſpoſitio futurorum imponit rebus neceſſitatem, & ideo ſolum dicuntur non potuiſſe credere, quos Iſaias prædixit non credituros, quia non poterat fieri, quin eveniret quod Propheta ſpiritu Dei eventurum prædixerat, quamquam liberè eventurum eſſet. Imò non poterat fieri, ut non liberè eveniret, cū peccatum eſſet, ac proinde liberè factum, id quod eventurum Propheta prædixerat. Si datur **SECUNDUM**, quod etiam eſt probabilius, tunc cæcitas erit quidem cauſa, cur non poſſent Iudæi credere, ſed cauſa erit (ut ſuprà diximus) ex hypotheſi, non abſolutè, quia licet dum excecati erant, credere non poſſent, poterant tamen mutari cum Dei gratia, & ex cæcis fieri videntes, & credere.

Simile eſt illud Ioan. 5. *Quomodo vos poteſtis credere, qui gloriam ab invicem accipitis, & gloriam que à ſolo Deo eſt, non queritis?* Neque enim Dominus dicere volebat, eos abſolutè non poſſe credere; quorum enim toto illo capite, & ſequenti, eos hortaretur ad credendum, quos ſciret non poſſe credere? Sed monebat, deſiderium humanæ gloriæ impedimentum illis eſſe, quo minus credere poſſent, & idè gloriā humanā contemnerent, & gloriā, quæ à ſolo Deo eſt, quærent, ſi credere, & ſalvi eſſe cuperent.

CAPVT XV.

Explicantur alia Scripturæ testimonia.

QUINTUM & poſtremum caput ea loca complectitur, in quibus dicitur Deus re ipſa operari, & efficere ea quæ mala ſunt, 2. Reg. 12. *Hæc dicit Dominus, ego ſuſcitabo ſuper te malum de domo tua, & ſolam uxores tuas in oculis tuis, & dabo proximo tuo, & dormiet cum uxoris tuis in oculis ſolis huius. Tu enim ſeciſti abſcondiſe, ego autem faciam verbum iſtud in conſpectu omnis Iſrael, & in conſpectu ſolis huius.* Urget hunc locum Calvinus lib. 2. Inſtit. cap. 18. §. 1. *Abſalon*, inquit, *inceſto cōm patris thorum polluens, deſteſtabile ſcelus perpetravit: Deum tamen hoc opus ſuum eſſe pronunciat. Verba enim ſunt, Tu ſeciſti occidiſe, ego verò palam faciam, & coram ſole hoc.*

Similia ſunt illa: *Ecce poſitus eſt hic in ruinam, & in reſurrectionem multorum in Iſrael*, Luc. 2. Et apertius: *Ecce pono in Sion lapidem offenſionis, & petram ſcandali*, Rom. 9. Vbi Deus ipſe (ut expendit Beza) dicit ſe ponere in Sion lapidem offenſionis, & petram ſcandali. Addit Beza in reſponſione ad Caſtalionem de æterna Dei prædeſt. in reſutatione ſecundæ calumniæ, locum illum Eph. 2. *Qui operatur omnia ſecundum conſilium voluntatis ſuæ.* Quem locum ſine vlla exceptione de omnibus omnino rebus quæ in mundo ſunt, intelligendum eſſe contendit, ut ſenſus ſit, Omnia quæ ſunt, ſive bona, ſive mala, Deo non ſolum præſcientè, & permittente, ſed etiam volente, decernente, & operante fieri. Sed ex ijs quæ ſuprà dicta ſunt, facile erit hæc testimonia explicare.

Quod enim primo loco dicitur de inceſtu Abſalon, dicitur Deus malum illud feciſſe, non qua culpa Abſalonis, ſed qua pœna Davidis erat. Quamvis enim malum eſſet Abſalonem peccare, quod non volebat, ſed prohibebat Deus; bonum tamen, ac iuſtum

A erat puniri Davidem, quod voluit, & fecit Deus. Fecit autem non incitando Abſalonem ad malum, neque illud ei ſuadendo, vel imperando, ſed permittendo, cū facile impedire poſſet, vel etiam voluntatem eius ad multa ſcelera inclinatam auertendo, & cohibendo ab alijs, atque ad hoc vnum illi viam aperiendo, id eſt, ſinendo ruere in hoc, non ſinendo ruere in alia.

Porro eiſmodi permiſſionem, ſecundum morem Scripturæ, dici poſſe opus Dei, ſive facientis, ſive imperantis, perſpicuum eſt ex hiſtoria S. Iob, ubi dicitur Deus afflixiſſe S. Iob, cū tamen ex hiſtoria illa conſtet, diabolum non à Deo fuiſſe incitatum, ut affligeret Iobum, ſed ſolam Dei permiſſionem optaſſe, & impetraſſe.

B Illa verò loca ex Luc. 2. & Ro. 9. de Chriſto poſitò in ruinam, & in petram ſcandali, non ſignificant à Deo Chriſtum idè fuiſſe miſſum in mundum, ut eſſet cauſa, vel occaſio ruinæ, vel ſcandali, ſed miſſum quidem, ut eſſet cauſa ſalutis, tamen futurum etiam fuiſſe, ut eſſet occaſio ruinæ & ſcandali, non ipſo præbente occaſionem, ſed hominum malitia eum accipiente. Ita S. Fulgentius lib. 1. ad Tractandum Regem, cap. 4. tractans hæc loca: *Lapis iſte*, inquit, *qui ab ædiſtantiſſimis reprobatis, in caput ſalutis eſt anguli, quibusdam prave credulitatis cæcitate poſſeſſis, lapis offenſionis, & petra ſcandali efficiuntur.* Et paulò infra: *E. & poſitus eſt hic in ruinam, & in reſurrectionem multorum.* Idè ergo malè credentibus ruinam perſidia generat, ubi ipſa credulitas fideles exaltat. Non itaque lapis ipſe à Deo poſitus, ſed cæcitas in eum offendentis, id eſt, perſidia, ruinam generat. Sic etiam Theodor. quæſt. 12. in Exod. adducens hæc loca, & præterea illud Ioannis 9. *Ego in iudicium veni, ut qui non vident videant, & qui vident cæci fiant:* monet non fuiſſe ſcopum Dei Chriſtum mittentis, ut videntes cæci fierent, & ſtantes ruerent, vel ambulantes in petram offenderent; ſed Scripturam indicat id quod futurum erat. Quemadmodum etiam quod legimus Ioan. 2. *Soluite templum hoc, & ego in triduo excitabo illud:* non ſignificat, imperatum fuiſſe à Chriſto Iudæis, ut illud facerent, ſed eos id facturos fuiſſe prædictum. Et cū ait Iudæ, Ioan. 13. *Quod facis, ſac erit,* non ei mandavit prodicionem, ſed indicavit brevitè eum facturum, & impleturum, ſe permittente, quod iam diu deſiderauerat.

Sententia igitur Simeonis hæc eſt: *Ecce poſitus eſt hic in ruinam, & in reſurrectionem multorum*, hoc eſt, Ecce à Deo miſſus eſt Chriſtus, qui multis eum propter paſſionem & ignominiam crucis deſpicientibus erit occaſio ruinæ, multis autem in eum fideliter credentibus erit cauſa reſurrectionis & ſalutis. Eadem eſt ſententia B. Pauli ad Rom. 9. Quod enim ipſe ait: *Ecce pono in Sion lapidem offenſionis, & petram ſcandali*, hunc habet ſenſum: Ecce pono in Sion lapidem, qui erat lapis offenſionis, & petra ſcandali. Nam & Simeon, & Paulus ad prophetiam Iſaiæ reſpexit, quæ habetur cap. 8. ubi non dicitur Deus facturum, ut Chriſtus ſit in ruinam, & in petram ſcandali, ſed ſimpliciter prædicitur Chriſtus futurum in ruinam, & in petram ſcandali, occaſionem videlicet ruinæ & ſcandali accipiente hominum cæcitate ex Chriſti paſſione & morte: *Dominum*, inquit, *exercituum ipſum ſanctificare, ipſe paup. reſter, & ipſe terror reſter, & erit vobis in ſanctificationem: in lapidem autem offenſionis, & in petram ſcandali duabus domibus Iſrael, in laqueum & in ruinam habitantibus in Hieruſalem: & offendent ex eis plurimi, & cadent, & conterentur, & irruentur, & capientur.*

Quod autem B. Paulus ait, *Ecce pono in Sion lapidem*, ſumptum eſt ex ca. 28. eiſdem Prophetæ, ubi Deus

per Isaiam dicit: *Ecce mittam in Sion lapidem angularem, probatum, electum, in fundamento fundatum.* Sed quia coniunxit Apostolus hæc verba diuersorum capitum in vnam sententiam, idè Paulus durius loqui visus est. Sed si exponatur, vt diximus, omnia cohererebunt, neque diueria videbitur sententia Isaiæ, à sententia Pauli, nimirum posuit Deus in Sion lapidem, qui ex intentione ipsius Dei esset angularis, preciosus, electus, vt dicitur cap. 28. quamuis ex incredulitate hominum futurus esset etiam multis in lapidem offensionis, & petram scandalis.

Illud denique Ephel. 1. *Qui operatur omnia secundum consilium voluntatis suæ:* in quo aphorismos suos tanquam in optimo fundamento Beza construxit, nihil omnino facit ad rem. Non enim Apostolus dicit, Deum operari omnia absolute, quæ sunt in mundo, tam bona, quam mala, cum è contrario Deus oderit peccata, & nihil faciat eorum quæ odit, vt legimus Sap. 11. Sententia igitur Apostoli est, Deum operari omnia, quæ operatur, non temerè, neque inuitum, sed liberè, & prudenter, id enim est secundum consilium voluntatis suæ. Quemadmodum viri prudentes dicuntur omnia maturè agere, non quod omnia ipsi agant, sed quod quidquid agant, cum consilio agant.

Itaque S. Hieronymus quasi Bezae commentarium præuidisset, ita scripsit in hunc locum: *Operatur, inquit, omnia Deus secundum consilium voluntatis suæ, non quo omnia, quæ in mundo fiunt, Dei voluntate & consilio peragantur (alioquin & mala Deo poterunt imputari) sed quo vniuersa quæ facit, consilio faciat & voluntate, quod scilicet & ratione plena sint, & potestate facientis.* Ad hæc, si daremus Bezae in his Apostoli verbis significari omnia omnino fieri à Deo, quæ in mundo fiunt, non tamen inde sequeretur, peccata quæ ab hominibus fiunt, etiam à Deo fieri, cum peccatum facere, non sit facere, sed deficere; neque peccatum sit res aliqua, sed corruptio rei alienius. Quemadmodum autem Deus faciat quidquid in actione mala inest rei, & boni, & tamen non sit auctor corruptionis & defectus qui in actione illa cernitur, explicuimus cap. 5. & rursus explicabimus cap. 17.

CAPVT XVI.

Explicantur loca aliquot S. Augustini, quæ in speciem ferre videntur aduersarijs.

POST loca Scripturarum obijciunt Calvinus & Beza testimonia quædam S. Augustini ex lib. 5. contra Iulianum, ex Enchiridio, & ex lib. de gratia & libero arbitrio. Illa igitur, & alia, quæ nobis interim occurrunt, breuiter explicabimus.

Incipiamus à primo tomo operum eius. Libro 9. Confess. cap. 8. sic loquitur S. Augustinus de sancta Monica, quæ in pueritia per conuiuium famulæ curata est à vinolentia, cui dedita esse coeperat: *Quid, inquit, existi Deus meus? unde curasti? unde sanasti? Nonne protulisti durum, & acutum ex altera anima conuiuium, tanquam medicinale ferrum, ex oculis provisionibus tuis, & vno ista putredinem illam præcidisti?* Hic iam Calvinus si in hunc locum incidisset, dicere non dubitaret, famulam illam à Deo incitatam, & compulsam fuisse, vt dominæ suæ conuiuiaretur, idque significari illis verbis, Nonne protulisti durum, & acutum ex altera anima conuiuium? Sed aliam omnino fuisse mentem S. Augustini, ex verbis eiusdem in extremo capite positis intelligitur: *Tu Domine, inquit, restor celum & terrenorum, ad versus tuos contorquens profunda torrentis, fluxum scelerum ordinans turbulentum, etiam de alterius anima insana sanasti alteram, ne quisquam cum*

A hoc aduersis, potentia suæ tribuas, si verbo eius alter corrigatur, quem vult corrigi. Ex his enim verbis intelligimus, non fuisse à Deo incitatam, vel compulsam famulam illam ad conuiuium, sed conuiuium illud iam animo conceptum, & foras per voces erumpens à Dei prouidentia ordinatum fuisse ad vitium Monicæ sanandum. Neque enim Deus fons est, vnde turbulenti scelerum torrentes manant, sed artifex est mirabilis, qui ad usum suum torrentes illos per se fluentes contorquet, & ordinat ad bonum aliquod perficiendum.

B Itaque dicitur Deus protulisse conuiuium illud ex anima famulæ illius, tanquam ferrum medicinale ex oculis provisionibus tuis, quia non poterat famula illa conuiuium concipere, vel proficere, nec alio tempore, alio loco, in aliam personam, quam Deus permisisset: Deus autem non permisit ab illa conuiuium concipi, aut proficere, nisi quod vtile esset ad Monicam curandam, & illo tempore & loco solum permisit, quo tempore & loco præuidit vtile fore ad Monicæ sanitatem.

C Aliud testimonium extat in Enchiridio, cap. 100. quod à Caluino & Beza non semel citatur. Sic igitur loquitur S. Augustinus: *Propter namque magna opera Domini, ex quibus in omnes voluntates eius, vt miro, & ineffabili modo non fiat præter eius voluntatem, quod etiam contra eius sit voluntatem, quia non fieret, si non sine re, neque vtiue nolens finit, sed volens, nec fineret bonum fieri mala, nisi omnipotens, etiam de malo facere posset bene.* DV O quædam ex hoc loco aduersarij colligunt: **P**rimo, mala, seu peccata non fieri præter Dei voluntatem, proinde velle Deum vt fiant, rectèque ab ipsis dictum esse, decreto & voluntate Dei Adamum lapsum esse. **S**ecundo, Deum permittere mala, non inuitum, nec ociosè spectantem, sed volentem, ac per hoc inanem esse Catholicorum distinctionem, qui dicunt mala fieri non Deo volente, sed Deo permittente, quasi permissio non includat voluntatem. Sed non erit difficile respondere, si prius breuiter explicemus, quemadmodum se habeat voluntas Dei erga peccata.

Dico igitur, Deum erga peccata non habere positivè velle, aut nolle, sed negativè non velle; non habet Deus positivè velle peccata, quia bonus & iustus est. Nec esset bonus & iustus, si peccata (id est, mala) & iniquitates vellet. Non habet etiam positivè nolle, quia omnipotens est, neque esset omnipotens, si aliquid fieret ipso inuito. Fieret autem aliquid ipso inuito, si fieret aliquid, quod ipse fieri nollet. Non igitur habet velle, aut nolle, sed non velle, iuxta illud Psal. 5. *Non Deus volens iniquitatem, tu es.*

E Sed occurrit Beza in responsione ad acta Colloquij Mompelgardensis, pag. 183. ac dicit, si Deus respectu peccatorum non habeat velle, aut nolle, sed tantum non velle, sequi vt eorum, quæ in mundo geruntur, longè maxima pars fiat Deo vel imprudente, vel non curante, quorum illud ab eius prouidentia, istud ab eius potentia penitus est alienum. **R**espondeo, neutrum sequi: nam etiam si Deus non velit peccata fieri, tamen nouit ea futura, & posset impedire, si vellet, proinde non fiunt eo imprudente; præterea, vult non impedire, vult permittere, vult ordinare, vult punire; proinde non fiunt eo non curante, & quasi ociosè spectante. Neque nos dicimus, quod in superiore pagina idem Beza reprehendit, diuinam prouidentiam non se extendere nisi ad mala ordinanda, & quasi limitibus definienda, ita vt moliri possit fatan contra Ecclesiam quidquid ei libuerit, quamuis non quidquid libuerit pericere queat. Non inquam, hoc solum damus prouidentia Dei, sed etiam

addimus,

addimus, nihil fieri posse, nisi Deo permittente, ac per hoc, non solum non perficiet satan contra Ecclesiam, quidquid ei libuerit, sed nec mollietur quidquid ei libuerit, sed quidquid ei permittere Deo placuerit.

OBSERVANDUM est præterea, id quod diximus, Deum respectu peccati non habere positiuè nolle, debere intelligi de voluntate beneplaciti, quæ absoluta est. Nam habet Deus nolle fieri peccata, voluntate signi, quæ non absoluta, sed conditionata est. Voluntas enim signi, dicitur præceptum, siue prohibitio, quæ voluntas idè conditionata dici potest, quia cum Deus præcipit, ut aliquid non fiat, simul addit pœnam, si fiat. Proinde cum aliquid prohibet, non absolutè vult illud non fieri, sed vult aut non fieri, aut puniri eum qui facit. Quare semper inuicta manet voluntas diuina, neque ei villo modo resisti potest. Nam etiamsi aliqui legem eius præuarentur, & faciant quod ipse fieri prohibuit, non tamen euadunt supplicium, quod ipse idem præuicatoribus comminatur.

Ex his testimonium S. Augustini facillimè poterit explicari. Dicit enim non fieri præter eius voluntatem, quod fit contra eius voluntatem, non quia ipse velit illud fieri, sic enim secum ipse pugnaret, sed propter alias duas causas, quas ibidem idem auctor posuit. Prima causa est, quia (ut diximus) cum Deus peccata prohibet, non simpliciter vult non fieri, sed aut non fieri, aut puniri eum qui facit. Altera causa est, quia licet Deus non velit peccata fieri, tamen vult permittere ut fiant, ordinaturus illa pro sua infinita potentia, & sapientia in bonum.

Priorem causam ponit Augustinus in præcedentibus verbis, dum sic ait: *Hæc sunt magna opera Domini exquisita in omnes voluntates eius, & tam sapienter exquisita, ut cum Angelica & humana creatura peccasset, id est, non quod ille, sed quod voluit ipsa, fecisset, etiam per eandem creaturæ voluntatem, qua factum est quod Creator noluit, impleverit ipse quod voluit, bene utens & malis, tanquam summè bonus, ad eorum damnationem, quos iuste prædestinauit ad pœnam, & ad eorum salutem, quos benignè prædestinauit ad gratiam. Quantum enim ad ipsos pertinet, quod Deus noluit (voluntate signi) fecerunt, quantum verò ad omnipotentiam Dei, nullo modo efficere valuerunt. Hoc quippe ipse, quod contra voluntatem Dei fecerunt, de ipsis facta est voluntas Dei. Ecce qua ratione non fiat præter Dei voluntatem, quia videlicet facit ipse de peccantibus quod vult, dum eos æternæ damnationi, quam peccantibus fuerat comminatus, addicit.*

Posteriorem causam ponit in verbis sequentibus, sic loquens: *Propterea namque omnia opera Domini exquisita in omnes voluntates eius, ut miro & ineffabili modo non fiat præter eius voluntatem, quod contra eius sit voluntatem, quia non fieret, si non sineret.* Idè igitur non fiunt peccata præter Dei voluntatem, quia non fierent, si non sineret, ac per hoc licet non habeat Deus velle fieri, habet tamen velle permittere.

Sed (inquiunt aduersarij) velle permittere includit velle fieri. Nam hic subiicit Augustinus: *Non utique finit nolens, sed volens.* Et paulò ante, cap. 95. *Non ergo, inquit, sit aliquid, nisi omnipotens fieri velit, vel sinendo ut fiat, vel ipse faciendo.* Vbi sanctus Augustinus apertè dicit, Deum velle fieri id, quod finit fieri. Et cap. 96. dicit, bonum esse ut mala sint: *Quamuis, inquit, quæ mala sunt, in quantum mala sunt, non sint bona, tamen, ut non solum bona, sed etiam sint & mala, bonum est.* Quod autem bonum est, Deus vult, igitur mala esse, seu fieri Deus vult.

Addit Petrus Martyr in caput nonum epistolæ ad Romanos, vocem permissionis in Scripturis signifi-

A care voluntatem, & operationem Dei, non solum negationem. Et allegat illud 1. ad Corinthios 16. *Spero me aliquantulum temporis manere apud vos, si Dominus permiserit.* Et illud ad Hebr. 6. *Et hoc faciemus, si quidem permiserit Deus.*

RESPONDEO, propriè permittere non includere velle, sed non nolle, siue non impedire, & verissimam esse Theologorum Catholicorum doctrinam, qui dicunt Deum velle bona, mala autem non velle, sed permittere; & longè aliud esse, velle fieri mala, & velle permittere ut fiant mala. Siquidem velle fieri mala, est malæ voluntatis, quæ vel delectatur malis, vel uti vult eis ad bona, contra illam regulam: *Non sunt facienda mala, ut eueniant bona.* At velle permittere mala, potest esse bonæ voluntatis, ac præsertim in summo rerum omnium moderatore, ad quem spectat non impedire cursum rerum, quamuis defectibilem, ut hinc ostendat **P A T R I M V M**, quid per se possit liberum arbitrium: **D E I N D E** quid eius gratiæ beneficium, iustitiæque iudicium, ut loquitur sanctus Augustinus lib. de correptione & gratia, cap. 12. Cum igitur idem Augustinus dicit, Deum permittere mala non nolentem, sed volentem, intelligimus Deum permittere non inuitum, sed volentem permittere, non autem propriè volentem illa fieri. Cum verò dicit, nihil posse fieri, nisi Deus velit fieri, aut sinendo ut fiat, aut ipse faciendo, ipse se explicat. Non enim diceret, aut sinendo, aut faciendo, si propriè Deus vellet fieri tam bona, quàm mala. Nam Deus voluntate agit; & idè quidquid vult fieri, fit, & idè fit, quia ipse volendo facit.

C Itaque si Deus vellet fieri mala, non permetteret, sed faceret mala. Quorsum ergo Augustinus distingueret permissionem ab opere, dicens, aut sinendo, ut fiat, aut ipse faciendo, si existimaret, Deum propriè velle tam quæ facit, quàm quæ permittit, cum non ignoraret, Deum volendo facere? Sententia igitur eius loci talis est, Nihil potest fieri, nisi Deus velit fieri, saltem per accidens, id est, nisi velit permittere, ut fiat ab alijs, aut etiam velit ipse illud procurare, & facere.

D Porro, quod adjungit, bonum esse, ut sint mala, eodem modo explicandum est, videlicet, bonum esse, ut sint Deo permittente, non Deo agente, & volente, quod est per accidens esse bonum, quia coniunctum est cum aliquo per se bono. Mala enim per se nihil ornamentum adferunt rebus cæteris, tamen ordinata à Deo, & suo loco posita, faciunt ut res bonæ magis emineant, ut idem Augustinus docet in eodem libro, capite vndecimo, qui etiam de eadem re sic loquitur in libro tertio de libero arbitrio, capite nono: *Quomodo, inquit, iuste peccata puniunt, quæ si desuissent, creatura eius plena & perfecta non esset? Hic respondetur, non ipsa peccata, vel ipsam miseriam perfectioni vniuersitatis esse necessaria, sed animas, in quantum animæ sunt, quæ si velint, peccant, si peccauerint, misere fiunt.* Hæc ille. Quare non tam est bonum, ut peccata sint, quàm ut ordinentur, posteaquam Deo permittente existunt.

E Quocirca S. Augustinus ex eo quod dixit bonum est ut mala sint, non colligit, Deum velle mala, sed tantum permittere. Hæc enim sunt verba eius: *Nec dubitandum est, Deum facere bene etiam sinendo fieri quæcunque sunt malè. Non enim hoc nisi iusto iudicio finit, & profectò bonum est, quod iustum est. Quamuis ergo quæ mala sunt, in quantum mala sunt, non sint bona, tamen ut non solum bona, sed etiam sint & mala, bonum est. Nam nisi esset hoc bonum, ut essent & mala, nullo modo esse sinerentur ab omnipotente bono. Cui profectò quàm facile est quod vult facere, tam facile est quod non vult esse non sinere.*

Neque in Scripturis ullus eſt locus, ubi vox, *permittere*, non poſſit rectè exponi de propriè dicta permiſſione, quæ non ſignificat, velle, ſed non impedire. Nam quod dicitur 1. Cor. 16. *Spero me apud vos aliquantulum temporis permanſurum, ſi Dominus permiſerit*: rectiſſimè intelligitur dictum eſſe pro eo quod eſt, ſi Dominus non impedierit. Sæpè enim Apoſtolus cogitabat aliquò ire, & Dominus aliò eum deſtinabat. Act. 16. *Transcuntes autem Phrygiam & Galatia regionem, vetati ſunt à Spiritu ſancto loqui verbum Dei in Aſia. Cùm veniſſent autem in Miſiam, tentabant ire in Bituniam, & non permiſit eos Spiritus Jeſu*. Et ad Rom. 1. *Nolo autem vos ignorare, fratres, quia ſæpè propoſui venire ad vos, & prohibitus ſum uſque adhuc*. Quod etiam dicitur Heb. 6. *Et hoc faciemus, ſi quidem permiſeris Dominus*: eundem ſenſum habet. Scribit enim Apoſtolus, nolle ſe amplius de rudimentis fidei diſſerere, de poenitentia ab operibus mortuis, de Baptiſmo, impositione manuum, & ſimilibus, ſed de ijs, quæ ad perfectionem vitæ Chriſtianæ pertinent. Addit autem, Si quidem permiſerit Dominus, quia videlicet ignorabat, an Deus permiſſurus eſſet eum facere, an ad alia opera vocaturus. Oſtendit enim his verbis, ſe omninò pendere à providentia Dei, & quæ Deo annuente aggreditur, eadem Deo volente perficere, aut eo impediante dimittere.

A L I V D testimonium rursus obijciunt Calvinus & Beza in eodem Enchir. cap. 101. ubi ſic loquitur ſanctus Auguſtinus: *Aliquando bona voluntate homo vult aliquid quod Deus vult, & rursus fieri poſeſt, ut hoc vult homo voluntate mala, quod Deus vult bona. Tantum intereſt quid velle homini, quid Deo congruat, & ad quem finem ſuam quæque referat voluntatem, ut aut approbetur, aut improbetur*. Videtur enim his verbis Auguſt. admittere, Deum velle ipſum, quod volunt homines mali, dum mala operantur: ſed idè bonam eſſe Dei voluntatem, quia bona intentione Deus vult, quod impij mala intentione volunt.

S E D faciliſimè id ſolvitur. Nam in his rebus, quæ ſunt per ſe malæ, & in nullo caſu poſſunt fieri benè, nunquam Deus vult id, quod volunt homines mali. In rebus autem quæ ſunt malæ ratione præcepti poſitivi eas prohibentis, aut alicuius circumſtantis, facile fieri poſeſt, ut Deus bona voluntate velit, quod mala voluntate volunt homines mali, & quod nolum bona voluntate homines boni; itaut magis congruant cum bona voluntate Dei illi qui nolum, quàm illi qui volunt, quod ipſe vult. Exempla ſunt in eodem loco S. Auguſtini: *Vult Deus aliquem hominem mori, quia id merentur eius peccata, voluntas hæc Dei iuſta eſt, ac per hoc bona; fortè etiam vult hoc Deus, quia prævidet illum, ſi diutius vivat, gravius peccaturum, & atrocius apud inferos puniendum, ex quo non ſolum iuſta, ſed etiam miſericors eſt voluntas Dei, quæ vult illum de medio tolli*. Contingit autem, ut filius eius, non quia ſcit patrem mereri mortem, aut gravius peccaturum, ſi vixerit, ſed quia eum odit, aut cupit citò poſſidere paternam hæreditatem, velit eundem mori; ſine dubio hæc filij voluntas, quamvis id velit, quod vult & Deus, iniquiſſima eſt. Tenetur enim filius parentes diligere, & iuvare, ac multò magis non odiſſe. Proinde magis congrueret cum bona Dei voluntate voluntas huius filij, ſi noller quod vult Deus, quàm nunc congruat, quando vult, quod Deus vult.

Sed non poſeſt villo modo ex his colligi, Deum eſſe auctorem peccatorum, aut velle peccata fieri. Nam etiamſi Deus vult aliquando id, quod peccator vult, non tamen vult Deus, ut ille hoc velit, imò contrarium vult, ſaltem voluntate ſigni, qua prohibuit illi,

A ne id vellet. Quod ſi Deus filio imperaret, ut parentem occideret, ſicut imperavit Abrahæ ut occideret filium, tunc non mala voluntate filius vellet mori parentem ſuum, dum id non odio patris, ſed ut obſequeretur Deo iubenti, id vellet. Sin autem filius non habeat Dei mandatum de parente occidendo, & tamen fortè nouerit, Deo placere ut is moriatur, non debet quidem obmurmurare Deo, ſed contrà potius eum laudare, & acquieſcere in eius voluntate, paratus æquo animo ferre mortem patris, cùm acciderit: ſed interim ei deſiſſe non debet, quia mandatum habet honorandi parentis, eoſque iuvandi, ac ſuſtentandi; & placebit ſine dubio Deo ſtudium filij in parente conſervando, licet ipſe alia via tibi nota, parentem illum occidi decreverit.

B Sequitur A L I V D testimonium, quod obijciunt ex lib. 6. de Geneſi ad lit. cap. 15. ubi legimus, voluntatem Dei eſſe rerum neceſſitatem, atque id neceſſariò futurum quod Deus voluerit. Vitur hoc testimonio Calvinus lib. 3. Inſtitut. cap. 13. §. 8. ut probet, Deum decreviſſe ab æterno, ac voluiſſe, ut primus homo peccaret, & cum tota poſteritate in damnationis reatum incurreret.

S E D facilis eſt reſponſio. Fatemur enim, id omne quod Deus vult, infallibiliter impleri, Dei enim voluntati nemo reſiſtere poſeſt. Sed probandum erat Caluino, Deum ex ſententia B. Auguſtini voluiſſe, ut primus homo peccaret. Nam in loco citato, non hoc ſcribit S. Auguſt. ſed diſſerit de creatione hominis, ac dicit, hominem formatum ex limo, quia Deus ita voluit, neque id repugnare cauſis naturalibus generationis humanæ, quia Deus dedit illis cauſis, ut inde poſſit homo generari, non autem ſuam poteſtatem illis cauſis alligavit.

C A L I V D testimonium obijciunt ex libro 5. contra Iulianum, cap. 3. ubi tractans illud: *Tradidit eos in paſſionem ignominie*, &c. Sequitur, inquit, propter hoc tradidit illos Deus in paſſiones ignominie. Audis propter hoc, & quæſis inaniter quomodo intelligendus ſit, tradere Deus, multum laborans, ut oſtendas eum tradere deferendo. Quibus verbis videtur S. Auguſt. non admittere explicationem illam, quam nos ſuprà ſequuti ſumus, quod Deus deferendo tradat.

D R E S P O N D E O, à ſancto Auguſtino non reprehendi Iulianum, quod dixerit Deum tradere deferendo, ſed quia dixerit, vnum peccatum non eſſe pœnam alterius peccati, & exiſtimaverit id benè probari, ſi oſtendiſſet, Deum tradere deferendo. Itaque ipſe ſanctus Auguſt. demonſtrat, vnum peccatum eſſe pœnam alterius peccati, ſive Deus tradat homines deſiderijs ſuis deferendo, ſive alio modo, ac per hoc inaniter laboraſſe Iulianum, ut oſtenderet, Deum tradere deferendo: Audis, inquit, propter hoc, & quæſis inaniter quomodo intelligendus ſit tradere Deus, multum laborans, ut oſtendas eum tradere deferendo. Sed quomodo libet tradat, propter hoc tradidit, propter hoc deferuit. Curavit enim Apoſtolus dicere, quanta pœna ſit tradi paſſionibus ignominie, ſive deferendo, ſive alio vel explicabili, vel inexplicabili modo, quo facit hæc ſummè bonus, & ineffabiliter iuſtus.

E Ad hæc, reprehendit Auguſtinus Iulianum, quod per (deferere) non intellexerit, deſtituere, ſeu non iuvare cadentem: ſed permittere, ut quis in deſiderijs, in quibus iam erat, hæreat; ac demonſtrat Auguſtinus, tradi in deſideria, non eſſe permittere, ut in aliquo ſint deſideria mala, ſed deferere, ac deferendo ſinere, ut deſiderijs malis conſentiat. Sic enim loquitur S. Auguſtinus, ponens, & reprehendens verba Iuliani: *Iam flagitiorum, inquit, deſiderijs aſtuabam. Et adjungis, ac dicis, quomodo ergo*

per potentiam tradentis Dei putandi sunt in talia facta cecidisse? Quid ergo plus factum est, obsecro te, aut ut quid diceret, tradidit illos Deus in desideria cordis eorum, si iam erant possessi quodammodo malis desideriis cordis sui? Nunquid autem consequens est, ut si habet aliquis cordis desideria mala, tam etiam consentiat eis ad committenda eadem mala? ac per hoc aliud est habere mala desideria cordis, aliud tradi eis, utique ut consentiendo eis, possideatur ab eis, quod sit cum diuino iudicio traditur eis.

Quod autem S. August. non reprehendat, sed approbet Deum tradere deferendo, patet ex sequentibus verbis: Cum ergo, inquit, dicitur homo tradi desiderijs suis, inde fit reus, quia desertus à Deo cedit eis, atque consentit, vincitur, trahitur, capitur, possidetur: à quo enim quis demittitur est, hinc & seruus additus est, & sit ei peccatum consequens precedentis pœna peccati.

SE D obijciunt rursus ex eodem capite illa verba: Quid est autem quod dicis, cum desideriis suis traditi dicuntur, relictis per diuinam patientiam intelligendi sunt, non per potentiam in peccata compulsi. Quasi non simul posuerit hæc duo idem Apostolus, & patientiam, & potentiam, ubi ait: si autem volens Deus ostendere iram, & demonstrare potentiam suam, attulit in multa patientia vasa iræ, quæ perfecta sunt in perditione. Vbi videtur S. August. concedere, aliquos à Deo per potentiam in peccata compelli.

RESPONDEO, rectè S. Augustinum docere contra Iulianum, Deum tradere aliquos suis desideriis, non esse per solam patientiam deferere, quasi idèò solùm dicatur Deus tradere aliquos suis desideriis, quia eos patienter tolerat, & impunitos ad tempus relinquit. Nam alioqui, ut cap. seq. idem August. colligit, qui à Deo petit, ne tradat desideriis suis, id peteret, ne sit patiens erga se bonitas eius. Quare ex hoc loco perspicuè intelligimus, Iulianum non accepisse desertionem Dei pro destitutione auxilij diuini, ut nos cum August. accipimus, sed pro simplici permissione & tolerantia, quomodo fatemur, non sola desertione Deum tradere aliquos desideriis suis.

Porrò non solam patientiam, sed etiam potentiam Dei cerni in obduratione peccatorum, duobus modis intelligi potest, iuxta mentem sancti Augustini: PRIMÒ, quia finis obdurationis est, ut punitione peccatoris obdurati, quæ sine dubio mirabilis, & horribilis erit, appareat iustitia & potentia Dei. Et hoc habent verba Apostoli, ab Augustino adducta: Si autem Deus volens ostendere iram, & demonstrare potentiam suam, &c. Et rursus: In hoc ipsum excitauit te, ut ostendam in te potentiam meam. Neque dubitari potest, quin Deus potentiam suam magis ostenderit in flagellis, & submersione Pharaonis obdurati, quàm in ipsa eiusdem Pharaonis obduratione.

SECUNDO, quia Deus non solùm deserit peccatores, cum eos tradit desideriis cordis eorum, sed etiam cum eorum malas voluntates, quas ipse non fecit, sed futuras non ignorauit, ita mirabiliter torquet, regit, ordinat, ut ex eis bonum eliciat, & faciat, ut etiam inuita, ac nolentes sibi seruiant, & hoc ipso quod libenter faciunt, iusto Dei iudicio grauissimè puniantur.

Quare potest rectissimè dici, Deum per potentiam tradere aliquos desideriis suis, eosque per potentiam excæcare, & obdurare, non quidem quod deferere, non illuminare, non emollire, ad potentiam pertineat, aut quod Deus posituè ad malum compellat, aut impellat: sed quia (ut diximus, & explicuimus fusius capite 13.) mirabili potentia regat corda etiam impiorum, & impediatur, ne aliud perficiant, conentur, velint, cogitent, quàm quod ipse permittit, ipsamque culpam eis vertat in pœnam, & ad multa bo-

na malis eorum voluntatibus ipse summè potens, summèque bonus vtatur. Atque hoc est, quod scribit idem Augustinus in hoc ipso libro 5. contra Iulianum, cap. 4. cum ait: Facti hæc miris, & ineffabilibus modis, qui nouit iusta iudicia sua non solum in corporibus hominum, sed & in ipsis cordibus operari, qui non facit voluntates malas, sed vtitur eis ut voluerit, cum aliquid iniquè velle non possit.

Quamuis autem admittamus iuxta mentem S. Augustini, Deum per potentiam tradere impios desideriis suis, easque excæcare & obdurare; non tamen admittimus, impios à Deo per potentiam in peccata compelli. Nam neque hoc loco S. Aug. id vquam dicit, & in alijs locis à nobis supra citatis, tæpè contrarium dicit. Vnum locum hic notare iusticiet, tract. 53. in Ioan. Fecerunt, inquit, Iudæi peccatum, quod eos non compulsi facere, cui peccatum non placet, sed facturos esse præsudit, quem nihil laet.

ALIA testimonia proferunt ex libro de gratia & libero arbitrio, cap. 20. & 21. Nam cap. 20. sic legimus: Scriptura diuina, si diligenter inspicatur, ostendit non solum bonas hominum voluntates, quas ipse facit ex malis, sed etiam illas, quæ conseruant saculi creaturam, ita esse in Dei potestate, ut eas quo voluerit, quando voluerit, faciat inclinari, vel ad pœnas quibusdam ingerendas, vel ad beneficia quibusdam præstanda, sicut ipse iudicat, occultissimo quidem iudicio, sed sine ulla dubitatione iustissimo. Et infra: Voluntatem proprio vitio malam in hoc peccatum iudicio suo iusto & occulto inclinauit. Et cap. 21. Operatur Deus in cordibus hominum ad inclinandas eorum voluntates quocunque voluerit, siue ad bona pro sua misericordia, siue ad mala pro meritis eorum, iudicio vique suo aliquando aperte, aliquando occulto, semper autem iusto.

RESPONDEO, hæc loca iam esse explicata superius, videlicet cap. 13. siquidem eo loco ostendimus ex Hugone Victorino, qui Augustinum sequutus est, Deum operari in cordibus, inclinando ad vnum malum potius, quàm ad aliud, non quidem malitiam inferendo, aut inclinata corda ad bonum peruertendo, sed inclinata vitio proprio ad malum, impediendo ne ferantur in aliud, & non impediendo ut ferantur in hoc. Id quod idem Augustinus in hoc libro indicat, cum ait cap. 20. Deum inclinare voluntatem proprio vitio malam. Et cum apertius, cap. 23. concludit dicens: Cum ergo auditis, ego Dominus seduxi Prophetam illum, & quem vult indurari, eius merita cogitate, quem sic obdurari, vel seduci permisi. Vbi vides, ipsam permissionem seductionis & obdurationis iudicio diuino tribui, quia videlicet nisi id mererentur hominum peccata, Deus eos non ita seduci, neque obdurari sineret.

ALIVD testimonium obijci solet ex lib. de corrept. & grat. c. 7. ubi sic loquitur S. August. Cum, inquit, audimus, nonne ego vos duodecim elegi, & vnus ex vobis diabolus est? illos debemus intelligere electos per misericordiam, illum per iudicium. Illos ergo elegit ad obtinendum regnum suum, illum ad effundendum sanguinem suum. Quod si Christus elegit Iudam ad opus prodicionis, vnde sanguinis effusio lequuta est, certè videtur omninò voluisse, & ab æterno decreuisse, ut Iudas illud immane scelus perpetraret.

RESPONDEO, Christum præsciuisse ab æterno, Iudam, si permetteretur, fore pecuniarum cupidum, & ex ea cupiditate Magistri sui, ac Domini, sceleratissimum proditorem, & simul præuidisse, quantum boni ex illo scelere ipse elicere posset, si illud permetteret, & idèò decreuisse omninò permittere. Hoc autem permissionis decretum, ex quo infallibiliter sequebatur sanguinis sui effusio, vocat

Augustinus electionem Iudæ ad effundendum sanguinem suum. Nam paulò ante dicit, Iudam fuisse electum ad opus, cui congruebat. Quibus verbis significat, Iudam per se illi operi congruisse, & ideo satis fuisse, ut Deus illum permetteret facere, quod cupiebat. Et paulò post idem explicat apertius his verbis: *Ab illo quippe electus est, qui non bene uti etiam malis, ut per eius opus damnable, illud propter quod ipse venerat opus venerabile completeretur.* Itaque Christum elegisse Iudam ad effundendum sanguinem suum, nihil est aliud, nisi Christum decreuisse uti mala voluntate Iudæ, quam se permittente in eo futuram prænouerat, ad passionem suam, & mundi redemptionem peragendam.

POSTREMO addunt Calvinus in lib. 3. Institut. cap. 23. §. 7. & Theodorus Beza in responsione ad acta Colloquij Mompelgardensis, pag. 155. testimonium sancti Augustini, ex lib. de correptione & gratia, cap. 10. ad probandum, mala non solum præsciri, sed etiam decerni à Deo, & lapsum Adami non solum à Deo præcognitum, sed etiam volitum, & definitum. *Nunc audiamus, inquit, Augustinum loquentem lib. de correptione & gratia: Saluberrimè consuevit, quod rectissime credimus, Deum, Dominumque verum omnium, qui creauit omnia bona valde, & mala ex bonis exortura præsciri (præscientiam autem Augustinus nunquam à proposito Dei sejungit) & sciri magis ad suam omnipotentissimam bonitatem pertinere, etiam de malis benefacere, quam mala esse non sinere: sic ordinasse Angelorum & hominum vitam, ut in ea prius ostenderet, quid posset liberum arbitrium; deinde quid posset gratia sua beneficium, iustitiæque iudicium.*

Hoc testimonium, si remoueat illa parenthesis Bezae (*præscientiam autem Augustinus nunquam à proposito Dei sejungit*) nihil omnino probat. Non enim dicit S. Augustinus, Deum decreuisse ut mala ex bonis orirentur, sed dicit pertinuisse ad eius omnipotentissimam bonitatem, potius de malis benefacere, quam mala esse non sinere. Nec dicit, Deum sic ordinasse Angelorum & hominum vitam, ut prius necessarii peccarent, deinde propter peccata punirentur: sed dicit, Deum sic ordinasse Angelorum & hominum vitam, ut prius ostenderetur, quid posset liberum arbitrium, deinde quid posset gratiæ beneficium, iustitiæque iudicium, id est, prius ostenderetur, potuisse Angelos per liberum arbitrium cadere, & non cadere; & deinde potuisse Deum Angelos, qui ex libero arbitrio ceciderant, iuste puniri; qui vero per liberum arbitrium steterant, tanta gratiæ plenitudine donare, ut iam amplius cadere non possent. Homines similiter in statu innocentie constitutos, potuisse per liberum arbitrium cadere, & non cadere; & siquidem non cecidissent, potuisse Deum ad perfectam beatitudinem eos perducere; sin autem cecidissent, potuisse iuste punire, vel misericorditer liberare, ut in sequentibus Augustinus fusè explicat. Quare omnia verissima sunt, nec vlla ex parte Bezae sententiam iuuat.

Porrò illa parenthesis (*præscientiam autem nunquam Augustinus à proposito Dei sejungit*) PRIMVM petit principium, id enim probandum suscepit initio, quod nunc tanquam certum, & concessum assumit. DEINDE fallum est, si de peccatis agatur, ut hoc loco agitur: sanctus enim Augustinus libro de prædestinatione Sanctorum, cap. 10. dicit, prædestinationem (quæ idem est cum decreto) non posse separari à præscientia, tamen præscientiam posse separari à prædestinatione, siue decreto: Deus enim nihil decernit, ac definit, quin præsciat se facturum; multa autem præscit futura, quæ ipse non decernit, nec de-

finiit: *Prædestinatio, inquit, sine præscientia esse non potest, potest autem esse sine prædestinatione præscientia. Prædestinatione quippe Deus præscit quæ fuerat ipse facturum. Præscire autem potest etiam ea, quæ ipse non facit, sicut quæcunque peccata.*

Idem cognosci potest ex responsione sancti Prosperi ad objectiones Vincentianas 10. 11. 12. 13. 14. 15. 16. Nam cum quidam suspicarentur ex doctrina sancti Augustini sequi id, quod nunc Calvinus & Beza defendunt, mala fieri non solum præsciente, sed etiam prædestinante, & decernente Deo: respondet Prosper, istas sententias blasphemias esse, & à sancti Augustini doctrina prorsus alienas. Inter cætera sic loquitur in responsione ad objectionem vndecimam: *Obiectio, Quod quando incestum patres filias, & matres filios: vel quando serui dominos occidunt, ideo fiat, quia Deus prædestinavit ut fieret. Responsio, Si diabolo obiceretur, quod talium facinorum ipse auctor, ipse esset incensor, puto quod aliqua ratione exonerare se hac posset inuidia, & talium scelerum patratores, de ipsorum voluntate vinceret; quia etsi delectatus est sin ore peccantium, probare tamen se non inuoluisse vim criminum. Quæ ergo insipientia, quæne dementia definitur ad Dei referendum esse consilium, quod nec diabolo in totum adscribi potest, qui in peccantium flagitijs illecebrarum adiutor, non voluntarium credendus est esse generator? Nihil ergo talium negotiorum Deus prædestinavit ut fieret, nec illam animam nequiter, turpiterque visuram, ad hoc ut taliter viueret, præparavit: sed talem futuram non ignoravit, & de tali iuste se iudicaturum esse præscit. Atque ut ad prædestinationem eius nihil aliud referri potest, nisi quod aut ad debitam iustitiæ retributionem, aut ad indebitam pertinet gratia largitum. Hic certe videmus, quàm luculenter sanctus Prosper pro Augustino respondens, separat præscientiam à consilio, definitione, & prædestinatione Dei, cum de malis agitur; & contra, quàm falsò scripserit Beza, Dei præscientiam à decreto, seu proposito, nunquam ab Augustino seungi.*

CAPVT XVII.

Soluntur objectiones ductæ ex ratione.

SUPEREST ut ad rationes, quas proferunt, breuiter respondeamus.

PRIMA ratio Caluini lib. 3. Institut. cap. 23. §. 7. Si Deus non decreuit ab æterno, ut primus homo cum tota posteritate laberetur, sequitur Deum à ambiguo sine condidisse nobilissimam creaturam. Non enim condidit ut staret, ut peripicuum est ex eo quod non stetit; vel igitur condidit, ut laberetur, & sic aperiretur via misericordiæ & iustitiæ diuinæ, vel condidit in finem ambiguum, atque incertum, ut ex euentu penderet id, quod Deus postea facturum esset, quod certe valde absurdum esse videtur.

RESPONDEO, Deum condidisse hominem in finem bonum & certum, videlicet ad gloriam misericordiæ, iustitiæque in eo manifestandam. Licet enim Deus non decreuerit, neque voluerit ut primus homo peccaret, neque ad hunc finem eum condiderit, ut peccaret, tamen præscit eum peccaturum, si conderetur, qualis conditus est; & simul præscit, se posse tale remedium eius peccato adhibere, ut inde iustitia, & misericordia sua mirificè patefieret; Quemadmodum si quis dum cogitat domum edificare, animaduertat, si domus in tali loco edificetur, fore, ut pateat pestilentibus ventorum flatibus, & simul videat, se posse optimum remedium adhibere, quod non solum flatus ventorum arceat,

sed

fed etiam ornamento fit toti ædificio; is profectò si domum tali loco ædificet, nec dici poterit cupiuiſſe domum patere flatibus peſtilentium ventorum, neque verè dicetur eo imprudente id accidiſſe, ſed eum vt ſapientem architectum prouidiſſe quod accidere poterat, & nihilominus voluiſſe in eo loco domum extruere, quia viderit ſe poſſe arte ſua omni incommodo facile mederi.

At dicet Calvinus: Deus præſciuit hominem caſurum, quia iam decreuerat & prædeſtinauerat eius lapſum. Prior ergo fuit prædeſtinatio, quàm præſcientia, proinde quando decreuit Deus hominem conderi, vel in ambiguum finem condere voluit, vel certè in eum finem vt laberetur, & per eius lapſum aperiretur via miſericordiæ, ac iuſtitiz Dei manifeſtandæ.

RESPONDEO. Deum cognitione ſimplicis intelligentiæ cognouiſſe hominem caſurum, ſi conderetur, non ſolùm antequam eum conderet, ſed etiam antequam condere decerneret. Itaque prior eſt (ſecundùm modum noſtrum intelligendi) cognitio illa conditionalis propoſitionis, nimirum ſi homo creetur, peccabit, quàm decretum abſolutum hominis condendi. Priora enim ſunt in Deo, quæ neceſſaria ſunt, quàm quæ libera, cùm iſta in Deo poſſint non eſſe, illa non poſſint. Neceſſarium autem eſt Deum cognoscere omnia omninò quæ cognosci poſſunt, ſiue ea ſint abſolutè futura, ſiue ex hypothefi, alioqui non eſſet infinitæ ſcientiæ, ac per hoc nec eſſet Deus. Non fuit autem neceſſarium, ſed liberum, vt Deus decerneret hominem condere.

Porò cognosci poſſe à Deo non ſolùm illa quæ futura ſunt abſolutè, ſed etiam ea quæ eſſent, ſi tales, vel tales cauſæ ponerentur, licet re ipſa nunquam futura ſint, perſpicuum eſt ex diuinis litteris. Nam 1. Reg. 23. interrogatus Dominus à Dauide, an ſi ipſe maneret in vrbe Ceilam, proderetur à ciuibz illius vrbi, in manus Sautis; reſpondit, tradent. Sciebat ergo Deus futurum vt Dauid proderetur, ſi maneret in Ceilam, & tamen quia non manſit, non fuit proditus, & abſolutè non erat futurum vt proderetur. Et Matth. 11. Dominus ait: *Sic Tyro & Sidone ſactæ fuſſent virtutes quæ ſactæ ſunt in te, olim in cinere & cilicio pœnitentiam egreſſent.* Sciebat igitur Dominus fore, vt Tyrij & Sidonij conuerterentur ad pœnitentiam, ſi miracula illis oſtendiſſet, quæ Bethſaida fecerat, quod tamen abſolutè futurum non erat.

S. etiam Auguſtinus in epiſt. 49. quæſt. 2. docet, Chriſtum antiquis temporibus non veniſſe, quia præſciebat homines illorum temporum, etiam viſis miraculis maximis, minimè credituros. Idem etiam cùm tam ſæpè repetit, Deum vocare electos, ſicut videt eis aptum eſſe vt ſequantur vocantem: reprobos autem non ita vocare, pro certo ſumit, Deum noſſe, tali vocatione oblata, eum qui vocatur, ſequiturum, alia verò ſimiliter oblata non ſequiturum. Vide librum primum ad Simplicianum, quæſt. 2. & librum de bono perfeuerantiæ, cap. 14. Hinc idem S. Auguſtinus lib. de correptione & gratia, cap. 10. ſcribit, Deum crealliè hominem & Angelum, vt primum in eis oſtenderet, quid poſſet liberum arbitrium; deinde quid poſſet ſuæ gratiæ beneficium, iuſtitizque iudicium. Qui finis non erat incertus, aut ambiguus, quia nouerat Deus Angelos per liberum arbitrium partim caſuros, partim non caſuros; hominem autem cum omni poſteritate lapſurum, atque idè tum in Angelis, tum in hominibus demonſtrare ſe poſſe miſericordiam & iudicium. Et in eodem libro, cap. 12. apertè docet, Deum præſciuiſſe primum hominem lapſurum, ſed eum ad hoc non coëgiſſe: *Præſciente, inquit, Deo, quid ille eſſet ſacturus*

A inuſſe, præſciente tamen, non ad hoc cogente, ſed ſimul ſciente, quid ipſe de ſe ſacturus eſſet inſtè.

Addo præterea, quod etiam ſi daremus, Deum non præuidiſſe, antequam decerneret hominem creare, quid homo ſacturus eſſet, ſi crearetur, tamen non propterea in ambiguum finem creatam à Deo fuiſſe nobiliſſimam naturam. Deus enim omnia propter ſemetipſum, id eſt, ad gloriam ſuam declarandam operatur; hic autem finis impediri non poterat vllo modo, quidquid tandem homo pro arbitrij ſui libertate faceret. Nam ſi peccaret, non effugeret Dei iuſtitiam; ſi non peccaret, Dei gratiam magis ac magis ſibi conciliaret. Semper autem Dei gloria eluceret, ſiue per excellentem gratiam homo coronadus eſſet, ſiue per iuſtum iudicium puniendus. An autem homo miſericordiam, an iuſtitiam Dei experturus eſſet, ambiguum aliquo modo fuiſſet, ſed abſque vllo detrimento gloriæ Dei; nam & ambiguitas iſta ex Dei decreto manaret, qui hominem in manu conſilij ſui relinquere voluiſſet, & (vt diximus) ſemper Dei gloria ſiue coronando, ſiue puniendo, locum ſuum habuiſſet.

ALTEA ratio eiſdem Caluini ibidem eiſmodi eſt. Non eſt factum naturaliter, vt à ſalute exciderent omnes vnus parentis culpa. Cùm igitur hoc naturæ adſcribi nequeat, ab admirabili conſilio Dei profectum eſſe minimè obſcurum eſt. Quid ergo prohibet fateri de primo homine (quod videlicet decreto Dei lapſus eſt) quod inuiti de toto humano genere concedunt?

RESPONDEO, negare nos, quod inuitos concedere Calvinus aſſumit. Factum enim aſſerimus omninò naturaliter, vt primo homine cadente, genus humanum vniuerſum caderet. Naturam enim in ſe primus homo vitiauit, cùm iuſtitiam illam originalemi amiſit, quam Deus illi pro ſe, & pro toto genere humano donauerat. Quare qui per naturalem propagationem filij Adami efficiuntur, naturaliter iniuſti & peccatores naſcuntur; quod Apoſtolus docet, cùm ait, Ephel. 2. *Erasmus & nos natura filij iræ, ſicut, &c.* Idem paſſim docet S. Auguſt. qui etiam tract. 44. in Ioan. ſcribit, omnes homines natura eſſe filios iræ, quia peccante primo homine, vitium pro natura inoleuit. Et (quod magis eſt admirandum) idem ipſe Calvinus ita exponit verba Apoſtoli in commentario eius loci, vt probet peccatum originale, quia in omnibus naturaliter hoc peccatum ineſt, cùm ſit omnibus eadem natura communis: *Loens, inquit, eſt inſignis contra Pelagianos, & quicumque peccatum originale negat. Nam quod naturaliter ineſt omnibus, id certè eſt originale. Naturaliter verò nos omnes damnationi obnoxios Paulus docet.* Hæc ille. Quamvis igitur Adamus non naturaliter, ſed voluntariè peccauerit, tamen poſito peccato Adami, & naturæ corruptione, quæ ex eo peccato conſequuta eſt, ſine alio Dei decreto, per ipſam naturalem propagationem naſcimur omnes peccatores, atque iræ filij

TERTIA ratio Caluini & Beza. Homo non potuit labi Deo inuito, vel ignorante, vel ocioſè ſpectante. Quia **PRIMUM** repugnat Dei potentiz: **SECUNDUM** Dei ſapientiæ: **TERTIUM** Dei prouidentiæ; igitur Deo volente, & decernente, lapſus eſt.

RESPONDEO, non benè colligi concluſionem. Nam lapſus eſt homo Deo permittente, & ex lapſu illo per ſuam potentiam, ſapientiam, & prouidentiam ingens bonum eliciente. Atque ita non eſt homo lapſus, Deo volente, aut decernente, ſed neque eo inuito, aut ignorante, aut ocioſè ſpectante. Quemadmodum non diceretur aliquis ocioſè ſpe-

etare fluuium sponte currentem, si cursum illius detorqueret ad agrum aliquem irrigandum, quamuis non ipse fluuium impetum illum dedisset.

QVARTA ratio. Sæpe vnum peccatum est pœna alterius peccati, vt ex Scripturis manifestè probat S. Augustinus lib. 5. contra Iulian. cap. 3. At pœna auctor est Deus, igitur & peccati, quod pœna est alterius peccati.

RESPONDEO, peccatum bifariam considerari posse. **PRIMO**, vt egreditur à voluntate, & actio quædam est. **SECUNDO**, vt recipitur in ipsa voluntate, & passio est. Vt igitur peccatum à voluntate egreditur, non est pœna, sed culpa; pœna enim non actionem, sed passionem significat. Vt autem recipitur in voluntate, eamque bono rectitudinis priuat, sic pœna est, quamuis non omninò propriè, & in rigore, sed largo modo, quia pœna propriè dicta simpliciter inuoluntaria esse debet, vt culpa simpliciter voluntaria. Iam igitur Deus non est auctor peccati, vt culpa est, quod peccato propriè & simpliciter conuenit, sed solum vt habet rationem pœnæ, quod (vt diximus) non simpliciter, sed secundum aliquid tantum peccato conuenit.

Sed præterea obseruandum est, Deum non esse auctorem peccati, vt pœna est, impellendo ad peccatum, sed deferendo, permittendo, non miserendo (vt suprà explicuimus) itaut non tam ipsum peccatum, quam desertio Dei, pœna iusto Dei iudicio inflicta dici debeat. Sic enim loquitur S. August. lib. de gratia & lib. arbit. cap. 23. *Cum auditis, ego Dominus decepi Prophetam illum; & quem vult obdurat, eius merito cogitate, quem Deus ita seduct, vel obdurari permisit.*

QVINTA ratio esse potest (qua vtitur Zuinglius in serm. de prouid. cap. 5. & 6.) Oportebat vt homo cognosceret veritatem, & iustitiam Dei (ad hanc enim contemplandam creatus est) at veritas, & iustitia planè cognosci nequeunt, nisi ex contrario, mendacio videlicet, & iniustitia; ergo Deus procurare debuit mendacium, & iniustitiam. Non autem potuit in se ipso exemplum mendacij, vel iniustitiæ præbere; debuit igitur efficere vt creatura aliqua id præstaret. Similem rationem adducit Beza in responsione ad Castalionem sæpe citata. Scribit enim Deum ab æterno decreuisse iustitiam & misericordiam suam manifestare; & quia non poterat id efficere, nisi homo laberetur in culpam, cum alioqui non esset qui iustè puniri, vel qui misericorditer liberari posset: idè Deum ab æterno decreuisse, & voluisse primi hominis, & vniuersæ eius posteritatis lapsum.

RESPONDEO, hanc rationem multis modis solui posse. **PRIMUM** enim falsum est, non posse cognosci veritatem & iustitiam, nisi ex contrario, mendacio videlicet, & iniustitia. Nam veritas & iustitia per se cognoscibiles sunt, neque à mendacio, aut iniustitia pendent, cum sine illis esse possint, & fuerint in Deo ab æterno, & in Angelo & homine, antequam mendacium & iniustitia existerent. Verum quidem est, mendacium & iniustitiam, vt mortem, cæcitatem, & reliqua, quæ boni alicuius priuationem significant, neque esse, neque intelligi posse sine contrario bono. Sed non est eadem ratio de forma & priuatione, cum priuatio pendeat à forma, forma non pendeat à priuatione.

DEINDE esto, non possent veritas & iustitia sine notitia mendacij & iniustitiæ planè cognosci, non tamen idè necessarium erat, vt mendacium & iniustitia re ipsa existerent. Potuit enim vtriusque mali natura cognosci, etiamsi nunquam extitisset, alioqui non solum homo, sed etiam Deus eguisset mendacio & iniustitia, ad ipsum mendacium & iniustitiam,

A & per ea ad veritatem & iustitiam cognoscendam. Quod verò vulgò dici solet, non cognosci bonam valetudinem ab ijs, qui in morbum non inciderunt; neque pacis bona ab ijs, qui belli mala experti non sunt: non tam ad cognitionem, quam ad æstimationem referendum est. Multò enim plaris æstimat, appetit, quatit, conseruat sanitatis bonum, qui contrarium malum tolerare coactus est, quam qui nunquam ægrotauit. Nec tamen idè mentiendum est, aut iniustitia committenda, vt charior sit veritas & iustitia; nec vulnerandus est proximus, vt sit ei postea bona valetudo iucundior: quia non sunt facienda mala, vt eueniant bona, iuxta verbum Apostoli, Rom. 3.

B Ad rationem Bezæ pari facilitate respondeo. **PRIMO** non fuisse necessarium absolucè, vt Deus misericordiam & iustitiam suam mundo patefaceret. Neq; enim mundum necessariò Deus creauit, sed libere; & potuisset non creare, cum ipse se ipso beatus nullare prorsus indigeat. **DEINDE** addimus, potuisse Deum misericordiam & iustitiam suam ostendere, etiamsi peccatum nunquam extitisset. Neque enim absque misericordia ingenti Deus res creatas è nihilo produxit, sustentat, mouet, nouis quotidie beneficijs cumulat, ac perficit, neque sine iustitia coronat benè merentes, & promissiones suas adimplet.

C At, inquis, non apparet iustitia vindicatiua, nisi sint impij, qui meritò puniantur. **RESPONDEO**, non esse necessarium, vt omnes iustitiæ partes hominibus innotescant. Quid enim si placuisset Deo peccatoribus omnibus iniuriam misericorditer condonare, an non licebat ei quod volebat facere? Itaq; congruens & æquum fuit, posteaquam Angelus & homo peccauerant, vt Deus ostenderet quid posset suæ gratiæ beneficium, iustitiæque iudicium; tamen si aliquid aliud Domino placuisset, id quoque sine dubio congruens, æquumque fuisset. Id enim est æquum, & congruens, quod Domino placet: sed si Angelus, aut homo peccare nolissent, quod verè & propriè in eorum potestate fuit, non potuit Deus eos impellere ad peccandum, vt iustitiam & misericordiam patefaceret, quia (vt sæpe diximus) ex Apostoli sententia, non sunt facienda mala, vt veniant bona. **D** Malum est autem, & à lege æterna, quæ est ipsa Dei sapientia, & ratio planè abhorrens, impellere aliquem ad peccandum, & Deus sibi ipse contrarius esset, seque ipse negaret, si homines ad peccandum, id est, ad ea facienda compelleret, quæ fieri æterna lege prohibuit.

CAPVT XVIII.

Soluitur obiectio, quæ à Theologis proponi solet, veritatis explicanda gratia.

E **VNA** restat obiectio, quam Catholici Theologi veritatis explicandæ causâ proponere solent. Ea est huiusmodi, Deus est causa totius entitatis quæ in mala actione cernitur, cum secundum Scripturas, per ipsum omnia facta sint, & sine ipso factum sit nihil; igitur videtur etiam esse causa deformitatis, quæ in actione illa inest, quæ propriè peccatum dicitur.

PROBATVR consecutio. **PRIMO**, Is qui est causa causæ, est etiam causa causati: at Deus est causa actionis vnde resultat deformitas; igitur etiam causa est deformitatis, quæ ex actione illa resultat.

SECUNDO, Is verè ac propriè peccare dicitur, qui sciens & volens est causa actionis, cum qua est an-

nexa deformitas, licet ipsam deformitatem fortè non velit; Deus autem sciens, & volens, est causa actionis, cum qua est annexa deformitas; igitur peccare dicendus est, licet deformitatem illam nolit.

TERTIO, qui sciens & volens, concurrat cum alio ad actionem malam, particeps est criminis quod illi committit: Deus autem sciens & volens, concurrat cum omnibus qui peccant, ad eorum malas actiones; igitur particeps esse videtur criminum, quæ ab omnibus ijs perpetrantur qui peccant.

QUARTO, actiones quædam ita sunt per se atque intrinsecè malæ, ut deformitas ab eis sit omnino inseparabilis, & prohibita sunt, quia malæ, non malæ, quia prohibita, ac denique nullo modo benè fieri possint, quales sunt mentiri, odisse Deum, & alia id genus: Deus autem ad eiusmodi actiones, non minus quàm ad alias omnes concurrat; igitur fieri non posse videtur, ut Deus omnino liberetur à culpa.

QUINTO, nulla est ratio cur homo dicatur peccare, dum mentitur, aut blasphemat, si non peccat Deus, dum cum homine concurrat ad mendacium, vel blasphemiam illam producendam. Vterque enim liberè operatur, uterque facit opus intrinsecè malum, uterque totam actionem illam efficit: At homo verè peccat omnium iudicio; igitur & Deus.

Hoc argumentum non ab omnibus eodem modo soluitur. **PRIMUM** enim non defuerunt qui existimarent Deum non esse causam actionum, quæ à rebus creatis efficiuntur, nisi mediata, quatenus videlicet Deus dedit rebus virtutes operativas, & ipsas conseruat. Ita Durandus in 2. sent. dist. 1. q. 5. & dist. 37. q. 1. Sed hæc sententia meritò passim ab omnibus refutatur, ut quæ Scripturæ diuinæ, & sanctis Patribus contraria sit. De qua re plura dicemus in 4. lib. de gratia & libero arbitrio, cap. 4. ubi quæstionis huius proprius locus est.

Alia est aliorum solutio, qui dicunt Deum esse causam actionum omnium, & cum omnibus secundis causis operari; sed idè non peccare, quod non teneatur ullis legibus, homines autem peccare, quia legibus teneantur. Hæc sententia Zuinglij hæresiarchæ est (ut suprâ retulimus & refutauimus c. 4.) est etiam aliorum quorundam, qui tametsi cum Zuinglio non conueniant in eo quod ille docet, Deum impellere homines ad peccata, tamen non aliter nituntur ostendere, quemadmodum Deus non peccet, cum actionem illam cum homine producat, quæ homini peccatum est, nisi quia Deus nulla lege tenetur; & nihil est peccatum, nisi præuicatio legis.

Cæterum non est hæc solida defensio veritatis, propter duas causas. **PRIMUM**, quia multæ sunt actiones ita per se, & intrinsecè malæ, ut semper pugnent cum lege æterna, & ratione recta, & non possint vlla addita circumstantiâ reddi licitæ; & quia Deus, quamuis nulli legi propriè subiectus sit, tamen non potest aliquid agere, quod repugnet sapientiæ suæ, quæ est lex æterna; idè non potest actiones illas efficere, aut ad eas concurrere, cum seipse negare non possit. **DEI** quia tametsi Deus multa quæ non sunt per se & intrinsecè mala, facere possit, quæ hominibus sunt prohibita, qualia sunt, occidere homines etiam innocentes, & quod est vnius, alteri donare etiam illo inuito, cuius antea fuerat; tamen ista & alia, si qua sunt eiusdem generis, potest quidem Deus, ut Dominus rerum omnium, facere per se, vel alios, ut voluerit: cæterum non potest homines iuuare, cum ista ipsa opera faciendo peccant, quia per se & intrinsecè malum est, iuuare aliquem ut peccet siue (quod est idem) participem, & socium esse peccantis.

A Exemplo nobis sint Abraham & Dauid: imperauit Deus Abrahamo, ut filium innocentem occideret. Potuit sine dubio Deus cum Abrahamo concurrere ad Isaacum innoxium occidendum, quia cædes illa nec Deo peccatum erat, qui ut Dominus omnium, potest rebus suis, ut voluerit, uti; neque Abrahamo, qui non propria auctoritate, sed imperio diuino filium occidebat. Dauid Vriam innocentem gladio filiorum Ammon neci dedit. Non potuit Deus cum Dauide ad eadem illam concurrere, quia Dauid in ea re legem Domini violauit, nec potuit Deus Dauidem iuuare ut id faceret, quod ipse fieri prohibuerat, quamuis alioqui potuisset Deus Vriam, non minus quàm Isaacum, iubere de medio tolli.

B Quod idem in rebus humanis cernimus. Potest Rex condonare vitam reo, non tamen potest induci cooperari, ut ipse sententia sua, eum, quem scireum, innoxium pronunciet. Potest aliquis uxorem ducere, pecunias possidere, carnibus vesci, non tamen potest operam suam accommodare, ut ista faciat, cui ex voto, quo se ipse Deo obligauit, ista non licent. Nondum ergo solutus est nodus objectionis illius, qua efficiebatur, Deum non posse à culpa liberari, si iniqua agentibus cooperetur.

VERA igitur solutio est, quam indicauimus cap. 5. quæ ut apertius, ac fufius explicetur, pauca quædam obseruanda sunt.

PRIMUM est, peccati, quod non tam actio, quàm defectio est, non esse querendam causam efficientem, sed deficientem. Sic enim loquitur S. August. lib. 12. de ciuit. Dei, cap. 7. *Nemo querat efficientem causam male voluntatis: non enim est efficiens, sed deficiens, quia nec illa effectus est, sed defectus.* Quare si ad vnum aliquem effectum multæ causæ concurrant, & aliquæ deficiant, aliquæ non deficiant, illæ solæ veræ causæ dicendæ erunt peccati, quod in effectu cernitur, quæ in agendo defecerint. Exempli causa, gignitur monstrum, homo videlicet longè breuior iusto, aut aliquo membro carens, ad generationem hominis illius concurrat Deus, sol, pater & mater, præterea virtus seminalis ut instrumentum, menstruum ut materia: sed quia non deficit nisi materia, ei soli tribuitur causa monstri. Ambulat claudus deformi incessu: sed quia non deficit Deus, neque virtus motrix quæ in homine est, sed sola tibia, quæ ob curuitatem, non plenè subiicitur virtuti motrici, soli tibie tribuitur causa claudicationis. Quod exemplum adfertur à sancto Augustino in libro de perfectione iustitiæ, resp. 4.

SECUNDO obseruandum est, peccatum, quod est malum morale, formaliter consistere in priuatione rectitudinis, quæ in actu voluntatis debuit inesse, videlicet conformitatis ad regulam rectæ rationis, siue legis diuinæ; causam autem huius priuationis per se non posse esse aliquid positium, sed aliam priuationem, seu defectum, ut ostendit S. Thomas lib. 3. contra Gent. cap. 10. & in quæst. 1. de malo, art. 3. Triplex autem defectus assignari potest, in quem referenda est causa peccati.

PRIMVS, atque adeò proximus, & immediatus defectus est, non attendere ad regulam rationis. Inde enim oritur, ut voluntas producat actum non conformem rationi, qui (ut diximus) peccatum est, quia non respicit regulam rationis, dum operatur. Hic autem defectus, licet non sit actus aliquis positius, sed negatio quædam, tamen est voluntarius, quia alioqui non esset causa peccati, nec tamen est voluntarius, quia sit actus elicitus à voluntate, sed quia est in potestate voluntatis attendere, vel non attendere ad regulam. Non minus enim liberè volun-

tas operatur, quàm non operatur. Neque eſt hic defectus, quatenus præcedit actum peccati malum aliquod naturale, aut voluntarium, ſed ſimplex negatio. Non eſt (inquam) malum naturale, quia tunc peccatum etiam quod inde naſcitur, eſſet naturale, nec poſſet homo non ſemper peccare, proinde nec propriè peccaret; neque eſt malum voluntarium, quia eſſet peccatum, & oporteret querere defectum præcedentem, & ſic daretur progreſſus in infinitum. Eſt igitur defectus ille, ut præcedit peccatum, tempore, aut natura, cauſa mali, ut autem comitatur actum, induit rationem mali. Malum eſt enim non attendere ad regulam, dum quis operatur, ſive operari non attendendo ad regulam.

A L T E R defectus, ſed remotus eſt, quod voluntas creata non ſit ſummum bonum; inde enim ſit, ut voluntas non ſemper ad regulam attendat, & defectus ſit capax, quia non eſt bonum ſummum. Sic enim ſcribit ſanctus Auguſtinus in Enchiridio, cap. 12. *Natura omnes, quoniam naturarum omnium Conditor ſummè bonus eſt, bona ſunt: & quia non ſunt earum Conditor ſummè atque incommutabiliter bona ſunt, idè & in eis minus, & angere bonum poſteſt.*

T E R T I U S defectus, ac remotiſſimus eſt, quod voluntas humana ex nihilo ſit creata. Inde enim non eſt ſummum & infinitum bonum, in quod defectus cadere non poſteſt, quia ex nihilo facta eſt. Auguſtinus libro ſecundo de nuptijs & concupiſcentia, cap. 18. *Nec idè, inquit, poſſit ex bono oriri voluntas mala, quia bonum factum eſt à Deo bono, ſed quia de nihilo factum eſt, non de Deo.* Idem etiam habet lib. 12. de ciuit. Dei, cap. 1.

Ex his intelligimus, non eſſe neceſſarium, ut Deus ad peccatum concurrat, & nullo modo fieri poſſe, ut Deus peccet. Non eſt enim neceſſarium, ut Deus ad peccatum concurrat, quia & iplum peccatum propriè non res aliqua, ſed priuatio eſt; & cauſa, ſive radix, & origo peccati ſimiliter negatio eſt, non eſt. Porro Deus nullo modo peccare poſteſt, quia non poſteſt eſſe cauſa deficiens, cum ſit bonum ſummum & infinitum, & non poſſit eius voluntas non ſemper ad regulam ſapientiæ ſuæ reſpicere; & cum in Deo ſapientia & voluntas idem ſint, ac per hoc voluntas Dei ſit ipſa regula omnis bonæ actionis.

T E R T I O obſeruandum eſt, in actu peccati tria neceſſariò requiri, quorum vno deficiente, definit eſſe peccatum. **P R I M U M** eſt, ut non congruat cum ſua regula; iſta enim declinatio à lege (ut ſæpè diximus) eſt formale peccati. **A L T E R V M**, ut producat à libero arbitrio; actus enim non eſt moralis per ſe, niſi elicitus à libera voluntate, ſiquidem actus aliarum potentiarum non ſunt morales ſecundum ſubſtantiam, ſed ſolùm quatenus imperantur à libera voluntate, & eo modo participant rationem moraliſ; quocirca pecudes, & homines furioſi, vel infantes, aut dormientes, nullum habent actum moralem, nec peccare poſſunt, quia peccatum eſt malum morale. **T E R T I U M** eſt, ut ſit actus particularis, vel potius ſingularis, determinatus, in certa ſpecie conſtitutus. Neque de hoc vlla dubitatio eſſe poſteſt. Non enim actus morales niſi certi & ſingulares eſſe queunt, neque alios producere poſteſt cauſa particularis, qualis eſt humana voluntas.

Hæc tria quæ ad peccatum conſtituendum requiri diximus, ad primum reuocari poſſunt: non enim eſſe poſteſt actus non conformis regulæ, id eſt, legi, niſi ſit particularis, & à libero arbitrio productus. Lex enim non eſt niſi de actibus particularibus, & certis, neque legis capax eſt, niſi potentia libera, qualis eſt voluntas.

A Itaque non potuit rectius & breuius definiſi peccatum, quàm ut à ſancto Ioanne fuit definiſtum iſtis verbis: Peccatum eſt iniquitas, vel (ut clariùs habetur Græcè) *ἀδικία ὁτι ἀνομία*. 1. Ioannis 3. Ex his apertiſſima erit ratio, cur Deus non peccet, neque de peccati cauſa iure dici poſſit, quannis concurrat ad actionem illam efficiendam, quæ homini eſt peccatum. Ratio enim eſt, quia Deus non efficit actionem illam, ut cauſa particularis, ſed ut cauſa vniuerſalis, præbens vim, & influxum quendam indifferentem, & communem ad illam actionem, & ad contrariam, itaut actio illa non ſit talis in ſpecie, quia à Deo ſit, ſed ſolùm quia ſit à ſua particulari cauſa, quæ eſt humana voluntas. Hæc enim eſt, quæ vitio ſuo non attendens ad regulam, abutitur auxilio Dei generali ad hanc actionem, cum eodem auxilio ad aliam actionem benè uti poſuiſſet, & debuiffet.

Hanc rationem reddit S. Thomas (cuius teſtimonium Beza in hac controuerſia magni facit) in 1. 2. q. 80. art. 1. ad 3. vbi ſic loquitur: *Dicendum quod Deus eſt vniuerſale principium omnis interioris motus humani: ſed quod determinatur ad malum conſilium voluntas humana, hoc directe quidem eſt ex voluntate humana, & à diabolo per modum perſuadentis, & appetibilia perſuadentis.* Et in eadem parte, q. 10. art. 4. dicit, diuinam motionem recipi in cauſis ſecundis iuxta earum diſpoſitionem. Et ſuſius hoc explicat in q. 3. de malo; art. 2. *Attendendum, inquit, eſt, quod motus primi moventis non recipitur vniſormiter in omnibus mobilibus, ſed in vnoquoque ſecundum proprium modum.* Et in quaſt. eadem art. 7. ad 13. dicit, Deum agere cum omnibus ſecundis cauſis, ſed cum liberis ita agere, ut eas non determinet ad vnum, ſed relinquat determinationem in poſtate liberi arbitrij. Denique in lib. 3. contra Gentes, cap. 66. dicit, cauſas ſecundas eſſe particulares, & determinantes actionem primi agentis. Vult igitur S. Thomas, Deum mouere voluntatem ad operandum, ſed eius motum atque influxum generalem eſſe, & ab ipſa voluntate determinari ad hanc aut illam actionem particularem, itaut actio particularis ſit à Deo, ſed non idè ſit talis, quia eſt à Deo, ſed quia eſt à voluntate.

D Neque multùm refert hoc loco, vtrum cum ſancto Thoma dicamus, Deum concurrere ad actiones ſecundarum cauſarum, mouendo ipſas cauſas ſecundas; an verò cum alijs ſentiamus, Deum concurrere operando immediatè in ipſum effectum, modo illud teneamus, concurſum Dei eſſe generalem, & à concurſu ſecundæ cauſæ limitari. Quod exemplo ſolis facile poſteſt oſtendi: quemadmodum enim ad productionem hominis concurrat ſol cum homine, ſed non idè qui naſcitur eſt homo, quia producit à ſole, ſed quia producit ab homine; poſuiſſet enim per eundem ſolis concurſum produci boſ, aut equus, ſi talis fuiſſet cauſa ſecunda, & ſi fortè defectus repenſetur in homine illo recens nato, nemo refert cauſam defectus illius in ſolem, ſed in hominem, non tam quia ſol ſit cauſa neceſſaria, quàm quia per ſolis concurſum poſuiſſet homo perfectus procreari, ſi defectus in cauſa proxima nullus fuiſſet: Ita quoque ad actionem volutatis humanæ concurrat Deus cum libero arbitrio, ſed quia Deus generali tantùm concurſu adest, non eſt talis actio, quia à Deo, ſed quia à libero arbitrio producit, & ſi fortè actio mala eſt, defectus ad Deum nullo modo pertinet, cum per eius concurſum poſuiſſet contraria actio æquè produci, atque ea quæ producta eſt.

E Dicet fortaiſſis aliquis, Qui gladium præbet ei, quem ſcit illo malè vſurum, ſine dubitatione peccat, etiam ſi potuerit ille gladio benè uti, ſi voluiſſet; cur

igitur

igitur non peccat Deus, concursum suum illi adiungens, quem scit eo ad peccandum abuturum? **R E S P O N D E O**, hominem qui prebet gladium ei quem scit malè usurum, ideò solùm peccare, quia tenebatur impedire malum quod sciebat euenturum, cum tam facile potuisset: Deum autem non teneri ad mala impedienda, quæ certo nouit euentura; Tum quia summus prouisor est; Tum quia potest ex malis elicere bona; Tum quia æquum est, ut naturas conseruet, neque eis denegat auxilium, sine quo operari non possunt; Tum denique, quia si Deus omnia mala impedire vellet, plurima bona mundo deessent, cum nihil ferè sit in rebus creatis, quo non aliqui abutantur. Quid? quod etiam in rebus humanis non peccat Magistratus, si meretricibus certum locum vrbis colendum attribuat, quamuis certo sciat eo loco ipsas non benè vsuras. Potest enim permittere minus malum, ut maiora impediuntur. Rursus obijciat aliquis: concursus Dei cum voluntate ad actionem vnā, differt specie à concursu Dei cum voluntate ad actionem contrariam: non est igitur vnus atque idem concursus communis, atque indifferens. **R E S P O N D E O**, concursus illos Dei, ut limitatos à voluntate humana, differre specie, ut ipsæ actiones differunt, tamen ex se vnum & eundem concursum esse communem, atque indifferentem.

Item **O B I I C I E S**, Actio humana non solùm ut res quædam, sed etiam ut actio talis in specie, est aliquid; igitur ut talis in specie, est à Deo. **R E S P O N D E O**, actionem humanam planè totam esse à Deo, & ab ipso habere non solùm esse genericum, sed etiam specificum, & singulare: ceterùm id habere per concursum Dei determinatum ad actionem talem à voluntate humana. Proinde non habere esse specificum ex modo agendi Dei, sed ex modo agendi voluntatis humanæ.

O B I I C I E S postremò, Si Deus non est causa peccati, quia concurrat, ut causa generalis; igitur non erit etiam causa actionis bonæ moraliter, quia ad illam actionem concurrat, ut causa generalis. **R E S P O N D E O**, magnum esse discrimen inter bonas & malas actiones. Nam actiones bonæ, si sunt supernaturales, sunt à Deo per auxilium speciale, & habent ab ipso ut sint tales, id est, supernaturales: si verò sint bonæ tantùm moraliter, sunt quidem à Deo per auxilium generale; tamen duas ob causas rectissime tribuuntur Deo, etiam ut tales sunt in specie. **P R I M V M**, quia sunt à Deo inuentæ, Deus enim ideò nobis dedit liberum arbitrium, & auxilium generale, ut ipsi benè vteremur ad vitam secundum rationem traducendam, quamuis permittat ut secus etiam, si libuerit, faciamus, ut S. August. docet lib. 3. de libero arbitrio, cap. 1. & 6. **D E I N D E**, quia Deus actiones bonas suadet, imperat, laudat, atque ad eas hortatur & inuitat: eadem verò ratione non potest actio mala Deo tribui, quia neque eam intendit, neque imperat, sed contra potius vetat, improbat, dissuadet, atque ab ea deterret, & auertit. Itaque non solùm turpitudine peccati, sed ipsum etiam quod materiale Theologi vocant, si ut tale est, in specie consideretur, Deo tribuendum non est, cum Deus (ut diximus) non solùm turpitudinem, sed etiam actiones ipsas turpes auerteret, & lege sua prohibeat. Ex his facile erit ad quinque argumenta initio capitis proposita respondere.

P R I M V M argumentum erat: Qui est causa causæ, est etiam causa causati; Deus autem est causa causæ, id est actionis, ex qua deformitas peccati ex-

oritur; igitur est causa ipsius deformitatis. **R E S P O N D E O**, propositionem illam, Quod est causa causæ, est etiam causa causati; ut plurimum non habere locum in causa vniuersali, quæ adhibet influxum quandam communem, & indifferentem ad multa. Nam sæpè accidit, ut causa secunda egrediatur ab ordine primæ; vel ut defectus sit in secunda causa, & non in prima; vel ut defectus oriatur ex re, ut est talis in specie, quod habet à secunda causa, & non à prima; ac per hoc multis modis fieri potest ut causa vniuersalis sit causa causæ, & tamen non sit causa causati.

Hinc S. Thomas in 1.2. q. 79. art. 1. docet, non rectè concludi, Deum non esse causam peccati, quia sit causa voluntatis humanæ, quæ peccatum facit. Non enim voluntas humana peccatum facit, quatenus à Deo facta est, sed quatenus declinat ab ordine Dei, & nos suprà demonstrauius, deformitatem peccati non posse tribui Deo, tum quia defectus est in sola causa secunda, tum quia deformitas illa sequitur actionem, ut est talis in specie, quam habet à secunda causa; qua etiam ratione monstra, quæ sunt peccata naturæ, non tribuuntur caulis vniuersalibus, sed solùm proprijs, & particularibus.

A L T E R V M argumentum erat: Qui sciens & volens est causa actionis, cum qua est annexa deformitas, verè ac propriè peccat: Deus sciens ac volens est causa actionis, cum qua est annexa deformitas; igitur Deus verè ac propriè peccat. **R E S P O N D E O**, propositionem esse veram de causa particulari actionis, non de vniuersali, qualis est Deus. Quoniam causa vniuersalis est causa actionis per influxum quandam generalem, & indifferentem, ex quo non potest sequi actio deformis, nisi causa secunda abutens influxu illo bono, eum detorqueat ad malum. Itaque Deus sciens & volens causa est actionis, quæ, quod attinet ad influxum ipsius, bona est, & simpliciter bona esset, nisi per influxum secundæ causæ corrumperetur.

T E R T I V M argumentum erat: Qui sciens & volens cum aliquo ad actionem malam concurrat, is particeps criminis esse videtur: Deus autem sciens & volens concurrat cum omnibus qui peccant, ad eorum malas actiones; Deus igitur particeps esse videtur omnium criminum, quæ ab hominibus perpetrantur. **R E S P O N D E O**, propositionem esse veram de ijs, qui concurrunt ut causæ particulares, ij siquidem verè concurrunt ad actionem malam. Deus autem, & ceteræ causæ vniuersales non concurrunt propriè ad actionem malam, sed ad actionem indifferentem ex se, ut suprà satis explicauimus.

Q V A R T V M argumentum erat: Deus concurrat ad actiones intrinsecè malas, à quibus deformitas nullo modo separari potest; igitur Deus, ut est causa actionis, ita est causa deformitatis. **R E S P O N D E O**, Actiones intrinsecè malas nullas esse, nisi ut sunt determinatæ, & tales in specie: nam entitas ipsa odij Dei, si per se consideretur, non est mala, sed solùm ut talis est entitas. Deus autem (ut sæpè diximus) non est causa specificans actionem, cum sit causa vniuersalis, & ex se indifferens ad vnā actionem, & ad contrariam.

Q V I N T V M argumentum erat: Nulla est ratio, cur homo dicatur peccare, & non Deus, cum eandem actionem vterque sciens & volens faciat. **R E S P O N D E O**, iam rationem esse allatam, quia videlicet ad actionem illam Deus concurrat ut causa vniuersalis, homo ut causa particularis.

LIBER TERTIVS, DE STATV PECCATI,

Quī est de peccato primi hominis.

DISPVTATVM est libro superiore, de causa peccati primi hominis primaria: nunc de ipso peccato differendum erit. Ac PRIMVM de tentatione prauia: DEINDE de ipsa culpa: TVM de penitentia: POSTREMO de pena, & consequentibus malis.

CAPVT PRIMVM.

De tentatione, qua peccatum primorum parentum processit, quodque primi parentes verè peccauerint.

DE tentatione primorum parentum primò A quari potest, An omninò tentari potuerint primi illi homines ad peccadum. Non enim defuerunt hoc nostro sæculo, in quo nullus cogitari potest tam absurdus error, qui non continuò patronos inueniat, qui asseruerint, primos parentes neque peccasse, neque peccare potuisse, ac ne tentationi quidem, quæ ad peccatum inducat, obnoxios vlla ratione fuisse. Nam vt Lutherus refert in comment. 1. cap. Gen. inuenti sunt qui dicerent, præceptum datum à Deo primis hominibus, vt de ligno scientiæ boni & mali non ederent, non fuisse legem, sed admonitionem tantùm, qualia sunt præcepta medicorum, cùm aliquid noxium prohibent. Quod quidem confirmabant argumento ex principijs Lutheranis satis aptè deducto, quia videlicet lex iusto non est posita, sed peccatori, vt Apostolus scribit 1. Timot. 1. primi autem homines in paradiso degentes iusti erant omnium consensu. Et quoniam vbi nō est lex, nec præuaricatio esse potest, vt idē Apost. docet Rom. 4. colligebant, primos homines, cùm pomum vetitum gustauerunt, non incidisse, neq; incidere potuisse in præuaricationem, ac per hoc nec in peccatum, cùm peccatum sit *avopia*, id est, præuaricatio legis, teste Ioan. in 1. epist. cap. 3. Sed hic error adeò crassus, & absurdus est, vt vix refutatione indigeat.

PRIMVM enim, præceptum illud de pomo vetito veram fuisse legem, & primos parentes pomo illo degustato, verè, grauiterque peccasse, testis est pena, quæ pomi esum consequuta est. Cur enim de Paradiso expulsi, à ligno vitæ exclusi, mortis necessitate constricti, atque ad victum cum dolore, & labore querendum damnati sunt, si nihil peccauerunt? Quod si fortè respondeant, mortis necessitatem, & æumnas ceteras ex natura pestiferi illius cibi, non ex peccati merito, aut ex sententia iusti iudicis manasse; occurret Scriptura diuina, quæ responcionem istam refellat. Eccles. 25. *A muliere initium peccati, & per illam moriemur omnes.* Rom. 5. *Per unum hominem peccatum in hunc mundum intrauit, & per peccatum mors.* Rom. 6. *Stipendium peccati mors.* Rom. 8. *Corpus quidem mortuum est propter peccatum.* Vides igitur mortem non ex natura ligni scientiæ boni & mali, sed ex peccato natam.

DEINDE lignum scientiæ sine dubio bonum erat: nam, *Vidit Deus cuncta quæ fecerat, & erant valde bona,* Gen. 1. Non igitur ex natura ligni illius tanta mala nasci poterant, quibus præsertim obruerentur innocentes.

ADHÆC, immortalitas primorum hominum in Paradiso (vt in libro de statu innocentie demonstrauimus) non erat homini naturalis, sed ex gratia & amicitia diuina pendebat: non igitur eam natura ligni alicuius, sed sola culpa, & auersio ab amicitia, & gratia Dei corrumpere poterat.

Quod si fortè aduersarij Scripturas contemnunt, quamuis ad veritatem oppugnandam earum testimonijs abuti voluerint; ex peccatis, quæ in præsentibus ab hominibus committuntur, eorum error manifesta ratione vincetur. Siquidem ex eo quod ipsi docent, primos homines non peccasse, quia legem non habuerunt, cùm essent iusti, sequitur nullos homines peccare, quin etiam fieri non posse, vt vlli homines peccent. Nam si peccatum prærequirit legem, cùm peccatum sit præuaricatio legis; & lex præquirit peccatum, cùm lex iusto non ponatur, sed peccatori, ergo peccatum semper prærequirit peccatum: nullum igitur fuit primum peccatum. Et si primum non fuit, vnde cetera extiterunt? Quare necesse est, vt vel fuerit lex ante peccatum, & falsa sit aduersariorum opinio; vel certè nulla sint, nec fuerint vnquam in mundo peccata, qui est error Libertinorum, quorum impudentia (vt diximus lib. superiore) non argumentis, sed tormentis & supplicijs tantùm coercenda esset.

B Quorsum enim rationibus cum ijs agatur, qui rationem ipsam negant, & Religionem, ac Rempub. omnem fidem, & omnia iura simul euertunt? Et sane credibile est eos, qui Lutheri auctore, peccatum primorum hominum negant, de grege esse Libertinorum, quos Lutherus ipse & Calvinus imprudentes genuerunt. Et viderint ipsi qua æquitate oppugnent, quos ex schola sua prodijisse negare non possunt, & quorum argumenta, si sibi ipsi repugnare nolunt, refutare non queunt. Nam certè argumentum illud, Lex iusto non est posita: primi homines iusti erant; igitur lex illis non fuit posita. Lutherus loco citato, multum laborat vt soluat, & multis frustra consumptis verbis verè non soluit. Summa solutionis eius est, quod Apostolus 1. Tim. 1. loquatur de lege lata post peccatum, ac de ea verè dixerit, legem iusto non esse positam, sed peccatoribus; esse autem aliam legem ante peccatum latam, & eam ad iustos pertinere.

C At concedet aduersarius, Apostolum loqui de lege post peccatum lata, sed argumentum iterum texet hoc modo: Post peccatum lex lata est propter peccatores, & ideò solis peccatoribus, non autem iustis posita est; igitur quando nulli erant peccatores, sed iusti omnes, vt in statu innocentie, nulla lex ferenda fuit. Vel certè hoc modo: Lex post peccatum ideò ad iustos non pertinet, quia iusti sunt, nam si peccatores essent, ad eos sine dubio pertineret; Atqui Adam & Heua in Paradiso iusti erant: Igitur lex ad eos minimè pertinebat.

Adde quod distinctio illa de lege ante peccatum, vel post peccatum lata, omninò inanis est. Nam inuenimus legem post peccatum latam, quæ iustis data est: lex enim circumcisiōe post peccatum, data est Abrahamo viro iusto, & eius posteritati, vt esset signaculum iustitiæ fidei, Rom. 4. Inuenimus etiam

legem

legem ante peccatum latam, quæ non minus ad peccatores, quàm ad iustos pertineat: lex enim quæ naturalis dicitur, ab ipsa hominis creatione cœpit, quippe quæ in corde omnis hominis ratione vrentis scripta est, & ea sine dubio tam iustos quàm peccatores obligat. Frustrà igitur scribit Lutherus, legem datam post peccatum ad peccatores, legem datam ante peccatum ad iustos pertinere. Sed loci Paulini explicationem, Luthero dimiffio, à sanctis Patribus Ambrosio & Augustino sumamus.

S. Ambrosius in expositione Plal. 56. tractans versiculum illum, *Lex Dei eius in corde ipsius*, docet verba Apostoli (Iusto non est lex posita, sed iniustis & peccatoribus) debere intelligi de renouatione legis, quæ fit quando scribitur in tabulis, aut libris. Lex enim non ponitur in tabulis propter iustos, qui legem seruant, & eam in corde fideliter retinent, iuxta verba Plalms, *Lex Dei eius in corde ipsius*: sed propter peccatores, qui legis obliuiscuntur, & ita viuunt, ac si legem non haberent. Vnde idem Apost. cum ait, sed iniustis, Græcè posuit, *ἀνόμοι*, id est, ex legibus, siue legis præuaricatoribus. Ex quo apertè significauit, legem non idèò poni iniustis, quia non tenerentur etiam antea lege, sed quia obliuiscuntur legis, nec idèò non poni iustis, quia iusti carere debeant lege, sed quia legem in corde se habere opera bona testantur. Potuit igitur primis hominibus in statu innocentia dari lex, tum naturalis, tum etiam positiua, sed non fuit opus renouatione, aut descriptione in tabulis lapideis. Quod propter iniquos postea factum est, vt peccatum cognosceretur, vt Apostolus disputat, Rom. 7.

S. Augustinus libro de spiritu & littera, c. 10. hunc eundem locum Apost. ex c. 1. prioris ad Tim. *Iusto non est lex posita, sed iniustis*, vult similem esse locis illis eiusdem Apost. *Non estis sub lege, sed sub gratia*, Ro. 6. & *Si spiritu ducimini, non estis sub lege*, Gal. 5. quæ loca non significant, iustos non teneri legibus, vel non peccare, si legem non seruent: sed non habere legem supra se, quasi ceruicibus imminentem, & flagello minantem, ac terrentem, vt habent iniusti, qui timore pœnæ bonum operantur. Operantur enim iusti bonum amore iustitiæ, ac libenti animo, operantur etiam si lex non esset, vel pœnam nullam minaretur. Quocirca in lege potius sunt, quàm sub lege, vt Apost. de se loquitur 1. Cor. 9. vbi dicit, se sub lege non esse, vt tamen sine lege Dei non esse, sed in lege esse Christi. Sic igitur primi homines in Paradiso, quamdiu innocentiam conseruauerunt, sub lege non erant, neque lex eis posita, id est quasi iugum nolentibus imposita erat, cum tamen sine lege non essent, sed in lege Creatoris essent.

CAPVT II.

Cur Deus permiserit tentari hominem, quem fecerat casurum.

CVM satis iam constet, primos homines tentatores, & tentatione deuictos fuisse, sequitur alia quæstio, cur Deus tentari eos voluerit, aut permiserit, quos non ignorabat tentatione vincendos.

Noti sunt errores Zuinglij, Caluini, & eorum qui Zuingliani, & Caluiniani potius, quàm Christiani & Catholici dici voluerunt. Nam vt in lib. superiore docuimus, placuit nouatoribus istis asserere, Deum voluisse, ac decreuisse, vt primi homines laborerentur, & idèò non solum permissione, sed etiam voluntate & ordinatione Dei fuisse tentatos. Porro lapsum primorum parentum voluit Deus, si Zuinglio credimus, quia necessarium erat peccatum, vt iustitia ab

A homine cognosceretur, cum contraria ex contrariis innotescant, vel si credimus Caluino, quia non poterat Deus aditum patefacere misericordiae, & iustitiæ suæ, nisi homo per peccatum miser, & supplicio dignus efficeretur. Sed hæc iam refutata sunt lib. superiore, & nos magis credimus Apost. Petro dicenti, Deum neminem velle perire, 2. Petri 3. & coapostolo eius affirmanti, Non esse faciendi mala, vt veniant bona, Rom. 3. & Sapienti concionanti, Deo non esse necessarios peccatores, Eccles. 15.

His igitur dimissis, S. Prosper libro 2. de vita contemplatiua, cap. 19. videtur in ea fuisse sententia, vt existimaret primos homines ante tentationem, in superbiam quandam elatos, occultè peccasse, & idèò permisso fuisse tentari in pœnam peccati: *Non tentaretur*, inquit, *nisi deserti, nec desererentur, nisi ipsi prius deseruissent Deum*, &c. Quod idem videtur dicere S. Augustinus lib. 11. de Genesi ad litteram, cap. 30. vbi sic loquitur: *Quando his verbis crederet mulier, nisi in esset menti quadam de se superba præsumptio, quæ per illam tentationem fuerat conuincenda & humilianda*. At hæc opinio fallà esse conuincitur, tum ex Scriptura, quæ dicit, diabolum fuisse homicidam ab initio, Ioan. 8. non autem ipse occidisset, si iam antea primi homines per superbiam petijissent; tum ex eo, quod occasionem superbiendi primi homines habuerunt ex promissione illa, Eritis sicut Dij.

Porro S. Augustinus loco citato, non loquitur absolute de tentatione, sed de tentatione vincente. C Quod apertius scripsit lib. 11. de Genesi ad litteram, cap. 5. his verbis: *Nec arbitrandum est, quod esset hominem delecturus iste tentator, nisi præcessisset in anima hominis quadam elatio comprimenda, vt per humiliationem peccati, quam de se falsò præsumpserit, disceret*. Itaque superbia illa occulta non fuit causa cur Deus permiserit hominem tentari, cum tentatio superbiam præcesserit, sed cur permiserit induci in tentationem, siue à tentatore perducì in apertam inobedientiam. Fortasse etiam verba sancti Prosperi eodem modo intelligi possunt, quò sancti Augustini verba intelligenda esse diximus. Sed quicquid de hoc sit, illud constat, non fuisse peccatum causam permissionis tentationis.

D Hac igitur opinione rejecta, S. Augustinum audiamus, qui tria quædam docet. P R I M O, nullam fecisse Deum iniuriam homini, quod eum à diabolo tentari permiserit, cum eum tantis viribus instruxerit, vt facillè potuerit aduersarium superare. S E C U N D O, primariam causam huius permissionis Deo soli esse notam. T E R T I O, rationes illas probabiliter reddi posse, quæ id requirerent omnipotentia, prouidentia, misericordia, & iustitia Dei, pulchritudo vniuersi, & ipsa hominis gloria, atque utilitas.

Non fecisse Deum iniuriam homini, docet Augustinus lib. 14. de ciuit. Dei, c. 27. *Cur non permitteret*, inquit, *vt ab Angelo malo primus homo tentaretur, quando quidem sic erat institutus, vt si de adiutorio Dei fideret, bonus homo malum Angelum vinceret*? Et lib. de corrept. & grat. cap. 12. *Ille Adam*, inquit, *terrenus nullo, & insuper contra Dei terrentis imperium libero vsus arbitrio non flet in tanta felicitate, in tanta non peccandi facilitate*. Et infra: *Tales vires habebat eius voluntas, quæ sine ulla fuerat insinuatione peccati, & nihil illi ex se ipsa concupiscentialiter resistebat, vt dignè tanta bonitati, & benè viuendi felicitati perscuerandi committeretur arbitrium*. Et infra: *Fortissimò (Adamo videlicet) dimissi, atque permisi facere quod vellet: infirmis seruauit, vt ipso donante inuictissimè quod bonum est, vellent, & hoc deserere inuictissimè nollent*. Non igitur iuste queri potuit Adam, quod à diabolo tentari permisso sit, cum

tanta facilitate de hoſte ſuo triumphare potuerit.

Iam verò primariam cauſam huius permiſſionis ſoli Deo notam eſſe, docet idem Auguſtinus libro 11. de Geneſi ad litteram, cap. 4. *Si ergo, inquit, quaeritur, cur Deus tentari permiſerit hominem, quem tentationi conſenſurum eſſe praſciebat, altitudinem quidem conſilij eius penetrare non poſſum, & longè ſupra vires meas eſſe confeſſeor.* Et in epiſt. 106. ad Paulinum ad ſimilem quaeritionem, cur videlicet Deus eos procreet, quos æterno igni damnandos præuidet, reſpondet: *Deum id facere quia vult; cur autem velit, tu qui es, inquit, qui reſpondeas Deo? an non habet poteſtatem figulus facienda vaſa, alia in honorem, alia in conſumeliam?*

Sed quanquam hæc ita ſe habent, tamen probabiles ſunt rationes illæ, quas paulò ante tetigimus. Ac primum de omnipotentia Dei, quæ in hac permiſſione ita perſpicitur, ita loquitur Auguſtinus in lib. de correptione & gratia, cap. 10. *Qui creauit omnia bona valde, & mala ex bonis exoritura eſſe præſciuit, ſciuit magis ad ſuam omnipotentiffimam bonitatem pertinere etiam de malis benefacere, quàm mala eſſe non ſinere.* Idem docet in Enchir. cap. 11.

De prouidentia, idem Auguſt. loquitur in lib. 7. de ciuit. Dei, cap. 30. *Sic, inquit, adminiſtrat omnia quæ creauit, ut etiam iſta proprios exercere & agere motus ſinat.* Ideò igitur permiſit Deus primos homines labi, quia ad prouidentiam eius pertinebat, vt homines libero arbitrio præditos, ſinceret pro arbitratu ſuo reſiſtere, vel cedere tentatori. Quod idem docet in libro de correptione & gratia, cap. 10. vbi ſcribit, Deum ſic inſtituiſſe Angelorum, hominumque naturam, vt primum in ea oſtenderetur quid poſſet liberam arbitrium, deinde quid poſſet ſuæ gratiæ beneficium, iuſtitiaque iudicium.

De miſericordia & iuſtitia loquitur Auguſt. loco proximè citato de corrept. & grat. cap. 10. *Deus igitur permiſit hominem tentari, quem ſciebat eſſe caſurum, quia ſimul videbat eo caſu ſe uti poſſe ad miſericordiam & iuſtitiam declarandam, dum ex damnata maſſa alios ſuſte punit, alios miſericorditer liberabit.*

De pulchritudine vniuerſitatis, quæ ex hac permiſſione conſurgit, loquitur idem Auguſt. in lib. 3. de lib. arbit. cap. 9. vbi propoſita quaeritione, *Cur Deus non fecerit, ut nulla creatura ad miſeriam perueniret; Neque enim id aut omnipotens non potuit, aut bonus inuidit.* Reſpondet, ordinem creaturarum à ſumma uſque ad infimam gradibus iuſtis ita decurrere, vt ille inuideat, qui dixerit, iſta non eſſet, inuideat etiam ille, qui dixerit, iſta talis eſſet. Si enim quis diceret, lunam aut omninò non fieri, aut certè æqualem ſoli fieri debuiffe, inuideret non paruum ornatum rerum vniuerſitati, ſic etiam qui diceret, animas rationales aut creandas non fuiſſe, aut ita creandas, vt nunquam peccarent, ita ut nulla eſſet anima, quæ peccando miſera fieret, iſ inuideret ornatum aliquem mundo. Siquidem anima illa, quamuis miſera, melior eſt quolibet corpore, & ornat locum, in quo à Deo pro merito ſuæ actionis ponitur.

Quemadmodum, vt idem Aug. ait, nihil eſt in domo nobilius homine, nihil abiectius cloaca, & tamen ſeruus in peccato tali deprehenſus, vt mundandæ cloacæ dignus habeatur, ornat eam etiam turpitudine ſua, & vtrumque horum, id eſt turpitudine ſerui, & mundatio cloacæ iam coniunctum, & redactum in quandam ſui generis vnitatem, ita diſpoſita domui coaptatur, atque ſubtextitur, vt eius vniuerſitati ordinatiſſimo decore conueniat. Sed quamuis ex peccato omnipotentia Dei id bonum eliciat, atque inde rerum vniuerſitatem exornet; non tamen propterea aut peccata neceſſaria fuerunt, aut non potuit Deus

Angelos atque homines omnes à peccato & miſeria liberare, non enim peccata aut miſeria ordinem vniuerſitatis exornant, ſed Angeli, aut animæ, quæ pro merito culpæ ordinantur ad pœnas; neque Deo deſſe poterat ratio exornandi rerum vniuerſitatem, ſi nullus Angelus, aut nullus homo peccare voluiſſet, quemadmodum (vt ibid. Auguſt.) ſi ſeruus peccare noluiſſet; non deſuiſſet domeſtica diſciplinæ alia prouiſio, qua cloacæ, & loca cætera mundarentur.

Itaque ſic fecit ad rerum pulchritudinem, vt Deus permiſerit tentari primos homines, quos caſuros eſſe præuiderat, vt tamen alio modo rerum pulchritudini conſuli potuerit, ſi aut homo non fuiſſet caſurus, aut Deus id quod futurum præuiderat, permittere noluiſſet: de qua re vide eundem Auguſtinum, lib. 3. de libero arbitrio, cap. 12.

Superest VLTIMA ratio, quæ ab ipſius hominis vtilitate ſumitur. PRIMVM enim (vt Auguſt. ſcribit lib. 11. de Geneſi ad litteram, cap. 4.) non videtur magnæ laudis fuiſſe futurum hominem, ſi propterea poſſet benè viuere, quia nemo malè viuere iuaderet. DEINDE perſpiciebat Deus valde utile id futurum ad eruditionem Sanctorum, nimirum vt caſus primi hominis præberet futuris Sanctis contra cupiditatem dubitationis exemplum, & incuteret contra ſuperbiam timorem pium (vt ait S. Auguſt. in eodem lib. cap. 6.) ADHÆC permiſit Deus tentationem & caſum primi hominis, quia præſcius erat quod ab eius ſemine adjuto ſua gratia, ipſe diabolus fuerat Sanctorum gloria maiore vincendus, vt idem loquitur Auguſt. lib. 14. de ciuit. Dei, cap. 27. DEINQUE addere poſſumus, occasione peccati primorum hominum, Chriſtum nobis donatum, per quem maiora Dei munera ſuſcepimus, quàm ea fuerint, quæ per Adamum amiſimus. Nam vt Apoſtolus teſtatur Rom. 5. *Vbi abundauit delictum, ſuperabundauit & gratia.* Et: *Non ſicut delictum, ita & donum. Vt aliſius, inquit S. Leo ſerm. 12. de paſſione Domini, donum factum eſt libertatis, quàm debitum ſeruitutis.* Et vt idem ait in ſermone tertio de Pentecoſte: *Si homo diabolica fraude deceptus, à lege ſibi poſita per concupiſcentiam non deuiſſet, Creator mundi creatura non fieret.* Quod etiam docet S. Auguſtinus ſerm. 9. de verbis Apoſtoli, cùm ait: *Nulla cauſa fuit veniendi Chriſto Domino, niſi peccatores ſaluos facere.* Itaque Eccleſia cum exultatione, & gratiarum actione, in vigilijs paſchalibus canit: O felix culpa, quæ talem ac tantum meruit habere Redemptorem.

CAPVT III.

De ſerpente qui Henam ſeduxit, quod verus & naturalis fuerit ſerpens, quodque per eum diabolus ſit loquutus.

SEQUITVR vt de primorum hominum tentatione pauca dicamus, præſertim cùm & hanc doctrinæ partem hæretici variè deprauarint.

Antiquiſſima hæreſis à Græca voce ὄφις, quæ ſerpentem ſignificat, Ophitarum fuit, cuius meminerunt Irenæus lib. 1. de hæreſ. cap. 34. Tertul. in lib. de præſcript. aduerſus hæreticos, cap. 47. Clemens Alexandrinus lib. 7. Stromatum, Epiphanius hæreſi 27. Hieronymus in dialogo aduerſus Luciferianos, Auguſtinus in libro de hæreſ. cap. 17. Philaſtrius, Theodor. Damasc. & alij, qui de hæreſ. ſcribunt. Hi docebant, ſapientiam Dei ſerpentem illum eſſe, qui primorum hominum oculos aperuit, vt bonum malumque dignoſcerent. Idque feciſſe in odium Creatoris, cui ipſa contraria eſſet.

Eundem errorem poſtea docuit etiam Manicheus (Auguſtino teſte in lib. de hæreſ. cap. 46.) qui ſerpentem illum Chriſtum eſſe volebat. Origenes etiam more ſuo ad allegoriam omnia quæ abiurda illi videbantur transferens, per ſerpentem delectationem intelligi voluit. Primò enim delectatio ſenſum, quaſi Heuam, titillat & ſeducit. Deinde ſenſus mentem, hoc eſt, Adamum ad conſentiendum & peccandum inſectit. Vide Ambroſium lib. de Para-diſo, cap. 2. ubi hanc ſententiam, tacito nomine Origenis, refert. Nec deſuerunt (teſte Procopio in comment. 3. c. Gen.) qui aſſeruerunt diabolum induiſſe corpus phantaſticum ad ſimilitudinem ſerpentis. Iulianus denique (vt eſt apud Cyrill. lib. 3. in Iulian.) narrationem Moſis de ſerpente fabuloſam omnino fuiſſe contendit, eo præſerim nomine, quod ſerpens humana voce loquutus fuiſſe perhibeatur.

Cæterùm, verum illum & naturalem ſerpentem fuiſſe, ſed per eum diabolum eſſe loquutum, tam ex litteris ſacris perſpicuum eſt, vt vix vlla probatione opus eſſe videatur. Nam quæ dicuntur cap. 3. Gen. de pœna ſerpentis, quod maledictus ſit ſuper omnia animantia & beſtias terræ, quod ſuper pectus ſuum gradiatur, quod terram comedat, quod inimicitia perpetua ſit inter filios Heuæ & ſerpentes; apertiffimè in verum & naturalem ſerpentem quadrat vt notum eſt; in ſapientiam Dei, vel delectationem, nulla ratione conueniunt. Quocirca ſummo conſenſu ſancti Patres docent, verum illum fuiſſe ſerpentem, vt Chryſoſt. hom. 16. in Gen. Baſil. in orat. quod Deus non ſit auctor malorum. Epiphani. in hæreſi Ophitarum. Auguſt. lib. 11. de Gen. cap. 2. & alij.

Non autem ipſum per ſe mutum ſerpentem, ſed diabolum per eum eſſe loquutum, teſtatur liber Sap. cap. 2. his verbis: *Deus creauit hominem inextermi-nabilem, & ad imaginem ſimilitudinis ſue fecit illum: inuidia autem diaboli uox intravit in orbem terrarum, imitantur autem illum, qui ſunt ex parte illius.* Teſtatur etiam Chriſtus, Ioan. 8. cum ait: *Vos ex patre diabolo eſtis, & deſideria patris veſtri vultis facere. Ille homicida erat ab initio, & in veritate non ſteſit.* Homicida enim ab initio non aliter fuit, niſi quia primos homines, vt loquitur S. Leo, veneno ſuæ mortificauit inuidiæ. Teſtatur quoque S. Ioan. in Apoc. cap. 20. ubi non alia de cauſa diabolum vocat *ſerpentem antiquum*, niſi quia diabolus initio ſerpentem induit. Teſtantur denique omnes Patres, tum ij qui librum Geneſeos interpretantur, vel quæſtiones in eum ſcripſerunt, vt Hieronymus, Theodoretus, Eucherius, Beda, Rupertus, Chryſoſt. & Auguſt. tum etiam Cyprianus in ſerm. de zelo & liuore, Baſil. in oratione, quod Deus non ſit auctor malorum, Ambroſius in lib. de Para-diſo, Cyrillus lib. 3. in Iulianum, & alij paſſim.

Quod verò Iulianus ſerpentem loqui potuiſſe, fabuloſum putat, rectè reprehendit Cyrillus loco notato, cum apud Ethnicos, quorum opiniones Iulianus ſequi ſe fatebatur, & equi & fluuij aliquando loquuti eſſe credantur; cæterùm apud Chriſtianos non exiſtimantur animantia bruta per ſe loqui poſſe, ſed poſſe tamen ſpiritus angelicos, ſiue bonos, ſiue malos, id per ora beſtiarum facile præſtare. Non ſolùm enim ſerpens dumtaxat ſpiritu diaboli plenus loquutus eſt, ſed etiam aſina Balaam, bono Angelo eam mouente, hominis voce loquens, prohibuit Prophetæ inſipientiam, vt loquitur S. Petrus in epiſt. poſtérieure, cap. 2. & nota eſt hiſt. ex cap. 11. Num.

Vna ſuper eſt dubitatio, An diabolus ſponte ſua ſerpentem elegerit, per quem Heuam ſeducere conaretur, an aliam beſtiam non ſit à Deo permiſſus aſſumere, quàm ſerpentem. S. Ioan. Chryſoſt. hom.

16. in Gen. ſcribit, diabolum de induſtria ſerpentem elegiſſe, quod is aptiſſimus videretur ob naturalem ſuam calliditatem ad inſidias mulieri faciendas.

Sed probabilior videtur ſententia ſancti Auguſtini, libro de Geneſi, cap. 3. qui docet, ſatanam non fuiſſe permiſſum alio inſtrumento vt, quàm ſerpentis ore. Cum enim mens diaboli eò tenderet, vt ſeduceret, facilius ſperare potuit ſe conſequuturum quod quærebat, ſi inſidias regeret, quàm ſi aperiret. Tegeret autem, ſi columbam, aut ouem aſſumeret, quæ ſunt animalia naturæ ſimplicis, & innocentiſ. Sed voluit Deus, vt ſi diabolus hominem tentare vellet, id non faceret niſi per ſerpentem, vt ſicut diabolo permiſſe tentare, ita hominem admone-ret ex ipſa forma ſerpentis, quem callidum animal eſſe non ignorabat, vt cauere inſidias. Quod verò ſanctus Chryſoſtomus dicit, diabolum quaſiuiſſe idoneum animal ad inſidias faciendas, locum haberet, ſi ea calliditate, quæ naturaliter in ſerpente ineſt, Heua decipi potuiſſet: ſed cum non ſerpentis muti, ſed diaboli ipſius aſtutia neceſſaria fuerit ad hominem ſeducendum, æque potuit diabolus per ſerpentem, ac per columbam, & (vt diximus) occultiore conſilio, ac maiori fraude per columbam negocium ſeductionis peragere.

C A P V T IV.

Primum peccatum parentum primorum fuiſſe ſuperbiam.

DISSERVIMVS de tentatione, nunc de ipſo peccato diſſerendum eſt, ac prima ſe offert illa quæſtio, Quodnam fuerit primorum hominum primum & principale peccatum.

Non deſuerunt ex veteribus, qui ſentirent in eo peccaſſe primos homines, quod antea uerterint vſum ligni ſcientiæ boni & mali, vt S. Auguſt. refert lib. 11. de Geneſi ad lit. cap. 41. quorum ſententia, ſi myſtice accipiatur, fortallè non improbanda erit. Fieri enim poteſt, vt per lignum ſcientiæ contemplationem aliquam ſignificatam eſſe velint, quæ ſolis beatis congruat, ac per hoc non ante tempus debitum appetendam; ſic enim interpretatur arbo-rem ſcientiæ ſanctus Gregorius Nazianz. oratione in Natali Domini, & orat. 2. de Paſcha.

Sed certè ad litteram ea ſententia vera eſſe non poteſt. Neque enim Deus ad tempus eſum ligni ſcientiæ prohibuit, ſed in perpetuum, cum ait: *Quacunque die comederis ex eo, morte morieris.* Minus etiam probabilis eorum ſententia eſt, qui teſte Auguſtino in eodem loco, dicebant primum peccatum Adami atque Heuæ fuiſſe intemperantiam, quod videlicet ante legitimum tempus vſum coniugij attriuiſſent, & nuptias ſuas quodammodo furati eſſent. Satis enim ex hiſtoria ſacra conſtat, Adamum cognouiſſe uxorem ſuam, poſteaquam propter peccatum ex Para-diſo eiectus fuiſſet, vt intelligi poteſt ex cap. 4. Gen. Deinde non potuit primum peccatum eſſe intemperantia carnis, cum nulla eſſet, neq; eſſe poſſet in ſtatu innocentie concupiſcentia carnalis rectæ rationi repugnans, niſi prius ipſa ratio Deo repugnare cœpiſſet, vt in libro de ſtatu innocentie demonſtraui-mus. Adde quod etiam ſi continuò poſt creationem ſuam primi homines liberis operam dare voluiſſent, nulla erat lex, qua prohiberentur id facere. Nam neque infantes, aut pueri, ſed viribus & ſtatura perfecti creati fuerant, vt ætas matura expectanda non eſſet; & iam audierant, *Crefcite & multiplicamini*: & Adamus

diuinitus edoctus pronunciauerat: *Hoc nunc os ex ossibus meis, & caro de carne mea. Et: Propter hoc relinquet homo patrem & matrem, & adhærebit uxori suæ.*

Sunt alia duæ sententiæ, quæ sanctos Patres habent auctores. S. enim Ambrosius in lib. de Paradiso, cap. 12. scribit peccasse Heuam, quod addiderit aliquid ad verba Domini. Nam cum Deus prohibuisset, ne vescerentur de fructu ligni scientiæ boni & mali, alioqui futurum ut morerentur: illa retulit, prohibitum sibi fuisse, ne vescerentur de ligno scientiæ, neque illud rangerent, ne forte morerentur. Vbi addidit veritum fuisse contactum ligni, & absolutam mortis interminationem reuocauit in dubium per vocem illam (fortè.) S. Ioan. Chrysostomus homil. 16. in Gen. scribit, initium peccati fuisse, quod Heua cum diabolo colloqui cœperit.

Cæterum sancti isti Patres non videntur accuratè de peccato primæ parentis differere voluisse, sed obiter ex eo quod acciderat occasionem accipere admonendi populum, tum ut fideliter & religiosè verba Dei recitarent, tum ut diligenter & studiosè malorum colloquia præcauerent. Et quamuis illa additio ad verbum Dei, & colloquium cum diabolo aliquo modo peccata dici possint, quia fuerunt occasiones peccati, quod postea commissum est, propriè tamen peccata non fuerunt. Nam Heua non mutauit sententiam Domini, quamuis non totidem verbis illam exprefferit; ac Deus illam initio pronunciauerat. Neque sciebat diabolum esse, qui secum per serpentem loquebatur. Et præterea satis instructa erat, ac munita gratiæ diuinæ præsidio, ut posset tutò cum ipso etiam diabolo apertè colloqui, si tentationi eius resistere voluisset.

His igitur opinionibus dimissis, in quarum refutatione cum hæreticis nostri temporis conuenimus, videamus quæ inter nos & illos controuersia supersit. Martinus Lutherus in commentario 3. cap. Geneseos, contendit, primum peccatum primorum parentum fuisse infidelitatem, quod videlicet non crediderint se morituros, si fructum illum degustassent. Id Lutherus probat, tum ex verbis Scripturæ, tum ex ratione. Nam Scriptura, Gen. 3. refert, serpentem hoc potissimum persuadere conatum esse mulieri, ut crederet se non morituram, & mulierem non prius ausam respicere poma illius arboris, ac multò minus decerpere, quàm audisset; nequaquam moriemini. Scit enim Deus, quia quacunque die comederitis, aperientur oculi vestri, & eritis sicut Dij, scientes bonum & malum. Ratio autem id suadet, ut sicut initium & radix iustitiæ est fides, ita radix & initium peccati sit infidelitas.

Eadem est sententia Ioan. Caluini, qui lib. 2. Inst. cap. 1. §. 4. ita breuiter explicat sententiam suam: *Infidelitas radix defectionis fuit. Hinc autem emerfit ambitio & superbia, quibus annexa est ingratiitudo.* Et infra: *Infidelitas ambitioni ianuam aperuit, ambitio verò contumacia fuit mater.* Et rationem hanc reddit; quia nunquam repugnare Dei imperio ausus fuisset Adam, nisi eius verbo incredulus.

At sententia Theologorum Catholicorum communis est, primum peccatum Heuæ fuisse superbiam. Vide S. Tho. in 2. 2. q. 163. & Theologos cæteros in 2. sent. dist. 21. & 22. De Adamo S. Bonauentura & Scotus loco citato, existimant primum eius peccatum fuisse inordinatum amorem erga coniugem, amorem autem non carnalis concupiscentiæ, sed humanæ amicitiae. S. verò Thomas loco notato, vtriusque parentis primum peccatum docet fuisse superbiam, quæ sententia omninò recipienda est. Nam & cum diuinis litteris, & cum testimonijs Pa-

trum, & cum ipsa ratione maximè congruit.

Incipiamus à Scripturis, Eccl. 10. *Initium superbiæ hominis apostatare à Deo, quoniam ab eo qui fecit eum, recessit cor eius.* Et rursus: *Initium, inquit, omnis peccati superbia.* Quo loco duobus argumentis Sapiens ostendit, superbiam esse vitium maximè detestabile. *PRIMUM;* quia principium superbiæ humanæ, id est, primus actus superbiæ hominis apparuit in illa defectione primi hominis, qui à Deo, qui eum recens creauerat, sponte recessit, nolens subijci eius imperio. *DEINDE,* quia illa primi hominis superbia fuit initium omnis peccati, siue omnium peccatorum, quæ ab hominibus commissa sunt, & quotidie committuntur. Quod idem confirmat Tobias illis verbis quæ habentur cap. 4. *Superbiam nunquam in tuo sensu, aut in tuo verbo diminuari permittas; in illa enim initium sumpsit omnis perditio.* Quamuis enim hæc loca refertur possent ad peccatum Angeli, quod fuit absolute omnium primum, tamen credibilius est Ecclesiasticum & Tobiam respexisse ad primum peccatum primorum hominum, quod notius erat vulgo, quàm peccatum Angeli.

Adhæc B. Paulus c. 5. epist. ad Rom. *Sicut, inquit, per inobedientiam vnius hominis, peccatores constituti sunt multi; ita per obedientiam vnius hominis, iusti constituentur multi.* Quo loco Apost. loquitur de peccato Adami potius, quàm Heuæ, siquidem *In Adamo omnes moriuntur, 1. Cor. 15.* Et: *Per vnum hominem peccatum in mundum intravit, in quo omnes peccauerunt, Rom. 5.* Et loquitur de primo peccato, non de cæteris, quæ post primum commisit: nam per primum peccatum amisit gratiam Dei, & originalem iustitiam, cuius priuatio est in eius posteris originale peccatum. Porro actus primus superbiæ est, nolle subijci imperio, & præceptis alterius, quæ propriè dicitur inobedientia; sicut è contrario humilitatis est, subijci imperio, & præceptis aliorum, quæ propriè dicitur obedientia. Hinc legimus Eccl. 10. *Initium superbiæ hominis apostatare à Deo.* Quod non ita accipiendum est, quasi apostasia sit prior quàm superbia: sed significat Ecclesiasticus, primam partem, siue primum superbiæ actum fuisse, nolle parere Deo, ut S. Thom. rectè exponit in 2. 2. q. 162. art. 7. ad 2. hinc etiam Hier. 2. dicitur homini: *A saculo confregisti iugum meum, rupisti vincula, dixisti non seruiam.*

Sanctus etiam Augustinus pro eodem habet superbiam & inobedientiam, humilitatem & obedientiam, lib. 14. de ciuit. Dei, cap. 13. *Bonum est, inquit, sursum habere cor, non tamen ad seipsum, quod est superbia, sed ad Dominum, quod est obedientia, quæ nisi humilium esse non potest.* Et in eodem modo: *Melius esse possent Dei summo veroque principio cobarendo per obedientiam, quàm suum sibi existendo per superbiam.* Quo loco opponit Augustinus, tanquam contraria, obedientiam & superbiam, quia videlicet inobedientia est quædam superbia, & obedientia quædam humilitas. Et libro octauo de Genesi ad litteram, cap. 14. *Nec fieri potest ut voluntas propria non grandi ruina pondere super hominem cadat, si eam voluntati superioris extollendo proponat.* Hoc expentus est homo contemnens præceptum Dei, & hoc experimento didicit, quid interest inter bonum & malum, bonum scilicet obedientia, malum autem inobedientia, id est, superbia & contumacia. Apostolus igitur considerauit, peccatum primi hominis cœpisse ab occulta inobedientia, qua in superbiam elatus, non imperio Dei subijci, sed in sua potestate esse dilexit, & inde erupisse in apertam inobedientiam, qua fructum vetricum gustare præsumpsit; & ideò propriè, & aptissimè dixit, per vnius inobedientiam multos peccatores esse constitutos.

Quod si primum peccatum hominum primorum fuisset infidelitas, aut amor coniugis, non verè, aut cerè non propriè S. Paulus illud peccatum inobedientiam appellasset. Neque enim infidelitas, vel amor coniugis nimis, inobedientia propriè dici potest; superbia verò quāvis ex se latius pateat quā inobedientia, & non omnis superbia inobedientia sit, omnis tamen inobedientia formaliter sumpta, superbia est, ac per hoc superbia, quā quis contemnit præceptum, nec parere vult legi superioris, propriè contumacia, siue inobedientia dici potest. Quemadmodum etiam humilitas, quæ reddit hominem subiectum superiori, quoad omnia, latius patet, quā obedientia, quæ reddit hominem subiectum superiori, quatenus aliquid præcipit, tamen quidam humilitas, ea videlicet, quæ hominem præcepto superioris subiecit, simul & humilitas & obedientia dicitur. Atque hæc de testimonijs Scripturarum.

Probemus nunc testimonijs Patrum, primum peccatum parentum primorum, non infidelitatem, neque aliquid aliud, sed superbiā fuisse. S. BASILIUS in oratione, quod Deus non sit auctor malorum: *Quamobrem, inquit, dolis hominem aggressus, eadem ambitionis cupiditate, quam ipse ab initio habuit, velle similem esse Deo, hac rursus ad decipiendos nos usus, lignum ostendit, per cuius degustationem pollicitus est hominem similem fore Deo.*

S. IOAN. CHRYSOST. hom. 16. in Genesim: *Igitur, inquit, ut diuinitatem mente sua imaginata est, ad esum properauit.*

S. AVALS. lib. 8. de Genesi ad litteram, cap. 13. loquens de primo peccato: *Denique, inquit, a peccante nihil aliud appetitum est, nisi non esse sub dominatione Dei, quando illud admissum est, in quo ne admitteretur sola deberet insilio dominantis attendi. Sed clarius lib. 11. cap. 30. Quando, inquit, his verbis crederet mulier à bona atque vili re diuinitus se fuisse prohibitam, nisi iam in esset menti amor ille propriæ potestatis, & quadam de se superbia præsumptio, quæ per illam temptationem fuerat conuincenda, & humilianda. His verbis apertissimè S. August. refellit sententiam, quam Luth. & Calu. tuerentur. Illi enim volunt ex infidelitate superbiā natam esse; contra autem S. August. disputat, non potuisse infidelitatem in animo primæ parentis locum inuenire, nisi in eo superbia præcessisset.*

Idem August. in Enchir. cap. 45. enumerans actus malos, & quasi partes peccati primi hominis, primo loco ponit superbiā: *Superbia, inquit, est illuc, quæ homo in sua potius esse, quā in Dei potestate dilexit. Item in lib. 14. de ciuit. Dei, cap. 13. de utroque primo parente loquens: In oculis, inquit, mali esse cæperunt, ut in apertam inobedientiam laberentur. Non enim ad malum opus peruenirent, nisi præcessisset mala voluntas. Porro mala voluntatis initium, quid potuit esse nisi superbia? Initium enim omnis peccati superbia. Et infra: Manifesto ergo, apertoque peccato, ubi factum est, quod Deus fieri prohibuerat, diabolus hominem non cepisset, nisi iam ille sibi placere cæpisset. Hic enim delectauit quod dictum est. Erui sicut Dñ, quod melius esse possent summo veroque principio coherendo per obedientiam, quā suum sibi existendo principium per superbiā.*

S. LEO serm. 5. de Natiu. Domini: *Quid, inquit, sanandus ager, illuminandus cæcus, unificandis mortuis aptius fuit, quā ut superbiæ vulnera humilitatis remedijs curarentur? Vbi vocat superbiæ vulnera, mala influcta humano generi ex peccato Adami. Item in eodem loco: Illi (Adamo) per relationem lapso dictum est, terra es, & in terram ibis. Hinc per humilitatem exaltato dictum est, sede à dextris meis, &c.*

S. PROSPER lib. 2. de vita contemplatiua, cap. 19. *Et mihi quidem, inquit, videtur quod non ederent de ligno prohibito, nisi concupissent; nec concupissent, nisi tentati; nec tentarentur, nisi defertis; nec defererentur à Deo, nisi ipsi prius defererent Deum; nec defererent Deum, nisi superberent, & similitudinem Dei miserabiliter appetissent.*

S. FVLGENTIUS in lib. 2. de Incarnat. & gratia Christi, cap. 22. *Quia primus homo in superbiā est aibolica personatione dejectus, perdidit humilitatem.*

S. GREGORIUS lib. 4. Moral. cap. 9. *Duas, inquit, ad intelligendum se creaturas fecerat, angelicam videlicet & humanam, utramque verò superbia perculit, atque ab statu ingenta rectitudinis fregit.* Eucherius lib. 1. in Genesim, & alij non pauci idem docent.

Accedat POSTREMO etiam ratio. Nam inter actus malos, priores fuerunt interiores, quā exteriores, tam circa objectum intelligibile, quā circa sensibile. Cū enim pars inferior subiecta esset superiori, nec ab ea deficere posset, donec ipsa non deiceret à Deo; non potuit concupiscentia sensibilibus alicuius boni in animo præualere, nisi prius ipse animus à Deo auersus ad infima contriueret. Quare fieri non potest, ut amor erga uxorem immoderatus, primum peccatum Adami fuerit; nec solum de amore carnali concupiscentiæ loquor, sed etiam de amore illo socialis beneuolentiæ, quem Bonauent. & Scotus primum peccatum statuunt. Nam & ille amor rei sensibilis erat, videlicet confortij humani & socialis vitæ, quā amittere Adamus nolens, maluit legem Dei transgredi, quā vitæ sociam contritari.

Porro inter actus interiores, & circa bonum intelligibile, prior est actus circa finem, quā circa media, siquidem media appetuntur propter finem, non contra. Finis autem hominis in malis est excellentia propria, quæ superbiæ est objectum. Non igitur infidelitas, aut aliquid aliud, sed superbia primum peccatum utriusque primi parentis fuit.

Præterea (ut sententiam Lutheri & Caluini propriè refellamus) non potuit mens primorum parentum diuino lumine illustrata, in errorem induci, nisi antea per auersionem à Deo lumine illo destituta fuisset, ut Augustinus ratiocinatur lib. 14. de ciuitate Dei, cap. 13. Quemadmodum nemo potest credere solem non lucere, dum solem ipsum respicit; ergo infidelitatem primorum parentum auersio à Deo, & peccatum præcessit; non igitur infidelitas primum peccatum fuit.

Adhæc mater infidelitatis est superbia, ut idem Augustinus docet in lib. de pastoribus, cap. 8. igitur superbia infidelitatem præcessit, non è contrario, nisi filiam matre antiquiorem faciamus.

Denique prior in peccatis est conuersio ad bonum creatum, quā auersio à bono increato, neque enim auersio per se appetibilis est, cū non sit bona, & solum bonum sit objectum voluntatis. Itaque quia conuertimur ad bonum creatum, sequitur ut auertamur ab increato, non autem primo, & per se auersio ipsa à voluntate eligitur. At non velle Deo credere, qui est actus infidelitatis, est auersio quædam à Deo; igitur infidelitas non est primus actus malus, sed alium aliquem priorem quo ad bonum creatum conuertimur, sequitur. Quare Scripturæ diuinæ non vno in loco testantur, mala opera præcedentia esse causam consequentis infidelitatis. 1. Timot. 1. *Habens fidem, & bonam conscientiam, quā quidam repellentes, circa fidem naufragauerunt.* Et 1. Timot. 6. *Radix omnium malorum est cupiditas, quā quidam appetentes, errauerunt à fide.*

CAPVT V.

*Soluantur objectiones, & explicatur quæ fuerit
superbia primorum hominum.*

SUPEREST objectiones aliquas ſoluere, quæ contra ea quæ capite ſuperiore docuimus, adferri ſolent.

PRIMA obiectio Lutheri. Satanæ tentatio eo tendebat, vt primum crederet Heua non eſſe verum, quod Deus dixerat, morituros videlicet, qui fructum ligni vetiti guſtarent, deinde fructum illum guſtando, legem Dei præuicacaretur, ſuccubuit autem Heua tentationi; igitur primum peccauit non credendo, deinde fructum vetitum deguſtando. **RESPONSIO.** Satanæ non ſolum ad infidelitatem & inobedientiam, ſed etiam ad ſuperbiam adducere conabatur Heuam. Nam ideò dixit, ſcit enim Deus, quia quacunque die comederitis, aperientur oculi veſtri, & eritis ſicut Dij ſcientes bonum & malum. Quare mulier in eo primum à tentatore ſeducta & deuicta eſt, quod in ſuperbiam elata, affectauit eſſe ſicut Deus, ſciens bonum & malum; deinde per ſuperbiam excæcata, credidit diabolo, & non credidit Deo, & in apertam inobedientiam lapſa eſt.

SECUNDA obiectio Lutheri & Caluini. Fides eſt radix & origo iuſtitia, ergo infidelitas radix & origo iniuſtitia. **RESPONSIO.** Ex antecedente ab aduerſarijs poſito, ſequitur oppoſitum conſequentis. Quia enim fides eſt origo iuſtitia, ſequitur infidelitatem non eſſe originem, ſed finem iniuſtitia. Nam quod eſt primum in generatione, eſt vltimum in reſolutione. Fundamentum eſt principium ædificationis, ſed euerſio fundamenti non eſt principium, ſed finis deſtructionis. Qui enim ædificat, à fundamento incipit, in tecto deſinit; qui deſtruit, incipit à tecto, deſinit in fundamento. Et in animantibus cor primum incipit viuere, vltimum deſinit viuere. Quare nunquam in Scripturis dicitur, radix omnium malorum eſt infidelitas, ſicut dicitur radix omnium malorum eſt cupiditas, id eſt, amor ſui, ſiue propriæ excellentia, quæ eſt ſuperbia. Neque legimus vſquam, initium omnis peccati infidelitas, ſicut legimus, initium omnis peccati ſuperbia.

TERTIA obiectio Caluini. Nunquam repugnare imperio Dei auſus fuiſſet Adam, niſi eius verbo incredulus. **RESPONSIO.** Adam non fuiſſet auſus imperio Dei manifeſto & expreſſo, quo lignum ſcientia vetabatur, repugnare, niſi verbo eius incredulus: ſed nec fuiſſet verbo Dei incredulus, niſi per elationem à Deo auerſus diuina luce deſtitutus, teneſcere cœpiſſet, vt S. Auguſt. de Heua ſcribit, lib. 11. de Gen. cap. 30. & lib. 14. de ciuit. Dei, cap. 13. atq; hinc explicari poteſt alius locus eiufdem S. Auguſt. ex lib. 14. de ciuit. Dei, cap. 17. vbi videtur primum peccatum primorum hominum conſtituere in infidelitate, cum dicit: *Hoc itaque cognouerunt, quod ſalutis ignorarent, ſi Deo credentes & obediētes, non committerent, quod eos cogeret experiri, infidelitas & inobediētia quid nocerent.* Solum enim ex hoc loco probatur fuiſſe in peccato primorum hominum infidelitatem, & inobedientiam, apertam videlicet, quam commiſerunt, dum lignum vetitum deguſtarunt: ſed non probatur non præceſſiſſe ſuperbiam, & inobedientiam occultam, de qua idem Auguſt. loquitur loco citato, in eodem lib. cap. 13.

QUARTA obiectio eſt Bonauentura, & Scoti, qui adferunt teſtimonium S. Auguſtini ex lib. 11. de de Gen. ad lit. c. 42. & ex lib. 14. de ciuit. Dei, cap. 11. vbi S. Auguſt. ſcribit, Adamum incidiffe in peccatum inobediētia ex amore immoderato erga con-

A iugem, ac per hoc primum peccatum Adam fuiſſe amorem illum vxoris, non autem ſuperbiam. Ac ne fortè reſpondeatur, amorem nimium erga coniugem fuiſſe priorem inobediētia manifeſta, non autem inobediētia, vel ſuperbia occulta, notandus eſt locus adductus ex lib. 11. de Gen. ad lit. cap. 42. vbi Auguſtinus ſcribit, Adamum fuiſſe in ſtatu innocentia, quando vxorem immoderatè amare cœpit, ſic enim loquitur: *Adam noluit Heuam conuſſari, quam credebat poſſe ſine ſuo ſolatio contabereſcere, ſi ab eius alienaretur animo, & omnino illa interire diſcordia, non quidem carnis vitium concupiſcentia, quam nondum ſenſerat in reſiſtente lege membrorum legi mentis ſua, ſed amicali quadam beneuolentia, qua plerumque ſit vt offendantur Deus, ne homo ex amico fiat inimicus.* Et confirmari poteſt hoc argumentum ex cap. 3. Gen. 1. vbi Deus enumerans peccata Adami, primum ponit, quod audierit vocem vxoris ſua, ſecundum quod comederit de ligno vetito.

RESPONDEO. S. Auguſt. vult quidem amorem inordinatum erga vxorem, fuiſſe priorem in Adamo, quàm eſſet aperta inobediētia, vt loca citata demonſtrant, tamen non vult priorem fuiſſe, quàm ſuperbiam occultam. Nam lib. 14. de ciuit. Dei, c. 13. contrarium in his verbis docet: *Spontanea eſt autem iſte deſectus, quoniam ſi voluntas in amore ſuperioris inmutabilis boni, à quo illuſtrabatur, vt videret, & accendebatur, vt amaret, ſtabilis permaneret, non inde ad ſibi placendum auerteretur, & ex hoc tenebreſceret & frigideſceret, vt vel illa verum crederet dixiſſe ſerpentem, vel ille Dei mandato vxoris præponeret voluntatem, &c.*

C Primò igitur ſecundum Auguſtinum fuit ſuperbia occulta in animo Adami, deinde vitium inordinati amoris erga vxorem, poſtremò aperta mandati diuini tranſgreſſio. Neque in lib. 11. de Gen. ad litteram, cap. 42. dicit S. Auguſt. Adamum fuiſſe in ſtatu innocentia, quando immoderatè vxorem amare cœpit: ſed dicit, nondum ſenſiſſe concupiſcentiam carnis repugnantis legi mentis. Potuit enim fieri, vt amiſſa innocentia, originalique iuſtitia, non continuò extiterit in carne motus ille pudendus; quamuis continuò exiſtere potuerit. Nam etiam hoc tempore, quo iuſtitia originali caremus, non ſemper patimur carnis rebellionem, & Heua non ſolum per ſuperbiam interiorem, ſed etiam per exteriorem inobediētia lapſa fuerat in peccatum, & tamen non continuò ſenſit carnis rebellionem, alioqui nuditatem ſuam agnouiffet, & erubuiffet antequam virum ſuum ad peccandum induceret.

QVINTA obiectio, quæ Scoti eſt. Homo prius cognoscit alia quàm ſe, ergo prius amat amore amicitia alios quàm ſe, ac per hoc prius fuit in Adamo inordinatus amor vxoris, quàm propriæ excellentia.

RESPONDEO. Hæc obiectio in multis peccat. Primum enim cum Adam habuerit ſcientiam infuſam à Deo, potuit prius cognoscere ſe quàm alia. Deinde quicquid ſit de alijs rebus, certè prius cognouit ſe quàm vxorem, cum aliquanto tempore vixerit antequam vxor eius exiſteret. Præterea non eſt neceſſarium, vt quod prius cognoscitur, prius ametur, cum poſſit aliquid cognosci, & non amari: denique mulieris primum peccatum fuit amor proprius, vt Scotus fatetur, cur igitur non potuit etiam primum peccatum viri eſſe amor proprius?

SEXTA obiectio. Si per ſuperbiam primi homines initio lapſi eſſent, id proſectò accidiſſet, quia cupierunt fieri ſicut Dij, vt ſatan illis promittebat. Quæro igitur an crediderint ſe poſſe fieri ſicut Deos, an verò non crediderint: nam ſi crediderunt, certè in errorem, atque adeò in infidelitatem prius, quàm in elationem & ſuperbiam lapſi ſunt: ſi non credide-

runt, non

fieri ſicut Dij. Neque enim id appeti poteſt, quod non poſſe fieri creditur.

R E S P O N D E O, S. Auguſt. in explicatione Pſalm. 68. tractans illa verba, *Quæ non rapui, tunc exolebam*, ſcribit primos homines rapere voluiſſe diuinitatem, & perdiſſe felicitatem. Quod non ita accipiendum eſt, quaſi voluerint mutare naturam, & ex hominibus Dij per eſſentiam fieri. Nam idem ipſe Auguſt. in plurimis locis explicat, ſuperbiam primorum hominum in eo ſitam fuiſſe, quod optauerint fieri Dij per imitationem & ſimilitudinem, vt ſicut Deus ſcit bonum & malum, nec eget aliquo rectore, & gubernatore, nec alicuius poteſtati ſubditus eſt; ita ipſi ſciant bonum & malum, nec Dei providentia indigerent, neque illius imperio & poteſtati ſubeſſent. Libro 2. de Geſi contra Manichæos, cap. 15. *Videmus*, inquit, *his verbis, per ſuperbiam peccatum eſſe perſuaſum. Ad hoc enim valet, quod dictum eſt, Eritis ſicut Dij. Quid hic intelligitur, niſi perſuaſum eſſe, vt ſub Deo eſſe nollent, ſed in ſua poteſtate poſitis ſine dominio, vt legem eius non obſervarent, quaſi inuidentes ſibi, ne ſciſſi regerent, non indigentes illius interno lumine, ſed viuentes propriis providentiis, quaſi oculis ſuis ad dignoſcendum bonum & malum, quod ille prohibuiſſet. Hoc eſt ergo quod perſuaſum eſt, vt ſuam poteſtatem nimis amarent, &c.* Tract. 4. in epiſt. Ioan. *Contempſit Adam in Paradifo poſitus præceptum Dei, & erexit ceruicem, veluti in poteſtate ſua eſſe cupiens, & nolens ſubdi poteſtati Dei.* Idem docet in Enchir. c. 45. lib. 8. de Geſi ad lit. cap. 13. & lib. 11. cap. 30. & lib. 14. de ciuit. Dei, cap. 1. quæ loca capite ſuperiore citauimus.

Porro initium huius ſuperbiæ potuit eſſe, ac fuit in homine ſine vlllo præcedente errore per ſolam incoſtantiam, ſiue inconfiderationem. Non enim cœpit ſuperbia hominum ab illo actu, Nolo eſſe ſub Dei poteſtate, ſed poſt audita verba diaboli, Eritis ſicut Dij ſcientes bonum & malum (quæ verba mulier ab ipſo diabolo, vir à muliere audiuit; ſicut è contrario, præceptum Dei vir ab ipſo Deo, mulier à viro audierat, teſte Auguſt. lib. 11. de Geſi, cap. 34.) voluerit, cœperunt intra ſe pulchrum eſſe non pendere ab alio, & ſimul cœperunt delectari propria poteſtate, eamque appetere, ac vehementer placere ſibi; & occupati cuiſmodi cogitatione, delectatione, ac deſiderio, non erexerunt animum ad Deum, neque cogitauerunt, idque fieri poſſe, neque ſibi expedire, atque ita paulatim ad ſe magis ac magis conuerſi, & à Deo auerſi cœcutire cœperunt, & fidem habere verbis ſatanæ, & Dei præceptum, minasque contemnerent. Sic enim (vt docet Auguſt. lib. 14. de ciuit. Dei, c. 28,) gradatim pergitur in via iniquitatis, ab amore ſui, vſque ad contemptum Dei, quemadmodum in via iuſtitie, ab amore Dei, vſq; ad contemptum ſui. Itaque ſimile videtur fuiſſe peccatum primum hominum primorum ei peccato, quod à Theologis dicitur delectatio moroſa. Neque enim qui circa pecunias, aut dignitates, aut voluptates delectationem moroſam habent, ſtatuunt furtis, ambitioni, aut fornicationi operam dare, neque cogitant ſierine poſſit, an non, quod animo volunt, ſed ſolum ea cogitatione delectantur, ac ſi res ipſa præſto eſſet, & peccatum non imaginatione, ſed opere patraretur.

CAPVT VI.

Primos parentes amiſſiſſe fidem, & quæ fuerit eorum infidelitas.

D I S S E R V I M U S de ſuperbia primorum hominum, quam oſtendimus fuiſſe principium primi peccati, & ſimul explicuimus quænam ſuperbia

fuerit. Nunc de infidelitate eorundem breuiter diſſerendum erit, & ſimul explicandum in quo errauerint. Nam etiamſi contendimus, primum peccatum primorum hominum non fuiſſe infidelitatem, non tamen negamus, eos poſt ſuperbiæ peccatum inciſiſſe in infidelitatem, quæ eſt communis Patrum ſententia.

T E R T V L. in 2. lib. aduerſus Marcionem, cap. 2. *Quis, inquit, dubitabit ipſum illud Ada deiſtum hæreſim pronunciare, quod per electionem ſua poſius quàm diuinæ ſententiæ admiſiſſi?* **A M B R O S I V S** in epiſt. 33. lib. 5. ad Marcellinam ſororem ſcribens, inducit Deum ita loquentem ad Adamum: *Agnosce eſſe te nudum, quin bona indumenta fidei perdididiſti.* **A V G V S T.** in Enchir. cap. 45. enumerans partes primi peccati, primo loco ponit ſuperbiam, ſecundo infidelitatem: *Sacrilegium*, inquit, *illic eſt, quia Deo non credidit.* Item lib. 14. de ciuit. Dei, cap. 17. *Hoc itaque cognouerunt, quod felicitas ignorarent, ſi Deo credentes, & obediētes non committerent, quod eos cogeret experiri infidelitas & inobediētia quid nocerent.* Denique lib. 1. aduerſus Iulianum, c. 3. citat Auguſtinus in eadem ſententiam Olympium Episcopum Hiſpanum.

P R O S P E R in reſponſione ad capitula Genuenſium, dubio tertio: *Quid eſt, inquit, quod eidem naturæ ſolam fidem non vult eſſe præceptam, quam niſi primam (Adam) amiſiſſet, cæteris bonis omnibus non careret? Credendo enim Adam diabolo, non credidit Deo.* Et infrà: *Quomodo fides in Adam perſita, in quoquam filiorum eius inueniretur, niſi eam idem ſpiritus, qui omnia in omnibus operatur, inſunderet?* Idem in lib. contra Collatorem, cap. 19. *Perdidit, inquit, Adam fidem, perdidit continentiam, perdidit charitatem.* Et cap. 21. *Iuſtitiam iniquitas depulſit, humilitatem ſuperbia deſtruxit, infidelitas rapuit fidem, captiuitas abſtulit libertatem.*

S. L E O ſec. 4. de Natiu. Dom. *Homo prius, inquit, inuido & deceptor, temerè atque infeliciter credidit.*

S. F V L G E N T I V S lib. 2. de Incarnat. & gratia Chriſti, cap. 22. *Primus, inquit, homo perdidit fidem, perdens autem fidem, perdidit diuinam protectionem: ſcriptum eſt enim, qui non credit Deo, non protegetur ab eo.*

Sed meritò quæri poteſt, quid illud ſit, quod primi homines Deo non crediderint. Ac de ſæmina quidem duæ ſunt opiniones; quidam enim exiſtunt eam non credidiſſe mortem ſubſequenturam, ſi fructum arboris vetitæ degultaret, quin potius credidiſſe Deum eſſe mentitum, & ex inuidia prohibuiſſe fructum illum optimum, & vtiliſſimum. Et in hunc ſenſum exponunt verba illa: *Cur præcepit vobis Deus, &c.* Et: *Nequaquam moriemini. Scit enim Deus, quæcumque die comederitis, aperientur oculi veſtri, & eritis ſicut Dij ſcientes bonum & malum.* Ita docet Cyrillus li. 3. in Iulian. Chryſoſt. hom. 16. in Gen. Auguſt. li. 2. de Gen. contra Manich. cap. 15. Rupert. Rabanus, & alij permulti in comment. cap. 3. Gen.

Alij volunt Heuam credidiſſe, non fuiſſe à Deo prohibitum fructum ligni ſcientiæ boni & mali, ſequæ ac virum ſuum non bene intellexiſſe verba Domini. Atque in hanc ſententiam exponunt verba illa: *Cur præcepit vobis Deus, vt non ederetis de omni ligno, &c.* Ac ſi dictum eſſet, cur præcepiſſet Deus, vt à fructu alicuius arboris manu abſtineretis, cum omnes ſint bonæ, & ſalutares? Non eſt igitur cur credatis vos morituros, ſi lignum ſcientiæ guſtaueritis; ſcit enim Deus, eam arborem vtiliſſimam eſſe, quippe quæ ſcientiam augeat, & ideo cum bonus ſit, & veſtri curam gerat, nunquam rem tam bonam vobis prohibuiſſet. Indicat hanc ſententiam S. Auguſt. lib. 11. de Gen. ad lit. cap. 30. his verbis: *Arbitror quod putauerit (Heua) Deum alicuius ſignificationis cauſa dixiſſe, ſi*

manducaveritis, morte moriemini, atque ideo ſumpſit de fructu eius, & manducavit, & dedit etiam viro ſuo. Eandem inſinuat Epiphanius hæreſi Caiianorum, quæ eſt 38. ubi dicit, diabolus, ut mulierem ſeduceret, ſimulaſſe ſeamicum Dei: *Diabolus, inquit, per mendacium decepit Henam & Adam, alia pro alijs dicens, amicitiam cum Creatore demonſtrans.* Non igitur Deum mendacem & invidum facere voluit, ſi amicitiam cum illo demonſtrauit.

Eidem ſententiæ non parum fauet quod Apoſtolus 2. Cor. 11. comparat ſeductionem Heuæ per ſerpentem, cum ſeductione Corinthiorum per Pſeudoapoſtolos. Neque enim illi apertè Deum calumniabantur, ſed transfigurantes ſe in Apoſtolos Chriſti, prætexebant honorem Dei, & verum Chriſti Euangel. Faut quoque eidem ſententiæ, quod mulier non audierit à Deo immediatè præceptum, ſed per Adamum illud acceperit, ut S. Auguſt. docet lib. 11. de Gen. ad lit. cap. 34. & Ambroſ. de inſtitut. Virginis, cap. 4. hinc enim facilè fuit illi perſuadere, aut præceptum non eſſe datum, aut non eſſe ſic accipiendum, ut Adam illi dixerat. Faut denique huic expoſitioni textus Hebraicus, ſiquidem illa vox פָּרַד, quam noſter interpres vertit; *cur*, magis ad verbum redderetur per particulam, *verè quod*, aut etiam *quod*, ut ſenſus ſit, eſtne verum quod Deus præceperit vobis, ne de omni ligno comederetis? ubi videmus inſinuari dubitationem de ipſo præcepto, datum ne fuerit à Deo, an non.

Accedit, quod ſecundum hanc explicationem clariuſ apparet ſeductio mulieris, & aſtutia ſerpentis. Nam ſeducitur quis, cum ei perſuadetur aliquid falſum ſub ſpecie veri: At mulieri iuſtæ, & innocenti Deum eſſe invidum, & mendacem, non potuit prima fronte verſimile videri; ſe autem non benè intellexiſſe verba Dei, planè credibile videri potuit. Exemplum habemus in hæreticis, qui ſatanam in ſeducendis fidelibus ſtudioſè imitantur: neque enim Caluiniani dicunt, mentitum eſſe Chriſtum cum pane in manibus ſumpto, ait, *Hoc eſt corpus meum*: ſi enim hoc dicerent, neminem ſeducerent, ſed ab omnibus ut blaſphemi & impij repellerentur; ſed dicunt, à Catholicis non rectè intelligi verba Chriſti, & per tropum accipienda, quæ à Catholicis ſine tropo accipiuntur. Et ſimiliter faciunt omnes alij hæretici, qui non Deum mendacem, ſed Catholicos imperitos eſſe contendunt, & hac ratione multis imponunt.

Hæc ſententia poſterior mihi valdè probatur; tamen ob reuerentiam grauiſſimorum auctorum, qui priorem ſequuntur, non audeo hanc poſteriore ita priori illi anteponere, ut non illam etiam ut probabilem recipiendam eſſe cenſeam. Atque hæc de infidelitate mulieris.

De viro, hoc eſt, Adamo, minor quæſtio eſt. Nam teſte B. Paulo in epiſt. 1. ad Tim. cap. 2. *Vir non eſt ſeductus, mulier autem ſeducta in prauaricatione fuit.* Et in ipſa ſacra hiſtoria legimus dixiſſe mulierem, Genetiſ 3. *Serpens ſeducit me.* Virum autem non dixiſſe ſe fuiſſe ſeductum, ſed comediſſe pomum ſibi à muliere allatum. Quare ſiue diabolus perſuadere voluerit, Deum eſſe invidum & mendacem, ſiue præceptum de fructu ligni ſcientiæ non edendo, non fuiſſe accipiendum propriè, ſed cum aliquo tropo, id mulier credidit, ac per hoc ſeducta in prauaricatione fuit: vir autem non credidit, nec ſeductus fuit, ſed alia ratione errauit, nimirum (ut S. Auguſt. multis in locis docet) exiſtimauit veniale fore, ſi contra præceptum Dei de fructu illo comederet, ne ſociam, eamque vnicam contriſtaret. In eo quoque errauit,

quod cum videret vxorem manducato cibo illo non eſſe mortuam, ſibi ipſe perſualit ſe quoque non moriturum, ſi cibum eundem manducaret. Quia verò credere tenebatur verbo Dei, quo dictum fuerat, Quocumque die comederis ex eo, morte morieris; ideo Patres rectè dicunt, Adamum Deo non credidiſſe, & infidelem, vel ut Tertullianus loquitur, hæreticum eſſe factum.

Denique tum ex præcedente elatione, tum ex habita experientia dubitare cœpit, an fortè verum eſſet quod diabolus dixerat, Eritis ſicut Dij. Non enim Deus ironicè dixiſſet, *Ecce Adam ſicut unus ex nobis factus eſt*, niſi Adam aliquo modo credidiſſet ſe futurum ſicut Deum cibum illum comedendo; hoc autem erat fidem habere diabolo, & non habere Deo.

Sed Auguſt. audiamus lib. 14. de ciuit. Dei, cap. 11. *Inexpertus, inquit, diuina ſinceritatis (Adam) in eo falli potuit, ut veniale crederet eſſe commiſſum.* Et lib. eodem, cap. 13. *Vel, inquit, illa crederet verum dixiſſe ſerpentem, ut ille Dei mandato vxoris præponeret voluntatem, puta etiam ſe venialiter tranſgreſſorem eſſe præcepti. ſi vicia ſua ſociam non deſereret etiam in ſocietate peccandi.* Et lib. 11. de Geneſi ad lit. cap. 30. *Dedit, inquit, viro ſuo ſortiaſſe cum verbo ſua ſortio, quod Scriptura tacens intelligendum reliquit. An ſortè nec ſuaderi iam opus erat viro, quando illam co cibo mortuam non eſſe cernebat?* Et lib. eodem, cap. ultimo, poſteaquam dixerat Adamum comediſſe fructum vetitum, ne coniugem contriſtaret, ſubjungit: *Ergo alio quodam modo etiam ipſe decepit eſt, ſed deo illo ſerpente, quo mulier ſeducta eſt, nullo modo illam arbitror potuiſſe ſeduci in illo modo, quo illa potuit. Hanc autem propriè ſeductionem appellauit Apoſtolus, quia id quod ſuadebatur, cum falſum eſſet, verum eſſe putauit eſſe.* Et infra: *Sed etiam ſi vitam propter aliquam mentis elationem, qua Deum internorum ſcrutatorem latere non potuit, ſollicitum aliqua experiendi cupiditas, cum mulierem videret accepta illa eſca non eſſe mortuam, ſecundum ea, qua ſuperius traſtamus, non tamen cum arbitror, ſi ſan. ſp. ſtuali mente præditus erat, vilo modo credere potuiſſe, quod eos Deus ab eſca illius ligni inuidendo prohibuiſſet.*

CAPVT VII.

Adamum propriè non fuiſſe ſeductum.

EX his quæ diximus capite ſuperiore, ſolui poteſt alia quæſtio. Vtrum videlicet Adam propriè ſeductus dici poſſit. Nam ab VNA parte B. Pauli verba clariffima ſunt: *Vir non eſt ſeductus, mulier autem ſeducta in prauaricatione fuit*, 1. Tim. 2. Et rurſus: *Timeo, ne ſicut ſerpens Henam ſeducit aſtutia ſua, ita corrumpatur ſenſus veſtri*, 2. Cor. 11. Vbi nulla mentio fit Adam. Ab ALTERA parte communis Patrum ſententia id videtur habere, ut Adam fuerit ſeductus.

S. IGNATIUS in epiſt. ad Trallianos: *Diabolus, inquit, per mulierem ſeducit Adam patrem generis noſtri.* S. IRENÆVS lib. 3. cap. 35. aliàs 37. *Ab altero Adam ſeductus ſub occasione immortalitatis, ſtatim timore corripitur, &c.* S. EPIPHANIUS hæreſi 38. quæ eſt Caiianorum: *Ipſe, inquit, diabolus per mendacium decipit Henam, & Adam.* S. IOAN. CHRYSOST. hom. 9. in priorem ad Tim. *Ad comparationem, inquit, mulieris, dicit illum non fuiſſe ſeductum.* Vbi docet Adamum ſeductum fuiſſe, ſed minori ſeductione, itaut ad comparationem mulieris videatur non fuiſſe ſeductus. S. CYRILLVS ALEXANDRINVS libro ſecundo in Ioannem, capite tertio: *Sed poſteaquam diabolica fraude ſeductus, Dei præcepta contempſit, & ſpecto mandato gratiam perdidit, terram ſe eſſe, & in terram reuerſurum audiuit.*

S. HILARIUS (ut ad Latinos veniamus) can. 3. in Match. *Serpens*, inquit, *Adam pellexerat, & in mortem fallendo traduxerat*. S. AMBROSIVS in lib. de paradiso, c. 4. *Mulier*, inquit, *prior decepta eſt, & virum ipſe decepit*. S. AVGVSTINVS tract. in Pſal. 68. in illud, *Que non rapui, tunc exolvebam: Quis*, inquit, *rapuit? Adam. Quis primum rapuit? Ille ipſe qui ſeduxit Adam*. S. PROSPER in lib. contra Collatorem, cap. 21. *Postquam Adam ſe deceptori ſuo ſubdidit, perdidit boni ſcientiam*. S. LEO ſerm. 2. de Natiu. Dom. *Gloriatur*, inquit, *diabolus ſua fraude deceptum hominem, diuinis caruisse muneribus*. S. FVLGENTIVS lib. 2. de Incarnatione, & gratia Chriſti, cap. 22. *Quia primus homo*, inquit, *in ſuperbia diabolica eſt perſuaſione deſectus, perdidit humilitatem, perdidit fidem, &c.*

Propter hanc apparentem ſanctorum Patrum cum Apoſtolo Paulo diſcordiam, multi conati ſunt verba B. Pauli ita interpretari, ut ex ijs non poſſet colligi Adamum verè ac propriè non fuiſſe ſeductum: ſed ex interpretationes non omninò conuenire videntur verbis, & intentioni Apoſtoli. Percutram breuiter præcipuas. PRIMÆ eſt, Vir non eſt ſeductus (id eſt) à diabolo; nam à muliere ſeductus eſt. SECUNDA, Vir non eſt ſeductus (id eſt) non eſt ſeductus prior; nam ante eum mulier ſeducta fuit. TERTIA, Vir non eſt ſeductus (id eſt) non ſcribitur in Genefi eius ſeductio: quemadmodum Melchizedech dicitur ab Apoſt. Hebr. 7. ſine patre, ſine matre, ſine genealogia, neque initium dierum, neque finem vitæ habens, quia nihil horum de eo legitur in Scripturis. QUARTA, Vir non eſt ſeductus (id eſt) in præuaricationem, ſicut mulier ſeducta eſt in præuaricationem. Nam mulier ſeducta, fuit auctor præuaricandi viro ſuo; Vir autem ſeductus, non fuit ulli auctor præuaricandi.

Hæ quatuor explicationes non videntur quadrare omninò in hunc locum Apoſtoli, Tum quia abſolute ipſe pronunciat, Vir non eſt ſeductus, mulier autem ſeducta in præuaricatione eſt; ac ſi diceret, uterque præuaricatus, ſed vir ſine aliquo ſeducente ſe, mulier ab alio circumuenta, atque ſeducta: Tum quia intentio Apoſtoli eo loco erat demonſtrare mulieres non ita pollere iudicio, ac vigore animi, ac viros; & propterea non debere eas docere in Eccleſia, ſed à viris diſcere. Nam cum dixiſſet: *Mulier in ſilentio diſcat cum omni ſubiectione. Docere autem mulieri non permittitur, neque dominari in virum, ſed eſſe in ſilentio*. Vtrumque probat. Et primum, quod mulier non debeat dominari in virum, ſed ſubjecta eſſe, inde colligit: *Quia prior Adam formatus eſt, deinde Heua*. Et (ut addit 1. ad Cor. 11.) *Mulier ex viro, non vir ex muliere; & mulier propter virum, non vir propter mulierem formatus eſt*. Quod autem mulier diſcere debeat, non docere, probat: *Quia vir non eſt ſeductus, mulier ſeducta in præuaricatione eſt*. Quod quidem eò tendit, ut oſtendatur, mulier ſimplicioris eſſe naturæ, minoris iudicij & prudentiæ, quàm vir: nam ut notat Chryſoſt. in comment. huius loci, maluit Apoſtolus dicere, vir non eſt ſeductus, mulier eſt ſeducta; quàm Adam non eſt ſeductus, Heua eſt ſeducta; ut oſtenderet id quod accidit Adamo & Heuæ proueniſſe ex differentia naturali viri & mulieris, & naturaliter viros eſſe prudentiores & ingenij, ac iudicij melioris & maturioris quàm fœminæ ſint; ac propterea mulieres, quæ tam facile ſeducuntur, non eſſe idoneas ad docendum.

Iam verò quatuor illæ interpretationes, ſi veræ eſſent, redderent argumentum Apoſtoli planè infirmum, ac debile. Non enim propterea cenſendum eſt, mulieres immaturi iudicij eſſe, & ad docendum ineptas, quòd Heua ſeducta ſit à diabolo, & Adam à

A muliere, vel quòd Heua ſit prius ſeducta, quàm Adam, vel quòd Heuæ ſeductio ſcripta ſit in Genefi, Adæ ſeductio non ſit ſcripta; vel denique quòd Heuæ ſeductio fuerit cauſa præuaricationis Adæ, non contrà. Nam quòd Heua ſeducta ſit à diabolo, Adam à muliere, tantùm abeſt ut arguat mulierem ſimplicioris eſſe naturæ quàm virum, ut potius arguat contrarium, ſiquidem longè difficilius eſt, euadere inſidias diaboli, quàm mulieris. Quòd autem Heua prior ſeducta fuerit, Adam poſterior, quodque vnus ſeductio ſcripta ſit, non alterius, nihil ad rem propoſitam facere videntur, cum per accidens ſe habeant ad vigorem animi demonſtrandum. Quòd denique Heuæ ſeductio cauſa fuerit præuaricationis viri, per accidens factum eſt, tum quia prior ipſa ſeducta eſt, tum quia nullus tunc erat, cui vir præuaricandi occaſionem dare poſſet.

Veriſſima eſt igitur S. Auguſt. ſententia, quam ſuperiore capite ſequuti ſumus, videlicet Adamum propriè non fuiſſe ſeductum, & verba Apoſtoli ſine vlla additione propriè & formaliter (ut more ſcholæ loquamur) eſſe accipienda, cum ipſe ait: Vir non eſt ſeductus, mulier ſeducta in præuaricatione eſt. Nam in tribus errauit Adam (ut ſuprà diximus) quòd crediderit peccatum eſſe veniale, mandatum Dei præuaricari, quòd crediderit ſe manducando cibum vetitum, non eſſe moriturum, quòd crediderit ſe futurum ſimilem Deo, & nullius providentiæ, imperioque ſubjectum.

PRIMI erroris cauſa fuit amor nimius erga coniugem, ac per hoc non ſeductio alicuius, qui per dolum eum deceperit, ſed propria ipſius prauitas, & cæcitas ex præcedente elatione ſubſequuta. SECUNDI erroris cauſa fuit, præter propriam cæcitatē, experientia, quam habuit cum vidit vxorem illo cibo manducato non eſſe mortuam, fortaſſe etiam vxoris adhortatio, quæ tamen propriè ſeductio dici non poterat, cum ipſa non animo fallendi, ſed ſimpliciter, quòd verum eſſe credebat, viro ſuo proponeret. TERTII erroris occaſio fuit, verbum ſerpentis à muliere viro ſuo relatum (*Eritis ſicut Dy*) cauſa autem fuit non ipſius ſerpentis, aut mulieris auctoritas, vel perſuaſio, ſed tum experientia præcedens, quæ ut fecit eum dubitare de illo (*Morte moriemini*) ita fecit propendere ad credendum illud (*Eritis ſicut Dy*). Tum propria ſuperbia, id eſt, amor propriæ poteſtatis; libenter enim & facile credimus quòd amamus. Vide Auguſt. lib. 11. de Gen. ad litteram, cap. vlt. & lib. 14. de ciuit. Dei, cap. 11.

Neque verò ſancti illi Patres, qui ſcribunt Adamum ſeductum fuiſſe, cum Apoſtolo pugnant, aut Apoſtolum non legerunt, vel non intellexerunt: ſed de ſeductione Adami alio modo loquuti ſunt. Nam ipſe etiam Aug. alicubi ſcribit Adamum fuiſſe ſeductum, alicubi non fuiſſe ſeductum, nec tamen ſecum ipſe pugnat, ſed alio atque alio modo ſeductionem accipit. Itaque patres id ſolùm ſignificare voluerunt Adamum à diabolo, non quidem immediatè & propriè, ſed mediatè, occaſionabiliter, & materialiter (ut ſic loquamur) fuiſſe ſeductum. Qua ſignificatione eandem vocem accipit B. Paulus, cum ait: *Peccatum per mandatum ſeduxit me, & per illud occidit*, Rom. 7. Et, *Qui ſe exiſtimat aliquid eſſe, cum nihil ſit, ſeipſum ſeducit*, Galat. 6. Sapiens cum dicit: *Creaturas ſactas eſſe in muſcipulam pedibus inſipientium*, Sap. 14. Et Daniel cum ad ſenem illum ſceleſtum loquitur, *Species decepti ſe, & concupiſcentia ſubuerſit cor tuum*, Dan. 13.

Poſſent etiam iuxta hanc ſententiam rectè accipi duæ priores interpretationes ex illis quatuor, quos refutauimus. Nam prima interpretatio, quæ erat,

Vir non eſt ſeductus (id eſt) à ſerpente, veriſſima eſt, ſi hunc habeat ſenſum; Mulier verè & propriè ſeducta eſt, quia ſerpens eam animo fallendi aſtutè decepit, cùm ei propoſuit falſum ſub ſpecie veri. At vir ſeductus quidem aliquo modo eſt à muliere, ſed non propriè, quia nec illa intentionem habuit fallendi, nec ipſe ob eius perſuaſionem, ſed ob eius amorem excæcatus eſt, & hoc exiſtimo S. Ioannem Chryſoſtomum ſibi voluiſſe, cùm interpretationem illam excogitauit. Ipſe enim primus eſt auctor illius interpretationis.

Secunda interpretatio, quæ erat: Vir non eſt ſeductus (id eſt) prior, quæ magnos quoque auctores habet; S. Epiphanius hæreſi 38. S. Thomam, Theodoretum, & Oecumenium in comment. vera erit, ſi hoc modo accipiatur; Vir non eſt ſeductus prior, quia videlicet diabolus agnoſcens virum ſapientiorē, non auſus eſt illum immediatè aggredi; ſed à muliere, quæ facilius ſeduci poterat, incepit, vt ea ſeducta, virum etiam deijceret, ſi non propriè ſeducendo, at certè blanditijs mulieris inſectendo, atque ad peccandi ſocietatem impellendo.

CAPVT VIII.

Primum Adami peccatum non potuiſſe eſſe veniale.

OCCAſIONE verborum S. Auguſt. qui ſcribit Adamum exiſtimari ſe venialiter peccatum, ſi legem Domini violaret, tractari ſolet alia quæſtio, videlicet, An primum peccatum in ſtatu innocentie potuerit eſſe veniale. Et quidem non deſunt qui exiſtiment fieri potuiſſe, vt primum peccatum primorum parentum veniale eſſet. Ita enim Scotus docet in 2. Sent. diſt. 21. & alij quidam pauci, qui eum ſequuntur. Sed grauiorē Theologi contrarium docent, vt S. Tho. in 1. 2. q. 89. art. 3. Albertus. S. Bonauent. Richardus, Durandus Ægidius, & alij in 2. ſent. diſt. 21. & Alexander Alenſis in Summa Theologica par. 2. q. 104. nu. 6.

Huius autem rei **D**VPLIX eſt ratio, quarum altera ducitur ab effectu, altera à cauſa, & vtrique S. Auguſtini auctoritate corroboratur. **P**RIOR igitur ratio eſt, quia ſi peccatum veniale in ſtatu innocentie locum haberet, ſequeretur etiam timorem, ac dolorem in eo ſtatu locum habiturum. Culpam enim ſequitur pœna, & quia culpa venialis non tollit gratiam & amicitiam Dei, neque in ſtatu innocentie originalem iuſticiam ſuſtulſſet, neque hominem ex paradifo voluptatis eieciſſet, fuiſſet vtique in paradifo & in ſtatu illo felicitatis aliqua pœna, ac per hoc timor, & dolor. Quod eſſe abſurdiſſimum docet S. Auguſt. lib. 14. de ciuit. Dei, cap. 10.

POSTERIOR ratio, quæ à cauſa ducitur, talis eſt. Peccatum veniale, aut tale eſt ex ſubreptione, aut ex genere ſuo. Ruſſus quod ex ſubreptione eſt, aut oritur ex appetitu carnis præueniente rationem, vt imperfectum deſiderium adulterij; aut ex ipſa voluntate præueniente perfectam rationis deliberationem, vt imperfectus motus infidelitatis. Quod autem eſt veniale ex genere ſuo, vt mendacium officioſum, ſemper oritur ex aliquo inordinato amore, vel timore, ac per hoc ex aliqua rebellionē partis inferioris à ſuperiore, vel ipſius voluntatis à ratione. At in ſtatu innocentie nulla eſſe poterat rebellio partis vnius ab altera, neque fieri poterat, vt appetitus inferior voluntatem, aut voluntas rationem præueniret. Id enim efficiebat iuſtitia originalis, vt perfectæ ſubordinatio maneret partis inferioris ad ſuperiorem; & præterea nullus erat in homine error, nulla difficultas; ergo nulla via, nullus aditus patebat peccato,

Amanente in homine originali iuſtitia. Ea verò iuſtitia niſi per mortale peccatum amitti non poterat, peccato igitur veniali nullus in ſtatu innocentie locus eſſe poterat.

Hinc S. Auguſt. lib. 14. de ciuit. Dei, cap. 10. *Erat, inquit, in paradifo deuotio tranquilla peccati, qua manente nullum omnino aliunde malum, quod contriſtaret iruebat. An forte cupiebant prohibitum lignum ad uſcendum contingere, ſed mori metuebant, ac per hoc & cupiditas & metus iam tunc illos homines etiam in illo perturbabat loco? abſiſſet hoc exiſtimemus fuiſſe, ubi nullum erat omnino peccatum.* Et in eodem lib. cap. 26. *Sicut in paradifo nullus aſtus, aut frigus, ſic in eius habitatore nulla ex cupiditate, vel timore accedebat voluntatis offenſio, niſi omnino iriſte, niſi erat inaniter latum, gaudium verum perpetuabatur ex Deo, in quem flagrabat charitas ex corde puro, & conſcientia bona, & fide non ficta. Atque inter ſe coniugum fida ex honeſto amore ſocietas, concors mentis corporiſque vigilia, & mandati ſine labe cuſtodia.* Argumenta quæ contra hanc ſententiam fieri ſolent, & facilia ſunt, & à Caietano rectè ſoluuntur in commentario S. Thomæ 1. 2. q. 89. art. 3. & ea de cauſa prætereunda mihi eſſe cenſui.

CAPVT IX.

Peccatum Adami grauius fuiſſe, quàm peccatum Hæmæ.

TRACTATVR à Doctõribus alia quæſtio, vter peccauerit grauius, vir primus, an mulier prima. Et quidem S. Ioan. Chryſoſt. hom. 7. ad populum Antiochenum, diſertis verbis docet, peccatum mulieris grauius fuiſſe, quàm peccatum viri. Quam ſententiam pleriq; Scholaſticorum ſequuntur in 2. Sentent. diſt. 21. Contra autem S. Ambroſ. in lib. de inſtit. virginis, cap. 4. multis argumentis contendit, virum grauius peccaſſe, quàm ſceminam. S. Auguſt. loquens de primo actu malo primorum parentum, id eſt, de motu ſuperbiæ, lib. 11. de Gen. ad litteram, cap. 15. dicit eam peccaſſe impari ſexu, pari faſtu. Et tam in eo lib. quàm in lib. 14. de ciuit. Dei, ſemper ita loquitur, ac ſi æquale putauerit fuiſſe peccatum mulieris peccato viri. Sed quoniam cap. 6. duas opiniones probabiles eſſe diximus, de infidelitate mulieris vnā, quod crediderit Deum eſſe inuidum, & mendacem; alteram, quod crediderit Deum non prohibuiſſe lignum ſcientiæ, ſequē, aut virum ſuum non benè intellexiſſe verba Domini; idcirco nunc etiam duas opiniones probabiles eſſe affirmare cogimur de grauitate peccati viri, ac mulieris.

Probabilis enim eſt ſententia S. Ioan. Chryſoſt. & multorum Scholaſticorum, qui docent, mulierem grauius peccaſſe, quàm virum; quia ſi mulier credidit Deum ex inuidia eſſe mentitum, cùm ait, *Quæcunque die comederis, morſe morieris*, quod (vt dixi) Doctores illi probabiliter ſentiunt, certè mulieris ſuperbia & infidelitas longè fuit grauior, quàm ſuperbia & infidelitas viri. Mulier enim voluit, inuito Deo, fieri ſicut Deus, quæ eſt ſuperbia planè intolerabilis, & credidit Deum eſſe inuidum & mendacem, quæ eſt ſpecies infidelitatis extremæ, & blaſphemiam continet inauditam. Vir enim non credidit Deum eſſe inuidum, vel mendacem, ſed veniale forte peccatum ſuum, ac per hoc ſe non moriturum transgrediendo præceptum, fortè etiam futurum ſicut Deum. Proinde cupiuit quidem fieri ſicut Deus, ſed non inuito Deo; & infidelis fuit, ſed abſque blaſphemia illa & errore grauiſſimo, quæ in peccato mulieris fuerunt.

Probabilior tamen ſententia nobis videtur (vt ſuprà etiam diximus) mulierem non credidiſſe Deum eſſe

inuidum,

inuidum & mendacem, sed solum præceptum Dei à se, vel à viro suo non benè intellectum, ac per hoc cum S. Ambrosio arbitramur, virum absolute grauius peccasse quàm foeminam, licet quod ad aliquos actus æquè peccauerit mulier ac vir, vt S. August. rectè docuit.

Sed vt hæc omnia facilius perspiciantur, secundum est, in peccato viri fuisse septem actus malos, & in peccato foeminæ totidem, sed non omnino eosdem. PRIMVS actus malus in peccato viri, superbia fuit, qua in sua potius esse, quàm in Dei potestate dilexit. Testis Aug. in Enchir. cap. 45. SECVNDVS, amor coniugis immoderatus. Testis idem Aug. lib. 11. de Genesi, cap. ult. TERTIVS, infidelitas, qua Deo non credidit dicentij, *Morte morieris*; & diabolo credidit, *Eritis sicut Dij*. Aug. in Ench. c. 45. QVARTVS, curiositas. *Sollicitauit enim eum quædam experiendi cupiditas*, inquit Augustinus lib. 11. de Genesi, cap. ult. QVINTVS, inobedientia particularis & expressa: *Comedisti de ligno, de quo praeceperam ne comederes*, inquit Deus ad Adamum, Genesi 3. SEXTVS, excusatio peccati: *Mulier quam dedisti mihi sociam, dedit mihi*, Gen. 3. SEPTIMVS, læsio proximi: *Nam in Adam omnes morimur*, 1. Corinth. 15.

In peccato mulieris PRIMVS fuit superbia. Aug. lib. 11. de Gen. c. 3. SECVNDVS infidelitas, qua serpenti credidit, & Deo non credidit. August. ibidem. TERTIVS, concupiscentia cibi prohibiti: *Vidit enim lignum quod esset pulchrum visu, & ad vescendum suauis*, Gen. 3. QVARTVS, inobedientia particularis, & notissima: *Sumpsi enim de fructu, & manducaui*, Gen. 3. QVINTVS, inductio viri ad peccandum: *Attulit viro, qui & ipse comedit*, Gen. 3. SEXTVS, excusatio peccati: *Serpens decepit me*, Gen. 3. SEPTIMVS, læsio generis humani: nam, à muliere initium peccati, & per illam omnes morimur. Ecclesi. 25.

Iam verò si conferamus actus ipsos malos inter se, inueniemus peccatum viri æquale esse, aut aliquanto grauius peccato mulieris; si conferamus personas peccantes, inueniemus in multis peccatum viri esse grauius, in paucissimis grauius esse peccatum mulieris.

PRIMVS actus vtriusque fuit superbia, & superbia planè eadem. De vtroque enim scribit August. lib. 11. de Genesi, cap. 34. *Quid mirum, si superbi volentes esse sicut Dij, enauerunt in cogitationibus suis?* Et cap. 35. *Impari sexu, pari fastu.*

SECVNDVS actus vtriusque communis fuit, infidelitas, & infidelitas eadem, aut persimilis, vterque credidit se non moriturum, sed futurum sicut Deum; hoc solum videtur esse discriminis, quod mulier credidit præceptum non esse datum, aut à se non benè intellectum; vir credidit veniale fore peccatum, si præceptum transgrediretur, ac per hoc non ita accipiendum præceptum, vt verba sonare videbantur. Itaque ferè in idem recidit infidelitas vtriusque.

TERTIVS actus vtriusque communis, fuit inobedientia, & inobedientia omnino eadem, vt notum est.

QVARTVS actus communis vtriusque fuit, excusatio peccati. Et in hoc actu grauior fuit iniquitas viri, quàm mulieris. Vir enim sociam accusauit, mulier hostem. Et præterea vir in Deum culpam reiecit, cum ait: *Mulier quam dedisti mihi*, &c. Mulier in serpentis astutiam, & in suam simplicitatem: *Serpens*, inquit, *decepit me*.

QVINTVS actus communis vtriusque fuit læsio generis humani, & in hoc etiam actu sine controuersia grauius Adam quàm Heua peccauit. Nam Heua occasionem dedit perditioni generis humani, sed Adam vera ac propria causa fuit eius perditionis. Nam si so-

la Heua peccasset, non propterea corruptum esse genus humanum, siquidem, *Per unum hominem inobedientiam peccatores constituti sunt multi, & in uno homine, Adamo videlicet, omnes peccauerunt*, Rom. 5.

SEXTVS actus viri proprius, fuit amor nimius in coniugem, cui respondet sextus actus mulieris proprius, inuitatio viri ad peccandum. Qui duo actus videntur omnino similes, cum Heua non alia de causa virum incitauerit ad cibum vetitum degustandum, nisi quia valdè diligebat eum, & vt bonum, quod se inuenisse credebat, cum eo communicaret.

SEPTIMVS actus viri proprius, fuit cupiditas experiendi, an cibus ille mortem adferret, cui respondet septimus actus mulieris proprius, concupiscentia cibi illius, qui vel ipso aspectu speciem & suauitatem prae se ferebat. In hoc verò actu quis non videt, grauiorem esse viri culpam, quàm mulieris? Nam curiositas illa viri tentatio Dei erat, & quidem periculosa admodum: cupiditas mulieris tentatio fuit gula, quæ ab objecti presentia facillè irritatur. Actus igitur mali per se considerati, magis virum, quàm mulierem damnant.

Quod si personas consideremus, aliasque actuum illorum circumstantias, longè clarius apparet maiorem viri, quàm foeminæ culpam esse iudicandam. PRIMVM enim, vir erat sapientior, & fortior. DEINDE, vir caput erat mulieris, & eam docere, non eam audire debuit. Quod exprobrans illi Deus ait: *Quia audisti vocem uxoris tue, &c.* TERTIO, vir hostem habuit debiliorem, mulier fortiorem, vt notum est. QVARTO, vir à Deo præceptum acceperat, mulier à viro (vt supra ex Ambr. & Aug. docuimus.) QVINTO, mulier magis agnouit culpam, quàm vir, siquidem confessà est errorem, cum ait: *Serpens decepit me*. Vir neque errorem, neque culpam agnouisse videtur. SEXTO, Deus longè grauius Adamum reprehendit, quàm Heuam. At enim per irrisiorem: *Ecce Adam sicut unus ex nobis factus est, &c.* SEPTIMO, cum Deus & virum & mulierem propria pœna multasset, pœnam mortis, quæ vtriusque communis futura erat, soli Adamo significauit, dicens: *Puluis es, & in puluerem reuerteris*.

CAPVT X.

Peccatum primi hominis fuisse aliquo modo peccatorum omnium grauiissimum, non tamen absolutè.

VLTIMA quæstio de peccato primi hominis esse solet, an fuerit peccatorum omnium grauiissimum. Est autem communis Doctorum responsio, non absolute, sed secundum aliquid omnium peccatorum fuisse grauiissimum. Vide S. Thomam in 2. 2. q. 163. art. 3. & ceteros Theologos in 2. sent. d. 21.

Et quidem, quod non fuerit omnium peccatorum absolute grauiissimum, facillè probari potest. Illud enim peccatum absolute dicitur grauius, quod secundum speciem suam est grauius, illud absolute grauiissimum, quod secundum speciem suam est grauiissimum. Illud autem secundum speciem suam est grauius, cuius objectum maiori bono contrarium est, & ideo cum nihil sit amoris Dei præferendum, nullaque sit virtus charitate præstantior, efficitur vt nihil sit in malis deterius odio Dei. Porro peccatum primi hominis non fuit propriè odium Dei, sed superbia, inobedientia, infidelitas, quæ non charitati, sed humilitati, obedientiæ, ac fidei propriè opponuntur.

Quod autem secundum aliquid peccatum illud peccatorum omnium grauiissimum fuerit, demonstrat S. Aug. ex triplici capite. PRIMVM ex facilitate non peccandi, quæ maior fuit in Adam, quàm in alijs ho-

minibus vnquam. Habuit enim præceptum vnum tantum, idque leuissimum; habuit multa, quæ ad seruandum impellerent Dei iubentis auctoritatem, & grauissimas pœnas transgressori propositas: caruit concupiscentia, quæ ad peccandum induceret. Sed Augustini verba audiamus, lib. 14. de ciuit. Dei, cap. 12. Hoc, inquit, de vno cibi genere non comedendo, ubi aliorum tanta copia subiacebat, tam leue præceptum ad obseruandum, tam breue ad memoria retinendum, ubi præsertim nondum voluntati cupiditas resistebat, quod de pœna transgressionis postea subsequutum est, tanto maiore iniustitia violatum est, quanto faciliore posses obseruantia custodiri. Et in eodem lib. cap. 15. Vbi enim magna est inobedientia pœna proposita, & res à Creatore facilis imperata, quisnam satis explicet, quantum malum sit non obedire in re facili, & tantæ potestatis imperio, & tanto terrenti supplicio?

ALTERA ratio ducitur ab ingratitude primi hominis, qui summa felicitate in paradiso fruebatur. Nunc enim maxima à Deo beneficia habemus, sed partim in fide, vt beneficium incarnationis, partim in spe, vt sempiternam felicitatem; ex quo fit, vt parum admodum illa cognoscamus: deinde admista nunc sunt beneficia flagellis, & consolationes tribulationibus. Quocirca non est adeò mirum, si in his tenebris, & in hoc exilio multi eum deserant, & ad temporalia bona declinent. At Adam plurima habuit Dei beneficia, maximum lumen, nullas tribulationes, nullam ignorantiam, & tamen Deum deseruit: Quia (inquit S. August. lib. 14. de ciuit. Dei, cap. 15.) contemptus est Deus iubens, qui hominem creauerat, qui ad suam imaginem eum fecerat, qui ceteris animalibus præposuerat, qui in paradiso constituerat, qui rerum omnium copiam, salutisque præstiterat, &c. in ista damnatio subsequuta est. Et lib. 21. cap. 12. Sed pœna æterna idè dura & iniusta sensibus videtur humanis, quia in hac infirmitate moribundorum sensuum, deest ille sensus altissima purissimaque sapientiæ, quo sentiri possit quantum nefas in illa prima prauaricatione commissum sit. Quanto enim magis bono fruebatur Deo, tanto maiore iniquitate dereliquit Deum, & factus est malo dignus æterno, qui hoc in se peremit bonum, quod esse posset æternum.

TERTIA ratio sumitur à læsione generis humani. Peccatum enim in eadem specie tantò maius est, quantò pluribus nocet. Nullum autem fuit vnquam peccatum quod pluribus noceret, quàm peccatum Adæ, Siquidem vniuersum genus hominum damnationi addixit: Hinc est (inquit Aug. loco citato) vniuersa generis humani massa damnata, quoniam qui hoc primus admisit, cum ea, quæ in illo fuerat radicata, sua stirpe puniuit. Vide eundem Augustinum in Enchiridio, cap. 26. & 27.

CAPVT XI.

De pœna primi peccati.

EXPLICVIMVS tentationem & peccatum primorum parentum, nunc de pœna eiusdem peccati, quam in præsentì tempore patimur, paucis differemus. Ac pœna quidem, quæ propriè primo peccato quasi è regione respondet, iactura fuit originalis iustitiæ, & supernaturalium donorum, quibus Deus naturam nostram instruxerat, vt S. Tho. docet in 2. 2. q. 164. art. 1. hæc enim est pœna, quam æqualiter patiuntur quotquot ex Adamo originem ducunt, & in ipso, ac per ipsum initio peccauerunt. Cætera verò mala, tam corporis quam animi, quæ nos in hac valle miseriorum premunt, sunt quidem primi peccati pœnæ, quia ex prima illa pœna, hoc est, ex originalis iustitiæ amissione nascuntur, tamen non ita pro-

priè & immediatè, vt illa donorum ablatio. Illa enim est quasi pœna à Iudice taxata, vt S. Tho. loquitur, cætera mala eam pœnam consequuntur, ad eum modum quo sequitur inundatio fluminum, aut maris, aggeribus disruptis, quibus aquarum impetus continèbatur, atque ea causa est, cur cætera mala non æqualiter omnes premant, licet in primo peccato sint omnes homines pares.

Sed quamuis hæc ita se habeant, tamen Deus in libro Genes. cap. 3. cum describit pœnas tum viri, tum mulieris, non meminit amissionis iustitiæ originalis, sed malorum consequentium: Tum quia primam illam & propriam peccati sui pœnam iam sentiebant, & nuditate, erubescencia, ac fuga, inobedientiæ pœnam soluere testabantur; Deus autem non quid iam paterentur, sed quid deinceps passuri essent, indicare eis volebat: Tum etiam vt ab effectis discerent, quam grauis pœna sit illa originalis iustitiæ carentia, quandoquidem ex vna illa tot aliarum calamitates sequuturæ essent.

Porro mala illa consequentia primam primi peccati pœnam, sunt ferè innumerabilia, de quibus paulo fufius differemus in 3. lib. de peccato originali. Deus autem in Gen. cap. 3. solum attigit ea quæ ad vitam ipsam corporalem pertinent, quoniam cum vita sit fundamentum honorum omnium temporalium, mala, quæ ad vitam pertinent, sunt omnium communissima, & notissima.

Tria verò sunt mala, quæ ad vitam corporalem ex pœna peccati redundarunt: Vnum mulieribus proprium, Alterum proprium viris, Tertium vtrifque commune. Ingressus hominum in vitam, grauis est mulieribus, quæ cum labore gerunt in vtero conceptum fœtum, & cum dolore pariunt: conseruatio vitæ laboriosa est viris, ad quos præcipuè spectat & sibi, & vxori, ac proli victum quærere: denique exitus è vita, siue moriendi necessitas, tum viris, tum fœminis summam tristitiam adfert.

Hæc tria mala Deus in Gen. describit, ac primùm de primo, quoad vitæ ingressum pertinet, sic loquitur: Mulieri quoque dixit, multiplicabo ærumnas tuas, & conceptus tuos, in dolore paries filios, & sub viri potestate eris, & ipse dominabitur tui. Quid sibi velint hæc verba, non est facile explicare, præsertim cum multiplicatio conceptuum ad benedictionem pertineat, & in paradiso, ac statu innocentie futura esset, iuxta illud, Crescite, & multiplicamini, Gen. 1.

Non defuerunt grauissimi Patres, qui existimaauerint propagationem generis humani per opus nuptiarum, ac per hoc, conceptum, & partum, & subjectionem fœminæ ad virum, non fuisse futura in statu innocentie. Et idcirco rectè inter pœnas primi peccati numerari. Ita sentit Gregorius Nilenus in libro de creatione hominis, cap. 18. Ioannes Chrysostomus homil. 18. in Gen. & Ioannes Damascenus lib. 2. de fide orthod. cap. 30. & lib. 4. cap. 25. Sanctus etiam Hieronymus in lib. contra Iovinian. huic sententiæ non audet apertè repugnare: scribit enim incertum esse, an in statu innocentie propagatio per nuptias futura fuisset.

Sed hæc opinio meritò refellitur à sancto Thoma in 1. par. quæst. 98. art. 2. & à Theologis cæteris in 2. sent. dist. 20. & à S. August. lib. 14. de ciuit. Dei, cap. 21. & seq. & libro 9. de Genesi ad litteram, & cap. 3. & sequent. & à cæteris Latinis Patribus, qui post Augustini tempora scripserunt, vt Eucherio, Ruperto, & cæteris. Et sanè Scriptura diuina non obicurè testatur, propagationem hominum in paradiso per masculi & fœminæ coniunctionem fuisse futuram. Nam in primo capite Geneseos legimus:

Masculum & feminam creauit eos, & dixit, Crescite, & multiplicamini, &c. Vbi videmus ante peccatum homines cum sexu diuersitate creatos, idque in eum finem vt crescerent, & multiplicarentur.

Quod verò Gregorius Nissenus, & Ioan. Damascenus respondet, sexuum diuersitatem idè institutam, quia prauiderat Deus fore, vt Adam peccaret, & propter peccatum sexuum diuersitate ad opus generationis egeret: non rectè dicitur. Tum quia per peccatum natura non est mutata, quoad partes, & membra naturalia, sed solum quoad actiones, & officia. Tum quia non decuit diuinam prouidentiam, vt prius in homine ostenderet vestigia pœnæ, quàm in eo extitisset vestigium culpæ.

Rursus cap. 2. Dixit Deus, Non est bonum hominem esse solum, faciamus ei adiutorium simile sibi. Ex quo loco rectè colligit August. mulierem idè potissimum institutam, vt in propagatione filiorum virum iuuaret. Neque enim aliud est opus, in quo non melius vir à viro, quàm à femina iuari possit. Ac præsertim in Paradiso, vbi nullus erat labor subeundus, nulla indigentia timebatur, nulla fuit causa cur femina viro necessaria esset, nisi propter generationem.

Accedit quod in ipso loco felicitatis ante peccatum commissum dixit Adam: Relinquet homo patrem & matrem, & adhærebit uxori suæ, & erunt duo in carne una. Quæ verba ad matrimonium, atque ad maritalem coniunctionem pertinere testatur Christus in Evangelio Matth. 19. & Apostolus ad Ephes. 5.

Denique homo in statu innocentia, quamvis per donum supernaturale id haberet, vt posset non mori, tamen corpus habuit verè animale, quod vt cibo egebat, vt conseruaretur, ita etiam generatione opus habebat, vt propagaretur.

Fuisse igitur, si homo non peccasset, sanctum conubium, & thorus immaculatus, absque libidinoso carnis ardore, gestasset mater in utero prolem sine labore, peperisset sine dolore: Vt enim (inquit August. lib. 14. de ciu. Dei, c. 26.) ad pariendum non doloris gemitus, sed maturitatis impulsus femine viscera relaxaret: sic ad satandum & concipiendum, non libidinis appetitus, sed voluntarius usus naturam terramque coniungeret. Fuisset etiam subiectio vxoris ad virum, sed charitatis, non conditionis, & spontaneæ voluntatis, non violentæ coactionis, vt idem August. docet lib. 11. de Genesi ad litteram, cap. 37.

Quare pœna peccati est, quod femina cum fastidio & labore conceptum fœtum in utero gerant, quod cum dolore pariant, quod vitis ita subijciantur, vt etiam inuitæ illis parere, eosque non solum diligere, sed etiam timere cogantur. Atque hoc est, quod Heuæ Deus prænuñciauit, cum ait: Multiplicabo arumnas tuas, &c. Quod autem dicit Deus, Multiplicabo arumnas tuas, & conceptus tuos, non ita accipiendum est, quasi multiplicatio conceptuum absolute ad pœnam pertineat. Sed vel Hebraica phrasi dictum est, Multiplicabo arumnas, & conceptus, pro eo quod est, Multiplicabo arunas conceptum, & idè fortasse septuaginta Interpretes, ad rem explicandam, omiserunt vocem (conceptus) quæ in Hebræo habetur, & simpliciter posuerunt, Multiplicabo tristitias, & gemitum tuum. Vel dictum est, Multiplicabo conceptus, quia si Adam & Heua non peccassent, soli illi fœtus concepti fuissent, qui ad maturitatem peruenturi erant; nunc autem sæpenuerò feminae fœtum concipiunt, & cum labore & tristitia gerunt, qui ante extinguuntur, quàm lucem videre incipiat. Quæ multiplicatio conceptuum grauissima sanè pœna iudicanda est.

Quod autem aliqui dicunt multiplicationem con-

A ceptuum referri ad tempus, quo fœtus gestatur in utero, nunc enim ex pœna peccati nouem mensibus fœtum gestari; in Paradiso verò conceptum fœtum continuò fuisse pariendum, neque probabile est, neque verbis Scripturæ conuenit, neque sententiæ S. Aug. qui (vt paulò ante citauimus) scribit, maturitatis impulsu femine viscera relaxanda fuisse.

B Porro quod in describenda pœna mulieris dicitur, sub viri potestate eris, vel vt habent Græci, ad virum tuum conuersio tua, duobus modis accipi potest, propter ambiguitatem vocis Hebrææ נָקִיבָה, quod tum conuersionem & obedientiam, tum desiderium & concupiscentiam significare solet. Vel igitur sensus erit, mulierem seruiendo & obediendo ad virum conuertendam, vt ab eius ore & mandatis pendeat: vel certè significabitur, mulierem etiam post laborem gerendi vteri, & dolorem parendi, adhuc virum desideraturam. Siquidem non leuis est pœna, ab eo se continere non posse, quod tam ingentem laborem & tristitiam adferat.

Iam verò quod attinet ad pœnam viri propriam, quæ est in parando victu, qui & sibi, & vxori, & liberis satis esse possit, ea describitur his verbis: Maledicta terra in opere tuo, in labore comedes ex ea cunctis diebus vitæ tuæ: spinas & tribulos germinabit tibi, & comedes herbas terræ: in sudore vultus tui vesceris pane tuo. Quibus verbis triplex labor agricolarum describitur.

C PRIMVS nascitur ex terræ sterilitate, de qua dicitur: Maledicta terra in opere tuo, in labore comedes ex ea. Maledictio enim in Scripturis sterilitatem significat, vt contrà benedictio fecunditatem. Itaque multi requiruntur labores, vt quis ex terra sterili comedere, id est, fructum ad cibum idoneum colligere possit:

SECUNDVS labor nascitur ex spinis, malisque herbis, quæ ex terra etiam infœcunda cum bonis frugibus oriantur. Et quia nisi magno labore spinæ, ac tribuli, & herbe noxiæ euellantur, bonas herbas habere non possumus; idè dicitur, spinas & tribulos germinabit tibi, & comedes herbas terræ, hoc est, herbas quidem habere poteris, sed non absque impedimento spinarum & tribulorum.

D TERTIVS labor est in colenda terra quamvis fecunda, & spinis, ac tribulis vacua. Tot enim labores exanthlandi sunt in arando, serendo, metendo; vitibus & arboribus plantandis & putandis, aliisque id genus rebus faciendis, vt merito dictum sit, In sudore vultus tui vesceris pane tuo. Quo loco nomine panis omnis cibus intelligitur, secundum morem Scripturæ familiarem.

Illud hoc loco prætereundum non est, quod nos habemus in editione Latina: Maledicta terra in opere tuo: in Hebræicis codicibus esse maledicta terra, נִקְבָּה, id est, propter te. Ex quo intelligimus, illud, in opere tuo, non significare, in opere terræ colendæ, sed in peccato tuo, vt S. Hiero. monet in questionibus Hebræicis in Genesim. Vbi etiam notat aliquos vertisse, propter te; aliquos, in transgressionem tuam. Nisi fortè interpres pro נִקְבָּה legerit נִקְבָּה.

E RESTAT pœna communis viris, ac mulieribus, quæ est necessitas moriendi, quam Deus cum pœnis quæ ad virum magis propriè pertinent, coniungere voluit: Tum quia peccatum viri propriè causa mortis fuit: Tum quia viro dictum fuerat: Quicumque die comederis ex eo, morte morieris: Tum quia in viro mulier intelligitur, cum vir sit caput mulieris: Tum denique, vt supra notauimus, quia vir grauius peccauit, quàm mulier. Porro hæc pœna in illis verbis continetur, Puluis es, & in puluerem reuerteris. Ex quibus verbis intelligimus illud: Quicumque die

comederis, morte morieris: nihil aliud significare, nisi morti certissimè obnoxius eris. Vide plura de hac re in libro de gratia primi hominis, cap. 8.

Pœnæ Adami atque Heuæ adjunxit Deus pœnam serpentis, dixit enim Dominus ad serpentem: *Quia fecisti hoc, maledictus es inter omnia animantia, & bestias terræ. Super pectus tuum gradieris, & terram comedes cunctis diebus vitæ tuæ. Inimicitias ponam inter te & mulierem, & semen tuum & semen illius. Ipsa conteret caput tuum, & tu insidiaberis calcaneo eius.* Quæ verba, tum ad serpentem corporalem, ut exponit Chrysostomus homil. 17. in Genes. tum ad ipsum diabolum, ut explicat Augustinus lib. 11. de Genesi, cap. 36. commodè referuntur. Quamvis enim serpens corporalis propriè non peccauerit, quippe qui rationis est expers, tamen puniri debuit, ut iram Dei aduersus peccatum intelligeremus. Magnum est enim iræ indicium, cum non solum peccati auctor punitur, sed instrumenta etiam, quibus peccatum commissum est, conteruntur.

Exponamus breuiter pœnam serpentis, primùm ut ad serpentem corporalem, deinde ut ad ipsum diabolum pertinet. Dixit igitur Dominus ad serpentem: *Quia fecisti hoc*, serpentem Deus alloquitur, non quod ipse verba illa intelligere posset, sed propter Adamum & Heuam, qui præsentibus aderant, quemadmodum etiam Christus aliquando ficulneæ maledixit, aliquando imperauit mari, & ventis.

Porrò non quæsiuit Deus à serpente, quare id fecisset, quemadmodum ab Heua quæsiuit, neque enim serpens ille corporalis rationem aliquam facti sui reddere potuisset: sed simpliciter ait, *Quia fecisti hoc, maledictus es inter omnia animantia, & bestias terræ*, hoc est, quia instrumentum diaboli ad homines seducendos & perdendos fuisti, abjectissimum eris animal, & omnibus inuisum, & execrabile; & cum antea non toto corpore reperes, sed solum parte posteriore, anteriore autem rectus incederes; deinceps super ventrem, & super pectus tuum gradieris; terram quoque perpetuo comedes, cum antea nequaquam terra, sed herba cibus tuus esset: denique cum in Paradiso cum animantibus cæteris, & cum ipso homine pacificè viueres, bellum erit post hac inter te, & mulierem, & prolem tuam, ac proles mulieris, quod nullo vnquam tempore sopietur.

Iam verò si ad ipsum diabolum hæc verba pertineant, non dixit Dominus diabolo, quare hoc fecisti, sed, *quia hoc fecisti*, quia videlicet diabolus ita est obduratus in malo, ut nullo modo emendari queat. Et verò idem ipse maledictus inter omnia animantia, & bestias terræ, quia miser, ac vilis effectus est super omnes, siue Angelos, siue homines peccatores. Quemadmodum enim iustitia Angelos, atque omnes Deos quodammodo facit, sic è contrario peccatum eosdem bestias facit.

Super pectus autem diabolus graditur; Tum quia in astutia & calliditate sua confidit, ut Hieronymus explicat in quæstionibus Hebraicis; Tum quia permittitur à Deo de superbia & falsa potestate gaudere, qui antea de veritate & charitate gaudebat. Non enim parua pœna est, cum aliquis adhuc peccare, & de peccato gaudere sinitur, ut explicat Augustinus lib. 2. de Genesi contra Manichæos, cap. 17.

Porrò terram diabolus comedit, siue quia terrenos ac reprobos homines vorat, non sanctos, atque electos, ut Augustinus docet libro 2. de Genesi contra Manichæos, cap. 18. siue quia in terrena sanctorum corpora potestatem exercet, animas autem non potest occidere, ut docet Ambrosius in lib. de Paradiso, cap. 15.

A Id verò faciet cunctis diebus vitæ suæ, hoc est usque ad diem iudicii; tamdiu enim diabolus nocere linetur, & tamdiu viuere se putabit, quandiu nocere poterit.

Denique inimicitia erit perpetua inter diabolum & mulierem, & inter vtriusque semen, & diabolus quidem insidiabitur calcaneo, sed interim tamen caput suum contritum referet. S. August. loco notato, per semen diaboli suggestiones malas, per semen mulieris fructum boni operis intelligendum esse docet. Diabolus enim mala suggerendo calcaneo insidiatur, ut hominem iustum labi faciat: sed ille caput serpentis conterit, quia ipsa suggestionum initia statim comprimit. Vide alias explicationes apud Irenæum lib. 3. cap. 38. Leonem serm. 2. de Natali Domini, Hieronymum in quæstionibus Hebraicis, & alios.

CAPVT XII.

De penitentia, & salute primorum hominum.

R EST AT pars vltima huius disputationis, quæ erat de primorum parentum penitentia, & salute. Fuit enim vna ex Tatiani hæresibus, primos homines post mortem æternæ damnationi addictos fuisse. Qui error communi Patrum & Ecclesiæ consensu rejectus est. Nam imprimis quotquot scribunt de hæresibus, Tatianum reprehendunt, quod salutem primorum parentum contradicere ausus fuerit.

C Vide Irenæum lib. 1. cap. 30. & 31. Tertullianum in libro de præscriptione aduersus hæreticos, cap. 52. Epiphanius in hæresi Tatiani, quæ est 46. Philastrium in Catalogo hæreticorum. Augustinum in libro de hæresibus, cap. 23. Quibus adde eiusdem sancti Augustini testimonium ex epistola 99. ad Euodiu, in hæc verba: *Et de illo quidem primo homine patre generis humani, quod cum ibidem (Christus ad inferna descendens) soluerit, Ecclesia ferè tota consensit. Quod eam non inanis credidisse credendum est, undecunque hoc traditum sit, etiam si canonicarum Scripturarum hinc expressa non proferatur auctoritas. Quamquam illud quod in libro Sapientiæ, cap. 10. scriptum est: Hæc illum, qui primus factus est patrem orbis terrarum, cum solus esset creatus, custodiu, & eduxit illum à delicto suo, & dedit ei virtutem continendi omnia, magis pro hac sententia, quam pro alio villo intellectu facere videatur.*

D Quo loco S. Augustinus primùm probat ex traditione non scripta, Adamum saluatum esse, deinde Scriptura; neque reuocat in quæstionem, an liber Sapientiæ sit canonicus: sed an verba eius libri ita perspicue pro hac sententia faciant, ut nihil contra obijci possit. Et planè (ut ipse etiam indicat) non apparet, quomodo aliter intelligi possint illa verba (*eduxit eum à delicto suo*) quàm de penitentia, & salute primi hominis.

E Ad hæc S. Irenæus in lib. 3. cap. 34. & seq. multis rationibus probare conatur, primos parentes saluos esse. PRIMVM, quia noua est sententia contraria, & ab ipso Tatiano primùm excogitata. DEINDE, quia Deus non maledixit Adamo, & Heuæ, sicut maledixit serpenti, cuius salus omninò deplorata erat. Quo argumento vtitur etiam Tertullianus in lib. 2. aduersus Marcionem: *Idco, inquit, nec maledixit ipsum Adam & Henam, ut restitutionis candidatos, ut confessione reuelatos.* TERTIO, quia Adam & Heua in signum penitentiae induerunt se asperis perizomatis ex folijs ficulneis, quasi sacco & cilicio. QUARTO, quia non videretur bonus pastor ouem

centesimam, quæ penerat, propriè inuenisse, si primus homo, qui per eam significabatur, saluus non esset. QUINTO, quia posset diabolus merito gloriari, se à Christo victum non esse, si filij, ac postea primorum parentum, non ipsi primi parentes, de captiuitate liberarentur. Diabolus enim primos parentes propriè superauit, ceteros autem homines idèò tunc captiuos tenet, quod filij sint eorum, quos ipse ante belli seruos inuenerat. A quo enim quis liberatur, eius seruus efficitur.

Addit Epiphanius heresi 46. aliud argumentum ex eo, quod non sine ingenti mysterio Adam sepultus fuisse traditur in egipto loco, vbi Christus in cruce pendens, sanguinem suum fudit. Qui quidem locus à cranio primi hominis ibi reposito, Caluarie nomen accepit. Quisquam enim diuina providentia hoc procurasset, vt cadauer primi hominis eo potissimum terra conregeretur, quæ sanguine Redemptoris aspergenda erat, nisi vt intelligeremus ipsum etiam primum hominem à peccato suo Christi sanguine expiatum?

Nam quod S. Hieronymus in comment. Matth. cap. 27. & epist. ad Ephes. cap. j. hanc sententiam de primi hominis sepultura in monte Caluarie, refel'it custumac ex lib. Iosue cap. 24. vbi dicitur Magnus Adam sepultus in Cariath Arbe, qui locus dictus videtur Cariath Arbe, id est, ciuitas quatuor, quia quatuor summorum hominum ossa contineat, Adam, Abraham, Isaac, & Iacobi non multum nos mouet. Nam sententia illa de sepultura Adams in monte Caluarie, non solius Epiphanij, sed aliorum multorum est, vt Origenis tract. 33. in Matth. Achanasij in sermone illo breuissimo de passione Domini, qui incipit, Hominum certè peccata; Basilij in cap. 5. Isaac, Ioannis Chrysost. hom. 84. in Ioan. Ataliali Sinaitæ lib. 7. contemplationum in Exameron, Germani in theoria rerum Ecclesiasticarum, Enthymij, & Theophylacti in cap. 27. Matth. Ex Latinis antiquissimus Tertullianus ita de hac re scripsit in lib. 2. aduersus Marcionem carmine scripto.

*Calgarba latus est caput Caluarie quondam,
Lingua paterna prius in illo nomen dixit.
Hic medium terra est, hic est vultus signum,
Oz magnum hic veteris vultus diuini signum,
Hic hominem primum sepeliri esse sepulchrum,
Hic patitur Christus, pro sanguine terra mos fuit,
Pulvis Ade vt posuit veteris cum sanguine Christi
Commixtus stillanti aquæ virtute leuatur.*

Hæc ille. Idem postea scripsit Cyprianus, vel quicumque est auctor serm. de Resurrectione Domini. Ambrosius epist. 19. ad Romanianam, & in cap. 25. Luca. Augustinus sermone 71. de tempore, & quod magis admirandum videtur, ipse Hieronymus in epistola ad Marcellam, in qua hortatur illam, vt veniat in Palestinam.

Ad argumentum illud, quod ducatur, Adam sepultus in Hebron, quæ est Cariath Arbe, respondere potest, per Adam maxime non intellegi eo loco primum parentem, sed hominem quendam magni, qui dicebatur proprio nomine Arbe. Nam vox hebraica ארבע (arba) significat quatuor, primum parentis, & ad communem quatuor hominibus, sed quando pergitur ארבע (arba) hominum, vt hoc loco, vbi habemus ארבע (arba) non erat ille nomen proprium, sed commune. Præterea in eo loco, Iosue 14. v. 15. dicitur, Arbe homo maximus inter Enacitas. Cur autem sic dicatur, colligitur ex cap. 15. v. 13. & ex cap. 21. v. 11. vbi h. g. Arb. fuisse patrem Enach, ac proinde caput & principem omnium Enacitarum. Itaque dicebatur Hebron Cariath Arbe, quia erat ciuitas Arbe, qui Arbe fuit maximus homo inter Enacitas, quia erat pater Enach, à quo Enacitæ omnes ducebant originem. Fortassis etiam fuit maximus homo proceritate corporis, siquidem Enacitæ gigantes erant, vt perspicuum est ex capite decimo tertio Numerorum, vbi terram promissionis luteauerant, dicunt: *Ha videntur monstris quædam filiorum Enach de genere gigantum, quibus comparati, quasi locusta videbamur.*



LIBER QVARTVS, DE STATV PECCATI,

Qui est primus de peccato originis.

CAPVT PRIMVM.

Proponitur materia disputationis sequentis, & qui de ea scripserint breuiter indicantur.



DE peccato originis, quod à peccato primi hominis, de quo in superiore libro disseruimus, in vniuersum genus humanum deriuatum est, disputationis ordo nunc postulat vt disseramus.

Ac **TRES** sunt de peccato originis præcipuæ quæstiones: **PRIMA**, siue aliquod peccatum originis: **SECUNDA**, quid sit illud peccatum: **TERTIA**, quæ sit eius propria pœna. Ad has enim quæstiones reuocari possunt aliæ omnes, vt illæ, Quomodo peccatum hoc traducatur, à quo traducatur, ad quos traducatur; vnum ne tantum, an alia etiam peccata traducantur.

Est autem hæc de peccato originis disputatio, vna ex grauissimis fidei nostræ controuersijs. Nam vt S. Augustinus docet in libro de peccato originali, cap. 24. in causa duorum hominum, quorum per vnum venundati sumus sub peccato, per alterum redimimur à peccatis, propriè fides Christiana consistit. Et ideo in lib. 1. aduersus Iulianum, cap. 2. idem Augustinus de controuersia hac ita loquitur: *Alia sunt, in quibus inter se aliquando etiam doctissimi, atque optimi regula Catholica defensores, salua fidei compage, non consonant, & alius alio de vnare melius dicit, & verius. Hoc autem vnde nunc agimus, ad ipsa fidei pertinet fundamenta. Quisquis in Christiana fide vult labefactare quod scriptum est: Per hominem mors, & per hominem resurrectio mortuorum; & sicut in Adam omnes moriuntur, ita in Christo omnes viuificabuntur, totum quod in Christum credimus, auferre molitur.*

Scripserunt de peccato originis auctores multi, tum veteres, tum recentiores. Primus omnium S. Augustinus (eius enim tempore quæstio hæc orta est, vt ipse testatur lib. 3. de peccatorum meritis & remiss. cap. 5. 6. & 7.) controuersiam de peccato originis copiosissimè disputauit in libro vnico, de peccato originali contra Pelagium; in duobus ad Valerium, de nuptijs, & concupiscentia; in tribus ad Marcellinum, de peccatorum meritis & remissione; in quatuor ad Bonifacium, contra duas epistolas Pelagianorum; in sex ad Claudium, aduersus Iulianum; & in alijs libris & epistolis suis frequentissimè.

Post Augustinum scripserunt de re eadem ex professo, S. Prosper ad capitula Genuensium, responsione 3. S. Fulgentius lib. de gratia Christi, cap. 4. & 13. & seq. Hugo de S. Victore lib. 7. de Sacramentis, part. 7. à cap. 24. Anselmus in lib. de conceptu virginali, & peccato originali: Petrus Lombardus lib. 2. sent. distinct. 30. & 31. & in eadem distinctionem Theologi Scholastici omnes.

Item Albertus 2. par. tract. 17. Alexander Alenfis 2. par. q. 121. S. Tho. in 1. 2. quæst. 81. & lib. 4. contra Gentes à cap. 5. Henricus quodlib. 1. q. 25. & 23. Egidius quodlib. 6. q. 19. Gulielmus Parisiensis in tractatu de vitijs & peccatis.

Et nostro hoc sæculo plurimi circa idem argumentum laborarunt: vt Albertus Pighius in controuersia prima, quæ est de peccato originis. Ambrosius Catharinus in lib. de peccato originali. Dominicus

A à Soto lib. 1. de natura & gratia, cap. 7. Alphonsus à Castro in lib. 12. aduersus omnes hæreses. Andreas Vega lib. 2. in Concil. Trid. Diegus Payua libro 3. Orthodoxarum explicationum, & lib. 5. defensionis Concilij Trident. Ioan. Driedo lib. 1. de gratia & libero arbit. tract. 3. Ruardus Tapperus in explicatione art. 2. Cunerus Petri in lib. de peccato originali. Theodor. Peltanus in disceptatione de peccato originis. Iodocus Tiletanus in Apologia pro Concilio Trident. Vvilhelmus Lindanus lib. 4. Panopliæ, cap. 10. Andreas Fabricius in harmonia Confessionis Augustanæ, art. 2. vbi ponit varios tractatus insignium Theologorum de hac re. Thomas Stapletonus lib. 1. & 2. de iustificatione.

Ex aduersarijs Huldricus Zuinglius scripsit de peccato originis in lib. de Baptismo, tract. 3. & rursus copiosius in libro, qui interibitur, Declaratio de peccato originis, ad Vrbanum Rhegium. Martinus Lutherus in assert. 2. & 3. artic. Philip. Melanchthon in Locis, tit. de peccato originis. Ioan. Caluinus lib. 2. Inst. cap. 1. & lib. 4. cap. 15. & in Antidoto Concilij Trident. Martinus Bucerus, & Petrus Martyr in comment. cap. 5. ad Rom. Martinus Kemnitius in Examine Concilij Trident. Henricus Bullingerus ser. 15. decadis 3. Matthias Illyricus multa scripsit de peccato originali: Primùm in Centurijs, cent. 1. lib. 2. cap. 4. Deinde in lib. de essentia imaginis Dei, & diaboli; in lib. de occasione vitandi erroris; in lib. de eximia vtilitate huius doctrinæ; in lib. Nosce te ipsum. Denique in refutatione quorundam contrarium sentientium. Scripserunt autem contra Illyricum multi ex aduersarijs, vt Ioannes Vvigendus, Martinus Kemnitius, Tilmannus Heshusius, Ioachimus Merlinus, & alij.

CAPVT II.

Referuntur errores circa primam quæstionem, quæ est, an sit aliquod peccatum originis.

QUOD attinet ad primam quæstionem, quæ queritur, siue aliquod peccatum originis, id est, quod per generationem ex parentibus trahatur, primus Pelagius nouum dogma excogitare cepit, vt S. Augustinus testatur in lib. de peccato originali, ab initio vsque ad cap. 16. & in lib. 1. de peccatorum meritis & remissione, cap. 2. & sequentibus, & lib. de hæresibus, cap. 88. vbi scribit dogma Pelagij, & discipuli eius Cœlestij fuisse, peccatum Adami soli ipsi nocuisse, non autem posteritati. Quod autem omnes qui ex Adamo originem trahunt, moriantur, fieri naturaliter, nam etiam Adamum fuisse mortuum, quamuis non peccasset. Itaque volebat nasci tunc homines sine virtute, & sine vitio, & talem fuisse Adamum ante lapsum.

Operæ pretium verò est animaduertere, qua calliditate Pelagius fefellerit Synodum Palestinam, apud quam nouæ huius hæresis causa fuerat accusatus. Nam (vt S. August. refert in lib. de peccato originali, cap. 15.) anathematizauit in ea Synodo Pelagius,

eos qui dicerent peccatum primi hominis pofteris non nocuiffe, & infantes tales nunc nafci, qualis erat Adam ante lapfum. Sed poftea difcipulis fuis refpondit, ided fe illa objecta damnaffe, quia peccatum primi hominis nocuit pofteris, non propagatione, fed exemplo; eum enim imitati funt omnes, qui poftea peccauerunt; & infantes non tales nafcuntur, qualis fuit Adam ante lapfum, quia carent infantes vfu liberi arbitrij, & præcepti capaces non funt: Adam autem ante lapfum, & liberi arbitrij vsum habuit, & præcepti capax fuit. Hæ funt videlicet artes hæreticorum.

Eft alius error Pelagianorum, qui conuicti (vt apparet) argumentis Catholicorum, primum hominem non moriturum, fi non peccaffet, & poft peccatum mortalem factum, mortales filios genuiffe, docere cæperunt, mortem corporis trahi per generationem ex Adamo, non tamen peccatum, quod eft mors animæ. Ita refert S. Auguft. in lib. 4. contra duas epiftolas Pelagianorum, cap. 2. & 4.

Vterque error, tam prior ille Pelagij, quàm hic pofterior Pelagianorum, patronos reperit hoc noftro sæculo. Priorem errorem, qui nec peccatum, nec mortem ex Adamo trahi contendit, tuentur hoc tempore Anabaptiftæ, vt cognofci poteft ex argumentis quæ nos refutauimus in lib. de Baptifmo, c. 9. Nam argumentum 30. 32. & 33. inde ducebantur ad probandum infantes non effe baptizandos, quod careant peccato originali. Idem teftatur Petr. Martyr in comment. cap. 5. ad Rom. vbi dicit, eos non tantum negare originale peccatum, fed etiam mortem, & afflictiones huius vitæ ita referre ad caufas naturales, vt nullo modo velint ex peccato primi hominis deriuari. Aduerfus quam fententiam, quod attinet ad mortem corporis, in libro de ftatu innocentie differimus.

Eiusdem fententie videntur fuiſſe Albigenſes; teſte S. Antonino in Summa Theologica, p. 4. tit. 11. ca. 7. §. 5. & ante Albigenſes Petrus Abailardus. Is enim (vt ſcribit S. Bernard. in epift. 108.) non rectè ſentit de peccato originis. Quis autem eius error fuerit, inſinuat idem Bern. in epift. 190. vbi poſteaquam dixerat, Abailardum docuiſſe, Chriſtum non veniſſe in mundum, nec paſſum & mortuum eſſe, niſi vt nos verbo & exemplo doceret, ac inſtitueret; inde colligit, ex ſententia Abailardi, Adamum nobis non nocuiſſe, niſi exemplo, & infantes, qui inſtitutionis, & exemplorum capaces non funt; neque in Adam periſſe, neque per Chriſtum vacari.

Poſtერიорем errorem, qui mortem corporis, alioſque morbos, & mala ex Adamo trahi concedit, non tamen peccatum, quod eſt mors animæ, renouarunt hoc ſæculo Huldreich. Zuinglius, Iacobus Faber, & Deſiderius Eraſmus. Ac de Iacobo quidem Fabro nulla eſt ambiguitas, ſatis enim aperte in comment. cap. 5. ad Rom. & in Apologia pro ſuis commentarijs, docet nihil nos ex Adam trahere niſi obligationem ad mortem.

Eraſmus purgare ſe ſtudiit à ſuſpicionem huius erroris, tamen non videtur planè purgatus. Nam cùm in annotationibus ad cap. 5. ad Rom. ſcripſiſſet in Adamo omnes peccaſſe imitatione, & hoc modo expoſuiſſet illud, in quo omnes peccauerunt; ac deinde vidiffe propter eam explicationem ſe incidiffe in ſuſpicionem hæreſeos Pelagianæ, in alia editione negauit ſe eſſe Pelagianum, & peccatum originis agnoſcere ſe diſertis verbis teſtatus eſt. Caterùm in tam longa diſputatione nunquam dicit aliquid, vnde intelligi poſſit eum credidiſſe peccatum originis non imitatione, ſed generatione trahi. Hoc autem dicere

debuir, ſi verè purgari cupiebat; cùm id eſſet, quod ei poſſimum obieciatur.

Quid? quod non ſolùm non dicit, peccatum originis generatione, non imitatione ad nos deriuari; ſed multa dicit, quibus indicat ſe contrà ſentire.

P A T I M V S verba B. Pauli, quibus nulla ſunt aperta pro peccato originali, omniò contendit non eſſe intelligenda de vera propagatione peccati, vt Catholici omnes intelligunt, ſed de imitatione, vt Pelagiani volebant.

D E I N D E auctorem commentariorum breuium in omnes epift. Pauli, quæ falſò tribuuntur S. Hierony. commendat, vt virum valdè doctum. Is enim auctor exponit illa verba, *In quo omnes peccauerunt*, de imitatione. At auctorem illorum commentariorum fuiſſe Pelagium, aut Pelagianum aliquem, extra controuerſiam eſt. Pelagium enim ſcripſiſſe commentaria breuia in epiftolas Pauli, teſtis eſt Auguſt. lib. 3. de peccatorum meritis & remiſſ. cap. 1. 5. & 12. & quamuis non extet nunc in illis commentarijs argumentatio quædam, quam in illis ſe legiſſe Auguſt. dicit, non propterea certum eſt, ea commentaria non eſſe Pelagij; ſiquidem fieri poteſt, vt argumentatio illa ſublata fuerit ab ijs, qui eum librum S. Hieronymi nomine venditare voluerunt. Sed quidquid de hoc ſit, illud certum eſt, iudicio doctorum omnium, auctorem illum eſſe, ſi non Pelagium, certè Pelagianum.

A D H Æ C, Eraſmus S. Ioan. Chryſoſtomum Pelagianum facere nititur, vt videlicet inſignem patronum hæreſi Pelagianæ acquirat, quem tamen S. Auguſt. lib. 2. in Iulian. cap. 2. diligenter purgat; & Iulianum acriter reprehendit, qui eandem notam eidem Chryſoſtomo inurere conabatur.

P R Æ T E R E A, quia videbat Eraſmus multum ſe primi auctoritate S. Auguſtini, qui totis viribus Pelagianam hæreſim oppugnavit, idcirco enumerat eiufdem S. Auguſtini errata, ſine quæ ipſe arbitratur errata, vt imminuat, atque extenuet quantum poteſt eius auctoritatem; neque erubeſcit ſcribere, S. Auguſtinum, S. Hiero. & S. Ambroſ. in diſputationibus aduerſus hæreticos, non ſincerè Scripturas interpretari, eaſque ad victoriam detorqueere.

D E N I Q U E diligenter monet, providendum nobis eſſe, ne nimis oderimus Pelagianos. Adde quod in encomio matrimonij aperte teſtatur ſe non audire eos, qui dicunt ſædam libidinem non à natura, ſed à peccato eſſe profectam. Quæ omnia mirum eſt, ſi non Eraſmum Pelagianum eſſe ſignificent, quamuis ipſe verbo Pelagianum ſe eſſe neget.

Veniamus ad Zuinglium. Is in comment. cap. 5. ad Rom. ſcribit, peccatum de quo Apoſtolus loquitur, cùm ait, *In quo omnes peccauerunt*, non eſſe propriè peccatum, ſed effectum peccati, id eſt, morbum, ac defectum. Sed apertius hoc docet in lib. de Baptif. tract. 3. in digreſſione de peccato originali, & apertiffimè in libro, qui ſcribitur, Declaratio de peccato originali, ad Vrbanum Rhegium. Sed quia Henricus Bullingerus in ſermone decimo Decad. 3. Martinus Bucerus in comment. cap. 5. epift. ad Rom. & Rodolphus Gualterus in Apologia pro Zuinglio, nituntur eum ab hac nota modis omnibus liberare, ac dicunt, Zuinglium diſtinguere voluiſſe peccatum originale à peccato actuæ; & cùm negauit peccatum originale eſſe propriè peccatum, loquentum eſſe de peccato, vt ſignificat actionem ſceleratam, quæ propria voluntate committitur: idcirco neceſſarium eſſe duxi, paulò diligentius Zuinglij ſententiam explicare, atque ex verbis ipſius oſtendere, non poſſe eum à Pelagij errore purgari.

PRIMUM igitur fatetur Zuinglius sententiam suam, qua dicit, peccatum originis morbum esse, non peccatum, contrariam esse communem sententiam scholarum Catholicorum. Sic enim loquitur in libro de Baptismo, tract. 3. in digressionem de peccato originali: *Pauca quadam de peccato originali nobis dicenda sunt, nec ignoro quos conuictorum plaustro nobis à Pontificiorum rabie & fremitu expectanda sint, qui me etiam hanc ob causam haereticum esse clamabunt, qui Scripturas nec ipse intelligam, nec exponam alijs, sed falsis interpretationibus corrumpam, & conuellam. Sed virescunt, peccatum originale nihil aliud esse dicimus, quam morbum illum, qui hereditario iure ab Adamo primo omnium nostrum parente in nos derivatus est. Et infra: Unde colligimus peccatum originale morbum quidem esse, qui tamen per se culpabilis non est, nec damnationis poenam inferre potest, utrumque hic nobis Theologorum disputationes & sententiae reclamant. Hæc ille.*

At Catholici Theologi non docent, peccatum originis non distingui ab actuali, neque dicunt esse actionem sceleratam propria voluntate committam, & tamen sentiunt esse verè, proprièque peccatum, quod hominem non solum miserum, sed etiam peccatorem, & reum damnationis efficiat. Zuinglius igitur non solum negavit, peccatum originis esse peccatum actuale, ut eius defensores & patroni contendunt, sed etiam esse verè, ac propriè peccatum, quod peccatorem & reum mortis faciat. Id enim Doctores Catholici sentiunt, à quibus ille se dissentire liberè confitetur. Adde quod Lucerus in commentario cap. 5. ad Rom. fatetur Theologos Catholicos, qui Scholastici dicuntur, rectam sententiam de peccato originis tradidisse; quare secum ipse Bucerus pugnat, cum Zuinglium defendit, qui Scholasticorum sententiam de peccato originis totis viribus oppugnavit.

DEINDE idem Zuinglius disertis verbis negat, morbum originalem propriè esse peccatum, & solum per metonymiam peccatum dici posse concedit: *Theologus* (inquit in lib. de Baptismo, tract. 3.) *morbum hunc, & contagionem naturæ nostræ hereditariam, peccatum originale vocare consueverunt, Pauli Apostoli dictum, quo ad Rom. 5. cap. videtur, minus probe intelligeretur. Qui enim fieri potest, ut quod morbus & contagio est, peccati nomen mereatur, vel peccatum re vera sit? Et in declaratione de peccato originis, initio: Quid, inquit, breuius, aut clarius dici potuit, quam originale peccatum non esse peccatum, sed morbum, & Christianorum liberos propter morbum istum non adduci aeterno supplicio? Contra vero quid imbecillius dici potuit, & à canonica Scriptura alienius, quam Baptismi lauacro hanc calamitatem lenari, & non tantum esse morbum, sed etiam reatum?*

Et infra, cum dixisset, peccatum originis non esse peccatum, sed morbum; definit morbum, ac dicit, esse naturalem defectum, quo nemo, vel peior, vel sceleratior dici potest; & ponit exempla, ut balbutire, laborare podagra, excutire, &c. & statim addit: *Sic ergo diximus originalem contagionem morbum esse, non peccatum, &c. Et infra: Hoc, inquit, volo, culpam originalem non verè, sed metonymicè à primi parentis admissa culpam vocari: Esse autem nihil aliud, quam condensationem, miseram quidem illam, at multo leniorem, quam crimen meruerat. Et infra: Est ergo, inquit, ista ad peccandum amor sui propensio peccatum originale, quæ quidem propensio non est propriè peccatum, sed sans quidam, ac ingenium.*

Videmus igitur Zuinglium non solum distinguere peccatum originis à scelerata actione, quæ peccatum actuale dicitur, ut etiam Catholici distinguunt: sed apertè docere, peccatum originale non esse propriè peccatum, nec inducere reatum, & solum per meto-

nymiam interdum appellari peccatum, quia est effectus peccati. Nam ut ipse ibidem dicit, quod recentiores actuale peccatum vocant, id solum est propriè peccatum.

Præterea, idem Zuinglius in lib. de Baptismo, tract. 3. non semel, sed sæpius repetit, morbum originalem non posse damnationem adferre, nisi erumpat in actionem legi diuinæ contrariam, qualis actio in ijs solum inueniri potest, qui usum rationis habent. Ex quo intelligimus id quod antiquiores scribit, peccatum originale omnes damnare, nisi remedio sanguinis Christi curetur, dictum esse propter adultos, qui ex peccato originali in actualia delabuntur, & quod addit, se loqui de filiis fidelium tantum, cum dicit peccato originis infantes non damnari, additum esse ad mitigandam inuidiam, quam ipse sibi ex hac opinione conflauerat. Nam ratio quæ ipse probat, peccatum originale non posse damnare, non ducitur ex sanguine Christi, sed ex eo quod non damnat hominem, nisi transgressio legis; & legem transgredi non potest, qui eam non nouit, quales sunt infantes. Quæ ratio non minus efficit, filios infidelium non posse damnari, quam filios fidelium.

Sed verba eius audiamus: *Colligimus, inquit, peccatum originale morbum quidem esse, qui tamen per se culpabilis non est, nec damnationis poenam inferre potest, utrumque hic nobis Theologorum disputationes, & sententiae reclamant, donec homo contagione hac corruptus, legem Domini transgreditur, quod tum demum fieri consuevit, cum legem sibi positam videt, & intelligit. Et infra: Paulus (inquit) ad Rom. 3. peccati cognitionem per legem oboriri dicit. Vbi ergo legis cognitio nulla est, ibi nec peccati cognitio esse potest. Vbi vero cognitio peccati non est, ibi nec præuicatio est, adeoque nec damnatio quoque ibidem esse potest. Idem enim hoc Paulus testatur Rom. 4. dicens: Siquidem ubi non est lex, ibi nec transgressio est. Iam ergo testimoniorum ipsorum vim & potentiam considera, quæ tanta est, ut omnia omnium Theologorum de originali peccato commenta penitus subruat. Morbus enim hic nobis damnationem adferre nequit, quæ tum demum subsequitur, cum legem oculis nostris exposcam, conspiciam adhuc, tamen morbo hoc & affectu corrupta natura impulsæ, legem transgredimur. Nunquam enim hæc faller ratio, quæ transgressionem nullam prorsus illic esse dicimus, ubi legis cognitio nulla est; ubi autem transgressio non est, ibi nec damnatio esse potest. Supina igitur iacet Theologorum sententia, & omnibus confusa, fidesum liberos propter originalem illum, & hereditarium morbum, damnationem subire nullam, quoad legem, & legum sententiam ignorant.*

Videlicet quàm perspicuè Zuinglius neget, peccatum originis damnare, & quod dicit de filiis fidelium, æquè filiis infidelium conuenire? Non enim filios fidelium excipit à damnatione propter pactum aliquod à Deo cum parentibus initum, vel propter fidem parentum, aut suam, vel propter speciale aliquod Christi beneficium: sed quia legem, & legis sententiam ignorant; & ubi legis cognitio non est, nec transgressio, nec damnatio esse potest; quæ ratio non minus filios infidelium, quam fidelium eximit à damnationis periculo.

Quocirca idem Zuinglius in declaratione de peccato originali, docet probabile esse per Christum vniuersam naturam esse restitutam, ita ut nulli omnino infantes, siue gentiliū, siue fidelium filij sint, pereant; nulli etiam adulti, quamuis gentiles, si opus legis scriptum ostendant in cordibus suis. Vbi quod dicit de restitutione per Christum, non aliò referri videtur, quod ad errorem tegendum, & inuidiam declinandam. Nam Christi sanguis, omnium consensu, tum Catholicorum, tum etiam Lutheranorum, non

rum, non prodest, nifi instrumento aliquo applicetur, Sacramento videlicet, fide, aut fi quod est aliud. Proinde nulla ratione fingi potest, Chrifti sanguine naturam vniuerfam à peccato originali abfolutè, & generaliter effe liberatam. Et ratio qua Zuinglius probat peccatum originis non poffe damnare infantes, non fundatur (vt fuprà ostendimus) in beneficio Chrifti, fed in eo, quod vbi non est præuaricatio, ibi non est damnatio, & non est præuaricatio, vbi non est cognitio legis.

DENIQUE quod Zuinglius omninò crediderit, peccatum originis non folum diftingui ab actuali peccato, fed verè & propriè non effe peccatum, nec facere hominem reum, perfpicuum eft ex eodem libro, qui infcribitur, Declaratio de peccato originali, vltra medium libri, vbi dicit, infantes, quamdiu legis capaces non funt, in ftatu effe innocentia. Quomodo enim poterat clarius infantes à ftatu peccati eximere, quam afferendo eos in ftatu innocentia degere?

Sed obijciunt Zuinglij defenfores, Gualterius, Bucerus, & Bullingerus, confeffionem quandam Zuinglij, in qua peccatum originis agnofcere fe dicit, & per illud omnes perire, nifi Chrifti fanguine redimantur. RESPONDEO, non effe mirum, neque nouum, vt hæretici, vel fecum ipfi pugnent, vel fraudulentas confeffiones edant, quod etiam Pelagium feciffe, fuprà docuimus. Itaque verifimile eft, Zuinglium, ne à Lutheranis omnibus, hærefeos damnaretur, in verbis confeffionis cum Luthero conueniffe. Et tamen eadem illa verba multò aliter intellexiffe, quam Lutherus & Lutherani exiftimarent. Fortè enim fignificare voluit, per originale peccatum omnes perire, nifi Chrifti fanguine redimantur, quia propenfio ad peccandum, quæ apud ipfum eft originale peccatum, omnes ad peccandum impellit, cum legis cognitionem habere incipiunt, vt ipfe in eodem libro fæpè repetit.

Vnum hoc loco non eft prætereundum, Zuinglij fententiam alio atque alio modo Lutheranis & Catholicis effe contrariam. Nam tria Zuinglius docet. 1. Ex peccato primi hominis redundare in omnes homines morbum quendam, id eft, propenfionem quandam ad peccandum, quæ concupifcentia ab alijs dici folet. 2. Hunc morbum non effe propriè, fed metonymicè peccatum, id eft, effectum & caufam peccati. 3. Hunc ipfum morbum effe peccatum originale, ac per hoc originale peccatum, non propriè, fed metonymicè tantum effe peccatum.

Ex his tribus, in PRIMO conuenimus omnes. In SECUNDO conuenit Zuingl. cum Catholicis, diffentit à Lutheranis: Catholici enim (vt in difputatione de concupifcentia demonftrabimus) concupifcentiam radicem, feu fomitem peccatorum effe volunt, non tamen peccatum, nifi ei ratio ipfa confentiat. Lutheranis contrà, concupifcentiam verum peccatum effe contendunt, fiue illi ratio confentiat, fiue repugnet. In TERTIO conuenit Zuingl. cum Lutheranis, diffidet à Catholicis. Nos enim (vt paulò post docebimus) præter concupifcentiam agnofcimus in homine ex Adami femine propagato, iuftitiæ priuationem, & habitualement quendam ab ipfo Deo auerfionem, necnon reatum quendam & maculam, quæ ipfum hominem verè ac propriè peccatorem efficiunt, & exitio fempiterno addicunt, nifi Chrifti fanguine redimatur. Lutheranis autem, vt donum iuftitiæ originalis naturæ præadditum atque habituale minimè agnofcunt, ita nec eius priuationem agnofcere poffunt; & ideo peccatum originis in ipfa concupifcentia, quam tamen propriè peccatum effe volunt, conftituere & collocare coguntur. Ex quo fequitur vt ipfi

etiam Lutherani peccatum originis negent, quamuis acriter pro eo afferendo contra Zuinglium pugnent. Nam vt diximus paulò ante, & fuo loco infra probabimus, concupifcentia illa non eft peccatum, nifi metonymicè, vt Zuinglius docet. Sed de his poftea.

CAPVT III.

Deriuari ex peccato Adami in pofteros aliquid veri nominis peccatum, probatur ex cap. 5. ad Romanos.

AM veritas Catholica fidei, quæ aduerfus Pelagianos, tum veteres, tum recentes, docet peccatum verè ac propriè dictum in pofteros Adami per generationem deriuari, confirmanda eft: primum, teftimonijs Scripturarum: deinde, traditione Conciliorum, ac Patrum: poftremo, etiam rationibus.

Primum igitur, ac præcipuum Scripturæ teftimonium habetur in epift. ad Ro. c. 5. in illis verbis: *Propterea ficut per vnum hominem peccatum in hunc mundum intrauit, & per peccatum mors, & ita in omnes homines mors pertransijt, in quo omnes peccant.* Et infra: *Per inobedientiam vnius hominis peccatores conftituti funt multi.* Ex his verbis tale argumentum duci potest. Per vnum hominem intrauit in hunc mundum quoddam peccatum, quod omnes homines peccatores, & per hoc morti obnoxios fecit: At eiusmodi peccatum non potest effe actuale, id eft, actuali voluntate commiffum, cum etiam infantes funt morti obnoxij, & fæpè moriantur antequam quicquam boni vel mali, propria voluntate designare potuerint; Igitur eft peccatum originale.

Hoc argumentum tribus modis infirmari poffet. Primum, fi quis diceret peccatum in illis verbis, *Per vnum hominem peccatum in hunc mundum intrauit*, non fignificare peccatum originale filiorum Adam, fed ipsum actuale peccatum Adami, quod per vnum hominem dicitur introiffe in mundum, quia tum primum cæpit effe peccatum in mundo, quando fuit in Adamo, qui erat pars mundi. Hanc explicationem indicare videtur Zuinglius in lib. de Baptifmo (in digreffione de peccato originali) vbi fic ait: *Sensus verborum Pauli hic eft: Peccatum per vnum hominem, Adamum nempe, in mundum intrauit. Is enim primus præceptum Domini contemnendo præuaricatus eft.*

Deinde alio modo poffet argumentum noftrum eludi, fi quis contenderet peccatum hoc loco fignificare peccatum originale, fed Apostolum de peccato non propriè, fed metonymicè effe loquutum, vt fensus fit: Per vnum hominem peccatum in hunc mundum intrauit, id eft, peccante vno homine, morbus quidam, id eft, pronitas ad peccandum, mortalitas quoque, & alia non leues arumnæ in mundum intrarunt. Hos enim peccati effectus B. Paulus per figuram metonymiæ peccatum nominauit. Ita exponit idem Zuinglius in comment. cap. 5. epiftolæ ad Rom. Et eandem fuiffe credibile eft fententiam Pelagianorum, qui non ipsum peccatum, fed effectum peccati ex Adamo trahi dicebant.

Deniq; Tertio modo poffet argumentum noftrum omninò labefactari, fi quis ostenderet, peccatum in mundum introiffe, non propagatione, fed imitatione, vt poft Pelagium Erasmus demonftrare conatus eft, qui (vt animaduertit Titelman. in collatione de epift. ad Rom.) totam versionem fuam ad hanc fententiam accommodauit. Nam vbi antiqua verfo habebat, per vnum hominem, ipfe reddidit, propter vnum hominem; & vbi legebamus, in omnes homines mors pertransijt, vertit ipfe, in omnes homines mors perualit; & vbi antea erat, in quo omnes peccauerunt, pofuit ipfe, quatenus omnes peccauius. Sed facile erit (Deo iuuante) tres iftas expofitiones

vel potius deprauationes euertere, & illam vnam explanationem itabilire, quæ sola est vera, quæ docet, peccatum propriè acceptum, non imitatione, sed propagatione in mundum, hoc est, Adami posteros per vnum hominem, Adamum videlicet, introisse.

P R I M A igitur illa expositio, quæ vocem (*peccatum*) interpretatur de peccato actuali ipsius Adami, refellitur satis apertè, quia non per vnum hominem, sed per vnum Angelum peccatum in hunc mundum intrauit, si peccatum intrasse dicatur in mundum, quia peccare cœpit aliquis qui erat in mundo. Vel si de mundo corporali sermo sit, non per vnum hominem, id est Adamum, sed per vnam fœminam peccatum in hunc mundum intrauit. Siquidem Heua ante peccauit, quàm Adam, & ipsa peccante, cœpit esse peccatum in mundo.

Si quis obijciat Ambr. in comment. exposuisse, per vnum hominem, id est, per Heuam: Respondebimus, commentaria illa non cenferi à viris doctis esse sancti Ambrosij & cuiuscunque sint, eam expositionem, per vnum hominem, id est, per Heuam, communiter reijci non solum à nostris, sed etiam ab aduersarijs, vt à Zuinglio, & cæteris; nec immeritò. Nam illud, *per vnum*, quod est generis masculini, satis indicat, *per hominem*, hoc loco significari virum, non fœminam. Quod etiam confirmatur ex verbis illis, *In quo omnes peccauerunt*. Nam de eodem loquitur Apostolus, cum ait, *Per vnum*, Et, *In quo*. vtrunque autem est generis masculini.

Accedit quod in toto cap. confertur Christus cum Adamo, vt etiam 1. ad Cor. 15. vbi dicitur: *In Adam omnes moriuntur, in Christo omnes viuificabuntur*. Itaque cum Apost. causam peccati, quod in mundum intrauit, referat in Adamum, & non possit hoc intelligi de peccato actuali, cum illud non per Adamum, sed per Heuam initium cœperit, sequitur vt necessariò intelligatur de peccato originali.

Refellitur **S E C V N D O** eadem expositio ex illis verbis, *Et per peccatum mors*. Nam ita intrauit peccatum in mundum, vt intrauit mors. Sed mors non intrauit in mundum ratione solius Adami, quasi ipse solus, aut primus sit mortuus, nam ante ipsum Abel mortuus est, & omnes vt experimur, etiam infantes moriuntur. Non igitur peccatum intrauit in mundum ratione solius Adami, quia ipse videlicet actualiter peccauerit, & sic peccatum fuerit in mundo, quia fuerit in Adamo, qui erat par mundi, alioqui oportuisset Apostolum dicere, per Adamum peccatum in mundum intrauit, & per Abelem mors.

T E R T I O refellitur ex verbis sequentibus. Nam cum Apost. addit, *Et ita in omnes homines mors pertransiit, in quo omnes peccauerunt*, explicat per mundum se intellexisse omnes homines. Colligit enim ex eo quod peccatum est causa mortis, idè in omnes homines mortem transisse, quia per vnum hominem in omnes homines peccatum transferat. Quare cum ait, *Per vnum hominem peccatum in hunc mundum intrauit*, idem est ac si dixisset, per vnum hominem peccatum in omnes homines intrauit. Et quoniam non intrauit in omnes homines actuale peccatum Adæ, sequitur vt intrauerit originale.

Iam **A L T E R A** expositio, quæ propriè Fabri, Zuinglij, & Pelagianorum est, qui per peccatum quod in mundum intrauit, effectus peccati intelligi volunt, manifesta ratione refellitur. Siquidem Apost. vtrunque distinctè ponit, peccatum vt causam, & mortem vt effectum. Sic enim ait: *Per vnum hominem peccatum in hunc mundum intrauit, & per peccatum mors*. Quod si nomine peccati intelligeretur effectus peccati, certè per peccatum mors intelligeretur, quæ est primarius

& clarissimus peccati effectus. Ac per hoc cum dicitur, peccatum in hunc mundum intrauit, & per peccatum mors, sensus esset, mors in hunc mundum intrauit, & per mortem mors.

Si quis dicat, per peccatum hoc loco non intelligi mortem, sed alium peccati effectum, quem præcipuum Zuinglius esse docet, pronitatem videlicet ad peccandum; in promptu est responsio: non enim pronitas ad peccandum est causa mortis, sed ipsum verum, & propriè dictum peccatum. Nam *stipendium peccati mors*, ad Ro. 6. Et, *Anima quæ peccauerit, ipsa morietur*, Ezech. 18. Et Adamo non dixit Deus, quacunque die pronus fueris ad peccandum, sed quacunque die comederis de ligno vetito, morte morieris. Denique apud nos qui se ipsa furantur, aut occidunt, non qui proni sunt ad furandum, vel occidendum, extremo supplicio affici solent.

Præterea, licet peccatum metonymicè pro pœna peccati interdum accipiat, tamen verbum (*peccare*) non videtur nisi violenter, & durissimè exponi posse pro eo quod est puniri, aut mortalem fieri, aut corporaliter mori; neque in Scripturis vllum testimonium, vt existimo, pro hac acceptione inueniatur.

Cum igitur Apost. non solum dixerit, peccatum in mundum intrasse per vnum hominem, sed etiam in vno homine omnes peccasse; & quia peccauerunt, & peccatum habent, & peccatores constituti sunt, idè morti, quæ pœna peccati est, addictos esse: non potest non Apostolo repugnare, qui per vnum hominem solam pœnam peccati, non etiam ipsum verum, proprièque dictum peccatum, ad reliquos homines promanasse dixerit. Adde **V L T I M O**, quod (vt Conc. Arausicanum II. can. 2. docet) *In iustitiam Deo dare conuincitur, qui mortem, quæ est pœna peccati, sine peccato, quod est meritum mortis, ad nos transisse dicit*.

T E R T I A expositio, quæ maiorem habet verisimilitudinem, paulò accuratius refellenda est, vt eam refellit S. Aug. lib. 1. de peccat. merit. & remiss. c. 9. & seq. & in epist. 89. ad Hilar. q. 3. **P R I M V M** igitur, peccatum non imitatione, sed propagatione per vnum hominem in hunc mundum intrasse, probatur ex intentione & proposito B. Pauli. Nam in tota ferè epi. ad Ro. aut certe in maiore parte eius, propositum B. Paulo erat ostendere, omnes homines, tam Iudæos, quàm Gentiles, vocatos esse ad gratiam Euangelij, sine vllis præcedentibus meritis. Id autem efficaciter probat in c. 5. quod nunc habemus in manibus, ex eo quod nullus est homo, qui peccatum non habeat ad se ex prima origine deriuatum, quique Adamo peccante, non peccauerit; qui denique non sit peccator ex prima primi hominis inobedientia constitutus. Quod argumentum Apostoli debile prorsus atq; infirmum esset, si peccatum primi hominis ad posteros sola imitatione transisset. Quis enim affirmare auderet, omnes homines Adami imitatione peccasse, aut deinceps peccaturos, cum plurimi nihil vnquam de Adamo, aut eius peccato cognouerint.

S E C V N D O probatur ex illa particula (*Sicut*) cum enim Apost. dicit, *Propterea sicut per vnum hominem peccatum in hunc mundum intrauit, & per peccatum mors*: illa particula comparatiua (*Sicut*) requirit alteram partem comparationis, quæ non alia potest esse quàm ista; *ita per vnum hominem* (Christum videlicet) *intrauit iustitia, & per iustitiam vita*. Certum autem est iustitiam non intrasse in mundum per imitationem Christi, sed per regenerationem, quæ est per Christum. Ex quo sequitur, vt similiter peccatum non intrauerit in mundum per imitationem Adami, sed per generationem ex Adamo. Non posse autem aliam esse comparationem ab Apostolo indicatam, quàm illa quæ est

inter Christum & Adamum, perspicuum erit, si consulamus interpretes huius loci. Omnes enim expositiones in eandem sententiam recidunt, tres omnino expositiones inuenio.

Prima est Origenis, quam sequuntur Ambr. Haymo, & alij permulti. Docent hi, sensum Apost. esse imperfectum, alteram enim partem comparationis omissam esse, sed supplendam, ut nos supra posuimus.

Altera expositio est S. August. lib. 6. in Iulian. c. 1. in editione Louanensi, c. 4. alteram partem comparationis haberi in superioribus verbis, ubi legimus nos per Christum Deo reconciliatos esse. Vult enim S. Aug. quem sequitur S. Tho. in comment. huius loci, Apostolum reddere rationem; cur per Christum simus Deo reconciliati, ac dicere propterea, nos per Christum, quasi per secundum Adamum Deo reconciliari debuissse, quia per vnum hominem, qui est primus Adamus, peccatum in hunc mundum intrauerat, & per peccatum mors. Itaut verba hoc modo connectantur: Gloriamur in Deo per Iesum Christum Dominum nostrum, per quem nunc reconciliationem accepimus; propterea sicut per vnum hominem peccatum in hunc mundum intrauit, id est, propterea reconciliationem accepimus per Christum, sicut per vnum, id est, quia eodem modo per vnum hominem peccatum in hunc mundum intrauit.

Tertia expositio, quæ aptissima mihi videtur, est eiusdem Origenis in commentario, & sancti Augustini in explicatione aliquot propositionum epistolæ ad Romanos, alteram partem comparationis haberi paulò inferius in illis verbis: *Igitur sicut per vnius delictum in omnes homines in condemnationem, sic & per vnius iustitiam in omnes homines in iustificationem vitæ.* Familiare enim est Apostolo interrompere orationem aliquibus interpositis, ac deinde resumere, & perficere quod inchoauerat.

Videmus igitur, quæcunque expositio eligatur, semper fieri comparationem inter Adamum & Christum. Quod enim Iac. Faber dicit, superuacaneam esse coniunctionem (&) atque hoc modo legendam esse Apostolicam sententiam: Propterea sicut per vnum hominem peccatum in hunc mundum intrauit, & per peccatum mors, ita in omnes homines mors pertransiit; quemadmodum etiam legit Zuingl. in lib. de Baptis. indignum est refutatione, cum omnes codices Græci, Latini, Syri, eam coniunctionem habeant, nec vlla sit hæcenus obseruata in hoc loco lectionis varietas, & Origenes antiquissimus auctor, ac postmodum alij multi notauerint imperfectam videri Paulinam sententiam, ob illam coniunctionem (&) quia non dixit Paulus, ita in omnes homines: sed, & ita in omnes homines mors pertransiit.

TERTIO probatur ex illis verbis, *Per vnum hominem*: Nam si de imitatione ageretur, non dixisset Apost. per vnum hominem, sed per vnum Angelum peccatum intrauit in mundum. Ille enim est primus qui peccauit, & eum imitantur qui sunt ex parte illius, ut dicitur Sap. 2. Præterea illud (*per*) est particula causalis, ut patet ex toto isto cap. ubi sæpius ponitur (*per*) & semper significat veram causam, qualis causa non est is, quem solum per accidens, aut materialiter alij imitantur. Et quoniam qui peccant, non ideo peccant, ut imitentur Adamum, cum (ut supra diximus) multi nihil audierint de Adamo, & qui de illo aliquid audierunt, non soleant de eo cogitare dum peccant, sequitur ut non potuerit rectè Apostolus dicere, per Adamum peccare cæteros.

Atque hoc quidem Erasmus vidit, & ideo mutauit illud (*per*) in (*propter*) ut Apost. dicere videatur, pro-

pter Adamum, id est, occasione Adami peccatum in mundum introisse. Sed id fecit Erasmus, & contra codicum Latinorum etiam vetustissimorum auctoritatem; in omnibus enim legitur (*per*) & contra regulas Græcæ linguæ, quæ id postulant, ut particula (*διὰ*) cum regit genitiuum, significet (*per*) cum regit accusatiuum, significet (*propter*) quas regulas ipse etiam Erasmus vbique obseruare solet. Nam c. 4. ad Rom. (ut non longè petamus exempla) inuenitur (*διὰ*) cum accusatiuo in vltima periodo, quater, & semper vertit Erasmus, ut etiam cæteri interpretes (*propter*) cap. autem 5. inuenitur (*διὰ*) cum genitiuo, plus quam duodecies, & semper verterunt, tum Erasmus, tum cæteri (*per*) præterquam hoc loco, ubi placuit Erasmo mutare (*per*) in (*propter*). Et mirabile est, quod cum Apost. in eadem periodo bis ponat (*διὰ*) cum genitiuo, dicens: *διὸν καὶ διὰ τοῦτον ἁνθρώπου καὶ τοῦ ἁμαρτωλοῦ*, & Erasmus primo loco reddiderit (*propter*), secundo (*per*). Perspicuum igitur est, veram lectionem esse, per vnum hominem, ac per hoc Adamum veram causam fuisse peccati, cum quo omnes nascimur.

QUARTO probatur ex illis verbis: *Et per peccatum mors*. Docet enim Apost. ita peccatum causam esse mortis, ut Adam causa fuit peccati, quod in mundum intrauit. Sic enim ait: *Per vnum hominem peccatum in hunc mundum intrauit, & per peccatum mors*. Sed certè peccatum non est causa mortis per imitationem, aut improprie, vel per accidens, & ex occasione, sed quia peccatum generat mortem, ut S. Iacobus loquitur in epist. sua, cap. 1. Igitur Adamus etiam causa peccati fuit, non per imitationem, vel improprie, aut per accidens, & ex occasione: sed quia peccator ipse effectus, peccatores filios genuit.

QUINTO probatur ex verbis sequentibus. *Et ita in omnes homines mors pertransiit*. Nam verbum illud (*pertransiit*) indicat modum, quo peccatum & mors in hunc mundum intrauerunt. Nimirum peccatum & mors, non in ipso Adamo constituerunt, sed cum ad filios transissent, non in ipsis quoque finem acceperunt, sed per filios ad nepotes, per nepotes ad pronepotes, per illos ordine suo ad omnes posteros transierunt, ut eadem sit ratio propagationis naturæ atque peccati.

Quocirca Erasmus noluit hoc loco vertere (*pertransiit*) ut antiquus interpres fecerat, sed (*pertransiit*) quod verbum non ita explicat propagationem peccati, ut non possit etiam referri ad imitationem. Cæterum, nostra lectio non solum nititur auctoritate interpretis antiquissimi, & ab vniuersa Ecclesia approbati, sed etiam editione Syriaca, in qua pro verbo Græco *διὰ*, est verbum *עַל*, quod est Hebræicum, & proprie transire significat. Vnde est etiam *עַל*, vadum, seu transitus. Adde quod S. Aug. serm. 4. de verbis Apost. prope finem, non solum agnoscit nostram lectionem, sed etiam expendit vim verbi (*pertransiit*) & inde probat propagationem peccati originalis.

Sexto probatur ex illis verbis: *In quo omnes peccauerunt*. Nam ut S. August. colligit lib. 4. contra duas epist. Pelagianorum, cap. 4. necesse est illud (*in quo*) significare, in quo Adamo, vel in quo peccato, vel in qua morte. Non enim facta est mentio in superioribus verbis eiusdem sententiæ, nisi horum trium, & aliquid sine dubio antecedens referre debet pronomen (*quo*). Porro non potest rectè exponi (*in quo*) id est, in quo peccato, quia peccatum in lingua Græca est generis feminini, *ἁμαρτία*, & in quo Græcè *ἐν ᾧ* est generis masculini.

Nec potest accipi, in quo, in qua morte, tamen mors Græcè sit generis masculini, *θάνατος*, quoniam

non peccat homines in morte, sed in peccato potius moriuntur. Restat igitur, ut, *in quo*, significet, in quo Adamo, ut sit explicatio eius quod dictum erat, *Per unum hominem peccatum in hunc mundum intrauit*. Ideo enim per unum hominem peccatum in mundum intrauit, & per peccatum mors, & ita in omnes homines mors pertransiit, quia in illo vno homine omnes peccauerant. Quod si in illo vno homine, Adamo videlicet, omnes peccauerunt, negari non potest originale peccatum propagatione, non imitatione trahi. Non enim qui Adamum peccando imitantur, in illo peccasse dici possunt, sed qui propterea peccatum habent, quia ex illo nascuntur, qui cum peccaret, omnium personam in se vno gerebat.

Sed occurrit Erasmus, ac docet, illud Græcum: *in quo* vertendum fuisse (*quatenus*) vel (*in quantum*) siue (*eo quod*) Græcè enim præpositionem (*in*) non esse (*quod*) sed (*per*) & idè sic ipse vertit, & eodem modo vertunt hoc tempore Sectarij, qui non tam veritate, quam nouitate gaudent.

Ceterum etiam si non (*in quo*) sed (*quatenus*) legere-mus, non idè tamen argumentum nostrum labefa-ctaretur. Nam si mors in omnes homines pertransiit, quatenus omnes peccauerunt, sine dubio infantes etiam peccasse negari non poterit, cum eos quoque mortales esse, & sepe in ipsa infantia mori videamus: at quod est peccatum infantium, si nullum est origi-nale peccatum? an actuale peccatum in eis inueniri poterit, de quibus Scriptura testatur, nihil eos egisse boni, vel mali? Sed non est opus ad hæc descendere, cum lectio illa (*in quo*) verissima sit, & nullo nego-tio ab aduersariorum calumnijs defendatur, si vide-licet nouitati ipsorum obijciamus consensum vete-rum, non solum Latinorum, sed etiam Græcorum, qui proculdubio melius nouerant vim præpositionis Græcæ, quam Erasmus, aut Faber.

Igitur Chrysost. Theophyl. Oecumenius Græci, disertis verbis explicant, *In quo Adamo*. Similiter ex-posuisse Hilarium, testatur Aug. lib. 4. contra duas epist. Pelagianorum, cap. 4. Eadem expositio est in comment. qui tribuitur Ambrosio. Eadem est Hai-monis, Anselmi, Thomæ, & aliorum. Porro S. Aug. non solum hoc eodem modo constanter ubiq; sem-per exposuit, sed etiam in lib. 6. contra Iulian. c. 12. refert expositionem quam nunc Erasmus & nouato-res secuti sunt, fuisse à Iuliano propositam (*in quo*) significet (*in quantum*) vel (*eo quod*) & addit esse eam explicationem nouam, distortam, falsam, & hominis mirabiliter impudentis, vel potius insanientis. Neq; verum est, quod Erasmus dicit (*in quo*) non significare (*in*) nam in epist. ad Hebr. c. 9. quod Græcè habetur *ἐν τῷ αἵματι*, Erasmus ipse cum cæteris vertit, *in sanguine*; & illud *ἐν τῷ αἵματι*, vertit, *in mortui*. Nec desunt talia tes-timonia, sed hæc duo sufficiunt.

Illud hoc loco addendum est, frustra ab Erasmo re-prehendi S. Augustinum, quod illud (*in quo*) signifi-care putauerit, *in quo peccato*, cum tamen peccatum Græcè sit generis fœminini. Nam S. Augustinus lib. primo de peccatorum meritis & remissione, cap. 10. cum fortè textum Græcum non consulisset, scripsit illud (*in quo*) siue referatur ad Adamum, siue ad pec-catum, videns esse testimonium pro peccato origi-nali. Idem tamen (ut paulò ante diximus) in lib. 4. contra duas epist. Pelagianorum, cap. 4. disertis ver-bis monuit (*in quo*) non posse referri ad peccatum, cum (*in quo*) sit generis masculini, & peccatum apud Græcos generis fœminini.

SEPTIMO, probatur ex verbis sequentibus: *Vsq; ad legem enim peccatum erat in mundo. Peccatum autem non imputabatur, cum lex non esset: sed regnauit mors ab Adam*

vsq; ad Moysen, etiam in eos qui non peccauerunt in simili-tudinem præuaricationis Adæ. Docet enim his verbis Apostolus, ante legem datam peccatum non fuisse cognitum, ac per hoc nec reputatum esse peccatum: tamen reuera fuisse in mundo peccatum, non solum actuale, quod per legem cognosci cœpit, sed etiam originale, quod colligi potest ex morte, quæ regna-uit in omnes etiam paruulos, qui non peccauerunt in similitudinem præuaricationis Adæ, id est, actu, ac propria voluntate, ut peccauit Adam. Sunt autem hoc loco duæ lectiones. VNA est cum negatione, ut nos citauimus, & exposuimus, & hanc sequuntur Chrysostomus, & alij Græci posteriores, & S. Au-gustinus in epist. 89. ad Hilarium. ALTERA est sine negatione: *Regnauit mors ab Adam vsq; ad Moysen, etiam in eos qui peccauerunt in similitudinem præuaricatio-nis Adæ*: & hanc sequuntur Origenes, & commen-tarius qui Ambrosio inscribitur, & iuxta hanc lectio-nem sensus esset, regnauit mors ab Adam vsq; ad Moysen, etiam in eos qui solum peccauerunt in si-militudinem præuaricationis Adæ, hoc est, propter similitudinem quam habent cum Adamo, ob com-municationem eiusdem peccati.

OCTAVO, probatur ex illis verbis: *Qui est forma su-turi*. Nam omnium consensu dicitur Adam forma futuri, id est, Christi, quia fuit illi similis in genere, non in specie. Vtrumque enim in filios suos aliquid diffudit, sed dissimiliter quantum ad speciem, quia peccatum Adamus, Christus iustitiam. Porro Chri-stus iustitiam, non imitatione, sed regeneratione dif-fudit; igitur & Adam peccatum, non imitatione, sed generatione transmisit. Et sanè (ut S. August. admonet in lib. 1. de peccatorum meritis & remiss. cap. 4.) si B. Paulus de similitudine eorum loqueretur, qui exemplum peccandi, vel benè agendi cæteris præ-buerunt, non conferret Adamum cum Christo, sed cum Abele: Nam quemadmodum primus fuit Adam, qui exemplo cæteros peccare docuit; sic pri-mus fuit Abel, qui cæteris benè viuendo præluxit, & quem omnes omninò imitari potuerunt. Christum enim, qui tot sæculis posterior Adamo fuit, quan-tum ad carnem, quomodo tam multi, qui eum præ-cesserunt, imitari potuissent?

NONO, probatur ex illis verbis: *Iudicium quidem ex vno in condemnationem, gratia autem ex multis delictis in iustificationem*. Nam ut idem Aug. in eodem lib. 1. de peccatorum meritis & remiss. cap. 12. & 13. docet, si Adam non esset causa peccati, quod est in eius poste-ris, nisi quia posteri illum imitantur, nulla ratio red-di posset, cur Apost. diceret iudicium ex vno, gratia ex multis. Cur enim non iudicium ex vno, gratia ex multis? Nam quemadmodum iudicium Dei homines condemnat ob multa delicta, quæ ex vno illo Adami delicto di-dicerunt; ita gratia Dei homines iustificat à multis delictis, quæ ex vno illo Adami delicto didicerunt. Sicut enim inter delictum Adami, & damnationem aliorum, sunt media multa propria delicta: sic etiam inter delictum Adami, & iustificationem aliorum, sunt media multa propria delicta. At si concedatur, Adamum causam fuisse peccati omnium posterorum per generationem, causa illius diuersitatis in prom-ptu est. Propterea siquidem iudicium est ex vno in condemnationem, gratia verò ex multis delictis in iustificationem, quod Adam vnum tantum in nos de-lictum carnali generatione transimiserit, & ex eo to-ta massa generis humani damnata sit: Christus verò non ab vno illo dumtaxat, quod nascendo contraxi-mus, sed ab omnibus alijs quæ malè viuendo adjeci-mus, spiritali nos regeneratione iustificet.

DECIMO probatur ex illis verbis: Sicut per inobedientiam unius hominis peccatores constituti sunt multi, ita per unius obedientiam iusti constituentur multi. Hic enim non solum habemus comparationem Adami cum Christo, de qua saepe iam loquuti sumus, sed etiam unam unius Adami inobedientiam communem fuisse multis, & ita communem, ut per illam peccatores verè constituentur. Quia verò non possunt peccatores alij per aliorum peccata constitui, sequitur ut inobedientia Adami, non ut in illo erat, sed ut ad posterius generatione transfunditur, omnes eos peccatores constituat, qui ex ipso nascuntur.

Accedat POSTREMO definitio Concilij Mileuit. cap. 2. quæ docet, locum Apostoli ad Ro. 5. Per unum hominem peccatum in hunc mundum intrauit, &c. non aliter esse intelligendum, quàm de peccato originali, quod generatione contrahitur. Quod autem Erasmus dicit, Concilium fuisse particulare, ac propterea se decretis eius minimè teneri, superbè ac temerè dictum nobis videtur, præsertim cum illud Conc. ab Apostolica sede sit confirmatum, ut constet ex epist. Innocentij I. ad Concil. Mileuit. quæ epistola habetur in 1. to. Conciliorum, & inter epist. S. August. num. 93. Relatum quoque est hoc decretum Concilij Mileuit. in corpus Iuris Canonici, de consecrat. dist. 4. can. Placuit. Et denique Concilium vniuersale nostro hoc sæculo Tridentini celebratum sess. 5. idem decretum verbis ipsidem renouauit, ut iam nulli, qui Catholicus haberi velit, de huius loci Apostolici explicatione liceat dubitare.

CAPVT IV.

Idem probatur ex alijs testimonijs Scripturae diuinae.

PRÆTER locum Apostoli iam explicatum, sunt alia multa in Scripturis vtriusque Testamenti, ex quibus nos præcipua adducemus.

PRIMVS locus est in lib. Job, c. 44. quem S. Aug. ceterique Patres passim allegare solent ex versione 70. interpretum, his verbis: Nemo mundus à sordibus, nec infans, cuius est vnus dies vita super terram; & respondet verba Græca: Τίς ὁ ἀνθρώπου ἀπὸ τῆς γαστρὸς ὁ καθαῖος; ὃς οὐκ ἔστιν ἡμέρας ἑπτὰ ἐπὶ τῆς γῆς. In codice Hebraico non difficulter idem sensus inuenitur. Sic enim legimus: מי יתן שהיה כסא לא אדם אחד, quæ verba hoc sonant: Quis dabit mundum ab immundo? non vnus (mundus videlicet est) etiamsi breues dies eius. Interpres noster sic reddidit: Quis potest facere mundum de immundo conceptum semine? nonne tu qui solus es? breues dies hominis sunt. Quæ lectio, tametsi aliquid addit ad verba Hebraica per modum paraphrasos, tamen quo ad sententiam optimè conuenit cum ipso Hebraico textu, præsertim ut nunc scribitur & distinguitur. Nam illud כסא proprie (ab immundo) vel (de immundo) significat, cui noster interpres explicandi gratia adiunxit, semine: Septuaginta verò, aut acceperunt immundum pro immunditia, aut legerunt שמת pro שם: illud autem לא אדם noster interpres accepit per modum interrogantis, & idè vertit, Nonne tu qui solus, siue vnus es? Septuaginta verò interpretati sunt per modum negantis, & idè dixerunt, sed ne vnus. Sic etiam interpres noster, illum, breues dies eius, coniunxit cum sequenti versu, ut coniungunt etiam Hebraei, qui inde incipiunt non solum nouum versum, sed etiam nouum caput, & idè vertit: Breues dies hominis sunt, numerus mensium eius apud te est. At Septuaginta coniunxerunt ea verba cum præcedentibus, & idè verterunt, Etiamsi vna dies sit vna eius.

Itaque vtramque versionem, & nostram Latinam vulgatam, & illam septuaginta virorum verba Hebraica ferre possunt. Et cum nostra sit à Concilio

A Oecumenico approbata, & illa ab omnibus penè veteribus, quod attinet ad hunc locum, celebrata, neutra contemnenda est.

Et quidem iuxta nostram editionem sumitur argumentum pro peccato originali, ex eo quod si solus Deus potest mundare hominem de immundo conceptum semine, sequitur eundem hominem ab ipsa conceptione esse immundum. Non enim mundari egent, nisi immundi. Hæc autem immunditia sine dubio non corporalis, sed spiritualis est; nam à corporali immunditia, mundari homo etiam ab homine potest. DENIQUE in Scripturis immunditia pro peccato accipitur. Isa. 64. Facti sumus ut immundi omnes nos, & tanquam pannus menstruæ omnes iniustæ nostræ. Et Zach. 3. Auserte vestimenta sordida ab eo, & dixit ad eum, ecce abstuli à te iniquitatem tuam. Porro iuxta editionem 70. interpretum, testimonium est adhuc illustrius. Nam si non est mundus à sordibus infans vnus diei, profecto peccatum quoddam omnibus nobis ab ipsa conceptione inhaeret.

ALTERVM testimonium habetur in Psal. 50. in illis verbis: Ecce in iniquitatibus conceptus sum, & in peccatis concepit me mater mea. Vbi primo loco sciendum est, non impedire argumentum pro peccato originis, quod in numero multitudinis dicatur homo concipi in peccatis, cum peccatum originis vnum sit, non multa. Nam reuera in Hebraico fonte numerus est singularis: הוֹבִיטָהּ הוֹלֵלָהּ וְהָיָה יְהוָה יְהוָה. Et idè S. Hieronymus, & alij ferè omnes, reddiderunt in iniquitate, & in peccato. Adde quoque ex S. Augustino in Enchir. cap. 44. & 45. posse etiam peccatum originale significari nomine peccatorum & iniquitatum; tum quia non est inutilitas in Scripturis, & in profanis auctoribus figura intellectionis, qua numerus multitudinis ponitur pro numero singulari, & contra numerus singularis pro numero multitudinis; tum quia in peccato illo primo Adami, quod à posteris generatione contrahitur, multæ fuerunt iniquitates, superbia, infidelitas, inobedientia, & alia.

DEINDE illud est obseruandum, non posse hunc locum deprauari ab aduersarijs, quasi peccatum in hoc testimonio accipiatur improprie, id est, pro mortalitate, aut morbo aliquo: nam ex voces חַטָּאת & עֲוֹנוֹת proprie verum peccatum significant, & eadem voces in eodem Psal. saepius repetuntur, & semper accipiuntur pro vero & proprie dicto peccato, quale fuit adulterium Davidis cum Bethsabee, quod in eo Psalmo potissimum deploratur.

POSTREMO non licet hanc Davidis confessionem detorquere ad peccata parentum, qui cum genuerunt, quasi dicere voluerit, parentes suos peccasse, cum genuerunt. Nam IMPRIMIS satis constat Dauidem non ex fornicatione, vel adulterio, sed ex honesto, & sancto coniugio natum. DEINDE cum Dauid in toto hoc Psalmo argumenta conquirit, quibus diuinam misericordiam ad se flectat, non debuit peccata parentum allegare, sed miseriam suam exponere. Et hoc est quod facit, cum se miserum ab ipsa conceptione fuisse dicit. PRÆTEREA verbum הוֹלֵלָהּ non refertur ad actionem gignendi, in qua peccatum esse solet, quando parentes gignendo peccant; sed ad formationem corporis, quæ post parentum concubitus à Deo fit. Verè enim ac sapienter dixit sancta illa Martyrum Machabeorum mater: Nescio qualiter in vtero meo apparuisti, neque enim ego spiritum & animam donavi vobis & vitam, & singula membra non ego ipsa compegi, sed enim mundi Creator, qui formans hominis naturam, quique omnium inuenit originem, &c. in lib. 2. Machab. 7. cap.

Sic etiam altera illa vox יְהוָה proprie non signifi-

cat gignere, aut concipere, sed calefacere, & fouere. Proinde refertur ad illud tempus, quo factum iam formatum & animatum mater in utero fouet, & fouendo calefacit. Certum autem est, nullum interuenire parentum peccatum, vel cum proles concepta formatur, vel cum iam formata in utero confouetur. Et fortasse ad calumnias futurorum hæreticorum tollendas, Spiritus sanctus noluit hoc loco uti vocabulis, quæ propriè significant gignere, vel concipere, quæ sunt γένεσις & ὄψις.

Iam verò ex nouo Testam. habemus in primis verba illa Præcursoris Domini, Ioan. 1. *Ecce Agnus Dei, ecce qui tollis peccata mundi.* Quo loco in textu Græco legitur in numero singulari, ὁ ἀμῶντος τοῦ κόσμου: *Ecce qui tollis peccatum illud mundi.* Quod est autem peccatum illud mundi, nisi commune illud peccatum, quod per vnum hominem in hunc mundum intrauit, ut ex Apostolo supra citauimus?

DEINDE habemus illud Ioan. 3. *Qui non credit in filium, ira Dei manet super eum.* Vbi notat S. Augustinus lib. 6. in Iulianum, cap. 12. non esse dictum, Ira Dei veniet super eum, sed manet super eum, quia iam antea erat, & manet in omnibus filiis Adæ, nisi per Christum tollatur.

TERTIO habemus illud Rom. 3. *Omnes peccauerunt, & egent gloria Dei.* Certè enim si omnes peccauerunt, non excipiuntur paruuli à peccato. Paruuli autem propria voluntate nihil boni, aut mali egerunt, ut idem Apost. ait ad Rom. 9. Igitur omnes peccasse dicuntur, quia filij illius sunt, in quo omnes peccauerunt, ad Rom. 5.

QUARTO habemus comparisonem illam Adami cum Christo, gratiæ cum peccato, resurrectionis cum morte, quam idem Apost. facit in priore epist. ad Cor. c. 15. ex qua comparatione manifestè colligitur, ita omnes qui ex Adamo nascuntur, peccatum & mortis æternæ debitum contrahere, sicut omnes qui renascuntur in Christo, gratiam iustificationis, & beatæ resurrectionis pignus acquirunt.

QUINTO habemus insignem illam Apost. rationationem in epist. posteriore ad Cor. c. 5. *Si vnus pro omnibus mortuus est, ergo omnes mortui sumus, & pro omnibus est Christus.* Vbi primùm conditionalis consequutio ponitur, si vnus pro omnibus mortuus est, ergo omnes mortui sunt. Deinde absolutè assumitur Christus, pro omnibus mortuus est. Relinquitur autem ut absolutè concludamus, ergo omnes mortui sunt. Et satis apertè loquitur B. Paulus de morte omnium, non tam corporali, quàm spiritali. Dicit enim Christum mortuum esse, *ut qui viuunt, iam non sibi uiuant, sed Deo.* Et paulò post clarius, quod dixerat Christum pro nobis mortuum, dicit: *Nos Deo per Christum reconciliatos.* Et paulò post clarissimè dicit: *Eum qui peccatum non fecerat, pro nobis peccatum, id est, hostiam pro peccato factum, ut nos efficeremur iustitia Dei in illo.* Iam igitur cum constet Christum pro nobis omnibus omninò mortuum, atque hostiam pro peccato factum esse, sequitur omnes omninò, sine vlla exceptione conditionis, sexus, ætatis, mortuos esse in Adamo, & redemptore, seu iustificatore indiguissè.

SEXTO habemus illud Galat. 3. *Conclusit Scriptura omnia sub peccato, ut remissio per Christum daretur credentibus.* Est enim sententia huius loci, Scripturam demonstrare omnes homines esse peccatores, nec posse, nisi per Christum, ad indulgentiam peruenire.

SEPTIMO habemus illud Ephes. 2. *Eramus & nos natura filij iræ, sicut, &c.* Dicimur enim natura filij iræ, quia à natiuitate, vel quia ex natura peccato primi hominis viciata, reatum peccati trahimus, ex quo iræ

atq; vindictæ diuinæ obnoxij sumus. Aliqui interpretantur illud (*natura*) ac si dictum esset *proisus*. Quam interpretationem S. Hiero. in comment. non rejicit, quin etiam fatetur, vocem esse ambiguam, tametsi priorem ipse expositionem sequitur.

S. autem August. lib. 6. in Iulian. c. 4. grauiore censura eam interpretationem dignam esse cenluit. Sic enim ait: *Quod autem dicitur, ubi ait Apostolus, natura filij iræ, posse intelligi, proisus filij iræ. Nonne hinc admoneri debuisti, antiquam contra vos defendi Catholicam fidem; quia non seculè inuenitur Latinus codex, si non à vobis nunc incipiat emendari, vel potius in mendam mutari, ubi non natura sit scriptum? Quod vitæ cauere debuit interpretum antiquitas, nisi etiam fidei hæc esset antiquitas, cui capis vestra resisteret nouitas.* Hæc ille, qui ex eo quod omnes

codices Latini habent (*natura*) rectè colligit, hoc loco non esse vocem ambiguam, quoniam si ita esset, aliquis vertisset (*proisus*) aliquis (*natura*): nunc autem omnes eodem modo verterunt, quia omnes eodem modo testimonium hoc Apostolicum intellexerunt. Ac de Scripturis quidem hæc loca sufficiant.

CAPVT V.

Probat eadem veritas testimonijs Patrum, qui ante Pelagianam hæresim exortam scripserunt.

SECUNDO loco confirmanda est veritas testimonijs, ac traditione Ecclesiæ. Ac PRIMO adferemus testimonia Patrum illorum, qui ante Pelagianam hæresim exortam scripserunt. DEINDE addeamus Ecclesiæ decreta, quæ propriè hæresim istam damnauerunt.

PRIMVS igitur prodeat S. DIONYSIVS Areopagita, qui in lib. de Eccl. hier. c. 3. par. 3. peccatum primi hominis totæ naturæ humanæ adscribit: *Humanam, inquit, naturam, initio solide à diuinis beneficijs prolapsam, obnoxia passionibus varijs vita suscepit, & mortis corruptibilis finis. Quippe perniciosissima à vera bonitate defectio, & sacra in paradiso legis præuicatio, eam, quæ sponte sua blandè mulcentibus, atque insectis aduersarijs frandibus cedens vitale excusserat iugum, his quæ sunt diuinis bonis contraria tradidit.* Quibus verbis Dionysius primùm docet, humanam naturam diuinis beneficijs, quæ in creatione acceperat, spoliata, obnoxiam factam esse passionibus quoad animam, & morti quo ad corpus. Deinde rationem reddit huius spoliationis, ac dicit id factum esse, quia natura humana spontè cedens fraudibus satanæ, vitale iugum excussit. Ista enim defectio à vera bonitate, tradidit eam his, quæ sunt contraria diuinis bonis, id est, passionibus, & mortalitati.

Vbi vides S. Dionysium non solùm penam, sed etiam culpam toti naturæ tribuere. Quod idem paulò infra his verbis docet: *Oberrans itaque (natura humana) & à recto itinere, ad eum qui veraciter Deus est, tendente auersa, & peruersa, atque maleficus turmis subiecta, minime aduertit se pro Dys atque amicis, insectis hostibus fuisse obsequiam.*

SECUNDVS testis prodeat S. IGNATIVS, qui in epist. ad Trallianos ita loquitur: *Vos ergo succincti mansuetudine, imitatores estote passionum Christi, & dilectionis eius, quæ dilexit nos, dans semetipsum pro nobis, ut nos sanguine suo mundaret ab antiqua impietate.*

TERTIVS sit S. IUSTINVS Martyr, qui in dialogo cum Triphone sic ait: *Ad amicum cum non ideo venisse pro comperio habemus, quod vel Baptismi latione, vel Spiritus in specie columba aduentu opusti fuerit, sicut nec nasci, & crucifigi propter suætionis huiusmodi indigentiam, sustinuit: sed humani generis causa, quod per Adam in mortem, & frandem seductionemque*

serpentis considerat, ut interim propriam pro se maligne agentis, cuiusque culpam taceam. Hic videmus, non solum mortem, sed etiam serpentis seductionem toti generi humano communem esse, & Christum crucifixum esse pro peccato, tum communi toti naturæ humanæ, tum proprijs vniuersiusque, id est, pro peccato, tum originali, tum actuali.

QUARTVS sit S. IRENÆVS lib. 5. cap. 17. Dele- nit, inquit, chirographum debita nostra, affigens illud cru- ci, cuius quemadmodum per lignum facti sumus debitores Deo, per lignum accipimus debiti remissionem. Vide eun- dem lib. 3. cap. 20. & rursus alium locum apud Au- gustinum lib. 1. in Iulianum, cap. 2.

QVINTVS sit TERTVLLIANVS, qui in lib. de anima, cap. 40. sic ait: Omnis anima eo vsque in Adam censetur, donec in Christo recensatur; tamdiu immunda, quamdiu recensatur. Peccatrix autem quia immunda.

SEXTVS, ORIGENES, hom. 8. in Leuit. Quæcumque ani- ma, inquit, in carne nascitur, iniquitatis & peccati sorde polluitur, propter quod dictum est, Nemo mundus à sorde, nec infans, cuius est vnius diei vita super terram.

SEPTIMVS, S. CYPRIANVS lib. 3. epist. 8. ad Fidum: Infans, inquit, recens natus nihil peccauit, nisi quod secun- dum Adam carnaliter natus, contagium moris antiquæ prima natiuitate contraxit.

OCTAVVS, S. ATHANASIVS serm. in illud: Omnia mihi tradita sunt, sub initium: Postquam, inquit, pecca- uerat, & lapsus fuerat homo, eiusque lapsu perturbatis omni- bus, mors inualluisset ab Adam vsque ad Christum, terraque execrationi data esset, infernus aperitus, paradysus clausus, cælum insensum; & tandem corrupto, & interempto homi- ne, inualluisset diabolus contrarios, &c.

NONVS, S. HILARIVS, qui in explicat. Psal. 118. exponens illa verba ad finem totius Psal. Viues ani- ma mea, & laudabis te, sic ait: Vinere se in hac vita non reputat, quippe qui dixerit: Ecce in iniquitatibus conceptus sum, & in delictis peperit me mater mea: scit se sub peccati origine, & sub peccati lege esse natum.

DECIMVS, S. BASILIVS, qui in expos. Psal. 32. ex- plicans illud, Diligit misericordiam & iudicium, miseri- cordia Domini plena est terra. Nequit, inquit, homo mundo corde, ac liber omnino à sorde peccati inueniri, etiamsi vnius diei tempore supra terram vixerit. Quamobrem si quis videat quotidie malitiam inualescentem, ac depascentem homines, & fragile genus hominum mille mortibus delictorum gratta dignum, tanto admirabitur magis diuitias bonitatis diuinae tolerantia, & longanimitatis. Vide alium locum eius- dem apud August. lib. in Iulian. 1. cap. 2.

VNDECIMVS, S. AMBROSIVS, qui in Apologia Da- uid, cap. 11. sic ait: Antequam nascamur, maculamur contagio, antequam usuram lucis, originis ipsius excipimus iniuriam, in iniquitate concipimur. Et infra: Merito Dauid deplorant in seipso inquinamenta natura, quod prius incipe- ret in homine macula, quam vita. Item lib. 1. de pœni- tentia, cap. 2. sic ait: Omnes homines sub peccato nase- mur, quorum ipse ortus in vitio est, sicut habens lectum, di- cente Dauid, Ecce enim in iniquitatibus conceptus sum. Vi- de alia multa loca etiam clariora apud Augustinum, lib. 1. in Iulian. cap. 2. & lib. de nuptijs, & concu- piscencia, cap. 35. & lib. 1. ad Bonifatium, cap. 11.

DVODECIMVS, Auctor comment. in epist. B. Pauli, quæ S. Ambrosio tribuuntur. Is enim, ut Ambrosius à viris doctis esse non creditur, ita æqualis Ambrosij sine dubio fuit. Vixit enim tempore Damasi Papæ, ut ipse testatur in comment. cap. 3. prioris ad Timot. Hic igitur auctor in comment. cap. 5. ad Rom. sic ait. Manifestum est itaque in Adam omnes peccasse, tanquam in massa, ipse enim per peccatum corruptus, quos genuit, omnes nati sunt in peccato. Ex eo igitur omnes peccatores, quia ex ipso sumus omnes. Item in comment. cap. 4. ad Hebr.

A Intra similitudinem carnis sine peccato, quia natura, quam veram suscepit, similis est carni nostra, peccata vero nequa- quam habuit, quæ caro nostra de parentibus contraxit, quia tale fuit originale peccatum in carne primi hominis, unde & pœna, & remedium fieri potuisset.

TERTIVSDECIMVS, CYRILLVS Hierosolymit. Catechesi 2. Per hunc, inquit, pater noster Adam pulsus est, & pro paradiso admirando quodam modo sponte sua fru- ctus ferente, terra spiniferam accepit. Quid igitur (dixeris aliquis) decepti perimus? nunquid non est deinceps salus? cecidimus, an non licet resurgere?

QVARTVSDECIMVS, S. GREGORIUS Nazianz. ora- tione 3. de pace, sic ait: Totus lapsus sum, atque ex pri- migeni hominis inobedientia, & diaboli fraude condemna- tus sum. Et in orat. 2. in S. Pascha, dicit, nos omnes ab initio per peccatum lapsos. Vide etiam alia loca apud Augustinum lib. 1. in Iulian. cap. 2.

QVINTVSDECIMVS, S. HIERONYMVS in commen- tario cap. 4. Osee Prophetæ: Et ibi, inquit Deus, hoc est, in paradiso, omnes præuicati sunt in me, & in si- militudinem præuicationis Adam. Non enim mirum, si quod in parente præcessit, etiam in filiis condemnetur. Item in comment. cap. 2. Micheæ: Vnusquisque nostrum cum Adam de paradiso cecidit, & in huius mundi captiui- tate versatur. Vide alium locum apud Augustinum, loco citato.

SEXTVSDECIMVS, RUFFINVS in comment. Psal. 50. Ego, inquit, conceptus contraxi mecum iniquitatem originalis delicti. Nunquid de adulterio Dauid natus erat, de Iesse iusto viro, & coninge eius? Quid est ergo quod se- dici in iniquitatibus conceptum esse, nisi quia detrahatur iniquitas ex Adam? nemo nascitur, nisi irabens culpam, & culpe pœnam. Fortasse Rufinus hæc scripsit post hæ- resim Pelagianam exortam: tamen placuit eius testi- monium hic adscribere, quia vixit idem auctor etiam ante illud tempus.

SEPTIMVSDECIMVS, S. SIRICIVS Papa, in epist. 1. ad Himerium, c. 2. sic ait: Infantibus, qui necdum loqui va- lent per aetatem, vel his quibus in qualibet necessitate opus fuerit sacra vnda baptismatis, omni volumus celeritate succurri, ne ad vstrarum perniciem tendat animarum, si negato desiderantibus fonte salutari unusquisque exiens de sæculo, & regnum perdat, & vitam.

D DECIMVSOCTAVVS, S. IOAN. CHRYSOST. in ho- mil. ad Neophytos: Venit, inquit, semel Christus, inu- nit nostrum chirographum paternum, quod scripsit Adam. Ille initium induxit debiti, nos seruus auximus posterioribus peccatis. Sic enim vertit verba de verbis S. Augustini, lib. 1. in Iulian. vbi etiam diligenter notauit, Chry- sostomum non fuisse contentum dicere, chirographum paternum, sed addidisse, nostrum, ut intelligeremus, ad nos etiam pertinere, & nostrum esse ipsum Adæ pec- catum. Alia loca Chrysostomi vide inferius cap. 9. vbi soluuntur argumenta.

DECIMVSNONVS, S. AVGVST. in lib. 1. ad Simplicia- num (quem scripsit antequam Pelagianæ hæresis or- ta esset, ut ex Retract. perspicuum cit) nam in eo lib. q. 1. sic ait: Illud est ex pœna originalis peccati, hoc est, ex pœna frequentati peccati, cum illo in hanc vitam nascimur, hoc, viuendo addimus. Et rursus q. 2. Sunt igitur omnes homines, quandoquidem ut Apost. ait, in Adam omnes mo- riuntur, à quo in vniuersum genus humanum origo ducitur offensionis Dei, vna quadam massa peccati, supplicium de- bens diuine summæ; iustitiæ, quod sine excusatur, sine do- meretur, nulla est iniquitas. His addi possunt RETICIVS & OLYMPVS, duo veteres Patres, quorum opera non extant, sed eorum testimonia citat S. August. lib. 1. in Iulian. cap. 2. Habemus igitur auctores supra viginti, qui futuram Pelagianam hæresim de peccato origi- nali redarguendo, ac refellendo præuenerunt.

CAPVT VI.

Probatnr eadem veritas ex definitione Eccleſiaſtica.

Nunc adſcremus iudicia non ſingulorum hominum, ſed ipſarum Eccleſiarum, ſive Conciliorum, quibus error ille Pelagij, Cæleſtij, & Iuliani, quem Faber, Eraſmus, & Zuinglius noſtro ſæculo renouarunt, publicè damnatus fuit. Habemus autem iudicia totius orbis terrarum.

PRIMUM enim in Oriente Concil. **PALESTINVM** Episcoporum 14. errorem hunc ita damnauit, vt Pelagium ipſum ad eundem errorem damnandum compulerit. Meminit huius Synodi S. Auguſt. lib. 1. in Iulian. cap. 2. epiſt. 106. & alibi.

DEINDE in Occidente habemus ex Africa Concil. **MILEVITANVM**, quod in 2. can. ita ſtatuit: *Placuit, vt quicumque paruulos recentes ab vteris matrum baptizandos negat, aut dicit, in remiſſionem peccatorum eos quidem baptizari, ſed nihil ex Adamo trahere originalis peccati, quod lanacro regenerationis expietur, anathema ſit.*

Habemus item ex Africa Concil. **CARTHAGINENSE** nationale frequentiffimum, Episcoporum videlicet 217. quod poſt confirmationem à Zozimo ſummo Pontifice obtentam, à toto orbe receptum fuit, vt refert ſanctus Proſper in Chronico ad annum **CCCCXX**.

Ex Hiſpania habemus Concil. **TOLETANVM** XI. can. 1. vbi ſic legimus: *Ex his tribus diuinitatis perſonis ſolum filium ſacemur ad redemptionem humani generis propter culpam debita, quæ per inobedientiam Adæ originaliter, & noſtro libero arbitrio contraximus, reſoluenda, à ſecreto Patris, arcanèque prodiſſe, & humanitatem ſine peccato de ſancta ſemper Virgine aſſumpſiſſe.* Vide etiam Conc. Tolet. XII. can. 2.

Ex Gallia habemus Concil. **ARAUSICANVM** II. can. 2. vbi ſic legimus: *Si quis ſoli Adæ præuariationem ſuam, & non eius propaginem aſſerit nocuiſſe: aut certè mortem tantum corporis, quæ pœna eſt peccati. Non autem & peccatum, quod eſt mors animæ, per vnum hominem in omne genus humanum tranſſiſſe teſtatur, iniuſtitiam Deo dabit, contradicens Apoſtolo dicenti: Per vnum hominem peccatum in hunc mundum intrauit, & per peccatum mors, & ita in omnes homines mors pertranſiit, &c.*

Ex Germania habemus Concilium **MOGVNTANVM**, can. 5. vbi ſic legimus: *Hoc primorum hominum peccatum propagatione in omnes homines tranſiit, & ſecum pœnam ſuam trahit, vt ſint omnes homines ira Dei, damnationis, & mortis rei, & ad peccatum proueni.*

Ex Italia habemus reſponſa veterum ſummorum Pontificum, Innocentij, Zozimi, Celeſtini, Leonis, Gregorij. Nam B. Innocentius I. exortum errorem iſtum, tempore ſui Pontificatus, apertè damnauit, vt Auguſt. teſtatur lib. 1. in Iulian. cap. 2. & epiſt. 157. Extat autem epiſt. eiſdem Innocentij ad Concil. Mileuitanum, in qua confirmat eius Concilij decreta, & inter alia ſic loquitur: *Si ergo nihil volunt officere non renaſci, fateantur neceſſe eſt nec regenerationis ſacra ſtuentia prodeſſe, &c.* B. Zozimi epiſt. ad Episcopos totius orbis non extat, ſed eius hæc verba recitat S. Auguſt. in epiſt. 157. ad Optatum: *Fidelis Dominus in verbis ſuis, eiſque Baptiſmus re, ac verbi, id eſt, opere, conſeſſione, & remiſſione vera peccatorum, in omni ſexu, ætate, conditione generis humani, eandem plenitudinem tenet. Nul- lius enim niſi qui peccati ſeruus eſt, liber efficitur, nec redemptus dici poſſe, niſi qui verè per peccatum fuerit ante capti- uum, ſicut ſcriptum eſt: Si vos filius liberauerit, verè liberi eritis. Per ipſum enim renaſcimur ſpiritualiter, per ipſum cruciſigimur mundo, ipſius morie mortis ab Adam omnibus nobis introductæ, atque tranſmiſſæ vniuerſa anima illud propagatione contræctum chirographum rumpitur, in quo*

A nullus omninò natorum antequam per baptiſmum liberetur, non teneatur obnoxius. Poſt hæc verba recitata, ita ſub- jungit Auguſt. In his verbis Apoſtolica ſedis, tam anti- qua, atque fundata, certa, & clara eſt Catholica fides, vt ne- ſas ſit de illa dubitare Chriſtiano.

B. Celeſtinus in epiſt. ad Gallos prima, poſt finem epiſtolaæ annectit aliquot capitula, quibus quidquid contrarium eſt, minimè Catholicum habendum eſſe pronunciat, in 4. c. ſic ait: *In præuariatione Adæ om- nes homines naturalem poſſibilitatem & innocentiam perdi- diſſe.* In c. 12. ſic rursus loquitur: *Illud quod circa bap- tizandos in vniuerſo mundo ſancta Eccleſia vniſormiter agit, non ocioſo contemplantur intuitu, cum ſine paruuli, ſine iuuenes ad regenerationis veniunt ſacramentum, non prius fontem vitæ adeunt, quàm exorcismi, & exſufflationibus Clericorum, ſpiritus ab eis immundus abigatur, vt tunc verè appareat, quo modo princeps mundi huius mittatur foras, & quo modo prius alligetur fortis, & deinceps vaſa eius diri- piantur in poſſeſſionem tranſlata victoris, qui captiuam ducit captiuitatem, & dat dona hominibus.*

S. Leo I. epiſt. 86. ad Nicetam Aquilienſem ita lo- quitur: *Sed ab iſtis idè per naturalem induſtriam dicitur præueniri, vt quæ ad gratiam proprio clara ſit ſtudio, nullo videatur peccati originalis vulnere ſauciata. Idè etiam paru- los dicunt, ſi ſine baptiſmo hinc de ſæculo exierint, non poſſe damnari, neque reos in peccato Adæ teneri, ſed ad re- gnum, vel ad vitam æternam ſine ulla conſultatione venire, cum Apoſtolus dicat, Per vnum hominem peccatum in hunc mundum intrauit, & per peccatum mors, & ita in omnes ho- mines pertranſiit, propter quod & ipſi paruuli baptizantur.*

C S. Gregorius in epiſt. 53. lib. 7. ad Secundinum: *Il- lud, inquit, incertum non eſt, quia niſi ſacri baptiſmatis gra- tia fuerit renatus homo, omnis anima originalis peccati vin- culis eſt obſtrieta.*

His accedunt **POSTREMO** Concilia vniuerſalia duo, **FLORENTINVM**, & **TRIDENT**. quorum illud in litteris vnionis ſic docet: *Illorum autem animas, qui in actuali mortali peccato, vel ſolo originali decedunt, mox in infernum deſcendere, pœnis tamen diſparibus punien- dos.* Iſtud autem ſeſſ. 5. in decreto de peccato origi- nis, ad verbum repetit decreta Conciliorum vete- rum Mileuitani, & Arauſicani. Quæ cum ita ſint, nulla omninò remanet de fide Catholica Eccleſiæ dubitatio, vt non potuerint Eraſmus, Faber, Zuing- lius, atque Anabaptiſtæ, ſine incredibili temeritate errorem toties damnatum, iterum innouare.

CAPVT VII.

Reſ eadem rationibus confirmatur.

SED accedant **POSTREMO** etiam rationes ex ſuarijs principijs ductæ. **PRIMA** ratio ducitur ex baptiſmo, eaque inuicta prorsus & inſolubilis, qua veteres paſſim vſi ſunt. Infantes continuò baptizan- di ſunt, ſi periculum ſit ne in ea ætate moriantur, vt ex Apoſtolica traditione docet S. Dionyſ. in lib. de Eccl. hier. c. vlt. Orig. hom. 8. in Leuit. B. Cypr. lib. 3. epiſt. 8. S. Hiero. lib. 3. aduerſ. Pelagianos extremo, S. Aug. lib. 4. de baptiſmo, contra Donatiſtas, c. 24. neque id Pelagiani, aut Zuinglius, vel Eraſmus ne- gauerunt; & ſemper in Eccleſia fuit hæc ſolicitudo fidelium, vt diligentiffimè prouiderent, ne quis om- ninò, ſive adultus, ſive infans, abſque baptiſmo de- cederet, vt perſpicuum eſt ex epiſt. Siricij ſuprà cita- ta, ad Himerium, cap. 2. & ex epiſt. 28. S. Auguſti- ni ad S. Hieronymum. Et præter Apoſtolicam tra- ditionem habemus verbum ipſum ſcriptum, quod ea traditio nobis explicuit clariùs: *Niſi quis renatus fuerit ex aqua & ſpiritu ſancto, non poſſe intrare in re- gnum Dei.* Ioan. 3.

Certum

Certum autem est baptismum dari ad remissionem peccati. Nam qui baptizantur, *Renescentur ex aqua & Spiritu sancto*, Ioan. 3. Cur autem renasci debet per gratiam, cuius generatio corrupta non fuit per peccatum?

Item qui baptizantur, moriuntur peccato, & resurgunt, *Ut in nouitate uitae ambulent*, Rom. 6. Quomodo verò mori potest peccato, qui peccatum nullum habet? Rursus qui baptizantur, mundantur & lauantur. Ephes. 5. *Mundans eam lauacro aquae in verbo vitae*. Tit. 3. *Per lauacrum regenerationis & renouationis*, &c. Act. 22. *Ablue peccata tua innocato nomine ipsius*. Qui autem fieri potest ut munderetur & lauetur, qui sordes, aut maculas nullas habet?

Denique idem ostendit forma baptismi. Siue enim per formam intelligamus verba illa, *Ego te baptizo*, &c. siue symbolum illud externum, quod est similitudo rei internae, falsa erit forma baptismi, ut Concilia allegata testantur, si baptismus non datur in remissionem peccatorum. Nam quid est, *Ego te baptizo*, nisi, ego te lauo, vel mundo, iuxta Scripturas definiens baptismum, lauacrum regenerationis, quo mundamur in verbo vitae? quid verò significat symbolum illud externum, quo mergimur in aquam, emergimus ex aqua, nisi (ut Apostolus ipse docet, Rom. 6.) *Mori nos peccato, ut resurgamus iustis*? Quae dubitari non potest, quin infantes, quibus necessarium esse baptismum ex verbo Christi, & Apostolica traditione monstratum est, peccatum habeant, quod secum ex utero matris adduxerint.

SECUNDA dicitur à caeremonijs baptismi antiquissimis, & in Ecclesia vniuersa celebratis, exorcismo videlicet & exsufflatione. Quo argumento utitur passim S. Aug. ut lib. 1. de pecc. mer. & remis. cap. 34. lib. 1. de nuptijs & concupisc. c. 20. & lib. 6. in Iulian. c. 2. utuntur etiam Celsus. Papa in epist. ad Gallos, & alij posteriores. Nam Pelagiani reprehendere nec poterant, nec audebant vsum vniuersae Ecclesiae, quo per exorcismum & exsufflationem ab infantibus baptizandis spiritus immundus abigitur. Sic enim scribit August. lib. 6. in Iulian. c. 2. *Id tu commemorare timuisti, tanquam ipse à toto orbe exsufflandus esses, si hinc exsufflationis, qua princeps mundi à paruulis excutitur foras, contradicere voluisses*. Quod si spiritus immundus infantes ante baptismum possidet, negari non potest, quin eos peccatum captiuos teneat. Neque enim permetteret Deus creaturam suam à diabolo possideri, nisi sibi eam per peccatum ipse antea subiecisset. A quo enim quis superatur, eius & seruus efficitur.

TERTIA ratio ex circumcisionis mysterio. Circumcisio siquidem ex sententia S. Aug. lib. 16. de ciu. Dei, c. 27. S. Greg. lib. 4. Moral. c. 1. S. Bern. in epist. 77. & Innoc. III. cap. Maiores, de baptismo, & eius effectu, ad peccatum originis purgandum instituta fuerat; ex aliorum verò sententia, si non ad tollendum peccatum originale, certè ad significandam eius purgationem referebatur. Nam ideo in eo membro fieri iussa est, in quo euidentius peccati illius effectus apparet, & per quod genus humanum carnaliter propagatur, & propagatione inficitur. Vide Augustinum tract. 30. in Ioan.

QUARTA ratio ex poena peccati. Mors poena peccati est, ut ex eo constat, quod dictum est primo parenti: *Quaecunque die comederis ex eo, morte morieris*, Gen. 2. Moriuntur autem omnes, & ipsi etiam infantes, qui propria voluntate nihil egerunt boni, vel mali; igitur peccatum quoddam in infantibus inest, quod non committitur propria voluntate, sed ipsa propagatione à parentibus trahitur.

Neque responderi potest, mortem fuisse poenam

A Adamo, filijs autem non esse poenam, sed infortunium & calamitatem, quemadmodum cum quis ob culpam suam ad inopiam reductus, filios pauperes gignit, ipsi quidem inopia, poena peccati est, filijs autem infelicitas & miseria.

Hoc, inquam, responderi non potest. Nam Deus per Ezech. testatur, se non affligere filios ob culpas parentum. Sic enim legimus Ezech. 18. *Quid est quod parabolam istam vertitis in proverbium in Israel, dicentes: Patres comederunt vinas acerbas, & dentes filiorum obtupefuerunt? Vno ego, dicit Dominus, sic erit vltima vobis parabola haec in proverbium in Israel: Ecce omnes anima mea sunt, ut anima patris, ita anima filij mea est: Anima quae peccauerit, ipsa morietur, filius non portabit iniquitatem patris, nec pater portabit iniquitatem filij.*

B Neque huic loco repugnat quod legimus in Exod. c. 20. *Ego sum Dominus Deus tuus fortis, zelotes, visitans peccata patrum*, &c. Nam Deus punit peccatum patrum in filijs, non semper, sed tunc solum, cum filij imitantur peccata patrum, ut docent sancti Patres, Hiero. in comment. ad c. 18. Ezech. Aug. in Psal. 108. in illa verba, *In memoriam redeat iniquitas patrum eius*. Et in lib. contra Adimantum, c. 7. Chrysost. ho. 29. in Gen. tractans illud, *Maledictus puer Chanaan*, & homil. 75. in Matt. Greg. lib. 15. Moral. c. 22. & Tho. in 1. 2. q. 87. art. 8. Quos sequuntur ferè omnes recentiores, & hoc ipsum indicat Scriptura, cum ait: *Hic qui oderunt me*. Non enim simpliciter Deus dicit, se puniendum peccata patrum in filijs, sed in ijs, qui eum oderunt.

C Itaque non puniuntur filij pro patribus, quasi non mereantur eam poenam peccata filiorum, aut magis puniantur quam meriti sunt, sed quia nisi praecessissent peccata parentum, Deus eos fortasse non puniisset in hoc mundo, sicut parentes eorum non puniuit. Cum igitur infantes non sint rationis capaces, ac per hoc non imitentur peccata patrum, & tamen puniantur poena omnium grauissima, quae est mors temporalis & aeterna; sequitur necessario ut habeant aliquod aliud peccatum, ob quod iuste puniantur. Et hoc est, quod originale vocamus.

D Quocirca S. Paulus absolute pronunciat, *Mortem stipendium esse peccati*, ad Rom. 6. Et, *Aculeum mortis esse peccatum*, 1. ad Cor. 15. Et in lib. Sap. cap. 12. legimus: *Cum ergo es iustus, iuste omnia disponis, ipsum quoque qui non debet puniri, condemnare exterum astringas à tua virtute*. Et Iob c. 4. *Quis unquam innocens perijt? aut quando recti deleti sunt?* Denique S. August. lib. 1. retract. c. 9. *Omnis, inquit, poena, si iusta est, poena peccati est, & supplicium nominatur.*

E QUINTA ratio ex passione & morte Domini. Dominus enim pro iniustis passus & mortuus est: Isa. 53. *Si posuerit pro peccato animam suam, videbis semen longaeuum*. Ad Rom. 5. *Christus secundum tempus pro impijs mortuus est*. 1. Petri 3. *Christus semel pro peccatis nostris mortuus est, iustus pro iniustis*. Mortuus autem est pro omnibus, ut eadem Scriptura testatur, 2. ad Cor. 5. *Pro omnibus mortuus est Christus*. 1. ad Tim. 2. *Dedit redemptionem seipsum pro omnibus*. Igitur omnes iniusti & peccatores sunt, aut certè fuerunt.

SEXTA ratio ex parabolis & figuris. Nā ouis ceterisima, quae aberrauit à grege, & drachma perdita, Luc. 15. omnium cōsensu naturam humanā vniuersam significabant. Ille etiam, qui Luc. 10. descendens ab Hierusalem in Hieri. incidit in latrones, atq; ab eis spoliatus, & semiuivus relictus iacebat in via, sine controuersia genus humanum designat, quod à satana in primo parente gratiae caelestis indumento exutum, & plagis confectum, ita iacebat, ut semiuivus rectè dici posset, cum ablata esset animae vita gratia, non vita naturae.

SEPTIMA ratio ex diuerfo indicio & fenfu San-
ctorum, & Ethnicorum in natalitijs hominum. Si-
quidem Ethnici, qui peccatum originis ignorabant,
magna celebritate colebant natales dies, ac potiffi-
mum Reges & Principes. Gen. 40. Pharaon celebra-
bat conuiuium folenne die natalitiorum fuorum: idem
facit, Matth. 14. Herodes: idem paffim legitur in hi-
ftorijs gentilium. Contrà verò Sancti diem fuum
natalem ob originis corruptionem deplorant: *Pereat
dies, in qua natus fum*, inquit Iob c. 3. & Hiere. c. 20.
Maledicta dies, in qua natus fum. Abraham quoque filij
fui non diem natalem, fed diem ablactationis cele-
brauit, Gen. 21. Porro Ecclefia Chriftiana natalitia
Sanctorum feftiuijs gaudijs recolit: fed ea natalitia
vocat, non quibus cum peccato nafcuntur ad vitam
mortalem, fed quibus per temporalem mortem
tranfeunt ad vitam beatam & immortalem. Scit
enim, *Precor: ut effe in confpectu Domini Sanctorum eius
mortem*, Pfal. 15. Et, *Beatos effe mortuos, qui in Domino
moriuntur*, Apoc. 14.

OCTAVA ratio ex antiquitate fententiæ Catholi-
cæ, & nouitate erroris contrarij. Vna enim ex præci-
puiis notis hærefeos, eft, fi poft fidem Catholicam
prædicatam & receptam, & longo tempore cultam,
noua aliqua opinio exoritur, quæ nouitate fua per-
turbet animos fidelium affuetos iam dudum contra-
riæ doctrinæ. Talem fuiffe doctrinam Pelagij, quæ
negat originale peccatum, teftatur his verbis S. Au-
guftinus in lib. 3. de pecc. merit. & remiff. c. 6. & 7.
*Vnde nobis hoc negotium repente emerferit, nefeio. Nam an-
te paruum tempus à quibusdam tranfitoriè colloquentibus,
curfum mihi aures perfrictæ funt, cum illic apud Carthagi-
nem effemus, non ideo paruulas baptizari, vt remiffionem
accipiant peccatorum, fed vt fanctificentur in Chrifto. Qua
nouitate permotus, & quia opportunum non fuit, vt contra
aliquid dicerem, & non tales homines erant, de quorum ef-
fem auctoritate follicitus, facile hoc in tranfactu atque abo-
litis habui. Et ecce contra Ecclefiam iam ftudio ftannante
defenditur, ecce fcribendo etiam memoria commendatur, ecce
res in hoc discrimini adducitur, vt hic etiam à fratribus
confulamur, ecce contra difputare & fcribere cogimur. Hæc
ille, qui in eodem loco teftatur, fe apud nullum fcri-
ptorem ante Pelagium vquam legere potuiffe, ho-
mines nafci fine peccato originali. Quin etiam adeo
fuiffe hoc dogma de peccato originis in Ecclefia fixum
ac certum, vt ex eo quæftiones aliæ foluerentur.*

Hoc etiam noftro fæculo Pelagiana hærefi iamdu-
dum extincta, Iacobus Faber, & Zuinglius, qui ean-
dem hærefim ab inferis excitauit, apertè fatentur,
fententiam fuam effe contrariam doctrinæ omnium
fcholarum, ac per hoc nouam, fiue potius, vt dixi-
mus, renouatam.

CAPVT VIII.

Dilununtur objectiones ex Scripturis.

SVPEREST vt argumenta foluamus, quæ primùm
à Scripturis, deinde à Patribus, poftremò à ratio-
ne ducuntur. Primo loco adferam teftimonia Scri-
pturarum, quæ olim Pelagiani obieiebant; deinde
quæ Zuinglius pofttea adiecit. PRIMVM teftimo-
nium ex Tefta. vetere, erat illud Ezech. 18. *Filius non
portabit iniquitatem patris*. Hoc teftimonium, vt potif-
fimùm in hac caufa protulerat olim Iulianus, protu-
lit etiam noftro fæculo Zuinglius in lib. de Baptif-
mo, in digreffione de peccato originis.

RESPONDIT S. Auguft. libro 6. in Iulianum,
cap. 12. verba Ezechielis effe prophetica, ijsque pro-
mitti beneficium Teftamenti noui, quo per regene-
rationem delendum erat chirographum paternum,

vt non amplius noceret peccatum veteris Adami, ijs
qui ad nouum Adamum per baptifmum pertinere
cœpillent. Quod euidentius fcribitur à Hieremia,
cap. 31. his verbis: *In diebus illis non dicent, Patres man-
ducaverunt vnam acerbam, & dentes filiorum obftupue-
runt. Sed vnusquisque in fuo peccato morietur. Omnis ho-
mo qui comederit vnam acerbam, obftupescunt dentes eius.*
*Ecce dies venient, dicit Dominus, & fessam domus Iuda
fadus nonum, non fecundum pactum quod pepigi cum patri-
bus veftris in die qua apprehendi manum eorum, vt educe-
rem eos de terra Egypti: pactum quod irritum fecerunt, &
ego dominatus fum eorum, dicit Dominus. Sed hoc erit pa-
ctum, quod fessam cum domo Ifrael poft dies illos, dicit Do-
minus, dabo legem meam in vifceribus eorum, & in corde
eorum fcribam eam, & ero eis in Deum, & ipfi erunt mihi in
populum, quia propitiabor iniquitati eorum, & peccatis eo-
rum non memorabor amplius.*

Sed obseruandū est hoc loco, duobus modis poffe
fieri, vt filius non portet iniquitatē patris. Vno mo-
do, fi per nouam generationem transferatur ab illo
patre ad aliū, & hoc modo promittit Deus per Hie-
remiam futurum in Teftamento nouo, vt homines
per regenerationē tranflati ab Adamo ad Chriftum,
non portent iniquitatem Adami. Altero modo, fi
non imitetur iniquitatē patris, nec fit particeps pec-
cati illius, & hoc modo videtur Ezechiel dicere, fi-
lium non portaturum iniquitatem patris, vt expofui-
mus cap. fuperiore. Ezechiel enim apertè prohibet
ipfis Iudæis, nomine Dei, ne vtantur eo prouerbio:
*Patres comederunt vnas acervas, & dentes filiorum obftu-
pescunt. Et rationem reddit, quia æqua funt via Domini,
& omnes anima eius funt, &c.* Et iuxta hanc expofitio-
nem promptum eft Pelagiaris refpondere, huius non
regeneratos, non portare iniquitatem patris, fed
fuam; peccatum enim originale, tamen ab Adamo
eft, non tamen Adami, fed noftum eft.

Itaque idem S. Auguft. qui hoc loco contentus fuit
dicere, filios non portare iniquitatem patris, quando
regenerati funt; in eodem lib. 6. in Iulian. c. 4. dixe-
rat, etiam ante regenerationem filios non portare
aliena peccata, fed propria: *Parentum, inquit, peccata
modo quodam dicuntur aliena, & rursus modo quodam re-
periuntur & nofta. Aliena quippe proprietate funt actuum,
& nofta funt contagione propaginis. Quod fi falum effet,
profecto grane iugum super filios Adam à die exiit de v-
tre matris eorum, nullo modo iustum effet.* Hæc ille.

SECUNDVM teftimonium adferebant Pelagiani ex
illis verbis Rom. 5. *Sicut per vnus hominis inobedientiam
peccatores conflituuntur multi, &c.* Si enim non imita-
tione, fed propagatione peccatores conflituuntur
homines ob inobedientiam Adami, non diceret Apo-
ftolus, multi, fed omnes. RESPONDET S. Auguft. in
eodem lib. 6. in Iulian. c. 12. per multos intelligi de-
bere omnes qui nafcuntur ex Adamo, qui verè funt
multi. Poffunt enim aliqua effe omnia, quæ tamen
non funt multa, vt Euangelia quatuor funt omnia non
multa. Poffunt etiam effe multa, quæ non funt om-
nia, vt credentes in Chriftum multi funt, non tamen
omnes, quia non omnium eft fides.

Apostolus igitur valdè propriè dixit, multos con-
ftitui per Adamum peccatores, & multos iustos per
Chriftum, quia omnes qui nafcuntur ex Adamo, con-
ftituuntur peccatores, & illi funt multi, non tamen
omnes fimpliciter, cum Heua fit homo, & tamē non
fit per Adamum iniufta conflituata, & Chriftus etiam
fit homo, & tamen nec fit ex Adamo, nec peccator;
& fimiliter omnes qui renafcuntur in Chrifto, con-
ftituuntur iufti, & hi funt multi, fed non omnes fimp-
liciter, quia non omnes renafcuntur in Chrifto.

Porro Scriptura vtrūq; dixit, & multos, & omnes.

Ait enim: Sicut per unius delictum in omnes homines in condemnationem, sic & per unius iustitiam in omnes homines in iustificationem vitæ: sicut enim per inobedientiam unius hominis peccatores constituti sunt multi, ita & per unius obediētiā iusti constituentur multi. Cūm dicit (omnes) significat neminem esse ex Adamo, qui non sit peccator; neminem ex Christo, qui non sit iustus; & similiter neminem esse peccatorem, qui non sit ex Adamo; neminem esse iustum, qui non sit ex Christo. Cūm dicit (multos) significat illos, quos dixit omnes, non esse omnes simpliciter, sed tamen absolute & simpliciter multos.

Similis locus est in cap. 17. Genes. Patrem multarum gentium posui te. Et cap. 22. In semine tuo benedicentur omnes gentes. Vbi videmus eos, qui promittuntur Abraham in filios, nunc dici multos, nunc omnes, quia omnes sunt in quodam genere, & tamen simpliciter non omnes, sed multi.

Dicit aliquis, si omnes qui nascuntur ex Adamo, contrahunt originale peccatum, cur Apost. in eod. cap. scribit, *Gratiam Dei per Christum abundasse in plures, quam peccatum abundaverit per Adamum*? Respondeo, vocem illam (plures) non significare comparationem eo loco, sed æquivalere voci (multos.) Nam in textu Græco non est *πλῆθος*, sed *πολλοί*. Itaque sensus est, gratiam Dei per Christum non fuisse restrictam ad unum, vel duos, sed abundasse in plures, sicut peccatum non solum infecit Adamum & filios, sed alios plurimos. Atque hoc quod est abundare in plures, multo magis conuenit gratiæ, quam peccato, cūm gratia sit potentior, & efficacior.

TERTIUM testimonium sumebant ex eodem loco Apostoli: *Per unum hominem peccatum in mundum intravit*. Nam si peccatum intrasset in mundum per generationem, non diceret Apostolus, per unum hominem, sed per duos homines. Generatio enim duos requirit. Respondet auctor Hypognostici lib. secundo, dictum esse, *Per unum hominem*, quia vir & mulier coniuncti per matrimonium, non sunt duo, sed una caro, ut Dominus dicit Matth. 19. Addit idem auctor, Scripturam, ut satisfaceret curiosis Pelagianis, utrumque dixisse, per unum, & per vnam. Nam Rom. 5. ait: *Per unum hominem*. Eccles. 25. ait: *Amulere initium factum est peccati, & per illam omnes moriuntur*. Possumus adungere tertiam solutionem, Apostolum dixisse, *Per unum hominem*, id est, Adamum, quia primaria causa peccati originalis non Heua, sed Adam fuit; Tum quia peccatum Adami, non Heuæ traducitur in posteros; Tum quia vir causa est actiua generationis, mulier passiuæ. Quare si Heua peccante, Adam in innocentia permansisset, non haberent ipsorum filij originale peccatum, & contrā, haberent illud, si Heua in innocentia permanente, solus Adam peccasset.

QUARTUM testimonium accipiebant ex verbis illis Apo. Pauli, 2. ad Cor. 5. *Omnes nos manifestari oportet ante tribunal Christi, ut referat unusquisque propria corporis sicut gessit, sine bonum, sine malum*. Respondet S. Augustinus lib. 6. in Iulian. cap. 4. paruulos vel manifestandos esse ante Christi tribunal, vel non manifestandos; si non manifestandos, quia videlicet de adultis tantum loquatur Apostolus, nihil hanc sententiam ad paruulos pertinere, ac per hoc non probari hoc testimonio non esse in paruulis originale peccatum; si manifestandos, paruulos non regeneratos reportaturos quod gesserunt per alios, id est, peccatum, sicut reportabunt paruuli regenerati, quod gesserunt per alios, id est meritum fidei. Sicut enim prodest paruulis, dum baptizantur, quod per alios credunt, & ideo inter fideles & iustos numerantur à

A Christo. Sic etiam mirum non est si eis noceat, quod fidem & iusticiam amiserunt per alium, & ideo inter infideles & iniustos numerantur à Christo, atque ad eorum gregem pertinent, de quibus præcursor Domini sic ait: *Qui non credit in filium, non videbit vitam, sed ira Dei manet super eum*. Ioan. 3.

QUINTUM testimonium adducit Zuinglius in li. de Baptismo, ex c. 3. & 4. ad Rom. his verbis: *Nunc Scriptura testimonia, quæ pollicui sumus, proferemus. Paulus ad Rom. 3. peccati cognitionem per legem oboriri dicit. Vbi ergo legis cognitio nulla est, ibi nec peccati cognitio esse potest. Vbi verò cognitio peccati non est, ibi nec præuicatio est, adeoque nec damnatio quoque ibidem esse potest. Idem enim hoc Paulus testatur ad Rom. 4. dicens: Siquidem ubi non est lex, ibi nec transgressio est. Iam ergo testimoniorum istorum vim & potentiam considera, quæ tanta est, ut omnia omnium Theologorum de originali peccato commenta penitus subuersat. Morbus enim hic nobis damnationem adferre nequit, quæ cum demum subsequitur, cūm legem oculis nostris expostam conspicimus, adhuc tamen morbo hoc & affectu corrupta natura impulsæ, legem transgredimur.*

Respondeo, Zuinglium ex duobus Scripturæ testimonijs, non syllogismum, sed paralogismum texuisse. Nam ex illo testimonio, *Per legem cognitio peccati*, ad Rom. 3. deduxit, Vbi nulla est cognitio legis, nullam esse præuicationem. Quam consequutionem non recte probauit ex illo alio testimonio, *Vbi lex non est, nec præuicatio*, ad Rom. 4. Non enim Apostolus ait, ubi legis cognitio non est, nec præuicatio est, quæ erat Zuinglij collectio; sed ubi lex non est, nec præuicatio est. Et quidem quod Apostolus ait, verissimum est. Non enim potest fingi præuicatio, nisi sit lex, quæ præuicando violetur. Quod autem Zuinglius ait, falsum est, cūm sæpè fiat, ut aliqui legem ignorent, & tamen eam verè præuicentur. Vnde sunt peccata, quæ dicuntur ignoratiæ, quæ peccata lethalia esse possunt, si ignorantia sit voluntaria, qualis est eorum, de quibus dicitur: *Nolui intelligere, ut bene ageret*.

Itaque B. Paulus ad Rom. 2. ait: *Qui sine lege peccauerunt, sine lege peribunt*. Esse autem sine lege, teste ipso Zuinglio in declaratione de peccato originis, est legem ignorare. Nam alioquin, ut ipse dicit, nemo est sine lege. Sunt igitur aliqui, qui legem ignorant, & tamen peccant, & pereunt; ac per hoc falsum est quod ipse ait, Vbi legis cognitio non est, nec præuicatio, aut damnatio est.

Rursus aliam propositionem Zuinglius assumpsit, quam non probauit, illam videlicet; ubi non est præuicatio, ibi nec damnatio esse potest. Et quidem si de præuicatione in vniuersum, siue ea propria, siue communis sit, Zuinglius loqueretur, admitti posset ea propositio, quamuis eam ipse nullo argumento comprobauerit, sed ex ea nihil efficeret contra originale peccatum. Paruuli enim, qui vsu rationis carent, non habent quidem præuicationem propriam, ob quam damnentur, sed habent communem quandam toti humano generi, de qua loquitur Apost. cūm ait: *In quo omnes peccauerunt*, Rom. 5. ob quam vniuersum iure damnatum est.

Cæterum quia sine dubio Zuinglius de propria præuicatione loquitur, id est, quæ propria voluntate committitur; ideo illam eius propositionem, Vbi non est præuicatio, ibi nec damnatio esse potest, falsam esse contendimus, & Scripturis contrariam. Nam idem Apost. qui ad Rom. 9. dicit, infantes nihil boni, nihil mali fecisse, ac per hoc nullam legem propria voluntate præuicatos esse. Idem ad Ephes. 2. scribit: *Omnes esse natura filios iræ*. Et ad Ro. 5. *Vnius delicto in omnes homines in condemnationem*.

Deniq; Zuinglius illud aſſumit, quod potiſſimum in quæſtione verſatur, ſolâ videlicet præuaricationē quæ eſt actuale peccatū, eſſe propriè peccatū, quod hominem damnare poteſt. Id enim Catholici omnes negant, & contrarium testimonijs multis Scripturârū apertiffimè probant. Ipſe verò probavit quidem ex Scripturis, per legem cognoſci peccatum, & ubi lex non eſt, non eſſe præuaricationem, quæ duo extra controverſiam ſunt: ſed ubi non eſt præuaricationis, non eſſe damnationem, quod vnum ei probandum fuerat, nulla ratione probavit, ſed aſſumpſit; vt certum, quod vitiū, Dialectici vocant, petere principiū, quo nihil abſurdius in diſputatione cōmittitur.

S E X T V M testimonium petit idem Zuingl. in eodem lib. ex illis Apoſt. verbis ad Rom. 7. *Absque lege peccatum erat mortuum, ego autem vivebam ſine lege aliquando. Porro veniente mandato peccatum revixit. Quando, inquit Zuinglius, ſine lege vixiſſe dicemus Apoſtolum? nempe cum puer adhuc eſſet, & ætate tener. Alioquin enim ſine lege nemo eſſe poteſt.* Sed clariſſe ex hoc loco argumentum format idem Zuinglius in declaratione de peccato originis, prope finem. Ibi enim probat, paruulos, & non baptizatos, eſſe in ſtatu innocentie, hoc argumento: *Quamdiu, inquit, paruuli legis capaces non ſunt, in ſtatu eſſe innocentie, nos incunctanter de noſtris aſſerimus, ſuſti auctoritate Pauli ad Rom. 4. Vbi enim non eſt lex, ibi nec præuaricationis. Sunt autem teneri, inexperſi, legumque rudes, non minus ſine lege quàm Paulus; ergo non transgrediuntur, proindeque nec damnantur. Perhibet autem Paulus, ſe aliquando ſine lege vixiſſe, ad Rom. 7. id autem de nulla ætatis eius parte, quàm infantia, pueritiaue intelligendum eſt. Peccatum ergo tum ei mortuum fuerat, ac ubi lex vixeret, iam ſe mortuum eſſe reſtat. Eodem modo nos quamdiu ſumus per ætatem rudes legis, non peccamus ipſi; ubi verò lux legis aſſuſit, iam rei reddimur.* Hæc ille.

Reſpondeo, hoc argumentum nihil concludere propter tres cauſas. Primū enim illud, *Absque lege peccatum mortuum erat*, non ſignificat peccatum ſimpliciter non fuiſſe, ſed non fuiſſe cognitum, nec reputatum pro peccato, quamvis reuera peccatum eſſet. Sic enim idem Paulus docet ad Rom. 5. *Vſque ad legem enim peccatum erat in mundo: peccatum autem non imputabatur, cum lex non eſſet.* Vbi illud, *non imputabatur*, ſignificat peccatum non fuiſſe ab hominibus pro peccato habitum, donec lex Moſis peccatum prohibendo, ipſum apertè manifeſtauit. Quod enim peccatum à Deo imputatum fuerit, perſpicuum eſt ex pœna peccati, quæ eſt mors, toti generi humano communis. Itaque in paruulis ſine lege (vt Zuinglius docet) viventibus, peccatum eſt mortuum, id eſt, occultum & latens, non autem nullum omninò, ac per hoc non ſunt paruuli in ſtatu innocentie, ſed in ſtatu peccati, & damnationis rei, quamdiu per baptiſmum non renaſcuntur in Chriſto.

Deinde illud, *Ego autem vivebam ſine lege aliquando*, non cogimur intelligere (vt vult Zuingl.) de paruulis & de lege naturæ. Nam iſta eius interpretatio fuit Origenis in comment. huius loci. Sed refutata eſt optimis argumentis à S. Ioan. Chryſoſt. in cōment. eiſdem loci. Eſt autem expoſitio communior ſanctis Patribus, quod Apoſt. loquatur in perſona naturæ humanæ, qualis erat ante legem Moſis, & ſententia huius loci hæc ſit: Peccatū abſq; lege Moſis mortuum erat, quia non cognoſcebatur vt offenſa Dei, nec vt reatū mortis adducens. Homines autem vivebāt ſine lege Moſis videlicet, aliquando & idè in oculis eorū ignorantia excæcatis, peccatū mortuum erat, ſed ubi lex aduenit, peccatum reuixit, quia cognoſci cœpit. Vide comment. Chryſoſt. & Theophylacti, necnon Ambroſij (ſive quicunq; iſ fuit auctor) Haymonis,

A Anſelmi, Thomæ, & aliorū in hunc locum. Denique etiam Aug. li. 1. ad Simplicianum, q. 1. & lib. 83. q. 66.

Postremo, ſi concederemus hoc testimonium propriè ad paruulos pertinere, non propterea efficeretur paruulos nondum baptizatos eſſe in ſtatu innocentie, ſed ſolū carere eos peccato actuali, quod propria voluntate committitur. Qui enim ſine lege ſunt, id eſt (vt Zuingl. explicat) legem non norunt, neque eius noſcendæ capaces ſunt, non poſſunt actione propria legem præuaricari. At quæſtio noſtra eſt, an præter actuale peccatum non ſit etiam aliquod aliud verè ac propriè dictum peccatum, quod non actione propria committatur, ſed à parentibus per generationem trahatur. Ad quam quæſtionem nihil omninò pertinet locus Apoſtoli à Zuinglio adductus.

S E P T I M V M testimo. adducitur ab eodem Zuinglio, tum in lib. de baptiſmo, tum in declaratione de peccato originis, ex c. 5. ad Ro. ubi ſic Paulus loquitur: *Regnauit mors ab Adam vſque ad Moſem, in eos quoque qui non peccauerunt in ſimilitudinem præuaricationis Adam.* Nam ex hoc Zuinglius colligit mortem quidem ex primo parente trahi, non autem peccatum. Sed facilis eſt reſponſio. Nam Apoſt. (vt ſuprà diximus) demonſtrare voluit, ante legē Moſis fuiſſe in mūdo peccatum, & omnes homines fuiſſe peccatores, tametiſi peccatum non ita perſpicuè cognoſceretur, vt offenſa Dei. Id verò probat ex morte, quæ eſt pœna peccati, & in omnibus regnat, & regnavit etiam illo tempore, quo peccatum non perſpicuè cognoſcebatur, id eſt, ab Adam vſque ad Moſem.

Quare non dicit Apoſt. mortem regnaſſe in eos qui nullo modo peccauerunt (ſi enim hoc diceret, neque probaret quod volebat, & verbis illis ſuis repugnaret, mors in omnes homines pertransiit, in quo omnes peccauerunt) ſed dicit mortem regnaſſe in illos, qui non peccauerunt in ſimilitudinem præuaricationis Adam, id eſt, qui non peccauerunt propria actione contra legem planè perſpectam, & cognitam, quemadmodum peccavit Adam. Itaque ex verbis Apoſtolicis habemus, omnes homines mori, & peccatum habere, vel habuiſſe, quamvis non omnes peccauerunt actuali peccato, vt peccavit Adam.

C A P V T IX.

Explicantur testimonia Patrum, quæ Pelagiānis in ſpeciem ſanere videntur.

EX Patribus pauci quidam ſunt, qui pro ſententia Pelagianorum adduci poſſent, videlicet Clemēs Alexandrinus, Ambroſius, Arnobius, S. Ioannes Chryſoſtomus, & Theodoretus. Clemens libro 3. Strom. ſub finem, ſic ait: *Dicant ergo nobis, ubi formatus eſt infans natus, vel quomodo ſub Adæ cecidiſſe execrationem, qui nihil eſt operatus?*

At non ſatis conſtat, cuius hæc verba ſint, ipſius ne Clementis, an hæreticorum, cum quibus in eo Stromate Clemens diſputat. Ac probabile eſt, illis verbis contineri objectionem Iulij Caſſiani, & aliorum, qui docebant malam eſſe generationem, & ea de cauſa nuptias damnabant. Illi enim prolato testimonio ſancti Iob: *Nemo mundus à ſorde, nec ſi ſit infans unius diei*, inde colligebant, infantes naſci immundos & peccatores; & quoniam certum eſt, non eſſe infantes propria aliqua actione pollutos, cum nec fornicari, nec aliquid eiſmodi facere poſſint, efficiebant malam eſſe generationem, quandoquidem ex ea homines procreantur immundi. Sic enim continuò ſubiicit Clemens: *Reſtat ergo ei (vt videtur) conſequenter vt dicant, malum eſſe generationem, non ſolū eam, quæ eſt corporis, ſed etiam eam,*

que

que eſt anima. Itaque hæretici illi peccatum originis non negabant, ſed aſſerebant potius, & ex ea aſſertione errorem ſuum aſtruere conabantur.

S. Ambroſium adducit Michaël Sernetus, teſte Sixto Senenſe lib. 6. Bibliothecæ ſanctæ, annot. 236. contra peccatum originale, propter illa verba, quæ habentur in comment. cap. 5. ad Rom. *Mors diſſolutio corporis eſt, cum anima à corpore ſeparatur. Eſt & alia mors, quæ ſecunda dicitur, in gehenna, quam non peccato Ada patimur, ſed eius occaſione proprijs peccatis acquiri-mus, à qua boni immunes ſunt, tantum quod in inferno erant, ſed ſuperiori, quaſi in libera, quia ad cælum aſcendere non poterant.*

Sed facilis eſt reſponſio. Nam neq; cōmentaria illa cenſentur Ambroſij, neq; auctor eorum comment. quidquam ſcripſit contra doctrinam Eccleſiæ de peccato originis, ſed eam potius, ut cap. 5. oſtendimus, apertiffimè confirmavit. In verbis autem paulo ante citatis, nihil aliud auctor ille docet, niſi pœnam originali peccato debitam non eſſe gehennam ignis, hoc eſt, pœnam ſenſus, ut recentiores Theologi loquuntur, ſed carentiam æternæ beatitudinis, quæ pœna damni appellari ſolet; quam pœnam, qui ſuſtinent, in inferno quidem degunt, ſed in parte quadam eius loci ſuperiore, atque altiore, quàm ut ad eam gehennæ flamma perſtingere queat.

Hanc verò eſſe auctoris illius ſententiam, ex eius verbis intelligi poteſt. Nam poſtquam dixerat, ob peccatum originale, fuiſſe homines, alioqui bonos, in inferno, neque ad cælum aſcendere potuiſſe, ita ſubjunxit: *Sententia enim tenebatur data in Adam, quod chirographum in decretis morte Chriſti deletum eſt. Sententia autem decreti fuit, ut unius hominis corpus ſolveretur ſuper terram, anima verò vinculis inferni detenta, exitia pateretur. Et inſtrà: Paterno autem peccato ex Dei ſententia erat apud inferos, gratia Dei abundans in deſcenſu Salvatoris, omnibus dans indulgentiam, cum triumpho ſublatis eis in cælum.*

Iam verò Arnobius tertio loco adduci poteſt, qui comment. Pſal. 50. ſic loquitur: *Non dixit David, cum iniquitatibus, aut cum peccatis genuit me mater mea, ſed in iniquitatibus conceptus ſum, & in peccatis genuit me mater mea. Dicendo enim matrem eum in ſuis iniquitatibus genuiſſe, eum in peccatis ſaculis peperiſſe ſignavit, quia omne peccatum corde concipitur, & ore conſummatur, hic autem qui naſcitur, ſententiam Ada habet, peccatum verò ſuum non habet.*

Hic verò auctor quicumq; ſit, certè non eſt Arnobius ille, præceptor Lactantij, qui ſcripſit libros ſeptem aduerſus Gentes, ſed aliquis multò recentior, ut aliqui ante nos obſervarūt. Videtur autem auctor iſte non negaſſe paruulos habere peccatum, quod ex Adamo contraxerint, ſed non habere peccatū, quod propria voluntate commiſerint. Nam dicit paruulos habere ſententiam Adæ, ac per hoc etiam culpam Adæ ſibi generatione communicatam. Non enim iuſta ſententia eſſet, niſi culpa præcederet, & idcirco cū dixiſſet, Hic autem qui naſcitur, ſententiam Adæ habet; non adiunxit, peccatū verò non habet, ſed, peccatū verò ſuum non habet; quod relatiuum (*ſuum*) ad peccatū actuale referri debet, de quo ſuprà dixerat, peccatū corde concipi, & ore conſummari.

Q V A R T O loco adducitur S. Ioan. Chryſoſtomus, qui non ſolūm olim Iuliani Pelagij ſectatori primario, ſed etiam noſtra ætate nouis Pelagianis viſus eſt negaſſe originale peccatum. Hæc autem ſunt teſtimonia quæ ex Chryſoſt. proferri ſolent. Primum, hom. 10. in epiſt. ad Rom. *Quid ſibi vult, inquit Chryſoſtomus, in quo omnes peccauerunt? quod illo lapſo, & illi item qui de ligno non comederunt, effecti ſunt ex illo om-*

nes mortales. Quibus verbis ſolam mortalitatem primi hominis, non autem inobedientiam eius, qua primum vetitum guſtauit, communicari poſteris dicere videtur. Quod etiam apertius paulo inferius his verbis: Videtur, inquit, quaſtionem non paruum habere quod dictum eſt, videlicet multos ob unius inobedientiam peccatores exiſſe. Illo enim peccante, ac mortali effecto, & qui ex eo orti ſunt, eos tales eſſe, nihil abſurdum. At ex illius inobedientia alterum peccatorem exiſtiſſe, quam, obſcra, congruentiam & conſequentiam habet? Quid igitur hoc loco verbum hoc (peccatores) ſignificat? mihi videtur tantundem ſignificare, quantum illud (ſupplicio obnoxio, ac mortis rei) quod Adam mortuo, omnes ſunt mortales effecti.

A L T E R V M teſtimonium habetur homilia 17. in epiſt. priorem ad Corinth. *Quid igitur faciam, inquit, propter illum, videlicet Adamum, pereō? minime propter illum. Neque enim tu ſine peccato permanſiſti; quod ſi non idem peccatum, tamen aliud commiſiſti.*

T E R T I V M teſtimonium ho. 39. in eandem epiſt. *Quid igitur, dic mihi, num omnes in Adam morte peccati mortui ſunt? Quomodo ergo Noe vir iuſtus ſaculo ſuo fuiſt? quomodo Abraham? quomodo Iob? quomodo multi denique alij? & quomodo, dic mihi, omnes vivificabuntur in Chriſto, & hi præſertim, qui in gehennam adducendi ſunt? Itaque ſi hoc de corpore dictum eſſe velimus, conſtabit oratio, ſi autem de iuſtitia & peccato, nequaquam.*

Q V A R T V M teſtimonium, hom. 24. in epiſt. ad Ephel. *Corruptibile nobis corpus eſt, ſed incorruptibilis anima. Ne igitur & ipſam corrumpanus, hoc illud primum primi hominis peccatum fecit; quod autem poſt lauacrum ſit, etiam animam corrumpere poteſt.*

Q V I N T V M teſtimonium, hom. ad Neophytos: *Vides quos ſunt Baptiſmatis largitates? ſed multi quidem videtur Baptiſmi gratiam in peccatorum tantum remiſſione conſiſtere. Nos autem Baptiſmi honores tam computaviſmus decem. Hæc de cauſa & infantulos baptizamus, quamvis non ſint inquinati peccato, nempe ut eis addatur ſanctitas, iuſtitia, adoptio, hæreditas, & fraternitas Chriſti. Hæc igitur teſtimonia ſunt, ob quæ S. Ioan. Chryſoſtomus ad patrociniū Pelagianæ hæreſeos ab aduerſarijs aduocatur.*

Sed B. Auguſtinus iam olim Chryſoſtomum defendit in lib. I. aduerſus Iulian. c. 2. vbi ſic loquitur: *Itane verba S. Ioannis Epſcopi audeſ tanquam à contrario tot talium ſententijs collegarum eius opponere, eumque ab illorum concordiffima ſocietate ſejungere, & eis aduerſarium conſtitueret abſit, abſit hoc malum de tanto viro credere, aut dicere: abſit, inquam, ut Conſtantinopol. Ioan. tot ac tantis Coepiſcopis ſuis, maximeq; Romano Innocentio, Carthaginienſi Cypriano, Cappadoci Baſilio, Nazianzeno Gregorio, Gallo Hilario, Mediolanenſi reſiſtat Ambroſio.*

Deinde multa loca idem Auguſt. ex libris Chryſoſtomi proferre, vnde probet eum de peccato originali nihil aliud ſenſiſſe, quàm tot eius Coepiſcopi ſenſerint. Ex his locis duo hic adſcribam. Primus habetur in ho. ad Neophytos: *Venit, inquit, ſemel Chriſtus, inuenit noſtrum chirographum paternum, quod ſcripſit Adam. Ille initium induxit debiti, noſ ſœnus auximus poſterioribus peccatis. Certè videmus in his verbis chirographum debiti quod ſcripſit Adam, noſtrum vocari, & apertè diſtingui à ſœnore peccatorum actualium, quod nos addidimus. Sumus igitur (Chryſoſtomi ſententia) Deo debitores, tum ob peccatum ab Adamo contractum, tum ob peccata propria voluntate commiſſa. Alter locus habetur in ho. 10. in epiſt. ad Rom. *Quod, inquit, Chriſto crux & ſepulchrum, hoc nobis Baptiſma fuit, quamvis non iſdem in rebus. Ille enim carni & mortui & ſepultus eſt, nos autem peccato utrumque.**

Ex hoc loco rectè colligit S. Auguſt. ex ſententia Chryſoſtomi, paruulos in peccato naſci. Nam illi

etiam baptizantur in Chrifto, ac per hoc moriuntur in peccato. Quotquot enim baptizantur in Chrifto, confepeliuntur ei in morte, vt Apoft. dicit; exponit autem Chryfoftomus, confepeliri in morte nihil elle aliud, nifi mori & fepeliri peccato, ficut Chrifto mortuus & fepultus eft, quoad carnem.

His duobus locis ab Auguft. adductis, addemus nos alia duo. Sicigitur Tertius locus ex hom. eadem, videlicet decima in epift. ad Rom. non procul ab initio: *Liquet, inquit, quod non ipfum peccatum quod à legis transgreffione oritur, fed illud quod ab Adam inobedientia, ipfum illud, inquam, peccatum erat, quod omnia perdebat.* In his enim verbis Chryfoft. diftinguit peccatum quod oritur in nobis ex legis transgreffione, quod actuale dicitur, ab eo peccato, quod ex Adam inobedientia in nobis exiftit, quod originale vocatur; atque ait ab ifto posteriore peccato mortem, & omnia mala promanaffe, & ideo mirum non elle, fi regnauit mors etiam antequam lex daretur. Nam erat in mundo peccatum ab Adam inobedientia natum, & illud omnia perdebat.

Quartus locus eft in hom. 40. in epift. priorem ad Cor. *Dens, inquit, in regenerationis lauacro mentem gratia tangit, radicale peccatum euellit, & vt tu aurum, ferrum, &c. recoquendo purum nonumque facis: fic Spiritus ille fanctus in baptifmate velut in fornace recoquit ipfam, & peccatum confumendo, quolibet auro purius fplendentem reddit.* Certè peccatum radicale non poteft aliud fingi, nifi illud quod à radice, id eft, ab Adamo trahimus, quodque per Baptifmum, tum in paruulis, tum in magnis eluitur. Adduci folet alius locus ex homilia de Adam & Heua, quæ inter opera Chryfoftomi legitur. Sed ea homilia non cenfetur elle Chryfoftomi, Tum quod Græcè nufquam inueniatur, & auctor non Græcus, fed Latinus fuiſſe exiftimetur; Tum quod in ea duo integra capita reperiantur in libris de Eccleſiaſticis dogmatibus.

Ex his non difficile erit ea testimonia explicare, quæ aduerſarij ex Chryfoft. proferunt. Ad primum testimonium ex hom. 10. in epift. ad Rom. **R E S P O N D E M V S**, Chryfoftomum quidem ſcripſiſſe, ex peccato Adæ nos omnes mortales effectos elle, quod veriſſimum eft, non autem negaſſe ex eodem Adæ peccato nos meritum mortis, id eft, peccatum originale traxiſſe. Quin potius id apertè indicaſſe, cum paulò poſt ſubjunxit immortalitatem illam, cui obnoxij facti ſumus, ſupplicium quoddam fuiſſe. Non enim ſupplicium iuſtum eſſet, niſi meritum ſupplicij, id eft, peccatum etiam haberemus.

Porro quod abſurdum viſum eft Chryfoſtomo, vt ex inobedientia vnius, alij peccatores conſtituantur, ſine dubio ad actuale peccatum referendum eft. Neque enim fieri poteſt, vt præciſè quia vnus peccat, alius peccare dicatur, ſiue vt peccatum vnius ſit alterius peccatum. Itaque rectè Chryfoſt. in illis verbis, *Vnius inobedientia peccatores conſtituti ſunt multi*, noluit verbum (*peccatores*) ita accipi, quaſi ſenſus eſſet, *Vnius inobedientia multi actu inobedientes facti ſunt*: ſed voluit multos dici peccatores ex vnius inobedientia, quia tales genuit Adam, qualis ipſe erat poſt peccatum; ipſe autem peccator erat, peccato in ipſo per modum habitus remanente, & inde obnoxius ſupplicio, & mortis reus.

Porro hoc ipſum peccatum per modum habitus inherens, & reatum mortis, ac ipſam moriendi neceſſitatem in omnibus qui naſcuntur ex Adam inefſe, ſatis apertè Chryfoſt. indicauit, cum alicubi peccatum radicale, alibi peccatum abſolutè, vt ſuprà dictum eſt, alibi mortalitatem, alibi mortis ſupplicium nominauerit. Sed quia nondum exorti fuerant Pela-

giani, ſecuriùs loquebatur, & ideo ſolam mortalitatem interdum nominabat, cum tamen peccatum habituale non excluderet.

Ad alterum testimonium ex hom. 17. : priorem ad Corinth. facilis eſt reſponſio. Siquidem in concione eos Chryfoſt. meritò reprehendit, qui cauſam damnationis ſuæ reiſciunt in Adamum. Nam ſi nullum nos peccatum propria voluntate committeremus, poſſemus fortalle queri de Adamo, quod propter illum pereamus. At cum tam multa & tam graua peccata perpetremus, fruſtrà querimur de Adamo. Adde quod eos Chryfoſt. alloquebatur, quibus iam peccatum originis per baptiſmum condonatum fuerat. Proinde mirum non eſt, ſi nolebat eos damnationis ſuæ cauſam in Adamum reiſcere.

Ad tertium ex hom. 39. in eadem epift. expedita reſponſio erit, ſi duo breuiter annotemus. Alterum eſt, Chryfoſtomi propoſitum eo loco elle, demonſtrare Apoſtolica illa verba, *In Adam omnes moriuntur*, de morte corporis, non de morte animæ elle intelligenda. Quod quidem veriſſimum eſſe, vel ex eo cognoſci poteſt, quod in toto illo cap. Apoſtolus de reſurrectione corporum diſſerat.

Alterum, verba illa Chryfoſt. *Non omnes in Adam morte peccati mortui ſunt*, &c. non elle intelligenda de morte animæ quacumque, ſed de morte æterna, ſiue de caſu in peccatum non quocumque, ſed irreparabili. Id quod ex contrario perſpici poteſt. Nam cum dicit, non omnes per Chriſtum viuificari, quo ad vitam animæ, non loquitur de quacumque vita animæ, ſed de perfectà, quæ eſt per gloriam ſempiternam. Probat enim non omnes per Chriſtum vitam animæ viuificari, quia multi in gehennam adducendi ſunt. Quæ ratio nihil efficeret, ſi de vita animæ per gratiam loqueretur, cum multi ſint in gehennam adducendi, qui tamen vitam animæ per gratiam aliquando receperunt.

His duobus annotatis, nihil ſcrupuli remanet in verbis Chryfoſtomi. Non enim negat ſanctus ille Doctor, omnes in Adam mortuos elle morte peccati quacumque, ſed irreparabili, atque æterna. Quod (vt diximus) veriſſimum eſt.

Ad quartum, ex hom. 24. in epift. ad Ephes. **R E S P O N D E O**, Chryfoſtomum loqui de ijs tantum, qui baptizati iam erant, vt perſpicuum eſt ex illis verbis, *Quod autem poſt lauacrum ſit, etiam animam corrumpere poteſt.* Porro qui baptizati ſunt, corpus adhuc gerunt corruptibile; non enim baptiſmus tollit moriendi neceſſitatem ex primo peccato inductam, & ideo (vt Apoſt. loquitur ad Rom. 8.) *Expectamus redemptionem corporis noſtri*: Animam tamen habent incorruptibilem, hoc eſt, quæ non neceſſariò corrumpitur morte peccati, ſed poteſt nunquam corrumpi, ſi velint homines baptizati gratiam diligenter conſeruare, quam in Baptiſmo perceperunt.

Ad quintum, ex homilia ad Neophytos, reſpondit iam olim ſanctus Auguſtinus lib. 1. in Iulian. Chryfoſtomum non dixiſſe, infantes non elle inquinatos peccato, quod potuiſſet ad peccatum originale trahi, ſed non habere peccata, quod ad peccata actualia ſine dubio pertinet. Græca enim Chryfoſtomi verba hæc ſunt: *Δια τοῦ ἡγίου πνεύματος βαπτισμοῦ, καὶ τοῦ ἁμαρτίας μέρους ἐξέγναι.*

At Chryfoſtomus, inquit, demonſtrare volebat, Baptiſmum non elle inſtitutū ad ſolam remiſſionem peccatorum. Id verò ſatis efficaciter ſe demonſtraſſe credidit exemplo infantium, qui baptizantur in Eccleſia, quamuis peccata non habeant. Nihil autem hæc ratio efficeret, niſi infantes omni peccato, etiam originali, carerent.

RESPONDEO, illos aduerſus quos Chryſoſt. diſputabat, in ea ſententia fuiſſe, vt exiſtimarent per Baptiſmum non infundi gratiam, & dona Spiritus ſancti, neq; animas purgari & ornari, ſed ſolum remitti debita peccatorum, per quandam condemnationem extrinſecam, quemadmodum inter homines remittuntur offenſiones, & amicitia reconciliantur. Quam ſententiam recte Chryſoſt. reſellit exemplo paruulorum. Siquidem originale peccatum non eſt tam offenſa, quam macula. Nihil enim paruuli propria voluntate egerunt, vnde Deum offendere poſſent, ſed ideo peccatum habere dicuntur, quia carent iuſtitia, & animam inquinatam, atq; à Deo auerſam habitualiter gerunt, vt in ſeq. diſputatione oſtendemus. Itaq; Baptiſmo egent infantes, non tam vt peccata eis remittantur per condonationem offenſarum, quam vt peccati macula in eis abſtergatur, & ipſi gratiam & dona recipiant, quibus purgentur, ornentur, iuſtificentur, & ex ſatanæ ſeruis, filij Dei efficiantur.

QVINTO loco adduci poteſt Theodoretus. Is enim exponens caput 5. epistolæ ad Rom. videtur velle peccatum Adami non tranſiſſe ad poſteros, niſi ratione occaſionis. Sic enim loquitur: *Cum Dominus Adam fabricatus eſſet, & ratione ornaret, dedit vnum præceptum ad rationem exercendam. Is deceptus, mandatum tranſgreſſus eſt, & cum mortis decreto factus fuiſſet obnoxius, ita Cain, & Seth, & alios genuit. Hi vero omnes, ut pote ex eo geniti, habebant mortalem naturam. Eiuſmodi autem natura multis indiget, & cibo, & potu, & indumentis, & habitatione, & diuerſis artibus. Eorum autem uſus ſape ad mediocritatis exuperationem incitat. Mediocritatis autem exuperatio peccatum generat. Dicit itaque diuinus Apoſtollus, quod cum Adam peccauit, & mortalis propter peccatum factus eſſet, vtrumque ad genus peruenit, id eſt, peccatum, & mors. Ad omnes enim mors peruaſit, quatenus omnes peccauerunt. Non enim propter primi hominis peccatum, ſed propter ſuum, vnusquique mortis decretum ſuſcipit. Eandem ſententiam habet idem Theodoretus in explicatione Pſalmi 50. tractans verſiculum illum, Ecce in iniquitatibus conceptus ſum.*

Rurſus in epitome diuinorum decretorum, cap. 12. quod eſt de Saluatoris incarnat. tractans illud Apoſt. ad Rom. 5. *Sicut per vnus inobedientiam peccatores conſtituti ſunt multi, &c.* ſic ait: *Valde neceſſario illud, multi, in vtroque poſuit. Etenim cum Adam peccaſſet, & plurimi diuinas leges tranſgreſſi eſſent, permanserunt nonnulli in decretis nature, & virtutis curam geſſere, ſicut Abel, Henoch, & Noe, & Patriarchæ, & Prophetæ, & alij plurimi, non ſolum apud Hebræos ſed etiam apud alias gentes. Cæterum quamuis Theodoret. interdum loca quædam Scripturæ ita expoſuerit, vt Pelagiani ſolebant, eum tamen de peccato originis à Catholicis Patrib. non diſſenſiſſe, ex eius testimonijs doceri poteſt. Nam in eodem c. 12. diuinorum decretorum ita loquitur: *Iuſtitia decretum, cum vnus peccaſſet, vniuerſum genus morti tradidit. Diuina autem miſericordia, cum omnes homines eſſent ſub maledicto, & peccati laqueis eſſent implicati, per vnus iuſtitiam dedit omnibus ſalutem.* Vides in his verbis apertiffimam Theodoreti ſententiam de peccato originis: nimirum affirmat, Adamo peccante, omnes homines peccati laqueis implicatos, ſub maledicto, & morti traditos fuiſſe.*

Sed rurſus in eodem cap. ita loquitur idem Theodoretus: *Quando vnus peccauit, omnes condemnati ſunt: nunc autem cum omnes peccauerint, omnibus volentibus ſalus propoſita eſt per fidem. Cum ſic oſtendiſſet, vnus iuſtitiam fuiſſe communis peccati ſalutare medicamentum, oſtendit per ipſam quoque fuiſſe peractam mortis diſſolutionem. Quid clarius dici poterat, quam Adami peccatum fuiſſe commune peccatum, & vno peccante,*

A omnes homines condemnatos? Rurſus ibidem hæc Theodoretus ſubjungit: *Seruiamur non lege, ſed diuina miſericordia iuſtitiam aſſequentes. Lex enim quod iuſtum eſt, omnes ad ſupplicium adduxit. Omnes enim fuiſſimus peccati perpetratores. Si enim cum vnus peccaſſet, genus condemnatum eſt, erat vtiq; omnino iuſtus eos qui ſub peccato ſuerunt, ſubire ſupplicium.*

Sed explicemus breuiter loca, quæ contrà allata ſunt. Cum igitur in primo teſtimonio ex comment. cap. 5. ad Rom. Theodoretus indicabat, peccatum primi hominis ex occaſione ad poſteros perueniſſe, loquitur ſine dubio de peccato actuali, quod propria voluntate committitur. Quamuis autem Theodoretus dicat, ex occaſione primi peccati cæpiſſe poſteros Adami in varia peccata delabi, non tamen ideo negaſſe exiſtimandus eſt originale peccatum, quin potius illud aſſeruſſe. Nam idcirco dixit, peccatum primi hominis viam patefaſſe peccatis noſtris actualibus, quia naturam corruptam & viciatam ex Adamo trahimus. Quod clarius expreſſit, cum ſubjunxit, peccatum & mortem ad nos ex Adamo perueniſſe, & non propter peccatum primi hominis, ſed propter ſuum vnumquemq; noſtrum decretum mortis ſuſcipere. Quorum verborum hæc ſententia eſt, vnumquemque noſtrum mortis ſententiæ ſubiacere, non propter peccatum, quod in ipſo Adamo fuit, ſed propter illud, quod ex Adamo deriuatum, in vnoquoque noſtrum hæret: loqui enim hoc loco Theodoretum de peccato originis, non de actuali, certum eſt, cum ex ipſius Theodoreti ſententia, peccata noſtra actualia decretum mortis non præcedant, ſed ſequantur. Ideo enim (vt ipſe in eodem comment. ſcripſit) actu peccamus, quia mortis neceſſitati, & varijs paſſionibus obnoxij naſcimur. Itaque quod ait, vnumquemque noſtrum ob ſuum peccatum mortis decretum ſuſcipere, neceſſario accipi debet de peccato originis, quod verè in nobis cauſa mortis, ſiue mortalitatis eſt, cum peccata actualia è contrario ſint eiſdem mortalitatis non cauſa, ſed effectus.

Quod attinet ad alterum teſtimonium ex epitome diuinorum decretorum, expoſuit quidem Theodoretus ſententiam illam Apoſtoli, *Sicut per vnus inobedientiam, &c.* de peccatis actualibus, quæ occaſione primi peccati intrauerunt in mundum, cum rectius de peccato originali ſententiam illam exponere potuiſſet: tamen in eadem epitome (vt ſuprà demonſtratum eſt) apertiffimis testimonijs idem Theodoretus orthodoxam doctrinam de peccato originis tradidit.

CAPUT X.

Diluuntur argumenta ducta ex ratione.

EST AT nunc vt argumenta illa breuiter diluamus, quæ ducuntur ex ratione.

PRIMA obiectio, Chriſti iuſtitia non credentibus nihil prodeſt, igitur & peccatum Adami non peccantibus nihil obest; infantes autem non peccant, quippe qui (Apoſtolo teſte ad Rom. 9.) *Nihil boni vel mali agunt*: igitur peccatum Adami infantibus nihil obest.

RESPONDET Auguſt. lib. 3. de peccat. merit. & remiſſ. cap. 2. Chriſti iuſtitiam nihil prodeſſe ijs, qui nullo modo, hoc eſt, nec ſua voluntate, nec aliena credunt, & ad eundem modum peccatum Adami nihil obelle ijs, qui nullo modo, hoc eſt, nec ſua, nec aliena voluntate peccant. Porro infantes nihil quidem agere, vel egiſſe voluntate propria, vt Apoſtollus ſcribit ad Rom. 9. tamen aliena voluntate peccaſſe, cum ille peccauit, in quo omnes peccauerunt, vt idem Apoſt. teſtatur ad Rom. 5.

SECUNDA objectio, Deus remittit peccata propria; non igitur credibile est ab eo imputari aliena. RESPONDET idem August. in eodem lib. cap. 8. Deum remittere peccata propria spiritu regeneratis, non carne generatis, nec imputare peccata omnino aliena, sed ea quæ tamen si aliena dicantur, quia aliena voluntate commissa sunt, tamen etiam propria dici possunt, quia in ijs hærent, quibus imputantur. Sic autem originale peccatum, & alienum, & proprium rectè dici, suprâ non semel docuimus.

TERTIA objectio, Ad rationem veri peccati pertinet, ut sit voluntarium; atqui peccatum originis non est voluntarium paruulis, cum sit (ut iam dictum est) aliena voluntate commissum; igitur peccatum originis paruulis non est verè peccatum. RESPONDEO, peccatum bifariam sumitur. Nam & actio mala dicitur peccatum, & reatus, ac macula, quæ transeunte actu resident in anima eius qui peccauit, peccatum nihilominus appellantur. Voluntarium igitur ad rationem actionis malæ per se pertinet, ad rationem autem reatus & maculæ non pertinet, nisi ratione causæ suæ; siue enim velit, siue nolit, qui actionem malam voluntate libera perpetravit, reatum & maculam peccando contrahit. Porro in infantibus, non actionem malam, sed reatum dumtaxat & maculam ponimus, ac per hoc non requiritur voluntas propria, ut infantes peccatum originale à parentibus trahant: sed sufficit aliena.

Itaque S. August. lib. 2. de nuptijs & concupiscentia, cap. 28. & lib. 1. retract. cap. 13. & 15. & alijs in locis, cum quæritur, quemadmodum peccatum originale sit voluntarium, respondet, esse voluntarium voluntate primi parentis. Quia tamen reatus & macula ex mala actione dimanant, nec possunt in ijs hære, ad quos actio mala nullo modo pertinet, idè S. Augustinus multis in locis docet, Adamum, cum primum peccauit, totius humani generis gessisse perlonam, & præceptum de pomo vetito non edendo, non solum Adamum, sed omnes, qui in lumbis eius erant, pariter obligasse; ut sicut gratia primo illi homini collata, ad omnes posteros pertinebat, ita etiam præcepti illius transgressio ad omnes posteros pertineret: Vnde (inquit August. lib. 3. de peccatorum meritis & remis. ca. 7.) *nec illud liquide dici potest, quod peccatum Adæ etiam non peccantibus nocuit, cum Scriptura dicat, In quo omnes peccauerunt. Nec sic dicuntur ista aliena peccata, tanquam omnino ad paruulos non pertineant. Si quidem in Adam omnes tunc peccauerunt, quando in eius natura illa insita in qua eos gignere poterat, adhuc omnes ille unus fuerunt, sed dicuntur aliena, quia nondum ipsi agebant vitas proprias, sed quidquid erat in futura propagine vitæ unius hominis continebat.*

Si quem moueat, cur Deus voluerit, ut peccatum Adami ita posteris omnibus imputaretur, ac si omnes idem peccatum patrauissent; respondēbimus cum S. Augustino lib. 5. aduers. Iulian. c. 3. & cum S. Bernardo in ser. 1. de Dominica prima post octauas Epiphaniæ, iudicium hoc Dei iustum esse, sed occultum: *Nostre est* (inquit Bernardus) *Adami culpa, quia etsi in alio, nos tamen peccauimus, & nobis iusto Dei iudicio imputabatur, licet occulto.* Adde quod originale peccatum, etsi voluntarium nobis est, quatenus Adam, cum peccauit, totius naturæ personam gessit, tamen inter omnia peccata minimum habet de voluntario, & idè minus graue est in ratione voluntarij, quàm quodlibet veniale, quamuis sit in ratione mali grauissimum, cum priuet hominem gratia Dei, ac sempiterna felicitate. Vide S. Thomam 3. par. q. 1. art. 4. & in 2. Sent. dist. 33. q. 2. art. 1. ad 2. & de malo, q. 5. art. 1. in responsione ad 9.

A QUARTA objectio, Si peccatum originis per generationem à parentibus traheretur, videretur malum esse coniugium, quippe quod esset causa peccati. RESPONDET ad hoc argumentum S. Aug. duobus libris, quos inscripsit de nuptijs & concupiscentia. Summa solutionis hæc est, non esse per se ex coniugio, quod proles nascatur cum peccato, sed per accidens. Non enim idè proles cum peccato nascitur, quia ex coniunctione viri & femine nascitur, quod est proprium coniugij: (Nam etiam in statu innocentie fuisset coniunctio viri & femine, & tamen proles sine peccato nata fuisset) sed quia accidit naturæ, quæ per coniugium propagatur, ut à primo parente corrupta, ac vitiata fuerit. Quare coniuges dum filios gignunt, naturam quidem corruptam ac vitiatam propagant, sed eius corruptionis culpa non ad ipsos, sed ad primum hominem pertinet.

B QUINTA objectio, Non peccat (dicebat olim Iulianus) iste qui nascitur, non peccat ille qui genuit, non peccat ille qui condidit. Per quas ergo rimas inter tot præsidia innocentie peccatum lingis ingressum? RESPONDET S. August. lib. 2. de nuptijs & concupiscentia, cap. 28. *Quid quæris, inquit, latentem rimam, cum habeas apertissimam iannam? Per unum hominem, ait Apost. peccatum in hunc mundum intrauit.* Et in eodem lib. cap. 26. *Voluntarium peccatum hominis primi originalis est causa peccati.* Itaque ad argumentum Iuliani negari poterat consequutio. Quamuis enim non sit peccati originalis causa pater qui generat, nec filius qui nascitur, nec Deus qui condidit; tamen non sequitur, nullam esse causam eius peccati, cum Apostolus dicat: *Per unum hominem peccatum in hunc mundum intrauit.*

C SEXTA objectio, Sæpè qui gignit, à peccato iustificatus est, quo pacto igitur trahit peccatū in filium, quod ipse non habet? RESPONDET S. Aug. lib. 2. de pec. mer. & remis. c. 25. 26. & 27. & in alijs locis, hominem regeneratum in Christo, ac per hoc iustificatum, non generare carnalem prolem secundum id quod est regeneratus, id est, secundum spiritum, sed secundum id quod habet de vetustate, id est, secundum carnem; & ea de causa prolem non sanctam, sed peccatricem nasci. Adhibet similitudines li. 6. in Iulian. c. 2. & 3. Oleastri, qui insertus in oleam, fit olea, & tamen ex eius semine non olea nascitur, sed oleaster. Item Hebræorum, qui circumcisi cum sint, filios tamen gignunt incircumcisos.

Possit adhiberi alia solutio. Generat enim homo sibi similem in specie, non in indiuiduo, hoc est, communicat cum filio, quæ toti naturæ humanæ communia sunt, non ea quæ sibi ut tali personæ conueniunt. Tamen si aliqua accidentia personalia transfundat aliquando pater in filium, tamen id neque necessarium est, nec semper fit. Iam igitur homo iustificatus, cum filium gignit, non communicat cum eo iustitiam, quæ est accidens personale, sed naturam, qualis est in se post Adæ peccatum, ea verò corrupta, & vitiata est.

E SEPTIMA objectio, Si peccatum originis traheretur per generationem, certè naturale vitium esset; atqui hoc est valdè absurdum: Tum quia Deo naturæ auctori tribuendum esset, cui tribuuntur omnia naturalia; Tum quia quod naturale est, propriè peccatum esse non potest; Tum demum, quia desperanda esset liberatio à peccato. RESPONDEO, Peccatum originis aliquo modo naturale dici posse, iuxta illud Apostoli ad Ephes. 2. *Eramus natura filij iræ*: nam & à natiuitate trahitur, & est vitium nature potius quàm personæ, ut suprâ diximus, non tamen est naturale, quasi sit pars naturæ, aut ex natura pro-

fluxerit.

fluxerit. Et enim priuatio quardam & defectus, iſque non ex natura, ſed ex libera primi hominis voluntate manauit.

Ex quo ſequitur primò, vt non in Deum, ſed in Adami inobedientiam, vt in propriam cauſam referri debeat. Sequitur deinde, vt peccatum propriè dici poſſit; illa enim naturalia vitia, peccata propriè dici nequeunt, quæ in libertatem arbitrij non referuntur, qualia ſunt cæcitas, ſurditas, & quæuis monſtroſitas à natiuitate contracta. Sequitur poſtremò, non eſſe deſperandam huius peccati liberationem. Non enim vt hic morbus curetur, deſtruenda natura, ſed perficienda, quod facilè poteſt medicus ille cœleſtis, qui venit quærere, & ſaluum facere quod pèrierat. Itaque S. Auguſtinus lib. 2. in Iulian. c. 1. *Nec perfeſſio, inquit, eſt deſperanda virtutis, per eius gratiam, qui ex origine vitiatam mutare poteſt, & ſanare naturam.*

OCTAUA obiectio, Peccatum definitur, dictum vel factum, vel cogitatum contra legem æternam: At infantes nec dicere, nec facere, nec cogitare aliquid poſſunt. Reſpondeo, definiri per ea verba peccatum, vt accipitur pro actu peccati, non autem pro reatu & macula, quæ remanent tranſeunte actu. Porrò in infantibus non actum peccati, ſed reatum & maculam in eſſe dicimus, vt ſuprà docuimus.

NONA obiectio, Si naſcuntur homines mali, & diaboli poteſtati ſubjecti, igitur videtur diabolus conditor eorum. Nec enim Deus conderet, quos diaboli poteſtati ſubijceret. Reſpondeo, quod homines naſcantur mali, & diaboli poteſtati ſubjecti, non eſſe cauſam in conditore naturæ, ſed in corruptore; Deus enim & initio naturam bonam condidit, & nunc quod in ea bonum eſt, propagat. Porrò vitium accidit illi ex peccato primi hominis, & ipſum eſt vitium, quod eam ſpiritui immūdo ſubijcit: Nos (inquit Auguſt. lib. 2. in Iulian. c. 2.) dicimus, non diabolum, ſed Deum verum, & verè bonum eſſe hominum conditorem, munda de immundis ineffabiliter operantem, quamuis hominum nemo mundus naſcatur, & idè donec mundaretur Spiritu ſancto, ſub ſpiritu immūdo eſſe cogatur.

DECIMA obiectio, Peccatum non in carne, ſed in anima ſedem habet: ſed anima non trahitur ex Adamo, aut ſi trahitur, non propagatione, ſed imitatione trahitur.

Hoc argumentum ſemper Auguſtino difficillimum, ac penè inſolubile viſum eſt. Qua etiam de cauſa nunquam certò ſibi perſuadere potuit, animas creati ex nihilo, non à parentibus trahi. Et quoniam non deſunt hoc tempore, qui in ea S. Auguſt. dubitatione hærendum eſſe cenſeant, idè in ſequenti capite, quæſt. de animæ origine paulò planius explicare, & tunc demùm de modo quo peccatum traducitur, diſſerere, & ad objectionem propoſitam reſpondere decreuimus.

CAPVT XI.

Explicatur quæſtio de origine animæ.

IGITUR de origine animæ ſemper fuit grauiffima concertatio. Primùm apud Ethnicos Philoſophos, deinde apud Chriſtianos Theologos. Nam ex errore Stoicorum natus eſt error Manichæi & Priscilliani, ex errore Platonis error Origenis, ex errore Ariſtotelis, vel certè ex Ariſtotelis ſententia non benè percepta, error Apollinaris, vt iure Tertul. in lib. aduerſus Hermogenem, Philoſophos Patriarchas hæreticorum nominandos cenſuerit.

Sex in vniuerſum fuiſſe video ſententias de origine animæ. Quas omnes breuiter referemus, & quid de vnaquaque ſentiendum ſit, indicabimus.

PRIMA ſententia eſt, animas humanas eſſe particulas ſubſtantię Dei, proindè nec propriè creati, nec à parentibus traduci, ſed à Deo mirabiliter inſpirari. Hunc Stoicorum errorem primus defendit Philoſophus in eo libro, quem inſcripſit, Quod deterius potiori inſidietur. Eundem poſtea ſequuti ſunt Gnoſtici, Manichæi, Priscillianiſtæ, vt S. Auguſt. refert in lib. de hæreſibus, cap. 6. 46. & 70.

Eſt autem hæc ſententia hæreſis explorata. Siquidem diuina ſubſtantia immutabilis, atque inuiolabilis eſt: *Ego Deus, & non mutor*, Malach. 3. *Apud quem non eſt tranſmutatio, nec viciffitudinis obumbratio*, Iac. 1. *Tu autem idem ipſees, & anni tui non deficient*, Pſal. 102. At anima humana mutabilis & violabilis eſt, cum ex bona poſſit fieri mala per peccatum, & rursus ex mala bona per gratiam. Quare meritò damnata eſt hæreſeos hæc ſententia in primo Concil. Bracharenſi, cap. 5. & epiſt. S. Leonis ad Turbium, cap. 5.

Quod verò obijciebant aduerſarij ex c. 2. Gen. *Inſpirauit in faciem eius ſpiraculum viæ*, facile ſoluitur. Nam ex illis verbis intelligimus, humanum ſpiritum à Deo eſſe productum (inſpirare enim eſt ſpiritum alicui dare) non tamen ex eo neceſſariò colligitur, ex Dei ſubſtantia eſſe ſpiritum hominis. Poteſt enim Deus tribus modis ſpiritum producere: Vno modo, ex propria ſubſtantia, quomodo producit ac ſpirat ſpiritum ſanctum: Altero modo, ex nihilo, quomodo produxit ſpiritus angelicos: Tertio modo, ex materia creata, quomodo produxit, ac producit animas beſtiarum, quas Eccleſiaſtes ſpiritus appellat, c. 3.

Iam verò ad quem iſtorum modorum ſit referenda productio animæ, non poteſt colligi ex illis ſolis verbis, *Inſpirauit ſpiraculum viæ*. Tamen ſi addamus non potuiſſe animam humanam produci ex Dei ſubſtantia, quia mutabilis eſt; neque ex materia creata, quia materialis non eſt, ſequetur productam eſſe ex nihilo.

ALTERA ſententia eſt, animas humanas creatas quidem à Deo fuiſſe, & ex nihilo, ſed omnes ſimul vnà cum Angelis, ac deinde ſaſtidio affectas bonorum illorum ſpiritualium, quibus in cœlo fruebantur, amare cœpiſſe res terrenas, atque idcirco à Deo in corpora tanquam in carceres detrudi.

Platonicum hunc errorem, quem tueretur Origenes in lib. 1. *mei ager*, hoc eſt, de principijs, c. 7. & alijs in locis, damnauit Concil. Bracharenſe I. c. 6. & S. Leo in epiſt. citata ad Turbium, ca. 10. Eundem errorem antea reprehenderant Ss. Patres Epipha. in epiſt. ad Ioan. Hieroſol. Hierony. in epiſt. ad Pammachium contra eundem Ioan. Theophilus Alexandrinus in lib. 1. Paſchali. Auguſt. in epiſt. 28. ad Hieronymum, & præclariffimè Cyrillus Alexandrinus lib. 1. in Ioan. cap. 9. vbi viginti tribus argumentis hunc errorem expugnat. Nos principales rationes breuiter attingemus.

PRIMA ratio eſſe poteſt, quia ſi animæ in corpora, tanquam in carceres, ſupplicij gratia detruderentur, ſequerentur multa, quæ abſurdiſſima ſunt. Nam imprimis, imprudenter Deus tempore diluuij ſceleratos omnes occidiſſet, & iuſtum Noe conſeruaviſſet; nec minus improuidè Sodomitæ perdiſſet, Loth verò ab incēdio liberaſſet. Nihil enim id fuiſſet aliud niſi viros improbos è carceribus dimittere, probos in vinculis retinere. Deinde maximas gratias agere deberemus diabolo, qui mortem nobis procurauit, id eſt, ianuam carceris aperuit; nullas verò Chriſto, qui reſurrectionem nobis acquiſiuit, id eſt, carcerem, eumque perpetuum reuocauit. Præterea benedictiones illæ, *Crefce, & multiplicamini*, Genef. 1. & 9. Et, *Patrem multarum gentium conſtitui te, faciam*

que te crefcere vehementiffimè, Gen. 17. Et, *Addat Deus ad hunc numerum multa nullis*, Deut. 1. non benedictiones, fed maledictiones effent. Quid enim effer aliud multiplicari homines, quàm impleri carceres?

Rurfus cum Deus Annæ fupplicanti filios donauit, & Ezechia vitam prorogauit, & Lazarum, ac filium viduæ à mortuis reuocauit, non beneficium, fed iniuriam feciffet. Denique cur Deus in lege maleficos iubet occidi, innocentes conferuari? & cur in omni Repub. benè inflituta, latrones & parricidæ de medio tolluntur, fi detineri in corpore fupplicium efl, educi de corpore beneficium?

ALTERA ratio efl, quia fi omnes animæ in cælo peccaffent, & idè ad corpora damnata fuiffent, falium effer quod ait Apoftolus ad Rom. 5. *Regnauit mors ab Adam ufque ad Moyfem, etiam in eos qui non peccauerunt*. Et ad Rom. 9. *Cum nondum nati effent, nec aliquid boni, vel mali egiffent*. Et in posteriore ad Cor. cap. 5. *Omnes nos manifeflari oportet ante tribunal Chrifti, ut referat unusquifque propria corporis ficut gelfit, fite bonum, fite malum*.

TERTIA ratio, fi animæ de cælo ad terras, de luce ad tenebras, de clariffimo domicilio beatorum ad tetricum carcerem damnatorum defcenderent, cum in corpore viuere incipiunt, falfa effer Scriptura diuina quæ ait: *Erat lux vera, quæ illuminat omnem hominem uenientem in hunc mundum*, Ioan. 1. Et rurfus: *Multi dicunt, quis oftendet nobis bona? fignatum efl fuper nos lumen uultus tui Domine*. Pfal. 4.

Porrò argumenta Origeniftarum facilia funt, adeò vt Ss. Patres ea potius indicare, quàm refellere uoluerint. Adferebant illud ex Pfal. 114. *Conuertere, vel reuertere anima mea in requiem tuam*. Et illud ex Pfal. 118. *Prinſquam humiliarer, ego deliqui*. Et illud ex Pfal. 114. *Edue de cuſtodia animam meam*. Et illud ex cap. 1. Ioan. *Erat lux vera, quæ illuminat omnem hominem uenientem in hunc mundum*.

Sed in primo testimonio gratias agit propheta Deo, quod à magnis periculis liberatus, ingenti ſollicitudine iam careret, & ſimul hortatur ſe ipſe ad internam pacem, & animi tranquillitatem repetendam, quam ob frequentes timores & anguſtias penè perdidit. Potefl etiam hic locus intelligi de ſempiterna requie, à cuius ſpe per peccatum excidimus, & ad quam per pœnitentiam reuocamur.

In ſecundo testimonio agnoſcit Propheta, & quilibet alius iuſtus, ſe non immeritò à domino interdum flagellari, & per tentationes humiliari, quandoquidem peccata ſua pœnam eiufmodi mereantur.

In tertio, ad litteram loquitur Dauid de ſpelunca, in qua latebat ob Saulis perſequentionem, vt perſpicuum eſt ex titulo Pfal. Itaque Deum precatur, vt ſe aliquando liberet ab obſidione illa, ne ſemper cogatur in ſpelunca quali in cuſtodia deliteſcere. Spiritualliter autem hic locus intelligi poteſt de carcere corporis huius mortalis, à quo ſancti uiri educi cupiunt: *Quia corpus quod corrupitur, aggrauat animam*, ut ait Sap. c. 9. unde eſt illa vox Apoll. ad Rom. 7. *Quis me liberabit de corpore mortis huius?* Quibus uocibus non cupiūt ſancti homines ſimpliciter à corpore liberari, ſed à corpore mortali, ut in hunc locum annotauit S. Auguſtinus. Nam alioqui redemptionem corporis magno deſiderio expectant, ut ait Apollolus ad Rom. 8. & ſi fieri poſſet (ut ait idem Apoll. 2. Cor. 15.) non cuperent ſpoliari, ſed ſuperueſtiri, ut abſorberetur quod mortale eſt à uita.

In quarto testimonio non ſignificatur, hominem uenire in hunc mundum, quali antea extra mundum fuiffet, ſed quia cum nihil effer, ac per hoc in mundo non effer, per generationem cœpit eſſe, & viuere in

hoc mundo, ut S. Cyril. in comment. rectè docet.

TERTIA ſententia eſt, animas humanas ſimul cum Angelis initio cōditas fuiffe, ac deinde modò vnā, modò aliam ad corpus mitti. Inter eſt autem inter hanc ſententiam, & ſuperiorem, quod hæc non docet animas in cælo peccaſſe, neque in pœnam peccati corporibus includi, ut ſuperior docebat: ſed idè ſolū affirmat, animas omnes initio fuiffe creatas, ne concedere cogatur, Deum aliquid noui feciſſe poſt diem ſeptimum, cum ſcriptum ſit Gen. 1. eo die ceſſaſſe Deum ab opere quod inſtituerat.

Huius ſententiæ ſunt Rabbinī aliqui Hebræorum, ut intelligi poteſt ex comment. Rabbi Salomonis in c. 33. Deut. & ex alijs eorum libris. Eandem ſententiam tradit Greg. Nyſſ. in lib. de anima, c. 6. Si tamen ſ liber eſt eius, & non potius Nemefij, aut alius alterius, cum Greg. Nyſſ. in lib. de opificio hominis, c. 28. & 29. ex inſtituto hanc ſententiam refellat. Alios etiam nonnullos ex Catholicis Doctōrib. eiufdem ſententiæ fuiffe, ſcribit S. Hiero. in epiſt. ad Marcellinum, & Anapſychiam, quæ eſt 27. inter epiſtolas S. Auguſtini.

Hanc ſententiam S. Hiero. loco citato, uocat ſtultam perſuaſionem. Et S. Leo in epiſt. ad Turbium, c. 10. his uerbis reprehendit: *Catholica fides conſtanter prædicat, atque ueraciter, quod anima hominum prinſquam in ſuis inſpirarentur corporibus, non fuit*.

Deniq; S. Thom. in 1. parte Summæ, q. 118. art. 3. eandem ſententiam hoc argumento refellit. Anima eſt natura imperfecta, & pars hominis, non totus homo, ac per hoc naturaliter cōiungitur cum corpore, ut forma cum ſua materia. At abſurdum eſt, Deum inchoaſſe opus ſuum à re imperfecta, cum Dei perfecta ſint opera; nec minus abſurdum eſt, vnā partem hominis factam eſſe initio mundi, alteram fieri poſt multa ſæcula. Igitur anima non fuit antequam corpori inſpiraretur.

Propoſitio, quæ ſola probatione indigere uidetur, probatur: nam ſi anima per ſe perfecta ſubſtantia effer, non poſſet eſſe forma corporis, formam autem eſſe certum eſt, tum aliunde, tum ex definitione Concilij Laterani ſub Leone X. ſeſſ. 8.

Item ſi anima non coniungeretur naturaliter cum corpore, uolenter in eo maneret, neque effer nobis beneficium uita, ſed pœna.

Denique ſi anima perfecta effer abſque corpore, neque effer pars hominis naturalis, quæri poſſet, utrum ſua uoluntate cum corpore copuletur, an aliena. Et ſi quidem ſua uoluntate, tria ſequentur abſurda. Primum, quod fruſtrà uelit coniungi cum corpore, cum non egeat eius opera. Alterum, quod tot ſæculis manſerit ſeparata, & nunc demum quali mutata ſententia uelit eſſe in corpore. Tertium, quod caſu fiat, ut in corpus delabatur. Neque enim poteſt non caſu fieri, ut vno tempore concurrat uoluntas hominis generantis ac diſponentis materiam, cum uoluntate animæ deſcendere cupientis ad eam informandam. Sin autem aliena uoluntate cum corpore copulatur, certè cogitur à ſuperiori poteſtate in pœnam peccati præcedentis. Qui eſt error Origenis paulò ante refutatus.

Neque reſponderi poteſt, eam non cogi in pœnam peccati, ſed uoluntate Dei applicari ad regendū corpus humanum, quemadmodum Angeli applicantur ad incitanda corpora cœleſtia. Nam Angeli non formæ cœlorum, neque in eis tanquam carceribus detinentur, neque pœnam ullam ex eo miniſterio capiunt; animæ uero ita copulantur corporibus, ut eorum formæ efficiantur, neque intelligunt, dum ſunt in corpore, niſi per phantaſmata corporalia, ut meri-

tō in tenebris esse videantur; denique multa corporis ita redundant in animas, ut Sapiens dixerit c. 9. *Corpus quod corrumpitur, aggrauat animam*. Itaque si animæ in cœlo fuerunt antequam cum corpore iungerentur, negari non potest, quin in penam alicuius peccati inuitæ detrudantur in corpora, quemadmodum scelesti homines inuiti coguntur ad carceres.

Argumenta contraria duo sunt, quæ breuiter refellenda videntur. Obijcitur primò Scriptura, quæ in 1. c. lib. Gen. refert, hominem sexta die creatum fuisse ad imaginem & similitudinem Dei, ac deinde c. 2. refert, hominem post septimam diem formatum fuisse ex limo terræ. Videtur enim ex his locis satis apertè colligi, hominem creatum fuisse quoad animam, in qua propriè est imago Dei, sexta die; quoad corpus, quod ex limo terræ constat, post septimam diem. Et quia eadem est ratio cæterorum hominum, videtur dicendum, animas omnes creatas fuisse sexta die inter opera primæ creationis rerum, corpora verò post septimam diem, paulatim per generationem multiplicari.

Obijcitur secundò, absurdum esse, ut aliquid noui producat a Deo post septimam diem, in qua finem imposuit omnibus operibus suis. Produceret autem aliquid noui, si animas quotidie procrearet ex nihilo, id est, quæ neque in potentia materiæ, neque in virtute seminali in primis sex diebus conditæ fuissent.

Ad primam objectionem respondeo, in duobus illis locis narrari productionem totius hominis, sed in vno breuius, in altero plenius. Itaque totus homo conditus fuit sexta die, tū quoad animam, tū quoad corpus; sed quia id fuerat in 1. c. Gen. breuiter indicatū, & res erat magni momenti, placuit Spiritui sancto in 2. c. iterum retexere narrationem eandem, & totum ordinem creationis humanæ fusiùs explicare. Et quamuis imago Dei propriè resideat in anima, tamē ratione animæ totus homo rectè dicitur conditus ad imaginem Dei. Et certè Scriptura in illo 1. c. Genes. non dicit factam esse animam ad imaginem Dei, sed factum esse hominem, eumque masculum & feminam, eisque dictum, *Crescite, & multiplicamini*. Quæ certè, non soli animæ, sed toti homini conueniunt.

Ad alteram objectionem S. August. in epist. 28. ad Hieronymum, responderi posse dicit, Deum cessasse die septimo ab opere suo, quia nihil postea fecit nouum, sed gubernauit, & multiplicauit opera, quæ primis illis diebus fecerat. Itaque animarum creationem non esse nouam, quia iam animam vnā eiusdem speciei cum cæteris, sexto die fecerat.

Possumus etiam respondere, animas dici posse creatas fuisse omnes sexta die, non actu, sed virtute. Nam cum Deus produxit principia generationis humanæ, hoc est virum & feminam, eisq; dixit, *Crescite & multiplicamini*, tum non solum produxit in virtute omnia corpora humana, quæ per generationem propaganda erant, sed etiam voluit, ut quotiescunq; materia ritè præparata esset ad humanam generationem, continuò anima existeret, & corpus illud animaret, ac per hoc non solum corpora, sed totos homines in virtute produxit, cum duos illos homines condidit, eisq; vim generis propagandi attribuit. Quare licet animæ creentur ex nihilo in eo ipso temporis puncto quo corporibus inspirantur, tamen ita est hoc perpetuum, & secundum naturæ ordinem initio constitutum procedit, ut pro miraculo habendum sit, si anima corpori disposito, ac præparato, suo tempore desit.

QUARTA sententia est, animas non minus à parentibus trahi, quam corpora, ita ut ex anima patris, sit anima filij, quemadmodum ex corpore patris est corpus filij. Auctor huius sententiæ primus inter

A Christianos Tertullianus fuit, quem sequutus est Apollinaris, ut S. Hieronymus refert in epist. supra citata ad Marcellinum, & Anaplychiam. Vbi etiam idem auctor dicit, in eadem sententia fuisse maximam partem Occidentalium. Eandem sententiam attributam fuisse Luciferianis, testatur S. Augustinus in lib. de hæres. cap. 81.

Hanc sententiam ut exploratum errorem rejiciunt ac refellunt omnes Theologi Scholastici, cum Magistro sententiarum lib. 2. dist. 17. & 18. eamque S. Thomas in prima parte, quæst. 118. art. 2. diuersis verbis hæresim appellat.

Ac primò refutari solet hæc sententia ex c. 1. Geneseos. Nam ut discrimen ostenderet inter animam humanam, & animas bestiarum, de bestiis dixerat cap. 1. *Producant aqua reptile animæ viuens; & volatile super terram*. Et rursum: *Producat terra animam viuentem in genere suo, & reptilia, & bestias, &c.* At de homine non ait, producat terra, sed, formauit ipse hominem de limo terræ, & inspirauit in faciem eius spiraculum vitæ. Ex quo intelligimus, animas bestiarum materiales esse, & ex materia ipsaeductas, animam humanam non ex limoeductam, sed ab ipso creatore inspiratam.

Neque nos mouere debet, quod Philastrius in Catalogo hæreticorum, cap. 99. inter hæreticos numerat eos, qui censent spiraculum illud vitæ esse animam rationalem, & non potius gratiam Spiritus sancti. Nam Philastrius in ea re parum consideratè loquutus est, ut docet S. August. lib. 3. de ciuit. Dei, cap. 24. tantum enim abest, ut hæc sententia sit hæretica, ut contraria non solum repugnet sanctis Patribus, Chrysostomo homil. 12. & 13. in Gen. Hieronymo in epist. ad Pammachium, de erroribus Io. Hierosolymitani, Augustino lib. 22. de ciuit. Dei, c. 23. & lib. 13. c. 24. Theodoro quæst. 23. in Genes. Eucherio lib. 1. in Genesim, & alijs: sed etiam Apostolo Paulo, qui in epist. priore ad Corinth. cap. 15. dicit, hominem initio conditum fuisse animale, deinde post resurrectionem futurum spirituale. Et probat, quia scriptum est: *Factus est homo in animam viuentem*. Porro hæc verba quæ Apostolus citat, scripta sunt in secundo capite Geneseos, ubi legimus: *Inspirauit in faciem eius spiraculum vitæ, & factus est homo in animam viuentem*. Quare spiraculum illud vitæ (Apostolo teste) non dedit homini esse spirituale, quale habetur per gratiam sancti Spiritus, sed esse animale, quod habetur per animam, quæ præstat corpori esse, & viuere.

Est autem propriè sententia eius loci, *Inspirauit Deus in faciem*, siue ut Hebræa verba sonant, *in nares eius spiraculum vitæ*, hoc est, posuit Deus in naribus corporis illius ex limo terræ conflati spiritum, ac fecit, ut spirare ac viuere inciperet. Respiratio enim signum est vitæ; quia verò non viuit homo sine anima, quæ est vitæ principium, idè cum dicitur, Deus dedisse homini ut spiraret ac viueret, intellige animam quoque dedisse, per quam fit ut homo spiret, ac viuat. Quod si Patres aliqui (ut Irenæus, Cyprianus, Basilus, quos citauimus in lib. de gratia primi hominis, c. 3.) interdum hunc locum exponunt de gratia Spiritus sancti, non de anima rationali, ij non ad litteram, sed mysticè Scripturam accipiunt.

Sed obseruandum est, hunc locum satis efficaciter demonstrare animam primi hominis non ex materiaeductam, sed à Deo ex nihilo fuisse creatam. Ceterum non cogere ut idem de animabus reliquis iudicemus. Posset enim responderi, quemadmodum Deus primi hominis corpus ex limo terræ formauit, reliqua verò corpora non per se ex limo terræ, sed

per generationem ex parentum corporibus procreat; ita primi hominis animam à Deo propriè, atque ex nihilo fuisse creatam, nunc verò ex illa prima reliquas propagari.

Quare ut S. August. disputat in epist. 18. ad Hieronymum, nullus fortasse Scripturæ locus inuenitur, in quo perspicuè doceatur, animas non fieri ex propagine, sed creari. Nam loca illa, *Qui fingit sigillum corda eorum*, Psal. 32. Et, *Spiritus rediit ad Deum, qui dedit illum*, Eccl. ult. Et, *Flatum omnem ego feci*, Isa. 57. Probant quidem animarum omnium conditorem esse Deum, tamen non indicant modum, quo à Deo sint conditæ, vtrum per creationem ex nihilo, an per propagationem ex anima primi hominis.

Nos igitur his omisitis, duobus modis efficaciter demonstrare conabimur, animas non propagari ex parentibus, sed creari: primum traditione Ecclesiastica, deinde rationibus euidenter ductis ex principiis fidei. Quod ad primum attinet, adferemus testimonia Patrum, qui sententiam de propagine animarum apertè reprehendunt.

S. HILARIUS lib. 10. de Trinit. ante medium libri: *Anima*, inquit, *hominis, opus est Dei, carnis verò generatio semper ex carne est*. Et infra: *Vt per se sibi assumpsit ex Virgine corpus, ita ex se sibi animam sumpsit, quæ utique nunquam ab homine genentium originibus præbetur*.

S. AMBROSIVS lib. de Noe & Arca, c. 4. Plerumque, inquit, *Angelos, filios Dei Scriptura vocat, quia ex nullo homine generantur animæ*. Item lib. de paradiso, cap. 11. *Confidera*, inquit, *quia de corpore costam sumpsit, non de anima portionem, hoc est, non anima ex anima, sed os de ossibus, & caro de carne*.

S. HIERONYMVS in comment. cap. postremi Ecclesiastæ: *satis*, inquit, *ridendi sunt, qui putant animas ex corporibus fieri, & non à Deo, sed à corporum parentibus generari*. Idem in libro tertio Apologiæ aduersus Ruffinum, ultra medium, & in epistola ad Pammachium, de erroribus Ioannis Hierosolymitani, ante medium, recitatis sententijs Origenis, Tertulliani, & Apollinaris hæreticorum, de anima dicit: *Ecclesiasticum dogma esse, ut Deus quotidie animas fabricetur*. Vbi cum opponat Ecclesiasticum dogma sententijs hæreticorum, videtur omninò sensisse, Catholica fide esse tenendum, animas uon traduci à parentibus, sed creari.

S. IOAN. CHRYSOST. hom. 23. in varia loca Matth. *Anima*, inquit, *nec generat, nec generatur, nec ullum agnoscit patrem, præter eum, cuius voluntate creata est*.

S. GREGORIUS NYSSENVS in lib. de anima, capite sexto, refellit ex proposito sententiam de propagatione animarum ex parentibus, tanquam exploratum errorem.

THEODORETUS lib. 5. ad Græcos, qui est de natura hominis, circa medium lib. *Formari prius*, inquit, *in aluo matris infantem ait (Moses) ac tum denique iam perfectò corpore animari, non ita quidem, ut anima præexistens aliunde corpori inseratur, neque ut nascatur è semine, sed diuino insinuo, sicut ab initio insita natura lex fuit, creationem accipiat*. Addit in eodem loco Theodoretus, hoc esse dogma, in quo conueniant omnes Scripturæ Apostolorum & Prophetarum.

S. CYRILLVS lib. 1. in Ioan. c. 9. *Opportunè*, inquit, *ac insè non peccare in hac carne iubemur, quoniam eo capimus esse tempore, quo vnà cum corpore in hunc mundum venimus, ac quasi à loco quodam, à nihilo ad esse peruenimus*. Quo loco Cyrillus scribit, non solùm animam ante corpus non fuisse, sed etiam à nihilo ad esse peruenisse. Quamuis enim de toto homine loqui videatur, cum ait, non peccare in carne iubemur, &c. tamen de sola anima loquitur, quæ per intellectus figu-

ram homo etiam dici solet, ut perspicuum est ex tota illa disputatione.

S. AUGUSTINVS, quamuis (ut paulò post dicemus) incertam esse crediderit originem animarum, & in lib. 10. de Genesi, c. 23. scripserit, opinionem, quæ asserit propaginem animarum, niti fortioribus argumentis, quàm sententias cæteras, tamen in epist. 157. ad Optatum, quam scripsit multò posterior, apertissimè refellit eam sententiam, quam nos modò refutare conamur: *Itaque illi, inquit, qui propaginem animarum inconsiderata temeritate defendunt, &c.* Et in eadem epist. loquens de sententia Tertulliani, sic ait: *Quo quid peruersius dici potest?*

S. LEO in epist. ad Turbium, c. 10. *Catholica fides*, inquit, *constanter prædicat atq; veraciter, quod animæ hominum priusquam suis inspirarentur corporibus, non fuere, nec ab ullo incorporantur, nisi ab opifice Deo, qui & ipsarum est creator & corporum*. Idem in epist. 11. ad Iulian. docet eo modo nobis animas inspirari, quo fuit inspirata Christo; ac certum est, Christi animam non fuisse propagatam ex parentibus, ut docet S. August. lib. 10. de Genesi, cap. 19. sed creatam à Deo.

Vide in eandem sententiam auctorem de operibus cardinalib. Christi, (quod opus habetur inter opuscula S. Cypr.) in serm. de resurrect. auctorem libri de Ecclesiasticis dogmatibus, c. 4. quod opus habetur in 4. 10. S. Aug. Bernardum serm. 27. in Cantica, Innocentium I II. in comment. Psal. 50. Denique Concilium Later. sub Leone X. sess. 8.

Ad quæ testimonia potest etiam addi populorū consensus. Est enim ita insitum in mentibus fidelium, animas à Deo recens creari, cum fœtus in vteris matrū animantur, ut etiam agricolæ, fabri, sutores, mulierculæ, pueri hoc sciant; & si quis contrarium publicè doceret, pessimè omninò apud Catholicū populum audiret. *Miraris*, inquit S. Hierony. in 2. lib. Apol. aduersus Ruffinum, *si contra testaturum scandala concitentur, cum id nescire te iures, quod Christi Ecclesia se nosse fateantur?* Venio ad rationes, quæ ducuntur ex principiis fidei, siquidem ea quæ euidenter deducuntur ex articulis fidei, pertinent etiam ad fidem.

PRIMA ratio, animas hominum esse immortales principium est fidei, & quidem primariū, & certissimū, & in scripturis sanctis omnium consensu luculenter expressum. At si animæ hominū sunt immortales, necessariò per se subsistunt. Nam si non per se subsisterent, sed penderēt à corpore, ut animæ pecudum, illo pereunte, & ipsas interire necesse esset. Rursus, si animæ hominū per se subsistunt, certè etiam per se producuntur. Illa enim per se producuntur, quæ per se subsistunt; illa producuntur ad productionem alterius, quæ ad existentiam alterius existunt. Deniq; si animæ hominū per se producuntur, id manifestè sequitur, ut non fiant ex propagine, sed creentur ex nihilo. Quæ enim ex propagine fiunt, ut animæ omnium bestiarum, non per se fiunt, sed ad compositi generationem existunt. Animæ igitur hominum, aut per se fiunt, quod est creari, non traduci, aut non sunt immortales, quod est (ut diximus) contra fidem.

SECUNDA ratio, si animæ hominum à parentibus trahuntur, vel trahuntur ex corpore, vel ex anima parentum; si ex corpore, sunt igitur corporales, ac per hoc mortales, ut ceteræ quæ ex corporali semine producuntur. Si ex anima, vel ex tota, vel ex parte; si ex tota, igitur vel parens caret deinceps anima, quippe qui totam transfudit in filium; vel tota manet in patre & in filio. Vtrūq; est euidenter falsum, nam experientia testatur, parētem per generationē anima non destitui, & non esse vnā atq; eādem animam patris & filij, ut omittam singulare, ac propriū esse diuinæ

naturæ ob eius infinitatem, vt vna numero fit in pluribus perfonis; fin autem non ex tota, fed ex parte animæ patris exiftit anima filij, igitur anima partibilis eft, ac per hoc corporalis & mortalis. Ita femper redditur ad articulum de animæ immortalitate.

D I C E S, non fit anima ex corpore, neq; ex anima patris, fed ex femine animæ, quod cū femine corporis transfunditur in vterum matris. Id enim fenfiffe eos, qui animam fieri ex propagine contendebant, teftatur S. Aug. lib. 10. de Gen. c. 20. **R E S P O N D E O**, vel semen animæ corporale eft, vel fpirituale; fi corporale, nō poterit ex eo fieri anima fpiritalis; fi fpirituale, iterum quæremus, fitne fubftantia, vel accidens. Nam fi fubftantia eft, vel ex nihilo fiet, vel ex alia fubftantia; fi ex nihilo, igitur creabitur ab homine fubftantia fpiritalis; fi ex alia fubftantia, iterū quæremus, fitne illa corporalis, an fpiritalis, & fic dabitur progressio in infinitū. Si verò fit accidens, virtus fcilicet quædam feminalis, tum semen animæ non erit materia, fed instrumentum agentis. At nos materiā quærimus, nifi quis ita deficiat, vt velit patrem ex nihilo animā facere, quod foli conuenit creatori.

T E R T I A ratio, omnis forma quæ per veram generationem producit, fi à corpore feperatur, neceffariò perit. Id enim eft formam per veram generationem produci, de potentia materiæ virtute producentis educi. Quod autem de potentia materiæ educitur, ita pender à materia, vt fine ea, neque fieri, neq; elle queat. Eft autem anima humana vera corporis forma, vt in Concil. Later. feff. 8. declaratum eft, & fi à parentibus trahitur, per veram generationem fine dubitatione producit. Neq; enim homines aliter filios gignunt, quàm animantia cætera, tantumque abeft, vt homines propria aliqua actione, quæ foli homini conueniat, gignant, vt potius vsum rationis in ipfo actu generationis amittant. Quare fi anima humana traducitur, non fecus atque animæ beftiarum, & generabitur ex materia, & à materia feparata deficiet, ac peribit. Sic igitur demonftratū fit animas humanas non fieri ex propagine, fed creari. Neq; argumenta quæ contra fieri folent, magnam vim habent.

Obijci folet **P R I M U M** illud Gen. 46. *Omnes animæ, quæ egreffe funt de femore Iacob, fuere fexaginta fex.* **R E S P O N D E T U R**, per animas eo loco intelligi debere ipfos homines, qui anima conftant. Frequens enim eft in Scripturis vſus eius figuræ, quæ dicitur intellectio, cū videlicet aut totum ex parte, aut ex toto pars intelligitur. Sic in lib. 1. Reg. c. 28. dicitur Samuel apparuiſſe Saūli, cū ei anima Samuelis apparuiſſet. Sic in lib. Leuit. c. 5. accipitur anima pro homine, cū dicitur, fi peccauerit anima, & audierit vocem iurantis. Item anima quæ tetigerit aliquid immundum. Item anima quæ iurauerit, &c.

Obijcitur **S E C U N D O**, argumentum ductum ex c. 7. epiſt. ad Hebr. hoc modo, Chriſtus & Leui fuerūt in lumbis Abraham, quādo is decimas obtulit ſummo ſacerdoti Melchizedech, & tamen Leui decimatus dicitur, cū pater eius Abraham decimatus fuiſſet, Chriſtus autem non dicitur decimatus (inde enim probat Apoſt. ſacerdotium Chriſti præſtantius eſſe ſacerdotio Lenitico) quia ſacerdotium Chriſti eſt ſecundum ordinem Melchizedech, qui ab ipſo Leui in lumbis Abraham deliteſcente, decimas accepit; igitur non eodem modo fuerunt in lumbis Abraham Chriſtus & Leui, ſed propria quadam & certa ratione fuit Leui, qua non fuit Chriſtus. Fuit autem Chriſtus in lumbis Abraham ratione corporis, ergo Leui in ipſdem lumbis fuit ratione corporis, & ratione animæ.

Hoc argumentum proponit, & ſoluere conatur S. Auguſt. lib. 10. de Gen. c. 19. nos breuiter **R E S P O N D E O**,

D E M U S, aliter fuiſſe in lumbis Abraham Leui, quàm Chriſtum, non quod Leui fuerit in lumbis Abraham, ratione animæ & corporis, Chriſtus autem ſolū ratione corporis: ſed quia Chriſtus fuit in lumbis Abraham ſecundum materiam carnis, non ſecundum rationem ſeminalem, Leui autem ſecundum vtrumque. Siquidem Chriſtus matrem habuit ex progenie Abraham, non patrem; mater autem in generatione materiam præbet, non vim actiuam, quæ ſolū reſidet in ſemine viri, quæque tanquam instrumentum viri, format corpus quod generatur. Notum eſt enim ex Euangelio, Chriſtum à Virgine per Spiritus ſancti virtutem conceptum, & ex Virgine mirabiliter natum eſſe. Porro Leui & patrem & matrem habuit ex progenie Abraham, atque ideò in lumbis eius fuit ſecundum materiam carnis ratione matris, & ſecundum rationem ſeminalem ratione patris. Atque hæc cauſa fuit, cur Chriſtus non contraxerit originale peccatum, neque opus habuerit decimas ſoluere; Leui autem & peccato ſubjectus, & in Abrahamo decimatus fuerit.

Obijci folet **T E R T I O**, ſi animæ non trahantur à parentibus, ſed creentur à Deo, & corporibus per generationem diſpoſitis inſpirentur, ſequi hoc abſurdum, vt Deus adulteris & fornicarijs in procreatione hominis cooperetur. Quippe qui fornicarijs & adulterinis conceptibus animas largiatur. Quod argumentum ab Apollinare excogitatum, Gregorius Nyſſenus duodecim libris de anima, cap. 6. penè inſolubile iudicauit.

Sed reſpondit S. Hieronymus in lib. 3. Apologiæ contra Rufinum, non magis abſurdum eſſe vt Deus adulterinis conceptibus inſpiret animas, quàm vt terra gremio ſuo conſoueatur ſemina, quæ ſator furto ſuſtulerit, vel immunda proiecerit manu. Quam ſimilitudinem elegantiffimam eſſe ſcribit S. Auguſtinus in epiſt. 28. ad Hieronymum.

Sed ſi quis ſcholasticam ſolutionem requirat, breuiter reſpondemus, in fornicatione & adulterio duo quædam conſiderari poſſe, actionem naturalem generationis humanæ, & vitium tranſgredientis legem Dei in opere illo perficiendo; ac primum quidem bonum eſſe, & ei bono bonum Deum cooperari, cū animas in materiam ritè diſpoſitam, ac præparatam infundit; ſecundum eſſe malum, & ei Deum nulla ratione cooperari.

Q U I N T A ſententia eorum eſt, qui cenſent, latere originem animæ, neque eſſe aliquid temerè definiendum. Huius ſententiæ ad mortem vſque fuit S. Auguſtinus, vt intelligi poteſt ex lib. 10. de Geneſi. Item ex quatuor libris de origine animæ, quos ſcripſit iam ſenex, & ideò ſcripſit, vt oſtenderet; ſe de hac re non ſine magna cauſa nō addere certam proferre ſententiam. Ruſſus in epiſt. 28. ad Hieronym. & ex epiſt. 157. ad Optatum. Denique ex libro 2. Retract. cap. 56. S. Auguſtini cunctationem ſequuti ſunt S. Greg. in epiſt. ad Secundinum, quæ habetur in regiſtro epiſtolarum eius lib. 7. cap. 27. & Eucherius in comment. ſecundi capitis libri Geneſ. Neque deſunt, qui in eadem dubitatione adhuc perſeuerandum eſſe velint.

Nos tamen hoc tempore hanc ſententiam minimè tutam eſſe cenſemus, & ideò ſententiæ **S E X T E** ſubſcribimus, quæ docet, hominibus ſingulis animas ſingulas, non ex propagine, ſed ex nihilo, tunc primum creari, atque infundi, cū in vteris matrum foetus concepti, atque ad animationem præparati ſunt. Quæ ſententia eſt omnium auctorum, quos adduximus contra ſententiam quartam, exceptis Auguſtino, & Gregorio Nyſſeno.

Porrò ratio, cur quintam sententiam expiendam & hanc sextam amplectendam esse iudicemus, duplex est. PRIMVM enim habemus hoc tempore, præter testimonia Patrum, qui S. August. tempora præcesserunt, rescriptum S. Leonis I. supra citatum ad Turbium, decretum Leonis X. in Concilio Lateranensi, consensum Theologorum omnium, qui his quingentis annis floruerunt, denique rationes egregias à Theologis excogitatas, quibus argumentis S. Augustinus caruit.

DEINDE, tota causa quæ S. Augustinum impediuit, ne creationem nouarum animarum certo sibi persuaderet, fuit argumentum Pelagianorum contra peccatum originale, quod superiori capite proposuimus. Nam argumenta cætera contra nouam animarum creationem, idem Augustinus facile se putauit posse dissoluere, & re ipsa dissoluit in epistola 28. ad Hieronymum, sed in eadem epist. ut etiam in 157. ad Optatum, ingenuè confitetur, se neque legendo, neque orando, neque ratiocinando inuenire potuisse quomodo cum animarum creatione peccatum originis defendatur.

Cæterum, remota quæstione peccati originalis, S. Augustinus sententiam de creatione animarum verissimam esse non dubitauit. Nam in 1. lib. de origine animæ, cap. 19. posteaquam enumerauit quatuor errores, qui in quæst. de anima cauendi sunt, ita scripsit: *Nihil ergo istorum quatuor dicentes, quoniam quodlibet eorum falsum, atque impium est, hanc sententiam suam (de noua creatione animarum) non solum me non uentante, sed etiam fauente, & gratias agente defendant.* Et in epist. 28. Nam licet, inquit, nemo faciat optando, ut verum sit quod verum non est, tamen si fieri posset, optarem, ut hæc sententia vera esset, sicut opto; ut si vera est, abs te liquidissimè, atque inuictissimè defendatur. Et in epist. 157. Et si inueneris, inquit, quod te querere admonui, quod ipse adhuc, scior, non inueni, defende quantum potes, atque asserere animarum infantium eiusmodi esse nonitatem, ut nulla propagatione ducantur, & nobiscum quod inueneris, fraternæ charitate communica. Si autem non inueneris, nec sic iam temerè in aliam sententiam tua desectatur assensio, ut eas ex illa una credas propagando traduci, ne forte alius inuenire possit, quod ipse non possis, aut aliquando inuenias, quod nunc non potes. Et infra sic ait: Si potes animas sic alienas à propagatione defendere, ut tamen hoc chirographo, quod sola Christi morte rumpendum est, rectissima ratione demonstratur obstricta, non solum nemine prohibente defende, verum etiam id nobis quomodo tecum defendere possimus, ostende. Si autem non potes, melius origo animæ lateat.

Ex his locis perspicuum est, Augustino sententiam nostram de creatione animarum, visam esse longè veriolem, quàm sententiam de propagatione. Neque obijci debet, quod in lib. 10. de Genesi, cap. 23. videatur magis propendere in sententiam de propagatione. Neque enim confert eo loco sententiam cum sententia, sed argumenta cum argumentis, ac dicit, sententiam de propagatione niti fortiori argumento. Non tamen inde sequitur eam sententiam visam illi fuisse veriolem.

Adde quod epistolam ad Hieronymum de origine animæ, scripsit Augustinus posterius, quàm libros de Genesi, & epistolam ad Optatum adhuc posterius & post utramque scripsit libros quatuor de origine animæ, iam valdè senex, ut ex lib. 2. Retract. intelligi potest. In his autem scriptis semper magis, ac magis inuenitur recessisse à sententia de propagatione, & accessisse ad sententiam de creatione animarum. Igitur sola traductio peccati originalis Augustinum impediuit, quo minus creationem animarum crederet.

At reuera neque animarum creatio impedit peccati traductionem, ut in seq. cap. demonstrabimus; neque propagatio animarum ex anima Adami propagationem peccati inuat, siquidem Adamus quoad animam iustificatus fuit à peccato antequam filios generaret; sæpè etiam parentes iusti, & peccato originali carentes, filios gignunt; non potest autem ex anima iusta trahi anima iniusta, ac per hoc non idèò traducitur peccatum in prolem, quia anima fit ex anima.

Quare cum argumentum illud de peccato originis solum cunctationis S. Augustini causa fuerit, illud autem non minus facile dissoluatur posita creatione animarum, quàm posita propagatione, ut mox, Deo volente, docebimus, nulla causa est, cur amplius dubitandum esse credamus; cerè quidem S. Augustinus si nunc inter homines viveret, non solum faueret, sed etiam gratias ageret ijs, qui nostram hanc sententiam tuerentur.

CAPVT XII.

Explicatur quomodo peccatum originis traducatur, & soluitur argumentum Pelagianorum, quod cap. 10. extremo propositum fuerat.

EXPLICATA quæstione de origine animæ, explicandus est modus, quo peccatum originale traducitur. Hinc enim solutio pendet argumenti Pelagianorum, quod semper est habitum difficillimum.

Igitur S. August. nunquam planè in hac quæstione sibi satisfecit. Hinc est illud in lib. 1. de moribus Ecclesiæ, cap. 22. nihil esse peccato originali ad prædicandum notius, nihil ad intelligendum secretius; hoc est, nihil esse notius, quàm peccatum originale traduci; nihil obscurius, quàm quomodo traducatur. Hinc etiam in epist. 29. ad Hieronymum, consolatur se his verbis: *Eleganter dictum esse narratur, quod huic rei satis aptè conuenit. Cum quidam ruiisset in puteum, ubi aqua tanta erat, ut cum magis exciperet, ne moreretur, quàm suffocaret, ne loqueretur, accessit alius, & eo viso admirans, ait, quomodo hic cecidisti? ille, obsecro (inquit) cogita quomodo hinc me liberares, non quomodo hic ceciderim quæras. Ita quoniam fatemur, & fide Catholica tenemus, de reatu peccati tanquam de puteo, etiam paruuli infantis animam Christi gratis liberandam, satis est ei quod modum quo salua fiat, nouimus, etiam si nunquam quomodo in malum illud deuenerimus.* Hæc eo loco.

Tamen in lib. 5. aduersus Iulianum, cap. 3. explicat sententiam suam de proposita quæstione, his verbis: *Profecto aut utrumque vitiatum ex humine trahitur, aut alterum in altero tanquam in vase vitiatum corrumpitur, ubi occulta iniustitia diuinæ legis includitur. Quid autem horum sit verum, libentius disco, quàm dico, ne audeam docere quod nescio.* Horum verborum sensus hic est: Aut utrumque, id est, anima & corpus, secundum illorum sententiam, qui propaginem animarum defendunt, vitiatum trahitur; aut alterum in altero, id est, anima in corpore tanquam in vase vitiatum corrumpitur, secundum sententiam eorum, qui animas à Deo creari censent, & solam carnem corruptam à parentibus traduci volunt.

Porrò, carnem idèò corruptam trahi, scribit idem Augustinus, quia cum libidine generatur. Non enim generationem, sed libidinem esse, quæ propriè peccatum traducit. Vide Augustinum lib. 1. de peccatorum meritis & remissione, cap. 9. lib. 1. de nuptijs & concupiscentia, cap. 24. lib. 5. in Iulianum, cap. 2. & Fulgentium lib. de fide ad Petrum, cap. 2.

Hæc sententia si accipiat ut verba sonant, ut eam accepisse videntur Petrus Lombardus in 2. sent. dist. 31. & Gregorius Ariminensis, & Gabriel in eodem

loco, ferenda non videtur. Primùm enim non potest intelligi, quemadmodum caro, quæ corpus eft, animam inficiat, quæ fpiritus eft. Deinde labes carnis propriè peccatum effe non potest, præfertim antequam anima rationalis accedat; quare tametsi caro animam inficeret, non tamen inhæret contagione peccati. Adhæc, certum est, in Adamo vitium prius in anima, quàm in carne fuiffe, & ab anima ad carnem, non à carne ad animam transiiffe: *Ab animo* (inquit August. li. 5. in Julian. c. 3.) *cepit elatio, & ad præceptum transgrediendum inde confensio, tunc est carosa-fa peccati, &c.* Cur igitur in filiis Adami, ad quos hæreditas peccati eiufdem deuoluta est, non idem ordo feruetur?

Præterea, si quis iam ex nihilo crearetur, quales nos nascimur, quod posse fieri suprâ demonstratum est, is neque haberet, neque traduceret in posteros originale peccatum, vt Concil. Tridentinum statuit sess. 6. c. 3. vbi dicit, eos solos peccatum originis trahere posse, qui ex Adami semine procreantur: At is non careret concupiscentia & ardore libidinis, vt notum est ex ijs, quæ suprâ docuimus: Igitur non est propriè carnis vitium, quod animam inficit, & peccatum in posteros traiecit.

Præterea, si duo homines, vir & fœmina, ex Adamo nati singulari priuilegio Dei, sine libidine generarent, peccatum nihilominus in filios suos transmitterent, quia filij horum parentum, verè filij essent Adami, & in eo peccassent, in quo omnes peccauerunt, Rom. 4. neque gratia personalis proximorum parentum in eos transfunderetur. Non igitur libido generantium originalis est causa peccati.

Accedat postremò, quod si libido esset causa peccati, ille maius peccatum traheret, qui cum maiori libidine conciperetur. Quod est manifestè falsum, cum peccatum originis in omnibus hominibus sit æquale.

Fuerunt igitur qui existimarent, animam in carne vitari, non quod vel in carne peccatum propriè dictum hæreat, vel caro spiritum propriè inquinare possit: sed quod caro destituta originali iustitia, ac rebellis rationi effecta, animam deorsum trahat, ac per hoc obliquam & distortam efficiat. Illa verò obliquitas est peccatum. Ita sensisse videntur Alexander Alenfis in 2. par. q. 105. membro 4. & S. Bonauentura ibid. art. 1. q. 2.

Sed hæc sententia refellitur ijsdem argumentis, ac præfertim quatuor postremis. Et præterea, si res ita se haberet, sequeretur paruulos ante vsum rationis non habere peccatum originis, nisi in potentia. Neque enim anima trahitur deorsum à carne, nisi quando caro concupiscit contra spiritum, quod non fit ante vsum rationis. Deinde vel spiritus carni malè concupiscenti resistit, vel succumbit; si resistit, non peccat; si succumbit, peccatum actuale committit.

Est alia sententia, quam verissimam esse non dubito, S. Anselmi in lib. de conceptu virginali, c. 7. & 10. S. Thomæ in 1. 2. q. 81. art. 1. & q. 4. de malo, art. 1. necnon Scoti, Durandi, & aliorum, in 2. Sent. dist. 31. ad traductionem peccati originalis nihil aliud requiri, nisi vt homo per veram generationem ab Adamo descendat. Hoc enim ipso, quod aliquis in lumbis Adæ fuit, cum is præceptum in paradiso transgrediretur, in illo eius peccato communicauit. Nam (vt Apost. loquitur ad Rom. 5.) *In illo omnes peccauerunt: omnes, inquam, qui in lumbis eius erant.*

Neque aliud sibi volunt verba S. Augustini: *Alterum in altero, tanquam in vase vitio, corrumpitur.* Significatur enim his verbis, animam non pollui, cum creatur à Deo, sed cum per coniunctionem cum car-

ne ex Adamo tracta, pars hominis efficitur. Neque enim anima, vt consideratur antequam corpori inspiretur, filia est Adami, sed homo est filius Adami; homo autem tunc primùm exiit, cum anima carni coniungitur.

Pari ratione cum S. August. tam sæpè repetit, non generationem, sed libidinem esse quæ peccatum traducit; non vult significare, ipsam libidinem actualem esse veram causam originalis peccati, quod absurdum esse paulò ante demonstrauimus: sed indicare voluit, causam peccati originalis non esse simpliciter propagationem: nam etiam in paradiso propagatio fuisset, vbi tamen peccatum non fuisset, sed propagationem ex natura corrupta, cuius argumentum certissimum est ardor libidinis, sine quo ardore, ne sanctissimi quidem coniuges generare solent.

Ex his quæ hætenus dicta sunt, facile erit argumentum illud Pelagianorum soluere, quod ad finem capituli decimi propositum fuit. Argumentum hoc erat. Peccatum non in carne, sed in anima sedem habet; sed anima non trahitur ex Adamo; igitur nec peccatum trahitur ex Adamo.

RESPONDENS ad assumptionem argumenti, animam non trahi ex Adamo, quali ab Adamo fiat, vel ex Adami anima fiat, sed tamen esse partem hominis qui verè trahitur ex Adamo. Quare neganda est illa consequutio: Igitur nec peccatum trahitur ab Adamo. Neque enim (vt peccatum ex Adamo trahatur) necessarium est, vt anima fiat ab Adamo, sed satis est, si homo ipse, cuius pars est anima, fiat ab Adamo.

Porrò, verè & propriè dicitur homo hominem generare, tametsi anima non producat ab homine, sed inspiretur à Deo. Nam generatio non terminatur ad generationem formæ, vel materiæ, sed compositi. Proinde qui animam cum carne coniungit, is verè hominem facit. Coniungit autem animam cum carne is, qui materiam ita disponit, quod facit homo per generationem, vt infallibiliter anima consequatur. Homo igitur hominem per generationem verè producit, vndeunque existat anima.

Ex quo intelligimus, non solum non impediri traductionem peccati ex eo, quod animæ creentur à Deo, sed neq; multum iuari, vel illustrari, si animæ hominum intelligantur fieri ex propagine, quemadmodum animæ bestiarum fiunt. Nam bestiarum animæ non fiunt ex propagine, quasi pars aliqua animæ parentum traiciatur in prolem (pater enim solum præbet semen, quod est superfluum alimenti, & mater sanguinem menstruum, qui est etiam superfluum alimenti, & neutrum est pars animantis) sed quia parentes generando disponunt materiam vsque ad animationem.

Itaq; siue animæ fiant ex propagine, siue inspirentur à Deo, non potest reddi commodior & expeditior ratio traductionis peccati, quàm sit ea, quam assignauimus, quia videlicet quicunq; per carnalem generationem concipiuntur, veri sunt Adæ filij. Proinde nulla causa est, cur propter originale peccatum, de animarum creatione amplius dubitemus.

CAPVT XIII.

Non ab Heua, sed à solo Adamo peccatum originale trahi.

EXPLICAVIMUS hætenus primam controuersiam de peccato originis, quæ erat: An sit aliquod peccatum, quod per generationem traiciatur in posteros. Nunc antequam ad alteram controuersiam principalem, quæ erit de natura peccati origi-

nis, veniamus, tractandæ videntur tres quæstiones breuiiores. Prima, vnde hoc peccatum trahatur. Altera, ad quos trahatur. Tertia, quod peccatum trahatur.

De PRIMA quæstione, illud est certum, hoc peccatum ex Adamo trahi. De illo enim Apostolus dicit: *Per unum hominem peccatum intravit in mundum, &c.* ad Rom. 5. Et, *Sicut in Adam omnes moriuntur, ita in Christo omnes vivificabuntur*, 1. ad Cor. 15. Duo sunt, quæ in controuersiam vocari possunt. Vnum, si Heua sola peccasset, Adamo in innocentia permanente, an peccatum Heuæ ad posteros traduceretur. Alterum, si primi parentes non peccassent, peccasset autem Caim, vel aliquis alius ex posteris Adæ, vtrum peccatum illud ad filios dimanaret.

Quod ad PRIOREM quæstionem attinet, conveniunt omnes, peccatum propriè dictum non fuisse traijciendum in posteros, si sola Heua peccasset, tamen in eo dissentiunt, quod aliqui existimant, ex peccato solius Heuæ dimanaturum in filios moriendi necessitatem, & cætera incommoda, quæ mortalitas secum trahit.

Alij contrà disputant, neq; peccatum, neque moriendi necessitatem in filiis Adæ locum habitura ex peccato solius Heuæ. Quæ sententia posterior est S. Thomæ in 1. 2. q. 81. art. 5. & sine dubitatione verissima. Nam peccatum originale contrahimus, quia cum Adam peccavit, in illo fuimus, vt in actiuo principio. Non fuimus autem in Heua, vt in actiuo principio, cum mater non virtutem actiuam, sed materiam solum ad prolem generandam præbeat. Quod si peccatum ab Heua non trahimus, certè nec mortem ab illa trahimus, quæ est pœna peccati: *Stipendium enim peccati mors*, Rom. 6. Quare Scriptura non dicit, In Heua omnes moriuntur, sed, *In Adam omnes moriuntur*, 1. Cor. 15. & tamen cum Heua prius peccauerit quàm Adamus, si ab Heua mortem traheremus, omninò dicendum fuisset, In Heua omnes moriuntur.

Scribit quidem Ecclesiasticus, cap. 25. A muliere initium factum est peccati, & per illam morimur omnes. Sed aliud est, per illam, aliud, in illa: per illam morimur, quia illa occasionem peccandi viro suo præbuit, vnde mors consequuta est; at non in illa, sed in Adam omnes moriuntur, quia non Heuæ, sed Adæ peccatum commune fuit omnibus, & idè illo peccante, omnes in illo peccauimus; & illo moriente, omnes in illo mortui sumus. Denique Concilium Arausicum can. 2. statuit, non posse mortem sine peccato ad homines transire, nisi iniustitia Deo detur, & contradicatur Apostolo dicenti: *Per unum hominem peccatum in hunc mundum intravit, & per peccatum mors*.

Iam verò quod attinet ad ALTERAM quæstionem, communis sententia est, si primus homo non peccasset, qui totius naturæ personam gerebat, quocunque alio peccante, peccatum futurum fuisse personale, & particulare, & idè posteritatem eius infici, & vitari minimè potuisse. Videtur quidem S. Tho. contrarium indicare quæst. 5. de malo, art. 4. ad ult. sed fortasse corruptus est is locus.

CAPVT XIV.

Ad filios fidelium peccatum originis pertinere, quemadmodum ad filios infidelium.

ALTERA quæstio erat, ad quos peccatum originale traijciatur. Et quidem in controuersiam reuocari non debet, an traijciatur ad eos, qui ex Adamo per carnalem generationem minimè descen-

dunt. Neque enim dubitari potest, quin Dominus Iesus Christus, qui non ex semine viri, sed Spiritus sancti virtute in vtero Virginis conceptus fuit, originali peccato caruerit. Et eadem ratio esset, si aliquis alius per diuinam potentiam aliunde quàm ex Adam originem duceret. Itaque solum quæstio est, vtrum omnes, qui per carnalem generationem ex Adamo nascuntur, trahant originale peccatum. Siquidem non pauci ex hæreticis sine peccato originis concipi, ac nasci volunt omnes filios fidelium: multi autem ex Catholicis, Virginem Deiparam omnis omninò peccati, etiam originalis, expertem fuisse contendunt. De vtraque sententia breuiter differemus.

Igitur HILDRICVS ZVINGL. in lib. de Baptismo, & in declaratione de peccato originis, tanquam rem certam & exploratam docet, nihil esse in filiis fidelium, etiam ante baptismum, quod propriè peccatum dici possit; quamquam probabiliter idem dici posse censet de filiis infidelium, quin etiam absolute peccatum originis negat, vt suprà demonstrauimus.

IOAN. CALVINVS in Antidoto Concilij Trid. c. 5. sess. 6. & lib. 4. Init. c. 16. §. 24. & 25. docet, filijs fidelium non imputari peccatum originis, & etiam ante baptismum esse sanctos, & membra Ecclesiæ.

Similia docent MARTINVS BUCERVS in cap. 3. Matth. P. MARTYR, & HENRICVS BULLINGERVS in cap. 7. prioris ad Corinth.

Sed hæc eorum sententia, vel hæresis potius, aperte repugnat verbo Dei, traditioni Patrum, decretis Conciliorum, atque Pontificum, & Ecclesiæ vniuersæ consuetudini.

Primùm enim testimonia, quæ suprà attulimus ex Scripturis ad probandum originale peccatum, vniuersalia sunt, & homines omnes, siue fidelium, siue infidelium, filios comprehendunt. Deinde locus ille Psal. 50. *Ecce enim in iniquitatibus conceptus sum, &c.* Non quencumque hominem, sed Dauidem ipsum in peccato conceptum fuisse docet. Porro Dauidem filium fuisse hominis fidelis & iusti dubitari non potest. Rufinus in hunc locum (vt etiam suprà citauimus) Dauid, inquit, natus eras de Iesse viro iusto, & coniuge eius. Quid est ergo quod de se dicit, in iniquitatibus conceptum esse, nisi quia detrahatur iniquitas ex Adam, nemo nascitur, nisi trahens culpam, & culpæ pœnam?

Item illud Apostoli ad Ephes. 2. *Eramus & nos natura filij iræ, sicut & ceteri*: apertissimè dicitur de filiis fidelium, qualis erat Apostolus, qui ad Philipp. 3. scribit se fuisse de genere Israël, ex tribu Benjamin, Hebræum ex Hebræis. Et ad Galat. 2. dicit se natura, hoc est, à natiuitate, Iudæum, non ex Gentibus peccatorem. Denique circumcisio Dei mandato, Genes. 17. filijs fidelium adhibenda erat, & tamen ea peccatum originis vel tollebat, vel tollendum significabat, vt veteres omnes concedunt.

Ad hæc accedit traditio Patrum. Nam S. CYPRIANVS lib. 3. epist. 8. ad Fidum, de filiis fidelium interrogatus fuerat, vtrum ante octauum diem baptizari possent. Neque enim infideles filios suos baptizari procurabant, aut sinebant. Respondit autem Cyprianus, baptizandos esse eiusmodi paruulos, etiam ante octauum diem, si opus sit, propter contagium mortis antiquæ, quod vnusquisque eorum prima natiuitate contraxit.

S. AMBROSIVS de filiis fidelium sine dubio loquebatur, cum diceret in Apologia Dauid, cap. 11. *Antequam nascamur, maculamur contagio*. Nam se quoque in eo numero ponit, & alios qui de Christianis parentibus nascuntur.

S. HIERONYMVS in epist. ad Letam, de insti-

tutione filiarum: *Chriftiani*, inquit, *non nafcuntur, fed fiunt*. Quod antea fcripferat etiam Tertullianus in Apologetico, cap. 17. non igitur filij fidelium nafcuntur fancti, & Ecclefie membra, vt aduerfarij docent.

S. AUGUST. lib. 2. de peccato originali, cap. 40. *Regeneratus*, inquit, *non regenerat filios carnis, fed generat, ac per hoc in eos, non quod regeneratus, fed quod generatus eft, traiecit*. Sic igitur *fiue reus in feleus, fiue abfolutus fidelis, non generat abfolutos vterque, fed reos*. Quomodo non folum oleaftros, fed etiam olea femina, non oleas generant, fed oleaftros. Idem docet lib. 1. de nuptijs & concupifcentia, c. 18. 19. & 20. lib. 6. aduerfus Iulianum, c. 2. & 3. & lib. 1. de peccatorum meritis & remiff. c. 25. & duobus fequentibus.

Addi poffent multa fimilia Patrum testimonia, fed non eft opus, cum ne vnus quidem ex Patribus adduci poffit, qui contra fenferit.

Iam vero quod attinet ad Conciliorum atque Pontificum decreta, Concilium MILEVIT. can. 2. cum dicit anathema ijs, qui negant paruulos recenter ab vteris matrum baptizandos effe in remiffionem peccatorum; & B. Siricius in epift. 1. ad Himerium: c. 2. cum infantibus iubet per baptifmum omni celeritate succurri, fine dubio de filijs fidelium precipue loquuntur. Nam (vt fuprà diximus) infideles, vt plurimum, aut non finebant, aut non procurabant, vt filij ipforum per baptifmum regenerarentur.

Denique Ecclefie vniuerfæ confuetudo, magnam vim in eiusmodi rebus habere debet. Semper autem in Ecclefia fuit hæc follicitudo fidelium, vt fummo perè cauerent, ne filij ipforum, in quauis ætate, fine baptifmo decederent: *Quifquis* (inquit Auguftinus epift. 28. ad Hieronymum) *dixerit, quod in Chrifto viuificabuntur etiam paruuli, qui fine Sacramenti eius participatione de vita exeunt, hic profecto & contra Apoftolicam prædicationem venit, & totam condemnat Ecclefiam, vbi propterea cum baptizandis paruulis ftimatur, & curritur, quia fine dubio creditur, aliter eos in Chrifto viuificari non poffe. Qui autem non viuificatur in Chrifto, refat vt in eadem dñatione maneat, de qua dicit Apoft. Per vnus delictum peccatum venit in omnes homines in condemnationem*.

Certè fi in Ecclefia cum baptizandis paruulis feftinatur & curritur à fidelibus, qui in Ecclefia funt, ne videlicet filij fidelium fine baptifmo decedentes, non fint in regno cælorum cum parentibus fidelibus, fed apud inferos cum alijs filijs infidelium: certè etiam Zuinglius, & Caluinus, & cæteri qui paruulos fidelium in Chrifto viuificari dicunt, etiamfi abfque Sacramenti ipfius participatione decedant, contra prædicationem Apoftolicam veniunt, & totam condemnant Ecclefiam.

Accedit poftremo illa confuetudo, quæ femper in Ecclefia celeberrima fuit exorcizandi & exufflandi filios fidelium baptizandos. Illa enim apertiffimè teftatur, filios etiam fidelium immundo fpiritu fubditos effe, donec Spiritu fancto in eos fuperueniente mundentur: *Verum eft* (inquit S. Auguft. in lib. 6. contra Iulian. c. 2.) *quod antiquitus veraci fide Catholica prædicatur & creditur per Ecclefiam totam, quæ filios fidelium nec exorcizaret, nec exufflaret, fi non eos de poteftate tenebrarum, & à principe moris erueret*.

Porro argumenta, quibus aduerfarij ad hanc nouitatem, contra totius Ecclefie confenfum, imò etiam (vt oftendimus) contra ipfum Dei verbum afferendam permoti videntur, leuiffima funt, & à nobis refutata in libro de Baptifmo, cap. 4.

Præcipuum fundamentum eorum, funt illa verba: *Ero Deus tuus, & feminis tui poft te*, Gen. 17. Quamuis enim hoc dictum fit foli Abraham, tamen intelligitur dictum effe omnibus eius pofteris, quia promiffio

æterna eft. Sic enim loquitur Deus: *Statuam pactum meum inter me & te, & inter feminem tuum poft te in generationibus tuis federe fempiterno, vt fim Deus tuus, & feminis tui poft te*. Itaq; quod dixit Deus Abraham, idem intelligitur dictum filio eius, & nepoti, & cæteris vique in fempiternum. Nos autem per Chriftum facti fumus etiam Abraham filij, & coniuncti populo Dei. Quare vnique; noftm dictum effe exiftimandum eft, *Ero Deus tuus, & feminis tui*: ac per hoc filij fidelium, hoc ipfo quod filij funt fidelium, ad fedus illud pertinent, & populo Dei aggregati effe contentur.

RESPONDEO, promiffionem illam, quatenus fpiritalis erat, & ad vitam æternam pertinebat, factam effe femini Abraham, non fecundum carnem, fed fecundum fidem, vt exponit Apoft. ad Rom. 4. & 9. & ad Gal. 3. & 4. Proinde filij fidelium non hoc ipfo quod funt filij fidelium fecundum carnem, pertinent ad fedus & ad populum Dei, fed tunc primum incipiunt deputari in feminem, & in federe contineri, cum incipiunt imitari fidem parentum fuorum, quod faciunt vel credendo, vel Sacramentum fidei fufcipiendo, quamuis ipfum Sacramentum fidei fufcipere, fit etiam quoddam credere, vt Auguftinus docet lib. 1. de peccatorum meritis & remiffione, cap. 27. vbi etiam difertis verbis refellit quod Caluinitæ dicunt, filios fidelium ante baptifmum pertinere ad oues Chrifti: *Quoniam*, inquit, *de omnibus eius effe non incipiunt paruuli, nifi per baptifmum, profecto fi hoc non accipiunt, peribunt*.

CAPVT XV.

B. Virginem Mariam fine peccato originali conceptam fuiſſe.

IAM vero de beatiffima Deipara, quam multi ex Catholicis fine peccato originis conceptam fuiſſe contendunt, idèd folùm diſputare cogimur, quoniam non defunt, qui Ecclefiam vniuerſam, & ipſum Concilium Trident. accuſant, quod opinionem illam de immaculata Virginis conceptione (quam ipſi manifeſtum errorem effe credunt) non folùm tolerare, fed etiam vt piam, & probabilem recipere videatur. Neque defunt qui impudenter affirmant, ab Ecclefia Romana defendi conceptionem immaculatam Virginis Mariæ, tanquam articulum fidei.

Nos igitur tria breuiter demonſtrare aggredimur. Primò, non haberi apud Catholicos pro re certa & explorata, ac fide Catholica tenenda, B. Virginem fine peccato fuiſſe conceptam. Secundò, hanc ipſam opinionem non effe vllo modo hæreticam, vel erroneam iudicandam. Tertiò, non effe etiam temerariam, fed piam admodum ac probabilem, atq; adeò contraria ſententia longè probabilior.

Quod attinet ad primum, IO. POMERANVS vnus ex primi Lutheri diſcipulis, in comment. c. 1. & 44. Hierem. ſcribere auſus eſt, pro articulo fidei apud Catholicos haberi, B. Virginem fine vllo peccato, imò etiam de Spiritu ſancto fuiſſe conceptam.

Sed hoc impudentiſſimum mendacium ſatis apertè refellunt duæ Pontificum Conſtitutiones, & Concilij Oecumenici decretum, quibus Conſtitutionibus ac decretis Catholici omnes libenter obediunt.

SIXTVS IV. Pont. Max. in ea Conſtitutione, quæ incipit, *Grane nimis*, de reliquijs & veneratione Sanctorum, diſertis verbis pronunciat, nondum effe quæſtionem iſtam de conceptione beatæ Virginis, ab Ecclefia Romana & Apoftolica ſede definitam, & idèd pœnam excommunicationis ſtatuit in eos, qui alterutram ſententiam, vt hæreticam damnare audent.

Iudicium Sixti Pont. fequutum eft Concil. T R I D E N T I N U M feff. 5. At demum noftro tempore P I V S V. in conftitutione, quam edidit de Conceptione B. Virginis Mariæ. Porro Concil. B A S I L E E N S E feff. 36. definiuit quidem B. Virgine[m] fine peccato fuiffe conceptam: fed nec ea definitio facit certam fidem, cum Concilium illud ab Apoftolica fede probatum non fuerit, nec ipfum Concil. ſententiam ſuam pro articulo fidei haberi voluit. Solum enim ſtatuit, eam ſententiam amplectendam eſſe vt piam, & conſonam cultui Eccleſiaſtico, fidei Catholice, Scripturis, & rationi.

Iam verò quod attinet ad ſecundum, MATTHIAS ILLYRICVS cent. 9. cap. 10. ubi tractat de quodam auctore, qui dicitur Idiota, ſententiam illam, quæ facit B. Virgine[m] omnis peccati, etiam originalis expertem, erroneam eſſe docet. Idem habet Tilman. Heſhufius in lib. de ſexcentis erroribus Pontificiorum, tit. de peccato, num. vlt. Idem etiam Martinus Kemnitius in examine feff. 3. Concilij Trid. ubi aliquoties reperit ſententiam de conceptione immaculata Virginis Mariæ, contra verbum Dei defendi, & in extrema diſputatione cum dixiſſet, non poſſe adferri pro hac ſententia Scripturas, aut traditionem, aut Patres, ſed ſolas reuelationes & miracula; addit Pontificios, cum novos articulos fidei condere volunt, non curare verbum Dei ſcriptum, vel traditum.

Ab hac aduerſariorum temeritate longè abſunt omnes Catholici. Tametſi enim non deſunt inter Catholicos, qui propenſiorem ad veritatem exiſtiment eſſe ſententiam illam, quæ præter Chriſtum, neminem excipit à communi lege peccati originalis: Tamem illi ipſi ſententiam contrariam neque damnant vt erroneam, neque damnare poſſunt, niſi decretis generalis Concilij Trid. & ſummorum Pontificum Sixti IV. ac Pij V. reſiſtere velint; quod ſi facerent, inter Catholicos numerandi non eſſent.

Probatur igitur ſententiam de immaculata Virginis conceptione, fidei Catholice minimè repugnare. Id enim Catholice fidei repugnat, quod aſſeritur vel contra expreſſum Dei verbum, quale eſt, Deum non eſſe vnum, aut eſſe corporalem, aut non creafſe cælum & terram, & ſimilia; vel contra verbum Dei ab Eccleſia declaratum, vt Filium Dei non eſſe Patri conſubſtantialem, Spiritum ſanctum à Patre & Filio non procedere, Chriſtum non habere duas voluntates, & alia id genus: Virgine[m] autem Deiparam ab originali peccato fuiffe immunem, non repugnare expreſſo Dei verbo, neque Eccleſie declarationi, vt vel ex eo perſpicuum eſſe poteſt, quod nullus aduerſariorum adhuc locum ullum Scripturæ, vel Conciliorum protulit, ubi diſertis verbis legatur, B. Virgine[m] Mariam in peccato originali fuiſſe conceptam. Proferuntur quidem Scripturæ & Conciliorum teſtimonia quædam generalia, ſed ea ſatis commodè explicantur ab ijs, qui B. Virgine[m] à generalibus illis ſententijs excipiendam eſſe volunt.

Dices, Si res ita habet, non erit contra fidem ſi non ſolum Virgo Deipara, ſed quivis etiam alius ab originali peccato aſſeratur immunis. Neque enim de vilo homine diſertis verbis Scripturæ, aut Concilia docent, cum in peccato fuiſſe conceptum, niſi de Dauide, qui de ſe ait in Pſal. 50. *Ecce enim in iniquitatibus conceptus ſum, & in peccatis concepit me mater mea.*

RESPONDEO, Fidem Catholicam id ſolum requirere, vt credamus omnes homines, qui per carnalem generationem ex Adamo naſcuntur, ex eodem trahere originale peccatum, niſi fortè ſingulari privilegio à communi lege aliquis excipiat. Pronde cum ad ſingulos deſcenditur, non erit continuo hæreti-

A cus, qui hunc, aut illum negaverit in peccato fuiſſe conceptum, ſed tamen temerè id negabit, & iure ac merito præſumetur hæreticus, niſi probabiles rationes attulerit, cur ſingulare illud privilegium in hunc, aut illum hominem convenire cenſuerit. Quales rationes nemo adhuc protulit, niſi pro conceptione vnius Virg. Mariæ. Sed hæc omnia erunt clariora, cum argumenta aduerſariorum proſtigata fuerint.

Quod attinet ad tertium, probandum eſt breuiter, non temerè, ſed piè, ac rectè exiſtimari B. Virgine[m] Mariam ſingulari Dei privilegio ab omni omnino peccato fuiſſe immunem. Neque verò expectandum eſt vt expreſſum Dei verbum adferamus, aut certam aliquam Eccleſie definitionem. Id enim ſi facere poſſemus, non ſolum piè ac rectè exiſtimari hoc diceremus, ſed pro hæreticis haberemus, qui contra ſentirent. Probabiles igitur tantum, congruentesque rationes adferendæ ſunt, primum ex Scripturis, deinde ex Patribus, tum ex conſenſu Eccleſie, poſtremo ex ratione.

Ex Scripturis habemus imprimis duas inſignes figuras. Primum hominem Chriſti figuram geſiſſe, vel (vt Apoſt. loquitur) *Formam fuiſſe ſuturi*, id eſt Chriſti, vt docet idem Apoſt. ad Ro. 5. & 1. Cor. 15. Conſtat autem primum hominem non ex concubitu maris & ſæminæ generatum, ſed ex terra, eaque nondum maledicta, ab ipſo Deo conditum fuiſſe. Decuit igitur vt ſecundus homo, qui ſimiliter non ex concubitu maris & ſæminæ, ſed opera Spiritus ſancti formandus erat, ex terra non maledicta, id eſt, ex matre Virgine, quæ omnis maledictionis, ac per hoc omnis peccati expers fuerit, formaretur. Atque hinc fortallè ab Angelo, Benedicta inter mulieres, ſalutata eſt. Hanc figuram primus obſervariſſe videtur ſanctus Andreas Apoſtolus, cuius hæc verba referunt Preſbyteri Achaie in lib. de paſſione eiſdem Apoſtoli & Martyris Andreæ: *Sicut de terra immaculata factus fuerat homo primus, ita neceſſe erat, vt de immaculata Virgine Chriſtus naſceretur.*

Deinde Heuam Mariæ typum ac figuram fuiſſe docet Epiphan. hæref. 68. & alij præterea multi, quos non eſt neceſſe numerare. Satis autem conſtat, Heuam ſine peccato fuiſſe, cum primum formata eſt.

D Decebat igitur vt mater omniū viuientium vita ſpirituale ſine peccato conciperetur, cum mater omnium viuientium vita animali ſine peccato condita fuerit.

Ad hæc accedunt loca illa ex Canticis: *Sicut lilium inter ſpinas, ſic amica mea inter filias*, Cant. 2. Et, *Tota pulchra eſt amica mea, & macula non eſt in te*, Cant. 4. Et, *Hortus concluſus, ſoror mea ſponſa, hortus concluſus, ſons ſignatus*, ibid. Hæc enim tametſi de Eccleſia vniuerſa, qualis præfertim erit in cælis, intelligi poſſint, tamen B. Virgini quoque apuſſimè convenire negari non debet, cum & multi ſanctorum Patrum de beata Virgine hæc omnia expoſuerint, & Eccleſia ipſa Catholica in feſtis eiſdem beatiffimæ Virginis, vel in officio matutino, vel in ſacrificio Miſſæ, lectiones ex Canticis recitari iubeat.

E Iam verò ex teſtimonijs Patrum habemus I M P R I M I S S. AMBROSIVM, qui ſerm. 22. in Pſal. 118. explanans vlt. verſiculum, ſic ait: *Suſcipe me, non ex Sana, ſed ex Maria, vt incorrupta ſit Virgo, ſed Virgo per gratiam ab omni integra labe peccati.*

Habemus DEINDE S. HIERONYMVm, qui in explanatione Pſalm. 77. tractans illud: *Deducit eos in nubem*, dicit nubem illam eſſe Virgine[m] Mariam, & addit hæc verba: *Pulex dixit dici, quia nubes illa non fuit in tenebris, ſed ſemper in luce.*

Habemus TERTIO S. AVGVSTINVM, qui in lib. de natura & gratia, ca. 36. ſic ait: *Excepta ſancta Virgine*

Maria,

Maria, de qua, propter honorem Domini, nullam prorsus, cum de peccatis agitur, habere volo questionem. Inde enim scimus, quod ei plus gratia collatum fuerit ad vincendum omni ex parte peccatum, quæ concipere, ac parere meruit eum, quem constat nullum habuisse peccatum.

Ad hunc locum responderi solet, S. Augustinum de peccato actuali, non de originali esse loquutum. Ceterum multa sunt, quæ nos contrà sentire cogunt.

PRIMUM, quod S. August. dicat se nullam prorsus questionem de S. Virgine habere velle, cum de peccatis agitur. Quibus verbis satis indicat se questionem etiam de S. Virgine habere nolle, cum agitur de peccato originali.

DEINDE quod addat, illi gratiam fuisse collatam ad vincendum omni ex parte peccatum. Quomodo enim omni ex parte peccatum vicit, si peccato originali contaminata fuit?

TERTIO, quod dicat se propter honorem Domini de S. Virgine questionem habere nolle, cum de peccatis agitur. At certè honor Domini non minus postulare videtur, ut eius mater caruerit originali peccato, quàm actuali, cum illud mortale necessariò fuerit, hoc veniale esse potuerit.

DEINQUE, quia ex August. sententia, nemo vivit sine peccato actuali, qui habuit peccatum originale. Hæc enim sunt eius verba in lib. 5. in Julian. cap. 9. *Profectò peccatum etiam maior fecisset, si parvulus habuisset. Nam propterea nullus est hominum præter ipsum, qui peccatum non fecerit grandioris ætatis accessu, quia nullus est hominum præter ipsum, qui peccatum non habuerit, infantilis ætatis exortu.* Cum ergo S. Virgo non fecerit ex August. sententia actuale peccatum, ut ex loco citato de natura & gratia etiam adversarij colligunt; sequitur ex eiusdem Augustini sententia, ut neque habuerit originale peccatum, si doctrinam suam ex lib. 5. adversus Julian. Augustinus admittat.

Habemus QUARTO SEDVLIVM, qui in lib. 1. mirabilium divinatorum, canens expulsionem Adami ex paradiso, sic ait:

*Et veluti è spinis mollis rosa surgit acutis,
Nil quod ladas habens, matremq; obscurat honore:
Sic Ena de stirpe sacra veniente Maria,
Virginis antiquæ facinus nona Virgo piæret.*

Habemus QUINTO auctorem sermonum de operibus Cardinalibus Christi, qui Cypriani titulum ferunt. Is enim in serm. de Natiuitate sic ait: *Non substinebat iustitia, ut illud vas electionis (Maria) communibus lasseretur iniurijs, quoniam plurimum à cæteris differens natura communicabat, non culpa.*

Habemus SEXTO SOPHRONIVM Patriarcham Hierosol. qui in epist. ad Sergium Episcopum Constantinopol. quæ lecta est in sexta Synodo, act. 11. sic loquitur: *Verum intactum virginitatis ingressus, castitatem illustratam Maria sancta, præclaræque, & quæ Dei sunt, sapientis, & ab omni contagione liberata & corporis & animæ & intellectus incarnatus, qui erat incarnatus, &c.*

Habemus SEPTIMO IO. DAMASCENVM, qui in orat. 1. de Natali B. Virginis, multa scribit de immaculata eius conceptione, & inter alia sic ait: *Natura gratiam antevertere ausa non est.* Quibus verbis apertè significat, non prius B. Virginem naturam accepisse, quàm gratiam.

Habemus OCTAVO, vetustum auctorem, cognomine Idiotam, qui paulò post annum Domini DCCC. floruit. Is enim in contemplatione Virginis Mariæ, cap. 2. sic ait: *Tota pulchra es, Virgo gloriosissima, non in parte, sed in toto, & macula peccati, siue mortalis, siue venialis, siue originalis non est in te.* Idem etiam cap. 6. scribit, Virginem Mariam præservatam fuisse à peccato originali.

A Habemus NOMO PETRVM DAMIANI, qui in serm. de Natali S. Io. Baptiste scribit, altiore genere sanctificationis B. Virginem mundatam fuisse à peccato, quàm Ioannem, vel Hieremiam, qui in vtero sanctificati leguntur. Non videtur autem aliud genus sanctificationis fingi posse, quàm ut B. Virgo mundata sit à peccato, in quod necessariò incidisset, nisi per gratiam præservata fuisset: Ioannes verò & Hieremias sanctificati sint à peccato, in quod iam re ipsa inciderant. Idem Petrus in serm. de Annunciatione B. Mariæ: *Cum fecerit, inquit, Deus omnia opera sua valde bona, hoc melius fecit, consecrans sibi in ea reclinatorium aureum, in qua sola se post tumultus Angelorum & hominum reclinare, & requiem inueniret.*

B Habemus DECIMO B. BRUNONEM, qui comment. Psal. 101. tractans illa verba: *Dominus de celo in terram aspexit, dum de regalibus sedibus in vterum Virginis venit.* Hæc est incorrupta terra illa, cui benedixit Dominus, ab omni propterea peccati contagione libera.

Habemus VNDECIMO S. ANSELMVM, qui in libro de conceptu virginali & peccato originali, cap. 18. sic ait: *Decebat ut illius conceptio (Christi videlicet) de matre purissima fieret, nempe decens erat, ut capritate, quæ maior sub Deo nequit intelligi, Virgo illa miteret, &c.* At profectò maior puritas, etiam sub Deo, posset intelligi, si B. Virgo aliquando peccati macula inquinata fuisset, Angeli siquidem sub Deo puritate nitent, & tamen nulla vnquam macula inquinati fuerunt. Idem Anselmus in comment. cap. 5. posterioris ad Corint. *Omnes, inquit, mortui sunt in peccatis, nemine prorsus excepto, dempta matre Dei, siue originalibus, siue etiam voluntate additis.*

Habemus DVO DECIMO, Catenam Græcorum in Cantica à Theodoro compositam. Nam in lib. tertio, propè extremo, legimus: *Virginem Mariam ideò columbam, eamque unicam in Canticis nominari, quod Cherubin & Seraphin puritate vincat.* At certè non vinceret puritate Cherubin & Seraphin, in quibus nullum vnquam peccatum fuit, si fuisset in ipsa originale peccatum.

Omitto testimonia recentiorum scriptorum, ut B. Laurentij Iustiniani, S. Bernardini Senensis, & aliorum. Solum enim testimonia illorum adferenda esse censui, qui antè floruerunt, quàm in Ecclesia controuersia ista cœpisset.

Venio ad consensum Ecclesiæ, qui certè ab annis non paucis maximus est. Nam IMPRIMIS caput Ecclesiæ, summus Pontifex Sixtus IV. in Extravaganti, *Cum præexalta*, & in altera, quæ incipit, *Græcæ nimis*, satis apertè testatur, hanc sententiam de immaculata Virginis conceptione, piam & probabilem esse. In eadem sententia fuisse Alexandrum IV. Iulium II. & Leonem X. perspicuum est ex eo, quod ordinem quendam religiosum in honorem immaculatae Conceptionis institutum confirmarunt, & priuilegijs ornavunt.

DEINDE Concil. BASILEENSE, in quo secretum est, hanc sententiam ut probabiliorē esse tenendam, tamen certam fidem non faciat, ut Concilium Oecumenicum; tamen ex eo facile potest intelligi, multos Ecclesiæ Doctores ex varijs Prouincijs congregatos ita sensisse. Accedit præterea, quod Academicæ illustres, ac potissimum Parisiensis, hanc ipsam sententiam amplectuntur. Adde vltimò, quod totus ferè orbis Christianus celebrat festum diem Conceptionis Virginis Mariæ, eamque conceptionem immaculatam vocat.

Sed nec rationes desunt ad hanc ipsam sententiam confirmandam. Nam certum est, Deum potuisse B. Virginem à peccati originalis contagione præserva-

re, probabile autem est etiam voluisse; igitur probabile est eam ab eiusmodi contagione fuisse præseruatam. Potuisse Deum hoc facere, negari non potest. Nam neque ex parte Dei, neque ex parte creaturæ vlla repugnātia cernitur. Non quidem ex parte Dei, quia est omnipotens, & non est impossibile apud Deum omne verbum: non item ex parte creaturæ, nam nihil obstat, quo minus eodem temporis puncto anima rationalis creetur à Deo, & gratia repleatur. Quod factum esse credimus in creatione Angelorum, & animæ primorum parentum, & multo certius in creatione animæ Christi.

Deinde, si potest anima iustificari, posteaquam peccatum habere cœpit, ac per hoc de iniusta fieri iusta, vt in nobis fieri non dubitamus, cur non poterit anima in ipsa creatione sanctificari, antequam incipiat esse peccatrix?

Dices, non repugnat absolute diuinæ potentia, aut voluntati, præseruari aliquem à peccato, repugnat tamen, posito decreto illo diuino, & immutabili, quo statuit Deus, vt si Adam non peccaret, omnes homines conciperentur iustitia originali præditi, sin autem peccaret, conciperentur in iniquitate, & essent natura filij iræ.

RESPONDEO, decretum illud diuinum ita esse intelligendum, vt si Adam peccaret, omnes homines qui ex ipso originem traherent, ex vi conceptionis obnoxij essent peccato, neque vllum ius haberent ad iustitiam illam, quam in primo parente acceperant, non tamen eo decreto potestatem Deo esse ablatam, quo minus ex misericordia, & priuilegio singulari, posset aliquem à peccato re ipsa præseruare. Nam ex Adamo non solum peccatum, sed etiam mortem in totum genus humanum redundasse credimus, idque ob decretum Dei, quo dictum est: *Quacunque die comederis, morte morieris.* Vnde Apostolus, 1. Cor. 15. *In Adam, inquit, omnes moriuntur.* Et tamen quis ambigat posse Deum efficere, vt aliquis re ipsa non moriatur? decreto enim satisfieri videtur, si omnes Adæ posterij morti obnoxij sint.

Sic etiam ob decretum illud Dei, non solum concipiuntur, sed etiam nascuntur omnes homines in peccato, quod attinet ad vim generationis humanæ, & idè necesse habent nasci denuò, quia quod natum est ex carne, caro est, & nisi renascantur ex aqua & Spiritu sancto, non possunt introire in regnum Dei, vt Dominus loquitur Ioan. 3. & tamen legimus Hieremiam sanctificatum antequam de vulua matris sue egrederetur, Hierem. 1. & de S. Ioanne Angelus dicit ad Zachariam, Spiritu sancto replebitur adhuc ex vtero matris suæ, Lucæ 1. & de ipsa Virgine Maria nulla quæstio est apud Catholicos, quin saltem ante natiuitatem in vtero matris sanctificata fuerit.

Habemus igitur, Deum potuisse Virg. Mariam ab omni peccato liberam conseruare, & sanctam ac iustam in ipsa creatione efficere. Voluisse autem, satis probabiliter demonstrari existimamus ex illis rationibus, quib. S. Th. in 3. p. q. 27. art. 4. probat Matrem Dei omnis peccati actualis expertem esse debuisse.

PRIMA ratio est, quia tam honor, quàm ignominia matris redundat in prolem.

SECUNDA, quia mater Christi singularem affinitatem & coniunctionem cum ipso habet; quæ autem conuentio Christi ad Belial?

TERTIA, quia singulari modo Dei filius, qui est ipsa Dei sapientia, habitauit in matre: At, *in maleuolam animam non introibit sapientia, nec habitabis in corpore subdito peccatis*, vt dicitur Sap. 1.

QUARTA, quia debuit in Virgine testimonium illud sponsi cœlestis impleri: *Tota pulchra es, amica*

mea, & macula non est in te, Cant. 4.

Hæ certè rationes, vt probant decuisse Dei matrem ab omni actuali peccato immunem esse, ita si fieri potuit, ab originali; undè etiam magis ab originali, quàm ab actuali veniali, cum originale magis inquinet, & deformet, & cum Belial coniungat, & corpus atque animam peccato subdat, quàm veniale.

Addi potest alia QUINTA ratio. Nam cum Deus itatuerit, sanctissimam hanc Virginem euehere ad summam dignitatem, vt omnibus puris creaturis, etiam angelicis præstet, de qua re nulla controuersia esse potest; certè par erat, vt nullum esset priuilegium alicui puræ creaturæ collatum, quod non etiam huic Virgini conferretur, nisi fortè conditioni, statui, naturæ, aut sexui repugnaret. At sanctificari in ipsa creatione datum est primis parentibus; sanctificari autem in ipsa creatione, & nullo vnquam pollui peccato, datum est Angelis sanctis; & priuilegium hoc conditioni, statui, naturæ, sexui B. Virginis non repugnat: Igitur pium est credere, eiusmodi priuilegio Dei matrem minimè caruisse.

Accedant postremò reuelationes diuinæ, quas de hac re se habuisse S. Brigitta testatur in lib. 1. cap. 9. & lib. 6. cap. 49. & 55. quæ quidem reuelationes contemnendæ non sunt, cum à viris grauissimis diligenter excussæ & approbatæ fuerint.

CAPVT XVI.

Soluantur argumenta, quæ aduersus immaculatam beatæ Virginis conceptionem fieri solent.

NUNC argumenta soluenda sunt, tum ea quib. hæretici probare conantur, nostram sententiam fidei Catholicæ repugnare, tum ea quibus alij nonnulli sibi persuaferunt, sententiam nostræ contrariam veriore esse, atque tutiorem.

Sed antequam ad argumenta ipsa veniamus, explicandum erit breuiter, quemadmodum accipiendum sit, quod dicimus, B. Virginem originali peccato semper caruisse.

Tribus modis peccatum primi parentis cum filijs eius communicatur. PRIMO enim dicuntur Adæ filij in ipso Adamo peccauisse, cum ille præceptum Domini in paradiso transgressus est. Et quoniam tunc non erant ipsi in actu, sed in potentia, idè quoque tunc peccatum non actu, sed potentia contraxerunt. Siue, quod est idem, non in se, sed in parente peccauerunt, quemadmodum non in se, sed in parente subsistebant. Hinc S. August. lib. 1. de pecc. mer. & remiss. c. 10. *Certè, inquit, manifestum est, alia esse propria cuique peccata, in quibus hi tantum peccant, quorum peccata sunt, aliud hoc vnum, in quo omnes peccauerunt, quando omnes ille vnus homo fuerunt.*

DEINDE rursus dicuntur in peccato concipi omnes Adæ filij, cum primùm factus in vtero matris existere incipit, quamuis informis & inanimis. Tamen enim peccatum propriè non possit esse, nisi in anima rationali, & factus conformari incipiat longo tempore ante animationem, tamen quia tunc reuera incipit homo existere ratione vnus suæ partis (vnde dicuntur filij in vteris matrum nouem mensibus gestari, 2. Machab. 7.) & pars illa ex corrupta natura originem habet, & vitiata rectè nominari potest, atque ei ex vi suæ generationis debetur, vt cum primùm animam rationalem sortita fuerit, inde exultat homo peccator, & iræ diuinæ filius. Propterea non immeritò dicuntur homines tunc primùm in iniquitatibus generari. Explicat hoc multis verbis S. Anselmus in lib. de conceptu virginali & peccato originali, c. 7. & de hac prima conceptione exponit illud Psal. 50. *Ecce enim in iniquitatibus conceptus sum.*

TERTIO

TERTIO denique, dicuntur homines concipi in peccato, cum animæ corporibus inspirantur. Tunc enim primum incipiunt propriè & reipsa esse homines, & habere voluntatem originali iustitia denudatam, à Deo auersam & deformem.

Iam igitur quod attinet ad primum modum, non defunt qui existiment B. Virginem non peccasse in Adamo. Dicunt enim legem de non gustando ligno scientiæ boni & mali, datam fuisse primo parenti pro se & omnibus posteris, excepta Virgine Maria. Proinde illam, ut erat in lumbis Adæ, gustasse cum illo cibum vetitum, non tamen peccasse, quia prohibitio ad eam non pertinebat.

Quæ sententia nobis non admodum tuta esse videtur, & contrariè omninò subscribimus. Nam inter Catholicos conuenit, B. Virginem per Christi sanguinem verè fuisse redemptam, & quod Apost. ait: *Christus pro omnibus mortuus est*, 2. Cor. 5. sine vlla exceptione esse accipiendum. At si B. Virgo neque actu, neque potentia, neque in se, neque in parente suo peccauit, quomodo quæso redempta dici potest?

Quod attinet ad secundum modum, si B. Virgo non fuit libera, ut diximus, à peccato primi parentis quatenus in lumbis eius erat, profectò prima eius conceptio similis fuit conceptioni aliorum. Nimirum originem habuit ex natura corrupta, eique ex vi generationis debebatur, ut peccatum contraheret, cum primum ad eam anima rationalis accederet.

Quod attinet ad tertium modum, sine peccati originalis macula fuisse existimamus animam B. Virginis, in ipso etiam primo instanti suæ creationis & infusionis in corpus, ita ut nunquā persona illa actu existens peccatum habuerit. Atque hoc solum est, in quo B. Virgo differt à cæteris, qui per gratiam Dei, Christi-que passionis meritum, à peccato originali liberati fuerunt, quod alij communiter liberati sunt post natiuitatem, aliqui pauci ante natiuitatem, sed post animationem, ipsa sola in ipso instanti animationis.

Ex his quæ diximus, facilè solui possunt argumenta, quæ ab aduersarijs proferuntur, siue ex Scripturis, siue ex Patribus, siue ex ratione ducantur. **PRIMUM** igitur profert Kemnitius in Examine Concilij Trid. sess. 5. pag. 518. Scripturas, quæ (ut ipse dicit) solum Christum excipiunt à peccato, 2. Cor. 5. *Eum qui peccatum non nouerat*, &c. Hebr. 7. *Talis decebat ut nobis esset Pontifex, innocens, impollutus, segregatus à peccatoribus*.

RESPONDEO, Scripturæ istæ à Kemnitio allatæ, dicunt quidem Christum non nouisse peccatum, & innocentem, & impollutum, & segregatum à peccatoribus fuisse, tamen non addunt soli Christo conuenire. Quin potius, si sonum verborum tantum attendamus, inueniemus similia nonnullis alijs in Scripturis tribui. De Iob legimus: *Erat vir ille simplex, & rectus, & timens Deum, & recedens à malo*, Iob 1. Et de parentibus Præcursoris: *Erant iusti ambo ante Deum, incedentes in omnibus mandatis, & iustificationibus, sine querela*. Fatemur tamen rectè dici posse, Christum solum ab originali peccato immunem fuisse, quia solus ipse ex vi generationis peccatum euasit, & neque in se, neque in Adamo peccauit, quippe qui solus, non ex semine viri, sed Spiritus sancti virtute à Virgine conceptus, & ex Virgine natus sit. Virgo autem beata caruit quidem originali macula, sed priuilegio gratiæ diuinæ, non vi generationis humanæ; & licet in se polluta non fuerit, in parente tamen fuit. Similia sunt, cum, *Solus Deus dicitur bonus*, Mar. 10. *Solus sapiens*, Ro. 16. *Solus immortalis*, 1. Tim. vlt. Quia videlicet solus ipse talis est per essentiam, cæteri autem, siue Angeli, siue homines, per participationem.

SECUNDO, profert testimonia illa, quæ omnes ho-

MINES in peccato constituunt, Ro. 5. *In quo omnes peccauerunt*, 1. Cor. 15. *In Adam omnes moriuntur*, Ephel. 2. *Eramus natura filij iræ, sicut, &c.* **RESPONDEO**, non negamus B. Virginem in Adamo peccasse eo modo, quo peccare poterat, quæ nondum erat, nisi in potentia, ac per hoc obnoxiam fuisse, ut quando actu esse inciperet, reipsa in se peccatum haberet. Tamen addimus, præuentam fuisse singulari gratia, ac priuilegio Dei, ut simul & esse, & iusta esse inciperet.

Neque illud negamus, eandem Virginem in Adam esse mortuam, hoc est, propter Adæ peccatum, mortis debitum contraxisse, & soluisse. Nam etiam si in primo suæ creationis instanti, anima eius per gratiam à peccati macula liberata fuit, redemptionem tamen corporis non continuò habuit, quemadmodum nos omnes, seriùs quidem quàm B. Virgo, à peccato originali liberati sumus, & tamen renouati spiritu mentis nostræ, adhuc redemptionem corporis expectamus, & ideo morti & ærumnis atque calamitatibus subiecti sumus, quæ ex peccato primi hominis in genus humanum redundarunt.

Denique non negamus, B. Virginem natura fuisse filiam iræ, sed addimus gratia semper fuisse filiam misericordiæ. Ex natura enim corrupta parentum suorum quid hæreditare potuisset, nisi corruptionem? placuit tamen Deo, sic eam in benedictionibus dulcedinis præuenire, ut nunquam esset peccatrix, quod postulabat natura, sed semper esset iusta, quod gratia conferebat.

TERTIO obijciunt alij verba illa B. Pauli 2. Cor. 5. *Si vnus pro omnibus mortuus est, ergo omnes mortui sunt, & pro omnibus mortuus est Christus*. **RESPONDEO**, concedimus B. Virginem aliquo modo mortuam esse morte peccati (de hac enim morte sine dubitatione Apost. loquitur) ut etiam verum sit, pro ipsa viuificanda, ut pro cæteris omnibus, mortuum esse Christum. Cæterum mortua dicitur Virgo B. quod obnoxia fuerit morti, & necessariò moritura ex vi suæ generationis, nisi etiam gratia præuenisset. Similis est locus Ro. 8. *Corpus quidem mortuum est propter peccatum, spiritus verò uiuit propter iustificationem*. Quo loco dicuntur corpora fidelium iustificatorum mortua, non quod re ipsa iam mortua sint, sed quod morti obnoxia, & necessariò moritura; quamuis dubitandum non sit, quin possit Deus aliquos à morte eximere, si ita iudicet ad suam gloriam expedire.

DICET aliquis, si B. Virgo semper fuit iusta, quippe quæ in ipso primo instanti creationis gratiam iustificationis accepit, nullo igitur tempore peccato inuenietur obnoxia. Neque enim obnoxia peccato fuit, antequam esset in rerum natura, neque posteaquam in rerum natura esse cœpit, cum simul esse, & iusta esse cœperet. **RESPONDEO**, B. Virginem tribus temporibus peccato fuisse obnoxiam. Primum, quamdum in lumbis Adæ, & cæterorum parentum suorum fuit. Toto enim illo tempore sicut fuit in potentia Adæ filia, sic fuit in potentia peccato obnoxia.

Deinde rursus, quando concepta est in utero matris ante animationem. Tamen si enim tunc non fuerit integrè in rerum natura, fuit tamen ex parte, & ratione illius partis dicebatur ipsa verè existere; sic enim (ut suprà notauimus) dicuntur proles in utero matris nouem mensibus delitescere. Toto autem illo tempore, quod inter primam conceptionem & infusionem animæ rationalis intercessit, fuit illa non in potentia, sed in actu, quamuis ratione vnus partis peccato originali obnoxia, quo sine dubio polluta fuisset, nisi per gratiam præseruata fuisset.

Denique obnoxia peccato fuit ipsa integrè existens in primo instanti coniunctionis animæ rationalis cum

corpore. Tamenli enim in eodem instanti temporis iustificata fuerit, tamen quia ordine naturæ prius est fubjectum, quàm accidentia, idè prius fuit ordine naturæ persona illa extra fuas caufas, quàm aut peccatum, aut iuftitia in illa inhaereret. Itaq; in illo priori instanti naturæ fuit obnoxia peccato, quia fine dubio continuo peccatum contraxiffet, nifi in illo ipfo temporis puncto iuftitiæ lucè ornata fuiffet, quo peccati labe infici debuiffet. Habemus igitur teftimonia Scripturarum nihil omninò efficere contra immaculatam B. Virginis conceptionem.

Secundo loco producit Kemnitiu teftimonia Patrum. Primum teftimonium Auguftini eft in lib. de nat. & grat. c. 36. vbi S. Aug. fcribit, gratiam B. Virgini collatam fuiffe ad vincendum omni ex parte peccatum: *Manifestiffimum eft, inquit Kemnitiu, quod non fentiat Mariam fine peccato conceptam fuiffe: aliàs enim non opus fuiffet conferri ipsi gratiam ad vincendum peccatum.*

R E S P O N D E O, fi B. Virgo natura fua fuiffet im- peccabilis (quod nemo Catholicorum dicit) fine dubio gratia non eguiffet ad vincendum omni ex parte peccatum. Ac cum per gratiam in ipfa creatione infufam, vicerit originale peccatum, hoc eft, aditum ei omninò præclufit; & rurfum per gratiam tum habitua- lem, tum directionis & protectionis, tum etiam cooperationis diuinæ maculas omnes peccati actua- lis euafert, profectò falſum eft quod Kemnitiu dicit, non opus fuiffe conferri B. Mariæ gratiam ad vin- cendum peccatum, fi fine peccato concepta fuit. An non Adam & Hena fine peccato creati fuerunt, & ta- men ad vincendum peccatum gratia eguerunt? Non igitur concipi fine peccato, fed impeccabilem eſſe natura, requiritur, & fufficit, vt quis non egeat gra- tia ad vincendum omni ex parte peccatum.

Secundum teftimonium eft eiufdem Aug. in lib. de fide ad Petrum, c. 26. *Firmiſſimè tene, & nullatenus du- bites, omnem hominem, qui per concubitu viri & mulieris concipitur, cum peccato originali naſci, &c.* Cui teftimo- nio addit Kemnitiu aliud in eandem ſententiam ex lib. de nuptijs & concupiſc. Et rurfum aliud S. Am- broſ. in comment. in Luc. lib. 2. in hæc verba: *Solus enim per omnia ex natus de ſamina ſancta, Dominus Ieſus, qui terrena contagia corruptela immaculati partus nouitate non ſenſit.* Addit aliud in eandem ſententiam ex com- mentario eiufdem Ambroſij in Iſaiam.

R E S P O N D E O, nihil aliud his teftimonijs proba- tur, niſi nullum eſſe præter Chriſtum, qui ex vi gene- rationis non traxerit originale peccatum. Nam idè S. Ambr. addidit, Chriſtum ſolum immaculati partus nouitate non ſenſiſſe terrenæ contagia corruptelæ, quia videlicet ſolus ipſe cum ſit ex Virgine, ac de Spi- ritu ſancti virtute conceptus, peccatum ex vi gene- rationis excluſit. Cæteri omnes aut peccatum in re ipſa contrahunt, aut illud non ex vi generationis, ſed privilegio gratiæ ſingularis effugiunt.

Ad eundem modum intelligi debet, quod ex ho. 2. de Natali Domini, Eufebij Emiſſi adduci ſolet. Non enim auctor ille ait: *A peccati originalis nexu nullus im- munitis exiſtit, nec ipſa genitrix Redemptoria*, quomodo hunc locum Caietanu adducit: ſed, *A peccati origina- lis nexu nemo per ſe liber exiſtit, &c.* vbi illud (per ſe) ſi- gnificat ex vi generationis, ſiue ex natura, non ex gratia.

Tertium teftimonium Auguſt. eſt in lib. de perfect. iuſtitia. *Quiſquis* (inquit Aug.) *eſſe vel fuiſſe in hac vi- ra aliquem hominem, vel aliquos homines putat, excepto vno Mediatore Dei & hominum, quibus neceſſaria non fuerit re- miſſio peccatorum, contrarius eſt diuina Scriptura, vbi Apoſt. ait, Per vnum hominem peccatum in mundum intrauit, &c.*

R E S P O N D E O, non negamus B. Virgini neceſſa-

A riam fuiſſe remiſſionem peccatorum, & Chriſtum eiufſe, vt cæterorum omnium, redemptorem: ſed dicimus, remiſſa ei fuiſſe peccata, non in quæ in- ciderat, ſed in quæ incidiffet, niſi gratia Dei per Chri- ſti merita præuenta fuiffet. Neque eſt hic modus lo- quendi à Scripturis diuinis, vel ab Aug. diſputationi- bus alienus. Certè in Pſal. 85. dicit Propheta: *Eruiſti animam meam de inferno inferiori.* Et in Pſal. 143. *Rede- miſti ſeruum tuum de gladio maligno.* Nec tamen in in- fernum inferiorem Propheta ceciderat, aut à gladio maligno caſus fuerat: ſed quia periculum erat, ne id fieret, & gratia Dei periculum illud euafert, idè gratias agit, ac dicit, *Eruiſti, &c.* In quem locum S. Auguſt. ita loquitur: *Quemadmodum ſi medicu videat tibi imminuentem agri tudinem forte ex aliquo labore, & di- cat, parce tibi, ſic te tracta, requieſce, his cibis vttere, nam ſi non feceris, agrotabis: tu autem ſi feceris, & ſaluus eris, re- cte dicis medico, liberaſti me ab agri tudine, non in qua iam eram, ſed in qua futurus eram. Neſcio quis habens cauſam moleſtam, mittendus erat in carcerem: venit alius, defendit eum, gratias agens, quid dicis? eruiſti animam meam de carcere. Suspendendus erat debitor, ſolutum eſt pro eo, libe- ratus dicitur de ſuſpendio. In his omnibus non erant, ſed quia talibus meritis agebantur, vt niſi ſubuentum eſſet, ibi eſſent, inde ſe rectè dicunt liberari, quo per liberatores ſuos non ſunt permiſſi perduc.*

Ex qua ſententia B. Aug. explicari poſſunt alia duo teſtimonia. Scribit enim Zozimu Papa in epi. quam refert idem Aug. epi. 157. in hunc modum: *Nullus, niſi qui peccati ſeruus eſt, liber efficitur; nec redemptus dici poteſt, niſi qui verè per peccatum fuerit ante captiuus.* Scri- bit item S. Leo ſer. 1. de Nativ. Domini: *Sicut nullum à reatu liberum reperit, ita pro liberandis omnibus venit.* Sed his verbis ſignificatur (vt ex Auguſt. didicimus) nullum poſſe liberari, vel redimi, niſi fuerit ſeruus, vel captiuus re ipſa, aut certè eſſe debuerit, niſi eum liberatoris ac redemptoris gratia præueniſſet. Et per ſe nullum à reatu liberum fuiſſe, & idè Chriſtum pro liberandis omnibus adueniſſe.

Quartum teſtim. eſt eiufdem Auguſt. in lib. 5. ad- uerſus Iulian. c. 9. *Si fine dubio, inquit, caro Chriſti non eſt caro peccati, ſed ſimilis carni peccati, quid reſtat vt intel- ligamus, niſi ea excepta, omnem reliquam humanam carnem iſte peccatus & hinc apparet illam concupiſcentiam, per quam Chriſtus concipi noluit, feciſſe in genere humano propaginem mali: quia Mariæ corpus quamuis inde venerit, tamen eam non traiecit in corpus, quod non inde concepit. Cæterum cor- pus Chriſti inde dictum eſſe in ſimilitudine carnis peccati, quia omnis alia boniſſimum caro peccati eſt, quiſquis negat, & carnem Chriſti ita carni comparat naſcentium hominum cæ- terorum, vt aſſerat vtramque eſſe puritatis æqualis, dete- ſtandus hæreticuſ inuenitur.*

R E S P O N D E O, fatemur carnem Chriſti non fuiſ- ſe carnem peccati, & carnem aliorum hominum, etiam B. Virg. Mariæ carnem fuiſſe peccati, nec ta- men inde fateri cogimur, in ipſo primo instanti crea- tionis animæ beatiffimæ Virginis non fuiſſe illi gra- tiam iuſtificationis infuſam, qua peccati originalis maculæ omnis omninò aditus præcluderetur. Neq; enim caro peccati dicitur ea, quæ peccatum in ſe ha- beat, ſed quæ ex ſe, & ex natura ſua peccatum habe- ret, niſi gratia illud excluſerit: item quæ non ſine li- bidine parentum propagata eſt, quæque ſi naturali ordine gignat, peccatum in prolem omninò traiciat; quæ denique morti, alijsque malis ex peccato primi parentis exortis ſubdita ſit.

Iam verò B. Virgo (vt ſæpè diximus) ex natura ſua, & vi conceptionis, peccato originali ſine dubio pol- luctanda fuiffet, niſi privilegium gratiæ ſingulare in- ter ceſſiſſet. Item, non ſine libidine parentum con-

cepta, morti ſtque ærumnis ex Adæ peccato manantibus ſubdita ſunt. Denique ſi eadem Virgo (quod eſt ſignum evidens corruptæ naturæ, quoad carnem) ſolemni more ex complexu virili filios concepiſſet, illæ eius proles originali peccato minimè caruiſſent. Ita rectè dicitur caro B. Virginis caro fuiſſe peccati, Chriſtus autem qui non carnem peccati, ſed ſimilitudinem habuit carnis peccati, ex vi conceptionis peccato pollui non potuit, ſine libidine enim conceptus fuit, mortem & ærumnas ſponte ſua aſſumpſit, & liberos ſi gignere voluiſſet, abſque originali peccato ſine controverſia genuiſſet.

Quintum teſtimonium S. Bernardi eſt, qui ſic ait: *Excepto homine Chriſto, uniuerſos reſpicit, quod vnus humiliter conſitetur. In iniquitatibus conceptus ſum, & in peccatis concepit me mater mea.*

R E S P O N D E O, teſtimonium hoc à Kemnitio ex epiſt. 175. ad Canonicos Lugdun. depromptum eſt. In qua tamen epiſt. tria ſunt contra Kemnitium, nil pro Kemnitio. **P R I M U M** contra Kemnitium eſt, quod S. Bernar. apertè tradit, B. Virginem ante ſanctam fuiſſe quàm natam: *Sed, inquit, & ortum Virginis didiciſſe in Eccleſia, & ab Eccleſia indubitanter habere ſeſſum, atque ſanctum, firmiſſimè cum Eccleſia ſentiens in vtero eam accepiſſe, ut ſancta prodiret.* Et paulò poſt: *Fuiſſe, inquit, procul dubio mater Domini ante ſancta, quàm nata.*

S E C V N D O, contra eundem eſt, quo in eodem loco S. Bern. addit, B. Virginem fuiſſe omnis peccati actualis expertam: *Ego, inquit, puto, quod & copioſior ſanctificationis benedictio in eam deſcenderit, quæ ipſius non ſolum ſanctificaret ortum, ſed & vitam ab omni deinceps peccato cuſtodiret immunem, quod nemini alteri in natiſſi quidem mulierum creditur eſſe donatum.*

T E R T I O, grauiffimè contra Kemnitium pugnat, quod S. Bernardus in hac re, vt in alijs rebus omnibus ſententiam ſuam Eccleſiæ Romanæ iudicio voluit eſſe ſubjectam. Sic enim epiſtolam claudit: *Quæ autem dixi, abſque præiudicio ſanctæ dictæ ſint ſanctiſſimæ ſapientis, Romana præſertim Eccleſiæ auctoritati, atque examini totum hoc, ſicut & cætera quæ cuſmodi ſunt vniuerſa referuo: ipſius ſi quid aliſer ſapio, paratus iudicio emendare.* Si hanc obedientiam ſancti viri, non vculas hinc inde temerè collectas imitari dignarentur hæretici, hæretici non eſſent, neque vlla nobis cum Kemnitio controuerſia remaneret.

Hæc igitur contra illum faciunt, pro illo autem nil eſſe in tota epiſt. facile demonſtrabo. Nam etſi S. Bernardus dicat B. Virginem in vtero ſanctificatam, non tamen dicit id factum eſſe poſt infuſionem animæ rationalis, non autem in ipſa infuſione, quod nos aſſerimus. Quod verò idem vir ſanctus affirmat, B. Virginem in peccato eſſe conceptam, ac per hoc conceptionem eius non fuiſſe ſanctam, de prima conceptione quæ in ipſo concubitu parentum fieri ſolet, non de animatione accipiendum eſt. Nam inde probat S. Bernardus eam conceptionem non fuiſſe ſanctam, quia inter amplexus maritales non ſe immiſſeuſſet ſanctitas. Atqui amplexus maritales in prima conceptione, non in ſecunda, quæ magis propriè dici poſſet animatio, locum habent.

Deinde illud ſemper vrget idem auctor, quod ſolus Chriſtus de Spiritu ſancto conceptus ſit, & B. Virgo de Spiritu ſancto conceperit, non autem fuerit de Spiritu ſancto concepta. Quod argumentum nihil aliud probat niſi primam conceptionem ſolius Chriſti verè fuiſſe ſanctam.

Ex qua explicatione ſoluitur etiam quod ex Anſelmo poſſet adduci, licet eius teſtimonijs Kemnitius non meminerit. S. enim Anſelmus in 2. lib. cur Deus

homo, c. 16. apertiffimè ſcribit, B. Virginem in peccato eſſe conceptam & natam. Sed loquitur de prima conceptione ſeminis, & de natiuitate, quæ fit in vtero, non de ea quæ fit ex vtero, hoc eſt, de formatione fœtus, per quam incipit homo eſſe in mundo, iuxta illud Matth. 1. *Quod in ea natum eſt, de Spiritu ſancto eſt.* Nam idem Anſel. in lib. de conceptu virginali & peccato originali, c. 7. ſcribit, homines in peccato originali concipi ante infuſionem animæ, non quod caro ſine anima ſit capax peccati, ſed quod homo ex ſemine, & ex ipſa conceptione trahat neceſſitatem, vt cùm animam rationalem habuerit, ſimul etiam peccatum habeat.

Et de hac prima conceptione, quæ propriè dicitur conceptio, exponit ibidem Anſelmus verba illa Iob: *Quis poteſt facere mundum de immundo conceptum ſemine?* Et illa Dauidis: *Ecce enim in iniquitatibus conceptus ſum, &c.* Neque vlla ratione credibile eſt S. Anſelmum affirmare voluiſſe, B. Virginem in peccato originali natam ex vtero matris, cùm eius tempore Eccleſia vniuerſa feſtum diem Natiuitatis B. Virginis cole-ret, eandem Virginem prius ſanctam fuiſſe, quàm natam publicè prædicaret. Quod ex ſermonibus Petri Damiani de Natali Virginis intelligi poteſt, qui venerabilis Petrus S. Anſelmi æqualis fuit, vel eò paulò maior.

Ex his quæ hætenus dicta ſunt, nullo negotio ſolui poſſunt argumenta omnia, quæ vel Capreolus, vel Caietanus, vel alij ſolent adducere, non vt ſententiã noſtram damnent, ſed vt ſuam probabiliorẽ eſſe demonſtrent. Nam teſtimonia Scripturæ, Conciliorum & Patrum, quæ pro ſe facere arbitrantur, maxima ex parte generalia ſunt, ac per hoc non impediunt quo minus aliquis ſingulari priuilegio excipi poſſit. Concilium enim Trid. cui nemo Catholicorum reſiſtere auderet, cùm doctrinam communem & vniuerſalem de peccato originis tradidiſſet, apertè ſubjunxit: *Non fuiſſe mentem ſanctæ Synodi B. Virginem his decretis includere.* Quo facto docuit, tuto nos idem poſſe dicere de Concilijs Milenitano & Arauſicano, & ſi quæ alia ſunt, in quib. vniuerſalis doctrina de peccato traditur. Teſtimonia verò Patrum quæ B. Virginem nominatim attingunt, aut iam explicata ſunt, aut eodem modo explicari poſſunt. Quod verò ad alias obſectiones attinet, nulla eſt, quæ ex ijs quæ diximus, non facilè diluatur.

Obijciunt **P R I M O**, B. Virginem non verè fuiſſe redemptam, ſi nunquam fuit captiua. Sed iam oſtendimus illos veriſſimè redimi, qui neceſſariò captiui fuiſſent, niſi redemptoris gratia intercederet.

Obijciunt **S E C V N D O**, Chriſtum mortuum eſſe pro omnibus, & tamen eundem non pro iuſtis, ſed pro peccatoribus mortuum eſſe. Ad hoc etiam iam reſpondimus, Chriſtum mortuum eſſe pro peccatoribus, qui iam erant, vel qui neceſſariò fuiſſent, niſi eis mors eiſdem Chriſti mirabili gratia ſuccuriſſet.

Obijciunt **T E R T I O**, B. Virginem cum libidine parentum fuiſſe conceptam, libidinem autem inſtrumentum eſſe, quo traiecit in prolem originale peccatum. Reſponſio ex his quæ diximus, in promptu eſt. Nam libido parentum ſignum eſt naturæ corruptæ, ex natura autem corrupta naturaliter caro vitiata concipitur, ſed nihil prohibet, quo minus poſſit Deus, cùm animam rationalem cum carne vitiata coniungit, ſimul in eam gratiam iuſtificationis infundere, qua peccati macula penitus arceatur.

Obijciunt **Q V A R T O**, B. Virginem multas ærumnas, atque ipſam etiam mortem, quæ ſunt peccati pœnæ, eſſe perpeſſam. Sed iam diximus, B. Virginis animam à peccati macula præſeruatam, non autem

carnem fuisse redemptam, nisi cum post mortem singulari Dei gratia gloriosa surrexit.

Obijciunt QUINTO, detrahi de gloria filij Dei, si privilegium immaculatæ conceptionis alicui alteri tribuatur. Sed gloria filij Dei propria illa est, quod de Spiritu sancto conceptus ex vi generationis peccatum contrahere non potuerit. Accedit ad eius gloriam, si per ipsius merita non solum iustificari possint, qui peccatum iam habent, sed etiam præservari à peccato aliquem, qui in illud alioqui necessario incidisset.

CAPVT XVII.

Refelluntur mendacia & calumnia Kemnitij, circa B. Virginis conceptionem.

POST argumentorum, quæ speciem aliquam soliditatis habere videbantur, dissolutionem, refellenda sunt etiam mendacia, & calumnia Kemnitij, quæ simplicioribus negotium facessere possent.

Igitur Kemnitius pag. 520. demonstraturus quemadmodum sensim crescant errores & superstitiones, dum sine verbo Dei de rebus eiusmodi disputatur, PRIMO loco ponit, tempore Petri Lombardi ignotam adhuc fuisse opinionem de immaculata Virginis conceptione. Sed hoc falsum esse perspicuum est ex Patribus à nobis citatis, ac præsertim ex Anselmo in comment. c. 5. posterioris ad Corinth. Fuit autem Anselmus antiquior Petro Lombardo. Quid quod ipse Kemnitius post duas paginas hanc ipsam opinionem tribuit Anselmo, quam hoc loco negat cognitam fuisse tempore Lombardi? ita nimirum eius dicta inter se pulchrè cohærent.

SECUNDO loco dicit, Petrum Lombardum arrepta occasione ex verbis S. Augustini, disputato cæpisse B. Virginem in conceptione Christi ab omni peccato, atque etiam à fomite liberatam. Sed non fuisse primum Lombardum, qui tam insignem puritatem B. Virgini tribuerit, intelligi potest ex Anselmo lib. 2. cur Deus homo, c. 16. & lib. de conceptu virginali, c. 18. & ex ipso Augustino lib. de natura & gratia, c. 36. & ex alijs.

TERCIO dicit, eos qui Lombardum sequuti sunt, excogitasse sanctificationem in utero, & sanctam natiuitatem eiusdem Virginis Mariæ. At hoc est insigne mendacium, cum sanctificatio in utero, & sancta natiuitas Virginis in vniuersa Ecclesia celeberrima fuerit etiam tempore S. Bernardi & P. Damiani, qui P. Lombardum non sequuti sunt, sed eius æquales, vel maiores fuerunt.

QUARTO dicit, post ea tempora natam esse opinionem de immaculata eiusdem Virginis conceptione. Et licet sanctus Thomas & sanctus Bonaventura eiusdem opinioni restiterint, tamen in quibusdam locis institui cæpisse festum conceptionis. Hic quoque insigne mendacium cernitur. Nam si festum conceptionis institui cæpit post tempora S. Thomæ, vel eius ætate, ut hoc loco Kemnitius dicit, quomodo S. Bernardus, qui centum annis S. Thomam præcessit, in epist. 174. quam idem Kemnitius supra citauit, meminit huius festi? quomodo S. Anselmus, qui annis fermè ducentis eodem S. Thoma fuit antiquior, eodem teste Kemnitio festi conceptionis originem tradidit?

QUINTO dicit, Concilium Trid. in appendice illa de conceptione B. Virginis, cum Sixti IV. Pontificis constitutionem obseruari iussit, id voluisse, ut liberum esset, extra, præter, aut etiam contra verbum Dei opinari, an B. Virgo concepta fuerit sine peccato originali. Sed hoc, ut alia quæ sequuntur, tam est impudens calumnia atque mendacium, ut nil

A impudentius fingi queat. Idèd siquidem tum Sixtus Pont. tum Concil. Tridentinum libertatem opinandi circa conceptionem B. Virginis permiserunt, quod probè intelligerent neutram partem verbo Dei aperte repugnare. Quod enim contra verbum Dei non sit opinio vlla libera, non est quod Kemnitius nos docere contendat. Id enim nemo apud Catholicos ignorare permittitur. Sed de his hæcenus, ne frustra bonas horas in nugis Kemnitianis consumpsisse videamur.

CAPVT XVIII.

Non transire ad posteros per generationem omnia peccata parentum, sed primum tantum primi hominis lapsum.

POSTREMA restat quæstio ex tribus illis, quas cap. 13. proposuimus.

Est igitur quæstio, quodnam peccatum per generationem traiciatur ad posteros, illud ne vnum, quod Adam primò commisit, an cætera omnia, tum ipsius Adæ, tum aliorum parentum?

Et quidem S. August. in Enchirid. cap. 46. sic ait: *Parentum quoque peccatis paruulos obligari non solum primorum hominum, sed etiam suorum, de quibus ipsi nati sunt, non improbabiler dicitur.* Idem repetit in lib. 6. aduersus Iulianum, cap. 2. eiusque sententiam iisdem verbis tradidit S. Leo in epist. 68. ad Nicetam. S. etiam Gregorius lib. 15. Moralium, cap. 12. ad eandem sententiam, ut videtur, accessit.

Cæterum sancti isti Patres fortasse non de contagione culpæ, sed de communicatione pænæ loquuti sunt. Deus enim (ut suprà diximus) & ex Scripturis diuinis euidenter colligitur, visitat peccata patrum in filios in tertiam & quartam generationem his, qui oderunt eum.

Nam quod attinet ad culpam, extra controuersiam esse debet, vnum tantum, hoc est primum primi parentis peccatum, ad posteros carnali generatione transmitti. Sic enim B. Apostolus loquitur in epist. ad Rom. 5. *Iudicium quidem ex vno (delicto) in omnes homines in condemnationem, gratia verò ex multis delictis in iustificationem.* Quo loco differentiam ponit Apostolus inter peccatum, quo damnata est massa generis humani, & gratiam, qua liberatur, ac dicit peccatum vnum fuisse, quod omnes homines perdidit, gratiam verò non ab illo vno solum, sed etiam ab omnibus alijs liberare.

Hinc in eodem loco ipse idem Apost. ait: *Vnius delicto multi mortui sunt. Et, Vnius delicto mors regnauit. Et, Vnius delicto peccatum venit in omnes homines in condemnationem.* Et, *Per inobedientiam vnus hominis peccatores constituti sunt multi.* Hinc etiam in eodem loco vocat Adamum formam futuri, id est, Christi; & in epist. 1. ad Cor. cap. 15. Apostolus comparat Adamum cum Christo, & illum vocat primum hominem, hunc secundum hominem, quia nimirum ille solus omnem suam posteritatem perdidit, hic solus omnem suam posteritatem reparauit. Quod si peccata non solum primi parentis, sed aliorum etiam per generationem traheremus, neque solus Adam rectè diceretur forma futuri, neque Christus rectè diceretur secundus homo. Id quod diligenter notauit S. Augustinus, & ex Augustino S. Prosper in libro sententiarum Augustini, sententia 299.

Deinde sancti Patres hoc idem summa consensione testantur. Nam S. Ignatius in epist. ad Trallianos, peccatum quod nascendo trahimus, vocat antiquam impietatem. S. Irenæus lib. 5. aduersus hæreses, vocat chiographum, quod scripsit Adam. S. Cyprianus lib. 3. epist. 8. vocat contagium mortis antiquæ.

S. Ioannes Chryfoftomus in priorem epift. ad Cor. hom. 40. vocat radicale peccatum. S. Hieronymus lib. 3. aduerfus Pelagianos extremo, non agnofcit in paruulis vllum peccatum præter primam primi parentis præuicationem, idque testimonio Cypriani confirmat sanctus Auguftinus lib. 1. de peccatorum meritis & remiffione, cap. 10. vnum effe dicit peccatum, in quo omnes peccauerunt. Et apertius in Enchiridio cap. 43. fcribit, paruulos foli peccato originali mori cum baptizantur, adultos autem illis omnibus peccatis mori, quæ malè viuendo addiderunt ad illud vnum, quod nascendo traxerunt. Deinde addit cap. 44. cum adulti dicuntur mori peccato per baptifmum, & paruuli dicuntur baptizari in remiffionem peccatorum, vtramque fententiam effe tropicam; in illis enim ex numero fingulari intelligi numerum multitudinis: in istis contrà ex numero multitudinis, intelligi numerum fingularem. Denique cap. 45. adjungit, peccatum originale vnum tantum effe, fed interdum significari numero multitudinis, quia multas partes & quali membra continet, cum in illo vno peccato superbia, facrilegium, fornicatio fpiritualis, & alia quædam cerni potuerint. S. Anfelmus in lib. de conceptu virginali & peccato originali, cap. 13. quæftionem proponit, an peccatum quod à parentibus trahimus, fit vnum, vel multa, & refpondet effe vnum. Quæ fententia fuit etiam P. Lombardi, & Scholasticorum Theologorum, lib. 2. fent. dift. 33.

His accedunt rationes: nam fi Adam non peccaffet,

A transmiffiffet quidem ad pofferos iuftitiam originalem, quæ non tam ipfi, quam toti naturæ in ipfo data fuerat; non autem transmiffiffet dona fua perfonalia, fapientiam, prudentiam, acquifitas virtutes, & alia id genus: igitur ratio poffulat, vt non transmittat etiam peccata fua perfonalia, fed illud vnum duntaxat, propter quod iuftitia originali priuatus fuit, quod naturæ peccatum à Theologis nominatur.

Deinde experientia docet, sæpe viros admodum malos genuiffè viros admodum bonos, hoc eft, ab ineunte ætate pronos ad virtutes, & opera egregia. Achaz enim & Amon Reges teterrimi, filios genuerunt Ezechiam & Iofiam, qui & viri optimi, & Reges præftantiffimi ab ipfa penè infantia fuiffè narrantur. At fi vitia parentum omnium transfirent ad proles, laboraffent certè parentum vitijs Ezechias & Iofias, faltem initio ætatis; neque enim vno die tot vitia funditus eradicari potuiffent.

Neque verò sanctus Auguftinus, sanctus Leo, & sanctus Gregorius in locis initio adductis contrarium fentiunt. Non enim de contagione culpæ, fed de communicatione pænæ loquuti funt. Quod vel ex eo perfpicuum effe poffet, quod allegant verba illa Exodi 20. *Qui reddis peccata patrum in filios interitam & quartam generationem.*

Quod effe intelligendum de filijs illis, qui peccata parentum imitantur, idem Gregorius loco citato docet, iuxta verbum Domini, Ezech. cap. 18. *Filius non portabit iniquitatem patris.* Sed de hac re fuprà differuimus cap. 7. & 8. huius libri.

LIBER QVINTVS

DE STATV PECCATI,

Qui eft fecundus de peccato originis.

CAPVT PRIMVM.

Proponitur fententia, fiue potius abfurdiffima hærefis Illyrici,

EXPLICVIMVS libro fupiore primam illam quæftionem, fiue aliquod verum peccatum, quod per carnalem generationem traiciatur ad pofferos. Sequitur nunc altera quæftio de natura & ratione eiuſdem peccati. Sunt autem quinque errores in hac parte vitandi, de quibus ordine differemus, & antequam ad eam fententiam explicandam & defendendam veniamus, quam veriffimam effe cenſemus.

PRIMVS igitur error eft MATTHIÆ ILLYRICI, hominis ad monſtra excogitanda quodammodo nati. Is multos libros conſcripfit de natura peccati originis, quorum VNVS infcribitur, Demonſtrationes euidentiffimæ de effentia imaginis Dei, & diaboli. ALTER, De occasione vitandi erroris. TERTIVS, De eximia vtilitate huius doctrinæ. QVARTVS, Noſce teipſum. QVINTVS, Refutatio quorundam contrarium ſentientium. Extat enim liber cuiusdam Illyrici difcipuli, qui infcribitur, Methodica probatio propoſitionis, quod peccatum originale fit ſubſtantia per D. M. Pau. Rei. D. V. V. in quo libro peccatum paſſim dicitur ſubſiſtens quiddam præſens & operans in homine,

A &c. Sententia verò eius his propoſitionibus comprehendere poffet.

PRIMA Propoſitio, Peccatum ſi generatim ſumatur, res eft transcendens omnia prædicamenta: ſpeciatim verò quædam peccata pertinent ad prædicamentum ſubſtantia, alia ad prædicamentum quantitatis, vel qualitat, vel vbi, vel habitus, & ſic de cæteris. SECUNDA propoſitio, Peccatum originis ſubſtantia eft, non qualitas, vel relatio, vel aliquid eiufmodi. TERTIA, Peccatum originis nihil eft aliud, niſi ſubſtantialis imago diaboli. QVARTA, Anima rationalis per peccatum primi hominis ſubſtantialiter tota corrupta eft, ac transformata in imaginem diaboli ex imagine Dei: vt quemadmodum in homine mortuo forma ſubſtantialis cadaveris eft loco animæ, ita poſt peccatum Adæ ſit in anima forma quædam teterrima ſubſtantialis pro ea, quæ ante fuerat. QVINTA, Mutatio iſta non poteſt propriè dici generatio, vel creatio: ſed transformatio, qualis eft, cum vinum vertitur in acetum.

Hanc ſuam ſententiam plurimis argumentis Illyricus confirmare nititur, quorum alia ducuntur à Scriptura & ratione, quæ nos paulò poſt ſuo loco

refellemus; alia petuntur ex varijs Martini Lutheri testimonijs, quæ nos Kemnitio & Vvighando, necnon Heshuſio & Merlino enodanda relinquimus. Scripſerunt enim aduerſus Illyricum quatuor iſti Theologi Lutherani, quamvis alioqui Ioannes Vvighandus eiſdem Illyrici collega fuerit in Centurijs conſcribendis.

Et fortallè, ſi Lutheri ſcripta & ſententias ſcrutari vellemus, & ex ijs, vt Illyricus poſtulat, de præſenti controuerſia iudicium faceremus, non quatuor illi Magiſtri, ſed vnus Illyricus victoriam reportaret. Certè enim Martinus Lutherus in comment. cap. 3. libri Geneſeos, explicans illa verba: *Tunc aperti ſunt oculi amborum*: non obſcurè ſignificat, peccatum originis ad ſubſtantiam hominis pertinere: *Vide*, inquit, *quid ſequatur ex illa ſententia, ſi ſtatueremus iuſtitiam originalem non fuiſſe naturæ, ſed donum quoddam ſuperſtitum, ſuperadditum, An non ſicut ponis iuſtitiam non fuiſſe de eſſentia hominis, ita etiam ſequitur, peccatum quod ſucceſſit, non eſſe de eſſentia hominis?* Hæc Lutheri verba ſatis apertè Illyrico fauent, nec ſatisfaciunt gloſſæ quorundam, qui aliorum ea detorquere conantur.

Idem etiam Lutherus in explicat. Pſal. 50. tractans illa verba, *Ecce enim in iniquitatibus conceptus ſum*, ſic ait: *Non loquitur Dauid de vllis operibus, ſed ſimpliciter de materia & ipſo eſſe, & dicit ſemen humanum, id eſt, maſſa ex qua conceptus ſum, tota eſt vitio & peccato corrupta. Materia ipſa eſt vitiosa. Lignum illud, ex quo vaſculum hoc ſingi cœpit, damnabile eſt. Et paulò poſt: Factus, inquit, in vtero, antequam naſcimur, & homines eſſe incipimus, peccatum eſt.* Hæc Lutherus.

Rurſus illi ipſi, qui aduerſus Illyricum diſputationes longiſſimas ediderunt, non pauca ſcribunt, quæ cauſam Illyrici meliorem facere videantur. Nam Ioannes Vvighandus in propoſitionibus de peccato originis, propoſ. 119. ſcribit, peccatum originis eſſe rem ream, & natura ſua dignam morte æterna, & damnatam à Deo, niſi per Chriſtum remiſſio fiat. At proſectò rem eſſe ream, & dignam morte æterna niſi remiſſio fiat, non conuenit accidenti, ſed ſubſtantię, & ſubſtantię viuenti, ac rationali. Neque enim furtum dignum eſt patibulo, ſed fur; nec furto, ſed furi poteſt remiſſio fieri. Quare videtur Vvighandus id ipſum aſſerere, quod oppugnat, peccatum videlicet originis ſubſtantiam eſſe, non accidens. Idem auctor propoſ. 113. ſcribit, per peccatum primi hominis, totam ſubſtantiam hominis eſſe corruptam, ac deprauatam, & non accidentia eius tantum, vt Sophiſtæ docebant.

At Scholaſtici Theologi, quos iſte more ſuo Sophiſtas vocat, idè dicunt, non ſubſtantiam hominis, ſed accidentia per peccatum eſſe corrupta, quia non pars aliqua eſſentiæ, ſiue ſubſtantię humanæ, ac ne potentia quidem aliqua periit, ſed iuſtitia amiſſa eſt, & in eius locum iniuſtitia, prauitatque ſucceſſit, & tam iuſtitiam, quàm iniuſtitiam accidentia eſſe, vſque ad hoc ſæculum, in quo monſtra opinionum paſſim naſcuntur, extra controuerſiam fuit.

Iſte igitur Vvighandus, qui contra Sophiſtarum ſententiam docet, non accidentia ſolum, ſed etiam ſubſtantiam hominis eſſe corruptam, quid aliud ſignificat, niſi iuſtitiam & iniuſtitiam non accidentia, ſed ſubſtantiam eſſe? atque hoc eſt quod Illyricus tot ſuis libris conabatur efficere.

Rurſus Tilmannus Heshuſius, alter Illyrici antagoniſta, in libro de hac ipſa quæſtione conſcripto, non ſolum fatetur, totam hominis ſubſtantiam per peccatum corruptam ac deprauatam eſſe, ſed etiam apertè docet, imaginem Dei in homine fuiſſe ſub-

ſtantiam; imaginem autem Dei per peccatum amiſſam, & in eius locum imaginem diaboli ſucceſſiſſe, non Tilmannus ſolus, ſed omnes Lutherani concedunt. Ex quo ſequitur, priorem hominis ſubſtantiam periſſe, & aliam, per transformationem quandam videlicet acceſſiſſe. Neſcio autem quid aliud Illyricus optare queat, niſi quod iſti eius aduerſarij tam liberaliter dant.

Denique Martinus Kemnitius, qui inter primos hoſtem ſe Illyrici proſtitetur, in reſolutione de peccato originis, dicit totam maſſam animæ corruptam eſſe ſumma atque extrema deprauatione. Idem in Examine Concilij Tridentini, ſell. 5. pag. 454. dicit peccatum eſſe, quidquid repugnat diuinæ legi, ſiue ſit defectus, ſiue inclinatio, ſiue ratio. Itaque ipſam etiam rationem, quæ eſt ſuprema pars hominis, Kemnitius vult eſſe peccatum, quia ipſa etiam legi Dei repugnat. At quid, quæſo, aliud docet Illyricus? Videmus igitur hoſtes Illyrici, ſiue imprudentes, ſiue præuariantes, non rarò in eius caſtra tranſire: ſed quidquid de illis ſit, ſententiam Illyrici falſam, atque abſurdam eſſe, & verbo Dei, ſymbolo fidei, traditioni Patrum, & maniſeſtiſſimæ rationi repugnare contendimus.

CAPVT II.

Reſutatur error Illyrici, qui aſſeruit peccatum originis eſſe ſubſtantiam.

SCRIPTURA diuina non obſcurè docet, peccatum non eſſe ſubſtantiam, ſiue naturam aliquam, ſed priuationem, ac defectum. Nam S. Ioannes dicit: *Omnia per ipſum facta ſunt, & ſine ipſo factum eſt nihil*, Ioan. 1. Sanctus autem Paulus addit: *Omnia creatura Dei bona eſt*, 1. Timoth. 4. Ex quibus duobus locis euidenter ſequitur, nullam ſubſtantiam, ſiue naturam eſſe malam, ac per hoc neque eſſe peccatum. Nam cùm peccatum omnium conſenſu ſit malum, ſi idem peccatum ſubſtantia eſſet, vel non omnis ſubſtantia eſſet facta à Deo, quod repugnat Euangelio, vel non omnis creatura Dei bona eſſet, quod repugnat Apoſtolo.

DEINDE argumentari poſſumus ex Scriptura, iuxta Lutheranorum communem explicationem. Nam B. Paulus (vt Lutherani communiter docent) de peccato originali diſſerit ad Rom. 7. cùm ait: *Scio quod non habitat in me, hoc eſt, in carne mea, bonum. Non enim quod volo bonum hoc ago, ſed quod odi malum hoc facio. Si autem quod odi malum hoc facio, iam non ego operor illud, ſed quod habitat in me peccatum.* Ex quo loco perſpicue intelligimus, peccatum quod Lutheranis originale eſſe definiunt, non eſſe ipſum hominem, ſed in homine habitare; & non in mente, ſed in carne ſedem habere. Quod enim hoc loco caro non ſignificet totum hominem, ſed alteram partem tantum, certum eſt ex eo quod diſtinguitur contra mentem. Nam ad mentem pertinet illud, *Volo bonum*, & illud, *Odi malum*. Et apertiffimè paulò inferius: *Video aliam legem in membris meis repugnantem legi mentis mei.* Et rurſus: *Igitur ego ipſe mente ſeruo legi Dei, carne autem legi peccati.*

Quod ſi peccatum originis non eſt in mente, ſed in carne, quanto minus ipſa mens dici poterit eſſe peccatum, vt contendit Illyricus? neq; verò reſponderi poteſt, Apoſtolum, qui de ſe hæc dicit, iuſtificatum fuiſſe à peccato. Nam ex communi ſententia Lutheranorum, peccatum originis non ita remittitur in iuſtificatione, vt non ſit, ſed vt non imputetur, imò ex hoc ipſo loco, vbi beatus Paulus, qui ſine

dubio iuſtificatus erat, de ſe loquitur, probant Lutherani, in hominibus iuſtis peccatum ſemper hære-
re, & eſſe verè proprièque peccatum. Quare cùm in
Apoſtolo Paulo eſſet peccatum originis, vt Luthera-
ni volunt, & in eodem eſſet mens bona, cum pec-
cato illò pugnans, vt ipſe teſtatur, ſequitur apertiffi-
mè peccatum originis nihil minus eſſe, quàm id
quod Illyricus ſomniat, qui non tam in mente,
quàm ipſam mentem affirmat eſſe peccatum.

Iam verò ſymbolum fidei non minus apertè para-
doxum iſtud Illyrici funditus deſtruit.

PRIMVS articulus eſt: *Credo in vnum Deum.* At
Illyrici delirium tot facit Deos, quot ſunt mentes in
originali iuſtitia permanentes. Nam quemadmo-
dum originale peccatum ad ſubſtantiam hominis
pertinet poſt lapſum Adæ, ex Illyrici ſententia, ſic
etiam originalis iuſtitia ad ſubſtantiam hominis per-
tinebat ante lapſum eiſdem. Quia verò proprium
eſt ſolius Dei, vt ſit non ex accidente dono, ſed ſub-
ſtantialiter iuſtus, vt ſanctus Gregorius docet homi-
lia decimaquarta in Euangelia; ſequitur, vt mentes
primorum hominum ante lapſum, Dij quidam eſ-
ſent, & nunc etiam tot ſunt in cælo Dij, quot ſunt
Angeli originali iuſtitia præditi. Omnes enim ſub-
ſtantialiter iuſti & boni ſunt.

Idem primus articulus docet, *Vnum Deum eſſe Crea-
torem omnium rerum.* At ſi vera eſſet Illyrici ſenten-
tia, Deus non eſſet creator animarum hominum,
ſed diabolus, quæ eſt hæreſis Manichæi. Nam poſt
lapſum Adæ, ipſa humanæ animæ ſubſtantia eſt pec-
catum, ex Illyrici ſententia; peccati autem non eſt
auctor Deus, ſed diabolus, vt idem ipſe Illyricus
conſitetur.

RESPONDET Illyricus, Deum verè dici Crea-
torem omnium rerum, quia creauit ipſe hanc natu-
ram bonam, quæ poſtea opera diaboli facta eſt ma-
la. At quæſtio eſt de iſta ſubſtantia mala, quis eam
fecerit, & quotidie faciat. Nam ſi diabolus, igitur
diabolus eſt creator alicuius ſubſtantia, & non eſt
Deus creator omnium rerum: Si Deus, igitur eſt
auctor peccati. Quod tamen diſertis verbis damna-
tur in Confeſſione Auguſtana, articulo decimono-
no, cuius confeſſionis ſectatorem ſe Illyricus pro-
fiteatur.

RESPONDET Illyricus, Iſtam ſubſtantiam to-
tam eſſe à Deo, & totam à diabolo; à Deo quidem,
quia ipſe conſeruat, & propagat hanc naturam ita
corruptam & vitiatam; à diabolo autem, quia ipſe
eam ſic vitiauit, & (vt ipſe pro ſua inſigni honeſtate
loquitur) penitus concacauit. & addit, nullam eſſe
nouaculam ſophiſtarum ita acutam, vt poſſit diſtin-
guere in anima hominis peccatoris, quid ſit Dei, &
quid diaboli.

At hæc reſponſio, vt vnum errorem tollat, inducit
duos. PRIMVM enim ſi Deus propagat, & conſer-
uat hanc naturam, quæ ita penitus corrupta & vitia-
ta eſt, vt verè & propriè ſit ipſa vitium, atque pecca-
tum, certè ſequitur, vt Deus ſit auctor peccati.
Quid enim eſt propagare & conſeruare peccatum,
niſi auctorem eſſe peccati? Itaque Deus verus, ac
bonus, erit auctor mali, ex Illyrici ſententia, quæ
impietas Manichæi & Marcionis impietatem longè
ſuperat, ſiquidem illi peccati cauſam in Deum quen-
dam malum, non in bonum retulerunt.

DEINDE ſi diabolus initio naturam ita depraua-
uit, vt per eam deprauationem forma ſubſtantialis
bona perierit, & forma ſubſtantialis mala producta
fuerit, quis non videt, diabolum creatorem ſubſtan-
tia dici poſſe?

RESPONDET Illyricus, diabolum non eſſe crea-

torem, quia non creauit ſubſtantiam vilam, ſed bo-
nam transformauit in malam: *Quemadmodum, inquit
ipſe, miſericordia conuertit lac in caſeum, vel buryum con-
uertere, & vinum in acetum tranſmutare, & tamen neque
dicuntur, neque ſunt creatrices.*

At nihil iſta faciunt ad rem, ſiquidem lac & vinum
res ſunt naturaliter tranſmutabiles, & ideo non de-
bet videri mirum, ſi adhibitis ab homine naturalibus
cauſis, illa facilè tranſmutentur. Subſtantia verò
ſpirituales, quales ſunt animæ rationales, & Angeli,
non ſunt naturaliter corruptibiles, aut ſubſtantiali-
ter mutabiles, cùm materia careant, & ideo ſolus
Deus poteſt eas ex nihilo condere, aut in nihilum re-
digere, aut etiam ex alijs alias facere; neque minus
requirit omnipotentiam conditoris, talium rerum
creatio, quàm earundem rerum ſubſtantialis trans-
formatio.

Neque multùm iuvat Illyricum, quod ipſe inter-
dum, cùm valdè premitur, dicit, non totam animæ
ſubſtantiam in aliam totam, diaboli opera, eſſe con-
uerſam, ſed partem tantùm ſupremam, id eſt, ratio-
nem. Nam (vt omittam quod ipſe idem ſæpiſſimè
dicit, totam animam, imò totum hominem, eſſe
corruptum) non ſunt in anima hominis plures ſub-
ſtantia, ſed vna, eaque impartibilis, licet ratione plu-
res in ea gradus, ac veluti partes diſtinguamus. Illa
autem vna ſubſtantia non poteſt villo modo re ipſa
partim conſeruari, partim deſtrui, ſed aut tota con-
ſeruetur, aut tota pereat necelle eſt.

Pugnat DEINDE doctrina iſta Illyrici cum articu-
lis fidei, quibus Dominicæ Incarnationis myſterium
continetur. Siquidem fides Chriſtiana docet, à Ver-
bo diuino naturam humanam aſſumptam, eiſdem
ſpeciei cum noſtra, id eſt, carnem & animam, qua-
lem nos habemus: *Non alterius nature* (inquit S. Leo
in epiſt. 11. ad Iulianum) *erat eius caro, quàm noſtra,
nec alio illi, quàm cæteris hominibus anima eſt inſpirata
principio quæ excelleret, non diuerſitate generis, ſed ſubli-
mitate virutis.* At ex Illyrici ſententia, anima noſtra
peccatum eſt, igitur aut Chriſtus peccatum aſſump-
ſit in vnitatem perſonæ, quo nihil abſurdius ſingi
poteſt; aut animam non habuit eiſdem naturæ cum
noſtra, quod (vt diximus) ſymbolo fidei manifeſtè
repugnat.

RESPONDET Illyricus, Chriſtum aſſumpſiſſe
animam humanam, non qualem nos habemus, ſed
qualis in Adamo fuit ante peccatum, diſtingui verò
vnam ab alia, non ſpecie, aut genere phyſico, ſed tan-
tùm Theologico. Intelligit autem per Theologi-
cam differentiam, quod ſummus gradus animæ ra-
tionalis non ſit idem in nobis, & in Chriſto, tameti
reliqua anima ſit eadem.

At ſummus gradus, ſi rectè philoſophari velimus,
ad ſpeciem phyſicam pertinet. Ille ſiquidem eſt,
per quem phyſicè diſtinguimur ab animantibus cæ-
teris. Quocirca myſterium Incarnationis Arius &
Apollinaris deſtruere iudicati ſunt à Patribus noſtris,
quod mentem in Chriſto non agnoſcerent eiſdem
naturæ cum noſtra. Vide Epiphanium hæreſi ſexa-
geſimanona & ſeptuageſimaleptima, & Auguſti-
num hæreſi 49. & 56.

Pugnat præterea error Illyrici cum articulo de re-
ſurrectione. Nam non reſurget eadem ſubſtantia
hominis, quæ nunc eſt, & quæ per mortem deſinit
eſſe. Hæc enim tota ex Illyrici ſententia peccatum
eſt, & peccatum ſine dubio non reſurget. Igitur alia
ſubſtantia producet, ac per hoc non erit vera re-
ſurrectio, ſed noua productio. Reſurrectio enim
non eſt, niſi eius, quod cecidit.

RESPONDET Illyricus, reſurrecturum idem om-

nino indiuiduum, sed forma substantiali mutata. At quo pacto idem erit indiuiduum, si non habebit eandem formam substantialem?

Pugnat denique cum articulo de vita æterna. Nam si non resurget idem qui cecidit, non etiam coronabitur idem qui in agone certauit.

TERTIO, aduersus Illyrici somnium produci possunt clarissima testimonia Patrum. **S. BASILIUS** in orat. quod Deus non sit auctor malorum: *Non imageris, inquit, propriam aliquam esse substantiam mali. Nam malitia non est aliquid subsistens.*

S. GREGORIUS NAZIANZ. in oratione in S. Lauacrum, propè extrema: *Crede, inquit, nullam esse malitiam, nec per se subsistere, nec à Deo creatam.*

S. EPIPHANIVS hæresi 37. *Malum, inquit, aliquando non erat, neque radix ullasuit malitiæ, neque malum est quiddam per se subsistens.*

S. AMBROSIVS lib. 1. Hexameron, cap. 8. *Vtique, inquit, non substantialis, sed accedens est malitia.* Et paulò post affirmat hæresim esse pestiferam Valentini, Marcionis, & Manichæi, quod malitia sit substantia.

S. HIERONYMVS in epist. ad Ctesiphontem: *Nunquam, inquit, à me audies malam esse naturam.*

S. AVGVSTINVS lib. 7. Confess. cap. 12. *Malum, inquit, illud, quod quærebam unde esset, non est substantia, quia si substantia esset, bonum esset.* Et in explicatio-
ne Psal. 68. *Quæsi, inquit, quid esset iniquitas, & non inueni substantiam, sed à summa substantia re Deo, detortam in infimam voluntatis peruersionem.* Et lib. 1. aduersus Iulianum, cap. 13. *Non, inquit, resistimus Manichæis, nisi obtineamus non esse mala orta, nisi ex bonis, nec ea mala substantiam esse, sed substantiarum vitia creaturarum.*

Denique Patres omnes Manichæum vt hæreticum execrantur, quod diceret malum esse substantiam, quam non fecisset Deus, & quæ in homine fons esset & origo omnium peccatorum. Quod idem Illyricus dicit de peccato originis, quod videlicet substantia quædam sit, quam Deus non fecerit, & quæ causa sit peccatorum omnium, quæ ab hominibus perpetuantur.

RESPONDET ipse, sententiam suam longissimè à Manichæi errore distare. Manichæum enim duas naturas æternas introducere, vnā bonā, alterā malā; se verò vnā tantū naturā æternā agnoscere, eamque bonā, malā enim postea accessisse. Addit etiam aduersarios suos Lutheranos videri potius Manichæos, quippe qui duas in homine naturas constituent, vnā bonā, hoc est, substantiam: alterā malā, id est, peccatum, quod esse volunt verā, ac positiuā qualitatem; se autem vnā tantū naturā in homine ponere, vel bonā, vel malā; bonā videlicet ante lapsum Adæ, malā post lapsum eiusdem.

At reuera vtrique videntur Manichæi, & Illyricus, & aduersarij eius Lutherani, sed magis ipse. Illi quidem dum realem & positiuā qualitatem peccatum originis esse definiunt, coguntur omninò dicere, vel Deum non esse causā illius qualitatis malæ, ac per hoc non esse causā omnium rerum, quæ reuera existunt, qui est vnus ex erroribus Manichæorum; vel certè causā esse peccati, qui est error grauior, quàm fuerit Manichæorum.

Illyricus autem, etiamsi se purget ab vno Manichæorum errore, quia non docet, malī naturā esse absque principio, & sempiternā, tamen nunquam se purgabit ab alijs tribus erroribus Manichæi, quod videlicet aliqua substantia sit malā, & non à Deo, sed à diabolo procreata: quod peccatorum nostro-

rum non sit causā liberum arbitrium, sed substantia illa malā: quod denique duæ sint in homine substantiæ, vnā bonā, alterā malā. Nam etiamsi in libro de substantia imaginis Dei, & diaboli, dicat totum hominem esse malum: tamen in refutatione contrarium sentientium dicit, non totum hominem, nec totā animā, sed solū id quod est in animā summum, id est, cor, esse corruptum & malum. Sunt igitur in eodem nomine, ex Illyrici sententia, substantia corporis, & animæ, quoad partem inferiorem, bonā; & substantia cordis, siue partis superioris, malā. Quod si Lutherani cæteri (Illyrico teste) censendi sunt Manichæi, quia ponunt in homine substantiam bonā, & qualitatem malā; quanto magis Illyricus ipse Manichæus habendus erit, qui ponit in homine vnā substantiam bonā, & aliam substantiam malā?

Sed veniamus ad rationes. **PRIMA** ratio, Si peccatum corrumpit verè & propriè substantiam animæ, igitur anima rationalis corruptibilis est, & re ipsa corrumpitur, ac desinit esse, quod est apertissimè contra fidem Catholicā, & rationem.

SECUNDA ratio, Si per peccatum Adami prior substantia hominis periit, & alia in locum eius successit, igitur ineptè Deus Adamum increpat, dicens: *Adam ubi es?* Et, *Quis tibi indicauit, quod nudus esses?* Et, *Nonne quia comedisti de ligno?* Et, *Quia audisti vocem vxoris tue, &c.* Nam Adam ille, qui comederat de ligno, & audierat vocem vxoris, iam perierat. Ille autem, cum quo post lapsum loquebatur Deus, erat alius, genere differens à priore.

TERTIA ratio, Si peccatum originis est ipsa substantia hominis, vt Illyricus dicit, igitur peccatum originis multa bona facit, intelligit, disputat, iudicat, scribit contra seipsum, credit, sperat, diligit, hortatur alios ad credendum, &, quod est mirabilius, innocenter viuit. Nam Illyricus, qui se totum peccatum esse non dubitat, tamen scribit de se in extremo libro de essentia imaginis Dei, & diaboli, se multos annos honestè, innocenterque vixisse: *Vixi, inquit, multos annos V. viembergæ, cuius temporis honestè, innocenterque acta vita multos fide dignos testes producere possum.* At quis credat id, quod non est nisi malum, & fons omnium malorum, tam multa bona facere possit, vt etiam innocentie titulum mereatur?

QUARTA ratio; Si peccatum originis est substantia hominis, vel est tota eius substantia, vel pars: si tota, falsum igitur est quod Illyricus dixit in Refutatione, peccatum non esse nisi summum animæ rationalis gradum; non enim solus ille gradus est totus homo: si pars, igitur falsum est quod idem Illyricus in lib. de essentia imaginis Dei, & diaboli, toties repetit, totā essentiam hominis, totumq; hominem esse corruptum, & transformatum in aliam substantiam, quemadmodum cūm dolium vini totum vertitur in acrum; & omnes illi clamores, quibus ipse vtitur aduersus eos, qui extenuant peccatum originis, non solū inanes sunt, sed etiam in ipsum retorqueri possunt. Nam sicut ipse dicebat, Christum fieri dimidium redemptorem ab illis, qui non confitebantur totum hominem esse corruptum: ita nos dicere possumus, Christum ab Illyrico fieri non dimidium, sed longè minus quàm dimidium redemptorem. Nam si vnus tantū animæ rationalis gradus corruptus fuit, certè vnum tantū animæ rationalis gradum Christus reparauit. Venit enim quærere quod perierat.

CAPVT III.

Soluuntur argumenta Illyrici.

Nihil eſt tam abſurdum, quin aliqua, ſi non vera, certè veriſſimili ratione ſuaderi poſſit. Sed Illyricus non contentus probabilib. argumentis, demonſtrationes ex diuinis litteris inſolubiles (vt ipſe quidem affirmat) & plurimas attulit. Quod tamen an ita ſe habeat, Deo iuuante, mox apparebit. Proponam enim, & ſoluam ea, quæ ex libris eius collecta, maiorem præ ſe ferunt difficultatem.

PRIMA obiectio, Scripturæ in peccato originis deſcribendo, vtuntur verbis ſubſtantiam ſignificantibus, igitur peccatum originis eſt ſubſtantia. Gen. 8. *Figmentum cordis humani malum eſt ab adoleſcentia ſua.* Vbi maſſa ipſa cordis, hoc eſt ſubſtantia, dicitur eſſe mala. Et Gen. 6. dicitur, *Figmentum cordis tantum eſſe malum*, id eſt, nihil habere boni. Ad Rom. 6. *Vetus homo noſter crucifixus eſt, vt deſtruat corpus peccati.* Quo loco peccatum dicitur vetus homo, & apertè corpus habere ſignificatur. Ibid. *Non regnet peccatum in vſtro mortali corpore, ad obediendum concupiſcentiis eius.* At quod regnat, & concupiſcit, non eſt acci-dens mortuum, ſed viua ſubſtantia.

RESPONſIO. Scriptura, ſi quando verbis ſubſtantiam ſignificantibus vtitur in deſcriptione peccati, non loquitur propriè, ſed figuratè, qui modus loquendi in Scripturis frequentiffimus eſt. Pſal. 68. *Opernis confuſio faciem meam.* Certè confuſio non eſt ſubſtantia, & tamen ita deſcribitur, ac ſi eſſet indumentum aliquod. Sed figura perſpicua eſt. Quoniam enim qui confunduntur, ſuſcunduntur rubore, idè facies eorum operiri videtur. Luc. 4. *Imperans Dominus febris, & febris febricitantem dimiſit.* Quis imperat accidentibus? & quomodo eſt acci-dens, quod hominem dimittit & recedit? certè imperata facere, ſiue ad imperantis vocem dimittere aliquem, non ſolùm ſubſtantia, ſed etiam viuientis, & intelligentis eſſe ſolet, & tamen nemo dubitat, quin febris ſubſtantia non ſit.

Sed reſpondeamus ad ſingula loca. Figmentum cordis, quod in Geneſi malum eſſe dicitur, non eſt ipſa cordis ſubſtantia, ſed cogitatio, quæ à corde fingitur, quæ non eſt ſubſtantia, ſed acci-dens. Quamvis enim c. 8. Gen. dicatur figmentum cordis malum, tamen c. 6. vbi res eadem pluribus verbis narratur, dicitur *malum* hoc eſt, figmentum cogitationum. Sic enim legimus Gen. 6. v. 5. ad verbum: *Et omne figmentum cogitationum cordis eius tantum malum omni die.* Quod autem cogitationes omnes dicuntur eſſe malæ, ſine dubio hyperbole eſt Scripturis familiaris. Nam in eodem c. 6. Gen. legimus: *Omnis caro corrumperat viam ſuam*: & tamen in eodem dicitur, *Noe vir iuſtus atque perfectus fuit in generationibus ſuis.*

Porro quod in epiſt. ad Rom. c. 6. legimus de homine vetere, ineptiſſimè ſoluitur ab Heshuſio, dicit enim veterem hominem latius patere, quàm peccatum, quod vetus homo complectatur ſubjectum & formam, id eſt, naturam humanam, & eius vitium; peccatum autem ſolam formam, id eſt, vitium. Quod ſi ita eſſet, cùm B. Paulus ad Coloff. 3. & Ephel. 4. iubet nos exuere veterem hominem, intelligendum eſſet, oportere nos naturam humanam deponere, hoc eſt, vt ipſi nos interficeremus.

Vera igitur reſponſio eſt, quæ ex interpretibus eius loci, tum Græcis, tum Latinis colligitur, per hominem veterem ſignificari vitam veterem, quæ agitur in peccatis; & contrà, per hominem nouum, vitam nouam, quæ agitur per virtutem. Propriè ſiquidem vetus homo eſt Adam, nouus homo eſt Chriſtus: ſed nos dicimur exuere veterem hominem, cùm non

A cernitur amplius in noſtris actionib. ſimilitudo peccantis Adami, & contrà induere nouum hominem, cùm ita viuimus Chriſti virtutes imitantes, vt Chriſtus in conuerſatione noſtra manifeſtè appareat. Nam quod ad Ephel. 4. & Coloff. 3. Apoſtolus vult exui veterem hominem, & indui nouum; apertius 1. ad Corinth. 15. dicit: *Sicut portauimus imaginem terreni, ita portemus imaginem caeleſtis.* Et apertiffimè ad Rom. 13. *Induimini Dominum noſtrum Ieſum Chriſtum.* Hæc autem omnia ad actiones, non ad ſubſtantiam pertinere, perſpicuum eſt ex cap. 3. epiſt. ad Coloff. vbi explicans Apoſtolus quæ ſint membra hominis veteris, ait: *Mortificate membra vſtra, quæ ſunt ſuper terram, fornicationem, immunditiam, libidinem, concupiſcentiam malam, &c.* Et ibidem explicans quid ſit deponere hominem veterem: *Deponite*, inquit, *iram, indignationem, malitiam, blaſphemiam, &c.* Et ibidem explicans quid ſit induere nouum hominem: *Induite*, inquit, *viſceramifericordiam, benignitatem, humilitatem, modeſtiam, &c.*

Porro per corpus peccati intelligitur, per tropum quendam, tota multitudo, & quali congeries peccatorum, quam malè viuendo contraximus, vt ſententia Apoſtoli ad Rom. 6. hæc ſit: *Vetus homo noſter ſimul crucifixus eſt, vt deſtruat corpus peccati*, hoc eſt, per vim crucis Chriſti vita noſtra mala & vitioſa perijt, vt deinceps nullum peccatum admittamus, ſed in nouitate vitæ ambulemus, in omni opere bono fruſtificantes, &c.

C Similis tropus eſt Luc. 17. in illis verbis: *Si oculus tuus fuerit nequam, totum corpus tuum tenebroſum erit*: hoc eſt, ſi intentio fuerit mala, omnes actiones erunt etiam malæ. Poſſet etiam per corpus peccati intelligi robur & potentia concupiſcentiæ: nam delectatur Apoſtolus phraſibus Hebraicis; Hebræi autem eadem voce *ox* & corpus, & robur appellare ſolent. Itaque per corpus peccati rectè intelligitur robur peccati, id eſt, concupiſcentiæ, quæ ab Apoſtolo ſæpè vocatur peccatum per metonymiam, quia eſt effectus, & cauſa veri peccati, vt S. Auguſtinus multis in locis docet, ac præſertim libro primo contra duas epiſtolas Pelagianorum, cap. 13. Et conſentanea ſunt huic ſententiæ quæ ſequuntur: *Vt non vltra ſeruiamus peccato.* Et, *Non regnet peccatum in vſtro mortali corpore ad obediendum concupiſcentiis eius.* Quibus in locis omnium conſenſu, nomine peccati concupiſcentia accipienda eſt, quæ quidem metaphoricè regnare, & imperare dicitur, cùm ardentius incitata, conſenſum voluntatis extorquet. Alioqui enim neque res prædita ratione, vt propriè imperare poſſit, neque ſubſtantia eſt. Nihil enim eſt aliud concupiſcentia, niſi vis appetendi immoderata. De qua re plura alio loco dicemus.

S E C U N D A obiectio, Peccatum originis eſt ſons, & radix omnium peccatorum. Nam Apoſt. ad Romanos 7. dicit peccatum operatum eſſe in ſe omnem concupiſcentiam. Et ſine dubio de peccato originali loquitur: continuat enim diſputationem inchoatam de peccato originali, 5. cap. at ſons, & radix omnium peccatorum eſt ipſum cor, ſiue ipſa rationalis anima, cùm Dominus dicat Matth. 15. *De corde exeunt cogitationes malæ, adulteria, furta, &c.* cor autem ſine controuerſia ſubſtantia eſt, igitur peccatum originis ſubſtantia eſt.

Sed quia hoc argumentum tanti factum eſt ab Illyrico, vt etiam initio libri ante præſationem illud poſuerit, placet eius verba adſcribere: *Theſaurus, aut cauſa primaria omnis mali actualis, nempe cor peſſimum, vetus, animalique homo, aut caro perpetuè concupiſcens, & militans contra ſpiritum, Deum, & legem eius, eſt ipſa-*

*inet eſſentia hominis, teſte Scriptura & Theologus: Original-
le peccatum eſt cauſa primaria, ſeu theſaurus, origo, radix,
& ſons omnium actualium peccatorum, teſtibus iſdem:
Igitur originale peccatum eſt eſſentia ipſa.*

R E S P O N S I O. Multa ſunt vitia huius argumenti.
P R I M U M enim, ſi ad formam ſyllogiſticam verè
redigatur, erit in ſecunda figura ex puris affirmanti-
bus: nam in illa prima propoſitione, Theſaurus om-
nis mali actualis eſt ipſa eſſentia hominis, attributum
eſt theſaurus, & ſubjectum eſt eſſentia hominis, &
ideò ſi recto ordine ponantur partes propoſitionis,
dicendum erit, Eſſentia hominis, ſive cor peſſimum,
eſt theſaurus omnis mali actualis; ac deinde ſubjun-
genda eſt altera propoſitio, Peccatum originale eſt
theſaurus omnis mali actualis; ex quibus non magis
ſequitur, Ergo peccatum originale eſt ipſa hominis
eſſentia; quam ſi quis diceret, diabolus eſt mendax,
Illyricus eſt mendax, ergo Illyricus eſt diabolus.

D E I N D E quidquid ſit de forma argumenti, aſum-
ptio illa eſt falſa, Peccatum originale eſt theſaurus,
& ſons, & radix omnium actualium peccatorum.
Nam primum Adam & Heua, & omnes Angeli ma-
li, in actuale peccatum inciderunt, cum tamen origi-
nali peccato caruerint. Et nos quoque, ſi peccatum
originale non traheremus à parentibus, tamen & à
diabolo tentari, & peccare ſine dubitatione poſſe-
mus. Sicut etiam poſt peccatum originis in Baptiſ-
mo dimiſſum, non raro peccamus.

Illud autem Apoſtoli ad Ro. 7. *Peccatum operatum eſt
in me omnem concupiſcentiam*: non eſt accipiendum de
peccato originali, ſed de fomite, qui peccatum dicitur
per metonymiam, quia eſt effectus & cauſa pec-
cati. Quemadmodum in eodem cap. cum Apoſtolus
dicit: *Quid ergo lex peccatum eſt? abſit, &c.* non querit,
ſitne lex propriè peccatum, quod in quæſtionem ve-
nire non poterat: ſed, ſitne lex peccatum, id eſt, cau-
ſa peccati. Ac reſpondet, non eſſe cauſam, ſed occa-
ſionem, quia licet ipſa ſit ſancta & bona, tamen ex
ea fomes occaſionem accipit magis concupiſcendi,
quia nitimur in veritum. Neque his repugnat, quod
Apoſtolus continuare videatur diſputationem in-
choatam capite 5. Nam diſputationem ita continuat,
vt cum cap. 5. diſſeruerit de peccato originis, poſtea
cap. 6. & 7. diſſerat de concupiſcentia, quæ eſt effe-
ctus & pœna peccati originis.

Adde **T E R T I O**, quod ipſa etiam concupiſcentia
non eſt ſons & radix omnium omninò peccatorum
actualium, ſi per concupiſcentiam intelligamus con-
cupiſcentiam carnis, de qua in eo cap. loquitur Apo-
ſtolus, vbi eam vocat etiam legem membrorum.
Nam S. Ioannes in epiſt. 1. cap. 2. tres fontes pec-
catorum oſtendit, concupiſcentiam carnis, concupiſ-
centiam oculorum, & ſuperbiam vitæ.

Quod autem Apoſt. dicit, Peccatum, id eſt, fomes,
per mandatum, operatum eſt in me omnem concu-
piſcentiam, duobus modis intelligi poteſt: Primum,
vt ſignificare voluerit, omne genus concupiſcentiæ
actualis contra mandatum prodire poſſe ex fomite,
id eſt, ex potentia concupiſcibili; quamvis etiam
aliunde prodire poſſint, quomodo idem Apoſtolus,
1. Tim. 6. dicit, radicem omnium malorum eſſe cupi-
ditatem, id eſt, auaritiā. Nam Græcè eſt *φιλωπυλεια*.
Deinde, vt per omnem concupiſcentiā intelligamus
ſummam, & ardentiffimam concupiſcentiā, & hæc
videtur eſſe maximè literalis explicatio. Nam Apoſt.
dicit, peccatum per mandatum operatū eſſe omnem
concupiſcentiam, ex mādato autem non tam habuit
fomes, vt eſſet ſons variorum peccatorum, quā vt
vehementiorem concupiſcentiam excitaret.

Denique **Q V A R T O** addi poteſt, etiamſi conce-

A deremus, peccatum originale eſſe fontem ſimplici-
ter omnium actualium peccatorum, tamen non in-
de rectè colligi, peccatum originale eſſe hominis eſ-
ſentiam, vel totam, vel partem, vt cor, aut animam.
Nam non eodem modo conueniret peccato, & cor-
di, vel animæ, eſſe fontem, & theſaurum actualium
peccatorum. Cor enim, ſive anima, eſt ferè ſons pec-
catorum, per modum principij actiui & interni. Ac
propriè Dominus dixit: *De corde exeunt cogitationes ma-
le, adulteria, furia, blaſphemie, &c.* Peccatum autem
originis, ſi accipiat pro carentia iuſtitie originalis,
quæ eſt Catholicorum ſententia, non eſt ſons pec-
catorum, niſi per modum remouentis obſtaculum. Si
accipiat pro fomite, vt plerique Lutherorū ſen-
tire videntur, eſt ſons peccatorum per modum cauſe
extrinſecè proponentis obiectum voluntati. Quo-
modo etiam diabolus dici poteſt ſons peccatorum.
Nam & diabolus tentator in Euangelio nominatur,
Matth. 4. & de concupiſcentia ſcribit S. Iacobus in
epiſt. ſua, cap. 1. *Vniſquiſque tentatur à concupiſcentia
ſua abſtractus & illeceus.* Sic igitur quatuor modis
ſoluitur primum Illyrici argumentum.

T E R T I A obiectio. Peccatum eſt id omne, quod
pugnat cum lege. Nam in epiſt. B. Ioannis, cap. 3.
definitur peccatum his verbis, *iniquitas eſt iniquitas*:
At ipſum cor, ipſa anima, ipſe totus homo pugnat
cum lege. Vbi enim legimus: *Caro concupiſcit aduerſus
ſpiritum*, ad Galat. 5. nomine carnis intelligitur totus
homo, ſiquidem inter opera carnis non ſolū nu-
merantur adulteria & fornicationes, ſed etiam hære-
ſes, inuidia ſectæ, &c. Et Ioan. 3. totus homo dicitur
caro, cum Dominus ait: *Quod natum eſt ex carne, caro
eſt.* Denique adulteria, homicidia, & ſimilia, quæ ad
Galat. 5. dicuntur opera carnis. Matth. 15. ex corde
prodire dicuntur. Cum igitur id omne quod pugnat
cum lege, peccatum ſit, & totus homo pugnet cum
lege, ſequitur, vt totus homo peccatum ſit, homo au-
tem ſubſtantia eſt, igitur peccatum ſubſtantia eſt.

R E S P O N S I O. Hæc obiectio à Kemnitio ſolui
nullo modo poteſt, cum ipſe concedat, id omne ve-
rè ac propriè eſſe peccatum, quod legi repugnat, ſi-
ue ſit actio, ſive potentia, ſive ſubſtantia. Nos autem
facili negotio propoſitum argumentum diluemus,
D Neque quoniam peccatum eſt res contraria legi, ſed ip-
ſa contrarietas, ſive repugnantia ad legem; id enim
ſignificat *iniquitas*, declinationem, ſeu deuiationem à
lege. Declinatio autem, deuiatio, contrarietas & re-
pugnantia, non ſubſtantiam ſignificant, ſed accidens,
& id non poſitiuum, ſed priuatiuum, hoc eſt, caren-
tiam rectitudinis, ſive priuationem conformitatis ad
regulam. Et quoniam hæc priuatio in actione pro-
priè inhæret, actio enim eſt quæ imperatur, vel pro-
hibetur à lege. Ideo actio propriè dicitur eſſe ſecun-
dum legem, vel contra legem. Ex quo ſequitur, vt
ſicut priuatio conformitatis ad legem, eſt peccatum
formaliter, ita actio non conformis legi, ſit pec-
catum materialiter: ſubſtantia verò, quæ eſt actionis
principium, non peccatum materialiter, aut formali-
ter, ſed peccans, vel peccatrix nominari debeat. Ita-
que ſanctus Auguſtinus in lib. 22. contra Fauſtum,
cap. 27. definiens peccatum, non ait, Peccatum eſt
cor, vel anima, vel totus homo: ſed dictum, vel fa-
ctum, vel concupitum contra legem Dei.

Q V A R T A obiectio, Imago Dei in homine non
erat aliquod accidens, ſed ſubſtantia. Sicut enim di-
citur Genef. 1. *Creatis Deus hominem ad imaginem ſuam*:
ita dicitur Genef. 5. *Adam genuit filium ad imaginem
ſuam.* Certum eſt autem filium eſſe ad imaginem pa-
tris, non propter ſola accidentia, ſed propter naturæ
ſimilitudinem. Sed ſi imago Dei ſubſtantia erat, pro-

fectò etiam imago diaboli substantia esse debet. **A** Amisit autem homo per peccatum imaginem Dei, & induit imaginem diaboli, iuxta illud Ioan. 8. *Vos ex patre diabolo estis.* Et ad Coloss. 3. *Induite nouum hominem, qui renouatur secundum imaginem eius, qui creauit eum.*

RESPONDEO, Imaginem Dei esse ipsam animæ rationalis naturam, libenter admittimus; neque opus erat, ut ad hoc probandum, quod nemo negat, tam multum Illyricus desudaret. Cæterum, hanc imaginem per peccatum esse amissam, vel in aliam substantialiter transformatam, omnino negamus. Iste enim est error Origenis, à sanctis Patribus refutatus, ut intelligi potest ex Epiphanio hæresi 64.

Illud autem Ioan. 8. *Vos ex patre diabolo estis*, non significat, homines peccatores gerere imaginem diaboli naturalem, siue substantialem. Nec enim diabolus gignit, aut procreat homines peccatores, nisi per metaphorā dicatur gignere quos decipit, quemadmodum Apostolus 1. Cor. 4. dicit se genuisse quos docuit. Itaque peccatores filij diaboli sunt per imitationem, non per naturam; & imaginem quandam eius gerere dici possunt, quia similes ei sunt, non substantia, sed vicio; non natura, sed moribus.

Vide S. Augustinum libro aduersus Adamantum, cap. 5. ubi ostendit, tribus modis aliquos dici filios aliorum: Primò per naturam, quomodo Abel filius fuit Adami: Secundò per doctrinam, quomodo Corinthios filios suos vocat Apost. 1. Cor. 4. Tertiò per imitationem, quomodo nos omnes dicimur filij Abraham, cum fidem eius imitamur, ad Rom. 4. & Gal. 4. & peccatores dicuntur filij diaboli, quia imitantur eum, qui sunt ex parte ipsius, Sap. 2.

Ad illud autem ad Coloss. 3. *Qui renouatur secundum imaginem.* **R**ESPONDEO, hominem renouari per gratiam in ea parte sui, secundum quam est imago Dei, iuxta illud ad Ephes. 4. *Renouamini spiritu mentis vestre.* Hæc autem renouatio mentis humanæ, quæ est imago Dei, significat imaginem illam obscuratam, non deletam. Quod ut facilius intelligatur, sciendum est imaginem Dei tribus modis considerari posse, secundum **N**ATURAM, secundum **H**ABITUM, & secundum **A**CTUM, ex quibus modis secundus & tertius nihil sunt aliud, nisi perfectiones imaginis primo modo considerata. Nam quemadmodum imago depicta, si solum sit lineis adumbrata, vera erit imago, sed rudis; si addantur colores, reddetur perfectior; si exprimantur venæ, musculi, & minutissimæ quæq; partes, perfectissima iudicabitur: Sic etiam ipsa substantia animæ rationalis imago Dei est, sed addito habitu gratiæ & sapientiæ, perficitur & ornatur; cum verò actu Deum cognoscit & diligit, perfectissima & ornatissima est.

Ac peccatum quidem substantiam imaginis de medio tollere non potuit, sustulit tamen perfectionem illam, & eximiam similitudinem, quæ in habitu, & actu cognitionis & amoris posita erat. Itaque imago non periit, sed obscurata, ac deformata est, quasi coloribus extinctis; & ideo reformari dicitur, cum gratia & sapientia reparantur in nobis. quomodo imago depicta renouari dici posset, si colores ferme extincti eidem imagini iterum adderentur?

QUINTA obiectio, Iustitia originalis in primis parentibus non fuit accidens, sed substantia, igitur & iniustitia originalis, quæ iustitiæ illi successit, non accidens, sed substantia est. Antecedens huius argumenti probatur ex argumento superiore. Dictum enim est imaginem Dei in homine esse ipsam naturam animæ rationalis. Idem autem esse imaginem Dei, & iustitiam originalem, colligitur ex Apostolo

Paulo, qui quod dixerat ad Colossenses 3. *Induite nouum hominem, qui reformatur secundum imaginem eius qui creauit illum*: explicare videtur ad Ephes. 4. cum ait: *Induite nouum hominem, qui secundum Deum creatus est in iustitia & sanctitate veritatis.* Vbi pro eodem videtur accipere imaginem, & iustitiam, siue sanctitatem.

RESPONSIÒ, Iustitiam originalem de essentia hominis, vel Angeli fuisse qui dicit, is planè creaturam cum creator confundit. Solus enim creator id proprium habet, ut sit per essentiam iustus. Neque idem sunt imago Dei, & iustitia originalis: sed est iustitia originalis ornamentum quoddam, & perfectio imaginis Dei, quia conditus fuit primus homo ad imaginem Dei, non quocunque modo, sed ad imaginem iustitiæ, & sapientiæ, aliisque ornamentis insignem; ideo B. Paulus dicit hominem reformari secundum imaginem Dei, quando induit nouum hominem, creatum in iustitia & sanctitate veritatis, quia videlicet imago Dei per amissionem iustitiæ deformata; iterum ad pristinum nitorem per iustificationem redit.

His addi potest, quod etiam si verum esset iustitiam originalem fuisse substantiam, non tamen sequeretur peccatum originis esse substantiam, siquidem peccatum originis non est aliqua forma iustitiæ originali contraria, sed est priuatio iustitiæ originalis, ut suo loco demonstraturi sumus.

SEXTA obiectio, Accidens est quod potest adesse & abesse præter subjecti corruptionem: Atqui peccatum originis substantiam animæ rationalis omnino corrumpit. Scriptum est enim Gen. 1. *Quæcumque die comederis, morte morieris.* Et ad Coloss. 2. *Et vos cum effectis mortui in delictis conuincamini cum illo.* Igitur peccatum originis non accidens, sed substantia est.

RESPONSIÒ, Tilman. Heshusius ad hoc argumentum respondere non potuit, nisi cum iniuria Porphyrij, quem de quinque vocibus differentem scholæ penè omnes sequuntur. Itaque repudiata definitione accidentis, quam Porphyrius tradiderat approbat definitionem, quam his verbis tradit Philip. Melanchthon: *Accidens est, quod non per se subsistit, nec est pars substantiæ, sed est in alio mutabiliter.* Quæ definitio (ut omitam alia vitia) videtur contra ipsum Heshusium, & auctorem eius Philippum pugnare. Nam si peccatum originis ita hæret in anima ex sententia Lutheranorum omnium, ut neque per Baptismum, neque vlla alia ratione euelli possit, donc in hac vita sumus, certè sequitur, ut non sit in alio mutabiliter, ac per hoc non sit accidens, sed substantia.

Sed quidquid de hoc sit, argumentum Illyrici sine magno labore solui potest. **P**RIMUM enim dittractio, siue mors, quam adfert animæ peccatum, non est substantialis & propria, sed accidentaria & metaphorica. Non enim per peccatum perit essentia animæ, quippe quæ immortalis est, sed gratia, siue iustitia. Dicitur enim gratia Dei per metaphoram vita animæ, propter similitudinem quam habet cum ipsa anima, quæ est vita corporis. Et idcirco idem peccatum nunc dicitur mors animæ, ut loco citato ad Coloss. 2. nunc infirmitas, ut ad Rom. 5. nunc somnus, ut ad Ephes. 5.

DEINDE, etiam si peccatum propriè & substantialiter vitam animæ tolleret, quemadmodum mors corporalis propriè & substantialiter tollit vitam hominis, non tamen propterea peccatum non esset accidens, sed substantia, aut reprehendenda esset Porphyrij definitio. Nam corporalis mors omnium consentu est accidens, non substantia, & tamen sic destruit subjectum suum, ut non destruat definitionem Porphyrij. Quod enim Porphyrius dicit de subjecti

destructione, non intelligitur efficienter, sed formaliter. Neque enim significare voluit, non esse accidentia qualitates illas, aut actiones, quæ subjectum efficienter corrumpunt, ut febres pestilentes, vitium, sectionem, & alia id genus: sed res illas non esse accidentia, quarum præsentia, vel absentia facit ut subjectum essentiam non retineat suam.

Si coruo addis cogitatione candorem, adhuc coruus essentiam retinet, si addas animam rationalem, iam non erit amplius coruus; igitur candor coruo esset accidens, anima rationalis substantia. Contra verò si tollas à coruo nigredinem, adhuc erit coruus; si tollas animam sentientem, non erit coruus; igitur nigredo coruo est accidens, anima sentiens est substantia. Qualitates autem, quæ efficienter subjectum corrumpunt, tantum abest, ut ei dem formaliter repugnent, ut nisi in ipso esse non possint; & idcirco illo destructo, ipsas quoque continuo interire necesse sit.

Quare iuxta Porphyrij definitionem, peccatum non est substantia, sed accidens, quia ipso & manente per reatum & maculam; & sublato per iustificationem, adhuc subjectum, id est, anima, suam essentiam retinet; & si (quod naturaliter fieri nequit) animæ substantia interiret, ipsum quoque peccatum, quod in anima sedem habebat, sine dubio interiret.

SEPTIMA objectio, Iustificatio est creatio novi cordis, iuxta illud Psal. 50. *Cor mundum crea in me Deus.* Et Ezech. 36. *Auferam à vobis cor lapideum, & dabo vobis cor carneum.* Item est regeneratio totius hominis, ut patet ex Ioan. 3. ad Titum 3. 1. Petri 1. & 2. Iac. 1. & alijs locis. At cor carneum, & cor lapideum, substantiæ sunt, & regeneratio & creatio, ad substantiam, non ad accidentia pertinent.

RESPONSIO, Ista omnia metaphorica sunt, non propria, quod nemo, nisi omnino hebes, negare potest. Certè enim peccatum; aut cor peccato obduratum, non est propriè lapideum, sed ita dicitur propter similitudinem, quæ est inter peccatoris obstinationem, & duritiem lapidis. Pari ratione mens iusta non est propriè cor carneum, sed ita nominatur propter similitudinem quam habet mens per iustitiam ad imperium Dei facilis, cum carne molli, ac tenera. Denique tamen gratia iustificationis, & peccatum, accidentia sint, rectè tamen per metaphoram homines regenerari, & rursus etiam creati dicuntur, cum à peccato iustificantur, propter similitudinem, quæ cernitur inter peccatum & mortem, atque inter iustitiam & vitam.

OCTAVA objectio, Christus ab Apostolo dicitur peccatum, 2. Cor. 5. sed Christus est substantia, igitur & peccatum est substantia. Si dicas: Christus per tropum dicitur peccatum, quia fuit hostia pro peccato. Rectè id quidem, sed non diceretur Christus peccatum, quia fuit hostia pro peccato, nisi homo ipse, pro quo Christus mortuus est, verè ac propriè peccatum esset. Christus enim peccatum appellatus est, quia passus est id quod peccato ipsi debebatur, nimirum fuit hostia piacularis, vice hominum, qui iure interfici merebantur.

RESPONSIO, Christus peccatum, id est, victima pro peccato dictus est, non quia vice peccati fuerit immolatus; quis enim tam absurdè loqueretur? Sed quia morte sua Deum placuit, qui propter peccatum, humano generi insensus erat. Itaque illud (*pro peccato*) cum dicitur Christus hostia pro peccato, non significat loco peccati, sed pro expiatione peccati, quod Ioannes explicuit, cum ait: *Ece agnus Dei, qui tollis peccata mundi.* Ioan. 1.

NONA objectio, Homines peccatores dicuntur,

A propter originale peccatum, natura filij itæ, ad Eph. 2. & naturalis dicitur malitia eorum, Sap. 12. & contra, homines iusti dicuntur naturaliter quæ legis sunt facere, ad Ro. 2. Igitur tam iustitia quam peccatum, ad naturam ipsam & essentiam hominis pertinet.

RESPONSIO, Dicuntur homines natura filij itæ, non quod ipsum peccatum sit natura, sed quoniam à naturitate, & per naturalem propagationem peccatum originale traducitur; & naturalis dicitur malitia, quæ longa serie à patribus accepta, difficulter exui potest. Non enim de omnibus loquitur Sapiens (quod tamen faceret, si peccatum originis ad essentiam hominis pertineret) sed de Chananæis, qui in parente suo Cham maledicti fuerunt: *Erat enim, inquit, semen maledictum ab initio.*

B Quod autem dicitur ad Rom. 2. *Gentes quæ legem non habent, naturaliter quæ legis sunt, faciunt*: non significat iustitiam esse hominibus iustis ita naturalem, ut sit tota essentia, vel pars essentiae humanæ, sed esse conformem, & consentaneam naturæ. Vitium enim est contra naturam, virtus secundum naturam, quia vitio natura corrumpitur, virtute perficitur. Itaque gentes per Christum iustificatæ, naturaliter dicuntur facere opera iustitiæ, quia sunt opera illa consentanea naturæ per gratiam reformatæ. Atque hæc quidem est explicatio S. Augustini in lib. de littera & spiritu, cap. 26.

Sed etiam alia explicatio, quam Chrysost. & plurimi alij auctores sequuntur, quæque mihi magis probatur, ut loquitur Apost. de gentibus ignorantibus Christum, quæ solo naturali lumine illustratæ, aliquid boni interdum agunt. Et iuxta hanc explanationem, illud (*naturaliter*) opponitur legi scriptæ in tabulis, & idem est, quod ex lege naturæ.

Itaque sensus est, gentes quæ legem (scriptam videlicet) non habent naturaliter, id est, ex lege, & instinctu naturali quæ legis sunt faciunt: nam si fortè parentes honorant, non occidunt, non mæchantur, non furantur; id faciunt, non quia ista legerunt in tabulis Moïsi, sed quia naturalis ratio dicat, quod tibi fieri non vis, non esse alteri faciendum. De qua explanatione plura dicemus in lib. 5. de grat. & lib. arbit. c. 2. Nunc illud addendum est, hunc locum, quem Illyricus pro se adducit, aduersus eum maximè pugnare. Nam si gentes nondum iustificatæ, naturaliter quæ legis sunt faciunt, quomodo verum est quod Illyricus dicit, naturam hominis non iustificati ad eum esse corruptam, ut sit ipsum peccatum? An potest ipsum peccatum naturaliter ea quæ legis sunt, facere?

D **DECIMA** objectio sumitur ex testimonijs Theologorum, & quidem Illyricus multa testimonia adducit sanctorum Patrum, ut Ignatii, Irenæi, & aliorum, qui nihil ferè aliud docent, nisi imaginem Dei ad naturam hominis pertinere. Quod quia nos minime negamus, non est frustra in illis recitandis tempus conterendum. Adducit etiam testimonia Lutheri, Melanchthonis, & similium, quæ nos explicanda relinquimus Heshusio, & Merlino, alijsq; scètaris, qui illa suscipiunt. Nos enim non plures facimus Lutherum & Melanchthonem, quam ipsum Illyricum. Adducit quoque per incredibilem impudentiam, Petrum Lombardum, S. Thomam, Cardinalem Caietanum, Dominicum à Soto, Roardum Tapperum, & Albertum Pighium.

Ex P. Lombardo producit illa verba ex lib. 2. sent. dist. 39. lit. A. *Cum voluntas de naturalibus sit, quare ipsa non semper bonum est, nisi aliquando vitiosus subj. erat? Ad hoc facile respondent, qui dicunt, omnia quæ sunt, in quantum sunt, bona esse, quia & ipsam voluntatem, in quantum est, vel in quantum voluntas est, ut suprà posuimus, bonum*

effe ſeruit, ſed in quantum inordinata eſt, mala eſt & peccatum. Vbi poteſt ab eis rationabiliter queri, ſi voluntas, in quantum inordinata eſt, peccatum eſt, quare ergo intellectus, ratio, & ingenium, & huiusmodi, cum inordinata ſunt, peccata non ſunt? inordinata verò ſunt, ſicut voluntas, cum ad rectum finem non tendunt, eorumque actus prauaricationes exiſtunt. His P. Lombardi verbis recitatis, triũphum canit Illyricus in hunc modum: Hinc (inquit in lib. de eſſentia imaginis Dei & diaboli, pag. 254.) liquido perſpicis, voluntatem, intellectum, rationem, & ingenium, quatenus inordinata ſunt, eſſe peccata. Et quidem loquitur de ipſiſmet potentijs animæ rationalis, non de earum actibus, aut motibus, actionibusque. Maniſeſtè ergo ſenſu mecum quantum aliorum ſubtilitatibus & vehementia non raro ad illas ſophiſticas tenuitates abripitur, quod peccatum ſit accidens, aut etiam quoddam nihil. Hæc Illyricus.

Sed vt intelligas quàm parum fidei ſit habendum hæreticis, lege quæ P. Lombardus immediatè poſt verba illa ab Illyrico allegata ſubjunxit. Sic enim ait: Ad quod illi dicunt, voluntatis nomine aliquando vim, ſcilicet naturalem potentiam volendi, aliquando actum ipſius vis ſignificari. Vis autem ipſa naturaliter animæ in ſua nunquam peccatum eſt, ſicut nec vis memorandi, vel intelligendi: ſed actus huius vis, qui & voluntas dicitur, tunc peccatum eſt, quando inordinatus eſt. Et paulò infrà: Ecce qualiter ſoluitur præmiſſa quæſtio ab his, qui tradunt omnia eſſe bona, in quantum ſunt. Qui verò dicunt, voluntates malas peccata eſſe, & nullo modo bona, breuiter reſpondent, dicentes, actum voluntatis non eſſe de naturalibus, ſed vim ipſam & potentiam volendi, quæ ſemper bonum eſt, & in omnibus eſt, etiam in paruulis, in quibus nondum eſt eius actus. Vides, Lector, quanta ſit impudentia hominis hæretici, qui in eo ipſo loco affirmat P. Lombardum dicere; ipſam vim & potentiam voluntatis peccatum eſſe, non eius actum; in quo loco idem auctor diſertis verbis dicit, non ipſam vim & potentiam voluntatis, ſed eius actum, cum inordinatus eſt, eſſe peccatum.

Quod ad reliquos auctores atinet, quos pro ſe citat Illyricus, vno verbo reſponderi poteſt. Adducit enim duas eorũ ſententias; Vnam, quod concupiſcentia ſit pars materialis peccati originis; Alteram, quod concupiſcentia ſit pars animæ inferior. Ex his duabus deducit ipſe tertiam, quod videlicet peccatũ originis, ſaltem quoad vnam partem, ſit ipſa animæ ſubſtãtia. Sed in hac ſententia Theologorum explicanda, multis modis peccat. Primũ enim Theologi partem materiale peccati originis non exiſtimant eſſe peccatum propriè, ſed ideo dici peccatum, quia eſt effectus peccati. Peccatũ enim propriè in priuatione iuſtitiz originalis conſtituunt. Deinde, ipſam concupiſcentiam non vocant animæ partem, quali ſit pars eſſentiz, vt Illyricus ſomniat, ſed quia eſt potentia quædam animæ, ac proinde qualitas, non ſubſtãtia. Vocant enim Theologi potentias partes animæ, ſed potentiales, non ſubſtantiales. Tertio, non docent Theologi, concupiſcentiam eſſe potentiam animæ abſolutè, ſed vitiatam, ſiue deordinatam, ita vt non tam ipſa potentia, quàm vitium eius, ſit propriè concupiſcentia. Itaq; S. Tho. eam febre ſimilem eſſe, & languorem naturæ appellari dicit. Porro febrem, & languorem, nemo ſanus ſubſtãtiam eſſe diceret.

Denique Theologi concupiſcentiam, quam aliquo modo peccatum appellari poſſe cenſent, in parte inferiore animæ conſtituunt, Illyricus autè ſuperiorem tantũ, vel potius ſupremam animæ partem, quam nunc rationem, nunc liberum arbitrium, nunc ipſum cor appellat, peccatum originis eſſe contendit. Nihil igitur cõmune habet Illyrici delirium cum Theologorum ſententia. Multæ ſunt aliæ objectiones Illyrici, ſed vſq; adeò leues, vt me puerit eas adferre.

CAPVT IV.

Propenitũ, & reſellitũ ſecundus error, qui eſt multorum Lutheranorum.

EXPOSITIO errore Illyrici, ſequitur vt ad ſententiam ceterorum hæreticorum huius temporis veniamus. Et quidem prima fronte videntur tam Lutherani, quàm Caluiſtæ, nec inter ſe, nec ab Eccleſia diſſidere. Nam ex aduerſarijs, Philippus tum in Apologia Confell. Auguſt. art. 2. tum in Locis communibus, tit. de peccato originali; & Io. Caluius lib. 2. Inſtit. c. 1. admittunt definitionem communem peccati originalis, quod ſit videlicet priuatio iuſtiz originalis. Martinus quoque Bucerus in epiſt. ad Ro. teſtatur ſe non videre in quo Scholaſtici quo ad peccatum originis ab orthodoxa ſententia variant. Et ex noſtris Ioan. Hoffmeiſterus in iudicio de 2. art. Confell. Auguſtan. & Alphonſus Viruerſius in 3. Philippica, vix vllam agnoſcunt diſſentionem in hoc articulo inter nos & ſectarios. Tamen ſi res tota diligenter expendatur, duo quædam in doctrina aduerſariorum inuenientur, quæ longiſſimè diſtant à vera, ſanaque doctrina Catholicorum.

Alterum eſt, quod plurimi eorum peccatum originis non diſtingunt à peccato actuali. Alterum, quod ea, quæ Catholici volunt eſſe vulnera naturæ, infirmitates, morbos ex peccato originali relictos, vt ignorantiam, difficultatem, concupiſcentiam, ipſi verè & propriè peccatum originis eſſe velint, & in omnibus per Chriſtum iuſtificatiſita manere, vt natura ſua damnare poſſit homines, ſi Deus illud imputare velit. Sed priorem errorem proponamus, & breuiter reſellamus.

Igitur prior error extat apud Lutherum in aſſert. articuli 3. vbi dicit in poſſibile eſſe vt fomes ſit abſque actuali peccato. Et ſuprà in aſſert. 2. artic. iam dixerat fomitem ſiue concupiſcentiam eſſe peccatum originale. Rurſus in aſſert. eiſdem 3. articuli: Omnis, inquit, dicere, quod originale peccatum, vt omnia peccata, ſia & incredulitas eſt. Idem etiam Lutherus in comment. c. 2. Gen. dicit, peccatum originale, & incredulitatem, deſperationem, & alia ſimilia, quæ ſine dubio peccata actualia ſunt. Idem in aſſert. eiſdem articuli tertij, dicit fomitem eſſe rem viuam, & quæ mouetur. Et tandem addit hæc verba: Ideo fomes verè eſt actuale peccatum.

Iam verò Philip. Melanchthon in Locis communibus, editis anno 1522. titulo, Quid peccatum, ſic ait: Peccatum originale eſt natua propenſio, & quidam gentilis impetus & energia, qua ad peccandum tyabimur, propagata ab Adam in omnem poſteritatem. Et paulò poſt. Scriptura non vocat hoc originale, illud actuale peccatum. Eſt enim & originale peccatum planè actualis quædam praua cupiditas. Idem Philippus cum in Confell. Auguſt. art. 2. poſuiſſet, peccatum originale eſſe, quod homines ſint ſine metu & fiducia Dei; & Catholici in refutatione Confellionis, quæ extat apud Fabricium Leodium in Harmonia Cõfell. Auguſt. objeciſſent, quod eſſe ſine metu & fiducia Dei, ſint peccata actualia; ille non aliter reſpondit in Apologia, niſi Confellionem Germanicam allegando, in qua non ſolum actus, ſed etiam propenſio & dona Dei ad efficiendum timorem & fiduciam hominibus in peccato natis denegantur. Itaque non negauit, peccata actualia pertinere ad originale peccatum, ſed addit aliquid amplius.

Idem etiam in eadem Apologia, dicit à Scholaſticiſ extenuari peccatum originis, & inter cætera ſic loquitur: Itaque, inquit, cum de peccato originis loquuntur, grauiora viſia humana natura non commemorant, ſcilicet

carneſſe redemptam, niſi cū poſt mortem ſingulari Dei gratia glorioſa ſurrexit.

Obijciunt QVINTO, detrahi de gloria filij Dei, ſi privilegium immaculatæ conceptionis alicui alteri tribuatur. Sed gloria filij Dei propria illa eſt, quod de Spiritu ſancto conceptus ex vi generationis peccatum contrahere non potuerit. Accedit ad eius gloriam, ſi per ipſius merita non ſolū iuſtificari poſſint, qui peccatum iam habent, ſed etiam præſervari à peccato aliquem, qui in illud alioqui neceſſariò incidiſſet.

CAPVT XVII.

Reſelluntur mendacia & calumnia Kemnitij, circa B. Virginis conceptionem.

POST argumentorum, quæ ſpeciem aliquam ſoliditatis habere videbantur, diſſolutionem, reſellenda ſunt etiam mendacia, & calumnia Kemnitij, quæ ſimplicioribus negotium facere poſſent.

Igitur Kemnitius pag. 320. demonſtraturus quemadmodum ſenſim creſcant errores & ſuperſtitiones, dum ſine verbo Dei de rebus eiſmodi diſputatur, PRIMO loco ponit, tempore Petri Lombardi ignotam adhuc fuiſſe opinionem de immaculata Virginis conceptione. Sed hoc falſum eſſe perſpicuum eſt ex Patribus à nobis citatis, ac præſertim ex Anſelmo in comment. c. 5. poſterioris ad Corinth. Fuit autem Anſelmus antiquior Petro Lombardo. Quid quod ipſe Kemnitius poſt duas paginas hanc ipſam opinionem tribuit Anſelmo, quam hoc loco negat cognitam fuiſſe tempore Lombardi? ita nimirum eiſ dicta inter ſe pulchrè cohærent.

SECUNDO loco dicit, Petrum Lombardum arrepta occasione ex verbis S. Auguſtini, diſputare cœpiſſe B. Virginem in conceptione Chriſti ab omni peccato, atque etiam à fomite liberatam. Sed non fuiſſe primum Lombardum, qui tam inſignem puritatem B. Virgini tribuerit, intelligi poteſt ex Anſelmo lib. 2. cur Deus homo, c. 16. & lib. de conceptu virginali, c. 18. & ex ipſo Auguſtino lib. de natura & gratia, c. 36. & ex alijs.

TERTIO dicit, eos qui Lombardum ſequuti ſunt, excogitaſſe ſanctificationem in utero, & ſanctam natiuitatem eiſdem Virginis Mariæ. At hoc eſt inſigne mendacium, cū ſanctificatio in utero, & ſancta natiuitas Virginis in vniuerſa Eccleſia celeberrima fuerit etiam tempore S. Bernardi & P. Damiani, qui P. Lombardum non ſequuti ſunt, ſed eiſ æquales, vel maiores fuerunt.

QUARTO dicit, poſt ea tempora natam eſſe opinionem de immaculata eiſdem Virginis conceptione. Et licet ſanctus Thomas & ſanctus Bonaventura eiſdem opinioni reſtiterint, tamen in quibuldam locis inſtitui cœpiſſe feſtum conceptionis. Hic quoque inſigne mendacium cernitur. Nam ſi feſtum conceptionis inſtitui cœpit poſt tempora S. Thomæ, vel eiſ ætate, vt hoc loco Kemnitius dicit, quomodo S. Bernardus, qui centum annis S. Thomam præceſſit, in epiſt. 174. quam idem Kemnitius ſuprà citauit, meminuit huiſ feſti? quomodo S. Anſelmus, qui annis fermè ducentis eodem S. Thoma fuit antiquior, eodem teſte Kemnitio feſti conceptionis originem tradidit?

QVINTO dicit, Concilium Trid. in appendice illa de conceptione B. Virginis, cū Sixti IV. Pontificis conſtitutionem obſeruari iuſſit, id voluiſſe, vt liberum eſſet, extra, præter, aut etiam contra verbum Dei opinari, an B. Virgo concepta fuerit ſine peccato originali. Sed hoc, vt alia quæ ſequuntur, tam eſt impudens calumnia atque mendacium, vt nil

A impudentius fingi queat. Idè ſiquidem tum Sixtus Pont. tum Concil. Tridentinum libertatem opinandi circa conceptionem B. Virginis permiſerūt, quod probè intelligerent neutram partem verbo Dei aperte repugnare. Quod enim contra verbum Dei non ſit opinio vlla libera, non eſt quod Kemnitius nos docere contendat. Id enim nemo apud Catholicos ignorare permittitur. Sed de hiſ hætenus, ne fruſtrà bonas horas in nugis Kemnitianis conſumpſiſſe videamur.

CAPVT XVIII.

Non tranſire ad poſteros per generationem omnia peccata parentum, ſed primum tantūm primi hominis lapſum.

POSTREMA reſtat quæſtio ex tribus illis, quas cap. 13. propoſuimus.

Eſt igitur quæſtio, quodnam peccatum per generationem traiciatur ad poſteros, illud ne vnum, quod Adam primò commiſit, an cætera omnia, tum ipſius Adæ, tum aliorum parentum?

Et quidem S. Auguſt. in Enchirid. cap. 46. ſic ait: *Parentum quoque peccatis paruulos obligari non ſolū primorum hominum, ſed etiam ſuorum, de quibus ipſi nati ſunt, non improbabiler dicitur.* Idem repetit in lib. 6. aduerſus Iulianum, cap. 2. eiſque ſententiam iſdem verbis tradidit S. Leo in epiſt. 68. ad Nicetam. S. etiam Gregorius lib. 15. Moralium, cap. 22. ad eandem ſententiam, vt videtur, acceſſit.

Cæterum ſancti iſti Patres fortasſe non de contagione culpæ, ſed de communicatione pœnæ loquuti ſunt. Deus enim (vt ſuprà diximus) & ex Scripturis diuinis euidenter colligitur, viſitat peccata patrum in filios in tertiam & quartam generationem hiſ, qui oderunt eum.

Nam quod attinet ad culpam, extra controuerſiam eſſe debet, vnum tantūm, hoc eſt primum primi parentis peccatum, ad poſteros carnali generatione tranſmitti. Sic enim B. Apoſtolus loquitur in epiſt. ad Rom. 5. *Iudicium quidem ex vno (delicto) in omnes homines in condemnationem, gratia verò ex multis delictis in iuſtificationem.* Quo loco differentiam ponit Apoſtolus inter peccatum, quo damnata eſt maſſa generis humani, & gratiam, qua liberatur, ac dicit peccatum vnum fuiſſe, quod omnes homines perdidit, gratiam verò non ab illo vno ſolū, ſed etiam ab omnibus alijs liberare.

Hinc in eodem loco ipſe idem Apoſt. ait: *Vnius delicto multi mortui ſunt. Et, Vnius delicto mors regnauit. Et, Vnius delicto peccatum venit in omnes homines in condemnationem. Et, Per inobedientiam vnius hominis peccatores conſtituti ſunt multi.* Hinc etiam in eodem loco vocat Adamum formam futuri, id eſt, Chriſti; & in epiſt. 1. ad Cor. cap. 15. Apoſtolus comparat Adamum cum Chriſto, & illum vocat primum hominem, hunc ſecundum hominem, quia nimirum ille ſolus omnem ſuam poſteritatem perdidit, hic ſolus omnem ſuam poſteritatem reparauit. Quod ſi peccata non ſolū primi parentis, ſed aliorum etiam per generationem traheremus, neque ſolus Adam rectè diceretur forma futuri, neque Chriſtus rectè diceretur ſecundus homo. Id quod diligenter notauit S. Auguſtinus, & ex Auguſtino S. Proſper in libro ſententiarum Auguſtini, ſententia 299.

Deinde ſancti Patres hoc idem ſumma conſenſione teſtantur. Nam S. Ignatius in epiſt. ad Trallianos, peccatum quod naſcendo trahimus, vocat antiquam impietatem. S. Irenæus lib. 5. aduerſus hæreſes, vocat chirographum, quod ſcripſit Adam. S. Cyprianus lib. 3. epiſt. 8. vocat contagium mortis antiquæ.

S. Ioannes Chrysostomus in priorem epist. ad Cor. hom. 40. vocat radicale peccatum. S. Hieronymus lib. 3. aduersus Pelagianos extremo, non agnoscit in paruulis vllum peccatum præter primam primi parentis præuicationem, idque testimonio Cypriani confirmat sanctus Augustinus lib. 1. de peccatorum meritis & remissione, cap. 10. vnum esse dicit peccatum, in quo omnes peccauerunt. Et apertius in Enchiridio cap. 43. scribit, paruulos soli peccato originali mori cum baptizantur, adultos autem illis omnibus peccatis mori, quæ malè viuendo addiderunt ad illud vnum, quod nascendo traxerunt. Deinde addit cap. 44. cum adulti dicuntur mori peccato per baptismum, & paruuli dicuntur baptizari in remissionem peccatorum, vtramque sententiam esse tropicam; in illis enim ex numero singulari intelligi numerum multitudinis: in istis contrà ex numero multitudinis, intelligi numerum singularem. Denique cap. 45. adiungit, peccatum originale vnum tantum esse, sed interdum significari numero multitudinis, quia multas partes & quasi membra continet, cum in illo vno peccato superbia, sacrilegium, fornicatio spiritualis, & alia quædam cerni potuerint. S. Anselmus in lib. de conceptu virginali & peccato originali, cap. 23. quæstionem proponit, an peccatum quod à parentibus trahimus, sit vnum, vel multa, & respondet esse vnum. Quæ sententia fuit etiam P. Lombardi, & Scholasticorum Theologorum, lib. 2. sent. dist. 33.

His accedunt rationes: nam si Adam non peccasset,

A transmississet quidem ad posteros iustitiam originalem, quæ non tam ipsi, quam toti naturæ in ipso data fuerat; non autem transmississet dona sua personalia, sapientiam, prudentiam, acquiras virtutes, & alia id genus: igitur ratio postulat, vt non transmittat etiam peccata sua personalia, sed illud vnum duntaxat, propter quod iustitia originali priuatus fuit, quod naturæ peccatum à Theologis nominatur.

Deinde experientia docet, sæpe viros admodum malos genuisse viros admodum bonos, hoc est, ab ineunte ætate pronos ad virtutes, & opera egregia. Achaz enim & Amon Reges teterrimi, filios genuerunt Ezechiam & Iosiam, qui & viri optimi, & Reges præstantissimi ab ipsa penè infantia fuisse narrantur. At si vitia parentum omnium transirent ad proles, laborassent certè parentum vitijs Ezechias & Iosias, saltem initio ætatis; neque enim vno die tot vitia funditus eradicari potuissent.

Neque verò sanctus Augustinus, sanctus Leo, & sanctus Gregorius in locis initio adductis contrarium sentiunt. Non enim de contagione culpæ, sed de communicatione peccati loquuti sunt. Quod vel ex eo perspicuum esse potest, quod allegant verba illa Exodi 20. *Qui reddis peccata patrum in filios inter-*

nam & quartam generationem.
Quod esse intelligendum de filiis illis, qui peccata parentum imitantur, idem Gregorius loco citato docet, iuxta verbum Domini, Ezech. cap. 18. *Filius non portabit iniquitatem patris.* Sed de hac re supra disseruimus cap. 7. & 8. huius libri.

LIBER QVINTVS

DE STATV PECCATI,

Qui est secundus de peccato originis.

CAPVT PRIMVM.

Proponitur sententia, siue potius absurdissima hæresis Illyrici.

EXPLICAVIMVS libro superiore primam illam quæstionem, sitne aliquod verum peccatum, quod per carnalem generationem traiciatur ad posteros. Sequitur nunc altera quæstio de natura & ratione eiusdem peccati. Sunt autem quinque errores in hac parte vitandi, de quibus ordine differemus, & antequam ad eam sententiam explicandam & defendendam veniamus, quam verissimam esse censemus.

PRIMVS igitur error est MATTHIÆ ILLYRICI, hominis ad monstra excogitanda quodammodo nati. Is multos libros conscripsit de natura peccati originis, quorum VNVS inscribitur, Demonstrationes euidentissimæ de essentia imaginis Dei, & diaboli. ALTER, De occasione vitandi erroris. TERTIVS, De eximia vtilitate huius doctrinæ. QVARTVS, Nosce teipsum. QVINTVS, Refutatio quorundam contrarium sentientium. Extat enim liber cuiusdam Illyrici discipuli, qui inscribitur, Methodica probatio propositionis, quod peccatum originale sit substantia per D. M. Pau. Rei. D. V. V. in quo libro peccatum passim dicitur subsistens quiddam præsens & operans in homine,

A &c. Sententia verò eius his propositionibus comprehendendi potest.

PRIMA Propositio, Peccatum si generatim sumatur, res est transcendens omnia prædicamenta: speciatim verò quædam peccata pertinent ad prædicamentum substantiæ, alia ad prædicamentum quantitatis, vel qualitatis, vel vbi, vel habitus, & sic de cæteris. SECUNDA propositio, Peccatum originis substantia est, non qualitas, vel relatio, vel aliquid eiusmodi. TERTIA, Peccatum originis nihil est aliud, nisi substantialis imago diaboli. QVARTA, Anima rationalis per peccatum primi hominis substantialiter tota corrupta est, ac transformata in imaginem diaboli ex imagine Dei: vt quemadmodum in homine mortuo forma substantialis cadaveris est loco animæ, ita post peccatum Adæ sit in anima forma quædam teterrima substantialis pro ea, quæ ante fuerat. QUINTA, Mutatio ista non potest propriè dici generatio, vel creatio: sed transformatio, qualis est, cum vinum vertitur in acetum.

Hanc suam sententiam plurimis argumentis Illyricus confirmare nititur, quorum alia ducuntur à Scriptura & ratione, quæ nos paulò post suo loco

refellemus; alia pecuntur ex varijs Martini Lutheri testimonijs, quæ nos Kemnitio & Vvighando, necnon Heshusio & Merlino enodanda relinquimus. Scripserunt enim aduersus Illyricum quatuor isti Theologi Lutherani, quamuis alioqui Ioannes Vvighandus eiusdem Illyrici collega fuerit in Centurijs conscribendis.

Et fortassè, si Lutheri scripta & sententias scrutari vellemus, & ex ijs, vt Illyricus postulat, de præsentì controuersia iudicium faceremus, non quatuor illi Magistri, sed vnus Illyricus victoriam reportaret. Certè enim Martinus Lutherus in comment. cap. 3. libri Geneseos, explicans illa verba: *Tunc aperti sunt oculi amborum*: non obscure significat, peccatum originis ad substantiam hominis pertinere: *Vide*, inquit, *quid sequatur ex illa sententia, si statuamus iustitiam originalem non fuisse naturam, sed donum quoddam superfluum, superadditum, An non sicut ponis iustitiam non fuisse de essentia hominis, ita etiam sequitur, peccatum quod successit, non esse de essentia hominis?* Hæc Lutheri verba satis apertè Illyrico fauent, nec satisfaciunt glossæ quorundam, qui aliorum ea detorqueere conantur.

Idem etiam Lutherus in explicat. Psal. 50. tractans illa verba, *Ecce enim in iniquitatibus conceptus sum*, sic ait: *Non loquitur David de vllis operibus, sed simpliciter de materia & ipso esse, & dicit semen humanum, id est, massa ex qua conceptus sum, tota est vitio & peccato corrupta. Materia ipsa est vitiosa. Lignum illud, ex quo vasculum hoc fingi cepit, damnabile est. Et paulò post: Fetus, inquit, in vtero, antequam nascimur, & homines esse incipimus, peccatum est.* Hæc Lutherus.

Rursus illi ipsi, qui aduersus Illyricum disputationes longissimas ediderunt, non pauca scribunt, quæ causam Illyrici meliorem facere videantur. Nam Ioannes Vvighandus in propositionibus de peccato originis, propos. 119. scribit, peccatum originis esse rem ream, & natura sua dignam morte æterna, & damnatam à Deo, nisi per Christum remissio fiat. At profectò rem esse ream, & dignam morte æterna nisi remissio fiat, non conuenit accidenti, sed substantiæ, & substantiæ viuenti, ac rationali. Neque enim furtum dignum est patibulo, sed fur; nec furto, sed furi potest remissio fieri. Quare videtur Vvighandus id ipsum asserere, quod oppugnat, peccatum videlicet originis substantiam esse, non accidens. Idem auctor propos. 213. scribit, per peccatum primi hominis, totam substantiam hominis esse corruptam, ac deprauatam, & non accidentia eius tantum, vt Sophistæ docebant.

At Scholastici Theologi, quos iste more suo Sophistas vocat, idè dicunt, non substantiam hominis, sed accidentia per peccatum esse corrupta, quia non pars aliqua essentia, siue substantiæ humanæ, ac ne potentia quidem aliqua perijt, sed iustitia amissa est, & in eius locum iniustitia, prauitasque successit, & tam iustitiam, quàm iniustitiam accidentia esse, vique ad hoc sæculum, in quo monstra opinionum passim nascuntur, extra controuersiam fuit.

Iste igitur Vvighandus, qui contra Sophistarum sententiam docet, non accidentia solum, sed etiam substantiam hominis esse corruptam, quid aliud significat, nisi iustitiam & iniustitiam non accidentia, sed substantiam esse? atque hoc est quod Illyricus tot suis libris conabatur efficere.

Rursus Tilmannus Heshusius, alter Illyrici antagonista, in libro de hac ipsa quæstione conscripto, non solum fatetur, totam hominis substantiam per peccatum corruptam ac deprauatam esse, sed etiam apertè docet, imaginem Dei in homine fuisse sub-

stantiam; imaginem autem Dei per peccatum amissam, & in eius locum imaginem diaboli successisse, non Tilmannus solus, sed omnes Lutherani concedunt. Ex quo sequitur, priorem hominis substantiam perijt, & aliam, per transformationem quandam videlicet accessisse. Nescio autem quid aliud Illyricus optare queat, nisi quod illi eius aduersarij tam liberaliter dant.

Denique Martinus Kemnitius, qui inter primos hostem se Illyrici proficitur, in resolutione de peccato originis, dicit totam massam animæ corruptam esse summa atque extrema deprauatione. Idem in Examine Concilij Tridentini, sess. 5. pag. 454. dicit peccatum esse, quidquid repugnat diuinæ legi, siue sit defectus, siue inclinatio, siue ratio. Itaque ipsam etiam rationem, quæ est suprema pars hominis, Kemnitius vult esse peccatum, quia ipsa etiam legi Dei repugnat. At quid, quæso, aliud docet Illyricus? Videmus igitur hostes Illyrici, siue imprudentes, siue præuaricantes, non raro in eius castra transire: sed quidquid de illis sit, sententiam Illyrici falsam, atque absurdam esse, & verbo Dei, symbolo fidei, traditioni Patrum, & manifestissimæ rationi repugnare contendimus.

CAPVT II.

Resutatur error Illyricus, qui asseruit peccatum originis esse substantiam.

SCRIPITURA diuina non obscure docet, peccatum non esse substantiam, siue naturam aliquam, sed priuationem, ac defectum. Nam S. Ioannes dicit: *Omnia per ipsum facta sunt, & sine ipso factum est nihil*, Ioan. 1. Sanctus autem Paulus addit: *Omnia creatura Dei bona est*, 1. Timoth. 4. Ex quibus duobus locis euidenter sequitur, nullam substantiam, siue naturam esse malam, ac per hoc neque esse peccatum. Nam cum peccatum omnium consensu sit malum, si idem peccatum substantia esset, vel non omnis substantia esset facta à Deo, quod repugnat Euangelio, vel non omnis creatura Dei bona esset, quod repugnat Apostolo.

DEINDE argumentari possumus ex Scriptura, iuxta Lutheranorum communem explicationem. Nam B. Paulus (vt Lutherani communiter docent) de peccato originali disserit ad Rom. 7. cum ait: *Scio quod non habitat in me, hoc est, in carne mea, bonum. Non enim quod volo bonum hoc ago, sed quod odi malum hoc facio. Si autem quod odi malum hoc facio, iam non ego operor illud, sed quod habitat in me peccatum.* Ex quo loco perspicue intelligimus, peccatum quod Lutherani originale esse definiunt, non esse ipsum hominem, sed in homine habitare; & non in mente, sed in carne sedem habere. Quod enim hoc loco caro non significet totum hominem, sed alteram partem tantum, certum est ex eo quod distinguitur contra mentem. Nam ad mentem pertinet illud, *Volo bonum*, & illud, *Odi malum*. Et apertissimè paulò inferius: *Video aliam legem in membris meis repugnantem legi mentis mei.* Et rursus: *Igitur ego ipse mente seruis legi Dei, carne autem legi peccati.*

Quod si peccatum originis non est in mente, sed in carne, quanto minus ipsa mens dici poterit esse peccatum, vt contendit Illyricus? neq; verò responderi potest, Apostolum, qui de se hæc dicit, iustificatum fuisse à peccato. Nam ex communi sententia Lutheranorum, peccatum originis non ita remittitur in iustificatione, vt non sit, sed vt non impute- tur, imò ex hoc ipso loco, vbi beatus Paulus, qui sine

dubio

dubio iustificatus erat, de se loquitur, probant Lutherani, in hominibus iustis peccatum semper hærere, & esse verè proprièque peccatum. Quare cum in Apostolo Paulo esset peccatum originis, ut Lutherani volunt, & in eodem esset mens bona, cum peccato illò pugnans, ut ipse testatur, sequitur apertissimè peccatum originis nihil minus esse, quàm id quod Illyricus somniat, qui non tam in mente, quàm ipsam mentem affirmat esse peccatum.

Iam verò symbolum fidei non minus apertè paradoxum istud Illyrici funditus destruit.

PRIMVS articulus est: *Credo in unum Deum*. At Illyrici delirium tot facit Deos, quot sunt mentes in originali iustitia permanentes. Nam quemadmodum originale peccatum ad substantiam hominis pertinet post lapsum Adæ, ex Illyrici sententia, sic etiam originalis iustitia ad substantiam hominis pertinebat ante lapsum eiusdem. Quia verò proprium est solius Dei, ut sit non ex accidente dono, sed substantialiter iustus, ut sanctus Gregorius docet homilia decimaquarta in Euangelia; sequitur, ut mentes primorum hominum ante lapsum, Dij quidam essent, & nunc etiam tot sint in cælo Dij, quot sunt Angeli originali iustitia præditi. Omnes enim substantialiter iusti & boni sunt.

Idem primus articulus docet, *Vnum Deum esse Creatorem omnium rerum*. At si vera esset Illyrici sententia, Deus non esset creator animarum hominum, sed diabolus, quæ est hæresis Manichæi. Nam post lapsum Adæ, ipsa humanæ animæ substantia est peccatum, ex Illyrici sententia; peccati autem non est auctor Deus, sed diabolus, ut idem ipse Illyricus confitetur.

RESPONDET Illyricus, Deum verè dici Creatorem omnium rerum, quia creauit ipse hanc naturam bonam, quæ postea opera diaboli facta est mala. At quæstio est de ista substantia mala, quis eam fecerit, & quotidie faciat. Nam si diabolus, igitur diabolus est creator alicuius substantiæ, & non est Deus creator omnium rerum: Si Deus, igitur est auctor peccati. Quod tamen discretis verbis damnatur in Confessione Augustana, articulo decimonono, cuius confessionis sectatorem se Illyricus proficitur.

RESPONDET Illyricus; Istam substantiam totam esse à Deo, & totam à diabolo; à Deo quidem, quia ipse conseruat, & propagat hanc naturam ita corruptam & vitiatam; à diabolo autem, quia ipse eam sic vitiauit, & (ut ipse pro sua insigni honestate loquitur) penitus concacauit. & addit, nullam esse nouaculam sophistarum ita acutam, ut possit distinguere in anima hominis peccatoris, quid sit Dei, & quid diaboli.

At hæc responsio, ut vnum errorem tollat, inducit duos. PRIMVM enim si Deus propagat, & conseruat hanc naturam, quæ ita penitus corrupta & vitata est, ut verè & propriè sit ipsa vitium, atque peccatum, certè sequitur, ut Deus sit auctor peccati. Quid enim est propagare & conseruare peccatum, nisi auctorem esse peccati? Itaque Deus verus, ac bonus, erit auctor mali, ex Illyrici sententia, quæ impietas Manichæi & Marcionis impietatem longè superat, siquidem illi peccati causam in Deum quendam malum, non in bonum retulerunt.

DEINDE si diabolus initio naturam ita deprauauit, ut per eam deprauationem forma substantialis bona perierit, & forma substantialis mala producta fuerit, quis non videt, diabolum creatorem substantiæ dici posse?

RESPONDET Illyricus, diabolum non esse crea-

tozem, quia non creauit substantiam vilam, sed bonam transformauit in malam: *Quemadmodum*, inquit ipse, *mulercula nprunt lac in cascum, vel butyrum conuertere, & vinum in acetum transmutare, & tamen neque dicuntur, neque sunt creatrices.*

At nihil ista faciunt ad rem, siquidem lac & vinum res sunt naturaliter transmutabiles, & ideo non debet videri mirum, si adhibitis ab homine naturalibus causis, illa faciliè transmutentur. Substantiæ verò spirituales, quales sunt animæ rationales, & Angeli, non sunt naturaliter corruptibiles, aut substantialiter mutabiles, cum materia careant, & ideo solus Deus potest eas ex nihilo condere, aut in nihilum redigere, aut etiam ex alijs alias facere; neque minus requirit omnipotentiam conditoris, talium rerum creatio, quàm earundem rerum substantialis transformatio.

Neque multum iuuat Illyricum, quod ipse interdum, cum valdè premitur, dicit, non totam animæ substantiam in aliam totam, diaboli opera, esse conuersam, sed partem tantum supremam, id est, rationem. Nam (ut omittam quod ipse idem sæpissimè dicit, totam animam, imò totum hominem, esse corruptum) non sunt in anima hominis plures substantiæ, sed vna, eaque imparibilis, licet ratione plures in ea gradus, ac veluti partes distinguamus. Illa autem vna substantia non potest vilo modo re ipsa partim conseruari, partim destrui, sed aut tota conseruetur, aut tota pereat necesse est.

PUGNAT DEINDE doctrina ista Illyrici cum articulis fidei, quibus Dominicæ Incarnationis mysterium continetur. Siquidem fides Christiana docet, à Verbo diuino naturam humanam assumptam, eiusdem speciei cum nostra, id est, carnem & animam, qualem nos habemus: *Non alterius nature* (inquit S. Leo in epist. 11. ad Iulianum) *erat eius caro, quàm nostra, nec alio illi, quàm ceteris hominibus anima est inspirata principio quæ excelleret, non diuersitate generis, sed sublimitate virtutis.* At ex Illyrici sententia, anima nostra peccatum est, igitur aut Christus peccatum assumpsit in vnitatem personæ, quo nihil absurdius fingi potest; aut animam non habuit eiusdem nature cum nostra, quod (ut diximus) symbolo fidei manifestè repugnat.

RESPONDET Illyricus, Christum assumpsisse animam humanam, non qualem nos habemus, sed qualis in Adamo fuit ante peccatum, distingui verò vnam ab alia, non specie, aut genere physico, sed tantum Theologico. Intelligit autem per Theologicam differentiam, quod summus gradus animæ rationalis non sit idem in nobis, & in Christo, tamen reliqua anima sit eadem.

At summus gradus, si rectè philosophari velimus, ad speciem physicam pertinet. Iste siquidem est, per quem physice distinguimur ab animantibus cæteris. Quocirca mysterium Incarnationis Arius & Apollinaris destruere iudicati sunt à Patribus nostris, quod mentem in Christo non agnoscerent eiusdem nature cum nostra. Vide Epiphanius hæresi sexagesimanona & septuagesimaleptima; & Augustinum hæresi 49. & 55.

PUGNAT præterea error Illyrici cum articulo de resurrectione. Nam non resurget eadem substantia hominis, quæ nunc est, & quæ per mortem desinit esse. Hæc enim tota ex Illyrici sententia peccatum est, & peccatum sine dubio non resurget. Igitur alia substantia produceretur, ac per hoc non erit vera resurrectio, sed noua productio. Resurrectio enim non est, nisi eius, quod cecidit.

RESPONDET Illyricus, resurrecturum idem om-

nino indiuiduum, ſed forma ſubſtanciali mutata. At quo pacto idem erit indiuiduum, ſi non habebit eandem formam ſubſtantialem?

Pugnat denique cum articulo de vita æterna. Nam ſi non reſurget idem qui cecidit, non etiam coronabitur idem qui in agone certauit.

TERTIO, aduerſus Illyrici ſomnium produci poſſunt clariffima teſtimonia Patrum. **S. BASILIUS** in orat. quod Deus non ſit auctor malorum: *Non imaginemur, inquit, propriam aliquam eſſe ſubſtantiam mali. Nam malitia non eſt aliquid ſubſiſtens.*

S. GREGORIUS NAZIANZ. in oratione in **S. Lauacrum**, propè extrema: *Crede, inquit, nullam eſſe mali eſſentiam, nec per ſe ſubſiſtere, nec à Deo creatam.*

S. EPIPHANIVS hæreſi 37. *Malum, inquit, aliquando non erat, neque radix vlla ſuit malitiæ, neque malum eſt quiddam per ſe ſubſiſtens.*

S. AMBROSIVS lib. 1. Hexameron, cap. 8. *Vtique, inquit, non ſubſtancialis, ſed acciſſens eſt malitia.* Et paulò poſt affirmat hæreſim eſſe peſtiferam Valentinii, Marcionis, & Manichæi, quod malitia ſit ſubſtantia.

S. HIERONYMVS in epiſt. ad Cteſiphontem: *Nunquam, inquit, à me audies malum eſſe naturam.*

S. AVGVSTINVS lib. 7. Confell. cap. 12. *Malum, inquit, illud, quod quærebam unde eſſet, non eſt ſubſtantia, quia ſi ſubſtantia eſſet, bonum eſſet.* Et in explicacione **Plal. 68.** *Quaſi, inquit, quid eſſet iniquitas, & non inueni ſubſtantiam, ſed à ſumma ſubſtantia ſc. Deo, detortam in inſiniam voluntatis peruerſionem.* Et lib. 1. aduerſus **Julianum**, cap. 13. *Non, inquit, reſiſtimus Manichæis, niſi obtineamus non eſſe mala orta, niſi ex bonis, nec ea mala ſubſtantiam eſſe, ſed ſubſtantiarum vitia creaturarum.*

Denique Patres omnes Manichæum vt hæreticum execrantur, quod diceret malum eſſe ſubſtantiam, quam non feciſſet Deus, & quæ in homine ſons eſſet & origo omnium peccatorum. Quod idem Illyricus dicit de peccato originis, quod videlicet ſubſtantia quædam ſit, quam Deus non fecerit, & quæ cauſa ſit peccatorum omnium, quæ ab hominibus perſpiciantur.

RESPONDET ipſe, ſententiam ſuam longiſſimè à Manichæi errore diſtare. Manichæum enim duas naturas æternas introducere, vnā bonā, alterā malā; ſe verò vnā tantū naturā æternā agnoſcere, eamque bonā, malā enim poſteā accēſſiſſe. Addit etiam aduerſarios ſuos Lutheranos videri potius Manichæos, quippe qui duas in homine naturas conſtituant, vnā bonā, hoc eſt, ſubſtantiam: alterā malā, id eſt, peccatum, quod eſſe volunt verā, ac poſitiuā qualitatem; ſe autem vnā tantū naturā in homine ponere, vel bonā, vel malā; bonā videlicet ante lapſum Adæ, malā poſt lapſum eiſdem.

At reuera vtrique videntur Manichæi, & Illyricus, & aduerſarij eius Lutherani, ſed magis ipſe. Illi quidem dum realem & poſitiuā qualitatem peccatum originis eſſe definiunt, coguntur omninò dicere, vel Deum non eſſe cauſam illius qualitatis malæ, ac per hoc non eſſe cauſam omnium rerum, quæ reuera exiſtunt, qui eſt vnus ex erroribus Manichæorum; vel certè cauſam eſſe peccati, qui eſt error grauior, quā fuerit Manichæorum.

Illyricus autem, etiamſi ſe purget ab vno Manichæorum errore, quia non docet, malī naturā eſſe abſque principio, & ſempiternā, tamen nunquam ſe purgabit ab alijs tribus erroribus Manichæi, quod videlicet aliqua ſubſtantia ſit malā; & non à Deo, ſed à diabolo procreata: quod peccatorum noſtro-

rum non ſit cauſa liberum arbitrium, ſed ſubſtantia illa malā: quod denique duæ ſint in homine ſubſtantia, vnā bonā, alterā malā. Nam etiamſi in libro de ſubſtantia imaginis Dei, & diaboli, dicat totum hominem eſſe malum: tamen in refutatione contrarium ſentientium dicit, non totum hominem, nec totā animā, ſed ſolū id quod eſt in animā ſummum, id eſt, cor, eſſe corruptum & malum. Sunt igitur in eodem nomine, ex Illyrici ſententia, ſubſtantia corporis, & animæ, quoad partem inferiorem, bonā; & ſubſtantia cordis, ſive partis ſuperioris, malā. Quod ſi Lutherani ceteri (Illyrico teſte) cenſendi ſunt Manichæi, quia ponunt in homine ſubſtantiam bonā, & qualitatem malā; quanto magis Illyricus ipſe Manichæus habendus erit, qui ponit in homine vnā ſubſtantiam bonā, & aliam ſubſtantiam malā?

Sed veniamus ad rationes. **PRIMA** ratio, Si peccatum corrumpit verè & propriè ſubſtantiam animæ, igitur anima rationalis corruptibilis eſt, & re ipſa corrumpitur, ac deſinit eſſe, quod eſt apertiffimè contra fidem Catholicā, & rationem.

SECUNDA ratio, Si per peccatum Adami prior ſubſtantia hominis periit, & alia in locum eius ſuccēſſit, igitur ineptè Deus Adamum increpat, dicens: *Adam ubi es?* Et, *Quis tibi indicauit, quod nudus eſſet?* Et, *Nonne quia comediſti de ligno?* Et, *Quia audiſti vocem vxoris tuæ, &c.* Nam Adam ille, qui comederat de ligno, & audierat vocem vxoris, iam perierat. Ille autem, cum quo poſt lapſum loquebatur Deus, erat alius, genere diſſerens à priore.

TERTIA ratio, Si peccatum originis eſt ipſa ſubſtantia hominis, vt Illyricus dicit, igitur peccatum originis multa bona facit, intelligit, diſputat, iudicat, ſcribit contra ſeipſum, credit, ſperat, diligit, hortatur alios ad credendum, &, quod eſt mirabilius, innocentem viuunt. Nam Illyricus, qui ſe totum peccatum eſſe non dubitat, tamen ſcribit de ſe in extremo libro de eſſentia imaginis Dei, & diaboli, ſe multos annos honeſtè, innocentemque vixiſſe: *Vixi, inquit, multos annos Vitembergæ, cuius temporis honeſtè, innocentemque eſſe viſe multos fide dignos teſtes producere poſſum.* At quis credat id, quod non eſt niſi malum, & ſons omnium malorum, tam multa bona facere poſſe, vt etiam innocentia titulum mereatur?

QUARTA ratio, Si peccatum originis eſt ſubſtantia hominis, vel eſt tota eius ſubſtantia, vel pars: ſi tota, falſum igitur eſt quod Illyricus dixit in Refutatione, peccatum non eſſe niſi ſummum animæ rationalis gradum; non enim ſolus ille gradus eſt totus homo: ſi pars, igitur falſum eſt quod idem Illyricus in lib. de eſſentia imaginis Dei, & diaboli, toties repetit, totā eſſentiam hominis, totumq; hominem eſſe corruptum, & transformatum in aliam ſubſtantiam, quemadmodum cum dolium vini totum vertitur in acetum; & omnes illi clamores, quibus ipſe vitur aduerſus eos, qui extenuant peccatum originis, non ſolū inanes ſunt, ſed etiam in ipſum retorqueri poſſunt. Nam ſicut ipſe dicebat, Chriſtum fieri dimidium redemptorem ab illis, qui non confitebantur totum hominem eſſe corruptum: ita nos dicere poſſumus, Chriſtum ab Illyrico fieri non dimidium, ſed longè minus quā dimidium redemptorem. Nam ſi vnus tantū animæ rationalis gradus corruptus fuit, certè vnum tantū animæ rationalis gradum Chriſtus reparauit. Venit enim quærere quod perierat.

CAPVT III.

Soluuntur argumenta Illyrici.

Nihil eſt tam abſurdum, quin aliqua, ſi non vera, certè veriſſimili ratione ſuaderi poſſit. Sed Illyricus non contentus probabilib. argumentis, demonstrationes ex diuinis lieteris inſolubiles (vt ipſe quidem affirmat) & plurimas attulit. Quod tamen an ita ſe habeat, Deo iuuante, mox apparebit. Proponam enim, & ſoluam ea, quæ ex libris eius collecta, maiorem præ ſe ferunt difficultatem.

Prima obiectio, Scripturæ in peccato originis deſcribendo, vtuntur verbis ſubſtantiam ſignificantibus, igitur peccatum originis eſt ſubſtantia. Gen. 8. *Figmentum cordis humani malum eſt ab adoleſcentia ſua.* Vbi maſſa ipſa cordis, hoc eſt ſubſtantia, dicitur eſſe mala. Et Gen. 6. dicitur, *Figmentum cordis tantum eſſe malum*, id eſt, nihil habere boni. Ad Rom. 6. *Vetus homo noſter crucifixus eſt, vt deſtruat corpus peccati.* Quo loco peccatum dicitur vetus homo, & apertè corpus habere ſignificatur. Ibid. *Non regnet peccatum in vestro mortali corpore, ad obediendum concupiſcentiis eius.* At quod regnat, & concupiſcit, non eſt acci-dens mortuum, ſed viua ſubſtantia.

Respoſio. Scriptura, ſi quando verbis ſubſtantiam ſignificantibus vtitur in deſcriptione peccati, non loquitur propriè, ſed figuratè, qui modus loquendi in Scripturis frequentiffimus eſt. Pſal. 68. *Operuit confuſio faciem meam.* Certè confuſio non eſt ſubſtantia, & tamen ita deſcribitur, ac ſi eſſet indumentum aliquod. Sed figura perſpicua eſt. Quoniam enim qui confunduntur, ſuffunduntur rubore, idè facies eorum operiri videtur. Luc. 4. *Imperans Dominus febris, & febris febricitantem dimiſit.* Quis imperat accidentibus? & quomodo eſt acci-dens, quod hominem dimittit & recedit? certè imperata facere, ſiue ad imperantis vocem dimittere aliquem, non ſolùm ſubſtantia, ſed etiam viuientis, & intelligentis eſſe ſolet, & tamen nemo dubitat, quin febris ſubſtantia non ſit.

Sed reſpondeamus ad ſingula loca. Figmentum cordis, quod in Geneli malum eſſe dicitur, non eſt ipſa cordis ſubſtantia, ſed cogitatio, quæ à corde fingitur, quæ non eſt ſubſtantia, ſed acci-dens. Quamuis enim c. 8. Gen. dicatur figmentum cordis malum, tamen c. 6. vbi res eadem pluribus verbis narratur, dicitur *malum* hoc eſt, figmentum cogitationum. Sic enim legimus Gen. 6. v. 5. ad verbum: *Et omne figmentum cogitationum cordis eius tantum malum omni die.* Quod autem cogitationes omnes dicuntur eſſe malæ, ſine dubio hyperbole eſt Scripturis familiaris. Nam in eodem c. 6. Gen. legimus: *Omnis caro corrumperat viam ſuam*: & tamen in eodem dicitur, *Noc vir iuſtus atque perfectus fuit in generationibus ſuis.*

Porro quod in epiſt. ad Rom. c. 6. legimus de homine vetere, ineptiſſimè ſoluitur ab Heſuſio, dicit enim veterem hominem latius patere, quàm peccatum, quod vetus homo complectatur ſubjectum & formam, id eſt, naturam humanam, & eius vitium; peccatum autem ſolam formam, id eſt, vitium. Quod ſi ita eſſet, cùm B. Paulus ad Coloff. 3. & Ephel. 4. iubet nos exuere veterem hominem, intelligendum eſſet, oportere nos naturam humanam deponere, hoc eſt, vt ipſi nos interficeremus.

Vera igitur reſpoſio eſt, quæ ex interpretibus eius loci, tum Græcis, tum Latinis colligitur, per hominem veterem ſignificari vitam veterem, quæ agitur in peccatis; & contrà, per hominem nouum, vitam nouam, quæ agitur per virtutem. Propriè ſiquidem vetus homo eſt Adam, nouus homo eſt Chriſtus: ſed nos dicimur exuere veterem hominem, cùm non

Acernitur amplius in noſtris actionib. ſimilitudo peccantis Adami, & contrà induere nouum hominem, cùm ita viuimus Chriſti virtutes imitantes, vt Chriſtus in conuerſatione noſtra manifeſtè appareat. Nam quod ad Ephel. 4. & Coloff. 3. Apoſtolus vult exui veterem hominem, & indui nouum; apertius 1. ad Corinth. 15. dicit: *Sicut portauimus imaginem terreni, ita portemus imaginem cæleſtis.* Et apertiffimè ad Rom. 13. *Induimini Dominum noſtrum Ieſum Chriſtum.* Hæc autem omnia ad actiones, non ad ſubſtantiam pertinere, perſpicuum eſt ex cap. 3. epiſt. ad Coloff. vbi explicans Apoſtolus quæ ſint membra hominis veteris, ait: *Mortificate membra vœſtra, quæ ſunt ſuper terram, fornicationem, immunditiam, libidinem, concupiſcentiam malam, &c.* Et ibidem explicans quid ſit deponere hominem veterem: *Deponite*, inquit, *iram, indignationem, malitiam, blaſphemiam, &c.* Et ibidem explicans quid ſit induere nouum hominem: *Induite*, inquit, *viſceramifericordiam, benignitatem, humilitatem, modèſtiam, &c.*

Porro per corpus peccati intelligitur, per tropum quendam, tota multitudo, & quali congeries peccatorum, quam malè viuendo contraximus, vt ſententia Apoſtoli ad Rom. 6. hæc ſit: *Vetus homo noſter ſimul crucifixus eſt, vt deſtruat corpus peccati*, hoc eſt, per vim crucis Chriſti vita noſtra mala & vitioſa perijt, vt deinceps nullum peccatum admittamus, ſed in nouitate vitæ ambulemus, in omni opere bono fructificantes, &c.

C Similis tropus eſt Luc. 11. in illis verbis: *Si oculus tuus fuerit nequam, totum corpus tuum tenebroſum erit*: hoc eſt, ſi intentio fuerit mala, omnes actiones erunt etiam malæ. Poſſet etiam per corpus peccati intelligi robur & potentia concupiſcentiæ: nam delectatur Apoſtolus phraſibus Hebraicis; Hebræi autem eadem voce *corpus*, & robur appellare ſolent. Itaque per corpus peccati rectè intelligitur robur peccati, id eſt, concupiſcentiæ, quæ ab Apoſtolo ſæpè vocatur peccatum per metonymiam, quia eſt effectus, & cauſa veri peccati, vt S. Auguſtinus multis in locis docet, ac præſertim libro primo contra duas epiſtolas Pelagianorum, cap. 13. Et conſentanea ſunt huic ſententiæ quæ ſequuntur: *Vt non vltra ſeruiamus peccato.* Et, *Non regnet peccatum in vestro mortali corpore ad obediendum concupiſcentiis eius.* Quibus in locis omnium conſenſu, nomine peccati concupiſcentia accipienda eſt, quæ quidem metaphoricè regnare, & imperare dicitur, cùm ardentius incitata, conſenſum voluntatis extorquet. Alioqui enim neque res prædita ratione, vt propriè imperare poſſit, neque ſubſtantia eſt. Nihil enim eſt aliud concupiſcentia, niſi vis appetendi immoderata. De qua re plura alio loco dicemus.

E **S**ecunda obiectio, Peccatum originis eſt ſons, & radix omnium peccatorum. Nam Apoſt. ad Romanos 7. dicit peccatum operatum eſſe in ſe omnem concupiſcentiam. Et ſine dubio de peccato originali loquitur: continuat enim diſputationem inchoatam de peccato originali, 5. cap. at ſons, & radix omnium peccatorum eſt ipſum cor, ſiue ipſa rationalis anima, cùm Dominus dicat Matth. 15. *De corde exeunt cogitationes malæ, adulteria, furta, &c.* cor autem ſine controuerſia ſubſtantia eſt, igitur peccatum originis ſubſtantia eſt.

Sed quia hoc argumentum tanti factum eſt ab Illyrico, vt etiam initio libri ante præfationem illud poſuerit, placet eius verba adſcribere: *Theſaurus, aut cauſa primaria omnis mali æternalis, nempe cor peſſimum, vetus, animalique homo, aut caro perpetuè concupiſcens, & militans contra ſpiritum, Deum, & legem eius, eſt ipſa*

met effentia hominis, teſte ſcriptura & Theologus: Originale peccatum eſt cauſa primaria, ſeu theſaurus, origo, radix, & fons omnium actualium peccatorum, teſtibus iſdem: Igitur originale peccatum eſt effentia ipſa.

R E S P O N S I O. Multa ſunt vitia huius argumenti. **P R I M U M** enim, ſi ad formam ſyllogiſticam verè redigatur, erit in ſecunda figura ex puris affirmantibus: nam in illa prima propoſitione, Theſaurus omnis mali actualis eſt ipſa effentia hominis, attributum eſt theſaurus, & ſubjectum eſt effentia hominis, & ideo ſi recto ordine ponantur partes propoſitionis, dicendum erit, Effentia hominis, ſive cor peſſimum, eſt theſaurus omnis mali actualis; ac deinde ſubjungenda eſt altera propoſitio, Peccatum originale eſt theſaurus omnis mali actualis; ex quibus non magis ſequitur, Ergo peccatum originale eſt ipſa hominis effentia; quam ſi quis diceret, diabolus eſt mendax, Illyricus eſt mendax, ergo Illyricus eſt diabolus.

D E I N D E quidquid ſit de forma argumenti, aſſumptio illa eſt falſa, Peccatum originale eſt theſaurus, & fons, & radix omnium actualium peccatorum. Nam primùm Adam & Heua, & omnes Angeli mali, in actuale peccatum inciderunt, cùm tamen originali peccato caruerint. Et nos quoque, ſi peccatum originale non traheremus à parentibus, tamen & à diabolo tentari, & peccare ſine dubitatione poſſemus. Sicut etiam poſt peccatum originis in Baptiſmo dimiſſum, non rarò peccamus.

Illud autem Apoſtoli ad Ro. 7. *Peccatum operatum eſt in me omnem concupiſcentiam*: non eſt accipiendum de peccato originali, ſed de fomite, qui peccatum dicitur per metonymiam, quia eſt effectus & cauſa peccati. Quemadmodum in eodem cap. cùm Apoſtolus dicit: *Quid ergo lex peccatum eſt? abſit, &c.* non quaerit, ſitne lex propriè peccatum, quod in quaſtionem venire non poterat: ſed, ſitne lex peccatum, id eſt, cauſa peccati. Ac reſpondet, non eſſe cauſam, ſed occaſionem, quia licet ipſa ſit ſancta & bona, tamen ex ea fomes occaſionem accipit magis concupiſcendi, quia nitimur in vetitum. Neque his repugnat, quod Apoſtolus continuare videatur diſputationem inchoatam capite 5. Nam diſputationem ita continuat, ut cùm cap. 5. diſſeruerit de peccato originis, poſtea cap. 6. & 7. diſſerat de concupiſcentia, quæ eſt effectus & pœna peccati originis.

Adde **T E R T I O**, quod ipſa etiam concupiſcentia non eſt fons & radix omnium omninò peccatorum actualium, ſi per concupiſcentiam intelligamus concupiſcentiam carnis, de qua in eo cap. loquitur Apoſtolus, ubi eam vocat etiam legem membrorum. Nam S. Ioannes in epiſt. 1. cap. 2. tres fontes peccatorum oſtendit, concupiſcentiam carnis, concupiſcentiam oculorum, & ſuperbiam vitæ.

Quod autem Apoſt. dicit, Peccatum, id eſt, fomes, per mandatum, operatum eſt in me omnem concupiſcentiam, duobus modis intelligi poteſt: Primùm, ut ſignificare voluerit, omne genus concupiſcentiæ actualis contra mandatum prodire poſſe ex fomite, id eſt, ex potentia concupiſcibili; quamvis etiam aliunde prodire poſſint, quomodo idem Apoſtolus, 1. Tim. 6. dicit, radicem omnium malorum eſſe cupiditatem, id eſt, auaritiā. Nam Græcè eſt *φιλανθρωπία*. Deinde, ut per omnem concupiſcentiā intelligamus ſummam, & ardentiffimam concupiſcentiā, & hæc videtur eſſe maximè literalis explicatio. Nam Apoſt. dicit, peccatum per mandatum operatū eſſe omnem concupiſcentiam, ex mādato autem non tam habuit fomes, ut eſſet fons variorum peccatorum, quā ut vehementiorem concupiſcentiam excitaret.

Denique **Q U A R T O** addi poteſt, etiamſi conce-

A deremus, peccatum originale eſſe fontem ſimpliciter omnium actualium peccatorum, tamen non inde rectè colligi, peccatum originale eſſe hominis effentiam, vel totam, vel partem, ut cor, aut animam. Nam non eodem modo conueniret peccato, & cordi, vel animæ, eſſe fontem, & theſaurum actualium peccatorum. Cor enim, ſive anima, eſt ferè fons peccatorum, per modum principij actiui & interni. Ac propriè Dominus dixit: *De corde exeunt cogitationes male, adulteria, furta, blaſphemia, &c.* Peccatum autem originis, ſi accipiaſur pro caſentia iuſtitie originalis, quæ eſt Catholicorum ſententia, non eſt fons peccatorum, niſi per modum remouentis obſtaculum. Si accipiaſur pro fomite, ut plerique Lutherhorū ſentire videntur, eſt fons peccatorum per modum cauſæ extrinſecè proponentis objectum voluntati. Quomodo etiam diabolus dici poteſt fons peccatorum. Nam & diabolus tentator in Euangelio nominatur, Matth. 4. & de concupiſcentia ſcribit S. Iacobus in epiſt. ſua, cap. 1. *Vniſquiſque tentatur à concupiſcentia ſua abſtractus & illeſtus.* Sic igitur quatuor modis ſoluitur primarium Illyrici argumentum.

T E R T I A objectio. Peccatum eſt id omne, quod pugnat cum lege. Nam in epiſt. B. Ioannis, cap. 3. definitur peccatum his verbis, *iniquitas eſt iniquitas*. At ipſum cor, ipſa anima, ipſe totus homo pugnat cum lege. Vbi enim legimus: *Caro concupiſcit aduerſus ſpiritum*, ad Galat. 5. nomine carnis intelligitur totus homo, ſiquidem inter opera carnis non ſolùm numerantur adulteria & fornicationes, ſed etiam hæreſes, inuidiæ ſectæ, &c. Et Ioan. 3. totus homo dicitur caro, cùm Dominus ait: *Quod natum eſt ex carne, caro eſt.* Denique adulteria, homicidia, & ſimilia, quæ ad Galat. 5. dicuntur opera carnis. Matth. 15. ex corde prodire dicuntur. Cùm igitur id omne quod pugnat cum lege, peccatum ſit, & totus homo pugnet cum lege, ſequitur, ut totus homo peccatum ſit, homo autem ſubſtantia eſt, igitur peccatum ſubſtantia eſt.

R E S P O N S I O. Hæc objectio à Kemnitio ſolui nullo modo poteſt, cùm ipſe concedat, id omne verè ac propriè eſſe peccatum, quod legi repugnat, ſive ſit actio, ſive potentia, ſive ſubſtantia. Nos autem facili negotio propoſitum argumentum diluemus. **D** Neque enim peccatum eſt res contraria legi, ſed ipſa contrarietas, ſive repugnantia ad legem; id enim ſignificat *iniquitas*, declinationem, ſeu deviationem à lege. Declinatio autem, deviatio, contrarietas & repugnantia, non ſubſtantiam ſignificant, ſed accidens, & id non poſitiuum, ſed priuatiuum, hoc eſt, carentiam rectitudinis, ſive priuationem conformitatis ad regulam. Et quoniam hæc priuatio in actione propriè inheret, actio enim eſt quæ imperatur, vel prohibetur à lege. Ideo actio propriè dicitur eſſe ſecundum legem, vel contra legem. Ex quo ſequitur, ut ſicut priuatio conformitatis ad legem, eſt peccatum formaliter, ita actio non conformis legi, ſit peccatum materialiter: ſubſtantia verò, quæ eſt actionis principium, non peccatum materialiter, aut formaliter, ſed peccans, vel peccatrix nominari debeat. Itaque ſanctus Auguſtinus in lib. 22. contra Fauſtum, cap. 27. definiens peccatum, non ait, Peccatum eſt cor, vel anima, vel totus homo: ſed dictum, vel factum, vel concupitum contra legem Dei.

Q U A R T A objectio, Imago Dei in homine non erat aliquod accidens, ſed ſubſtantia. Sicut enim dicitur Genef. 1. *Creauit Deus hominem ad imaginem ſuam*: ita dicitur Genef. 5. *Adam genuit filium ad imaginem ſuam*. Certum eſt autem filium eſſe ad imaginem patris, non propter ſola accidentia, ſed propter naturæ ſimilitudinem. Sed ſi imago Dei ſubſtantia erat, pro-

fecit etiam imago diaboli fubftantia eſſe debet. Amiſit autem homo per peccatum imaginem Dei, & induit imaginem diaboli, iuxta illud Ioan. 8. *Vos ex patre diabolo eſtis*. Et ad Coloſſ. 3. *Induite nouum hominem, qui renouatur ſecundum imaginem eius, qui creauit eum*.

RESPONDEO, Imaginem Dei eſſe ipſam animæ rationalis naturam, libenter admittimus; neque opus erat, vt ad hoc probandum, quod nemo negat, tam multum Illyricus defudaret. Cæterum, hanc imaginem per peccatum eſſe amiſſam, vel in aliam ſubſtantialiter transformatam, omnino negamus. Iſte enim eſt error Origenis, à ſanctis Patribus refutatus, vt intelligi poteſt ex Epiphanio hæreſi 64.

Illud autem Ioan. 8. *Vos ex patre diabolo eſtis*, non ſignificat, homines peccatores gerere imaginem diaboli naturalem, ſiue ſubſtantialem. Nec enim diabolus gignit, aut procreat homines peccatores, niſi per metaphorā dicatur gignere quos decipit, quemadmodum Apoſtolus 1. Cor. 4. dicit ſe genuiſſe quos docuit. Itaque peccatores filij diaboli ſunt per imitationem, non per naturam; & imaginem quandam eius gerere dici poſſunt, quia ſimiles ei ſunt, non ſubſtantia, ſed vitio; non natura, ſed moribus.

Vide S. Auguſtinum libro aduerſus Adamantum, cap. 5. vbi oſtendit, tribus modis aliquos dici filios aliorum: Primò per naturam, quomodo Abel filius fuit Adami: Secundò per doctrinam, quomodo Corinthios filios ſuos vocat Apoſt. 1. Cor. 4. Tertiò per imitationem, quomodo nos omnes dicimur filij Abrahæ, cum fidem eius imitamur, ad Rom. 4. & Gal. 4. & peccatores dicuntur filij diaboli, quia imitantur eum, qui ſunt ex parte ipſius, Sap. 2.

Ad illud autem ad Coloſſ. 3. *Qui renouatur ſecundum imaginem*. **RESPONDEO**, hominem renouari per gratiam in ea parte ſui, ſecundum quam eſt imago Dei, iuxta illud ad Eph. 4. *Renouamini ſpiritu mentis veſtræ*. Hæc autem renouatio mentis humanæ, quæ eſt imago Dei, ſignificat imaginem illam obſcuratam, non deletam. Quod vt facilius intelligatur, ſciendum eſt imaginem Dei tribus modis conſiderari poſſe, ſecundum **NATURAM**, ſecundum **HABITVM**, & ſecundum **ACTVM**, ex quibus modis ſecundus & tertius nihil ſunt aliud, niſi perfectiones imaginis primo modo conſideratæ. Nam quemadmodum imago depiſta, ſi ſolùm ſit lineis adumbrata, vera erit imago, ſed rudis; ſi addantur colores, reddetur perfectior; ſi exprimantur venæ, muſculi, & minutiffimæ quæq; partes, perfectiſſima iudicabitur: Sic etiam ipſa ſubſtantia animæ rationalis imago Dei eſt, ſed addito habitu gratiæ & ſapientiæ, perficitur & ornatur; cum verò actu Deum cognoscit & diligit, perfectiſſima & ornatiffima eſt.

Ac peccatum quidem ſubſtantiam imaginis de medio tollere non potuit, ſuſtulit tamen perfectionem illam, & eximiam ſimilitudinem, quæ in habitu, & actu cognitionis & amoris poſita erat. Itaque imago non perijt, ſed obſcurata, ac deformata eſt, quaſi coloribus extinctis; & ideo reformari dicitur, cum gratia & ſapientia reparantur in nobis. quomodo imago depiſta renouari dici poſſet, ſi colores ferme extincti eidem imagini iterum adderentur?

QVINTA obiectio, Iuſtitia originalis in primis parentibus non fuit accidens, ſed ſubſtantia, igitur & iniuſtitia originalis, quæ iuſtitia illi ſucceſſit, non accidens, ſed ſubſtantia eſt. Antecedens huius argumenti probatur ex argumento ſuperiore. Dictum enim eſt imaginem Dei in homine eſſe ipſam naturam animæ rationalis. Idem autem eſſe imaginem Dei, & iuſtitiam originalem, colligitur ex Apoſtolo

Paulo, qui quod dixerat ad Coloſſenſes 3. *Induite nouum hominem, qui reformatur ſecundum imaginem eius qui creauit illum*: explicare videtur ad Eph. 4. cum ait: *Induite nouum hominem, qui ſecundum Deum creatus eſt in iuſtitia & ſanctitate veritatis*. Vbi pro eodem videtur accipere imaginem, & iuſtitiam, ſiue ſanctitatem.

RESPONSIO, Iuſtitiam originalem de eſſentia hominis, vel Angeli fuiſſe qui dicit, iſ planè creaturam cum creatore confundit. Solus enim creator id proprium habet, vt ſit per eſſentiam iuſtus. Neque idem ſunt imago Dei, & iuſtitia originalis: ſed eſt iuſtitia originalis ornamentum quoddam, & perfectio imaginis Dei, quia conditus fuit primus homo ad imaginem Dei, non quocunque modo, ſed ad imaginem iuſtitia, & ſapientia, alijsque ornamentis inſignem; ideo B. Paulus dicit hominem reformari ſecundum imaginem Dei, quando induit nouum hominem, creatum in iuſtitia & ſanctitate veritatis, quia videlicet imago Dei per amiſſionem iuſtitia deformata, iterum ad priſtinum nitorem per iuſtificationem redit.

His addi poteſt, quod etiam ſi verum eſſet iuſtitiam originalem fuiſſe ſubſtantiam, non tamen ſequeretur peccatum originis eſſe ſubſtantiam, ſiquidem peccatum originis non eſt aliqua forma iuſtitia originali contraria, ſed eſt priuatio iuſtitia originalis, vt ſuo loco demonſtraturi ſumus.

SEXTA obiectio, Accidens eſt quod poteſt addeſſe & abeſſe præter ſubjecti corruptionem: Atqui peccatum originis ſubſtantiam animæ rationalis omnino corrumpit. Scriptum eſt enim Gen. 1. *Quatinus die comederis, morte morieris*. Et ad Coloſſ. 2. *Et vos cum eſſetis mori in delictis conuiuſcanti cum illo*. Igitur peccatum originis non accidens, ſed ſubſtantia eſt.

RESPONSIO, Tilman. Heſhufius ad hoc argumentum reſpondere non potuit, niſi cum iniuria Porphyrij, quem de quinque vocibus diſferentem ſcholæ penè omnes ſequuntur. Itaque repudiata definitione accidentis, quam Porphyrius tradiderat approbat definitionem, quam his verbis tradit Philip. Melancthon: *Accidens eſt, quod non per ſe ſubſiſtit, nec eſt pars ſubſtantia, ſed eſt in alio mutabiliter*. Quæ definitio (vt omittam alia vitia) videtur contra ipſum Heſhufium, & auctorem eius Philippum pugnare. Nam ſi peccatum originis ita hæret in anima ex ſententia Lutheranorum omnium, vt neque per Baptiſmum, neque vlla alia ratione euelli poſſit, donc in hac vita ſumus, certè ſequitur, vt non ſit in alio mutabiliter, ac per hoc non ſit accidens, ſed ſubſtantia.

Sed quidquid de hoc ſit, argumentum Illyrici ſine magno labore ſolui poteſt. **PRIMUM** enim diſtinctionio, ſiue mors, quam adfert animæ peccatum, non eſt ſubſtantialis & propria, ſed accidentaria & metaphorica. Non enim per peccatum perit eſſentia animæ, quippe quæ immortalis eſt, ſed gratia, ſiue iuſtitia. Dicitur enim gratia Dei per metaphoram vita animæ, propter ſimilitudinem quam habet cum ipſa anima, quæ eſt vita corporis. Et ideo idem peccatum nunc dicitur mors animæ, vt loco citato ad Coloſſ. 2. nunc infirmitas, vt ad Rom. 5. nunc ſomnus, vt ad Eph. 5.

DEINDE, etiam ſi peccatum propriè & ſubſtantialiter vitam animæ tolleretur, quemadmodum mors corporalis propriè & ſubſtantialiter tollit vitam hominis, non tamen propterea peccatum non eſſet accidens, ſed ſubſtantia, aut reprehendenda eſſet Porphyrij definitio. Nam corporalis mors omnium conſentit eſt accidens, non ſubſtantia, & tamen ſic deſtruit ſubjectum ſuum, vt non deſtruat definitionem Porphyrij. Quod enim Porphyrius dicit de ſubjecto

esse. *Sed in quantum inordinata est, mala est & peccatum. Vbi potest ab eis rationaliter queri, si voluntas, in quantum inordinata est, peccatum est, quare ergo intellectus, ratio, & ingenium, & huiusmodi, cum inordinata sunt, peccata non sunt? inordinata verò sunt, sicut voluntas, cum ad rectum finem non tendunt, eorumque actus prauarigationes existunt.* His P. Lombardi verbis recitatis, triumphum canit Illyricus in hunc modum: *Hinc (inquit in lib. de essentia imaginis Dei & diaboli, pag. 254.) liquet perspicuum, voluntatem, intellectum, rationem, & ingenium, quatenus inordinata sunt, esse peccata. Et quidem loquatur de ipsius potentis animæ rationalis, non de earum actibus, aut moribus, actionibusque. Manifestè ergo sensu necum quantumvis aliorum subtilitatibus & vehementia non raro ad illas sophisticas tenuitates abripiatur, quod peccatum sit accidens, aut etiam quoddam nihil.* Hæc Illyricus.

Sed ut intelligas quàm parum fidei sit habendum hæreticis, lege quæ P. Lombardus immediatè post verba illa ab Illyrico allegata subiunxit. Sic enim ait: *Ad quod illi dicunt, voluntatis nomine aliquando vim, scilicet naturalem potentiam volendi, aliquando actum ipsius vis significari. Vis autem ipsa naturaliter animæ insita nunquam peccatum est, sicut nec vis memorandi, vel intelligendi: sed actus huius vis, qui & voluntas dicitur, tunc peccatum est, quando inordinatus est.* Et paulò infra: *Ecce qualiter soluitur præmissa questio ab his, qui tradunt omnia esse bona, in quantum sunt. Qui verò dicunt, voluntates malas peccata esse, & nullo modo bona, breuiter respondent, dicentes, actum voluntatis non esse de naturalibus, sed vim ipsam & potentiam volendi, quæ semper bonum est, & in omnibus est, etiam in paruulis, in quibus nondum est eius actus.* Vides, Lector, quanta sit impudentia hominis hæretici, qui in eo ipso loco affirmat P. Lombardum dicere, ipsam vim & potentiam voluntatis peccatum esse, non eius actum; in quo loco idem auctor disertis verbis dicit, non ipsam vim & potentiam voluntatis, sed eius actum, cum inordinatus est, esse peccatum.

Quod ad reliquos auctores atinet, quos pro se citat Illyricus, vno verbo responderi potest. Adducit enim duas eorū sententias; Vnam, quod concupiscentia sit pars materialis peccati originis; Alteram, quod concupiscentia sit pars animæ inferior. Ex his duabus deducit ipse tertiam, quod videlicet peccatū originis, saltem quoad vnam partem, sit ipsa animæ substantia. Sed in hac sententia Theologorum explicanda, multis modis peccat. Primum enim Theologi partem materiale peccati originis non existimant esse peccatum propriè, sed ideo dici peccatum, quia est effectus peccati. Peccatū enim propriè in priuatione iustitiæ originalis constituunt. Deinde, ipsam concupiscentiam non vocant animæ partem, quasi sit pars essentia, ut Illyricus somniat, sed quia est potentia quædam animæ, ac proinde qualitas, non substantia. Vocant enim Theologi potentias partes animæ, sed potentiales, non substantiales. Tertiò, non docent Theologi, concupiscentiam esse potentiam animæ absolutè, sed vitiatam, siue deordinatam, ita ut non tam ipsa potentia, quàm vitium eius, sit propriè concupiscentia. Itaq; S. Tho. eam febris similem esse, & languorem naturæ appellari dicit. Porro febrem, & languorem, nemo sanus substantiam esse diceret.

Denique Theologi concupiscentiam, quam aliquo modo peccatum appellari posse censent, in parte inferiore animæ constituunt, Illyricus autè superiorem tantum, vel potius supremam animæ partem, quam nunc rationem, nunc liberum arbitrium, nunc ipsum cor appellat, peccatum originis esse contendit. Nihil igitur cōmune habet Illyrici delirium cum Theologorum sententia. Multæ sunt aliæ objectiones Illyrici, sed vsq; adeò leues, ut me puduerit eas adferre.

CAPVT IV.

Proponitur, & refellitur secundus error, qui est multorum Lutheranorum.

EXPOSITO errore Illyrici, sequitur ut ad sententiam ceterorum hæreticorum huius temporis veniamus. Et quidem prima fronte videntur tam Lutherani, quàm Caluinitæ, nec inter se, nec ab Ecclesia dissidere. Nam ex aduersarijs, Philippus tum in Apologia Confess. August. art. 2. tum in Locis communibus, tit. de peccato originali; & Io. Calvinus lib. 2. Instit. c. 1. admittunt definitionem communem peccati originalis, quod sit videlicet priuatio iustitiæ originalis. Martinus quoque Bucerus in epist. ad Ro. testatur se non videre in quo Scholastici quo ad peccatum originis ab orthodoxa sententia variant. Et ex nostris Ioan. Hoffmeisterus in iudicio de 2. art. Confess. Augustan. & Alphonsus Viruersius in 3. Philippica, vix vllam agnoscunt dissentionem in hoc articulo inter nos & sectarios. Tamen si res tota diligenter expendatur, duo quædam in doctrina aduersariorum inuenientur, quæ longissimè distant à vera, sanæque doctrina Catholicorum.

Alterum est, quod plurimi eorum peccatum originis non distinguunt à peccato actuali. Alterum, quod ea, quæ Catholici volunt esse vulnera naturæ, infirmitates, morbos ex peccato originali relictos, ut ignorantiam, difficultatem, concupiscentiam, ipsi verè & propriè peccatum originis esse velint, & in omnibus per Christum iustificatis ita manere, ut natura sua damnare possit homines, si Deus illud imputare velit. Sed priorem errorem proponamus, & breuiter refellamus.

Igitur prior error extat apud Lutherum in assert. articuli 3. vbi dicit impossibile esse ut fomes sit absque actuali peccato. Et suprà in assert. 2. artic. iam dixerat fomitem siue concupiscentiam esse peccatum originale. Rursus in assert. eiusdem 3. articuli: *Omitto, inquit, dicere, quod originale peccatum, ut omnia peccata, sita & incredulitas est.* Idem etiam Lutherus in comment. c. 2. Gen. dicit, peccatum originale, & incredulitatem, desperationem, & alia similia, quæ sine dubio peccata actualia sunt. Idem in assert. eiusdem articuli tertij, dicit fomitem esse rem viuam, & quæ mouetur. Et tandem addit hæc verba: *Idcirco fomes verè est actuale peccatum.*

Iam verò Philip. Melanchthon in Locis communibus, editis anno 1522. titulo, Quid peccatum, sic ait: *Peccatum originale est natua propensio, & quidam gentilis impetus & energia, qua ad peccandum trahimur, propagata ab Adam in omnem posteritatem.* Et paulò post. *Scriptura non vocat hoc originale, illud actuale peccatum. Est enim & originale peccatum planè actualis quædam praua cupiditas.* Idem Philippus cum in Confess. August. art. 2. posuisset, peccatum originale esse, quod homines sint sine metu & fiducia Dei; & Catholici in refutatione Confessionis, quæ extat apud Fabricium Leodium in Harmonia Confess. August. obiecissent, quod esse sine metu & fiducia Dei, sint peccata actualia; ille non aliter respondit in Apologia, nisi Confessionem Germanicam allegando, in qua non solum actus, sed etiam propensio & dona Dei ad efficiendum timorem & fiduciam hominibus in peccato natis denegantur. Itaque non negauit, peccata actualia pertinere ad originale peccatum, sed addit aliquid amplius.

Idem etiam in eadem Apologia, dicit à Scholasticis extenuari peccatum originis, & inter cetera sic loquitur: *Itaque, inquit, cum de peccato originis loquuntur, grauiora vitia humana naturæ non commemorant, scilicet*

ignorantiam Dei, contemptum Dei, vacare metu & fiducia Dei, ediſſe iudicium Dei, fugere Deum iudicantem, irascei Deo, deſperare gratiam, habere fiduciam rerum præſentium, &c. Sic etiam in Locis communibus, editis poſt annum MDXL. non dicit quidem apertè, peccatum originis eſſe actuale cupiditatem, vt antea dixerat, tamen explicans quid ſit concupiſcentia, ſiue *arrogantia*, (vt ipſe loquitur) omnium potentiarum, in qua conſtituit rationem peccati originis, dicit ad eam pertinere ignorantiam Dei, dubitationes, eſſe ſine timore, ſine dilectione, amare ſe magis quàm Deum, &c. At profeſſo negari non poteſt, quin contemptus Dei, odium iudicij diuini, irascei Deo, fugere iudicantem Deum, deſperare gratiam, dubitare de miſericordia Dei, amare ſe plus quàm Deum, ſint vere peccata actualia.

Martinus Kemnitius in Exam. ſeſſ. 5. Concilij Trident. pag. 456. docet illam ſententiam Scripturæ, Gen. 6. *Omne figmentum cogitationis cordis eorum tantum malum eſt omni tempore*. Sic enim ipſe citat, intelligendam eſſe de peccato originali, & pertinere etiam ad pueros & infantes, & probat, quia Gen. 8. repetitur hæc ſententia, & additur, *Figmentum cordis humani eſſe malum à pueritia*; & vox Hebræa, quæ ſignificat pueritiam, dicitur etiam de infantia, & tamen in ſeq. pagina explicans quid ſit figmentum, quod Hebræice dicitur *ḥay*. *Significat*, inquit, *velut in animo aliquod conſpicere, formare, & quaſi effigere, vel foris iuxta conceptam ſicam aliquid fingere, ſeu formare*. Et infra: *Significat igitur, quando mens primum concepit, & format cogitationes, ipſos primos motus, conatus, ſeu impetus cordis, quando homo eſt ſine Spiritu ſancto, iam eſſe res malas*. Dicit cogitationem, quæ deliberatione confirmata eſt, appellari etiam *ḥay* in Scripturis, & allegat Iſaiam cap. 26. Quare Kemnitius ſatis aperte ad peccatum originis refert actuale cogitationem, tum primam & indeliberatam, tum etiam deliberatione, vt ipſe loquitur, confirmatam.

Sed hic error eſt tam craſſus, vt vix refutatione indigeat. Primum enim ſequitur ex eo in infantibus, præſertim in vtero matris exiſtentibus, aut recens natis, non eſſe originale peccatum, quod non ſolum Scripturis ſanctis, ſed etiam ipſorum Lutheranorum doctrinæ, & confeſſioni repugnat. Infantes enim in vteris matrum, aut recens nati, nullum habent vſum mentis, & ideo nec Deum contemnere, neque ab eo fugere, neque illi irascei, neque gratiam deſperare, neque aliud contra Dei legem appetere, vel cogitare poſſunt. Et contrà, fidem & timorem Dei actu habere non tenentur, cum iſti actus vſum rationis requirant, quo infantes carent. Proinde ſi peccatum originale ſit carere fide & metu Dei, & iſta carentia infantibus peccatum non ſit, certè ſequitur infantes peccato originali etiam ante Baptiſmum carere.

Quod ſi fortè Lutherani reſpondeant, infantes eiufmodi vſum mentis habere, & reuera prauos motus cordis in illis exiſtere, & carentiam bonorum actuum illis imputari: non ſolum pugnabunt cum S. Auguſtino, qui lib. 1. de pecc. merit. & remiſſ. c. 35. ridet quosdam Pelagianos, qui in infantibus recens natis, actualia peccata eſſe dicebant; ſed etiam cum ipſa experientia: experimur enim infantes recens natos, vſque adeo mentis vſu deſtitutos eſſe, vt nec vbi ſint ſentiant, & iuxta ſe iacentibus mammis magis poſſint eſurientes flere, quàm fugere, quippe qui nec mammæ quidem ipſas, nec aliud aliquid norint. Qui verò nec mammæ, nec matrem agnoſcunt, quomodo credibile eſt ab ijs Deum agnoſci? & qui Deum omnino cogitare non valent, quo pacto, quæſo, illum continere, ab illo fugere, illi irascei,

A gratiam eiſ deſperare, vel de miſericordia ipſius dubitare queant?

Quid quod in ipſo primo instanti conceptionis incipiant homines peccatum originis habere, & tamen in illo primo instanti, forte etiam aliquanto tempore poſt, non ſolum non habent vſum mentis, ſed ne ſenſum quidem.

Denique, nonne Scriptura diuina paruulos ab omni actuali peccato perſpicuè liberat? Siquidem ſcribit Apolt. ad Ro. 9. *Cum nondum nati fuiſſent, aut aliquid boni egiſſent, vel mali*. Loquitur autem de Iacob & Eſau nondum natis, ſed iam conceptis, & in vtero exiſtentibus, vt ex ipſo loco epilt. eiſ intelligi poteſt. Moſes quoque de paruulis dicit, in 1. cap. Deut. *Filij ſui, qui hodie ignorant diſtantiā boni & mali*. Et Dominus, Ionæ 4. dicit in Ninive fuiſſe pluſquam centum viginti millia hominum, qui ignorabāt quid eſſet inter dexteram & ſiniſtram tuam. Qui locus à S. Hieronymo & alijs, refertur ad ignorantiam, quæ cernitur in infantibus.

Quod ſi paruuli in tam profundis ignorantie tenebris verſantur, & diſtantiā boni & mali, & quid inter dexteram & ſiniſtram ipſorum ſit ignorent, multò magis Dei iudicium, miſericordiam, gratiam, & ſimilia eos ignorare necellè eſt. Qui verò iſta ignorant, non poſſunt certè iudicium Dei fugere, de miſericordia dubitare, gratiam Domini deſperare, atque alia eiſdem generis agere.

Reſpondebunt fortallè, ſe non ponere in paruulis actiones aliquas mentis, repugnantes legi Dei, ſed tantum mentem ipſam ſpoliatam originali iuſtitia, & pronam ad actiones legi Dei repugnantes producendas, cum rationis vſus aduenit. Vocallè autem ſe hoc vitium actuale peccatum, non quod ſit actio aliqua, ſed quod ſit actualis, & vera pronitas, ſiue morbus ac defectus re ipſa, atque actu in homine exiſtens, & non mera negatio, aut relatio. Sic enim videntur explicare ſententiam ſuam Lutherus in aſſertione articuli 3. & Melanchthon in Locis editis anno 1522. *Verè*, inquit Lutherus, *fomes eſt actuale peccatum actualis priuatio, ſiue defectus eius rei, quæ ad eſſe debet: & actualis poſitio, ſeu præſentia infirmitatis & aliorum affectuum, qui deſſe debent*.

At ſi iſta ſententiam ſuam explicet, P R I M O abutuntur vocabulis, contra ſcholarum omnium conſuetudinem. Nemo enim hætenus pronitatem, vel paſſionem appellauit actuale peccatum.

DE I N D E perperam dicunt, extenuari peccatum originis, ſi quis ad id peccatum pertinere non velit, irascei Deo, fugere iudicium Dei, dubitare de miſericordia, deſperare gratiam, & ſimilia; iſta enim non pronitates, ſed actiones ſunt.

T E R T I O, non rectè Apologia Confeſſ. Auguſtina dicit, peccatum originis non ſolum eſſe priuationem actuum fidei & timoris, ſed etiam donorum, quibus illi actus efficiuntur. Nam priuatio actuum fidei & timoris actuale peccatum eſt; non enim ſolus actus malus, ſed etiam omiſſio actus boni dicitur actuale peccatum. Proinde neceſſariò ſequitur, aut infantes habere peccatum actuale, ſaltem omiſſionis, quod abſurdiſſimum eſt, aut carere etiam originali, quod fidei Chriſtiana contrarium eſt, ne ipſi quidem aduerſarij negant.

Q V A R T O, malè Lutherus in aſſert. art. 3. ſcribit, fieri non poſſe, vt fomes ſeparetur ab actu & motu, cum ſit res viua, & quæ ſemper mouetur, ac gignit malos actus. Nam ſi id fieri nequit, certè ſequitur, quod antea dicebamus, ex doctrina Lutheranorum colligi, vt infantes vel careant fomite, ac per hoc originali peccato; vel habeant malos actus, Deum

videlicet contemnendo, fugiendo, &c.

QVINTO, coguntur fateri locum illum Genef. 8. *Figmentum cordis malum à pueritia*, non pertinere ad peccatum originis, cum per figmentum cogitationet intelligi velint. Et tamen eum locum tanquam primum pro peccato originis allegare solent.

Habemus igitur inconstantem esse doctrinam aduersariorum, & illud absurdum eos omnino sequi, vel ut paruulos à peccato originali immunes faciant, vel naturam peccati originalis non rectè explicent.

CAPVT V.

Proponitur tertius error, qui est communis omnibus Lutheranis, & Caluinistis.

IAM tertius error est is, quem initio capitis sup. dicebamus esse alterum ex duobus, in quibus Lutherani cum Catholicis non conueniunt. Est igitur sententia communis apud sectarios, corruptionem naturæ, siue concupiscentiam, qualis remanet in hominibus post iustificationem, esse peccatum ex natura sua verè ac propriè, quamuis credentibus non imputetur. Intelligunt autem per naturæ corruptionem, ea, quæ Catholici vulnera naturæ appellare solent, videlicet ignorantiam, difficultatem, propensionem ad malum, & similia.

Non est autem quæstio inter nos & aduersarios, siue humana natura grauiter deprauata per Adæ peccatum. Id enim libenter fatemur. Neque etiam quæstio est, an hæc deprauatio aliquo modo ad peccatum originale pertineat, ita ut materiale eius peccati dici possit. Id enim S. Thomas concedit in 1. 2. q. 82. art. 1. ubi dicit peccatum originis esse habitum corruptum, id est, languorem & deprauationem totius naturæ per modum habitus se habentem. Et in art. 3. dicit, concupiscentiam esse peccatum originis materialiter. Sed tota controuersia est, utrum corruptio naturæ, ac præsertim concupiscentia per se, & ex natura sua, qualis inuenitur etiam in baptizatis & iustificatis, sit propriè peccatum originis. Id enim aduersarij contendunt, Catholicici autem negant; quippe qui, sanata voluntate per gratiam iustificantem, docent reliquos morbos non solum non constituere homines reos, sed neque posse constituere, cum non habeant veram peccati rationem. Quocirca S. Thom. quem in primis Theologi Catholici sequuntur, dixit quidem in 1. 2. q. 82. art. 1. peccatum originis esse habitum corruptum, qui non solum contineret priuationem iustitiæ, sed etiam peruersionem omnium potentiarum: tamen in art. 3. diuisit habitum illum in partes duas, in auersionem mentis à Deo, & rebellionem partis inferioris à superiore, & addidit in sola auersione mentis à Deo consistere propriè & formaliter peccatum originis; in rebellionem autem partis inferioris, quæ fuit effectus rebellionis mentis à Deo, non consistere peccatū, nisi materialiter. Porro eam quam diximus fuisse communem sententiam Lutheranorum & Caluinistarum, perspicuum est ex testimonijs ipsorum, quorum pauca (exempli gratia) hoc loco subiiciemus.

Igitur Lutherus in assert. art. 2. cum multa dixisset, ut probaret concupiscentiam in baptizatis & iustificatis esse peccatum, ita sibi ipse obiecit: Scio quid hic mihi opposituri sint, scilicet omnia quæ dicta sunt, probare non peccatum sed defectum, seu infirmitatem in nobis relinqui post Baptismum. Et infra: Verum, inquit, quod defectum sic appellant, ut peccatum esse negent, & non culpam, sed pœnam tantum peccati esse velint, admittere non possum. Et infra: Interim, inquit, sanior Dei nos suscipit & sustinet, non imputans ad mortem, quod reliquum est peccati in nobis, licet verè peccatum sit, & imputari possit.

A Philippus Melancthon in Locis editis posteriore tempore, tit. de peccato originis, querit, quod sit formale in peccato originis, ac dicit esse reatum. Deinde querit, quod sit fundamentum huius relationis, quæ dicitur reatus, ac dicit esse vitium nobiscum natus: Cum, inquit, queritur, quod sit formale peccati originis, rectè respondetur, reatum. Deinde verò querendum si fundamentum huius relationis id verò est vitium nobiscum nascens, quod est malum pugnans cum lege Dei. Ex quibus verbis intelligimus, vitium nobiscum nascens, id est, concupiscentiam natura sua efficere reatum, quia est malum pugnans cum lege Dei, ac per hoc natura sua esse peccatum, tamen per Baptismum tollatur reatus, & desinat esse peccatum, non re ipsa, sed per non imputationem.

B Ioan. Caluinus lib. 2. Instit. c. 1. §. 8. sic definit peccatum originis: *Hereditaria natura nostra prauis, & corruptis, quæ primum facit reos tra Dei, tum etiam operari nobis possunt, quæ Seruimus vocat operariis.* Quæ definitio facile posset eam sententia S. Thomæ, & aliorum Catholicorum conciliari, nisi continuò hæc verba Caluinus adungeret: *Atque id est propriè quod à Paulo sapius peccatum nominatur.* Respicit enim ad c. 6. & 7. ad Rom. ubi B. Apost. concupiscentiam carnis, quam in se quoque ipse, quamuis iustificatus & sanctus, experiebatur, peccatum frequenter appellat. Ex quo intelligimus, peccatum originis Caluino esse naturæ corruptionem, etiam posteaquam præcipua pars eius corruptionis, id est, auersio mentis à Deo, per gratiam iustificantem sublata est. Quocirca idem Caluinus lib. 3. Instit. c. 3. multis locis S. Augustini prolatis, contendit, omnes cupiditates esse peccata, tamen si consensus desit.

C Petrus Martyr in comment. c. 5. ad Rom. peccatum originis ita definit: *Totius hominis natura deprauata à lapsu primi parentis in posteros tradita per generationem, quæ nisi beneficium Christi succurrat, omnes inde nascentes, infinitis propè malis, & æternæ damnationi adiunctis.* Deinde docet, hanc deprauationem continere priuationem rectitudinis omnium partium & potentiarum, & præterea quædam positua, propensionem ad malum, naturæ impetum contra verbum Dei, & alia id genus. Denique addit: *Quæ, inquit, super sunt in regeneratis, ad æternam mortem non imputantur, verum quæ res ex eo iudicari debet, quod est in se ipsi. Quare si queratur ex nobis, an sit peccatum quod manet in regeneratis, respondebimus esse peccatum.*

D Martinus Kemnitius in Exam. fess. 5. Concilij Trid. pag. 454. non solum concupiscentiam, sed ipsam etiam molem carnis, quamui. nondum formatis organis, vult esse verè proprièque peccatum: Cum igitur, inquit, *massa embryonis in primo ardore conceptionis primum inciperet vici calore foueri, iam erat peccato contaminata, quæ contaminatio, iuxta Davidis confessionem, habebat veram rationem peccati, cum nondum formata esset vel mentis, vel voluntatis, vel cordis organa.* Et inf. 3. pag. 464. querit de concupiscentia in renatis, quid sit per se, ex se, & ex sua natura. Et in eodem post multa respondet, pag. 468. Non, inquit, *Angeli debent renati reliquam in membris suis concupiscentiam saltem esse, quæ per se, etiamsi remota gratia, & remissionis umbraculo, Deus in iudicium cum illa intrare veller non possit hominem ex sua Deo facere, & damnare? sed agnoscant quæ sit malum, & gratias agant Deo, qui propter filium mediatorem, malum illud non imputat ad damnationem.* In hanc sententiam loquuntur ferè omnes alij huius temporis sectarij.

CAPVT VI.

Refutantur calumnie & mendacia hereticorum.

SED placet, antequam ad refutationem huius erroris veniamus, breuiter annotare calumnias, vel mendacia, ineptias, & contradictiones, quibus aduersarij suas disputationes in hac materia, vt in alijs omnibus, exornarunt.

PRI MV S, Lutherus in lib. aduersus execrabilem Bullam Antichristi, differens de 3. articulo: *De hac*, inquit, *re probabiliter disputari, nec hodie cerius sum.* Et similia dicit de quarto, & tamen post vnā paginam ita scribit: *Ego his scriptis testor, in omnia damnata per Bullam istam execrabilem, confiteri pro Catholicis dogmatibus.* Et iam antea initio libri sic præfatus fuerat: *Assero & amplector fiducia tota spiritus mei, articulos per eam damnatos, ascendensque pronuncio omnibus Christianis, sub pœna æternæ maledictionis.* Itaque fomitem retardare animum exeuntem à corpore, ab ingressu cœli, etiamsi nullum adsit actuale peccatum (hic enim erat articul. 3.) Lutherus habet pro Catholico dogmate, & vult haberi ab omnibus sub pœna maledictionis æternæ; & tamen adhuc incertus est quid agatur cum tali anima, retardetur necne ab ingressu cœli, & solum probabiliter disputat.

Idem Lutherus de assert. omnium articulorum suorum, art. 2. imponit S. Augustino, quod dixerit peccatum actu transire, reatu manere. Et rursus in extrema disputatione: *Concludamus*, inquit, *cum pulcherrimo verbo Augustini: Peccatum, inquit, remittitur in Baptismo, non vt non sit, sed vt non imputetur. Ecce est & remanet peccatum, sed non imputatur.* At nusquam sic loquitur S. Aug. neque vnum locum adhuc notare potuerunt aduersarij, vbi S. Aug. dicat peccatum actu manere, non reatu, vel esse in homine, sed non imputari. Dicit quidem concupiscentiam manere post Baptismum, sed addit, eam non solum non imputari, sed neque esse peccatum, nisi ratio victa illi cōdat. Testimonia S. Augustini habentur lib. 1. de nuptijs & concupiscentia, cap. 25. & 27.

Philippus Melanchthon in Apolog. Confess. Augustanæ, in defensione art. 2. qui est de peccato originali, grauer queritur de Scholasticis, in hæc verba: *Hos morbos, qui maximè aduersantur legi Dei, non animaduertunt Scholastici, imò tribuunt interim humane nature integras vires, ad diligendum Deum super omnia.* Et paulò post: *Quod si has tantas vires habet humana natura, vt per se possit diligere Deum super omnia, vt confiderenter affirmant Scholastici, quid erit peccatum originis? quorsum autem opus erit gratia Christi, si nos possumus fieri iusti propria iustitia?*

At post vnā vel alteram pagellam oblitus sui, Scholasticos contrarium sentire dicit: *Itaque*, inquit, *perus definitio, cum inquit peccatum esse carentiam iustitiæ, detrahbat non solum obedientiam inferiorem virum hominis, sed etiam detrahbat notitiam Dei, fiduciam erga Deum, timorem & amorem Dei, aut certè vim ista efficiendi detrahbat.* Nam & ipsi Theologi in scholis tradunt ista non effici sine certis donis, & auxilio gratiæ. Non igitur Scholastici tribuunt hominibus post lapsum integras vires ad diligendum Deum, & iustificationem, si sentiunt ista non effici sine certis donis, & auxilio gratiæ. Idem Philippus in Locis comm. editis anno 1522. tit. de peccato: *Nec est*, inquit, *quod de stultis illis relationibus in peccato disputemus, prauus affectus, prauusque cordis motus est contra legem Dei peccatum.* At in Locis iisdem editis posteriore tempore, titulo eodem, docet formale peccati esse reatum, reatum esse relationem: *Refle*, inquit, *eruditi sciunt, vniuersaliter formale peccati esse reatum. Sed hæc relatio alicui malo accidit, &c.* Idem etiam

A paulò post: *Monachi*, inquit, *inruditi omiserunt reatum, & dixerunt formale peccati esse defectum, & hunc tolli inrenatis, ac manere materiale, quod intelligebant appetitiones ipsas conditas à Deo, quæ sunt res bonæ; sed quid dicerent, non intellexerunt, &c.* Multa sunt in his paucis verbis errata. **P**RI MV S, idem Philippus, qui in Locis prioribus reprehendebat Scholasticos, quod relationes, id est, reatum in peccatis agnoscerent; in Locis posterioribus defendit ipse reatum & relationes aduersus Scholasticos. **D**EI N D E, repugnat apertè Luthero, in cuius verba iurauerat. Lutherus enim in assert. 2. art. reprehendit Scholasticos, quod concupiscentiam in renatis dixerint esse defectum; Philip. verò eisdem reprehendit, quod rem eandem negauerint esse defectum. **T**E R T I O, mentitur euidentissimè, nisi fortè Scholasticos non legerit, & non tam quod ipsi scripserunt, quàm quod ipse de illis somniauit, confutare decreuerit. Nam Scholastici, siue Monachi, adè non omiserunt reatum, vt Scotus & Durandus vix aliud quàm reatum propriè peccatum esse dixerint: S. autem Thomas tamen præter reatum agnoscit etiam maculam, tamen reatum nullo modo omisit, vt perspicuum est ex 1. 2. q. 81. art. 3. ad 2. vbi dicit, peccatum originis per Baptismum tolli, quoad reatum, & remanere quoad fomitem. **D**E N I Q, illud etiam est apertissimum mendacium, quod Monachi dicant, concupiscentiam in renatis non esse defectum, sed rem bonam, id est, appetitiones, vt sunt à Deo conditæ. Ista enim nulli Monachi Catholici vnquam dixerunt, sed omnes summo consensu docent, post Baptismum in renatis manere concupiscentiam rebellem, & repugnantem legi mentis, & hanc esse malam, & morbum, ac defectum, non tamen peccatum propriè dictum, nisi rationalis voluntas desiderijs eius assensum præbeat.

Ioan. Calvinus lib. 2. Instit. c. 1. §. 9. *Frigidum*, inquit, *& stultum est, corruptelam quæ ex peccato Adæ manet, & peccatum istud esse sensualitatem, vel ad motus sensualitatis restringere. In quo crassam insensitiam detexit Petrus Lombardus, qui sedem quærens & inuestigans, dixit in carne esse peccatum originis, Paulo refte, non quidem propriè, sed quia in carne magis apparet.* Sed in his verbis Calvinus aut mentiri, & imponere simplicioribus voluit, aut Petrum Lombardum non legit, vel non intellexit. Nam P. Lombardus nusquam peccatum originis ad motus sensualitatis restringit; quin potius docuit, in illis motibus consistere non posse, quia esset actuale, non originale. Sic enim loquitur in 2. lib. sent. dist. 30. lit. G. *Nunc superest videre, quid sit ipsum originale peccatum: quod cum non sit actuale, non est actus, siue motus animæ, vel corporis.* Deinde idem Petrus non quærebat sedem peccati originis, cum dixit illud esse in carne, sed causam. Nam dist. 30. lit. B. proponit quæstiones à se tractandas, & dicit esse tres: *Quid sit peccatum originale, quare dicatur originale, & quomodo traducatur.* Quibus postea quartam addit dist. 32. lit. A. *quomodo dimittatur in Baptismo.* Quenam autem sit eius sedes, nusquam proponit, nusquam tractat, sed vbique tanquam notum assumit esse animam. Nam vt ipse dicit dist. 31. lit. C. culpa non potest esse in re irrationali.

Itaque cum dicit peccatum esse in carne, non intelligit esse in carne, tanquam in sede, vel subiecto, vt Calvinus somniat, sed tanquam in causâ, quia videlicet per concupiscentiam carnalem traducitur. Sic enim ipse loquitur dist. 31. lit. B. *Quæ dicitur manere in carne, non quia in anima sit, sed quia per corruptionem carnis in anima sit.* Et lit. D. *Caro quæ in concupiscentia libidinis seminatur, nec culpam habet, nec actum culpæ, sed causam.*

Denique quidquid Petrus Lombardus dicit, id totum & fâctis Patribus Ambrosii & Augusti. probat. Quare Calvinus, dum Petrum Lombardum crassè inficitur reprehendit, Ambrosium & Augustinum crassè inficitur reprehendit. Sed ista tanta calumniandi, vel mentiendi libido, nulli magis, quàm auctori proprio apud æquos iudices nocet.

Iam verò P. Martyr in comment. c. 5. ad Rom. vt se in hac re, sicut in cæteris, falsum Martyrem esse prober; scribit, sententiam illam suam de peccato originis, esse etiam S. Augustini, S. Anselmi, S. Thomæ, S. Bonaventuræ, & Scoti. Quod certè falsissimum est. Nullum enim testimonium horum doctorum proferri poterit, quo probetur morbos, qui supersunt in regeneratis, per se esse peccata, & rebus mortis æternæ facere posse. Certè S. August. quem alij sequuti sunt, in plurimis locis, quæ postea citabuntur, contrarium disertis verbis affirmat.

Martinus Kemnit. in Exam. 5. sess. Concilij Trid. præter illud incredibile paradoxum, siue potius Illyrici & Manichæi delirium, quo docet ipsum embryonem nondum animatum, habere veram & propriam peccati rationem, omnino tragicè exagitat, quod vir doctissimus Andradius dixerat, in Concilio Trident. non esse definitum, in quo posita esset propria ratio peccati originalis, & ideo de hac re, salua fide, adhuc in scholis liberæ esse disputantium opiniones. Atq; hinc idem Kemnitius colligit à Concilio Trid. libertatem esse relictam defendendi sententias omnes, quamvis profanas, & cum sacris Scripturis aperte pugnantes: *Ad perpetuam* (inquit pag. 436.) *rei memoriam, notum sit toti orbi Christiano, profanam Pighij sententiam (ne quid dicam durius) in decreto Trident. non esse vel improbatam, vel damnatam, sed relictam esse cum alijs profanis Scholasticorum de peccato originali disputationibus sub opinandi libertate.* At si Concilium diligenter legatur, facile apparebit, & verum esse quod Andradius scripsit, & tamen profanas omnes opiniones, tum Pighij, tum aliorum, à Concilio Trid. fuisse damnatas. Siquidem eorum, quæ ad rationem peccati originalis pertinent, quædam ad fidem Catholicam necessaria sunt, quædam sine vlllo fidei detrimento ignorari possunt. Concilium ergo definiuit ea, quæ prioris generis erant, vt peccatum originis non solum morbum, sed etiam peccatum verè proprièque dictum esse, contra errores Zuinglij. Item in homine hære, ac præinde non substantiam esse, sed accidens, contra Illyrici somnia. Rursus, non vnum in omnibus, sed unicuique proprium inesse, contra sententiam minus rectam Pighij & Catharini, nec solum in infidelium, sed etiam in fidelium filijs locum habere, contra hæresim Buceri, Martyris, & Caluini. Denique per Baptismum ita deleri, vt in recens baptizatis nihil maneat, quod habeat veram peccati rationem, contra communem Lutheranorum omnium Catholicæ fidei repugnantem doctrinam.

His autem erroribus explosis, atque damnatis, noleat idem Concil. subtiliores Scholasticorum questiones excutere, quæ, salua fide, in vtramq; partem disputari poterant. Nam & sciebat quod S. August. in libro primo de moribus Ecclesiæ, cap. 22. scriptum reliquit, nihil esse hoc peccato ad prædicandum notius, nihil ad intelligendum secretius; & vestigijs veterum Conciliorum inhære decreuerat, quæ de mysterijs fidei nihil aliud explicare, & sub anathematis pœna credenda tradere consueuerant, nisi quod ad fidem seruandam, & hæreses confutandas necessarium videbatur. Atque hæc pauca de aduersariorum calumnijs & mendacijs hoc loco sufficiant.

CAPVT VII.

Refutatur ex Scripturis tertius error, qui est apud Lutheranos communis.

SEQVITVR vt errorem Lutheranorum & Calvinitarum 5. cap. expolitum, Scripturæ & Patrum testimonijs confutemus.

Allerimus igitur, naturæ corruptionem, siue concupiscentiam, qualis remanet post Baptismum in regeneratis, non esse peccatum originis, non solum quia non imputatur, sed etiam quia imputari non potest, cum nullum sit ex se, vel ex natura sua peccatum.

P R I M V M argumentum ad hanc sententiam confirmandam duci potest ab illis verbis S. Iacobi, ca. 1. *Vnusquisque tentatur à concupiscentia sua abstractus & illectus.* Deinde concupiscentia cum conceperit, parit peccatum, peccatum verò cum consummatum fuerit, generat mortem. Hic enim quatuor res distingui videmus ab Apostolo, CONCVPISCENTIAM, id est, potentiam appetendi pronam ad malum, & tres eius motus, SVGGESTIONEM, DELECTATIONEM, & CONSENSVM. Sic enim eos motus appellant Theologi post Gregorium homil. 16. in Euangelia, & Bedam in comment. huius loci.

Suggestio est prima illa apprehensio rei delectabilis, quæ abstrahit, & illicit animam; & siquidem trahat ad delectationem cum aliquo imperfecto consensu, sequitur secundus motus, de quo dicit Iacobus, *Concupiscentia cum conceperit, id est, cum illexerit, parit peccatum.* Denique si suggestio, adjuncta delectatione, trahat ad perfectum consensum, existit tertius motus, de quo dicit Apost. *Peccatum verò cum consummatum fuerit, generat mortem.* Non enim per consummatum peccatum intelligi debet solum peccatum operis, sed quodcumque peccatum, cui plenus accesserit voluntatis assensus. Nam dubitari non potest, quin desiderium adulterij, si voluntarium sit, generet mortem, cum Dominus dicat Matth. 5. *Qui viderit mulierem ad concupiscendum eam, iam moechatus est eam in corde suo.* Et eadem est ratio de alijs similibus.

Iam igitur concupiscentiam, id est, potentiam pronam, & primum eius motum non appellat B. Iacobus peccatum; Partum imperfectum, hoc est, delectationem non plenè deliberatam, peccatum vocat, sed non mortale; Denique partum perfectum, hoc est, desiderium cum pleno consensu, peccatum plenè mortale esse definit.

Calvinus lib. 3. Instit. c. 3. §. 13. & Beza in annotationibus ad hunc locum, respondent, B. Iacobum illis verbis, *parit peccatum*, loqui de peccatis operum, siue actualibus; non autem sequi, vt concupiscentia, siue concupiscere, nullum sit peccatum, quamvis peccatum operis, vel actuale non sit.

At contra hanc eorum explicationem plurgent primum verba sequentia, *Peccatum verò cum consummatum fuerit, generat mortem.* Nam peccatum operis, ordinariè plenè deliberatum esse solet, & consummatum ab omnibus dicitur. Cur ergo B. Iacobus peccatum operis distinxit à peccato consummato, dicens, *Peccatum autem cum consummatum fuerit, generat mortem?* Respondet Calvin. peccatum consummatum apud Iacob. dici totum cursum hominis peccatoris, quo finito, nihil restat nisi supplicium mortis æternæ. At Iacobus non loquitur de toto cursu peccatoris, id est de omnibus peccatis simul, sed de singulis peccatis, vt perspicuum est ex illis verbis: *Nemo cum tentatur dicat, quoniam à Deo tentatur.* Hic enim sine dubio loquitur de tentatione particulari, quæ certo tempore in homine existit. Id namque significat illud, *Cum.* Et de hac eadem loquitur, cum subiungit: *Vnusquisque*

Coloss. 2. ubi nos legimus: *Inflati sensu carnis suae*. Græcè pro sensu est *νῦς*, id est, mens: & ad Rom. 8. eadem mens carnis dicitur *φρόνημα σαρκὸς*, id est, prudentia carnis.

Sed hæc obiectio nihil concludit. Admittimus enim mentem considerari à Paulo, ut renouatam per gratiam, & nos eodem modo illam consideramus, negamus autem illam opponi toti homini. Consequens enim est, ut mentem renouatam opponat parti non renouatæ, id est, carni, cuius redemptionem adhuc expectamus.

Et confirmatur Quarto, quia quod Apost. hic dixit in carne sua esse malum, clarius dixit ad Rom. 6. in corpore mortali id malum esse, & in hoc ipso c. 7. *Quis me liberabit de corpore mortis huius?* Per corpus autem mortale, certum est non posse intelligi omnes partes hominis, sed alteram tantum.

Quinto, quia quod dicit: *Mente seruo legi Dei*, Paulò ante dixit: *Condelector legi Dei, secundum interiorem hominem*. Intelligimus autem ex ca. 4. posterioris ad Corinth. exteriorem hominem esse corpus corruptibile, interiorem autem esse animam rationalem: *Licet is, qui foris est, noster homo corrumpitur: is, qui intus est, renouatur de die in diem*.

Sexto, quia tamen caro interdum accipiat pro toto homine, tamen cum caro dicitur, in malam partem non usurpatur hæc vox in Scripturis, nisi cum agitur de impijs, quorum animus carni obedit, ut Gen. 6. *Non permanebit spiritus meus in homine, quia caro est*. Ioan. 3. *Quod natum est ex carne, caro est*. Ad Gal. 5. *Opera carnis sunt fornicatio, &c.* 1. Cor. 15. *Caro & sanguis regnum Dei non possidebit*. Et in illis etiam locis agitur de impijs, in quibus mens, vel prudentia tribuitur carni, quæ loca Beza citauerat. Iustificati autem, quia carnis desiderijs fortiter resistunt, non solum non dicuntur caro, sed etiam dicuntur in carne non esse, ut patet ex c. 8. ad Rom. Quare cum in toto c. 7. loquatur Apost. de se, alijsque iustificatis, sine dubio per carnem non intelligit totum hominem, sed tantum partem hominis inferiorem.

Accedat auctoritas S. Augustini, qui passim ita exponit hæc loca, ac præsertim in 1. lib. contra duas epist. Pelagianorum, cap. 10. & toto 1. lib. de nuptijs & concupisc. in quo lib. cap. 6. sic loquitur: *Ibi homo primitus Dei lege transgressa, aliam legem repugnantem suæ menti habere cepit in membris, & inobedientia suæ malum sensit, quando sibi retributam dignissime inobedientiam suæ carnis inuenit*.

Adde Vltimò, quod etiam si cogeremur nomine carnis intelligere omnes animæ potentias etiam in 7. ad Rom. tamen omninò dicendum esset, nomen carnis in iustificatis non pertinere ad voluntatem, siue mentem, nisi quoad primos quosdam motus indeliberatos. Nam apertissimè opponit Apostolus consensum voluntatis, desiderijs carnis. Itaq; etiam hoc modo concupiscentia non haberet sedem, nisi in parte animæ, quæ non est capax peccati propriè dicti. Nam nec pars inferior, nec superior, ut præuenit suo motu iudicium rationis, peccati propriè dicti capax est. Ibi enim tantum peccatum propriè dictum esse potest, ubi iustitia propriè dicta esse potest; non potest autem iustitia propriè dicta esse in parte inferiore, vel in superiore, ut præuenit iudicium rationis: igitur nec peccatum propriè dictum.

TERTIUM argumentum duci potest à testimonio B. Pauli in epist. ad Ro. c. 8. ubi sic loquitur: *Nihil ergo damnationis est ijs, qui sunt in Christo Iesu*. Quo loco, cum in 6. & 7. cap. multa dixisset de concupiscentia, quam modò peccatum per metonymiam, modò legem membrorum appellauerat, tandem concludit,

A, nihil esse timendum iustificatis in Christo, etsi concupiscentiam illam adhuc sentiant in membris, repugnantem legi mentis. Nec tam significat, nullam esse condemnationem iustificatis in Christo, ob concupiscentiam, quam nihil esse in eis condemnatione dignum, siue nullam esse causam condemnationis. Quod enim nondum essent acta, ac re ipsa condemnati, perspicuum erat, quia sententia damnationis non fertur, nisi post hanc vitam. Habemus igitur ex hoc loco, concupiscentiam, qualis remanet in renatis, non esse peccatum ex natura sua.

Respondent communiter aduersarij, Lutherus, Calvinus, Kemnitius, & ceteri, Apostolum dixisse, nihil damnationis esse renatis ob concupiscentiam, non quod ea non sit damnatione digna, sed quod eius reatum Deus dimiserit in Baptismo.

B At hæc responsio multis de causis non est solida. Primùm enim si verè crederent aduersarij, reatum dimitti in Baptismo, fateri deberent consequenter, nihil esse in renatis, quod habeat veram peccati rationem. Siquidem reatus, & S. Augustini testimonio, & ipsorum confessione, est id quod propriè dicitur peccatum. Sic enim loquitur S. Augustinus libro 1. de nuptijs & concupiscentia, ca. 26. *Hoc est non habere peccatum, reum non esse peccati*. Et Philippus in Locis communibus, ut suprà citauimus, tit. de peccato, docuit, formale peccati esse reatum. Quod idem indicat Calvinus lib. 3. Instit. c. 3. §. 11. cum dicit, remisso reatu, manere in homine peccati materiam. At certè sublata rei forma, non manet eius rei ratio, siue natura, cum forma sit præcipua pars naturæ, imò sit ipsa ratio & quidditas rei.

C Deinde, reatus est omninò inseparabilis ab eo, quod natura sua est dignum æterna damnatione, qualem esse volunt concupiscentiam aduersarij. Nam reatus, qui ab Aug. dicitur peccatum, & à Philip. formale peccati, non est sola ordinatio ad pœnam: hæc enim est bona, & à Deo, sed est dignitas, siue meritum pœnæ, ut eam S. Augustinus appellat: *Nemo nascitur (inquit in Psal. 50.) nisi trahens pœnam, trahens meritum pœnæ*. Porro iste reatus, ut rectè docet Philippus loco notato, est relatio, cuius proximum fundamentum est actus malus, siue iniquitas. Non potest autem relatio à fundamento proximo separari, quia ex ipso fundamento naturaliter & necessariò sequitur. Neque enim fieri potest, ut qui genuit filium, non sit eius pater, & qui genitus est ab alio, non sit eius filius, quia posita generatione, quæ est fundamentum, necessariò consequitur in generante paternitas, in genito filiatio. Eodem modo quia scelus, exempli causa, homicidij fundamentum est reatus, fieri non potest, ut qui homicidiū fecit, non sit reus, id est, dignus pœna, etiam si fortè iudex nolit illum punire, ac tunc præsertim separari non potest reatus à scelere, cum adhuc manet actus, vel desiderium homicidij.

D Iam igitur si concupiscentia, etiam in renatis, esset natura sua res digna morte sempiterna, ut aduersarij communiter docent, & (ut Philip. fatetur) fundamentum proximum eius relationis, quæ dicitur reatus, certè ab ea reatus seungi nullo modo posset. Quomodo enim separari potest reatus, id est, dignitas, & meritum pœnæ ab ea re, quæ natura sua est digna pœna, & meretur pœnam. Ergo si B. Paulus per damnationem intelligit reatum, euidenter sequitur, ut vel falsum sit Apostoli testimonium, vel sit verum quod nos dicimus, concupiscentiam renatis natura sua non esse rem dignam pœna, nec habere veram ac propriam peccati rationem.

E Tertiò, etiam si concederemus, fieri posse, ut concupiscentia esset res digna morte sempiterna, & ta-

men ab ea tolleretur reatus: tamen certū est ex Scripturis diuinis, Deū nunquam remittere reatū, dum manet eius fundamentū. Nam: *Iudicium Dei secundum veritatem est*, ad Rom. 2. Et: *Odio habet Deus omnes qui peccantur iniquitatem, & perdit omnes qui loquuntur mendacium*, Psal. 5. Et: *Odio est Deo impius & impietas eius*, Sap. 14. Deniq; Ezech. 18. demonstrat Deus æquas esse vias suas, quia manente iniquitate, punit, remota illa, ignoscit. Quare si re vera concupiscentia in renatis (vt aduersarij volunt) esset iniquitas digna morte sempiterna, nunquam Apost. dixisset, *Nihil ergo damnationis est ijs, qui sunt in Christo Iesu*. Neque enim tam citò oblitus fuisset eius, quod antea dixerat, *iudicium Dei secundum veritatem esse*.

QUARTO, illa particula, *ergo*, cum Apost. dicit, *Nihil ergo damnationis est, &c.* significat eam sententiam deduci ex superioribus verbis. In superioribus autem verbis non dixerat B. Paulus, Deū non imputare concupiscentiā, aut condonare eius reatū, sed ostenderat motus concupiscentiæ inuoluntarios non esse peccata, nec posse homini imputari. Id enim significat (vt supra diximus) illud ad Ro. 7. *Non enim quod volo bonum: hoc ago, sed quod odi malum illud facio: Si autem quod odi malum illud facio, iam non ego operor illud, sed quod habitat in me peccatum*. Nam si verè dici potest (vt sine dubio potest) de motu concupiscentiæ inuoluntario, non ego operor illum, profectò nobis imputari non potest eiusmodi motus, quippe cuius nos auctores non sumus, qui fit in nobis, sed non à nobis. Quod si motus ille nobis imputari nequit, multò minus (vt supra diximus) pronitas ad eum motum nobis imputari poterit. Quoniam igitur per Baptismum non solum habemus remissionem omnium peccatorū, sed etiam qua legi carnis fortiter ac strenuè resistamus; & idè concupiscentia in renatis non habet culpā, sed pænæ tantum & ægritudinis rationem: idè B. Paulus ait, *Nihil ergo damnationis est ijs, qui sunt in Christo Iesu*. Et subiungit rationem similem superiori: *Qui, inquit, non secundum carnem ambulant*.

Ex ijs reijcitur etiam responsio Illyrici, qui cū videret, quod Luth. Philippus, Calu. dixerant de reatu remisso, non satis esse firmum, addidit aliam responsionem in Apolog. pro Confess. Antwerp. c. 3. quod videlicet, Nihil damnationis sit ijs, qui sunt in Christo, non simpliciter, & per se, sed per accidens, accedente videlicet assidua petitione remissionis peccatorum, tum actualium, tum etiam ipsius concupiscentiæ. Quæ responsio Illyrici absurdissima est. Nam nec pro remiss. concupiscentiæ orare debent renati, vt S. Aug. disertis verbis docet li. 1. c. 13. contra duas epist. Pelagianor. in epist. 200. ad Asellicum, & in li. de perfectione iustitiæ; nec admitti sine impietate potest, quod Apostoli sententia non sit vera simpliciter & per se, sed tantum per accidens. Inde enim sequeretur, vt simpliciter & per se falsa esset.

Sed accedit præterea ratio illa quarta, quam attulimus contra Lutheri, Philippi, & Caluini explicationem. Nam quemadmodum Apost. illam conclusionem, *Nihil ergo damnationis, &c.* non deduxit ex eo, quod concupiscentia non imputetur, ita etiam non deduxit ex eo, quod petentibus remittatur, sed ex eo, quod resistente voluntate per gratiam Dei iustificata motibus concupiscentiæ, motus illi nostri non sint, nec nobis imputari possint.

QUARTUM argumentum principale, sumitur ab his testimonijs Scripturarum, quæ docent, per Baptismum fieri veram peccatorum remissionem, ita vt non solum condonetur debitum pænæ, sed etiam maculæ abluantur, purgentur, deleantur, tollantur, &c. Sed quoniam totum hoc argumentum fusè tra-

A ctauimus in 2. tomo de Sacramentis, lib. 1. de Baptismo, cap. 13. idè superuacaneum duximus hoc loco illud repetere.

CAPVT VIII.

Refellitur idem error ex testimonijs Ss. Patrum.

ACCEDANT secundo loco testimonia veterum Patrum, quæ ita in hac parte causæ nostræ fauent, vt id Caluinus fateri coactus fuerit. Sic enim scribit lib. 3. Instit. c. 3. §. 10. *Neque opus est multum inuestigando laborare, quid hic veteres sentiant, quando vnus Augustinus sufficere ad id potest, qui fideliter, magnaq; diligentia omnium sententias collegit. Ex illo igitur sumant Lectores, si quid de sensu antiquitatis habere certi volunt. Porro inter illum & nos hoc discrimen est, quod ipse quidem concupiscentiæ morbum peccatum vocare non audeat, sed ad illum designandum infirmitatis nomine contentus, tum demum fieri peccatum docet, ubi vel opus, vel consensus accedit. Nos autem illud ipsum pro peccato habemus, quando aliqua omnino cupiditate homo instillatur.*

Quia tamen Lutherus, Kemnit. & ipse etiam Caluinus ad errorem suum stabiliendum, Patrum testimonijs, ac potissimum S. August. non minus in hac controuersia, quam in cæteris abutuntur, operæ pretium esse duxi, aliquot Patrum, tum Græcorum, tum Latinorum testimonia producere.

Primus ex Græcis sit S. M E T H O D I V S, qui apud Epiphanium in hæresi Origenis, quæ est numero 64. docet concupiscentiam in nobis relictam esse ad agonem, vt per eam probemur, tanquam aurum in fornace. Constat autem in fornace nullo modo inquinari, sed purgari. Addit etiam motus concupiscentiæ fornicatus contra nos instare. Ex quo intelligimus, eos nobis imputari non posse, cum nostri non sint. Denique hortatur ad resistendum illis, ne fortè ob negligentiam capiamur. Quasi dicat, nos capi non posse, ac per hoc nec peccare nisi velimus: *Confidenter, inquit, ipsas (concupiscentias videlicet) depellere oportet. Quo enim admittamur in regnum cælorum, per omnes voluptates, ac tristitias probati, si non immutati fuerimus: sed ubique velut aurum incorruptum, per ignem examinati, à propria virtute ne discefferimus, contingit hoc, ut multus mens nostra infestetur. Et infra: Vides, inquit, quod cogitationes propter inhabitans in nobis peccatum, fornicatus nobis instans, velut canes rabiosi, aut feri, aut audaces latrones, contra nos semper instigati à tyranno, ac principe iniquitatis, probantes nos, an resistere ipsis possimus, & aciem contra instruere. Age igitur, o anima, fortiter resiste, ne fortè remittens capiaris.*

S. B A S I L I V S in lib. de virginitate, vltra medium: *Naturalis, inquit, appetitus ad gulositatem, aut scortationem corpus instillat. Et in libro constitutionum Monasticarum, cap. 2. copiosè de hoc argumento disserens, docet, omnes carnis affectus esse naturales, & si quando in ijs peccatur, totum esse ex negligentia animæ præsentis. Eundem carnis affectum comparat equo pingui, ac robusto, qui si fortè se sessorum deiciat, non ipse accusandus est, sed is, qui habenas regebat. Certè si affectus carnis sunt naturales, non erit peccatum illos habere: sed eos non regere, vt oportet, eisque cedere, atque succumbere. Dicuntur autem à sancto Basilio naturales, immoderati concupiscentiæ motus, non quod fuerint in natura nostra ante peccatum, vel quasi non sint pænâ peccati: sed quia futuri fuissent in natura nostra, nisi Deus eam supernaturali dono iustitiæ originalis ornasset. Et iam dono illo per peccatum amisso, natura nostra ad eum statum redierit, in quo futura fuisset, si in puris naturalibus condita esset.*

S. IOAN. CHRYSOSTOMVS homil. 19. ad populum

Antiochenum, ultra medium: Nisi consuetudinem, inquit, vincamus, quomodo concupiscentiam vincemus, cuius radix habet à natura principium? Concupiscere enim naturale, at malè concupiscere iam est voluntatis. Idem hom. 17. in Matth. Non simpliciter, inquit, dixit, qui concupuerit, sed qui viderit mulierem ad concupiscendum, id est, qui concupiscentiam sibi consciverit, quique nullo omnino cogente, quiescenti cogitationum seram subito immiserit. Hoc enim non iam natura est, sed propria desidia. Idem hom. 13. in epist. ad Rom. Ipsa, inquit, passionis in se peccatum non sunt, effluata vero ipsarum inmoderantia peccatum operata est. Et ut exempli gratia unam illarum tractem, concupiscentia quidem peccatum non est, quando verò egressa modum foras eruperit, tunc demum adulterium fit, non à concupiscentia, sed à nimio & illicito illius luxu. Illud autem nimium & illicitum luxum à voluntate habere, ut peccatum sit, docet idem Chrysostomus paulo post, exponens illud, Non quod volo bonum, hoc ago: Quicunque, inquit, culpa esse potest, ea omnis voluntatis est.

AVCTOR operis imperf. in Matth. exponens illa verba capitis 5. Qui viderit mulierem ad concupiscendum eam, hom. 12. apertè docet, præceptum, Non concupisces, non esse datum carni, sed animæ rationali, ac propterea sola carne concupiscere, ratione videlicet reluctante, nullum esse peccatum: Non mandat, inquit, carni, quæ mandat. Quis enim sapiens illi ponit præceptum, qui, celsi vult, non potest obaudire? sed animam alloquitur, & anima mandat, &c.

S. CYRILLVS lib. 4. in Ioan. c. 51. circa medium: Voluptas quadam, inquit, ante omne peccatum præcurrit, &c. Vide hunc locum supra citatum, c. superiore.

Ex Latinis, S. CYPR. (vel quicumque est auctor) in ser. de ablutione pedum: Sic, inquit, abluit, quos parentalis labes infecerat, ut nec actualis, nec originalis macula post ablutionem illam ulla sui vestigia derelinquat.

S. HILAR. in Psal. 118. exponens versiculum 29. Viam iniquitatis amoue à me, satis apertè distinguit concupiscentiam à peccato, eamque non peccatum, sed viam ad peccatum esse docet: Promptum, inquit, fuerat dicere, Iniquitatem amoue à me. Sed licet infirmitatis suæ conscius, cum meminerit in corpore suo viam esse peccandi, tamen per timorem Dei à peractione peccati omnis alienus est. Viam igitur peccati, quæ ad peccatum pergere promptum est, amoueri à se deprecatur, id est, omnia corporalium voluptatum desideria auferri, nec tentationem aliquam concupiscentiæ, aut ignorantie, quæ tanquam per viam ad peccatum iit, ingruere.

S. AMBROS. li. 1. de officijs, c. 21. Non mediocriter, inquit, est mitigare iracundiam, non inferius, quàm omnino non commoveri. Hoc nostrum est, natura illud. Illa denique commotiones in pueris innoxia sunt, quæ plus habent gratiæ, quàm amaritudinis. Idem in Psal. 4. exponens illud, Irascimini, & nolite peccare: Si irascimini, inquit, nolite peccare, sed vincite ratione iracundiam. Idem in lib. de Sacramento regenerationis, ut citat S. August. lib. 2. in Julian. Beata, inquit, mors, quæ nos peccato eripit, ut reformet Deo. Nunquid natura sine iustificatur à peccato aliquis? non utique, quoniam qui peccato moritur, in peccato manet; ille autem iustificatur à peccato, cui per Baptismum peccata remittuntur omnia. Errant igitur Lutherani, qui concupiscentiæ peccatum affirmant non posse tolli de medio, nisi per mortem.

S. HIERONYMVS in epist. ad Oceanum: Quomodo, inquit, iustificati sumus, & sanctificati, si peccatum aliquod in nobis relinquatur?

S. PROSPER li. 3. de vita contempl. c. 4. Peccatum perpetrare non possum, nisi male delectationi consentiam.

S. GREGOR. li. 9. epist. 39. ad Theothistam patriciam, multis argumentis probat, peccata omnia radicè

A in Baptismate extirpari: Si qui sunt, inquit, qui dicunt peccata in Baptismate superflue tenus dimitti, quid est hac prædicatione infidelibus, in qua ipsum fidei Sacramentum festinant solueret in qua principaliter ad cælestis mundicie mysterium animatur, ut absoluta radicibus a peccatis omnibus, solis illi inhaereat, de quo Psalmista ait, Mihi autem adhaerere Deo bonum est. Ecce intra: Totus mundus dici non potest, cui de peccato aliquid remansit. Sed nemo resistit voci veritatis, quæ ait, Qui lotus est, mundus est totus. Nihil ergo ei de peccati sui contagione remanet, quem totum facitur mundum ipse qui redemit.

S. BERNAR. in serm. de sex tribulationibus: Peccatum, inquit, in foribus est, nisi ipse aperias, non intrabit, appetitis in corde pruritis, sed nisi sponte cesseris, nihil nocebit, consensum cohibe, ne præualeant hæc, & immaculatus eris. Idem in serm. 56. in Cant. Cura, inquit, concupiscentiæ totis resistere viribus, ut non pertrahat in consensum, & omnis deinceps malignitatis machina evanescat. Nec est omnino quod sponsum prohibeas appropinquare tibi, præter solum parietem corporis.

Ultimo loco S. AVGVSTINVS accedat, quem præter ceteros patronum se habere iactant, Lutherus in assert. art. 2. Philippus in Apologia Confess. Augustanæ, & alij. Porro S. Augustinus non modo nullquam disertis verbis dicit concupiscentiam propriè esse peccatum, sed etiam contrarium affirmat in omnibus tomis operum suorum.

Tom. 1. li. 2. de Gen. contra Manichæos, c. 14. Aliquando, inquit, ratio viriliter etiam commotam cupiditatem reframat, atque compefcit. Quod cum fit, non labimur in peccatum sed cum aliquanta luctatione coronamur. Idem lib. 1. Retract. cap. 15. Hoc peccatum, de quo sic est loquutus Apostolus, idè peccatum vocatur, quia peccato factum est, & pœna peccati est. Quandoquidem de concupiscentia carnis dicitur.

Tom. 2. in epist. 200. ad Afellicum: Quamvis infus, dum sumus in corpore mortis huius, desideria peccati, si nulli eorum adhiberemus assensum, non esset unde diceremus Patris nostro qui est in cælis, Dimitte nobis debita nostra. Et Lutherus tamen in assert. art. 2. ex orat. Dominica ducit argumentum ad probandum concupiscentiam in renatis esse verè, proprièque peccatum.

Tom. 3. lib. 14. de Trinit. c. 17. Quemadmodum aliud est cavere febribus, aliud ab infirmitate, quæ febribus facta est, renascere. Itemque aliud est infixum telum de corpore demere, aliud vulnus quod coactum est, secunda curatione sanare: ita prima curatio est, causam removere languoris, quod per omnium fit indulgentiam peccatorum: secunda ipsum sanare languorem, quod fit paulatim proficiendo in renovatione huius imaginis. Quæ duo demonstrantur in Psalmo, ubi legitur: Qui propitius fit omnibus iniquitatibus tuis, quod fit in Baptismo. Deinde sequitur: Qui sanat omnes languores tuos, quod fit quotidianis accersibus, cum hæc imago renouatur.

Tom. 4. lib. de continentia, c. 7. Languorem istum culpa meruit, natura non habuit: quam sanè culpam per lavacrum regenerationis Dei gratia fidelibus iam remisit, sed sub eiusdem medici manibus, adhuc natura cum suo languore configit. Et infra: Propitius fit iniquitatibus, cum peccata dimittit, sanat languores, cum desideria prava compefcit: propitius fit iniquitatibus, dando indulgentiam; sanat languores, dando continentiam. Illud factum est in Baptismo confitentibus, hoc fit in agone certantibus.

Tom. 5. li. 1. de civ. Dei, c. 25. Illa concupiscentialis inobedientia quanto magis absque culpa est in corpore non consentientis, si absque culpa est in corpore dormientis? Item lib. 20. c. 26. Excepto uno mediatore, & post lavacrum regenerationis, quibusque adhuc parvulis, nemo mundus à forde, sicut scriptum est, nec infans, cuius est vita unus dici super terram. Comparat hoc loco sanctus Augustinus

paruulos recens natos cum ipſo Chriſto, quoad munditiã à ſorde peccati. Quæ ſanè comparatio impia eſſet, ſi in paruulis baptizatis adhuc eſſet, vt Lutherani volunt, ſordes vera peccati, quæ tamen eis non imputaretur, tamen imputari poſſet.

Tom. 6. in lib. de bono coniugali, c. 11. *Opus nuptiarum ab omni crimine defendit Apoſtolus dicendo: Eſi acceperis uxorem, non peccaſti.* At Lutherus in aſſertione ſecundi articuli, in vltimis verbis, contendit libidinem inuitabilem ſanctorum parentum, dum generant, verum eſſe peccatum.

Tom. 7. lib. 1. contra duas epiſt. Pelagian. c. 10. *Nulla ergo damnatio eſt iſ, qui ſunt in Chriſto teſt. Non enim damnatur, niſi qui concupiſcentiæ carnis conſentit ad malum.* Et c. 13. *Dicimus Baptiſma dare omnium indulgentiam peccatorum, & auferre crimina, non radere, nec vi omnium peccatorum radices in mala carne teneantur, quaſi raſorum in capite capillorum, unde creſcant iterum reſecanda peccata. Sed de iſta concupiſcentiæ carnis ſali eos credo, vel fallere, cum qua neceſſe eſt vi baptizatus, & hoc ſi diligentius proficiat, & ſpiritu Dei agatur, pia mente conſigat. Sed hæc etiamſi vocatur peccatum, non viſque quia peccatum eſt, ſed quia peccato facta eſt, ſic vocatur, ſicut ſcriptura manus cuiusque dicitur, quod manus eam fecerit.* Idem repetit lib. 1. de nuptijs & concupiſcentia, c. 23. & addit, poſſe etiam dici peccatum, quia eſt cauſa peccati: *Sicut ſingus, inquit, dicitur pigrum, quia faciunt homines pigros.* Item lib. 6. in Iulian, c. 5. *Omni peccato carent iuſtificati, ſed non omni malo.* Idem habet cap. 11. & lib. 2. de pecc. merit. & remiſſ. cap. 22.

Tom. 8. tract. in Pl. 50. *Opus hoc caſsum in coninge non habet culpam.* Et concione 3. in Pl. 118. iterum docet, petitionem illam, *Dimitte nobis debita neſtra*, non pertinere ad motus concupiſcentiæ inuoluntarios.

Tom. 9. tract. 41. in Ioan. *Nunquid quia deleta eſt tota iniquitas, nulla remanſit infirmitas?*

Tom. 10. ſer. 6. de verbis Apoſtoli: *Reſtat ergo cum carne conſiſtunt, quia deleta eſt iniquitas, ſed remanet infirmitas.* Vide etiam ſer. 5. & 12.

Ad hæc & ſimilia S. Aug. teſtimonia, varijs modis reſpondere conantur aduerſarij. Ac primùm Bucerus & Kemnitius dicunt S. Auguſtinum, vbi negat concupiſcentiam eſſe peccatum propriè dictum, non loqui ſecundum morem Scripturarum, ſed more vulgi, & politicè. Vulgò ſiquidem ex ſolùm actiones dicuntur peccata, quibus adeſt voluntatis aſſenſus.

At ſi ea in re vulgus errabat, quis credat S. Auguſtum cum vulgo errare voluiſſe? Deinde quis ſibi perſuadere poterit, S. Auguſtum non ſolùm in concionibus & epiſt. ſed etiam in libris maximè ſerijs, in quibus ex Scripturis diuinis Pelagianos reſellebat, vulgariter, & politicè contra Scripturarum veritatem loqui voluiſſe? Denique ſi vera eſſet iſtorum reſponſio, S. Aug. pernicioſo errore populũ decepiſſet. Docuit enim non eſſe orandũ pro remiſſione motuum concupiſcentiæ, niſi eis præbeatur aſſenſus. Pro qua tamen remiſſione orandum eſſet, ſi motus illi peccata eſſent, vt orari volunt Lutherus in aſſert. art. 2. Illyricus in Apolog. Confeſſ. Antuerp. cap. 3. & alij. Neque id excidit ſemel Auguſtino, ſed frequenter ab eo repetitum, & inculcatum legimus in epiſt. 100. ad Afellicum, lib. 2. de pecc. merit. & rem. c. 4. lib. 1. contra duas epiſt. Pelagianorum. c. 13. lib. de perfectione iuſtitie, & concione 3. in Plal. 118.

Altera reſponſio eſt eiſdem Kemnitij; apud Auguſtinum, peccatum dupliciter accipi, vno modo pro eo quod facit reum, alio modo pro eo quod non facit reum, tamenſi verum ſit peccatum, & vera iniquitas, atque huius generis poſterioris eſſe concupiſcentiam in renatis: ſed Auguſtinum loqui de priore ge-

nerere, cum negat concupiſcentiam eſſe peccatum.

At hæc diſtinctio omninò commentitia eſt, ſiquidem apud Auguſtum. *Omne verum peccatum facit reum.* Sic enim ipſe loquitur lib. 1. de nuptijs & concupiſc. c. 25. hoc eſt, non habere peccatum, reum non eſſe peccati. Et idem ipſe idem, peccatum ſublato reatu, dicit non eſſe peccatum, niſi tropicè, vt ſuprà citauimus ex lib. 1. de nuptijs & concupiſc. cap. 23. Et idem ipſe in Baptiſmo non ſolùm reatum, ſed etiam iniquitatem tolli dixit tract. 41. in Ioan.

TER TIA ſolutio Caluini eſt lib. 3. Inſt. c. 3. §. 12. & 13. S. Auguſt. aliquando timuiſſe inuidiam, quam illi conflare itudebant Pelagiani, quaſi doceret, per Baptiſmum non remitti omnia peccata, & idem abſtinuiſſe à nomine peccati, quando de concupiſcentia loquebatur: ſed poſtea proſtrato iam errore, & inuidia ſuperata, apertè vocallè concupiſcentiam peccatum, lib. 5. in Iulian. c. 3. & tract. 41. in Ioan. vbi ex propria ſententia loquitur.

At licet quidem fortallè ob metum inuidiæ, aliquando celare veritatem, ſed nunquam licet dicere falſitatem, præſertim in cauſa fidei, vt idem S. Aug. docet in lib. de mendacio. In teſtimonijs verò à nobis adductis, non ſolùm non appellatur concupiſcentia peccatum, ſed apertis verbis dicitur non eſſe peccatum, niſi improprie.

Præterea in illo tract. 41. in Ioan. vbi dicit Caluiniſ Auguſtinum loqui ſine timore inuidiæ, & ex propria mente, nonne apertiffimè dixit, concupiſcentiam in renatis reinquam, eſſe infirmitatem, non iniquitatem? *Nunquid, inquit, quia deleta eſt tota iniquitas, nulla remanſit infirmitas?* Ex quo intelligimus eum de peccato improprie loqui, cum in eodem tract. ſemel aut iterum concupiſcentiam vocat peccatum, vtentis verbis illis Apoſt. ad Rom. *Non regnet peccatum in veſtro mortali corpore.* Et illud ad Rom. 7. *Non ego operor illud, ſed quod habitat in me peccatum.*

Denique ſi S. Aug. in lib. 5. in Iulian. iam errorem proſtrauerat, & idem liberè loquebatur, multò magis proſtrauerat eundem errorem in lib. 6. & tamen in eo lib. c. 5. ſic ait: *Tu autem qui putas, quod ſi malum eſſet concupiſcentia, careret ea qui baptizatur, multum erras.* *Omni enim peccato caret, non omni malo.* Libri quoque 4. tract. poſteriores ſunt libris in Iulian. & tamen lib. 1. c. 15. apertiffimè ſcribitur, concupiſcentiam infirmitatem eſſe, non autem peccatum, niſi per metonymiam. Denique liber de perfect. iuſtitie poſterior eſt etiam libris Retractationum, & tamen in eo lib. extremo docet, aded non eſſe peccata motus concupiſcentiæ inuoluntarios, vt pro eorum remiſſione non ſit opus dicere, *Dimitte nobis debita neſtra.*

QUARTA ſolutio eſt Kemnitij pag. 484. vbi poſtquam allegauerat pro ſe locum Auguſtini ex lib. 5. in Iulian. c. 3. ſubjungit hæc verba: *Ita manifesta eſt retractatio ſeu explicatio eius quod antea inſinuat dixerat, reliquam concupiſcentiam non eſſe peccatum, ſed penam, & cauſam peccati.*

At hæc ſolutio reſellitur eſt iſs, quæ paulò ante ſunt dicta. Nam ſi S. Aug. lib. 5. in Iulian. c. 3. retractaſſet ſententiam illam, qua dixerat, concupiſcentiam non eſſe proprie peccatum, quomodo hoc idem iterum dixiſſet lib. 6. in Iulian. c. 5. & lib. 1. Retract. cap. 15. & in lib. de perfectione iuſtitie?

CAPVT IX.

Reſellitur idem error varijs rationibus.

VLTIMO loco rationes varias ad eundem errorem proſtigandum adferemus.

PRIMA ratio, Baptiſmus non liberat hominem à concupiſcentia,

concupifcentia, igitur vel concupifcentia non eft peccatum originis, vel Baptifmus non liberat hominem à peccato originis.

R E S P O N D E T, Lutherus in assert. art. 2. per Baptifmum remitti peccatum originis quoad reatum, non quoad actum. Sed hæcolutio explofa iam eft fuprà, cap. 7. **R E S P O N D E N T** alij, per Baptifmum non tolli quidem concupifcentiam, fed tamen tolli eius dominium. Id enim facit gratia, quæ per Baptifmum confertur, vt concupifcentia non dominetur.

At hæcolutio facile refutatur. Nam fi concupifcentia effet peccatum originis, non effet propter dominium, fed propter repugnantiã ad rationem, vel pronitatem ad repugnandum. Siquidem peccatum originis eft id, cum quo nascimur, & quod ab origine etiam infantes trahunt; nascimur autem cum pronitate ad repugnandum rationi, dominium autem in infantibus non inuenitur, fed pofttea accedit ex confensu voluntatis, & idèò actuale, non originale peccatum eft. Itaque Baptifmus etiamfi dominium tollat, non tamen peccatum originis tollit, fi concupifcentia eft peccatum originis.

Porro quod diximus, concupifcentiam non propter dominiam, fed propter repugnantiam, vel pronitatem effe peccatum originis, ex Auguft. manifefte colligitur. Nam lib. 6. in Iulian. c. 5. fic ait: *Tale porro ac tam magnum malum, tantum quia inest, quomodo non teneret in morte, & pertraheret in ultimam mortem, nisi & eius vinculum in illa, quæ fit in Baptifmo, remiffione peccatorum omnium folueretur?* Ibid. c. 8. Neque enim, inquit, nulla eft iniquitas, cum in vno homine vel fuperiora inferioribus turpiter feruunt, vel inferiora fuperioribus contumaciter reuclantur, etiamfi vincere non finantur. Vide etiam lib. 2. de peccato originali, c. 39. Quemadmodum autem intelligi debeat quod S. Auguftinus dicere videtur, concupifcentiam carnis effe peccatum originis, in folutione argumentorum explicabimus. Nunc folum demonstrare volumus, eorum fententiam non congruere cum doctrina S. Auguftini, qui dicunt, in Baptifmo remitti peccatum originis, quia tollitur concupifcentiæ dominatus.

S E C U N D A ratio, Concupifcentia eft effectus, & pœna peccati originalis, ergo non eft peccatum ipfum originale. Nam tamenli poffit vnum & idem, & peccatum effe, & pœna peccati, addo etiam & caufa peccati; tamen hoc fine dubio intelligendum eft per comparationem ad diuerfa. Neque enim intelligi poteft, vt res vna fit peccatum, & pœna, atque effectus eiusdem peccati, quia effet caufa & effectus fui ipfius, ac per hoc prior, & pofterior feipfa.

Effe autem concupifcentiam pœnam & effectum peccati originalis, probatur primò ex verbis illis Apoft. ad Rom. 1. *Per vnum hominem peccatum in hunc mundum intravit, per peccatum mors, & ita in omnes homines mors pertranfiit, in quo omnes peccauerunt.* Habemus enim ex hoc loco mortem effe pœnam, & effectum peccati originalis, mors autem eft pars corruptionis humanæ naturæ, altera verò pars eiusdem corruptionis eft concupifcentia cum ignorantia, & alijs eiusdem generis naturæ noftræ inflictis vulneribus. Igitur eadem ratio videtur effe mortis & concupifcentiæ. Quare ficut mors eft pœna & effectus peccati originalis, ita quoque & concupifcentia eft pœna & effectus eiusdem peccati originalis. Quod idem S. Aug. multis in locis non obfcure fignificat lib. 5. in Iulian. c. 3. *Concupifcentia, inquit, pœna peccati eft, quia reddita eft meritis inobedientis.* Lib. 1. Retract. c. 15. dicit hominem nafci implicatum reatu Adæ, & ob id pœnæ obnoxium, & per pœnam intelligit concupifcentiam, de qua ftatim fubjungit, eam per tropum vocari peccatũ, qui

A eft effectus peccati. Sed apertiffimè id habet S. Aug. lib. 4. de Trinit. c. 17. & lib. de continentia, c. 7. quæ funt à nobis citata c. fuperiore; vbi comparat peccatum originale febribus, concupifcentiam languori, qui remanet fanatis febribus: *Aliud eft, inquit, carere febribus, aliud ab infirmitate, quæ febribus facta eft, renouare.* Et infra: *Prima curatio eft caufam remouere languoris, quod per omnium fit indulgentiam peccatorum: fecunda, ipfum fanare languorem, quod fit paulatim proficiendo, &c.* Vides quàm apertè peccatũ, quod remittitur in Baptifmo, dicatur caufa languoris, id eft, concupifcentiæ remanentis. Non igitur ipfa concupifcentia poteft effe peccatum originale, nifi idem fit caufa fui.

T E R T I A ratio, Si homo non nafceretur ex Adamo, & tamen haberet concupifcentiã, quam nunc habet, non poffet in eo concupifcentia propriè vocari peccatũ, igitur concupifcentia non eft ex fe, & ex natura fua propriè peccatũ. Huius argumenti antecedens eft S. Aug. 1. 3. in Iulian. c. 12. vbi concedit S. Aug. Iuliano hominem non poffe iufte reprehendi, neq; effe reum vel peccatorem propter concupifcentiam, fi cum ea concupifcentia quam habet, non propagetur ex Adamo, fed creetur à diabolo, & præter Auguftini auctoritatem, res eft omninò explorata ac certa. Nam tunc concupifcentia res effet omninò naturalis, propter naturalia autem nemo iufte reprehendi poteft, vt fi quis cæcus nafcatur, aut fatuus. Quod fi concupifcentia non effet peccatum, fi naturalis effet, profectò non eft peccatum per fe & ex natura fua. Quod enim **C** ex natura fua peccatum eft, femper peccatum eft, & vndecunque tandem oriatur, fiue ab homine, fiue à diabolo, femper facit reum.

Q U A R T A ratio, Concupifcentia fi fumatur pro actu inuoluntario, id eft, pro primis concupifcentiæ motibus, quibus mens refiftit, nullum peccatum eft; igitur multò minus peccatum erit, fi fumatur pro ipfa pronitate ad actum. Confequentiam huius argumenti aduerfarij concedunt, quia pronitatem idèò peccatum effe volunt, quoniam exultant eam pugnare cum lege Dei. Certum autem eft, eam non pugnare cum lege Dei, fi eius actus cum eadem lege non pugnat. Probemus igitur antecedens, quod ipfi communi confensu negant. Concupifcentia in pueris, amentibus, & dormientibus, peccatum non eft, quia non eft in potestate eorum non concupifcere, vt docent S. Aug. lib. 10. Conf. c. 30. S. Profer lib. 3. de vita contemplatiua, c. 6. & S. Ambros. lib. 1. de officijs, c. 21. At non eft etiam in potestate virorum fapientium & vigilantium, non habere primos illos concupifcentiæ motus, vt experientia docet; igitur illi peccata non funt, & verè dixit B. Aug. lib. 1. de ciuit. Dei, c. 25. *Quanto magis concupifcentialis inobedientia abfque culpa eft in corpore non confentientis, fi abfque culpa eft in corpore dormientis?*

Preterea, lex Domini non folum non impoffibilis, fed etiam facilis, ac fuauius eft habentibus gratiam ipfius: Matth. 11. *Iugum meum fuaue eft, & onus meum leue.* 1. Cor. 10. *Fidelis Deus, qui non patietur vos tentari fuprà id quod poffitis.* 1. Ioan. 5. *Et mandata eius grauiã non funt.* S. Bafilius oratione in illud, *Attende tibi, non procul ab initio: Impium, inquit, eft dicere, impoffibilia effe fpiritus præcepta.* S. Hieronymus lib. 3. aduerfus Pelagianos, non longè à principio: *Deus, inquit, poffibilia mandauit, hoc nulli dubium eft.* S. Auguftinus lib. 2. de pecc. merit. & remiff. cap. 3. *Acuè, inquit, fibi videntur dicere, quafi noftrum hoc vultus ignores, quod fi nolimus non peccamus, nec præciperet Deus homini, quod effet humana impoffibile voluntas.* Cyrillus lib. 3. in Iulian. circa medium, fignificat impoffibile videri præceptum illud: *Si quis viderit mulierem ad concupifcen-*

dum, &c. fed continuo corrigit fe his verbis: *Sed non ita*, inquit, *fapere nos facit: nam per gratiam Dei adimpletur ab his, qui non fecundum carnem ambulant.* At impoffibile eft, nifi priuilegio fingulari Dei, etiam iuftis, & fanctis, non habere motus concupifcentia, repugnantes legi mentis, vt notum eft ex ipfo Apoftolo ad Rom. 7. & 2. ad Cor. 12. Igitur motus illi peccata non funt.

QUINTA ratio. Hæc aduerfariorum fententia iniuriam facit Chrifto, & eius meritis: nam fi concupifcentia eft verum peccatum, & femper manet in homine, quantumuis iuftificato, certè fequitur, vt Chriftus nos non verè, fed imputatiuè tantùm à peccatis redemerit, ac liberauerit, & fit diabolus Chrifto potentior, cum ille verè potuerit inquinare, ifte non potuerit verè mundare. Vnde etiam falſa erunt testimonia illa Scripturarum, Ioan. 8. *Si vos filius liberaueris, verè liberi eritis.* Et ad Ro. 8. *Sicut per vnius inobedientiam peccatores conſtituti funt multi, ita per vnius obedientiam iuſti conſtituentur multi.* Nam qui adhuc funt in peccato, nec verè liberati dici poſſunt, nec verè funt iuſti conſtituti per Chrifti obedientiam, ſicut verè, & non imputatiuè tantùm, iniuſti funt conſtituti per Adami inobedientiam. Sed de his plura ſuo loco in diſputatione de iuſtificatione.

SEXTA ratio eſſe poſſet, quia ſententia aduerſariorum ſe ipſam deſtruit, cū fieri nequeat, vt qui verè funt iniqui & peccatores, manente in illis videlicet perpetua legis diuinæ inobedientia, non ſint rei diuinæ indignationis & odij. Sed hanc rationem ſupra c. 7. ſatis fuſè perſequuti ſumus. His igitur omiſſis, ad argumenta aduerſariorum diluenda accedamus.

C A P V T X.

Soluuntur argumenta aduerſariorum, deprompta ex cap. 6. 7. & 8. ad Rom.

MULTA ſunt argumenta, quæ aduerſarij Catholicis obijcere ſolent. Vt igitur à Scripturæ ſacræ testimonijs ordiamur. Primum, ac præcipuum argumentum ſumunt Lutherus, Calvinus, Philip-
pus, Kemnitius, & alij, ex cap. 6. 7. & 8. epiſt. ad Rom. Sed quia ſunt in his capitulis multæ ſententiæ explicandæ, proponemus ſeorſum obijectiones, quæ ex his testimonijs colliguntur.

PRIMA obiectio, *Non regnet peccatum in veſtro mortali corpore*, Rom. 6. Non ait Apoſt. Non ſit peccatum in veſtro mortali corpore, ſed, *non regnet*, vt notaui etiam S. Aug. tract. 41. in Ioan. Igitur ſemper eſt in nobis peccatum, licet non ſemper regnet. Loquitur autem Apoſt. de concupifcentia, vt patet ex ſequentibus. *Ad obediendum concupifcentijs eius*: concupifcentia igitur ſemper in nobis eſt, & ſemper peccatum eſt.

RESPONDEO, tum hoc loco, tum in ſeq. cap. ſæpius concupifcentiam appellari peccatum improprie, per figuram metonymiæ, quod ſit cauſa peccati, ſi ei obediatur. Sed contrà, exclamat Lutherus in affirm. art. 2. non licere ipſis Angelis, ne dum hominibus, verba Dei pro arbitrio interpretari, vt quod illa peccatum appellant, nos defectum, & non proprie peccatum eſſe dicamus. Nam ſi ita liceat pro arbitrio verba Dei exponere, vbique poterimus nomen peccati per defectum interpretari, & dicere, adulterium non eſſe adulterium, furtum non eſſe furtum, & de cæteris eodem modo.

At fruſtrà Lutherus ita vociferatur. Nullus enim eſt, qui maiori licentia Scripturas peruertat, quàm ipſe faciat. Scripturæ ſiquidem paſſim affirmant peccata per Chriftum tolli, Iſa. 53. *Ipe peccata multorum tollet*. Ioan. 1. *Ecce agnus Dei, ecce qui tollis peccata mundi*. Rom. 11. *Cum abſtuleris peccata eorum*. Et Lutherus ta-

men in aſſertione eiufdem ſecundi articuli, diſertis verbis dicit, nullum peccatum tolli, ſed tantùm remitti, id eſt, non imputari. Ipſe igitur verè facit, quod ne Angelis quidem licet.

Nos autem non negamus, concupifcentiam dici peccatum, vt Apoſt. eam vocat, ſed negamus dici peccatum proprie, quod nec Apoſt. dixit. Et præterea, colligimus explicationem noſtram euidenter ex Scripturis. Nam Scripturæ teſtantur vocem *peccati*, eſſe ambiguam, & nunc accipi pro culpa, nunc pro pœna, quæ eſt culpæ effectus, nunc etiam pro cauſa peccati, nunc deniq; pro ſacrificio, quod eſt peccati expiatio. Deut. 9. *Peccatum veſtrum, quod feceratis, id eſt, vitulum, igne combuſti, & in ſiſta comminuens, in puluerem redegit*. Vbi maniſeſtiſſimè vitulus dicitur peccatum, quia effectus & cauſa peccati fuit. Zachariæ ult. loquens Deus de plagis Aegypti: *Hoc cru*, inquit, *peccatum Aegypti*, id eſt, pœna peccati. Thren. 4. *Completa eſt iniquitas tua, filia Sion, non addet vltimà Dominus, vt tranſgredietur te*. Vbi etiam iniquitas pro pœna iniquitatis accipitur. Rom. 7. *Lex peccatum eſt? abſit*. Hic omnium conſenſu, peccatum accipitur pro cauſa peccati. Quemadmodum paulò intra eadem lex dicitur mors, id eſt, cauſa mortis, 2. Cor. 5. Chriſtus vocatur peccatum, quia ſacrificium fuit pro peccato. Vt etiam Oſeæ 4. dicuntur Sacerdotes comedere peccata populi, quia comedunt oblationes pro expiatione peccati. Itaque certum eſt ex Scripturis, vocem peccati non ſemper accipi pro culpa, id eſt, pro peccato proprie dicto.

Rurſus ex Scripturis conſtat, peccata proprie dicta verè tolli in iuſtificatione, vt ex locis paulo ante adductis perſpicuum eſt, nec minus conſtat ex Scripturis, concupifcentiam in iuſtificatione non tolli, cū Apoſt. iuſtificatus de ſe dicat, Rom. 7. *Sentio aliam legem in membris meis, &c.* Igitur ex Scripturis conſtat Scripturas, quæ concupifcentiam peccatum appellant, exponendas eſſe de peccato improprie, id eſt, de cauſa, vel effectu peccati.

Id ipſum confirmari poteſt ex eodem loco Apoſtoli. Siquidem teſtatur Apoſtolus hoc peccatum eſſe in corpore, non in mente. Ait enim: *Non regnet peccatum in veſtro mortali corpore*. Et cap. 7. *Non habitat in me, id eſt, in carne mea, bonum*. At peccatum proprie dictum, non poteſt eſſe in corpore, ſed in mente. Peccatum enim eſt iniuſtitia, & ibi ſolùm locum habere poteſt vera iniuſtitia, vbi locum habere ſolet vera iuſtitia. Quis autem iuſtitiam veram, proprieq; dictam, in membris carnis vnquam poſuit? Igitur Apoſtolus, cū dicit concupifcentiam eſſe peccatum, ſed habitare in carne, non in mente, aperte ſignificauit, eam non proprie, ſed figuratè eſſe peccatum. Accedat auctoritas S. Auguſtini, qui (vt citauimus cap. 8.) multis in locis ſcripſit, concupifcentiam ab Apoſtolo appellari peccatum, quia eſt effectus, vel cauſa peccati. Quæ etiam ſententia eſt Concilij Tridentini, ſeſſ. 5. cuius Concilij auctoritas vel ſola Catholicis ſufficeret.

Porro argumentatio illa Lutheri, ſi hoc loco peccatum non accipitur proprie, poſſe vbique non accipi proprie, ineptiſſima eſt: nam ex particulari propoſitione non colligitur propoſitio vniuerſalis, quamuis contrà ex vniuerſali rectè colligatur particularis; quoniam particularis in vniuerſali continetur, non contrà. Itaque ſi quis oſtenderet, peccatum vbique in Scripturis accipi proprie, rectiſſimè colligeret, hoc etiam loco accipi proprie: Sed ex eo, quòd in hoc particulari loco certis de cauſis peccatum accipitur improprie, non efficit vt vbique accipiat improprie.

Sed opportunè Kemnitius in Exam. Concilij Trid. ſeſſ. 5. pag. 476. Luthero ſuppetias ferens, dicit, nulum eſſe meliorem interpretem verborum Pauli, ipſo Paulo. Deinde ex ipſo Paulo probat vocem, *Peccatum*, accipi debere propriè hoc loco: Primò, quia Paulus concupiſcentiam vocat non bonum. 2. Quia vocat malum. 3. Quia illud malum deſcribit priuatiuè per illud, *Perficere bonum non inuenio*. 4. Quia idem malum deſcribit poſitiuè per illud, *Quod odi malum, illud facio*. 5. Quia dicit, concupiſcentiam pugnare cum præcepto, *Non concupiſces*. 6. Quia dicit, illud malum eſſe cruciſigendum, mortificandum, deſtruendum. 7. Quia propter hoc malum exclamat, *Mifer ego homo, &c.* **R E S P O N D E O**, concupiſcentia quamuis non ſit propriè peccatum, tamen eſt corruptio quædam incitans ad malum, & idè rectè dicitur non bonum, & malum, & malum priuatiuum, & poſitiuum, & cruciſigendum, ac deſtruendum. Quomodo autem pugnet cum lege, & miſerum faciat, paulò poſt explicabitur.

S E C V N D A objectio, ad Ro. 7. *Peccatum non cognoui, niſi per legem. Nam concupiſcentiam nesciebam, niſi lex diceret, Non concupiſces*. Hic Apoſt. apertè concupiſcentiam teſtatur eſſe peccatum. Nam primò dicit ſe cognouiſſe peccatum per legem, & poſtea declarat, peccatum illud eſſe concupiſcentiam, & legem, per quam illud cognouit, dicit eſſe præceptum, *Non concupiſces*. Neque poteſt hoc loco accommodari diſtinctio de peccato propriè, vel impropriè dicto. Nam concupiſcentia idè dicitur eſſe peccatum, quia eſt præuaticatio diuinæ legis, *Non concupiſces*. **R E S P O N D E O**, peccatum hoc loco propriè accipi, id eſt, pro vera legis præuaticatione: ſed concupiſcentiam non accipi pro fomite, ſed pro actu voluntario concupiſcendi, qui prohibitus eſt lege, *Non concupiſces*. Id ita eſſe perſpicuum eſt, tum ex contextu Apoſt. qui cum dixiſſet legem non eſſe peccatū, id eſt, cauſam peccati, ſed eſſe cauſam cognitionis peccati; probauit ex eo, quod non cognoſcebant homines actus interiores, vt deſiderium vxoris, vel rei alienæ, eſſe peccata, niſi lex dixiſſet, *Non concupiſces*. Tum etiam ex loco illo Euang. Matth. 5. *Diſtum eſt antiquis, Non inachaberru: Ego autem dico vobis, quia omnis qui viderit mulierem ad concupiſcendum eam, &c.* Dominus enim hæc dixit contra peruerſas Phariſæorum opiniones, qui adhuc docebant, flagitia interna non eſſe peccata. Quod etiam patet ex Joſepho lib. 12. Antiquit. cap. 13. qui ſcribit, motum internum non eſſe peccatum, niſi exterius ſe prodatur. Item ex Dauid Kimhi in Pſal. 66. v. 17. vbi ſic exponit illud: *Iniquitatem ſi aſpexi in corde meo, non audiet Dominus*, id eſt, non imputabit ad peccatum deſiderium iniuſtum, ſi tantum ſit in corde. Itaque Dominus ignorantiam illam quæ regnauerat ante legem, & rursus per Phariſæos inducta fuerat, deſtruere voluit, cum ait, *Omnis qui viderit mulierem, &c.* & non ſine cauſa addidit, *in corde ſuo*, quia non concupiſcentia carnis, ſed cordis, id eſt, voluntaria, prohibita eſt lege, *Non concupiſces*. De eadem ignorantia loquitur Apoſt. cum ait: *Concupiſcentiam nesciebam, niſi lex diceret, Non concupiſces*. Itaque hoc B. Pauli teſtimonium, cum de peccato actuâli intelligatur, nihil iuuat cauſam aduerſariorum.

Vnum obijci poſſet contra noſtram hanc ſolutionem, quod videlicet admittamus in eodem cap. frequentes æquiuocationes in voce, peccati. Sed hoc non eſt vitium, ſed ornamentum, cum æquiuocatio non obſcurat ſententiam. Et certè cogit nos euidetia rei, vt ſic exponamus. Nam cum Apoſtolus dicit: *Quid ergo dicemus, lex peccatum eſt? abſit. Sed peccatum non cognoui, niſi per legem*. Et mox: *Peccatum per manda-*

A *tum operatum eſt in me omnem concupiſcentiam*: dubitari non poteſt, quin Primo loco peccatum accipiat pro cauſa peccati, alioqui ineptè quæreretur, an lex peccatum eſſet: Secundo loco, pro peccato propriè dicto, quod repugnat legi: Tercio loco, pro fomite, qui operatur omnem concupiſcentiam. Vbi videtur Apoſtolus explicare, cur fomitem appellauerit peccatum, quia videlicet efficit peccatum, cum operetur in nobis concupiſcentiam, eamque voluntariam, abſtrahendo, & alliciendo, vt beatus Iacobus in epiſtola ſua ſcribit.

T E R T I A objectio: *Scio enim quia lex ſpiritalis eſt, ego autem carnalis ſum, venundatus ſub peccato*, Rom. 7. Hoc loco B. Paulus fatetur ſe non ſeruare legem, quia illa ſpiritalis eſt, ipſe verò carnalis, & non loquitur de lege prohibente actiones voluntarias; hanc enim legem Apoſtolus ſeruare ſe dicit, cum ait, *Quod odi facio, & mente ſeruo legi Dei*. Igitur loquitur de lege prohibente concupiſcentiam ipſam nobis inſitam ex peccato Adæ, ac per hoc concupiſcentia illa repugnat legi, & verè proprièque peccatum eſt.

R E S P O N D E O, duas eſſe huius loci expoſitiones, & ſecundum vtrumq; rectè argumentum ſolui poſſe. Prior expoſitio eſt Chryſoſtomi, Theophylacti, Ambroſij, & aliorum in hunc locum, & Auguſt. l. 1. ad Simplicianum, q. 1. qui exiſtimant Apoſtolum non loqui de ſe, ſuiq; ſimilibus, iuſtis, ſed induiſſe perſonam hominum impiorum, qui non ſolùm fomitem habent, ſed etiam ab ipſo fomite vincuntur, & pertrahuntur in varia flagitia, qui rectè dicuntur venundati ſub peccato, quia nondum redempti ſunt per applicationem ſanguinis Chriſti, quæ fit per fidem & Sacramenta. Et ſecundum hanc expoſitionem, argumentum aduerſariorum nullas vires habet. Quod verò dicit Apoſtolus, *Quod odi facio, &, Mente ſeruo legi Dei*, quæ videntur non conuenire hominibus nondum iuſtificatis, intelligenda ſunt de lumine rationis, & quodam appetitu boni, qui ſaltem in genere nulli homini deſt. Nam etiam perditiffimi, quippe norunt, malum eſſe furtum, homicidium, adulterium, & in alijs, hæc ipſa ſcelera deteſtantur: *Videō, inquit ille, meliora, proboque, deteriora ſequor*. Poſterior expoſitio eſt S. Auguſtini, in omnibus ferè libris contra Pelagianos, qui etiam illam priori præfert lib. 2. Retract. cap. 1. & de prædeſt. Sanctorum, cap. 4. Item Primatiſij, Anſelmi, Thomæ, & aliorum in hunc locum. Quæ expoſitio poſterior nobis etiam magis probatur, præfertim quia B. Paulus ex ijs quæ dixerat in ſeptimo cap. *Condelector legi Dei ſecundum interiorem hominem, &c.* & non ego operor illud, &, *mente ſeruo legi Dei, & ſimilibus*, deducit illam conſuſionem initio cap. 8. *Nihil ergo damnationis eſt his, qui ſunt in Chriſto liſi, qui non ſecundum carnem ambulant, &c.* Quæ conſuſio manifeſtè indicat, Apoſtolum in capite ſeptimo, de ſe & cæteris per Chriſtum renatis, eſſe loquutum. Secundum hanc expoſitionem dicendum eſt, B. Paulum non velle ſignificare, legem ſpiritualem non ſeruari à iuſtificatis, quatenus opus eſt ad vitandum peccatum, ſed non ſeruari quantum ad quandam perfectionem, quæ eſt finis præcepti, ac propterea propriè non eſt in præcepto.

E Sciendum eſt enim in præceptis interdum ſignificari ſolū media ad aliquem finem, vt cum dicitur, pugna cōtra hoſtes, fac medicinam ægroto. Hæc enim ſunt media, illud ad victoriā, iſtud ad ſanitatē. Interdum autem ſignificari ſimul finē & media, vt ſi quis dicat, vince hoſtes, ſana ægroto. Hic enim non ſolū imperantur pugna & curatio, quæ ſunt media, ſed etiam indicatur finis, victoria, & ſanitas. Cæterū obligatio præcepti propriè in medijs, quæ imperantur, conſiſtit,

non fine: & præuicator eſt, qui media negligit, non qui finem non aſſequitur. Neque enim peccat, cui dicitur, vince hoſtes, ſi non vincat, modò viriliter pugnet: neque iſ peccat, cui dictum eſt, ſana ægrotum, etiam ſi ſanare non poſſit, modò curet appoſitè ad ſanandum. Finis enim in præcepto indicari poteſt, propriè imperari non poteſt.

Præceptum igitur, *Non concupiſces*, eius generis eſt, vt ſimul media, & finem comprehendat. Media ſunt reſiſtere concupiſcētijs, eiſq; nunquā aſſentiri, nunquā cedere, atq; hæc ita obligant, vt qui non fecerit, cōtinuò reus exiſtat: finis eſt funditus cōcupiſcentias extirpare, atque id efficere, vt nullus in carne motus oriatur cōtra rationem. Hunc autē finem lex proponit, vt intelligamus quo ſit nobis Deo iuuante tendendum, non vt reiſimus, ſi id non faciamus, quod facere in noſtra poteſtate non eſt, & quod ad felicitatem futuræ vitæ, non ad obligationem præſentis pertinet. Sic enim S. Aug. docet in epiſt. 200. ad Aſellicum: *Hoc, inquit, lex poſuit dicendo, Non concupiſces, non quod hic valeamus, ſed ad quod proficiendo tendamus.* Et lib. 1. de nuptijs & concupiſcentia, c. 29. *Multum, inquit, boni facit, qui facit quod ſcriptum eſt, poſt concupiſcentias tuas non eas: ſed non perficit, quia non implet quod ſcriptum eſt, Non concupiſces. Ad hoc ergo dixit lex, Non concupiſces, vt nos in hoc morbo ſacere intelligentes, medicinam gratia quereremus, & in eo præcepto ſcremus, & quò debeamus in hac mortalitate conari, & quò poſſit à nobis illa beatiſſima immortalitate perueniri.*

Ait igitur B. Paulus: *Scimus quia lex ſpiritalis eſt*: quia videlicet vt ſpirituales homines facit, & ſpirituales omninò requirit, vt perfectè, etiam quoad ſibi, obſeruetur: *Ego autem carnalis ſum, quia nondum ſpirituale corpus habeo*, inquit Aug. lib. 1. contra duas epiſt. Pelagianorum, c. 10. Non enim carnalem ſe vocat Apoſt. quod ſecundum carnem ambulet: nam id paulò infrà apertè negat, ſed quod non ſit totus ſpiritalis, qualis poſt reſurrectionem erit. Neque enim abſurdum eſt, vt ſit in illa vita etiam caro ſpiritalis, ſi potuit eſſe in hac vita in his, qui adhuc carnalia ſapiunt, etiam ſpiritus ille carnalis: *Venundatus ſub peccato*, non quia Chriſti ſanguine redemptus non ſim, ſed quia (vt ad Ro. 8. idem Apoſt. dicit) *Et nos primitias ſpiritus habentes intra nos ingemſcimus adoptionem expectantes, redemptionem corporis noſtri.* Itaque venundatus erat Apoſtolus cum cæteris in præuicatione primi peccati, & quoniam redemptus erat quoad animam primitias ſpiritus habens, expectabat autem redemptionem corporis ſui, idè concupiſcentias ſentiebat, ſed non conſentiebat, & propterea adiungit: *Quod enim operor non inteſtigo*, id eſt, non ſcio, non approbo, vel prius id ſit, quàm ratio in conſilium auocetur, & idè me ignorante, & non conſentiente ſit: *Non enim quod volo bonum, hoc ago, ſed quod odi malum, illud facio. Vbi ſacere ſe dixit* (inquit Auguſtinus loco citato) *non affectu conſentiendi & implendi, ſed ipſo motu concupiſcendi.*

Quare B. Apoſtolus legem ſpiritualem, *Non concupiſces*, non omninò perficiebat, qua parte adhuc carnalis erat; nec tamen peccabat, quia lex non obligat ad non ſentiendum carnis motus, ſed ad non conſentiendum eiſ, vt ſuprà diximus, cùm hoc ſit medium, illud finis. Atque hæc dicta ſunt ad mentem S. Auguſtini, qui præcepto, *Non concupiſces*, intelligit prohiberi aliquo modo motus omnes concupiſcentiæ, etiam inuoluntarios; aſſenſum verò his motibus prohiberi docet illo alio præcepto: *Poſt concupiſcentias tuas non eas*, Eccleſ. 18.

Cæterum probabile etiam eſt quod alij docent, præcepto, *Non concupiſces*, non prohiberi vſo modo mo-

tuſ inuoluntarios, ſed aſſenſum tantum, & hoc præcepto cōtineri ſolùm media, non autem finem. Quod probatur primò, quoniam ab Apoſt. hæc vocatur lex inentis, Ro. 7. quia non carni, ſed menti data eſt. Secundò quia hoc præceptum habetur in Exo. c. 20. in Deut. c. 5. & Matth. 5. cum alijs præceptis Decalogi, *Non occides, Non machaberis, &c.* quæ intelliguntur omnia de actionibus liberis, planeque voluntarijs. Porro illud, *Poſt concupiſcentias tuas non eas*, intelligi cominodè poteſt de opere externo, quo concupiſcentiæ ſatiantur. Vnde mox ſequitur: *Si enim præſteris animæ tuæ concupiſcentias ſuas, faciet te in gaudium inimicus tuus.* Iuxta hanc expoſitionem præcepti, *Non concupiſces*, dicendum eſt, Apoſtolum, cùm ait, *Lex ſpiritalis eſt, ego autem carnalis ſum*, non ſignificare, non perfici legem à ſe, ſed cauſam peccati non eſſe legem, quæ ſpiritalis eſt, ſed carnis noſtræ corruptionem, quæ pullulat praua deſideria, etiam reluctantè ratione. Dixerat enim paulò ante: *Itaque lex quidem ſancta, & mandatum ſanctum, & iuſtum, & bonum: quod ergo bonum eſt, mihi factum eſt mors? abſit, ſed peccatum, vt appareat peccatum, per bonum operatum eſt mihi mortem, vt fiat ſupramodum peccans peccatum per mandatum.* Et continuò, vt hoc probaret, adiungit: *Scimus enim quod lex ſpiritalis eſt, ego autem carnalis ſum, &c.* hoc eſt, lex non potuit mihi mortem operari, quia ſpiritalis eſt, ſed radix peccati in me eſt, qui adhuc carnalis ſum, venundatus ſub peccato, quoad corpus. Vnde etiam me ignorante, vel inuito oriuntur in carne mea motus concupiſcentiæ, qui allicere conantur ad aſſenſum. Ex his objectiones reliquæ facili negotio diluentur.

QVARTA obiectio, Rom. 7. *Si quod nolo, facio, conſentio legi, quia bona eſt.* Si mens Pauli conſentiebat legi, certè idem volebant lex Domini, & mens Pauli: ſed mens Pauli nolebat ſentire motus concupiſcentiæ (vt patet) quia inuitus eos ſentiebat; igitur ex lege Domini nolebat eos motus exiſtere, igitur motus illi, quamuis inuoluntarij, repugnabant legi, ac proinde peccatum erant. Vnde S. Auguſt. ſer. 5. de verbis Apoſtoli: *Quid, inquit, dicis, o lex? Non concupiſces, & ego nolo concupiſcere, non implet legem infirmitas mea, ſed legem laudat voluntas mea.* RESPONDEO, Si præceptum, *Non concupiſces*, extendamus cum Auguſtino ad motus inuoluntarios, fateamur eos motus repugnare legi, ſed negamus eſſe peccata, quia repugnant legi vt indicanti finem, non vt imperanti media, vt ſuprà explicatum eſt. Sin autem præceptum illud reſtringamus ad motus tantum voluntarios, reſpondemus ad argumentum, conſenſum Pauli cum lege, non conſiſtere in eo quod rem eandem velint, aut nolint Paulus & lex, ſed quod Paulus velit, aut nolit id quod lex iubet eum velle, aut nolle. Itaque conſenſum Pauli cum lege in eo poſitum eſſe, quod lex iubeat eum reſiſtere concupiſcentiæ, & Paulus velit concupiſcentiæ reſiſtere, ac reſiſtat. Quare ſenſus verborum Pauli hic erit, Si quod nolo, facio, conſentio legi, quia bona eſt; hoc eſt, ſi inuitus concupiſco, non repugno legi, ſed ei conſentio: ipſa enim vult, vt ego nolum concupiſcere, & ego nolo concupiſcere, & cùm concupiſco, id ſit præter & contra voluntatem meam. Poſſet etiam facilius dici, legem nolle concupiſcentiam vt obiectum, & ſimiliter mentem Pauli nolle eandem ſimiliter, vt obiectum. Quemadmodum ſi quis hominem caſu, atq; omninò præter intentionem occideret, iſ verè dicere poſſet: *quod nolui feci*; & idè conſentio legi, quæ ait, *Non occides*, quia bona eſt, nec tamen ex his verbis colligi deberet præceptum, *Non occides*, extendi ad homicidium omninò inuoluntarium, & reum eſſe, qui præ-

præter intentionem occiderit. Cedes enim inuoluntaria non est contra legem, nisi materialiter.

Quinta obiectio, Ro. 7. *Inuenio igitur legem, volenti mihi facere bonum, quoniam malum mihi adiacet.* Ex hoc loco ducit argumentum Calvinus. Videtur enim Apostolus dicere, velle se legem seruare, & ita bonum facere, sed non posse, propter malum adiacens, id est, concupiscentiam repugnantem legi.

Respondeo, locus hic sine dubio ita obscurus est, ut multi interpretes existiment aliquid deesse, & alius alio modo defectum refarcire studeat. Sed B. Aug. lib. 1. contra duas epistolas Pelagianorum, c. 10. satis commodum sensum indicauit, & in quo nihil subintelligi debeat. Vult enim illud, *bonum*, coniungi cum, *lege*, non cum verbo, *facere*, ut hic sit sensus, Inuenio, igitur legem bonum quoddam esse mihi volenti facere, id est, volenti bene operari, & secundum legem viuere: ideo autem legem inuenio esse quoddam bonum, quoniam malum concupiscentiæ adiacet mihi. Deum enim ab vna parte malum adiacens incitat ad peccatum, ab altera lex Domini bona retrahit à peccato. Itaque non potest ex hoc loco effici, non posse legem seruari, aut concupiscentiam inuoluntariam esse peccatum.

Sexta obiectio: *Videō aliam legem in membris meis repugnantem legi mentis meæ, & captiuantem me in lege peccati.* Ro. 7. Hoc loco videmus concupiscentiam repugnare legi, & captiuare, id est, seruum peccati facere, ac per hoc sine dubio esse peccatum.

Respondeo, non omne quod repugnat legi peccatum est, quamuis omne peccatum legi repugnet. Peccatum enim repugnat legi priuatiue, quia est actio recedens à sua regula, cum posset, & deberet cū sua regula congruere, multa vero legibus repugnare, quæ peccata non sunt, extra controuersiam est. Repugnat enim legi homo, qui peccat, & tamen homo non est peccatum proprie, nisi cum Illyrico delirare velimus. Item repugnat legi iustæ lex iniusta, interdum etiam lex vnius Principis legi alterius contraria est, cum tamen neutra videatur iniusta. Potest quoque lex iniusta legi item iniustæ repugnare. Nec tamen lex peccatū proprie dici potest, sicut nec virtus.

Iam igitur concupiscentia repugnat legi mentis, non ut actio recedens à regula, cum posset, & deberet regulæ congruere; sed repugnat ut lex contraria impellens ad malum; quomodo etiā legi repugnat diabolus, & quicquid incitat ad legis transgressionem. Itaque hoc ipso, quod Apostolus concupiscentiam vocat legem membrorum, significat eam non esse proprie peccatum.

Apposite autem legis nomine concupiscentia appellata est, quia lex nihil est aliud, nisi regula actionum. Et quemadmodum mentis est regula bonæ actionis, quam si sequare, bene ages: ita concupiscentia regula est peccandi, quam si sequare, omnino peccabis. Illud autem, *captiuantem me in lege peccati*, recte exponit S. Aug. li. 1. de nuptiis & concupiscentia, c. 30. ubi docet, concupiscentiam dici captiuantem, id est, captiuare conantem, vel captiuantem secundum carnem, non secundum mentem; ut supra dictum est de illis vocibus, ego autem carnalis, venundatus sub peccato.

Septima obiectio, Rom. 7. *Infelix ego homo, quis me liberabit de corpore mortis huius?* Hoc etiam est Calvinus argumentum, colligit, concupiscentiam esse peccatum, quia miseros facit homines.

Respondeo, Infelicitas & miseria in Scripturis ut plurimum pænæ potius tribuitur, quam culpæ: ut Prouerb. 14. *Miseros facit populos peccatum.* Et Psal. 11. *Propter miseriam inopum, & gemitum pauperum, nunc*

exigam, dicit Dominus. Kemnitius (ut in 1. obiectione diximus) ex hoc loco probat, concupiscentiam esse peccatum proprie dictum; & rationem reddit, quia Paulus hoc dicens agnoscit, malum illud esse per se dignum morte æterna. Sed ineptissima ratio est, cum Apostolus de corpore morali, & passionibus obnoxio liberari cupiat, de morte vero æterna ne verbum quidem dicat. Nam quod in sequenti capite additur: *Nihil ergo damnationis*, & ibidem explicatur cur dictum sit, nimirum, quia renati non secundum carnem ambulant; non autem quia concupiscentia quamuis peccatum, non imputetur.

Octaua obiectio, Rom. 7. *Velle adiacet mihi, perficere autem bonum non inuenio.* At qui non perficit bonum, sine dubio peccat. Et hoc argumentum Calvinus est.

Respondeo, ut quis peccet non faciendo aliquid, requiritur, ut debeat, & possit illud facere. Nam si quis debeat, & non possit, miser est, non peccator: si possit & non debeat, minus bonus est, non tamen malus. Id autem de quo agimus, id est, carne non concupiscere, non est in nostra potestate, & ideo velle adiacet nobis, perficere bonum nunquam concupiscendi non inuenimus. Et ideo concludit Apostolus. *Infelix ego homo*, &c. Hinc S. August. lib. 1. contra duas epistolas Pelagianorum, ca. 10. *Hoc est, inquit, perficere bonum, ut nec concupiscat homo.*

Nona obiectio, Rom. 8. *Sapientia carnis inimica est Deo.* Vel, ut clarius habent Græci textus, & *inimicitia est in Deum, legi enim Dei non est subiecta.* Hunc locum passim adferunt aduersarii, ut probent concupiscentiam esse malum totius hominis, & inimicitiam aduersus Deum, & repugnantiam contra legem eius, ac proinde proprie, certissimeque peccatum.

Respondeo, Prudentia, siue sapientia, siue sensus carnis, nam his omnibus vocibus ad rem eandem significandam utitur Paulus, vere proprieque peccatum est, sed actuale, non originale. Non enim vocat Apostolus prudentiam carnis illud malum, quod c. 17. dixit esse in carne, siue in membris. Nam illud malum in se quoque, & in alijs sanctis hominibus agnoscit Apostolus; prudentiam vero carnis non ponit nisi in peccatoribus, qui terrena sapiunt, & secundum carnem ambulant. Sic enim loquitur: *Non secundum carnem ambulamus, sed secundum spiritum. Qui enim secundum carnem sunt, quæ carnis sunt sapiunt, qui vero secundum spiritum sunt, quæ spiritus sunt, sentiunt.* Nam prudentia carnis mors est, prudentia autem spiritus vita & pax, quoniam sapientia carnis inimica est Deo, legi enim Dei non est subiecta, nec enim potest. Qui autem in carne sunt, Deo placere non possunt. Vos autem in carne non estis, sed in spiritu, si tamen spiritus Dei habitet in vobis.

Prudentia igitur carnis est cura, & sollicitudo quædam nimia providendi, quæ carni sunt commoda, vtilia, suauia, neglecta cura, & sollicitudine eorum, quæ ad spiritum pertinent. Talis autem sensus, siue affectus, videtur enim verbum *ἐστὶν*, unde est vocabulum *ἐστὶν* apud Apostolum magis ad affectum, quam ad cognitionem pertinere, inimicus est Deo, quia non congruit cum eius lege, neque congruere potest, dum talis est. Neque enim fieri potest, ut iniquitas cum æquitate concordet, quamuis fieri possit, ut homo gratia Dei adiuvante, deponat prudentiam illam carnis, & ea, quæ spiritus sunt, gustare, & procurare incipiat. Hinc apparet aduersariorum temeritas, qui omnia confundunt, & miscent, & argumenta petunt ex his locis, qui nihil ad rem faciunt.

CAPVT XI.

Soluntur obiectiones ex alijs Scriptura locis deprompta.

Constitui loca omnia breuiter explicare, quæ proferunt aduersarij ad probandum concupiscentiam ex natura sua esse peccatum. Igitur præter loca illa ex epist. ad Romanos; quæ sunt à nobis superiore capite explicata, hæc etiam addunt.

Primum proferunt Kemnitius, & alij testimonium ex Gen. 6. & 8. ubi dicitur: *Cuncta cogitatio cordis humani intenta ad malum omni tempore.* Hebraice autem dicitur, *ipsum figmentum cordis humani totum, & semper esse malum.* Respondeo, locus ille Genes. similis videtur ei loco, quem proxime explicauimus ex c. 8. ad Rom. describit enim Moses ingenium illorum qui vivebant tempore Noe, ac dicit omnes illos secundum carnem ambulasse, & quæ carnis sunt tantum cogitare, & sapere consueuisse. Itaque dicitur figmentum cordis, siue (vt habetur c. 6.) figmentum cogitationum cordis totum, & semper malum, quia nihil fere homines illi cogitabant, nisi quod ad voluptatem; vel utilitatem carnis pertineret.

Sed hoc peccatum erat actuale, non originale, nisi forte, vt Latini codices habent, admittant aduersarij cogitationem cordis hominum illorum, non tam fuisse actu malam, quam pronam ad malum. Illam enim pronitatem ad malum concedimus esse vulnus ex peccato originali relictum, sed negamus esse proprie peccatum, nisi in actum voluntarium prodeat. Tum verum peccatum quidem esse, sed actuale, non originale, vt sæpe iam diximus & probauimus.

Secundum, ex Psal. 18. *Delicta quis intelligit?* & Psal. 50. *Cor mundum crea in me Deus.* Hæc duo loca producit Lutherus in assertionem secundi artic. vt probe homines etiam iustificatos semper habere delicta, & cor immundum. Quod non potest esse nisi ratione concupiscentiæ, quæ remanet in iustificatis vsque ad mortem. Respondeo, hæc loca non pertinent illo modo ad peccatum originale, neque ad concupiscentiam, quæ remanet post iustificationem, tum quia in iustificatione peccata omnia remittuntur, tum quia concupiscentia non est res occulta, aut obscura, vt dicendum sit; *Delicta quis intelligit?* tum denique quia non opus est orare pro concupiscentia, aut eius moribus inuoluntariis expiandis, vt S. Augustinus docet in epist. 200. supra citata.

Loquitur igitur David de peccatis actualibus, siue venialibus; quibus raro caremus, siue mortalibus occultis, & de quibus non omnino certi sumus, an sint nobis remissa. Itaq; David, quamuis iustificatum se esse speraret, recte tamen dicebat, *Delicta quis intelligit? ab oculis munda me Domine.* Et: *Cor mundum crea in me Deus.* Petebat enim mundari cor suum à maculis quotidianis, vel etiam à grauioribus, si forte esset iis quoque ignoranter inquinatus.

Tertium ex Hierem. 17. *Prauum est cor hominis.* At cordis prauitatem quis neget, inquit Confessio Saxonica, vere esse peccatum? Respondeo, prauum cor apud Hieremiam non est cor malum, siue inquinatum peccatis, sed callidum, ac difficile, vt penetraretur. Nam vox Hebræa est *ppr* non *pn* unde etiam Septuaginta verterunt *fabiosa* *cordis* profundum. Et consonat vocabulum sequens & inscrutabile. Sed etiam si intelligamus, cor hominis malum appellari; id ita accipiendum erit, quasi dictum sit, prouum ex natura corrupta ad malum. Pronitas autem non est proprie peccatum; vt sæpe diximus. Deinde loquitur propheta de impijs, quorum cor prauum, & immundum esse non negamus, cum è contrario de iustis dicatur, Matt. 5. *Beati mundo corde.* Et 1. Tim. 1.

A *Finis præcepti charitas de corde puro, &c. Et Act. 5. Fide purificans corda eorum.*

Quartum ex Matth. 6. *Sola enim oratio dominica* (inquit Lutherus in assertionem art. 2.) *omnes concludit sub peccato.* Nam qui orat vt fiat voluntas Dei, fateatur non facere voluntatem Dei, qui peccat, vt sanctificetur nomen Dei, agnoscit se pollueri nomen Dei; qui cupit, vt adueniat regnum Dei, intelligit se sub regno esse diaboli. Respondeo, Inanissima est obiectio. Nam (vt S. Cyprianus recte exponit in serm. de oratione Dominica) *sanctificari petimus nomen Dei in nobis, vt qui per baptismum sanctificati sumus, in eo quod esse cœpiimus, perseueremus.* Cupimus vt adueniat Regnum Dei, quod post resurrectionem & iudicium expectamus, vt qui in præsentī vita Christo compatimur, in futura cū illo regnemus. Oramus, vt fiat voluntas Dei in terra sicut fit in cælo, vt infideles, qui terreni adhuc sunt, per fidem voluntatem Dei faciant, sicut eam faciunt fideles, qui cœlestes per eandem fidem iam esse cœperunt.

Denique oratio Dominica vsq; adeo non conuincit in nobis perpetuo hære originale peccatum, vt Lutherus somniat; vt etiā Christus, qui sine controuersia nullū omnino peccatum habuit, orauerit, vt fieret voluntas Dei, Matth. 26. & Aug. dicat in epist. 200. & alibi, nobis orationem illam Dominicā: *Dimitte nobis debita nostra,* non fore necessariam, si nullum aliud haberemus nisi originale peccatum.

Quintum ex Matt. 13. & Luc. 10. *ubi duobus parabolis* (inquit Lutherus loco citato) *ostendit Dominus non continuo hominem liberari ab omni peccato, sed paulatim, ac per hoc semper remanere aliquid peccati purgandum.* Prior parabola est de fermento misso in sara tria, quæ paulatim fermentata sunt. Posterior est de Samaritano, qui hominem à latronibus vulneratum duxit in stabulum, & plagas eius non in momento curauit, sed paulatim curari voluit.

Respondeo, parabolæ istæ nihil iuuant causam Lutheri. Nam vt S. Aug. recte docet li. 14. de Trinit. ca. 17. & alibi, cum Scripturæ significant, hominem paulatim curari, & proficere, non loquuntur de remissione peccatorum, sed de curatione languoris ex peccato relictī. Sicut enim aliud est telum de corpore eruere, aliud vulnus per telum inflictum sanare; sic etiam Aliud est peccatum tollere, quod fit in baptismo, Aliud vulnus ex peccato factum, id est, concupiscentiam omnino sanare, quod fit paulatim dum imus de virtute in virtutem. Sed Lutherus causam cum effectu, id est, peccatum originis cum vulneribus eo natis confundit.

Sextum ducit Lutherus, ex c. 15. Ioan. vb dicit, discipulos esse purgandos, quos tamen c. 13. dixerat esse mundos. Hinc enim sequitur, post iustificationem adhuc remanere peccata. Respondeo, purgatio in hominibus iustificatis necessaria quidem est; sed propter peccata actualia, ac præsertim venialia, quæ quotidie subrepunt, non propter originale, quod perfecte remittitur in baptismo. Vide Augustinum tract. 80. in Ioannem.

Septimum sumit ex illo ad Galat. 5. *Caro concupiscit aduersus spiritum.* Sed iam supra responsum est, concupiscentiam istam non esse proprie peccatum, dum ei spiritus reluctatur, quia non est, nisi in carne, quæ sedes peccati esse non potest. Verum enim peccatum non in carne, sed in mente quæri debet.

Octauum ex illo ad Ep. heb. 4. *Renouamini spiritu mentis vestra.* Non iuberet Apostolus iam renatis, vt obiciunt Lutherus & Caluinus, vt renouarentur, nisi in eis vetustas aliqua superesset. Vetustas autem peccatum est ex primo homine contractum, sicut nouitas gratia est secundi hominis largitate donata.

donata. Reſpondeo, vetuſtas in Scripturis Duobus modis accipitur. Primo, pro peccato originis. Secundo, pro malis ex peccato relictis. Et ideo poteſt dici homo & perfecte renouatus per lauacrum regenerationis & renouationis Spiritus ſancti, ut dicitur ad Tit. 3. & tamen egere renouatione, & renouari de die in diem.

Hinc S. Aug. lib. 6. in Iulianum, c. 3. *Exponens, inquit, verba mea non ſecundum meum ſenſum, ſed ſecundum dolum tuum, dixiſſe me affirmas, quod gratia non perfecte hominem nouum faciat. Non hoc dico, attende quod dico. Gratia perfecte hominem nouum facit. Et mox: Nunc etiam perfecte inuocat hominem, quantum attinet ad liberationem ab omnibus omnino peccatis, non quantum ad liberationem ab omnibus malis. Adde quod vetuſtas, & nouitas dicuntur etiam in Scripturis de peccatis actualibus, & malis habitibus inde contractis: & liberatione ab iſdem. Sic enim accipienda videntur, quæ dicit Apoſtulus ad Coloiſ. 3. *Expolantes vos veterem hominem cum actibus ſuis, induentes nouum, &c.* Et ad Ephel. 4. *Deponite vos ſecundum priſtinam conuerſationem veterem hominem. Item: Deponentes mendacium, loquimini veritatem, &c.**

Nouum ex illo Col. 3. *Mortificate membra vſtra, quæ ſunt ſuper terram, fornicationem, immunditiam &c.* Colligit hinc Lutherus, iuſtificatos adhuc habere membra iſta veteris Adami, quæ B. Paulus peccata eſſe dicit. Reſpondeo, per membra, quæ ſuper terram ſunt, intelligitur concupiſcentia, quæ lex membrorum dicitur, Rom. 7. eadem autem membra vocantur fornicatio, inuidia, &c. quia cauſa iſtorum omnium eſt concupiſcentia, dum ei præbetur aſſenſus. Iubentur autem iuſtificati mortificare hæc ſua membra, ne forte illicito ad conſenſum trahant. Quod eſt idem cum eo quod dicitur ad Rom. 6. *Non regnet peccatum in vſtro mortali corpore ad obediendum concupiſcentiis eiſ.* Iuſtificatos autem non habere iam illa peccata, quæ parit concupiſcentia, cum illi obediunt, docet idem Apoſtulus ibidem ſubiungens, *in quibus & vos ambulatiſ aliquando.*

Decimum ſumit idem Lutherus ex illo Heb. 12. *Deponentes omne pondus, & circumſtans nos peccatum,* Reſpondeo, non vocat Apoſt. (ut Luth. credidit) *circumſtans peccatum* concupiſcentiam penitus inhzrentem. Nam cum ea deponi non poſſit, fruſtra hortarentur ad eam deponendam: & præterea B. Paulus per *circumſtans peccatum*, intelligit ſine dubio aliquid extrinſecum, ut omnes fere expoſitores docent. Concupiſcentia autem non eſt quid extrinſecum, ſed reſ maxime interna. Ex quibus etiam reſellitur expoſitio Beze in annotat. ad hunc locum. Vbi per *circumſtans peccatum* intelligit naturæ prauitatem.

Igitur Apoſtulus ducit metaphorâ ab iis, qui currunt, vel decertant in ſtadio, quibus duo præcipue ſunt cauenda, ut non grauentur aliquo onere, & ut non impediatur in certamine, vel curſu ab aliquo obſtaculo: *Deponentes*, inquit, *omne pondus, & circumſtans nos peccatum* curramus ad propoſitum nobis certamen, &c. Et quidem per *pondus* intelligunt expoſitores curas inanes rerum temporalium; per *circumſtans peccatum* intelligunt occaſiones, & pericula peccati, ſive ipſa peccata, quæ nobis vndique inſidiantur. Vox enim Græca *ἐπιμαρτυροῦ*, ſignificat id quod facile circumdat, & obſidet, qualia ſunt quæ nobis per ſenſus corporis vndique ingeruntur, à quibus facillime capimur, niſi diligentiffime caueamus.

Opponit autem B. Paulus eleganter *circumſtans peccatum* circumpoſitæ nubi Sanctorum exemplorum; dixerat enim: *Habentes igitur tantam circumpoſitam (Græce μεμαρτυροῦ) nubem teſtium, deponentes omne*

pondus, &c. ſignificare volens ita nos vndique circumdari exemplis ſanctorum patrum, ſicut circumdamur periculis, & occaſionibus peccandi, ut ad exempla illa aſpicientes diſcutere poſſimus omnia iacula aduerſarii, ex quo intelligimus verum eſſe quod ſupra diximus, per *circumſtans peccatum* non poſſe intelligi concupiſcentiam nobis inſitam, ſed extrinſecas tentationes, ſicut extrinſeca ſunt exempla Sanctorum, quæ circumſtanti peccato opponit.

Vndecimum ſumit idem Lutherus in aſſertione art. 3. ex illo Iacobi 1. *Per ſumus initium aliquod creature eiſ.* Philoſophatur enim Lutherus, nos dici initium, quia imperfecte iuſtificamur, & ſemper aliqua ex parte peccatum in nobis remanet, ac ſi dictum eſſet, inchoatio quædam ſumus, non cõplementum, partim iuſti, partim peccatores. Reſpondeo, vox Græca apud Iacobum *ἀρχὴ* omnium conſenſu non opponitur cõplemento, ſed primarium, & præcipuum ſignificat. Quare multi vertunt, etiam ex aduerſariis, ut ſimus primitia creaturarum.

Vult igitur B. Iacobus ſanctos, & electos eſſe primitias id eſt, partem perfectiſſimam creaturæ. Alioqui ſi Lutheri ſententia vera eſſet, Chriſtus ipſe nõ perfecte, ſed inchoate tantum reſurrexiſſet. Nã 1. Cor. 15. vbi legimus: *Chriſtus reſurrexit primitie dormientium.* Et curius: *Omnes viuſficabuntur, unusquiſque in ſuo ordine.* Primitiæ Chriſti, deinde ii qui ſunt Chriſti, in utroque loco nomine primitiarum in Græco habetur *ἀρχὴ*, quo vocabulo (ut diximus) vtitur Iacobus cum ait: *Per ſumus initium aliquod creature eiſ.*

Duodecim ſumit idem Lutherus ex illo 1. Ioan. 1. *Si dixerimus quia peccatum non habemus.* Vbi notat, non eſſe dictum, habuimus, ſed habemus. Nullum eſt autem peccatum ſemper in nobis manens, niſi concupiſcentia. Reſpondeo, loquitur B. Ioan. de peccatis actualibus, ſed quotidianis, ac minoris, quæ frequentiffima ſunt, ut docet S. Auguſt. tract. 1. in epistolam Ioan. li. de natura & gratia, c. 36. & alibi paſſim. Similis eſt ſententia illa B. Iacobi c. 1. *In multis offendimus omnes.* Vbi tamen clariſ explicatur, hæc eſſe peccata actualia, non originalia.

Adde, poſſe fieri, ut ſaltim ad breue tẽpus aliquis careat omni peccato etiã veniali; tamen quia vere Iob dicit, c. 9. *Si iuſtus fuero, hoc ipſum ignorabit anima mea.* Ideo de ſeipſo nemo affirmare poteſt, ſe non habere peccatum. Quare recte B. Ioannes non ait: *Si dixerimus, aliquem non habere peccatum: Sed, Si dixerimus, quia peccatum non habemus, nos ipſos ſeducimus, &c.*

Kernitius in examine Concilii, pag. 314. plane ridiculum ſe oſtendit circa hunc locum. Clamat enim ingentem eſſe blaſphemiam, ſi hunc locum de peccatis actualibus intelligendum eſſe dicamus, quoniam ſi ita eſſet, ad infantes & dormientes ea ſententia minime pertineret. Quafi vero infantes & dormientes vnquam dixerint, ſe peccatum non habere: An non ipſe Ioannes, cum ait: *Si dixerimus*, apertiſſime teſtatur, ſe de iis tantum loqui, qui ſermonis & rationis uſum habentes falſo pronunciant, ſe eſſe quod non ſunt: quod certe infantes & dormientes tacere non poſſunt.

CAPVT XII.

Soluantur obiectiones ex Patribus.

EX Patribus aduerſarii non pauca argumẽta colligunt; præſertim Kernitius. Nã Lutherus vno vel altero Auguſtini teſtimonio, eoque falſo citato contentus fuit. Calvinus Ambroſium Auguſtino adiunxit. Kernitius Cyprianum, Hilarium, Ambroſium, Hieronymum, Auguſtinum produxit. Id quod

necessario fecit; nam Concil. Trid. sess. 5. docet per baptismum tolli quidquid in nobis peccati rationem habet, & concupiscentiam reliquam Ecclesiam Catholicam nunquam intellexisse, veram peccati rationem habere. Ille igitur reprehendens hanc sententiam tenetur ostendere, Ecclesiam Catholicam sensisse concupiscentiam in renatis verum, ac proprium esse peccatum; quod se facturum prolatis veritissimorum Patrum testimoniis, audacissime pollicetur.

Ex Cypriano igitur Kemnitius in Exam. Concil. Trin. pag. 481. quædam verba profert in medium, quæ sunt apud Aug. lib. 2. in Iulian. Sic autem Kemnitius loquitur: *Cyprianus apud Augustinum malis moribus de origine venientibus fortiter resistens; inquit ne quisquam sibi de puro, atque immaculato pectore blandiatur, ut innocentia sua fretus, medicinam non putes adhibendam esse vulneribus, cum scriptum sit, Quis gloriabitur castum se habere cor? aut quis gloriabitur mundum se esse a peccatis? si autem nemo sine peccatis esse potest, quisquis se inculpatum esse dixerit, aut superbus, aut stultus est.* Respondeo, incredibilem esse Kemnitii impudentiam & nequitiam, cuius perpetuas in gehenna sine dubio penas luet.

Sciendum igitur est S. Augustino in lib. aduersus Iulianum id propositum fuisse, ut ex testimoniis sanctorum Patrum euertere quinque argumenta Pelagianorum. Sic enim ipse loquitur initio libri: *Nunc argumenta ipsa vestra quibus agitis, ne hominum prima natiuitas originali peccato credatur abstricta, eloquiis sunt redarguenda sanctorum.* Et mox, enumerans illa argumenta: *Dicitis, inquit, nos asserendo originale peccatum, diabolum dicere hominum nascentium conditorem, damnare nuptias, negare in baptismo dimitti uniuersa peccata, Deum crimine iniquitatis arguere, desperationem perfectionis ingerere. Hæc quippe omnia consequentia esse contenditis, si credamus nasci paruulos peccato primi hominis obligatos.* Deinde toto li. recitat sanctorum Patrum varia testimonia, quibus modo vnum, modo alterum, modò plura simul ex prædictis argumentis euertit. Adfert igitur præter cætera, testimonium Cypriani ut euertat argumentum quintum, ac probet, posse hominem perfecte viuere, etiam si peccatum originale contraxerit, & eo per baptismum remisso, relicta sit in membris nostris concupiscentia, cum qua sit perpetuo, dum viuimus, depugnandum.

Testimonium Cypriani ex li. de mortalitate hoc est: *Cum auaritia nobis, inquit, cum impudicitia, cum ira, cum ambitione congressio est, cum carnalibus vitiis, cum illecebris secularibus assidua & molesta luctatio est, &c.* Post hoc testimonium subiungit Augustinus: *Abstrahantem ut sanctum Cyprianum aut auarum existimemus, quia cum auaritia, aut impudicum, quia cum impudicitia, aut ira subditum, quia cum ira; aut ambiciosum, quia cum ambitione; aut carnalem, quia cum carnalibus vitiis; aut seculi huius amatorem, quia cum illecebris secularibus consistebat.* Imò verò ideo nihil eorum erat, quia his malis moribus partim de origine, partim de consuetudine venientibus fortiter resistebat. His verbis docet Augustinus; S. Cyprianum victorem fuisse vitiis, & malos illos motus de vitiata origine venientes, non solum non fuisse in eo vera peccata, sed potius, cotem fuisse virtutis materiam gloriosæ victoriæ.

Cæterum quia periculum erat, ne Pelagiani colligerent ex hac S. Augustini responsione, posse hominem ita perfecte viuere, ut in nullum unquam laberetur veniale peccatum; qui erat alius ipsorum error; ideo idem Aug. subiungit continuo: *Nec ideo tamen in tam periculoso, laboriosoque certamine nullo telo feriebatur hostili, cum dicat in epistola sua de elemosynis, Ne quisquam sibi de puro, atque immaculato pectore*

blandiatur, ut innocentia sua fretus non putes medicinam adhibendam esse vulneribus, cum scriptum sit, Quis gloriabitur castum se habere cor? &c.

Itaque S. Augustinus ex testimoniis Cypriani & kemnitio etiam citatis, duos confutat errores, qui sunt hoc tempore ipsi Kemnitio cum Lutheranis omnibus communes. Vnus est, non posse eum, qui habuerit originale peccatum, veram iusticiam operari. Existimant enim Lutherani omnia opera nostra esse peccata, quia contaminantur a concupiscentia, quæ ex ipsorum sententia, verè proprièque peccatum. Alter est, nullum esse peccatum natura sua veniale, sed omnia per se esse mortalia.

Hinc igitur apparet multiplex Kemnitii impudentia. Primum enim ita coniunxit verba illa S. August. (*His malis moribus de origine venientibus*) cum illis Cypriani (*Ne quisquam sibi de puro, atque immaculato pectore blandiatur, &c.* ut videatur Cyprianus dicere malos illos motus vera esse peccata, etiam cum eis resistitur. At priora verba non sunt Cypriani, sed Augustini, qui (ut iam diximus) probat ex lib. Cypriani de mortalitate, cum qui resistit malis moribus, veram virtutem assequi, & non solum non peccare, sed etià coronam mereri. Posteriora verba sunt Cypriani, sed ex alio libro, ex tractatu videlicet de elemosyna, ubi Cyprianus ostendit, homines quantumuis iustos, & perfectos, non carere peccatis venialibus, & ideo elemosynæ pharmaco indigere.

Deinde Kemnitius non solum perperam testimonia sanctorum Patrum usurpat, sed etiam incredibili audacia illa ipsa pro se adducit, quibus error ipsius, ut iam ostendimus, manifestè planèque conuincitur. Denique addit ad impudentiam, cum ob hæc testimonia, Cypriani & aliud Hilarij, quod mox citabimus, his verbis triumphum canit: *Ossecro autem lectorem, ut hæc Hilarij & Cypriani verba conferat ad decretum Tridentinum, quod affirmat in baptismo ita tolli, quicquid habet veram & propriam rationem peccati, ut renati efficiantur innocentes, immaculati, puri, innoxij. Patres certe contrarium dicunt; & tamen non verentur Tridentini de consensu Catholica Ecclesie gloriari.* Immo non veretur hæreticus pervertere verba Patrum, & cum ceciderit in foueam, quam fecit, ita gloriari, quasi alios deiecisset. Sed videamus, quid ex Hilario Kemnitius proferat.

Hilarius, inquit Kemnitius, vocat corpora nostra omnium vitiis materiam. Malo, quæ in nobis sunt, malitiam per conditionem originis. Et ubi expressè de renatis, qui concupiscentia repugnant, Hilarius loquitur, inquit: *memores illa ipsa corpora nostra omnium vitiis esse materiam, pro qua polluti, & sordidi nihil in nobis mundum, nihil innocens obtinemus.* Et paulò post: Augustinus etiam hanc Hilarij sententiam citat: *Nos in hoc terreni & morticini corporis habitaculo, mundos esse non posse, nisi per ablutionem cælestis misericordie emundationem consequamur, post demutationem resurrectionis, terreni corporis nostri effecta gloriosæ naturæ.* Rursus: *Ipsi inquit, Apostolus verbo iam licet fidei emundatis, atque sanctificatis, non deesse tamen malitiam, per conditionem communis nobis originis docuit dicens, si vos cum sitis mali, nostris bona data dare filijs vestris.*

Respondeo, in primo testimonio ex Hilario adducto habemus, corpora nostra propter morbum concupiscentiæ materiam esse omnium vitiis, quia concupiscentia, quamuis ipsa propriè peccatum non sit, tamen causa est peccatorum, dū ad peccata stimulat & impellit. Et quantum est ex parte concupiscentiæ, nihil mundum, nihil innocens in nobis est, sed variis peccatis polluti & sordidi sumus. Sed quāuis ita se res habeat, tamen si gratia Domini adiuti fortiter

concupifcentiæ refiftimus, non folum non pollui-
mur, aut fordidamur, fed coronam obtinemus, & à
peccatis alias perpetratis per hanc victoriã emunda-
mur. Sic enim loquitur idem Hilarius in eodem lo-
co ab Auguftino citatus: *Tanta, inquit, & tam ad-
mirabilis in nos mifericordiæ Dei bonitas eft, vt per quem
in Ada offensa generofitate prima, & beata illius creatio-
nis amiffimus, per eum rurfus id quod amiffimus obtinere
mereamur: tunc enim diabolus inuidens nocuit, nunc au-
tem eum nocere nititur, vincitur. Mouet enim per infirmi-
tatem carnis noftre omnia potestatis fua tela cum ad lafcii-
uiam accendit, ebrietatem illicit, cum ad odia ftimulat, cum
ad auaritiã promouet, cum ad cades inftituit, cum ad male-
dicta exacerbat. Sed cum per infirmitatem animi morum
omnium furrepticia incentiua reprimuntur, emundamur
à peccato per huius victoriã gloriã. Hinc autem dedu-
cit per modum cõclufionis verba illa, quæ citat Kẽ-
nitius: *Memores igitur, inquit, & confcij, illa ipfa cor-
pora noftre omnium vitiorum effe materiem, pro qua pollui-
tis & fordidi nihil in nobis mundum, nihil innocens obti-
nemus, gaudeamus nobis effe hoftem, in cuius concertatione
quodam concertationis noftre bello dimicemus.**

Vbi non dicit Hilarius non abfolutè pollutos &
fordidos effe, & nihil mundũ, nihil innocẽs obtine-
re: fed ex parte cõcupifcentiæ, quæ materia eft vitio-
rum, & femper incitat ad peccata; nihil nos nifi pol-
lutionem & fordes habere poffe, tamẽ ex parte gra-
tiæ, per quã vincimus concupifcentiæ incentiua, nõ
folum pollutionem & fordes euadimus, fed magis et-
iam emundamur, atque purgamur. Alioquin fi ab-
folutè polluti & fordidi effemus, etiam quando re-
fiftimus cõcupifcentiæ (vt Kẽnitius docet) nõ di-
ceret Hilarius, gaudendum nobis effe, quod hoftem
habeamus, (quæ verba ftudiofè Kẽnitius prætermi-
fit) nam fi nihilominus polluiamur & fordidamur, &
nihil mundum, nihil innocẽs obtinemus, certè non
gaudendum, fed flendum nobis eft. Neque verba il-
la: *Memores igitur, &c.* idem Hilarius tanquam con-
clufionem ex verbis illis deduceret (*Emundamur à
peccato per huius victoriã gloriã*) quomodo enim
emundamur per victoriã, fi etiam pugnantibus
nobis nihil mundum, nihil innocẽs obtinemus. At-
que hæc de primo testimonio.

Alterum testimonium & Tertium eiuſdem Hi-
larij S. Auguſt. ad peccata venialia refert. Poſtquã
enim probauerat ex Cypriano, homines iuſtos in
hac vita indigere mundatione à peccatis venialibus;
idem probat ex Hilario, adductis duobus testimo-
niis, quæ ſunt illa, quæ citauit Kẽnitius. Quamuis
enim renati puri, iuſti & innocentes (vt Concilium
Trid. loquitur) re vera ſint, & mundi à peccatis om-
nibus præteritis, ſiue originalibus, ſiue actualibus
per baptiſmum, tamen in hac vita, quæ tota tentatio
eſt, non poſſunt longo tempore vivere ſine aliqua
noua ſorde peccati, ſaltem quotidiani & venialis,
vnde immundi & mali dici poſſunt.

Poſſemus præterea duo hæc Hilarij testi-
monia exponere de pronitate ad malum, quæ tametiſi proprij
nominis peccatũ nõ ſit, tamen malum quoddam eſt
& immũdities, ac malitia dici poteſt. Certe verba il-
la Domini: *Si vos cõſitis mali*, Mat. 7. Quæ Hila. citat,
omnino commode referri poſſunt ad pronitatem, vt
ſenſus ſit, ſi vos qui ex natura corrupta proni eſtis ad
malum, noſtis bona dare filiis veſtris; quanto magis
pater cœleſtis, qui ex natura ſua pronus eſt ad beni-
gnitatem dabit ſpiritum bonum petentibus ſe?

Sequitur testimonium S. Ambroſii, quod Caluin.
& Kẽnitius, ex eodem S. Aug. lib. 2. in Iulianũ ci-
tãt. Sed verba ipſa Kẽnitii audiamus: *Ex Ambroſio,*
inquit, *Auguſtinus vocat vitia noſtra, quæ legi mentis ex*

A *lege peccati refiſtunt. Illorum reatus quidem in baptiſmo
perijt, infirmitas verò manſit. Item, Ambroſius vocat
iniquitatem, non illam quæ deletur in Baptiſmo. Illa nam-
que peccatorum, quæ fecimus ſuis, quæ cuncta remiſſa ſunt,
atque omnino non ſunt. Illam verò legem peccati, cuius
manentis reatus in ſacro fonte remiſſus propterea vocauit
iniquitatem, quia iniquum eſt, vt caro concupiſcat ad-
uerſus ſpiritum, quamuis adſit in noſtra renouatione iuſti-
tia. Ibidem: Ambroſius dicit quandam deleſtationem
eſſe diuino mandato aduerſam, & de illa Paulum loqui,
cum ait: *Video aliam legem in membris meis repugnan-
tem legi mentis meæ.* Ambroſius igitur noſtram ſententiam
ipſiſſimis verbis reddit, & exprimit.*

B Reſpondeo, tota Kẽnitii obiectio in tribus vo-
cibus poſita eſt. Quod videlicet S. Ambr. vocat cõ-
cupiſcentiam, quæ eſt in renatis, vitium, iniquitatem,
& deleſtationem mandato Dei aduerſam. Quod attinet
ad vocabulum VITIUM, dico per eam vocẽ significa-
ri omnem corruptionem & læguorem, etiamſi prop-
rie non ſit peccatum. Et hæc non mea, ſed Auguſti-
ni reſponſio eſt. Sic enim ipſe loquitur in eodem 2.
li. in Iulianum: *Iam ne diſcernis, iam ne perſpicis, iam
ne reſpicis; & in baptiſmate fieri omnium remiſſionem pec-
catorum, & cum baptizatus quaſi civile bellum interiorum
remanere vitiorum? non enim talia ſunt vitia, quæ iam
peccata dicenda ſunt; ſed illicita opera ſpiritum concupiſ-
centia non irabatur, & concipiat, pariatque peccatum; paſ-
ſiones ſunt, frangenda, cohibenda, ſananda ſunt, ſed dum
curantur, infecta ſunt.*

C Quod ad vocem Iniquitatis: dico vocari concu-
piſcentiam ab Ambroſio iniquitatem, quia eſt deor-
dinatio quædam, & peruerſitas naturæ contra ordi-
nem in prima creatione poſitum, non tamẽ proprie
peccatum, cum eiufmodi peruerſitas non ſit in vo-
luntate, quæ ſola capax eſt peccati proprie dicti, ſed
in carne. Nam etſi nunc equus ſerui impatiens dei-
ciat ſellorem, iniquitas eſt, quia ſecundum ordinem
à deo in creatione poſitũ, debuerunt animantia om-
nia homini obedire. Quia tamen equus nec virtutis
nec vitii proprie capax eſt, ea non eſt iniquitas, niſi
materialiter & improprie.

D Hoc modo intellectam eſſe in verbis Ambroſii ab
Auguſtino iniquitatẽ, patet ex tribus. Primo, quia
dicit, hæc iniquitatẽ eſſe in carne, nõ in mente. Pro-
pterea, inquit, vocauit iniquitatẽ, quia iniquũ eſt vt
caro concupiſcat aduerſus ſpiritũ. Secundo, quia cũ
hac iniquitate iuſtitia in eodẽ homine eſſe teſtatur.
Quãuis, inquit, adſit in noſtra renouatione iuſtitia. Non
poteſt autẽ iniquitas proprie dicta cũ iuſtitia in eo-
dem homine commorari. Tertio, quia idẽ Aug. tra.
41. in Ioan. dicit, per baptiſmũ tolli omnem iniqui-
tatem, & ſolũ remanere infirmitatẽ. Ex quo ſequi-
tur, vt concupiſcentia remanens, nõ ſit proprie ini-
quitas, ſed infirmitas. Adde quod S. Ambr. in lib. de
Iſaac & anima, c. 8. vnde ſumptum eſt testimonium,
de quo agimus, ſatis aperte ſignificat, per Iniquita-
tem ſe intelligere paſſionẽ corporis, quæ caret pro-
prio nomine, & iniquitas dici poteſt per tropũ, quia
ad iniquitatem perducit. Nã comparat animam cur-
rui, Chriſtum aurigæ, quatuor virtutes cardinales
quatuor bonis equis, quatuor paſſiones quatuor ma-
lis equis: *Boni equi, inquit, virtutes ſunt animæ, mali e-
qui paſſiones corporis. Boni equi prudentia, temperantia,
fortitudo, iuſtitia; mali equi iracundia, concupiſcentia, ti-
mor, iniquitas.* Vbi vides opponi prudentiæ non vitium
ſulcitæ, ſed paſſionem iracundiæ; tẽperantiæ, & for-
titudini opponi vides non vitia cõtraria, ſed paſſio-
nes: ſic igitur & iuſtitie nõ opponit vitium contrariũ,
quæ eſt iniquitas proprie dicta, ſed paſſionẽ quandã
corporalem, quæ non eſt iniquitas, niſi improprie.

Quod attinet ad vltimum vocabulum, id est, *delectationem diuino mandato aduerfam*; supra copiofe respondimus, vbi demonftrauimus, concupifcentiam inuoluntariam legi Dei efle contrariam, folum materialiter, id eft vt obiectum, nō vt actum. Lex enim proprie ipfi homini prohibet, ne consentiat in concupifcentiam, fiue carnis delectationem. Et ideo cōfensus eft proprie actus legi Dei contrarius; delectatio vero folius carnis, fpiritu repugnante, non eft contraria, nifi materialiter, ac per hoc neque peccatum eft, nifi materialiter. Vide cap. 10. in refutatione quartæ obiectiōis.

Ex his intelligi poteft, quam vana fit illa Kemnitii gloriatio: *Ambrosius igitur noſtram ſententiam ipſiſſimis verbis reddit & exprimit.* Ipſiſſima enim verba Lutheranorum illa ſunt, quod concupifcentia in renatis, per ſe, ex ſe, & ex natura ſua fit verum & proprie dictum peccatum, quod reum facere & damnare in æternum poſſit, ſi Deus imputare velit, & propterea nulla fit in homine vera iuſtitia, ſed omnia eius opera bona ſint peccata mortalia, & ſimilia, quæ nec in Ambroſ. nec in vllō alio S. Patre reperiuntur.

Quarto loco producit Kemnitius S. Hieronymum: *Hieronymus, inquit, in 7. cap. Matth. dicit de primis motibus eſſe primos motus, quando ab initio mouent & iritant. moſ vero eſſe poſtquam ad illos voluntatis conſenſus acceſſerit, & de primis motibus dicit, quamuis habeant culpam, tamen non teneri crimine.*

Reſpondeo, non loquitur S. Hieronymus in cōm. ca. 7. Matth. (hic enim eſt locus, non in c. 7. vt falſo Kemnitius citat) de concupifcētia, vt ſignificat pronitatem, quam aduerſarij peccatum originis eſſe volunt, ſed de actu concupifcentiæ: & diſtinguit Duplicem actum, Vnum planè voluntarium, & hunc vocat *paſſionem & crimen*, id eſt, peccatum lethale, vt cum quis conſentit deſiderio adulteri. Et hoc ſine dubio peccatum eſt, ſed actuale, non originale. Alterum non omnino voluntarium, nec omnino inuoluntarium, vt cum quis viſa muliere titillatur delectatione, quā videlicet præcauere potuiſſet, ſi diligenter oculos ſuos cuſtodire voluiſſet, & hanc vocat *propaſſionem*, ac dicit vitij culpam habere, non tamen crimen, hoc eſt, peccatum eſſe veniale, nō mortale. Quod quidem veriſſimum eſt, & cum Kemnitij & Lutheranorum cæterorum ſententia manifeſte pugnat, qui diſcrimen peccati mortalis & venialis ignorant.

At pro ſententia Kemnitii teſtimoniū hoc S. Hieronymi nullo colore adferri poteſt. Siquidem ipſe cum Lutheranis cæteris concupifcentiam renatorū aut liberat ab omni culpa, ſi culpa pro reatu accipiat, aut culpam mortalem, & damnantē illi tribuit, ſi culpa pro eo accipiat, quod natura ſua imputat, & dānare poteſt. S. vero Hieron. apertiffimè diſtinguit inter *culpam vitij*, & *crimen*: & *propaſſionis* tribuit tantum *culpam vitij*, quæ polluit aliquo modo, ſed non damnat ex natura ſua, cum non fit crimen. *Paſſioni* autem id eſt, concupifcētiæ omnino voluntariæ, tribuit *crimen*, quod facit reū ignis æterni. Quod ſi, vt quidā volunt, in textu B. Hieron. nō legatur vitij culpā, ſed initij, tū ſenſus erit, primos motus non eſſe peccata, ſed originem, & cauſam peccatorum.

CAPVT XIII.

Reſpondetur ad loca, quæ produciuntur ex Auguſtino.

Veniamus nunc ad loca, quæ citantur ex Auguſtino. Primum citat Lutherus in aſſert. 2. art. duo loca, vnum ex li. 2. de nuptiis & concupifcētia, c. 15. vbi dimitti dicit peccatum in baptiſmo non ut non ſit, ſed, vt non imputetur. Alterum ex eodem li.

A c. 17. vbi dicit, idem peccatum reatu tranſire, actu manere. Reſpondeo, Lutherus (vt ſuprà diximus) crimē falſi commiſiſſe, nuſquam enim S. Aug. dixit, peccatum in aliquo eſſe, ſed non imputari, vel actu manere, reatu tranſire. Neque enim tam ſtupidus erat, vt non intelligeret, reatum à peccato ſeparari non poſſe, cum in eodem lib. c. 26. ſcripſerit; *Hoc eſt non habere peccatum, rem non eſſe peccati.* Loquitur igitur S. Aug. in duobus locis citatis de concupifcentia; & que dicit in renatis non eſſe peccatum, non imputari, nec reos facere, licet maneat, quoad actum, quia non ceſſat praua deſideria excitare.

Sed contra ſolutionē eſt argumentū Melanchthonis & Caluini, & aliorū. S. Aug. non ſolum in li. 1. de nuptiis & concupifcentia, c. 15. ſed etiam li. 2. in Iulian. & alibi paſſim, dicit concupifcentiam in baptiſmo remitti: *Lex, inquit, iſta peccati & remiſſa eſt in regeneratione ſpiritali, & manet in carne mortali.* At nihil remittitur, niſi peccatū; igitur ipſa in ſe verè peccatum erat, antequā remitteretur. Sed manet in renatis eadem, quæ anted erat, quoad ſubſtantiam, ergo adhuc verè peccatum eſt, & ſolū remitti dicitur, quia non imputatur. Reſpondeo, S. Aug. ſignificat quidē concupifcentiā in non renatis eſſe peccatū, & propterea remitti per baptiſmū, ſed intelligit eā peccatum eſſe, non ratione ſui, ſed ratione reatus peccati originalis, qui cū ea annexus manet vſque ad baptiſmū. Sic enim loquitur idē Aug. li. 1. de nuptiis & concupifcentia, c. 32. *Hæc itaque remiſſio peccatorum quamdiu non ſit in prole, ſibi eſt lex iſta peccati, ut etiam in peccatum imputetur, id eſt ut etiam reatus eius cum illo ſit, qui eum teneat æterni ſupplicij debitorem.* Hæc ille, qui ſimiliter loquitur in multis locis.

Sed hoc loco diligenter attendendum eſt, reatum concupifcentiæ Tribus modis non intelligi poſſe. Primo, dici poteſt reatus concupifcentiæ, reatus qui ab ipſa oritur, & in ipſa fundatur, ita vt reus ſit qui ipſam habet, quia ipſam habet. Sicut dicitur reatus furti is, quo propriè reus dicitur, qui furtum fecit. Secundo, dici poteſt reatus concupifcentiæ, is, quo ipſa facta eſt, non quam ipſa facit, quomodo ſi ſibi ipſe manum abſcinderet, diceretur eſſe reus manus abſciſſæ, non quod habere manum abſciſſam ſit peccatum, vel reum faciat, ſed quod abſcindere ſibi manum ſit contra rationem, & reatum iaciat. Sic igitur dicitur reatus cōcupifcentiæ, nō quod ipſam habere, faciat hominem reum, ſed quod ipſa nata ſit ex reatu peccati Adami, qui tactus deo rebellis, meruit in ſe experiri carnis ſuæ rebellionem. Tertio dici poteſt etiam reatus concupifcentiæ is, quem ipſa facit ſi ad conſenſum pertrahat, vt non ſit propriè homo reus, quia concupifcentiam habet, ſed quia concupifcentiæ cedit.

Ex his Tribus modis aduerſarii Primum eligunt, & ideo concupifcentiam propriè peccatum eſſe volunt, Nos autem Secundum & Tertium accipimus, & ideo concupifcentiam non tam peccatum, quam effectum & cauſam peccati eſſe contendimus. Porro ſecundum illum & tertium modum eſſe ex mente S. Auguſt. probamus ex verbis eiſdem in 2. li. aduerſus Iulianum, circa medium epilogi. *Quāvis, inquit, iam non eodem modo appelletur, peccatum, quo facit reum, ſed quod ſit reatu primi hominis factum, & quod rebellando nos trahere niſſur ad reatum.* Rurſus in eod. m. li. paulo ſuperius explicās teſtimonium Ambroſii de bonis & malis equis, indicat modum tertium, his verbis: *An nondum fateberis, quod reatus eorum perierit, infirmitas manſerit, non reatus, quo ipſa rea fuerant, ſed quo nos reos fecerant in malis operibus, quo nos traxerant?* His enim verbis oſtendit Augu. vitia cum

quibus

quibus nafcimur, remitti in Baptifmo, quia reatus eorū remittitur, licet infirmitas remaneat. Per reatum autem dicit fe intelligere reatum malorum operum, quæ fecimus concupifcentiæ afcendendo.

In eodem etiam li. 2. in Iulianum paulo ante medium libri meminit fecundi modi. Nam cum dixiffet, concupifcentiæ reatum, ut cætera peccata omnia folui in Baptifmate, & deinceps eam manere ad agnem; obiicit fibi dicturum Iulianum ad malū, contra quod poft baptifmum dimicamus, non efle aliquid à parētibz tractum, fed malos habitus ante baptifmum propriis actibus acquifitos. Deinde refpōdet his verbis: *Si hoc dicis iam proculdubio cernis, atque concedis, efle in homine aliquid mali, quod non ipfam, fed reatus, qui ex illo contractus fuerat, auferatur in baptifmo.* Quibus verbis fimilem efle docet S. Auguftinus concupifcentiam, nobis innatam malo habitui multis malis actibus comparato & quemadmodum in baptifmo adultorum remittuntur omnia peccata, quibus comparatus eft habitus, non tamen ipfe habitus tollitur: ita quoque in Baptifmo paruulorum remitti peccatum originis, vnde concupifcentia nata eft, non tamen ipsam concupifcentiam penitus extirpari. Iam vero certum eft, eum, qui malos habitus contraxit, non efle reum proprie, quia malos illos habitus habet, fed quia malos actus fecit, vnde mali habitus procefferunt. Sic igitur qui concupifcentiam habet, non eft reus proprie ratione concupifcentiæ, quali peccatum fit illam habere, fed ratione peccati, quo ipfa concupifcentia facta eft.

Atque hac ratione remitti dicitur concupifcentia in Baptifmo, non ratione fui, fed ratione annexi reatus, qui eius reatus dicitur, quia per eū, ut diximus, facta eft. Idem S. Aug. li. 2. Retract. c. 15. dicit homines nafci implicatos reatu Adæ, & ob id pœnæ obnoxios, & paulo poft eam pœnam, concupifcentiam efle docet: reatus igitur, qui foluitur in baptifmo, non eft proprie reatus, quem concupifcentia facit, fed reatus vnde pœna ifta proceffit. Reatus enim Adæ, quo & nos nafcimur implicati, non fuit habere concupifcentiam, ut notum eft, fed mente auerti à Deo, vnde nata eft auerfio carnis à ratione. Quocirca idem Aug. li. 14. de Trin. c. 17. apertiffime fcripfit, in baptifmo remitti omnia peccata, non tamen extinguere concupifcentiā, quia aliud eft caufam remouere languoris, aliud ipfum curare languorem: vbi cum dicit in Baptifmo per remiffionem peccati, fiue reatus, caufam concupifcentiæ remoueri, euidenter oftendit, reatum concupifcentiæ, qui remittitur in baptifmo, non efle reatum, quem concupifcentia facit, fed per quem concupifcentia facta eft.

Denique idem S. Aug. li. 6. in Iulianum, c. 5. dicit, in baptifmo tolli reatum omnium malorum, non omnia mala, & ponit exēplum de corruptione corporis, & de ignorantia, & idem intelligit de concupifcentia, immo de ipfa præcipue loquitur. At certum eft reatum corruptionis corporis, qui tollitur in Baptifmo, efle reatum, quo ipfa corruptio facta eft, nō autem quem ipfa corruptio faciat, quali peccatum fit efle mortalem.

Sed contra hanc noftam folutionem multa S. Aug. testimonia ab aduerfariis adducuntur, quibus ipfi demonſtrare nituntur, reatum concupifcentiæ qui foluitur in Baptifmo, accipiendum efle primo modo fuperius explicato, id eft, efle reatum, qui concupifcentiā ipfam comitatur, ita ut fit reus quicunque concupifcentiam habet, hoc ipfo quod concupifcentiam habet, nifi per Baptifmum reatus huiusmodi remittatur. Lib. 2. in Iulianū, ante medium: *non tamen*, inquit, *ideo malum hoc nihil noxiſſet, etiamſi*

præius quam in illo apparere capiffet, paruulus ex hac virtute exiffet, quia reatus eiusdem mali, non quo reum malum eft, fed quo reum facit; in quo eft, ſicut generatione contrahitur, ita nifi regeneratione non ſoluitur.

Rurſus in eodem li. circa mediū epilogi: *Quamuis non eodem modo appelletur peccatum, quo facit reum, fed quod fit reata primi hominis factum.* Vbi illud iam fatiſ aperte demonſtrat, concupifcentiam poſt Baptifmū non habere reatū, quo ipſe faciat reum, ſed ante baptifmū habuiſſe. Itē li. 1. de nuptiis & concupifcentia, ca. 23. *Hæc*, inquit, *concupifcentia, quæ ſolo Sacramento regenerationis expiatur, profecto peccati vinculum generatione traiecit in poſteros, niſi ab illo & ipſi regeneratione ſoluantur.* Item lib. 6. in Iulianū, c. 5. *Tale porro, actum magnum malum tantum quia inſit, quomodo non teneret in morte & pertraheret in vltimam mortem, niſi & eius vinculum in illa, quæ fit in baptifmo, remiffione peccatorum omnium ſolueretur.* Et eodem li. 6. *Nos*, inquit, *eam (concupifcentiam) malam dicimus, & manere tamen in baptizatis, quamuis reatus eius; non quo ipſa re erat, neque enim aliqua perſona eſt, ſed quo reum hominem originaliter faciebat, fuerit remiſſus, atque vacuatus.*

Item li. 1. de nuptiis & concupifcentia, c. 26. Aug. dicit, quod, *ſicut adulterium actum tranſiſ, remanet reatu, ita concupifcentia tranſiſ reatu, & remanet actu.* Vbi comparat reatū concupifcentiæ cū reatu adulterii. Reatus autem adulterii, eſt reatus quo ipſum adulterium reum facit hominē. Denique li. 5. in Iulianum, c. 8. Aug. dicit, reatum efle ordinationem diuinæ legis, ut nulla iniquitas maneat impunita, niſi Chriſti ſanguine expietur. Et mox ſubiungit, concupifcentiam quæ eſt in renatis, efle iniquitatem, & puniendā fuiſſe, niſi per Baptifmum expiata fuiſſet: *Neque enim*, inquit, *nulla eſt iniquitas ſi in vno homine, vel ſuperiora inferioribus turpiter ſeruiant, vel inferiora ſuperioribus contumaciſter reluctentur, etiamſi vincere non ſinantur, &c.*

Reſpondeo, in vltimo testimonio, ut ordine retrogrado procedamus, vocat Aug. concupifcentiam iniquitatem, quia talis eſt, vel formaliter, ſi in mente fit, ut cum ſuperiora inferioribus turpiter ſeruiunt: vel certe materialiter, ſi in ſola carne ſit, ut cum inferiora ſuperioribus reluctantur, etiamſi vincere non ſinantur. Nam non efle concupifcentiam ſolius carnis, quæ remanet in renatis, proprie & formaliter iniquitatē, patet ex tract. 41. in Ioan. vbi dicit Aug. per Baptifmum totam deleri iniquitatē, & ſolam remanere infirmitatem. Hæc autē infirmitas, quæ eſt materialis iniquitas, recte dicitur puniendā, niſi expiata eſſet, propter reatum, quo facta eſt, qui cū ipſa trahitur ex Adam, & cū ipſa manet donec remittatur, quo reatu ipſa concupifcentia dicitur hominem reum facere, nō quod abſolute illam habere ſit peccatū, ſed quia peccatum eſt, illam habere ex propria culpa.

In testimonio Penultimo non comparat Auguſt. concupifcentiæ reatum cū reatu adulterii in omnibus, ſed in eo tantū, quod ut ſeparatur reatus adulterii ab adulterio, ita ſeparatur reatus concupifcentiæ à concupifcentia. Nam alioqui idem Aug. lib. 6. in Iulianum, c. 7. dicit, concupifcentiam ſimilem efle habitui, non actui, & c. 8. dicit, non efle ſimilem adulterio, vel ſacrilegio, ſed manenti qualitati.

Ad cætera loca dici poſſet, per eū reatum, quo concupifcentia facta eſt, ab ipſa concupifcentia fieri hominem reum, donec nō remittitur per Baptifmum. Poſſet etiam dici, in his locis loqui Auguſtinum de concupifcentia, quatenus ea efficit habitum totalem corruptum, ut ſupra diximus, vere enim ille totalis habitus, ſiue totalis illa natura, & omnium potentiarum corruptio, facit hominem reum, etiamſi tantum inſit, & nihil operetur, ut in infantibus.

Certum in hoc tali habitu pars vna, id est, auersio mentis à Deo: & formaliter peccatum, & reum hominem proprie facit: altera, id est, rebellio partis inferioris à superiore, non est peccatum nisi materialiter, nec facit proprie hominem reum, nisi illiciendo pertrahat ad consensum. Quoniam igitur ante Baptismum concupiscentia coniuncta est in homine cum auersione mentis à Deo, ideo recte dicitur habere reatum, non solum per quem ipsa facta est, si consideretur, ut pars illius habitus corrupti, sed etiam quo facit reum, si consideretur in vnum qui cum altera parte eiusdem habitus corrupti. Post Baptismum vero, quia pars illa formalis, id est, auersio mentis à Deo, sanata & sublata est, ideo sola remanet pars altera, id est, concupiscentia carnis, quæ non habet reatum, quo facit reum, neque illum quo ipsa facta est: sed cum solum, ad quem perducit, si regnare sinitur.

Et hoc modo coherent inter se loca omnia S. August. atque etiam excluditur admiratio illa Caluini in antidoto self. 5. Conc. Trid. ubi miratur, Patres Concilii rem eandem, id est, concupiscentiam, dicere non esse post Baptismum, id quod erat antea. Patres enim rectissime dixerunt, concupiscentiam post Baptismum manere, & tamen non esse peccatum, ut erat antea: quia videlicet separata ab auersione mentis non habet annexum reatum, quem habebat antea. Atque hæc de primo genere testimoniorum S. August.

Alterum genus testimoniorum adducitur à Kemnitio, eorum videlicet, quæ non videntur habere magnas vires, & ideo breuiter perstringuntur: Ipse Augustinus, inquit Kemnitius, reliquam concupiscentiam vocat malam, & quomodo hoc intelligi velit, declarat per antithesim: nam dicit esse non bonam, non sanctam; sed malam, contra Iulian. lib. 6. c. 6. & lib. 5. cap. 4. inquit, discernere mala, quæ per patientiam sustinemus ab eis malis quæ per continentiam refrænamus. Hoc est, affirmat concupiscentiam non tantum esse malum pænæ, sed & malum culpæ, c. 5. vocat vitium, contra quod virtute pugnandum est. Est igitur vitium tale, quod virtuti opponitur. Libro 2. contra Iulianum, lex repugnans legi mentis, quæ in tanti quoque Apostoli membris erat, remittitur in Baptismate, non finitur. Lib. 1. de peccatorum meritis & remissione c. 3. per Baptismum Christi hoc agitur, ut caro peccati euacuetur. Non autem sic euacuetur, ut in carne concupiscentia innata non sit, sed ut non obstat mortuo, quo inerat viuo. Tractat. 41 in Ioan. Augustinus vocat reliquam concupiscentiam languorem oblectantem salutem nostram, alibi vocat infirmitatem, succumbentem legi Dei. Hæc ille pag. 482. addit autem duo alia loca. pag. 502. Vnum ex lib. 2. de bono perseuer. c. 5. Alterum ex lib. 4. ad Bonifacium; ca. 7. in quibus Augustinus tribuit Pelagianis eam sententiam, quæ nunc est Catholicorum, quod videlicet per Baptismum homines perfecte renouentur; & nullum habeant omnino peccatum.

Respondeo ad Primum, ex lib. 6. in Iulianum, cap. 6. recte dicitur concupiscentia non bona, nec sancta, sed mala. Non tamen sequitur, eam esse proprie peccatum. Nam diabolus quoque & Angeli eius non sunt boni, nec sancti, sed mali, & tamen non sunt proprie peccata, nisi iuxta doctrinam Illyrici. Itaque idem Aug. in eodem li. 6. in Iulianum, c. 5. dicit, Baptizati carere omni peccato, non tamē omni malo; & in ipso c. 6. dicit, per Baptismum remitti omnia peccata, sed non sanari omnes languores. Vbi concupiscentiam vult esse malum & languorem, non tamē peccatum.

Ad Secundum ex l. 5. c. 4. recte distinguit Aug. mala quæ per patientiam tolerantur, ut febres, inopiam, persecutiones, & similia, quæ non incitant per se ad peccandum ab iis malis, quæ per continentiam refrænantur, ut passionibus immoderatas, quæ proprie

A incentiuæ sunt vitiatorum: quamuis autem hæc mala frequentanda, & quoad eius fieri potest, debellanda sint, tamen non propterea culpæ, aut peccata proprie dici possunt. Idem enim S. Aug. in li. 2. contra Iulianum, de his malis ita scribit; *Nontalia sunt vitia, quæ iam peccata dicenda sunt: passionibus sunt, vitia sunt, refræmanda, cohibenda, sananda sunt.* Itaque glossa illa Kemnitii, hoc est, affirmat Augustinus concupiscentiam non tantum esse malum pænæ, sed & malum culpæ, destruit textum. Dicendum autem fuisset; affirmari ab August. concupiscentiam non tantum esse pænā, sed esse etiam in se, & absolutè malam, quia est quid immoderatum & vitiosum, quamuis non habeat propriam culpæ rationem, cum non in voluntate, sed in carne sedem habeat.

B Ad Tertium, ex lib. 5. in Iulianum, cap. 5. recte dicit S. Augustinus, contra concupiscentiam virtute pugnari; sed non omne quod virtuti opponitur, peccatum est proprie dictum: nisi forte nouam Dialecticam Kemnitius adinuenerit: Virtuti siquidem actus malus repugnat, ut castitati adulterium, hoc est peccatum proprie dictum: repugnat etiam habitus inualus, qui non peccatum, sed vitium dici solet. Repugnat denique passio, in qua moderanda & coercenda virtus occupatur. Porro concupiscentia (ipso Augustino teste) ut paulo ante dicebamus, in 2. lib. aduersus Iulianum, ut passio ac vitium, non ut peccatum virtuti repugnat.

C Ad Quartum, ex lib. 2. in Iulianum, quis negat legem carnis repugnantem legi mentis, remitti in baptismo, non finiri; sed ut nos fatemur, concupiscentiam ratione reatus annexi in baptismo remitti, & tamen ad agonem remanere; ita fateri (velit nollet Kemnitius) debet, post baptismum concupiscentiam non peccatum esse, sed vitium.

D Ad Quintum, ex li. 1. de peccatorum meritis & remissione, c. 3. Non negamus concupiscentiam post baptismum non ita euacuari, ut non sit, sed ut non obstat mortuo ratione reatus annexi, quæ inerat viuo.

Ad Sextum, ex tract. 41. in Ioannem concedimus reliquam concupiscentiam oblectari salutem æternam, quia allicere nititur ad peccatum, non quia ipsa in se proprie sit peccatum. Idem enim Augustinus in illo eodem tractatu disertis verbis dicit, in baptismo deberi totam iniquitatem, & solam remanere infirmitatem.

Ad Septimum, ex alio loco, Dico, negari non posse quin infirmitas nostra succumbat legi Dei, si non adiungetur à gratia. Sed, verum est tamen quod S. August. ait in lib. 5. aduersus Iulianum, cap. 4. videlicet, esse concupiscentiam sub animi potestate, gratia Dei per Iesum Christum Dominum nostrum, in mortis corpore castigandam, in morte corporis resolvendam, in corporis resurrectione, & mortis morte sanandam.

E Ad Octauum, ex lib. 3. de bono perseuerantiz, c. 5. manifesta est Kemnitii impudentia. Si quidem S. August. Pelagianis tribuit errorem illum quod homo iustus in hac vita nullum habeat veniale peccatum. Kemnitius autem ita citat Augustinum, quasi Pelagiani senserint concupiscentiam inuoluntariam, quæ remanet post baptismum vere ac proprie esse peccatum. Loqui autem Augustinum de peccatis actualibus, sed venialibus, non de concupiscentia inuoluntaria, perspicuum est ex eo, quod allegat verba Domini: *Dimitte nobis debita nostra*, quam orationem non esse dicendam pro concupiscentia inuoluntaria, idem Augustinus sapissime repetit epist. 200. & alibi. Hæc enim sunt verba Augustini à Kemnitio recitata: *Etiā hoc Pelagiani audient, audient dicere*

hominem iustum in hac vita nullum habere omnino peccatum? & in talibus hominibus esse iam in presenti tempore Ecclesiam, non habentem maculam, neque rugam; tanquam sponsa Christi non sit, quæ per universam terram quod ab eo didicit, dicit, *Dimitte nobis debita nostra.*

Ad Nonum, ex lib. 4. ad Bonifacium, c. 7. Non dissimili impudentia Kemnitius abutitur testimonio S. Augustini. Ille enim non reprehendit Pelagianos, quod dicant, per baptismum perfecte hominem renouari; sed quod malo sensu hanc veritatem depravent, dum ita volunt perfecte hominem innouari, ut deinceps nullum committat veniale peccatum. Kemnitius autem ita citat Augustinum, quasi ille senserit post baptismum remanere aliquid, quod vere & proprie sit peccatum, & per hoc non perfecte per baptismum hominem renouari. Hæc autem sunt verba S. Aug. integra, non truncata, ut à Kemnitio callide allegantur: *Quid est (Pelagianis) prodest, quod aduersus Manichæos, qui baptisma destrunt, isti dicunt baptismo perfecte homines innouari atque ad hoc Apostoli adhibent testimonium, qui per lauacrum aquæ Ecclesiam de gentibus sanctam fieri, immaculatamque testatur, cum superbo sensu, atque peruerso contra orationes ipsius Ecclesiæ suas exerant disputationes? hoc enim dicunt, ut credatur Ecclesiæ post sanctum baptismum, in quo sit omnium remissio peccatorum, ulterius non habere peccatum, cum aduersus eos illa à solo ortu usque ad occasum omnibus suis membris clamet, Dimitte nobis debita nostra.*

Quod autem S. August. contra Lucheranos doceat, per baptismum perfecte hominem renouari, perspicuum est ex illis eius verbis li. 6. in Iulianum, c. 5. *Dixisse me affirmas quod gratia non perfecte hominem nouum faciat. Non hoc dico, attende quod dico, gratia perfecte hominem nouum facit: quandoquidem & ad corporis immortalitatem plenamque felicitatem ipsa perducit. Nunc etiam perfecte innouat hominem: quantum attinet ad liberationem ab omnibus peccatis, non quantum ad liberationem ab omnibus malis.*

Tertium genus testimoniorum producit à Caluino & Kemnitio. Quod genus continet ea loca, quæ concupiscentiam proprie docent esse peccatum, siue inobedientiam legis, etiam si illi à ratione & spiritu resistatur. Lib. 1. contra duas epistolas Pelagianorum, c. 13. dicit Augustinus. *Concupiscentiam vocari peccatum, non tantum quia ex peccato facta est, & quia peccatum facit si vincit, sed etiam quia peccandi delectatione mouetur, etsi ei vincente delectatione iustitiæ non consentiatur.* Item lib. 5. in Iulianum c. 3. *Concupiscentia carnis, inquit, aduersus quam bona concupiscit spiritus, & peccatum est, quia inest illi inobedientia contra dominatum mentis, & pœna peccati est, quia reddita est meritis inobedientis; & causa peccati est delectatione consentientis, vel contagione nascentis.* Atque ob hæc loca, maxime autem ob posteriorem triumphant Kemnitius & Caluinus.

Addunt etiam aliud testimonium Kemnit. & Caluinus ex tract. 41. in Ioan. vbi contendunt August. loqui ex propria mente. Loquens enim Augustinus de renatis: *Liberati, inquit, sunt à peccato, quia carent criminibus & querela. Sed illa est inchoata non perfecta libertas: nondum est tota, nondum pura libertas; quia video aliam legem in membris, &c.* Hinc enim apparet, adhuc renatos esse impuros propter concupiscentiam, Ibidem: *Quia deleta est tota iniquitas, nulla remansit infirmitas: certe si non remansisset; sine peccato hic viueremus.* Vbi ipsam infirmitatem remanentem appellat Augustinus peccatum. Ibidem: *Quamdiu vivis, peccatum necesse est esse in membris tuis, saltem illi regnum auferatur. Non fiat quod inbet.* Et ibidem tractus discrimen peccati regnantis & non regnantis, inquit:

A Non ergo Deus quedam peccata damnat, quedam iustificat & laudas, nulla laudas, sed odit omnia. Hic videmus concupiscentiam vocari peccatum, quod Deus odit & curando agit, ut consumatur; ut ibidem August. subiungit. Ex quo colligit Kemnitius falso dixisse Concil. Trid. deum in renatis nihil odisse. Acque hæc tria testimonia sunt omnium præcipua in iis, quæ ab aduersariis produciuntur.

B Respondeo, vitur imprimis duobus locis S. Aug. nomine peccati largo modo, ut omnem corruptionem & vitium significat. Quemadmodum etiam lib. 2. in Iulian. vocauit iniquitatem. Id ita esse probatur Primo ex eo, quod S. August. in primo loco monet, concupiscentiam non esse peccatum. Sic enim ait: *Et ideo iam non sit peccatum, sed sic vocetur siue quod peccato facta sit, siue quod peccandi delectatione mouetur, &c.* Vbi aperte ostendit, moueri delectatione peccandi non esse peccatum proprie, nisi cōsensu accedat. Nam alioqui perperam posuisset illam particulam aduersatiuam, sed, Quod autem in hoc loco dixit, moueri delectatione peccandi, in sequenti dixit, inesse inobedientiam contra dominatum mentis. Neutrum igitur est peccatum proprie & formaliter, sed solum largo modo, vel materialiter.

C Secundo idem probatur ex eo, quod (ut supra diximus) inobedientia carnis contra dominatum mentis, non potest proprie esse peccatum, donec mens resistit, quia caro non est capax peccati proprie dicti. Quare S. August. cum rationem illam reddit, cur concupiscentia sit peccatum, quia videlicet inest illi inobedientia contra dominatum mentis, illa ipsa ratione significauit, concupiscentiam proprie non esse peccatum.

D Tertio, quia S. August. in eodem opere aduersus Iulianum lib. 2. dicit, motus ipsos concupiscentiæ, passiones, & vitia esse, non tamen peccata. Et l. 6. c. 5. dicit, esse malum; non tamen peccatum: *Omni peccato, inquit, baptizati carent; non omni malo.*

E Itaque ne S. August. inconstantem faciamus, cogimur dicere ab eo aliquando concupiscentiam appellari peccatum, aliquando negari esse peccatum; quia nunc vocem (peccati) largo modo, & improprie, nunc proprie, formaliterque accipiat. Neque vero hic habet locum, quod dicit Kemnitius, August. in li. 5. in Iulian. c. 3. retractasse quod antea dixerat. Nam quod antea dixerat, iterum postea reperit in lib. 6. ut iam ante monuimus. Et si quod habetur in lib. 5. esset retractatio, certe quod habetur in lib. 6. esset retractatio retractationis. Sed quis credat, virum grauissimum lib. 5. reuocasse quod scripserat lib. 2. & rursum lib. 6. reuocasse quod scripserat lib. 5.

Ac cur quæso (diceret aliquis) S. Augustin. non fuit contentus in li. illo quinto dicere, concupiscentiam vocari peccatum, quia est pœna, & causa peccati? cur addidit, ac dixit: *non solum eam pœnam & causam peccati, sed etiam esse peccatum?* Responso est in promptu, quia Iulianus ex eo quod Augustin. in libr. de nuptiis & concupiscentia dixerat, concupiscentiam esse pœnam peccati, collegerat eam esse bonam & laudabilem. Voluit igitur sanctus Doctor ostendere, non esse rem bonam aut indifferentem concupiscentiam, sed malam; & quia pœna (ut à deo est) bona & laudabilis est; & causa peccati, potest etiam esse res bona aut indifferens, si sit causa per accidens, ut sunt omnia obiecta sensuum delectabilia; propterea S. August. coactus est dicere, concupiscentiam non solum esse pœnam & causam peccati, sed etiam peccatum, id est, rem in se malam & vitiosam, qualia sunt non solum peccata morum, quæ proprie peccata dicuntur, sed etiam peccata naturæ, ut cæcitas

& ſurditas, vel quælibet monſtroſitas naturalis, quales ſunt etiam habitus mali, qui vitia dici ſolent, & ipſæ paſſiones immoderate, quæ in ſtatu naturæ integre locum nullum in homine habuiſſent.

Neq; multum refert, quod idem S. Auguſt. comparat concupiſcentiam cum cæcitate cordis, quam dicit eſſe peccatum, quo in Deum non creditur & ſimul pœnam & capſam peccati. Nam propoſitum S. Auguſtino fuit, oſtendere poſſe id quod eſt pœna peccati, eſſe etiam peccatum, ſive proprie; ſive largo modo; & in eo varia proferunt exempla, non multum laborans, utrum ſint in omnibus ſimilia, modo ſimilia ſint in eo, de quo agitur.

Iam vero teſtimonium ex tract. 41. in Ioannem, ſi abeſſet perniciacia, nullo modo ab aduerſariis proferretur. Nam in eo tractatu S. Auguſt. diſcretis verbis dicit, per baptiſmum tolli omne peccatum; ac totam deleri iniquitatem, nec remanere niſi languorem & infirmitatem. Quod vero poſtea dicit, renatos non eſſe ſine peccato, interdum loquitur de peccatis venialibus, quæ poſt baptiſmum ſunt; interdum ipſam concupiſcentiam cum Apoſtolo vocat peccatum per metonymiam, & ideo dicit, peccatum hoc eſt in membris, non animo.

Itaque cum dicit, non eſſe in renatis puram libertatē, ideo dicit, quia non ſunt puri à peccatis venialibus; & quia peccatorum venialium cauſa eſt concupiſcentia, ideo addit: *Quia video aliam legem in membris, &c.* parā ratione cum dicit: ſi nulla remaniſſet infirmitas, ſine peccato hic viueremus, de peccatis loquitur venialibus, quorū cauſa, ut diximus, ut plurimum eſt infirmitas. Denique non negamus, concupiſcentiā dici peccatum habitans in membris, & damnari, atque odio haberi à Deo; non ut peccatum proprie dictum, ſed ut morbum & languorem. Nam etiam mendici non ſolum febrem, ſed etiā remanentem infirmitatem oderunt, & pellere ſua arte conantur.

Porro in Concilio Trid. recte etiam dictum eſt Deum in renatis nihil odiſſe; quia loquitur Concilium de odio, quod redundet in perſonam. Sic enim nihil odit Deus, niſi peccatum. Vnde dicitur Sap. 14. *Odio eſt Deus impius, & impietas eius.* Odium autem concupiſcentiæ, quod ponit Auguſt. in Deo, non redundat in perſonā. Non enim Deus propter concupiſcentiam, quæ eſt in renatis, vult renatos damnare, ſed potius vult cōcupiſcentiam paulatim conſumere, ut renati perfecte ſanentur ac liberentur.

Calvinus in Antidoto Concilii, admittit, Deum nihil in renatis odiſſe: ſed non minus errat ipſe, dum hoc admittit, quā Kemnitius dum reprehendit. Nam ſi cōcupiſcentia eſſet ex natura ſua peccatum, ut ipſe dicit, non eſſet verum, eam à Deo non haberi odio, etiam in renatis. Ut enim S. Augu. recte ait in hoc ipſo tract. 4. in Ioan. *Deum omnia peccata odit.* Nihil igitur De⁹ in renatis odit, quia nihil remanet poſt baptiſmū, quod habeat verā peccati rationem.

CAPVT XIV.

Soluntur obiectiones ex ratione.

Propter teſtimonia Scripturarum & Patrū, proferunt etiam aduerſarii aliquot rationes.

Prima Ratio, motus concupiſcentiæ ſunt illiciti, etiam ſi nolentibus ſiant, ut ex Auguſtino colligitur lib. 1. de nuptiis & concupiſ. c. 27. igitur lege diuina prohibiti ſunt, ac per hoc inobedientia legis, & peccatum eſt illos habere quamvis iuſtis & fidelibus non imputentur.

Reſpondeo, Motus concupiſcentiæ dicuntur illiciti, quia non licet eis præbere conſenſum, non

quia non liceat eos inuito animo pati, quemadmodum carnalis copula extra coniugium res eſt illicita: & tamē ſi quis per vim turpitudinem pateretur, aut omnino ignoranter committeret, non peccaret, itaque S. Auguſtin. loco notato non dicit eos motus eſſe illicitos, quia non liceat eos pati, ſed quia non liceat eis obedire; Non enim, inquit, ſi bona & licita deſideria eſſent eis obedire prohiberet Apoſtolus: dicens: *Non regnet peccatum in veſtro mortali corpore ad obediendum deſiderijs eius.*

Secunda ratio, Id quod per ſe trahit ad malum eadem lege prohibetur, quia prohibetur ipſum malum ut perſpicuum eſt de amplexibus & oſculis impudicis: concupiſcentia autem, quantumvis inuoluntaria, per ſe trahit ad malū, Iacob. 1. *Vniuſquiſque tentatur à concupiſcentia ſua abſtractus & illeſus;* igitur cuiusmodi concupiſcentia lege diuina prohibita eſt, & legē violat qui concupiſcit, quamvis inuitus.

Reſpondeo; id quod per ſe trahit ad malum, eadem lege prohibetur, quia prohibetur ipſum malum: ſed ſicut ipſum malum nō prohibetur proprie, ita ut reum faciat, niſi cum eſt in poteſtate noſtra illud non committere, ſic etiam, vel potius maiori ratione, id quod per ſe trahit ad malum, non cenſetur proprie prohiberi, niſi quatenus in arbitrio noſtro eſt illud aſſumere, vel reſicere. Nam ſi idre non poteſt reprehendi, qui ſtuprum per vim oblatum patitur, quanto minus reprehendi poterit, qui complexum, vel oſculum impudicū pati cogitur, etiam ſi inde ſe ſtimulari ad flagitiū ſentiat? Sic igitur concupiſcentiæ motus qui reluctantē animo interdum exoriuntur in carne, non ſunt illiciti, nec prohibiti niſi materialiter: proprie vero, ac formaliter ſolus conſenſus intelligitur prohiberi.

Tertia Ratio contra ſolutionem ſuperiorem. Qui cogenti cupiditati bona voluntate reſiſtere non poteſt, & ideo facit contra præcepta iuſtitie, vere & proprie peccat, ut S. Auguſtinus docet li. 1. retract. c. 15. At in lege iuſtitie non ſolum prohibetur opus, ut adulterium, ſed etiam deſiderium, ut concupiſcentia adulterii; igitur ſicut opus eſt vere peccatū, etiam ſi reſiſti bona voluntate non poſſit, ita concupiſcentia ipſa vere peccatum erit, quamvis inuito animo oriatur.

Reſpondeo, multum intereſt inter motus concupiſcentiæ carnalis inuoluntarios, qui in ſola carne ſedem habent, & deſiderium voluntatis, ſive opere compleatur, ſive non compleatur. Nam motus ille carnis inuoluntarius nullo modo eſt in poteſtate noſtra, & ideo nec peccatum proprie, ſed tantū per metonymiam, ut in illo ipſo loco idem S. Auguſt. docet. Deſiderium autem adulterii voluntarium, ſive ipſum opus adulterii pariter voluntariū, aliquando non eſt in noſtra poteſtate immediate, quia diuino iudicio deſerti nō habemus vires, quibus cogenti cupiditati reſiſtere valeamus: tamen ſemper eſt in poteſtate ſaltem mediate, quia poſſumus à Deo auxilium petere & gratia eius adiuuante tērationi reſiſtere; Et ideo (ut ibidem Auguſtinus dicit) *immo facere contra præcepta iuſtitie, ſive opere, ſive conſenſu; ſi eſt peccatum, ut ſi etiam pœna peccati.*

Quare totum argumentum conceditur, ſi in conſequentē de concupiſcentia illa ſit ſermo, quæ in ipſa voluntate per conſenſum oritur. Fieri non poteſt ut ea concupiſcentia inuito animo oriri dicatur, ſi forte nollēt aliquis conſentire, & tamen victus tentatione conſentiat. Sin autē de concupiſcentia carnis agatur, quæ nullo modo conſenſum extorqueat, argumentum nihil omnino concludet, nam in antecedente dicitur eſſe peccatum id, quod ſit cogente

carnis cupiditate, quod non est in nostra potestate immediatè, sed tantum mediatè. Ex quo non sequitur, ut peccatum ut ipsa cupiditas carnis, quæ non est in potestate nostra, neq; mediatè, neq; immediatè.

Quarta ratio, Concupiscentiam, quæ remanet in baptizatis, Deus odit, ut S. Aug. docet in Psal. 35. explicans illud: *Malitiam autem non odinis*. Apostolus item illam odio habebat, Rom. 7. *Quod odi facio*. Et nos illam odio habere debemus, iuxta illud Iudæ: *Odiens eam, quæ carnalis est maculat tunicam*. At nihil odit Deus nisi peccatum, Sapient. 14. *Odio est Deus impietatem & impietas eius*. Et c. 11. *Diligis omnia, quæ sunt, & nil*. *Nil eorum, quæ fecisti*. Fecit autem omnia Deus, præter peccatum. Quare concupiscentia remanens in renatis, peccatum est.

Respondeo, tam suprà diximus in explicatione testimoniorum S. Augustini, concupiscentiam odio haberi à Deo, & à nobis, odio esse habendam; quia tamen propriè peccatum non sit, tamen incitat ad peccatum; & cum ea bellum intestinum & assiduum gerere cogimur.

Quod autem Scriptura dicit, Deum nihil odisse eorum, quæ fecit, verissimum est; sed illud est falsum, Deum omnia fecisse præter peccatum. Deus enim fecit, ac diligit omnia quæ sunt, quia omnia bona sunt. Vidit enim cuncta quæ fecerat, & erant valdè bona, Gen. 1. Proinde malum nullum fecit, & malum omne odit, quatenus malum non est res aliqua, sed rei alicuius privatio. Itaq; in eodem li, Sap. c. 1. legimus: *Deus mortem non fecit*. Et de concupiscentia Ioan. Apostolus in 1. epist. c. 2. dicit: *Eam non esse ex patre, sed ex mundo*. Odit igitur Deus in nobis concupiscentiam, non ut peccatum, sed ut languorem ex peccato relictum, eamque sanando quotidie minuit donec penitus consumatur. Quomodo autem intelligendum sit, quod Concilium Tridentinum dicit, Deum in renatis nihil odisse, explicatum est capite superiore.

Quinta ratio, Concupiscentia non est à Deo, ut habetur 1. Ioan. 2. At omnis iusta pœna est à Deo, ut habetur Amos 3. Igitur concupiscentia non est solum pœna, sed etiam culpa.

Respondeo, si argumentum hoc vire haberet, efficeret etiam mortem corporalem non esse tantum pœnā, sed etiam culpam. Nam mors non est à Deo, ut habetur Sapient. 1. Et omnis iusta pœna est à Deo, &c. Dico igitur concupiscentiam non esse à Deo, quatenus illa est mala, & tamē esse à Deo, quatenus bonum est, ut eo malo puniatur hominis inobedientia. Item concupiscentiam non esse à Deo, quia non fuit ipse auctor peccati, unde illa manavit; tamen esse à Deo, quia in ultionem peccati abstulit donum originalis iustitiæ, quod carnem spiritui subiiciebat, quo tanquam freno quodam, sublato, continuo extitit in homine rebellio ista membrorum: *Quia dixit* (inquit S. Aug. lib. 5. in Iulian. c. 7.) *inobedientiam carnis, quæ in carne concupiscente adversus spiritum apparet diabolico vulnere contigisse: & rursus hanc legem peccati repugnantem legi mentis, à Deo esse illatam propter ultionem & ideo pœnam esse peccati; hac inter se assueverat esse contraria. Quasi fieri non possit, ut idem malum, & diaboli iniquitate, & Dei aequitate peccantibus ingeratur. Neque hinc sibi ipsa divina adversantur eloquia, quia scriptum est, Deus mortem non fecit. Item scriptum est, Vita & mors à Domino Deo. Quia deceptor hominis causa mortis est diabolus, quam non ut primus auctor eius, sed ut peccati ultor intulit Deus.*

Sexta ratio, Nulla est pœna huius vitæ, quæ ob finem bonum expeti non possit, at concupiscentia ob nullum finem rectè expeti potest: igitur con-

cupiscentia non est solum pœna, sed etiam culpa.

Respondeo, falsa est propositio. Nam ignorantia eorum rerum, quæ ad salutem necessaria sunt, sine dubio pœna peccati est, & tamen expeti, nisi imprudenter & malè non potest. Pari ratione tentationes Satanæ expeti non possunt, cum orare iubeamur: *Et ne nos inducas in tentationem*, Matt. 6. & tamen tentationes internæ, quibus Satanæ imaginationem movet, & inania, vel illicita interdum nos cogitare compellit, pœna peccati sunt. Denique nullas pœnas expetendas esse docet S. Aug. sed omnes tolerandas, cum sic loquitur li. 10. Confess. c. 23. *Quis velut molestias & difficultates pati tolerare iubet eas, non amare. Nemo quod tolerat, amat, etsi tolerare amat. Quamvis enim gaudeat se tolerare, manul tamen non esse quod toleret. Porro concupiscentia eadem ratione expeti non debet, non quod peccatum sit, si non ei consentiatur, sed quod ad peccandum inducat, & quod molestus sit & gravis, & ideo non amanda, sed toleranda sit, si debellari nequeat. Neque displicere debet iudicium Dei, qui eam ad agonem & exercitum virtutis remanere voluit, & Apostolo suo dixit, sufficit tibi gratia mea. Nam virtus in infirmitate perficitur, 2. Cor. 12.*

Septima ratio, Christus per omnia tentari voluit, sed absque peccato, ut Apostolus docet ad Hebræ. 4. & ideo communes humanæ vitæ miseria omnes assumpsit, ut fratrib. per omnia similis fieret: At concupiscentiam carnis non assumpsit, neque tentationem eiusmodi, quæ à rebellionē carnis oriretur, pati voluit: igitur concupiscentia non solum pœna, ac miseria, sed culpa, & iniquitas est.

Respondeo, non solum concupiscentiam, sed etiam ignorantiam Christus assumere noluit, quamvis neutra sit peccatum, si sit omnino involuntaria. Cur autem ignorantiam & concupiscentiam Christus habere noluerit, docet S. Thom. in 3. par. q. 15. art. 2. & 3. Tum quia dux istæ miseriæ nihil proderant ad redemptionem generis humani, sed potius oberant; Tum etiam quia plenum gratia & veritate Christum esse oportebat, quibus duobus donis concupiscentia & ignorantia manifestè repugnant. Vide S. August. lib. 2. de pecc. merit. & remiss. c. 29. & lib. 5. in Iulian. c. 9. ubi docet Christum fuisse ab ignorantia & concupiscentia semper immunem.

Octava ratio, sic proponitur à Kemnitio pag. 506. in Examine Concilij. Concupiscentia etiam in renatis est *adipia*, propterea quod dissidet à norma legis, & cum illa pugnat: & quia lex est norma iustitiæ, & quicquid ab ea dissidet, & cum ea pugnat, rationem peccati habet. Sed Petrus Martyr in commentario epist. ad Rom. magis artificiosè sic argumentum texit. Omne quod non est conforme legi divinæ peccatum est, ut patet ex illo 1. Ioan. 1. *Es peccatum est iniquitas, siue adipia*, ut habetur in Græco: At depravatio naturæ humanæ non est conformis legi divinæ, eique triplici: repugnat enim Primo legi institutionis primæ, quia non est qualis eam Deus condidit: Secundo, legi naturæ, quia non potest vivere convenienter rationi: Tertio, legi Scriptæ, *Non concupisces*. Igitur ea depravatio peccatum est. Hoc argumentum Achilles est (ut vulgò dicitur) Philippi, Bucer, Petri Martyris, Caluini, Kemnitij. Argumenti huius (inquit kemnitius pag. 506.) mole premisse omnes Pontificij sentiant, ideo varias quædam rimas, ut elabantur.

Respondeo, argumentum hoc ex ijs, quæ dicta sunt facile solui potest; & adeo non premit sua mole Catholicos, ut à multis per iocum eludatur; quippe quod seria responsione non egeat. Nam concupiscentiam esse *adipiam* in renatis; largo modo &

materialiter fuprà concessimus cum Auguftino, & eadem ratione cōcedimus eſſe peccatum largo modo materialiter, vel improprie, quēadmodum omne vitium, omniſque reſſus à regula, vel ordine, non ſolum in moribus, ſed etiam in natura, & arce dici poteſt eſſe peccatum. Sin autem concupiſcentiam renatorum cōtendant proprie eſſe *aiopias*, quomodo hanc vocem accipit S. Ioan. cū ait, & peccatum eſt *aiopias*, ſiue iniquitas, 1. Ioan. 3. negamus, concupiſcentiam renatorum eſſe *aiopias*.

Neque bona eſt illa Kemnitij probatio, Concupiſcentia etiam in renatis eſt *aiopias*, propterea quod diſſidet à norma legis, & cum illa pugnat. Nam non quod diſſidet à legis norma, vel cum illa pugnat, eſt *aiopias*, ſed ipſa diſcordia, ſiue repugnantia, vel reſſus, ac deuiatio proprie eſt *aiopias*, & formaliter peccatum. Diſſidet enim à lege diabolus tentans ad peccandū, ſed non eſt ipſe iniquitas, ſed iniquitatis ſuaſor. Diſſidet etiā homo qui peccat; ſed nō eſt ipſe, neque iſſe dicitur iniquitas & peccatū, ſed auctōr peccati. Diſſidet itē à lege voluntas humana, cuius conſenſu peccatum perficitur; ſed nec ipſa dicitur iniquitas, vel peccatū, ſed principium, vel cauſa peccati. Deniq; diſſidet à lege actio humana, cū non eſt legi congruens, & ne ipſa quidem eſt iniquitas, ſed iniqua. Iniquitas igitur, vt diximus, eſt ipſa reſſio à norma legis, quæ melius explicatur Græca voce *aiopias*. Illa autem reſſio, vel deuiatio à norma legis, immediate ineſt in ipſa actione, quæ ſecundum legis normam fieri debuiffet.

Iam vero concupiſcentia repugnat quidem legi mentis, vt Apoſt. dicit ad Rom. 7. ſed neque eſt ipſa formalis repugnantia; neque repugnat, vt actio recedens à norma legis; neque vt potentia, vel perſona, quæ normam ſequi teneatur; ſed repugnat, vt incitans & impellens ad præuariancā legem, quemadmodum de diabolo diximus. Tēatur enim vnuiſque à concupiſcentia ſua, vt habemus Iacob. 1.

Eſt autem hoc loco notandum, haberi 1. Ioan. 3. peccatum eſſe, *aiopias*, quod noſter interpres vertit iniquitatem. Sed 1. Ioan. 5. non haberi omnē *aiopias*, eſſe peccatum, ſed *aiopias adrius*, id eſt, omnem iniuſtitiam eſſe peccatum; noſtrum autem interpretem in vtroque loco vertiſſe iniquitatem, quia non habebat vocabulum, quo proprie exprimeret, *aiopias*, quæ eſt reſſio à lege. Cæterū quicquid ſit de æquiocatione Latinæ vocis, certū eſt non eſſe idem, omnem *aiopias* eſſe peccatum, & omnem *adrius* eſſe peccatum, vt Kemnitius contendit. Nam *adrius* ſpecies eſt, *aiopias* eſt genus. Omnis enim iniuſtitia eſt reſſus à lege, non autem omnis reſſus à lege eſt iniuſtitia. Et quod dicit S. Ioan. omnem *adrius* eſſe peccatum, veriſſimum eſt: quod autem dicit, & ſæpiſſime repetit Kemnitius, omnem *aiopias* eſſe peccatum, nō eſt verum, niſi peccatum largo modo accipiat, vt etiam peccata artis & naturæ cōprehendit. Sed de his hætenus. Nam ad mendacia & calūnias, & varia Kēnitij abſurda, ſatis reſpōdit Andradus, in quem proprie illa omnia Kemniti. effuſij.

Iam verò ad argumentum, vt textur à Petro Martyre, Reſpondeo, propoſitionem illam: *Omne quod non eſt conforme lege diuina, peccatum eſt*, veram eſſe in vniuerſum, ſi peccatum accipiat, largo modo: ſin autem agatur de peccato in moribus, debere etiam reſtringi ad conformitatem legis præcipientis actus morales. Alioqui etiam mōſtra, quæ ſunt peccata naturæ, eſſent peccata proprie dicta, & puniri deberent; quod certe eſt abſurdiſſimū. Aſſumptionem verò illam: *At deprauatio natura humana non eſt conformis legi diuina*, dico etiam eſſe veram, ſi agatur

A de lege in vniuerſum, non autem ſi agatur de lege, cuius præuaticatio inducat reatum, ſitq; peccatum proprie dictū: de quo nos in præſentia diſputamus.

Nam etſi deprauatio, quæ eſt in voluntate, ſi accipiat, pro auerſione a Deo, ſit vere peccatū, vt poſtea dicemus, tamen deprauatio quæ eſt in intelligentia, vel in carne, necnō pronitas quædam voluntatis ad obſequendum deſiderijs carnis, & difficultas eiſdem ad obſequendum Deo, non eſt contra legem vllam, cuius præuaticatio ſit peccatum proprie dictum. Et ideo non eſt per ſe, & ex natura ſua peccatum. Quod enim attinet ad legem primæ institutionis naturæ, non eſt ea lex moralis cuius præuaticatio reum conſtituat tranſgreſſorē: Non enim iuſſit Deus, vt homo naſceretur cum iuſtitia originali, vel hoc, aut illo modo; ſed inſtituit naturam, ſicut voluit, & ornauit ijs bonis, quibus ei placuit illam ornare; & idem attribuit principia, ex quibus propagari poſſet. Si quādo autem contigit, vt aliter res oriatur, quā Deus inſtituerit, eſt quidem in ea peccatum aliquod naturæ, ſed non tale peccatum quod ſupplicio dignum ſit. Nam non creauit Deus homines cæcos, vel ſurdos, aut claudos, & tamē cū naſcuntur aliqui cæci, vel ſurdi, aut claudi, nemocos reprehendendos, aut caſtigandos cenſet, etiam ſi non congruat eorū natura cum lege primæ institutionis.

Quod verò attinet ad legem naturæ, quæ iubet vt vitam agamus ſecundū rationem, quā legem viribus naturæ corruptæ ſeruare non poſſumus; dico, poſſe legem illam Biſariam conſiderari. Primo, vt ſignificat legem moralem, quæ proprie imperat voluntati, vt ſequatur ductum rationis, non conſentiat deſiderijs carnis, &c. & hoc modo vera lex eſt, ſed eius præuaticatio non eſt peccatum originale, ſed actuale, & ad ſem præſentem non pertinet. Secundo, vt ſignificat ordinem & congruentiam naturalem, quæ requirit, vt pars ſuperior imperet, inferior ſubijciatur; & voluntas ſine difficultate rationi obediat, &c. Et hoc modo lex iſta naturalis eadē eſt cum institutione naturæ, contra quā institutionem pugnant rebellio carnis, & difficultas voluntatis, ſed ea nō ſunt peccata proprie dicta: ſed pænz peccati, & defectus conſequentes materiam, quemadmodum ſe habet rubigo in cultro ferro. Porro de lege ſcripta, *Non concupiſces*, ſatis multa ſuprà diximus, vbi demonſtrauimus, eam legem proprie non prohibere, niſi deſideria voluntaria, quæ ſunt peccata actualia non originalia.

CAPVT XV.

Reſſitur eorum Catholicorum ſententia, qui peccatum originis in quædam poſitiua qualitate conſtituunt.

Refutauimus hætenus tres errores huius temporis hæreticorum: nunc refutandæ ſunt duæ Catholicorum incommoedæ ſententiæ, quæ videntur etiam errores nominari poſſe.

Prima ſententia eorum eſt, qui duas eſſe docent in homine malas qualitates, vnā in carne, alteram in anima, quā posterior à priore oriatur,) animam enim ex contactu carnis pollui exiſtimant(vtramq; autem concupiſcentiam dici poſſe cenſent, ſed ſolam poſteriorem ſtatuunt eſſe originale peccatum. Itaque peccatum originis nihil aliud eſſe volunt, niſi concupiſcentiam, hoc eſt morbidam in anima qualitatem, praua deſideria perpetuò excitantem. Ita docet Petrus Lombardus in 2. lib. ſent. d. 31. §. 2. & 3. quem ſequuti ſunt Henricus. Quod lib. 2. q. 11. & Gregorius Arim. 2. d. 30. q. 1. & ex recentioribus Ioan. Driedo in 1. lib. de gratia & libero arbitrio. Hoc tamen intereſt inter Henricum &

Greg.

Greg. quod Henricus arbitratum malam illam animæ qualitatem esse propensionem ad omnia mala Greg. autem reſtrixit ad inclinationem id bonum delectabile ſecundum carnem.

Hæc ſententia tametiſi conuenit ex parte cum errore Lutheranorum, tamen in eo differt, quod Lutherani non agnoſcunt vllam ſuperadditâ qualitatem, ſed eâ potius ridet Philippus in Apologia Confefſionis, non procul ab initio: De ſomite, inquit, diſputant quod ſit qualitas corporis, & ut ſuo more ſint inepti, querunt, virum qualitas illa contagione pomi, an ex aſſatu ſerpentis contrahita ſit. Hæc ille. Præterea differt etiam in eo, quod Lutherani concupiſcentiam poſt baptiſmum, ex natura ſua peccatum proprie dictum eſſe volunt, auctores autem illi Catholici minime id concedunt.

Videtur autem nobis hæc ſententia nullo modo defendi poſſe. Quod ut manifeſtum fiat, pauca quædam præmittenda erunt, ex quibus controuerſiæ ſtatus omnino aperietur.

Sciendum eſt igitur Primo, concupiſcentiam non ſemper eodem modo accipi in Scripturis. Interdum enim ſignificat appetitum boni in vniuerſum, quæ ratione multæ bonæ concupiſcentiæ inueniuntur, ut S. Aug. monet concione 8. in Pſal. 118. nam concupiſcentia ſapientiæ, bona & laudabilis eſt, quippe quæ ut dicitur Sap. 6. deducit ad Regnum. Bona eſt item concupiſcentia, quæ ſpiritus aduerſus carnem concupiſcit, de qua loquitur Apoſt. ad Gal. 5. recte quoque concupiſcebat, qui dicebat in Pſal. 118. concupiui deſiderare iuſtificationes tuas.

Rurſus concupiſcentia aliquando ſignificat actum, aliquando potentiam. Nam concupiſcentiam dicimus ipſum deſiderii motum, ut patet ex Auguſt. lib. 6. in Iulianum, c. 8. & ipſam potentiam, ſeu vim appetendi bona ſenſibilia, ut patet ex eodem Auguſt. lib. 4. in Iulia. c. 14. & lib. 6. c. 7. & hoc modo concupiſcentia nō eſt mala, ſed bona, vel indifferens. Nam poſſumus per eandem vim appetendi, & bene & male concupiſcere, & ſine dubio vis appetendi bona ſenſibilia fuit in Chriſto, & in primo homine ante peccatum, & rurſus in nobis poſt reſurrectionem erit. Itaq; S. Auguſtinus locis citatis fatetur, non ita accipiendam eſſe concupiſcentiam cum agitur de peccato originis.

Eſt igitur alia notio concupiſcentiæ, quæ concupiſcentiam appellamus vitium, quo proni ſunt homines ad appetenda bona ſenſibilia, contra ordinē rationis. Et hoc modo accipitur cōcupiſcentia paſſim ab Auguſt. in libris aduerſus Pelagianos li. 2. in Iulianum ante medium, ſcribit concupiſcentiam non eſſe ſubſtantiam, ſed ſubſtantia vitium, & apertius li. 6. c. 7. Ego, inquit, tanquam valetudinem malam ex origine vitiatam ingentum eſſe dico homini vitium, quo caro concupiſcit aduerſus ſpiritum. Et lib. 1. de nuptiis & concupiſc. c. 25. Non enim, inquit, concupiſcentia ſubſtantialiter manet, ſicut aliquod corpus, aut ſpiritus, ſed affectus eſt quadam male qualitatis, ſicut languor. Et in c. 31. Carnem, inquit, appellamus, ubi eſt quidam morbidus carnis affectus, non ipſam corporis confirmationem.

Sciendum eſt Secundo, iſtud vitium in carne poſſiſſimum reſidere, hoc eſt, in parte hominis inferiore, quæ ſenſualitas dicitur. Id quod ſupra docuimus ex Apoſtolo Rom. 7. ubi concupiſcentiam dicit eſſe malum inhabitans in carne; & repugnare legi mentis, &c. Quocirca S. Auguſt. in omnibus libris, quos aduerſus Pelagianos ſcripſit, ſemper de concupiſcentia loquens, ad vitium partis inferioris recurrit, lib. 1. de peccat. meritis & remiſſ. c. 29. Quod igitur, inquit, in membris corporis huius mouetur, to-

Am quæ animum in ſe deiectum conatur attrahere, & neque cum mens voluerit, aſſurgit: neque cum mens voluerit conquieſcit, hoc eſt malum peccati, in quo naſcitur omnis homo. Et lib. 4. in Iulianum, cap. 4. dicit, libidinem, ſive concupiſcentiam eſſe vitium, quo appetitus immoderate delectationem omnium ſenſuum, ſed præcipue guſtandi & tangendi Et lib. 6. cap. 8. Hinc chirographo, inquit, naſcuntur obnoxij omnes in carne, de carne carnaliter nati. Neque enim nulla eſt iniquitas, cum in uno homine, vel ſuperiora inferioribus turpiter ſeruimus, vel inferiora ſuperioribus contumaciter reſiſtantur, etiamſi vincere non ſinamur. Denique in omnibus libris contra Pelagianos directe ſcriptis cum in ſingulis fere capitibus concupiſcentiam ſæpius nominet: ſemper fere pro vitio partis inferioris, quæ rebellis eſt ſuperiori, concupiſcentiæ nomen accipit.

Ceterum negandum non eſt, etiam in parte ſuperiore ſimile vitium inueniri. Nam ea quoque animæ pars prona eſt ad concupiſcendos honores, inanem gloriā, & alias vanitates, & etiamſi nolumus, interdum parit eiufmodi deſideria. Quocirca B. Paulus in epiſt. ad Galat. c. 5. cum dixiſſet carnem concupiſcere aduerſus ſpiritum, ſtatim enumerās opera carnis, non ſolum nominauit fornicationē, ebrietatem & alia id genus, ſed etiam idololatriam, hæreſes, inimicitias, &c. quod diligenter notauit S. Aug. lib. 14. de ciu. c. 2. 3. & 4. ubi demonſtrat, carnem interdum accipi pro toto homine. qualis eſt, ſine gratia Dei, poſt lapſum Adami, & cum dici carnalē qui ſecundū ſeipſum, non ſecundū Deum viuit. Ex quo in explicatione Pſ. 70. dicit, omne peccatū oriiri ex cupiditate male inflāmate, vel ex timore male humiliſſe.

Itaq; concupiſcentiæ vitium licet præcipue in ſenſualitate, tamen etiam in mente ſedem habet. S. autem Aug. in libris cōtra Pelagianos ideo penē ubiq; loquitur de vitio ſenſualitatis, quia in ſenſualitate magis hoc vitium ſe prodit, non quod ignoraret etiam in mente locum habere. Atque his omnibus (niſi fallor) cum Petro Lombardo, Henrico, Gregorio, & ceteris omnibus conuenimus. Solū quaſtio manet de hoc vitio, ſit ne poſitiua qualitas, an non; & verum hoc ipſum vitium ſit proprie, ac formaliter originale peccatum. Illi aſſerunt vtrumque, Nos vtrumque negamus: Dicimus enim ſenſualitatem eſſe pronam ad concupiſcendum etiam contra ordinem rationis: non ex aliqua inſita qualitate eam inclinante ſed ex carentia iuſtitia originalis, quæ eam perfecte rationi ſubiiciebat. Quemadmodū ſi equus incitetur ad currendum, nō quia admoventur ei calcaria: ſed quia ſublatus eſt frenum: & veluti ſi aliquid propendeat ad cauſam, non quia premitur aliquo corpore graui ſuperaddito, ſed quia ſublatus eſt aliquid, quod prohibebat ne caderet, Quod autem diximus de ſenſualitate, de voluntate quoq; intelligendum eſt.

His prænotatis probamus, non eſſe concupiſcentiam poſitiuam qualitatem: Primo, testimoniis S. Auguſt. quem aduerſarii vel ſolum pro ſua opinione patronum habere ſe putant. Is igitur in lib. 2. de peccato originis, c. 4. loquens de concupiſcentia, cuius reatum dicit eſſe originale peccatum, ut patet ex capitibus ſex præcedentibus, ſic ait: Comparatur homo pecoribus per vitium, non per naturam, non pecoris vitio, ſed naturæ. Tanta namque excellentia eſt in comparatione pecoris homo, ut vitium hominis, natura ſit pecoris. Item lib. 4. aduerſus Iulianum c. 9. Hæc autem libido, inquit, ideo malum non eſt in bellis, quoniam non repugnat rationi, quæ caret. Et c. 14. Ideo, inquit, in pecoribus malum non eſt concupiſcentia, quia non aduer-

ſus ſpiritum concupiſcit: ſed eorum potius oblectat ſpiritum. Et in Pſal. 173. concione 4. *Quod equo, inquit, natura eſt, homini crimen eſt.* In his locis S. Auguſtinus docet illud ipſum eſſe in homine vitium concupiſcentiæ, quod eſt in animantibus rationis expertibus natura. Certum eſt autem in animantibus rationis expertibus nullam eſſe corruptam qualitatem: qua ſint prona ad concupiſcendum, ſed ſolum appetitum ſenſitiuum, qui ratione utique repugnaret, ſi ratio in bellis eſſet. In homine igitur nulla eſt qualitas poſitiua, præter ipſam ſenſualitatē, ſed ipſa ſenſualitas ideo vitioſa dicitur, & eſt in homine, quia deberet rationi obtemperare, quod etiam faceret, niſi homo propter peccatum iuſtitiam originalem amiſſiſſet.

Præterea idem S. Auguſt. lib. 1. de nuptiis & concupiſcentia, cap. 25. dicit, concupiſcentiam non ſubſtantialiter manere, ſed ſicut languorem. Et li. 2. in Iulianum ante mediū, dicit, non eſſe ſubſtantiam, ſed ſubſtantia vitium. Solet autem S. Auguſtinus per ſubſtantiam intelligere id omne, quod eſt in rerum natura, id eſt, omne poſitiuum. Sic enim ait in Pſalm. 68. *Quod nulla ſubſtantia eſt, nihil omnino eſt.* Idem quoque auctor ubique concupiſcentiæ cauſam explicat, ſemper recurrit ad priuationem, ſive abſentiam gratiæ. Libro 1. de pecc. merit. & remiſſ. c. 16. *Quando ergo, inquit, peccauit Adam non obediens Deo, tunc eius corpus gratiam perdidit, qua eius anima omni ex parte obediens, tunc ille extitit beſtialis motus pudendus hominibus, quem in ſua erubuit nuditate. Ex hac igitur inobedientia carnis, ex hac lege peccati, & mortis quiſquis carnaliter generatur, regenerari ſpiritualiter opus habet.* Et lib. 4. in Iulianum, cap. vlt. *Quid, inquit, eſt guſtato cibo prohibito nuditas indicata, niſi peccato nudatum quod gratia contegebat: gratia quippe Dei magna ibi erat, ubi terrenum, & animale corpus beſtiale libidinem non habebat.* Idem repetit lib. 11. de Geneſi, c. 31. & lib. 13. de ciuit. Dei, c. 13.

Vides in his locis, non ſolum ad gratiæ abſentiam reuocari concupiſcentiæ vitium, ſed etiam vocari libidinem beſtiale, quia illa ipſa libido eſt in homine vitium, quæ in beſtiis eſt natura. Et rursus ideo magna Dei gratia factum eſſe in paradiso, ut terrenum & animale corpus libidinem non haberet, quia ex ſe & ex natura ſua libidinem habiturū fuiſſet, niſi magna illa gratia, ne haberet, impediuiſſet. Non igitur acceſſit mala qualitas aliqua, ſed ipſa ſenſualitas, ut ſpoliata originali iuſtitia rationi repugnat, concupiſcentia dicitur.

Deinde hoc ipſum rationibus confirmatur. Nam Primo, ſi concupiſcentia qualitas eſſet poſitiua, poſitiuam cauſam habere deberet. Quæro igitur, quæ ſit iuſta cauſa. Nam vel erit Deus, vel Diabolus, vel Serpens, vel ipſe Homo, vel certe Pomum ipſum vetitum. Deus non poteſt eſſe, præſertim ſecundum aduerſarios qui volunt concupiſcentiam eſſe peccatum originis; nam tunc Deus eſſet auctor peccati. Et præterea, ſi ea qualitas eſſet à Deo, ut à propria cauſa efficiente, ſequeretur ſaltem Deum eſſe cauſam tentationis ad malum. Vnusquiſque enim tentatur à concupiſcētia ſua, ut habetur Iacob. 1. Quod ſi concupiſcentia infunditur à Deo, certe ſequitur, ut Deus ſit cauſa tentationis ad malum; quod tamen eſt contra eundem Iacobum, qui in eodem loco dicit, Deus intentator malorum eſt, ipſe autem neminem tentat.

Sed nec Diabolus eſſe poteſt cauſa efficiens eius qualitatis. Neque enim poteſtatem habet diabolus aliquid producendi, niſi per motum localem, applicando actiua paſſiuis, idque in rebus corporalibus tantum. Hæc autem qualitas ſpiritualis eſſe dicitur.

A Multo minus Serpens corporalis cauſa eſſe poteſt eiſdem qualitatis, tum quia ſerpens corporalis non poteſt afflare ſpiritualem qualitatem, tum quia nihil egit ille ſerpens in Adamum, ſed ſolum cum Heua colloquutus eſt.

Ipſe autem Adam per actum peccandi efficere potuit in ſe diſpoſitionem aliquam ad ſimilem actum, ſed non talem qualitatem, quæ perpetuo hæreret, & ad omnia mala inclinaret, qualis eſt concupiſcentia. Nam actus ille ſuperbiæ fuit, & per eum gigni non potuit continuo habitus ſuperbiæ, ſed ſolum levis diſpoſitio, quæ facillime tolli potuiſſet; & multo minus gigni potuit habitus inclinans ad fornicationem, adulterium, homicidia, furta, &c.

Denique neque in Pomum vetitum cauſa eius qualitatis reici potest, neque enim pomum illud malum fuit, & ideo prohibitum, ſed ideo malum, quia prohibitum, & alioqui ex natura ſua bonum, ut cætera quæ Deus creauerat, ut S. Auguſtinus recte docet lib. 14. de ciuit. Dei, c. 12. & etiam ſi pomum vitiatum & corruptū fuiſſet, non tamen intelligi poſſet, quemadmodum in anima qualitatem ſpiritualem efficere potuiſſet. Reſtat igitur ut mala concupiſcentia, quæ cauſam poſitiuam non habuit, non ſit qualitas poſitiua.

Præterea Secundo, ſi concupiſcentiæ vitium qualitas eſſet poſitiua per peccatum primi hominis in ipſo primo homine exorta; non facile poſſet oſtendi, quemadmodum transmiſſeretur ad poſteros; neque enim habitus acquiſiti traiiciuntur in prolem, ut perſpicuū eſt de omnibus habitibus ſcientiarum, virtutum, artium, donorum. Quod ſi aliquando pater ingenioſus filium ingenioſum gignit; aliquando etiā contra accidit, ut pater ſapiens filium inſipientem generet, ut Scriptura teſtatur de Salomone & filio eius Roboam.

Tertio, vel Deus eſt auctor poſitiuæ illius qualitatis, vel non, ſi eſt, igitur eſt auctor peccati. Iſtam enim concupiſcentiā aduerſarii peccatum eſſe contendunt: ſi non eſt, igitur Deus non eſt auctor omnium rerum, neque verum erit quod in Euangelio legimus, Ioan. 1. *Omnia per ipſum facta ſunt, & ſine ipſo factum eſt nihil.*

Quarto, etiam ſi conſideremus, in carne qualitatem morbidam ex peccato primi hominis acceſſiſſe, tamen intelligi non poſſet, quomodo caro infecta animam inficeret. Neque enim corpus immediate in ſpiritum agere, & ſpiritualem qualitatem poteſt.

Quinto, cum illa qualitas, ſi ponatur, aduentitia ſit: & contra naturam, quomodo fieri poteſt, ut tam longo tempore non ſit imminuta, vel penitus extincta?

Sexto, videtur omnino ſuperuacanea; nam ad hoc, ut caro concupiſcat contra ſpiritum, ſatis eſt ſi habeat ſentientem appetitum, qualē beſtiæ habent, & non adſit ſi animum originis iuſtitia. Ut autē animus ſequatur corporis temperamentum, ſatis eſt quod in eadem animæ eſſentia radicem habeant ſentientis appetitus & voluntas, & ſenſus & ratio. Hinc enim abſque ullius qualitatis adiumento, ob ſolam corporis complexionem & conſtitutionem aliqui ſunt ingenioſi, aliqui hebetes, aliqui hilares, aliqui triſtes, aliqui prouidi ad vnum vitium, alii ad aliud, aliqui mites, aliqui iracundi, &c.

Septimo, qualitas iſta poſitiua per baptiſmū nō tollitur, ut notū eſt: ergo ſi peccatū originis eſt concupiſcētia, & concupiſcētia eſt qualitas poſitiua; certe ſequitur, peccatū originis per baptiſmū nō tolli. Quod in Eccleſia Catholica, ut explorat⁹ error exploditur.

Neque satisfaciunt duæ illæ solutiones, quod peccatum originis per baptismum dicatur remitti, tum quia concupiscentia baptizatis non imputatur ad culpam, tum quia propter gratiam, quæ in baptismo confertur, concupiscentia non amplius dominatur. Nam prior solutio Concil. Trid. (cuius auctoritatem Catholici non spernunt) apertissime aduersatur; damnat enim Concilium, Lutheranorum errorem, qui dicunt peccatum originis post baptismum manere, sed non imputari; & affirmat idem Concilium, per baptismum tolli quicquid peccati rationem habet. Posterior solutio decretis eiusdem Concilii manifeste repugnat. Nam cum per baptismum infunditur gratia, non tollitur dominium concupiscentiæ, sed ligatur & impeditur ad tempus, & cum per actuale peccatum amittitur gratia, iterum soluitur, ac redit idem concupiscentiæ dominium. Quare si concupiscentia dominans est peccatum originis, manifeste sequitur peccatum originis per baptismum non vere tolli, vt Concilium docet. Nam si vere tollitur, vnde quæso idem peccatum in homine peccatore post baptismum existit; neque enim responderi potest, non esse idem, sed aliud. Nā eadem concupiscentia dominans est, quæ ante baptismum erat; & peccatum originis, nisi per originem carnis generationis, quæ semel fit, existere non potest.

His accedat, quod hæc solutio non videtur consentanea doctrinæ S. August. ipse enim cum dicit, reatum concupiscentiæ esse peccatum originis, non recurrit ad concupiscentiam dominantē, sed dicit, hoc malum, tantum quia inest, etiamsi non dominetur, perducere ad æternam mortem, nisi reatus eius per baptismum expiatur: ut perspicuum est ex lib. 2. de peccato originali, c. 39. & lib. 6. in Julian. c. 5. & 8. & alibi. Quemadmodum autem accipi debeat concupiscentiæ reatus, qui soluitur in baptismo, supra explicuimus. Porro argumenta aduersariorum, præter ea, quæ sunt à nobis refutata in disputatione aduersus Lutheranos, sumuntur omnia ex S. August.

Primum igitur obicitur, quod S. Augustinus scribit concupiscentiam esse qualitatem, sic enim loquitur de ea lib. 1. de nuptiis & concupiscentia, c. 25. *Non substantialiter manet, sicut aliquod corpus aut spiritus, sed affectio est quedam male qualitatis, sicut languor.* Etc. 31. *Carnem, inquit, nunc appellavit, ubi est sordibus quidem carnis affectus, non ipsam corporis confirmationem.* Deinde addunt, quod idem August. lib. 5. in Iulianum, c. 3. dicit, animam in corpore, tanquam in vase vitiato corrupti, hoc est, ex mala qualitate carnis redundare malam qualitatem in anima. Postremo adiicitur, quod in l. 4. hypognotici, idē auctor docet, libidinem in homine ex afflatu serpentis esse natam.

Ad Primum Respondeo, vocari ab Augustino qualitatem, siue morbidum affectum ipsam naturalem inclinationem sensualitatis vitiatam, non aliquam positiuam talem, sed ex carētia iustitiæ originalis. Nam eodem modo S. Thom. 1. 2. q. 82. art. 1. vocat peccatum originis, habitum corruptum, in quo sit aliquid positiuum, ipsæ videlicet potentiæ animæ non bene dispositæ, & aliquid priuatiuum, nimirum deordinatio ex carētia iustitiæ originalis consequuta. Quocirca ita S. August. quam S. Thomas cōcupiscentiæ vitium sæpe numero naturæ languorem appellant. Languor autem significat humores corporis debita proportione, & harmonia priuatos.

Ad Alterum Respondeo, recte dici animam in corpore tanquam in se vitiato corrumpi; non quod sit in carne positiva qualitas, ex qua rursus in anima qualitas alia oriatur, sed quod anima non incipiat habere peccatum, nisi cum infunditur cor-

A pori, tunc. n. primū incipit esse homo filius Adam. Siquidem anima, vt prius natura intelligitur esse à Deo, nihil habet cum Adamo, ac per hoc non communicat eius peccato, sed cum in corpore generato ex Adamo incipit habitare, & cum ipso corpore vnum suppositum facere, tunc, vt supra fufius explicuimus, peccatum originis contrahit. Dicitur autem corpus ex Adamo generatum, etiam ante animationem, vas corruptum, quia ex vi talis generationis debetur illi, vt sic morti, & variis passionibus obnoxium.

Ad Postremum ex lib. hypognostici, vt omittam
librum illum non censi opus Augustini; Respon-
deo, verba illius auctoris intelligenda esse meta-
phorice. Per aslatum enim serpentis persuasionem
diabolicam significauit. Quod videlicet, vt ipse lo-
quitur, magis sequutus sit Adam serpentem sua-
dentem, quam Deum pramonentem. Nam ex Ge-
nesi constat, flatu serpentis corporalis ad Adamum
non peruenisse, sed solū Diaboli persuasionē, & eam
non per serpentem, sed per mulierem. Sententia igitur
illius auctoris est quemadmodum serpens cor-
poralis afflando venenum hominum corpora inter-
mit, ita serpentem spiritualem, id est, diabolum, sua-
dendo peccatum, primo parenti necem animæ, &
corporis attulisse.

CAPVT XVI.

Refellitur error Alberti Pigbii, & Ambrosij Catharini.

R Estat Vltimus error confutandus, qui est Alberti Pighij in prima controuersia de peccato originis, & Ambrosij Catharini in opusculo de lapsu hominis, & peccato originali. c. 6. & videtur etiam fuisse quorundam veterum, vt refert Petrus Lombardus in 2. lib. sent. d. 50. Hæc igitur sententia docet, peccatum originis, nihil esse aliud, nisi illam primam Adami inobedientiam, qua præceptum de ligno scientiæ nõ gustando violatum est, ex qua sententia deducuntur ab iisdem auctoribus Tres aliæ sententiæ. Prima, peccatum originis esse vnum & idem in omnibus hominibus Secunda, hoc vnum peccatum in primo homine re ipsa fuisse, in cæteris per imputationem. Tertia, nihil esse in paruulis re ipsa inhærens, quod habeat veram peccationem. Nam priuationem iustitiæ, maculam, reatum, & similia, pœnæ, non culpæ rationem habere, nisi forte improprie. Quomodo nomen causæ accommodatur effectui.

Hæc sententia partim est vera, partim falsa. Verum est enim & aduersus Lutherianos asserendum ac defendendum, peccatum primum Adami, ad nos etiam pertinere & nostrum esse aliquo modo, vt paulo post explicabimus. Lutherani enim deprauationem naturæ humanæ propriè peccatum esse contendunt, etiam sine relatione ad peccatum Adami. Sed de hoc postea. Rursus Verum est, præter communicationem peccati Adami, esse in paruulis carentiam iustitiæ originalis, reatum, maculam, & similia. Quæ Albertus & Ambrosius cum cæteris Catholicis Doctoribus agnoscunt.

Falsum autem est & hæreticum, peccatum originis nihil esse aliud, nisi primam Adæ transgressio-
nem actualem: & nihil etiam in paruulis, vnicuique pro-
prium, & inhærens quod habeat veram peccati rati-
onem. Extat enim apertissima Concilij Tridenti-
ni Oecumenici definitio, in s. sess. vbi quatuor sen-
tentia leguntur de peccato originis, quæ sunt qua-
tuor argumēta cōtra Pighii Catharinq. doctrinam.

Docet Imprimis Concilium, peccatum originis
propagatione, non imitatione transfundi. Ad quod

etiam peruersio voluntatis, & obliquitas ex actione relicta, per quam peccator proprie, & formaliter dicebatur & erat donec ei per penitentiam remitteretur: ita quoque in omnibus nobis, cum primum homines esse incipimus, præter imputationem inobedientiæ Adami, esse etiam similem peruersionem & obliquitatem unicuique inherentem, per quam peccatores proprie & formaliter dicimur, donec per baptismum talis iniquitas remittatur, sed hanc obliquitatem in Adamo fuisse personale peccatum in posteriore significatione; in nobis originale in posteriore etiam significatione.

Atque huc respexerunt S. Anselmus in lib. de conceptu virginali, c. 3. S. Thomas in 1. 2. q. 82. art. 3. S. Bonaventura, Scotus, Durandus, Gabriel & alij in 2. sent. d. 30. qui peccatum originis esse voluerunt carentiam iustitiæ originalis debita in esse.

Sciendum est Tertio, auctores citatos convenire in eo, quod peccatum originale sit carentia iustitiæ originalis debita in esse; tamen in modo explicandi non omnino inter se convenire. Videtur enim privatio doni illius esse potius pœna quàm culpa, & ideo laborant omnes ut ostendant quomodo sit peccatum, & alij alia dicunt.

Quidam existimant, peccatum originale esse carentiam iustitiæ originalis cum indignitate illa habendi, ita tamen, ut formaliter peccatum consistat in illa indignitate, quam etiam reatum appellare solent. dicunt enim Adamum per actum peccati factum esse indignum dono iustitiæ, & ideo iuste illo fuisse priuatum: & similiter omnes posteros Adæ, quia peccaverunt in Adamo, indignos esse gratia Dei, & dignos odio & pœna; quia vero indigni sunt gratia & odio, ac pœna digni, ideo non infundi illis iustitiam originalem à Deo, quæ alioqui infusa fuisset.

Alij sentiunt, carentiam iustitiæ originalis esse peccatum, quia debuit Adam sibi, & nobis donum illud præstantissimum conservare, quod quia non fecit, reus factus est, & nos omnes reos fecit doni illius amissi.

Alij in ea sententia esse videntur, ut carentia iustitiæ originalis dicatur peccatum, quia per eam tanquam per effectum suum primarium actio ipsa primi peccati in nobis manet, & peccatores nos efficit.

Alij docent, per iustitiam originalem intelligi posse tum ipsum donum à Deo infusum, tum rectitudinem voluntatis, & subiectionem ad Deum, quæ per donum illud efficiebatur; & quidem peccatum originale esse carentiam iustitiæ originalis, ut eo nomine significatur non donum à Deo infusum, sed relictio & subiectio voluntatis.

Alij denique carentiam ipsam doni divini per actum peccati effectam, siue ex actione illa manentem, peccatum originale esse definiunt. Quæ sententia postrema nobis verissima esse videtur, & auctorem habet, præter ceteros, S. Thomam in 1. 2. q. 82. art. 3. ubi docet, formale in peccato originis esse privationem iustitiæ originalis, quæ voluntatē subiiciebat Deo.

Si quis igitur à nobis quærat, quid proprie sit originale peccatum: Respondemus cum distinctione ad hunc modum. Si peccatum pro actione cum lege pugnante accipitur, peccatum originale est prima Adami inobedientia in ipso Adamo commissa non ut erat singularis persona, sed ut personam toti generis humani gerebat. Si vero peccatum accipitur pro eo quod residet in homine post actionem, & unde idem homo non peccans, sed peccator nominatur; peccatum originale est carentia doni iustitiæ originalis, siue habitualis auersio & obliquitas voluntatis, quæ & macula mentem deo iniuriam reddens, appellari potest.

CAPVT XVIII.

Probatursententia in superiori capite explicata.

VT sententiam iam explicatam per partes commodius probemus, Duæ propositiones statuendæ erunt.

Prima propositio: Prima Adami prævaricatio quæ toti generis prævaricatio fuit, peccatum est originale, si peccatum pro actione accipitur. Probatursententia in superiori capite explicata. Primo ex divinis litteris, Rom. 5. *In quo omnes peccaverunt.* Ex quo loco intelligimus, nos omnes non solum nasci peccatores, sed etiam aliquando peccavisse, quod idem Apostolus docet Ro. 3. cum ait: *Omnes peccaverunt, & egent gloria Dei.* Sed quia certum est, neminem nostrum peccavisse propria voluntate, antequam nati essemus, ut ipse idem B. Paulus testatur, Rom. 9. Sequitur ut peccaverimus aliena voluntate, id est, Adami: quæ tamen voluntas nisi fuisset aliquo modo totius naturæ, ac per hoc etiam nostræ, nullo modo vere peccavisse diceremur. Peccavimus igitur in primo homine, quando peccavit, & illa eius prævaricatio nostra etiā prævaricatio fuit.

Idem probant illa verba eiusdem, c. 5. ad Rom. *Per unius inobedientiam peccatores constituti sunt multi.* Et: *Unius delicto omnes homines in condemnationem.* Non enim vere per Adami inobedientiam constitueremur peccatores, nisi inobedientia illius nostra etiam inobedientia esset, & ex illa profluxisset ea macula & peruersio, quæ in nobis inheret. Neque iuste unius delicto condemnaremur omnes, nisi delictum illud commune fuisset omnibus. Atque ex his soluta manent argumenta Catharini & Pighii ex Scripturis petita. Adducunt enim loca Apostoli iam citata; quæ tamen non probant nihil in nobis esse, quod peccatum dici possit, propter imputationem peccati Adami, sed tantum probant, quod nos diximus, illam Adami inobedientiam ad nos etiam pertinere, & ex illa fluxisse maculam, quæ unicuique propria vere adheret.

Secundo probatur eadem propositio testimoniis sanctorum Patrum, S. Augustinus lib. 1. de pecc. merit. & remiss. c. 10. Certe, inquit, manifestum est alia esse propria cuique peccata, in quibus hi tantum peccant, quorum peccata sunt; aliud hoc unum, in quo omnes peccaverunt, quando omnes ille unus homo fuerunt. Idem in eodem opere lib. 3. c. 7. Unde nec illud liquido dici potest, quod peccatum Adæ etiam non peccantibus nocuit, cum Scriptura dicat, in quo omnes peccaverunt. Nec sic dicuntur ista aliena peccata, tanquam omnino ad parvulos non pertineant. Siquidem in Adam omnes tunc peccaverunt, quando in eius natura illa insita, in qua eos gignere poterat adhuc omnes ille unus fuerunt; sed discuntur aliena, quia nondum ipsi agebant vitas proprias; sed quidquid erat in futura propagine vitæ unius hominis continebat. Idem lib. 16. de civit. Dei, c. 27. explicans illud Gen. 17. *Masculus, cuius caro præputij circumcisa non fuerit, peribit anima illa de populo suo, quia testamentum meum dissipavit.* Intelligenda, inquit, sunt hæc distincta verba, tanquam dictum sit: Qui non fuerit regeneratus, inseribit anima illa de genere suo, quia testamentum meum dissipavit, quando in Adam cum omnibus. Et ipse peccavit.

Idem in epist. 23. ad Bonifacium: *Traxit ergo reatum, quia unus erat cum illo & in illo, à quo traxit, quando quod traxit admisit.* Item in epist. 89. ad Hilarium, q. 3. & lib. 1. Retract. 15. dicit, parvulos nasci reos illius peccati, quod Adam commisit. & in Psal. 118. concione 23. & lib. 2. de nuptis & concupiscentia, c. 11. dicit etiam parvulos contineri inter prævaricantes, de quibus ait David: *Prævaricantes reputavit omnes peccatores terra, quia legem in paradiso, cum primo parente transgressi sunt.*

etiam peruerſio voluntatis, & obliquitas ex actione relicta, per quam peccator proprie, & formaliter dicebatur & erat donec ei per pœnitentiã remitteretur: ita quoque in omnibus nobis, cum primum homines eſſe incipimus, præter imputationem inobedientiæ Adami, eſſe etiam ſimilem peruerſionem & obliquitatem vnicuique inherentem, per quam peccatores proprie & formaliter dicimur, donec per baptiſmum talis iniquitas remittatur, ſed hanc obliquitatem in Adamo fuiſſe perſonale peccatũ in poſtiori ſignificatione; in nobis originale in poſtiori etiam ſignificatione.

Atque hæc reſpexerunt S. Anſelmus in lib. de conceptu virginali, c. 3. S. Thomas in 1. 2. q. 82. art. 3. S. Bonaventura, Scotus, Durandus, Gabriel & alij in 2. ſent. d. 30. qui peccatum originis eſſe voluerunt carentiã iuſtitie originalis debiti in eſſe.

Sciendum eſt Tertio, auctores citatos convenire in eo, quod peccatum originale ſit carentia iuſtitie originalis debiti in eſſe; tamen in modo explicandi non omnino inter ſe convenire. Videtur enim privatio doni illius eſſe potius pœna quàm culpa, & ideo laborant omnes ut oſtendant quomodo ſit peccatum, & alij alia dicunt.

Quidam exiſtimant, peccatum originale eſſe carentiam iuſtitie originalis cum indignitate illa habendi, ita tamen, ut formaliter peccatum conſiſtat in illa indignitate, quam etiam reatum appellare ſolent. dicunt enim Adamum per actum peccati factum eſſe indignum dono iuſtitie, & ideo iuſte illo fuiſſe privati: & ſimiliter omnes poſteros Adæ, quia peccaverunt in Adamo, indignos eſſe gratia Dei, & dignos odio & pœna; quia vero indigni ſunt gratia & odio, ac pœna digni, ideo non infundi illis iuſtitiam originalem à Deo, quæ alioqui infuſa fuiſſet.

Alij ſentiunt, carentiam iuſtitie originalis eſſe peccatum, quia debuit Adam ſibi, & nobis donum illud præſtantiffimum conſervare, quod quia non fecit, reus factus eſt, & nos omnes reos fecit doni illius amiſſi.

Alij in ea ſententia eſſe videntur, ut carentia iuſtitie originalis dicatur peccatum, quia per eam tanquam per effectum ſuum primarium actio ipſa primi peccati in nobis manet, & peccatores nos efficit.

Alij docent, per iuſtitiam originalem intelligi poſſe tum ipſum donum à Deo infuſum, tum rectitudinem voluntatis, & ſubiectionem ad Deum, quæ per donum illud efficiebatur; & quidem peccatum originale eſſe carentiam iuſtitie originalis, ut eo nomine ſignificatur non donum à Deo infuſum, ſed reſtitutio & ſubiectione voluntatis.

Alij denique carentiã ipſam doni divini per actum peccati effectam, ſive ex actione illa manentem, peccatũ originale eſſe definiunt. Quæ ſententia poſtrema nobis veriſſima eſſe videtur, & auctorem habet, præter ceteros, S. Thomam in 1. 2. q. 82. art. 3. ubi docet, formale in peccato originis eſſe privationem iuſtitie originalis, quæ voluntatẽ ſubiebat Deo.

Si quis igitur à nobis quærat, quid proprie ſit originale peccatum: Reſpondebimus cum diſtinctione ad hunc modum. Si peccatum pro actione cum lege pugnante accipiat, peccatum originale eſt prima Adami inobedientia in ipſo Adamo commiſſa non ut erat ſingularis perſona, ſed ut perſonã toti generis humani gerebat. Si vero peccatũ accipiat pro eo quod reſidet in homine poſt actionẽ, & unde idẽ homo non peccans, ſed peccator nominatur; peccatũ originale eſt carentia doni iuſtitie originalis, ſive habitualis averſio & obliquitas voluntatis, quæ & macula mentem Deo inuiſam reddẽs, appellari poteſt.

CAPVT XVIII.

Probat ſententia in ſuperiori capite explicata.

VT ſententiam iam explicatam per partes commodius probemus, Duz propoſitiones ſtatuendæ erunt.

Prima propoſitio: Prima Adami prævaricatio quæ toti humani generis prævaricatio fuit, peccatum eſt originale, ſi peccatũ pro actione accipiat. Probat, Primo ex divinis litteris, Rom. 5. *In quo omnes peccaverunt.* Ex quo loco intelligimus, nos omnes non ſolum naſci peccatores, ſed etiam aliquando peccaviſſe, quod idem Apoſtolus docet Ro. 3. cum ait: *Omnes peccaverunt, & egent gloria Dei.* Sed quia certum eſt, neminẽ noſtrum peccaviſſe propria voluntate, antequàm nati eſſemus, ut ipſe idem B. Paulus teſtatur, Rom. 9. Sequitur ut peccaverimus aliena voluntate, id eſt, Adami: quæ tamen voluntas niſi fuiſſet aliquo modo totius naturæ, ac per hoc etiam noſtra, nullo modo vere peccaviſſe diceremur. Peccaviſſimus igitur in primo homine, quãdo peccavit, & illa eius prævaricatio noſtra etiã prævaricatio fuit.

Idem probant illa verba eiſdem, c. 5. ad Rom. *Per unius inobedientiam peccatores conſtituti ſunt multi.* Et: *Unius delicto omnes homines in condemnationem.* Non enim vere per Adami inobedientiam cõſtitueremur peccatores, niſi inobedientia illius noſtra etiam inobedientia eſſet, & ex illa profluxiſſet ea macula & peruerſio, quæ in nobis inheret. Neque iuſte unius delicto condemnaremur omnes, niſi delictum illud commune fuiſſet omnibus. Atque ex his ſoluta manent argumenta Catharini & Pighi ex Scripturis petita. Adducunt enim loca Apoſtoli iam citata; quæ tamen non probant nihil in nobis eſſe, quod peccatum dici poſſit, propter imputationẽ peccati Adami, ſed tantum probant, quod nos diximus, illã Adami inobedientiam ad nos etiam pertinere, & ex illa fluxiſſe maculam, quæ vnicuique propria vere adheret.

Secundo probatur eadem propoſitio teſtimoniis ſanctorum Patrum, S. Auguſtinus lib. 1. de pecc. merit. & remiſſ. c. 10. Certe, inquit, *manifeſtum eſt alia eſſe propria cuique peccata, in quibus tantum peccant, quorum peccata ſunt; aliud hoc unum, in quo omnes peccaverunt, quando omnes ille unus homo fuerunt.* Idem in eodem opere lib. 3. c. 7. *Vnde nec illud liquido dici poſteſt, quod peccatum Adæ etiam non peccantibus nocuit, cum Scriptura dicat, in quo omnes peccaverunt.* Nec ſic dicuntur iſta aliena peccata, tanquam omnino ad parvulos non pertineant. Siquidem in Adam omnes tunc peccaverunt, quando in eius natura illa inſita, in qua eos gignere poterat adhuc omnes ille unus fuerunt; ſed dicuntur aliena, quia nondum ipſi agebant vitas proprias; ſed quid quid erat in futura propagine vita unius hominis continebatur. Idem lib. 16. de civit. Dei, c. 27. explicans illud Gen. 17. *Maſculus, cuius caro præputij circumciſa non fuerit, peribit anima illa de populo ſuo, quia teſtamentum meum diſſipavit.* Intelligenda, inquit, ſunt hæc diſtincta verba, tanquam dictum ſit: *Qui non fuerit regeneratus, interibit anima illa de genere ſuo, quia teſtamentum meum diſſipavit, quando in Adam cum omnib. & iſe peccavit.*

Idem in epiſt. 23. ad Bonifatium: *Traxit ergo reatum, quia unus erat cum illo & in illo, à quo traxit, quando quod traxit admiſſum eſt.* Item in epiſt. 89. ad Hilarium, q. 3. & lib. 1. Retract. 15. dicit, parvulos naſci reos illius peccati, quod Adam commiſit. & in Pſal. 118. concione 23. & lib. 2. de nuptiis & concupiſcentia, c. 11. dicit etiam parvulos contineri inter prævaricantes, de quibus ait David: *Prævaricantes reputaui omnes peccatores terra, quia legem in paradifo cum primo parente tranſgreſſi ſunt.*

Itaq; de sententia B. August. dubitari non potest. Neq; dissimilia in aliis Patribus inveniuntur. S. Basilus orat. i. de Ieiunio: *Primum*, inquit, *mandatum accepit Adam, de ligno scientie boni & mali ne edatur. Et mox; Quandoquidem non ieiunauimus, excidimus à paradiso.* Vbi dicit, nos non ieiunasse, quia cum Adam comedimus fructum prohibitum. S. Gregorius Nazianzenus in oratione de natali Domini: *At postquam*, inquit, *diaboli inuidia, mulierisque transgressionem, prohi. mea imbecillitatis (mea enim fuit primi parentis) traditi mandati oblitus homo est, amaroque succubuit gustui, pariter & à vite ligno, & à Deo propter prauitatem extorris agitur.* S. Ambrosius in c. 15. Lucæ, *Fuit*, inquit, *Adam & in illo fuimus omnes. Perit Adam, & in illo omnes perierunt.* sanctus Bernardus serm. i. de Domin. i. post oct. Epiph. loquens de culpa originali: *Athena*, inquit, *est, quia in Adam omnes nescientes peccauimus: nostra, quia csi in alio, nos tamen peccauimus, & nobis iusto Dei iudicio imputatur, licet occulto.*

Postremo probari potest eadem propositio euidentissima ratione. Nisi enim ponamus, nos in Adam, & cum Adam vere peccasse, nulla ratione explicari poterit, quomodo in paruulis recens natis sit aliqua vera culpa: & hoc Catholicum dogma nõ tam supra rationem, quàm contra rationem esse videbitur. Nam quidquid dicamus in paruulis ex peccato Adami hære, siue reatum, siue auersionem, siue gratiæ priuationem, siue quid aliud; illud nullo modo paruulis vitio dari, ac ne esse quidem poterit nisi processerit ab actione libera, cuius actionis illi aliquo modo participes fuerint.

Ac reatus quidẽ cum sit relatio consequens actionem, qua ratione fieri potest, vt existat in eo qui non est particeps actionis? auersio habitualis, nisi processerit actualis, ne intelligi quidem potest. Nam si Deus per absolutam suam potestatem spoliaret hominem iusto gratia, siue vlla eius culpa actuali, solo beneplacito suæ voluntatis, careret ille quidem conuersione habituali ad Deum, quam habitus gratiæ faciebat: sed nõ propterea diceretur à Deo auersus, sed tantum non conuersus; quemadmodum si Deus hominem aliquem ex nihilo nunc produceret, & gratiæ habitum illi non infunderet, non haberet ille conuersionem ad Deum, sed neque auersionem, sed tantum non conuersionem, quæ nomen culpæ nullo modo meretur.

Sed fingamus, paruulum aliquem habere auersionem, & reatum, & tamen non peccasse cum primo parente, quis capere poterit, cum merito reprehendi & puniri debere? quam culpam habet in eo, quod ita generatus est? nõ impedire potuit, ne sic generetur? Quod verò quidam dicunt, an peccatum debeat esse voluntarium, nec ne, quæstionem esse originis, non essentia, & ideo vndecunque verum peccatum oriatur, modò in sit, posse imputari ei, in quo inest: omnino improbabile est. Nam omne verum peccatum essentialiter habet ordinem ad voluntatem liberam, ita vt si aliunde quam à libera voluntate nascatur, verum peccatum non sit. Quare enim blasphemia in furioso, vel Pситaco non esse censetur, nisi quia non ducit originem à libera voluntate?

Itaque an peccatum voluntarium esse debeat non solum causæ, sed etiã essentiæ, quæstio est; nec villo modo imputari potest ad culpam, quod nullo modo à libera voluntate processit. Quod autem alii dicunt, peccatum in paruulis recens natis esse voluntarium habituali paruulorum voluntate, quia non gerunt contrarium voluntatis arbitrium; atque ita verum esse peccatũ etiam sine relatione ad peccatum Ada-

mi: non minus est improbabile. Nam quod paruuli non gerant contrarium voluntatis arbitrium, non sit culpa ipsorum, neque ipsis est voluntarium, cùm non sit in eorum potestate. Quare non potest recte dici paruulis, peccatum esse voluntarium habituali voluntate per hoc solum, quod non gerunt contrarium voluntatis arbitrium.

Denique non satis est ad culpam, vt aliquid sit voluntarium habituali voluntate, sed requiritur vt processerit ab acta etiam voluntario: alioqui voluntarium illud, habituali voluntate, naturale esset, & misericordia, non reprehensione dignum. Certe, si quis in puris naturalibus crearetur, is & gratia careret, & conuersione ad Deum habituali, & carnalem concupiscentiam contra rationem haberet, nec gereret contrarium voluntatis arbitrium, & tamen vere ac proprie peccator nec diceretur, nec esset. Quare S. Augu. cùm quærit, vnde peccatum originale sit voluntarium, nunquam recurrit ad habitua-lem paruuli voluntatem, sed ad voluntatem Adami, in quo omnes peccauerunt, vt lib. 2. Retract. c. 11. & 15. lib. 3. de nuptiis & concupiscentia, c. 26. & 28.

Maneat igitur quod supra diximus, non posse in paruulis aliquid esse, quod habeat culpæ rationẽ, nisi participes fuerint etiam ipsi prauaricationis Adæ.

CAPVT XIX.

Probatur altera pars eiusdem sententia.

Secunda propositio, priuatio doni iustitiæ originalis quatenus est auersio mentis à Deo per modum habitus manens, peccatum est originale, si peccatum accipiat pro eo quod remanet transiente actu, & vnde habet homo, vt proprie & formaliter peccator esse dicatur. Probatur hæc propositio Primo, ex refutatione aliarum sententiarum, quas numerauimus capite superiore.

Nam Prima illa sententia, quæ peccati originalis essentiam in indignitate, seu reatu constituabat, nõ videtur probabilis, Tum quia indignitas illa relatio quædam est, ac res positiua; peccatum autem, vnde homo formaliter, & proprie peccator dicitur, non est relatio, nec res positiua, sed priuatio. Siquidem omne peccatum est malum, omne autem malum est priuatio boni; Tum quia indignitas non est mors animæ, nec iniquitas, nec malitia, nec scditas, sed relatio consequens ista omnia: peccatum originis iuxta Scripturas & Concilia, mors est animæ, iniquitas, malitia, scditas: & ideo necesse habent homines propter hoc peccatũ renasci, iustificari, purgari, &c.

Altera sententia, quæ peccatum originis ponebat in prauaricatione præcepti de dono iustitiæ conseruando, videtur aduersari Scripturis & rationi: Scripturæ siquidem iuxta communem veterum Patrum explicationem, peccatum primi hominis, quod per generationẽ propagatur ad posteros, non aliud fuisse tradunt, quam inobedientiam illam, qua præceptum de ligno scientiæ boni & mali violatum est. Et Ratio idem ostendit: nõ neq; habuit Adam singulare præceptum de dono iustitiæ conseruando, neque libera voluntate elegit donum illud amittere, sicut reuera singulare præceptum habuit de ligno scientiæ non edẽdo, & libera voluntate eligit lignũ illud attingere, atq; edere. Deniq; quia donũ gratiæ per transgressionẽ cuiuslibet præcepti perditur, non fuit opus, vt vllũ daretur præceptũ singulare & distinctũ à cæteris de gratia cõseruanda; sed satis fuit, si in omnibus implicite contineretur. Itaq; reatus amissæ gratiæ, non est peccatũ distinctum à cæteris, alioqui omnis qui peccaret, sēper duo peccata cõmitteret, sed est vnus & idem cum transgressionẽ aliorum præceptorum.

TERTIA fententia, quæ peccatum originale effe volebat priuationem iuftitiæ originalis, quatenus peccatum, vt per effectum fuum primarium, actio primi peccati in anima relidet, & falſa effe poteſt, & vera. Nam ſi priuationem iuftitiæ originalis ita velit effe effectum peccati, vt non ſit etiam ipſa verè, proprièque peccatum, Concilio Trid. manifeſte repugnat, neque diſtingui poteſt à ſententia Catharini, quam ſuprà reieciimus: Si verò priuationem iuftitiæ dicat effe effectum primi peccati, nõ quod non ſit ipſa vere proprièque peccatum, ſed quia non eſſet vere peccatum, niſi ab actione peccati procederet; tum ſententia veriffima eſt, neque à noſtra vlla ratione diſſentit.

QUARTA ſententia, quæ priuationem iuftitiæ originalis peccatum effe dicebat, vt iuftitia pro rectitudine voluntatis, non pro dono à Deo voluntati infuſo accipitur: ſimiliter falſa effe poteſt & vera. Nam ſi omnino priuationem doni à Deo infuſi à ratione formali peccati originalis excludat, repugnabit Concilio Trid. in quod ſicut formalis cauſa iuſtificationis impie definitur, effe gratia à Deo infuſa, vt ſuo loco demonſtrabitur, ita etiam formale peccati ſignificatur eiufdè gratiæ effe priuatio. Quare idem Concilium ſeſſ. 5. peccatum effe dicit mortem animæ. Quid autem eſt mors animæ niſi priuatio gratiæ, ſicut vita animæ omnium conſenſu eſt ipſa gratia.

Sin autem auctores quartæ huius ſententiæ non excludunt à ratione peccati originalis priuationem doni diuinitus infuſi, ſed admonere volunt, priuationem iuftitiæ à Deo infuſæ præciſe ſumptam non effe peccatum, cum poſſit etiam ſine vilo peccato contingere, ſed tunc demum peccatum effe, cum ex auerſione actuali procedit, idem omnino ſentiunt, quod S. Thomas ſentit, & nos in conſeſſione poſuimus.

Igitur priuatio doni iuftitiæ originalis peccatum originale dicitur, quatenus idem eſt cum auerſione à Deo habituali. Nam quemadmodum anima, ſeu voluntas, dono illo prædita, conuerſa dicitur ad Deum, & iuſta habitualiter; ſic etiam dono illo priuata, non conuerſa, & non iuſta dicitur; & ſi ipſa ſe à Deo auerterit, & donum illud excluſerit, auerſa & iniuſta optimo iure dicitur.

Probat **SECVNDO** quoniam ex omnibus quæ remanent in anima peccatoris, tranſeunte actu peccati, nihil eſt quod propriam peccati rationem habere poſſit, niſi priuatio iuftitiæ, ſiue auerſio & macula, quæ vnum & idem ſunt.

Remanet in anima peccatoris **PRIMO**, ordo quidam ad actum præcedentem, ſiue priuatio innocentia, quæ in eo ſita eſt, vt aliquis nõquam peccauerit. **SECVNDO**, reatus culpæ, qui eſt dignitas odii, indignitas gratiæ, & meritum pœnæ. **TERTIO**, reatus pœnæ, id eſt, ordinatio, ſiue obligatio ad luendam pœnam. **QUARTO**, offenſa, ſiue inimicitia eius qui per peccatum eſt læſus. **QUINTO**, diſpoſitio, vel habitus acquiſitus. **SEXTO**, auerſio, ſiue obliquitas voluntatis, manens per modum habitus. Vt enim qui faciem à ſole auertit, manet auerſus, donec iterum ad eundem ſolem faciem ſuam conuertat, & digitus ſponte curuatus curuitatem retinet, donec iterum per actum contrarium dirigatur: ſic etiam voluntas, quæ per actum peccati à Deo reſceſſit, in eo reſceſſu permanet, donec iterum per pœnitentiam ad Deum accedat. **SEPTIMO**, priuatio gratiæ, ſiue iuftitiæ à Deo infuſæ. **OCTAVO**, macula atque ſorditas, quæ ex priuatione diuini nitoris, ac luminis oritur.

Ex his omnibus ordo ad actum præcedentem non eſt propriè peccatum, non enim facit vt homo peccatum habeat, ſed vt habuerit, nec poſſit non habuiſſe. Quo circa iſte ordo manet etiã poſt peccatum remiſ-

ſum, nec poteſt vlla ratione deleri. Innocentia enim ſemel amiſſa per nullam potentiam reparari poteſt.

Reatus CVLTUS, id eſt, dignitas odii, indignitas gratiæ, & meritum pœnæ, non eſt propriè peccatum, ſed effectus neceſſario conſequens & aliquid manens poſt actum peccati. Non enim homo eſt dignus odio præciſe, quia peccauit; alioqui nunquam talis dignitas auferri poſſet, & peccatum eſſet irremiſſibile, ſicut fieri nõ poteſt, vt, qui peccauit, non peccauerit. Conſequitur igitur ea dignitas odii, vel deformitatem vel obliquitatem manentem, vel damnum datum, & nondum reſarcitum: atque ita non eſt peccatum, ſed effectus peccati. Præterea, talis dignitas, vel indignitas non eſt aliquid recedens à lege, non eſt voluntaria, non deformat vel occidit ſpiritualiter animam, non eſt priuatio boni, neque habet aliquid aliud eorum, quæ propriè peccato conueniunt.

Reatus PœNÆ, ſiue meritum, ſiue obligatio, ſiue etiam ordinatio dicatur ad pœnã, multo minus peccatum eſt, quam reatus culpæ. Nam obligatio & ordinatio ad pœnam, oriuntur ex merito & dignitate pœnæ, & ſunt à Deo obligante & ordinante eum qui peccauit ad luendam pœnam. Quare tantum abiectum, vt reatus pœnæ ſit peccatum, vt potius ſit aliquid boni à Deo inſtitutum ad reformandũ & reſtituendum ordinem iuſtiæ, quem culpa turbauerat.

OFFENſA quoque non videtur propriè eſſe peccatum, cum ſit in eo, qui per peccatum eſt læſus, non in eo, qui læſus eſt. Diſpoſitio, vel habitus acquiſitus vitium eſt, non peccatum. Nam & eſt qualitas poſitiua, & manet ſæpenumero poſt culpam remiſſam.

Reſtat igitur auerſio habitualis, quæ propriè peccatum ſit. Nam vt peccatum actuale eſt auerſio actualis à Deo, & eius lege, ita peccatum habituale eſt auerſio habitualis à Deo & eius lege. Et ſicut peccatum actuale eſt priuatio rectitudinis actualis, ita peccatum habituale eſt priuatio rectitudinis habitualis, quæ eſt habitus gratiæ, & ſicut peccatum actuale eſt voluntarium actuali voluntate, ita peccatum habituale eſt voluntarium habituali voluntate.

Ex quo intelligimus, multum intereſſe inter habitum vicioſum acquiſitum per actus frequentatos, & peccatum habituale. **NAM** habitus acquiſitus eſt qualitas poſitiua: peccatum habituale eſt priuatio. **ITEM** habitus acquiſitus non poteſt colli per vnum actum voluntatis, quamuis efficaciffimum, peccatum habituale ſicut vno actu ſit, ita vno actu tollitur. **RVRSVS** habitus acquiſitus poteſt eſſe etiam valde intenſus cum actu contrario, & cum gratia Dei, peccatum habituale non poteſt, ſaltem de potentia ordinaria. **DENIQVE** habitus acquiſitus non poteſt dici propriè voluntarium, cum maneat in nobis per aliquod tempus nobis inuitis & repugnãtibus: peccatum habituale voluntarium, eſt quia voluntarie in peccato manemus, & ſi efficaciter velimus non manere, non manemus.

Itaque differt habituale peccatum ab habitu acquiſito, quomodo qui curuus manet, quia ita vult manere, ab eo, qui ob aſuetudinem ita curuus eſt, vt non poſſit, niſi admodum difficulter erigi. Quia tamen peccatum habituale non eſt voluntarium, niſi habitualiter, ideo poteſt manere etiam in dormiente, in amente, in infante.

Porro, **PRIVATIO** gratiæ & **MACULA**, quæ erant duo poſtrema ex his, quæ diximur ex actu peccati relinquì in anima peccatoris, re non differunt ab auerſione habituali. Nam cum gratia Dei per modum habitus in voluntate inhærens, eam formaliter conuerſam ad Deum, iuſtam, rectam, formoſamque efficiat: eius priuatio voluntatem eandem habitualiter

auerſam, iniuſtam, obliquam & deformem facit. Vide S. Thomam & Caietanum in 1.2. q.86. art. 2.

CAPVT XX.

Reſelluntur obiectiones quæ fieri poſſunt contra doctrinam capitis ſuperioris.

ADVERSUS ea, quæ diximus, obiectiones quædam fieri ſolent, quas breuiter in hoc cap. diſſoluemus.

PRIMA obiectione, Peccatum originis eſt peccatum proprie dictum, at peccatum proprie dictum deſinitur à S. Auguſtino lib. 12. contra Fauſt. cap. 27. *Dictum, vel factum, vel concupitum, contra legem Dei.* Igitur peccatum originis eſt dictum, vel factum, vel concupitum contra legem Dei, non poteſt autem fingi in peccato originis aliud dictum, vel concupitum, niſi factum primi parentis in comedendo cibo prohibito, igitur illud ſolum, non autem priuatio iuſtitie originalis, aut auerſio habitualis, vel macula, eſt peccatum originis.

RESPONDEO, hoc argumentum eſt id, quod Pighium, & Catharinum adduxit, vt crederent, peccatum originis nihil eſſe reipſa in nobis manens, ſed tantum inobedientiam primi parentis nobis imputatam. CETERVM facile ſolui poteſt, nam peccatum proprie dictum non ſolum dicitur de ipſo actu tranſeunte, ſed etiam de eo, quod poſt ipſum manet in anima peccatoris, vt ſuprà oſtendimus; Siquidem eadē eſt malitia atq; peruerſitas, quæ eſt in actu malo per modum tranſeuntis, & in voluntate per modum habitus permanentis. Deſinitio autem S. Auguſtini conuenit peccato, vt peccatum ſignificat actum tranſeuntem, non vt ſignificat maculam permanentem. In ea enim ſignificatione, quæ magis eſt nota, peccatum deſiniri ſolet.

SECUNDA obiectione, S. AVGVSTINVS in plurimis locis docet id, quod malet poſt actum peccati nihil aliud eſſe, niſi reatum: igitur peccatum originis, vt etiam aliud quodcunq; peccatum, non eſt priuatio iuſtitie, vel auerſio habitualis, ſed tantum reatus. Lib. 1. de nuptijs & concupiſcentia, c. 6. *Hoc eſt, inquit, non habere peccatum, reum non eſſe peccati. Nam ſi quiſquam, verbi gratia fecerit adulterium, etiam ſi nuſquam deinceps faciat, reus eſt adulterij, donec reatus ipſius indulgentia remittatur. Habet ergo peccatum, quamuis illud, quod amiſiſſe, iam non ſit, quia cum tempore, quo factum eſt, præterit. Nam ſi à peccando deſiſtere, hoc eſſet non habere peccatum, ſufficeret, vt hoc vos moneat Scriptura; Fili peccaſti, non abutias iterum: non autem ſufficit, ſed addidit, & de priſtinis deprecare, vt tibi dimittantur. Manent ergo, niſi remittuntur, ſed quomodo manent, ſi præterita ſunt, niſi quia præterierunt actum, manent reatus?*

Idem li. 1. Retractionum, c. 15. *Quaſi vero, inquit, peccatum, quod eos ex Adam dicimus originaliter trahere, id eſt, reatus eius implicatos, & ob hoc pœna obnoxios detineri, &c.* Idem li. 6. in Iulian. c. 8. *fuſe de hac re tractat; & tandem concludit his verbis: Vbi ergo manet reatus, niſi in oculis legibus Dei, quæ ſunt ſcriptæ quodammodo in mentibus Angelorum, vt nulla ſit iniquitas impunita, niſi quam ſanguis Mediatoris expiauerit; cuius ſigno crucis conſecratur vnda Baptiſmatis, vt ea diſſoluantur reatus tanquam in chirographo, ſcriptus in notitia ſpiritalium poteſtatum per quas pœna exigitur peccatorum, hinc chirographo naſcuntur obnoxij omnes in carne, de carne carnaliter nati, &c.*

RESPONDEO, S. Auguſt. non fuit ſollicitus in his locis, explicare quid illud ſit, quod hominem formaliter peccatorem efficit, neque etiam quot ſint, & quæ, illa quæ tranſeunte actu peccati remanent in

A peccatore. Sed illud tantum demonſtrare voluit: tranſeunte actu aliquid remanere, ratione cuius remiſſio ſit neceſſaria. Accepit autem ad hoc demonſtrandum, ipſum reatum, TVM quia eſt effectus peccati notiffimus, TVM etiam quia donec reatus non ſit remiſſus, nunquam dicitur plene, atque perfectè peccatum remiſſum. Et contra, tunc peccatum omnino perfectè cenſetur remiſſum, cum non ſolum culpa, ſed etiam omnis pœna fuerit remiſſa.

Non ſenſiſſe autem B. AVGVSTINVM, tranſeunte actu, manere ſolum reatum, ſed etiam auerſionem habitualem, ſive iniquitatem & maculam, hoc eſt, reatum cum ſuo fundamento, perſpicuum eſt ex tract. in Pſal. 50. vbi ſic loquitur: *Quid eſt, quod ſe dicit in iniquitate conceptum, niſi quia trahitur iniquitas ex Adam? etiam ipſum vinculum mortis cum ipſa iniquitate concretum eſt.* Item ex lib. 2. de pecc. merit. & remiſſ. c. 33. vbi de paruulo baptizando ait: *Quomodo conuerſi ad Deum poſſe, à quo non eſt auerſus?* loquitur contra Pelagianos, qui exiſtimabant, paruulos non naſci iniquos, neq; à Deo auerſos. Ipſe igitur in paruulis iniquitatem & auerſionem agnoſcit, ob quam rei ſunt, & iræ filij. Idem quoq; Auguſt. paſſim allegat illud Iob: *Non eſt mundus à ſorde, nec infans, cuius eſt vnus diei vita ſuper terram,* vt Pſal. 10. li. 5. Hypognoſtici, & alibi. Ex quo intelligimus nō ſolum reatum, ſed etiam maculam peccati, ab Auguſtino agnoſci.

TERTIA obiectione, Priuatio iuſtitie originalis eſt effectus & pœna peccati, vt S. Thom. docet q. 5. de malo, art. 4. & 1.1. q. 87. art. 7. præterea iſta priuatio eſt à Deo, qui hominem ſpoliat dono iſto, ſicut ipſe idem Deus eodem dono hominem in creatione veſtiterat: nō igitur priuatio iuſtitie originalis eſt proprie ac formaliter peccatum originis, alioqui peccatum proprie & formaliter eſſet à Deo.

RESPONDEO, iuſtitia originalis duas partes habebat. Nam & ſubiiciebat mentem Deo, & carnem ſpiritu. Ratione prioris partis priuatio iuſtitie eſt formale in peccato originis. Ratione poſterioris eadem priuatio eſt materiale, vt idem S. Tho. affirmat in 1.2. q. 82. art. 3. ac per hoc ratione prioris partis non eſt effectus peccati originis, ſed ipſum peccatum: Ratione poſterioris eſt effectus. Rurſus priuatio iuſtitie ratione prioris partis non eſt inuoluntaria, ſed voluntaria: voluntariè ſiquidem primus homo à Deo reſceſſit, atque ab eo ſe auertit: at ratione poſterioris partis, priuatio iuſtitie inuoluntaria eſt. Quis enim non moleſtè fert, quod caro ſpiritu obtemperare nolit? Quis contumacem ſeruum non inuitus patitur? Quare priuatio iuſtitie ratione poſterioris partis proprie pœna dici poteſt, non item ratione prioris. Hoc enim intereſt inter culpā & pœnam, quod culpa omnis voluntaria, omnis autem pœna inuoluntaria eſt.

DENIQUE donum iuſtitie ratione prioris partis non dicitur proprie à Deo tolli, ſed ab ipſo homine proijci quodammodo, & excludi. vt enim iſ, qui à ſole auertit faciem, non dicitur tenebreſcere, quia ſol non luceat ſuper eum, ſed quia ipſe prohibet ne lumen ad ſe perueniat: ſic etiam quod Deus non conſeruet in homine donum iuſtitie, non eſt quia Deus nolit, ſed quia homo impedimentum ponit. Quocirca S. Thomas in quaſt. 4. de malo, artic. 1. in reſponſione ad 11. argumentum, dicit, quod animæ non infundatur nunc originalis iuſtitia, non eſſe ex parte Dei, ſed ex parte naturæ humanæ, in qua inuenitur contrarium prohibens. Quia nimirum tota natura in Adamo auertit ſe à Deo, & impedimentum gratiæ poluit. Et in 2.2. q. 14. art. 10. dicit, habitum charitatis, qui à ſolo Deo infunditur &

conſeruatur

conſervatur, expelli non ſolum demeritorie, ſed etiam effectiue ab actu peccati mortalis, quia cum tali actu conſiſtere non poteſt habitus charitatis.

At donum iuſtitiaſ originalis ratione partis poſterioris, licet mediate & conſequenter expellatur ab homine peccante, tamen dicitur etiam proprie tolli à Deo, tum quia poſſet conſiſtere cum peccato, tum quia eius priuatio iuſta eſt pœna peccati, & omnis iuſta pœna eſt à Deo. Quare S. AVGVSTINVS non ſemel repetit, in pœnam rebellionis, qua mens primi hominis Deo ſubieci noluit, factum eſſe vt ipſi menti hominis non ſubiiceretur caro eius, lib. 13. de ciuit. Dei, ca. 13. *Senſerunt, inquit, non ſolum motum inobedientis carnis ſuæ, tanquam reciprocam pœnam inobedientiaſ ſuæ.* Et lib. 14. cap. 15. *In illius peccati pœna quid inobedientiaſ niſi inobedientiaſ retributa eſt?* Et lib. 15. cap. 6. *Languor eſt quippe iſte, inobedientiaſ primæ ſupplicium.* Vide in eandem ſententiam lib. 1. de nuptis & concupiſcentia, c. 6. & lib. 6. in Iulian. cap. 3.

A QVARTA obiectione, iuſtitiaſ originalis priuatio eſt cauſa peccati originalis, vt S. Tho. docet in 1. 2. q. 82. art. 2. non igitur eſt ipſum originale peccatum.

RESPONDEO, loquitur S. Thomas de cauſa formali, & ſi cauſa formalis peccati originalis eſt priuatio iuſtitiaſ originalis, certe peccatum originale formaliter in priuatione iuſtitiaſ originalis conſiſtit, vt idem S. Thom. docet in eadem q. art. 3.

QVINTA obiectione, iuſtitiaſ originalis non reſtituitur in Baptiſmo, vt notum eſt: igitur aut Baptiſmus non tollit originale peccatum, aut peccatum originale non eſt priuatio iuſtitiaſ originalis.

B RESPONDEO, Non reſtituit Baptiſmus omnia quæ ad originalem iuſtitiam pertinebant: tamen abſolute dici poteſt, originalem iuſtitiam reſtituere, quia reſtituit illud donum, quatenus mentem conuertebat ad Deum, & ſubiectum faciebat Deo. Id enim proprie dicebatur iuſtitia, & eius priuatio proprie dicitur iniuſtitia.

LIBER SEXTVS

DE STATV PECCATI,

Qui eſt tertius de Peccato originis.

CAPVT PRIMVM.

Varia ſententia de pœna peccati originalis poſt hanc vitam.

RESTAT vltima Diſputatio de malis conſequentibus originale peccatũ; quorũ alia patiũtur homines, ſi in infantia, peccato nõdum remiſſio, forte rapiantur; ALIA tolerare coguntur, ſi diutius hanc vitam ducant, ſiue peccatum dimiſſum fuerit, ſiue non fuerit. Ac, vt incipiamus ab ijs qui ſine Baptiſmo in infantia de hac vita decedunt, neque reatum alium ſecum ferunt, niſi peccati originalis: QVINQUE numerantur ſententiaſ de ſupplicio eiꝰ modi infantium, quæ paulatim à ſumma lenitate ad ſummam ſeueritatem deſcendunt.

PRIMA ſententia eorum fuit, qui regnum cœlorũ infantibus non baptizatis promittere audebant, etiamſi non negarent eos in peccato originali conceptos & natos. Ita ſenſit quidem Vincent. quem reſellit S. Aug. in lib. 1. de origine animæ, c. 9. & lib. 3. cap. 13. In eundem errorem incidit noſtro ſæculo Zuingleſ in declar. de pec. orig. ad Vrbanũ Rhegium, vbi docet, probabile eſſe, per CHRISTVM vniuerſam naturam humanam ita eſſe reſtitutam, vt etiam filii infidelium ſine Baptiſmo decedentes ſaluentur. Id autem non ſolum probabile, ſed etiam certum eſſe de filiis fidelium: quem errorem, quod attinet ad filios fidelium, ſequuntur multi ſectatorum, vt Bucerus, Martyr, Caluinus, quos refutauimus in lib. de Baptiſmo, c. 4.

ALTERA ſententia paulo quidem minus liberalis, ſed tamen valde mitis, fuit eorum, qui paruulos non baptizatos excludebant à regno cœlorum, & vitam B. Sanctis promiſſa. Tamen eis dabant vitam æternam & naturalem beatitudinem ſine vlla moleſtia, aut dolore, ita regnum Beatorum, & procul à carcere damnatorum, hoc eſt, in loco medio inter gehennam & cœlum, qualis locus vix poteſt fingi alius quàm terræ conuexum. Ita ſenſiſſe olim Pelagianos docet S. AVGVSTINVS in lib. de hæref. c. 88. Nam inquit, etiamſi non baptizentur, promittunt eis extra regnum quidem Dei, ſed tamen æternam & beatam quandam vitam ſuam.

Quod autem per regnum Dei intelligat Auguſt. nõ ſolũ domum cœleſtem, ſed etiam viſionem Dei, & quod Pelagiani non promiſerint paruulis nõ baptizatis vitam æternam ſupernaturalem, quæ conſiſtit in viſione Dei, ſed ſolum vitam æternam, ſiue beatitudinem naturalem, perſpicuum eſt ex lib. 5. in Iulian. c. 8. vbi, Auguſtino teſte, Pelagiani alienabant paruulos non baptizatos à vita Dei, cū alienarent à regno Dei: quid eſt autem vita Dei, niſi viſio Dei? Sed neq. ipſum regnum cœlorum in Scripturis aliud ſignificat, niſi felicitatem æternam, quæ in Dei viſione conſiſtit, iuxta illud: *Angeli eorum in cœlis ſemper vident faciem patris mei, qui in cœlis eſt, Mat. 18.* Et illud: *Sciũs quia cum apparuerit, ſimiles erimus, quia videbimus eum ſicuti eſt, 1. Ioan. 3.* Et illud: *Hæc eſt autem vita æterna, vt agnoſcant te ſolum Deum verum, &c. Ioan. 14.* Itaque Pelagiani non vitam æternam ſimpliciter, ſed, vt Auguſt. loquitur, *quandam ſuam vitam æternam*, infantibus non baptizatis promittebant.

Ad quem errorem proxime acceſſiſſe videntur, Ambroſius Catharinus in lib. de ſtatu puerorum ſine Baptiſmo decedentium; Albertus Pighius in prima controuerſia; & Hieronym. Sauonarola in lib. de triumpho crucis. Docent enim infantes ſine Baptiſmo morientes, futuros poſt iudicium beatos naturali beatitudine, & in quodam veluti paradifo reſtricti perpetuo, feliciterque victuros.

TERTIA sententia iam aliquanto seuerior, docet paruulos sine Baptismo decedentes damnari apud inferos æterna morte, sed tamen sic puniri carentia visionis Dei, quæ dicitur pœna damni, ut nulum patiantur omnino dolorem, neque internum, neque externum. Ita docet S. Thom. in q. 5. de malo, art. 1.2. & 3. & tum ipse, tum alii aliquot Scholastici Doctores in 2. Sent. distinct. 33.

QUARTA sententia superiore adhuc seuerior liberat quidē paruulos eiusmodi à cruciatu ignis & vermis, de quo legimus Marci 9. *Vermis eorum non moritur, & ignis non extinguitur*; quæ proprie dicitur pœna sensus, sed non eos liberat ab interno dolore, qui sequitur ex amissa beatitudine sempiternæ felicitatis. Ita docet Petrus Lombardus in 2. lib. sent. dist. 33. lit. E. Eumque nonnulli alii sequuti sunt, ut referunt S. Thom. S. Bonauentura, Gregor. Ariminensis, & alii in comment. eiusdem loci.

QUINTA sententia seuerissima, atq; extrema, docet, paruulos propter originale peccatum utroque pœnæ genere, damni scilicet & sensus, in gehenna perpetuo cruciari: in hanc sententiam satis aperte propendet Gregorius Ariminensis in 2. sent. dist. 33. q. 3. & Ioan. Driedo in 1. lib. de gratia & libero arbitrio, tract. 3. c. 2.

Hæretici nostri temporis extremis sententiis maxime delectantur, & ideo paruulos non baptizatos, aut in cælo cum beatis locant, ut diximus de Zuinglio & Caluino; aut igni sempiterno illos addicunt. Quod manifeste colligitur tum ex Luthero, Melancthone & aliis, qui, ut ostendimus lib. superiore, peccatum originale cum actuali cōfundunt: tum ex Tilmāno Heshusio, qui in lib. de sexcētis erroribus Pontificiorum, tit. de peccato, num. 43. numerat inter errores sententiam illam Scholasticorum: quæ docet, paruulos sine Baptismo decedentes, pœnam damni, non sensus apud inferos esse passuros, nunc prædictas sententias paulo diligentius excutiemus.

CAPVT II.

Refellitur prima & secunda sententia, atque asseritur, paruulos sine Baptismo decedentes, mortis æternæ pœna esse damnandos.

EX numeratis sententiis **PRIMA** & **SECUNDA**, non solum falsæ, sed etiam hæreticæ existimandæ sunt, & contra fidem Catholicam tenendum est, paruulos sine Baptismo decedentes, absolute esse damnatos, & nō sola cœlesti, sed etiam naturali beatitudine perpetuo carituros. Quo loco illud præfandum esse videtur, misericordiam nostram erga paruulos iam defunctos, nihil eis prodesse, & contra nihil eisdem obesse sententiæ nostræ seueritatem: multum autem nobis obesse, si ob inutilem misericordiam erga defunctos, pertinaciter aliquid contra Scripturas, aut Ecclesiam defendamus; idcirco nō affectum quendam humanum, quo plerique moueri solent, sed Scripturæ, Conciliorum & Patrum sententiam consulere & sequi debemus.

Quod igitur attinet ad beatitudinem cœlestem & vitam æternam in regno cœlorum, extat clarissima Domini sententia. Ioan. 3. *Nisi quis renatus fuerit ex aqua & Spiritu sancto non potest introire in regnum Dei*: ad quam rem confirmandam multa protulimus tum in lib. de Baptismo, c. 4. tum in 1. lib. de pecc. orig. c. 14. ad quæ loca, ne frustra eadem reperamus, lectorem remittimus. Quod autem eiusmodi paruuli absolute damnati & miseri, & ne naturali quidem beatitudine beati sunt, his argumentis probamus.

PRIMUM argumentum ex testimoniis diuinorum litterarum ducitur, Ioan. 3. *Sicut Moses exalta-*

uit serpentem in deserto, ita exaltari oportet filium hominis, ut omnis qui credit in eum, non pereat, sed habeat vitam æternam. Et infra: *Qui credit in filium, habet vitam æternam, qui autem incredulus est filio, non videbit vitam, sed ira Dei manet super eum.* **IAM** cum paruuli non baptizati nullo modo respiciant in serpentem, idest, non credant in Christum, neque per se, neque per alios, neque acta, neque habitu, quid sequitur, nisi ut non habeant vitam æternam, ut pereant in æternum, ut non videant vitam, ut ira Dei maneat super illos. Recte enim animaduertit S. Augustin. serm. 14. de verb. Aposto. non esse dictum: *Ira Dei veniet super eos, sed manet super eos*, ut intelligeremus, fidem in Christum necessariam esse, non solum, ne incidamus in iram Dei, sed etiā ut liberemur ab ira, in quam incidimus per inobedientiam primi hominis. De qua dictum est ab Apostolo ad Ephes. 2. *Eramus enim & nos natura filij iræ, sicut, &c.*

His accedit illud eiusdem Apostoli ad Roman. 5. *Per unius delictum in omnes homines in condemnationem.* Sunt igitur paruuli sine Baptismo decedentes, secundū Scripturas à Deo condēnati, & iratum cōtra se Deum habent, & non videbunt in æternum vitam beatā ac fœlicem, nam corporalē quidem vitam in communi resurrectione percipient, sed non dicetur reiuergere ad vitam, sed ad mortem, qui ideo resurgent, ut perpetuo sint miseri: & non est vera vita, nisi ubi feliciter viuatur, ut S. Aug. docet in Enchir. c. 92.

Denique in Apoc. c. 20. *Beatus & sanctus qui habet partem in resurrectione prima, in his secunda mors non habet potestatem.* Et infra. *Qui non est inuentus in libro vitæ scriptus, missus est in stagnum ignis.* At paruuli non baptizati non habent partem in resurrectione prima, nec sunt scripti in lib. vitæ, igitur in eos mors secunda habet potestatem, & missi sunt in stagnum ignis. Est autē hoc loco **NOTANDUM**, Catharinum in lib. suo de statu puerorum, &c. definire mortem secundam carentiam omnis fœlicitatis, tum naturalis, tum supernaturalis.

Alterum argumentum sumi potest ex definitionibus Conciliorum. Concilium Palestinum, teste S. August. in epist. 106. ad Paul. compulit Pelagium anathematizare, infantes etiam si non baptizentur, habere vitam æternam: *Eac autem*, inquit August. *negata, quid nisi mors æterna remanebit?*

Concilium Carthaginense in epist. apud August. 90. *Quicumque*, inquit, *negat paruulos à perditione liberari per Baptismum Christi, & salutem percipere sempiternam, anathema sit.*

Concilium Mileuitanum in epist. apud Augustinum 92. similia repetit: *Pueros*, inquit, *paruulos si nullis innoentur Christiana gratia sacramentis, habituros vitam æternam, nequā presumptionem contendunt.*

Conc. Flor. in ult. sess. *Illorum*, inquit, *animas, qui in actuali mortali peccato, vel solo originali decedunt, mox in infernum descendere, panis tamen disparibus puniendas.*

Concilium Tridentinum sess. 5. consentaneè ad antiquiora Concilia, disertis verbis docuit, paruulos sine Baptismo ad vitam æternam non peruenire.

TERTIUM argumentum sumitur ex testimoniis summorum Pontificum, S. INNOCEN. I. in epist. ad Concilia Carthaginense & Mileuitanum, quæ sunt apud Aug. 91. & 93. dum approbat decreta illorum Conciliorum, simul reprobat Pelagianorū hæresim.

S. SIRICIUS in epist. 1. ad Himerium, c. 2. docet, infantes in periculo vitæ constitutos, continuo baptizari debere: & rationem reddens ait: *Ne regnum perdant, & vitam.*

S. LEO Papa in epist. 86. ad Nicetam, iubet Pelagianos ad Ecclesiam redire volentes, non esse reci-

piendos, nisi prius suos anathematizent errores, & inter ceteros, quod pueri sine Baptismo de sæculo exeuntes, non possint damnari.

S. Gregorius lib. 9. Moral. c. 16. Nonnulli, inquit, prius à præfenti luce subtrahuntur, quam ad proferenda bona malitæ merita ætate vitæ perueniant. Quos quia à culpa originis Sacramenta salutis non liberant, & hic ex proprio nihil egerunt, & illuc ad tormenta perueniunt. Et infra: Perpetua quippe tormenta percipiunt, qui nihil ex propria voluntate peccauerunt.

Ioan. Papa, ut habetur 30. q. 1. can. ad limina laudat quendam laicum, qui necessitate cogente proprium filium baptizauit: Quoniam (ut ipse loquitur) ne animam perpetua morte perentem dimitteret, sacri Unda Baptismatis lauit, ut cum de potestate auctoris mortis, & tenebrarum eriperet, & in regnum Christi iam regnaturum sine dubitatione transmitteret.

QUARTVM argumentum à testimoniis Patrum, S. Augustinus in epist. 106. ad Paulinum: Nempe, inquit, aliquando fatebuntur, paruulos non baptizatos vitam habere non posse, ac per hoc quamlibet tolerabilis omnibus qui etiam propria peccata committunt, tamen æterna morte mulctari. Et lib. 1. de orig. animæ cap. 9. Non baptizatis paruulis nemo promittat inter damnationem regnumque cælorum quietis vel felicitatis cuiuslibet atque ubi libet quasi medium locum, hoc enim est hæresis Pelagiana promissit. Et lib. 2. c. 12. Nouellos hæreticos Pelagianos iustissime Conciliorum Catholicorum, & sedis Apostolicæ damnantis auctoritas, eo quod ausi fuerint non baptizatis paruulis dare quietis & salutis locum, etiam præter regnum cælorum. Et lib. 1. de pecc. merit. & remiss. c. 23. Nulla salus æterna, præter Baptismum Christi, promittatur infantibus quam non promittit Scriptura diuina humanis omnibus ingenijs præferenda. Vide etiam in eod. lib. ca. 28. & libro 2. de peccato orig. cap. 21. lib. 5. in Iulian. cap. 8. in Enchir. c. 93. ferm. 14. de verbis Apostoli.

S. Prosper lib. 1. de vocat. gentium, c. 8. Quid est, inquit, quod alienatur à salute perpetua ita infantium multitudo, utque in his ætatibus hominum millia extra vitam relinquuntur æternam?

S. Fulgentius in lib. de fide ad Petrum, c. 2. Paruulos, inquit, quibus nulla possunt vel bona, vel mala inesse propria merita voluntatis, insolubili nexu æterna damnatio retinetur.

A V C T O sermonum de operibus Cardinalibus Christi, qui falso inscribuntur Cypriano, cū sint auctoris antiqui, & docti, sed Cypriano, imo & Aug. sine dubio posterioris in ferm. de Circumcisione, loquens de pœna peccati originalis: Supererat, inquit, post mortem carnis, anima labor & afflictio spiritus: nec poterat ulla ratione absolui illa damnatio, nisi morti omnium, vita omnium subueniret, & pro generali morbo gratia Dei singulare propinaret Antidotum.

Venerabilis B E D A in comment. c. 14. Ioan. Responsum, inquit, sunt à corde Christiano, qui putant ideo dictum multas esse mansiones, quia extra regnum cælorum erit aliquid, ubi beati maneat innocentes, qui sine Baptismo ex hac vita migraverunt. Quia sine illo in regnum cælorum ingredi non poterunt.

S. Anselmus in lib. de conceptu virginali, c. 27. Si originale, inquit, peccatum est aliquod peccatum, necesse est omnem hominem in eo natum, illo non dimisso damnari.

S. Bernardus in epist. 191. ad Innocentium, prope finem, dicit, Infantes perire si non baptizentur.

Quintum argumentum sumi potest ex rationibus quæ in Scripturis & Patribus fundamentum habent. PRIMA ratio, paruuli non baptizati, tum in hac vita, tum in alia sunt captiui, & in potestate diaboli: non igitur Beati, ne naturali quidem beatitudine, sed ab

A solute infelices & miseri. Et quidem quod infantuli, nisi baptizentur, sint in potestate diaboli & captiui, certissimum est. Nam Apostolus ad Coloss. 1. dicit: Nos per Christum eripi de potestate tenebrarum. Ex quo sequitur, ut ante Baptismum simus omnes sub potestate tenebrarum. Quare Act. 26. Christus ipse dicit, se mittere Paulum ad gentes & populos. ut aperiat oculos eorum, & conuertantur de tenebris ad lucem, & de potestate Satanæ ad Deum. Et Lucæ 11. comparat Dominus Satanam forti armato custodienti atrium suum. Et Ioan. 12. Nunc, inquit, princeps huius mundi eicietur foras. Hanc autem diaboli expulsionem in paruulis fieri per Baptismum, docent exorcismi & exsufflationes, quarum in Ecclesia semper fuit usus.

S. Augustin. lib. 1. de pecc. merit. & remiss. c. 34. Vellem, inquit, aliquis istorum, qui contraria sapiunt, mihi baptizandum paruulum adferret. Quid in illo agit exorcismus meus, si in familia diaboli non tenetur? Et lib. 2. de pecc. orig. c. 40. Ipsa, inquit, sanctæ Ecclesiæ Sacramenta satis indicant, paruulos à partu etiam recentissimos per gratiam Christi de diaboli seruitio liberari. Et infra: Non solum ætate maiores, sed pusillos eruit à potestate tenebrarum. Et lib. 6. in Iulian. c. 2. Verum est, inquit, quod antiquitus veraci fide Catholica prædicatur & creditur per Ecclesiam totam: quæ filios fidelium nec exorcizaret, nec exsufflaret, si non eos de potestate tenebrarum & à principe mortis erueret; quod in libro meo, cui tu velut responder, à me positum est. Sed id in commemorare timuisti; tanquam ipse ab orbe toto exsufflatus esses, si huic exsufflationi quæ princeps mundi, & à paruulis eicitur foras, contradicere voluisses. Et eodem lib. c. 8. Hoc ergo generi humano inflicto vulnus à diabolo, quidquid per illud nascitur, cogis esse sub diabolo.

Deniq; lib. 1. de nupt. & concupis. ca. 20. Non enim, inquit, fides dubitat Christiana, quam non hæretici oppugnare cœperunt, & eos qui lauacro regenerationis abluntur, redimi de potestate diaboli, & eos, qui nondum tali regeneratione redempti sunt, etiam paruulos filios redemptorum sub eiusdem esse potestate captiuos, nisi & ipsi eadem Christi gratia redimantur: ad omnes namque pertinere non dubitamus grates illud, de quo Apostolus loquitur, beneficium Dei, qui eruit nos de potestate tenebrarum, &c. Et rursus lib. 2. de nupt. & concupis. c. 18. Accusat, inquit, Ecclesiam, toto orbe diffusam, in qua ubique omnes baptizandi infantuli non ab aliud exsufflantur, nisi ut ab eis princeps mundi mittatur foras, à quo necesse est vasa ira possideantur, cum in Adam nascuntur, si in Christo non renascantur, & in eius regnum per gratiam facta vasa misericordiæ transferantur.

Similia inuenies in omnibus Patribus, & in ipsis etiam Pontificum decret. ut iniepit. Celest. ad Gallos, in epist. Zozimi ad omnes Episcopos; in epist. Ioan. Papæ apud Gratianum 30. q. 1. can. Ad limina.

Ex quibus apparet omnino improbabiler, ne quid grauius dicam, scripsisse Ambr. Cathar. in lib. de statu puerorum sine Baptismo decedentium, paruulos eiusmodi, post diem iudicii non fore amplius sub diaboli potestate. Quoniam, ut ipse ait, etiam pro illis diabolus electus erit foras. Nam, ut iam ex S. August. audiuius, secundum fidem vniuersæ Ecclesiæ non eruantur infantes de potestate Satanæ, neque eicitur diabolus foras, nisi per regenerationem, quæ est in Christo: & necesse est vasa iræ esse sub diabolo, nisi per gratiam Dei in regnum Christi, facta vasa misericordiæ, transferantur.

Quis autem negat, nisi manifestus hæreticus paruulos in peccato decedentes, nunquam per Christum regenerandos, neq; in eius regnū vllō vnquam tempore transferendos? Quid, quod idem S. Aug. disertis verbis scribit, etiam post iudiciū paruulos sub

diaboli poteftate futuros? Nam in li. i. de nuptijs & concupifc. 23. cum dixiffet: Hoc generi humano inflitum vnius à diabolo, quidquid per illud nascitur, cogit effe fub diabolo. Et paulo pofl: Non itaque tenet homines diabolus, fivemaioris, fivie infantilis ætatis, propter quod homines funt, fed propter quod immundi funt, &c. Subiungit: Maiores quidem pœnas ultimo iudicio, quanto eft immundior, ipfe paffurus; veruntamen & quibus nulla damnatione tolerabilis erit, huic funt fubditi veluti principi auctoriq; peccati, quia nulla erit damnationis cauffa nifi peccatum. Igitur paruuli non baptizati, cum femper captivi fub principe diabolo futuri funt, non beati, fed miferi dicendi funt.

ALTERA ratio fumitur ex loco in quo paruuli degunt, & femper degent: fiquidem locus eorum eft carcer inferni, locus horridus ac tenebriofus, in quo qui degent, fine dubio beati effe non poterunt, cum beatitudo definiatur ftatus omnium bonorum aggregatione perfectus. Locum autem talium infantium effe carcerem inferni, docent in primis fere omnes Theologi Scholaftici, S. Thom. S. Bonaventura, Scotus, Durand. Richard. Capreol. & alii in 2. fent. d. 33. vel in 4. diff. 45. & præterea Alexand. Alenf. in 2. p. Summæ, q. 122. membr. 10. §. 1. Albertus in 2. p. Summæ, q. 113.

Hoc folum inter veteres iftos Theologos intereff, quod alij conftituunt infantes in parte inferni altiore, quam limbum puerorum appellant, alij cum cæteris damnatis eos locum habere pronunciant. Docent hoc idem Patres Concilij Florent. in decret. quod habetur in ult. felf. vbi fimpliciter definiunt, animas eorū qui in folo peccato originali, vel mortali actuali decedunt, in infernum defcendere, pœnis tamen difparibus puniendas.

Neque vlla eft ratio, cur ex eo loco poft vltimum iudicij magni diem liberandæ funt, cum poft hanc vitam non fit locus mifericordiæ, fed iuftitiæ, & in Ecclef. 11. fcriptum fit: *Vbiunque ceciderit lignum, fivie ad austrum fivie ad aquilonem, ibi erit.* Quem locum S. Hierony. in comment. & alij communiter exponunt de hominibus, qui in eo ftatu perpetuo erunt, in quo illos mors inuenerit.

Docent hoc ipfum deniq; S. Patres, qui non incerta opinione, fed fide certiffima contra hærefim Pelagianorum rem iftam tenendam effe confirmant, S. Auguftinus lib. de pecc. merit. & remiff. cap. 28. *Nec eff, inquit, vllus vlls medius locus, ut poffit effe nifi cum diabolo, qui non eff cum Chrifto. Hinc & ipfe Dominus volens auferre de cordibus mæ credentium iftam nefcio quam medietatem, quam conantur quidam paruuli non baptizatos tribuere, ut quafi merito innocentia fivie in vita æterna, fed quia non funt baptizati, non funt cum Chrifto in regno eius, definitum protulit ad hæc ora obftinuenda fententiam, vbi ait: Qui non eff mecum, contra me eff.* Et ferm. 14. de verb. Apoft. nō longe ab initio, *Nullus, inquit, relictus eff medius locus, vbi ponere queas infantes. De viuis & mortuis iudicabitur, aut erunt ad dexteram, alij ad finiftram, non novis aliud. Si ergo dextera erit & finiftra, & nullum medium locum in Evangelio novimus, ecce in dextera regnum cælorum eff.* Percipite, inquit, regnum, quod ibi non eff, in finiftra eff. Quid erit in finiftra? ite in ignem æternum.

Auctor hypognoflici, qui vel eff Auguft. vel alius omnium confenfu antiquus & doctus, lib. 5. vltra medium: **PRIMUM**, inquit, locum, fides Catholicorum divina auctoritate regnum credidit effe cælorum, unde, ut dixi non baptizatos excipitur: **SECUNDUM**, gehennam vbi omnis apoftata, vel à Chrifti fide alienus, æterna fupplicia experietur: **TERTIUM**, penitus ignoramus, imo non effe in Scripturis fæctis inveniemus, finge Pelagiana

ne, locum ex offcina perverfi dogmatis tui, vbi alieni à Chrifti gratia vitam requies, & gloriæ poffidere paruuli poffunt.

S. Fulgentius in lib. de fide ad Petrum, c. 27. inter regulas fidei numerat, quod paruuli fine Baptifmo decedentes in gehenna locū perpetuū funt habituri.

Venerabilis etiam Beda loco citato in comm. c. 14. 10. repellendū dicit effe à corde Chriftiano, quod fit aliqua manfio beatitudinis extra regnum cælorum.

Accedat poftremo etiam ratio, quæ non obicure docet, infantes, qui non erunt in cælo, non alium locum habituros, quam inferorum fubterraneas fedes. Siquidem omnino credibile eff, poft vltimi iudicij diem, elementum aquæ, ad locum fuum naturalem effe rediturum, totamq; terram vndique cooperturum: Nam vt Theologi doctores communi confenfu docent in 4. fent. d. 47. poft diem iudicij nullæ erunt amplius plantæ, nulla animantia, nulla corpora mixta, nominibus duntaxat exceptis. Neq; enim perpetuo duratura funt, nifi quæ vel in toto, vel ex parte incorruptionem ab ipfa natura fortita funt. Eiusmodi autem funt primū corpora cæleftia, quæ & fecundum totum, & fecundum partes incorruptibilia funt. Deinde elementa quæ fecundum totum, licet non fecundum partes à natura incorruptionem habent. Denique homines qui fecundum partem, quæ eff anima rationalis, non fecundum totum immortales funt; cætera corpora funt omnia tum in toto, tum partibus corruptibilia.

Quare cum aqua initio mundi totam ambiret terrā, vt natura eius poftulare videbatur, ac deinde iuffu Dei in locum vnum congregata fuerit, vt effet locus in terra generationi animantium & plantarum, certe generatione ifta fublata ratio ipfa & natura rerū poftulat, vt aqua ad locum priftinū reuertatur; quæ cum ita funt, non foium ex Scripturis, Conciliorum & Patrum testimoniis, fed etiam ex rationis coniectura colligimus, locum infantium fine Baptifmo decedentium, non alium quam infernum effe futurum, ac per hoc non habituros illos beatitudinem vllam, etiam naturalem, cum ad beatitudinem omnia bona, inter quæ non minimum eff loci commoditas & præftantia, fine dubio requirantur.

TERTIA ratio principalis fumitur ex natura & ratione beatitudinis. Beatitudo enim naturalis, de hac fiquidem tota quæftio eff, requirit præcipue perfectionem intelligentiæ per fcientias; non erit autem huiusmodi perfectio in infantibus fine Baptifmo decedentibus: igitur non erit in eis vlla beatitudo.

ASSUMPTIO huius argumenti, quæ fola probatione indiget, fic probatur. Scientia rerum, vel à Deo cæleftus infunditur, vel proprio labore acquiritur: non infundetur paruulis, de quibus agimus, vlla fcientia, quia neque eam bonis operibus meruerunt, neque gratis eis donabitur, cum poft mortem non fit tempus gratiæ, fed iudicij, & ipfi præterea funt vafa iræ, non mifericordiæ. Quod autem attinet ad acquisitionē proprio labore, non poterit ea non effe valde tenuis & exigua, cum neque in hac vita didicerint aliquid, & in alia claufi perpetuo futuri funt in carcere tenebriofa, vbi in miferio fenfum, parum admodum iuvare poterunt.

Sed fortaffe animæ illorum, dum vſque ad diem iudicij à carnis onere liberæ funt, fapientia & fcientia repleri potuerunt. Non ita eff, nam vt recte fcribit S. Thom. in 1. p. q. 89. art. 1. & feq. animæ separatæ, fi privilegium abfit, intelligunt quidem aliquid, fed valde imperfekte & confufe, & ideo naturaliter corpori vniuntur, vt eo tanquam inftrumento vtantur ad res perfecte diftincteque intelligendas.

Eadem ratio est de virtutibus moralibus, quarum perfectio ad naturæ felicitatem necessaria est. Nam ut ex hac vita discedunt infantes sine vitiis & virtutibus, positiuis, cum sola habituali auersione à Deo, ita semper erunt auersi habitualiter à Deo, neque proficient in virtutibus, nisi forte admodum imperfecte pro ratione imperfectæ cognitionis, quam in eo statu, ut diximus, assequuntur.

QUARTAM rationem adiungere placet proprie ad uerius Pighium & Catharinum ex absurdo, quod ex eorum opinione consequitur. Nam si verum esset, quod ipsi scribunt, paruulos cum originali peccato decedentes, non solum carituros omni dolore, tum interno tum externo, sed etiam beatos ac felices in quodam veluti terrestri paradiso perpetuo vitam æturos, plenos sapientia & virtutibus sua sorte optimè contentos, Deum toto corde diligentes & laudantes, Angelorum denique consortio & reuelationibus sæpè fruenter, si hæc inquam, vera essent, sequeretur infantes melioris conditionis esse, quia peccauerunt in Adamo, quam si in puris naturalibus decessissent. Non enim tanta debentur hominibus in puris naturalibus in infantia decedentibus. Itaque paruuli isti præmium ex peccato referrent.

Sequeretur deinde paruulos debere baptizari, ut adoptionem diuinam adepti admittantur ad regnum cælorum, non autem quia periculū sit ne damnentur & pereant. Nihil enim eis adest mali præter carentiam visionis Dei, & nihil eisdem boni deest, nisi visio Dei, hoc est possessio regni cælestis.

Atqui hæc est ipsa hæresis Pelagiana, nā ut S. Augustinus testatur in lib. 1. de origine animæ, c. 9. non timebant Pelagiani paruulis dānationem, si non baptizarentur, sed à regno exclusionem; ubi per damnationem non intelligit Aug. exclusionem à regno, sed aliquid aliud. Nam si exclusio esse damnatio, qui exclusionem timebant non baptizatis, damnationem quoque eisdem pariter timuissent. Quare idem Augustinus lib. de hæres. c. 88. scribit, paruulos secundum hæresim Pelagii Baptismo indigere, ut regeneratione adoptati admittantur ad regnum Dei, & non ut non pereant, sed ut de bono transferantur ad melius.

Nos igitur, ut à Pelagianorum errore, quam longissimè recedamus, nullam tribuimus paruulis sine Baptismo vitam beatam, eosque baptizandos asserimus, non tantum ut à regno Dei non excludantur, sed etiam ut à peccato liberati, à potestate Satanz, & ab inferni carcere pariter liberentur, & vitam, ac requiem percipiant sempiternam.

CAPVT III.

Respondetur ad obiectiones contra doctrinam capitis superioris.

SED operæpretium erit respondere ad obiectiones aliquas Ambrosii Catharini, quas ille opponendas putauit doctrinæ veterum Patrum, quam nos cap. superiore defendimus. Omittam argumenta, quibus ille probare nititur, paruulos non puniendos igne gehennæ (id enim etiam nos probauimus in sequenti cap.) & ea solum adducam, quibus effecisse se putat, paruulos non semper futuros in damnatione mortis, nec semper habituros sedem in locis subterraneis; & denique felicem, ac beatam vitam æturos extra regnum cælorum.

PRIMA igitur eius obiectio talis est: Quod, inquit, æterna damnatio non sit secundum omnem penam, factum est per Iesum Christum Dominum nostrum, qui venit peccatum illud sufferre, sicut enim dictum est à Paulo; sicut per unius delictum in omnes homines in condemnationem:

sic & ab eodem dictum est, ita & per unius iustitiam in omnes homines in iustificationem vitæ. Non quod uelim dicere, quod si pueri, nisi applicentur eis uita per Iesum Christum in Sacramento, iustificentur ad vitam æternam. Absit hæresis, sed non perpetue subduntur condemnationi mortis; quia & pro illis ultimo loco inimica destruetur mors, neque sub diaboli perpetuo potestate erunt. Quia & pro illis eiectus erit diabolus foras, in die nouissimo, ut nihil in eis habeat ulterius in illos. Illa ergo damnatio ob illud peccatum non erit perpetua.

RESPONDEO. hæc argumentatio Catharini, PRIMUM repugnat expressis testimoniis Patrum, quæ in cap. superiore citauimus. DEINDE sequitur ex ea, ut si dānatio paruulorum non sit æterna, eadem ratione damnatio maiorum non videatur æterna. Nā quod ipse dicit Christum uenisse, ut tolleretur peccatū originis, & propter Christi iustitiā omnes iustificari, & in nouissimo die inimicam mortē perituram, & diabolum foras eiciendum, æquè valet in maioribus ac paruulis. Christus enim uenit omnia peccata tollere: Dedit enim semetipsum redemptionem pro omnibus. 1. Tim. 2. Et ipse est propitiatio pro peccatis totius mundi. 1. Ioan. 2. propter eius iustitiā omnes non solum paruuli, sed etiā adulti iustificabuntur. Nā iudicium quidem ex vno delicto uidelicet, in cōdemnationem; gratia autē ex multis delictis in iustificationem, inquit Apostolus ad Rom. 5. & inimica destruetur mors, pro omnibus omnino non solum paruulis, sed etiā maioribus, omnes enim resurgent, etiā grauissimi peccatores. DENIQUE & diabolus eiectus erit foras, sed Scriptura nusquam indicat eum deinceps habiturum potestatem in maiores, non autem in paruulos.

Itaque si conclusio illa damnationem uidelicet non fore perpetuam, vera est de paruulorum damnatione, vera etiam erit de dānatione maiorum. Quod si damnatio peccatorum non sit æterna, dubitari etiā poterit de beatitudine Sanctis promissa, ne forte non sit æterna, ut S. Augustinus colligit lib. 21. de ciuit. Dei, cap. 24. Sed his omnis respondeamus breuiter ad argumentum.

Quod igitur Catharinus dicit, Christum uenisse, ut peccatū originis tolleretur; uerū est quoad efficaciam, quia ut ex Ioāne citauimus, ipse est propitiatio pro peccatis totius mundi; multis tamen nō tollitur hoc peccatum, quia non applicatur eis pretium redemptionis. Instrumentū enim applicatione pro paruulis nullum est, præter Baptismū, proinde sine Baptismo decedentes, expertes sunt redemptionis.

Quod addit, scriptum esse, Per unius iustitiam in omnes homines in iustificationem vitæ; uerissimum quoque est: sed intelligitur ex communi Catholicorum sensu atque consensu, non in omnes simpliciter, sed in omnes, qui ex Christo per Baptismum renascuntur. Sicut enim omnes, qui nascuntur ex Adamo, damnantur; ita omnes qui renascuntur in Christo, iustificantur; quare ad paruulos non baptizatos nihil hoc testimonium pertinet.

At in nouissimo, etiam pro paruulis inimica destruetur mors. Si hic locus de resurrectione simpliciter intelligatur: destruetur quidem mors pro omnibus damnatis, quia omnes resurgent, sed non propterea desinent esse in morte æterna: nam resurgent non ad resurrectionem vitæ, sed ad resurrectionem iudicii, ut Dominus dicit, Ioan. 5. hoc est, resurgent, ut miseri semper in damnatione uiuant, & ut mors eorum nunquam moriatur.

Sin autem quod probabilius uidetur, uerba illa, Inimica destruetur mors, intelligantur de resurrectione ad ueram vitam, nihil hæc promissio ad paruulos pertinet. Resurrectio enim ad ueram vitam, fidelium tan-

tum erit atque Sanctorum, ut S. Auguft. affirmat in epift. 146. ad Conftentium, qui etiam in epift. 28. ad Hierony. paruulos in eorum numero ponit, qui refurgent non ad refurrectionem vitæ, fed ad refurrectionem iudicii, id eft, damnationis.

Denique quod affert Catharinus de eiectione diaboli, nihil omnino probat: nam ut fupra oftendimus multis testimoniis, diabolus non eiecitur foras, nifi per Baptifmum, cuius rei lignum eft, quod in vniuerfa Ecclefia ex antiquiffima traditione paruuli baptizandi exorcizantur & exufflantur.

ALTERA obiectione Catharini pugnat pro tertio loco infantibus assignando, ex ca. 12. Dan. vbi fic legimus: *Et multis de his qui dormiunt in terra puluere euigilabunt, alii in vitam æternam, alii in opprobrium, ut videant femper.* ATTENDITE, inquit Catharinus, non dicit, omnes dormiunt, fed multis de his dormiunt, ut clare innuat, fupereffe aliquos dormientium, qui nec in vitam æternam, nec in opprobrium æternum vigilaturi funt. Hi autem quinam effe poffunt, nifi pueri ifti? Alioqui dent nobis contradicentes, quinam hi funt. Certe hic locus irrefragabiliter contra eos concludit.

RESPONDEO, S. Auguft. lib. 25. de ciuit. Dei, c. 23. & Theodor. in comment. huius loci, nos admonent, vocem illam, multis, pofitam effe hoc loco pro voce, omnes, quia re vera multi erunt, qui refurgent, cum omnes refurgent. Simile illud Rom. 5. Per inobedientiam vnius hominis peccatores conftituti funt multi. Quos multos vocauit, etiam omnes vocat, cum ait: *In quo omnes peccauerunt.* Et: *Per vnius delictum in omnes homines in condemnationem.* Simile eft etiam quod habetur Gen. 17. *Patrem multarum gentium conftitui te.* De quibus gentibus rurfus dicitur, c. 18. & 22. *In femine tuo benedicentur omnes gentes terra.*

ADDE quod S. Aug. loco notato, S. Ambrof. in 1. Pfal. 1. & S. Hierony. in c. 26. l. i. i. dicunt, locum iftum Dan. idem omnino fignificare, quod multo poft Dominus expreffit Ioan. 5. cum ait: *Omnes qui in monumentis funt, audient vocem filii Dei, & procedent, qui bona fecerunt in refurrectionem vitæ; qui vero mala egerunt, in refurrectionem iudicii.* Vbi videmus, à Domino ipfo declaratum effe, per multos dormientes in terræ puluere intelligendos effe omnes, qui in monumentis funt, id eft, omnes mortuos. Non igitur irrefragabiliter hic locus contra eos concludit, qui negant paruulos extra cælum & gehennam, fedem quandam etiam poft iudicium habituros.

TERTIA obiectione: Si verum fuerit, inquit Catharinus: quod AUGUSTINUS ad Renatum fcripfit, videlicet his pueris medium assignare locum inter gehennæ fupplicium, & cælorum regnum, hærefim effe Pelagianam; confequens eft, ut omnis fchola hærefim Pelagianam defendat. At cur non potius fateamur, quod Auguftinus humani aliquid paffus eft, & exceffit in dogmate?

RESPONDEO, S. AUGUSTINUS in lib. ad Renatum, qui eft primus de origine animæ, c. 9. non dicit, effe Pelagianam hærefim, assignare paruulis medium locum inter gehennæ fupplicium & cælorum regnum, fed inter damnationem regnumque cælorum. Paruulos autem vere effe damnatos, ac per hoc non habere medium locum inter damnationem, regnumque cælorum, non folum Apoftolus dicit ad Rom. 5. & omnis fchola contra Pelagianos defendit, fed ipfe etiam Catharinus in illo ipfo fuo libello confirmat. Sic enim loquitur in refponfione ad primū argumentum: Fateor, inquit, quod nemo fecundum fidem negare poteft, omnes in Adam peccaffe, & ideo pueros omnes illud vitium contrahere, ac fecum ferre damnationem.

Sed efto, fcripiffet Auguft. in lib. ad Renatum, non poffe assignari paruulis medium locum, nifi ex fen-

tentia Pelagianorum, inter gehennæ fupplicium, & cælorum regnum; quod vere fcripfit in term. 14. de verbis Apoftoli, & alibi: non propterea confequens erit, ut omnis fchola hærefim Pelagianam defendat. Nam tamen Theologi Scholaftici in eo fere conueniant, ut paruuli fine Baptifmo decedentes non patiantur pœnā fenfibilem ignis corporalis: tamen aperte docent, ut nos fupra citauimus, eos in inferno effe, & pœnam damni perpetuo luere; ac per hoc non assignant illis medium locum inter gehennæ fupplicium, & cælorum regnum: Sed in ipfa gehenna minore pœna quam cæteros puniendos effe confirmant. A qui fententia ne ipfe quidem Auguft. multum abhorret. Non igitur Auguftinus aliquid humani paffus effe, aut exceffiffe in hoc dogmate cenfendus eft; fed illi plane humanum aliquid patiuntur, & excedunt, qui paruulos in fuperiore parte terræ, quali in terreftri paradifo collocant, eoque beatos ac fœlices dicunt.

QUARTA obiectione: Quia non eras conueniens, inquit Catharinus, ut quidquam fraudaretur fuo fine, id eft, illo qui ei fecundum naturam competit: ideo paruulos ea manebit fœlicitas, quam homini dignum eft competere, ut homo eft. Ergo ifti pueri, qui humanam naturam fine crimine habebunt, illa, quæ humanæ naturæ conuenit, & quodam modo ipfo iure debetur fœlicitas, dabitur. Nefcens ergo quatenus naturalis cognitio fe extendere pueris, Dominum Deum, & fubftantias feparatas longe fuper omnes Philofophos. Non enim vllum habebunt impedimentum ex corpore, neque interius, neque exterius, & in æternum viuentes proficient quali in immenſum.

RESPONDEO, Multa funt in hac ratiocinatione, quæ merito negari & reprehendi poffunt. PRIMVM falſum eft, non effe conueniens, ut quidquam fraudetur fuo fine. Quin potius conueniens eft, ut fummus prouifor omnium rerum, dirigat quidem omnia ad fuum finem, fed tamen aliqua ab eo fine excidere permittat; vide S. Tho. in p. q. 22. art. 2. & q. 23. art. 3.

DEINDE falſum eft, paruulos fine Baptifmo decedentes, naturam humanam habere fine crimine, nifi per crimen actuale peccatū intelligi velis. Sed quidquid fit de nomine, certū eft, paruulos naturam habere peccato deprauatam, & effe filios iræ, ac per hoc nullo iure deberi eis fœlicitatem.

DENIQUE falſum eft, naturalem effe fœlicitatem, viuere in æternum cum corpore penitus immortalis, proficere in immenſum, nullum impedimentum ex corpore habere, intelligere Deum & fubftantias feparatas fupra omnes Philofophos, idque fine labore, fine doctore, fine libris, aliisque difcendi inftrumentis. nihil enim horū natura humana per fe requirit, quin potius naturale eft homini corpus habere mortale, cibo ac potu indigere, pendere à fenſibus corporalibus, in ſcientiis acquirendis non fine magno labore ad intelligentiam, quamvis exiguam, ac tenuem rerum incorporalium peruenire.

Quare non refurgent paruuli, de quibus loquimur, ad vitam immortalem, quod ita poſtulat eorū natura, vel quod ipsis id valde vtile fit futurum, fed ut iuſtitia Dei in eorum perpetua damnatione cernatur. Ed ideo corpus habebunt, immortale quidem; fed non impaſſibile, non ſpirituale, non glorioſum: mentem quoque habebunt, non quidem actuali peccato inquinatam, fed habitualiter à Deo auerſam, nullisque ſcientiis, aut virtutibus ornatam.

QUINTA obiectione: Cum non ſint futuri, inquit Catharinus, proprie exules à regno Dei, fed relegati magis ſimiles, probabile mihi videtur, quod non carebunt Angelicis revelationibus & viſitationibus etiam eorum, qui erunt in cælu, qui ſic recreabunt eos, & ſolabuntur, ut præter diuinam viſionem maiestatis, nihil eis deeffe intelligamus.

RESPONDEO,

RESPONDEO; inter exulem, & relegatum ea differentia conſtituitur, l. 2. ff. de pœnis, vt exules ius ciuitatis amittant, relegati retineant. Quare ſi paruuli non baptizati, non exules à regno Dei, & ciuitate S. Hieruſalem cœleſti, ſed relegati dicendi ſunt: id ſequetur, vt eiufmodi paruuli, ciues Sanctorum, domeſtici Dei, filii regni, & membra corporis CHRISTI haberi debeant; nam cum Eccleſia, quæ eſt in cœlis, nunc ciuitas ſancta, nunc domus Dei, nunc cœlorum regnum, nunc etiam corpus CHRISTI eſſe dicatur, qui ciues Sanctorum ſunt; ijdem domeſtici Dei, filii regni, & membra CHRISTI nominantur. At quis ferat Catholicus, vt homines ſine fide & baptiſmo dicantur membra CHRISTI? & filii regni, ſint filii regni? & qui ſcripti non ſunt in lib. vitæ, ſint etiam poſt hanc vitam ciues Sanctorum, & domeſtici Dei?

Non igitur relegatis, ſed planè deportatis ſimiles ſunt paruuli ſine Baptiſmo decedentes, & in locis ſubterraneis longiſſimè à ſancta ciuitate conſtituti, neque Angelorum, neque hominum beatorum viſitatione fruuntur. Hic planè locum habet, quod ſcribit S. AVGVSTINVS in lib. 1. de pecc. merit. & remiſſ. cap. 23. & relatum eſt in decretum de conſecratione, diſtin. 4. can. Nulla. Nulla ex noſtro arbitrio præter Baptiſmum CHRISTI ſalus æterna promittatur infantibus, quam non promittit Scriptura diuina humanis omnibus ingenijs præferenda.

SEXTA obiectio, Probabiliſſimum, inquit, iudicari, quod quidam dicunt, habitationem eorum fore ſuper hanc terram, quia locus eſt proprius hominum, vbi contemplantur opera Dei. Et hac aſpexit forſan qui dixit; Cælum cæli Domino, terram autem dediſt filijs hominum. Et forte ſe hoc eſt etiam quod dixit Apoſtolus, Inſtaurata per IESVM omnia quæ in cœlis & quæ in terra, id eſt, quæ cœleſtem habitationem habebunt, & quæ terrenam.

RESPONDEO, non eſt de rebus, quæ pendent à diuina voluntate, aliquid aſſerendum, niſi Deus ipſe in Scripturis ſanctis tale aliquid reuelauerit. Scripturæ autem, vt S. AVGVSTINVS, à nobis ſuprà citatus, ſæpius obſeruauit, nuſquam tradunt, poſt diem iudicii futuras hominum ſedes, niſi duas, vnā in cœlo cum Angelis, alteram in inferno cum dæmonibus, quæ ſunt etiam duæ ciuitates, Hieruſalem & Babylon, & de quibus tam multa ſcribit idem AVGVSTINVS in libris de ciuitate Dei. Quare ſuperior terræ facies proprius eſt hominum locus, dum mortales ſunt, & egēt aëre ad reſpirationem, & fructibus terræ ad alimentum, & pro hoc tempore loquitur Pſal. Cælum cæli Domino, terram autem dediſt filijs hominum, immortalibus autem pro ratione meritorum cælum potius aut gehenna conueniet.

Quod autem Apoſtolus ad Ephel. cap. 1. ſcribit, CHRISTVM inſtauraffe, quæ in cœlis, & quæ in terra ſunt, ſignificat per CHRISTVM reparatas in cœlo Angelorum ruinas, & in terra genus humanum de captiuitate redemptum. S. AVGVSTINVS in Enchir. cap. 62. In ipſo, inquit, inſtaurantur quæ in cœlis ſunt, cum id, quod inde in Angelis lapſum eſt, ex hominibus reddunt, inſtaurantur autem, quæ in terris ſunt, cum ipſi homines, qui prædeſtinati ſunt ad æternam vitam, à corruptionis veſtigio liberantur.

Alia eſt expoſitio S. Hieronymi in hunc locū, qui pro inſtaurare, legit, recapitulare, & ſenſum eſſe vult, in CHRISTI cruce omnia myſteria diuerſis temporibus prædicta, vel figurata, ad vnā veluti ſummam eſſe reuocata. S. Ioan. Chryſoſtomus aliam adfert expoſitionem, & quidem valde conſentaneam verbis Apoſtoli: verbum enim Græcum ἀνακατασκευάζειν, exponit, reducere ad vnū caput, vt ſententia huius loci ſit, factum eſſe per myſterium incarnationis,

nis, vt cœleſtia, & terrena, id eſt, Angeli & homines, vnū caput, id eſt, CHRISTVM, habere inciperent, cum antea propter hominum peccata ſeiuncta, & ſeparata eſſent à terrenis cœleſtia. Quod aliis verbis idem Apoſtolus ad Coloff. ca. 1. ſcribit, cum ait: *Pacificans per ſanguinem crucis eius, ſive quæ in terris, ſive quæ in cœlis ſunt.*

SEPTIMA obiectio: Et alia ratio, inquit Catharinus, per hoc non reſcinda, quam docti quidam induxerunt: Quoniam cum terra hæc manſura ſit in æternum, & purgatio & pulchrior, ſicut ſcriptum eſt: Et vidi cælum nouum, & terram nouam; ſicut autem cælum non nude pro cœlo ſumitur, abſque habitatore, ita nec terra. Et vere valde incongruum videtur locum talem & tantum fore perpetuo vacuum ſine habitatore; & ſimiliter terrenos homines carere habitatione ſua propria, quæ eſt terra hæc, nam ſub terra manere tales, minus conueniens eorum conditioni videtur.

RESPONDEO, terra quidem manebit in æternum, & purgatio, ſed aquis (vt ſupra diximus) vndique cooperta, & ideo non erit conueniens habitationi hominum. Porro cælum nouum omnino ſine habitatore intelligitur, niſi quis velit poſt iudicium aut dæmones, aut aues in cœlo hoc degere. Neque enim de cœlo ſydereo, ſed aëreo ſermo eſt. Hoc enim cælum innouabitur & purgabitur: cum, vt loquitur S. Petrus in epiſt. 2. cap. vltimo: *Cæli ardentes ſoluentur.* Quod ſi parum conueniens eſſet, terram perpetuo vacuum hominibus permanere, eadem ratione parum eſſet conueniens, aquam piſcibus, & aërem aui- bus perpetuo caritura. Denique conditioni hominum damnatorum optime conuenit locus ſub terra, id eſt, carcer, ſive ergaſtulum inferiorum.

OCTAUA obiectio: Quod ſi nunc animæ tenentur in limbo, ſicut olim ſancti Patres detenti ſunt, qui locus ſub terra eſſe merito creditur, hoc illi originali peccato datur interim uſque ad diem magnæ reſurrectionis. Quando enim totum Chriſti corpus reſurrexerit, ſcilicet in ſanctis ſuis, tunc æquum erit & ipſos potiri perfectione ſua.

RESPONDEO, Si animæ paruulorum ſine Baptiſmo decedentium, in pœnam originaliſ peccati detinentur in limbo ſubterraneo; & peccatum illud nunquam dimittetur, vt Catholici omnes conſtanter credunt, certe ſequitur animas eorum paruulorum ex limbo illo ſubterraneo nunquam egreſſuras. Porro cum totum Chriſti corpus reſurrexerit, reſurgent etiam & damnati omnes, tum puſilli, tum magni. Sed non ideo reſurgent, vt ibi ſint animæ, vbi fuerant corpora, ſed contra vt ibi ſint corpora, vbi fuerant animæ. Sequentur corpora ſua animas, ſive in cælum, ſive in infernum.

Obiectio VLTIMA, quamuis non vltimo loco poſita, ſumitur ex Auguſtino qui in lib. 3. de libero arbitrio, cap. 23. ſic ait: *Quis nouit quid paruulis, quorum cruciatibus duritia maiorum contunditur aut exerceatur fides, aut miſericordia probatur? quis, inquam, nouit, quid ipſis paruulis in ſecreto iudiciorum ſuorum bonæ compenſationis referuet Deus.*

RESPONDEO, Idem S. Augu. in epiſt. 28. ad Hieronymum explicat hæc ſua verba, ac dicit, ea ſe protuliſſe pro infantibus baptizatis, non autem pro iis, qui ſine peccati originaliſ remiſſione decedunt.

CAPVT IV.

Reſellitur quinta opinio, atque aſſeritur, paruulos ſine Baptiſmo decedentes, non puniendos pœna ſenſus, ſine ignis ſenſibilis.

EXCVSSIMVS primam & ſecundam ſententiã, & ſæpe ex diuinis litteris, & Eccleſiaſtica traditione refutauiſus. Nunc ad aliud extremum, id eſt, ad **QVIN TAM** ſententiã accedemus, quæ tantum beſt, vt paruulis ſine Baptiſmo decedentibus, vitam æternam promittat, vt etiam eos omni genere pœnæ, tum damni, tum etiam ſenſus, & in animo, & in corpore puniri velit. Quæ quidem ſententiã non videtur apertè ab Eccleſia Catholica reprobatã; reſciur tamen paſſim in ſcholis, & nobis etiam improbabiliſſe videtur. Itaque ſequentibus argumentis eſutari poteſt.

PRIMUM ſumitur ex diuinis litteris. Legimus enim in Apoc. c. 18. *Quantum ſe glorificauit, & in deliciis uiuit, tantum date illi tormentum & luctum.* At paruuli nulla ſe ratione glorificauerunt, neque in deliciis uiſi fuerunt, nullum igitur merentur tormentum & uictum. Item Iſaia ultimo, & Marc. 9. coniungitur ignis cum verme: *Vermis, inquit, eorum non morietur, & ignis non exſtinguetur.* Conſtat autem paruulos nullam paſſuros pœnam ex morſu vermis, id eſt, ex conſcientia mali operis animum pungente, atque affligente; igitur credibile etiam eſt, nullam eſſe paſſuros ignis materialis pœnam.

ALTERVM argumentum ſumitur ex epiftola decretali **INNOCENTII III.** Pontificis grauiffimi, atq; doctiffimi, quæ habetur in lib. 3. Decret. tit. de Baptiſmo, & eius effectu, cap. Maiores: ubi legimus, peccati originalis pœnam eſſe carentiam viſionis diuinæ, actualis autem gehennæ perpetuæ cruciatum. Quo loco per cruciatum gehennæ non poteſt intelligi niſi pœna ſenſus, quæ opponitur pœnæ damni. Neque epugnat hæc ſententiã testimoniis Patrum, qui ſcriſerunt, paruulos æternis pœnis in gehēna torqueri. Ili enim pœnã gehennæ accipiunt pro generali ſupplicio, quod tũ ad pœnam dāni, tum ad pœnã ſenſus, tum ad vtramq; ſimul referri poteſt. Innocent. autẽ gehēnæ cruciatum non pro genere infernalium pœnarum, ſed pro altera ſpecie uſurpare maluit.

TERTIVM argumentum ſumitur ex testimoniis auctorum Patrum, quæ non poſſunt rectius conciliari cum testimoniis, quæ ſunt à nobis ſupra citata, quam ſi dicamus, paruulos non pati in gehenna pœnam ſenſus, ſed ſolius damni.

S. GREG. NAZIANZ. vir ſine controuerſia doctiffimus, & in fidei dogmatibus integre conſeruandis diligentiſſimus, oratione in S. lauacrũ, ante medium, tria genera hominum ſine Baptiſmo decedentium: ille dicit, quorum **ALII** Baptiſmum contempſerint, **ALII** ex negligentia propria amiſerint, **ALII**, hoc eſt, infantes, aliorum negligentia illo caruerint. De horum omnium pœna poſt hanc vitam ita pronuntiat: *Exiſtimo, inquit, futurum, vt primi quidem cum aliorum ceterum, tum etiam Baptiſmi contempſi pœnas luant: alij autem pœnas quidem, ſed leniores pendant, vt qui non tam animi prauitate, quam ſtultitia à Baptiſmo aberrarint: poſtremo denique nec cœleſti gloria, nec ſuppliciiis à iudice afficiantur, ut ipſe qui licet Baptiſmo conſignati non fuerint, improbitate tamen careant, atque hanc ætẽnam paſſi poſſint fuerint, quam fecerint. Neque enim quiſquis ſupplicio dignus non eſt, prius honorem quoque meretur. Quemadmodum nec quiſquis honore indignus eſt, ſtatim etiam pœnam promeretur.* Non negat hic **S. Doctor**, paruulos plecti pœna damni, ſed potius id fatetur, cum ait, eos eſſe cœleſti honore indignos: negat autem eos plecti alia pœna, quæ dicitur ſenſus, quoniam ea proprie improbitati debetur, qua illi carent.

S. AMBROSIVS, vel quiſquis auctor fuit commentariorum in epift. S. Pauli, quæ Ambroſii nomen fe-

Arunt, explicans cap. 5. ad Rom. ſcribit, nos omnes in Adamo, tanquam in maſſa peccaſſe, & tamen paulo inferius adiungit, neminem puniri morte ſecunda in gehenna, niſi etiam ſibi propriis malis actibus acquirat. Vbi cum fateatur, omnes peccaſſe, non poteſt negare omnes quoque pariter puniendos, niſi remiſſionem obtineant: Sed certum pœnæ genus ab illis remouet qui nihil propriis actibus meruerunt. Illud autem pœnæ genus non poteſt eſſe aliud, niſi pœna ſenſus.

S. AVGVSTINVS lib. 3. de libero arbitrio, c. 23. *Dicunt, inquit, qualis in futuro iudicio deputabitur, cui nec inter iuſtos locus eſt, quoniam nihil recte fecit, neque inter malos, quoniam nihil peccauit? quibus reſpondetur ad vniuerſitatis, complexum & totius creaturæ, vel per locos, vel per tempora ordinatiſſimam connexionem non poſſe ſuperfluo creati qualemcunque hominem, ubi ſolum arboris nullum ſuperfluo creatur: ſed ſane ſuperfluo queri de meritis eius, qui nihil meruerit, non enim merendum eſt; ne vita eſſe poſſet media quadam inter recte factum atque peccatum, & ſententiã iudicis media eſſe non poſſit inter præmium, atque ſupplicium.*

Hanc ſententiã **S. Aug.** nuſquam, quod ego quidem legerim, retractauit. Et tamen ſi hoc faciendum eſſe cenſiſſet, habuit magnam occaſionem, tum in 1. lib. Retract. ca. 9. ubi diligenter examinat hos libros, tum in epift. 28. ad Hieronymum, ubi diſputat de parte quadam huius ipſius, c. 23. in quo habentur verba, quæ paulo ante citauimus. Neque vero in his verbis **S. Auguſt.** tribuit paruulis medium locum inter cœlum & infernum, ſed mediam ſententiã inter præmium, quod debetur iis, qui propria voluntate aliquid boni meruerunt, & ſupplicium, quod iis debetur qui propria voluntate pœnam ſibi ipſi pepererunt. Quare paruuli ſine Baptiſmo decedentes, non carebunt ſupplicio communi peccato originali & actuali, quibus annittitur gratia dei, quæ pœna eſt carentia viſionis diuinæ; ſed liberi erunt ab ea pœna, quæ propria eſt peccati actualis, quæ pœna ignis, ſiue ſenſus appellatur.

Rurſus idem **AVGVSTINVS** lib. 5. in Iulianum, c. 8. ſic loquitur: *Ego autem non dico paruulos, ſine Chriſti Baptiſmate morientes, tanta pœna eſſe plectendos, ut eis non naſci potius expediret. Et infra: Quis dubitauerit paruulos non baptizatos in damnatione omnium leuiſſima futuros? quæ, qualis & quanta erit, quamuis definire non poſſim, non tamen audeo dicere, quod eis, ut nulli eſſent, quam ut ibi eſſent, potius expediret.*

Et hoc loco **DVO** quædam colligimus, quæ ad rem noſtram multũ pertinent. Habemus **PRIMUM**, non fuiſſe auſum **S. Auguſtinum** pronũciare de paruulis morientibus ſine Baptiſmo ſententiã illam Domini: Melius erat ei, ſi natus non fuiſſet homo ille: cum tamen ea ſententiã de illis omnibus pronũciari poſſe videatur, qui ſempiterno igne in gehenna cruciantur. **DEINDE** intelligimus, **S. Auguſtinum** nunquam affirmare voluiſſe paruulos illos, in ſpecie, torqueri pœna ſenſus, ſed tantum in genere pœnam aliquam ſuſtinere. Non enim dicit ſolum, ſe definire non poſſe, quanta ſit ea pœna, quod referri potuiſſet ad ſolam magnitudinem, ſed ait: *Quæ, qualis, & quanta ſit definire non poſſim.* Quæ verba ſatis aperte indicant, de ipſa ſpecie pœnæ **Auguſtinum** fuiſſe incertum. His accedit **Petrus Lombardus** cum omni ſchola Theologorum, qui in 4. ſent. diſt. 33. communi conſenſu docent, paruulos ſine Baptiſmo morientes puniri apud inferos pœna damni, non autem pœna ſenſus, ac per hoc liberos eſſe omnino à ſupplicio ignis corporalis.

QUARTVM argumentum ſumitur à ratione.

PRIMA ratio; peccatum originis non tollit in homine ordinem naturalem, sed supernaturalem, conuersionem videlicet ad Deum per donum gratiae supernaturales: Igitur æquum est, ut pœna peccati originalis sit priuatio boni supernaturalis, qualis est carentia visionis Dei, non autem inflictio pœnæ sensibilis, quæ naturam ipsam lædit.

SECUNDA ratio, propter habitalem carentiam virtutum & habitalem pronitatem ad vitia, nemo puniri solet pœna positua, ac sensibili, sed solū propter culpam actuale, nō enim suspenduntur à magistratu, qui carēt habitu iustitiæ: vel qui proni sunt ad furta, sed qui re ipsa furantur: possunt tamen qui carent virtutibus: & è contrario proni sunt ad mala, reici tanquam indigni ab aliqua dignitate adipiscenda: At peccatum originis & culpa solum habitualis; sunt enim infantes propter id peccatum habitualiter auersi à Deo, & habitualiter proni ad concupiscendum contra rationem; igitur reici possunt tanquam indigni à cœlesti beatitudine adeunda, non tamen puniri debent supplicio ignis, & sulphuris, quæ sunt pœnæ sensibiles, ac posituæ.

TERTIA ratio, propter originale peccatum non iniūgitur in Ecclesia hominibus baptizandis, quamuis adultis, vlla satisfactio pœnalis, neque iubentur eiusmodi homines propter id peccatum, vllam animo tristitiam, doloremve concipere: igitur credibile est, nullam ei respondere sensibilem pœnam in sæculo futuro, sed carentiam tantum, ut suprā dictum est, beatitudinis sempiternæ.

CAPVT V.

Respondetur ad obiectiones contra doctrinam capituli superioris.

SED OBIECTI possunt, ac solent, nec pauca, nec stœua argumenta aduersus ea, quæ diximus, cap. superiore.

PRIMA obiectio, Matt. 3. præcursor Domini de ipso Domino ita loquitur: *Cuius ventislabrum in manu eius, & permundabit aream suam, & congregabit triticum in horreum suum, paleas autem comburet igni inextinguibili.* Sed paruuli sine Baptismo decedentes non sunt grana in horreum inferenda, igitur paleæ igni inextinguibilis pabulum futuræ.

RESPONDEO, hæc parabola nihil omnino ad paruulos pertinet. Siquidem area nihil est aliud nisi Catholica Ecclesia, in qua sunt boni malis admixti, ut grana paleis; omnes tamen fideles, nulli infideles, ut S. August. docet in lib. contra Donatist. post collationem, cap. 10. paruuli sine Baptismo, non sunt in area, ac per hoc neque inter frumenta, neque inter paleas numerantur.

SECUNDA obiectio, Matth. 3. *Omnis arbor, quæ non facit fructum bonum, excidetur, & in ignem mittetur.* At paruuli fructum bonum non fecerunt, & plane inutiles in hoc mundo fuerunt, igitur excisi in ignem mittentur.

RESPONDEO, loquitur Scriptura de adultis, qui fructum facere cū possent, minimè fecerunt. Nā etiam arbores ante vnā diem, vel alteram plantatæ non mittuntur in ignem etiamsi fructum non ferant.

TERTIA obiectio, Matt. 13. *Sic erit in consummatione sæculi, exibunt Angeli, & separabunt malos de medio iustorum, & mittent illos in caminum ignis.* At paruuli sine Baptismo iusti non sunt, sed mali & peccatores.

RESPONDEO, verba citata conclusio sunt parabolæ de sagena missa in mare, bonos & malos pisces congregante. Porro sagena illa non mundum vniuersum, sed Ecclesiam tantum significat, in qua sunt ho-

A mines boni & mali, sed fideles & baptizati, ut S. Augustinus explicat lib. supra citato, contra Donatistas, post collationem, c. 4. Illa igitur verba: *Separabunt malos de medio iustorum, & mittent illos in caminum ignis*, ad infantes non pertinent, qui in sagena Ecclesiæ nunquam fuerunt.

QUARTA obiectio, Matt. 25. *Omnibus qui à sinistris erunt*, id est, omnibus malis dicitur: *Ite maledicti in ignem æternum.* Iudicium hoc sine dubio vniuersale erit, igitur etiam paruuli adesse cogētur. Non erunt autem paruuli à dextris: nam alioqui regnum cœlorum possiderent, erunt igitur à sinistris, & sententiam illam excipient: *Ite maledicti in ignem æternum.*

RESPONDEO, iudicium vniuersale erit, & omnes omnino aderunt pusilli cum magnis, fideles cum infidelibus, iusti cum peccatoribus. Sed non eadem forma omnes iudicabuntur: in Euangelio autē Matt. 25. solum describitur forma, quā iudicabuntur ii, qui in Ecclesia sunt, atque ita hic locus ad paruulos non pertinet, qui in Ecclesia non sunt.

Describi verò solum formam iudicii eorum, qui sunt in Ecclesia, perspicuum est, **PRIMUM** ex Augustino, libro citato contra Donatist. c. 4. & lib. de fide & operibus, c. 15. & in quæ ad Dulcitium, q. 1.

DEINDE ex ipsiſ Euangelii verbis: cōparat enim Dominus bonos & malos ouibus & hædis qui in eodem grege eiusdem pastoris numerantur. Constat autem gregem vnus pastoris nihil esse aliud nisi Ecclesiam, in qua sunt boni & mali, sed Christiani. Infideles enim lupis potius & canibus quam hædis in Scripturis comparari solent. **ILLA** etiam ratio æterni supplicij, *Esuriui enim, & non dedistis mihi manducare, &c.* satis aperte indicat, istam iudicii formam ad solos fideles esse referendam, quippe qui non arguuntur, quod rectam fidem non habuerint, sed quod opera fidei non ostenderint.

DENIQUE cū Euangelium ad solos fideles pertineat, neque enim fidē habent Euangelio, nisi fideles: non erat opus in Euangelio describere formam, quā iudicabuntur infideles, sed satis fuit in genere dixisse: *Qui non crediderit, condemnabitur.* Marci ult. Et: *Qui incredulus est filio, non videbit vitam.* Ioan. 3. Et de paruulis: *Vnius delicto in omnes in condemnationem.* Rom. 5.

At, inquires, S. Aug. serm. 14. de verb. Apost. ex hoc loco Matt. 25. probat aduersus Pelagianos, paruulos sine Baptismo defunctos, ituros in ignem æternum, eò quod ad sinistram pertineant, cū in dextera nulli sint nisi iusti, & nullus sit tertius locus præter dexteram & sinistram. **RESPONDEO**, ex loco Euangelii Matt. 25. tantum colligitur, ut diximus formam in specie, quā iudicabuntur mali Catholici: tamen potest etiam colligi, omnes omnino peccatores futuros in sinistra, & sententiam damnationis accepturos. Nam iudiciū vniuersale erit, & mali Catholici ideo erunt in sinistra, quia ibi erūt dæmones & infideles, & omnes operarij iniquitatis. Sic enim legimus Luc. 12. *Quod si dixerit seruum ille in corde suo, moram facie Dominus meus venire, & cæperit percutere seruos & ancillas, edere & bibere, & inebriari, veniet Dominus serui illius in die qua non speras, & hora qua nescis, & diuidet eum, partemque eius cum infidelibus ponet.* Atque hoc solum probare volebat S. Aug. in serm. 14. de verbis Apostoli, nimirum paruulos non habituros vitam æternam, sed futuros in sinistra, & damnandos.

Itaque cum dicit, eos ituros in ignem æternum, accipit ignem æternum pro loco inferni, vbi est ignis æternus, siue pro damnatione, non autem proprie pro certa pœnæ specie, siue qualitate: nam disertis verbis lib. 5. in Iulian. cap. 8. scripsit, se definire non posse qualis, & quanta sit futura pœna, quā plecten-

ent paruuli, sine Baptifmo Chrifti morientes.

QVINTA obiection, Apoc. 20. *Beatus & fanctus, qui habet partem in refurrexione prima, in his fecunda mors non habet potestatem.* Et infra, vt etiam c. 21. *Mors fecunda dicitur esse stagnum ignis, & sulphuris.* At paruuli non habent partem in refurrexione prima: igitur in eis potestatem habet mors fecunda, quæ est, vt diximus, stagnum ignis & sulphuris. RVRSVS in eodem c. 20. describitur vniuerfale iudiciũ, in quo iudicabuntur omnes, pusilli & magni, secundum opera ipsorum, & tandem concluditur his verbis: *Qui non est inuentus in libro vitæ scriptus, missus est in stagnum ignis.* Certum autem est, paruulos in peccato originali defunctos, non esse in libro vitæ scriptos.

RESPONDEO, posset fortasse responderi, in his locis Scripturam non loqui nisi de adultis, qui secundum opera propria iudicandi erunt. Nam in eodem c. 20. scriptum est: *Et libri aperti sunt, & iudicati sunt mortui ex his, quæ scripta erant in libris, secundum opera ipsorum.* Et c. 21. declarat Scriptura, qui sint mittendi in stagnum ignis, & ait: *Timidis, & incredulis, & execratis, & homicidis, & fornicatoribus, veneficis, & idololâtris, & omnibus mendacibus, pars illorum erit in stagno ardentis igne & sulphure, quod est mors fecunda.* Sed certe probabilius est, sententias istas esse generales. Nam ideo in c. 20. dicitur, pusillos & magnos sterilesse ante thronum iudicandos: & vndique mortuos esse aduocatos: & propositio illa. *Qui non est inuentus in libro vitæ scriptus, &c.* ad prædeterminationem æternam pertinet, quæ non minus infantes, quam adultos complectitur.

DENIQUE S. Aug. in lib. 6. in Iulian. c. 4. docet, paruulos etiam iudicandos in die iudicii, secundum ea quæ gesserunt in corpore iuxta illud Apostoli 2. ad Cor. 5. *Et referat unusquisque sicut gessit, siue bonum, siue malum.* Nam sicut ad baptizatos pertinet, quod crediderunt per alios, ita ad non baptizatos pertinet, quod peccauerunt per alium.

Potest igitur responderi, paruulos quidem iudicandos esse secundum opera ipsorum, nam etiam si nihil egerint propria voluntate, tamen per Adamum, & in Adamo peccauerunt, & ideo mittendos esse in stagnum ignis, hoc est, in locum, vbi est ignis, nec tamẽ inflammandos illos igne, aut cruciandos, vel quod sint in parte altiore eius loci, vel quod ignis vim habeat eos detinendi, non tamen vrendi. Siquidẽ ignis post diem iudicii non habebit vim vrendi, nisi vt instrumentum diuinæ iustitiæ, & propterea alios magis, alios minus, alios etiam nihil lædet.

SEXTA obiection ex symbolo Athanasij: *Omnes homines resurgere habent cum corporibus suis, & reddentur sunt de factis propriis rationem, & qui bene egerunt ibunt in vitam æternam, qui vero male, in ignem æternum.*

RESPONDEO, omnes quidẽ resurgent, etiam paruuli, cum corporibus suis, & reddent de factis propriis rationem, sed paruuli facile se expedient; dicẽ enim se nihil habere priorum factorum. Nihil enim boni vel mali, etiam Apostolo teste ad Ro. 9. se propria voluntate gessisse. Quare quod sequitur: *Et qui bene egerunt, ibunt in vitam æternam, qui vero male, in ignem æternum,* ad eos non pertinet.

Quamuis autem non explicetur in symbolo, quid de iis futurum sit, qui propria voluntate nihil peccauerunt, sed tantum, vt loquitur S. Cyprian. in epi. 8. lib. 2. contagiũ mortis antiquæ prima natiuitate traxerunt, tamen aliunde scimus illos non habituros vitam æternam, & in ipso inferno pœna mitissima esse plectendos: sicut è contrario non explicatur in symbolo quid futurum sit de paruulis baptizatis, qui nihil boni propria voluntate fecerunt, sed per alios tã-

Atum professi sunt, & in Christum se crediderunt, & Sata-næ renunciarunt, & per Baptifmum Christum, induerunt: tamẽ aliunde scimus eos fratres Chrifti esse effectos, & per hoc hæredes, hæredes quidem Dei, co-hæredes autem Chrifti. Sed profecto verifimilius est symbolum vniuerfalem doctrinam tradere de præmio & supplicio omnium etiam paruulorum.

Dicuntur autem propria facta alicuius, non solum illa, quæ propria voluntate quis gessit, sed etiam quæ ad ipsum iam in corpore viuentem pertinent, vt S. August. docet lib. 6. in Iulian. c. 4. & in epi. 107. explicans illud Apostoli: *Omnes nos manifestari oportet ante tribunal Chrifti, vt referat unusquisque propria corporis sicut gessit.* Quod ergo dicitur ituros malos in ignem æternum, intelligendum est, ituros in locum vbi est ignis æternus, sed puniendos pro varietate culparum, alios vitione, alios sola detentione.

SEPTIMA obiection, ex Patribus Augustino & Fulgentio. Sæctus enim August. satis aperte scribit, paruulos igne sempiterno cruciandos in ser. 14. de verb. Apostol. & idem firmissime credi iubet S. Fulgentius lib. de fide ad Petrum, c. 17.

RESPONDEO, videntur sancti isti Patres significare voluisse, paruulos cruciandos in igne sempiterno per detentionem, non per vitionem. Nã id vnum tãquam certum, vbiq; tradit August. paruulos sine Baptifmo defunctos, futuros in eo loco, vbi est ignis æternus, cum diabolo & Angelis eius. Quæ autem, qualis & quanta pœna eorum futura sit, se definire posse aperte negauit. Quod si B. Fulgentius forte aliter sensit, non facimus illi iniuriã, si B. Gregorium Nazianzenum cum vniuersa schola Theologorum sequi malimus.

OCTAVA obiection, paruuli puniuntur in hac vita pœna sensus, cum sint obnoxii fami, siti, morbis, aliisque infinitis propemodum calamitatibus; igitur credibile est, eos in alia quoque vita pœna aliqua sensus esse puniendos.

RESPONDEO, afflictiones huius vitæ, nõ infliguntur proprie ac directe paruulis in pœnam originalis peccati, sed consequuntur naturam humanam originali iustitia spoliata: nam alioqui similia passi fuissent homines, si in puris naturalibus cõditi fuissent, quẽadmodum similia patiuntur animantia rationis experta non aliqua sua culpa, sed ex cõditione naturæ. At ignis & sulphuris cruciatus, in alia vita nõ potest esse naturalis, sed solum ex institutione diuinæ iustitiæ, & idcirco si tales pœnæ infligerentur paruulis, non indirecte & consequenter, sed directe & principaliter infligerentur.

NONA obiection, paruuli post diem iudicii, non habebũt corpora gloriosa, sed passibilia, igitur sine dubio aliquid patientur: *In eis vero* (inquit S. Augustinus lib. 6. in Iulian. c. 5.) *qui non ad vitam resurgent, concupiscentia non feliciter, sed pœnaliter erit, non quia tunc quisquam ab ea mundabitur, sed quia tunc malis non in delectamenta, sed in tormenta vertetur.* Et in epi. 146. ad Contentium, qu. 1. Proinde, inquit, *illi qui ad iudicium resurrexerunt, non commutabuntur in illam incorruptelam, quæ nec doloris corruptionem pati potest. Illa namque fidelium est atque Sanctorum, isti vero perpetua corruptione cruciabuntur, quia ignis eorum non extinguetur, & vermes eorum non morietur.*

RESPONDEO, corpora damnatorum passibilia quidem erunt, tamen non patientur, nisi secundum ordinationem diuinæ iustitiæ & supernaturaliter. Nam cum post iudicium cessare debeat ortus & interitus rerum naturalium, tollitur à corporibus naturalibus vis agendi in alia corpora, ac per hoc non agent, nisi, sicut antea diximus, vt instrumenta diui-

na iustitiae. Quare cum diuinæ iustitiæ ratio id non exigat, ut corpora paruulorum ignem patiantur, immunia illa corpora à dolore erunt; quamuis alioqui non gloriosa, sed similia corporibus cæterorum damnatorum futura sint. Sanctus verò August. in locis notatis non tractat quæstionem de paruulis, sed in genere de corporibus damnatorum loquitur. Quapropter verba eius verissima sunt, quoniam ut plurimum ita se res habet, ut ipse docet.

Decima obiectio, Christus pro peccato originis expiando pœnam sensus, & quidē grauissimam passus, est. igitur pœna ei peccato debita, est pœna sensus.

Respondeo, Christus passus est non pœnam, quæ directe peccatis nostris debebatur: neque enim pœnam gehennæ sustinuit, sed aliam, quæ quoniam infiniti meriti & efficaciz fuit, propter personæ patientis dignitatem, idē pro peccatis omnibus plenissime satisfecit. Adde quod non solum pro peccato originis, sed etiam pro actualibus culpis Christus passus est. Culpæ autem actuales pœnam sensus sine dubitatione merentur.

CAPVT VI.

Refellitur tertia opinio, & asseritur, probabile esse, paruulos non baptizatos passuros interiorem animi dolorem, quamuis mitissimum.

Restat ad extremum, ut excutiamus opinionem Terciam & Quartam, quarum prior paruulos eximebat ab omni dolore tum interno, tum externo; posterior internum eis relinquebat, ab externo penitus liberabat; & quidē prior probabilis est propter auctoritatē S. Tho. S. Bonauenturæ, & aliorum multorum illustrium Theologorum. Sed posterior probabilior nobis videtur propter auctoritatē SS. Patrum, Augustini, Fulgentij, Gregorij, & aliorum, quos nonnulli etiam Scholasticorum Theologorum sequenti sunt.

Dicimus igitur paruulos sine Baptismo decedētes dolorem animi habituros, quod intelligent se beatitudine priuatos, à consortio piorum fratrum & parentum alienos, in carcerem inferni detruſos, & in tenebris perpetuis vitam acturos.

Cæterum hunc dolorem in eis leuissimum, mitissimumque multis de causis futurum; Tū quod dispositionem ad beatitudinem non nisi remotissimam habuerint; Tum, quod intelligent nō propria negligentia se tantum bonum amisisse, unde etiam verme conscientiz carebunt; Tum, quod delicias, neque cœlestes, neque terrenas vnquam gustauerint. Facile enim iis bonis caremus, quibus nūquam assueuimus, Tum, denique, quod videbunt plurimos esse in eodem gehennæ carcere se multo infeliciores, ad quorum sortem ipsi quoque pertinere potuissent, si diuinus sibi viuere contigisset; quare S. Aug. multis in locis affirmat, paruulos sine Baptismo decedentes in damnatione omnium mitissima futuros. Vide lib. 1. de pec. mer. & remiss. c. 16. in Enchir. cap. 93. & li. 5. in Julian. c. 8. Sed adferamus testimonia Patrum, ad probandum paruulos non vacaturos omni dolore animi.

Primum testimonium est S. Augustini l. 1. de orig. animæ, cap. 9. *Paruulus non baptizatus nemo promittat quietis aut felicitatis cuiuslibet, atque vbi libet, inter damnationem regniūque calorum, quasi medium locum, &c.* Negat hoc loco S. August. paruulos habere locum vllum quietis, aut felicitatis cuiuslibet. At si nullo omnino dolore, nulla tristitia tangerētur nec interna, nec externa, neque corporis, neque animi, certe

magna & perfecta quiete fruerentur.

Secundum testimonium eiusdem Aug. in epi. 106. ad Paulinum: *Neque faterentur paruulos non baptizatos, quemlibet tolerabilius omnibus, qui etiam propria peccata committunt, tamē aeterna morte multari.* At vox illa, tolerabilius, manifeste requirit ut paruuli aliquid habeant pœnale tolerandum; non dicitur autem tolerare, nisi qui sentit dolorem & laborat in perferendo.

Tertium testimonium eiusdem, li. 6. in Julian. ca. 4. ultra medium, vbi probat paruulis esse malū, non intrare in regnum Dei, & ipsos de hac re dolere: *Si hoc, inquit, eis non erit malum, non ergo amabunt regnum Dei, tot innocentes imagines Dei. Si autem amabunt, & tantum amabunt, quantum innocentes amare debent regnum eius, à quo ad ipsius imaginem creantur, nihil ne mali de hac separatione patientur?* Addit etiam idem August. lib. 5. in Julian. c. 8. paruulis pœnam esse futuram, quod separabuntur à consortio piorum parentum. At certe separari à re quæ diligitur, necessario dolorem affert.

Quartum testimonium eiusdem Augustini est in epi. 28. ad Hieronymum, in ser. 14. de verb. Apost. & alibi, vbi docet, paruulos in inferno pœnam, vel supplicium esse passuros; quæ nomina vix intelligi possunt sine aliquo dolore.

Quintum testimonium est sancti Fulgentij in lib. de fide ad Petrum, ca. 3. qui dicit, paruulos sine Baptismo decedentes, interminabilia gehennæ sustinere supplicia: at supplicium sine dolore esse non solet.

Sextum est S. Gregorii lib. 9. moral. c. 16. vbi non semel repetit paruulos perpetua gehennæ tormenta percipere; quis autem tormentum sine dolore esse concedat?

Septimum est Cypriani; siue quicumque fuit auctor, in serm. de ratione circumcisionis, vbi loquens de pœna peccati originalis post mortem: *Superat, inquit, post mortem carnis, animæ labor & afflictio spiritus: quid clarius?*

Ad hæc testimonia accedit, quod nullus hætenus eorum, qui cōtra sentiunt, congruentē rationē reddere potuit, eū infantes non tristentur dū cogitant, se cœlesti felicitate priuatos, & in carcerem inferni esse detruſos. Aliqui veterum Scholasticorum dixerunt, paruulos illos propterea dolorem nullū percepturos ex amissione beatitudinis, quod ignorabūt omnino eā se amisisse, cū id nisi per fidem cognoscere non possit, & ipsi fidem nunquam habuerunt; hæc rationem approbat S. Tho. in q. 5. de malo, ar. 3. Sed eandem reprehendit in 3. Sent. d. 33. q. 2. art. 3. Defendit quidem eam Durand. in eandem distinctionem eiusdem libri scribens.

Cæterum, S. Thomæ (ut dixi) & S. Bonauent. in 2. Sent. scribentibus, aliisquē viris doctis iure nō placuit, nā si ea ratio aliquid efficere, sequeretur, barbaros adultos, qui multa & grauissima peccata adu-num illud originale addiderunt, non habituros dolorem de amissa beatitudine, quandoquidem hæc vita de ea beatitudine, vel de Christo nihil vnquam audierunt. Cognoscunt igitur esse aliquam beatitudinem, & eam se amisisse, quia cognoscunt naturam suam, & in ea naturale desiderium summi boni adipiscendi ab auctore naturæ insertum esse non ignorabunt, nam, ut loquitur S. Aug. lib. 1. Confess. ca. 1. fecit nos Deus ad se, & inquietum est cor nostrum, donec requiescat in ipso. Itaque hac inquieti cordis tristitia homines illi vacare non poterunt.

Deinde nonne in die iudicii palam aspicient multos sui generis, & fortasse parentes & fratres in cœlum, cum ingenti gloria ascendere? nonne in eodem

iudicio, ut iuſtus Deus ab omnibus comprobetur, ratio manifeſta erit, cum præmijs, cum ſupplicij omnium hominum? *Tunc enim illuminabuntur abſcondita tenebrarum, & manifeſta erunt conſilia cordium*, ut Apoſtolus ſcribit 1. ad Cor. 4. vide S. Tho. in 4. Sent. diſt. 43. q. 1. art. 5. q. 2. ubi docet, in iudicio omnibus notam eſſe futuram, tū ſententiam ſuam, & aliorum, tum etiam rationem & cauſam eius ſententiæ.

Quod autem Durandus reſpondet ad iudiciū proprie non pertinere paruulos, ſed ſolum adultos, qui actualia peccata committunt, Repugnat Apoſtolo, qui ad Rom. 5. dicit: *Vnius delicto omnes homines in condemnationem*. Neque enim condemnatur, qui non iudicatur. Repugnat ſymbolo Athanaſij, in quo dicitur, omnes homines reſurrecturos, & reddituros iudici rationem. Repugnat Auguſtino, qui ſer. 14. de verbis Apoſtoli dicit, paruulos reſurrecturos ad iudiciū & iudicandos.

Hæc igitur ratione expoſita, S. Bonauent. aliam excogitauit, ſcribit enim homines illos ſimul conſideraturos beatitudinem, quam amiſerunt; & pœnas aliorum damnatorum, quas euaserunt; & quanquam prior conſideratio dolorem, poſterior gaudium adferre poſſit, tamē ita vnā temperandam per aliam, ut conſideratio amiſſæ beatitudinis, impeditura ſit gaudium de euasione pœnarum, & cōſideratio euasione pœnarum, impeditura ſit dolorem de priuatione beatitudinis, atque ita futurum, ut illi neque tridentur vnquam, neque latentur.

Sed hæc etiam ratio non plene ſatisfeciſſe videtur, nam ſi res ita ſe haberet, viderentur homines illi redacti ad naturam rerum non ſentientiū. Et ſane probabilius diceretur, eos non ſimul, ſed per vices cōſideraturos, nūc amiſſam beatitudinem, nunc liberationem à grauioribus malis, atque eadem ratione, nunc tristes, nunc lætos futuros, aut certe conſiderationem pœnarum quas euaserunt, nō penitus ſublaturam, ſed ex parte mitigaturam triſtitiā, quam ſecum cōſideratio amiſſæ ſclicitatis adferret.

S. Thomas aliam rationem adducit, nimirum homines illos ideo nulla triſtitia eſſe afficiendos, quod probe intellecturi ſunt, nullam ſe proportionem ad eam beatitudinē vnquam habuiſſe, cum nēc habuerint gratiam, nec uſum liberi arbitrij. Non enim triſtantur qui recto iudicio vtuntur, ſi bono eo careāt, ad quod nulla ratione inueniuntur idonei.

Verum neque in hac ratione mens humana penitus acquieſcit. Nam tamen nunquam in ſe paruuli decedentes ſine Baptiſmo proportionem habuerint ad beatitudinem, tamen habuerunt in primo parente, & cognoscent, ut oſtendimus, ſe primi parentis culpa tantum bonum perdiſſe.

Richard. in eam diſtinct. 33. lib. 2. Sent. ſcribens, cum videret prædictas rationes non plene ſatisfacere, addit Quartam, atque ait, quod paruuli cognoscent ſe beatitudine exciſiſſe, & tamen non inde triſtentur, fieri ſingulari Dei prouidentia, qui dolorem a peccatorum animis remouet.

Sed hæc ratio nihilo videtur eſſe melior cæteris, nam cum Deus non impediāt, quo minus paruuli in hac vita patiantur dolores, qui ſequentur ex amiſſione iuſtitie originalis, cur impediret dolorem, qui poſt mortem naturaliter conſequetur cognitionem amiſſæ beatitudinis? Si enim vlla cauſa eſſet impediendi hunc dolorem, illa ſine dubio eſſet, quia non merentur paruuli eiſmodi dolorem, cum nihil mali propria voluntate commiſerint, at eadem ratione impedire deberet Deus tot mala, quæ nunc paruuli patiuntur.

CAPVT VII.

Reſpondetur ad obiectiones contra doctrinam capituli ſuperioris.

A Duerſus ea quæ dicta ſunt nonnullæ obiectiones fieri ſolent, quas breuiter diſſoluemus.

Prima obiectio, verba diuinæ Scripturæ, quæ ſupra ex Apocalypſi allata ſunt: *Quantum ſe glorificauit, & in delicijs ſuit, tantum date illi tormentum & luctum*; Si recte probant, paruulos non eſſe paſſuros pœnam ſenſus, certe etiam probant, non eſſe paſſuros dolorem animi, cum paruuli nullas omnino delicias, neque corporis, neque animi deguſtare potuerint. Reſpondeo, multum intereſt inter pœnam ſenſus & dolorem animi. Nam pœna ſenſus poſt hanc vitam nulla eſſe poterit, niſi à diuina iuſtitia directe, ac proprie infligatur; non autem æquum eſt, ut Scriptura docet, ut pœna directe infligatur ei, qui nullam habuit voluptatem. At dolor animi ex amiſſione beatitudinis nō proprie ac directe infligitur, ſed per ſe ac naturaliter ſequitur. Itaque ſicut in hac vita pœna directe inflicta propter originale peccatum, eſt priuatione iuſtitie originalis, quæ partem inferiorem ſuperiori, & corpus animæ ſubiiciebant, pœna autem indirecta, & conſequens ſunt omnes labores & dolores huius vitæ: ſic etiam poſt mortem pœna directe inflicta propter originale peccatum, eſt carentia viſionis Dei, pœna autem indirecta & conſequens eſt animi dolor, qui ex amiſſæ beatitudinis cognitione percipitur.

Secunda obiectio, Paruulorum pœna poſt hanc vitam miſſima erit, ut S. Auguſtinus docet, in Enchirid. c. 93. & alibi: At dolor de amiſſa beatitudine grauiffimus eſt, & multis partibus dolorem corporalem ſuperat. Reſpondeo, cum S. Augu. dicit, pœnam paruulorum fore miſſiſſimam, non comparat pœnam animi cum pœna corporis, ſed pœnam paruulorum cum pœna maiorum. Recte autem dicit fore miſſiſſimam, tribus de cauſis. Primo, quia maiores puniuntur pœna dāni & ſenſus; paruuli pœna damni ſolius. Secundo, quia maiores ad pœnam damni annexum habebunt vermem cōſcientiæ, quo paruuli carebunt. Tertio, quia maiores dolorem de amiſſa beatitudine grauiffimū percipient, paruuli contra leuiſſimum. Tanto enim dolor de re amiſſa grauior eſt, aut leuior, quanto quis maiorem aut minorem ad eam rem adipiſcendam diſpoſitionem habuit. Nulli autem damnatorum minorem diſpoſitionem ad cœleſtem beatitudinem habuerūt, quam ij, qui ante uſum rationis de vita migrarunt.

Tertia obiectio, concors Doctorem ſententia in eam opinionem propendet, ut paruuli nullū omnino dolorem animi patiantur. Reſpondeo, non ita eſt, nam antiquiores Doctores, Auguſt. Fulgentius, Gregorius, auctor ſermonum de Cardinalibus operibus Chriſti, magis propendent, ut oſtendimus, in contrariam. Deinde Petrus Lombardus, in 2. Sent. diſt. 33. dum ſolum remouet à paruulis ignem corporalem, & vermem cōſcientiæ: ſatis aperte relinquit carentiam beatitudinis cum dolore, qui inde cōſequitur. Innocent. quoque in c. Maiores, de Baptiſmo & eius affectu, cū dicit, pœnam peccati originalis eſſe carentiā viſionis diuinæ, actualis autem, gehennæ perpetuæ cruciatum; ignem corporalem, qui proprie gehennæ cruciatus dicitur, à pœna paruulorum excludit, non autem eam triſtitiā, quæ carentiam viſionis Dei aliter comieatur.

Ad

Ad hæc S. Thomas, & S. Bonaventura teſtantur, non deſuiſſe ſuo tẽpore Scriptores, qui docerẽt, paru-
ulos non baptizatos paſſuros animi dolorẽ, quãvis
mitiſſimũ, ex carentia viſionis Dei. Denique noſtro
ſæculo Ioannes Driedo, vt ſupra diximus, nõ ſolum
dolorẽ internũ, ſed etiam externũ paruulis nõ
baptizatis tribuendũ eſſe cenſuit. Et Dominicus à
Soto lib. 2. de natura & gratia, c. 14. diſputationem
ſuam ita concluſit: *Quocirca vel dicendum eſt hanc cauſam,*
qua fuerint expuſi: oculum ſibi eſſe, quod magis
probauerim, eo quod ſit extra naturalem ordinem rerum:
aut ſi eam cognoscunt, vt quidam volunt, vix poſſim
intelligere, quomodo nulla inde contriſtitia moleſtet. Vbi
vir ite doctiſſimus & inſignis alioqui S. Thomæ ſe-
ctator, aperte fatecur; paruulos dolorẽ internũ
paſſuros, ſi verum ſit quod nos cum S. Thoma, ſan-
ctoque Bonaventura veriſſimum eſſe non dubita-
mus, notam fore iſdem paruulis cauſam, cur à bea-
titudine cœleſti exciderint.

Petrus quoque à Soto in lib. de inſtitutione Sacer-
dotum, ſectiõne ſexta de Baptiſmo, prope extrema,
inter nouitates Catharini viandæ numerat, quod
paruuli in die nouiſſimo recepturi ſint integram &
perfectam naturam ſolo dono originali, viſioneque
diuina carentem, ſed quæ nullo modo eis afflictioni
vel triſtitia ſit futura.

QVARTA obiectio, Paruuli poſt hanc vitam in-
telligẽt, iuſta Dei ordinatione ſe priuari cœleſti bea-
titudine, igitur nõ dolebunt, nec triſtabuntur de ea
priuatione, nam alioqui peruerſæ voluntatis eſſent
non ſolum habitu, ſed etiam actu, & de diuinis iudi-
cijs obmurmurarent, forte etiam blaſphemarent.
Quæ ſunt omnia perabſurda, cum conſtet eos non
futuros peiores, quam eſſent cum hinc diſceſſerunt.

RESPONDEO, non eſt neceſſarium, vt qui iuſtum
Dei iudiciũ in ſua afflictione cognoscunt, aut non
doleant, aut de Deo obmurmurent. Poſſe enim ſie-
ri, vt verè patiantur, ſed patienter & ſine querimo-
nia. An in locis purgatorijs animæ non agnoscunt
ſe, iuſto Dei iudicio pœnas luere? aut dolores & qui-
dem atrociffimos non ſentiunt? aut de diuinis iudi-
cijs obloquuntur? S. Iob, CHRISTI martyres,
CHRISTVS ipſe in paſſione ſua, nonne dolores
graviſſimos ſenſerunt, & patientiſſime pertulerunt,
& Dei voluntate ſe pati certiſſime cognouerunt?
Sed de his hæcenus.

CAPVT VIII.

*Proponitur methodus ſutura diſputationis de pœna
peccati in hac vita.*

DISSERVIMVS hucuſque de pœna peccati origi-
nalis, quam ii patiũtur, qui vixdum nati ex hac
vita ſine huius peccati remiſſione decedunt, nunc de
pœna illa vel potius de pœnis & calumniantibus illis
differemus, quas in hac vita patiuntur, qui aliquam-
diu ſuperſuunt, & tum præſertim ſi ad vſum ratio-
nis accedant. ERAT autem Tripartita hæc diſ-
putatio. PRIMVM enim per modum ſimplicis nar-
rationis enumerabimus incommoda huius vitæ. DE-
INDÈ propter Pelagianos quæremus, ſintne hæc
incommoda pœnæ peccati originalis. POSTREMO,
quid Lutherani de hac re ſentiant, excutiemus.

Quod igitur ad PRIMVM attinet; incommoda hu-
ius vitæ S. Aug. ad duos veluti fontes reducit, igno-
rantiam & difficultatem, ex quibus alios duos fontes
malorum oriri dicit, errorem & dolorẽ: ignorantia
enim parit errorem, difficultas dolorẽ. Vide Aug.
li. 3. de libero arbit. c. 18. 19. & 20. In Enchir. c. 24. &
in lib. de nat. & grat. c. 67.

A Theologi Scholaſtici paulo aliter hæc tradũt, ſcri-
bunt enim quatuor eſſe vulnera naturæ, ignorantia,
malitiam, concupiſcentiam, infirmitatem; quorum
primum in mente, ſecundum in voluntate, tertium
in appetitu concupiſcente, quartum in iracẽde con-
ſtituunt. Sed nos operæ precium eſſe duximus, maxi-
me propter Lutheranos, qui extenuari à nobis effe-
ctus peccati originalis exiſtimant, ſi hæc omnia di-
ſtinctius atque vberius explicemus.

Igitur mala huius vitæ, alia ſunt interna, alia exter-
na. INTERN AVOCO, quæ ſunt in ipſo homine, vt
ignorantiam, concupiſcentia, & ſimilia: externa quæ
ſunt extra hominem, vt habere Deum iratũ, eſſe ſub
diaboli poteſtate, carere obedientia animantium ra-
tionis expertum, à cœlo, ab aère, ab aqua, ab ipſa
terra multas & varias calamitates perpeti.

Sed rursus INTERNA alia ſunt in parte animæ ſupe-
riore, alia in inferiore: alia in corpore. In SUPERIORE,
læſa ſunt intelligẽtia & volũtas; in INFERIORE ſenſus
tum interni, tum externi, & vtraque appetendi facul-
tas; in CORPORE denique plurima ſunt incommoda,
& ad extremum ipſa mors. Itaque vere ſcriptum eſt
in Concil. Araulic. can. 1. & in Trident. ſeſſ. 5. to-
tum hominem ſecundum corpus, & ſecundum a-
nimam per Adam præuaricationem in deterius eſſe
mutatum.

CAPVT IX.

Enumerantur morbi ſive vulnera mentis humanæ.

VT igitur à Prima animi noſtri parte incipia-
mus, in INTELLIGENTIA ſeu mête humana, plu-
rima ſunt vulnera. PRIMVM eſt ignorantia rerum ne-
ceſſariarũ in infantibus tanta, quãta ne in beſtijs qui-
dem cernitur. S. AVGVST. lib. 1. de peccat. merit. &
remiſſ. c. 38. *Multorum, inquit, pecorum, pulli etiam mi-*
nutiſſimi matres agnoscunt, nec ſugendis vberibus cura &
ope admonentur aliena, ſed capſi in maternis corporibus
loco abdito, poſita mirabili facilitate nouerunt. Contra, homi-
ni nato, niſi opere nutrientis admodum labris papilla vberis
ingerantur, nec ubi ſunt ſentiunt, & iuxta ſe iacentibus
manibus magis poſſunt eſurientes flere, quam ſugere.

SECUNDVM eſt fatuitatis, cum qua nonnulli naſ-
cũtur, nullum enim eſt animal, quod ita naſcatur de-
ſtitutũ omnino ab omni operatione naturæ ſuæ pro-
pria, vt homines aliqui naſcuntur. S. AVGVST. de plo-
rans hanc miſeriam in epiſt. 28. ad Hieronymum:
Tam tardi, inquit, nonnulli ſunt & obliuioſi, vt ne prima
quidem diſcere litterarum elementa potuerint. Quidam ve-
ro ſanta ſunt fatuitatis, vt non multum à pecoribus differant,
quoſi moriones vulgo nominant.

TERTIVM eſt difficultas diſcendi, nam ſine labore
ignoramus, cum labore diſcimus. Tamque alte ra-
dices ſuas in quorundam mentibus ignorantia iecit,
vt malint illi ſemper in tenebris ignorantia viuere,
quam tantum laboris, quantum ad diſcendum ne-
ceſſarium eſſe vident, omnino ſubire. S. AVGVST. I-
NVS lib. 22. de ciuit. cap. 22. *Quid, inquit, aliud indi-*
dicat horrenda quadam profunditas ignorantia, ex qua omnis
error exiſtit, qui omnes filios Adam tenebroſo quodam ſinu
ſuſcipit, vt homo ab illo liberari ſine labore, dolore, timore
non poſſit?

QVARTVM eſt ignoratio vltimi finis, in cuius ade-
ptione tota hominis beatitudo conſiſtit, non enim
ſolum ignorant omnes homines, niſi diuinitus adiu-
uentur, finem ſupernaturalem, ſed etiam maxima
pars hominũ ab ipſo naturali fine intelligendo aber-
rat. Cuius rei teſtes eſſe poſſunt tam diuerſe Philoſo-
phorum ſententiæ de ſummo bono. De quibus vide
S. Aug. lib. 19. de ciuit. Dei, cap. 18 & ſeq. Quid autem

milius fingi potest, quam ignoratio proprii finis, id est, veri ac summi boni?

QVINTVM est ignoratio mediorum ad finem, id est, earum rerum, per quas ad bonam beatamque vitam perueniri potest. Nemo est enim tam prudens, qui non sæpenumero dubitet, hæsitet, cæcutiat, in deliberatione rerum agendarum, ac præsertim, circa locum, tempus, modum aliaque rerum circumstantias: Cogitationes enim mortalium timida, & incerta providentia nostra, inquit Sapiens cap. 9.

SEXTVM est difficultas intelligendi naturas rerum. Nam cum hominis proprium munus esse videatur contemplari res omnes, & ex earum cognitione ad cõditoris cognitionem ascendere, & insitum sit homini à natura incredibile sciendi desiderium: unde est illud Philosophi in 1. lib. Metaph. Omnes homines natura scire desiderant. Et illud M. Tullij, in 1. Tuscul. Natura in est mentibus nostris insatiabilis quedam cupiditas veri videndi: tamen tanta est imbecillitas mentis humanæ, ut ne formicæ quidem naturam perfecte nouerit, ut S. Basilus scribit in epi. 168. ad Eunomium. Itaque vere dixit Eccl. c. 1. Cunctæ res difficiles, non potest eas homo explicare sermone. Et c. 3. Mundum tradidit dispositioni eorum, ut non inueniat homo opus, quod operatus est Deus ab initio usque ad finem. Quam autem obscuram ac tenuem de Deo notionem acquirere possit humanum studium, testantur tot monstro. opiniones Ethnicorum, de natura Dei, qui eo usque progressi sunt, ut etiam capis & alijs diuinitatem dare non dubitauerint.

SEPTIMVM est ignoratio propriæ mentis. Nam ceteræ mentes, angelicæ videlicet, se ipsæ perfecte norunt: mens vero humana nihil minus quàm se ipsa cognoscit, nec solum naturam suam, sed etiam opera sua ignorat. Hinc sanctus ille Propheta ingemiscens clamat in Psal. 18. Delicta quis intelligit? ab occultis meis munda me Domine. incredibilis plane est infelicitas, ut ipse qui propria voluntate peccat, non possit sæpe discernere, an vere peccauerit, an deliberata voluntate consenserit, quoties, quantumque deliquerit? & quæ fieri potest, ut vitam recte instituat, & ægritudine suis medicinam faciat, qui se ipse non novit, nec scit quo morbo laboret, ac ne id quidem intelligit an laboret

OCTAVVM est, quod mens humana ab ipso corpore, quod eidatum est pro instrumento ad scientias comparandas, impeditur, ne facile perfecteque intelligat: Corpus enim quod corrumpitur, aggrauat animam, inquit liber Sapientie, ca. 9. & terrena inhabitatio deprimit sensum multa cogitantem: Certe autem nullum est aliud corpus quod impediatactionem præstantissimam propriæ formæ.

NONVM est curiositas quædam propemodum naturalis. Rari enim sunt, qui non libentius, ac diligentius aliena facta ac præsertim errata obseruent, quam sua, S. Ioan. Chrysost. in 1. lib. de compunctione cordis affirmat, vix inueniri etiam inter eos qui perfectiorē vitam profitentur, qui non laborent eo vitio, ut videant festucam in oculo fratris, trabem autem in suo non videant. Unde data est occasio fabulæ de duabus manticis, quarum anterior aliena vitia, posterior propria continet. Sed non videmus, inquit ille, manticæ quod in tergo est. Et alius: Sed præcedenti spectatum in mantica tergo: magna est hæc miseria, nam propria vitia cognoscere semper est utile, sæpe autem necessarium, aliena scrutari vix vnquam utile, sæpe numero noxium ac perniciosum fuit.

DECIMO est, quod multa inania, leuia, inepta volumus animo, vel inuiti, etiā alienissimo tēpore. Deploret hanc miseriam SS. Patres passim, atque inter cæ-

teros S. Hieronymus in dialogo aduersus Luciferianos in aliorum fortasse persona loquens, Nunc, inquit, creberrime in oratione mea, aut per porticus deambulo, aut de sæno compuro, aut abducus turpi cogitatione, etiam quæ dictu erubescenda sunt, gero. Et S. Augustinus in li. 10. Confess. c. 35. Cum, inquit, in huiusmodi rebus conceptatum sit cor nostrum, & poriet copiosa vanitatis cateruas, hinc & orationes nostræ sæpe interrumpuntur atque turbantur, & ante conspectum tuum dum ad aures tuas voce cordis intendimus, nescio unde irruentibus nugatorijs cogitationibus recitantur præceditur. Itaque quod ait Apostolus ad Ro. 8. Vanitati creatura subiecta est non volens, in ipsam etiam humanam mentem optime quadrat.

His accedit, quod cum mēs æterna sit, & ei perpetua debeatur operatio: tamē dū est in corpore, ne mediā quidem tēporis partem sibi vindicare potest: nam si detrahas infantiam, ac pueritiam, in quibus ætatibus mens, aut nihil, aut parum admodum operatur, si demas tempus, quod sibi corpus sumit tū ad somnum, cum ad alias vitæ necessitates, quantum est quod intelligentiæ ad opus suum relinquitur?

CAPVT X.

De morbis, ac vulneribus voluntatis.

SEQUITVR ALTERA pars animi, quæ dicitur VOLUNTAS; cuius vulnus est etiam multiplex.

PRIMVM est illa, quam Græce φιλαρτία, i. amorē sui nominant. Omnes enim quærunt quæ sua sunt, nisi per Spiritum sanctum charitas Dei in eorum cordibus infundatur. Atque hinc nascuntur illa, quæ S. Augustinus enumerat in lib. 12. de ciuit. Dei, c. 12. Mordaces curæ, perturbationes, maiores, formidines, insana gaudia, discordiæ, lites, bella, insidiæ, iracundiæ, inimicitia, fallaciæ, adlatio, fraus, furtum, rapina, perfidia, superbia, ambitio, inuidentiæ, homicidia, parricidia, crudelitas, seuitia, nequitia, luxuria, petulantia, impudentia, impudicitia, fornicationes, adulteria, incesta, & contranaturam viri &que sexus tot stupra atque immunditiæ, quas turpe est etiam dicere, sacrilegia, bærefes, blasphemia, peruersa, oppressiones innocentium, calumnia, circumventiones, prauaricationes, falsa testimonia, iniqua iudicia, violentiæ, latrocinia, & quidquid talium malorum in mentem non venit, & tamen de vita hominum non recedit. Verum hæc sunt hominum malorum: ab illa tamen erioris & peruersi amoris radice venientia, cum qua omnis filius Adam nascitur.

SECVNDVM est difficultas, quam experimur in vitijs superandis, & virtutibus excolendis. Nam finis hominis naturalis, quantum ad voluntatem, est viuere secundum rationem. Proinde virtus secundum naturam est, vitium contra naturam, & videmus res omnes libenter, & facile moueri ad ea quæ naturæ suæ consentanea sunt, ægre & difficulter ad ea, quæ naturæ suæ repugnant. At homines, lætantur cum male fecerint, & exultant in rebus pessimis, inquit Sapiens in lib. Prouer. c. 2. Et: Bibunt, ut inquit Iob. c. 15. sicut aquam iniquitatem, id est, sine molestia & labore, facile suauiterque peccata committunt.

Testes huius rei sunt multiplices illæ pœnæ, quas tum in paruulos, tum in maiores cogimur exercere, ut homines vel inuiti coerceantur à vitiis: Quid enim (inquit AUGUSTINVS loco citato) sibi volunt multimoda formidines, quæ cohibendis paruulorum vanitatibus adhibentur? quid pedagogi, quid magistri, quid serula, quid lora, quid virge, quid disciplina illa, qua Scriptura sancta dicit, dilecti filij lætra esse inuadenda, ne crescat indomitus: domarique iam durus, aut vix possit, aut fortasse non possit? quid agitur his pœnis omnibus, nisi ut debellerentur imperitia, & praua cupiditas refrenentur, cum quibus malis in hoc sæculo vinemus?

Quid

QUARTVM, est infirmitas in appetitu, qui dicitur infirmitas, nam cum hæc facultas homini data fit, ut imperanti rationi tanquam miles armatus obediat, & sic quali neru isquidam animi (ut loquitur magnus Basilus in oratione de ira) fortitudinem, constantiamque, ac robur ad res bene & ordine gegendis præbens. Contra plerumque accidit, ut impetum animæ (pote inuadens hominem, penitus in feram conuertat, eumque cogat in petu terri, infilire, rabie, ut canes, afflicti, pungere ut scorpiones, mordere ut serpentes. Nascitur nobiscum ista pestis, & in ipsa infantia incipit apparere: *An, inquit AVGVST. l. b. i. Confessionum, cap. 7. pro tempore etiam illa bona erant, flendo petere etiam quod noxie darentur; indignari acriter non subiectis hominibus, liberis & maioribus, hisque à quibus gentis est; multisque præterea prudentioribus non ad nutum voluntatis obtemperantibus, ferendo nocere, nisi quantum potest, quia non obediunt imperiis, quibus perniciose obedirentur? ita imbecillitas membrorum infantium inuocens est, non animus infantium. Vidi ego & expertus sum zelantem parvulum: nondum loquebatur, & insuebatur pallidus amaro aspectu collataneum suum.*

QVINTVM est concupiscentia, quæ post amissam originalem iusticiam, solutacōtia spiritum repugnat, & hinc nascitur intellinum illud bellum, quod usque ad mortem finiri non potest, propter quod Apostolus clamat ad Rom. 7. *Infelix ego homo, quis me liberabit de corpore mortis huius? De quo malo integros libros scripsit Aug. aduersus Pelagianos, & nos multa diximus in libro superiore, & aliquid etiam dicturi sumus circa finem huius libri.*

Quantum autem imperium in rationem hic affectus acceperit, & contra, quam debiles sint vires rationis, aduersus impetum huius indomitæ feræ, TESTATUR vita plurimorum adolescentium, qui tam immenso voluptatum turpissimarum incendio flagrant, ut pene ad insaniam redigantur. TESTANTVR nouæ & inauditæ libidinum adinventiones, quibus concupiscentia hominum longe superat concupiscentiam bestiarum, ut ostendit Plutarchus in opusculo, quod bruta ratione utantur. TESTANTVR ieiunia, vigiliæ, sacci, lumi cubationes, spinarum aculei, aliaque id genus, quibus viri sancti tanquam armis cœlestibus, ut hoc malum reprimerent, utebantur. TESTANTVR horribiles tragediæ, quæ singulis ætatibus, & in omnibus mundi partibus occasione carnalis concupiscentiæ acciderunt. Certe in Scripturis sanctis horrorem incutiunt, quæ de Sampson, Salomone & Davide leguntur exempla, quorum primus fortitudine, secundus sapientia omnibus anteibat, tertius ad fortitudinem, & sapientiam, sanctitatem & pietatem plane singularem adiunxerat.

CAPVT XII.

De miseriis hominum quoad corpus.

IAM vero corporales miseriæ in hac lachrymarum valle, plane innumerabiles sunt, quæ tamen nullæ fuissent, nisi peccatum eis aditum patefecisset.

PRIMUM, tot sunt morborum genera, ut nec libris medicorum omnia comprehensa sint.

DEINDE, in eorum pluribus ac plane omnibus etiam ipsa adiumenta, & medicamenta, tormenta sunt, inedia, pharmaca, sectiones, vitiones, ut multisæpe leuius malum estimet morbum, quam medicinam.

TERTIO, inopia cibi ac potus ad quantam rabiem homines interdum adducant: multa & in sacris & in profanis auctoribus exēpla declarant: *Nunc, inquit*

A AVGVSTINVS li. 22. de ciuit. Dei, c. 22. *ad hoc perduxit sitientes homines ardor immanis, ut vinam quoque humanam, vel etiam suam biberent? nonne ad hoc fames, ut à carnibus hominum abstineret se non possent, nec inuentos homines mortuos, sed propter hoc à se occisos, nec quoslibet alienos, verum etiam filios matres incredibili crudelitate, quam rabida esuries faciebat, alsumerent?*

QVARTO, ad inepiā arcendam tantus est labor necessarius, ut Scriptura primo homini dictū fuisse testatur. *In sudore vultus tui vesceris pane tuo.* Gen. 3. Et rursus alio loco propter eandem causam, ita dicitur *homo nasci ad laborem*, quasi ad proprium quoddam munus, *ut aut nascitur ad volatum*, Iob. 3. Itaque sicut miseria morbi per aliam miseriā sæpe grauiorem, id est, per medicamenta pellitur: sic etiam malū in opæ per malum laboris, nec breuius, nec leuius temperatur. Non erat difficile Deo, qui pascit aues cœli, etiam si non ferant, neque metant, neque congregent in horrea, efficere, ut homines etiam sine labore victum quærent, sed voluit in pœnam peccati, ut homines à pœnali exitio, ut loquitur Augustinus loco notato, non nisi pœnaliter emerentur auxilio.

QVINTO accedit breuitas vitæ. Nam cum homines ad scientiam rerum, quæ propria est hominis operatio, non nisi longo tempore, magnoque labore perueniant, æquum esse videbatur, ut diutissime viverent, alioqui futurum erat, ut pene nulli finem sibi proprium & naturalem attingerent. Contra tamen vita hominis breuissima est. Plurimi enim ante decedunt quam ad maturitatem venire cœperint, & qui longissime viuunt, ad ætatem ceruorum, & cornicum minime perueniunt.

Quare non defuerunt ex Ethnicis, qui de natura quærentur, quod longiorem vitam cornicibus, quam hominibus dedisset: ALIVS tunc vitam relinquere se dicebat, cum discere, & vitam, hominis propriam, agere inciperet: ALIVS librum suum ab illis verbis exorditur: *Ans longa, vita brevis*, quasi dicere vellet, non recte agi cum natura humana, quæ propter vitæ breuitatem artes sibi proprias allequi non potest. Scriptura etiam diuina non tacet, vitam hominum esse breuissimam, *Homo natus de muliere* (inquit Iob. c. 14.) *breui viuens tempore, repletur multis miseriis, qui quasi flos egreditur & conteritur, & sicut velut umbra.* Itaias vero Propheta cap. 40. & Apostolus Petrus in epist. 2. cap. 1. hominem scœno comparare non dubitarunt, quod ad primum solis radium sicatur & cadit.

Accedit POSTREMO timor continuus imminentiæ mortis. Nam tamen si vita humana amara est valde, tamen adhuc amarior esse videtur interitus: *Sicne separat, aiebat ille, amara mors?* Et Apostolus 2. ad Cor. 5. *Ingemiscimus, inquit, gravati eo quod nolumus expoliari, sed superuestiri, ut absorbeat quod mortale est à vita.* Et ad Heb. 2. dicit, Christum per mortem suam destruxisse eum, qui habebat mortis imperium, id est, diabolum, ut liberaret eos, qui timore mortis, per totam vitam obnoxii erant seruituti. Animus certe immortalis, & qui naturalis forma corporis est, sine dubio corpus immortale desiderat, Proinde mors inimica naturæ, & omnium terribilium extremum recte nominata est.

CAPVT XIII.

De miseriis natura humana, quæ extrinsecus accedunt.

EXPLICAVIMVS breuiter eas miseriæ, quæ in homine ex ipso homine oriuntur: nunc de illis dicendum est, quæ extrinsecus accedunt.

P R I M A & summa est, quod homines post peccatum primi parentis, Deum iratum & inimicum habent: *Nascimur enim omnes* (vt Apostolus ait ad Ephes. 2.) *filii iræ.* Si autem Deus contra nos est, quis pro nobis esse audebit? & quid mirum, si armatur orbis terræ contra hominem, cum inimicus homini sit, qui fecit cælum & terram? **S** E C U N D A est, quod traditi sumus in potestate principis tenebrarum, qui quidem multorum etiam paruulorum, corpora inuadit, eosque miserabiliter vexat & cruciat. Omnium autem mentes sollicitat ad peccatum, & mille nocendi artes habens, die nocteque tanquam Leo rugiens circumit quærens quem deuoret: Contra milleformes, inquit August. lib. 22. de ciu. Dei, cap. 22. demonum incursus quis innocentia sua fidit? quandoquidem ne quis fideret, etiam paruulos baptizatos, quibus certe nihil est innocentius, aliquando sic vexant, vt in eis maximè, Deo sinente, illa monstretur huius vitæ flenda calamitas.

T E R T I A est, quod homo homini hostis crudelissimus & immanissimus, omni loco & tempore insidiatur. Quis enim explicet, quanta patiantur homines ab hostibus, à pyratibus, à latronibus? nonne ab eis & deprauidatio, & captiuitas, & vincula, & carcer, & exilium, & cruciatus, & amputatio membrorum, & priuatio sensuum, & oppressio corporis ad obscenā libidinem opprimētis, explendam, & alia multa horrenda sæpe contingunt?

Q U A R T A est inobedientia animantium rationis expertium; *proposuit enim initio Deus hominem bestis terræ, volatilibus cæli, & piscibus maris*, vt Scriptura loquitur Gen. 1. & certe si primus homo ab imperio Dei non recessisset, omnia animantia hominis imperio facile paruissent. Nunc vero retinet quidem homo principatum in bestias eiusque iure suo ad sua cōmoda vti potest: sed liberam exequutionem propter peccatum amisit. Detrectant enim imperium, sæpe etiam in ipsum dominum suum insurgunt, neque nisi magna industria & labore subiciuntur, quemadmodum Principes regunt aliquando populos rebelles, & domini mancipia fugitiua.

Significauit hoc Deus Gen. 9. illis verbis ad Noe: *Terror vester ac tremor sit super omnia animantia terræ, & super omnes volucres cæli, & cuncta quæ mouentur in terra.* Quo loco verba illa, *terror ac tremor*, indicant, in statu innocentie fuisse pacificum imperium, post peccatum autem futurum violentum atque terribile. Obseruat autem S. Aug. loco citato, non solum multa homines pati ab agrestium bestiarum & ferarum, vel tantummodo molestis, vel etiam mortiferis moribus: verum etiam interdum à mansuetis & domesticis animalibus: propter rabiem enim, quæ contingit ex rabido cane, fit, vt blanda & amica suo domino bestia nonnunquam vehementius & acrius, quam leones draconesque metuat.

Q U I N T A est calamitas, quæ è cælo, terra, mari, non raro accidere solet. Nam vix dici potest, quanta ea detrimenta sint, quæ contingunt hominum generi, vt eiusdem Augustini verbis vtat, ab æstibus & frigoribus, tempestatibus, imbribus, illuionibus, coruscatione, tonitru, grandine, fulmine, motibus, hiatibusque terrarum, oppressionibus ruinarum: eruptionibus ignium, à tot venenis fructuum, aquarum, aurarum. Quæ mala patiuntur nauigantes? quæ terrena itinera gradientes? quæ hortorum agrorumque cultores? quot & quantis à cælo & terra, vel perniciosius animalibus casus timetur agrorum fructibus? solent tamen de frumentis tandem collectis & reconditis esse securi. Sed quibusdam, quod nouimus prouentum optimum frumentorum, fluuius im-

A prouisus, de horreis eiecit atque abstulit.

S E X T A est, quæ nulla ratione prouideri potest ærumna casuum fortuitorum, quæ licet in statu innocentie locum nullum habuisset, ita post peccatum undique occurrit. *Quis ambulat*, inquit A V G U S T I N U S, *ubiunque non inopinatus subiacens casibus de foro quidam rediens domum satis pedibus suis, cecidit, pedem fregit, & ex illo vulnere finivit hanc vitam.* Quid videtur sedentem securus? de sella, in qua sedebat, cecidit Heli sacerdos & mortuus est. Hæc Aug. Quibus addi possent multa similia quæ leguntur apud Valerium lib. 9. c. 12. & Plinium lib. 7. & cap. 7. & 53.

CAPVT XIV.

Ostenditur contra Pelagianos concupiscentiam esse malam.

D E miseria humanæ vitæ, quam his quinque capitibus exposuimus, cōtrouersia cum Pelagianis duplex est; **A** L T E R A an sint vere mala illa omnia, quæ nos inter miseras numerauimus. **A** L T E R A an sint in homine ex merito peccati, an ex conditione naturæ. Pelagiani enim qui peccatum originale negabant, aliqua ex iis, quæ nos inter calamitates & vitia numerauimus, præcipue vero concupiscentiam carnis, inter naturæ bona numerabant. Alia, mala quidem, sed naturalia esse dicebant.

A duersus hunc errorem pugnat acerrime S. A V G U S T I N U S in lib. de peccato originali c. 34. vsque ad 39. in libris duobus de nuptiis & concupiscentia, in 1. lib. contra duas epistolas Pelagianorum, c. 15. & trib. seq. lib. 3. contra Iulian. cap. 7. & seq. & totis lib. 4. & 5. contra eundem Iulian. Nos Augustinum sequentes demonstrabimus **P** R I M U M concupiscentiam, qualis in nobis est, vere esse malum, & vitium naturæ, non bonum naturæ nominandam. **D** E I N D E tum ipsam concupiscentiam, tum cetera mala supra explicata, ex peccato nata esse, non ex conditione naturæ.

Igitur concupiscentiam esse malam, **P** R I M O docet Apostolus ad Rom. 7. cum ait: *Malum adiacet mihi, perficere autem bonum non inuenio.* Vbi per malum adiacens nihil aliud intelligi potest, nisi concupiscentia carnis, nam illud idem malum in eodem capite, idem Apostolus vocat legem membrorum, & legem peccati repugnantem legi mentis. At si concupiscentia esset bonum naturæ, quomodo ab Apostolo malum nominaretur?

S E C U N D O, idem Apostolus in priore ad Cor. cap. 7. *Qui non continent nubant, melius est enim nubere quam vti.* Et rursus admonens coniugatos vt propter orationem ad tempus & ex consensu continentis & rursus propter tentationis periculum reuertantur in id ipsum: *Hoc*, inquit, *dico secundum indulgentiam, non secundum imperium.* Vbi S. Apostolus satis aperte declarat coniugium datum esse à Deo in remedium concupiscentiæ, & indulgentia opus esse, cum opus coniugij exercetur non amore prolis, sed ad satisfaciendum concupiscentiæ, sive, vt Ambrosius loquitur, non amore posteritatis, sed ardore libidinis: at certe remedio & indulgentia non egent res bonæ, sed malæ.

T E R T I O, idem Apostolus primæ Corinth. 9. castigat corpus suum & in seruitutem redigit, & 2. Corinth. 12. ter Dominum rogat vt auferatur à se stimulus carnis. At quod tantus Apostolus ita vehementer oppugnat, & precibus apud Deum, & asperitate vitæ in se, sine dubio malum est, eo carere bonum.

QUARTO, idem Apostolus ad Gal. 5. dicit carnem concupiscere aduersus spiritum, spiritum autem aduersus carnem. At concupiscentiam spiritus bonam esse, testantur opera eius, quæ ibidem enumerantur, charitas, gaudium, pax, &c. igitur malam esse necesse est concupiscentiam carnis, quæ concupiscentiæ spiritus aduersatur. Vt interim omittam, quod cum eius fructus, qui in eodem loco notantur: mali sunt, non potest ipsa non esse mala, iuxta doctrinam Domini Matthæi 7. *Non potest arbor bona malos fructus facere.*

QUINTO, Apostolus Ioannes in epist. 1. c. 2. concupiscentiam dicit non esse ex patre, sed mundo. Quomodo autem bonum est, quod non est à Deo, à quo est omne bonum?

SEXTO, concupiscentia carnis eget fræno, alioqui fertur immoderate in omnia flagitia: at frænum non ipsa sibi adhibet, sed à ratione illi imponitur, igitur ipsa ex se immoderata, ac per hoc mala & vitiosa est.

SEPTIMO, propter istam concupiscentiam omnis concubitus, etiam legitimus cum vxore, vitat aspectum, & nisi in latebris, vel in tenebris nunquam peragitur. At propter bona nemo erubescit, nemo tenebras querit. Igitur concupiscentia sine dubitatione est mala, vide Augustinum lib. 14. de ciu. Dei, cap. 17. & sequent.

OCTAVO, malum est, vt inferiora superioribus reludentur. Id enim contra æquitatem & rectam rationem est. At propter concupiscentiam pars animæ inferior superiori, id est, rationi repugnat, legi mentis non parens; spiritui aduersatur. Quis igitur ambigat an ea mala sit appellanda?

NONO, accedant testimonia Patrum, quos August. citat li. 2. in Iulianum, Cypriani, Ambrosij, Hilarii, Hieronymi, Chrysostomi, qui malam esse concupiscentiam vno ore confirmant.

DECIMO, accedant testimonia Ethnicorum. Nam August. li. 14. de ciuit. Dei, c. 19. & lib. 4. in Iulianum, c. 12. Tullium adducit in 3. li. de Republica dicentem, iracundiam & libidinem vitiosas esse animi partes. Clemens quoq; Alexandrinus in tertio Stromatum, Platonem citat, in primo de Republica dicentem, corporis voluptatem sapientiæ repugnare, & esse dominam sæuissimam, à qua felicissimum sit posse liberari; similia ex Archita Tarentino, & Sophocle recitat M. Tullius in dialog. de senectute, & inter alia scribit, nullam capitaliorem pestem quam voluptatem corporis hominibus à natura datam.

CAPVT XV.

Non solum concupiscentiam, sed omnes miseras humane nature pœnas esse peccati.

NVNC ordine, sed breuissime demonstrabimus, Omnes supra numeratas humane vitæ calamitates, ex merito esse peccati, non ex cōditione naturæ. De qua re diximus etiam aliqua in 1. lib. de gratia primi hominis. Possunt autem humane calamitates omnes ad decem præcipuas reuocari.

PRIMA est, ignorantia in mente. Hanc ortam esse ex peccato, testatur David in Psal. 48. *Homo cum in bonore esset, non intellexit, comparatus est iumentis insipientibus, & similis factus est illis.* Adamum quoque ante peccatum nouisse naturas rerum, quas nunc ignoramus, satis aperte colligitur ex c. 2. Gen. vbi nomina imposuit omnibus animantibus, vt natura vniuscuiusque exigere videbatur, denique in paradiso nullus fuisset error, nulla deceptio, nulla ignorantia earum

rerum, quæ pro loco & tempore scienda fuissent. Nā ista omnia sunt mala, & pœnæ peccati, vt S. August. docet in Enchir. c. 24. & 25. & in lib. 3. de libero arbitrio, c. 18. nullum autem malum in paradiso fuisset, si Adam non peccasset, vt idem auctor docet in lib. 14. de ciuit. Dei, c. 10.

SECUNDA, malitia in voluntate; hanc non fuisse in primis parentibus ante peccatum, & ex peccato natam esse testatur Ecclesiastes c. 7. vbi dicit: *Hoc inueni quod fecerit Deus hominem rectum, & ipse se infirmum misceueris quæstionibus.*

TERTIA, concupiscentia in parte inferiore; hanc pœnam esse peccati docet Apostolus Rom. 7. cum eam sæpissime vocat peccatum, quia videlicet ex peccato nata sit. Docet etiam verecundia primorum parentum, qui post peccatum erubuerunt nuditatem suam, eamque frondibus, quæ primæ in promptu fuerunt, tegere festinarunt Gen. 3. Docet postremo etiam ratio, nam (vt S. Augustinus ratiocinatur in 1. lib. contra duas epistolas Pelagianorum, cap. 17.) aut in paradiso fuisset libido & quotiescunque illa exurgeret, toties ei per concubitum satisficeret: aut fuisset quidem, sed per temperantiam frenaretur, aut denique non fuisset, & nulla existente libidine, vt cætera membra quæque ad opera sua, sic ad opus proprium etiam genitalia iussis volentiū sine vllæ difficultate seruissent. Sed duo priora repugnatur. Nam illud primum tam præclara status illius honestas, hoc autem secundum, tam magna felicitas non vult: restat igitur vt tertium solum sit verum, & libido, quæ in primis parentibus ante peccatum non fuit, ex peccato sit nata, & ad nos per peccatum in quo concipimur, propagata descendat.

QUARTA calamitas, labor & dolor in corpore. Hanc ex peccato manasse Deus ipse testatur, cum ait Gen. 3. *In sudore vultus tui vesceris pane tuo.* Vnde sunt illa Eccl. c. 40. *Iugum graue super filios Adam, à die exitus de ventre matris ipsorum, usque in diem sepulture, in matrem omnium.*

QUINTA, est mors ipsa de qua B. Paulus ad Rom. 5. *Per unum hominem peccatum in hunc mundum intrauit, & per peccatum mors.* Et cap. 6. *Stipendia peccati mors.*

SEXTA, ira Dei, hanc autem esse pœnam peccati, nulla ratione dubitari potest, nisi de ipsius Dei iustitia dubitetur. Nam *vultus Domini*, vt legimus in Psal. 33. non est, nisi *super facientes mala*, vt perdat de terra memoriam eorum. Et ad Rom. 1. scribit Apostolus: *Reuelari iram Dei de celo super omnem impietatem & iniustitiam.* Itaque non nasceremur filii iræ, quales nos nasci scribit Apostolus ad Ephes. 2. nisi in iniquitatibus conciperemur, & in peccatis parerent nos matres nostræ, vt legimus in Psalm. 50.

SEPTIMA, captiuitas sub diabolo, hanc pœnam esse peccati docet Petrus in epist. 2. ca. 2. cum ait, *A quo quis superatus est, huius & seruus est.* Deinde, vt recte notat S. Aug. in epist. 18. ad Hieronymum, nō daret Deus homines diabolo, tanquam naturam inferiorem naturæ excellentiori, quomodo tradidit homini bestias terræ. Nam etsi mortalis est homo, tamen est etiam rationalis, & Dei capax, & ideo non Angelorum seruus, sed conseruus est, & Deo nō per Angelos, sed per se famulatum præstat. Quare quod diabolus princeps huius mundi nominetur in Scripturis, & homines captiuos teneat ad suam ipsius voluntatem, & nos Christi ope indigeamus, vt de potestate Satanz liberemur, non potest aliunde, quam ex peccato factum esse.

OCTAVA, crudelitas hominum in alios homines. Hanc vero ex peccato manare Iacob. Apostolus docet, cum in epiftola fua cap. 4. dicit: *Vnde bella & lites in vobis? nonne ex concupifcentiis veftris, quæ militanc in membris veftris?* Concupifcentiam autem pœnam effe peccati, paulo ante monftrauimus. Itaque peccatum concupifcentiam procreauit; concupifcentia vero lites & bella; Neque hæc folum, fed etiam feditiones, rixas, homicidia, veneficia, impudicitiam, & illa omnia mala, quæ opera carnis vocat Apoſtolus ad Gal. 50.

NONA, inimicitia & rebellio beftiarum. Nō fuiſſe futurum hoc malum in ftatu innocentie, colligitur ex tertio c. Gen. vbi ſerpens familiariter cum Heua colloquitur, & neque ipſa ſerpentem horret, neque ſerpens ipſam aut fugit aut ferit. Idem intelligi poteſt ex c. 1. vbi Dei nutu animantia omnia venerunt ab hominem, vt ab eo tanquam à proprio Rege ac domino nomen acciperent, & ſubiectionem ac fidelitatem eidem quodammodo teſtarentur. Accedit etiam, quod multi ſancti viri, vt Magnus Antonius, S. Martinus, S. Franciſcus, & alii quam plurimi, etiã in hac vita, miram animantium etiã ferociſſimarum obedientiam habuerunt. Quod certe non aliunde fiebat, niſi quia in eis gratia Dei ſanauerat magna ex parte naturam, & ſi cui inobedientia primi hominis erga Deum effecerat, vt beſtiæ imperium hominis derectarent, ſic etiam perfecta obedientia Sanctorum erga Deum faciebat, vt animantia bruta antiquum imperium recognoſcerent.

DECIMA calamitas, ſunt illa omnia mala quæ à cœlo, terra, mari, vel ante præuiſa, vel omnino inopinata homines patiuntur. Hæc enim omnia ad peccati ſupplicium pertinere, docet liber Sap. c. 5. vbi dicit, armari creaturam ad ultionem inimicorū Dei, & pugnare cum eo orbem terrarum contra inſenſatos, neque dubitari poteſt, quin ad has etiam calamitates Eccleſiaſticus reſpexerit, cum iugum græue impoſitum eſſe dixit ſuper filios Adæ. Atque hætenus ex Scriptura demonſtratum eſt humanæ vitæ miſerias; pœnas ſiue fructus eſſe peccati originalis.

Poſſumus rem eandem ratione quoque & auctoritate humana probare. Nam tamen ſi calamitates humani generis fere omnes potuerint eſſe naturales, quod accidiffet, ſi Deus hominem ſine originali iuſtitia in puris naturalibus condere voluiſſet; ex quo ſequitur, vt remota reuelatione diuina, non poſſit certo ſtatui corruptionem humanam pœnam eſſe peccati; tamen hac reuelatione iam habita, & fide in animis noſtris accenſa diuinitus, nō mediocriter ratio naturalis fidem ipſam corroborat. Omnino enim verifiſimile eſt, non fuiſſe Deum optimum & noſtri generis amantiſſimum conditurum hominem tam miſerum quam nunc eſt, niſi peccati noſtri magnitudo tale ſupplicium meruiſſet.

Quare plerique veterum Ethnicorū humanæ vitæ miſerias ita deſcendunt, vt vel de natura, tanquam de nouerca quærantur, vel per has miſerias, puniri peccata

A animarum in alia vita commiſſa ſuſpicetur. De quibus recte pronunciauit S. Auguſtinus lib. 4. in Iulianum, ca. 12. eos rem vidiffe, cauſam ignoraffe. vide hæc Ethnicorum teſtimonia apud Theodoretum, lib. quinto de curandis Græcorum affectionibus, non procul ab initio, & Auguſtinum lib. 4. in Iulianum, cap. 12. 13. 14. & 15.

CAPVT XVI.

De effectibus peccati originalis, quid ſentiant noſtri temporis hæretici.

QVÆ ſunt hucusque à nobis diſputata de malis conſequentibus originale peccatum; Sectaris noſtri temporis, ni fallor, diſplicere non poſſunt. Remanet autem controuerſia inter nos, quod ipſi tres alios effectus peccati originalis eſſe volunt, quos Catholici non agnoſcunt. VNVS eſt amiſſio liberi arbitrii, nos enim læſum, ipſi extinctum liberum arbitrium, per Adæ peccatum eſſe volunt. ALTER eſt, tanta naturæ corruptio, vt nō poſſit homo, etiam iuſtificatus, non ſemper peccare. Nos enim libenter admittimus, non poſſe homines ſolis viribus naturæ corruptæ quidquam boni præſtare, quod ad pietatem & vitam æternam pertineat: tamen vitiis naturæ per gratiam reparate ac ſanate, & ipſo Deo ſemper cooperante & adiuvante, credimus hominem poſſe legem implere, bene viuere, vitam æternam mereri. Cæterum his controuerſijs duabus in ſequentibus diſputationibus non deerit proprius locus.

TERTIVS igitur effectus eſt odiſſe Deum; fugere iudicium Dei, dubitare de promiſſionibus Dei, deſperare de remiſſione peccatorum, & ſempiterna ſalute. Hæc enim & ſimilia nuncuplum originale peccatum, nunc eius fructus eſſe volunt. Vide Confefſionem Auguſtanam, & Apologiam art. 2.

CÆTERVM non eſſe eiſmodi motus peccati originalis effectus, niſi forte remotos ac mediatos, vt ſunt omnia peccata, DVABVS rationibus demonſtrari poteſt. PRIMVM, quoniam non exiſtunt in homine tales motus, niſi mediante imperio voluntatis. Proinde, propria cauſa eiſmodi peccatorum, vt etiam actualium cæterorum, eſt voluntas humana, vt cum Catholicis fatentur etiam aduerſarii in ipta Confefſione Auguſtana art. 19. & Philippus in Locis, tit. de cauſa peccati. DEINDE, quoniam iſti motus inveniuntur in multis, in quibus non eſt originale peccatum, vt in ægriſ; & in multis non inveniuntur, in quibus eſt originale peccatum, vt in infantibus. Fatemur tamen propenſionem ad hæc peccata, & carentiam habituum, ſeu virtutum fidei, ſpei, & charitatis, quibus primus homo in paradifo ornatus fuerat, ad peccatum originis, vel eius effectus ſine dubio pertinere.

LAVS DEO VIRGINIQUE MATRI MARIÆ.

Finis ſecundæ Controuerſiæ generalis.



TERTIA
CONTROVERSIA
GENERALIS;

DE REPARATIONE
GRATIAE PER IESVM

Christum Dominum nostrum.

QVÆ TRES PRINCIPALES CONTINET,
QVARVM PRIMA EST, DE GRATIA ET LIBERO ARBITRIO, in sex libros diuisa. SECUNDA, de Iustificatione; & bonis operibus generatim, quinque libris explicata.
TERTIA, de bonis operibus in specie, tres libros complectens.

LIBRORVM ET CAPITVM

TERTIÆ CONTROVERSIÆ GENERALIS,

QVÆ IN TRES PRINCIPALES DIVIDITVR:

CONTROVERSIÆ PRIMÆ PRINCIPALIS

De Gratia & libero arbitrio, quæ sex libris explicatur.

Præfatio de libero arbitrio.

LIBER PRIMVS.

De Gratia & libero arbitrio.

- CAP. I. **D**E varijs acceptionibus Gratia.
- II. De participationibus Gratiæ.
- III. Gratiam gratum facientem esse qualitatem, per modum habitus in homine permanentem.
- IV. Probatur veritas capite superiore explicata.
- V. Soluuntur obiectiones.
- VI. Gratiam gratum facientem re non distingui ab habitu charitatis.
- VII. Soluuntur obiectiones.
- VIII. Charitatem esse virtutem creatam, non ipsum Spiritum sanctum.
- IX. Soluuntur obiectiones.
- X. Soluuntur dubitationes quædam, circa partitionem gratiæ, in gratis datam, & gratum facientem.
- XI. Concedendam esse partitionem auxilij specialis, in sufficiens & efficax.
- XII. In qua re sita sit Gratiæ efficacia.
- XIII. Soluuntur obiectiones quædam aduersus ea, quæ dicta sunt de gratia efficaci.
- XIV. Quæ sit proprie Gratia operans.

LIBER SECVNDVS.

De Gratia & libero arbitrio.

- CAP. I. **P**ROponitur quæstio, an auxilium sufficiens omnibus detur.
- II. Auxilium gratiæ non expectare, sed præuenire voluntates nostras, neque æqualiter omnibus adesse.
- III. Soluuntur argumenta Pelagianorum, & Pelagianis fauentium, contra duas propositiones capitis superioris.
- IV. Non posse deum iniustitiæ accusari, si non daret omnibus auxilium sufficiens ad salutem, neque de villo desperandum esse.
- V. Auxilium sufficiens ad salutem pro loco & tempore omnibus dari.
- VI. Auxilium dei necessariū ad conuersionē, nō adest peccatoribus omnibus momentis, sed certis tēporibus, prout iudicat Deus munera sua esse distribuēda.
- VII. Auxilium ad nouum peccatum euitandum semper omnibus adest.
- VIII. Soluuntur argumenta contra doctrinam capitis quinti & septimi.
- IX. Proponitur octaua propositio, & explicatur definitio prædestinationis.
- X. Prædestinationis nullam esse causam in nobis, probatur ex diuinis litteris.
- XI. Idem probatur ex traditione Ecclesiæ.
- XII. Idem probatur rationibus ex scriptura & traditione desumptis.
- XIII. Soluuntur argumenta contra propositionem octauam.
- XIV. Soluuntur argumenta ex Patribus.
- XV. Soluuntur argumenta ex rationibus, & simul ostenditur non solum ad gratiam efficacem, sed etiam ad gloriam gratis homines eligi.
- XVI. Causam reprobationis impiorum, partim ad solam Dei voluntatem, partim ad peccata præuisa referendam esse.
- XVII. Quid intersit inter hominum & Angelorum electionem siue reprobationem.

LIBER TERTIVS,

De Gratia & libero arbitrio.

CAP. I.



PRÆMITTUNTUR aliqua ante ipsam tractationem, id est, argumentum totius operis, summa præcipuarum difficultatum, & qui scripserint de libero arbitrio.

- II. De nomine liberi arbitrij.
- III. De liberi arbitrij definitione.
- IV. Quænam libertas sit necessaria ad liberum arbitrium.
- V. Probatur sententia communis quæ ad liberum arbitrium exigit libertatem à necessitate.
- VI. Soluuntur argumenta contraria.
- VII. An liberum arbitrium sit potentia, proponuntur varix Theologorum sententiæ.
- VIII. Probatur liberum arbitrium esse potentiam, videlicet ipsam voluntatem, eamque sic esse liberam, ut tamen determinetur à iudicio ultimo practicæ rationis.
- IX. Soluuntur argumenta contra conclusiones capitis superioris.
- X. Liberum arbitrium non esse potentiam tantum passiuam, nec partim passiuam, partim actiuam, sed simpliciter & absolute actiuam.
- XI. Soluuntur argumenta contra doctrinam capitis superioris.
- XII. Per liberum arbitrium non expeti mala sed bona.
- XIII. Liberum arbitrium esse tum præsentium, tum futurorum.
- XIV. Liberum arbitrium non esse finis, sed medium ad finem.
- XV. Subiectum liberi arbitrij non posse esse nisi naturam intelligentem.
- XVI. Probatur deum esse liberi arbitrij.
- XVII. Soluuntur argumenta contraria.
- XVIII. De fine liberi arbitrij, id est, quare deus creauerit Angelos & homines libero arbitrio præditos.

LIBER QVARTVS.

De Gratia & libero arbitrio.

CAP. I.



PRÆPONITUR ordo futuræ disputationis.

- II. Posse cognosci viribus naturæ deū esse, & esse vnū, & alia id genus.
- III. Soluuntur obiectiones.
- IV. Requiritur & sufficere auxilium generale ad actiones naturales ac civiles efficiendas.
- V. Proponitur quæstio principalis, an homo liberum arbitrium habeat in operibus naturalibus & civilibus, & notantur Lutheri & Melancthonis contradictiones.
- VI. Non posse ab insigni temeritate defendi modum loquendi aduersariorum, qui nomen liberi arbitrij in serui arbitrij mutauerunt.
- VII. Secundum fidem Catholicam hominem esse liberi arbitrij in rebus civilibus, probatur ex diuinis litteris.
- VIII. Probatur idem ex traditione veterum Patrum.
- IX. Adferuntur testimonia ipsorum Patrum.
- X. Euidens esse lumine rationis naturalis hominem liberi esse arbitrij in actionibus civilibus & externis.
- XI. Respondetur ad argumenta, quæ sumunt aduersarij, ex diuinis litteris.
- XII. Respondetur ad obiectiones ex testimonijs S. Augustini.
- XIII. Respondetur ad obiectionem ex pugnantia præsentis & libertatis.
- XIV. Refelluntur tres opiniones de concordia cooperationis diuinæ cum libero arbitrio.
- XV. Explicatur vna ratio concordie diuinæ cooperationis cum libero arbitrio.
- XVI. Explicatur altera ratio concordie libertatis cum cooperatione dei, & soluitur obiectio cap. 12. proposita.

LIBER

LIBER QVINTVS.

De Gratia & libero arbitrio.

- CAP. I. **P**ROPONITVR quæstio de cognitione veri moralis.
- II. Probatur posse hominem suis viribus cognoscere aliquod verum morale.
- III. Soluuntur argumenta contra doctrinam capitis superioris.
- IV. Proponitur quæstio, de viribus humanæ voluntatis circa bonum morale.
- V. Non posse solis naturæ viribus adimpleri omnia præcepta moralia secundum substantiam operis.
- VI. Soluuntur argumenta contra ea, quæ capite superiore dicta sunt.
- VII. Non posse solis naturæ viribus ullam tentationem superari.
- VIII. Soluuntur argumenta contra propositionem capitis septimi.
- IX. Posse hominem sine fide cum auxilio speciali, & etiâ sine illo bonum aliquod morale perficere, si nulla tentatio urgeat.
- X. Soluuntur argumenta contra propositionem capitis superioris.
- XI. Soluuntur argumenta ex Patribus.
- XII. Soluuntur argumenta ex ratione.
- XIII. Proponitur controuersia de libero arbitrio in moralibus, & Tilmanni ineptiæ ac mendacia referuntur.
- XIV. Probatur libertas arbitrij in moralibus, argumento ducente ad impossibile.
- XV. Adfertur & defenditur secundum argumentum pro libero arbitrio in rebus moralibus.
- XVI. Proponitur & defenditur tertiū argumentū pro libero arbitrio in moralibus.
- XVII. Proponitur & defenditur argumentū quartū pro libero arbitrio in moralibus.
- XVIII. Prima Classis Scripturarum pro libero arbitrio in moralibus.
- XIX. Secunda classis Scripturarum pro libero arbitrio in moralibus.
- XX. Tertia classis Scripturarum pro libero arbitrio in moralibus.
- XXI. Quarta classis Scripturarum pro libero arbitrio in moralibus.
- XXII. Quinta classis, &c.
- XXIII. Sexta classis, &c.
- XXIV. Præfatio ad testimonia Patrum pro libero arbitrio in moralibus.
- XXV. Testimonia Græcorum Patrum adferuntur pro libero arbitrio in moralibus.
- XXVI. Testimonia Patrum Latinorum pro libero arbitrio in moralibus.
- XXVII. Adferuntur testimonia ex libris Augustini, quos ille scripsit ante exortā hæresim Pelagianam.
- XXVIII. Adferuntur testimonia Augustini pro libero arbitrio, scripta post exortam hæresim Pelagianam.
- XXIX. Soluuntur argumenta aduersariorum ex verbo Dei petita.
- XXX. Soluuntur argumenta ex testimonijs S. Augustini.

LIBER SEXTVS.

De Gratia & libero arbitrio.

- CAP. I. **P**ROPONITVR quæstio, an possint credi mysteria fidei sine auxilio speciali.
- II. Non posse hominem sine speciali illustratione Dei credere mysteria fidei.
- III. Soluuntur obiectiones contra doctrinam capitis superioris.
- IV. Non posse voluntatem humanam aliquid velle in ijs, quæ ad pietatem & salutem pertinent, sine auxilio gratiæ Dei.
- V. Non posse hominem solis naturæ viribus ad gratiam recipiendam villo modo se præparare.
- VI. Soluuntur argumenta contra doctrinam duorum præcedentium capitum.
- VII. Non posse sine auxilio gratiæ diligere Deum.
- VIII. Soluuntur argumenta contraria.
- IX. Proponitur sententia hæreticorum de libertate arbitrij, in ijs quæ pertinent ad salutem.



- X. Probatur ex diuinis litteris liberum arbitriū in actionibus pijs & salutaribus.
- XI. Probatur libertas arbitrij in operibus pietatis, ex traditione Patrum.
- XII. Probatur rationibus libertas arbitrij in operibus pietatis.
- XIII. diluuntur objectiones aduersariorum depromptæ ex diuinis litteris.
- XIV. diluuntur obiectiones ex testimonijs S. Augustini.
- XV. Compendium disputationis de cooperatione gratiæ & liberi arbitrij aliquot sententijs comprehensum.

TERTIÆ CONTROVERSIÆ GENERALIS SECUNDA
 Controuersia principalis, quæ est de Iustificatione, in quinque libros diuisa.

Ordo disputationis.


LIBER PRIMVS.

De Iustificatione, qui est de fide iustificante.

- CAP. I.**  E nomine Iustificationis & Iustitiæ.
- II. Explicantur causæ Iustificationis.
 - III.  Aperitur status quæstionis de fide iustificante, & indicantur auctores qui de iustificatione scripserunt.
 - IV. Quid sit fides iustificans ex sententia cum hæreticorum, tum etiam Catholicorum.
 - V. Refellitur ex cap. II. ad Heb. hæreticorum error de notione fidei iustificantis.
 - VI. Fidem iustificantem non esse fiduciam, probatur ex diuinis litteris.
 - VII. Fidem iustificantem non tam esse notitiam quàm assensum, probatur ex Scripturis.
 - VIII. Fidei iustificantis obiectum non esse specialem misericordiam, sed omnia quæ Deus reuelauit, probatur ex diuinis litteris.
 - IX. Probatur ex traditione Ecclesiastica fidem iustificantem non esse fiduciam misericordiæ, sed assensum ad omnia quæ in verbo dei continentur.
 - X. Probatur idem rationibus.
 - XI. Refelluntur obiectiones aduersariorum.
 - XII. Proponitur secunda quæstio an fides sola iustificet.
 - XIII. Fidem iustificare, sed non solā, idem enim facere timorē, spem, dilectionem.
 - XIV. Fidem solam non iustificare, probatur ex alio principio.
 - XV. Fidem veram posse re ipsa à dilectione, alijsque virtutibus separari, quæstio tertia.
 - XVI. Fidem non solam iustificare, probatur ex remotione causarum, quæ possunt reddi cur fides sola iustificet.
 - XVII. Fidem non solam iustificare, probatur ex modo iustificandi ipsius fidei, ubi etiam tractatur quæstio quarta de valore & precio fidei.
 - XVIII. Fidem non solam iustificare, probatur ex causa formali iustificationis & necessitate operum bonorum.
 - XIX. Soluitur argumentum primum ex Scripturis depromptum pro sola fide.
 - XX. Soluitur alterum argumentum ex Scripturis petatum pro sola fide.
 - XXI. Soluitur argumentum tertium ex Scripturis desumptum pro sola fide.
 - XXII. Soluitur argumentum quartum ex Scripturis depromptum pro sola fide.
 - XXIII. Soluitur quintum argumentum ex Scripturis pro sola fide.
 - XXIV. Soluitur argumentum sextum ex Scripturis pro sola fide.
 - XXV. Soluitur argumentum ex traditione veterum Patrum pro sola fide.

LIBER SECUNDVS.

De Iustificatione, qui est de iustitia inherente.


- CAP. I.**  E varijs erroribus circa formalem causam iustificationis.
- II. Proponitur sententia Ecclesiæ, & aperitur status quæstionis.

III. Inherentem

- III. Inhærentem esse iustitiam nostram formalem, probatur ex Scripturis.
- IV. Fidem non esse integram formalem causam iustificationis.
- V. Formalem causam iustificationis non esse iustitiam Dei essentialē ac diuinam.
- VI. Iustificationem nostram constare sola remissione peccatorum.
- VII. Iustificationem non consistere in imputatione iustitiæ Christi.
- VIII. Traditio veterum Patrum, ac potissimum Augustini de iustitia inhærente.
- IX. Soluuntur argumenta aduersariorum ex epistola ad Romanos.
- X. Soluuntur argumenta ex epistolis ad Corinthios.
- XI. Soluuntur argumenta ex epistola ad Ephesios.
- XII. Soluuntur argumenta ex Actis Apostolorum, & ex parabola Publicani.
- XIII. Soluuntur argumenta ex Patribus.
- XIV. Soluitur argumentum petitum ex ratione.
- XV. Iustitiam, qua formaliter iustificamur, habitualement esse, non actualement.
- XVI. Soluuntur obiectiones contra doctrinam capitis superioris.


LIBER TERTIVS.

De Iustificatione, qui est de incertitudine, mutabilitate & inæqualitate iustitiæ.

- CAP. I.
- II.  E varijs erroribus recentium hæreticorum circa Iustificationem.
 - III. Proponitur status quæstionis de incertitudine iustitiæ.
 - IV. Recensentur variz sententiæ de proposita quæstione.
 - IV. Probatur testimonijs Salomonis incertitudo propriæ Gratiæ atque iustitiæ.
 - V. Idem probatur testimonio & exemplo Iob, Dauidis & Pauli.
 - VI. Idem probatur ex varijs locis Prophetarum & Apostolorum.
 - VII. Idem probatur testimonijs sanctorum Patrum.
 - VIII. Idem probatur rationibus varijs.
 - IX. Soluuntur argumenta aduersariorum ex testimonijs Scripturarum deprõpta.
 - X. Soluuntur argumenta ex Patribus.
 - XI. Soluuntur argumenta ex ratione.
 - XII. Refellitur error de certitudine prædestinationis.
 - XIII. Soluuntur obiectiones.
 - XIV. Fidem ac iustitiam non esse propriam electorũ, & semel habitã amitti posse.
 - XV. Soluuntur obiectiones.
 - XVI. Non esse omnes iustos inter se pares.

LIBER QVARTVS.



De iustificatione, qui est de iustitia operum.

- CAP. I.
- II.  V O D hæretici huius temporis negent operum necessitatem.
 - III. Refutatur falsum discrimen Legis & Euangelij, & inde probatur operum necessitas.
 - III. Afferitur verum discrimen Legis & Euangelij, & inde necessitas operum comprobatur.
 - IV. Ostenditur alterum discrimen Legis & Euangelij.
 - V. Refellitur falsa libertas Christiana, & inde probatur necessitas operum.
 - VI. Afferitur vera libertas Christiana, & inde quoque probatur necessitas operum bonorum.
 - VII. Probatur ex Scripturis necessitas operum ad salutem.
 - VIII. Probatur operum necessitas ex traditione Ecclesiastica.
 - IX. Probatur operum necessitas ad salutem, ex ratione.
 - X. Probatur quæstio de veritate iustitiæ operum, & sententiæ referuntur Hæreticorum & Catholicorum.
 - XI. Legem Dei esse possibilem, probatur ex diuinis litteris.
 - XII. Legem dei non esse impossibilem, probatur ex Patribus.

- V. De numero & ordine petitionum orationis dominica.
- VI. Exponitur oratio dominica.
- VII. Solius creature rationalis proprium esse orare.
- VIII. Non solum generatim, sed etiam in specie pro certis hominibus orari posse.
- IX. De conditionibus quæ requiruntur ad impetrandum.
- X. De nomine & definitione officij diuini siue horarum canonicarum.
- XI. De partibus officij diuini, & de canonico tempore singularum partium.
- XII. Referuntur Hæretici qui horas canonicas reprehendunt.
- XIII. Demonstratur antiqua & rationalis institutio horarum Canonicarum.
- XIV. de antiquitate singularum partium officij Ecclesiastici.
- XV. Antiphona Salve regina ab hæreticorum calumnijs asseritur.
- XVI. defenditur Cantus, qui in officio diuino adhiberi solet.
- XVII. Soluuntur obiectiones aduersariorum.
- XVIII. de ijs, quæ rite requiruntur ad officium persoluendum.
- XIX. de ijs, qui ex officio tenentur ad horas canonicas persoluendas.



LIBER SECVNDVS.

De Ieiunio.

- CAP. I.  E nomine & varia acceptione ieiunij.
- II.  Vnicam in ieiunio refectiõem, eamque cœnam esse debere, non prandium.
 - III. de ciborum delectu, referuntur sententiæ hæreticorum.
 - IV. Refellitur impudens calumnia hæreticorum circa ciborum delectum.
 - V. Ad rationem ieiunij abstinentiam à certis cibis, ac potissimum à carnibus, pertinere.
 - VI. Ieiunium in genere lege diuina esse præceptum.
 - VII. Lege Ecclesiastica obligari fideles in conscientia ad certa quædam ieiunia & ciborum delectum.
 - VIII. Soluuntur argumenta ex Scripturis contra præceptum ieiunij & delectum ciborum.
 - IX. Soluitur obiectio ex historia antiquitatis.
 - X. Quinam excipiantur à lege ieiunij.
 - XI. de fructibus & vtilitate ieiunij. (..)
 - XII. Soluuntur obiectiones.
 - XIII. Soluuntur obiectiones ex Patribus.
 - XIV. de origine & institutione ieiunij Quadragesimalis.
 - XV. de Quadragesimæ varietate.
 - XVI. de ratione instituendæ Quadragesimæ.
 - XVII. de ieiunio Feriæ quartæ & Feriæ sextæ.
 - XVIII. de ieiunio Sabbathi.
 - XIX. de ieiunio Quatuor temporum.
 - XX. de ieiunio Aduentus. (..)
 - XXI. de ieiunio Rogationum.
 - XXII. de ieiunijs Vigiliarum & Stationibus.
 - XXIII. de diebus quibus ieiunari non debet.
 - XXIV. de fraudibus & corruptelis Kemnitij in historia antiquitatis.

LIBER TERTIVS.

De Eleemosyna.

- CAP. I.  V I D sit Eleemosyna.
- II. de partitione Eleemosynæ.
 - III.  Eleemosynas non sufficere ad salutem, sine fide, spe, dilectione, penitentia, alijsque ad salutem præsidijs.
 - IV. Eleemosynas esse opera meritoria & satisfactoria, ac multos præterea fructus habere.

DE LIBERO ARBITRIO, PRAEFATIO IN GYMNASIO ROMANO ANTE STUDIORVM INSTAURATIONEM HABITA.



PARVMOmnino, Auditores, dementie ac furori hereticorum huius temporis videbatur, si Christo solum, atque omnibus Sanctis, totique Ecclesie Catholice bellum indicerent, usque etiam in ipsam naturam generis humani, atque adeo in sua ipsorum capita atque viscera, infestas manus gladioque conuerterent.

Eripuerunt Christo innumerabiles virgines sacras, quas caelesti thalamo iam addixerat, siuque ipsi solenni ceremonia, ritumque desponderat. Detraxerunt Angelis, & Homini bus caelum cum Christo tenentibus praeconia, signa, basilicas, dies festos, mortalium vota, preces, implorationes, omnia denique & illis debita, & nobis salutaria monumenta virtutum. Abstulerunt Ecclesie bonam Sacramentorum partem, non paucos libros sacros, diuinum ac saluberrimum sacrificium, Apostolicas traditiones, atque Ecclesiasticas ceremonias vniuersas. Ad extremum Pontifices auctoritate, Principes Imperio, populos disciplina, pastores gregibus, greges pastoribus, veneratione reliquiis, reliquijs aras, arua templa, templis religionem, religione terrarum orbem praedones importunissimi spoliauerunt.

Nec tamen his tot, ac tantis sacrilegijs perpetratis hereticorum furor ac rabies conquieuit, donec etiam ut se, ac suos, totamque naturam generis humani violarent, arbitrij libertatem nobis omnibus suis sententijs detraxerunt, seque ipsi non belluarum similes, sed beluas plane rationis expertes profiteri non dubitarunt. Quod ego, quando profandi usus in hoc nostro gymnasio veteri more iam est receptus, quam breuissime potero demonstrabo.

Quaquam, si vere ac sapienter iudicare volumus, non libertatem arbitrij tot libris ac disputationibus heretici, vel in se, vel in nobis extinguunt, sed animum male sanum produci suum, & ex hoc vno stultissimo dogmate insigne adferunt vniuerso doctrinae suae corpori detrimentum.

Quis igitur istis fidem habere possit, dum de Deo, de Iustitia, de Sacramentis, deque alijs rebus grauissimis atque abstrusissimis disputant: cum eos videat de suorum animorum libertate, quam sentire & experiri coguntur, tam peruerse iudicare? Quis non eos amentes & furiosos, & simul ingratos diuino numini esse censeat, qui tam excellens & praeclarum Dei donum, quod nec ob magnitudinem contemni, nec ob usum frequentissimum latere potest, cum per singula pene momenta aciem oculorum & mentis incurrat, tamen obstinatissime respuere, refutare, abicere, execrari pergunt?

An vero non est eximium Dei munus libertas arbitrij, quod NISSENVSGREGORIVS optimū quiddam, & omnium quae sunt in homine praestantissimum esse desinit? quo solo & à brutis animalibus separamur, & proxime ad Angelorum naturam accedimus, & ipsius diuini numinis imaginem gerimus, & rebus omnibus, quae sunt infra Lunam, tanquam Dij quidam terrestres praesumus.

Deinde si tollas arbitrij libertatem, nonne vides vna repente concidere omnia pene hominum bona, quae illa videlicet sede, illo fundamento tenebantur? & ubi quae so erit iustitiae splendor? ubi temperantiae decus? ubi virtutum ceterarum chorus? ubi laus benefactorum? ubi premium meritorum? quid? quod nec sempiternae felicitatis capax esse, si B. Augustino & B. Bernardo credimus, nisi arbitrij libertas potest? Neque gratia (inquit AVGVSTINVS libro Hypognostici 3.) sine libero arbitrio facit hominem habere beatam vitam, nec liberum arbitrium sine gratia. Et B. BERNARDVS, Tolle, inquit, liberum arbitrium, non erit quod saluetur, tolle gratiam, non erit vnde saluetur. Quantum igitur Dei donum illud existimandum est, sine quo nec boni, nec beati, ac homines quidem vnumquam esse potuissimus?

Quod si de populari libertate, qua regis dominatus excluditur, quae melius umbra quaedam & imago libertatis, quam libertas dici potest, quaeque diutius nisi summo labore non conseruatur, & raro salutaris, saepius noxia esse solet, tamen M. Tullius vere dixisse putatur, tantum in ea libertate inesse boni, ut non solum ab hominibus, verum etiam à bestiis expetatur, ac non immerito rebus omnibus anteponatur: quid nos tandem de naturali illa, & germana libertate dicere par est, quae animis nostris a Deo conditore insita & impressa, nihil esse videtur aliud (ut S. ait BERNARDVS sermone 81. in Cantica) nisi diuinū quiddam praefulgens in animo, tanquam gemma in auro, quod & summum naturae nostrae splendorem, atque ornamentum adfert, & nullis criminibus aboleri, nullis calamitatibus minui, nulla externi vi labefactari, destruere potest?

sed forte nimis abdita atque abstrusa res est libertas arbitrij, nec nisi à paucis, & acutissimis & doctissimis perspicitur potest. Nolo verbis meis respondere, S. AVGVSTINVM, quem vnum ex omni vetustate sobrium in hac causa fuisse Calvinus dicit, si placet audiamus. Is in eo libro quem de duabus animabus

contra Manichæos scripsit, de libero arbitrio in hæc verba loquitur: Neque hic, inquit, libri obscuro mihi scrutandi erant, unde discerem, neminem vituperatione, suppliciove dignum, qui id non faciat quod facere non potest, nonne ista cantant & in montibus pastores, & in theatris poëtæ, & indocti in circulis, & docti in bibliothecis, & magistri in scholis, & antistites in sacris locis, & in orbe terrarum genus humanum? Et in libro de vera religione. Atque adeo, inquit, hoc est manifestum, ut nulla doctorum paucitas; nulla indoctorum turba dissentiat. Quid potuit clarius de huius questionis claritate dici?

Quis igitur eorum siue stuporem, siue furorem non admiretur, qui magistri orbis terrarum haberi volunt, & vel id ignorant, quod & pastores in montibus, & in theatris poëtæ, & indocti in circulis decantant? vel falsum esse contendunt, quod & docti in bibliothecis, & magistri in scholis, & Pontifices in templis, & ipsum genus humanum in orbe terrarum clarissima voce, summaque animi consensione verissimum esse testantur? Quid? quod communem hunc sensum & consensum orbis terræ, ac præcipue veterum Patrum, maiorum nostrorum, non ignorant huius temporis heretici: & tamen sine ullo pudore, inusitato genere superbiæ, incredibileque audacia, paucitatem suam, multitudini generis humani, imperitiæ suam, sapientiæ omnium Patrum; novorum dogmatum vanitatem, auctoritati gravissimæ vetustatis totius, ac seculorum omnium anteponunt. Ac ne aliquid me fingere, vel augere plusquam oporteat arbitremini, eorum ipsorum quorum de stultitia verba facimus, testimonia proferamus. Ordiamur si ita videtur, ab historicis quorum præcipua laus est veritas.

MATHIAS ILLYRICUS in illa sua centuriata historia, Cent. 2. cap. 4. col. 59. cum Iustini Irenæi, atque aliquot aliorum Patrum vetustissimorum sententias de libero arbitrio reculisset, hæc verba subiicit. Eodem modo Clemens Alexandrinus liberum arbitrium ubique asserit, ut appareat in eiusmodi tenebris (sic enim liberi arbitrij confessionem vocat) non tantum fuisse omnes eius sæculi Doctores, verum etiam in posterioribus eas subinde creuisse.

Non est autem hoc loco prætereundum, eos Doctores, de quibus in eo libro Illyricus agit, illos esse, qui vel Apostolos ipsos loquentes audierunt, vel certe Apostolis proxime successerunt. Quod si Doctores illi, omnes ad unum (ut adversarij consentunt) liberum arbitrium ubique asseruerunt, neque fieri potest, ut reliquis cæcis fidelium aliud senserit in dogmatibus fidei, quam quod à Doctoribus suis didicerat, cerse omnis illa prima Ecclesia, quæ Christi sanguinem adhuc prope talentem excepit, quæque ardore fidei ad confessionem promptissima, & fortissimorum martyrum coronis & triumphis celeberrima fuit, illa inquam fidelium primitiæ, omnes omnino (Illyrici testimonio) eam de libero arbitrio eadem suebantur, quam ipse Illyricus cum Lutheranis cæteris oppugnat.

Neque solum Prima illa ætas, verum etiam posteriores omnes (eiusdem Illyrici testimonio) doctrinam eandem incredibili consensu tenuerunt. Id enim illa verba significant: Ut appareat in eiusmodi tenebris non tantum fuisse omnes eius sæculi Doctores, verum etiam in posterioribus eas subinde creuisse. Possem & alia, si per tempus liceret ex eadem historia testimonia decerpere: sed ad cæteros auctores festinat oratio.

PHILIPPUS MELANCHTHON in eo libro, quem de locis communibus primum edidit. In hoc, inquit, loco, cum prorsus Christiana doctrina à philosophia & humana ratione dissentiat, tamen sensim irrepsit philosophia in Christianismum, quia receptum est impium de libero arbitrio dogma, & obscurata Christi beneficentia, per profanam illam, & animale rationis nostræ sapientiam: usurpata est vox liberi arbitrij, à diuinis litteris, à sensu & iudicio spiritus alienissima, qua videmus sanctos viros non raro offensos esse. Additum est è Platonis Philosophia vocabulum, Rationis, æque perniciosum. Nam perinde atque his posterioribus Ecclesiæ temporibus, Aristotelem pro Christo sumus amplexi, ita statim post Ecclesiæ auspiciis per Platoniam Philosophiam Christiana doctrina labefactata est: ita factum est, ut præter canonicas Scripturas, nullæ sint in Ecclesia sinceræ litteræ. Redolet philosophiam quidquid omnino commentarijs proditum est. Hec ille, qui quidem, nescio an apertius poterat indicare, se bellum cum omnibus Ecclesiæ Patribus & Doctoribus, gerendum suscepisse, & aliam omnino fidei doctrinam à se tradi, aliam esse eam, quam universa Christi Ecclesia iam inde ab Apostolicis temporibus didicerit semper & docuerit. Nec enim alia de causa nullas esse dicit in Ecclesia sinceras litteras, & philosophiam redolere omnes veterum commentarios, nisi quia negare non poterat, omnibus omnium Patrum libris, commentarijs, historijs, concionibus, liberum arbitrium liberrime atque apertissime predicari.

Iam vero Philippum sequutus IOANNES BRENTIVS in Apologia pro Confessione sua Vvirtembergensi: Pater, inquit, è cælis clamavit, non de Hieronymo, non de Augustino, non de Bernardo, non de Concilio Arausicano, sed de filio suo domino nostro Iesu Christo, hunc audite. Quasi vero de sanctis Ecclesiæ Pastoribus & Doctoribus, quales in primis Hieronymus, Augustinus, Bernardus, omnesque Arausicani Concilij Patres fuerunt, Christus ipse non dixerit, Qui vos audit, me audit.

Sed ad cætera progrediamur, & omisfis alijs, quos nimis longum esset singulos recensere, IOANNIS CALVINI testimonio, ac sententia contentissimus. Is lib. 2. inst. cap. 2 §. 4 posteaquam Philosophos omnes incredibili consensione liberum arbitrium asseruisse professus esset, ita subiunxit: Tametsi Græci

præ alijs, atque inter eos singulariter Chrysostomus in extollenda humanæ voluntatis facultate, modum exceſſerunt; veteres tamen omnes, excepto Auguſtino, ſic in hac re aut variant, aut vacillant, aut perplexe loquuntur, ut certi fere nihil ex eorum ſcriptis referre liceat, qui poſtea ſequuti ſunt, dum pro ſe quiſque in humanæ naturæ deſenſione argutæ laudem captat, ſenſim alij poſt alios in deterius continuo delapſi ſunt. *Hæc ille. Ex cuius verbis nemo veſtrum (opinor) non facile colligit, propterea ſcriptores omnes (Auguſtino excepto) tam veteres, quàm recētes, Caluino minus placere, quod ſententiæ ipſius de ſeruo arbitrio nimis libere aduerſentur. Alioqui quid ſibi vult querimonia illa, quæ paulo poſt in eodem libro ſequitur; Nimis, inquit, philoſophice hac de re loquuti ſunt, qui ſe Chriſti iactabant eſſe diſcipulos. Nā quaſi adhuc integer itaret homo, ſemper apud Latinos liberi arbitrij nomen extitit. Græcos vero non puduit multo arrogatius uſurpare vocabulum. Siquidem autēſias dixerunt, ac ſi poteſtas ſui ipſius apud homines fuiſſet.*

Ac ne ſolum de nomine liberi arbitrij, ſed etiam de re ipſa loqui cum exiſtimetis, audite quid cap. 3 §. 11. dicat: Ac voluntatem, inquit, Deus mouet, non qualiter multis ſæculis traditum eſt & creditum, ut noſtræ poſtea ſit electionis motioni aut obtemperare, aut refragari: ſed illam efficaciter efficiendo. Illud ergo toties à Chryſoſtomo repetitum repudiari necēſſe eſt, quæ trahit volentem trahi. Itaque non modo teſtimonio liberi arbitrij nomen in Eccleſia ſemper fuit, ſed etiam dogma, & doctrina Chryſoſtomi ætate extabat, ac deinceps multis ſæculis tradita, credita, propagata, confirmata eſt.

Sed à patribus ſuis Auguſtinum Caluinus habet, cuiusque viri longe doctiſſimi patrocinio fretus, ceteros omnes merito deſpicit. Omitto primum, quod etiam ſi B. Auguſtinus Caluino faueret, tamen neminem tam iniquum iudicem eſſe oportet, qui unum hominem quamuis doctiſſimum, omnium ſæculorum Patribus & Doctōribus, totique Eccleſiæ, atque adeo orbis terræ conſenſui auferret. Taceo denique quod B. Auguſtinus in libro de gratia & libero arbitrio, ca. 2. clariſſimis verbis Caluinum hæreticum pronunciat cum ait: Eſt igitur liberum arbitrium, quod quiſque eſſe negauerit, Catholicus non eſt. Id quod ſexcentis alijs in locis repetit, ut ſuo loco palam faciemus. Nihil etiam dico, quod in eodem libro Caluinus parum ingenue, ne dicam impudenter, ab illo ipſo Auguſtino recedit, quæ ſibi ſolum ex omni vetuſtate patronum reliquerat. Sic enim ait cap. 3. §. 7. Sed erunt forte qui concedent voluntatē à bono ſuapte ingenio auerſam, ſola Domini virtute conuerti, ſic tamen ut præparata, ſuas deinde in agendo partes habeat. Quemadmodum docet Auguſtinus omne bonum opus gratiam præcedere, & id comitante, non ducente; pediſſequa, non præuia voluntate. Et paulo infra, hanc ipſam B. Auguſtini ſententiā refellens. Sed quia, inquit, reformata opus eſt Domini, hoc perperam homini tribuitur, quod gratiæ præuenienti pediſſequa voluntate obſequatur. Quid clariuſ? & ubi nunc eſt illud, excepto Auguſtino? ubi tua Caluine iactatio?

Sed his prætermiſſis, illud unum dicam, quod ſilere nullo modo poſſum, adeo parum vero ſimplici teſtimonio B. Auguſtini conſuſum eſſe Caluinum, ut auſus non fuerit locum unum, eumque diu quaſiſum, & ex omnibus ſelectum proferre, niſi multis fucatum coloribus, mendacijsque bene juſſultum, ac diligentiffime fraudibus obuolutum. Sic enim loquitur ad finem eiſdem, cap. 3. Audiamus, inquit, nunc Auguſtinum ſuis verbis loquentem, ne ætatis noſtræ Pelagiani, hoc eſt, Sorbonici Sophiſtæ, totam vetuſtatem nobis aduerſam pro ſuo more criminentur. Libro de correptione & gratia ad Valentinum fuſius exequitur, quod breuiter, cuius tamen verbis referam, gratiam perſiſtendi in bono, Adæ fuiſſe datam, ſi vellent: nobis dari ut velimus, ac voluntate concupiſcentiam ſuperemus. Habuiſſe ergo illū poſſe ſi vellent, ſed non velle ut poſſet: nobis & velle dari, & poſſe. Primam fuiſſe libertatem, poſſe non peccare: noſtram multo maiorem non poſſe peccare. Ac ne de futura poſt immortalitatem perfectione loqui putetur (ſicuti perperam Lombardus co trahit) ſcrupulum hunc paulo poſt exiit. Tantum quippe, inquit, Spiritu ſancto accenditur voluntas ſanctorum, ut ideo poſſint, quia ſic volunt, ideo velint, quia Deus operatur ut ſic vellent. Hæc ille.

Numerate mendacia PRIMVM, illa verba: Primam libertatem fuiſſe, poſſe non peccare, noſtram eſſe multo maiorem non poſſe peccare, nuſquam in toto Auguſtino, ne dum in eo libro, inueniuntur. At, ſi non verba, certe ſententiā inuenitur. Cur ergo dixiſti: Audiamus nunc Auguſtinum ſuis verbis loquentem? cur addidiſti, quod ille fuſius, ego breuiter, cuius tamen verbis referam? cur B. Auguſtini verba pollicitus, tua poſtmodum nobis obtrudiſ?

Quid ſi nec ſententiā inuenire demonſtraueris? nonne S. Auguſtinus in libro ſuo de hæreſibus, Ioviniano hæreſiarchæ tribuit hanc ſententiā, homines juſtos etiam in hac vita non poſſe peccare? nonne in libro de ſpiritu & littera extremo, atque alijs in locis paſſim docet, neminem eſſe tam juſtum, qui non aliquando peccet? Quis igitur credat Auguſtino verba illa excidere potuiſſe, quæ Ioviniani ſententiā continent, quæque omnibus fere libris eiſdem Auguſtini maxime repugnant? Atque hoc eſt mendacium primum.

ALTERVM deinde in illis verbis continetur, ubi Lombardum reprehendit, quod S. Auguſtini verba de ſecunda libertate perperam traxerit ad eam perfectionem, quæ poſt hanc vitam eſt. Ad quod mendacium refellendum ipſa per ſe B. Auguſtini verba ſufficiunt. Hæc enim ſunt vera Auguſtini verba: Prima

CONTROVERSI A TERTIA GENERALIS, DE REPARATIONE GRATIÆ.

Ordo disputationis.

DE GRATIÆ reparatione, quæ est potissima totius huius operis pars, tria disputanda se offerunt; PRIMVM enim de gratia & libero arbitrio differendum erit. Hæc enim sunt fundamenta totius ædificij reparandi; Tolle (inquit S. BERNARDVS in libro de Gratia & libero arbitrio) liberum arbitrium, non est quod saluetur, tolle gratiam, non est vnde saluetur. DEINDE de ipsa reparatione Gratiæ, id est, de iustificatione impij disputandum erit. POSTREMO addendum de consequentibus iustificationem, id est, de fructibus & bonis operibus iustificatorum.

Porro de Gratia & libero arbitrio sex erunt libri. PRIMVS de Gratiæ acceptionibus & partitionibus. SECUNDVS, de Gratiæ communicatione & predestinatione. TERTIVS, de natura liberi arbitrij. QVARTVS, de viribus arbitrij, & gratiæ necessitate in naturalibus. QVINTVS, de iisdem in moralibus. SEXTVS, de iisdem in supernaturalibus.

CONTROVERSI A PRIMA PRINCIPALIS.

De Gratia & libero arbitrio.

LIBER PRIMVS.

CAPVT PRIMVM.

De varijs acceptionibus Gratiæ.

DE GRATIA & libero arbitrio, Deo iuvante, scripturus, ab ipsa gratia merito incipiendum esse video.

Igitur gratia inde nomen accepit, quod gratis detur: Gratia, inquit S. Augustinus tract. in Psal. 43. merito nominatur, quia gratis datur. Opponitur autem debito, dicente Apostolo, ad Rom. 4. *Ei autem qui operatu, merces non imputatur secundum gratiam, sed secundum debitum.* Et ad Ro. 11. *Si autem gratia, iam non ex operibus, alioquin gratia iam non est gratia.*

Porro TRES sunt in sacris litteris huius vocabuli notiones, accipitur PRIMVM amplissima significatione pro quovis beneficio Dei, siue illud naturale sit, siue naturæ ordinem gradumque transcendat; qua significatione accipitur gratia in illis verbis Sap. c. 16. *Propter hoc & tunc omnia transfigurata omnium nutritici gratia tua deserviebant.* Quo loco gratiam vocat Scriptura illam Dei benignitatem & providentiam, quæ tãquam nutritrix omnia quæ ab ipso Deo creata sunt, conseruat & fouet, sic etiam S. August. in Psal. 114. in illud: *Et iustitia tua exultabunt.* Attendamus, inquit, gratiam Dei non solum quæ facit nos, verum etiam quæ refect. Et in epist. 95. *Quedam, inquit, non improbanda ratione dicitur gratia Dei, quæ creati sumus, & de hoc tanto beneficio gratias agere debemus. Vnde merito & ista gratia dici debes, quia non precedentium aliquorum operum meritis, sed gratuita Dei bonitate donata est.*

Cæterum hæc acceptio gratiæ nõ multum ad rem nostram facit, neq; solent Theologi, cum de gratia Dei disputatione aduersus hæreticos pelagianos instituunt, gratiæ nomine dona naturalia significare, Pelagiani enim gratiã, hoc primo modo acceptam,

non negabant, quin etiam hinc hæreses suas quasi quodam pallio tegere conabatur, cum dicerent, sine Dei gratia nihil nos agere posse; gratiæ autem nomine liberum arbitrium, atque alia id genus naturalia dona intelligi volebant, vt S. Augustinus testis est in libro de gratia Christi, c. 3. & sequentibus.

Accipitur SECUNDO gratia Dei pro solis illis beneficijs diuinis, quæ naturæ superaddita, neq; ad rei naturã constituendam, aut conseruandam sunt necessaria, neque ex ipsa fluunt, aut ipsi quocumque modo debentur. Intelligimus autem hoc loco gratiã Dei vocari supernaturalia beneficia generali quadam significatione, vt etiam illa comprehendantur, quæ non ex merito CHRISTI, sed ex sola Dei liberalitate, neque in indignos, & peccatores, sed in non dignos, & non iustos, conferuntur, quæque non tam indebita, quàm non debita nominãda sunt: Eiusmodi fuisse iusticiam originalem, & gratiam gratum facientem primo nostro parenti in creatione collatã, paulo post demonstrabimus. De qua gratia, vt etiam de gratia angelorum, quæ ad hoc idem genus pertinet, disputat S. Augustinus cum alibi, tum in lib. de correptione & gratia, c. 10. & 11.

Huc etiam referri potest gratia quã in Christi humanitate fuisse Scripturæ testatur, Psal. 44. *Diffusa est gratia in labijs tuis.* Luc. 2. *Gratia Dei erat in illo.* Ioan. 1. *Plenum gratia & veritatis.* De qua etiam sic loquitur S. Augustinus lib. 1. de predestinatione Sanctorum, c. 15. *Ea gratia sit ab initio fides sua homo quicumque Christianus, quæ gratia homo ille ab initio suo factus est Christus: de ipso spiritu & hic renatus, de quo est ille natus: eodem spiritu sit in nobis remissio peccatorum, quo*

est, nullum habere ille peccatum. Hæc Augustinus.

Accipitur TERTIO gratia Dei maxime proprie propriis illius Dei beneficiis, quæ non modo supernaturalia, & non debeatant, sed etiam indignis hominibus ex gratuita merito conferuntur, ad Ro. 3. *Iustificati gratis per gratiam ipsius, per redemptionem quæ est in CHRISTO* I. IV. Vbi non satis credidit esse Apostolus, si diceret: *Iustificati gratis*, sed addidit: *Per gratiam ipsius*. Et: *Per redemptionem, quæ est in CHRISTO*, nimirum ut significet, iustificationem post lapsum Adæ, non solum gratis dari, sed etiam indignis, & peccatoribus dari, qui nisi per secundum Adamum redimerentur, iræ filij, & serui Satanæ æterno tempore permanerent.

Idem quoque B. Apostolus, cum dixisset ad Roman. 6. *Stipendium peccati mors*, non adiunxit stipendium iustitiæ vita æterna, quod antichæsis requirere videbatur, & quod sine dubio adiunxisset, si de homine ante lapsum loqueretur, ut S. Augustinus disputat in Enchirid. c. 106. & 107. sed adiunxit: *Gratia Dei vita æterna*. Tamen enim, ut loco citato scribit Augustinus, vita æterna certa sit merces operum, eam tamen gratiam appellare maluit S. Apostolus, ut intelligeremus, ipsa etiam nostra merita esse Dei munera, neque id solum, quod sine Dei gratia nulla esse possint liberi arbitrij bona merita, sed quia post illam Adæ ruinam nova quadam & singulari Dei gratia liberandum fuit liberum arbitrium, à captiuitate ac seruitute peccati.

CAPVT II.

De partitionibus gratiæ.

IAM vero gratiæ SECUNDO & TERTIO modo accipitur, de qua in sequentibus disputationibus multa, Deo iuvante, scripturi sumus, multæ partitiones sunt. PRIMA partitio est in gratiam æternam ac temporariâ. Gratia æterna ille est amor, quo nos Deus ante mundi constitutionem ab ipsa æternitate dilexit, in cuius gratiæ laudem & gloriam nos à Deo prædestinatos esse atque electos in adoptionem filiorum testatur Apostolus ad Ephes. 1. *Prædestinauit, inquit, nos in laudem gloriæ gratiæ suæ*. Gratia Temporaria dicuntur beneficia vocationis; & iustificationis, quæ ex æterna gratia, ut effectus ex causa derivantur. Nam *quos prædestinauit, hos & vocauit, quos vocauit, hos & iustificauit*, ad Rom. 8.

ALTERA partitio est gratiæ temporariæ in gratiam gratis datâ, & gratiam gratum facientem. Quæ partitio non sic accipienda est, quasi aliqua sit gratia non gratis data, sed vni speciei, quod proprio nomine careat, relinquitur nomen generis. Gratia gratis data est donum supernaturale, absque vlllo debito, ad aliorum spiritualem salutem præcipue collatum, 1. ad Corin. 12. *Dispensationes gratiarum sunt*, &c. Gratia gratum faciens est donum supernaturale absque vlllo debito, ad propriam vniuscuiusque spiritualem salutem potissimum datum, 2. ad Corinth. 12. *Sufficit tibi gratia mea*.

Supernaturale donum vtraque gratia dicitur, quia non consequitur naturam, sed supra naturam conceditur diutius: adque absque vlllo debito, quia neque debetur naturæ, neque cadit sub meritum personæ. Quamvis autem ex gratia gratis data interdum beneficia corporalia consequantur, ut bona valetudo ægrotantis: tamen quia finis vltimus omnis gratiæ gratis datæ, est sanitas animæ sempiterna, ideo ad spiritualem salutem eas referri diximus.

DENIQUE addidimus in definitione gratiæ gratis

A datæ: ad aliorum præcipue salutem, hoc genus gratiæ pertinere, quia licet commune sit gratiæ gratiæ datæ cum gratia gratum faciente, ut tamen propriæ, quam alienæ salutem conducant; tamen illud interest, quod gratia gratum faciens datur potissimum ad propriam vniuscuiusque salutem, secundario ad aliorum, nimirum, ut nos ipsi primum iusti perfectique efficiamur, deinde cæteri videant opera nostra bona, & glorificent Patrem nostrum qui in cæcis est.

Contra vero gratia gratis data, alienam salutem spectat præcipue, eorum videlicet, qui prædicatione & miraculis vel ad fidem, vel ad penitentiam pertrahuntur: propria autem secundario, quia dum per ea dona soletter in proximorum salutem iucubimus, Deum nobis conciliamus, atque ab eo audire memur: *Euge serue bone, & fidelis, &c.* Sicut enim Philosophi duo genera virtutum esse volunt: quædam priuatas, & necessarias vni cuique vbi cunq; viuunt, ut temperantiam & continentiam, quædam communes, & necessarias in Republica, propter aliorum societatem, ut iustitiam, & liberalitatem: ita etiam Deus in Republica Christiana duo esse voluit genera adiumentorum, priuatum, quo quisque sit bonus; & commune, quo indigemus ad aliorum iuandam salutem.

TERTIA partitio est gratiæ gratum facientis, in gratiam permanentem, siue habitualement, & gratiam auxiliij specialis. Gratia permanens dicuntur habitus infusi, fidei, spei, charitatis, ac præcipue charitatis, ut paulo post demonstraturi sumus. Gratia auxiliij specialis definiri posse videtur his verbis: Est motio Dei qua homo ad operationes, quæ naturam suam aliquo modo superant, adiuuatur. Motio dicitur, ut distinguatur ab infusis ac permanentibus qualitatibus; neque enim auxiliij speciale est habitus infusus, aut permanens qualitas, sed actio qua Deus hominem mouet ac operandum, vel cum eo operatur: non est autem hoc auxiliium necessarium ad operationes, quæ vires naturæ non superant, quales sunt intelligere & appetere res humanas, ad huiusmodi enim sufficit auxiliium generale; sed necessarium est ad eas operationes, quæ quoquo modo naturæ vires excedunt.

Porro tribus modis operatio aliqua vires naturæ superare potest, PRIMVM simpliciter & absolute, ut si ex genere suo operatio sit ordinis altioris, quæ sunt res naturales, quales sunt actus virtutum Theologicarum, fidei, spei, & charitatis, quæ non acquiruntur per iteratos & frequentatos actus, sed diuinitus in animam infunduntur.

SECUNDO, non simpliciter, sed ratione status peccati; quemadmodum enim homo ægrotus mouere non potest ingentem aliquam molem, nisi iuuetur ab alio, quam ipse idem, si sanus esset, solus mouere potuisset: sic homo per peccatum debilitatus, multa non potest sine auxilio speciali efficere, quæ in statu innocentia, sine tali auxilio, facile effecisset.

TERTIO, ratione modi, loci, temporis, personæ, aut alterius cuiuslibet circumstantiæ: sepe enim accidit, ut id, quod neque ex genere suo, neque ratione status, vires naturæ superat, easdem tamen superet ratione circumstantiæ; ac, ut in exemplo posito perseueremus, poterit homo sanus per se, molem quandam loco mouere, non tamen poterit sine alterius auxilio, si alteram manum tantum adhibere cogatur, aut si loco parum commodo, vel moles, vel ipse sit constitutus: ita poterit homo iustus præceptum aliquod Decalogi facile adimplere, si nulla extrinsecus diabolica tentatio accedat; si vero tentatio eiusmodi accedat, sine speciali auxilio id facere non poterit.

Ex his autem facile erit colligere, quid intersit inter auxilium Dei generale, & auxilium speciale: Generale siquidem datur ad actus omnes tam bonos, quam malos, nam & in malis actibus id quod materiale & positivum est, bonum est, nec fieri nisi Deo cooperante potest: Speciale autem non datur nisi ad actus bonos.

Rursus Generale auxilium datur à Deo, ut auctore naturæ, ad ea opera, quæ per naturales potentias exercentur, & ad finem, qui cum natura proportionem habeat, referuntur: Speciale vero præstatur à Deo, ut gloriæ donatore, ad ea opera, quæ naturæ vires excedunt, & ad finem sempiternæ beatitudinis ordinantur.

Ad hæc generale auxilium, quamvis non sit debitum simpliciter, est tamen debitum aliquo modo ex hypothese, cum enim Deus res creatas extare, & operari voluerit, æquum est, ut eis non denegat auxilium, sine quo nec se ipsæ movere, nec aliquid omnino possent efficere: Speciale autem nulla ratione est debitum, sed ex nova quadam & infinita Dei liberalitate donatur, præsertim si loquamur de prima gratia hominem præveniente & excitante: quare nomē gratiæ magis proprie convenit auxilio speciali, quam generali, sicut etiam magis proprie habitus fidei, spei & charitatis, quam intelligendi, volendique facultates, dona gratiæ nominantur.

QUARTA partitio est auxilij specialis, in auxilium excitans, & auxilium adiuuans, ad gratiam Auxilij Excitantis divinæ illustrationes, atque inspirationes pertinent, quibus Deus cor nostrum pulsatur; ut à somno peccati, vel negligentiae in bonis operibus excitemur: ad gratiam Auxilij adiuuantis spectat divina cooperatio, directio, ac protectio quibus iuvamur cum ut eligamus, tum ut faciamus quod Deus præveniens inspiravit. Apocalypsis, c. 3. *Eccetto ad ostium & pulso, si quis audierit vocem meam, & aperuerit ianuam, intrabo ad illum, &c.* Hinc est illud in precibus Ecclesiæ: *Actiones nostras, quasumus Domine, aspirando præveni, & adiuuando prosequere.* Et illud S. Augustini lib. 2. de peccat. merit. & remiss. cap. 18. *Quod ad Deum nos convertimus, nisi ipso excitante & adiuvante non possumus.* Et illud B. Bernardi in lib. de gratia & libero arbitrio: *Conatus nostri & cæsi sunt si non adiuvantur, & nulli, si non excitentur.* Quibus congruit illud Concilij Trid. sess. 6. c. 6. *Disponuntur ad iustificationem, dum excitati divina gratia, & adiuvati, fidem ex auditu concipientes, &c.*

QUINTA partitio est auxilij, siue gratiæ in auxilium siue gratiam sufficientem, & efficacem. Auxilium Sufficiens dicitur, quo Deus ita hominem vocat, & excitat, & iuvare dirigendo, protegendo, cooperando paratus est, ut re vera possit ille sic excitatus, & vocatus, velle credere, velle cōverti, velle bonum aliquod facere, tamen re ipsa non velit credere, aut cōverti, aut bonum illud facere. Auxilium efficax dicitur, quo Deus ita hominem vocat, & excitat, & iuvare dirigendo, protegendo, cooperando, paratus est, ut infallibiliter re ipsa velit ille, qui sic excitatur, & vocatur, & re ipsa credat, cōvertatur, bonū faciat.

SEXTA partitio est gratiæ efficacis in operantem, & cooperantem: est gratia Operans, quæ facit ut velimus, Cooperans vero, quæ facit ut quod voluerimus, impleamus. Quæ partitio sumpta est ex verbis illis S. Augustini lib. de gratia & libero arbitrio, c. 17. *Ipse ut velimus operatur incipiens, qui volentibus cooperatur perficiens.* Et infra: *Sincillo vel operante ut velimus, vel cooperante cum volumus, ad bona pietatis operamur valemus:* De his duabus partitio- nibus in fine huius libri plenius differemus.

A Solet adferri alia quædam partitio gratiæ, in prævenientem & subsequenter, cum Pl. 58. legamus: *Misericordia tua subsequetur me:* Sed hæc partitio nihil novi continet, sed superiores dumtaxat includit; siquidem gratia excitans dici potest præveniens; & adiuuans, subsequens, iuxta illud: *Actiones nostras aspirando præveni, & adiuuando prosequere.* Rursus, gratia operans est etiam præveniens & cooperans, subsequens: *Nolentem* (inquit S. Augustinus in Enchir. c. 31.) *prævenit ut velis, volentem subsequitur, ne frustra velis.* Et S. Gregorius homil. 9. in Ezechielem. *Nos, inquit, prævenit, ut velimus, & volentes subsequitur, ne inaniter velimus.* Denique omnis gratia prior, præveniens dici potest, si comparatur ad posteriorem: *Prævenit* (inquit S. Augustinus libro de natura & gratia, c. 32.) *ut sanemur, & subsequitur, ut sanati vegetemur; prævenit ut vocemur, & subsequitur ut glorificemur; prævenit, ut pie vivamus, subsequitur, ut cum illo semper vivamus.*

CAPVT III.

Gratiam gratum facientem esse qualitatem, per modum habitus in homine permanentem.

EX partitionibus præmissis quædam sunt, quæ nonnullas pariunt quæstiones. Ac PRIMVM de partitione gratiæ in gratiam habituales, & gratiam auxilij specialis, dux sunt quæstiones, Vna, sit ne gratia aliqua habitualis: Altera, verum ea gratia sit qualitas à charitate distincta.

Quod ad PRIMVM attinet, non instituimus hoc loco disputationem de iustitia inhærente vel imputatiua, quam in tractatu de iustificatione impij, suo loco pro viribus Deo iuvante, tractabimus. Sed solum, an detur gratia habitualis gratū faciens habentem; non enim desunt, qui non admittant gratiam gratū facientem, quæ sit habitus, aut certe qualitas per modum habitus in anima permanens. Ioannes Calvinus in Antidoto Concilij Tridentini, sess. 6. c. 7. *Falsum, inquit, esse contendit, ullam iustitiæ partem in qualitate sitam esse vel habitu, qui nobis resideat, sed gratuita acceptione nos esse iustos.* Martinus Kemnitius in Exam. Tridentini Concilii 1. part. pag. 640. editionis anni MDLXVI. in parva forma (de qua editione semper intelligendæ sunt citationes paginarum in meis libris) reprehendit Concilium Tridentinum, quod in qualitatibus & virtutibus infusis iustificationis gratiam constituerit. Tilmannus Heshusius in lib. de sexcentis erroribus Pontificiorum (qui liber, ut alibi etiam monui, multo verius inscriberetur de sexcentis mendacijs Lutheranorum, cum nihil fere contineat aliud, nisi apertissima crassissimaque mēdacia) loco sexto, numero secundo, reprehendit Catechismum Concilii Tridentini, quod gratiam gratum facientem esse definiat qualitatem divinam in anima inhærentem.

Ad hanc sententiā accessit Albertus Pighius Catholicus aliqui Doctor, sed in nonnullis quæstionibus, ut ante nos Ruardus Tappetus, vir doctissimus, annotavit, ex lectione librorum Calvini misere deductus. Sic enim Pighius loquitur in 5. lib. de libero arbitrio: *Gratia acceptionem variam non ex Scholis; sed ex divinis Scripturis petimus. Quandoquidem in illis fere imaginatur gratiam Dei, qualitatem aliquam increatam anima nostra à Deo, vel eandem cum charitatis habitu, vel distinctam ab eodem. Quæ commentitia universa existimo, nec ex scripturis ullam auctoritatem habere.* Hæc ille

At sententia communis Theologorum tum in primum Sentent. dist. 17. tum in secundum dist. 26. & 27. constanter docet, habitum aliquem supernaturalem à Deo nobis infundi, quo anima exornetur, & perficiatur, atque adeo iusta Deoque grata & accepta reddatur. Quamvis enim Petrus Lombardus in 1. lib. Sentent. distinctione decima septima, charitatem non habitum aliquem, sed ipsum Spiritum sanctum esse dicere videatur, tamen in eodem libro, distinctione trigesima septima, docet cum S. Augustino Spiritum sanctum non solum eos inhabitare, qui eum actu cognoscunt & diligunt, sed etiam paruulos baptizatos, qui eum actu neque cognoscunt, neque diligunt; ex quo sequitur, ut crediderit, Spiritum sanctum per habitum aliquem in paruulis habitare.

Idem etiam Petrus in 1. lib. Sentent. distinct. 27. docet, gratiam esse virtutem nobis à Deo infusam: virtutem autem esse bonam animi qualitatem; quare Ioannes Scotus in primo Sententiarum distinctione decima septima, questione prima, art. 3. recte exponi, ac defendi posse docet, sententiam illam Magistri. Quam tamen sanctus Thomas in Secunda Secundæ, questione vigesima tertia, art. 2. & ceteri Theologi Magistri sententiam reprehendunt, quasi negauerit habitum charitatis; nos vtrumque, Deo volente, probabimus, & gratiam in genere, & charitatem in specie esse habitum, siue qualitatem creatam.

Neque vero hæc sententia, quæ habitus infusus defendit, solum Theologorum Scholasticorum, sed etiam Ecclesiæ totius sententia est, nam extant duorum Conciliorum generalium de hac re decreta. Concilium enim VIENNENSE sub Clemente V. Pontifice Maximo in Gallijs celebratum, ut habemus in Clementina prima, de summa Trinitate, & fide Catholica, cum de hac re variz Theologorum circumferretur opiniones, statuit eam esse recipiendam, quæ asserit infundi in Baptismo tum paruulis, tum adultis habitus gratiæ & virtutum.

Concilium etiam Tridentinum sess. 6. quamvis definire noluerit, sit ne gratia grati faciens, habitus proprie dictus, an qualitas alia, tamē esse qualitatem permanentem per modum habitus, atque animæ inhzrentem satis aperte definuisse videtur, cū ait c. 7. iustificationem non esse solum remissionem peccatorum, sed etiam sanctificationem, & renouationem interioris hominis per voluntariam susceptionem gratiæ & donorum. Et cum paulo infra in eodem capite addit, in ipsa iustificatione cum remissione peccatorum simul infundi fidem, spem, & charitatem eaq; animæ inhzrere. Et cum canone tertio distinguit gratiam iustificationis ab actibus fidei, spei, dilectionis & pœnitentiæ. Et cum can. 11. definit iustificationis gratiam non esse tantum externum Dei fauorem, sed etiam charitatem in corde diffusam, eique inhzrentem.

Denique hanc fuisse Tridentini Concilij mentē, præter alios auctores, testatur Catechismus eiusdem Concilij, in tractatu de Sacramento Baptismi, his verbis: *Est autem gratia quemadmodum Tridentina Synodus ab omnibus credendum, pœna anathematis proposita, decreuit, non solum per quam peccatorum sit remissio, sed diuina qualitas in anima inhzrens, ac veluti splendor quidam & lux, quæ animarum nostrarum maculas omnes delet, ipsasque animas pulchriores & splendidiore reddet.* Ac ne quis forte conetur per diuinam qualitatem intelligere actionem, non habitum: paulo post idem auctor scribit, per eam qualitatem, quæ in cordibus nostris diffunditur, ad omnia Christianæ pic-

tatis officia nos habiles reddi. Et paulo infra adiungit, ex ea pias honestasque actiones proficisci.

CAPVT IV.

Probatur veritas capite superiore explicata.

Hæc igitur vera & communis apud Orthodoxos sententia probanda est testimonijs Scripturæ & Patrum. Primum igitur eo potissimum testimonio probari mihi videtur, quo eam refellere conatur Caluinus in Antidoto Concilij, loco citato. Scribit enim Caluinus, non posse iustitiam esse qualitatem nobis inhzrentem, sed imputationem solum iustitiæ Christi propter illud Apostoli ad Romanos 5. *Per obedientiam vnus hominis iusti constituentur multi.*

At nos per obedientiam vnus Christi iustos multos constitui existimamus in eo sensu, ut merito obedientiæ Christi reconcilietur nobis Deus, & ab eo iustitia donemur, quæ sit qualitas animæ nostræ infusa, & inhzrens. Id quod ex antithesi verborum Apostoli manifeste probamus, dixerat enim B. Paulus: *Quemadmodum per inobedientiam vnus hominis peccatores constituti sunt multi.* Et continuo adiecit: *Ita per obedientiam vnus hominis iusti constituentur multi.* Constat autem nos non constitui peccatores per imputationem iniustitiæ, quæ fuit in Adamo, sed per iniustitiam nobis vere inhzrentem per modum habitus, quam contraximus ob inobedientiam primi hominis, cuius filii sumus: igitur iusti etiam constituimur, si quid Apostoli antithesis valet, non per imputationem iustitiæ, quæ est in Christo, sed per iustitiam nobis vere inhzrentem per modum habitus, quæ nobis infunditur ob Christi obedientiam, cuius per lauacrum regenerationis filii efficiamur.

Secundo, probatur hæc veritas ex verbis illis Domini, Ioan. 4. *Aqua, quam ego dabo ei, fiet in eo fons aquæ salientis in vitam æternam.* Fons enim iste Spiritus sanctus est per gratiā inhabitans, siue gratiā à Spiritu sancto inhabitante diffusa, ut colligitur, Tum ex c. 7. Ioannis, vbi cum Dominus dixisset: *Qui credit in me, sicut dicit Scriptura, flumina de ventre eius fluent aqua viua:* subiungit Euangelista: *Hoc autem dixit de Spiritu, quem accepturi erant, credentes in eum:* Tum ex Patribus, qui hæc loca communiter exponunt de Spiritu sancto, siue de gratia eius viuificante; hæc enim duo in idem recidunt, cum Spiritus sanctus non inhabitet, nisi per effectum aliquem creatum, id est, per gratiam & charitatem; neque charitas & gratia sine Spiritu sancto inhabitante esse possint.

Itaque fontem istum aquæ viuæ, Cyrillus libro 2. in Ioannem, capit. 82. & Theophylactus in caput 4. Ioannis, gratiam Spiritus sancti vocant. Hieronymus in caput 55. Isaiz, & Basilii in Psal. 45. Spiritum sanctum esse dicunt. Ambrosius lib. 1. de Spiritu sancto, cap. 19. & Ioannes Chrysostomus homil. 31. in Ioannem, modo Spiritum sanctum, modo Spiritus sancti gratiam appellant: neque ab his dissentiant Augustinus, & alij huius loci interpretes.

Sed quanquam, ut diximus, in idem recidat, siue Spiritum sanctum, siue gratiam eius, fontem illum esse dicamus, tamē magis proprie videtur hic locus exponi de ipsa gratia creata, quam de Spiritu sancto creatore, Tum quia Dominus ait: *Fiet in eo fons aquæ:* Siquidem fieri ad rem creatam pertinet,

Tum etiam quia eiusdem sunt generis fons & aqua ex fonte manans, & sancta opera, quæ intelliguntur per aquam ex fonte fluentem, magis conueniunt cum habitu gratiæ, quam cum Spiritu sancto, ut notum est.

Porro dubitari non potest, quin per fontem intelligatur aliquid permanens, & fixum, ac per hoc significetur gratia inherens animæ per modum habitus permanentis, unde fluant rui bonorum operum, qui saliant in vitam æternam, aqua enim tam alte ascendit, quam est altus locus, unde descendit; & quoniam fons iste de cælo descendit, ideo aquæ eius ad cælum usque perueniunt, hoc est, merentur opera iusta regnum cæleste, quoniam ex gratia cælesti ac diuina proueniunt.

TERTIO, probatur ex illis Scripturæ testimoniis, quæ significant gratiam diffundi, siue effundi in cordibus, ad Rom. c. 5. *Charitas Dei diffusa est in cordibus nostris per Spiritum sanctum, qui datus est nobis.* Et ad Titum 3. *Saluos nos fecit per lauacrum regenerationis, & renouationis Spiritus sancti, quem effudit in nos abunde.* Certe enim tunc Spiritus sanctus abunde effunditur, cum abundanter gratia eius donatur: effusio autem & diffusio gratiæ, siue charitatis in corda hominum, non ad actionem hominis, sed ad donum Dei collatum homini, referri debet. Actiones enim effunduntur ex cordibus: De corde enim (ait Dominus Matt. 15.) *exeunt cogitationes male, &c.* non effunduntur aut diffunduntur in corda, neque donum in corde effusum, externus Dei fauor proprie dici potest, sed aliquid ipsum cor attingens, purgans & renouans, ut Apostolus loquitur.

QUARTO, huc pertinent etiam illa loca, ubi gratia comparatur pignori, sigillo, unctioni vel semini, rebus, videlicet creatis & permanentibus, 2. ad Cor. 1. *Qui unxit nos Deus, signauit nos, & dedit pignus Spiritus in cordibus nostris.* Et 1. Ioan. 1. *Unctionem quam accepistis ab eo, maneat in uobis.* Et cap. 3. *Qui natus est ex Deo, peccatum non facit, quia semen eius manet in eo.* Quid enim, quæso, est aliud semen Dei in nobis manens, nisi charitas habitualis, ex qua fructus operum bonorum nascuntur?

Addamus nunc testimonia veterum, qui tamen non aperte nominent habitum, vel qualitatem; tamen ita rem describunt, ut paruo negotio possit intelligi, verum esse quod ait CONCILIVM VIENNENSE, hanc sententiam testimonijs veterum esse conformem.

S. DIONYSIVS AREOPAGITA, c. 2. par. 1. lib. de Ecclesiastica Hierarchia: *Primum*, inquit, *ad diuina motus, Dei dilectio est: Porro sacræ dilectionis ad diuina mandata faciendæ principalis omnino progressus est secretissima illa & ineffabilis operatio, quæ diuinus in nobis status efficitur.* Quid, quæso, diuinus status esse potest, nisi diuinum quoddam esse nobis collatum?

S. IRENAEVS lib. 5. cap. 6. aduersus hæreses: *Cum autem*, inquit, *Spiritus commixtus animæ unitur plasmati, propter effusionem Spiritus spiritualis, & perfectus homo factus est.* Et hic est qui secundum imaginem & similitudinem factus est Dei. Et infra sæpius repetit, hominem perfectum tribus constare, corpore, anima, & Spiritu Dei, id est, donis & gratia Spiritus sancti. Et certe vocabula commixtionis & infusionis, & hoc, quod est esse quasi partem hominis, rem permanentem demonstrant.

S. CYPRIANVS in epist. 2. lib. 1. ad Donatum: *Postquam*, inquit, *unde genitalis auxilio superioris sui labes deterisa in expiatum peccatus, ac purum desuper se lumen infundit, postquam cælitus spiritus hausto in nouum me hominem naturas secunda reparauit: Scis ipse profecto quid detraxerit nobis, quidue contulerit mors ista crimi-*

num, vita virtutum. Infusio luminis, & haustus spiritus, & inde renouatio hominis aliquid permanens in homine significat.

S. BASILIUS in lib. de Spiritu sancto, cap. 26. explicans quemadmodum Spiritus sanctus per gratiam hominem inhabitet, sic loquitur: *Sicut cernendi vis est in oculo sano, sic & operatio Spiritus in anima purgata; & quemadmodum ars est in eo qui natus est illam, ita Spiritus in eo qui recipit, semper quidem præsens, ac non perpetuo operans.* Similitudo virtutis cernendi & artis, sine dubio, gratiam per modum habitus inesse animæ ostendunt.

S. AMBROSIVS lib. 6. Hexameron, cap. 8. *Vtrum* inquit, *iustificatio secundum corpus, an secundum animam tibi conferri videatur, quæso respondeas.* Sed dubitare non potes cum iustitia, unde iustificatio derivata est, mentis tue vitæque, non corporis tui. *Pictus es ergo, o homo, & pictus à Domino Deo tuo, bonum habes artificem, atque pictorem, Noli bonam delere picturam, non fūco, sed veritate fulgentem, nec etiam expressam, sed gratia.* Pictura res est permanens, ac per hoc gratiam permanentem demonstrat.

S. GREGORIUS NAZIANZENSIS, oratione in sanctum lauacrum, ante medium loquens de effectu gratiæ, quæ confertur in Baptismo: *Nonos*, inquit, *ex veteribus, ac Dei similes effecti atque igne constants, & sine confectione irradians.*

S. HERONYMVS præfatione commentariorum in Threnos Hieremiæ, describens animam peccatricem: *Nudata*, inquit, *est domus DEI omnibus ornamentis suis, cunctisque, quæ diuinitus consequuta fuerat, spoliata muneribus, remansit deformis ac impii.* Et in comment. epistolæ ad Philemonem extremo: *Cum*, inquit, *in Spiritu gratia fuerit, totum facit hominem spiritualem, ut & caro spiritui seruiat, & anima non vincatur à carne, & redacta simul in substantiam spiritualem, adhæreat Domino, quia qui adhæret Domino, unus Spiritus est.*

S. IOANNES CHRYSOSTOMVS homil. 40. in epistolam priorem ad Corinth. *Itaque*, inquit, *qui crimine Regis beneficio absolutus est, inquinatum animam seruat: quem abluit Baptisma, non item, sed solis radijs puriorem mentem habet.* Et homil. ad Neophytos, quam citat **S. Augustinus** libro 1. contra Iulianum, scribit etiam, infantibus per Baptismum conferri sanctitatem & iustitiam, quæ sane nisi habitualis esse non potest.

S. AUGUSTINVS li. 1. de peccatorum meritis & remissione. c. 9. *Ille*, inquit, *in quo omnes viuificabuntur præterquam quod se ad iustitiam exemplum imitantibus præbet, dat etiam sui Spiritus occultissimam gratiam, quam etiam latenter infundit & parauit.* Hic sane negari non potest, quin **S. Augustinus** de gratia habituali loquatur, quæ & occultissima est, & cuius solius capaces sunt animi paruulorum. Idem auctor in eodem libro ca. 34. dicit, paruulos per Baptismum conuerti ad Deum, cum antea essent aucti, quod intelligi nequit, nisi de conuersione habituali, per infusum habitum charitatis.

S. CYRILLVS ALEXANDRINVS lib. 4. commentarium in Isaiam, orat. 2. explicans illa verba, ca. 44. *Memento bonum Iacob, & Israel: quia puer meus es tu, formans te puerum, &c.* sic loquitur: *Formatur item in filium Dei, intelligibiliter informatus diuinum legum scientia ad speciem efficiensque excellentem, quæ virtutum ornatu in animis hominum inheret, ac insidet, hæc autem pulchritudo intelligi potest spiritualis, formatur etiam veluti in Christo per sancti Spiritus participationem, ad ipsius speciem.* Scribit siquidem ad Galatas diuinus Paulus: *Filioli, quos iterum parturio, donec formetur Christus in vobis.* Formatur autem in nobis

Christus sancto Spiritu nobis divinam quandam formam per sanctificationem & iustitiam indentes; sic enim in animis nostris elucet character substantiæ Dei, ac Patris, & formæ, ut dixi, sancto Spiritu nos per sanctificationem in ipsum. Hæc ille, qui vix poterat apertius de qualitate divina in mentibus nostris inhzrente loqui, cum eam & formam appelleret, & in animo inhzrere scribat.

EVSEBIUS EMISSENVS, siue potius CÆSARIUS ARELATENSIS, in sermone illo pulcherrimo de corpore Domini, qui inscribitur serm. 3. de Paschate: Te ipsum, inquit, qui iam es renatus, interroga dudum alienus à vita, peregrinus à misericordia, à salutis via, intrinsecus mortuus, exulabas. Subito initiatus Christi legibus, & salutaribus mysterijs innotatus, corpus Ecclesiæ non videndo, se credendo transisti, & de filio perditionis adoptivus Dei fieri seculi puritate meruisti, in mensura visibili permanens maior factus es seipso inuisibiliter; sine quantitatis augmento, in exteriori nihil additum est, & totum in interiore mutatum est. Atque hæc ex Patribus hoc loco sufficiant. Addemus plura cum ventum fuerit ad controversiam de iustificatione.

Probatur ULTIMO hæc eadem veritas rationibus. PRIMA ratio ex parte Dei, Deus diligit iustos, & odit peccatores, ut Scripturæ passim loquuntur: nulla autem mutatio in ipso Deo cogitari potest: igitur mutatio fit in homine, cum ex non dilecto incipit esse dilectus; quare concedendum est, in homine iusto esse pulchritudinem aliquam veram & spiritualem, ob quam oculis Dei gratus efficitur, præsertim cum Deus non possit decipi, aut errare, ut diligat iniustum pro iusto, & deformem pro formoso. PRÆTEREA Dei dilectio efficax est, igitur cui Deus vult bonum, continuo ille vere efficitur bonus; nihil enim aliud est diligere, nisi velle bonum, & quidem homines multa bona cupiunt amicis, quæ tamen ipsi conferre non possunt: At Dei voluntas omnipotens & efficacissima est.

SECUNDA ratio ex parte hominis, homo ad supernaturalem gloriam conditus, opera supernaturalia operari debet, quibus ad finem illum tendere, ac tandem peruenire queat: sed opera supernaturalia prærequirunt esse supernaturale, siue formam supernaturalem: talia enim sunt opera, qualis est forma, siue essentia, unde opera ipsa procedunt, quod in rebus omnibus cernimus: igitur dat Deus hominibus, quos iustificat, formam supernaturalem, quam habitum gratiæ nominamus. Et fortasse huc respexit S. Petrus, cum ait in epist. posteriore, cap. 1. nos effici diuinæ consortes naturæ. Certe hæc est ratio S. Dionysii Areopagite, quem supra citauimus, is enim apertissime dicit in lib. de Ecclesiastica Hierarchia, cap. 2. part. 1. non posse hominem diuina operari, nisi diuinum quandam statum ante recipiat: quemadmodum nec humana opera facere valemus, nisi homines simus.

Præterea non est homo iustus & sanctus eo tempore solum, quo iusta & sancta opera facit, sed etiam dum cessat, dum quiescit, dum dormit: non igitur ab opere, sed ab habitu permanente iustus & sanctus dicitur. Ipse etiam Aristoteles in 2. lib. de moribus, cap. 4. vidit & docuit, non posse vere & proprie nominari iustum, qui aliquod opus iustum fecerit, sed qui iustitiæ habitum acquisierit.

TERTIA ratio ex parte instrumentorum iustificationis, quæ sunt cælestia Sacramenta: Baptismus non solum homines, qui vsum habent rationis, sed etiam infantes, amentes, dormientes quandoque iustificat, ac de infantibus quidem supra citauimus Chrysostomum & Augustinum, & possent plurimi alii huc

adduci, si opus esset. At in infantibus, & cæteris, qui vsum rationis carent, nulla inesse potest iustitia actualis: igitur habitualis.

Præterea Baptismus non quomodocunque iustificat, sed per modum regenerationis, sic enim legitur Ioan. 3. Nisi quis renatus fuerit ex aqua & Spiritu sancto, &c. Et ad Tim. 3. Saluos nos fecit per lustrum regenerationis. At regenerari non est aliquid agere, sed nouam naturam & diuinam, ac supernaturalem formam accipere, unde filii Dei nominemur & simus; iustitia igitur quæ per Baptismum acquiritur, non est actualis, sed habitualis, quæ per modum formæ in anima inhzreat, eamque ad esse quoddam diuinum & supernaturale euehat.

Denique Sacramenta saltem ex communi Catholicorum sententia gratiam conferunt & efficiunt, ut instrumenta Dei, non autem efficiunt actualem in nobis iustitiam, ut experientia in plurimis non obscure testatur: efficiunt igitur habitualement. His igitur argumentis efficiamus, gratiam iustificantem esse qualitatem: quemadmodum autem idem probetur de charitate, vide infra caput octauum, neque enim probare necesse est charitatem esse habitum creatum, nisi antea constet gratiam iustificantem idem esse cum charitate.

CAPVT V.

Soluntur obiectiones.

ADVERSUS ea quæ capite superiore confirmata sunt, DVÆ obiectiones fieri solent. PRIMA obiectio sumitur ex verbis S. Augustini, qui de gratia ita loquitur, ut videatur velle, eam non esse habitum quo nos vtamur, sed potius ipsum Spiritum sanctum, qui nos regat & moueat: nam in lib. 3. Hypognostici comparat liberum arbitrium nostrum iumento, gratiam Dei sessori, à quo iumentum gubernatur & regitur, & in epist. 106. scribit in operibus gratiæ voluntatem nostram comitem esse, non ducem, pedissequam non præuiam.

RESPONDEO, S. Augustinum loqui de gratia simul creata & increata, id est, de Deo, qui per dona sua creata sedet in nobis, & variis modis nos ducit, regit, moderatur & gubernat, non secus ac sessor iumentum. Quod Apostolus ad Rom. 8. illis verbis admonuit: Qui Spiritu Dei aguntur, hi sunt filii Dei. Hinc autem non tolluntur habitus creati & infusi, sed potius asseruntur & confirmantur, nam Deus per habitus illos habitat in nobis, quod de fide testatur Apostolus, cum ait ad Ephel. 3. CHRISTVM habitare per fidem in cordibus. Et de charitate ad Rom. 5. Charitas Dei diffusa est in cordibus nostris per Spiritum sanctum, qui datus est nobis. Et S. Ioan. in epist. 1. cap. 4. Qui manet in charitate, in Deo manet, & Deus in eo. Iple etiam S. AUGUSTINVS in epist. 106. citata dicit, Gratiam in nobis augeri & perfici, id quod nisi de gratia creata intelligi nequit: Gratia, inquit, meretur augeri, ut aucta mereatur & perfici, committente non ducente, pedissequa, non præuia voluntate.

Et quamuis habitibus, qui sunt in nobis, vtamur, cum volumus, tamen indigemus præterea diuina cooperatione, directione, protectione, sæpe etiam noua inspiratione nouoque impulsu, & ideo recte S. Augustinus dicit, in operibus gratiæ voluntatem nostram comitem potius quam ducem, & pedissequam magis esse, quam præuiam.

SECUNDA obiectio sumitur ex verbis eiusdem Augustini, qui dicere videtur, Pelagianorum sententiam fuisse necessariam esse gratiam habitualement, per quam euehantur homines ad statum filiorum Dei: nam lib. 1. de peccat. mer. & remis. cap. 18. sic loquitur

Sed illi (Pelagiani videlicet) mouent, & aliquid consideratione ac discussione dignum videtur adferre, qui dicunt, paruulos recenti uitae adstos visceribus matrum, non propter remittendum peccatum percipere Baptismum, sed ut spirituales procreationem non habentes, creentur in Christo, ipsius regni caelorum participes fiant, eo modo filij & haeredes Dei, cohaeredes autem Christi. Quam sententiam Pelagianorum refert idem August. lib. 2. contra duas epist. Pelagianorum. c. 6. & lib. 4. c. 2. & in lib. de haer. c. 38. refellit autem eam sententiam lib. 6. in Iulian. cap. 4. ubi dicit, nullam esse causam, cur infantes excludantur à regno Dei, si nullum habent peccatum, quamuis non regenerentur in Christo.

RESPONDEO, nusquam ab Augustino reprehendi Pelagianos, quod regenerationem & adoptionem filiorum Dei paruulis necessariam esse dicerent ad regnum caelorum obtinendum, sed quod negarent necessariam etiam esse ad peccatum originale purgandum. Pelagiani siquidem tum in paruulis, tum in adultis gratiae necessitatem aliquam non negabant, sed non integre & perfecte ut oportebat, veritatem confitebantur, agnoscebant in paruulis gratiam adoptionis; gratiam remissionis peccati originis non agnoscebant, fatebantur adultis necessariam esse gratiam remissionis peccatorum, gratiam quae naturam sanaret, & in bonis operibus faciendis, peccatisque vitandis iuaret, minime fatebantur.

Quod autem Aug. non reprehendat Pelagianos quod attinet ad necessitatem Baptismi in paruulis propter regnum caelorum, perspicuum est ex illis verbis lib. 6. contra Iulian. c. 4. *Agimus gratias, quia non hoc putatis, non enim ad regnum Dei natos, nisi perfundantur, id est, baptizentur, admittitis, atque ita perfundi multo melius indicatis, quam nasci.* Et ex illis in eodem cap. *Enumeras quae fides vera non dubitet Christiana, in quibus ea commemoras, quae pene omnia praedicamus & nos.* Et in lib. 2. contra duas epist. Pelagian. c. 6. *Si paruulos, inquit, Pelagianos alloquens, negatis attrahere, quod in Baptismo remittatur originale peccatum, tamen in illo regenerationis lauacro adoptari ex filiis hominum in filios Dei non negatis.* Non igitur hanc, adoptionem & exaltationem naturae humanae per Christum Aug. in Pelagian. sententia reprehendit.

Quid igitur, inquit, sibi vult: cum lib. 6. in Iulian. c. 4. absurdum putat, si paruuli non baptizati excludantur à regno, si iuxta Pelagian. sententiam nullum habeant originale peccatum? RESPONDEO, non iudicari absurdum ab Augustino, si paruuli non adoptati in filios Dei, quamuis omni peccato carentes, excludantur à regno; sed si non adoptentur, cum nulla sua culpa meruerint excludi ab adoptione, & per hoc à regno: praesertim cum alij permulti sine ullis suis meritis gratiam adoptionis & participationem regni caelestis acquirant. Nunc enim cum quaeritur, cur ex paruulis alios Deus per Baptismum ad regnum caelorum adducat, alios sine Baptismo mori, & à regno excludi permittat; respondere solemus, ut in illis misericordiam, in istis iustitiam suam demonstret. At si nulla sint peccata, mirum profecto erit, si Deus infantes aliquos innocentes atque ad imaginem suam creatos, nolit in regno suo, atque ut eos ibi non habeat, sine Baptismo interire sinat, cum alios item infantes, & similiter innocentes per Baptismum adoptet in filios, & in regnum suum perducatur, non sine dolore aliorum, qui excluduntur.

Hanc esse beati Augustini sententiam, perspicuum est ex verbis eius, sic enim loquitur lib. 6. in Iulian. c. 4. respondens ad verba Iuliani, qui dixerat, Deum infantibus nihil boni, vel mali merentibus regenerationis gratiam tribuisse: *Quid, inquit, eum offende-*

Ant, quos pariter innocentes, mundos, & se ad imaginem suam creatos innumerabiles ab isto munere (regenerationis videlicet) alienat, nec eorum voluntatem diuina ineffabilis praeuenit beneficii largitate: separans tot imagines suas à regno suo: si hoc eis non erit malum, non ergo amabunt regnum Dei tot innocentes imagines Dei: si autem amabunt, & tantum amabunt, quantum innocentes amare debent regnum eius à quo ad ipsius imaginem creantur, nihil ne mali de hac ipsa separatione patientur? Postremo ubilibet sint, quomodolibet sint sub Deo iudice, qui nec fato premittitur, nec personarum acceptione corrumpitur, in illius regni felicitate non erunt, ubi erunt qui pariter nihil boni, maline meruerunt, sed si nihil meruissent mali, nunquam priuarentur in communi causa communionis tanti boni.

Aliæ nonnullae obiectiones soluendae essent; sed ex proprie pertinent ad quaestionem illam utrum iustificemur per imputationem iustitiae Christi, an per iustitiam nobis inmerentem; & ad illam, utrum ad meritum vitae aeternae requiratur, ut opus procedat ex habitu gratiae gratum facientis, an satis, sit, ut opus sit conforme legi Dei. Itaque in his locis, obiectiones ceteras, Deo iuuante, diluemus.

CAPVT VI.

Gratiam gratum facientem re non distingui ab habitu charitatis.

ALTERA quaestio superest, utrum habitus gratiae de quo haecenus disseruimus, sit idem cum habitu charitatis. Quae controuersia, cum ad fidem Catholicam non pertineat, inter ipsos Catholicos Doctores, salua fide, disputari solet; sed mihi ea de causa tractanda fuit, ut intelligatur in controuersiis consequentibus quid per habitum gratiae gratum facientis intelligi velim.

QUATVOR sunt apud Theologos de hac quaestione sententiae. Quidam enim volunt, gratiam gratum facientem esse habitum, re & ratione à charitate distinctum, & gratum quidem in ipsa animae substantia, tanquam in subiecto sedem habere, charitatem in voluntate. Existimant enim ita se habere gratiam ad virtutes infusas, quemadmodum se habet anima ad suas potentias, & sicut anima dat esse naturale corpori, ex ipsa autem potentia fluunt, quae sunt actionum instrumenta: Sic etiam gratia dare animae esse quoddam supernaturale, ex ipsa vero quodammodo fluere habitus virtutum infusarum, qui sunt principia proxima operationis supernaturalis: ita docet S. Tho. in 1. 2. q. 110. art. 3. & 4. & q. 27. de verit. art. 2. in 2. Sent. dist. 26. q. 1. art. 3. & lib. 3. contra Gentes, cap. 150. Eadem est sententia Capreoli in comment. lib. 2. Sent. Caiet. in comment. ad 1. 2. Ferrar. in explicat. librorum contra Gentes, Dominici à Soto lib. 2. de natura & gratia, cap. 17. & 18. & aliorum.

Alii distinctionem inter gratiam & charitatem, non realem, sed formalem constituunt, ut Alexander Alensis in Summa Theologica, par. 3. quaest. 69. mem. 2. art. 4. Albertus Magnus in 2. Sent. dist. 26. art. 3. & fortasse S. Bonaventura in 2. Sentent. dist. 26. qu. 5. & in 3. dist. 27. art. 1. q. 3. is enim non satis explicat, an velit re ipsa, an solum formaliter distinguere gratiam à charitate: in eo tamen aperte dissidet à sancto Thoma, quod tum gratiam, tum charitatem in voluntate constituit.

Alii gratiam & charitatem neque re ipsa, neque formaliter, sed tantum ratione distinguunt: Docent enim vnum atque eundem habitum, quae parte subiectum respicit, atque hominem ipsum, in quo inest, exorat,

Deoque gratum & amabilem reddit, gratiam nominat, qua parte respicit opus, & voluntatem promptam efficit ad Deum super omnia diligendum; dici potest de charitate. Hanc sententia est Alexandri Aleris, qui forte mutauit opinionem in Sūma Theologica, q. 12. de pœnitentia, memb. 3. Richardi in 2. Sentent. dist. 26. q. 4. item Scoti, Mayronis, Gabrielis, Maioris, & aliorum in eandem distinctionem. Henrici à Gandauo quodlib. 4. quæst. 10. & ex recentioribus Andreæ Vegæ lib. 7. in Concil. Trident. cap. 25. & duobus sequentibus.

At illi denique nihil omnino interesse volunt inter gratiam & charitatem, solumque nomine distinguant, ita Durand. in 2. dist. 26. q. 1. num. 8.

Quamuis autem dux priores sententiæ, & quarta probabiles sint, & auctores insignes ac doctissimos habeant; tertia tamen probabilior mihi esse videtur, & cum Scripturis, & Patribus, & cum ipso Tridentino Concilio magis congruere.

Et quidem sententia quarta Durandi satis refelli videtur, Tunc auctoritate omnium aliorum Theologorum, qui distinctionem aliquam inter charitatem & gratiam agnouerunt: Tunc etiam quia si gratia facit hominem Deo dilectum, & charitas facit eundem dilectorem Dei, ut communis conceptio, & nomina ipsa testantur: profecto aliquid interest inter charitatem & gratiam; neque verum est, quod scribit Durandus, fieri hominem Deo per gratiam gratum, per charitatem carum, & ideo non magis esse distinctam charitatem & gratiam, quam esse carum & gratum. Nam si proprie loqui velimus, per charitatem, quam quisque in se habet, non est alteri carus sed habet alterum carum: est enim charitas virtus, qua diligimus, non qua diligimur; quamuis possit ipsa esse ratio, cur ab altero diligamur; amor enim amorem maxime prouocat. Quare gratia, qua sumus Deo cari, siue grati, distinguitur saltem ratione à charitate, qua Deum habemus carum. Priores autem illæ sententiæ, quæ distinctionem realem aut formalem inter gratiam & charitatem ponebant, his argumentis refelluntur.

PRIMO, Concilium Tridentinum, tametsi non voluit, quætionem istam, ut quæ ad fidem non pertineat, definire; tamen satis aperte indicasse videtur, cui sententiæ magis faueret. Nam sess. 6. cap. 7. ubi proprie de hac re agit, simpliciter affirmat vnicam esse formalem causam iustificationis, eamque in fide, spe & charitate consistere, *Denique, inquit, unica formalis causa est iustitia Dei, non qua ipse iustus est, sed qua nos iustos facit, &c.* Et paulo post explicans quid sit illa iustitia: *Quamquam, inquit, nemo possit esse iustus, nisi cui merita passionis Domini nostri Iesu Christi communicantur: id tamen in hac impij iustificatione fit, dum eiusdem sanctissimæ passionis merito per Spiritum sanctum charitas Dei diffunditur in cordibus eorum qui iustificantur, atque ipsis inbaret. Vnde in ipsa iustificatione, cum remissione peccatorum, hac omnia simul infusa accipit homo, per Iesum Christum, cui inseritur, fidem, spem, & charitatem: nam fides nisi ad eam spes accedat & charitas, neque vnus perfecte cum Christo, neque corporis eius vinum membrum efficit. Et paulo post, hanc fidem viuam, id est, cum spe & charitate coniunctam, esse dicit id, quod ex traditione Apostolica petunt catechumeni ab Ecclesia, cum petunt fidem vitam æternam præstantem. Et mox adiungit hanc ipsam fidem viuam, esse veram & Christianam iustitiam, quam ceu primam stolam per Adami peccatum amissam, & per Christi obedientiam recuperatam, candidam & immaculatam iubentur regnati conseruare.*

A At certe si gratia iustificans à virtutum Theologicarum habitibus distingueretur, iure Conciliū reprehendi posset, quod hoc loco nullam de istiusmodi gratia mentionem fecisset. An non esset imperfecta & manca tanti Concilii doctrina, si in explicatione iustificationis illud omisisset, quod est in iustificatione præcipuum? Adde quod c. 10. idem Concilium docet, iustitiæ incrementum ab Ecclesia postulari, cum ita orat: *Da nobis Domine fidei, spei & charitatis augmentum.*

B ALTERVM argumentum sumitur à doctrina veterum patrum, qui perpetuo iustitiam, qua coram Deo iustificamur, eique grati, atque accepti sumus in virtute, ac præsertim in charitate constituunt. AVGVSTINVS lib. de natura & gratia cap. 42. *Charitas inquit, est verissima, plenissima, perfectissimaque iustitia.* Et in Psal. 118. concione 26. *Iustitia, inquit, virtus est magna animi, præcipueque laudabilis.* Et mox exponens illud: *Eccus iudicium & iustitiam.* *Iustitia, inquit, nomine, hoc loco non ipsa virtus, sed opus eius significatum est, quis enim fecit in homine iustitiam, nisi qui iustificat impium, hoc est, per gratiam ex impio facit iustum? Vnde ait Apostolus, iustificati gratis per gratiam ipsius. Facit ergo iustitiam, id est, opus iustitia, qui habet in se iustitiam, id est, opus gratiæ.*

C Quo loco S. Augustin. apertissime docet iustitiam qua iustificamur à Deo esse virtutem diuinitus infusam, per quam operamur opera iusta, proinde non vult esse habitum aliquem in essentia animæ, qui nihil operetur, sed habitum virtutis in potentia operatrice. Vide præterea testimonia veterum, quæ citauimus in libro de statu innocentis, cap. 2. ad explicandum discrimen inter imaginem & similitudinem Dei; Docent enim ea testimonia conditum fuisse hominem ad imaginem & similitudinem Dei, & imaginem in natura, similitudinem in probitate & iustitia sitam esse, per iustitiam autem virtutes, ac potissimum charitatem intelligi oportere, non dubium est.

TERTIVM argumentum peti potest ex diuinis literis, in quibus videmus ea omnia tribui charitati quæ ab auctoribus contrariæ sententiæ tribuuntur gratiæ, non solum absolute, sed etiam ut eam distinguant ipsi docent à charitate. Profecto autem si in charitatem, secundum Scripturas, conueniunt ea omnia, quæ soli gratiæ iure tribui solent, alterum necesse est, vel in Scriptura falsam doctrinam, quod fieri non potest, contineri, vel quod nos contendimus gratiam à charitate aut nullo modo, aut sola ratione distingui.

E Gratia proprium esse volunt, ut à charitate ipsorum opinione distinguitur, dare animæ quoddam esse supernaturale, ex quo dicatur homo filius Dei per participationem, & diuinæ consors naturæ. Id vero totum Scriptura apertissime tribuit charitati: 1. Ioannis 3. *Videte qualem charitatem dedis nobis Pater, ut filii Dei nominemur, & simus.* Et cap. 4. *Omnis qui diligit, ex Deo natus est.*

PRAETEREA tunc accipit homo illud esse supernaturale cum regeneratur ac renascitur, nouaque efficitur creatura. Id autem fieri per charitatem ex Scripturis, ita probatur: Semen ex quo regeneramur, est verbum Dei, 1. Pet. 1. *Renati non ex semine corruptibili, sed ex incorruptibili per verbum Dei viui.* Et Iacobi 1. *Genitum nos verbo veritatis, visimus inuisi aliquid creaturæ eius.* Verbum autem proprie fidem in nobis gignit eamque viuam, quæ per dilectionem operatur: ad Rom. 10. *Fides ex auditu, auditus autem per verbum Christi.* Fides igitur viuam, id est, cum charitate, est id, per quod renascimur, & proinde ipsa dat illud esse diuinum supernaturale, vnde dicimur filii Dei.

Et confirmatur hoc ipsum ex illis Apostoli verbis ad Galat. 3. *Omnes enim fidei Dei estis per fidem.* Loqui autem B. Paulū de fide viua perspicuū est ex c. 5. vbi cū dixisset *Euacuati estis à Christo, qui in lege iustificamini*, ex gratia excidistis. Subiungit explicans quid sit ista gratia, & quid faciat filios Dei; Nam, inquit, in Christo Iesu, neque circumcisio aliquid valet, neque praprium, sed fides que per dilectionem operatur. Ex c. 6. hanc ipsam fidem viuam appellat nouam creaturam; cum ait: *In Christo Iesu, neque circumcisio aliquid valet, neque praprium, sed noua creatura.* De qua noua creatura dicit idem Apostolus ad Ephes. 2. *Ipsi enim sumus factura, creati in Christo Iesu in operibus bonis.*

Et confirmatur rursus ex parte eorum, qui nos regenerant, qui sunt Euangelii prædicatores. 1. ad Cor. 4. *Per Euangelium ego vos genui*; ad Galat. 4. *Filioli mei, quos iterum parturio, donec formetur Christus in vobis.* Christus autem in nobis per fidem formatur & habitat, ad Ephe. 3. *Christum habitare per fidem in cordibus vestris.* Fidem autem istam debere esse viam & charitatem formatam dubium esse non potest. Quare, S. Ioan. 1. epist. c. 4. dicit, Deum per charitatem in nobis manere: *Deus charitas est, & qui manet in charitate, in Deo manet, & Deus in eo.*

Sunt præterea multa alia, quæ tribui solent gratiæ, quæ in omnia Scripturis tribuuntur charitati. Neque aliquid afferri potest ita gratiæ proprium, vt nō conueniat etiam charitati, quare nulla est causa, cur distincti habitus ponantur gratiæ & charitatis. Percurramus breuiter singula.

PRIMO, gratiæ proprium esse dicunt, facere hominem Deo dilectum, at Prouerb. 8. legimus: *Ego diligentes me diligo.* Et Ioan. 14. *Si quis diligit me, diligitur à Patre meo.*

SECUNDO, gratia dicitur esse animæ vita, vt peccatum mors, at 1. Ioan. 3. legimus: *Qui non diligit, manet in morte, & nos scimus, quia translati sumus de morte ad vitam, quia diligimus fratres.*

TERTIO, gratia donum illud esse dicitur, per quod in nobis habitat Spiritus sanctus. At Ro. 5. legimus: *Charitas Dei diffusa est in cordibus nostris per Spiritum sanctum, qui datus est nobis.*

QUINTO, per gratiam à peccato iustificamur. At Luc. 7. legimus: *Remittuntur ei peccata multa, quoniam dilexit multum.* Et iam antea ex Apostolo ad Galat. 6. ostendimus, nouam creaturam esse fidem per dilectionem operantem, & ex Trid. Concilio demonstrauimus, formalem causam iustificationis esse charitatem mentibus nostris infusam. Neque vllus est Theologus aut Philosophus, qui iustitiæ nomine aliud quam virtutem, intelligat.

QUINTO, gratia est fons & radix omnium virtutum. At Apostolus ad Rom. 13. *Plenitudo, inquit, legis, est dilectio.* Et ad Cor. 13. *Charitas, inquit, patiens est, benigna est, &c. omnia credit, omnia sperat, omnia sustinet, &c.* Et S. GREGORIUS homil. 7. in Euangelia dicit, charitatem esse radicem omnium operum bonorum: & S. Prosper lib. 3. de vita contemplatiua, cap. 13. dicit, charitatem esse vitam virtutum, mortem vitiorum.

SEXTO, gratia separat filios regni à filiis dānationis, nullus enim cum gratia perit, nullus sine gratia saluatur. At Iacob. 1. legimus coronam vitæ repositam esse diligentibus Deum. Et S. AVGVST. li. 15. de Trinit. c. 18. *Sola charitas, inquit, diuidit inter filios regni, & filios damnationis æternæ.*

SEPTIMO, gratia est donū Dei omnium maximum. At Apostolus 1. ad Cor. 13. anteponit charitatē omnibus aliis donis. Et ad Coloss. 3. *Super omnia, inquit, charitatem habete, quod est vinculum perfectionis.* Et S.

AVGVST. li. 15. de Trinit. c. 18. *Nullum, inquit, est istud Dei dono excellentius, dantur & alia per Spiritum sanctum munera, sed sine charitate nihil profunt.* Et ser. 50. de verbis Domini: *Adde, inquit, charitatem, profunt omnia, detrabe charitatem, nihil profunt cetera: quale bonum est charitas fratres, quid preciosius, quid lumineius, quid firmitus, quid utilius, quid securius?*

OCTAVO, nihil maius gratia facere potest, quā coniungere hominem Deo. At 1. ad Cor. 6. legimus: *Qui adhæret Deo, videlicet per charitatem, unus spiritus sit cum eo.* Et 1. Ioan. 4. *Qui manet in charitate, in Deo manet, & Deus in eo,* Id quod præclare explicat S. Bernardus ser. 83. super Cantica, vbi ostendit, nihil esse quod magis hominē Deo coniungat quam charitatem, quā, vt ipse loquitur, *quasi maritatur anima Deo.*

NONO, gratia facit amicos Deo. At 1. Ioan. 15. legimus: *Vos amici mei estis, si feceritis quæ ego præcipio vobis.*

DECIMO, gratia formosos & gratiosos facit. At charitas est vestis illa nuptialis, quā qui carēt, mittuntur in tenebras exteriores, vt exponit S. Greg. hom. 38. atque hæc ex diuinis litteris hoc loco sufficiant.

Accedant POSTREMO argumenta ducta ex ratione.

PRIMA ratio, si gratia ista distingueretur à charitate, cæterisq; infusis virtutibus, quemadmodū distinguitur anima à potentiis, vel lumen rationis à virtutibus, vt S. Tho. docet, sequeretur amissa gratia per peccatum, simul amitti virtutes omnes infusas, sicut pereunte anima, pereunt necessario eius potentiæ, & sine lumine rationis nullæ omnino virtutes in anima conseruantur: at fides infusa non perit gratia recedente, vt Catholici omnes fatentur; nō igitur distinguitur, neque pendet fides à gratia gratum faciente, vt distinguuntur ac pendent potentiæ ab anima, & virtutes à lumine rationis.

Neque vero satisfaciet argumento, si quis dixerit, amissa gratia remanere quidem fidem, sed non perfectam & formatam, & hoc modo solum manere eam, ac dependere ab habitu gratiæ. Nam quamuis sine gratia fides imperfecta atque informis sit, est tamen habitus supernaturalis, & operationem habet supernaturalem: docuit autem S. Thomas, non posse esse in anima habitus supernaturales, & operationes supernaturales, nisi antea euecta esset eadem anima ad esse quoddam supernaturale per habitum gratiæ, cum operatio prærequirat esse.

SECUNDA ratio, si gratia esset habitus à charitate distinctus, id sine dubio esset propter tria quæ videntur esse propria ipsi gratiæ & charitati non conuenire, quorum PRIMUM est, dare animæ esse diuinum & supernaturale. ALTERVM esse proprium effectum amoris, erga hominem. TERTIVM esse id, quo proprie Deo gratus est, quicumque illi gratus est. At hæc ipsa tria apertissime quadrant in charitatem, non igitur opus est, alium habitum querere.

Probaturs assumptio argumenti, nam quod attinet ad esse diuinum, certum est, non posse hominem participare diuinum esse, nisi accidentaliter; nullum est autem accidens, quo magis participemus esse diuinum, quam charitas, ac ne ipsa quidem gratia si esset, vt ponitur à S. Thoma, ita nos eueheret ad esse diuinum, vt re vera charitas vehit: gratia enim illa esset accidens ordinis supernaturalis, & daret animæ esse quoddam accidentarium supernaturale, at charitas præterquam quod est accidens ordinis supernaturalis, & dat animæ esse accidentariū supernaturale, coniungit animam cum Deo, quam intime atque arcte in hac vita fieri potest: quod non faceret gratia, Deus enim intelligentia & voluntate attingitur, sed intelligentia in hac vita non nisi per fidem

& in enigmate DAVM attingit: voluntas autem etiam in hac vita immediate & proprie Deo coniungitur per amorem.

Adde quod cum summa perfectio in Deo sit cognitio & amor, in futura vita participabimus per gloriam, diuinam perfectionem visionis Dei; de qua scribit Ioan. in 1. epist. c. 3. *Similes ei erimus, quia videbimus eum sicuti est*; nunc autem participamus per gratiam perfectionem amoris Dei & proximi, de qua dicit Dominus Matth. 5. *Deligite inimicos vestros, ut sitis filij Patris vestri, &c.*

Quod attinet ad effectum proprium amoris Dei, ille perfectio charitas est, quid enim vult nobis deus, cum nos amat, nisi id quod nobis est optimum? optimum autem nobis charitas est, ut supra ex Apostolo & Augustino docuimus.

Quod autem pertinet ad tertium, de eo quo proprie Deo grati sumus; id vero nihil est aliud, nisi charitas, siquidem in ea consistit summa similitudo ad Deum, quā in hac vita possumus habere. Deus enim diligit sibi similes, & eo nos magis diligit, quo sumus ei similiores. Atque hoc est verum amicitiae fundamentum inter nos & Deum, amicitia siquidem oritur ex similitudine, cum omne simile diligit suum simile; Similitudo autem, quae est fundamentum amicitiae, non tam est similitudo naturae, quam morū & virtutū; alioqui inter omnes homines esset amicitia, & inter Angelos & homines nulla esset. Porro charitas est regina virtutum, & omnibus alijs virtutibus longe praestat. Quare similitudo in charitate, est prima & summa causa amicitiae inter nos & Deum.

TERTIA ratio, gratia proprie opponitur culpae, sed culpa est actualis & habitualis deformitas in voluntate; igitur & gratia erit habitus & actus in voluntate.

QUARTA ratio, gratia respondet gloriae, sed gloria non erit habitus aliquis in essentia animae, ut aduersus Henricum Theologi communiter docent, sed coniunctio cum Deo per visionem & amorem, igitur & gratia non est habitus aliquis in essentia animae, sed fides, spes & charitas ipsius animae potentiis diuinitus infusae atque in illis inhaerentes.

QUINTA ratio, per gratiam formaliter iustificamur: at iustitia communi consensu Theologorum & Philosophorum, virtus animi est, & in voluntate, non in essentia animae sedem habet.

CAPVT VII.

Soluuntur obiectiones.

ADVERSUS ea quae capite superiore confirmata sunt, fieri solent non leuia argumenta, quae nunc breuiter & ordine diluemus.

PRIMA obiectio sumitur ex duobus Concilijs generalibus, siquidem in Concilio Viennensi, sub Clemente Quinto, ut habetur in Clementina prima, de summa Trinitate & fide Catholica definitum est, in Baptismo tam paruulis, quam adultis conferri informantem gratiam, & virtutes. Et in Concilio Tridentino, sess. 6. cap. 7. legimus, iustificationem esse renouationem interioris hominis per voluntariam susceptionem gratiae & donorum. Et can. 11. dicitur anathema ijs, qui docent, hominem iustificari vel sola imputatione iustitiae CHRISTI, vel sola peccatorum remissione, exclusa gratia & charitate. In quibus locis videmus semper distingui gratiam à virtutibus & donis, atque adeo ab ipsa etiam charitate.

RESPONDEO, Concilia ista, ac praecipue Tridentinum, dedita opera ita loqui voluisse videntur, ut indefinitam relinquerent quaestionem Scholasticam de

A distinctione gratiae à charitate, & solum definirent, quod ab haereticis negabatur, nos iustificari per aliquid re ipsa in anima inhaerens: ea siquidem causa fuit, cur Trident. Concilium: nunc gratiam & charitatem, nunc solam charitatem nominaret: sed quamuis haec ita sint, tamen videntur omnino Concilii Patres in eam sententiam inclinasse, quae pro eodem habet gratiam & charitatem; Nam, ut supra ostendimus, in explicatione causae formalis iustificationis, ubi maxime oportebat huius distinctionis mentionem facere, solam nominauerunt charitatem, cum suis comitibus fide & spe.

PORRO ubi Concilia ista distincte nominant gratiam & virtutes, vel gratiam, & dona; aut per gratiam, intelligunt charitatem, per virtutes & dona, reliquas virtutes, ac si dixissent, gratiam & ceteras virtutes, siue gratiam & cetera dona; aut certe idem significant illae voces, quemadmodum cum dicimus, aliquem esse sanctum & bonum, innocētem & iustum, &c. id quod in Scripturis sacris, & in Patrum libris passim fieri videmus ad rem, de qua agitur, magis explicandam.

Et hoc modo intelligendus est canon vndecimus Concilij Tridentini, ubi damnatur anathemate, qui excludunt à iustificatione gratiam & charitatem, nam idem omnino significari eo loco per gratiam & charitatem, colligimus tum ex verbis sequentibus, ubi numero singulari dicitur, quae in eorum cordibus diffundatur, atque illis inhaereat: tum ex cap. 7. eiusdem sessionis, cui respondet canon iste vndecimus (neque enim in canonibus noua dogmata traduntur, sed rediguntur ad formam anathematismorum ea, quae in capitibus definita fuerant) verba autem capituli septimi, ex quibus canon vndecimus cōfectus est, haec sunt: *Id in hac impij iustificatione fit, dum charitas Dei per Spiritum sanctum in eorum cordibus diffunditur, atque illis inhaeret.*

SECUNDA obiectio ducitur ex Patribus, Proferunt autem vnum tantum, sed antiquissimum & celeberrimum, is est S DIONYSIVS AREOPAGITA, qui in libro de Ecclesiastica Hierarchia, c. 2. part. 1. scribit non posse hominem operari diuina, nisi prius adeptus fuerit statum, siue esse diuinum, quemadmodum etiam opera humana non ante operari incipimus, quam homines esse coeperimus.

RESPONDEO, recte Dionysius docet, non posse hominem operari diuina, nisi ante participauerit esse diuinum, sed quoniam esse diuinum non potest ab homine participari, nisi per aliquod accidens, ideo infunduntur homini diuinæ qualitates, habitus videlicet fidei & spei & charitatis, ac per eas efficitur homo diuinæ consors naturae, & diuina ac supernaturalia operatur.

DICET aliquis, non solum opera diuina, sed etiam habitus diuini praerogant esse diuinum, est enim habitus iuxta Philosophum in libro septimo Physicorum, text. 17. dispositio perfecti ad optimum, perfectum autem vocat id, quod est dispositum secundum naturam, quare cum natura humana non sit ex se disposita ad opera supernaturalia, neque ad ea naturalem proportionem habeat, necessario exigitur aliquid quod eleuet, & supernaturaliter perficiat naturam humanam, ut in eam habitus supernaturales infundi queant. PRÆTEREA, sicut in rebus naturalibus distinguuntur tria, esse, posse, operari, quorum tertium à secundo, & secundum à primo dependet: sic etiam in rebus supernaturalibus distinguenda sunt tria, esse, quod habetur per gratiam, posse, quod habetur per infusas virtutes, & operari, quae sunt ipsae actiones fidei & spei & charitatis.

RESPONDEO

RESPONDEO, habitus acquisiti; de quibus loquitur Aristoteles, præexigunt naturalem dispositionem subiecti ad opus, quia non dant operari, sed facile ac prompte operari; proinde si natura sine habitu operari non posset, nihil ei proderet habitus. At habitus diuinitus infusus non exigunt naturalem dispositionem in subiecto, sed solum capacitatem naturalem, ipsi autem eleuant naturam, & proportionem illi conferunt ad actionem supernaturalem. Hanc autem capacitatem esse in anima rationis participem, docet S. Augustinus lib. de prædestinatione Sanctorum cap. 5. cum ait: *Possesse habere fidem & charitatem, natura est hominum, habere autem, gratia fidelium.*

Ad ILVD autem, quod addebatur, in omnibus rebus inueniri esse, posse & operari, RESPONDEMUS, id esse verum in substantiis, non in accidentibus, substantiæ enim creatæ non possunt per se sine instrumentis, id est, sine accidentibus operari, & ideo in eis distinguitur ipsum esse substantiale à potentiis, & potentiæ ab actionibus: at vero in accidentibus non distinguuntur ista tria, cum ipsum esse qualitatis operatricis sit potentia seu virtus; proinde cum esse diuinum, quod habet anima per gratiam, sit esse accidentarium, non est necessarium, ut distinguatur à virtute, sed vnus atque idem habitus, ut respicit subiectum, dici potest esse supernaturale, ut respicit opus, dici potest virtus supernaturalis.

TER TIA obiectio ex diuinis litteris, Scripturæ testantur, hominem per gratiam renasci, ac per hoc adipisci esse diuinum, Ioannis 3. *Nisi quis renatus fuerit, &c.* Et: *Quod natum est ex carne, caro est; quod natum est ex spiritu, spiritus est.* PRÆTEREA, secundum Scripturas gratia Spiritus sancti est prior charitate, ac per hoc non possunt esse idem charitas & gratia, ad Rom. 5. *Charitas Dei diffusa est in cordibus nostris per Spiritum sanctum, qui datus est nobis.* Vbi vides, prius dari Spiritum, ac deinde diffundi in cordibus charitatem, ad Galat. 5. *Fructus Spiritus est charitas, gaudium, &c.* 1. Ioan. 4. *Non quia nos dileximus Deum, sed ipse prior dilexit nos.* Quod si prius diligimur, quam diligamus, certe sequitur charitatem, qua Deum diligimus, posteriorem esse gratia, qua Deo grati & amabiles sumus.

RESPONDEO, iam ostendimus capite superiore, nos renasci per charitatem, & accipere esse diuinum, dum efficimur Deo similes in virtutibus, ac præsertim in charitate. Neque enim participare possumus esse diuinum secundum aliquid substantiale; nam cum substantia sit ipsa rei natura, si substantialiter participemus esse diuinum, naturaliter essemus Dei, quod nullo modo fieri potest. Itaque S. AUGUSTINVS in li. contra Adimantum, cap. 5. scribit homines iustos esse filios Dei. *Quia sunt Deo similes in dilectione & in sanctitate.* Et in Psalm. 99. explicans ipsum titulum: *Inquamsum, inquit, intercessit charitas, efficit & renouat te ad similitudinem Dei.* Et ipse etiam S. THOMAS in Secunda Secundæ, quæst. 13. art. 2. ad 2. dicit, charitatem esse vitam animæ.

Quod autem attinet ad eas Scripturas, quæ faciunt charitatem posteriorem gratia, DICIMVS, eas Scripturas intelligendas esse de gratia, ut significat beneuolentiam Dei erga nos, non autem qualitatem aliquam, quæ sit in nobis: Deus enim DVOBVS modis nos diligit, VNO modo, ut simus iusti & sancti, ALIO modo quia sumus iusti & sancti. De priore modo loquitur Apostolus ad Rom. 5. *Cum adhuc peccatores essemus, CHRISTVS pro nobis mortuus est.* Ad Ephes. 1. *Elegit nos ut essemus sancti, Et c.* 5. *CHRISTVS dilexit Ecclesiam, & seipsum tradidit pro ea, ut eam sanctificaret mundans eam lauacro in aqua, in verbo vite.* De po-

A steriore modo loquitur Sapientia, Prouer. 8. *Ego diligentes me diligo.* Et Dominus Ioannis decimo quarto: *Qui diligit me, diligitur à Patre meo.* Et c. 16. *Pater amat vos, quia vos me amatis.*

Iam igitur charitas, quæ in nobis est, cum effectus & obiectum sit beneuolentiæ Dei, ut effectus, est illa posterior, ut obiectum, est prior. Quare cum dicitur charitas diffundi in cordibus per Spiritum sanctum, vel cum dicitur charitas fructus esse Spiritus sancti, non significatur, dari nobis aliquod donum Spiritus sancti, ex quo procedat, atque emanet charitas, sed dari nobis Spiritum sanctum, qui est donum increatum, & eius primum & primarium effectum in nobis esse charitatem; cum autem dicitur Deus nos prius diligere, quam diligatur à nobis, non significatur esse in nobis aliquid, unde mereamur diligere, ante quam diligamus, sed à Deo nos diligere, ut ex iniustis iusti, & ex deformibus formosi efficiamur, ut postea iusti, sanctique effecti per donum charitatis, amicitia inter nos constituatur & diligamus, ac diligamur.

QUARTA obiectio sumitur ex rationibus. PRIMA ratio, effectus formales gratiæ & charitatis, diuersi sunt, nec vnus alium includit, aut necessario comitatur; nam effectus gratiæ est facere dilectum, effectus charitatis est facere diligetem, & potest fieri, ut vnus diligatur, & non diligat, & contra; non igitur sunt vnus & idem habitus gratiæ & charitatis.

SECUNDA ratio, effectus gratiæ semper est in actu, dum ipsa gratia in homine perseverat, semper enim facit gratum; at effectus charitatis non est semper in actu perseverante charitate, cum non semper actu diligamus: non igitur sunt idem charitas & gratia.

TER TIA ratio, in rebus naturalibus, præter virtutes acquisitas, est in animo lumen naturale; ex quo aliquo modo virtutes omnes manant; erit igitur etiam in supernaturalibus donis, præter habitus virtutum infusos, lumen gratiæ, ex quo habitus illi profluant.

QUARTA ratio, gratia est donum quoddam vniuersale, quod totum hominem Deo gratum reddit, & omnia opera accepta illi facit, & omni peccato repugnat; at virtutes sunt dona particularia, quæ particulares potentias in operibus ipsarum perficiunt, & certis vitiis opponuntur: igitur non sunt idem gratia & virtutes.

QUINTA ratio, per gratiam reformatur imago Dei, quæ per peccatum fuerat obscurata, at imago non est solum in potentiis, sed etiam in ipsa animæ substantia; gratia igitur non est sola charitas in voluntate inherens, sed etiam habitus aliquis in substantia animæ constitutus.

RESPONDEO, ad PRIMAM rationem facile est respondere, siquidem facere dilectum & diligentem ab vna & eadem qualitate provenire possunt, si ea, diuerso modo, ut supra diximus, consideretur; eadem enim charitas, ut forma inherens animæ, facit eam formosam, & per hoc gratam oculis Dei; ut principium operationis, facit eam aptam & promptam ad diligendum; nec tamen sunt isti duo effectus formales, sed vnus, illa enim propensio & prouersio animæ ad Deum diligendum, est eius pulchritudo, quæ gratam eam facit Deo; & quamvis fieri possit, ut aliquis diligatur, & non diligat: quando fundamentum dilectionis vnus, non est dilectio alterius; sed aliquid aliud, ut forma corporis, aut aliquid eiusmodi, tamē si fundamentum dilectionis vnus, sit dilectio alterius, ut nos ponimus, fieri non potest, ut qui diligitur non diligat, cum ideo diligatur, quia diligit.

AD SECUNDAM rationem RESPONDEMUS, effectum formalem gratiæ semper esse in actu, & simili-

ter effectū charitatis formalem. Vt enim gratia semper facit gratum, ita & charitas semper facit propensum & promptum ad diligendum; diligere autem actu quod non semper habemus, nō est effectus formae, sed efficientis, siue quod est idem, non est effectus charitatis, vt dat esse formale animæ, in qua inhaeret, sed vt est principium actionis.

AD TERTIAM DICIMVS, in rebus supernaturalibus lumen fidei esse loco luminis naturalis, ex fide enim aliquo modo ipse & charitas manant, vt ex fide per charitatem formata, virtutes omnes morales, ad finem supernaturalem ordinantur.

AD QUARTAM RESPONDEO, charitatem dici posse donum vniuersale, quia regina est virtutum, & radix omnis meriti, & ab ipsa actiones virtutum omnium imperantur, & nullum peccatū mortale secum patitur; quare Apostolus ait: *Qui diligit, legem implet*, ad Rom. 13. Et: *Charitas pascens est, benigna est*, &c. 1. ad Cor. 13. Et S. AVGVSTINVS lib. de natura & gratia, c. 70. *Charitas, inquit, inchoata, inchoata iustitia est charitas prouecta; prouecta iustitia est; charitas magna, magna iustitia est, charitas perfecta, perfecta iustitia est.*

AD QUINTAM DICO, imaginem Dei esse tum in substantia, tum in potentia, sed non esse lētam, nisi quatenus in potentia est, peccatum siquidem lumen intelligentiæ obscurauit, voluntatis libertatem debilitauit, appetitum inferiorem superiori rebellem fecit, similitudinem ad Deum, quæ in iustitia sita erat, plane sustulit: in ipsa vero substantia animæ nihil proprie operatum est: quare obiectio ista postrema, videtur potius nostram confirmare, quam infirmare sententiam.

CAPVT VIII.

Charitatem esse virtutem creatam, non ipsum Spiritum sanctum.

QUONIAM charitatem à gratia gratum faciente, non distingui demonstramus, vt solidius conhrmetur, gratiam gratum facientem esse qualitatem, quod probatum à nobis est cap. 4. operæ pretium esse duximus, hoc loco refellere sententiā eorum, qui docent, charitatem, qua diligimus Deum, non esse habitum creatum, sed ipsam personam Spiritus sancti; quam sententiam supra diximus, Petro Lombardo tribui solere.

Est autem obseruandum, non fuisse Lombardum tam rudem & hebetem, vt existimaret, actionem diligendi, quam nos producimus, quæque charitas actualis à Theologis nominatur, esse Spiritum sanctū, sed quod docuit Lombardus, id fuit, causam siue principium proximum dilectionis Dei, esse in nobis Spiritum sanctum, nō autem habitum aliquem creatum, quales sunt habitus fidei, spei, cæterarumque virtutum; itaque hoc interesse voluit inter charitatem & alias virtutes, quod in istis, præter actionem, habitus etiam creatus reperiatur: in illa nullus sit habitus creatus, sed ipse Spiritus sanctus immediate nos moueat ad actionē diligendi. Quam sententiam omnes Theologi refellunt in commentariis suis ad distinct. 17. li. 1. Sentent. atque imprimis S. Thomas acriter eam oppugnat in Secunda Secundæ, quæst. 23. art. 2. & in quæstionibus disputatis, quæstione de charitate, art. 1. vbi diluit obiectiones 24. quæ pro sententia Petri Lombardi fieri potuissent.

Probat igitur charitatem esse qualitatem creatam, PRIMVM ex testimonio illo beati Pauli ad Rom. 5. *Charitas Dei diffusa est in cordibus nostris, per Spiritum sanctum, qui datus est nobis.* In cuius loci explicatione,

A SECVNDVM est, ambiguum videri posse, loquatur ne Apostolus de charitate, qua nos diligit Deus, an de illa, qua nos diligimus Deum, nam commentarius, qui inscribitur Ambrosio, explicat hunc locum de charitate Dei erga nos. Contra autem August. li. de Spiritu & littera, c. 31. & Bernardus in epist. 107. Anselmus & alij nonnulli, in hunc locum, docent, Apostolum loqui de charitate, qua nos diligimus Deum. Plenus commentarius, de vtrique, explicat verba beati Pauli, ita enim exponunt in commentario huius loci Origenes, Chrysost. Theodoret. Sedulius, Oecumenius, Thomas, & alij.

Sed tamen proprie loqui Paulū de charitate, quæ est in nobis per modum habitus, Probat igitur hoc modo; non loquitur Apostolus de dilectione actuali, sed de re aliqua permanente. Actualis enim dilectio non diffunditur à Deo in cor nostrum, sed effunditur à corde nostro in Deum, iuxta illud: *Finis præcepti charitas de corde puro*, 1. ad Tim. 1. in quo loco de actu, non de habitu agitur, actus enim est finis præcepti, non habitus; itaque charitas actualis exit de corde puro, & ad Deum tendit: Apostolus autem ad Rom. 5. loquitur de charitate, quæ in cor nostrum à Deo immittitur, & in eo permanet. Rem autem istam permanentem non esse Spiritum sanctum, sed donū eius, probatur ex voce illa, *diffusa est*, non enim conuenit proprie Spiritui sancto diffundi, nisi ratione donorum suorum, quare Actor. 2. beatus Petrus dicit: *Dextera igitur Dei exaltatus, effudit hoc donum, quod vobis videtur & auditis*; vbi donum creatum dicitur effusum.

C Idem etiam probatur ex illis verbis: *Per Spiritum sanctum, qui datus est nobis.* Hic enim distinguitur Spiritus sanctus à charitate in nobis effusa, vt causa ab effectu, quemadmodum si quis diceret: Effusa est lux in hac domo per lampadem, quæ accensa est nobis. Vel: Effusus est odor per balsamum, quo vincti sumus; neque enim vllus diceret lucem & lampadem idem esse, neque odorem & balsamum, sed vnum alterius causam esse.

SECVNDO, probatur ex testimoniis Patrum, S. AVGVSTINVS, de cuius sententia tota fere quæstio est, lib. de Spiritu & littera, c. 32. *Charitas, inquit, Dei dicta est diffundi in cordibus nostris, non quia nos ipse diligit, sed quia nos facit dilectores suos: sicut iustitia Dei, qua iusti eius munere efficiuntur, & Domini salus, qua nos saluos fecit, & fides CHRISTI, qua nos fideles facit.* Hoc loco D VONVS modis docet S. August. charitatē diffusam in cordibus, non esse Spiritum sanctum, sed virtutem creatam. PRIMO, quia similem esse dicit iustitiæ, saluti & fidei. SECVNDO, quia dicit non esse istam charitatem, qua nos Deus diligit, sed qua nos facit dilectores suos. Spiritus autem sanctus, ex sententia Petri Lombardi, est charitas, qua Deus nos diligit, & qua nos diligimus Deum.

D Idem August. in lib. de moribus Ecclesiæ Catholice, cap. 20. scribit, charitatem esse virtutem animi nostri; quod certe non conuenit Spiritui sancto. Idem in lib. de natura & gratia, cap. 70. dicit, charitatem esse iustitiam, qua iusti sumus, & in Psal. 118. concione 26. dicit, iustitiam, qua iusti sumus, esse virtutem animi, quam Deus in nobis efficit, & in epist. 85. ad Conuentum, & lib. 15. de Trinit. c. 8. dicit, iustitiam, qua iusti sumus, esse formam, qua formosi ex deformibus efficiuntur: at certe non recte de persona Spiritus sancti diceretur, quod sit virtus animi à Deo effecta, vel forma, qua formosi ex deformibus efficiuntur.

DENIQUE lib. 15. de Trinit. cap. 18. aperte distinguit charitatem, quæ est in nobis, à persona Spiritus

tus sancti: *Dilectio*, inquit, *quæ ex Deo est, & Deus est, proprie Spiritus sanctus est, per quem diffunditur in cordibus nostris Dei charitas, per quam nos tota inhabitat Trinitas.* Vbi non dixit dilectionem, quæ proprie Spiritus sanctus est, in nobis diffundi, sed per illam diffundi in nobis charitatem Dei, qua videlicet Deum diligimus.

S. Ioannes Chrysostomus hom. 32. in priorem ad Corinthios, de charitate copiose disputat, ac semper eam virtutem appellat, & ut de vera virtute loquitur S. Cyrillus lib. 9. in Ioannem, cap. 24. distinguit charitatem, quæ est in nobis, ab ea, quæ est in Deo, & eam quidem, quæ est in Deo, Deum esse docet, nostram autem non Deum, sed virtutem quandam, quæ sit quasi forma & imago illius, quæ est in Deo. Denique S. Bernardus in epist. 11. ad Carthusienses, & in lib. de diligendo Deo, ultra medium: *Recte, inquit, dicitur charitas & Deus, & Dei donum: charitas enim dat charitatem, substantiva, accidentalem: vbi dantem significat, nomen est substantiæ, vbi donum, qualitatis.*

Probatur Ultimo rationibus. PRIMA ratio quæ est S. Thomæ in 2. 2. q. 22. art. 2. si nullus est habitus charitatis, vel Spiritus sanctus efficit in animis nostris dilectionem, concurrente & cooperante libera voluntate, vel ea non concurrente, neque cooperante: si primum detur, sequitur actionem diligendi in nobis non esse perfectam, facilem, promptam, suavem; si detur secundum, sequitur eandem actionem non esse voluntariam & liberam, ac per hoc nec meritoriam: utrumque autem est & contra rationem dilectionis, & contra id, quod unusquisque in se experitur. Nihil enim magis voluntarium esse potest, nihil promptius, facilius, suavius charitate, neque solum secundum Scripturas actio diligendi meritoria est, sed principium & radix omnis meriti. Nam *coronam vitam repromisit Deus diligentibus se, Iacobi 1.*

Sequi autem ex opinione illa Magistri, actionem diligendi non esse voluntariam & liberam, aut certe non promptam & suavem, perspicuum est. Nam si Spiritus sanctus dilectionem in nobis efficiat, non cooperante libera voluntate, sine dubio dilectio illa voluntaria esse non poterit; si vero cooperante libera voluntate, sed absque habitu prius infuso, dilectio perfecta & prompta non erit, neque enim potentia perfectam actionem facere potest, nisi ipsa perfecta per habitum, neque potest prompte & suaviter operari, nisi ex forma, quam in se habeat, inclinetur ad operationem. Quare si voluntas humanam nullam habet formam, nullumque habitum, per quem inclinetur ad amorem Dei supernaturalem, sed solum extrinsecum auxiliū Spiritus sancti, sine dubio perfecte & prompte Deum non diligit.

SECUNDA ratio, per charitatē efficitur filij Dei, ut supra probauimus ex epistola 1. S. Ioannis c. 3. & aliis multis locis, proinde per charitatē adipiscimur esse diuinum, iuxta illud Psal. 81. *Ego dixi, Dii estis, & filij excelsi omnes.* Non enim est filius Dei, nisi Deus, sicut nec filius hominis, nisi homo: ergo Spiritus sanctus, si charitas est, homines, quos inhabitat, facit esse Deos, ac per hoc eis communicat personam, vel naturam suam: non autem communicat personam, id enim singulare privilegiū est humanitatis Christi, ut in persona diuina sustēteretur. communicat igitur naturam, iuxta illud B. Petri in epist. 2. c. 1. *Et diuina efficiamur consortes nature.* Porro Dei natura communicari non potest, nisi per accidentariam aliquam sui participationem, id est, per formam aliquam creatam; charitas igitur est forma creata, per quam nos Spiritus sanctus inhabitat.

Rob. Bellarm. Card. Tom. 4.

A TERTIA ratio, Spiritus sanctus non solum adultos, sed etiam infantes baptizatos inhabitat, ut S. Augustinus docet in epistola 57. ad Dardanum: efficit igitur in illis charitatem, at non actualem, igitur habitualem.

CAPVT IX.

Soluuntur obiectiones.

A RGUMENTA LOMBARDI partim ex Scripturis, partim ex Augustino petuntur.

B PRIMA obiectio est, Deus in Scripturis absolute charitas nominatur, 1. Ioannis 4. *Deus charitas est, & qui manet in charitate, in Deo manet, & Deus in eo.* Est igitur vere & proprie charitas, nam ut S. Augustinus monet lib. 15. de Trinit. cap. 17. non dictum est, Deus charitas mea, sicut Psal. 38. *Tu es, Domine, spes mea.* Et Psal. 70. *Tu es patientia mea*, sed simpliciter, *Deus charitas est.*

Respondeo, non negamus, Deum absolute, vere & proprie dici posse charitatem, sed qua nos ipse diligit, non qua nos eum diligimus, quemadmodum etiam Deus sapiētia & iustitia recte dicitur, qua ipse sapiens & iustus est, non qua nos sapientes & iusti sumus.

C At cōtra, est obiectio SECUNDA, non solum Ioannes Deum charitatem esse dixit, sed addidit: *Et qui manet in charitate, in Deo manet, & Deus in eo*, vbi loquitur tã de charitate, qua diligimus, quàm de illa, qua diligimur; id enim est manere in charitate, diligere Deum, & diligi à Deo, & hanc ipsam charitatem dicit Ioan. esse Deum, cum ait: *Qui manet in charitate, in Deo manet, & Deus in eo.*

D Respondeo, sanctus Ioannes rectissime dicit, eum qui diligit, & diligitur, in deo manere & Deum in eo, non quod charitas qua diligimus, sit Deus, sicut illa, qua diligimur, sed quia inseparabiles sunt, & vbi est vna, ibi est etiam altera, vna enim alteram trahit: nam quemadmodū S. Augustinus dicit li. 12. Confessionum, c. 15. iustitiam Dei esse lumen illuminans, iustitiam nostram lumen illuminatum, sic etiam dicere possumus, charitatem Dei esse ignem accēdentem, nostram vero ignem accensum, & sicut per inseparabilitatē luminis producti à Sole, & Solis productis, dicere solemus, eum qui est in lumine à Sole producto, esse in Sole, & Solem in eo, ita quoque propter inseparabilitatem charitatis creatæ, & charitatis increatæ, quæ est Deus, recte dicimus, eū qui manet in charitate, in Deo manere, & Deum in eo, cum charitas sine deo esse non possit.

E Esse autem veram hanc explicationē, colligi potest ex Duobus. PRIMO, quia in eodem loco idē Ioannes ait: *Qui confessus fueris quoniam IESVS est filius Dei, in Deo manet, & Deus in eo;* Nec tamen dicere auderemus confessionem fidei esse Deum, sed solum, sine deo esse non posse, iuxta illud primæ ad Cor. 12. *Nemo potest dicere Dominus IESVS, nisi in Spiritu sancto.* SECUNDO, quia sicut Ioannes scripsit: *Deus charitas est*, sic etiam scripsit: *Charitas ex Deo est.* Charitas enim quæ est in deo, deus est, charitas quæ est in nobis, non Deus, sed dei donum est.

TERTIA obiectio, S. Augustinus libro de moribus Ecclesiæ, ca. 11. affirmat, nihil esse melius charitate; id autem, quo nihil est melius, solus deus est, charitas igitur deus est.

Responsio est, cum S. Augustinus docet, nihil esse melius charitate, non loquitur absolute, sed per comparisonem ad alia dona, quæ in hac vita percipimus à deo, ut ipse idem clarius explicat lib. 15.

P

de Trinitate cap. 18. Et tamen vere & absolute etiam dici potest, nihil esse melius charitate, cum charitas quædam, videlicet increata, Deus sit.

QUARTA obiectio, S. Augustinus lib. 8. de Trinit. ca. 7. ita ratiocinatur: Qui proximum diligit, consequens est, ut ipsam præcipue dilectionem diligit, Deus autem dilectio est, consequens est ergo ut præcipue DEVM diligit. Et cap. 8. Nemo dicat, non novi quid diligam. Diligat fratrem, & diliget eandem dilectionem, magis enim novit dilectionem qua diligit, quam fratrem quem diligit, ecce iam potest notiore habere Deum, quam fratrem. Et infra: Ista contextio satis aperteque declarat eandem ipsam fraternam dilectionem non solum ex Deo, sed Deum esse, in his locis videtur sanctus Augustinus ita perspicue docere charitatem, qua nos diligimus Deum & proximum, vere esse Deum, ut nihil contradici queat, atque hoc est potissimum argumentum Lombardi.

Respondeo, certum est, hæc loca S. Augustini, quamvis alioqui satis obscura, non esse accipienda de charitate nostra habituali, sed de actuali, & ideo nihil omnino contra sententiam nostram, vel pro Lombardo facere: nemo enim vnquam sibi in animum induxit, charitatem actualem, quæ est liberi nostri arbitrii effectus, esse Deum.

Loqui autem Augustinum de charitate actuali, probamus, quia dicit, eum qui proximum diligit, magis nosse & diligere ipsam dilectionem, quam proximum, quod quidem verum est de charitate actuali, nõ de habituali; nam qui diligit, amat ipsum diligere, & cognoscit per experientiam certam se diligere, sicut cognoscit, se cogitare, videre, audire, & similia. Et sine dubio magis novit se diligere, quam fratrem ipsum quem diligit. Itaque de actuali dilectione verissima sunt, quæ S. Augustinus scribit; de habituali autem nequaquam essent vera, siquidem habitus charitatis adeo non est nobis notus, ut multi putent, quamvis falso, nullum esse eiusmodi habitum.

Porro dilectionem actualem S. August. Deum esse dixit, non quod sit Deus per essentiam, sed quod sit imago quædam, & participatio diuinæ bonitatis, quam qui cognoscit & diligit, cognoscit & diligit Deum, non in se, sed in sua imagine. Alioqui si de Deo in se loqueretur, nunquam diceret, nos videre, Deum, & notiozem nobis esse Deum, quam fratrem; neque enim dubitari potest, quin Deus in hac vita non videatur, ut est in se, ab iis omnibus, qui diligunt fratres.

Non absimilis est locus in lib. 12. Confessionum, cap. 25. vbi S. Augustinus dicit, non videre ipsam æternam & incommutabilem veritatem, quæ Deus est, cum aliquod verum cognoscimus: Si ambo, inquit, videmus esse verum quod dico, vbi, quaeso, id videmus? neque ego vique in te, neque tu in me, sed ambo in ipsa, quæ supra mentes nostras est, incommutabili veritate: cum ergo de ipsa Domini Dei nostri luce non contendamus, cur de proximi cogitatione, contendimus, quam sic videre non possumus, ut videtur incommutabilis veritas. Quo loco non vult sanctus Augustinus dicere, videri à nobis ipsam subsistentem veritatem, quæ Deus est, nisi quadam quasi imagine eius: omnis enim veritas Deum repræsentat, qui est veritas increata, incommutabilis, & subsistens; idem igitur & de charitate sentiendum est, non enim Deus magis est charitas, quam veritas. Si quis plura de hac re desiderat, videat sanctum Thomam in quæstionibus disputatis, quæstio 1. de charitate.

CAPVT X.

Soluntur dubitationes quædam circa partitionem gratiæ, in gratiam gratis datam, & gratum facientem.

AM VERO de partitione gratiæ in gratiam gratis datam, & gratum facientem, sunt etiam quædam dubitationes, sed breues ac faciles, eas breuissime percurramus.

PRIMUM igitur quæri solet à Theologis, sitne gratia gratis data habitus permanens, ac motio Dei transiens; nam in tertia partitione diuisimus gratiã gratum facientem, in gratiam habitualem, & in gratiam auxilij specialis; de gratia gratis data nihil diximus.

Respondeo, ex nouem donis gratis datis, quæ enumerantur ab Apostolo prima ad Cor. 12. quinque videri habitus permanentes. Sapientiam, scientiam, fidem, genera linguarum, & interpretationem sermonum, quatuor reliqua, motiones transcentes, gratiam sanctorum, operationem virtutum, prophetiam, & discretionem spirituum. Ratio horum omnium est: proprium est habituum, ut qui eos habent, pro arbitrio eis vtantur. Porro dubitari non potest, quin ij, qui habent donum scientiæ, sapientiæ, & similia, ijs vt possunt quando velint. contra vero certum est, donum prophetiæ nõ semper adfuisse Prophetis, sed tunc solum cum à Deo ad aliquod prænotandum illustrabantur, ut S. Gregorius docet hom. 1. in Ezechielem, & perspicuum est ex lib. 4. Ragum ca. 3. & 4. vbi Helisæus, egregius alioqui Propheta, per psalterem & Dei laudem spiritum Prophetæ in se excitabat, & aperte fassus est, se ignorasse mortem filij Sennacherib: Anima, inquit, eius in amaritudine est, & Dominus non indicauit mihi. Idem dicendum videtur de dono sanctorum & operatione virtutum. Ordinarie enim non sunt miracula, quando volunt homines, sed quando Deus eos ad ea facienda impellit, quod si aliqui donum sanitatis habere videantur per modum habitus, quales sunt Reges Francorum, qui curant morbum strumæ, quando volunt, tamen neque in iis donum illud est vere habitus, siquidem miracula non fiunt ex virtute aliqua creata, quæ in hominibus inhæreat, sed ex virtute Dei, quæ iis assistit, qui miracula faciunt.

SECUNDO quæri potest, an gratiæ gratis datæ seungi possint, vel à se inuicem, vel à gratia gratum faciente. Sed quæstio facilis est, nam certum est, hæc dona à se inuicem separari, dicente Apostolo prima ad Corinth. 12. Alij datur per spiritum sermo sapientiæ, alij sermo scientiæ, &c. Quamquam credibile sit, in Apostolis omnia dona fuisse. Rursus dubitari non potest, quin à gratia gratum faciente separari queant. Posse enim esse sine charitate donum linguarum, prophetiam, sapientiam, scientiam & fidem, idem Apostolus testatur prima ad Corinth. 13. constat autem charitatem, vel ipsam esse gratiam gratum facientem, vel eius comitem indiuiduam. Ad hæc, Matthæi 7. Dominus ait, multos dicturos in die iudicii: Nonne in nomine tuo prophetauimus, & virtutes multas fecimus? qui tamen audient, Nescio vos. Et, Discedite à me omnes operarij iniquitatis. Denique, & Balaam ariolus multa de Christo vere prophetauit, Numeri 22. & 23. & Caiphas, vir alioqui perditissimus, cum esset Pontifex anni illius, prophetauit, Ioannis 11. Negandum tamen non est, ut plurimum gratias gratis datas, cum gratia gratum faciente coniungi, quia ut S. Gregorius docet hom. 17. in Ezechielem, eiusmodi donis seruos suos Deus ornat exterius, ut appareat quid sint apud Deum interiorius.

TERCIO quæritur utrum sermo sapientiæ & sermo scientiæ sint idem, quod spiritus sapientiæ & spiritus scientiæ, de quibus agitur Isa. 11. Multi enim, quoniam existimant septem dona Spiritus sancti nunquam separari à gratia gratum faciente & charitate, contendunt longe diuersa esse, sermonem sapientiæ & scientiæ, & spiritum sapientiæ & scientiæ.

NOTIS autem probabile videtur, parum aut nihil interesse inter sermonem sapientiæ & scientiæ. Et Spiritum sapientiæ & scientiæ: ac per hoc dona Spiritus sancti, ut à nobis accipiuntur, à charitate, & à se inuicem separari posse. Nam S. Augustinus prolixè disputans de hoc loco beati Pauli primæ ad Cor. 12. in li. 12. de Trinit. c. 14. & 15. & li. 13. c. 19. & 20. & lib. 13. Confessionum, c. 8. docet, sapientiam, de qua Paulus loquitur, esse contemplationem rerum æternarum, scientiam autem cognitionem rerum agendarum, vel fugiendarum, quomodo etiam distinxit sapientiam & scientiam, de quibus loquitur Isaías c. 11. in lib. 1. de sermone Domini in monte.

Ex quo intelligimus, ex sententia S. Aug. eandem esse sapientiam & scientiam apud Isaïam, & apud Paulum, vel vno dono alterum contineri; non enim potest aliquis habere per Spiritum, sermonem sapientiæ: nisi habeat per Spiritum donum sapientiæ. Sermo enim sapientiæ apud Augustinum, loco citato, est sermo de iis rebus, quæ per sapientiā cognoscuntur: debet igitur per Spiritum donum habere sapientiæ, qui per eundem Spiritum sermonem habet sapientiæ; certum autem est, sermonem sapientiæ non esse in omnibus bonis fidelibus, nam alij datur per Spiritum sermo sapientiæ, alij sermo scientiæ. Vnde S. Augustinus lib. 14. de Trinitate, capite 1. *Quæ scientia, inquit, non possent fideles plurimi, licet possent ipsa fide plurimum?*

Igitur nec ipsa dona sapientiæ & scientiæ sunt in omnibus bonis fidelibus. Quod idem ex ipso beato Paulo colligi potest. Nam B. Paulus prima ad Cor. 13. cū ostendere vellet, gratias gratis datas, sine charitate nihil prodesse, ita loquutus est: *Si linguam hominum loquar, & Angelorum, charitatem autem non habuero, factus sum velut æsonans, aut cymbalum tinniens, & si habuero prophetiam, & nouerim mysteria omnia, & omnem scientiam, & si habuero omnem fidem, &c.* Vbi quod c. 12. vocauerat sermonem sapientiæ, explicat per illud: *Si nouerim mysteria omnia, & omnem scientiam, & si habuero omnem fidem, &c.* Et quod vocauerat sermonem scientiæ, simpliciter vocat omnem scientiam.

Quare per sermonem sapientiæ & scientiæ nō intelligebat Apostolus solum donum explicandi mysteria, vel dogmata, ut existimant, qui priorem opinionem sequuntur; sed ipsam cognitionem mysteriorum & dogmatum, quam qui habent, sapienter & sciēter sermonem proferre possunt: cognitio autem mysteriorum & dogmatum ad ipsum donum sapientiæ & scientiæ pertinet, & à charitate separari queunt, iuxta verbum Apostoli iam citatum: *Si nouerim mysteria omnia, &c.*

DEINDE S. Aug. lib. 1. de ser. Domini in monte, c. 9. docet, timorem illum, de quo scriptū est Prou. 1. & in Psal. 110. *Initium sapientiæ timor Domini*, esse vnum ex septem Spiritus sancti donis, timorem autem qui est initium sapientiæ, esse timorem seruilem qui charitati iam parat, & illa introeunte, exit, docent SS. Patres, ut Basilius in oratione de initio prouerbiorū, & alij: vult igitur S. August. dona Spiritus sancti sine charitate esse posse, S. etiam Gregorius lib. 1. Moral. cap. 51. disputans de septem donis: *Non enim, inquit, idem est sapere quod intelligere, nam multis æterna*

quidem sapiunt, sed intelligere nequaquam possunt. Vbi ostendit, non esse necessario connexa donum sapientiæ & donum intellectus.

Ad hæc, multi sunt fideles adeo rudes, ut nihil ferre capiant, nisi crasso modo, & exemplis corporali-
bus proponatur: Quos (ut loquitur S. Augustinus in lib. contra epistolam fundamenti, ca. 4. *non intelligendi viuacitas, sed credendi simplicitas tutissimos facit.* His autem tribuere donum scientiæ, ut intellectus, ridiculum plane videtur, quos tamen charitate & gratia gratum faciente destitutos esse dicere nō possumus.

Postremo, quorsum in Ecclesia necessarij essent Doctores, si omnes dono sapientiæ, scientiæ & intellectus præditi essent? neque enim probabile est, dona ista nihil esse aliud, nisi qualitates diuinitus infusas, quibus mens humana facile duci se sinat à Spiritu sancto: siquidem Scripturæ & sancti Patres, per sapientiam, scientiam & intellectum, passim intelligunt cognitionem mysteriorum, aliarumque rerum, quam certum est, non in omnibus esse, in quibus est charitas.

Atque hæc dicta sint de Spiritu siue dono sapientiæ & scientiæ, ut significant notitiam mysteriorum, quomodo accipere videntur sancti Patres, Aug. & Greg. Nam si accipiantur pro quibusdam habitibus diuinitus infusis, quibus mens humana recte disponitur, ut à Spiritu sancto ducatur & moveatur, ut eiusmodi dona accipit S. Tho. in 1. 2. quæst. 68. tunc dicendum erit, hæc dona (ut S. Thomas recte docet) inseparabilia esse, tum inter se, tum à charitate: & aliud esse sermonem sapientiæ & scientiæ; aliud Spiritum sapientiæ & scientiæ. Sed de his nimis multa pro instituto.

QUARTO quæritur, num gratiæ gratis datæ sint tantum nouem, ut colligi videtur ex ca. 12. prioris ad Cor.

Respondeo, esse multo plures, neque enim Apostolus eo loco omnes enumerauit, sed tantum aliquas exempli loco posuit. Id patet ex cap. 12. epist. ad Rom. vbi loquens idem Apostolus de eadem re, adiungit ad prophetiam gratiam docendi & exhortandi, item gratiam gubernandi, gratiam ministrandi, gratiam dispensandi, quorum donorum meminit idem Apost. 1. ad Corinth. 12. vbi ait: *Nunquid omnes Apostoli? nunquid omnes Prophetæ? nunquid omnes virtutes? &c.* Itaque multa sunt & varia Spiritus sancti dona, quæ ad aliorum utilitatem fidelibus conceduntur, neque opus est curiose certum numerum quærere, cum is nunquam præcise in sacris litteris indicetur.

QUINTO quæritur, utrum potestas conferendi Sacramenta sit gratia gratis data?

Sed facilis est responsio, nam et si potestas illa sit aliquo modo gratia gratis data, tamen proprie non est ex genere eorum donorum, quæ à Theologis dicuntur gratiæ gratis datæ. Siquidem gratiæ gratis datæ cum exercentur, auctorem suum Spiritum sanctum, exterius manifestant, iuxta illud primæ ad Corinth. 12. *Unicuique datur manifestatio Spiritus ad utilitatem.* Quicumque enim audit aliquem loquentem variis linguis, aut miracula facientem, aut prophetantem, aut efficaciter persuadentem, facile iudicat auctorem illius doni, esse Spiritum sanctum: at potestas Sacramenta conferendi occulta est, & potius eget fide, ut credatur inesse, quam ipsa fidem alijs rebus faciat.

Deinde gratia gratis data non tribuitur unicuique eam volenti, sed distribuitur à Deo, prout ipse voluerit, ut Apostolus docet 1. ad Cor. 12. Potestas

autem Sacramenta conferendi datur omnibus, qui Sacramentum Ordinis suscipere volunt. DENIQUE potestas conferendi Sacramenta datur per homines: gratia gratis data immediate à sancto Spiritu conferuntur.

SEXTO quæritur, utrum gratia gratis data sint nobiliores, quàm gratia gratum faciens?

Sed respondet Apost. 1. ad Cor. 12. charitatem, quæ est gratia gratum faciens, omnibus aliis donis præstare. De hac enim ait: adhuc excellentiorem viam vobis demonstro. Quod idem testantur SS. Patres, Aug. lib. 15. de Trinit. c. 18. & Gregorius hom. 17. in Ezechielem: Accedit etiam ratio, quia gratia gratum faciens, immediate hominem cum deo coniungit, & amicum ac filium Dei facit, gratia vero gratis data, veluti quædam instrumenta sunt, quibus unus homo alios præparat, ac disponit, ut gratiam gratum facientem aliquando recipiant, & per eam in amicitiam Dei, & adoptionem filiorum recipiantur.

CAPVT XI.

Concedendam esse partitionem auxilij specialis, in sufficiens & efficax.

DE QUINTA partitione, quæ est gratia, tum excitantis, tum adiuuantis, in gratiam sufficentem, & efficacem, DVÆ sunt quæstiones.

Prior est, an hæc partitio admittenda sit; Posterior, unde sumatur efficacia gratia, siue quid proprie sit gratia efficax.

Quod ad priorem quæstionem attinet, eam partitionem hæretici nostri temporis omnino repudiare coguntur, cum apud eos, qui à Deo mouentur, necessario bene agant; qui non mouentur, non possint bene agere; ac per hoc omnis dei motio sit efficax, nulla sufficiens. Calvinus lib. 2. Instit. c. 3. §. 10. *Voluntatem*, inquit, *mouet gratia, qualiter nullus seculi iraditum est, & creditum, ut nostræ postea sit electionis, motioni aut obtemperare, aut refragari, sed illam efficaciter efficiendo.* Nec aliam agnoscit gratiam, ut ex ea sectione, & sequentibus perspicui potest.

Eandem partitionem sine dubio Pelagiani quoque repudiabant, quippe qui existimabant; ipsum liberum arbitrium esse sufficiens auxilium perueniendi ad salutem, neque aliam agnoscebant potentior gratiam, ut ex Augustino intelligi potest, lib. 1. contra duas epistolas Pelagianorum, c. ult. Ad utramque hæresim refutandam necessariam esse arbitramur hanc partitionem, quam etiam breuiter confirmabimus.

PRIMUM igitur auxilium Dei vere sufficiens adfuisse nonnullis, qui tamen re ipsa conuersi non sunt, ac per hoc auxilium illud efficax non fuisse, manifestum colligitur ex sacris litteris. Itaque quinto sic loquitur Dominus. *Habitatores Hierusalem, & viri Iuda, indicare inter me & vineam meam, quid est quod vltra debui facere vineam meam, & non feci ei? An quod expectaui ut faceret vinas, & fecit labruscas.* Hi, quos Dominus reprehendit, sine dubio non habuerunt gratiam illam efficacem, quæ à nullo duro corde respuitur, nam si habuissent, fructum bonum vique fecissent.

Si vero sufficentem gratiam, per quæ vere & proprie conuerti possent, non habuissent, non vere diceret Dominus: *Quid vltra debui facere vineam meam, & non feci?* Responderetur enim, posteaquam vineam plantasti, & ex ea fructum ferre cupiebas, debuisti ea omnia circa illam adhibere, quæ necessaria erant, ut ea fructum facere posset, quomodo autem omnia necessaria adhibuisti, si defuit illi sufficiens cultura, nec habuit vere quæ requirebantur ad fructum faciendum?

A Deinde quorsum diceret Dominus: *Expectaui ut faceret vinas, si non dedisset ei facultatem germinandi, & omnia necessaria ad proferendas vinas?* Oportet igitur ut fateamur, habuisse illos homines auxilium Dei plane sufficiens ad conuersionem, & ad vitam Deo gratam instituendam.

Similis locus habetur Matt. 23. *Hierusalem, Hierusalem, qua occidis Prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluisti?* De quibus queritur Dominus, non habuerit gratia efficacem, si enim habuissent, voluissent sine dubio sub alas Domini congregari. Nec tamē caruerunt gratia necessaria & sufficiens, qua posse vellent quod Deus volebat, alioquin non diceret Christus, *Volui congregare filios tuos, & nolui.* Quomodo enim voluit, & ita voluit ut queratur de nolentibus, si eos, quos sciebat per se non posse velle, non iuuuit ut possent velle?

Illud etiā quod legimus Acto. 7. *Vos semper Spiritui sancto resististis*, satis aperte significat quibusdā inspirari bona desideria, & ita inspirari, ut conuerti possint: & tamen eos nolle conuerti; nam si non inspirabantur Iudeis illis bona desideria, quomodo resistebant Spiritui sancto? si non poterant resistere, cur à sancto Stephano tam acriter arguuntur?

Apostolus quoque Paulus idem ostendit; cum ait ad Rom. 2. *An diuinas bonitatis eius & patientia, & longanimitatis contemnis? ignoras, quia benignitas Dei ad penitentiam te adducit?* Cur enim, quæso, Deus ad penitentiam expectaret, quibus non dedisset sufficiens auxilium ad conuersionem? ignorat fortasse, neminem posse conuerti: & penitentiam agere, nisi cui vires ipse præbuerit?

DENIQUE, ut alia multa similia loca præteream, Apoc. 3. Dominus ait: *Ego sto ad ostium & pulso, si quis aperuerit mihi, intrabo ad eum.* Vel igitur ij, ad quorum cor Dominus pulsatur, habet sufficiens auxilium aperiendi, vel non habent; si habent, est quod volumus: si non habet, cur, obsecro, Dominus pulsatur? an ignorat eos aperire non posse? an stultus non esset, qui ostium vicini pulsaret, si certo sciret, neminem intus esse, qui aperire posset? Habemus igitur ex diuinis litteris, dari quibusdā sufficiens auxilium, quibus non datur efficax.

Possimus autem ex iisdem sacris litteris demonstrare quibusdā concedi efficacem auxiliū, per quod infallibiliter conuertantur: nā Ioan. 6. Dominus ait: *Omnes qui audiunt à Patre & discunt, venit ad me.* Quod si omnis qui audit & discit à Patre, venit ad Christum, nullus est qui audiat & discat, qui non veniat; est igitur quædā vox Patris in corde loquens, quæ infallibiliter persuadet. Istam vocem, efficacem gratia nominamus. Idē probat illa verba Domini Ioan. 10. de ouibus suis: *Es non rapies eas quisquā de manu mea, ideo enim non rapiet eas quisquā de manu eius, quia dabit illis gratiam efficacem, per quam infallibiliter conuertantur, & in finem vique perseuerent.*

Eodem pertinet illud Apostoli ad Ro. 8. *Quos vocauit, hos & iustificauit.* Loquitur enim de vocatis secundum propositum, nam paulo ante dixerat, *Omnia cooperantur in bonum his, qui secundum propositum vocati sunt sancti.* Et mox: *Nam quos præscitis, hos & prædestinatis, quos prædestinatis, hos & vocatis, quos vocatis, hos & iustificatis.* Itaque licet multi sint vocati, qui non respondent, nec iustificantur, tamen qui vocantur secundum propositum, omnes respondent & iustificantur. Et ideo de his absolute pronūciat Spiritus sanctus. *Quos vocauit, hos & iustificauit:* ista vocatio secundum propositum, quam nullus vocatus contemnit, gratia est efficax.

Hinc

Hinc etiam Ezech. 36. Dominus dicit: *Spiritus meus ponam in medio vestri, & faciam, ut in præceptis meis ambuletis*; Vbi quia de gratia efficaci sermo est, non dicit Dominus, faciam ut in præceptis meis ambulare possitis. Sed *faciam ut ambuletis*. Dicente autem Domino: *Faciam ut ambuletis*, quis contra suspicari audebit, forte futurum esse, ut non ambulent, aut quod est idem, ambulare nolint in præceptis, quos Deus ambulaturos esse confirmat.

Iam vero eandem partitionem, quam ex Scripturis breuiter probauimus S. Augustini testimoniis comprobemus, ac primum sufficientem gratiam, sed non efficacem habemus in li. 82. Questionū. q. 68. in illis verbis: *Ad illam cenam, quam Dominus in Euangelio preparatam, nec omnes qui vocati sunt, venire voluerunt, neque illi qui venerunt, venire possent, nisi vocarentur. Itaque nec illi debent sibi tribuere, qui venerunt, quia vocati venerunt, nec illi qui noluerunt venire, debent alteri tribuere, sed tantum sibi, quoniam ut venirent vocati, erat in eorum libera voluntate: propterea etsi quisquam tribuit, quod vocatus venit, non potest sibi tribuere, quod vocatus est. Qui autem vocatus non venit, sicut non habuit meritum præmij ut vocaretur, sic inchoat meritum supplicij, cum vocatus venire neglexerit. Et idem asserit Pharaonem, antequam induraretur, fuisse vocatum, & potuisse venire; sed quia noluit, meruisse obdurationem. Ex hoc testimonio habemus Duo, Vnum est, non omnem vocationē esse efficacem, quia multi vocati nō veniunt; Alterum, omnes Vocatos habere sufficiens auxilium ad veniendum; nam ideo iuste puniri eos dicit Augustinus, qui vocati venire negligunt, quia venire poterāt, cum esset hoc in eorum libera voluntate, ut venirent aut non venirent, posteaquam per vocationem diuinā veniendi vires acceperant. Nam quod vocatio, interna videlicet, sit gratia quædam & vires præbeat voluntati, idem Augustinus clarius docet li. 1. ad Simplicianum, q. 2. cum sic ait: *Noluit Esau & non cucurrit, sed & si voluisset & cucurrisset, Dei adiutorio peruenisset, qui etiam velle & currere vocando præstaret, nisi vocatione contempta reprobus fieret. Aliiter enim Deus præstat ut velimus, aliter præstat quod voluerimus: ut velimus enim & suum esse voluit, & nostrum, suum vocando, nostrum sequendo: quod autem voluerimus solus præstat, id est, posse bene agere & semper beatè vivere.**

Hic audiuius, Deū vocando præstare ut velimus & curramus, & nostrum, VELLE, esse Dei & nostrū, Dei vocando, NOSTRUM sequendo; hic etiam videmus ex Augustini sententia, Esau potuisse velle & currere, & tamen non voluisse & non cucurrisse, ac per hoc habuisse gratiam sufficientem, sed non efficacem: idem aperte docet in lib. de correptione & gratia, c. 7. ubi docet, omnes iustificatos posse perseverare si volunt; quod etiam definitur in Concilio Arausicano, can. 15. & Tridentino sess. 4. cap. 13. Ex quo sequitur, omnes iustificatos habere auxilium sufficiens ad perseverandum; quia vero re ipsa non omnes perseverant, sequitur non omnes habere auxilium efficacem.

Habemus igitur in Augustino gratiā sufficientem, ostendamus etiam gratiam efficacem, lib. de gratia & libero arbitrio, ca. 5. *Ut Paulus de celo vocaretur, & tam magna & efficacissima vocatione conuerteretur, gratia Dei erat sola, quia eius merita erant magna, sed mala. Libro de prædestinatione Sanctorum, capite 12. Hæc, inquit, gratia à nullo diuo corde respuitur, ideo quippe tribuitur, ut cordis duritia primitus auferatur. Et lib. de correptione & gratia, c. 12. dicit, electis non solum dari ut perseverare possint, si velint: sed etiam dari, ut velint, & certissime perseverent.*

Accedat VLTIMO etiam ratio, qua proposita partitione confirmetur, nam si non decur gratia aliqua vere sufficiens, TRIA sequuntur incommoda: PRIMVM, quod primus homo non sua culpa decidisset, nā non habuit primus homo gratiam efficacem ad perseverandum, non enim perleverant; vel igitur habuit sufficientem gratiam, qua stare posset, vel nō habuit; si habuit, est quod nos dicimus; si nō habuit, certe nō sua culpa cecidit, ut S. Aug. recte colligit lib. de correptione & gratia, c. 9. non enim culpæ adscribi potest, quod nullo modo vitari potuit.

ALTERVM, quod videbitur Deus amicos suos deserere, antequam deferatur ab eis, nam cū iustus aliquis peccat, certe non habuit gratiam efficacē ad resistendum peccato: si enim habuisset, utique nō peccasset, quod si ne sufficientem quidē habuit qua posset resistere, quomodo nō fuit à Deo desertus, antequam ipse Deum desereret? absurdum autem esse amicos Dei destitui necessario adiutorio, antequam ipsi Deum cadendo deserant, testatur August. lib. de natura & gratia, & c. 16. & tract. 2. in Ioā. & Prosper in resp. 7. ad obiectiones Vincentianas, & ante eos Chrysost. hom. 80. in Ioan. & post eos Concilium Tridentinum sess. 6. c. 11. & c. 13.

Sed solent aliqui respondere, Deū non dici deserere, quando non dat auxilium bene vivendi, sed quando ab amicitia alicuius auertitur, & hoc modo non deserere, nisi prius deferatur; licet pro arbitrio suo auxilium illud præbeat, aut deneget.

At Concilium Trid. (ut alia interim omittamus) apertissime docet, Deū nō deserere, quia nō denegat auxilium; dicit enim eos qui pie, iuste & sobrie vivunt, in bono posse proficere, quia Deus nō deserit, nisi desertus, sess. 6. c. 11. & rursus debere omnes iustos firmissimam spem in Dei auxilio collocare, quia nisi ipsi eius gratiæ desint, Deus ipsis non deerit; ac si nullum esset auxilium nisi efficax, non possemus hāc spem in Deo collocare, cum quotidie videamus tale auxilium multis iustis deesse antequam ipsi Deum deserant, alioqui nunquam peccarent.

TERTIVM incommodum est, quod nemo poterit vere dicere, se non fecisse tantum boni, quātum potuit; neque vllus se merito reprehenderet, quod gratiæ Dei non sit cooperatus, quantum potuit & debuit; nam si nulla sit gratia efficax, nulla erit gratia, cui vlla ex parte vnquā resistatur, ac per hoc vnusquisque nihil vnquam minus ager, quā id sit, ad quod eum gratia diuina mouet. At certe sancti omnes ipsi negligentia & ignavia se accusare solent, ac non se cooperatos esse gratiæ, ut par erat, cum gemitu contententur.

Iam vero, præter sufficientem gratiam, dari etiam gratiam efficacem, vel vnico illo argumento confirmari potest, quia sublata gratia efficaci, tollitur fundamentum diuinæ prædestinationis: *Prædestinatio enim*. S. Augustinus lib. de prædestinat. Sanctorum, cap. 10. *est gratiæ preparatio: gratia vero ipsa donatio. At preparatio gratiæ sufficientis cōmunis est etiam reprobis: Deinde prædestinatio non est sola præparatio, sed præcipientia & præparatio beneficiorum Dei, quibus certissime liberantur, quicunque liberantur, ut idem Augustinus docet libro de bono perseverantia, cap. 14. nonit igitur Deus quædam esse beneficia, quibus aliquis infallibiliter liberabitur, & ea præparat, si is ad numerum pertinet electorum, illa autem est gratia efficax, per quam aliquis infallibiliter liberatur. Si qua sunt argumenta quæ contra hanc partitionem obijci possint, ea facilius in sequenti disputatione soluentur.*

CAPVT XII.

In quare sita sit gratia efficacia.

SEQVITVR Altera quæstio, vnde sumatur efficacia gratiæ, de qua re tres opiniones inuenio, duas extremas & vnā mediam.

PRIMA opinio eorum est, qui gratiā efficacē constituit in assensu & cooperatione humana, ita vt ab euentu dicatur gratia efficax, quia videlicet sortitur effectum, & ideo sortitur effectum, quia volūtas humana cooperatur. Itaque existimant hi auctores, in potestate hominis esse, vt gratiam faciat esse efficacem, quæ alioquin ex se non esset nisi sufficiens.

Hæc opinio aliena est omnino à sententia B. Aug. & quantum ego existimo à sententia etiam Scripturarum diuinarum; nam S. Aug. lib. de prædestinatione Sactorum, c. 8. dicit gratiam, efficacem videlicet, à nullo duro corde respui, quia ipsa cor emollit; vbi vides, efficaciam tribui gratiæ, non voluntati humane. Et li. de spiritu & littera, c. 34. quæres, cur Deus vni ita suadeat, vt persuadeat, alteri non ita; non respondet, quia vnus consentit, alter non cōsentit, sed exclamat: *O altitudo diuitiarū.* Itaque refert in arcānū diuinæ voluntatis, cur vni detur gratia efficax, alteri non detur. Et in epist. 107. ad Vitalem, reprehendit eos, qui dicunt omnes homines fuisse accepturos gratiam Dei, si non illi, quibus non datur, eam sua voluntate respuerent. Vbi sine dubio loquitur de gratia efficaci, nam gratiam sufficientem probabimus paulo infra ex sententia S. Aug. omnibus hominibus dari; non igitur vult S. Aug. gratiā efficacem pendere ab humana voluntate, sed à diuina. Denique tam est hoc in operibus S. Augustini frequēs & obuium vt superuacaneum sit id pluribus confirmare.

Quod attinet ad Scripturas sacras, verba illa Domini Ioan. 6. *Omnis qui audit à Patre & dicit, venit ad me:* Satis perspicue docent, in quo sita sit efficacia gratiæ, illi enim infallibiliter veniunt ad fidem Christi, siue per fidem ad Christum, qui Patrem cælestem habent doctorem, ita vt infallibilitas effectus non habeat pro causa studium discipuli, sed excellentiam magistri, allegat enim ibidē Dominus prophetiam Isaiæ c. 54. *Est scriptum, inquit, in Prophetis, erunt omnes docibiles Dei.* Vel vt clarius habetur in textu Græco *didactoi tō theō*, docti à Deo, iuxta illud Psal. 93. *Beatus homo, quem tu erudieris Domine.* Vide Augustinum tractantem hunc locum libro de prædestinatione Sactorum, c. 8.

Alius locus est 1. Cor. 4. *Quis enim te discernit? quid habes quod accepisti, &c.* Nam si vera esset opinio istorum, fidelem ab infideli plane discerneret liberū arbitrium; nam duo sint, qui eundem concionatorem audiant, & eandem interius inspirationem habeant, & vnus credat, alter non credat, nonne dicere poterit is qui credidit, se discerni ab infideli per liberū arbitrium, quia ipse inspirationem acceperit, quam alter reiecit? nonne gloriari poterit contra infidelem, quod ipse Dei gratiæ cooperatus sit, quam ille contempsit? & tamen Apostolus hoc omnino prohibet, & ideo non solū posse credere, sed etiam ipsum credere, dicit esse donū dei, Philippen. primo & Deum in nobis operari non solum, vt possimus velle, sed etiam vt velimus, Ph. 2. p. 3.

DENIQUE hæc opinio euertit omnino fundamentum prædestinationis diuinæ, quā S. Augustinus ex diuinis litteris solidissime comprobauit; inde enim pendet certitudo, atque infallibilitas prædestinationis, quod electis Deus efficacem gratiam præparauit. Quos enim prædestinat, hos vocauit, Vocatione

A illa, vt Aug. monet in libro de correptione & gratia, c. 7. secundum propositum, de qua dictū est: *Omnia cooperantur in bonum his, qui secundum propositum vocati sunt sancti.* Quos autem vocauit secundum propositum, hos iustificauit iustificatione videlicet secundum propositum, quæ adiunctam habet perseverantiam vsque ad finem; quos vero ita iustificauit.

Quod si vocatio efficax non penderet à proposito Dei, sed ab humana voluntate, nullus locus prædestinationi relinqueretur, sed tantum præscientiæ, neque Apostolus dixisset, *vt secundum electionem propositum Dei maneret: Non ex operibus, sed ex vocante dictum est ei, quia maior seruiet minori, sicut scriptum est, Iacob dilexi, Esau odio habui, Rom. 9.* Omitto, quod esset abuti vocabulis, vocare gratiam efficacem, eamque à sufficiente distinguere, si nulla omnino in ipsa gratia distinctio esset, & totum discrimen ab humana voluntate penderet.

Est igitur ALIA sententia in alio externo aliorum, qui docent gratiā efficacem esse actionem Dei physicam, quæ determinat voluntatem ad volendum & eligendum bonum, quod illi fuerat per gratiam excitantem inspiratum; & quia nō potest fieri, vt Deus physice determinet voluntatem, quin ipsa voluntas determinetur, & velit id, ad quod determinatur, ideo fieri non potest vt gratia ista non habeat effectum infallibilem.

Hæc opinio videtur mihi aut esse omnino eadem cum errore Calu. & Lutheranorum, aut parum ab illo distare. Et quemadmodum opinio superior destruebat gratiam efficacem & simul prædestinationem; ita hæc opinio destruit gratiam sufficientem, & tollit à medio liberum arbitrium; nam ista determinatio voluntatis, quam gratia efficere dicitur, est necessaria ad hoc vt voluntas moueatur. Siquidem sine Dei cōcursu nihil omnino fieri potest, & ea sententia horum auctorum Dei cōcursus nihil est aliud, nisi determinatio, quam Deus efficit in voluntate. Quod si gratia ista necessaria est, non igitur sine ea potest fieri actio bona, ac per hoc, nulla remanet gratia verè sufficiens, quæ non sit etiam efficax; destruit igitur hæc opinio gratiam sufficientem.

D Quod autem tollat ex medio liberum arbitrium, ita probari potest. Nam, posita gratia determinante, non est in potestate liberi arbitrii agere vel non agere, neque est in eius potestate, vt ea gratia ponatur, vel non ponatur: igitur necessario & non libere voluntas agit; sed quia de hac re fusius disputauimus in 5. libro, hoc loco solum probare instituiam, nō esse hanc opinionem conformem doctrinæ S. Augustini. Nam qui eam opinionem sequuntur, ideo potissimum eam sequuntur, quod eam S. Augustini esse sibi persuaferint.

E Igitur QUATVOR argumentis demonstrari potest, S. Augustini mentem longe aliam fuisse, quàm istorum sit: & simul explicari, quæ sit vera sententia de efficacia gratiæ. PRIMVM argumentum sumitur ab iis testimoniis, in quibus S. Augustinus docet gratiam efficacem consistere in vocatione, siue persuasione & illustratione interna, ac proinde ad gratiam excitantem pertinere potius quàm adiuuantem, si per adiuuantem intelligamus physicam Dei cooperationem. Auctores enim opinionis, quæ refutare aggredimur, gratiam efficacem ponunt in illa physica Dei actione, quæ producit ipsum actum volendi.

Igitur sic loquitur S. Augustinus in lib. de spiritu & littera, c. 34. *Attendat, & videat, inquit, non ideo tantum istam voluntatem, diuino muneri tribuendam,*

quia

quia ex libero arbitrio est, quod nobis naturaliter creatum est. Verum etiam quod visorum suasionibus agit Deus, ut velimus, & ut credamus. Et ibidem: His modo quando Deus agit cum anima rationali ut ei credat, neque enim credere potest quolibet libero arbitrio, si nulla sit suasio, vel vocatio cui credat, profecto & ipsum velle credere Deus operatur in homine, & in omnibus misericordia eius praeuenit nos, consentire autem vocationi Dei, vel dissentire, propria voluntatis est, quae res non solum non infirmat quod dictum est, quid habes quod non accepisti, verum etiam confirmat. Accipere enim & habere anima non potest dona de quibus audis, nisi consentiendo, ac per hoc quid habeat & quid accipiat, Dei est: accipere autem & habere, utique accipientis & habentis est.

Hoc loco S. August. PRIMVM ostendit, ipsum velle bonum, esse donum Dei, non quomodo Pelagiani docebant, quia sit ex libero arbitrio, quod nobis à Deo donatum est, sed quia sit ex peculiari gratia Dei. Deinde explicat quidnam illa gratia sit, ac dicit esse suasionem, inspirationem, visorū immisionem, internam vocationē. Denique excludit opinionem illam quae docet, à Deo determinari voluntatem, ac dicit cōsentire vocationi & suasioni Dei, vel dissentire propriae voluntatis esse.

Rursus idem Augustinus lib. 1. ad Simplicianum, q. 2. Noli, inquit, Esau & non concurrat, sed esse voluisset & cucurrisset, Dei adiutorio peruenisset, qui ei etiam velle & currere vocando praeferat, nisi vocatione contempta reprobus fieret. Aliiter enim Deus praeferat ut velimus, aliter praeferat quod voluerimus. Ut velimus enim & sum esse voluit & nostrum, sum vocando, nostrum sequendo: quod autem voluerimus, solus praeferat, id est, posse bene agere & semper beatē vivere. Et sic videmus ipsum velle nostrum, fieri à Deo, non per physicam actionem determinantem voluntatem, sed per vocationem, quae est moralis inclinatio & impulsio, cui libere consentimus, vel dissentimus.

Idem habemus in li. 83. quæstionum, q. 68. vbi dicit Augustinus, ideo non debere sibi tribuere eos, qui ad cœnam magnam venerunt; quia vocati venerunt: vocatio enim gratia fuit, sine qua venire nō potuissent. Idem auctor in epist. 107. ante mediū: Si ergo, inquit, ita prepararetur atque operaretur Deus hominis voluntatem, ut tantummodo legem suam, atque doctrinam libero adhiberet eius arbitrio, nec vocatione illa alia atque secreta, sic eius ageret sensum, ut eidem legi atque doctrinae accommodaret assensum, proculdubio eam legere, vel intelligere legendo, vel etiam exponere ac predicare sufficeret, nec opus esset orare ut Deus ad fidem suam infidelium corda converteret.

Vides hic, gratiam Dei efficacem, quae infidelium corda conuertit, & voluntatem bonam, quae operatur in nobis, esse vocationē altam, atque secretam, quae sensum internum, id est mentem agit, atque illi persuadet, ut consensum doctrinae, quae sibi praedicatur, accommodet. Idem lib. de praedestinatione Sa.ctorum, cap. 8. explicans illud Ioan. 6. Omnis qui audit à patre, & didicit, venit ad me: Valde, inquit, remota est à sensibus carnis haec scibola, in qua pater auditur & docet, ut veniatur ad filium: ibi est & ipse filius, quia ipse est verbum eius, per quod sic docet, nec agit hoc cum carnis aures, sed cordis.

Hic vero non solum discimus ex Augustino, gratiam efficacem esse internam suasionem, quae adhibetur cordis auribus, sed etiam discimus ex Evangelio, CHRISTVS enim in Evangelio de Dei gratia, quae facit nos velle credere, loquitur, cum ait: Omnis qui audit à patre, & didicit, venit ad me. Idem Augustinus similia habet in libro de bono persecutorum, c. 14. quem locum citabimus in argumento quarto,

Idem auctor in lib. de gratia & libero arbitrio, ca. 5. Ut Paulus, inquit, de caelo vocaretur, & tam magna & efficacissima vocatione conuerteretur, gratia Dei erat sola, &c. Hic etiam videmus gratiam efficacem esse vocationem.

Quae autem illa fuerit vocatio, explicat idem Augustinus lib. 1. ad Simplicianum, q. 2. ad finem, vbi sic ait: Quid volebat Saulus nisi vinuaderet, & traheret, vinceret & necaret Christianos? quam rabida voluntas? quam furiosa? quam caeca? qui tamen una desuper voce prostratus, occurrente visque tali viso, quo mens illa & voluntas, refracta sanitate torqueretur & corrigeretur ad fidem. Illa igitur fuit vocatio efficax, immissio talis visi in mente Pauli, quo ille subito persuaderetur & velle credere.

Denique idem auctor tractatu 16. in Ioannem, explicans quomodo pater trahat homines ad Christum: Ramum, inquit, viridem ostendis omni, & trahis illam, nunc pueri demonstrantur & trahitur. Et mox: Si ergo ista quae inter delicias & voluptates terrenas reuelantur amantibus trahunt, quoniam verum est, trahit sua quemque voluptas; non trahit reuelatus Christus à Patre? quid enim forsitus desiderat anima, quam veritatem? Hic aperte videmus aptis similitudinibus explicatum, quemadmodum gratia trahat animam, non eam physice determinando, sed inuitando, atque alliciendo demonstratis iis, quae congrua sunt ei qui trahitur.

ALTERVM argumentum sumitur ex iis locis, in quibus S. Augustinus docet gratiam Dei, quae facit nos velle, ac per hoc efficacem esse, esse gratiam praeuenientem & adeo praeuenientem, ut sine nobis operetur, proinde esse praeuenientem non solum natura, sed aliquando etiā tempore hinc enim manifeste sequitur, gratiam efficacem non esse physicam actionem determinantē voluntatem; ea siquidem actio nō potest esse prior actu voluntatis humanae, nisi prioritate naturae, & prioritate naturae, non ut significat instans in quo sit illa actio, sed tantum à quo sit, ipsa enim humana volitio, ut sic loquar, ut à Deo est, dicitur actio Dei, nec intelligi potest, ut in aliquo instanti Deus efficiat illā volitionem, quin intelligatur in eodem instanti illa volitio fieri & esse in nobis, sicut nō potest intelligi, ut Deus moueat voluntatē quin illa moueatur. Igitur in epist. 107. Gratia, inquit, meretur augeri, ut aucta increasur, & perfici comitante, non ducente, pedissequa, non praevia voluntate. Et ibidem aliquoties repetit, per gratiam praeueniri voluntatem.

Ex qua sententia vidit Caluinus recte colligi, voluntatem à gratia preparari, non autem ita determinari, ut non sit ei liberum assentiri, vel dissentire, & ideo Augustini sententiam audacter reiecit, sic enim scribit in lib. 2. Institutionum, cap. 3. §. 7. Sed errant, inquit, qui concedunt voluntatem à bono suo pre ingenio auctam, sola Domini virtute conuertri, sic tamen ut preparata, suas deinde in agendo partes habeat, quemadmodum docet Augustinus, omne bonum opus gratiam praecedere, & id comitante, non ducente, pedissequa, non praevia voluntate. Et infra: Sed quia reformata opus est Domini, hoc perpetuum homini tribuitur, quod gratia praeueniens pedissequa voluntate obsequatur. Hic ille.

Idem Augustinus lib. 1. ad Simplicianum, quæstione secunda scribit, ipsum velle nostrum, & Dei esse & nostrum; Dei, vocando, nostrum, sequendo, vbi hunc vides esse ordinem. Primum Deus vocat, deinde nos vocatione accepta sequimur. Idem Augustinus in lib. de gratia & libero arbitrio, c. 5. Ut Apostolus Paulus, inquit, efficacissima conuersione conuerteretur, gratia Dei erat sola. Solam vocat gratiam Dei,

quia non cooperabatur voluntas humana Deo in illa actione vocandi, qua præueniebatur & præparabatur, ut vellet conuertere. Quare in eodem lib. c. 16. ita scribit: *Certum est nos velle cum volumus: sed ille facit ut velimus bonum, de quo dictum est, quod præparatur voluntas à Domino.* Et cap. 17. *Ut velimus sine nobis operatur, cum autem volumus, & sic volumus ut faciamus, nobiscum cooperatur.* Quod antea dixerat, gratia Dei erat sola, nunc explicat per illa verba. *Ut velimus sine nobis operatur.*

Præuenit igitur Deus, & præparat vocando, idque sine nobis. DEINDE nos sequimur, non tamen sine eius auxilio, vocationi assentiendo. Denique in epi. 107. ad Vitalem, explicans illud Psalm. 37. *A Domino gressus hominis diriguntur, & viam eius vult.* Obseruat, primum dictum esse, gressus hominis à Deo dirigi, deinde additum hominem velle: *Quia, ut ipse loquitur, voluntas bona donum Dei est, qui gressus hominis propterea primitus dirigit, ut viam eius velit.* Itaque primum dirigit Deus gressus, præparans voluntatem interna inspiratione ac suasionem, deinde ipsa voluntas præparata inspirationi ac suasioni, libere volendo assentitur.

Tertium argumentum sumitur ex omnibus illis locis, quibus capite superiore probauimus, dari gratiam sufficientem distinctam ab efficaci. Nā fieri non potest, ut detur gratia vere sufficiens, quæ simul non sit efficax, si gratia Dei physice determinat voluntatem; ista enim gratia præsentem & operantem, habet homo gratiam efficacem: ista absente, ne sufficiens, non quidem habet.

Postremum argumentum sumitur ex illis locis, in quibus idem S. Augustinus ostendit unde fiat, ut gratia sit efficax, licet non determinet physice, sed tantum moraliter, per modum suasionis: sunt autem Duo loca præcipua. Locus prior est in li. 1. ad Simplicianum, quæst. 2. *Igitur, inquit, non volentis neque currentis, sed miserentis est Dei, qui hoc modo vocauit, quomodo aptum erat eis, qui sequuti sunt vocationem.* Et infra: *Cuius miseretur, sic eum vocat, quomodo scit ei congruere, ut vocantem non respuat.*

Posterior est in lib. 2. de bono perseverantiae, ca. 14. *Ex quo apparet, habere quo silam in ipso ingenio diuinum naturaliter munus intelligentie, quo moneantur ad fidem, si congrua suis mentibus, vel audiant verba, vel signa conspiciant.* Et tamen si Dei altiori iudicio à perditionis massa non sunt gratia prædestinatione discreti, nec ipsa ei adhibentur, vel dicta diuina vel facta per quæ possent credere, si audirent utique talia vel viderent.

Præter hæc duo loca, sunt etiā alia, ex quibus hoc idem colligitur, nam in lib. de spiritu & littera, c. 34. cum dixisset S. August. Deum internis inspirationibus agere cum anima, ut velit, & hac de causa ipsam voluntatem bonam esse donum Dei, subiungit: *Item ad illam profunditatem scrutandam quisquam nos coarctet, cur illa ita suadeatur, ut persuadetur, illi autem non ita, duo sola occurrunt interim, quæ respondere placet, ò altitudo diuinitatum, & nunquid iniquitas apud Deum? Vbi potuisset S. August. respondere vni persuaderi, alteri non ita, quia vnus vult assentiri, alter non vult; sed quoniam nouerat, posse Deum etiam nolenti assentiri facile persuadere, & ex nolente facere volentem, si vellet ei proponere, quæ scit menti eius & ingenio congruere; ideo ad arcanum diuini consilij retulit dicens: ò altitudo diuinitatum!*

Idem Augustinus hoc ipsum satis aperte declarat tractatu 26. in Ioannē, ubi explicat, quomodo Deus trahat homines ad fidem, & faciat eos velle credere, nam quemadmodum pastor trahit ouem, cum demonstrat ei ramum viridem, quo scit illam delecta-

ri, & pueros parentes alliciunt ostentis nucibus, quæ etiam illi congruunt: sic etiam, Augustini sententia, Deus homines trahit inspiratione interius oblata, qualem scit aptam esse, ut ab eis non respuatur: quomodo libro primo ad Simplicianum, quæstio. secunda in fine, idem Augustinus scribit, Apostolum Paulum continuo à Deo fuisse conuersum, quia fecit, ut tale visum menti eius occurreret, quale requirebatur, ut mens illa & voluntas refracta sœuitia, torqueretur & corrigeretur ad fidem.

Denique omnia testimonia in primo argumento allata huc pertinent. Neque enim intelligi potest, quo pacto gratia efficax consistat in illa interna suasionem, quæ per liberum arbitrium respui potest, & tamen infallibilem effectum habeat, nisi addamus, Deum ijs, quos efficaciter & infallibiliter trahere decreuit, eam suasionem adhibere, quam videt congruere ingenio eorum, & quam certo nouit ab eis non contemnendam.

CAPVT XIII.

Soluntur obiectiones quædam aduersus ea, quæ dicta sunt de gratia efficaci.

OCCURRUNT TRIA, quæ obijci possent aduersus ea, quæ in superiore capite disputauiamus.

PRIMUM est gratiam efficacem non videri in illustratione & inspiratione, seu vocatione, ac suasionem constituendam, quod ista omnia ad legem & litteram, non ad gratiam & spiritum pertineant; quid enim interest inter suasionem istam internam, & concionem externam? & tamen externa concio littera est, non spiritus.

Respondeo, multum omnino interesse inter gratiam internam suasionis, & concionem externam: nā concio externa admouetur auribus corporis, concio interna auribus cordis.

DEINDE, concio externa solum proponit obiectum, sed non infundit lumen menti ad illud cognoscendum, neque aspirat affectum ad illud diligendum: at interna ac diuina suasio aliquando proponit obiectum, quod est illi commune cum externa; sæpius autē vititur externa pro instrumento; semper autem lumen infundit, & afflat initium bonæ voluntatis, quod est quasi semen, unde postea oritur fructus voluntatis perfectæ & deliberatæ: quamuis autem proponere obiectum per se non ad spiritum, sed ad litteram pertineat, tamē ad gratiam pertinet, ut ea lectio, vel concio occurrat, quæ est accommodata hominis ingenio, præsertim si accedat internus Doctor, qui aperiat cor intendere his quæ audiuntur, aut leguntur, ut de Lidia purpuraria loquitur scriptura, Acto. 16.

DENIQUE gratia interna non solum excitat per illustrationem & aspirationem boni desiderii, sed etiam adiuvat voluntatem, eique cooperatur etiam physice ad eliciendum actum voluntatis deliberatæ, quāquam gratia magis dicitur efficax, ut supra demonstrauimus, ex illa incitatione, quæ proprie vocatio dici solet, quā ex cooperatione physica. Vide Augustinum in epist. 107. de spiritu & littera, cap. 34. de prædestinatione Sanctorum, cap. 8. in quibus locis apertè tribuit gratiam & spiritui, ut distinguitur à lege & littera, internam suasionem, quam nos gratiam excitantem appellamus.

SECUNDO obiectio, si gratia efficax est interna suasio, qua ita vocatur aliquis, ut aptum est ei, ut vocantem non spernat; gratia sufficiens, ut ab efficaci distinguitur, nihil erit aliud, nisi interna suasio, qua ita vocatur aliquis, ut aptum ei non est, ut vo-

vocantem non spernat. Atqui absurdum videtur, ut Deus vocet aliquem, ut aptum ei non est, ut vocantem non spernat, siue ut tunc vocet, quando videt sequuturum, & non vocet quando videt se non sequuturum,

RESPONDEO, certum esse vocari à Deo multos, ut aptum eis non est, ut vocantem non spernant, & eò tempore quo Deus videt illos non sequuturos, & non vocari eo tempore, quo prævidentur sequuturi, si vocarentur. Nam Dominus Matth. 11. dicit, Tyrios & Sidonios pœnitentiam acturos fuisse in cinere & cilicio, si ea signa vidissent, quæ Galilæi videbant, qui tamen iis visis non conuertebantur. Itaque Dominus signa fecit coram Galilæis, eosque vocauit, quando vidit eos non conuertendos, & noluit signa facere coram Tiriis & Sidoniis, eosque vocare quando videbat eos conuertendos, si per ea signa vocati fuissent.

Neque dubitari potest, quin ii qui arguuntur restitisse Spiritui sancto, Actorum c. 7. vocati fuerint à Spiritu sancto eo modo & eo tempore, quo videbat eis non aptum esse ut obedirent. Nam vocatos esse, & non obediuisse, certum est, quia alioqui non reprehenderentur, quod Spiritui sancto restitissent: præsciuisse autem Spiritum sanctum eos non obediuturos, si illo modo & illo tēpore vocarentur, nec defuisse Spiritui sancto potentiam, qua vocare posset eo tempore & modo, quo videbat illos sequuturos, quis negare audebit, nisi sapientiam aut potentiam Dei infinitam negare velit? vocauit igitur quomodo & quando vidit non sequuturos, & non vocauit quomodo, & quando vidit sequuturos.

Quod autem Deus facit, absurdum videri non debet, etiam si causam ignoremus: quanquam in hac re non omnino causam ignoramus, ut ex Augustino colligi potest in epist. 106. & alibi: Deus enim reprobos non vocat, quando videt sequuturos, quia non tenetur ita eos vocare & iuste potest deserere: cum natura sint filii iræ. Vocat autem quando videt non sequuturos, tum ut ostendatur vis liberi arbitrii, tum propter electos, ut ipsi in perditione aliorum intelligant, quam gratiam acceperint à Deo, qui eos non solum vocauit, sed ita vocauit, ut videbat infallibiliter sequuturos. Neque reprobi culpam ullam suæ inobedientiæ in Deum referre possunt, cum non præscientia Dei, sed ipsorum voluntas causa fuerit, ut vocationi non acquiescerent.

TERTIA obiectio, videtur ista explicatio gratiæ sufficientis & efficacis quam nos tradidimus, aut parum, aut etiam nihil differre ab opinione illa, quæ efficaciam gratiæ, non tam in ipsa gratia, quam in voluntate humana ponit. Quam opinionem initio superioris capitis refutauimus.

RESPONDEO, sententiam nostram quam S. Augustini esse demonstrauius, aliqua in re cum prima illa opinione conuenire, sed in multis ab illa discrepare. Conuenit enim in eo, quod utraq; sententia gratiam sufficientem & efficacem ponit in auxilio excitante potissimum, non in adiuuante. Sed discrepant inter se, quod prima opinio vult efficaciam gratiæ pendere à voluntate humana, nostra vero, pendere vult à voluntate Dei.

Et, si proponatur quæstio, Vtrum si duo homines habeant eandem omnino gratiam excitantem & adiuuantem, saltem in actu primo, & eundem concionatorem audiant, & eadem signa videant: Vtrum, inquam, fieri possit, ut vnus credat, alter non credat: PRIMA illa opinio respondebit, fieri posse, quia libera voluntas manet, & potest pro arbitrio gratiam sequi, vel ei resistere. Quæ responsio contradicit

Apostolo, qui 1. Cor. 4. prohibet fidei ne inflatur aduersus infidelem, & rationem reddit, quia fides, quæ eos discernit est donum Dei, quod illi est datum, & alteri non est datum. *Quis enim, inquit, te discernit? quid habes quod non accepisti? si accepisti, quid gloriaris quasi non acceperis?*

At NOSTRA sententia respondebit, posse quidem fieri, ut duo homines eadem interna motione accepta eundem concionatorem audiant, & eadem signa videant, & vnus credat, alter non credat: tamen non posse fieri, ut si eandem omnino gratiam excitantem duo homines accipiant; vnus credat, alter non credat. Siquidem ad gratiam non solum pertinet motio siue excitatio interna, sed circumstantia loci, temporis, personæ, &c. Si enim eadem motione accepta vnus credit, alter non credit, sine dubio vnus accepit motionē eo modo, loco & tempore, quo Deus præuidit eius ingenio congruere, alter non ita accepit: ac per hoc longe maiorem habuit Dei gratiam, is qui credit, quam qui non credit. Qui enim non credidit, habuit gratiam qua posset & vellet credere; qui autem credidit, habuit gratiā qua posset & vellet credere. Tunc enim Deus in nobis operatur velle; cum ita vocat, ut videt sequuturos. Et ideo vere non potest fidelis aduersus infidelē gloriari aut inflari, quia qui eum principaliter discernit ab infideli, non est ipse per liberum arbitrium, sed Deus per gratiam efficacem quam ei dedit & alteri non dedit. Vide Augustinum libro de prædestinatione Sanctorum, c. 5.

DICIS, si ponamus id quod ponit August. lib. 12. de ciuit. Dei, ca. 6. duos videlicet in omnibus pares, tentatos eadem tēratione, eodem modo, loco, tempore, & æque affectos, & tamen vnus resistat, alter cadat, nōne causa diuersitatis referenda erit in liberum arbitrium? ut eo loco refert Augustinus, nam sine dubio etiā gratia fuit æqualis, si vocatio data est utrique eodem modo, loco, & tempore, & cum essent æque affecti, alioqui non fuissent in omnibus pares.

RESPONDEO, causam diuersitatis referendam esse in liberum arbitrium, ut Augustinus eo loco recte probat, sed non primam causam; nam prima causa fuit, quia Deus vni dedit inspirationem, quam præuidit ab illo per liberum arbitrium amplectendam: alteri dedit eandem, sed quam præuidit ab eo per liberum arbitrium reiciendam.

CAPVT XVI

Quæ sit proprie gratia operans.

DE SEXTA partitione gratiæ in operantem & cooperantem, non leuis est quæstio, quam sane peperit obscuritas verborum S. Augustini, à quo eam partitionem Theologi acceperunt, & Apostoli Pauli, unde eam Augustinus accepit. Apostoli verba sunt in epistola ad Philipenses c. 2. *Deus est, qui operatur in vobis velle & perficere, pro bona voluntate.* Quæ verba sic explicat August. in lib. de gratia & libero arbitrio, c. 17. *Ipsæ ut velimus, operatur incipiens, qui volentibus cooperatur perficiens.* Et mox: *Ut velimus, si ne nobis operatur, cum autem volumus, & sicut volumus, ut faciamus, nobiscum cooperatur.* Multæ sunt huius partitionis expositiones.

PRIMUM enim Theologi Scholastici, gratiam operantem vocant ipsum habitum gratiæ, ut formaliter nos iustos & gratos Deo facit; id enim Deus in nobis sine nobis facit. Gratiā cooperantem esse volunt eundem habitum, ut operis meritorii principium est; cum enim opera bona facimus, non sola gratia operatur in nobis, sed & nos ipsi vere operamur.

Hæc doctrina verissima est, & eam inferius suo loco aduersus hæreticos propugnabimus; sed tamen non proprie partitio gratiæ operantis & cooperantis, ut ab Apostolo & Augustino accepta est, ad habitum gratiæ, sed potius ad auxilium speciale pertinere videtur. Neque enim Apostolus & Augustinus tribuunt gratiæ operanti, ut faciat hominem iustum, sed ut faciat eum velle & desiderare iustitiam; neque efficientia siue operatio proprie dici potest, id quod gratia non efficienter, sed formaliter facit.

Est igitur ALIA explicatio, quod gratia operans non distinguatur à gratia excitante, neque cooperans ab adiuuante; & quia gratia excitans inspirat initium quoddam bonæ voluntatis, ad quod non libere concurrimus; gratia adiuuans inuat ad assensum præstandum & eligendum, quod Deus inspirauit, in quo plane liberi sumus: ideo dictum esse volunt auctores huius sententiæ, Deum in nobis sine nobis efficere ut velimus, nobiscum autem cooperari cum volumus; ubi per illud, *ut velimus*, intelligunt imperfectum & indeliberatum desiderium: per illud, *cum volumus*, intelligunt perfectam & deliberatam electionem.

Hæc explicatio non videtur satisfacere verbis Apostoli & S. Augustini; uterque enim tribuit gratiæ operanti, tanquam effectum proprium, non illud velle indeliberatum & imperfectum, sed velle deliberatum, unde opera bona nascuntur: *Deus* (inquit Apostolus) *operatur in nobis velle & perficere*. Vbi non distinguitur velle indeliberatum à velle deliberato, sed voluntas ab executione. Et S. Augustinus: *ut velimus*, inquit, *sine nobis operatur, cum autem volumus, & sic volumus ut operemur, nobiscum cooperatur*. Vbi cooperatio adiungitur operi nostro ex perfecta, ac per hoc, deliberata voluntate procedenti.

ALIA explicatio aliorum est, gratiam operantem esse eam, quæ tribuit actum internum, cooperantem quæ tribuit externum. Quæ videtur esse S. Thomæ in 1.2. q. 111. art. 2.

Sed non videtur requiri gratia aliqua specialis ad actum externum: ubi enim aliquid efficaciter volumus, membra corporis ad nutum obediunt, & ideo S. Aug. in eodem lib. de gratia & libero arbitrio, cap. 16. dicit, petendum esse à Deo, ut tantum velimus quantum necesse est, ut volendo faciamus, & c. 17. dicit, eos qui volunt mandata seruare, & non possunt, ideo non posse, quia prauam habent voluntatem. Et breuiter, in utroque capite hoc docet, posita efficaci voluntate, nullam remanere difficultatem: itaque sufficit auxilium generale ad opus externum perficiendum, quod auxilium non dicitur proprie gratia, neque operans, neque cooperans.

DICENDUM igitur est, gratiam operantem illam esse, quæ efficit in homine primum actum deliberatæ voluntatis, qualis est conuersio, siue ab infidelitate ad fidem: siue à peccatiss cæteris ad penitentiam: gratiam vero cooperantem esse illam, quæ efficit consequentes actus voluntatis, quales sunt, velle orare, velle querere sacerdotem, velle bona opera facere, & alii similes. Quos continuo sequuntur actus externi, ita ut gratia operans nihil sit aliud, nisi auxilium speciale efficax respectu primi actus voluntatis: gratia vero cooperans sit auxilium speciale respectu actuum sequentium.

Sed quæstio est eaque non levis, quomodo sit intelligendum, quod S. Augustinus ait, primum actum deliberatæ voluntatis fieri sine nobis. Quomodo enim fit sine nobis, quod nostra libera deliberatione & electione efficitur. Neque enim audiendi sunt Lutherani & Calvinistæ, qui contendunt actus bonos internos ita fieri sine nobis, ut non sint actus li-

bert arbitrii: neque nos eos proprie faciamus, sed immisos à Deo necessario recipiamus. Huic enim errorem postea suo loco copiose refellemus.

Neque dubitari potest quin ista eorum sententia alienissima sit à mente S. Augustini. de cuius verbis nunc laboramus. Nam in li. 1. ad Simplicianum, quæstione 1. *ut velimus*, inquit, *& suum esse voluit, & nostrum suum vocando, nostrum sequendo*. Item lib. 2. contra duas epistolas Pelagianorum; cap. 8. *Homo*, inquit, *preparat cor, non tamen sine adiutorio Dei, qui tangit cor*. Et paulò post: *Quamuis nisi adiuvante illo, sine quo nihil possumus facere, os non possumus aperire, tamen os aperimus illius adiumento, & opere nostro; nam quid est preparare cor & os aperire, nisi voluntatem parare?* Item tractatu 72. in Ioannem: *Credenti in eum qui iustificat impium, deputatur eius fides ad iustitiam, in hoc opere facimus opera Christi, quia & ipsum credere in Christum opus est Christi. Hoc operatur in nobis, non tamen sine nobis*. Item in eodem loco: *Operantis in se Christo, cooperatur homo ad salutem æternam ac iustificationem suam*. Hæc ille. Non igitur dubitari potest, quin S. Augustinus nihil commune habuerit cum sententia hæreticorum, qui nos passive tantum concurrere existimant ad actus pietatis internos.

Cæterum si hæc ita se habent, quæstio initio proposita magis iam implicata videtur: nam ex eodem Augustino audiuius, ipsum, *ut velimus*, Deum operari sine nobis, & non operari sine nobis, Deum solum id operari, & nos ei cooperari, & alia, quæ pugnantia esse videntur.

IGITUR OBSERVANDUM est, Deum secundum quoddam genus causæ, esse mouentem respectu ipsius velle deliberari, & voluntatem non esse mouentem, sed tantum motam, cum tamen secundum aliud causæ genus, ad eundem actum volendi producendum Deus concurret ut mouens, voluntas autem tum ut mota, tum ut mouens, & ideo utrumque verum esse, Deum operari ipsum velle deliberatum sine nobis, & non operari sine nobis.

Nam si consideremus causam efficientem & physicam illius actus, ea non solum est Deus per auxilium speciale, sed etiam voluntas per liberum arbitrium: & hoc modo illud velle, est Dei & nostrum, & nos in eo cooperamur Deo, & Deus illud operatur non sine nobis, ut S. Augustinus loquitur in locis paulo ante adductis contra hæreticos.

At si consideremus causam illius eiusdem actus moralem, id est, causam mouentem suadendo, hortando, consulendo, ea solus est Deus: voluntas autem secundum hoc genus causæ non est mouens, sed tantum mota. Non enim ipsa se voluntas impellit suadendo & hortando, ut velit quod non vult, sed Deus per inspirationes suas intus animæ loquens, ei suadet & persuadet, ut velit. Hæc est igitur gratia operans, quæ præuenit conatum & industriam nostram, & operatur ut velimus, quod antea volebamus, sine nobis operantibus ut velimus, non tamen sine nobis libere consentientibus dum volumus.

Atque hinc intelligemus, cur ad primum actum voluntatis tantum, requiratur gratia operans, ad reliquos autem non sit necessaria operans, sed cooperans: nam posteaquam cœpimus velle conuerti ad Deum, iam nos ipsi non tantum per liberum arbitrium producimus Deo iuvante reliquos actus, sed etiam nos incitamus & impellimus, Deo cooperante, ad eos.

Ac ut corporali similitudine rem illustremus, sit aliquis cui expediat navigare in orientem, & tamen

nolit

ijs videlicet, qui non sunt à massa perditionis diuina prædestinatione discreti.

Inter has contrarias pugnantisque sententias incedunt Theologi Catholici quamplurimi, ac fere omnes, qui docent omnibus hominibus pro loco & tempore sufficiens auxilium non deesse, & tamen sine præueniente gratia, neminem posse gratiam desiderare, petere, vel accipere. Vide Alexandrum Alientem in tertia parte Summæ, q. 69. memb. 5. art. 3. Albertum Magnum in 2. sent. dist. 28. art. 1. S. Thomam in 1. 2. q. 109. art. 8. ad 1. & in 1. 3. contra Gentiles, c. 159. S. Bonauenturam in 2. sent. dist. 28. art. 1. q. 3. Scotum in 1. sent. dist. 46. & ex recentioribus Adrianum Papam in q. 3. de pœnit. Ioannem Rosensium in refutatione art. 36. Franciscum Ferrariensem in commentario lib. 3. contra Gentiles, c. 159. Ioannem Driedonem in lib. de captiuitate, & redemptione generis humani tract. 5. Ruardum Tapperum in explicatione articuli de libero arbitrio, Dominicum à Soto lib. 1. de natura & gratia, c. 15. & 18. Andream Vegam lib. 13. super Concil. Tridentinum, c. 15.

Quoniam autem explicatio propositæ quæstionis multa continet capita; neq; vna responsione absolui potest, per aliquot propositiones rem totam expedit conabimur.

CAPVT II.

Auxilium gratia non expectare, sed præuenire voluntates nostras, neque æqualiter omnibus adesse.

SIT igitur PRIMA propositio: *Auxilium gratia Dei, non ita offertur omnibus hominibus, ut Deus expectet homines, qui illud desiderent vel postulent, sed præuenit omnia desideria & omnem inuocationem.* Hæc propositio est contra Pelagianos, & Pelagianorum reliquias, & habetur in Concilio ARAUSICANO can. 3. & 4. ubi sic legimus: *Si quis per inuocationem humanam gratiam dicit posse conferri, non autem ipsam gratiam facere, ut inuocetur à nobis, contradicit Isaiæ Propheta, vel Apostolo idem dicenti, inueni sum à non querentibus me, palam appaui bis, qui me non interrogabant.* Item: *Si quis, ut à peccato purgemur, voluntatem nostram Deum expectare contendit, non autem, ut etiam purgari velimus per sancti Spiritus infusionem & operationem fieri confitetur, resistit ipsi Spiritui sancto per Salomonem dicenti, Preparatur voluntas à Domino, & Apostolo salubriter prædicanti, Deus est, qui operatur in nobis velle & perficere pro bona voluntate, Vide quæ scripsimus in 6. lib. c. 2. 4. & 5. nam illa omnia hanc propositionem confirmant.*

SECONDÆ propositio. *Auxilium gratia Dei non æqualiter omnibus adest.* Hæc propositio in diuinis litteris ita luculenter habetur, ut mirum videri possit ab ullo vnquam fuisse negatam. Verget S. Augult. illud Sap. 4. *Raptus est ne malitia mutaret intellectum illius, aut ne fictio deciperet animum eius.* Certe enim non omnibus hoc præstat Deus, ut eos rapiat, antequam in peccata labantur. Verget etiam illud Matth. 11. *Si in Tyro & Sidone hæc facta fuissent, incineret & cilicio pœnitentiam egressent.* Vbi videmus Deum mirabili, sed iusto, & sibi noto iudicio non solum non æqualiter omnibus gratia auxilia subministrare, sed etiam ijs quos credituros præuidebat, si miracula Christi vidissent, ea miracula non ostendisse, & eadem illis ostendisse, quos præuidebat quibuscunque visis miraculis, minimè credituros.

Huc pertinet etiam illud Matth. 13. *Vobis datum est nosse mysterium regni Dei, ceteris autem non est datum.* Et illud Rom. 9. *Cuius vult miseretur, & quem vult indurat.* Et Rom. 12. *Vnicuique Deus diuisit mensuram*

A Fidei. Et 2. Thess. 3. *Non omnium est fides.* Et Philipp. 2. *Vobis donatum est ut in illum credatis.*

Deniq; ut alia innumerabilia prætermittam, si gratia æqualiter omnibus adest, quomodo Deus in præteritis generationibus permisit omnes ingredi vias suas, nunc autem annunciat, ut pœnitentiam agant, ut legimus Actuum 14. & 17. cur Paulus illo ipso tempore, quo spirabat minas & cædes in discipulos Domini, diuino miraculo, Christo ipso eum vocante conuerteretur, cum tam multos minus fortasse malos in delictis suis Deus iacere permittat? Cur ex paruulis morientibus interdum filius optimi viri sine baptismo decedit & perit, filius adulteri, vel incestuosi baptismo abluitur, & regno potitur æterno: Cur demum inscrutabilia esse dicit Apostolus iudicia Dei, & inuestigabiles vias eius in electione & reprobatione mortalium, si gratia æqualiter omnibus adest, & ex arbitrio hominum pendet ut eam capiant, vel abiiciant? (vide sanctum Augustinum in libro de prædestinatione Sanctorum; Prosperum in lib. contra Collatorem; Petrum Diaconum in libro de incarnatione & gratia Christi; Fulgentium in libro eiusdem argumenti: Ioannem Maxentium in professione fidei: & totum Arausicanum Concilium, vbi diligentissime totus hic Pelagianorum error euertitur.

CAPVT III.

Soluntur argumenta Pelagianorum & Pelagianis sententium, contra duas propositiones capitis superioris.

ARGUMENTA, quibus error Pelagianorum confirmari solet, facile solui possunt.

PRIVM lumen ex c. 6. Sap. *Æqualiter est illi cura de omnibus.* **R**ESPONDEO, vox *æqualiter* non videtur hoc loco referenda ad ipsam curam, quasi Deus nō magis curet rem vnā quam aliam, sed ad res ipsas, quæ curantur, ut sensus sit, nihil omnino subtrahi à prouidentia Dei, sed res omnes, nulla prorsus excepta, quāuis infima & villi diuina prouidentia gubernari. Quod significantius exprimit vox Græca, quæ habetur hoc loco, videlicet *ἰσότης*, id est, communiter.

Sed fac illud, *æqualiter* referri ad curam & prouidentiam; nihil tamen Pelagiani inde lucrantur: nam non loquitur Sapiens de beneficio gratia, sed retributione præmiorū atque pœnarum. Præcedit enim illud: *Horrende & cito apparebis vobis, quoniam iudicium durissimum in his qui præsumunt.* Itaque sententia huius loci est, in extremo iudicio Deum non accepturum personas, Regum & Principum, sed ex æqualitate iustitiæ sententiam esse laturum.

SECONDVM argumentum sumunt ex illo Ioa. 1. *Erat lux vera, quæ illuminat omnem hominem venientem in hunc mundum.* Vbi videtur Christus conferri cum Sole, qui lucem suam in omnia loca æque diffundit.

RESPONDEO, posset hic locus non incommode referri ad naturalem illustrationem, quæ fit in nobis, cum in creatione lumen intelligentiæ & rationis accipimus: Tamen quoniam Chrysostomus & Cyrillus in commentario exponunt de lumine gratia. **R**ESPONDEO, sensum huius loci esse, à Christo illuminari omnes homines, non quod omnes illuminentur, cum multi in infidelitate remaneant, sed quoniam nemo illuminatur nisi per ipsum, vel, si magis placeat, illuminari dicat omnes homines per Christum, quoniam omnibus præbet auxilium sufficiens, quo conuertere & credere possint, quamuis nec lumē æquale omnibus præbeat, neque expectet, ut homines illuminari cupiant & expectant, sed ipse desideria & preces illuminando præueniat,

Porro similitudines non in omnibus rebus conuenire debent, ac per hoc neque necesse est, ut si Sol non illuminat cæcos, id etiam nō faciat Christus, & si Sol, non aperit fenestras domus, neque Christus aperiat fenestras cordis, & si Sol lucem suam æqualiter ubique diffundit, Christus quoque non diuidat unicuique mensuram fidei & donorum, sed æqualiter omnibus hominibus gratiæ suæ dona distribuatur.

TERTIVM sumunt ex illo Ioan. 1. *Quicquid receperunt eum, dedit illa potestatem filios Dei fieri.* Hic enim videmus Deum expectare ut recipiatur, & tum demum his, qui se receperint, dare gratiam, per quam filii Dei fieri possent. **RESPONDEO**, vere Deus expectat ut recipiatur, ut det suscipientibus id potestatem filios Dei fieri.

Cæterum, quia recipere Deum in hoc loco Evangelii nihil est aliud, nisi credere, ut ibidem declaratur, cum subditur, *his qui credunt in nomine eius*: nemo autem potest credere nisi Deus fidem illi donauerit, dicente Apostolo Philipp. 1. *Vobis donatum est ut in illum credatis.* Ideo nemo potest eum recipere, nisi gratia eum diuina præuenit. Gratia estis saluati (inquit Apostolus Ephesi. 2.) per fidem, & hoc non ex vobis, Dei enim donum est. Ac si diceret, gratia potestatem accepistis, ut filii Dei efficieremini, quoniam per fidem recepistis Deum, quæ fides donum ipsius est. vide Augustinum lib. 1. ad Bonifacium, cap. 3.

QUARTVM sumunt ex illa promissione: *Petite & dabitur vobis, omnis enim qui petit, accipit.* Et: *Dabit spiritum bonum petentibus se*, Luc. 11. **RESPONDET** S. Augustinus lib. 4. in Iulianum, c. 8. non posse peti spiritum bonum, nisi prius spiritus bonus fidem infundat, & per eam excitet ad petendum. Nam quomodo innocuunt in quem non crediderunt? Rom. 10. Et: *Postulet in fide nihil hesitans*, inquit Iacobus c. 1. fidem autem donum esse Spiritus sancti, docet idem Apostolus 1. Corin. 12. *Alteri datur fides in eodem spiritu*; itaque spiritus adiuvat infirmitatem nostram; quid enim oremus sicut oportet, nescimus. Rom. 8.

QVINTVM sumunt ex illa Christi vocatione: *Venite ad me omnes qui laboratis*, &c. Matth. 11. **RESPONDEO**, inuitat Christus omnes ut veniant, non quod possint homines solis naturæ viribus venire, cum scriptum sit Ioan. 6. *Nemo potest ad me venire: nisi pater qui misit me, traxerit eum.* Sed ut admoveatur, ut gratiæ præuenienti cooperentur, & non resistant Spiritui sancto.

SEXTVM sumunt ex illis Scripturis, quæ testantur Deum nō esse acceptorem personarum. Act. 10. Roma. 2. 1. Pet. 1. &c. hinc enim sequi videtur, ut Deus non magis ex se faueat uni quam alteri: sed volentes curari, sanari, non volentes deserat. **RESPONDEO**, acceptio personarum vitium est contra iustitiam, & ideo locum non habet in donis gratiæ.

Itaque in iis rebus quæ quouomodo iustitiam sapiunt, Deus æquus est omnibus, neque personas accipit, sed unicuique reddit secundum opera sua, at in donis gratiæ nemini facit iniuriam, si uni dat quod alteri negat. Imo in ipso iudicio quāuis acceptio personarum esset alicui minus præmium dare, quam iusto iudicio mereatur, vel maiori supplicio afficere quam dignus sit reus, tamē si alicui maius præmium, aut minorem poenam dare voluerit, non erit acceptor personarum, etiam si id non cum omnibus seruet, quoniam hoc non est iniustitiæ, sed liberalitatis, iuxta illud Matth. 20. *Amice, non facio tibi iniuriam, tolle quod tuum est & vade, volo autem & hunc nouissimo dare sicut & tibi; an non licet mihi quod volo facere? an oculus meus nequam est, quia ego bonus sum?* Vide Au-

gustinum in epist. 105 non procul ab initio, & lib. 2. ad Bonifacium c. 7.

SEPTIMVM sumunt ex illo 1. Cor. 15. *Sicut in Adam omnes moriuntur, ita & in Christo omnes viuificabuntur.* Nimirum inquit, si ipsi voluerint. **RESPONDEO**, loquitur Apostolus de resurrectione corporali iustorum, nam ut recte explicat S. August. in epist. 89. q. 3. non dicuntur viuificari in Christo, nisi illi qui resurgunt ad vitam beatam, quæ sola vita dicenda est: impii enim resurgunt quidem, sed ad mortem; id est, ad miseriam sempiternam. Itaque hic locus non facit ad propositum, cum de gloria æterna, non de gratiæ beneficiis intelligi debeat.

Sed instat Faustus, Apostolus comparat Adamum cum Christo, seu potius Christum cum Adamo, sed in Adam mortui sunt omnes homines: Igitur in Christo viuificantur omnes homines, non autem viuificantur omnes vita gloriæ, ergo debet intelligi hic locus de vita gratiæ, quam Christus omnibus paratus est dare, modo ipsi velint.

Sed facilis est responsio: nam in Adam non moriuntur omnes homines, sed istantum qui ex Adam nascuntur, quo etiam modo non viuificantur in Christo omnes homines, sed istantum, qui per ipsum renascuntur. Quod si de vita gratiæ Apostolus loqueretur, promptum esset respondere, omnes in Christo viuificari, non quod omnes homines viuificentur, sed quia nemo viuificatur, nisi per Christum, sicut nemo perit, nisi per Adamum, hoc est, nisi ex Adamo originem trahat.

Denique posset etiam Fausto concedi, in Christo viuificari vita gratiæ omnes homines, modo ipsi velint, sed addendum esset, neminem velle per Christum viuificari, nisi Deus eum præueniens, faciat eum velle. Deus est enim qui operatur in nobis velle, & perficere pro bona voluntate, Philipp. 2.

OCTAVVM sumunt ex illis locis quæ testantur Deum velle omnium hominum salutem, ut 1. Tim. 2. *Vult omnes homines saluos fieri.* 1. Tim. 4. *Qui est saluator omnium hominum.* 1. Pet. 3. *Neminem vult perire, sed omnes ad agnitionem veritatis venire.* **RESPONDEO**, hæc loca parum ad rem faciunt. Solum enim significant, Deum non impedire quenquam a salute. Imo remedia & auxilia pro omnibus in commune instituisse, prædicationem euangelii & Sacramenta voluisse omnibus esse communia, &c. sed ex his nemo recte colliget Deum expectare ut homines suis viribus velint salui fieri.

Sed inquit, si Deus vult omnes saluos fieri, cur non sunt omnes salui, nisi quia ipsi nolunt? **RESPONDEO**, crissimum est, non fieri omnes saluos, quia ipsi nolunt; nam si vellent, Deus eis utique non deeret. Cæterum nemo vult saluus fieri, nisi Deus, præueniendo ac præparando voluntatem faciat eum velle; cur autem Deus non faciat omnes velle, quis nouit sensum Domini? aut quis cōsiliarius eius fuit? Itaque sicut verum est non omnes saluos fieri, quia ipsi non volunt, sic etiam verum est, non omnes saluos fieri, quia Deus non vult voluntate illa beneplaciti, de qua scriptum est in Psalm. 113. *Omnia quæcumque voluit fecit in celo & in terra.* Et tamen simul etiam verum est, Deum velle omnes saluos fieri voluntate illa quam recte Theologi antecedentem vocant.

POSTREMVM argumentum adferri potest ex ipso Augustino, a quo vel inuito, ut aiunt quidam, testimonium extorsit veritas, nam in commentario Psalm. 45. tractans illud: *Deus in medio eius non commouebitur*, sic ait, quid est Deus in medio eius? hoc significat, quod æquus est omnibus Deus & personas non accipit,

quomodo enim illud, quod in medio est, paria habet spacia ad omnes fines, ita Deus medius efficitur equaliter omnibus consulens.

RESPONDEO, loquitur in eo loco S. August. de ijs tantum auxiliis, quæ aliquo modo sunt debita, & iustitiam sapiunt, ubi locum habere posset acceptio personarum: in his enim Deus omnibus est æquus & non accipit personas, & equaliter omnibus consulit, quia neminem impellit ad malum, omnes hortatur ad bonum, neminem punit nisi malum, neminem remuneratur nisi bonum, nulli subtrahit communia auxilia; alia vero ratio est donorum gratiæ, quæ nemini sunt debita.

CAPVT IV.

Non posse Deum iniustus accusari, si non daret omnibus auxilium sufficiens ad salutem, neque de illo desperandum esse.

SIT Iam TERTIA propositio: Nulla esse in Deo iniquitas, si non solum aliquibus, sed etiam omnibus hominibus auxilium sufficiens ad salutem negaret. Hæc certissima est apud eos, qui ex diuinis litteris peccatum originale nouerunt; nam cum per peccatum primi hominis nascamur omnes filii iræ (vt Apost. docet ad Ephes. 2.) nihil nobis iure debetur nisi pœna. Hinc Sap. 12. dicit Spiritus sanctus: *Quis stabit contra iudicium tuum, aut quis tibi imputabit si perierint nationes, quas iussisti?* Et Apost. ad Rom. 9. demonstrat, solam esse misericordiam, qua Deus ex massa perditionis aliqua vasa facit, in honorem, vnde etiam vasa misericordiæ appellat. Et ea causa est, vt S. August. docet in epist. 125. cur pauci sint qui saluantur, vt nimirum intelligamus quid omnibus deberetur; denique prima gratia datur inimicis, ac per hoc modis omnibus est indebita; nulli igitur fieret iniuria si ea gratia nemini præberetur: itaque S. AUGUSTINVS lib. de bono pœseu. c. 8. *Non sumus ingrati, quod tam multos liberat misericors Deus de tam debita perditione, vt si inde neminem liberaret, non esset iniustus.*

QUARTA propositio: siue detur sufficiens auxilium omnibus, siue tantum aliquibus, nos tamen de nullius salute, donec in hac vita fuerit, desperare debemus, neque ab illo subtrahere correctionem, exhortationem & alia charitatis officia. Hæc quoque sine controuersia recipitur ab omnibus: nam tametsi nonnulli ita desererentur à Deo, omnique auxilio prorsus destituerentur, vt nulla ratione conuerti possent; nos tamen qui nescimus qui sint illi, de omnibus bene sperare debemus ac dicere cum Propheta Ioël: *Quis scit si conuertatur & ignoscat Deus, & relinquat post se benedictionem?* Ioël. 2. Et Apostolum Paulum audire, qui iubet vt mansueti simus ad omnes, & cum patientia modestia corripiamus eos, qui resistunt veritati, ne quando Deus det illis pœnitentiam ad cognoscendam veritatem & relinquant à diaboli laqueis.

Hinc S. AUGUSTINVS lib. de correptione & gratia, c. 15. *Ne scientes, inquit, quis pertineat ad prædestinatorum numerum, quis non pertineat; sic affici debemus charitatis affectu, vt omnes velimus saluos fieri.* Et c. 16. *Quantum ad nos pertinet, qui prædestinatos à non prædestinatis discernere non valeamus, & ob hoc omnes saluos fieri velle, debemus omnibus ne pereant; vel ne alios perdant, adhibenda est à nobis medicinaliter seuerà correptio. Quod idem reperit in 1. li. retract. c. 19. Sanctus quoque Leo in serm. 4. de Epiphania: Dum, inquit, hoc in corpore viuunt, nullus desperanda reparatio, sed omnium est optanda correctio, auxiliante domino, qui erigit cecos, soluit compeditos, & illuminat cecos.*

CAPVT V.

Auxilium sufficiens ad salutem, pro loco & tempore, omnibus datur.

QUINTA propositio: *Auxilium sufficiens ad salutem pro loco & tempore, mediate vel immediate omnibus datur.*

Dicimus, *auxilium sufficiens ad salutem*, nam de auxilio sufficienti ad non peccandum, alia ratio est, vt infra suo loco patebit. Itaque hic tantum differimus de auxilio sufficienti ad relurgendum à peccato, atque ad iustificationem ad salutem comparandam.

Dicimus, *pro loco & tempore*, quoniam non definimus loco, vtum omni tempore, omnique momento tale auxilium adsit: de hac enim re paulò pòt agemus, sed tantum id asserimus, nullum esse, qui non aliquando saltem hoc auxilium habeat.

Dicimus denique *mediate vel immediate*, quoniam ijs, qui vsu rationis vtuntur, immitti credimus à Deo sanctas inspirationes, ac per hoc immediate illos habere gratiam excitantem; cui si acquiescere velint, possint ad iustificationem disponi, & ad salutem aliquando perungere: iis autem qui rationis vsu non habent, quales sunt infantes vel ab infantia mente capti, mediate auxilium donari censemus, quoniam parentes eorum non solum sibi ipsi prospicere, sed etiam filiis suis, præsertim rationis vsu carentibus, baptismum procurare possunt: si volunt.

Hæc igitur propositio sic explicata probatur PRIMVM ex diuinis litteris Psal. *Non est qui se abscondat à calore eius.* AUGUSTINVS in hunc locum: *Nullum, inquit, mortalium permisit excusare se de umbra mortis, ipsam enim penetrant verbi calor.* Item Psalm. 24. *Vniuersa via Domini misericordia & veritas.* Videtur enim hoc significare Spiritus sanctus omnibus hominibus primum à Deo exhiberi misericordiam, deinde si ea non vtantur, exhiberi iudiciũ; non potest autè recte dici, agi cum aliquo misericorditer, quod attinet ad salutem, nisi detur ei sufficiens auxiliũ ad salutem, neque iuste puniri potest, qui ex diuino auxilio non proficit, si auxilium non fuit sufficiens.

Item Prou. 1. *Sapientia foris prædicat, in plateis dat vocem suam, in capite turbarum clamat, in foribus portarum vrbs præfert verba sua dicens, & sœpe quoque paruuli diligitis infantiam, & stulticia quæ sibi sunt noxia cupiunt, & impudentes odibus scientiam & conuertimini ad correptionem meam. En proferam vobis spiritum meum, & ostendam vobis verba mea. Quia vocati & renuistis, excusanda manum meam, & non fuit qui aspiceret, ego quoque in interitum vestro ridebo.* Hæc certe prædicatio generalis & comminatio item generalis aperte significat Dei sapientiam, nullum ita deferere, qui aliquando eum vocet, & auxilium sufficiens illi præbeat.

Item Sap. 11. *Misereris omnium, quia omnia potes, & dissimulas peccata hominum propter pœnitentiam; diligis enim omnia quæ sunt, & nihil odisti eorum quæ fecisti, Nec enim odrens aliquid constituisti, aut fecisti. Parcis autem omnibus quoniam tua sunt Domine, qui amas animas.* Hæc certe vix intelligi possunt, nisi fateamur omnibus tribui sufficiens auxilium: quomodo enim miseretur omnium, & parcit omnibus, si nō dat saltem eis auxilium, quo ad reconciliationem possint peruenire si velint? Neque debent hæc restringi ad electos, nā ratio cur Deus omnib. parcat, & omnib. misereatur, redditur hoc loco ex creatione, quia Deus omnes creatur, & quoniam amat animas, & res à seipso factas: at creatio cōmunis est omnibus absolute.

Item Sap. 12. *Si immittas seruorum tuorum, & debitos morti cum tantacruassis attentione, dabis tempus & locum per quos possint mutari a malitia, cum quantia dili-*

gentia indicasti seruos nostros? At frustra Deus daret tempus & locum peccatoribus, per quæ possent mutari à malitia, nisi auxilium etiam præberet, sine quo mutari non possunt.

Item Ezech. 33. Sic loquuti estis dicentes, iniquitates nostræ & peccata nostra super nos sunt, & in ipsis non saluabimur, quomodo ergo viuere poterimus? dic ad eos, vino ego, dicit Dominus, nolo mortem impij, sed ut conuertatur impius à via sua, & viuat: conuertimini, conuertimini, & quare moriemini? illa exhortatio, conuertimini, conuertimini, irritoria videretur, nisi Deus dedisset illis vires, quibus cõuertere possent. Non fuisse autem irritoriam siue ironicâ exhortationem, testatur iuramentum illud, vino ego dicit Dominus, nolo mortem impij, &c.

Item illud Matt. 5. qui solem oriri facit super bonos & malos, & pluit super iustos & iniustos. Monet S. Amb. serm. 8. in Pl. 118. intelligendum esse etiam de sole iustitiæ & pluuia gratiæ. Illa item inuitatio: Venite ad me omnes Qui laboratis & onerati estis, Matt. 11. Ne sit frustra, requirit omnino, ut sicut vocatio est generalis, ita & auxilium quo possint homines venire, sit generale.

Illud autem Ioan. 1. Illuminat omnem hominem, supra diximus ex commentario Chrysost. & Cyrilli, referri ad lumen gratiæ, quo nemo omnino priuatur. Illud quoque 1. Tim. 2. Vult omnes saluos fieri & ad agnitionem veritatis venire. Et 2. Pet. 3. Non vult aliquos perire, sed omnes ad penitentiam conuerti. Exponitur quidem variis modis à S. Aug. sed illa expositio videtur maxime congruere Apostolicæ sententiæ, quam habet in lib. de Spiritu & littera, c. 33. Vbi exponit quæstionem, cur Deus non det omnibus velle credere, cum velit homines omnes saluos fieri. Et respondet Deum velle omnes saluos fieri, sic tamen, ut non adimat eis liberum arbitrium, quo vel bene vel male vtentes iustissime iudicentur, & addit, infideles contra Dei voluntatem facere, cum non credunt Evangelio, tamen non vincere Dei voluntatem, quoniam experientur in suppliciis potestatem eius cuius in donis misericordiam contempserunt. Et ponit similitudinem domini, qui vult, ut omnes serui laborent in vinea, sic tamen ut si qui operari noluerint, detrudantur in pistrinum.

Ex his intelligimus hanc fuisse Aug. sententiam de hoc loco Apostoli, Deum velle omnes saluos fieri, quia dat omnibus, vnde possint velle credere & saluari, sic tamen ut si ipsi noluerint, non sanentur, sed ad supplicia destinentur æterna: quæ fuit etiam expositio S. Prosperi li. 2. de vocatione gentium, c. 23. 25. & 28. Item cõmentariorum qui tribuuntur Amb. item Chrys. Theophyl. & Occumenij, qui dicunt Deum velle omnes saluos fieri, & si ipsi velint, nimirum si velint cõoperari diuinæ gratiæ præuenienti.

Illud item 1. Tim. 4. Qui est saluator omnium hominum maxime fidelium. vix potest aliter exponi, quam ut exponit S. Prosper in lib. 2. de vocatione gentium, c. 10. vt videlicet intelligamus, Deum saluatorem esse omnium, quia dat omnibus, vnde saluari possint, sed maxime, fidelium, quia dat illis non solum, ut saluari possint, sed etiam ut saluentur.

Denique illud 1. Cor. 15. Pro omnibus mortuus est Christus. Et 1. Tim. 2. Qui dedit semetipsum redemptionem pro omnibus. Et 1. Ioan. 12. Ipse est propitiatio pro peccatis nostris, non solum autem nostris, sed etiam totius mundi. Quomodo potest verum esse, si non datur omnibus aliquid vnde Christi mortis participes fieri queant? nam cum non possit ullus sine præueniente dono particeps esse mortis Christi & precii redemptionis huius, frustra Christus pro omnibus precium soluit, si noluit omnibus viam aperire, qua ad

redemptionem peruenire possent.

Probatur S E C U N D O eadem sententia testimoniis Patrum. S. DIONYSIVS Areopagita in lib. de cœlesti hierar. c. 9. Nempe, inquit, & alijs gentibus, ex quibus & nos, ad immensum & infinitum diuini luminis pelagus, quod semper paratum est, & patet omnibus ad participandum, ex præteriti erroris cecitate respiramus, ad quod sane obsequentes ducebant Angeli præpositi singulis gentibus. Quærit eo loco Dionysius cur soli Iudæi Deum verum aliquando coluerint, gentes autem pene omnes ad idola defluerint. Respondet vero, id factum esse ex defidia & nequitia gentilium, qui noluerunt diuinum lumen aspicere, aut in eo permanere, cum ipsum lumen omnibus pateat ad participandum, & Angeli singulis gentibus à Deo præpositi muneri suo nequaquam defint; vbi quod dicit B. Dionysius diuinum lumen paratum esse, & patere omnibus ad participandum, non significat diuinum lumen offerri volentibus suis viribus illud excipere, ut Pelagiani delirant, sed paratum esse & patere omnibus, quoniam Deus omnibus porrigit auxilium, quo possint, si velint, oculos cordis aperire & illuminari.

S. IRENAEVS lib. 4. c. 71. Vis, inquit, à Deo non fit, sed bona sententia adest illi (homini videlicet) semper, & propter hoc consilium quiddam bonum dat omnibus, posuit autem in homine potestatem electionis; abiciens igitur bonum, & quasi respicientes, merito omnes in iustum iudicium incident Dei. Vbi per consilium bonum, quod Deus dat omnibus, debet intelligi interna persuasio cum alijs omnibus, quæ necessaria sunt ad conuersionem; alioqui enim non iuste iudicarentur tanquam contemptores consilij diuini, nisi vires à Deo accepissent, quibus illud amplecti & exequi possent.

CLEMENS Alexandrinus in oratione exhortatoria ad gentes, ultra medium. Audite, inquit, qui estis longe, audite qui prope, nullis calatim est verbum, lux est communis, omnibus illucescit hominibus, nullus est in verbo Cimmerius.

ORIGENES lib. 3. de principiis, c. 1. multis argumentis & similitudinibus hoc ipsum probat, omnes homines posse saluari, & soluit argumenta contraria, explicans fere omnia testimonia Scripturarum, quæ ad hunc locum pertinent. Et quamuis Origenis lib. de principiis non paucos errores contineant, tamen neque Epiphanius, neque Hieronymus, neque Philastrius, neque Augustinus hanc sententiam inter errores Origenis numerant.

S. HILARIUS lib. 1. de Trin. ante medium. Esse, inquit, filios Dei non necessitas est esse, sed potestatem, quia proposito vniuersis Dei munere, non natura gignensum asseratur, sed voluntas primum consequatur.

S. AMBROSIVS serm. 8. in Psal. 118. explicans illud: Misericordia Domini plena est terra. Sol, inquit, iustitia omnibus oritur est, omnibus venit, omnibus passus est, & omnibus resurrexit; si quis autem non credit in Christum, generali beneficio ipse se fraudat, ut si quis clausis fenestris radios Solis excludat.

S. IOANNES CHRYSOSTOMVS hom. 7. in Ioan. Si illuminat, inquit, omnem hominem venientem in hunc mundum, quoniam pacto tot homines sine lumine permanent? neque enim omnes Christum cognoscunt, quomodo ergo illuminat omnem hominem? illuminat profecto quantum in ipso est. si qui autem sponte sua mente oculis conuincitibus ad huius lucis radios aciem dirigere noluerint, non ex luminis natura in tenebris persistunt, sed ex malitia sua sponte tanto se dono indignos reddiderunt.

S. CYRILLVS idem docet iisdem fere verbis, in lib. 1. in Ioan. c. 11. quæ frustra repetenda non videntur.

S. PAVLINVS in epist. 1. ad Aprum: Hinc, inquit, in omni loco plura quotidie mirabilia saluto signo cre-

brescunt, ut omnem, quantum in ipso est, hominem saluum facias, ostendit in variis, quod omnibus si velint, prosit, sufficit enim vniuersorum institutioni forma paucorum, prout in vtrunque proponitur, ut credentibus exemplo sit, indurantis testimonio.

S. AUGUSTINUS præter locum citatum ex lib. de spiritu & littera, ca. 31. habet alium locum apertissimum in lib. 3. de libero arbitrio, c. 19. quem ipsidem verbis repetit & confirmat in lib. de natura & gratia cap. 67. ne forte dicatur reuocatus post exortam hæresim Pelagianam. Hæc igitur sunt eius verba, quibus respondent querimoniam hominum dicentium, se non posse vincere concupiscentiam & ignorantiam, &c. Quibus, inquit, breuiter respondetur, ut quiescant, & aduersus Deum in murmurare desistant, recte enim forsasse queruntur, si erroris & libidinis nullus victor existeret, cum vero ubique sit præsens, qui multis modis per creaturam sibi domino seruientem auersum vocet, doceat credentem, consoletur sperantem, diligentem adhortetur, conantem adiuvet, exandiat deprecantem: non tibi deputatur ad culpam, quod inuitus ignoras, sed quod negligis querere quod ignoras, neque illud, quod vulnerata membra non colligas, sed quod volentem sanare contemnis. Sed mentem S. Augustini. adhuc apertius ex diligentissimo eius discipulo & sectatore discemus.

S. PROSPER in 2. lib. de vocatione gentium, c. 14. Neque, inquit, ob hoc excusabiles sunt nationes, quæ aliæ naturæ à conuersatione Israel spem non habentes, & sine Deo in hoc mundo sub ignorantia tenebris perierunt, quia hæc abundantia gratiæ, quæ nunc vniuersum mundum rigat, parè antea largitate non fluxit. Adhibita enim semper est vniuersis hominibus quedam superna mensura doctrinæ, etsi parioris occultiorisque gratiæ fuit, sufficit tamen sicut Dominus indicauit, quibusdam ad remedium, omnibus ad testimonium.

Et cap. 16. Gratia quidem Dei in omnibus iustificationibus principaliter præcminet, suadendo exhortationibus, monendo exemplis, terrendo periculis, incitando miraculis, dando intellectum, inspirando consilium, corque ipsum illuminando, & fidei affectionibus imbuendo,

Et infra: Quæ opitulatio per innumeros modos siue occultos siue manifestos omnibus adhibetur: & quod à multis refutatur, ipsorum est nequitia; quod autem à multis recipitur, & gratia est diuina, & voluntatis humana.

Et infra cap. 28. Fit, inquit, manifestum, quod diuersis atque innumeris modis omnes homines vult Deus saluos fieri, sed qui veniunt Dei auxilio diriguntur, qui non veniunt, sua pertinacia recluduntur.

Et infra, c. 31. Elaboratum est, quantum Dominus inuit, ut non solum in nouissimis diebus, sed etiam in cunctis retro sæculis probarentur gratiam Dei omnibus hominibus ad suscipiendum, quoniam siue manifeste siue occulte, ipse est, ut Apostolus ait: saluator omnium hominum, maxime fidelium.

Nec solum adultis, sed etiam paruulis auxilium ad salutem non deesse, idem auctor docet in eodem lib. c. 23. Non irreligiose, inquit, arbitror credi, quod isti paucorum dierum homines ad illam pertineant gratiæ partem, quæ semper vniuersis est impensa nationibus, quæ utique si bene videntur eorum parentes, etiam ipsi per eosdem inuarentur: omnia namque exordia paruulorum, totaque illa principia, nec dum rationalis infantia sub arbitrio iacent voluntatis alienæ, nec ullo modo eis, nisi per alios consuli potest: & consequens est illos ad eorum pertinere consortium, quorum vel recto vel prauo aguntur affectu. sicut enim ex aliena confessione credunt, ita ex aliena infidelitate vel dissimulatione non credunt. Et cum ipsi, nec præsentis vitæ, desiderium habuerunt, nec futuræ: quam ipsorum factum est nasci, tam ipsorum efficiuntur non renasci.

Habemus igitur ex scripturis & Patribus, satis probabiliter præque credi, nemini deesse aut vnquam

A defuisse auxilium sufficiens ad salutem. Argumenta contraria soluentur commodius paulo infra, cap. 8.

CAPVT VI.

Auxilium Dei necessarium ad conuersionem, non adest peccatoribus omnibus momentis, sed certis temporibus prout indicat Deus munera sua esse distribuenda.

SEXTA propositio. *Auxilium Dei sufficiens & necessarium ad resurgendum à peccato, etsi nulli desit pro loco & tempore, non tamen adest omnibus momentis.*

Hæc propositio non à nobis primum asseritur, sed ante nos confirmarunt eandem Alphonsus Episcopus Abulensis in c. 4. Exodi q. 12. Adrianus VI. Papa in q. 3. de poenitentia. Thomas Cardinalis Caietanus in 1. q. ientaculi, 8. Ioannes Rossensis in Refutatione art. 36. Lutheri. Ioannes Driedo in lib. de capt. & redēptione generis humani tract. 5. & Ruardus Tapperus in explicatione art. 7. Louanienſium, qui sic loquitur: *Mihi certum est non omnibus & singulis semper adesse huiusmodi auxilium, quo opus est ut conuertatur, aut conuerti possit peccator.* Andreas Vega in lib. 13. in Conc. Trid. c. 19. dicit quidem peccatores omni momento posse conuerti, sed addit, non posse omni momento eam potentiam in actum deducere: itaque in re non dissentit à cæteris.

Probatur igitur hæc propositio ex diuinis litteris, Ecclef. 7. *Considera opera Dei, quod nemo potest corrigere, quem ille despexerit.* Certe qui hoc dixit pro comperto videtur habere, aliquos à Deo interdum ita despici ac deseri, ut conuerti nequeant. Item Isa. 12. *Propterea non poterant credere, quia iterum dixit Isaias: Excæcauit oculos eorum, & indurauit cor eorum.*

Quo loco notandum est illud, non poterant credere, non esse dictum solum propter certam præcietiam futurorum, id est, quia præuiderat Isaias eos non credituros, quomodo possemus dicere, non poterat Petrus non negare saluatorem, quādoquidem Christus, qui mentiri non poterat, eum negaturum fuisse prædixerat. Nam hoc paulò ante significauerat Ioannes illis verbis: *Cum autem tanta signa fecisset, non credebant in eum, ut sermo Isaiæ impleteretur, Domine quis credidit auditui nostro? ibi igitur causam reddidit, cur non crederent ex prædictione Isaiæ; sed mox adiungit aliam causam ab excæcatione, & de ea dicit: Et propterea non poterant credere, quia iterum dixit Isaias, excæcauit oculos eorum.* Porro excæcati non solum non vident, sed etiam videre, durante excæcatione, non possunt.

At, inquit, quamuis excæcati videre non possint, tamen remouere possunt excæcationem, si cooperentur gratiæ præuenienti, & sic absolute videre, possunt. FATEOR, excæcatos posse remouere excæcationem, si gratiæ præuenienti cooperentur; sed gratiam præuenientem non semper adesse cōfirmo, idque colligi dico ex loco Euangelii iam citato; nam cum adest gratia præueniens, incipit homo videre aut certe posse videre, gratia enim præueniens illuminat cor, proinde non est ille simpliciter excæcatus, cui gratiæ diuinæ lumen affulget: & si semper adesset gratia præueniens, per quam possent omnes peccatores semper videre, nulli essent simpliciter excæcati: quod certo repugnat Scripturæ allegatæ, alijsque quam plurimis. Præterea B. Paulus in posteriore epist. ad Tim. ca. 2. admonet, patienter ac mansuete corripiendos esse peccatores, & causam reddens ait: *Ne quando Deus det illis penitentiam ad cognoscendam veritatem, & respiciant à diaboli laqueis.* Quo loco videmus, donum penitentiae non semper adesse, sed dari à Deo quando & quibus ipse voluerit,

alioqui

non diceret Apostolus, ne quando det, si A
semper daret.

SECUNDO probatur idem ex Patribus. Sanctus Augustinus lib. 4. in Julian. c. 8. *Qui iam vivunt*, inquit, *libero voluntatis arbitrio, nisi eo volente ac subueniente à quo preparatur voluntas, velle non possunt, ubi si dixeris mihi, cur ergo non convertis omnium nolentium voluntates? Respondebo, cur non omnes morituros ad opus lavacro regenerationis infantes? Vides hic Augustinum affirmare non posse homines sine gratia præueniente velle converti, & simul admittere, non semper dari gratiam istam præuenientem.*

S. Gregorius lib. 11. Moral. cap. 5. *Cum*, inquit, *dimina voce admoneri potuit, & mutari non potuit, quia exigente culpa malitia iam intus Deus cor reliquerat, cui factus ad testimonium verba faciebat.*

S. Fulgentius in libro de incarnatione & gratia Christi, c. 17. *Vt homo in Deum*, inquit, *credere incipias, à Deo accipis penitentiam ad vitam, ita ut omnino credere non possis, nisi penitentiam dono Dei miserantis acceperis.* Et paulo ante dixerat, *Revera, secundum Apostolum, Deus quibus voluerit dat penitentiam, ad cognoscendam veritatem.* Ex quibus locis intelligimus, auxilium necessarium ad credendum, ac per hoc, ad conversionem & salutem, non semper omnibus adesse.

S. Isidorus in lib. 2. de summo bono ca. 15. & 19. & S. Anselmus in commentario ad cap. 12. Matt. aperte dicunt, aliquos non posse converti, quod intelligendum est pro tempore, quo carent auxilio necessario ad conversionem.

Probatur ULTIMO ratione, nam non potest vllus converti sine gratia præueniente, cum scriptum sit Iuan. 6. *Nemo potest ad me venire, nisi Pater qui misit me, traxerit illum; gratia vero ista præueniens, non semper adest, ut vel experientia ipsa testatur, non enim sentimus assidue nos illuminari à Deo, aut imitti bona desideria quibus excitemur ad conversionem; non igitur semper habemus auxilium sufficiens ad conversionem.*

Respondet ad hanc rationem duobus modis; dicunt enim aliqui, Deum quidem perpetuo pulsare ad ostium cordis, & peccatores vocare, sed eos alijs rebus intentos non percipere vocationem Dei. ALII dicunt, Deum quidem non semper vocare, sed paratum esse id facere, si velimus.

At posterior hæc responsio, manifeste incidit in errorem Cassiani & Fausti, quem refutauimus c. 2. & omnino tollit à medio gratiam præuenientem, quomodo enim gratia præueniens est, si semper expectat ut à voluntate humana præueniatur? Sed neque trahi dicendus est, qui antequam trahatur, voluntatem habet eundi. DENIQUE, expectat quidem ille, qui pulsatur ad ostium cordis, ut aperiat, & ideo dicit: *Si quis aperuerit mihi, intrabo ad eum; sed non expectat, ut inuitetur ad pulsandum, sed ipse præuenit pulsando & vocando, ut definitum est in Concilio Arausicano, can. 4.*

Prior autem responsio cum ipso experimento apertissime pugnat, nam cum vocatio, pulsus, tractus, excitatio illa Dei, sit actio nostra, quamuis non libera, nimirum bona cogitatio, bonumque desiderium repente ac diuinitus immissum; quomodo potest fieri, ut non sentiat à nobis, si sit non solum in nobis, sed etiam à nobis? Præterea, si semper adesset talis gratia præueniens, semper actu bona cogitamus & vellemus; quis autem hoc sanus dicere audeat? quare in Pl. 94. cum Spiritus sanctus dicit: *Hodie si vocemur audieritis, nolite obdurare corda vestra*, ideo nominat hodie, & conditionem addit, si audieritis, quia non quotidie, nec sine intermissio-

ne sonat vox eius, sed certo tempore nos visitat atque excitat.

At contra obijciunt aliqui, PRIMO, Scripturas, quæ hortantur homines ad conversionem, eosque reprehendunt, qui non celeriter conuertuntur, Ezech. 33. *Conuertimini, conuertimini.* Ecclesi. 5. *Ne tardes conuerti ad Dominum.*

SECUNDO, de cr. Concil. Later. quod habetur in ea. Firmiter, de summa Trin. & fide Catholica, quo docemur semper posse hominem lapsum per veram penitentiam reparari.

TERCIO, sententiam S. Tho. qui in 3. p. q. 86. art. 1. dicit, erroneam esse opinionem illorum, qui B sentiunt aliquem in hac vita penitentiam agere, & mores suos emendare non posse.

Sed hæc nullo negotio dissoluntur: Scripturæ siquidem dum hortantur homines ad conversionem, id monent, ut cum à Deo vocantur & excitantur, non resistent Spiritui sancto, iuxta Psalmum paulo ante citatum, *hodie si vocemur audieritis, nolite obdurare corda vestra.*

Concilium vero Lateranense Sacramentorum doctrinam tradit, ac docet, post baptismum esse aliud Sacramentum, videlicet penitentiam, per quod semper reparari possunt qui illud rite suscipiunt; non autem Concilium negat, requiri gratiam præuenientem ad veram penitentiam, eamque gratiam non semper, sed pro loco, & tempore dispensari.

DENIQUE S. Tho. ipse se loco notato exponit, scribit enim errorem esse, si quis dicat, ita esse aliquos in hac vita obduratos, ut per Dei gratiam emolliiri non queant, quasi inflexile iudicium & voluntatem habeant. Id enim repugnat, ut recte idem ait, statui viatorum: at non requirit status viatorum, ut singulis momentis habeant gratiam præuenientem, sed ut ea præsentem possint converti & non converti, & ut non ita certo & absolute per omnem vitam destituantur auxilio Dei, ut de salute desperare possint.

CAPVT VII.

Auxilium ad nonum peccatum evitandum, semper omnibus adest.

SEPTIMA propositio: *Auxilium sufficiens ac necessarium ad vitanda peccata omnibus hominibus & omni tempore vel immediate vel mediate à diuina benignitate præstatur.* Dicimus ad peccata vitanda, non ad resurgendum à peccato; multum enim inter hæc interest, & ideo non pugnat hæc propositio cum superiore; nam, ut quis possit à peccato resurgere, requiritur necessario interna excitatio, quæ, ut ostendimus, non semper adest; ut autem possit quis vitare peccatum, non est necessaria interna illa inspiratio, sed satis est, si vel vires aduersario minuantur, vel remoueat tentationis occasio, vel terror aliquis iniiciatur, vel aliquid magis alliciens offeratur. Quod si etiam ad omne peccatum vitandum excitatio illa requireretur, adhuc multum interesset inter vitacionem peccati & conversionem à peccato. Nam, ut quis posset semper converti, requireretur ut semper haberet gratiam illam excitantem, quam tamen non semper haberi experientia ipsa testatur; ut vero quis posset sæpe vitare peccata, non requireretur ut semper haberet gratiam excitantem, sed tunc solum cum adesset peccandi periculum, quod periculum non semper adest, cum aliquando nullum occurrat præceptum affirmatiuum, & nulla tentatio contra negatiua.

Dicimus deinde mediate vel immediate, quoniam certum est, aliquos non habere sufficiens auxilium quo possint immediate resistere tentatori, & cui-

CAPVT XII.

In quare sita sit gratia efficacia.

SEQUITVR Altera quaestio, vnde sumatur efficacia gratiae, de qua re tres opiniones inuenio, duas extremas & vnā mediam.

PRIMA opinio eorum est, qui gratiā efficacē constitutū in assensu & cooperatione humana, ita vt ab euentu dicatur gratia efficax, quia videlicet sortitur effectum, & ideo sortitur effectum, quia volūtas humana cooperatur. Itaque existimant hi auctores, in potestate hominis esse, vt gratiam faciat esse efficacem, quā alioquin ex se non esset nisi sufficiens.

Hæc opinio aliena est omnino à sententia B. Aug. & quantum ego existimo à sententia etiam Scripturarum diuinarum; nam S. Aug. lib. de prædestinatione Sactorum, c. 8. dicit gratiam, efficacem videlicet, à nullo duro corde retpui, quia ipsa cor emollit; vbi vides, efficaciam tribui gratiæ, non voluntati humane. Et li. de spiritu & littera, c. 34. quæres, cur Deus vni ita suadeat, vt persuadeat, alteri non ita; non respōdet, quia vnus consentit, alter non cōsentit, sed exclamat: *O altitudo diuinitarū*. Itaque refert in arcānū diuinæ voluntatis, cur vni detur gratia efficax, alteri non detur. Et in epist. 107. ad Vitalem, reprehēdit eos, qui dicunt omnes homines fuisse accepturos gratiam Dei, si non illi, quibus non datur, eam sua voluntate respuerent. Vbi sine dubio loquitur de gratia efficaci, nam gratiam sufficientem probabimus paulo infra ex sententia S. Aug. omnibus hominibus dari; non igitur vult S. Aug. gratiā efficacem pendere ab humana voluntate, sed à diuina. Denique tam est hoc in operibus S. Augustini frequēs & obuium vt superuacaneum sit id pluribus confirmare.

Quod attinet ad Scripturas sacras, verba illa Domini Ioan. 6. *Omnis qui audit à Patre & dicit, venit ad me*: Satis perspicue docent, in quo sita sit efficacitas gratiæ, illi enim infallibiliter veniunt ad fidem Christi, siue per fidem ad Christum, qui Patrem cælestem habent doctorem, ita vt infallibilitas effectus non habeat pro causa studium discipuli, sed excellentiam magistri, allegat enim ibidē Dominus prophetiam Isaï c. 54. *Est scriptum*, inquit, *in Prophetis, erunt omnes docibiles Dei*. Vel vt clarius habetur in textu Græco *διδασκὰὶ τοῦ θεοῦ*, docti à Deo, iuxta illud Psal. 93. *Beatus homo, quem tu erudieris Domine*. Vide Augustinum tractantem hunc locum libro de prædestinatione Sactorum, c. 8.

Alius locus est 1. Cor. 4. *Quis enim se discernit? quid habes quod accepisti, &c.* Nam si vera esset opinio istorum, fidelem ab infideli plane discerneret liberū arbitrium; nam duo sint, qui eundem concionatorem audiant, & eandem interius inspirationem habeant, & vnus credat, alter non credat, nonne dicere poterit is qui credidit, se discerni ab infideli per liberū arbitrium, quia ipse inspirationem acceperit, quam alter reiecit? nonne gloriari poterit contra infidelem, quod ipse Dei gratiæ cooperatus sit, quam ille contempsit? & tamen Apostolus hoc omnino prohibet, & ideo non solū posse credere, sed etiam ipsum credere, dicit esse donū dei, Philippen. primo & Deum in nobis operari non solum, vt possimus velle, sed etiam vt velimus, Ph. 2. p. 3.

Denique hæc opinio euertit omnino fundamentum prædestinationis diuinæ, quā S. Augustinus ex diuinis litteris solidissime comprobauit; inde enim pendet certitudo, atque infallibilitas prædestinationis, quod electis Deus efficacem gratiam præparauit. Quos enim prædestinauit, hos vocauit, Vocatione

A illa, vt Augu. monet in libro de correptione & gratia, c. 7. secundum propositum, de qua dictū est: *Omnia cooperantur in bonum his, qui secundum propositum vocati sunt sancti*. Quos autem vocauit secundum propositum, hos iustificauit iustificatione videlicet secundum propositum, quæ adiunctam habet perseuerantiam vsque ad finem; quos vero ita iustificauit.

Quod si vocatio efficax non penderet à proposito Dei, sed ab humana voluntate, nullus locus prædestinationi relinqueretur, sed cūtum præscientiæ, neque Apostolus dixisset, *vt secundum electionem propositum Dei maneres: Non ex operibus, sed ex vocante dictum est ei, quia maior seruiet minori, sicut scriptum est, Iacob dilexi, Esau odio habui, Rom. 9*. Omitto, quod esset abuti vocabulis, vocare gratiam efficacem, eamque à sufficiente distinguere, si nulla omnino in ipsa gratia distinctio esset, & totum discrimen ab humana voluntate penderet.

Est igitur ALIA sententia in alio externo aliorum, qui docent gratiā efficacem esse actionem Dei physicam, quæ determinat voluntatem ad volendum & eligendum bonum, quod illi fuerat per gratiam excitantem inspiratum; & quia nō potest fieri, vt Deus physice determinet voluntatem, quin ipsa voluntas determinetur, & velit id, ad quod determinatur, ideo fieri non potest vt gratia ista non habeat effectum infallibilem.

Hæc opinio videtur mihi aut esse omnino eadem cum errore Calu. & Lutheranorum, aut parum ab illo distare. Et quemadmodum opinio superior destruebat gratiam efficacem & simul prædestinationem, ita hæc opinio destruit gratiam sufficientem, & tollit e medio liberum arbitrium; nam ista determinatio voluntatis, quam gratia efficere dicitur, est necessaria ad hoc vt voluntas moueatur. Siquidem sine Dei cōcursu nihil omnino fieri potest, & ea sententia horum auctorum Dei cōcursus nihil est aliud, nisi determinatio, quam Deus efficit in voluntate. Quod si gratia ista necessaria est, non igitur sine ea potest fieri actio bona, ac per hoc, nulla remanet gratia verè sufficiens, quæ non sit etiam efficax; destruit igitur hæc opinio gratiam sufficientem.

D Quod autem tollat ex medio liberum arbitrium, ita probari potest. Nam, posita gratia determinante, non est in potestate liberi arbitrii agere vel non agere, neque est in eius potestate, vt ea gratia ponatur, vel non ponatur: igitur necessario & non libere voluntas agit: sed quia de hac re fusius disputauimus in 5. libro, hoc loco solum probare instituam, nō esse hanc opinionem conformem doctrinæ S. Augustini. Nam qui eam opinionem sequuntur, ideo potissimum eam sequuntur, quod eam S. Augustini esse sibi persuaferint.

E Igitur QUATVOR argumentis demonstrari potest, S. Augustini mentem longe aliam fuisse, quā istorum sit: & simul explicari, quæ sit vera sententia de efficacia gratiæ. PRIMVM argumentum sumitur ab iis testimoniis, in quibus S. Augustinus docet gratiam efficacem consistere in vocatione, siue persuasione & illustratione interna, ac proinde ad gratiam excitantem pertinere potius quā adiuuantem, si per adiuuantem intelligamus physicam Dei cooperationem. Auctores enim opinionis, quā refutare aggredimur, gratiam efficacem ponunt in illa physica Dei actione, quæ producit ipsum actum volendi.

Igitur sic loquitur S. Augustinus in lib. de spiritu & littera, c. 34. *Attendat, & videat, inquit, non ideo tantum istam voluntatem, diuino muneri tribuendam,*

quia

quia ex libero arbitrio est, quod nobis naturaliter creatum est. Verum etiam quod visum suasionibus agit Deus, ut velimus, & ut credamus. Et ibidem: His modo quando Deus agit cum anima rationali ut ei credat, neque enim credere potest quolibet libero arbitrio, si nulla sit suasio, vel vocatio cui credat, profecto & ipsum velle credere Deus operatur in homine, & in omnibus misericordia eius praeuenit nos, consentit autem vocationi Dei, vel dissentire, propria voluntatis est, quae res non solum non infirmat quod dictum est, quid habes quod non accepisti, verum etiam confirmat. Accipere enim & habere anima non potest dona de quibus audit, nisi consentiendo, ac per hoc quid habeat & quid accipiat, Dei est: accipere autem & habere, velle accipientis & habentis est.

Hoc loco S. August. PRIMVM ostendit, ipsum velle bonum, esse donum Dei, non quomodo Pelagiani docebant, quia sit ex libero arbitrio, quod nobis à Deo donatum est, sed quia sit ex peculiari gratia Dei. Deinde explicat quidnam illa gratia sit, ac dicit esse suasionem, inspirationem, visum immisionem, internam vocationem. Denique excludit opinionem illam quae docet, à Deo determinari voluntatem, ac dicit consentire vocationi & suasioni Dei, vel dissentire propriae voluntatis esse.

Rursus idem Augustinus lib. 1. ad Simplicianum, q. 2. Noli, inquit, Esau & non concurrat, sed esu voluisse & cucurrisset, Dei adiutorio peruenisset, qui ei etiam velle & currere vocando praestaret, nisi vocatione contempta reprobus fieret. Aliter enim Deus praestat ut velimus, aliter praestat quod voluerimus. Ut velimus enim & suum esse volui & nostrum, suum vocando, nostrum sequendo: quod autem voluerimus, solus praestat, id est, posse bene agere & semper beate vivere. Et hic videmus ipsum velle nostrum, fieri à Deo, non per physicam actionem determinantem voluntatem, sed per vocationem, quae est moralis inclinatio & impulsio, cui libere consentimus, vel dissentimus.

Idem habemus in li. 83. questionum, q. 68. ubi dicit Augustinus, ideo non debere sibi tribuere eos, qui ad cenam magnam venerunt; quia vocati venerunt: vocatio enim gratia fuit, sine qua venire non potuissent. Idem auctor in epist. 107. ante medium: Si ergo, inquit, ita praepararetur atque operaretur Deus hominis voluntatem, ut tantummodo legem suam, atque doctrinam libero adhiberet eius arbitrio, nec vocatione illa alia atque secreta, sic eius ageret sensum, ut eidem legi atque doctrina accommodaret assensum, proculdubio eam legere, vel intelligere legendo, vel etiam exponere ac predicare sufficeret, nec opus esset orare ut Deus ad fidem suam infidelium corda converteret.

Vides hic, gratiam Dei efficacem, quae infidelium corda convertit, & voluntatem bonam, quae operatur in nobis, esse vocationem altam, atque secretam, quae sensum internum, id est mentem agit, atque illi persuadet, ut consensum doctrinae, quae sibi praedicatur, accommodet. Idem lib. de praedestinatione Saeculorum, cap. 8. explicans illud Ioan. 6. Omnis qui audit à patre, & didicit, venit ad me: Valde, inquit, remota est à sensibus carnis haec schola, in qua pater auditur & docet, ut veniatur ad filium: ibi est & ipse filius, quia ipse est verbum eius, per quod sic docet, nec agit hoc cum carnis aure, sed cordis.

Hic vero non solum discimus ex Augustino, gratiam efficacem esse internam suasionem, quae adhibetur cordis auribus, sed etiam discimus ex Evangelio, CHRISTVS enim in Evangelio de Dei gratia, quae facit nos velle credere, loquitur, cum ait: Omnis qui audit à patre, & didicit, venit ad me. Idem Augustinus similia habet in libro de bono perseverantiae, c. 14. quem locum citabimus in argumento quarto,

Idem auctor in lib. de gratia & libero arbitrio, ca. 5. Ut Paulus, inquit, de caelo vocaretur, & tam magna & efficacissima vocatione converteretur, gratia Dei erat sola, &c. Hic etiam videmus gratiam efficacem esse vocationem.

Quae autem illa fuerit vocatio, explicat idem Augustinus lib. 1. ad Simplicianum, q. 2. ad finem, ubi sic ait: Quid volebat Saul nisi vi inuaderet, & traheret, vinceret & necaret Christianos? quam rabida voluntas? quam furiosa? quam caeca? qui tamen una desuper voce prostratus, occurrente vique tali viso, quo mens illa & voluntas, refracta sanitate torqueretur & corrigeretur ad fidem. Illa igitur fuit vocatio efficax, immissio talis visi in mente Pauli, quo ille subito persuaderetur & velle credere.

Denique idem auctor tractatu 26. in Ioannem, explicans quomodo pater trahat homines ad Christum: Ramum, inquit, viridem ostendis omni, & trahis illum, nunc pueri demonstrantur & trahitur. Et mox: Si ergo ista quae inter delicias & voluptates terrenas reuelantur amantibus trahunt, quoniam verum est, trahit sua quemque voluptas; non trahit reuelatus Christus à Patre? quid enim fortius desiderat anima, quam veritatem? Hic aperte videmus aptis similitudinibus explicatum, quemadmodum gratia trahat animam, non eam physice determinando, sed invitando, atque alliciendo demonstratis iis, quae congrua sunt ei qui trahitur.

ALTERVM argumentum sumitur ex iis locis, in quibus S. Augustinus docet gratiam Dei, quae facit nos velle, ac per hoc efficacem esse, esse gratiam praeuenientem & adeo praeuenientem, ut sine nobis operetur, proinde esse praeuenientem non solum natura, sed aliquando etiam tempore hinc enim manifeste sequitur, gratiam efficacem non esse physicam actionem determinantem voluntatem: ea siquidem actio non potest esse prior actu voluntatis humanae, nisi prioritate naturae, & prioritate naturae, non ut significat instans in quo sit illa actio, sed tantum à quo sit, ipsa enim humana volitio, ut sic loquar, ut à Deo est, dicitur actio Dei, nec intelligi potest, ut in aliquo instanti Deus efficiat illam volitionem, quin intelligatur in eodem instanti illa volitio fieri & esse in nobis, sicut non potest intelligi, ut Deus moueat voluntatem quia illa moueatur. Igitur in epist. 107. Gratia, inquit, meretur augeri, ut aucta mereatur, & perfectis comitante, non ducente, pedissequa, non praeuia voluntate. Et ibidem aliquoties repetit, per gratiam praeueniri voluntatem.

Ex qua sententia vidit Calvinus recte colligi, voluntatem à gratia praeparari, non autem ita determinari, ut non sit ei liberum assentiri, vel dissentire, & ideo Augustini sententiam audacter reiecit, sic enim scribit in lib. 2. Institutionum, cap. 3. §. 7. Sed erunt, inquit, qui concedent voluntatem à bono suo pre ingenio auctam, sola Domini virtute converti, sic tamen ut praeparata, suas deinde in agendo partes habeat, quemadmodum docet Augustinus, omne bonum opus gratiam praecedere, & id comitante, non ducente, pedissequa, non praeuia voluntate. Et infra: Sed quia reformata opus est Domini, hoc perpetuum homini tribuitur, quod gratia praeuenientis pedissequa voluntate obsequatur. Hic ille.

Idem Augustinus lib. 1. ad Simplicianum, questione secunda scribit, ipsum velle nostrum, & Dei esse & nostrum; Dei, vocando, nostrum, sequendo, ubi hunc vides esse ordinem. Primum Deus vocat, deinde nos vocatione accepta sequimur. Idem Augustinus in lib. de gratia & libero arbitrio, c. 5. Ut Apostolus Paulus, inquit, efficacissima conversione converteretur, gratia Dei erat sola. Solam vocat gratiam Dei,

quia non cooperabatur voluntas humana Deo in illa actione vocandi, qua præueniebatur & præparabatur, ut vellet conuertere. Quare in eodem lib. c. 16. ita scribit: *Certum est nos velle cum volumus: sed ille facit ut velimus bonum, de quo dictum est, quod præparatur voluntas à Domino.* Et cap. 17. *Ut velimus sine nobis operatur, cum autem volumus, & sic volumus ut faciamus, nobiscum cooperatur.* Quod antea dixerat, gratia Dei erat sola, nunc explicat per illa verba. *Ut velimus sine nobis operatur.*

Præuenit igitur Deus, & præparat vocando, idque sine nobis. DEINDE nos sequimur, non tamen sine eius auxilio, vocationi assentiendo. Denique in epi. 107. ad Vitalem, explicans illud Psalm. 37. *A Domino gressus hominis diriguntur, & vitam eius vult.* Obseruat, primum dictum esse, gressus hominis à Deo dirigi, deinde additum hominem velle: *Quia, ut ipse loquitur, voluntas bona donum Dei est, qui gressus hominis propterea primitus dirigit, ut viam eius velit.* Itaque primum dirigit Deus gressus, præparans voluntatem interna inspiratione ac suasionem, deinde ipsa voluntas præparata inspirationi ac suasioni, libere volendo assentitur.

Tertium argumentum sumitur ex omnibus illis locis, quibus capite superiore probauimus, dari gratiā sufficientem distinctam ab efficaci. Nā fieri non potest, ut detur gratia vere sufficiens, quæ simul non sit efficax, si gratia Dei physice determinat voluntatem; ista enim gratia præsentem & operantem, habet homo gratiam efficacem: ista absente, ne sufficiens, non quidem habet.

Postremum argumentum sumitur ex illis locis, in quibus idem S. Augustinus ostendit unde fiat, ut gratia sit efficax, licet non determinet physice, sed tantum moraliter, per modum suasionis: sunt autem Duo loca præcipua. Locus prior est in li. 1. ad Simplicianum, quæst. 2. *Igitur, inquit, non volentis neque currentis, sed miserentis est Dei, qui hoc modo vocauit, quomodo aptum erat eis, qui sequenti sunt vocationem.* Et infra: *Cuius miseretur, sic eum vocat, quomodo scit ei congruere, ut vocantem non respuat.*

Posterior est in lib. 2. de bono perseverantiae, ca. 14. *Ex quo apparet, habere quosdam in ipso ingenio diuinum naturaliter munus intelligentiae, quo moueantur ad fidem, si congrua sunt mentibus, vel audiant verba, vel signa conspiciant.* Et tamen si Dei altiori iudicio à perditionis massa non sunt gratia prædestinatione discreti, nec ipsæ ei adhibentur, vel dicta diuina vel facta per quæ possent credere, si audirent utique talia vel viderent.

Præter hæc duo loca, sunt etiā alia, ex quibus hoc idem colligitur, nam in lib. de spiritu & littera, c. 34. cum dixisset S. August. Deum internis inspirationibus agere cum anima, ut velit, & hac de causa ipsam voluntatem bonam esse donum Dei, subiungit: *tam ad illam profunditatem scrutandam quisquam nos coarctet, cur illa suadeatur, ut persuaderetur, illi autem non ita, duo sola occurrunt interim, quæ respondere placet, & altitudo diuinarum, & nunquid iniquitas apud Deum? Vbi potuisset S. August. respondere vni persuaderi, alteri non ita, quia vnus vult assentiri, alter non vult; sed quoniam nouerat, posse Deum etiam nolenti assentiri facile persuadere, & ex nolente facere volentem, si vellet ei proponere, quæ scit menti eius & ingenio congruere; ideo ad arcanum diuini consilij retulit dicens: & altitudo diuinarum!*

Idem Augustinus hoc ipsum satis aperte declarat tractatu 26. in Ioannē, ubi explicat, quomodo Deus trahat homines ad fidem, & faciat eos velle credere, nam quemadmodum pastor trahit quem, cum demonstrat ei ramum viridem, quo scit illam delecta-

ri, & pueros parentes alliciunt ostentis nucibus, quæ etati illi congruunt: sic etiam, Augustini sententia, Deus homines trahit inspiratione interius oblata, qualem scit aptam esse, ut ab eis non respuatur; quomodo libro primo ad Simplicianum, quæstio. secunda in fine, idem Augustinus scribit, Apostolum Paulum continuo à Deo fuisse conuersum, quia fecit, ut tale visum menti eius occurreret, quale requirebatur, ut mens illa & voluntas refracta sœuitia, torqueretur & corrigeretur ad fidem.

Denique omnia testimonia in primo argumento allata huc pertinent. Neque enim intelligi potest, quo pacto gratia efficax consistat in illa interna suasionem, quæ per liberum arbitrium respui potest, & tamen infallibilem effectum habeat, nisi addamus, Deum ijs, quos efficaciter & infallibiliter trahere decreuit, eam suasionem adhibere, quam videt congruere ingenio eorum, & quam certo nouit ab eis non contemnendam.

CAPVT XIII.

Soluntur obiectiones quædam aduersus ea, quæ dicta sunt de gratia efficaci.

OCCURRUNT TRIA, quæ obici possent aduersus ea, quæ in superiore capite disputauimus.

PRIMUM est gratiam efficacem non videri in illustratione & inspiratione, seu vocatione, ac suasionem constituendam, quod ista omnia ad legem & litteram, non ad gratiam & spiritum pertineant; quid enim interest inter suasionem istam internam, & concionem externam? & tamen externa concio littera est, non spiritus.

Respondeo, multum omnino interesse inter gratiam internam suasionis, & concionem externam: nā concio externa admouetur auribus corporis, concio interna auribus cordis.

DEINDE, concio externa solum proponit obiectum, sed non infundit lumen menti ad illud cognoscendum, neque aspirat affectum ad illud diligendum: at interna ac diuina suasio aliquando proponit obiectum, quod est illi commune cum externa; sæpius autem vtitur externa pro instrumento; semper autem lumen infundit, & afflat initium bonæ voluntatis, quod est quasi semen, unde postea oritur fructus voluntatis perfectæ & deliberatæ: quamuis autem proponere obiectum per se non ad spiritum, sed ad litteram pertineat, tamē ad gratiam pertinet, ut ea lectio, vel concio occurrat, quæ est accommodata hominis ingenio, præsertim si accedat internus Doctor, qui aperiat cor intendere his quæ audiuntur, aut leguntur, ut de Lidia purpuraria loquitur scriptura, Acto. 16.

DENIQUE gratia interna non solum excitat per illustrationem & aspirationem boni desiderii, sed etiam adiuvat voluntatem, eique cooperatur etiam physice ad eliciendum actum voluntatis deliberatæ, quāquam gratia magis dicitur efficax, ut supra demonstrauimus, ex illa incitatione, quæ proprie vocatio dici solet, quā ex cooperatione physica. Vide Augustinum in epi. 107. de spiritu & littera, cap. 34. de prædestinatione Sanctorum, cap. 8. in quibus locis aperte tribuit gratiæ & spiritui, ut distinguitur à lege & littera, internam suasionem, quam nos gratiam excitantem appellamus.

SECUNDA obiectio, si gratia efficax est interna suasio, quæ ita vocatur aliquis, ut aptum est ei, ut vocantem non spernat; gratia sufficiens, ut ab efficaci distinguitur, nihil erit aliud, nisi interna suasio, quæ ita vocatur aliquis, ut aptum ei non est, ut vo-

cantem

vocantem non spernat. Atqui absurdum videtur, ut Deus vocet aliquem, ut aptum ei non est, ut vocantem non spernat, siue ut tunc vocet, quando videtur sequuturum, & non vocet quando videt se non sequuturum.

RESPONDEO, certum esse vocari à Deo multos, ut aptum eis non est, ut vocantem non spernant, & eò tempore quo Deus videt illos non sequuturos, & non vocari eo tempore, quo prouidentur sequuturi, si vocarentur. Nam Dominus Matth. 11. dicit, Tyrios & Sidonios penitentiam acturos fuisse in cinere & cilicio, si ea signa vidissent, quæ Galilæi videbant, qui tamen iis visis non conuertebantur. Itaque Dominus signa fecit coram Galilæis, eosque vocauit, quando vidit eos non conuertendos, & noluit signa facere coram Tiriis & Sidoniis, eosque vocare quando videbat eos conuertendos, si per ea signa vocati fuissent.

Neque dubitari potest, quin ii qui arguuntur restituisse Spiritui sancto, Actorum c. 7. vocati fuerint à Spiritu sancto eo modo & eo tempore, quo videbat eis non aptum esse ut obedirent. Nam vocatos esse, & non obediuisse, certum est, quia alioqui non reprehenderentur, quod Spiritui sancto restitissent: præsciuisse autem Spiritum sanctum eos non obedituros, si illo modo & illo tempore vocarentur; nec defuisse Spiritui sancto potentiam, qua vocare posset eo tempore & modo, quo videbat illos sequuturos, quis negare audebit, nisi sapientiam aut potentiam Dei infinitam negare velit? vocauit igitur quomodo & quando vidit non sequuturos, & non vocauit quomodo, & quando vidit sequuturos.

Quod autem Deus facit, absurdum videri non debet, etiamsi causam ignoremus: quanquam in hac re non omnino causam ignoramus, ut ex Augustino colligi potest in epist. 106. & alibi: Deus enim reprobos non vocat, quando videt sequuturos, quia non tenetur ita eos vocare & iuste potest deserere: cum natura sint filii iræ. Vocat autem quando videt non sequuturos, tum ut ostendatur vis liberi arbitrii, tum propter electos, ut ipsi in perditione aliorum intelligant, quam gratiam acceperint à Deo, qui eos non solum vocauit, sed ita vocauit, ut videbat infallibiliter sequuturos. Neque reprobi culpam ullam suæ inobedientiæ in Deum referre possunt, cum non præscientia Dei, sed ipsorum voluntas causa fuerit, ut vocationi non acquiescerent.

TERTIA obiectio, videtur ista explicatio gratiæ sufficientis & efficaciæ quam nos tradidimus, aut parum, aut etiam nihil differre ab opinione illa, quæ efficaciam gratiæ, non tam in ipsa gratia, quam in voluntate humana ponit. Quam opinionem initio superioris capituli refutauimus.

RESPONDEO, sententiam nostram quam S. Augustinus esse demonstrauimus, aliqua in re cum prima illa opinione conuenire, sed in multis ab illa discrepare. Conuenit enim in eo, quod utraq; sententia gratiam sufficientem & efficacem ponit in auxilio excitante potissimum, non in adiuuante. Sed discrepant inter se, quod prima opinio vult efficaciam gratiæ pendere à voluntate humana, nostra vero, pendere vult à voluntate Dei.

Et, si proponatur quæstio, Vtrum si duo homines habeant eandem omnino gratiam excitantem & adiuuantem, saltem in actu primo, & eundem concionatorem audiant, & eadem signa videant: Vtrum, inquam, fieri possit, ut vnus credat, alter non credat: PRIMA illa opinio respondebit, fieri posse, quia libera voluntas manet, & potest pro arbitrio gratiam sequi, vel ei resistere. Quæ responsio contradicit

A Apostolo, qui 1. Cor. 4. prohibet fidei ne inflectur aduersus infidelem, & rationem reddit, quia fides, quæ eos discernit est donum Dei, quod illi est datum, & alteri non est datum. Quis enim, inquit, se discernit? quid habes quod non accepisti? si accepisti, quid gloriaris quasi non acceperis?

At NOSTRA sententia respondebit, posse quidem fieri, ut duo homines eadem interna motione accepta eundem concionatorem audiant, & eadem signa videant, & vnus credat, alter non credat: tamen non posse fieri, ut si eandem omnino gratiam excitantem duo homines accipiant; vnus credat, alter non credat. Siquidem ad gratiam non solum pertinet motio siue excitatio interna, sed circumstantia loci, temporis, personæ, &c. Si enim eadem motione accepta vnus credit, alter non credit, sine dubio vnus accepit motionem eo modo, loco & tempore, quo Deus prouidit eius ingenio congruere, alter non ita accepit: ac per hoc longe maiorem habuit Dei gratiam, is qui credit, quam qui non credit. Qui enim non credidit, habuit gratiam qua posset & vellet credere; qui autem credidit, habuit gratiam qua posset & vellet credere. Tunc enim Deus in nobis operatur velle: cum ita vocat, ut videt sequuturos. Et ideo vere non potest fidelis aduersus infidelem gloriari aut inflari, quia qui eum principaliter discernit ab infideli, non est ipse per liberum arbitrium, sed Deus per gratiam efficacem quam ei dedit & alteri non dedit. Vide Augustinum libro de prædestinatione Sanctorum, c. 5.

C Dices, si ponamus id quod ponit August. lib. 12. de ciuit. Dei, ca. 6. duos videlicet in omnibus pares, tentatos eadem tentione, eodem modo, loco, tempore, & æque affectos, & tamen vnus resistat, alter cadat, nonne causa diuersitatis referenda erit in liberum arbitrium? ut eo loco refert Augustinus, nam sine dubio etiã gratia fuit æqualis, si vocatio data est utrique eodem modo, loco, & tempore, & cum essent æque affecti, alioqui non fuissent in omnibus pares.

D RESPONDEO, causam diuersitatis referendam esse in liberum arbitrium, ut Augustinus eo loco recte probat, sed non primam causam; nam prima causa fuit, quia Deus vni dedit inspirationem, quam prouidit ab illo per liberum arbitrium amplectendam: alteri dedit eandem, sed quam prouidit ab eo per liberum arbitrium reiiciendam.

CAPVT XVI

Qua sit proprie gratia operans.

E DEXTA partitione gratiæ in operantem & cooperantem, non levis est quæstio, quam sane peperit obscuritas verborum S. Augustini, à quo eam partitionem Theologi acceperunt, & Apostoli Pauli, unde eam Augustinus accepit. Apostoli verba sunt in epistola ad Philippenses c. 2. *Deus est, qui operatur in vobis velle & perficere, pro bona voluntate.* Quæ verba sic explicat August. in lib. de gratia & libero arbitrio, c. 17. *Ipse ut velimus, operatur incipiens, qui volentibus cooperatur perficiens.* Et mox: *Ut velimus, si ne nobis operatur, cum autem volumus, & sicut volumus, ut faciamus, nobiscum cooperatur.* Multæ sunt huius partitionis expositiones.

PRIMUM enim Theologi Scholastici, gratiam operantem vocant ipsum habitum gratiæ, ut formaliter nos iustos & gratos Deo facit; id enim Deus in nobis sine nobis facit. Gratiam cooperantem esse volunt eundem habitum, ut operis meritorii principium est; cum enim opera bona facimus, non sola gratia operatur in nobis, sed & nos ipsi vere operamur.

Hæc doctrina verissima est, & eam inferius suo loco aduersus hæreticos propugnabimus; sed tamen non proprie partitio gratiæ operantis & cooperantis, vt ab Apostolo & Augustino accepta est, ad habitum gratiæ, sed potius ad auxilium speciale pertinere videtur. Neq; enim Apostolus & Augustinus tribuunt gratiæ operanti, vt faciat hominem iustum, sed vt faciat eum velle & desiderare iustitiam; neque efficientia siue operatio proprie dici potest, id quod gratia non efficienter, sed formaliter facit.

Est igitur ALIA explicatio, quod gratia operans non distinguatur à gratia excitante, neq; cooperans ab adiuvante; & quia gratia excitans inspirat initium quoddam bonæ voluntatis, ad quod non libere concurrimus; gratia adiuvans iuvat ad assensum præstandum & eligendum, quod Deus inspirauit, in quo plene liberi sumus: ideo dictum esse volunt auctores huius sententiæ, Deum in nobis sine nobis efficere vt velimus, nobiscum autem cooperari cum volumus; vbi per illud, *vt velimus*, intelligunt imperfectum & indeliberatum desiderium; per illud, *cum volumus*, intelligunt perfectam & deliberatam electionem.

Hæc explicatio nō videtur satisfacere verbis Apostoli & S. Augustini; vterq; enim tribuit gratiæ operanti, tanquam effectum proprium, non illud velle indeliberatum & imperfectum, sed velle deliberatum, vnde opera bona nascuntur: *Deus* (inquit Apostolus) *operatur in nobis velle & perficere*. Vbi non distinguitur velle indeliberatum à velle deliberato, sed voluntas ab executione. Et S. Augustinus: *Vt velimus*, inquit, *sine nobis operatur, cum autem volumus, & sic volumus vt operemur, nobiscum cooperatur*. Vbi cooperatio adiungitur operi nostro ex perfecta, ac per hoc, deliberata voluntate procedenti.

ALIA explicatio aliorum est, gratiam operantem esse eam, quæ tribuit actum internum, cooperantem quæ tribuit externum. quæ videtur esse S. Thomæ in 1.2. q. 111. art. 2.

Sed non videtur requiri gratia aliqua specialis ad actum externum: vbi enim aliquid efficaciter volumus, membra corporis ad nutum obediunt, & ideo S. Aug. in eodem lib. de gratia & libero arbitrio, cap. 16. dicit, petendum esse à Deo, vt tantum velimus quantum necesse est, vt volendo faciamus, & c. 17. dicit, eos qui volunt mandata seruare, & non possunt, ideo non posse, quia prauam habent voluntatem. Et breuiter, in vtroque capite hoc docet, posita efficaci voluntate, nullam remanere difficultatem: itaque sufficit auxilium generale ad opus externum perficiendum, quod auxilium non dicitur proprie gratia, neque operans, neque cooperans.

DICENDVM igitur est, gratiam operantem illam esse, quæ efficit in homine primum actum deliberatæ voluntatis, qualis est conuersio, siue ab infidelitate ad fidem: siue à peccatis cæteris ad poenitentiam: gratiam vero cooperantem esse illam, quæ efficit consequentes actus voluntatis, quales sunt, velle orare, velle quærere sacerdotem, velle bona opera facere, & alii similes. Quos continuo sequuntur actus externi, ita vt gratia operans nihil sit aliud, nisi auxilium speciale efficax respectu primi actus voluntatis: gratia vero cooperans sit auxilium speciale respectu actuum sequentium.

Sed quæstio est eaque non levis, quomodo sit intelligendum, quod S. Augustinus ait, primum actum deliberatæ voluntatis fieri sine nobis. Quomodo enim sit sine nobis, quod nostra libera deliberatione & electione efficitur. Neque enim audiendi sunt Lutherani & Calvinistæ, qui contendunt actus bonos internos ita fieri sine nobis, vt non sint actus li-

beri arbitrii: neque nos eos proprie faciamus, sed immixtos à Deo necessario recipiamus. Huic enim errorem postea suo loco copiosè refellemus.

Neque dubitari potest quin ista eorum sententia alienissima sit à mente S. Augustini. de cuius verbis nunc laboramus. Nam in li. 1. ad Simplicianum, quæstione 2. *vt velimus*, inquit, *& suum esse voluit, & nostrum suum vocando, nostrum sequendo*. Item lib. 2. contra duas epistolas Pelagianorum; cap. 8. *Homo*, inquit, *preparat cor, non tamen sine adiutorio Dei, qui tangit cor*. Et paulò post: *Quamuis nisi adiuvante illo, sine quo nihil possumus facere, os non possumus aperire, tamen os aperimus illius adiumento, & opere nostro; nam quid est preparare cor & os aperire, nisi voluntatem parare?* Item tractatu 72. in Ioannem: *Credenti in eum qui iustificat impii, deputatur eius fides ad iustitiam, in hoc opere facimus opera Christi, quia & ipsum credere in Christum opus est Christi. Hoc operatur in nobis, non tamen sine nobis*. Item in eodem loco: *Operantis in se Christo, cooperatur homo ad salutem æternam ac iustificationem suam*. Hæc ille. Non igitur dubitari potest, quin S. Augustinus nihil commune habuerit cum sententia hæreticorum, qui nos passim tantum concurrere existimant ad actus pietatis internos.

Cæterum si hæc ita se habent, quæstio initio proposita magis iam implicata videtur: nam ex eodem Augustino audiuius, ipsum, vt velimus, Deum operari sine nobis, & non operari sine nobis, Deum solum id operari, & nos ei cooperari, & alia, quæ pugnantia esse videntur.

IGITUR OBSERVANDVM est, Deum secundum quoddam genus causæ, esse mouentem respectu ipsius velle deliberari, & voluntatem non esse mouentem, sed tantum motam, cum tamen secundum aliud causæ genus, ad eundem actum volendi producendum Deus concurret vt mouens, voluntas autem tum vt mota, tum vt mouens, & ideo vtrumque verum esse, Deum operari ipsum velle deliberatum sine nobis, & non operari sine nobis.

Nam si consideremus causam efficientem & physicam illius actus, ea non solum est Deus per auxilium speciale, sed etiam voluntas per liberum arbitrium: & hoc modo illud velle, est Dei & nostrum, & nos in eo cooperamur Deo, & Deus illud operatur non sine nobis, vt S. Augustinus loquitur in locis paulo ante adductis contra hæreticos.

At si consideremus causam illius eiusdem actus moralem, id est, causam mouentem suadendo, hortando, consulendo, ea solus est Deus: voluntas autem secundum hoc genus causæ non est mouens, sed tantum mota. Non enim ipsa se voluntas impellit suadendo & hortando, vt velit quod non vult, sed Deus per inspirationes suas intus animæ loquens, ei suadet & persuadet, vt velit. Hæc est igitur gratia operans, quæ præuenit conatum & industriam nostram, & operatur vt velimus, quod antea volebamus, sine nobis operantibus vt velimus, non tamen sine nobis libere consentientibus dum volumus.

Atque hinc intelligemus, cur ad primum actum voluntatis tantum, requiratur gratia operans, ad reliquos autem non sit necessaria operans, sed cooperans: nam posteaquam cœpimus velle conuerti ad Deum, iam nos ipsi non tantum per liberum arbitrium producimus Deo iuvante reliquos actus, sed etiam nos incitamus & impellimus, Deo cooperante, ad eos.

Ac vt corporali similitudine rem illustremus, sit aliquis cui expediat navigare in orientem, & tamen

nolit id facere; si quis ad eum accedat, eique multis allatis rationibus tandem periuadeat, & de nolente volentem faciat; deinde ubi eum velle navigare cognouerit, procuret illi nauem, pecunias & cetera, quæ nauigantibus sunt necessaria; is profecto vere dicere poterit, ego solus feci, vt iuste nauigationem suscipere vellet; nam etiam si alter rationes allatas audierit, atq; apud se expenderit, & eadem assensum præbuerit: non tamen ipse sibi persuasit, neq; se ipse mouit, sed amicus eius illum mouit eique persuasit.

Cæterum quod attinet ad exequutionem voluntatis, non potest amicus ille dicere, Ego solus detuli illum in orientem sed solum, Ego illum adiui & cooperatus sum vt commodè nauigaret. Siquidem ille qui ab amico persuasus nauigare decreuit, sine dubio non sibi ipse defuit, sed cogitare cœpit, quid facto opus esset, & conatum atque industriam adhibere ad futuram nauigationem.

Hanc esse veram huius distinctionis explicationem ex ipso Augustino colligi potest: nam in libro de gratia & libero arbitrio, c. 5. sic loquitur: *¶ Et apostolus Paulus de cælo vocaretur, & tam magna & efficacissima vocatione conuerteretur, gratia Dei erat sola, quia merita eius erant magna, sed mala.* Vbi soli gratiæ tribuitur conuersio B. Pauli, ac per hoc fuit illa gratia operans, non quia Paulus non concurreret libere contentiando, & per liberum arbitrium actum illum conuersionis actiue producendo, sed quia merita eius erant magna sed mala, id est, quia non præcesserat ante cōuersionem vllum meritum, siue studium, aut conatus ad conuersionem. Solet enim August. meritum appellare quemlibet actum bonum, ratione cuius aliquid aliud accipimus: vt perspicuum est ex epistola 105. & 106. vbi dicit, solam fidem dari sine vlllo merito præcedente, quia eam nullus bonus actus præcedit: remissionem vero peccatorum non dari sine merito, quia fides orando illam meretur. Itaque in libro de gratia & libero arbitrio, c. 14. *Fides, inquit, & non petita conceditur, vt ei petenti alia concedantur.* Et paulo antè dixerat, se fidem appellare voluntatem credendi.

Itaque gratia operans est, quæ facit nos velle credere, quia id in nobis sit sine nobis petentibus, ac multo minus laborantibus & conantibus: gratia cooperans est, quæ facit nos velle orare, ieiunare, eleemosynas dare, & Sacramenta requirere, quia, id non fit nisi conatu atque industria nostra cooperante. Hinc idem Augustinus in eodem lib. cap. 17. non dicit, Deum operari velle nostrum sine nobis, sed operari, vt velimus sine nobis, nos enim cooperamur Deo volendo, id est, libere producendo actum volendi, sed non cooperamur faciundo, vt velimus. Quia non ipsi nos mouemus & incitamus ad volendum, sed ipse solus interna inspiratione nos mouet atque impellit.

Fortasse etiam sanctus Thomas non est alienus ab hac expositione: quamuis enim loco citato. 2. quæstione 111. articulo secundo, retulerit gratiam operantem ad actum internum, cooperantem ad externum: tamen probabile est, per internum actum eum intellexisse primum internum, per externum autem intellexisse alios consequentes, quos externi sequuntur, nam in eodem articulo docuit, gratiam operantem necessariam esse in conuersione, cum voluntas primo de mala sit bona, & ibidem docuit, gratiam cooperantem esse necessariam ad actus exteriores, quia ii fieri nō possunt, nisi Deus confirmet voluntatem in bono, & præbeat facultatem bene operandi.

Non igitur S. Thomas voluit, gratiam cooperantem simpliciter referri ad actus exteriores, sed ad interiores, vt ex his pendent exteriores, & hoc modo cum B. Paulus dicit Deum operari in nobis, velle & perficere, per vocem, *perficere*, non est intelligenda sola exequutio externa, sed tam interna quam externa opera, quæ nascuntur ex primo actu voluntatis. Et cum S. August. scribit Deum operari in nobis vt velimus, cooperari autem cum ita volumus vt faciamus, per illud, *faciamus*, non est accipienda actio tantum externa, sed etiam opus internum, vt oratio, contritio, &c.

LIBER SECVNDVS, DE GRATIA ET LIBERO ARBITRIO.

CAPVT PRIMVM.

Proponitur quæstio, an auxilium sufficiens omnibus detur.



EX PEDITIS quæstionibus circa partitiones gratiæ, tractanda est grauis illa controuersia de communicatione gratiæ & prædeterminatione diuina, videlicet an gratia sufficiens ad salutem detur omnibus hominibus, & si ita sit, quomodo saluetur gratiæ prædeterminationis veritas. Cuius controuersię explicatio omnino necessaria est ad sequentes disputationes, de libertate arbitrii & gratiæ necessitate. Sunt autem duæ sententiæ contrariæ de proposita quæstione, inter quas media incedit veritas.

Prima sententia Pelagianorum est, & eorum qui Pelagianis in Gallia occulte fauebāt, Fausti, Cassiani & aliorum. docet hæc sententia, gratiam Dei omnibus hominibus paratam esse, modo ipsi eam pete-

re & excipere velint. posse autem vnumquemque ex viribus liberi arbitrii sine alia præueniente gratia, ipsam gratiam expetere, inuocare, excipere. refert hanc sententiam siue potius hæresim S. Aug. in li. 1. ad Bonifacium, contra duas epist. Pelagianorum, c. vlt. & in epist. 106. & 107. & in lib. de Prædestin. Sanctorum, c. 1. & 2. eandem referunt Hilarius & Prosper in epistolis ad Augustinū, & Petrus Diaconus in lib. de incarnatione & gratia Christi, cap. vlt.

ALTERA sententia priorī contraria, est eorum omnium, qui non agnoscunt distinctionem inter auxilium, efficax & sufficiens, in quorum numero sunt Lutherus in assertionē art. 36. & Calu. lib. 3. Institut. c. 22. §. 10. & c. 24. §. 15. & 16. hi enim docent multis deesse sufficiens auxiliū ad salutem, omnibus

ijs videlicet, qui non sunt à massa perditionis diuina prædestinatione discreti.

Inter has contrarias pugnantisque sententias incedunt Theologi Catholici quamplurimi, ac fere omnes, qui docent omnibus hominibus pro loco & tempore sufficiens auxilium non deesse, & tamen sine præueniente gratia, neminem posse gratiam desiderare, petere, vel accipere. Vide Alexandrum Alesium in tertia parte Summæ, q. 69. memb. 5. art. 3. Albertum Magnum in 2. sent. dist. 28. art. 1. S. Thomam in 1. 2. q. 109. art. 8. ad 1. & in 1. 3. contra Gentiles, c. 159. S. Bonauenturam in 2. sent. dist. 28. art. 1. q. 3. Scotum in 1. sent. dist. 46. & ex recentioribus Adrianum Papam in q. 3. de pœnit. Ioannem Rosensem in refutatione art. 36. Franciscum Ferrarium in commentario lib. 1. contra Gentiles, c. 159. Ioannem Driedonem in lib. de captiuitate, & redemptione generis humani tract. 5. Ruardum Tapperum in explicatione articuli de libero arbitrio, Dominicum à Soto lib. 1. de natura & gratia, c. 15. & 18. Andream Vegam lib. 13. super Concil. Tridentinum, c. 13.

Quoniam autem explicatio propositæ quæstionis multa continet capita; neq; vna responsione absolui potest, per aliquot propositiones rem totam expeditur conabimur.

CAPVT II.

Auxilium gratiæ non expectare, sed præuenire voluntates nostras, neque æqualiter omnibus adesse.

SIT igitur PRIMA propositio: *Auxilium gratiæ Dei, non ita offertur omnibus hominibus, ut Deus expectet homines, qui illud desiderant vel postulant, sed præuenit omnia desideria & omnem inuocationem.* Hæc propositio est contra Pelagianos, & Pelagianorum reliquias, & habetur in Concilio ARAUSICANO can. 3. & 4. vbi sic legimus: *Si quis per inuocationem humanam gratiam dicis posse conferri, non autem ipsam gratiam facere, ut inuocetur à nobis, contradicet Iſaiæ Prophetæ, vel Apostolo idem dicenti, inuentus sum à non querentibus me, palam apparui his, qui me non interrogabant.* Item: *Si quis, ut à peccato purgemur, voluntatem nostram Deum expectare contendit, non autem, ut etiam purgari velimus per sancti Spiritus infusionem & operationem fieri consuevit, resistit ipsi Spiritui sancto per Salomonem dicenti. Preparatur voluntas à Domino, & Apostolo salubriter predicanti, Deus est, qui operatur in nobis velle & perficere pro bona voluntate.* Vide quæ scripsimus in 6. lib. c. 1. 4. & 5. nam illa omnia hanc propositionem confirmant.

SECUNDA propositio. *Auxilium gratiæ Dei non æqualiter omnibus adest.* Hæc propositio in diuinis literis ita luculenter habetur, ut mirum videri possit ab ullo vnquam fuisse negatam. Vrget S. August. illud Sap. 4. *Raptus est ne malitia mutaret intellectum illius, aut ne fictio deciperet animum eius.* Certe enim non omnibus hoc præstat Deus, ut eos rapiat, antequam in peccata labantur. Vrget etiam illud Matth. 11. *Si in Tyro & Sidone hæc facta fuissent, incinerere & cilicio penitentiam egressent.* Vbi videmus Deum mirabili, sed iusto, & sibi noto iudicio non solum non æqualiter omnibus gratiæ auxilia subministrare, sed etiam ijs quos credituros præuidebat, si miracula Christi vidissent, ea miracula non ostendisse, & eadem illis ostendisse, quos præuidebat quibuscunque visis miraculis, minimè credituros.

Huc pertinet etiam illud Matth. 13. *Vobis datum est nosse mysterium regni Dei, ceteris autem non est datum.* Et illud Rom. 9. *Cuius vult miseretur, & quem vult indurat.* Et Rom. 12. *Vnicuique Deus diuisit mensuram*

A Fidei. Et 2. Thess. 3. *Non omnium est fides.* Et Philipp. 2. *Vobis donatum est ut in illum credatis.*

Deniq; ut alia innumerabilia prætermittam, si gratia æqualiter omnibus adest, quomodo Deus in præteritis generationibus permisit omnes ingredi vias suas, nunc autem annunciat, ut pœnitentiam agant, ut legimus Actorum 14. & 17. cur Paulus illo ipso tempore, quo spirabat minas & cædes in discipulos Domini, diuino miraculo, Christo ipso eum vocante conuertitur, cum tam multos minus fortasse malos in delictis suis Deus iacere permittat? Cur ex paruulis morientibus interdum filius optimi viri sine baptismo decedit & perit, filius adulteri, vel incestuosi baptismo abluitur, & regno potitur æterno: Cur demum inscrutabilia esse dicit Apostolus iudicia Dei, & inuestigabiles vias eius in electione & reprobatione mortalium, si gratia æqualiter omnibus adest, & ex arbitrio hominum pendet ut eam capiant, vel abiiciant (vide sanctum Augustinum in libro de prædestinatione Sanctorum: Prosperum in lib. contra Collatorem; Petrum Diaconum in libro de incarnatione & gratia Christi; Fulgentium in libro eiusdem argumenti: Ioannem Maxentium in professione fidei: & totum Arausicanum Concilium, vbi diligentissime totus hic Pelagianorum error euertitur.

CAPVT III.

Soluantur argumenta Pelagianorum & Pelagianis sententium, contra duas propositiones capitis superioris.

ARGUMENTA, quibus error Pelagianorum confirmari solet, facile solui possunt.

PRIMUM lumitur ex c. 6. Sap. *Æqualiter est illi cura de omnibus.* RESPONDEO, vox æqualiter non videtur hoc loco referenda ad ipsam curam, quasi Deus nō magis curet rem vnā quam aliam, sed ad res ipsas, quæ curantur, ut sensus sit, nihil omnino subtrahi à prouidentia Dei, sed res omnes, nulla prorsus excepta, quāuis infima & villi diuina prouidentia gubernari. Quod significantius exprimit vox Græca, quæ habetur hoc loco, videlicet *κατὰ*, id est, communiter.

Sed fac illud, æqualiter referri ad curam & prouidentiam: nihil tamen Pelagiani inde lucrantur: nam non loquitur Sapiens de beneficio gratiæ, sed retributione præmiorū atque pœnarum. Præcedit enim illud: *Horrende & cito apparebit vobis, quoniam iudicium durissimum in his qui præsumpsit.* Itaque sententia huius loci est, in extremo iudicio Deum non accepturum personas, Regum & Principum, sed ex æqualitate iustitiæ sententiam esse laturum.

SECUNDVM argumentum sumunt ex illo Ioa. 1. *Erat lux vera, quæ illuminat omnem hominem venientem in hunc mundum.* Vbi videtur Christus conferri cum Sole, qui lucem suam in omnia loca æque diffundit.

RESPONDEO, posset hic locus non incommode referri ad naturalem illustrationem, quæ sit in nobis, cum in creatione lumen intelligentiæ & rationis accipimus: Tamen quoniam Chrysostomus & Cyrillus in commentario exponunt de lumine gratiæ. RESPONDEO, sensum huius loci esse, à Christo illuminari omnes homines, non quod omnes illuminentur, cum multi in infidelitate remaneant, sed quoniam nemo illuminatur nisi per ipsum, vel, si magis placeat, illuminari dicas omnes homines per Christum, quoniam omnibus præbet auxilium sufficiens, quo conuerti & credere possint, quamuis nec lumē æquale omnibus præbeat, neque expectet ut homines illuminari cupiant & expectant, sed ipse desideria & preces illuminando præueniat,

Potero similitudines non in omnibus rebus conuenire debent, ac per hoc neque necesse est, ut si Sol non illuminat cæcos, id etiam nō faciat Christus, & si Sol, non aperit fenestras domus, neque Christus aperiat fenestras cordis, & si Sol lucem suam æqualiter ubique diffundit, Christus quoque non diuidat unicuique mensuram fidei & donorum, sed æqualiter omnibus hominibus gratiæ suæ dona distribuat.

TERTIVM sumunt ex illo Ioan. 1. *Quotquot receperunt eum, dedit illis potestatem filios Dei fieri.* Hic enim videmus Deum expectare ut recipiatur, & tum demum his, qui se receperint, dare gratiam, per quam filii Dei fieri possent. **RESPONDEO**, vere Deus expectat ut recipiatur, ut det suscipientibus se potestatem filios Dei fieri.

Cæterum, quia recipere Deum in hoc loco Evangelii nihil est aliud, nisi credere, ut ibidem declaratur, cum subditur, *his qui credunt in nomine eius: nemo autem potest credere nisi Deus fidem illi donauerit, dicente Apostolo Philipp. 1. Vobis donatum est ut in illum credatis.* Ideo nemo potest eum recipere, nisi gratia eum diuina præueniat. *Gratia estis saluati* (inquit Apostolus Ephesi. 2.) *per fidem, & hoc non ex vobis, Dei enim donum est.* Ac si diceret, gratia potestatem accepistis, ut filii Dei esiceremini, quoniam per fidem recepistis Deum, quæ fides donum ipsius est. vide Augustinum lib. 1. ad Bonifacium, cap. 3.

QUARTVM sumunt ex illa promissione: *Petite & dabitur vobis, omnis enim qui petit, accipit.* Et: *Dabit spiritum bonum petentibus se,* Luc. 11. **RESPONDET** S. Augustinus lib. 4. in Iulianum, c. 8. non posse peti spiritum bonum, nisi prius spiritus bonus fidem infundat, & per eam excitet ad petendum. Nam *quomodo inuocabunt in quem non crediderunt?* Rom. 10. Et: *Postulet in fide nihil habitant,* inquit Iacobus c. 1. fidem autem donum esse Spiritus sancti, docet idem Apostolus 1. Corin. 12. *Alteri datur fides in eodem spiritu;* itaque spiritus adiuvat infirmitatem nostram, quid enim oremus sicut oportet, nescimus. Rom. 8.

QVINTVM sumunt ex illa Christi vocatione: *Venite ad me omnes qui laboratis, &c.* Matth. 11. **RESPONDEO**, inuitat Christus omnes ut veniant, non quod possint homines solis naturæ viribus venire, cum scriptum sit Ioan. 6. *Nemo potest ad me venire: nisi pater qui misit me, traxerit eum.* Sed ut admo- neatur, ut gratiæ præuenienti cooperentur, & non resistant Spiritui sancto.

SEXTVM sumunt ex illis Scripturis, quæ testantur Deum nō esse acceptorem personarum. Act. 10. Roma. 2. 1. Pet. 1. &c. hinc enim sequi videtur, ut Deus non magis ex se faueat vni quam alteri: sed volentes curari, sanet, non volentes deserat. **RESPONDEO**, acceptio personarum vitium est contra iustitiam, & ideo locum non habet in donis gratiæ.

Itaque in iis rebus quæ quoquomodo iustitiam sapiunt, Deus æquus est omnibus, neque personas accipit, sed vnicuique reddit secundum opera sua, at in donis gratiæ nemini facit iniuriam, si vni dat quod alteri negat. Imo in ipso iudicio quamuis acceptio personarum esset alicui minus præmium dare, quam iusto iudicio mereatur, vel maiori supplicio afficere quam dignus sit reus, tamē si alicui maius præmium, aut minorem pœnam dare voluerit, non erit acceptor personarum, etiam si id non cum omnibus seruet, quoniam hoc non est iniustitiæ, sed liberalitatis, iuxta illud Matth. 20. *Amice, non facio tibi iniuriam, tolle quod tuum est & vade, volo autem & hunc nouissimo dare sicut & tibi; an non licet mihi quod volo facere? an oculus tuus nequam est, quia ego bonus sum?* Vide Au-

gustinum in epist. 103 non procul ab initio, & lib. 2. ad Bonifacium c. 7.

SEPTIMVM sumitur ex illo 1. Cor. 15. *Sicut in Adam omnes moriuntur, ita & in Christo omnes viuificabuntur.* Nimirum inquit, si ipsi voluerint. **RESPONDEO**, loquitur Apostolus de resurrectione corporali iustorum, nam ut recte explicat S. August. in epist. 89. q. 3. non dicuntur viuificari in Christo, nisi illi qui resurgunt ad vitam beatam, quæ sola vita dicenda est: impii enim resurgent quidem, sed ad mortem; id est, ad miseriam sempiternam. Itaque hic locus non facit ad propositum, cum de gloria æterna, non de gratiæ beneficiis intelligi debeat.

Sed inquit Faustus, Apostolus comparat Adamum cum Christo, seu potius Christum cū Adamo, sed in Adam mortui sunt omnes homines: Igitur in Christo viuificantur omnes homines, non autem viuificantur omnes vita gloriæ, ergo debet intelligi hic locus de vita gratiæ, quam Christus omnibus paratus est dare, modo ipsi velint.

Sed facilis est responsio; nam in Adam non moriuntur omnes homines, sed istantum qui ex Adam nascuntur, quo etiam modo non viuificantur in Christo omnes homines, sed istantum, qui per ipsum renascuntur. Quod si de vita gratiæ Apostolus loqueretur, promptum esset respondere, omnes in Christo viuificari, non quod omnes homines viuificentur, sed quia nemo viuificatur, nisi per Christum, sicut nemo perit, nisi per Adamum, hoc est, nisi ex Adamo originem trahat.

Denique posset etiam Fausto concedi, in Christo viuificari vita gratiæ omnes homines, modo ipsi velint, sed addendum esset, neminem velle per Christum viuificari, nisi Deus eum præueniens, faciat eum velle. Deus est enim qui operatur in nobis velle, & perficere pro bona voluntate, Philipp. 2.

OCTAVVM sumunt ex illis locis quæ testantur Deum velle omnium hominum salutem. ut 1. Tim. 2. *Vult omnes homines saluos fieri.* 1. Tim. 4. *Qui est saluator omnium hominum.* 1. Pet. 3. *Neminem vult perire, sed omnes ad agnitionem veritatis venire.* **RESPONDEO**, hæc loca parum ad rem faciunt. Solum enim significant, Deum non impedire quenquam à salute. Imo remedia & auxilia pro omnibus in commune instituisse, prædicationem euangelii & Sacramenta voluisse omnibus esse communia, &c. sed ex his nemo recte colligit Deum expectare ut homines suis viribus velint salui fieri.

Sed inquit, si Deus vult omnes saluos fieri, cur non fiunt omnes salui, nisi quia ipsi nolunt? **RESPONDEO**, crissimum est, non fieri omnes saluos, quia ipsi nolunt; nam si vellent, Deus eis utique non deeret. Cæterum nemo vult saluus fieri, nisi Deus, præueniendo ac præparando voluntatem faciat eum velle; cur autem Deus non faciat omnes velle, quis nouit sensum Domini? aut quis cōsiliarius eius fuit? Itaque sicut verum est non omnes saluos fieri, quia ipsi non volunt, sic etiam verum est, non omnes saluos fieri, quia Deus non vult voluntate illa beneplaciti, de qua scriptum est in Psalm. 113. *Omnia quæcunque voluit fecit in celo & in terra.* Et tamen simul etiam verum est, Deum velle omnes saluos fieri voluntate illa quam recte Theologi antecedentem vocant.

POSTREMVM argumentum adferri potest ex ipso Augustino, à quo vel inuito, ut aiunt quidam, testimonium extorsit veritas, nam in commentario Psalm. 45. tractans illud: *Deus in medio eius non commovebitur,* sic ait, *quid est Deus in medio eius? hoc significat, quod æquus est omnibus Deus & personas non accipit,*

quomodo enim illud, quod in medio est, paria habet spacia ad omnes fines, ita Deus medius esse dicitur aequaliter omnibus consulens.

RESPONDEO, loquitur in eo loco S. August. de ijs tantum auxiliis, quæ aliquo modo sunt debita, & iustitiam sapiunt, ubi locum habere posset acceptio personarum: in his enim Deus omnibus est æquus & non accipit personas, & aequaliter omnibus consulit, quia neminem impellit ad malum, omnes hortatur ad bonum, neminem punit nisi malum, neminem remuneratur nisi bonum, nulli subtrahit communia auxilia; alia vero ratio est donorum gratiæ, quæ nemini sunt debita.

CAPVT IV.

Non posse Deum iniustitiae accusari, si non daret omnibus auxilium sufficiens ad salutem, neque de illo desperandum esse.

SITIAM TERTIA propositio: Nulla esse in Deo iniquitas, si non solum aliquibus, sed etiam omnibus hominibus auxilium sufficiens ad salutem negaret. Hæc certissima est apud eos, qui ex diuinis litteris peccatum originale nouerunt; nam cum per peccatum primi hominis nascamur omnes filii iræ (vt Apost. docet ad Ephes. 2.) nihil nobis iure debetur nisi pœna. Hinc Sap. 12. dicit Spiritus sanctus: *Quis habet contra iudicium tuum, aut quis tibi imputabit si perierint nationes, quas iustificasti?* Et Apost. ad Rom. 9. demonstrat, solam esse misericordiam, qua Deus ex massa perditionis aliqua vasa facit, in honorem, vnde etiam vasa misericordiæ appellat. Et ea causa est, vt S. August. docet in epist. 175. cur pauci sint qui saluantur, vt nimirum intelligamus quid omnibus deberetur; denique prima gratia datur inimicis, ac per hoc modis omnibus est indebita; nulli igitur fieret iniuria si ea gratia nemini præberetur; itaque S. AUGUSTINVS lib. de bono pœre. c. 5. *Non sumus ingrati, quod tam multos liberat misericors Deus de tam debita perditione, vt si inde neminem liberaret, non esset iniustus.*

QUARTA propositio: siue detur sufficiens auxilium omnibus, siue tantum aliquibus, non tamen de nullius salute, donec in hac vita fuerit, desperare debemus, neque ab illo subtrahere correptionem, exhortationem & alia charitatis officia. Hæc quoque sine controuersia recipitur ab omnibus: nam tamen nonnulli ita deferrentur à Deo, omnique auxilio prorsus destituerentur, vt nulla ratione conuerti possent; nos tamen qui nescimus qui sint illi, de omnibus bene sperare debemus ac dicere cum Propheta Ioël: *Quis scit si conuertatur & ignescat Deus, & relinquat post se benedictionem?* Ioël. 2. Et Apostolum Paulum audire, qui iubet vt mansueti simus ad omnes, & cum patientia modestia corripiamus eos, qui resistunt veritati, ne quando Deus de illis pœnitentiam ad cognoscendam veritatem & relinquant à diaboli laqueis.

Hinc S. AUGUSTINVS lib. de correptione & gratia, c. 15. *Ne scientes, inquit, quis pertineat ad predestinatorum numerum, quis non pertineat; sic affici debemus charitatis affectu, vt omnes velimus saluos fieri.* Et c. 16. *Quantum ad nos pertinet, qui predestinatos à non predestinatis discernere non valeamus, & ob hoc omnes saluos fieri velle, debemus omnibus ne pereant; vel ne alios perdant, adhibenda est à nobis medicinaliter seuera correptio.* Quod idem repetit in 1. li. retract. c. 19. Sanctus quoq; Leo in serm. 4. de Epiphania: *Dum, inquit, hoc in corpore viuunt, nullius desperanda reparatio, sed omnium est optanda correctio, auxiliante domino, qui erigit elisos, soluit compeditos, & illuminat cecos.*

CAPVT V.

Auxilium sufficiens ad salutem, pro loco & tempore, omnibus dari.

QUINTA propositio: *Auxilium sufficiens ad salutem pro loco & tempore, mediate vel immediate omnibus dari.*

Dicimus, *auxilium sufficiens ad salutem*, nam de auxilio sufficienti ad non peccandum, alia ratio est, vt infra suo loco patebit. Itaque hic tantum differimus de auxilio sufficienti ad resurgendum à peccato, atque ad iustificationem ad salutem comparandam.

Dicimus, *pro loco & tempore*, quoniam non definimus loco, vtum omni tempore, omnique momento tale auxilium adsit: de hac enim re paulò pòt agemus, sed tantum id asserimus, nullum esse, qui non aliquando saltem hoc auxilium habeat.

Dicimus denique *mediate vel immediate*, quoniam ijs, qui vsu rationis vtuntur, immitti credimus à Deo sanctas inspirationes, ac per hoc immediate illos habere gratiam excitantem; cum si acquiescere velint, possint ad iustificationem disponi, & ad salutem aliquando pertingere: insautem qui rationis vsu non habent, quales sunt infantes vel ab infantia mente capti, mediate auxilium donari censemus, quoniam parentes eorum non solum sibi ipsi prospicere, sed etiam filiis suis, præsertim rationis vsu carentibus, baptismum procurare possunt: si volunt.

Hæc igitur propositio sic explicata probatur PRIMVM ex diuinis litteris Psal. *Non est qui se abscondat à calore eius.* AUGUSTINVS in hunc locum: *Nullum, inquit, mortalium permisit excusare se de umbra mortis, ipsam enim penetravit verbi calor.* Item Psal. 24. *Vniuersa via Domini misericordia & veritas.* Videtur enim hoc significare Spiritus sanctus omnibus hominibus primum à Deo exhiberi misericordiam, deinde si ea non vtantur, exhiberi iudiciũ; non potest autẽ recte dici, agi cum aliquo misericorditer, quod attinet ad salutem, nisi detur ei sufficiens auxiliũ ad salutem, neque iuste puniri potest, qui ex diuino auxilio non proficit, si auxilium non fuit sufficiens.

Item Prou. 1. *Sapientia foras prædicat, in plateis dat vocem suam, in capite turbatum clamat, in foribus portarum urbis profert verba sua dicens, & quoquo parauit diligitis infantiam, & stulticia quæ sibi sunt noxia cupient, & impudentes odibunt scientiam & conuertimini ad correptionem meam. En proferam vobis spiritum meum, & ostendam vobis verba mea. Quia vocati & renuistis, excidendi manum meam, & non fuit qui aspiceret, ego quoque in interitum vestro ridebo.* Hæc certe prædicatio generalis & comminatio item generalis aperte significat Dei sapientiam, nullum ita deferere, qui aliquando eum vocet, & auxilium sufficiens illi præbeat.

Item Sap. 11. *Misereris omnium, quia omnia potes, & dissimulas peccata hominum propter penitentiam; diligis enim omnia quæ sunt, & nihil odisti eorum quæ fecisti, Nec enim odens aliquid constituisti, aut fecisti. Parcis autem omnibus quoniam tuus es Domine, qui amas animas.* Hæc certe vix intelligi possunt, nisi fateamur omnibus tribui sufficiens auxilium: quomodo enim miseretur omnium, & parcit omnibus, si nõ dat saltem eis auxilium, quo ad reconciliationem possint peruenire si velint? Neque debent hæc restringi ad electos, nã ratio cur Deus omnib parcatur, & omnium miseretur, redditur hoc loco ex creatione, quia Deus omnes creauit, & quoniam amat animas, & res à seipso factas; at creatio cõmunis est omnibus absolute.

Item Sap. 12. *Si inimicos seruorum tuorum, & debitos morti, cum tantacruciatu attentione, davi tempus & locum per quæ possent mutari a malitia, cum quantã dili-*

gentia indicasti seruos nostros? At frustra Deus daret tempus & locum peccatoribus, per quæ possent mutari à malitia, nisi auxilium etiam præberet, sine quo mutari non possunt.

Item Ezech. 33. Sic loquuti estis discentes, iniquitates nostræ & peccata nostra super nos sunt, & in ipsis non tabescimus, quomodo ergo viuere poterimus? dic ad eos, viuo ego, dicit Dominus, nolo mortem impij, sed ut conuertatur impius à via sua, & viuat: conuertimini, conuertimini, & quare moriemini? illa exhortatio, conuertimini, conuertimini, irrisoria videretur, nisi Deus dedisset illis vires, quibus cõuertere possent. Non fuisse autem irrisoriam siue ironicam exhortationem, testatur iuramentum illud, viuo ego dicit Dominus, nolo mortem impij, &c.

Item illud Matt. 5. qui solem oriri facis super bonos & malos, & pluit super iustos & iniustos. Monet S. Amb. serm. 8. in Pl. 118. intelligendum esse etiam de sole iustitiæ & pluuia gratiæ. Illa item inuitatio: Venite ad me omnes Qui laboratis & onerati estis, Matt. 11. Ne sit frustra, requirit omnino, vt sicut vocatio est generalis, ita & auxilium quo possint homines venire, sit generale.

Illud autem Ioan. 1. Illuminat omnem hominem, supra diximus ex commentario Chrysost. & Cyrilli, referri ad lumen gratiæ, quo nemo omnino priuatur. Illud quoque 1. Tim. 2. Vult omnes saluos fieri & ad agnitionem veritatis venire. Et 2. Pet. 3. Non vult aliquos perire, sed omnes ad penitentiam conuerti. Exponitur quidem variis modis à S. Aug. sed illa expositio videtur maxime congruere Apostolicæ sententiæ, quam habet in lib. de Spiritu & littera, c. 33. Vbi exponit quæstionem, cur Deus non det omnibus velle credere, cum velit homines omnes saluos fieri. Et respondet Deum velle omnes saluos fieri, sicut tamen, vt non adimat eis liberum arbitrium, quo vel bene vel male vtentes iustissime iudicentur, & addit, infideles contra Dei voluntatem facere, cum non credunt Euangelio, tamen non vincere Dei voluntatem, quoniam experientur in suppliciis potestatem eius cuius in donis misericordiam contempserunt. Et ponit similitudinem domini, qui vult, vt omnes serui laborent in vinea, sic tamen vt si qui operari noluerint, detrudantur in pistrinum.

Ex his intelligimus hanc fuisse Aug. sententiam de hoc loco Apostoli, Deum velle omnes saluos fieri, quia dat omnibus, vnde possint velle credere & saluari, sic tamen vt si ipsi noluerint, non sanentur, sed ad supplicia destinentur æterna: quæ fuit etiam expositio S. Prosperi li. 2. de vocatione gentium, c. 23. 25. & 28. Item cõmentariorum qui tribuuntur Amb. item Chrys. Theophyl. & Oecumenij, qui dicunt Deum velle omnes saluos fieri, & si ipsi veliat, nimirum si velint cooperari diuinæ gratiæ præuenienti.

Illud item 1. Tim. 4. Qui est saluator omnium hominum maxime fidelium. vix potest aliter exponi, quam vt exponit S. Prosper in lib. 2. de vocatione gentium, c. 10. vt videlicet intelligamus, Deum saluatorem esse omnium, quia dat omnibus, vnde saluari possint, sed maxime, fidelium, quia dat illis non solum, vt saluari possint, sed etiam vt saluentur.

Denique illud 1. Cor. 15. Pro omnibus mortuus est Christus. Et 1. Tim. 2. Qui dedit semetipsum redemptionem pro omnibus. Et 1. Ioan. 12. Ipse est propitiatio pro peccatis nostris, non solum autem nostris, sed etiam totius mundi. Quomodo potest verum esse, si non datur omnibus aliquid vnde Christi mortis participes fieri queant? nam cum non possit vllus sine præueniente dono particeps esse mortis Christi & precii redemptionis huius, frustra Christus pro omnibus precium soluit, si noluit omnibus viam aperire, qua ad

A redemptionem peruenire possent.

Probat S. CYRILLUS eadem sententia testimonijs Patrum. S. DIONYSIUS Areopagita in lib. de cœlesti hierar. c. 9. Nempe, inquit, & alijs gentibus, ex quibus & nos, ad immensum & infinitum diuini luminis pelagus quod semper paratum est, & patet omnibus ad participandum, ex præcitis erroris cecitate respiramus, ad quod sane obsequentes ducebant Angeli præpositi singulis gentibus. Quærit eo loco dionysius cur soli Iudæi Deum verum aliquando coluerint, gentes autem pene omnes ad idola defluerint. Respondet vero, id factum esse ex delictis & nequitia gentilium, qui noluerunt diuinum lumen aspicere, aut in eo permanere, cum ipsum lumen omnibus pateat ad participandum, & Angeli singulis gentibus à Deo præpositi muneri suo nequaquam delint, vbi quod dicit B. Dionysius diuinum lumen paratum esse, & patere omnibus ad participandum, non significat diuinum lumen offerri volentibus suis viribus illud excipere, vt Pelagiani delirant, sed paratum esse & patere omnibus, quoniam Deus omnibus porrigit auxilium, quo possint, si velint, oculos cordis aperire & illuminari.

S. IRENAEVS lib. 4. c. 71. Vis, inquit, à Deo non fit, sed bona sententia adest illi (homini videlicet) semper, & propter hoc consilium quiddam bonum dat omnibus. posuit autem in homine potestatem electionis; abiicientes igitur bonum, & quasi respuentes, merito omnes in infernum iudicium incident Dei. Vbi per consilium bonum, quod Deus dat omnibus, debet intelligi interna suasio cum alijs omnibus, quæ necessaria sunt ad conuersionem, alioqui enim non iuste iudicarentur tanquam contemptores consilii diuini, nisi vires à Deo accepissent, quibus illud amplecti & exequi possent.

CLEMENS Alexandrinus in oratione exhortatoria ad gentes, vltra medium. Audite, inquit, qui estis longe, audite qui prope, nullis calatum est verbum, lux est communis, omnibus illucescit hominibus, nullus est in verbo Cimmerius.

ORIGENES lib. 3. de principiis, c. 1. multis argumentis & similitudinibus hoc ipsum probat, omnes homines posse saluari, & soluit argumenta contraria, explicans fere omnia testimonia Scripturarum, quæ ad hunc locum pertinent. Et quamuis Origenis lib. de principiis non paucos errores contineant, tamen neque epiphanius, neque Hieronymus, neque Philastrius, neque Augustinus hanc sententiam inter errores Origenis numerant.

S. HILARIUS lib. 1. de Trin. ante medium. Esse, inquit, filios Dei non necessitatem esse, sed potestatem, quia proposito vniuersis Dei munere, non natura gignentium affectatur, sed voluntas primum consequatur.

S. AMBROSIVS serm. 8. in Psal. 118. explicans illud: Misericordia Domini plena est terra. Sol, inquit, iustitia omnibus oriens est, omnibus venit, omnibus passus est, & omnibus resurrexit; si quis autem non credit in Christum, generali beneficio ipse se fraudat, vt si quis clausis fenestris radios Solis excludat.

S. IOANNES CHRYSOSTOMVS hom. 7. in Ioan. Si illuminat, inquit, omnem hominem venientem in hunc mundum, quoniam pacto tot homines sine lumine permanent? neque enim omnes Christum cognoscunt, quomodo ergo illuminat omnem hominem? illuminat profecto quantum in ipso est. si qui autem sponte sua mente oculis conuincuntur ad huius lucis radios aciem dirigere noluerint, non ex luminis natura in tenebris persistunt, sed ex malitia sua sponte tan- to se dono indignos reddiderunt.

S. CYRILLVS idem docet iisdem fere verbis, in lib. 1. in Ioan. c. 11. quæ frustra repetenda non videntur.

S. PAVLINVS in epist. 1. ad Aprum: Hinc, inquit, in omni loco plura quotidie mirabiliora solito signo cre-

non diceret Apostolus, ne quando det, si
semper daret.

SECUNDO probatur idem ex Patribus. Sanctus Augustinus lib. 4. in Iulian. c. 8. *Qui iam veniunt, inquit, libero voluntatis arbitrio, nisi eo volente ac subueniente à quo preparatur voluntas, velle non possunt, ubi si dixerit mihi, cur ergo non conuertis omnium nolentium voluntates? Respondebo, cur non omnes morituros adopsat lauacro regenerationis infantes? Vides hic Augustinum affirmare non posse homines sine gratia praeueniente velle conuerti, & simul admittere, non semper dari gratiam istam praeuenientem.*

S. Gregorius lib. 11. Moral. cap. 5. *Cum, inquit, diuina voce admoneri potuit, & mutari non potuit, quia exigente culpa malitia iam intus Deus cor reliquerat, cui fors ad testimonium verba faciebat.*

S. Fulgentius in libro de incarnatione & gratia Christi, c. 17. *Vt homo in Deum, inquit, credere incipiat, à Deo accipit penitentiam ad vitam, ita ut omnino credere non possit, nisi penitentiam dono Dei miserantis acceperit. Et paulo ante dixerat, Re vera, secundum Apostolum, Deus quibus voluerit dat penitentiam, ad cognoscendam veritatem. Ex quibus locis intelligimus, auxilium necessarium ad credendum, ac per hoc, ad conuersionem & salutem, non semper omnibus adesse.*

S. Isidorus in lib. 1. de summo bono ca. 15. & 19. & S. Anselmus in commentario ad cap. 12. Matt. aperte dicunt, aliquos non posse conuerti, quod intelligendum est pro tempore, quo carent auxilio necessario ad conuersionem.

Probat **VI**IMO ratione, nam non potest vllus conuerti sine gratia praeueniente, cum scriptum sit Ioan. 6. *Nemo potest ad me venire, nisi Pater qui misit me, traxerit illum; gratia vero ista praeueniens, non semper adest, vt vel experientia ipsa testatur, non enim sentimus assidue nos illuminari à Deo, aut immitti bona desideria quibus excitemur ad conuersionem; non igitur semper habemus auxilium sufficiens ad conuersionem.*

Respondet ad hanc rationem duobus modis: dicit enim aliqui, Deum quidem perpetuo pulsare ad ostium cordis, & peccatores vocare, sed eos alijs rebus intentos non percipere vocationem Dei. **A**LIJ dicunt, Deum quidem non semper vocare, sed paratum esse id facere, si velimus.

At posterior hæc responsio, manifeste incidit in errorem Cassiani & Fausti, quem refutauimus c. 2. & omnino tollit è medio gratiam praeuenientem, quomodo enim gratia praeueniens est, si semper expectat vt à voluntate humana praeueniatur? Sed neque trahi dicendus est, qui antequam trahatur, voluntatem habet eundi. **D**ENIQUE, expectat quidem ille, qui pulsat ad ostium cordis, vt aperiatur, & ideo dicit: *Si quis aperuerit mihi, intrabo ad eum; sed non expectat, vt inuitetur ad pulsandum, sed ipse praeuenit pulsando & vocando, vt definitum est in Concilio Arausicano, can. 4.*

Prior autem responsio cum ipso experimento apertissime pugnat, nam cum vocatio, pulsus, tractus, excitatio illa Dei, sit actio nostra, quamuis non libera, nimirum bona cogitatio, bonumque desiderium tenente ac diuinitus immissum; quomodo potest fieri vt non sentiat à nobis, si sit non solum in nobis, sed etiam à nobis? Præterea, si semper adesset talis gratia praeueniens, semper actu bona cogitarem & vellemus; quis autem hoc sanus dicere audeat? quare in Pl. 94. cum Spiritus sanctus dicit: *Hodie si vocem eius audieritis, nolite obdurare corda vestra, ideo nominat hodie, & conditionem addit, si audieritis, quia non quotidie, nec sine intermissio-*

ne sonat vox eius, sed certo tempore nos visitat atque excitat.

At contra obijciunt aliqui, **P**RI MO, Scripturas, quæ hortantur homines ad conuersionem, eoque reprehendunt, qui non celeriter conuertuntur, Ezech. 33. *Conuertimini, conuertimini. Eccles. 5. Ne tardes conuerti ad Dominum.*

SECUNDO, de cr. Concil. Later. quod habetur in ca. Firmiter, de summa Trin. & fide Catholica; quo docemur semper posse hominem lapsum per veram penitentiam reparari.

TERTIO, sententiam S. Tho. qui in 3. p. q. 86. art. 1. dicit, erroneam esse opinionem illorum, qui **B** sentiunt aliquem in hac vita penitentiam agere, & mores suos emendare non posse.

Sed hæc nullo negotio dissoluuntur: Scripturæ siquidem dum hortantur homines ad conuersionem, id monent, vt cum à Deo vocantur & excitantur, non resistent Spiritui sancto, iuxta Psalmum paulo ante citatum, *hodie si vocem eius audieritis, nolite obdurare corda vestra.*

Concilium vero Lateranense Sacramentorum doctrinam tradit, ac docet, post baptismum esse aliud Sacramentum, videlicet penitentiam, per quod semper reparari possunt qui illud rite suscipiunt; non autem Concilium negat, requiri gratiam praeuenientem ad veram penitentiam, eamque gratiam non semper, sed pro loco, & tempore dispensari.

DENIQUE S. Tho. ipse se loco notato exponit, scribit enim errorem esse, si quis dicat, ita esse aliquos in hac vita obduratos, vt per Dei gratiam emolliiri non queant, quasi inflexile iudicium & voluntatem habeant. Id enim repugnat, vt recte idem ait, statui viatorum: at non requirit status viatorum, vt singulis momentis habeant gratiam praeuenientem, sed vt ea præsentem possint conuerti & non conuerti, & vt non ita certo & absolute per omnem vitam destituantur auxilio Dei, vt de salute desperare possint.

CAPVT VII.

Auxilium ad nouum peccatum euitandum, semper omnibus adest.

SEPTIMA propositio: *Auxilium sufficiens ac necessarium ad vitanda peccata omnibus hominibus & omni tempore vel immediate vel mediate à diuina benignitate præstatur.* Dicimus ad peccata vitanda, non ad resurgendum à peccato; multum enim inter hæc interest, & ideo non pugnat hæc propositio cum superiore; nam, vt quis possit à peccato resurgere, requiritur necessario interna excitatio, quæ, vt ostendimus, non semper adest; vt autem possit quis vitare peccatum, non est necessaria interna illa inspiratio, sed satis est, si vel vires aduersario minuuntur, vel remoueat tentationis occasio, vel terror aliquis injiciatur, vel aliquid magis alliciens offeratur. Quod si etiam ad omne peccatum vitandum excitatio illa requireretur, adhuc multum interesset inter vitacionem peccati & conuersionem à peccato. Nam, vt quis posset semper conuerti, requireretur vt semper haberet gratiam illam excitantem, quam tamen non semper haberi experientia ipsa testatur; vt vero quis posset sepe vitare peccata, non requireretur vt semper haberet gratiam excitantem, sed tunc solum cum adesset peccandi periculum, quod periculum non semper adest, cum aliquando nullum occurrat præceptum affirmatiuum, & nulla tentatio contra negatiua.

Dicimus deinde *mediate vel immediate*, quoniam certum est, aliquos non habere sufficiens auxilium quo possint immediate resistere tentatori, & cui-

tare peccatum, tamen habere auxilium, quo possint à Deo maiorem gratiam maioresque vires, maiora denique præsidia impetrare, quibus adiuti omnino tentationi resistent, & peccata vitabunt.

Id perspicuum est, Tum ex Scripturis, quæ iubent nos orare, ne intremus in tētionem, Mat. 6. & 26. Tum ex Innoc. in epist. ad Conc. Carthaginēse, ubi docet, non posse vinci à nobis tentationes, nisi gratia Dei in nos implorata descendat, & ex Cælestino in epist. ad Gallos c. 6. ubi docet iustos etiam homines, nedum peccatores, sine oratione ad Deum, non esse vincendis tentationibus pares, Tum denique ex Augustino qui lib. de nat. & gratia, c. 43. Admonet, inquit, nos Deus facere quod possumus, & petere quod non possumus. Et lib. de gratia & libero arbitrio, c. 16. Ideo, inquit, quædam iubet quæ non possumus, ut sciamus quid ab illo petere debeamus.

His notatis, probatur nostra propositio, PRIMO, ex testimonio Scripturæ Eccl. 15. Non dicas per Deum abesse. Significat enim his verbis Spiritus sanctus, neminem posse culpam peccati sui rejicere in Deum, quasi per illū fiat, quo minus peccata vitemus. Cui loco simile est ille alius apud Oseam 13. Perditio tua ex te Israel, tantummodo in me auxilium tuum.

SECUNDO, idem probatur ex testimoniis Patrum. S. Ioan. Chrysostomus homil. 16. in epist. ad Heb. Non potes, inquit, dicere non possum, neque accusare conditorem. Si enim impotentes nos fecit, & deinde imperat, culpa eius est; quomodo ergo, inquit, multi non possunt? quomodo ergo multi nolunt? si enim voluerint, omnes poterunt; habemus quippe cooperatorem & adiutorem Deum; tantum velimus, tantum opere accedamus ad rem ipsam.

S. Hieronymus in epist. ad Cyprianum: Homo, inquit, à principio conditionis, Deo vitatur adiutore, & cum illius sit gratia, quod creatus est, illiusque misericordia, quod subsistit & vivit; nihil boni operis agere potest absque eo, qui ita concessit liberum arbitrium, ut suam per singula opera gratiam non negaret.

S. Innocent. in epi. ad Conc. Carthag. Quotidianæ, inquit, præstat ille præsidia, quibus nisi freti confisique nitamur, nequaquam humanos vincere poterimus errores.

S. Augustinus initio tractat. in Psal. 56. Non impareret hoc, inquit, Deus, ut faceremus, si impossibile iudicaret, ut hoc ab homine fieret. Si considerans infirmitatem tuam, deficiis sub præcepto, confortare in exemplo, sed etiam exemplum multum est ad te, adest ille qui præbuit exemplum, ut præbeas & auxilium.

S. Leo serm. 16. de passione Domini: Instet, inquit, instat præcepto, qui præcurrit auxilio.

Probatur TERTIO ratione, quæ in Scripturis & Patrum testimoniis fundamentū habet. Nulli sunt, quamvis excæcati & obdurati, qui nō vere propriè peccent, si liberato animo transgrediātur præcepta Dei: nemo autem peccat in eo, quod vitare non potest, igitur nulli sunt, quāvis excæcati & obdurati, qui non possint Dei mādāta non transgredi; cum autem id non possint viribus propriis, ut nunc assumimus tāquam certum, & suo loco infra probabimus, sequitur ut possint per auxilium Dei, quod semper illis sit paratum ac promptum.

Propositio huius argumenti, videtur esse contraria sententiæ S. Augustini, qui in expositione quarūdam propositionum epi. ad Ro. propos. 62. scribit, Pharaonem obduratum non peccasse in eo, quod non obediebat Deo, quoniam obdurato corde obedire non poterat. Sed tamen probatur, nā Ioan. 15. Christus dicit de Iudæis: Si non venissem & loquutus fuisset, peccatum non haberent, nunc autem excusationem non habens de peccato suo. Et infra: Si opera non fecissem in eis, quæ nemo alius fecit, peccatum non haberent. Et ta-

men de istis iisdem dixerat Ioan. 12. Cum Iudæi fecisset, non credebant in eum. Et infra: Propter hoc poterant credere, quia iterum dixit Isaias, excæcavit oculos eorum, &c. Vides quomodo isti excæcati erant, & tamen peccatum habebant. Immo excusationem non habebant de peccato suo. Item Apostolus Ro. 1. posteaquam dixerat: tradidit illos in reprobū sensum, &c. eos gravissime reprehendit, & pœna dignissimos fuisse demonstrat: Cum iustitiam, inquit, Dei cognovissent, non intellexerunt, quoniam qui talia agunt, digni sunt morte.

Præterea S. Augustin. tract. 53. in Ioan. differens de Iudæis excæcatis & obduratis, monet, ne quisquā propter eiusmodi excæcationem audeat negare liberum arbitrium, aut excusare peccatum. Et lib. 5. in Iulian. c. 5. apertissima dicit, reos fieri & vere propriè peccare illos etiam, qui deserti à Deo, suis cupiditatibus cedunt à diabolo superantur atque vincuntur.

Ad hæc, communis est sententia Patrum & Scholasticorum, & ex divinis litteris aperte colligitur, sæpenumero peccatum pœnam esse peccati; atqui id verum non esset, si excæcati atque obdurati peccare non possent.

DENIQUE multa sequerentur absurda, si non peccarent excæcati, qui pleno iudicio mandata Dei violare non dubitant, nam prodesset eis excæcatio, quoniam faceret illos impeccabiles: item iniuste punirentur; quoniam omnis pœna, si iusta est, pœna peccati est. Postremo viderentur ante mortem ad terminum pervenisse, quoniam suis operibus, nec bene nec male mereri possent.

Igitur S. Aug. cum ait, Pharaonem non peccasse, quando iubenti Deo nō parebat, videtur significare voluisse, non potuisse Pharaonem obedire ex corde, ita ut converteretur, & ideo non fuisse illi imputatum in peccatū, quod non converteretur, quoniam pro eo tempore converti obdurato corde non poterat, cum quo tamen bene cohæret, ut potuerit Pharaon facere secundum substantiam operis, id quod Deus iubeat, & ideo peccasse, quia non fecit. Fortasse etiam S. Aug. postea mutavit sententiam, nam in alijs locis à nobis citatis, longe aliter loquitur de peccatis obduratorū, quā in eo li. loqui videatur.

Assumptio eiusdē argumēti, quod videlicet nemo peccet in eo, quod vitare nō potest, certissima est, & habetur apud Aug. lib. 3. de lib. arb. c. 18. & 19. & l. 2. contra Faustum c. 78. lib. 1. de pec. merit. & remiss. c. 35. & alibi. Quare vera est illa propositio, nemini vnquam deest auxilium, quo possit vitare peccata.

Ad hoc argumentū duplex responsio adhiberi solet, Vna est, multos homines, ac præsertim eos, qui dicuntur in Scripturis excæcati vel obdurati, non habere auxilium, quo possint tētionem resistere, tamē vere peccare, propterea quod eorum impotentia non sit antecedens, sed concomitans; cum ipsi non ideo peccent, quia non possunt nō peccare, quāvis reuera non possint; sed quia nō volunt, nec vellent etiā si possent, quod ex eo perspicuum est, quia nesciunt se non posse, imo existimāt se posse; talia videtur fuisse illi, de quibus in Evangelio Io. 9. Dominus ait: Si essetis cæci, non haberetis peccatum, nunc autem dicis, quia videmus, peccatū ergo vestrum manet, hoc est, si re vera ex ignorantia peccaretis, peccatū vobis nō imputaretur: sed quoniam putatis vos nō ignorare, & tamen agitis contra id quod faciendū existimatis, peccatū vestrum manet. Atque hinc dicit Hugo de S. Victore li. 2. de Sac. par. 14. c. 6. Quando homo nō potest si vult, propter voluntatem impossibilitas non imputatur; si autem non vult, propter impossibilitatem voluntas non excusatur.

Hæc responsio nō videtur solida. Nam licet ignorantia concomitans non excuset à peccato, & similiter impotentia exequendi concomitans, tamen impotentia volendi concomitans, omnino excusat. At, ut rem totā breuiter explicemus, recte dicunt Theologi, ignorantiam antecedentem excusare peccatum, ignorantiam concomitantem non excusare. Quoniam ignorantia antecedens efficit inuoluntarium cum sit causa, ut homo velit, quod alioqui non vellet: ignorantia vero cōcomitans, relinquit omnino liberum actum voluntatis, cum non sit causa eius, sed solum per accidens cum illo concurrat. Exempli gratia, si quis ex ignorantia occidit hominem, existimans esse feram, non peccat, quia ignorantia facit inuoluntarium, nunquam enim ille facere voluisset, quod fecit, nisi ignorantia laborasset; sin autem aliquis occidat feram existimans esse hominem, manifestissime peccat, quoniam ignorantia illa non fuit causa malæ voluntatis, qua voluit hominem interficere.

Idem dici potest de impotentia ex parte potentie exequutiue, nam si illa impotentia sit antecedens, efficit actum inuoluntarium, & à peccato excusat; si sit concomitans, non attingit actum voluntatis, sed per accidens cum illo coniungitur, & ideo non excusat: ut si quis non liberet proximum à periculo mortis, quia non potest, inuoluntaria & innocens est illa omissio. At si non liberet eum, quia non vult, non cogitans possit ne, an non possit, ommissio est voluntaria, & non immerito deputatur ad culpam.

At impotentia ex parte ipsius voluntatis nunquā potest esse ita concomitans, ut non sit etiam antecedens, quia semper impedit libertatem, unde cūq; veniat: & talis est impotentia voluntatis, cū destituitur auxilio Dei necessario. Tunc enim non est libera ad vtrūlibet, cum nō possit velle, nisi vnum, id est, tentationi acquiescere. Quod autem aliquis existimet se posse, cū re vera non possit, non tollit necessitatem, neque reddit libertatem, sed auget miseriam & impotentiam: non enim ideo est liber, quia putat se esse liberum, quomodo qui se somniant libere peccare, non ideo libere peccant, & ideo neque peccant.

Neque obstat locus Evangelij ex c. 9. Ioan. nam ut S. August. eo loco recte exponit, cæci dicuntur à domino, qui agnoscunt suam cæcitatem, videntes autem qui sibi lumē arrogant, cum re vera cæci sint. Itaque sententia Domini hæc est, si essetis cæci apud vos ipsos, non haberetis peccatum, quoniam agnoscetes morbum curreretis ad medicum, & curaremini; nunc autem quia videntes vos esse censetis, non queritis medicum, & ideo peccatum vestrum non sanatur, sed manet.

Hugo vero de S. Victore loquitur de impossibilitate ex parte potentie exequutiue: tunc enim cum homo non potest imperatam rem exequi, & tamen cupit exequi propter bonum voluntatem impossibilitas non imputatur: ut si cupiat eleemosynam inopi petenti dare, sed non habeat unde det; si vero non potest rem exequi, neque vellet, etiam si posset, tunc propter impossibilitatem voluntas mala non excusatur, nam impossibilitas exequutionis non impedit voluntatem, quo minus libere possit velle & non velle. At impossibilitas, quæ in ipsa voluntate est, de qua nos in præsentī loquimur, omnino impedit ne possit libere velle & non velle.

Est igitur A L I A responsio aliorum, qui dicunt, hominem peccare etiam in eo, quod vitare non potest, quando illa impotentia ex peccato nostro siue actuali, siue originali oritur, & quoniam ij qui destituuntur auxilio necessario, in pœnam peccati originalis destituantur, ideo dicunt eos non posse non

A peccare, & tamen peccatum eis imputari, quoniam ob peccatum suum vires amiserunt, quibus poterat non peccare.

At neque hæc solutio solida est, nam peccatum intrinsece requirit liberam voluntatem, nec potest intelligi quomodo aliquid sit proprie peccatū, si non sit proprie liberum. Proinde actio, quæ non est libera in se, sed solum in causa sua, nec est ante prævisa, non habet malitiam distinctam à malitia suæ causæ. Quare S. August. in lib. 22. contra Faustum, c. 44. disputans de incestu Loth cum filiabus, qui non fuit voluntarius nisi in causa, id est, in ebrietate, dicit eum incestum non fuisse puniendum, quantum merebatur incestus, sed quantum merebatur ebrietas, quia videlicet nō fuit peccatum distinctum à causa sua.

Quod si omnia peccata excruciatorum & obduratorum non essent peccata, nisi in causa, id est, in peccato originali, non possent certe puniri in gehenna, nisi pœna mitissima: nam peccatum originale ex doctrina S. Augu. lib. 1. de pecc. merit. & remiss. c. 16. & lib. 5. in Iulian. c. 8. mitissimam pœnam meretur, & ex communi Theologorum sententia non meretur pœnam sensus, sed solum damni: at quis credat peccata obduratorum, quæ grauissime reprehenduntur in Scripturis, non esse punienda grauius, quàm si isti in solo originali peccato decessissent?

At, inquit, peccata obduratorum non sunt peccata solum in causa, sed etiam in se & distincta à sua causa, quamuis impotentia resistendi tentationibus orta sit ex peccato originali. CONTRA, nam peccatum in se & distinctum non potest esse, nisi fuerit volitum & intentū in se. At primus homo cum peccauit, non voluit nec intendit priuare se, & posteros potentia resistendi, & multo minus nos eius posteri, cum peccatum originale contraximus, volumus aut intendimus hanc impotentiam resistendi, vel peccata quæ inde sequuntur; sicut ille, qui ex intemperantia cibi incidit in morbum, ob quem non potest orare, ieiunare, Ecclesiam frequentare, atq; alia id genus facere, quæ alioqui facere debuisset, nō esse reus proprie reus, quia hæc non facit, quamuis sua culpa in morbum inciderit, & impotentiam ad hæc facienda contraxerit, quoniam nō ideo in morbum incidit, ut hæc non faceret: sed præter eius voluntatem impotentia intemperantiam sequuta est.

Itaque recte S. Augustinus in lib. 3. de libero arbitrio, c. 19. scribit, ea quæ volumus recte facere, & ob ignorantiam aut difficultatem ex peccato originali natam non possumus, nō dici peccata nisi improprie & per figuram metonymiæ, quomodo linguam appellamus verba, quæ per linguam efferuntur, & manum, scripturam quam manu formamus, & cap. 18. dixerat, illa sola vere ac proprie dici peccata, quæ per liberum arbitrium vitari possunt, & in lib. 1. de pecc. merit. & remiss. c. 35. distinguit peccatum originis à peccato vitæ propriæ, quod illud aliena voluntate, hoc propria contrahatur: *Sine propria*, inquit, *voluntate, nullum vitæ propriæ potest esse peccatum*; neque per propriam voluntatem intelligit actum voluntatis quemcūque, sed solum actum liberum, qui sit in nostra potestate, nam opponit propriam alienam, aliena autē nimirum Adami libera fuit, & ideo proprie causa peccati: igitur etiam propria libera esse debet, ut sit eodem modo proprie causa peccati.

Adde quod non recte dicitur propria voluntas, nisi quæ nostræ potestatis est, nec enim pecudes propria voluntate operari dicuntur, etiam si sponte & libenter aliqua faciant. DENIQUE idem August. in lib. 22. contra Faustum, c. 78. *Sine iniquitate*, inquit, *sive iniustitia, nisi esset in voluntate, non esset in potestate*: porro

si in potestate non esset, nulla poena iusta esset, quod non sapit nisi qui desipit. Restat igitur ut omnes homines semper habeant auxilium necessarium ad non peccandum, aut certe non possint non peccare, ac per hoc peccando non peccent, nec iuste puniri queant.

CAPVT VIII.

Soluantur argumenta contra doctrinam capitis 5. & 7.

N V N c argumenta soluenda sunt, quæ fieri solent contra propositionem 5. & 7. quibus docuimus neminem esse, qui non habeat auxilium sufficiens pro loco & tempore ad conuersionem à peccatis commissis, semper autem ad ea vitanda quæ solent tentatione urgente committi.

PRIMUM argumentum sumunt ex locis illis, quæ testantur homines à Deo indurari & excæcari. Exod. 9. Isa. 6. Matth. 13. Ioan. 12. Rom. 1. nam excæcari & indurari homines, nihil est aliud, nisi deserti ac destitui à Deo, ut à Satana superentur ac vincantur, ut exponit S. Chrysost. in ca. 1. ad Rom. & S. August. lib. 5. in Iulian. cap. 3.

Respondeo, excæcati & obdurati, ut diximus in c. 6. & fusius in lib. 2. de statu peccati, c. 14. non possunt cōuertere durante excæcatione & obduratione, neque habent singulis momentis auxilium sufficiens, quo tollere possint excæcationem, & indurationem; tamen pie credimus, Deum pro loco & tempore istos etiam visitare, & ad cor eorū pro sua benignitate pulsare, atque ita porrigere auxilium, quo possint excitationem & duriciam à suo corde repellere: tunc autem maxime tempus est opportunum, cum non possunt sine cōuersione vitare peccatum. Itaque in tali temporis articulo Deus nunquam deest, & si non præbet auxilium, quo peccator possit immediate conuerti, aut seruare mandatum, quod tunc seruandum occurrit: tamen præbet saltem auxilium, quo possit desiderare & petere maius auxilium, quod si non facit, sua culpa illud non habet, & sua culpa in tentatione succumbit.

SECUNDUM argumentum sumunt ex c. 14. & 17. Act. ubi dicitur Deus in præteritis generationibus dimisisse omnes gentes ingredi vias suas, & despesisse tempora illa, quæ idcirco tempora ignorantie nominantur.

Respondeo, hæc testimonia significant gratiam Dei non ita largiter antiquis temporibus fluxisse, ut postea fluxit, sed non propterea defuit vnquam ea mensura gratiæ, quæ diuinæ providentiæ sufficiens & necessaria visa est. Itaque dimisit Deus gentes ingredi vias suas, quia non misit ad eos Patriarchas & Prophetas, neque legem scriptam eis dedit: tamen non sine testimonio semetipsum reliquit, ut eodem loco dicit Apostolus, qui etiam addit, potuisse eos Deum querere & inuenire, & ideo Rom. 1. Idem Apostolus inexcusabiles fuisse confirmat eosdem gentes, quia cum Deum cognouissent, non sicut Deum glorificauerunt, aut gratias egerunt.

TERTIUM argumentum sumunt ex ca. 10. ad Rom. *Quomodo inuocabunt, in quem non crediderunt? quomodo credent sine prædicante? quomodo prædicabunt nisi mittantur?* Initium salutis est fides, inde enim nascitur inuocatio, & ex inuocatione salus; omnis enim quicumque inuocauerit nomē Domini, saluus erit. At multi non habent auxilium sufficiens, quo possint credere cum nondum illis sit Euangelium prædicatum: & multo plures non habuerunt olim hoc auxilium, cum nondum ad illos prædicatio Evangelica peruenisset.

Respondeo, hoc argumentum solum probat, non adesse omnibus auxilium, quo possint immediate conuerti & credere: non tamen probat simpliciter defuisse aliquibus auxilium sufficiens ad sa-

lutem. Possunt enim gentiles quibus nondum est Euangelium prædicatum, cognoscere per creaturas Deum esse, & proinde possunt à Deo per gratiam præuenientem excitari ad credendum de Deo, quia est, & quod inquirentibus se remunerator sit: & ex tali fide excitari possunt eodem dirigente & adiuvante Deo ad orandum & eleemosynas faciendas, & eo modo impetrandum à Deo maius fidei lumen, quod Deus per se, vel per Angelos, vel per homines facile communicabit.

Ita respondet S. Thomas in q. 14. de verit. art. 11. ad 1. & adfert exemplum Cornelii, qui ex fide vnus Dei orabat & eleemosynas faciebat, & eo modo impetrauit, ut per Angelicam admonitionem & Apostolicam prædicationem Christi fidem audiret, & ipsum etiam sacrum baptismum suscipere.

QUARTUM argumentum sumunt ex c. 11. Matth. & ex c. 16. Act. legimus enim Tyrios & Sidonios potuisse cōuertere, si Dominus apud eos miracula facere voluisset, & tamen noluisse Dominum apud eos vlla signa facere: legimus item expresse prohibitum fuisse Apostolum Paulum à Spiritu sancto, ne verbum Domini in Asia loqueretur.

Respondeo, Tyrijs & Sidonijs non dedit quidem Deus auxilium illud, per quod re ipsa conuersi fuissent: tamen quin auxilium eis, quo conuerti potuerint Dominus dederit ex Euangelio non colligitur. Porro B. Paulus prohibitus fuit aliquando verbum Dei loqui in Asia, quoniam volebat Deus ut antea prædicaret in Macedonia, ut perspicuum est ex eodem cap. nam alioqui in Asia quoque longo tempore prædicauit, plurimosque conuertit.

QUINTUM argumentum sumunt ex cap. 6. Ioan. *Nemo potest venire ad me nisi Pater, qui misit me, traxerit eum.* Et infra: *Omnis qui audiuisset à Patre meo, & didicit, venit ad me.* Ex hoc loco tale textitur argumentum: Nemo potest venire per fidem ad filium nisi pater traxerit eum, pater autem omnes trahit: igitur non omnes possunt venire. Probatur assumptio, nam omnis qui trahitur venit: omnis, inquit, qui audiuit & didicit, venit; sed non omnes veniunt, igitur non omnes trahuntur.

Respondeo, falsa est assumptio, quæ dicit, pater autem non omnes trahit, trahit enim omnes pater, sed pro loco & tempore: at non omnes veniunt, licet re vera possint: non enim trahere vellet pater, nisi dare disponderet auxilium quo venire possent si vellent. At omnis qui audiuit & didicit, venit; igitur omnis qui trahitur venit. Respondeo, trahi, esse audire, non autem venit omnis qui audit, sed omnis qui audit, & discit: nam si omnis qui audit, veniret, non diceret Psalmista: *Hodie si vocem eius audieritis, nolite obdurare corda vestra.* Itaque omnes aliquando audiunt, quia omnes Deus pro loco & tempore vocat; sed illi soli discunt & veniunt, quibus Pater ira suadet, ut persuadeat. Et hæc est gratia efficax: posse tamen omnes credere, ac proinde omnes à Deo audire, & trahi perspicuum est, ex illo eodem c. 6. Ioan. ubi Dominus hortabatur omnes ad fidem, quod non fecisset, nisi sciuisset, omnes potuisse credere.

Potest tamen etiam alia responsio adhiberi, quæ ut verum fatear, magis congruere videtur Evangelicæ sententiæ, si dicamus Dominum loqui de gratia efficaci, quæ ita suadet ut persuadeat. Dicitur autem non posse venire, qui non trahitur per efficacem gratiam, non quod absolute non possit, sed quia infallibiliter non veniet; sicut etiam contra qui trahitur, potest absolute non venire, tamen infallibiliter venit.

Itaque

Itaq; Dominus cum Iudæis murmurantibus ait: *Nolite inuicem inuicem, nemo potest venire ad me, nisi pater qui misit me, traxerit eum*: non significauit, illos non potuisse credere, sed indicauit, fidem esse donum Dei, nec haberi industria humana, sed reuelatione diuina, & ideo non opus esse murmuratione, sed oratione; quia omnis qui petit accipit; & ideo S. August. tract. 26. in Ioan. exponens hunc locum, ait, si non traheris, ora ut traharis.

Dices, quomodo potest quis orando impetrare fidem, cum nemo possit orare, nisi habeat fidem? Facilis est responsio, nā isti quibus Dominus loquebatur, iam nouerant & credebant vnum esse Deum, sed IESVM filium esse Dei, verum Messiam in lege promissum, nondum credebant. Quare poterant ex fide vnum Deum orare & impetrare fidem, qua IESVM filium Dei & CHRISTVM esse crederent.

Ex his, ad argumentum initio factum Respondemus, eo argumento solum concludi, non habere omnes auxilium efficax, quo re ipsa credant, non tamen concludi non habere omnes saltem pro loco & tempore auxilium quo possint credere, vel certe quo possint auxilium petere & dicere, Credo Domine, adiua incredulitatem meam.

SEXTVM argumentum sumunt ex verbis Apostoli, 1. Cor. 4. *Quis te discernit? quid habes quod non accepisti? si autem accepisti, quid gloriaris quasi non acceperis?* Ex hoc loco videtur manifeste colligi, non dari omnibus auxilium sufficiens ad salutem; nam si daretur omnibus, discretio fidelis ab infideli, & iusti ab impio, tota penderet à libero arbitrio. Nam ille esset fidelis & pius, qui auxilio sufficienti cooperari vellet: ille maneret infidelis & impius, qui eidem auxilio cooperari nolleret.

Respondeo, discretio fidelis ab infideli, & iusti ab impio, referenda est, tanquam in primariam causam, in gratiam efficacem, ut S. August. ostendit in lib. de prædestin. Sanctorum, c. 5. quamuis enim possint omnes credere & conuerti, qui habent auxilium sufficiens, tamen re ipsa non credunt nec conuertuntur, nisi qui ita vocantur, ut Deus vidit aptum fore, ut sequatur vocantem. Sed de hac re diximus supra, & dicemus etiam paulo infra. Præter hæc loca Scripturarum proferuntur etiam varia testimonia S. Augustini.

PRIMVM testimonium ex lib. 1. retract. cap. 15. *Qui autem cogenti cupiditati bona voluntate resistere non potest, iam hoc ita peccatum est, ut sit etiam pœna peccati.* Quod si aliqui cogenti cupiditati resistere non possunt, certe non habent auxilium sufficiens ad non peccandum. Rursus ibid. *Quantum est, inquit, quod valet voluntas, nisi forte si pia est, ut oret auxilium?* Ergo si voluntas non sit pia, non habet auxilium sufficiens ad orandum quidem?

Respondeo, non desunt qui cogenti cupiditati resistere non possunt, manente ea cupiditate, tamen non necessario ea cupiditas in ipsis hæret: possunt enim cum auxilio Dei illam exuere. Quod auxilium nemini deest, quo tempore præceptum obseruandū occurrit: *Iuste enim instat præcepto, qui præcurrit auxilio*, ait S. Leo. At si voluntas non est pia, non potest ne auxiliū quidem petere. Ita est, tamen potest fieri pia, si gratiæ præuenienti consentire voluerit.

SECUNDVM testimonium ex lib. de perfectione iustitiz, respon. 15. *Peccatum est, cum vel non est charitas qua esse debet, vel est minor quam debet, siue hoc voluntate vitari possit, siue non possit, quia si potest, præsens voluntas hoc facit, si non potest, præterita voluntas hoc facit.*

Respondeo, loquitur S. August. de eo quod non potest vitari non absolute, sed ex hypothesi, quia

videlicet non potest vitari, domināte praua cupiditate, sed potest per gratiam Dei dominatus cupiditati auferri, ut non regnet peccatum in nostro mortali corpore. Certe qui odit aliquem, non potest illi ex animo benefacere, durante odio, tamen absolute potest, quia potest odium deponere. Sic intelligitur illud Euangelij: *Quomodo vos potestis credere, qui gloriam ab inuicem accipitis?* Et illud Prophetæ: *Quomodo vos potestis benefacere, cum didiceritis male?* Sicut etiam intelligit Aug. illud Ioā. 12. *Non poterant credere quia dixit Iſaias, excæcauit oculos eorum.* Dicit enim tract. 33. in Ioan. illos non potuisse credere durante cæcitate mentis, tamen potuisse remouere cæcitatē. Et in loco contra nos citato, ex lib. de perfectione iustitiz, posteaquam dixerat, peccatum esse, siue vitari possit, siue non possit, subiungit continuo: *Et tamen vitari potest, non quando superba voluntas laudatur, sed quando humilis adiuuatur.*

TERTIVM testimonium ex lib. de correptione & gratia, c. 11. *Declarat, inquit, adiutorium primo homini, siue quo non posset permanere si vellet.* Et infra: *Si autem hoc adiutorium ei defuisset, non utique sua culpa cecidisset; nunc autem quibus deest tale adiutorium, iam pœna peccati est, quibus autem datur, secundum gratiam datur, non secundum debitum.* Videretur enim hoc loco S. August. apertissime dicere, adiutorium necessarium ad non peccandum non omnibus dari, nam si omnibus daretur, non esset in vllō pœna peccati eius cæritia. At August. dicit, quibus autem deest, iam pœna peccati est. Et præterea distinguit Aug. duo genera hominum, vnum eorum, quibus hoc adiutorium in pœnam peccati, id est, ex iustitia non datur, alterum eorum, quibus ex misericordia & gratia datur: non igitur omnibus datur.

Respondeo, non loquitur S. Aug. de adiutorio necessario ad vitanda singula peccata, sed de adiutorio necessario ad vitanda omnia, hoc est, ad perseuerandum sine omni peccato; & per adiutorium intelligit gratiam habitualement, ut ostendimus in lib. de gratia primi hominis. Dedit igitur Deus primo homini gratiam habitualement, per quam poterat perseuerare in bono, & sine qua nō poterat: quamuis enim posset vitare singula sine dono habituali, tamē non poterat omnia, & sine dubio aliquando cecidisset: nūc vero hoc adiutoriū gratiæ habitualis, siue quo non possunt vitari omnia peccata, etiam lethalia, quibus deest, pœna peccati est, quibus autem datur, secundum gratiam datur, non secundum debitum.

Dices, ergo non sua culpa cadunt nunc homines, quia deest auxilium siue quo non possunt aliquādo non cadere. Respondeo, sua culpa cadere, quoniam possunt vitare singula, atq; ita quodocunque peccant, id faciunt quod potuissent non facere.

Dices, at enim primus homo poterat vitare singula, & tamen dicebatur non sua culpa fuisse casurus, si auxilium defuisset, quo posset vitare non solum singula, sed etiam omnia. Respondeo, primum hominem non fuisse sua culpa casurum, quoniam necessitas aliquando cadendi fuisset ei naturalis, & merito de auctore naturæ queri potuisset, si dedisset ei naturam, quæ non posset aliquando non cadere, & tamen imperaret, ut nunquam caderet. At nos culpa nostra cadimus, non solum quia possumus vitare singula, sed etiam quia necessitas aliquando cadendi non est nobis naturalis, sed pœna peccati.

Atque hic vere locum habet, quod quidam dicunt, impotētiam ex peccato originali natā non excusare peccatū, si videlicet loquantur de impotentia vitandi omnia simul, non de impotentia vitandi singula,

quia prior impotētia non tollit liberum arbitrium, sicut re vera illud tollit impotentia posterior.

QUARTVM testimonium ex epist. 107. ad Vitalem: *Scimus, inquit, gratiam Dei non omnibus dari.*

Respondeo, loquitur de gratia quæ discernit fideles ab infidelibus, & iustos ab impiis, sicut etiam loquitur in lib. 1. de prædestinatione Sanctorum, c. 5. vbi vocat gratiam ipsam fidem & charitatem, siue illam internam persuasionem, quæ facit nos re ipsa velle credere & conuertere.

QUINTVM testimonium ex lib. de gratia Christi, c. 46. & 47. vbi S. August. gratiam Dei necessariam esse dicit; non solum ut possimus velle & facere; sed etiam ut velimus & faciamus: at non habent omnes gratiam Dei, qua velint & faciant; igitur non habent omnes gratiam necessariam.

Respondeo, Pelagiani distinguebant posse, velle, & facere; & posse quidem dicebant nos habere ex dono Dei, quoniam à Deo habemus liberum arbitrium, in quo est ipsa possibilitas; at velle & facere dicebant esse nostrum, neque in iis egere nos gratia Dei. Vide eundem Augustinum hæc referentem in eodem lib. de gratia Christi, cap. 4.

Contra hunc errorem scribit Aug. gratiam Dei non solum dare nobis posse, quia videlicet dat arbitrij libertatem, sed etiam dare velle & facere, quia liberum arbitrium non potest suis solis viribus velle & facere. Itaque aliter accipit eo loco S. Augustin. posse, quam nos accipiamus. Nos enim per posse, intelligimus quod ipsum velle & facere sit in potestate voluntatis à Deo præparatæ & adiutæ. Ille vero per, posse, intelligit ex mente Pelagianorum solas vires liberi arbitrij.

SEXTVM testimonium ex eadem epist. 107. vbi S. Aug. probat fidem esse donum Dei ex orationibus, quas pro infidelibus fundit Ecclesia, quæ, ut ipse dicit, superuacaneæ essent, si possent infideles sine Dei auxilio velle credere: At idem absurdum sequi videtur, si dicamus auxilium sufficiens omnibus dari. Quorsum enim oramus pro infidelibus, si iam habent omnes auxilium, quo possint credere si velint?

Respondeo, S. August. efficacissime Pelagianos & Pelagianorum reliquias ex orationibus Ecclesiæ refellit. Illi enim docebant Deum non præuenire homines gratia sua, sed expectare ut ipsi veniant & petant gratiam Dei, quod si ita esset, frustra Ecclesia peteret; ut Deus nolentes credere conuerteret ad fidem, & ex nolentibus volentes faceret.

At contra nos argumentum illud ex orationibus Ecclesiæ nihil omnino concludit. Fatemur enim gratiam Dei sæpe efficere, ut infideles etiā obstinati conuertantur & credant; & quāuis pie credamus, Deum omnium corda pro tempore & loco pulsare: tamen rectissime petimus à Deo, ut sæpe ac sæpius pulset, & non solum pulset, sed etiam per efficacem gratiam aperiat corda pertinaciū & obduratorum, præsertim cum sciamus Deum velle multa beneficia in homines conferre, sed simul velle pro iisdem orari & supplicari, & non nisi per orationes Sanctorum ea velle concedere.

SEPTIMVM testimonium ex lib. contra Iulian. c. 8. vbi S. August. falsum esse docet, Deum velle omnes saluos fieri, si & ipsi velint; & probat, quoniam si ita se haberet, Deus esset beneuolentior sceleratissimis, quā innocentissimis, quoniam vellet saluos fieri omnes adultos, quorum multi sunt qui nolunt, & non vellet saluos fieri omnes paruulos, quorum nemo est qui nolit.

Respondeo, dissertit August. contra Iulian. qui existimabat Deū non velle absolute vllum saluare,

A sed omnes sub conditione, si & ipsi velint, præueniendo videlicet Deum sua voluntate, qui quidem error euidenter refellitur ex prædestinatione paruulorum, qui per Baptismum saluantur, cum tamen Deum sua voluntate minime præueniant. Rursus docebat Iulianus paruulos nullū habere peccatum, & si decedebant absque Baptismo, habituros suam quandam vitam æternam extra regnum cælorum, & ideo solum de adultis dicebat, Deum velle omnes saluare, si & ipsi velint. Hunc errorem accommodate refellit August. illo argumento, quod Iulianus faciat Deum beneuolētiorem sceleratissimis, quā innocentissimis & purissimis ab omni labe peccati.

At ex nostra sentētia non sequitur hoc absurdum. PRIMO, quia nos paruulos non baptizatos non censemus esse innocentes, sed peccatores.

SECUNDO, quia non dicimus Deum non velle saluare vllum absoluta voluntate, imo, ut paulo post explicabimus, credimus Deum absoluta voluntate velle saluare multos, tum paruulos, tum adultos, & absoluta voluntate alios non velle saluare, tum paruulos, tum adultos.

TERCIO, non dicimus Deum antecedente voluntate saluare velle solū adultos, sed etiam ad paruulos hanc voluntatem extendimus, quāuis ut supra ex doctrina S. Prosperi docuimus, aliter Deus paruulis, aliter adultis sufficiētia remedia prouideat. Nam paruulis in parentibus suis præbet auxilium, adultos autem per se ipse vocat, excitat, illuminat.

C Illud tamen est verum, neque à S. August. negatur, Deum interdum esse beneuolētiorem aliquibus adultis, & sceleratissimis, quā multis paruulis minus malis; quis enim inficiari audebit, beneuolētiorem fuisse Deum Paulo, Matthæo, Magdalenæ, latroni in cruce secū pendenti, quam plurimis paruulis sine baptismo morientibus, cū tamen eos adultos longe deteriores fuisse istis paruulis nō liceat dubitare.

At si Deus vult antecedente voluntate omnes saluos fieri, non solum adultos, sed etiam paruulos, cur S. August. loco citato contendit per illam vocem (omnes) intelligi multos, id est, omnes, qui saluantur, non omnes absolute.

D Respondeo, quia voluit hunc locum exponere de voluntate absoluta, secundum quam Iulianus existimabat Deum neminem velle saluare: alioqui autem ipse etiam Aug. in lib. de spiritu & littera, cap. 33. ut supra ostendimus hunc eundem locum de antecedente voluntate exposuit.

CAPVT IX.

Proponitur octaua propositio, & explicatur definitio prædestinationis.

OCTAVA propositio: *Quāuis gratia sufficiens omnibus datur, tamen prædestinationis diuinæ nulla ratio ex parte nostræ assignari potest.* Hæc propositio necessario addenda fuit, quoniam non desunt qui existiment, non posse defendi prædestinationem mere gratuitam; si concedatur dari omnibus auxilium sufficiens ad salutem.

E Dicimus autem, nullam rationem assignari posse, ut excludamus non solum merita proprie dicta, sed etiam bonum vsum liberi arbitrij, aut gratiæ, aut veriusque simul à Deo præuisum, etiam si non dicatur esse meritum, nisi de congruo, & etiam non dicatur vera causa, sed tantum conditio sine qua non prædestinaretur is qui prædestinatur.

Addimus vero illud, ex parte nostra, quoniam ex parte Dei assignari potest causa in genere, ut ostendatur misericordia & iustitia ipsius: in particulari

quoque

quoque dubitari non potest, quin Deo non desit sua ratio, cur istum potius quam illum prædestinare voluerit ad vitam, quamuis ea nobis occulta sit: *Eorum* (inquit August. in lib. 1. ad Simplician. q. 2.) *non miseretur, quibus gratiam non esse præbendam, æquitate occultissima & ab humanis sensibus remotissima indicat, quam non aperit sed admiratur Apostolus, dicens, o altitudo diuitiarum.* Et in epist. 105. ad Sixtum: *Cur, inquit, illum potius quam illum liberet aut non liberet, scrutetur qui potest iudiciorum eius tam magnum profundum; tamen teneat præcipitum.*

Idem tamen August. in Enchirid. cap. 95. affirmat, in æterna beatitudine manifestum nobis futurum, cur ille potius, quàm iste fuerit assumptus, cum vna causa esset ambobus; & cur apud quosdam non factæ sint virtutes, quæ si factæ fuissent, egissent illi homines pœnitentiam; & factæ sint apud eos, qui non fuerant credituri.

Operæ precium autem erit, antequam ad probandam propositionem nostram accedamus, breuiter explicare, quid sit prædestinatio, ut si qui forte Scholasticæ Theologiæ non assueti, in has nostras disputationes inciderint, intelligant quid sit de quo queritur.

Igitur S. Augustinus lib. de bono perseuerantiæ, c. 14. prædestinationem ita definit: *Est præscientia & præparatio beneficiorum Dei, quibus certissime liberantur, quicumque liberantur.* Sed posset paulo plenius ex doctrina eiusdem Augustini ita prædestinatio definiri. *Prædestinatio est prouidentia Dei, qua certi homines ex massa perditionis misericorditer selecti, per infallibilia media in vitam diriguntur æternam.*

Dicitur *prouidentia*, quoniam prædestinatio species est prouidentia, & rectissime ponitur genus initio bonæ definitionis. Dicitur *Dei*, quoniam prædestinare ad vitam æternam non potest actio nisi Dei, qui solus vitam æternam communicare potest: *Gratiam enim & gloriam dabit Dominus.* Psal. 83. Dicitur, *certi homines*, quoniam prouidentia ad res omnes, prædestinatio de qua nunc agimus, ad solos homines pertinet; nam etiam si Angeli quoque dicuntur à S. Augustino prædestinati: tamen alia ratio est prædestinationis Angelorum, alia hominum. Addimus autem *certi*, quoniam non omnes prædestinantur ad vitam, sed solum aliqui, & ij non confuse, sed distincte, tales ac tales, Petrus, Andreas, Iacobus, &c. Dicitur, *ex massa perditionis*, quoniam prædestinatio ex sententia S. Augu. & Scripturarum diuinarum, non præcessit, sed sequuta est prauersionem peccati originalis, ob quod vniuersum genus humanum factum est quasi quædam massa dānata. Vnde est illud Apostoli ad Rom. 9. *An non habes potestatem figulus ex eadem massa facere aliud vas in honorem, aliud in contumeliam?*

Quod autem S. August. scribit lib. 1. retract. c. 13. si Adam non peccasset, nō fuisse nascituros homines, nisi vsq; ad certum numerum prædestinatorum: significat quidem futuram fuisse prædestinationem, etiam si Adam nō peccasset, si nimirum præuidisset Deus hominem non peccaturum, tamen absolute prædestinatio, qualis nunc est, prauersionem peccati sequitur.

Dicitur, *misericorditer selecti*, quoniam (ut in propositione nostra asserimus) nihil inuenit Deus in ijs quos elegit ad gloriam, nisi meritum mortis, & propterea misericorditer eos liberat, nō reddens eis debitam pœnam, sed donans indebitam gratiam. Dicitur *infallibilia media*, quoniam prædestinatio certissima est. Nemo enim rapere potest electas oues de manu pastoris omnipotentis, ut ipse dicit Ioan. 10. Dicitur *in vitam diriguntur æternam*, quoniam in hoc proprie ratio prædestinationis consistit, ut sit

directio & quasi transmissio rei prædestinata per certa media ad suum finem.

Ex hac nostra definitione sic explicata, perspicua erit definitio Augustiniana. Significat enim August. nihil esse aliud prædestinare, nisi præscire quibus mediis infallibiliter certi homines saluari possint, & velle efficaciter ea media præparare.

Ex quo rursus intelligi poterit, prædestinationem partim ad intellectum pertinere, partim ad voluntatem. Nam præscire, disponere, dirigere, opera sunt intelligentiæ; seligere, velle, misereri, voluntatis. Quod etiam in diuinis litteris obseruare licet. Nam ad intelligentiam pertinet illud Apostoli ad Rom. 9. *Non repulit Deus plebem suam, quam præscituit:* Et illud 1. Tim. 2. *Firmum fundamentum Dei stat, nouit Dominus qui sunt eius.* Ad voluntatem vero illud Rom. 9. *Ut secundum electionem propositum Dei maneres.* Et illud Lucæ 12. *Complacuit patri vestro dare vobis regnum.*

Disputant quidem Theologi, utrum prædestinatio magis ad intelligentiam, quàm ad voluntatem pertineat. Sed nobis placet sententia S. Thomæ, & Caietani Cardinalis in 1. p. q. 23. art. 1. qui docent, prædestinationem esse potius intelligentiæ, quàm voluntatis, quoniam eadem est etiam S. Augustini sententia in lib. de bono perseuerantiæ, c. 17. ubi sic loquitur: *In sua qua falli mutarique non potest, præscientia, opera sua futura disponere, id omnino neque illud quicquam est, nisi prædestinare.* Eadem est sententia auctoris Hypognostici lib. 6. qui prædestinare nihil aliud esse dicit, nisi præuidere & præordinare. Idem significant ipsa nomina, tum Græca, tum Latina, nam *προορίζω*, qua voce utitur Apostolus frequentissime, quid est nisi prædefinire, ac prædecernere? sicut etiam vox Latina, *prædestinare*, idem significare videtur, quod præmittere, siue præordinare.

Itaque secundum modum nostrum intelligendi, iste fuisse videtur ordo prædestinationis in mēte diuina. PRIMVM, præuidit Deus, si hominem conderet, cum lapsurum cū omni posteritate, & simul vidit posse se variis modis liberare vel omnes, vel aliquos pro arbitratu suo. Deinde voluit hominem condere, ac ut laboretur, permittere, & quosdam ex numero lapsorum misericorditer liberare, alios in massa perditionis iuste relictis. TERTIO, excogitauit remedia, saluandis electis idonea, in quibus primum locum habuit incarnatio, & passio Saluatoris. QUARTO, approbauit ea remedia, & tunc elegit Christum, & nos in ipso ante mundi constitutionem. QUINTO, disposuit, ordinauit, & quodammodo imperauit, ut ita fieret.

Ex quibus actibus primus fuit intelligentiæ, secundus voluntatis, tertius intelligentiæ, quartus voluntatis, quintus intelligentiæ. Itaq; primus, medius & vltimus ad intelligentiam pertinent, & in vltimo potissimum prædestinationis ratio essentiaq; consistit.

CAPVT X.

Prædestinationis nullam esse causam in nobis, probatur ex diuinis litteris.

PROBANDA nunc est octaua illa conclusio, PRIMVM ex diuinis litteris, Deinde ex traditione Ecclesiastica, Postremo ex ratione, quæ tamen in Scripturis & Patribus fundamentum habeat.

Scriptura igitur docet, quosdam electos esse ex omni genere humano, eosque electos esse ad regnū cælorum, & electos efficaciter, ut infallibiliter ad regnum perueniant, denique electos omnino gratis, & ante omnem operum prauersionem. Esse aliquos

electos docet. *Scriptura: De his sunt vocati, pauci viri electi.* Matth. 10. & 12. *Congregabunt electos eius à quatuor ventis.* Matth. 24. *Quis accusabit adversus electos Dei?* ad Rom. 8. *Elegit nos in ipso ante mundi constitutionem,* ad Ephes. 1.

Esse electos ad regnum, docet Dominus Luc. 12. *Nate tuncie pusillus grex, quia complacuit Patri vestro dare vobis regnum.* Item Apostolus ad Rom. 10. *Reliqui secundum electionem gratiæ salvæ facti sunt.*

Esse infallibiliter salvandos, docet idem Dominus Matth. 24. *Propter electos breviabuntur dies illi.* Et: *Dabunt signa & prodigia, ut in errorem inducantur, & fidei possint, etiam electi.* Et Ioan. 6. *Hæc est voluntas Patris, ut omne quod dedit mihi, non perdam, sed resuscitem in novissimo die, hoc est, ut nullum perdam, sed omnes resuscitem.* Et Ioan. 10. *Nemo rapiet eas de manu mea.* Et iterum: *Nemo potest rapere de manu Patris mei: Ego & Pater unum sumus.* Et Apostolus ad Rom. 11. *Sine penitentia, inquit, sunt dona & vocatio Dei.* Et ad Ro. 9. *Quos prædestinavit, hos vocavit, nimirum secundum propositum; & quos vocavit, videlicet secundum propositum, hos iustificavit, & quos iustificavit, item secundum propositum, hos magnificavit.*

Esse electos ex mera Dei gratia, & misericordia, docet imprimis Dominus Luc. 12. *Complacuit Patri vestro dare vobis regnum.* Certe vox illa: *Complacuit,* indicat puram Dei benignitatem, sed manifestius Ioan. 15. *Non vos me elegistis, sed ego elegi vos, & posui vos, ut eatis, & fructum adseratis, & fructus vester maneat:* non igitur elegit Deus homines, quia videt se eligendum ab eis, ipsosque boni operis fructum allaturos, & in bono opere perseveraturos, sed elegit ut faciat bene operantes, & in bono perseverantes.

Et adhuc manifestius Apostolus Paulus ad Ro. 11. *Reliqui mihi septem millia virorum, qui non curvaverunt genua ante Baal, sic ergo in hoc tempore reliquiæ secundum electionem gratiæ salvæ facti sunt:* non dicit relictæ sunt, aut remanserunt, sed, *ego reliqui mihi:* & ideo reliquias dicit salvari secundum electionem gratiæ, id est, non debitam sed gratuitam.

Et clarius ad Ephes. 1. *Elegit nos in ipso ante mundi constitutionem, ut essemus sancti & immaculati.* Et: *Qui prædestinavit nos in adoptionem filiorum secundum propositum voluntatis suæ in laudem gloriæ suæ,* non ait, elegit nos, quia sanctos vidit futuros, sed, *ut essemus sancti:* neque ait, elegit nos propter bonum vultu liberi arbitrii, aut gratiæ, sed *secundum propositum voluntatis suæ,* & hoc in laudem gloriæ gratiæ suæ, ut laudaretur & glorificaretur gratia ipsius.

Addit etiam in eodem cap. *In quo nos sorte vocati sumus prædestinati secundum propositum eius,* ubi ostendit vocationem electorum respectu ipsorum hominum dici posse fortuitam, quoniam ipsi nihil agebant, ut vocarentur, ac ne cogitabant, quidem de vocatione: sed respectu Dei non esse sortem, sed determinatam electionem, & propositum.

Esse DENIQ. electos, non solum gratis, sed etiam absq. vlla præiustione operum, docet idem Apostolus ad Rom. 9. *Cum nondum nati essent, aut aliquid boni vel mali egissent, ut secundum electionem propositum Dei maneret, non ex operibus, sed ex vocante dictum est ei, quia maior serviet minori, sicut scriptum est, Iacob dilexi, Esau autem odio habui.* Et ad Rom. 11. posteaquam dixerat, *Reliquiæ secundum electionem gratiæ salvæ facti sunt,* addit continuo: *Si autem gratia iam non ex operibus, alioqui gratia iam non est gratia.* Et 2. ad Tim. 1. *Collabora Evangelio secundum virtutem Dei, qui nos liberavit & vocavit vocatione suæ sanctæ, non secundum opera nostra, sed secundum propositum suum, & gratis, quæ data est nobis in Christo ante tempora secularia.*

A Sed explicemus paulo fusius illam locutionem primarium ex c. 9. ad Rom. quoniam illū præcipue Ambr. Catharin. & alij quidam recentiores non recte exponunt. Propositum erat Apostolo demonstrare, adoptionem filiorum Dei nō pendere ex carnali generatione Abrahami, ut Iudæi existimabant, neque ex operibus nostris, aut parentum nostrorum: sed ex mero Dei beneplacito. Itaque ut hoc demonstraret, attulit figuram Iacob & Esau, quorum priorem Deus dilexit, posteriorem odio habuit, cum essent inter se omnino pares, nam pares fuisse, demonstrat, quia orti ex iisdem parentibus & eodem concubitu generati, & eodem partu editi, ne forte diceretur, vni profuisse merita parentum, alteri non profuisse. Et non solum pares fuisse dicit, quantum ad parentes, sed etiam quantum ad se, quoniam nihil boni aut mali egerant, neq. agere potuerant, quando dictum est de eis, Iacob dilexi, Esau odio habui. Cum igitur inter se pares essent, tantam illam discretionem, nō ex operibus eorum, aut parentum profectam esse concludit Apostolus, sed ex voluntate Dei, ut secundum electionem propositum Dei maneret, id est, ut decretum Dei perficeretur, quo vnum elegerat, alterum reprobaerat.

Quoniam autem videri posset hoc aliquo modo iniustum; obicit sibi ipse B. Paulus: *Quid ergo dicemus? nunquid iniquitas apud Deum?* & respondet, *absq.;* Messeniū dicit, *miserebor cuius misereor, & misericordiam præstabo, cui miserebor.* Et: *o homo tu qui es, qui respondeas Deo? an non habes potestatem singulis iustificare aliud vas in honorem, aliud in consumeliam?* At si ex operibus præiustis vnum diligeret, alterum odio haberet, promptum fuisset B. Paulo hoc dicere, & omnem suspicionem iniustitiæ Dei, vno verbo, de medio tollere. Cum autem hoc non fecerit, sed omnia reuocaverit ad voluntatem Dei, qui misereretur, cuius voluerit, & cuius non voluerit, non misereretur: certum esse debere ex Apostoli sententia, prædestinationem & electionem, siue discretionem, ex massa perditionis non pendere ex vlla præiustione operum nostrorum, sed ex mero beneplacito Dei.

D Ad hoc testimonium Apostoli responderi posset, illud; *Maiores serviet minori.* Et: *Iacob dilexi, Esau odio habui,* non intelligi de personis illis singularibus Iacob & Esau, sed de duobus populis, Israëlitis & Idumæis. Et, quod dicitur de odio & amore, non intelligi de electione & reprobatione æterna, sed de bonis malisq. temporalibus huius vitæ. Nam Gen. 25. cum Rebecca consuleret Deū, cur parvuli, quos gerebat in utero, inter se colliderentur: Responsum est ei: *Dux gentes sunt in utero tuo, & duo populi ex ventre tuo disidentur, populusque populum superabit, & maior serviet minori.* Et Malach. 1. cum dixisset Deus, *Iacob dilexi, Esau autem odio habui,* explicat, quomodo dilexerit & oderit, dicens: *Posui montes eius, nimirum Esau, in solitudinem & hereditatem eius in dracones deferri.* Itaque dilexit Deus Iacob, quoniam dedit ei terram fluentem lacte & melle: odio habuit Esau, quoniam dedit ei terram sterilem & desertam.

E Quamvis autem Apostolus hæc videatur spiritualiter accipere, & transferre ad mysteria Christiana; tamen non transfert ad electionem & reprobationem singularū personarū, sed ad electionem gētilitatis & reprobationem Iudæorum: quo sensu etiam accipienda videntur, quæ dicuntur ad Rom. 11. Et ad Eph. 1. alioqui sequeretur omnes illos & singulos, ad quos Paul. scribebat, fuisse prædestinatos. Nam in genere loquitur de prædestinatione & electione omnium qui ad Ecclesiam vocati fuerant. Solum igitur ex locis allegatis colligi posse videtur, Deum ex mera

sua misericordia prædestinasse gentiles ad fidem Christi recipiendam, & per hoc etiam ad salutem.

RESPONDO, non disputare nos hoc loco de testimonio Gen. aut Malach. sed solum de testimonio Apostoli ad Rom. 9. Apostolus enim apertissime loquitur de adoptione filiorum Dei, & de mysticis regni cælorum; & per Eusum intelligit reprobos; per Iacob electos; per terram promissionis vitam æternam cum Deo; per solitudines draconum, mortem æternam cum diabolo; & quamvis ex mystico sensu non soleat fieri solidum argumentum ad probanda dogmata fidei: tamen cum mysticus sensus in ipsa Scriptura exponitur; solidissimum argumentum conficitur, illa enim expositio mystici sensus, Scripturæ veteris testamenti non est mystica, sed litteralis sententia Scripturæ novi testamenti.

At non loquitur Apostolus de electione & reprobatione singulorum hominum, sed gentilitatis & Iudaismi. Non ita est, imo loquitur de electione & reprobatione singulorum, tum ex gentilitate, tum ex Iudaismo: sed quoniam Iudei existimabant, se solos ad Deum pertinere, gentiles autem omnino esse exclusos: ideo sæpe B. Paulus concionatur de vocatione gentium, & induratione Iudæorum, & concludit filios Abraham non debere existimari eos, qui nascuntur ex carne Abraham, sed qui sectantur fidem Abraham, siue gentiles sint, siue Iudæi: nam in hoc ipso, c. 9. dicit Apostolus, *Ut ostenderet diuitias gloriæ suæ in vasa misericordiæ, quæ præparauit in gloriam, quos & vocauit, non solum ex Iudæis, sed etiam ex gentibus.* Et c. 11. Numquid Deus repulit populum suum? absit, nam & ego Israelita sum, ex semine Abraham, de tribu Benjamin. non repulit Deus plebem suam, quam præseleuit.

Quod autem loquatur Apostolus de electione & reprobatione singulorum in particulari, perspicuum est ex illa similitudine figuli, massæ & vasorum in honorem & in contumeliam. Neque enim vasa in honorem dici possunt soli gentiles, cum multi ex Hebræis salui sint; neque soli Hebræi, cum plurimi ex gentilibus saluentur, neque etiam contra, vasa in contumeliam dici possunt soli Hebræi, vel soli gentiles, eadem ratione. Vasa igitur in honorem sunt omnes electi, vasa in contumeliam omnes reprobi, siue Iudæi, siue gentiles.

Idem etiā patet ex induratione Pharaonis, qui particularis homo erat, & cuius exemplum hoc eodem loco proponit Apostolus. Rursus idem probatur ex eo, quod omnes electi certo saluantur, ut supra ostendimus ex Scripturis. At non certo saluantur omnes gentiles ad Ecclesiam vocati, & per Baptismum in eam admissi, sed solum aliqui, ut notum est. Illi igitur soli vere sunt, & dicuntur electi.

Denique B. Paulus, qui gente Iudæus erat, semper se in numero electorum ponit, cum de prædestinatione loquitur, ad Rom. 8. 9. & 11. & ad Ephes. 1. Non igitur per electos intelligit solos gentiles, neque loquitur de prædestinatione Ecclesiæ gentilium in genere, sed de singulis prædestinatis & electis. Quod autem in hoc numero videatur ponere omnes Christianos, ac præsertim in 1. c. ad Ephes. non repugnat iis quæ diximus. Id enim facit Apostolus, quod bene speraret de omnibus quos videbat ad fidem vocatos; non quod affirmare vellet omnes illos vere ac proprie esse electos.

CAPVT XI.

Idem probatur ex traditione Ecclesiæ.

SECUNDO loco probari potest veritas prædestinationis gratuitæ, ex traditione Ecclesiastica; nam

A quamvis ante exortam hæresim Pelagianam, veteres Patres quæstionem istam non adeo accurate tractauerint, sed tantum occasione oblata breuiter sententiam suam aperuerint, ut S. August. docet lib. de bono perseverant. cap. qui tamen, cap. 10. Cyprianum, Ambrosi. & Nazianzen. pro hac sententia citat, tamen post illam hæresim exortam omnes omnino, qui sanctitatis nomine in Ecclesia claruerunt, hanc ipsam sententiam apertissime docuerunt, ut perspicuum est ex S. Augustino in libro de prædestinatione sanctorum, & de bono perseverantia; in lib. de correptione & gratia, in epist. 105. ad Sixtum, & alibi passim. Ex S. Prospero in 2. lib. de vocatione gentium, c. 1. & ult. in lib. contra collatorem extremum, & in responsione ad capitula Gallorum. Ex S. Fulgentio in lib. de incarnatione & gratia Christi extremo. S. Gregorio lib. 1. Dialogor. cap. 8. S. Anselmo, Bedæ, Primasii, Sedulio, & aliis in c. 9. ad Rom. S. Bernardo in ser. 23. & 75. in Cantica, S. Thoma in 1. part. quæst. 23. & S. Bonaventura in 1. Sent. dist. 41. quæ 2. quo loco scribit quidem S. Bon. Deum prædestinare homines ob certas causas, soli sibi notas, & non ob solam voluntatem suam; sed eas causas non dicit esse ex parte operum præuisorum; intelligit autem voluntatem Dei non esse irrationalem, sed cum sapientia & consilio coniunctam, ut etiam loquitur August. in Enchir. c. 95.

Neque solum sancti isti Patres hoc affirmant, sed antiquiores & doctiores ex ipsis, quos ceteri postea sequuti sunt, ad fidem Catholicam hanc sententiam pertinere tradunt, & contrariam ad Pelagianos reiciunt. Notabo aliqua loca, ut si qui forte contra sentiunt, intelligant ex iudicio sanctissimorum Patrum, in quam manifesto errore versentur.

S. AUGUSTINVS in li. de bono perseverantia. c. 18. Hoc, inquit, scio neminem contra istam prædestinationem, quam secundum Scripturam sanctam defendimus, nisi errando disputare potuisse. Et c. 23. Prædestinationis, inquit, huius fides, quæ contra novos hæreticos non a sollicitudine nunc defenditur, nunquam Ecclesia Christi non habuit.

S. PROSPER in responsione prima ad obiectiones Gallorum: Prædestinationem, inquit, Dei, nullus Catholicus negat. Et in epist. ad Rusti. de liber. arbit. Prædestinationem, inquit, tam impium est negare, quam ipsi gratia contraire. Neque responderi potest, eum loqui de prædestinatione in genere, non de prædestinatione mere gratuita; loquitur enim de prædestinatione, quam S. August. defendebat. & quam Cassianus, & alii quidam in Gallia oppugnabant.

S. PETRVS DIACONVS in li. de incarnatione & gratia Christi extremo: Anathematizamus, inquit, Pelagianum & Celestinum, simulque Iulianum Edanensem, & qui illis similia sapiunt, præcipue libros Fausti, Galliarum Episcopi, quos de monasterio Lirinensi promectus est, quos contra prædestinationis sententiam scriptos esse non dubium est.

S. FULGENTIUS in li. de incarnatione & gratia Christi, cap. ult. in ipso epitogo; Cuius, inquit, prædestinationis veritatem, qua nos ante mundi constitutionem prædestinatos in Christo testatur Apostolus, si quis deiret cordis credulitate recipere, vel oris confessione profite, si ante ultimum diem vitæ præsentis, impietatis suæ contumaciam, qua Deo vino & vero rebellis obstitit, non abiicerit, manifestum est, eum non pertinere ad eorum numerum, quos Deus in Christo ante mundi constitutionem gratis elegit & prædestinavit ad regnum.

His accedit publica Ecclesiæ approbatio. Constat enim delatam fuisse ad Apostolicam sedem, Celestino Pontifice, à Prospero & Hilario querimoniam, quod in Gallia presbyteri quidam doctrinam S. Aug. de prædestinatione reprehenderant. Quid autem Ce-

citius rescripterit, perpicuum est ex epist. eius ad Gallos, in qua inter cetera, posteaquam magnis laudibus S. Augustinum extulit, ita subiunxit: *Vnderestatur talibus, quos male crescere videmus; nefas est hæc iati religiosas, animas quarum afflictione, qua membra nostra sunt, nos quoque convenit macerari.*

Et quoniam Galli respondebant, fuisse quidem à Pontifice commendatam S. August. doctrinam, sed non approbatos in specie libros illos duos de prædestinatione Sanctorum, & de bono perseverantiæ. Contra, S. Prosper in li. contra Collatorem, extremo, demonstrat, Pontificem non potuisse hos libros non approbare cum August. doctrinam probauerit, & hi libri à cæteris non dissentiant: nam sententia de prædestinatione gratuita, quæ in his libris accurate defenditur, disertis verbis habetur etiam in Enchir. in epist. 105. ad Sixtum, & 106. ad Paulinum.

Deinde Celestinus in ea epist. c. 2. ita laudat Augustinum, ut dicat, eum semper habitum à Romana Ecclesia pro Magistro optimo, & nunquam eam fuisse saltè rumore sinistrae suspicionis aspersum. At quomodo ista dicere potuisset Celestinus, si Aug. falso scripsisset, fidem prædestinationis in Ecclesia Catholica semper fuisse: & cõtra eam neminem nisi errando disputare potuisse? Nam si August. de prædestinatione sententia falsa esset, non posset idem August. ab ingenti temeritate defendi, quippe qui non solum tam acriter, pro falsitate certasset, sed etiam pro fide Catholica vendicare ausus esset. Quomodo igitur Celestinus eos, qui pro hac ipsa re Augustinũ temeritatis & erroris damnabāt, ita reprehendit, ut dicat, *ne quis esse talia audire, & Augustinum pro Magistro optimo semper habitum, nec unquam fuisse saltè rumore sinistrae suspicionis aspersum; nisi hæc ipsam de prædestinatione doctrinam, secundum Augustini sententiam, veram esse credidisset.*

Post illa Celestini tempora, cum nondum factio illa Gallorum conquiesceret, S. Leo Pontifex misit ad Concilium Arausic. certa capitula de gratia & libero arbitrio, ex libris S. Augustini verbatim decrepta, quæ voluit ab Episcopis illis recipi & subscribi, ut etiam factum est. Porro in illis capitulis continentur omnia fundamenta sententiæ de prædestinatione gratuita, ut non possit ullus prædestinationem negare, nisi velit illis capitulis contraire.

Denique S. Gelasius in Concilio 70. Episcoporum, non solum probavit omnia scripta S. Augustini, & S. Prosperi; sed etiam contra damnavit libellos Io. Cassiani & Fausti Regiensis: cum tamen non ignoraret, potissimam contentionem inter Prosperum & Cassianum, ac deinde inter Fulgentium & Faustum, de scriptis S. Augustini de prædestinatione Sanctorum, & bono perseverantiæ fuisse.

Itaque sedes Apostolica non tantum semel, sed etiam secundo & tertio aduersus Pelagianorum reliquias, pro defensoribus gratiæ & prædestinationis sententiam tulit, ut iam hæc sententia non quorumvis Doctorum opinio, sed fides Ecclesiæ Catholicæ dici debeat: id quod in sequenti cap. adhuc apertius, Deo iuvante, monstrabitur.

CAPVT II.

Idem probatur rationibus ex Scriptura & traditione de promptis.

PROPONAMVS ultimo loco rationes, non ex sola speculatione nostra, sed ex ipsis sacrarum litterarum, & traditionis Ecclesiasticæ fontibus derivatas.

PRIMA ratio sine fide nemo saluari potest: *Qui enim non crediderit, condemnabitur*, Marci ult. Fides autem donum Dei est, quod non omnibus datur, sed iis tan-

tum quibus eã Deus donare voluerit: *Vobis enim* (inquit Apostolus ad Phil. 1.) *donatum est pro Christo, non solum ut illum credatis, sed etiam ut pro illo patiamini.* Igitur soli illi saluantur, quos Deus gratis salvari decreverit. Præsciuit vero Deus ante mundi constitutionem, quibus salutem gratis daturus esset, & hoc ipsum ab ipsa æternitate decrevit, & præordinavit, cum Dei scientia & propositum æterna & immutabilia sint. Igitur vera est sententia S. August. de gratuita præscientia & prædestinatione divina. Ad hanc rationem duobus modis responderi solet, sic tamen ut modus uterque & Scripturis repugnet, & à Pelagiana hæresi non recedat. PRIMVM igitur aliqui respondent, fidem esse donũ Dei, sed hoc donũ us omnibus dari, quos Deus prævidit per bonum vñũ liberi arbitrii dispositos fore ad illud donũ recipiendũ, hoc est, qui fecerint ante, quod in se est, ex virib⁹ naturæ. Hæc responsio manifeste incidit in illã damnatam sententiã Pelagianorũ, gratiã secundum merita nostra dari, ut copiose tractabimus in 6. lib. c. 4. 5. & 6. meritũ enim appellant Patres in hac quæstione quodlibet opus bonũ, ratione cui⁹ gratia, vel auxilium homini datur, ut patet ex Aug. in li. 2. ad Bonif. c. 8. & ex Prospero lib. contra Collatorem, c. 6. & præter alia argumenta, refellitur ista solutio ex orationibus Ecclesiæ, quæ funduntur pro infidelibus, & persecutoribus. Si enim Deus ordinarie fidẽ donaret iis, quos ex bono vñũ liberi arbitrii dispositos esse videret, frustra oraretur pro infidelibus, maxime obstinatis & persecutoribus. Præterea si res ita se haberet initium salutis esset ex nobis, & petenti Apostolo: *Quis te discernis? quid habes quod non accepisti?* 1. ad Cor. 4. respondere posset: discernit me bon⁹ vñũ liberi arbitrii, & hoc habeo quod non accipi, & hoc modo gratia non omnino esset indebita, ac per hoc non omnino esset gratia. dicunt ergo Alii, fidẽ esse donum Dei, sed non omnibus dari, quia non omnes eã volunt accipere (Deũ enim omnes vocare & auxiliũ sufficiens omnibus præbere, quo possint credere, si velint) proinde prædestinationẽ pendere ex præuisione boni vñũ gratiæ sufficientis: illos enim esse prædestinatos, quos Deus prævidit cooperaturos gratiæ sufficienti, & inde credituros; illos esse reprobos, quos prævidit gratiæ sufficienti non cooperaturos, & inde non credituros. At hæc solutio repugnat aperte sacris litteris. Nam tamen si pie credamus, omnibus dari pro loco & tempore auxiliũ sufficiens, quo possint credere; tamen Scriptura docet, re ipsa non credere, nisi illos qui habent auxiliũ efficax, quo fit, ut homo non solũ possit credere, sed etiã credat, & hoc auxiliũ non omnibus dari: nam in primis Io. 6. Dominus ait: *Omnis qui audiuit à Patre meo, & didicit, venit ad me.* Et ibid. *Omne quod dat mihi Pater, venit ad me.* Et Io. 10. *Vos non creditis, quia non estis ex ouibus meis.* Vbi videmus causam reddi, cur Iudæi isti non crederent, non quia non haberẽt auxiliũ, quo possent credere; quorum enim Dominus illis prædicaret, signa coram eis faceret, hortaretur eos ad fidẽ, reprehenderet, & inexcusabiles diceret, si non dedisset eis auxiliũ, quo possent credere? Sed quia, non haberent gratiam illam, quæ ita suadet ut persuadeat, & ideo non habuisse gratiã illam, quia non erãt de electis ouibus, neq; dederat eos Pater filio, & ideo ibid. addidit: *Nemo potest ad me venire, id est, sine dubio nullus veniet, nisi pater traxerit eũ.* Nam (ut diximus) venire poterant absolute, sed dicuntur non posse, quia certũ erat & infallibile, non venturos. Quare ibid. Dominus citans Isaiam ait: *Est scriptum in Prophetis; Et erunt omnes docibiles Dei.* Quorum verborum ille est sensus, omnes qui credunt, docentur à Deo, proinde nemo

credit,

credit, nisi à Deo doctus, id est, tractus & persuasus à Patre. Deinde Matt. 1. idem Dominus ait: *Confiteor tibi Pater, Domine cæli ac terra, quia abscondisti hæc à sapientibus & prudentibus, & revelasti ea parvulis. Ita Pater, quoniam sic placitum fuit ante te. Et: Nemo novit Filium, nisi Pater, neque Patrem quis novit, nisi Filius, & cui voluerit Filius revelare.* Hic vero non agitur de revelatione per externam prædicationem, nã eo modo revelaverat Deus multis aliis mysteria fidei, nō solis iis, qui tunc crediderāt, palam enim Christus prædicabat in templo, & in synagogis: sed loquitur de interna illa revelatione, quæ persuadet fidem, quæ non datur omnibus, sed quibus placitum est ante Deum. De qua etiam dicitur Matt. 16. *Beatus es Simon Bar-Iona, quia non revelavi tibi caro & sanguis, sed Pater meus qui in cælis est.* Præterea cum B. Paulus multis prædicaret, Act. 16. certe omnes poterant credere, alioqui non peccassent nō credendo: tamen sola credidit Lydia purpuraria, cuius rei causam reddens S. Luc. ait: *Aperuit Dominus eius cor, intendere his, quæ dicebantur à Paulo.* Cur autem aperuit Dominus cor eius, & non aliorū, nisi quia ex eo numero sola ipsa præordinata erat ad vitam æternam, ut idem Lucas dicit de aliis qui crediderunt, Act. 13. Item, cum idem Paulus tam sæpe repetit, fidem esse donum Dei, & non omnium esse fidem, ut ad Eph. 2. philip. 1. 2. ad Thess. 3. & alibi, non negat, omnes posse credere, si velint cooperari gratiæ prævenienti & sufficienti, nequid dicit donū Dei esse fidem, quia Deus præbeat auxilium sufficiens ad credendū, id enim est donum cōmune omnibus, ac præsertim secundum adversarios. Nihil igitur significat aliud, nisi donū Dei esse ipsum velle credere, & re ipsa credere, quod non habet, nisi qui credit: quoniam eis solis Deus dignatur ita suadere, ut persuadeat. Denique quod ait idem Apost. 1. Cor. 4. *Quis enim se discernit? quid habes quod non accepisti?* non solum probat, non discerni fidelem ab infideli, per bonum usum liberi arbitrii, præcedentem gratiam, sed etiam non discerni principaliter per liberam cooperationem gratiæ prævenientis, quasi ipsa cooperatio non sit donū Dei, nam adhuc posset fidelis inflari, ac dicere, discernit me cooperatio mea: ego enim cooperatus sum, ille cooperatus non est, cum eandem prævenientem gratiam haberemus. Vult autem Apostolus amputare omnē inflationis occasionem, & ut fideles intelligat, hoc ipsum quod fideles sunt, donum esse Dei sibi gratis datum, aliis autem minime datum.

Altera ratio ducitur à dono perseverantiæ, hoc modo. Sine perseverantia nemo salvari potest: *Qui enim perseveraverit usque in finem, hic salvus erit.* Matt. 10. & Apoc. 3. *Tene quod habes, ne alius accipiat coronam tuam.* At perseverantia donum est Dei, quod non datur ex meritis, sed ex gratia, & quāvis omnes iusti perseverare possint, si velint, tamen soli illi perseverant, qui habent hoc donum perseverandi, usque in finem, ac per hoc sal^o & prædestinatio ad salutem ex voluntate Dei simpliciter pendet. Probatur assumptio huius argumenti. Primum enim Dominus Ioan. 13. cum dixisset: *Si hæc fecitis, beati eritis, si feceritis ea,* subiungit, *non de omnibus vobis dico; ego scio quas elegerim.* Vbi satis indicavit, non omnibus dari, ut perseveranter faciant, sed solum electis, & cap. 15. loquens illis, quos elegerat: *Ego posui vos, inquit, ut catis & fructum adferatis, & fructus vestri maneat.* Quod est idem ac si dixisset, *ego dabo vobis bene operari, & perseverare in bono opere, usque in finem.* Et Apostolus ad Rom. 9. *Non volentis, neque currentis, sed misericordis est Dei.* Vbi ponit homines velle & currere, id est, credere & operari, ac per hoc habuisse gratiam credendi & operandi, & tamen quia videbat, non

perventuros ad bravium, nisi eos, qui ex peculiari misericordia haberent perseverantiam: ideo dixit: *Non volentis, neque currentis, sed misericordis est Dei.* Et certe, si solum ex Dei misericordia diceretur pendere perseverantia, quia sine Dei auxilio non posset homo perseverare, non autem quia faceret hominem ipsa misericordia infallibiliter perseverare, alioqui non perseveraturum, sicut dicitur: *Non volentis, neque currentis, sed misericordis est Dei.* ita contra dici posset, non misericordis Dei, sed volentis, & currentis est hominis. Nam sine voluntate & actione hominis non perficit misericordia Dei, quod intendit. Quod si nemo audebit ita invertere verba divina, ne Spiritui sancto apertissime contradicat, plane sequitur id, quod diximus, ut ideo dicatur misericordis esse Dei, non volentis & currentis hominis, quoniam illi soli ex volentibus & currentibus perveniunt, quos Dei misericordia perseveranter volentes & currentes facit. Item Philippen. 2. Cum metu, inquit, & tremore salutem vestram operamini. Deus enim est, qui operatur in vobis velle & perficere, pro bona voluntate. Quæ est illa consequutio, cum metu operamini, quia Deus est, qui operatur? nimirum Apostolus monet, ut quamvis bene operemur, non tamen nobis certo perseverantiā promittamus, sed cum metu & tremore deo subiecti simus, à cuius manu pendet perseverantia nostra. Ipse est enim qui in ijs, qui perseverant, operatur velle & perficere pro bona voluntate. Denique ut alia multa testimonia divina præteream, S. Ioan. in epi. 1. c. 1. *Ex nobis, inquit, prædixerunt, sed non erant ex nobis, nam si fuissent ex nobis, permanissent usque nobiscum.* Quem locum ita edisserit S. Avgvst. in lib. de bono perseverantiæ, c. 8. *Quid est, quæso, non erant ex nobis? nonne utique à Deo creati, utique ex Adam nati, utique de terra facti erant, & ab eo, qui dixit, omnem statum ego feci, unius eiusdemque naturæ animas acceperant? nonne postremo utrique vocati fuerant, & vocantem sequuntur, utique ex impijs iustificati, & per lavacrum regenerationis utrique renovati? Sed si hæc audire ille, qui sciebat precul dubio quod dicebat, respondere posset, & dicere, vera sunt hæc: secundum hoc omnes erant ex nobis, verum tamen secundum aliam quandam discretionem non erant ex nobis; nam si fuissent ex nobis, mansissent utique nobiscum. quanam est ista discretio? non erant ex eis, quia non erant in Christo electi ante mundi constitutionem.* Hæc ille. Dicit fortasse aliquis, loqui Apostolum Ioan. de discretionem ex præscientia bonorum operum, ut sensus sit, non erant ex nobis in præscientia Dei, quia Deus præviderat eos non perseveraturos. At hæc intelligentia nimis frigidam & quasi puerilem reddit Apostolicam sententiam. Idem enim est, non erant ex nobis in præscientia, & non erant perseveraturi. Vnde sequitur inepta illa consequutio, nam si fuissent perseveraturi, utique perseverassent. Quæ consequutio nihil arcani, aut divini continet. Dicit rursus alius, illud: *Non erant ex nobis*, posse intelligi de simulatione fidei, ut sensus sit, videbantur exterioribus signis Christiani atque Catholici, sed iam præcisi erant corde à nobis. Ita enim exponit idem S. Aug. tract. 3. in epi. Ioan. *RESPONDEO*, utrumque verum esse, & inter se optime coherere: nam qui prædestinati non sunt, & per hoc in prædestinatione discreti ab aliis qui sunt in Ecclesia electi ac prædestinati, sæpe etiam prius corde præciduntur, quā corpore, & verum est, illos non esse ex nobis, etiam cum videntur esse ex nobis, tum quia nō sunt ex numero electorum; tum etiam quia sunt à nobis iam corde præcisi. Cæterum, hanc Apostolicam sententiā præcipue ad prædestinationem referendam esse, ex eo constat, quod Ioan. ita secute affirmat: *Si fuissent ex*

nobis, mansissent usque nobiscum. Non enim id certo asseuerari potest de quibuscunque sinceris, verisque Catholicis, nisi denumero sit eorum, de quibus Dominus dicit: *Non rapies eos quisquam de manu mea.* Ioan. 10.

Ad hæc testimonia, quibus speciale donum perseverantiae comprobatur, addi possunt Duæ solidissimæ rationes; Altera sumitur ab orationibus, quas iubemur assidue fundere pro dono perseverantiae: Nam si perseverantiae donum nihil esset, nisi auxilium, quo perseverare possimus, non esset opus tanta precum assiduitate; id enim donum semper habet qui iusti sunt, non enim deserit Deus, nisi prius ab homine deseratur. Sic etiam si donum perseverantiae semel impetratum, amitti non posset, hoc est, si ante mortem re vera obtineretur; non esset opus usque ad mortem donum illud à Domino petere: iubemur autem quotidie, quantumvis proficiamus, semper dicere: *Sanctificetur nomen tuum, Fiat voluntas tua, Ne nos inducas in tentationem; Libera nos à malo.* Quibus omnibus verbis quid aliud petimus, nisi, ut S. CYPRIAN. loquitur in serm. 6. *Ut in eo, quod esse cupimus, perseveremus?* Itaque recte S. AUGUST. in lib. de bono perseverantiae, c. 17. *Restat, inquit, in his bonis, usque in finem perseverantia, qua frustra quotidie à Domino petitur, si non eam Dominus per gratiam suam in illo, cuius orationes exaudit, operatur.* ALTERA ratio sumitur à termino ac periodo vite humanæ, quæ non ab alio, quam ab ipso hominum conditore statuitur: Ipse enim constituit terminos, qui præteriri non possunt, Iob. 14. *Ipse auferit spiritum principum,* Psal. 75. *Ipse denique mortificat & vivificat,* 1. Reg. 2. Cum igitur in manu Dei sit, iustum rapere, antequam malitia illum depravet, & peccatorem expectare, donec ad sanitatem redeat, & contra, iustum in vita relinquere, donec iterum labatur, & pereat, & peccatorem, antequam convertatur, de medio tollere, quis non videt perseverantiam donum esse Dei? *Videte, inquit AUGUST. loco citato, à veritate quam sit alienum, negare donum Dei esse perseverantiam usque in finem huius vite, cum vita huius quando voluerit ipse, des finem: quem si dat ante imminentem lapsum facit hominem perseverare usque in finem.* TERTIA ratio ducitur à parvulorum diuerfitate, quorum aliqui rapiuntur statim à Baptismo, alij paulo ante Baptismum: quorum priores ad gloriam prædestinatorum, posteriores ad pœnam reprobatorum pertinere non dubium est, nec possunt hic vlla merita præiudicare, vllusve bonus usus liberi arbitrii aut gratiæ fingi. Faciunt autem hoc argumentum multo adhuc firmitus & solidius apparere vanæ responsiones, quas nonnulli magno labore tamen reperiunt: *Mirum est, inquit S. AUGUST. in epist. 105. ad Sixtum, cum his coarctantur angustiis, in quantâ se abrupta præcipiunt, inueniuntur vetia veritatis.*

Respondent igitur olim quidam, prædestinatos esse parvulos secundum opera, quæ Deus eos facturos fuisse præiudicaverat, si diutius illis vivere cõtigisset. Sed refellit hanc responsionem idem August. in lib. de prædest. Sæctorum, c. 12. ex eo quod Apostolus definit 2. Cor. 5. omnes homines indicandos à Christo secundum propria corporis, id est, prout in hac vita corporali se gesserunt. Item ex eo, quod parum profuisset enidam, rapi antequam malitia immutaret intellectum eius, ut dicitur Sap. 4. & contra multum profuisset Tyriis & Sidoniis, fuisse credituros, si Christi signa viderent, ut dicitur Matt. 11. si iudicandi sumus secundum opera, quæ facturi eramus. Respondent igitur ALII, aliam esse rationem parvulorum, aliam adultorum: quoniam adulti, si non saluantur, in æternum pereunt: parvuli, si non saluantur, non tamen pereunt, sed habebunt extra regnum cœlorum

A suam quandam vitam æternam & beatam. Sed hanc solutionem incidere in hæresim Pelagianam, docet August. in lib. de bono perseverantiae, c. 17. & 12. & nos etiam contra hunc errorem disseruimus in li. 6. de statu peccati. Et certe fidelibus satis esse deberet, quod Apostolus ad Rom. 5. tam aperte dicat, vniuersos delicto omnes homines in condemnationem in illos esse. Respondent ALII postremo, casu fieri quod ex parvulis alij baptizentur, alij sine Baptismo decedant, quia videlicet alij nascantur apud Christianos, alij apud infideles, alij debiliores sint ex naturalibus causis, quam ut ad Baptismum usque vivere possint: Alii meliorem nacti sint corporis constitutionem, & ideo ad lauacrum, regenerationemque perveniant. Sed hæc responsio non videtur digna Christianis, qui providentiam Dei erga homines ex sacris litteris & Ecclesiastica traditione didicerint. Nam si non cadit passer in terram, sine patre nostro, qui in cœlis est, ut Saluator affirmat, quanto magis nos apud Deum pluris sumus illis. & si non disponderet Deus limites vite & mortis hominum, quomodo diceret Psal. 54. *Viri sanguinum, & dolosi non dimidiabunt dies suos?* Quomodo, quod sæpe citavimus, li. Sap. 4. diceret: *Rapius est, ne malitia immutaret intellectum eius?* Quomodo in scriptura Testamenti veteris tam sæpe repeteretur, qui casu videbantur occisi traditos esse à Deo in manus hostium, aut ferarum? quomodo in ipsa lege divina promitteretur his qui parentes colunt, ut debent, vita diuturna super terram?

C Deus igitur non mutat quidam cursum naturæ, finitque res omnes agere motus suos, tamen ante mundi constitutionem sine dubio vidit, quid ab initio usque ad finem accideret, si hoc aut illo modo rerum causas totiusque naturæ cursum, ordinemque disponderet. Et cum in manu eius essent omnia, neque aliquid, nisi eo iubente, aut permittente fieri posset, proculdubio, res ita disposuit, ut omnia cooperarentur in bonum his qui secundum propositum vocati sunt sancti.

D Quod igitur parvulorum alius baptizetur, alius sine Baptismi gratia rapiatur, proxima causa referri poterit in causas naturales, ut parentum diligentiam, corporis cõplexionem, aliaque id genus; primaria tamen causa non alia esse potest, nisi divina voluntas.

QUARTA ratio sumitur ab exemplo Christi, qui caput est & princeps omnium electorum: *Christus enim prædestinatus filius Dei in virginitate, ut Apostolus loquitur ad Rom. 1. & prædestinatus est omnino gratis, non propter opera aliqua præiudicata; non enim aliqua opera facere potuit homo Christus ut filius Dei fieret, cum ex illo cœperit esse filius Dei, ex quo cœpit esse homo.* Nam filium Dei unicam scēmina illa gratia plena concepit, non hominem aliquem, qui postea accedentibus meritis, ad personam filii Dei assummeretur.

E Ut igitur Christus ipse gratis omnino prædestinatus est, ita membra Christi gratis prædestinata sunt: prædestinamur enim nos, ut conformes efficiamur imaginis filij Dei, ut ait Apostolus ad Rom. 8. itaque sicut ille homo prædestinatus est, esse filius Dei naturalis nullis præcedentibus meritis; ita nos etiam prædestinamur, ut simus filij Dei per adoptionem, nullis præcedentibus meritis. Vide hanc rationem eleganter tractatam ab Augustino in lib. de prædestinatione Sæctorum, c. 15. & de bono perseverantiae, c. vlt. & de corrept. & grat. c. 11.

QUINTA ratio sumitur à fine prædestinationis. Prædestinatio pro fine habet, ostensionem diuturnam gratiæ Dei, in vasa misericordiæ & laudem gloria gratiæ suæ, ut Apostolus testatur ad Rom. 9. & 11. & ad Ephes. ac si prædestinaret homines Deus propter bonum usum

liberi arbitrii, gratiæve præuisum, non ostenderet diuicias gratiæ, sed iustitiæ, aut æquitatis.

At, inquiunt, hæc ipsa ingens est gratia, quod Deus ad æternam gloriam homines prædestinaret voluerit, propter bonum vsum liberi arbitrii, vel gratiæ; non enim tenebatur Deus hoc facere, sed dimittere poterat omnes homines in massa perditionis, & ne sufficiens quidem auxilium vlli concedere. Sed si hæc sola esset gratia prædestinationis, non diceret Apostolus: Deum ostendere voluisse diuicias gratiæ in vasa misericordiæ. Nec diceret, reliquias secundum electionem gratiæ saluas fieri. Nec diceret, nos in Christo prædestinatos in laudem gloriæ gratiæ suæ. Nam prædestinare velle eos, qui bene operabuntur, gratia est communis toti generi humano, nõ propria vasorum misericordiæ, neque dici potest electio gratiæ, sed iustitiæ, illa electio qua eliguntur qui præuidentur bene operaturi; quamuis gratia dici possit, branum hoc decertaturis proponere voluisse. Itaque non dubium est Apostolo repugnare sententiam illorum, qui electionem saluandorum mere gratuitam negant.

Sexta ratio, discretionem electorum à reprobis Scripturæ referunt inter arcana & Sacramenta altissima & inscrutabilia, ut patet ex illo Rom. 11. *O altitudo diuitiarum scientiæ & sapientiæ Dei, quam incomprehensibilia sunt iudicia eius, & inuestigabiles viæ eius? Quis enim cognouit sensum Domini? aut quis consiliarius eius fuit? aut quis prior dedit illi, & retribuetur ei? Quod enim eo loco tantopere admiratur Apostolus, est, quod Deus omnia concluderet in incredulitatem, ut omnium misereatur, id est, permiserit omnes fieri incredulos, prius gentiles, postea Iudæos, ut omnium misereatur, id est, gentium, & Iudæorum, & inde factum sit, ut aliquando ex gentilibus paucissimi, ac fere nulli saluarentur, nunc plurimi saluentur: Et contra, ex Iudæis multi saluerentur aliquando, nunc paucissimi saluentur, & rursus in fine sæculi iterum multi saluandi sint.*

At si vera esset aduersariorum sententiæ, nullum hic esset mysteriū, nulla causa admirationis: diceremus enim Deum antiquis temporibus non misisse prædicatores, nisi ad Iudæos, quoniā videbat paucissimos fuisse inter gentiles, qui prædicatoribus fidem habituri essent; nunc autem contra eos mittere ac misisse, quia videbat plurimos futuros, qui hoc tempore fidem reciperent. Et idem dici posset de Iudæis: nõ est autem mirum, si Deus non saluare, sed damnare decreuit eos, quos minime credituros, malæque operaturos fuisse præuidit; sicut nemo miratur, si videat à iudice puniri noxios, liberari innoxios. Apostolus autem admiratur & exclamat; *O altitudo diuitiarum, quoniam videt in eadē causa Deum, qui non est acceptor personarum, aliorum misereri, aliorum non misereri; nam ut ostēderet, gentiles hoc tempore facile conuerti ad fidem, quia Deus miseretur eorū, & antea non credidisse, quia Deus eorum non miserabatur; & Iudæos, qui nunc increduli sunt, in fine credituros, quia Deus eorum nunc non miseretur, sed in fine miserebitur, ita ait: Sicut aliquando vos non credidistis Deo, nunc autem misericordiam consequuti estis propter illorum incredulitatem: ita & isti nunc non credunt in vestram misericordiam, ut & ipsi misericordiam consequantur, id est, sicut nunc Deus patitur Iudæos manere incredulos, vestri autem miseretur, eosque conuertit ad fidem; sic in fine mundi illorum etiam miserebitur, eosque conuertet, & ideo post exclamationem illam: *O altitudo diuitiarum*, rursus addit, *quis prior dedit ei, & retribuetur illi? quoniam ex ipso, per ipsum, & in ipso sunt omnia*, ut ostendat, Deum præuenire omnia merita nostra, & omnem bonum vsum liberi arbitrii, & propterea iure mirandum esse, & in-*

ter arcana inscrutabilia habendum, cur Deus huius misereatur, illius non misereatur.

Postrema ratio hæc esse potest, si Deus prædestinaret propter bonum vsum liberi arbitrii gratiæve præuisum, certe in huius prædestinationis executionem, prædicatores ad eos omnes dirigeret, quos præuidet bene vsuros Euangelio, atque apud eos omnes signa fieri vellet, quos ex iis signis conuertēdos, saluandosque prænotificaret: at Deus ad Ezech. c. 3. dicit: *Si ad populum ignota lingua mitterem te, audirent te; domus autem Israel noluit audire te, quia noluit audire me.* Et Dominus Matt. 11. *Si in Tyro & Sidone facta fuissent virtutes, quæ factæ sunt in te, otium in cinere & cilicio patientiam egissent.*

Quid hic, obsecro, responderi potest? si prædestinat Deus ex præuiso bono vsum liberi arbitrii: vel gratiæ, cur non prædestinavit populos illos ignota linguæ, de quibus loquitur Ezechiel, & Tyrios & Sidonios, de quibus loquitur Dominus? istos enim bene vsuros fuisse libero arbitrio & gratia, veritas ipsa testatur, & tamen extra controuersiam est, hos nõ fuisse prædestinatos, sed cum cæteris contumeliæ valis in massa perditæ derelictos. Addi possent & alię rationes, quas Theologi Scholastici egregie texunt. Sed hæc potissimæ nobis visæ sunt.

CAPVT XIII.

Soluntur argumenta contra propositionem octauam.

ADVERSVS octauam nostram propositionem de prædestinatione gratuita, non desunt argumenta tum ex Scripturis, tum ex Patribus, tum ex ratione deprompta.

PRIMUM Scripturæ testimonium sumunt ex verbis Apostoli ad Rom. 8. *Quos præsciuit & prædestinavit conformes fieri imaginis filij sui.* Videretur enim hac sententia significari, Deum prædestinasse illos, quos præsciuit conformes futuros imaginis filij sui, ita ut præscientia futurę probitatis, siue probitas futura præcognita prædestinationis causa fuerit.

RESPONDEO, deprauatio est ista non explicatio Apostolici testimonij, nõ enim dicit D. Paulus conformes futuros, sed fieri conformes; non autem recte coniungitur, fieri conformes, cum verbo præsciuit, sed cum verbo prædestinavit. Non enim recte diceretur præsciuit fieri, sicut recte dicitur prædestinavit fieri. Deest quidem in textu Græco verbum fieri, & solum est nomen *συμμορφος*, tamen magna est apud nos auctoritas veteris interpretis, qui explicandi gratia addidit, fieri, non autem futuros.

Deinde quid opus est hyperbato, cum possimus recto ordine omnia planissime interpretari? Itaque sensus est eorum verborum, quos Deus præsciuit, id est, quos præsciuit scientia approbationis, quos dilexit, quos voluit, illos & prædestinavit cōformes fieri, id est, ut conformes fierent imaginis filij sui. Nam scire, & præscire in Scripturis non raro pro scientia approbationis accipitur, ut patet ex illo ad Rom. 11. *Non repulit Deus plebem suam, quam præsciuit*, 2. ad Tim. 2. *Cognouit Dominus qui sunt eius.* Matt. 25. *Non nouit vos.* Psal. 1. *Nouit Dominus viam iustorum.* Ioan. 20. *Ego sum pastor bonus, & cognosco oves meas.*

ALTERVM testimonium sumunt ex illis verbis, 2. ad Tim. 2. *In magna domo sunt vasa aurea & fictilia, alia in honorem, alia in contumeliam. Si quis emundauerit se ab istis, erit vas in honorem, vtile Domino, &c.* Videmus enim hoc loco vasa in contumeliam posse per liberi arbitrium, & Dei gratiam, mutari vasa in honorem. Non igitur ad Rom. 9. per vasa in honorē & in contumeliam intelliguntur prædestinati & reprobi,

sola Dei voluntate, sed per opera præuisa, alioqui falli posset prædestinatio, cum possint, ut idem Apostolus ait, vasa mutari, & de vasis contumeliæ fieri vasa in honorem.

RESPONDEO, non dicit Apostolus, vasa in contumeliæ per emundationem fieri vasa in honorem; sed ostendit quo signo possint cognosci vasa in honorem; ac dicit, vasa in honorem habere duo signacula, VNUM internum, quod à nobis in hac vita certi non potest, notitiam videlicet diuinæ approbationis; ALTERVM externum, vitiationem iniquitatum & errorum. Cum enim Deus ita prædestinaverit homines, ut per bona opera eos peruenire velit ad gloriâ, signum est prædestinationis, diligenter vitare peccata, & præsertim hæresum iniquitatem. Itaque cū dixisset Apostolus, Hieronymum, & Philetum hæreticos subuertisse quorundam fidem, addit non esse periculum, ne omnium fidem subvertant, quoniam fundamentum Dei firmum consistit, in electis videlicet, & addit signa electorum: *Habens, inquit, signaculum hoc, cognouit Dominus qui sunt eius. Et: Recedat ab iniquitate omnis qui innocat nomen Domini. Vbi illud: Recedat ab iniquitate, non significat ex iniquo fiat iustus, sed caueat ab iniquitate patranda, conseruet iustitiam, quam semel accepit.*

Deinde addit, non esse mirandum, si aliqui recedunt à fide, & inter reprobos numerandi videantur: *Nam in magna domo sunt vasa aurea & argentea, & lignea ac fictilia, alia in honorem, alia in contumeliæ.* Voluit enim Deus ad ostendendas diuitias gratiæ, vasa habere in honorem; & ad iram suam iustam in impios declarandam, tolerat etiam vasa in contumeliæ.

Denique repetit signum, quo possint utriusque cognosci vasa in honorem, & ait: *Si quis ergo emundauerit se ab his, id est, si quis non adhæserit huiusmodi hæreticis, sed mundum se ab eorum sordibus, & pollutione seruauerit, erit vas in honorem, &c.*

At, INQUIES, saltem homines ipsi se vasa in honorem efficiunt, non igitur prædestinatione sunt vasa in honorem, nisi prædestinatio pèdeat ex præuisione operum. Sed facilis est responsio. Nam Apostolus non dicit, Si quis emundauerit se ab his, fiet vas in honorem, sed, *erit vas in honorem, id est, cognoscetur esse vas in honorem.* Deinde non est absurdum, homines & prædestinatione, & propriis actionibus fieri vasa in honorem. Deus enim prædestinavit, quos voluit ut essent vasa in honorem; sed efficit postea, ut sint tales & gratia sua, & opere ipsorum, & nõ ideo pendet prædestinatio ab operibus, sed opera à prædestinatione. Nam quos prædestinavit, hos vocauit; quos vocauit, hos iustificauit: quos iustificauit, hos magnificauit, ad Rom. 8. Itaque sunt opera bona effectus prædestinationis, licet Deus non iustificet, concurrente libero arbitrio, & cooperante gratia eius, ut infra suo loco docebimus.

TERTIVM testimonium sumunt ex Apoc. 3. *Tene quod habes, ne alius accipiat coronam tuam:* At certe si corona potest amitti per mala opera, non prædestinavit Deus vllum ad coronam, nisi præuisis operibus eius, nisi fallax & mutabilis prædestinatio esse queat.

RESPONDET S. Tho. in 1. p. q. 23. art. 6. ad 1. coronam gloriæ duplici titulo debitam esse posse, titulo prædestinationis, & titulo meritorum; & quamuis, ut debita est priore titulo, simpliciter non possit amitti, tamen ut posteriore titulo debita est, ea ratione posse amitti. S. autem Aug. in lib. de corrept. & grat. c. 13. rectissime monet, coronam gloriæ præparatam electis ante mundi constitutionem, amitti non posse, tamen ut nõ amittatur, Deum efficere variis modis. Horum vnum esse timores ac terrores, quibus

A sollicitudo ac vigilantia excitatur. Itaque dicitur prædestinato: *Tene quod habes, ne alius accipiat coronam tuam:* quia reuera si non perseverat tenendo iustitiam suam, amitteret coronam suam, sed hac admonitione & comminatione perterritus is, cui adhuc incerta est prædestinatio sua, tenebit sine dubio fortissime quod habet, & eo modo tandem perueniet ad coronam, quam non habet.

QVARTVM testimonium sumunt ex illo Matt. 25. ubi pater familias distribuit unicuique talenta secundum propriam virtutem. Videtur enim Deus omnibus gratiam præbere, sed variam pro varia dispositione naturæ, quam in hominibus inesse videt. Quod autem Deus facit; id se facturum ante prædestinavit; igitur prædestinatio ex præuisa dispositione naturæ, non ex sola Dei voluntate dependet.

A RESPONDEO, nomine talentorum gratiæ gratis datæ intelliguntur, quæ communes sunt electis cum reprobis, ut gratia sanctorum, donum linguarum, interpretatio sermonum, & alia id genus: nomine autem propriæ virtutis non significatur dispositio naturæ, sed gratia unicuique data, ut talento sibi credito bene uti possit. Sed cito, nomine propriæ virtutis intelligatur dispositio naturæ, quis quæso, disposuit naturam, nisi qui fecit naturam? ille igitur qui facit, ut prædestinatis omnia cooperentur in bonum, ille, inquam, electis suis non solum gratiam tribuit, sed etiam naturam disposuit, atque ita prædestinatio radix & origo est omnium bonorum. Quamuis enim prædestinatio prærequirat aliquo modo rem esse, quæ prædestinatur, tamen non prærequirit eam esse talis, vel talis naturæ, nisi conditionaliter. Deus enim, ut supra diximus, antequam absolute aliquid velleret, vidit omnia, quæ accidere poterant, quibuscunque modis rerum ordo constitueretur.

Itaque vidit, exempli gratia, si talis prædestinaret, eum talis esse naturæ, ut parum aptus videatur ad id, ad quod eligitur, sed in arbitrio eius fuit, vel eum nõ prædestinare, vel alio modo eius temperare naturam, vel naturam quocunque modo dispositam corrigere, atque emendare per gratiam, atque ita cum eum prædestinavit, simul constituit, ut cum natura, tum gratia, & quidquid illi vnquam accidere posset, ei cooperaretur in bonum.

D QVINTVM testimonium sumunt ex illo Matt. 20. *Voca operarios, & reddes illis mercedem. Et c. 25. Percipite regnum, & sursum enim & dedisti mihi manducare, &c.* Deus autem id facit in tempore, quod se ante omnia tempora facturum esse constituit; igitur constituit Deus ab æterno regnum cælorum illis dare, quos bona opera facturos fuisse prævidit.

RESPONDEO, alia ratio est prædestinationis, alia executionis. Constituit enim in prædestinatione, regnum cælorum dare certis hominibus quos absque vlla operum præuisione dilexit: tamen simul constituit, ut quoad executionem, via perueniendi ad regnum, essent opera bona. Itaque illa propositio, Deus ab æterno prædestinavit hominibus dare regnum per opera bona præuisa, potest & vera esse & falsa. Nam si illud: *Per opera præuisa*, refertur ad verbum prædestinavit, falsa erit; significabit enim Deum prædestinasse homines, quia opera illorum bona præuiderat: si referatur ad verbum, *dare*, vera erit, quia significabit, executionem futuram esse per opera bona, siue, quod est idem, glorificationem effectum esse iustificationis, & operum bonorum, sicut ipsa iustificatio effectus est vocationis, & vocatio prædestinationis.

SEXTVM testimonium sumunt ex illis locis: *Illuminatus omniem hominem venientem in hunc mundum, Ioan. 1.*

Et: *Vult omnes homines saluos fieri*, 1. ad Tim. 2. Et: *Neminem vult perire*, 1. Petri 3. Sed hæc explicata sunt, cap. 3. Et facis commodè intelligi possunt de antecedente voluntate.

SEPTIMUM sumunt ex illis locis, quæ testantur, Deum non accipere personas, Actor. 10. Rom. 2. & alibi, quæ sunt etiam loco citato, quantum satis esse videbatur, exposita. Nam cum acceptio personarum sit vitium iustitiæ contrarium, non habet locum in gratiæ donis, quale est prædestinatio.

CAPVT XIV.

Soluuntur argumenta ex Patribus.

PATER Scripturas, adferunt etiam testimonia Patrum. Neque est hoc nouum argumentum, sed antiquissimum. Scribit enim S. Prosper in epist. ad S. August. Gallos, qui sententiam eiusdem Augustini de prædestinatione calumniabatur, illud potissimum obicere solitos, quod ea sententia veterum doctrinæ videretur esse contraria.

Sed respondet idem August. in lib. de bono persecutantæ, veteres Patres, qui ante Pelagium floruerunt, quæstionem istam nunquam accurate tractasse, sed incidenter solum, & quasi per transitum illam attigisse. Addit vero in fundamento huius sententiæ, quod est gratiæ Dei non præueniri ab vilo opere nostro, sed cõtra, ab illa omnia nostra opera præueniri, ita vt nihil omnino boni, quod attinet ad salutem, sit in nobis, quod non sit nobis ex Deo, conuenire Catholicos omnes. Et ibid. citat Cyprianum, Ambros. & Nazianzenum, quibus addere possumus Basilium & Chrysostomum.

BASILIVS enim in orat. de humilitate: *Nihil*, inquit, *reliquit tibi, ô homo, ad arrogantiam, cui gloriatio, ac spes est in mortificando omnia sua, & querendo in Christo vitam futuram, cuius primitias habentes iam in his sumus, in totum in gratia viuentes, & dono Dei.*

CHRYSOSTOMVS hom. 12. in 1. ad Cor. tractans illud, *Quis enim se discernit, &c.* Igitur, inquit, *quod accepisti habes, neque hoc tantum, aut illud, sed quicquid habes. Non enim meritum hac sunt, sed dona Dei.* Et hom. 24. in eadem epist. scribit, omnem nostram possibilitatem esse positam in auxilio Dei, cui totum est tribuendum.

Ex his aliisque similibus Patrum sententiis recte colligit August. gratiæ prædestinationis sententiam, & fidem in Ecclesia Catholica semper fuisse. Neque enim defendi potest prædestinatio ex operibus præiudicis, nisi aliquid boni ponatur in homine iusto, quod discernatur ab impio, quod nõ sit illi à Deo; quod sane Patres omnes summa consensione reiciunt. Sed videamus, quid ex Patribus particulatim obici soleat, & qua ratione sit explicandum.

PRIMUM igitur profertur S. Irenæus, qui in lib. 4. c. 48. ita loquitur: *Quotquot scit non credituros Deus; cum sit omnium præcognitor, tradidit eos infidelitatis eorum, & auertit faciem ab huiusmodi, relinquens eos in tenebris, quas ipsi sibi elegerunt.*

RESPONDEO, hæc sententia verissima est, quoniam docet, Deum esse iustum, & non punire nisi propter peccatum, quæ verissima sunt; non autem negat, Deum esse misericordem, & quibusdam reddere bona pro malis, eruen-do eos per gratiam ab infidelitate ipsorum. Itaque Irenæus id ipsum dicit, quod ante eum Apostolus dixerat ad Rom. 1. nimirum, Deum tradidisse quosdam in reprobum sensum, quoniam ita meruerant eorum peccata, cum oblatam Dei cognitionem & fidem recipere nolissent. Et quemadmodum in tempore Deus illos tradidit infidelitati

ipsorum, & qui credere noluerunt, sic in æternitate ab illis auertit faciem, eosque in suis tenebris dereliquit, quos minime credituros fuisse præiudic. Denique hæc sententia ponit causam in homine, cur reprobetur, non ponit cur prædestinetur.

SECUNDO loco profertur IOAN. CHRYSOSTOMVS, qui hom. 31. in Matt. scribit, Matthæum tunc vocatum esse à Christo, cum Christus vidit eum non repudiaturum vocationem, Et idem dicit de vocatis ad vineam, hom. 56. Rursus idem auct. comment. ad c. 9. epist. ad Rom. *Multis*, inquit, *Matthæo meliores esse videbantur ab apparenti operum argumento; verum qui arcana nouit, quique cogitationis aptitudinem probare potest, & in cæno margaritam iacentem nouit, omisitque alijs, admiratus huius pulchritudinem, illum elegit, voluntatisque nobilitati suam cum adiunxisset gratiam, probatum illum esse pronunciauit.*

RESPONDEO, illa ipsa fuit gratia prædestinationis quod Christus tunc vocare voluerit Matthæum, cum eum præiudic non repudiaturum esse vocationem. Cur enim non sic vocauit Tyrios, & Sidonios & Capharnaitas, aliosque tam multos, qui non crediderunt, nisi quia non eos prædestinauerat? neque enim defuisset Christo sapientia, qua tali tempore & modo illos vocaret, quo sciret infallibiliter sequuturos, si eos ita vocare voluisset.

Itaque non dicit Chrysost. Christum prædestinasse Matthæum, quia præiudic eum non reluctaturum vocationi, sed dicit, Christum vocasse Matthæum, quando vidit eum non reluctaturum. Loquitur enim de exequutione prædestinationis, non de ipsa prædestinatione; effectus igitur prædestinationis fuit, vt Matthæus, vocante se Christo, ita dispositus esset, vt Christi voci, & Spiritus sancti luminis non resisteret.

Illavero pulchritudo & nobilitas voluntatis, atque aptitudo ad Apostolatam, quam in Matthæo Christum admiratum esse Chrysost. dicit, non est aliquid naturale, sed ipsa gratia prædestinationis, quæ in Matthæo, vt in vniuerso fœderatore lucebat. Sicut enim Io. 10. Christus vocat oues suas homines ethnicos, & peccatores, cum ait: *Alias oues habeo, quæ non sunt ex hoc ovili, & illas oportet me adducere, & vocem meam audient; quoniam in prædestinatione oues erant, quamuis re ipsa tunc lupi essent; & sicut Ioan. c. 11. cum scribit, Christum moriturum fuisse, vt filios Dei, qui erant dispersi, congregaret in vnum, filios Dei nominat ratione prædestinationis eos, qui re ipsa tunc filij diaboli erant; ita Christus, Chrysostomo teste, vidit Matthæum in telonio esse margaritam in cæno, quoniam in prædestinatione margarita erat, qui re ipsa tunc vnus ex publicanis & peccatoribus erat.*

Proinde admiratus Christus eam pulchritudinem & nobilitatem voluntatis, quæ in Matthæo, vt dixi, ex prædestinatione lucebat, illum elegit, quem à Patre, iam ante mundi cõstitutionem electum sciebat, & cum gratiæ prædestinationis, gratiam vocationis & iustificationis adiunxisset, probatum illum iure pronunciauit. Ita igitur Chrysost. sententia recte exponi potest, præsertim cum ipse, vt paulo ante diximus, hom. 12. in 1. ad Cor. totum quod in nobis est boni, Dei gratiæ tribuat.

TERTIO loco profertur S. AMBROSIVS in comment. ad c. 8. ad Rom. vbi sic ait: *Illi secundum propositum vocantur, quos credentes præsciuit Deus, vt antequam crederent scirentur. Quos enim præsciuit sibi deuotos futuros, ipsos elegit ad æterna præmia. Item in ca. 9. Eius, inquit, miserebor, quem præsciui post errorem vello corde reuersurum ad me.*

RESPONDEO, commentarios istos falso tribui S. Ambrosio, viri docti non sine causa iudicant. Sed cuiuscunque sint, satis commode potest huius auctoritatis sententia explicari. Nam in priore loco, non loquitur auctor ille de prædestinatione, sed de vocatione, quæ est prædestinationis effectus. Verissimum autem est, Deum vocare secundum propositum eos, quos præscit credituros, sibi que deuotos futuros; credituros autem & deuotos futuros prænotificat, quoniam scit se eos prædestinasse, ac per hoc etiam eis præparasse gratiâ, qua sine dubio credentes & de uoti efficiantur. Dicit enim S. Ambr. in li. 7. in Luc. Quos dignatur, vocat, & quem vult, religiosum facit, & si voluisset, Samaritanos de indemoniatis deuotos fecisset.

At INQUIES, tamen si auctor ille loquatur de vocatione, cum ait, illi secundum propositum vocantur, quos credentes præscit: tam paulo post loquitur de electione, cum subiungit: Quos enim præscit sibi deuotos futuros, ipsos elegit ad æterna præmia. Igitur Deus non elegit prædestinatos ad gloriam, nisi prius opera ipsorum bona præuideat.

RESPONDEO, illud, elegit, fortasse intelligendum esse de electione, quæ fit in tempore, cum homines à Deo vocantur, de qua Christus dicit: Ego vos duodecim elegi. Et: Ego elegi vos de mundo. Et: Non vos me elegistis, sed ego elegi vos. Hæc enim electio idem est cum vocatione secundum propositum, & non est prædestinatio, sed prædestinationis effectus. Sed si quis contendat, accipiendum esse de electione æterna: dicendum erit, electionem æternam duobus modis considerari posse. Vno modo, ut est intentio dandi gloriæ, Alio modo, ut est dispositio executionis, & quasi executionis in mente diuina. Nam priore modo electio est mere gratuita, & nullam prærequirit præuisionem operum bonorum, & de hac dicit Dominus Luc. 12. Complacuit Patri vestro dare vobis regnum. Posteriori modo præexigit præuisionem meritorum. Non enim vitam æternam sub ratione præmii Deus dare disposuit, nisi ijs, quos bene operaturos esse præuidet. Et de hac iste auctor recte dicit, quos præscit sibi deuotos futuros, ipsos elegit ad æterna præmia.

Et autem id melius intelligatur, considerandum est gloriam in genere causæ finalis, priorem esse bonis operibus. Ipsa enim est finis, illa sunt media ad finem in genere autem causæ efficientis priora esse opera bona, quam sit ipsa gloria, quoniam illa sunt causæ ipsa est effectus. Deus igitur prius vult electis gloriâ, quam bona opera, quoad intentionem, ideo enim vult illis dare bona merita, quia vult dare coronam gloriæ: nam prior est finis in intentione, quam media, cum non intendatur media, nisi propter finem; & hoc modo non eligit ad gloriam, ex præuisione meritorum, sed contra eligit ad merita ex præuisione gloriæ. At quoad voluntatem executionis, quæ respicit gloriam, ut effectum meritorum, prius vult Deus electis dare bona merita, quam gloriæ coronam & hoc modo elegit Deus ad gloriam, ex præuisione operum bonorum.

Atque hac distinctione poterunt explicari plurima dicta Patrum, ac præsertim Græcorum, Theodor. Theophyl. Occumen. in c. 8. & 9. ad Ro. qui dicunt, Deum prædestinasse ad gloriam eos, quorum bonum propositum ante prænouerat. Accipiunt enim prædestinationem & electionem pro voluntate dandi vitam æternam propter merita, id est, pro dispositione executionis, ut diximus; Patres enim cum ad populum verba facerent, ea dicebant, quæ utiliora videbantur ad excitandos homines ad opera bona.

Illud autem quod ultimo loco obicebatur ex prædicto auctore: Eius miserebor, quem præscis post er-

rorem totâ corde reuerfurum ad me, difficultatem non habet. Significat enim eo loco misericordia propositum iustificationis, illos enim Deus iustificare disposuit, quos præscit toto corde, id est, vere & ex animo conuertendos. Nulli autem toto corde conuertuntur ad Deum, nisi quos ille præueniendo, excitando & adiuvando conuertit; proinde illorum miserebitur eos iustificando, quorum misertus fuerit eos vocando secundum propositum, & illorum miserebitur eos vocando secundum propositum, quorum misertus fuerit eos prædestinando. Atque hoc est quod ad Mosem dictum fuisse testatur Apostolus ad Rom. 9. Miserebor cuius misertus sumus, & misericordiam præstabo cui miserebor.

QVINTO, proferunt S. Hieronymum, qui in epist. ad Hedibiam quæst. 10. sic ait: Vasa misericordiae non solum populus gentium est, sed etiam qui ex Iudeis credere voluerunt. Ex quo ostenditur non gentes eligi, sed hominum voluntates. Item li. 1. in epist. ad Gal. tractans illa verba: Complacuit ei, qui me segregavit ex utero, &c. Ex Dei præscientia, inquit, euenit, ut quem scit iustum futurum, prius diligit, quam oriatur ex utero. Idem quoque repetit in comment. ad c. 1. Malach. Proferunt etiam aliqui commentaria Hieronymi in cap. 8. & 9. ad Rom. sed ea non Hieronymi esse, sed Pelagii aut Pelagiani alicuius, non dubium est.

RESPONDEO, in priore testimonio loquitur S. Hierony. de electione ad iustificationem, per quam homines efficiuntur vasa munda, & in honorem. Elegit autem Deus ad iustificationem, quos præuidet credituros; sed illos præuidet credituros, quibus fidem se donaturum esse prænouit. Pari ratione diligit Deus homines, ut dicitur in posteriore testimonio, quos præscit iustos futuros, sed illos præscit iustos futuros, quos prius dilexit, ut iustificaret.

POSTREMO, adduci solent 2. loca S. Augustini. PRIMVS locus est in lib. de prædesti. & gratia, c. 15. vbi videtur Aug. discretionem iustorum ab iniustis referre, tanquam in ultimam causam, in eorum liberam voluntatem. ALTER locus est in lib. 83. quæst. q. 68. vbi habentur verba: Cui vult misereatur, & quem vult indurat: sed hæc voluntas Dei iniusta esse non potest, venit enim de occultissimis meritis; quia & ipsi peccatores sunt, cum propter generale peccatum unam massam fecerint; tamen non ideo nulla inter eos diversitas est: præcedit ergo aliquid in peccatoribus, quo, quamuis nondum iustificati sint, digni efficiantur iustificatione, & item præcedit in alijs peccatoribus, quo digni sint oblatione.

RESPONDEO, liber de prædestinatione & gratia, non iudicatur ab omnibus doctis S. August. opus, cum nulla eius fiat mentio in Retractionibus, neque in Indiculo Possidii. Sed quisquis fuerit eius libelli auctor, non videtur, meo quidem iudicio, ab Aug. sententia dissentire. Nam, ut omittam alia multa loca, sic loquitur, c. 16. Hanc, itaque, diuinam electionem non meritis reddis, sed sola voluntatis munificentia donari hominibus. Moses cum iam tunc quemuis carnalem populum doceret, ostendit, &c. In loco igitur nobis obiecto, refert quidem ille auctor discretionem iusti ab impio in hominum voluntates, sed mox adiungit, ultimam resolutionem fieri in Dei voluntatem: qui vnum misericorditer adiuvit, alterum iuste deseruit.

Quod attinet ad ALTERVM locum, Petrus Lombardus in 4. lib. sent. dist. 41. existimat S. Augustinum retractasse hunc locum, cum alia similia retractauit. Sed non est opus ad retractionis asylum confugere; non enim differit eo loco S. August. de prædestinatione, quæ nullam habet causam ex parte hominum, sed

de obduratione & iustificatione, quæ habent causas ex parte hominum, quâvis sæpe, ut ipse dicit, secretissimas. Obdurat enim Deus homines propter peccata, & iustificat propter merita. Sic enim vocat August. & hoc loco, & alibi passim dispositiones ad iustificationem, quæ tamen merita non sunt in illis, nisi ex gratia: *Gratia enim* (ut idem August. ait in epist. 106.) *meretur augeri, ut aucta mereatur & perfici.*

CAPVT XV.

Soluntur argumenta ex rationibus, & simul ostenditur, non solum ad gratiam efficacem, sed etiam ad gloriam, gratis homines eligi.

SEQVUNTUR obiectiones depromptæ ex ratione: **P**RIMA ratio, electio prærequirit disparitatem in ijs, qui eligendi sunt; unusquisque enim, qui in eligendo non errat, id eligit, quod melius est: non igitur electio saluandorum facta est sine aliqua præuisione operum aut dispositionis ex parte nostri. Et confirmatur argumentum ex Aug. in lib. 1. ad Simplic. q. 2. qui sic ait: *Nemo eligitur, nisi iam distans ab illo, qui reijcitur: Vnde quod dictum est, quia elegit nos ante mundi constitutionem, non video quomodo sit dictum, nisi præscientia.* Et confirmatur iterum idem argumentum, quoniam secundum Scripturas vita æterna est vera merces operum; igitur non datur, nec promittitur, nec destinatur, nisi propter opera saltem præuisa.

Propter hoc argumentum non desuerunt, qui distinguere prædestinationem ab electione, ac dicerent, prædestinationem esse priorem electione, & prædestinatione quidem præparari certis hominibus infallibilia media ad salutem; electione vero præparari gloriam. Denique prædestinationem esse plane gratuitam, electionem autem à bonorum operum præuisione pendere. Horum sententia non est vlllo modo errori Pelagianorum, aut Cassiani & Fausti affinis, & videtur aliquando ipsius etiam Augustini fuisse; nam in lib. 1. ad Simplic. q. 2. sic ait: *Non quia inuenit Deus opera bona in hominibus, qua eligat, ideo manet propositum iustificationis ipsius, sed quia illud manet, ut iustificet credentes; ideo inuenit opera, qua iam eligat ad regnum celorum, &c.*

Veruntamen est hæc opinio parum congruens cum Scripturis, & libris August. posterioribus, & ipsa ratione. Scriptura enim Luc. 12. aperte facit electionem ad regnum mere gratuitam, cum ait: *Nolite timere pusillus grex, quia complacuit Patri vestro, dare vobis regnum.* Nam & verbum, *complacuit*, & nomen, *Pater*, & vocabula illa, *pusillus grex*, aperte indicant gratiam, non iustitiam. Sic etiam Apostolus ad Rom. 8. cum ait: *Quos præsciuit, & prædestinavit, conformes fieri imaginis filij sui,* significat dilectionem, ac per hoc voluntatem glorificandi priorem esse prædestinatione, non posteriorem ut illa opinio docet: Illos enim prædestinavit conformes fieri Christo, quos præsciuit præscientia approbationis, ut supra diximus. Quare etiam c. 9. dicit, vasa in honorem præparata in gloriam, ex sola misericordia separata esse à vasis factis in contumeliam, atque aptatis in interitum. Denique ad Ro. 11. dicit, reliquias secundum electionem gratiæ salvas fieri, ubi videmus non solum prædestinationem, sed etiam electionem esse opus gratiæ.

Porro S. August. cum scripsit libros ad Simplicianum, adhuc iuuenis erat, neque multa inuenerat in hac difficillima questione, quæ postea maiori diligentia inuestigauit & reperit. Itaque cum incidisset in illa verba ad Rom. 9. *Ut secundum electionem propositum Dei maneret,* non posset intelligere, quomodo Deus eligeret, si nulla esset disparitas in rebus eligē-

A dis, suspicatus est mutandam esse interpunctionem, & Apostolum non velle dicere, ut secundum electionem propositum Dei maneret, ideo non ex operibus, sed ex vocante dictum esse, maior seruiet minori, sed velle dicere, Iacob & Esau nihil boni aut mali egisse, ut inde secundum electionem propositum Dei maneret. Ex qua mutatione interpunctionis colligit, non propositum Dei secundum electionem manere, sed contra, electionem manere, secundum propositum Dei. Sed postea intellexit, hanc expositionem esse violentam & extortam, & non fuisse necessarium redigi ad has angustias, cum dici potuisset, Deum diligendo, vel eligendo facere disparitatem: sic enim ait in epist. 105. ad Sixtum: *Qui sunt isti, qui respondēt Deo, quandoquidē ille Rebecca habens geminos ex vno concubitu patris nostri Isaac, cum illi nondum nati, nihil egissent boni vel mali, ut secundum electionem propositum eius maneret, electionem scilicet gratiæ, non debiti, electionem qua eligendos facit ipse, non inuenit; non ex operibus, sed ex vocante dicit, &c.* Et in epist. 106. ad Paulinum: *Nō ex operibus, sed ex vocante dictum esse intelligatur, ut secundum electionem propositum Dei maneret, non meritum hominis anteciret; non enim dicit electionem voluntatis humane, siue nature, cum par esset in utroque mortis damnationisque conditio, sed electionem proculdubio gratiæ, qua non inuenis eligendos, sed facit.* De qua & in sequētibz eiusdem epistolæ loquens ait: *Si ergo & in hoc tempore, reliquia per electionem gratiæ salua facta sunt.*

C Vides quā aliter sapiat August. senex, quā August. iuuenis? nam senex scripsit ad Sixtum & Paulinum, iuuenis ad Simplicianum. Idem etiam in lib. de corrept. & gratia, ca. 7. iterum exponit, ut secundum electionem propositum Dei maneret, ideo non ex operibus, sed ex vocatione dictum esse, maior seruiet minori. Et idem loquens de ipsa electione, quæ non ex operibus, sed ex vocante est, ait: *Electi sunt autem ad regnandum cum Christo.* Et infra cap. 13. *Hæc, inquit, de his loquor, qui prædestinati sunt in regnum Dei.* Et in lib. 22. de ciuit. Dei, cap. 24. *Quid dabis eis, quas prædestinavit ad vitam, qui hæc dedit eis, quos prædestinavit ad mortem?* Et infra: *Vnde Apostolus de ipsis in regnum illud prædestinatus loquens, &c.* Vbi prædestinationem, quam ubique prædicat, mere gratuitam, non solum dicit esse ad gratiam, ut vult illa opinio, quam refutamus, sed etiam ad vitam & ad regnum. Postremo, repugnat illa opinio rationi, nam media, ut media, non possunt appeti, nisi propter finem, non igitur potuit Deus velle dare certis hominibus media infallibilia ad salutem, nisi prius dare vellet ijsdem hominibus ipsam salutem.

Hæc igitur opinione repudiata, respondemus ad argumentum initio propositum, disparitatem inter eligendos facere ipsam Dei electionem. Quos enim Deus eligere dignatus est, illi fuerunt digni, qui eligerentur; nam eodem modo amari non possunt, nisi boni, & tamen Deus amando facit bonos. Ad confirmationem ex Augustino iam est responsum.

E Ad alteram confirmationem ex ratione mercedis, respondeo, vitam æternam vere proprieque esse mercedem, & meritis operum bonorum acquiri: nam hoc ipsum est in prædestinatione, ut per merita acquiratur.

At, inquires, nemo dicitur acquirere, quod iam aliunde ei debetur, ergo si iure prædestinationis debetur electis beatitudo, certe illam meritis non acquirunt. Respondeo, ex prædestinatione non acquiri ius vllum electis ad beatitudinem, neque eis deberi, nisi postquam illam sibi bene merendo pepereint. Oritur quidem ex prædestinatione certitudo & infallibilitas gloriæ electorum, quoniam quod Deus

proposuit ac decreuit, omnino fiet, sed fiet eo modo, quo ipse voluit fieri. Simile esset, si insignis aliquis medicus certo sciret tali pharmaco febrem curari, & intendens aliquem curare, hoc pharmacum illi præberet. Tunc enim certa esset salus ægroto ex voluntate, atque intentione Medici: & tamen vere ac proprie pharmacum illud adhibitum esset causa sanitatis.

SECUNDA obiectio, omnes homines habent saltē pro loco & tempore auxilium, quo cōuerri possint, si velint, ut supra nos etiam ipsi docuimus, & omnes iusti ex doctrina Ecclesiæ perseverare possunt vsque ad mortem, si velint; igitur aut pendet ex præuisione operum, aut incerta esse potest & fallax electio, nam si potest, qui forte non est electus, conuerri si velit, & post conuersionem perseverare si velit: quid impedit, quo minus conuertatur, & perseueret? & contra, si potest qui forte est electus, non conuerri, aut non perseverare, si nolit; quid prohibet, quo minus conuerri aut perseverare nolit? & si vel ille velit, vel iste nolit, non ne diuina vacillabit electio?

Respondeo, habent omnes pro loco & tempore sufficiens auxilium, quo possint conuerri, ac deinde etiam perseverare, si velint: sed re ipsa nemo conuertitur, nemoque perseverat, nisi qui habet speciale donum pœnitentiæ & perseverantiæ, quod nō omnibus datur, sed ijs tantum, quibus Deus dandum esse iudicauerit. Vnde autem fiat, ut cum omnes possint conuerri, aut perseverare, illi soli conuertantur & perseuerent, qui habent ista dona, explicatum est lib. superiore, ubi tradita est distinctio gratiæ sufficientis & efficacis.

Sed instant nonnulli, ponatur aliquis electus in extremo vitæ, qui vsque ad illam horam in sceleribus vixerit, vel potest iste libere gratiam conuersionis repudiare, vel non potest, si potest, igitur potest electus non saluari, si non potest, igitur electio tollit arbitrij libertatem.

Respondeo, potest ille libere gratiam repudiare, sed certum est non repudiaturum, quia Deus vocabit illum, sicut videt congruum illi esse, ut vocantem non respiciat. Hoc enim modo gratia Dei vera à nullo duro corde respuitur, quoniam ad hoc datur, ut cor emolliat. Neque periculum est, ne forte sapientiæ diuinæ ratio desit, qua possit unicuique homini persuadere quidquid ei libuerit.

TERCIA obiectio, sæpe gloria beatorum pendet ex peccatis impiorum, ut gloria martyrum ex malitia persecutorum, gloria doctorum, ex perfidia hæreticorum, gloria virginum, ex tentationibus impudicorum: Deus autem nō potest esse causa peccati: igitur non elegit Sanctos ad gloriam, nisi post certaminum victoriæque prænotionem.

Respondeo, propter hoc argumentum nō desunt, qui doceant, Deum ex prædestinatione non decreuisse electis, nisi gradum vnum gloriæ, eū videlicet qui datur paruulis per Baptismum; reliquos autem gradus post præuisionem totius vitæ, atque omnium certaminum statuisse. Sed non est opus ad ista confugere, si modo teneamus, quod supra diximus, Deū antequam aliquid absoluta voluntate decreuerit, præsciuisse quidquid vnquam accidere posset, si hæc aut illa ponerentur. Ex hac enim conditionalis prænotione potuit Deus in prædestinatione definire unicuique electorum omnem illam gloriam, ad quam eum peruenire decerneret, ac deinde merita illi cōuenientiā præparare. Neq; sequitur ex hac sententia, ut ne decernat ac velit peccata, sine quib. nō possunt Sancti habere merita, quæ illis Deus in prædestinatione decreuit: nam satis est ad certitudinem eiusmodi meritorum, ut Deus præiudicet fore, ut à per-

sequeutoribus martyres occidantur, si ipse permiserit. Neque solum opinio illa, quæ distinguit gradus gloriæ, qui dantur sine præuisione meritorum, ab ijs qui dantur ex præuisione, non est necessaria, sed neque probabilis nobis esse videtur. Nam, qua ratione Deus prius eligit paruulos ad gloriam, quàm Baptismum eorum præpareret; quoniam gloria est finis, & Baptismus est medium ad finem, & prius intentione est finis, quàm medium; eadem ratione prius Deus eligit martyres ad palmam martyrij, quàm victoriam eorum præparet, quoniam palma est finis, & victoria est mediū. Deinde ex hac opinione sequi videtur, ut aliquorum prædestinatio simpliciter ab operum præuisione dependeat. Nam cum aliquando non baptizantur, nisi in sanguine suo, quod S. Emerentianæ contigisse legimus, illis certe non datur alius gradus gloriæ, nisi quæ per martyrium sibi ipsi acquirunt: illum autem gradum ex præuisione martyrij dari, non ex gratuita prædestinatione opinio illa contendit.

QUARTA obiectio, Deus non reprobatur ante præuisionem operum, quia reprobatio ad iustitiam pertinet, ex sententia Augustini: igitur neque prædestinat ante præuisionem operum, quoniam qui non est reprobatus, hoc ipso est prædestinatus.

Respondeo, reprobatur Deus ante præuisionem operum, quatenus non vult aliquem ex massa peccati liberare. Et hoc modo, qui non est reprobatus, hoc ipso est prædestinatus ante præuisionem operum: reprobatur tamen post operum præuisionem, quatenus vult aliquem cōdemnare: neque est eadem ratio electionis & reprobationis hoc modo posteriore consideratæ, quoniam electio est opus gratiæ, reprobatio opus iustitiæ, ut copiosius ostendemus in c. sequenti. Itaque quos reprobatur, iuste reprobatur, quia peccatū ipsorum id meretur; quos prædestinat, ad vitam misericorditer prædestinat, quia natura peccato originali infecta, pœnam non gloriam merebatur.

QUINTA obiectio, si Deus absque operum nostrorum præuisione, prædestinaret, sine dubio aut omnes, aut maiorem partem hominum prædestinaret ad vitam, cum sit natura bonus; & misericordia eius sit super omnia opera eius; at pauci sunt qui saluantur, ut ex Euangelio colligitur, Matt. 7. igitur non prædestinat Deus, nisi secundum præuisionem operum, siue boni aut mali vsus liberi arbitrij.

Respondeo, hoc argumentum aliquid fortasse cōcluderet, si prædestinatio non præsupponeret originale peccatum. Nā in Angelis ita factum videmus, ut maior pars ad vitam prædestinata fuerit. Cæterum, cum vniuersum genus humanum damnationē iustissimā per peccatū primihominis incurrisset, magna est misericordia Dei, quod multis indebitā gratiam donare voluerit; cur autē Deus, cum posset etiā post peccatū, omnes liberare, minorē partē liberandam esse decreuit, rationem esse dicit S. Aug. in epist. 157. ut intelligeremus, quid omnibus deberetur.

SEXTA obiectio, hæc de prædestinatione sententia, videtur impedimentū adferre correptioni, exhortationi, orationi, industriæ, diligentique, & quod est omnium grauissimum, desperationē adferre, ut nō libeat aliquid boni agere, sed cōtra omni generi flagitiorū & corruptelarum se dedere. Qui enim prædestinatus ad vitam non fuerit, sed reprobatus, quidquid egerit, & quomodocunque vixerit, saluari non poterit; qui vero fuerit prædestinatus ad vitam, quidquid tandem egerit, & quomodocunque vitam traduxerit, sine dubitatione saluabitur.

Respondeo, hoc argumentum soluit S. August. in lib. de bono perseuer. extremo, breuiter respon-

demus,

demus, tantum abesse, ut hæc sententia de prædicatione correptiones, exhortationes, orationes, industriam, diligentiam, & spem bonam impediatur, ut potius hæc omnia ponat, atque confirmet. Deus enim prædestinavit homines, sed ita prædestinavit ut per hæc media pertingat ad finem. Neque verum est, reprobum, quidquid egerit, damnum, & prædestinatum quidquid egerit, saluandum. Non enim damnabuntur, nisi mali, neque saluabuntur nisi boni, hoc tamen est verum, omnes reprobos, malos; & omnes electos, bonos aliquando futuros; & quoniam dum hic vivimus, incerta est tum electio, tum reprobatio; sicut nemo salutem desperare, ita nemo certo debet de sua felicitate præsumere, sed cum metu & tremore salutem suam operari.

CAPVT XVI.

Causam reprobationis impiorum, partim ad solam Dei voluntatem, partim ad peccata prævisa referendam esse.

NONA propositio, Reprobatio, quam S. August. prædestinationem ad interitum vocat, duos actus comprehendit, alterum negatiuum, cuius nulla est causa ex parte hominum, alterum positium, cuius causa est peccata originalis, actualisve prævisio: de hac nona propositione hoc loco breuiter differemus, quoniam maxima pars lib. 1. de statu peccati, in hac ipsa re explicanda consumpta est; nam quemadmodum prædestinationem, siue electionem gratiæ contra Pelagianos defendimus, ita reprobationem iustissimam contra Caluianos defendere cogimur, qui cum homines ante præuisionem peccati ad peccatum & mortem æternam prædestinatos esse contendunt, cum ipsa Dei iustitia pugnant, & omnia hominum scelera in Deum auctorem refundunt. Sed de hac re satis multa loco notato; nunc propositionem nostram breuiter explicemus.

Dicimus igitur PRIMUM, reprobationem S. August. prædestinationem ad interitum nominari. Sic enim ipse loquitur in Enchir. c. 100. *Implet ipse quod vult bene vult & malis, tanquam summe bonus, ad eorum damnationem, quos iuste prædestinavit ad pœnam, & ad eorum salutem, quos benigne prædestinavit ad gratiam.* Vnus tamen iam Scholarum obtinuit, ut non dicantur prædestinati, nisi qui ad gloriam sunt electi; & vere in Scripturis non inuenitur hoc nomen, nisi in bonam partem. Reprobos autem Theologi præscitos vocare solent, non quod hoc nomen, non sit commune cum electis, cum Apostolus dicat: *Quos præscitis & prædestinavit, &c.* ad Rom. 8. sed reliquerunt eis nomen commune, ut illos ab ijs distinguere, qui proprie prædestinati dici meruerunt.

Dicimus deinde, reprobationem duos actus comprehendere, alterum negatiuum, alterum positium: siquidem reprobi opponuntur electis contradictione & contrarie. PRIMUM enim non habet Deus voluntatem illos saluandi; Deinde habet voluntatem eos damnandi; & quidem, quod attinet ad priorem actum, nulla datur eius causa ex parte hominum, sicut neque prædestinationis. Posterioris autem datur causa præuisionis peccati. Vtrumque breuiter probandum est.

Igitur non dari causam ex parte hominum reprobationis negatiuæ, probatur primo ex Apostolo ad Rom. 9. *Antequam aliquid boni vel mali egerent, non ex operibus, sed ex vocante dictum est ei, quia maior seruiet minori.* Et: *Iacob dilexi, Esau autem odio ha-*

A *ui.* Illud enim: *Antequam aliquid boni vel mali egerent*, non solum referri debet ad bona & mala coram hominibus, sed etiam ad bona & mala in præscientia Dei, quoniam alioqui daretur causa prædestinationis ex parte hominum, quod supra improbatum est.

Dices, Deum non odisse Esau propter opera mala præuisa, sed propter originale peccatum. Contra, nam originale peccatum erat commune utrique, igitur si propter originale peccatum odio habuit Deus Esau, debuit etiam propter idem peccatum odisse Iacob.

Dices, poterat Deus iuste odisse etiam Iacob, sed ex misericordia voluit eum diligere. At, hoc est, quod quaeritur, cur Deus vnum dilexerit, ut liberaret, alterum odio habuerit, ut non liberaret, cum uterque odio dignus, & amore indignus esset. Non enim responderi potest, vnum non diligere, quia dignus est odio, cum uterque dignus sit odio.

B Restat igitur, ut huius discretionis causa sit voluntas Dei, qua vnum liberat, quia sic ei placet, alterum non liberat, quia non placet. Et hoc ipsum confirmat ibidem Apostolus, cum dicit: *Miserebor cuius misereor, &c.* Et: *An non habet potestatem figulus lutis, &c.* Et: *Cuius vult misereor, & quem vult indurat.* Vbi tamen obseruandum est, vocabula illa, quæ sonant aliquid positium, ut odio habere & indurare, accipienda esse pro negatione: nam odio habere, hoc loco, est, non velle diligere; & indurare, est, non velle misereri, ut August. docet in epist. 105. & tract. 53. in Ioan. & in lib. 1. ad Simplic. q. 2. vbi dicit, nihil esse aliud indurare, nisi non misereri.

C At, inquires, induratio est pœna peccati, ut patet ex Apostolo ad Rom. 1. & ex Aug. lib. 5. in Iul. cap. 3. non igitur oritur ex sola Dei Voluntate. Respondeo, induratio vtrumque habet, nam & est pœna peccati præcedentis, quatenus Deus alicui negat auxilium & gratiam, quia propter peccata præcedentia dignus est tali desertione; & tamen est simul effectus huius negatiuæ reprobationis. Deus enim quia non vult eum saluare, punit tali desertione peccatum eius præcedens, quod non faceret, si eum saluare decerneret; atque ideo Apostolus ad voluntatem Dei recurrit, cum ait, cuius vult, misereor, & quem vult, indurat; nec tamen vlla est in hac re iniquitas, quoniam non tenetur Deus peccatorem liberare, aut eum emollire, atque conuvertere.

D Sed dices, quamuis Odio habere & Indurare possint exponi per negationem, tamen Facere vasa in contumeliam, non videtur posse accipi nisi positine. Quomodo igitur Apostolus hoc etiam reuocat ad voluntatem Dei, cum dicit, an non habet potestatem figulus lutis, facere aliud vas in honorem, aliud in contumeliam? Respondeo, facere vasa in contumeliam, potest accipi duobus modis. Vno modo pro eo, quod est facere vasa, qualia requirit conditio massæ, & ea sic relinquere, hoc est, formare homines, quales requirit natura corrupta, neque aliquid addere, & hoc sonat aliquid negatiuum, & pertinet ad priorem actum reprobationis, & hoc modo loquitur Apostolus. Altero modo accipi potest, facere vasa in contumeliam, pro eo, quod est deputare illa ad contumeliam, id est, ad confusionem æternam, & hoc pertinet ad posteriorem actum reprobationis, & hoc modo intellexit facere vasa in contumeliam S. Augustinus in epist. 106. cuius verba paulo infra citabimus.

E Probatur SECUNDO ex testimonio S. Augustini, is enim in epist. 105. ad Sixtum, sic ait: *Cur illum potius quam illum liberes, aut non liberes, seruieris*

qui potest iudiciorum eius tam magnum profundum, verumtamen caveat praeceptum. Vbi vides, non solum non posse sciri causam, cur illum aut illum liberet, sed etiam cur illum aut illum non liberet. Idē etiam in lib. de corrept. & grat. ca. 8. & 13. scribit, referendum esse inter occulta iusticia Dei, cur Deus quibusdam iustificatis donum perseverantiae dare velit, non enim ista negatio doni perseverantiae poena peccati dici potest, cum iustificati talem poenam non mereantur, ac per hoc non est poena, sed effectus reprobationis negatiuae.

Probatur ultimo ratione, nam hoc ipso quod aliquis non praedestinetur, intelligitur reprobatus negatiua reprobatione: at praedestinatio facta est ante praeuisionem operum, neque habet villo modo causam ex parte hominum, igitur etiam reprobatio negatiua facta est ante praeuisionem operum, neque ex parte hominum ullam causam habet.

Iam vero reprobationis positiuae, id est, alterius, illius actus, quo Deus vult reprobos aeternis supplicijs addicere, causam esse peccata hominum, non autem solam Dei voluntatem, probatur P R I M O ex Scripturis, quae passim docent, poenam aeternam iusto Dei iudicio peccatis hominum reddi. Matt. 25. *Ite maledicti in ignem aeternum, esuritis enim & non distis mihi manducare, &c.* Et ad Roman. 2. *Ira & indignatio in omnem animam operantis malum, &c.* Quamuis enim eadem Scriptura doceat, vitam aeternam iusto Dei iudicio reddi bonis hominum meritis, tamen potuit Deus praedestinare ad vitam aeternam sine praeuisione operum, quia potuit auctor esse praedestinati, ut bona opera facerent, non autem potuit sine praeuisione operum damnare ad gehennam, quae est poena peccati secundum Scripturas, quia non potuit auctor esse reprobis, ut mala opera facerent.

SECUNDO, idem probatur ex Augustino in lib. 3. aduersus Iulianum, cap. 18. vbi sic loquitur: *Bonus est Deus, iustus est Deus, potest sine bonis meritis liberare, quia bonus est, non potest sine malis meritis damnare, quia iustus est.* Item in epist. 106. ad Paulin. *Hae massa si esset ita media, ut quemadmodum nihil boni, ita nec mali aliquid mereretur, non frustra videretur iniquitas, ut ex ea fierent vasa in contumeliam, cum vero per liberum arbitrium primi hominis in condemnationem uniuersa destuxerint, procul dubio quod ex ea sunt vasa in honorem, non ipsius iustitiae, quae gratiam nulla praestitit, sed Dei misericordiae: quod vero in contumeliam, non iniquitati Dei, quae absit, ut sit apud Deum, sed iudicio deputandum est.*

Probatur ultimo ratione, nam condemnare aliquem sine causa, est punire sine culpa, quod iniustum esse, & Deo, qui iustissimus est, conuenire non posse, extra controuersiam est. Nam ut eleganter August. scribit in lib. de gratia & libero arbitrio, ca. 23. *Deus reddit mala pro malis, quia iustus est: bona pro malis, quia bonus est: bona pro bonis, quia bonus & iustus est: solum non reddit mala pro bonis, quia iniustus non est.*

Adieci in nostra propositione, causam reprobationis esse praeuisionem peccati originalis, vel actualis, quia non omnes Deo reprobat positiue propter originale peccatum, cum illud vere nonnullis reprobis per Baptismi gratiam remittatur, sed alios propter originale tantum, ut paruulos non baptizatos, alios propter actuale tantum, ut baptizatos adultos, alios propter verumque, ut infideles adultos. De qua re vide Augustinum in li. de correptione & gratia, cap. 13. & Prosperum in respon. ad 2. cap. Gallorum. Quod si Beatus Augustinus ut plurimum reprobationis causam referre videtur ad peccatum

A originale, ratione cuius totum genus humanum factum est quasi quaedam massa damnata, propterea id facit, quoniam inde incipit omnium reprobatorum damnatio. Tamen aliqui eruantur ex massa per baptismum, & ad aedificium transferuntur, ut ipse etiam Augustinus scribit in epistola 54. ad Dardan. quaestione secunda; tamen iterum per actuale peccatum reuertuntur ad massam, & ideo sic habentur a Deo, quasi nunquam ab ea massa separati fuissent.

B Quare idem August. in lib. de corrept. & grat. cap. 7. dicit eos, qui tandem perituri sunt, quamuis recte pieque viuunt, non esse a massa damnationis praescientia Dei, & praedestinatione discretos, non quod eos tunc Deus oderit, & damnare velit; cum recte pieque viuunt, sed quia illos non elegit ad regnum, ante mundi constitutionem, & praesciuit ante vitam finem relapsuros ad massam, & propter peccata, quae videt eos proculdubio commissuros, damnare decreuit ad poenas.

C Porro qui ob solum originale peccatum a Deo praeuifum, omnes reprobos damnationi perpetuae addictos fuisse contendunt, quaestione plane insolubilem sibi ipsi faciunt: neque enim intelligi potest, quomodo Deus propter originale peccatum damnare velit eos, quibus in Baptismo peccatum ipsum vere, proprieque dimisit: nam etiam si dimissa culpa originali, non continuo tollantur concupiscentia, ignorantia, mortalitas, aliaque id genus miseriae, tamen propter ista, non potest Deus hominem velle damnare, cum Apostolus de iustificatis dicat: *Nihil ergo damnationis est istis, qui sunt in Christo Iesu*, ad Rom. cap. 8.

CAPVT XVII.

Quid intersit inter hominum & Angelorum electionem sine reprobationem.

D DECIMA propositio: Quamuis Angeli quoque sancti gratia praedestinati sint ad vitam, Angeli vero mali, partim ex sola Dei voluntate, partim ob praeuifa peccata reprobat. In diuina, gratia & iustitia Dei magis ostenditur in electione & reprobatione hominum, quam Angelorum. Hae decima propositio erit huius disputationis, totiusque libri postrema conclusio.

E Est autem de Angelis electis ac praedestinati, docet Augustinus, cum ait, scribens ad Timotheum in prima epist. capite 5. *Testor coram Deo, & Christo Iesu, & electis Angelis, ut custodias haec, &c.* Docet etiam S. Augustinus in Enchirid. capite 100. vbi sic ait: *Hae sunt magna opera Domini exquisita in omnes voluntates eius, & tam sapienter exquisita, ut cum Angelica & humana natura peccasset, id est, non quod ille, sed quod voluntas ipsa, fecisset, etiam per eandem creaturae voluntatem: qua factum est, quod creator noluit, impleverit ipse quod voluit, bene utens & malis, tanquam summe bonus, ad eorum damnationem, quos iuste praedestinavit ad poenam, & ad eorum salutem, quos benigne praedestinavit ad gratiam.* Idem quoque August. lib. 1. Retract. cap. 13. indicat, homines fuisse etiam praedestinandos, si Adam non peccasset, & sine dubio eadem ratio est de Angelis, & de hominibus ante peccatum: *Usque ad certum*, inquit, *Sanctorum numerum, quem praedestinavit Deus, nascerentur homines, non parentibus successori morientibus, sed cum viventibus regnaturi.*

Porro

Porro non solum prædestinatos atque electos esse sanctos Angelos; sed etiam gratis, id est, ante bonorum operum prævisionem prædestinatos, electosque fuisse, probari potest hac ratione. Antequam Deus Angelos absolute creare vel prædestinare vellet, si ne dubio cognovit eos bene vsuros libero arbitrio & gratia, & tandem saluandos, si eam gratiam illis præberet, quam re ipsa præbuit: hæc enim cognitio necessaria est in Deo, ac per hoc prior est, quam absoluta voluntas creandi, vel prædestinandi Angelos, quæ non est necessaria, sed libera; necessaria enim priora sunt liberis, secundum modum nostrum intelligendi: igitur cum Deus voluit Angelos creare, & eam gratiam illis præbere, quam præbuit sine dubio voluit etiam illos infallibiliter saluare: nam si id non voluisset, eam gratiam non dedisset, per quam eos infallibiliter saluandos esse præiudicabat. Prius autem est velle gratiam Angelis præbere, quam videre opera ex illa gratia procedentia, ut notum est, cum causa sit prior effectu; igitur prius voluit absolute Deus Angelos saluare, quam eorum opera futura præiudicaret.

Eadem ratione probari potest, reprobationem Angelorum negativam, non pendere ex prævisione peccati, nam præiudicavit Deus Angelos, qui perierunt, infallibiliter perituros, si eam solam gratiam illis daret, quam re ipsa illis dedit: ergo cum eam solam gratiam illis dare voluit, simul voluit eos non prædestinare ad gloriam, sed permittere, ut exciderent à salute; nam si eos Deus absolute saluare voluisset, non defuisset eius sapientie ratio, quæ id faceret. Nulla igitur causa reddi potest, cur Deus aliis Angelis dare voluerit gratiam, per quam videbat infallibiliter saluandos, aliis vero, per quam videbat infallibiliter non saluandos, nisi quia voluit illos saluare, istos non voluit saluare. Cur autem voluerit Angelos malos positivè damnare, sine dubio causa fuit peccatum eorum prævisum. Non enim iuste pœna damnationis: arguitur, nisi ubi culpa præcesserit.

Atque hæc ratio habet etiam locum in prædestinatione & reprobatione hominum; & potest hac similitudine illustrari; si Rex aliquis proponat bravium obtinendum per cursum, & revelatione divina prænoscat, si cursus quorum certetur, talem hominem adepturum bravium; si bigis, talè; si pedibus, talem; si navibus, talem. Deinde instituat, ut certetur bigis, & omnibus qui decertaturi accesserint, bigas aptissimas ipse præbeat; nonne iustum erit certamen, & iuste privabuntur bravio, qui currèdo victi fuerint, & ille iuste coronabitur; qui alios currèdo superaverit? & tamen quis ambigere potest, quin Rex omnino gratis prædestinaverit ad bravium illum, qui victor evasit? nulla enim causa reddi potest, cur voluerit cursu bigarum contendere, non alio genere pugnæ: cum certo sciret, si bigis contenderetur, illum solum fore victorem, qui re ipsa fuit, nisi quia voluit ei gratificari.

Quod si Rex ille, qui bigas omnino similes, & æquales decertaturis dedit, dicitur gratis prædestinasse, quem voluit ad bravium, quæto magis Deus gratis prædestinasse dicitur electos, cum eis maiorem gratiam, quam alijs, dederit? nam de hominibus quidem dubitari non potest, ut supra probatum est, de Angelis autem id S. Augustinus testatur in l. 11. de ciuit. Dei, cap. 9. *Aut minorem*, inquit, *acceperunt*

amoris diuini gratiam, quam illi, qui in eadem persistunt, aut si utriusque boni æqualiter creati sunt, istis malis voluntate cadentibus, illi amplius adiuti ad eam beatitudinis plenitudinem perueniunt. Idem etiam in libro de correctione & gratia, cap. 10. cum dicit, Deum in Angelis prius ostendere voluisse, quid posset eorum liberum arbitrium, deinde quid posset suæ gratiæ beneficium, iustitizque iudicium: aperte significat ad gratiæ beneficium pertinere beatitudinem bonorum Angelorum, quoniam gratis ad eam electi sunt, & inde perseverantiz donum acceperunt, quod non acceperunt Angeli mali, qui non perseverarunt, & iusto Dei iudicio in æternum exitum obtruncantur.

Iam vero maiores diuitias cum gratiæ, cum iustitiæ Deum ostendisse in electione & reprobatione hominum, quam Angelorum facile demonstrari potest. Nam quod attinet ad gratiam, Deus prædestinavit homines quoddam ad gloriam, qui non solum gloria indigni, sed etiam pœna dignissimi erant, cum essent natura filij iræ, sicut & ceteri: Angeli vero neque pœna digni, neque gloria indigni, sed solum non digni, antequam prædestinarentur, erant.

Deinde homines, qui natura sunt Angelis inferiores, prædestinavit Deus ad æqualem gloriam cum Angelis: æquales enim nos Angelis futuros, veritas ipsa promittit Matth. 22. Imo vero naturam nostram, ratione incarnationis Christi, ad gloriam longe excellentiorem prædestinatam esse scimus, quam Angelorum, siquidem in illa superna Hierusalem, caput omnium hominum & Angelorum, non aliquis Angelus erit, sed Christus Iesus, Deus & homo. Itaque Deus, ut ostenderet immensas diuitias gratiæ suæ, naturam humanam ex profundiore abyssu miseriæ eduxit, & ad altius fastigium gloriæ perduxit, quam Angelorum.

Denique, electis Angelis Deus non aliam gratiam dedit, nisi habitualement, qua fieret, ut possent perseverare, si vellent; non autem dedit gratiam illam excitantem, qua fieret, ut vellent, sed ut vellent, in eorum reliquit libero arbitrio, ut S. Augustinus docet in libro de correctione & gratia, cap. 11. & 12. hominibus autem electis Deus non solum gratiam habitualement donat, qua possint bene operari & perseverare si velint, sed etiam ita illos excitat, utque intus in corde persuadet efficaci vocatione, ut faciat illos etiam velle. Quocirca idem B. Augustinus in loco citato scribit, Ipsam beatitudinem hominibus non esse donum gratiæ, quæ merces meriti futura erat, sicut fuit Angelis sanctis, si primus homo stare voluisset. Vide quæ scripsimus in libro de gratia primi hominis, c. 4. & 6. 7.

Quod vero attinet ad iustitiam, longe maior iustitiæ rigor apparet in reprobatione hominum, quam Angelorum, tum quia maximam partem hominum, minimam Angelorum reprobat, tum etiam quoniam Angelorum nullum Deus pœnæ sempiternæ addicit, nisi propter culpam propria voluntate commissam; hominum autem plurimos damnat, propter solum originale peccatum, quod aliena voluntate commissum fuisse non dubium est. Quare non solum cum Angelis, sed etiam præ Angelis misericordiam & iudicium Deo nostro cantare possumus & debemus.

LIBER TERTIVS,

DE GRATIA ET LIBERO ARBITRIO.

CAPVT PRIMVM.

*Premittuntur aliqua ante ipsam tractationem, id est, argumentum totius operis, summa
præcipuarum difficultatum, & qui scripserint de libero arbitrio.*



DISSERVIMVS de Gratia, & prædestinatione, nunc de libertate arbitrij, quatuor capita consideranda sunt. Primo, quæ sit ratio & natura, quod subiectum, quod obiectum, quis actus, quis finis liberi arbitrij. Secundo. Quæ sint vires liberi arbitrij, & quæ necessitas gratiæ in operibus naturalibus. Tertio. Quæ sint in moralibus. Quarto. Quæ in supernaturalibus. Sunt autem sex præcipuæ quæstiones obscurissimæ in tractatione de libero arbitrio, quas varijs in locis, prout ordo disputationis exigit, enodabimus.

PRIMA de concordia liberi arbitrij cū determinatione iudicij practici. Nam si voluntas pædet in electione à iudicio rationis practico, cū nihil possit voluntas eligere, nisi quod ratio iudicauerit omnibus consideratis, hoc loco, & tēpore, esse bonum & expectandum: ratio autē non sit in iudicādo libera, sed necessario pædeat ab obiecto, nec possit aliter iudicare, quā res se habeat, remota ignorantia & perturbatione, quæ sine dubio ad libertatem non necessario requiruntur: vbi quæso, est arbitrium voluntatis?

Alteræ quæstio est de cōcordia liberi arbitrij, cum præsciētia Dei. Nā si Deus omnia nouit, antequā fiat, nec potest eius cognitio falli: nō poterit aliquid pro arbitrio hominis fieri, aut non fieri, sed necessario id fiet, quod Deus futurum esse prænouit.

TERTIA, de concordia liberi arbitrij, cū determinatione diuinæ voluntatis. Nā si liberum arbitrium, ut omnes aliæ secundæ causæ, nihil agere potest sine concursu primæ causæ: prima vero causā, quæ est diuina volūtas, prius natura operatur, & applicat secundas causas ad operandum, nec vlla ratione efficientia eius impediri potest; vbi nam est ea libertas, quæ voluntati relinqui dicitur, & à qua liberum arbitrium nominatur?

QUARTA, de cōcordia liberi arbitrij, cum deprauatione naturæ, quæ ex peccato primi parētis in homine reperitur. Nā quæadmodum curua tibia, non potest non semper claudicare: licet iam humana voluntas per peccatum peruersa & curua effecta, non videtur posse in villo vitare peccatum.

QUINTA, de cōcordia liberi arbitrij, cum prædestinatione diuina. Nam si prædestinatio certissima est, nec ab operib⁹ nostris, sed à diuina voluntate dependet, certe nec prædestinati videntur posse non bene agere, nec non prædestinati bene agere. Proinde tollitur libertas ad bona & mala, nisi ratio inueniatur, qua prædestinatio cum libertate concilietur.

SEXTA, de concordia liberi arbitrij cum gratia efficaci. Nam si gratia efficax facit hominem credere, sperare, diligere, penitentiam agere, bene operari, neque potest eiusmodi gratia reici, quoniam aliqui non vere gratia efficax diceretur, & (ut Aug. alicubi dicit) ipsa facit, ne reiciatur: nullus videtur partes esse liberi arbitrij in his operibus, quæ ad salutem & pietatem pertinent.

Ex his quæstionibus prima soluetur in hoc 3. l. c. 8.

A & 9. Secunda & 3. in 4. l. c. 13. 14. 15. & 16. Quarta, in li. 5. c. 10. 11. & 12. Quinta & sexta, in li. 6. c. 14. & 15.

Scripserunt de libero, siue potius seruo arbitrio ex aduersarijs Ioannes Vviclefus in Trialogo, li. 1. & 3. Martinus Lutherus in libro de seruo arbitrio, & in assertionē art. 36. & alibi. Martinus Bucerus in libro de cōcordia, in art. de libero arbitrio, Philippus Melancthon in Locis, ut. de causa peccati, & tit. de libero arbitrio. Illyricus cum locis Centurionibus, centuria 2. 3. 4. & sequentibus, c. 4. Ioannes Brentius in Apologia pro Confessione Vvitemberg. Caluinus li. 2. Institutionum, cap. 2. in Antidoto Concilij Tridentini, & in responsione ad Pighium. Martinus Kemnitius in Exam. sess. 6. Concilij Tridentini, & alii, quos mihi videre non licuit.

Ex Catholicis scripserunt de libero arbitrio plurimæ ac primum ex Græcis antiquis Origen. in li. 3. de principijs, Eusebius Cæsariensis in toto l. 6. præparat. Euang. S. Basilii in oratione de libero arbitrio, & in alia de causa mali. S. Gregorius Nyssenus l. 5. 6. 7. & 8. de Philosophia. Sanctus Ioannes Chrysostomus in quinque orationibus de Providentia, vel fato. Sanctus Ioannes Damascenus lib. 2. de fide orthodoxa, cap. 25. & sequent.

Ex Latinis antiquis, S. August. in tribus de libero arbitrio, & in alio de gratia & libero arbitrio. Sanctus Prosper in libro de libero arbitrio ad Rufinū. Faustus Rhegiensis in duobus libris de libero arbitrio. Boëtius Seuerinus in l. de Consolatione Philosophiæ. S. Anselmus in libro de cōcordia gratiæ & liberi arbitrij, & in dialogo de libero arbitrio. S. Bernardus in libro de gratia & libero arbitrio. Petrus Lombardus in lib. secundo Sententiarum, distinctione 24. & 25. & cum eo Doctores Theologi, qui Scholastici dicuntur.

Ex recentioribus, qui proprie contra hæreticos nostri temporis, pro liberi arbitrij defensione scripserunt, multi numerari possunt. Eorum, quos videre potui, nomina per Alphabeti ordinem adscribam. Albertus Pighius scripsit libros decem de libero arbitrio contra Caluinum. Alphonsus à Castro l. 9. aduersus hæreses, eandem materiam tractat. Item eandem Andreas Vega l. 2. in Conc. Trident. ca. 11. & sequent. Bartholomæus Camerarius in libro de libero arbitrio contra Caluinum. Christophorus à Capite fontium, in lib. de libero arbitrio. Conradus Clingius in Locis communibus, libro primo, capite quinto, & sequentibus. Censura Colonienſium contra Monhemium, artic. 1. Dieghus Payua lib. 4. Institutionum. Dominicus à Soto l. primo de natura & gratia, capite 1. & sequentibus. Franciscus Orantius libro primo cap. 1. & sequentibus. locorum Catholicorum. Franciscus Ferrariensis in lib. de Evangelica libertate, cap. primo & secundo. Hieronymus Hangeſtus in l. de libero arbitrio. Iacobus Laromus contra secundum articulum Lutheri. Ioannes Cochleus in libro de libero arbitrio. Ioannes Driedo in lib. de concordia liberi arbitrij,

& prædestinationibus, & in libro de gratia & libero arbitrio. Ioan. Eckius in Enchiridio, art. 31. Ioan. Roffensis contra articulum 36. Lutheri. Iodocus Tiletan. in Apologia pro Conc. Trid. sess. 6. Ioan. Antonius Panchusa in libro de libero arbitrio & operibus. Petrus à Soto in Institutione Sacerdotum. Raphael Venuustus in libro de prædestinatione, gratia, & libero arbitrio. Ruardus Tapper. in explicatione art. 7. Louanienſium. Thomas Vvalden. tom. 1. li. 1. art. 1. cap. 28. & ſequent. Vvिल्helmus Lindanus lib. 3. Panopliz, cap. 14. & ſequent.

CAPVT II.

De nomine liberi arbitrij.

NOMEN liberi arbitrii tribus modis ab auctoribus explicatur. Aliqui exiſtimant, nomen liberi arbitrii ſignificare cōiunctionem duorū actuum, id eſt, iudicii rationis, & electionis voluntatis, & ratione iudicii, nominari arbitrium, ratione electionis, appellari liberū. Itaque volunt, liberū arbitrium nihil eſſe aliud, niſi iudicium cū electione, ſive electionem cum iudicio. Ita videtur hoc vocabulū accepiſſe auctor Hypognoſtici lib. 3. & poſt eum Petrus Lombardus in 2. lib. Sentent. diſt. 24. lit. E.

Alii volunt, nomen liberi arbitrii dici proprie de actu rationis, id eſt, de iudicio. Arbitrari enim id eſt, quod iudicare. Cur autem iudicium rationis dicatur liberum, duæ cauſæ reddi ſolent. Prior eſt ſancti Bernardi in libro de gratia & libero arbitrio, qui docet, iudicium rationis dici liberum, quia libere iudicat de actu ſuæ volūtat. POSTERIOR eſt Ruardi Tapperi in explicatione art. ſeptimi Louanienſium, qui cenſet iudicium appellari liberum, tum quia eſt indifferens ad multa, tum quia in rebus dubiis, ac præſertim in particulari iudicamus, vt volumus.

Alii denique, quorum videtur eſſe optima, veriſſimaque ſententia, per liberum arbitrium ſolius voluntatis actum ſignificari docent. Nam is ſolus vere & proprie liber eſt. Atque hæc eſt ſententia S. Thomæ, 1. par. q. 83. art. 3. ad 2. & ſanctorum Patrum, qui paſſim ad nomen arbitrii, addunt voluntatis quomē, ac dicunt liberum voluntatis arbitrium. Adferamus aliqua teſtimonia.

Sanctus Ambroſius li. 2. de fide, c. 3. Operatur, inquit, prout vult, id eſt, pro libero voluntatis arbitrio. S. Auguſtinus libro de gratia & libero arbitrio, ca. 2. Reuelauit nobis Deus per Scripturas ſanctas, eſſe in homine liberum voluntatis arbitrium. Eccli. 5. de ciuit. Dei, c. 9. Ex his duobus, inquit, eligit liberum voluntatis arbitrium. S. Proſper li. 1. de vocatione gentium, ca. 3. Iudicium, inquit, voluntatis, deprauatum eſt, non ablatum. Concilium Arauſicanum can. 13. Arbitrium, voluntatis in primo homine, &c. Neque mirum videri debet, nomen arbitrii accommodari voluntati, cum proprie ad intellectum pertineat. Nam electio voluntatis eſt quali ſententia quædam, & iudicium vltimum ipſius voluntatis. Vnde etiam vulgo dicimus, in meo arbitrio eſt hoc facere, id eſt, in mea electione.

Dicitur autē arbitriū potius, quā iudiciū. Quoniam hoc intereſt inter iudices & arbitros, quod, arbitri multi ſunt liberiores, quā iudices; Siquidem iudices tenentur ſequi leges, & ſi nō iudicant ſecundum leges, ab eis appellari poteſt: Arbitri vero ſoluti ſunt & liberi, & ſententiam ferunt, prout volūt, neque vlla datur appellatio. Itaq; proprie Juſtinus loquutus eſt, cū initio primi libri ſcripſit, primis mundi temporibus arbitria Principū pro legibus fuiſſe. Sicigitur libera optio, ſive electio volūtat. rectius arbitrium, quā iudicium nominatur.

CAPVT III.

De liberi arbitrij definitione.

DEFINITVR liberum arbitrium à Clemente (ſi tamē is eſt auctor, in li. 1. Recognitionum) his verbis: Liberum arbitrium eſt ſenſus animi, habens virtutem, qua poſſit ad quos vult actus inclinari. In libro de Eccleſiaſticis dogmatibus (qui inter opera S. Augu. habetur) c. 21 Liberum arbitrium definitur rationalis voluntas. Petrus Lombardus li. 2. Sent. diſt. 24. hanc definitionem adfert: Liberum arbitrium eſt facultas rationis & voluntatis, qua bonum eligitur gratia aſſiſtente, vel malū eadē deſiſtente. Quæ definitio deſumpta eſſe videtur ex Enchiridio S. Aug. c. 106. vbi legimus, liberum arbitrium per ſe poſſe malum eligere. Bonū autem non poſſe, niſi gratia adiuuante. Item Petrus Lombardus in eodem li. 3. diſt. 25. ſcribit, à Philoſophis liberum arbitrium definiri, liberum de volūtatē iudicium. S. Anſelmus in libro de libero arbitrio, ca. 3. rem eandem ita definit: Liberum arbitrium eſt poteſtas ſeruandæ rectitudinis voluntatis, propter ipſam rectitudinem. S. Bernardus in libro de gratia & libero arbitrio, liberum arbitrium eſſe dicit conſenſum ob voluntatis inamiſſibilem libertatem, & rationis indeclinabile iudicium. Vel breuius, habitum animi liberum ſui.

Sed quia longum eſſet, minimeque neceſſariū, has omnes definitiones defendere, vel explicare; proponemus aliam, noſtro iudicio, pleniorē, ex doctrina S. Thomæ collectam, hoc modo: Liberum arbitrium eſt libera poteſtas ex his, quæ ad finem aliquem conducunt, vnum præ alio eligendi, aut vnum & idem acceptandi, vel pro arbitrio reſpūendi intelligenti naturæ ad magnam Dei gloriam attributa. In qua definitione duæ illæ voces primæ, libera poteſtas, explicant formā ipſam, & rationē liberi arbitrij. Eſt enim liberū arbitrium potentia quædam, non habitus vel actus: & potētia non qualiſcunque, ſed indeterminata & libera, qualē ſolam voluntatem eſſe in ſuoloco demonſtrabimus. Itaque nomen illud, potentia, ſeu, poteſtas, in definitione indicat genus; illud, libera, differentiam.

Quia vero potētia omnis eſt accidens, & omne accidens pendet à ſubjecto in quo eſt, & rursus omnis potentia habitudinem habet ad actum & obiectum, ideo in definitione plena & perfectā explicandū fuit ſubiectum, actus & obiectū. Et quidum ſubiectum liberi arbitrij ſignificatum eſt in illis verbis: Intelligenti naturæ. Omnes enim & ſola naturæ illæ, quæ intelligentia præditæ ſunt, liberum habent voluntatis arbitrium, Deus videlicet, Angeli & homines. Obiectum liberi arbitrii illis verbis indicatur; Ex his, quæ ad finem aliquem conducunt. Siquidem liberum arbitrium non verſatur circa finem, ſed circa media. Electio enim, quæ, vt ſtatim dicturi ſumus, eſt proprius actus liberi arbitrii, eſt quali conſuſio conſultationis: Conſultatio autem omnis de mediis ad finem eſt, non de ipſo fine.

Itaque hoc intereſt inter voluntatem & liberum arbitrium, quod eadem appetendi potentia rationalis, vt reſpicit finem, dicitur voluntas, vt reſpicit media, dicitur liberum arbitrium. Quemadmodum etiam eadem potentia intelligendi, vt reſpicit prima principia, dicitur intellectus, vt reſpicit conſuſionem eorum, quæ per diſcuſum ex principijs colliguntur, dicitur ratio.

Actus liberi arbitrii continetur in illis verbis: Vnum præ alio eligendi, aut vnum & idem acceptandi, vel etiam pro arbitrio reſpūendi. Actus enim liberi arbitrii proprius eſt electio. Sed ea duobus modis fieri poteſt, Vt eligendo vnum ex duobus, aut pluribus

propositis, quæ dici solet libertas contrarietatis, siue specificationis; Vel vno tantum proposito, illud acceptando, vel reiiciendo, quæ dicitur libertas contradictionis, siue exercitij. Itaque ad significandum actum liberi arbitrij prioris generis, dictum est in definitione, *unum præ aliis eligendi* ad significandum actum generis posterioris, dictum est, *aut vnum & idem accipiendi, vel pro arbitrio respuendi.*

Adieciimus vltimo etiam finem, cuius gratia liberum arbitrium naturæ intelligenti attributum est, cum dicimus: *Ad magnam Dei gloriam.* Hæc igitur est definitio liberi arbitrij, quæ in sequentibus capitulis per partes commodius declarabitur, & probabitur.

CAPVT IV.

Quenam libertas sit necessaria ad liberum arbitrium.

PRIMA definitionis particula, quæ excutienda nobis esse videtur, est, *libera.* Quæritur igitur, quanam libertas sit, à qua dicitur liberum arbitrium, siue, vt in definitione posuimus, potentia libera. Triplex enim libertas distinguitur à S. Bernardo in libro de gratia & libero arbitrio, & Petro Lombardo lib. 2. Sentent. dist. 25. vna à necessitate, altera à peccato, tertia à miseria. Prima dicitur libertas naturæ, secunda libertas gratiæ, tertia libertas gloriæ. De prima scribit Apostolus in priore epist. ad Cor. cap. 7. *Non habens necessitatem, sed potestatem habens sua voluntatis.* De 2. in epist. ad Rom. c. 6. *Liberati à peccato, serui facti estis iustitiæ.* De tertia in eadem epist. cap. 8. *Tunc & ipsa creatura liberabitur à seruiente corruptionis, in libertatem gloria filiorum Dei.* Cæterum, satis constat inter auctores libertatem, à qua dicitur liberum arbitrium, non esse nisi primam. Neque enim carent libero arbitrio homines impij, quamuis serui sint peccati & corruptionis, ac per hoc careant secunda & tertia libertate.

Sed rursus libertas naturæ duas in species diuidi potest. Est enim libertas, quæ opponitur simplici coactioni, & est libertas, cui non sola coactio, sed etiam necessitas repugnat. Quæ partitio desumpta est ex doctrina Philosophi in libro tertio Ethicorum, capite quarto & quinto. Dicuntur autem illa esse libera à simplici coactione, quæ, tametsi necessario fiant, nec possint non fieri, tamen sponte, voluntarie, & libenter fiunt, vt cum ita volumus esse felices, vt infelices esse nullo modo velle possumus. Illa vero dicuntur esse libera à necessitate, quæ pro arbitrio possumus velle & nolle, siue etiam velle & non velle, vt cum ambulamus & loquimur, quando sedere & tacere potuissimus.

Quæritur igitur, An ad liberum arbitrium constituendum requiratur libertas à necessitate, an vero sufficiat ea, quæ est à coactione. Non desunt ex hæreticis huius temporis, qui libertatem à coactione satis esse iudicent. Martinus Bucerus in libro de concordia doctrinæ scribit, libero arbitrio solā coactionem repugnare. Et quoniam Lutherani non negant liberum arbitrium, si sola requiratur libertas à coactione, ideo se viam ad concordiam reperisse per hanc distinctionem Bucerus existimat. Quod enim Catholici dicunt, hominem esse liberi arbitrij, intelligi iubet de libero arbitrio à coactione, non à necessitate: Quod vero dicunt Lutherani, hominem non esse liberi arbitrij, accipiendum esse docet de arbitrio libero à necessitate, non à coactione.

Ioannes etiam Caluinus libro 2. Institutionum, c. 2. §. 6. scribit, hominem esse liberum à coactione, non à necessitate. Addit, hanc ipsam fuisse mentem

A Petri Lombardi in 2. Sentent. dist. 25. Pronunciat, inquit, *tandem Lombardus, non liberi arbitrij ideo nos esse, quod ad bonum & malum, vel agendum, vel cogitandum peræque polleamus, sed duntaxat, quod coactione soluti simus.* Cæterum Caluinus pro suo more non solum peperam exponit Lombardi sententiam, quod in sequenti capite demonstrabimus, sed etiam secum ipse pugnat. Nam in eodem lib. c. 3. §. 3. sic ait: *Lombardus, cum necessitatem à coactione distinguere nesciret, permixtos erroris materiam dedit.* At si Lombardus necessitatem à coactione distinguere nesciebat; quomodo paulo ante pronunciauit, non ideo nos esse liberi arbitrij, quod ad malum & bonum vel agendum vel cogitandum peræque polleamus, sed duntaxat, quod coactione soluti simus? Idem quoque Caluinus in 2. libro aduersus Pighium, disertis verbis pronunciat, se pro hæretico habiturum, si quis neget liberum arbitrium à coactione, modo non asserat liberum à necessitate.

B Ad eandem sententiam accessisse videtur Alphonsus de Castro, li. 9. verbo libertas, tractans enim de libertate, vnde dicitur liberum arbitrium. *Est, inquit, libertas quæ opponitur necessitati, vel, vt verius dicam, coactioni.* Cæterum Alphonsus in eodem loco satis aperte indicat, se per coactionem intelligere quamlibet determinationem ad vnum, dicit enim, hominem per libertatem à coactione posse facere, & non facere, velle & non velle, &c. Itaque solum in modo loquendi à communi sententia recessisse videtur, quæ est, ad liberum arbitrium constituendum omnino requiri libertatem à necessitate, neque sufficere à coactione.

CAPVT V.

Probatur sententia communis, quæ ad liberum arbitrium exigat libertatem à necessitate.

IGITUR libertatem à necessitate omnino requiri ad liberum arbitrium, neque satis esse libertatem à coactione, demonstrari potest ex testimonio Scripturæ, ex definitione Ecclesiæ, ex traditione Patrum, ex lumine rationis.

D Ex diuinis litteris habemus in primis illud Eccles. 15. *Dens reliquit hominem in manu consilij sui, adiecit mandata & præcepta; & si volueris mandata seruare, conserua bunt te. Apposuit tibi ignem & aquam, ad quod volueris, porriges manum tuam. Ante hominem vita & mors, bonum & malum: quod placueris ei dabitur illi.* Neque vero aliquid interest, vtrum hæc verba conueniant homini pro eo tempore, quo erat in paradiso ante peccatum, an vero pro tempore quo iam in peccata deciderat. Non enim disputamus nunc de libero arbitrio hominis lapsi, sed in genere. Apertissime autem per Ecclesiasticum Spiritus sanctus docet, quid sit esse in manu consilij sui, id est, liberi arbitrij, cum dicit, hominem posse, si velit, seruare legem, & nō seruare, si non velit. Et rursus ex duobus contrariis, posse alterum eligere, ignem vel aquam; bonū vel malum; vitam vel mortem. Atque ita esse libertatem in homine tum volendi, & non volendi, quæ est libertas contradictionis, tum ex duobus contrariis vnum eligendi, alterum recusandi, quæ est libertas contrarietatis. Alia multa testimonia adduci possent, sed ea neque hoc loco necessaria sunt, & in quarto libro commodius adferentur.

E Ex definitione Ecclesiæ habemus Concilium Arausicanum, canone 25. vbi declaratur, posse hominem baptizatum, si velit, bene viuere: Constat autē experientia, posse eum, si velit, etiam non bene viuere. Proinde potest velle & non velle, bene viuere

& male vivere. Concilium item Tridentinum, quod saltem apud Catholicos magnam habere debet auctoritatem, sess. 6. cap. 5. docet hominem libere consentire diuinæ inspirationi, quippe quam reiicere etiam potest. Et can. 4. dicit liberum arbitrium concurrere in dispositione ad iustificationem, quæ sicut consentire, ita etiam & dissentire potest. Quo loco non est omittendum, Concilium hoc postremum, sine dubio aliquid voluisse declarare aduersus errores nuper extortos. Nullus autem est, nec fuit, qui doceret, hominem non esse liberum à coactione, sed tota quæstio est de libertate à necessitate, quam solum hæretici negant. Igitur hanc ipsam Concilium astruere voluit. Et sane qui potest consentire, vel dissentire; acceptare, vel reiicere; non solum à coactione, sed etiam à necessitate liberum se esse demonstrat.

Adde quod etiam extat decretum Pii Quinti Pont. à Gregorio XIII. rursus innouatum, in quo damnantur sententiæ illæ: *Quod voluntarie sit: etiam si necessario fiat, libere tamen fit*. Et: *Sola violentia repugnat libertati hominis naturali*. Vbi Pontifices illi non voluerunt docere, id quod voluntarie, sed necessario fit, nullo modo libere fieri: Sed non fieri ea libertate, quæ ad liberum arbitrium constituendum requiritur. Nam de hac libertate quæstio erat.

Iam ex Patribus idem probatur. ORIGENES li. 3. de principiis; c. 1. dicit, liberum arbitrium esse facultatem discernendi bonum à malo, & eligendi quod probauerit.

S. GREGORIUS NAZIANZENVS in Apologetico, non procul ab initio: *Arbitrii libertas*, inquit, *parem utramque partem motum habet*.

GREGORIUS NYSSENVS lib. 7. de Philosophia, c. 1. probat hominem esse liberi arbitrii, quia humanæ actiones non fiunt necessario, sed possunt etiam non fieri, & c. 3. explicat, quid sit in libero arbitrio, & dicit esse, ire & non ire, dare & non dare; concupiscere & non concupiscere; lætari & non lætari, & similia. & c. 3. dicit, omnem electiuam potestatem, qualis nimirum est liberum arbitrium, esse in opposita.

S. IOAN. DAMASCENVS lib. 2. de fide, c. 25. & 26. idem repetit, & verbis fere iisdem.

S. HILARIUS in commentario Psal. 1. *Vnicuique*, inquit, *nostrum libertatem vitæ, sensumque permisi, non necessitatem in alterutrum affigens*.

OPTATVS MILEVITANVS lib. 7. aduersus Parmenianum, in ipso fere principio: *Voluntas*, inquit, *habet penam, necessitas veniam. Homicida scelus potest facere, potest etiam non facere, & cetera huiusmodi, in quibus liberum habetur arbitrium*.

S. AMBROSIVS lib. 1. c. 3. *Pro voluntatis*, inquit, *arbitrio, non necessitatis obsequio*.

S. AVGVSTINVS lib. 2. contra Faustum, c. 5. *Et nos*, inquit, *sub fato stellarum nullius hominis genefim ponimus, ut liberum arbitrium voluntatis, quo vel bene vel male viuimus, propter iustum iudicium Dei ab omni necessitatis vinculo vindicemus*. Item li. 3. de libero arbitrio, c. 1. 2. & 3. perpetuo libertati necessitatem idem Aug. opponit. & lib. de vera religione, c. 14. *Si necessitate*, inquit, *id fecissent, nullo peccati vinculo tenerentur*. Denique in epist. 46. & 47. ad Valentinum dicit, quæstionem de concordia gratiæ, & liberi arbitrii, esse obscurissimam, & à paucis penetrari. & lib. de gratia Christi, cap. 46. dicit, quæstionem hanc adeo esse implicatam, ut cum gratia defenditur, liberum arbitrium negari videatur: contra, cum defenditur liberum arbitrium, negari videatur gratia. At si liberum arbitrium non aliam exigeret libertatem, quam

A à coactione, quæ tio esset facillima, vel potius nulla.

S. BERNARDVS in lib. de gratia & libero arbitrio: *Est vero*, inquit, *ratio data voluntati, ut instruat illam, non ut destruat. Destrueret autem si necessitatem ei ullam imponeret, quo minus libere pro arbitrio sese videret, siue in malum consensiens appetenti, siue in bonum, gratiam sequens*.

PETRVS LOMBARDVS (cuius sententia necessario adferenda & consideranda est propter calumniam Caluini) in 2. lib. Sentent. dist. 25. lit. A. *Potestas*, inquit, *ipsa quam supra diximus esse liberum arbitrium, libera est ad vtrumlibet, quia libere potest moueri ad hoc, vel ad illud*. Item lit. B. dicit, liberum arbitrium non esse præsentium, vel præteritorum, sed futurorum tantum, quia præsentia & præterita determinata sunt ad vnum. Liberum autem arbitrium indeterminatum ad vtrumlibet esse debet. Lit. C. quærit, quomodo in Deo sit liberum arbitrium, cum ille, non possit nisi bene agere, & liberum arbitrium requirat potestatem in opposita. Lit. D. respondet, in Deo esse liberum arbitrium, quia licet non possit male agere, tamen non necessitate agit, quod agit, & potuisset illud non agere. Lit. E. concludit his verbis: *Vnde diligenter inspicatur, liberum videtur dici arbitrium, quia sine coactione & necessitate valeat appetere, vel eligere, quod ex ratione decreuerit*. Lit. F. dicit, libertatem à necessitate fuisse ante peccatum, & remansisse etiam post peccatum. Libertatem autem à peccato, & à miseria; fuisse ante peccatum, non postea. Vides igitur (Lector) quam aperte mentiar Caluinus, cum scribere audeat, Petrum Lombardum pronunciare, nos duntaxat à coactione solutos esse.

Sequitur autem Petrum Lombardum Theologi Scholastici omnes, ut Albertus in 2. Sentent. dist. 24. Alexander in 2. pa. q. 72. memb. 3. art. 5. S. Bonaventura in 2. dist. 25. S. Th. cum alibi, tum in q. 6. de malo quæ est de electione, artic. vnico scribit, hæresim esse non solum apud Theologos, sed etiam apud Philosophos affirmare ad liberam electionem non requiri libertatem à necessitate, sed satis esse eam, quæ est à coactione. Et recte hoc dicit. Nam & Philosophus lib. 3. Ethicorum, c. 4. & 5. distinguit voluntarium à libero, quod ad liberum pertineat, posse facere & non facere: & naturalis ratio idem ostendit.

PRIMUM enim si ad liberum arbitrium constituendum sufficeret libertas à coactione, sequeretur etiam in pecoribus esse liberum arbitrium. Nam & illa sine coactione vlla sponte sua feruntur ad pabulum.

SECUNDO sequeretur, in pueris, furiosis, somniantibus esse vsum liberi arbitrii, eadem ratione. Illi enim omnes sponte agunt, ex Arist. li. 3. Ethic. c. 2.

TERTIO sequeretur, Deum per liberum arbitrium, & ex electione genuisse filium, quoniam non coactus genuit. Ac quid per absurdum est, ut sancti Patres passim docent. Vide Epiphanium hæresi 69. & Ambrosium li. 4. de fide, c. 5. & alios.

QUARTO, nulla fuisset vnquam quæstio de libero arbitrio, & neque Aristoteles reprehendi posset, quod scripserit, Deum ex necessitate agere; neque vlla cum hæreticis controuersia remaneret. Nam neque Aristoteles, neque Manichæi, neque Lutherani, aut vlli alii negarunt vnquam, vel Deum, vel homines liberos esse à coactione.

DENIQUE pugnancia videtur dicere, qui affirmat, liberum arbitrium à coactione, non à necessitate solutum esse. Siquidem liberum arbitrium (ut ex Greg. Nysseno didicimus) non est simplex voluntas, sed voluntas, ut est principium electionis. Porro voluntas simplex; potest quidem intelligi cum libertate à sola

coactione, talis enim est voluntas beatitudinis, saltem quo ad specificationem: at potestas electiva non videtur intelligi posse cum determinatione ad vnum & necessitate. Electio enim est inter multa, & ideo electionem præcedit consultatio. At si necesse habeo vnum aliquid velle, aut facere, ubi est consultatio? ubi electio?

CAPVT VI.

Soluntur argumenta contraria.

SED IAM argumenta soluenda sunt, quæ aduersus ea, quæ diximus, ab aduersariis adferuntur.

PRIMO loco testimonium obicitur S. A. V. G. V. STINI ex Enchirid. c. 105. ubi sic legimus: *Neque culpanda est voluntas, aut voluntas non est, aut libera dicenda non est, quæ beati esse sic volumus, ut esse miseri non solum nolimus, sed nequaquam prorsus velle possumus.* Ex hoc enim loco videtur posse colligi, non requiri libertatem à necessitate, sed solum à coactione, ut voluntas libera dici possit. Nam beatitudinem necessario volumus, nec possumus eam non velle, & tamen libere volumus, quia non coacti, sed sponte & libenter volumus.

RESPONDEO, voluntas nostra, tametsi libera non sit in appetenda felicitate, quoad specificationem, quia non potest velle miseriam: tamen libera est in hac vita, quoad exercitium, quia potest appetere felicitatem, & cessare ab appetendo. Præterea tum in hac vita, tum in alia libera est voluntas non solum quoad exercitium, sed etiam quoad specificationem in aliis rebus eligendis, quæ non sunt necessario cum felicitate connexæ. Hæc igitur est, quod S. August. dicit, posse voluntatem liberam remanere, licet in aliqua re, vel aliquo genere libertatis, libera non sit. Nam in aliis rebus, vel in iisdem, alio genere libertatis liberrima erit. Et pro arbitrio poterit agere & non agere, velle & non velle.

SECUNDO, obicitur aliud eiusdem Augustini testimonium ex eodem c. 105. Enchiridij, & ex li. 22. de ciuit. Dei, cap. vlt. ubi sic loquitur Aug. de hominibus beatis in alia vita: *Nec ideo liberum arbitrium non habebunt, quia peccata eos delectare non poterunt. Magis quippe erit liberum à delectatione peccandi, usque ad delectationem non peccandi indeclinabilem libertatem.*

RESPONDEO, non vult S. Aug. significare beatos habituros liberum arbitrium ad peccandum, & non peccandum; id enim pugnaret cum eo, quod dicit, eos tales futuros, ut non possint vlla ratione peccare. Sed indicare voluit, per necessitatem non peccandi, non tolli liberum arbitrium beatorum, immo potius confirmari. Qui enim peccare non possunt, liberrimi sunt in eligendo bono, & possunt eligere hoc aut illud bonum, vel vnum & idem eligere, vel non eligere, sine villo periculo errandi. Possit autem eligere malum, non est virtus liberi arbitrii, sed defectus, nihil enim aliud est, nisi posse in eligendo falli, & errare. Itaque hoc defectu remoto, non petit, sed fortius liberiorque efficitur liberum arbitrium beatorum.

TERTIO, obicitur illud eiusdem AUGUSTINI, ex lib. de natura & gratia, cap. 46. *Perquam absurdum est, ut ideo dicamus non pertinere ad voluntatem nostram, quod beati esse volumus, quia id omnino nolle non possumus. Nec dicere audemus, Deum non voluntatem, sed necessitatem habere iustitiae, quia non potest velle peccare.* Quo loco velle videtur Aug. voluntatem nostram in eo esse liberam, quod vult beatitudinem, quâuis eam necessario velit: & Deum libere velle iustitiam, licet necessario eam velit. Respondet enim Pelagius, qui dixerat priuari eum libero arbitrio, qui necessi-

ate contrahitur. Et contra ipse allerit, non priuari libero arbitrio eum, qui necessitate contrahitur. Et probat duobus exemplis, hominis libere volentis beatitudinem, & Dei libere volentis iustitiam, quâuis uterque ad ea volenda necessitate pariter contrahitur.

RESPONDEO, significat eo loco S. Aug. eum qui vult beatitudinem, contrahi quidem necessitate quoad specificationem, quia non potest velle miseriam; tamen non ideo priuari libero arbitrio, quia potest quoad exercitium velle & non velle beatitudinem. Pari ratione Deum velle iustitiam ex necessitate quoad quandam specificationem, quia non potest velle iniquitatem: sed non ideo priuari libero arbitrio, quia potest, & quoad exercitium, quædam iusta facere & non facere; & quoad specificationem ex multis iustis vnum alteri præferre, illudque eligere.

At (INQVIES) non videtur id contrarium sententiæ Pelagii, is enim cum ait, priuari libero arbitrio eum qui necessitate contrahitur, loquitur de libertate & necessitate respectu eiusdem rei & modi, non autem respectu diuersorum. **R**ESPONDEO, Verba Pelagii esse ambigua, & sententiam veram & falsam habere posse, & ideo à S. August. non simpliciter reprehendi, sed solum qua parte falsa esse poterant. Itaque non ait Aug. verum non esse quod Pelagius dixerat, sed inquit, *Et hic nonnulla questio est.* Ac deinde ostendit quomodo possit fieri, ut aliquis necessitate cōstringatur, & tamen libero arbitrio non priuetur.

QUARTO, obicitur aliud testimonium ex li. 5. de ciu. Dei, c. 10. ubi sic legimus: *Si illa definitur necessitas, secundum quam dicimus necesse esse, ut vita sit aliquid, vel ita fiat, nescio cur eam timeamus ne nobis libertatem auferat voluntatis. Neque enim & vitam Dei, & præscientiam Dei sub necessitate ponimus, si dicamus, necesse esse Deum semper viuere, & cuncta præscire.*

RESPONDEO, S. Aug. in principio capitis, distinguit necessitatem in duas species. Dicit enim esse quandam necessitatem, quæ facit, ut res non sit in potestate, qualis est necessitas moriendi. Non enim est in potestate nostra, mori, aut non mori. Aliam autem esse necessitatem, quæ non facit rem non esse in potestate. Ac priorem quidem necessitatem facit Aug. pugnare cum libertate, & ideo non esse dicendum, voluntatem nostram esse sub tali necessitate, posteriorem dicit, non pugnare cum libertate, & ideo non esse timendum ne talis necessitas, si admittatur, libertatem auferat voluntatis.

Huius posterioris necessitatis quatuor ponit exempla. **P**RIIMUM est de vita Dei. Necesse enim est, Deum semper viuere, & tamen non ponimus vitam Dei sub necessitate, quæ tollat libertatem. Vbi per vitam Dei intelligimus actionem, vivit enim Deus, dum intelligit & vult. Et quâuis necesse sit, Deum semper viuere, id est intelligere & velle, tamen non tollitur libertas eius, quia multa libere vult, & proinde etiâ libere intelligit practica intelligentia. Itaque necessitas semper viuendi cadit super actum intelligendi & volendi, non super modum operandi. Necessary enim Deus semper intelligit & vult, sed non necessario applicat hunc actum ad hoc, aut illud faciendum, sed libere.

ALTERVM exemplum est de præscientia Dei. Necesse enim est, Deum cuncta præscire; & tamen præscientia Dei non ponitur sub necessitate tollente libertatem, quia necessitas præsciendi est ex hypothesi, non absoluta. Posito enim, quod Deus velit aliquid esse futurum, necessario præscit illud esse futurum; sed sicut poterat Deus absolute non velle illud esse futurum; ita poterat absolute non præscire esse futurum.

TERTIVM est de potentia Dei, quod ponitur ad illustranda duo superiora. Necesse enim est Deum non posse mori aut falli; & tamen est omnipotens. Sicut igitur non minuitur potentia Dei per hoc, quod non potest mori aut falli, sic etiam non minuitur eius libertas per hoc, quod necesse est eum semper vivere, & cuncta præcise.

QVARTVM exemplum maxime facit ad rem, *Necesse enim est, inquit AUGUSTINVS, ut homo quicquid vult, libero velit arbitrio, & tamen non propterea liberum arbitrium ponitur sub necessitate tollente libertatem, nam illa necessitas, de qua dicimus, necesse esse hominem libere velle, non solum non facit, ut opera liberi arbitrii non sint libera, sed cogit, ut sint libera, non enim cadit illa necessitas super opera, sed super modum, & est ex hypothesis non absoluta. Non enim necesse est absolute, ut homo hoc velit aut illud, sed est in eius potestate velle hoc aut illud, & velle hoc, aut non velle, tamen posito quod velit, necesse est eum libere velle, quia talem modum operandi eius nature postulat. Vides igitur ex Augustino manifeste colligi, libertatem arbitrii requirere, ut opus sit in potestate, & pugnare non solum cum coactione, sed cum omni absoluta necessitate.*

QVINTO obicitur testimonium S. BERNARDI ex serm. 81. in Cantica, ubi sic loquitur: *Nescis quod prauo & miro modo ipsa sibi voluntas peccato quidem in deterius mutata necessitatem faciat, ut necessitas, cum voluntas sit excusare non valeat voluntatem, nec voluntas cum sit illecta, excludere necessitatem. Et infra, ita animo miro quodam modo, ac male libera necessitate & ancilla tenetur, & libera: ancilla propter necessitatem, libera propter voluntatem, & quod magis mirum, magis que miserum est, eo rea quo libera, eoque ancilla, quo rea, ac per hoc eo ancilla quo libera.*

RESPONDEO, loquitur S. Bernardus de necessitate conditionata, quæ non repugnat libertati, non autem de absoluta, quæ simul cum libertate consistere non potest. Nam quemadmodum non potest arbor mala bonos fructus facere (ut Dominus ait Match. 7.) dum videlicet est mala: potest tamen fieri bona, & tunc bonos fructus facere: sic etiam qui illeceus est visco prauæ cupiditatis, durante affectu illo, necessario peccat, quia non potest non seruire prauæ cupiditati, à qua tenetur quodammodo, captiuus: tamen absolute potest non peccare, & si peccat libere peccat, quia potest deponere prauum affectum, si velit gratiæ Dei cooperari. Hoc igitur modo peccator est seruus, & liber, & ideo seruus quia liber. Nam si vere liber non esset libertate naturæ, nunquam verè, proprièque peccaret, ac per hoc seruus peccati esse non posset.

Porro S. Bernard. non existimauisse liberum arbitrium opponi soli coactioni, non autem necessitati, perspicuum est ex eodem serm. 81. in Cantica, ubi sic loquitur: *Vnde liberum arbitrium nominatur, quod liceat auersari in his pro arbitrio voluntatis inde homo ad proincedendum potest. Omne enim quod feceris bonum, malumve, quod quidem non facere liberum sit, merito ad meritum deputatur, & ut merito laudatur, non is tantum, qui potuit facere mala, & non fecit, sed & qui potuit non facere bona, & fecit: ita malo non caret merito tam is, qui potuit non facere mala, & fecit, quam qui potuit facere bona & non fecit. Vbi autem non est libertas, nec meritum. Propterea quæ sunt ratione carentia animalia nihil merentur, quia sicut deliberatione, ita & libertate carent. Et hoc loco apertissime constat, S. Bernardum requirere ad liberum arbitrium libertatem, quæ est ad vtrumlibet, quæ dicitur à necessitate, quia sola bestia carent.*

SEXTO, obicitur testimonium S. Thomæ, qui

in q. 10. de potentia, art. 2. ad 3. tenet, solam coactionem repugnare naturali libertati voluntatis.

RESPONDEO, loquitur eo loco S. Thomas de voluntate simplici, non de voluntate, ut est principium electionis, quæ sola liberum arbitrium nominatur. Adde, quod videtur idem auctor in modo loquendi, locum istum reuocasse, in 1. part. Summæ q. 41. art. 2.

SEPTIMO, obicitur idem S. THOMAS, qui in 1. par. q. 83. art. 2. ad 3. dicit, per peccatum perisse libertatem gratiæ, sed non libertatem naturæ, quæ est, inquit, à coactione.

RESPONDEO, Accipit eo loco S. Thomas coactionem pro necessitate, siue determinatione ad vnum. Nam in corpore articuli dixerat, liberum arbitrium non esse habitum, sed potentiam: quia per habitus inclinamur ad vnum; liberum autem arbitrium indeterminatum est ad multa etiam opposita.

CAPVT VII.

An liberum arbitrium sit potentia, proponuntur varia Theologorum sententia.

NUNC discutienda est illa definitionis particula, qua dicitur liberum arbitrium esse potentia. Cogemur autem multa hic adferre, quæ non sunt apud hæreticos in controuersia, sed tamen ad controuersias, quæ in 4. & 5. libro disputandæ sunt, necessaria esse videntur. Neque enim de controuersis circa liberum arbitrium rectè iudicari potest, nisi natura ipsa & ratio liberi arbitrii probè intelligatur.

Queritur igitur an liberum arbitrium sit potentia, & quæ potentia. Sunt autem de hac re multæ Theologorum sententiæ, quas breuiter enumerare placuit, ut ex earum collatione rei veritas planius elucescat.

PRIMA sententia est eorum, qui docent, liberum arbitrium proprie in actu consistere, non in habitu, vel potentia. Ita docuit Hieronymus in primo quodlibeto q. 1. qui in iis actibus intellectus, & voluntatis liberum arbitrium ponit, qui præcedunt deliberationem, vel deliberationis conclusionem. Ratio eius hæc est. Liberum arbitrium est id, per quod habet homo actum aliquem in potestate, ita ut possit illum facere, vel eius contrarium, vel eundem facere & non facere. Primus autem actus, qui est in potestate hominis, est deliberatio, vel eius conclusio; non enim ante deliberationem vlla esse potest libertas. At ipsam deliberationem necessario præcedit voluntas deliberandi, & voluntatem deliberandi præcedit cogitatio aliqua, igitur per hos actus, qui necessario deliberationem præcedunt, habet homo deliberationem in potestate. Ac per hoc in his actibus consistit libertas arbitrii.

SECUNDA sententia est S. Bonaventuræ, qui liberum arbitrium in habitu quodam naturali consergente ex ratione & voluntate constituit. Scribit enim in 2. sentent. dist. 13. art. 1. q. 1. & 4. liberum arbitrium esse facultatem quandam operandi, quæ oritur ex coniunctione rationis & voluntatis, quomodo potestas totalis bene administrandæ familiæ est in patre & matre simul iunctis; & in neutro seorsim reperitur. Ratio eius est, quoniam à S. Bernardo liberum arbitrium definitur, habitus animi, liber sui, & à Petro Lombardo dicitur esse facultas rationis & voluntatis. Facultas enim, & facilitatem & habitum magis, quam potentiam sonat.

TERTIA sententia est Alberti in Summa par. 2. q. 91. memb. 1. & 2. & in sentent. dist. 24. art. 5. qui docet liberum arbitrium esse potentiam perfectam per habitum superadditum, non tamen acquisitum, sed naturalem. Ratio eius est tum illa, qua vitur

S. Bonaventura, cum etiam illa, qui liberum arbitrium ex sententia S. Augustini per peccatum est amissum, vel imminutum, non autem amitti, vel minus potest potentia, sed habitus.

QUARTA sententia est, liberum arbitrium esse potentiam quandam vniuersalem, continentem sub se potentias omnes animæ intelligentis & sentientis. Ratio est, quia in his omnibus potentiis inveniuntur actus liberi, vel elicti, vel imperati. Referunt hanc sententiam sine nomine auctoris S. Bonaventura loco citato. & S. Thomas in q. 24. de veritate, art. 5.

QUINTA sententia est Alexandri Aletensis, in 2. par. summæ q. 72. memb. 1. ar. 3. qui docet, liberum arbitrium esse potentiam particularem, & distinctam à ratione & voluntate. Ratio eius est, quoniam in anima humana est imago Trinitatis; & quidem mēs, seu ratio recte refertur ad filium, qui est Verbum & sapientia Patris; voluntas ad Spiritum sanctum, qui est bonitas, igitur debet esse potentia aliqua motrix aliarum, quæ respondeat Patri, cui tribuitur potentia, & hæc potentia motrix est id, quod dicimus liberum arbitrium.

SEXTA sententia est Durandi, in 2. sent. dist. 24. q. 3. qui docet, liberum arbitrium esse ipsas potentias rationis & voluntatis, sed magis rationis. Ratio est, quia tam ratio, quam voluntas & potentia formaliter libera, sed ratio prius & magis est libera.

Esse autem utramque potentiam formaliter liberam, probat Durandus PRIMO, quia Philosophus scribit in 4.9. Metaph. c. 3. potentias rationales esse liberas. SECUNDO, quia definitur communiter liberum arbitrium facultas rationis & voluntatis. TERTIO, quia nec ratio, nec voluntas potest cogi, & utraq; est indifferens ad agendum & non agendum, & ad agendum hoc aut illud. Nam licet ratio in rebus necessariis non possit iudicare aliter, quam res se habeat, tamen in rebus probabilibus, & dubiis, de quibus solis est consultatio, non tenetur adherere vni parti potius, quam alteri. QUARTO, quia si ratio non esset libera in conclusione iudicii, nec voluntas esset libera in electione, neque enim potest voluntas aliud eligere, nisi id quod post deliberationem ratio concludit esse faciendum.

Esse autem rationem prius & magis liberam, quam voluntatem, probat idem Durandus PRIMO, quia si potentia rationales sunt liberae, ut Philosophus docet, certe illa prius & magis erit libera, quæ prius & magis est rationalis: talis autem dubitari non potest, quin sit ipsa ratio. SECUNDO, quia liberum dicitur esse, id quod est gratia sui, & independens ab aliis, ut Philosophus docet in 1. lib. Metaph. c. 2. Voluntas autem dependet à ratione, non contra, ut notum est. Igitur ratio magis est libera, quàm voluntas. TERTIO, quia primi liberi actus sunt conclusio iudicii & electio; at conclusio iudicii, quæ est rationis, præcedit electionem, quæ est voluntatis, & rursus conclusio iudicii liberior est, quam electio, cum electio determinetur à conclusione iudicii, non contra. Igitur ratio prius & magis est libera quam voluntas. QUARTO, quia radix libertatis est notitia contingentia mediorum ad finem. Notitia autem est in ratione, igitur radix libertatis est in ratione. Quare cum ratio non solum sit libera, sed etiam sit causa cur voluntas sit libera, sequitur, ut ratio, & prius, & magis libera dicenda sit, quam voluntas.

SEPTIMA est Henrici in 1. quodlib. q. 16. & Scoti in 2. sent. dist. 25. qui docent, liberum arbitrium esse potentiam vnam & particularem, ipsam videlicet voluntatem, eamque ita esse liberam, ut non pendeat, nec determinetur à iudicio practico rationis;

probant, quia illa est potentia libera, quæ omnibus positis, quæ requiruntur ad agendum, potest agere & non agere: at voluntas est libera omnium consensusigitur omnibus positis quæ requiruntur ad agendum, quorum vnum est iudicium rationis, potest agere & non agere. Addunt iidem auctores, rationem non esse liberam, nec formaliter, nec radicaliter, non formaliter, quia necessario ratio iudicat ut res est, remota ignorantia & errore: non radicaliter, quia nomen radice significat veram causam rationis: autem non est vera causa libertatis voluntatis, sed solum conditio, sine qua non esset in voluntate libertas.

OCTAVA sententia est S. Thomæ in 1. p. Summæ, q. 83. art. 1. 2. 3. & in 2. 2. q. 13. in 2. sent. dist. 24. q. 1. & de Veritate q. 24. Itē Richardi & Capreoli in 2. sent. dist. 24. denique Caietani & Conradi & aliorum, qui S. Thomam sequi solent, qui docent liberum arbitrium esse quidem potentiam vnam & particularem, ipsam videlicet voluntatem, ut superior sententia continebat, sed addunt, radicem libertatis esse in ratione, & voluntatem pendere ac determinari à iudicio ultimo practice rationis: quæ sententia quoniam verissima nobis esse videtur, in sequenti cap. comprobabitur.

CAPVT VIII.

Probat librum arbitrium esse potentiam, videlicet ipsam voluntatem, eamque sic esse liberam, ut tamen determinetur à iudicio ultimo practice rationis.

EXPLICATIS sententiis aliorum, restat, ut quid nobis ad veritatem propensius videatur, aliquot propositionibus complectamur.

PRIMA propositio, *Liberum arbitrium non est actus.* Probat. Nam liberum arbitrium est aliquid à natura infusum homini, quod nulla ratione tolli potest, ut S. Bernardus in lib. de gratia & libero arbitrio, & alii Patres communiter docent: non igitur est actus, qui modo adest, modo abest, & non à natura inest, sed à nobis producit. Alioqui sæpe homines, etiam sani & vigilantes libero carerent arbitrio: neque enim perpetuo actus illos producent, in quibus liberum arbitrium constitueret Heronius.

Neque mouere nos debet, quod nomen liberi arbitrii actum sonare videatur. Nam commune est multis aliis rebus, ut nomen accipiant ab actibus, cum tamen principia potius, & causæ actuum sint, quam actus ipsi, sic enim intelligentiam & rationem nominamus ipsam mentem, quæ principium intelligendi & ratiocinandi est. Adde quod actus illi, in quibus Heronius liberum ponit arbitrium, neque ipsi sunt liberi, ut eis nomen liberi arbitrii convenire possit: neque faciunt nos liberos, cum determinent ad aliquid cogitandum & volendum.

SECUNDA propositio, *Liberum arbitrium non est habitus, sed potentia.* Probat. Nam vel is habitus esset naturalis, vel acquisitus. non naturalis, quia cum habitus sit inclinatio ad aliquid, si liberum arbitrium esset habitus naturalis, naturaliter inclinati essemus ad vnum, atque ita periret libertas ad opposita: non etiam acquisitus, quia liberum arbitrium habemus, ut diximus, à natura, proinde cum illo nascimur, non accedente ætate illud acquirimus. Itaque recte admonet S. Thomas, habitus acquisitionem repugnare naturalitati (ut sic loquamur) liberi arbitrii: habitus vero naturalitatem repugnare arbitrii libertati.

At (INQVIES) potentia quoque est inclinatio quædam ad suum obiectum: cur igitur liberum arbitrium

non

nō potest esse habitus naturalis, si potest esse potentia naturalis? **R**ESPONDEO, causam esse, quia potentia est inclinatio determinata ad bonum in vniuersum, indifferens autem & indeterminata ad bona particularia, habitus vero, si proprie loqui velimus, est inclinatio ad vnum aliquod particulare bonum, vel malum apprehensum sub ratione boni. Et ex eo fit vt per potentias non dicamur boni vel mali, sed capaces vtriusque; at per habitus bonos, dicimur boni, per malos, mali. Quod si S. Bonauentura & Albertus per habitum naturalem intelligant inclinationem naturalem ad bonum in commune: de solo nomine erit quæstio, vel potius (vt S. Augustinus monet) cum de re constet, non erit de nomine litigandum.

TERTIA propositio, *Librum arbitrium non est potentia vniuersalis*. Probatur. Nam tametsi potentia extera, præter voluntatem, sint actuum liberorum capaces; tamen non sunt actus earum liberi, vt ab ipsis procedunt, sed vt procedunt à voluntate, à qua imperantur. Proinde non sunt potentia illa libera, nec liberi arbitrii nomen merentur. Illa enim sola potentia recte dicitur libera, quæ est domina sui actus, quæque pro arbitrio potest illum producere, vel non producere. Adde quod si liberum arbitrium esset potentia vniuersalis, tot essent libera arbitria, quot sunt potentia, quod est plane inauditum.

QUARTA propositio, *Librum arbitrium non est potentia quadam tertia distincta à ratione & voluntate*. Probatur. Nam nullus est actus, qui tertiæ isti potestati respondet. Quod enim aliqui dicunt, proprium actum huius potentia esse, mouere intelligentiam & voluntatem: nihil facit ad rem. Nam voluntas est, quæ se, & alias omnes potentias mouet. Itaque illi ipsi dicunt, actum tertiæ illius potentia esse, volo iudicare, volo eligere. Sed forte Alexander per tertiam potentiam intellexit voluntatem, vt est motrix, & vt distinguitur à simplici voluntate, quæ est etiam impossibile. Et tum solum de nomine quæstio esset: & inter se summi illi Theologi Alexander, Albertus, S. Bonauentura & S. Thomas, quod attinet ad rem facile conuenirent.

QUINTA propositio: *Libertas formaliter non est in ratione, sed in sola voluntate*. Probatur. Nam in primis sacre litteræ voluntati libertatem tribuunt. Eccles. 15. *Si volueris mandata seruare, conseruabunt te, ante hominem vita & mors, quicquid placuerit ei, dabitur illi.* 1. Cor. 7. *Non habens necessitatem, sed potestatem habens sua voluntatis, &c.*

Deinde SS. Patres (vt citauimus c. 2.) ideo liberum voluntatis arbitrium nominant, vt ostendant in voluntate libertatem esse. Præterea Greg. Nyllenus, li. 7. de Philosophia, & Ioan. Damasc. li. 2. de fide c. 25. scribunt, liberum arbitrium esse potestatem eligendi; constat autem electionem voluntatis esse, non rationis. Denique multi ex Patribus, cum de libero arbitrio loquuntur, voluntatem ipsam appellant, vt perspicuum est ex Optato li. 7. cōtra Parmenianum, Augustino li. 3. de libero arbitrio c. 1. 2. 3. &c. Et Bernardo li. de gratia & libero arbitrio.

His accedunt rationes ex absurdis petita, nam si formaliter esset in ratione libertas, sequeretur **P**RIMO, hominem peccare ante consensum voluntatis. **S**ECUNDO, eundem bis peccare, cum primo iudicat esse faciendum id, quod non licet, & deinde id ipsum eligit. **T**ERTIO, ignorantiam plane inuoluntariam à peccato non excusare. Nam ad peccandum non requiritur, nisi libertas: libera enim transgressio legis, peccatum est. Quare si ante consensum voluntatis, libertas est in ratione, ante consensum vo-

luntatis, ratio peccare poterit, & cum postea accedit consensus, erit aliud peccatum, & ignorantia erit libera quamuis sit inuoluntaria. Hæc autem absurda esse nemo negare potest, cum repugnent communi sensui generis humani, & S. Aug. dicat, li. de Vera religione, c. 14. peccatū adeo esse debere voluntarium, vt si non sit voluntarium non sit peccatum. Accedat deinde ratio etiam ostensiva, qua demōstrari potest, rationem non esse liberam villo genere libertatis, id est, neque à coactione, neque à necessitate; neque quoad specificationem; neque quoad exercitium.

Primum igitur, non esse liberam rationem à coactione eodem modo, quo à coactione libera est voluntas, probatur, nam voluntas libera dicitur à coactione, quia fieri non potest, vt voluntas aliquid velit contra inclinationem suam, vel totius suppositi; nam ipsa inclinatur ad omne bonum, proinde non potest aliquid velle contra suam inclinationem; & rursus ipsa est inclinatio totius suppositi, ac per hoc non potest velle aliquid cōtra inclinationem totius suppositi. Ita nullo modo potest cogi, quia non potest fieri, vt velit quod non vult. At ratio inclinatur quidem ad omne verum intelligendum, tamen eius inclinatio non est inclinatio totius suppositi, & ideo potest cogi ad iudicandum & credendum contra inclinationem non quidem suam, sed totius suppositi. Ita dæmones credunt vnum esse Deum coacti, & idcirco etiam contremiscunt, vt ait S. Iacob. c. 2. Et sæpenumero qui ægrotant, coguntur credere se breui esse morituros, quod omnino refugiunt, & si fieri posset nolent credere. Falsum est igitur, quod scribit Durandus, rationem esse liberam à coactione æquæ ac voluntatem.

Rursus non esse liberam rationem à necessitate quoad specificationem, probatur. Ratio enim si ei proponantur argumenta necessaria, necessario assentitur: si probabilia, necessario opinatur, id est, cum formidine credit, si contraria æque probabilia, necessario dubitat, nisi accedat inclinatio voluntatis. Hæc autem ita esse, testatur Philosophus in 2. li. de anima, tex. 153. vbi scribit, nos imaginari posse quod volumus, non autem opinari, nisi id, quod argumenta concludunt esse opinandum. Et 7. li. Ethic. c. 2. scribit, syllogismum captiosum necessario inducere dubitationem, cum ab vna parte videatur incredibile quod concluditur, ab altera non possit contemni argumentū, donec solutio non appareat. Testatur idem experientia. Nemo enim consultat, vtrum debeat veritati cognita assentiri, necne, sed simpliciter co accedit, quo argumentorū vis ducit. Testatur etiam fides Catholica, quæ propterea requirit pium voluntatis affectum, quoniam aliqui mens nostra non facile posset adduci, vt crederet, quæ rationem ipsam superant, sæpe etiam (quamuis non ita sit) eidem repugnare videntur.

Iam vero non esse rationem liberam quoad exercitiū facili negotio probari potest. Nam omnis actio fit ex appetitu alicuius boni, vt Philosophus docet in 1. li. Ethic. c. 1. Et post eum S. Tho. 1. p. q. 80. art. 1. & 1. 2. q. 1. art. 2. Appetitus autem boni in anima ratione prædita nihil est, nisi voluntas. Ipsa igitur voluntas rationem applicat ad intelligendum, vel etiam ab actu intelligendi reuocat. Quod si inclinatio rationis ad intelligendum appetitus etiam nominetur, certum est eiusmodi appetitum esse naturalem, & inclinare ad perpetuum actum. Proinde quod ratio nunc exerceat actum speculandi, vel iudicandi, vel alium quemcunque, nunc vero quiescat, non potest referri in ipsam rationem, sed in appetitum totius suppositi, qui non est alius, nisi voluntas.

Postrema ratio sumitur ex fine. Siquidem ad finem animæ rationalis non conducebat, ut in ratione esset libertas. Ratio enim est regula actionū humanarum, regula autem debet esse immobilis, uniformis, determinata, necessaria; alioqui pernicioſa esset, & Lesbiz regulæ similis, quæ (ut Philosophus testatur li. 5. Ethic. c. 10.) quod plumbea esset, facili flexebatur in varias partes.

S E X T A propositio, *Voluntatis electio pendet necessario ab ultimo iudicio practice rationis.* Probatur. Nam voluntas non potest aliquid velle sine præcedenti iudicio rationis; ergo si iudicium sit indeterminatum, & ipsa erit indeterminata, si iudicium determinatum sit, & ipsa determinata erit: ut iudicium ultimum practicum est omnino determinatum; dicit enim tunc ratio, hoc nunc (omnibus consideratis) est faciendum, igitur voluntas necessario eligit id, quod ultimum iudicium practicum determinavit esse eligendum.

Probatur antecedens primæ consequentis manifestis rationibus. **P R I M O**, Voluntas est appetitus rationalis; & ex Aristotele lib. 3. Ethic. cap. 2. electio est appetitus intellectivus. Ex August. lib. 8. de Trinitate c. 4. nemo potest amare incognitum; igitur sine rationis actu præcedente nulla esse potest electio. **S E C U N D O**, Voluntatis obiectum est bonum apprehensum & iudicatum conveniens, quocirca si voluntas aliquid veller sine præcedente cognitione & iudicio, operaretur sine obiecto, quod fieri non potest. **T E R T I O**, quicquid homo agit, propter aliquem finem agit, ac proinde fieri nequit, ut moveatur ad eligendum aliquid, nisi ratio dicat illud esse medium conveniens ad propositum finem. **D E N I Q U E** experientia idem docet. Nemo enim est, qui, si quærat ab eo, cur aliquid agat, non respondeat, quia iudicat ita esse faciendum. Ille etiam qui dixit sit pro ratione voluntas, non exclusit iudicium ab electione, sed iudicavit, bonum sibi esse contra rationem agere. Itaque rectè S. BERNARDUS in lib. de gratia & libero arbitrio: *Habet, inquit, voluntas quocunque se voluerit semper comitem rationem, non quod semper ex ratione, sed quod nunquam absque ratione moveatur.*

Probatur nunc illa consequutio, qua colligebamus si iudicium sit determinatum, & electionem fore determinatam. Nam si cum est iudicium plane determinatum ad unum, voluntas possit aliud eligere, aut illud non eligere, nulla reddi poterit ratio, cur voluntas illud non iudicatum non elegerit, aut illud iam iudicatum non elegerit, atque ita dabitur electio sine iudicio actio & sine obiecto, quod fieri non posse iam ostendimus.

D I C E S, illum qui contra determinationem ultimi iudicii practici aliquid eligeret, posse reddere rationem electionis suæ, quod videlicet id fecerit, ut ostenderet suam libertatem. **R E S P O N D E O**, Hoc ipsum tunc futurum ultimum iudicium practicum omnibus consideratis, bonum mihi est nunc contra rationem agere, ut me liberum esse demonstrarem. Atque ita falsum erit, posse reddi rationem, cur aliquis egerit contra determinationem ultimi iudicii practici; nec non & illud erit falsum, posse fieri, ut quis agat aliquid, repugnante ultimo iudicio rationis.

Confirmatur hæc ratio à simili. Nam appetitus bestiarum ideo est determinatus ad unum, quia cognitio sensuum est determinata ad unum: rursus, voluntas humana, respectu ultimi finis, determinata est ad unum, saltem quoad specificationem, quia iudicium rationis determinatum est ad unum, nec potest representare ultimum finem, nisi sub ratione

boni: denique, voluntas beatorum etiam quoad exercitium determinata est ad unum, quoad appetitum ultimi finis, quia rationis iudicium representans illum finem, tantum sub ratione boni, semper est præsens & perfecte applicatum mentibus beatorum, ergo à simili, in quacunque re particulam eligenda, voluntas erit determinata ad unum, quoad specificationem, & quoad exercitium, & scripta necessario eliger, quando aderit præsens iudicium practicum particulare, dictans hic & nunc absolute omnibus consideratis, hoc est eligendum. Nam tale iudicium representat rem, tantum sub ratione boni, pro eo tempore, ut est præsens & perfecte applicatum.

D I C E S, In mediis ad finem conducentibus nunquam datur tale iudicium ita determinatum ad unum, ut non simul etiam adsit aliud iudicium, quod alia quoque sint media utilia ad illum finem. **R E S P O N D E O**, Iudicium ultimum non pati secum aliud iudicium simile, quia essent contradicentia & repugnantia iudicia. Itaque ultimum iudicium non negat, quin illa sint media utilia ad eundem finem, sed dicit, omnibus consideratis hic & nunc, hoc unum esse accipiendum tanquam utilissimum, ac per hoc absolute & simpliciter melius ceteris, quare si voluntas tunc eligeret aliquid aliud, haberet quidem rationem, cur eligeret illud tale medium, quia nimirum est utile, sed non haberet rationem illam cur omitteret illud aliud, quod hic & nunc, & simpliciter est iudicatum melius. Non enim nunc habet nisi unum ultimum iudicium, nec potest habere, quia contradicentia essent, nimirum omnibus consideratis hoc est melius, & omnibus consideratis hoc non est melius.

Accedat ad has rationes, quod si posset fieri, ut quis eligeret contra dictamen ultimi iudicii practici, posset etiam fieri, ut in voluntate esset peccatum sine ullo errore, vel defectu in ratione, siue intelligentia. Quod quidem adversarii coguntur admittere. Sed certe videtur esse contra illud Salomonis, Proverb. 14. *Errant qui operantur malum* Et manifestissime pugnat cum sententia Philosophi, lib. 3. Ethic. cap. 1. 3. & 5. lib. 6. cap. 12. & 13. lib. 7. cap. 3. & in lib. 3. d. e anima 2. 38.

S E P T I M A propositio, *Et si voluntas sola sit formaliter libera, radix tamen libertatis eius in ratione est.* Probatur. Nam si voluntas ideo est libera, quia est appetitus rationalis: sicut è contrario appetitus in bestiis, ideo non est liber: quia non est rationalis: igitur causa libertatis est ipsa ratio. Præterea appetitus non potest in aliquid ferri, nisi proponatur ei à potentia cognoscente tanquam bonum & conveniens, nec potest ab aliquo refugere, nisi proponatur ei ut malum & noxium, igitur si potentia cognoscens sit determinata ad unum, id est, non proponat nisi unum, siue bonum, siue malum, appetitus necessario tendet in illud, aut ab eo refugiet, ut videmus accidere in bestiis, quorum cognitio est per sensum, ac per hoc determinata ad unum; at si potentia cognoscens sit indeterminata & proponat varia obiecta, ostendens in singulis esse rationem boni & rationem mali, ac denique viam aperiat ad opposita, qualis est ratio nostra respectu mediorum, quæ non habent necessariam connexionem cum fine, tunc appetitus erit liber, & poterit inclinari in varias partes. Voluntas igitur ideo libera est, quia sequitur rationem, quæ varia & contingentia media ad finem obtinendum ei proponit.

D I C E S, si voluntas libera est propter indeterminationem rationis, cur propter eandem causam non est libera etiam ratio? **R E S P O N D E O**, Quia potentia cognoscens non est capax libertatis, sicut est po-

tentia appetens. Nam potentia cognoscens ex natura sua, pēdet ab obiecto, & ab illo immutatur per speciem, quam ab ipso recipit. Vnde non potest ei convenire libertas circa suum obiectum: appetitus autem est independens, cum ab obiecto nihil recipiat, nec ab eo patiatur: & ideo sua natura capax est libertatis. Præterea non erat necessaria libertas potentie cognoscenti, quia cum verum vero non repugnet, sine ullo detrimento potest apprehendere omnia, & omnibus assentiri: appetitui necessaria erat, quia sæpe bona sunt inter se pugnancia, nec simul exeri possunt, ut virginitas & matrimonium: voluptas & sanitas; actio & contemplatio, & similia. Itaque voluntas quia est appetitus, capax est libertatis; quia est rationalis, habet re ipsa libertatem.

CAPVT IX.

Soluntur argumenta contra conclusionem capitis superioris.

Sed iam argumenta soluenda sunt, quæ pugnant contra superioris capitis propositiones: quæque iam fuerunt in cap. 7. breuiter indicata.

PRIMUM igitur argumentum probare nitebatur, liberum arbitrium esse actus rationis & voluntatis, qui deliberationem præcedunt. Erat autem hæc ratiocinatio, liberum arbitrium est illud per quod habet homo actum aliquem in potestate: habet autem homo in potestate actum deliberandi (is enim est primus actus liber) per actum quo vult deliberare, & per cogitationem, quæ hanc ipsam voluntatem præcedit: igitur in his duobus actibus deliberationem præcedentibus liberum arbitrium consistit.

RESPONDEO, Primum falsum est, ante omnem electionem præcedere deliberationem, & ante deliberationem præcedere actum volendi deliberare. Sæpe enim homo rem oblatam continuo amplectitur & libere, quia tamen si non deliberavit, tamen deliberare potuisset, si voluisset. Itaque non omnes actus indeliberati sunt inuoluntarii, sed illi tantum, qui deliberari non potuerunt. **DEINDE**, non rectè tribuitur nomē liberi arbitrii omnibus illis rebus, quæ sunt necessariae ad libere eligendum, sed illi tantum rei, quæ est principium productivum actuum liberorum, per quod proprie domini sumus actuum nostrorum. Tale autem principium est voluntas, quæ producit eliciendo vel imperando actus liberos.

SECUNDUM argumentum probare conabatur, liberum arbitrium non esse potentiam, sed habitum, vel certe potētiā cum habitu. Nam liberum arbitrium definitur à S. Bernardo, habitus animi: & à Petro Lombardo, Facultas rationis & voluntatis; & ex sententia Augustini est amissum vel imminutum.

RESPONDEO, S. Bernardus non accipit nomen habitus more Scholastico pro qualitate superaddita potentie, sed pro ipsa potentia, quæ est inclinata & habilis ad operandum, etiam quando nihil operatur. Sic etiam Petrus Lombardus nomen facultatis non pro facilitate, sed pro potestate vsurpat. Denique S. Aug. liberum arbitrium amissum dicit, non quod est à necessitate, sed quod est à peccato. Servi enim peccati facti sumus per Adæ peccatum, unde etiam Liberatore, ac redemptore opus habemus. Porro imminutum dicitur liberum arbitrium, non quoad essentiam, sed quoad operationem & vires. Multa enim non possumus operari in statu naturæ corruptæ, quæ potuissimus in statu naturæ integræ.

TERTIUM argumentum conteri debet, liberum arbitrium esse potentiam distinctam à ratione & voluntate, nimirum potentiam motricem, ut esset in homine aliquid, quod compleret imaginem Trini-

tatis. Nam Ratio, Verbi, Voluntas, Spiritus sancti imaginē gerit: deest autem imago Patris, nisi ponatur tertia potentia, quæ illum aliquo modo referat.

RESPONDEO, Imago Trinitatis consistit in memoria, mente, & voluntate, ex doctrina S. Aug. li. 15. de Trinit. c. 3. certum autem est, nomine memorie non posse intelligi tertiam illam potentiam motricem, sed esse eandem mentem, ut retinet noticiam iam acceptam; atque ita secunda est, & parit Verbum, ut idem S. Aug. docet in li. 14. de Trinit. c. 3. 4. & 6. Porro S. Thomas in 2. p. q. 93. ar. 7. satis apposite explicat imaginem Trinitatis, cum mentem comparat Patri, noticiam à mente productam, Filio, amorem ex notitia mentis procedentem, Spiritui sancto. Perspicuum igitur est, tertiam illam potentiam non esse necessariam ad complendam imaginem Trinitatis.

ADDE quod si ponerentur in anima rationali tres potentie distinctæ, quarum singulæ suos actus producerent, daretur occasio magno errori, quasi in Deo, ad cuius imaginem factus est homo, tres essent processionem, non duæ tantum, ac per hoc personarum non Trinitas, sed Quaternitas.

QUARTUM argumentum cum aliis tribus probare tentabat potentiam intelligentem esse formaliter liberam, & ideo liberum arbitrium esse potentiam intelligentem. Sic igitur tenebatur obiectio, Potentie rationales sunt liberae ex Aristotele lib. 9. Metaphys. cap. 3. ac potentia intelligens est rationalis, igitur libera.

RESPONDEO, Non dicit Philosophus, potentias rationales esse liberas, sed esse ad opposita, nec loquitur de ratione & voluntate, sed de artibus & scientiis, quas potentias vocat rationales, quia possumus actus earum producere quando volumus: & dicit esse ad opposita, quia eadem est scientia contrariorum. Itaque etiam si libertas eiusmodi potentias appellasset, non tamen cogerebimur fateri eas formaliter esse liberas, sed intelligeremus liberas esse nominatas, quod liberos actus producerent, quamvis non ideo liberi essent, quoniam ab eis producerentur, sed quoniam à voluntate imperarentur. Idem enim Philosophus in li. eodē, c. 6. scribit, determinari omnes istas potentias ab electione: electionem autem satis constat esse actum voluntatis, non intelligentie.

QUINTUM argumentum, liberum arbitrium est facultas rationis & voluntatis, ut communiter definitur, igitur etiam ratio est formaliter libera & liberum arbitrium vocatur.

RESPONDEO, liberum arbitrium dicitur facultas rationis & voluntatis, quia ratio est libera radicaliter, voluntas formaliter.

SEXTUM argumentum, ratio non potest cogi, & est indifferens ad multa, igitur libera est non solum à coactione, sed etiam à necessitate.

RESPONDEO, iam hoc explicatum est in quinta propositione capitis superioris ubi, demonstratum est, rationem posse cogi ad iudicandum contra inclinationem totius suppositi: Item sic esse indifferens in rebus probabilibus, ut tamen necessario opinetur, vel hæreat, nisi accedat inclinatio voluntatis.

SEPTIMUM argumentum, Nisi mens in iudicando sit vere, ac formaliter libera, neque voluntas in eligendo libera esse poterit. Non enim potest voluntas aliud eligere, quam id quod ratio iudicat eligendum.

RESPONDEO, Voluntas in eligendo libera est, non quod determinetur necessario à iudicio ultimo & practico rationis: sed quoniam istud ipsum iudicium ultimo & practicum in potestate voluntatis est.

Sciendum est enim, post cognitionem boni in univ-
ersum mox existere in voluntate inclinationem

aliquam in illud, non tamen plenam electionem: deinde cum proponuntur à ratione varia media, & ostenditur quid boni & quid mali sit in vnoquoque: voluntatem inclinari modo in vnam partem modo in aliam; & in eius potestate esse; vt sinat se moueri, vel resistat, non quidem actu positiuo, sed negatiuo, non sinendo videlicet se moueri. Per hoc enim quod voluntas sinat se moueri ab vna ratione proposita, fit vt mēs omīsa alia inquisitione pergat & concludat iudicium particulare, ad quod cōtinuo sequitur electio. itaque libertas voluntatis in eo proprie sic esse videtur, quod propositis variis rationibus non necessariis, sinat se moueri ab vna, & nō ab alia.

Atq; hinc est quod Philosophus dicit in 3. li. Ethic. c. 3. virtutes & vicia esse in nostra potestate, licet omnes appetant id, quod bonum eis videtur, quia vnusquisque sibi quodammodo causa est, vt hoc, aut illud sibi videatur. Vbi Philosophus ponit in nostra potestate virtutes; quia in nostra potestate sunt bonæ electiones, ex quarum frequentatione generantur habitus: ipsas autem electiones ponit in nostra potestate, quia iudicia seu visiones, ad quas electiones sequuntur, sunt in nostra potestate.

Hinc est etiam quod boni, vel mali habitus multum conferunt ad bonam, vel malā electionem, quia quomodo vnusquisque affectus est, vt ibidem Philosophus docet, ita de rebus ipsis iudicat. Hinc quoque S. Tho. in q. 1. de malo, ar. 3. recte dixit, causam peccati esse, quod homo operetur non attendens ad regulam diuinæ legis: huius autē quod est nō attendere ad regulam, non esse querendam aliā causam, cum ad hoc sufficiat libertas voluntatis humanæ. Vbi S. Tho. in eo ponit libertatem & causam peccati, quod voluntas cū ab vna parte trahitur ad peccandum à voluptate per sensum & rationem apprehensā & proposita vt bona, ab altera reuocatur à peccato per rationem proponentem legem Dei & representantem voluptatem illam, vt noxiam, ipsa sinat se moueri à sensu, & attendit ad bonum propositum in voluptate, & non sinat se moueri à ratione proponente legem Dei, & sic non attendit ad veram regulam bonæ actionis.

Denique ex his etiam refutantur quatuor illa argumenta, quibus durandus efficere nitebatur, rationem non solum esse formaliter liberam, sed etiam liberiores ipsa voluntate.

OCTAVVM argumentum, pugnat cum sexta propositione, ac probat voluntatem posse eligere cōtra iudicium vltimum & practicum rationis. Nam hoc est discrimen inter potentias naturales & liberas, quod naturales non possunt non agere, præsente obiecto, & alijs quæ ad agendum requiruntur, liberæ autem possunt. Id quod certum est, tum experientia, tum ex doctrina Philosophi li. 9. Metaphys. cap. 6. Voluntas autem est potentia maxime libera; igitur potest non agere, quantumuis habeat obiectū præsens representatum per iudicium vltimum rationis.

Et confirmari potest hoc argumentum ex absurdo. Nam si necessario voluntas sequatur iudicium vltimum rationis, sequeretur nunquam posse eligi minus bonum relictū maiori, nam ratio semper iudicat maius bonum proponendum esse minori, nisi forte erraret. Atqui hoc videtur esse falsum, & contra experientiam. Sæpe enim homines ex rebus non necessarijs eligunt minus bonum, remoto etiam omni errore, & Deus ipse in quem error cadere non potest, eligit ac facit minus bonum, cum maius aliquid eligere & facere posset.

Confirmatur rursus alla ratione, quoniam sequeretur duobus æqualibus propositis bonis neutrum

A posse eligi, quoniam rectum iudicium rationis neutrum alteri preponit; at contrarium docet experientia.

Confirmatur etiam tertio, quia (vt S. Aug. lib. 12. de ciui. Dei, c. 6.) si duo sint æquæ affecti animo & corpore, & occurrant eidem rei, quæ sua pulchritudine allicere possit affectum, & eadem diaboli tentatione vterque tentetur, & tamen vnus tentationi consentiat, alter non consentiat, non potest reddi alia causa, nisi quia vnus vult, alter non vult. At si voluntas necessario sequeretur iudicium, fieri non posset, vt illo casu posito, vnus consentiret, alter non consentiret. Nam ratio idem diceret vtrique.

Confirmatur vltimo, quia sequeretur electionem non esse electionem. Nam electio est inter multa, igitur actus voluntatis, qui necessariò sequitur iudicium determinatum, non est electio, & tamen reuera est electio; igitur electio & non electio est.

RESPONDEO, Philosophus in loco citato non comparat voluntatem, quæ propriè libera est, cum potentijs non liberis; sed comparat potentias rationales, quas dicit esse scientias & artes, cum potentijs naturalibus; ac dicit potentias rationales præsente obiecto posse non operari, quia totæ pendent ab electione: operamur enim per scientias & artes, quando volumus, & cessamus quando volumus; quia videlicet in nostra potestate est, applicare hos habitus ad opus. Itaque testimonium illud Philosophi nihil pertinet ad rem.

Nec tamen inficiamus, verum esse discrimen illud inter potentias liberas & naturales, quod præsente obiecto possint liberæ non operari, non liberæ non possint. Nam liberæ potentie interdum pro obiecto habent aliquid contingens, in quo ratio boni & ratio mali simul ostenditur, ac per hoc potest libera potentia inclinari ad appetendum ratione boni, & ad non appetendum, vel etiam ad recusandum ratione mali. At potentie non liberæ semper habent pro obiecto aliquid vnum, & sub vna tantū ratione propositum, & idē non possunt operari appetēdo, vel recusando. Neque hinc sequitur, posse voluntatem non operari, præsente obiecto proposito, per vltimum iudicium rationis; quia tunc non proponitur obiectum nisi sub vna ratione; ac proinde non datur locus amplius optioni.

Ad PRIMAM confirmationem RESPONDEO, Minus bonum absolute posse eligi remoto errore, si in particulari propter aliquam circumstantiam ratio iudicet illud hoc tempore esse optimum. Quomodo Deus cum aliquid agit, non idē illud agit, quia nesciat se posse facere aliquid melius, sed quia iudicat, tunc illud maxime expedire.

Ad SECUNDAM confirmationem RESPONDEO, duobus æqualibus bonis simul propositis, posse alterum eligi, quia vel propter aliquam circumstantiam voluntas inclinabit in alterum, vel certe, vt res aliquando finatur, voluntas sinat se moueri ab altero, & tunc iudicium vltimum concludetur, & electio consequetur. Nam experientia docet, cum non possumus per rationem vnum alteri preponere, iudicari ab omnibus vtile, vt potius forte eligatur vnum, quam vtrumque relinquatur.

Ad TERTIAM confirmationem facilis est RESPONSIO, nam tamen si duo sint æquæ affecti, & occurrant eidem pulchritudini, tamen vnus, quia vollet, iudicabit esse appetendum obiectam pulchritudinem, & ita consentiet; alter, quia vollet, iudicabit esse resistendum cupiditati, & ita non consentiet. Itaque diuersa erunt iudicia vltima in illis duobus, & inde etiam diuersæ electiones.

Ad QVARTAM confirmationem RESPONDEO,

nomine

nomine electionis, non intelligi præcise actum voluntatis, qui sequitur post ultimum iudicium, sed actum illum cum conclusione ipsius ultimi iudicii. Nam ideo Aristoteles in lib. 3. Ethic. c. 3. dicit, electionem esse consultatiuam appetitionem: & in lib. 6. c. 2. dicit, esse appetitum intellectuum, vel intellectum appetituum. Et in lib. 7. c. 3. dicit, electionem esse quasi conclusionem syllogismi practici, quia videlicet accipiuntur pro vno & eodem conclusio iudicii ultimi practici & actus voluntatis, qui inde necessario sequitur. Et S. Greg. Nyssenus lib. 3. de Philosophia, c. 4. scribit, electionem esse quid compositum ex consilio & appetitu. Denique S. Thomas in 1. 2. q. 13. art. 1. dicit quidem electionem esse actum elicitem à voluntate, tamen importare etiam actum rationis, sic igitur electio, cum vtrumque actum complectatur, iudicii videlicet rationis ultimi, & approbationis voluntatis, vere est inter multa, & est simpliciter in nostra potestate, & absolute, proprièque libera.

NONVM argumentum, est contra postremam propositionem, quæ docebat libertatis radicem esse in ratione. Est autem tale argumentum. Ratio non concurrat ad actum voluntatis ut causa, sed ut conditio, sine qua voluntas non operaretur: solum enim extrinsecè obiectum illi repræsentat: radix autem veram causam significat: igitur Ratio non est radix libertatis, quæ in voluntate reperitur.

RESPONDEO, Ratio non solum repræsentat, sed etiam facit obiectum voluntatis. Nam res ipsa, quamvis in se bona, non est obiectum voluntatis, nisi à ratione iudicetur bona, & proponatur ut conueniens & expectenda. Quare non ista ratio exhibet obiectum voluntati, ut is, qui adducit ignem ad comburendum, vel qui aperit fenestram ut cubiculum illustretur: sed ut lumen quod facit colores esse visibiles actu, qui sine lumine solum in potentia erant visibiles.

Id autem ita se habere manifestum est. Nam ad solam conditionem nunquam sequitur actio: neque enim per solam apertionem fenestre cubiculum illustrabitur, si desit lumen; neque per applicationem ignis depicti fiet vera combustio: at ad solum iudicium rationis, quo res proponitur ut bona sequitur appetitio, etiam si forte res illa non sit bona. Non igitur ratio concurrat solum ut conditio applicans obiectum, sed ut causa faciens obiectum, dum rei bonæ tribuit vim quandam motiuam, & facit ut ea res sit actu expectabilis, quæ solum antea erat expectabilis in potentia.

Cum igitur potentia sumant essentiam & speciem ab obiecto, certe sequitur ut voluntas sumat essentiam & speciem à bono per rationem proposito ut conuenienti: & ideo talis sit voluntas nimirum libera, quia ratio proponit multa & varia, & ea confert inter se. Quare vera radix libertatis est ratio proponens multa, eaque conferens, ac de eis iudicans, ut supra dictum est.

CAPVT X.

Liberym arbitrium non esse potentiam tantum passiuam, nec partim passiuam, partim actiuam, sed simpliciter & absolute actiuam.

SEQVITVR ordine discutienda particula tertia definitionis, in qua indicatur actus liberi arbitrii. Igitur circa particulam illam eligendi vnum prae alio, vel acceptandi, aut respondendi; quaestio tractari solet, sitne officium liberi arbitrii agere vel pati; siue (quod idem est) sitne voluntas humana potentia

A passiva, an actiua. Tres enim de hac re præcipue Theologorum sententiae sunt.

PRIMA igitur sententia eorum est, qui voluntatem humanam passiuam potentiam esse volunt. ac docent actum voluntatis produci actiue à phantasmate, vel ab obiecto cognito, vel certe ab ipsa mente apprehendente & iudicante obiectum. Hæc sententia fuit Gottifredi quol. 6. q. 7. & ex parte Egidij quoli. 3. q. 16. & aliorum.

ALTERA sententia est eorum, qui volunt liberum arbitrium partim esse passiuum & partim actiuum, ita ut ad actionem voluntatis eliciendam concurrant ut causæ partiales, tum ipsa voluntas, tum etiam obiectum cognitum, siue ipsa ratio proponens obiectum. Ita docent Gregorius & Gabriel in 2. sent. dist. 25. quæst. vnica. Et Petrus Paludanus in 4. sent. dist. 49. q. 3. quibus accedit etiam Caiet. in 1. p. q. 80. art. 2. qui scribit, voluntatem moueri actiue à se ipsa quoad exercitium, ab intellectu autem quoad specificationem.

TERTIA sententia liberum arbitrium simpliciter facit actiuum, quæ sententia videtur esse S. Tho. in 1. p. q. 81. art. 4. de veritate, q. 22. art. 9. & 11. ad 5. & sine dubio sententia est Scoti in 2. sent. dist. 15. Henrici quodlib. 10. q. 9. & quodlib. 13. q. 11. Capreol. in 1. sent. dist. 24. & Ferrariensis in 1. li. contra gentes, c. 44. Quæ sententia verissima nobis esse videtur, propter sequentes rationes.

Nam PRIMVM S. Patres non obscure docent liberum arbitrium non esse potentiam passiuam, cum dicunt, in potestate voluntatis esse agere & non agere, velle & non velle, &c. Vide Greg. Nyssenum, lib. 7. de Philosophia, c. 1. & 2. Ioan. Damascenum, lib. 2. de fide, c. 25. & 26. Augustinum lib. 3. de libero arbitrio, c. 2. & 3.

DEINDE, actio voluntatis est actio vitalis, ac per hoc à principio interno, & vitali necessario produci-
tur. Non igitur actiue fieri potest ab aliqua re extrinseca, quale est phantasma, vel obiectum.

Ad hæc, actio voluntatis est actio immanens, igitur produci debet ab eodem illo principio, in quo tanquam subiecto recipitur: recipitur autem à voluntate, igitur à voluntate, non à ratione, aut alia quacunque re actiue produci-
tur.

PRAETerea, si liberum arbitrium esset potentia passiva, falso diceretur liberum. Nō enim est in potestate patientis, quid in ipso fiat, sed in potestate agentis est, quid in alio faciat. Qua ratione materia prima indeterminata est, atque indifferens ad multa, & tamen non est, nec dici potest libera, quoniam determinatur ab alio, non se ipsa determinat.

At (Inquies) tamen si voluntas non sit libera agendo, poterit tamen esse libera resistendo. Sæpe enim aliqua non possunt quidē agere ipsa in se, sed possunt resistendo impedire actionē aliorum. **R**ESPONDEO, si voluntas sit potentia passiva, non posse illam resistendo impedire actionē alterius. Illa enim resistendo impediunt, quæ habent contrariam qualitatem: voluntas autē non habet contrariā qualitatem, cum sit indifferēs ad contraria. Itaq; non habet unde resistat, si ex natura sua apta est pati physice ab obiecto. Quod si potentia sit actiua, & ab obiecto moueatur tanquā à fine, non tanquā ab agente, tū vere resistere poterit, ut re ipsa etiā sæpe resistit, cū variz rationes in eodē obiecto, vel varia obiecta illi demonstrantur.

Adde quod libertas voluntatis, non in eo solum posita est, quod possit resistendo prohibere, ne obiectum agat, amouendo videlicet phantasma, siue obiectum, sed etiam in eo quod præsentē obiecto & agente quod suum est, voluntas possit libere

consentire vel dissentire, ut peripicuum est ex illo exemplo, quod S. August. proponit in lib. 12. de ciuit. Dei, cap. 6.

Præterea nihil eorum, quæ nominantur ab auctoribus primæ, & secundæ Sententiæ, tale est, ut in voluntatem agere possit. Nam Phantasma in primis facile excluditur, tum quia animæ à corpore separatæ phantasmatis carent, & tamen sine dubio aliquid appetunt, atque in eo actum voluntatis exercent: tum etiam quia phantasma res est corporalis, ac per hoc in voluntatem, quæ potentia spiritualis est, vim habere non potest.

Deinde obiectum non maiore difficultate excluditur. Siquidem sæpenumero accidit, ut non sit in re, sed tantum in cogitatione, ut cum ægrotus appetit sanitatem, vel eligit sumere pharmacum, quod nondum est paratum. Quo pacto autem re ipsa in voluntatem, & quidem actiue, aliquid operabitur id, quod non est?

Ad hæc sæpe obiectum est aliquid priuatiuum, actus autem voluntatis positiuus: ut cum nolumus mortem, aut refugimus quodcunque malum. Qui autem fieri potest, ut priuatiuum sit causa efficiens positiuus, & det alteri quod in se ipso non habet?

Denique intelligentia, seu ratio proponens obiectum (quæ una superest) ab hac actione nullo negotio remouebitur: Tum quia actio intelligentiæ est immanens, ac per hoc tota recipitur in ipsa mente intelligente, nec transmitti potest ad aliam potentiam; Tum quia est causa necessaria, & idcirco tota periret humana libertas, si voluntatis actum effectiue ipsa produceret.

Sed hæc ratio postrema vtrinq; labefactari potest. Nam si ratio non potest actiue mouere voluntatem, quia intelligentia est actio immanens; eadem ratione non poterit voluntas, actiue mouere rationem aliasque potentias, quia voluntatis actio est etiam immanens. Item non videtur sequi, ut actio voluntatis non sit libera, si producat ab intelligentia, quæ est causa necessaria. Nam intelligentia non est causa integra, sed partialis: & propterea si voluntas, quæ est altera causa partialis: nolit concurrere, nulla sequetur actio, etiamsi intelligentia necessario quod suum est operetur.

RESPONDEO ad PRIMAM obiectionem, Voluntatem non mouere actiue rationem, aut alias potentias, quasi in illis aliquid imprimat: sed dici eas mouere actiue, quia est impulsio quædam totius suppositi ad opera exercenda omnium potentiarum. Itaque ipse homo quia per voluntatem desiderat vera cognoscere, se ipse impellit ad exercendam intelligentiam, & idem de aliis potentiis intelligendum est. Neque potest contra dici, hoc eodem modo actiue moueri voluntatem à ratione, ut videlicet homo, quia per rationem cognoscit bonum, se ipse impellat ad illud bonum per voluntatem amandum. Nam ratio, siue intelligentia, non est impulsio, seu inclinatio; sed potius susceptio & apprehensio: voluntas autem ex natura sua est inclinatio & impulsio non solum sui, sed etiam (ut diximus) totius suppositi.

Ad Alteram obiectionem RESPONDEO, Tunc solum partialem causam posse libere agere & non conferre vim suam, quando vtrique causa partialis immediate concurrat ad effectum producendum: non autem si altera causa alteram moueat, & per eam mediate concurrat ad opus. Exempli causa, si duo necessarii sunt ad aliquod onus ferendum, sine dubio nulla sequetur actio, si alteruter desit: etsi liberum sit vni concurrere ad onus ferendum, & non concurrere, poterit etiam libera esse actio, quamuis

A alter fortasse necessario eocurrat. At si vnus arrepta vi, manu alterius per eam litteras pingat, aut aliquid aliud agat, non erat in potestate eius qui violenter mouetur, scribere & non scribere litteras, & simpliciter scriptio erit necessaria, si is qui mouet alterum, necessario mouet. Non enim fieri potest, ut hic necessario moueat, & alter non necessario moueatur.

Iam igitur intelligentia & voluntas, si ut partiales causæ concurrant ad producendum actum voluntatis, non possunt immediate concurrere ad effectum ipsum producendum. Nam actus voluntatis est actus immanens & vitalis, ac proinde non potest immediate produci, nisi ab interno & vitali principio, immo etiam à tali principio, id est, appetitu rationali. Itaque sicut absurdum est dicere, intelligentia vult, ita quoque absurdum est dicere, intelligentia producit immediate actum voluntatis: nihil est enim aliud actus voluntatis, quam ipsum velle. Quare si villo modo intelligentia produceret effectiue actum voluntatis, certe produceret mouendo ipsam voluntatem. Ex quo sequeretur, ut periret voluntatis libertas, ut in argumento nostro posuimus, quia intelligenda est causa necessaria, & ea necessario mouente voluntatem, fieri non posset, quin voluntas necessario moueretur.

DICES, actio recipitur in patiente per modum recipientis, atque ab ea temperatur & modificatur. Itaque cum voluntas sit potentia libera, actio intelligentiæ, quamuis in se necessaria sit, tamen recipitur in voluntate libero quodam modo, ac per hoc effectus etiam liber non necessarius erit.

C RESPONDEO, Id verum esse quoad specificationem, non quoad exercitium. Quia enim actio agentis recipitur per modum recipientis, ex actione intelligentiæ in voluntate, produceretur actus voluntatis, non actus rationis: & hoc modo dabit speciem actui causa immediata non causa mediata: At quoad exercitium, non videtur intelligi posse, quomodo actio agentis necessario recipiatur libere in patiente. Nam si actio est, necessario etiam passio est: ac per hoc si intelligentia necessario mouet voluntatem, necessario voluntas mouetur, moueri autem est velle, igitur si intelligentia necessario efficit in voluntate ipsum velle, voluntas necessario vult.

CAPVT XI.

Soluntur argumenta contra doctrinam capituli superioris.

Sed iam argumenta soluenda sunt, non quidem Somnia, sed præcipua, quæ ab auctoribus contrariæ sententiæ fieri solent.

PRIMUM argumentum cum duobus sequentibus est eorum, qui existimant, voluntatem esse potentiam tantum passiuam. Sic igitur illi ratiocinantur, Omne quod mouetur, ab alio mouetur; nam alioqui simul esset in potentia & in actu, si aliquid seipsum moueret: quod enim mouet, esse debet in actu, quod mouetur, in potentia: Voluntas autem mouetur, igitur ab alio mouetur. Nihil vero est, quod verisimilius voluntatem actiue mouere possit, quam phantasmata, siue obiectum cognitum, aut ipsa ratio obiectum proponens: igitur ab his, aut aliquo horum voluntas actiue mouetur.

RESPONDEO, Illa propositio, omne quod mouetur ab alio mouetur, solet adferri tanquam à Philosopho pronunciata. sed ille nusquam scripsit, omne quod mouetur ab alio moueri. Deinde intelligentia cum se ipsa intelligit, nonne se ipsa mouet? & nonne proprium dicitur esse viuientium se ipsa

mouere?

mouere; neq; tamen inde sequitur, ut idem eadem ratione sit in actu & in potentia; erit enim in actu ratione virtutis motricis, erit in potentia, ratione termini, ad quem tendit. Hoc enim modo quod mouet ad locum, non est necesse, ut sit actu in eo loco, sed satis est si virtutem habeat mouendi ad eum locum. Et eodem modo intelligendi facultas ex cognitione principiorum, quam actu habet, mouet ipsa se ad cognitionem conclusionum, quam habet in potentia. Sic igitur voluntas ex amore finis, quem habet actu, mouet se ad amorem mediorum, quem habet in potentia; & circa ipsum finem est in actu, ratione inclinationis cuiusdam generalis ad bonum, per quam mouetur ad particularem inclinationem ad hoc aut illud bonum, & est in potentia ratione huius particularis inclinationis, quam non semper habet.

SECUNDVM argumentum. Inter mouens & motum est relatio realis; at eiusdem ad se non est relatio realis: igitur non potest esse idem mouens & motum.

RESPONDEO, Propositio non est vera in vniuersum, sed tunc solum, cum extrema sunt re ipsa disuncta. Nam cum quis se ipse intelligit, idem omnino sunt agens & patiens, & obiectum, neque inter ea relatio realis fingi potest.

TERTIVM argumentum. Potentia indeterminata debet ab aliquo determinari, igitur à se, vel ab alio: non autem à se, quia ex se est indeterminata, igitur ab alio.

RESPONDEO, Voluntas ideo libera dicitur, & est quia sic est indeterminata, ut ipsa determinare possit. Itaque non se determinat, quia est indeterminata, sed quia est actiua & libera.

QUARTVM argumentum cum ceteris est eorum, qui existimant voluntatem humanam ex parte esse actiuam, & ex parte passiuam. Adducunt igitur testimonium S. Tho. qui in 1. p. q. 80, ar. 1. scribit, voluntatem esse potentiam passiuam, respectu obiecti cogniti.

RESPONDEO, idem S. Thomas in 1. 2. q. 9. art. 3. dicit, voluntatem mouere se ipsam, & 1. p. q. 82. ar. 4. de verit. q. 20. art. 12. dicit: voluntatem moueri ab intellectu, proponente obiectum tanquam à fine. Ex quibus locis intelligimus à S. Thoma vocatam esse voluntatem potentiam passiuam, largo modo, nam & ipsum moueri ab obiecto, per modum finis, est quoddam pati, si agere & pati accipiantur pro omni genere causæ.

QUINTVM argumentum. Notitia subsistens in Deo producit actiue amorem, cum Verbum spirat Spiritum sanctum: igitur notitia quælibet etiam non subsistens, producit actiue amorem: non enim subsistentia mutare potest genus causalitatis. Quare S. Aug. lib. 15. de Trinit. c. 23. & 26. absolute pronunciat, Amorem à cognitione procedere.

RESPONDEO, Notitia subsistens producit actiue amorem, non quia notitia est, sed quia diuina est, & habet omnia, quæ habet Deus Pater, ac per hoc habet etiam voluntatem & ipsum velle Patris. Itaque eadem voluntate, qua Pater, & eadem actione Spiritum sanctum producit. Quod autem S. Aug. dicit, si de diuina cognitione accipitur, eodem modo intelligendum erit: si de cognitione in vniuersum, tum dicemus à cognitione produci amorē: quia bonum cognitū est causa finalis, & obiectiua amoris. Quicquid enim amamus, ideo amamus, quia intelligimus esse bonum, & naturæ nostræ conueniens.

SEXTVM argumentum. Ratio per vltimū iudicium practicum trahit voluntatem, & eam quodammodo rapit ad opus: sic etiam cum primum terribile aliquid occurrit animo, non possumus non ti-

mere: & cum aliquid valde iucundum, non possumus non lætari: igitur saltem in huiusmodi ingenia actiue voluntatem mouet.

RESPONDEO, voluntas mouetur necessario à iudicio vltimo rationis, & à repentinis occurribus rerum magnarum, non quod ratio actiue moueat, sed quia voluntas in huiusmodi habet se per modum causæ naturalis, quæ præsentē obiecto, non potest non agere.

SEPTIMVM argumentum. Si voluntas ad præsentiam extrinsecam obiecti, se ipsa actiue moueret, non posset reddi ratio cur non essent omnes eius actus eiusdem speciei, talis enim est effectus, quale est principium formale in ipso agente: cur igitur, si formale principium in voluntate est vnum, id est, natura voluntatis, non sunt omnes effectus eiusdem speciei? Item si voluntas ad præsentiam extrinsecam obiecti per se operatur, cur non etiam mens ad præsentiam obiecti cognoscit, nisi speciem ab illo recipiat? cur item sensus non cognoscit sine immutatione actiua ab obiecto? cur ligna non se ipsa comburunt ad præsentiam ignis?

Ad explicationem huius difficultatis, SECUNDVM est, in omni actione requiri quatuor causas, Materiam, siue subiectum; Efficientem; Formam; & Finem; ex his autem Materiam & Efficientem, & rursum Formam & Finem aliquando idem & vnum esse. Nam cum actio est immanens, idem est Efficientes & subiectum; in rebus vero naturalibus idem est finis & forma: efficiens enim id propositum habet, ut effectum producat similem suæ formæ. In his autem quæ fiunt ex arte, finis, & forma non sunt idem. Nam non intendit qui facit aliquid ex arte producere effectum similem arti, per quam agit, sed ideæ, quam gerit in mente.

Iam igitur in actu voluntatis subiectum est ipsa voluntas, efficiens, eadem voluntas. Nam (ut diximus) actus voluntatis est immanens, qui necessario in eo recipitur, vnde procedit. Forma intrinseca, per quam voluntas agit, est inclinatio quædam naturalis ad bonum, in qua virtute includuntur omnes particulares inclinationes, & est ipsa quasi semen quoddam, vnde prodeunt omnes volitiones. Sed quoniam ista inclinatio generalis ex se indifferens est ad multa, propterea requiritur alia forma extrinseca, quæ determinet priorem quoad specificationem, & hæc est obiectum ipsum mente conceptum & iudicatum ut conueniens, quod etiam finis est actionis. Tendit enim actio voluntatis ad acquisitionem obiecti. Est autem hæc actio voluntatis valde similis motui locali animalium, in quo videmus efficiens, & subiectū esse idem, formam intrinsecam esse vim motricem, Finem autem esse ipsum (Vbi) extrinsecum, & ab eo specificari motum.

Sciendum est præterea, ab obiecto in mente concepto, specificari quidem (ut diximus) actionem voluntatis, sed tamen specificari finaliter non actiue. Nam non potest in re distingui gradus specificus à generico, quasi possit aliquid actiue concurrere ad producendum effectum, quoad gradum specificum, nisi concurrat ad eundem effectum producendum etiam quoad gradum genericum. Eadem enim entitas est substantia rei & species rei. Itaque actus voluntatis specificatur ab obiecto, sed non producitur villo modo actiue ab obiecto: quæadmodum & motus localis specificatur à loco, siue ab (Vbi) à quo tamen nulla ratione producitur.

Ex his ad argumentum propositum Respondemus, actus voluntatis esse diuersarum specierum, quia diuersa sunt obiecta, ad quæ per inclinationem

voluntas fertur. Neque id est proprium voluntatis, sed commune est nō solum motui ad locum (vt iam diximus, sed etiam actibus intelligentiæ & omnium sensuum: specificantur enim illi omnes nō à forma intrinseca ipsarum potentiarum, sed ab obiectis. Commune quoque est omnibus artificiatis, & (si quid aliud est) in quo finis non coincidat cum forma intrinseca ipsius agentis.

Ad ALIVD de intelligentia & sensibus quæ non operantur ad solam præsentiam obiecti, nisi ab illo aliquid recipiant, RESPONDEO, Rationem discriminis esse in promptu. Nam potentiæ apprehensivæ non sunt in actu primo, nisi recipiant similitudinem obiecti, & ideo sunt ex natura sua potentiæ partim passivæ, partim activæ: appetitivæ autem potentiæ sunt in actu primo per inclinationem generalem ad bonum. Et ideo simpliciter sunt activæ, & se ipsæ mouent ad præsentiam obiecti, quamvis ab eo nihil recipiant.

Ad ILUD de lignis, quæ non se ipsa comburunt ad præsentiam ignis, facilis RESPONSIO est. Nam ligna non continent vim comburendi, neque virtute, neque actu, voluntas autem continet virtutem, per quam omnia bona potest appetere. Atque hæc de ista quæstione sufficiant.

CAPVT XII.

Per liberum arbitrium non expeti mala, sed bona.

SEQUITUR disputatio de obiecto liberi arbitrii, propter illam particulam definitionis, in qua dicebamus liberum arbitrium esse eorum, quæ ad finem aliquem ducunt. Erit autem Tripartita tractatio: PRIMVM enim quæremus, Vtrum ad obiectum liberi arbitrii pertineant bona & mala, an solum bona. DEINDE, an bona & præsentia, & futura, an futura tantum. DENIQUE an solum media ad finem, an etiam ipse finis.

DE PRIMA quæstione pauca dicenda erunt. Nam tamen Gulielmus Oxam in lib. 3. Sent. q. 13. dub. 3. scripserit, voluntatis obiectum esse Ens, quod bonū & malū comprehendit; ac per hoc posse voluntatem fieri in malū sub ratione mali: tamē communis sententia Theologorum est, voluntatis obiectum proprium & primarium esse bonum, siue aliquid apprehensum sub ratione boni; malum autem non pertinere ad obiectū voluntatis, nisi secundario & per accidens, quatenus videlicet malum nolumus, & ideo nolumus, quia bono, quod per se volumus contrarium est. Id quod tum alii permulti, tum præcipue S. Thom. docet, in 1. p. q. 10. art. 1. Item in 1. 2. q. 8. art. 1. & in lib. 3. contra gentes, c. 16. & 17.

Rationes pro hac vera communique sententia hæc sunt, PRIMA est auctoritas. Sic enim docent ex nostris, Clemens Alexandr. lib. 1. Stromatum, pag. 65. Dionys. in lib. de diuinis nominibus, c. 4. August. lib. 2. Confess. c. 6. Boëtius lib. de Consolatione. Damasc. lib. 2. de fide, c. 12. & ex externis, Aristoteles, li. 1. Ethic. 1. & Seneca in lib. de beneficiis, c. 7. Deinde sunt hæc argumenta.

PRIMVM, inclinatio voluntatis in suum obiectum est naturalis, igitur auctor eius est Deus. Quare non potest esse nisi bona. At si obiectum voluntatis esset malum, & inclinatio eius esset mala: imo esset inclinatio in perniciem propriam: quod sine dubio naturali inclinationi repugnat, proinde esset naturalis, & non naturalis: à Deo & non à Deo; quæ sunt contradicentia.

SECUNDVM, Ens, vt omnia omnino comprehendit, est proprium obiectum intelligentiæ, non igitur esse potest obiectum voluntatis. Neque enim diuer-

farum potentiarum idem obiectum esse potest.

TERTIVM, Voluntas magis appetit id quod est vtilius appetenti, quam quod est in se præstantius, vel nobilius. Quis enim non multo malit vnum aureum nummum, quam decem muscas, aut viginti culices: igitur obiectum voluntatis non est Ens absolute: sed bonum & conueniens.

QUARTVM, obiectum appetitus non potest esse nisi id, quod est appetibile. At bonum est, quod omnia appetunt, vt scribit Philosophus initio primi libri Ethicorum. Igitur bonum proprie est obiectum voluntatis.

Sed videamus quid contra aduersarius adferat. Argumentum Gulielmi non est nisi hoc, si quis non possit, velle malum, & nolle bonum; non poterit mereri & demereri circa hos actus, quod videtur absurdum. Nam si Christianus iudicet malum esse colere idola; non poterit velle colere idola, ac proinde non poterit circa hoc peccare & demereri: & similiter non poterit mereri detestando cultum idolorum: quia circa quod non possumus demereri, circa idem nec possumus mereri.

RESPONDEO, poterit Christianus velle colere idola, tamen si iudicet id esse malum absolute, quia poterit iudicare id esse bonum sibi, vel ad euadenda tormenta, vel ad conciliandam sibi gratiam Ethnicorum, vel alia quacunque de causa. Quod si quis apprehendat cultum idolorum solum sub ratione mali, non poterit quidem illum velle, tamen mereri poterit & demereri, quoad exercitium actus, qui poterit non detestari eum actum, quando tenetur detestari: poterit etiā detestari, quādo libere posset non detestari, & hoc modo demerebitur vel merebitur.

Præter hoc argumentum solent proponi alia quatuor argumenta. PRIMVM est ex Scriptura, quoniam Eccl. 15. Ante hominem vita & mors, bonum, & malum. Quod placuerit ei, dabitur illi. RESPONDEO, Bonum potest reici, quia potest apprehendi sub ratione mali; & malum potest eligi, quia potest apprehendi sub ratione boni. Atque hoc solum est, quod docet Ecclesiasticus.

SECUNDVM argumentum ex Augustino & Bernardo, scribit enim S. August. in lib. confess. c. 4. se in furto non amasse nisi peccatum. Et S. Bernardus serm. 35. ex paruis, scribit, Diabolum, & alios quosdam diligere malum, quia est malum. RESPONDEO, S. August. explicat in eodem lib. c. 9. se amasse in eo furto ipsum peccatum, sed sub ratione boni delectabilis, quia videlicet gaudebat cum aliis sociis suis fallere vicinum suum. Ad quem modum intelligendum est etiam quod scribit S. Bernard. Diabolus enim diligit malum nostrū sub ratione boni sui, existimat enim sibi vtile esse, si multi pereant.

TERTIVM argumentum, Intelligentia cognoscit verum & falsum: cur igitur & voluntas non velit bonum & malum? RESPONDEO, Intelligentia apprehendit verum & falsum; sed cum iudicandum est, vero consentit, à falso dissentit. Porro voluntas sequitur intelligentiam non simpliciter vt apprehendentem, sed vt iudicantem. Idcirco sicut intelligentia veritati consentit: à falso dissentit; ita voluntas eligit bonum, reiecit malum.

QUARTVM argumentum, potest voluntas, nolle bonum sub ratione boni, quia potest Deum, qui summum ac purum est bonum, odio habere, sicut eundem potest diligere; igitur potest etiam velle malum sub ratione mali; siquidem, nolle bonum, & velle malum, eiusdem rationis sunt. RESPONDEO, potest quidem voluntas humana Deum odisse, sed sub ratione mali, id est, grauis & incommodi. Sic enim

impu Deum cogitant, iudicem seuerum. Et quia nollent pœnas dare scelerum suorum, ideo Deum esse, vel certe omnia scientem, & omnipotentem esse nollent. Quare negandum est posse voluntatem nolle bonum sub ratione boni, sicut etiam contra velle malum sub ratione mali. Sed de his hucusque dictum sit.

CAPVT XIII.

Libertum arbitrium esse tum præsentium, tum futurorum.

ALTERA quæstio circa obiectum liberi arbitrii est, Vtrum libertum arbitrium sit etiã præsentium, an tantũ futurorum: hoc est, habeat ne homo in potestate actiones suas futuras tantũ, an etiã præsentis. Tres enim de hac re sententiæ esse videntur.

PRIMA Petri Lombardi in li. 2. sent. dist. 35. Item Guilielmi Okam & Gabrielis in 1. sent. dist. 38. qui docent, actiones præsentis esse necessarias, quoniam id omne quod est, dum est, necesse est esse, proinde solum futuras in potestate esse liberi arbitrii.

ALTERA sententia est Gregorii Ariminensis, in 1. sent. dist. 39. qui censet inchoationẽ actionis etiam in præsentis liberã esse posse, tamen continuationem aliquam omnino esse necessariã. Nam etiam si possit aliquis non inchoare actionem, & ideo libera sit inchoatio: tamen si inchoetur, non potest illo ipso puncto temporis definire, quia esset & nõ esset, quia sunt contradicentia, si in illo ipso instanti desineret, in quo primum existit: nec potest in proximo etiam instanti desinere, quia non inueniuntur duo instantia immediata: igitur necessario ad tempus aliquod continuabitur.

TERTIA sententia communior in scholis, ac sine dubio verior est, quam præter ceteros explicant & tuerentur Ioan. Scotus in 1. sent. dist. 3. Capreolus in 2. dist. 25. Et Heruzus quodlib. 1. qu. 1. dub. 6. Habet igitur hæc sententia, libertum arbitrium in potestate sua non solum futuras actiones habere, sed etiam præsentis, nec tantum inchoationem, sed etiam continuationem.

Probaturs pars prior. Nam si libertum arbitrium non esset præsentium, sequeretur, vt nec posset esse futurorum. Non enim veredici potest, hoc libere fieri, si in præsentis non potest vere dici hoc libere fit. Sed neque vere dici poterit, hoc libere factum est: si non potuit in præsentis vere dici, hoc libere fit. Itaque tota peribit libertas.

DEINDE, si præsentium actionum nulla esset vera libertas, Deus non esset vere liber, quippe cui nihil est præteritum, nihil futurum. Hoc autem falsum, atque absurdum esse suo loco postea demonstrabimus.

TERTIO sequeretur, Christum in primo instanti conceptionis, & Angelos in primo instanti creationis, neque boni aliquid meruisse, neque mereri vlla ratione potuisse, quod certe doctrinæ scholarum minime consentaneum esse videtur.

QUARTO, Illud quoque efficeretur, vt nunquam pijs operibus aliquid mereremur. Non enim meremur quando nihil agimus, vt notum est, neque meremur quando aliquid agimus, quia non libere agimus, si ad præsentia non est libertas, nunquam igitur meremur.

DENIQUE accedit & illud absurdum, vt qui peccant, tunc minime peccent, quando maxime peccant; nam tum maxime peccat quis, cum est in ipso actu & ardore peccati, at si præsentium non est libertum arbitrium, ille qui actu peccat, non libere peccat, proinde nec peccat. Quo argumento pro-

Abitur etiam pars illa posterior de continuatione. Nam si necessario continuari debet actio, & in ipsa continuatione non est libertas; sequitur, hominem per aliquod tempus bene operando non mereri, & male agendo non peccasse. At certe valde absurdum est, vt bona vel mala actio, per hoc solum quod perseverat & continuatur, desinat esse bona vel mala.

Neque argumenta contraria aliquid efficiunt. Obijciunt enim **PRIMO** sententiam illam Philosophi, *Omne quod est, dum est, necesse est esse*, lib. 1. de Interpretatione cap. ult. Sed facilis est **RESPONSIO**, loquitur enim Philosophus de necessitate conditionata, non de absoluta. Quemadmodum enim si quis dicat, si homines inter se disputant, necessario loquuntur, disputant autem, igitur necessario loquuntur: illa propositio necessario loquuntur, non intelligitur absolute, sed ex hypothesi, in hunc sensum, posito quod illi disputent, fieri nõ potest, quin loquantur: absolute tamen libere loquuntur, non necessario: quia poterant pro arbitrio dispositionem non inchoare, & inchoatam eadem possunt libertate dimittere: sic etiam cum dicimus, Id quod est, quando est, necessario est, de necessitate conditionata, non, de absoluta accipi debet: Siquidem actio, si libera sit, non potest quidem non esse, quando est, tamen absolute non necessario, sed contingenter fluit à sua causa, & in quolibet momento potest interrumpi & dimitti. Posset etiam per aliam distinctionem argumentum solui. Nam id quod fit, potest considerari **DVOVS** modis, **VNO** modo, vt est iam in se, & extra causas suas, & hoc modo ipsum fieri, transijt in factum esse, & præsens in præteritum, & ideo non potest res illa non esse, dum est, quia non potest non facta esse, quæ facta est: **ALIO** modo, vt fluit à causa, siue vt habet ordinem ad causam, & hoc modo, si causa est libera, aut contingens, potest res illa non esse, & contingenter est, non necessario, quia videlicet ordinem ad causam non necessariam, sed contingentem habet.

Obijciunt **SECUNDO**, Libertum arbitrium eorum esse quorum est consultatio, ac consultationem non præsentium, sed futurorum esse: igitur & libertum arbitrium, non præsentium, sed futurorum esse. **RESPONDEO**, libertum arbitrium non solum esse eorum, quorum est consultatio, sed etiam eorum, quorum fuit consultatio, & ipsius quoque consultationis. Nã & libere in præsentis cõsultamus de futuris: & libere eligimus in præsentis, quod antea cõsultauimus.

Obijciunt **TERTIO**, non posse in eodem instanti aliquid fieri, & desinere, quia simul esset, & non esset, quæ sunt contradicentia, & rursus nõ posse desinere in proximo instanti, quia non datur proximum instans: proinde necessario actionem esse cõtinuandam ad aliquod tempus, ac per hoc actionem, dum continuatur non esse liberam, sed necessariam. **RESPONDEO**, Non posse quidem in eodem instanti aliquid esse, & non esse, tamen posse in eodem instanti incipere & desinere. Quia quæ desinunt in instanti, in quo fiunt, incipiunt per primum sui esse, & desinunt per vltimum sui esse.

Itaque non dicitur de eiusmodi rebus, hæc res nunc est, quia incipit esse: & nunc non est, quia desinit esse, sed dicitur: hæc res nunc est, quia incipit esse, & post hoc non erit, quia desinit esse. Porro multa esse quæ non cõtinuantur, sed in eodem instanti pereunt, in quo nascuntur, perspicuum est ex ipsis instantibus in tempore, & mutatis esse in motu. Actiones etiam spirituales omnes, & ipsam illuminationem corporalem in instanti fieri, & per primum sui esse incipere, ac per vltimum sui esse desinere,

notissimum est. Nihil igitur argutiae Ariminensis contra veritatem efficiunt.

CAPVT XIV.

Liberum arbitrium non esse finis: sed mediorum ad finem.

POSTREMA quaestio est, sit ne obiectum liberi arbitrii finis, an id quod est ad finem, siquidem Philosophus in lib. 3. Ethic. c. 2. & 3. non semel repetit electionem & consultationem non esse finis, sed mediorum tantum ad finem: Nemo enim, (ut ipse dicit) *consultat, an debeat esse felix, neque eligit salutem, sed consultat de mediis: & ex his illa eligit, quae optima videntur esse ad salutem assequendam.*

Contra autem S. Ioan. Damasc. in 2. lib. de fide, c. 22. scribit, hominem non solum libere consultare & eligere, sed etiam libere appetere & velle. Appetere autem & velle proprie ad finem pertinere videntur. Nam ex appetitione & voluntate finis mouemur ad quaerenda & eligenda media. S. etiam Thom. in 1. 2. qu. 10. art. 2. docet, hominem esse liberum, quoad exercitium, etiam circa appetitionem summi boni.

Denique non videtur posse in dubium reuocari, quin libere diligamus Deum, qui est summus atque vltimus finis, quandoquidem amor Dei est actus maxime meritorius, & ei corona vitae, tanquam merces parata est, dicente Apostolo Iacobo, *Accipiet coronam vitam, quam reponisit Deus diligentibus se*, Iac. 5.

SED res est facilis, nam si consideremus quidquid aliquo modo pertinet ad liberum arbitrium, tunc non solum media, sed etiam finis ad liberum arbitrium pertinebit: siquidem intentio finis libera esse potest, ut Damasc. recte docet. Si vero consideremus praeceptum actum liberi arbitrii, qui est electio, tunc sola media, non autem finis ad liberum arbitrium pertinebunt, ut Aristoteles probat. Ceterum saepe finis induit rationem medii, & eo modo ad obiectum liberi arbitrii pertinere potest. Et quidem in finibus subordinatis nemo nescit, quin vnum & idem nunc finis, nunc medii rationem habeat, ac per hoc res eadem, ut finis, sub consultationem & electionem non cadat, ut medium, cadat. Exempli causa sanitas finis est medicinae. Propterea non consultat medicus, an expediat curare aegrotum, neque eligit sanitatem, sed appetit, atque intendit sanitatem, & ex amore huius finis mouetur ad quaerenda media, & eligenda pharmaca. Iudex autem cuius finis non est sanitas privati hominis, sed pax & incolumitas: consultat non solum de sanitate, sed etiam de vita priuatorum hominum, an videlicet utile sit certos homines membrorum truncatione, aut etiam morte multare pro pace & salute ciuitatis. Porro magnus aliquis Princeps, qui multis ciuitatibus imperat, non habet pro fine pacem vnius ciuitatis, sed regni totius incolumitatem, ac proinde consultare poterit aliquando, utrum expediat ad regni totius conseruationem ciuitatem aliquam rebellem penitus euertere ac delere.

Quod autem attinet ad vltimum finem, non potest ille quidem induere rationem medii, sed potest tamen appetitio eius esse medium ad eundem finem assequendum. Itaque desiderium felicitatis dum peregrinamur a patria, liberum est quoad exercitium, & ipsa dilectio Dei, medium est aptissimum ad assequendam beatitudinem. Atque hac ratione omnia conciliantur, quae initio patum inter se coherere videri poterant.

SED existit non exigua dubitatio de primo amore finis, qui in voluntate oriri coepit, cum ipsa ab actu omnino cessaret, an videlicet ille etiam amor sit liber, an vero necessarius. Tres enim Theologo-

rum sententiae numerantur, dux extremae, tertia media.

PRIMA Scoti & Henrici est, ille enim in quodlib. 21. nic in quodlib. 12. q. 26. docent, primum actum voluntatis, sine primum amorem finis non solum elici à voluntate, sed etiam simpliciter esse liberum.

ALTERA sententia in altero extremo est Capreoli, qui eam S. Thomae etiam attribuit. Capreolus igitur in 2. sent. dist. 24. q. 1. art. 3. & 8. & dist. 25. q. 1. art. 3. ad 7. docet, primum actum voluntatis esse quandam complacentiam actualem erga bonum in vniuersum, eamque ita fieri à solo Deo, ut ad eam voluntas, non nisi passiuè concurrat.

TERTIA sententia plane media, & meo iudicio verior est Cajetani in 1. 2. q. 9. art. 4. Et Ferrariensis in lib. 1. contra gentes, c. 23. & in 3. c. 89. qui docent, primum actum voluntatis fieri efficienter ab ipsa voluntate, sed tribui Deo auctori, quoniam sic naturalis, & sequatur ex inclinatione illa naturali, quam Deus in voluntate impressit: ad eum fere modum quo graui & leui dicuntur moueri à generante. Et haec sententia videtur esse vere S. Thomae in 1. 2. q. 6. art. 4. & 6.

Et quidem primum actum voluntatis elici actiue ab ipsa voluntate, contra Capreolum, facile probari potest, quoniam si complacentia illa est actualis, ut is fatetur, certe erit actus voluntatis: si actus voluntatis, certe immanens & vitalis, ergo ab ipsa voluntate actiue procedet.

PROPTER hanc rationem idem Capreolus in eadem q. 1. dist. 25. art. 3. in responsione ad 1. Henrici, contra 2. conclusionem, dicit, complacentiam illam non esse actum secundum (fatetur enim omnem actum secundum elici actiue à voluntate) sed actum primum. Et si quidem per actum primum intelligeret inclinationem naturalem, quae semper est in voluntate, facile cum aliis S. Thomae sectatoribus conueniret: sed cum addit in eodem loco, actum istum primum nunquam esse sine actu secundo, aperte significat per illam complacentiam actualem intelligendum esse aliquid superadditum inclinationi naturali, quod imprimatur à Deo in voluntate quotiescunque illa est proditura in actum. Istud autem superadditum, videtur omnino gratis excogitatum, & cum non sit potentia, neque habitus, neque actus, vix intelligi potest quid sit.

IAM vero primam appetitionem finis esse naturalem, & Deo auctori tribuendam, hac ratione probat egregie S. Thomas: Omne quod agit, agit propter finem, siue ex appetitione finis: ergo quando voluntas mouet se & agit, ex appetitione finis se mouet & agit: ergo antequam se moueat & agat, debet habere appetitionem finis: ergo ad primam finis appetitionem non se ipsa mouet, neque proprie agit, sed mouetur & agitur ab auctore natura, per naturalem inclinationem voluntati impressam. Alioqui enim si ad primam appetitionem finis se ipsa moueret & ageret, deberet ex alia appetitione finis se mouere & agere, & sic daretur appetitio prior prima, vel certe procellus in infinitum.

Et confirmatur haec ratio à simili. Nam intelligentia dicitur agere & se mouere, cum ex principis per proprium discursum indagat conclusiones: at cum ipsa principia cognoscit, non dicitur proprie agere, aut se mouere, quia non per discursum inuestigat eorum principiorum cognitionem, sed illam habet ex naturali lumine à Deo creatore impresso: sic igitur & voluntas proprie agit, cum ex amore finis per consilium eligit media ad assequendum finem: non autem eum ipsum finem ex naturali inclinatione sibi à Deo indita, incipit appetere.

At contra Obiiciunt aliqui, si volūtas ad primam appetitionem finis moueatur à Deo, sequi, vt actus ille sit naturalis, ac per hoc non sit liber: id autem repugnat non solum experientia, sed etiam ipsi S. Thomæ doctrinæ. Nam in 1. p. q. 63. ar. 5. concedit S. Thomas, in primo instanti suæ creationis, Angelos meruisse apud Deum: non est autem meritum, vbi non est libertas. **R S P O N D E O**, Primus actus voluntatis naturalis dicitur, & à Deo, quia nascitur ex naturali inclinatione, non ex appetitione actuali finis: tamen idem actus liber esse potest, quoad exercitium, ac proinde in tantum liber, in quantum requiritur ad meritum. Nam idem S. Thomas in 1. 2. q. 10. ar. 2. docet, quoad exercitium in hac vita, hominem esse liberum, respectu cuiuscumque obiecti, etiam si sit ipsum bonum in communi.

Obiiciunt **S E C V N D O**. Nullum fore discrimen inter animalia & inanima, si ipsa etiam humana voluntas non se ipsa moueat, cū elicit actum suum, sed moueatur à Deo eo modo, quo grauiā & leuiā mouentur à generante. **R S P O N D E O**, discrimen inter animalia & inanima, non est querendum in primo actu (quamuis & in eo non desit aliqua differentia) in quo animalia operantur per modum naturæ, sed in sequentibus actibus. Nam præhabita cognitione & appetitione finis, animalia per se querunt modum acquirendi illum finem: inanima vero, quæ non cognoscunt, neque appetunt proprio aliquo actu finem, non possunt per se querere modum acquirendi finem, sed sicut naturaliter inclinantur ad suum finem, sic etiam naturaliter ad illum feruntur ab illo acta & mota, qui naturam eis dedit.

Inter animalia vero rationis expertia & ratione prædita hoc interest, quod tamen si vtraque naturaliter appetat finem quoad specificationem; tamen rationis expertia naturaliter eum appetunt, etiam quoad exercitium: ratione prædita quoad exercitium appetunt libere. **I T E M**, quod ex amore finis animalia rationis expertia se mouent ad media, quæ ducunt ad illum finem motu animali, & sine deliberatione; ratione prædita, motu rationali, id est, cum consilio & collatione mediocum, ac per hoc cum deliberatione & electione.

CAPVT XV.

Subiectum liberi arbitrii non posse esse nisi naturam intelligentem.

DISCUTIENDA nunc est illa particula definitionis (*intelligentis naturæ*) quæ breuiter explicat subiectum liberi arbitrii, id est, quæ res prædita sint libero arbitrio.

Sex omnino sunt res, quæ in questionem venire possent, res inanimæ, plantæ, bestię, homines, Angeli, Deus. Ac vt certa separemus à dubiis. **PRIMUM**, extra controuersiam est, nihil eorum, quæ cognitione carent, siue sint inanima, vt elementa & lapides, siue animata, vt herbas & plantas, liberum arbitrium habere posse. Neque enim fieri potest, vt non careant libero arbitrio, quæ omni arbitrio carent.

DEINDE certum est, animantia rationis expertia prædita esse quadam imagine, & quasi adumbratione liberi arbitrii, non tamen vero propriè; dicto libero arbitrio prædita esse bestias imagine quadam liberi arbitrii, quæ liberum arbitrium metaphoricè nominari possit, perspicuum est ex eo, quod earum appetitio aliquo modo est indifferens ad multa, non ita ad vnum tantum alligata, vt potentia calefactiua ignis ad calefaciendū & similes. Deinde, quod quasi iudicio quodam vti videntur. Quæ enim in campis

A vnam herbam carpunt, aliam negligunt, lupum fugiunt, canem sequuntur; equi & canes terrentur minis, alliciuntur blanditiis. Denique quod non solum iudicium, sed quædam etiam miram prudentiam & sagacitatem præ se ferant in operibus suis, vt aranea, formica, apis, hirundo, & alia. Quocirca Plutarchus opusculum quoddam inscribere ausus est, quod animantia bruta ratione vtantur: Laurentius autē Vallā, non per iocum, vt Plutarchus, sed serio bestiis rationem attribuit in sua Dialectica, c. 9. attributurus iisdem sine dubio etiam liberum arbitrium, nisi illud hominibus denegasset.

B Cæterum carere bestiis omnes libero arb. propriè dicto, testatur Philosophus in 2. li. de anima, tex. 157. testatur Greg. Nyssenus in 1. li. de Philosophia, c. 1. Et in 1. 5. c. 4. testatur omnes Theologi & Philosophi, quos longum esset, minimèq; necessarium huc adducere. Testatur ipsa diuina Scriptura in Ps. 31. cum ait: *Nolite fieri sicut equus & mulus, quibus non est intellectus*. Et in Ps. 48. *Comparatus est iumentis insipientibus, &c.* Testatur denique etiam ratio. Nam potentia suprema, quæ est in bestiis, siue imaginatio, siue æstimatione nominetur, corporalis ac materialis est, proinde perungere non potest ad cognitionem vniuersalem, quæ fundamentum est ratiocinationis, neque potest reflecti ipsa in se & iudicare de suo iudicio, quod est fundamentum libertatis.

C Neq; his repugnat, quod earum appetitio videatur indifferens ad multa. Nam indifferencia illa determinatur per naturale iudiciū, cui reluctari non queunt; Et quæadmodum homines in certis reb⁹ habent conditionalem necessitatem, sed absolutā libertatem: sic etiam cōtrā, bestię habent conditionālē libertatem, & absolutā necessitatem. Possunt enim hoc potius, quā illud appetere, si æstimatione eorū ita iudicet, sed æstimatione necessario iudicat vñ. Habent enim bestię à natura determinata iudicia, neq; possunt vnum conferre cum altero, vt supra diximus. Atq; hinc nascitur, vt omnia animantia eiusdem generis, sem per eodem modo operentur. Omnes enim oues lupos fugiunt: omnes hirūdines eodē modo nidificant. Omnes apes eodem modo mellificāt, omnes araneæ eodē modo insidiantur muscis, omnes formicæ eodem modo grana recondunt, neq; præterea aliud norunt.

D At (inquiunt) terreti minis, atq; allici blanditijs, videtur esse manifestum iudicium rationis. Sed non ita est. Illud enim oritur ex eo, quod ex memoria verberum, aut beneficiorum, cognoscunt aliquid boni, vel mali sibi demonstrari, & non possunt id non cognoscere & æstimare, aut iudicium eiusmodi non sequi.

Ad hæc certum est, hominem absolute consideratum esse liberi arbitrii. Neque enim hæretici de hac re contendunt, sed solum de homine per peccatum primi parentis, de statu suo deiecto, de qua re in sequenti lib. disseremus. Perspicuum est autem illud Ecclesiastici testimonium, c. 15. *Reliquit hominem in manu consilij sui, &c.*

E Neque minus est certum, Angelos libero arbitrio præditos esse, præsertim si absolute secundum naturam suam considerentur, ante confirmationem in bono, vel obfirmationem in malo. Nam in primis litteræ sacræ de Angeli ita loquuntur, vt de rebus intelligentibus, vt constat ex Gen. cap. 18. & 19. ex Tob. cap. 12. ex Luc. c. 1. & 2. & ex alijs plurimis locis. Vbi autem intelligentia est, ibi sine dubio & libertas est. **DEINDE**, Scriptura testatur, Angelos esse naturæ præstantioris quam homines, Ps. 8. *Minuisti eum paulo minus ab Angelis*. Igitur si homines libero arbit. præditi sunt, cur non multo magis Angeli?

inepte loquutum esse dicamus. Voluit enim Christus dicere, se libere, non autē coactum subire mortem. Id autem demonstrat ex eo, quod poterat à patre præsidium multorum millium Angelorum impetrare. Quæ Christi demonstratio nihil valebat, si Pater non poterat velle mittere præsidium, quod petebatur. vide Hieronymum & Chrysostomum in comment. ad hunc locum.

Mar. 14. *Abba Pater, omnia tibi possibilia sunt, transfer calicem hunc à me.* Perspicuum est ex hoc loco, possibile Deo fuisse transferre calicem passionis à Christo, quod tamē factum non esse scimus. Rom. 1. Reprehendit Apostolus gentiles, quod cum Deum cognouissent, non sicut Deum glorificauerunt, aut gratias egerunt: at non debetur gratiarum actio nisi ei, qui libere agit, & beneficia præstat, cum possit non præstare: igitur Deus libere agit, & libere procurat res humanas.

Accedant nunc testimonia Patrum, S. Greg. Nazianzenus in epist. priore ad Chlidonium: *Afferunt, inquit, Deo possibile esse, hominem etiam sine mente saluare. Possibile etiam sine carne, solo velle.* Vbi S. Greg. respondet obiectioni Apollinaristarū, qui dicebant, Christo in incarnatione defuisse mentem humanam: Verbum enim pro mente fuisse. Id autem probabāt, quia possibile erat Deo saluare genus humanū, etiā si mentem non assumpsisset: respondet (inquam) Gregor. possibile Deo fuisse saluare genus humanum, etiam si non solum, mentem, sed etiam carnem non assumpsisset. Sola enim voluntate sine incarnationis mysterio potuit Deus mūdum instaurare. Fecit igitur Deus ex Gregorij sententia id quod potuit non facere: proinde non necessario, sed libere fecit.

S. Greg. Nyssenus, in lib. de Fato, cap. vlt. *Non enim, inquit, sub necessitate est Deus, neque voluntatem eius seruire necessitati, fas est dicere. Etenim necessitatis est conditor. Et infra: Omnipotens, inquit, neque natura necessitate, neque legis prescripto operatur, sed sunt illi omnia contingentia, etiam necessaria.*

S. Ambrosius in 2. lib. de fide, c. 3. *Hæc operatur, inquit, unus & idem Spiritus sanctus, diuidens singulis prout vult, id est, pro libero voluntatis arbitrio, non pro necessitatis obsequio.*

S. Augustinus in Enchirid. cap. 95. *Tunc, inquit, in clarissima luce sapientie videbitur, quam multa possit (Deus) & non velit: nihil autem velit, quod non possit.* Et in lib. 13. de Trin. c. 18. dicit, Deū potuisse sumere carnem aliunde, quā ex Adam: & tamē hoc maluisse. In li. de natura & gratia, c. 17. dicit, Christum potuisse resuscitare Iudam à morte spiritali, quo modo excitauit Lazarum à morte corporali, nec tamen fecisse. In lib. de bono perseverantiæ, ca. 8. & 9. dicit, Deum facere posse ut omnes perseverarent usque in finem: nec tamen facere. Petrus autem Damianus in epist. 4. ad desiderium, quæ est de omnipotentia dei, probat Deum multa posse facere quæ non vult facere, nec facit.

Adde etiam testimonia Hieronymi, Chrysostomi & Theophylacti supra citata. Probat hoc idē ratione fundata in diuinis litteris. Qua ratione vitur Nyssenus loco citato libro de fato prope extremo. Multa Deus operatur præter ordinem naturæ, ut cum Solem stare fecit ad vocem Iosue, & eundem retrocedere ad preces Isaiæ; & obscurari tempore plenilunii ob mortem Saluatoris; Item cum Virgini partum, cæcis visum, surdis auditum, mortuis vitam donauit. At si Deus operaretur ex necessitate naturæ, semper eodem modo operaretur, nec posset nunc seruare naturæ ordinem, nunc immutare; igitur libere operatur, & pro arbitrio agit, non vlla ne-

cessitatis vi ad operandum impellitur.

Iam vero aduersus Philosophos, qui scripturis fidem non habent, his argumentis vti possumus.

PRIMO, Deus est causa efficiens omnium rerum, Intelligentiarum, cælorum, elementorum, &c. Igitur non necessitate, sed voluntate operatur.

Antecedens probatur. Nam si intelligentiæ carerēt efficienti causa, & vnaquæque earum suū cælestē orbem produxisset (ut videtur sensisse Philosophi) nulla ratio reddi posset, cur tot essent intelligentiæ; & nō plures; cur tantæ virtutis, & non maioris aut minoris; cur ita inter se subordinatæ; quis deinde procreasset elementa. Si dicas, nō carent Intelligentiæ causa efficiente, nec tamē omnes productæ sunt ab vna, sed prima produxit secundā, secundā terciā, &c. sic deinceps. CONTRA, nam tūc non posset reddi ratio, cur vltima intelligentia non produxerit aliā. Deinde saltem hoc habebimus à prima substantia, quæ Deus est, non solum productū esse primum orbem cælestem, sed etiam secundam Intelligentiam.

Probat nunc eiusdem argumenti consequutio. Nam si prima intelligentia produxit omnia per se, vel saltem suum orbem cælestem, & alteram intelligentiam; non potuit non libere operari. Nam quæ operantur ex necessitate naturæ, determinata sunt ad vñ, nec possunt producere, nisi vñ aliquid simile sibi. Igitur intelligentia, quæ producit res tam varias, quales sunt aliæ Intelligentiæ, & corpora, nō operatur ex necessitate naturæ, sed ex consilio & arte. Ac per hoc libere. Et confirmatur exemplo hominis, qui naturaliter nihil producit, nisi alium hominem; at ex arte res plurimas, & inter se maxime discrepantes, variasque producit.

SECUNDO, Deus est infinitæ potentie ac virtutis, igitur potest res perfectiores & meliores facere, quā re ipsa faciat, ac per hoc nunquā operatur secundum totam suam virtutē, quod est proprium eorum, quæ operantur ex necessitate naturæ. Negabūt Philosophi fortasse, Deū esse potentie infinitæ, sed certe id plane manifestum esse videtur. Nam quod ex se est illuminatum & infinitum, nō potest limitari & finiri, nisi vel à causa efficiente, vel à subiecto: esse autē ex se, est illuminatum & infinitum; & in Deo nō potest limitari & finiri, cū Deus causa efficiēte & subiecto careat: igitur in Deo esse, est illuminatū & infinitū. Quod si esse, in Deo est infinitū, cur non etiā potentia in Deo sit infinita? Esse enim est propter operationem, nec dari potest, esse, cui non respondeat potentia operandi, quoniam otiosum esset.

TERCIO, si Deus ex naturæ necessitate, nō libere, & pro arbitrio faceret, quæ facit, frustra opem eius homines imploraret, frustra essent omnes aræ, sacrificia, vota. Respondebūt fortasse Philosophi, frustra esse hæc omnia, sed refellet eos cōmunis naturæ instinctus & sensus, atque consensus omnium gentium. Omnes enim natura duce in calamitatibus tollunt oculos ad cælum, & numinis opem implorāt. Tertull. in Apolog. c. 7. cū dixisset, ipsos etiā Paganos in angustiis suis non ad Capitoliū, sed ad cælū respicere, ac ita loqui solere, Deus videt, Deo commendo, Deus mihi reddet: subiūgit, *O testimoniū anime naturaliter Christiana.* Nimirum naturale esse docuit, in ærumnis vñ Deum inuocare. Vide similia apud S. Cyprian. in tractatu aduersus Demetrianum.

QUARTO, Nihil est quod necessario appetatur, nisi finis, & quæ cum fine necessariā connexionem habent: At res creatæ non sunt finis Dei, neque cū fine Dei necessariam connexionem habēt, Deus enim est finis omnium rerum, ac per hoc ipse sibi est finis, neque eget vlla re ad finem suum assequendum, cum se ipse

carere non possit: igitur non necessario vult res creatas, sed libere.

QVINTO, Homo est liberi arbitrij, vt Philosophi etiā tere omnes docent: ergo & Deus liberi arbitrij est. Neque enim fas est vllam perfectionem homini tribuere, quæ non excellentius reperiatur in Deo.

CAPVT XVII.

Soluntur argumenta contraria.

SOLVENDA restant argumenta, quæ cōtra Dei libertatem fieri solent. Sed vt ea facilius solui possint, Duo quædam sunt breuiter prænotanda.

PRIMUM igitur sciendū est, ex doctrina S. Thom. in q. 24. de veritate, ar. 3. non esse de ratione, & essentia liberi arbitrij posse velle bonū & malū: aut posse nunc velle vnum, postea nolle, aut non posse eligere, nisi consultatio re ipsa præcedat: sed satis esse, si quis habeat optionē diuersarum rerum, & electio fiat cū pleno, atque perfecto iudicio rationis. Nā posse velle bonum & malum, pertinet ad liberum arbitrium, nō simpliciter, sed vt est in natura creata, quæ quoniam ex nihilo facta est, deficere & peccare potest.

Itaque talis libertas non solum Deo non cōuenit, sed neque etiam Angelis & hominibus iam beatis; neque posse eligere malū, perfectio; sed imperfectio est dicenda libertatis. Idem intelligēdum est de mutatione actus: posse siquidem actum mutare, & nunc nolle quod antea volebat, non est liberi arbitrij simpliciter, sed liberi arbitrij naturæ creatæ, quia facta est ex nihilo, conuersioni & mutationi est obnoxia. Deniq; quod electionē præcedat cōsultatio, nō pertinet ad liberū arbitrium, nisi in natura humana, quæ ratiocinando scientiam sibi parat. Nam Angeli, qui simul causam & effectum cognoscunt, non egent præcedente consultatione, sed simul consilium capiunt, iudicant & eligunt.

Sciendum est SECUNDO, ex doctrina Heruzi in quodlib. 1. q. 1. Ipsum velle Dei, Duobus modis cōsiderari posse. Vno modo absolute, & vt est idē quod esse Dei, & hoc modo, non liberum, sed necessarium esse. Altero modo, vt dicit ordinem ad obiectum, & hoc modo si obiectum est intrinsecum, ipsa videlicet diuina essentia, sapientia, potētia, bonitas, & similia, esse etiam necessarium; sin autē obiectum est extrinsecum, vt sunt res omnes creatæ, tum demum velle Dei non esse necessarium, sed liberum. Nam Deus non potest non velle suam essentiam, potentiam, bonitatem, sapientiam & cætera similia: potest tamen non velle res creatas.

Quare cum dicimus, Deus libere vult hoc, aut illud, & potest non velle; non significamus rem illam, quæ est velle, in Deo esse rem liberam, & posse non esse: sed significamus, ipsum velle Dei non necessario terminari ad rem istam, vel illam. Neque loquimur de possibilitate, sed de existentia rerum creatarum. Nam possibilitas rerum nihil ponit in re, nisi diuinā essentiam infinitis modis participabilem; diuinam sapientiam, qua cognoscat omnes modos, quibus diuina essentia participabilis est; & diuinam potētiā, qua possit res producere, quibus diuina essentia participetur. Non potest autem Deus non habere essentiam infinitis modis participabilem & sapientiam, qua cognoscat res creatas esse possibiles, & potentiam, qua possit eas re ipsa producere.

Cur autem possit voluntas Dei non terminari ad existentiam rerum extra se, & libere super eam cadat, ratio est, quia res illæ non sunt Deo necessariae, cum neque sint finis eius, neque media cum eo fine ex necessitate connexa; ac per hoc non sunt appetibiles absolute, sed solum ex hypothesi, id est, posito quod

velit Deus per eas, gloriam suam manifestare. Ex his facile erit ad argumenta omnia respondere.

PRIMUM argumentum tale est, Arbitrij libertas in eo posita est, vt quis possit velle & non velle, & velle hoc & non illud: at hoc repugnat immutabilitati diuinæ. Respondeo, velle & non velle in Deo, non significat mutationem actus, sed quod terminetur, vel non terminetur ad tale, vel tale obiectum. Vnde non in Deo, sed in creatura contingit mutatio.

SECUNDUM argumentum, Voluntas diuina non potest non esse conformis sapientiæ diuinæ: sapientia diuina non potest non iudicare, id esse melius & faciendum, quod re ipsa est melius & faciendum; igitur voluntas diuina nō potest eligere, nisi id quod re ipsa est melius & faciendum: ac proinde non est libera, cum nunquam possit eligere, nisi vnum. Respondeo, sapientia diuina iudicat, nihil esse absolute bonum & faciendum extra Deum, nisi quod ipse Deus facere voluerit, & id esse melius, quod ei magis placet. Et hoc fortasse significauit Apostolus ad Ephes. 1. cum ait, Deum omnia operari secundum consilium voluntatis. Quamuis igitur voluntas diuina semper sit conformis sapientiæ diuinæ, nulla tamen inde sequitur necessitas, quoniam etiam sapientia diuina conformis semper est voluntati diuinæ.

TERTIUM argumentum, velle Dei est necessarium, cum quia est idem quod esse Dei, tum etiam quia necessarium est nobilius contingenti, & Deo tribuendum est, quod est nobilius; igitur, velle Dei non est liberum. Respondeo, Velle Dei est necessarium, quantum ad ipsum actum volendi, non tamen quantum ad ordinem, quem dicit ad creaturam. Et quia esse Dei, non dicit ordinem ad creaturam, ideo esse Dei, necessarium est omnibus modis: & nullo modo liberum: at velle Dei, aliquo modo est necessarium, vt videlicet est idem cum esse alio modo liberum, vt nimirum terminatur ad rem creatam.

Neque his repugnat, quod necessarium sit nobilius contingenti. Nam id verum est de essentia rei, non de causalitate, siue respectu sui, nō respectu aliorum. Illa enim essentia est nobilior, quæ magis est necessaria, quia longius abest à defectu & corruptione: contra autem causa, vt causa, eo præstantior est, quo liberior est, quoniam quo est liberior, eo minus ab alijs dependet, & sane magna esset imperfectio in Deo, si à rebus creatis ex necessitate penderet.

QUARTUM argumentum, Deus ab æternitate voluit omnia quæ fecit, facit, & facturum est: ergo iam est determinatus ad vnum, nec potest aliud velle. Respondeo, Actus voluntatis Dei, quoad substantiam, & entitatem suam ab æternitate fuit, & est absolute determinatus, quia non potest non esse, vel aliter se habere, tamen respectu obiecti creati non est determinatus nisi ex hypothesi: absolute autem potest aliter se habere, quoniam (vt sæpe diximus) ad res creatas voluntas Dei non habet ordinem necessarium, sed contingentem.

QVINTUM argumentum. Indeterminatio imperfectionem significat: Illi enim dicuntur indeterminati, qui adhuc ambigunt de rebus agendis: non igitur indeterminatio locum habet in Deo. Respondeo, Duplex est indeterminatio: Alia, quæ oritur ex parte causæ, quæ nōdum est assequuta perfectionem suam, vt possit exire in actum; & talis non est in Deo, sed in illis, qui non perfecte rem cognoscunt, & ideo deliberant adhuc & consultant: Alia, quæ oritur ex effectu, qui nō habet ordinem necessarium ad causam. Et hæc indeterminatio dicit perfectionem in causa, quoniam significat causam esse inde-

pendentem ab vno effectu & eius contrario, & utroque superiore.

Sextum argumentum, si Deus posset facere quod non facit; haberet potentiam passiuam & ociosam; quod Deo nulla ratione conuenit. Respondeo, Nulla est in Deo potentia passiuā, ac multo minus ociosa. Illa enim dicitur potentia passiuā, quæ distinguitur ab actu, & nondum reducta est ad actum. Dei autem potentia non distinguitur ab actu: cum sit ipsa diuina essentia, quæ est actus purus. Neque etiā proprie dicitur potentia esse in Deo, respectu actus, quasi possit Deus habere actum, & non habere, sed solum respectu obiecti, quia potest voluntas Dei terminari ad talem, vel talem rem producendam. Itaque nihil aliud est potentia in Deo, nisi voluntas actualis cum habitudine quadam ad res possibiles.

CAPVT XVIII.

De fine liberi arbitrij, id est, quare Deus creauit Angelos, & homines libero arbitrio præditos.

POSTREMA restat quæstio de fine liberi arbitrij, ad illam definitionis particulam explicandam, *Ad magnam Dei gloriam.*

Quæritur igitur, cuius rei gratia Deus condiderit Angelos, & homines cum libero arbitrio: cum id solum sit, per quod in Deum peccatum committitur, & vnde omnia mala redundarunt in mundum. Sed res plana est, & quod in definitione liberi arbitrij posuimus, omnium Patrum confessione firmatur, videlicet, ad insignē Dei gloriam pertinere, quod naturas intelligentias præditas arbitrij libertate donauerit.

PRIMA igitur ratio, cur Deus homines & Angelos liberos esse voluerit, ducitur à potentia & sapientia Dei, quæ in hac re mirifice splendent. Deus enim per hoc, quod Angelos & homines liberos condidit, ostendit prouidentiam suam nullo modo impediri posse, etiam si permittat creaturis, quas regit, plane pro arbitrio viuere. An non elucet insignis Dei gloria, si quis cogitet Angelos & Homines facere quicquid volunt, & tamen velint, nolint, ordinem diuinæ prouidentiae ab æternitate constitutum perturbare non posse, ut fiat aliquando, quod Deus absolute non vult, aut non fiat quod absolute vult? Simile esset, si quis innumerabiles auiculas libere auolare permitteret: & tamen incredibili artificio id efficere posset, ut omnes ad ea loca pergerent, quo ipse vellet. Vide S. Augustinum, cuius est hæc ratio, in Enchirid. cap. 95. & sequentibus.

SECUNDA ratio: sumitur à iustitia & æquitate diuina, quæ in eo perspicue apparet, quod Angelos & Homines ita creauit, ut posset bene & male agere, & ipse sine acceptione personarum, bonos præmijs, malos supplicijs afficeret. Ita docent sancti Patres, Irenæus lib. 4. cap. 71. Iustinus in Dialogo cum Tryphone, & alij.

TERTIA ratio hæc esse potest, ut diuina bonitas illustretur. Insignis enim Dei bonitas in eo conspicitur, quod non solum voluit gloriam sempiternam nobiscum communicare: sed etiam addidit, ut eam per propria merita, id est, nobilissimo modo consequeremur, ut annotauit S. Greg. Nazianzenus in 1. Apologetico.

Neque his repugnat, quod Deus & Christus homo gloriam sempiternam non habent ex meritis; & tamen eam habent modo, sine controuersia, nobilissimo. Nam modus habendi gloriam præstantissimus est eam habere ex se, porro ex se gloriam habendi multi sunt gradus. Primus gradus est, eam habere omnino naturaliter, ut sit de essentia eius,

A qui illam habet. Et hic primus gradus soli Deo proprius est. Alter gradus, qui soli Christo conuenit, est eam habere quodammodo naturaliter, non ita ut sit de essentia animæ Christi beatitudo, sed ut fluat ab intrinseco. Christus enim ut Deus se ipse ut hominem gratia & beatitudine donauit. Tercius gradus est eorum, qui eam habent ex se, non quia naturaliter habent villo modo, sed quia per liberum arbitrium gratia Dei adiutum illam sibi acquirunt. Et hoc conuenit Angelis & hominibus.

QUARTA ratio fuit, ut appareat infinita magnitudo, & inexhaustus thesaurus diuitiarum Dei. Nā si Deus haberet apud se certam mensuram honorum, quibus remunerare posset cultores suos, non permisisset Angelis & Hominibus liberum arbitrium, quo merita possent augere quantum vellent: sed quoniam diuitiæ Dei sunt infinitæ, neque periculum est, ut aliquando exhauriantur, ideo concessit Angelis & Hominibus facultatem, qua pro arbitrio merita augerent. Simile esset, si quis tam esset diues auri & argenti, ut pauperibus stipem petentibus thesauros suos ostenderet, sineretque ut vnusquisque auferret, quod vellet, quomodo nemo prohiberetur ex fonte perenni tantum aque haurire, quantum cupit.

QUINTA ratio esse potuit, ut innotescat deum sibi sufficere, & bonorum nostrorum nullo modo egere. Homines enim qui aliorum opera necessario indigent, neque se, aut sua tueri sine multorum adiumento possunt, omnino cuperent, & si valerent, efficerent, ut famuli, ac milites suā se deficere non possent, & ideo promissionibus, pactis, iuramentis eos deuinciunt, sibi que adstringunt quoad valent. Deus autem, qui nullus opera eget, sponte famulis suis libertatem concessit arbitrij, ut in obsequio permanerent, & imperium detrectarent, prout vellet.

SEXTA ratio ex præcedenti oritur, & infinitam Dei charitatem erga creaturas suas ostendit. Nam cum Deus non egeat hominibus, & si egeret, non multum eis fidere posset, quippe qui tam facile ob libertatem arbitrij à conditore suo deficiunt: æquum esse videbatur, ut non vsque adeo magnam de hominibus curam gereret, & tamen ob nimiam charitatem suam non minorem de ipsis curam gerit, quam si absque illis gloriam, vitamque suam conseruare non posset. Quid enim maius cogitari, fingiue potest, quam ut Deus qui bonorum nostrorum non eget, propter homines homo fieri & mori voluerit?

SEPTIMA ratio fuit, quod id postulare videretur perfectio & ornamentum vniuersi. Nam cum sit aliquid, quod agit, & non agitur, ut Deus, aliquid, quod agitur, & non agit, ut natura rationis expers: æquum erat, ut etiam extaret aliquid, quod ageretur & ageret. Et talis est natura creata intelligens, & libero arbitrio prædita, qualis est in Angelis & Hominibus.

E Item cum sit aliquid quod ex nihilo, & libere operatur, ut Deus: aliquid, quod ex alio & necessario operatur, ut res omnes intra hominem, certe pulchrum erat, si aliquid esset, quod ex alio & libere operaretur, quales sunt Angeli & Homines. Nam quod aliquid ex nihilo & necessario operetur, quod est quartum membrum diuisionis, fieri non potest, cum operari ex nihilo, sit summæ perfectionis, operari necessario, summæ imperfectionis.

DICES, cur Deus non attribuit Angelis & Hominibus liberum arbitrium confirmatum in bono, ut & liberi essent, & tamen peccare non possent? Respondit ad hanc quæstionem S. Augustinus in lib. 2. de bono perseverantiæ, cap. 10. & lib. 12. de ciuit.

Dei, cap. ult. deum ordinate procedere voluisse, ac primum ostendere, quid posset liberum arbitrium, deinde quid posset suæ gratiæ beneficium, iustitiæque iudicium. Vide quæ diximus in lib. de peccato primi parentis, cap. 1. ubi causam reddere conati sumus, cur Deus creauerit hominem, quem peccatum esse præuiderat.

Ad Argumentum autem, quod initio capitis obiciebatur, quod videlicet liberum arbitrium videatur res noxia, cum id solum sit, per quod fit iniuria Deo, & unde innumerabilia mala in ipsos homines redundarunt; facile Respondetur. Non enim data est homini libertas arbitrii, ut peccaret, sed ut peccata libere derelicta mereretur laudem & gloriam apud Deum. Præterea (ut Euseb. recte docet in li. 6. de præparat. Euangel. ca. 5.) non dedit homini Deus solam arbitrii libertatem, sed accendit etiam in eius mente lumen intelligentiæ, addidit Synderesim semper clamantem, ut recta via incederet; incitauit ad virtutem promissione præmiorum, exterruit à vitiis comminatione poenarum.

At absurdum videtur, ut Deus aliquid instituerit, quod pro maiori parte vertatur in malum: eiusmodi autem est liberum arbitrium, quo maxima pars hominum abutitur ad peccandum. Respondetur, libe-

rum arbitrium commune est Angelis & Homini-
bus; & ideo pro maiori parte liberum arbitrium non in malum, sed in bonum absolute conuertitur. Nam maior pars Angelorum libero arbitrio benefecit, & vltima est, & vltima.

At absurdum saltem esse videtur, ut species humana maiori ex parte, propter arbitrii libertatem suo fine frustretur. Respondetur, Finis vltimus rerum omnium Duplex est, Vnus intrinsecus & proprius, qualis est, si de hominibus agatur, visio Dei; Alter extrinsecus, & communis, qui est gloria Dei. Quamuis igitur sine proprio, atque intrinseco species humana maiori ex parte frustretur, tamen semper obtinet Deus gloriam suam, quæ non minus in bonorum remuneratione, quam in præuicatorum animaduersione perspicitur.

Adde quod licet maior hominum pars excidat à perfecta adeptione finis intrinseci, & proprii; tamen non excidit à totali adeptione eiusmodi finis. Esi enim minor pars omnium pertingeret ad visionem Dei, tamen maior pars illud assequitur, ut ratiocinari, & viuere secundum rationem possit. Non est autem absurdum, ut minor pars individuorum alicuius speciei, ad perfectam finis proprii consequutionem non perueniat, modo à totali adeptione non excidat.

LIBER QVARTVS DE GRATIA ET LIBERO ARBITRIO.

CAPVT PRIMVM.

Exponitur ordo future disputationis.

DISSERVIMVS hætenus de natura liberi arbitrii; nunc de viribus eiusdem arbitrii, simul de gratiæ necessitate disputare aggredimur.

Sunt autem TRIA genera humanarum, tum cognitionum, tum actionum. Est enim Alia cognitio naturalis, siue theórica sit, siue mechanica; Alia est cognitio moralis, id est, notitia eius, quod secundum virtutem est vel agendum, vel omittendum: Alia denique est cognitio supernaturalis, id est, eorum, quæ sciri non possunt, nisi diuinitus reuelentur. Sic etiam actionum Aliz naturales dici possunt, quales sunt ambulare, sedere, colere agros, gerere bella, & alia id genus; Aliz morales, quibus actiones omnes virtutum, & vitiorum continentur, ut elemosynas dare, ieiunare, & similia; & contra, furari, fornicari, & alia eiusdem generis; Aliz diuinæ, ac supernaturales, quæ proprie ad salutem æternam consequendam pertinent, ut credere, sperare, diligere, orare, sacrificare, & cætera.

Et quamuis actiones primi generis, quas naturales diximus, & à quibusdam ciuiles etiam nominantur, in particulari, siue (ut Theologi loquuntur) in individuo necessario sint bonæ, aut malæ moraliter (iuxta doctrinam S. Thomæ, quam nos ut probabiliorum sequimur) tamen ex genere suo indifferentes sunt, & potest etiam fieri ut aliquis sit liber in eiusmodi actionibus, qua parte naturales sunt, & non sit liber qua parte sunt morales, ut si quis existimet omnia opera infidelium esse peccata, is fortasse dicet,

C habere hominem infidelem liberum arbitrium ad colendum agrum, & non colendum, quatenus colere agrum est opus naturale; non autem habere, quatenus est opus morale, quia poterit colere agrum, vel non colere, sed non poterit, in eo opere vlla ratione vitare peccatum.

Nos igitur de singulis his cognitionum, actionumque generibus, Tres tractabimus quæstiones: Vnam, egeatne homo auxilio gratiæ specialis ad res cognoscendas; Alteram, egeatne auxilio ad res easdem peragendas; Tertiã, admissio gratiæ adiumento, siue opus illud in libera hominis potestate. Quare Nouem erunt præcipue quæstiones, præter alias, quæ harum occasione discutiendæ erunt.

Prima, quæstio erit, an ad cognoscendum verum naturale, indigeamus gratia; Secunda, an ad actiones naturales, ut tales sunt, egeamus etiam gratia. Tertia, an ad easdem actiones, etiam ut tales sunt, habeamus liberum voluntatis arbitrium. Quarta, utrum sine auxilio gratiæ cognoscere possimus verum morale. Quinta, utrum ad moralia opera, id est, ad præcepta seruanda, & peccata cauenda opus habeamus auxilio gratiæ. Sexta, utrum sit in nostra potestate bene & male agere moraliter. Septima, siue auxilium gratiæ necessarium ad cognoscendum verum supernaturale. Octaua, siue idem auxilium gratiæ necessarium ad actiones diuinas, credendi, sperandi, diligendi, &c. Nona, siue homo liberi arbitrii in eiusmodi actionibus supernaturalibus, atque diuinis.

CAPVT II.

Posse cognosci viribus naturæ Deum esse, & esse vnum, & alia id genus.

P RIMA igitur quæstio tractanda se offert, Vtrum ita læsa sit mens humana per peccatum, vt non possit solis naturæ viribus cognoscere aliquod verū mechanicum, vel theoricū naturale. Nam de vero morali & supernaturali postea differemus.

Est autem communis omnium sententia, posse cognosci solo lumine naturæ, multas veritates theoricæ & mechanicæ, quæ in scientiis, & artibus humanis & naturalibus continentur. Id quod etiam Caluinus facit in 1. lib. Instit. c. 2. & in lib. 2. c. 2. Vna solum controuersia remanet, Vtrum Deum esse, & esse vnum, cognosci possit lumine rationis absque speciali gratiæ auxilio.

Nam Ioan. Caluinus loco notato scribit, Ethnicos solo lumine naturæ cognouisse generatim, Deum esse aliquem, non tamen in veri Dei notitiā, qui vnus & solus est, deuenisse. Tilmanus etiam Heshusius in lib. de erroribus Pontificiorum, tit. de libero arbitrio, nu. 11. inter errores ponit id, quod habetur in Catechismo Romano, lumine naturali cognosci posse, Deum esse, & esse vnum. Ex nostris quoque Petrus ab Alliaco in 1. sent. 4. 3. scripsit, nō posse de Deo quicquam cognosci sine speciali adiutorio gratiæ.

At contra sentiunt fere omnes Theologi, ac præsertim S. Thom. lib. 1. contra gentes, c. 12. & 43. Vbi non dubitat errorem appellare sententiam eorum, qui docent, non posse naturali ratione demonstrari, Deum esse. Et certe quod naturali ratione demonstratur, naturali lumine cognoscitur: neque opus est ad assentiendum iis, quæ naturali ratione demonstrantur, auxilio gratiæ speciali, cum sine labore iis assentiamur, quin etiam non assentiri nulla ratione possimus.

Probat igitur hæc veritas, PRIMVM ex diuinis litteris; Iob. 36. *Omnes homines vident eum, sed vnusquisque intuetur procul.* Quo loco dicuntur homines videre Deum, quia omnes habent lumen naturale, quo perungere possunt ad cognitionem veri Dei: tamen procul eum intueri dicuntur, quia non possunt cognoscere nisi communia quædam, vt esse, & esse vnum, esse bonum, &c. quæ ex rebus creatis colliguntur, S. Greg. li. 17. Moralium, c. 2. & Beda, lib. 2. in Iob. cap. 5. ita hunc locum exponunt, quorum verba paulo post inter aliorum Patrum sententias referentur.

ALTER locus est Sap. 13. *Sic tantum potuerunt scire, vt possent estimare seculum, quomodo huius Dominum non factus inuenerunt?* Ex quo loco discimus, verum & vnum Deum naturaliter posse cognosci, & non solum Deum in communi, vt dicitur de vero Deo, & falsis Diis. Nam si quis existimet Solem aut Lunam esse Deos, aut homines mortuos, vt Iouem & Martem tanquam Deos honoret, is non potest dici inuenisse mundi Dominum; neque simpliciter, neque ex sententia auctoris libri Sapientiæ; non simpliciter, quia vere, neque Sol, neque Luna, neque Iupiter, neque Mars, est mundi Dominus; nō etiam ex sententia huius facti auctoris. Quia ipse fateatur ab ijs, quos reprehendit, quod mundi Dominum non inuenerint, habitos fuisse pro Diis Solē & Lunam, & homines mortuos.

TERTIVS locus est Act. 17. *Quærite Deum, si forte autredent eum, aut inueniant, quamuis non longe sit ab*

A *unoquoque nostrum.* Est enim sententia huius loci, interprete Chrysostomo & Oecumenio, tā esse facilem, & obuiam Dei notitiā ex rebus creatis, vt fere palpari & attrectari queat, quomodo tractantur ea, quæ ante pedes & oculos iacent.

QUARTVS locus Rom. 1. *Reuelatur ira Dei de celo super omnem impietatem, & iniustitiam hominum eorum, qui veritatem Dei in iniustitia detinuerunt, quia quod notum est Dei, manifestum est in illis, Deus enim illos manifestauit.* Inuisibilia enim ipsius à creatura mundi per ea, quæ facta sunt, intellecta conspiciuntur: sempiterna quoque eius virtus & diuinitas, ita vt sint inexcusabiles. Quia cum cognouissent Deum, non sicut Deum glorificauerunt. Hoc loco significat Apostolus sapientes mundi ex rebus creatis verum Deum cognouisse. Nam si non cognouissent verum Deum, non dicerentur veritatem in iniquitate detinuisse, neque absolute pronunciarer Apostolus: *Cum Deum cognouissent, non sicut Deum glorificauerunt;* neque propter cognitionem numinis in genere dicerentur inexcusabiles, circa peccatum idololatriæ. Non enim inexcusabiles essent colentes idola pro diis, si nullum alium Deum cognouissent, aut cognoscere potuissent.

P RÆTEREA ex hoc loco intelligimus, Deum manifestasse deitatem suam Philolophis, non per reuelationem specialem, sed per species rerū creatarum: nam cum dixisset B. Paulus: *Deus illis manifestauit,* continuo explicat, quemadmodum manifestauerit, ac dicit: *Inuisibilia enim ipsius per ea, quæ facta sunt, intellecta conspiciuntur.* Et hoc modo locum istum exponunt, Chrysost. Ambros. & alij in comment. & præterea August. multis in locis, quæ paulo post adferentur.

DENIQUE ex hoc loco colligimus Philosophos cognouisse non solum Deum esse, sed etiam libere agere, & providere rebus humanis. Nam alioqui nō reprehenderentur, quod gratias non egissent. Non enim debetur gratiarum actio ei, qui ex necessitate naturæ operatur, sed ei qui beneficia nobis præstat, cum sit in eius potestate non præstare.

Probat SECUNDO, eadem veritas, ex testimonijs Patrum. S. Iulianus Martyr in Apologia ad Imperatorem, ultra medium, scribit Socratem, & alios quosdam deum verum ita cognouisse, vt fere Christiani dici potuerint.

S. Irenæus li. 1. aduersus hæres. c. 5. habet hæc verba: *Etiā si nemo nouit patrem, nisi filius, neque filium nisi pater, tamen hoc ipsum omnia cognoscunt, quando ratio mentibus infixa moueat ea, & reuelet: quoniam est vnus Deus omnium Dominus.*

TERTULLIANUS in Apologetico, cap. 17. *Vultis, inquit, testimonio comprobemus? quia licet carcere corporis pressa, licet institutionibus prauis circumscripta, licet libidinibus & concupiscentiis emporata, licet falsis Dijs exantillata, cum tamen resipiscit, & sanitatem suam patitur, & Deum nominat solum, quia proprie verus hic vnus Deus, & bonus, & magnus, & quod Deus dederit, omnium vox est, iudicem quoque contestatur illum, Deus videt, & Deo commendo, & Deus mihi reddet.* O testimonium animæ naturaliter Christianæ. Denique pronuncians hæc, non ad Capitolium, sed ad cælum respicit. Et in libro de spectaculis: *Nemo, inquit, negat, quia nemo ignorat, quod vltro natura suggerit, Deum esse vniuersitatis conditorem.*

S. Cyprianus tract. 4. de Idolorum vanitate: *Quæ est, inquit, hæc summa delicti nolle agnoscere, quem ignorare non possumus? Et rursus ibid. Ergo vnus est, & vbique diffusus est. Nam & vulgus in multis Deum naturaliter conficietur, cum mens, & anima sui auctoris, & principis admonetur. Dicit frequenter audimus, o Deus, & Deus*

videt, & Deo commendo, &c.

Lactantius lib. 1. diuinarum institutionum, ca. 3. Nemo, inquit, est, qui sapiat, rationemque secum puer, qui non unum Deum esse intelligat.

S. Hilarius in primum versum Psal. 52. Quis, inquit, mundum inuenit, Deum esse non sentiat.

S. Ambrosius in comment. c. 1 ad Rom. vel quicumque fuit eorum commentariorum auctor. : *Ut Deus, inquit, qui natura inuisibilis est, a visibilibus cognosci posset, opus fecit, quod opificem suam visibilitate manifestauit.*

S. Gregor. Nyssenus, lib. 8. Philosophiæ, ca. 7. Non leuis, inquit, conjectura existit singularia gubernari providentia, quod eius cognitio sit hominibus naturaliter inserta. Necessitate enim aliqua obruti confectum ad diuinum numen, & orationes confugimus, quasi natura nos absque præceptore diuinum auxilium edocente.

S. Hieronymus in comment. c. 1. ad Gal. Ex quo, inquit, perspicuum fit, natura omnibus inesse Dei notitiam.

S. Ioannes Chrysostomus, homil. 9. ad populum Antiochenum: Deus, inquit, illis manifestauit. Quo pacto? quem Prophetam mittens? quem Evangelistam? quem Doctorem, si Scriptura nondum erant? Inuisibilia ipsius, per ea, quæ facta sunt, intellecta conspiciuntur, &c. Quo loco S. Ioan. Chrysostomus copiose docet, potuisse mundi sapientes naturæ lumine cognoscere, Deum orbis terræ conditorem & moderatorem esse.

S. Augustinus in lib. de spiritu & littera, c. 12. Vides, inquit, quomodo, non eos dixeris veritatis ignaros, sed quod veritatem in iniquitate detinuerint: & quia occurrebas animo ut quaeretur unde illis esse potuerit cognitio veritatis, quibus Deus legem non dederat: neque hoc tacuit, unde habere potuerint: per visibilia namque creatura peruenisse eos dixit ad intelligentiam inuisibilium creatoris. Quoniam reuera sicut magna ingenia querere perstiterunt, sic inuenire potuerunt.

Item serm. 55. de verbis Domini: Unde, inquit, illi impij veritatem detinuerint? nunquid Deus ad quenquam illorum loquutus est? nunquid legem acceperunt, sicut Israelita per Moysen? Audis quomodo illis Deus manifestauit. Inuisibilia eius per ea quæ facta sunt intellecta conspiciuntur. Interroga mundum, ornatum cæli, fulgorem, dispositionemque siderum, & vide si non sensu suo tanquam tibi respondens, Deus nos fecit. Hæc, & Philosophi nobiles quæserunt, & ex arte artificem cognouerunt.

Item tract. 106. in Ioan. Hæc, inquit, est vis vera diuinitatis, ut creatura rationali iam ratione utenti non omnino, ac penitus possit abscondi. Exceptis enim paucis, in quibus natura nimium deprauata est, uniuersum genus humanum Deum mundi huius facit auctorem.

Item li. 8. de ciu. Dei, c. 6. Itaque, inquit, quod notum est Dei, ipse manifestauit eis, cum ab eis inuisibilia eius per ea quæ facta sunt intellecta conspiciuntur. Vbi S. Aug. multis aliis verbis docet, Philosophos ratiocinando, perque res creatas gradatim ascendendo paulatim ad vnius Dei noticiam peruenisse.

Paulus Osorius lib. 6. ca. 1. Philosophis, inquit, dum intento studio querunt, scrutanturque omnia, unum Deum auctorem omnium repperunt. Unde etiam nunc Pagani quosiam declarata veritas de contumacia magis, quam de ignorantia conuincit, cum à nobis discutiuntur, non se plures Deos sequi, sed sub vno Deo magno plures ministros venerari fatentur. Restat igitur de intelligentia veri Dei, per multas intelligendi suspensiones confusa dissensio. Quia de vno Deo omnium pene vna opinio est. Hucusque humana scrutatio, et si cum labore deliberare potuit. At ubi ratiocinatio deficit, fides subuenit.

Theodoretus serm. 2. de curandis Græcorum affectionibus docet, Platonem cognouisse vñ Deum

A ex tellera, quam Dionysio in epist. ad eum scripta dederat. Scripsit enim Plato epistolam fore feriam, si initio adscribatur, Deus, ludicram autem, si adscribatur, Deo. Hæc enim tellera satis aperte declarat apud Platonem, fabulosam fuisse multitudinem Deorum.

S. Gregorius lib. 27. Moralium, ca. 2. Omnis, inquit, homo eo ipso, quo rationalis est conditus, debet ex ratione colligere, eum, qui se condidit, Deum esse. Quem videlicet iam videre, est dominatiam illius ratiocinando conspiciere. Cum vero dictum sit, omnes homines vident eum, recte subiungitur, unusquisque intuetur procul, procul quippe eum intueri, est, non iam illum per speciem cerere: sed adhuc ex sola operum suorum admiratione pensare.

Denique venerabilis Beda lib. 3. in Iob. cap. 3. sic ait: Per naturam bonum, notitia creatoris inest cordibus hominum. Et infra: Omnis homo hanc vim sapientiæ naturaliter accipit, ut Deum ignorare non possit, nisi aut contemnat, aut negligat.

Probatur VLTIMO ratione. Nam si Deum esse vnum, non posset cognosci sine gratia Dei speciali, id fieret, vel quia obiectum sit supernaturale: vel quia actio intelligendi vnitatem Dei sit valde difficilis, aut etiam impossibilis viribus solius naturæ: neutrum autem horum dici potest. Nam vnitatem Dei esse obiectum naturale, & nulla ad hoc opus esse reuelatione, testatur Sapiens, c. 13. cum ait: *A magnitudine speciei, & creatura cognoscibiliter poteris horum creator videri.* Testantur etiam demonstrationes plurimæ à naturalibus effectis ductæ, quibus Deum esse vnum probant Ioan. Damascenus lib. 1. de fide, cap. 5. Richardus de S. Victore lib. 1. & 2. de Trinitate, & S. Thom. lib. 1. contra gentes, ca. 43. Quod autem demonstrari potest naturalibus rationibus, certe non est supernaturale, nec superat vim intelligentiæ naturalis. Vbi vero demonstratio adfertur, non est difficile assentiri, sed contra potius difficile, vel impossibile est non assentiri. Quare non requiritur auxilium speciale ad hunc actum producendum. Præsertim cum nec vehementia perturbationum, neque alia causa iudicium theoricum impedire possit, licet impediant iudicium practicum, & actiones voluntatis.

CAPVT III.

Soluntur obiectiones.

Sed contra Dvo argumenta obijci possunt. PRIMUM est testimonium illud Euangelij: *Lux in tenebris lucet, & tenebræ eam non comprehenderunt.* Item: *In mundo erat, & mundus per ipsum factus est, & mundus eum non cognouit.* Ioan. 1. ALTERVM est ex Augustino lib. 10. Confess. cap. 6. ubi dicit, cælum & terram omnibus hominibus magna voce clamare, ipse fecit nos, & non ipsi nos: sed tamē surdis canere, nisi Deus altius misereatur. Ex his enim S. Ioan. & S. Augustini testimonijs colligitur, Deum quidem dedisse hominibus argumētis satis magna, quibus eum cognoscere possent, nisi essent cæci: sed tamen per peccatū primi parentis ita esse totum genus humanum excecatum, ut iam Deum nemo cognoscere possit ex argumentis illis, nisi cui speciali gratia Deus illuminauerit mentem.

Sed facile erit argumentum vtrumque refellere. Nam esse omnino excecatos homines per peccatū primi hominis, in ijs etiam, quæ ad Dei noticiam pertinent; perspicuum est ex locis allegatis, Sap. 13.

& Rom. 1. Nam (ut ipsis verbis S. Augustini utar, in expositione quarundam propositionum epistol. ad Rom. in principio) quos arguit Salomon, Sap. 13. non cognouerunt per creaturam creatorem: quos autem arguit Apostolus, cognouerunt, sed gratias non egerunt. Non autem arguerentur, qui non cognouerunt, si cognoscere non potuissent: neque cæci sunt, qui aut cognouerunt, aut certe cognoscere potuerunt.

Illud vero: *Lux in tenebris lucet, & tenebra eam non comprehenderunt.* Et illud: *Mundus per ipsum factus est, & mundus eum non cognouit.* Intelligenda videntur de Verbo, id est, de filio Dei, ac per hoc, de mysterio Trinitatis: quod fatetur non posse cognosci solo lumine rationis. DEINDE, possent etiam ea verba hunc sensum habere, lux diuinæ sapientiæ lucet etiam in tenebris, cum appareat in ijs rebus, quæ omni luce sapientiæ carent, id est, in animantibus rationis expertibus, in arboribus, in lapidibus, in rebus cæteris, quæ quod ratione careant, tenebræ dici possunt, & de ijs recte scriptum esse intelligitur, & tenebræ eam non comprehenderunt.

Nec male, cum Chrysostomo ac Theophylacto dici potest illud, & tenebræ eam non comprehenderunt, idem esse, ac si dictum fuisset, & tenebræ ei non præualuerunt. Lux enim illuminat tenebras, & tenebræ non obscurant lucem, hoc est, lux notitiæ dei in hominibus quoque impiis, quavis tenebrarum multitudine, vel densitate non vincitur. DENIQUE, cū S. Augustino, sanctoque Cyrillo dici potest, tenebras esse homines ignorantes & peccatores, qui lucem istam non perceperunt, quam tamen si voluissent, percipere potuissent.

Illud autem S. Augustini ex lib. 10. Confessionum ad rem non facit. Non enim de cognitione, sed de amore loquitur eo loco S. August. Domine, inquit, amo te, percussisti cor meum verbo tuo, & amasti te. Sed & cælum & terra, & omnia quæ in eis sunt, ecce undique mihi dicunt, ut te amem, nec cessans dicere omnibus, ut sint inexcusabiles. Alius autem in misereberis, cuius miseratus es. Alioquin cælum & terra surdis canunt laudes tuas. Itaque sicut nos surdis canere dicimur, cum ij, quibus multis verbis aliquid suademus, nolūt illud facere, licet satis facile intelligant quæ dicimus: sic etiam cælum, terra, surdis canunt laudes Dei, cum homines ex operibus Dei conditorē quidem agnoscunt, sed non sicut conditorem diligunt, venerantur & colunt.

CAPVT IV.

Requiri, & sufficere auxilium generale ad actiones naturales & civiles efficiendas.

ALTERA quæstio erat de actionibus naturalibus, siue politicis, aut mechanicis abstrahendo à malitia, vel bonitate morali, an ex possent à nobis fieri solis naturæ viribus. Dvo siquidem de hac re contrarii errores aliquando extiterunt. QUIDAM enim docuerūt, posse homines, ut etiam res cæteras, opera sua efficere sine vlllo dei auxilio, siue generali, siue speciali. Ita videtur sensisse Origen. libro 3. de principiis, ut annotauit S. Thom. lib. 3. contra Gentiles, c. 89. ita etiam senserunt Pelagiani, teste S. Hieronymo in epist. ad Ctesiphontem. & lib. 1. aduersus Pelagianos. Ita denique sensit ex Theologis scholasticis, Durandus in 2. sent. dist. 1. q. 5. & d. 37. q. 1. qui docet, Deum omnia operari, quæ nos operamur, quia dedit, & conseruat vim operatricem, quæ in nobis est, non quia nobiscum ad opus nostrum effici-

endum actione concurrat.

At vero, fortasse ut ab hoc errore longissime recederent, contra senserunt, ita Deum immediate & proprie omnia operari, ut causæ secundæ nihil omnino efficiant, sed ad eorum præsentiam solus omnia faciat Deus. Refert hanc sententiam S. Tho. in q. 3. de potetia, art. 7. eamque Mahometis sectatoribus tribuit. Cæterum vterque error Scripturis, Patrum testimoniis, & manifestæ rationi repugnat. Quod breuiter ostendemus, quoniam copiosior disputatio ad Philosophos proprie pertinet.

Igitur secundas causas, & præsertim homines aliquid vere, ac proprie operari, Scriptura passim docet. Nam Gen. 1. dicit, terram germinare, stellas lucere super terram, aues volare sub firmamento cæli, homines dominari, ac præesse animantibus cæteris. Et alia id genus frequentissime in diuinis litteris reperuntur.

Sancti quoque Patres id ipsum affirmant, ut Basilii orat. 5. de opere sex dierum. Ambros. lib. 3. exameron, c. 6. & 8. Ioan. Chrysost. hom. 5. in Gen. August. lib. 3. de Trinit. cap. 3. & 4. Ioan. Damascenus lib. 2. de fide, cap. 10.

Denique rationes etiam in promptu sunt. Nam in primis, si neque ignis calefaceret, neque Sol illuminaret, falleretur sensus circa proprium obiectum, nullusque esse posset experimētis locus. Certe enim sensus ignem calidum, & Solem esse lucidum iudicat, quoniam ab illo per calefactionē, ab isto per illuminationem immutari se sentit. DEINDE, quorum Deus rebus naturalibus virtutes operatrices dedisset? Immo quorum serum naturas omnino esse voluisset, si omnia otiosa erant futura? DENIQUE, vnde monstra nascerentur, quæ dicuntur, & sunt peccata naturæ, si solus Deus omnia efficeret, cum in Deum error non cadat?

Iam vero humanam voluntatē, ut etiam res cæteras nihil omnino agere posse, nec se vlla ratione mouere, nisi Deus cum illis simul operetur, nec sufficere essentiam, & virtutem operatricē ad operandum, si desit auxilium conditoris, Probatur PRIMUM ex diuinis litteris. Nam Act. 17. Apostolus ait: *In ipso viuimus, mouemur & sumus.* Quo loco si deus solum donaret nobis naturam, & vires ad operandum, easque conseruaret, non etiam simul operaretur nobiscum, satis fuisset dicere, in ipso viuimus & sumus: quorum igitur additum est, *mouemur*, nisi ut intelligamus, non posse nos moueri sine præsentī auxilio Dei, quemadmodum non possumus esse & viuere, nisi Deus vitam quam dedit, conseruare voluerit?

Itaque in Deo sumus, quia ipse fecit nos, & nō ipsi nos, in Deo viuimus, quia ipse nos portat verbo virtutis suæ; in Deo mouemur, quia sine ipso nihil possumus facere. Siquidem illa præpositio *in*, idem valet hoc loco, quod (per) ut sensus sit, per ipsum viuimus, mouemur, & sumus: quemadmodū in illis locis, *In Deo meo transgrediar murum. In Deo faciemus virtutem. Hoc genus demoniorum non excutitur, nisi in oratione & ieiunio. Omnia possumus in eo, qui me confortat.* Idem Apostolus in epist. priore ad Cor. c. 10. dicit, Deum operari omnia in omnibus. Quod multo antea scripserat Isaias, c. 26. cum ait: *Omnia opera nostra operatus es Domine.* Rursum de alijs rebus idem Scriptura testatur, ut cum in Psal. 146. dicit de Deo: *Qui producit in montibus fœnum. Et Job. 10. pelle, & carnibus vestisti me. Et Hier. 1. Antequam te formarem in vtero, non te. Et Dominus in Euangelio Matt. 6. Quod fœnum agri Deus sic vestit. Et Ioan. 5. Pater meus usque modo operatur: & ego operor.*

Ad hæc, & similia respondebat Pelagius (teste Au-

guſt. in lib. de gratia Chriſti, ca. 4.) & poſt eum du-
randus loco notato, dici Deum omnia operari, quia
virtutes operatrices rebus attribuit. Sed refellit hæc
reſponſionem S. Aug. in epiſt. 146. eo argumento,
quod Deus non ſolum dicatur omnia operatus, &
omnia feciſſe, ſed in præſenti dicatur operari, cū le-
gimus: *Qui produciſ in montibus ſænum: & ſænum agri
Deus ſic veſtit, & pater mens uſque modo operatur.*

Deinde, ſi propterea Deus diceretur operari om-
nia, quia dedit omnibus rebus operatrices virtutes,
ſequeretur, Deum operari omnia peccata, quia dedit
homini, & Angelo liberum arbitrium, quo peccata
omnia fiunt. Et apud Durandum id maxime locum
haberet, cum ipſe contendat in ſecundo ſententiã
diſt. 44. potentiam peccandi formaliter eſſe à Deo.

Adde quod Scripturas intelligere debemus non
pro arbitrato noſtro, ſed iuxta communem ſancto-
rum Patrum explicationem; ſancti autem Patres ex
allegatis Scripturis errorem illum communi con-
ſenſu refellunt.

Eusebius lib. 6. de præparatione euangelica, ca. 5.
*Cauſa, inquit, omnium, & quæ libertatis noſtræ ſunt, &
quæ naturæ ſunt, Deus eſt.*

S. Hieronymus in lib. 1. aduerſus Pelagianos, re-
fellit Pelagianos, quod dicerent, poſſe ſe abſque dei
auxilio ſcribere, ſedere, ſtere, curuare digitum, apta-
re calamum, &c. Neque reſponderi poteſt, loqui S.
Hieronymum de auxilio Dei mediato, vt vult Du-
randus. Nam vt diximus ex Auguſtino, & patet etiã
ex Hieronymo ibid. fatebantur Pelagiani, liberum
arbitrium eſſe donum Dei, & illo mediãte poſſe no-
ſtras actiones Deo tribui, & tamen Hierony. Pela-
gianos impios, & ſacrilegos nominat: *Audite, inquit
in epiſt. ad Cteſiphontem, ſacrilegum, ſi valueris cur-
uare digitum, mouere manum, ſedere, ſtare, ambulare,
ſemper mihi auxilium Dei neceſſarium eris? Audi ingra-
te, imo ſacrilege, Apoſtolum prædicantem, ſine manduca-
tis ſine bibitis, ſine quid aliud facitis, omnia in nomine Do-
mini facite.*

S. Ioan. Chryſoſt. hom. 1. in Genefim: *Quocirca,
inquit, diuina Scriptura veſtigia ſequamur, neque ſera-
mus eos, qui aduerſa temere blaterant. Etiamſi homines
terram operentur, & iumentorum auxilio fruantur, & ma-
gna ſi cæli temperies, & omnia alia concurrant, niſi natus
Domini accedat, omnia alia fruſtra, & in vanum ſerent, &
nihil proficeret omnis labor, & deſudatio, niſi manus Do-
mini ſuperne adiunxerit, & perfectionem his, quæ ſunt, tri-
bueret.*

S. Auguſtinus in epiſt. 146. q. 2. *Quomodo, inquit,
negare poterimus, Deum etiam nunc operari cuncta quæ
ſunt, cum Dominus dicat, Pater meus uſque modo opera-
tur? Vide etiam lib. 8. de Genefi, cap. 20. & ſeq.*

S. Anſelmus lib. de concordia præſcientiæ, præ-
deſtinationis, gratiæ & liberi arbitrij, cap. 1. *Facit, in-
quit, Deus omnia, quæ iuſta, vel iniuſta voluntate ſunt,
id eſt, opera bona & mala. In bonis quidem facit quod ſunt,
& quod bona ſunt: in malis facit quod ſunt, ſed non quod
mala ſunt.*

Accedat POSTREMO etiam ratio, nam omnes res
creatæ ita pendent à diuina conſeruatione, vt ne ad
momentum quidem per ſe ac ſine Deo eſſe poſſint,
At ſi aliquid fieret ſine Dei auxilio, ſaltem in primo
illo inſtanti, quo fieret, per ſe, ac ſine Deo eſſet. Quæ
admodum igitur lumẽ Solis in aëre in primo inſtã-
ti fit à Sole, & toto reliquo tempore ab eodem con-
ſeruat, nec villo modo eſſe poteſt ſine præſentia So-
lis continuantis eſſe, quod initio illi dedit: ſic etiam
omnis effectus cuiuſcunque cauſæ ſecundæ, initio
fit à Deo, & ab eodem conſeruat, nec poteſt vlla
ratione incipere, vel durare ſine actione Dei dantis,

vel continuantis eſſe. Porro res omnes creatas per-
petuo à diuina conſeruatione pendere, nemo eſt qui
neget, cum Apoſtolus dicat Heb. 1. *Portas omnia ver-
bo virtutis ſue.* & fuſe doceatur à S. Aug. li. 4. de Ge-
neſi, c. 12. & lib. 8. c. 12. à S. Ioan. Chryſoſtomo ho-
10. in Gen. à S. Gregorio lib. 16. Moral. c. 18. & à S.
Thoma 1. part. q. 184. art. 1.

His igitur extremis reſutatis erroribus, maneat
ſententia illa media, & communis in ſcholis Theo-
logorum, poſſe ab homine fieri multa opera ſine au-
xilio Dei ſpeciali, vt arare, ſerere, putare vites, plan-
tare arbores, ambulare, ſedere, loqui, & alia id genus,
nihil autem fieri poſſe ſine auxilio Dei generali. Ita
enim docet, & probat egregius rationibus S. Thom.
in lib. 3. contra Gentiles, cap. 89. Item S. Bonauen-
tura & cæteri Theologi (Durando excepto) in 2.
ſent. diſt. 37.

CAPVT V.

*Proponitur quæſtio principalis, An homo liberum arbitrium
habeat in operibus naturalibus & civilibus; &
notantur Lutheri & Melanchthoni
contradiſtiones.*

SEQVITVR TERTIA quæſtio, quæ vna eſt ex
principalibus, & grauiffimis totius huius mate-
riæ quæſtionibus: vtum videlicet homo liberũ ar-
bitrium habeat in actionibus illis naturalibus, ſive
civilibus, quæ diximus fieri poſſe cum ſolo generali
auxilio Dei.

Sunt autem TRES de hac quæſtione ſententiæ.
PRIMA eſt Catholicorum ſere omnium, non ſolum
eſſe hominem liberi arbitrij in actionibus ſupra ex-
plicatis, ſed etiam id eſſe euident, tum in lumine na-
turæ, tum in doctrina fidei. Vide præter alios, qui
hoc docent, ſanctum Thomam in quæſt. 6. de malo,
quæſt. de electione, & quæſt. 24. de veritate (quæ
eſt de libero arbitrio, art. 1.) Item Gregorium, Ga-
brielem, & alios in 2. ſent. diſt. 25.

Altera ſententia eſt quorundam Catholicorum,
qui affirmant certum eſſe ex doctrina fidei: hominẽ
eſſe liberi arbitrij, tamen id non poſſe naturali ra-
tione conuinci. Ita docuit Ioan. Buridanus in 3. lib.
Ethicor. quæſt. 1. & Andreas de Caſtro in 1. ſent.
diſt. 45. quem citat Ruardus Tapperus in explica-
tione artic. 7. Louaniienſium.

TERTIA ſententia, ſive potius hæreſis, maniſeſta
eſt Laurentij Vallæ in li. de libero arbitrio, Martini
Buceri in lib. de Concordia, articulo de libero arbi-
trio, & Ioan. Caluini, lib. 1. Inſtitut. c. 16. §. 8. & lib.
2. cap. 4. §. 6. qui docent, non habere hominem, in
ſtatu naturæ corruptæ, liberum arbitrium vlla in re,
ac ne in indiſſerentibus quidem & civilibus. Quo-
circa idem Caluinus in lib. 1. Inſtitut. cap. 2. §. 4. di-
cit, optare ſe, vt tollatur omnino de medio nomen
ipſum liberi arbitrij. Eadem fuit ſententia mulcorum
veterum hæreticorum, quos cap. 7. opportuniore
loco nominabimus. Eadem etiam ſententia fuerat
initio Lutheranifmi, ipſius Martini Lutheri, & eius
Acharis Philippi Melanchthonis, ſed vterque aper-
tiſſime retractauit. quos ſi Bucerus & Caluinus imi-
tari voluiſſent, nulla cum hæreticis huius temporis
de libero arbitrio in actionibus civilibus controuer-
ſia remaneret.

Vtile autem erit annotare hanc retractationẽ, &
contradiſtentionem Lutheri & Melanchthonis, vt ap-
pareat eorum inconstantia in re omnium maxima.
Nam Lutherus in aſſert. art. 36. ſummam rerum

suarum in doctrina de arbitrii seruitute constituit. Sic enim ait: In ceteris articulis de Papatu, de Conciliis, de Indulgentiis, aliisque non necessariis nugis, ferenda est leuitas & stultitia Papae & suorum, sed in hoc articulo, de seruitute arbitrii, qui omnium optimus, & rerum nostrarum summa est, dolendum ac flendum est, miseros sic insauere. Et in lib. aduersus Regem Anglorum scripsit, adeo se certum esse de sua doctrina, ut si quis aliter doceret, aut damnet, quae ipse scripsit de fide, de operibus, de libero arbitrio, & similibus, damnet Deum, & oporteret eum manere filium gehennae.

Videamus igitur constantiam eius in summa doctrina, de qua certissimum se esse iactabat. In assert. art. 36. ita loquitur: *Libera arbitrium est figmentum in rebus, & titulus sine re, quia nullus est in manu quippiam cogitare boni vel mali, sed omnia (ut Viclef articulus Constantia damnatus recte docet) de necessitate absoluta eueniunt.* Quod & Poeta voluit, quando dixit, *Certa sunt omnia lege.* Et Christus, *Matth. 6. Folium arboris non cadet in terram sine patre vestro.* Et infra: *Non est dubium Satana magistro in Ecclesiam venisse hoc nomen liberum arbitrium.* Hic aperte Lutherus simpliciter tollit liberum arbitrium omnibus in rebus, iuxta haesim Viclef, & ideo ipsum etiam nomen liberi arbitrii damnat. Ex quo factum est, ut liberum aduersus Erasmus inscripserit de seruo arbitrio.

Sed audi nunc retractationem, quae extat in li. eius de Visitatione Saxonica, quem postea scripsit, sic enim loquitur in articulo de libero arbitrio: *Multis de libero arbitrio indistincte loquuntur. Ideo hanc breuem informationem adscripsimus. Homo habet ex propria virtute liberum arbitrium ad faciendum vel omittendum opera externa per legem, & penas adactus. Quapropter potest & faciliorem probitatem, & bona opera facere, ex propria virtute, à Deo ad hac data & obtemperata. Paulus enim vocat carnis iustitiam, hoc est, quam caro aut homo ex propria virtute facit. Si ergo operatur homo ex propria virtute illam iustitiam, visque habet electionem & libertatem, & fugiendi malum, & faciendi bonum. Item ibid. *Voluntas humana est vis libera, ut facere possit iustitiam carnis, seu iustitiam civilem, ubi lege & vi agitur, ut non furari, non occidere, non mactari, &c.* Hæc ille, ubi per iustitiam carnis intelligit opera bona externa, non tamen bona simpliciter; ac per hoc docet posse hominem per liberum arbitrium facere & non facere, quæ lex iubet, non tamen peccare, aut non peccare. Itaque admittit arbitrii libertatem in actionibus civilibus & externis, quam negauerat in assert. art. 36. & nomen liberi arbitrii recipit, quod à Satana magistro in Ecclesiam venisse antea dixerat. Ita damnat ipse articulum suum optimum, & summam rerum suarum, & si verum sit, quod scripsit in lib. aduersus Regem Anglorum, Deum damnauit, & oporteret eum manere filium gehennae.*

Veniamus ad Philippum. Is in Locis communibus, quos edidit anno MDXXI. P. 1. M. O., detestatur nomen liberi arbitrii: *Vsurpata est, inquit, vox liberi arbitrii à diuinis litteris, à sensu & iudicio spiritus alienissima. Additum est à Platone & philosophia vocabulum rationis aequè perniciosum.*

SECUNDO, defendit Vallam contra Eckium his verbis: *Vallam, aut Eckium, quod scholasticum sententiam de libero arbitrio confutauit, plura voluisse scire, quam didicisset, scilicet egregie festinus nugator.*

TERTIO, reprehendit Philosophiam naturalem & rationem: *Hoc loco, inquit, pro sua Christiana doctrina & Philosophia, & humana ratione discent.*

QUARTO, tollit omnem libertatem, & contingentiam: *Est, inquit, libertas posse agere, aut non agere, posse*

hic, aut aliter agere. Itaque in questionem vocatur, sit ne libera voluntas, & quatenus libera sit. Responsio, quandoquidem omnia quae eueniunt, necessario iuxta diuinam predestinationem eueniunt, nulla est arbitrii libertas. Quod igitur inquit, nulla ne est in rebus contingentia? nihil casus? nihil fortuna? Omnia necessario euenire Scriptura docent. Et si videatur tibi in rebus humanis esse contingentia, iudicio rationis hic imperandum est.

QUINTO, his addit in comment. ad cap. 8. epistolae ad Romanos. Non solum opera indifferentia, sed etiam peccata in nobis à Deo fieri: *Sic, inquit, faciemur proprium Dei opus fuisse Pauli vocatorem, ita faciemur opera Dei propria esse, iuxta quæ media vocantur, ut comedere, bibere; siue quæ mala sunt, ut Davidis adulterium, Manu seneritatem. Constat enim ex cap. 1. ad Romanos, Deum omnia facere non permissive, sed potenter (ut Augustini verbo utamur) id est, ut sit eius propria iuda proditio, sicut Pauli vocatio. Et infra: Ergo non est cur frigidum glossa admittamus, Deum mala permittere, non etiam facere. Hæc ille.*

Contradicentia his omnibus habentur in iisdem locis communibus posteriori tempore editis, tum in loco de causa peccati, tum in loco de libero arbitrio. P. 1. M. O. siquidem, recipit nomen liberi arbitrii & rationis, quod ante detestabatur, *Nonendi sunt, inquit, rudiores, ut à Physicis sumant distinctiones & appellationes partium hominis. In homine est pars cognoscens & iudicans, quæ vocatur mens, vel intellectus, vel ratio. Altera pars appetens vocatur voluntas, vocatur autem liberum arbitrium mens & voluntas coniuncta.*

SECUNDO, reprehendit Vallam, quem ante defenderat: *Valla, inquit, & plerique alii, non recte detrahunt voluntati hominis libertatem, quia sicut omnia decernente Deo. Item in Epitome moralis Philosophiae: Stoicas, inquit, illas de fato, seu Valla absurdas imaginationes, quæ propter diuinam gubernationem adimunt libertatem voluntati, fugiamus.*

TERTIO, amplectitur Philosophorum sententias, quas antea Scripturis contrarias esse dicebat: *Hæc, inquit, est libertas voluntatis, quam Philosophi recte tribuunt homini. Item: Honestus, inquit, Plato docuit. Et in Epitome moralis Philosophiae, Est, inquit, prudentissimum ab Aristotele addita rationis descriptio.*

QUARTO, admittit, esse in rebus contingentiam & libertatem, quam simpliciter ante negauerat: *Concedendum est, inquit, quod Scriptura Apostolica tribuat homini etiam nunc post lapsum, libertatem aliquam diligendi ea, quæ sunt subiecta rationi. Et infra: Hæc Manichea imaginatio horribile mendacium est, & ab hoc errore mentes abducende sunt, & docenda, agere aliquid liberum arbitrium.*

QUINTO, negat, Deum esse causam peccati, quod tam imprudenter antea assererat: *Est, inquit, hæc & pia sententia, utraque manu, & verius toto pectore tenenda, Deum non esse causam peccati, nec velle peccatum. Et infra: Nec figura illa verborum in sermone Hebraico pugnans cum hac sententia, Indurabo cor Pharaonis, & similes. Certum est enim Hebraica phrasi significare permissionem, non efficere voluntatem. Ex his enim facile potest intelligi quæ sint aduersarii inconstantes in rebus etiam grauissimis. Sed his omittis ad confirmandam veritatem accedamus.*

CAPVT VI.

Non posse ab insigni temeritate defendi modum loquendi aduersariorum, qui nomen liberi arbitrii, in nomen serui arbitrii mutauerunt.

VT Igitur vera & Catholica sententia confirmetur, TRIA sunt ordine probanda. P. 1. M. O.,

non posse aduersarios villo colore defendi ab insigni temeritate, quod nomen liberi arbitrii tācōpere detestentur, & in nomen serui arbitrii cōmutare tentauerint. SECUNDO, ex doctrina fidei manifeste deduci, hominem post lapsum, libero arbitrio prādictum esse, saltem in actionibus civilibus, & externis. TERTIO, id ipsum certum & euidens esse in vera Philosophia & naturali lumine rationis.

Quod attinet ad PRIMVM, tribus argumentis probare possumus, aduersarios non sine maxima temeritate nomen liberi arbitrii abolere, vel in nomē serui arbitrii commutare voluisse. PRIMVM enim, seruius admonet Apostolus Paulus in priore epist. ad Timotheum, c. 6. vt fugiamus vocum nouitates. At nomen serui arbitrii in Ecclesia Catholica, per totos mille quingentos annos nūquam fuit auditum, cum tamen ab ipso principio nascentis fidei, ac deinceps variis ætatibus nunquam defuerint Hæretici, qui liberum arbitrium vel nimium extulerint, vel etiam contra nimium deprellerint.

DEINDE omnes omnino scriptores Ecclesiastici, qui singulis ætatibus fidem Catholicam propugnauerunt, disertis verbis liberum arbitrium docuerunt. Neque opus erit magno labore testimonia Patrum conquirere. Nam & obuia sunt, & aduersarii id non negāt. Hæc enim sunt verba CALVINI, quem in hac palæstra præcipuum aduersarium habemus, lib. 2. Institutionum, cap. 2. §. 4. *Semper apud Latinos liberi arbitrii nomen extitit: Græcos veronon puduit arrogantiùs usurpare vocabulum, siquidem ἀντὶφρονι dixerunt. Quanta igitur temeritas est, nunc demum abolere velle vocabulum, quod ipse faceris apud omnes scriptores, tum Latinos, tum Græcos semper in usu fuisse?*

DENIQUE vel hoc nomen est bonum vel malum, verum aut falsum, vile vel noxium. Si bonum, verum, vile, certe etiam retinendum: si malū, falsum, noxium, & (vt Lutherus loquitur) à Satana magistro in Ecclesiam inuectum; cum satis constet ab initio Ecclesiæ cōpisse, & ad nos vsque propagatum, sequitur Ecclesiam fuisse semper valde infirmā, quippe quæ neque initio prohibere potuerit, quo minus perniciosum hoc vocabulum à Satana inueheretur, neque postea per totos mille quingentos annos illud explodere, aut abolere valuerit. Et vbi est illud: *Porta inferi non præualebunt aduersus eam?* & *Ecclesia est columna & firmamentum veritatis.*

Respondebit Calvinus, nomen liberi arbitrii esse ambiguum: & si quidem liberum dicatur arbitrium à coactione, nomen esse bonum & verum; si à necessitate, perniciosum & falsum. Et quoniam hoc tempore à plerisque accipitur pro libero à necessitate, ideo merito explodendum videri, ne propter ambiguitatem suam fidelibus noceat. At falsum est, nomen hoc esse ambiguum. Nam, vt in libro superiore ostendimus, nullo modo potest intelligi liberum arbitrium, si non sit liberum à necessitate, & non hoc tempore solum, sed omnibus seculis acceptum est hoc vocabulum pro facultate animi indeterminata, & libera ad vtramque partem, ac per hoc libera à necessitate. Id quod testimoniis Scripturæ & Patrum, & rationibus variis confirmauimus.

At, inquiunt, hoc vocabulum sumptum est à Philosophis, & in diuinis litteris nusquam legitur. A quibus igitur sumendum erat à sutoribus ne & cementariis? & si Scriptura diuina voces à Poëtis accipit, vt Arcturi, Orionis, Pleiadum, quæ leguntur in Job, cap. 37. & 38. & in Amos cap. 5. quid mirum est, si Ecclesia voces aliquas accipiat à Philosophis? & quamuis in diuinis litteris non sint hæc duæ voces si-

A muliunctæ, quoad sonum, liberū arbitrium, tamen inuenitur altera cum alterius periphrasi, vt Num. 30. *In arbitrio viri erit, vt faciat vel non faciat.* Quid enim est in arbitrio, vt faciat vel non faciat, nisi in arbitrio libero ad vtrumlibet sic etiam vox illa Græca, ἀντὶφρονι, quam Calvinus tantopere detestatur, non inuenitur fortasse quam in Scripturis, tamen inuenitur pars vna cum alterius partis periphrasi, vt 1. Corinth. 7. *ἕκαστος ἵκεν μετὰ τοῦ ἰδίου βουλευματος*, id est, potestatem habens propriæ voluntatis. Quid enim est potestas propriæ voluntatis, nisi ἀντὶφρονι?

Adde vltimo, non esse mirandum, si hæc voces crebrius à Patribus, quam à Scripturis sanctis, vel etiam si solum à Patribus usurpantur, quoniam hæreses, quæ liberum arbitrium oppugnant, post conditas Scripturas sunt exortæ, & ipsæ sunt, quæ has voces frequentare vel excogitare cōegerunt: quemadmodum in alijs similibus, vt Trinitatis *ομοουσιον* & *hieron* factum esse, ipsi etiam aduersarij confitentur.

CAPVT VII.

Secundum fidem Catholicam hominem esse liberi arbitrii in rebus civilibus, probatur ex diuinis litteris.

C I AM vero liberi arbitrii hominem esse in rebus civilibus (quod secundo loco propositum fuerat) secundum doctrinam fidei, probatur ex diuinis litteris.

Ad PRIMVM, accedant ea testimonia, quæ tribuunt homini post lapsum, electionem diuersarum eorum. Neque enim intelligi potest veræ electionis potestas sine vera arbitrii libertate. Nam vt in primo li. demonstrauimus electio est actus maxime proprius liberi arbitrii. Sunt igitur hæc testimonia. Num. 30. *In arbitrio viri erit, siue faciat, siue non faciat.* Ios. 24. *Optio vobis datur, elige hodie quod vobis placeat.* 2. Reg. 24. *Trium tibi datur optio, elige vnum quod volueris ex his.* 3. Reg. 3. *Postula quod vis, vt dem tibi.* Dan. 13. *Angustie tibi sunt undique, & quid eligam ignoro.*

SECUNDO, huc pertinent ea testimonia quæ docent hominem aliqua posse facere, quæ non facit: & contra, facere aliqua, quæ potuisset non facere. Hinc enim apertissime patet, liberum esse in eiusmodi homine, vt pro arbitrio faciat vel non faciat. 3. Reg. 3. *Quia postulasti verbum hoc, & non postulasti diuitias, aut animas inimicorum tuorum, sed postulasti sapientiam, &c.* Potuit igitur Salomon postulare diuitias, & non postulare sapientiam, & tamen non diuitias, sed sapientiam postulauit. Ecclesiastic. 31. *Qui potuit transgredi, & non est transgressus, &c.* 1. Cor. 9. *Non sum liber? non sum Apostolus? &c.* Quo loco docet Apostolus, potuisse se circumducere tororem, & ab Ecclesijs sumptus accipere, sed neutrum facere voluisse. Act. 5. *Nonne manens tibi manebat, & vendidit in tua erat potestas?* hoc est, Nonne poteras (Anania) agrum tuum vendere? & posteaquam vendideras, nonne poteras precium tibi retinere? quis te agrum vendere, aut Deo precium offerre cōegit? poterat igitur vendere & non vendere, offerre & non offerre.

Neque satisfaceret, qui responderet in hoc loco, & superiore agi de libertate à præcepto, nō de libertate à naturali necessitate. Nā libertas à præcepto includit libertatem à naturali necessitate, alioqui inepta & ridicula essent præcepta, si is, cui præcipitur, non esset liber à naturali necessitate. Nam si Ananias

non potuisset non vendere agrum, aut precium illud Apostolis non offerre, sed necessario & agrum vendidisset & precium Apostolis obtulisset, inepte dixisset B. Petrus, Nonne manens tibi manebat, & vendundatus in tua erat potestate?

TERTIO, accedant illa testimonia quæ conditionem continent. Ea siquidem virtutem includunt liberam oppositorum optionem, Isaia 1. *Si volueritis & audieritis me, bona terra comeditis.* Matth. 19. *Si vis ad vitam ingredi, serua mandata.* Ibid. *Si vis perfectus esse, vende, vende omnia quæ habes.* Luc. 9. *Si quis vult post me venire, abneget seipsum.* &c.

QUARTO, prædictis locis adiungi possunt ea, quæ continent reprehensionem cum interrogatione. Sequitur enim inde potuisse hominem non facere id, propter quod reprehenditur. Gen. 3. mulieri dicitur: *Quare hoc fecisti?* serpenti vero, qui expers est rationis & libertatis, non dicitur, *Quare hoc fecisti,* sed, *Quia hoc fecisti.* Gen. 4. *Quare statuas? & quare concidis vultum tuum?* Potuit igitur & Heua illud non facere, quod fecit. Et Cain non irasci, neque vultum præ mœrore deiicere. Neq; enim oui dicitur, *Quare fugis lupum?* non enim potest non fugere lupum. Neque lupo dicitur, *Quare agnum deuoras?* quia non potest aliud facere.

QUINTO, aducj possunt omnia testimonia, quæ continent laudes sanctorum Patrum, Noë, Abrahamæ, Isaac, Iacob, Ioseph, Moyses, Iob, David, Tobia, Prophetarum denique omnium. Item illa, quæ continent præcepta, consilia, cohortationes, qualia sunt Proverbia Salomonis, liber Ecclesiastici, magna pars Psalmorum, Prophetarum, Evangeliorum, Epistolarum Petri, Pauli, Ioannis, Iacobi, Iudæ. Hæc enim omnia significant, hominem esse liberi arbitrii, ut S. August. colligit in lib. de gratia & libero arbitrio, cap. 2.

POSTREMO, addantur ea testimonia, quæ probant, primum hominem ante lapsum prædictum fuisse libero arbitrio, quale est illud Eccles. 15. *Deus creauit hominem, & reliquit illum in manu consilii sui.* &c. Nam ipse etiam Calvinus propter hunc locum fateretur, primum hominem ante lapsum libero arbitrio prædictum fuisse, lib. 1. Instit. c. 15. §. 8. & lib. 2. c. 5. §. 18. Quamuis enim aduersarii aliam esse velint rationem hominis ante lapsum & post lapsum, quod attinet ad arbitrii libertatem: nos tamen facile probare possumus etiam post lapsum hominem esse liberi arbitrii, si fuit ante lapsum. Nam tota ratio Caluini (ut postea videbimus) cur homo careat libero arbitrio, est in eo posita, quod libertas hominis pugnet cū prouidentia Dei. At prouidentia Dei non incipit à lapsu hominis, sed fuit etiam antea, cur igitur impediatur post lapsum hominis à libero arbitrio, si ante lapsum non impediabatur?

Quid, quod ex hoc ipso, quod Deus prouidentiam rerum omnium habet, sequitur, ut homo libertate fruatur arbitrii: nā prouidentia diuinæ illud est proprium non destruere, sed cōseruare naturas. Disponit enim suauiter omnia, ut legimus Sap. 8. & ut inde colligit S. August. lib. 7. de ciu. Dei, ca. 30. sic administrat omnia, quæ creauit, ut etiam ipsa proprios exercere & agere motus sinat. Itaque cum natura rationalis libertatem arbitrii postulet, eamque ab initio à conditore percepit: sic homine diuina prouidentia gubernat & regit, ut liberam eorum electionem nullo modo impediatur.

Atque hoc est quod voluerunt Origene, li. 3. de principis, cap. 3. Greg. Nyssenus lib. 7. de Philosophia c. 1. lib. 8. c. ult. Theodoretus in epitome diuinorum decretorum, cap. de Prouidentia, & Ioan. Damasc.

lib. 1. de fide cap. 29. cum scripserunt, liberas hominum actiones non fieri à prouidentia, sed ab hominum ratione & consilio. Non enim significare voluerunt, prouidentiam Dei non se extendere ad omnia singularia, cum hoc ibid. faciantur, & probent, sed non determinari ad vnum actiones hominum, neque necessitatem eis à prouidentia adferri: quemadmodum determinantur ea, quæ libera non sunt, eisque necessitas quædam adfertur, ut non possint alio modo fieri. Sed de his plura dicentur in responsione ad argumenta.

CAPVT VIII.

Probatur idem ex traditione veterum Patrum.

NON ex Scripturis probauimus, hominem etiam post lapsum liberi esse arbitrii in actionibus civilibus, & externis: idem nunc probare aggredimur ex traditione & testimoniis veterum Patrum. Ac PRIMUM notabimus testimonia eorum Patrum, qui pro hæreticis habuerunt eos, qui liberum negabant arbitrium. DEINDE, singulas eorum sententias adferemus.

Fuerunt igitur permulti, propterea quod liberum arbitrium negarent, inter hæreticos ab antiquis Patribus numerati. Primis enim Ecclesiæ temporibus Clemens lib. 3. Recognitionum, notauit Simonem Magum hæreseos, quod affirmaret hominem carere libero arbitrio. DEINDE, inter hæreses Bardesanis, qui vixit circa annum Domini CLXX. ponit hanc ipsam de libero arbitrio S. Aug. lib. de hæres. cap. 35. Inter errores Manichæorum, quorum auctor Manes centum annis Bardesane posterior fuit, numerat S. Hieronymus in præfatione dialogorum aduersus Pelagianos, quod tolleretur ab eis liberum voluntatis arbitrium. Eadem hæresis fuit etiam Priscilliani, qui vixit circa annum Domini CCCXC. quam refert S. August. in lib. de hæres. ca. 70. damnat autem S. Leo in epist. 91. ad Turbium, & Concilium Braccarense primum, can. 10.

Hunc veterum hæreticorum errorem renouauit postmodum Petrus Abailardus, qui propterea tum ab Innocentio Papa 2. tum à Concilio Senonensi damnatus fuit, ut cognosci potest ex epist. S. Bernardi 194. & ex lib. 3. vitæ eiusdem Bernardi, cap. 5. eundem postea renouauit Ioann. Vviclefus, teste Thoma Vvaldensi tomo 1. lib. 1. art. 1. ca. 28. & iterum errorem eundem damnauit Concilium Constant. sess. 8. Cum igitur toties hic error à Patribus notatus, à Pontificibus & Conciliis damnatus fuerit: certe mirari non debent huius temporis nouatores, si eos inter hæreticos numerauimus. Eorumque sententias Leo X. & consequentes Pontifices, nec non Tridentinum Concilium Oecumenicum cum alijs multis diuersarum prouinciarum Synodis damnauerunt.

At, INQVIRUNT, veteres hæretici, Simon Magnus, Bardesanes, Manichæus & Priscillianus, non simpliciter negabant liberum arbitrium, sed vel inducebant duo principia cōeterna, vnum bonum, alterum malum; vel fato, & stellis homines alligabant; vnde sequebatur, ut peccata hominum, vel principio illi malo, vel stellis, non autem ipsi hominibus tribuerentur. Sed quid hoc ad causam? veteres enim Patres, non solum reprehendunt in antiquis illis hæreticis causam, vnde impellebantur ad negandum liberum arbitrium, sed etiam disertis verbis id notant, quod negarent liberum arbitrium. Quin etiam vnum ex argumentis, quibus utebantur ad refellenda duo principia, siue duas naturas,

& fata illa stellarum, erat, quia sequebatur, homines catere libero arbitrio, quod semper fuit in Ecclesia dogma certissimum. Certè S. Hierony. in præfatione dialogorum aduersus Pelagianos, dum ita loquitur: *Manichæorum est, hominum damnare naturam, & liberum auferre arbitrium.*

Dilectis verbis duos Manichæorum distinxit, atque damnauit errores: quorum alterum ad se pertinere, quicquid de altero sit, Caluinus & Bucerus, eorumque Sectarii, negare non possunt. Sed veniamus ad ipsas Patrum sententias breuiter recitandas.

CAPVT IX.

Adferuntur testimonia ipsorum Patrum.

SANCTVS IRENÆVS lib. 4. ca. 71. *Consilium, inquit, bonum dat omnibus, posuit autem Deus in homine potestatem electionis, quemadmodum & in Angelis. Et cap. 72. Si igitur non in nobis esset, facere hæc, aut non facere, quam causam habebat Apostolus, & multiprimis ipse Dominus consilium dare, quæ quidem facere, à quibus vero abstinere?*

CLEMENS ALEXANDRINVS lib. 1. Stromatum pag. 65. *Sed, inquit, nec laudes, nec vituperationes, nec honores, nec supplicia iusta essent: si anima non habere liberam potestatem.*

ORIGENES lib. 2. contra Celsum pag. 780. *Videamus, inquit, quid Celsus dicat postea. Hæc, inquit, cum Deus esset, prædixit: & omnino oportebat fieri quod prædixerat. Deus ergo suos discipulos, & prophetas, cum quibus eundem & potum sumebat, eo necessitatis adduxit, ut contra ins ac pietatem facerent. Respondemus & ad hæc, quando iubet, ut ne ista quidem argumenta præteream, quæ mihi videntur struola. Celsus putat, quod aliquis prædictus prædixit, ideo fieri, quia prædictum est: nos vero hoc non concedentes, dicimus, non prædictorem causam esse futuri, sed futurum illud quod omnino euenturum erat, etiam nemine prædicente, præcognitori causam prædicendi dedisse, totum enim in præcognitione vatis est, cum alterutrum fieri possit, fore hoc alterum, non dicimus præcognitorem adimere possibilitatem, ut vel fiat, vel non.*

Quibus verbis Origenes diluit obiectionem Celsi, qui probare conatus fuerat, Christum prædicando prodicionem Iudæ, attulisse necessitatem ipsi Iudæ, ut facinus illud prodicionis committeret: quia necesse erat fieri, quod Christus Deus futurum esse prædixerat. Respondet igitur Origenes, prædicionem non adferre necessitatē, quia non ideo res fit, quia præcognita est, sed ideo præcognita est, quia futura erat. Quare paulo infra docet, Iudæ sic prodidisse Dominum, ut potuerit non prodere, atque ita concordat præcipientiam eū contingentia & libertate Idē etiam Origen. li. 3. de principiis c. 1. copiose probat, hominem esse liberi arbitrii, & respondet ad omnia argumenta, quæ nunc aduersarii proferunt, quæque ab antiquis hæreticis proferebantur.

EUSEBIUS CÆSARIENSIS li. 6. de præparatione Euang. c. 5. probat optimis argumentis, libertatem à necessitate non pugnare cum prouidentia: Nam, inquit, *seuentura omnino sunt prospera vel aduersa unicuique homini, estque necesse hæc ut agere, & se illa, quod oportet cura, laboreque confici? Et infra: Quomodo, inquit, cum sentiamus nostra nos appetitione moueri, non omnino auentissimum erit ab exteriori quadam vi, quasi animi expertes moueri nos credere? sic enim libera voluntate alia fugimus, alia sequimur, ut quemadmodum dolere, gaudere, videre, audire non ratiocinando, sed re ipsa comprehendimus: ita à nostro ipsorum consilio, aut ad fugiendum, aut ad sequendum moueri nos profe-*

cto sentiamus. Quas ob res, rationalis natura libertas iungi negari non potest.

S. ATHANASIUS in serm. de passione & cruce Domini proposita questione, an quæ sunt diuinitus præcognita, & prædicta ex necessitate euentiant, ita respondet: *Non Prophetæ istarum rerum auctor est aut causæ, sed ipsorum voluntas, qui potius ipsi in causâ fuerunt, ut talia de ipsis Prophetæ prædicarent. Prophetæ proprium est futura prospicere & non hallucinari, hominum autem est agere quod velint.*

S. BASILIUS in serm. de libero arbitrio: *Quod, inquit, in hominis potestate situm est liberum arbitrium, in eligendo & non eligendo situm est. Item in oratione, quod Deus non sit auctor malorum: Cur inquit, anima ad malum suspendendum apta fuit? propter liberum arbitrium, quod maxime rationalem naturam decet. Soluta enim ab omni necessitate, & voluntariam, ac in sua potestate sitam vitam à conditore adeptæ, per hoc ad imaginem Dei creata est.*

S. GREG. NAZIANZENSIS in 1. Apolog. non procul ab initio: *Singularis, inquit, & eximia Dei bonitatis argumentum est, facere ut nesci, a quoque aliqua ex parte sit vitius, nec natura nobis inferatur, sed voluntate, animique proposito excolatur, arbitriique libertate, parem in utramque partem motum habente.*

S. GREG. NYSSENSIS li. 9. de philos. 3. *Omnis, inquit, qui consultat, quasi in eius potestate existente electione, de operabilibus consultat, ut quod per consilium decernitur eligat, & eligens faciat. Nec esse igitur est eum, qui consultat, dominum esse actionum. Si enim non fuerit dominus actionum, ex superfluo consultat: si vero hoc, ex necessitate affligit ut rationali liberum arbitrium, aut enim non erit rationalis, aut dominum suarum actionum obtinebit: dominari autem actionum omnino liberi arbitrii est.*

S. IOAN. CHRYSOST. hom. 60. in Matth. explicans illud: *Necesse est, ut veniant scandala. Necessitatem, inquit, dicit non quia libertatem voluntatis, potestatemque liberi arbitrii tollat: nec quia necessitati rerum humanam vitam subijciat, sed quod omnino venturum est, pronunciat. Et infra: Non quia futura scandala prædixit, idcirco veniunt, sed quoniam futura erant, idcirco prædixit. Et serm. 2. de Fato: Deus dicit, posui ante te vitam & mortem, ad quod volueris, extende manum tuam. Dæmon dicit, non est in te quod extendas manum tuam, sed necessitate quadam & ut id agas. Videntur ne tibi hæc fide digniora?*

S. EPIPHANIVS hæresi. 16. *Quare, inquit, omnibus manifestum, clarumque ac minime ambiguum est, quod liberam arbitrium exhibuit nobis Deus, dicens, si volueritis & audieritis me, bona terra comedetis.*

S. CYRILLVS lib. 2. in Ioan. cap. 54. *Liberum, inquit, hominis arbitrium, his verbis ostendit, qui ad alterutrum secundum animi sui iudicium potest proficisci. Et lib. 4. cap. 7. Non possumus, inquit, secundum Ecclesie, veritatisque dogmata liberam potestatem hominis, quod liberum arbitrium appellatur, villo modo negare. Et li. 9. c. 10. Rationali creatura liberam potestatem creator largitus est, & sua voluntatis habenas unicuique commissit, ut in eo sit, quicquid probauerit eligere.*

S. IOANNES DAMASCENVS lib. 2. de fide, cap. 26. *In nobis, inquit, sunt ea, quorum sumus liberam adepti potestatem, & facere & non facere.*

THEOPHYLACTVS in comment. ad c. 15. Lucæ: *Rationalis, inquit, ad quam subsequitur liberum arbitrium substantia est hominis, omne enim rationale liberi arbitrii est. Item ex Latinis TERTULLIANVS lib. 2. aduersus Marcionem ante medium: Tota libertas arbitrii in utramque partem homini concessa est, ut sui dominus constanter accurreret, & bono sponte seruando, & malo sponte vitando.*

S. CYPRIANVS lib. 1. epist. 3. ad Cornelium, Homo, inquit, libertatis sue relictus, & in arbitrio proprio constitutus, sibi metipsum vel mortem appetit, vel salutem.

S. HILARIUS in Plal. 2. Vnicuique, inquit, nostrum libertatem vite, sensumque permisit non necessitatem in alterutrum affigens.

S. OPTATUS MILEVITANVS lib. 7. in Parmenianum: Homicida, inquit, potest scelus facere, potest & non facere, & cetera eiusmodi, in quibus liberum habetur arbitrium.

S. AMBROSIVS in commentario Psal. 40. Homini, inquit, dedit eligendi arbitrium quid sequatur.

S. GAUDENTIVS BRIXIANVS tract. 3. in Exod. Libertatem, inquit, diximus arbitrij, quia voluerunt Iudei facere, quod fecerunt, & si nolissent, non fecissent. Et infra. Præscientia quidem Dei non soluitur, sed nec hominis concessa semel voluntatis libertas infertur, ne nihil de eo iudicare possit, qui liber non fuerit in agendo.

S. HIERONYMVS in epist. ad Celsiphontem extrema: Frustra, inquit, blasphemias, & ignorantium auribus ingeris, nos liberum arbitrium condemnare. Damnetur ille, qui damnat. Item comment. c. 26. Hieremias, explicans illud: Forsitan audient, & conuertentur, Verbum, inquit, ambiguum, forsitan, maiestati Domini non potest conuenire, sed nostro loquitur affectu, ut liberum homini seruetur arbitrium, ne ex præscientia eius, quasi ex necessitate vel facere quid, vel non facere cogatur. Non enim ex eo, quod Deus scit futurum aliquid, ideoque futurum est: sed quia futurum est, Deus nouit quasi præscit futurum.

S. AURELIANVS in lib. de quantitate animæ c. 36. Datum est, inquit, animæ liberum arbitrium, quod qui nunciatoris rationationibus labefactare conantur, usque adeo cæci sunt, ut ne ista quidem vana, atque sacrilega propria voluntate se dicere intelligant. Item lib. 5. de ciuit. Dei, c. 10. Quocirca nullo modo cogimur, aut retentæ præscientiæ Dei tollere voluntatis arbitrium, aut retentæ voluntatis arbitrio, Deum quod nescias est, negare præsciri futurorum: sed utrumque amplectimur, utrumque fideliter & veraciter consistimus. Et infra, Neque ideo peccat homo, quia Deus illum peccaturum præscit: immo ideo non dubitatur ipsum peccare, cum peccat, quia uile, cuius præscientia falli non potest, non fatum, non fortunam, non aliquid aliud, sed ipsum peccaturum esse præscit: qui si noluit, omnino non peccat, sed si peccare noluerit, etiam hoc ille præscit.

Auctor operis, quod inscribitur Hypognosticum lib. 3. non procalab initio: Ipsum inquit, liberum arbitrium in hominibus esse, certa fide credimus, & prædicamus indubitanter: Et infra: Effigitur liberum arbitrium, quod quisquis negauerit, Catholicus non est.

S. INNOCENTIUS I. in epist. ad Concilium Carthaginense: Liberum, inquit, arbitrium cum nasceremur, accepimus.

S. LEO Papa I. ser. 16. de passione Domini: Nec præserendo, inquit, quod faciendum esset, cogit, ut fieret, quamuis ad hoc carnem assumpsisset, ut fieret.

S. PROSPER AQUITANVS in responsione ad objectionem sextam Gallorum, Liberum, inquit, arbitrium nihil esse, vel non esse, perperam dicitur.

His addi possent recentiores, S. Gregorius, S. Fulgentius, Venerabilis Beda, S. Anselmus, S. Bernardus, & alii, quos de industria prætermittimus, TVM, quod obiectum non sit, eos S. Augustini doctrinam in omnibus sequi, TVM, quia testimonia ipsorum cum aliis pluribus adscribentur, cum de libero arbitrio in actionibus moralibus disleremus. Nam illa omnia testimonia, si probabunt hominem esse liberi arbitrij in actionibus bonis & malis, multo magis probabunt id, quod nunc agimus, hominem videri

et esse liberi arbitrij in actionibus indifferentibus & ciuilibus.

CAPVT X.

Euidens esse luminem rationis naturalis, hominem liberi esse arbitrij in actionibus ciuilibus & externis.

DEMONSTRABIMVS hucusque aduersus hæreticos libertatem arbitrij, & testimonius Scripturatum & Patrum: nunc tum aduersus eosdem hæreticos, tum aduersus paucissimos quosdam Catholicos, quos cap. 5. nominauimus, demonstrabimus eandem arbitrij libertatem ex ratione, ac lumine naturali.

PRIMA igitur ratio duci potest à communi consensu sapientum, etiam Ethnicor. Id enim Peripatetici docent, ut perspicuum est ex Aristotele li. 3. Ethic. cap. 1. 2. 3. & seq. Idem Academici, ut plane constat ex Platone in Gorgia, & alibi. Idem etiam Stoici, qui tamen fatum acerrime defendebant. Nam (ut scribit S. Augu. li. 5. de ciuit. Dei, ca. 10.) Stoici cetera omnia fato subiciebant præter animos humanos. Quare Plutarchus in 1. li. de Placitis Philosophorum, affirmat. Stoicos de libertate arbitrij idem cum Platone sensisse. Idem de Stoicis & Platonis confirmat Gregorius Nyllenus in li. de fato, c. 1. 2. & 3. quibus etiam adiungit Sapientes Aegypti, Marcus etiam Tullius (eodem Aug. teste li. 5. de ciuit. Dei, ca. 9.) maluit Deo prouidentiam auferre, quam homini libertatem, & ita ut faceret homines liberos, facit sacrilegos. Cum enim libertatem humanam cum prouidentia diuina copulare non posset, elegit id quod erat notius, quodque in se ipse singulis fere momentis experiri videbat. Multorum præterea Ethnicorum testimonia adducit Eusebius lib. 6. de præparat. Euang. cap. 6. & 7. Denique Calvinus ipse li. 2. Instit. c. 2. §. 2. facit Philosophos summo consensu libertatem arbitrij docuisse.

ALTERA ratio sumitur à consensu orbis terrarum vniuersi. Nulla est enim aut fuit vnquam Respublica, nullum Imperium, quod non haberet publicum consilium, magistratus, leges, pœnas, præmia. Quæ omnino superuacanea essent, si libertatem arbitrij homines non haberent. Item in omni exercitu Imperatores, & Duces & oratione, & promissis, & tympanis & turbis accendunt animos militum. Sed quorsum hæc fierent, si non consilio, & deliberatione animi homines ad opera sua seipsi mouerent, & possent pro arbitrio agere & non agere? Ad hæc omnes omnino homines prudentiam, atque industriam necessariam esse censent in operibus humanis, siue ij sint mercatores, siue agricolæ, siue opifices, siue quicunque alii. Quare recte docet Eusebius li. 6. de præparat. Euang. ca. 5. eos, qui sentiunt, omnia fieri ex necessitate, nihil contingenter & libere, pernertere aut euertere humanam vitam vniuersam.

TER TIA ratio ducitur ab experientia, quæ illos ipsos, qui verbis liberum arbitrium negant, repia, & factis, illud affirmare compellit, id, quod ex Alexandro Aphrodisio docet Eusebius li. 6. de præparat. Euang. c. 7. nam illi etiam, qui negant arbitrij libertatem, hortantur suos, eisque præcipiunt, puniunt quoque si perperam agant. solliciti sunt in periculis, cauti in rebus dubis, & si quis eos afficiat iniuria, irascuntur, & ultionem parant. Quod in Calvinianis maxime cernere est, qui si vno verbo forte lædantur, mox euomunt libros plenos conuiciorum. At si vere sentiunt, eos quibus irascuntur, non potuisse iniuriam non inferre, cur, quæso, irascuntur?

Dicent fortasse, se quoque non posse non irasci. Cur igitur non similiter irascuntur, si à phrenetico, vel puero similem iniuriam patiantur? & si serio credunt, eos, quos hortantur, & quibus præcipiunt, necessitate quadam impelli, ut non possint aliud facere, quam quod faciunt: cur tempus & in cohortando & præcipiendo frustra terunt? quod si ipsi quoque ex necessitate hortantur & præcipiunt: cur non utuntur hortationibus, & præceptis erga stultos; aut peccatores tantum erga homines & sanos & sobrios? Nonne igitur experientia plane cogit fatui, liberum esse arbitrium tum in nobis, qui hortamur, præcipimus, irascimur, tum in iis quos hortamur, quibus præcipimus, & quibus irascimur, quandoquidem nihil eiusmodi agimus erga eos, quos libero arbitrio carere non dubitamus?

QUARTA ratio, sumitur ex peccatis hominum. Si quidem evidens est, homines quandoque peccare: nec minus est evidens neminem posse sine arbitrii libertate peccare. Conscientiæ stimulus, ac remorsus; verecundia quæ nascitur ex peccato; reprehensiones aliorum, commune odium in eos, qui male agunt, ita ut etiam furibus sint fures inuisi, apertissime testantur, homines quandoque peccare. Neminem autem peccare in eo, quod necessitate facit, tam esse manifestum, & omnibus certum, docet S. August. in lib. de vera religione, cap. 14. ut nulla hic doctorum paucitas, nulla indoctorum turba dissentiat, & in li. de duabus animabus, cap. 11. scribit, hoc à pastoribus cantari in montibus, & à Poëtis in theatris, ab indoctis in circulis, à doctis in bibliothecis, à magistris in scholis, à Pontificibus in templis, à genere humano in orbe terrarum.

QUINTA ratio ducitur ab ipsa rei natura; talis est enim in vnaquaque re modus appetendi, qualis est cognoscendi: appetitio enim cognitionem sequitur, nec fieri potest, ut quis appetat rem incognitam. In hominibus autem est cognitio finis & mediorum ad finem tum necessariorum, tum etiam contingentium: igitur hominum appetitio ex necessitate fertur in finem, & in ea media, quæ sunt cum fine ex necessitate connexa: in alio vero non nisi contingentem. Atqui hoc est, hominem esse liberum libertate contingentia, posse videlicet accipere vel reicere ea media, quæ ratio docet non necessario cum fine esse connexa. Rursus (ut recte colligit Greg. Nyssenus in li. 7. de Philosophia, ca. 1.) consultatio ad electionem ordinatur, proinde ubi est vis consultiva, ibi etiam est vis electiva, ubi autem est vis electiva, ibi est libertas arbitrii, cum nihil sit aliud libertas arbitrii nisi potestas electionis: evidens autem est, esse in homine vim consultivam, ut experientia ipsa testatur: igitur evidens quoque est, esse in homine vim electivam, atque arbitrii libertatem.

CAPUT XI.

Respondetur ad argumenta, quæ sumunt aduersarii ex diuinis litteris.

SED iam argumenta Caluini, aliorumque hæreticorum proponenda & soluenda sunt. Et quoniam ducunt etiam ipsi argumenta à Scripturis sanctis, à testimoniis veterum, & à ratione, initium à Scripturis faciemus.

CALVINUS igitur producit hæc loca. PRIMVM ex li. Exod. c. 11. ubi Ægyptii à Deo impuls, dederunt Hebræis preciosissima vasa, & vestes, aliaque per multa, quæ sine dubio nunquam daturi fuissent, si vere liberum arbitriū habuissent. SECVNDVM ex Gen.

43. ubi Iacob dicit filiis suis. *Des. vobis Deus inuenire misericordiam coram viro.* Quod certe non diceret, nisi existimaret à Deo flecti, & regi corda hominum. TERTIVM ex illo 1. Regum 11. *Irruit super eum spiritus Domini.* QVARTVM ex illo 2. Reg. 16. ubi Deus effecit, ut Abialon non sequeretur consiliū Achitophel. QVINTVM ex illo 3. Reg. 12. ubi Deus inclinavit cor Roboam, ut sequeretur consilia iuuenū. SEXTVM ex illo Iosue 2. ubi teste Rahab Deus ad introitum Hebræorum in Palæstinam, immisit terrorem & pauorem in corda incolentium terrā illam. SEPTIMVM ex Leuit. 16. & Deut. 28. ubi Deus Israëlitis ait: *Dabo vobis cor pauidum, & oculos deficientes, &c.*

His accedant testimonia, quæ ante proposuerant LUTHERVS & MELANCHTON. Sic igitur OCTAVVS locus ex illo Isa. 26. *Omnia opera nostrā in nobis operatus es Domine.* NONVS ex illo Hierem. 10. *Scio Domine, quia non est in homine via eius, nec viri ut dirigat gressus suos.* DECIMVS ex illo 1. Reg. 1. *Non audierunt vocem patris sui (filii Eli) quia voluit Dominus occidere eos.* VNDECIMVS ex illo 1. Reg. 10. *Abiit cum eo (Saul) pars exercitus, quorum reigerat Deus corda.* DVODECIMVS ex illo Prouerb. 16. *Homini est præparare cor, Domini autem est gubernare linguam.* Item: *Cor hominis cogitat viam suam, & Dominus dirigit gressus eius.* TERTIVSDECIMVS ex illo Prouerb. 20. *À Domino diriguntur gressus viri, quis autem hominum potest intelligere viam suam?* QVARTVSDECIMVS ex illo Prouerb. 22. *Cor Regis in manu Domini, quocunque voluerit inclinabit illud.* QVINTVSDECIMVS ex illo Matth. 10. *Vnus passer non cadit in terram sine Patre vestro.* SEXTVSDECIMVS ex illo Rom. 11. *Quoniam ex ipso, & in ipso, & per ipsum sunt omnia.* Item ex illo 1. Corinth. 12. *Omnia in omnibus operatur.* Denique ex illo Ephes. primo. *Qui operatur omnia secundum consilium voluntatis suæ.*

In explicatione horū locorum pauca quædam notanda sunt. PRIMVM est, Non esse idem liberam electionem & liberam exequutionem. Libera enim electio necessaria est ad libertatem arbitrii conferuandam, non item libera exequutio, ut S. Ioānes Damascenus recte docet in lib. 2. de fide, ca. 26. Itaque potest Deus, nec solum Deus, sed etiam homines impedire, quo minus aliquis re ipsa faciat quod elegit ac decreuit, nec tamen detrimentum vllum patietur liberum voluntatis arbitrium.

Atque hinc RESPONDETUR ad testimonium NONVM, DVODECIMVM, & TERTIVMDECIMVM. Nam dicitur non esse in homine via eius, quia quamuis ipse mature deliberet & proponat, tamen non est in eius potestate progressus negotii, cum multis variisque modis impediri possit. Et ideo Sapiens dicit cor hominis cogitare viam suam, id est, præmeditari & ordinare quid, & quomodo sit faciendum; tamen eventum esse in manu Dei, à quo petendum est, ut dirigat gressus. Nec solum in factis, sed etiam in verbis, læpenumero exequutio non est in potestate hominis: læpe enim diligenter medicamur verba, quæ dicturi sumus, & statuimus animo ita loqui, ut nihil falsi, nihil noxii, nihil superuacanei nobis excidat, & tamen, nisi Deus speciali gratia linguam gubernet, non implemus quod proposuimus.

Neque vero hinc sequitur (ut Pelagiani volebant) posse nos sine Dei auxilio, præparare cor, aut cogitare viam nostram, quia scriptum est, *homini est præparare cor*: &, *homo cogitat viam suam.* Nam neque sumus sufficientes, cogitare aliquid ex nobis, tanquam ex nobis, ut Apostolus ait 2. Corinth. 3. Neque ita diriguntur gressus nostri à Deo, ut non etiā eos nos dirigamus, iuxta illud Prou. 25. *Vir pruden-*

dens

quocunque voluerit, cum aqua facillime fluat, quæ via datur: tam est facile Deo flectere corda Regum quamvis potentium & superbiorum, nimirum interius eis proponendo, quæ nouit eorum ingenio congruere. Atque ita soluta sunt argumenta omnia, quæ ex diuinis litteris aduersarij protulerunt.

CAPVT XII.

Respondetur ad obiectiones ex testimoniis S. Augustini.

EX AVGVSTINO plurima profert Caluinus testimonia contra liberum arbitrium: sed pertinent fere omnia ad questiones de libero arbitrio, in actionibus moralibus vel supernaturalibus. Tria tantum sunt, quæ ad hunc locum, quem nunc tractamus, pertinent, & ea facili negotio ex ijs, quæ supra diximus, explicantur.

PRIMUM est in li. 6. de Genesi ad litteram, c. 15. ubi sic loquitur Augustinus: *Conducitur voluntas rerum necessitas. Et c. 17. Hoc autem necessario futurum est quod Deus vult, & ea fere futura sunt, quæ ille præscit.*

ALTERVM est, in lib. de gratia & libero arbitrio, c. 20. Scriptura, inquit Augustinus, si diligenter inspicitur, ostendit non solum bonas hominum voluntates, quas ipse facit ex malis, & a se factas in alios bonos, & vitam dirigit æternam: verum etiam illa, quæ conseruant sæculi creaturam, ita esse in Dei potestate, ut eas, quæ voluerit, quando voluerit, faciat inclinari, vel ad præstantia beneficia, vel ad pœnas infligendas occultissimo quidem iudicio, sed iustissimo.

TERTIVM in Enchir. cap. 30. *Libero arbitrio male utens homo, & se perdidit & ipsum.*

Sed responsio in promptu est. Nam quod attinet ad **PRIMUM**, loquitur eo loco S. Augustinus de necessitate consequentis non consequentis, ut sensus sit, quod Deus vult fieri, infallibiliter futurum esse, sed libere vel necessario prout causæ secundæ fuerint. Non enim Deus destruit naturas, sed eo modo vult rem fieri, quem natura eius rei postulat.

Quod autem ad **SECUNDVM** pertinet, fatemur hominū voluntates ita esse in potestate Dei, ut quocunque voluerit, quando voluerit, faciat inclinari, sed plane suauiter, & quomodo Deum par est agere, cū libera voluntate. Itaque non inclinat eam ex necessitate determinando ad vnum, sed vel imprimēdo formam aliquam per quam inclinetur, vel interius persuadendo eo modo, quem ipse videt aptissimum esse, ut ab homine non respuatur. Et si ea vis abest humanæ eloquentiæ, ut liberas voluntates sæpe flectat, & detorqueat ad id, quod cupit, quanto facilius poterit Deus non sæpe, sed semper interna suasionē voluntates humanas quocunque voluerit inclinare, cum ipse perfecte nouerit omnes animi propensiones, vim omnium argumentorum, & quid sit quod hoc loco & tempore humanum animum moueat, si adhibeatur?

Quod autem S. August. scribit, hominem male utendo libero arbitrio, & se perdidisse, & ipsum, intelligitur de libero arbitrio non simpliciter, sed quale erat in statu innocentis, hoc est, de arbitrio non solum libero à naturali necessitate (de qua nos hoc loco tractamus) sed etiam à miseria & peccato. Poterat enim primus homo in statu innocentis per liberum arbitrium nunquam peccare, & nullam omnino miseriam experiri. Docet hoc idem S. August. in 1. lib. contra duas epistolas Pelagianorum, cap. 2. his verbis: *Quis nostram dicat, quod primi hominis peccato perierit liberum arbitrium de humano genere? libertas quidem perijt per peccatum, sed illa quæ in paradiso fuit habendi plenam cum immortalitate iustitiam. Nam li-*

berum arbitrium usque adeo in peccatore non perijt, ut per illud peccent maxime omnes, qui cum delectatione peccant.

CAPVT XIII.

Respondetur ad obiectionem ex repugnantia præscientiæ & libertatis.

PRÆTER testimonia Scripturarum, & S. August. adducit Caluinus argumentum ex repugnantia prouidentie diuinæ, & libertatis humanæ. Sed quoniam prouidentia includit præscientiam & prædeterminationem, & vtraque seorsim pugnare videtur cum libero arbitrio, ideo seorsim de vtraque tractabimus.

Igitur obiectio ducta à præscientia Dei talis est. **B** Deus necessario præscit omnia futura, nec potest villo modo fieri, ut ipse fallatur, igitur omnia futura ex necessitate euenient. Rursus præscientia Dei est causa rerum, igitur ideo res erunt, quia Deus præscit esse futuras, non contra. Alioqui enim Deus penderet à rebus creatis, & eius scientia mutabilis & accidentaria esset. *Præscientia* (inquit Augustinus lib. 15. de Trinitate cap. 13.) *creaturas suas tam spirituales, quam corporales non quia sunt, ideo nouit, sed ideo sunt, quia nouit.* Quod si præscientia Dei est causa rerum, certe sequitur, ut posita præscientia necessario res quæ præsciuntur, sint futuræ. Neque enim præscientia Dei impediri potest ab vlla causa creata.

RESPONDEO, præscientiam Dei esse certissimam, & tamen nullam imponere rebus futuris necessitatem, neque cum arbitrii libertate vlla ratione pugnare. Demonstrant hoc Theologi rationibus. Sed hoc loco satis nobis erit ratio S. August. ex lib. 3. de libero arbitrio, cap. 3. Si præscientia dei rebus futuris necessitatem imponeret, vel id faceret, quia præscientia est, vel quia dei est. Neutrum autem vere dici potest. Nam si præscientia dei, quia præscientia est, imponeret rebus necessitatem, non solum præscientia dei, sed etiam præscientia hominum imponeret rebus necessitatem. Id autem falsum est. **D** Nam præscientia hominum non est causa rerum, neque aliquid ponit in rebus, ut si ego diuina reuelatione ceteris prænoscam futurum esse, ut crastina die pluat: non propterea ero ego causa pluuiæ, & tamen sine dubio pluet, sed non minus contingentes, quam si nihil ego præscissem.

Vnde igitur (inquies) sit, ut quæ certo prænoscentur semper eueniant, cum tamen contingenter fiant, ac per hoc possint non fieri? Causa huius rei est, quia qui futurum prænoscit, præcurrit intelligentia rei effectum, & intuetur eam iam factā aut equam fiat. Id autem quod factum est, non potest factum non esse, tametsi libere & contingenter factum sit. Præscientia dei igitur non imponit rebus necessitatem, quia præscientia est: sed neque quia dei est; nam quemadmodum deus præscit, quid homines facturi sint, etiam præscit, quid ipse facturus sit. Non autem cogit præscientia Dei ipsum Deum ut aliquid faciat, igitur neque homines cogit.

PRÆTEREA præscientia mea non imponit rebus necessitatem, quia non est causa rerum; ac neque præscientia Dei est causa rerum, ut patet, quia non potest esse actus causa sui obiecti, sed contra potius obiectum est causa actus. Quare veteres Patres citati cap. 9. Origenes, Athanasius, Chrysost. Hieronymus, Augustinus, & præterea Iustinus (aut quicumque fuit auctor) in questionibus Gentilium, question. 58. Epiphanius hæretic. Cainorum docent non

ideo

ideo res euenire, quia Deus præsciuit futuras, sed ideo Deum præsciuisse, quia futuræ erant.

Ex his ad PRIMAM objectionem Respondeo, Ex eo quod Deus omnia futura prænosceat, nec potest eius præscientia falli, non sequi, ut res omnes futuræ ex necessitate eueniant, necessitate consequentis, sed solum necessitate consequentiæ: hoc est, tantum sequi, ut infallibiliter eueniant, non autem ut absolute non potuerint non euenire.

Ad alteram objectionem Respondeo, aliquam scientiam Dei esse causam rerum, non autem scientiam, siue præscientiam, de qua loquitur. Duplex enim in Deo scientia est; Altera, simplicis intelligentiæ, qua Deus cognoscit res omnes, quæ quoquo modo esse possunt; Altera, visionis, qua cognoscit ea solum, quæ re ipsa sunt, vel erunt, aut fuerunt. Visio enim terminatur ad existentiam rei, non ad solam possibilitatem. Et quævis in Deo sint omnia simul, vel potius omnia sint vnum: tamen iuxta modum nostrum intelligendi, simplex intelligentia prior est visione, cum inter eas media sit voluntas.

Itaque PRIMVM Deus intelligit res omnes, quæ quoquo modo esse possunt; Deinde, voluntate decernit ex his, quas velit re ipsa aliquando existere; Postremo, res illas, quas voluit existere, intuetur in suo tempore existentes, & si tempus illud nondum aduenit, prævidet ac prænosceat. Ex quo sequitur, ut scientiæ, quæ est causa rerum ex doctrina S. August. lib. 15. de Trin. c. 13. non sit scientia visionis, sed scientia simplicis intelligentiæ. Scientia enim visionis præsupponit existentiam rerum, sicut scientia simplicis intelligentiæ præsupponit rerum possibilitatem; semper enim cognitio præsupponit obiectum.

Porro præscientia non est simplex intelligentia, sed scientia visionis, ut notum est, cum præscientia non sit rei possibilis, sed rei certo futuræ in aliquo tempore, ac per hoc præscientia non est causa rerum, nec ideo res sunt futuræ, quia Deus eas prænosceat, sed ideo Deus eas prænosceat, quia sunt futuræ, ut veteres patres supracitati recte docuerunt, & potest res tota exëplo rerum humanarum facile explicari. Siquidem apud homines ij, qui rem aliquam ex arte moluntur, ut domum, vel arcem, aut aliquid eiusmodi, primum mente concipiunt formam, qua possit res fieri, sed nondum sciunt esse futuram; deinde postquæ cognouerunt rem illam secundum formam conceptam posse fieri, & rite successuram, si velint ad mouere manum ad opus, decernunt omnino eam facere, & tunc demum præscire possunt rem esse futuram. Ceterum causa operis non est præscientia ista rei futuræ, sed forma illa initio concepta, ad cuius similitudinem opificium extruitur.

Cum igitur præscientia non sit causa rerum, & præsupponat decretum voluntatis, quod vere causa est omnium rerum, tota difficultas reuocatur ad concordiam libertatis humanæ cum decreto voluntatis diuinæ, quæ est pars altera prouidentie.

CAPVT XIV.

Refelluntur tres opiniones de concordia cooperationis diuinæ, cum libero arbitrio.

SUPEREST obiectio, quæ ducitur à repugnantia cooperationis diuinæ voluntatis cum libertate humana. Est autem hæc obiectio; diuina voluntas est prima causa omnium rerum, & iam ab æternitate decreuit quid velit, aut non velit fieri; nulla igitur esse potest in homine libertas arbitrij; nam prima causa efficacissima est, & secundum Scripturas non potest ullus diuinæ resistere voluntati.

Rob. Bellarm. Card. Tom. 4.

A Confirmat hanc objectionem Calvinus ab experientia. Nam in rebus minime perplexis sæpe deficit nobis & mens & ratio, ita ut miremur postea, quomodo non viderimus, quod erat ante oculos: contra autem sæpe in rebus obscurissimis continuo affulget consilium optimum, quo res tota facili negotio expeditur. Pari ratione quod attinet ad effectum, sæpe in rebus minime arduis animus flaccescit: in rebus autem difficillimis & periculosis, animus superat omni difficultate superior. Ex quo intelligi potest, mentes nostras à Deo regi & gubernari, iuxta illud Prouerb. 20. *Vis auris audiat, & oculus videat, Dominus facit utrumque.* Et ca. 21. *Cor Regis in manu Domini, quocunque volueris inclinabit illud.*

B Ad hanc objectionem varijs modis responderi solet. PRIMVM enim Caietanus in 1. p. q. 22. art. 4. docet, concordiam istam liberi arbitrij cum diuina prouidentia videri inexplicabilem, & non intelligibilem in hac vita. Et quidē si ita se res haberet, non tamen neganda esset vel prouidentia Dei, vel libertas hominum. Potest enim facile contingere, ut aliquid ab vna parte manifeste cōster, ab altera sit maxime dubium & obscurum; & tunc non est negandum vnum propter alterum: *Nunquid* (inquit sanctus Augustinus lib. de bono perseverantiæ, c. 14.) *ideo negandum est, quod apertum est, quia comprehendis non potest, quod occultum est?*

C Sed quævis res hæc sit obscura atque abdita valde, ut Caietanus recte monuit, tamen conandum est, rebus etiam obscuris aliquod lumen adferre. Durandus in 2. sent. dist. 37. quæ 1. nullo fere negotio rem tantam se expedivisse credidit, cum docuit, nullum requiri diuinæ voluntatis concursum ad actiones causarum secundarum, sed satis esse ipsas naturas, earumque virtutes, & ut Deus, sicut utrasque condidit, ita utrasque conseruet. Sed hanc sententiam falsam esse, & Scripturis, Patrumque testimonijs, ac rationi repugnare, paulo ante docuimus.

D Est igitur TERTIA aliorum sententia, qui fatentur, Deum suo concursu determinare actionem voluntatis humanæ, & eo posito non posse humanam voluntatem non agere: tamen esse liberam absolute, vel quia (ut scribit Iacobus Almaynus in moralib. c. 1. & 2.) Dei concursus non est de prærequisitis ad actionem liberi arbitrij, sed de comitibus: illa autem est potentia libera, quæ positis omnibus prærequisitis potest agere & non agere, vel quia, ut docet alii, concursus Dei determinans humanam voluntatem, non impedit quo minus homo plenum, atque perfectum habeat iudicium rationis, & proinde iudicet aliud medium esse contingens, aliud cum fine ex necessitate connexum. Hæc enim est radix libertatis, & ubicunque radix ista reperitur, ibi etiam libertas reperitur.

E Hæc sententia mihi probari non potest, multis de causis. PRIMO, quia rationes, quibus ipsi defendunt libertatem arbitrij, non videntur solidæ: falsum enim est, quod Almaynus dicit, concursum Dei non esse de prærequisitis. Nam si voluntas humana est de prærequisitis, quia est de causa actionis, cur concursus Dei, qui est etiam causa actionis, non erit de prærequisitis? Loquimur enim de concursu Dei in actu primo, neque verum esse videtur, quod scribit quidem, satis esse ad liberum arbitrium, ut homo plenum, atque perfectum habeat iudicium rationis. Requiritur enim præterea, ut homo sit dominus suæ actionis, & possit agere & non agere. Ideo enim Græci liberum vocant *αὐτάρκεια*, id est, suæ potestatis. Qui autem determinatur ab alio ad aliquam actionem, certe non est dominus illius actionis.

T v

Quocirca licet beati habeant plenum, & perfectum iudicium, respectu visionis diuinæ, tamen non sunt liberi circa illam, quia determinati sunt ad vnum, nec possunt illam non velle. Et nos omnes non minus perfecto iudicio cognoscimus media necessario connexa cum fine, quam media connexa contingenter, & tamen circa posteriora liberi sumus, non circa priora, quia videlicet, posteriora possumus non eligere, non autem priora.

Itaque verum est, ibi esse liberum arbitrium, ubi est radix libertatis, id est, cognitio contingentis mediorum: non quia non requiratur dominium actionum, sed quia Deus nemini dedit illam cognitionem contingentis mediorum, cui etiam non dedit dominium actionum. Frustra enim dedisset illam cognitionem, nisi dedisset vim consultivam, & frustra dedisset vim consultivam, nisi dedisset dominium actionum, & indeterminationem, in qua consistit vera libertas.

At, inquit, Deus non potest velle, & non velle, sed ab æterno est determinatus ad vnum: & tamen quia iudicat res creatas non esse sibi necessarias, liberum arbitrium circa eas habere dicitur. Respondet, Deum determinatum esse ad vnum ab æterno, sed à seipso, non ab alio, & potuisse determinare se ipsum ad aliud, & ideo vere & proprie dominum esse actionum suarum ad extra: quare ipse etiam homo, qui ad imaginem Dei creatus est, ut sit vere liber, non solum habere debet plenum & perfectum iudicium, sed etiam dominium actionum suarum, ut se ipsum determinet.

DEINDE, videtur hæc sententia parum consentanea Scripturæ, quæ Eccl. 15. dicit, hominem relictum in manu consilii sui, ut ad quodcumque voluerit extendat manum suam. Quomodo enim relinquitur in manu consilii sui, qui in omnibus actionibus determinatur ab alio, cui resistere nullo modo potest? Scripturæ etiam, quas supra citauimus, quæ dicunt hominem habere optionem eligendi hoc, aut illud, sine dubio significant, hominem dominum esse suarum actionum & indeterminationum.

TERTIO, videtur repugnare testimonijs Patrum. Sic enim loquitur sanctus Ioannes Chrysostomus hom. 11. in Ioannem: *Anima sui iuris vim in se habet operandi, neque ulla in re Deo, nisi velit, obtemperat.* Item homil. 41. ad populum Antiochenum: *Oportet, inquit, nos prius eligere bona, & ille sua tunc inducit: nostras non præuenit voluntates, ne nostram temeret libertatem.* Quo loco sanctus Doctor non negat gratiam præuenientem, vel Dei cooperationem, quam alibi sepe conficitur, sed negat præuentionem determinantem ad vnum, ita ut non sit vere in potestate hominis facere, vel omittere.

S. Hieronymus in commentario capitis 26. Hieremiæ: *Verbum, inquit, ambiguum (forsan) maiestatis Domini non potest conuenire, sed nostro loquitur affectu, ut liberum hominis seruetur arbitrium, ne ex præscientia eius quasi necessitate, vel facere quid, vel non facere cogatur.* Non enim ex eo, quod Deus scit, futurum aliquid, ideoque futurum est, sed quia futurum est, Deus nouit. Hoc loco S. Hieronymus negat, præscientiam esse causam futurorum, ne liberum destruat arbitrium. At si præscientia destrueret liberum arbitrium, si esset causa futuræ actionis humanæ; quanto magis illud destruet prædeterminatio diuinæ voluntatis, si ponatur causa actionum humanarum, cum longe magis libertati repugnet prædeterminatio, quam præscientia? Idem Hieronymus in epistola ad Damasum de filio prodigo: *Dedit, inquit, homini mentis propriam libertatem, ut vna-*

res unusquisque non ex imperio Dei, sed ex obsequio suo, id est, non ex necessitate, sed ex voluntate. Vbi illud (non ex imperio Dei) non significat, liberum esse hominem ab obligatione præceptorum Dei, sed liberum esse à necessitate determinante ad vnum.

S. Augustinus libr. 7. de ciuit. Dei, ca. 30. sic, inquit, *Administras omnia, quæ creauit, ut etiam ipsa proprios exercere & agere motus sinat.* At certe proprium est liberi arbitrij, dominum esse suæ actionis, atque ad eam se determinare, non ab alio determinari.

S. Gregorius Nyssenus libr. 7. de Philosophia, ca. 1. & 2. docet, actiones liberi arbitrij non esse referendas ut in causam, in Deum, sed in nos ipsos: & ideo dici esse in nostra potestate.

S. Ioannes Damascenus libr. 2. cap. 30. *Operæ præcium, inquit, est agnoscere, omnia præscire Deum, non autem omnia prædesinire, ac prædestinare.* Præscit enim & ea quæ in nobis, non prædesinit autem hæc.

QUARTO, repugnat præcipuis auctoribus Scholasticis. Nam sanctus Bonaventura in primo, dist. 37. q. 1. ad vltimum: *Ad illud, inquit, quod obijciunt, quod Deus est principale mouens in tali actione, dicendum, quod verum est: attamen non sequitur ex hoc, quod excuset liberum arbitrium ad faciendam illam operationem.* Excitatio enim dicit aliquem effectum gratiæ præuenientem ipsam voluntatem. Hæc autem requiritur in bonis meritorijs: in alijs autem operibus indifferentibus, vel etiam malis, non est sola cooperatio diuina virtutis, quæ existens in creatura potentialiter, essentialiter & presentia- liter, sicut conseruat eam in essendo, sic adiuvat in operando. Propter quod conceditur ibi esse operationem, non præuentionem.

Gregorius Ariminensis in 1. distinct. 34. & 37. quæst. 1. art. 3. *Deus, inquit, sequitur determinationem voluntatis: non quod determinatio voluntatis sit aliqua entitas distincta à voluntate, & actus eius, quæ primo fiat à voluntate, sicut imaginari videtur argumentum: nec etiam intelligendo, quod prius natura voluntas agat actum illum, quàm Deus, proprie loquendo de priorina natura, quomam tunc sequeretur, quod posset illum agere Deo coagente, sicut patet ex definitione prioris secundum naturam: sed ad hunc sensum dico, Deum sequi determinationem voluntatis, quomam ideo Deus agit actum illum, quia cum voluntas agit, & non quia Deus agit, ideo voluntas agit. Et ideo dicitur magis proprie Deus coagere voluntati salutem actum causando, quàm voluntas dicatur coagere Deo.*

Scotus in 2. sentent. distinct. 37. quæst. 1. §. ad solutionem istorum, &c. differens de cooperatione primæ causæ cum secunda libera, docet, nullo modo prius agere Deum, quàm voluntatem, ac per hoc non prædeterminari voluntatem à Deo: *Sicut, inquit, in vno instanti nature materia materialis & efficiens efficit: ita duæ causæ efficientes ordinatæ in instanti nature causant effectum communem, ita quod neutra tunc causat sine altera: sed quod effectus non rectus causetur, hoc non est tunc propter causam priorem, quæ quantum est ex se, recte causaret, si secunda causaret, sed propter defectum causæ secundæ, quæ in potestate sua habet concussare primam causam, vel non concussare, & si non concussar illi, ut tenetur, non est reductio in effectum communem amborum.*

S. Thomas in prima secundæ, q. 9. art. 6. ad tertium sic loquitur: *Ad tertium dicendum, quod Deus mouet voluntatem hominis, sicut vniuersalis motus ad vniuersale obiectum voluntatis, quod est bonum: & sine hac vniuersali motione homo non potest aliquid velle: sed homo determinat se per rationem ad volendum hoc, vel illud, quod est vere bonum, vel apparens bonum.*

Vbi illa particula aduersaria, *sed*, ostendit, determinationem particularem referendam esse in ipsam voluntatem, non in Deum prius determinantem, determinationem autem vniuersalem in bonum in communi, referendam esse in Deum, qui est causa vniuersalis.

Idem in 1. 2. q. 10. art. 4. Quia, inquit, *voluntas est actuum principium non determinatum ad vnum, sed indifferenter se habens ad multa, sic Deus ipsam mouet quod non ex necessitate ad vnam determinat, sed manet motus eius contingens, nisi in his, ad quae naturaliter mouetur.*

Idem in 1. 2. q. 80. art. 1. ad 3. Dicendum, inquit, quod Deus est vniuersale principium omnis interioris motus humani: sed quod determinetur ad malum consilium voluntas humana, hoc directe quidem est ex voluntate humana, & à diabolo per modum persuadentis, vel appetibilis proponentis. Item in 1. 2. quest. 17. artic. 1. docet iuxta Damascenum, Deum prædestinare ea, quæ non sunt in nostra potestate: præscire autem, sed non prædestinare, ea quæ sunt facienda per liberum nostrum arbitrium. Denique in q. 3. de potentia, art. 7. ad 13. sic ait: *Voluntas dicitur habere dominum actus, non per exclusionem causæ primæ, sed quia causæ primæ non ita agit in voluntate, vt eam de necessitate ad vnum determinet, sicut determinat naturam: ideo determinatio actus relinquatur in potestate rationis & voluntatis.*

Cajetanus in commenta. primæ partis, q. 19. art. 8. inquit: *Cooperatio Dei in vniuerso est secundum naturam vniuersalisque, sic enim disponit omnia suauiter. Unde siue necessario, siue libere cooperetur Deus, nihilominus creata voluntas libere vtitur illa cooperatione.*

QUINTO repugnat rationi. Nam imprimis posita determinatione voluntatis à Deo facta, non videtur posse saluari libertas arbitrii. Illa enim dicitur libera potentia, quæ potest agere, & non agere, at voluntas humana non potest agere, antequam à Deo determinetur ex doctrina aduersariorum: postquam autem à Deo determinata est, non potest non agere, quia intelligi non potest, vt Deus eam moueat, & ipsa non moueatur, siue vt Deus eam determinet, & ipsa non determinetur; igitur nunquam dabitur tempus, quo ipse vere possit agere & non agere.

Deinde, si Deus esset agens necessarium & determinaret humanam voluntatem, illa non libere, sed ex necessitate ageret, vt aduersarij admittunt. At perinde est voluntati, vtum Deus eam necessario, vel libere moueat; nam actus voluntatis non ideo libere procedet à voluntate, quia libere procedit à Deo: quemadmodum si Deus libere moueat pecudem ad herbam depascendam, non propterea pecus libere herbas depascet. Neque ideo seruus ex electione vertit molam piltrini, quia dominus ex electione cogit illum ad molam piltrini vertendam. Itaque siue Deus libere, siue ex necessitate determinet voluntatem, voluntas à Deo determinata non libere, sed necessario agit. Nam deus quidem libere determinat, quia est in potestate eius non determinare: at voluntas à Deo præuenta, & determinata non habuit in potestate id efficere, ne præueniretur & determinaretur. Proinde actus eius liber quidem est, vt exit à Deo, non tamen est liber, vt exit ab ipsa, & ideo ipsa non est causa libera, sed necessaria.

Ad hæc si ponatur ista determinatio, non poterit intelligi, quomodo Deus non sit causa peccati, & quomodo homines qui peccant, non sint digni excusatione. Nam si Deus in omni actu positiuo voluntatem determinat, & mouet ad agendum;

A certe etiam determinabit & mouebit ad volendum furari, fornicari, mentiri, blasphemare, &c. quis autem capiat hominem dignum esse poena, si id velit quod Deus determinando & mouendo facit eum velle? Sed de hac re multa diximus in 2. lib. de statu peccati.

CAPVT XV.

Explicatur vna ratio concordie diuinæ cooperationis cum libero arbitrio.

ILLÆ igitur sententia refutata, duæ nobis rationes occurrunt satis accommodatæ, ad explicandam concordiam diuinæ cooperationis cum libero arbitrio, & obiectionem superiore capite propositam diluendam.

Vna ratio est, iuxta sententiam Gregorij Ariminensis, Scoti, Gabrielis, & aliorum, in 2. sent. dist. 37. qui docent, cooperationem diuinam se tenere ex parte effectus, non ex parte causæ, hoc est, concursum Dei non determinare voluntatem nostram, nec aliquid in illam imprimere, aut operari, sed immediate influere in effectum; eumque producere illo ipso momento, quo à voluntate nostra producit.

Hinc enim sequitur, vt neque Deus determine, siue necessitet voluntatem, neque voluntas Deum. Nam & vtique concursus suum libere adhibet, & si alter nolit concurrere, opus non fiet. Simile est, cum duo ferunt ingentem lapidem, quem vnus ferre non posset: neuter enim alteri vires addit, aut eum impellit, & vtique liberum est onus relinquere. Quanquam Deus nisi extraordinarie miraculum operari velit; semper occurrit, quando voluntas nostra concurrat, quoniam ad hoc se libere quodammodo obligauit, quando liberam voluntatem creauit. Ex quo etiam sequitur, vt licet in eodem priorius momento temporis, & naturæ Deus, & voluntas operari incipiant, tamen Deus operetur, quia voluntas operatur, non contra. Et hoc est, quod aliqui dicunt, voluntatem prius naturæ operari, quam Deum, non prioritate instantis, in quo, sed à quo. Sed operæ precium erit soluere argumenta, quæ aduersus hanc sententiam fieri solent.

D PRIMVM argumentum, Inter primam causam, & secundam est ordo quidam essentialis, vt prima secundam moueat, & secunda non agat nisi mota à prima; est autem Deus prima causa; voluntas nostra, secunda igitur Deus voluntatem mouet, & applicat ad opus.

Respondeo, Inter causam principalem, & instrumentariam est ille ordo, vt vna alteram moueat. Inter primam autem causam & secundam, cum secunda non est proprie instrumentum, non est ordo, vt vna alteram moueat, sed vt vna sit prior altera perfectione, limitatione & necessitate; quia videlicet sit causa perfectior & nobilior, & rursus vniuersalior, cum non limitetur ad vnum vel alterum effectum, & denique summe necessaria, cum sine ea nullus effectus fieri possit.

E At, inquit, Scriptura indicat, homines esse instrumenta Dei, nam Isaia 10. dicitur; *Assur virga furoris Dei.* Et ibidem appellatur securis & serra. Sed facile est respondere, nam dicuntur homines instrumenta Dei, non proprie, sed metaphorice, quia potest Deus, quando vult, ita flectere eorum animos, quomodo artifex flectit instrumenta. Nam alioqui homo est etiam causa principalis, cum sit liber & dominetur animantibus cæteris. Quomodo autem Deus flectat animos hominum, & tamen non tollat arbitrii libertatem, explicatum est supra.

S E C U N D U M argumentum, si Deus operatur, voluntas operatur, & non contra; certe sequitur, ut Deus pendeat à voluntate, & aliquo modo à illa determinetur: absurdum est autem, ut Deus pendeat à creatura, & à temporali determinetur æternum.

Respondeo, Deus non pendet, nec determinatur à voluntate humana, licet operetur, quia illa operatur, nam libere Deus condidit liberam voluntatem, & potuisset non eundem, & rursus libere voluit, & ab æterno decrevit concurrere ad opus liberæ voluntatis, quando ipsa operari voluerit: & deique potest etiam, quando vult, non concurrere, si vult præter ordinem se constitutum aliquid fieri. Tenet Deum operari, quia voluntas operatur, non est Deus pendere à creatura, sed ab æterna sua institutione & voluntate.

T E R T I U M argumentum, Deus est causa omnium rerum, quæ quocumque modo habent esse; at quod voluntas nostra se determinet & applicet ad operandum, sine dubio est aliquid, igitur hoc ipsum facit Deus: Deus igitur facit, ut voluntas se determinet & applicet, ac per hoc ipsam mouet, determinat & applicat.

Respondeo, In eo quod est, voluntatem se determinare ad opus, siue (quod idem est) re ipsa operari, cum antea non operaretur, tria considerari possunt, voluntas, actio eius, & egressus actionis à voluntate, siue relatio, & habitudo actionis tanquam effectus ad voluntatem, ut ad causam. Ex his tribus, voluntas sine dubio à solo Deo facta est: actio quoque fit à Deo, quamuis non solo, denique relatio proprie non fit, sed consequitur: tamen ut est idem re cum actione, ab eo fit, à quo actio ipsa fit.

Itaque nihil est, quod non fiat à Deo, & tamen non dicitur Deus determinare, vel applicare voluntatem ad opus, quia relatio illa non refertur ad Deum, sed ad solam voluntatem. Referretur autem etiam ad Deum, si ipse vteretur voluntate tanquam instrumento ad illam ipsam actionem faciendam.

Q U A R T U M argumentum, Actus voluntatis est actio vitalis & immanens, igitur non potest immediate fieri, nisi à principio intrinseco & vitali. Proinde Deus non concurrat illam actionem immediate producendam, sed mediante voluntate nostra.

Respondeo, Concursus Dei est generalis & indifferens quidam influxus, qui à causis secundis modificatur & determinatur, scilicet quoad specificationem, ut diximus in lib. de causa peccati. Et colligitur etiam ex S. Thoma in lib. 1. Contra Gentes, c. 66. ubi dicit causas secundas esse particulares (sic enim loquitur) & determinantes actionem primi agentis. Porro actio immanens, & vitalis non potest produci, nisi ab intrinseco principio, vel ab extrinseco modificato & determinato ab ipso intrinseco.

Q U I N T U M argumentum, providentia Dei extenditur ad omnia, etiam singularia, & contingentia & libera: igitur Deus ab æterno determinavit omnes effectus, ac per hoc etiam determinavit causas secundas ad eos producendos. Nam alioqui si effectus liberi, & contingentes non essent prædeterminati à Deo, sed tales essent, quia tales sunt causæ secundæ; præter intentionem Dei fierent, quod absurdum esse demonstrat S. Thom. in 1. p. q. 19. art. 8. ubi concludit, Deum præparasse causas alias necessarias, alias contingentes vel liberas, quia tales esse voluit effectus: non contra, ideo voluisse effectus effectus alios necessarios, alios contingentes, vel liberos, quia tales sunt causæ.

Respondeo, Deus ab æterno determinavit

A omnes effectus, sed non ante prævisionem determinationis causarum secundarum, præsertim contingentium, & liberarum: & rursus determinavit omnes effectus, sed non eodem modo; alios enim determinavit futuros se operante, vel cooperante, alios se permittente, vel non impediante: neque ratio providentiæ postulat, ut Deus ante omnem prævisionem omnia prædeterminaverit, sed solum ut nihil fiat sine eius prævisione & cooperatione, vel permissione. Alioqui enim etiam peccata prædeterminasset, ante prævisionem malæ voluntatis, & ideo malam voluntatem esse voluisset, ut inde peccata iam ante prædeterminata prodirent, quæ est hæresis absurdissima, & aperta blasphemia. Neque Dominus in Evangelio diceret, & vnum ex passeribus non cadere in terram sine Patre nostro: sed diceret, vnum ex passeribus non cadere in terram, quem Pater noster in terram non deiciat.

B Quod autem S. Thomas dicit, Deum, instituisse quidam causas contingentes, vel liberas, quia tales esse voluit effectus; videtur intelligendum de effectibus in univsum, non in particulati, id est, quia voluit Deus in hoc mundo non omnia fieri necessario, sed aliqua contingenter, vel libere, ideo causas instituit tum necessarias, tum contingentes & liberas: tamen in particulari non ideo instituit istam causam liberam, quia voluit hunc effectum liberum, sed contra voluit hunc effectum esse liberum, quia causam habet liberam. Nam hoc modo neque res contingentes eveniunt præter intentionem Dei, neque prima radix contingentie sunt causæ secundæ, & tamen providentia non impedit liberum arbitrium.

C Quod autem S. Thomas loquutus sit in genere, & non in particulari, cognosci potest ex 1. part. q. 23. art. 7. ubi dicit, Deum determinasse numerum partium essentialium mundi, ut cælorum, elementorum, & omnium specierum; tamen non determinasse numerum individuorum corruptibilium, ut culicum, muscarum, &c. neque ut hæc musca hodie nascatur, cras illa; sed tantum in genere providisse, & providere, ut non deficiat species vlla animalium. Quod si providentia divina non prædeterminavit in particulari individua substantialia, licet ea præviderit futura, & voluerit cooperari causis secundis in eorum productione, multo minus determinavit in particulari omnes actiones transeuntes liberas, licet eas præviderit & decreverit cooperari, vel impedire, vel permittere, si malæ sint, & bonum aliquid ex eis elicere.

S E X T U M argumentum, si Deus non omnia prædeterminaret ante prævisionem determinationis secundarum causarum, non posset omnia certo præscire. Nam actiones liberas futuras non videt Deus in ipsis actionibus, quia non sunt: nec videt in causa secunda, id est, voluntate humana, quia illa indeterminata est, & omnibus positis, quæ requiruntur ad agendum, potest non agere; nec videt in causa prima exemplari, id est, in idea, quia illa repræsentat omnia possibilia, siue futura sint, siue non sint: nec videt in æternitate sua, quæ ambit omnia tempora. Nam etiam si æternitas coexistat omni tempori, tamen tempus futurum non coexistit æternitati, nisi quando re ipsa existit, id est, cum præsens est: proinde futurum, dum est futurum, non est, neque in se cognosci potest. Adde quod Deus cognoscit etiam quædam, quæ nunquam erunt, ut cum 1. Reg. 23. petenti david, vum trahent me viri Ceilam, respondit, trahent; & cum Matth. 11. prædixit Dominus Tyrios & Sidonios penitentiam acturos fuisse, si

miracula vidissent, quæ Capharnaïtæ viderunt. Hæc & similia conditionalia Deus certo prænosceat, & tamen in se ipsis nunquam extabunt, neque æternitati vnquam coexistent. Igitur aut videt in sua voluntate, tanquam in prima causa efficiente, & efficacissima, aut nullo modo videt.

Respondeo, res est omnino difficilis, & fortasse in hac vita incomprehensibilis, qua ratione Deus futura prænoscat. Et hoc videtur indicasse David in Psal. 138. cum ait: *Mirabilis facta est scientia tua ex me, confortata est, & non potero ad eam.* Illud enim (ex me) Hebraica phrasi significat (pro me) siue (super me) ut sensus sit, mirabilior est modus scientiæ tuæ, quam ut ego eum comprehendere possim. Quomodo videlicet, intellexeris cogitationes meas de longe, & omnes semitas meas inuestiganeris, &c.

Probabile tamen nobis videtur, Deum futuras actiones liberas non videre, nisi in humana voluntate. Id enim significat in primis Scriptura, cum dicit, *Deum scrutari renes & corda,* & in hoc Psal. 138. Deum inuestigare omnes semitas nostras. Nam si videret eas in sua voluntate prædeterminante omnia: non diceretur scrutari corda nostra, & inuestigare semitas, sed intueri voluntatem suam. Deinde non esset mirabile Deum omnia prænoscere, si omnia prædeterminaret. Nam & nos facile præscimus & prædicimus, quæ facturi sumus: at Sanctus David in toto illo Psal. 138. miratur scientiam Dei, qua prævidet omnes vias nostras, & intelligit cogitationes nostras de longe, &c.

Ad hæc S. Augusti. lib. 11. Confess. cap. 18. satis aperte hoc docet, cum ait: *Quo modo se habent arana præscientia futurorum: videri nisi quod est, non potest: quod autem iam est, non futurum, sed præsens est. Cum ergo dicuntur videri futura, non ipsa, quæ nondum sunt, id est, quæ futura sunt, sed eorum causa, vel signa forsitan videntur, quæ iam sunt. Ideo non futura, sed præsentia sunt iam videntibus, ex quibus futura prædicantur animo concepta.* Hæc ille.

Deus igitur quia perfecte cognoscit omnes propensiones, & totum ingenium animi nostri, & rursum non ignorat omnia, quæ illi possunt occurrere in singulis deliberationibus, & denique perspectum habet, quid magis congruum & aptum sit, ut moueat talè animum tali propensione & ingenio præditum, infallibiliter colligit, quam in partem sit animus inclinaturus. Et hoc fortasse sibi volunt, qui docent, Deum cognoscere futura omnia tam libera, quam necessaria, & tam absoluta, quam conditionalia, quia cognoscit omnem veritatem; & quia omnia, quæ quoquomodo futura sunt aliquo modo vera sunt; verum enim est dicere, hoc erit, quando re vera est futurum.

Hæc, inquam, sententia videtur coincidere cū nostra. Nā, verum, & ens conuertuntur, & ideo non est verū modo aliquid esse futurum, nisi illud, modo, habeat aliquod esse, nimirum in causa: non autem habet esse in causa id, quod est libere, & contingenter futurum, nisi quando in causa est aliqua determinatio. Et quoniam in ipsa contingente causa præcise considerata, nulla est determinatio, ideo vere dixit Philosophus, de futuris contingentibus, non esse determinatam veritatem: respexit enim ad ipsam solam causam contingentem. Tamen si quis coniungat cum causa contingente, vel libera, omnia quæ possunt occurrere & impedire, & videat propensiones & aptitudines tum ipsius causæ, tum omnium obiectorum & circumstantiarum, quod solus Deus facere potest, existeret inde aliqua determinatio, & ratione illius verum erit dicere, hoc erit tali tempore.

CAPVT XVI.

Explicatur altera ratio concordia libertatis cum cooperatione Dei, & soluitur obiectio, cap. 14. proposita.

ALTERA ratio conciliandi libertatem humanā cum cooperatione diuina, & fortasse etiam probabilior, est iuxta sententiam S. Thomæ, qui docet, cooperationem diuinam ita concurrere cum secundis causis etiam liberis, ut non solum eis dederit, & conseruet virtutes operatrices, sed etiam eas moueat, & applicet ad opus, ut cognosci potest ex 1. p. q. 103. art. 5. & lib. 3. contragentes, c. 70. & in quest. 3. de potentia, artic. 7. quæ sententia videtur valde consentanea, tum Scripturæ, quæ dicit nos in Deo esse, viuere, & moueri, Act. 17. tum etiam rationi & ordini, quem habet prima causa cum secundis: neque laborandum est in hac sententia, ut ostendamus, nihil omnino fieri sine Deo. Sed tamen habet etiam hæc sententia suas difficultates, quas breuiter explicabimus, antequam exponamus, quemadmodum iuxta hanc sententiam saluetur liberum arbitrium.

Obijciunt igitur aliqui contra sententiam S. Thomæ, non posse intelligi quomodo Deus moueat, & applicet causas secundas. Nam si Deus mouet causas secundas, vel mouet locali motu, vel alteratiuo: non locali, quia causæ secundæ, ut plurimum immotæ, secundū locum agere possunt, ignis enim non eget motu locali, ut comburat stipulam vicinam; & multo minus humana voluntas eget motu locali, ut aliquid velit. Non etiam alteratiuo, quia tunc aliqua qualitas imprimi deberet in causa secunda. Nulla autem talis qualitas necessaria est, neque ex parte Dei, qui operatur omnia per actum suæ voluntatis; neque ex parte causæ secundæ, quæ iam habet virtutem operatricem à natura.

Dices, necessariam esse ex parte Dei, & ex parte causæ secundæ: ex parte Dei, ut per eam qualitatem attingat effectum; ex parte causæ secundæ, ut determinetur, & applicetur ad operandum. Contra, nam Deus non eget qualitate, ut attingat effectum; & præterea si egeret qualitate, ut effectum attingeret, non in causa, sed in effectu illam imprimeret: porro causa secunda præsentem obiecto, non videtur indigere alia determinatione vel applicatione.

Ad hanc obiectionem respondeo, Deum non mouere localiter causam secundam, neque in illa qualitate vllam imprimere, sed tantum illa uti tanquam instrumento ad opus efficiendum, quocirca virtus à Deo impressa per modum transeuntis, dum causa secunda operatur, non distinguitur ab ipsa virtute naturali, sed est illa eadem, quatenus illa Deus utitur ad illam actionem perficiendam. Est autem necessaria hæc ratio Dei ex parte causæ secundæ, quæ cum sit talis, id est, secunda, habet necessariam dependentiam à causa prima, in cuius virtute operatur. Vide quæ diximus de virtute Dei in Sacramentis impressa per motum, lib. 2. de Sacramentis in genere, cap. 11.

His explicatis, ut ostendamus, iuxta hanc S. Thomæ sententiam, recte defendi liberum arbitrium, Sciendum est, influxum, seu virtutem Dei, qua voluntas mouetur & applicatur ad opus, recipi in causis secundis, secundum earum dispositionem (ut idem S. Thomas in quest. 3. de malo, articulo 2.) Attendendum, inquit, quod motus primi mouentis, non recipitur uniformiter in omnibus mobilibus, sed in unoquoque secundum proprium modum. Et in 1. 2. q. 10. art. 4.

Ad providentiam, inquit, Dei pertinet, naturam non A corrumpere, sed servare. Unde omnia mouet secundum eorum conditionem. Et infra: Quia, inquit, voluntas est actuum principium non determinatum ad unum, sed indifferenter se habens ad multa, sic Deus ipsam mouet, quod non ex necessitate ad unum determinat, sed remanet motus eius contingens, & non necessarius, nisi in his, ad quae naturaliter mouetur. Hæc ille.

Poterat iste modus, seu cōditio in voluntate secundum quam recipitur in ea motus Dei, nihil aliud est, nisi negatiua quædam determinatio præcedens, tum influxum Dei, tum actum elicitum voluntatis. Nimirum quod volūtas sinat se moueri ab obiecto per rationem sibi proposito, vel non sinat. Hæc enim determinatio dicitur negatiua, quia non consistit in actu positiuo, sed in negatione actus, cum tamen voluntas non minus sit libera, ut agat, quam ut non agat.

Explicat id S. Thomas in q. 1. de malo, art. 3. ubi dicit, Non uti regula rationis præintelligi in voluntate ante inordinatam electionem: huius autē quod est, non uti regula rationis, non oportere querere aliam causam, nisi voluntatis libertatem, quia videlicet in eius potestate est, ut sinat se moueri à ratione, vel non sinat. Et rursus in q. 3. de malo, art. 2. idem S. Thomas dicit, requiri in homine dispositionem quandam ad recipiendum influxum Dei, & iuxta eam dispositionem produci bonum, vel malum actum. Non potest autem prærequiri ante influxum Dei vlla dispositio positiva, cum nihil positiuum sine Deo fieri possit. Sola igitur prærequiritur dispositio negatiua.

Atque hinc fit, ut voluntas sit vere libera, & seipsa determinet, tamen si Deus illam moueat, & applicet ad opus, quoniam ipsa Dei motio in eius potestate est, siue ut loquitur Caietanus in 1. p. q. 19. art. 8. Dei motione voluntas nostra libere utitur. Nam si se moueri sinat ab obiecto proposito, Deus eam applicat, & mouet ad actum eliciendum, si non sinat, Deus eam non applicat, neque mouet. Et ideo S. Thomas in 1. 2. q. 10. art. 4. ad 3. concludit, posita Dei motione, impossibile esse ut voluntas non moueatur; absolute autem non esse impossibile. Quia videlicet potest voluntas non se disponere per negatiuam determinationem ad motionem Dei recipiendam.

Simile est, quod supra diximus de concordia ultimi iudicii practici, & liberæ electionis. Sicut enim positiuo ultimo iudicio practico fieri non potest, ut voluntas non eligat id, quod tunc ei à ratione proponitur; & tamen electio libera est, quoniam ipsum iudicium practicum est in potestate voluntatis, propter negatiuam præcedentem determinationem: sic etiam posito influxu Dei fieri non potest, ut voluntas non operetur; & tamen operatio libera est, quoniam influxus Dei non ponitur, nisi prius voluntas per negatiuam determinationem ad illum recipien-

dum se disponat. Aduersus hanc sententiam fieri possent duo postrema argumenta, quæ facta sunt aduersus sententiam capitis superioris, de providentia rerū omnium in particulari, & de modo, quo Deus cognoscit futura contingentia; sed ea iam proposita & explicata sunt.

Ex his igitur facile responderi potest ad obiectionem Caluini propositam initio cap. 14. Erat autem hæc obiectio, Voluntas diuina est prima causa omnium rerum, & iam ab æternitate decreuit quid vellet fieri: nulla igitur esse potest in homine libertas arbitrij; nam prima causa efficacissima est, & secundum Scripturas non potest vllus diuinæ resistere voluntati.

B Respondeo, voluntas diuina est quidem prima causa omnium rerum, & ab æterno decreuit quid vellet, aut non vellet fieri; sed in particularibus, & maxime liberis actionibus, id non decreuit, nisi præcognita prius dispositione, & determinatione secundarum causarum, ut supra ostendimus. Quocirca licet nemo possit diuinæ resistere voluntati, manet tamen integra libertas humanæ voluntatis, quia Deus ipse, cui nemo resistere potest, hoc voluit, ut animus humanus liber esset, & actiones suas in potestate haberet, & ideo decreuit, ei cooperari, vel eam applicare & mouere, quotiescunque per negatiuam determinationem seipsa dis-
C

poneret. Addebat Caluinus confirmationem ab experientia, quod in rebus minime perplexis sæpe nobis consilium deficiat: & contra in rebus obscuris nonnunquam lux repente affulgeat: & similiter quod attinet ad affectum, sæpe in rebus minime arduis animus flaccescat, in difficilibus autem erigatur. Quod argumentum esse, mentes nostras à Deo regi & gubernari.

Respondeo; verissimum est Dei providentia regi animos nostros, & interdum à Deo suppeditari expeditum consilium, & ingentem fiduciam in rebus arduis; & in rebus facilibus non suppeditari. Cæterum nihil id facit contra libertatem arbitrij, nam suppeditatio consilij, & inflammatio voluntatis, non determinat ex necessitate homines ad eligendum vnum potius, quam alterum. Alioqui sapientes & eloquentes homines, qui sæpe auditores suos ducunt, ac flectunt prout ipsi volunt, libero arbitrio illos priuarent.

D Sed est etiam causa naturalis eius rei, quam tantopere Caluinus miratur. Naturale enim est, ut homines difficultate rei respecta excitentur, & contranitentur, facilia vero & cuncta despiciant. Mirum autem non est, si consilia suppetant, cum animus ad rem cogitandam vehementer intenditur, & si consilium non occurrat, cum res negligitur. Sic mirum & ferrū cote acuitur, & per antiperistasin contraria ad contrariorum præsentiam vehementius roborantur.

LIBER QVINTVS,

DE GRATIA ET LIBERO ARBITRIO.

CAPVT PRIMVM.

Proponitur questio de cognitione veri moralis.



DISSERVIMVS hactenus de viribus humanis, & libertate arbitrij circa res naturales. Nunc de moralibus agendum erit. PRIMVM, an possit viribus naturæ cognosci verum aliquod morale. Deinde, An iidem viribus fieri possit actio aliqua vere bona moraliter. Postremo, Sitne homo liberi arbitrij in huiusmodi actionibus peragendis vel omittendis.

Quæritur igitur, possitne homo viribus naturæ, sine auxilio gratiæ specialis verum aliquod morale cognoscere. Vbi TATA præmittenda sunt, ut quæstionis status clarius innotescat; quid intelligamus nomine GRATIÆ, quid nomine VERI MORALIS, & quid nomine COGNITIONIS.

Per auxilium GRATIÆ non intelligimus gratiam iustificantem, sed motionem & directionem diuinam, qualem peccatores quoque habere possunt. Satis enim constat, tum ex testimonio S. Augustini lib. 1. Retract. c. 4. tum ex communi omnium consensu iniustos & peccatores, aliqua vera, non solum naturalia, sed etiam moralia & supernaturalia posse cognoscere. Sed verum id possint viribus suis, an Deo speciali auxilio iuvante, in controuersia est.

Nomine autem VERI MORALIS, non accipimus verum morale vniuerse consideratum, ut Deum esse colendum, parentes venerandos, filios diligendos; id enim non minus facile potest intelligi, quam verum naturale theoricum: Sed verum morale cum omnibus circumstantijs, quæ necessariæ sunt, ut actio voluntatis, ei verò conformis sit actio virtutis, ut cum quis iudicat, sibi hoc tempore eleemosynam faciendam; vel quod mutuo est acceptum, esse restituendum hoc tempore, quia ratio iustitiæ nunc id fieri postulat.

Deniq; nomine COGNITIONIS non intelligimus simplicem apprehensionem, sed etiam iudicium, & iudicium non illud vltimum, ad quod ex necessitate sequitur electio. Id enim ex voluntate dependet, sed iudicium, præcedens imperium voluntatis, quale inter consultandum exerceri solet.

His prænotatis ad propositam quæstionem quidam Theologi respondent, nullum verum morale posse ab intellectu humano, in statu naturæ corruptæ, sine speciali Dei auxilio cognosci. Ita docuit Gregorius Ariminen. in 1. sentent. distinct. 26. q. 1. art. 1. conclus. 1. & distinct. 29. q. 1. art. 2. quem sequutus est ex antiquioribus Ioannes Capreolus in 2. distinct. 18. quæstio. vnica, artic. 3. in responsione ad argumenta, contra primam conclusionem, ex recentioribus Gaspar Cassalius lib. 1. de quadripartita iustitia, c. 31.

Contra sentiunt, posse cognosci viribus naturæ, & auxilio Dei generali, aliquod verum morale, omnes fere alij Theologi, ut Albertus in 2. dist. 18. art. 1. S. Bonauentura ibidem, art. 2. q. 3. Scotus ibidem quæst. vnica. Richardus ibid. Durandus ibid. q. 1. Dominicus à Soto lib. 1. de natura & gratia, c. 20. & idem

docere videtur S. Thomas in 1. 2. q. 109. art. 2. Quæ sententia posterior verissima nobis esse videtur, & eo libentius eam amplectimur & defendimus, quo magis displicet aduersarijs, ac præsertim Ioanni Caluino in 2. lib. Instit. c. 2. §. 24. 25. & 26.

CAPVT II.

Probatnr, posse hominem suis viribus cognoscere aliquod verum morale.

DICIMVS igitur in statu naturæ corruptæ non ita extinctum esse lumen rationis practiciæ, quin possit cum solo auxilio Dei generali, aliquod verum morale cognoscere, quamuis alioquin in multis sæpe fallatur & erret, nisi diuina illustratione & gubernatione dirigatur.

Posteriorem huius sententiæ partem, satis probat experientia, neq; opus erit de ea differere, cum neque ab vilo negetur, & multa sint à nobis dicta in 3. lib. de peccato originis, cap. 9. Priorem partem probare possumus ex diuinis litteris, ex Patrum testimonijs, & ex ipsa ratione.

Ex diuinis litteris habemus imprimis illud Psal. 4. *Muli dicunt, quis ostendit nobis bona? Signatum est super nos lumen vultus tui Domine.* Vbi Propheta docet non posse excusari per ignorantiam, homines, si non seruant præcepta moralia, cum ab ipsa natura lumen in corde impressum habeant, ut S. Cyrillus exponit lib. 1. in Ioan. c. 9.

Non dissimilis locus est in Psal. 57. *Si vere vtique iustitiam loquimini, recte iudicate filij hominum.* Significat enim Propheta, omnes homines habere in corde impressa quædam præcepta iustitiæ, & ideo inexcusabiles esse, cum ea non seruant, quæ ignorare non possunt: Cui iniquo, inquit Augustinus in comment. huius loci, *non facile est loqui iustitiam? aut quis de iustitia interrogatus quando causam non habet, non facile respondeat quid sit iustum?*

Huc etiam pertinet illud ad Rom. 1. *Cum Deum cognouissent, non sicut Deum glorificauerunt.* Ostendit enim Apostolus; potuisse Gentiles per cognitionem vnius Dei ex creaturis acceptam, abstinere à cultu Idolorum, & ideo esse inexcusabiles, quod veritatem Dei in iniustitia detinuerint, & mutauerint gloriam incorruptibilis Dei, in similitudinem imaginis corruptibilis hominis.

Sed est & aliud insigne testimonium in eadem epi. ad Rom. c. 2. vbi sic Apostolus loquitur: *Cum gentes, quæ legem non habent, naturaliter ea quæ legi sunt, faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, &c.* Quo loco demonstrat Apostolus, Ethnicos, qui legem scriptam non acceperunt, solo lumine rationis quædam cognoscere, quæ ad honeste viuendum pertinent. Id enim significat illud: *Ostendunt opus legis scriptum in cordibus*

suis, hoc est, ostendunt, in corde se scriptum habere, quid sit faciendum, ut recte, & cum ratione viuatur. Quia vero hic locus insignis est, & non solum quæstioni, quam nunc tractamus, sed etiam sequenti deserviet, paulo diligentius considerandus est.

Dux sunt huius loci explanationes à veteribus indicatæ. Vna est Origenis & Ambrosij, in comment. ad hunc locum. Idem Sancti Augustini in libro de spiritu & littera, cap. 26. & 27. & S. Fulgentij lib. de gratia Christi, cap. 26. qui totum hunc locum referunt ad Christianos, ex gentibus conuersos. Illud autem: *Naturaliter qua leges sunt, faciunt*, docet Augustinus non excludere gratiam, sed positum esse ad significandum, virtutem esse secundum naturam, virtutum contra naturam. Ratio potissima huius sententiæ est, quoniam in hoc ipso capite B. Paulus dicit, factores legis iustificari, ex quo sequitur, ut gentes, quæ legem non habentes, quæ leges sunt, faciunt, omnino iustificentur. Constat autem ex hac eadem epist. c. 3. & 4. neminem sine Christi fide iustificari: Quare necesse est, ut gentes, de quibus hic agitur, non sint infideles, sed fideles.

Altera expositio est communior, hæc Apostolica verba de gentibus illis esse intelligenda, quæ Christum ignorantes, solo naturali lumine ducebantur. Ita exponunt Græci communiter, ut Chrysostomus, Theodor. Theophyl. & Occum. in comment. huius loci. Et auctor operis imperfecti in Matth. hom. 8. Item multi ex Latinis, ut S. Cyprianus lib. 3. ad Quirinum, cap. 99. S. Hieronymus in epist. ad Algasiam, q. 8. & Haymo in hunc locum. Sanctus etiam Augustinus in li. de spiritu & littera, c. 28. non reprobatur hæc expositionem posteriorem, tamen priorem magis probet. Idem autem in lib. 4. aduersus Iulian. c. 3. utramque expositionem admittit, & in Psal. 118. Concione 25. solius posterioris mentionem facit, eaque utitur ad probandum, omnes peccatores esse præuicatores legis, quandoquidem iuxta hunc locum Apostoli, etiam Ethnici, qui legem videntur non habere, legem naturæ scriptam in corde gerant. Denique eadem est sententia recentiorum, ut S. Thomæ, Caietani, Dominici à Soto, & aliorum in hunc locum. Ioan. Driedon. in lib. de capt. & redemptione humani generis, tract. 4. c. 2. par. 2. & Ruardi Tapperi in defensione articuli de libero arbitrio.

Hæc explicatio, ut est communior, ita quoque est verior. Nam id constat in primis ex proposito & intentione B. Pauli. Voluit enim ostendere in 1. p. epist. necessitatem fidei Christianæ, sine qua nemo coram Deo iustificari potest, siue is gentilis sit, siue Iudæus. Ad hoc ostendendum demonstrauit in 1. cap. principes & magistros primarios gentilium, videlicet Philosophos, qui sapientissimi & optimi habebantur, grauissimis sceleribus etiam contra naturam cooptos fuisse,

Deinde in c. 2. idem ostendit de Iudæis, qui tamen legem scriptam digito Dei acceperant, nihilominus multis maximisque peccatis inueniebantur obnoxij. Ex quibus effectus, omnes esse peccatores, & egere gloria Dei, & quicunque in lege peccauerunt, per legem esse iudicandos, qui autem sine lege peccauerunt, sine lege perituros. Quoniam vero durum & iniquum esse videbatur, ut qui sine lege peccauerunt, tanquam præuicatores punirentur. Ideo addidit, eos etiam qui sine lege, scripta videlicet in tabulis, peccauerunt, non omnino sine lege fuisse, quandoquidem ex eo, quod interdum faciunt aliqua opera legis, ostendunt se habere in cordibus legem à Deo impressam.

A Deinde idem intelligi potest ex illa voce, *gentes*, nam Scriptura sacra nomen, gentis, absolute positum, fere semper usurpat pro infidelibus, ut Matt. 6. *Hæc enim omnia gentes inquirunt.* Lucæ 18. *Tradetur enim gentibus & illudetur.* 1. ad Cor. 1. *Iudæi quidem scandalum, gentibus autem stultitiam, nobis autem, &c.* 1. ad Corinth. 5. *Fornicatio audetur inter vos, qualis ne inter gentes.* 1. ad Cor. 10. *Sine offensione estote Iudæis & gentibus, & Ecclesie Dei.* 1. ad Cor. 12. *Scitis enim cum gentes effectus, ad simulacra multa prout ducebamini, &c.*

B Accedit etiam illud; *Qui legem non habent*, quod recte dicitur de gentibus nondum conuersis ad Christum; de gentibus autem, quæ per fidem, & Baptismum in Ecclesiam intrauerunt, recte dici non potest; cum in ipso initio Catechumenis tradatur Decalogus, cum symbolo fidei.

C Denique vox illa, *naturaliter*, satis aperte significat, Apostolum loqui de lumine, quod habetur ex natura. Declarat enim idem Apostolus quid sit *naturaliter*, cum ait: *Testimonium illis reddente conscientiarum.* Quod est idem, ac si dixisset, ideo naturaliter quæ leges sunt, faciunt, quia si secus facere velint, conscientiam reclamantem sentiunt, & certe in Scripturis vox, *naturaliter*, ita solet accipi, ut id fieri dicatur naturaliter, quod sit dictante, & mouente natura, ut in epist. Iudæ: *Quacunque naturaliter tanquam multa animalia norunt, in his corrumpuntur.* Et 2. Pet. 2. *Hi vero velut irrationalia pecora, naturaliter in captiorem & perniciem, in his quæ ignorant, blasphemantes, in corruptione sua peribunt.*

D Neque argumentum illud de iustificatione pro sententia priore concludit. Nam cum Apostolus dicit, factores legis iustificandos, loquitur de illis, qui totam legem observant: Nam ut dicitur Iacobi 2. *Qui offendit in uno, factus est omnium reus.* Hoc autem loco non docet Apostolus, gentes, quæ legem non habent, naturaliter totam legem observare; sed eas ostendere opus legis, scriptum in cordibus suis, quando quæ leges sunt, faciunt, id est, cum aliquid operantur, iuxta normam legis.

Ad hæc loca Scripturæ fortasse responderi posset, non colligi ex his cognosci naturali lumine verum morale in particulari, sed solum in vniuersali. Quod quidem Calvinus admittit, & adducit testimonium Aristotelis, qui docet incontinentem vere iudicare de propositione vniuersali, sed errare in particulari.

E Ceterum hæc responsio facile refellitur, nam quod attinet ad PRIMVM locum ex Psal. 4. interroganti: *Quis ostendet nobis bona?* non satisfaceret Propheta, dicens: *Signatum est super nos lumen vultus tui:* Si eo lumine non posset cognosci bonum in particulari, eo modo, quo cognosci necesse est, ut fiat opus bonum. Quid enim prodest cognitio illa vniuersalis, ad hoc ut fiat opus bonum, nisi colligi possit ex ea naturaliter cognitio particularis actiones enim singulares sunt, non vniuersales. Pari ratione in SECVNDO & TERTIO testimonio accusantur peccatores, quod cum agnoscunt, quid sit iustum, non tamen iuste operentur; at sic certe digni essent excusatione, si solum in vniuersali verum morale cognoscerent, in particulari vero id cognoscere non valerent. Denique in postremo loco B. Paulus colligit ex operatione cognitionem; scribit enim, gentes ostendere opus legis, scriptum in cordibus, ex eo quod faciunt ea quæ leges sunt. Atqui opera legis in particulari sunt, erit igitur etiam cognitio particularis. Præter hæc testimonia Scripturæ, non desunt etiam apertissima loca sanctorum Patrum.

S. IOANNES CHRYSOSTOMVS ROM. 34. in Genes. in ipso principio: Nullus, inquit, prætexit, quod ignorantem negligat, vel quod non habeat aliquem viam datam & demonstratorem. Sufficiens enim magister habemus conscientiam, & fieri non potest, ut quis illo adiumento priuatur. Nam simul cum formatione hominis implantata est scientia faciendorum, & non faciendorum.

S. PROSPER in lib. aduersus Collatorem, c. 22. Quis, inquit, quæ in corde scribitur, omnes continet nationes, & nullus est, qui hanc legem nesciat. Unde omnis mundus sub peccato est, & vniuersi homines præuicariatores legis sunt, & idcirco iustum iudicium Dei est.

S. AVGVSTINVS, in Psal. 37. Manus formatoris nostri in ipsi cordibus veritas scripsit, quod tibi non vis fieri, ne facias alteri. Hoc & antequam lex daretur, nemo ignorare permissus est, ut esset unde indicarentur, & quibus lex non esset data.

S. HIERONYMVS in epist. ad Algasiam. quæst. 8. Lex, inquit, ambigat, hanc sapientiam humano generi, ad temporalis vite utilitatem, ex natura à Deo condita superesse reliquit. Si enim nec ad ista terrena ordinanda rationalis animi vigeret ingenium, non vitiosa esset, sed extincta natura. Vide etiam Fulgentium in lib. de incarnatione & gratia Christi, c. 26.

Addi possunt ad extremum etiam rationes. PRIMA ratio, Pharo rex Aegypti, quamuis perditissimus esset, cognouit tamen aliquod verum morale in particulari, cum ait Exod. 9. Peccaui, Dominus iustus, ego & populus meus impij: neque verisimile est, id eum cognouisse per speciale adiutorium Dei, cum potius contra testetur Scriptura, subtractum ei fuisse speciale auxilium, cum ait ibidem: Indurauit Dominus cor Pharaonis.

SECUNDA ratio, Omnis potentia naturalis potest circa obiectum sibi proportionatum, cum solo generali auxilio aliquem actum exercere; alioquin ociosa & superuacanea esset: est autem intellectus humanus potentia naturalis, & eius obiectum proportionatum, est verum morale, id est, bonum, secundum rationem, siue in vniuersum, siue in particulari; igitur, potest intellectus humanus cum solo auxilio generali verum aliquod morale, etiam in particulari cognoscere.

TERTIA ratio, Homo sine auxilio speciali cognoscit verum morale in vniuersum, id est, prima principia doctrinæ moralis, ut omnes fatentur: igitur poterit etiam sine auxilio speciali conclusiones aliquas, saltem faciliores, inde deducere. Idem enim est lumen, per quod prima principia intelligimus, & quo per dicendum conclusiones ex principis illis deducimus. Et re vera incredibile est, scire hominem non licere rem alienam sibi usurpare: & rursus scire, rem aliquam esse alienam: & tamen non posse sine speciali auxilio iudicare rem illam sibi non esse tollendam.

CAPVT III

Soluantur argumenta contra doctrinam capitis superioris.

ADVERSUS ea, quæ superiore capite definita sunt, obicit Gregorius Ariminensis, & post eum Ioannes Caluinus illud Apostoli ex c. 1. posterioris ad Corinth. Non sumus sufficientes cogitare aliquid ex nobis, tanquam ex nobis, sed sufficientia nostra ex Deo est. RESPONDEO, Non loquitur Apostolus de quacunque cogitatione, sed de illa solum, quæ ad pietatem, & vitam æternam pertinet. Nam ideo subiungit eodem loco B. Paulus. Qui idoneos nos fecit ministros noui testamenti non littera, sed spiritu. &c.

A Et hoc modo hunc locum intelligendum esse docet S. Augu. & post eum Synodus Arausica. Sic enim loquitur S. AVGVSTINVS lib. 1. de prædestinatione Sanctorum, c. 2. Quod ergo pertinet ad religionem & pietatem, de qua loquebatur Apostolus, non sumus idonei cogitare aliquid ex nobis. Synodus autem ARAUSICANA can. 7. lic ait: si quis per naturæ vigorem bonum aliquid ad salutem pertinetis vitæ æternæ cogitare, aut eligere posse confirmat, absque illuminatione & inspiratione Spiritus sancti, heretico salutaris Spiritu, non intelligens illud, non quod idonei sumus cogitare aliquid à nobis, tanquam à nobis.

At, inquit, omnis cogitatio veris moralis, ut Deum esse colendum, præcepta seruanda, & similia, ad pietatem & salutem pertinere videntur. RESPONDEO, Illam solam cognitionem ad pietatem & salutem proprie pertinere, quæ ordinatur ad gratiam iustificationis, vel ad meritum vitæ æternæ, ista est enim cognitio, quæ sine speciali auxilio haberi non potest, ut postea multis testimoniis confirmabimus. Itaque initium conuersionis ad Deum, & quæcunque dispositio ad gratiam, speciale Dei auxilium necessario postulat, & aliquo modo supernaturalis esse debet. At Deum esse colendum, parentes honorandos, præcepta moralia obseruanda, potest aliquis cognoscere etiam si nihil de Christo nouerit, nec vnquam de conuersione cogitauerit.

Alia duo loca obicit Caluinus, VNVM ex cap. 6. Genes. Figmentum cordis humani, sanctorum malum. ALTERVM Psalm. 93. Cogitationes hominum vanae sunt. Sed PRIOREM locum sapientiam in superioribus libris explicauimus, atque inter alia diximus, figmentum cordis, id est, humanas cogitationes, dici malas in vniuersum, quoniam ut plurimum sunt malæ. Scripturis enim valde familiaris est figura intellectionis, nec minus familiaris eis est amplificatio. Itaque quomodo in eodem capite dicitur, Omnis caro corruptisse viam suam, cum tamen ibidem excipiat paulo post: Noe, qui fuit vir iustus, & perfectus coram Deo in generatione sua: sic etiam dicitur malum, omne figmentum cordis humani, quamuis non delit aliquod figmentum, id est, aliqua cogitatio non mala. Ad POSTERIOREM locum RESPONDEO, cogitationes hominum dici vanas, quoniam, ut sunt ex solis viribus naturæ, non pertinent ad salutem. Ideo enim subiungit Propheta: Beatus homo, quem tu erudieris Domine.

SECUNDO loco obiciunt aliqua testimonia Conciliorum & Patrum. Nam in Concilio MILEVITANO, can. 4. sic dicitur: scire Deum Dei est, & quid scire debeamus, & diligere, vtfariamur. In Concilio ARAUSICANO can. 9. Diuini est muneris, cum recte cogitamus, & pedes nostros a falsitate, & iniustitia tenemus. Et Can. 22. Nihil habet homo suum, præter mendaciam & peccatum, si quis autem veritatem, & iustitiam habet, ab eo fonte habet, &c.

E S. AVGVSTINVS in epist. 105. Nemo, inquit, recte sapit, recte intelligit, nisi acceperit spiritum sapientiæ & intellectus.

RESPONDEO, Concilium Mileuitanum per scientiam intelligit cognitionem legis diuinæ. Nam Pelagiani fatebantur, donum Dei esse legem diuinam, scriptam in veteri & nouo Testamento, sed ea diuinitus accepta, dicebant posse hominem suis viribus totam legem implere. Contra quem errorem, cum Concilium Mileuitanum, cum S. Augustinus in lib. de gratia Christi, c. 26. & alibi docent, valde esse absurdum, vocare donum Dei scientiam, quæ inflat, & non charitatem, quæ ædificat: re autem vera verumque esse donum Dei, quamuis autem Pelagiani

onum Dei esse dicerent scientiam legis, id tamen non dicebant ratione actus cognoscendi, quasi existimarent, non posse hominem cognoscere verum morale, sine auxilio gratiæ, sed ratione obiecti, quoniam fatebantur non potuisse sciri quid Deus vellet nobis fieri, nisi illud ipse reuelasset Apostolis & Prophetis.

Concilium autem Arausicanum & Augustinus loquuntur de cognitione, quæ ad pietatem pertinet. Nam ut paulo ante citauimus, idem Concilium can. 7. & Augustinus in li. 1. de prædestinatione Sanctorum, c. 2. disertis verbis docent, in us, quæ ad pietatem, & salutem æternam pertinent, nihil posse nos sibi cogitare. Quod idem repetit idem Aug. lib. 6. in Iulianum, c. 5. & alibi frequentissime. Vnde etiam in epist. 105. post illa verba: *Nemo recte sapit, recte intelligit*; addit. *Nemo scienter pius est, vel sciens, &c.* Alioqui si Concilium Arausicanum de omni scientiâ, & veritate intelligendum esset, sequeretur, ne mathematicas quidem disciplinas, aut mechanicam vllam artem, in quibus sine dubio multa sunt vera, posse humano ingenio comprehendere sine speciali gratiæ adiutorio.

Itaque in his, quæ ad pietatem & salutem æternam pertinent, nemo habet de suo, nisi mendacium & peccatum, & diuini muneris est, cum recte cogitamus, & pedem à falsitate, & iniustitiâ tenemus. Quod si quis omnino contendat, Concilium Arausicanum de omni veritate esse intelligendum, is etiam idmittere debet, idem Concilium per donum Dei non solum gratiæ, sed etiam naturæ dona intellexisse. Nam eo modo absolute verum erit, nos nihil habere ex nobis nisi mendacium & peccatum; veritatem enim, & iustitiâ non habemus ex nobis, sed à Deo, cuius donum est lumen rationis, & naturalis propensio voluntatis.

TERTIO loco obijciunt rationes. PRIMARIA ratio est, quoniam per peccatum primi hominis ignorantia vulnus accepimus, à quo nisi per Christum nemo sanari potest, ut Augustinus docet lib. 1. Retract. cap. 9. lib. 12. de ciuit. Dei, cap. 22. & alibi.

RESPONDEO, per peccatum primi hominis intellectus humanus læsus, ac debilitatus est, non tamen extinctus. Quocirca nihil impedit, quo minus aliquid videat, ac recte iudicet, tum in naturalibus, tum in moralibus. Nam & oculus corporis si debilis sit, ac læsus, sed non omnino cæcus, aliquid videt, quamuis non longe.

SECUNDA ratio, Ex cognitione veri moralis acquiritur prudentia: nemo autem sine dono Dei fit prudens, quia virtutes sunt inter se connexæ & colligatæ, ita ut qui vnam habet, omnes habeat & satis constat, hominem suis viribus non posse omnes virtutes acquirere. RESPONDEO, aliquod verum morale cognosci potest absque eo, quod acquiratur prudentia. Neque enim habitus virtutum vno actu vel paucis actibus comparantur. Deinde non est absurdum, ut imperfecta virtus prudentiæ sine cæteris habeatur. Quod enim Philoſophi dicunt de connexione virtutum, intelligitur de perfectis, & absolutis virtutibus, non de imperfectis & inchoatis.

TERTIA ratio, Cognitionem veri moralis sancti iri à Deo petere solent, iuxta illud Psal. 118. *Da mihi intellectum, & scrutabor legem tuam.* Item: *Iustificationes tuas doce me.* RESPONDEO, merito petitur Deo lumen ad cognoscendum verum, non solum morale, sed etiam theoricum, tum quia multo plura sunt quæ ignoramus, quam ea quæ scimus: tum etiam, quia in his, quæ scimus, facile falli possumus, ob varias circumstantias & perturbaciones. Adde

quod in Psal. 118. non petitur simplex cognitio aliquius veri moralis, sed intelligentia totius diuinæ legis, quæ plurima continet altissima, ac profundissima Sacramenta.

QUARTA ratio, Si aliquod verum morale cognosci posset viribus naturæ, sequeretur, omne verum morale eisdem viribus posse cognosci, eadem enim est omnium ratio. RESPONDEO, Non est eadem ratio omnium moralium veritatum, siquidem aliæ longius distant à principiis per se notis, quam aliæ: nec desunt variz circumstantiæ quæ cõsilia humana modo magis, modo minus impediunt. Sed etiam si ratio omnium eadem esset, non tamen fieri posset in statu naturæ corruptæ, ut omnes errores, qui in deliberationibus committi solent, euaderemus, dum enim vitamus vnum, labimur in alterum, & sæpe in eo ipso turpius fallimur, in quo cautiore esse volumus.

QUINTA ratio, Si nostris viribus verum morale cognosceremus, haberemus aliquid ex nobis, & in eo non temere gloriaremur. Quod tamen prohibere videtur Apostolus, cum ait in 1. epist. ad Cor. c. 1. *Qui gloriatur, in Domino gloriatur.* Et c. 4. *Quid habes quod non accepisti? Si autem accepisti, quid gloriaris, quasi non acceperis?* RESPONDEO, locus Apostoli aduersus eos facit, qui sibi tribuunt ea, quæ reuera supernaturalia sunt, ac præsertim fidei donum. Nam (ut docet S. August. lib. 1. de prædest. Sanctorum, c. 4. & 5.) illi, quos Apostolus reprehendit: non gloriabantur de forma, sanitate, ingenio, aut alio naturali dono, sed de donis, quæ pertinent ad salutem & pietatem; sibi retribuunt fidem, aut sanctitatem, idcirco enim ait: *Quis te discernit? hoc est, Quis tibi dedit, ut fidelis, vel sanctus esses, tam multis in incredulitate & impietate remanentibus?* Sene forte responderetur, fides mea, voluntas mea, studium meum: subiungit Apostolus, *Quid enim habes, quod non accepisti?*

Sed quamuis Apostolica illa verba proprie de donis supernaturalibus intelligenda esse videantur: verum est tamen, in nulla re gloriandum, cum & naturam, & vires acceperimus à Deo, & sine eius auxilio saltem generali, ne digitum quidem curuare possumus. Itaque recte S. Cyprianus lib. 3. ad Quirinum, cap. 4. vniuersè pronunciauit: *In nullo gloriandum, quando nostrum nihil sit.*

CAPVT IV.

Proponitur quæstio de viribus humana voluntatis, circa bonum morale.

SEQUITUR nunc, ut videamus, quid circa bonum morale possit voluntas, cum viderimus, quid circa verum morale possit intelligentia.

Cum autem quærimus, quid possit voluntas sine gratia Dei, TRIPLEX esse potest quæstio: VNA, quid possit sine gratia iustificante, id est, sine charitate; ALTERA, quid possit non solum sine gratia iustificante, sed etiam sine fide, quamuis apud Lutheranos non sit opus distinguere gratiam iustificantem à fide, cum ipsi doceant hominem sola fide iustificari, & non posse perdi iustitiâ, quin perdat simul & fides. TERTIA, quid possit non modo sine gratia iustificante & fide, sed etiam sine auxilio speciali, per solas naturæ vires.

Rursus cum quærimus, quid possit voluntas circa morale bonum, potest etiam TRIPLEX esse quæstio, VNA, possit ne totum morale bonum efficere, id est, omnia præcepta moralia implere; ALTERA, possit ne, si non omnia, certe singula etiâ grauissima, quale est imprimis diligere Deum super omnia, saltem ut auctorem naturæ; TERTIA, possit ne aliqua perficere, virgenter tentatione, an solum tentatione cessante.

Porro

Porro de his questionibus Dvæ sunt hæreticorum inter se contrariæ, pugnantesque sententiæ, inter quas media incedit veritas orthodoxa, atq; Catholica. PELAGIANI siquidem tantum libero arbitrio tribuunt, ut affirmant, per illud, etiam solum, posse hominem omnia mandata mortalia adimplere. Et omnes tentationes contrarias superare, atque adeo posse sine Dei gratia, & declinare à malo, & facere bonum. Testis est huius hæresis Pelagianorum S. AUGUSTINVS, tum alibi, tum præcipue in lib. de hæresibus, cap. 88.

Contra vero LVTHERANI vires liberi arbitrii non tam extenuantes, quam extinguentes docent, solis naturæ viribus, nihil boni moralis fieri posse, nec solum sine auxilio speciali, sed etiam sine fide iustificante, omnia quæ fiunt, esse peccata. Quoniam etiam addunt, iustorum quoque opera omnia esse peccata, sed propter fidem non imputari, infidelium vero opera peccata esse & imputari. Vide LVTHERVVM in assertionem art. 6. & 36. PHILIPPVM in Apologia Confessionis Augustanæ, & in locis communibus, CALVINVM in Antidoto Concilii Tridentini, sess. 6. & in 2. lib. Institutionum, c. 3. §. 1. & sequentibus, KEMNITIVM in Exam. Concilii Tridentini, sess. 6. can. 7. ubi copiose disserit de operibus infidelium.

Quamuis autem concedere videantur MARTINVS LVTHERVVS in visitatione Saxonica, PHILIPPVS in locis cõmunibus, & KEMNITIVS in Examine Concilii, posse hominem suis viribus implere legem de non occidendo, non furando, & alias id genus, quoad externas actiones: tamen non ideo existimant, posse hominem suis viribus efficere bonum aliquod morale, & vitare peccatum. Nam in iisdem locis adiungunt, posse quidem hominem exterius implere præceptum, sed non effugere internam immunditiam; proinde vnum, & idem opus hominis impii, coram hominibus honestum & iustum, coram Deo mundum & vitiosum futurum.

Sed antequam ad Catholicam sententiam veniamus, operæ precium erit breuiter annotare pauca quædam in scriptis Melancthonis & Kemnitii, PRIMVM est, Philippum in confessione Augustana art. 18. & in Apologia eiusdem articuli, secum pugnare. Scribit enim, Theologos nostros cum Pelagio sentire, quod affirmant, posse hominem viribus liberi arbitrii seruare aliqua præcepta secundum substantiam operis, & tamen ipse in iisdem locis fateatur, posse hominem, per naturæ vires, abstinere manum à cæde & à furto, & alias eiusdem generis actiones facere. Quasi vero non hoc sit implere præceptum secundum substantiam operis. Præcepta siquidem: *Non occides*, Et: *Non furaberis*, nihil aliud imperant, nisi voluntariam omissionem externi operis homicidij & furti; concupiscentia enim rei alienæ, & odium proximi, præceptis aliis prohibetur. Itaque non præuicatur præcepta: *Non furaberis*, Et: *Non occides*, sed illa obseruat secundum substantiam operis, qui abstinet manum à furto, & à cæde, etiam si forte præuicetur præceptum: *Non concupisces rem proximi tui*. Et: *Non oderis fratrem tuum in corde tuo*.

ALTERVM est, Kemnitium in Exam. Conc. Trid. sess. 6. can. 7. multa fraudulenter more suo, & mendaciter effutuisse. Nam ex eo, quod canone illo 7. declaratur, non esse peccata omnia opera, quæ gratiam iustificationis præcedunt; colligit ipse, Conc. Trid. pugnancia docuisse, cum in primo cap. sessionis sextæ docuerit, neminem posse, neque per vires naturæ, neq; per litteram legis resurgere à peccato. Item colligit definitum esse à Cõcilio, non esse peccata opera infidelium, quem errorem Pelagianum

A esse, ipse non dubitat.

Sed mirum est, unde Kemnitio venerit in mentem repugnancia verborum Concilii. Nam in 1. cap. & primo etiam canone sess. 6. Concilium loquitur de operibus factis sine speciali gratiæ adiutorio; in canone autem septimo de operibus factis cum fide, & auxilio gratiæ, proinde mirum videri non debet, si non loquatur eodem modo de illis, ac de istis, deinde in primo canone & capite, loquitur Conc. de operibus, quibus iustificatio, per peccatum amissa, reparatur; in can. 7. de illis, a quibus non committitur novum peccatum. Certum autem est longe difficilius esse à peccato ad iustitiam redire, quam in novum peccatum non incidere: quemadmodum difficilius est à vulnere curari, quam vulnus non accipere.

Neque definit Concilium opera infidelium non esse peccata, sed non esse peccata omnia opera, quæ iustificationem præcedunt. Præcedunt enim iustificationem etiam illa opera, quæ fiunt à fidelibus posteaquam in peccatum ceciderunt. Non enim Concilium sequitur regulas Lutheri, qui per omne peccatum mortale voluit fidem amitti; sed regulas Dominum, qui Luc. 18. probauit orationem Publicani, qui cum fide orauit pro remissione peccatorum.

Neque definit idem Concilium opera fidelium peccatorum absolute non esse peccata, sed addit: *Quocumque modo facta*. Ut intelligeremus definiti solum à Cõcilio, quædam opera fidelium peccatorum non esse peccata, illa videlicet, quæ fiunt cum auxilio speciali Dei. De his enim solis proprie Concilium definire voluit, quoniam propositum illi erat, agere de iustificatione, & iis operibus, quæ ad iustificationem disponunt; illa vero sola opera ad iustificationem disponunt, ut in eodem Concilio habetur, quæ initium sumunt à gratia Dei excitante.

Adde VLTIMO, Concilium non potuisse accusari hæresis Pelagianæ, etiam si disertis verbis docuisset, non omnia opera infidelium esse peccata; TVM quia id potuisset intelligi de illis infidelium operibus, quæ fierent ex cognitione vnius Dei, & ipso Deo excitante & adiuuante: TVM etiam quia neque AUGUSTINVS in lib. de hæresibus, c. 88. ubi enumerantur errores Pelagii, neque alius antiquus auctor, inter Pelagianas hæreses posuit, quod opera infidelium etiam facta solis naturæ viribus, non omnia sint peccata. Dicunt quidem interdum veteres, omnia infidelium opera esse peccata, quod, quomodo sit intelligendum, postea explicabimus: sed nusquam dicunt, propterea Pelagium esse damnatum, quod affirmauerit aliqua opera infidelium non esse peccata, sed quod ea voluerit esse meritoria gratiæ, inde enim est ille Pelagianus error, tam sæpe ab Augustino reprehensus, gratiam Dei secundum opera nostra dari. Ex his igitur perspicuum esse poterit, kemnitium in explicandis Concilii verbis, aut grauitè hallucinatum, aut impudenter esse mentitum.

Venio nunc ad sententiam Catholicam, quam mediam esse diximus inter contrarios Pelagianorum ac Lutheranorum errores. Conueniunt Theologi Catholici omnes, nullo prorsus excepto, in duobus, PRIMVM, non posse fieri vlla opera, solis naturæ viribus, quæ sint meritoria gratiæ; idq; contra Pelagianos; DEINDE, non esse peccata omnia opera, quæ iustificationem præcedunt, atque id contra Lutheranos. De quibus duabus sententiis dicendum erit in alio loco.

Intra hos terminos disputant aliqui pro libero arbitrio fortasse liberius, quam par esset, ut Scotus, Durandus & Gabriel, in 2. Sentent. dist. 28. & in 3. dist. 27. Alii fortasse minus tribuunt eidem libero

arbitrio, quam oporteret, ut Gregorius Ariminensis, Capreolus in 2. Sentent. dist. 28. & Marsilius in 1. q. 20. Sed ea modestia disserunt isti, ut & parati sint iudicio Ecclesie semper acquiescere, & ante Ecclesie definitionem, non audeant fratres suos damnare, neque pro hæreticis habeant, qui contrarium sentiunt. Quæ modestia longe est à remissio & aliis huius temporis sectariis, qui quidquid efficiunt, pro articulis fidei haberi volunt, eoque sunt audaciores, quo imperitiores.

Nos id sequuti, quod plures & grauiores Theologi docent, ut Alexander in 3. par. Sum. q. 60. Albertus in 2. Sent. dist. 28. S. Thom. in 1. 2. q. 109. art. 2. 3. & 4. & in 2. 2. qu. 10. art. 4. S. Bonaventura in 2. Sentent. dist. 28. tres propositiones constituemus: PRIMA erit, *Non posse hominem, solis naturæ viribus, implere omnia mandata moralia, secundum substantiam operis.* SECUNDA, *Imo nullum omnino morale præceptum seruare posse nisi solis viribus si tentatione urgeatur.* TERTIA, *Possesse tamen, nulla tentatione urgente, sine fide, cum auxilio speciali, & etiam sine illo, suis viribus, aliquod bonum morale ita perficere, ut in eo nullum omnino peccatum admittat.* Has autem propositiones in sequentibus capitulis eodem, quo numeratæ à nobis sunt, ordine, persequemur.

CAPVT V.

Non posse solis naturæ viribus, adimpleri omnia præcepta moralia, secundum substantiam operis.

PROPOSITIO illa PRIMA, quæ negat, solis naturæ viribus seruari posse omnia præcepta moralia, secundum substantiam operis, breuiter explicanda est, deinde probanda. PRIMVM igitur dicimus: *Præcepta omnia*; quia non loquimur hoc loco de singulis seorsim consideratis, sed de omnibus simul; neque significare volumus, non posse aliquem ad breuissimum tempus omnia seruare, cum possit fieri, ut aliquando nullum occurrat præceptum affirmatiuum, & nulla adsit tentatio prouocans ad violanda præcepta negatiua. Itaque sententia propositionis illius hæc est, ut non possint longiore aliquo tempore, quo varia præcepta obseruanda se offerunt, solis naturæ viribus, ita omnia adimpleri, ut omni ex parte peccatum vitetur.

DEINDE dicimus: *Secundum substantiam operis*: quia non disputamus hoc loco de obseruatione mandatorum, ex charitate Dei, & eo modo, qui requiritur, ut obseruatio sit meritoria apud Deum. Id enim alio loco tractandum est: sed de ea tantum differimus, quæ necessaria est, ut nouum peccatum vitetur, & fiat opus bonum, secundum moralem quandam honestatem.

POSTREMO dicimus: *Solis naturæ viribus*: ut excludamus non solum gratiam iustificationis, sed etiam auxilium speciale. Nam etiam si sententia S. Thomæ, qui docet in 1. 2. quæst. 109. art. 4. & 8. sine gratia iustificationis non posse impleri omnia mandata, nec posse vitari longo tempore lethale peccatum, verissima nobis esse videatur: ramen hoc loco satis nobis erit, si probauerimus, non sufficere per se vires naturæ corruptæ ad legem implendam, sed necessarium omnino esse auxilium gratiæ, siue ea gratia sit habitus permanens & iustificans, siue auxilium tantum speciale.

His notatis, probatur nostra propositio, PRIMVM ex diuinis litteris. Nam Scriptura passim docet, legis obseruationem tribuendam esse gratiæ Dei, Ezechielis 36. *Spiritum meum ponam in medio vestri, & faciam, ut in præceptis meis ambuletis.* ad Rom. 8. *Quod*

impossibile erat legi, in quo infirmabatur per carnem, Deus filium suum misit in similitudinem carnis peccati, & de peccato damnauit peccatum, ut iustificatio legis impleatur in nobis. Quo loco S. Paulus apertissime dicit, impossibile fuisse legis obseruationem siue gratia Dei, idque propter carnis infirmitatem, quia natura corrupta infirma facta erat, & ideo nullum fuisse filium Dei, ut per ipsum possibile fieret, quod alioqui impossibile erat; nec dubium est, quin loquatur de præceptis naturalibus, siue moralibus, cum in specie differat de præcepto, *Non concupisces.*

Idem etiam Apostolus legem diuinam moralem & naturalem vocat lege peccati & mortis, ad Ro. 8. item virtutem peccati, 1. ad Cor. 15. & apertissime dicit, litteram occidere, 2. ad Cor. 3. quoniam demonstrando, quid sit faciendum, & non præbendo vires naturæ infirmæ, præuicatore hominem constituit, & reum peccati & mortis. Addit autem idem Apostolus ad Ro. 8. Spiritum vitæ, quem habemus à Deo per Christum: liberasse nos à lege mortis, quia per gratiam Spiritus legem implemus, quam per vires naturæ, & litteram legis implere nunquam potuimus. Et in eandem sententiam, 1. ad Cor. 15. postquam dixerat: *Virtus vero peccati lex*, addidit, *Gratias autem Deo, qui dedit nobis victoriam per Iesum Christum Dominum nostrum.* Et 2. ad Cor. 3. ad illa verba: *Littera occidit*, adiunxit, *Spiritus autem viuificat.* Ex quibus locis S. August. in lib. de spiritu & littera, contra Pelagianos, euidenter se demonstrasse existimat, ut re vera demonstrat, non posse viribus solius naturæ legem impleri. Rursus in epist. ad Rom. c. 2. *Factores legis iustificabimur*, inquit Apostolus. Et tamen idem Apostolus ad Galatas 2. dicit: *Si ex lege esset iustitia, Christus gratis mortuus esset.* Et posset sine dubio etiam dici, si ex natura esset iustitia, Christus gratis mortuus esset. Non igitur fieri potest, ut tota lex solis naturæ viribus impleatur.

Neque responderi potest, hæc omnia testimonia solum probare, non posse legem obseruari perfecte, & quoad modum; non autem non posse obseruari secundum substantiam operis. Nam obseruatio secundum substantiam operis requirit, ut sic præceptum obseruetur, ut peccatum non committatur, & non fiat homo reus ob præceptum non impletum: Scripturæ autem allegatæ apertissime docent, non posse legem sine Dei gratia ita seruari, ut non peccetur; ideo enim vocant legem, sine gratia adiuvante legem peccati & mortis, virtutem peccati, litteram occidentem: &c. & ideo ad Gal. 3. Apost. dicit: *Conclusi scripturam omnia sub peccato, ut promissio ex fide Iesu Christi daretur credentibus*: loquuntur igitur testimonia allegata de obseruatione secundum substantiam operis.

PRÆTEREA inter omnia mandata moralia quædam sunt, quæ sine dubio seruari non possunt, sine gratia Dei, nam de continentia, quæ virtus est moralis, & habet mandatum morale, legimus in lib. Sapientiæ, c. 8. *Uti scimus, quoniam aliter non possemus esse continens, nisi Deus det, & hoc ipsum erat sapientia, scire enim esset hoc donum, ad si Dominum, & deprecatus sum.* Et 1. ad Cor. 7. B. Paulus Dei donum esse dicit, non solum continentiam virginum & viduarum, sed etiam coniugatarum: *Vnusquisque, inquit, donum suum habet ex Deo, unus quidem sic, alius autem sic.*

Præceptum quoque dilectionis Dei super omnia, saltem ut auctoris naturæ, morale est & naturale, sicut etiam præceptum resistendi concupiscentiæ illiciti ad varia peccata contra præcepta moralia, sine dubio morale est & naturale, & vnum ex decem, videlicet: *Non concupisces.* Atqui hoc postremum non posse impleri viribus naturæ, probabimus ex

Scripturis

Scripturis in cap. 7. quod idem probauimus de illo primo, in libro sequenti; non igitur omnia præcepta moralia & naturalia seruari possunt sine adiutorio gratiæ Dei.

DENIQUE, secundum Scripturas integra obseruatio legis, est signum certissimum veræ, perfectæque charitatis Dei, sic enim legimus Ioan. 14. *Qui habet mandata mea & seruat ea, ille est, qui diligit me.* Et ibidem: *Qui non diligit me, sermones meos non seruat.* Et 1. Ioan. 2. *Qui seruat verba eius, in hoc charitas Dei perfecta est.* Et cap. 5. *Hæc est charitas Dei, ut mandata eius custodiamus.* Non potest autem charitas Dei ex viribus naturæ acquiri, sed infunditur à Deo per Spiritum sanctum, ut Apostolus scribit ad Rom. 5. Neque igitur obseruatio omnium mandatorum, ex naturæ viribus haberi potest.

Quod autem Scriptura, quæ dicit, obseruationem legis esse signum charitatis, & ubi est charitas, esse legis obseruationem, ubi non est ista, neque illam esse, loquatur de lege morali & naturali, facile demonstrari potest: Dominus enim cum dixisset, & aliquoties repetiisset Ioan. 13. 14. & 15. signum dilectionis Dei esse mandatorum ipsius obseruationem; addidit: *Hæc mando vobis, ut diligatis inuicem.* Et iterum: *Hæc est præceptum meum, ut diligatis inuicem.* Dilectio autem proximi, quæ est signum certissimum dilectionis Dei, continet virtute totam legem naturalem, ut Apostolus ait ad Rom. 13. *Nam, inquit, qui diligit proximum, legem impleuit. Nam non adulterabis, non occides, non furaberis, non falsum testimonium dices, non concupisces, & si quod est aliud mandatum: in hoc verbo iustaturus, Diliges proximum tuum sicut teipsum.* Et ad Galat. 5. *Omnis lex in uno sermone impletur, Diliges proximum tuum sicut teipsum.*

Quod vero signum charitatis Dei sit obseruatio mandatorum, secundum substantiam operis, perspicuum est; *VT*, quia ineptum esset dicere, signum dilectionis Dei esse obseruationem mandatorum ex dilectione Dei, & qui non diligit me, sermones meos non seruat ex dilectione mea; *VT* etiam, quia signum debet esse externum & visibile, præsertim cum refertur ad alios, quale est hoc, de quo Dominus: In hoc cognoscent omnes, quod discipuli mei estis, si dilectionem habueritis ad inuicem. Vbi per dilectionem, intelligit opera externa quæ ab hominibus videri possunt, non internum affectum, qui videri non potest, nisi in suo effectu. Obseruatio igitur omnium præceptorum moralium, secundum substantiam operis, necessario cum dilectione proximi & Dei coniuncta est, ac per hoc secundum Scripturas viribus solius naturæ, nullo modo haberi potest.

Probatur hoc idem ex traditione Ecclesiæ, Synodus MILEVITANA can. 5. *Item placuit, inquit, ut qui unque dixerit, ideo nobis gratiam iustificationis dari, ut quod facere per liberum subemur arbitrium, facilius possimus implere per gratiam, tanquam, etsi gratia non daretur, non quidem facile, sed tamen possimus etiam sine illa diuina implere mandata, anathema sit.*

SYNODVS ARAUSICANA can. ult. cum docet, hominem baptizatum posse, si velit, Dei gratiæ cooperari, diuina implere præcepta, intelligitur, etiam docuisse non posse hominem, sine gratia, suis solis viribus idem præstare.

INNOCENT. I. in epist. ad Concil. Mileuit. quæ est apud August. epist. 93. *Neque enim, inquit, auxilium Dei hominem sibi posse sufficere, nec gratia hunc agere diuina affirmant, quæ primum, necesse est ut ab omni laquei irrisus occumbat, dum ad omnia vitia perfectionis mandata sola liberitate contendat.*

CELESTINVS I. in epist. ad Gallos idem confirmat,

Rob. Bellarm. Card. Tom 4.

A adducens testimonia Innocentij & Zozimi prædecessorum suorum, c. 9. & 10.

S. AVGVSTINVS lib. 2. de peccat. merit. & remiss. c. 5. *Iustitia, inquit, præcepta omni ex parte implere non possumus, nisi adiuuemur à Deo.* Idem etiam docet in toto lib. de spiritu & littera, & in toto fere lib. de natura & gratia, & in lib. de perfectione iustitiæ, & in epist. 89. q. 2. epist. 95. 105. 106. 120. 144. 100. & alibi passim.

Probatur VLTIMO ratione S. Thom. quoniam natura humana, per peccatum primi hominis deprauata, & uersa est à Deo, & conuersa ad creaturas, ac præsertim ad seipsum deinde finem vltimum, vel actum vel habitum, vel certe propensione quadam in creatura non in Deo constitutum habet: Quare quando occurrunt aliqua agenda vel euitanda ex fine illo præconcepto, quasi naturaliter inclinatur ad malum, & uolenter ad bonum, & ideo necessaria est vis quæ d m. & ut homo perpetuo vigilet, & præmeditetur, & contra propensionem amoris proprii pugnet, quod impossibile esse moraliter, non solum ratio, sed experientia docet. Et si S. August. in lib. de corrept. & gratia, c. 12. affirmat, ipsum etiam hominem iustificatum, nisi is diuina gratia indeclinabiliter & inseparabiliter ageretur ob naturæ infirmitatem, sine dubio casurum, quanto nos id maiori ratione affirmare possumus de homine infideli, & qui solis nitatur viribus naturæ per peccatum corruptæ & uitiatæ?

CAPVT VI.

Soluntur argumenta contra ea, quæ capite superiore dicta sunt.

SED aduersus ea, quæ dicta sunt, obijciunt aduersarii PRIMO, verba illa Moysi Deut. 30. *Mandatum hoc, quid ego præcipio tibi, non supra te est, neque procul positum, &c.* Vbi per mandatum intelligit, per figuram intellectionis, totam legem naturalem, hoc est, decalogum, quem in eo lib. repetiuerat.

RESPONDEO, Hic locus duobus modis exponi potest. PRIMO, cum Aug. in lib. de perfectione iustitiæ, prope extremo, ut sensus sit, legem Domini non esse supravires hominum, non quorumlibet, sed eorum, qui per gratiam sanati sunt ab amore proprio, Deum q. toto corde diligunt. Dixerat enim paulò ante idem Moyses promittens gratiam testamenti noui: *Circumcides Dominus cor tuum, & cor seminis tui, ut diligas Dominum tuum Deum in toto corde tuo, & in tota anima tua.*

SECUNDO, dici potest cum Abulen Episcopo, & aliis nonnullis in comment. eius loci, Moysen non loqui de facilitate obseruandæ legis, sed de facilitate cognoscendæ. Quæ expositio videtur maxime literalis & propria. Quoniam enim ante datam legem potuissent Iudæi præterire ignorantiam si non fecissent, quæ Deus ab illis fieri volebat: idcirco Moyses posteaquam totam legem illis exposuit, admonet eosdem, ut legem impleant, neque vilo modo ignorantiam obtendant, ait igitur: *Mandatum hoc non supra te est, neque procul positum, id est, non est loco alto vel longinquo, ut illud cognoscere non valeas.*

Deinde explicat utrumque, & de loco sublimi ait: *Non est in caelo situm, ut possis dicere: Quis nostrum valet ad caelum ascendere, ut deferat illud ad nos, ut audiamus, atque opere compleamus?* De longinquo ait: *neque trans mare positum est, ut causeris & dicas: Quis è nobis poterit transire mare, & illud ad nos usque deferre, ut possimus audire & facere quod præceptum est?*

tum demum concludit, sed iuxta se est sermo valde in ore tuo, & in corde tuo, ut facias illum; id est, lex quam tibi seruandam propono, non est supra cælum, neque ultra mare, sed proxima tibi omnino. Nam est in corde tuo, quoniam illam iam audiuiti, & didicisti, & in ore tuo, quia tu illam accepisti & de hile testatus es, cum dixeris, omnia quæ præcepit nobis Dominus, faciemus.

Et confirmatur hæc expositio ex Apostolo ad Romanos, alludens enim B. Paulus ad hunc locum Deuteronomii sic loquitur: *Quæ, inquit, ex fide est iustitia, sic dicit, ne dixeris in corde tuo, quis ascendet in cælum, id est, Christum deducere? aut quis descendet in abyssum, id est, Christum à mortuis reuocare? sed quid dicit; prope est verbum in ore tuo, & in corde tuo, hoc est, verbum dei, quod prædicamus: quia si confitearis in ore tuo Dominum Iesum, & in corde credideris, quod Deus illum suscitauit à mortuis, saluus eris.* Vbi vult Apostolus ostendere, quemadmodum Iudæis tempore Moïsis, non erat opus in cælum conscendere, vel trans mare proficisci, ut legem haberent & intelligerent, cum Moïsem ipsum coram prædicantem & exponentem sententiam legis haberent; sic etiam iisdem Iudæis, tempore Apostolorum, opus non fuisse in cælum ascendere, aut infernum descendere, ut Christi incarnationem & resurrectionem haberent & intelligerent, cum ista palam ab Apostolis prædicarentur, sed satis fuisse, se corde credere, & ore confiteri voluissent.

SECUNDO, obijciunt illud Ecclesiastici 15. *Si volueris mandata seruare, conseruabunt se.*

RESPONDEO, Ad hunc locum, & alios similes respondet S. Augustinus in lib. de perfectione Iustitiæ, prope extremo, & lib. de gratia & libero arbitrio, c. 15. & 16. in his locis demonstrari liberum arbitrium, per quod præcepta implenda sunt, sed non excludi gratiam Dei, sine qua impleri non possunt. Quemadmodum in aliis multis locis, quæ istis contraria esse videntur, gratia demonstratur, sed liberum arbitrium non excluditur.

TERCIO, obijciunt illud ad Romanos 2. *Cum gentes, quæ legem non habent, naturaliter ea, quæ legis sunt, faciunt.* Sanctus enim Ioan. Chrysostomus in comment. huius loci scribit, omnia quæ legis sunt, impletse Gentiles.

RESPONDEO, iam supra diximus, ex loco Apostoli solum colligi, naturaliter impleri posse aliquod mandatum legis naturalis, non tamen omnia. Ad comment. Chrysostomi respondeo, Gentiles impletse omnia quæ legis sunt, id est, omnia, quæ ad vnam aliquam legem pertinent, ita ut in ea lege seruanda nihil peccauerint, non tamen seruasse omnes leges, præsertim longo tempore.

QUINTO, ita obijciunt; Præcepta legis naturæ, ideo naturalia dicuntur, quia proportionem habent ad vires naturæ, igitur naturæ viribus seruari possunt. Neque satisfacet, si quis dixerit, naturam non esse sanam, sed infirmam: nam infirma natura videtur posse omnia, quæ potest sana, sed non æque facile, alioqui non tam infirma, quam extincta dicenda esset. Præterea natura humana dicitur infirma, si comparatur ad sanitatem iustitiæ originalis, in qua condita fuit: nam absolute non est minus sana, quam esset, si in puris naturalibus crearetur: Haberet autem homo, in puris naturalibus conditus vires ad seruanda præcepta naturalia; igitur, & nunc habet.

RESPONDEO, Natura humana non solum infirma est, quia caret sanitate iustitiæ originalis, sed etiam, quia ex conditione materiæ, ut alibi demonstrauimus, internum & naturalem morbum habet concupiscentiæ carnalis, quem non habuisset, si in

originali iustitia permanisset, habuisset tamen, si in puris naturalibus condita fuisset. Natura autem infirma potest quidem omnia, quæ potest sana, sed non sola; eget enim auxilio, quo non geret, si sana esset. Quomodo corporaliter ægrotus, potest iter facere, sed in equo; vel certe cum baculo; cum alioqui sanus idem iter pedibus, & sine baculo confeceret. Itaque si homo in puris naturalibus consideretur, quoniam etiam tunc infirmus esset propter morbum, ex conditione materiæ promanantem, non haberet vires, quibus sine adiutorio Dei posset omnia mandata seruare; sed tamē vel auxilium non defuisset, vel homo non sua culpa aliquando cecidisset, ut Augustinus docet lib. de correptione & gratia, c. 11.

QUINTO, obijciunt testimonia Patrum, qui dicunt, Deum non præcipere impossibilia; ex quibus testimoniis illud sequitur, ut quæ præcipiuntur homini, quouis auxilio destituito, ea sint illi possibilia; præcipiuntur autem omni homini præcepta naturalia, igitur illa sunt omni homini possibilia.

RESPONDEO, Deus nunquam præcipit impossibilia, quia semper promptus est ad iuuandum: *Iuste* (inquit S. Leo serm. 16. de passione Domini) *instat præcepto, qui præcurrit auxilio*, sed de hac re fuse disputauimus in 2. lib. ubi tractauimus questionem illam, Vtrum detur omnibus auxilium sufficiens.

SEXTO, obijciunt hanc rationem, Potest homo suis viribus seruare aliquod vnum præceptum morale iuxta illud ad Romanos 2. *Cum gentes, quæ legem non habent, ea quæ legis sunt, faciunt, &c.* Igitur potest seruare omnia. Non enim occurrunt multa præcepta simul seruanda, sed vnum post aliud. Rursus potest aliquis seruare omnia mandata ad breue tempus, ut supra nos diximus, igitur poterit etiam ad longum tempus, quoniam seruando præcepta acquiritur habitus obediendi, & facilius continuatur, quam inchoatur opus.

RESPONDEO, nihil hoc argumentum valet, multis de causis. PRIMUM, quoniam non sunt omnia præcepta paria. Sed alia aliis grauiora, & ideo non sequitur, ut possit omnia seruare, qui vnum aliquod seruare potest. DEINDE, occurrunt aliquando plura simul, ut si quis dum orationi, aut diuinis laudibus operam dat, illiciat, diabolo suggerente, ad consentum noxiæ cogitationis, vel occasionem habeat clam aliquid subripiendi: facilius autem est, vnum peccatum vitare quam multa, & vnum præceptum, quam multa seruare. PRÆTEREA, tamen ab vna parte facilius sit opus continuare, quam inchoare, tamen ab altera, cum in opere laboratur, vires paulatim deficiunt, & facilius est breui tempore, quam longo in opere perdurare. Itaque sicut non recte colliges, si dicas, potest homo ægrotus ambulare suis viribus mille passus, igitur poterit etiā duo milia; sic etiam non recte ratiocinantur, qui dicunt, potest homo in statu naturæ corruptæ, in quo requiritur perpetua vigilantia & præmeditatio ad bene agendum, paruo tempore obseruare omnia mandata, poterit igitur & longo tempore. DENIQUE, paruo tempore ideo potest quis omnia mandata suis viribus obseruare, quia fieri potest, ut diximus, ut breui illo spacio nullum occurrat præceptum affirmatiuum, & nulla tentatio contra negatiua: quæ tamen in longo spacio non possunt non occurrere.

CAPVT VII.

Non posse solis naturæ viribus ullam veram tentationem superari.

ALTERA illa propositio, quæ docebat, non posse solis naturæ viribus vllum mandatum seruari, si

tentatio

tentatio urgeat: breuiter explicanda est, ut facilius comprobetur.

Obseruandum est igitur PRIMO, tribus modis posse vinci tentationem aliquam, VNO modo succumbendo alteri tentationi; ut cum quis ut auram popularem caperet, & vir fortis aut continens haberetur; abstinere se à flagitio, ad quod alioqui non leuiter stimulabatur. Saep enim (ut monet S. Gregor. hom. 12. in Ezechielem) vno tempore à pluribus hostibus oppugnamur, & dum vnus à fronte se palam ostentat, alius à tergo clam insidiatur. Sed de hoc primo modo nulla questio esse potest; satis enim constat, posse hominem vni potius vicio, quam alteri cedere, vel, quod est verius, posse in eodem homine vnum vitium ab alio maiore superari; neque hoc est tentationem ducere, sed à tentatione proferri: *Carnalis enim cupiditas* (ut loquitur S. August. lib. 3. ad Bonifacium, contra duas epist. Pelagianor. c. 4.) *cupiditate non sanatur.*

ALTERO modo potest tentatio ita vinci, ut non solum peccatum simpliciter euitetur, sed etiam ex victoria meritum acquiratur, quod fit, cum ex charitate Dei, tentationi resistitur. De quo modo loqui videtur Apostolus, cum dicit in priore ad Cor. c. 10. *Fidelis Deus, qui non patietur vos tentari supra id, quod potestis, sed faciet etiam cum tentatione prouentum.* Et S. August. li. 21. de ciuit. Dei, c. 16. *Tunc, inquit, villa virtutis deputanda sunt, cum Dei amore vincuntur.* De hoc modo non differimus in praesentia, sed pro comperto sumimus (quod alio loco tractabimus) nullum opus pietatis sine adiutorio gratiae fieri posse.

TERCIO igitur modo tentatio vinci potest, ita ut nec peccatum vllum addmittatur, nec tamen meritum comparetur, & de hoc solo modo in praesentia disputamus.

Obseruandum est SECUNDO, Nos cum dicimus, nullam tentationem solis naturae viribus vinci posse, loqui de vera tentatione, non de leuissima aliqua titillatione, quae nomen tentationis absolute & proprie non meretur. Praeterea sciendum est, nos non semper requirere ad vincendas tentationes, auxilium speciale, proprie dictum, hoc est, internam illustrationem vel motionem supernaturalem, sed quodcumque auxilium Dei, siue consistat in eo, quod Deus singulari providentia sua remoueat occasiones peccandi, siue in eo, quod non permittat diabolum seuire, quantum vellet, siue quocumque alio modo Deus nos iuuet. Multae enim tentationes sunt, quae per se non superant vires humanas, & tamen si Deus homines prorsus destituat, & Diabolum sinat agere quantum potest, illae sicut grauissimae & intolerabiles: tanta est humana fragilitas ad resistendum, & diabolica potentia ad nocendum.

Atque hinc fortasse conciliari possunt auctores, qui dicunt nullam tentationem sine auxilio Dei vinci posse, cum iis, qui dicunt, aliquas posse. Nam ii posteriores loquuntur de auxilio supernaturali, & considerant mensuram virium humanarum, in comparatione ad leuem aliquam tentationem absolute sumptam: priores autem per auxilium Dei accipiunt quicquid singulare Dei providentiam, quae saepe virtutibus naturalibus ad ea, quae fieri cupit, adiuuat: & vires humanas considerant per comparationem ad tentationem, non qualis est per se, sed qualis esset, si Deus permetteret, & non inuaret, aut vires nobis addendo, aut aduersariis subtrahendo. Sed quamquam uterque modus dicendi, bonum sensum habere possit, tamen magis consentaneus ad Scripturas & Patres loquentur, qui dicunt, nullam tentationem sine Dei auxilio vinci posse.

A Quod quidem probatur PRIMUM ex Scripturis; nam locus ille Sap. 8. *Non potest esse continens, nisi Deus det:* proprie ad vincendas tentationes pertinet. Neque enim difficile est continere, quando nulla tentatio ad peccandum inuitat. Praeterea verba illa B. Pauli 1. ad Cor. 10. *Fidelis Deus, qui non patietur vos tentari supra id, quod potestis,* satis aperte indicant tentationes supra id, quod possumus crescere posse, si Deus permittat.

His accedunt plurima testimonia Psalmorum, quae victoriam in tentatione simpli ceter Deo tribuunt. Psal. 27. *In te eripiar à tentatione.* Psal. 26. *Adiutor meus esto, ne derelinquas me.* Psal. 29. *Ego dixi in abundantia mea, non mouebo in aeternum: auertisti faciem tuam, & factus sum conturbatus.* Psal. 117. *Impulsus euerfus sum, & cecidem, & Dominus suscepit me.* Illa quoque oratio: *Et ne nos inducas in tentationem.* Matt. 6. Et illa ad hortatio: *Orate, ne intretis in tentationem.* Mat. 26. satis ostendunt, sine Dei adiutorio tentationibus resisti non posse.

Probatur SECUNDO ex traditione Ecclesiastica, Synodus PALESTINA apud Aug. in epist. 106. *Falsatur (Pelagius) quando contra tentationes, concupiscentiasque illicitas dimicamus, quamuis & illic habeamus propriam voluntatem, non tamen ex illa sed ex adiutorio Dei nostram prouenire victoriam.*

Synodus MILEVITANA in epist. ad Innocent. quae est apud August. 92. *Illud, inquit, ne nos inferas in tentationem, non ita intelligendum dicunt (Pelagiani) tanquam diuinum adiutorium poscere debeamus, ne in peccatum tentati decidamus, sed hoc in nostra esse positum potestate, & ad hoc implendum, solum sufficere voluntatem hominis.* Non dissimilia habet Synodus CARTHAGINENSIS, in epist. ad eundem Innocent. quae est apud August. epist. 90.

S. INNOCENTIUS I. in epist. ad Concil. Carthaginense, apud Augustinum epist. 91. *Nisi magnus precibus, inquit, gratia in nos implorata descendat, ne quicquam terrenae laetitiae, & mundani corporis vincere conamur errores, cum pares nos ad vestendum, non liberum arbitrium, sed Dei solum facere possit auxilium.* Et infra: *Quotidiana praestat ille remedia, quibus nisi facti, confisque nutamur, militemus vincere humanos poterimus errores. Necesse est enim, ut quo auxiliante vincimus, eodem viuis non adiuvante vincamur.* Idem in epist. ad Concil. Mileuitanum, apud August. 93. *Gratia, inquit, priuatis, necesse est in diaboli laqueis irretitis occumbat.*

S. ZOZIMVS Papa, Innocentii successor, in epist. cuius meminit Celestinus in epist. ad Gallos, cap. 9. *Quod, inquit, tempus interuenit, quo eius non egemus auxilio: in omnibus igitur actibus, causis, cogitationibus, moribus adiuutor, & praesector grandis est. Superbum est enim, ut quidquam sibi humana natura presumat, elamante, & stolo, Non est nobis colluctatio aduersus carnem & sanguinem, sed contra principes & potestates, &c.*

S. CELESTINVS I. in epist. iam citata ad Gallos, c. 6. *Ne no, inquit, etiam Baptismi gratia venonatus, idoneus est ad superandum diaboli insidias, & ad euincendas carnis concupiscentias, nisi per quotidianum adiutorium Dei persequantiam bonae conversationis acceperit.*

S. CYPRIANVS in serm. 7. de oratione Dominica: *Quando, inquit, rogamus, ne in tentationem incidamus, admonemur infirmitatis & imbecillitatis nostrae, dum si rogamus, ne quis se non solenter extollat, ne quis sui superbe atque arroganter aliquid assumat. Et infra: Et dum praecedit humilis & submissa confessio, & datur totum Domino, quidquid supplicet, cum timore & honore Dei petatur, ipsius pietate proficitur.*

S. BASILIUS in lib. Moralium summarum, Summa 62. c. 3. *Oportet, inquit, ad tempus ab insidiis illius*

descedere: ubi tamen quis permissus est, in tentationem incidere, euentum ut sufferre possit, & voluntatem Dei per orationem petere.

S. IOAN. CHRYSOST. hom. 34 in priorem ad Corinth. Sicut, inquit, tentationes, quas sufferre non possumus, & quantum sunt illa omnes, ut ita dicam, possibilitas enim in diuino nutu est, quam nostra allicimus voluntate. Quare, ut certo cognoscas, non solum illas, quæ virtutem nostram exuperant, non posse sine diuino auxilio facile sustinere, sed ne has quidem humanas, addidis, sed faciet cum tentatione prouentum, ut possitis sustinere. Et quidnam hoc significat? neque enim mediocres illos, quod dixi, inquit, propria virtute sufferemus, sed hic quoque diuino indigemus auxilio, ut eas uelessugiamus, vel certe perferamus.

AVCTOR operis imperfecti in Matthæum, ho. 37. Sicut nautis, inquit, fracto gubernaculo, illuc ducitur, quo tempestas voluerit, sic & homo diuina gratia auxilio perditio per peccatum, agit quod non vult, sed quod diabolus vult.

S. AMBROSIVS in Psal. 43. explicans illud: Hæc omnia viderunt super nos, nec oblitus sumus te. Quis, inquit, est tam fortis, ut nequaquam in tentatione moueatur, nisi Dominus ei adiutor assistat?

S. HIERONYMVS lib. 2. aduersus Pelagianos, citat illa verba Domini, Mat. 26. Surgite, vigilate, & orate, ne intretis in tentationem. Et continuo subiungit: Debuisset dicere, iuxta vos Surgite & resistite. Liberum enim habetis arbitrium, & semel vobis concessa à Domino potestate, nullius alterius indigetis auxilio. Idem initio lib. 3. Nostra, inquit, victoria & corona victoria illius protectione & clypeo paratur.

S. AVGVSTINVS in lib. de perfectione iustitiæ, extremum: Quisquis, inquit, negat, nos orare debere, ne intremus in tentationem: negat autem hoc, qui contendit, ad non peccandum gratia Dei adiutorium non esse homini necessarium, sed sola lege accepta, humanam sufficere voluntatem, ab auribus omnium remouendum, & ore omnium anathematizandum esse non dubio.

Idem in lib. de gratia CHRISTIC. 27. In libro, inquit, ad virginem sacram, cum dicit (Pelagius) diuinam mereamur gratiam, & facilius nequam spiritui, S. spiritus auxilio resistamus: Significo profecto quid sapiat. Et quid enim hoc verbum interposuit, id est, facilius? an vero non erat integer sensus, ut nequam spiritui, sancti spiritus auxilio resistamus? sed quantum deus mentum hoc additamento fecerit, quis non intelligat? volens utique credi tantas esse naturæ vires, quas extollendo præcipitat, ut etiam sine auxilio spiritus sancti, etsi minus facile tamen aliquo nequam spiritui resistatur.

S. GREGORIUS lib. 9. Moralium, c. 37. Qui apte, inquit, reducti in puluerem dicitur, quia dimissus sibi, cuiuslibet tentationis aura raptatur. Idem in Psal. 3. penitentialem, explicans illud: Ne derelinquas me Domine Deus meus. Illos, inquit, procul dubio Dominus relinquit, quibus constantiam in tribulatione non tribuit. Necessario enim sequitur, ut omni tentationi sit subditus, quicumque à Deo fuerit derelictus.

S. PROSPER in lib. aduersus Collatorem, c. 35. tractans locum de tentationibus S. Iob, ostendit, tam illam sancti viri victoriam ex Dei auxilio & gratia, partam, & inter alia sic loquitur: Quisquis igitur in tribulatione non desistit, ab illo se non dubiet adiunari ad quæ quotidie corda vniuersorum fidelium clamant, ne nos inferas in tentationem, sed libera nos à malo.

Accedat POSTREMO Ecclesiæ consuetudo, quæ inter quotidianas preces nihil magis frequentat, quam illud: Deus in adiutorium meum intende, Domine ad adiuuandum me festina. Et in oratione, quæ legitur ad horam orationis primam, protectionem

A Dei contra tentationes inuocans, dicit: Tua nos hodie salua virtute, ut ad nullum declinemus peccatum, sed semper ad tuam iustitiam faciendam, nostra procedant eloquia, dirigantur cogitationes & opera, per Christum Dominum nostrum.

CAPVT VIII.

Soluntur argumenta contra propositionem capitis septimi.

A ARGVMENTA Pelagianorum pauca sunt, nec difficilia. Obijciunt PRIMO testimonium S. HIERONYMI, & lib. 2. in Iovinianum: Liberi arbitrii nos condidit Deus, nec ad virtutum, nec ad vitia necessitate trahimur, alioquin ubi necessitas, neque damnatio, neque corona est. RESPONDET S. Augustinus in lib. de natura & gratia, c. 65. S. Hieronymum loqui de natura, qualis fuit à Deo condita, non qualis nunc est per peccatum vitata. Nunc enim quædam peccandi necessitas adest ex vitio, non ex conditione naturæ. A qua necessitate liberari petimus, cum dicimus, De necessitatibus meis erue me.

B Posset etiam responderi, si concedamus, S. Hieronymum loqui de natura, qualis nunc est, non necessitate trahi nos ad vitia, quoniam etiam si per nos resistere tentationibus non valeamus, valeamus tamen cum adiutorio Dei, quod semper in præcepto est, iuxta illud eiusdem Hieronymi in epist. ad Cyprianum: Cui sustinet tempestatem, vel petra, vel cæli quærit refugium: quem hostis persequitur, ad muros urbium confugit, ita & homo à principio conditionis suæ Deo videtur adiuuari, & cum illius sit gratia, quod creatus est, illiusque misericordia, quod subsistit & vivit: nihil boni operis agere potest absque eo, qui ita concessit liberum arbitrium, ut suam, per singula opera, gratiam non negaret.

C SECUNDO obijciunt, tentationes oriuntur ex concupiscentia carnis, dicente Iacobo in epist. sua, c. 1. Vnusquisque tentatur à concupiscentia sua abstractus & illecebratus: Concupiscentiæ vero rationalis animus naturaliter dominatur, iuxta illud Genes. 4. Sub te erit appetitus eius, & tu dominaberis illius. Igitur potest homo naturæ viribus, tentationi non cedere.

D RESPONDEO, natura humana ita constituta est, ut naturaliter pars inferior apta sit obedire superiori, & superior imperare inferiori: tamen potest etiam inferior reluctari superiori, & eam non quidem dominando, sed alliciendo & blandiendo ad se pertrahere. Quocirca Philosophi recte dicunt, rationem imperare appetitui inferiori, non despotico imperio, quomodo imperat dominus seruo, sed politico, quomodo magistratus imperat populo, qui excitat non raro seditiones & rectoribus suis obedire detestat.

E Quamuis autem ex natura rei contingere deberet, ut aliquando quidem pars inferior deiceret superiorem, sed ut plurimum inferiorem superior in officio contineret, & licet inuitam, & reluctantem corceret: tamen contra accidit, QUATVOR de causis. PRIMVM, quia pars inferior multis annis viget, antequam superior euigilare incipiat: inde enim fit, ut sensus assuetus per tot annos sine imperio rationis ferri in sua obiecta, difficulter postea iugum rationis ferre possit. DEINDE, quia sensus bona sunt præsentia, rationis autem præcipua sunt futura, & præsentia multo magis, quam futura nos mouere solent. TERTIO, quia sensuum obiecta vicina sunt, & perfecte cognoscuntur, rationis vero longe remota & abdita, nec nisi tenuiter penetrantur. QUARTO, quia diabolus maximam habet potentiam & artē nocendi, concupiscentiam excitando atque inflammando.

Hinc

Hinc enim fit, ut ratio, si suis solis viribus nitatur, concupiscentiæ, & per se vehementi, & à diabolo inflummatæ, resistere nullo modo possit. Quare quod in Genesi dicitur: *Sub teris appetitus eius, & in dominaberis illius*, verum est quidem, sed ideo potissimum est verum, quoniam (ut supra diximus) Deus non finit nos tentari supra id, quod possumus.

TERTIO, obijci solet à quibusdam testimonium S. Thomæ, qui in 1. 2. quæst. 10. art. 3. scribit, voluntatem non posse necessitari à passione, nisi passio absorbeat penitus iudicium rationis. Quod si passio quantumlibet vehemens, nunquam necessitat voluntatem, dum manet liberum rationis iudicium, certe sequitur, ut possit ei resisti viribus voluntatis etiam solis.

Respondet, significat S. Thomas à passione non necessitari voluntatem necessitate physica, quasi voluntas determinetur ad vnum, quomodo determinatur appetitus animantium brutorum; tamen non negat necessitari moraliter, id est, infallibiliter moveri, quomodo eloquentissimus orator, qui persuadendo lucit homines quocunque voluerit, non eos necessitat physice, sed moraliter. Eligunt enim illi id facere, quod orator eis persuader, sed impulsu efficacia persuasionis, cui resistere moraliter non valent.

Præterea non negat S. Thomas, etiam nostram voluntatem diuino auxilio indigere, ut à passione non necessitetur: sed solum dicit, eam, si ratio absorbeatur, omnino necessitari: si vero ratio non absorbeatur, non necessitari; quod verum est, quia diuino auxilio munita potest non consentire passioni, cuius auxilij non est capax, quando rationis iudicium penitus est ligatum.

CAPVT IX.

Posse hominem sine fide, cum auxilio speciali, & etiam sine illo, bonum aliquod morale perficere, si nulla tentatio urgeat.

TERTIA propositio, quæ docet, posse hominem sine fide, cum auxilio speciali, & etiam sine illo, bonum aliquod morale perficere; si nulla tentatio urgeat: breuiter explicanda est, antequam probetur.

Sciendum est igitur, non esse omnino idem, facere bonum morale, & obseruare præceptum secundum substantiam operis. Potest enim seruari præceptum secundum substantiam operis, etiam cum peccato, ut si quis amico restituat depositum, ut illo ipse à furibus spoliatur. At bonum morale non potest cum peccato fieri: proinde maius quiddam est, facere bonum morale, quam seruare præceptum; & ideo in nostra propositione non tam præceptum, quam boni morales mentionem fecimus.

Sciendum SECUNDO, Aduersarios, ac præsertim Kemnitium, & alios huius temporis sectarios, qui docent, Pelagianam hæresim esse, negare omnia infidelium opera esse peccata, id affirmare de illis etiam operibus quæ fiunt ab infidelibus cum auxilio Dei speciali: ac nos propterea id potissimum probare vellemus, non esse videlicet peccata omnia opera, quæ fiunt sine fide, præsertim si fiant cum auxilio Dei speciali. Id enim certissimum esse minime dubitamus. Interim tamen illud etiam probare volumus, posse fieri aliquod opus bonum moraliter, non solum sine fide, sed etiam sine auxilio speciali, si nulla tentatio urgeat. Nam urgente tentatione iam ostendimus, nihil boni solis naturæ viribus fieri posse. Itaque testimonia adferemus, quæ probent, aliqua bona opera ab infidelibus posse fieri, siue cum auxilio speciali,

siue etiam solis naturæ viribus.

PRIMUM igitur testimonium sumitur ex illis Scripturis, quæ testantur, Deum remunerari bona quædam opera Gentilium: non enim Deus, qui iustissimus est, & iustitiam diligit: quique sapientissimus est, & falli nullo modo potest, opera mala remuneraret, cum iusto iudicio supplicium mereantur, non præmium. Vnus locus est Exod. 1. *Quia timuerunt obstetrices Deum, edificauit illis domos*. Sensus est, quia Aegyptiæ obstetrices non paruerunt iniusto imperio Pharaonis, qui iusserat occidi omnes infantes masculos Hebræorum, existimantes id esse, ut reuera erat, contra Dei voluntatem, ideo Deus pro hac misericordia, quam exercuerunt in filios Hebræorum, dedit eis pro mercede copiosam & felicem prolem, atque ita domos illis edificauit & stabilauit.

Alius locus est Ezechielis, c. 19. *Fili hominis, Nabuchodonosor Rex Babylonis, seruire fecit exercitum suum, seruiente magna, aduersus Tyrum*. Omne caput decalatum, & omnis humerus depilatus est: & merces non est reddita ei, neque exercitus eius, de Tyro, pro seruiente qua seruauit mihi aduersus eam. Propterea hæc dicit Dominus Deus: Ecce dedi Nabuchodonosor Regem Babylonis in terram Aegypti, & accipiet multitudinem eius, & depredabitur manus eius, & diripiet spolia eius, & eris merces exercitus illius. Exercitus iste sine dubio infidelis erat, & tamen quia fideliter regi suo seruauit in bello iusto contra Tyrum, quam urbem ob sua peccata Deus euerri volebat, ideo mercedem illi reddidit, donans ei, mirabili prouidentia, spolia Aegypti, quæ propter scelera quoque sua spoliari meruerat. Itaque S. Hieronymus in comment. sic ait: Ex eo quod Nabuchodonosor mercedem accipit boni operis, intelligimus etiam Ethnicos, si quid boni fecerint non absque mercede Dei iudicio præteriri.

Alius item locus est Dan. 4. ubi cum Daniel prædixisset Regi Nabuchodonosor grauem pœnam temporalem à Deo propter peccata sua, hortatur illum ad eleemosynas, quibus redimat, siue auertat pœnam illam temporalem: Nunc, inquit, Rex consilium meum placeat tibi peccata tua eleemosynis redime, &c. Quod si eleemosynæ hominis infidelis auertere poterant pœnam temporalem, certe bona opera erant, non peccata: non enim peccata iram Dei mitigant, sed magis accendunt.

SECUNDO, probatur ex alijs Scripturis, quæ indicant, fideles facere, aut posse facere aliqua bona opera. Matt. 5. *Si saluaueritis fratres vestros tantum, quid amplius facitis, nonne & Ethnicus hoc faciunt? Estote ergo vos perfecti, &c.* Quo loco tribuitur Ethnicis bonum opus, ostendendi signa beneuolentiæ erga suos: nisi enim hoc bonum esset, non diceret Dominus, quid amplius facitis? sed, cur hoc facitis? Vult igitur suos Dominus, non contraria, sed maiora facere. Ad Rom. 2. *Cum gentes, quæ legem non habent, naturaliter quæ legis sunt, faciunt, &c.* Hic Apostolus aperte docet, Gentiles naturali lumine implere aliqua legis mandata. Quod autem ita impleant, ut non peccent, docet Chrysost. in comment. cum ait, eos implere omnia quæ legis sunt, id est, ut supra diximus, mandatum cum omnibus circumstantijs obseruare.

Accedant deinde testimonia Patrum, S. Basilii homil. 9. de opere ieiuniorum: Sunt, inquit, & apud nos virtutes secundum naturam, ad quas familiaritas ipsa anima non ex doctrina hominum, sed ex ipsa natura inest. Quemadmodum enim nulla disciplina nos docet morbum odisse, sed spontaneam habemus calumniam, ac detestationem aduersus ea quæ nobis molesta sunt: sic etiam est anima quadam declinatio, & fuga visus circa

doct. man. Quo loco S. Basilus apertissime docet, qualdam virtutes esse naturales, ut misericordiam, & similes, ac per hoc non esse semper necessariam vel fidem diuinam, vel auxilium speciale, cum ad eiusmodi naturaliter inclinemus.

S. Ioan. Chrysost. homil. 67. ad populum Antiochenum: Non potest, inquit, malus omnino malus esse, sed euenit, ut aliquid habeat boni: neque bonus esse omnino bonus, sed nonnulla solus habere peccata. Cum itaque malus prosperis utitur rebus, ad capitis sui perniciem utitur, ut enim illorum paucorum bonorum retributionem hic capiens, illic deinde puniatur, hac de causa recipit. Loquitur Chrysostomus de omnibus malis, etiam infidelibus, generatim enim dicit, nullum esse malum, qui non habeat aliquid boni, & loquitur de opere bono, non ex genere tantum, sed simpliciter quia opponit illud peccato, & mercedem illi debitam assignat. Non enim merces debetur operi, praesertim apud Deum, quod sit ex genere bonum, sed absolute peccatum.

Auctor operis imperfecti, hom. 26. in Matthaeum: Audi, inquit, mysterium, quod Petrus apud Clementem exposuit, si fidelis fecerit opus bonum, & hic ei prodest, liberans eum a malis, & illic ad percipiendum regnum caeleste, magis autem ibi, quam hic. Si autem infidelis fecerit opus bonum, hic ei prodest opus ipsum, & hic ei reddit Deus bona pro opere suo, in illo autem seculo nobilei prodest. Nec enim collocatur inter ceteros fideles, propter opus suum, & iuste: Quia naturalis bono motus fecit bonum, non propter Deum.

S. Hieronymus in cap. 1. epist. ad Galat. Ex quo, inquit, perspicuum fit, natura omnibus inesse Dei notitiam, nec quemquam sine Christo nasci, & non habere seminam in se sapientia & iustitia, reliquarumque virtutum. Unde multi absque fide & Evangelio Christi, vel sapientes faciunt aliqua, vel sancte, ut parentibus obsequantur, ut inopi manum porrigant, non opprimant vicinos, non aliena diripiant. Hoc loco S. Hieronymus non solum concedit, sine fide aliqua opera sancta fieri, sed etiam sancte. Nullo autem modo sancte fieri dici potest, quod cum peccato sit. Idem in cap. 5. ad Galatas. Quomodo, inquit, iuxta Iacobum fides absque operibus mortua est: sic absque fide, quamvis bona opera sint, mortua computantur. Fides sine operibus non est falsa, sed vera, tamen mortua dicatur, quia non operatur salutem aeternam: igitur & opera bona sine fide non sunt mala, sed vere bona, mortua tamen, quia nihil profunt ad veram vitam, quae est in caelis, comparandam.

S. Augustinus docet, quaedam bona opera fieri sine fide, sed cum auxilio speciali Dei; & rursus alia sine auxilio speciali, solis naturae viribus. De primi generis operibus habemus testimonium in epistola 130. ubi laudat continentiam Polemonis: Quoniam, inquit, donum Dei est. Et addit: Quod si ille hoc donum cognovisset, fuisset non solum continens, sed etiam religiosus & pius, & continentiam habuisset, non solum ad bonitatem praesentis vitae, sed etiam ad meritum aeternae. Et in lib. 4. contra Iulianum, cap. 3. loquens de virtutibus infidelium: Quando, inquit, tolerabilius illas, quas dicis in impijs esse virtutes, diuino muneri potius, quam eorum tribueris tantummodo voluntati, licet ipsi hoc nesciant? Denique lib. de praedestinatione Sanctorum, capite septimo, & libro primo de Baptismo, caput. 3. & lib. 4. cap. 23. eleemosynas Cornelij, antequam in Christum crederet, & iustitiam appellat, & donum Dei esse dicit. At certe impium est, dona Dei inter peccata deputare.

De secundi generis operibus habemus testimonium in lib. de perfectione iustitiae, respond. proxi-

ma postrema; ubi cum Celestinus probare volens, non esse necessariam Dei gratiam ad bona opera liberi arbitrij, obiecit illud Apostoli 1. ad Corinth. 7. Quod vult faciat, non peccat, si nubar, respondebit Augustinus: Videte, obsecro, quale sit volens & currenti misericordiam Dei non necessariam ducere, quia de quodam aut Apostolo, quod vult faciat, non peccat, si nubar. Quasi pro magno habendum sit, velle nubere, ubi de adiutorio divinae misericordiae operis usus disputatur. Itaque concedit Augustinus in huiusmodi operibus humanis, quae ad salutem non pertinent, auxilium gratiae non semper requiri: & tamen haec opera bona sunt, cum peccata non sint, Apostolo teste, qui ait, Non peccat, si nubar.

Aliud testimonium est in libro de spiritu & littera, cap. 27. qui locus paulo iustius recitandus est: Si autem, inquit, hi, qui naturaliter, quae legis sunt, faciunt, nondum sunt habendi in numero eorum, quos Christi iustificat gratia, sed in eorum potius, quorum etiam improbitatem, nec Deum veraciter, neque colentium, quaedam tamen facta vel legimus, vel nominamus, vel audimus, quae secundum iustitiae regulam non solum vituperare non possumus, verum etiam merito, recteque laudamus: Quanquam si discurrantur quo sine fiant, vix inueniuntur, quae iustitiae debitam laudem, defensionemve mereantur.

Vbi notandum est illud, vix, vere enim magna pars operum infidelium ob finem prauum, ad quem referuntur peccata simpliciter sunt: quaedam tamen, tamen pauca, inueniuntur, quae nullo malo fine vituantur, & ea non peccata, sed opera bona simpliciter dici debent. Itaque idem Augustinus continuo ita subiungit: Verumtamen quia non vsque adeo in anima humana imago Dei terrenorum affectuum labe derisa est, ut nulla in ea velut lineamenta extrema remanserint. Unde merito dici possunt, etiam in ipsa impietate vitae suae facere aliqua legis, vel sapere, &c. Quorum verborum hic esse videtur sensus, si quaeramus, opera bona infidelium, quae propter malum finem facta non sunt, ac per hoc simpliciter bona sint, vix inuenire poterimus, tamen eiusmodi aliqua esse, inde colligi potest, quod imago Dei in anima humana per peccatum non omnino sublata est. Quare paulo post haec adiungit: Sicut enim non impediunt a vita aeterna nullum quaedam venialia peccata, sine quibus haec vita non ducitur: sic ad salutem aeternam nihil profunt imperata aliqua opera, sine quibus difficillime vita aeterna liber perficitur hominis inuenitur. In quibus verbis ipsa antichristi, satis aperte testatur, opera bona impiorum, quae non profunt ad vitam aeternam, non posse dici peccata, sicut peccata venialia iustorum, quae non impediunt a vita, bona opera dici non possunt.

His adde quod idem Augustinus in lib. 5. de ciuitate Dei, cap. 15. dicit, Deum dedisse Romanis tam amplum imperium, ut remuneraret in hac vita bonas eorum virtutes. Siue autem illae virtutes, cum Dei speciali gratia coniunctae fuerint, sine non, certe in infidelibus erant, & virtutes, non vitia erant, nisi Deum remuneratorem vitiorum (quod est absurdissimum) faciamus.

Addere etiam vltimo, quod idem auctor in omnibus fere locis, ut scribit, nihil fieri posse boni, sine auxilio gratiae, addere solet limitationem, si videlicet bona illa opera, ad pietatem & salutem pertineant. Ut nimirum significaret, ad opera bona, quae ad pietatem & salutem non pertinent, aut gratiae auxilium non requiri, aut certe sine praedictio fidei de hac re disputari posse. Libro de gratia Christi, capite vigesimo sexto: Gratiam Dei, inquit, sic confiteatur, qui vult veraciter censeri, ut omnino nihil boni sine illa, quod ad pietatem pertinet, veramque iustitiam, fieri posse non du-

biter.

raz. Natura siquidem, quamvis per peccatum deterior facta sit, quàm esset in statu innocentie, non tamen inferior est, quàm fuisset in puris naturalibus. In puris autem naturalibus sine dubio proportionem habuisset cum bono morali, quod naturaliter cognoscitur & appetitur. Quorum enim ratio illi data esset, si nihil omnino secundum rationem agere posset? Agere vero secundum rationem, est moraliter bene agere.

Denique nec dici potest, quod quarto loco adferbatur de nimia difficultate, ob tentationum vehementiam. Nam hoc loco non agimus nisi de rebus facilibus, & naturæ valde consentaneis, atque omni tentatione cessante: qualia sunt inferri pauperis in via occurrentis, providere filijs, adiuuare cognatos, & alia id genus.

SECUNDA ratio ducitur ab absurdis, nam si nullum opus bonum fieri posset ab infidelibus, sequeretur melius illis esse, remoto præcepto, bona opera ex obiecto, non facere, quàm facere. Nam faciendo peccarent, non faciendo, non peccarent. Itaque monendi essent infideles, ne facerent elemosynas, ne pacificarent discordes, ne imperitos docerent, nisi quando ex præcepto aliquo tenerentur. Hæc autem sine dubio absurdissima sunt.

CAPVT. X.

*Soluntur argumenta contra propositionem
capitis superioris.*

ADVERSARIORVM argumenta contra propositionem capitis superioris nec pauca sunt, nec leuia.

PRIMUM argumentum Kemnitij est. Scriptura docet, Deo displicere opera omnia impiorum, quamvis alioqui speciosissima, & a se instituta, ut cognosci potest ex illis verbis: *Incensum abominatio est mihi, & solemnitates vestras odit anima mea, Isa. 1.* Et rursus: *Qui immolat bouem, quasi qui interficiat virum, Isaia 66.* Item: *Sacrificium impiorum abominatio.* Prouerb. 15. Multo igitur magis Deo displicebunt alia opera, minus speciosa & humana, si ab impijs fiunt. Respondeo, Multum interest inter sacrificia & opera moralia, nam ut fiat bene opus morale, non requiritur, ut fiat cum detestatione peccatorum, vel cum conscientia pura, quod tamen requiritur ad sacrificium rite offerendum. Cuius differentie ratio est, quia sacrificium habet pro fine placare & reconciliare Deum, vel ab illo beneficia aliqua impetrare, aut pro acceptis gratias agere: qui autem Deum sibi reconciliare nititur, & tamen peccata non detestatur, nec relinquit, is pugnat cum ipsa sua actione, nec tam Deum placat, quàm ad iracundiam prouocat. Sic etiam qui vult à Deo beneficia impetrare, vel ei pro acceptis gratias agere: & tamē cum eo inimicitiam gerit, eum, que offendere legem ipsius præuaticando, non cessat, is Deum non tam honorat, quàm irridet. Quare nihil est mirum, si sacrificiū eius Deo non placeat, quippe quod non rite offertur. At opus morale, ut elemosyna in pauperem, nō haberet pro fine, nisi egenti opem ferre, ad quem finem consequendum nihil pertinet puritas, vel impuritas vitæ, & conscientie eius, qui elemosynam facit.

SECUNDVM argumentum sumunt Caluinus & alij, communiter ex illo Genes. 6. *Omne fignent in cordis humani tantum est malum.* Sic enim ipsi vertunt ex Hebræo. Respondeo, Scriptura hoc loco ut in alijs plurimis, tribuit omnibus, quod conuenit ma-

iori parti. Sententia igitur huius loci est, maiorem partem cogitationum, sine præcipuum studium hominum illius sæculi fuisse malum, quo sensu in eodem loco scribitur: *Omnis caro conuulsa est à semine suo.* Et tamen ibidem additur: *Noe vir iustus fuit, atque perfectus.* Similes locutiones sunt Psal. 1. *Et lege Domini meditabitur die ac nocte.* Psal. 34. *Benedicam Dominum in omni tempore.* Luc. 18. *Oportet semper orare, & nunquam deficere.* 1. ad Thessalon. 1. *Sine intermissione orare.* Ioan. 12. *Mundus totus post eum abiit.* Quare S. Augustinus in libro de vanitate Ecclesiæ, capit. 12. scribit, in sacris litteris sæpe reprehendi omnes homines, cum solos malos Spiritus sanctus reprehendere velit, & contra.

TERTIVM argumentum sumunt ex Psal. 13. *Omnes declinauerunt, simul inutiles facti sunt, non est qui faciat bonum, non est usque ad unum.* Quem locum allegat etiam Apostolus ad Rom. 3. Respondeo, Libenter fateamur, omnes homines esse in statu peccati (quod Apostolus eo loco probare contendit, ut necessitatem gratiæ Christi manifestam faciat) & inutiles ad opera facienda quæ Deo placeant, nisi prius per Dei gratiam & redemptionem, quæ est in Christo Iesu, reconcilietur & iustificetur: Illud autem: *Non est qui faciat bonum, non est usque ad unum,* non significat, neminem esse qui faciat aliquid opus bonum morale, sed, neminem esse, qui iuste uiuat, seruando totam legem moralem. Id enim præcedit, nō est iustus quisquam, non est intelligens, omnes declinauerunt, &c. Neque enim iustus dici potest, aut simpliciter bonum facere, qui multis peccatis vnum aliquod bonum opus admisceat.

QUARTVM argumentum sumit Caluinus ex illo vetu Psal. 61. *Mendaces filij hominum in statera, ut decipiant ipsi de vanitate in idipsum.* Siquidem in Hebræo hic est verborum illorum sensus: *Mendaces filij hominum, & vani in statera præ ipsa vanitate,* id est, si ponderentur homo, & vanitas in statera, homo leuior & vanior apparebit. Quid igitur boni ab illo expectari potest, qui est ipsa vanitate vanior?

Respondeo PRIMUM, Græca & Latina versio eius loci satis commode defendi potest. Illud enim כח-ל-הוה id est, ad ascendendum præ vanitate, potest optime reddi, ad præualendum ex vanitate. Nam præpositio Hebræica, כח-ל-הוה, significat tam ex, & de, & ab, quàm præ. Sic etiam ascendere, præteritum apud Hebræos, significat non raro præualere. Itaque sentius esse potest, etiam secundum Hebræicam fontem: *Mendaces filij hominum in statera,* id est, in negotijs, quæ mensuris & ponderibus transiguntur, ad præualendum ex vanitate, id est, ut fraudibus præualeant & decipiant, fraudibus (inquam) vanitate plenis, quæ nihil solidi & veri lucri apportent. Quare S. Hieronymus ex Hebræo reddidit; *Ut fraudem inueniam.*

Deinde, fac interpretationem Caluini solam esse veram & germanam, quid inde lucrabitur? an quia dicitur homo vanior vanitate, nihil boni moralis operari poterit? Vani enim dicuntur homines, ut ait Sapiens, in quibus non inest scientia Domini, & qui nihil querunt aut appetunt, nisi humana & terrena, quæ cum diuinis & celestibus comparata, vana, vel potius vanitas merito nominantur, iuxta illud Psal. 4. *Et quid diligis vanitatem?* Hoc igitur solum ex eo colligitur, quod homo vanitas esse dicatur, ut nihil possit ex se operari, aut etiam cogitare in ordine ad salutem & vitam æternam.

QUINTVM argumentum sumit idem Caluinus ex illo Isaia 60. *Ecce tenebre operient terram, & caligo populos, &c.* Hinc enī sequitur, ut omnis mundus,

excepta Ecclesia, quæ per Hierosolymam, apud Iliam, significatur, ignoret penitus viam iustitiæ, ac per hoc etiam nihil omnino boni per se valeat operari. Respondeo, Non loquitur Iliam de lumine naturali quod ad bona moralia cognoscenda requiritur, sed de lumine diuino, quod necessarium est ad cognoscendum Christum, & rectam viam ad sempiternam felicitatem. Neque enim negari potest, quin Aristoteles in libris de moribus, Plutarchus in Opusculis, Epictetus in Enchirid. Cicero in libris de officiis, & Seneca in omnibus suis operibus, non ostenderint lumen naturale plus quam mediocre in tradendis præceptis, & institutione morali.

Sextum argumentum sumunt ex illo Hieremias, 17. *Prauum est cor hominis, & fraudulentum præ omni re.* Sic enim ipsi vertunt ex Hebræo. Respondeo, Nihil ex hoc testimonio sequitur contra doctrinam à nobis traditam. Nō enim dicitur cor hominis prauum & fraudulentum, quia nihil boni moralis tacere possit: sed quia in eo fons est, & origo malorum, tum propter arbitrij libertatem, tum propter naturæ corruptionem. De corde enim exeunt cogitationes malæ, adulteria, furta, &c. Matth. 15. Adde quod recte verti potest illud prauum, Hebraice *קדמ* profundum, ut Græci reddiderūt *βαθύς*, sequitur enim: *Et in scrutabile, & quis cognosceret illud? Ego Dominus scrutans corda.* Ex eo vero quod cor humanum dicitur profundum & in scrutabile, nihil efficitur quod ad rem præsentem pertineat.

Septimum argumentum sumunt Caluinus, Kementius & alij, ex illo Matth. 7. *Non potest arbor mala, bonos fructus facere.* Quod iterum repetitur Matth. 12. & Luc. 6. arbor autem mala est homo impius, ex Augustino lib. 4. in Iuhan. cap. 3. Respondeo, Obseruandum est hoc loco, non esse omnino idem testimonium Matth. 7. & Luc. 6. sed diuersa, & alia occasione prolata. Nam apud Lucam ponitur doctrina generalis, ad cognoscendos omnes hypocritas; apud Matth. cap. 7. ponitur signum cognoscendorum falsorum Prophetarum tantum. Rursus, apud Lucam spinæ opponuntur ficibus, & rubi vuis, apud Matthæum contra spinæ vuis, & tribulæ ficibus. Denique, ea quæ scribit Lucas c. 6. scribit Matthæus cap. 12. necesse igitur est, ut quæ scribuntur Matth. 7. diuersa sint ab ijs, quæ scribuntur Luc. 6. nisi quis velit Matthæum his eadem sine causa repetiuisse.

Hoc posito dico, Matth. 7. per arbores bonas & malas, non intelligi voluntates hominum bonas vel malas; sed doctrinas veras vel falsas, vel ipsos homines, quatenus docent sanam doctrinam, aut corruptam & perniciosam. Dominus enim vult eo loco nos instruere, ut caueamus à falsis Prophetis, qui veniunt ad nos in vestimentis ouium, intrinsecus autem sunt lupi rapaces. Docet autem, ex fructibus posse dignosci, utrum lupi sint, an pastores, id est, hæretici ministri, an Catholici Episcopi. Certum vero est, ex operibus ipsorum hominum, qui nos docent, non posse cognosci doctrinam, cum opera interna non videantur, externa autem sint communia utriusque, & propterea comparentur vestimentis ouium: quibus lupi quoque se tegunt. Itaque idem Dominus, quoniam sciebat, non posse discerni doctrinam ex opere, cum sæpe mali bona doceant, monuit nos Matth. 18. *Quia dicunt facite, secundum autem opera illorum nolite facere.*

Vult igitur Dominus Matth. 7. ut ex fructibus doctrinæ, de ipsa doctrina, & doctoribus iudicemus. Nam doctrina vere diuina & Catholica est doctrina sana, & ex se parit obedientiam, pacem, concordiam

A animorum & similia. Doctrina hæretica parit quodammodo naturaliter dissensiones, sectas, contumaciam, licentiam, contemptum maiorum, & alia id genus. Commune siquidem est omnibus hæreticis, ut despiciant veteres Doctores, ut doceant, nō esse acquiescendum Ecclesiæ iudicio, ut in sectas varias breui tempore scindantur. Itaque hoc testimonium ex Matthæo prolatum, non pertinet ad causam, quam nunc tractamus, sed solum obiter nos instruit, ut nisi cæci simus, perspiciamus doctrinam Lutheri & Caluini, & ipsos quoque, ut talis doctrinæ auctores, suis se arbores valde malas, & ideo securi diuini iudicii excisos, in ignem que proiectos.

B Porro apud Matthæum, c. 11. & Lucam c. 6. per arbores bonas vel malas, intelliguntur voluntates hominum bonæ vel malæ, siue ipsi homines boni, vel mali. Sic enim Dominus ipse videtur exposuisse, cum ait: *Bonus homo de bono thesauro cordis sui profert bona, & malus, de malo thesauro profert mala.*

Ad argumentum autem, quod secundum hanc expositionem vires habere videtur, triplex solutio dari potest. **PRIMA** est, Dominum non voluisse significare arborem bonam non posse facere vllum fructum malum, sed non posse facere omnes, aut plurimos fructus malos. Et contra, arborem malam, non posse facere omnes, aut plurimos fructus bonos, sed ordinarie quidem, & ut plurimum facere fructus malos, interdum tamen facere posse aliquos fructus bonos. Atque hoc est valde consentaneum experientia, tum in veris arboribus, tum in hominibus, per eas significatis. Nam arbores bonæ semper aliquos bonos fructus ferunt, quamuis interdum aliquos aut nō perducant ad maturitatem, aut à vermicibus corruptos, ac per hoc malos gerant. Arbores item malæ, id est, putridæ, seti nimis antiquæ & cariosæ (id enim significat vox Græca *κακή*) non tantum producant multos fructus malos & corruptos, sed etiam aliquos integros & bonos.

ALTERA solutio est, per arbores intelligi actualement voluntatem bonam, quæ dicitur charitas, & malam, quæ dicitur cupiditas, ut exponit S. Augustinus in lib. 2. de actis cum Felice Manichæo, cap. 4. vel certe ipsos homines, ut operantur ex charitate, vel ex cupiditate. Ex hac autem expositione argumentum plane solutum remanet. Fatemur enim arborem malam, id est, cupiditatem, siue hominē, ut operatur ex cupiditate, non posse facere, nisi malos fructus. Sed non sequitur propterea, opera omnia hominis peccatoris, esse peccata, quoniam interdum peccator non operatur ex cupiditate, sed ex bono naturæ, & tunc facit opus bonū morale: Sicut etiam interdum homo iustus facit opera mala, id est, peccata venialia, quia non operatur ex charitate, sed ex corruptione naturæ.

TERTIA solutio erit, si dicamus, per fructus bonos, quos nō potest facere arbor mala, intelligi opera meritoria vitæ æternæ; per fructus autem malos, quos non potest facere arbor bona, intelligi opera meritoria mortis æternæ; per arborem bonam hominem iustum, per malam, peccatorem, ut hanc similitudinem exponit Augustinus libro quarto in Iulianum, cap. 3. & libro de gratia Christi, capit. 18. & 19. Hinc enim sequitur, ut sicut iustus non potest facere peccata lethalia, nisi desinat esse iustus; & tamen potest, etiam manens iustus, facere peccata venialia: sic impius non possit facere opera, digna regno cælorum, nisi desinat esse impius, tamen possit, etiam manens impius, facere opera bona moraliter. Et certe secundum vsum Scripturæ, fructus boni non dicuntur, nisi opera salutifera, de quibus dicitur,

Ioan. 15. *Qui manet in me, & ego in eo, hic fert fructum multum.* Et ad Roman. 6. *Habetis fructum vestrum in sanctificationem.* Et ad Gala. 5. *Fructus spiritus sunt caritas, continentia, &c.* Et ad Ephes. 5. *Fructus lucis est in omni bonitate, &c.*

OCTAVVM argumentum sumit Caluinus ex illo Ioan. 3. *Quod natum est ex carne, caro est.* At caro tota est mala, neque bonum aliquid gignere potest. Nam effectus carnis mors est, ad Roman. 8. Et fructus carnis sunt fornicatio, immunditia, &c. ad Gal. 5. Neque responderi potest, accipi carnem pro parte hominis inferiore, cum dicitur: *Quod natum est ex carne, caro est.* Nam Dominus ait: *Oportet vos nasci denuo.* At nasci debemus secundum partem superiorem. Ait enim Apostolus ad Ephes. 4. *Renouamini spiritu mentis vestre.* Igitur pars etiam superior ante iustificationem dicitur caro, & nihil facere potest, nisi propria carnis, id est, peccata.

Respondeo, Caro sumitur quidem interdum in diuinis litteris pro homine carnali, ut carnalis distinguitur à spirituali, id est, pro homine, in quo primas partes sibi vendicat caro, ut in loco citato, ad Galatas 5. *Opera carnis sunt fornicatio, &c.* Sæpius tamen per figuram intellectiois pro toto homine simpliciter accipitur, ut Ioan. 1. *Verbum caro factum est.* Et Isaia 40. *Omnis caro fenum.* Hoc autem loco certum est, carnem accipiendam esse simpliciter pro homine, ut accipiunt Chrysostomus, Aug. Cyrill. & alij in commentario, & Basilius libro 1. de Baptismo, ca. 2. vlt. medium. Dominus enim, ut ostenderet, oportere nos nasci denuo, si velimus hæreditatem diuinam consequi, dixit, *Quod natum est ex carne, caro est*, hoc est, non sufficit natum esse semel ex homine. Nam homo nihil aliud quam hominem gignit. Sed nascendum est iterum, idque ex Deo, ut simus quodam modo Dij, & hæreditatem filiorum Dei consequi mereamur.

Quare illa ratiocinatio Caluini non est adpropositum. Non enim debet homo nasci denuo, quia sit totus carnalis, & nihil possit facere, nisi opera carnis, sed quia per primam generationem non habet esse, nisi naturale & humanum, indiget autem esse diuino, & supernaturali, ut filius, & hæres Dei dici, & esse possit. Porro ad Romanos octauo, accipitur caro pro parte inferiori, ut patet ex toto præcedente capite, & sensus eius loci est, acquiescere carnis concupiscentijs mortem esse, quia peccatum mortale admittit, qui carni in omnibus acquiescit. Quâuis autem non possit non peccare, qui carni obedit; tamen nō cogitur etiam homo impius in omni opere carni obedire, sed potest aliqua opera facere ex naturali propensione, non ex vitiosa cupiditate, ut sæpe dictum est supra.

NONVM argumentum sumunt ex illo Ioan. 15. *Sine me nihil potestis facere.* Respondeo, Loquitur Dominus de his operibus, quæ ad salutem pertinent, de quibus paulo ante dixerat: *Qui manet in me, & ego in eo, hic fert fructum multum.* Et hoc modo loci istum intelligit Concilium Arausic. cap. 7. Atque huc pertinent illa etiam loca, quæ à quibusdam obijciuntur ex 1. ad Corinth. 4. *Quid habes, quod non accepisti?* Ex 2. ad Corinth. 3. *Non sumus sufficientes cogitare aliquid ex nobis.* Ex Ephes. 2. *Ipsi enim sumus factura, creati in Christo Iesu, in operibus bonis.* Ex Philip. 2. *Deus est, qui operatur in nobis velle & perficere.* Hæc enim omnia ad opera pietatis & salutis pertinent, quæ sine Deo, neque inchoari, neque perfici posse, infra demonstraturi sumus.

DECIMVM argumentum sumunt ex illis verbis epistolæ ad Rom. capite decimoquarto. *Omne quod*

non est ex fide, peccatum est: quod argumentum non solum à Kemnitio proponitur, sed etiam à Caluino libro tertio Institution. capite decimoquinto & à Melanchthone in Apologia Confessionis, titu. de Iustificatione.

Sed responsio in promptu est. Nam eo loco beatus Paulus, nomine fidei, non intelligit fidem, quæ credimus in Christum, unde dicuntur fideles, qui ea fide præditi sunt, & infideles, qui eadem fide carent: sed fidem, quæ credimus aliquid esse licitum, quæ etiam conscientia dici potest. Et sententia illius loci est, peccatum esse quicquid sit cōscientia reclamante & protestante, illud fieri non debere.

Hanc autem esse germanam eius loci expositionem, dubitari non potest, tum, quoniam ita expoluerunt fere omnes interpretes Græci, & Latini, ut commentar. adscriptus Ambrosio, Chrysostomus, Theodoretus, Theophylactus, Oecumenius & alij, & præterea Innocentius Papa in Concilio Lateranensi, unde extat caput finale de præscriptione. Tum, quia textus ipse plane cogere videtur. Differit enim Apostolus de cibis mundis & immundis, secundum legem, & ait: *Qui discernit si manducauerit, damnatus est, quia non ex fide*: id est, qui discernit inter cibos mundos & immundos, existimans aliquos vere esse immundos, si omnes æque manducauerit, damnatus est, quia facit contra id, quod credit esse faciendum. Omne enim quod non est ex fide, id est, secundum id, quod credit faciendum, peccatum est.

Atque hinc natum est axioma illud Theologorum, conscientiam (quamuis erroneam) semper ligare. Nunquam enim licet contra conscientiam facere. Non ignoro, sanctum Augustinum paulo aliter huc locum exposuisse, sed de eius sententia paulo post dicemus.

VNDECIMVM argumentum sumunt ex illo 1. ad Corinthios 10. & Coloss. 3. *Sine manducatu, sine bibitu, sine quid aliud facitis, omnia in gloriam Dei facite.* Respondeo, sonant hæc verba piam admonitionem, non præceptum propriè dictum: nisi intelligamus, hoc tantum imperari, ut omnia fiant in gloriam Dei explicite vel implicite. Nam saltem implicite omnia refert in gloriam Dei, qui operatur propter bonum aliquem finem. Semper enim ex bonis operibus, etiam si is, qui ea facit, forte de Deo non cogitet, sequitur, ut qui ea vident, glorificent, aut certe glorificare possint patrem nostrum, qui in cælis est.

DVODECIMVM argumentum ex illo ad Ephes. 4. *Testificor in Domino, ut iam non ambuletis, sicut & gentes ambulanti in vanitate sensus sui, tenebris obscuratum habentes intellectum, alienati à via Dei per ignorantiam, quæ est in illis, propter cecitatem cordis ipsorum, qui desperantes, semetipsos tradiderunt impudicitia, in operationem omnis immunditiae, in auaritiā.* Respondeo, Non dicit Apostolus, omnia opera infidelium esse peccata, sed plurima esse mala & immunda, omnia autem saltem esse vana, id est, inutilia ad veram felicitatem, cum ipsi & lumine fidei & spe regni cælestis careant.

TERTIUM DECIMVM argumentum ex illo 2. ad Timot. 2. *A quo captiui tenentur ad ipsius voluntatem.* At voluntas diaboli est, ut homines semper peccent. Respondeo, Dicuntur peccatores teneri laqueis diaboli captiui ad ipsius voluntatem, non quod cogantur facere, aut pati quicquid diabolus vult, sed quia non possunt pro suo arbitrio, & suis solis viribus, ab illa captiuitate liberari.

QUARTUM DECIMVM argumentum, ex illo ad Timoth. 1. *Omnia munda munda, inquinatis autem*

& infidelibus, nihil est mundum, sed inquinata sunt eorum & mens & conscientia. Respondeo, Explicant hunc locum sanctus Hieronymus in commentario, & sanctus Augustinus, lib. 31. contra Faustum, cap. 4. qui docent, Apostolum non loqui de operibus infidelium, sed de cibis mundis & immundis, secundum legem, ut hæc sit sententia huius loci: *Omnia munda mundis*, id est, omnes cibi natura sua mundi sunt, & hoc tempore post abrogatam legem veterem iuste & sancte à iustis hominibus māducantur, quippe qui sciunt nihil esse immundum, quod cum gratiarum actione percipitur: *Inquinatis autem & infidelibus, nihil est mundum*, id est, hominibus iniustis, & qui nolunt credere, legem esse abrogatam, quales sunt Iudæi, omnes cibi sunt immundi, non solum illi, quos lex iudicabat immundos, sed etiam ceteri, quos isti ita infideliter sumunt, ut existiment, eos solos esse mundos. Inquinata enim est eorum & mens & conscientia, id est, idcirco omnes cibi sunt istis immundi, quoniam inquinatam mentem, & erroneam conscientiam gerunt.

Quod si quis omnino contendat, illud: *Infidelibus, nihil est mundum*, significare, omnia opera infidelium esse peccata: interrogandus erit, quid significet illud: *Omnia munda mundis*. Nam non potest hæc sententia significare, omnia opera iustorum esse iusta, cum iusti sint, qui iubentur dicere. *Dimitte nobis debita nostra*. Et: *Septies in die cadit iustus*. Restringenda igitur erit sententia ad illa opera, quæ sunt ex iustitia, id est, ex charitate, & pietate: quo modo facile concedemus, omnia opera impiorum & infidelium, esse peccata, dum illud (*omnia*) restringatur ad illa opera, quæ ex impietate & infidelitate procedunt.

QVINTVM DECIMVM argumentum, ex illo ad Hebr. 11. *Sine fide impossibile est placere Deo*. Respondeo, Impossibile est sine fide placere Deo, ut quis amicus Dei constituatur. At sicut natura humana, ut res aliz creatæ, quia bona est, bonitate naturæ, non potest non placere Deo, qui summe bonus est, & cui placet omnia bona: Sic etiam opera facta ex bono naturæ, sine admixtione malæ alicuius circumstantiæ, bona sunt, & Deo placent, tamen si non sint eius pretij, ut vel gratiam, vel vitam mereantur æternam. Quoniam vero Pelagiani bonis operibus, solis naturæ viribus effectis, tribuebant, ut gratiam Dei mereri possent, ideo recte S. August. lib. 4. in Iulianum, cap. 3. utitur aduersus eos hoc Apostoli testimonio: *Sine fide impossibile est placere Deo*.

Postremum argumentum sumitur ex illo 1. Ioan. 2. *Quidquid est in mundo* (id est, in amatore mundi) *concupiscentia carnis est, aut concupiscentia oculorum, aut superbia vitæ*. Respondeo, Si per mundum intelligamus cum Augustino hominem mundi amatorem, sensus erit, in amatore mundi, ut talis est, nihil esse, nisi hæc tria, quoniam omnia peccata reuocantur ad hos tres fontes, luxuriam, avaritiam, superbiam. Alioqui enim non negat Ioannes, quin sint in homine, quantumvis peccatore, multa bona naturalia, corpus, animam, intelligentiam, voluntatem, &c. sed (ut dixi) loquitur de amatore mundi, non ut est homo factus à Deo, sed ut est peccator factus à se. Si tamen cum alijs expolitoribus intelligamus per mundum hanc rerum vniuersitatem, sensus erit, nihil esse in mundo, nisi obiecta luxuriæ, avaritiæ & superbiæ, & ideo non esse diligendam creaturam, sed creatorem, in quo est obiectum veræ perfectæque felicitatis.

CAPVT XI.

Soluntur argumenta ex Patribus.

SEQUUNTUR nunc argumenta ex Patribus, ac præsertim ex Augustino.

PRIMUM argumentum ex lib. 1. Retract. cap. 15. *Voluntas sine charitate tota est vitiosa cupiditas*. Respondeo, loquitur de voluntate, ut voluntas significat potentiam, non actum. Nam de eadem paulo ante dixerat, quantum est quod valet voluntas sub dominante cupiditate, nisi forte, si pia est, ut orer auxilium? Porro potentia voluntatis sine charitate, tota est vitiosa cupiditas, id est, plena est amore proprio. Sed non tollitur propterea inclinatio naturalis ad bonum, quæ non est habitus bonus, vel malus, quales sunt charitas & cupiditas, sed est ipsa potentia voluntatis, inclinata ad bonum natura sua, ex qua inclinatione fieri potest aliquod opus, quod non sit peccatum, quando non datur occasio cupiditati, ut vim suam exerat, ut cum aliquis, quamvis aliqui vitij omnibus coopertus, occurrit pauperi & ægroti, & ex humana misericordia illi compatitur.

Non esse autem peccata omnia opera illorum, qui charitate carent, ac proinde cupiditate non carent, docet idem Augustinus in libro de patientia, capite 26. ubi de schismaticis loquens dicit, eos non peccare, si quid patiantur pro Christo, & tamen id eis non prodesse ad vitam æternam, cum charitatem non habeant.

SECUNDVM argumentum, ex epistola 106. sic loquitur de Pelagio: *Aliquando ita paribus momentis potestatem voluntatis aqua lance propendit, ut aliquantum etiam ad non peccandum valere definat. Quod si ita est, nullus locus adiutorio gratiæ reservatur, sine qua nos dicimus, ad non peccandum nihil voluntatis arbitrium valere*. Respondeo, Non significat, meo iudicio, sanctus Augustinus, non posse hominem suis viribus facere aliquod opus, quod non sit peccatum, sed non posse viuere sine omni peccato, ita ut illud, *ad non peccandum*, non sit ad peccatum aliquod vitandum, sed ad viuendum sine peccato. Nam hoc nobis persuadet imprimis illa ratio eiusdem Augustini: (*Quod si ita est, nullus locus adiutorio gratiæ reservatur*) quæ nihil concludit, si, *ad non peccandum*, significet, ad peccatum aliquod vitandum: concludit autem efficacissime, si, *ad non peccandum*, significet, ad nunquam peccandum.

Deinde, verba sequentia idem testantur. Nam explicans S. August. quid sit, quod Pelagius dicebat, liberum arbitrium aliquantum ad non peccandum valere, dicit, sensisse Pelagium, posse hominem seruare solis naturæ viribus omnia mandata, sed ægre, ac difficulter, per gratiam vero facile, ac suauiter, ac per hoc posse suis viribus nunquam peccare, sed aliquantum, id est, ægre, ac difficulter.

Adde etiam TERTIO, non fuisse ab ullo veterum inter errores Pelagij enumeratum, posse hominem suis viribus facere aliquod opus bonum moraliter, vel (quod est idem) facere aliquod opus, quod non sit peccatum, sed posse omnia mandata seruare & viuere absque omni peccato, ut patet ex Hieronymo lib. 3. contra Pelagianos, & Augu. lib. de hæresibus, cap. 88.

Possit etiam responderi ad idem argumentum, per illud, *ad non peccandum*, significari ad resistentem tentationi, & tunc libentissime confitemur, ad non peccandum, sine adiutorio gratiæ liberum arbitrium nihil valere.

TERTIVM argumentum sumitur ex Enchiridio, ante trigentesimo, ubi sic legimus: *Quid boni operari potest, nisi in quantum à perditione liberatur?* Respondeo, Loquitur S. Augustinus de opere bono, quod ad salutem perducit. Dixerat enim: *Verum hoc pars generis humani, cui liberationem Deus, regnumque paravit æternum, nunquid meritis operum suorum operari potest? absit. Quid enim bonum operari potest perditus, &c.*

QUARTVM argumentum ex libro secundo, de peccatorum meritis & remissione, capite decimo-octavo: *Si velueras aut bona esse aut mala: & utique malam non habeamus ex Deo, restat ut bonam voluntatem habeamus ex Deo.* Respondeo, Per voluntatem non accipit actum voluntatis, ut adversarij putant, sed potentiam, quæ si prædita est charitate, est bona; si cupiditate, est mala. Dixerat enim paulo ante, illam esse bonam, quæ diligit Deum; illam malam, quæ non diligit. Diligere enim & non diligere, ad potentiam pertinet. Potest autem voluntas mala operari aliquid boni morales, sicut potest voluntas bona operari aliquid mali venialis. Sed sicut voluntas bona hominis iusti non operatur peccatum veniale ex charitate, sed ex corruptione naturæ, ita voluntas mala hominis impij & infidelis, non operatur bonum morale, ex cupiditate, sed ex bono naturæ, quod non omnino perijisse idem August. scripsit in libro de spiritu & littera, capite 34. & alijs in locis.

QUINTVM argumentum ex libr. 1. contra duas epistolas Pelagianorum, cap. ultimo, ubi S. August. scribit, bonum usum liberi arbitrij esse ex gratia; Respondeo, Non dicitur bene uti libero arbitrio, qui inter innumerabilia peccata admiscet vnum aut alterum opus bonum morale, sed qui ut plurimum vivit secundum rationem, & omnia mandata moralia diligenter servat, quemadmodum non bene utitur calamo, qui vnam, aut duas litteras pulchre depingit, & integras dictiones corruptissime scribit: Sed qui apposite ad legendum verba omnia format ac digerit, quamvis vnum, aut alterum characterem interdum minus recte pingat,

Hunc bonum usum liberi arbitrij Pelagiani meritum gratiæ esse volebant, nos vero cum S. Augustino dicimus, cum haberi non posse, nisi per gratiam. Iam enim supra docuimus, non posse hominem suis viribus, omnia mandata servare, præsertim si tentatione pulsetur.

SEXTVM argumentum, ex libr. 3. contra duas epistolas Pelagianorum, ca. 8. liberum arbitrium captivatum, non nisi ad peccatum valet, ad iustitiam vero, nisi divinitus liberatum, adiutumque non valet. Respondeo, Recte dicitur liberum arbitrium non nisi ad peccatum valere, tum quia magnas vires ad peccandum habet, tum quia ut plurimum re ipsa peccat, nisi divinitus adiuvetur. Nam pauca quædam bona moralia, quæ potest facere, pro nihilo reputantur, cum & nihil prosint ad salutem æternam, & obruantur multitudine peccatorum. Similes sententiæ frequentissime occurrunt in Scripturis divinis, ubi dicitur, ab omnibus fieri, quod à plurimis fit, ut Gen. 6. *Omnis caro corrumperat viam suam.* Matt. 2. *Furbatus est Herodes, & omnis Hierosolyma cum illo.* Ioan. 12. *Mundus totus post illum abiit.* Act. 21. *Tota confunditur Hierusalem.*

SEPTIMVM argumentum ex libro de gratia & libero arbitrio, cap. 18. *Quod non fit ex charitate, non bene fit.*

Respondeo, Non fit bene, id est, utiliter ad salutem.

OCTAVVM argumentum ex libr. 1. de nuptijs & concupisc. capite 3. & libro 4. in Iulianum, capite 3. & Tract. in Psalm. 31. ubi sanctus Augustinus docet, omnia opera infidelium esse peccata, & eo trahit illud: *Omne quod non est ex fide, peccatum est.* Respondet, Dux adhiberi possunt ad hoc argumentum solutiones. Prior est conformis ijs, quæ dicta sunt ad argumenta superiora, videlicet vocari peccata omnia opera infidelium, quia fere omnia sunt ob malum finem, ut in cultu falsorum Deorum, vel ad inanem gloriam; & hoc modo loquitur ipse sanctus Augustinus libro quarto in Iulianum, cap. 3. *Quid boni fit ab homine, & non propter hoc fit, propter quod fieri vera sapientia iubet, & si officio videatur bonum, ipso non recto fine peccatum est.* Et infra: *An & istis, qui exhibuerunt terrena patriæ Babyloniam dilectionem, & virtute civili, non vera, sed verisimili demonibus, vel humana gloriæ servierunt; Fabijs videlicet, & Regulis, & Fabricijs, & Scipionibus, & Camillis promissuri essis aliquem locum inter damnationem, regnumque cælorum?* Damnat igitur rectissime Augustinus illa opera infidelium, quæ ad malum ab eis referebantur; & quoniam talia erant fere omnia, quæ ab illis fiebant (ut ipse idem dicit in libro de spiritu & littera, capite vigesimo septimo) ideo simpliciter omnia opera infidelium peccata fuisse dicit, tribuens omnibus, quod maximæ parti conveniebat: & merito reprehendit Iulianum, qui posse infideles viribus naturæ præcepta omnia moralia servare, & sine peccato vivere, temere asserbat.

Posterior solutio erit, si dicamus, per peccatum, intelligi ab Augustino non solum id, quod est proprie peccatum, & cui debetur pœna, sed illud etiam, quod caret omni illa perfectione, quam habere potuisset, quodque sterile & inutile est ad veram beatitudinem consequendam. Ita enim se ipse explicat loco citato, libro 4. in Iulianum, capite 3. *Scito, inquit, nos illum bonum hominem dicere, illam voluntatem bonam, illud opus bonum, per quod solum homo potest ad æternum Dei donum, regnumque perducere.* Hæc ille, qui cum ita definiuerit bonum, significavit etiam contra malum se appellare, & peccatum illud omne quod ad regnum cælorum non perducit, etiam si alioqui non sit tale malum, quod pœnam mereatur.

NOVM argumentum sumitur ex illis Augustini testimonijs, quæ docent, virtutes morales esse etiam dona Dei, siue in fidelibus, siue in infidelibus inveniuntur. Id enim docet Augustinus de virtute continentie in epist. 89. quæst. 2. & in epist. 105. & 130. in quo loco postremo continentiam infidelis hominis, dixit esse donum Dei. Idem docet de patientia, in libro de patientia, à cap. 15. vsque ad finem. Denique libro 4. in Iulianum, cap. 3. idem affirmat de omnibus virtutibus infidelium.

Respondeo, virtutes morales dicuntur merito dona Dei, quia non acquiruntur nisi per actus frequentes: non possunt autem frequentari eiusmodi actus, nisi resistendo passionibus, eoque frænando & coercendo, quod supra diximus, sine adiutorio & protectione Dei fieri non posse. Sed non sequitur, si virtutes sint dona Dei, non posse hominem suis viribus aliquod bonum opus facere, quando nulla tentatione pulsatur, quod sit bonum moraliter, hoc est, non sit peccatum proprie dictum.

Atque ex his, quæ dicta sunt, explicari possunt testimonia omnium aliorum Patrum, si qua inveniuntur in speciem contraria doctrinæ iam traditæ. Vel enim intelligi debent de bonis operibus, quæ ad salutem pertinent, ut illud Concilij Arausicanj,

canon. 20. *Multa bona sunt in homine, quæ non facit homo, nulla autem bona facit homo, quæ non præstet Deus, ut faciat homo.* Et illud Ambrosij libro 2. in Lucam: *Vides quod ubique studiis humanis virtus divina cooperatur, ut nemo possit edificare sine Domino, nemo incipere sine Domino.* Et illud Cypriani libr. 2. epistol. 2. *Dei est omne quod possumus.* Et illud, quo d. definitum fuit contra Pelagianos, teste Augustino in epist. 106. gratiam ad singulos actus dari.

Vel debent exponi de opere, quod re ipsa ad malum finem refertur, aut certe quod est peccatum largo modo, quia non habet omnem perfectionem quam habere posset. Sic intelligimus illud Prosperi lib. 1. de vocatione, cap. 7. *Sine cultu veri Dei, etiam quod virtus esse videtur, peccatum est.* Et illud Gregorij lib. 2. Moralium, cap. 13. *Si non prius in corde nostro fides agnitur, reliqua quoque esse bona non possunt, licet esse videantur.* Et illud Hieronymi in cap. 3. ad Galat. *Sine Christo omnis virtus in vicio est.*

Vel denique accipi debent de operibus, non ratione difficultatis, quæ sit in ipso actu, sed ratione tentationum, quæ vel adsunt, vel adessent, nisi Dei protectio, & singularis providentia vigilaret. Hoc enim modo dictum esse intelligimus à Zozimo, ut refert Celestinus in epist. ad Gallos, in omni actu & motu adiutorem & protectorem inuocandum esse Deum. Et à Concilio Arausicano can. 9. *Divini munus est, cum pedes nostros ab iniustitia detinemus.* Et canone 22. nihil nos habere à nobis, nisi mendacium & peccatum. Quamvis hæc possit etiam intelligi de auxilio generali, quod à Pelagio pariter negabatur, ut sensus sit, à nobis habemus mendacium & peccatum; veritatem & bona opera non habemus, nisi concurrente Deo, per auxilium generale, vel speciale, prout operum ipsorum qualitas & varietas postulat. Super sunt argumenta ex ratione.

CAPVT XII.

Soluntur argumenta ex ratione.

P R I M U M argumentum ex ratione ducitur ab orationibus piorum. Pij siquidem omnes in omnibus operibus, etiam moralibus, Deum implorant adiutorem, & opere perfecto illi gratias agunt. Sed si hoc argumentum aliquid efficere, efficere quoque, non posse opera mechanica fieri sine speciali auxilio Dei; nam & in illis perficiendis, pii opifices Deum inuocant, & opere absoluto, illi gratias agunt. Ista igitur non probant, non posse fieri solis viribus naturæ aliquod opus bonum mechanicum; vel morale, quasi vires naturæ, etiam corruptæ, non sint pares illis operibus, nisi excitentur, aut iuventur auxilio supernaturali; sed probant, recte inuocari Deum, ut protectione sua impediat hostem communem generis humani, qui nos infestare non cessat; & rursum, ut in decursu operis providentia sua nostram vitam & vires conferuet; impedimēta, quæ extrinsecus acciderē possent, auertat: denique semper & ubique nos dirigat, ne humana ignorantia, & errore labamur, in tanta actionum varietate. Cogitationes enim hominum timidæ, & incertæ providentiæ nostræ.

S E C U N D U M argumentum est Philippi Melancthonis, is enim in Apologia, tit. de iustificacione, admittit opera quorundam infidelium, ornari a Deo, temporalibus præmiis; tamen dicit, non esse laudanda cum contumelia Christi, quod illi faciunt, scilicet, qui dicunt, ea non esse peccata coram

A Deo. At nos non ea laudamus cum contumelia Christi, cum dicamus, nihil prodesse ad vitam & salutem, quæ est in Christo Iesu: ipse vero ea damnat, cum contumelia creatoris. An non sit iniuria Deo, si dicatur, ornare præmiis peccata; & non dicitur cum contumelia conditoris, peccata esse, quæ ex bono naturæ ab illo condita sunt.

T E R T I U M argumentum est Caluini in Antidoto, canone 7. session. 6. Concilij, ubi sic loquitur: *Peccator & infidelis mortuus est, & resuscitatur per Evangelium; ergo quamdiu sic manet, non potest aliquid vitale agere.* At peccator & infidelis mortuus est morte gratiæ, non morte naturæ. Liberum enim arbitrium, quod ad vitam naturæ pertinet, non extinctum, sed extenuatum esse docet Concilium Arausicanum, can. 8. Itaque non potest homo peccator & infidelis agere aliquid vitale, quod ad vitam gratiæ pertineat; potest tamen agere aliquid vitale ex iis, quæ pertinent ad vitam naturæ, qualia sunt opera moralia, quæ ex naturalibus principiis, ratione videlicet & voluntate dependent.

Q U A R T U M argumentum. Homo per peccatum factus est peruersus & distortus, ac similis tibiæ curvæ. Sed curua tibia non potest ambulando non claudicare; igitur non potest homo peccator operando non peccare. Respondeo, hominē per peccatum sine dubio peruersus ac distortus efficitur, sed non necessario ex illa curvitate, quæ nihil est aliud, quàm cupiditas, operatur. Potest enim quiescente cupiditate operari ex propensione naturali, quæ recta est. Quare similitudo de curvæ tibia nihil probat, nisi semper hominem peccare, quando ex cupiditate aliquid facit.

Q U I N T U M argumentum, si ad bonum opus morale non requireretur nisi auxilium Dei generale, sequeretur: Deum non magis concurrere ad opera bona, quàm ad mala. Hoc autem absurdum, docet sanctus Augustinus in libro de gratia Christi, capite vigesimo quinto. Respondeo, Deum magis concurrere ad bonum opus, quàm ad malum, potest duobus modis intelligi. Vno modo, quod maius auxilium conferat. Alio modo, quod eodem auxilio magis attingat effectum: Priore modo non est absurdum; Deum non magis concurrere ad bonum opus morale, quàm ad malum, cum aliquando non sit vnum magis difficile, quàm alterum, immo etiam possit fieri, ut opus malum sit longe difficilius, & plura requirat, quàm bonum, & ideo magis egeat auxilio Dei generali, quod nunquam negatur, nisi Deus miraculum facere velit. Posteriore modo semper Deus magis concurrat ad bonum quàm malum; nam in bono facit Deus, & quod est, & quod bonum est, in malo facit quod est, sed non quod malum est. Et rursum, Deus concurrat ad bonum moraliter, quia præcipit illud, vel consulit, ad malum non concurrat vlla ratione moraliter.

A t. (Inquies) Pelagius non negaret, Deum magis concurrere ad opus bonum, quàm ad malum, hoc modo posteriore. (Diceret enim), Deum per virtutem operativam, quam nobis dedit, facere in opere bono, quod est, & quod bonum est; in malo non facere, quod malum est, sed solum quod est, quia opus malum, ut malum non procedit à virtute, ut agente, quam habemus à Deo, sed à defectu eiusdem virtutis, qui defectus non est à Deo. Respondeo; sanctum Augustinum loco notato, non loqui de bono tantum morali, sed de eo, quod est meritum gratiæ vel gloriæ; de hoc enim bono vere est absurdum, Deum non maiori auxi-

lio concurrere ad opus bonum, quàm ad peccata. Et hoc absurdum ad errorem Pelagij apertissime sequebatur.

SEXTVM argumentum, Dæmones habent intelligentiam & voluntatem non minus integram, quod attinet ad naturalia, quàm homines; & præterea carent concupiscentia carnali; & tamen nullum opus bonum morale facere possunt, vt omnes fatentur: igitur nec homines possunt nisi diuinitus adiuuentur. Respondeo, dæmones sunt obfirmati in actuali odio Dei, & rerum ipsius, ac præsertim humani generis, id enim pertinet ad statum damnationis, sicut confirmatio in actuali amore Dei & proximi pertinet ad statum felicitatis, & ideo non est mirum, si quicquid faciunt, malum est, quoniam ad malum illum finem omnia referunt. Homines autem in hac vita, etiam si infideles, & perditissimi, nõ semper actu Deum & proximum oderunt, neque ex hoc odio semper operantur.

SEPTIMVM argumentum. Si posset homo bonum morale facere viribus solius naturæ, certe remanissent in natura humana, post Adæ peccatum, semina aliqua virtutum, vt Cassianus docuit: Atqui hoc reprehendit S. Prosper in libro contra Collatorem, c. 28. Respondeo, semina virtutum, si proprie accipiantur, nihil sunt aliud, nisi lumen intellectus practici, & inclinatio voluntatis ad bonum prosequendum, & malum fugiendum, vt S. Thomas docet in prima secundæ, quæstione sexagesimatercia. Et hoc modo semina virtutum remanserunt post peccatũ, nec possunt aboleri, nisi homo desinat esse homo. Et hæc semina admittunt Basilus, hom. 9. Exameron, & in regulis fuse explicatis, ca. 2. Athanasius in vita S. Antonij, ipsius B. Antonij exhortationem ad virtutem referens, Hieronymus in cap. 1. ad Galat. Damascenus, li. 3. c. 14. & alij. Refert etiã Ruardus Tapper, in explicatione art. 10. hanc sententiã ex Augustino: *In naturalis indicatorio adsunt quedam regule, & semina virtutum, quæ dicunt Synderesim.*

Cassianus tamen pro semine virtutum, accepit semina veræ pietatis, id est, bonas cogitationes & pia desideria, quibus homo præparatur ad gratiam. Sic enim ait, cap. 9. Collationis de protectione Dei: *Iam hic, inquit, quasi per inscrutabilem diuersitatem introducitur definitio, qua doceatur multos ad gratiam venire sine gratia, & hanc affectum petendi, querendi, atque pulsandi habere quosdam de vigilantia libera voluntatis.* Et infra: *Dubitari ergo non potest, inesse naturaliter omni animæ virtutum semina, &c.* Hanc sententiã merito refellit Prosper his verbis: *Qui ergo dicit, sine ullo opere gratiæ, naturaliter omni animæ semina inesse virtutum, quid laboras ostendere, nisi de istis seminibus quedam gemina precedentium Dei gratiam pullulare meritum?*

CAPVT XIII.

Proponitur controuersia de libero arbitrio in moralibus, & Tilmanni ineptiæ, ac mendaciæ referuntur.

SEQUITVR vltima quæstio de bono morali, quæ est omnium potissima inter quæstiones de libero arbitrio. Igitur controuersia est inter Catholicos omnes ab vna parte, & hæreticos huius temporis omnes ab altera (neque enim in hac re vel apud nostros, vel apud aduersarios vlla est opinionum varietas) sit ne homo in statu naturæ lapæ liberi arbitrij, in bono morali eligendo, & malo euitando, siue

A quod idem est, in præceptis morum obseruandis aut præuaricandis.

Et quidem Catholici (vt diximus) omnes tum veteres, tum recentiores, tanquam dogma fidei Catholicæ prædicant partem affirmantem. Hæretici contra tum ex veteribus plurimi, tum recentiores omnes, obstinate defendunt partem negantem. Loca tum Catholicorum, tum hæreticorum annotauimus initio primi libri. Nunc antequàm ad argumenta seria veniamus, placet breuiter adscribere aliquot mendacia, vel ineptias Tilmanni Heshusij, vt lector ex hoc vno, qui non parui nominis episcopus apud aduersarios est, iudicium faciat de cæteris.

B Tilmannus igitur in libro de sexcentis erroribus Pontificiorum, tit. de seruo arbitrio, inter alios, decem & nouem errores de libero, vel (vt ipse loquitur) seruo arbitrio, Romanæ Ecclesiæ attribuit, qui sunt omnes vel manifesta mendacia, vel sententiæ veterum, quas ne ipsi quidem Lutherani negare solent. Tam acri iudicio scilicet Papistarum errores Heshusius colligit.

Primus error: *Liberrum arbitrium est facultas rationis & voluntatis, qua bonum eligitur gratiæ assistente, vel malum eadem desistente.* Item: *Est facultas applicandi si se ad gratiam.* Et citatur Petrus Lombardus lib. 2. dist. 24. At prior definitio desumpta est ex Augustino in Ench. cap. 95. proinde fateri debet Tilmannus, S. August. fuisse Papistam. Posterior est merum somnium Heshusij.

C Secundus error: *Liberrum arbitrium, quoad res spirituales, non est prorsus extinctum, sed tantum fractum & attenuatum.* At hoc ipsum accepit Concilium Tridentinum ex Concilio Arausicano, can. 8. Itaque Patres illius Concilij, quod ante annos mille celebratum est, contra Pelagianos, Papistæ omnes, teste Tilmanno, fuerunt.

Tertius error: *Homo ex puris naturalibus potest diligere Deum super omnia.* At hoc scripserunt Scholastici quidem pauci, sed non debet Ecclesiæ Catholicæ tribui opinio paucorum, quam in eadem Ecclesiâ priores & grauiores refellunt.

Quartus: *Potest homo suis viribus implere præcepta Theologicarum virtutum, secundum substantiam operis, vt credere, sperare, diligere.*

D Et citatur Ruardus. At Ruardus in explicatione articuli de libero arbitrio, refert hoc ex aliorum sententiã, sed non probat. Nec debent Ecclesiæ tribui singulorum somnia. Certe Concilium Tridētinum, cuius vox Ecclesiæ Catholicæ vox est, disertis verbis tradit in sexta sessione, canone tertio, neminem posse sine Dei auxilio credere, sperare, aut diligere sicut oportet.

Quintus; *Gentes potuerunt ex Philosophia eam naturam comparare, quæ satis est ad salutem consequendam.*

E Et citatur Andradius libro tertio. Atqui Andradius non scribit ex sola Philosophia gentes id potuisse, & non semel in eodem loco reperit, necessarium fuisse gentibus ad salutem, lumen diuinæ gratiæ. Viderit igitur Heshusius, quam bona fide auctores citet, & vtrum hoc non sit Lectoribus imponere, vel mentiri.

Sextus. *Par libertas à necessitate est in Deo, in Angelis & hominibus.* Item: *Libertas à necessitate inseparabilis est à natura intellectiua.* At hic si error est, Gregorij Nysseni, Anselmi, Bernardi, & omnium sanctorum Patrum est, quos libro superiore citauimus. Quare non parum Tilmanno debemus, quod tam antiquos, & tam doctos ac sanctos Patres Papistas fecerit.

Septimus:

Septimus: *Sine auxilio gratiæ potest homo facere opera Deo grata.* Et citatur Andradius lib. 3. At non dicit hoc Andradius, sed tantum posse hominem facere aliqua opera, quæ non sint peccata, id est, bona moraliter, non quæ Deo sint grata, id est, gratiæ vel gloriæ meritoria.

Octavus: *Synderesis est inclinatio ad bonum.* At qui hoc negat, nescit quid loquatur: nam quomodo, quæso, potest non inclinare ad bonum, lumen humanæ menti à bono conditore insitum?

Nonus: *Synderesis non extinguunt in damnatis.* At hoc docet sanctus Augustinus lib. 2. confession. ca. 4. Lex, inquit, scripta est in cordibus, quam ne ipsa quidem delet iniquitas. Tamen enim non sunt omnino idem synderesis, & lex naturæ, cum synderesis sit ipsum lumen intellectus per modum habitus in nobis manens, lex naturæ sint prima quædam principia practica, quæ lumine illo cognoscuntur, tamen est, esse inseparabilia synderesim, legemque naturæ. Itaque S. Hieronymus, in primum caput Ezechielis scribit, synderesim in ipso etiam Cain post peccatum commissum deleri non potuisse. Sed omnes Patribus, nonne Isaïas hoc dicit, cap. vlt. *Ignis eorum non extinguetur, & vermis non morietur.*

Quod item repetit aliquoties Dominus, Marci 9. Vermem autem, qui in damnatis non moritur, synderesim esse siue scintillam conscientiæ, docet Hieronymus, & alij in commentario Isaïæ. Itaque iam non Patres tantum, sed etiam Christum & Isaïam Tilmannus inter errantes Papistas numerare poterit.

Decimus: *Naturalia manserunt integra post peccatum.* At hoc perspicue docet Dionysius Areopagita, libro de divinis nominibus, c. 14. Neque repugnat ei, quod alij dicunt, naturam humanam, per peccatum esse corruptam. Corrupta siquidem est natura per amissionem donorum supernaturalium, non per destructionem alicuius potentie, aut membri naturalis. *Natura quippe humanæ* (inquit S. Prosper libro contra Collatorem, cap. 26.) *etiam post pravaricationem manet substantia, manet forma, manet vita, & sensus, & ratio, ceteraque corporis & animi bona.* Nec aliud significare volunt, qui inter Catholicos scribunt, naturalia manere integra post peccatum.

Vndecimus: *Mens humana multa per se intelligit, quæ ad cognitionem divinarum rerum pertinent.* At hoc docet Apostolus ad Rom. 1. ubi dicit: *Inuisibilia Dei per ea, quæ facta sunt, cognosci.*

Duodecimus: *Homo post lapsum habet rectum lumen rationis.* At solus eo caret, qui id negat. Certe enim si lumine rectæ rationis omnino privati essemus, nihil à furiosis, vel à bestiis differeremus.

Tertiusdecimus: *Homo accepta prima gratia gratis data, de condigno mereri potest gratiam gratum facientem, & vitam æternam.* Et citatur Gabriel lib. 2. distinctione 27. quæstione prima, ita dicens: *Anima gratia informata per actum à voluntate simul, & gratia elicita, de condigno meretur æternæ beatitudinis præmium.*

At quis ex ederet Heshusium tam stultum, vel stupidum esse potuisse, ut ipse verba citaret quibus mendacia ipsius nullo labore confutareretur? Tantum enim abest, ut Gabriel dicat, hominem de condigno mereri gratiam gratum facientem, ut etiam dicat, non posse mereri gloriam, nisi prius habeat gratiam gratum facientem.

Decimusquartus: *Initium fides à nobis est.* Et probatur ex Gabriele dicente: *Actum meritorium, quantum ad substantiam eius, esse à voluntate, tanquam à causa prima & principali, & à gratia tanquam à causa secunda, siue minus principali.* At somniabat credo, vel phre-

nesi laborabat Heshusius, dum hæc meditaretur. Vbi enim est mentio fidei in verbis Gabrielis? an non loquitur de actu meritorio: qui non solum fidem, sed etiam spem & charitatem prærequirit?

Decimusquintus: *Arbitrium credendi in nostræ est potestate.* Et citatur Ruardus, dicens: *In potestate hominis quippe est, in melius mutare voluntatem, sed ea potestas nulla est, nisi detur à Deo.* At hanc sententiam Ruardus desumpsit ad verbum ex Augustino, lib. 1. retract. cap. 22. Neque id ignorare potuit Heshusius, si Ruardum legit. Sed dolus, an virtus quis in hoste requirat?

Decimussexthus: *Homo renatus totam Dei legem implere potest.* Et citatur Concilium Tridentinum, sessione 6. At hoc idem habetur in Concilio Arausicano, canone 25. Imo & Sanctus Ioannes hoc dicit, cum ait: *Qui natus est ex Deo, non peccat, 1. Ioan. 2.* Idem enim esse non peccare, & legem Dei totam implere, docet idem Apostolus, 1. Ioan. 3. cum ait: *Et peccatum est iniquitas, id est, legis prævaricatio.* Itaque iam ipsum etiam Ioannem erroris Pontificij damnare non veretur Heshusius.

Decimusseptimus: *Libertas arbitrij est causa efficiens applicationis voluntatis ad gratiam.* Et citatur Andradius, lib. 4. Atqui Andradius in eodem loco adiungit, id non posse liberum arbitrium nisi confirmatum firmissimis divini gratiæ præiudijs.

Porro voluntatem efficienter concurrere ad eiusmodi actus, adeo certum atque evidens est, ut Kemnitius Heshusij collega, exulare nitatur Lutherum, quod alicubi scripserit, voluntatem mere passive se habere.

Decimusoctavus: *Homo plus præstare potest, quam lex Dei præcipiat.* At id verum esse testatur Dominus, qui Matth. 19. Ei, qui totam legem se implevisse dicebat, ait: *Si vis perfectus esse, vende, & vende omnia, &c.*

Decimusnonus: *Perserverantia ex gratia, & libero arbitrio pendet.* At hoc docet S. August. li. de corrept. & grat. cap. 12.

En igitur quales sententias Heshusius errores Pontificiorum appellare non dubitavit. Sed magis adhuc impudentiam suam prodidit, cum eos refutare aggressus est.

Nam prolatis aliquot Scripturæ sententijs, quæ nihil ad rem faciebant, ita conclusit: *Vbi demonstratum est, quod liberum arbitrium in rebus spiritualibus prorsus extinctum, sua sponte corrumpit omnes reliquos errores Pontificiorum, quos plerique buccis de male libero arbitrio impudenter decantant.*

At neque demonstravit, liberum arbitrium in rebus spiritualibus esse prorsus extinctum, de qua re in 6. lib. differemus; neque si id vere demonstrasset, reliquæ sententiæ, quas ipse perperam vocat errores, sua sponte corruerent. Quales enim essent istæ consecutiones? liberum arbitrium in rebus spiritualibus nihil potest, igitur non est facultas rationis, aut voluntatis; vel, igitur synderesis non est inclinatio ad bonum, aut non remanet in damnatis; vel, igitur gentes per philosophiam non habuerunt notitiam, quæ sufficit ad salutem. Sed his nugis omissis, ad setia veniamus.

CAPVT XIV.

Probatur libertas arbitrij in moralibus, argumento ducente ad impossibile.

ASSERENDA nunc est veritas orthodoxa, quæ docet, hominē in statu naturæ corruptæ libe-

ro arbitrio prædictum esse, quoad moralia. Quoniam autem Ioannes Calvinus libro 1. Institutionum, ca. 5. argumenta Catholicorum certo ordine disposuit, eaque ut potuit, soluit, aut soluisse videri voluit, nos ab illis initium ducemus, & eodem ordine non solum Catholica argumenta, sed etiam ipsius responsiones proponemus, ut ex illarum refutatione Lector intelligat, argumenta Catholicorum solidissima esse, neque hæreticis machinationibus labefactari posse. Calvinus igitur in duos ordines argumenta nostra distribuit, in priore constituit rationes ducentes ad impossibile, in posteriore rationes ostensivas ex verbo Dei.

PRIMUM Catholicorum argumentum eiusmodi est: *Aut peccatum est necessarium, aut voluntarium; si est necessarium, igitur non est peccatum, ac per hoc peccatum non erit peccatum, quod fieri non potest: si est voluntarium, igitur vitari potest: & proinde homo est liber arbitrij in moralibus. Quippe qui potest peccare & non peccare.* Quod argumentum sumptum est ex Augustino, in libro de vera religione, cap. 14.

Ad hoc argumentum, respondet Calvinus, peccatum esse necessarium & voluntarium simul, & negat utramque partem consecutionis, videlicet, ergo non est peccatum, si est necessarium, & ergo vitari potest, si est voluntarium.

Et quidem de posteriore parte non erit magna quaestio, si collatur ambiguitas. Nam ipse per voluntarium intelligit spontaneum, seu liberum à sola coactione, quale est etiam in pecoribus, & hoc modo voluntarium non pugnat cum necessario & inevitabili. Nos autem accipimus voluntarium pro libero à necessitate, alioqui inepte diceremus, aut est necessarium, aut est voluntarium, si voluntarium non opponeretur necessario. Eodem etiam modo accipit voluntarium S. August. loco citato, id est, lib. de vera religione, c. 14. ut patet ex illis verbis: *Quod nullo modo fieri posset, si non voluntate, sed necessitate servirent.* Et infra, cum dixisset, Adamum voluntarie peccasse, reddit rationem. *Quoniam, inquit, si necessitate fecisset, nullo peccati crimine teneretur.*

Itaque consequutio illa, si peccatum est voluntarium, ergo vitari potest, non fuisse à Caluino negata, si voluntarium accepisset, ut accipere debebat, id est, ut ipsa nostri argumenti verba postulabant.

Priorem vero partem consequutionis cur negaverit, Quatuor causas reddit.

PRIMAM, quoniam idem argumentum aliquando Pelagiani contra Augustinum protulerant.

SECUNDAM, quoniam peccata hominum, licet sint necessaria, tamen ideo sunt vere peccata, quia non nascuntur ex creatione, sed ex corruptione naturæ, quam corruptionem peccatum primi hominis peperit.

TERTIAM, quia diabolus necessario semper male agit, & tamen vere peccat, & Angeli sancti necessario semper bene operantur, & tamen vere bona sunt ipsorum opera.

QUARTAM, quia sanctus Bernardus serm. 81. in Cantica scribit, hominem post peccatum non posse vitare alia peccata, & tamen vere proprieque peccare.

Addit Calvinus in lib. 4. adversus Pighium.

QUINTAM causam ex Aristotele, lib. 3. Ethicorum, ca. 5. ubi docet Philosophus, hominem sponte fieri malum, cum posset non fieri, sed ubi talis effectus est, iam necessario esse malum: sicut qui ægrotus, sponte & libere in morbum incidit, quia noluit vitare res noxias, cum eas facile posset vitare, tamē po-

Astea quàm ægrotus factus est, necessario male valet: Ita quoque (inquit Calvinus) *primus homo sponte ac libere peccando naturam corripit, sed iam corrupta natura necessario male operatur.*

Addamus **SEXTAM** causam ex Bucero & Kemnitiono, qui probant, legis prævaricationem semper esse peccatum, siue sit voluntaria, siue necessaria, quoniam in priore Ioannis epistola, cap. 3. peccatum definitur *avopia*, id est, legis prævaricatio. Iam igitur si causas istas nihil ponderis habere demonstraverimus, argumentum illud Catholicorum robur suum ac vires integre retinebit.

B Ad **PRIMAM** causam Respondeo, non eandem esse quaestionem, neque idem argumentum, quod nos obijcimus Caluino, & quod olim Pelagiani obiecerunt Augustino. Nam quaestio Pelagianorum non erat, an singula peccata vitari possent, sed an posset homo vivere sine omni peccato, etiam veniali, ut intelligi potest vel ex ipso titulo libri, de Perfectione iustitiæ, quem Calvinus citat. Respondit vero ad eam quaestionem Augustinus, ante peccatum Adæ fuisse in homine libertatem vivendi sine omni peccato, nunc autem esse necessitatem habendi aliquod peccatum. Ideo autem hæc necessitas habendi peccatum, non facit, quo minus peccatum sit vere peccatum, quoniam possunt vitari singula, quamvis non omnia. De qua re plura paulo infra dicenda erunt.

C Ad **SECUNDAM** de corruptione naturæ, Respondeo, ex doctrina eiusdem Caluini. Ipse enim loco notato scribit, si peccata nostra orirentur ex corruptione nobis à Deo concreata, iustam excusationem peccatorum nos habituros apud Deum, tanquam nostrorum criminum auctorem. At ipse idem libro tertio Institut. ca. 23. scribit, peccatum primi hominis, ex quo naturæ corruptio orta est, fuisse Dei decreto, & inevitabili voluntate commissum. Habemus igitur excusationem apud Deum, si ex corruptione, in quam eius decreto incidimus, & non ex nostra libera voluntate peccamus. Præterea naturæ corruptio ex doctrina Caluini, est ipsum originale peccatum, peccatum autem originale dimissum est in baptismo, vel ut non sit iuxta veritatem, vel certe ut non imputetur iuxta Caluini sententiam: igitur neque peccata illa imputari poterunt, quæ ex ea corruptione nascuntur; nisi accedat nova causa imputandi, id est, quod ita libera voluntate iam fiant, ut etiam vitari potuerint.

D Ad **TERTIAM**, de peccatis dæmonum, & bonis operibus Angelorum, Respondeo, tam Angelos sanctos, quàm malos dæmones, respectu finis ultimi, non habere liberum arbitrium à necessitate, sed solum à coactione: tamen respectu mediorum, liberum arbitrium etiam à necessitate habere, quia multa faciunt, quæ possunt non facere, & contra; & in huiusmodi, dæmones vere peccare, & bonos Angelos opus vere laudabile facere: quamvis nec poena, nec præmium essentiale crescere possit, cum utrique sint in termino, & omnia ipsorum opera ad exercitium damnationis, vel gloriæ sempiternæ pertineant.

Itaque propositio illa Caluini, dæmones semper necessario male agunt, in aliquo sensu falsa est, in aliquo vera. Verum siquidem est in genere, eos non posse nisi male agere: falsum tamen est in particulari, omnia mala, quæ faciunt, illos necessario facere, possent enim (ut diximus) multa non facere, quæ faciunt, & ideo non necessitate, sed voluntate peccata committunt.

Ad **QUARTAM**, ex Bernardo respondimus,

in tertio libro, cap. 6. summa est, hominem peccatorem, dum in eo regnat cupiditas, non posse vitare peccatum, absolute autem posse, quia potest cum Dei adiutorio cupiditatem exuere & induere charitatem.

Ad QUINTAM ex Aristotele respondeo, testimonium illud Philosophi nihil ad rem propositam facere. Nam loquitur ille de habitu virtutis, nos loquimur de actu.

Quamuis autem, qui malum habitum contraxit, non possit illum continuo expellere, & necessario sit vitiosus, sicut ægrotus necessario male valet post contractam ægitudinem: tamen potest actum malum non exercere, cum habitus inclinent, sed non cogant, & ideo non necessitate, sed voluntate perficit actum malum, & vere proprieque peccat etiam ille, qui vitiosus habitus male viuendo contraxit. Sed quale est, ut Calvinus ab Aristotele subsidium contra libertatem arbitrii postulet, cum ille Philosophus in libro 3. Ethicorum, libertatem arbitrii studiosissime accuratissimeque defenderit?

Ad SEXTAM, ex definitione peccati, Respondeo, In definitione peccati virtute contineri liberum arbitrium. Lex enim, quæ in ea definitione manifeste ponitur, non datur nisi ijs, qui liberum gerunt arbitrium. Nihil enim est aliud lex, nisi regula dirigens actiones: Frustra autem datur regula ei, qui non habet in potestate actiones suas. Alioqui reddant aduersarii causam cur bestiis nullæ præscribantur leges, si ad legis usum non requiritur libertas arbitrii. Atque hinc rursus confirmatur, & insolubilius efficitur argumentum illud, quod frustra Calvinus soluere conatus est. Nam si quod sponte fit, licet necessario fiat, potest esse peccatum proprie dictum, cur non vere proprieque peccant infantes, furiosi, pecudes?

CAPVT XV.

Adfertur & defenditur secundum argumentum, pro libero arbitrio in rebus moralibus.

ARGUMENTUM SECUNDUM Catholicorum à Caluino propositum, atque (ut ipse falso credidit, etiam solutum) tale est: Si non sit in homine libertas arbitrii, nullus erit pœnæ aut præmio locus, id autem communi totius humani generis consensu, sensuque refellitur. Quod argumentum depromptum est ex Augustino, in eodem capit. 14. eiusdem libri, de vera religione.

Ad hoc argumentum Calvinus tria dicit, PRIMO, fuisse quidem hanc ratiocinationem Chrysostomo & Hieronymo familiarem, eadem tamen vfos esse quandoque Pelagianos. SECUNDO, non sequi, nullum fore locum pœnæ, si nulla sit in homine libertas arbitrii. Nam pœna debetur culpæ: culpa vero in nobis residet, & à nobis manat: Quid enim refert, inquit, liberone, an seruilis indico, modo voluntaria cupiditate peccetur? TERTIO addit, recte bona merita excludi ex eo, quod non sit in homine liberum arbitrium: neque id esse absurdum, cum testimonio sancti Augustini, Deus non coronet merita nostra, sed munera sua. Et citat aliquot loca sancti Augustini, adionctis etiam quibusdam testimoniis diuinæ Scripturæ. Videamus nunc, quid ponderis habeant tria ista dicta Caluini.

Ad primum, refert alia tria. Primum, Dico, si propterea nos Pelagiani censendi sumus, quoniam utimur argumento, quo utebantur olim Pelagiani, certe Calvinus, eiusque sodales Manichæi censendi erunt, quoniam eodem argumento, quo nos utimur

contra Caluinum, utebantur olim Chrysostomus, Hieronymus, August. alique Patres veteres, contra Manichæos.

Secundo, quæro à Caluino quandoquidem ipse dicit, eodem argumento vfos fuisse Hieronymum & Pelagium, idem ne eos probare voluisse, an diuersa? Nam si probare volebant diuersa, non erit verum, eodem illos argumento vfos. Neque enim fieri potest, ut homines non stulti, quales certe non erant Hieronymus & Pelagius, idem argumentum ad res diuersas probandas adhibere voluerint. Si probare volebant idem, idem igitur sentiebant Hieronymus & Pelagius; quomodo igitur Hieronymus tam acriter pugnabat contra Pelagianos, si idem cum Pelagio sentiebat? Sed his omisiss.

Dico tertio, ex eodem principio duxisse argumentum Patres nostros, & Pelagium, sed argumentum Patrum nostrorum fuisse plane ferreum, Pelagii vero arundineum. Chrysostomus enim & Hieronymus contra Manichæos efficacissime probant ex pœnis & præmiis arbitrii libertatem, quod nos eorum Patrum filii modo facimus, contra Manichæorum filios Calvinistas: & idem fecerunt Augustin. alique Patres omnes contra eosdem hæreticos Manichæos, quorum testimonia suo loco proferentur.

Pelagiani autem ex pœnis & præmiis probare nitebantur, non liberum arbitrium non esse, sed gratia non indigere, sic enim ex Pelagianis Calvinus ipse refert: *Si gratia Dei in nobis agit, illa ergo, non nos, qui non laboramus, coronabimur.* Quod argumentum non minus debile est, quam contrarium Calvinistarum, qui ex gratiæ necessitate contendunt, nullam esse arbitrii libertatem. Siquidem adiutorium gratiæ, & libertas arbitrii non pugnant inter se, neque vnum alterum destruit aut impedit, sed mirifice: potius alterum iuuatur ab altero, quemadmodum infirmus & baculus Neque enim infirmus sine baculo ambulare potest, ipse tamen adiutus baculo vere ambulat, & libere etiam ambulat, cum possit, si velit, non ambulare. Atque hæc de primo Caluini dicto.

Ad SECUNDUM breuiter respondeo, Calvinum peccatum illud committere, quod Dialectici vocant petitionem principii. Assumit enim id, quod probare debuisset, culpam videlicet in nobis residere, & à nobis promanare, etiamsi necessitate adacti operemur, nec peccatum vlla ratione vitare possimus. Id enim est positum in controuersia, sic ne vera culpa, quæ vitari non potest.

Cum autem rogat, quid referat, liberone, an seruili iudicio, modo voluntaria cupiditate peccetur? Respondeo, tantum referre, quantum interest inter hominem & pecudem. Nam quemadmodum animal est genus ad hominem & pecudem ita voluntarium, id est, spontaneum, ad liberum & non liberum. Itaque homo peccat, quia sponte libereque agit, pecudes non peccant, quia spontaneæ, sed non libere operantur.

Ad postremum Caluini dictum Respondeo, ipsum à se destrui, atque eueri. Nam si non est locus bono merito sine libero arbitrio, eadem ratione non erit locus malo merito, eadem enim libertas ad bonum & malum meritum, ac præmium & pœnam requiritur. Itaque cum Calvinus ad argumentum illud, si nulla est arbitrii libertas, nullus erit pœnæ aut præmio locus, negat consecutionem quantum ad pœnas, & concedit quantum ad præmia, vna parte responsionis alteram euerit.

At fortasse non fuit tam ineptus, ut cum negasset consecutionem quoad pœnas, eandem postea concederet quoad præmia. En igitur verba ipsius libri secundi Institutionum, ca. 5. §. 2. *Acne fane* (inquit)

hoc animaduertunt, nullum iam superesse locum meritis, si non ex liberi arbitrij fonte prodent. Sed quod istud san-
topere dissentaneum esse ducunt, longe aberrant. Neque enim dubitat Augustinus passim pro necessario ducere, quod
virescenti confiteri putant. Hæc ille. Qui sicut inepte partem con-
sequutionis concessit, partem negavit, ita non sine magna fraude testimonia Augustini &
Scripturæ adducit, ut merita bonorum operum destruat. Nam cum probare deberet, nulla esse
merita humana, etiam adiuuante gratia Dei, ut inde arbitrii libertatem euerteret: ut ipse probat, nulla
esse bona merita, sine gratia, quod nemo Catholicorum negat.

Loca quæ ipse adducit, hæc sunt, PRIMVM ex epistola quinquagesima secunda ad Macedonium: Merita quorumlibet hominum quæ sunt? quando ille non
cum mercede debita, sed cum gratuita gratia venit, omnes peccatores solus à peccato liber, & liberator inuenit.
Alterum, ex præfatione in Psalm. 31. Si redditur tibi quod debetur, puniendus es. Quid ergo sit? non tibi reddidit
Deus debitam poenam, sed donauit indebitam gratiam. Et infra: Si vis alienus esse à gratia, iacta merita tua.
TERTIVM, ex concione secunda in Psalm. 70. Nihil es per te, Deum inuoca, tua peccata sunt, merita Dei sunt.
Supplicium tibi debetur, & cum primum veneris, sua dona coronabit, non merita tua. QVARTVM, ex ser. 15. de verbis Apostoli: Meritum ex gratia, non gratia ex merito est.

His omnibus testimoniis nihil aliud S. Augustinus docet, nisi hominem nihil posse sine gratia in ordine ad salutem, & nulla esse merita hominū, quæ non sint Dei munera, ratione præcedentis gratiæ, ut ipse explicat in libro de gratia, & libero arbitrio, ca. 6. Si merita nostra (inquit) sic intelligerent, ut etiam ipsa Dei dona esse cognoscerent, non esset reprobanda ista sententia, quoniam vero merita humana sic prædicant, ut ea ex semetipso habere hominem dicant, prorsus rectissime illis dicitur, dona sua coronat Deus, non merita tua, si tibi à te ipso sunt. Hæc enim istalia sunt, mala sunt: quæ mala sunt, non coronat Deus, &c.

Itaque non alia merita humana, S. Augustinus negat coronari à Deo, nisi illa, quæ sint in nobis à nobis sine adiutorio gratiæ. Quod cum omnes Catholici amplectantur, & prædicent, mentitur Calvinus, cum dicit, nos putare nefas, confiteri id, quod Augustinus pro necessario ponit. Nō negari autem ab Augustino merita humana respectu sempiternæ beatitudinis, ex illa ipsa epistola ad Macedonium (ut alia nunc omittamus) Calvinus discere potuisset. Nam in ea sic loquitur de vita æterna: Hoc primum primum est. Et infra: Assuesce obsecro, te, vir bone, beatus esse interim spe, ut sis etiam re, cum pietati persuerantissima retribuetur merces salutis æternæ. Et infra: Bona vita nunc agitur, & postea primum eius, quæ nisi æternæ esse non potest, beata vita persoluitur. Et infra: Eic sunt virtutes in actu, ibi in effectu; hic in opere, ibi in mercede. Hæc ille.

Pari fide citat idem Calvinus tria loca Apostoli, duo pro se, vnum contra se. Pro se adducit illa: Quos prædestinavit, hos vocavit; quos vocavit, hos iustificavit, quos iustificavit, hos magnificavit, Rom. 8. Et: Quid habes, quod non accepisti? 1. ad Cor. 4. Sed quid hæc (obsecro) faciunt contra vera merita Sanctorum? docet Apostolus, gratiam Dei semper esse necessariam, in principio, in medio, in fine: Quis nostrū hoc negat? docet magnificari iustificatos, quia videlicet iustificati gratis, opera iusta fecerunt, quibus deberetur corona iustitiæ. Quis nostrum hoc non gratissime confiteretur? Docet à Deo nos omnia accepisse, naturam, gratiam, bona merita, vitam æternam, neque id

illud Catholicorum inficiatur. Sed sicut bona merita nasci ex gratia, ita mercedem ex meritis promanare non dubitamus, dicente eodem Apostolo 2. ad Timoth. 4. (quem locum contra se Calvinus adducit) Reposita est mihi corona iustitiæ, quam reddet mihi in illa die iustus iudex.

At (inquit Calvinus) cur teste Apostolo, coronantur fideles? quia Domini misericordia non sua industria, & electi, & vocati, & iustificati sunt. Sed non hoc dicit Apostolus, neque vocat hoc loco vitam æternam, coronam misericordiæ, sed iustitiæ; nec dicit donari, sed reddi, nec reddi à Patre, sed à Iudice; nec à Iudice benigno, sed iusto. Et quamvis verum sit, vitam æternam esse donum Patris misericordiæ propter gratiam præcedentem, iuxta illud: Gratia Dei vita æterna, ad Rom. 6. tamen verum est etiam, eam esse coronam iustitiæ, & reddi à iusto iudice propter opera bona: Quoniam (ut habetur in Concil. Arausicano, canone 18.) merces debetur operibus, si fiant, sed gratia, quæ non debetur præcedit, ut fiant. Hæc de meritis, nos præcipue dicere coegit à Caluino extra rem propositam allata disputatio.

Uti igitur redeamus ad rem, argumentum illud Catholicorum, quod sumitur ex pœnis & præmijs, hac ratione confirmari potest. Ratio debiti, siue pœnæ, siue præmij debitum sit, id necessarium postulat, ut id quod datur sit proprium. Nam si quis rem nō suam, sed alienam donet, nihil ei propterea iure debetur. Non est autem proprium, nisi id, cuius dominus sumus: illius vero tantum domini sumus, quod est in potestate nostra, ita ut dare vel non dare, facere vel non facere, pro arbitrio valeamus.

S. Hilarius, canone 6. in Matth. De nostro (inquit) est beata illa æternitas promerenda, præstandumque est aliquid ex proprio. Et sanctus Paulinus, in epistola 2. ad Severum: Quæ nobis (inquit) est gratia, si in alieno tantum fideles fuerimus, nisi de proprio seruimus? Ipse etiam B. Paulus ideo dixit, ad Rom. 7. si quod nolo facio, iam nūc ego operor illud: Quoniam non est nostrum, neque nos proprie facimus, nisi quod libere facimus. Quocirca tamen si bestia nobis multis in rebus utilissime seruiant, nihil tamen eis præmij debere putamus, quoniam non libere, sed ex necessitate deseruiunt. Perspicuum igitur est, si nulla sit libertas arbitrij, nullum fore (ut initio dicebamus) pœnis aut præmijs locum, & frustra Calvinum in huius argumenti solutione sudasse.

CAPVT XVI.

Proponitur & defenditur tertium argumentum, pro libero arbitrio in moralibus.

ARGVMENTVM tertium à Caluino pro Catholicis allatum, hoc est: Si non esset in hominibus libertas arbitrij, non essent alij boni, alij mali, sed omnes boni, aut omnes mali, & si essent omnes boni, non essent alij alijs meliores, sed omnes æque boni, & si essent omnes mali, non essent alij alijs peiores, sed omnes æque mali. Id autem falsum esse iam aperte experientia docet, ut nullam rationem negari possit.

Respondet Calvinus, hoc argumentum esse acceptum ex Chrysostomo, homilia secunda in Genesim, & Ambrosio (seu potius) Prospero in libro secundo de vocatione gentium, capite quarto, tamen non esse solidum, propterea quod diuersitas bonorum & malorum, quæ in hominibus cernitur, non oriatur ex libero arbitrio, sed ex electione diuina. Homines enim in statu naturæ corruptæ, omnes esse malos, sed placuisse Deo, alios ex illis ele-

ctione

atione sua bonos facere, alios relinquere ut sint mali.

At nos imprimis existimauimus, Caluinum non ægrelaturum, si velimus potius Chrysostomum & Prosperum sequi, & audire, quàm ipsum, præsertim cum rem eandem post Chrysostomum & ante Prosperum, scripserit Augustinus in libro de spiritu & littera, c. 34. Deinde dicimus, argumentum illud Catholicorum solidissimum esse, neque per diuinam electionem & reprobationem ullo modo posse dissolui. Nam electio diuina, ut homines faciat bonos, prærequirit in illis arbitrii libertatē. Alioqui etiam infantes & furiosos immo etiā boues, & equos posset electio facere bonos moraliter, si libertas arbitrii ad morālē bonitatem non requireretur. Itaque recte scribit S. Bernardus, initio libri de gratia & libero arbitrio, sine altero horum, salutem perfici non posse. Nam si non est liberum arbitrium, non est quod saluetur, si non est gratia, non est unde saluetur. Et eodem modo dici potest, si non est liberum arbitrium, non est quod bonum fiat, si non est gratia, non est unde fiat. Non igitur essent alii boni, alii mali, nisi esset libertas arbitrii.

Præterea cur inter malos alii sunt aliis deteriores, certe non potest causa referri in electionem diuinam, cum illa non faciat, sed sinat esse malos. Vnde igitur tanta diuersitas inter homines malos, ut alij multa vitia deestentur, quibus alij misce delectantur, & alij modice, alij mediocriter, alij extreme sint mali, nisi propter arbitrii libertatem?

Denique cur inter bonos alii proficiant in dies magis, & perseuerent vsque in finem, alii deficiant, & misere cadant, ac pereant, non potest reddi ratio, nisi sit in homine liberum arbitrium. Siquidem electio Dei nulli est causa cadendi, neque Deus vllum deserit, nisi prius ab illo deseratur, ut S. Augustinus docet, in libro de natura & gratia, cap. 16. tractatu 1. in Ioannem & alibi. Immo Scriptura ipsa hoc docet, in secundo libro Paralipomenon, cap. 15. *Dominus vobis scilicet est, quia vos fuistis cum illo, vel clarius secundum interpretationem septuaginta virum: Quamdiu vos essetis cum illo, si dereliqueritis eum, derelinquet vos.* Et in Psalmo trigésimo sexto. *Declina à malo, & fac bonum, & inhabitabis in seculum seculi, quia Dominus amat iudicium, & non derelinquet sanctos suos.* Illi igitur qui fiunt ex bonis mali, poterant non fieri, quia non desererentur à Deo, nisi prius ipsi desererent Deum, ac per hoc libere fiunt mali. Quare nisi esset libertas arbitrii, ut argumentum Catholicorum recte probat, non esset ista, quam cernimus inter homines, bonorum, malorumque diuersitas.

CAPVT XVII.

Propositur & defenditur argumentum quartum, pro libero arbitrio in moralibus.

ARGUMENTVM QVARTVM, idemque postremum, quod adfert Caluinus pro Catholicis eiusmodi est. Si tollatur liberum arbitrium ab humano genere in actionibus morum, simul etiam tolli necesse erit cohortationes, obiurgationes, laudes, vituperationes, præcepta, consilia, monita, & alia id genus. Quorsum enim laudes, aut vituperes, & admoneas, præcipias, reprehendas, hortaris, si non possunt homines aliud facere, quàm faciunt? Desumptum est autem hoc argumentum ex Augustino, in libro de vera religione, c. 14.

Respondet Caluinus duobus modis, PRIMVM admonet, ut contenti simus exemplis Christi & Sanctorum. Christus enim dixit: *Sine me nihil potestis*

A facere, Ioannis decimo quinto, & tamen hortabatur & corripiebat omnes. Apostolus quoque testatus est, Roman. 9. *Non esse currentis, neque volentis, sed miserentis Dei.* Et primo ad Corinthios tertio. *Neque qui plantat esse aliquid, neque qui rigat, & tamen hortari & corripere omnes non cessabat.* Ipsi etiam Prophetæ hortabantur & corripiebant homines assidue, & tamen clamabant: proprium esse Dei circumcidere corda, & pro lapideis, dare carnē. Denique Sanctus Augustinus propter hanc ipsam objectionem scripsit integrum librum, quem nominari voluit de correptione & gratia. In quo libro, c. 3. sic ait: *O homo in præceptione cognosce, quid debeas habere, in correptione cognosce, tu te vitio non habere, in oratione cognosce, unde accipias quod vis habere.* Et ca. 6. *Corripitur origo damnabilis, ut ex dolore corruptionis voluntas regenerationis orisatur, si tamen qui corripitur, filius est promissionis.*

Deinde responder, correptiones & exhortationes viles esse, etiam si non adsit liberum arbitrium: nam reprobis adhiberi ad flagellum conscientie in hac vita, & ad testimonium in alia, ut inexcusabiles ad Domini tribunal efficiantur, electis autem ut per verbum exterius excitentur, sicut per spiritum intus illuminantur, & ad gratiam recipiendam per externam verbi correptionem præparentur. Sed utraque Caluini responsio paruo negotio refutari potest.

C Quod enim ad priorem attinet, nos ex Christi & Sanctorum exemplis liberum arbitrium efficaciter probari existimamus. Quoniam enim nemo, nisi prorsus iudicio careat, hortatur, aut corripit infantes, vel infanos, sed solum adultos & mentis compostes, colligimus eos duntaxat hortationis & correptionis capaces esse, qui liberi arbitrii vltum habent: non enim aliud interest, inter homines infanos & sanos, nisi quod illi more pecudum, naturali quodam instinctu feruntur, nec possunt aliter tacere: isti libero iudicio eligunt, quid agant, & possunt, si ita libitum fuerit, non eligere. Itaque simile esset hortari hominem non liberum, ad eligendum bonum, & corripere, si non eligat; ac si quis hominem in carcere conclusum, hortaretur ad currendum per campos & reprehenderet, si non pareret.

D Refellit hanc similitudinem Caluinus; aliud enim esse dicit, hominem tyrannice ligatum ab alio, non posse per campos discurrere: aliud, hominem proprio vitio effectum malum, iam non posse eligere bonum. At fuge aliquem, qui sua culpa in puteum lapsus fuerit; verum is recte admoneretur, ut exiret & obiurgaretur nisi pareret? Obiurgaretur quidem recte, quod in puteum se deiecit, cum in potestate haberet, non se deicere, at non recte obiurgaretur, quod non inde emergeret, si id iam in eius potestate non esset.

E Ad objectiones illas ex Scriptura: *Sine me nihil potestis facere.* Et: *Non est volentis, neque currentis.* Et: *Neque qui plantat est aliquid, neque qui rigat.* Respondeo, recte probari his testimoniis, liberum arbitrium egere gratia Dei. Cæterum eam gratiam, quæ necessaria est ad faciendum, quod deus præcipit, vel ad quod hortatur, nemini deesse, & ideo (ut sanctus Leo scribit sermone decimo sexto, de passione Domini) recte Dominum implare præcepto, quia præcurrit auxilio.

Ad objectionē ex Augustino, in lib. de correptione & gratia. Respondeo, Augustinum in toto eo libro pro certo assumere, eis qui corripiuntur non deesse auxilium gratiæ, quo possint, si velint ex correptione proficere. Nam cum dicit, capite tertio:

Ioan. 15. *Qui manet in me, & ego in eo, hic fert fructum multum.* Et ad Roman. 6. *Habetis fructum vestrum in sanctificationem.* Et ad Gala. 5. *Fructus spiritus sunt caritas, continentia, &c.* Et ad Ephes. 5. *Fructus lucis est in omni bonitate, &c.*

OCTAVVM argumentum sumit Calvinus ex illo Ioan. 3. *Quod natum est ex carne, caro est.* At caro tota est mala, neque bonum aliquid gignere potest. Nam effectus carnis mors est, ad Roman. 8. Et fructus carnis sunt fornicatio, immunditia, &c. ad Gal. 5. Neque responderi potest, accipi carnem pro parte hominis inferiore, cum dicitur: *Quod natum est ex carne, caro est.* Nam Dominus ait: *Oportet vos nasci denuo.* At nasci debemus secundum partem superiorem. Ait enim Apostolus ad Ephes. 4. *Renovamini spiritu mentis vestre.* Igitur pars etiam superior ante iustificationem dicitur caro, & nihil facere potest, nisi propria carnis, id est, peccata.

Respondeo, Caro sumitur quidem interdum in divinis litteris pro homine carnali, ut carnalis distinguitur à spirituali, id est, pro homine, in quo primas partes sibi vendicat caro, ut in loco citato, ad Galatas 5. *Opera carnis sunt fornicatio, &c.* Sæpius tamen per figuram intellectationis pro toto homine simpliciter accipitur, ut Ioan. 1. *Verbum caro factum est.* Et Isaia 40. *Omnis caro sanum.* Hoc autem loco certum est, carnem accipiendam esse simpliciter pro homine, ut accipiunt Chrysostomus, Augu. Cyrill. & alij in commentario, & Basilii libro 1. de Baptismo, ca. 2. ultra medium. Dominus enim, ut ostenderet, oportere nos nasci denuo, si velimus hæreditatem divinam consequi, dixit, *Quod natum est ex carne, caro est,* hoc est, non sufficit natum esse semel ex homine. Nam homo nihil aliud quam hominem gignit. Sed nascendum est iterum, idque ex Deo, ut simus quodam modo Dij, & hæreditatem filiorum Dei consequi mereamur.

Quare illa ratiocinatio Calvini non est adpropositum. Non enim debet homo nasci denuo, quia sit totus carnalis, & nihil possit facere, nisi opera carnis, sed quia per primam generationem non habet esse, nisi naturale & humanum, indiget autem esse divino, & supernaturali, ut filius, & hæres Dei dici, & esse possit. Porro ad Romanos octavo, accipitur caro pro parte inferiori, ut patet ex toto præcedente capite, & sensus eius loci est, acquiescere carnis concupiscentijs mortem esse, quia peccatum mortale admittit, qui carni in omnibus acquiescit. Quâvis autem non possit non peccare, qui carni obedit; tamen nō cogitur etiam homo impius in omni opere carni obedire, sed potest aliqua opera facere ex naturali propensione, non ex vitiosa cupiditate, ut sæpe dictum est supra.

NONVM argumentum sumunt ex illo Ioan. 15. *Sine me nihil potestis facere.* Respondeo, Loquitur Dominus de his operibus, quæ ad salutem pertinent, de quibus paulo ante dixerat: *Qui manet in me, & ego in eo, hic fert fructum multum.* Et hoc modo locum istum intelligit Concilium Arausic. cap. 7. Atque huc pertinent illa etiam loca, quæ à quibusdam obijciuntur ex 1. ad Corinth. 4. *Quid habes, quod non accepisti?* Ex 2. ad Corinth. 3. *Non sumus sufficientes cogitare aliquid ex nobis.* Ex Ephes. 2. *Ipsi enim sumus factura, creati in Christo Iesu, in operibus bonis.* Ex Philip. 2. *Deus est, qui operatur in nobis velle & perficere.* Hæc enim omnia ad opera pietatis & salutis pertinent, quæ sine Deo, neque inchoari, neque perfici posse, infra demonstraturi sumus.

DECIMVM argumentum sumunt ex illis verbis epistolæ ad Rom. capite decimoquarto. *Omne quod*

A *non est ex fide, peccatum est:* quod argumentum non solum à Kemnitio proponitur, sed etiam à Calvino libro tertio Institution. capite decimoquinto & à Melanchthone in Apologia Confessionis, titu. de Iustificatione.

Sed responsio in promptu est. Nam eo loco beatus Paulus, nomine fidei, non intelligit fidem, qua credimus in Christum, unde dicuntur fideles, qui ea fide præditi sunt, & infideles, qui eadem fide carent: sed fidem, qua credimus aliquid esse licitum, quæ etiam conscientia dici potest. Et sententia illius loci est, peccatum esse quicquid sit cōscientia reclamante & protestante, illud fieri non debere.

B Hanc autem esse germanam eius loci expositionem, dubitari non potest, tum, quoniam ita exposuerunt fere omnes interpretes Græci, & Latini, ut commentar. adscriptus Ambrosio, Chrysostomus, Theodoretus, Theophylactus, Oecumenius & alij, & præterea Innocentius Papa in Concilio Lateranensi, unde extat caput finale de præscriptione. Tum, quia textus ipse plane cogere videtur. Disserit enim Apostolus de cibis mundis & immundis, secundum legem, & ait: *Qui discernit si manducaverit, damnatus est, quia non ex fide;* id est, qui discernit inter cibos mundos & immundos, existimans aliquos vere esse immundos, si omnes æque manducaverit, damnatus est, quia facit contra id, quod credit esse faciendum. Omne enim quod non est ex fide, id est, secundum id, quod credit faciendum, peccatum est. C. Atque hinc natum est axioma illud Theologorum, conscientiam (quamvis erroneam) semper ligare. Nunquam enim licet contra conscientiam facere. Non ignoro, sanctum Augustinum paulo aliter hunc locum exposuisse, sed de eius sententia paulo post dicemus.

D VNDECIMVM argumentum sumunt ex illo 1. ad Corinthios 10. & Coloss. 3. *Sine manducatu, sine bibitu, sine quod aliud facitis, omnia in gloriam Dei facite.* Respondeo, sonant hæc verba piam admonitionem, non præceptum proprie dictum: nisi intelligamus, hoc tantum imperari, ut omnia fiant in gloriam Dei explicite vel implicite. Nam saltem implicite omnia refert in gloriam Dei, qui operatur propter bonum aliquem finem. Semper enim ex bonis operibus, etiam si is, qui ea facit, forte de Deo non cogitet, sequitur, ut qui ea vident, glorificent, aut certe glorificare possint patrem nostrum, qui in cælis est.

E DVO DECIMVM argumentum ex illo ad Ephes. 4. *Testificor in Domino, ut iam non ambuletis, sicut & gentes ambulant in vanitate sensus sui, tenebris obscuratum habentes intellectum, alienati a via Dei per ignorantiam, quæ est in illis, propter cecitatem cordis ipsorum, qui desperantes, semetipsos tradiderunt impudicitie, in operationem omnis immunditie, in avaritiam.* Respondeo, Non dicit Apostolus, omnia opera infidelium esse peccata, sed plurima esse mala & immunda, omnia autem saltem esse vana, id est, inutilia ad veram felicitatem, cum ipsi & lumine fidei & spe regni cælestis careant.

TERTIUM DECIMVM argumentum ex illo 2. ad Timot. 2. *A quo captivi tenentur ad ipsius voluntatem, Ac voluntas diaboli est, ut homines semper peccent.* Respondeo, Dicuntur peccatores teneri laqueis diaboli captivi ad ipsius voluntatem, non quod cogantur facere, aut pati quicquid diabolus vult, sed quia non possunt pro suo arbitrio, & suis solis viribus, ab illa captivitate liberari.

QUARTUM DECIMVM argumentum, ex illo ad Timoth. 1. *Omnia munda mundis, inquinatis autem*

& infidelibus, nihil est mundum, sed inquinata sunt eorum & mens & conscientia. Respondeo, Explicant hunc locum sanctus Hieronymus in commentario, & sanctus Augustinus, lib. 31. contra Faustum, cap. 4. qui docent, Apostolum non loqui de operibus infidelium, sed de cibis mundis & immundis; secundum legem, ut hæc sit sententia huius loci: *Omnia munda mundis*, id est, omnes cibi natura sua mundi sunt, & hoc tempore post abrogatam legem veterem iuste & sancte à iustis hominibus māducantur, quippe qui sciunt nihil esse immundum, quod cum gratiarum actione percipitur: *Inquinatis autem & infidelibus, nihil est mundum*, id est, hominibus iniustis, & qui nolunt credere, legem esse abrogatam, quales sunt Iudæi, omnes cibi sunt immundi, non solum illi, quos lex iudicabat immundos, sed etiam ceteri, quos isti ita infideliter sumunt, ut existiment, eos solos esse mundos. Inquinata enim est eorum & mens & conscientia, id est, idcirco omnes cibi sunt istis immundi, quoniam inquinatam mentem, & erroneam conscientiam gerunt.

Quod si quis omnino contendat, illud: *Infidelibus, nihil est mundum*, significare, omnia opera infidelium esse peccata: interrogandus erit, quid significet illud: *Omnia munda mundis*. Nam non potest hæc sententia significare, omnia opera iustorum esse iusta, cum iusti sint, qui iubentur dicere. *Dimitte nobis debita nostra*. Et: *Septies in die cadit iustus*. Restringenda igitur erit sententia ad illa opera, quæ fiunt ex iustitia, id est, ex charitate, & pietate: quo modo facile concedemus, omnia opera impiorum & infidelium, esse peccata, dum illud (*omnia*) restringatur ad illa opera, quæ ex impietate & infidelitate procedunt.

QVINTVM DECIMVM argumentum, ex illo ad Hebr. 11. *Sine fide impossibile est placere Deo*. Respondeo, Impossibile est sine fide placere Deo, ut quis amicus Dei constituatur. At sicut natura humana, ut res aliæ creatæ, quia bona est, bonitate naturæ, non potest non placere Deo, qui summe bonus est, & cui placet omnia bona: Sic etiam opera facta ex bono naturæ, sine admixtione malæ alicuius circumstantiæ, bona sunt, & Deo placent, tametsi non sint eius pretij, ut vel gratiam, vel vitam mereantur æternam. Quoniam vero Pelagiani bonis operibus, solis naturæ viribus effectis, tribuebant, ut gratiam Dei mereri possent, ideo recte S. August. lib. 4. in Iulianum, cap. 3. utitur aduersus eos hoc Apostoli testimonio: *Sine fide impossibile est placere Deo*.

Postremum argumentum sumitur ex illo 1. Ioan. 2. *Quidquid est in mundo* (id est, in amatore mundi) *concupiscentia carnis est, aut concupiscentia oculorum, aut superbia vitæ*. Respondeo, Si per mundum intelligamus cum Augustino hominem mundi amatorem, sensus erit, in amatore mundi, ut talis est, nihil esse, nisi hæc tria, quoniam omnia peccata reuocantur ad hos tres fontes, luxuriam, auaritiam, superbiam. Alioqui enim non negat Ioannes, quin sint in homine, quantumvis peccatore, multa bona naturalia, corpus, animam, intelligentiam, voluntatem, &c. sed (ut dixi) loquitur de amatore mundi, non ut est homo factus à Deo, sed ut est peccator factus à se. Si tamen cum alijs expositoribus intelligamus per mundum hanc rerum vniuersitatem, sensus erit, nihil esse in mundo, nisi obiecta luxuriæ, auaritiæ & superbiæ, & ideo non esse diligendam creaturam, sed creatorem, in quo est obiectum veræ perfectæque felicitatis.

CAPVT XI.

Soluantur argumenta ex Patribus.

SEQUVNTVR nunc argumenta ex Patribus, ac præsertim ex Augustino.

PRIMUM argumentum ex lib. 1. Retract. cap. 15. *Voluntas sine charitate tota est vitiosa cupiditas*. Respondeo, loquitur de voluntate, ut voluntas significat potentiam, non actum. Nam de eadem paulo ante dixerat, quantum est quod valet voluntas sub dominante cupiditate, nisi forte, si pia est, ut oret auxilium? Porro potentia voluntatis sine charitate, tota est vitiosa cupiditas, id est, plena est amore proprio. Sed non tollitur propterea inclinatio naturalis ad bonum, quæ non est habitus bonus, vel malus, quales sunt charitas & cupiditas, sed est ipsa potentia voluntatis, inclinata ad bonum natura sua, ex qua inclinatione fieri potest aliquod opus, quod non sit peccatum, quando non datur occasio cupiditati, ut vim suam exerat, ut cum aliquis, quamvis alioqui vitij omnibus coopertus, occurrit pauperi & ægrotto, & ex humana misericordia illi compatitur.

Non esse autem peccata omnia opera illorum, qui charitate carent, ac proinde cupiditate non carent, docet idem Augustinus in libro de patientia, capite 26. ubi de schismaticis loquens dicit, eos non peccare, si quid patientur pro Christo, & tamen id eis non prodesse ad vitam æternam, cum charitatem non habeant.

SECUNDVM argumentum, ex epistola 106. sic loquitur de Pelagio: *Aliquando ita paribus momentis potestatem voluntatis aqua lance propendit, ut aliquantum etiam ad non peccandum valere definat. Quod si ita est, nullus locus adiutorio gratiæ reservatur, sine qua nos dicimus, ad non peccandum nihil voluntatis arbitrium valere*. Respondeo, Non significat, meo iudicio, sanctus Augustinus, non posse hominem suis viribus facere aliquod opus, quod non sit peccatum, sed non posse vivere sine omni peccato, ita ut illud, *ad non peccandum*, non sit ad peccatum aliquod vitandum, sed ad viuendum sine peccato. Nam hoc nobis persuadet imprimis illa ratio eiusdem Augustini: (*Quod si ita est, nullus locus adiutorio gratiæ reservatur*) quæ nihil concludit, si, *ad non peccandum*, significet, ad peccatum aliquod vitandum: concludit autem efficacissime, si, *ad non peccandum*, significet, ad nunquam peccandum.

Deinde, verba sequentia idem testantur. Nam explicans S. August. quid sit, quod Pelagius dicebat, liberum arbitrium aliquantum ad non peccandum valere, dicit, sensisse Pelagium, posse hominem seruare solis naturæ viribus omnia mandata, sed ægre, ac difficulter, per gratiam vero facile, ac suauiter, ac per hoc posse suis viribus nunquam peccare, sed aliquantum, id est, ægre, ac difficulter.

Adde etiam TERTIO, non fuisse ab vlllo veterum inter errores Pelagij enumeratum, posse hominem suis viribus facere aliquod opus bonum moraliter, vel (quod est idem) facere aliquod opus, quod non sit peccatum, sed posse omnia mandata seruare & vivere absque omni peccato, ut pater ex Hieronymo lib. 3. contra Pelagianos, & Aug. lib. de hæresibus, cap. 88.

Posset etiam responderi ad idem argumentum, per illud, *ad non peccandum*, significari ad resistendum tentationi, & tunc libentissime confitemur, ad non peccandum, sine adiutorio gratiæ liberum arbitrium nihil valere.

TERTIVM argumentum sumitur ex Enchiridio, ubi trigesimo, ubi sic legimus: *Quid boni operari potest, nisi in quantum a perditione liberatur?* Respondeo, Loquitur S. Augustinus de opere bono, quod ad salutem perducit. Dixit enim: *Vtrum hac pars generis humani, cui liberationem Deus, regnumque paravit eternum, nunquid meritis operum suorum reparari potest, absit. Quid enim bonum operari potest perditus, &c.*

QUARTVM argumentum ex libro secundo, de peccatorum meritis & remissione, capite decimo-octavo: *Si vitia aut bona est aut mala: & vitiaque malum non habemus ex Deo, restat ut bonam voluntatem habeamus ex Deo.* Respondeo, Per voluntatem non accipit actum voluntatis, ut aduersarii putant, sed potentiam, quæ si prædita est charitate, est bona; si cupiditate, est mala. Dixit enim paulo ante, illam esse bonam, quæ diligit Deum; illam malam, quæ non diligit. Diligere enim & non diligere, ad potentiam pertinet. Potest autem voluntas mala operari aliquid boni moralis, sicut potest voluntas bona operari aliquid mali venialis. Sed sicut voluntas bona hominis iusti non operatur peccatum veniale ex charitate, sed ex corruptione naturæ, ita voluntas mala hominis impij & infidelis, non operatur bonum morale, ex cupiditate, sed ex bono naturæ, quod non omnino perijisse idem August. scripsit in libro de spiritu & littera, capite 34. & alijs in locis.

QUINTVM argumentum ex libr. 1. contra duas epistolas Pelagianorum, cap. ultimo, ubi S. August. scribit, bonum vsum liberi arbitrij esse ex gratia: Respondeo, Non dicitur bene uti libero arbitrio, qui inter innumerabilia peccata admiscet vnum aut alterum opus bonum morale, sed qui ut plurimum vivit secundum rationem, & omnia mandata moralia diligenter servat, quemadmodum non bene vitur calamo, qui vnam, aut duas litteras pulchre depingit, & integras dictiones corruptissime scribit: Sed qui apposite ad legendum verba omnia format ac digerit, quamvis vnum, aut alterum characterem interdum minus recte pingat,

Hunc bonum vsum liberi arbitrij Pelagiani meritum gratiæ esse volebant, nos vero cum S. Augustino dicimus, cum haberi non posse, nisi per gratiam, iam enim supra docuimus, non posse hominem suis viribus, omnia mandata servare, præsertim si tentatione pulsetur.

SEXTVM argumentum, ex lib. 3. contra duas epistolas Pelagianorum, ca. 8. liberum arbitrium captivatum, non nisi ad peccatum valet, ad iustitiam vero, nisi diuinitus liberatum, adiutumque non valet. Respondeo, Recte dicitur liberum arbitrium non nisi ad peccatum valere, tum quia magnas vires ad peccandum habet, tum quia ut plurimum reipsa peccat, nisi diuinitus adiuvetur. Nam pauca quædam bona moralia, quæ potest facere, pro nihilo reputantur, cum & nihil prosint ad salutem æternam, & obruantur multitudo peccatorum. Similes sententiæ frequentissime occurrunt in Scripturis divinis, ubi dicitur, ab omnibus fieri, quod a plurimis fit, ut Gen. 6. *Omnis caro corrumperat viam suam.* Matt. 2. *Turbatus est Herodes, & omnis Hierosolyma cum illo.* Ioan. 12. *Mundus totus post illum abit.* Act. 21. *Tota confunditur Hierusalem.*

SEPTIMVM argumentum ex libro de gratia & libero arbitrio, cap. 18. *Quod non fit ex charitate, non bene fit.*

Respondeo, Non fit bene, id est, utiliter ad salutem.

OCTAVVM argumentum ex lib. 1. de nuptijs & concupisc. capite 3. & libro 4. in Iulianum, capite 3. & Tract. in Psal. 31. ubi sanctus Augustinus docet, omnia opera infidelium esse peccata, & eo trahit illud: *Omne quod non est ex fide, peccatum est.* Respondeo, Dux adhiberi possunt ad hoc argumentum solutiones. Prior est conformis ijs, quæ dicta sunt ad argumenta superiora, videlicet vocari peccata omnia opera infidelium, quia fere omnia sunt ob malum finem, ut in cultu falsorum Deorum, vel ad inanem gloriam; & hoc modo loquitur ipse sanctus Augustinus libro quarto in Iulianum, cap. 3. *Quid boni fit ab homine, & non propter hoc fit, propter quod fieri vera sapientia iubet, & si officio videatur bonum, ipso non recto fine peccatum est.* Et infra: *An & istis, qui exhibuerunt terrena patriæ Babyloniam dilectionem, & virtute civili, non vera, sed verisimili demonstrationibus, vel humane gloriæ seruierunt: Fabijs videlicet, & Regulis, & Fabricijs, & Scipionibus, & Camillis pronisus estis aliquem locum inter damnationem, regnumque celorum?* Damnat igitur rectissime Augustinus illa opera infidelium, quæ ad malum ab eis referebantur; & quoniam talia erant fere omnia, quæ ab illis fiebant (ut ipse idem dicit in libro de spiritu & littera, capite vigesimo septimo) ideo simpliciter omnia opera infidelium peccata fuisse dicit, tribuens omnibus, quod maximæ parti conveniebat; & merito reprehendit Iulianum, qui posse infideles viribus naturæ præcepta omnia moralia servare, & sine peccato vivere, temere asserbat.

Posterior solutio erit, si dicamus, per peccatum, intelligi ab Augustino non solum id, quod est proprie peccatum, & cui debetur pœna, sed illud etiam, quod caret omni illa perfectione, quam habere potuisset, quodque sterile & inutile est ad veram beatitudinem consequendam. Ita enim se ipse explicat loco citato, libro 4. in Iulianum, capite 3. *Scito, inquit, nos illum bonum hominem dicere, illam voluntatem bonam, illud opus bonum, per quod solum homo potest ad æternum Dei donum, regnumque perducere.* Hæc ille, qui cum ita definiuerit bonum, significavit etiam contra malum se appellare, & peccatum illud omne quod ad regnum celorum non perducit, etiam si alioqui non sit tale malum, quod pœnam mereatur.

NONVM argumentum sumitur ex illis Augustini testimonijs, quæ docent, virtutes morales esse etiam dona Dei, siue in fidelibus, siue infidelibus inveniuntur. Id enim docet Augustinus de virtute continentiz in epist. 89. quæst. 2. & in epist. 105. & 130. in quo loco postremo continentiam infidelis hominis, dixit esse donum Dei. Idem docet de patientia, in libro de patientia, a cap. 15. vsque ad finem. Denique libro 4. in Iulianum, cap. 3. idem affirmat de omnibus virtutibus infidelium.

Respondeo, virtutes morales dicuntur merito dona Dei, quia non acquiruntur nisi per actus frequentes: non possunt autem frequentari eiusmodi actus, nisi resistendo passionibus, easque frænando & coercendo, quod supra diximus, sine adiutorio & protectione Dei fieri non posse. Sed non sequitur, si virtutes sint dona Dei, non posse hominem suis viribus aliquod bonum opus facere, quando nulla tentatione pulsatur, quod sit bonum moraliter, hoc est, non sit peccatum proprie dictum.

Atque ex his, quæ dicta sunt, explicari possunt testimonia omnium aliorum Patrum, si qua inveniuntur in speciem contraria doctrinæ iam traditæ. Vel enim intelligi debent de bonis operibus, quæ ad salutem pertinent, ut illud Concilij Arausican,

canon. 20. *Multa bona sunt in homine, quæ non facit homo, nulla autem bona facit homo, quæ non præstet Deus, ut faciat homo.* Et illud Ambrosij libro 2. in Lucam: *Vides quod ubique studiis humanis virtus divina cooperatur, ut: nemo possit edificare sine Domino, nemo incipere sine Domino.* Et illud Cypriani libr. 2. epistol. 2. *Dei est omne quod possumus.* Et illud, quo I definitum fuit contra Pelagianos, teste Augustino in epist. 106. gratiam ad singulos actus dari.

Vel debent exponi de opere, quod reipsa ad malum finem refertur, aut certe quod est peccatum largo modo, quia non habet omnem perfectionem quam habere posset. Sic intelligimus illud Prosperi lib. 1. de vocatione, cap. 7. *Sine cultu veri Dei, etiam quod virtus esse videtur, peccatum est.* Et illud Gregorij lib. 2. Moralium, cap. 13. *Si non prius in corde nostro fides gignitur, reliqua quoque esse bona non possunt, licet esse videantur.* Et illud Hieronymi in cap. 3. ad Galat. *Sine Christo omnis virtus in vicio est.*

Vel denique accipi debent de operibus, non ratione difficultatis, quæ sit in ipso actu, sed ratione tentationum, quæ vel adsunt, vel adessent, nisi Dei protectio, & singularis providentia vigilaret. Hoc enim modo dictum esse intelligimus à Zozimo, ut refert Celestinus in epist. ad Gallos, in omni actu & motu adiutorem & protectorem inuocandum esse Deum. Et à Concilio Arausicano can. 9. *Divini munus est, cum pedes nostros ab iniustitia detinemus.* Et canone 22. nihil nos habere à nobis, nisi mendacium & peccatum. Quamvis hoc possit etiam intelligi de auxilio generali, quod à Pelagio pariter negabatur, ut sensus sit, à nobis habemus mendacium & peccatum; veritatem & bona opera non habemus, nisi concurrente Deo, per auxilium generale, vel speciale, prout operum ipsorum qualitas & varietas postulat. Super sunt argumenta ex ratione.

CAPVT XII.

Soluntur argumenta ex ratione.

P R I M U M argumentum ex ratione ducitur ab orationibus piorum. Pii siquidem omnes in omnibus operibus, etiam moralibus, Deum implorant adiutorem, & opere perfecto illi gratias agunt. Sed si hoc argumentum aliquid efficere, efficere quoque, non posse opera mechanica fieri sine speciali auxilio Dei; nam & in illis perficiendis, pii opifices Deum inuocant, & opere absoluto, illi gratias agunt, ista igitur non probant, non posse fieri solis viribus naturæ aliquid opus bonum mechanicum, vel morale, quasi vires naturæ, etiam corruptæ, non sint pares illis operibus, nisi excitentur, aut iuventur auxilio supernaturali: sed probant, recte inuocari Deum, ut protectione sua impediatur hostem communem generis humani, qui nos infestare non cessat; & rursum, ut in decursu operis providentia sua nostram vitam & vires conferuet, impedimenta, quæ extrinsecus accidere possent, auertat: denique semper & ubique nos dirigat, ne humana ignorantia, & errore labamur, in tanta actionum varietate. Cogitationes enim hominum timidæ, & incertæ providentiæ nostræ.

S E C U N D U M argumentum est Philippi Melancthonis, is enim in Apologia, tit. de iustificatione, admittit opera quædam infidelium, ornari à Deo, temporalibus præmiis: tamen dicit, non esse laudanda cum contumelia Christi, quod illi faciunt, scilicet, qui dicunt, ea non esse peccata coram

A Deo. At nos non ea laudamus cum contumelia Christi, cum dicamus, nihil prodesse ad vitam & salutem, quæ est in Christo Iesu: ipse vero ea damnat, cum contumelia creatoris. An non sic iniuria Deo, si dicatur, ornare præmiis peccata; & non dicitur cum contumelia conditoris, peccata esse, quæ ex bono naturæ ab illo conditæ sunt.

T E R T I U M argumentum est Caluini in Antidoto, canone 7. session. 6. Concilij, ubi sic loquitur: *Peccator & infidelis mortuus est, & resuscitatur per Evangelium; ergo quamdiu sic manet, non potest aliquid vitale agere.* At peccator & infidelis mortuus est morte gratiæ, non morte naturæ. Liberum enim arbitrium, quod ad vitam naturæ pertinet, non extinctum, sed extenuatum esse docet Concilium Arausicanum, can. 8. Itaque non potest homo peccator & infidelis agere aliquid vitale, quod ad vitam gratiæ pertineat: potest tamen agere aliquid vitale ex iis, quæ pertinent ad vitam naturæ, qualia sunt opera moralia, quæ ex naturalibus principiis, ratione videlicet & voluntate dependent.

Q U A R T U M argumentum. Homo per peccatum factus est peruersus & distortus, ac similis tibiæ curvæ. Sed curua tibia non potest ambulando non claudicare: igitur non potest homo peccator operando non peccare. Respondeo, homo per peccatum sine dubio peruersus ac distortus efficitur, sed non necessario ex illa curvitate, quæ nihil est aliud, quam cupiditas, operatur. Potest enim quiescente cupiditate operari ex propensione naturali, quæ recta est. Quare similitudo de curua tibia nihil probat, nisi semper hominem peccare, quando ex cupiditate aliquid facit.

Q U I N T U M argumentum, si ad bonum opus morale non requireretur nisi auxilium Dei generale, sequeretur, Deum non magis concurrere ad opera bona, quam ad mala. Hoc autem absurdum, docet sanctus Augustinus in libro de gratia Christi, capite vigesimo quinto. Respondeo, Deum magis concurrere ad bonum opus, quam ad malum, potest duobus modis intelligi, Vno modo, quod maius auxilium conferat. Alio modo, quod eodem auxilio magis attingat effectum: Priore modo non est absurdum; Deum non magis concurrere ad bonum opus morale, quam ad malum, cum aliquando non sit unum magis difficile, quam alterum, immo etiam possit fieri, ut opus malum sit longe difficilius, & plura requirat, quam bonum, & ideo magis egeat auxilio Dei generali, quod nunquam negatur, nisi Deus miraculum facere velit. Posteriore modo semper Deus magis concurret ad bonum quam malum: nam in bono facit Deus, & quod est, & quod bonum est, in malo facit quod est, sed non quod malum est. Et rursus, Deus concurret ad bonum moraliter, quia præcipit illud, vel consulit, ad malum non concurret vlla ratione moraliter.

At (inquit) Pelagius non negaret, Deum magis concurrere ad opus bonum, quam ad malum, hoc modo posteriore. Diceret enim, Deum per virtutem operativam, quam nobis dedit, facere in opere bono, quod est, & quod bonum est; in malo non facere, quod malum est, sed solum quod est, quia opus malum, ut malum non procedit à virtute, ut agente, quam habemus à Deo, sed à defectu eiusdem virtutis, qui defectus non est à Deo. Respondeo; sanctum Augustinum loco notato, non loqui de bono tantum morali, sed de eo, quod est meritum gratiæ vel gloriæ; de hoc enim bono vere est absurdum; Deum non maiori auxi-

lio concurrere ad opus bonum, quàm ad peccata. Et hoc absurdum ad errorem Pelagij apertissime sequebatur.

SEXTVM argumentum, Dæmones habent intelligentiam & voluntatem non minus integram, quod attinet ad naturalia, quàm homines; & præterea carent concupiscentia carnali; & tamen nullum opus bonum morale facere possunt, ut omnes fatentur: igitur nec homines possunt nisi diuinitus adiuuentur. Respondeo, dæmones sunt obfirmati in actuali odio Dei, & rerum ipsius, ac præsertim humani generis, id enim pertinet ad statum damnationis, sicut confirmatio in actuali amore Dei & proximi pertinet ad statum felicitatis, & ideo non est mirum, si quicquid faciunt, malum est, quoniam ad malum illum finem omnia referunt. Homines autem in hac vita, etiam si infideles, & perditissimi, non semper actu Deum & proximum oderunt, neque ex hoc odio semper operantur.

SEPTIMVM argumentum. Si posset homo bonum morale facere viribus solius naturæ, certe remansissent in natura humana, post Adæ peccatum, semina aliqua virtutum, ut Cassianus docuit: Atqui hoc reprehendit S. Prosper in libro contra Collatorem, c. 28. Respondeo, semina virtutum, si proprie accipiantur, nihil sunt aliud, nisi lumen intellectus practici, & inclinatio voluntatis ad bonum prosequendum, & malum fugiendum, ut S. Thomas docet in prima secundæ, quæstione sexagesimatertia. Et hoc modo semina virtutum remanserunt post peccatū, nec possunt aboleri, nisi homo desinat esse homo. Et hæc semina admittunt Basilii, hom. 9. Exameron, & in regulis fuse explicatis, ca. 2. Athanasius in vita S. Antonij, ipsius B. Antonij exhortationem ad virtutem referens, Hieronymus in cap. 1. ad Galat. Damascenus, li. 3. c. 14. & alij. Refert etiā Ruardus Tapper. in explicatione art. 10. hanc sententiā ex Augustino: In naturali indicatorio adsunt quedam regule, & semina virtutum, quæ dicuntur Synderesim.

Cassianus tamen pro semine virtutum, accepit semina veræ pietatis, id est, bonas cogitationes & pia desideria, quibus homo præparatur ad gratiam. Sic enim ait, cap. 9. Collationis de protectione Dei: *Lam hic, inquit, quasi per infernabilem diuersitatem introduciunt definitio, qua doceatur multos ad gratiam venire sine gratia, & hunc affectum petendi, querendi, atque pulsandi habere quosdam de vigilantia libera voluntatis.* Et infra: *Dubitari ergo non potest, inesse naturaliter omni animæ virtutum semina, &c.* Hanc sententiā merito refellit Prosper his verbis: *Qui ergo dicit, sine ulla opere gratiæ, naturaliter omni animæ semina inesse virtutum, quid laborat ostendere, nisi de istis seminibus quedam germina præcedentium Dei gratiam pullulare meritorum?*

CAPVT XIII.

Proponitur controuersia de libero arbitrio in moralibus, & Tilmanni ineptiæ, ac mendaciæ referuntur.

SEQUITVR vltima quæstio de bono morali, quæ est omnium potissima inter quæstiones de libero arbitrio. Igitur controuersia est inter Catholicos omnes ab vna parte, & hæreticos huius temporis omnes ab altera (neque enim in hac re vel apud nostros, vel apud aduersarios vlla est opinionum varietas) sit ne homo in statu naturæ lapæ liberi arbitrij, in bono morali eligendo, & malo euitando, siue

A quod idem est, in præceptis morum obseruandis aut præuaricandis.

Et quidem Catholici (ut diximus) omnes tum veteres, tum recentiores, tanquam dogma fidei Catholicæ prædicant partem affirmantem. Hæretici contra tum ex veteribus plurimi, tum recentiores omnes, obstinate defendunt partem negantem. Loca tum Catholicorum, tum hæreticorum annotauimus initio primi libri. Nunc antequàm ad argumenta serui veniamus, placet breuiter adscribere aliquot mendacia, vel ineptias Tilmanni Heshusij, ut lector ex hoc vno, qui non parui nominis episcopus apud aduersarios est, iudicium faciat de cæteris.

B Tilmannus igitur in libro de sexcentis erroribus Pontificiorum, tit. de seruo arbitrio, inter alios, decem & nouem errores de libero, vel (ut ipse loquitur) seruo arbitrio, Romanæ Ecclesiæ attribuit, qui sunt omnes vel manifesta mendacia, vel sententiæ veterum, quas ne ipsi quidem Lutherani negare solent. Tam acri iudicio scilicet Papistarum errores Heshusius colligit.

Primus error: *Liberum arbitrium est facultas rationis & voluntatis, qua bonum eligunt gratia assistente, vel malum eadem desistente.* Item: *Est facultas applicandi sese ad gratiam.* Et citatur Petrus Lombardus lib. 2. dist. 24. At prior definitio desumpta est ex Augustino in Ench. cap. 95. proinde fateri debet Tilmannus, S. August. fuisse Papistam. Posterior est merum somnium Heshusij.

C Secundus error: *Liberum arbitrium, quoad res spirituales, non est prorsus extinctum, sed tantum fractum & attenuatum.* At hoc ipsum accepit Concilium Tridentinum ex Concilio Arausicano, can. 8. Itaque Patres illius Concilij, quod ante annos mille celebratum est, contra Pelagianos, Papistæ omnes, teste Tilmanno, fuerunt.

Tertius error: *Homo ex puris naturalibus potest diligere Deum super omnia.* At hoc scripserunt Scholastici quidem pauci, sed non debet Ecclesiæ Catholicæ tribui opinio paucorum, quam in eadem Ecclesiâ iures & grauiores refellunt.

Quartus: *Potest homo suis viribus implere præcepta Theologicarum virtutum, secundum substantiam operis, ut credere, sperare, diligere.*

D Et citatur Ruardus. At Ruardus in explicatione articuli de libero arbitrio, refert hoc ex aliorum sententiâ, sed non probat. Nec debent Ecclesiæ tribui singulorum somnia. Certe Concilium Tridentinum, cuius vox Ecclesiæ Catholicæ vox est, disertis verbis tradit in sexta sessione, canone tertio, neminem posse sine Dei auxilio credere, sperare, aut diligere sicut oportet.

Quintus; *Gentes potuerunt ex Philosophia eam moriisim comparare, quæ satis est ad salutem consequendam.*

E Et citatur Andradius libro tertio. Atqui Andradius non scribit ex sola Philosophia gentes id potuisse, & non semel in eodem loco repetit, necessarium fuisse gentibus ad salutem, lumen diuinæ gratiæ. Viderit igitur Heshusius, quam bona fide auctores citet, & verum hoc non sit Lectoribus imponere, vel mentiri.

Sextus. *Par libertas à necessitate est in Deo, in Angelis & hominibus.* Item: *Libertas à necessitate inseparabilis est à natura intellectiva.* At hic si error est, Gregorij Nysseni, Anselmi, Bernardi, & omnium sanctorum Patrum est, quos libro superiore citauimus. Quare non parum Tilmanno debemus, quod tam antiquos, & tam doctos ac sanctos Patres Papistas fecerit.

Septimus: *Sine auxilio gratiæ potest homo facere opera Deo grata.* Et citatur Andradius lib. 3. At non dicit hoc Andradius, sed tantum posse hominem facere aliqua opera, quæ non sint peccata, id est, bona moraliter, non quæ Deo sint grata, id est, gratiæ vel gloriæ meritoria.

Octavus: *Synderesis est inclinatio ad bonum.* At qui hoc negat, nescit quid loquatur: nam quomodo, quæso, potest non inclinare ad bonum, lumen humanæ menti à bono conditore infusum?

Nonus: *Synderesis non extinguatur in demonibus.* At hoc docet sanctus Augustinus lib. 2. confession. ca. 4. *Lex, inquit, scripta est in cordibus, quam ne ipsi quidem delectantur inquiras.* Tamen enim non sunt omnino idem synderesis, & lex naturæ, cum synderesis sit ipsum lumen intellectus per modum habitus in nobis manens, lex naturæ sint prima quædam principia practica, quæ lumine illo cognoscuntur, tamen tantum est, esse inseparabilia synderesim, legemque naturæ. Itaque S. Hieronymus, in primum caput Ezechielis scribit, synderesim in ipso etiam Cain post peccatum commissum deleri non potuisse. Sed omnis Patribus, nonne Isaias hoc dicit, cap. vlt. *Ignis eorum non extinguetur, & vermis non morietur.*

Quod item repetit aliquoties Dominus, Marci 9. Verumem autem, qui in damnatis non moritur, synderesim esse siue scintillam conscientiæ, docet Hieronymus, & alij in commentario Isaiæ. Itaque iam non Patres tantum, sed etiam Christum & Iaiā Tilmannus inter errantes Papistas numerare poterit.

Decimus: *Naturalia manserunt integra post peccatum.* At hoc perspicue docet Dionysius Areopagita, libro de divinis nominibus, c. 14. Neque repugnat ei, quod alij dicunt, naturam humanam, per peccatum esse corruptam. Corrupta siquidem est natura per amissionem donorum supernaturalium, non per destructionem alicuius potentiz, aut membri naturalis. *Natura quippe humanæ* (inquit S. Prosper libro contra Collatorem, cap. 26.) *etiam post prævaricationem manet substantia, manet forma, manet vita, & sensus, & ratio, ceteraque corporis & animi bona.* Nec aliud significare volunt, qui inter Catholicos scribunt, naturalia manere integra post peccatum.

Vndecimus: *Mens humana multa per se intelligit, quæ ad cognitionem divinarum rerum pertinent.* At hoc docet Apostolus ad Rom. 1. ubi dicit: *Inuisibilia Dei per ea, quæ facta sunt, cognosci.*

Duodecimus: *Homo post lapsum habet rectum lumen rationis.* At solus eo caret, qui id negat. Certe enim si lumine rectæ rationis omnino privati essemus, nihil à furiosis, vel à bestiis differeremus.

Tertiusdecimus: *Homo accepta prima gratia gratis data, de condigno mereri potest gratiam gratum facientem, & vitam æternam.* Et citatur Gabriel lib. 2. distinctione 27. quæstione prima, ita dicens: *Anima gratia informata per actum à voluntate simul, & gratia elicita, de condigno meretur æterna beatitudinis præmiæ.*

At quis et ederet Heshusium tam stultum, vel stupidum esse potuisse, ut ipse verba citaret quibus mendacia ipsius nullo labore confutareretur? Tantum enim abest, ut Gabriel dicat, hominem de condigno mereri gratiam gratum facientem, ut etiam dicat, non posse mereri gloriam, nisi prius habeat gratiam gratum facientem.

Decimusquartus: *Initium fides à nobis est.* Et probatur ex Gabriele dicente: *Actum meritorium, quantum ad substantiam eius, esse à voluntate, tanquam à causa prima & principali, & à gratia tanquam à causa secunda, siue minus principali.* At somniabat credo, vel phre-

nesi laborabat Heshusius, dum hæc meditaretur. Vbi enim est mentio fidei in verbis Gabrielis? an non loquitur de actu meritorio: qui non solum fidem, sed etiam spem & charitatem prærequirit?

Decimusquintus: *Arbitrium credendi in nostra est potestate.* Et citatur Ruardus, dicens: *In potestate hominis quippe est, in melius mutare voluntatem, sed ea potestas nulla est, nisi deus à Deo.* At hanc sententiam Ruardus desumpsit ad verbum ex Augustino, lib. 1. retract. cap. 22. Neque id ignorare potuit Heshusius, si Ruardum legit. Sed dolus, an virtus quis in hoste requirat?

Decimus sextus: *Homo renatus totam Dei legem implere potest.* Et citatur Concilium Tridentinum, sessione 6. At hoc idem habetur in Concilio Arausicano, canone 25. Imo & Sanctus Ioannes hoc dicit, cum ait: *Qui natus est ex Deo, non peccat, 1. Ioan. 2.* Idem enim esse non peccare, & legem Dei totam implere, docet idem Apostolus, 1. Ioan. 3. cum ait: *Et peccatum est iniquitas, id est, legis prævaricatio.* Itaque iam ipsum etiam Ioannem erroris Pontificij damnare non veretur Heshusius.

Decimus septimus: *Libertas arbitrii est causa efficiens applicationis voluntatis ad gratiam.* Et citatur Andradius, lib. 4. Atqui Andradius in eodem loco adiungit, id non posse liberum arbitrium nisi confirmatum firmissimis divini gratiæ præliis.

Porro voluntatem efficienter concurrere ad eiusmodi actus, adeo certum atque evidens est, ut Kemnitijs Heshusij collega, excusare nitatur Lutherum, quod alicubi scripserit, voluntatem mere passive se habere.

Decimus octavus: *Homo plus præstare potest, quam lex Dei præcipiat.* At id verum esse testatur Dominus, qui Matth. 19. Ei, qui totam legem se implevisse dicebat, ait: *Si vis perfectus esse, vade, vende omnia, &c.*

Decimus nonus: *Perserverantia ex gratia, & libero arbitrio pendet.* At hoc docet S. August. li. de corrept. & grat. cap. 12.

En igitur quales sententijs Heshusius errores Pontificiorum appellare non dubitavit. Sed magis adhuc impudentiam suam prodidit, cum eos refutare aggressus est.

Nam prolatis aliquot Scripturæ sententijs, quæ nihil ad rem faciebant, ita conclusit: *Vbi demonstratum est, quod liberum arbitrium in rebus spiritualibus prorsus sit extinctum, sua sponte corrumpunt omnes reliqui errores Pontificiorum, quos plenis buccis de male libero arbitrio impudenter decantant.*

At neque demonstravit, liberum arbitrium in rebus spiritualibus esse prorsus extinctum, de qua re in 6. lib. differemus; neque si id vere demonstrasset, reliquæ sententiæ, quas ipse perperam vocat errores, sua sponte corruerent. Quales enim essent istæ consecutiones? liberum arbitrium in rebus spiritualibus nihil potest, igitur non est facultas rationis, aut voluntatis; vel, igitur synderesis non est inclinatio ad bonum, aut non remanet in demonibus; vel, igitur gentes per philosophiam non habuerunt notitiam, quæ sufficit ad salutem. Sed his nugis omissis, ad sciam veniamus.

CAPVT XIV.

Probatur libertas arbitrii in moralibus, argumento ducente ad impossibile.

ASSERENDA nunc est veritas orthodoxa, quæ docet, hominē in statu naturæ corruptæ libe-

ro arbitrio prædictum esse, quoad moralia. Quoniam autem Ioannes Calvinus libro 2. Institutionum, ca. 5. argumenta Catholicorum certo ordine disposuit, eaque ut potuit, soluit, aut soluisse videri voluit, nos ab illis initium ducemus, & eodem ordine non solum Catholica argumenta, sed etiam ipsius responsiones proponemus, ut ex illarum refutatione Lector intelligat, argumenta Catholicorum solidissima esse, neque hæreticis machinationibus labefactari posse. Calvinus igitur in duos ordines argumenta nostra distribuit, in priore constituit rationes ducentes ad impossibile, in posteriore rationes ostensivas ex verbo Dei.

PRIMUM Catholicorum argumentum eiusmodi est: *Aut peccatum est necessarium, aut voluntarium; si est necessarium, igitur non est peccatum, ac per hoc peccatum non erit peccatum, quod fieri non potest: si est voluntarium, igitur vitari potest: & proinde homo est liberi arbitrij in moralibus. Quippe qui potest peccare & non peccare. Quod argumentum sumptum est ex Augustino, in libro de vera religione, cap. 14.*

Ad hoc argumentum, respondet Calvinus, peccatum esse necessarium & voluntarium simul, & negat utramque partem consecutionis, videlicet, ergo non est peccatum, si est necessarium, & ergo vitari potest, si est voluntarium.

Et quidem de posteriore parte non erit magna questio, si collatur ambiguitas. Nam ipse per voluntarium intelligit spontaneum, seu liberum à sola coactione, quale est etiam in pecoribus, & hoc modo voluntarium non pugnat cum necessario & inevitabili. Nos autem accipimus voluntarium pro libero à necessitate, alioqui inepte diceremus, aut est necessarium, aut est voluntarium, si voluntarium non opponeretur necessario. Eodem etiam modo accepit voluntarium S. August. loco citato, id est, lib. de vera religione, c. 14. ut patet ex illis verbis: *Quod nullo modo fieri posset, si non voluntate, sed necessitate seruirent.* Et infra, cum dixisset, Adamum volutarie peccasse, reddit rationem. *Quoniam, inquit, si necessitate fecisset, nullo peccati crimine teneretur.*

Itaque consequutio illa, si peccatum est voluntarium, ergo vitari potest, non fuisset à Caluino negata, si voluntarium accepisset, ut accipere debebat, id est, ut ipsa nostri argumenti verba postulabant.

Priorem vero partem consecutionis cur negauerit, Quatuor causas reddit.

PRIMAM, quoniam idem argumentum aliquando Pelagiani contra Augustinum protulerant.

SECUNDAM, quoniam peccata hominum, licet sint necessaria, tamen ideo sunt vere peccata, quia non nascuntur ex creatione, sed ex corruptione naturæ, quam corruptionem peccatum primi hominis peperit.

TERTIAM, quia diabolus necessario semper male agit, & tamen vere peccat, & Angeli sancti necessario semper bene operantur, & tamen vere bona sunt ipsorum opera.

QUARTAM, quia sanctus Bernardus serm. 81. in Cantica scribit, hominem post peccatum non posse vitare alia peccata, & tamen vere proprieque peccare.

Addit Calvinus in lib. 4. aduersus Pighium.

QUINTAM causam ex Aristotele, lib. 3. Ethicorum, ca. 5. ubi docet Philosophus, hominem sponte fieri malum, cum posset non fieri, sed ubi talis effectus est, iam necessario esse malum: sicut qui ægrotus, sponte & libere in morbum incidit, quia noluit vitare res noxias, cum eas facile posset vitare, tamē po-

Astea quàm ægrotus factus est, necessario male valet: *Itaque (inquit Calvinus) primus homo sponte ac libere peccando naturam corripit, sed iam corrupta natura necessario male operatur.*

Addamus **SEXTAM** causam ex Bucero & Kemnitione, qui probant, legis præuaricationem semper esse peccatum, siue sit voluntaria, siue necessaria, quoniam in priore Ioannis epistola, cap. 3. peccatum definitur *avopu*, id est, legis præuaricatio. Iam igitur si causas istas nihil ponderis habere demonstrauerimus, argumentum illud Catholicorum robur suum ac vires integre retinebit.

B Ad **PRIMAM** causam Respondeo, non eandem esse questionem, neque idem argumentum, quod nos obijcimus Caluino, & quod olim Pelagiani obiecerunt Augustino. Nam questio Pelagianorum non erat, an singula peccata vitari possent, sed an posset homo vivere sine omni peccato, etiam veniali, ut intelligi potest vel ex ipso titulo libri, de Perfectione iustitiæ, quem Calvinus citat. Respondit vero ad eam questionem Augustinus, ante peccatum Adæ fuisse in homine libertatem viuendi sine omni peccato, nunc autem esse necessitatem habendi aliquod peccatum. Ideo autem hæc necessitas habendi peccatum, non facit, quo minus peccatum sit vere peccatum, quoniam possunt vitari singula, quamuis non omnia. De qua re plura paulo infra dicenda erunt.

C Ad **SECUNDAM** de corruptione naturæ, Respondeo, ex doctrina eiusdem Caluini. Ipse enim loco notato scribit, si peccata nostra orirentur ex corruptione nobis à Deo concreata; iustam excusationem peccatorum nos habituros apud Deum, tanquam nostrorum criminum auctorem. At ipse idem libro tertio Institut. ca. 23. scribit, peccatum primi hominis, ex quo naturæ corruptio orta est, fuisse Dei decreto, & inevitabili voluntate commissum. Habemus igitur excusationem apud Deum, si ex corruptione, in quam eius decreto incidimus, & non ex nostra libera voluntate peccamus. Præterea naturæ corruptio ex doctrina Caluini, est ipsum originale peccatum, peccatum autem originale dimissum est in baptismo, vel ut non sit iuxta veritatem, vel certe ut non imputetur iuxta Caluini sententiam: igitur neque peccata illa imputari poterunt, quæ ex ea corruptione nascuntur; nisi accedat noua causa imputandi, id est, quod ita libera voluntate iam fiant, ut etiam vitari potuerint.

D Ad **TERTIAM**, de peccatis dæmonum, & bonis operibus Angelorum, Respondeo, tam Angelos sanctos, quàm malos dæmones, respectu finis ultimi, non habere liberum arbitrium à necessitate, sed solum à coactione: tamen respectu mediorum, liberum arbitrium etiam à necessitate habere, quia multa faciunt, quæ possunt non facere, & contra; & in huiusmodi, dæmones vere peccare, & bonos Angelos opus vere laudabile facere: quamuis nec pœna, nec præmium essentiale crescere possit, cum utrique sint in termino, & omnia ipsorum opera ad exercitium damnationis, vel gloriæ sempiternæ pertineant.

Itaque propositio illa Caluini, dæmones semper necessario male agunt, in aliquo sensu falsa est, in aliquo vera. Verum siquidem est in genere, eos non posse nisi male agere: falsum tamen est in particulari, omnia mala, quæ faciunt, illos necessario facere, possunt enim (ut diximus) multa non facere, quæ faciunt, & ideo non necessitate, sed voluntate peccata committunt.

Ad **QUARTAM**, ex Bernardo respondimus,

in tertio libro, cap. 6. summa est, hominem peccatorem, dum in eo regnat cupiditas, non posse vitare peccatum, absolute autem posse, quia potest cum Dei adiutorio cupiditatem exuere & induere charitatem.

Ad QUINTAM ex Aristotele respondeo, testimonium illud Philosophi nihil ad rem propositam facere. Nam loquitur ille de habitu vitij, nos loquimur de actu.

Quamvis autem, qui malum habitum contraxit, non possit illum continuo expellere, & necessario fit vitiosus, sicut ægrotus necessario male valet post contractam ægitudinem: tamen potest actum malum non exercere, cum habitus inclinent, sed non cogant, & ideo non necessitate, sed voluntate perfici actum malum, & vere proprieque peccat etiam ille, qui vitiosus habitus male viuendo contraxit. Sed quale est, ut Calvinus ab Aristotele subsidium contra libertatem arbitrij postulet, cum ille Philosophus in libro 3. Ethicorum, libertatem arbitrij studiosissime accuratissimeque defenderit?

Ad SEXTAM, ex definitione peccati, Respondeo, In definitione peccati virtute contineri liberum arbitrium. Lex enim, quæ in ea definitione manifeste ponitur, non datur nisi ijs, qui liberum gerunt arbitrium. Nihil enim est aliud lex, nisi regula dirigens actiones: Frustra autem datur regula ei, qui non habet in potestate actiones suas. Alioqui reddant aduersarii causam cur bestiis nullæ præscribantur leges, si ad legis usum non requiritur libertas arbitrij. Atque hinc rursus confirmatur, & insolubilius efficitur argumentum illud, quod frustra Calvinus solueri conatus est. Nam si quod sponte fit, licet necessario fiat, potest esse peccatum proprie dictum, cur non vere proprieque peccant infantes, furiosi, pecudes?

CAPVT XV.

Adfertur & defenditur secundum argumentum, pro libero arbitrio in rebus moralibus.

ARGUMENTUM SECUNDUM Catholicorum à Caluino propositum, atque (ut ipse falso credidit, etiam solutum) tale est: Si non sit in homine libertas arbitrij, nullus erit pænæ aut præmio locus, id autem communi totius humani generis consensu, sensuque refellitur. Quod argumentum depromptum est ex Augustino, in eodem capit. 14. eiusdem libri, de vera religione.

Ad hoc argumentum Calvinus tria dicit, PRIMO, fuisse quidem hanc ratiocinationem Chrysostomo & Hieronymo familiarem, eadem tamen vfos esse quandoque Pelagianos. SECUNDO, non sequi, nullum fore locum pænæ, si nulla sit in homine libertas arbitrij. Nam pænæ debetur culpæ; culpa vero in nobis residet, & à nobis manat: Quid enim refert, inquit, liberone, an seruilis iudicio, modo voluntaria cupiditate peccetur? TERTIO addit, recte bona merita excludi ex eo, quod non sit in homine liberum arbitrium: neque id esse absurdum, cum testimonio sancti Augustini, Deus non coronet merita nostra, sed munera sua. Et citat aliquot loca sancti Augustini, adiunctis etiam quibusdam testimoniis diuinæ Scripturæ. Videamus nunc, quid ponderis habeant tria ista dicta Caluini.

Ad primum, refert alia tria. Primum, Dico, si propterea nos Pelagiani censendi sumus, quoniam utimur argumento, quo utebantur olim Pelagiani, certe Calvinus, eiusque sodales Manichæi censendi erunt, quoniam eodem argumento, quo nos utimur

A contra Caluinum, utebantur olim Chrysostomus, Hieronymus, August. alique Patres veteres, contra Manichæos.

Secundo, quæro à Caluino quandoquidem ipse dicit, eodem argumento vfos fuisse Hieronymum & Pelagium, idem ne eos probare voluisse, an diuersa? Nam si probare volebant diuersa, nõ erit verum, eodem illos argumento vfos. Neque enim fieri potest, ut homines non stulti, quales certe non erant Hieronymus & Pelagius, idem argumentum ad res diuersas probandas adhibere voluerint. Si probare volebant idẽdem igitur sentiebant Hieronymus & Pelagius; quomodo igitur Hieronymus tam acriter pugnabat contra Pelagianos, si idem cum Pelagio sentiebat? Sed his omisis.

B Dico tertio, ex eodem principio duxisse argumentum Patres nostros, & Pelagium, sed argumentum Patrum nostrorum fuisse plane ferreum, Pelagii vero arundineum. Chrysost. enim & Hieronymus contra Manichæos efficacissime probant ex pœnis & præmiis arbitrij libertatem, quod nos eorum Patrum filii modo facimus, contra Manichæorum filios Calvinistas: & idem fecerunt Augustin. alique Patres omnes cõtra eosdem hæreticos Manichæos, quorum testimonia suo loco proferentur.

C Pelagiani autem ex pœnis & præmiis probare nitentur, non liberum arbitrium non esse, sed gratia non indigere, sic enim ex Pelagianis Calvinus ipse refert: Si gratia Dei in nobis agit, illa ergo, non nos, qui non laboramus, coronabitur. Quod argumentum non minus debile est, quàm contrarium Calvinistarum, qui ex gratiæ necessitate contendunt, nullam esse arbitrij libertatem. Siquidem adiutorium gratiæ, & libertas arbitrij non pugnant inter se, neque vnum alterum destruit aut impedit, sed mirifice potius alterum iunatur ab altero, quemadmodum infirmus & baculus Neque enim infirmus sine baculo ambulare potest, ipse tamen adiutus baculo vere ambulat, & libere etiam ambulat, cum possit, si velit, non ambulare. Atque hæc de primo Caluini dicto.

D Ad SECUNDUM breuiter respondeo, Caluinum peccatum illud committere, quod Dialectici vocant petitionem principij. Assumit enim id, quod probare debuisset, culpam videlicet in nobis residere, & à nobis promanare, etiam si necessitate adacti operemur, nec peccatum vlla ratione vitare possimus. Id enim est positum in controuersia, sit ne vera culpa, quæ vitari non potest.

Cum autem rogar, quid referat, liberone, an seruilis iudicio, modo voluntaria cupiditate peccetur? Respondeo, tantum referre, quantum interest inter hominem & pecudem. Nam quemadmodum animal est genus ad hominem & pecudem ita voluntarium, id est, spontaneum, ad liberum & non liberum. Itaque homo peccat, quia sponte libereque agit, pecudes non peccant, quia spontaneæ, sed non libere operantur.

E Ad postremum Caluini dictum Respondeo, ipsum à se destrui, atque euerri. Nam si non est locus bono merito sine libero arbitrio, eadem ratione nõ erit locus malo merito, eadem enim libertas ad bonum & malum meritum, ac præmium & pœnam requiritur. Itaque cum Calvinus ad argumentum illud, si nulla est arbitrij libertas, nullus erit pænæ aut præmio locus, negat consecutionem quantum ad pœnas, & concedit quantum ad præmia, vna parte responsionis alteram euerit.

At fortasse non fuit tam ineptus, ut cum negasset consecutionem quoad pœnas, eandem postea concederet quoad præmia. En igitur verba ipsius libri secundi Institutionum, ca. 5. §. 2. Acute sane (inquit)

ctione sua bonos facere, alios relinquere ut sint mali.

At nos imprimis existimauimus, Caluinum non exgere laturum, si velimus potius Chrysostomum & Prosperum sequi, & audire, quam ipsum, præsertim cum rem eandem post Chrysostomum & ante Prosperum, scripserit Augustinus in libro de spiritu & littera, c. 34. Deinde dicimus, argumentum illud Catholicorum solidissimum esse, neque per diuinam electionem & reprobationem villo modo posse dissolui. Nam electio diuina, ut homines faciat bonos, prærequirit in illis arbitrii libertatē. Alioqui etiam infantes & furiosos immo etiā boues, & equos posset electio facere bonos moraliter, si libertas arbitrii ad moralem bonitatem non requireretur. Itaque recte scribit S. Bernardus, initio libri de gratia & libero arbitrio, sine altero horum, salutem perfici non posse. Nam si non est liberum arbitrium, non est quod saluetur, si non est gratia, non est unde saluetur. Et eodem modo dici potest, si non est liberum arbitrium, non est quod bonum fiat, si non est gratia, non est unde fiat. Non igitur essent alii boni, alii mali, nisi esset libertas arbitrii.

Præterea cur inter malos alii sunt aliis deteriores, certe non potest causa referri in electionem diuinam, cum illa non faciat, sed fiat esse malos. Vnde igitur tanta diuersitas inter homines malos, ut alij multa vitia detestentur, quibus alij mirifice delectantur, & alij modice, alij mediocriter, alij extreme sint mali, nisi propter arbitrii libertatem?

Denique cur inter bonos alii proficiant in dies magis, & perseuerent vsque in finem, alii deficient, & misere cadant, ac pereant, non potest reddi ratio, nisi sit in homine liberum arbitrium. Siquidem electio Dei nulli est causa cadendi, neque Deus vllum deserit, nisi prius ab illo deferatur, ut S. Augustinus docet, in libro de natura & gratia, cap. 16. tractatu 2. in Ioannem & alibi. Immo Scriptura ipsa hoc docet, in secundo libro Paralipomenon, cap. 15. Dominus vobiscum est, quia vos fuistis cum illo, vel clarius secundum interpretationem septuaginta virum: *Quamdiu vos estis cum illo. Si dereliqueris eum, derelinquet vos.* Et in Psalmo trigesimo sexto. *Declina a malo, & fac bonum, & inhabitabis in seculum seculi, quia Dominus amat iudicium, & non derelinquet sanctos suos.* Illi igitur qui fiunt ex bonis mali, poterant non fieri, quia non desererentur a Deo, nisi prius ipsi desererent Deum, ac per hoc libere fiunt mali. Quare nisi esset libertas arbitrii, ut argumentum Catholicorum recte probat, non esset ista, quam cernimus inter homines, bonorum, malorumque diuersitas.

CAPVT XVII.

Proponitur & defenditur argumentum quartum, pro libero arbitrio in moralibus.

ARGVMENTVM QVARTVM, idemque postremum, quod addit Caluinus pro Catholicis eiusmodi est. Si tollatur liberum arbitrium ab humano genere in actionibus morum, simul etiam tolli necesse erit cohortationes, obiurgationes, laudes, vituperationes, præcepta, consilia, monita, & alia id genus. Quorsum enim laudes, aut vituperes, & admones, præcipias, reprehendas, horteris, si non possunt homines aliud facere, quam faciunt? Desumptum est autem hoc argumentum ex Augustino, in libro de vera religione, c. 14.

Respondet Caluinus duobus modis, PRIMVM admonet, ut contenti simus exemplis Christi & Sanctorum. Christus enim dixit: *Sine me nihil potestis*

facere, Ioannis decimo quinto, & tamen hortabatur & corripiebat omnes. Apostolus quoque testatus est, Roman. 9. *Non esse currentis, neque volentis, sed miserentis Dei.* Et primo ad Corinthios tertio. *Neque qui plantat esse aliquid, neque qui rigat, & tamen hortari & corripere omnes non cessabat.* Ipsi etiam Prophetæ hortabantur & corripiebant homines assidue, & tamen clamabant: proprium esse Dei circumcidere corda, & pro lapideis, dare carnem. Denique Sanctus Augustinus propter hanc ipsam objectionem scripsit integrum librum, quem nominari voluit de correptione & gratia. In quo libro, c. 3. sic ait: *O homo in præceptione cognosce, quid debeas habere, in correptione cognosce, tu te vitio non habere, in oratione cognosce, unde accipias quod vis habere.* Et ca. 6. *Corruptior origo damnabilis, ut ex dolore corruptionis voluntas regenerationis oriatur, si tamen qui corrumpitur, filius est promissionis.*

Deinde respondet, correptiones & exhortationes viles esse, etiam si non adsit liberum arbitrium: nam reprobis adhiberi ad flagellum conscientia in hac vita, & ad testimonium in alia, ut inexcusabiles ad Domini tribunal efficiantur, electis autem ut per verbum exterius excitentur, sicut per spiritum intus illuminantur, & ad gratiam recipiendam per externam verbi correptionem præparentur. Sed utraque Caluini responsio paruo negotio refutari potest.

C Quod enim ad priorem attinet, nos ex Christi & Sanctorum exemplis liberum arbitrium efficaciter probari existimamus. Quoniam enim nemo, nisi prorsus iudicio careat, hortatur, aut corripit infantes, vel insanos, sed solum adultos & mentis compostes, colligimus eos duntaxat hortationis & correptionis capaces esse, qui liberi arbitrii vsum habent: non enim aliud interest, inter homines insanos & sanos, nisi quod illi more pecudum, naturalis quodam instinctu teruntur, nec possunt aliter facere: illi libero iudicio eligunt, quid agant, & possunt, si ita libitum fuerit, non eligere. Itaque simile esset hortari hominem non liberum, ad eligendum bonum, & corripere, si non eligat; ac si quis hominem in carcere conclusum, hortaretur ad currendum per campos & reprehenderet, si non pareret.

D Refellit hanc similitudinem Caluinus: aliud enim esse dicit, hominem tyrannice ligatum ab alio, non posse per campos discurrere: aliud, hominem proprio vitio effectum malum, iam non posse eligere bonum. At finge aliquem, qui sua culpa in puteum lapsus fuerit; vitum is recte admoneretur, ut exiret & obiurgaretur nisi pareret? Obiurgaretur quidem recte, quod in puteum se deiecisset, cum in potestate haberet, non se deicere, at non recte obiurgaretur, quod non inde emergetet, si id iam in eius potestate non esset.

Ad objectiones illas ex Scriptura: *Sine me nihil potestis facere.* Et: *Non est volentis, neque currentis.* Et: *Neque qui plantat est aliquid, neque qui rigat.* Respondeo, recte probari his testimoniis, liberum arbitrium egere gratia Dei. Cæterum eam gratiam, quæ necessaria est ad faciendum, quod deus præcipit, vel ad quod hortatur, nemini deesse: & ideo (ut sanctus Leo scribit sermone decimo sexto, de passione Domini) recte Dominum iurare præcepto, quia præcurrit auxilio.

Ad objectionem ex Augustino, in lib. de correptione & gratia. Respondeo, Augustinum in toto eo libro pro certo assumere, eis qui corripiuntur non deesse auxilium gratiæ, quo possint, si velint ex correptione proficere. Nam cum dicit, capite tertio:

O homo in preceptione cognosce, quid debeas habere, in correptione agnosce, te tuo vitio non habere, in oratione cognosce, unde accipias quod vis habere. Certe non dubitat, ei qui corripitur, & iubetur orare, auxilium non deesse, quo possit orare. Et cum capite quinto dicit: *Quicumque corripitur non vis, ideo corripendus es, quis corripitur non vis.* Non vis enim tibi tua vitia demonstrari. Pro comperto ponit, eum hominem, qui reprehenditur, quia non vult corripitur, potuisse velle correptionem admittere. Et capite sexto, cum dicit: *Corripitur origo damnabilis, ut ex dolore correptionis voluntas regenerationis oriatur.* Sine dubio ut certum sumit, eum qui corripitur, posse dolere & erubescere, & ex eo dolore concipere desiderium vite melioris. Alioqui stultissimus esset, qui ea de causa corripitur peccatorem, ut in eo ex dolore correptionis oriretur voluntas regenerationis, nisi crederet eum posse dolere, si velit; alias enim adhiberet causam, quam sciret, nihil efficere posse. Illa vero correctio (*si tamen is qui corripitur, filius est promissionis*) non significat eum, qui non est filius promissionis non posse conuerti, sed non conuertendum reipsa, licet conuerti possit. Nam idem Augustinus in eodem libro, capite septimo, apertissime scribit, posse perseverare etiam eos, qui reipsa non sunt perseveraturi, & merito argui & puniri, quia non perseverant. *Potest enim dici ei, in eo quod audieras & tenueras, perseverares, si velles.*

Ac ut clarissime perspicatur, librum hunc de correptione & gratia, nihil omnino Caluini causam adiuvare, observandum est, eodem tempore scripsisse Augustinum librum de correptione & gratia, & librum de gratia & libero arbitrio, & epistolam quadragesimam sextam, omnia enim hæc scripta sunt ad Valentinum, occasione quorundam eius Monachorum, qui gratiam Dei sic defendebant, ut liberum arbitrium denegarent. In epistola igitur illa 46. ad Valentinum utitur Augustinus hoc ipso nostro argumento, quod Calvinus ex Augustino solvere nititur: *Nis esset, inquit, liberum voluntatis arbitrium, non diceretur in Psalmo, Intelligite insipientes in populo, & stulti aliquando sapite.* Vbi probat Augustinus ex admonitione & correptione liberum arbitrium. Et similia habet in libro de gratia & libero arbitrio, capite secundo. Quomodo igitur credibile est, Augustinum in libro de correptione & gratia ad Valentinum scripto, destruere voluisse, quæ scripserat eodem fere tempore, & eadem occasione ad eundem Valentinum? Atque hæc de prior responsione Caluini.

Venio ad Posteriores, in qua Calvinus pro sua summa scientia Dialecticæ principium petit. Nam cum dicit, reprobos ideo corripandos esse, tamen si necessario peccent, ut correptio sit illis in hac vita flagellum conscientie, & in altera testimonium, quod eos reddat ad tribunal Domini inexcusabiles, omnino pro certo assumit, id quod necessario fit, posse esse peccatum proprie dictum. At de hoc ipso tota nostra controuersia est. Itaque nego correptionem futuram esse flagellum conscientie illi: qui libertate arbitrij careat, nego etiam facturam illum coram Deo inexcusabilem. Immo hoc ipsum illum, & in conscientia, & coram Deo facillime excusabit, si vere dicere poterit, se non libera voluntate, sed cogente necessitate peccasse.

At, inquit Calvinus, *experientia testatur peccatores etiam perditissimos sentire flagellum conscientie, quando corripuntur.* Fateor, sed hinc libertas arbitrij apertissime comprobatur. Propterea enim flagellantur & erubescunt, quoniam conscientie sunt ipsi sibi, se potuisse

peccatum vitare, si studium adhibere voluissent.

Pari ratione altera pars eiusdem responsionis, quæ habet corripere electos, ut præpararetur per verbum extremum ad renovationem internam, confirmat liberum arbitrium. Nam si corripitur, qui peccauit, ut præparet se ad renovationem, ergo qui corripitur, non vult præparari, & tamen potest velle præparari ad renovationem; si enim vult præparari, quorsum corripitur? Si non potest velle præparari, nonne etiam frustra corripitur?

Sed non solum hac posteriore responsione Calvinus argumentum Catholicorum non soluit, sed incidit in plures laqueos, unde non facile se expediat. Scripsit enim per hortationem præparari electos ad recipiendam gratiam, qua ipsi hortationi pareant. Nam hæc sunt verba ipsius, libro secundo Institutionum, cap. 5. §. 5. *Ad recipiendam hanc ipsam gratiam, qua fit ut hortationi pareatur, per hortationem vult nos præparari.* Et infra: *Bisariam Deus in electis suis operatur, intus per spiritum, extra per verbum: spiritum mentes illuminando, corda in iustitia amorem, cultumque formando nonnam eos creaturam facit: verbo ad eandem renovationem expetendam, querendam, assequendam excitat.* Hæc ille.

Ex his verbis sequitur PRIMO, posse hominem sine gratia per verbum externum præparari ad gratiam, eamque expetere & querere. Nam distinguit Calvinus operationem verbi ab operatione spiritus, & priorem esse vult operationem verbi, qua homo præparatur ad gratiam, posteriorem operationem spiritus, qui gratiam ipsam adfert. At hic est error Pelagianus, quem Calvinus refellere se velle dicit. Quomodo igitur non pugnat secum, qui illum ipsum errorem docet, quem refutare studet?

Respondet Calvinus libro quarto, aduersus Pighium, ministerium verbi vocari ministerium spiritus, quoniam Deus per spiritum suum inculpat in cordibus hominum id, quod prædicator verbi non ante, nec post, sed simul ad aures loquitur: ita simul omnino fieri externam operationem per verbum, & internam per spiritum.

At responsio ista non soluit nodum, sed magis ligat. Nam Deum inculpare in cordibus verbum exhortationis, vel est persuadere illud efficaciter, & per hoc facere ut homo assentiatur; Vel est efficere, ut cogitetur, vel intelligatur, non tamen persuadeatur. Si dixerit PRIMUM, pugnat liber iste quartus aduersus Pighium cum libro secundo Institutionis. Nam in li. 2. Institutionis ut iam citauimus, disertis verbis Calvinus dicit, per verbum hominem præparari ad illam gratiam spiritus desiderandam & querendam, qua fit ut verbo pareatur, proinde priorem esse operationem verbi præparantis, quam spiritus intus persuadentis: In lib. autem quarto contra Pighium dicit, utramque esse simul, & sine alia præparatione verbum extra prolatum intus à spiritu inculpi, id est, efficaciter persuaderi. Si dixerit SECUNDO, non excludet errorem Pelagianum. Non enim satis est gratia ad cogitandum, & intelligendum secundum fidem Catholicam, sed requiritur gratia ad desiderandum & querendum, & omnino ad præparandum se ad renovationem. Neque Augustinus à Pelagianismo excusaret eum, qui diceret post verbum exhortationis ante corporis auditum, & corde perceptum, posse suis viribus expetendo, & querendo gratiam, ad eam se præparare.

Sequitur SECUNDO, ex illis verbis Caluini, supra citatis, posse ante renovationem hominis, quæ fit per spiritum, ex ipso homine aliquid boni exprimi, desiderium videlicet ipsius renovationis, & præparationem ad eandem. At hoc aperte repugnat ijs, quæ idem

Calvinus scribit in eodem secundo libro Institutionis ca. 3. §. 6. ubi dicit, nihil unquam boni ex corde humano exprimi posse, nisi penitus aliud fiat per renovationem, id est, nisi ex lapideo fiat carneum. Neque enim negari potest, quin sit bona præparatio & cupiditas renovationis, quæ sit per verbum in corde nondum renovato.

Sequitur TERTIO, Præparationem istam esse priorem & posteriorem ipsa renovatione, quæ tam repugnantia sunt. Nam secundum principia Calvinii, & omnium huius temporis hæreticorum, renovatio hominis fit per solam fidem. Fides autem secundum Scripturas præcedit orationem. *Quomodo enim innocabunt, in quem non crediderunt?* Roman. primo. Et præterea oratio nisi fiat ex fide, nihil valet. Renovatio igitur præcedit orationem, ac per hoc desiderium, & inquisitionem & præparationem, & tamen præparatio desiderium, & inquisitio præcedunt renovationem, quia nemo se præparat ad id, quod iam habet, neque considerat, quod iam accepit, neque inquit, quod iam inuenit. Præparatio igitur præcedit renovationem, & renovatio præparationem.

CAPVT XVIII.

Prima classis Scripturarum pro libero arbitrio in moralibus.

IN SECUNDO ordine argumentorum Catholicorum collocantur à Calvino testimonia Scripturarum, quæ ipse reuocat ad quinque classes, ut multa argumenta vnica responsione confutet.

PRIMA igitur classis continet ea testimonia, quæ præcipiunt aliquid homini faciendum, vel non faciendum. Talia sunt: *Non habebis Deos alienos, Non assumes nomen Dei tui in vanum, Honora patrem tuum, & matrem tuam.* Et alia quæ numerantur Exod. 20. Cuius generis testimonia colligit Augustinus vsque ad triginta duo, in libro de gratia & libero arbitrio, capit. 2. Ex his testimoniis conficitur hoc argumentum. *Præceptum est regula bene viuendi, frustra autem datur regula ei, qui non potest deficere, aut non potest non deficere, solum liberum arbitrium est, quod in via morum potest deficere, & non deficere; igitur frustra homini præceptum à Deo datur, si caret libero arbitrio, nihil autem facit Deus frustra, igitur non caret homo libero arbitrio.*

Respondet ad hoc argumentum CALVINUS, sed ita respondet, ut multa dicendo nihil dicat. Ait PRIMVM, legem non esse frustra, quamuis detur homini carenti libero arbitrio, quoniam non datur solum ut sit norma viuendi, sed propter alias etiam causas, quarum vna est, ut per eam cognoscatur peccatum, ut Apostolus scribit ad Rom. 3. Ait SECUNDO, in Scripturis non tantum inueniri legem præcipientem, sed etiam promissionem gratiæ adimplentis, ut hinc intelligamus legis impletionem non esse ex libero arbitrio, sed ex dono gratiæ. Atque hoc fusissime probat ex diuinis litteris, & S. Augustini testimoniis. Ad EXTREMVM concludit, legem esse impossibilem, & non inde probari libertatem arbitrii, sed gratiæ necessitatem.

Sed PRIOR illa responsio satis frigida est. Nam etiam si lex habeat multos fines, tamen habet etiam istum, ut sit norma viuendi, & ratione huius finis exigit in homine necessario arbitrii libertatem. DEINDE, nonne hoc ipsum, quod est per legem cognosci peccatum, & legem normam esse viuendi, in idem recidunt? ideo enim datur lex per quam cognoscatur peccatum, ut cognitum vitetur, & hoc modo sit

lucerna pedibus nostris, & regula recte viuendi.

AT (inquit Calvinus) apostolus dicit, datam esse legem, ut superabundet peccatum, ad Rom. 5. RESPONDEO, non esse Apostoli mentem, legem datam fuisse à Deo, ut per eam peccatum cresceret: nam si ita esset, lex mala fuisset, & tamen idem Apostolus ad Rom. 7. dicit: *Lex quidem sancta, & mandatum sanctum, & iustum & bonum.* Significat igitur eo loco B. Paulus, legem datam quidem fuisse ad peccatum vitandum, sed non potuisse efficere ut peccatum vitaretur, sed contra potius occasionem fuisse per accidens, ut peccatum superabundaret. Quoniam enim ut ille ait, *Nitimur in vetitum semper, cupimusque negata.* Homines peccato prius hominis deprauati occasione accepta, ex prohibitione legis magis ad peccandum exarserunt. Itaque B. Paulus bis repetit in illo cap. 7. occasione accepta per legem peccatum magis inualuisse.

Illud igitur, ut non significat causam, sed euentum, cum dicitur, *lex subintravit, ut abundaret peccatum.* Similis locus est in lib. 3. Regum, cap. 17. *Quid mihi & tibi vir Dei? intrasti ad me, ut interficeres filium meum.* Sciebat illa sine dubio, non ad hoc venisse Heliam, ut interficeret filium eius, sed significare voluit, occasione præsentia viri tam sancti & iusti, non potuisse peccata sua manere diutius impunita, & ideo interfectum à Deo filium suum, quasi ad hoc ipsum Propheta venisset. Sic igitur dicit B. Paulus, occasione legis peccata creuille, quasi ad hoc ipsum data lex fuisset. Et eundem sensum habent illa omnia: *Lex iram operatur, littera occidit, virtus peccati lex.* Et similia.

POSTREMO CALVINI responsio plane est extrema. Non enim disputamus hoc loco, possit ne lex solis naturæ viribus adimpleri, nec ignoramus, auxilium gratiæ esse modis omnibus necessarium, cum lex sola non faciat iustos, sed contra potius per gratiam iustificati faciant legem. Sed questio nostra est, verum posito auxilio gratiæ homo sit vere liberi arbitrii, ita ut possit legem implere, vel eandem, si maluerit, præuicari. Quomodo si quis querat, an possit homo pro arbitrio videre, & non videre; non oportet obicere, quid si lumen absit? intelligitur enim questio politis omnibus quæ necessario requiruntur.

Nos igitur dicimus, posito auxilio necessario, quodcumque illud sit, hominem vere proprièq; liberum esse in moralibus, atque id probamus, quoniam alioqui lex omnis frustra data esset. Ad hoc autem Calvinus nihil omnino respondit, sed ad aliam questionem, satis callide, pro suo more diuertit.

Porro nostrum argumentum efficacissimum esse, vel ex eo cognosci potest, quod eo pene solo vititur S. AUGUSTINUS in lib. de gratia & libero arbitrio, ad illud ipsum probandum aduersus imperitos quosdam Monachos, quod nos aduersus Calvinistas probare contendimus. Sic enim ait capite secundo: *Reuelauit nobis Deus per Scripturas sanctas, esse in homine liberum voluntatis arbitrium. Quomodo autem reuelauerit, commemoro non humano, sed diuino eloquio. Primum quia ipsa diuina præcepta, homini prædesunt nisi haberet liberum voluntatis arbitrium. Et infra: Quomodo inbet, si non est liberum arbitrium? Et infra: Iam multa mandata quid ostendunt, nisi liberum arbitrium voluntatis humana? Et infra: Nempe ubi dicitur, noli hoc & noli illud, & ubi ad aliquid faciendum, vel non faciendum in diuinis monitis opus voluntatis exigitur, satis liberum demonstratur arbitrium. Hæc ille.*

CAPVT XIX.

*Secunda classis Scripturarum pro libero arbitrio
in moralibus.*

ALTERA classis continet ea testimonia Scripturarum, quibus promittitur nobis aliquid à Deo sub conditione, si voluerimus. Itaque primo: *Si volueritis & audieritis me, bona terra comedetis, si nolueritis, gladius deuorabit vos.* Amos quinto: *Querite bonitatem, & non malitiam, & uiuete.* Matthæi decimo nono: *Si uis ad uitam ingredi, serua mandata.* Ex his, & aliis similibus locis, quæ in Scriptura passim occurrunt; tale conficitur argumentum: Aut est in potestate nostra prestare conditionem oblatam: aut non est: si detur primum, demonstratur liberum arbitrium: si secundum, illa non est vere sub conditione promissio, sed manifesta irrisio. Non secus ac si quis branium proponeret, ac præconis uoce clariari iuberet, ut qui uoluerint currant, dandum enim branium ei, qui ceteros currendo superauerit: deinde paucos quosdam uisiteret ad branium, alios uinculis, & catenis constringeret, ne se commouere possent.

Respondet CALVINUS, non esse absurdum, ut Deus aliquid sub impossibili conditione polliceatur. Constare enim ipsi rationem suam cur hoc faciat. Nam impiis quidem proponere eiusmodi promissa, ut eis quam sint indigni diuina benignitate testetur: sicut etiam præceptis suis eosdem punit, ne nimis suauiter in peccatis delinquant. Pius autem eisdem promissiones proponere, ut quia præceptis ignauia nostra non satis acuitur, promissionum dulcedine ad eorum amorem alliciatur.

At non querimus nos hoc loco, cur Deus promissiones offerat pijs, vel impijs: sed contendimus, non posse recte promitti aliquid sub conditione, nisi ei qui libero utatur voluntatis arbitrio. Et re uera si Deus proponeret impijs impossibilem conditionem, ut eis testaretur, quam sint indigni benignitate diuina, illa conditionis oblatio ironice exponi deberet, & esset (ut diximus) non tam conditio, quam irrisio. Neque enim fieri potest, ut aliquis sciens, & prudens proprie loqui intendat, cum aliquid faciendum, vel non faciendum sub impossibili conditione proponit.

At loca illa Scripturæ nullus adhuc ironice exposuit, sed omnes proprie. Neque possunt ironice exponi nisi vis maxima diuinis litteris adferatur. Certe enim interrogatus Dominus, quæ esset ad salutem uia, nullam causam habuit ironice responsionis. Proinde Magister bonus uere, proprieque respondit, cum ait: *Si uis ad uitam ingredi, serua mandata.* Et infra: *Si uis perfectus esse, uade & vende omnia, &c.* DEINDE, si Deus promissiones sub conditione impossibili offert impijs, ut eis indignitatem eorum testetur, vel possunt impii ex hoc testimonio diuino proficere, cogitando uidelicet suam indignitatem, & timorem, ac dolorem concipiendo, seque coram Deo humiliando: vel non possunt, quia uidelicet, aut non intelligunt testimonium diuinum, aut contemnant: si possunt, ergo habent liberum arbitrium, si non possunt, igitur inutile est eiusmodi testimonium, ac frustra adhibetur. Et re uera impii non intelligunt indignitatem suam, nec ullo modo existimant, promissiones diuinas ad hoc sibi offerri, ut testimonium habeant indignitatis suæ. Quare sine causa Deus hoc testimonium illis daret.

DEINDE certum est, saltem pijs, non auferri promissiones sub conditione ironice & irrisorie, sed uere ac proprie: potuerunt igitur pii pro arbitrio conditionem implere, vel etiam non implere. Id enim est

A proprium veræ conditionis, ut dependeat ab arbitrio eius, cui proponitur. Itaque sicut promissio ad amorem præceptorum accendit animos piorum, quod nos Caluino minime negamus, ita conditio demonstrat arbitrii libertatem, quod nobis Caluinus uicissim negare non debet, nec potest, si rationem, & naturam veræ conditionis intelligat.

CAPVT XX.

*Tertia classis Scripturarum pro libero arbitrio
in moralibus.*

TERTIA classis testimonia illa complectitur, quæ docent per hominem stetitisse, quo minus bene ageret, & peccata vitaret. Numeror. 14. *Amalec, & Chananeus ante uos sunt, quorum gladio correptus, eo quod nolueritis acquiescere Domino.* Deuter. 30. *Mandatum, quod ego præcipio tibi hodie, non supra te est.* Isa. 5. *Quid potius vineæ meæ facere, & non feci?* Hierem. 7. *Hæc gens non audiuit uocem Domini Dei sui, nec recepit disciplinam, ideo proiecta est à Domino.* Et cap. 32. *Quia indurasti cor uestrum, & nolistis obedire Domino, hæc omnia mala euenerunt uobis.* Matth. 23. *Quoties uolui congregare filios tuos, & nolisti.* Act. 7. *In circuncis cordibus & auribus, uos semper Spiritui sancto resististis.* Ex his locis ducitur hoc argumentum. Vel potest is qui peccat, non peccare, vel non potest: si potest, habet igitur liberum arbitrium: si non potest, igitur Deus frustra queritur de homine, quasi per illum steterit, quo minus bene ageret, cum ipse aliter facere non potuerit.

Ad hoc argumentum Calvinus respondet, ac PRIMUM dicit, Deum non immerito de hominibus conqueri, quamuis non possint non male agere, quoniam uicio suo, & hæreditaria malitia infirmi sunt. SECUNDO addit, peccatores à Deo reprehendi, ut peccatorum tædio in uiam redeant. TERTIO, ad locum allegatum ex c. 30. Deut. quo se magis urgeri sentiebat, duobus modis respondet, primo, locum illum posse eludi, si quis affirmet, Moysen loqui de facilitate cognitionis, non obseruationis præceptorum: Deinde, respondet serio, Moysen eo loco intelligendum esse de promissione Euangelii, non de præceptis, & lege naturæ.

Consideremus nunc quanti ponderis sint istæ Caluini responsiones. PRIMA illa de malitia hæreditaria parum cum iuuat. Nam malitiam illam, nos prænam docemus esse, non culpam, nisi libera uoluntate ei obediamus: Calvinus autem, qui culpam esse contendit, id probare, non assumere debuit. Itaque sicut homini cæco à natiuitate non recte quis uicio uerteret inter ambulandum impingeret, etiam si cæcitas illa ex peccato originali descendat, & ille uicio suo, id est, uicio, quod in ipso hæret, impingat: sic etiam non recte peccatores reprehenderentur, cum præcepta diuina transgrediuntur, si absque libera consensione, ex sola naturæ corruptione, quæ ex peccato primi hominis in nobis hæret, præcepta Domini violarent.

ALTERA responsio, quam reddit Calvinus, cum dicit, peccatores à Deo reprehendi, ut peccatorum tædio in uiam redeant, non soluit ullo modo propositum argumentum. Nam si possunt homines peccatores audita obiurgatione, tædio peccatorum affici, & in uiam redire, liberum arbitrium se habere demonstrat: si non possunt, quorum ille diuinæ querimoniae, quorum (inquã) ita loquitur Deus, quasi per homines staret, quo minus bene agerent: ut nolentes, inquit, Calvinus, ac inniti intelligant, nefarium

sacrilegium

sacrilegium esse, malorum suorum culpam, quæ in ipsis resideret, in Deum rescribant. Et probat ex c. 7. Hieremias, ubi iubet Deus narrari omnia scelera populi, & tamen prædicat eum non auditurum: *Loqueris, inquit, ad eos omnia verba hæc, & non audient te.* At probare Calvini debuisse, veram culpam residere in iis, qui ex necessitate peccant, vel certe eos merito reprehendi, qui non possunt bene agere. Hieremias autem non dicit, non poterunt audire, sed, non audient. Itaque quoniam audire poterant, sed nolebant, ideo iussu Domini reuocantur illis in memoriam scelera ipsorum, ut excusationem nullam habeant.

TERTIA responsio, quæ ad locum Deuteronomii proprie pertinet, non est melior cæteris. Quod enim Calvinus dicit, locum illum eludi posse, explicando illud (non supra te est) de facilitate cognitionis, non observationis, non eget responsione, cum ipse idem in lib. 4. aduersus Pighium scribat, eam solutionem esse cauillatoriam. Et merito hoc scribit, quoniam licet Moses loquatur de facilitate cognitionis, ut supra nos ostendimus, tamen ex facilitate cognitionis colligi vult, in potestate populi fuisse mandata seruare vel non seruare. Dixerat enim paulo ante: *Reuerteretur Dominus, ut gaudeat super te in omnibus bonis, si tamen audieris vocem Domini Dei tui, & custodieris præcepta eius.* Ac ne populus responderet se non posse implere præcepta, aut non scire quid Dominus velit adiungit Moses: *Circumcides Dominus cor tuum, ut timeas eum &c.* Vbi promittitur auxilium gratiæ contra excusationem impotentis, & postea addit, *Mandatum hoc non supra te est, neque in calosium, ut possis dicere, quis ascendet in calum, &c.* Vbi tollitur excusatio ignorantis.

Hac igitur solutione omissa, quam (ut diximus) Calvinus etiam cauillatoriam esse confitetur: seria responsio illa est, quod Moses non loquatur de observatione legis, sed de promissione Evangelii. Id quod probat, Tvm, quia B. Paulus ad Romanos decimo, totum hunc locum Deuteronomii refert ad Christum, Tvm etiam, quia Moses si de præceptorum legis observatione loquutus fuisset, in manifestum exitium populum præcipitasset. Effecisset enim ut existimaret, se legem vniuersam suis solis viribus posse complere.

At hæc responsio vim adfert clarissimis verbis diuinæ Scripturæ. Quomodo enim poterat Moses magis aperte significare, se loqui de lege, & præceptis seruandis, quam illis verbis: *Mandatum hoc, quod ego præcipio vbi hodie?* Et illis *Si audieris vocem Domini, & custodieris præcepta eius, & caeremonias, quæ in lege hæc scriptæ sunt?* Quomodo possunt sine summa impudentia hæc negare?

Conuictus igitur tam perspicua veritate Calvinus, in lib. 4. aduersus Pighium, addit si Moses de præceptis loquatur, loqui tamen de eis, ut ad Christum magis ducunt, ut potissima sententia ad Christum pertineat.

Sed hoc non soluit argumentum. Nam siue hic locus ad Christum pertineat in sensu litterali, siue mystico, siue non pertineat ullo modo, non multum laboramus; id nobis est satis, si concedatur, quod nulla ratione negari potest, loqui Mosem etiam de præceptis seruandis, & docere, esse in potestate hominum illa seruare, & non seruare, ex quo liberum sine illa dubitatione demonstratur arbitrium. Neque obstat testimonium Apostoli ad Romanos decimo, non enim oportet exponere Scripturam claram per obscuram: certum autem est omnium interpretum consensione locum Mosi, multo clariorem esse, quam Pauli. DEINDE (ut nos supra docuimus) Apo-

itolus non explicat verba Mosi, sed ad ea tantum alludit propter similitudinem quædam legis & fidei. Neque Moses prædicando liberum arbitrium præcipit in exitium populum. Non enim dicit, solis viribus liberi arbitrii mandata posse compleri, sed adiungit etiam gratiam, cum ait: *Circumcides Dominus cor tuum, ut timeas Dominum.* DENIQUE docet Moses absolute mandata legis posse compleri, atque id esse in libero voluntatis arbitrio, quoniam qui dedit præceptum, sine dubio non denegat auxilium.

CAPVT XXI.

Quarta classis Scripturarum pro libero arbitrio in moralibus.

QVARTA classis continet ea testimonia, quæ docent, Deum quasi recedere & explorare, quid homines faciant, & quorsum studia sua conuertant. Deuter. 8. *Adduxit te Dominus quadraginta annis per desertum, ut affligeret te, atque tentaret, & nota fierent, quæ in animo tuo versabantur, utrum custodires mandata illius, an non.* Et c. 13. *Tentat vos Dominus Deus noster, ut videat, si diligatis eum in toto corde. At frustra exploraret Deus, quid homines facere velint, nisi possent rem eandem facere, & non facere. Nemo enim prudens explorat euentum rei determinata ad unum. Quis namque explorauit vnquam calidus ne sit ignis, an si ignis? appetat canis esuriens panem potius, quam lapidem?*

Respondet CALVINUS, Deum non sic recedere quasi destituat hominem gratia sua, ut exploret, quid ille suis viribus possit: sed permittere, ut homines affligantur, quasi ipse non videret quid mali patiantur sui. Atque huc usque satis bene. Sed quorsum Deus affligi sinat suos? *Ut videat, inquit Calvinus, an post longas calcamitates apiat eos recordatio Dei, & quæ a faciem Domini sui.*

Hic vero rursus redit argumentum, nam si possunt homines affligi quærere Deum, quod ante non faciebant, certe habent liberum voluntatis arbitrium: si non possunt, frustra Deus illos affligi sinat, ut videat, an quærant faciem Domini sui: quorsum enim explorat, quod scit non posse fieri?

Respondet, non posse affligi quærere faciem Domini sine gratia, tamen posse cum auxilio gratiæ. At nos id minime negamus: non neget ipse vicissim, posse hominem cum auxilio gratiæ pro libero arbitrio voluntatis quærere Deum, & non quærere, id est, gratiæ cooperari, & non cooperari, & pax erit. Vel si id negare perrexerit, intelligat argumentum non esse solutum, semper enim ea difficultas manet, cur Deus exploret, quid homo facere velit, si non potest homo pro arbitrio velle & non velle, facere & non facere.

Adfert deinde Calvinus alteram responsionem, ac dicit, Deum non destituere hominem, ut videat quid ille possit, sed ut eum adigat ad recognoscendam propriam indigentiam, id est, suum nihil. At neque nos ignoramus, Deum, qui omnia nouit, non explorare, ut ipse aliquid noui cognoscat, sed ut faciat nos cognoscere quales simus: & ut alij quoque, qui corda nostra non vident, intelligant ex operibus externis, quales intus simus.

Itaque Deum tentare aliquem, nihil est aliud, quam occasionem illi præbere aliquid patiendi, vel agendi, ex quo intelligatur eius charitas & patientia; vel contra proprius amor & impatientia. Sic Deus tentauit Abraham, Tobiam, Iacob, ut appareret eorum insignis virtus; & contra sic tentauit filios Israel in

defecto, ut apparet, quam parum solidæ virtutis in illis esset, etiam si dixissent: *Quicquid nobis præcepit Dominus, faciemus, nec ambulabimus altera via.*

Cæterum ex hac tentatione, qua Deus facit nos explorare & cognoscere, quid simus, non minus libertas arbitrii comprobatur, quam si Deus tentaret, ut ipse hoc idem exploraret, atque cognosceret. Nam neque nobis explorandum esset quid simus, si ex necessitate operaremur, & occasione oblata, non possemus nisi in alteram partem inclinare.

Præterea tentat Deus, ut appareat virtus aut vitium, & merito laudari, aut vituperari aliquis possit. At non est opus virtutis, vel vitii, nec dignum laude, aut vituperatione, quod necessario sit, nec potest aliter fieri. Propterea siquidem virtus & vitium, laus ac vituperatio locum in bestiis nullum habent, quod illa libertate arbitrii carent, nec possunt aliud agere, nisi quod agunt.

CAPUT XXII.

Quinta classis Scripturarum pro libero arbitrio in moralibus.

QUINTA classis habet duo testimonia diuinæ Scripturæ, quæ magno quodam fastidio, & quali per contemptum Calvinus proposuit, præmisso hoc proemio. *Quæ*, inquit, *præterea hinc inde testimonia corradiunt, mediocribus etiam ingeniis non inulturn facessent negotiis, quæ superiores modo solutiones probe imbibebunt.* Ista videlicet est serpentis astutia. Nam quia duo ista loca sunt omnium grauissima, neque sperabat Calvinus posse lectoribus satisfacere responsiones suas, ostentare voluit contemptum, ut putaretur magis non voluisse, quam non valuisse propositos nodos accurate soluere.

PRIORE igitur locus est in c. 4. Geneseos, ubi sic legimus: *Quare iratus es, & quare concidit vultus tuus? Nonne si bene egeris, recipies, sin autem male, statim in foribus peccatum aderit: sed sub te erit appetitus eius, & tu dominaberis illius.*

POSTERIOR locus est in cap. 15. Ecclesiastici, ubi hæc habentur: *Deus ab initio constituit hominem, & reliquit illum in manu consilii sui. Adiecit mandata & præcepta sua. Si volueris mandata seruare, conseruabunt te. Apposuit tibi ignem & aquam, ad quod volueris porrigere manum tuam. Ante hominem vita & mors, bonum & malum, quod placuerit ei, dabitur illi.*

Consideremus **P**RIOREM locum, in quo tot pene sunt argumenta, quot verba: *Quare*, inquit Deus ad Cain, *iratus es? & cur concidit vultus tuus?* interrogatio indicat, potuisse Cainum, si voluisset, non irasci, & non tristiari. Cur enim non dicimus Caini, quare latras? & Leoni, quare rugis; nisi quia scimus, non posse bestias illas pro arbitrio latrare & non latrare, rugire & non rugire?

Nonne si bene egeris, recipies, sin autem male, statim in foribus peccatum aderit? Illa conditio (*si bene*) & illa (*si male*) nonne etiam liberum ostendimus voluntatis arbitrium? cur enim non dicimus homini, si Solem stare feceris, sicut docimus, si bene egeris, habebis hoc, aut illud? nisi quia non ignoramus, non esse in potestate hominis, ut solem stare faciat, esse autem ut bene agat, si velit, vel male, si nolit?

Sed sub te erit appetitus eius, & tu dominaberis illius. Hic vero apertissime in statu naturæ corruptæ liberum prædicatur arbitrium. Quid enim est, *sub te erit appetitus eius*, nisi in potestate tua erit peccati cupiditas? & quid significat, *tu dominaberis illius*, nisi po-

teris, si volueris, cupiditati resistere, & ita efficere, ut non regnet peccatum in tuo mortali corpore?

Videamus nunc, quam hic se torqueat, ludetque CALVINUS, qui paulo ante iactauit hunc, & similes locos ne mediocribus quidem ingeniis negotium facessere posse. **P**RIMUM aut, non debere intelligi illa verba (*sub te erit appetitus eius, & tu dominaberis illius*) de peccato, sed de Abel, ut sensus sit, quamuis peccaueris, tamen primatum inter fratres obtinebis, & dominaberis fratri tuo iuniori. **D**EINDE admittit hunc locum, posse exponi de peccato: *Ne videamur*, inquit, *hanc interpretationem complecti, quod altera nobis contraria sit, demus sane de peccato loquentum fuisse Deum.* Sed quærit, an Deus promittendo, an potius iubendo dixerit (*tu dominaberis illius*)? & si quidem iubendo, non inde probari liberum arbitrium dicit, quia Deus etiam impossibilia quandoque iubet; si promittendo, quærit, cur non sit factum quod Deus promisit. Non enim à Caino peccatum, sed à peccato Cainum deuictum fuisse, parricidium illius clamat.

Obiicit postea sibi, conditionem intelligendam esse in ea promissione, quasi dictum sit: *Victoriam de peccato referes, si tamen certaueris.* Respondet: *Sed quis recipiat istas ambages?* Ad extremum, cum ei displiceret, quod tam facile concessisset hoc loco de peccati victoria, & dominatu agi, mox subiungit: *Quamquam & res ipsa, & ratio Grammaticæ postulans, comparationem fieri Cain & Abelis, quia primogenitus frater minori posthabitus non fuisset, nisi proprio scelere deterior.* Atque hæc est tota CALVINI defensio.

Nos vero constanter asserimus, hoc loco non de Abele, sed de peccato Deum esse loquentum. Idque probamus. **P**RIMUM, ex ratione Grammaticæ, quam nobis Calvinus obiecit. Illud enim pronomen *eius*, cum dicitur, *sub te erit appetitus eius*; & illud pronomen *illius*, cum dicitur, *& tu dominaberis illius*, referunt, id quod paulo ante nominatum est. Paulo vero ante peccati, non Abelis mentio facta est, sic enim legimus: *Si bene egeris, recipies; sin autem male, statim in foribus peccatum aderit.* Sed *sub te erit appetitus eius, & tu dominaberis illius.* Ratio igitur Grammaticæ postulat, ut illa pronomina (*eius*) & (*illius*) ad peccatum, non ad Abelem referantur. Quid quod in tota hac diuina sententia nunquam nominatur Abel? Unde igitur venit Caluino in mentem, ut de Abele, non de peccato sermonem hoc loco haberi existimauerit?

DEINDE probamus ex conimuni consensu interpretum. **S.** AMBROSIVS lib. 2. de Cain, cap. 7. *Non frater*, inquit, *ei addicitur, sed error adscribitur, cuius ipse sibi auctor est.* In te, inquit, reuerteretur crimen, quod à te cepit. *Non habes in quo necessitatem magis, quam amentem tuam arguas.* Vides, quomodo **S.** Ambrosius & Calvinus expositionem reiciat, & liberum à necessitate perspicue doceat?

S. HIERONYMVS in quæstionibus Hebraicis idem docet, & quidem his verbis: *Quia*, inquit, *liberi arbitrii es, moneo ut non tibi peccatum, sed in peccato domineris.*

S. AVGVSTINVS lib. 15. de ciuit. Dei, cap. 7. *Quiesce*, inquit, *ad te enim conuersio eius, & tu dominaberis illius. Numquid scitis? absit, cuius igitur, nisi peccati?* En quam aperte **S.** Augustinus absurdam esse pronunciat eam sententiam, quam Calvinus maxime probauit.

S. PROSPER in 2. lib. de Vocatione gentium, c. 13. enarrans illud: *Ad te erit conuersio eius, & tu dominaberis illius.* *Ad te*, inquit, *tua culpa remouetur, noli peccato regnum in te dare. Sed in potius in ipsum summe dominatum.*

Sanctus GREGORIUS lib. 4. moralium, ca. 22. Tunc, inquit, peccatum cordis sub iuris nostri possessionem reducitur, si cum incipit, reprimatur. Unde & divina voce Cain prima cogitanti dicitur, in foribus peccatum tuum aderis, sed sub te eris appetitus eius, & tu dominaberis illius, &c.

Eodem modo exponunt Eucherius, Beda, Rupertus, Abulensis, Lyranus, Caetanus & glossæ, ordinaria & interlinearis. Neque suspicari debemus, nullum horum Doctorum tenuisse rationem Grammaticæ, aut omnes grauitate esse hallucinatos.

Obiicit CALVINUS: Si de peccato agitur, cum dicitur, tu dominaberis illius, iubet Deus, vel promittit: si iubet, non colligitur hinc liberum arbitrium, quia præceptum est impossibile: si promittit, cur non est factum quod Deus promissus?

RESPONDEO, Deum nec promittere, nec iubere, sed significare, peccatum esse in potestate peccantis, & proinde monere Cainum, ut cogitet, in suo arbitrio esse cupiditati peruersæ assentiri, vel non assentiri, & ideo det operam ut non vincatur, sed vincat, nisi grauitate puniri velit.

Sed etiam si Deus iuberet, nihil lucraretur inde Calvinus; nemo enim iubet impossibilia, nisi qui non vult fieri quod iubet, id est, insanus aliquis, aut furiosus. Et si Deus non iuberet, sed promitteret victoriam, sub conditione, si fortiter pugnare vellet, nullæ essent hic ambages. Quid enim clarius, quam vinctes, si certaueris? an non etiam Apostolus sine ullis ambagibus dixit: Non coronabitur, nisi qui legitime certauerit?

Adde AD EXTREMUM, probari ex hac loco liberum arbitrium, etiam si daretur, loquutum hic esse Deum non de peccato, sed de Abele. Neque enim Deus mitigare conaretur animum Caini, promittendo permanens illi ius primogenituræ, & dominaturum illum fratribus suis, nisi sciret, potuisse non reuocari à concepto scelere, & in arbitrio eius esse cupiditati iam exortæ resistere, vel consentire.

POSTERIOR locus, ex ca. 15. Ecclesiastici, inuidiosissimus est, & tam perspicuus, ut nulla declaratione indigeat. Respondet autem Calvinus PRIMO, librum Ecclesiastici esse dubiæ fidei. SECUNDO, Ecclesiasticum, de libero arbitrio primi hominis, quale fuit ante peccatum, non de eo, quale nunc est, esse loquutum. TERTIO, si velit ille auctor, suis illis verbis non attingere liberum arbitrium, sed solum coercere carnis malignitatem, quæ sua mala in Deum transferendo vanam defensionem captare solet, ei se quoque libenter assensurum, alioqui eius auctoritatem non magni pendere.

Ad PRIMVM RESPONDEO, non posse à Caluino Ecclesiasticum repudiari, si sibi ipse constare velit propter duas causas, PRIMO, quoniam recipit Calvinus epistolam Iacobi & Iudæ, quæ non minus dubiæ fidei olim fuerunt, quam Ecclesiasticus, deberet enim vel cum Lutheranis repudiare omnes libros, qui aliquando dubii fuerunt, vel cum Ecclesia recipere eos omnes, quorum auctoritas in sacris Conciliis declarata est. Cõstat autem in Concilio Carthagenensi tertio, canone 47. inter libros canonicos, & diuinos librum Ecclesiastici numeratum. SECUNDO, quia proficetur Calvinus se discipulum ac sectatorem esse Augustini. Augustinus autem non solum hunc librum inter canonicos ponit, in libro 2. de doctrina Christiana, cap. 8. sed etiam eundem adducit in libro de gratia & libero arbitrio, cap. 2. ad ipsum liberum arbitrium comprobandum.

AD ALTERAM Caluini solutionem RESPONDEO, ex Ecclesiastico non solum colligi primum hominem, cum libero arbitrio conditum fuisse, sed etiam idem liberum arbitrium in eius posteris remansisse. Nam paulo ante dixerat: Ne dicas, per Deum abesse; non dicas, alle me impleant, id est, non referas in Deum causam sceleris tui. Et continuo rationem adiungit: Quoniam Deus hominem constituit, & reliquit in manu consilii sui, &c. Quæ ratio nihil efficere, nisi significare vellet Ecclesiasticus, liberum arbitrium initio datum primo homini, nunc etiam in eius posteris permanere. Præterea verba illa: Si volueris mandata seruare, conseruabunt te. Et illa: Ante hominem vita & mors, quod volueris dabitur ei. Et illa: Apposuit tibi ignem & aquam, ad quod volueris, porriges manum tuam. Non apertissime testantur Ecclesiasticum alloqui homines, qui nunc sunt, & illis conocinari, qui possunt ex eius cohortatione proficere.

Ad TERTIAM solutionem breuiter Dico, ineptam esse conditionem, quam Ecclesiastico Calvinus proponit. Non enim coerceri potest carnis malignitas, ne culpas suas transferat in Deum, seque à peccato immunem esse iactet, nisi concedatur homini liberum voluntatis arbitrium. Sed de hac re sæpe dictum est, nec sunt ubique omnia repetenda.

CAPVT XXIII.

Sexta classis Scripturarum pro libero arbitrio in moralibus.

PRÆTER ea loca, quæ Calvinus notauit, sunt alia quædam, quæ ab illo prætermittit nos in sextam classem, quæ locorum derelictorum dici poterit, breuiter conferemus.

PRIMVS igitur locus sit ex cap. 30. Deuteronomii, ubi sic loquitur Moses: Considera, inquit, quod hodie proposuerim in conspectu tuo vitam & bonum, & de contrario mortem & malum. Et infra: Testes inuoco cælum & terram, quod proposuerim vobis vitam & mortem, benedictionem & maledictionem. Elige ergo vitam, ut & in vineas, & sementinum. Non video quid ad hunc locum responderi possit. Liber hic IMPRIMIS non est dubiæ fidei, & Caluinistis pro canonico, ac diuino recipitur. DEINDE, non loquitur Moses ad homines in statu innocentie, sed ad Hebræos, qui tunc erant cum ipso. DENIQUE, nullæ hic sunt ambages, nam Moses iurat per cælum & terram, se dedisse populo optionem, ut facerent quod vellent, in re maxime morali, id est, in præceptis seruandis, aut violandis, & cohortatum fuisse eundem populum ad electionem obedientie, quæ vitam adfert, & dehortatum ab electione contumacie, quæ mortem adfert. Nihil autem magis proprium est liberi arbitrii, quam electio, ut in tertio libro demonstrauimus.

SECUNDVS locus est, in libro Iosue, cap. 24. Optio, inquit, vobis datur, cui seruire potissimum debeatis, &c. Hic etiam locus ad liberum arbitrium in moralibus pertinet, quoniam Iosue significat populum eligere potuisse, vellet ne Deo vero cultum adhibere, vel idolis, id est, an vellet bene agere, an peccare.

TERTIVS locus est in cap. 31. Ecclesiastici: Qui potuit transgredi, & non est transgressus, facere mala, & non fecit, ideo stabilita sunt bona illius. Non miror hæc loca prudenter à Caluino dissimulata, cum non solum, non vera, sed ne verisimilis quidem aliqua responsio hic locum habere posse videatur. Non

eum hoc testimonium trahi potest ad statum innocentie, neque vllz sunt in eo ambages, sed liberum arbitrium asseritur ita vere, proprièque liberum in moralibus, ut dicatur vir bonus, ideo dignus laude & premio, quod potuerit transgredi, & non sit transgressus, facere malum, & non fecerit.

QUARTVS locus est in priore epistola ad Corinthios. cap. 7. *Qui statuit in corde suo firmus, non habens necessitatem, sed potestatem habens sue voluntatis, & hoc indicavit in corde suo, servare virginem suam, bene facit. Et infra: Quod vult facias, non peccat, si nubat. Hoc loco agitur de bono morali, ut patet ex illis verbis, bene facit. Et infra: Melius facit. Et: Non peccat, &c. De hoc autem bono morali faciendo, vel non faciendo, dicit Apostolus, habere hominem liberam electionem, modo non sit impeditus extrinseca aliqua necessitate voti, iuramenti, aut præcepti. Huc enim pertinet illud: *Non habens necessitatem.* Excludit autem extrinsecam necessitatem, non quod illa tollat liberum arbitrium, sed ut ostendat eum qui non ligatur necessitate extrinseca, simpliciter & absolute liberum esse, ut possit non solum facere, & non facere, sed etiam non peccet, siue faciat, siue non faciat. Nam ut diximus in quarto libro, libertas ab extrinseca necessitate prærequirit libertatem ab intrinseca, & ideo qui liber esse dicitur ab extrinseca, consequenter asseritur liber ab intrinseca.*

QUINTVS locus est in posteriore epist. ad Corinthios, cap. 9. *Vnusquisque prout destinavit in corde, non ex tristitia, aut ex necessitate, bilarem enim datorem diligit Deus.* Loquitur Apostolus de facienda eleemosyna, quod est opus morale, & monet, ut unusquisque libenter tribuat id, quod destinavit in corde suo, id est, quod libera voluntate prælegit, cum in potestate haberet, parum, aut multum velle dare, aut etiam omnino nihil velle dare. Nam illud verbum *ex voluntate*, quo ipse vitur, propriè, ad liberum arbitrium pertinet. Distinguitur enim voluntarium in genere, siue spontaneum, quod etiam bestiis convenit à voluntario libero, quod est proprium rationalis, siue intelligentis naturæ, quod illud dicitur *voluntarium*. Hoc autem *ex voluntate*, ut perspicuum est, ex Aristotele lib. 3. de moribus, cap. 1. & 2. Atque ex Scripturis quidem hæc argumenta sufficiant.

CAPVT XXIV.

Præfatio ad testimonia Patrum, pro libero arbitrio in moralibus.

TESTIMONIA veterum Patrum CALVINVS non fuit ausus contra se obicere: tamen coactus à Pighio ad pauca quædam loca respondit. Produxit Albertus Pighius, in secundo libro de libero arbitrio, testimonia decem Patrum, S. Petri Apostoli, Sancti Clementis Romani, Sancti Irenæi, Tertulliani, Origenis, Sancti Hilarii, Sancti Ambrosii, Sancti Hieronymi, Sancti Basilii, Sancti Chrysostomi.

Ad quæ testimonia CALVINVS ita respondit, ut Petrum & Clementem, de numero testimonium auferri iuberet, quod eorum verba ex libris recognitionum apocryphis deprompta fuissent. Origenem & Tertullianum, ut hæreticos, & qui multis in rebus lapsi essent, omnino contemneret: eosdem item, & Irenæum exponi posse diceret de libero arbitrio, quale fuit in statu innocentie, non quale tunc est in statu naturæ corruptæ: Ambrosium & Basilium, de libertate à coactione, non à necessitate differuisse conten-

deret: solos esse affirmaret Hilarium, Hieronymum & Chrysostomum, qui propriè liberi arbitrii patrocinium suscepissent, sed trium hominum testimonia non esse consensum Ecclesiæ vniuersæ, ut Pighius frustra iactauerat: præsertim cum contrariæ sententiæ inueniantur in Augustino, & in Synodo Arausicana.

Illud autem bene habet, & nobis mitissime placet: quod in 2. li. aduersus Pighium, CALVINVS admittit veteres Patres, ut de controuersia nostra iudices sedent: *Lectores, inquit, monitos velim, non difficulter posse inter me, & Pighium hoc loco convenire, si modo Ecclesiæ traditionem ex certo, & perpetuo Sanctorum & Orthodoxorum consensu, non ex testimoniis hinc inde male excerptis demonstraret. Deinde suis simpliciter, & candide videretur ad veram & germanam Ecclesiæ doctrinam comprobendam, non ad pingendas horum temporum impias doctrinas abuteretur.*

Nos igitur producemus testimonia omnium Patrum Græcorum & Latinorum, nec vllum prætermittemus auctorem alicuius nominis, & simul diligenter expendemus in singulis, possint, nec ne illis Caluini responsiones vlla ex parte convenire. Vtrum autem simpliciter, & candide illis vtamur ad veram & germanam Ecclesiæ doctrinam comprobendam, an ea detorqueamus ad pingendos errores, impiasque doctrinas, lectoris erit iudicium. Quamuis si propriè loqui velimus, ex testimoniis Patrum, illud inuestigare debeamus, quæ fuerit Ecclesiæ veteris doctrina, ut quoniam inter nos convenit, in Ecclesia, quæ ante mille annos floruit, veram & germanam fuisse doctrinam, ex comparatione illius intelligatur, verum nos germanam doctrinam teneamus qui liberum arbitrium in actionibus moralibus esse defendimus, an aduersariis, qui liberum arbitrium, in seruum arbitrium commutantes, hominem post lapsum Adami, ex necessitate peccare contendunt.

CAPVT XXV.

Testimonia Græcorum Patrum adferuntur, pro libero arbitrio in moralibus.

PRIMVS ex Græcis Patribus occurrit S. IGNATIUS. Is in epist. ad Magnesianos ita loquitur: *Quandoquidem, inquit, actiones ipsæ suæ habent premia, & obedientia proponitur vita, mors autem inobedientiæ, & singuli, qui aut hoc, aut illud elegerunt, in eius quod elegerunt, locum abituri sunt, fugiamus mortem, & eligamus vitam. Et infra: Si quis pietatis studet, Deus homo est, si impie agit, diabolus est, non id factus per naturam, sed per animi arbitrium. Nihil hic responderi potest. Nam & loquitur S. Ignatius de bono & malo morali, & affirmat, homines eligere id, quod volunt, qui est proprius actus liberi arbitrii: & eum, qui impie agit, per animi arbitrium fieri malum, docet.*

UT fortasse non sunt Ignatii epistolæ, quæ sub illius nomine circumferuntur, id enim Lutherani obicere solent. Sed recipit eas Eusebius, lib. 1. Historiæ Ecclesiasticæ, cap. 36. Sanctus etiam Hieronymus multas enumerat, & inter ceteras, istam ad Magnesianos, & Ignatio tribuit in libro de scriptoribus Ecclesiasticis. Deniq; passim citantur epistolæ istæ nomine S. Ignatii ab Athanasio, Theodoro, aliisque Patribus, neque vlla occurrit solida ratio, cur reiiciendæ videantur.

SECUNDVS sit S. DIONYSIVS AREOPAGITA. Is in libro de diuinis nominibus, capite 4. part. 4. prope finem, posteaquam docuerat, malum non esse

esse substantiam, sed defectum quendam, ita subiungit: *Dixerit vero quispiam, infirmitatem supplicium non mereri, sed veniam. Si quis non licuisset obistere, recte forsan esset obiectum. Sin autem ex ipso bono vires suppediantur, quod, ut sacra eloquia docent, omnibus simpliciter convenientia tribuit, non est ignoscendum, si quis per ignorantiam ab ipso bonorum propriorum habitu diuini procedente aberrauerit.* Idem lib. de Ecclesiastica hierarchia, cap. 2. part. 3. tribuit homini nomen illud *autem*, quod fateatur CALVINUS, proprium esse liberi arbitrii.

Neque ad hunc locum responderi potest, nisi forte libros istos non esse Dionysii Areopagitæ. Sed certe negari non potest, auctorem huius libri fuisse virum magnum, & ante mille annos floruisse, cum citetur à sancto Gregorio, homilia 34. in Euangelia, nomine antiqui, & venerandi Patris. Nam si Gregorio antiquus fuit, cum ipse Gregorius ante annos circiter mille floruit, nobis profecto antiquissimus esse debet. Sed de hoc auctore alias disseruimus.

TERTIO sit B. CLEMENS ROMANUS, quem inter Græcos numeramus, quod Græce scriptus sit liber, qui nomini eius adscribitur. Is igitur in lib. 3. Recognitionum, inducit Apostolum Petrum cum Simone Mago, pro libero arbitrio, sic differentem: *Dic quomodo Deus iudicat secundum veritatem unumquemque pro actibus suis, si agere aliquid in potestate non habuit? Hoc si teneatur, conuulsa sunt omnia. Frustra erit studium sectandi meliora. Sed & iudices frustra legibus præsumunt, & puniunt eos, qui male agunt. Non enim in sua potestate habuerunt, ut non peccarent.*

Ad hunc locum prompta responsio est, librum esse supposititium. Nam alioqui liberi arbitrii tam est aperta confessio, ut nihil contra fingi possit. At nos fatemur, librum esse corruptum, ac deprauatum ab hæreticis, sed tamen vel esse Clementis Romani, vel alterius æque docti, atque antiqui. Siquidem Eusebius libro tertio Historiæ Ecclesiasticæ, capite trigésimo octauo, scribit, hos libros & esse Clementis, & ab hæreticis deprauatos. Idem scribunt Epiphanius, hæresi trigésima. Et Rufinus in Apologia pro Origene. Meminit etiam horum librorum Sanctus Hieronymus, in libro secundo aduersus Rufinum.

At si corrupti sunt hi libri, ac propterea inter apocryphos recensentur, quorsum citantur à nobis? quoniam manifeste constat, non esse corruptos iis in locis, ubi defenditur libertas arbitrii. Nam ante Rufini ætatem, qui hos libros Latinos fecit, nulli fuerunt hæretici, qui libero arbitrio nimis multum tribuerent, quod postea fecerunt Pelagiani, multi autem hæretici fuerant, qui negauerant liberum arbitrium, ut Simon Magus, Manichæus, & alii. Itaque si in his libris negaretur liberum arbitrium, suspicari possemus, insertam fuisse eam doctrinam à Manichæis, vel aliis eiusmodi hæreticis: at liberi arbitrii confessionem non possumus ulli hæretico illius temporis adscribere.

DEINDE, veteres Patres, qui dicunt, hos libros corruptos esse ab hæreticis, non tacent in quibus articulis corrupti sint. Scribunt enim in articulis de diuinitate filii, aliisque similibus esse corruptos. Corruptelam autem in articulo de libertate arbitrii, nullus veterum vnquam notauit.

Adde **POSTREMO**, quod quæ dicuntur in his libris de libero arbitrio, eadem repetuntur passim ab aliis Patribus, ut necesse sit, omnes omnium Patrum libros esse deprauatos, si libri isti recognitionum in hoc articulo deprauati censendi sunt.

QUARTUS sit S. IUSTINUS Martyr. Is ita loquitur in Apologia ad Imperatorem Antoninum pagina 31. in meo codice: *Nisi libero arbitrio genus humanum, & res turpes fugere potest, & pulchras, ac bonas sequi, extracausam, culpamque est eorum, quæ quomodo aguntur. Sed ipsam libero arbitrio, liberaque voluntate & recte facere, & peccare docemus.* Et infra: *Neque ille remuneratione, aut laude dignus esset, si per se ipsum bonum non eligeret.* Et in Apologia ad Senatum: *Nihil, inquit, esset in illis laude dignum, nisi facultatem haberent, quæ se in vitamque partem conuerterent.* Hic vero CALVINUS neque fingit, neque fingere potest aliquid, quod speciem habeat responsionis. Auctor enim certus est, & verba clarissima. Sola pertinacia his, atque similibus resistit.

QUINTUS sit ATHENAGORAS Iustini æqualis. Is in Apologia ad eundem Imperatorem Antoninum: *Liberi arbitrii, inquit, in ipsis quoque (Angelis videlicet) in vitamque partem, voluntatem constituerat Deus, sicut & in hominibus liberum & prauitatis & virtutis diligendæ potestatem habentibus cernere est.* Quid clarius? quid verius?

SEXTUS sit Beatus Martyr Irenæus. Is in libro quarto, capite septuagesimo primo, ita loquitur: *Illud quod ait, Quoties volui congregare filios tuos, & nolisti, veterem legem libertatis hominis manifestasti, quia liberum cum fecit Deus ab initio.* Ac ut intelligat Calvinus, Irenæum non solum significare voluisse, creatum hominem liberum, sed etiam nunc esse liberum, legatur titulus huius capitis, quem ipse idem Irenæus præfixit. Sic enim habet: *Ostensio, quod homo liber sit, & sua potestate, ad hoc ut possit eligere bona, vel contraria.* Legatur deinde finis eiusdem capitis, ubi hæc habentur: *Qui operantur bonum, gloriam & honorem percipient, quoniam operati sunt bonum, cum possent non operari illud. Hi autem qui illud non operantur, iudicium iustum recipient Dei, quoniam non sunt operati bonum cum possent operari illud.* Et cap. 72. Si igitur, inquit, non in nobis esset facere hæc, aut non facere, quam causam habebat Apostolus, & multo prius ipse Dominus consilium dare, quæ quidem facere, à quibus vero abstinere?

Et adhuc resistit Calvinus, ac probare nititur, Irenæum non dicere id, quod dicit, quoniam in eodem libro scripsit, liberum arbitrium ad imaginem Dei pertinere: imaginem autem fuisse in primo homine, sed per peccatum extinctam, colligi ex Apostolo, qui reformati dicit in nobis imaginem Dei. At nimis frigidum est argumētum contra manifestissimam veritatem. Nam imaginem Dei extinctam esse post peccatum, neq; Irenæus, neq; Paulus vnquam scripsit. Reformatur vero in nobis imago, quoniam obscurata fuerat, licet (ut diximus) non extincta. Sed de hac re alibi multa diximus.

SEPTIMUS sit CLEMENS ALEXANDRINUS. Is in primo libro Stromatum, pagina sexagesima quinta, sic ait: *Quoniam libera electio & appetitus, peccata primum inchoant, iure insignuntur supplicia.* Et infra: *Quæ cum ita sint, & liberari ab ignorantia, & à mala, & delectabili electione, & ante omnia non assentiri fallacibus illis phantasiis & visis, & suum est in nostra potestate.* Vide alium locum, in quarto libro de gratia & libero arbitrio, cap. 9.

OCTAVUS sit ORIGENES, Is in commentario ad caput decimum tertium Matthæi, exponens parabolam sagenæ piscium, posteaquam dixerat, ab hæreticis accipi per bonos & malos pisces, duas naturas, alteram bonam, alteram malam, ita subiungit: *Hinc intellectui repugnant omnes Scripturæ, declarantes esse liberum arbitrium, dum & accusant eas, qui delinquant*

probat eos, qui recte faciunt. Idem Origenes similia docet, lib. 3. de principiis, cap. 1. prælatione in epistola ad Romanos, homilia duodecima, in librum Numeri & alibi.

Sed CALVINUS Origenis testimonium non recipit, quod dicat eum in multis lapsum esse. At Nos eum in hac re non erravisse, facillime demonstramus. Nam Origenis errores diligentiissime notaverunt Epiphanius, Theophilus, Hieronymus, Augustinus, Theodoretus, Nicephorus, & alii, neque ullus eorum inter errores Origenis posuit, hominem prædictum esse libero arbitrio.

Rursum Calvinus Origenis testimonia causæ suæ nihil nocere contendit, quod Origenes disputet adversus Marcionem, qui liberum arbitrium ita tollebat, ut naturam humanam ab ipsa creatione malam esse diceret. At parum interest, contra quos Origenes diceret, modo liberum arbitrium in præceptis morum servandis prædicet.

DEINDE Origenes, ut ostendat, naturam non esse malam à creatione, probat, hominem esse liberi arbitrii, & mutari per se de bono in malum, quod fieri non posset, si esset naturaliter malus. Itaque DVO probat Origenes, PRIMO, hominem esse liberum SECUNDO, non esse natura malum, ex quibus duobus unum deducit ab altero. Marcion negabat utrumque, Calvinus alterum tantum, proinde damus Calvinum, ut non sit Marcionista, sed Semimarcionista, & Origenes Calvinum non ex toto, sed ex parte confutet. Neque dicere poterit Calvinus, Origenem loqui de libertate à coactione, non à necessitate, nam libertatem à sola coactione Marcionistæ minime denegabant.

NONVS sit EUSEBIUS CÆSARIENSIS. Is in libro sexto de præparatione Evangelica, cap. 5. ita loquitur. Sic per legem rectam viam ostendit, per liberam vero potestatem efficit, ut in ipsa essent virtutis præmia, sine ut aliqua agere, cum possit etiam contraria mala. Ita si proprio motu naturalem despexeris legem, sensu virtutum sponte non aliunde, neque nulla necessitate, sed libera voluntate, atque iudicio facta est. Et in extremo capite: Cæcus profecto de his recte iudicaret, non necessitate, sed libera hæc fieri arbitrio. Itaque testimonio Eusebii cæci sunt Calvinistæ, vel potius cæcis deteriores, cum id non videant, quod cæci videre possent.

Sed forsitan obieciat aliquis, Eusebium contra eos differere, qui ponebant fatalem necessitatem, qualem Calvinistæ non ponunt. Et Calvinistæ imprimis ponunt etiam necessitatem similem fatali. DEINDE, parum refert quid mouerit Eusebium, ut liberum arbitrium defenderet, modo illud vere doctæque defenderit. DENIQUE, nonne Eusebius omnem prorsus necessitatem exclusit, cum ait: Neque vlla necessitate, sed libera voluntate atque iudicio facta est?

DECIMVS sit MAGNVS ATHANASIVS: Is in oratione contra Idola, non procul ab initio, sic ait: Anima libera est, & sui arbitrii. Potest enim ut ad bona se inclinare, ita bona quoque auersari. Et infra: Quæcum liberum fueris, arbitriumque intueatur, sentit se in utramque partem corporeis membris uti posse, tum ad ea quæ sunt, tum ad ea quæ non sunt. Ea vero quæ sunt, bona appello, ea quæ non sunt, mala. Ad hoc testimonium nihil omnino responderi potest. Auctor enim est certus, gravis, doctus, antiquus, sanctus, & sine ullis ambagibus liberum arbitrium docet.

VNDECIMVS sit MAGNVS BASILIUS, qui in explicatione Psalmi sexagesimi primi, tractans illud: Mendaces filii hominum in stateris, Non licebit, inquit,

tibi dicere in die iudicii, non noueram bonum. Proferentur tibi propria tua statera, sufficientem boni & mali discretionem habentes. Nam corporis pondera istius momenti examinamus, quæ vero in vita eligenda sunt, libero animæ iudicio discernimus. Quod etiam stateram nominant, propterea quod æquale momentum ad utramque partem capere potest. Idem in oratione de libero arbitrio: Nam, inquit, quod in homine situm est liberum arbitrium, in eligendo & non elocendo situm est, &c. Item in oratione de causa mali. Cur, inquit, in structura non habemus, ut neque volentibus nobis peccare dæmus? quia etiam tu famulos, non cum vinculos habes beneuolos putas, sed cum voluntarie ea, quæ officii ipsorum sunt, explere videris. Itaque etiam Deo non gratum est, quod coactum est, sed quod ex virtute recte geritur. Virtus autem ex voluntate, non ex necessitate fit. Voluntas vero ex his, quæ in nobis sunt, dependet. In nobis autem est liberum arbitrium.

Arripuit Calvinus voculam illam (coactionem) & inde colligit, non loqui Sanctum BASILIUM de libertate à necessitate, sed à sola coactione. At sine dubio non recte collegit. Nam explicauit in eodem loco Sanctus BASILIUS, quid per coactionem intellexerit, cum illi per aduersatiuam particulam opposuerit id, quod geritur ex virtute. Et quod geritur ex virtute, esse dixerit id, quod ex voluntate, non ex necessitate fit. Et quod fit ex voluntate, declarauerit esse id, quod in nobis est, quodque ex arbitrii nostri libertate dependet. Itaque per coactionem, necessitatem intellexit determinantem ad unum. Quod etiam clarius manifestat in eadem oratione, cum dicit: Soluta enim ab omni necessitate, & voluntariam, ac in sua potestate suam vitam à conditore adeptam, per hoc ad imaginem Dei creata est. Adde etiam, quod in duobus prioribus locis à nobis citatis, nulla sit coactionis mentio, sed solius necessitatis, & disertis verbis asseritur libertas in electione boni & mali, par momentum habens in utramque partem.

DVODECIMVS sit S. GREGORIUS NYSSENVS, Magni Basilii frater. Is in libro 7. de Philosophia, capite secundo: Concupiscere, inquit, & non concupiscere, mentiri, & non mentiri, & quæcumque talia, in quibus consistunt, virtutis, & vitii opera, hæc sunt in nostro libero arbitrio. Nescio quid hic Calvinus comminisci possit: Nullum enim cauillis locum Gregorius reliquit. Vide tiam quæ citauimus libro superiore.

TERTIUSDECIMVS sit Sanctus GREGORIUS NAZIANZENVS, qui in carminibus de CHRISTO patiente: Neque enim, inquit, Deus necessitatem adducet, ut sis bonus, sed in electione, & sententia tua id situm est. Vide alium locum à nobis citatum libro superiore, ex Apologetico.

QUARTUSDECIMVS sit CYRILLVS HIEROSOLYMITANVS, qui Catechesi quarta: Cognosce, inquit, animam esse sui iuris, seu voluntatis libera. Item infra: Liberum arbitrium habet anima, & potest quidem Diabolus incitare, cogere autem præter voluntatem omnino non potest. Subiicit tibi scortationis cogitationes, si vis, probas, si nolis, improbas. Si enim ex necessitate scortareris, cuius gratia gehennam Deus parasset? Nihil apertius dici potuit.

QUINTUSDECIMVS sit Sanctus EPIPHANIUS, qui in hæresi Phariseorum, quæ est ordine decimo sexto: Per id, inquit, quod peccare quisquam possit, non peccet, & per id, quod possit non peccare, peccet tamen, hoc propter peccata penam per vindictam pendente, illo propter beneficia laudem reportante, virtusque constituta est differentia. Et infra: Itaque, inquit, manifestum, ensidens & indubium est, unicuique liberum arbitrium

arbitrium concessum à Deo, qui per seipsum dixerit, si volueritis, & si nolueritis, ut penes hominem sit beneficere, vel prave operari. Vides, ut sanctus hic Pater manifestum, evidens & indubium esse clamet, quod Calvinus tot libris obfcurare conatus est?

SEXTUSDECIMVS sit Theophilus Alexandrinus, Is enim in epistola tertia Paschali, sic loquitur, Nec ambigitur quia in utramque partem faciendo, vel non faciendo bona, habeamus liberam facultatem, & oppressis pravis recta nascantur, tuncque virtutum inter se concinit chorus, cum vitiorum in animo fuerit solitudo. Quid hic obijcient aduersarij? auctor insignis est, quippe qui S. Hieronymum meruit habere interpretem, & sententia tam perspicua, ut nulla ratione obfcurari queat.

SEPTIMVSDECIMVS sit S. Ioannes Chrysostomus, qui homilia 12. in Genesim: Nonne, inquit, manifestum est, sua quemvis voluntate, vel malitiam, vel virtutem eligere? Nam nisi ita esset, & nature nostre prauitas insita esset, neque illos puniri, neque istos virtutum retributiones accipere oportebat. Verum quia in nostra voluntate totum post gratiam Dei relictum est, ideo & peccantibus supplicia propostia sunt, & bene operantibus retributiones. Hunc patrem nobis Calvinus libenter concedit, quod ei nimis visus sit in liberi arbitrii viribus prædicandis. At imperitiam suam aperte prodit, cum tanto numero Patrum vnum Chrysostomum, quasi noui aliquid introducentem reiecit. Nam si elegeret ceteros, nunquam ita iudicasset. Quid enim Chrysostomus dicit, quod non ante Iulium Ignatius, Clemens, Iustinus, Athenagoras, Irenæus, Basilus, Cyrillus, Epiphanius, & post eum plurimi dixerint? D E I N D E, si tam grauer Chrysostomus in libero arbitrio prædicando excessit, cur nulli veterum illum reprehenderunt? cur Sanctus Augustinus gratiæ Christi excellentissimus prædicator, hunc ipsum Chrysostomum in libris aduersus Iulianum, non modo non reprehendit, sed vehementer etiam laudat?

DECIMVS OCTAVVS sit Beatus Macharius Aegyptius, qui homilia 15. sic ait: Caterum ut semel, & omnino refonet, & permaneat delectus, & arbitrii libertas, quam primitus homini dedit Deus, ea propter dispensatione suares administrantur, & corporum solutio fit, ut in voluntate hominis situm sit, ad bonum vel malum conuerſi.

DECIMVS NONVS sit Marcus Eremita, qui in libro de Baptismo, ultra medium, ita loquitur: Hac & similia cum Scriptura in nostra potestate positum esse, ut hac agamus necne, propterea non Satanam, neque peccatum Adæ, sed nos increpat. Et infra comparans nos cum Adamo: Primam, inquit, conceptionem habemus ex dispensatione, quemadmodum & ille, & perinde ac ille pro arbitrio possumus obtemperare, vel non obtemperare. Sententia horum verborum est, nos tentari ex permissione Dei, sicut eadem permissione tentatus fuit Adam: & sicut ille propter arbitrii libertatem potuit tentatori acquiescere, vel resistere, sic etiam nos propter eandem arbitrii libertatem posse tentationem admittere, vel repellere, quæ si Calvinus legisset, forsitan de Chrysostomo aliter iudicaret.

VICESIMVS sit Sanctus Cyrillus Alexandrinus, qui in libro secundo in Ioannem, capite quinquagesimo quarto, sic ait: Liberum, inquit, arbitrium hominis his verbis ostendit, qui ad alterutrum secundum animi sui iudicium potest proficisci. Sic enim inſte laudem, si bene agimus, & contraria, si mala committimus, innemimus. Vide alia loca, quæ citauimus in libro superiore.

VICESIMVS PRIMVS sit Theodoretus, qui Psal-

mus sexagesimum septimum tractans, & explicans illud: Pluuiam voluntariam segregabis, &c. sic ait: Pluuiam, doctrinam irrigationem vocat, voluntariam autem appellat, ob liberum arbitrium. Non enim ex necessitate irrigatur aliquis, sed doctrina acquiescens consequitur gratiam.

VICESIMVS SECUNDVS sit Palladius, in epistola ad Lausum, quem præfixit historiæ suæ de Sanctorum vita, in ea siquidem loquens de elemosynis: Neque, inquit, ullo prætextu, placeres hominibus, inuicem obligasses tuam liberam eligendi voluntatem, &c.

VICESIMVS TERTIVS sit B. Ioannes Damascenus. Is enim in libro secundo, de fide, capite vicesimo sexto: In nobis, inquit, sunt ea, quorum liberam adepti potestatem sumus & facere, & non facere. Et infra explicans quæ illa sint: Ea, inquit, quæ sequitur laus aut vituperatio, & in quibus prauaricatio cadit & lex.

VICESIMVS QUARTVS sit Theophylactus, qui in commentario ad caput decimum quintum Lucæ, sic ait: Itaque ille qui dedit omnia hæc ex aquo, permisit libere ingredi. Nullum enim cogit non volentem. Nam si voluisset nos cogi, non fecisset rationales, & liberi arbitrii. Neque vero hic auctor intelligit per coactionem vim illam, quæ adgit inuitos, sed necessitatem determinantem ad vnum, ut perspicuum est ex ratione, quam reddit, cum dicit: Non fecisset rationales, & liberi arbitrii. Nam bestiarum quoque, tametsi rationales non sunt, non coguntur inuitæ ad sua obiecta, sed sponte accurrunt. Et nomen liberi arbitrii, quod iste auctor vsurpat, non potest proprie conuenire libertati à sola coactione, ut in tertio libro demonstrauimus.

VICESIMVS QVINTVS sit Euthimius, qui in commentario ad idem caput decimum quintum Lucæ, ita eduxit parabolam filii prodigi: Substantia, inquit, partem, quæ sibi obueniebat, petiuit, hoc est, liberum arbitrium, quod ei ex natura debebatur. Ac si diceret, nolo urgeat me seruiendi necessitas, liberum est enim mihi arbitrium. Et infra: Pater ergo candide impertit, vult enim Dominus, ut sibi volumus seruiamus.

Est autem hoc loco breuiter annotandum, ex sententia horum Patrum, liberum arbitrium comparari substantiæ, quam filius prodigus dissipauit, quoniam peccatores dissipant liberum arbitrium, dum illo male vtuntur, non quod illud omnino amittant, sed quod inutiliter exerceant. Quomodo dicitur aliquis perdere vitam suam, quam non in bonis operibus infumit. Non enim similitudines in omnibus valent. DENIQUE id solum ex parabola colligunt Patres, Deum permittere, ut qui volunt, peccent, neque eos ad bene agendum ex necessitate compellere.

CAPVT XXVI.

Testimonia Patrum Latinorum, pro libero arbitrio in moralibus.

PRIMVS ex Latinis Tertullianus est, in libro secundo, contra Marcionem ita loquitur: Liberum, & sui arbitrii, & suæ potestatis innocens hominem insinuat. Sed ne Calvinus dicat (ut solet) Tertullianum loqui de prima institutione, quæ postea per peccatum sit mutata, audi sequentia. Hunc statim eius confirmant etiam ipsa lex tunc à Deo posita. Non enim poneretur lex ei, qui non haberet obsequium debitum legi.

in sua potestate. Nec rursus comminatio mortis transgressioni adscriberetur, si non & contemptus legis in arbitrii libertatem homini deputaretur. Sic & in posteris legibus creatoris inuenias proponens ante hominem bonum & malum, vitam & mortem. Et infra non procul à fine, Interrogat, inquit, Deus quasi incertus, ut & hinc liberi arbitrii probans hominem in causa aut confessionis, aut negationis, ut daret ei locum sponte confitendi delictum, & hoc nomine reuelandi. Sicut de Cain sciscitatur, ubi nam frater eius, ut ille haberes potestatem, ex eadem arbitrii libertate sponte negandi delicti, & hoc nomine grauandi. Et in libro de exhortatione Castitatis, non longe ab initio: Itaque, inquit, cum utrumque ex praeceptis eius didicerimus, quid velis, & quid nolis, iam nobis est voluntas eligendi alterum, sicut scriptum est: Ecce posui ante te bonum & malum.

At non meretur Tertullianus locum inter testes dogmatum Catholicorum, cum in multis magnisque rebus errauerit. Id enim solum est, quod respondere potest Calvinus. Sed facilis RESPONSIO est. Nam si solus hæc diceret, nullam ei fidem haberemus, ut qui propriam sectam instituerit, sed quod dicit cum omnibus Græcis & Latinis Patribus, non parum valet ad testimonium fidei, quæ vigeat antiquis illis temporibus in Ecclesia. Non errasse autem in hac re Tertullianum, nec fuisse dogma de libertate arbitrii proprium sectæ ipsius, certum est ex eo, quod neque Eusebius in historia, neque Augustinus in libro de hæresibus, neque alius auctor hanc sententiam inter alios Tertulliani errores enumerat.

SECUNDVS sit Beatus Martyr Cyprianus. Is in lib. 1. epist. 3. ad Cornelium: Dominus, inquit, non increpuit recedentes, aut comminatus est, sed magis conuersus ad Apostolos suos dixit: Numquid & vos vultis abire seruans scilicet legem, qua homo libertatis sue relictus, & in arbitrio proprio constitutus sibi metipsum vel mortem appetit, vel salutem. Et in lib. de vanitate Ecclesiæ: Fieri vero, inquit, hæc Dominus permittit, & patitur manente propria libertatis arbitrio. Vbi Notandum est, non posse hæc detorqueri ad libertatem à coactione, quam solum nobis Calvinus reliquit. Nam etiam si Deus impediret omnia peccata, adhuc maneret libertas à coactione, sicut ea manet in bestiis, quæ peccare non possunt, sed libertas à necessitate, & vera potestas eligendi bonum & malum, plane tolleretur, nisi Deus peccata permitteret. Atque hoc est, quod Cyprianus dicit, Deum pati, ut peccata fiant, totante propriæ libertatis arbitrio.

TERTIVS sit Minutius Felix, Is in Octauio ultra medium libri, sic gentiles alloquitur: Denique de vestro numero exacer exstuat. Christianus ubi nullus, nisi aut reus suæ religionis, aut profugus. Nec de fato quisquam aut solatium capiet, aut excuset, euentum sit sortis fortuna, mens tamen libera est, & ideo actus hominis, non dignitas iudicatur. Neque vero loquitur de libertate à sola coactione. Nam ea non repugnat fato, cui tamen repugnat libertas à necessitate. Potest enim sponte fieri id quod fato sit. Non potest autem quod fato sit, non necessario fieri.

QUARTVS sit Lactantius, Is in lib. 4. diuinarum Institutionum, c. 24. Qui dat, inquit, præcepta, amputare debet omnium excusationum vias, ut imponat hominibus parendi necessitatem, non vi aliqua, sed pudore, & tamen libertatem relinquat, ut & præmium sit constitutum parentibus, quia poterant non parere, si vellent, & non parentibus pœna, quia poterant parere, si vellent. Quo modo ergo poteris amputari excusatio, nisi ut qui docet faciat quæ docet, & sit quasi præuius, & manum porrigat secuturo?

QVINVS sit Iulius Firmicus, Is in libro de erroribus profanarum religionum, quem ad filios Constantini scripsit, sic loquitur cap. 29. Liberum te Deus fecit, in tua manu est, ut aut viuas, aut pereas, quid te abrupta præcipitas?

SEXTVS sit S. Hilarius, Is in commentario Psalmi secundi, sic ait: Vnicuique nostrum libertatem vite, sensumque permisit, non necessitatem in alterutrum afficiens. Et infra rationem reddens: Quid enim, inquit, honoris & præmi bonitatis necessitas mereretur cum malos non esse, vii quædam nobis confertan non sineret? Hunc egregium Patrem ultro nobis dat Calvinus, neque intelligit quatum detrimenti causæ suæ faciat, cum illi contrarium se profiteatur, quem non solum Hieronymus & Augustinus, sed etiam integra Synodus Ephesina prima, & alia deinceps Concilia mirifice coluerunt.

SEPTIMVS sit Optatus Mileuitanus, qui sic loquitur initio lib. 7. aduersus Parmenianum: Quicquid necessitas peccat, non potest magnis viribus accusari. Voluntas habet penam, necessitas veniam. Homicida scelus potest facere, potest & non facere, adulterium mæchus potest admittere, potest & non admittere, & cætera huiusmodi, in quibus liberum habetur arbitrium.

OCTAVVS sit S. Ambrosius, Is in lib. 1. de Iacob, cap. 3. Non est, inquit, quod cuiquam nostram adscribamus culpam, nisi nostræ voluntati. Nemo tenetur ad culpam nisi voluntate propria deflexeris. Voluntarium sibi militem legit Christus, voluntarium sibi seruum diabolus anctionatur. Ad hoc testimonium Calvinus responderet, intelligendum esse voluntario, quod opponitur coacto, atque inuito, non quod opponitur determinato ad vnum. Sed fallitur, nam in primis voluntarium, quod solum apponitur coacto, non sufficit ad peccandum, alioqui lupus etiam peccaret cum sponte alienas oues rapit & occidit. Deinde verba illa (nisi voluntate propria deflexeris) non significant solum sponte libereque deflectere, quod etiam pœcudi conuenire potest, quæ tamen non dicitur propria voluntate deflectere, etiam quando libere errat, sed significant ex deliberato consilio, atque electione deccare.

Sed quid respondebit Calvinus ad id, quod idem Ambrosius scribit in libro secundo de Cain, capite septimo? Non habes in quo necessitatem magis quam mentem tuam arguas. Et ad illud, quod habet idem auctor in expositione Psalmi quadragesimi. Homini dedit eligendi arbitrium, quod sequatur, ante hominem vita & mors, si deliqueris, non natura in culpa est, sed eligentis affectus. Hæc enim testimonia clariora sunt, quam ut vlla falsa interpretatione deprauari queant.

NONVS sit Beatus Philastrius, S. Ambrosii æqualis. Is in libro de hæresibus, capite de Pythonissa: Ignorauit, inquit, quod credentes animæ a fide Christi deditas iam se impietati faciunt, quia arbitrii sui est omnis homo, quod velit, ut eligas facere permittente Deo.

DECIMVS sit Beatus Gaudentius Brixianus, Philastrii successor; Is in tertio tractatu, supra Exodum inquit: Concessa semel voluntatis libertas non auferetur, ut nihil de eo indicare possit, qui liber non fuerit in agendo. Quo loco illud est obseruandum, liberum arbitrium primo homini in creatione datum (quod teste Caluino verum fuit liberum arbitrium, etiam à necessitate) nunquam auferri, auctore Gaudentio.

RVNVS idem auctor in tractatu de Machabæis: Vnam, inquit, Deus elegit arborem de omnibus lignis Paradisi, non vique malam, sed in qua sermorum suorum obedientiam persentaret, ut libertas arbitrii, vel

immortalitatis premium possideret obediens, vel contem-
nens exciperet mortis interminatæ sententiam. Mandu-
cauit homo quia voluit, mandatum non custodivit, quia no-
luit, morte multatus, quia mandatum seruare potuit, &
non stultus. Igitur si vnus arbuculi fructus, cotura Dei
mandatum temere à Protoplastis degustatus, mortem ge-
neri acquisiuit humana, potuit & Machabæis tunc sub
lege positis interitum parare mandati diuini transgressio, qui-
bus nunc honorem & gloriam præcepti eius custodia compara-
uit. Comparat Gaudentius Machabæos cum Proto-
plastis, quod isti tentati fuerint de manducatione li-
gni scientiæ, illi de manducatione carnis suillæ, quæ
non minus eo tempore Iudæis prohibita erat, quam
olim arbor scientiæ Protoplastis. Atque in eo Ma-
chabæos laudat, quod præceptum seruauerint, quod
ex libertate arbitrii potuissent non seruare: & con-
tra Protoplastos accusat, quod præceptum non cu-
stodierint, quod ex libertate arbitrii custodire sine
dubio potuissent. Alioqui enim ineptissima compa-
ratio est, si non sit manente arbitrii libertate in Ma-
chabæis, sicut in Protoplastis.

VNDECIMVS sit Prudentius, qui in versibus libe-
rum arbitrium pulchre descripsit. Sic enim canit in
Hamartigenia.

*Non sit sponte bonus, cui non est prompta potestas
Velle aliud, flexosque animi conuerti sensus.*

Item in libro secundo, aduersus.
Symmachum

*Dicant, cur condita sit lex
Bis sex in tabulis, aut cur rubrica minatur,
Quæ prohibet peccare reos, quos ferrea fata
Cogniti ad facinus, & inenitabile mergunt:
Quin & velle adigunt prauum insinuantia votum,
Ne liceat miseris vestrum committere nolle?
Cedite, si pudor est, gladiumque retundite vestrum,
Asperam ille meritis poenis plectentia iura,
Antrum carcerum dissoluite; corpora sub quo
Agminis innocui, fato peccante, tenentur.
Nemo nocens, si fata regunt, quod vinitur, ac sit.
Imo nocens quicumque volens, quod non licet, audet.
Alterutrum quia velle sum est, nec fata reatum
Imponunt, placitumque nefas, & facta rependit
Impia, supplicis merito, non sorte peremptus.*

Neque respondeat Calvinianus aliquis, hæc non
facere contra se, qui fatum non defendunt. Nam Pru-
dentius, & alii veteres ideo fatum oppugnant, quia
tollit liberum arbitrium: quod si Calvinistæ fatum
non agnoscunt, & tamen liberum arbitrium non
minus negant, quam illi qui fatum asserbant; cer-
te Prudentius & alii veteres contra ipsos etiam scri-
bunt, & liberi arbitrii possessionem ab omnibus, qui
quoquo modo eam impediunt scriptis suis vindicant.

DVODECIMVS sit B. Hieronymus. Is in epistola
ad Damasum, de filio prodigo, explicans illud, &
diuisti eis substantiam, sic ait: Significans in Græco
legitur, διδωμι αὐτοῖς κτήσιον, id est, dedit eis liberum arbi-
trium, dedit mentis propria libertatem, & ut videret
vnusquisque, non ex imperio Dei, sed ex obsequio suo, id
est, non ex necessitate, sed ex voluntate, ut virtus haberet
locum, ut à cæteris animalibus distaret, dum ad exem-
plum Dei permissum est nobis facere, quod velimus. Vnde
& in peccatores, æquum est iudicium, & in sanctos ac
iustos iustum premium retribuatur. Similia habet idem
auctor in epistola ad Hedibiam, q. 10. & lib. 2. aduer-
sus Iovinianum.

Sed quoniam Calvinus dicit, Hieronymum solum

in senectute à Pelagianis excitatum, sapere cepisse;
proferemus vnum etiam locum ex dialogis aduersus
Pelagianos. Sic igitur loquitur in tertio dialogo:
Hoc est quod tibi in principio dixeram, in nostra esse potesta-
te peccare, vel non peccare, ut liberum seruetur arbitrium.
Certenihil hic desiderari potest. Nam & liber est
contra Pelagianos, & sententia perspicua.

TERTIODECIMVS sit S. Paulinus, qui in epist. 2. ad
Seuerum, sic ait: *Quæ nobis est gratia (sin alieno tantum
fideles fuerimus) nisi de proprio seruiamus, id est, de libero
voluntatis arbitrio?* Vocat aliena Paulinus terrenas di-
uitias, quoniam tamen nostræ sint, tamen facile
possumus impediri, ne faciamus ex eis, quod volu-
mus: propria nominat actiones internas, quoniam
illæ sunt in potestate nostra, & earum propter arbi-
trii libertatem vere domini sumus.

Idem in eadem epistola: *Libertas, inquit, voluntatis
non cogitur, sed suadetur.* Per coactionem hoc loco ne-
cessitatem intelligit, frustra enim adhiberetur sua-
sio, si homo non posset aliter facere. Idem in episto-
la quarta ad eundem Seuerum: *Res potestatis nostræ est
noster affectus, hunc Domino impendamus & soluamus.* Lu-
therani docent, nos vtrumque liberos esse in actio-
nibus externis: in internis autem, præsertim erga
Deum, ne micam quidem libertatis habere. Noster
vero Paulinus contra docet, magis esse in potestate
liberi arbitrii affectum internum etiam erga Deum,
quam actiones externas. Itaque verus Papista fuit
S. Paulinus. Qui rursus in epistola 8. ad eundem:
*Agnoni bonum, inquit, & feci malum, cum æque mihi libe-
rum esset bonum facere. Quæ ergo misero mihi suppetet ve-
nia peccati?*

QUARTVSDECIMVS sit B. Innocentius pri-
mus Pontifex Romanus, qui in rescripto ad Concil.
Mileuitanum sic loquitur: *In omnibus diuinis, pagi-
nis voluntati libera, non nisi adiutorium Dei, legimus
esse necessarium, eamque nihil posse celestibus auxiliis de-
ficiunt.* Idem in rescripto ad Concilium Mileuita-
num: *Libera, inquit, arbitrium cum nesceremur accepi-
mus.*

Hæc Innocentii testimonia diligentissime consi-
deragna sunt, Nam & sunt absq; controuersia eius,
cui tribuuntur, & auctor est antiquus & grauis, &
à Sancto Augustino ac Hieronymo non semel lau-
datus. Scripta sunt præterea contra Pelagianos, & à
Sancto Augustino commendantur in epistola 106.
ad Paulinum, ut non sit periculum, ne nimium tri-
buant libero arbitrio. Denique non possunt detor-
queri ad liberum arbitrium primi hominis tantum,
quod habuit in statu innocentie, cum hic auctor di-
cat nos omnes liberum arbitrium in ipsa natiuitate
accipere. Neque exponi possunt de sola libertate ad
malum quam habent iuxta Calvinum impii, quia
libenter peccant; nam Innocentius dicit, liberum ar-
bitrium egere gratia Dei, non autem egent gratia
Dei peccatores, ut libenter peccent. Neque possunt
explicari de libertate tantum ad bonum, quam habent
secundum Calvinum iusti, qui libenter bene agunt.
Nam ista libertas non incipit, cum nascimur, sed cum
renascimur. Innocentius autem loquitur de libero
arbitrio, quod cum nasceremur, accepimus. Nec
possunt ad extremum intelligi de libertate à sola co-
actione. Illa enim non eget gratia Dei, cum sit no-
bis communis cum bestiis, neque per peccatum
amitti aut lædi potuerit.

QVINTVSDECIMVS sit Beatus Celestinus primus,
Pontifex Romanus, qui in epistola ad Gallos, c. 13.
sic loquitur: *Auxilio & munere Dei liberum arbitrium
non tollitur, sed liberatur, ut de tenebroso lucidum, de prano
rectum, de languido sanum, de imprudente sit prouidum.*

Hic omnia ferme repeti possent, quæ diximus de testimonio S. Innocentii, ut omittam, quod sanctus Celestinus in eadem epistola, sancti Innocentii sententiam confirmat, & in eandem allegat etiam Beatum Zozimum, Innocentii successorem, suum autem prædecessorem.

SEXTVSDECIMVS sit S. Leo primus item Pontifex Romanus, qui canonum Concilii Arausiaci primarius auctor fuit, ut in præfatione eius Concilii dicitur; legimus autem in canone octavo & decimo tertio, liberum arbitrium per lapsum primi hominis infirmatum, atque attenuatum, non extinctum fuisse: proinde posse malum & bonum eligere, sed malum per se, bonum cum auxilio gratiæ. Neque potest hoc ad libertatem à sola coactione derivari, quoniam ut diximus, ea libertas non eget auxilio gratiæ, neque per peccatum infirmata, vel attenuata fuit, neque liberi arbitrii nomen meretur.

SEPTIMVSDECIMVS sit B. Prosper, qui in 1. lib. de vocatione gentium, cap. 3. sic ait: *Nec quia Spiritu Dei agitur, ideo se putet liberum arbitrium non habere, quod nec tunc perdidit, quando diabolo voluntate se dedit, à quo iudicium voluntatis deprauatum est, non ablatum.*

DECIMVSOTAVVS sit S. Fulgentius, qui in lib. de Incarnatione & gratia Christi, c. 28. sic ait: *Gratia Dei humanum non auferitur, sed sanatur arbitrium.* Hæc quoque Prosperi, atque Fulgentii testimonia intelligi non possunt de sola libertate à coactione, propter easdem rationes.

DECIMVSNONVS sit Seuerinus Boëtius, vir sui temporis longe doctissimus, qui in lib. 5. de Consolatione Philosphiæ, extremo, sic ait: *Quæ cum ita sint, inane, intemerata mortalibus libertas arbitrii, nec inique lege soluta: omni necessitate voluntatis præmia, pœnasque proponunt. Nihil clarius dici potuit.*

VICESIMVS sit S. Gregorius primus, Romanus Pontifex, qui in libro 31. Moralium, capite 25. ita loquitur: *Idcirco nequaquam celestis patriæ præmia æterna percipiunt, quia nunc dum promereri poterant, ex libero arbitrio contempserunt.* Habes hic liberum arbitrium, quo potest homo (adiutus gratia) promereri vitam æternam, & eandem si velit, non promereri, sed despiciere atque contemnere.

VICESIMVS PRIMVS sit Arnobius qui tractans Psalmum nonagesimum, sic ait: *Libertatem arbitrii & negare periculum est, & nudare peccatum. Si enim negaueris, omnibus fraus locasti, si fundaueris, decepisti.* Hunc auctorem hoc loco posuimus, quoniam non floruit post Bedam, cum ab illo citetur in explicatione Psalmorum, & tamen floruit post hæresim Pelagianam exortam, ut ex multis locis commentariorum eius in Psalmos intelligi potest. Itaque non est ille Arnobius, qui scripsit septem libros contra gentes, sed alius recentior, grauis tamen & doctus & saltem venerabili Beda antiquior.

VICESIMVS SECUNDVS sit ipse venerabilis Beda, qui in commentario ad 4. c. Genes. ita loquitur: *Subterit appetitus eius, id est, peccati, & tu dominaberis illius, ac si aperte diceret, subitua potestate est, si bene vel male egeris.*

VICESIMVS TERTIVS S. Leo IX. Romanus Pontifex, qui in epistola ad Petrum Antiochenum: *Gratiæ, inquit, Dei præuenire, & subsequi hominem credo, & proficor, ita tamen, ut liberum arbitrium rationali creatura non denegem.*

VICESIMVS QUARTVS sit S. Anselmus, qui in commentario ad secundum caput epistolæ posterioris ad Timotheum, sic ait: *Liberum arbitrium dedisti nobis Dominus, ut arbitrio propria voluntatis recedamus*

ab iniquitate, vel permaneamus in iniquitate.

VICESIMVS QUINTVS sit Sanctus Bernardus, qui in sermon. 81. in Cantica: *Arbitrii, inquit, libertas est plane diuinum quiddam præfulgens in anima, tanquam gemma in auro. Ex hac nempe inest illi inter vitam & mortem, sed & nihilominus inter lucem & tenebras, & cognitio iudicii, & optio eligendi. Ex infra: Vnde & liberum nominatur arbitrium, quod liceat auferari in his pro arbitrio voluntatis. Inde homo ad promerendum potest, omne etenim quod feceris bonum, malumve, quod quidem non facere liberum sit, merito ad meritum deputatur. Et ut merito laudatur non is tantum, qui potuit facere mala, & non fecit: ita malo non caret merito, tam is, qui potuit non facere mala, & fecit, quam qui potuit facere bona, & non fecit. Vbi autem non est libertas, nec meritum.* Propterea quæ sunt carentia ratione animalia nihil merentur, quia sicut ratione ita & libertate carent. Præclara omnino sententia & digna, quæ consensu tot hominum doctissimorum quadam quasi peroratione concluderit.

Iam vero si Calvinus stare promissis velit, cedere prorsus illum oportebit, non mihi, sed Concilio plane Oecumenico & libero, quale alterum nunquam celebratum est. Hic enim, si quæras dignitates sedis, habes Romanos Episcopos septem, Clementem, Innocentium, Zozimum, Celestinum, Leonem, Gregorium, alterum Leonem; Alexandrinos tres, Athanasium, Theophilum, Cyrillum; Antiochenum Ignatium; Hierosolymitanum Cyrillum; Constantinopolitanum Chrysostomum. Si Prouinciarum varietatem, habes ex Asia Iustinum, Origenem, Eusebium, Theodoretum & alios. Ex Africa Tertullianum, Cyprianum, Laetantium, Fulgentium. Ex Europa, Hilarium, Ambrosium, Hieronymum, Paulinum, & cæteros maximo numero. Si doctrinam, eloquentiam, sanctitatem, habes lumina ipsa totius Ecclesiæ, tum Latinæ, tum Græcæ.

Accedit postremo, quod in Conciliis Ecclesiæ, quantumvis numerosis, soli interesse potuerunt, qui illa ætate vivebant: hic autem nos illos omnes egregios Pastores & Doctores congregauimus, qui diuersis ætatibus ab ipso tempore Apostolorum usque ad annum Domini millesimum & centesimum floruerunt, neque difficile esset, si aduersarii id requirerent, addere cæteros, qui non solum doctrina, sed etiam vita, & miraculis illustres sententiam eandem de arbitrii libertate his posterioribus sæculis docuerunt.

CAPVT XXVII.

Adferuntur testimonia ex libris Augustini, quos ille scripsit ante exortam hæresim Pelagianam.

Nunc demum proferenda sunt testimonia sancti Augustini. Et quoniam Calvinus in tertio, aduersus Pighium, duobus verbis respondet ad omnia loca, quæ habentur in libris ab eo scriptis ante exortam hæresim Pelagianam, dicens, in eis vel agitur de libero arbitrio primi hominis ante peccatum, vel non affirmari ex propria sententia liberum arbitrium, sed concedi, ut inde aliquid contra aduersarios colligatur. Nos primo, adferemus testimonia scripta ante exortam hæresim Pelagii, & breuiter discutiemus istas Caluini responsiones. Deinde, adferemus etiam testimonia ex libris scriptis post exortam Pelagianam hæresim. Nam ex utroque ordine satis magna copia suppetit, atque utinam aduersarii vel vnus S. Augustini iudicio acquiescere velent. Res enim tota facile componeretur.

PRIMUM igitur testimonium sumitur ex lib. de quantitate animæ, c. 36. vbi sic legimus: *Deus summus & verus lege inenitabili & incorrupta, quæ omne quod condidit, regit, subiecit animæ corpus, animam sibi, & sic omnia sibi, neque in ullo actu eandem deserit, sine pœna, sine præmio. Id enim indicant esse pulcherrimum, ut esset quicquid est, quomodo est, & ita natura gradibus ordinaretur, ut considerantem universitatem, multa offenderes ex vlla parte deformitas, omnisque animæ pœna, & omne præmium conferret semper aliquid proportioni iuste pulchritudinis, dispositionisque rerum omnium. Datum est enim animæ liberum arbitrium, quod qui nugatoriis ratiocinationibus labefactare conantur, usque adeo cæsi sunt, ut ne ista ipsa quidem vana, atque sacrilegia propria voluntate se dicere intelligant.*

Huac locum non retractavit (nam ad retractationes nos Calvinus remittit, pro eiusmodi locorum explicatione) Sanctus Augustinus, neque explicuit, sed reliquit plane intactum, ut perspicuum est ex libro primo retract. capite octavo, vbi hunc librum recognoscit. Neque recte dicitur (ut Calvinus existimat) hunc locum retractatum, ut explicatum censei debere, cum alii similes, retractati sunt, vel explicati. Nam omnia loca, quæ Sanctus Augustinus explicat in libris retractationum circa liberum arbitrium, posteriora sunt, proinde ab hoc nostro loco incipere debuisset, si in eo annotandum aliquid reperisset.

NEQUE loquitur hoc loco Sanctus Augustinus de libero arbitrio solius Adami, ut Calvinus impudenter affirmat, nam dicit eos ipsos, qui nunc disputant contra liberum arbitrium, tam cæcos esse, ut non intelligant, se per liberum arbitrium hoc facere, & præterea cum dicit in singulis actibus non deserit nos à Deo pœna, vel præmio, quia liberi arbitrii sumus, de quo quæso libero arbitrio loquitur? nonne de nostro, hoc est, omnium hominum, qui nunc vivimus?

DENIQUE, non argumentari Augustinum ex concessis, sed affirmare ex sententia sua, idque omnino serio, testantur illa verba, quibus dicit cæcos esse, qui nugatoriis ratiocinationibus liberum arbitrium labefactare conantur. An non etiam ipse se inter cæcos & nugaces constitueret, si liberum arbitrium esse non crederet, sed tantum argumentandi gratia illud esse concederet?

SECUNDUM testimonium sumitur ex libris tribus de libero arbitrio. Nam libro primo, cap. 12. sic ait: *Vides igitur iam existimo, in voluntate nostra esse constitutum, ut hoc vel fruamur, vel careamus tanto & tam vero bono. Item libro secundo, capite primo: Quantum, inquit, in superiore libro intelligere mihi visus sum, & habemus liberum voluntatis arbitrium, & non nisi eo peccamus. Item libro tertio, capite primo: Neque ulla culpa, inquit, deprehendi potest, ubi natura necessitasque dominatur. Et capite decimo octavo: Sed si laboriosum est, inquit, omnia mandare memoria, hoc brevissimum tene. Quæcumque ista causa est voluntatis, si non ei potest resisti, sine peccato ei ceditur. Si autem potest, non ei cedatur, & non peccabitur. An forte fallit incautum? ergo caueat ne fallatur. An tanta fallacia est, ut caneri omnino non possit? si ita est, nulla peccata sunt. Quis quidem peccat in eo, quod nullo modo caneri potest? peccatur autem, ergo caneri potest. Non erit opus, credo, ut probemus in his locis Augustinum non argumentari ex concessis, sed ex propria sententia libertatem arbitrii confirmare: nam totum opus ad hunc finem potissimum scriptum est, ut liberum arbitrium contra Manichæorum fabulas defendatur.*

A Veniamus igitur ad alteram Calvini responsionem, & videamus, utrum Augustinus differat de libero arbitrio, quale nunc est, an solum de illo, quod fuit in statu innocentie. Nam de solo libero arbitrio naturæ integræ Augustinum loqui, probat Calvinus ex libro primo retractationum, cap. nono, vbi sanctus Augustinus hoc ipsum non solum dicit, sed etiam indicat, se id non tacuisse in ipso libro tertio de libero arbitrio, cap. 18. vbi habentur hæc verba: *Approbare falsa pro veris, ut erret inuitus, & resistente atque torquente dolore carnalis vinculi, non posse à libidinosis operibus temperare, non est natura instituti hominis, sed pœna damnati. Cum autem de libera voluntate recte facienda loquimur, de illa scilicet, in qua homo factus est, loquimur. Hæc ille.*

B At profecto, si sanctus AUGUSTINUS crederet, solum Adamum fuisse liberum, eumque non nisi ante peccatum: non deberet explicare sententiam suam in libris retractationum, sed totos libros tres de libero arbitrio, & cum eis alios multos igni tradere, nisi stultissimus haberi vellet. Nam singuli fere versus horum librorum tam luculenter docent, hominem post lapsum adæ esse liberi arbitrii, ut nulli explicationi sit locus. Certe in secundo libro, cap. 1. sæpissime repetit, hominem nunc esse liberi arbitrii, & nisi talis esset, non peccaturum, & iniuste puniendum: *Illud, inquit, bonum, quo commendatur ipsa instituta in damnandis peccatis, recteque factis honorandis, quomodo esset, si homo careret libero voluntatis arbitrio?* Et antea cum dixisset in persona Euodii: *Quantum in superiori libro intelligere mihi visus sum, & habemus liberum voluntatis arbitrium, & eo solo peccamus.* Subiungit in persona sua: *Ego quoque memini, iam nobis id factum esse perspicuum, sed nunc interrogavi, utrum hoc quod nos habere, & quo nos peccare, manifestum est, Deum nobis dedisse scias, &c.* Audisne Augustin. dicere, perspicuum esse, nos habere liberum arbitrium (non solum Adamum habuisse) & eo nos peccare, non solum Adamum eo peccavisse?

C Ut igitur intelligamus, quid sit quod S. Augustinus in retractationibus explicat, ex libris de libero arbitrio; Sciendum est liberum arbitrium Adami ante peccatum, duabus in rebus potentius fuisse, quam nostrum; nos enim etsi liberi sumus in actu voluntatis, & possumus pro arbitrio velle, & non velle, eligere & non eligere: tamen sæpe non sumus liberi in actu aliarum potentiarum, siue in executione voluntatis: & pati cogimur rebellionem partis inferioris, & dicere cum Apostolo, quod nolo hoc facio. Adam vero ante lapsum liber erat, non solum in actu voluntatis, sed etiam in executione, cum nulla esset in eius corpore rebellio, & omnia membra illi seruirent ad nutum.

D Deinde nos egemus protectione, & adiutorio Dei speciali contra tentationes, & eo non præsentente, necessario cedimus & succubimus, quamvis absolute non necessario succumbamus, cum adiutorium Domini ad non peccandum nemini denegetur, ut in secundo libro demonstravimus. Adam vero isto adiutorio non egebat, sed poterat viribus liberi arbitrii, quod sanum & forte receperat, temptationibus omnibus facile resistere. Vtrumque Pelagiani negabant, & liberum nostrum arbitrium nulla in re libero arbitrio Adami concedere contendebant, & ad hanc falsam sententiam suam, ipsius etiam Augustini verba in libris de libero arbitrio scriptis, eidem Augustino obiciebant. Hæc igitur de causa in libro primo retractationum, cap. 9. sanctus Augustinus clarius explicat sententiam suam, & monet in lib. 3. de libero arbitrio, cap. 18. non se tacuisse hanc diuersitatem inter

liberum arbitrium nostrum, & Adami ante peccatum: Quare verba illa: *Cum autem de libera voluntate recte faciente loquimur, de illa scilicet in qua homo factus est, loquimur.* Non significat, ut Caluinus falso credit, omnia loca horum librorum exponenda esse, de solo libero arbitrio Adami: sed omnia loca, in quibus asseritur libertas eligendi sine relinquentia partis inferioris, & sine vlla ignorantia, & difficultate, intelligenda esse de libero arbitrio quale fuit ante peccatum, non quale nunc est post peccatum.

Id autem ita esse, confirmari potest ex verbis eiusdem capituli decimi octavi, libri tertii, de libero arbitrio: *Nec mirandum, inquit, quod vel ignorando non habet liberum arbitrium, ad eligendum quid recte faciat vel resistente carnali consuetudine, videat quid recte faciendum sit, & velit, nec possit implere.* Illa est enim peccati poena iustissima, ut amittat unusquisque quo bene utitur, cum sine vlla esset difficultate, si vellet. Nota illud, velit, nec possit implere. Significat enim, quod diximus, libere hominem velle, sed non libere implere, propter relinquentiam partis inferioris. Et ibidem. *Approbare falsa pro veris ut erret inuitus, & resistente dolore carnalis vinculi, non posse à libidinosis operibus temperare, non est natura instituti hominis, sed poena damnati.* Cum autem de libera voluntate recte faciente loquimur, de illa scilicet, in qua homo factus est, loquimur. Vides hic libertatem recte faciendi, quæ homini instituto conceditur, opponi necessitati errandi, & concupiscendi contra voluntatem? Poterat igitur Adam non errare inuitus, & temperare ab omnibus motibus carnis, quod nos minime possumus, etiam si velimus. Atque hæc est prima diuersitas inter nos & Adamum.

Idem Augustinus in eodem libro primo retractationum, capite nono, explicat alteram differentiam inter liberum arbitrium nostrum, & Adami, quod nos egeamus adiutorio, quo ille non egebat: *Noni inquit, heretici Pelagiani, qui liberum sic asserunt voluntatis arbitrium, ut gratia non relinquunt locum, non se extollant, quasi eorum egerim causam, quia multa in his libris dixi pro libero arbitrio, quæ illius disputationis causa poscebat.* Et infra: *In his, atque huiusmodi verbis meis, quia gratia Dei commemorata non est, de qua tunc non agebatur, putant Pelagiani, vel putare possunt, suam nos tenuisse sententiam. Sed frustra hoc putant.*

Idem etiam Auevstinus in libro de natura & gratia, capite sexagesimo septimo, demonstrat in tertio libro de libero arbitrio, non fuisse omnino præteritam gratiæ mentionem, Nam cum Pelagiani obiecerint illud ex eodem lib. 3. *Quis enim peccat in eo quod caueri non potest?* Respondit, neminem peccare in eo quod vitare non potest, sed non ideo vitare posse peccata, quod adhuc sit integra natura ut erat in Adamo, sed quoniam Dei gratia præsto est. Et addit, id se non tacuisse in tertio libro de libero arbitrio: *Ex ipsis, inquit, libris oportet me commemorare, quod ipse si sentiret, atque in suis litteris poneret, nulla inter nos de hac re controuersia remaneret.*

Et mox recitat multa, & inter alia illud ex cap. 19. lib. 3. *Cum ubique sit præstans, qui multis modis per creaturam suam auctorem vocet, doceat credendum, consoleatur sperantem, diligentem adhortetur, conantem adiuvet, exaudiat deprecantem, non tibi deputatur ad culpam, quod inuitus ignoras, sed quod negligis quærere quod ignoras, neque illud quod vulnerata membra non colligis, sed quod volentes sanare contemnitis.* Ex his omnibus habemus S. Augustinum in libris de libero arbitrio, sic Manichæos & per hoc etiam Caluinistas, vere ac solide confutasse, ut tamen causam Pelagianorum nulla ex parte adiuuerit: licet non ita diligenter, & copio-

A se gratiam commendauerit, quam tunc nemo negabat, sicut postea fecit, cum occasio illa in defendendo se obtulit.

TERTIUM testimonium sumitur ex libro de vera religione, cap. 14. ubi sic loquitur S. Augustinus: *Vsq̃ adeo peccatum voluntarium est malum, ut nullo modo sit peccatum, si non sit voluntarium. Et hoc quidem manifestum est adeo, ut nulla hic doctorum paucitas, nulla indoctorum turba dissentiat.* Et infra: *Et quoniam peccari non dubium est, ne hoc quidem dubitandum video, habere animas liberum voluntatis arbitrium. Tales enim seruos suos meliores esse, Deus indicauit, si eis seruirent liberaliter. Quod nullo modo fieri possit, si non voluntate, sed necessitate seruirent.* Non potest ad hunc locum responderi, Augustinum argumentari ex concessis, & non serio explicare quid sentiat. Quid enim potuit apertius ex sententia sua dicere, quam ita esse manifestum, animas habere liberum voluntatis arbitrium, ut nulla hic doctorum paucitas, nulla indoctorum turba dissentiat?

Caluinus igitur ad alterum perfugium se conferens dicit, Augustinum loqui de peccato primi hominis, quod vere non necessitate, sed voluntate commissum est. Id autem probat ex libro primo retractationum, capite decimo tertio, ubi hunc locum explicans Auevstinus, ita loquitur: *Potest videri falsa hæc definitio, sed si diligenter excutatur, innensetur esse verissima. Peccatum quippe illud cogitandum est, quod tantummodo peccatum est, non quod est etiam poena peccati.* Item probat in lib. de natura & gratia, cap. 63. ubi proponitur obiectio Pelagii, ex verbis illis Hieronymi libro 2. ad Iovinianum. *Liberi arbitrii nos condidit Deus, nec ad virtutes, nec ad vicia necessitate trahimur, alioqui ubi necessitas, neque corona, neque damnatio est.* Ad quam obiectionem respondet Auevstinus: *Quis non agnoscat? quis non toto corde suscipiat? quis aliter conditam humanam neget esse naturam? sed in recto faciendo ideo nullum est vinculum necessitatis, quia est libertas charitatis?*

At nihilominus constanter asserimus, non posse locum Augustini citatum à nobis ex lib. de vera religione ita exponi, ut ad solius Adæ peccatum pertinere doceatur. Nam quod peccatum sit omnino voluntarium, & si non sit voluntarium, non sit peccatum, probat Augustinus ex communi consensu generis humani, dum dicit, nullam hic indoctorum turbam dissentire, ac certe turba indoctorum, & vulgus generis humani, cum prædicat, non esse peccatum quod voluntate non sit, sed necessitate, non respicit ad peccatum Adami, sed ad experientiam suam, & naturale lumen omnibus insitum.

DEINDE affirmat Augustinus non debere corripere peccatores, si non voluntate, sed necessitate peccant; si autem non corripiantur, omnem de medio tolli religionem. Vbi sine dubio non loquitur de Adamo, sed de peccatis, quæ fiunt ab hominibus, qui hoc tempore viuunt.

DEINDE scribit August. ideo sine vlla dubitatione animas liberum habere voluntatis arbitrium, quod dubium non sit, multa peccata fieri. Vbi sicut absque controuersia loquitur de peccatis, quæ nunc fiunt, ita etiam sine controuersia intelligi debet de libero arbitrio, quod nunc est.

Ad obiectionem igitur propositam ex retractationibus: RESPONDEO, sanctum Augustinum significare voluisse definitionem peccati, in quo ponitur voluntarium, perfectissime & plenissime conuenire primo peccato, sed tamen etiam cetera omnia peccata debere esse voluntaria, & alioqui non esse peccata. Quod autem dicit Auevstinus definitionem

illam

illam, nisi diligenter discutiatur, videri posse falsam, dicitur propter peccatum originale, quod minimum habet de voluntario, non propter peccata actualia, de quibus modo nos loquimur, quæ item adeo sunt manifeste voluntaria, ut de illis potissimum intelligatur, quod nulla hic doctorum paucitas, nulla indoctorum turba dissentiat.

Distinguit igitur Augustinus **QUATVOR** genera peccatorum. **PRIMUM** est peccatum illud, quod nullius precedentis est pœna peccati, & tale fuit peccatum primum Adami, quod quia plenissime voluntarium fuit, ideo fuit etiam plenissime perfectissimeque peccatum.

ALTERVM eorum est, qui dominanti cupiditati consentiunt, quod quidem est, aliquo modo pœna peccati (nam cupiditas ex peccato nata est) & est necessarium ex hypothesi, quoniam non potest non cadere in, in quo regnat cupiditas, tamen absolute non est necessarium, sed voluntarium, quoniam potest homo cum Dei auxilio facere, ut cupiditas in se non regnet, ac per hoc est etiam absolute, simpliciterque peccatum.

TERTIVM est infantium, qui contrahunt ex parentibus originale peccatum, & hoc non est voluntarium, nisi primi parentis voluntate, & ideo non dicitur actuale, sed originale, & est aliquo modo alienum, aliquo modo proprium, & simul est peccatum, & pœna peccati. Et propter hoc (ut iam diximus) S. AUGUSTINVS monet, respiciendum esse ad peccatum primi hominis, si quis intelligere velit, quomodo omne peccatum; etiam originale, sit voluntarium.

QUARTVM est eorum, qui ex ignorantia peccant, cum id faciunt, quod ignorant esse peccatum, atque hoc etiam est pœna peccati, quia ignorantia ex peccato est, & est aliquo modo voluntarium, sed voluntate facti, non voluntate peccati, quoniam volunt facere quod faciunt, sed si scirent esse peccatum, non vellent facere, nec facerent. Et idcirco hoc est improprie voluntarium, proinde etiam improprie peccatum.

Ad obiectionem ex libro de natura & gratia facillima **RESPONSIO** est. Non enim eo loco sanctus Augustinus negat, peccatum esse voluntarium, sed addit, gratiam esse necessariam ad peccata vitanda, quod nos non negamus, atque vitam aduersarii sic liberum arbitrium non oppugnant, quo modo nos gratiam libentissime, gratissimeque defendimus.

QUARTVM testimonium sumitur ex libro de duabus animabus. cap. 11. ubi hæc habentur: Peccatum est voluntas retinendi, vel consequendi quod iustitia vetat, & unde liberum est abstinere. Nec hic libri obsecro mihi scrutandi erant, unde discerem, neminem vituperatione, supplicio dignum, qui aut id velit, quod iustitia velle non prohibet, aut id non faciat, quod facere non potest. Nonne ista cantant in montibus pastores, & in theatris Poeta, & indocti in circulis, & docti in bibliothecis, & magistri in scholis, & antistites in sacris locis, & in orbe terrarum genus humanum? Ex c. 12. Peccati reum teneri quemquam, quia non fecit, quod facere non potuit, summa iniquitas est, & infamia. Quamobrem illa anima quicquid faciunt, si natura, non voluntate faciunt, id est, si libero ad faciendum, & non faciendum motu animi carens, si denique his abstinendi ab opere suo nulla potestas conceditur, peccato eorum teneri non possumus.

Ad hunc etiam locum responderi non posse, argumentari **AUGUSTINVM** ex concessis, non loqui ex propria mente, extra controuersiam esse debet.

A Siquidem ipse se infantem argueret, si crederet, reum peccati teneri eum, qui non habet liberum arbitrium, ut possit facere & non facere. Respondet igitur Calvinus more solito, loqui Augustinum de peccato primi hominis, quod libera voluntate commissum, fuit. Et probat ex lib. 1. retractationum, cap. 15. ubi recognoscens S. Augustinus locum à nobis citatum, sic ait: *Definitio peccati, qua diximus, peccatum est voluntas retinendi, &c. propterea vera est, quia id definitum est quod tantummodo peccatum est, non quod est etiam pœna peccati.*

B At non dicit **AUGUSTINVS**, solum illud esse verum peccatum, quod ita est peccatum, ut non sit etiam pœna peccati, alioqui nullum verum peccatum esset pœna peccati, & S. Augustinus secum ipse pugnaret. Quod si id, quod est pœna peccati, potest etiam verum esse peccatum, certe potest illi etiam peccati definitio conuenire. Significat igitur August. definitionem illam, in qua ponitur libertas ad utrumlibet, præcipue conuenire peccato Adami, quoniam illud ita libere factum est, ut nulla fuerit necessitas neque conditionalis, neque absoluta peccati. Unde etiam paulo ante in eodem capite, idem sanctus Augustinus apposuit illam particulam, **PRÆCIPVE**, dicens: *Peccatum quod nusquam est nisi voluntate, illud PRÆCIPVE intelligendum est, quod in ista dominatio consequuta est.*

C Peccata vero, quæ sunt cogente cupiditate (de his enim loquitur hoc loco S. August.) sunt quidem absolute voluntaria, & absolute illis conuenit definitio supra posita, tamen habent aliquid necessitatis admistum, quoniam ex hypothesi, id est, nisi auxilio Dei reprimatur cupiditas, euitari non possunt, & ideo non tam perfecte illis conuenit definitio peccati, ac peccato primi hominis conueniebat.

D Denique, non velle Augustinum in retractationibus dicere, definitionem à se positam, in libro de duabus animabus, soli peccato primi hominis conuenire, certissimum esse debet. Nam ipse dicit, cantari à pastoribus in montibus, à Poëtis in theatris, & ab indoctis in circulis, neminem peccare si non facit, quod facere non potest. Certe autem pastores, Poëtæ, indocti, cum illa cantant, non cogitant Adami peccatum, sed peccata sua, sui que similia. Deinde cum ibidem Augustinus addit, si anima nostra non habet liberum arbitrium ad faciendum, & non faciendum, peccato eius non teneri non posse: nonne apertissime de nostro, non de Adami peccato loquitur?

E **QUINTVM** testimonium sumitur ex lib. 2. Actorum, cum Felice Manichæo, cap. 3. habentur hæc verba: *Esse liberum arbitrium, & inde peccare quemque, si velit, non peccare, si nolit, non solum in diuinis Scripturis, quas non intelligis, sed etiam in verbis ipsius Manichæi tibi prolo.* Et infra: cap. 4. *Adiungo de libero arbitrio, primo ipsum Dominum, ubi duas arbores commemorat, quarum mentionem ipse fecisti, audi dicentem, aut facite arborem bonam, & fructum eius bonum, aut facite arborem malam, & fructum eius malum. cum ergo dicit, aut hoc facite, aut illud facite; potestatem indicat, non naturam. Nemo enim nisi Deus facere arbores potest. Sed habet unusquisque in voluntate aut eligere quæ bonæ sunt, & esse arbor bonam; aut eligere quæ malæ, & esse arbor mala.*

Hunc locum S. Augustinus nusquam retinuit. Nam in lib. 2. retractationum, cap. 8. recensens hos libros, tantum admonet, se non disputasse de gratia, quia non erat necesse. Itaque vera esse illa omnia existimauit, nec pugnare libertatem arbitrii, ut reuera non pugnat cum necessitate gratiæ.

Neque dici potest, illum argumentari ex concessis & ad hominem. Nam is, (cum quo disputabat) non concedebat, sed negabat liberum arbitrium, & ideo ex diuinis litteris illud probandum ipse suscepit. Confugit igitur Calvinus ad suam veterem cautionem de libero arbitrio primi hominis. Sed hæc iam est intolerabilis impudentia, cum Aug. dicat, esse liberum arbitrium, & vnumquemque (non solum igitur Adamum) inde peccare si velit, non peccare, si nolit. Et id probet ex testimonio Evangelii, quod non ad Adamum, sed ad Iudæos à Domino dictum erat, & denique, cum Aug. aduersus Manichæos disputer, non de Adam peccato, sed de nostris, quæ illi negantes liberum arbitrium excusare, & in principem quandam tenebrarum referre solebant.

CAPVT XXVIII.

Adferuntur testimonia S. Augustini pro libero arbitrio scripta, post exortam hæresim Pelagij.

IAM vero quod attinet ad secundum ordinem librorum sancti Augustini, eorum videlicet, quæ scripta sunt post exortam hæresim Pelagij, multa Calvinus disputat, quæ parum, aut nihil ad rem faciunt. Iactat enim magna cōfidentia, eos omnes libros pro se facere, quod in illis Augustinus identidem repetat, nihil boni hominem facere posse sine adiutorio gratiæ. Atqui ista alia quæstio est, neque nos negamus necessitatem gratiæ, sed contendimus præsentem auxilio gratiæ, hominem vere ac proprie adhuc esse liberi arbitrii, ut possit præcepta seruare, si velit, & non seruare, si nolit. Et quoniam aduersarii, & Calvinus in primis contra affirmant præsentem auxilio gratiæ non posse hominem male facere, eo vero absente non posse bene facere, ac per hoc nunquam habere liberum voluntatis arbitrium, & hoc ipsum vocabulum non recte vsurpari, cum sit titulus sine re, idcirco testimonia Augustini ad liberum arbitrium confirmandum adferimus.

Omissis ergo parergis, **P R I M U M** testimonium sit illud, quod S. Augustinus simpliciter libertatem arbitrii confitetur, in lib. de gratia & libero arbitrio, c. 1. *Reuelauit, inquit, Deus per Scripturas suas sanctas, esse in homine liberum voluntatis arbitrium.* Similia habet in ep. 46. & 47. ad Valentinum, & alibi multis in locis.

Respondet CALVINUS, quod attinet ad nomen liberi arbitrii, S. Augustinum cessasse inueteratam iam consuetudini, cui resistere non valebat. Quantum autem ad rem, non agnosci ab Augustino libertatem arbitrii, nisi à coactione. AT si B. Augustinus prudenter cedendum esse iudicauit receptæ consuetudini in Ecclesia per annos in quadragintos, quanta est Caluini temeritas, qui cedendum esse non iudicat consuetudini iam per annos mille, & quingentos inueteratæ?

D E I N D E, si cupiebat Augustinus (ut Calvinus indicat) hoc nomē aboleri, quare non tetrauit saltem id facere? quare non solum id non tentauit, sed contra potius eam consuetudinem diligentissime fouit? fouisse enim manifeste colligimus ex eo, quod ipse monet, ut nemo propter gratiæ prædicationem negare audeat arbitrii libertatem: *Credite* (inquit in epist. 46.) *diminise loquitis, quia liberum est hominis arbitrium.* Et rursum in epist. 47. *Quantum potimus, inquit, egimus cum istis vestris, & nostris fratribus, ut in fide sana, Catholica perseuerarent, quæ neque liberum arbitrium negat, siue in vitam malam, siue in bonam, neque tantum ei tribuit, ut sine gratia valeat aliquid.* Et in li-

A bro de gratia & libero arbitrio, c. 1. *Quoniam, inquit, sunt quidam, qui sic gratiam Dei defendunt, ut negent hominis liberum arbitrium, aut quando gratia defenditur, negari existant liberum arbitrium, hic aliquid scribere ad vestram charitatem, Valentinus frater, & ceteri, qui simul Deo seruiunt, compellente charitate curauit.*

Neque possunt hæc Augustini loca detorqueri ad liberum arbitrium à sola coactione. Nam illud liberum arbitrium sanctus Augustinus confitetur, & confitendum esse monet, quod à Valentini Monachis negabatur. Illi autem non negabant liberum arbitrium à coactione, sed à necessitate, quod solum difficulter cum gratia coniungi posse videtur. Libertas enim à coactione facillime cum gratia copulatur: immo etiam cum fato, & quauis alia causa determinante ad vnum; & ideo nemo vnquam illud negauit.

S E C U N D U M testimonium sumitur illis locis ubi recitantur hæreses Pelagij. Vbi cunq; enim sanctus Augustinus Pelagianos errores, circa libertatem arbitrii commemorat, semper dicit Pelagianos nimis multum tribuisse libero arbitrio. Nusquam autem dicit errasse in eo, quod liberum arbitrium prædicarent. At certe si assertio liberi arbitrii erronea esset, ad errores Pelagij sine dubio pertineret. Vide hoc testimonium in libro primo retractationum, cap. 9. in epistola 107. in libro de hæresibus, cap. 88. & libro primo ad Bonifacium contra duas epistolas Pelagianorum, capite vltimo, nam in his locis enumerantur errores Pelagij. Nec solum Augustinus non ponit inter errores Pelagij, agnoscere liberum arbitrium, sed probat hoc in Pelagianis, dum scribit libro quarto ad Bonifacium, capite tertio, eos in laude legis & liberi arbitrii delitescere. Quia videlicet laudabant Pelagiani legem, & liberum arbitrium, quæ sciebant à Catholicis non negari, & libro tertio de nuptiis & concupiscentia, cap. 3. *Liberum, inquit, in hominibus esse arbitrium, & Deum esse nascentium conditorem, utrique dicimus, non hinc essis Pelagiani.*

D Denique sanctus Augustinus valde ægre ferebat quod Pelagiani dicerent, ab ipso negari liberum arbitrium, quod certe non ægre tulisset, si credidisset hæresim esse Pelagianam, liberum arbitrium confiteri, sicut hoc tempore non ægre ferunt Lutherani & Calvinistæ, si dicamus, eos liberum arbitrium in seruum arbitrium permutasse. Lib. 1. de nuptiis & concupiscentia, cap. 3. *Non est, inquit, ita ut loqueris, multum falleris, vel fallere medicaris, non liberum negamus arbitrium.* Et libro 1. ad Bonifacium, cap. 2. *Quis nostrum dicit, quod primi hominis peccato perierit liberum arbitrium de humano genere?* Et lib. 4. aduersus Iulianum, cap. 8. *Multo minus, inquit, dicerem, quod mendixisse mentiris, negari liberum arbitrium, si gratia commendetur, negari gratiam, si liberum commendetur arbitrium.*

E **T E R T I U M** testimonium sumitur ex locis illis, ubi sanctus Augustinus numerat inter hæreses Manichæorum, negare liberum arbitrium. Nam ut omittam libros tres de libero arbitrio, quos contra Manichæos proprie scriptos esse testatur idem Augustinus lib. 1. Retractationum, cap. 9. certe in lib. 4. ad Bonifacium, capite quarto, apertissime scribit, Manichæos se manifestare dum vituperare audent legem, nuptias, naturam, sanctos veteris Testamenti, & liberum voluntatis arbitrium; hoc est, ostendere se manifestos hæreticos, dum quinque ista negant & damnant, quæ Catholica recipit & commendat Ecclesia.

Habet igitur Aug. Lutheranos & Calvinistas pro

hæreticos

hæreticis manifestis, quoniam liberum voluntatis arbitrium ita perspicue negant & damnant, ut libros suos de seruo arbitrio inscribere non vereantur. Neque recurrere poterit Calu. ad liberum arbitrium à sola coactione, cum certum sit, non hoc esse, quod Manichæi vituperabant.

QUARTVM testimonium sumitur ex iis locis, ubi sanctus Augustinus profert argumenta prohibere arbitrio. Siquidem iisdem argumentis probat liberum arbitrium post hæresim Pelagii exortam, quibus idem probat aut exortam illam hæresim, nam in libris de libero arbitrio, & in libro de vera religione, quos scripsit antequam nomē Pelagii audiri cœpisset, probat Augustinus liberum arbitrium aduersus Manichæos, his potissimum rationibus, quod aliqui tollatur iudicium Dei, tollantur leges, admonitiones, cohortationes, pœnæ, præmia, & alia id genus: at iisdem omnino rationibus idem liberum arbitrium probat in epistola 46. & 47. & in libro de gratia & libero arbitrio, quæ scripta esse constat occasione hæresis Pelagianæ. Sic enim loquitur in epistola quadragesima sexta. *Si non est gratia Dei, quo modo saluat mundum? si non est liberum arbitrium, quo modo iudicat mundum?* Et infra: *Nisi libero arbitrio intelligeremus, atque saperemus, non nobis præcipitur dicente scriptura, intelligite insipientes in populo, & stulti aliquando sapite.* Et libro de gratia & libero arbitrio, c. 2. *Illæ præcepta diuina homini non prodesse, nisi haberet liberum voluntatis arbitrium, quo ea faciens ad promissa præmia perueniret.* Et infra: *Quomodo iubet, si non est liberum arbitrium?* Vides igitur S. Augustinum non mutasse sententiam de libero arbitrio, propter exortam hæresim Pelagianam.

QUINTVM argumentum sumitur ex illis locis, ubi sanctus Augustinus scribit, liberum arbitrium adiuuari gratia Dei. Non enim adiuuatur, nisi id quod est, nec auxilio eget libertas à sola coactione, sed libertas à necessitate, ut etiam supra diximus. In epistola 89. q. 2. *Valeret, inquit, liberum arbitrium ad bona opera, si diuinitus adiuuaretur.* Et infra: *Neque enim voluntatis arbitrium ideo tollitur, quia innatur, sed ideo innatur, quia non tollitur.* Et hoc millies in suis scriptis contra Pelagianos repetit.

SEXTVM testimonium sumitur ex illis locis, in quibus disertis verbis docet, esse in potestate hominis velle, & non velle. In expositione Psal. 7. prope finem, *Diabolo, inquit, non consentire in potestate nostra esse voluit, qui nos fecit.* Item in libro de spiritu, & littera, c. 33. *Liberum, inquit, arbitrium naturaliter attributum à creatore animæ rationali, illa media vis est, quæ vel intendi ad finem, vel inclinari ad infidelitatem potest.* Et ca. 34. *Consentiri vocationi Dei, vel ab ea dissentire propria voluntatis est.* Satis igitur probatum existimamus, S. Augustinum libertatem arbitrii in eo sensu semper prædicasse, in quo nunc illud Catholica prædicat, semperque prædicauit Ecclesia.

CAPVT XXIX.

Soluntur argumenta aduersariorum ex verbo Dei petita.

PRIMO aduersus ea, quæ diximus, & docuimus, duo proferunt aduersarij genera argumentorum, vnum ductum à verbo Dei, alterum ex libris S. Augustini.

PRIMVM testimonium obiecit Lutherus ex capite quadragesimo primo Isaïæ: *Bene agite, aut male si potestis.*

Respondeo, argumentum est satis ineptum, ac pingue, ut cætera Lutheri esse solent. Neque enim

A Propheta de hominibus, sed de idolis gētiū loquitur. Nam quemadmodum sanctus Dauid simulachra gentium irrisit dicens: *Oculos habent, & non videbunt, aures habent, & non audient, &c.* Psalm. 113. sic Isaïas exprobrat illis imbecillitatem, quod dum Dij habeantur à stultis hominibus, tamen nulli prodesse, aut nocere possint.

SECUNDVM testimonium sumunt ex illis verbis Ezechiel. c. 36. *Dabo vobis cor nouum, & faciam ut in præceptis meis ambuletis.* Qui non habent cor nouum, non possunt in præceptis Domini ambulare, qui habent cor nouum, non possunt in iisdem præceptis non ambulare, quoniam alioqui falsa esset illa promissio, faciam ut in præceptis meis ambuletis. igitur nulli habent simul potestatem ambulandi in præceptis, & non ambulandi, ac per hoc nulli habent liberum arbitrium in moralibus.

B Respondeo, qui non habet cor nouum, non potest præcepta Domini omnia, sicut oportet, obseruare; dum talis est, hoc est, dum gerit cor vetus; tamen absolute potest, si velit omnia mandata Domini, sicut oportet, obseruare, quia potest exuere cor vetus, & induere nouū, si velit vocationi Domini acquiescere, seque ad Deū ex toto corde conuertere. Scriptum est enim: *Facite vobis cor nouum, & spiritum nouum.* Ezech. 18. pari ratione qui habet cor nouum, non potest, dum talis est, non ambulare in præceptis Domini, tamen absolute potest, quia potest exuere cor nouum, si velit se auertere à Deo, iuxta illud eiusdem Prophetæ in eodem c. 18. *Si auerterit se iustus à iustitia sua, &c.* Potest igitur absolute homo per liberum arbitrium bene facere si velit, & non facere, si non velit.

C TERTIVM testimonium ex illo Psal. 118. *Inclina cor meum in testimonia tua.* Et 3. Reg. 8. *Inclinet cor nostrum ad se Dominus, ut seruemus mandata eius.*

Respondeo, probant hæc testimonia, sine Dei gratia non posse à nobis omnia mandata seruari, quod (ut sæpe diximus) libentissime confitemur. Non autem probant hominem nō esse liberi arbitrii. Quoniam non inclinat Deus corda nostra cogendo, aut necessitatem adferendo, sed interna inspiratione suadendo, & inuitando, ita ut in potestate voluntatis relinquatur consentire vocanti, & suadenti, vel non consentire. Atqui dicit aliquis, Quid aliud facit Deus cum nos inclinat, quàm operari, ut consentiamus? Ita est; Facit Deus per auxilium gratiæ suæ, ut vocanti consentiamus, sed hoc facit adiuuando infirmitatem, non tollendo libertatem. De qua re plura dicemus in sequenti libro.

D QUARTVM testimonium ex illo Ioan. 8. & ad Rom. 6. & 2. Pet. 2. *Qui faci peccatum, seruus est peccati.* At seruitus, & libertas opponuntur.

Respondeo, seruitus & libertas generatim accepta sine dubio opponuntur, sed non quævis seruitus cuius libertati opponitur. Alioqui non diceret Apostolus ad Romanos, capite sexto. Eos, qui sunt serui peccati, liberos esse iustitiæ, & contra, liberatos à peccato, seruos esse iustitiæ. Itaque seruitus peccati opponitur libertati à peccato, non libertati naturæ, quæ proprie dicitur liberum arbitrium. Nam qui seruus est peccati, non potest suis viribus excutere iugum peccati, & ad libertatem iustitiæ peruenire, potest tamen per liberum arbitrium, adiuuante Deo liberari à peccato, & potest, si velit, per se manere in seruitute peccati. Sicut etiam è contrario, seruitus naturæ, id est, naturalis determinatio ad vnum, qualis est in pecoribus, opponitur libertati naturæ, id est, libero voluntatis arbitrio, non tamen libertati à peccato. Imo quæ carent libertate naturæ,

hoc ipso quod illa carent, non possunt vllō modo seruire peccato.

QVINTVM testimonium ex illo Ioan. 15. *Sicut palmes non possunt à semetipso ferre fructum, nisi manserint in vite, ita & vos, nisi in me manseritis.* Palmes, inquit, à vite præcisus, non potest non arescere, in vite autem initus; & ex ea viuens, nō potest non ferre fructum: igitur nec homines, qui palmitibus comparantur, habent vllō tempore libertatem ad opposita.

Respondeo, homo rectissime palmiti comparatur, quia sine succo vitis cælestis, quæ Christus est, non potest producere opera salutifera, & cælestia; tamen quoniam idem homo palmes est rationalis, potest per liberum arbitrium, cum est in vite, ab illa sponte recedere & arescere, & à vite præcisus per idem liberum arbitrium, adiuuante summo agricola, potest in vite rursus inseri, & fructum ferre. Itaque probant istæ similitudines necessitatem gratiæ, sed non excludunt arbitrij libertatem.

SEXTVM testimonium ex illo prioris ad Cor. cap. 4. *Quid enim habes quod non accepisti?* At si nihil habemus proprij & nostri, certe non sumus domini actionum, nec illæ sunt in nostra potestate.

Respondeo, idem Apostolus in tertio capite eiusdem epistolæ, fatetur, nos habere aliquid proprij & nostri, cum ait, *Vnusquisque propriam mercedem accipiet secundum suum laborem*, vbi quod Latinus interpret reddidit (*suum*) in Græco fonte est, *id est, proprium*. Habemus igitur dono Dei liberum arbitrium, sed hoc dono accepto, domini sumus actionum, & quia possumus eas pro arbitrio facere, vel omittere, propriæ & nostræ esse dicuntur, & quamuis opera sancta, de quibus loquitur eo loco B. Paulus, sint etiam peculiari ratione donæ Dei, quatenus non sunt sine gratia, tamē sunt etiam opera nostra propria, quatenus poteramus per liberum arbitrium ea non facere, & ideo (vt iam diximus) eodem Apostolo teste, debetur eis merces propria, & non immerito labores nostri, & proprii nominantur.

CAPVT XXX.

Soluantur argumenta ex testimonijs Augustini.

IA vero ex beato Augustino, in quo magnum præsidium habere se gloriantur aduersarii. PRIMO proferunt illud ex Enchiridio, cap. 30. *Libero arbitrio male utens homo, & se perdidit, & ipsum. Nam cum libero peccaretur arbitrio, victore peccato amissum est & liberum arbitrium.*

Respondeo, dicitur homo perdidisse liberum arbitrium, quia deterius illud fecit; quomodo dicitur perdere filium, aut seruum, aut discipulum, qui nimia lenitate flagitiosum fieri sinit. Alioqui nō perijisset liberum arbitrium, neque esse extinctum, quasi non sit amplius in rerum natura, perspicuum est ex eo, quod Augustinus dicit, *& se perdidit, & ipsum*. Nō enim se perdidit extinguendo, ac perimendo, sed deterius efficiendo. Quemadmodum autem deterius fecerit, explicat cum dicit, *victore peccato amissum esse liberum arbitrium*. Amittitur enim liberum arbitrium, non cum perit, quod fieri non potest, sed cum à diabolo captiuatur: quomodo dicuntur amissa, quæ tempore belli in potestatem hostium deuenerunt. Vnde etiam adfert Aug. testimonium Domini dicentis. *Si vos filius liberauerit, vere liberi eritis.* Et aperte dicit, victore peccato amissum, quia videlicet in potestatem victoris venit.

A Explicabitur autem commode totus hic locus, ex lib. 1. ad Bonifacium contra duas epistolas Pelagianorum, cap. 2. *Quis nostrum, inquit, dicat, quod primi hominis peccato perierit liberum arbitrium de humano genere? libertas quidem periit per peccatum, sed illa, quæ in paradiso fuit habendi plenam cum immortalitate iustitiam. Vnde natura humana diuina indiget gratia, dicente Domino, si vos filius liberauerit, vere liberi eritis.* Itaque liberum arbitrium perditum & amissum nihil est aliud, nisi deterius factum per captiuitatem, qua periit libertas gratiæ, non libertas naturæ.

SECUNDVM testimonium sumunt ex hoc ipso loco proxime citato, id est, ex lib. 1. ad Bonifacium, ca. 2. & 3. nam cum S. August. dixisset, non perijisse liberum arbitrium de humano genere: subiungit, ideo non perijisse, quia per illud peccant, quicumque cum delectatione peccant. Idque sæpius repetit, vt videatur non agnoscere liberum arbitrium nisi à coactione, & ad malum.

Respondeo, S. August. propter insidias Pelagianorum, qui ex libertate naturæ colligebant libertatem à peccato: vix vnquā audeo liberum arbitrium asserere, quin aliquid adiungat, vnde intelligi possit, illud sine gratia Dei non posse liberum esse à peccato. Id autem facilius assequemur, si breuiter exponamus sententiam totius illius loci.

Initio igitur secundi capitis libri primi ad Bonifacium, proponit S. Augustinus obiectionem, seu verius calumniam Pelagianorum, qui de Catholicis ita loquebantur. *Dicunt illi, quia peccato primi hominis, id est Adæ, liberum arbitrium perierit, & nemo iam potestatem habeat bene viuendi, sed omnes in peccatum carnis sua necessitate cogantur.* Hæc est Pelagianorum obiectio, qua calumniabantur Catholicos, quasi negarent liberum arbitrium, & inde callide intendebant efficere, vt gratia Dei ad bene viuendum non videretur esse necessaria.

Hanc fraudem his verbis Augustinus detegit: *Libetum, inquit, arbitrium descendendo præcipiant, vt de illo potius ad faciendum insistam, quàm de Domini adiutorio confidatur, atque in se quisque, non in Domino gloriatur.* Quibus verbis non negat, defendi debere liberum arbitrium, sed prohibet nimis multum illi tribui. Deinde addit, calumniam superiorem refellens: *Quis autem nostrum dicat, quod primi hominis peccato perierit liberum arbitrium de humano genere? libertas quidem periit per peccatum, sed illa, quæ in paradiso fuit habendi plenam cum immortalitate iustitiam, propter quod natura humana diuina indiget gratia.*

His verbis Augustinus PRIMVM negat illam partem obiectionis Pelagianæ: *Dicunt, quod peccato primi hominis perierit liberum arbitrium.* Deinde explicat alteram illam partem: *& nemo iam potestatem habeat bene viuendi*, dicens, hominem non posse bene viuere sine auxilio gratiæ, & in hanc miseriam incidisse per peccatum, à quo non liberamur, nisi per illum, qui dixit: *Si vos filius liberauerit, vere liberi eritis.* Subiungit deinde probans, ex eo quod peccatur, liberum arbitrium non perijisse: *Nam, inquit, liberum arbitrium usque adeo in peccatore non periit, vt per illud peccent, maxime omnes qui cum delectatione peccant.*

Non vult autem hoc loco sanctus Augustinus significare, libertatē arbitrij in eo litam esse, vt si quis cum delectatione peccet. Nam etiam si aliquis sine delectatione peccaret, vt qui metu mortis fidem negaret, libere tamē peccare diceretur: sed indicare voluit, maxime libere eos peccare, qui cum delectatione peccant, quoniam qui eiusmodi sunt, duplici libertate gaudent. Vna, quæ opponitur necessitati,

quæque

quæque communis est omnibus qui peccant, & dicitur proprie libertas naturæ, siue libertas arbitrii. Altera, quæ opponitur seruituti iustitiæ, & dicitur proprie libertas peccati, siue etiam seruitus peccati. Eadem enim est seruitus peccati, & libertas peccati, quoniam qui seruus est peccati, libere, id est, libenter, & cum delectatione peccat, sicut etiam eadē est libertas iustitiæ, & seruitus iustitiæ, quoniam qui serui sunt iustitiæ, libenter & cum delectatione iustitiam faciunt.

Refellit postremo in cap. 3. illam tertiam partem eiusdem obiectionis Pelagianæ. Sed omnes in peccatum carnis suæ necessitate coguntur. Ecce ait: Non itaque sicut dicunt, nos quidem dicere, & iste audet etiam scribere, omnes in peccatum velut in carnis suæ necessitate coguntur. Sed si iam in ea erant sunt, ut propriæ mentis voluntate arbitrio, & in peccato suâ voluntate retinentur, & à peccato in peccatum suâ voluntate præcipiuntur. Neque enim agit in eis etiam qui suadet & decipit, nisi ut peccatum voluntate committant. Sed hæc voluntas, quæ libera est in malis, quia delectatur malis, ideo libera in bonis est, quia libera non est.

Quibus verbis respondet Augustinus directe, ad illud necessitate coguntur, & docet non cogi, id est, non inuitos trahi homines ad peccatum, sed liberrime potius peccare, quoniam non solum libertate naturæ, sed etiam libertate peccati, ut plurimum homines peccant, & ne Pelagiani more suo colligerēt, posse hominem peccatorem suis viribus bene facere, addit voluntatem hominis impij, quæ est libera in malis libertate peccati, non esse in bonis liberam libertate gratiæ, nisi prius à Christo Domino liberetur.

TERTIUM testimonium sumunt ex lib. 1. retractationum, cap. 15. Qui cogenti cupiditate bona voluntate resistere non potest, iam hoc ita peccatum est, ut sit etiam pœna peccati. Et infra: Nam quando tale est, ut idem sit & pœna peccati, quantum est quod valet voluntas, nisi forte, si pia est, ut oret auxilium? in tantum enim libera est, quia in tantum liberata est. Ex hoc loco colligunt, impiam voluntatem non esse liberam, sed omnino ex necessitate peccare, quoniam nihil potest in bono, ac ne auxilium quidem petere, & tamē vere peccat, quoniam alioqui non vere peccatum esset pœna peccati.

Respondeo, voluntas, quæ cogenti cupiditati resistere nequit, libera est absolute, quoniam illa impotentia cōditionata est, non absoluta. Potest enim Dei auxilium implorare, quod si non facit, culpa sua non facit. Nemini enim deest auxilium, quo saltem possit vires à Deo petere. Nemini autem deesse auxilium necessarium ad non peccandum, in alio libro probauimus.

QUARTUM testimonium sumunt ex epist. 144. Sine gratia Dei non potest esse libera voluntas, cum cupiditatibus vincens, & vincens subdit.

Respondeo, Sine gratia Dei accipiendo gratiam largo modo pro auxilio necessario ad non peccandum non est libera voluntas, quoad exercitium, id non habet vsum liberi arbitrii; tamen absolute libera est, quoniam (ut diximus) auxilium gratiæ necessarium ad non peccandum nulli deest. Simile est, si quis ita colligeret, sine lumine non potest oculus ceruere, igitur absolute non potest oculus cernere, & nos sæpe iam diximus, non negari à nobis gratiæ necessitatem, dum asserimus arbitrii libertatem. Id enim quod volumus, hoc est, præsentē auxilio necessario, posse hominem peccare, & non peccare. Neque contrarium huius sententiæ in Augustini libris vnquam reperietur.

QUINTUM testimonium sumunt ex lib. de spiritu & littera, cap. 30. Per legem cognitio peccati, per fidem impetratio gratiæ contra peccatum, per gratiam sanatio animæ à vitio peccati, per animæ sanitatem libertas arbitrii, per arbitrii libertatem dilectio iustitiæ, per dilectionem iustitiæ impletio legis. Et infra: Ut quid miseri homines audent superbire de libero arbitrio, antequam liberentur, nec attendunt in nomine liberi arbitrii sonare libertatem, &c.

Respondeo, Loquitur hoc loco S. Augustinus apertissime de libero arbitrio, ut denominatur à libertate gratiæ, non à libertate naturæ. Nam si libertas naturæ, id est, liberum arbitrium proprie dictum, inciperet primum in nobis esse post fidem & iustificationem, quo modo idem Augustinus in eodem libro, cap. 33. diceret, liberum arbitrium naturaliter retributum animæ rationali, esse vim illam mediam, quæ vel intendi ad fidem, vel inclinari ad infidelitatem potest? quo modo enim intenditur ad suscipiendam fidem, si nō incipit existere nisi post fidem? loquitur igitur de libertate gratiæ, per quam anima sanata viam mādatorum Domini cum delectatione currit. De qua loquitur etiam in libro de correptione & gratia, c. 8. cum ait: Voluntas humana non libertate consequitur gratiam, sed gratia libertatem.

SEXIMUM testimonium sumunt ex libro de correptione & gratia, cap. 12. Si relinquere ipsi suam voluntatem, ut in adiutorio Dei manerent, si vellent, inter tot, & tantas tentationes infirmitate suâ voluntas ipsa succumberet, & ideo perseuerare non possent, quia deficientes infirmitate nec vellent. Videtur enim hoc loco S. Augustinus dicere, istos homines etiam cum adiutorio gratiæ sanantis animam, non posse perseuerare in bonis operibus, nisi à spiritu Dei perpetuo agantur; atqui hoc est non habere liberum arbitrium ad vtramque partem.

Respondeo, Significat Augustinus, non sufficere homini post lapsum primi hominis, adiutorium gratiæ habitualis (id enim vocat adiutorium, in quo permanet homo, si vult, quod etiam in eodem loco cum alimentis comparauit, quibus si volumus, vitimur, si nolumus, non vitimur) sed necessarium esse præterea, propter tentationes, auxilium Dei protegens & dirigens, sine quo etiam iusti perseuerare non possent, quia deficientes infirmitate, nec vellent.

Cæterum hæc impotentia, non est absoluta, sed conditionalis; quamuis enim non possit homo iustus, sine auxilio speciali perseuerare in operibus bonis, absolute tamen potest, quoniam Deus non deserit nisi desertus. Quocirca in eodem libro, capite septimo, idem Augustinus dicit, non posse excusari eos, qui non perseuerant, quoniam poterant perseuerare si vellent.

SEPTIMUM testimonium sumunt ex eodem libro, capite 13. vbi cum dixisset sanctus Augustinus, eos, qui peccant, peccare per liberum arbitrium, corrigit se continuo, ac dicit: Arbitrium, inquam, liberum, sed non liberatum. Videtur enim (ut notat Calvinus) voluisse dicere, arbitrium liberum esse nomine, non re.

Respondeo, iam sæpe diximus Augustinum propter Pelagianos arbitrium vocare liberum non liberatum, quoniam sine gratia Dei seruum est peccati, licet sit liberum à naturali necessitate.

OCTAVUM testimonium sumunt ex libro de perfectione iustitiæ, responsione 9. Per arbitrii libertatem factum est, ut esset homo cum peccato, sed iam penalis virtuositas subsequenda ex libertate, fecit necessitatem. Et infra: Quia peccasti voluntas, sequenda est pe-

canem peccatum habendi dura necessitas, donec tota sanetur infirmitas.

Respondeo, Multiplex est necessitas, sed non omnis repugnat arbitrij libertati. PRIMA est, patiendi motus carnis repugnantes legi mentis. Nam etiam iustissimi quique dicere possunt cum Apostolo ad Romanos capite septimo: *Sentio aliam legem in membris meis, &c.* Sed hæc non repugnat libero voluntatis arbitrio, quoniam etiam si necessario motus illos sentimus, tamen non necessario consentimus, & tunc cum Apostolo dicimus: *Si quod nolo facio, iam non ego operor illud.*

SECUNDA necessitas est peccandi ex ignorantia, nam *delicta quæ intelligit?* Sed neque hæc repugnat libero arbitrio, quoniam etiam si non possumus quædam non ignorare, tamen possumus non velle ignorare. Ille enim reprehenditur, qui noluit intelligere, ut bene ageret, non qui voluit, sed non potuit. Ac de his necessitatibus loquitur sanctus Augustinus in priore parte obiectionis. Nam ibid. subiungit: *Vnde ad Deum fides clamat, De necessitatibus meis educ me. Sub quibus positi, vel non possumus, quod volumus intelligere, vel quod intelleximus, volumus, nec valeamus implere.*

TERTIA necessitas est diuinæ gratiæ, tam ad remissionem peccati contracti, quam ad vitanda ea, quæ contrahi possent. Sed neque hæc tollit liberum arbitrium, quoniam ut sæpe diximus, & in secundo libro probauimus, Deus nemini denegat adiutorium necessarium.

QUARTA necessitas est, habendi peccatum aliquod veniale. Nam etiam homines iusti quotidie necesse habent illa oratione uti ad Deum, *Dimitte nobis debita nostra.* At neque hæc necessitas pugnat cum arbitrij libertate, quoniam si ratio vigilet, ut debet, possumus vitare singula venialia; quauis fieri nequeat, ut omnia euitemus, sine privilegio speciali. Et de hac necessitate loquitur August. in posteriore parte obiectionis, ut peripicuum est legenti eum locum. Immo totus liber ideo de perfectione iustitiæ inscriptus est, quoniam hoc potissimum agit, ut probet aduersus Pelagianos, non posse in hac vita nos ita perfecte adimplere iustitiam, ut non semper oratio illa necessaria sit, *Dimitte nobis debita nostra.*

QUINTA necessitas est faciendi actus malos, posita mala, & efficaci voluntate. Nam qui efficaciter vult finem, non potest non velle media, quæ ad eum finem iudicat esse necessaria. Ita qui vehementer aliquem odit, non potest illi ex animo benefacere. Sed neque hæc necessitas repugnat libertati, quia conditionalis est, non absoluta, potest enim homo si velit, non velle finem illum efficaciter, ex cuius amore ad media eligenda quodammodo cogeatur.

Sola igitur illa necessitas libertati arbitrij proprie repugnat, quæ absolute facit, ut homo non sit dominus propriæ voluntatis; quam necessitatem in Augustini libris aduersarij nostri, quantumuis Augustinum suum esse iacent, nunquam demonstrare poterunt.

LIBER SEXTVS. DE GRATIA ET LIBERO ARBITRIO.

CAPVT PRIMVM.

Proponitur questio, An possint credi mysteria fidei, sine auxilio speciali.



EXTVS Hic LIBER tres postemas quæstiones absoluet, quid possit videlicet intelligentia in rebus supernaturalibus fide percipiendis, quid voluntas in iisdem appetendis & eligendis, & num in eiusmodi rebus, vere proprieque liberi simus.

PRIMA quæstio, quæ ad intelligentiam pertinet, non minus breuiter, quam facile explicari potest. Conuenit enim inter nos & aduersarios, siue Pelagiani, siue Lutherani sint, Tria potissimum esse necessaria, ut mysteria supernaturalia percipiantur a nobis. PRIMVM est, diuina reuelatio, quæ per Scripturas, aut prædicatores a Deo missos proponitur. Cum enim hæc supernaturalia sint, nulli vnquam mortalium vanissent in mentem, nisi Deus ipse illa manifestare voluisset. Sic enim loquitur B. Paulus in priore epist. ad Cor. c. 2. *Loquimur Dei sapientiam in mysterio, quæ abscondita est.* Et mox: *Sicut, inquit, scriptum est, quod oculus non vidit, nec auris audiuit, nec in cor hominis ascenderunt, quæ præparauit Deus diligentibus se, nobis autem reuelauit Deus per spiritum suum.* Et ad Rom. 10. *Quomodo credent in eum, quem non audierunt? quomodo audient sine prædicante?* Et Dominus Ioan. 15. *Si non venissem, & loquutus fuisset, peccatum non haberent.* Quia videlicet sine prædicante credere non potuissent, ideo non credendo minime peccassent.

Hinc etiam videmus Marci ultimo mandari Apostolis: *Prædicate Euangelium omni creatura.* Et Actor. 8. mitti Philippum, ut prædicaret Eunucho: Actor. 10. mitti Petrum, ut prædicaret Cornelio: Actor. 17. mitti Paulum, ut prædicaret Macedonibus: quia videlicet ordinarie necessaria ad fidem est prædicatio. Quocirca Dominus in Pla. 2. nō vi & armis, sed verbo prædicationis regnum se collegisse testatur: *Ego autem constitutus sum Rex ab eo, super Sion montem sanctum eius, prædicans præceptum eius.* Atque hoc (ut dixi) ne ipsi quidem Pelagiani negabant, quippe qui gratiam Dei in doctrina a Deo nobis reuelata & tradita præcipue constituebant.

Alterum est, persuasio aliqua, siue per signa & prodigia, siue aliqua alia ratione. Non enim satis est ad hoc, ut homines credere teneantur, si solum eis doctrina a Deo reuelata proponatur, sed necesse est, ut accedat etiam aliquid, quod eam doctrinam credibilem faciat. Hic enim Dominus Exodi 4. cū mitteret Moysen ad prædicandum, dedit illi potestatem operandi miracula, quibus fidem faceret, prædicationem suam vere esse diuinam. Et Christus Matth. 10. cum dixisset: *Prædicate dicentes, appropinquabit regnum caelorum:* adiunxit continuo, *infirmos curate, mortuos suscite, &c.* Et Ioan. 15. sicut ait: *Si non venissem, & loquutus fuisset, peccatum non haberent.* Sic etiam ait: *Si opera non fecissem in eis, quæ nemo alius fecit, peccatum non haberent.*

Adde etiam id, quod ait Ecclesiasticus capite decimo nono: *Quo cito credit, lenis est corde*. Valde autem cito credit, qui res longissime remotas ab humanis sensibus, & quæ omnem intelligentiam superant sine ulla persuasione credit. Idem enim faceret, si res absurdissimas, ac omnino improbabiles ei proponerentur. Qua leuitate credendi peccant hoc tempore Mahometani, qui sine ullis miraculis, aut alia congrua persuasione, doctrinam absurdissimam Mahometi recipiunt. Nec longe ab his absunt Calvinistæ, qui non solum sine ullis signis & prodigiis, sed etiam contra doctrinam confirmatam innumeris miraculis, & totius orbis terræ, atque omnium sæculorum consensione multa noua, & mira credere potuerunt.

TERTIVM est imperium voluntatis. Quoniam enim nulla est persuasio, quæ cogere possit hominē ad credendos articulos supernaturales, ac ne ipsa quidē miracula omnino mentem cōvincere queant, ideo requiritur inclinatio voluntatis, quæ moueat intellectum ad assentiendum iis, quæ vim intelligentiæ superant. Non posse autem quæuis miracula cogere aliquem ad fidem, si is nolit credere, satis aperte indicat illud Ioan. 12. *Cum tanta signa fecissent, non credebant in eum*. Quocirca B. Paulus in posteriore ad Corinthios, cap. 10. docet, captiuandum esse intellectum in obsequium fidei, hoc est, pio affectu quasi cogendum, ut iis assentiatur, quæ cum ratione pugnare quodammodo videantur. Denique sanctus Augustinus tracta. 36. in Ioannem: *Intrare, inquit, quisquam in Ecclesiam potest nolens, accedere ad altare potest nolens, accipere potest Sacramentum nolens, credere non potest, nisi volens*.

His igitur positis, quæ sunt extra controuersiam, quæstio remanet, utrum qui prædicatorem audit, aut doctrinam à Deo reuelatam per se legit, & habet congruentem persuasionem miraculorum, aut alterius testimonij, quo res, quæ credenda proponitur, efficiatur credibilis: possit eam rem credere sine speciali illustratione diuina. Fuit vnus ex erroribus Pelagianorum, posse hominem credere sine speciali gratia Dei. Ita enim refert Sanctus Augustinus multis in locis, sed præcipue in epist. 106. ad Paulinum, & 107. ad Vitalem. In eodem errore etiam ante exortam hæresim Pelagianam fuisse Ticonium, refert idem Augustinus lib. 3. de doctrina Christiana, c. 33. In eodem fuisse Cassianum, & alios quosdam in Gallia, qui propterea reliquæ Pelagianorum dici meruerunt, cognosci potest ex epistolis Prosperi & Hilarij ad Augustinum, & ex libro eiusdem Prosperi contra Collatorem. In eodem etiam aliquando hæsisse ipsum Augustinum, testis est ipse idem in libro de prædestinatione sanctorum, capite tertio. Denique hunc fuisse vnum ex erroribus Fausti Rhegiensis, perspicuum est ex libris eius de libero arbitrio.

CAPVT II.

Non posse hominem, sine speciali illustratione Dei, credere mysteria fidei.

SE non erit difficile prædictum errorem ex diuinis litteris & Ecclesiæ traditione refellere. **PRIMUM** enim perspicua sunt verba Domini, Ioan. 6. *Nemo potest venire ad me, nisi Pater, qui misit me, traxerit eum*. Quo loco obseruandum est, non dixisse Dominum, *Nemo venit*, sed *nemo potest venire*, propter quosdam, qui minus caute dicunt, re ipsa neminem credere sine speciali gratia Dei, tamen fieri pos-

se, ut credat. Porro venire ad Christum, nihil esse aliud, nisi credere in ipsum, explicat ipse paulo infra cum dicit: *Sunt quidam ex vobis, qui non credunt, sed propterea dixi vobis, quia nemo potest ad me venire, nisi datum ei fuerit à Patre meo*. Itaque si venire est credere, & nemo potest venire nisi trahatur à Patre, certe nemo potest credere, nisi trahatur à Patre.

In eundem sensum dicta sunt etiam illa à Domino, Matth. 11. *Confiteor tibi Pater Domine cæli & terre, quia abscondisti hæc à sapientibus & prudentibus, & reuelasti ea paruulis*. Ita Pater, quoniam ita placitum fuit auctori. Et nemo nouit Filium nisi Pater, neque Patrem quis nouit, nisi Filius, & cui voluerit Filius reuelare. Non enim loquitur Dominus de reuelatione per externam prædicationem, sed per internam illustrationem & suasionem, de qua dixit, Ioann. 6. *Omnis qui audit à Patre, & didicit, venit ad me*. Nam paulo ante exprobrauerat ciuitatibus, in quibus longo tempore prædicauerat, & plurima signa fecerat. Et videns post eam prædicationem sapientes & prudentes, id est, Scribas & Phariseos, non esse conuersos, sed tantum simplices turbas; explicare voluit, recte quidem reprehendi eos qui nō crediderunt: sed non debere suis solis viribus tribuere fidem, eos qui crediderunt, cum Patri cælesti placuerit abscondere hæc à sapientibus & prudentibus, & reuelare paruulis, trahendo istos, illos non trahendo. Similis sententia habetur Ioan. 12. *Propterea non poterant credere, quia iterum dixit Isaias, cæcaverunt oculos eorum, & indurauit cor eorum*. Illos enim exæcare dicitur Deus, quos non illustrat, cum sine eius lumine videre nequeant.

Ad hæc, Apostolus Paulus plenus est eiusmodi testimoniorum, ut mirum sit esse aliquos, qui hunc Apostolum diligenter euoluerint, & tamen non didicerint, fidem esse donum Dei. Rom. 12. *Vnicuique, inquit, sicut diuisi Deus mensuram fidei*, 1. Cor. 4. *Quis enim te discernit? quid autem habes, quod non accepisti?* 1. Cor. 7. *Consilium autem do, tanquam misericordiam consequutus à Domino, ut sim fidelis*, 1. Cor. 12. *Et nemo potest dicere, Dominus Iesus, nisi in Spiritu sancto*, 1. Cor. 3. *Non sumus sufficientes cogitare aliquid ex nobis, tanquam ex nobis*, Ephes. 2. *Gratia estis saluari per fidem, & hoc non ex vobis, donum enim Dei est*, Ephes. 6. *Pax fratribus & charitas cum fide à Deo Patre, & Domino Iesu Christo*, Philipp. 1. *Vobis donatum est, non solum ut in illum credatis, sed etiam ut pro illo patiamini*.

Denique S. Lucas in Actis, cap. 13. *Crediderunt, inquit, quotquot præordinati erant in vitam æternam*. Et ca. 14. *Aperuit Dominus ostium fidei*. Et ca. 16. *Loquebantur mulieribus, quæ conuenerant, & quædam mulier nomine Lidia purpuraria audiuit, cuius Dominus aperuit cor intendere his, quæ dicebantur à Paulo*.

Accedant deinde testimonia Conciliorum & Patrum. Concilium Arausicum, can. 5. *Si quis sicut argumentum, ita etiam initium fidei non per gratia donum nobis ineffe dicit, Apostolicis dogmatibus aduersariis approbat*. Et canon. 7. *Si quis per naturæ vigorem euangelizantis prædicationis consentire posse confirmat, absque illuminatione Spiritus sancti, hæretico fallitur Spiritu, &c.*

Idem repetit Concilium Tridentinum, sess. 6. can. 3. his verbis: *Si quis dixerit, sine præueniente Spiritus sancti inspiratione, atque eius adiutorio hominem credere posse, sicut oportet, anathema sit*.

S. Augustinus libro 1. de prædestinatione sanctorum, cap. 1. *Si non sumus, inquit, idonei cogitare aliquid quasi ex nobis ipsis, sed sufficientia nostra ex Deo est, profecto non sumus idonei credere aliquid quasi ex nobis*.

sed sufficientia nostra, qua credere incipimus ex Deo est. Vide eundem lib. I. Retractionum, ca. 23. in epist. 90. 105. 106. & 107. in Enchirid. cap. 31. in lib. de spiritu & littera, cap. 31. & 32. in lib. de gratia Christi, c. 1. & lib. I. ad Bonifacium, contra duas epistolas Pelagianorum, c. 3. Denique in lib. I. de predestinatione sanctorum fere toto. Et in secundo de bono perseverantia, cap. 1. 2. 3. 19. & aliis.

Auctor Hypognostici lib. 3. fere extremo: Nemo, inquit, penitus gloriatur se fidem ex proprio sensu genuisse in se, per quam possit credere Deo: sed agnoscat, tam ante legem, quam sub lege, & post legem, fidem, quae est in Christo Iesu, per illuminationem gratiae, quae à Deo Patre est, unicuique revelatam ad salutem, &c. Neque loquitur de revelatione, quae per Scripturas habetur: hanc enim non negabant Pelagiani, contra quos ille auctor acerrime disputat, sed de peculiari inspiratione, qua Deus in mentibus operatur, ut verbo praedicationis assentiant.

S. Prosper idem docet, ac probat in libro I. de vocatione gentium, ca. 13. & 14. & contra Collatorem, cap. 36. & 37. & in responsione octava ad Capitula Gallorum. Et in responsione ad prima quinque dubia Genevensium. Sic igitur loquitur (ut unam sententiam eius ponamus) in li. I. de vocatione gentium, cap. 14. Abunde, inquit, quantum arbitror, his testimonijs demonstratum est, fidem, quae iustificatur impijs, nisi ex Dei munere non haberi, eamque nullis meritis praecedentibus tribui, &c.

S. Fulgentius in libro de incarnatione & gratia Christi, cap. 20. Vita, inquit, nostra à fide sumit initium, quia iustus ex fide vivit. Quam fidem non ex voluntate nostram nasci, sed per Spiritum sanctum unicuique dari, beatus Paulus ostendit. Et infra: Forma praecessit in carne Christi, quam in nostra fide spiritualiter agnoscimus. Nam Christus filius Dei secundum carnem de Spiritu sancto conceptus & natus est. Sic ergo in hominis corde, nec concipi fides poterit, nec augeri, nisi eam Spiritus sanctus effundat & nutriat. Ex eodem namque Spiritu renati sumus, ex quo natus est Christus.

Accedant postremo rationes, atque ex potissimum quibus utitur S. Augustinus. PRIMA ratio sumitur ab orationibus Ecclesiae. Orat enim Ecclesia pro infidelibus, ut convertantur, & hoc ipsum iuberi dicit S. Cyprianus in expositione orationis Dominicae, cum Dominus praecipit, ut orantes dicamus, fiat voluntas tua sicut in caelo & in terra. At frustra fieret istae preces, si possent infideles sine Dei auxilio credere: satis enim esset illis praedicare fidem, & admonere ut crederent.

Neque responderi potest, orari ab Ecclesia Deum ut habitum fidei donet volentibus & incipientibus credere. Nam Ecclesia iuxta praceptum Domini, orat pro persequentibus & calumniantibus se: qui vero persequuntur Ecclesiam, certe neque volunt, neque incipiunt credere. Orat igitur Ecclesia, ut Deus infideles de nolentibus faciat volentes, de infidelibus fideles, & de persequentoribus defensores, quomodo nonne, actum esse cum ipso Apostolo Paulo, cui tunc donata est fides, cum spiraret minas, & caedes in discipulos Domini. Et hoc ipsum indicant antiquissimae illae preces, quae funduntur ab universa Ecclesia in Parasceve, ubi oratur Deus ut auferat velamen de cordibus infidelium, ut adaperiat aures praecordiorum, ut illustret caecitatem, & tenebras mentium, ut eruat ab erroribus animas diabolica fraude deceptas.

SECUNDA ratio sumitur ab absurdis, quae sequerentur, quae sunt potissimum tria. PRIMVM enim sequeretur, gratiam secundum merita nostra dari, &

ita gratiam non esse gratiam, quod ita visum est absurdum Patribus nostris, ut in Concilio Palaeestino (quod primum contra Pelagium celebratum est) ipse etiam Pelagius id (quamvis ore, non corde) damnaverit. Id autem sequi, probat S. August. in epist. 106. quoniam nonnullum est meritum fidei, ratione cuius oratio impetrat, quidquid postulat. Meretur enim exaudiri, qui postulat cum fide.

Deinde sequeretur, initium salutis esse ex nobis, nam cum iustus ex fide vivat, si initium fidei esset ex nobis, initium vitae esset ex nobis. Id autem esse absurdum patet, tum quia repugnat Apostolo dicenti: Quis prior dedit illi, & retribuatur ei? Ro. 11. Et: Quid habes, quod non accepisti? 1. Cor. 4. Tum quia si potest homo per se incipere credere, poterit etiam per se augere fidem: difficilius enim est incipere opus, quam augere inchoatum, atque ita vel non egebunt homines Deo, vel ita partientur cum eo, ut sibi tribuant quod est melius, illi quod est deterius, siue priores operis partes sibi, posteriores Deo.

Postremo sequeretur, tolli penitus fundamentum divinae praedestinationis & electionis, non enim salus fieret reliquiae secundum electionem gratiae, ut Apostolus praedicat ad Romanos, ca. 11. sed iuxta meritum fidei, & bonum usum liberi arbitrii, ut sanctus Augustinus efficacissime probat in libro de praedestinatione sanctorum. Quoniam enim duo sunt fundamenta praedestinationis, fides & perseverantia, ideo in priore duorum illorum librorum demonstrat, fidem esse donum Dei, in posteriore idem probat de perseverantia.

TER TIA ratio pendet ex iis, quae dicuntur in 4. c. Demonstrabimus enim, nullum opus pietatis vel inchoari, vel perfici posse, sine speciali gratia Dei; certum autem est, initium fidei includere pium affectum, ac per hoc esse opus pium, vel certe pii operis inchoationem.

CAPVT III.

Soluntur obiectiones contra doctrinam capituli superioris.

OBIECTIONES adversus ea, quae paulo ante docuimus, haec potissimum fieri solent.

PRIMUM, infideles multa credunt solis viribus liberi arbitrii non minus difficilia, quam sunt articuli nostrae fidei, ut continuum secari posse in infinitas partes, inter quolibet duo puncta notata, quamvis inter se proxima, intercedere alia infinita: unam esse mentem omnium hominum, qui sunt, erunt, fuerunt, & alia id genus plura, quae Philosophi vel omnes, vel aliqui sibi persuaserunt: cur igitur non possunt etiam credere articulos nostrae fidei, praesertim cum hi multis miraculis comprobati sunt, si res non minus arduas sine ullis miraculis crediderunt?

SECUNDO, Pagani atque haeretici saepe multos articulos nostrae fidei credunt, ut Christum esse Virginis filium, quod credunt Mahometani, & Deum esse Trinum & unum, quod credunt Calvinistae, alijque plurimi ex haeticis huius temporis, at haec eorum fides non est donum Dei, neque credibile est eos per speciale Dei auxilium ista credere, cum eodem principio ista vera credant, quo suos errores credunt. Mahometani siquidem, quemadmodum ob Alcorani auctoritatem credunt, Christum esse Virginis filium, sic ob eiusdem Alcorani auctoritatem credunt, Christum non esse Dei filium, nec vere Deum. Et qui nunc inter Lutheranos educantur, ut credunt

ministro prædicanti, Deum esse Trinum & vnum, ita credunt eidem prædicanti, nullam esse arbitrij libertatem, hominem sola fide iustificari, & alios id genus errores.

TERTIO, nos omnes facile credimus sine speciali gratia Dei vera esse, quæ Linius & Salustius, alique profani historici tradiderunt: cur non igitur poterimus eadem facultate credere quæ scripserunt historici sacri, saltem in his rebus, quæ naturam non superant, quales sunt res gestæ Patriarcharum ac Prophetarum?

QUARTO, res quædam falsæ, quæ omnem rationem excedunt, quale est paradoxum illud Lutheranorum, Corpus Christi semper esse ubique: & illud, Infantes dum baptizantur, actu credere: firmissime credi possunt absque ullo adiutorio Dei, ut notum est: quæ igitur causa est, cur non possint credi etiam aliqua vera, sine speciali auxilio Dei, quamvis eandem rationem excedant?

QUINTO, articuli nostræ fidei tot iam miraculis, alique testimoniis magni ponderis confirmati sunt, ut omnium iudicio credibiles censeretur debent, iuxta illud Prophetæ, Psal. 92. *Testimonia tua credibilia facta sunt mihi*. At quod credibile est, cur sine alio auxilio credi non poterit?

SEXTO, si quis ab ineunte pueritia inter Christianos educaretur, etiam si casu aliquo Baptismum non suscipiat, neque illum petat, ex consuetudine credet, quod alii credunt: quod igitur fieri potest ex consuetudine, cur non magis fieri poterit ex electione, ab eo præsertim, qui conferat dogmata fidei cum antiquis Prophetarum oraculis, & signis ac prodigijs, quibus ea singulis ætatibus confirmata fuisse constat?

Ad hæc omnia facile responderi poterit, si quis observeret, nos cum dicimus, sine auxilio speciali, non posse hominem credere articulos nostræ fidei, non intelligere non posse credere ullo modo, sed non posse, ut oportet, ad hoc, ut sit actus fidei Catholice, & initium iustificationis, non enim hanc particulam (*ut oportet*) sine causa in decretis suis adiderunt Concilium Araucanicum, can. 25. & Tridentinum sessio. 6. cano. 3. Includit autem illud (*ut oportet*) Tres conditiones, unam, ut certo credatur, ex parte obiecti, id est, tanquam à Deo reuelatum, & quod nullo modo falsum esse possit: Alteram, ut firmiter credatur ex parte subiecti, id est, ut homo nihil dubitet, & malit potius mori, quam articulum fidei non credere: Tertiam: ut ex pio affectu credatur, id est, ex quadam inclinatione pia erga Deum, quia incipit homo cervicem Deo flectere, eique se subicere ad obedientiam fidei, etiam in his rebus, quæ rationem humanam superant.

Ad **PRIMUM** igitur obiectionem de Philosophis gentilibus, Dico eos vel habere demonstrationem, vel de diuisione continui, & tunc non esse rem difficilem ad credendum, nisi imperitis; vel non habere, ut de vna intelligentia omnium hominum, & tunc non firmiter credere: & præterea siue demonstrationem habeant, siue non habeant, eos non credere ex pio affectu subiiciendi se Deo, sed vel quia coguntur argumentis, vel quia cedunt auctoritati doctorum.

Ad **SECUNDAM** de Mahometanis & hæreticis, qui aliquos Catholicæ fidei articulos credunt, Respondeo, eos non habere fidem certam ex parte obiecti. Nam ut fides sit certa ex parte obiecti, duæ causæ infallibiles requiruntur, causa reuelans articulos, & causa proponens, aut declarans articulos reuelatos. Nam si is, qui reuelat, & cuius auctoritate nitimur, falli possit, fides etiam incerta red-

dicur. Itaque causa reuelans non debet esse, nisi Deus. Et pari ratione si is, qui articulos reuelatos proponit, aut declarat, error sit obnoxius, & possit aliquid proponere tanquam à Deo reuelatum, quod vere non sit à Deo reuelatum, tota fides nutabit.

Iam igitur Mahometani & hæretici, existimant quidem se credere id, quod credunt, quia Deus reuelauerit, sed re vera non credunt, quia Deus reuelauit, sed quoniam ipsi temere volūt id credere, quod credunt, cum non habeant causam proponentem ac declarantem reuelationem Dei infallibilem. Nam si quis ab hæreticis petat, unde habeant Deum reuelasse hunc articulum, aut illum: respondebunt ex diuinis litteris. At si quis urgeat, unde habeant diuinas litteras hoc significare, quod ipsi dicunt, cum alii aliter Scripturas intelligant: immo etiam, unde habeant, has esse diuinas litteras: nihil omnino respondere poterunt, nisi ita se iudicare: iudicium enim Ecclesiæ, quod vnum Deus innumeris signis & prodigijs, aliisque testimonijs plurimis infallibile esse declarauit, iam ipsi reiecerunt, & unusquisque à se iudicium diuinæ reuelationis interpretandæ reuocauit. Quis autem possit, nisi valde temere credere, suum ipsius iudicium de rebus diuinis infallibile esse, cum hanc infallibilitatem nulla neque diuina promissione, neque humana ratione probare possit?

At Catholici fidem habent omnino certam & infallibilem, quoniam credunt id, quod credunt, quia Deus reuelauit: Deum autem reuelasse credunt, quoniam Ecclesiam ita dicentem, vel declarantem audiunt, quam errare non posse non temere credunt, cum testimonia eius ex plurimis signis & prodigijs, aliisque multis argumentis, quæ in libro de notis Ecclesiæ numerata & explicata sunt, credibilia facta sint nimis.

Ad **TERTIAM**, de his quæ credimus Linius & Salustio, Respondeo, humanas historias nos humana fide credere, ut existimemus falsas esse posse: at res diuinas longe alia fide credi oportere, ut etiam existimemus cælum & terram transire posse, Verbum autem Domini transire non posse.

Ad **QUARTAM**, de ijs, qui res difficillimas, sed tamen falsas credunt, Respondeo, non esse omnino eandem rationem veri & falsi, sicut nec eandem ratio boni & mali. Potest enim homo peccator ex animo, ac toto corde blasphemare Deum, non tamen potest ex animo ac toto corde laudare Deum sine speciali gratia: ita poterit figmenta sua, quamuis alijs incredibilia ipse facile credere propter affectum erga res suas, nec tamē poterit sine speciali gratia Dei res diuinas credere. Adde præterea, eiusmodi homines sicut temere credunt falsa & diabolica, ita etiam temere credere vera & diuina, non autem sicut diximus, *ut oportet*, id est, pio affectu, ut res à Deo reuelatas, & quibus falsum esse nulla ratione possit.

Ad **QUINTAM** Respondeo, Res credibiles sine alia gratia, credi posse, sed humana fide, non diuina, argumenta enim, quæ articulos fidei nostræ credibiles faciunt, non talia sunt, ut fidem omnino indubitam reddant, nisi mens diuinitus adiuuetur.

Ad **SEXTAM** facilis est responsio. Nam aut puer inter Christianos natus atque educatus, ubi adoleuerit, existimabit se esse baptizatum, vel sciet non esse baptizatum. Si baptizatum se esse credat, probabile erit, eum fidem diuinitus infusam habere. Siquidem approbatio baptismi, quem quis se accepisse, atque habere cæset, par est voto baptismi, & ad salutem æternam perducere potest. De qua re extat rescriptum Põtificum capite, Apostolicæ, de presbyter. non baptiza. Si vero sciat, se non esse baptiza-

tum, & tamen baptismum nō postulet, is sine dubio non habet fidem, nisi forte humanam, vel potius nec humanam. Quomodo enim fieri potest, ut aliquis certo credat, sine baptismo se in æternū periturum, & tamē baptismum, rem videlicet factū facillimam, non postulet, neque cupiat? Neque verisimile est, posse aliquem esse inter Christianos institutum, & qui nouerit fidem Christianorum, qui tamen de baptismo nihil vnquam audierit, cum inter rudimenta fidei fiat mentio baptismi, & quotidie in Ecclesia recens nati baptizantur infantes.

CAPVT IV.

Non posse voluntatem humanam aliquid velle in ijs, quæ ad pietatem & salutem pertinent, sine auxilio gratiæ Dei

SEQVITVR altera quæstio, quæ est de viribus voluntatis humanæ, in ijs rebus, quæ ad pietatem & salutem æternam pertinent. In qua quæstione eisdem habemus aduersarios, quos in superiore, Pelagianos videlicet, & qui Pelagianos occulte, & sub nomine Catholico in Gallijs fauere studuerūt, Cassianum, Faustum, & alios. Hi enim bona aliqua desideria, initium dilectionis, dispositionem ad gratiam, & alia id genus, ex bono naturæ, sine speciali præueniente gratia haberi posse, prædicabant.

Quibus præcipue restiterunt S. Augustinus in libro de prædestinatione sanctorum, & de bono perseverantiæ. S. Prosper in libro contra Collatorem. Et S. Fulgentius in libro de incarnatione & gratia Christi, à cap. 13. vsque ad finem. Dicitur etiam ab Adone Viennensi in Chronico ad annum CCCC. gregie contra Faustum scripsisse sanctus Alchimus Auitus, vir eloquentissimus, non solum oratione soluta, sed etiam carmine, sed liber eius iniuria temporum interijisse videtur. Eundem quoque Faustum breuiter refutauit Ioannes Maxentius in professione fidei Catholice, quæ in bibliotheca sanctorum Patrum extat.

Nos tres sententias ex Scripturis & traditione Ecclesiastica paucis comprobabimus. PRIMA erit, non posse hominem sine speciali gratia Dei aliquid velle, aut facere in ijs rebus, quæ ad pietatem & salutem pertinent. SECUNDA, non posse hominem proprijs viribus ad gratiam se disponere, siue aliquid facere, propter quod ei diuina gratia conferatur. TERTIA, non posse ab homine diligere Deum, etiam ut auctorem naturæ, & imperfecte sine adiutorio gratiæ. Quamuis enim duæ sententiæ posteriores in prima includi videantur, tamen placuit eas distinguere, Tum, quoniam non desunt, qualiter sentiant, Tum etiam quoniam possunt proprijs argumentis singulæ tres sententiæ probari.

PRIMA igitur illa sententia probatur, PRIMVM ex testimonijs Prophetiis, Euangelicis, & Apostolicis. Quod enim legimus Isaïæ, cap. 65. *Inuentus sum à non querentibus me, palam apparui his, qui me non interrogabant.* Et quod Dominus ait Lucæ 19. *Veni filius hominis querere, & saluum facere quod perierat.* Nonne indicat, non nos incipere querendo Deum, sed Deum incipere querendo & vocando nos auctores, & fugientes? Illud vero quod idē Dominus ait, Ioan. cap. 15. *Sine me nihil potestis facere,* intelligendum est omnino de bono opere, quod ad salutem pertineat: sicut etiam illud Apostoli 1. Cor. 4. *Quis enim te discernit? quid habes quod non accepisti?* Aduersus eos facit, qui ob fidem, aut iustitiam ad salutem pertinentem inflabantur, ut sæpe alias diximus. Alioqui hæc sententiæ non essent vniuersaliter veræ: Nam aliqua

A bona opera naturalia, & aliqua etiam moralia sine speciali Dei gratia fieri posse, supra docuimus. Denique (ut alia multa præteream) illud eiusdem Apostoli, ad Philipp. c. 1. *Qui capis in vobis opus bonum, perficet usque in diem Christi.* Et c. 2. *Deus est enim, qui operatur velle, & perficere pro bona voluntate.* Satis aperte ostendit, nihil omnino boni ad salutem pertinentis, sine Deo inchoari posse.

Probatur deinde eadem sententia ex definitionibus Conciliorum. Primum Concilium in causa pelagij celebratum in Palæstina, duodecim articulos definiuit, quos etiam Pelagius ipse admittere coactus fuit. Septimus articulus erat (ut Augustinus testatur in epist. 106.) gratiam Dei ad singulos actus dari, ac per hoc nullum actum bonum ad salutem pertinentem (de his enim quæstio erat) sine gratia fieri posse.

Deinde celebratum est Concilium frequentissimum in Africa, Episcoporum ducentorum & quatuordecim, quod à Sede Apostolica approbatum à toto orbe terrarum receptum fuisse, testatur S. Prosper in Chronico; huius Concilij decretum his verbis refert idem Prosper in responsione ad octauum capitulum Gallorum: *Cum ducentis quatuordecim sacerdotibus, quorum constitutionem, contra inimicem gratiæ Dei, totus mundus amplexus est, veraci professione, quemadmodum ipsorum habet sermo, dicamus, gratiam Dei per Iesum Christum Dominum nostrum, non solum ad cognoscendam, verum etiam ad faciendam iustitiam nos per actus singulos adiuuare, ita ut sine illa nihil vere sanctæque pietatis habere, cogitare, dicere, agere valeamus.*

Accessit denique in ipsa Gallia Concilium Arausicum, quod iussu S. Leonis, proprie aduersus reliquias Pelagianorum celebratum fuit, in cuius Concilii canone septimo hæc habentur: *Si quis per naturæ vigorem bonum aliquod, quod ad salutem pertinet, vita æterna cogitare, aut eligere posse confirmat, &c. Hæretico salutaris spiritus.* Ita videmus, tres orbis terræ partes, Asiam, Africam, Europam, per tria Concilia, in eandem sententiam pro Dei gratia conspirasse.

D Per eadem tempora tres summi, sanctissimique Pontifices, Innocentius, Zozimus, Celestinus scriptis suis eandem sententiam comprobarunt. Innocentius in epistola ad Concilium Carthaginense, quæ est apud Augustinum nonagesima prima: *Adiutorio, inquit, quotidiano nos egere, negare non possumus.* Et infra: *Quemadmodum Pelagius, Celestinusque suasores se aliquibus esse confidunt, nos adiutorium Dei non debere querere, nec egere, cum omnes sancti, nihil se sine hoc agere posse testentur?* Idem in epistola ad Concilium Mileuitanum apud August. 93. *In omnibus, inquit, diuini paginis voluntati liberæ non nisi adiutorium Dei legimus esse necessarium, camque nihil posse celestibus auxilijs destitutam.*

E Zozimus in epistol. ad omnes Episcopos (ut refert Celestinus in epist. ad Gallos, c. 9.) Quod, inquit, tempus interuenit, quo eius non egemus auxilio, in omnibus igitur actibus, causis, cogitationibus, motibus, adiutor & protector orandus est. Superius est enim, ut quidquam sibi humana natura præsumat.

Ipse autem Celestinus in prædicta epist. cap. 8. Quotquot, inquit, spiritus Dei aguntur, hi filij sunt Dei, ut nec nostrum sentiamus deesse auxilium, & in bonis quibusque voluntatis humanæ singulis motibus magis illius valere non dubitemus auxilium.

Idem probari potest testimoniis aliorum Patrum. S. Cyprianus lib. 3. ad Quirinum, ca. 4. *In nullo, inquit, gloriandum, quando nostrum nihil est.*

S. Ambrosius lib. 2. in Lucam, c. 12. *Vides, inquit, quia ubique Domini virtus studijs cooperatur humanis, ut nemo possit adificare sine Domino, nemo custodire sine Domino, nemo quicquam incipere sine Domino.*

S. Hieronymus lib. 3. contra Pelagianos, non longe à principio: *Hoc, inquit, longa dissertatione conclusum est, ut gratia sua Dominus, quæ nobis concessit liberum arbitrium, in singulis operibus iuvet atque sustentet.*

S. Augustinus lib. 2. contra duas epistol. Pelagianorum, c. 3. *Liberum, inquit, arbitrium dicimus ad bene, pieque vivendum non valere, nisi ipsa voluntas hominis, Dei gratia, fuerit liberata, & ad omne bonum actus, sermonis, cogitationis adiuta. Item in libro de prædeterminatione Sanctorum, c. 2. Quod, inquit, attinet ad pietatem, & religionem, non sumus sufficientes cogitare aliquid quasi ex nobis, & nemo sibi sufficit ad incipiendum, vel perficiendum quocunque opus bonum. Item in libro de gratia Christi, cap. 26. Gratiam, inquit, Dei sic consecutur, qui vult veraciter confiteri, ut omnino nihil boni sine illa quod ad pietatem pertinet, veramque iustitiam, fieri posse non dubitet. Et cap. quadragesimo septimo: Si, inquit, ut dixi, consenserit (Pelagius) etiam ipsam voluntatem & actionem divinitus adiuvari, ut sine illo adiutorio nihil boni velimus & agamus, eamque esse gratiam Dei per Iesum Christum Dominum nostrum, in qua nos sua, non nostra iustitia facit iustos, ut ea sit vera iustitia, quæ nobis ab illo est, nihil de adiutorio gratiæ Dei, quantum arbitror, inter nos controversia relinquatur.*

Auctor Hypognostici, qui (ut alias diximus) non est Augustinus, sed alius Pater antiquus & doctus, lib. 3. *Efficemur, inquit, liberum arbitrium omnibus hominibus, habens quidem iudicium rationis, non per quod sit idoneum (quæ ad Deum pertinent) inchoare, aut certe perficere sine Deo, sed tantum in operibus vite præsentis, tam bonis, quam etiam malis. Et infra: Variato ergo libero arbitrio, totus homo est vitiat, per quod (absque adiutorio gratiæ) quod Deo placeat nec vales incipere, nec perficere sufficit.*

S. Prosper in libro contra Collatorem, capite trigesimo octavo: *Non conturbat, inquit, nos superbientium inepta querimonia, quia liberum arbitrium causantur auferri, si & principia, & profectus & perseverantia in bonis, usque in finem Dei dona esse dicantur. Quoniam opitulatioes divini gratia stabilimenta sunt voluntatis humane. Volentes eramus, & tamen misit Deus spiritum in corda nostra clamantem Abba Pater, volentes loquimur, & tamen si primum est, quod loquimur, non sumus nos loquentes, sed spiritus patris nostri, qui loquitur in nobis, volentes operamur salutem nostram, & tamen ipsum velle, atque operari, Deus est, qui operatur in nobis.*

S. Fulgentius libro de incarnatione & gratia Christi, cap. 13. *Peccans, inquit, ille qui sine peccandi necessitate creatus est, in eo quod animæ sanitatem delinquendo perdidit, etiam illa cogitandi, quæ ad Deum pertinent, amisit facultatem. Oblitus est enim manducare panem suum, & expoliatus vestimento fidei, carnaliumque concupiscentiarum vulneribus sauciatus, sic iacuit oppressus ditione peccati, ut nullatenus aliquid bonæ voluntatis initium habere potuisset, nisi hoc Deo gratis donante sumpsisset.*

S. Gregorius homilia 9. in Ezech. *Nos, inquit, prævenit, ut velimus, & volentes subsequitur, ne inanes velimus.*

Bernardus in libro de gratia & libero arbitrio: *Conatus nostri, inquit, & cæsi sumus, si non adjuvantur, & nulli, si non excutuntur.*

His accedat argumentum ab orationibus, & gratiarum actione. Non enim sine causa orat Ecclesia, ut Deus actiones nostras aspirando præveniat, & adjuvando prosequatur, nec sine causa pro omni bo-

no opere gratias agimus, nisi quia novit, nihil veri boni id est, quod ad salutem pertineat, sine Salvatoris gratia fieri posse.

Accedat Postremo damnatio operum Cassiani & Fausti, in Concilio Romano, præsidente sancto Gelasio Papa, quæ habetur in Decreto Gratiani, dist. 16. Canone, sancta Romana. Nō enim alia de causa opera Cassiani & Fausti, quæ alioqui multa valde vitia continent in apocryphis numerantur, nisi propter sententiam istam de bonis operibus ad pietatem pertinentibus, quæ illi sine adiutorio gratiæ fieri, aut inchoari posse disputabant. Quibus adde, Faustum propter hos errores habitum fuisse Pelagianum hæreticum, ut testes sunt Isidorus in lib. de scriptoribus, Ado Viennensis in Chronico, & auctor vitæ S. Fulgentij, cap. 26. Quod si vir doctissimus Ruardus Tapperus observasset, non tam sæpe Faustum Catholicum appellasset.

CAPVT V.

Non posse hominem solis naturæ viribus ad gratiam recipiendam, vlllo modo se præparare.

ALTERA sententia erat, nō posse hominem solis naturæ viribus ad gratiam recipiendam, vlla se ratione disponere. Quæ sententia ita intelligenda est, ut non solum non possit homo suis viribus se præparare ad habitum gratiæ gratum facientis, sed neque ad gratiam adiutorij specialis: & tursus, non modo non possit ita se præparare, ut ex condigno illi gratia conferatur, sed neque ut ex congruo, ac demum nihil agere possit, cuius causa Deus illi gratiam dare dicatur.

Id vero PRIMUM probari potest omnibus argumentis, quibus superior sententia confirmata est. Nam omnis dispositio ad gratiam, aliquid est ad salutem æternam pertinet: proinde fieri non potest solis naturæ viribus, si quid valent testimonia Scripturæ, Conciliorum, & Patrum, capite superiore prolata. Sed duo præcipue loca ex ijs, quæ citavimus capite superiore, urget S. August. in lib. 1. ad Bonifacium, cap. 19. & l. 2. c. 8. illud Ioan. 6. *Nemo potest ad me venire, nisi Pater traxerit eum.* Nam qui se disponit, non debet trahi, sed duci, iam enim venire paratus est. Et illud Ioan. 15. *Sine me nihil potestis facere.* Possit enim Dominum convincere, qui pollet se disponente. Diceret enim, Ecce sine te cor præparavi. Qui eodem modo Apostolo dicenti, 1. Cor. 4. *Quid habes, quod non accepisti?* respondet, habeo cordis mei præparationem.

Deinde probant hanc sententiam illæ omnes Scripturæ, quæ docent conversionē ad Deum esse opus Dei, ut Ps. 82. *Convertite nos Deus salutaris noster.* Et Thre. 1. *Convertite nos Domine, & convertemur.* Nam conversio est dispositio, & dispositio est conversio. Quæadmodum enim, qui est avertus à Sole, non incipit disponi ad recipiendam lucem, nisi cum incipit converti ad aspiciendum Solem: sic etiam qui est avertus à Deo, non incipit disponi ad gratiam Dei, nisi cum ad eum incipit reverteri. Eodem pertinet illud Ps. 76. *Dixi nunc cæpi, hæc mutatio dextere excelsi.* Nam (ut notat S. Aug. in l. 2. contra duas epistol. Pelagianorum, c. 19.) significat hoc testimonium ipsam conversionis inchoationem, dono Dei esse tribuendam. Illud item Ezechielis 36. *Non propter vos faciam, domus Israel, sed propter nomen meum sanctum, quod polluxistis in gentibus.*

Quid aliud indicat, nisi nihil Deum in hominibus inuenire, eum eos ad se conuertat, deique eis *Cor nonum, & spiritum nouum*, ut in eodem Propheta continuo adiungitur. Quem locum diligenter notauit sanctus Augustinus in libro de gratia & libero arbitrio, cap. 14.

Adducunt quoque passim idem Augustinus, & Concilium Arausicanum, item Prosper, Fulgentius, & alij, illud Prouer. 8. *Preparatur voluntas à Domino*. Sic enim reddiderunt Septuaginta id, quod nos legimus, *hauriet salutem à Domino*. Et verba Hebræa utrumque sensum recipiunt, quamuis enim vox illa *ny* non significet proprie salutem, sed voluntatem, tamen significat aliquando bonam Dei voluntatem erga homines, & tunc id est, quod salus. Illud etiam verbum *po* significat quidem in coniugatione Hiphil educere, haurire, &c. Sed potest etiam in coniugatione Hophal significare educi, excitari, &c. ut sensus sit, & *abitabitur*, ac produceretur voluntas à Domino. Denique dubitari non potest, quin Septuaginta, viri longe doctissimi, verba hebraica probe intellexerint & expresserint.

Frequentissime autem profert idem Augustinus illud Apostoli Rom. 11. *Quis prior dedit illi, & retribuetur ei?* Quod apertissime significat Dei gratiam à nullo humano opere præueniri. Præueniretur autem, si homo suis solis viribus posset ad gratiam se disponere. Daret enim prior Deo pium illum affectum disponendi se ad gratiam.

Huc denique pertinent variz Scripturarum similitudines. Comparatur enim homo peccator terre omni humore destituta, quæ ne minutissimam quidem herbam germinare potest, nisi desuper irrigetur. Sic enim ait David in Psalm. 141. *Anima mea sicut terra sine aqua tibi*. Et paulo ante dixerat: *Non iustificabitur in conspectu tuo omnis viuens*. Comparatur item luto, quod à figulo tractatur Isaïæ 47. Hieremiz 18. & ad Rom. 9. At certe lutum non seipsum disponit ad formam vasis recipiendam, sed à figulo primum disponitur, deinde formatur. Comparatur præterea homini mortuo, qui ad vitam reuocandus est. Lucæ decimo octauo. *Mortuus erat, & reuixit*. Ephes. secundo, & Colossen. secundo, *Cum effectis mortui in peccatis & delictis*. At mortuus non se disponit ad vitam, nec potest, nisi vim aliquam vitalem ab excitatore suo recipiat. Comparatur quoque iustificatio generationi, 1. Petri 1. *Renati non ex semine corruptibili, &c.* Et Iacobi 1. *Genuit nos verbo veritatis*. At materia non seipsa disponit, sed à generante disponitur. Comparatur denique ipsa Dei gratia igni, Cant. 8. *Lampades eius, lampades ignis, atque flammarum*. Et Dominus Lucæ capite duodecimo: *Ignem*, inquit, *veni mittere in terram*. Nihil autem incipit disponi ad concipiendum ignem, nisi per calorem, qui est eiusdem ignis effectus. Scripturæ igitur & verbis & similitudinibus vndique clamant, non posse peccatorem ad recipiendam gratiam vlla se ratione disponere.

Probatur SECUNDO eadem veritas ex definitione Ecclesiastica: definiuit enim Synodus Palæstina contra Pelagium, gratiam non secundum merita nostra dari, sed ab illa potius originem ducere omnia bona merita. Cuius definitionis meminit S. Augustinus in epistola centesima, sexta, & eam repetit in omnibus fere libris, quos aduersus Pelagianos scriptos reliquit: gratiam autem secundum merita nostra dari intelligunt Patres, cum aliquid sit proprijs viribus, ratione cuius datur gratia etiam si non sit illud meritum de condigno.

S. Augustinus lib. 1. ad Bonifacium, ca. 8. *Si sine*

A *Dei gratia per nos incipit cupiditas boni, ipsum caput est meritum, cui tanquam ex debito veniat adiutorium, ac sic gratia Dei non gratis donabitur, sed merito nostro dabitur*. Et lib. 1. cap. 19. ad eundem Bonifacium: *Dixisti*, inquit, *à Dei gratia in bono opere semper adiunxit, tanquam sua voluntate, nulla Dei gratia bonum opus aggreffa, & ipsam operedimimus adiuuatur, pro merito videlicet voluntatis bonæ, ut reddatur debita gratia, non donec in debita, ac sic gratia iam non sit gratia; sed sit illud, quod Pelagius in Concilio Palæstino flecto corde damnavit, gratiam Dei secundum merita nostra dari*. Et libro de prædestinatione sanctorum, capite secundo, cum proposuisset sententiam illorum, qui dicebant initium fidei, id est, ipsum velle credere, posse haberi ex viribus naturæ, ait: *Non ergo recedunt ab ea sententia, quam Pelagius ipse in episcopali iudicio Palæstino damnare compulsus est, gratiam Dei secundum merita nostra dari*.

B S. Prosper in libro contra Collatorem, cap. 6. *Quomodo*, inquit, *non adueris, tein illud damnatum incidere, quod velis noli conuinceris dicere, gratiam Dei secundum merita nostra dari, cum aliquid præcedere boni operis ex ipsis hominibus, propter quod gratiam consequantur, affirmas?*

Denique sanctus Fulgentius in libro de Incarnatione & gratia Christi, cap. 18. *Si vero*, inquit, *secundum opinionem illorum nostrum est velle credere, priusquam Dei gratia incipiat nos adiuuare, iniuste gratia dicitur, quia non gratis datur hominibus, sed bonæ retribuitur voluntati*. Hæc illi.

C Habemus igitur gratiam Dei secundum merita nostra dari, & gratiam non esse gratiam, si aliquid eam præcedat, propter quod ipsa detur. At certe qui se disponit ad gratiam, aliquid facit, propter quod ei detur gratia: igitur qui dicit, dispositionem ad gratiam fieri sine gratia, idem dicere conuincitur, gratiam Dei secundum merita nostra dari, quod iam in Pelagio à Concilio Palæstino, & vniuersa Ecclesia constat esse damnatum.

D Præter Concilium illud Palæstinum, habemus etiam Concilium Arausicanum, in quo multis canonibus hoc idem apertissime condemnatur. Nam canone tertio dicitur, neminem sine gratia posse inuocare gratiam. Et canone 4. *Per gratiam fieri non solum, ut purgemur, sed etiam ut purgari velimus*. Et canone 14. *Nullū miserum de quantulacunque miseria liberari, nisi gratia præuentum*. At certe aliqua miseria est, non se posse ad gratiam preparare. Et denique can. vltimo: *Hoc*, inquit, *salubriter profitemur, quod in omni bono opere nos non incipimus, & postea per Dei misericordiam adiunamur, sed ipse nobis nullis præcedentibus bonis meritis, & fide & amoris suis prius inspirat, ut baptismi Sacramenta fideliter requiramus, & post baptismum cum ipsis adiutorio, ea quæ sibi sunt placita, implere possimus*.

E Accedat postremo ratio S. Thomæ in 1. 2. q. 109. artic. 6. nam eius est disponere ad formam, cuius est introducere formam: dispositio enim effectus est agentis, non materiæ, aut alterius causæ: gratiam autem iustificationis Deus producit, & in animam introducit, igitur Deus animam disponit ac præparat, non ipsa se disponere, ac præparare potest, nisi prout mouetur ab ipso Deo per aliud gratiæ donum.

Dices, quamuis non possit homo se suis viribus disponere ad gratiam iustificationis, posse tamen ad illud gratiæ donum, per quod disponitur ad gratiam iustificationis. At illud donum, per quod disponimur, non eget alia dispositione: alioqui si temper ad dispositionem requireretur dispositio, nunquam ad

formam

formam deueniri posset, & re ipsa videmus, donum gratiæ, quo disponuntur homines ad iustificationem, dari nonnunquam ijs, qui maxime sunt indispositi, ut notum est de vocatione Pauli, Matthæi, Magdalene, & similium. Quod si etiam ad hoc donum requireretur dispositio, non posset ex solis naturæ viribus comparari, quoniam (vt iam diximus) gratia non esset gratia, si daretur propter opus factum solis naturæ viribus.

Huc etiā pertinet ratio ducta ab orationibus priorum, & ab absurdis, quæ posita sunt in cap. 2. ad probandum, initium fidei non haberi sine dono gratiæ. Eadem enim rationes non minus efficaciter probant id, quod nunc probare contendimus.

CAPVT VI.

Soluuntur argumenta contra doctrinam duorum precedentium capitulum.

SE D non desunt argumenta quædam aduersus ea, quæ dicta sunt in hoc, & præcedente capite.

PRIMUM obijci potest illud Zachariæ, c. 1. *Conuertimini ad me, & ego conuertar ad vos.* Et illud Prouer. 16. *Homini est preparare animam, & Domini gubernare linguam.* Respondet S. Augustinus libro 2. ad Bonifacium, cap. 8. & libro de gratia & libero arbitrio, ca. 5. commendari in his sententijs liberum arbitrium, sed non excludi gratiam præuenientem: quemadmodum in illis: *Conuertere nos Deus salutaris noster.* Et: *Preparatur voluntas à Domino.* Commendatur gratia præueniens, sed non excluditur liberi arbitrii cooperatio. Si enim solus Deus ista faceret, frustra diceretur hominibus, *Conuertimini*, & si homines soli ad hoc sufficerent, frustra diceretur Deo, *conuertere nos*, & si Deus sine nobis nos præpararet, falsum esset, hominem præparare animam, & si absque Deo nos corda nostra præpararemus, falsum esset præparari voluntatem à Domino.

SECUNDO obijci possunt duo testimonia Patrum. Nam S. Ioannes Chrysostomus, homil. 42. in Genesim docet, Abrahamū accepisse à Deo magna dona gratiæ, sed antea se ad illa per opera bona disposuisse. Item homil. 17. in Ioan. scribit, Deum non præuenire nostras voluntates, sed ubi præparati fuerimus, tunc demum illum adesse, ac iuare per gratiam. Et similia habet in homilia 12. in epistolam ad Hebræos, & homil. 42. ad populum Antiochenum, & lib. 1. de compunctione cordis extremo. S. Hieronymus in libro 3. aduersus Pelagianos, bis repetit nostrum esse velle, Dei autem, vt impleamus, quod volumus.

Respondeo, sanctus Ioannes Chrysostomus non ita quidem aperte gratiam præuenientem prædicat, quoniam eodem tempore nondum exorti fuerant, qui eam negarent; sed tamen neque eam negat, si verba eius sano modo accipiantur. Itaque nonnunquam Deo tribuit ea, quæ solus ipse facit, nobis autem tribuit ea, quæ nos cum Deo facimus. Et hoc modo loquitur de Abrahamo, cui Deus solus præstitit magna illa dona, vt esset pater multarum gentium, & vt in semine eius benedicerentur omnes gentes: sed non hæc præstitit Deus, nisi posteaquam Abraham se in virtutum stadio diu exercuit, quod quidem opus ipsius Abraham fuit, & illi iure, meritoque tribuitur, licet non sine Dei ope, bona illa opera fecerit. Similiter explicanda sunt, quæ habentur homil. 17. in Ioannem, & in priore de compunctione cordis.

Nonnunquam vero dicit, non præueniri nos à Deo per modum determinantis ad vnum, & necessitatem

adferentis, ita vt tollatur libertas arbitrii. Id quod sæpe ac libenter Chrysost. repetit, tum propter Manichæos, qui negabāt liberum arbitrium, tum etiam ad negligentiam & desidiam hominum discutiendam, ne ita se putarent à Deo præueniendos esse, vt nihil sibi relinqueretur agendum.

Sanctus autem Hieronymus dicit, nostrum esse velle, Dei vero implere quod volumus, non quod nostrum sit velle sine gratia Dei, sed quod nos possimus multa velle cum adiutorio gratiæ, quæ tamen cum eodem adiutorio non valemus implere, sed Dei solius sit efficere, vt aliquando illa quæ volumus impleamus. Exempli gratia, volumus sine omni peccato viuere, & nullum omnino rebellem motum partem inferioris sentire: sed non possumus hæc implere, etiam si adiutorium illud non desit, per quod velle ista potuimus, sed cum Apostolo dicere cogimur: *Velle adiacet mihi, perficere autem non inuenio.* Rom. 7. Tamen dabit aliquando Deus, vt hoc quod volumus impleamus, quando sanauerit omnes languores nostros, & ea, quam expectamus, aduenierit redemptio corporis nostri.

Non voluisse autem Sanctum Hieronymum significare, nostrum esse velle, sine gratia Dei, perspicuum est ex epistola ad Cresiphontem, ubi sic loquitur idem Hieronymus: *Velle & currere meum est, sed ipsum meum sine Dei auxilio non eris meum.* Dicit enim idem Apostolus, Deus est, qui operatur in nobis velle & perficere.

TERCIO obijci potest illud commune scholarum; facienti quod in se est, Deus non denegat gratiam. Hinc enim sequitur, vt si quis faciat quod potest solis naturæ viribus, is hoc ipso disponatur ad gratiam, aut certe ad auxilium speciale, per quod deinde præparetur ad gratiam.

Respondeo, dictum illud commune scholarum, recte exponitur à sancto Thoma in 1. 2. quæstione 109. art. 6. ad secundum, & quæst. 112. art. 3. ad primum, & à S. Bonauent. in 2. sententiarum distinct. 28. artic. 2. quæst. 1. qui docent, tunc facienti quod in se est non denegari gratiam, cum homo facit quod in se est, cooperando gratiæ Dei, à qua mouetur. Nā ei qui facit quod in se est ex solis naturæ viribus, non debetur gratia, sed pœna, non quidem pro eo quod facit ex solis viribus naturæ: sed quoniam pro vno aut altero bono opere morali, quod fortasse faciet, plurima peccata lethalia sine dubitatione committet.

Sane qui docent, hominem faciēdo, quod in se est, solis naturæ viribus ad gratiam præparari, aut opinantur, eum suis viribus posse desiderare & petere à Deo gratiā, & hæc est hæresis Pelagiana, vt ex Concilio Arausicano, alijsque testimonijs supra citatis probatum est; aut certe existimant, posse hominem seruare proprijs viribus omnia præcepta moralia, & innocentem vitam agere secundum rationem, & hac sanctitate morali prouocare Deum ad auxilium speciale sibi donandum, quo tandem ad fidem, gratiamque perueniat; sed hæc quoque est hæresis Pelagiana in libro superiore satis superque refutata. Vt omittam, nullum eiusmodi hominem ex historijs posse monstrari. Catones enim, Socrates, alijsque horum similes, qui inter Ethnicos sanctissimi iudicati sunt, multis vitis coopertos fuisse, facile demonstrari posset.

QUARTO, posset obijci exemplum Cornelij Cæturionis, qui quoniam elemosynas faciebat, impetrare meruit à Deo, vt ad se instituendum in fide Christiana Petrus Apostolus mitteretur.

Respondeo, Cornelius antequam fidem Chri-

Christianam audiret, non erat omnino infidelis, sed vnum Deum nouerat, eumque religiose colebat, vt in Actis cap. 10. S. Lucas scribit. Proinde ex fide orabat, & auxilio Dei eleemosynas faciebat. Sed etiam si infidelis fuisset, tamen illa bona opera non sine dono Dei fecisset, vt S. August. docet, in lib. de prædicatione Sanctorum, cap. 7.

QUINTA obiectio, opera bona moralia, quæ possunt fieri solis naturæ viribus, non sunt peccata: ergo qui facit bonum opus morale non ponit nouum impedimentum gratiæ, quod poneret, si bonum illud opus non faceret, ergo vicinior est saluti, quàm si non fecisset bonum illud opus, ergo magis dispositus.

Respondeo, bona opera moralia, quæ sunt à peccatore, non faciunt hominem magis ind dispositum ad gratiam, cum nouum impedimentum non addant; tamen non disponunt, cum nullum habeant ordinem, aut relationem ad gratiam. Quocirca Deus interdum maiores peccatores, interdum minores, auxilio speciali magis & citius adiuuat.

SEXTA obiectio, potest homo suis solis viribus timere pœnas gehennæ; naturale enim est timere malum: poterit igitur metu pœnæ futuræ dolere de peccato, qui dolor à Theologis attritio dici solet: atqui eiusmodi dolor est dispositio ad gratiam, & accedente Sacramento iustificat: igitur potest homo suis solis viribus ad gratiam se præparare. Et confirmatur, quoniam sine dubio potest homo sine vlla speciali gratia Dei dolere de offensa amici, cur igitur non possit etiam dolere de offensa Dei, præsertim si Christianus sit, & nouerit summa Dei erga homines beneficia?

Respondeo, timor gehennæ si ordinatur ad peccatum detestandum & relinquendum, sine dubio donum est Dei, neque solis viribus naturæ haberi potest. Ipse enim est initium sapientiæ, & inter dona Spiritus sancti numeratur ab Isaia cap. 11. Multo etiam magis dolor, ac detestatio peccati cum desiderio purificationis, donum Dei est, cum ad salutem pertineat. Et quamuis possit quis sine auxilio gratiæ detestari offensam amici, non tamen Dei, cuius ipse peccator non est amicus, sed inimicus. Denique nouit quidem homo Christianus ex fide summa Dei in homines beneficia, non tamen mouetur ad ea considerata, & inde concipiendum odium in peccata, & amorem in Deum, nisi gratia illum diuina præueniat. Teneatur enim somno, vel potius morte peccati, à qua non eum excitat, nisi gratia Dei per Iesum Christum Dominum nostrum.

CAPVT VII.

Non posse sine auxilio gratiæ diligere Deum.

TERCIA restat sententia de dilectione Dei, quæ priusquam probetur, paucis explicanda est. Si quidem multiplex esse potest dilectionis acceptio, ac per hoc etiam multiplex quæstio.

PRIMUM, accipi posset dilectio Dei, vel pro actione voluntatis, vel pro quadam propensione ad Deum, vt finem vltimum & summum bonum, & de hac posteriore non querimus hoc loco, sed tantum de priorē. Nam pro comperto haberi existimamus, naturam voluntatis propensam esse ad bonum, ac per hoc ad Deum, ad quem facti sumus, fecit enim nos deus ad se, & ideo inquietum est cor nostrum, donec requiescamus in ipso, vt S. Augustinus loquitur lib. 1. Confessionum, cap. 1.

SECUNDO, dilectio, quæ est actio voluntatis ac-

cepti potest, vel pro dilectione Dei, vt is est auctor naturæ, vel pro dilectione eiusdem, vt est donator felicitatis æternæ. Et hoc modo posteriore concedunt omnes Theologi, non posse diligere Deum sine gratia Dei, & fide præuolente; neque nos de hac re dubitamus.

TERTIO, dilectio Dei, siue vt auctor bonorum naturalium, siue etiā supernaturalium, alia est perfecta, alia imperfecta: idque tribus modis. Alia enim est perfecta, quoniam est dilectio Dei super omnia, quæ videlicet Deum rebus omnibus anteponit. Alia imperfecta, quoniam afficitur quidem erga Deum, sed nondum illum rebus cæteris præfert.

Rursus alia est perfecta, quia non solum Deum rebus omnibus præfert, sed maiore ardore ac vehementia in illum afficitur, quam in vllam rem creatam, quæ dici solet dilectio super omnia, tam appreciatue, quàm intensiue: Alia est imperfecta, quoniam æstimat quidem super omnia Deum, & mallet cætera omnia potius, quàm illum perdere, tamen non ita vehementer, quod attinet ad intensiorem, afficitur in Deum, ac in res creatas.

Alia denique est perfecta, quoniam non modo Deum super omnia diligit, vnicuique aliquo actu voluntatis, dum eum cogitat summum esse, atque infinitum bonum, sed etiam perseverat in dilectione vsque ad impletionem omnium mandatorum, quæ dicitur dilectio super omnia quoad affectum & effectum. Alia est imperfecta, quoniam afficitur quidem in Deum super omnia, dum eum cogitat summum esse bonum, & nulla occurrit tentationis occasio, tamen occurrente obiecto aliquo alliciente facile deficit & extinguitur.

Nos igitur sententiam illam tertiam in ipso titulo capituli annotatam, ita intelligimus, vt existimemus, non posse Deum sine ope ipsius diligere, neque vt auctorem naturæ, neque vt largitorem gratiæ & gloriæ: neque perfecte, neque imperfecte vilo modo: atque hanc non dubitamus sententiam esse sancti Augustini, immo etiam Scripturarum & Conciliorum, quicquid aliqui minus considerate in hac parte scripserint.

PRIMUM igitur, Scriptura diuina passim testatur, dilectionem esse donum Dei, Rom. 5. *Charitas Dei diffusa est in cordibus nostris, per Spiritum sanctum, qui datus est nobis.* 1. Ioan. 4. *Charitas ex Deo est.* Ephes. 6. *Pax fratribus & charitas cum fide à Deo patre.* ad Gal. 5. *Fruitus spiritus est charitas, gaudium, &c.*

Dicent, fortasse hæc intelligi solum de amore Dei, vt est auctor bonorum supernaturalium. At Scriptura nusquam ita restringit dilectionis donum, sed absolute pronunciat, charitatem Dei ex Deo esse, & per spiritum nobis dari: auctor autem bonorum omnium naturalium vere, ac proprie Deus est; cur igitur eius dilectio non sit ex Deo, & Spiritus sancti donum?

Præterea qui diligit Deum, vt auctorem naturæ, & proximum propter Deum, certe implet totam legem naturalem. Nam plenitudo legis est dilectio, qui vero totam legem naturalem implet, in eo sine dubio charitas illa est, quam Scripturæ nobis commendat. Nam Beatus Paulus cum scribit ad Romanos, capite decimo tertio: *Qui diligit, legem implet, de lege naturæ loquitur, vt perspicuum est ex verbis illis: Non occides, &c.* Et illæ conditiones veræ charitatis, quæ describuntur 1. Corinth. decima tertia. *Charitas patiens est, benigna, &c.* Sine dubio dilectioni illi conueniunt, quæ diligitur super omnia Deus, vt auctor naturæ.

denique, qui diligit Deum, vt auctorem naturæ,

certe

certe proximū diligere potest, & re ipsa diligit, sicut seipsum. At inquit Dominus Ioan. ca. 14. *Qui habet mandata mea, & seruat ea, ille est qui diligit me.* Et infra: *Qui diligit me, sermonem meum seruabit, & qui non diligit me, sermones meos non seruat.* Quæ sunt autem tua præcepta, explicat in c. 15. *Hoc est præceptum meum, ut diligatis inuicem.* Et infra: *Hæc mando vobis, ut diligatis inimicem.* Itaque vera charitas Dei, est in eo, qui diligit proximū. Imo etiam perfecta charitas. Nā vt scribit Ioannes in prima epistola capite secundo: *Qui seruat verbum eius, in hoc vere charitas Dei perfecta est.* Et capite quarto: *Si diligamus inuicem, charitas Dei in nobis perfecta est.* Habemus igitur Scripturas, quæ docent charitatem esse donum Dei, intelligi debere de illa etiam dilectione, quæ fertur in Deum, vt auctorem naturæ.

Dicent rursus, eas Scripturas non loqui de quacunque dilectione Dei, sed de illa tantum, quæ nascitur ex habitu infuso; eamque solam proprie esse donum Dei, & naturæ viribus haberi non posse. At Pelagius non docebat dilectionem, quæ nascitur ex habitu infuso, viribus naturæ haberi posse, & tamen Augustinus, alique Patres, Scripturas à nobis allegatas adducebant contra Pelagianos, qui contendebant, Deum diligi posse sine auxilio gratiæ.

Præterea Scriptura diuina non solum prædicat, dilectionem esse donum Dei, sed etiam præcipit, vt diligamus Deum, at certe nō præcipit, vt diligamus ex habitu infuso, quem habere, non est in nostra potestate, sed vt diligamus Deum ex toto corde; quem admodum etiā cum præcipit Deus, vt iuste, sobrieque viuamus, non imperat, vt ista faciamus ex habitu, sed tantum vt faciamus. Leges enim de actibus dantur, non de habitibus. Igitur dilectio, quæ secundum Scripturas est donum Dei, non est solum habitus infusus, aut actio ex habitu illo scaturiens, sed quæcunque actio, qua diligimus Deum.

Dicent fortasse postremo, Scripturas à nobis productas non posse intelligi de dilectione imperfecta, qua non diligitur Deus super omnia, & toto corde, sed solum de perfecta. At id quidem verum est, quoniam dilectio imperfecta, qua Deus non antefertur omnibus rebus, non meretur nomen charitatis, neque implet legem, neque conueniunt illi encomia, quæ passim tribuuntur in diuinis litteris charitati: tamen ex iisdem locis conuincitur imperfecta illa dilectio, donum esse Dei, & ex solis naturæ viribus haberi non posse. Nam cuius rei perfectio est à Deo, ab illo etiam est inchoatio. Et sicut initium fidei supra probatū est, esse à Deo, quia fides est à Deo, ita quoque initium charitatis tribuendum est Deo, quia charitas ipsa est à Deo. *Nec initium eius* (inquit Augustinus libro 2. ad Bonifacium, c. 9.) *ex nobis, & perfectio ex Deo, sed si charitas ex Deo est, tota nobis ex Deo est.* *Auertat enim Deus hanc amentiam, vt in eius donis nos priores faciamus, posteriorem ipsum, quoniam misericordia eius præueniet me.*

Accedant SECVNDO loco testimonia Conciliorum. Concilium Mileuitanum, canon. 4. *Virumque donum Dei, & scire quid facere debeamus, & diligere ut faciamus.* Concilium Arausicanum canone ultimo: *Prorsus donum Dei est diligere Deum.* Et vt intelligamus, non solum perfectam charitatem esse Dei donum, sed etiam imperfectam & inchoatam, subiungit, fidem & amorem Dei nobis primum inspirari, vt baptismum fideliter requiramus, & deinde quæ Deo sunt placita implere possimus. Vbi vides amorem Dei quandam imperfectum non esse ex natura, sed à Deo inspirari, & per eum perducì hominem ad iustificationis gratiam, & perfectam charitatem,

A per quam omnia mandata seruantur, quod idem expressit clarius Tridentinum Concilium. Nam sessione sexta, capite sexto dicit, hominem à Deo motum & excitatum, atque eodem Domino adiuuante incipere diligere Deum. Deinde capite septimo addit, in ipsa iustificatione recipi charitatem infusam. Concilia igitur non solam charitatem perfectam, sed etiam inchoatam, Dei donum esse definiunt.

Accedant TERTIO S. Augustini testimonia, in epist. 107. ad Vitalem: *Liberum, inquit, arbitrium ad diligendum Deum, primi peccati granditate perdidimus.* Vbi simpliciter actionem diligendi quancunque, negat Augustinus solis liberi arbitrij viribus haberi posse. Idem in lib. 4. in Iulianum, ca. 3. *Amor, inquit, Dei, quo peruenitur ad Deum, non est nisi à Deo.* Per hunc amorem creatoris bene quisque vivit creaturis, sine hoc amore creatoris, nemo bene vivit creaturis. Hic vides amorem creatoris, id est, auctoris naturæ non esse, nisi à Deo. Idem in libro de gratia & libero arbitrio, cap. 17. *Et quis istam, quamvis parvam dare cuperat charitatem, nisi qui præparat voluntatem?* Et cap. decimo octavo. *Cur, inquit, dictum est, diligamus inuicem, quia dilectio ex Deo, nisi quia præcepto admonitum est liberum arbitrium, ut quæreres Dei donum? quod quidem sine suo fructu prorsus admoneretur, nisi prius acciperet aliquid dilectionis, ut addi sibi quæreret, unde quod iubebatur impleveret.* En hic apertissime dicitur Dei donum imperfecta quædam dilectio, qua quis à Deo petit donum perfectæ charitatis, quo mandata valeat adimplere. Itaque merito in eodem loco idem Augustinus ait: *Si non ex Deo, sed ex hominibus est dilectio Dei & proximi, vicerunt Pelagiani, si autem ex Deo, vicimus Pelagianos.*

Vide etiam Prosperum in lib. contra Collatorem c. 30. vbi comparat naturam humanam omni gratia destitutam glaciali rigori, ex quo nihil omnino caloris excuti potest, nisi resoluti incipiat ab illo, qui dixit: *Ignem veni mittere in terram.*

Accedunt vltimo rationes. PRIMA ratio, Amor Dei super omnia, etiam si Deum solum respiciat, vt auctorem naturæ, non patitur secum vllum affectum inordinatum, imo includit odium omnium rerum delectabilium contra legem Dei, ergo si potest hic amor naturæ viribus obtineri, poterit homo naturæ viribus implere omnia mandata, vivere sine omni peccato, imo & à præteritis sine gratia Dei iustificari. Nā implicat contradictionem, vt quis in peccato mortali sit, & non sit auersus à Deo, & conuersus ad creaturas. Proinde vel per amorem illū dei super omnia iustificabitur à peccatis, vel certe simul erit auersus à Deo, & cōuersus ad Deum, auersus à creatura, & conuersus ad creaturam. At posse hominem solis naturæ viribus implere omnia mandata, vivere sine peccato, & à præteritis delictis iustificari, manifesti sunt Pelagiani errores.

SECUNDA ratio, dilectio dei super omnia est vltima & maxima dispositio ad gratiam remissionis peccatorum, ita vt non præcedat eam remissionem vlllo spacio temporis, nā Deus diligentes se diligit. *Et qui diligit me* (inquit Dominus, Ioan. 14.) *diligetur à Patre meo.* Et peccatrici remissa sunt peccata multa; *Quoniam dilexi multū*, Lucæ c. 7. Quare si posset homo suis viribus semper diligere deū super omnia, posset sine vlla dei gratia præueniente perungere ad remissionem peccatorum. Quæ est ipsissima hæresis Pelagij ex Augustino in libro 1. ad Bonifacium, cap. vlt. Sed probemus etiam duabus alijs rationibus, non solum dilectionem Dei super omnia viribus naturæ haberi non posse, sed neque dilectionem non super

omnia, id est inchoatam & imperfectam.

TERTIA ratio, nullum opus pietatis fieri potest solis naturæ viribus, neque contrarium affirmari sine hæresis periculo demonstratum est in 4. cap. At dilectio Dei, quamuis ut auctoris naturæ, & imperfecta atque inchoata opus est pietatis, ut S. Augustinus docet in epist. 29. ad Hieronymum, qui sic ait: *Pietas est cultus Dei, qui præcipue diligendo exhibetur.* Igitur omnis dilectio Dei eget auxilio gratiæ, ut haberi possit à nobis. Neque responderi potest, dilectionem illam solam esse pietatem, quæ fertur in Deum, ut auctorem beatitudinis. Nam etiam in puris naturalibus teneretur homo Deum colere, quamuis tunc nulla esset felicitatis æternæ promissio. Neque dubium est, quin pietatis cultus debeatur Deo, quia Deus est, id est, summum bonum, principium primum, & finis ultimus omnium rerum, quod certe illi conueniret, etiam si supernaturalem beatitudinem largiri nemini voluisset.

QUARTA ratio, Omnis dispositio ad iustificationem ex dono Dei, & gratia illius præueniente oritur, ut satis probatum est in quinto capite: at quævis dilectio, quantumvis parua, & inchoata est dispositio ad iustificationem, cum sit conuersio, vel certe conuersionis initium: igitur sine dono Dei, & gratia illius præueniente haberi non potest. Neque vero necesse est, ut dilectio Dei feratur in Deum ut auctorem beatitudinis, ut dici possit conuersio. Nam quemadmodum auersio à Deo, ut auctore naturæ, vera est auersio, ita conuersio ad eundem, ut auctorem naturæ, est vera conuersio.

CAPVT VIII.

Soluantur argumenta contraria.

AT contra obiiciunt quidam has rationes. **PRIMA** ratio, dilectio Dei super omnia est homini naturalis, nam inclinatur voluntas naturaliter ad bonum, & magis inclinatur ad maius bonum, & maxime ad maximum, proinde inclinatur super omnia ad summum bonum, quod est Deus: cur ergo non possit homo suis viribus diligere Deum super omnia, saltem ut auctorem naturæ, cum id sit maxime secundum eius naturam?

Respondeo, Dilectio Dei super omnia naturalis est, quod attinet ad inclinationem naturæ, quæ manet in homine per modum actus primi, neque est aliud, quam ipsa propensa ad bonum: tamen non potest in actum secundum prodire propter naturæ corruptionem, sine auxilio gratiæ Dei. Neque necesse est, ubicunque est inclinatio naturalis, sint etiam vires sufficientes per se ad actum illum perficiendum, ad quem natura propendet. Nam humana anima à corpore separata, naturaliter propendet ad corpus, nec tamen suis viribus potest iterum cum corpore copulari: & iuxta multorum sententiam naturaliter inclinatur mens hominis ad Deum videndum, nec tamen potest suis viribus Deum videre.

SECUNDA ratio, Amor Dei siue amicitia, siue concupiscentia, oritur ex amore sui. Nam (ut Philosophus docet) amabilia, quæ sunt ad alterum, oriuntur ex amicabilibus, quæ sunt ad se. Itaque diligit homo Deum, amore concupiscentia, quia intelligit in eius visione summum suum bonum positum esse: Diligit eundem amore amicitia, quia nouit illum esse quasi alterum se, vel potius aliquid amplius, cum ipse sit quasi pars, & Deus, quasi totum: At amor sui habetur sine auxilio gratiæ, igitur & amor Dei, qui (ut diximus) initium ducit ex amore sui.

Respondeo, Amor Dei, ut auctoris naturæ,

A oritur ex amore sui, non quocunque sed ordinario, id est, quo quis amat se, ut partem, ut creaturam, ut figmentum Dei. Amor enim sui inordinatus, qui in sacris litteris cupiditas dicitur, non parit amorem, sed contemptum Dei, ut S. Augustinus docet in lib. 14. de ciu. Dei, capite ultimo, facit enim amor sui inordinatus, seipsum quasi totum & principium, ac finem omnium rerum. Porro amor sui ordinatus non ex natura corrupta existit, sed inspiratur à Deo corrigente, atque sanante naturam. Itaque S. Ioan. in 1. epist. cap. 4. *Diligamus, inquit, inimicum, quia charitas ex Deo est.* Vbi dilectionem proximi, ac per hoc etiam dilectionem sui ordinatam, ex qua nascitur dilectio proximi, dicit esse à Deo.

TERTIA obiectio, Naturalis ratio dicitur, Deum esse super omnia diligendum: Potest autem voluntas elicere actum conformem iudicio rationis; nam alioqui necessario eligeret malum, vel actum suspenderet, ac per hoc vel esset necessario mala, vel certe non libera.

Respondeo, Deum esse super omnia diligendum ratio dicitur vniuersali quodam iudicio, à quo sæpe voluntas recedit, iuxta illud: *Videbo meliora proboque, deteriora sequor.* At iudicium particulare, quod hic, & nunc dicitur, Deum à me super omnia diligendum, non potest haberi sine auxilio gratiæ, quoniam pendet ex inclinatione voluntatis, & ad salutem, & pietatem pertinet. Quod autem non possit homo, sine gratiæ adiutorio, velle diligere Deum super omnia, licet vniuersale iudicium diceret, ita esse faciendum, non est argumentum, voluntatem esse necessario malam, aut non liberam, sed infirmam, magisque corruptam, quam sit ratio.

QUARTA obiectio, Potest homo diligere proximum super omnia, ita ut etiā pro illo se morti obiciat, quod sæpe faciunt parentes pro filiis; potest item infidelis diligere Deum secundum suam hæresim, aut perfidiam cognitum, ita ut pro illo etiam moriatur, quod interdum in hæreticis & Iudæis cernimus: potest denique aliquis patriam suam diligere, plus quam se, quod ex historiis nouimus, multos recisse Romanorum, qui se pro patria morti certissimè obtulerunt: cur igitur non possit homo eadem ratione diligere Deum verum super omnia, sine auxilio gratiæ?

Respondeo, Facilius est diligere seipsum, aut aliam creaturam super omnia, quam Deum. Tum, quia sensibilia melius cognoscuntur; unde Ioannes ait in 1. epist. c. 4. *Qui non diligit fratrem, quem videt, Deum, quem non videt, quomodo potest diligere?* Tum etiam, quia natura corrupta semper inclinat ad se, & sua. Porro, qui pro suis hæresibus, aut pro patria moriuntur, seipsum quærent, id est, gloriam propriam, quarum præcipue Romani inter Ethnicos, & hæretici inter infideles auidissimi semper fuerunt. Vide Augustinum in libro de patientia, capite decimo sexto & decimo septimo, ubi simile argumentum soluit, & inter alia sic loquitur: *Qui hæc dicunt, non intelligunt quemque iniquorum, tanto esse ad quæcunque malis toleranda duriorem, quanto in eo maior est cupiditas mundi, & quemque iustorum, tanto esse ad quæcunque mala perferenda fortisorem, quanto in eo est maior charitas Dei. Sed cupiditas mundi initium habet ex arbitrio voluntatis, progressum ex iocunditate voluptatis, firmamentum ex vincula consuetudinis: Charitas autem Dei diffusa est in cordibus nostris per Spiritum sanctum, qui datus est nobis.*

Adde, quod si quis vere pro patria moreretur, non gloriam suam, sed patriæ salutem potissimum quærens, is, quamuis infidelis, non sine auxilio speciali id

facere

facere credendus esset. Tamen enim mori pro patria, sit opus morale, tamē est arduum, ac difficile, & ideo à natura infirma, & ad seipsam diligendam propria prætari nequaquam potest.

QUINTA obiectio. Potest homo peccator sine auxilio gratiæ, velle Deum esse Deum, se autem non esse Deum, sed hominem; igitur potest sine auxilio gratiæ, Deum magis amare, quàm se.

Respondeo, Vult homo peccator Deum esse Deum, quia nō potest prohibere, quo minus ita sit. Alioqui enim magis vult se hominem, & talem hominem esse, quàm Deum, Deum esse: Atqui hoc est vitam suam Deo præferre, seque ipsum magis amare, quàm Deum.

CAPVT IX.

Proponitur sententia hereticorum de libertate arbitrij in ijs, quæ pertinent ad salutem.

SEQUITUR quæstio postrema, Sit ne homo post lapsum primi hominis vere liberi arbitrij in rebus, quæ pertinent ad salutem, ut quamvis nihil possit sine auxilio gratiæ, tamen per gratiam præuenientem excitatus, & à Deo adiutus, ita valeat operari, ut possit etiam non operari.

Hic PRIMVM se offert crassus Lutheri error, quem etiam Lutherani postea erubuerunt. Hæc enim sunt eius verba, ex digressionē quadam libri, quæ inscribitur, *Operationes in Psalm.* Error est, quod liberum arbitrium habeat aliquam actiuitatem in bono opere, quando de interno opere loquimur. Velle enim illud, quod credere, sperare, diligere iam diximus, motus, raptus, ductus verbi Dei, & quadam continua purgatio, & renouatio mentis & sensus, de die in diem, in agnitionem Dei, non semper æque intensa sit illa passio, tamen semper est passio. Ecce (inquit Hierem. ca. 18.) sicut lutum in manu figuli, ita & domus Israel in manu mea. Quid, obsecro, actiuitatis habet lutum, quando figulus formam ei affingit? nonne mera passio ibi cernitur?

Hæc certe sententia absurdissima est. Nā velle est actus immanens & vitalis, sicut intelligere, & videre. Proinde principium actiuius eius actus, debet esse ipsa volūtas. Neque est opus alia refutatione, Tum, quod similem sententiam satis copiose refutauerimus, in lib. 3. de gratia & libero arbitrio, c. 10. Tum, quod ipsi etiam Lutherani, Lutheri verba potius in alium sensum detorquere, quàm defendere maluerint. Certe Kemnitius in Examine Concilij Tridentini prope finem censuræ; in sextam sessionem, dicit, dandam esse Luthero veniam, quod in primordijs conuersionis suæ, adhuc retineret phrasas Scholasticorum, quibus lōgo tempore assueuerat, quamuis in nihil errauerit: cum per id, quod scripsit, voluntatem solum passiuē concurrere ad eiusmodi actiones, nihil aliud significare voluerit, nisi non libere concurrere.

Sed miror imprudentiam, siue impudentiam Kemnitij. Nam si Lutherus Scholasticorum phrasim in ea digressionē retinuit, sine dubio per illa verba, *passiuē concurrere*, non intellexit, non libere concurrere, sed non esse causam actiuam, sed solum receptiuam illius actionis. Nulli enim sunt, qui magis studeant proprietati, & (ut ipsi loquuntur) formalitati verborum, quàm Scholastici.

Deinde Lutherus duobus exemplis ita suam ipsē sententiam explicat, ut nullos dubitationi relinquantur locus. Adfert enim, PRIMO similitudinem luti, in quo (ut ipse notat) nulla est actiuitas. Deinde adducit similitudinem gladij, qui dum manu alicuius agitur, ad motum suum non concurrat, nisi passi-

ue, quamuis ad sciendum ligna vel quæcunque alia, actiue concurrat. Quæ similitudine significare voluit humanam voluntatem non concurrere, nisi passiuē, ad motum suum, id est, ad volendum, tamen actiue concurrat ad opera externa, quæ ex imperio voluntatis fiunt, qualia sunt, ambulare, loqui, manducare, bibere, aliaque id genus.

Denique ipse Kemnitius (ut eius stultitiam admitteris) explicat in eodem loco, quid sit passiuē concurrere, iuxta phrasas Scholasticorum, ac dicit, esse, cum subiectum nihil agit in motu vel forma, quam recipit, sed tantum patitur. At si istud est passiuē concurrere, secundum phrasim Scholasticorum Lutherus phrasim Scholasticorum retinuit, cum scripsit, voluntatem tantum passiuē concurrere in actionibus bonis: igitur in ea sententia Lutherus fuit, ut existimaret, voluntatem nihil agere in actionibus bonis, sed tantum pati, cur igitur eum Kemnitius excusare conatur?

Hæc igitur sententia omissa, Calvinus & Kemnitius duo docent. PRIMO, voluntatem nostram nihil omnino boni spiritualis & salutaris efficere posse, sine auxilio gratiæ Dei. Atque in hac recte sentiunt, sed non recte contrariam sententiam Catholicis attribuant. Scribit enim Calvinus lib. 2. Instit. capite secundo, §. 27. & Kemnitius in examine sextæ sessionis Concilij Tridentini, communem Scholasticorum sententiam esse, ante gratiam præcedere in homine quædam bona desideria, quamuis debilia. Sed hæc non Scholasticorum, sed Cassiani, & Fausti sententia fuit, quam sanctus Thomās & sanctus Bonauentura, Gregorius Ariminensis, Ioannes Capreolus, & alij Doctores Scholastici repudiant ac refellunt. Et tamen Calvinus & Kemnitius multum laborant in ea re nobis probanda, quam nos ipsi non solum ex Scripturis, sed etiam ex Pontificum rescriptis, & Conciliorum decretis copiose probamus.

SECUNDO docent, voluntatem nostram in bonis pietatis operibus sic agi à Deo, ut non possit non agere, & quamuis ipsa quoque concurrat actiue, quoniam ipsa est, quæ actionem producit, tamen concurrere, ut merum instrumentum Dei naturale, non ut causam liberam, & dominam sui actus. Ex quo colligunt, non proprie dici, voluntatem nostram cooperari Deo, vel adiuuari à Deo: quemadmodum non recte dicitur calamus cooperari manui, vel iuuare manum ad scribendum, sed solum agi, ac moueri à manu, quamuis re vera ipse litteras pingat.

Sed verba ipsa Caluini audiamus, lib. 2. Instit. c. 3. §. 7. sic ait: *Sed erunt, qui concedent voluntatem à bono, suo pte ingenio aduersam, sola Domini virtute conuerſi, sic tamen, ut præparata suas deinde in agendo partes habeas.* Et infra: *Sed hoc perperam homini tribuitur, quod gratia præuenienti pedissequa voluntate obsequatur.* Et §. 11. *Ac voluntatem, inquit, mouet, non qualiter multis sæculis traditum est & creditum, ut nostra postea sit electionis motioni aut obtemperare, aut refragari, sed illam efficaciter efficiendo.* Similia scribit in li. 3. & 6. aduersus Pighium, & in Antidoto Concilij sess. 6. cui subscribit Kemnitius in examine eiusdem Concilij, eandem 6. sessionem reprehendens.

CAPVT X.

Probat ex diuini litteris liberum arbitrium in actionibus pñs & salutaribus.

ADVERSUS hunc hæreticorum errorem, quo voluntatem nostram in operibus pijs & salutaribus, omni libertate spoliant, adferemus PRIMVM testimonia Scripturarum, Deinde etiam veteris Ecclesiæ traditionem.

PRIMUM testimonium sumunt ab illis locis, in quibus dicuntur homines in operibus pietatis operari, edificatores, plātatores, rigatores, cooperatores & coadiutores Dei. Nam si homines proprie nihil agerent per liberum arbitrium, sed tantum ducerentur, & mouerentur, vt mera instrumenta, non deberent appellari cooperatores & coadiutores Dei, sed ligones, rastra, secures, & alia id genus. Matt. 20. *Voca operarios, & redde illis mercedem.* Hic certe operarij dicuntur, qui bona opera, ad salutem cōducunt, peregerunt, primæ ad Cor. 3. *Ego plantavi, Apollo rigauit, Deus autem incrementum dedit.* Et ibidem: *Vnusquisque mercedem accipiet secundum suum laborem. Dei enim sumus coadiutores.* Vbi duo vocabula notanda sunt, pronomen (suum) & nomen (coadiutores.) Nam si recte labor dicitur noster, certe nos ipsi domini sumus illius actionis, quam laborando efficiamus.

Nec valet Caluini obiectio, qui libro secundo Institut. capite 5. §. 14. vt ostendat pronomen suum, vel, nostrum, non significare dominum, obijcit illud: *Panem nostrum quotidianum da nobis hodie*, vbi noster dicitur panis, quem nobis donari cupimus, quia titulo donationis sit noster, non quia nos illum libere fecerimus. Hæc, inquam obiectio nihil valet, immo potest in auctorem apertissime retorqueri. Nam, vt aliqui veteres recte exponunt, panem, quem nobis dari petimus, nostrum vocamus, quia nolumus panem alienum furari, sed nostro labore illum acquirere, Deo iuuante, vt simul impleamus illud Genes. 3. *In sudore vultus tui, vesceris pane tuo.* Itaque noster dicitur panis, ratione proprii laboris, & tamen dono petitur, ratione diuini adiutorij, sine quo inutilis esset nostra omnis industria.

Neque potest Caluinus reuocare hanc expositionem, cum ipse quoque lib. 3. Institutionum, cap. vigesimo, §. 44. exponat eam petitionem de pane corporali. Adde, quod Apostolus pro eo, quod nos habemus secundum suum laborem, scripsit Græce, & ἰδὼν κόπον, id est, secundum proprium laborem. In Euangelio autem Matthæi 6. & Lucæ 11. vbi habetur oratio Dominica non est ἰδὼν ἀπὸν, sed ἀπὸν ἡμεῶν, panem nostrum, non panem proprium. Magis autem explicat liberam actionem illud proprium, quàm illud, nostrum.

Alterum vocabulum est, *Coadiutores*, in Græco συνωργοί, id est, cooperatores, qua voce nulla fingi potest aptior. Eadē vero vtitur Marcus cap. ultimo, vbi dicit de Apostolis: *Illi vero profecti, prædicauerunt ubique, Domino cooperante.* Vbi illud quoque notandum est, cum agitur de prædicatione, in qua requiritur opus humanum & liberum, dicit, *Domino cooperante*: cum vero agitur de miraculis, quæ non sunt in potestate hominum, sed fiunt à Deo per homines, vt mera instrumenta, non dici, Domino cooperante, sed, *Domino confirmante sermonem sequentibus signis*; vbi miracula simpliciter tribuuntur Deo, licet per homines fiant, quoniam non pendent ex libero arbitrio.

Alius locus est ad Rom. 8. *Diligentibus Deum, omnia cooperantur in bonum*; vbi Græca lectio duplicem sensum ostendit: nam illud συνωργεῖ, potest referri ad nomen, omnia, & tunc reddendum est, cooperantur, & sensus est, diligentibus Deum, omnia esse vtilia, & cooperari ad salutem. Hūc sensum facit lectio Latina vulgata, quæ reprehēdi non potest, cum non

A sit inutilitatum apud Græcos, coniungere nominatiuum numeri multitudinis, cum verbo numeri singularis: sed potest etiam aptissime referri verbum illud συνωργεῖ ad nomen πρῶτα, quod præcedit, vt sensus sit, diligentibus Deum, Spiritus sanctus in omnibus cooperatur ad bonum.

Neque hunc sensum aduersarij reuocare possunt. Nam est omnino ad propositum, vt intelliget, qui locum ipsum leget. Et præterea est simplicior, cum συνωργεῖ sit numeri singularis, & non sit opus recurrere ad Atticismum, quod tamen oportet, si coniungatur verbum numeri singularis, cum illa voce πρῶτα, quæ est numeri multitudinis.

B Denique hanc lectionem, & hunc sensum sequuntur ex Græcis, Theodoretus in commentario huius loci, & ex Latinis, S. Augustinus libro de correctione & gratia, capite 9. & fortasse fieri potuit, vt Latinus interpret verterit, cooperatur, & vitio Scriptorum accesserit vna littera & factum sit, cooperantur. Spiritus igitur secundum hunc sensum, quem (vt dixi) aduersarij repudiare non possunt, & Petrus Martyr, & Erasmus in commentar. repudiare non audent, cooperatur nobis in omnibus sanctis operibus & salutaribus.

Alterum testimonium sumitur ex illis locis, quæ imperant, aut suadent hominibus opera pietatis, & ipsam etiam conuersionem ad Deum, de qua maxime litigant aduersarii. Stultum enim esset imperare, aut suadere eiusmodi opera ei, qui non haberet arbitrii libertatem, vt in libro superiore disputabamus de præcepto & suasionem operū moralium. Zachariæ 1. *Conuertimini ad me, & ego conuertar ad vos.* Ioel. 2. *Conuertimini ad me in toto corde vestro.* Hierem. 1. *Tu fornicata es cum amatoribus plurimis: reuertere ad me.* Ezechielis 18. *Facite vobis cor nouum, & spiritum nouum.* Isaïæ 1. *Lanamin, mundi effate.* Ioannis sexto: *Operamini non cibum, qui perit, sed qui permanet in vitam æternam.* Et petentibus Iudæis: *Quid faciemus, vt operemur opera Dei?* respondet Dominus: *Hoc est opus Dei, vt credatis in eum, quem misi ille.*

D Itaque in ipsum credere, quod est opus Dei, iubet Dominus, vt nos ipsi operemur, ac per hoc iubet, vt Deo in hoc opere cooperemur. Ad Coloss. 3. *Exuite veterem hominem, & induite nouum.* Ad Philipp. 3. *Cum metu & tremore salutem vestram operamini, Deus enim est, qui operatur in vobis.* Quid hoc est aliud, nisi cooperamini Deo salutem vestram in vobis operanti?

E Respondet Caluinus lib. 2. Institut. cap. 5. §. 14. ista omnia loca nihil aliud sibi velle, nisi non moueri nos à Deo, tanquā stipites, ac truncos, sed tanquam homines mente, & ratione præditos, quamuis necessario moueamur, nec possimus aliud agere, quàm id, quod Deo mouente agimus. At si Deus ita nos mouet, vt non sit in nobis agere, & non agere, quorsum illa præcepta & suasionem? Nam etiā ignis, cum applicatur ad ligna, non mouetur instar trunci, nihil agentis, vere enim ignis comburit ligna; & equus, cum ei adhibentur calcaria, non mouetur instar stipitis, vere enim equus ambulat; & tamen quis, nisi amens, imperaret, vel suaderet igni, vt combureret, aut equo, vt ambularet? At ignis & equus, non sunt mente & ratione præditi. Cur igitur nemo imperat, aut suadet homini, vt velit esse beatus, aut miser? nisi quia nouit, non posse hominem mente & ratione præditum, non amare beatitudinem, aut non odisse miseriam, cum ad hæc arbitrii humani non sit vlla libertas. Præcepta igitur & suasionem, non solam rationem, sed libertatem etiam in hominibus esse demonstrant.

Deinde,

Deinde, quando Scriptura dicit, *Deus operatur vel-
le & perficere*. Et: *Deus operatur omnia in omnibus*. Et:
Dabo vobis cor nouum, & spiritum nouum. Et cum nos
Deo dicimus: *Conuertere nos Deus salutaris noster*; ad-
uersarii contendunt eiusmodi testimoniis significa-
ri, Deum vere & proprie agere, & operari nostras
actiones bonas. Cur igitur, quando Scriptura dicit:
*Operamini vestram salutem, Facite vobis cor nouum, &
spiritum nouum: Conuertimini ad me, & conuertar ad vos*,
non patiuntur, ut eodem modo ista eadem vocabula
intelligantur, & nos vere, proprieque dicamur, opera-
ri nostras actiones bonas? Estne hoc verbum Dei se-
qui, an illud pro arbitrio ad proprias hæreses detor-
quere?

TERTIUM testimonium sumitur ex locis illis, quæ
docent, nos à Deo iuari in operibus pietatis. Non
enim proprie iuari dicendus est, qui nihil agit, sed
qui laborat in agendo. Psalm. 26. *Adiutor meus esto,
ne derelinquas me*. Psalm. 69. *Deus in adiutorium meum
intende, Domine ad adiuvandum me festina*. Ad Rom. 8.
*Spiritus adiuvat infirmitatem nostram. Nam quod ore-
mus sicut oportet, nescimus, sed ipse Spiritus postulat pro
nobis gemitibus inenarrabilibus*. Quo loco agitur de
oratione, quæ est actio maxime pia & salutaris, quam
Spiritus sanctus operatur in nobis, dum facit nos
orare ac gemere, sed quia non facit id solus, sed no-
biscum, ideo posuit Apostolus illud verbum, *Adiu-
uat*, quod in Græco multo est significantius. Nam
συμπαρακαλεῖται, qua voce B. Paulus utitur, proprie
dicitur de is, qui quasi è regione manibus capiunt
onus, ut laboranti succurrant. Denique ut alia mul-
ta præteream, 1. ad Corinth. 15. *Plus, inquit Apo-
stolus, omnibus laborans, non autem ego, sed gratia Dei
mecum*.

Ad hunc postremum locum respondet CALVINUS
his verbis, in lib. 2. Institutionum, cap. 3. §. 12. *Ad
hanc, inquit, festucam, mirum est, tot non malos aliqui
homines impigisse. Non enim gratiam Domini secum la-
borasse scribit Apostolus, ut se consortem laboris faciat.
Quis potius totam laboris laudem uni gratia transcribit
ista correctione, Non ego, ait, sum is, qui laborans, sed gratia
Dei, qua mihi aderat. Fallit autem eos locutionis ambiguitas,
sed magis præpostera versio, in qua vis Græci articulari præter-
missa fuit. Nam si ad verbum reddas, non dicit gratiam sibi
fuisse cooperatricem, sed gratiam, qua sibi aderat, omnium
fuisse effectricem*.

At nisi Calvinus nouum texum Græcum sibi cu-
dat, ac nobis obtrudat, non persuadebit vnquam
istam expositionem suam iis, qui aliud norint. Nam
Græca verba hæc sunt: *ἀλλὰ ἡ χάρις τοῦ θεοῦ ἡ συνήθεια*,
quæ ad verbum hoc sonant: *Sed ipsa gratia Dei, qua
mecum videlicet est*. Illud autem, *mihi aderat*, vel, *in
me erat*, viderit Calvinus vnde sumpserit. Certe *συνήθεια*,
non potest simplicius reddi, quam *mecum*, ut vul-
gatus interpretes reddidit. Cur autem non dixit Apo-
stolus, *gratia quæ est in me*, sed, *gratia quæ mecum
est*, nisi ut ostenderet, gratiam nobiscum laborare,
non solam operari respexit enim ad illud Sapient. 9.
*Mitte illam de cælis sanctis tuis, ut mecum sit, & mecum
laboret*. Quare S. Augustinus, cui cedere velit no-
lit, debet Calvinus, in libro de Gratia & libero ar-
bitrio cap. 15. *Non autem ego, inquit, sed gratia Dei me-
cum, id est, non solus, sed gratia Dei mecum, ac per hoc
nec gratia Dei sola, nec ipse solus, sed gratia Dei cum illo,
quid clarius?*

QUARTUM testimonium sumitur ex iis locis, quæ
docent, hominem à Deo vocatum, posse non veni-
re. Nam cum per gratiam Dei possit venire, ut ad-
uersarii concedunt, si possit etiam gratiæ resistere, &
non venire, sine dubio liberi arbitrii esse cōvincitur.

A. Prouerb. 12. *Vocamini, & renuistis*. Matth. 13. *Volui con-
gregare filios tuos, & nolulistis*. Ioan. 6. *Vultis & vos abire?*
Actor. 7. *Vos semper Spiritui sancto resististis*. Apocal. 3.
*Ego sto ad ostium, & pulso, si quis aperuerit mihi, intrabo
ad eum*.

CAPVT XI.

*Probatnr libertas arbitrii in operibus pietatis
ex traditione Patrum.*

ACCEDAT nunc ad rem eandem comproban-
dam traditio veteris Ecclesiæ. Er quidē Ioan-
nes Calvinus in lib. Instit. capit. 3. §. 11. fatetur,
nostram sententiam à multis iam sæculis in Ecclesia
tradi, credique cepisse. *Ac voluntatem inquit, monet
Deus, non qualiter multis sæculis traditum, & creditum
est, ut nostra sit electiois, motioni Dei obtemperare, aut
refragari, &c.* Ista autem multa sæcula intelligit, ut
minimum spatium annorum supra mille & centum.
Nam statim subiungit: *Illud ergo a Chrysostomo toties
repetitum repudiari necesse est, quem irabit, volentem irabi-
bit, &c.* Chrysostomus autem ante annos mille &
centum floruit. Itaque vel aduersario teste, sententia
nostra non est à Scholasticis Theologis introducta,
sed in veteri, & vera Christi Ecclesia celebrata, quod
vnum argumentum prudentibus hominibus satisfacere
debuisset.

Quid, quod non solum ab annis mille & centum,
sed etiam mille & quadringentis, atque adeo ab ini-
tio Ecclesiæ eadem hæc sententia doceri, ac recipi
cepit? Nam S. IGNATIUS in epistola ad Magnesia-
nos, quem locum lib. superiore citauimus, non so-
lum in moralibus, sed etiam in piis & sanctis operi-
bus liberum arbitrium agnoscit, cum ait: *Si quis pie-
tati studet, Dei homo est, si impie agat, diaboli est, non id sa-
ctus per naturam, sed per animi arbitrium*.

Et clarius S. IRENEVS lib. 4. c. 72. sic loquitur:
*Non tantum in operibus, sed etiam in fide liberum, & sue
potestatis arbitrium homini seruat Dominus dicens, secun-
dum fidem tuam fiat tibi. Propriam fidem hominis osten-
dens, quoniam suam habet sententiam. Et propterea is, qui
credidit ei, habet vitam æternam, & qui non credidit filio, ira Dei
manet super eum*.

Item S. CYPRIANVS lib. 3. ad Quirinum, hoc ar-
gumentum præfixit capiti 12. *Credendi, & non cre-
dendi libertatem in arbitrio positam*. Idem lib. 6.
epist. 3. cuius illud Ioan. 6. *Vultis & vos abire? Seruat,*
inquit, *Dominus legem, qua homo libertatis sue relictus,
& arbitrio proprio constitutus, sibi met ipse mortem appetit,
vel salutem*.

S. HILARIUS lib. 1. de Trinitate, *Esse, inquit, filios
Dei, non necessitatem esse voluit, sed potestatem*.

S. HIERONYMVS in commentario ad c. 5. Matthæi:
Ergo, inquit, non est natura filius, sed arbitrio suo.

S. AMBROSIVS de operibus pietatis loquitur, cum
ait, lib. 2. in Lucam, c. 12. *Vides, quia ubique Domini
virtus studiis cooperatur humanis?*

S. IOANNES CHRYSOSTOMVS homil. 19. in Gene-
sim, de iustificatione disserens: *Necessitatem, inquit, non
imponit, sed congruis remediis apposis totum in agroti sen-
tentia iacere permittit*.

S. CELETIVS Papa in epistola ad Gallos, cap. 12.
*Nec ociosa, inquit, in nobis esse patitur, quæ exercenda, non
negligenda donauit: ut & nos cooperatores simus gratiæ
Dei*.

Sanctus AVGVSTINVS in singulis tomis operum
suorum hanc veritatem docet. TOMO PRIMO, libro
primo Retractionum, capite 22. *Nisi quisquam*

Voluntatem mutauerit, bonum operari non potest. Quod in nostra potestate esse possumus, alio loco Dominus docet, ubi ait, aut facite arborem bonam, & fructum eius bonum, aut facite arborem malam & fructum eius malum, quod non est contra gratiam Dei, quam predicamus. In potestate quippe hominis est, mutare voluntatem. Sed ea potestas nullae est, nisi detur à Deo, de quo dictum est, dedit eis potestatem filios Dei fieri. Cum enim hoc sit in potestate, quodcum volumus, facimus, nihil tam in potestate quam nostra voluntas est, sed preparatur voluntas à Domino. Eo modo ergo dat potestatem. Itaque ex sententia B. Augustini, voluntas preparata per gratiam praeuenientem, in potestate sua habet stare, vel cadere, Deum sequi vocantem, vel eidem pro arbitrio refragari. Atqui hoc ipsum est, quod Calvinus falsum esse contendit.

TOMO SECUNDO, in epist. 89. quest. 2. *Libertum arbitrium non ideo tollitur, quia inuatur, sed ideo inuatur, quia non tollitur.* Et in epist. 106. Proinde in iis, qui per electionem gratia salui fiunt, adiutor Deus operatur & velle, & operari. Obserua hoc locum Deum dici adiutorem, etiam dum operatur in nobis velle. Hinc enim sequitur, ut in ipso etiam actu volendi, id est, in ipsa conuersione prima liberi simus. Nam ut paulo ante ex eodem Augustino citauimus) *Libertum arbitrium non tollitur, quia inuatur, sed ideo inuatur, quia non tollitur.* Rursus in eadem epist. 106. *Gratia meretur augeri, ut aucta mereatur & perfici, conuersionem non ducit, sed persequi, non praeuia voluntate.* Non dicitur comes homini baculus, quo innititur, aut iumentum, quo vehitur, sed alter homo, qui libere cum illo ambulat, aut eam sequitur praeuenientem. Hunc locum, cum non posset Calvinus corrumpere, maluit reprehendere, quam recipere, ut videre est in lib. 4. Instit. cap. 3. §. 7.

TOMO TERTIO, in lib. de spiritu & littera, ad Marcellinum, capite 34. *Consentire vocationi, aut non consentire, propria voluntatis est.* Piget refellere hoc loco nugae kemnitianae: Augustinus, inquit, dicit, *consentire & dissentire proprie, aduerbially, esse voluntatis, sicut dicimus, intelligere proprium esse mentis, velle voluntatis.* Illa sententia postea ita deprauata est. *Consentire in spiritualibus propria esse voluntatis, hoc est, ex propriis viribus.* At quis nostrum exponit, propriae voluntatis, id est, ex propriis viribus? non hoc dicimus, sed, consentire, ad voluntatem pertinere docemus, posteaquam praeuenta est à Domino, & sic accepit consentiendi potestatem. DEINDE, quis dedit kemnitio facultatem commutandi nomina in aduerbia? nam in omnibus codicibus legitur, *propria non proprie?*

DENIQUE siue propriae, siue proprie, legas, quis non videt, tribui hoc loco ipsi voluntati potestatem eligendi inter contraria, id est, libertum arbitrium proprie dictum, si legantur, quae paulo ante praecedunt? Nam opponit Augustinus consensum voluntatis nostrae vocationi diuinae, ac dicit, vocationem non esse in nostra potestate, sed consensionem esse nostrae voluntatis: ubi ipsa antithesis cogit, ut intelligamus consentium esse in potestate nostrae voluntatis: Attendat, inquit, & videat, non ideo tantum istam voluntatem (credendi videlicet) diuino muneris tribuendam, quia ex libro arbitrio est (nota Kemnitii, voluntatem credendi ex libero arbitrio esse) quod nobis naturaliter concreatum est: verum etiam quod visum suasionibus agit Deus, ut velimus, & ut credamus: siue extrinsecus per Evangelicas exhortationes, ubi & mandata legis aliquid agunt, si ad hoc admonent hominem infirmitatis suae, ut ad gratiam iustificantiem credendo confugiat: siue intrinsecus, ubi nemo habet in potestate

A. quid ei veniat in mentem: sed consentire, vel dissentire, propriae voluntatis est. Quid facit, Kemnitii, illa particula aduerbially, sed, nonne indicat, neminem habere in potestate, quid ei veniat in mentem, dum per gratiam praeuenientem preparatur voluntas à Domino: tamen post eam preparationem habere plane in potestate, ut consentiat, vel dissentiat?

At, inquiunt, retractauit hunc locum Augustinus in libro de praedestinatione Sanctorum, cap. 3. ubi fatetur, in suis libris contineri errorem illorum, qui docent, praedicationi Evangelicae nostrum esse proprium consentire. At in eo libro loquitur de iis, qui docent, praedicationi Evangelicae nostrum esse proprium consentire ex solis viribus naturae, sine ulla praeueniente gratia: quem errorem continent Augustini libri scripti (ut ipse ibidem testatur) ante suum Episcopatum, hic autem liber de spiritu & littera, scriptus fuit ab Augustino iam Episcopo, & post haeresim Pelagianam exortam. Sed nimis multa de hoc loco.

TOMO QUARTO, Item lib. 1. ad Simplicianum, q. 2. *Ut velimus, inquit, & suum esse velle, & nostrum, suum vocando, nostrum sequendo.* Quid apertius dici potuit?

TOMO QUINTO, Item lib. 5. de ciuit. Dei, c. 10. Si necessitas nostra, illa dicenda est, quae non est in nostra potestate, manifestum est, voluntates nostras, quibus recte, vel perperam viuunt sub tali necessitate non esse. Multa enim facimus, quae si nollemus, non vique faceremus, quo primus peruenit ipsum velle. Nam si volumus, est, si nolumus non est.

TOMO SEXTO, libro secundo Actorum, contra Felicem Manichaeum, capite quarto: *Cum ergo dicit (Dominus) aut hoc facite, aut illud, potestatem indicat, non naturam.* Nemo enim nisi Deus, facere arbores potest. Sed habet unusquisque, in voluntate, aut eligere quae bona sunt, & esse arbor bona, aut eligere quae mala sunt, & esse arbor mala.

TOMO SEPTIMO, libro secundo de peccatorum meritis & remissione, cap. 5. *Conuersos, inquit, Deus adiuvat, auerso deserto, sed etiam ut conuertamur, ipse adiuvat.* Nota, in ipsa etiam conuersione nos adiuari, ac per hoc etiam tunc habere libertum arbitrium, contra kemnitium, qui gratiam adiuantem non agnoscit, nisi in operibus, quae fiunt post iustificationem. Et infra, *Non ideo, inquit, de hac re, solis votis agendum est, ut non subinseatur ad bene viuendum nostra efficacia voluntatis, adiutorem enim Deus dicitur, nec adiuari potest, nisi qui sponte aliquid conatur.* Et capite 18. *Quod ad Deum nos conuertimus, nisi ipso excitante, atque adiuvante non possumus.*

Idem in libro de natura & gratia, cap. 32. loquens de iustificatione: *Vbi quidem, inquit, operamur & nos, sed illo operante cooperamur, quia misericordia eius praeuenit nos.*

Item libro de praedestinatione Sanctorum, cap. 3. *Verumque, inquit, nostrum est (velle scilicet credere & amare) propter arbitrium voluntatis, & verumque datum est per spiritum fidei & charitatis.* Et cap. 5. *Non quia credere vel non credere, non est in arbitrio voluntatis, sed in electis preparatur voluntas à Domino.* Hic certe videmus, quam longe aberrant à vero, qui sentiunt in hoc lib. retractatum esse, quod scriptum fuerat in libro de spiritu & littera, consentire & dissentire propriae voluntatis esse. An non apertius esset credere & non credere esse in arbitrio voluntatis, quam consentire, & non consentire esse propriae voluntatis?

Item in lib. de gratia & libero arbitrio, cap. 15. *Ne autem putetur, nihil ibi facere homines per libertum ar-*

bitrium, ideo in Psalmo dicitur: *Nolite obdurare corda vestra. Et per Ezechielem: Proicite à vobis omnes impietates vestras. Vides in ipsa prima conuersione locum suum habere liberum arbitrium.*

Item in libro de gratia Christi cap. 14. *Quis non videat, venire quenuquam, aut non venire, arbitrio voluntatis? Sed hoc arbitrium potest esse solum, si non venit, non autem potest esse, nisi adiutum, si venit. Et hic habes gratiam adiuuantem ad initium fidei.*

Libro secundo contra duas epistolas Pelagianorum, c. 8. *Homo preparat cor, non autem sine adiutorio Dei, qui tangit cor. Et infra: Quomodo nisi adiuuante illo sine quo nihil possumus facere, os non possumus aperire, tamen nos aperimus illius adiutorio, & opere nostro. Nam quid est preparare cor, & os aperire, nisi voluntatem preparare? Quid manifestius Calvinus kemnitiusque desiderant, omnino non video.*

TOMO OCTAVO tractatu in titulum Psalm. 71. prope finem: *Non erat, inquit, in potestate tua, ut non nascereris ex Adam, est in potestate tua, ut credas in Christum.*

TOMO NONO, tractatu septuagesimo secundo in Ioannem: *Credenti in eum, qui iustificat impium, deputatur eius fides ad iustitiam. In hac opere facimus opera Christi, quia & ipsum credere in Christum est opus Christi. Hoc operatur in nobis, non tamen sine nobis. Et infra: Operanti in se Christo, cooperatur homo salutem aeternam, ac iustificationem suam. Cooperamur igitur Deo non solum, ut aduersarii volunt, post iustificationem, sed etiam in ipsa iustificatione & initio fidei.*

DENIQUE TOMO DECIMO, serm. 15. de verbis Apostoli, post medium: *Videtur, inquit, quia nec ipsa conuersio est sine adiutorio Dei. Et infra: Totum ex Deo, non tamen quasi dormientes, non quasi ut non conemur, non quasi ut non velimus. Sine voluntate tua non erit in te iustitia Dei, qui fecit te sine te, non te iustificat sine te.*

S. P. R O S P E R, sectator Augustiniani ardentissimus, ac defensor acerrimus, in secundo libro de vocatione gentium, c. 12. *Multis, inquit, qui iam indicio rationis vtuntur, ideo liberum est discedere, ut non discessisset primum, & ut quod non potest, nisi cooperante spiritu Dei fieri, eorum meritis deputetur, quorum id potuit voluntate non fieri. Potest igitur non cooperari Deo in se operanti homo, si velit, & ideo bene facit, & meretur cooperando, quia poterat non cooperari.*

Idem in eodem libro, cap. 26. *Gratia quidem Dei in omnibus iustificationibus principaliter pramittit suadendo exhortationibus, mouendo exemplis, terrendo periculis, incitando miraculis, dando intellectum, inspirando consilium, carque ipsum illuminando, & fidei affectionibus imbuendo: sed etiam voluntas hominis suauetur ei, atque coniungitur, qua ad hoc praeclis est excitata praesidiis, ut diuino in se cooperetur operi, & incipiat exercere ad meritum, quod superno semine conceptus ad studium, de sua habens mutabilitate, si deficit, de gratia opitulatione, si proficit. Quae opitulatio per innumeros modos, siue occultos, siue manifestos omnibus adhibetur, & quod à multis refutatur, ipsorum est nequitia. Quod autem a multis suscipitur, & gratia est diuina & voluntatis humana.*

Vide etiam caput vigesimum octauum, in quo toto probat, posse eos, qui per gratiam Dei in Christum credunt, non credere, & eos qui perseverant, à Deo recedere, & tandem ita concludit: *Igitur sicut qui crediderunt, iuuantur ut in fide maneant, sic & qui nondum crediderunt, iuuantur, ut credant. Et sicut illi in sua habens potestate, ut extant, ita & isti in sua habent potestate, ne veniant.*

A His testimoniiis sanctorum Patrum consonum est, quod Concilium ARAUSICANVM canon. vlt. declarat liberum arbitrium ita inclinatum & attenuatum esse per lapsum primi hominis, ut nemo credere in Deum, aut diligere Deum possit, nisi gratia eam, & misericordia diuina praeueniat. Vbi vides liberum arbitrium in actione credendi, & diligendi attenuatum quidem esse, non tamen extinctum; ac per hoc operari posse opera pietatis, si adiueatur à gratia.

B Idem decretum renouat ac repetit Concilium VALENTINVM, capite 6. quod Concilium in Gallia, tempore Lotharii celebratum est. Concilium item TOLETANVM IV. capi. 55. sententiam eandem his verbis expressit: *Sicut homo propria arbitrii voluntate serpentis obediens perijt: sic vocante se gratia Dei propria mentis conuersione quisque credendo saluatur. Vbi notanda est comparatio libertatis in primo homine, ad peccandum, cum libertate filiorum eius ad conuersionem & fidem, gratia Dei praeueniente. Id enim comparatio postulat, ut sicut verum fuit liberum arbitrium, quo primus homo post diabolicam suasionem peccauit, ita verum sit liberum arbitrium, quo posterius eius post vocationem diuinam, conuertuntur & credunt. Similia denique nostris temporibus sanxit Synodus Tridentina sess. 7. cap. 5. & can. 4.*

CAPVT XII.

C *Probatur rationibus libertas arbitrii in operibus pietatis.*

SUPEREST, ut eandem veritatem rationibus comprobemus. Sed quoniam eadem rationes, quae allatae sunt in libro superiore, ad confirmandum liberum arbitrium in actione morali, hic etiam locum habent, satis erit eas breuiter attingere.

PRIMUM igitur, si non esset homo liberi arbitrii in operibus pietatis, sequeretur, non peccare eos, qui nolunt credere in Christum, aut nolunt conuerti à peccatis, aut nolunt propter Deum bona opera facere. DEINDE sequeretur, non esse laudandos, nec villo premio dignos eos, qui volunt credere, sperare, diligere, conuerti, propter Deum quiduis arduum & acerbum pati. TERTIO, nullum haberent locum in eiusmodi rebus praecepta, consilia, cohortationes, admonitiones, reprehensiones, exempla, aliaque id genus. QUARTO, tolleretur à medio omnis diligentia, atque industria in fide & pietate augenda & excolenda.

Hae omnia esse vehementer absurda, ut ipsi quidem aduersarii negare possunt. Sequi autem certissimum est, tum ex ijs, quae libro superiore disputata sunt, tum etiam quia non alia de causa bruta animantia non peccant, nec laude aut premio digna sunt, nec praecepta vel consilia illis dantur, nec denique diligentia vel industria eis conuenit, nisi quia libero carent arbitrio. Pari ratione nulla alia causa est, cur homines in ijs actionibus, quae ad finem vltimum pertinent, quales sunt velle bonum, & fugere malum, in genere, neque peccare, neque bene mereri possint, neque praeceptis, aut consilijs egeant, nec diligentiam iuxta industriam vllam adhibere teneantur, nisi quoniam libertas arbitrii non est circa finem, ut tertio libro demonstratum est.

DENIQUE, cur homines vulgo non peccant, quia non prophetant, aut linguis non loquuntur, aut miracula non faciunt? cur nemo premium meretur, quia prophetat, aut linguis loquitur; aut miracula facit?

cur nemo præceptis, consiliis, hortationibus incitat passim homines ad prophetandum, ad loquendum linguis, ad miracula facienda? cur nemo diligentiam, industriamve suam in eo ponit, ut in his actionibus excellat? nisi quoniam non sunt hæc in potestate liberi arbitrii, quamvis ab hominibus, ut instrumentis Dei, per rationem & voluntatem, per linguam & manus exercentur.

Cum igitur aduersarii velint, non minus nos ex necessitate operari in iis, quæ ad conuersionem, fidem & pietatem pertinent, quam ex necessitate determinati sumus ad bonum sectandum, & malum fugiendum, & non magis nos liberos faciant in iis, quæ pertinent ad conuersionem, fidem & pietatem, quam ad dona prophetiæ, linguarum, & miraculorum, expediat, si possunt, cur peccata & bona merita, præcepta & consilia, diligentiam & industriam in conuersione, fide, pietate, locum habere consentiant?

CAPVT XIII.

Diluantur obiectiones aduersariorum, depromptæ ex diuinis litteris.

MULTA proferunt aduersarii testimonia diuinæ Scripturæ, quæ nos ordine diluamus.

PRIMO loco proferunt illud Ezechielis, Cor. 36. *Auferam a vobis lapideum, & dabo vobis cor carneum, spiritum meum ponam in medio vestri, & faciam, ut in præceptis meis ambuletis.* Obseruant cor lapideum, ideo nominari malam hominis voluntatem, quoniam sicut in lapide nulla est cooperatio, si debeat verti in carnem, sic etiam nulla est cooperatio voluntatis humanæ, in sua mutatione, de mala in bonam, & ideo non dixisse Deum, faciam, ut in præceptis meis ambulare possitis, sed faciam ut ambuletis. Qui enim cor carneum habent, illi soli ambulant in præceptis, qui habent lapideum, non ambulant.

RESPONDEO, Liberum arbitrium non est cor lapideum, neque carneum, sed vis quædam media & naturalis, quæ formam lapidis, id est peccati durtiem, & formam carnis, id est, gratiæ teneritudinem recipere potest. Sic loquitur S. Augustinus in lib. de spiritu & littera, cap. 33. ubi dicit, liberum arbitrium & naturaliter attributum creaturæ rationali, esse vim illam mediam, quæ intendi ad fidem, & inclinari ad infidelitatem potest. Et lib. 2. de peccatorum meritis & remissione, cap. 18. *Voluntatis arbitrium*, inquit, *huc atque illuc liberum flectitur, atque in eis naturalibus bonis est, quibus male vti malus potest.* Hæc autem vis media & naturalis, quando per peccatum talis est, ut dicatur cor lapideum, non habet ex se potestatem, qua se conuertat ad Deum, & fiat carneum, sed eam recipit per gratiam Dei præuenientem. Liberum enim arbitrium per gratiam præuenientem excitatum & præparatum, potest per vires, quas à Deo recipit, cooperari ad suam ipsius conuersionem.

Neque obstat similitudo lapidis; non enim similitudines conuenire debent in omnibus. In eo tantum similitudo locum habet, quod sicut lapis ex se non habet, ut cooperetur, si forte conuertatur in carnem, sic etiam liberum arbitrium ex se non habet, ut cooperetur ad suam ipsius conuersionem, potest tamen à Deo recipere potestatem operandi per gratiā præuenientem, quod non potest lapis. Atque ad hanc dissimilitudinem, siue disparitatem, fortè significandam, idem Propheta Ezech. c. 18. dicit *Facite vobis cor nouum & spiritum nouum.* Neque possunt xem-

nitius & Calvinus hanc disparitatem negare, cum ipsi fateantur non excludi in conuersione peccatoris actionem voluntatis humanæ, qui tamen lapidi non concederent similem actionem, si vere in carnem conuertendus esset.

Quod autem Deus dicit: *Faciam ut in præceptis meis ambuletis*, nihil nocet arbitrii libertati. Nam qui habet cor carneum, dum tale cor habet, id est, charitate imbutum, non potest non ambulare in præceptis Domini, quia charitas non est ociosa, & plenitudo legis est dilectio: potest tamen absolute ambulare & non ambulare in præceptis Domini, quia potest retinere, vel abicere charitatem, id est, manere carneum, vel in lapideum commutari.

Ex qua solutione detegitur deceptio, vel fraus xemnitii. Scribit enim, Catholicos in ea sententia esse, ut liberum arbitrium per gratiam excitatum, exerat vires quas habebat etiam antequam excitaretur, ut per illas suas vires vocationi diuinæ cōsentiat: ita ut gratia præueniens, non tribuat vires libero arbitrio, sed quasi sopitas excitet. At non hoc sentiunt Catholici, sed agnoscunt quidem liberum arbitrium in homine, etiam antequam cum gratia diuina præueniat, quia liberum arbitrium est res naturalis, quæ per peccatum non amittitur, sed tamen non dicunt, nec sentiunt liberum arbitrium habere ex se potentiam ullam, saltem proximam ad actus pietatis, sed eam accipere à Deo per gratiam præuenientem.

SECUNDO loco proferunt illud Psalmi quinquagesimi: *Cor mundum crea in me Deus, & spiritum rectum inuoca in visceribus meis.* Videtur enim his verbis significari, nihil omnino cooperari gratiæ Dei in se operanti, quo modo non cooperatur ad suam creationem id quod recens creatur.

RESPONDEO, Facilis est solutio. Non enim cordis substantia in iustificatione creatur, sed mundities ipsa efficitur, quæ per peccatum perierat: nihilque aliud est, cor mundum creari, nisi cor ipsum mundari, atque purgari. Quare non est absurdum, si substantia ipsa cordis spiritualis, accepto semine diuinæ gratiæ cooperetur ad fructum conuersionis suæ & pietatis opera germinanda.

TERCIO, proferunt illud Psal. 99. *Ipse fecit nos, & non ipsi nos.* Videtur enim Propheta loqui de regeneratione potius, quam de prima creatione, cum paulo post subiungat, *Populus eius & oves pascuæ eius.*

RESPONDEO, Ad litteram loquitur dauid de prima creatione, ut ipse etiam S. August. exponit in comment. quod beneficium non minus pertinet ad sanctos, quam ad impios, & ideo Propheta sanctos hortatur, ut pro hoc beneficio gratias agant, dicens: *Populus eius & oves pascuæ eius, inuocæ portas eius in confessione, &c.*

Sed & illud præterea libenter agnoscimus de iustificatione dici posse: *Ipse fecit nos & non ipsi nos.* Deus enim est qui iustificat, & qui regenerat in sp̃e viuam, & nos eius factura sumus creati in Christo Iesu, in operibus bonis, ut Scripturæ loquuntur. Cæterum, sicut respiciendo terminum iustificationis, id est, habitum charitatis infusum, ipse facit nos, & non ipsi nos, quoniam solus ipse habitum charitatis infundit, ita respiciendo dispositionē ad iustificationem, ipsi nos, Deo adiuuante, facimus, quod expressit Ezechiel c. 18. cum ait: *Ipse animam suam iustificauit.*

QUARTO, proferunt illud Ioan. 6. *Omnis qui audiuit a Patre & didicit, venit ad me.* Hinc enim sequitur, non esse liberum homini gratiam recipere, vel reiciere. Alioqui fieri posset, ut aliquis audiret & non veniret.

RESPONDEO, Omnis qui audiuit, & ita audiuit:

ut disceret, sine dubio venit, quia discere est persuaderi & credere. Qui autem persuasus est, non potest non venire, in sensu composito, tamen absolute potest non venire, quia potest audire, & non discere, nec persuaderi. Nec enim frustra clamat Propheta in Psal. 94. *Hodie si vocem eius audieris, nolite obdurare corda vestra.*

QVINTO, proferunt illud 1. ad Corint. 3. *Non sumus sufficientes cogitare aliquid ex nobis.* Nulla igitur virtus liberi arbitrii manet in nobis, quæ iuvante Deo perficiatur.

RESPONDEO, Hic locus maxime nobis fauet, non enim negat Apostolus, nos sufficientes esse, sed negat nos esse sufficientes ex nobis, continuo enim addit: *Sed sufficientia nostra ex Deo est.* Itaque sufficientius aliquid cogitare: imo etiam velle, & facere: sed posteaquam vires à Deo accepimus, & nisi liberi essemus arbitrii, non recte diceremur non sufficere ex nobis, sicut non recte diceret aliquis, iumentum, aut lapidem non sufficere ex se aliquid cogitare de Deo.

SIXTO, proferunt illud 1. ad Corinth. 12. *Qui operatur omnia in omnibus.*

RESPONDEO, Sed non nisi cooperantibus nobis salutem nostram operatur. Alioqui frustra dixisset Dominus Ioan. 6. *Operamini non cibum, qui perit, &c.*

SEPTIMO, proferunt illud ad Philipen. 2. *Qui operatur velle & perficere pro bona voluntate.* At operari ipsum velle, non est iuvare, ut possimus velle, sed est simpliciter facere ut velimus.

RESPONDEO, Cum Deus operatur in nobis velle, non iuvat solum, ut possimus velle, sed excitat & iuvat, ut re ipsa velimus. Proinde non facit hoc sine nobis, alioqui non diceret ibidem Apostolus: *Cum timore & tremore salutem vestram operamini,* sed diceret, nihil est quod vos operemini, nam solus Deus operatur in vobis velle & perficere.

OCTAVO, proferunt illud 1. Ioannis 3. *Qui natus est ex Deo, non potest peccare, quia semen Dei manet in eo.* Citra controuersiam (inquit CALVINUS) elicitur ex verbis Ioannis sic efficaciter gubernari diuinitus piorum corda, ut inflexibili affectu sequantur.

RESPONDEO, Nomine seminis non intelligit S. Ioannes gratiæ auxilium, quod hominem determinet ex necessitate ad operandum, ut Calvinus sentire videtur, sed gratiā charitatis infusæ, ut cognosci potest ex Hieronymo in lib. 2. aduersus Iovinianum, & ex August. tract. 5. in epist. Ioannis. Quod etiam manifeste colligitur ex verbis ipsius Ioannis. Non enim dicit, peccatorem non posse non conuerti, aut non credere, quia semen Dei manet in eo: Sed non posse peccare eum, qui iam ex Deo natus est, id est, hominem iustum, quia semen Dei manet in eo: itaque vocat semen Dei ipsam natiuitatem ex Deo, siue id, per quod homo natus est ex Deo, & est filius Dei, quæ est ipsa charitas infusa in cordibus nostris, per Spiritum sanctum, qui datus est nobis. Porro qui habet charitatem (ut sæpe iam diximus) neque peccat, videlicet lethaliter, neque peccare potest, dum manet in eo charitas, sed absolute charitatem amittere, imo etiam abiicere potest & peccare.

NONO, proferunt testimonia ex cap. 2. & 5. ad Ephes. & ex cap. 5. Ioannis, ubi peccatores dicuntur mortui & sepulti, nec nisi per Christi gratiam reuocantur ad vitam. Certe enim mortui homines, & sepulti, nec cooperantur Deo, si forte velit eos ad vitam reuocare, neque liberum est eis in morte permanere, aut à morte resurgere.

RESPONDEO, hoc argumētum recte probat (ut

A nos supra ostendimus) peccatorem, quia mortuus est, non posse ex se, aut suis viribus vitam recuperare, aut villo modo ad vitam recuperandam se præparare. Sed non probat, non posse eundem peccatorem per gratiam præuenientem excitatum & adiutum, Deo, se ad vitam reuocanti, cooperari. Id enim non facit, ut mortuus, sed ut vitalem virtutem à Deo habens.

Adde quod (ut supra diximus) similitudines non in omnibus conueniunt. Quare tamen si cadauera proprie dicta, quoniam omnibus modis mortua sunt, nec vllum vitæ genus retinent, nullo modo cooperentur ad suam excitationem: tamē qui sunt mortui in peccatis, quoniam viuunt vita naturæ, licet non viuant vita gratiæ, poterunt non ut mortui, sed ut viui vno genere vitæ cooperari ad suam viuificationem secundum alterum genus vitæ, si virtutem cooperandi à Deo receperint.

CAPVT XIV.

Diluantur obiectiones ex testimoniis S. Augustini.

AD ARGUMENTA ex diuinis litteris addunt aduersarii non pauca testimonia ex libris S. Augustini.

PRIMUM testimonium ex lib. 2. de peccat. merit. & remiss. c. 18. *Laborant, inquit, homines, inuenire in nostra potestate, quid boni sit nobis, quod nobis non sit ex Deo, & quomodo inueniri possit, ignoro.*

RESPONDEO, Loquitur Augustinus aduersus eos, qui docebant, hominem habere ex se, id est, sine vlla præueniente gratia initium fidei, aut dilectionis Dei, id est, piam aliquam voluntatem, & rectissime docet, nihil omnino boni esse in nostra voluntate, quod nobis non sit ex Deo. Sed nihil id facit contra liberum arbitrium. Tamen enim non possit liberum arbitrium ex se solo cooperari Deo: potest tamen ex dono gratiæ præuenientis.

SECUNDO, proferunt illud ex lib. de gratia Christi, cap. 14. *Arbitrium sic adiuuatur, ut non solum quid faciendum sit sciat, sed quod scierit, etiam faciat. Ac per hoc, quando Deus docet, non per legis litteram, sed per Spiritus gratiam ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat.*

RESPONDEO, Nihil hoc loco dicitur contra sententiam nostram, si quidem omnia ista libentissime confitemur & ex iis liberum arbitrium comprobamus. Si enim adiuuatur arbitrium, TUM in cognoscendo & sciendo, TUM in volendo & agendo, certe adest, & manet, & operatur. Non enim adiuuatur quod non est, aut non operatur.

TERTIUM testimonium ex libro de bono perseuerant. c. 13. *Hoc nobis expedit & credere & dicere, hoc est pium, hoc verum, ut sit humilis, & submissa confessio, & deus totum Deo.*

RESPONDEO, & hoc quoque nihil facit ad rem. Nos enim non ponimus in homine initium bonæ voluntatis ex libero arbitrio, & perfectionem ex deo, neque partimur opera cum deo, & priores partes accipimus nobis, posteriores damus deo, ut faciebant illi, quos in eo libro, & præcedente sanctus August. reprehendit, sed damus totum deo, nobis autem nihil omnino, quod non sit ex Deo.

QUARTUM testimonium ex libro de corrept. & gratia c. 12. *Promissum est, inquit, ut voluntas humana inclinabiliter & inseparabiliter, &c. Et cap. 14. Volenti saluum facere nullum hominum resistit arbitrium. Sic enim velle aut nolle, in volentis, aut nolentis est potestate,*

ut diuinam voluntatem non impediatur, nec superet potestatem. Et infra: Non est dubitandum, voluntati Dei, voluntates humanas resistere non posse.

RESPONDEO, Hæc loca manifestant gratiam efficacem, quæ datur electis, & infallibilitatem adiunctam habes, non necessitatem. Nam quos Deus prædestinavit, hos vocavit; & quos vocavit, hos iustificavit, & quos iustificavit, hos magnificavit, ad Rom. 8. & sicut qui sunt prædestinati, omnes infallibiliter vocantur, ita qui sunt vocati, secundum propositum videlicet, nam de hac vocatione loquitur sine dubio Paulus, omnes iustificantur, proinde vocatione illa efficax est, & nunquam reiicitur, quoniam aliqui falli posset prædestinatio: Et eodem modo qui sunt iustificati, secundum propositum, omnes infallibiliter perseverant & glorificantur, nec forte incerta reddatur electio.

Habet igitur gratia efficax, ut etiam prædestinatio, cuius prædestinationis gratia illa est effectus, infallibilem certitudinem: & hoc significant testimonia illa S. Augustini: non tamen habet necessitatem, nisi ex hypothese, ac per hoc non impedit arbitrii libertatem. Nam ut explicuimus in lib. 1. c. 12. gratia efficax dicitur illa, qua Deus ita vocat hominem, ut videt congruere illi, ut vocationem non respuat. Quare non magis inducit necessitatem, aut impedit libertatem gratia efficax, quam præscientia de qua copiose differuimus in lib. 4.

Atque hinc est, quod S. Augustinus ut plurimum, cum loquitur de gratia efficaci, non dicit, eam non posse respui, sed de facto non respui. Si quando tamen dicit, non posse respui, intelligendum est de hypothese, non absolute, ut sensus sit, non posse fieri, ut is Deum vocantem non sequatur, quem Deus vocavit eo modo, quo prævidit eum sequuturum: tamen absolute posse non sequi. Sed tunc Deus non eum prævidisset sequuturum, & alio modo eum vocasset, quo sequuturum prævidisset. Et quoniam Deus prævidet eos, quos vocat secundum propositum, libere sequuturos, sicut non potest fieri, ex hypothese ut non sequantur, ita non potest fieri, ut libere sequantur. In neutro enim falli potest providentia Dei, neque in eo, quod videt aliquem sequuturum, neque in eo, quod videt libere sequuturum.

QUINTVM testimonium ex lib. de gratia & libero arbitrio, c. 17. *Ut velimus, inquit, sine nobis operatur: cum autem volumus, & sic volumus, ut operemur, nobiscum cooperatur.* Hic triumphant aduersarii, quasi deprehenderint nos in manifesto errore, quod dicamus nos cooperari Deo in ipsa prima conuersione, & ad actum volendi non solum excitari, sed etiam adiuuari, cum Augustinus perspicue dicat, ut velimus, Deum operari sine nobis, & proinde in hoc nos non iuari, sed simpliciter hoc à Deo in nobis fieri.

Nec desunt alia loca, quæ pro aduersariis facere videantur, ut illud in Enchir. c. 32. *Totum Deo dandum est, qui hominis voluntatem bonam & præparat adinuandam, & adiuuat præparatam. Præcedit enim bona voluntas hominis multa Dei dona, sed non omnia, quæ autem non præcedit ipsa, in eis est & ipsa.*

RESPONDEO, hoc argumentum vehementer nos terrere potuisset, si obliti essemus, quam frequenter supra dicentem August. audiuerimus, quod nos ad Deum conuersti, nisi ipso excitante & adiuuante non possumus. Et velle suum, esse voluit & nostrum, suum vocando, nostrum sequendo. Et, in opere credendi, cum incipimus velle credere, nos operari opera Christi, & cooperari Deo, &c. Vide loca notata cap. 11. in hoc eodem libro. Sed præterea totum hoc argumentum solutum est in primo

A libro huius tractat. de gratia & libero arbitrio, c. 14.

Summa autem solutionis hæc est, Deum operari in nobis, sine nobis, ut velimus, vno quodam genere causæ, nimirum moralis, non autem omni genere causæ. Nam efficit in nobis Deus, ut velimus interna inspiratione & suasionem, quo modo nos non operamur ut velimus, non enim nos ipsi nobis persuademus: si enim id faceremus, iam vellemus. Sed quamuis Deus sine nostro præuio conatu nos moueat ad volendum, non tamen efficit ipsum velle, si ne nobis cooperantibus consentiendo. Et ideo non ait Aug. velle facit sine nobis: Sed, ut velimus, facit sine nobis. Eodem modo voluntatem bonam præparat adiuuandam, & adiuuat præparatam, quia illo genere causæ, quæ facit ut velimus, sine nobis facientibus ut velimus, præparat voluntatem nobis non præparantibus eandem simili excitatione & suasionem, & ideo in hac re non iuamur, cum sine nobis fiat. Sed tamen alio genere causæ nos præparamus voluntatem, adiuuante Deo, cum vocationi diuinæ consentimus: Homo, inquit Augustinus lib. ad Bonifacium, c. 8. *præparat cor, non tamen sine adiutorio Dei qui tangit cor.* Hæc ille.

Quid si nunc ostendamus, hunc locum, de quo tantopere triumphare videntur aduersarii, aduersus ipsos pugnare grauissime? nam S. Augustinus posteaquam dixerat: *Ut velimus, sine nobis operatur,* subiunxit: *cum autem volumus, & sic volumus, ut operemur, nobiscum cooperatur.* Quæro ab aduersariis, quid sit nobiscum cooperatur? Nam si nobiscum Deus cooperatur, certe & nos operamur. Non autem dicimur operari, Deoque cooperari, quia producimus actum illum, ut instrumenta naturalia, ab alio mota, quoniam hoc modo operamur etiam ipsum velle, Caluino & xennitio testibus, cum tamen ipsi idem negant, nos cooperari Deo in actu volendi.

Igitur fateri debent ex mente Augustini, nos operari opera externa, & in eis cooperari Deo, non tantum producendo actum, sed etiam libere producendo, ut vere dicamur cooperari Deo, & ab illo adiuuari, ut non potest intelligi, quemadmodum sit libera actio externa, si non fuit libera electio, siue voluntas interna. Actiones enim externæ non habent libertatem, nisi in sua causa. Necessario enim sequuntur electionem voluntatis, & imperium rationis. Non dat libere eleemosynam, nisi qui libere voluit dare, neque libere orat, aut ieiunat, nisi qui libere elegit orare & ieiunare. Quare en eo, quod admittere coguntur, nos libere operari opera pietatis externa, coguntur etiam, velint nolint, admittere liberum arbitrium in ipso actu voluntatis interno.

Aliud testimonium profert Caluinus ex libro de corrept. & grat. cap. 11. ubi dicit August. affirmare Adamum habuisse gratiam, per quam posset non peccare, nos habere multo maiorem, per quam sit ut non possimus peccare. Sed iam in præfat. ostendimus, hoc non argumentum, sed impudentissimum esse mendacium. Non enim dicit August. nos non posse peccare, sed in futura vita eam libertatem sanctos habituros, ut non possint peccare. Vide quæ diximus in præfatione.

CAPVT XV.

Compendium disputationis de cooperatione gratiæ & liberi arbitrii, aliquot sententiis comprehensum.

AD EXTREMVM totius disputationis opere precium esse duxi, si per modum compendij

sententiis

sententiis aliquot comprehendere quid de cooperatione gratiæ & liberi arbitrii sentiam, adiuncta simul auctoritate, non solum Concilii, aut veteris alicuius patris, sed etiam Ioannis Driedonis, & Ruardi Tapperi, qui hac nostra ætate totam hanc materiam diligentissime pertractarunt, ut habeat Lector, ubi plura legere possit, si velit.

SEPTIM quasi tempora hominis per Spiritum renascentis, his nostris sententiis concludemus. **PRIMUM** dici potest, cum omni gratia Dei caret, & in tenebris peccati, vel morte iacet. **SECUNDUM**, cum à Deo, per internam vocationem excitatur. **TERTIUM**, cum vocationi acquiescens, eligit pœnitentiam. **QUARTUM**, cum incipit opera pœnitentiæ facere, orare, ieiunare, fere, eleemosynas dare. **QUINTUM**, cum illi per actionem pœnitentiæ disposito, gratia iustificationis infunditur. **SEXTUM**, cum iustificatus, opera iustitiæ facere statuit. **SEPTIMUM**, cum ipsa opera faciens viam mandatorum magna alacritate percurrit.

PRIMA sententia: *Homo ante omnem gratiam liberum habet arbitrium, non solum ad opera naturalia & moralia, sed etiam ad opera pietatis, & supernaturalia.* Docet hoc S. Augustinus in libro de spiritu & littera, cap. 33. ubi dicit, liberum arbitrium esse vim naturalem & mediam, quæ ad fidem & infidelitatem inclinari potest. Vide Driedonem in libro de concordia liberi arbitrii & prædestinationis, cap. 3. & Tapperum in explicatione art. 7.

Idem etiam probatur ratione. Nam liberum arbitrium non potest dari, nec tolli per gratiam, neque per peccatum: Manet igitur ante gratiam, & post peccatum. Non dari per gratiam, certum est, quia libero arbitrio possumus bene & male uti, & non nisi per ipsum peccamus, quædo peccamus, ut S. Augustinus docet lib. 2. de pecc. mer. & remiss. cap. 18. at gratiæ donis nemo potest male uti. Neque per gratiam ullus peccat. Nec minus certum est, non dari liberum arbitrium per peccatum, quoniam nemo potest bene uti peccato, libero autem arbitrio (ut dictum est) bene & male utimur. Non tolli per gratiam, extra controuersiam est, quoniam gratia perficit, non destruit naturam: Non tolli etiam per peccatū, inde constat, quod peccatum lædere potuit naturalia bona, non tamen extinguere, ut supra multis argumentis probatum est.

SECUNDA sententia: *Habet homo ante omnem gratiam potentiam remotam & imperfectam ad opera pietatis faciendæ.* Docet hoc idem S. Augustinus, lib. de prædest. Sanctorum, c. 5. *Possè habere fidem, & charitatem natura est hominum.* Idem lib. de grat. Christi, c. 50. citat Ambrosium his verbis: *Naturalem possibilitatem peccato esse vitiatam, eneruam, infirmamque testatur venerandus Ambrosius.* Vide Driedonem loco notato. Denique intelligi non potest, quomodo ad opera pietatis actiue voluntas humana concurrat, si non habeat ex se potentiam actiuam, saltem remotam.

TERCIA, *Non habet homo ante omnem gratiam potentiam proximam & perfectam ad opera pietatis, & ideo nihil omnino in hoc genere ex se facere potest.* S. AUGUST. lib. 1. Retract. c. 22. *In potestate, inquit, hominis est mutare in melius voluntatem, sed ea potestas nulla est, nisi detur à Deo, de quo scriptum est: Dedit eis potestatem filios Dei fieri.* Atque hinc soluitur illud dilemma memoratum. Aut habet homo ex se aliquas vires, quamuis exiles, aut nullas omnino. Si habet aliquas, ergo potest aliquid sine Deo, contra illud Ioan. 15. *Sine me nihil potestis facere.* Si nullas, igitur extinctum est liberum arbitrium, neque gratiæ cooperari potest. Sed hoc dilemma ex dictis in hac & superiore sen-

A tentia, plane solutum manet. Habet enim potentiam remotam, & vires imperfectas, & ideo nihil per se potest, sed si perficiatur ea potentia, & vires addantur, poterit multa præstare.

Dices, Quomodo liberum est arbitrium ad verumlibet ante gratiam, si bonum facere non potest? **RESPONDEO**, liberum est, sed eius libertas est quasi ligata & impedita: soluitur autem & expeditur, cum potentia proxima ad operandum per Dei gratiam præuenientem ei confertur. Simile aliquid experimur in potentia videndinam abiente specie sensibili habet homo potentiam & libertatem viuendi: non enim ea species causa est libertatis, aut potentiæ videndi: tamen potentia remota est, & libertas ligata donec accepta specie potentia perficiatur, & in actum prodire possit.

QUARTA, *Gratia excitans interna necessario præcedere debet hominis conversionem, sine ab infidelitate ad fidem, sine à peccato ad iustitiam, neque sufficit gratia adiuuans.* Hæc est contra quosdam, qui existimant sufficere externam excitationem per Euangelii prædicationem, vel lectionem, cum auxilio Dei concurrente ad eliciendum actum conversionis.

Sed probatur nostra sententia, ex loco illo Evangelii, Ioan. 6. *Nemo potest ad me venire, nisi pater meus traxerit eum.* Tractus enim nō est gratia adiuuans, sed excitans, quia præuenit nolentem, ut faciat volentem: gratia enim adiuuans non præuenit, sed comitatur, neque dicitur trahi, qui iuuatur, sed qui impellitur. **C** Neque per hunc tractum potest intelligi prædicationis externa. Dominus enim iam prædicauerat istis, quibus dicebat: *Nemo potest ad me venire, &c.* sed quoniam multi ex his non conuertebantur, ideo adiunxit: *Nemo potest, &c.* Et addidit: *Omnis qui audit a Patre meo, & didicit, venit ad me.*

De hoc tractu loquens **AUGUSTINUS**, in libro de prædest. Sanctorum, cap. 8. *Valde, inquit, remota est à sensibus carnis hæc schola, in qua Pater auditur, & docet, ut veniatur ad filium. Iuvet & filius, quia ipse est verbum eius, per quod sic docet, nec agit hoc cum carnis aures, sed cordis.* Non igitur hic tractus est prædicationis externa, quæ non est remota à sensibus carnis. Imo carnis aures potissimum pullat.

D Idem probatur ex can. 7. Concilii **ARAVSICANI**, ubi dicitur, hæretico spiritu falli eum, qui dicit, posse hominem euangelizanti prædicationi consentire, absque illuminatione & inspiratione Spiritus sancti. Et ex illo can. 14. Concilii eiusdem: *Nullus miser dequantulacunque miseria liberatur, nisi eum misericordia divina præueniat.* Iam autem diximus, gratiam adiuuantem proprie non præuenire, sed comitari. Tunc enim solum iuuamur, cum re ipsa conversionis actum producimus.

E Sed hoc ipsum clarissime docuit Concilium **TRIDENTINUM**, quod illi non spernunt, sed explicare conantur, contra quos in præfati dilectimus. Igitur Concilium sess. 6. c. 5. generatim loquens de conversione tam fidelis, quam infidelis, dicit exordium iustificationis suum à Dei vocatione, seu excitatione: & declarat hanc excitationem fieri, tangente Deo cor hominis, per Spiritus S. illuminationem, ubi aperte loquitur de excitatione interna. Deinde c. 6. de infidelibus dicit: *Disponuntur, dum excitati divina gratia & adiuti, &c.* Et cap. 14. de infidelibus lapsis: *Qui vero, inquit, accepta iustificationis gratia per peccatum exciderunt, rursus iustificari poterunt, cum excitante Deo per pœnitentiæ Sacramentum, merito Christi, amissam gratiam recuperare procurauerint.* Et canone 3. *Si quis dixerit, sine præueniente Spiritus sancti inspiratione, atque eius adiutorio hominem credere, sperare, diligere, pœnitere,*

posse, sicut oportet, ut eius justificationis gratia conferatur, anathema sit.

Nec puto vllum fore tam audacem, ut hunc locum in eam sententiam detorquere conetur, ut per præuenientem Spiritus sancti inspirationem intelligendam esse velit externam prædicationem. Multo etiã minus probanda est illorũ interpretatio, qui dicunt Concilium loqui de modo ordinario, & communi vocationis, nõ de omni vocatione. Nam Concilium non dicit, neminem credere, aut pœnitere, sed neminem posse credere, aut pœnitere, sine præueniente inspiratione.

Idem probari potest ex Patribus. Nam certe AUGUSTINI verba clarissima sunt in 2. lib. de peccatorum meritis & remissione, c. 18. *Quod nos ad Deum conuertimus, nõ ipso excitante & adiuuante non possumus.* Et ne trahatur excitatio ad prædicationem externam, repetatur locus paulo antecitatus, de prædestinatione Sanctorum, cap. 8. & consulatur totus liber de gratia Christi, sed præsertim, cap. 7. & sequentibus.

S. vero GREGORIUS, non solum prædicationem hominum, sed ipsam Dei vocem externam non sufficere sine interna inspiratione, confirmat in lib. 11. Moral. c. 5. Cain, inquit, divina voce admoneri potuit, & mutari non potuit, quia exigente culpa malitia, iam inuitus Deus cor reliquerat, qui foris ad testimonium verba faciebat.

Et S. FULGENTIUS in lib. de Incarnatione & gratia Christi, in ultimis verbis: *Frustra, inquit, sermo diuinus exterioribus auribus sonat, nisi Deus spirituali munere, auditum hominis interioris aperiat.*

S. PROSPER in lib. contra collatorem, ca. 28. reprehendit Cassianum, quod diceret inesse animæ semina virtutum, sed excitanda per externam prædicationem. Ponit enim hæc verba Cassiani: *Ad perfectionis incrementum semina hæc peruenire non poterunt, nisi opusculatone diuina fuerint excitata.* Et addit: *ut scilicet opusculatio Dei sit cohortatio, atque doctrina, mens autem que virtutum est opulenta seminibus, utatur facultate, quam possidet, &c.*

Denique S. Bernardus, ut alios omittam, in libro de gratia & lib. arbit. *Conatus, inquit, liberi arbitrii, & cassi sunt, si non adiunguntur, & nulli, si non excitentur.*

Accedat postremo etiam ratio, nam gratia adiuvans requiritur ad exercitium actus, gratia excitans ad specificationem. Illa enim est ratio agendi, & quasi semen fructus futuri, ut eam appellat sanctus PROSPER in secundo libro de vocatione gentium, capite 26. & sicut aqua, ut possit calefacere, non solum exigit concursum diuinum, quo adiunetur, sed etiam ut prius in ipsa imprimatur forma caloris, quæ sit ratio agendi; & terra, ut possit germinare, non solum eget cooperatione dei, sed etiam conceptione seminis: sic & humana mens, ut pariat actum pietatis, non auxilio tantum eget cooperationis Dei, sed etiam semine Spiritus sancti, quod in gratia excitante ac præueniente, id est in illuminatione cordis & boni desiderii inspiratione consistit.

At obiiciunt aliqui, PRIMO, Si semper requiritur excitatio præueniens, quomodo aliqui conuertuntur in momento? SECUNDO, Si semper requiritur excitatio præueniens, non igitur in potestate hominis erit cōuersio. Non enim excitatio illa est in hominis potestate. TERTIO, fideles, quamvis peccatores, fidem habent, igitur per eam orare possunt, ac per hoc non egent gratia excitante. QUARTO, possumus nos addere testimonium S. Augustini ex libro de spiritu & littera, cap. 34. ubi sic loquitur:

Visorum suasionibus agit Deus, ut velimus & credamus, sine extrinsecus per Evangelicas exhortationes, sine intrinsecus, ubi nemo habet in potestate, quid ei veniat in mentem,

RESPONDEO ad PRIMVM, conuersionem fieri semper in momento, si conuersio accipitur pro actu voluntatis, quo vocationi Dei consentimus: sed si accipitur pro toto illo opere, quo vocantem audimus, & vocationem percipimus, ac demum illi acquiescimus, non posse fieri in momento, sed in tempore breuissimo, quod non inusitate momentum dici poterit. Illos enim repente conuerti vulgo dicere solemus, qui statim ut audierint vocem aliquam concionatoris, aut sententiam aliquam legerint, vitam mutare constituunt, ita ut neque dies, neque horæ, sed tempus longe breuius inter vocem concionatoris & conuersionem peccatoris intersit.

Ad SECUNDVM RESPONDEO, Conuersionem semper esse in potestate lib. arbitrii, quoniam potest semper conuerti, quando voluerit. Id enim dicitur esse in potestate (ut August. definit libro de spiritu & littera, c. 31. & lib. 5. de ciuit. Dei, cap. 10.) quod adest, quando volumus, & quando nolumus, non adest. Quo sensu admittit August. ibidem, fidem esse in potestate liberi arbitrii, quia credit homo, si vult, & si non vult, non credit. Cæterum ipsum velle credere, aut conuerti, non potest homo habere, nisi per gratiam præuenientem acceperit, ut possit. Neque est in potestate hominis, ut Deus illum vocet, atque excitet: alioqui non diceret Apostolus 2. ad Timoth. 2. *Ne quando dei eis Deus penitentiam, & conuertantur a diaboli laqueis.* Neque tam anxie oraret Ecclesia pro infidelibus, aliisque peccatoribus, si possent ipsis suis viribus, absque diuina inspiratione conuerti. Atque hoc est, quod supra diximus, habere hominem ad actus pietatis, ante omnem gratiam, liberum arbitrium & potentiam remotam, sed non proximam.

Ad TERTIVM RESPONDEO, In homine peccatore fidem quidem esse, sed mortuam. Quæ nihil operari potest in ordine ad salutem, nisi per diuinam inspirationem & vocationem excitetur.

Ad QUARTVM RESPONDEO, ad gratiam excitantem pertinere, ut proponat obiectum aliquod congruum menti, per quod homo persuaderi possit; & præterea ut excitet mentem ad illud considerandum, & ut moueat voluntatem, eamque inclinet ad illud acceptandum. Quod igitur attinet ad representationem obiecti, non est necessarium, ut id semper fiat interius, sed satis est, si fiat extrinsecus per Evangelicam exhortationem, & hoc est, quod dicit eo loco S. August. ubi non negat requiri, ut Deus intrinsecus excitet ad intendendum prædicationi, & ad eam amplectendam. Quamvis illa etiam sit gratia Dei, quod talis exhortatio extrinsecus offeratur, quæ menti sit congrua, ut idem Augustinus docet in lib. de bono perseverantiæ, cap. 14. Vide Quedonem in lib. de captiuit. & redemp. generis humani, tractat. 5. cap. 2. part. 2. Tapperum in explicat. art. 7. ante medium, id est, ante illa verba capitalia; tractantur circa hanc materiam, &c. pag. 315. in alia editione; 320.

QVINTA sententia: *Gratia excitans datur homini sine ullis meritis præcedentibus, ac sine vlla preparatione.* Hæc satis probata est supra cap. 4. & 5. & manifestissima est, nam cum hæc absolute prima gratia sit, non potest vlla ratione cadere sub meritum, ne gratia non sit gratia, & cum hæc eadem sit prima dispositio ad iustitiam, non potest eam vlla ratione præcedere alia dispositio.

SEXTA: Gratia excitans non datur homini sine actione ipsius, quamvis sine cooperatione liberi arbitrii derur. Hæc etiam probata est supra in capite nono, & nō minus est certa quam superior. Nam gratia excitans, duo quædam complectitur, initium bonæ cogitationis, & initium boni desiderii. Cogitare autem, & desiderare sunt actus mentis & voluntatis. Quare fieri non potest, ut quis sine suo actu ad cogitandum & desiderandum excitetur. Quia tamen sunt repētini quidam motus, & omnem deliberationem rationis præueniunt, ideo non sunt actus liberi arbitrii: qualis sunt etiam sæpe immunda desideria, & sordidæ cogitationes, quas diabolus interdum nobis etiam inuitis immittit. Et sicut de malis motibus, quos inuiti patimur, quoniam liberi non sunt, vere dicit Apostolus: *Iam non ego operor illud, sed quod habitat in me peccatum*, ad Rom. 7. Ita de istis operibus bonis eadem ratione, quia liberi non sunt, dicere possumus. Iam non ego operor illos, sed quæ præuenit me gratia Dei. De ijs Augustinus in libro de spiritu & littera, cap. 34. scribit: *Visorum suasionibus agit Deus, ut velimus, sine extrinsecis per Evangelicas exhortationes, sine intrinsecis, ubi nemo habet in potestate, quod ei venias in mentem.*

SEPTIMA: Ad assentiendum gratiæ excitanti, seu divinæ internæ vocationi, requiritur necessariò gratia adiuuans. Hæc nota est ex testimoniis supra citatis, Concilii Trident. sess. 6. c. 5. Disponuntur ad iustificationem, dum excitati & adiuti, libere moventur in Deum. Et S. Aug. in Enchirid. c. 32. *Hominis voluntatem, & præparat adiuuandam, & adiuuat præparatam.* Et lib. 2. de peccat. meritis & remissione ca. 18. *Quod nos ad Deum conuertimus, nisi ipso excitante, & adiuuante non possumus.* Et S. Bernardi lib. de grat. & lib. arbit. *Conatus liberi arbitrii & cassi sunt, si non adiuuentur, & nulli, si non excitentur.*

Est autem hoc loco breuiter annotandum, à nonnullis distingui Quatuor motus, qui possunt in homine existere, cum à Deo interna inspiratione excitatur. Vel enim qui vocatur, reiicit vocantem, vel neque reiicit, neque recipit, sed sinit Deum pulsare ad ostium cordis, & tamen nullo modo afficitur ad pulsantem, vel neque reiicit, neque recipit, sed gaudet tamen ea vocatione, & incipit affici ad vocantem. Vel denique simpliciter vocantem amplectitur, & se trahi sinit quocunque ille voluerit.

Et quidem de primo & postremo cordis motu, nulla potest esse discordia. Cetium est enim, posse hominem sine auxilio gratiæ, reiicere vocantem: non enim Deus nos ad peccandum adiuuat: nec minus est certum, non posse hominem sine Dei gratia, vocantem amplecti. Ac de his duobus motibus loquitur S. Augustinus, cum ait in libro de gratia Christi, c. 14. *Hoc arbitrium potest esse solum, si non venit, non autem potest esse, nisi adiutum, si venit.* De secundo & tertio aliqui ambigunt, sed vix est vlla iusta causa ambigendi. Nam secundus pertinet ad primum, & tertius ad postremum.

Secundus (inquam) ad primum pertinet, quoniam audire vocantē, & non sequi, quid est aliud nisi eum contemnere ac reiicere? certe qui pauperem clamantem audit, & non mouetur ad misericordiam, neque aliquid ei donat, repellere illum dici potest, quamvis neque verbo, neque manu illum abigat. Et qui longo tempore audit suadentem, & non persuaderetur, nonne dicitur suadenti resistere? Quare S. August. loco notato non ait: Hoc arbitrium potest esse solum, si Deus repellit, sed ait: *Potest esse solum, si non venit.* Itaque non solum repellere vocationem contrario aliquo actu, sed etiā non eam ad-

mittere, & non venire, reiicere est.

Tertius autem motus ad postremum pertinet, nec sine adiutorio gratiæ haberi potest, quoniam gaudere de vocatione Dei, initium est bonæ voluntatis, pijsque affectus erga Deum; & licet non sit absolute venire, tamen est inclinari ad veniendum & quasi itineris inchoatio.

OCTAVA sententia: Neque gratia excitans, neque adiuuans, ullam imponit homini necessitatem, quominus possit libere consentire, aut dissentire Deo vocanti. Nam in primis gratia excitans, si solum sit sufficiens, non autem efficax, reiici potest, & re ipsa reiicitur, ut experientia docet. Si vero sit efficax, non reiicitur vnquam, neque potest reiici ex hypothese, sed absolute reiici potest, ut ostendimus capite superiore: & ratio est, quoniam gratia, quantumvis efficax, nihili est aliud nisi suasio, quæ non determinat voluntatem, sed inclinat per modum proponentis obiectum: Sed ideo nunquam reiicitur, quia Deus sic suadet, ut videt aptum esse homini, ut suasiōi acquiescat.

Gratia vero adiuuans tribus in rebus consistit, PRIMÒ, in directione hominis. SECUNDO, in protectione eiusdem, contra varias hostis nostri diaboli impugnaciones. TERTIO, in cooperatione intrinseca, ad eliciendum actū cum ipsa voluntate. Et quidem directio & protectio nullam imponunt necessitatem, cum non attingant ipsum actum liberæ electionis, sed tantum remoueant impedimenta. Cooperatio autem illa intrinseca non alio modo concurrat, quam auxilium generale. Sicut enim ad opera naturalia facienda necessarium est auxilium generale, sic ad opera supernaturalia auxilium speciale: & sicut illud nunquam deest iis, qui habent formas naturales, per quas operari queant: ita neque hoc deest vnquam iis qui habent formam supernaturalem, id est, habitus infusarum virtutum, vel certe gratiam excitantem: & sicut denique auxilium generale ita concurrat cum omnibus rebus in actionibus naturalibus, ut tamen non impediat libertatem & contingentiam, ut ostendimus in quarto libro huius disputationis: ita speciale auxilium adiuuans, ita concurrat ad omnes actiones supernaturales, ut non impediat hominis libertatem: quoniam eodem prorsus modo auxilia ista concurrunt, ut recte docet Ruardus Tapperus explicat. art. 7.

Neque hoc negari potest à Catholicis, salua Concilii Trident. auctoritate, quod disertis verbis in sexta sess. c. 5. & can. 4. docet, hominem excitatum & adiutum, libere moueri in Deum, quoniā vocationem Dei & recipere & reicere potest. Sed refutandæ sunt distortæ quædam huius canonis explicationes.

Dicunt enim aliqui hominem libere moueri in Deum, cum ab eius gratia excitatur, & adiuuatur, quoniam spōte, & cum pleno, atque perfecto iudicio rationis mouetur, tamen si necessario moueatur.

At Concilium non solum dicit, hominem libere moueri, sed etiam adiūgit rationem: quia potest gratiam non recipere, & vocationi resistere, quod certe non posset, si necessario moueretur. DEINDE, nonne beati, qui Deum vident, spōte feruntur per amorem in Deū, & cum pleno, atque perfecto iudicio rationis, & tamen ex communi sententia Theologorum nō libere moventur, quia non possunt non moueri? DENIQUE Calvinus ipse, qui præter cæteros huius temporis hæreticos, liberum oppugnat arbitrium, non negabit, hominem libere moueri in Deum, si hoc sit libere moueri, spōte & cum pleno iudicio rationis moueri. Sic enim loquitur in lib. 2. aduersus Pighium: *Si coactioni opponis libertas, liberum esse arbitrium, & constanter assenore, & pro hærese habeo,*

quisquis secus sentiat. Quid igitur Conciliū contra hæreticos huius temporis laboravit in canonicis condendis, si Caluinus nobiscum sentit, aut nos potius cum illo sentimus?

Dicunt Rursus, hominem posse dissentire, si velit, sed tamen non posse id velle, si gratiam Dei habeat, & hanc ipsam sententiam fuisse Concilii.

At Concilium non solum dicit, posse hominē dissentire, si velit, sed etiam dicit absolute, posse hominem gratiam Dei excitantem abicere, ut patet ex c. 5. sess. 6 DE IUDÆ, non posse velle dissentire, pugnat omnino cū libero arbitrio, si putatur (ut aduersarii ponunt) ideo non posse velle dissentire, quia gratia determinat voluntatem actiue, & intrinsece ad contrarium. Nos quidem suprā sæpe diximus, posse hominem credere aut diligere Deum, si velit, non tamen posse velle sine adiutorio gratiæ. Sed hoc recte dicebatur, quia liberum arbitrium ad bonum est infirmum, & ideo indiget adiutorio; sed adiutorio præstito, dicebamus, posse hominem velle & non velle, & eo modo vere ac proprie esse liberum. At si gratia Dei præsentē, non potest homo velle dissentire, ea vero ab ipse non potest velle consentire, nulla est arbitrii libertas, neque ab hæreticorum opinione receditur.

Dicunt ITERVM, posse hominem, iuxta Concilii decretum consentire & dissentire, quia potest fieri, ut habeat gratiam, & potest etiam fieri, ut non habeat gratiam. At hoc nō facit hominem liberum, sed Deum, qui pro arbitrio gratiam tribuit, vel non tribuit. Alioqui dici posset, liberum etiam iumentum, quia potest currere, & non currere, si placeat fessori calcaria adhibere, vel non adhibere, & habenas laxare, vel non relaxare. Sed respondent, iumentum nunquam posse dici liberum, quia naturaliter determinatur ad vnum: homo vero non naturaliter, sed beneficio gratiæ determinatur ad bonum.

At nos non querimus nunc, vnde tollatur libertas, ex natura, ac gratia, sed, an tollatur, & an sit verum quod Scriptura dicit. Qui potuit transgredi, & non est transgressus, facere malum, & non fecit: & quod Concilium dicit hominem libere recipere gratiam interuæ inspirationis, quoniam eam recipere etiam potest. Quidquid enim sit de Deo, & beatis, qui peccare non possunt, Ecclesia Catholica in hominibus mortalibus, secundum Scripturas diuinas, & communem Patrum consensum, eam libertatem defendit, per quam possint bene agendo mereri præmium, quia poterant non bene agere, & male agendo mereri pœnas, quia poterant non male agere, ut in 4. & 5. lib. satis abunde monstrauius.

Dicunt postremo, Concilium loqui de gratia excitante, non de adiuuante, cum dicit, posse ab homine gratiam reici, & posse hominem dissentire, si velit: se autem non gratiam excitantem, sed adiuuantem asserere ita efficacem, ut voluntatem determinet, & reici non possit.

At isti falluntur PRIMUM in eo, quod gratiam efficacem putant esse gratiam adiuuantem, cum secundum Scripturas, & sanctum Augustinum gratia efficax sit ipsa vocatio, siue excitatio secundum propositum, ut copiose probauimus in libro 1. cap. 12. Vnus hic locus sufficiet, ex lib. de gratia & libero arbitrio cap. 5. *Ps Paulus*, inquit, *tam magna & efficacissima vocatione conuerteretur, gratia Dei erat sola.* Vbi vides gratiam efficacem esse ipsam vocationem. Quæ autem fuerit illa vocatio, explicat idem AUGUSTINVS in lib. 1. ad Simplicianum, extremo, *Vna*, inquit, *desuper voce prostratus, Paulus uidelicet, &*

A currente vique tali viso, quo mens illa & voluntas, re-fracta sentia retorqueretur, & corrigeretur ad fidem. Gratia igitur efficax in conuersione B. Pauli fuit vox de cælo, cum interna tali inspiratione & suasionē, qualis congruebat, ut Paulus eam non sperneret. Vide locum citatum, ubi perspicue hæc veritas demonstratur.

Neque solum in eo labuntur isti, quod gratiam efficacem in adiuuante, non in excitante constituunt, sed etiam in eo, quod dicunt, excitantem gratiam respui posse, non adiuuantem. Nam cum ad hoc detur adiuuans, ut excitās non respuatur, sed ei consentiatur: quomodo potest respui gratia excitans, si respui non potest adiuuans? Adde quod si proprie loqui velimus, recipi & reici, non potest conuenire gratiæ adiuuanti, quia gratia adiuuans non est aliquid, quod homini offeratur, sed est ipsa productio actus, quæ non est, nisi quando actus producit, quidō autem actus producit, non potest fieri, ut non producat, & in hoc sensu non potest reici gratia adiuuans, sicut nec ipsa cooperatio nostra, quæ sunt omnino simul. Et ideo Concilium non dixit, posse reici gratiam adiuuantem, sed solum excitantem.

Sed quamuis gratia adiuuans, proprie loquendo, non possit reici, tamen adhuc remanet quæstio, an operatio illa Dei, determinet prius naturā voluntatem nostram, nec ne. Nam si non determinat, ut nos probauimus in quarto libro fere extremo, in nostra potestate est, ut ea gratia ponatur vel non ponatur, & sic in quodam sensu potest reici, quomodo auxilium generale in nostra quodammodo potestate est, & in quodam sensu potest reici, quia si volumus operari, ponitur: si nolumus, non ponitur. At si gratia illa determinat prius naturā voluntatem nostram, tunc quidem in illo sensu potest reici, sed tollitur libertas arbitrii, ut loco citato satis probasse nos credimus.

NON A sententia: *Fieri potest, ut eadem motione interna duobus adhibita, unus conuertatur, alius non conuertatur, & unus magis, alius minus proficiat.* Hæc est Ruardi Tapperi loco citato, & colligitur ex iis, quæ ante dicta sunt. Nam motio diuina relinquit hominem plane liberum, ut possit conuerti & non conuerti, & magis minusque proficere. Et confirmatur ex parabola seminantis, Matthæi decimo tertio, ubi Dominus causam diuersitatis, eundem semen alicubi multum, alicubi parum, alicubi nihil omnino protulerit, refert in variā terræ dispositionem. Denique accedit etiam cōmunis piorum confessio, qui negligentiam suam accusant, & ingenue profitentur, se non tantum proficere, quantum possent, si gratiæ diuinæ maiori studio cooperarentur.

Dices, si res ita se habet, poterit, qui conuertitur, aut qui magis proficit, gloriari aduersus alterum, qui ex eadem vocatione & auxilio conuerti noluit, aut minus proficere studuit. At id est contra illud Apostoli 1. ad Cor. 4. *Quis se discernit? quid habes, quod non accepisti?*

RESPONDEO, Qui non conuertitur, aut minus proficit, merito poterit negligentiam suam accusare, quod gratiæ diuinæ cooperari noluerit: qui vero conuertitur, aut magis proficit, non habet vnde gloriatur, nisi in Domino, quoniam dono Dei habuit, non solum non posse conuerti, & proficere, ut alius, sed etiam velie conuerti, & magno seruiore proficere. Tamen enim eadē fuit motio in utroque, quod attinet ab substantiā motionis, tam en vni fuit congrua, alteri non fuit. Et quoniam gratia Dei singularis est, ut dignetur ita mouere hominem, sicut

videt

videt congruum atque aptum esse illi, ut persuadeatur, atque consentiat, ideo non diximus, posse fieri, ut unus conuertatur, alius non conuertatur, si eadem utrique gratia donetur; id enim falsum esse censemus: sed si eadem utriusque motio adhibeatur. Potest enim ut diximus, eadem motio vni esse congrua, alteri non congrua, ac per hoc vni dari ut possit, alteri ut possit & velit.

DECIMA sententia. *Conuersio hominis ad Deum ut etiam quodlibet aliud opus pium, quatenus opus à libero arbitrio est, iam non tamen secluso auxilio generalis: quatenus pium, à sola gratia est: quatenus opus pium à libero arbitrio & gratia simul.* Hæc est eiusdem Ruardi ibidem. Et probatur, quoniam causa efficiens actionis humanæ, ut est actio, est ipsa voluntas hominis, ut est libera, est libertas arbitrij: ut est pia, est diuinum semen; & auxilium tali semini conueniens. Proinde gratia solum facit, ut actio humana sit talis, id est, pia & supernaturalis, ad quod tamen viribus suis nunquam ipsa natura pertingeret.

VNDECIMA: *Ad opera quæ sequuntur actum conuersionis tam interna, quam externa, id est, ad opera pœnitentiæ, quibus ad iustificationis gratiam præparamur, non videtur requiri necessario noua aliqua gratia, sed solum continua directio & protectio, & conseruatio diuini seminis iam concepti & formati.* Est Ruardi ibidem, & probatur, quoniam posita voluntate efficaci, non est dubium, quin cetera opera necessario consequantur. Nam qui vult efficaciter vitam mutare, orare, ieiunare, elemosynas dare, continere se à deliciis & voluptatibus, ista omnia non difficulter exequitur. *Certum est* (inquit **AVGVSTINVS** in libro de gratia & libero arbitrio c. 16. *nos mandata seruare, si volumus, sed quia præparatur voluntas à Domino, ab illo petendum est, ut tantum velimus, quantum sufficit, ut volendo faciamus.* Et infra: *Certum est nos facere, cum facimus, sed ille facit, ut faciamus, præbens vires efficacissimas voluntati.* Et in libro 8. Confess. c. 9. totam causam, cur non posset abdicare à se carnis voluptates, eam fuisse dicit, quia non plene volebat.

Ad hæc sicut in operibus mentis, ex principiis cognitis, possumus discurrendo conclusiones colligere: Sic etiam in operibus voluntatis ex amore finis, siue naturaliter excitato, siue ex diuina inspiratione concepto, possumus sine dubio, abique noua inspiratione progredi ad inquisitionem & electionem mediorum. Gratia siquidem non tollit aut impedit, sed iuuat ac perficit naturalem efficaciam liberæ voluntatis. Qui ergo Deo misericorditer præuenienti & vocanti acquiescens, firmissime statuit mutare vitam, poterit sine nouæ gratiæ inspiratione inquirere, & accipere media ad hoc utilia, modo, ut diximus, non desit diuinæ directionis ac protectionis auxilium.

Neque repugnat hæc sententia definitioni illi Ecclesiasticæ, quam refert **S. Augu.** in epist. 106. quod gratia ad singulos actus detur. Significatur enim ea definitione, nullum esse posse pium actum, qui non sit donum Dei, & non oriatur ex gratia, sed ex solis naturæ viribus. Id quod nos libentissime confitemur. Nam opera bona, quæ conuersione sequuntur, omnia dona Dei sunt, & ex gratia oriuntur, **TVM** quia imperantur à bona voluntate, quam Deus in nobis

per gratiam præuenientem preparauit & fecit, **TVM** etiam quia sine speciali Dei directione & protectione non hunt.

DVODECIMA sententia: *Habitus gratiæ iustificantis à solo Deo infunditur, non tamen sine præua dispositione nostra.* Hæc certissima est, quoniam habitus gratiæ diuina qualitas est, quæ non educitur de potentia naturali, sed per quendam quasi creationem produciuntur: Solus autem deus res creare potest. Itaque **S. AVGVSTINVS** in Psal. 118. concione 26. tractans illud. *Feri iudicium & iustitiam*, distinguit iustitiam actualem, quam faciunt, qui iusti sunt, à iustitiæ virtute, qua iusti sunt, ac de ista posteriore loquens: *Quis, inquit, facit in homine iustitiam, nisi qui iustificat impium?*

Ex quo sequitur (ut Ruardus loco citato sapienter admonuit) cum gratia præueniens semini comparatur, non fieri similem gratiam illam seminibus herbarum, quæ virtute continent formam rei producendam: sed semini humano, quod non continet virtute formam humanam, id est, animam rationalem, quæ à solo deo creatur, sed dispositiones tantum ad eam formam recipiendam. Renati, inquit **B. Pet.** in epist. 1. c. 1. *non ex fine corruptibili, sed incorruptibili per verbum Dei.* Itaque sicut in humana generatione, ex vi seminis disponitur, formaturque materia, ut fiat apta ad animam ex diuina creatione, atque infusione recipiendam: sic etiam ex vi gratiæ excitantis & adiuuantis, disponitur anima peccatoris, ut ei gratia iustificationis diuino munere infundatur. Porro de gratia iustificante in sequenti disputatione, deo propitio differemus.

TERTIA DECIMA sententia: *Homo iustus potest, quando vult, iustitiam tam internam, quam externam exercere, id est, bona opera facere, ac præcepta diuina seruare, neque indiget ordinariæ noua gratiæ excitante, sed solum adiuuante.* Colligitur hæc sententia ex superioribus. Nam si potest homo, nondum iustificatus, ex semine bonæ inspirationis producere fructum conuersionis, & operum pœnitentiæ, quanto magis ex semine gratiæ gratum facientis producere poterit fructum iustitiæ, & operum bonorum? Habetur id præterea disertis verbis positum in canone postremo Concilii Arauscani.

Diximus autem ordinariæ, quoniam non est negandum, in arduis quibusdam operibus exigi noua & specialia auxilia gratiæ. Requiritur autem in omni opere bono & pio, gratiam adiuuantem, id est, dirigentem ac protegētem, nec sufficere gratiam iustificantem, docent Scripturæ, Cōcilia & Patres passim. Illud enim Ioan. 15. *Sine me nihil potestis facere*, dictum est Apostolis, qui sine dubio iusti erant, ut notat **S. AVGVSTINVS** in lib. de corrept. & grat. c. 1. Et illud: *Nisi Dominus custodierit ciuitatem, frustra vigilat qui custodit eam.* Psal. 26. intelligunt Hilarius in comment. huius Psalmi, & Ambrosius lib. 1. in Luc. de anima iusti, quæ sine diuina protectione non posset tentationi resistere. Concilium **ARAVSICANVM** can. 19. *Non potest, inquit, natura humana sine gratia salutem custodire, quam accepit.* Quod idem docet Celestinus in epist. ad Gallos, c. 6. & **S. Augustinus** in lib. de gratia & libero arbitrio, c. 6. & de corrept. & grat. cap. 12 & alibi.

Finis primæ Controuersie Principalis.

T E R T I Æ

CONTROVERSIÆ

GENERALIS,

Controuersia secunda Principalis.

QVÆ EST DE IUSTIFICATIONE IMPII,
ET BONIS OPERIBVS GENERATIM,
QVINQVE LIBRIS EXPLICATA.

ORDO DISPUTATIONIS.



DE IUSTIFICATIONE, quæ est secunda controuersia principalis, TRIA potissimum tractanda sunt. PRIMO, De dispositione precedente iustificationem. SECUNDO, De ipsa iustificatione. TERTIO, de operibus consequentibus iustificationem.

De dispositione precedente DVÆ sunt precipue Quæstiones. PRIMA, Quenam sit fides iustificans. SECUNDA, An fides sola iustificet: quibus annexæ erunt aliæ DVÆ, An fides iustificans possit à Charitate disungi. Et, An sit alicuius precij, vel meriti, coram Deo.

De ipsa iustificatione multa sunt quæstiones. VNA, An Iustitia, quâ formaliter iustificamur, sit inharens, au imputatiua: ALTERA, An illud INHÆRENS sit actus vel habitus. TERTIA, De certitudine gratiæ, & remissionis peccatorum, & perseuerantia. QVARTA, De inæqualitate, & mutabilitate iustitiæ.

De operibus consequentibus, sunt item quæstiones multa. VNA, De necessitate operum bonorum. SECUNDA, De veritate iustitiæ, siue de impletione legis. TERTIA, De merito. QVARTA, De intuitu mercedis. QVINTA, De fiducia meritorum. SEXTA, Quid requiratur ad meritum. SEPTIMA, De merito ex condigno. Quas quæstiones omnes quinque sequentibus libris, Deo fauente, explicabimus.

LIBER PRIMVS.

DE IUSTIFICATIONE, QUI EST DE
FIDE IUSTIFICANTE.

CAPVT PRIMVM.

De nomine iustificationis & iustitia.



ANTEQVAM ad ipsam questionem, de fide iustificante, explicandam aggrediamur, pauca quædam, quali prolegomena præmittenda sunt, de nomine iustificationis & iustitiæ: de causis iustificationis, & de sententia hæreticorum, ac statu totius questionis.

Quod igitur ad PRIMVM attinet, iustificationis nomen in sacris litteris multis modis accipitur. PRIMVM, pro ipsa lege, quæ iustitiam docet, qua notione passim videtur David in Ps. 118. *Iustificationes tuas custodiam, doce me iustificationes tuas: viam dirigamur via mea, ad custodiendas iustificationes tuas, &c.*

DEINDE pro acquisitione iustitiæ, vt 1. ad Cor. 6. *Hæc quidem iustis, sed abluti estis, sed sanctificati, sed iustificati estis.* Ad Rom. 8. *Quos vocant, hos iustificat.* Et c. 4. *Credenti in eum, qui iustificat impium.*

TERTIO, pro incremento iustitiæ, nam quemadmodum vilitate dicitur calefieri, nõ solum qui fit calidus ex frigido, sed etiam qui ex calido fit calidior, sic etiam iustificari dicitur, non solum is, qui ex impio fit iustus, sed ille quoque qui ex iusto fit iustior. Sic loquitur Ecclesiasticus, c. 18. *Ne verearis usque ad mortem iustificari, quoniam merces Domini manet in æternum.* Et Iacobus in Epistola sua, c. 2. *Videtur, quod ex operibus iustificatur homo, & non ex fide tantum.* Et Ioan. in Apoc. 21. *Qui iustus est, iustificetur adhuc.*

QUARTO, pro declaratione iustitiæ, modo quodam forensi, vt ille dicatur iustificari, qui cū esset ab accusatore factus reus alicuius iniquitatis, à iudice per sententiam declaratur iustus, atque absoluitur. Sic videtur hac voce Salomon Prouerb. 17. *Qui iustificat impium, & qui condemnat iustum, uterque abominabilis est apud Deum.* Et Itaz c. 5. v. e. *qui iustificatis impium pro muneribus, & iustitiam iusti auferis ab eo.* Et Luc. c. 7. *Iustificata est sapientia ab omnibus filiis suis.* Et c. 10. *ille autem volens iustificare seipsum.*

Ex his acceptionibus aduersarij istam QUARTAM in controuersia de iustificatione, maxime propriam esse docent, illam autem secundam & tertiam, quæ nascitur ex secunda, impropriad esse dicunt, & apud nullos probatos auctores inueniri. Sed de hac re differemus in 2. lib. c. 3.

Porro iustitia, vnde iustificatione nomen habet, nihil est aliud, nisi ordinis rectitudo. Id enim est iustū, quod rectum & adæquatum, & cū sua regula optime congruens. Inueniuntur autem in sacris litteris plures iustitiæ acceptiones. Interdum enim idem sonat iustitia, quod ius. Quomodo loquitur Iacob in Genes. c. 30. *Respondetque mihi etas iustitia mea, cum placui tempus veneri apud te.* Et Isa. c. 5. *Iustitiam iusti auferis ab eo.*

INTERDVm accipitur pro rectitudine scripta in libris, quæ proprie iustitia legis dici potest Psal. 18. *Iustitiæ Domini recta, lætificantes corda.* ad Rom. 2. *Si præputum iustitiæ legis custodias, &c.*

Accipitur TERTIO iustitia pro rectitudine ope-

rum externorum, quæ dici potest iustitia operū. De qua Dominus Matt. 23. *Nisi abundaueris iustitiâ, vltra plus quam Scribarum & Pharisæorum, non intrabis in regnum celorum.* Iustitia enim Scribarum & pharisæorum tota in externa legis obediuntia erat, de qua etiam Apostolus ad Rom. 4. *Si Abraham ex operibus iustificatus est, habet gloriam, sed non ad Deum.* Homines enim laudant eum, quem vident opera externa facere, secundum regulas iustitiæ, de interno affectu minime iudicantes, & talis fere est iustitia politica, quæ solam Philosophi cognouerunt & docuerunt, ea enim ordinat homines inter se, quantum ad actiones externas. Est autem duplex ista iustitia politica & humana, altera vniuersalis, quæ & legalis dicitur: altera particularis. Iustitia Legalis non est vna aliqua virtus, sed aggregatio omnium virtutum, quæ necessariæ sunt ad leges obseruandas, de qua Philosophus in lib. 5. de moribus, cap. 1. *Iustitia, inquit, virtutes in se continet omnes.* Iustitia particularis specialis est virtus, quæ rursus diuiditur in commutatiuam, & distributi- uam.

Accipitur DENIQ; pro rectitudine interna, quæ homo recte ordinatur erga Deum, & proximum. Quæ sola est simpliciter, & absolute iustitia & dicta iustitia fidei, quia à fide incipit, & iustitia Dei, quoniam ab illo donatur, de hac scribit Apostolus ad Phil. 3. *Et inueniatur in illo, non habens meam iustitiam, quæ ex lege est, sed illam, quæ ex fide est Christi, quæ ex Deo est iustitia in fide.* Vbi notandum est, iustitiam ex lege, quæ opponitur iustitiæ ex fide, non esse iustitiam legis, id est, iustitiam scriptam in lege, sed esse iustitiam factam sine auxilio gratiæ, ex sola cognitione legis: Miramodum inquit AGVSTINVS in lib. 4. ad Bonifatium, c. 17. *Is dicitur non videri iustitiam legis non implere iustitia quæ in lege est, sed quæ in spiritu gratiæ.* Idem enim significant, iustitia ex lege, & iustitia in lege.

Interna igitur iustitia secundum habet in corde, nam iustitia legis est in libris, iustitia operum est in manibus, iustitia fidei, siue Dei, est in animo, id est in voluntate, quæ cordis nomine in Scripturis appellari solet, & ideo in scripturis iusti dicuntur recti corde, vt in Ps. 31. *Lætami iusti in Domino, & gloriati omnes recti corde.* Et Psal. 96. *Lux oris est iusto, & rectus corde lætatur.* De qua sic loquitur S. AGVSTINVS lib. 19. de ciuit. Dei, c. 27. *Hic in unoquoque iustitiæ, vt obediens deus homini, animus corpori, ratio autem virtuti, etiam repugnans, imperet, vel subigendo, vel resistendo.*

Est autem hæc iustitia duplex habitualis, & actualis, quod aperte docet S. AGVSTINVS concione 46. in Psal. 118. tractans illud: *Fecundatum & iustitiam.* Vbi monet, Psalium loqui de iustitia actuali, id est de opere iustitiæ, quod faciunt qui iusti sunt, non illud 1. Ioan. 3. *Qui facit iustitiam iustus est.* non de ista virtute iustitiæ, quam deus in nobis facit, cum iustificat impium.

De hac igitur iustitia loquimur, cū de iustificatione discimus. Cuius iustitiæ causas omnes ex Scripturis, & Tridēno Concilio breuiter percurramus.

ut videamus, quid sit apud omnes certum, & quid adhuc in quaestione remaneat.

CAPVT II.

Explicantur causae iustificationis.

CAUSAE rerum omnium sunt QUATVOR, Finis, efficiens, materia & forma. FINIS iustificationis impii, est gloria Dei & Christi; & salus æterna eorum, qui iustificantur. Ita enim Concilium Tridentinum docet sess. 6. cap. 7. & Concilii doctrina, cum Scripturis sanctis apertissime congruit. Nam de gloria Dei sic loquitur Isaïa cap. 43. *Omnes, qui inuocat nomen meum, in gloriam meam creauimus eum.* Et Apostolus ad Ephes. 1. *Prædestinavit nos in adoptionis filiorum in laudem gloriae gratiae suae.* De gloria Christi sic loquitur idem Apostolus ad Hebr. 2. *Decebat eum propter quem omnia, & per quem omnia, qui multos filios in gloriam adduxerat, auctorem salutis eorum per passionem consummari.* Vbi vides, propter Christum esse omnia, ac per hoc ipsius gloriam finem esse totius operis redemptionis humanæ.

Quod etiam ex eo potest intelligi, quod cum Christus sit caput omnium iustorum, in ipsum redundat omnis gloria iustificationis ipsorum. Neque enim dubitari potest, quin pulchritudo membrorum pertineat ad gloriam capitis. Itaque S. Gregorius lib. 32. Moralium, c. 5. scribit, Christum in cælo quasi vestiendum, atque ornandum esse gloria omnium Sanctorum, iuxta illud Isaïa 49. *Omibus his velut ornameto vestieris.*

DENIQUE, salutem propriam finem esse iustificationis, docet Apostolus ad Rom. 6. *Nunc vero liberati à peccato, serui autem facti Deo habetis fructum vestrum in sanctificationem, finem vero vitam æternam.* Et Apostolus Petrus in epist. 1. c. 1. *Veretur etiam finem fidei vestrae, salutem animarum vestrarum.*

Causa efficiens primaria est bonitas, & misericordia Dei, efficiens per modum meriti, est Christi passio: efficiens per modum instrumenti coniuncti, est ipsa Christi humanitas, per modum instrumenti separati, sunt verbum & sacramenta, & qui illa Christi nomine administrant.

DE PRIMARIA causa efficiente legimus in libro Iob, c. 14. *Quis potest facere mundum de immundo conceptum semine? nonne tu qui solus es?* Et Isaïa cap. 43. *Ego sum, ego sum, qui deleo iniquitates suas propter me.* Et ad Rom. 3. *Vnus est Deus, qui iustificat circumcisionem ex fide, & præputium per fidem.* Denique cum iustificatio impii constet ex remissione peccati, & infusione gratiæ adoptionis filiorum Dei, quis potest remittere peccata, id est, debita contracta cum Deo, nisi ipse Deus? & quis potest adoptare seruum & inimicum in filium Dei, nisi idem Deus?

De causa meritoria loquitur Isaïas, c. 53. *Si posueris pro peccato animam suam, videbit semen longæuum, & iustificabit ipse iustus seruus meus multos.* Et Apostolus Paulus ad Rom. 3. *Iustificati gratis per gratiam ipsius, per redemptionem, quæ est in Christo Iesu, quem proposuit Deus propitiatorem, &c.* Et Apostolus Petrus in epist. 1. c. 1. *Non corruptibilibus auro, vel argento redempti estis, sed pretioso sanguine, quasi agni immaculati, & incontaminati Christi.* Et Apostolus Ioannes epist. 1. cap. 2. *Ipsæ sunt propitiatio pro peccatis nostris, non pro nostris autem tantum, sed etiam pro totius mundi.*

Est autem hoc loco breuiter annotandum, Christum non esse causam meritoriam, quasi Pater in gratiam filii nobis peccata dimiserit, quomodo sapienter Reges in gratiam amicorum petentium, eos ab-

soluunt, sed quoniam precium redemptionis exactè persoluit, & ex rigore iustitiæ (ut Theologi loquuntur) pro nostris omnium sceleribus satisfecit. Id enim significant Scripturæ, cum vocabulo redemptionis vtuntur, & hoc idem indicare voluit Concilium Tridentinum loco citato, cum docuit, Christum causam esse meritoriam nostræ iustificationis, quoniam passionem suam pro peccatis nostris integre satisfecit, & nobis reconciliationem, gratiamque promeruit.

DE CAUSA INSTRUMENTARIA, sed CONIUNCTA, loquitur Scriptura, cum Dei filium ratione altum præ naturæ, brachium Domini nominat, ut Isaïa 53. *Quis credidit auditui nostro, & brachium Domini, cui reuelatum est? & ascendet sicut virgulum coram eo, & tanquam radix de terra sitienti, non est specie ei, neque decor, &c.* Vide S. Cyrillum lib. 4. in Ioannem, c. 12. 14. & 23. & Damascenum lib. 3. c. 15.

DE CAUSA INSTRUMENTARIA SEPARATA, id est, de verbo Dei & Sacramentis, & de ipsi ministris verbi, & Sacramentorum, Scriptura diuina frequentissime loquitur. DE VERBO, Iacob. c. 1. *Voluntarie genuit nos verbo veritatis.* Item: *Suscipite infirmum verbum, quod potest saluare animas vestras.* DE SACRAMENTIS, Apostolus Petrus in epist. 1. c. 3. *Saluos facis Baptisma.* Et Apostolus Paulus ad Tit. 3. *Saluos nos facit per lauacrum regenerationis, &c.* DE MINISTRIS idem Paulus 1. ad Cor. 3. *Dei adiutores sumus.* Et 2. ad Cor. 1. *Posuit in nobis verbum reconciliationis.* Et Dominus ipse Ioan. 10. *Quorum remisistis peccata, remittuntur eis, & quorum retinueritis, retenta sunt.*

CAUSA MATERIALIS dici potest animus hominis, siue ipsa eius voluntas, in qua iustitia, tanquam in subiecto, & sede propria commoratur. Pertinent quoque ad materiale causam dispositiones, quæ materiam præparant ad recipiendam formam. Dicuntur autem dispositiones ad iustificationem illi omnes actus gratiæ & liberi arbitrii, quibus donum ipsum iustificationis acquiritur, quales sunt ex sententia Concilii Tridentini, sess. 6. c. 6. actus fidei, timoris, spei, dilectionis, poenitentiae, de quibus postea disseremus.

CAUSA FORMALIS intrinseca iustificationis est ipse habitus gratiæ, siue charitatis infusus, ut post suo loco probabimus. Causa formalis extrinseca, quæ & exemplaris dicitur, est ipsa Christi iustitia. Nam quos præsciuit, eos Deus prædestinavit, conformes fieri imaginis filii sui, ut Apostolus loquitur ad Rom. 8. qui etiam 1. ad Cor. 15. monet, ut portemus imaginem hominis cælestis, id est, Christi, sicut portauimus imaginem hominis terreni, id est, Adami. Denique formalis causa, non in habitu, sed in actu, sunt ipsa opera iusta, quæ etiâ effectus iustitiæ, vel iustificationis dici possunt. Ex his omnibus solum tria in quaestionem vocantur, dispositiones, causa formalis intrinseca, & iustitia actualis. Cætera enim omnia vel conceduntur ab omnibus, vel sunt à nobis alio loco, pro tenuitate ingenii nostri & virium, explicata.

CAPVT III.

Aperitur status quaestionis de fide iustificante, & indicantur auctores, qui de iustificatione scripserunt.

VT Igitur à dispositionibus, quæ iustificationem præcedunt, principium faciamus: aduersarii non negant, aliquos eorum actuum requiri, quos nos dispositiones appellamus, quidquid tandem initio huius perniciosæ contentionis inciperet Lutherus, nulli enim fere sunt hodie sectari, qui terrores,

& fidem non requirant ante iustificationem. Aliqui etiam addunt propositum nouæ vitæ, siue obedientiæ, ut ostendimus in 1. lib. de penitentia, c. 18. Sed tamen quatuor in rebus à nobis dissentiunt: omitto enim illud, quod non vocant ipsi fidem, dispositionem sed instrumentum, quo apprehenditur iustificatio. In eo certe nobiscum aduersarij conveniunt, actum fidei requiri, ut iustificationem adipisci valeamus.

PRIMUM igitur in eo dissentimus, quod aliter ipsi fidem, quæ ad iustificationem obtinendam necessaria est, interpretantur, quam nos Catholici facimus, proinde PRIMA quæstio disputanda erit, quænam sit illa fides, siue quid sit ea fides, quæ ad iustificationem requiritur. Sæcundo dissentimus, quod ipsi solam fidem iustificare contendunt, nos ei comites adiungimus in hoc ipso officio iustificandi, siue adiutitiam disponendi. Erat igitur altera quæstio, an per modum dispositionis, siue instrumenti, fides sola iustificet. Tertio dissentimus, quod ipsi fidem, quam dicunt solam iustificare, docent nunquam esse posse solam, nos contra dicimus, non iustificare solam, sed tamen posse esse solam. Postremo dissentimus de modo, quo fides iustificat, ipsi enim contendunt, fidem nullius esse precij, aut meriti, & solum relativi iustificare: nos asserimus, fidem etiam à charitate disiunctam, alicuius esse precij, & vim habere iustificandi per modum dispositionis & impetrationis.

Illud autem non est hoc loco prætereundum, aduersarios nostros, ut sunt inopes argumentorum, & diuites calumniarum, passim traducere Catholicos, quasi doceant, solis naturæ viribus disponi homines ad gratiam, quibuscunque operibus, vel etiam ritibus & ceremoniis tribuere meritum iustificationis; fidei iustificantis nullam rationem habere, neque in suis libris, & sermonibus ullam eius mentionem facere. Quæ omnia mendacia, atque calumnias esse, fuisse demonstrauimus tum in 1. libro de penitentia, tum in libello, cuius inscriptio est, Iudicium de libro concordie Lutheranorum.

His igitur prætermittis, ad primam quæst. explicandam aggrediar, si prius in lectorum gratiam breuiter annotauero nomina eorū, qui hoc nostro sæculo de Iustificatione aduersus nouas hæreses opuscula ediderunt. Videat igitur Lector auctores sequentes, præter alios multos, qui mihi noti non sunt, Ioan. Driedon, in li. de capt. & redempt. humani generis, tract. 4. cap. 1. Jac. Latom, in libro de fide & operibus. Albertum Pighium in secunda controuersia. Ioan. Rosfen, in refutat. articulorum, & assertiois Lutheri. Enchiridion Concilii Colonien. Dominicum à Soto in lib. 3. de natura & gratia. Petrum à Soto in Instit. Sacerdotum, lect. 11. & 12. de Penitentia. Alphosum à Castro in lib. contra hæreses. Andreæ Vegam in opusculo de iustificatione, & explicatione Concilii Tridentini. Ambrosium Catharin opuscula de iustificatione, fide & operibus. Thomam Caieta, de fide & operibus. Stanislaum Hosium in Confess. Polonica, à c. 61. vsque ad 75. Ioan. à Louanio in libro de fide speciali. Franciscū Tuerianum de iustificatione, Hæticum Helmesium de iustificatione. Theodorum Pelranum de iustificatione, Iodocum Tiletanum in Apologia pro Concilio Tridentino. Nicolaum Sanderum in libro de iustificatione. Diegum Payuam lib. 6. orthodoxarū explicationum. Ruardum Tapper, in Explicat. articulorū Louanienf. Thomæ Stapletonum in li. de iustificatione. Vide etiam auctores quos, quos in vnū coniecit Fabricius Leodius in Harmonia Confess. Augustanæ, videlicet, Ioan. Co-

chlæum in discussione Confessionis eiusdem, & alios. Audio multa præclare scripsisse tū de iustificatione, tum de aliis controuersis omnibus Gregorium de Valentia nostri ordinis Sacerdotem.

CAPVT IV.

Quid sit fides iustificans, ex sententia tum Hæreticorum, tum etiam Catholicorum.

SECTARIJ tres fides distinguere solent, fidem historicam, fidem miraculorum, & fidem promissionum, ut ex Caluino intelligi potest lib. 3. Institut. cap. 2. §. 9. ex remissio in 1. part. Exam. Concilii Trident. & ex aliis. Fidem historicam vocant, qua credimus vera esse, quæ narrantur in sacris litteris: de qua scriptum est ad Heb. 11. *Fide credimus aptata esse sacula verbo Dei.* Fidem miraculorum appellant, qua fiunt miracula, de qua 1. ad Cor. 13. dicit Apostolus: *Si habuerō omnem fidem, ita ut montes transferam, &c.* Fidem promissionum, quæ fertur in promissiones diuinas de remissione peccatorum, qualis est illa Marci ult. *Qui crediderit, & baptizatus fuerit, saluus erit.*

Rursus fidem promissionum aliam generalē, aliam specialem esse docent, generalem, qua credimus, promissam esse omnibus credentibus salutem; specialem, qua vnusquisque sibi promissionē diuinam applicans, credit siue potius confidit, peccata omnia per Christum sibi esse dimissa. Nam fidem Lutherani fere omnes nō tam notitiam, vel assensum: quam fiduciam esse definiunt. Atque eam demum fiduciam specialis misericordie, fidem iustificantem esse docent.

Tradit autem Philippus Melancthon in præfatione in secundum tomum Lutheri, hanc sententiam de fide iustificante, quæ quasi semen fuit omnium hæresum huius temporis, accepisse Lutherum à quodam senē ordinis sui, cum adhuc Monachus esset, qui citabat S. Bernardum in sermone de annūciatione. Quem locum Bernardi vide à nobis explicatum infra in lib. 3. c. 10. Sed verba ipsorum audiamus, Lutherus in ser. Dominica 2. Quadragesimæ: *Fides, inquit, est certa, aliissemque animo infidens, diuina bonitatis & gratia, per verbum Dei cognita, atque manifesta fiducia.* Loqui autem Lutherum de fiducia specialis misericordie, palam est ex assertione art. 1. & 15. & ex aliis locis plurimis. Hinc etiam Centuriatores, cum tradunt communem doctrinam suæ sectæ Cent. i. lib. 1. c. 4. colum. 113. ita fidem definiunt. *Fides est fiducia misericordie, propter Christum.* Et in eodem lib. c. 6. prope finem, dicunt, Ioannem Baptistam nullum admisisse ad Baptismum, nisi prius diligenter interrogatum, utrum illa fide speciali Messiam apprehenderet.

Philippus quoque Melancthon in Locis communibus, tit. de vocabulo fidei, ita loquitur, *Cum B. Paulus dicit, iustificamur fide, vult terminari filium Dei sedentem ad dexteram Patris, Mediatorem interpellantem pro nobis. Proponit enim hanc vocatam, & docet, propter hunc filium Dei dari remissionem. & citatur vocabulum, fides, monstrat illam Mediatorem, & nobis applicet, significat fides non tantum historia notitiam sed fiduciam misericordie promissæ propter filium Dei.* Idem in iisdem locis, titulo de bonis operibus, dicit, toleranda potius quælibet esse supplicia, quam negandum in sententiis illis Paulinis: *Credidit Abraham Deo, & similibus, fidē non significare fiduciam.* Similia habet in Confessione Aug. art. 4. & in Apologia eiusdem articuli.

Demque in Colloquio Altemburgensi fol. 3. Electorales Theologi definiunt fidem iustificantem, esse fiduciam in voluntate, & corde, acquiescentem in Mediatore Christo, certo statuentem propter filium nobis remittere Deum peccata gratis, noi que accipere in filios, & hæredes vitæ æternæ.

Porro Ioannes Calvinus paulo aliter philosophari videtur de significatione, vel natura fidei iustificantis. Sic enim eam definit li. Instit. c. 2. §. 7. *Fides est divina erga nos benevolentia firma, certaque cognitio, que gratuita in Christo promissionis veritate fundata, per Spiritum sanctum, & reuelatur mentibus nostris & cordibus obsequatur.* In qua definitione pro obiecto fidei cum Lutheranis solam misericordiam, siue benevolentiam Dei ponit. In eo vero dissentire videtur, quod fidem non fiduciam, sed notitiam appellat. Nisi forte fiduciam intelligi voluerit in illis vltimis verbis: *Et cordibus obsequatur.* Nam §. 8. scribit, assensionem fidei cordis potius esse, quam cerebri, & affectus magis, quam intelligentiæ. Vnde etiam §. 16 multa interferit de fiducia, & expectatione promissionum Dei.

Iam vero Catholici agnoscunt quidem vocabulum fidei, in diuinis litteris non semper vno, & eodem modo sumi, nam ad Ro. 3. *Nunquid incredulitas illorum fidem Dei enuacuauit?* fides pro fidelitate, id est, constantia in seruanda promissione accipitur. Et 1. ad Tim. 5. *Præmam fidem irritam fecerunt,* fides promissionem ipsam, votumque significat. Et ad Rom. 14. *Quod non est ex fide peccatum est:* fides pro conscientia posita est. Et ad Ephes. 4. *Vna fides vnum Baptisma:* fidei nomine ipsum fidei obiectum designari videtur, vt sensus sit, id ipsum omnes credimus, quemadmodum eodem ritu baptizati sumus, tamen fidem historicam, & miraculorum, & promissionum vnā & eandem esse docent, atque illam vnā non esse proprie notitiam, aut fiduciam, sed assensum certum, atque firmissimum, ob auctoritatem primæ veritatis, & hanc vnā esse fidem iustificantem.

Quamquam quod attinet ad voces, Catholici non vtuntur nomine fidei historicæ, ne videantur sentire (vt re vera non sentiunt) res gestas Sanctorum, quæ referuntur in Scripturis, nõ credi, nisi propter ipsius historici auctoritatem, sed vocant simpliciter fidem Catholicam, aut etiam fidem dogmaticam, qua voce vtuntur Cyrillus catechesi 5. & 9. & Chrysostomus homil. 19. in priorem ad Corinthios explicans caput 12.

Itaque tribus in rebus ab hæreticis Catholici dissentiunt; PRIMVM, in obiecto fidei iustificantis, quod hæretici restringunt ad solam promissionem misericordiæ specialis, Catholici tam latè patere volunt, quam late patet verbum Dei: quin potius certam promissionem specialis misericordiæ, non tam ad fidem, quam præsumptionem pertinere contendunt. DEINDE in facultate, & potentia animi, quæ sedes est fidei. Si quidem illi fidem collocant in voluntate, cum fiduciam esse definiunt: ac per hoc eam cum spe confundunt. Fiducia enim nihil est aliud, nisi spes roborata, vt S. Thomas docet in 2. 2. q. 129. artic. 6. Catholici fidem in intellectu sedem habere docent. DENIQUE in ipso actu intellectus. Ipsi enim per notitiam fidem definiunt, nos per assensum. Assentimur enim Deo, quamuis ea nobis credenda proponat, quæ non intelligimus.

CAPVT V.

Refellitur ex cap. 12. ad Hebr. hæreticorum error de nomine fidei iustificantis.

PROBATVR igitur primum ex diuinis litteris, fidem iustificantem non esse fiduciam misericordiæ, sed solum assensum firmum, ac certum ad ea omnia, quæ Deus credenda proponit.

PRIMUM testimonium sumi potest ex definitione fidei, quæ habetur ad Hebr. 11. *Fides,* inquit apostolus, *est sperandarum substantia rerum, argumentum non apparentium.* Quæ definitio breuiter explicanda est, vt vis argumēti, quod ex ea sumitur, magis appareat. *Substantia* Græce est *ὑπόστασις*, id est, basis, ac fundamentum. *Sperandarum rerum,* Græce est *ἐλπιζόμενων*, quod ambiguum est, & verti potest, tū sperantium hominum, tū rerum speratarum, siue sperandarum. S. Augustinus fere, vbicunque hunc locum citat, legit sperantium, vt in epist. 122. ad Paulinum, lib. 2. de peccatorum meritis & remissione, ca. 31. tract. 79. in Ioannem, homil. 32. in lib. 50. homiliarum, & alibi. Et iuxta hanc lectionem sensus erit, fidem esse substantiam sperantium, id est, quasi vitam & animam, quæ sustentat hominem iustum, qui despiciens terrena, sperat, atque expectat æterna. Quo sensu dictum etiam est, iustum ex fide viuere, in hac ipsa epistola capite 10. Græci vero omnes, vt S. Basilus in explicatione Psal. 115. & Chrysostomus, Theodoretus, Theophylactus, Oecumenius, in hunc locum passim accipiunt, quos sequutus est antiquus noster interpres, qui reddidit, rerum sperandarum.

Sed sententia est omnino eadem, nihil enim aliud est, fidem esse substantiam rerum sperandarum, nisi quæ sperantur, quoniam futura sunt non habere vllam substantiam, vel fundamentum, nisi in intellectu per fidem. Itaque fides est quasi vita, & anima rerum, quæ sperantur, quoniam eas apprehendens, ac menti repræsentans, facit eas quodammodo esse præsentem, ac viuere, quamuis in se re vera non sint, nisi futura. Idem autem est, fidem esse substantiam sperantium, & substantiam rei speratæ, ideo enim dici potest fides substantia sperantium, quoniam est substantia rei speratæ: id est, ideo fide se ipse sustentat, qui sperat, quoniam substantia rei speratæ non est nisi fides.

Illud autem quod sequitur *argumentum non apparentium*, Græce est *ἡ ἀπόδειξις τῶν ἀφανῶν*, hoc est demonstratio, siue conuictio (vt S. Augustinus legit) eorum, quæ non conspiciuntur. Quæ verba sic exponunt aliqui, vt velint esse repetitionem sententiæ superioris, vt sensus sit, fides facit quodam modo extare ea, quæ non sunt, sed sperantur futura, & facit quasi cerni, & spectari res easdem, cum in se minime appareant. Sed non ita est, nam idem Apostolus explicans paulo post obiectum fidei, non restringit illud ad res futuras, quæ sperantur, sed extendit ad omnia, quæ Deus reuelare dignatus est, siue sint futura, siue præterita, siue speranda, siue timenda. Nam dicit, fide nos credere, aptata esse sæcula verbo Dei, quod præteritum est; & fide sanctum Noe ob metum diluuij aptasse arcam, diluuium autem futurum quidem erat, sed metuendum, non sperandum. Verba igitur illa *argumentum non apparentium*, non referuntur ad res speratas, sed explicant aliam fidei virtutem, quæ est conuincere intellectum, atque adducere, vt assentiatur ijs, quæ non capit, neque intelligit.

Itaque definitio fidei, ab Apostolo tradita, duas continet fidei proprietates; Vnam, quod faciat in animo subsistere ea, quæ sperantur futura. Aliam quod intellectum faciat ijs assentiri, quæ non intelligit. Ex quo intelligimus, fidem Christianam (hanc enim definit Apostolus) distinguī ab omnibus alijs habitibus intellectus. Nam ea particula, *Substantia*

verum sperandum, distinguit fidem Christianam, à fide politica & humana; Tum quia fides humana potest esse fallax, & ideo non meretur nomen substantiz, id est, fundamenti, ac basis firmæ ac solidæ, Tum quia nomine rerum sperandarum intelliguntur bona diuina, ac cœlestia, ad quæ fides humana non peruenit.

Ea vox, *argumentum*, siue conuictio, distinguit fidem Christianam ab opinione, suspitione & dubitatione. Ista enim non conueniunt, neque cogunt intellectum ad assensum.

Denique dux illæ voces, *non apparentium*, distinguunt eandem fidem à sciëntia & intellectu, quæ non patiuntur obscuritatem, sed lumen, & euidentiā requirunt. Vide de hoc loco quæ scribimus infra, capite II. in solutione primi argumenti Lutherano-

Ostendamus nunc falsam esse aduersariorum sententiam, de notione fidei iustificantis. Nam quod Apostolus hoc loco definiat fidem iustificatorem, negari non potest, cum enim in ca. superiore extremo dixisset: *Iustus ex fide uiuit, quod si subtraxeris se, non placebit anima mea. Nos autem non sumus subtractionis filii in perditionem, sed fidei in acquisitionem anima.* Continuo subiungit, nullo interposito verbo, *est autem fides sperandarum substantia rerum, &c.* Vbi vidēs definiri eam fidem, ex qua iustus uiuit, & ex qua placeamus Deo, & cuius filii sumus in acquisitionem animæ, & à qua qui se subtrahit, in perditionem ruit. Deinde in reliquo capite nō semel Apostolus repetit, hanc esse fidem, sine qua impossibile est placere Deo, & per quam Sancti omnes Deo placuerunt. Definitur igitur fides iustificans.

Quod autem hæc fides non sit fiducia, sed aliquid ad intellectum pertinens, probat PRIMO, illud verbum, *substantia*. Nam substantia rei futuræ (ut ostendimus) dicitur fides, quia facit præsentia ea, quæ sunt aliqui futura, ac repræsentare non est voluntatis, ubi est fiducia, sed intellectus. Ille enim rem apprehendens per speciem sibi impressam, facit rem esse, antequam sit.

SECUNDO, idem probat illud verbum (*argumentum*). Nam *ἄγος* (id est) *demonstratio*, & conuictio ad intellectum pertinet, ut etiam ipsum nomen Latinum *argumentum*; eius enim est conuincere argumentis, cuius est assentiri & iudicare.

TERTIO accedit illud quod sequitur: *Fide intelligimus aptata esse sæcula verbo Dei.* Vbi describitur actus fidei per vocem negligendi, quæ nullo modo ad fiduciam accommodari potest.

QUARTO, idem confirmat illud: *Fide Noe metuens aptauit arcam, &c.* Vbi fidei actus nō potest esse fiducia, quia fiducia non gignit metum, sed expellit; proinde fidei actus in Noe fuit, credere certo futurum diluuium, nam ex illo actu credendi metus exortus, causa fuit cur fabricaretur arca.

QUINTO, denique idem probant illa verba: *Sine fide impossibile est placere Deo. Nam accedentem ad Deum oportet credere, quia est, & inquirentibus se remunerator sit.* Vbi sine dubio per verbum *credere*, explicatur actus fidei iustificantis, neque potest vlla ratione ipsum credere detorqueri ad fiduciam. Non enim confidimus Deum esse, sed certo iudicamus & assentimur.

Quod autem fides iustificans non sit proprie noticia, sed assensus in rem etiam incognitam, probat illud (*argumentum non apparentium*) hinc enim intelligimus, fidei officium non esse, efficere, ut res obscuræ fiant perspicuæ, sed ut credantur, etiam si non appareant. Mirè enim coniunxit Apostolus (*argumentum*) cum (*non apparentium*) ut significaret, fidem id

facere, quod faciunt argumenta, sed alio modo. Nam argumenta, & maxime demonstrationes, faciunt, ut intellectus omnino assentiatur, sed hoc faciunt, per euidentiā rei intellectum conuincendo, dum causas ipsas, & proprietates aperiunt. At fides facit quidem, ut intellectus omnino assentiatur, sed non per euidentiā rei, & notitiā causæ, & proprietatum, sed credendo auctoritati dicentis. Itaque in fine manet res obscura ut antea erat, sed creditur propter auctoritatem dicentis, non igitur fides proprie loquendo est noticia, sed assensus.

Quod autem Apostolus ait: *Fide intelligimus, aptata esse sæcula verbo Dei.* Non significat, fide plane cognosci creationem sæculorū, sed per verbum intelligendi exprimere voluit apprehensionem, & assensum intellectus. Omnis enim actus intellectus, significari potest per verbum intelligere.

Quod fides iustificans non habeat pro obiecto misericordiam specialem, sed omnia, quæ Deus reuelauit, probatur PRIMO ex illis vocibus: *Sperandarum rerum.* Nam specialis misericordia nō est aliqua speranda, sed donum præsens, aut præteritū, ut ipsimet aduersarij docent, qui ad fidem pertinere dicunt, ut unusquisque credat sibi esse remissa peccata, seque per Christum gratum esse Deo, & pro iusto reputari. SECUNDO, idem probatur ex illis verbis: *Fide intelligimus aptata esse sæcula verbo Dei.* Et ex illis, *Accedentem ad Deum oportet credere, quia est, &c.* Denique ex toto illo capite, ubi fidei tribuuntur plurima, & specialis misericordiae nulla sit mentio.

Denique quod una & eadem sit fides historica (si tamen hoc nomine appellare fas est, assensum, quem adhibemus narrationi rerum præteritarum, non ob hominum, sed ob Dei ipsius, qui ea reuelauit, auctoritatem) fides miraculorum & promissionum, ac per hoc fides iustificans non sit sola fides promissionum: perspicue probatur ex hoc eodem loco: nam eidem fidei quæ definiuit, & quam iustificantem esse ostendimus, tribuit Apostolus, quod per eam intelligamus aptata esse sæcula verbo Dei, quod ad historiam pertinet. Item quod per eam sancti vicerint regna, obtinuerint ora leonum, extinxerint imperiū ignis, &c. Quæ pertinent ad miracula. Denique quod per eandem adepti sint repromissiones, quod ad promissiones spectat.

Ad hunc locum Kemnitius respondere conatur, ac duo dicit, PRIMO, fatetur multa esse fidei obiecta, ea videlicet omnia, quæ continentur in verbo Dei, sed quæstionem esse ait, quid illud sit, in quod proprie fides iustificans incedit debet, quod quidem nō esse aliud, nisi misericordiam specialem. SECUNDO addit, Apostolum hoc loco tractare de varijs exercitijs fidei, quæ illis conueniunt, qui fide iustificati sunt.

Sed ista nihil faciunt ad solutionem argumenti. Nam imprimis quantitas multa sunt obiecta fidei materialia tamen, non ideo multæ sunt fides. Una enim fides est propter unam, & eandem rationem formalem, qua creduntur omnia. Alioqui cum in symbolo fidei numerentur articuli duodecim, duodecim quoque essent fides, quod est in Ecclesia Dei hæcenus inauditum.

Deinde Apostolus hoc loco non solum explicat varia obiecta, vel exercitia fidei, sed ipsam fidem initio definit: cur igitur in ea definitione, quæ (ut ostendimus) est fidei iustificantis, non meminit illius misericordiae specialis, si ea est obiectum proprium fidei iustificantis?

Præterea si quæ isto capite narrantur sunt exercitia, vel obiecta fidei, peto, cuius fidei? Certe iu-

ificantis: nam illius fidei exercitia, & objecta explicantur, quæ initio definita est: igitur fides iustificans non solum respicit, vel apprehendit misericordiam specialem, sed etiam credit mundi creationem, & operatur miracula: proinde ipsa fides iustificans, est etiam fides historica & miraculorum.

Quid, quod idem Apostolus in hoc eodē loco dixeris verbis tradit, fidem iustificare, quatenus per eam credimus ea, quæ gignunt timorem, ac per hoc quatenus non est fiducia misericordiae? Fide, inquit, non responso accepto de ijs, quæ adhuc non videbantur, metuens aptavit arcam in salutem domus suæ, per quam damnavit mundum, & iustitiae, quæ per fidem est, heres est constitutus. Videlicet hoc loco, sanctum Noe iustitiæ fidei esse adeptum, ac per hoc fide iustificatum, quia credidit Deo dicenti, futurum fuisse diluvium generale, & ex ea fide metuens arcam fabricavit? Ideo enim damnavit mundum incredulitatis, & ipse hæres iustitiæ fidei constitutus est, quia mundus credere noluit diluvium futurum, ipse autem credidit.

Quid hic responderi potest? Vbi hoc loco mentio misericordiae specialis? Simile est quod paulo infra legimus: Sancti per fidem vicerunt regna, operari sunt iustitiam, adepti sunt repromissiones, &c. Vbi etiam fidei tribuitur iustitiæ operatio, & miraculorum ostensio. Sed de hoc loco satis multa dicta sunt.

CAPVT VI.

Fidem iustificantem non esse fiduciam, probatur ex divinis litteris.

Nunc adferemus testimonia Scripturæ, quibus seorsim probemus, PRIMVM, fidem non esse fiduciam; Deinde, non esse notitiam, sed assensum; Postremo, non habere pro obiecto misericordiam specialem, sed id totum, quod in verbo Dei continetur.

Fidem igitur non esse fiduciam, probatur PRIMO, ex illis verbis, Rom. 4. *Non infirmatus est fide, nec considerans corpus suum emortuum, & emortuam vulvam Sara, in repromissione etiam Dei non habuit diffidentiam, sed confortatus est fide, dans gloriam Deo, plenissime sciens, quia quaecunque promissit Deus, potens est facere. Ideo & reputatum est ei ad iustitiam.* Vbi loquitur Apostolus, de fide iustificante, ut perspicuum est ex ultimis verbis: quid autem fuerit illa fides, explicat per propositionem negantem & affirmantem; per negantē, cum dicit: *Non considerans corpus suum emortuum, &c.* Consideratio autem ad intellectum pertinet, ad quem non pertinet fiducia: per affirmantem, cum ait: *Plenissime sciens quia quaecunque promissit Deus, potens est facere.* Plenissime scire, intellectus est, non voluntatis, sicut contra fiduciam habere, voluntatis est, non intellectus. Porro vox Græca *παρορμησις*, significat proprie, plenissime persuasus, siue pro certo habens, quæ omnia ad intellectum pertinent. Neque mouere nos debet illud, non habuit diffidentiam, nam diffidentia posita est eo loco pro incredulitate, in Græco est *ἀπιστία*.

SECUNDO, idem probatur ex illo 1. Cor. 13. *Nunc autem manent fides, spes, charitas, tria hæc, maior autem horum est charitas.* Vbi distinguit Apostolus fidem à spe, & dicit esse duo quædam diuersa: manifestum autem est, fiduciam nihil esse aliud, nisi spem roboratam. Vnde Iob. 8. dicitur: *Spes hypocritæ peribit, & sicut tela aranearum fiducia eius.* Ex pro eo, quod dixit, David, Psal. 39. *Beatus vir, cuius est nomen Domini, spes eius.* Dixit Hierem. cap. 17. *Beatus vir, qui confidit in Domino, & erit Dominus fiducia eius.* Itaque fiducia ex fide quidem oritur, sed non potest idem esse, cum fi-

de, nisi confundere velimus, quæ tam aperte Apostolus ipse distinxit.

TERTIO, probatur ex illo 2. Cor. 10. *In captiuitatem redigentes omnem intellectum in obsequium Christi.* Vbi B. Paulus per fidem dicit, intellectum captiuum duci in obsequium Christi, quia cogitur credere, quod non intelligit. Proinde fides manifeste ad intellectum non ad voluntatem pertinet.

QUARTO, probatur ex illis verbis, ad Ephes. 3. *In quo habemus fiduciam, & accessum in confidentia per fidem eius.* Quod si habemus accessum in Deum in confidentia, seu fiducia per fidem, certe sequitur, ut fides non sit fiducia, sed fiduciæ causa: alioqui sensus huius loci esset, habemus accessum in confidentia, per confidentiam, quod absurdum esse non dubium est. Non dissimiliter distinguitur fides à fiducia, Matt. 9. *Confite filia, fides tua te saluam fecit:* Vbi excitatur ad fiduciam concipiendam mulier illa quæ iam ex fide sanata fuerat. Et in priore ad Timoth. c. 3. *Qui bene ministraverint gradum, bonum sibi acquirunt, & multam fiduciam in fide, quæ est in Christo.* Vbi fiducia in fide acquiri dicitur, quia potest esse fides sine tali fiducia.

QUINTO, accedant omnia illa loca, quæ docent, obiectum fidei iustificantis esse illa omnia, quæ Deus reuelauit, quæ loca ca. 8. adferentur, neque enim fiducia tam late patere potest, cum solum bona, & ea ut futura respiciat.

SEXTO, accedant etiam illa loca, ubi actus fidei dicitur esse credere, ut Rom. 4. *Credidit Abraham Deo, &c.* Nam si Scriptura divina per fidem intelligeret fiduciam, actum eius explicaret per verbum fidere, non per verbum credere. Quod si aduersarij contendant, ipsum etiam (credere) usurpari in sacris litteris pro eo, quod est (fidere) aut confidere, cogentur absurdissime, atque ineptissime loca plurima explicare, ut exempli gratia, cum dicitur Ioan. 14. *Non creditis, quia ego in Patre, & Pater in me est?* alioqui propter opera ipsa credite. Act. 8. *Credo filium Dei esse Iesum Christum.* Rom. 10. *Corde creditur ad iustitiam.* Et infra: *Si in corde tuo credideris, quia Deus cum suscitauit à mortuis, saluus eris.* Hæc & similia non possunt nisi ineptissime accipi pro fiducia.

Neque satisfacit Kemnitius, qui in suo examine Concilij Tridentini dicit, ad fidem pertinere non solum fiduciam, sed etiam notitiam, siue assensum intellectus. Scribit enim in fide PRIMO, esse notitiam, siue cogitationem promissionum Dei. SECUNDO, assensionem, quæ unusquisque statuit eam promissionem ad se pertinere. TERTIO, ex illa notitia, & assensu oriri in voluntate desiderium iustificationis. QUARTO, demum excitari fiduciam accedendi ad thronum gratiæ quæ apprehendit iustificationem.

Hæc Philosophia Kemnitiana parum facit ad rem, nam non possunt isti omnes actus ad unam virtutem proprie, & per se pertinere, cum priores duo sint in intellectu, posteriores in voluntate, nec fieri possit, ut una virtus sit in duobus potentijs genere distinctis. Quare adhuc restat quaestio, quoniam ex illis actibus ad fidem iustificantem pertineant nos enim contendimus duos priores, qui sunt in intellectu, esse actus fidei: aduersarij, contra duos posteriores, qui sunt in voluntate, & maxime postremum actum fidei esse volunt, cum illi soli tribuant iustificandi officium.

Argumenta autem omnia, quæ fecimus hactenus, aperte demonstrant, fidem esse in intellectu, ac per hoc ad eam nullo modo pertinere fiduciam, quæ est in voluntate. Quibus addere possumus testimonium

S. Augustini in libro de predestinatione Sanctorum, c. 2. ubi dicit, credere, nihil esse aliud, nisi cum assensu cogitare: ita ut cogitatio sit quasi genus, assensus quasi differentia. Nam ut ipse ibidem docet, multi cogitant, qui non credunt, immo etiam aliquando cogitant, ut non credant, sed nullus credit, qui non cogitet. Quo loco S. Augustinus manifeste confirmat sententiam nostram. Ex quatuor illis actibus quos Kemnitius distinxit, duos tantum priores ad fidem pertinere demonstrat.

At instat Kemnitius, Scriptura tribuit cordi quæ ad intellectum, & quæ ad voluntatē pertinent, cum dicat: *Ut quid cogitatis mala in cordibus vestris?* Matt. 9. Et: *Diligas Dominum Deum tuum ex toto corde tuo.* Matt. 22. Cur igitur non paterunt etiam fidei tribui, quæ ad intellectum, & quæ ad voluntatem pertinent? Addit etiam postremo testimonium S. Bonaventuræ, qui scribit, spem, quantum ad certitudinem, pertinere ad intellectum, quantum ad expectationem pertinere ad voluntatem.

Sed facilis est responsio. Cor enim in sacris litteris pro tota anima accipitur, ut videlicet totum interiorem hominem significet: nam idcirco carni, vel corpori opponitur. Psal. 23. *Innocens manibus, & mundo corde.* Psal. 83. *Cor meum & caro mea exultauerunt in Deum vivum.* 1. Pet. 3. *Qui in abscondito est cordis homo.* Quare non est mirum, si cordi tribuatur actus, tam intellectus, quam voluntatis, cum in homine interiore utraque potentia reperiatur. Non est autem eadem ratio fidei, quæ specialis quædam virtus est, & ad unam specialem potentiam pertinet.

Porro S. Bonaventura in 3. sententiarum dist. 26. art. 1. q. 5. contrarium docet, eius, quod à Kemnitio illi tribuitur. Siquidem affirmat, spem etiam quoad certitudinem pertinere ad voluntatem. Distinguit enim duplicem certitudinem, unam fidei, quæ est in intellectu, alteram spei, quæ est in voluntate. Itaque viderit Kemnitius ubi sententiam illam Bonaventuræ reperit. Quod si testimonium illud Bonaventuræ germanum esset, promptum esset respondere, ab eo poni spem in intellectu quoad certitudinem: non essentialiter, sed causaliter, quia videlicet ideo spes certa est, quia præsupponit certitudinem fidei de omnipotentia & fidelitate Dei. Nos autem cum hæreticis non contendimus de subiecto causæ spei, sed de subiecto ipsius spei.

CAPVT VII.

Fidem iustificantem non tam esse notitiam, quam assensum, probatur ex Scripturis.

Nunc aduersus Caluinum breuiter probandum est, fidem non tam esse notitiam, quam simplicem assensum, quod etiam paulo ante probatum est ex definitione, quam tradit Apostolus. Calvini enim non solum definit fidem per cognitionem, lib. 3. Instit. cap. 2. sed etiam insultat Catholicis, quod dicant, se reuerenter credere quidquid Ecclesia docet, etiam si minus ea intelligant. Contra vero ipse affirmat, non ignorantia, nec sensus nostri submissione, sed cognitione certa & explorata regnum cælorum adiri, & allegat Apostolum damnantem eos, qui semper discunt, & ad scientiam veritatis nunquam perueniunt. 1. Tim. 3.

Probatur igitur, fidem non esse notitiam, sed assensum. Nam in primis Isaias c. 7. aperte protestatur, *Nisi credideritis, non intelligetis.* Vbi videmus, fidem non esse intelligentiam, sed viam, & gradum ad in-

tellegendum. Quod alijs verbis dixit etiam de rebus naturalibus ille Philosophus: *Addiscere oportet credere.* Item in priore ad Cor. c. 1. Apostolus distinguit notitiam mysteriorum à fide, tanquam duo diuersa dona: *Si habueris, inquit, omnem scientiam, & non eris mysteria omnia, & omnem fidem.* Et 1. Cor. 12. enumerans dona Dei, dicit, alij dare sermonem sapientiæ, alij sermonem scientiæ, alij fidem, id est, eximiam fidem, quæ montes etiam transferre possit. Rursus in posteriore ad Cor. c. 10. dicit, se per Euangelij prædicationem in captiuitatem redigere omnem intellectum in obsequium Christi. At certe non est necesse captiuare intellectum, ubi est notitia veritatis. Quo etiam pertinet obedientia fidei, de qua tam sæpe idem Apostolus concionatur. Quorsum enim obedientia in credendo opus esset, si per fidem notitia præberetur? sed audiamus in hac re sententiam veterum Patrum.

S. Irenæus lib. 2. c. 45. *Melius, inquit, est nihil omnino scientem credere Deo, & perseverare in eius dilectione, quam hominem viuificat, quam per questionum subtilitates, & multiloquium in impietatem cadere.*

Clemens Alexandrinus lib. 3. Pædagog. c. 11. *Fides, inquit, non sapientium secundum mundum, sed eorum, qui secundum Deum sunt sapientes, possessio est. Illa autem etiam absque litteris discitur. Eius autem scriptum, quod & ad rudes, & ad ignorantes pertinet, & est diuinum, charitas vocatur.*

S. Hilarius lib. 8. de Trinit. ante medium: *Habet, inquit, non tam veniens, quam præminis, ignorare, quod credas, quia maximum stipendium fidei est, sperare quæ nescias.*

S. Augustinus in epist. 102. ad Euodium: *Si propter eos solos, inquit, Christus natus est, qui certam intelligentiam possunt ista discernere, pene frustra in Ecclesia laboramus.* Et ita esse, experientia testatur, cum maxima pars fidelium, vel propter ætatem puerilem, vel propter sexum muliebrem, vel propter ingenij hebetudinem, vel propter imperitiam litterarum & scientiarum, quales sunt pene omnes rustici, non solum non intelligant mysteria Trinitatis & Incarnationis, & similia necessaria ad salutem, sed vix quidquam animo concipiant, præter sonum verborum; & tamen inter fideles merito numerantur, cum fatentur se credere, Deum esse Patrem, & Filium, & Spiritum sanctum iuxta sensum Ecclesiæ.

Quare idem Augustinus in lib. contra Epistolam Fundamenti, c. 4. *Turbam, inquit, non intelligendi viciacitas, sed credendi simplicitas iustissimam facit.* Et tract. 21. in Ioannem dicit, intelligentiam mysteriorum esse præmium fidei. Et tract. 40. *Non quia cognouerunt, inquit, crediderunt, sed ut cognoscerent, crediderunt. Quid enim est fides, nisi credere quod non vides?* Et serm. 189. de tempore, qui est primus de sancta Trinitate, *Confidera, inquit, quod voceris fidelis, non rationalis. Denique accepto Baptismo hoc dicimus, fidelis factus sum, credo quod nescio.*

S. Prosper lib. 1. de vita contemplatiua, cap. 19. *Dicente, inquit, Apostolo, nisi credideritis, non intelligetis, datur intelligi, quod non fides ex intellectu, sed ex fide intellectus existat: nec quis intelligi credat, sed qui credit, intelligat.* Itaque fides intellectum præcedit, ac per hoc credere, non est intelligere.

S. Gregorius lib. 2. Moralium, cap. 25. tractans illud Iob. 1. *Bovæ arabant, & asinæ pascabantur iuxta eos:* docet, per boves significari homines doctos, per asinas homines imperitos, qui simpliciter credentes in intelligentia maiorum acquiescunt.

Denique in eo qui credit, duo sunt, apprehensio, & iudicium, siue assensus: sed apprehensio non est

ificantis: nam illius fidei exercitia, & objecta explicantur, quæ initio definita est: igitur fides iustificans non solum respicit, vel apprehendit misericordiam specialem, sed etiam credit mundi creationem, & operatur miracula: proinde ipsa fides iustificans, est etiam fides historica & miraculorum.

Quid, quod idem Apostolus in hoc eodē loco dixeris verbis tradit, fidem iustificare, quatenus per eam credimus ea, quæ gignunt timorem, ac per hoc quatenus non est fiducia misericordiarum? Fide, inquit, non responso accepto de iis, quæ adhuc non videbantur, metuens aptavit arcam in salutem domus suæ, per quam damnatus mundum, & iustitia, quæ per fidem est, hæres est constitutus. Videtne hoc loco, sanctum Noe iustitiæ fidei esse adeptum, ac per hoc fide iustificatum, quia credidit Deo dicenti, futurum fuisse diluvium generale, & ex ea fide metuens arcam fabricavit? Ideo enim damnauit mundum incredulitatis, & ipse hæres iustitiæ fidei constitutus est, quia mundus credere noluit diluvium futurum, ipse autem credidit.

Quid hic responderi potest? Vbi hoc loco mentio misericordiarum specialis? Simile est quod paulo infra legimus: Sancti per fidem vicerunt regna, operati sunt iustitiam, adepti sunt re promissiones, &c. Vbi etiam fidei tribuitur iustitiæ operatio, & miraculorum ostensio. Sed de hoc loco satis multa dicta sunt.

CAPVT VI.

Fidem iustificantem non esse fiduciam, probatur ex diuinis litteris.

Nunc adferemus testimonia Scripturæ, quibus seorsim probemus, PRIMVM, fidem non esse fiduciam; Deinde, non esse notitiam, sed assensum; Postremo, non habere pro obiecto misericordiam specialem, sed id totum, quod in verbo Dei continetur.

Fidem igitur non esse fiduciam, probatur PRIMO, ex illis verbis, Rom. 4. *Non infirmatus est fide, nec considerans corpus suum emortuum, & emortuam vuluam Sara, in re promissione etiam Dei non hæsitauit diffidentia, sed confortatus est fide, dans gloriam Deo, plenissime sciens, quia quæcumque promissit Deus, potens est facere. Ideo & reputatum est ei ad iustitiam.* Vbi loquitur Apostolus, de fide iustificante, ut perspicuum est ex vltimis verbis: quid autem fuerit illa fides, explicat per propositionem negantem & affirmantem: per negantē, cum dicit: *Non considerans corpus suum emortuum, &c.* Consideratio autem ad intellectum pertinet, ad quem non pertinet fiducia: per affirmantem, cum ait: *Plenissime sciens quia quæcumque promissit Deus, potens est facere.* Plenissime scire, intellectus est, non voluntatis, sicut contra, fiduciam habere, voluntatis est, non intellectus. Porro vox Græca *παρρησιάζομαι*, significat proprie, plenissime persuasus, siue pro certo habens, quæ omnia ad intellectum pertinent. Neque mouere nos debet illud, non hæsitauit diffidentia, nam diffidentia posita est eo loco pro incredulitate, in Græco est *ἀπιστία*.

SECUNDO, idem probatur ex illo 1. Cor. 13. *Nunc autem manens fides, spes, charitas, tria hæc, maior autem horum est charitas.* Vbi distinguit Apostolus fidem à spe, & dicit esse duo quædam diuersa: manifestum autem est, fiduciam nihil esse aliud, nisi spem roboratam. Vnde Iob. 8. dicitur: *Spes hypocrisæ peribit, & sicut tela aranearum fiducia eius.* Et pro eo, quod dixit, David, Psal. 39. *Beatus vir, cuius est nomen Domini, spes eius.* Dixit Hierem. cap. 17. *Beatus vir, qui confidit in Domino, & erit Dominus fiducia eius.* Itaque fiducia ex fide quidem oritur, sed non potest idem esse cum fi-

A de, nisi confundere velimus, quæ tam aperte Apostolus ipse distinxit.

TERCIO; probatur ex illo 2. Cor. 10. *In captiuitatem redigentes omnem intellectum in obsequium Christi.* Vbi B. Paulus per fidem dicit, intellectum captiuum duci in obsequium Christi, quia cogitur credere, quod non intelligit. Proinde fides manifeste ad intellectum non ad voluntatem pertinet.

QUARTO; probatur ex illis verbis, ad Ephes. 3. *In quo habemus fiduciam, & accessum in confidentia per fidem eius.* Quod si habemus accessum in Deum in confidentia, seu fiducia per fidem, certe sequitur, ut fides non sit fiducia, sed fiduciæ causa: alioqui sensus huius loci esset, habemus accessum in confidentia, per confidentiam, quod absurdum esse non dubium est. Non dissimiliter distinguitur fides à fiducia, Matt. 9. *Confite filia, fides tu te saluam fecit:* Vbi excitatur ad fiduciam concipiendam mulier illa quæ iam ex fide sanata fuerat. Et in priore ad Timoth. c. 3. *Qui bene ministraverint gradum, bonum sibi acquirunt, & multam fiduciam in fide, quæ est in Christo.* Vbi fiducia in fide acquiri dicitur, quia potest esse fides sine tali fiducia.

QUINTO, accedant omnia illa loca, quæ docent, obiectum fidei iustificantis esse illa omnia, quæ Deus reuelauit, quæ loca ca. 8. adferentur, neque enim fiducia tam late patere potest, cum solum bona, & ea ut futura respiciat.

C SEXTO, accedant etiam illa loca, vbi actus fidei dicitur esse, credere, ut Rom. 4. *Credidit Abraham Deo, &c.* Nam si Scriptura diuina per fidem intelligeret fiduciam, actum eius explicaret per verbum fidere, non per verbum credere. Quod si aduersarij contendant, ipsum etiam (credere) usurpari in sacris litteris pro eo, quod est (fidere) aut confidere, eogentur absurdissime; atque ineptissime loca plurima explicare, ut exempli gratia, cum dicitur Ioan. 14. *Non creditis, quia ego in Patre, & Pater in me est?* alioqui propter operis ipsa credite. Act. 8. *Credo filium Dei esse Iesum Christum.* Rom. 10. *Corde credimus ad iustitiam.* Et infra: *Si in corde tuo credideris, quia Deus cum suscitauit à mortuis, saluus eris.* Hæc & similia non possunt nisi ineptissime accipi pro fiducia.

Neque satisfacit Kemnitius, qui in suo examine Concilij Tridentini dicit, ad fidem pertinere non solum fiduciam, sed etiam notitiam, siue assensum intellectus. Scribit enim in fide PRIMO, esse notitiam, siue cogitationem promissionum Dei. SECUNDO, assensionem, quæ unusquisque statuit eam promissionem ad se pertinere. TERCIO, ex illa notitia, & assensu oriri in voluntate desiderium iustificationis. QUARTO, demum excitari fiduciam accedendi ad thronum gratiæ, quæ apprehendit iustificationem.

Hæc Philosophia Kemnitiana parum facit ad rem, nam non possunt isti omnes actus ad vnam virtutem proprie, & perfecte pertinere, cum priores duo sint in intellectu, posteriores in voluntate, nec fieri possit, ut vna virtus sit in duobus potentijs genere distinctis. Quare adhuc restat quaestio, quoniam ex illis actibus ad fidem iustificantem pertineant nos enim contendimus duos priores, qui sunt in intellectu, esse actus fidei: aduersarij, contra duos posteriores, qui sunt in voluntate, & maxime postremum actum fidei esse volunt, cum illi soli tribuant iustificandi officium.

Argumenta autem omnia, quæ fecimus: hæcenus, aperte demonstrant, fidem esse in intellectu, ac per hoc ad eam nullo modo pertinere fiduciam, quæ est in voluntate. Quibus addere possumus testimonium

S. Augustini in libro de predestinatione Sanctorum, c. 2. ubi dicit, credere, nihil esse aliud, nisi cum assensu cogitare: ita ut cogitatio sit quasi genus, assensus quasi differentia. Nam ut ipse ibidem docet, multi cogitant, qui non credunt, immo etiam aliquando cogitant, ut non credant, sed nullus credit, qui non cogitet. Quo loco S. Augustinus manifeste confirmat sententiam nostram. Ex quatuor illis actibus quos Kemnitius distinguit, duos tantum priores ad fidem pertinere demonstrat.

At instat Kemnitius, Scriptura tribuit cordi quæ ad intellectum, & quæ ad voluntatē pertinent, cum dicat: *Ut quid cogitatis mala in cordibus vestris?* Matt. 9. Et: *Diligas Dominum Deum tuum ex toto corde tuo.* Matt. 22. Cur igitur non paterunt etiam fidei tribui, quæ ad intellectum, & quæ ad voluntatem pertinent? Addit etiam postremo testimonium S. Bonaventuræ, qui scribit, spem, quantum ad certitudinem, pertinere ad intellectum, quantum ad expectationem pertinere ad voluntatem.

Sed facilis est responsio. Cor enim in sacris litteris pro tota anima accipitur, ut videlicet totum interiore hominem significet: nam idcirco carni, vel corpori opponitur. Psal. 23. *Innocens manibus, & mundo corde.* Psal. 83. *Cor meum & caro mea exultauerunt in Deum vivum.* 1. Pet. 3. *Qui in abscondito est cordis homo.* Quare non est mirum, si cordi tribuatur actus, tam intellectus, quam voluntatis, cum in homine interiore utraque potentia reperiatur. Non est autem eadem ratio fidei, quæ specialis quædam virtus est, & ad unam specialem potentiam pertinet.

Porro S. Bonaventura in 3. sententiarum dist. 26. art. 1. q. 5. contrarium docet, eius, quod à Kemnitio illi tribuitur. Siquidem affirmat, spem etiam quoad certitudinem pertinere ad voluntatem. Distinguit enim duplicem certitudinem, unam fidei, quæ est in intellectu, alteram spei, quæ est in voluntate. Itaque viderit Kemnitius ubi sententiam illam Bonaventuræ reperit. Quod si testimonium illud Bonaventuræ germanum esset, promptum esset respondere, ab eo poni spem in intellectu quoad certitudinem: non essentialiter, sed causaliter, quia videlicet ideo spes certa est, quia præsupponit certitudinem fidei de omnipotentia & fidelitate Dei. Nos autem cum hæreticis non contendimus de subiecto causæ spei, sed de subiecto ipsius spei.

CAPVT VII.

Fidem iustificantem non tam esse notitiam, quam assensum, probatur ex Scripturis.

Nunc aduersus Caluinum breuiter probandum est, fidem non tam esse notitiam, quam simplicem assensum, quod etiam paulo ante probatum est ex definitione, quam tradit Apostolus. Calvinus enim non solum definit fidem per cognitionem, lib. 3. Instit. cap. 2. sed etiam insultat Catholicis, quod dicant, se reuerenter credere quicquid Ecclesia docet, etiam si minus ea intelligant. Contra vero ipse affirmat, non ignorantia, nec sensus nostri submissione, sed cognitione certa & explorata regnum cælorum adiri, & allegat Apostolum damnantem eos, qui semper discunt, & ad scientiam veritatis nunquam perueniunt. 2. Tim. 3.

Probatur igitur, fidem non esse notitiam, sed assensum. Nam in primis Isaias c. 7. aperte protestatur, *Nisi credideritis, non intelligetis.* Vbi videmus, fidem non esse intelligentiam, sed viam, & gradum ad in-

celligendum. Quod alijs verbis dixit etiam de rebus naturalibus ille Philosophus: *Addiscere oportet credere.* Item in priore ad Cor. c. 1. Apostolus distinguit notitiam mysteriorum à fide, tanquam duo diuersa dona: *Sed habuerunt, inquit, omnem scientiam, & nouerunt mysteria omnia, & omnem fidem.* Et 1. Cor. 12. enumerans dona Dei, dicit, alij dare sermonem sapientiæ, alij sermonem scientiæ, alij fidem, id est, eximiam fidem, quæ montes etiam transferre possit. Rursus in posteriore ad Cor. c. 10. dicit, se per Euangelij prædicationem in captiuitatem redigere omnem intellectum in obsequium Christi. At certe non est necesse captiuare intellectum, ubi est notitia veritatis. Quo etiam pertinet obedientia fidei, de qua tam sæpe idem Apostolus concionatur. Quorum enim obedientia in credendo opus esset, si per fidem notitia præberetur? sed audiamus in hac re sententiam veterum Patrum.

S. Irenæus lib. 2. c. 45. *Melius, inquit, est nihil omnino scientem credere Deo, & perseruare in eius dilectione, quæ hominem viuificat, quam per questionum subtilitates, & multis loquium in impietatem cadere.*

Clemens Alexandrinus lib. 3. Pædagog. c. 11. *Fides, inquit, non sapientium secundum mundum, sed eorum, qui secundum Deum sunt sapientes, possessio est. Illa autem etiam absque litteris discitur. Eius autem scriptum, quod & ad rudes, & ad ignorantes pertinet, & est diuinum, charitas vocatur.*

S. Hilarius lib. 8. de Trinit. ante medium: *Habet, inquit, non tam veniam, quam præmium, ignorare, quod credas, quia maximum stipendium fidei est, sperare quæ nescias.*

S. Augustinus in epist. 101. ad Euodium: *Si propterea eos solos, inquit, Christus natus est, qui certa intelligentia possunt ista discernere, pene frustra in Ecclesia laboramus.* Et ita esse, experientia testatur, cum maxima pars fidelium, vel propter ætatem puerilem, vel propter sexum muliebrem, vel propter ingenij hebetudinem, vel propter imperitiam litterarum & scientiarum, quales sunt pene omnes rustici, non solum non intelligant mysteria Trinitatis & Incarnationis, & similia necessaria ad salutem, sed vix quidquam animo concipiant, præter sonum verborum; & tamen inter fideles merito numerantur, cum fatentur se credere, Deum esse Patrem, & Filium, & Spiritum sanctum iuxta sensum Ecclesiæ.

Quare idem Augustinus in lib. contra Epistolam Fundamenti, c. 4. *Turbam, inquit, non intelligendi vinnacitas, sed credendi simplicitas iustissimam facit.* Et tract. 27. in Ioannem dicit, intelligentiam mysteriorum esse præmium fidei. Et tract. 40. *Non quia cognouerunt, inquit, crediderunt, sed ut cognoscerent, crediderunt. Quid enim est fides, nisi credere quod non vides?* Et serm. 189. de tempore, qui est primus de sancta Trinitate, *Confidera, inquit, quod voceris fidelis, non rationalis. Denique accepto Baptismo hoc dicimus, fidelis factus sum, credo quod nescio.*

S. Prosper lib. 1. de vita contemplatiua, cap. 19. Dicente, inquit, *Apostolo, nisi credideritis, non intelligetis, datur intelligi, quod non fides ex intellectu, sed ex fide intellectus existat: nec qui intelligit credat, sed qui credit, intelligat.* Itaque fides intellectum præcedit, ac per hoc credere, non est intelligere.

S. Gregorius lib. 2. Moralium, cap. 35. tractans illud Iob. 1. *Bovæ arabant, & asinæ pascebantur iuxta eos:* docet, per boves significari homines doctos, per asinas homines imperitos, qui simpliciter credentes in intelligentia maiorum acquiescunt.

Denique in eo qui credit, duo sunt, apprehensio, & iudicium, siue assensus: sed apprehensio non est

fides, sed aliud fidem præcedens. Possunt enim etiam infideles apprehendere mysteria fidei. Præterea, apprehensio non dicitur proprie notitia, si sit rudis & confusa; distincta autem & perspicua non necessario requiritur ad fidem. Nam accidere potest, ut Philosophus Ethicus apprehendat non solum confute, sed etiam distincte mysterium Trinitatis, & subtilissime intelligendo discernat essentiam & relationes, atque alia id genus, & tamen non credat: Contra autem rusticus Catholicus non apprehendat nisi confute etiam illa nomina, & tamen vere credat.

Iudicium autem, siue assensus duplex est. Alter enim sequitur rationem, & evidentiam rei, alter auctoritatem proponentis, prior dicitur notitia (si proprie loqui velimus) posterior fides. Sic enim loquitur sanctus Augustinus in libro de utilitate credendi, cap. 11. *Quod, inquit, intelligimus aliquid, rationi debemus, quod autem credimus, auctoritati.* Igitur mysteria fidei, quæ rationem superant, credimus, non intelligimus, ac per hoc fides distinguitur cõtra scientiam, & melius per ignorantiam, quàm per notitiam de finitur.

Illud autem, quod obiicit Calvinus, semper discientes, & nunquam ad scientiam veritatis peruenientes, nihil ad rem facit. Nam tamen si distinguitur fides à scientia, tamen utilis est etiam, & laudabilis scientia rerum diuinarum, quippe quæ amorem Dei semper magis & magis accendit: & sicut laude digni sunt, qui dicendo proficiunt, ita merito reprehenduntur, qui semper discunt, & ad scientiam nunquam perueniunt.

CAPVT VIII.

Fidei iustificantis obiectum non esse specialem misericordiam, sed omnia quæ Deus reuelauit, probatur ex diuini luteri.

Nunc demum ad id, quod maxime proprium est huius loci, veniamus, ac ex diuinis litteris probemus, fidei iustificantis obiectum non esse specialem misericordiam, sed omnia quæ Deus reuelare dignatus est.

Iniciamus ab Evangelij. Fides certe, quam Christus exigebat, & in cuius confirmationem miracula faciebat, fides erat iustificans. Huius enim rei caussa fidem prædicabat & confirmabat, ut per eam homines saluarentur. *Veni enim quærite, & saluum facere quod perierat.* Luc. 19. Et: *Veni in hunc mundum peccatores saluos facere.* 1. Tim. 1. Et ideo patet si dilexit mundum, ut filium suum unigenitum daret, ut omnis qui credit in eum, non pereat, sed habeat vitam æternam, Ioan. 3.

Videamus igitur, quam fidem Christus exigeret, quam laudaret, ad quam hortaretur, quam denique signis & prodigijs comprobaret. Matth. 9. Dominus cæcis petentibus lumen: *Credis, inquit, quia hoc possum facere vobis?* Illis respondens, *Virique Domine, ait, secundum fidem vestram fiat vobis.* Quo loco Dominus, fidem omnipotentem, ac per hoc diuinitatis suæ, non misericordię specialis exegit.

Matth. 16. cum S. Petrus confessionem fidei suæ illis verbis edidisset: *Tu es Christus filius Dei viui.* Eam fidem ita Dominus commendauit, ut diceret: *Beatus es Simon Bar-Iona, quia non reuelauit tibi caro & sanguis, sed Pater meus, qui in cælis est.* Eandemque S. Petri fidem, omnes Patres miris laudibus effecit, ut quæ perfecta fides fuerit. Vide Hilarium lib. 6. de Trinit. Chrysostomum homil. 55. in Matt. Augusti-

num tract. 10. in epist. Ioannis. Cyrillus Dialogo 4. de Trinit. Et Leonem serm. 2. de assumptione sua ad Pontificatum. Quid autem Petrus tunc credidit, nisi Christi diuinitatem?

Similis fuit confessio fidei in Centurione. Luc. 7. quam Christus ita miratus est, ut diceret: *Tantum fidem se non inuenisse in Israhel.* Neque enim aliud se credere Centurio ille professus est, nisi Christi omnipotentiam & diuinitatem, dicens: *Dictantim verbum, & sanabitur puer meus.*

Ioan. 1. cum Nathanael dixisset: *Rabbi, tu es Rex Israhel, tu es filius Dei.* Dominus fidem eius approbans ait: *Quia dixi, vidi te sub ficu, credis.*

Ioan. 6. cum Dominus longa oratione ad fidem cohortatus esset Iudæos, & illi non credentes abirent. interrogauit Apostolos, nū & ipsi vellent abire? respondit autem Petrus nomine omnium: *Ad quem ibimus? verba vitæ æternæ habes, & nos credimus, quia tu es Christus filius Dei viui.* Ex quo intelligimus hanc ipsam fuisse fidem, quam Dominus requirebat.

Ioan. 11. cum Dominus Martha dixisset: *Ego sum resurrectio & vita, qui credit in me, non morietur in ætærum.* *Credis hoc?* Respondit illa: *Virique Domine, ego credidi, quia tu es Christus filius Dei viui, qui in hunc mundum venisti.*

Ioan. 14. Dominus ipse docens, quod sit obiectum fidei, quæ in nobis requirit. *Non creditis, inquit, quia ego in Patre, & Pater in me est? alioqui propter opera ipsa creditis.* Et ca. 20. cum Thomas, aliquam diu incredulus, tandem viso Domino exclamasset: *Dominus meus, & Deus meus.* Subiunxit Dominus: *Quia vidisti me Thomas, credidisti, beati qui non viderunt, & crediderunt.* Vbi certe beati dicuntur, qui credunt, Christum resurrexisse à mortuis, & Dominum, ac Deum esse. Id enim est, quod Thomas credidit. Denique ibidem: *Hæc scripta sunt, ut credatis, quia Iesus est Christus filius Dei, & ut credentes, vitam habeatis in nomine eius.* Hæc igitur fides, quæ respicit Christi diuinitatem, ipsa est, quæ & iustitiam, & vitam æternam tribuit. Atque hæc quidem testimonia probant, fidem iustificantem habere pro obiecto aliquid aliud præter misericordiam specialem.

Sed addamus alia testimonia, quibus probemus, non solum fidem iustificantem respicere alia obiecta, sed etiam fidem esse iustificantem, quamuis non respiciat misericordiam specialem, & non esse fidem iustificantem, si eam misericordiam forte respiciat. Marci 1. Leprosus dicens: *Domine si vis, potes me mundare.* Dominus ait: *Volo, mundare.* Leprosus iste de voluntate Domini, ac per hoc de misericordia speciali sine dubio ambigebat, alioqui non dixisset *si vis, potes.* Et tamen quia non defuit illi fides omnipotentis, & diuinitatis, impetrauit quod petijt. Ex quo intelligimus, fidem eius fuisse talem, qualē Dominus exigebat, & in cuius confirmationem miracula faciebat; quamuis defuisset illi certitudo de misericordia speciali. Luc. 18. Phariseus confidebat se esse iustum, & ideo orans dicebat: *Gratias tibi ego Domine, quia non sum sicut cæteri homines, &c.* Contra: Publicanus non audet at oculos ad cælum leuare, sed à longe stans, & pectus percutiens orabat, *Deus propitius esto mihi peccatori:* Et tamen discendi hæc iustificatus ab illo, id est, per illo. Itaque Phariseus habuit fidem specialis beneuolentiæ, & tamen repulsam passus est: Publicanus caruit fiducia illa, & cum timore, ac tremore ad Deum accessit, & iustificatus est. Neque dici potest, Phariseum habuisse fidem, vel fiduciam beneuolentiæ, ob propria merita, quasi iustitiam suam ex se habere se crederet. Nam agebat gratias Deo de sua iustitia, proinde à Deo eam se habere credebat. Non

igitur

igitur iustificatur, qui iustum se esse confidit, sed qui cum metu, & tremore salutem suam operatur.

Accedat ultimo testimonium ex capite postremo Marci, ubi cum Dominus dixisset; *Qui crediderit & baptizatus fuerit, saluus erit, qui vero non crediderit, condemnabitur.* Mox adiunxit: *Signa autem eos qui crediderint, hæc sequentur, in nomine meo demonia eijcent, linguis loquentur novis, serpentes tollent, &c.* Vbi aperissime videmus, fidem miraculorum unam & eandem esse cum fide iustificante & saluante: certum autem est, fidem miraculorum non respicere tanquam obiectum specialem misericordiam, remissionis peccatorum, sed omnipotentiam, & diuinitatem filij Dei.

Hæc igitur ex Euangelij sufficient, quibus addi possunt alia non dissimilia ex Actis & epistolis Apostolorum. Nam Actorum 2. 4. 10. 13. & 17. narrantur conciones Petri & Pauli, quibus explicatio, & doctrina fidei continetur. In his autem nullum est verbum de speciali misericordia, sed totæ consumuntur in explicanda, & persuadenda resurrectione, & diuinitate Iesu Christi. Item Actor. 8. cum Philippus ab Eunuchio baptismum postulante quaesivisset, crederet ne ex toto corde, respondit ille: *Credo filium Dei esse Iesum Christum.* Atque hoc responso contentus Philippus, Eunuchum continuo baptizauit. Est igitur vere fides iustificans, non qua credimus, Deum nobis esse propitium, alioqui perperam egisset Philippus, qui sine tali fide Eunuchum baptizauit, sed qua toto corde, id est, sine ulla hæsitacione credimus, Iesum esse Christum, ac filium Dei, ac per hoc etiam Deum.

Apostolus Paulus in epist. ad Rom. c. 4. explicans fidem Abraham, quæ reputata est illi ad iustitiam, non dicit, eum credidisse sibi per misericordiam specialem, remissa fuisse peccata, sed patrem se futurum multarum gentium ex filio quem sibi centenatio vxor nonagenaria, & sterilis præter solitum ordinem, cursumque naturæ paritura esset. Id enim credere, nihil aliud erat, nisi credere Deum; qui promiserat, omnipotentem, ac fidelissimum esse. Itaque Abraham fides idem tanto præconio ab Apostolo laudatur, & in exemplum omnibus fidelibus ponitur, quia (ut ipse dicit) *in repositione Dei non basitauit, neque considerauit corpus suum emoluitum, & emoluitum vulnam Sara, sed dedidit gloriam Deo, plenissime persuasus, quoniam quæ promissit Deus, potens est & facere.*

Item c. 10. Hoc (inquit idem Apostolus) est verbum fidei, quod predicamus, quia si confitearis in ore tuo Dominum Iesum, & in corde tuo credideris, quia Deus eum suscitauit à mortuis, saluus eris. Hic quoque apertissime videmus obiectum fidei iustificantis & saluantis, esse resurrectionem filij Dei.

Idem in priore ad Cor. c. 13. coniungit fidem, quam montes transferri possunt, quam illi vocant fidem miraculorum, cum spe & charitate; ut intelligamus, fidem miraculorum non esse aliam, quam fidem, quæ cum spe & charitate iustificat. Idem in eadem epist. c. 15. Notum, inquit, vobis facio Euangelium, quod predicauimus, in qua statis, per quod & saluamini, nisi forte frustra credidistis. Tradidi enim vobis in primis, quod & accepi, quoniam Christus mortuus est pro peccatis nostris, secundum Scripturas, & qui sepultus est, & qui resurrexisset tertio die, secundum Scripturas, &c. Vbi sine dubio fidei saluantis obiectum explicatur, nec tamen dicitur, tradidi vobis, ut unusquisque se cetero credat, per Christum esse iustificatum; sed tradidi vobis credendam passionem, sepulturam, & Resurrectionem Domini nostri Iesu Christi. Denique S. Ioannes, in epist. 1. c. 5. Omnis, inquit, qui credit, quo-

nam Iesus est Christus, ex Deo natus est. Et infra: *Hæc est victoria, quæ vincit mundum, fides nostra.* Quis est, qui vincit mundum, nisi qui credit, quoniam Iesus est filius Dei? Habemus igitur obiectum fidei iustificantis tam perspicue, & tam copiose in sacris litteris explicatum, ut aduersarij hæresim suam persuadere non possint, nisi nouas Scripturas veteribus aboleris solita temeritate constringant.

CAPVT IX.

Probatnr ex traditione Ecclesiastica, fidem iustificantem non esse fiduciam misericordie, sed assensum ad omnia, quæ in verbo Dei continentur.

IAM vero quid verus Ecclesia senserit, ac tradiderit de fide ad iustificationem, & salutem necessaria, quid ea videlicet sit & quod obiectum habeat, non potest clarius intelligi, quam ex symbolo fidei, quod catechumenis initio traditur, ut cum fide recta, & sana ad lauacrum regenerationis accedant, hoc est, ut ex fide iustificentur, & iustificati salutem consequantur æternam.

Exstat igitur in primis Symbolum antiquissimum, quod Apostolicum dicitur, propterea quod Apostoli ipsum condiderint, ut inter omnes constaret, quænam esset totius Christianæ fidei summa. Cuius rei testes sunt Ambrosius in epist. 81. ad Syricium. Hieronymus in epist. ad Pammachium aduersus Ioannem Hierosolymitanum. Augustinus in serm. 115. & 181. de tempore. Leo epist. 13. ad Pulcheriam, & serm. 11. de passione Domini. Maximus in serm. de Symbolo, & alij.

Contineri autem Symbolo, quamuis breuiter, & in summa, totum fidei obiectum, docet præter alios S. Aug. loco citato, serm. 115. de tempore, ubi Symbolum Apostolicum, his verbis definit: *Est, inquit, Symbolum comprehensio fidei nostræ simplex, breuis, plena, ut simplicitas consulat audientium iusticiam, breuitas memoria, plenitudo doctrina.* Et serm. 119. Symbolum, inquit, est breuiter complexa regula fidei, ut mentem instruat, nec oneri memoriam.

Hoc Symbolum habemus paulo latius explicatum in Concilijs Oecumenicis Nycæno & Constantinopolitano, & rursus à S. Athanasio Episcopo Alexandrino, sed sicut quatuor Euangelia, non tam sunt quatuor Euangelia, quam quatuor Symbola, Apostolicum, Nycænum, Constantinopolitanum, & S. Athanasij, non tam sunt quatuor Symbola, quam enarrationes quatuor eiusdem Symboli.

In Symbolo igitur fidei continentur multa, quæ necessario credenda sunt, si quis ex fide iustificari velit, de vnitæte & Trinitate Dei, de Incarnatione, Passione, & Resurrectione Christi, de Ecclesia, de Baptismo, de vita æterna, de speciali autem misericordia ne verbum quidem. Itaque id solum prætermisum est quod solum ponendum erat, si vera esset Lutherianorum de fidei notione vel definitione sententia.

At (inquit Lutherus in comment. ad c. 3. epist. ad Galat.) in Symbolo habetur: *Credo sanctam Ecclesiam, quod non est aliud, quam credo nullum esse amplius peccatum, nullam mortem in Ecclesia.* Sed inanis hæc obiectio est duabus de causis. PRIMO, quia sanctam Ecclesiam esse credimus, quoniam ipsam habet sanctum & multos filios sanctos, & extra rem nullus est laicus: non autem quoniam omnes, qui in ea sunt, sancti sint. Scimus enim, Ecclesiam esse aream, in qua sunt paleæ cum tritico; & rete in quo sunt boni &

mali pices, & domum, in qua sunt vasa alia in honorem, alia in contumeliam. **S E C U N D O**, quoniam qui credit Ecclesiam sanctam, non tenetur credere, se iam esse partem Ecclesie sancte. Catechumeni enim credunt Ecclesiam sanctam, & tamen sciunt, se nondum partem eius esse: qui vero iam baptizati sunt, & intus manent, sciunt se partem esse corporis Ecclesie. Sed an sanctitatem eius participant, quæ potissimum in charitate sita est, neque sciunt, neque scire, aut credere tenentur.

At (inquit Philippus, in Apologia confess. in articulo de fide) *Non est omissa remissio peccatorum in Symbolo fidei: atque illa est, quam fides iustificans proprie intueretur.* Sed facile hoc rejicitur. Nam in primis, si fides iustificans recte definita esset fiducia misericordie propter Christum; deberet scilicet magna pars Symboli, si non totum, cum hac definitione congruere. Contra autem factum esse videmus, cum ex articulis duodecim, unus tantum sit, qui utcumque ad fiduciam misericordie accommodari posse videatur: nam reliqui undecim neque de misericordia docent aliquid, neque ad fiduciam vlla ratione, sed ad solam credulitatem (ut sic loquamur) pertinent.

Deinde, articulus de remissione peccatorum, non docet specialem & absolutam benevolentiam, quam aduersarii obiectum fidei iustificantis faciunt, sed benevolentiam generalem, & quæ suis conditionibus non caret, cum ex baptismi perceptione dependeat. Nam quod in Symbolo Apostolico habetur: *Credo remissionem peccatorum*, in Constantinopolitano explicatur cum dicitur, *Confiteor unum baptismum in remissionem peccatorum.* Quocirca Catechumeni etiam ante baptismum, totum fidei Symbolum recitant & credunt; & tamen nondum habent remissionem peccatorum, sed eam obtinendam per lauacrum regenerationis expectant. Itaque sensus illius articuli non est, credo aut confido mihi remissa esse peccata, sed credo & confiteor, in Ecclesia Catholica esse donum remissionis peccatorum, quod per baptismum, aliaque Sacramenta percipitur.

Præter hoc testimonium totius Ecclesie Symbolum fidei Catechumenis tradentis, adferri possunt etiam testimonia singulorum Patrum, qui de fide iustificante cum disserunt, eam semper intelligunt, quæ Catholica dicitur, quæque totum Symbolum respicit.

S. Irenæus, lib. 1. ca. 2. 3. & 4. explicat regulam fidei Christianæ, quod idem facit Tertullianus, in lib. aduersus Praxeam; uterque autem nihil aliud credendum docet, nisi articulos Symboli Apostolici, quamuis nomen Symboli non habeant. Sanctus quoque Basilius, in oratione de confessione fidei, docet, fidem ad salutem & iustificationem necessariam illam esse, quæ creduntur ea, quæ Deus reuelauit: neque fidei specialis in tota illa oratione usquam meminit.

Pari ratione Cyrillus Hierosolymitanus, Catechesi quinta scribit, fidem iustificantem esse fidem dogmaticam, quæ credimus Iesum esse Christum, & à mortuis resurrexisse, atque alia id genus dogmata. Idem quoque Catechesi 18. explicans, quid sit credendum Catechumenis, ut baptizari possint, totum Symbolum tradit, & exponit, neque usquam meminit fiducie specialis misericordie.

Idem faciunt Gregorius Nazianzenus, Oratione in sanctum Lauacrum extrema, & in tractatu de fide Nycæna: Chrysostomus in duabus homilijs de Symbolo, Eusebius Emisenus in homilijs item duabus de Symbolo, Rufinus in explicatione Symboli, sanctus Augustinus, in lib. de Fide & Symbolo, in libro de Genesi imperfecto, cap. 1. Et

A in Enchiridio per multa capita; Fulgentius, in libro de fide ad Petrum, & auctor libri de Ecclesiasticis dogmatibus, qui omnes, cum Symbolum explicant, tum profitentur, ea omnia se docere, quæ ad fidem Christianam pertinent; & tamen nemo est eorum, qui vel semel specialis istius fidei Lutheranorum meminerit.

Sed patet ex Augustino, & qui eum sequuti sunt, Prospero, Leone, atque Fulgentio, verba ipsa proferre. Igitur S. Augustinus in Enchirid. c. 2. dicit, Deum fide, spe, & charitate coli, & cap. 5. dicit, mentem imbui debere fide, ut bene viuendo tendat ad speciem. Et c. 7. dicit, salutem his tribus acquiri, fide, & spe, & charitate. Nam quicumque inuocauerit nomen Domini, saluus erit: sed non potest inuocari nomen Domini nisi prius credatur: ideo fides credit, spes & charitas orant. Ex quibus locis manifeste colligimus eum loqui de fide iustificante & saluante.

De hac igitur fide iustificante, mox cap. 8. docet, eam distingui à spe, ac per hoc etiam à fiducia non solum nomine, sed etiam obiecto, unde sumitur ratio propria, essentiaque virtutum. Est, inquit, fides & malorum rerum & bonarum, quia & bona creduntur & mala, & hoc fide bonarum mala. Est etiam fides & præteritarum rerum, & presentium, & futurarum. Credimus enim mortuum Christum, quod iam præterit, credimus sedere ad dexteram Patris, quod nunc est, credimus venturum ad iudicandum, quod futurum est. Item fides & suarum rerum est & alienarum. Nam & se quisque credit aliquando exisse, nec fuisse usque sempiternum; & alia atque alia: nec solum de alijs hominibus multa, quæ ad religionem pertinent, verum etiam de Angelis credimus. Spes autem non nisi futurarum rerum est, nec nisi futurarum, & ad eam pertinentium, quæ earum spem gerere perhibetur. Quæ cum ita sint, propter has causas distinguenda erit fides à spe, sicut vocabulo, ita & rationabili differentia.

Idem Augustinus in l. 3. contra duas epistolas Pelagianorum, capite quinto: *Nestra*, inquit, *fides*, hoc est *Catholica fides*, iustus ab iniusto non operum, sed ipsa fidei lege discernit. Quia iustus ex fide uiuit. Vbi S. Augustinus loquitur de fide iustificante, quæ discernit iustum ab iniusto, & dicit, eam fidem esse Catholicam, id est, fidem dogmaticam, communem toti Ecclesie, non specialem illam, quæ eius tantum est, qui credit, vel confidit sibi remissa esse peccata. Et paulo infra, dicit, hanc fidem esse rectam, quæ hæresi opponitur, & ratione cuius melior est mulier bis nupta catholica, quam virgo hæretica. Vbi sine dubio per fidem iustificantem, intelligit fidem qua creduntur articuli & dogmata omnia sine vlla permixtione perfidie.

Sanctus Leo sermone quarto de Epiphania: *Hoc est*, inquit, *quod iustificat impios*, hoc est, quod ex peccatoribus facit sanctos, *sine uno eodemque Domino nostro Iesu Christo, & vera Deitas, & vera credatur humanitas.*

S. Prosper in lib. 1. de vita contemplatiua, cap. 18. enumerat breuiter summam fidei de Trini, & Incarnatione. Deinde c. 19. hanc ipsam dicit esse fidem iustificantem: *Qui non crediderit*, inquit, *habendo fidem, nec iustitiam cordis habere poterit, nec salutem.*

Sanctus Fulgentius, in lib. de fide ad Petrum, in ipso prologo, loquens de fide Catholica & dogmatica, quam in toto eo libro exponit: *Gaudeo*, inquit, *quod pro fide vera, sine ullo perfidia vitio enclodenda sollicitudinem geris, sine qua nulla potest prodesse, imo nec esse conuersio. Apostolica quippe dicitur auctoritas, quia sine fide impossibile est placere Deo. Fides namque*

est bonorum omnium fundamentum, fides est humana salutis initium. Sine hac fide, nemo ad filiorum Dei numerum potest pervenire: quia sine ipsa, nec in hoc saeculo, quisquam iustificationis gratiam consequitur, nec in futuro vitam possidebit æternam.

S. Bernardus, multis in locis hoc docet, sed vnum in præsentia nobis citasse sufficiet, scem. 6. in vigilia Natiuitatis, cū loqueretur de fide Incarnationis, & aliorum mysteriorum: *Beati, inquit, qui non viderunt, & crediderunt. Pars nostra hæc in verbo vitæ, nec sane contemptibilis, ex qua nimirum vivitur, & qua vincitur mundus, quoniam iustus ex fide vivit: & hæc est victoria, qua vincit mundum, fides nostra. Hæc est, qua velut quoddam æternitatis exemplar præterita simul & præsentia, ac futuri a sinu quodam vastissimo comprehendit. Vbi fidem iustificantem dicit, complecti præterita, præsentia, & futura, quia credim⁹ omnes articulos à Deo reuelatos, quorum alij sunt de rebus præteritis, alij de præsentibus, alij de futuris.*

CAPVT X.

Probatur idem rationibus.

POSTREMO, manifestis rationibus potest fides ista specialis explodi.

PRIMA ratio, Fides (vt ipse etiam docet Calvinus) in nihil aliud collimare debet, nisi in verbum Dei. Non enim potest esse certa & infallibilis, nisi eius auctoritate nitatur, qui nec falli potest, nec fallere: at in verbo Dei nunquam repetitur annunciata salus, vel remissio peccatorum mihi, aut illi in particulari, exceptis quibusdam paucis, vt Paralytico, cui dictum est Matt. 9. *Confide fili, remittuntur tibi peccata tua.* Et Peccatrici, de qua dictum est Lucæ 7. *Remittuntur ei peccata multa, quoniam dilexit multum.* Et fortassis Adulteræ, cui dictum est Ioan. 8. *Vade, & iam amplius noli peccare.* Et Zachæo, de quo dictum est Lucæ 19. *Hodie salus huic domui facta est, eo quod & ipse sit filius Abrabæ.* Et Latroni, cui dictum est Luc. 23. *Hodie mecum eris in Paradiso.* Non igitur possunt reliqui homines credere, nisi omnino temere, tãquam ex verbo Dei sibi remissa esse peccata.

Respondent, specialem promissionem contineri in generali: nam qui dixit Ioan. 3. *Qui credit in filium, habet vitam æternam*, significauit omnes qui credunt, hoc est, illū & illum, qui credit, habere vitam æternam: Pari ratione qui dixit, Act. 13. *In hoc omnis, qui credidit, iustificatur.* Et Rom. 3. *Iustitia Dei per fidem Iesu Christi omnes, & super omnes, qui credunt in eum*: significauit, omnes & singulos, qui credunt, iustificari.

Sed hæc responsio multis nominibus peccat. **PRIMUM** enim nusquam dicit Scriptura, qui credit sibi remissa esse peccata, habet vitam æternam, aut iustificatur; sed qui credit in filium, habet vitam æternam, vel iustificatur. Quod autem credere in filiū, sit credere sibi remissa esse peccata per filium, non habent aduersarij ex verbo Dei, sed ex interpretatione sua; proinde non possunt id facere obiectum fidei, nisi velint ex verbo suo facere verbum Dei.

Adde, quod interpretatio ipsorum tantum abest, vt sit verbum Dei, vt etiam repugnet verbo Dei. Nam idem Ioannes, qui scripsit: *Qui credit in filium, habet vitam æternam*; scripsit 1. Ioan. 5. *Omnis qui credit, quoniam Iesus est Christus, ex Deo natus est.* Et infra: *Quis est, qui vincit mundum, nisi qui credit, quoniam Iesus est filius Dei?* Itaque credere in Filium, ipso interprete Euangelista Ioanne, est credere, quod Iesus sit Filius Dei, & Christus. Sic etiam B. Paulus, qui

A scripsit: *In hoc omnis qui credit, iustificatur, & iustitia in omnes qui credunt in eum.* Idem explicuit verba sua, cum ait ad Rom. 10. *Hoc est verbum fides, quod prædicamus, quia si confitearis in ore tuo Dominum I. s. m., & in corde tuo credideris, quod Deus cum suscitauit a mortuis, saluus eris.* Itaque non modo non habentur in Scriptura illæ particulares propositiones, quas aduersarij certa fide se tenere profitentur, videlicet, Lutheri, aut Caluini remittuntur peccata, sed neque habetur illa generalis, *Omnis qui credit sibi per Christum remissa esse peccata, iustificatur.*

B Deinde peccant aduersarij etiam in eo, quod ex antecedente conditionato colligunt conclusionem absolutam. Nam illæ propositiones: *Qui credit in Filium, habet vitam æternam.* Et: *In hoc omnis qui credit, iustificatur*; conditionatæ sunt, ac si dictum esset, *Si quis credit in filium, is habet vitam æternam: Et si quis in Christum credit, iustificatur.* Ita enim explicat Apostolus ad Romanos 10. *Si credideris in corde tuo, &c.* Et Philippus Act. 16. *Si credis ex toto corde, &c.*

C Ex his autem conditionatis propositionibus recte colligitur conditionata conclusio. Igitur ego, si credo, habeo iustificationem, & vitam æternam. Absoluta vero conclusio, quam aduersarij volunt, requirit assumptionem absolutam, videlicet illam, *Atqui ego credo in filium.* Quæ assumptio absoluta non est in verbo Dei, sed in opinione mea. Opinio autem ista mea non solum non est verbum Dei, sed etiā fallax esse potest. Nam si omnis, qui existimat se credere, re vera crederet, sicut oportet, hæretici omnes, quantumuis inter se contrarij, recte crederet & saluaretur. Quis enim vnquam hæreticus fuit tam absurdus & deploratus, qui se non arbitraretur rectissime credere? certe Lutherani, qui Calvinianos & Anabaptistas pro hæreticis habent, ne cogantur fateri, illos recte credere, non possunt admittere, omnes illos re vera credere, qui arbitrantur se credere: quod idem Calviniani & Anabaptistæ eadem de causa non admittent.

D Adde quod secundum Scripturas, non satis est, quocunque modo credere, sed oportet toto corde credere, vt dicitur Act. 8. Et quemadmodum Dominus dicit, *Omnis qui petit, Lucæ 11.* Et tamen Iacobus in epistola sua, cap. 4. vere scribit: *Petit & non accipitis, eo quod male petatis.* Sic etiam quamuis Scriptura dicat: *Qui credit in filium, habet vitam æternam.* Tamen verissime dicere possumus, multi credunt in Filium, & non habent vitam æternam, eo quod male credant. Neque hoc negare possunt aduersarij, quippe qui fidem negant esse veram, nisi sit viuā, & fructus bonorum operum pariat. At quis est, qui certo affirmare queat, & se toto corde, atque vt oportet, credere, & fidem habere viuam, & cum charitate coniunctam?

E Denique peccant aduersarij in eo, quod existimant, illas propositiones: *Qui credit in filium, habet vitam æternam.* *In hoc omnis, qui credit, iustificatur, & alias similes, ita esse intelligendas, vt sola fides sufficiat ad iustitiam & salutē, quod aperte falsum esse in libro sequenti demonstraturi sumus.* Qui enim credit in Filium, habet vitam æternam, si cætera adhibeat, quæ fides ipsa adhibenda demonstrat. Quare tamen si fateremur, scriptum esse in libro Dei, *Omnis qui credit sibi remitti peccata, iustificatur, & pariter scriptum esse, talis vel talis homo credit, sibi remitti peccata; quæ falsa esse docuimus, adhuc tamē non posset recte colligi, talem illum hominem vere esse iustificatū.* Proinde fides illa specialis non esset certa, ac per hoc neque diuina, neque iustificans.

SECUNDA ratio, Fides iustificans præcedere debet iustificationem; Fides autem specialis misericordiz sequitur iustificationem; Igitur fides specialis misericordiz, non est fides iustificans.

Propositio huius argumenti certissima est, nam fides est causa iustificationis: causam enim significant illæ propositiones, *ex & per*, cum dicitur ad Ro. 5. *iustificati ex fide*. Et c. 3. *Qui iustificat circumcessionem ex fide, & præputium per fidem*. Omnis autem causa prior est effectu. Quocirca S. Augustinus in libro de spiritu & littera, cap. trigesimo, hunc ordinem statuit inter actus iustificationis, ut PRIMO loco sit lex, per quam est cognitio peccati. SECUNDO, fides, quæ impetrat gratiam contra peccatum. TERTIO, gratiam, quæ iustificat à peccato. Et in epistola centesima sexta, & alibi sæpe repetit, per fidem impetrari remissionem peccatorum, ac per hoc fidem priorem esse iustificatione.

Assumptio eiusdem argumenti, nullo negotio demonstratur: nam si fides illa specialis non sequitur iustificationem, falsa esse conuincitur. Quomodo enim vera fides est, qua credo mihi remissa esse peccata, si dum ita credo, nondum sunt remissa peccata, sed sunt per hunc ipsum actum postea remittenda? Deinde si obiectum huius fidei est illa propositio, mihi sunt per Christum peccata remissa, certe prior debet esse remissio, quàm fides, cum omnis actus prædeat ab obiecto, non contra obiectum ab actu. Neque multum refert, si quis forte dicat, fide speciali non credi peccata esse remissa, sed remitti in præsens, nam semper remissio est obiectum fidei, ac per hoc prius debet esse, quàm fides, neque intelligi potest, ut obiectum fiat per illum ipsum actum, cuius est obiectum, cum obiectum det essentiam actui, non actus obiecto: Non igitur fides illa iustificare potest, quæ iustificationem ipsam specialem pro obiecto habet.

TERTIA ratio, Fides illa specialis, quam aduersarij fingunt, esse fidem iustificantem, tollit à medio orationem, sacramenta, bona opera, & quidquid aliud ad salutem nostram Deus instituit: non igitur fides iustificans, sed fides iustificationem impediens, & in exitium, ac perditionem adducens, iure nominari potest. Nam si certo, atque ex fide credere debeo, mihi peccata esse remissa per Christum, quomodo possum cum Publicano dicere, Deus propitius esto mihi peccatori, aut cum Apostolis, & Ecclesia uniuersa, Dimitte nobis debita nostra, nisi hæsitem in fide, & Deum mendacem efficiam? cur enim si precarer à Deo, ut Verbum ipsius caro fieret in utero Virginis, infidelis iudicaretur, & non similiter infidelis merito iudicabor, si petam à Deo remissionem peccatorum, cum non minus certa fide credere debeam, mihi remissa esse peccata, quàm verbum carnem in utero Virginis esse iam factum?

Deinde quid opus est baptismo, si per fidem, quæ baptismum præcedere debet, certus sum mihi iam remissa esse peccata? Itaque Lutherus satis congruenter ad hanc suam hæresim, de fide speciali scripsit in libro de captiuitate Babylonica, capite de baptismo, iustificari hominem, qui credit etiam si forte is qui baptizat, neque intendat baptizare, neque baptizet in nomine Domini. Quod idem dici potest de Sacramento reconciliationis, siue pœnitentiæ, alijsque remedijs peccatorum diuinitus institutis.

QUARTA ratio, quæ proprie refellit eos, qui volunt fidem iustificantem esse fiduciam beneuolentiæ specialis: nam tametsi fiducia obtinendæ veniæ, qualis esse debet in homine pœnitentiam agente, præcedat iustificationem, tamen fiducia, qua quis confidit, sibi remissa esse peccata, seque Deo gratum

esse, & hæredem regni, de qua loquuntur aduersarij, pendet à bona conscientia, & perseverantia in dilectione Dei, & operibus bonis, ac proinde præexigit iustificationem, non illam efficit, ac per hoc non est fides iustificans, sed aliud fide iustificante posterius.

Pendere fiduciam, atque etiam nasci ex bona conscientia, & perseverantia in dilectione, & operibus bonis perspicue tradunt diuinæ scripturæ. Psalm. 3. *Sacrificat sacrificium iustitiæ, & sperare in Domino*. Ecclesiastici 2. *Dirige viam tuam, & spera in illum*. Osee 12. *Et tu ad Dominum Deum tuum conuerseris, misericordiam & iudicium custodi, & spera in Deo tuo semper*. 1. Ioan. 12. *Manete in eo, ut cum apparuerit, habeamus fiduciam*. Et c. 3. *Si cor nostrum non reprehenderit nos fiduciam habemus ad Deum*. 2. Pet. 1. *Saragate, ut per bona opera certam vestram vocationem & electionem faciatis*.

Sanctus quoque Augustinus in libro de agone Christiano, cap. 13. *Fides*, (inquit) *est prima, qua subtingat animam Deo, deinde præcepta viuendi, quibus custoditis, spes nostra firmatur*. Et tracta. 6. in Ioannem, docet fiduciam ex charitate procedere. Vbi in eandem sententiam sanctum Ioannem Chrysostomum, homilia 5. in Matth.

QUINTA ratio, quæ proprie Calvinum respicit: Fides iustificans pacem & tranquillitatem animi parit, iuxta illud Apostoli ad Rom. 5. *Iustificati ergo ex fide, pacem habemus ad Deum*. At fides illa specialis, quam Calvinus docet perturbationem, & desperationem mentibus adfert. Vult enim Calvinus, fide speciali non solum credi oportere, nobis per Christum remissa esse peccata, sed etiam plane cognosci, nos ad numerum prædestinatorum certo pertinere, & fidem semel habitam amitti non posse lib. 3. Institutionum, cap. 1.

At quis (obsecro) talem se fidem habere sperare potest? & si hæc ipsa fides, & sola ipsa iustificat, quis iustum se futurum esse, aut vnquam se fuisse confidet? Falli enim posse eos, qui se prædestinatos, aut nunquam lapsuros arbitrantur, docet apertissime tum experientia, qua videmus quotidie homines labi, tum ipse etiam Calvinus in eodem loco, ubi sic loquitur: *Tot vanitatis recessus sunt, tot mendacium latebris secat cor humanum, tam fraudulenta hypocrisis obestum est, ut seipsum sæpe fallat. At vero qui talibus fidei simulachris gloriantur, intelligant diabolus nihilo se in hac parte præcellere*.

Certe si hæc vera sunt, maxima pars hominum merito de salute desperat. Nam si ex ijs, qui statuunt in corde suo se iustos ac prædestinatos esse, plurimi falluntur, & cum se Angelis pares arbitrentur, nihilo sunt diabolis meliores, nonne merito omnes formidare debent, ne ipsi sibi imponant? quod si hoc formidant, nonne fide iustificante iam carent, quæ certa & firma notitia diuinæ beneuolentiæ esse debet.

CAPVT XI.

Refelluntur obiectiones aduersariorum.

OBIECIUNT aduersarij pro fide sua speciali, PRIMO, testimoniū illud ad Hebræos vndecimo, quod nos etiam primo loco aduersus eos attulimus. Nam cum definitur fides sperandarum substantiarum; contendunt per substantiā rerum sperandarum intelligi debere expectationem certam promissæ misericordiz. Nam vox Græca *ἐλπίς* expectationem significat, ut colligitur ex illo Plā. 38. *Qua*

est

est expectatio mea, nonne Dominus? & substantia mea apud te est. Tum ex ca. 3. ad Hebræos, ubi cum dixisset Apostolus: *Quæ domus sumus nos, si fiduciam, & gloriam spei usque in finem firmam retineamus.* Paulo post in eandem sententiam dicit: *Participes enim Christi effecti sumus, si tamen initium substantie eius usque in finem firmum retineamus.* Vbi repetitio illorum verborum (usque in finem firmum retineamus) coniuncta, idem significatum esse per fiduciam, & per substantiam, quæ in Græco est *inseparabile*.

Respondeo, sanctus Ioannes Chrysostomus, sine dubio Græcæ linguæ peritissimus erat, nec ignorabat quid significaret vocabulum *inseparabile*. Ipse autem auctor est expositionis, quam nos supra capite quinto sequuti sumus. Hæc autem sunt eius verba, homilia duodecima in epistolâ ad Hebræos: *Quoniam ea quæ sunt in spe, sine substantia esse putantur, fides enim tribuit substantiam, magis autem eis non tribuit, sed ipsa est essentia eorum, ut puta: Resurrectione nec dum facta est, & nec dum est in substantia: sed fides facit eam subsistere in anima nostra, hoc est, quod dixit substantia.* Nec alio modo locum istum exponunt ceteri Græci interpretes, quorum auctoritate freti, contemnere possumus novam Grammaticam Melanchthonis & Kemnitij.

Sed præterea tamen vocabulum *inseparabile* significare posset expectationem (negari enim non potest, quin multa, variaque significet) tamen in locis allegatis ex Psalmo trigésimo octavo, & ex epistola ad Hebræos, sine dubio non expectationem, sed substantiam, siue subsistentiam significat. Nam in Psalmo citato ubi legimus, *& substantia mea apud te est*, in Hebræo quidem est, *in me expectatio mea*: tamen septuaginta viri non ignorantes, per expectationem eo loco significari rem expectatam, quæ est vera vita, & substantia apud Deum, ideo vertunt *inseparabile*.

In epistola vero ad Hebræos in ipso initio capituli primi, ubi legimus: *Qui cum sit splendor Patris, & figura substantie eius*, Græce, *ὡς εἰς ἑκείνου*, non significat vocabulum hoc expectationem, sed substantiam, est enim filius perfecta imago substantie Patris, id est, subsistentis personæ paternæ. Quæ notione utuntur hac voce passim Theologi tum veteres, tum recentiores. Capite autem tertio, initium substantie Christi, non significat initium fiducie, sed initium novæ creaturæ, quod initium est fides. Nam (ut dicitur ad Galat. 4.) cum iustificamur, formatur Christus in nobis, & ideo dicimur ad Galat. 4. nova creatura. Et ad Ephes. 1. dicimur creati in Christo Iesu, in operibus bonis. Itaque participes sumus Christi, ut membra capitis, si tamen retinemus initium huius novæ substantie eius, per quam formatus est ipse in nobis, quod initium est fides, quæ per dilectionem operatur.

Addo postremo, non posse aduersarios ex definitione fidei, quæ habetur ad Hebr. 11. errorem suum constabilire, quamvis eis concederemus, nomine *inseparabile* intelligi expectationem, siue fiduciam, Nam illud (verum sperandum) proprie refertur ad vitam æternam, & corporis resurrectionem, de quibus Apostolus dicit, ad Rom. 8. *Et ipsi intra nos gemimus adoptionem filiorum, expectantes redemptionem corporis nostri. Spe enim saluti facti sumus.* Et ad Titum secundo: *Expectantes beatam spem, & aduentum gloriæ magni Dei.* Expectatio autem vite æternæ non est fides iustificans, etiam secundum doctrinam aduersariorum, qui fidem iustificantem definiunt fiduciam misericordiæ, quæ in præsentia peccata

A remittantur, aut remissa sunt, & per quam iusti ceptamur à Deo, non per quam expectamus, ut iusti reputemur.

SECUNDA obiectio, Apostolus ad Rom. 4. dicit, Abrahamum iustificatum ex fide; per fidem autem intelligit fiduciam misericordiæ. Nam explicans fidem Abrahami dicit, *Qui contra spem in spem credidit.* Et infra: *Non habuit diffidentiam.* Similia sunt illa, Marci 11. *Quicquid orantes petitis, credite quia accipietis, & fiet vobis.* Vbi (credite) accipitur pro confidite, non enim tenemur fide proprie dicta credere, nos accepturos omnia, quæ petimus, cum multa petamus quæ non accipimus. Item illud Iacobi 1. *Postulet autem in fide nihil basitans.* Denique huc etiam pertinet illud 2. Paralip. 20. *Credite in Domino Deo vero, & securi eritis.*

B Respondeo, In his omnibus locis, vocabulum fide accipitur pro vera fide Catholica, quæ credimur id omne, quod Deus reuelat; non pro fiducia, aut confidentia. Quamvis illud verum sit, fidem quæ impetratur miracula, magna esse debere, ut etiam gignat fiduciam quandam impetrandi quod petitur. Nam propterea dixit Dominus Chananeæ: *Omuliet magna est fides tua.* Matt. 15. & Apostolus 1. Cor. 13. *Si habueris omnem fidem, ita ut montes transferam.* Esse autem fidem miraculorum, fidem ipsam Catholicam, supra probauimus ex ca. ult. Marci, & ex hoc ipso loco, 1. Cor. 13. Neque res in controuersiam vocanda esset, cum satis constet, miracula fieri ad confirmandam fidem, quæ fundamentum est religionis & salutis, iuxta illud Marci ultimum: *Ille autem professus, prædicauerunt ubique Dominum & ceperunt, & sermone confirmante sequentes signa.* Et illud Actor. 3. *In fide nominis eius dicitur, quoniam vos vidistis, confirmatis nominem eius, & fides, quæ per eum est, dedit augeam sanitatem istam.*

C Illud igitur Roman. quarto: *Qui contra spem in spem credidit:* Hanc sententiam habet, credit ob diuinam promissionem, se posse sperare filium ex Sara, quem naturaliter sperare non poterat. Illud autem (Non habuit diffidentiam) significare posset, fidem Abraham fuisse insignem, ita ut fiduciam quoque pepererit. Quauquam supra notauimus, diffidentiam hoc loco positam esse pro incredulitate, cum sit in Græco *ἀπιστία*. Denique Apostolus euidenter aperit, quæ fuerit fides Abraham, cum ait: *Plenissime sciens, quia quicquid promissit Deus, potens est & facere.* Itaque omnipotentiam Dei credidit Abraham. Deum autem esse omnipotentem, fide tenemus, non fiducia.

D Illud Marci 11. *Credite quia accipietis*, ad fidem proprie dictam pertinet, sed intelligitur cum conditione si bene petatis, & si expedit vobis dari. Illud Iacobi 1. *Postulet in fide nihil basitans*, excludit dubitationem fidei contrariam. Vult enim Deus, omnipotentiam suam sine vlla dubitatione credi: nam ideo Dominus Matt. 9. petebat à cæcis: *Creditis quia hoc possum facere vobis?* Et Angelus Gabriel, Luc. 1. Zachariam puniuit, quod promittenti Deo filium, obiecerit senectutem suam, & sterilitatem coniugij. Et ad Mariam idem Angelus de Christi & Ioannis conceptione loquens: *Non est (inquit) impossibile apud Deum omne verbum.* Nec tamē esset absurdum, aut contra sententiam nostram, si quis doceret, loqui Iacobum de fide, quæ gignit fiduciam, ac per hoc non solum incredulitatem, sed etiam diffidentiam excludere.

E Illud denique 2. Paral. 20. *Credite in Dominum Deum vestrum, & securi eritis.* De fide proprie dicta intelligitur, fideles enim suos Deus protegit & custodit.

Id vero ex sequentibus verbis manifeste colligitur. Sequitur enim: *Credite Prophetis eius, & cuncta euenient prospera.* Vbi non significat Scriptura, fiduciam esse ponendam in Prophetis, sed fidem habendam verbis eorum. Neque credibile est intra duas lineas Scripturam accepisse verbum (credendi) nunc pro fiducia, nunc pro fide. Semper igitur accepit pro fide.

TERTIA obiectio sumitur ex illis locis, vbi reprehenduntur quidam ob timiditatem, & tamen ea reprehensio refertur in defectum fidei, ex quo sequitur ut fides accipiat pro fiducia, cui proprie opponitur timor. Matth. 6. *Quanto magis vos modice fidei.* Matth. 8. *Quid timidi estis modice fidei?* Matt. 14. *Modice fidei, quare dubitasti?* Matt. 16. *Quid cogitatis modice fidei?* Et confirmatur argumentum, quoniam si cur timor, qui est fiducie cōtrarius, opponitur fidei, sic etiam interdum fortitudo, quæ proprie nascitur ex fiducia, in Scripturis tribuitur fidei, Heb. 11. *Sancti per fidem vicerunt regna, fortes facti sunt in bello, &c.* 1. Petri 5. *Cui resistite fortes in fide.* Ephes. 6. *In omnibus sumentes scutum fidei, &c.*

Respondeo, Non est mirum si timiditas, quæ fiducie opponitur, referatur in defectum fidei, quod quidem ipsa fiducia oritur ex fide. Sed non ideo confundenda est fides cum fiducia. Itaque cum Dominus ait: *Quid timidi estis modice fidei.* Docet ideo timorem in Apostolis locum inuenisse, quoniam debiles erant in fide. Nam si magna, id est, firmissima & intentissima fide credidissent Christum esse Deum, ac per hoc ubique præsentem & omnipotentem, semperque vigilantem, ac suorum providentiam gerentem, ex ea fide concepissent fiduciam euadendi periculum naufragij, etiam si Christus corporaliter dormiret; sed quoniam dubitabant, an periculum illud euadere possent, nisi Christum dormientem excitarent, ideo merito audierunt, quid timidi estis modice fidei? quod idem ad alia loca respondendum est.

Eadem de causa fortitudo tribuitur fidei, quoniam fides est radix & origo fiducie, & ipsius etiam charitatis, quibus contraria omnia superantur. Quamuis illud etiam dici posset, fortitudinē referri in fidem, quoniam fides est genus armorum spiritualium, quibus armati fideles fortiter bellum gerunt aduersus Principes & potestates, contra nequitie spiritualia in cælestibus; sed eadem ratione referri posset fortitudo in alias Christianas virtutes, quæ sunt omnia spiritualium armorum genera, ut idem Apostolus docet ad Ephes. 6.

QUARTA obiectio, in qua multum omnino confidere videntur Hæretici, sumitur ex illis verbis ad Rom. 4. *Ideo ex fide, ut secundum gratiam firma sit promissio.* Videntur enim hæc verba plane cogere, ut per fidem intelligamus fiduciam, siue assensum, quo amplectimur promissionem, eamque nobis applicamus. Nam quemadmodum in humanis contractibus non est rata donatio vel promissio, donec illam is, cui facta est, acceptauerit; sic etiam promissio remissionis peccatorum non est firma, id est, non sortitur effectum suum, nisi homo per fidem illam amplectatur, & dicenti Deo, remittuntur tibi peccata tua, dicat homo, credo mihi remitti peccata mea. Nam si id non dixerit, mendacem facit Deum, iuxta illud 1. Ioan. 5. *Qui non credit, mendacem facit eum.* Igitur ut firma sit promissio, ex fide iustificat Deus, id est, eos iustificat, qui credunt & confidunt se iustificari. Alioquin si per fidem intelligeremus fidē historicam, qua credimus Christum esse natum de Virgine, & alia id genus, ineptissima esset illa Paulina sen-

tentia, ideo ex fide, ut secundum gratiam firma sit promissio. Hoc argumentum proponere volui paulo etiam clarius, quam aduersarij ipsi facere soleant, ut clarior quoque ac euidentior fiat solutio.

Respondeo, si Deus alicui manifeste diceret, remittuntur tibi peccata, ut reuera dixit Paralytico, & Magdalene, sine dubio credere, & confidere is deberet, sibi vere peccata esse remissa, aliqui mendacem faceret Deum, ut S. Ioannes dicit. Sed non ideo per eam fidem is iustificaretur, nam ut supra ostendimus, fides ista, ut etiam fiducia posterior esset remissione peccatorum, ac proinde eam efficere non posse.

Cæterum Apostolus ad Rom. 4. non loquitur de promissione remissionis peccatorum, ut aduersarij falso assumunt; sed de promissione facta Abrahamæ, quod Pater fieret multarum gentium, siue, quod est idem, de promissione vocationis gentium ad iusticiā & salutem. Hæc autē promissio non poterat esse firma & rata, si iustificatio contingeret ex lege Moysis, vel ex operibus factis ex viribus liberi arbitrii, nam tunc vel nulli omnino, vel soli Iudæi iustificati saluatique fuissent; quare ut firma sit promissio & gratuita, non debita, non iustificat Deus homines ex lege, aut operibus factis ex solis naturæ viribus, sed ex fide Iesu Christi, quæ sola est initium gratiæ, veræque iustitiæ non solum Iudæis, sed etiam gentibus.

Itaque aduersarij perperam intelligunt in hoc testimonio, tum vocabulum promissionis, tum vocabulum fidei. Et quidem, per vocabulum promissionis, non intelligi remissionem peccatorum, sed vocationem gentium, patet ex illis verbis: *Visuma sit promissio omni semini, non ei, qui ex lege est solum, sed & ei, qui ex fide est Abrahamæ, qui pater est omnium nostrum, sicut scriptum est, quia patrem multarum gentium posuisti.*

Per vocabulum autem fidei non intelligit fidem seu fiduciam, qua quis credit aut confidit sibi remissa peccata, sed etiam dogmaticam, quam illi vocant historicam, patet ex verbis sequentibus: *Sed confortatus est fide, dans gloriam Deo, plenissime sciens, quia quæcumque promissit Deus, potens est & facere.* Ideo & reputatum est illi ad iusticiam. Non est autem scriptum tantum propter ipsum, quia reputatum est illi ad iusticiam; sed etiam propter nos, quibus reputabitur credentibus in eum, qui suscitauit Iesum Christum Dominum nostrum à mortuis. Hic enim videmus fidem iustificantem in Abrahamo fuisse fidem omnipotentis Dei, & in nobis similiter fidem, qua credimus, Deum excitasse Christum à mortuis.

Quod autem sanctus Ioannes scribit: *Qui non credit, mendacem facit eum,* non solum locum haberet in eo, qui non crederet, sibi remissa esse peccata, si Deus hoc illi speciali verbo significaret; sed etiam locum habet in ijs, qui non credunt, Iesum esse filium Dei, & alia dogmata, quæ Deus per Prophetas & Apostolos suos manifestauit.

QUINTA obiectio, Fides non iustificat, ut respicit in verbo Dei rerum gestarum historias, aut comminationem poenarum, aut præcepta & leges operum faciendorum, sed solum ut respicit promissionem salutis, & hanc non in genere, sed in speciali; igitur recte definita est fides iustificans, fiducia specialis misericordie propter Christum.

Et quidem fidem non iustificare, ut respicit historias, probant, quoniam non docet, quomodo ab ira Dei liberemur, sed potius auget pavores, & desperationem. Quod enim est signum terribilius iræ Dei, quam placari Deum non alia víctima potuisse, nisi morte filij?

Eam item fidem non iustificare, quæ proponit minas & iudicium Dei iustum in peccatores, eadem ratione probant, quoniam fides iustificans facit querere Deum, fides autem minarum & iudicii, abiteret potius & fugere compellit.

Eam quoque fidem, quæ docet mandata & legem operum, non iustificare, probant, quoniam illa fides adigit homines ad desperationem, cū requirat exactam legis implecionē, quam nemo præstare potest.

Denique fidem promissionum generatim solum propositarum non iustificare, probant, quia promissio non adferre pacem, & tranquillitatem animæ, nisi in speciali applicetur. Restat igitur, ut illa sola fides iustificet, quæ respicit promissionem salutis, ut in speciali ad nos pertinet. Quocirca Lutherus in comment. ad primum & tertium cap. ad Galat. totam vim promissionum sitam esse dicit in pronomini-
bus, *NOSTRIS, NOBIS, ME, &c.* Ut cum dicitur Galat. 1. *Qui dedisti semetipsum pro peccatis nostris.* Et c. 3. *Factus est pro nobis maledictum.* Et c. 2. *Qui dilexit me, & tradidit semetipsum pro me.*

Respondeo, aduersarij non male ratiocinantur apud suos, quibus persuaserunt, fidei iustificantis officium esse, reddere homines securos, ac certos de remissione peccatorum & salute sempiterna. Hoc enim admisso principio, non est difficile probare fidem iustificantem non respicere historias, aut leges, aut minas, sed promissiones tantum & gratiam. At Catholici, qui vident eos assumere, quod erat probandum, vident eiusmodi argumenta.

Nam cum dicunt, fides iustificans non respicit historias, id est, res gestas, quæ narrantur in scripturis, quoniam illa pauores & desperationem auget. Negamus consecutionē, quod attinet ad pauores. Non enim ideo nos iustificat fides, quia pauores auget, imo pauores augendo iustificat, non (ut illi vellent) securitatem adferendo, sed ut scripturæ docent, reuocando à peccato, & disponendo ad iustitiam, *initium enim sapientiæ, timor Domini.* Prouerborum 1. Deinde negamus, eiusmodi historias augere desperationem. Nam etsi historia mortis Christi summam summi Dei iram contra peccatum ostendit, tamen simul ostēdit, mortem illam precium fuisse redemptionis, & propitiationem pro peccatis totius mundi. 1. Timoth. 2. Et 1. Ioan. 2. Denique multæ sunt historię, quæ in spem erigunt peccatorem, & ad querendum potius Deum, quàm ab eo fugiendum hortantur, quales sunt historię de conuersione Pauli, Marthæ, Zachari, Magdalenz, & similia. Atque hoc idem Respondeo, ad aliam partem argumenti; de fide respiciente minas, & iusta Dei iudicia.

Ad illud autem de fide respiciente leges & mandata, Respondeo, eam quoque iustificare, quoniam excitat in homine propositum bene operandi, sine quo (ut infra suo loco dicemus) nemo iustificari potest. Neque verum est, hac fide adigi homines ad desperationem. Neque enim recta fides docet, Deum requirere à nobis, ut propria virtute legem præsumamus implere, sed contra potius, ut sine dubitatione credamus, sine ipsius auxilio nihil omnino nos posse, omnia autem posse in eo, qui nos confortat.

Denique quod dicunt de promissionum generalium applicatione, propter illa pronomina, *nostris, nobis, me, &c.* similibus: recte dicunt, posse vnumquemque promissiones generales sibi applicare per fidem. Nam quemadmodum fide Catholica credo, Christum mortuum esse pro omnibus, ita eadem fide credo mortuum esse pro me, qui sum vnus ex omnibus. At illæ promissiones, quæ absolute reperiun-

tur in scripturis, testantur sufficientiam precij nostri, id est, meritorum Christi. Fuit enim Christi passio, quoad sufficientiam, propitiatio pro peccatis, non solum nostris, sed etiam totius mundi.

Nulla autem est promissio generalis, quæ testetur, Christi mortem in omnibus sortiri suum effectum, abique vlla conditione ex parte ipsorum, sed omnes conditionales sunt, quod attinet ad efficaciam, cum fidem, & Sacramenta requirant. Legant aduersarij nobis ex libro Dei talem aliquam generalem promissionem, & tunc suo iure poterunt eam sibi ratione pronomini applicare.

Quid quod ipsi quoque inficiari non possunt, exigunt saltem conditionem fidei. Non tamen admittunt, per Christi mortem promissam esse indulgentiam omnibus hominibus, etiam si in Christum credere nolint. Cum igitur non sit facta promissio remissionis peccatorum, ipsis etiam aduersariis contentibus, sine conditione fidei, quomodo possunt absolute credere, sibi remissa esse peccata, cum ex nullo verbo Dei didicerint, se habere fidem, qualis requiritur ad remissionem illam obtinendam?

At (inquiunt) nonne S. Ioannes in 1. epist. c. 5. absolute, & sine conditione dicit: *Hæc scribo vobis, qui creditis in filium Dei, ut sciatis, quia vitam habetis æternam?* Oportet igitur absolute credere, vos habere vitam æternam: alioqui, ut ibidem idem Ioannes ait: *Mendacem facimus Deum.*

Respondeo, sanctus Ioannes verissime dicit, omnes qui credunt, videlicet sicut oportet, habere vitam æternam, nimirum in spe. Nam spe salui facti sumus, Rom. 8. Cæterum non dicit, omnes qui arbitrantur se credere, sicut oportet, re vera credere sicut oportet. Itaque ait quidem, *Hæc scribo vobis, qui creditis, ut sciatis, quia vitam habetis æternam;* sed non ait, *Hæc scribo vobis, ut sciatis, vos habere fidem, qualis requiritur.*

Sententia igitur Apostoli conditionalis est; scribit enim ijs, qui credunt ut sciant, se habere vitam æternam, si re vera (sicut oportet) credant, hoc est, si fidem habeant, quæ per dilectionem operatur.

CAPVT XII.

Proponitur secunda questio, an fides sola iustificet.

SEQUITUR nunc altera questio, an fides sola iustificet. Quo loco illud est initio obseruandum, questionem ipsam disputari posse de dispositionibus ad iustitiam, an videlicet fides per modum dispositionis sola iustificet. Item de sp̃a formali iustificatione, an, ut homo sit formaliter iustus, requiratur obedientia legis saltem in habitu, an vero sufficiat fides apprehendens Christi iustitiam; Denique de consequentibus iustitiam, nimirum utrum ad iustitiam retinendam & conseruandam requirantur opera bona, an fides sola sufficiat. Cæterum hoc loco primam tantum questionem suscepimus explicandam. Nam de alijs duabus, in sequentibus libris differendum erit. Quare nemo mirari debet, si multa hoc loco prætermittim⁹, quæ alij scriptores de sola fide iustificante, vel potius de fide non sola iustificante disputant.

Porto hæretici huius temporis vna in re conueniunt inter se, & dissentiunt à Catholicis; in alijs tribus dissentiunt etiam inter se. Conueniunt, Fidem solam iustificare, hoc est nulla realia iustificationem acquiri, vel ut ipsi loquuntur, apprehendi nisi fide.

Dissentiunt autem PRIMO de modo, quo fides iustificat. Nam Lutherus sensisse videtur, fidem esse veram causam iustificationis. Sic enim scribit in 1. ad Galat. *Fides est formalis iustitia, propter quam homo iustificatur, non propter charitatem.* Vbi non solum vox illa, *formalis*, significat veram causam: sed etiam antithesis, qua fidem opponit charitati. Nam cum negat, nos iustificari propter charitatem, certe negat, charitatem esse causam iustificationis; igitur cum asserit propter fidem nos iustificari, asserit fidem esse causam iustificationis.

Eandem sententiam in Colloquio Altemburgensi, tribuunt Illyriciani Vvittembergensibus, affirmantes à Georgio Maiore, dictum esse, fidem esse causam, cur detur iustificatio. Alij tamen plurimi, ac fere omnes hoc tempore docēt, fidem non iustificare, per modum causæ formalis, aut efficientis physice, vel meritorie, quasi aut ipsa sit iustitia, vel initium iustitiæ, aut eius intuitu siue respectu Deus nos iustificet, sed solum relative, quia respicit, ac recipit oblatam indulgentiam.

Itaque sensum huius propositionis: Homo fide iustificatur, hunc esse volunt; Homo iustificatur per gratiam Dei, non imputantis peccata, quam gratiam fides credendo recipit. Explicant sententiam suam exemplo manus, quo pauper elemosynam à diuite recipit. Nam manus illa recipiēs elemosynam, non est ipsa elemosyna, neque est causa efficiens elemosynæ, neque propter ipsam, quasi sua pulchritudine id mereatur, datur elemosyna, sed solū relative concurret ad elemosynam obtinendam, quoniam dare & accipere sunt relativa, neque enim dari potest elemosyna, nisi ab aliquo recipiatur. Ita explicant modum, quo fides iustificat, Philippus in Locis communibus, titulo de bonis operibus, in dilutione argumentorum. Et Kemnitius in Examine Concilij Tridentini, sessione sexta. Et Ioannes Calvin. in Antidoto Concilij, ad Canon. 11. sess. 6. Item in Colloquio Altemburgensi, non solum Illyriciani, siue Saxonici, sed etiam Vvittembergenses Electorales conveniunt in eo, quod fides non sit dicenda causa, sed merum organum iustificationis, & verba Georgij Maioris sibi obiecta, non tam defenderunt, quam excusarunt. Ex quo intelligimus Lutheranos, qui se iactant omnia tribuere soli fidei, re vera nihil omnino ei tribuere, sed eam plane contemnere, ac nihil facere.

SECUNDO, dissentiunt de actibus aliarum virtutum; siue operum, ut spei, dilectionis, pœnitentiæ, & similibus, an videlicet requirantur ad iustificationē aliquo modo. Nam etsi conveniant in eo, quod isti actus non sint causa iustificationis, neque dicantur iustificare, tamen aliqui existimant, requiri eorum præsentiam, vel ut signa veræ fidei, vel alijs de causis. Ita docent Vvittembergenses, in Colloquio Altemburgensi, idem etiam docet Philippus in Locis communibus, paulo ante citatis: *Clare* (inquit Philippus) *docemus, oportere in homine existere notitiam articulorum, item contritionem, bonum propositum, inchoari dilectionem. De his dimicant adversarij, quæ tamen fatemur ipsi, in homine oportere existere. Sed addimus oportere accedere fidem, id est, fiduciam misericordiæ, quod propter filium Dei habeamus remissionem peccatorum, non propter has nostras virtutes.*

Calvinus item in Antidoto Concilij, ad art. 11. sess. 6. docet, fidem solam iustificare, sed eam fidem non esse solam, quomodo Solis calor solus accendit, quamvis non sit solus, sed cum splendore cōiunctus. Similia habet Kemnitius loco notato.

Contra autem Illyriciani, siue Saxonici, hoc est, ri-

gidi Lutherani in eodem Altemburgensi Colloquio contendunt, ita solam fidem iustificare, ut illud SOLAM, non solū meritum, sed etiam præsentiam aliarum virtutum excludat. Et hanc fuisse volūt Lutheri sententiam. Et sane Lutherus in cap. 2. ad Galat. ita loquitur: *Fides sine & ante charitatem iustificat.* Et in disputatione, Vtrum opera faciant ad iustificationem, an non, tom. 1. operum suorum, sic ait, in 3. propositione. *Fides, nisi sit sine ulla etiam minimis operibus, non iustificat, immo non est fides.*

TERTIO, dissentiunt de voce SOLA, an sit omnino necessaria, an vero posset iusta aliqua de causa reticeri. Nō desunt enim inter Lutheranos, qui dicant, voculam illam SOLA in propositione, Fides sola iustificat, etiam si non exprimitur, subintelligi, & ideo non esse de ea pertinacius altercandum, præsertim cum non inveniatur in sacris litteris, imo posse vtiliter reticere concordie causa. Alij tamen cōtra, pro vocula SOLA, acerrime dimicandū esse censent, atque omnia prius, quàm ut ea vox sibi eripiat, toleranda esse contendunt. Vide de hac eorum digladiatione Ioan. Cochleum in Actis Lutheri, anno 1530. Et Laurentium Surium in commentario rerum gestarum, eiusdem anni, vel ex hæreticis, Ioan. Sleidanum ad eundem annum, & Davidem Chytræum in histo. confess. Augustanæ, & ipsum etiam Altemburgense Colloquium, vbi multa de hac re ab Illyricianis referuntur. Sed nos parum laborantes de ipsorum contentione, ad eam tantum controversiam explicandam aggredimur, quam nobiscum, id est, cum Catholicis habent.

Igitur adversarij, ut paulo ante diximus, SOLA FIDE iustificationem acquiri, siue apprehendi docent: Catholici contra, ac præsertim synodus ipsa Tridentina (quam omnes Catholici ut magistram sequuntur) sess. 6. cap. 6. Septem actus enumerat, quibus impij ad iustitiam disponuntur, videlicet fidei, timoris, spei, dilectionis, pœnitentiæ, propositi suscipiendi sacramenti, & propositi novæ vitæ, atque observationis mandatorum Dei. Quam sententiam veram esse in sequentibus capitibus, Deo bene iuvante, probabimus.

CAPVT XIII.

Fidem iustificare, sed non solam: idem enim facere timorem, spem, dilectionem, &c.

HOMINEM non sola fide iustificari, QUINQUE argumentis principalibus demonstrare conabimur.

PRIMUM argumentum petimus ex eo, quod Scripturæ & Patres tribuunt vim iustificandi non soli fidei, sed etiam alijs virtutibus, quas Concilium Tridentinum, inter dispositiones ad iustitiam numeravit, deinde addemus alia argumenta varijs ex locis petita.

PRIMA igitur dispositio, ex doctrina Concilij, FIDES est, de qua superuacaneum est ostendere, per eam iustificari impium, cum adversarij id non negent. Quare probabimus, Fidem non tam iustificare, quàm iustificare vñitium, & radicem primam iustificationis: hinc enim sequitur, non ipsam solam iustificare, sed sic eam agere in hoc negotio, quod suum est, ut etiam cæteris virtutibus locum relinquat. Simul etiam refellemus adversariorum impudentiam, qui Concilio Tridentino vitio vertunt, quod fidei nihil amplius dederit, quàm ut esset initium iustificationis, cum ipsi tamen (ut paulo ante ostendimus) nihil ei re ipsa tribuant, & sit re vera apud ipsos, Fides iustificans, titulus sine re, vel res de

solo titulo, ut Lutherus falso scripsit de libero voluntatis arbitrio.

Igitur fidem esse initium iustificationis, docet Apostolus ad Hebr. 11. *Accedentem ad Deum, oportere credere, quia est, &c.* Vbi tribuitur fidei prima motio in Deum, per quam is qui longe erat, iam incipit propinquare. Idem Apostolus ad Rom. 10. *Quicumque invocauerit nomen Domini, saluus erit. Sed quomodo invocabunt, in quem non crediderunt? Quomodo credent sine predicante? quomodo predicabunt nisi mittantur?* Vbi hunc ordinem iustificationis describit Apostolus, ut PRIMO sit commissio peccatorum. SECUNDO, ipsa predicatio Evangelij. TERTIO, fides. QUARTO, invocatio. QUINTO, salus, id est, iustificatio, quæ est sanitas animæ à morbo peccati. Ex quibus missio, & predicatio extra nos sunt, proinde prima inchoatio iustificationis in nobis est fides, quam sequitur invocatio, & cætera ordine suo.

Sanctus etiam Ioannes cum ait: *Quotquot receperunt eum, dedit eis potestatem filios Dei fieri, his qui credunt in nomine eius.* Ioan. 1. aperte docuit, eos, qui per fidem Christum recipiunt, non dum esse filios Dei, sed posse fieri, si pergant ulterius, ut etiam sperare & diligere incipiant. Dilectio enim proprie filios Dei facit, ut patet ex cap. 2. 1. epistolæ eiusdem Ioannis. Sed iam audiamus etiam veteres Patres.

Clemens Alexandrinus libr. 2. Strom. ante medium: *Fides, inquit, est prima ad salutem inclinatio, post quam timor, & spes & poenitentia.*

Cyrillus Hierosolymitanus Catechesi 1. scribit, Fidem esse quasi oculum & lampadem ad viam salutis inveniendam.

Eusebius Emisenus hom. 2. de Symbolo, Fidem appellat lumen animæ, ostium vitæ, fundamentum salutis.

Sanctus Ioannes Chrysostomus homilia de fide, spe, & charitate, nominat fidem originem iustitiæ.

Sanctus Cyrillus Alexandrinus libro 4. in Ioannem, cap. 9. *Ianna, inquit, & via in vitam, fides erit.*

Sanctus Ambrosius libro de Sacramentis primo, in ipso principio: *In Christiano, inquit, prima est fides.*

Sanctus Hieronymus in commentar. ad caput tertium epistolæ ad Ephesios. *Fiducie, inquit, atque accessus ad Deum principium, atque origo fides in Christo est.*

Sanctus Augustinus in expositione capitis tertij epistolæ ad Galatas. *Efficiuntur, inquit, filij sapientie, præparante, ac præstante id fide Mediatoris.* Fides igitur præparatio est ad iustificationem, per quam efficiuntur filij Dei. Item in libro de Prædestinatione sanctorum, cap. 7. *Fides, inquit, prima datur, ex qua cætera impetrantur.* Et in libro de bono perseverantia, cap. 2. *Quod initium, inquit, verius homini Christiano, quam credere in Christum?* Et in libro de Spiritu & littera, ca. 30. *Per legem, inquit, cognito peccati, per fidem impetratio gratiæ, per gratiam sanitas animæ, &c.* Vbi post legem, quæ extra nos est, primo loco inter ea quæ in nobis sunt, constituit fidem, secundo orationem, tertio gratiam, &c. Et in serm. 22. de verbis Apostoli: *Domus, inquit, Dei credendo fundatur, sperando erigitur, diligendo perficitur.* Vides quomodo fides solum inchoat ædificium, & sine spe & charitate non perficit?

S. Prosper libro tertio de vita contemplativa, cap. vigesimo primo: *Fides, inquit, est iustitiæ fundamentum, quam nulla bona opera præcedunt, & ex qua omnia præcedunt.* Et respons. ad dubium octauum

A Genevensium: *Fides est, inquit, virtutum omnium fundamentum.*

Sanctus Gregorius libro 2. Moral. cap. 33. *Si fides, inquit, non prima in corde nostro gignitur, reliqua quæque eff: bona non possunt.*

Hic testimonijs addi potest ratio naturalis, nā potest aliquis credere, quod non sperat, neque diligit, non potest sperare aut diligere, quod non creditur: igitur fundamentum spei & charitatis est fides, non contra fundamentum fidei spes, aut charitas. Rursus in corporalibus morbis initium salutis est credere ægrotum, & medico curare volenti fidem habere: non tamen sola illa fides est integra sanitas.

SECUNDA dispositio est timor, quem quidem bonum esse, ac salutarem ostendimus in 2. li. de Poenitentia, capite 17 & decimo octavo. Nunc adferemus solum ea loca, quæ docent illum concurrere ad iustificationem eo fere modo, quo fides ipsa concurrat.

PRIMUM igitur, fidem iustificare didicimus ex Apostolo, qui ait: *Sine fide impossibile est placere Deo.* Hebr. 11. Sed hoc idem dicitur de timore Ecclesiast. 1. *Qui sine timore est, non poterit iustificari.*

Deinde, fides iustificat, quia est initium iustitiæ, & salutis, ut paulo ante docuimus: *At timor Domini est initium sapientiæ, ut legimus Psal. 110. sic Proverb. 1. Et per sapientiam intelligitur perfecta iustificatio, quæ totum hominem componit, ut S. Augustinus demonstrat in libro 1. de sermone Domini, in monte, cap. 9. per timorem autem istum, qui est initium sapientiæ, intelligunt timorem servilem, qui est in peccatore (de quo timore hic disputamus) fere omnes Patres, ut sanctus Basilius, oratione in principium Prouerbiorum. Sanctus Augustinus tam loco citato, tum tract. 9. in epist. Ioannis. Sanctus Gregorius hom. 19. in Ezechielem. Beda in comment. ad primum caput Prouerbiorum. Sanctus Bernardus hom. 23. in Cantica, & alij.*

Præterea, Fides iustificat, quia per eam quærimus Deum, atque ad eum accedimus, ut etiam aduersarii docent, sed idem facit timor, scriptum est enim in Psalmo septuagesimo septimo: *Cum occideres eos, quarebant eum & reueriebantur, & diluculo venebant ad eum.* Et rursus in Psal. 81. *Imple facies eorum ignominia, & quærent nomen tuum Domine.* Et Ionæ 3. Ad timorem incussum à Iona, Rex & populus Niniviticus ad Deum redit. Ex quo loco intelligimus, quam procul abiret à vero Martinus Lutherus, qui in commentar. ad 2. c. ad Gal. dicit, Impossibile esse, ut peccator audiens ex lege iudicium Dei, non fiat impatiens, & non murmuret & oderit Deum. Et in assert. artic. 6. affirmat, peccatorem quamdiu timore agitur, semper fieri deteriorem in seipso, quamvis fortasse alijs minus noceat.

Ad hæc, Fides iustificat, quia per eam formatur Christus in nobis, ut dicitur ad Galat. 4. *At de timore scribit Isaias c. 26. secundum interpretationem 70. A timore tuo concepimus, & peperimus spiritum salutis.*

Rursus, fides iustificat, quia Iustus ex fide vivit Habacuc 2. Et de timore scriptum est: *Timor Domini, fons vitæ.* Prover. 14.

Denique, fides iustificat, quia purgat peccata, ut Apostolus docet Act. 13. Roman. 3. Gala. 3. & alibi. At de timore quoque legimus Ecclesi. 1. *Timor Domini expellit peccatum.*

Neque desunt etiam in hac parte testimonia Patrum. S. Augustinus Tract. 9. in epistolam Ioannis: *Simulat, inquit, timor, sed noli timere, intrat charitas, quæ sanat, quod vulnerat timor. Timor Dei sic vulnerat, quomodo medici ferramentum putredinem*

collit. Opus est ergo, ut intret timor primo, per quem veniat charitas: Timor medicamentum, charitas sanitas. Idem in libro de Catechizandis rudibus, cap. 5. *Rarissime, inquit, accidit, imo vero nunquam, ut quisquam veniat volens fieri Christianus, qui non sit aliquo Dei timore percussus. At certe introducere charitatem, & compellere ad quærendum lauacrum regenerationis, disponere ad iustificationem est.*

S. Basilus in Psal. 33. tractans illud: *Timorem Dominus docebo vos. Timor, inquit, salutaris, qui ad sanctitatem ducit, & anima dimittit insus qualis existat, si cupis audire, attende, &c.*

S. Hieronymus in commentar. ad cap. 1. Malachie: *Vale, inquit, Dominus, ut à malis per suppliciorum formidinem recedamus, & de timore servorum ad gratiam filiorum transeamus.*

S. Gregorius homil. 34. in Euangella: *Præva, inquit, mens, si non prius per timorem eueritur, ab afflictiis vitis non emundatur.*

Ioannes Cassianus lib. 4. de institutis renunciantium, cap. 39. *Principium nostre salutis, eiusdemque custodia, sicut dixi, timor Domini est. Per hunc enim & initium conversionis, & visorum purgatio, & virtutum custodia, qui imbuuntur ad vitam perfectionis, acquiritur.* His adde locum ante citatum ex Clemente Alexandrino, qui post fidem subiungit timorem in negotio acquirendæ salutis.

Accedat postremo etiam ratio; natura enim timoris est, ut fugiat mala, & quærat remedia, quibus illa possit evadere. Hinc enim S. Ioannes Baptista dicebat, Matt. 3. *Quis vobis demonstravit fugere a ventura ira?* Et nos quotidie videamus, nunquam esse homines de salute æterna magis sollicitos, quàm cum ingens aliquis timor, aut pestis, aut naufragij, aut tonitruum & cælestium fulminum ingruit.

TERTIA dispositio, Spes est, quæ nascitur ex fide, non secus ac timor. Eadem enim fides, quæ docet, Deum iudicem esse iustissimum, & vindicem peccatorum acerrimum, & ideo gehennam ignis inextinguibilis peccatoribus obstinatis, & impenitentibus præparasse, docet etiam eundem esse patrem clementissimum, & nolle mortem peccatorum, sed ut convertantur & vivant; & ideo filium suum in terras misisse, ac paratum esse propter merita filij sui peccatores omnes in gratiam recipere, si penitentiam agere, & ad se toto corde redire velint.

Hanc igitur spem obtinendæ veniæ, dispositionem esse ad iustitiam & remissionem peccatorum, docet Sapiens Prou. 28. *Qui sperat in Domino, sanabitur.* Et David in Psal. 36. *Salvabis eos, quia speraverunt in eo.* Et Psal. 90. *Quoniam in me speravit, liberabo eum.* Et Dominus, Matt. 9. *Confide fili, remittuntur tibi peccata tua.* Non enim (ut quidam falso docent) prius Dominus Paralyticum iustificavit, quam ei diceret, confide fili, sed contra, (ut Concilium Tridentinum significat, sess. 6. c. 6.) prius dixit, Confide fili, & cum eum erectum in spem salutis vidit, adiunxit, remittuntur tibi peccata tua.

S. Ambrosius lib. 1. de penitentia, cap. 1. *Neque potest bene agere penitentiam, nisi qui speraverit indulgentiam.*

S. Augustinus in libro de Catechizandis rudibus, c. 4. *Quidquid narras, ita narra, ut ille cui loqueris, audiendo credat, credendo speret, sperando amet.*

S. Cyprianus in serm. 5. de lapsis: *Gravissimum conscientie crimen agnosce, nec desperantes misericordiam Domini, nec tamen iam veniam vendicantes.* Quibus verbis satis aperte refelluntur aduersarij, qui non prius respicere incipiunt, quam certo certius sibi persuadent; se iam Deo carissimos & amicissimos

esse factos. Et inter Cherubim & Seraphim locum & sedem se habere confidunt.

QUARTA dispositio, dilectio est. Statim enim ac incipit aliquis sperare ab alio beneficiū, incipit etiā eundem diligere ut benefactorem atque auctorem eius boni, quod sperat. Itaque qui sperat à Deo iustificationem, incipit Deum diligere (ut Concilium Tridentinum loquitur) ut iustitiæ fontem.

Porro dilectionem aliquam priorem esse remissione peccatorum, vel tempore, si sit dilectio imperfecta, vel certa natura, si sit perfecta, & ex toto corde, atque ad eā disponere, docet in primis Ecclesiasticus, c. 2. nam posteaquam dixerat: *Qui timeis Dominum, sperate in illo,* subiungit: *Qui timeis Dominum, diligite illum, & illuminabuntur corda vestra.* Docet de-

inde etiam ipse Salvator, cum ait, Luc. 7. *Remissa sunt ei peccata multa, quoniam dilexit malum.* Docet quoque Apostolus Paulus, cum scribit ad Galat. 5. *Neque circumcisio aliquid valet, neque præputium, sed fides, quæ per dilectionem operatur.* Docet item Apostolus Ioannes in epist. 1. cap. 3. dicens: *Translati sumus de morte ad vitam, quoniam diligimus fratres.* Docet denique Concilium Arausicum, Canone ult. *Deus, inquit, fidem, & amorem superius inspirat, ut Sacramenta Baptismi fideliter requiramus.*

At obiciunt aduersarii pauca quædam argumenta, ut probent, dilectionem non posse priorem esse iustificationem. Nam prius diligit nos Deus, quam nos diligamus Deum, ut S. Ioannes affirmat in epist. prima, capite quarto. Deus autem diligens, iustificat quos diligit, quoniam dilectio eius non est inanis, sed efficax.

Item nemo diligit Deum, nisi Spiritum sanctum habeat inhabitantem, iuxta illud Rom. 5. *Charitas diffusa est in cordibus nostris per Spiritum sanctum, qui datus est nobis;* At nemo Spiritum sanctum habet inhabitantem, nisi sit iustus, igitur nemo diligit Deum, nisi iustificatus.

Denique non potest aliquis Deum diligere, nisi credat eum sibi placatum. Iratum enim odit potius, quam diligit, ac pax oritur ex iustificatione facta per eundem iuxta illud Rom. 3. *Iustificati ergo ex fide, pacem habemus ad Deum.*

Respondet ad PRIMUM, Deus prior diligit nos, & diligendo facit iustos, sed paulatim, & per certa media. Quos enim diligit, primum vocat ad fidem, tum spem & timorem, & dilectionem inchoatam inspirat, postremo iustificat & perfectam charitatem infundit.

Ad SECUNDUM, Nemo diligit Deum ex toto corde, & perfecte, ut eius dilectio proprie charitas dici possit, nisi Spiritum sanctum inhabitantem habeat, ut Apostolus scribit: tamen imperfecta & inchoata dilectio sine Spiritu sancto inhabitante haberi potest, quamvis non sine auxilio Dei speciali, ut ostendimus in lib. 5. de grat. & lib. arb.

Ad TERTIUM, Falsum est, non posse diligi Deum iratum, præsertim si quis credat, illum iuste esse iratum, & tamen propensum esse ad clementiam, & speret bene placandum. Aliud autem est pax, aliud dilectio, & fieri potest, ut quis diligat eum, quem læsit, & cum quo pacem inire cupit, quamvis nondum ei reconciliatus sit. Itaque recte dicit Apostolus, pacem ad Deum per iustificationem acquiri, sed non negat, ante iustificationem inchoari dilectionem.

QUARTA dispositio, penitentia est dolor videlicet, ac detestatio peccati, de qua multa extant in divinis litteris testimonia. Sed nos ea solum adducemus, quæ probant, per eam disponi homines ad iustificationem

ificationem & remissionem peccatorum. Tale est illud Actorum vndecimo: *Ergo & ceteris paenitentiam dedit Deus ad vitam.* Et illud 2. Corinth. 7. *Quaecumque Deum tristitia est, paenitentiam in salutem stabilem.* Et illud Ezechielis decimo octavo: *Cum auerteris se impius ab impietate sua, ipse animam suam vivificabit.* Quid clarius dici poterat? Si paenitentia datur à Deo ad vitam, id est, ad obtinendam vitam; si dolor de peccatis, propter Deum susceptus, paenitentiam in salutem operatur: si is, qui paenitentiam agit, ipse animam suam vivificare dicitur, quomodo fides sola iustificat? Aut quomodo paenitentia non iustificat? Sed de hac re satis multa diximus in secundo libro de paenitentia.

Sexta dispositio est propositum, ac desiderium Sacramentis ipsa percipiendi. Nam cum scriptum sit: *Nisi quis renatus fuerit ex aqua & Spiritu sancto, non potest introire in regnum Dei,* Ioan. 3. Et: *Quorum remiseritis peccata, remittuntur eis, & quorum retinueritis, retenta sunt.* Ioan. 20. Qui iam didicit, necessariam medicinam ad curanda peccata, laetacrum esse Baptismi; & post Baptismum reconciliationis potestatem sacerdotibus à Christo esse concessam; certe non potest recte dispositus dici ad iustificationem, nisi eiusmodi media ab ipso Domino instituta desideret ac acquirat. Itaque S. Petrus, Act. 2. utrumque coniunxit, cum ait: *Paenitentiam agite, & baptizentur unusquisque vestrum.*

Septima dispositio est propositum nonæ vitæ, & observationis omnium mandatorum, de qua Dominus loquitur, Ezech. 18. *Proiecte à vobis omnes iniquitates vestras, & facite vobis cornu novum, & spiritum novum.* Scripsit hac de re librum integrum S. Augustinus, qui inscribitur de fide & operibus: refellit enim quorundam errorem, qui docebant admittendos esse homines ad Baptismum, etiam si vitam & mores emendare non vellent.

CAPVT XIV.

Fidem solam non iustificare, probatur ex alio principio.

VENIUNCAD alterum argumentum principale, quo hac ratiocinatione concludi potest, si fides à spe & dilectione, alijsque virtutibus separatur, sine dubitatione iustificare non poterit, non igitur fides sola iustificare potest. Consecutio huius argumenti probatur hoc modo. Si tota vis iustificandi esset in sola fide, ita ut ceteræ virtutes, quamvis præsentibus adessent, ad iustificationem nihil omnino conferrent, ut adversarij docent, profecto fides ipsa tam iustificaret illis præsentibus, quam absentibus. Igitur si absentibus illis iustificare non potest, efficitur ut vis iustificandi non sit in ipsa sola, sed partim in ipsa, partim in alijs.

Porro Antecedens eiusdem argumenti, propositio videlicet illa conditionata, si fides à spe & dilectione alijsque virtutibus separatur, sine dubitatione iustificare non poterit: hac ratione probatur, Fides ex doctrina adversariorum relative iustificat, igitur posita fide in homine, in eodem puncto temporis ponitur & iustitia: relativa enim simul ponuntur, & simul tolluntur, cum non possit unum esse, aut intelligi sine altero. Et hoc quidem adversarij libenter admittunt, quippe qui docent, per omne peccatum amitti fidem.

Rursus, si fides sola iustificat, quia relative iustificat, non potest esse in animo hominis, quin simul in eodem sit etiam iustitia, at sine dilectione non po-

test esse iustitia, quoniam qui non diligit, manet in morte, 1. Ioan. 2. Et ex Augustino libro de natura & gratia, cap. ultimo: *Inchoata charitas, inchoata iustitia est, perfecta charitas, perfecta iustitia est.* Igitur fieri non potest, ut fides à dilectione seiuncta iustificet. Ac per hoc non sola ipsa iustificat, quoniam (ut probatum est) si sola iustificaret, etiam ab omnibus alijs virtutibus seiuncta iustificaret.

Præterea, si fides à virtutibus cæteris separata iustificare posset, posset etiam id præstare cum vitijs, quæ virtutibus illis contraria sunt; nam quemadmodum nihil prodest fidei, quod attinet ad officium iustificandi, præsentia aliarum virtutum, quia ipsa sola iustificat, ita nihil oberit ei, quod attinet ad officium iustificandi, præsentia vitiorum, quia per accidens cum ea iunguntur, siue vitia, siue virtutes, & ipsa sola iustificat. At nulla ratione cogitari, aut fingi potest, ut ille sit iustus, qui odit Deum, & proximum, quique voluntatem gerit fornicandi, furandi, necandi, mentiendi, blasphemandi: esset enim iustus is, qui non solum, non est iustus, sed etiam iceleratus & iniustus. Igitur non potest fides cum vitijs coniuncta, & à virtutibus omnibus disiuncta ita iustificare, ut statim atque ipsa adest, & iustificatio adsit. Id autem faceret, si sola ipsa iustificaret, ut aperte probatum est: igitur non sola ipsa iustificat, sed eget necessario ad officium iustificandi non solum præscientia, sed etiam ope & efficiencia timoris, spei, dilectionis, paenitentiae, aliarumque virtutum.

Respondent ad hoc argumentum, nos assumere aliquid impossibile, fidem videlicet esse posse solam. Id enim ipsi passim negant: sic enim Lutherus loquitur in commentario ad cap. 15. Geneseos: *Scio has virtutes esse insignia Dei dona, scio fidem sine his donis non existere. Sed nunc nobis questio est, quid cuiusque proprium sit, tenes manu varia semina, non quæro ego quæ quibus coniuncta sint, sed quæ cuiusque propria virtus sit.* Hic aperte dico, quid faciat sola fides, non cum quibus virtutibus coniuncta est. Sola autem fides, apprehendit remissionem, credit promissis Dei, Deo porrigenti aliquid, admovent manum. & accipit: hoc proprium solius fidei est. Et infra: *Scimus quod fides nunquam est sola, sed adfert secum charitatem, & alia multiplicia dona, sed non ideo confandenda res, quod solius fides, alijs tribuendum.*

Ioannes Calvinus in Antidoto Concilij, ad Can. 11. sess. 6. *Sola, inquit, fides est quæ iustificat, fides tamen quæ iustificat, non est sola. Sicut calor solus solus est, qui terram calfacit, ipse tamen calor non est solus in Sole, sed cum splendore.* Idem docent Philippus, tum in locis, tum in Apologia Contest. Brent. in Catechismo, Kemnitius in Examina Concilij, & alij.

Sed hæc responsio multis modis labefactari potest. PRIMO, quoniam Patriarcha novatorum omnium Lutherus disertis verbis scripsit, in cap. 2. ad Gal. *Fides sine & ante charitatem iustificat.* Et in disputatione, utrum opera faciant ad iustificationem: *Fides misit sine ullis etiam maximis operibus, non iustificat, uno non est fides.* Quæ certe cum verbis paulo antecitatis, non bene coherant. Calvinus quoque summus Propheta Genevensium, in Antidoto ad Canon. vigesimum octavum sess. 6. Concil. Trid. admittit, semen aliquod fidei manere inter gravissimos lapsus, atque id quantumcumque est, particulam esse veræ, ac viæ fidei. At si particula veræ & viæ fidei, manet inter gravissimos lapsus, id est, cum mortiferis peccatis, quomodo non potest separari à charitate? Quomodo non potest esse solat? Quomodo facit esse iustos eos, qui illo ipso tempore gravissime peccant?

SECUNDO, quoniam nostrum argumentum non assumit, fidem esse posse solam; sed, si fides sola iustificaret, id præstaturam, etiam si esset sola. Hac enim conditionata propositione concessa, quicquid sit de absoluta, ratiocinatio nostra manifeste, efficaciterque concludit. Conditionatam autem illam propositionem satis aperte, paulo ante probavimus. Et confirmari potest similitudine Solis, quæ Calvinus adducit. Quamquam enim fieri nequeat, ut Solis calor à splendore separaretur, tamen si id fieret, nihilominus calor ille solis terram calefaceret, sicut etiam cõtra, splendor si à calore disungeretur, nihilominus illuminaret. Quid? quod (si S. Basilio credimus, oratione in Psalmum trigessimum tertium) Ignis gehennæ vim habet vrendi, & omni splendore caret.

TERTIO, quoniam si verum esset, quod aduersarij docent, fidem nunquam esse solam, ideo verum esset, quoniã ut ipsi dicunt, fides vera gignit, tanquã arbor bona fructus bonos, dilectionem, aliasque virtutes. At hoc etiam concessio, fides est prior dilectione, alijsque virtutibus omnibus, si non tempore, certe natura. Nulla enim est causa, quæ non sit prior suo effectu, ac proinde quæ non possit intelligi sine suo effectu: Fides autem non potest esse, nec intelligi prior, ne natura quidem, ipsa iustificatione, cum sint relativa, ut ipsi dicunt, Deus iustificans, & fides iustificationem accipiens; relativa enim simul omnino esse debent, ut ne intelligi quidem possit vnum sine altero. Igitur fides prius, saltem natura, iustificabit, & cõ iustitia coniuncta esse intelligetur, quam dilectionem, aliasque virtutes attulerit. Proinde sequentur absurda, quæ supra notauimus, ut homo sit iustus & non iustus, iustificatus & sceleratus, viuens & mortuus, quia iustus ex fide viuit, & tamen qui non diligit, manet in morte.

QUARTO denique, quoniam falsum est quod ipsi dicunt, fidem veram non posse à virtutibus cæteris esse disiunctam, & cum peccatis, vitijsque coniunctam. Quod in sequenti capite, ut omnis falsitati aditus præcludatur, demonstrare aggrediar.

CAPVT XV.

Fidem veram posse se ipsa à dilectione, alijsque virtutibus separari.

IGITUR fidem veram & Christianam, quæ per modum dispositionis iustificat impium, posse à dilectione, alijsque virtutibus separari, his argumentis probatur.

PRIMO, de Principibus Iudæorum ita scribitur, Ioannis duodecimo: *Veruntamen multi ex Principibus crediderunt in eum, sed non confitebantur. Dilexerunt enim magis gloriam humanam, quàm gloriam Dei.* Hic Evangelista testatur, in illis Principibus fuisse fidem absque charitate.

Respondent Aduersarij, non habuisse Principes illos veram fidem, sed tantum notitiam quandam Christi imperfectam. At si licet ita interpretari Scripturas, nihil vnquam probari poterit.

Præterea, in eodem capite sæpe eadem phrasi vitur scriptura, ubi tamen per id, quod est (credere in Christum) omnes intelligunt veram fidem. Cogitauerunt, inquit Evangelista, Principes sacerdotum, ut & Lazarum interficerent, quia multi propter illum abibant ex Iudæis, & credebant in Iesum. Et infra: Cum tanta signa fecisset coram eis, non credebant in eum, ut sermo Isaiæ impleatur, Domine, quis credidit audienti nostro? Quem locum Isaiæ allegat etiam B. Paulus ad Roma. 10.

cum dixisset de fide iustificante. Et infra: Dixit Iesus, qui credis in me, non credis in me, sed in eum qui misit me. Et rursus: Ego lux in mundum veni, ut omnis qui credit in me, in tenebris non maneat. Cum igitur hæc omnia loca de vera fide iustificante intelligatur, cur non etiam ille, qui in eodem capite habetur: Multi ex Principibus crediderunt in eum? Eadem enim sunt verba, & eadem phrasis.

Adde VLTIMO etiam commentarium S. AUGUSTINI, ut alios interim prætermittam. Nam tractatu quinquagesimo tertio in Ioannem: *Videte* (inquit Augustinus) *quemadmodum notauit Evangelista, & improbauerit quosdam, quos tamen in eum credidisse dixit, qui in hoc ingressu fidei, si proficerent, amorem quoque humana gloria proficiendo superarent.* Quod si fides ista proficere poterat, & amorem humanæ gloriæ proficiendo superare, certe vera fides erat. Eadem enim est fides incipiens, proficiens & perfecta, sed non semper æque magna. Alioqui si fides cum proficit non est eadem quæ antea erat, non illa profecit, sed alia nascente, ipsa defecit.

Idem etiam Augustinus Tractatu 54. in ipso initio eundem locum Evangelii tractans: *Quidam, inquit, crediderunt prædestinati in vitam æternam, quidam vero non crediderunt. Eorum autem qui crediderunt, alij usque adeo confitebantur, ut palmarum ramis acceptis venienti occurrerent, in eadem laudis confessione latantes. Alij vero ex Principibus confiteri non audebant, ut de Synagoga non eicerentur.* Vbi S. Augustinus eandem fidem tribuit illis, qui confitebantur Iesum manifeste, & illis qui confiteri non audebant: neque dubitari potest, quin fides confitentium vera fides in Christum fuerit: erat igitur vera & non confitentium, sed in prioribus per dilectionem operabatur, in posterioribus sine dilectione ociabatur.

Alterum testimonium est Apostoli Pauli, in priore ad Corinthios, cap. 13. ubi sic loquitur: *Si habuero omnem fidem, ita ut montes transferam, charitatem autem non habuero, nihil sum.*

Respondent ad hunc locum duobus modis. PRIMO, Apostolum duxisse argumentum à conditione impossibili, ut ostenderet necessitatem dilectionis; quod probant ex principio capitis: *Si linguis hominum loquar & Angelorum.* SECUNDO, loqui Apostolum de fide signorum, non de fide promissionum, quæ sola est fides vera & iustificans. At neutra responsio solida est; PRIMVM enim argumentum Apostoli non ducitur à conditione impossibili, sed ab hyperbole in sacris litteris valde vsitata. Sententia enim eius loci est, Eloquentiam quamuis maximam scientiam omnium rerum, fidem summam & certissimam, eleemosynas profundissimas, & omnia alia bona, sine charitate ad vitam æternam consequendi minime prodesse. Ex quo sequitur, ut sicut eloquentia, scientia, eleemosynæ sine charitate esse possunt, sed non prodesse, ita & fides sine charitate possit esse, & non prodesse.

Deinde, loquitur hoc loco Apostolus de fide, per quam miracula fiunt, ut patet ex illis verbis: *Si habuero omnem fidem, ita ut montes transferam.* Hanc autem fidem se ipsa separatam in quibusdam fuisse à charitate, testatur Dominus, Matt. 7. cum ait: *Multi mihi dicent in illa die, Nonne in nomine tuo prophetauimus, & demonia eiecimus, & virtutes multas fecimus? Quibus respondebo, quia nunquam noui vos, discedite à me omnes, qui operamini iniquitatem.* Non igitur Apostolus ducit argumentum ab impossibili, sed ab eo quod aliquando factum est, & fieri solet.

Postremo, si argumentum Apostoli ab impossibili duceretur, probaret saltem conditionatam illam propositionem,

positionem,

positionem, quam superiori cap. ego probati institui. Nam si fides sine charitate esset, eam nihil profuturam Apostolus disertis verbis affirmat; ex quo euidenter efficitur, eam non iustificare, nisi a charitate iuuetur, ac per hoc non solum presentia, sed etiam ope charitatis egere ad officium iustificandi. Nam si charitatis ope non egeret, nulla esset causa, cur absente charitate iustificare non posset; quod si illa absente iustificare posset, falso pronuntiasset Apostolus, si habuero omnem fidem, charitatem autem non habuero, nihil sum.

Iam vero quod dicunt, Apostolum loqui de fide signorum, non de fide promissionum, facile refellitur. Nam fides signorum nihil aliud est, nisi ipsa vera fides Christiana, sed excellens, ut supra probauimus ex ult. cap. Marci, ubi posteaquam dictum fuerat: *Qui crediderit, saluus erit; subiungitur: Signa autem eius, qui crediderint, hæc sequentur, &c.* Et ex cap. ii. ad Heb. ubi de eadem fide dicitur: *Sancti per fidem vice- runt regna, operati sunt iustitiam, adepti sunt repromissiones, obtinuerunt ora leonum, extinxerunt impetum ignis, &c.* Idem patet ex illo Luc. 17. *Si habueritis fidem sicut granum sinapis, dicetis huic arbori moro, eradicare, & transplantare in mare; & obediet vobis.* Nam hoc dixit Dominus respondens Apostolis, qui petierant, adaugeri sibi fidem. Ostendit enim Dominus signum auctæ fidei esse, si per eam miracula afficiantur. Quod etiam indicat Apostolus hoc loco, cum ait: *Si habuero omnem fidem, ita ut montes transferam.* Illa enim particula (omnem) significat omnem gradum fidei, ut etiam ad magna miracula se extendat.

Deniq; illa coniunctio huius fidei cum spe & charitate, cum dicitur: *Nunc manent tria hæc, fides, spes, charitas, maior autem horum est charitas.* Apertissime declarat, eandem fidem esse, quæ cum opus est, montes transfert, & quæ cum spe & charitate iustificat. Adde huc etiam testimonium S. Augustini, lib. 15. de Trinitate, c. 18. ubi ex hoc loco Apostoli docet, fidem sine charitate esse posse, prodesse non posse.

TERTIUM testimonium est S. Iacobi, qui in epistola sua non solum docet, sed etiam probat, fidem sine operibus non iustificare, & tamen sine operibus inueniri posse. Sic enim ait c. 2. *Quid proderit fratres mei, si fidem quis dicat se habere, opera autem non habeat? numquid poterit fides saluare illum?*

RESPONDET Calvinus lib. 3. Institut. cap. 2. & c. 17. Iacobum loqui non de vera fide, sed de umbra quadam fidei, hoc est, de inani quadam cognitione articulorum fidei. At nos probamus, eum loqui de vera fide, quæ si non desint cetera quæ requiruntur, omnino iustificat. PRIMVM enim Iacobus eam absolute fidem appellat. Quod nomen in sacris litteris semper veram fidem significare solet.

SECUNDO, in eod. cap. ac de eadem fide loquens, dicit, fidem Abrahami cooperatam esse operibus eius, & ex ipsis operibus consummatam. At certe fides Abrahami non umbra fidei, nec inanis articulorum notitia, sed fides verissima fuit.

TERTIO, ibidem Iacobus concludit: *Videtis quod ex operibus iustificatur homo, & non ex fide tantum?* At umbra fidei nullo modo iustificat, hic vero Apostolus fidem iustificare concedit, sed non solam.

QUARTO, idem probatur ex duobus exemplis, quæ S. Iacobus adfert, ut probet fidem sine operibus non iustificare. Primum enim comparat hominem habentem fidem sine operibus ei, qui videns pauperes egentes cibo & vestibus, contentus sit ea cognitione, & nihil eis elemosynæ largiatur. Sicut enim nihil prodest pauperibus, quod diuites sciunt

A eorum inopiam, etiam si verissima sit ea cognitio, nisi secundum eam cognitionem necessaria illis præbeant, ita nihil prodest vera fides, nisi quis iuxta eam vivere studuerit. Deinde comparat fidem sine operibus corpori sine spiritu, quod certum est, verum esse corpus, licet mortuum.

QVINTO, accedant testimonia Patrum, qui semper hunc locum de vera fide intellexerunt. Vide Hieronymum in caput quintum ad Galat. Chrysostomum homilia secunda in Genesim, & homilia secunda in epistolam ad Philemonem, Augustinum lib. 21. de ciuitate Dei, cap. 26 & libro de unico baptismo, capite decimo, & Cyrillum libro decimo, in Ioanem, cap. 18.

B Sed obicit Calvinus, PRIMO, Apostolum dixisse: *Quid proderit si quis fidem habere se dicat: cum potius dicere debuisset: Quid proderit si quis fidem habeat.* SECUNDO, quod explicauit Iacobus, se loqui de fide essentia Dei, non de fide benevolentia, quæ sola iustificat, cum ait, *Tu creas quia vult se Deus.* TERTIO, quod fides sine operibus comparata sit cum fide dæmonum: quos constat fidem veram, & iustificantem non habere. QUARTO, quod fidem sine operibus mortuam esse dixerit: quod enim mortuum est, non est.

C Ad PRIMVM RESPONDEO, notasse Apostolum, iactantiam improborum, qui de sola fide gloriantur. Hæc enim est sententia eius loci: *Si quis fidem habere se dicat, id est si quis fide sola fretus eam iactet, seque ea contentum esse affirmet, sciat, nihil sibi fidem huiusmodi profuturam.* Quod enim Apostolus ea phrasi noluit negare fidem esse in iis, qui non operantur, perspicuum est ex verbis sequentibus: *Numquid fides poterit saluare illum.*

Ad SECUNDM, fateor S. Iacobum explicare voluisse fidem essentia, non benevolentia, non enim Lutheranam fidem, sed Catholicam docebat. Fidem autem benevolentia solam iustificare, in controuersia est, proinde non debet assumi tanquam certum ab aduersariis, nisi velint vitium illud disputando incurere, quod vocatur petitio principii.

D Ad TERTIUM, Fides hominum improborum partim conuenit cum fide dæmonum, partim ab ea diffidet. Conuenit in eo, quod utraque est vera & recta fides ex parte obiecti, & tamen utraque infructuosa. Et hoc modo comparat Apostolus Iacobus fidem hominum improborum cum fide dæmonum. Sanctus autem Augustinus in libro de unico baptismo, capite decimo: usque adeo veram & Catholicam esse docet dæmonum fidem ex parte obiecti, ut eam compareret cum fide S. Petri, quam Dominus laudauit, Mat. 16. Differunt autem fides hominum malorum & Dæmonum, quod hominum fides libera est, captiuante nimirum pia voluntate intellectum in obsequium Christi: fides vero Dæmonum est coacta & exorta ab ipsa rerum euidentia. Quod insinuat idem Iacobus dicens: *Dæmones credunt, & contremiscunt.* Nos enim non credimus contremiscentes, id est, inuiti, & coacti; sed sponte ac libenter.

E Ad QUARTVM, Fides dicitur mortua, non quomodo homo dicitur mortuus, qui post mortem non est, sed quomodo corpus dicitur mortuum, quod post mortem est, sed non viuit. Vita enim non est de essentia fidei, quemadmodum est de essentia hominis, sed per metaphoram dicitur fides viua cum operatur, mortua cum non operatur: sicut etiam aqua dicitur viua, quæ continuo fluit, ut in fonte & fluuiis: mortua, quæ non mouetur, ut in stagnis & paludibus: cum tamen utraque vere proprieque sit aqua.

QUARTVM argumentum sumitur ex illis testimoniis, quæ docent in Ecclesia esse bonos & malos: vt Mat. 3. vbi ponitur similitudo palearum & tritici in eadem area, Mat. 13. vbi ponitur similitudo piscium bonorum & malorum in eodem reti. Mat. 22. vbi ponitur similitudo venientium ad nuptias sine veste nuptiali. Matth. 25. vbi ponitur similitudo Virginum prudentium & fatuarum, & ouium atque hædorum. Quoniam enim qui sunt in Ecclesia fideles sunt, si idem mali esse possint, certe sequitur fidem, vnde dicuntur fideles, cum peccato, vnde dicuntur mali, posse esse coniunctam.

RESPONDERVNT fortasse malos, qui sunt in Ecclesia, habere fidem, sed historicam, id est, notitiam articulorum, sed non fidem specialis benevolentie. Sed facile hoc refellitur, nam imprimis (vt sæpe iam diximus) non debent assumere tanquam certum, id quod est in questione, id est, fidem benevolentie solam esse veram fidem.

DEINDE, si omnes mali, qui sunt in Ecclesia, fide vera carerent quæcunque illa sit: certe ob id potissimum reprehendi deberet, quod propter alia peccata exciderint à vera fide, at non reprehenduntur de amissione fide, sed de omissione operum. Nam Mat. 22. reprehenditur qui non habet vestem nuptialem, non alia de causa, nisi quia vestem illam non habet. Illa autem vestis charitatem significabat, teste Hieronymo, Chrysostomo, & aliis in eum locum, & Gregorio, homil. 38.

Item Matth. 35. non reprehenduntur Virgines fatuæ, nisi quod oleum, id est, opera misericordie non habuerint, vt in eum locum notat Chrysostomus & in eod. cap. 25. non damnantur ii, qui ex grege dominico, à sinistris erunt, nisi propter mala opera, non autem propter carentiam fidei, vt admonet S. Aug. in li. de fide & operib. c. 15. S. etiam Paulus 1. Corinth. 5. Incestuosum quendam Corinthium, seuerè puniri iubet, nec tamen eum arguit infidelitatis, sed solius incestus, & S. Petrus Act. 5. non reprehendit Ananiam & Saphiram, & cap. 8. Simonem Magum, propter infidelitatem, sed propter alia peccata. Itaque ex his & similibus locis satis aperte colligitur, fidem in peccatoribus esse posse.

QVINTVM argumentum sumitur à ratione propria fidei & charitatis. Nam fides & charitas inter se diiungi non possent: vel id ex eo fieret, quod vna esset de ratione alterius, vel certe quod vna necessario nasceretur ab altera. Neutrum autem dici potest, Non PRIMVM, Nam fides & charitas non sunt vna virtus, sed duæ, vt scripturæ passim docent, vt 1. Cor. 13. *Nunc manent tria hæc fides, spes, charitas.* Et 1. Tim. 2. *Finis præcepti charitas de corde puro, conscientia bona, & fide non ficta.* Et præterea habent diuersa subiecta actus & obiecta. Fides enim est in intellectu, charitas in voluntate, & fides credit, vel (vt ipsi volunt) confidit, charitas diligit. Denique fides respicit veritatem primam, charitas summum bonum.

Non item SECVDVM, quoniam tamen si charitas oritur ex fide, tamen non oritur vt propria passio, quæ necessario fluit à subiecto, sed vt virtus ad quam alia disponit & inclinat, fides enim dicitur gignere charitatem, quia disponit & inclinat eum qui credit ad diligendum eum cui credit. Dispositio autem & inclinatio nõ cogit, sed liberum relinquit hominem vt diligat si velit, & non diligat si non velit.

Aduersarii eligunt illud secundum charitatem videlicet: ideo inseparabilem esse à fide, quod necessario sequatur fidem: sed exemplis persuadere nituntur, quod solidis rationibus probare non possunt. Lutherus enim præfat. in epist. ad Rom. dicit Fi-

dem similem esse igni, qui si non luceat & ardeat, non est ignis: ita fidem rem esse viuam, actiuam, efficacem, quæ semper necessario operetur.

Bucerus quoque in lib. Concordiæ, iubet fingi animo ægrotum aliquem valde cupidum salutis, qui si repente ad eum accedat medicus, qui certo polliceatur salutem, non possit eum non amare. Similem vero huius ægroti dicit esse eum qui credit in Deum instar peritissimi medici, certam salutem offerre.

Caluinus lib. 3. Institutionum cap. 2. §. 9. comparat fidem & charitatem cum Christo & Spiritu sancto. Nam quomodo fieri nequit, vt Christus separetur à Spiritu sancto, ita fieri non posse dicit, vt fides separaretur à dilectione, quoniam fides intuetur & recipit Christum, sed cum spiritu sanctificationis & dilectionis.

At similia ista non admodum verisimiliter adferuntur. PRIMVM enim ignis similitudo in scripturis sanctis proprie tribuitur charitati, non fidei, nisi quatenus per charitatem viuit. Charitas enim est, de qua in Canticis dicitur: *Aqua multa non potuerunt extinguere charitatem.* Et: *Lampades eius lampades ignis, & quæ flammarum.* Cant. 8. ipsa eadem charitas est, quæ iuxta Apostolum ad Rom. 13. *implet legem.* & 1. Cor. 13. *patientis est, benigna est, omnia credit, omnia sperat, omnia sustinet,* &c. Et de qua S. Augustinus, præfatione in Psalmum 31. *Quod, inquit, credit, fides est, quod operatur, charitatis est.* Et ibidem: *Dilectio vacare non potest, nisi & mali nihil operetur, & quidquid potest boni operetur.* Et S. Gregorius homil. 30. *Amor operatur magna, si est, si autem operari renuit, amor non est.* Itaque charitas est virtus illa viuæ, actiuæ, efficax, semper operans, & à qua non magis sciungi potest operatio, quam ab igne splendor, aut calor. Fides autem non immediate operatur, sed mediante charitate, quam ipsa gignit, sed (vt diximus) non proprie illam producendo, vt ignis producit calorem, sed ad illam disponendo & inclinando.

DEINDE, similitudo ægroti, quam adfert Bucerus, solum probat, quod nos dicimus, eum qui credit, inclinari ad amandum eum cui credit, non autem cogi, vt necessario amet, nisi forte amore concupiscentie, qui non est charitas, sed cupiditas. Ægrotus enim, & salutis cupidus necessario amat medicum, sed sapius gratia sui, quam gratia illius.

DENIQUE, similitudo illa Caluini nihil omnino concludit, nam qui fide Christum respicit, vel recipit, intuetur quidem illum cum spiritu suo, & recipit eum eodem spiritu, sed credendo recipit, id est, credit illum habere spiritum sanctificationis & dilectionis: sed non inde sequitur, in homine cum fide semper esse spiritum sanctificationis & dilectionis, nisi obiectiue: quomodo est sanitas in ægrotis, quando illam cogitat, aut appetit.

SEXTVM argumentum sumitur ab absurdo, quod sequitur ex doctrina aduersariorum. Ipsi enim ideo contendunt, hominem sola fide iustificari, quoniam si iustificatio penderet à cognitione operum, aut obedientia legis, nemo certus esse posset, se esse iustificatum, & quia in hac certitudine iustificationem non esse credunt, efficeretur, impossibilem esse iustificationem.

At si fides necessario coniuncta esse debet cum dilectione & operibus bonis, ita vt alioquin nõ sit fides, sed umbra quædam, & spectrum fidei: certe sequitur iustificationem hoc ipso quod penderet à vera fide, pèdere etiam ab operibus & dilectione, quæ est impletio legis: ac per hoc neminem certum esse posse, se esse iustificatum, atque omnino impossibilem esse iustificationem. Ita videlicet stabile est ædificium

hæreticorum dogmatum, ut vndique ruinam minetur.

Accedat SEPTIMO consensus veterum Patrum, quibus nunquam in mentem venit hæc absurditas, ut non possit esse fides, ubi non est charitas.

S. Augustinus libro 17. de Trinit. cap. 18. *Fides, inquit, sine charitate potest quidem esse, sed non & prodesse.* Tract. 10. in epist. Ioan. Iam, inquit, credis aliquis in Christo, sed odis Christum, habes confessionem fidei in amore pænæ, non in amore coronæ, adde huic fidei dilectionem, ut fiat fides, qualem dicit Apostolus Paulus, *Fides quæ per dilectionem operatur.* Lib. de Spiritu & littera. c. 32. Vnde, inquit, est dilectio, id est, charitas per quam fides operatur, nisi vnde illam fides ipsa impetratur? Quod si fides impetrat charitatem, certe prior est charitate, & antequam illam impetret, sine illa manet. Vide eundem Tract. 83. in Ioannem, de agone Christiano, c. 13. Et in eandem sententiam Clementem Alexandrinum, lib. 2. & 4. Stromatum. Chrysostomum homil. 9. in Ioannem. Et homil. 8. in 2. ad Tim. Et in Psalm. 14. Ambrosium lib. 9. epist. 74. Hieronymum lib. 2. in Iovinianum. Cyrillum lib. 10. in Ioan. c. 18. Et Gregorium homil. 38. in Euangelia. Sed argumenta quædam Kemnitij, & aliorum breuiter sunt refellenda.

Obiiciunt ergo PRIMO, illud 1. Timoth. 5. *Qui suorum, maxime domesticorum, curam non habet, fidem negant, & est infidelis deterior.* RESPONDEO, loquitur Apostolus teste Chrysostomo, & aliis interpretibus, de iis qui fidem negare dicuntur, quoniam non viuunt, ut fides viuendum docet, qui (ut idem Apostolus ait ad Titum 1.) *consentunt se nosse Deum, facti autem negant.* Dicuntur autem iidem infidelibus deteriores, non quoad omnia, sed quoad impietatem in suos. Infideles enim suorum curam gerere solent. Itaque improbi fidem negant, non corde, vel ore, sed opere, & de iisdem scribit S. Gregor. homil. 19. in Euangelia, eos non veraciter credere, & non habere veram fidem, qui non bene operantur. Significat enim eos non vere ostendere ex operibus fidem suam, ac per hoc non habere veram fidem in ostensione operum. Alioqui idem Gregorius, homil. 38. apertissime docet, multos in Ecclesiam intrare, quia fidem habent, & tamen veste nuptiali carere, quia charitatem non habent.

SECUNDO, obiiciunt illud Ioan. 6. *Sunt quidam ex vobis qui non credunt, ipse enim sciebat qui essent credentes, & quis eum traditurus esset.* Vbi Iudas dicitur non credere, quia eum traditurus erat. RESPONDEO, Iudas vnus ex illis erat, qui audito sermone Domini, & de carne eius manducata, scandalizatus est, & cepit corde recedere ab eo per incredulitatem; vnde postea etiam ad prodendum illum inductus est. Nunquam enim eum prodidisset, si verum Deum fuisse credidisset. Itaque vere fidem amisit Iudas, & ex infidelitate ad proditionem deuenit.

TERCIO, obiiciunt illud 1. Ioan. 2. *Qui dicit se nosse Deum, & mandata eius non seruat, hic mendax est.*

RESPONDEO, loquitur S. Ioannes de notitia familiaritatis & amicitie, ut Bedæ, & Oecumenius exponunt. De qua notitia loquitur Dominus, Mat. 7. & Matth. 25. ubi de improbis dicit, *non vos, aut, nescio vos.*

QUARTO, obiiciunt illud 1. Ioan. 5. *Omnis qui credit, quoniam Iesus est Christus, ex Deo natus est, proinde sine dubio charitatem habet.*

RESPONDEO, loquitur de fide formata, quæ per dilectionem operatur, ut S. Augustinus exponit tract. 10. in epist. Ioannis.

QUINTO, obiiciunt illud Iacobi 2. *Fides sine ope-*

ribus mortua est. Sed iam id explicatum est in argumento nostro tertio.

Sexto, obiiciunt illud Habacuc 2. *Iustus ex fide viuit.* At non viuit sine charitate, igitur cum fide semper est charitas.

RESPONDEO, ad litteram videtur sententia illa, *Iustus ex fide viuit*, quam etiam frequenter Apostolus citat, significare, Iustum sustentare se, ac tolerare desiderium cælestis patriæ ex fide, quoniam fides præsentem facit quodammodo eam beatitudinem, quæ suo tempore futura speratur: ut supra ostendimus. Est enim fides fundamentum, & substantia rerum sperandarum. Cæterum illud etiam est verissimum, iustum viuere spiritualem vitam ex fide, sed ex fide, qualis est in hominibus iustis, id est, formata per charitatem.

CAPVT XVI.

Fidem solam iustificare, probatur ex remotione causarum, quæ possunt reddi, cur fides sola iustificet.

TERTIUM argumentum principale, quo probamus, fidem non solam iustificare, sumitur à remotione causarum, quæ possunt reddi, cur fides sola iustificet. Omnes enim eiusmodi causæ ad TRIA capita reuocari possunt. PRIMUM caput est, auctoritas verbi Dei; si enim Scriptura expresse alicubi dicat, *Fides sola iustificat*, id sine dubio credendum erit, etiam si nulla reddatur causa, cur ita fiat. Alterum caput est voluntas Dei iustificantis, quia videlicet placuit Deo donare iustificationem cum sola conditione fidei.

TERTIUM est natura ipsius fidei: quoniam ipsa sola id habet, ut apprehendat iustificationem & nobis applicet ac nostram esse faciat.

Quod attinet ad PRIMUM, solent quidem aduersarii perpetuo iactare verbum Dei expressum, atque ad hoc vnum caput dogmata sua omnia reuocare. Sed in hac causa destituuntur isto præsidio. Nusquam enim hætenus ostendere potuerunt in sacris litteris illam particulam SOLA, cum de fide iustificante agitur. Nos autem expressum verbum proferimus, ubi habetur negatio eius vocis, aut synonymæ. *Videtur* (inquit Iacobus, c. 2) *quia ex operibus iustificatur homo, & non ex fide tantum?* Edidit quidem Martinus Lutherus, Biblia Germanica cum voce SOLA ad Rom. 3. sed cito fallacia deprehensa fuit, inspectis codicibus Græcis & Latinis, & qui circumferuntur, omnibus. Neque ipse de hac re admonitus, negare potuit à se additam eam vocem, sed respondit, pro solita sua modestia: *Sic volo, sic iubeo, sic pro ratione voluntas.* Vide responsionem Lutheri ad duos articulos ad amicum quandam scriptam.

Respondere solent, non esse quidem eam vocem expresse in Scriptura, tamen esse rem ipsam quæ illa voce significatur, ad Rom. 3. cum dicitur *Arbitramur hominem iustificari per fidem sine operibus legis.* Et ibidem: *Iustificati gratis per gratiam ipsius.* Idem enim est iustificari gratis & non operibus legis. Idem vero per fidem sine operibus legis, & per solam fidem.

At hæc responsio non difficulter evertitur. Quæro enim, si idem est per solam fidem, & per fidem sine operibus legis, utrum illud (*sine operibus legis*) excludat omnia opera & omnem legem, an tantum aliquod genus operum & legum: nam si excludat omnia omnino opera & omnem legem, excludet etiam ipsam fidem. Nam actus fidei est quoddam opus & quidem insigne, & hoc nomine appellatur

in Evangelio, Ioan. 6. dicente enim Domino: *Operamini cibum qui perit, sed qui permanet in vitam eternam.* Responderunt Iudæi: *Quid faciemus, ut operemur opera Dei?* Quibus Dominus ait: *Hoc est opus Dei, ut credatis in eum quem misit ille.*

Quare S. Augustinus in libro de prædest. Sanctorum, c. 7. scribit, Fidem non distingui ab operibus, quasi ipsa non sit opus, sed quoniam ipsa est opus Dei gratia factum, vel est primum opus, unde cætera nascuntur. Et addit, sic distingui fidem ab opere, quomodo in libris Regum distinguitur Iuda ab Israel, quamvis etiam Iuda sit Israel. Itaque operamur opera Dei, cum credimus in Dominum Iesum. Sine quo opere iustificabimur, si fides sine operibus omnia opera excludit, ac per hoc iustificari ex fide nihil aliud erit, nisi iustificari sine fide.

Est etiam quædam lex fidei, de qua dicitur in illo ipso c. 3. ad Rom. *Exclusa est gloriatio tua. Per quam legem? factorem non, sed per legem fidei.* Quod si fides iustificans sine operibus legis, excludit omnem legem, excludit etiam legem fidei: & quoniam lex fidei est ipsa fides, ut communiter eum locum omnes exponunt, fides excludit fidem, &c, ex fide iustificari, erit sine fide iustificari. Non igitur fides sine operibus legis excludit omnia opera & omnem legem, sed certum genus operum & legis, id est, opera facta solis viribus naturæ, vel ex sola cognitione legis Moysæ, vel si quo alio modo opera legis hoc loco intelligenda sunt. Parum enim refert ad argumentum, quod nunc urgemus, quomodo ista intelliguntur, modo illud maneat, non excludi omnia opera & omnem legem. At si non excluduntur omnia opera, & omnes leges, non igitur verum est, sola nos fide iustificari: neque est idem, sola fide iustificare, & per fidem iustificari sine operibus legis: illud enim latius patet, & proinde præter Scripturam, ne dicam contra Scripturam asseritur.

Illud autem gratis, excludit merita, quæ sunt nobis ex nobis, non autem bona Dei, qualis dilectio, poenitentia & similia, alioqui excluderent etiam fidem: *Non dicat, inquit Augustinus in epistola 106. si per fidem, quomodo gratis? respondetur enim ei, Quid habes quod non accepisti, &c.* Quod idem de charitate dici potest. Si per dilectionem, quomodo gratis? nimirum, quia ipsa dilectio nihil est nisi gratia. Quare non possunt aduersarii, expressi verbi Dei auctoritate, sententiam suam de sola fide iustificante comprobare.

Quod attinet ad alterum caput, Non videntur aduersarij in illo magnam spem ponere, quippe qui ut plurimum negare solent, Deum nos iustificare ob meritum fidei, aut propter nostræ fidei virtutem. Cæterum si admittant, fidem solam ideo iustificare, quia Deus requirat conditionem solius fidei: manifestis Scripturarum testimoniis repugnabunt. Scripturæ siquidem multo apertius exigunt ad iustificationem, conditionem poenitentia & Sacramentorum, quam ipsius fidei. Ezech. 18. *Si impius egerit poenitentiam ab omnibus peccatis suis, quæ operatus est, vita vivet, &c.* Luc. 13. *Nisi poenitentiam egeritis, omnes similiter peribitis.* Ioan. 3. *Nisi quis renatus fuerit ex aqua & Spiritu sancto, non potest intrare in regnum Dei.* Non igitur affirmari potest, fidem solam iustificare, propterea quod solius fidei conditio requiratur.

Restat caput TERTIUM, in quo maxime nituntur, fidem solam iustificare, quod sola ipsa sit, quæ promissionem iustificationis, siue ipsam iustificationem apprehendit, applicat, & nostram esse facit. At hoc etiam facile refellitur. PRIMUM enim fides non

dicatur propriè apprehendere. Apprehensio enim cum refertur ad intellectum, est cognitio rei, prout in specie repræsentatur & distinguitur à iudicio, quod rem apprehensam discernit & diiudicat vera ne sit, an falsa. Illa autem cognitio apprehensiva præexigitur quidè ad fidem, sed non est ipsa propriè fides, nam etiam infideles apprehendere possunt mysteria fidei, cum tamen ea non credant. Fides igitur consistit potius in iudicio, quam in apprehensione. Qui enim iudicat, siue per scientiam, siue per fidem, nihil apprehendit, sed rem apprehensam, ut dixi, apprehendit & discernit. Neque ideo res est vera, quia intellectus credendo, vel sciendo iudicat esse veram, sed contra ideo intellectus vere iudicat, id est, verè scit, aut verè credit, quia res est vera.

Eadem quoque ratio est de fiducia, si per fidem fiduciam intelligi velint. Considerare enim non est apprehendere, sed firmiter adhærere rei apprehensæ. Nam qui se doctum esse aut fore confidit, non apprehendit doctrinam ea fiducia, neque incipit esse doctus, quia confidit se esse doctum: sed opinioni de sua doctrina conceptæ firmiter adhæret.

Sed esto, apprehendatur aliquo modo iustificatio per fidem, certe non ita apprehenditur, ut re ipsa iam habeatur & inhæreat, sed solum, ut sit in mente per modum obiecti, actione intellectus, aut voluntatis apprehensæ: hoc modo apprehendunt etiam amor & gaudium, ut scribit S. Augustinus in libro 8. Confess. c. 2. ubi de Victorino loquens: *Polebant eum, inquit, omnes rapere intro in cor suum, & rapiebant amando & gaudento: Ha rapientium manus erant.* Itaque si fides iustificat, quia iustitiam apprehendit dum credo, aut confido me esse iustum per Christum: ipsa etiam charitas iustificat, dum diligo, & gaudeo me esse iustum per Christum. Et re vera si per huiusmodi apprehensionem iustificaremur, id tribui deberet maximæ charitati, quæ omnia quantumvis aliena, facit esse nostra. Amantium enim omnia sunt communia.

Sed quid obsecro, respondere poterunt aduersarii ad applicationem iustificationis, quam ipsi iidem per Sacramenta fieri docent? certe Philippus kemnitius (ut ostendimus in 1. lib. de Sacramentis in genere) contendunt Sacramenta esse quasi visibilia verba, quæ generales promissiones applicant ijs, qui ite Sacramenta suscipiunt, easque speciales de generalibus esse faciunt. Quod si Sacramenta promissiones applicant & nostras faciunt, non ergo per modum instrumenti applicantis fides sola iustificat.

Et confirmatur hoc ipsum testimonio apertissimo sanctarum Scripturarum. Nam quemadmodum ad Rom. 3. Apostolus scribit, Deum iustificare homines per fidem; ita ad Tit. 3. idem ipse scribit, Deum iustificare per lavacrum regenerationis & renouationis Spiritus sancti. Et sicut Actor. 15. Petrus Apostolus dicit, fide purificari à Deo corda hominum. Ita ad Ephes. 5. coapostolus eius Paulus dicit à Deo mundari Ecclesiam lavacro aquæ in verbo vitæ.

Neque multum refert, quod Sacramenta promissionem applicant dando, fides applicat accipiendo. Nam utrumque instrumentum Dei, non enim per Sacramenta iustificat Deus, per fidem iustificat homo: sed idem Deus per fidem, & per Sacramenta iustificat: & sicut Sacramenta dantur à Deo, ita & fides datur à Deo. Et quoniam iustificare significat actionem non passionem, magis propriè iustificat Sacramentum, quod est instrumentum, & quasi manus dans iustitiam, quam fides, quæ est instrumentum & quasi manus (ut ipsi dicunt) accipiens iustitiam. Non igitur vere dici potest, vel homo sola fide

iustificari

iustificari, vel Deus hominem sola fide iustificare, cum id ipsum & magis proprie præstent Sacramenta, quam fides.

RESPONDEBUNT fortasse solam fidem non excludere Sacramenta, sed opera. At Lutherus in libro de captivitate Babylonica, cap. de baptismo, & in assertionem art. 1.2.6. & aliorum, apertissime scribit, Sacramenta non iustificare, sed solam fidem. Deinde, si illud SOLA non excludit Sacramenta, sed opera: redibitur ad primum caput, ubi iam demonstratum est, non posse excludi opera, nisi excludatur etiam fides, quæ est quoddam opus.

Dicent excludi etiam fidem ut est opus, sed non ut instrumentum apprehendens iustitiam. At fides non est instrumentum, nisi ut opus; neque enim fides est aliquid solidum & permanens, sed actio & operatio, atque ut actio & operatio apprehendit iustitiam, si ullo modo illam apprehendit.

Dicent vocem SOLAM, excludere opera, non ut opera, sed ut merita. Sic enim accipitur opus ad Ro. 4. ubi distinguitur fides ab opere, quod operanti non imputetur merces secundum gratiam, sed secundum debitum, credenti autem in eum qui iustificat impium, reputetur fides ad iustitiam secundum propositum gratiæ Dei. At si ista est, non debent excludi penitentia & dilectio ab actione iustificandi, ut opera sunt absolute, sed solum ut opera meritoria sunt.

Dicent penitentiam, dilectionem & similia opera, excepta fide, non posse concurrere ad iustificationem nisi sub ratione meriti, & ideo cum sub hac ratione excludantur, simpliciter & absolute excludi: fidem autem præter rationem meriti, habere etiam, ut sit instrumentum apprehendens iustitiam, & idcirco eam solam inter humanas actiones non excludi simpliciter, sed tantum sub ratione meriti. Atque hoc est omnino extremum, quo potest aduersariorum peruenire responsio: si Sacramenta iustificare concedant.

Sed hoc ipsum facile refutatur ex ipsa natura fidei, & dilectionis. Nam (ut supra ostendimus) actus fidei non est apprehensio, sed iudicium: quod si iudicium improprie apprehensionem appellare velint, cogentur vim apprehendendi tribuere dilectioni meliore ratione, quam fidei. Magis enim apprehendere dicitur dilectio quam iudicium, quoniam magis vnit. Quod si actum fidei iustificantis non iudicium, sed confidentiam esse velint: eadem ratione dicemus melius apprehendi rem aliquam dilectione, quam confidentia, quod magis illa, quam ista coniungat & vniet.

CAPVT XVII.

Fidem non solam iustificare, probatur ex modo iustificandi ipsius fidei, ubi etiam retrahitur questio de valore & precio fidei.

SEQUITUR argumentum QUARTUM, quod petitur sex modo iustificandi ipsius fidei. Nam præcipua causa, cur aduersarii soli fidei iustificationem attribuant, illa est, quod existiment, fidem non iustificare per modum causæ, aut dignitatis, aut meriti, sed solum relative, quia videlicet credendo accipit, quod Deus promittendo offert. Nam si persuaderi possent fidem iustificare impetrando ac promerendo & suo quodam modo inchoando iustificationem, sine dubio non negarent, id etiam dilectioni & penitentia: aliisque bonis actibus conuenire.

Probemus igitur fidem veram & iustificantem non esse (ut aduersarii volūt) nudam ac solam apprehensionem iustitiæ, sed esse causam, & vim habere iustificandi. Possunt autem argumenta omnia ad tria ca-

pitata reuocari. PRIMUM ducetur ab iis testimoniis, quæ docent, fidem esse causam iustificationis in genere. Alterum ab iis, quæ probant fide inchoant iustitiam. TERTIUM ab iis, quæ demonstrant per fidem nos placere Deo, & impetrare, atque aliquo modo mereri iustificationem.

PRIMUM igitur prodeant ea loca, quæ significant nos iustificari per fidem, aut ex fide. Rom. 3. *Arbitramur hominem iustificari per fidem.* Ibidem: *Vnus est Deus qui iustificat circumcisionem ex fide, & præputium per fidem.* Rom. 2. *Iustificati ergo ex fide, pacem habeamus ad Deum.* Ephes. 3. *Salui facti estis per fidem.*

In his & similibus locis præpositionem PER, & EX, veram causam significare probamus. PRIMO, ex contrario. Nam cum Apostolus scribit ad Rom. 3. & 4. & ad Galat. 2. & 3. & alibi sæpe, hominem non iustificari per opera, aut ex operibus: per legem, aut ex lege sine dubio excludit efficientiam, & vim legis, & operum in iustificando, non autem solam apprehensionem relativam. Nemo enim dubitare poterat, quin lex & opera non iustificarent apprehendendo iustitiam relativam. Ac per hoc ineptissima fuisset Apostoli sententia, si id significare voluisset, iustitiam apprehendi fide, non lege, aut operibus, quomodo inepte loqueretur, qui diceret, eleemolynam apprehendi manu, non calcaneo.

Præterea iis, quos Apostolus reprehendit, cum affirmat & probat, hominem non iustificari ex lege aut operibus, non somniabant legem, aut operibus, quasi manu apprehendi iustitiam, sed existimabant, merito operum suorum & observationis legis Moisaicæ sibi debitum fuisse aduentum Christi & iustificationis donum, ut perspicuum est ex ipsa epist. ad Romanos, & ad Galatas: inde enim cogitabatur Pseudoapostoli gentiles, ad legis observationem, ut ipsi quoque merito observationis legis pertinere possent ad CHRISTVM, & ad indulgentiam peccatorum, & ad ipsam fidei gratiam. Sic enim enarrat hæc loca sanctus AUGUSTINVS, tum alibi, tum præfatione in Psalmum trigessimum primum: *Propterea, inquit, hæc dixi tibi, homo, quia ex operibus non iustificatus aliquis, ne quasi de operibus tuis præsumere videretur, & merito operum tuorum se accepisse gratiam fidei.* Vide etiam sanctum Augustinum in caput primum ad Galatas, tom. 4.

Igitur cum idem Apostolus tribuit fidei, quod negat operibus & legi, dicens hominem iustificari per fidem, non per legem: ex fide, non ex operibus, sine dubio tribuit fidei efficientiam, & meritum aliquod respectu iustificationis, quod tam en meritum non ex nobis, sed ex Deo est, cuius donum est fides: & ideo cum fide gratiam adiungit Apostolus, dicens nos gratis iustificari per gratiam Dei, per fidem IESU CHRISTI, &c.

SECUNDO, probamus ex aliis locis, ubi habetur præpositio PER, aut EX. Nam si in omnibus aliis locis significat causam, cur non etiam causam significabit, cum dicitur homo iustificari per fidem, aut ex fide? omitto loca illa, ubi dicimur iustificari per Christum, per sanguinem eius, per mortem ipsius; item ex ipso, per ipsum & in ipso esse omnia; & alia id genus, ubi præpositionem PER, aut EX, causam significare nemo dubitauit unquam. Illis tantum locis contentus ero, ubi de ipsa fide agitur. Igitur ad Hebræos 11. cum dicitur: *Sancti per fidem vicerunt regna, operati sunt iustitiam, adepti sunt repromissiones, obtinuerunt ora leonum, &c.* Particula PER non apprehensionem, sed veram causam significat. Non enim per fidem apprehenderunt regna relative, sed re ipsa fide armati filii Israel, obtinuerunt regna

Chanaan. Neque Daniel, & David, & Samson, per fidem apprehenderunt victoriam contra Leones, sed fide muniti, & implorantes auxilium Dei bestias illas superauerunt.

In eodem capite accipit Apostolus, pro eodem aliquid fieri per fidem, aut fide, ut omnes concedunt. Cum igitur dicit Abel, obtulisse plurimam hostiam, & Noë aptasse Arcam in salutem, & Abraham obediuisse, ut exiret in altum locum; & omnia tribuit fidei, apertissime fidem facit causam. Nam Abel fide, seu per fidem obtulit plurimam hostiam, quam Cain, quoniam certo credens, Deum esse primum auctorem omnium rerum, & summo cultu adorandum; ex ea fide motus est, ut offerret id, quod optimum habebat. Itaque fides causa fuit illius precioz oblationis.

Noë quoque fide, seu per fidem aptavit Arcam, quoniam credens verbis Dei cōminantis diluvium, timore concepto metuens aptavit arcam: ubi videmus ex fide natum esse timorem, ex timore fabricationem arcæ. Proinde fidem veram causam fuisse timoris & consequenter ipsius arcæ.

Denique Abraham fide, siue per fidem obediuit exire in locum, quem nesciebat. Quoniam credens Deum omnipotentem & fidelissimum, ex ea fide motus est, ut prompte obediret, etiam si nesciret quo vocaretur. Quare fides causa fuit obedientiz; & fide obedire nihil est aliud, nisi fidem obedientiz esse causam. Igitur eodem modo fide iustificari, vel per fidem iustificari, nihil aliud erit, nisi fidem causam esse iustificationis.

Alterum argumentum petitur ab ijs locis, quæ testantur fidem esse initium iustitiz, ac per hoc esse causam formalem inchoatam iustificationis. Id in primis docet Apostolus ad Romanos 4. cum dicit: *Credenti in eum, qui iustificat impium, reputatur fides eius ad iustitiam.* Vbi ipsa fides censetur esse iustitia: ac per hoc non apprehendit fides iustitiam Christi, sed ipsa fides in Christum est iustitia. Et si quidem sit fides viva & perfecta per charitatem, erit perfecta iustitia, sin minus, erit saltem imperfecta, inchoataque iustitia.

Idem probat testimonium illud 1. Corinth. 3. *Fundamentum aliud nemo potest ponere præter id quod positum est, quod est Christus Iesus.* Si quis autem superedificat super fundamentum hoc, aurum, argentum, lapides preciosos, ligna, fenum, stipulas, unuscuiusque opus ignis probabit. Nam per fundamentum intelligit sanctus Augustinus in libro de fide & operibus, capite decimo sexto, & alibi passim, fidem in Christum. Quomodo etiam huc locum exponunt Chrysostomus, Theophylactus, & interpretes ceteri. Constat autem fundamentum in quouis edificio partem & inchoationem ædificii esse, quod per additionem parietum, & tecti, perducitur ad fastigium & perfectionem.

Idem probat illud Apostoli Petri Actuum 15. *Fides purificans corda eorum.* Vbi fides dicitur corda purificare, quoniam liberat hominem a sordibus errorum & falsarum opinionum de Deo, rebusque divinis. Quod quidem facit fides non tam efficienter, quam formaliter, quomodo lux intrans pellit tenebras, cum simul morari non possint lux & tenebræ. Porro puritas cordis quid est nisi iustitia, vel inchoata, vel perfecta?

Huc pertinent omnia testimonia, quæ attulimus supra cap. 13. ubi probauimus, fidem esse primam dispositionem ad iustificationem. Quibus addi possunt hæc etiam testimonia Patrum.

S. IGNATIUS in epistola ad Philipenses: Prin-

cipium, inquit, vite, est fides, finis vero eius, dilectio. Ambæ autem simul iunctæ & in unitate factæ, hominem Dei perficiunt.

CLEMENS ALEXANDRINUS lib. 2. Strom. adducens sententiam libri antiquissimi, qui dicebatur Pastoris: *Præcedit, inquit, fides, timor autem edificat, perficit autem dilectio.*

ORIGENES, in cap. 4. ad Rom. *Puto, inquit, quod prima salutis initia, & ipsa fundamenta fides est: profectus vero & argumenta adificis spes: perfectio autem & calmen totius adificii, charitas.*

S. AMBROSIVS in Psalm. 118. serm. 20. tractans illud: *Principium verborum tuorum veritas, Fides, inquit, principium Christiani est, plenitudo autem Christiani, iustitia est.*

S. AUGUSTINUS, serm. 36. de verbis Apostoli: *A fide incipit homo sed quia & demones credunt, necesse est addere spem & charitatem.* Et serm. 22. de verbis Apostoli: *Domus Dei credendo fundatur, sperando erigitur, diligendo perficitur.* Et Præfat. in Psalm. 31. *Magnum, inquit, opus, sed ex fide. Laudo superedificationem operis, sed video fundamentum fidei, laudo fructum boni operis, sed in fide agnosco radicem.*

TERTIUM argumentum, quod etiam potissimum est, sumitur ab ijs locis, quæ docent, per fidem impetrari remissionem peccatorum. ac per hoc iustificari hominem ex fide, non quia fides tantum respiciat promissionem, & illam credendo apprehendat, sed quia remissionem impetret, & suo quodam modo etiam mereatur. Luc. 7. *Fides tua te saluam fecit,* ait Dominus mulieri, cui dixerat: *remittuntur tibi peccata.* Non autem recte diceretur, fides saluum facere, videlicet a peccatis, hoc est, iustificare, si te vera nihil faceret in ordine ad iustificationem, sed tantum acciperet indulgentiam. Quis enim dicere egenti, qui solum ad eleemosynam porrigeret manum, manus tua tibi fecit eleemosynam? aut quis ægroto manu pharmacum capienti diceret, manus tua te curauit a morbo? Itaque fides tua te saluam fecit, sine dubio magnum est encomium fidei, & non nihil, sed plane aliud efficaciz ipsi fidei tribuit.

Confirmat autem hæc efficaciam fidei, quod Matt. 15 legimus dictum Chananzæ: *O mulier magna est fides tua.* Et Marci 7. *Propter hunc sermonem vade, exis Dæmonium à filia tua.* Hic enim aperte tribuitur fidei efficacia impetrandæ sanitatis. Neque responderi debet, aliud esse loqui de iustificatione, aliud de curatione morbi corporalis. Nam Dominus iisdem plane verbis tribuit fidei veramque sanitatem. Peccatrici enim dixit: *Fides tua te saluam fecit,* Lucæ 7. & mulieri curatæ à fluxu sanguinis, similiter dixit: *Fides tua te saluam fecit.* Matt. 9. & cæco illuminato, etiam dixit: *Fides tua te saluam fecit.* Marci 10.

Rursus ad Romanos 4. *In repromissione, inquit Apostolus, non hesitauit disfidere, sed confortatus est fide, dans gloriam Deo, plenissime ficiens, quia quacunque promissi: Deus potens est & facere. Ideo & reputatum est ei ad iustitiam.* Hoc loco causam reddit Apostolus, cui fides Abrahæ reputata sit iustitia, quoniam credendo dedit gloriam Deo. Itaque placuit Deo fides illa, per quam ipse glorificatus est, & ideo merito illius dei quæ tamen donum & gratia ipsius erat, Abrahamum iustificauit.

Item ad Romanos decimo: *Omnis, inquit Apostolus, quicumque inuocauit nomen Domini, saluus erit. Quomodo inuocabunt in quem non crediderunt? quomodo credent sine prædicante? Vbi beatus Paulus, sicut facit causam fidei prædicationem Verbi: ita facit causam inuocationis ipsam fidem, & causam salutis, id est, iustificationis inuocationem. Ex quo intelligimus*

fidem

fidem per inuocationem impetrare iustificationem. Non igitur fides relative iustificat, accipiendo videlicet oblatam iustificationem, sed querendo, pulsando, petendo, denique inuocando & impetrando iustificat.

POSTREMO, (vt alia multa loca præteream) ad Hebræos vndecimo, multis exemplis Apostolus docet, per fidem placere homines Deo, ac per hoc fidem apud Deum magni esse precii ac meriti. De Abele scribit, eum per fidem adhuc, quamvis defunctum, loqui. Hoc est, sanguinem eius clamare ad Deum, & vindictam impetrare ob meritum fidei ipsius. De Henoc scribit, fide translatum fuisse ne videret mortem, hoc est, merito fidei, per quam placuerat Deo. Placuisse autem per fidem, quia sine fide impossibile est placere Deo: Alia id genus multa in eo capite leguntur, quæ longum esset, minimeque necessarium huc adferre.

Ad hæc testimonia Scripturæ addam testimonia S. AUGUSTINI, qui constanter docet plurimis in locis, fidem impetrare & mereri remissionem peccatorum, & iustificationem. Ex quo intelligitur hunc sanctissimum virum, quem aduersarii aliis omnibus anteposunt, longissime abfuisse ab errore Lutheranorum de fide iustificante relative, siue per solam apprehensionem sine vlla sua efficacia, vel merito.

Igitur S. AUGUSTINVS lib. 1. Retractionum, ca. 23. approbat quod alicubi dixerat: *Non opera, sed fides inchoat meritum.* Item in epist. 105. ad Sixtum, ante medium: *Nec ipsa, inquit, remissio peccatorum sine aliquo merito est, si fides hanc impetrat. Neque enim nullum est meritum fidei. Quia fide ille dicebat, Deus propitius esto mihi peccatori, & descendit iustificatus merito fidelis humiliatus, quoniam qui se humilias exaltabitur.* In epistola 106. ad Paulinum, ante medium: *Si quis dixerit, quod gratiam bene operandi fides mereatur, negare non possumus, imo vero gratissime consitemur.* Quo loco per gratiam bene operandi, iustificationem intelligit: *Nam, vt ipse sæpe repetit, bona opera accedunt iustificatio, non præcedunt iustificandum.* In epistola centesima quadragesima quarta ad Anastasium: *Lex, inquit, adducit ad fidem, fides impetrat spiritum largiorem, diffundit spiritui charitatem, implet charitas legem.* In libro de spiritu & littera, cap. 13. *Quod factorum lex minando imperat, hoc fidei lex credendo impetrat.* Et capite 30. *Per legem cognitio peccati, per fidem impetratio gratia contra peccatum, per gratiam sanatio anime.* In libro de fide & operibus, cap. 21. *Violentia, inquit, fides spiritus sanctus impetratur, per quem diffusa charitas in cordibus nostris, lex non timore panæ, sed iustitia timore completur.* In libro primo contra aduersarium legis & Prophetarum, capite 17. *In nouo, inquit, Testamento fides impetrat charitatem.* In libro de prædestinatione Sanctorum, cap. 7. *Ex fide, inquit, ideo dicit Apostolus iustificari hominem, non ex operibus, quia ipsa prima datur, ex qua impetrentur cætera, quæ proprie opera nuncupantur, in quibus iuste vivitur.* Denique libro de gratia & lib. arb. cap. 14. *Fides, inquit, & non peccata conceduntur, vt ei petenti alia concedantur.*

Habemus igitur ex AUGUSTINO non semel, aut iterum, sed sæpe ac sæpius repetitum, fidem impetrare iustificationem, remissionem peccatorum, gratiam bene operandi, ac per hoc iustificare per modum dispositionis ac meriti, non propter relationem, qua iustificationem aspiciat, vel recipiat. Vide quæ diximus in 2. lib. de pœnit. ca. 12. vbi probauimus, contritionem esse causam meritorum iustificationis, & respondimus ad obiectiones, quæ contra meritum eiusmodi dispositionum fieri solent. Vide

etiam solutionem argumentorum contra hoc meritum fidei, c. 21. huius libri.

CAPVT XVIII.

Fidem non solam iustificare, probatur ex causa formali iustificationis & necessitate operum bonorum.

RESTAT argumentum postremum, quod hic solum indicandum, sed alibi perficiendum erit. Sumitur enim ex duobus principis, quæ in libris sequentibus demonstrantur. VNUM principium est causam formalem iustificationis, non esse iustitiam, quæ est in Christo, vel solam remissionem peccatorum; sed iustitiam in nobis realiter inhxerentem, ad quam iustitiam Scripturæ & Patres precipue charitatem pertinere docent. Ex hoc principio, quod in sequenti libro tractabitur, euidenter sequitur, non solam fidem per modum dispositionis iustificare. Nam iustitia ista realis & inhxerens non debet apprehendi per fidem, sed infundi per gratiam.

Ad hanc autem infusionem, disponit quidam actus fidei, sed disponunt etiam actus timoris, pœnitentiæ, aliarumque virtutum, sed præter ceteros actus dilectionis sine dubitatione disponit. Illis enim actibus disponuntur homines ad eiusmodi gratiam recipiendam, quos Deus in Scripturis sanctis præxigi, ac præquiri significat. Præquiri autem secundum Scripturas actum fidei, timoris, spei, pœnitentiæ & dilectionis, supra probatum est. Neque aduersarii, præsertim paulo seniores, id negant: sed interpretantur, eos actus, accepta fide, præquiri quo ad præsentiam, non quo ad apprehensionem iustificationis. Quare si talis ponatur iustificatio, quæ nõ apprehensione, sed infusione obtineatur, nõ erit vlla causa, cur soli fidei tribuatur dispositio iustificationis.

Adde, quod ipsa etiam natura nos docet, iis actibus disponi materiam ad recipiendam formam, qui sunt eorum similes, qui consequuntur formam. Ligna enim per calorem disponuntur ad formam ignis concipiendam, quoniam ex igne calor procedit. Itaque ad formalem iustificationem, quæ potissimum in infusione charitatis sita est, nihil magis quam dilectio, siue pœnitentia ex dilectione disponit. Neque id aduersarii vnquam negassent, aut de fide iustificante controuersiam vllam fecissent, nisi de ipsa formali iustificatione nouam doctrinam prius excogitassent.

Simile argumentum ducitur ex necessitate operum bonorum ad salutem; quod est alterum principium suo loco probandum. Nam si fides sola iustificaret impium, certe ipsa etiam sola saluaret: non enim amitti posset iustitia quibuscunque malis operibus, nisi amitteretur fides; proinde manente fide, maneret iustitia: manente autem iustitia, salus quoque esset in tuto.

Neque istas consecutiones aduersarii negare possunt, aut negant. Lutherus enim in libro de captiuitate Babylonica, capite de baptismo, disertis verbis scribit, tam esse diuitem hominem Christianum, vt quibuscunque operibus amittere salutem non possit, nisi nolit credere. Et in Colloquio Altemburgensi Ministri Saxonici Ministros Electorales, id est, Illyriciani Maioristas, siue Lutherani rigidi Lutheranos molles reprehendunt, quod distinguant inter iustitiam & salutem, quasi bona opera non iustificent, sed sola fides; non saluet autem fides sola, sed etiam opera. Illi vero respondent, opera quidem bona necessaria esse ad salutem, sed necessitate præsentis, aut necessitate signi, quod videlicet fides adsit; tamen non minus salutem, quam iustitiam tribui soli fidei.

Itaque argumenta omnia ex Scripturis & Patribus deproimpra, quibus infra suo loco probabimus, ita necessaria esse opera bona ad salutem, etiam hominibus iustificatis, ut sine illis fides sola non saluet: Probant etiam fidem solam non iustificare, quod in praesentia susceperamus probandum.

CAPVT XIX.

Soluitur argumentum primum ex Scripturis deproimptum ex sola fide.

NVNC argumenta soluenda sunt, quibus aduersarij magno conatu contendunt solam fidem iustificare. Reuocabimus autem testimonia Scripturæ quæ illi proponunt ad certa capita, ut confusio euitetur.

PRIMUM igitur argumentum sumunt ab illis testimonijs, quæ docent hominem sine operibus iustificari. Inde enim effici non dubitant solam fidem iustificare. Testimonia hæc sunt, Rom. 3. *Exclusa est gloria tua, per quam legem? factorum? non, sed per legem fidei.* Et paulo post: *Arbitramur hominem iustificari per fidem sine operibus legis.* Rom. 4. *Si Abraham ex operibus iustificatus est, habet gloriam, sed non apud Deum.* Galat. 2. *Scientes quod non iustificabitur homo ex operibus legis.* Ephes. 2. *Gratia estis saluari per fidem non ex operibus.* Tit. 3. *Apparuit benignitas & humanitas Saluatoris nostri Dei, non ex operibus iustitiæ, quæ fecerunt nos.* Ad Philip. penes 5. *Ut inueniat in illo non habens in eam iustitiam, quæ ex lege est, sed eam, quæ est ex fide.*

Ad hæc testimonia breuiter explicanda, & argumentum pro sola fide penitus profligandum: etiam quædam prænotanda ciunt. **P**RIMO, quid sit apud Apostolum lex factorum, & lex fidei. **S**ECUNDO, quid intersit inter iustitiam legis, & iustitiam in lege. **T**ERTIO, quid intelligat Apostolus per opera, cum dicit, hominem iustificari sine operibus.

Quod attinet ad **P**RIMUM, Calvinus & Kemnitius & alij Sæctarii, per legem factorum intelligunt legem, quæ requirit opera, per legem fidei eam, quæ requirit fidem. Sed refellit hanc explicationem sanctus Augustinus, cum alibi sæpe, tum præcipue in libro de Spiritu & littera, capite decimo tertio, ubi demonstrat legem euangelicam, quæ maxime requirit fidem, requirere etiam opera & omnium mandatorum, ac totius Decalogi obseruationem: & contra demonstrari posset, Legem Moysi, quæ maxime requirit opera, requirere etiam fidem.

Lex igitur factorum apud Apostolum est ea, quæ iubet quid sit faciendum; lex fidei est ipsa fides, quæ impetrat gratiam faciendi, quod lex factorum iubet. Itaque utraque lex requirit opera, sed lex factorum continet præceptum, lex fidei auxilium. Lex factorum præstat ut cognoscamus; lex fidei facit, ut faciamus. Lege factorum dicit Deus, fac quod iubet; lege fidei, dicimus Deo, da quod iubet. Denique lex factorum est littera, quæ occidit iubendo & non uiuando: lex fidei est spiritus, qui uiuificat opem ferendo, ut iustificatio legis impleatur in nobis. Ex quo sequitur, ut non solum lex Moysi, sed etiam lex Christi, quatenus aliquid imperat, sit lex factorum, & lex fidei sit spiritus fidei, non solū quo nos Christiani, sed etiam Patriarchæ & Prophetæ, & omnes antiqui iusti, Dei gratiam impetrarunt & iustificati gratis per eandem gratiam, legis mandata seruauerunt.

Quantum ad **S**ECUNDUM, iustitia legis (ut etiam initio huius libri breuiter indicauimus) sunt opera iusta, quæ lex faciendæ præscribit. Neque hanc iustitiā vquam Apostolus reiecit tanquam inutilem, sed contra potius ita commendat, ut dicat Rom. 2. *Factores*

A legis iustificabuntur. Et in eod. cap. Si præputium iustitiæ legis custodiat, nonne præputium in circumcissionem reputabitur? Et Rom. 8. *Deus misit filium suum in similitudinem carnis peccati, & de peccato damnauit peccatum, ut iustificatio legis impleatur in nobis.* Ac iustitia ex lege, siue in lege sunt illa opera, quæ homines faciunt sine gratia fidei, sola cognitione legis adiuti, & hæc opera non iustificanc coram Deo, sed solum coram hominibus, qui tantum externa considerant.

Hanc iustitiam tanquam inutilem Beatus Paulus reiecit, & opponebat iustitiæ fidei, hoc est operibus bonis, quæ sunt ex gratia & fide. Eandem iustitiam ex lege vocat Apostolus ad Roman. 10. Iustitiam propriam, & opponebat iustitiæ Dei: *Ignorantes, inquit, Dei iustitiam, & suam quærentes statuere, iustitia Dei non sunt subiecti.* Et cap. 9. *Gentes, quæ non sectabantur iustitiam, apprehenderunt iustitiam.* Iustitiam autem quæ ex fide est, Israel autem sectando legem iustitiæ in legem iustitiæ non peruenit. Quare? quia non ex fide sed quæ ex operibus. Hoc est, Israelitæ quærentes implere legem iustitiæ re vera legem iustitiæ implere non potuerunt: quoniam viribus proprijs non ex gratia Dei, quam fides impetrat, legem iustitiæ facere præsumpserunt. Putant (inquit AUGUSTINUS lib. 3. contra duas epistolas Pelagianorum, cap. 7.) *se arbitri sui viribus implere legem iubentem, & ista implicati superbi, ad gratiam non conuertuntur inuicem.* Ac per hoc modo quodam modo, sed tamen vero, iustitiam legis non implet iustitia quæ in lege, vel ex lege, sed quæ in spiritu gratiæ. Iustitia quippe legis impletur in eis, siue scriptum est, qui non secundum carnem ambulant, sed secundum spiritum. Secundum iustitiam vero, quæ in lege est, se fuisse sine querela in carne, non in spiritu, dicit Apostolus: *& iustitiam quæ ex lege est, suam dicit fuisse, non Dei.* Intellegendum est iustitiam legis non impleri secundum iustitiam quæ in lege est, vel ex lege, id est secundum iustitiam hominis, sed secundum iustitiam, quæ est in spiritu gratiæ. Quod planius & breuius ita dici potest, iustitiam legis Dei non impleri, cum lex iubet, & homo quasi suis viribus facit sed cum spiritus adiuuat, & hominis non libera, sed Dei gratia & liberata voluntas facit. Vide eundem lib. de grat. & lib. arbit. c. 12. ubi rursus de hac ipsa re copiose disputat.

Quod iam ad **T**ERTIUM pertinet, aduersarij eximant per opera, quæ B. Paulus à iustificatione excludit, intelligi omnia omnino opera, siue ante fidem, siue post fidem facta, immo etiam ipsam fidem, si consideretur ut opus.

At hanc absurdissimam esse sententiam, & ab ignorantie Scripturæ profectam, docet idem AUGUSTINUS, in libro de gratia & libero arbitrio, c. 7. *Hemines, inquit, non intellegentes, quod ait se Apostolus Paulus, Arbitramur hominem iustificari per fidem sine operibus legis, putauerunt eum dicere, si sciret hominis fidem, etiam si male uiuat & bona opera non habuit. Quod absit, ut sentiret eas electiois.* Et mox adiungit, non excludi opera quæ sunt ex fide, & nos etiam supra probauimus, requiri ad iustificationem aucti in spei, timoris, patientiæ, dilectionis, & ipsius fidei non solum credentis, sed etiam orantis & impetrantis, qui adus operum quædam merito dici possunt.

Nonnulli ex Catholicis docent, per opera quæ à iustificatione Apostolus excludit, intelligi obseruationem legalium ceremoniarum, ceterum ieiuniorum, sabbathi, neemeniarum, &c. quæ ratione mouentur, quod ad Rom. c. 3. idem Apostolus per itaquam dixerat: *Arbitramur hominem iustificari per fidem sine operibus legis,* subiungit, *An Iudæum Deus tantum? nonne & gentium?* Et ad Rom. 1. 3. & 4. & ad Gal. 2. & 3. ubi de hac re dissentit ex proposito, semper adducatur in medium exemplum circumcissionis.

Ceterum

Ceterum sententia S. Augustini constans, & sine dubitatione verissima est, per opera quæ fidei opponuntur, & à iustificatione excluduntur, intelligi opera quæ fidem præcedunt, quæque solis viribus liberi arbitrii fiunt. Ita docet August. loco citato de grat. & lib. arb. c. 7. de prædest. Sanctorum, cap. 7. præfatione in Psalm. 31. & ubique de hac re disputat. Quod idem aperte docet etiam S. Hieronymus in epist. ad Cresiphontem, ultra medium. Et ratio huius sententiæ est, quoniam ad Rom. 4. ad Ephes. 2. & ad Tit. 3. Apostolus simpliciter excludit opera, nulla mentione facta legis Mosaicæ. Hinc enim intelligimus non excludi solum legalium ceremoniarum observationem, sed etiam moralium.

Excludi autem omnia opera facta ante fidem, non autem omnia absolute, probatur potest ex cap. 4. ad Rom. ubi legimus: *Ei qui operatur, merces imputatur secundum debitum, non secundum gratiam.* Quo loco explicat Apostolus ipse, quid intelligi debeat per opera, quæ opponuntur fidei, ac dicit, illa se vocare opera, quibus id quod redditur, est merces, non gratia. Talia autem non sunt nisi illa, quæ fiunt ex solis viribus liberi arbitrii. Nam operibus quæ fiunt ex gratia, qualis est ipse actus fidei, & quæ inde consequuntur, id quod redditur, non simpliciter merces, sed etiam gratia, immo magis gratia quam merces.

Et confirmatur hæc ratio ex ipso scopo epistolæ ad Rom. & ad Gal. neque enim dubitari potest, quin Apostolus duabus illis epistolis demonstrare voluerit, neminem posse iustificari sine fide in Christum, & gratuita Dei misericordia. Proinde quævis sæpe meminerit circumcisionis, & ceremoniarum legis propter Iudaizantes, qui multum in illis confidebant: tamen absolute omnia opera fidem præcedentia excludere voluit; præsertim cum in epist. ad Rom. non solum Iudæis, sed etiam gentilibus, qui non minus philosophiam iactabant, quam Iudæi legem, Christi fidem necessariam esse ad iustificationem, & salutem persuadere voluerit.

Ex his facile respondent ad illa omnia loca. Ad PRIMVM ex cap. 3. ad Rom. RESPONDEO, excludi glorificationem Iudæorum per legem fidei, non per legem factorum, quoniam homo iustificatur ex gratia, quæ primo fidem inspirat deinde per fidem ad indulgentiam, & opera bona perducit non autem iustificatur per legem factorum, id est, per solam notitiam legis, & vires liberi arbitrii.

At contra Kemnitius: *Apostolus, inquit, vult excludere omnem glorificationem, igitur excludit omnia opera, etiam facta per fidem, vel ex fide. Nam de illis etiam posset aliquis gloriari.* RESPONDEO, non excludit Apostolus omnem glorificationem, sed illam solum, quæ oritur ex operibus per solas vires liberi arbitrii factis. non enim dicit, ubi est gloriatio? sed ubi est gloriatio tua? id est, ubi est gloriatio, qua in te gloriaris, & non in Domino? ex operibus autem factis ex fide, ac per hoc ex gratia, cum fides ex gratia sit, nemo potest gloriari, nisi in Domino, quæ gloriatio non est prohibita, cum idem Apostolus dicat: *Qui gloriatur, in Domino gloriatur.* 2. Corinth. 10.

Itaque S. AUGUSTINVS lib. de gratia & libero arbitrio, c. 7. cum dixisset, non intelligere Apostolum ad Ro. 3. eos, qui dicunt, solam fidem sufficere ad iustificationem, reddit causam, cur dictum sit, hominem iustificari per fidem sine operibus: *Quia, inquit, & ipsa bona opera nobis ex Deo sunt. à quo nobis & fides est, & dilectio.* Et in lib. de prædestinatione Sanctorum, c. 7. Ideo, inquit, per fidem iustificari dicit Apostolus hominem, non ex operibus, quia ipsa prima datur, ex qua impetientur cetera.

Ad SECUNDVM de Abraham ex cap. 4. ad Rom. RESPONDEO, Abrahamum iustificatum fuisse per fidem, non per opera præcedentia fidem, quoniam non potuissent illa esse verè iusta, nisi secundum externam iustitiam, & ideo si per illa iustificatus fuisset, habuisset gloriam, sed apud homines, non apud Deum. Idem dicendum est ad loca sequentis ex c. 2. ad Galat. c. 2. ad Ephes. & c. 3. ad Titum. Nam in illis omnibus locis solum excluduntur opera facta ante fidem.

Sed hic etiam occurrit KEMNITIUS, ac probat, excludi etiam opera facta per fidem. Nam Abraham iam renatus erat, & ex fide operabatur eo tempore, de quo loquitur Apostolus, & tamen idem Apostolus excludit opera eius à iustificatione. Item Galatæ renati erant, & in Christum credebant, & tamen eorum opera Paulus opponit fidei & aperte reiicit. Immo status quæstionis in epistola ad Galatas, non alius esse videtur, nisi utrum opera ex fide iustificet, an fides sola iustificet. Apostolus autem responderet, hominem iustificari ex fide, non ex operibus; id est, ex sola fide.

RESPONDEO, Abraham eo tempore, de quo loquitur Apostolus, renatus quidem erat, & ex fide multa bona opera faciebat: tamen Apostolus cum dicit eum iustificatum esse ex fide, non ex operibus, non reiicit opera facta ex fide, sed affirmat illa non esse facta sine fide, quia si talia fuissent, nunquam eum iustificassent. Itaque excludit opera, quæ Abraham facere potuisset non ex fide. Nam etiam ij qui fidem habent, aliquando operantur non ex fide, vt cum peccant, aut cum faciunt opera pure moralia sine relatione ad Deum.

Denique loquitur Apostolus cum conditione, si Abraham iustificatus est ex operibus non procedentibus ex gratia fidei, vt ijs putabant, qui suis viribus tribuebant iustitiam: certe habuit gloriam, sed non apud Deum. Et quoniam satis constat Abrahamum habuisse gloriam etiam apud Deum, inde colligit eum non esse iustificatum ex operibus sine fide, sed ex fide, ex qua bona opera vere procedunt.

Porro in epistola ad Galatas, duplex tractatur quæstio, vna specialis, an ceremoniæ legales ad Christianos pertineant, ita vt sine illis salui esse non possint: Altera generalis, an per legem & vires naturæ possit contingere iustificatio sine gratia & fide IESU CHRISTI. Ad utramque respondet Apostolus negative. Quæstionem autem illam, quam fingit Kemnitius, ne verbo quidem attingit. Id autem ita se habere, perspicuum est ex illis verbis: *Si per legem iustitia, ergo Christus gratis mortuus est.* Gal. 2. & ex illis: *Si ex lege hæreditas, ergo non ex promissione.* Galat. 3. & ex illis: *Euacuati estis à Christo, qui in lege iustificamini, à gratia excidistis.* Galat. 3. & Rom. 4. *Si ex lege hæreditas, exinanita est fides, abolita est promissio.*

Nam istæ consecutiones firmissimæ sunt, si excludantur à iustificatione opera facta sine fide, & gratia, ex sola cognitione legis, & viribus liberi arbitrii. Nam si lex, & natura sufficiunt ad iustificandum: quid opus fuit, CHRISTVS moriendo, de peccato damnaret peccatum, vt iustificatio legis impleretur in nobis? & si lex, & natura sufficiunt ad iustitiam, sufficiunt etiam ad hæreditatem, non enim iniustus est Deus, vt iustos fraudet corona iustitiæ, vt S. Augustinus loquitur in libro de natura & gratia, cap. 2. Quod si lex & natura sufficiunt ad hæreditatem, quid opus fuit promissione? Denique si lex & natura sufficiunt, euacuati sumus à CHRISTO, & à gratia excidimus, quoniam his opus nobis non esse proficemur.

At eadem istæ consecutiones infirmissimæ sunt, neque aliquid efficiunt, si quis per eas excludere velit opera, quæ sunt ex gratia & fide. Nemo enim CHRISTVS gratis mortuus dici potest, si iustificamur ex fide & operibus consequentibus fidem: immo nisi CHRISTVS mortuus esset, non possemus ex fide & operibus inde sequenti iustificari. Hoc enim omnia gratia Dei donabit nobis per IESVM CHRISTVM Dominum nostrum. Sic etiam, non ideo hæreditas non est ex promissione, quia opera ex fide & gratia procedentia ad iustificationem sunt necessaria; quin potius ideo est ex promissione hæreditatis, quoniam sine promissione non fuisset gratia, sine gratia non fuisset fides, sine fide non fuissent opera iusta, quibus redderetur hæreditas, id est ipsa corona iustitiæ. Ac demum nõ euacuamur à CHRISTO, neque a gratia excidimus, qui ex fide CHRISTI, & operibus gratiæ iustificamur, sed contra potius, nisi ad CHRISTVM & eius gratiam pertineremus, fidem & opera iustificantia non haberemus.

Quare cum Paulinæ illæ consecutiones vim habeant aduersus eos, qui iustificationem operibus factis sine fide, & gratia tribuebant, non autem aduersus eos, qui à iustificatione opera consequentia fidem, & gratiam non excludunt: manifeste sequitur, Apostolum in epistola ad Galatas cõtra eos tantum disserere, qui legem, & opera sine fide CHRISTI magnificabant: neque statum quæ tionis in ea epistola esse, an opera ex fide, sed an opera sine fide iustificent.

Ad VLTIMUM ex capite tertio ad Philipenses, RESPONDEMVS (ut supra diximus) iustitiam ex lege, vocari opera, facta ex cognitione legis per solas naturæ vires.

At contra obiicit KEMNITIVS, Apostolum non solum loqui de operibus suis, quæ fecerat ante fidem, cum damnat iustitiam propriam, sed etiam de operibus quæ tunc faciebat, cum esset Apostolus CHRISTI. Nam de prioribus dixit in præterito, omnia ardueratus sum detrimenta, de posterioribus dicit in præsentem, omnia arbitror ut stercora. Itaque B. Paulus omnia opera sua, siue ex fide, siue sine fide facta contemnit & pro stercoribus habet, sola interim Christi fide contentus.

RESPONDEO, mirum est quam prompti sint hæretici ad blasphemias, nulla ferme oblata occasione. Nam quod Apostolus inter scribendum nunc utatur tempore præterito, nunc tempore præsentem non cogit, ut existimemus eum loqui de rebus diuersis. Potuit enim de iisdem illis operibus factis in lege, & ante fidem dicere, se initio conuersionis illa omnia pro detrimentis habuisse, & nunc etiam illa eadem nihil facere, & non solum pro detrimentis, sed etiam pro stercoribus habere, quod in dies magis ac magis intelligat illorum operum inanitatem. Et re vera loquutum esse B. Paulum, etiam in præsentem, de operibus factis in lege, & ante fidem, perspicuum est ex anthitefi quam facit; cum dicit: *Ut inueniar in illo, non habens meam iustitiam, quæ ex lege est sed illam, quæ ex fide est CHRISTI.* Vbi opponit iustitiam suam, id est, opera sua iusta facta ex fide, quæ sunt vere iusta coram Deo: iustitiæ suæ, id est, operibus suis iustis factis in lege, sine fide, quæ non poterant esse vere iusta coram Deo, sed solum exterius, & in facie hominum, apud quos (ut ipse ibidem scribit) fuerat in Iudaismo sine querela versatus.

At quanta quæso blasphemia est, opera facta ex fide & gratia Christi stercora nominare, quæ ad Galatas 5. Fructus Spiritus ipse idem vocat Apostolus? ergone Spiritus facti fructus stercora sunt? & quo

A modo 2. Timoth. 4. B. Paulus gloriatur, & dicit: *Bonum certamen certavi, cursum consummavi, fidem seruavi. In reliquis reposita est mihi corona iustitiæ, quam reddet mihi iustus index.* Ita ne de stercoribus gloriari debuit tantus Apostolus? & quæ debetur stercoribus corona iustitiæ? & quis ille est iustus index, qui stercora coronare dignatur? D E I N D E quam gratiam debemus Deo, qui nos creauit in CHRISTO IESU in operibus bonis, quæ præparauit ut ambulemus in illis ad Ephesios secundo, si ista opera nihil sunt aliud, nisi stercora? Denique si bona opera fidelium, detrimenta, ac stercora sunt, certe facienda & amplectenda non sunt, sed excutienda, atque abiicienda sunt. Eat nunc Kemnitius, & queratur, quod eum hostem operum bonorum esse dicamus.

CAPVT XX.

Soluitur alteram argumentum ex Scripturis petiitum pro sola fide.

A L T E R V M argumentum sumunt ab ijs locis, ubi sola fides nominatur, cæteris omnibus operibus, vel dispositionibus prætermisissis. Matth. 9. Lucæ 7. *Fides tua te saluam fecit.* Lucæ octauo: *Crede tantum, & salua eris.* Ioannis primo: *Dedit eis potestatem filios Dei fieri, his qui credunt in nomine eius.* Ioannis 3. *Qui credit in filium, habet vitam æternam.* Ad Rom. 5. *Iustificati ex pace, pacem habeamus ad Deum.*

C RESPONDEO, locus ille, *crede tantum, & salua eris*, ubi gloriatur aliqui ex sectariis, se tandem reperisse particulam SOLA, quam Lutherus de suo addiderat, cum in nullis Bibliis eam inuenire potuisset; non facit ad rem. Loquitur enim eo loco Dominus de miraculo faciendo in excitatione defunctæ, non de iustificatione impii, & remissione peccatorum. Fitemur autem, fidem solam interdum satis esse ad miracula impetranda, videlicet cum referuntur ad ipsam fidem confirmandam, non ad vitam eius illustrandam, qui miraculum impetrat. Hoc enim modo virtutes multas fecisse dicuntur improbi quidam qui in die iudicii audituri sunt: *Amen dico vobis, nunquam noui vos, discedite à me omnes operarii iniquitatis.* Matth. 7.

D Quod attinet ad alia loca, negamus id sequi, ut si fides sola iustificet, etiam si interdum sola nominatur. Nam interdum quoque solæ nominantur alia virtutes, aut Sacramenta, ut Lucæ 7. *Remittuntur ei peccata multa, quoniam dilexit multum.* Tobit 12. *Eleemosyna à morte liberat.* Ad Romanos octauo: *Spes salui facti sumus.* Ecclesiastici secundo: *Timor Domini expellit peccatum.* Ad Titum tertio: *Saluos nos fecit per lauacrum regenerationis.* Ephes. 2. *Mundans eam lauacro aquæ in verbo vite.* Nec tamen vilis colligit dilectionem, aut eleemosynam, aut timorem, aut baptismum sine fide iustificare.

E Itaque Scriptura, cum ad vnum effectum multæ causæ concurrunt, modo vni causæ, modo alteri effectum illum tribuit, nec propterea significat intelligitur, vnam causam sine aliis posse sufficere. Cur autem Apostolus frequentius iustificationem tribuat fidei, quam dilectioni, aut aliis rebus, causa est quam reddit Concilium Trident. sess. 6. c. 8. quoniam huius est initium gratitiæ iustificationis. Inde enim incipit Deus ædificium spirituale in anima hominis, inde incipit curare morbum peccati: inde incipit colere agrum cordis, inde incipit vitam aperire ad portum salutis.

Sed occurrit IOANNES CALVINUS in Antidoto Concilii, atque hanc explicationem non solum puerilem vocat, sed etiam manifesti erroris damnat. Probat autem ipse, fidem non esse tantum initium, & fundamentum iustificationis, sed etiam incrementum & perfectionem, tribus testimoniis diuinæ Scripturæ. PRIMUM est ad Romanos 1. *Euangelium virtus Dei est in salutem omni credenti, quia reuelatur in eo Dei iustitia ex fide in fidem.* Quis non videt, inquit Calvinus, principium, & finem pariter hic designari, aliqui dicendum erat ex fide in opera, si quidem opera perficerent, quod fides inchoat. Alterum est Habacuc 2. *Iustus ex fide viuit.* Hoc, inquit Calvinus, Propheta valde improprie dixisset, nisi fides continuaret vitam. TERTIUM est Genesis 15. *Credidit Abraham Deo, & reputatum est ei ad iustitiam.* Non erat, inquit Calvinus, tunc Abraham nominatus, sed sanctitatis, omniumque virtutum exemplar, ergo non ei aditum ad iustitiam patefecit fides, ut aliunde postea iustificatio compleretur.

RESPONDEO, impudenter Calvinus, dum se Concilio Tridentino insultare credit, S. Augustino, & toti antiquitati insultat. Quod enim Concilium dixit ideo ex fide hominem iustificari, ex Apostoli sententia, quod fides initium sit & radix iustificationis: scripsit antea S. AUGUSTINUS in lib. de prædestinatione Sanctorum, c. 7. his verbis, *Ex fide ideo dicit iustificari hominem, non ex operibus, quia ipsa prima datur, ex qua impetrentur cætera, quæ proprie opera nuncupantur.* Et in epistola 105. ad Sixtum: *Fides inquit, unde omnis iustitia sumit initium.* Et libro de bono perseverantiæ, cap. 2. *Quod initium verius homini Christiano, quam credere in Christum?* Et in præfatione Psalm. 31. *Laudo, inquit, superadificationem, sed video fundamentum fidei: laudo fructum, sed in fide agnosco radicem.* Et sermone 16. de verbis Apostoli: *A fide, inquit, incipis homo.* Et serm. 22. quem sæpe citauimus: *Domus, inquit, Dei credendo fundatur, sperando erigitur, diligendo perficitur.* Quod idem omnes alios Patres sensisse ac docuisse, ostendimus supra cap. 13. & 17.

Dicat nunc Calvinus si audet, Augustinum, quem vnum ex tota antiquitate sibi patronum eligere solet, pueriliter in Scriptura lusisse, quia fidem vocauit initium, fundamentum, radicemque iustitiæ, & ideo iustificari ex fide hominem scripsit, quia fides prima datur, ut per eam cætera impetrentur. Vere igitur fides initium est & origo iustitiæ, sed non tale initium, ut veniente iustitia cedat, ac recedat, quomodo timor foras mittitur à charitate, quam suo quodam ministerio introduxit, sed est initiū, quod manet & perficitur: quomodo arborum radices non arescunt, sed crescunt, & roborantur crescēte arbore: & fundamentum ædificij non subtrahitur accedente fabrica domus, sed perficitur, & stabilitur, & parietes, tectumque sustentat. Ita nimirum & fides primum inchoat iustificationem, deinde assumpta spe & charitate perficit. Ideo cum inchoat, sola est, cum perficit, non est sola; siue (quod idem est) sola inchoat, non sola perficit.

Proinde recte Concilium post Augustinum scribit, hominem iustificari ex fide, quia fides est initium & origo iustitiæ: ut videlicet id fidei proprie tribueret: quod ei soli proprie conuenit. Quare si Calvinus, & cæteri Sectarii, cum dicunt, fides sola iustificat, significare vellent, fidem solam inchoare iustitiam, non esset cum eis de sola fide diutius litigandum.

Illud igitur Apostoli: *Reuelatur iustitia Dei ex fide in fidem*, multis modis exponi potest; neque cogitur

admittere fidem solam esse principium, finemque iustitiæ. Exponit enim S. AUGUSTINUS in libro de spiritu & littera, capit. 11. ex fide annunciantium Euangelium, in fidem obedientium Euangelio. Exponunt ALII, ex fide Prophetarum in fidem Apostolorum: ALII, ex fide obscura & latente in Testamento veteri, in fidem manifestatam & reuelatam in Testamento nouo: ALII, ex fide rerum præteritarum, in fidem futurarum: ALII ex fide imperfecta, in fidem perfectam, & charitate formatam.

Quæ postrema expositio confirmatur ex similibus phrasibus, quæ significant progressum & incrementum eiusdem rei, ut, *libens de virtute in virtutem.* Psalm. 83. *Et usque in generationem & generationem veritas eius.* Psalm. 99. *Transformamur à claritate in claritatem tanquam à Domini spiritu.* 1. Cor. 3. *Et misericordia eius à progenie in progenies timentibus eum.* Lucæ 1. Itaque sententia Apostoli est, in Euangelio reuelari iustitiam Dei, quæ incipit à fide inchoata & perducitur ad fidem charitate perfectam; atque formatam.

Illud vero Habacuc 2. *Iustus ex fide viuit*, intelligitur de fide viuâ (quomodo enim potest aliquis viuere ex fide mortuâ?) fides autem viuâ ex testimonio sancti Iacobi, capite secundo, non est fides sola, sed fides cum operibus, siue (ut loquitur Paulus ad Galatas quinto) fides per charitatem operans. Ecce recte cohæret hoc testimonium cum superiore. Probat enim B. Paulus, iustitiam Dei esse ex fide in fidem, quia scriptum est: *Iustus ex fide viuit, nimirum iustitia Dei ex fide imperfecta inchoatur, & in fidem perfectam, hoc est, viam terminatur.* Quoniam iustus ex fide viuere debet, nec posset ex fide viuere, si iustitia eius constaret ex fide non viuâ.

Quare docet quidem Propheta, per fidem continuari vitam, sed non per fidem solam, sed per fidem cum charitate coniunctam & per charitatem operantem; ex quo sequitur, ut iustus non solum ex fide, sed etiam ex charitate viuât. Nequideo fallum est, quod Concilium dicit, fide inchoari iustitiam, quoniam verum est quod Propheta dicit, fide continuari iustitiam. Vtrumque enim fides facit, sed primum facit sola, secundum non sola.

Illud denique, quod Calvinus adducit ex cap. 15. Genes. *Credidit Abraham Deo, & reputatum est ei ad iustitiam*; significat Abrahamum iustum ex nouo quodam actû fidei factum esse iustiores. Sed non ideo non aperuit illi aditum ad iustitiam fidei, cum primum ille iustificatus est, quia postea quoque iustitiam in illo auxit. Nam (vt iam diximus) non ita facimus fidem initium iustitiæ, ut negemus illam crescere & perfici & semper hominem ad maiora perducere. Hoc solum negamus, per eam solam posse hominem integre, perfecteque iustitiæ formam acquirere.

CAPVT XXI.

Soluitur argumentum tertium ex Scripturis desumptum pro sola fide.

TERTIUM argumentum petunt ab ijs locis, in quibus dicitur homo gratis iustificari. Idem enim est gratis, & non ex operibus, ac per hoc idem est gratis, & sola fide, Rom. 3. *Iustificati gratis per gratiam ipsius.* Rom. 4. *Es qui operatur, merces non imputatur secundum gratiam, sed secundum debitum.* Ei autem, qui non operatur, credenti autem in eum, qui iustificat impium,

deputatur fides eius ad iustitiam. Rom. 11. si gratia, tam non ex operibus, aliqui gratiam non est gratia. Ephes. 2. Gratia estis salvari per fidem, non ex operibus. Hoc argumentum non solum probat, sola fide hominem iustificari, sed etiam iustificari sola fide relative, id est, non propter dignitatem, aut meritum fidei, quia tunc gratia non esset gratia.

RESPONDEO, particula illa gratis duobus modis accipi potest, Uno modo, ut opponatur debito ex iustitia, siue meritis, ut loquuntur Theologi, de condigno, quæ sunt absolute & simpliciter merita. Et hoc modo iustificatio gratuita non excludit opera, quæ dicuntur concurrere ad iustificationem ut dispositiones, vel ut merita de congruo, modo non tribuatur eis meritum de condigno, de quo loquitur Concilium Tridentinum sess. 6. cap. 8. ubi dicit hominem iustificari gratis, quoniam neque fides, neque opera, quæ iustificationem præcedunt, eam merentur. Et iuxta hunc modum non est idem, hominem iustificari gratis, & iustificari ex sola fide. Nam iustificari gratis, est iustificari sine merito de condigno. Iustificari sola fide, est nihil requiri ad iustificationem nisi fidem, quod esse falsum iam demonstratum est.

Altero modo potest accipi particula, GRATIS, ut opponitur operi facto sine ulla gratia, ex solis naturæ viribus, siue illud opus dicatur meritum de condigno, siue de congruo, siue etiam solum dicatur conditio, aut ratio aliqua, cur detur homini iustificatio. Et hoc modo iustificatio gratuita non excludit merita absolute, sed merita propria, id est quæ sint nobis ex nobis, & non ex Deo. Nam merita quæ sunt nobis ex Deo, id est, quæ originem ducunt ex gratia præveniente, non pugnant cum gratia, nisi quis velit ipsam gratiam pugnare cum gratia. Hoc modo idem est, hominem iustificari gratis, & iustificari ex fide: & iustificari sine operibus. Nam cum fides sit primum Dei donum: qui iustificatur ex fide, non iustificatur ex operibus præcedentibus fidem, sed iustificatur ex gratia, & gratis, quia ipsa fides est ex gratia.

Neque hinc sequitur, hominem qui iustificatur gratis iustificari sola fide, nam sicut iustificatio gratuita non excludit fidem, quia fides est ex gratia, ita non excludit penitentiam, & dilectionem, & opera penitentiae & dilectionis, quoniam etiam ista omnia sunt ex gratia. Et hac ratione explicat S. AUGUSTINUS particulam GRATIS, ubique de hac rescribit. Nam in epistola 105. posteaquam dixerat: Nec ipsa remissio peccatorum sine aliquo merito est, si fides hanc impetrat. Neque enim nullum est meritum fidei. Continuo explicat, quomodo hoc meritum non pugnet cum gratuita iustificatione, ait: Respondeo igitur, ut ipsam fidem, unde omnis iustitia sumitur initium, non humano, quo isti extollunt, tribuamus arbitrio, nec ullis præcedentibus meritis, quoniam inde incipiunt bona quæcumque sunt merita, sed gratuitum Dei donum esse fateamur, si gratiam veram, id est, sine meritis cogitamus. Et in epist. 106. Non dicat, inquit, sibi si ex fide, quo modo gratis? quod enim fides meretur, cur non potius reddatur, quem denatur? non dicat ista homo fidelis, quia cum dixerit, ut merear iustificationem, habeo fidem: responderetur ei. Quid enim habes, quod non accepisti? cum ergo fide impetrat iustificationem, non gratiam, aliquid meriti præcedit humani, sed ipsa gratia mereatur augeri ut ancilla mereatur perfici.

At contra hanc solutionem obijciunt tum hæretici, tum etiam quidam Catholici. Nam xernitius in Examine Concilij Tridentini sessio. sexta, in fine disputationis de operibus infidelium, contendit nul-

lum esse meritum de congruo. Immo hoc meritum dicit, esse illam Helenam, de qua scriptum est canon sextæ sessio. Concilij contra Scripturæ, & antiquitatis sententiam dimicat. Sublato autem merito de congruo, tollitur omnis dignitas, & efficacia fidei, & aliarum dispositionum ad iustificandum, & inde sequitur, ut iustificari gratis nihil sit aliud, nisi iustificari sine ulla dignitate fidei, aut operum, ex sola fide apprehendente promissionem. Probat autem nullum esse meritum de congruo: quia tunc sequeretur, hominem iustificari propter meritum suarum dispositionum, non autem propter meritum solius Christi, quod est contra Scripturam, & omnes Patres.

Aliqui etiam ex Catholicis, atque in primis Dominicus à Soto lib. 1. de natura & gratia, c. 14. concedunt quidem dispositiones ad iustificationem, sed negant eas posse vocari ulla ratione merita; & iustificari hominem gratis: contendunt esse iustificari sine ulla merito, siue de condigno, siue de congruo, siue procedente ex auxilio Dei speciali, siue ex viribus solius naturæ. Ratio autem eorum potissima est, quoniam meritum, & merces relativa sunt, ita ut omni merito merces è regione respondeat: merces autem ex debito, & iustitia redditur: ac per hoc non gratis datur. Debitum enim & gratia opponuntur ex Apostolo ad Rom. 4.

Præterea meritum ex congruo non fundatur in ulla dignitate, & proportionem operis ad gratiam iustificationis, sed in sola promissione Dei, qui credentibus & penitentiam agentibus indulgentiam & iustificationem promittit: cui debetur aliquid ex se a promissione alterius, is non dicitur illud mereri, nisi valde improprie. Igitur meritum de congruo non est veri nominis meritum.

Huc addi potest testimonium S. Augustini ex præfatione in Pl. 31. Nihil, inquit, boni fecisti, & datur tibi remissio peccatorum. Et idem habet in Pl. 110. & alibi. Immo in epist. 105. affirmat idem August. in Scripturis sacris iustitiam nunquam vocari mercedem, sed semper gratiam; unde colligit, iustitiæ debetur mercedem, sed ipsam iustitiam semper gratis dari.

RESPONDEO, quod attinet ad xernitium, is aut improbus, aut imperitus esse convenitur, cum asserit, Concilium Tridentinum pro merito de congruo contra Scripturæ, & totius antiquitatis sententiam dimicare. Nam aut loquitur de merito operum, quæ sunt ex solis viribus liberi arbitrii, aut de merito operum, quæ nascuntur ex gratia præveniente, & ex fide: si de PRIMO genere operum loquitur, apertissime improbus est, cum impudenter, & prodige mentiatur. Concilium enim Tridentinum non solum nusquam nominat meritum de congruo, sed etiam illud tenet, quod attinet ad opera, quæ sunt ex solis viribus naturæ, ut patet ex ipsa sexta sessio. capit. 5. & 6. & c. 1. 2. & 3. nam docet, initium iustificationis teneri à gratia præveniente, & tunc primum incipere dispositiones ad gratiam iustificantem, cum homo à Deo motus, & adiutus incipit credere, & neminem posse per naturæ vires, aut scientiam legis sine gratia Dei credere, diligere, & continentiam agere, &c.

Si loquitur de SECUNDO genere operum, imperitum se totius antiquitatis ostendit. Vix enim est vilius inter veteres, qui non agnoscat meritum aliquod in operibus penitentiae, quæ per Dei gratiam fiunt, ut ostendimus in secundo libro de penitentia, capite duodecimo. Quamvis neque de hoc secundo genere operum mendacio careant verba Xernitii. Concilium enim in illa sessione sexta, capite septimo, hoc meritum congrui neque incipit, neque tenet, im-

mo ne verbum quidem de hac re facit, tantum abest, ut pro illo quasi pro Helena dimicet. Dicit quidem Concilium, iustitiam à Deo nobis infundi secundum dispositionem, & cooperationem vniuscuiusque, sed an ea dispositio sit meritoria, saltem de congruo, an vero nullo modo, sed tantum sit conditio quædam requisita, non explicat.

Iam vero quod attinet ad Catholicos, quæstio videtur esse fere de solo nomine meriti, cum alioqui conveniat inter omnes Catholicos, dispositiones requiri, & non sola fide homines iustificari. Nos autem intelligere certe non possumus, cur non sit hoc tempore utendum nomine meriti, præsertim cum additione illa, de congruo, cum agitur de operibus, quæ sunt ex gratia præueniente. Et si nulla esset alia ratio, auctoritas omnium Patrum, & præsertim S. Augustini omnino sufficere nobis deberet. Nam si quo tempore Pelagiani humana merita extollebant, sanctus Augustinus præcipuus gratiæ defensor merita appellare non dubitavit opera illa, quæ nascuntur ex fide, quanto magis hoc tempore, quo Lutherani merita omnia tollunt à medio, deberent Catholici eadem illa opera, merita nominare?

At S. Augustinus lib. 1. Retractionum, cap. 23. retractasse videtur sententiam illam, fides meretur remissionem peccatorum, quando illam aliam retractavit, initium fidei est ex nobis. Non ita est, nam in epist. 105. & 106. docet Augustinus, fidem mereri iustificationem, & tamē in his epistolis summa contentione affirmat, initium fidei non esse ex nobis. Et in ipso lib. 1. Retractionum, cap. 23. ubi retractat illam sententiam de initio fidei ex nobis, scribit verissime dictum esse, fides inchoat meritum.

At S. Augustinus loquitur de merito fidei formatæ, quo meremur iustificationem, id est incrementum iustitiæ, non de merito fidei informis, quo meremur remissionem peccatorum. Neque hoc est verum, nam in epist. 105. ut supra citauimus, loquitur aperte de remissione peccatorum: Neque ipsa, inquit, remissio peccatorum sine merito est, fides hanc impetrat. Et lib. 1. contra aduersarium legis & prophetarum, cap. 17. Fides, inquit, impetrat charitatem. Et in epistola 106. Fides meretur gratiam bene operandi. Et tractatu 44. in Ioannem: Hæc, inquit, confessio meruit iustificationem. Loquitur igitur Augustinus de fide, quæ præcedit charitatem, & remissionem peccatorum, & illi meritum impetrationis attribuit.

At S. Augustinus cum dicit, fidem mereri iustificationem, intelligit, fidem ostendere à quo sit petendum auxilium, unde iustificatio, & post iustificationem merita acquirantur. Hæc vero responsio indigna est viro docto, qualis est is, cum quo differimus. Nam si id esset mereri iustificationem, posset etiam verbum Dei, & concolorales, & ipse Deus dici, mereri nobis iustificationem. DENDE S. Augustinus explicat, quomodo fides mereatur, cum dicit, eam impetrare remissionem peccatorum.

DEINQUE & ipse Augustinus, & reliqui Patres omnes non solum fidei, sed etiam dilectioni, & penitentiae tribuunt meritum iustificationis. Certe autem dilectio, & penitentia non ostendunt, à quo sit petendum auxilium.

At S. Augustinus improprie loquitur de merito, proinde nulla est causa, cur cum in hac parte imitari velimus. Si semel tantum, aut iterum hæc vox vni Augustino excidisset, fortasse tolerari posset ista responsio. At quod omnes Patres, quorum plerique Latinam linguam ab ipsa nutrice didicerant, in re tam graui perpetuo improprie loquantur, incredibile vi-

detur. Vide Tertullianum lib. 4. in Marcionem, Cyprianum ser. 6. de oratione Dominica, Ambrosium lib. 7. & 10. in Lucam, & lib. 2. de penitentia, cap. 3. Hieronymum lib. 1. contra Pelagianos, Augustinum epist. 89. q. 4. tract. 44. in Ioan. in Psal 50. & alibi passim. Et Gregorium in primum Regum lib. 3. c. 4. Deinde non est potissima nostra quæstio, an opera ex fide, quibus disponimur ad iustificationem sint merita proprie, vel improprie dicta, sed an sint hoc nomine appellanda, & nos quidem probamus ita esse vocanda: quoniam sic ea vocant omnes Latini Patres. Neque argumenta illa de relatione meriti, & mercedis conuincunt, fatemur enim omni merito respondere mercedem: sed sicut meritum quoddam esse dicimus ex congruo, ita mercedem quandā esse dicemus ex congruo, quæ magis debeat ex gratia, quam ex iustitia. Nam ipse etiam Apostolus ad Romanos 4. cum dicit: *Es qui operatur, merces non imputatur secundum gratiam, sed secundum debitum.* Satis aperte indicat, esse quandam mercedem, quæ imputari possit secundum gratiam, non secundum debitum.

Ad illud autem quod obieciatur, meritum de congruo non fundari in dignitate operis, sed in sola promissione Dei, RESPONDEMUS, contrarium esse verum. Nam si promissio non requirat vllam conditionem operis, tunc quidem nullum inde orietur meritum: ut si Rex egenti alicui promittat in singulos annos certum nummorum numerum sine vlla conditione: debebuntur egenti illi pecuniæ regis, sed absque vllō eius merito: at si promissio contineat operis conditionem, orietur inde meritum, etiam si opus illud alioqui non sit per se æquale mercedi. Vere enim, qui opus illud fecerit, conuenire poterit promissorem, ac dicere, se meruisse præmium ab illo promissum.

Quare si meritum de congruo fundaretur in promissione cum conditione operis, esset vere meritum ex iustitia, & potius de condigno, licet imperfecte, quam de congruo nominandum. Et ideo nos exultamus, potius fundari meritum de congruo in aliqua dignitate operis, quam in promissione. Nam promissiones, quibus Deus veniam penitentibus pollicetur, non tales sunt, quales illæ quibus bene operantibus coronam gloriæ pollicetur. Nam istæ posteriores verum pactum continent: quod Deus facit cum homine tanquam cum operatio de mercede reddenda: illæ autem priores non proprie continent pactum de mercede reddenda, sed assertionem rei certo futuræ, ut homo securus reddatur veniæ obtinendæ, si penitentiam egerit.

Id autem ita esse intelligi potest, PRIMO ex eo, quod vita æterna sæpe vocatur merces, brauium, stipendium; iustificatio nūquam vocatur, nisi gratia & misericordia. SECUNDO ex eo, quod Scripturæ cum penitentibus veniā promittunt, reddunt rationem, quia Deus misericors est: ut Ioel 2. *Conuertimini ad Dominum Deum vestrum, quia benignus, & misericors est.* At cum promittunt bene operantibus vitam æternam, non tam allegant misericordiam, quam iustitiam, & fidelitatem, ut 2. Tim. 4. *Quam reddet nobis influs index.* Quod si 1. Ioan. 1. dicitur: *Si confiteamur peccata nostra, fidelis est, & influs, ut remittat nobis peccata.* Sciendum est cum loqui de remissione venialium, quæ iusto Dei iudicio redditur bonis meritis iustorum, ut sanctus Augustinus docet in libro de correptione & gratia, capite decimo tertio. TERTIO idem patet ex eo, quod Prophetæ cum promittunt indulgentiam operibus penitentibus: addere solent particulam dubitantem, V T Q V I S S C I T,

FORSAN, &c. ut patet Ioelis secundo, Dan. 4. Ionæ 3. At nihil tale additur in promissione vitæ æternæ meritis iustorum. Verum est igitur, quod diximus, promissiones indulgentiæ, non esse proprie pacta, in quibus fundari possit meritum penitentiae; sicut promissiones vitæ æternæ vera sunt pacta, in quibus fundatum meritum operum bonorum, quæ à iustis fiunt.

Porro negamus, nullam esse in merito de congruo dignitatem. Nam cum sit opus illud à deo, & sit opus gratiæ, & donum Spiritus sancti, quo pacto fieri potest, ut nullam habeat dignitatem? Illud quidem est verum, totam eius operis dignitatem pendere à gratia, & ideo non tam esse hominem, qui meretur, quam ipsam gratiam, quæ (ut loquitur Augustinus in epist. 106.) meretur augeri, ut auctus mereatur & perfici.

Neque tamen hinc iam licebit colligere, hoc esse meritum de condigno; nam etiam si est à deo, tamen non est à deo intus inhabitante per gratiam iustificantem, sed extrinsecus ebeitante & adiuvante, ut idem Augustinus docet in epist. 105. & præterea est à deo incipiente & inchoante, nondum complente & perficiente: proinde est meritum inchoatum & imperfectum; & habet aliquam dignitatem, & proportionem ad suum finem, sed non tantam, quantam requirit meritum de condigno. Denique deest, ut diximus pactum proprie dictum, sine quo nullum potest esse meritum ex iustitia, siue de condigno.

Ad illud autem ex S. AUGUSTINI præfatione in Psalm 31. *Nihil boni fecisti, & datur tibi remissio peccatorum, attenduntur opera tua, & inveniuntur omnia mala.* RESPONDEO S. Augustinum per remissionem intelligere totam iustificationem ab initio primæ dispositionis, quæ est fides, usque ad plenam reconciliationem. Tunc enim Deus incipit remittere peccata, cum inspirat fidem, quæ orando impetrat cætera dona. Itaque illud: *Nihil boni fecisti*, intelligitur ante fidem: sicut etiam id quod sequitur, *attenduntur opera tua, & inveniuntur omnia mala.* Neque enim mala dici possunt opera, quæ fiunt ex fide.

Id ita esse patet ex præcedentibus & sequentibus. Sic enim in præcedentibus ait: *Quomodo ergo iustificatur homo ex fide sine operibus? respondet ipse Apostolus, propterea hoc dixi tibi, o homo, ne quasi de operibus tuis presumere videreris, & merita operum tuorum, te accepisse fidei gratiam.* Noli ergo presumere de operibus tuis ante fidem, noveris, quia peccatorem te fides invenit, &c. In sequentibus etiam ait: *Debebat tibi Deus vindictam, dat indulgentiam.* incipis ergo esse in fide per indulgentiam. tam fides illa assumpta spe, dilectione incipit bene operari, &c. Vides quomodo remissio peccatorum, id est, indulgentia, tunc incipit, cum incipit fides? proinde ante remissionem peccatorum, quæ inchoatur in fide nihil boni fecimus, quia ante fidem nihil boni fieri potest. Ex fide enim incipiunt quæcumque sunt bona. In eundem sensum scribit Augustinus in epist. 105. iustitiam nunquam vocari mercedem, quoniam accepit iustitiam pro toto beneficio iustificationis, ita ut in ea includatur etiam fides, quæ sola non potest esse merces, cum eam nulla omnino merita, neque de congruo, neque de condigno, præcedant. Cætera omnia dona & gratiæ, & mercedis nomine appellari possunt. Hinc igitur patet explicatio omnium testimoniorum, quæ docent hominem iustificari gratis. Significant enim nulla esse merita ante donum fidei.

CAPVT XXII.

Solvitur argumentum quartum ex Scripturis depromptum pro sola fide.

QUARTUM argumentum depromunt ex illis testimonijs, quæ docent, omnes qui credunt iustificari & salvari. Quod quidem non esset infallibiliter verum, si non iustificaret sola fides. Ioan. 3. *Ut omnis qui credit in eum, non pereat, sed habeat vitam æternam.* Act. 10. *Huc omnes Prophete testimonium perhibent, remissionem peccatorum accipere omnes, qui credunt in eum.* Act. 13. *In hoc omnis, qui credit, iustificatur.* Rom. 1. *Evangelium virtutis Dei est in salutem omni credenti.* Rom. 10. *Omnis qui credit in eum non confundetur.* 1. Ioan. 5. *Omnis qui credit, quoniam Iesus est Christus, ex Deo natus est.*

RESPONDEO, particula omnis potest imprimis recte exponi negative, ut sensus sit, omnis qui credit, iustificatur, id est, nemo sine fide iustificatur. Quod illustrat aptissima similitudine Sanctus AUGUSTINUS, explicans illud; *Deus vult omnes salvos fieri*, libro de prædestinatione Sanctorum, c. 8. nam si in una aliqua urbe unus tantum Grammaticæ Doctor esset, & diceretur, omnes in hac urbe Grammaticam discunt ab illo: non significaretur, omnes in ea urbe Grammaticam discere, sed neminem discere sine illo: Sic igitur omnis qui credit, iustificatur, quia nemo iustificatur, nisi credat. *Sine fide enim impossibile est placere Deo.* Et hoc videtur Apostolus significare ad Rom. 1. cum dicit, Evangelium esse virtutem Dei in salutem omni credenti; nam in tota illa disputatione probare nititur, fidem Christi necessariam esse omnibus, & sine illa neque Iudeos per legem Moysi, neque gentiles per lumen rationis posse coram Deo iustificari. Idem etiam videtur esse sensus illius loci Ioan. 3. *Ut omnis qui credit in eum, non pereat*, significat enim missum esse filium Dei à Patre in mundum, quoniam sine eius adventu, & fide nemo salvari potuisset.

SECUNDO, potest eadem particula omnis, referri ad omnia hominum genera, ut significet, fidem Christi esse viam ad salutem apertam toti mundo, Iudeis, Græcis, Barbaris, non autem uni tantum genti, ut erat lex Moysi. Sic enim explicat B. Paulus illud Iсай: *Omnis qui credit in eum, non confundetur*, ad Rom. 10. nam continuo subiungit: *Non enim est distinctio Iudeis & Græcis.* Nam idem Dominus omnium, datus in omnes, qui invocant illum. Et ea de causa sæpe Apostolus urget illam particulam omnis, ut admoneat Iudeos, gratiam Christi non esse impiorum propriam, sed communem omnibus gentibus.

TERCIO refertur interdum particula, omnis, ad singulos credentes, & quidem affirmative, sed tamen non significatur illis sententijs, solam fidem sufficere, sed fidem iustificare & salutare, si non desint cætera, id est, fidem ex parte sua semper iustificare & salutare, modo addantur alia, quæ simul requiruntur. Id autem ita esse, perspicuum est ex eo, quod in scripturis etiam de spe dicitur: *Omnis qui sperat in eum, non confundetur.* Eccles. 2. & de dilectione: *Omnis qui diligit, ex Deo natus est.* 1. Ioan. 4. de humilitate: *Omnis qui se humiliat exaltabitur.* Luc. 14. de oratione: *Omnis qui petit, accipit.* Luc. 11. & : *Quicumque invocaverit nomen Domini salvus erit.* Rom. 10. & de obedientia: *Factus est omnibus obedientibus sibi causa salutis æternæ.* Hebr. 5. & tamen nemo dicet solam spem, aut orationem, aut humilitatem, aut alia sufficere sine fide.

Itaque

Itaque sententia Scripturæ est, singulas istas virtutes ex parte sua perducere homines ad salutem, nisi aliunde oriatur impedimentum, aut defectus. Atque hoc ipsum sancti Patres passim docent, cum admonent, non sufficere solam fidem: *Multi*, inquit *Augustinus tract. 10. in epistol. Ioan. dicunt credi, sed fides sine operibus non saluat.* Et *S. Prosper lib. 1. de vita contemplatiua, c. 19. Nec opera sine fide, nec fides sine operibus iustificat.* Vide alia testimonia infra in disputatione de necessitate operum.

CAPVT XXIII.

Soluitur quintum argumentum ex Scripturis pro sola fide.

QUINTVM argumentum ducunt ab illis testimoniis: quæ prædicant efficaciam verbi Dei. Verbum enim sola fide apprehenditur. *Psal. 106. Misit verbum suum, & sanauit eos. Ioan. 15. Vos mundi estis propter sermonem, quem loquutus sum vobis. Rom. 1. Euangelium virtus Dei est in salutem omni credenti. ad Cor. 15. Notum vobis facio Euangelium, quod prædicauimus vobis, quod accepistis, in quo statis, per quod saluamini. Iacobi 1. Suscipite insitum verbum, quod potest saluare animas vestras.*

RESPONDEO, Verbum Dei sanat & saluat, sed ut hoc faciat, non satis est ut fide apprehendatur, nisi etiam charitate impleatur. Verbum enim Dei non solum offert promissiones, sed etiam imperat opera facienda. Quare Dominus *Matth. 7. comparat hominem audientem verba sua, & non facientem, viro stulto, qui ædificat domum super arenam. Præterea verbum, quod fide apprehenditur, non est ipsa salus, sed semen salutis, quod non solum excipi, sed etiam calefieri, & excoli debet, ut fructum faciat.* Quocirca recte sanctus Iacobus non ait, *Suscipite insitum verbum, quod saluabit, sed quod potest saluare animas vestras, si videlicet excipiat in corde bono, & reficiatur cum patientia tempore tentationum, ut dicitur in parabola seminantis, Matth. 13.*

Sed contra occurrit Lutherus in lib. de libertate Christiana, ubi probat, fidem solam cum verbo Dei sufficere. Primum enim (ut ipse dicit) fides implet omnia mandata. Nam audiens in verbo præcepta & promissa, & prudenter intelligens præcepta non posse seruari, confert se ad promissa, quæ docent omnia esse posita in fide, & credentem in Christum omnia habere. Nam conclusit Deus omnia sub incredulitate, ut omnium misereatur. Et dedit eis potestatem filios Dei fieri his, qui credunt in nomine eius. *Rom. 11. & Ioan. 1. DEINDE, fides exhibet Deo summum obsequium, dum credendo confitetur, illum esse veracem in omnibus suis promissis. Deus autem glorificantes se glorificat, ut dicitur 1. Reg. 1. Vnde & Abraham credidit Deo, & reputatum est ei ad iustitiam, quia videlicet dedit gloriam Deo plenissime sciens, quia quæcunque promissit Deus, potens est & facere. DENIQUE, fides copulat animam Deo, iuxta illud *Osee 5. Sponsabo te mihi in fide: & ideo omnia quæ Christi sunt efficiuntur communia cum anima fideli.**

RESPONDEO, hoc argumentum Lutheri ex tribus virtutibus fidei ductum, magis Lutheranos, quam Catholicos lædit. Nam si Deus glorificat nos, & iustificat, quia summum cultum illi exhibemus per fidem, certe sequitur ut merito fidei, id est, propter virtutem & dignitatem ipsius fidei iustificemur. Quod tamen Philippus & xennitius & quotquot sunt hodie Lutherani abturdum, & falsum esse contendunt.

Sed excutiamus breuiter fidei virtutes, quas Lutherus prædicat. **P**RIAM illam virtutem, quod videlicet fides impleat omnia mandata, furtim subripuerit Lutherus charitati, ut eriuere fidei. Sed vera fides non viuit ex raptu, & ideo clamat verum esse, quod Apostolus dicit, *Rom. 13. Qui diligit, legem impleuit.* Et: *Plenitudo legis est dilectio.* Et quod ipse Dominus ait *Ioan. 14. Si quis diligit me, sermonem meum seruabit.* Et: *Qui non diligit me, sermones meos non seruauit.* Conuerit se quidem fides ad promissa, cum videt, legis mandata solis naturæ viribus impleri non posse: & credens, veram esse illam promissionem, petite, & accipietis, à Deo petit spiritum charitatis, per quem fit vere, ut iustificatio legis impleatur in nobis. Sed non est hæc promissio, quam vellet Lutherus, ipse enim promissionem querit, per quam liberetur à debito legis implendæ, & habeatur, ac reputetur iustus, quamuis sit omni flagitiorum genere cooperatus. Sed hanc promissionem in veris biblijs, id est, in libro Dei nunquam inueniet.

Quod enim ipse allegat, conclusit Deus omnia sub incredulitate, ut omnium misereatur. Et dedit eis potestatem filios Dei fieri his, qui credunt in eum, longe aliud significat, quam illud sit, quod ipse somniat. Dicitur enim Deus conclusisse omnia sub incredulitate quia permisit & Iudeos & Gentiles incredulos fieri, ut in utrisque liberandis misericordiam suam ostenderet. Dedit autem potestatem iis, qui credunt in eum, ut filii Dei fiant: prout non sunt hoc ipso, quod credunt, filii Dei sed fieri possunt, si renascantur ex aqua & spiritu sancto, & sic diffusa charitate in cordibus eorum per Spiritum sanctum, qui datus est eis, incipiant dicere Deo, Abba Pater,

Iam vero quod attinet ad alteram virtutem fidei, exhibet quidem fides cultum & obsequium Deo, cum dat illi gloriam, credēs eum fidelem esse in omnibus verbis suis. Sed neque sola fides exhibet cultum Deo, cum scriptum sit *Matt. 5. Videant opera vestra bona, & glorificent Patrem, qui in caelis est.* Et *Ioan. 21. de sancto Petro legamus, eum morte sua clarificasse Deum. Neque fidei obsequium placet Deo, nisi fides ipsa per dilectionem operetur. Nam & Demones velint, nolint, dant gloriam Deo, dum credunt, illum esse veracem, sed nihil eis prodest obsequium illud coactum. Et nos ipsi, si habeamus omnem fidem, charitatem autem non habeamus, nihil sumus.*

Itaque Deus glorificat eos, à quibus ipse glorificatur ex charitate, sine qua nihil profunt omnia, quæ ab inuitis deferuntur obsequia. Eiusmodi autē sunt obsequium Abraham, qui usque adeo Deum dilexit, ut etiam filium vnigenitum, ut pro eo pateret immolare voluerit. Et ideo recte dicit *S. Iacobus in epist. c. 2. fidem Abraham ex operibus consummatam fuisse.* Quare non est mirum si talis fides, videlicet perfecta, & charitate formata, ac per dilectionem operans reputata fuerit ad iustitiam, id est (ut erat vere) opus existimata, ac iudicata iustitiæ.

Porro **TERTIA** virtus fidei fortasse caret fundamento. Nam quod legimus *Osee 2. Sponsabo te mihi in fide*, non videtur accipiendum de fide, qua credimus Deo, sed de fide, qua Deus præstat promissa. Nam paulo ante dixerat Deus in eodem Propheta: *Sponsabo te mihi in iustitia & iudicio, & in misericordia, & miserationibus, & mox addidit, & Sponsabo te mihi in fide.* Quorum omnium verborum illa videtur esse sententia, *Sponsabo te mihi iuste, misericorditer, atque fideliter.* Sed si accipiat fides pro fide, qua nos credimus Deo, certe sicut sponsamur Deo per fidem,

ita coniugimur in matrimonium perfectum & consummatum per charitatem. Non enim fides, sed charitas est vinculum perfectionis Colossens. 3. & qui manet in charitate, in Deo manet, & Deus in eo, 1. Ioan. 4.

Denique siue per fidem, siue per charitatem, siue (quod cit verius) per utramque ipse semur Christo; erunt quidem nostra, quæ Christi sunt, & Christi quæ nostra sunt, ut Lutherus dicit, sed non eo modo, quo ipse dicit. Non enim nostra erit Christi iustitia, quia reputabitur nostra, sed nostra erit, quia causa erit iustitiæ in nobis inhaerentis, nosque vere, & formaliter perficientis, quemadmodum nostra mortalitas, & cæteræ pœnæ, in quas per lapsum primi parentis incidimus, non fuerunt in Christo per solam reputationem: sed per veram, & realem assumptionem. Lutherus enim parum liberalem sponsum nostrum facit, quem vult ea, quæ nostra sunt, reipsa sibi assumere, ea vero, quæ sua sunt, nobiscum sola reputatione communicare. Sed de his hæcenus.

CAPVT XXIV.

Solutur argumentum sextum ex Scripturis pro sola fide.

POSTREMUM argumentum ex Scripturis illis accipiunt, quæ docent irritam fore promissionem, si lege, aut operibus nitatur, & non sola fide accipiatur. Rom. 4. Si ex lege, hæc iustitia exinanita est fides, abolita est promissio. Et ibidem: Ideo ex fide, ut firma sit promissio. Et Galat. 3. Ut promissio ex fide daretur credentibus. Et Galat. 5. Enacuatistis à Christo qui in lege iustificamini.

RESPONDEO, hoc argumentum solum est partim cap. decimo primo, in responsione ad quintam objectionem; partim capite 19. in explicatione vocabulorum legis & operum. Summa est, docet Apostolus manentem fore fidem nostram, & irritam promissionem Dei, si iustificatio haberi possit per solam cognitionem legis, aut opera facta solis naturæ viribus. Nusquam autem docet, iustificari hominem ex sola apprehensione promissionis per fidem, aut iustificationem non pendere ex conditione operum. Quin potius infinitis locis Scriptura testatur, & iustificationem, & salutem pendere ex conditione pœnitentiæ, & operum bonorum: Nisi pœnitentiam egeritis, inquit Dominus, omnes similiter peribitis, Luc. 13. & Matth. 19. Si vis ad vitam ingredi, serua mandata.

CAPVT XXV.

Solutur argumentum ex traditione veterum Patrum pro sola fide.

QUAMVIS aduersarii testimonii sanctorum Patrum non magni pendunt, cum ipsorum erroribus manifeste repugnent; tamen cupide illa eadem colligunt, si quædam in speciem saltem nobis contraria esse iudicant. Percurram igitur breuiter testimonia, quæ ab illis adferri solent, tamen non ignorem iam ab uno, aut altero fortasse etiam à plurimis ex nostris, satis diligenter esse ferme omnia explicata.

PRIMO loco proferunt ex Origene in capite 3. epistolæ ad Romanos hæc verba: Et dixit (Apostolus) sufficere solius fidei iustificationem, ita ut credens quis tantummodo, iustificetur, etiamsi nihil ab eo operis fuerit expletum.

RESPONDEO, Origenes opponit fidem operi externo, ac docet, posse hominem interdum iustificari; etiamsi nullum opus externum faciat. Ponit

enim exemplum peccatricis & latronis, qui non leguntur ieiunasse, aut elemosinas fecisse antequam iustificarentur. Itaque per vocabulum SOLA, excludit Origenes necessitatem operis externi; quando videlicet, aut potestas, aut occasio decet eiusmodi operis faciendi.

Non excludi autem ab Origene dilectionem & pœnitentiam, perspicuum erit ex verbis eius, in c. 4. eiusdem epistolæ ad Romanos: *Primo*, inquit, quod prima salutis iustitia, & ipsa fundamenta fides est, perfectus vero, & augmenta adficiunt, spes, perfectio autem, & culmen totius operis, charitas. Et infra: *Credentibus quidem Christo, nec tamen deponentibus veterem hominem cum actibus suis, fides reputari non potest ad iustitiam.* Vides igitur non sufficere solam fidem, sed etiam spem & dilectionem, & dispositionem veteris hominis quod sit per pœnitentiam, omnino requiri.

SECUNDO proferunt ex Hilario illa verba canone 8. in Matth. *Monet Scribas, remissum ab homine peccatum, hominem enim tantum in Iesu Christo intuebantur, & remissum ab eo quod lex laxare non poterat. Fides enim sola iustificat.*

RESPONDEO, non excludit Hilarius per particulam, SOLA, nisi legem Moysi, de qua loquebatur. Qui enim dicit, lex non iustificat, sed sola fides, idem est, ac si diceret, ex his duobus sola fides vim habet iustificandi, siue fides iustificat, lex non iustificat. In quem sensum scriptum est Actor. 8. *Nondum Spiritus sanctus, in quenquam illorum venerat, sed baptizati tantum erant in nomine Domini Iesu*, non enim illud, tantum, excludit fidem, aut alias virtutes, sed solum visibilem Spiritus sancti aduentum. Itaque idem Hilarius can. 7. in Matth. cum fide coniungit opera, cum sic loquitur: *Salus gentium omnis in fide est, & in preceptis Domini vita est universorum.*

TERTIO, proferunt ex Basilio illa verba in homilia de Humilitate: *Hæc est perfecta, & in se agloriatio in Deo, quando neque ob iustitiam suam quis se iudicat: sed nouit quidem se ipsum vera iustitia indignum, sola autem fide in Christum iustificatum.*

RESPONDEO, excludit Magnus Basilius per vocem SOLA, opera, quæ fiunt sine fide, & gratia Dei. Hortatur enim ad humilitatem, ac monet, ut unusquisque intelligat, se nihil iustitiæ à se habere, sed quidquid habet, donum esse Dei. Itaque sola fide iustificari apud Basilium, nihil est aliud, nisi ex dono Dei tantum iustificari; non ex operibus præuenientibus omnia dona Dei. Et valde accommodatè ponit exemplum Apostoli, qui ad Philip. 3. non vult habere iustitiam suam, id est, opera facta solis naturæ viribus, sed iustitiam fidei, id est, opera facta ex gratia fidei. Et ibidem reprehendit ingratos, qui gloriantur de bonis suis, quasi dona Dei non essent. Porro idem Basilius in sermone de fide, posteaquam docuit necessitatem fidei, adiungit etiam necessitatem charitatis. Quod probat, tum ex Apostolo prima Cor. 13. tum ex ipso Domino, qui Ioan. 15. non ex fide, sed ex charitate discipulos suos cognoscendos esse prædixit.

QUARTO, proferunt ex Ambrosio verba illa in sermone 45. *Sicut suffecit Iuda ad scelera, Christum deseruisse: ita suffecit latroni ad innocentiam, Dominum credidisse.* Item ex commentario in caput tertium ad Romanos: *Iustificati sumus gratis, quia nihil operantes, neque vicem reddentes, sola fide iustificati sumus dono Dei.* Item in cap. 4. *Non ergo opus est lex, quando impius per solam fidem iustificatur.* Item ibidem: *Sic decretum dicit à Deo, ut cessante lege, solam fidem gratia Dei poscerent ad salutem.* Item: *Beatos dicit, de quibus hoc sanxit Deus, ut sine labore, & aliqua observatione,*

sola fide iustificatur apud Deum. Item in cap. 9. sola fides posita est ad salutem.

Respondeo, Ambrosius (si tamen is est auctor, vel sermonis illius, vel commentariorum in Paulum) per vocem SOLAM, non excludit, nisi opera ceremonialia legis veteris, aut certe necessitate operum externorum. Nam idem auctor sic loquitur in commentario ad cap. 4. ad Hebræos: *Magna res est fides & salutaris, & sine hac non est saluari possibile: sed sola fides non sufficit. Operari fidem per dilectionem necessarium est, & conueniri digne Deo.*

Idem etiam auctor in caput tertium ad Romanos explicat, gentiles saluari sola fide, quia sine obseruatione circumcisionis, sabbathi, neomeniæ, & similitum saluantur. Sic etiam in cap. 4. ideo dicit, cessante lege, solam fidem sufficere, quia loquitur de lege ceremoniali, quæ iam cessauit. Nam in cap. 6. tractans illud: *Gratias autem Deo, quia cum fuissetis serui peccati, &c.* dicit, nos jam seruire Deo, non per legem Moysi, sed per legem naturæ. Denique in cap. 9. antequam diceret, sola fides posita est in salutem, præmiserat, per fidem hominem consequi salutem sublati neomeniis, & sabbatho; & circumcisione, & lege esearum, & oblationibus pecorum.

QUINTO, proferunt ex Chrysostomo illa verba in homilia de fide & lege naturæ: *Eum qui operatur opera iustitiæ, sine fide non possum probare viuam esse: fidelem absque operibus possum monstrare & uixisse, & regnum celorum assequutum, nullus sine fide viuam habuit, latro autem credidit tantum, & iustificatus est.* Item illud ex hom. 3. in epist. ad Titum: *Si credis fides, cur alia inferis, quasi fides iustificare non sufficiat sola?*

Respondeo, Chrysostomus in priore loco docet, fidem solam, id est, sine opere externo interdum sufficere opus externum sine fide nunquam sufficere. Et rationem reddit, quia fides parit opera, opera non pariunt fidem: in posteriore loco docet fidem solam, id est, sine ceremoniis legis veteris abunde sufficere. Nam post verba allegata, mox addit: *Quid responsione seruimus subdit, & legis in eo collum submitte?*

Chrysostomum autem non fuisse in ea sententia, ut existimaret, fidem sine dilectione & penitentia, alijsque similibus operibus sufficere, facile potest intelligi ex illis verbis ipsius homil. 70. in Matth. *Ne fideles sola fide saluari posse confidant, de pena malorum differat. Ita infideles ad fidem, fideles vero ad recte viuendum cohortatur.* Vide etiam hom. 25. & 26. in Matth. Item hom. 28 & 29. & 31. in epist. ad Rom. Item homil. 1. in priorem epist. ad Timoth. ubi sic ait: *Non fide solum opus est, sed etiam charitate.*

SEXTO, proferunt ex Augustino illud: *Quantalibet fuisse virtutis antiquos prædices istos, non eos saluos fecit nisi fides Mediatoris.* Libro 1. contra duas epist. Pelagianorum, cap. 21. Item illud: *Si quis cum crediderit, mox de hac vita decesserit, iustificatio fidei manet cum illo: nec precedentibus bonis operibus, quia non merito ad illam, sed gratia peruenit: nec consequentibus, quia in hac vita esse non finitur.* Lib. 83. quæst. 76.

Respondeo, in priore loco solum docet Augustinus, neminem sine fide saluari; proinde antiquos iustos neque per naturam, neque per legem Moysi, sed per ipsam Christi fidem esse saluos. Ipsa enim sola ex rebus enumeratis vim habet saluandi. Quomodo si tres ambularent, & diceretur nobis, nullus est Doctor nisi ille, qui ambulat medius; non intelligeremus, nullum esse in orbe terrarum Doctorem præter illum, sed non esse inter eos tres Doctorem, nisi vnum.

In posteriore loco aperissime loquitur Augustinus de fide viuæ & charitate perfectæ, atque formata, quæ sine operibus in actu esse potest, sed non in habitu. Dixerat enim in verbis immediate præcedentibus hominem iustificari sine operibus præcedentibus fidem, sed fidem iustificante esse fidem, quæ per dilectionem operatur. Idem autem Augustinus in infinitis locis, ut supra citauimus, docet, fidem sine charitate nihil esse nisi fundamentum ædificij, & initium, ac radicem iustificationis.

SEPTIMO, posset adduci Cyrillus Alexandrinus, qui lib. 10. in Ioan. cap. 18. scribit, hominem per solam fidem inherere Christo. Sed in eodem loco satis ipse se explicat, cum dicit, posse hominem in Christo manere per fidem, & tamen carere dilectione & perire.

OCTAVO, adduci potest Leo in epist. 70. ubi sic ait: *Sola fides Catholica uiuificat & sanctificat.* Et iter. 4. de Epiphania: *Hoc est, quod iustificat inuicem, hoc est, quod de peccatoribus facit sanctos, si in vino, eodemque Domino Iesu Christo, & uera Deitas, & uera credatur humanitas.*

Sed responsio est in promptu; siquidem per vocem SOLAM, nihil aliud sanctus Leo excludit, nisi falsam fidem, & hæreticas sectas. Sola enim fides Catholica, id est, non Ariana, non Eutychiana, non Lutherana iustificat. Ut illud omitтам quod non loquitur Leo, sicut etiam neque alij Patres, de fide speciali promissionum, sed de fide dogmatica, quam aduersarij neque solam, neque cum alijs virtutibus iustificare concedunt.

NONO, adduci potest Theophylactus, qui in commentario ad cap. 3. ad Galat. ait: *Fides sola habet in se iustificandi uirum.* Sed locus similis est testimonio Sancti Augustini supra citato, neque aliud significat, nisi nihil esse, quod sine fide iustificate valeat.

DECIMO, adduci potest, & solet Bernardus, qui serm. 12. in Cantica sic ait: *Quisquis pro peccatis compunctus, & fuit, & fuit iustitiam, & uocat in re, qui iustificat inuicem, & solam iustificat per fidem pacem habebit ad se.* Et in epist. 77. citans illud: *Qui crediderit & baptizatus fuerit, saluus erit:* Certe, inquit, non reperit: qui re-baptizatus non fuerit, condemnabitur, sed tantum, qui uero non crediderit, inuicem nuntium, solam fidem interdum sufficere ad salutem, & sine illa sufficere nihil.

In priore testimonio loquitur de fide viuæ, & cum charitate coniunctæ. Nam illa est, quæ elurit & fuit iustitiam, & quæ pro peccatis non timore pænæ, sed iustitiæ amore compungitur. Itaque idem est, ac si dixisset: *Qui toto corde auersatur peccatum, & cupit operibus penitentiae Domino satisfacere, etiam antequam opera ista aggrediatur per fidem viuam, & charitatem feruentem Domino reconciliatur.*

In posteriore testimonio per vocem SOLAM, Baptismi necessitatem excludit, quando uidelicet eius percipiendi facultas non datur. Iustificat enim fides sine Baptismo in necessitatis articulo, non autem Baptismus sine fide. Ea tamen fides, quæ sine Baptismo aliquando iustificat, nunquam sine voto Baptismi & penitentia, ac dilectione iustificat. Sic enim loquitur idem Bernardus serm. 24. in Cantica: *Non facit hominem rectum fides etiam recta, quæ non operatur ex dilectione.* Et infra: *Neque opera sine fide, neque fides sine operibus sufficit ad animi rectitudinem.* Habemus igitur ex testimonijs veterum Patrum, fidem solam aliquando iustificare, sed nunquam in eo sensu, quod id accipiunt aduersarij.

LIBER SECVNDVS,

DE IVSTIFICATIONE, QUI EST DE

IVSTITIA INHÆRENTE.

CAPVT PRIMVM.

De varijs erroribus circa formalem causam iustificationis.

EXPEDITIS ijs, quæ iustificationem præcedunt, de ipsa iustificatione, id est, de causa formali, propter quam homo dicitur iustus coram Deo, differendum est. Magna sane quæstio, & hoc tempore præter ceteras maxime necessaria.

Hæretici siquidem Lutherani ad hanc disputationem illustrandam, magnum æse lumen accensum esse gloriantur. Cum tamen tanta eam opinionum confusione turbauerint, ut multi iam apud eos de veritate reperienda non sine ratione desperent. Exponam igitur breuiter præcipuas eorum sententias, ut inde statu quæstionis inuento, commodius & veritatem comprobare, & quæ contra eam obijciuntur argumenta refutare possimus.

Præterea Lutherus causam formalem iustificationis aliquando fidem, aliquando Christum ipsum fide apprehensum, facere videtur. Sic enim loquitur in commentario ad cap. secundum ad Galatas: *Sicut Sophista dicunt charitatem informare & imbuere fidem, sic nos dicimus, Christum informare & imbuere fidem, vel formam esse fidei.* Ergo fide apprehensus & inhabitans Christus, est iustitia Christiana, propter quam nos Deus reputat iustos, & donat vitam æternam. Ibidem tamen etiam hæc habet: *Est ergo formalis nostra iustitia, ipsa fides & nebula cordis, hoc est, fiducia in re, quæ non videtur.* Itaque varie loquutus est Lutherus, & ideo discipuli eius in varias sententias abierunt, quamuis in eo conuenirent, ut diceret, sola fide hominem iustificari, & nullam esse in nobis inhærentem iustitiam.

Philippus Melanchthon in Confessione Augustana, articulo quarto scribit, fidem ipsam nobis pro iustitia imputari coram Deo. Sed in articulo 20. & in Apologia Confessionis, art. 4. §. 6. 20. sæpius repetit, non propter ipsam fidei virtutem nos coram Deo iustos reputari, sed propter Christi meritum: dici autem nos fide iustificari, quia fides apprehendit misericordiam Dei. Proinde Philippus quoque non semper vno modo loquitur, cum interdum fidem, interdum Christi meritum, interdum Dei misericordiam videatur facere formalem causam iustificationis.

Quocirca Osiander in confutatione scripti, quod contra ipsum ediderat Melanchthon testatur, viginti discrepantes sententias apud solos Confessionistas numerari de iustificatione. Et in libro, quem scribit contra Nicetioracem quendam, ita loquitur de Philippo, eiusque discipulis: *Simul ac locum aliquem Scriptura viderunt, in quo iustitia mentio fieret, statim ex eo nouam iustitiam sunt fabricati.* Atque ibidem recenset quatuordecim de iustificatione sententias. Ipse autem Osiander ex Lutheri libris docuit, formalem causam iustificationis esse illam ipsam iustitiam, qua Deus essentialiter iustus est. Sic enim intellexit, quod Lutherus ait, ipsum Christum in nobis habitantem esse formalem nostram iu-

stitiam. Itaque Osiander non agnoscit imputatam iustitiam cum alijs Lutheranis, neque inhærentem cum Catholicis, sed inhabitantem cum Luthero, ut ipse cum interpretatur. Extat eius confessio, in qua sic loquitur de Confessionistis, *Hypocritæ docent, iustitiam nostram nihil esse aliud, quam quod Deus nos pro iusto habet, etiamsi simus peccatores, & nostram iustitiam esse extraneam.* Et in confutatione scripti Philippi, scribit, Deum non acceptare ullam iustitiam, nisi suam propriam, & essentialem. Refellunt hanc Osianderi sententiam, cum alij permulti, tom Ioannes Calvinus satis copiose lib. 3. Instit. ca. 11.

Matthias Illyricus in Centurijs, cent. 1. lib. 2. col. 238. his verbis proponit sententiam, quam ex Luthero se didicisse gloriatur: *Iustitia, quam Deus impii imputat, non sunt qualitates, aut virtutes nostræ, neque ipsa Dei essentia, sed diuina & substantialis iustitia, sed totum opus, quod Christus homo & Deus in una persona mediator noster pro toto genere humano præstitit.* Eodem fere modo loquuntur in Colloquio Altemburgensi tum Saxonicæ, id est, Lutherani ridigi: tum Electorales, id est molles: Inter nos, inquiunt isti, nulla est dubitatio, quin sacra Scriptura iustitiam Christi, per quam nos coram Deo iustificamur, & qua iusti sumus, passionem & obedientiam Christi velamus & perspicimus verbis appeller. Et ibidem Saxonicæ: *Obedientia, inquiunt, & meritum Christi est res ipsa, quæ nobis imputatur, est iustitia ipsa, quæ nobis donatur, atque adscribitur.*

Ioannes Calvinus admittit quidem cum Lutheranis, non esse in nobis ullam inhærentem iustitiam, & imputari Christi iustitiam, & propter eam condonari peccata, proprie tamen in ipsa remissione peccati sitam esse docet iustificationem. Existimat enim nomen iustificationis esse forense, neque aliud esse iustificare, nisi iustum pronunciare. Itaque in lib. 3. Institut. capite vndecimo, §. secundo, sic ait: *Non iustificationem simpliciter interpretamur acceptationem, quæ nos Deus in gratiam receptos pro iusto habet; eamque in peccatorum remissione, ac iustitia Christi imputatione positam esse dicimus.* Et ibidem §. 3. *Iustificare nihil aliud est, quam cum qui reus est, vel agitur, tanquam approbata innocentia à reatu absolvere.* Cum itaque nos Christi intercessione iustificet Deus, non propria innocentia approbatione, sed iustitia imputatione nos absoluit, ut pro iusto in Christo censemur, qui in nobis non sumus. Itaque cum idem Calvinus in eodem cap. §. 21. & 22. & in Antidoto Concilij ad sessio. 6. contendit, iustificationem non esse positam nisi in peccatorum remissione, non excludit imputationem iustitiæ Christi, sed internam renouationem & sanctificationem; quam iustitiæ nomine omnino indignam esse indicat.

Martinus Bucer in libro Concordiæ, ut foras Catholicos aliquos seduceret, ut fecit, duplicem iustitiam excogitauit, à qua formaliter iustificemur; vnam imperfectam, quæ in virtutibus in nobis inhærentibus sita sit: alteram perfectam,

quæ est ipsa Christi iustitia nobis imputata. Quoniam enim iustitia nostra nunquam talis esse potest, ut iudicium Dei sustineat, ut ipse dicit, ideo necessaria esse imputationem iustitiæ Christi, ut illa induiti, & quodammodo recti coram Deo compareamus & iusti pronunciemur. Hinc in libello Imperatori Ratisbonæ exhibito à Lutheranis (quorū princeps Bucerus erat) sic legimus in art. 5. *Esse autem is qui iustificatur, iustitiam accipit, & habet per Christum etiam inherentem: tamen anima fidelis huic non innuitur, sed solis iustitiæ Christi nobis donatæ, sine qua nulla omnino est, nec esse potest iustitia.*

In eandem sententiam, siue potius errorem incidit Albertus Pighius in secunda controuersia, & auctores Antididagmatis Colonienfis. Quocirca Bucerus in libro Concordiæ iam citato, in articulo de Iustificatione, fateatur Pighij sententiam non dissentire à Lutheranorum sententiâ: quod attinet ad causam formalem iustificationis, sed solum quantum ad causam apprehensiuam, quare Lutherani solam fidem, Pighius dilectionem potius, quam fidem esse definit.

Cæterum quicquid Bucerus de Pighij communiōe cum Lutheranis dicat, duabus in rebus dissidet à Lutheranis Pighius. PRIMUM enim Lutheranis virtutes, quæ sunt in nobis per gratiam Dei, non dignantur vello modo nomine iustitiae (solo excepto Bucero) sed inchoatam obedientiam & renouationem vocant, quam ipsam per se adeo contemnunt, ut iniustitiâ esse velint, & sempiterna morte dignam existimēt, ut perspicuum est ex Caluino, Kemnitio, & alijs: *Omnia hominum opera* (inquit Caluinus lib. 3. Institutionum, cap. 12. §. 4.) *si sua dignitate censeantur, nihil nisi inquinamenta sunt & sordes.* Et cap. 14. §. 9. *Nullum à sanctis exire potest opus, quod non mereatur istam opprobrij mercedem.* Neque ipsum Bucerum credibile est, iustitiam in nobis inherentem potuisse, nisi nomine. Neque enim axioma illud Lutheri negare ausus fuisset: *Iustus in omni bono opere peccat mortaliter.* At Pighius & Colonienfes, iustitiam inherentem imperfectam dixerunt, non quod iniustitiam esse crederent, sed quod eam imparem esse censerent ad magnitudinem adoptionis filiorum Dei, quæ per iustificationem acquiritur.

Deinde (quod est discrimen longe maximum) Bucerus & ceteri Sectarij, sententiam suam obstinate defendunt, neque Ecclesiæ Catholicæ iudicio acquiescere sunt parati, proinde non errantes, sed hæretici merito nominantur. Pighius autem, & Colonienfes semper in Ecclesiæ Catholicæ communionem manserunt, parati in iudicio iudicium suum, sententiamque subicere; quocirca illorum errorem nulla animositate, sed sola ignoratione defensum, regere potuit charitas vnitatis.

Ex his quæ hæcenus dicta sunt, errores de iustificatione, quinque numerari posse videntur. Vnus est, formalem causam iustificationis esse fidem. Id enim (saltem verbo) tum in Lutheri scriptis, tum in Augustana Confessione reperimus. Alter formalem causam iustificationis esse Christi obedientiam, & iustitiam nobis imputatam. Id enim Illyricus, & plerique alij docent. Tertius, formalem causam iustificationis esse iustitiam Dei essentialem nos inhabitantem. Id enim docuit Osiander. Quartus, formalem iustificationem istam esse proprie in sola remissione peccati. Id enim Caluinus affirmat, quamuis non neget (ut diximus) ad iustificationem requiri etiam imputationem iustitiæ Christi. Quintus, formalem causam iustificationis duplicem esse, iustitiam nostram inherentem, &

A Christi iustitiam imputatam. Id enim Pighius & quidam alij docuerunt.

CAPV T II.

Proposuit sententia Ecclesiæ & aperitur status questionis.

ECCESTÆ Catholicæ sententia de causa formalis iustificationis, explicatur à Tridentina Synodo sessione 6. c. 7. his verbis: *Vnica formalis causa est iustitia Dei, non qua ipse iustus est, sed qua nos iustos facit, quia videlicet ab eo donati, renouamur spiritu mentis nostræ, & non modo reputamur, sed vere iusti nominamur, & sumus.* Et paulo infra: *Id in hac iustificatione impii fit, dum eiusdem passionis sanctissime merito, per Spiritum sanctum charitas Dei diffunditur in cordibus eorum, qui iustificamur, atque ipsi inhaerent. Vnde in ipsa iustificatione cum remissione peccatorum hac simul infusa, accipit homo per Jesum Christum, cui inseritur, fidem, spem, & charitatem.*

His verbis, omnes quinque errores damnantur, quos capite superiore numerauimus. Nam cum dicitur, *Vnica esse formalis causa;* reuocatur sententia Buceri, & Pighij, de duplici iustitia, cum dicitur ea esse iustitia Dei, non qua ipse iustus est, reuocatur sententia Osianderi de iustitia diuina per essentiam, cum dicitur, *qua renouamur spiritu mentis,* & *qua inhaerent,* & *qua iusti vere nominamur & sumus,* reuocatur sententia Lutheranorum de iustitia imputatiua; cum dicitur ea iustitia non consistere in sola remissione peccatorum, reuocatur sententia Caluini de iustificatione more forensi; cum dicitur, *iustitia nostra esse fides, spes, & charitas infusa,* reuocatur sententia Lutheri de sola fide.

Porro status totius controuersiae reuocari potest ad hanc simplicem questionem, sit ne formalis causa absolutæ iustificationis iustitia in nobis inherens, an non. Nam si quis probet partem affirmatam, eodem tempore refellet omnes contrarios errores. Nam si formalis causa iustificationis est iustitia inherens, non igitur iustitia Dei inhabitans; vel iustitia Christi imputata; vel sola remissio peccati sine renouatione hominis interioris. Et si iustitia inherens est formalis causa absolutæ iustificationis, non igitur requiritur imputatio iustitiæ Christi, quæ iustificationem alioqui inchoatam & imperfectam absoluat. neque sola fides est nostra iustitia, cum fides (ipsis etiam Lutheranis testibus) non possit absolute iustificare, & ideo (ut loquitur Confessio Augustana artic. 4.) non tam sit, quam reputetur à Deo iustitia. Itaque omnes illi errores, aut non ponunt iustitiam inherentem, sed extrinsecam, aut si ponunt inherentem, nolunt eam absolute iustificare. Proinde omnes refutantur, si probetur iustitia inherens, quæ absolute simpliciter iustificet.

Est autem hoc loco breuiter annotandum, Kemnitium more suo fraudulenter admodum proponere statum questionis de formali iustificatione. Dicere enim id in controuersiam vocari, *Quid sit id propter quod Deus hominem in gratiam recipiat: an sit meritum filii Dei, an inchoata in nobis nouitas?* & plane tragice queritur, nos detrahare vim iustificandi merito Christi, ut tribuamus eam virtutibus, & qualitatibus nostris. Vbi primum de indolentia loquitur improprie, ut confundere possit causam formalem cum meritoria, & illa ambiguitate sententiam Catholicam odiosam reddat. Nam si quis proprie loqui velit non utetur voce, *propter*, sed, *per*

At eadem istæ consecutiones infirmissimæ sunt, neque aliquid efficiunt, si quis per eas excludere velit opera, quæ sunt ex gratia & fide. Nemo enim CHRISTVS gratis mortuus dici potest, si iustificamur ex fide & operibus consequentibus fidem: immo nisi CHRISTVS mortuus esset, non possemus ex fide & operibus inde sequentiis iustificari. Hoc enim omnia gratia Dei donabit nobis per IESVM CHRISTVM Dominum nostrum. Sic etiam, non ideo hæreditas non est ex promissione, quia opera ex fide & gratia procedentia ad iustificationem sunt necessaria; quin potius ideo est ex promissione hæreditatis, quoniam sine promissione non fuisset gratia, sine gratia non fuisset fides, sine fide non fuissent opera iusta, quibus redderetur hæreditas, id est ipsa corona iustitiæ. Ac demum nõ euacuamur à CHRISTO, neque à gratia excidimus, qui ex fide CHRISTI, & operibus gratiæ iustificamur, sed contra potius, nisi ad CHRISTVM & eius gratiam pertineremus, fidem & opera iustificantia non haberemus.

Quare cum Paulinæ illæ consecutiones vim habeant aduersus eos, qui iustificationem operibus factis sine fide, & gratia tribuebant, non autem aduersus eos, qui à iustificatione opera consequentia fidem, & gratiam non excludunt: manifeste sequitur, Apostolum in epistola ad Galatas cõtra eos tantum disserere, qui legem, & opera sine fide CHRISTI magnificabant: neque statum quæstionis in ea epistola esse, an opera ex fide, sed an opera sine fide iustificent.

Ad VLTIMUM ex capite tertio ad Philippenfes, RESPONDEMVS (vt supra diximus) iustitiam ex lege, vocari opera, facta ex cognitione legis per solas naturæ vires.

At contra obiicit KEMNITIVS, Apostolum non solum loqui de operibus suis, quæ fecerat ante fidem, cum damnat iustitiam propriam, sed etiam de operibus quæ tunc faciebat, cum esset Apostolus CHRISTI. Nam de prioribus dixit in præterito, omnia arbitratus sum detrimenta, de posterioribus dicit in præsentem, omnia arbitror vt stercora. Itaque B. Paulus omnia opera sua, siue ex fide, siue sine fide facta contemnit & pro stercoribus habet, sola interrim Christi fide contentus.

RESPONDEO, mirum est quam prompti sint hæretici ad blasphemias, nulla ferme oblata occasione. Nam quod Apostolus inter scribendum nunc vratur tempore præterito, nunc tempore præsentem non cogit, vt existimemus eum loqui de rebus diuersis. Potuit enim de iisdem illis operibus factis in lege, & ante fidem dicere, se initio conuersionis illa omnia pro detrimentis habuisse, & nunc etiam illa eadem nihil facere, & non solum pro detrimentis, sed etiam pro stercoribus habere, quod in dies magis ac magis intelligat illorum operum inane. Et re vera loquuntur esse B. Paulum, etiam in præsentem, de operibus factis in lege, & ante fidem, perspicuum est ex anthitese quam facit, cum dicit: *Vt inueniar in illo, non habens meam iustitiam, quæ ex lege est sed illam, quæ ex fide est CHRISTI.* Vbi opponit iustitiam suam, id est, opera sua iusta facta ex fide, quæ sunt vere iusta coram Deo; iustitiæ suæ, id est, operibus suis iustis factis in lege, sine fide, quæ non poterant esse vere iusta coram Deo, sed solum exterius, & in facie hominum, apud quos (vt ipse ibidem scribit) fuerat in Iudaismo sine querela versatus.

At quanta quæso blasphemia est, opera facta ex fide & gratia Christi stercora nominare, quæ ad Galatas 5. Fructus spiritus ipse idem vocat Apostolus? ergone Spiritus facti fructus stercora sunt? & quo

A modo 2. Timoth. 4. B. Paulus gloriatur, & dicit: *Bonum certamen certavi, cursum consummaui, fidem seruauit. In reliquo reposita est mihi corona iustitiæ, quam reddet mihi iustus index;* Ita ne de stercoribus gloriari debuit tantus Apostolus? & quæ debetur stercoribus corona iustitiæ? & quis ille est iustus index, qui stercora coronare dignatur? DENIQUE quam gratiam debemus Deo, qui nos creauit in CHRISTO IESU in operibus bonis, quæ præparauit vt ambulemus in illis ad Ephesios secundo, si ista opera nihil sunt aliud, nisi stercora? DENIQUE si bona opera fidelium, detrimenta, ac stercora sunt, certe facienda & amplectenda non sunt, sed excutienda, atque abiicienda sunt. Eat nunc Kemnitius, & queratur, quod eum hostem operum bonorum esse dicamus.

CAPVT XX.

Soluitur alterum argumentum ex Scripturis petitum pro sola fide.

ALTERVM argumentum sumunt ab ijs locis, vbi sola fides nominatur, cæteris omnibus operibus, vel dispositionibus prætermisissis. Matth. 9. *Fides tua te saluam fecit.* Lucæ octauo: *Crede tantum, & salua eris.* Ioannis primo: *Dedit eis potestatem filios Dei fieri, his qui credunt in nomine eius.* Ioannis 3. *Qui credit in filium, habet vitam æternam.* Ad Rom. 5. *Iustificati ex pace, pacem habemus ad Deum.*

RESPONDEO, locus ille, *crede tantum, & salua eris*, vbi gloriantur aliqui ex sectariis, se tandem reperisse particulam SOLA, quam Lutherus de suo addiderat, cum in nullis Bibliis eam inuenire potuisset, non facit ad rem. Loquitur enim eo loco Dominus de miraculo faciendo in excitatione defunctæ, non de iustificatione impii, & remissione peccatorum. Fatemur autem, fidem solam interdum satis esse ad miracula impetranda, videlicet cum referuntur ad ipsam fidem confirmandam, non ad vitam eius illustrandam, qui miraculum impetrat. Hoc enim modo virtutes multas fecisse dicuntur improbi quidam qui in die iudicii audituri sunt: *Amen dico vobis, nunquam noui vos, discedite à me omnes operarii iniquitatis.* Matth. 7.

Quod attinet ad alia loca, negamus id sequi, vt fides sola iustificet, etiam si interdum sola nominatur. Nam interdum quoque sola nominantur alie virtutes, aut Sacramenta, vt Lucæ 7. *Remittuntur ei peccata multa, quoniam dilexit multum.* Tobie 12. *Eleemosyna à morte liberat.* Ad Romanos octauo: *Spes salus facti sumus.* Ecclesiastici secundo: *Timor Domini expellit peccatum.* Ad Titum tertio: *Saluos nos fecit per lauacrum regenerationis.* Ephes. 2. *Abundans eam lauacro aquæ in verbo vite.* Nec tamen vilis colligit dilectionem, aut eleemosynam, aut timorem, aut baptismum sine fide iustificare.

Itaque Scriptura, cum ad vnum effectum multæ causæ concurrunt, modo vni causæ, modo alteri effectum illum tribuit, nec propterea significare intelligitur, vnam causam sine aliis posse sufficere. Cur autem Apostolus frequentius iustificationem tribuat fidei, quam dilectioni, aut aliis rebus, causa est quam reddit Concilium Trident. sess. 6. c. 8. quoniam fides est initium gratiæ iustificationis. Inde enim incipit Deus ædificium spirituale in anima hominis, inde incipit curare morbum peccati: inde incipit colere agrum cordis, inde incipit vitam aperire ad portum salutis.

Sed occurrit IOANNES CALVINUS in Antidoto Concilii, atque hanc explicationem non solum puerilem vocat, sed etiam manifesti erroris damnat. Probat autem ipse, fidem non esse tantum initium, & fundamentum iustificationis, sed etiam incrementum & perfectionem, tribus testimoniis diuinæ Scripturæ. PRIMUM est ad Romanos 1. *Euangelium virtus Dei est in salutem omni credenti, quia reuelatur in eo Dei iustitia ex fide in fidem.* Quis non videt, inquit Calvinus, principium, & finem pariter hic designari, alioqui dicendum erat ex fide in opera, si quidem opera perficerent, quod fides inchoat. Alterum est Habacuc 2. *Iustus ex fide viuit.* Hoc, inquit Calvinus, Propheta valde improprie dixisset, nisi fides continuaret vitam. TERTIUM est Genesis 15. *Credidit Abraham Deo, & reputatum est ei ad iustitiam.* Non erat, inquit Calvinus, tunc Abraham nouitius, sed sanctitatis, omniumque virtutum exemplar, ergo non ei aditum ad iustitiam patefecit fides, ut aliunde postea iustificatio compleretur.

RESPONDEO, impudenter Calvinus, dum se Concilio Tridentino insultare credit, S. Augustino, & toti antiquitati insultat. Quod enim Concilium dixit ideo ex fide hominem iustificari, ex Apostoli sententia, quod fides initium sit & radix iustificationis: scripsit antea S. AUGUSTINUS in lib. de prædestinatione Sanctorum, c. 7. his verbis, *Ex fide ideo dicit iustificari hominem, non ex operibus, quia ipsa prima datur, ex qua impetrentur cætera, quæ proprie opera nuncupantur.* Et in epistola 105. ad Sixtum: *Fides inquit, unde omnis iustitia sumit initium.* Et libro de bono perseuerantiæ, cap. 2. *Quod initium verius homini Christiano, quam credere in Christum?* Et in præfatione Psalm. 31. inquit, *superadificationem, sed video fundamentum fidei: laudo fructum, sed in fide agnosco radicem.* Et sermone 16. de verbis Apostoli: *A fide, inquit, incipit homo.* Et serm. 22. quem sæpe citauimus: *Domus, inquit, Dei credendo fundatur, sperando erigitur, diligendo perficitur.* Quod idem omnes alios Patres sensisse ac docuisse, ostendimus supra cap. 13. & 17.

Dicat nunc Calvinus si audet, Augustinum, quem vnum ex tota antiquitate sibi patronum eligere solet, pueriliter in Scriptura luisse, quia fidem vocauit initium, fundamentum, radicemque iustitiæ, & ideo iustificari ex fide hominem scripsit, quia fides prima datur, ut per eam cætera impetrentur. Vere igitur fides initium est & origo iustitiæ, sed non tale initium, ut veniente iustitia cedat, ac recedat, quomodo timor foras mittitur à charitate, quam suo quodam ministerio introduxit, sed est initiū, quod manet & perficitur; quomodo arborum radices non arescunt, sed crescunt, & roborantur crescēte arbore: & fundamentum ædificij non subtrahitur accedente fabrica domus, sed perficitur, & stabilitur, & parietes, tectumque sustentat. Ita nimirum & fides primum inchoat iustificationem, deinde assumpta spe & charitate perficit. Ideo cum inchoat, sola est, cum perficit, non est sola: siue (quod idem est) sola inchoat, non sola perficit.

Proinde recte Concilium post Augustinum scribit, hominem iustificari ex fide, quia fides est initium & origo iustitiæ: ut videlicet id fidei proprie tribueret: quod ei soli proprie conuenit. Quare si Calvinus, & cæteri Sæctarii, cum dicunt, fides sola iustificat, significare vellent, fidem solam inchoare iustitiam, non esset cum eis de sola fide diutius litigandum.

Illud igitur Apostoli: *Reuelatur iustitia Dei ex fide in fidem*, multis modis exponi potest, neque cogimur

admittere fidem solam esse principium, finemque iustitiæ. Exponit enim S. AUGUSTINUS in libro de spiritu & littera, capit. 11. ex fide annunciantium Euangelium, in fidem obedientium Euangelio. Exponunt ALII, ex fide Prophetarum in fidem Apostolorum: ALII, ex fide obscura & latente in Testamento veteri, in fidem manifestatam & reuelatam in Testamento nouo: ALII, ex fide rerum præteritarum, in fidem futurarum: ALII ex fide imperfecta, in fidem perfectam, & charitate formatam.

Quæ postrema expositio confirmatur ex similibus phrasibus, quæ significant progressum & incrementum eiusdem rei, ut, *Ibunt de virtute in virtutem.* Psalm. 83. *Et usque in generationem & generationem veritas eius.* Psalm. 99. *Transformamur à claritate in claritatem tanquam à Domini spiritu,* 2. Cor. 3. *Et misericordia eius à progenie in progenies timentibus eum.* Lucæ 1. Itaque sententia Apostoli est, in Euangelio reuelari iustitiam Dei, quæ incipit à fide inchoata & perducitur ad fidem charitate perfectam; atque formatam.

Illud vero Habacuc 2. *Iustus ex fide viuit*, intelligitur de fide viuâ (quomodo enim potest aliquis viuere ex fide mortuâ) fides autem viuâ ex testimonio sancti Iacobi, capite secundo, non est fides sola, sed fides cum operibus, siue (ut loquitur Paulus ad Galatas quinto) fides per charitatem operans. Et recte cohæret hoc testimonium cum superiore. Probat enim B. Paulus, iustitiam Dei esse ex fide in fidem, quia scriptum est: *Iustus ex fide viuit*, nimirum iustitia Dei ex fide imperfecta inchoatur, & in fidem perfectam, hoc est, viuam terminatur. Quoniam iustus ex fide viuere debet, nec posset ex fide viuere, si iustitia eius constaret ex fide non viuâ.

Quare docet quidem Propheta, per fidem continuari vitam, sed non per fidem solam, sed per fidem cum charitate coniunctam & per charitatem operantem; ex quo sequitur, ut iustus non solum ex fide, sed etiam ex charitate viuat. Neque ideo falsum est, quod Concilium dicit, fide inchoari iustitiam, quoniam verum est quod Propheta dicit, fide continuari iustitiam. Vtrumque enim fides facit, sed primum facit sola, secundum non sola.

Illud denique, quod Calvinus adducit ex cap. 15. Genes. *Credidit Abraham Deo, & reputatum est ei ad iustitiam*; significat Abrahamum iustum ex nouo quodam actû fidei factum esse iustiorē. Sed non ideo non aperuit illi aditum ad iustitiam fidei, cum primum ille iustificatus est, quia postea quoque iustitiam in illo auxit. Nam (ut iam diximus) non ita facimus fidem initium iustitiæ, ut negemus illam crescere & perfici & semper hominem ad maiora perducere. Hoc solum negamus, per eam solam posse hominem integre, perfecteque iustitiæ formam acquirere.

CAPVT XXI.

Solutur argumentum tertium ex Scripturis desumptum pro sola fide.

TERTIUM argumentum petunt ab ijs locis, in quibus dicitur homo gratis iustificari. Idem enim est gratis, & non ex operibus, ac per hoc idem est gratis, & sola fide, Rom. 3. *Iustificatus gratis per gratiam ipsius.* Rom. 4. *Es qui operatur, merces non imputatur secundum gratiam, sed secundum debitum.* Et autem, qui non operatur, credenti autem in eum, qui iustificat impii,

deputatur fides eius ad iustitiam. Rom. 11. si gratia, iam non ex operibus, alioqui gratia iam non est gratia. Ephes. 2. Gratia estis salvi per fidem, non ex operibus. Hoc argumentum non solum probat, sola fide hominem iustificari, sed etiā iustificari sola fide relative, id est, non propter dignitatem, aut meritum fidei, quia tunc gratia non esset gratia.

RESPONDEO, particula illa gratis duobus modis accipi potest, Vno modo, vt opponatur debito ex iustitia, siue meritis, vt loquuntur Theologi, de condigno, quæ sunt absolute & simpliciter merita. Et hoc modo iustificatio gratuita non excludit opera, quæ dicuntur concurrere ad iustificationem vt dispositiones, vel vt merita de congruo, modo non tribuatur eis meritum de condigno, de quo loquitur Concilium Tridentinum sess. 6. cap. 8. vbi dicit hominem iustificari gratis, quoniam neque fides, neque opera, quæ iustificationem præcedunt, eam merentur. Et iuxta hunc modum non est idem, hominem iustificari gratis, & iustificari ex sola fide. Nam iustificari gratis, est iustificari sine merito de condigno. Iustificari sola fide, est nihil requiri ad iustificationem nisi fidem, quod esse falsum iam demonstratum est.

Altero modo potest accipi particula, GRATIS, vt opponitur operi facto sine vlla gratia, ex solis naturæ viribus, siue illud opus dicatur meritum de condigno, siue de congruo, siue etiam solum dicatur conditio, aut ratio aliqua, cur detur homini iustificatio. Et hoc modo iustificatio gratuita nō excludit merita absolute, sed merita propria, id est quæ sint nobis ex nobis, & non ex Deo. Nam merita quæ sunt nobis ex Deo, id est, quæ originem ducunt ex gratia præueniente, non pugnant cum gratia, nisi quis velit ipsam gratiam pugnare cum gratia. Hoc modo idem est, hominem iustificari gratis, & iustificari ex fide: & iustificari sine operibus. Nam cum fides sit primum Dei donum: qui iustificatur ex fide, non iustificatur ex operibus præcedentibus fidem, sed iustificatur ex gratia, & gratis, quia ipsa fides est ex gratia.

Neque hinc sequitur, hominem qui iustificatur gratis iustificari sola fide, nam sicut iustificatio gratuita non excludit fidem, quia fides est ex gratia, ita non excludit pœnitentiam, & dilectionem, & opera pœnitentiæ & dilectionis, quoniam etiam ista omnia sunt ex gratia. Et hac ratione explicat S. AUGUSTINUS particulam GRATIS, vbicunque de hac rescribit. Nam in epistola 105. posteaquam dixerat: Nec ipsa remissio peccatorum sine aliquo merito est, si fides hanc impetrat. Neque enim nullum est meritum fidei. Continuo explicat, quomodo hoc meritum non pugnet cum gratuita iustificatione, ait: Restat igitur, vt ipsam fidem, unde omnis iustitia sumitur initium, non humano, quo isti excellunt, tribuamus arbitrio, nec ullis præcedentibus meritis, quoniam inde incipiunt bona quæcumque sunt merita, sed gratuitum Dei donum esse fateamur, si gratiam veram, id est, sine meritis cognamus. Et in epist. 106. Non dicat, inquit, sibi se ex fide, quomodo gratis? quod enim fides meretur, cur non potius redditur, quam denatur? non dicat ista homo fidelis, quia cum dixerit, vt mereat iustificationem, habeo fidem: respondetur ei. Quid enim habes, quod non accepisti? cum ergo fide impetrat iustificationem, non gratiam, aliquid meriti præcedit humani, sed ipsa gratia mereatur augeri vt aucta mereatur perfici.

At contra hanc solutionem obijciunt tum hæretici, tum etiam quidam Catholici. Nam Kemnitius in Examine Concilij Tridentini sessio. sexta, in fine disputationis de operibus infidelium, contendit nul-

lum esse meritum de congruo. Immo hoc meritum dicit, esse illam Helenam, de qua optimus canon sextæ sessio. Concilij contra Scripturæ, & antiquitatis sententiam dimicat. Sublato autem merito de congruo, tollitur omnis dignitas, & efficacia fidei, & aliarum dispositionum ad iustificandum, & inde sequitur, vt iustificari gratis nihil sit aliud, nisi iustificari sine vlla dignitate fidei, aut operum, ex sola fide apprehendente promissionem. Probat autē nullum esse meritum de congruo: quia tunc sequeretur, hominem iustificari propter meritum suarum dispositionum, non autem propter meritum solius Christi, quod est contra Scripturam, & omnes Patres.

Aliqui etiam ex Catholicis, atq; in primis Dominicus à Soto lib. 2. de natura & gratia, c. 14. concedunt quidem dispositiones ad iustificationem, sed negant eas posse vocari vlla ratione merita; & iustificari hominem gratis: contendunt esse iustificari sine vilo merito, siue de condigno, siue de congruo, siue procedente ex auxilio Dei speciali, siue ex viribus solius naturæ. Ratio autem eorum potissima est, quoniam meritū, & merces relativa sunt, ita vt omni merito merces è regione respondeat: merces autem ex debito, & iustitia redditur: ac per hoc non gratis datur. Debitum enim & gratia opponuntur ex Apostolo ad Rom. 4.

Præterea meritum ex congruo non fundatur in vlla dignitate, & proportionem operis ad gratiam iustificationis, sed in sola promissione Dei, qui credentibus & pœnitentiam agentibus indulgentiam & iustificationem promittit: cui debetur aliquid ex sola promissione alterius, is non dicitur illud mereri, nisi valde impropre. Igitur meritum de congruo non est veri nominis meritum.

Huc addi potest testimonium S. Augustini ex præfatione in Pl. 31. Nihil, inquit, boni fecisti, & datur tibi remissio peccatorum. Et idem habet in Pl. 110. & alibi. Immo in epist. 105. affirmat idem August. in Scripturis factis iustitiam nunquam vocari mercedem, sed semper gratiam; unde colligit, iustitiæ debetur mercedem, sed ipsam iustitiam semper gratis datur.

RESPONDEO, quod attinet ad remittitum, is aut improbus, aut imperitus esse conuincitur, cum asserit, Concilium Tridentinum pro merito de congruo cōtra Scripturæ, & totius antiquitatis sententiam dimicare. Nam aut loquitur de merito operum, quæ sunt ex solis viribus liberi arbitrii, aut de merito operum, quæ nascuntur ex gratia præueniente, & ex fide: si de PRIMO genere operum loquitur, aperte improbus est, cum impudenter, & prodige mentiat. Concilium enim Tridentinum non solum nusquam nominat meritum de congruo, sed etiam illud reicit, quod attinet ad opera, quæ sunt ex solis viribus naturæ, vt patet ex ipsa sexta sessio. capit. 5. & 6. & c. 1. 2. & 3. nam docet, initium iustificationis totius gratia præueniente, & tunc primum incipere dispositiones ad gratiam iustificantem, cum homo à Deo motus, & adiutus incipit credere, & neminem posse per naturæ vires, aut scientiam legis sine gratia Dei credere, diligere, & obedientiam agere, &c.

Si loquitur de SECUNDO genere operum, imperitum se totius antiquitatis ostendit. Vix enim est vllus inter veteres, qui non agnoscat meritum aliquod in operibus pœnitentiæ, quæ per Dei gratiam fiunt, vt ostendimus in secundo libro de pœnitentia, capite duodecimo. Quomodo neq; de hoc secundo genere operum mendacio careant verba Kemnitii. Concilium enim in illa sessione sexta, capite septimo, hoc meritum congrui neque incipit, neque reicit, im-

mo ne verbum quidem de hac re facit, tantum abest, ut pro illo quasi pro Helena dimicet. Dicit quidem Concilium, iustitiam à Deo nobis infundi secundum dispositionem, & cooperationem vniuscuiusque, sed an ea dispositio sit meritoria, saltem de congruo, an vero nullo modo, sed tantum sit conditio quædam requisita, non explicat.

Iam vero quod attinet ad Catholicos, quæstio videtur esse fere de solo nomine meriti, cum alioqui conveniat inter omnes Catholicos, dispositiones requiri, & non sola fide homines iustificari. Nos autem intelligere certe non possumus, cur non sit hoc tempore utendum nomine meriti, præsertim cum additione illa, de congruo, cum agitur de operibus, quæ sunt ex gratia præueniente. Et si nulla esset alia ratio, auctoritas omnium Patrum, & præsertim S. Augustini omnino sufficere nobis deberet. Nam si quo tempore Pelagiani humana merita extollebant, sanctus Augustinus præcipuus gratiæ defensor merita appellare non dubitavit opera illa, quæ nascuntur ex fide, quanto magis hoc tempore, quo Lutherani merita omnia tollunt è medio, deberent Catholici eadem illa opera, merita nominare?

At S. Augustinus lib. 1. Retractionum, cap. 23. retractasse videtur sententiam illam, fides meretur remissionem peccatorum, quando illam aliam retractavit, initium fidei est ex nobis. Non ita est, nam in epist. 105. & 106. docet Augustinus, fidem mereri iustificationem, & tamè in his epistolis summa contentione affirmat, initium fidei non esse ex nobis. Et in ipso lib. 1. Retractionum, cap. 23. ubi retractat illam sententiam de initio fidei ex nobis, scribit verissime dictum esse, fides inchoat meritum.

At S. Augustinus loquitur de merito fidei formatæ, quo mereamur iustificationem, id est incrementum iustitiæ, non de merito fidei informis, quo mereamur remissionem peccatorum. Neque hoc est verum, nam in epist. 105. ut supra citauimus, loquitur aperte de remissione peccatorum: *Neque ipsa, inquit, remissio peccatorum sine merito est, fides hanc impetrat.* Et lib. 1. contra 3. duersarium legis & prophetarum, cap. 17. *Fides, inquit, impetrat charitatem.* Et in epistola 106. *Fides meretur gratiam bene operandi.* Et tractatu 44. in Ioanem: *Hæc, inquit, confessio meruit iustificationem.* Loquitur igitur Augustinus de fide, quæ præcedit charitatem, & remissionem peccatorum, & illi meritum impetrationis attribuit.

At S. Augustinus cum dicit, fidem mereri iustificationem, intelligit, fidem ostendere à quo sit petendum auxilium, unde iustificatio, & post iustificationem merita acquirantur. Hæc vero responsio indigna est viro docto, qualis est is, cum quo differimus. Nam si id esset mereri iustificationem, posset etiam verbum Dei, & concionatores, & ipse Deus dici, mereri nobis iustificationem. DEINDE S. Augustinus explicat, quomodo fides mereatur, cum dicit, eam impetrare remissionem peccatorum.

DEINDE & ipse Augustinus, & reliqui Patres omnes non solum fidei, sed etiam dilectioni, & penitentiae tribuunt meritum iustificationis. Certe autem dilectio, & penitentia non ostendunt, à quo sit petendum auxilium.

At S. Augustinus improprie loquitur de merito, proinde nulla est causa, cur cum in hac parte imitari velimus. Si semel tantum, aut iterum hæc vox vni Augustino excidisset, fortasse tolerari posset ista responsio. At quod omnes Patres, quorum plerique Latinam linguam ab ipsa nutrice didicerat, in re tam graui perpetuo improprie loquantur, incredibile vi-

detur. Vide Tertullianum lib. 4. in Marcionem, Cyprianum ser. 6. de oratione Dominica, Ambrosium lib. 7. & 10. in Lucam, & lib. 2. de penitentia, cap. 3. Hieronymum lib. 1. contra Pelagianos, Augustinum epist. 89. q. 4. tract. 44. in Ioan. in Psal 50. & alibi passim. Et Gregorium in primum Regum lib. 3. c. 4. Deinde non est potissima nostra quæstio, an opera ex fide, quibus disponimur ad iustificationem sint merita proprie, vel improprie dicta, sed an sint hoc nomine appellanda, & nos quidem probamus ita esse vocanda: quoniam sic ea vocant omnes Latini Patres. Neque argumenta illa de relatione meriti, & mercedis conuincunt, fatemur enim omni merito respondere mercedem: sed sicut meritum quoddam esse dicimus ex congruo, ita mercedem quandam esse dicimus ex congruo, quæ magis debeatur ex gratia, quam ex iustitia. Nam ipse etiam Apostolus ad Romanos 4. cum dicit: *Es qui operatur, merces non imputatur secundum gratiam, sed secundum debitum.* Satis aperte indicat, esse quandam mercedem, quæ imputari possit secundum gratiam, non secundum debitum.

Ad illud autem quod obieciatur, meritum de congruo non fundari in dignitate operis, sed in sola promissione Dei, RESPONDAMUS, contrarium esse verum. Nam si promissio non requirat ullam conditionem operis, tunc quidem nullum inde orietur meritum: ut si Rex egenti alicui promittat in singulos annos certum nummorum numerum sine ulla conditione, debebuntur egenti illi pecuniæ regis, sed absque ullo eius merito: at si promissio contineat operis conditionem, orietur inde meritum, etiam si opus illud alioqui non sit per se æquale mercedi. Vere enim, qui opus illud fecerit, conuenire poterit promissorem, ac dicere, se meruisse præmium ab illo promissum.

Quare si meritum de congruo fundaretur in promissione cum conditione operis, esset vere meritum ex iustitia, & potius de condigno, licet imperfecte, quam de congruo nominandum. Et ideo nos existimamus, potius fundari meritum de congruo in aliqua dignitate operis, quam in promissione. Nam promissiones, quibus Deus veniam penitentibus pollicetur, non tales sunt, quales illæ quibus bene operantibus coronam gloriæ pollicetur. Nam istæ posteriores verum pactum continent: quod Deus facit cum homine tanquam cum operatio de mercede reddenda: illæ autem priores non proprie continent pactum de mercede reddenda, sed assertionem rei certo futuræ, ut homo securus reddatur veniæ obtinendæ, si penitentiam egerit.

Id autem ita esse intelligi potest, PRIMO ex eo, quod vita æterna sæpe vocatur merces, brauium, stipendium, iustificatio nūquam vocatur, nisi gratia & misericordia. SECUNDO ex eo, quod Scripturæ cum penitentibus veniā promittunt, reddunt rationem, quia Deus misericors est: ut Ioel 2. *Convertimini ad Dominum Deum vestrum, quia benignus, & misericors est.* At cum promittunt bene operantibus vitam æternam, non tam allegant misericordiam, quam iustitiam, & fidelitatem, ut 1. Tim. 4. *Quam reddet nobis iustus index.* Quod si 1. Ioan. 1. dicitur: *Si confiteamur peccata nostra, fidelis est, & iustus, ut remittat nobis peccata.* Sciendum est eum loqui de remissione venialium, quæ iusto Dei iudicio redditur bonis meritis iustorum, ut sanctus Augustinus docet in libro de correptione & gratia, capite decimo tertio. TERTIO idem patet ex eo, quod Prophetæ cum promittunt indulgentiam operibus penitentibus: addere solent particulam dubitantem, V T Q V I S S C I T,

FORSAN, &c. ut patet Ioelis secundo, Dan. 4. A
Ionæ 5. At nihil tale additur in promissione vite
eternæ meritis iustorum. Verum est igitur, quod di-
ximus, promissiones indulgentiæ, non esse proprie
pacta, in quibus fundari possit meritum penitentiarum;
sicut promissiones vite eternæ vera sunt pacta, in
quibus fundatum meritum operum bonorum, quæ à
iustis fiunt.

Porro negamus, nullam esse in merito de congruo
dignitatem. Nam cum sit opus illud à deo, & sit
opus gratiæ, & donum Spiritus sancti, quo pacto
fieri potest, ut nullam habeat dignitatem? Illud qui-
dem est verum, totam eius operis dignitatem pen-
dere à gratia, & ideo non tam esse hominem, qui
meretur, quam ipsam gratiam, quæ (ut loquitur Au-
gustinus in epist. 106.) meretur augeri, ut auctus me-
reatur & perfici.

Neque tamen hinc iam licebit colligere, hoc esse
meritum de condigno; nam etiam si est à deo, ta-
men non est à deo intus inhabitante per gratiam iu-
stificantem, sed extrinsecus ebcitante & adiuvante,
ut idem Augustinus docet in epist. 105. & præterea
est à deo incipiente & inchoante, nondum com-
plente & perficiente: proinde est meritum inchoa-
tum & imperfectum; & habet aliquam dignitatem,
& proportionem ad suum finem, sed non tantam,
quantam requirit meritum de condigno. Denique
deest, ut diximus pactum proprie dictum, sine quo
nullum potest esse meritum ex iustitia, siue de con-
digno.

Ad illud autem ex S. AUGUSTINI præfatione in
Psalm. 31. *Nihil boni fecisti, & datur tibi remissio pec-
catorum, attenduntur opera tua, & inveniuntur omnia
mala.* RESPONDEO S. Augustinum per remissionem
intelligere totam iustificationem ab initio primæ
dispositionis, quæ est fides, usque ad plenam recon-
ciliationem. Tunc enim Deus incipit remittere
peccata, cum inspirat fidem, quæ orando impetrat
cætera dona. Itaque illud: *Nihil boni fecisti*, intelli-
gitur ante fidem: sicut etiam id quod sequitur, *at-
tenduntur opera tua, & inveniuntur omnia mala.* Ne-
que enim mala dici possunt opera, quæ fiunt ex
fide.

Id ita esse patet ex præcedentibus & sequentibus.
Sic enim in præcedentibus ait: *Quomodo ergo iustifi-
catur homo ex fide sine operibus?* responder ipse Aposto-
lus, propterea hoc dixi tibi, o homo, ne quasi de operibus
tuis præsumere videreris, & merita operum tuorum, te ac-
cepisse fidei gratiam. Noli ergo præsumere de operibus
tuis ante fidem, noueris, quia peccatorem te fides inuenit,
&c. In sequentibus etiam ait: *Debebat tibi Deus vin-
dictam, dat indulgentiam.* incipit ergo esse in fide per
indulgentiam, tam fides illa assumpta spe, dilectione inci-
pit bene operari, &c. Vides quomodo remissio pec-
catorum, id est, indulgentia, tunc incipit, cum in-
cipit fides? proinde ante remissionem peccatorum,
quæ inchoatur in fide nihil boni fecimus, quia ante
fidem nihil boni fieri potest. Ex fide enim incipiunt
quæcunque sunt bona. In eundem sensum scribit
Augustinus in epist. 105. iustitiam nunquam voca-
ri mercedem, quoniam accepit iustitiam pro toto
beneficio iustificationis, ita ut in ea includatur etiam
fides, quæ sola non potest esse merces, cum eam nul-
la omnino merita, neque de congruo, neque de con-
digno, præcedant. Cætera omnia dona & gratiæ, &
mercedis nomine appellari possunt. Hinc igitur pa-
ter explicatio omnium testimoniorum, quæ docent
hominem iustificari gratis. Significant enim nulla
esse merita ante donum fidei.

CAPVT XXII.

*Soluitur argumentum quartum ex Scripturis deprom-
ptum pro sola fide.*

QUARTVM argumentum depromunt ex illis
testimonijs, quæ docent, omnes qui credunt
iustificari & saluari. Quod quidem non esset infalli-
biliter verum, si non iusticeret sola fides. Ioan. 3.
*Ut omnis qui credit in eum, non pereat, sed habeat vitam
eternam.* Act. 10. *Hinc omnes Propheta testimonium
perhibent, remissionem peccatorum accipere omnes, qui
credunt in eum.* Act. 13. *In hoc omnis, qui credit,
iustificatur.* Rom. 1. *Euangelium virtus Dei est in salu-
tem omni credenti.* Rom. 10. *Omni qui credit in eum non
confundetur.* 1. Ioan. 5. *Omni qui credit, quoniam Iesus est
Christus, ex Deo natus est.*

RESPONDEO, particula omnis potest imprimis
recte exponi negative, ut sensus sit, omnis qui credit,
iustificatur, id est, nemo sine fide iustificatur. Quod
illustrat aptissima similitudine Sanctus AUGUSTINUS,
explicans illud; *Deus vult omnes saluos fieri*, libro de
prædestinatione Sanctorum, c. 8. nam si in vna aliqua
vrbe vnus tantum Grammaticæ Doctore esset, & dice-
retur, omnes in hac vrbe Grammaticam discunt ab
isto: non significaretur, omnes in ea vrbe Gramma-
ticam discere, sed neminem discere sine illo: Sic igitur
omnis qui credit, iustificatur, quia nemo iustifi-
catur, nisi credat. *Sine fide enim impossibile est placere
Deo.* Et hoc videtur Apostolus significare ad Rom. 1.
cum dicit, Euangelium esse virtutem Dei in salutem
omni credentium in tota illa disputatione proba-
re nititur, fidem Christi necessariam esse omnibus,
& sine illa neque Iudæos per legem Moysi, neque
gentiles per lumen rationis posse coram Deo iusti-
ficari. Idem etiam videtur esse sensus illius loci
Ioan. 3. *Ut omnis qui credit in eum, non pereat*, significat
enim missum esse filium Dei à Patre in mundum,
quoniam sine eius aduentu, & fide nemo saluari po-
tuit.

SECUNDO, potest eadem particula omnis, referri
ad omnia hominum genera, ut significet, fidem
Christi esse viam ad salutem apertam toti mundo,
Iudæis, Græcis, Barbaris, non autem vni tantum gen-
ti, ut erat lex Moysi. Sic enim explicat B. Paulus illud
Istae: *Omni qui credit in eum, non confundetur*, ad Rom.
10. nam continuo subiungit: *Non enim est distinctio
Iudæis & Græcis.* Nam idem Dominus omnium, dices in
omnes, qui inuocant illum. Et ea de causa sæpe Aposto-
lus virget illam particulam omnis, ut admoneat Iu-
dæos, gratiam Christi non esse impiorum propriam,
sed communem omnibus gentibus.

TERCIO refertur interdum particula, omnis,
ad singulos credentes, & quidem affirmative, sed
tamen non significatur illis sententijs, solam fidem
sufficere, sed fidem iustificare & saluare, si non de-
sint cætera, id est, fidem ex parte sua semper iustifica-
re & saluare, modo addantur alia, quæ simul requi-
runtur. Id autem ita esse, perspicuum est ex eo, quod
in scripturis etiam de spe dicitur: *Omni qui sperat in
eum, non confundetur.* Eccles. 2. & de dilectione: *Om-
nis qui diligit, ex Deo natus est.* 1. Ioan. 4. de humilita-
te: *Omni qui se humiliat exaltabitur.* Luc. 18. de oratio-
ne: *Omni qui petit, accipit.* Luc. 11. & de obedientia:
Factus est omnibus obedientibus filiis causa salutis æternæ.
Hebr. 5. & tamen nemo diceret solam spem, aut
orationem, aut humilitatem, aut alia sufficere
sine fide.

Itaque sententia Scripturæ est, singulas istas virtutes ex parte sua perducere homines ad salutem, nisi aliunde oriatur impedimentum, aut defectus. Atque hoc ipsum sancti Patres passim docent, cum admonent, non sufficere solam fidem: *Muli*, inquit *Augustinus* tract. 10. in epistol. Ioan. dicunt cred., sed fides sine operibus non saluat. Et *S. Prosper* lib. 1. de vita contemplativa, c. 19. *Nec opera sine fide, nec fides sine operibus iustificat*. Vide alia testimonia infra in disputatione de necessitate operum.

CAPVT XXIII.

Soluitur quintum argumentum ex Scripturis pro sola fide.

QUINTVM argumentum ducunt ab illis testimoniis: quæ prædicant efficaciam verbi Dei. Verbum enim sola fide apprehenditur. *Psalp. 106. Misit verbum suum, & sanauit eos. Ioan. 15. Vos mundi estis propter sermonem, quem loquutus sum vobis. Rom. 1. Euangelium virtus Dei est in salutem omni credenti. ad Cor. 15. Notum vobis factum Euangelium, quod prædicauimus vobis, quod accepistis, in quo statis, per quod saluamini. Iacobi 1. Suscipite insitum verbum, quod potest saluare animas vestras.*

RESPONDEO. Verbum Dei sanat & saluat, sed ut hoc faciat, non satis est ut fide apprehendatur, nisi etiam charitate impleatur. Verbum enim Dei non solum offert promissiones, sed etiam imperat opera faciendâ. Quare Dominus *Matth. 7.* comparat hominem audientem verba sua, & non facientem, viro stulto, qui ædificat domum super arenam. Præterea verbum, quod fide apprehenditur, non est ipsa salus, sed semen salutis, quod non solum excipit, sed etiam calefiat, & excoli debet, ut fructum faciat. Quocirca recte sanctus Iacobus non ait, Suscipite insitum verbum, quod saluabit, sed quod potest saluare animas vestras, si videlicet excipiat in corde bono, & refineatur cum patientia tempore tentationum, ut dicitur in parabola seminantis, *Matth. 13.*

Sed contra occurrit Lutherus in lib. de libertate Christiana, ubi probat, fidem solam cum verbo Dei sufficere. Primum enim (ut ipse dicit) fides implet omnia mandata. Nam audiens in verbo præcepta & promissa, & prudenter intelligens præcepta non posse seruari, confert se ad promissa, quæ docent omnia esse posita in fide, & credentem in Christum omnia habere. Nam conclusit Deus omnia sub incredulitate, ut omnium misereatur. Et dedit eis potestatem filios Dei fieri his, qui credunt in nomine eius. *Rom. 11. & Ioan. 1.* DEINDE, fides exhibet Deo summum obsequium, dum credendo confiteatur, illum esse veracem in omnibus suis promissis. Dens autem glorificantes se glorificat, ut dicitur *1. Reg. 2.* Vnde & Abraham credidit Deo, & reputatum est ei ad iustitiam, quia videlicet dedit gloriam Deo plenissime sciens, quia quæcunque promissit Deus, potens est & facere. DENIQUE, fides copulat animam Deo, iuxta illud *Osee 5. Sponsabo te mihi in fide*, & ideo omnia quæ Christi sunt efficiuntur communia cum anima fidei.

RESPONDEO, hoc argumentum Lutheri ex tribus virtutibus fidei ductum, magis Lutheranos, quam Catholicos lædit. Nam si Deus glorificat nos, & iustificat, quia summum cultum illi exhibemus per fidem, certe sequitur ut merito fidei, id est, propter virtutem & dignitatem ipsius fidei iustificemur. Quod tamen Philippus & Xenodotus & quotquot sunt hodie Lutherani absurdum, & falsum esse contendunt.

Sed excutiamus breuiter fidei virtutes, quas Lutherus prædicat. PRIMAM illam virtutem, quod videlicet fides impleat omnia mandata, factum subripuerit Lutherus charitati, ut tribueret fidei. Sed vera fides non viuit ex raptu, & ideo clamat verum esse, quod Apostolus dicit, *Rom. 13. Qui diligit, legem impleuit*. Et: *Plenitudo legis est dilectio*. Et quod ipse Dominus ait *Ioan. 14. Si quis diligit me, sermonem meum seruabit*. Et: *Qui non diligit me, sermones meos non seruat*. Conuernt se quidem fides ad promissa, cum videt, legis madata solis naturæ viribus impleri non posse: & credens, veram esse illam promissionem, petite, & accipietis, à Deo petit spiritum charitatis, per quem fit vere, ut iustificatio legis impleatur in nobis. Sed non est hæc promissio, quam vult Lutherus, ipse enim promissionem querit, per quam liberetur à debito legis implendæ, & habeatur, ac reputetur iustus, quamuis sit omni flagitiorum genere cooperatus. Sed hanc promissionem in veris biblijs, id est, in libro Dei nunquam inueniet.

Quod enim ipse allegat, conclusit Deus omnia sub incredulitate, ut omnium misereatur. Et dedit eis potestatem filios Dei fieri his, qui credunt in eum, longe aliud significat, quam illud sit, quod ipse somniat. Dicitur enim Deus conclusisse omnia sub incredulitate quia permisit & Iudæos & Gentiles incredulos fieri, ut in verisq; liberandis misericordiam suam ostenderet. Dedit autem potestatem iis, qui credunt in eum, ut filii Dei fiant: proinde non sunt hoc ipso, quod credunt, filii Dei sed fieri possunt, si renascantur ex aqua & spiritu sancto, & sic diffusa charitate in cordibus eorum per Spiritum sanctum, qui datus est eis, incipiant dicere Deo, Abba Pater,

Iam vero quod attinet ad alteram virtutem fidei, exhibet quidem fides cultum & obsequium Deo, cum dat illi gloriam, credens eum fidelem esse in omnibus verbis suis. Sed neque sola fides exhibet cultum Deo, cum scriptum sit *Matt. 5. Videant opera vestra bona, & glorificent Patrem, qui in celis est*. Et *Ioan. 21. de sancto Petro legamus, eum morte sua clarificasse Deum*. Neq; fidei obsequium placet Deo, nisi fides ipsa per dilectionem operetur. Nam & Demones velint, nolint, dant gloriam Deo, dum credunt, illum esse veracem, sed nihil eis prodest obsequium illud coactum. Et nos ipsi, si habeamus omnem fidem, charitatem autem non habeamus, nihil sumus.

Itaq; Deus glorificat eos, à quibus ipse glorificatur ex charitate, sine qua nihil profunt omnia, quæ ab iniitis deferuntur obsequia. Eiusmodi autem sunt obsequium Abraham, qui vsque adeo Deum dilexit, ut etiam filium vnigenitum, ut deo pateret immolare voluerit. Et ideo recte dicit *S. Iacobus* in epist. c. 2. fidem Abraham ex operibus consummatam fuisse. Quare non est mirum si talis fides, videlicet perfecta, & charitate formata, ac per dilectionem operans reputata fuerit ad iustitiam, id est, (ut erat vere) opus exultimata, ac iudicata iustitiæ.

Porro TERTIA virtus fidei fortasse caret fundamento. Nam quod legimus *Osee 2. Sponsabo te mihi in fide*, non videtur accipiendum de fide, qua credimus Deo, sed de fide, qua Deus præstat promissa. Nam paulo ante dixerat Deus in eodem Propheta: *Sponsabo te mihi in iustitia & iudicio, & in misericordia, & in miserationibus*, & mox addidit, & *Sponsabo te mihi in fide*. Quorum omnium verborum illa videtur esse sententia, sponsabo te mihi iuste, misericorditer, atq; fideliter. Sed si accipitur fides pro fide, qua nos credimus Deo, certe sicut sponsamur Deo per fidem,

ita coniugimur in matrimonium perfectum & consummatum per charitatem. Non enim fides, sed charitas est vinculum perfectionis Colossens. 3. & qui manet in charitate, in Deo manet, & Deus in eo, 1. Ioan. 4.

Denique siue per fidem, siue per charitatem, siue (quod est verius) per utramque sponsemur Christo; erunt quidem nostra, quæ Christi sunt, & Christi quæ nostra sunt, ut Lutherus dicit, sed non eo modo, quo ipse dicit. Non enim nostra erit Christi iustitia, quia reputabitur nostra, sed nostra erit, quia causa erit iustitiæ in nobis inherens, nosque vere, & formaliter perficientis, quemadmodum nostra mortalitas, & cæteræ pœnæ, in quas per lapsum primi parentis incidimus, non fuerunt in Christo per solâ reputationem: sed per veram, & realem assumptionem. Lutherus enim parum liberalem sponsum nostrum facit, quem vult ea, quæ nostra sunt, reipsa sibi assumere, ea vero, quæ sua sunt, nobiscum sola reputatione communicare. Sed de his hæcenus.

CAPVT XXIV.

Soluitur argumentum sextum ex Scripturis pro sola fide.

POSTREMYM argumentum ex Scripturis illis accipiunt, quæ docent irritam fore promissionem, si lege, aut operibus nitatur, & non sola fide accipiatur. Rom. 4. Si ex lege, hæreditas exinanita est fides, abolita est promissio. Et ibidem: Ideo ex fide, ut firma sit promissio. Et Galat. 3. Ut promissio ex fide daretur credentibus. Et Galat. 3. Euacuati estis à Christo qui in lege iustificamini.

RESPONDEO, hoc argumentum solutum est partim cap. decimo primo, in responsione ad quintam objectionem: partim capite 19. in explicatione vocabulorum legis & operum. Summa est, docet Apostolus inanem fore fidem nostram, & irritam promissionem Dei, si iustificatio haberi possit per solam cognitionem legis, aut opera facta solis naturæ viribus. Nusquam autem docet, iustificari hominem ex sola apprehensione promissionis per fidem, aut iustificationem non pendere ex conditione operum. Quin potius infinitis locis Scriptura testatur, & iustificationem, & salutem pendere ex conditione pœnitentiæ, & operum bonorum: Nisi pœnitentiam egeritis, inquit Dominus, omnes similiter peribitis, Luc. 13. & Matth. 19. Si vis ad vitam ingredi, serua mandata.

CAPVT XXV.

Soluitur argumentum ex traditione veterum Patrum pro sola fide.

QUAMVIS aduersarii testimonii sanctorum Patrum non magni pendunt, cum ipsorum erroribus manifeste repugnent: tamen cupide illa eadem colligunt, si quædam in speciem saltem nobis contraria esse iudicant. Percurram igitur breuiter testimonia, quæ ab illis adferri solent, tamen si non ignorem iam ab vno, aut altero fortasse etiam à plurimis ex nostris, satis diligenter esse ferme omnia explicata.

PRIMO loco proferunt ex Origene in capite 3. epist. ad Romanos hæc verba: Et dicit (Apostolus) sufficere solius fidei iustificationem, ita ut credens quis tantummodo, iustificetur, etiamsi nihil ab eo operis fuerit expletum.

RESPONDEO, Origenes opponit fidem operi externo, ac docet, posse hominem interdum iustificari; etiamsi nullum opus, externum faciat. Ponit

enim exemplum peccatricis & latronis, qui non leguntur ieiunasse, aut eleemosynas fecisse antequam iustificarentur. Itaque per vocabulum SOLA, excludit Origenes necessitatem operis externi; quando videlicet, aut potestas, aut occasio deest cuiusmodi operis faciendi.

Non excludi autem ab Origene dilectionem & pœnitentiam, perspicuum erit ex verbis eius, in c. 4. eiusdem epistolæ ad Romanos: *Puro, inquit, quod prima salutis initia, & ipsa fundamenta fides est, perfectus vero, & augmenta adficiunt, spes, perfectio autem, & culmen totius operis, charitas.* Et infra: *Credentibus quidem Christo, nec tamen deponentibus veterem hominem cum actibus suis, fides reputari non potest ad iustitiam.* Vides igitur non sufficere solam fidem, sed etiam, spem & dilectionem, & dispositionem veteris hominis quod sit per pœnitentiam, omnino requiri.

SECUNDO proferunt ex Hilario illa verba canone 8. in Matth. *Mouet Scribas, remissum ab homine peccatum, hominem enim tantum in Iesu Christo intuebantur, & remissum ab eo quod lex laxare non poterat. Fides enim sola iustificat.*

RESPONDEO, non excludit Hilarius per particulam, SOLA, nisi legem Moysis, de qua loquebatur. Qui enim dicit, lex non iustificat, sed sola fides, idem est, ac si diceret, ex his duobus sola fides vim habet iustificandi, siue fides iustificat, lex non iustificat. In quem sensum scriptum est Actor. 8. *Non enim Spiritus sanctus, in quenquam illorum venerat, sed baptizati tantum erant in nomine Domini Iesu, non enim illud, tantum, excludit fidem, aut alias virtutes, sed solum visibilem Spiritus sancti aduentum.* Itaque idem Hilarius can. 7. in Matth. cum fide coniungit opera, cum sic loquitur: *Salus gentium omnis in fide est, & in præceptis Domini vita est vniuersorum.*

TERCIO, proferunt ex Basilio illa verba in homilia de Humilitate: *Hæc est perfecta, & integ. a gloria in Deo, quando neque ob iustitiam suam quis iustificatur: sed nonit quidem se ipsum vera iustitia indignum, sola autem fide in Christum iustificatum.*

RESPONDEO, excludit Magnus Basilius per vocem SOLA, opera, quæ fiunt sine fide, & gratia Dei. Hortatur enim ad humilitatem, ac monet, ut unusquisque intelligat, se nihil iustitiæ à se habere, sed quidquid habet, donum esse Dei. Itaque sola fide iustificari apud Basilium, nihil est aliud, nisi ex dono Dei tantum iustificari: non ex operibus præuenientibus omnia dona Dei. Et valde accommodatè ponit exemplum Apostoli, qui ad Philip. 3. non vult habere iustitiam suam, id est, opera facta solis naturæ viribus, sed iustitiam fidei, id est, opera facta ex gratia fidei. Et ibidem reprehendit ingratos, qui gloriantur de bonis suis, quasi dona Dei non essent. Porro idem Basilius in sermone de fide, posteaquam docuit necessitatem fidei, adiungit etiam necessitatem charitatis. Quod probat, tum ex Apostolo prima Cor. 13. tum ex ipso Domino, qui Ioan. 15. non ex fide, sed ex charitate discipulos suos cognoscendos esse prædixit.

QUARTO, proferunt ex Ambrosio verba illa in sermone 45. *Sicut suffecit Iuda ad scelera, Christum deseruisse: ita suffecit latroni ad innocentiam, Dominum credidisse.* Item ex commentario in caput tertium ad Romanos: *Iustificati sunt gratis, quia nihil operantes, neque vicem reddentes, sola fide iustificati sunt dono Dei.* Item in cap. 4. *Non ergo opus est lex, quando impius per solam fidem iustificatur.* Item ibidem: *Sic decreuit dicit à Deo, ut cessante lege, solam fidem gratia Dei poscerent ad salutem.* Item: *Beatos dicit, de quibus hoc sanxit Deus, ut sine labore, & aliqua observatione,*

sola fide iustificentur apud Deum. Item in cap. 9. sola fides posita est ad salutem.

Respondeo, Ambrosius (si tamen is est auctor, vel sermonis illius, vel commentariorum in Paulum) per vocem SOLAM, non excludit, nisi opera ceremonialia legis veteris, aut certe necessitate operum externorum. Nam idem auctor sic loquitur in commentario ad cap. 4. ad Hebræos: *Magna res est fides & salutaris, & sine hac non est salvari possibile: sed sola fides non sufficit. Operari fidem per dilectionem necessarium est, & conuersari digne Deo.*

Idem etiam auctor in caput tertium ad Romanos explicat, gentiles saluari sola fide, quia sine obseruatione circumcisionis, sabbathi, neomeniæ, & similitum saluantur. Sic etiam in cap. 4. ideo dicit, cessante lege, solam fidem sufficere, quia loquitur de lege ceremoniali, quæ iam cessauit. Nam in cap. 6. tractans illud: *Gratus autem Deo, quia cum fueris seruis peccatis, &c.* dicit, nos iam seruire Deo, non per legem Moysi, sed per legem naturæ. Denique in cap. 9. antequam diceret, sola fides posita est in salutem, præmiserat, per fidem hominem consequi salutem sublati neomeniæ, & sabbathi; & circumcisione, & lege eorum, & oblationibus pecorum.

QUINTO, proferunt ex Chrysostomo illa verba in homilia de fide & lege naturæ: *Eum qui operatur opera iustitia, sine fide non possum probare viuam esse: fidelem absque operibus possum monstrare & vixisse, & regnum celorum assequutum, nullus sine fide vitam habuit, lauro autem credidit tantum, & iustificatus est.* Item illud ex hom. 3. in epist. ad Titum: *Si credis fides, cur alia inferis, quasi fides iustificare non sufficiat sola?*

Respondeo, Chrysostomus in priore loco docet, fidem solam, id est, sine opere externo interdum sufficere opus externum sine fide nunquam sufficere. Et rationem reddit, quia fides parit opera, opera non patiuntur fidem: in posteriore loco docet fidem solam, id est, sine ceremoniis legis veteris abunde sufficere. Nam post verba allegata, mox addit: *Quid te spontanea seruimus subdit, & legis in eo collum submitit?*

Chrysostomum autem non fuisse in ea sententia, ut existimaret, fidem sine dilectione & penitentia, aliisque similibus operibus sufficere, facile potest intelligi ex illis verbis ipsius homil. 70. in Matth. *Ne fideles sola fide saluari posse confidant, de pena malorum differit. Itaque fideles ad fidem, fideles vero ad recte viuendum cohortatur.* Vide etiam hom. 25. & 26. in Matth. Item hom. 28. & 29. & 31. in epist. ad Rom. Item homil. 1. in priorem epist. ad Timoth. ubi sic ait: *Non fide solum opus est, sed etiam charitate.*

SEXTO, proferunt ex Augustino illud: *Quantalibet fuisse virtutis antiquos prædices iustos, non eos saluos fecit nisi fides Mediatoris.* Libro 1. contra duas epist. Pelagianorum, cap. 21. Item illud: *Si quis cum crediderit, mox de hac vita decesserit, iustificatio fidei manet, cum illo: nec præcedentibus bonis operibus, quia non merito ad illam, sed gratis peruenit: nec consequentibus, quia in hac vita esse non finiuntur.* Lib. 83. quæst. 76.

Respondeo, in priore loco solum docet Augustinus, neminem sine fide saluari: proinde antiquos iustos neque per naturam, neque per legem Moysi, sed per ipsam Christi fidem esse saluatos. Ipsa enim sola ex rebus enumeratis vim habet saluandi. Quomodo si tres ambularent, & diceretur nobis, nullus est Doctor nisi ille, qui ambulat medius; non intelligeremus, nullum esse in orbe terrarum Doctorem præter illum, sed non esse inter eos tres Doctorem, nisi vnum.

In posteriore loco apertissime loquitur Augustinus de fide viuâ & charitate perfectâ, atque formata, quæ sine operibus in actu esse potest, sed non in habitu. Dixerat enim in verbis immediate præcedentibus hominem iustificari sine operibus præcedentibus fidem, sed fidem iustificantem esse fidem, quæ per dilectionem operatur. Idem autem Augustinus in infinitis locis, ut supra citauimus, docet, fidem sine charitate nihil esse nisi fundamentum ædificij, & initium, ac radicem iustificationis.

SEPTIMO, posset adduci Cyrillus Alexandrinus, qui lib. 10. in Ioan. cap. 18. scribit, hominem per solam fidem inherere Christo. Sed in eodem loco satis ipse se explicat, cum dicit, posse hominem in Christo manere per fidem, & tamen carere dilectione & opere.

OCTAVO, adduci potest Leo in epist. 70. ubi sic ait: *Sola fides Catholica vincit & sanctificat.* Et iter. 4. de Epiphania: *Hoc est, quod iustificat impium, hoc est, quod de peccatoribus facit sanctos, si in vino, eodemque Domino Iesu Christo, & vera Denas, & vera credatur humanitas.*

Sed responsio est in promptu; siquidem per vocem SOLA, nihil aliud sanctus Leo excludit, nisi falsam fidem, & hæreticas sectas. Sola enim fides Catholica, id est, non Ariana, non Eutychiana, non Lutheriana iustificat. Ut illud omittam quod non loquitur Leo, sicut etiam neque alij Patres, de fide speciali promissionum, sed de fide dogmatica, quam aduersarij neque solam, neque cum alijs virtutibus iustificare concedunt.

NONO, adduci potest Theophylactus, qui in commentario ad cap. 3. ad Galat. ait: *Fides sola habet in se iustificandi virtutem.* Sed locus similis est testimonio Sancti Augustini supra citato, neque aliud significat, nisi nihil esse, quod sine fide iustificare valeat.

DECIMO, adduci potest, & solet Bernardus, qui serm. 12. in Cantica sic ait: *Quisquis pro peccatis compunctus, esurit, & sine iustitia creuit in eo, qui iustificat impium, & solam iustitiam per idem pacem habebit ad se.* Et in epist. 77. citans illud: *Qui crediderit & baptizatus fuerit, saluus erit: Certe, inquit, non reperitur: qui re-baptizatus non fuerit, condemnabitur, sed tantum, qui vero non crediderit, inueniens nimum, solam fidem interdum sufficere ad salutem, & sine illa sufficere nihil.*

In priore testimonio loquitur de fide viuâ, & cum charitate coniunctâ. Nam illa est, quæ elurit & sitit iustitiam, & quæ pro peccatis non timore pænæ, sed iustitiæ amore compungitur. Itaque idem est, ac si dixisset: *Qui toto corde auersatur peccatum, & cupit operibus penitentiae Domino satisfacere, etiam antequam opera ista aggrediatur per fidem viuam, & charitatem seruientem Domino reconciliatur.*

In posteriore testimonio per vocem SOLAM, ipsius necessitatem excludit, quando videlicet eius percipiendi facultas non datur. Iustificat enim fides sine Baptismo in necessitatis articulo, non autem Baptismus sine fide. Ea tamen fides, quæ sine Baptismo aliquando iustificat, nunquam sine voto Baptismi & penitentia, ac dilectione iustificat. Sic enim loquitur idem Bernardus serm. 24. in Cantica: *Non facit hominem rectum fides etiam recta, quæ non operatur ex dilectione.* Et infra: *Neque opera sine fide, neque fides sine operibus sufficit ad animi rectitudinem.* Habemus igitur ex testimonijs veterum Patrum, fidem solam aliquando iustificare, sed nunquam in eo sensu, quo id accipiunt aduersarij.

quæ est ipsa Christi iustitia nobis imputata. Quoniam enim iustitia nostra nunquam talis esse potest, ut iudicium Dei sustineat, ut ipse dicit, ideo necessarium esse imputationem iustitiæ Christi, ut illa induci, & quodammodo testi coram Deo compareamus & iusti pronunciemur. Hinc in libello Imperatori Ratisbonæ exhibito à Lutheranis (quorū princeps Bucerus erat) sic legimus in art. 5. *Est autem is qui iustificatur, iustitiam accipit, & habet per Christum etiam inhaerentem: tamen anima fidelis huic non innitur, sed sola iustitia Christi nobis donata, sine qua nulla omnino est, nec esse potest iustitia.*

In eandem sententiam, siue potius errorem incidit Albertus Pighius in secunda controuersia, & auctores Antididagmatis Colonienfis. Quocirca Bucerus in libro Concordiæ iam citato, in articulo de iustificatione, fatetur Pighij sententiam non dissentire à Lutheranorum sententiâ, quod attinet ad causam formalem iustificationis, sed solum quantum ad causam apprehensiuam, quam Lutheranæ solam fidem, Pighius dilectionem potius, quàm fidem esse definit.

Cæterum quicquid Bucerus de Pighij communione cum Lutheranis dicat, duabus in rebus dissidet à Lutheranis Pighius. PRIMUM enim Lutheranæ virtutes, quæ sunt in nobis per gratiam Dei, non dignantur illo modo nomine iustitiæ (solo excepto Bucero) sed inchoatam obedientiam & renouationem vocant, quam ipsam per se adeo contemnunt, ut iniustitiâ esse velint, & sempiterna morte dignam existimēt, ut perspicuum est ex Caluino, Kemnatio, & alijs: *Omnia hominum opera* (requit Caluinus lib. 3. Institutionum, cap. 11. §. 4.) *si sua dignitate censeantur, nihil nisi inquinamenta sunt & sordes.* Et cap. 14. §. 9. *Nullum à sanctis exire potest opus, quod non meretur iustam opprobrij mercedem.* Neque ipsum Bucero credibile est, iustitiam in nobis inhaerentem potuisse, nisi nomine. Neque enim axioma illud Lutheri negare ausus fuisset: *Iustus in omni bono opere peccat mortaliter.* At Pighius & Colonienfes, iustitiam inhaerentem imperfectam dixerunt, non quod iniustitiam esse crederent, sed quod eam impariem esse censèrent ad magnitudinem adoptionis filiorum Dei, quæ per iustificationem acquiritur.

Deinde (quod est discrimen longe maximum) Bucerus & ceteri Sectarij, sententiam suam obstinate defendunt, neque Ecclesiæ Catholicæ iudicio acquiescere sunt parati, proinde non errantes, sed hæretici merito nominantur. Pighius autem, & Colonienfes semper in Ecclesiæ Catholicæ communione manserunt, parati illius iudicio iudicium suum, sententiamque subicere; quocirca illorum errorem nulla animositate, sed sola ignoratione defensum, regere potuit charitas vnitatis.

Ex his quæ hactenus dicta sunt, errores de iustificatione, quinque numerari posse videntur. Vnus est, formalem causam iustificationis esse fidem. Id enim (saltem verbo) tum in Lutheri scriptis, tum in Augustana Confessione reperimus. Alter formalem causam iustificationis esse Christi obedientiam, & iustitiam nobis imputatam. Id enim Illyricus, & plerique alij docent. Tertius, formalem causam iustificationis esse iustitiam Dei essentiallem nos inhabitantem. Id enim docuit Osiander. Quartus, formalem iustificationem sitam esse proprie in sola remissione peccati. Id enim Caluinus affirmat, quamuis non neget (ut diximus) ad iustificationem requiri etiam imputationem iustitiæ Christi. Quintus, formalem causam iustificationis duplicem esse, iustitiam nostram inhaerentem, &

A Christi iustitiam imputatam. Id enim Pighius & quidam alij docuerunt.

CAPVT II.

Propositur sententia Ecclesiæ & aperitur

status questionis.

ECCELESIA Catholicæ sententia de causâ formali iustificationis, explicatur à Tridentina Synodo sessione 6. c. 7. his verbis: *Vnica formalis causa est iustitia Dei, non qua ipse iustus est, sed qua nos iustos facit, quia videlicet ab eo donatur, renouamur spiritu mentis nostræ, & non modo reputamur, sed vere iusti nominamur, & sumus.* Et paulo infra: *Id in hac iustificatione imputatur, idem eiusdem passionis sanctissima merito, per Spiritum sanctum charitas Dei diffunditur in cordibus eorum, qui iustificantur, atque ipsi inhaerent. Vnde in ipsa iustificatione cum remissione peccatorum hac simul infusa, accipit homo per Iesum Christum, cui inferitur, fidem, spem & charitatem.*

His verbis, omnes quinque errores damnantur, quos capite superiore numerauimus. Nam cum dicitur, *Vnica esse formalis causa*; reicitur sententia Buceri, & Pighij, de duplici iustitia, cum dicitur ea esse iustitia Dei, non quia ipse iustus est, reicitur sententia Osianderi de iustitia diuina per essentiam, cum dicitur, *qua renouamur ipiritu mentis*, & *quæ inhaerent*, & *qua iusti vere nominamur & sumus*, reicitur sententia Lutheranorum de iustitia imputatiua; cum dicitur ea iustitia non consistere in sola remissione peccatorum, reicitur sententia Caluini de iustificatione more forensi: cum dicitur, *iustitia nostra esse fides, ipse, & charitas infusa*, reicitur sententia Lutheri de sola fide.

Porro status totius controuersie reuocari potest ad hanc simplicem questionem, sit ne formalis causa absolutæ iustificationis iustitia in nobis inhaerens, an non. Nam si quis probet partem affirmatam, eodem tempore refellet omnes contrarios errores. Nam si formalis causa iustificationis est iustitia inhaerens, non igitur iustitia Dei inhabitans, vel iustitia Christi imputata; vel sola remissio peccati sine renouatione hominis interioris. Et si iustitia inhaerens est formalis causa absolutæ iustificationis, non igitur requiritur imputatio iustitiæ Christi, quæ iustificationem alioqui inchoatam & imperfectam absoluat. Neque sola fides est nostra iustitia, cum fides (ipsis etiam Lutheranis testibus) non possit absolute iustificare, & ideo (ut loquitur Confessio Augustana artic. 4.) non tam sit, quam reputetur à Deo iustitia. Itaque omnes illi errores, aut non ponunt iustitiam inhaerentem, sed extrinsecam, aut si ponunt inhaerentem, nolunt eam absolute iustificare. Proinde omnes refutantur, si probetur iustitia inhaerens, quæ absolute simpliciter iustificet.

Est autem hoc loco breuiter annotandum, Kemnitionem more suo fraudulenter admodum proponere statum questionis de formali iustificatione. Dicit enim id in controuersiam vocari, *Quid sit id propter quod Deus hominem in gratiam recipiat: an sit meritum filii Dei, an inchoata in nobis nouitas?* & plane tragice queritur, nos de trahere vim iustificandi merito Christi, ut tribuamus eam virtutibus, & qualitatibus nostris. Vbi primum de industria loquitur improprie, ut confundere possit causam formalem cum meritoria, & illa ambiguitate sententiam Catholicam odiosam reddat. Nam si quis proprie loqui velit non utetur voce, *propter*, sed, *per*

cum formalem causam designare voluerit. Si quis enim quærat, per quid vivit homo? per quid ignis est calidus? per quid lucent sydera recte respondetur, per animam, per calorem, per lucem, quæ sunt causæ formales. Si vero quærat, propter quid Imperator triumphat? propter quid milites pugnant? respondetur, non reddendo causam formalem, sed meritariam, aut finalem. Dicemus enim milites pugnare, ut vincant, Imperatorem triumphare, quia vicit, & vincendo triumphum promeruit. Sic igitur, si Kemnitius sine fraude ageret, proprie loqueretur, ac diceret, id esse quod quæritur, quid illud sit, per quod homo iustificatur an iustitia sibi à Deo per Christi merita donata & inherens, an ipsum Christi meritum extrinsecus imputatum.

Deinde, in eo quoque fraudulenter egit, quod merito filij Dei opposuit quasi è regione inchoatam renovationem nostram, inde invidiam nobis apud suos concilians, quasi pluris faciamus renovationem nostram, quantumvis imperfectam & inchoatam; quam ipsum perfectissimum atque absolutissimum meritum filij Dei.

Remotis igitur fraudibus, & ambiguitate verborum, Ad quæstionem (ut à Kemnitio proponitur) an videlicet iustificemur propter meritum filij Dei, an propter inchoatam renovationem nostram? Respondemus, si illud, *propter*, significet causam formalem, nos iustificari propter novitatem nobis inherentem, non propter meritum Christi, quod inherere non potest. Si vero significet causam meritariam, nos iustificari dicemus propter meritum filij Dei, non propter novitatem in nobis inherentem. Si denique significet causam in communi, asseremus, iustificari hominem propter utrumque, sed propter meritum filij Dei meritorie, propter novitatem in nobis inherentem formaliter.

Sed non minori fraude Concilii Tridentini sententiam Calvinus exposuit. Sic enim scripsit in Antidoto ad session. 6. *Causa iustificationis Tridentini faciunt duplicem, ac si partim remissione peccatorum, partim spirituali regeneratione iusti effemus. Vel ut alijs verbis exprimam, quod sentiunt, ac si partim imputatione, partim qualitate iustitia nostra constaret. Ego autem unicam & simplicem esse assero.* Sed hoc ipsum nos in illum maiori ratione revertere possumus, quippe qui lib. 3. Institutionum, cap. 11. §. 2. disertis verbis iustificationem in peccatorum remissione, & iustitiæ Christi imputatione sitam esse scripsit. Quid enim hoc aliud est, nisi causam iustificationis duplicem facere? Concilium autem Tridentinum sessione 6. cap. 7. apertissimis verbis unicam esse dixit formalem causam iustificationis, iustitiam videlicet Dei, nobis infusam & inherentem.

Quod si Concilium in eodem loco separatim meminit remissionis peccatorum, & infusionis gratiæ: id fecit, ut non significaret, duplicem esse causam formalem iustificationis, sed ut indicaret, duos esse terminos eius motus, qui dicitur iustificatio, siue duos effectus eiusdem causæ; nam (ut idem Concilium recte definit) iustificatio est translatio hominis ab eo statu, in quo nascitur filius primi Adami, in statum adoptionis filiorum Dei, iuxta illud Apostoli, ad Colossenses 1. *Qui eripuit nos de potestate tenebrarum, & transfudit in regnum filij dilectionis sue.* Non potest autem hæc translatio fieri, nisi homo per remissionem peccati desinat esse impius; & per infusionem iustitiæ incipiat esse pius. Sed sicut aer cum illustratur à Sole, per idem lumen, quod recipit, definit esse tenebrosus, & incipit esse lucidus: sic etiam homo per eandem iustitiam sibi à Sole iustitiæ donatam, atque

A infusam, definit esse iniustus, delente videlicet lumine gratiæ tenebras peccatorum, & incipit esse iustus, succedente nimirum tenebris peccatorum ipsa luce iustitiæ.

Quod autem Calvinus dicit ex sententia Concilii, iustificari hominem partim imputatione, partim qualitate, mirum est, unde illi venerit in mentem, nisi forte sententiam Pighii legerit, & eam Catholicis omnibus communem esse cõsuerit. Certe Concilium non solum cap. 7. unicam tantum facit causam formalem iustificationis, & eam in ipsius iustitiæ inherens infusione constituit, sed etiam can. 10. disertis verbis anathema dicit iis, qui sentiunt, nos per Christi iustitiam, iustos esse formaliter, quo canone sententia Pighii sine dubitatione damnata est.

Quod autem can. 11. idem Concilium anathema dicit iis, qui docent, hominem iustificari aut sola imputatione iustitiæ Christi, aut sola remissione peccatorum. Damnantur eo canone duo quidam errores, alter Lutheranorum, Calvini alter, sed non significatur, Concilii sententiam esse, hominem iustificari quidem imputatione iustitiæ Christi, sed non solam enim, ut diximus canone 10. absolute fuerat definitum, non iustificari hominem formaliter per iustitiam, qua Christus ipse iustus est. Ac de statu quidem quæstionis satis est dictum.

CAPVT III.

Inherentem esse Iustitiam nostram formalem: probatur ex Scripturis.

Nunc ad argumenta pro veritate veniamus. **P**rimum argumentum sumitur ex verbis illis Apostoli ad Rom. 5. *Si enim unus delictum mors regnavit per unum: multo magis abundantiam gratiæ, & donationis, & iustitiæ accipientes in vita regnabunt per unum Iesum Christum.* Igitur sicut per unius delictum in omnes homines in condemnationem, sic & per unius iustitiam in omnes homines in iustificationem vita. Sicut enim per inobedientiam unius hominis peccatores constituti sunt multi, ita per unius obedientiam iusti constituentur multi.

Ex hoc loco habemus, iustificari per Christum, non esse haberi, aut pronunciari iustos, sed vere fieri atque constitui iustos, per adeptionem inherentis iustitiæ, & iustitiæ non imperfectæ, sed absolutæ & perfectæ. Nam iustificare hoc loco esse iustum facere, non iustum pronunciare, perspicuum est, Tum ex illis verbis, iusti constituentur multi, ubi declarat Apostolus ipse, quid sit iustificari, ac dicit esse iustum constitui iustum, & iustum fieri, idem sunt; Tum ex antithesi Adami ad Christum, scribit enim Apostolus, sic nos constitui iustos per obedientiam Christi, quo modo constituti sumus iniusti per inobedientiam Adami: Constat autem per inobedientiam Adami nos iniustos esse constitutos, iniustitia in nobis vere, ac re ipsa inherente, non iniustitia Adami nobis imputata.

E Est autem iustitia, quam per Christum adipiscimur, veram, absolutamque iustitiam, intelligi potest, Tum ex eo, quod Apostolus eam abundantiam iustitiæ; Tum ex eo, quod idem Apostolus dicit, maius esse Dei donum, quam Adæ peccatum. Inde enim sequitur, ut si peccatum Adæ veram in nobis & absolutam iustitiam posuit, ut omnium consensu posuit, certe Dei donum veram in nobis, absolutamque iustitiam ponat.

Sed occurrunt Calvinus & Kemnitius, & probare nituntur,

nituntur, Apostolum hoc loco per vocem *iustificare*, nihil aliud significare voluisse, nisi iustum pronuntiare. PRIMO, quoniam opposuit verbum, *iustificare*, verbo, *condemnare*, cum ait, *iudicium ex uno in condemnationem, gratia ex multis in iustificationem*. Eterius c.

8. *Deus, qui iustificat, quis est, qui condemnet?*

SECUNDO, quoniam Apostolus sine dubio phrasim Hebraicam imitatur, tamen si Græce scribat; Hebraice autem verbum, *iustificare*, forensi plane significationem habet.

TERTIO, quoniam Latina vox, si proprietas inspicatur, nihil significat aliud, nisi iustum pronuntiare. quamvis enim à patribus interdum iustificare, accipiat pro eo, quod est iustum facere: tamen eanotip non invenitur apud bonos linguæ Latinæ auctores. Denique, Catholicos Kemnitius reprehendit, quod nimis hæreant in ipsa compositione vocabuli, quasi iustificare sit iustum facere, quia componitur ex nomine iustum & verbo facere.

Respondeo ad PRIMVM, iustificatio recte opponitur condemnationi, & tamen non ideo semper est forense vocabulum. Nam ipsa etiam condemnatio interdum est actus iudicis deputantis ad pœnam eum, qui in iudicio reus inventus est: interdum autem est effectus culpæ, quæ pœnam commertuit. Si quidē & Adam nos condemnauit & Deus. Sed Adā nos condemnauit non iudicando, nec modo forensi, sed imprimendo culpam originalem: Deus autem iudicando damnauit. Ad eundem igitur modum & iustificatio nunc est actus iudicis, nunc effectus gratiæ: & ipse idem Christus primo, ut secundus Adam, nos iustificat delendo peccata, & gratiam infundendo, secundo, in die iudicii nos iustificabit, declarando iustos, quos ipse antea fecit iustos.

Præterea, quamvis condemnatio & iustificatio alicubi significant actionem iudicis, ut in illo loco citato, *iudicium ex uno in condemnationem, & cetera*, tamen quando Deus iustificat impium, declarando iustum, facit etiam iustum: quoniam iudicium Dei secundum veritatem est. Itaque siue Christus per obedientiam suam, siue per iudicium suum nos iustificet, semper facit iustos. Et hoc modo locū istum intellexit S. Augustinus lib. 1. de peccatorum meritis & remissione, c. 15. ubi dicit, in Christo iustificari, ex sententia Apostoli ad Rom. 5. non esse solum imitatione Christi iustum fieri, sed etiam per eius gratiam regenerari: sicut in Adamo condemnari, non esse solum imitatione Adami, sed carnali etiam generatione ad culpam trahi.

Ad SECUNDVM de voce Hebraica, Dico verbum & *קָדַשׁ* & *קָדַשׁ* proprie nihil esse aliud, nisi iustum facere, sed quia potest aliquis fieri iustus, tum intrinsece per adptionem iustitiæ, tum extrinsece per declarationem, inde eandem vocem ad varia significanda traduci. Porro non deesse loca in Scripturis, ubi vox illa significet iustum facere, non more forensi declarando, sed vere efficiendo iustitiam, perspicuum est ex verbis illis Danielis ca. 12. *Qui ad iustitiam erudiunt multos, fulgebunt sicut stella in perpetuas æternitates*. Illud enim: *Qui ad iustitiam erudiunt*, in Hebræo est, *קָדַשׁ*, id est iustificantes, siue qui iustificunt. Et non potest hoc trahi ad iudices declarantes, significat enim Propheta magnam futuram esse gloriam doctorum, qui multos ad iustitiam docendo perduxerint.

Neque multum prodest aduersarijs, quod aliqui eorum dicunt, Daniele loqui de ministris Evangelij, qui annuntiant remissionem peccatorum per fidem Christi, quasi iustificare sit indulgentia prædicare. Nam etiam hoc modo iustificare non erit fo-

rense vocabulum, quomodo Caluinus & Kemnitius illud accipiunt. Non enim qui prædicat Euangelium, pronuntiat homines esse iustos, more iudicis, sed aperit viam ad iustificationē: & eo modo causa est, ut auditores iusti efficiantur ex impijs. Non enim dicit, ego vos omnes iustos esse pronuncio, sed ait, credite Evangelio, & iustificabimini: quemadmodum nullus iudex loquitur. Itaque certum est apud Daniele loco notato, verbum *iustificauit*, non admittere forensi significationem.

Sed est alius locus adhuc illustrior apud Isaiam, ca. 53. ubi de Christo sic loquitur Isaias: *In scientia sua iustificabit ipse iustus seruos meos multos, & iniquitates eorum ipse portabit*. Vbi est verbum in *hiphil* *קָדַשׁ*, quod iustum facere significat. Conatur quidem Kemnitius hunc etiam locum detorquere ad significationem forensi, sed frustra. Quatuor enim vocabula manifeste repugnant eius interpretationi.

PRIMVM est, *in scientia sua*. Id enim significat, interprete S. Hieronymo, Christum varijs modis iustificasse homines, atque vnum ex eis modis fuisse doctrinam. Qui autem docendo iustificat, certe non iudicis more iustificat.

ALTERVM est *ipse iustus*, qua voce significatur Christum non solum docendo, sed etiam iuste operando, ac nobis iustitiam suam imparte do iustificare. Porro non requiritur ad iustificandum more forensi, ut is iustus sit, qui alios iustificat, sed necessario requiritur, ut is iustus sit, qui bene operando iustificare debet. Et ideo Beatus Paulus ad hunc locum alludens ait ad Rom. 5. *Vi sit ipse iustus & iustificans*.

TERTIVM est, *seruos meos*. Sic enim legendum est, non *seruos meos*, ut habent aliqui codices vitio librorum, in Hebræo enim est *עַבְדֵי*, significat autem hæc vox, Christum seruasse Deo Patri in opere iustificationis, ac per hoc iustificasse homines non iudicando, sed ministrando, ut ipse dicit Matth. 20. *Filius hominis non venit ministrari, sed ministrare, & dare animam suam redemptionem pro multis*. Vnde & ab Apostolo Rom. 15. vocatur minister circumcissionis ad confirmandas promissiones Patrum.

QUARTVM est, *iniquitates eorum portabit*. Hic enim significatur modus, quo Christus ministrando iustificat, ubi vox Hebræa *חָבַשׁ* significat, gestare quasi in humeris. Itaque docet Isaias, Christum nos iustificasse portando sarcinam peccatorum nostrorum in humeris suis, id est, luendo pœnam nobis debitam. Quo alludit Sanctus Petrus epistola prima, capite secundo cum ait: *Peccata nostra ipse portauit in corpore suo super lignum, ut peccatis mortui, iustitiæ viuamus, cuius liuore sanari esset*. Vbi vides effectum satisfactionis Christi, esse iustitiam & sanitatem nobis inherentem. Non igitur in hoc Isaiæ testimonio, *iustificare* accipitur more forensi, neque enim iudices ita iustificunt, ut pro reis pœnas luant, eosque peccatis mori, & iustitiæ viuere, ac demum spiritualiter sanos esse faciant.

Est etiam alius locus in Scriptura, ubi *iustificare* nullo modo potest accipi more forensi, nimirum Apoc. 22. *Qui iustus est, iustificetur adhuc, & qui sordidus est, sordescat adhuc*. Et tamen non ignorabat S. Ioannes Hebraicas phrasas.

Ad TERTIVM, de usu Latinæ vocis apud bonos auctores, Respondeo, auctores linguæ Latinæ non habere hanc vocem in vlla significatione, & ideo non est mirum, si non possumus ostendere in Terentio vel Cicerone, *iustificare*, possum esse pro eo, quod est iustum facere. Nam nec ipse Kemni-

tus aut Calvinus ostendit in iisdem auctoribus: *iustificare*, usurpatum esse pro eo, quod est iustum pronunciare.

Deinde non esset etiam mirum, si profani auctores haberent hanc vocem solum in usu forensi, cum ignorauerint iustificationem iudicis Dei. Deus enim cum iustificat impium, pronunciat quidem illum iustum, quod & homines faciunt, sed absolviendo facit illum vere iustum ex impio, quod homines facere non possunt. Atque hinc est, quod apud homines, qui fatetur delictum, condemnatur, qui negat, iustificatur: contra autem apud Deum, qui negat, condemnatur; qui fatetur, iustificatur. Nam cum non possint homines eum, qui delictum fatetur, facere iustum ex reo, damnare debent, non iustificare, si nolint errare. Deus autem, cuius iudicium secundum veritatem est, pronunciat iustum eum, qui se fatetur reum, sed pronunciando iustum (ut supra diximus) facit re vera iustum. Proinde solus Deus non errat, cum impios iniustosque iustificat.

Quod mysterium non ignorantes SS. Patres, Latine etiam lingue non imperiti, verbum, *iustificare*, passim usurpant pro eo, quod est iustum facere: *Quis est*, inquit Augustinus in Psalmum trigelimum, concione 1. *qui iustificat impium? quis facit ex impio iustum*. Item lib. 1. de peccatorum meritis & remissione, cap. 31. *Gratia Dei iustificamur, hoc est, iusti effici-mur*. Item lib. de spiritu & littera, c. 26. *Quid est aliud iustificari, quam iusti fieri?* Epist. 103. *Iusti enim facti sunt, cum iustificati sunt*. Et epist. 106. *Antequam gratia iustificetur, id est, iustus efficiatur, impius quid est, nisi impius?* Et epist. 120. c. 20. *Credens in eum qui iustificat impium, id est, ex impiis facit pium*.

Quanta igitur importunitas novatorum est, ut in quaestione Ecclesiastica repudiant Patres, neque velint quiescere, nisi Ciceronem illis, vel Terentium iudicem proferamus. Et cum Apostolus ipse tam aperte significauerit iustificari esse iustum constitui, ac per hoc vocis compositionem & notionem aperuerit, calumniatur Kemnitius adhuc, quod ex compositione vocis interpretationem nominis eruiamus? sed de his satis multa dicta sunt.

Alterum testimonium pro iustitia inherente, sumitur ex cap. 3. ad Roman. *Iustificati gratis per gratiam ipsius, per redemptionem, qua est in Christo Iesu, quem proposuit propitiatorem per fidem in sanguine ipsius*. Hoc loco simul explicantur fere omnes causae iustificationis; nam iustificamur à Deo gratis, id est, ex mera eius liberalitate, quantum ad nostra merita; nullo enim nostro opere meremur iustificari. At hæc Dei liberalitas est causa efficiens. Iustificamur autem per gratiam ipsius, id est, per iustitiam ab illo donatam, & infusam; & hæc est causa formalis. Iustificamur item per redemptionem, quæ est in Christo Iesu, & hæc est causa meritoria. Denique iustificamur per fidem in sanguine propitiatoris; & hæc est causa dispositiva.

Respondent aduersarij, Calvinus, Kemnitius, & alij, per gratiam non significari donum aliquod infusum & inherens, sed ipsum Dei favorem & benevolentiam, qua nos prosequitur, dū per Christi merita nos reconciliat, non imputans delicta nostra, sed imputans iustitiam & obedientiam Christi.

At Imprimis favor Dei satis explicatur per illam vocem, *gratia*, qui enim gratis iustificat, certe ex benevolentia & liberalitate iustificat. Illa igitur additio, *per gratiam*, nō ipsum favorem, sed aliquid aliud, id est, effectum illius favoris significabit.

Denique propositio, *per*, non recte accommoda-

tur favori & benevolentiae, sed causae formali, aut meritoriae, aut instrumentali. Non enim recte dicemus, Deus per suum favorem, aut per suam benevolentiam nos iustificat; recte autem dicimus, per gratiam inherentem, per meritum filij sui, per fidem & Sacramenta iustificat.

Ad hæc benevolentia Dei non potest esse inanis, sed omnino præstat, atque efficit id bonum, quod alicui vult. Omnia enim quæcunque voluit fecit: Psal. 113. & si vellet alicui bonum, & non faceret, nō esset omnipotens, sed similis nobis infirmus. Cur enim multa volunt homines, quæ non faciunt, nisi quia multa volunt, quæ non possunt? cum vero Deus nos diligit, ac nobis bene vult, id sine dubio vult, ut simus vere iusti & sancti corā ipso: *Elegi enim nos* (ut Apostolus loquitur ad Ephes. 1.) *ut simus sancti & immaculati in conspectu eius*. Et: *Hac est voluntas Dei* (inquit Apostolus 1. ad Thess. 4.) *sanctificatio vestra*. Igitur si gratia iustificans est favor & benevolentia Dei, & Deus non solum extrinsecus fauet, neque inaniter bonum vult, sed facit sanctos, & immaculatos, quales esse nos vult; certe sequitur, ut per gratiam iustificari, non sit iustos reputari, & non esse, sed re vera iustos, sanctos atque immaculatos esse.

Præterea gratiam iustificantem non esse solum favorem Dei, sed donum in anima inherens, intelligi potest ex varijs attributis & nominibus eius. Nā dicitur donū, quod accipimus, ad Rom. 5. *Accipientes abundantiam gratia & donationis*. Item dicitur dari per Christum, *gratia & veritas per Iesum Christum facta est*, Ioann. 1. non autem recte dicitur facta per Christum benevolentia Dei patris. Item dicitur dari ad mensuram ab ipso Christo; *Unicuique nostrum data est gratia, secundum mensuram donationis Christi*, ad Ephes. 4. At benevolentia Dei non datur ad mensuram, neque à Christo. Item comparatur essentiae, quæ datur per creationem. Inde enim dicimus *creari in Christo*, ad Ephes. 2. Et esse, *nova creatura*, ad Galatas 5. At id, per quod creaturæ dicimur, intimū & inherens est.

Denique comparatur luci, 2. ad Cor. 6. *Quæ participatio iustitia cum iniquitate? quæ societas luci ad tenebras?* Ad Ephes. 5. *Eratis aliquando tenebra, nunc autem lux in Domino*. primæ Ioannis secundo: *Qui dicit, se in luce esse, & fratrem suum odit, in tenebris est*. At certe lux non facit corpus lucidum, nisi inhercat, neque patitur secum tenebras. Quomodo igitur potest homo iustificatus, non tantum lucidus dici, sed etiam lux in Domino, cum antea tenebrosus esset, si adhuc tenebræ peccatorum in ipso inhererent, & gratiæ lux extrinsecus manet?

Præterea gratia, per quæ iustificari nos dicit Apostolus, dicitur etiā *Charitas diffusa in cordibus per spiritum sanctum, qui datus est nobis*, ad Rom. 5. Et quamvis aduersarij, Philippus, Calvinus, Petrus Martyr, & alij, contendunt, Apostolum loqui de charitate, qua Deus nos diligit, hoc est, de favore & benevolentia, quæ in ipso Deo est; tamen sanctus Augustinus, quæ sibi anteponi, velint nolint aduersarij, pati debent, disertis verbis contrariū docet. Sic enim loquitur in libro de Spiritu & littera, c. 32. *Charitas Dei data est diffundi in cordibus nostris, non qua nos ipse diligit, sed qua nos fecit dilectores suos*. Ipse etiam Apostol. ad Rom. 8. de hoc ipso spiritu nobis dato, loquens: *Accepistis*, inquit, *spiritum adoptionis filiorum, in quo clamamus, Abba Pater*. At certe clamamus, Abba Pater, per charitatem, qua diligimus nos Deum, non qua diligit nos Deus. Et in eodem cap. per gratiam iustificantem vivere dicimur: *Corpus quidem*, inquit, *mortuum est propter peccatum, spiritus autem vivit pro-*

per iustificationem. At non recte dici possumus vivere per intrinsecum Dei fauorem, cum nihil sit magis intimum, quam vita.

TERTIUM testimonium est in epistola priore ad Corinthios capite sexto, ubi sic explicat Apostolus iustificationem: *Et hæc quidem (peccatores videlicet) fuitis, sed abluti estis, sed sanctificati estis, sed iustificati estis in nomine Domini nostri Iesu Christi, & in spiritu Dei nostri.* Quo loco, ut exponunt Chrysostomus, Ambrosius, Theophylactus & alij, docet Apostolus, homines in Baptismo per inuocationem nominis Christi, & operationem Spiritus sancti purgari & sanctificari. Atque hoc ipsum esse iustificari, ita ut iustificatio duo illa contineat, purgationem, siue ablutionem & sanctificationem. Quod si iustificatio non sit sola peccatorum remissio sine interna sanctificatione. Item sequitur, ut iustificatio non sit imputatio iustitiæ, vel declaratio, more forensi. Nam imputatio & declaratio non egent inuocatione nominis Christi, aut virtute Spiritus sancti. Apostolus autem dicit, Corinthios fuisse ablutos, sanctificatos & iustificatos, in nomine Christi & in virtute Spiritus sancti.

QUARTUM testimonium est in epistola ad Titum, capite tertio: *Cum apparuit benignitas & humanitas Saluatoris nostri Dei, non ex operibus, quæ fecimus nos, sed secundum suam misericordiam saluos nos fecit per lauacrum regenerationis & renouationis Spiritus sancti, quem effudit in nos abunde per Iesum Christum Saluatorem nostrum, ut iustificati gratia ipsius, hæredes simus, secundum spem vitæ æternæ.* Ex verbis illis postremis: *Ut iustificati gratia ipsius, &c.* intelligimus in verbis superioribus descriptam esse iustificationem, ita ut secundum Apostoli sententiam, iustificatio sit regeneratio & renouatio, Dei benignitate, per lauacrum Baptismi & effusionem Spiritus sancti, in nobis facta.

Hanc autem regenerationem, & renouationem, quæ est ipsa iustificatio, formaliter fieri per donum aliquod inherens, tribus argumentis probari potest. PRIMO, ex ipsa natura & ratione regenerationis: neque enim intelligi potest, quemadmodum regeneretur aliquis, sine vlla sui mutatione, per solam Dei beneuolentiam, in ipso Deo existente, vel per solam extrinsecam iustitiæ alterius imputationem. Nam certe regeneratus, diligitur ut filius, cum antea odio haberetur, ut inimicus, igitur mutatio aliqua facta est; non potuit autem in Deo fieri, igitur in homine facta est. Ac per hoc regeneratio aliquid in ipso homine ponit, ob quod filius Dei nominetur & sit.

Deinde, idem probatur ex causis huius renouationis, quas hoc loco idem Apostolus enumerat. Nominatur enim benignitas Dei, quæ est efficiens causa; Christus, qui est causa meritoria; lauacrum Baptismi, quod est causa instrumentaria; effusio Spiritus, siue Spiritus effusus, qui est causa formalis. Dei effusionem autem Spiritus, siue spiritum effusum, nihil rectius intelligitur, quam primum eius donum, quod est charitas, quæ idecirco etiam dicitur effundi in cordibus nostris.

Denique idem probatur confessione aduersariorum; fatentur enim etiam ipsi, esse in nobis inherentem aliquam renouationem per Spiritum sanctum, sed negant eam propriæ esse iustitiæ, aut per eam nos absolute iustificari, & ideo confugiunt ad Christi iustitiæ imputatam. At Apostolus hanc ipsam renouationem iustificationem appellat, ut ostendimus. Id enim significat illud: *Ut iustificati gratia ipsius, hæredes simus, secundum spem vitæ æternæ.*

A Reddit enim causam, cur nos Deus per lauacrum & Spiritum sanctum regenerauerit, ac renouauerit; & ait, causam fuisse, ut iustificati, id est, ut per eam regenerationem, & renouationem iustificati, hæredes regni, ac vitæ sempiternæ effici mereamur.

QUINTUM testimonium est, ad Hebræos vndecimo, ubi testatur Apostolus, aliquos homines fuisse vere & absolute iustos; nam de Abel scribit: *Testimonium consecutus est, esse iustum.* De Noe: *Iustitia, quæ per fidem est, hæres est constitutus.* Isti certe & alij eorum similes, vere iusti erant, nec iusti imperfecte & inchoate, sed absolute & perfecte. Neque enim Scriptura iustos absolute vocaret eos, qui absolute iusti non essent. Quid? quod etiam perfectos & immaculatos appellat? Nam Genesis texto de Noe dicitur: *Noe vir iustus atque perfectus fuit.* Et David in Psalmo centesimo decimo octauo: *Beati immaculati in via, qui ambulant in lege Domini.*

Porro hæc eorum iustitia non erat iustitia Dei inhabitans, aut iustitia Christi imputata, sed iustitia in illis inherens & propria. Nam Apostolus ostendere volens, vnde Abel iustitiæ testimonium consequutus esset, ait: *Testimonium perhibente Deo, muneribus eius.* Vbi videmus, probari iusticiam Abellis, ab effectu ipsius iustitiæ. Nam ut ait sanctus Ioannes in epistola prima, capite secundo: *Qui facit iustitiam, iustus est.* Itaque probat Apostolus, Abellem fuisse iustum, quia iusta opera faciebat, cum Deo rite sacrificaret. Iusti autem operis causa, est iustitia inherens, non imputatio iustitiæ, quæ cum extrinseca sit, principium operis esse non potest. Sic etiam Noe fuisse iustum, probat idem Apostolus, quia credidit Deo, timuit iudicium Dei, obediuit mandatis Dei. Et in Genesi, capite sexto, dicitur, fuisse iustus, quia ambulauit cum Deo. Quomodo etiam probat sanctus Lucas, capite primo, Zachariam & Elisabetham fuisse iustos coram Deo, quia incedebant in omnibus mandatis & iustificationibus Domini.

SEXTUM testimonium est Apostoli ad Romanos octauo, & primo ad Corinthios decimo quinto, ubi dicit, iustos conformes esse imagini Christi & portare imaginem Christi: *Quos, inquit, præsinit & prædestinauit conformes fieri imaginis filij sui, ut sit ipse primogenitus in multis fratribus. Et sicut portavimus imaginem terreni, ita portemus & imaginem celestis.* Christus autem non est iustus per imputationem, neque per solam inhabitationem iustitiæ increata, sed iustus est vere ac proprie, etiam ut homo, per creatam & inherentem sibi iusticiam, & ex qua iustissima opera faciebat: igitur & nos si similes, si fratres, si imagines eius esse debemus, iusticiam veram & inherentem habere necesse est. Nam si re ipsa iniusti & solum putative iusti simus, magis diaboli, quam Christi imaginem geremus. Rectius enim denominamur ab eo, quod sumus, quam ab eo, quod esse putamur. Præterea terreni hominis, id est, Adami peccatoris, veram imaginem portavimus, quoniam peccatum in nobis non putative, sed vere & re ipsa inhaerebat: igitur & Christi veram imaginem geremus, si iustitia nobis non putative, sed vere ac re ipsa inhaereat.

SEPTIMUM testimonium est in epistola ad Romanos, capite sexto, ubi Apostolus docet, nos per iustificationem, qua morimur peccato, & resurgimus iustitiæ, repræsentare Christi mortem & resurrectionem. Et inter alia dicit: *Qui mortuus est, iustificatus est à peccato.* Quod etiam significauit Apostolus Petrus in priore epistola, capite quarto, cum ait: *Christo igitur passo in carne, & vos eadem cogitatione.*

armamini. Quia qui passus est in carne, desit a peccatis. At Christus non putative, sed vere mortuus est & vere resurrexit. Igitur & nos non putative, sed vere morimur peccato, & resurgimus ad iustitiam, cum per Baptismum iustificamur.

OCTAVVM testimonium est in epistola ad Romanos, capite 8. ubi Apostolus scribit: Nos iam per Christum accepisse spiritum adoptionis filiorum Dei quoad animam, quæ vivit (ut ibidem dicitur) propter iustificationem, quamvis corpus mortuum sit (id est, adhuc mortale sit) propter peccatum. Sed paulo post addit: Nos iam primitias spiritus habentes, intra nos gemere, expectantes adoptionem filiorum Dei, redemptionem corporis nostri. Nam, ut idem ait ad Philipenses tertio, Salvatorem expectamus, qui reformabit corpus humilitatis nostræ, configuratum corpori claritatis suæ. Atqui adoptio filiorum, quam expectamus in redemptione corporis, verissima erit, & inherens in ipso corpore, id est, immortalitas & impassibilitas, non putativa sed vera. Igitur adoptio quam nunc habemus in spiritu per iustificationem: vera etiam esse debet, non putativa. Alioqui, sicut expectamus redemptionem corporis, ita quoque expectaremus redemptionem animæ.

CAPVT IV.

Fidem non esse integram formalem causam iustificationis.

HACTENVS communibus argumentis probatum est, causam formalem iustificationis nostræ esse iustitiam inherens; ex qua sententia refelluntur quinque illi errores, quos supra notauimus, nunc seorsim singulos paucis refellemus.

PRIMVVS igitur error fuit, causam formalem iustificationis nostræ solam esse fidem. Id enim Lutherus disertis verbis posuit in commentario ad secundum caput epistolæ ad Galatas, & Philippus in ipsa Confessione Augustana, articulo quarto, & quanquam Lutherani omnes, tum rigidi, tum molles, ab hoc errore iam recessisse videntur, ut supra notauimus ex Colloquio Altemburgensi: nihil tamen oberit si hunc ipsum errorem breuiter confutemus.

PRIVM, in ipsa epistola ad Galatas, capite quinto, Apostolus, cum dixisset: Nos autem spiritu ex fide spem iustitiæ expectamus: subiunxit continuo: Nam in Christo Iesu neque circumcisio aliquid valet, neque præputium, sed fides, quæ per dilectionem operatur. Vbi verba illa, Ex fide spem iustitiæ expectamus, duobus modis intelligi possunt, Vno modo, ut sensus sit, ex fide speramus vitam æternam, quæ est merces iustitiæ. Sæpe enim Apostolus ponit spem pro ea re, quæ speratur, ut ad Titum tertio: Expectantes beatam spem, & aduentum gloriæ magni Dei: Itaque spes iustitiæ erit id, quod iustitia sperat, id est, quod iustitiæ debetur, videlicet, præmium vitæ beatæ. Altero modo, ut sensus sit, ex fide spem iustitiæ expectamus, id est, ex fide speramus, nos posse iustificari. Vtrumque sensum attingit sanctus Augustinus in libro de spiritu & littera, capite trigésimo secundo. Sed hic posterior simplicior & magis congruens cum præcedentibus verbis esse videtur: & tamen uterque in idem recidit; cum ex utroque id manifeste colligatur ex fide, non ex lege, aut operibus ante fidem factis hominem iustificari.

At ne daretur occasio errandi, explicuit idem Apostolus, quæ fides sit illa, quæ iustificat, cum ait: Nam in Christo Iesu neque circumcisio aliquid valet, neque præputium, id est, neque lex circumcisis data, neque opera gentilium, in præputio facta, iustificat, sed fides; non quæcunque autem fides, sed quæ per dilectionem operatur, id est, fides, quæ agitur, ac mouetur, formatur, & quali animatur per dilectionem. Quod si charitas est forma fides, & fides non iustificat formaliter, nisi ab ipsa charitate formata, certe multo magis charitas ipsa iustificat.

Huc etiam pertinent illa testimonia, quæ indicant, vel solam fidem non sufficere, ut primo ad Corinthios tertio: Si habuerim omnem fidem, ita ut montes transferam, charitatem autem non habuerim, nihil mihi prodest. Et Iacobi secundo: Fides sine operibus mortua est. Et illa, quæ docent necessariam esse charitatem, ut, Ioannis 3. Qui non diligit, manet in morte. Et nos scimus, quia transiit sumus de morte ad vitam, quoniam diligimus fratres.

Deinde, potest hoc idem probari ex Patribus, qui docent, fide tantum inchoari iustitiam, perfici vero per dilectionem, quos citauimus libro superiore, capite decimo septimo, quibus addi possunt duo testimonia Sancti Augustini, Vnum ex libro de spiritu & littera, capite vigésimo nono, ubi dicit, fide impetrari iustificationem: Iustitiam, inquit, quæ ex fide est, impetrando ex Deo, non ex seipso presumendo. Et infra: Opus, quod qui fecerit, vivit in eo, non fit nisi à iustificatione. Iustificatio autem ex fide impetratur. Et sermone decimo quinto, de verbis Apostoli: Iustitia fit, sed ex gratis fit, à Deo tibi fit, non tua fit. Et mox de eadem: Come, ut impetres, plora, ut impetres, crede, ut impetres. Qui inuocauerit nomen Domini, saluus erit, iustus erit. Quod si fides impetrat iustificationem, certe non formaliter sola ipsa iustificat. Nam si formaliter ipsa iustificaret, esset homo formaliter iustus, antequam iustificationem impetraret, cum fidem habeat ante impetrationem iustitiæ, atque ita esset iustus antequam esset iustus.

C Alterum testimonium est in libro de natura & gratia, capite ultimo, ubi iustitiam S. Augustinus in ipsa charitate constituit: Charitas, inquit, inchoata, inchoata iustitia est, charitas perfecta, perfecta iustitia est, charitas magna, magna iustitia est, charitas perfecta perfecta iustitia est.

D TERTIO, probatur ratione, ducta ex natura ipsius fidei & iustitiæ. Nam iustitia res est adeo bona, ut cum nullo alio bono pugnet, & ideo adiunctione aliorum bonorum, non minuatur, nec desinat esse, sed perficiatur semper, & crescat, ut perspicuum est, ex eo, quod inuenitur in beatis, in Christo, & in ipso Deo: at fides repugnat beatitudini, neque in Deo, aut in Christo, unquam fuit, neque in Angelis, & hominibus manet, cum beati esse incipiunt: non igitur fides est ipsa formalis iustitia, nisi inchoata & imperfecta.

E PRÆTEREA iustitia facit nos Christo similes, & per eam gerimus Christi imaginem, ut supra probatum est ex capite octauo ad Rom. & capite decimo quinto prioris ad Corinthios; At fides non facit nos Christo similes, sed potius aliquo modo dissimiles, cum in Christo fides non fuerit, quippe qui faciem Patris semper viderit. Ad hæc iustitia virtus est, per quam lex diuina completur, at plenitudo legis non est fides, sed charitas, Apostolo teste, ad Rom. 13.

Denique, iustitia non potest esse informis, & mortua, cum ipsa sit animæ vita, nec possit fieri, ut

quis eodem tempore sit peccator & iustus, hoc est, mortuus secundum spiritum, & secundum spiritum vivus. At fides informis & mortua esse potest, vel libro superiore probauimus ex Apostolo Paulo 1. ad Cor. 13. & Apostolo Iacobo cap. 2. non igitur sola fides est nostra integra, formalisque iustitia.

Sed concurrendum est Luthero & Caluino, qui freti testimonio Prophetæ Habacuch: *Iustus ex fide vivit*, miris modis exagitant distinctionem fidei in fidem formatam & informem. Et Lutherus quidem in comment. ad cap. 3. ad Galat. eam distinctionem Satanicam & pestilentem vocat: Calvinus in lib. 3. Institut. ca. 2. §. 8. nugatorium, putidam & insulsam nominat. Et quoniam ipse quoque fatetur, quandam fidem, videlicet historicam, separatam esse posse à charitate, & non iustificare. Ne cogatur fidem informem admittere, dicit, duas esse formas fidei, quarum una iustificat, altera non iustificat. At Calvinus distinctio in duas formas fidei, ad verborum nominates relegari debet. Nusquam enim Scriptura, vel traditio Ecclesiastica duas istas formas, sed vnam fidem ubique prædicat.

Distinctio vero vnius fidei in formatam & informem ab Apostolis Christi Paulo & Iacobo manifestissime traditur. Nam quid, quæso, interest, si dicamus fidem viuam & mortuam, vel formatam & informem? Certe enim res viuam, per aliquam formam vivit, & res mortua propter absentiam alicuius formæ mortua est. Fidem autem viuam & mortuam Iacobus appellat in epistola sua, capite 2. Sed Apostolus Paulus non solum docet, fidem charitate formari, sed etiam explicat, dilectionem formam esse extrinsecam fidei, non intrinsecam, & quæ det illi, non ut sit, sed ut moueatur, ac per hoc fides sine dilectione non desinat esse fides, sed desinat esse res actiuola & operans. Sic enim Apostolus ait ad Galat. 5. *Fides per dilectionem operatur*. Vbi illud (*operatur*) passiuè accipiendum est, non actiuè. Est enim in Græco *ἐργάζεται*, id est mpta atque acta.

Itaque sensus Apostoli est, fidem à charitate agi & moveri, quo modo à spiritu mouetur, & agitur corpus. Ac per hoc dilectionem non esse signum viuens fidei, ut aduersarij dicere solent, sed esse ipsam vitam fidei, & fidem sine dilectione similem esse corpori sine spiritu, ut rectissime scribit Iacobus. Recte igitur Catholici dicunt, fidem sine charitate esse informem, & cum charitate formatam. Et non recte Calvinus duas facit fidei formas; nam cum duæ sint formæ, nunquam potest una fieri altera; fides autem informis, formata fieri potest, & quæ formata est reddi potest rursus informis.

Piger autem multis refellere ineptias & nugæ Lutheri. Colligit enim, si charitas sit forma fidei, sequi, ut charitas sit præstantior fide, & in ea sita sit summa Christianæ religionis; & inde obsecratur Christus, eiusque beneficium: & omissa fide incipiant homines niti dilectione & moralibus operibus; quærit etiam, an Spiritus sanctus non potuerit, si veritas id postulasset, per Prophetam dicere. Iustus ex fide formata vivit; Denique addit, charitatem ad legem pertinere, fidem autem non posse ex lege, proinde neque esse ex charitate, ac per hoc nullo modo charitate formari.

Respondemus totidem fere verbis, Charitatem præferri fidei libenter admittimus, neque id absurdum videri potest, nisi hæretico, qualis fuit Lutherus, qui Apostolo repugnare non vereatur. Quid enim clarius dici potuit, quàm quod ait Apostolus 1. ad Cor. 13. *Nunc manent fides, spes, charitas, tria hæc, maior autem horum est charitas*? In eadem charitate si-

A tam esse summam Christianæ religionis, nunquam Lutherus negasset, si Christum audire voluisset in Evangelio suo dicentem: *Mandatum nouum do vobis, ut diligatis invicem*. Et: *In hoc cognoscant omnes, quod discipuli mei estis, si dilectionem habueritis ad invicem*, Ioann. 13. & Apostolum exhortantem: *Super omnia hæc charitatem habet, quod est vinculum perfectionis*, ad Coloss. 3. & sanctum Augustinum, qui tract. 83. in Ioannem brevissime demonstrat, summam Christianæ religionis redigi ad charitatem, non ad fidem, quoniam qui diligit, necessario etiam credit, & sperat. Non autem omnis qui credit, continuo etiam sperat & diligit.

B Obscurari autem Christum, & eius beneficia, si charitas ita magni fiat, ut fidei forma esse dicatur, tam est consequens, quàm solem contemni ab ijs, qui eius luce cupide fruuntur. Quid enim est charitas, nisi summum Christi beneficium? *Charitas enim diffunditur in cordibus nostris, per Spiritum sanctum, qui datus est nobis*. Hoc autem donum, nonne Christus ipse ad Patris dexteram exaltatus effudit, ut Apostolus Petrus ait, Actuum 2. Neque periculum est, ne fidem negligant, aut in operibus moralibus per solas vires liberi arbitrij factis, spem ponant, qui charitatem imprimis prædicant. Sciunt enim charitatem sine fide in hac vita esse non posse, & charitatem laudant, non quæ ex lege, aut ex viribus liberi arbitrij, sed quæ ex Deo & eius gratia possidetur.

C Porro non deerant verba Spiritus sancti, quibus per Prophetam suum illud efferret, *Iustus ex fide formata, aut etiam ex charitate vivit, sed maluit dicere, ex fide vivit, vel quia non loquebatur de vita iustitiz, sed vita spei, quæ iustum patienter expectare facit: vel quia commendare voluit id, unde initium ducit vita iustorum*. Sed sicut per Prophetam Spiritus sanctus vitam iustorum tribuit fidei, quoniam inde inchoatur; sic per Apostolum eandem vitam tribuit charitati, quoniam inde perficitur: *Translati sumus* (inquit Ioannes in epistola 1. cap. 3.) *de morte ad vitam, quoniam diligimus fratres*. Et: *Qui non diligit, manet in morte*.

D Quis autem ferat charitatis donum, quod est ipse nucleus (ut sic loquamur) Evangelii, transferri ad legem, & opponi fidei? si charitas ad legem pertinet, quia lex charitatem præcipit: cur non etiam fides relegatur ad legem, cum multa sint in lege de fide præcepta? De fide (inquit sanctus Augustinus tractat. octuagesimo tertio in Ioann.) *quam multa mandata sunt? quis potest cuncta colligere? quis enumerando sufficere?* Ecce igitur Lutherus & fidem cum charitate ab Evangelio separet, & legem scriptam in cordibus, dicat non esse testamentum novum, ut Hieremias prædixit cap. 31. sed testamentum vetus, & omnia more suo inuertat, atque confundat. Itaque præceptum charitatis, ut etiam fidei ad legem pertinet, Spiritus autem charitatis & fidei ad Evangelium. Sed de discrimine legis & Evangelij plura dicemus, cum controuersiam de iustitia operum & legis observatione tractabimus.

CAPVT V.

Formalem causam iustificationis non esse iustitiam Dei essentialem, ac diuinam.

S ECVNDVS error Osiandri, est, qui iustificati hominem dixit per illam ipsam iustitiam, quæ Christus non ut homo, sed ut Deus essentialiter iustus est. Refellitur hic error ab Apostolo ad Rom.

4. ubi ex proposito de iustificatione differitur; & apertissime demonstratur, iustitiam, per quam iustificamur, esse idem, viam videlicet & per dilectionem operantem illam fidem Deus pro iustitia habet; & quia Deus non fallitur, eadem fides vere iustitia est, & iustitia fidei nominatur: *Credenti, inquit, in eum, qui iusti sitis, reputatur fides eius ad iustitiam.* Et infra: *Discimus, quia reputata est Abraha fides ad iustitiam.* Et infra: *Signum accepit circumcisionis signaculum iustitie fides, que est in preputio, ut sit pater omnium credentium per preputium, ut reputetur & illis ad iustitiam.* Et similia habentur ad Galat. 3. Nos fidem iustitie expectamus; nam in Christo Iesu neque circumcisio aliquid valet, neque preputium, sed fides, que per dilectionem operatur. Quod si fides per dilectionem operans, est illa iustitia, per quam iustificamur, certe non iustificamur per iustitiam Dei essentialē, nisi quis ita desipiat, ut fidem nostram iustitiam Dei essentialē esse definiat.

SECUNDO, refellitur ex Augustino, qui sæpissime repetit & inculcat; nos iustificari iustitia Dei, non quia ille iustus est, sed quia nos iustos facit. Libro de spiritu & littera, capite nono. *Sicut, inquit, fides Christi dista est, non qua creditur Christus, sic iustitia Dei, non qua iustus est Deus.* Et paulo ante: *Iustitia Dei, non qua Deus iustus est, sed qua induit hominem, dum iustificat impium.* Et capite trigésimo primo dicit, iustitiam, qua iustificamur, dici iustitiam Dei, sicut dicitur charitas Dei, qua Deum diligimus, & fides Dei, qua in eum credimus, & salus Dei, qua saluamur. Et in epistola centesima vigesima, capite trigésimo. *Ignorantes, inquit, Dei iustitiam, qua nos eius gratia iusti sumus, ut ipsa Dei iustitia nos finis, cum iuste vivimus credentes in eum, qui iustificat impium, non illa, qua ipse iustus est, aterna sua & incommutabili iustitia.* Et lib. 3. contra duas epistolas Pelagianorum, capite septimo. *Non propterea, inquit, iustitia Dei dicitur, quoniam Deus iustus est, sed quia homini ex Deo.* Similia repetit in libro de gratia & libero arbitrio, capite duodecimo, & alibi sæpe.

TERTIO, refellitur rationibus varijs. PRIMA ratio, iustificatio præcedit inhabitationem Dei, non igitur homo iustificatur per iustitiam essentialē inhabitantē. Iustificationem præcedere testatur Scriptura, Sapientie primo, ubi dicitur *Spiritus sanctus non habitare in corpore subdito peccatis.* Testatur item Augustinus in epistol. centesima quinta ad Sixtum: *Post remissionem, inquit, peccatorum, nisi mundatam domum habiteret Spiritus sanctus, nonne cum alijs septem rediret Spiritus immundus? Ut tamen inhabitet Spiritus sanctus, nonne ubi vult spirat, & charitas Dei diffunditur in cordibus nostris, non à nobis, sed à Spiritu sancto, qui datus est nobis?* Hic videmus, prius remitti peccata, & mundari domum, & ornari etiam charitate, ut in illa Spiritus sanctus habitare dignetur.

Neque his repugnat, quod Spiritus sanctus prius dari videtur, quam charitas diffundi, cum ipse sit, qui eam diffundit, & peccata remittit. Nam, ut idem Augustinus ait sermone vndecimo de verbis Domini: *A quo mundamur, accipiendo indulgentiam, ipsum accipimus habitantem ad faciendam, augendam, perficiendamque iustitiam.* Et in epistola centesima quinta. *Aliiter adiuvat Spiritus nondum inhabitans; aliter inhabitans: adiuvat enim, ut efficiamur fideles, cum non inhabitat: cum vero inhabitat, adiuvat iam fideles. Itaque purgat, & iustificat, ut purgatos & iustificatos inhabitet.* Et hoc idem aperte Scriptura demonstrat, cum dicit ad Ephes. 4. Christum habitare per fidem in cordibus nostris. Et i. Ioan. 4. eum, qui manet in charitate, in Deo manere, & Deum in eo. Quia

nimirum non habitat Deus in nobis, nisi fides charitasque præcedant. Inhabitatione igitur Dei non facit iustos, ut Osiander existimat, sed iam iustificatos Deus inhabitans adiuvat, (ut loquitur Augustinus) ad faciendam, augendam, perficiendamque iustitiam.

SECUNDA ratio, si essemus iusti, iustitia Dei essentiali nos inhabitante; essemus omnes æque iusti atque ipse Christus. Nam ipse quoque non aliter iustus esse posset, nisi per iustitiam Dei essentialē, si Deus nullam iustitiam acceptat, nisi suam essentialē, ut Osiander somniat. At Scriptura Ioann. 1. disertis verbis testatur, nos omnes de plenitudine Christi accepisse; & ad Ephes. 4. Unicuique nostrum dari gratiam secundum mensuram donationis Christi, non igitur iusti sumus iustitia illa essentiali, sed iustitia creata, quæ maior & minor esse, & sub certam mensuram cadere potest.

TERTIA ratio, Scriptura docet, aliquos homines vere esse iustos, ut Noe, Genes. 6. Zachariam, Luc. primo, Abel & multos alios, ad Hebræos vndecimo. At non potest homo vere denominari à forma extrinsecus inhabitante, sed solum ab inherente: alioqui enim si satis est iustitia inhabitans, ut vere iusti esse dicamur, cur non dicimur etiam immortales, æterni, beati, omnipotentes, cum immortalitas Dei, æternitas, beatitudo, omnipotentia, & omnia alia eius attributa nos inhabitent? & cur non dicuntur omnes homines iusti, immo & omnes lapides, omnia ligna, omnia sydera, cur non recte iusta dicuntur, si inhabitatione Dei denominationem illam tribuere potest? Quamvis enim non inhabitet Deus omnia per fidem & charitatem, tamen per potentiam, essentialē & præsentiam omnia prorsus inhabitat. Osiander autem non facit nos iustos, quoniam per fidem & charitatem inhabitamur, sed quoniam à iustitia essentiali simpliciter inhabitamur.

QUARTA ratio, si nullam iustitiam Deus acceptat, nisi suam essentialē, ac propterea per illam nos inhabitat, ut iustos efficiat: Certe sequitur, ut Christi iustitiam, qua is pro nobis Patri satisfacere patiundo & moriendo voluit, Deus non acceptet. Illa enim Christi iustitia, iustitia fuit creata, non divina & essentialis. Quod si Christi iustitia Patri non satisfacit, quorsum ille carnem suscepit? quorsum tanta pati voluit? quorsum humiliavit semetipsum, factus obediens usque ad mortem, mortem autem crucis? Nunquid ut tantis symptomibus nihil redimeret?

At longe aliud nos docet Isaias & Paulus. Ille enim ca. 53. scribit de Christo: *Iustificatus ipse infusus servus meus multos.* Et iste ad Rom. 3. & 5. *Reconciliator nos dicit, Patri in sanguine filij sui.* Quid Apostolus Ioannes? an non affirmat in epistola prima, capite primo, sanguinem Christi mundare nos ab omni peccato? Et capite secundo, Christum propitiationem esse pro peccatis totius mundi? Denique, nihil frequentius omnis Scriptura testatur, quam Christi passionem & mortem, plenam, atque perfectam satisfactionem fuisse pro peccatis. Quare Osiandri sententia recipi non potest, nisi quis velit totum mysterium humanæ redemptionis & reconciliationis evertere.

Neque argumenta, quibus ille nititur, aliquid soliditatis habent, & præcipua sunt: Quoniam Beatus Petrus in epist. 2. cap. 1. scribit, nos effici divinarum confortes naturæ. Et quia Deus non acceptat ullam iustitiam, nisi suam. Sed Apostolus Petrus non dicit, nos effici divinarum confortes naturæ per inhabitationem

iustitiæ essentialis. Hæc enim est glossa Osiandri, non sententia B. Petri.

Quomodo autem efficiamur diuinæ consortes naturæ, indicat ipse idem, cum ait: *Et per hæc efficiamur, &c.* Illud autem, hæc, refert sententiam præcedentē, *Per quem nobis maxima & preciosa promissa donauit.* Vbi nomine promissorum intelliguntur res promissæ, non ipsæ promissiones, non enim donantur promissiones proprie loquendo, sed dona, quæ fuerant promissa. Itaque donauit nobis Deus per Christi merita res maximas, & preciosas, quas ante promiserat, & per hæc dona facti sumus diuinæ consortes naturæ. Quoniā per hæc dona efficiamur filij Dei, & cohæredes Christi, & hoc modo participamus naturam Dei, quomodo filij participant naturam patris: Vnde est illud: *Ego dixi, Dii sitis, & filij excelsi omnes.* Vbi dicuntur Dii, id est, diuinæ cōsortes naturæ, qui Filij sunt Dei. Quæ sint autem dona, quæ nos filios Dei faciant, explicat Apostolus Ioan. in epist. 1. c. 3. cum ait: *Videte qualem charitatem dederit nobis Pater, ut filij Dei nominemur, & simus.* Et cap. 4. *Omnis qui diligit, ex Deo natus est.* Et ibidē: *Deus charitas est, & qui manet in charitate, in Deo manet, & Deus in eo.* Et ipse B. Petrus ideo, posteaquam dixerat: *Ut diuina efficiamini consortes naturæ,* adiunxit, *fugientes eam, quæ in mundo est, cōcupiscentiæ corruptionem.* Nam cupiditati opponitur charitas, & qui per charitatis donum efficitur diuinæ cōsortes naturæ, hoc ipso fugit eam, quæ in mundo est, cōcupiscentiæ corruptionem.

Fuit autem hoc donum promissum nobis à Deo, PRIMVM per Prophetam Hierem. c. 31. *Dabo legem meam in cordibus eorum.* Et Ezech. cap. 36. *Dabo vobis cor carneum, & spiritum meum ponam in medio vestri, et faciam ut in præceptis meis ambuletis.* Deinde per ipsum Christum (ipissime Ioan. 14. & Act. 1. & alibi). Et de eodem dono promisso & dato loquitur Apostolus ad Rom. 8. *Non accepistis spiritum seruitutis iterum in timore, sed accepistis spiritum adoptionis filiorum, in quo clamamus Abba Pater.*

Quod vero attinet ad argumentum illud de acceptatione iustitiæ, vel acceptare iustitiā, est acceptare satisfactionem pro peccato; vel est approbare iustitiam alicuius, tanquam veram & solidam, non simulatam & apparentem. Priore modo non acceptat quidem Deus in veram satisfactionē pro peccato, nisi iustitiam infinitam; quoniam peccatum ofensa est infinita: sed ut aliqua iustitia sit infinita, id est, infiniti precij & valoris, non est necesse, ut sit iustitia Dei essentialis, sed satis est, ut sit iustitia personæ infinitæ, qualis est Christus, Deus & homo. Itaque obedientia, passio & mors filij Dei, quamuis in se & essentialiter fuerit creata & finita, tamē ratione personæ obedientis, patientis & morientis, infinita fuit & ex vero iustitiæ rigore propitiatio fuit pro peccatis nostris, non pro nostris autem tantum, sed etiam pro totius mundi. Posteriore modo acceptat Deus non solum iustitiam infinitam, sed etiam finitam, modo vera sit iustitia, non fucata.

Id autem ita esse, perspicuum est ex ipsius Dei testimonio. Nam ad Noe dicit Deus Genes. 7. *Te vidi iustum coram me in generatione hac.* Et de Abel scribit Apostolus ad Hebr. 11. *Testimonium consequutus est, esse iustum, testimonium perhibente Deo operibus eius.* Et certe si non acceptaret Deus iustitiam, nisi suam essentialē, non vere diceret Apostolus Paulus 2. ad Timotheum ult. *Reposita est mihi corona iustitiæ, quam reddes mihi in illa die iustus iudex, non solum autem mihi, sed etiam ijs, qui diligunt aduentum eius.*

Itaque viderit Osiander, in qua Scriptura reperit, à Deo non acceptari iustitiam, nisi suam diuinam

A & essentialē. Nos enim contrariam sententiam in omnibus diuinis libris prædicari existimamus.

CAPVT VI.

Iustificationem nostram non constare sola remissione peccatorum.

TERTIUS error Caluini erat, qui, quamuis cum Lutheranis agnoscat imputationem iustitiæ Christi, & non imputationem peccatorum, & inchoatam etiam renouationē & iustificationem: tamen contendit, ut supra ostendimus, iustificationem proprie in sola remissione, id est, non imputatione peccatorum positam esse; cum Lutherani in imputatione potius iustitiæ Christi eam proprie sitam esse contendunt.

Refutauimus hunc errorem supra capite tertio, & refutabimus copiosius in libro de iustitia operū. Id enim potissimum Caluinus efficere conatur, ut nulla sit iustitia operum in hac vita. Nunc igitur id solum ex Scriptura, ex Augustino, & ex ratione probabimus, iustificationem non consistere in sola remissione peccatorum, sed etiā in interna renouatione, ita ut ipsa renouatio iustitiæ dicenda sit, & non tantum iustificationis effectus.

PRIMUM igitur Apostolus Paulus ad Rom. 4. ita loquitur de Christo: *Qui traditus est propter delicta nostra, & resurrexit propter iustificationem nostram.* Hic Apostolus nomen iustificationis tribuit potius renouationi internæ, quā remissioni peccatorum, ac per hoc docet iustificationem non modo nō constare sola remissione peccatorum, sed neque præcipue ea constare. Neque enim dubitari potest, quin Apostolus velit mortem Christi fuisse exemplar mortis peccatorum, id est, remissionis & deletionis peccatorum nostrorum; resurrectionē autem exemplar renouationis & regenerationis internæ, per quam in nouitate vitæ ambulamur. Id enim explicat multis verbis capite sexto, ubi etiam docet Baptismi ceremoniam, qua mergimur in aquam, & emergimus ex aqua, repræsentare Christi mortē & resurrectionem, & simul mortificationem vitiorum & nouitatem vitæ.

DEINDE igitur Apostolus dicit, Christum traditum esse ad mortem, propter delicta nostra, videlicet remittenda, & resurrexisse propter iustificationem nostram, id est, ut in vitæ nouitate ambulemus, apertissime demonstrat in ipsa renouatione iustificationem esse positam; alioqui dicere debuisset, Qui traditus est propter iustificationem à peccatis, & resurrexit propter vitæ nouitatem.

Est autem hoc loco breuiter annotandum, mortem Christi, quæ precium fuit redemptionis, non solum causam fuisse remissionis peccatorum, sed etiam internæ renouationis. Nam secundum Ecclesiæ Catholicæ doctrinam hæc duo sperari nequeunt, cum vna & eadem gratia per Christi meritum nobis infusa, atque in nobis inherens, & peccata deleat, & animam iustitia exornet.

Sed quamuis hoc ita sit, tamen ad iustificationem nostrā non satis erat mors Christi, sed necessaria erat etiam resurrectio. Deus enim itā cōstituerat, ut primum Christus ipse glorificaretur, Deinde, mitteretur Spiritus sanctus, Euangelium prædicaretur, gentes converterentur, & per fidem, & Sacramēta iustificarentur: Nondum erat, inquit Ioannes in Euangelio, c. 7. *Spiritus datus, quia Iesus nondum erat glorificatus.* Et Apostolus 1. ad Cor. 15. *Si Christus non resur-*

rexit, inanis est fides vestra, adhuc estis in peccatis vestris. Itaque cum tam mors, quam resurrectio ad iustificationem necessaria esset, potuisset B. Paulus utramque partem iustificationis, id est, remissionem peccati, & donum renouationis tribuere morti Christi, vel resurrectioni, sed maluit distinguere, & morti quidem tribuere remissionem peccati, resurrectioni autem renouationem propter similitudinem, quam habet extinctio peccati cum morte carnis, & renouatio spiritalis, cum resurrectione corporali.

SECUNDO, probatur idem ex c. 5. ad Rom. Nam cum Apostolus ait ad Rom. 5. *Sicut regnavit peccatum in morte, ita & gratia regnet per iustitiam in vitam eternam.* Opponit iustitiam peccato, & per iustitiam intelligit internam renouationem, ex qua procedunt opera vitæ. Idem requirit antithesis. Peccatum enim regnasse dicitur in morte, quia operabatur opera mortifera, contraigitur, gratia Dei regnare dicitur per iustitiam in vitam, quia per iustitiam infusam operabitur opera vitæ. Quod si renouatio interna, quæ est principium operum bonorum, recte vocatur iustitia, proculdubio iustificatio in illa renouatione, & non in sola peccatorum remissione constituenda erit.

Rursus idem probatur ex cap. 6. ad Roman. ubi Apostolus dicit: *Neque exhibeatis membra vestra arma iniquitatis peccato, sed exhibete vos Deo tanquam ex mortuis viuentes, & membra vera arma iustitiæ Dei.* Docet enim in nobis esse iustitiam loco peccati, & per iustitiam intelligit aliquid inhærens, unde procedunt opera. Nam ideo dicit, nos esse ex mortuis viuentes & membra nostra esse debere arma iustitiæ Dei, ut videlicet membris utamur ad opera iustitiæ faciendâ ad gloriam Dei.

QUARTO, idem probatur ex c. 8. ad Rom. ubi præter alia dicit Apostolus: *Spiritus vivit propter iustificationem.* Vel (ut habent Græci) *Spiritus vivit* (videlicet est) *propter iustitiā.* Iustificatio enim, siue iustitia, quæ facit vivere, & per hoc operari, non potest esse sola remissio peccati, sed aliquid internum & inhærens.

QUINTO, idem probatur ex cap. 3. ad Galatas, ubi cum Apostolus dicit: *si data esset lex, quæ posset vivificare, vere ex lege esset iustitia,* aperte demonstrat iustitiam, unde dicitur iustificatio, esse aliquid, quod vitam animæ præbet, eamque in motu, & actione constituit.

SEXTO, idem patet ex illo ad Ephes. 4. *Renouamini spiritu mentis vestra, & induite novum hominem, qui secundum Deum creatus est in iustitia, & sanctitate veritatis:* ubi renouari in spiritu explicat Apostolus per induere novum hominem, novum autem hominem appellat, creatum in iustitia & sanctitate veritatis. Proinde renouationem, iustitiam & sanctitatem vocat.

Quod autem ex Scripturis probauimus, longe adhuc facilius ex testimonio S. Augustini probari potest. Nam in episto. 105. ad Sixtum, ultra medium: *Nec quisquam, inquit, liberatur & iustificatur, nisi gratia Dei per Iesum Christum Dominum nostrum, non solum remissione peccatorum, sed prius ipsius inspiratione fidei, & timoris Dei impartito salubriter orationis affectu & effectu.* Item in Enchir. c. 51. *Quemadmodum, inquit, in illo vera mors facta est, sic in nobis vera remissio peccatorum; & quemadmodum in illo vera resurrectio, ita in nobis vera iustificatio.* Vbi S. August. Apostolum sequutus, iustificationis nomen tribuere maluit internæ renouationi, quam remissioni peccatorum.

Item lib. 1. de peccatorum meritis & remissione, cap. 13. *Quid est, inquit, quod abundantiam gratiæ & iustitiæ accipiunt, nisi quod non est tantum peccato, in quo*

A omnes peccaverunt, sed eis etiam, quæ addiderunt, gratia remissionis datur, eisque hominibus tanta iustitia donatur, ut cum Adam consenseris ad peccatum suadenti, non cedant isti etiam cogenti. An non apertissime hoc loco S. Augustinus præter remissionem peccatorum, ponit in homine iustitiam, per quam diuina præcepta, diabolo etiam tentante, ac pene ad prævaricandum cogente, custodiat?

Item serm. 16. de verbis Apostoli: *Iustificati sumus, inquit, sed ipsa iustitia, cum proficimus, crescit.* At remissio peccatorum non proprie dicitur crescere, sed virtus fidei, spei & charitatis, ipsa est iustitia, quæ, cum proficimus, crescit, & eodem loco susius idem Doctora exponit.

B Denique in libro de spiritu & littera, capite decimo septimo: *Ibi lex, inquit, extrinsecus posita est, quæ iniusti terrentur, hic intrinsecus data est, quæ iustificaverunt.* Quo loco dicit, hominem iustificari per legem scriptam in cordibus, quæ ut ipse ibidem explicat, nihil est aliud, nisi charitas Dei diffusa in cordibus nostris per Spiritum sanctum, qui datus est nobis. Itaque sententia S. Augustini nulla omnino relinquitur dubitatio.

C Accedat ad hæc testimonia ratio naturalis. Nam iustificatio sine dubio motus quidam est de peccato ad iustitiam, & nomen accipit à termino, ad quem ducit, ut omnes alij, similes motus, illuminatio, calefactio, & cæteri: non igitur potest intelligi vera iustificatio, nisi aliqua præter remissionem peccati, iustitia acquiratur. Quemadmodum nec vera erit illuminatio, nec vera calefactio, si tenebris fugatis, vel frigore depulso, nulla lux, nullusque calor in subiecto corpore subsequatur.

D Deinde, iustificatio non ideo solum nobis confertur à Deo, ut gehennæ pœnas euadamus, sed etiam ut præmia vitæ cœlestis acquiramus: id quod significavit Apostolus ad Romanos sexto, cum ait: *Habebis fructum vestrum in sanctificationem, finem vero vitam eternam.* Et cap. 8. *Quos prædestinavit, hos vocavit, quos vocavit, hos iustificavit, quos iustificavit, hos & magnificavit.* ubi ponitur magnificatio effectus iustificationis, sicut est ipsa iustificatio vocationis, & vocatio prædestinationis effectus. Quo etiam pertinet illud 2. ad Timoth. ult. *Reposita est mihi corona iustitiæ.* At certe sola remissio peccatorum liberat à pœna, non tribuit gloriam. Quod ipsum quotidie in forensi iudicio videmus. Qui enim à iudice absolvuntur, eripiuntur à morte, sed non consequuntur nova præmia propter hoc solum, quod iudicentur non fuisse, aut non esse rei.

E Denique iustificatio ex inimicis facit amicos, filios, dilectos, ciues Sanctorum, domesticos Dei, hæredes regni, ut Scripturæ passim loquuntur: non igitur sola remissione peccatorum constat, sed & infusione virtutum, ob quas homo dignus tam insignibus appellationibus habeatur. Non enim dignus eo amore aliquis ob hoc solum, quod ei debita condonata sunt, cum ea dissolvere non posset. Neque continuo efficitur filius, aut ciuis, aut domesticus, aut hæres, qui pœnam, cui iuste adiudicatus erat, iudicis clementia non subibit.

Argumenta quæ pro sententia sua Calvinus exco- gitavit, in extrema disputatione cum argumentis aliorum hæreticorum commodius diluentur.

CAPVT VII.

Iustificationem non consistere in imputatione iustitiæ Christi.

QUARTVS & QUINTVS error, & qui plures assertores habet, in imputatione iustitiæ Christi iustificationem constituunt, quasi videlicet nos iusti simus coram Deo, quoniam regit nos Christus iustitia sua, & eo modo rectos Deus non videns, pro iustis se habere pronunciet.

Omnia autem ineptias, nugæque Kemnitii, qui nesciens quid loquatur, neque de quibus affirmet, dicit vocabulum imputationis esse relatiuum, & fundamentum quiddam huius relationis esse Christi iustitiam; terminum autem, hominem credentem; alium terminum iustitiæ, seu beatitudinem; relationem ipsam, Dei misericordiam. Quia videlicet misericordia Dei imputat homini credenti iustitiæ Christi ad iustitiam & beatitudinem. Ita tribus verbis totam Aristotelis doctrinam de relationibus subtilissima hac disputatione Kemnitius noster euerit. Et quid mirum, si temeritas horum hominum tot mûstra pariat in doctrina supernaturali, cum in rebus Philosophicis, & ab ipsis Ethnicis, tam luculenter expositis, ita delirent? Certe si misericordia Dei relatio est, quia iustitiam Christi credentibus imputat; Philemon quoque relatio erit, quoniam illi scribit Apostolus, ut sibi imputet debicum Onesimi. Sed nolo, ut dixi, cum Kemnitio ineptire.

PRIMUM igitur satis refutatur error aduersariorum, quod nullum in Scripturis, aut Patribus, testimoniū habeat. Hactenus enim nullum omnino locū inuenire potuerunt, ubi legeretur, Christi iustitiā nobis imputari ad iustitiam; vel, nos iustos esse, per Christi iustitiam nobis imputatam. Legimus quidē, beatum esse, cui non imputantur peccata, & fidem reputari ad iustitiam, & Christum factū esse nobis à Deo sapientiam, iustitiam & redemptionem. Sed sicut non legimus, nobis imputari redemptionem Christi, aut sapientiam, quasi nos redemptores habere debeamus humani generis, vel ipsum verbum Dei & sapientiā, ita non legimus, nobis Christi iustitiam imputari.

At, inquit Kemnitius, Concilium Tridentinum non abhorret ab hoc modo loquendi. Cum enim in sexta sessione, Can. 17. *neges, nos iustificari sola imputatione iustitiæ Christi, concedit, nos iustificari imputatione iustitiæ Christi, sed non sola.*

Respondeo, Concilium Tridentinum in illo Canone damnare voluit errorem aliorum, qui dicunt, sola imputatione iustitiæ Christi hominem iustificari, quales sunt Lutherani; sed non propterea approbavit idem Concilium errorem aliorum, qui dicunt, hominem iustificari partim renouatione interna, partim imputatione iustitiæ Christi. Nam ex sententia eiusdem Concilij, nō iustificari hominem formaliter per iustitiam Christi villo modo, habetur expresse in Can. 10.

SECUNDO, refutatur idem error ex eo, quod nulla necessitas eiusmodi imputationis adferri potest. Nam si necessaria esset imputatio illa, ideo potissimum necessaria esset, quod homo post remissionem peccati adhuc sit vere peccator, peccato videlicet recto, non deleto. At ista necessitatis causa locū non habet, nisi quis Scripturarum euidentissimis testimonijs repugnare velit. Scriptura siquidem vtitur omni genere vocabulorum, quæ excogitari poterant ad veram peccati remissionem significandam, ut si quis de industria quærat vocabula, quibus perspicue declararet, peccatum aliquod vere tolli & aboleri; non possit aliquod reperire, quod ipsa Scriptura diuina ante non occupauerit.

Dicit enim peccata tolli, 1. Paralipom. 2. *Obsecro, Domine, aufer iniquitatem seruitui.* Dicit deleri, Isaia 44. *Deleui ut nubem iniquitates tuas, & quasi nebulam,*

A peccatis tuis. Vbi similitudo nubis, & nebulae indicat, ne vestigium quidem vere culpæ remanere. Dicit mundari, Ezech. 36. *Effundam super vos aquam mundam, & mundabimini ab omni iniquitate vestra.* Dicit ablui, Psal. 50. *Asperges me Domine byssopo, & mundabor, lauabis me, & super niuem dealbabor.* Vbi etiam obiter comparatio illa notanda est, *super niuem dealbabor.* Quomodo enim super niuem dealbatur, à quo nihil omnino nigredinis, & sordidum aufertur? Dicit purgari, Prouer. 15. *Per misericordiam & fidem purgantur peccata.* Dicit remoueri à nobis, & longissime proijci, Psal. 101. *Quantum distat ortus ab occidente, longefecit à nobis iniquitates nostras.* Et Michæ 7. *Proiecit in profundum maris omnia peccata nostra.* Dicit denique peccatum fuisse, & non esse, Psal. 9. *Quæretur peccatum illius, & non inuenietur.* Cantic. 4. *Tota pulchra es, & macula non est in te.*

Nec solum in Testamento veteri, sed etiam in nouo, phraes eiusmodi frequentantur. Ioan. 1. *Ece agnus Dei, ecce qui tollis peccata mundi.* Actorum 1. *Conuertimini, ut deleantur peccata vestra.* 1. Ioan. 1. *Sanguis Iesu Christi emundat nos ab omni peccato.* Actorum 21. *Ablue peccata tua, inuocato nomine ipsius.* Hebr. 1. *Peccatorum purificationem faciens.* Hebr. 9. *Christus semel oblatu est ad multorum exhaurienda peccata.* 1. ad Cor. 6. *Ecce quidem fuistis, sed abluti estis, sed sanctificati estis, sed iustificati estis.* Et ad Ephel. 5. *eratis aliquando tenebræ, nunc autem lux in Domino.* Et ibidem: *Ut exhiberet ipse sibi gloriosam Ecclesiam, non habentem maculam, neque rugam.*

Multa possent huc adduci alia granissima argumenta, sed iam allata sunt in lib. de Baptismo, cap. 13. Vnum hoc loco non videtur omittendū, quod nullam omnino responsionem videtur admittere; videlicet argumentū petitū ex anticheli Adami ad Christum. Nam (ut Apostolus ait ad Rom. 5.) *Sicut per inobedientiam Adami peccatores constituti sunt multi, ita per obedientiam Christi, iusti constituentur multi.* Et ut in eodem loco idem Apostolus ait: *Maior est Christi gratia, quam Adami peccatum.* Inobedientia vero Adami non imputatur, sed vere peccatum in nobis impressit; igitur obedientia Christi non imputatur, sed vere peccata nostra tollit, atque delet.

TERCIO, refutatur idem error ex remotione alterius causæ, quā aduersarij pro imputatione iustitiæ Christi prætexere solent. Dicunt enim imputationem hanc propterea necessariam esse, non solū quod vere peccatum in nobis perpetuo hæreat, sed etiam quod iustitia nostra inhærens, non tam sit perfecta, ut simpliciter, & absolute iustificet. At causam istā facile refutabimus, si Scripturis sanctis aduersarij fidem habere voluerint. Nam iustitia inhærens, siue renouatio interior in fide, spe & charitate, potissimum ita esse cognoscitur. Idem affirmat Apostolus 1. ad Cor. 13. cum ait: *Nunc manent fides, spes, & charitas, tria hæc.* Idem docet S. Augustinus in Enchiridio, ca. 3. & in præfatione in Psal. 31. & alibi; neque aduersarij hoc negant. Quare si probauerimus fidem, spem & charitatem in hac vita posse esse perfectam, probaturum quoque erit, non esse necessariam imputationem iustitiæ Christi.

Ac fidem quidem in hac vita tenuem, ac languidam semper esse, docet Philippus in examine ordinandorum, & ideo non posse nos fide iustificari, ut fides est opus, aut virtus, sed solum ut organum est, apprehedens Christi iustitiam. At si fides in hac vita non potest esse perfecta, nunquam omnino poterit esse perfecta. Nam in aliā vita non perficietur, sed euacuabitur. Quis autem credat tam insignem virtutem nunquam futuram esse perfectam?

Deinde sanctus Petrus in epist. 1. capite 1. aperte docet, fidem perfectam esse posse, cum ait: *Probatio vestra fidei multo preciosior auro, quod per ignem probatur, inueniatur in laudem & gloriam, in reuelatione Domini nostri.* Sicut enim aurum perfectum est, quod ignem sustinet, ita plane fides perfecta est, quæ in camino tentationis probata, preciosior auro inuenitur.

Præterea qui credit ex toto corde, certe perfectam habet fidem: talem autem habuisse Eunuchum illum, quem Philippus baptizauit, testatur S. Lucas Actor. 8. Ad hæc, fidem Abrahami omnino fuisse perfectam, docet Apostolus ad Rom. 4. cum ait: *Contra spem in spem credidit, non infirmatus est fide, non habuit diffidentia, plenissime sciens, &c.* ubi ponitur illud *πληροσφοδία*, quod summam plenitudinem, perfectionemque designat. Idem quoque Apostolus ad Hebræos 11. non languidam fidem, sed robustissimam commendat, cum ait: *Sancti per fidem uicerunt regna, operati sunt iustitiam, adepti sunt repromissiones, &c.* Et S. Ioan. in epist. 1. c. 5. non de languida fide, sed de perfecta dicit: *Hæc est uictoria, quæ vincit mundum, fides nostra.* Et Apostolus Petrus in epist. 1. c. 5. *Cui resistite foris in fide.* Et Apostolus Paulus ad Ephes. 6. *In omnibus sumentes sentum fidei, in quo possitis omnia tela nequissimi ignea extinguere.* Certe enim fides, quæ mundum vincere, diabolo resistere, & omnia eius tela retundere potest, non imbecilla, nec languida, sed fortis & robusta esse debet.

Denique ad Hebr. cap. 3. negari non potest, quin Apostolus perfectam fidem agnoscat, ubi dicit: *Accedamus cum vero corde, in plenitudine fidei, est enim hic vox illa (πληροσφοδία) quæ aduocatorum etiam consensu plenissimam ac perfectissimam persuasionem significat.*

Iam vero de spe testimonium Apostoli ad Hebræos 6. satis esse poterit. Ibi enim spem nostram esse debere affirmat, tanquam anchoram animæ tutam ac firmam.

Denique de charitate, in qua præcipue iustitia nostra consistit, & de qua scribit Augustinus libro de natura & gratia, cap. 42. *Ipsa charitas est verissima, plenissima, perfectissimaque iustitia.* Et cap. 70. *Perfecta charitas, perfecta iustitia est.* Testimonia autem diuina ubique occurrunt. Nam Dominus Ioan. 15. ait: *Maiores hac dilectionem nemo habet, ut animam suam ponat quis pro amicis suis.* Constat autem plurimos homines, id est, omnes Martyres hanc perfectionem charitatis attigisse. Item 1. Ioan. 2. *Qui seruat (inquit Ioannes) verbum eius, in hoc uere charitas Dei perfecta est.* Seruari autem posse verbum eius, docet idem Apostolus in eadem epist. cap. 5. cum ait: *Et mandata eius gratuita non sunt.*

Denique non desunt in Scripturis exempla Sanctorum, qui Deum toto corde dilexerint. Nam de Davide scribitur Ecclesiastici 47. *De omni corde suo laudauit Dominum, & dilexit eum, quiescit illi.* Et in Deuteronomio promittitur hæc perfectio charitatis populo Dei, cum dicitur capite 30. *Circumcides Dominus cor tuum, & cor seminis tui, ut diligas eum in toto corde, & in tota anima tua.* His accedit, quod Matt. 5. Dominus dicit: *Estote perfecti, sicut Pater vester cælestis perfectus est.* Et Apostolus agnoscit se, & alios quosdam esse perfectos, cum scribit 1. ad Cor. 2. *Sapientiam loquimur inter perfectos.* Et ad Philipp. 3. *Quicumque ergo perfecti sumus, &c.* Constat autem perfectionem in charitate consistere, cum sit ipsa vinculum perfectionis, Coloss. 3. Igitur fatendum est, charitatem etiam in hac vita posse esse perfectam. Quod si fidem, spem & charitatem, ac per hoc iusti-

tiam inhaerentem, perfectam habere possumus, frustra laborant hæretici in asserenda imputatione iustitiæ, quasi aliqui nullo modo simpliciter, & absolute iusti esse possumus.

Quarto, refellitur idem error, quia fieri non potest, ut Christi iustitia nobis imputetur, præsertim in eo sensu, qui probatur hæreticis. Nam si solum vellent, nobis imputari Christi merita, quia nobis donata sunt, & possumus ea Deo Patri offerre pro peccatis nostris, quoniam Christus suscepit super se onus satisfaciendi pro nobis, nosque Deo Patri reconciliandi, recta esset eorum sententia, quamuis modus loquendi in Scripturis & Patribus, aut nunquam, aut rarissime inueniatur: sed ita imputari nobis Christi iustitiam, ut per eam formaliter iusti nominemur, & simus, id nos cum recta ratione pugnare contendimus. Nam tamen si aliquando denominatio fiat à forma extrinseca, quomodo res dicitur cognita per cognitionem, quæ est in mente, & partes dicitur visus, per visionem, quæ est in oculo. Tamen cum in aliquo duæ sunt formæ contrariæ, una inhaerens, altera extrinseca, sine dubio denominatio absoluta sumitur ab inhaerente forma potius, quam ab extrinseca. Si quis enim Æthiopem candida veste indueret, non recte diceret, hic Æthiops est albus, sed contra recte diceret, hic Æthiops est niger. Quoniam magis pertinet ad eum propria, & inhaerens nigredo, quam ille alacritus candor externus. Sic igitur, si hominem vere impium & iniustum, per inhaerentem iniustitiam, induas per apprehensionem, & cogitationem iustitia Christi, non recte pronuntiabis eum iustum, sed impium & iniustum, iustissime nominabis.

Quinto refellitur, quoniam, si vere nobis imputaretur Christi iustitia, ut per eam iusti haberemur ac cēseremur, perinde, ac si proprie nostra esset intrinseca, formalisque iustitia, profecto non minus iusti haberi, cēserique deberemus, quam ipse Christus: proinde deberemus dici, atque haberi Redemptores & Saluatores mundi, atque alia id genus vocabula & attributa recipere, quod est absurdissimum. Sexto, Christus id nobis restituit, quod perdidideramus in Adam, ut scribit sanctus Irenæus libro tertio, capite vigesimo: *Quando, inquit, incarnatus, & homo factus Christus longam hominum expositionem in seipso recapitulans, in compendio nobis salutem præstans, ut quod perdidideramus in Adam, id est, secundum imaginem, & similitudinem esse Dei, hoc in Christo Iesu recipere-*

remus. Et sanctus Augustinus libro sexto de Genesi capite 24. *Recipimus, inquit, iustitiam, ex qua per peccatum lapsus est homo.* Et capite vigesimo sexto. *Renouamini, inquit, spiritum mentis vestræ, & induite nouum hominem, qui secundum Deum creatus est in iustitia, & sanctitate veritatis.* Ecce quod amisit Adam per peccatum. In hoc ergo renouamur secundum id, quod amisit Adam, id est, secundum spiritum mentis nostræ. Et capite 27. *Hanc imaginem in spiritu mentis impressam, amisit Adam per peccatum, quam recipimus per gratiam iustitiæ.* Vbi notandum est in 2. libro Retractionum, capite 24. explicari hunc locum ab eodem Augustino, qui monet, imaginem non fuisse amissam omnino, sed tantum deformatam per peccatum, ut reformatione opus haberet. At in Adam non perdidimus iustitiam imputatam, neque esse ad imaginem & similitudinem Dei, per imputationem, sed veram iustitiam inhaerentem, per quam vere similes eramus Deo: igitur per Christum veram iustitiam, Deique similitudinem, non extrinsecam tantum, imputatamque recipimus.

SEPTIMO, si per iustitiam Christi, nobis imputata, vere dici possumus iusti & filij Dei; ergo poterit etiam Christus, per iniustitiam nostram, sibi imputata, dici verè peccator, & quod horret animus cogitare, filius diaboli. Nam aduersarij concedunt, ita Christo imputatum fuisse peccatum, ut nobis iustitia imputatur. Imò Illyricus in Confess. Antuerpien. c. 6. & in Apologia eiusdem admittit, Christum verissime dici peccatorem per potentissimam patris imputationem, & voluntariam in se peccatorum receptionem. At ista ipsorum blasphemia & sacrilega impudentia, toti Scripturæ repugnat. Christus enim in sacris litteris dicitur semel peccatum per tropum, quia hostia fuit pro peccato, 1. ad Cor. 5. & item semel dicitur maledictum, ad Galat. 3. quia maledictis & opprobrijs, ac pœnis plurimis subiectus fuit. At nuiquam dicitur peccator, impius, scelestus, diaboli filius, nisi forte ab inimicis & infidelibus; sed ubique sanctus, innocens, immaculatus, impollutus, iustus. Simus prædicatur.

Quare si Christus, quia vere in se sanctus erat, quâvis ei nostra iniquitas imputaretur, non iniquus, sed iustus nominatus est: certe eadem ratione, si nos vere immundi essemus, & impij etiam post iustificationem: quamvis nobis Christi iustitia imputaretur, non iusti, sed iniqui dicendi essemus, ac Scriptura vocat nos iustos & sanctos. Denique filios, & hæredes post lauacrum regenerationis & renouationis, ut patet ex cap. 8. ad Rom. cap. 1. ad Ephes. c. 3. ad Coloss. & alijs plurimis locis, non igitur per imputationem iustitiæ, sed per ipsam iustitiam inhærentem in nobis, & manentem iustificamur.

OCTAVO, Christus in Canticis Canticorum comparatur sponso, & Ecclesia, siue anima iustificata, comparatur sponsæ. Dicitur autè sponsa illa pulcherrima pulchritudine sibi inhærente, non pulchritudine sponsi sibi imputata. Nam ideo tribuitur sponsæ pulchritudo propria mulierum, & sponso pulchritudo propria virorum, ut intelligamus aliam esse pulchritudinem Christi, aliam Ecclesiæ, vel animæ iustificatæ. Adde quod esset absurdissimum, si sponsus cœlestis, & vere pulcherrimus, sponsam haberet turpissimam, & solum ornatum extrinsecus preciosa aliqua veste viri.

NONO, per iustificationem mundatur cor, ut præparetur ad visionem Dei. Nam ideo dicitur Matt. 5. *Beati mundo corde, quoniam ipsi Deum videbunt.* Et Act. 15. *Esde purificans corda eorum.* At oculus te ipsa immundus, quâvis mundissimus habeatur, non potest Solem videre: igitur neque cor immundum, quamvis mundum reputetur, Deum vnquam videbit. Vera igitur mundities, non imputatiua confertur in iustificatione, si ad visionem diuinam præparare nos debet.

DECIMO, Christus passus est, ut sanctificaret per suum sanguinem populum suum, dicit Apostolus ad Heb. 9. *Et tradidit semetipsum pro Ecclesia, ut eam sanctificaret, mundans eam lauacro aquæ in verbo vitæ, ad Ephes. 5. Et mundaret sibi populum acceptabilem, ad Titum 2. Et ipse Dominus ait, Ioan. 17. Et pro eis ego sanctifico meipsum, ut & ipsi sint sanctificati in veritate.* At si non vere, sed imputatiue tantum populum suum Christus sanctificauit, frustra passus & mortuus est; & non potuit perficere, quod optabat. Velle enim sanctificare, & sanctificare in veritate, non significat solum velle liberare à pœna peccati, aut velle, ut habeamur pro sanctis, quamvis re vera non simus, sed velle id efficere, ut vere sancti, mundi & immaculati simus. Aliæ rationes multæ adferri possent, sed hæc vix sunt nobis præcipuæ.

CAPVT VIII.

Traditio veterum Patrum, ac potissimum Augustini, de iustitia inhærente.

Nunc adferemus testimonia veterum Patrum pro iustitia inhærente. Sed duas ob causas erimus in hac parte breuiores. Nam & protulimus nō pauca testimonia, quæ huc etiam pertinent, in lib. 1. de gratia & libero arbitrio, cap. 4. & aduersarij concedunt, sanctos Patres iustificationis gratiam ad eternam renouationem & sanctificationem, non ad solā peccatorum remissionem retulisse. Nam Caluinus, qui solum Augustinum excipere solet, cum sanctos Patres reijcit, lib. 3. Instit. cap. 11. §. 15. etiam Augustinum in hac quæstione repudiat, *At ne Augustinus quidem, inquit, sententia recipienda est, & qui gratiam ad sanctificationem refert, quam in vitæ nouitatem per spiritum regeneramus.*

Kemotius quoque in prima parte Examinis Concilij Tridentini, aduocit Patres ita loqui de iustificatione, ut nos loquimur: *Non inuenimus, inquit, item, quo modo iustificationem accipiant Patres.* Et infra: *Non ignoro, inquit, aliter loqui Patres, sed de proprietate linguarum quæstio est.* Scilicet, Patres omnes imperiti, ac rudes proprietatis linguarum erant. Proferamus igitur pauca, de multis, testimonia veterum ac potissimum S. Augustini.

S. Augustinus tom. 1. lib. 12. Confessionum, cap. 15. *Quantum, inquit, distat inter lumen, quod illuminat, & quod illuminatur, tantum distat inter iustitiam, iustificantem, & iustitiam quæ iustificatione facta est.* Quo loco iustitiam nostram distinguit à iustitia Dei, & sine dubio creatam qualitatem tacit, ut est lumen, sapientia, & similia.

Tom. 2. in epist. 85. ad Cōsentium: *Quid est, inquit, aliud iustitia, cum in nobis est, vel qualibet virtus, quæ recte, sapienterque vivitur, quam interioris hominis pulchritudo.* Et hic apertissime ponit iustitiam nostram, in interna renouatione mentis & decore virtutis.

Tom. 3. lib. 15. de Trinitate, c. 8. *Quæ natura, inquit, cum à suo conditore iustificatur, à deformi forma, formosam transferitur in formam.* Igitur non manet deformis, ut aduersarij volunt, homo iustificatus, neque eget imputatione alienæ iustitiæ, quæ in iustitia propria, & inherens tegatur. In eodem tomo est liber de spiritu & littera, quem scriptum esse contra inimicos gratiæ Christi, quæ iustificamur, testatur ipse idem August. lib. 2. Retractionum, ca. 37. in eo autem toto libro gratia Dei dicitur charitas diffusam cordibus, quæ facit, ut lex impleatur: charitas igitur, quæ legem implet, est iustitia, quæ iustificamur.

Tomo quarto, libro primo ad Simplicianum, quæstione secunda. *Quia, inquit, manet proprium Dei, ut iustificet credentes, ideo inueniunt opera, quæ iam eligunt ad regnū ælorum.* Vbi iustificatio vocatur iustitia, unde opera bona procedunt. Et infra: *Assi, inquit, vocando præcedat misericordia Dei, nec credere quisquam potest, ut ex hoc incipiat iustificari, & accipiat facultatem bene operandi.* Itaque per iustitiam, quæ iustificamur, intelligitur fides & charitas, quæ est ipsa facultas bene operandi.

Tomo 5. lib. 19. de ciuit. Dei, cap. 27. *Hic, inquit, in vnoquoque iustitia est, ut obedienti Deus homini, animus corpori, ratio autem vitijs, etiam repugnantibus imperet, vel subigendo, vel resistendo: atque ut ab ipso Deo petatur, & meritorum gratia, & venia delictorum, ac de acceptis bonis gratiarum actio persoluatur.* In hac definitione iustitiæ nullum locū habet iustitia Christi imputata, sed sola iustitia nobis inhærens, & per quam

ratio vitia subigit, & Deo obediētiā præstat. Quia tamen hæc iustitia inhærens Deo, indiget adiutore ut opera iusta exequi valeat, ideo ad iustitiam nostram pertinere dicit August. ut à Deo petamus gratiam meritorum, & veniam delictorum, & pro beneficijs acceptis, gratiam persoluamus.

Tomo 6. in libro de hæresibus, cap. 88. explicans quæ sit gratia Dei, cuius inimici sunt Pelagiani, & per quam iustificamur (ut ipse ait libro 2. Retract. c. 37. & 41. & alibi) dicit esse eam, quæ eruiatur de potestate tenebrarum, ut in Christum credamus, atque in regnum ipsius transferamur, & qua diffunditur charitas in cordibus nostris, ut fides per dilectionem operetur: ubi manifeste gratiam iustificationis constituit in remissione peccatorum, & in infusione virtutum, fidei præsertim, & charitatis.

Tom. 7. lib. 1. de peccatorum meritis, & remissione, c. 10. Legimus, inquit, iustificari in Christo: qui credunt in eum, propter occultam communicationem & inspirationem gratiæ spiritualis. Item in lib. de natura & gratia, c. 38. 41. & 70. docet charitatem infusam in cordibus, esse veram iustitiam nostram.

Tomo 8. in Psal. 118. concione 16. Iustitia, inquit, virtus est animi magna, præcipueque laudabilis. Et continuo de hac ipsa virtute: Quis fecit, inquit, in homine iustitiam, nisi qui iustificat impium? hoc est, per gratiam suam de impio facit iustum. Et hic apertissime iustificari dicimur per iustitiam, quæ sit virtus inhærens. Item in Psal. 98. tractans illud: Iustitiam & iudicium, in Iacob tu fecisti: exaltate Dominum Deum nostrum. Vere, inquit, exaltate, bene exaltate, laudemus, & exaltetis illum, qui fecit ipsam iustitiam, quam habemus. Ipse in nobis fecit. Quis enim in nobis fecit iustitiam, nisi qui nos iustificavit? nos ergo impij, ille iustificator, quando & ipsam iustitiam ipse in nobis fecit, quam illi placeamus.

Tomo 9. tract. 26. in Ioan. Quid est, inquit, iustitia Dei, & iustitia hominis? Iustitia Dei dicitur, non quia Deus iustus est, sed quia dat homini Deus, ut iustus sit homo per Deum.

Tomo 10. ser. 15. de verbis Apostoli: Qui crediderit in eum, non habebit suam iustitiam, quæ ex lege est, quamvis sit bona lex, sed implebit ipsam legem non sua iustitia, sed data à Deo. Charitas enim plenitudo est legis. Unde ista charitas diffusa est in cordibus nostris: non utique à nobis, sed per Spiritum sanctum, qui datus est nobis. Hoc loco perspicue docet S. August. iustitiam, quæ nobis ex Deo est, esse ipsam charitatem, in corde diffusam, per quam legem implemus. Et totus ille sermo, longissimus & pulcherrimus hoc idem confirmat.

Itaque prudenter fecit Calvinus, ut sanctum Augustinum à partibus suis non stare, ingenue fatetur. Alioqui testimonijs eius, ex singulis tomis petitis, plane obrui potuisset. Velim tamen non obliuisceretur, hunc esse Augustinū illum, quem ipse idem lib. 3. Instit. cap. 3. § 10. & lib. 4. cap. 14. § 26. fidelissimum, atque optimum testem antiquitatis esse prædicavit. Addamus nūc etiam pauca quædam ex alijs Patribus.

Sanctus Ambrosius lib. 6. Exam. cap. octavo: Virtutum, inquit, iustificatio secundum corpus, an secundum animam tibi conferrī videatur, quæso respondeas. Sed dubitare non potes, cum iustitia, unde iustificatio derivata est, mentis tua utique, non corporis sit. Hic certe per iustitiam non potest intelligere solam remissionem peccati, aut iustitiam Dei, vel Christi, imputatam, quæ nec proprie corporis, nec propriè mentis est, cum in neutra parte hominis inhæreat, sed intelligit iustitiam, quæ virtus animi est, & non in corpore, sed in animo propriè inhæret. Idem auctor libro sexto in Lucam: In eo, inquit, iustificatio Dei est, si non ad

A indignos & obnoxios, sed ad innocentes per ablutionem factos, videatur, & iustos sua munera transfuisse. Docet hoc loco sanctus Ambrosius, Deum in Baptismo iustificare & iustificari; iustificare, quia per ablutionem facit mundos de sordidis, iustos de iniquis, de obnoxios innocentes: iustificari autem, quia se iustum ostendit, dum non ad impios & inultos, sed ad pios & iustos à se factos, munera divina transfundit. At si vera esset hæreticorum sententia, Deus iustificari non posset, quia munera sua largiretur hominibus vere sordidis & iniustis, qui falso iusti & innoxij haberentur.

B Sanctus Hieronymus libro primo aduersus Pelagianos: Hæc, inquit, est hominis summa iustitia, quidquid potueris habere iustitiæ, non suum esse putare, sed Domini, qui largitus est. Et libro tertio. Nunc, inquit, mundus factus es, in lauacro, & de te dicitur: quæ est ista, quæ ascendis dealbata; & lota quidem sit, sed custodire non valet puritatem suam, nisi à Domino sustentetur. Vides quemadmodum sanctus Hieronymus iustitiam ponat in virtute & puritate, quam acquirimus per Baptismum, non in aliqua imputatione alienæ iustitiæ.

C Sanctus Prosper in responsione ad caput sextum Gallorum: Iustificatus, inquit, homo, id est, ex impio, pius factus, nullo præcedente bono merito, accipit donum, quo medio acquirat & meritum, ut quod in illo inchoatum est per gratiam Christi, etiam per industriam liberi augeatur arbitrij, nunquam remoto adiutorio Dei, sine quo nec proficere, nec permanere in bono quisquam potest. At imputatio iustitiæ Christi non est donum, unde acquirantur merita, neque augeatur industria liberi arbitrij.

D Sanctus Cyrillus Alexandrinus, libro sexto de Trinitate: calor, inquit, Spiritus est, qui simul ut charitatem in nobis diffuderit, & eius igne mentes nostras inflammaverit, iam sumus iustitiam consequuti. Vide eundem lib. 11. in Ioannem, cap. 25. & lib. 12. Theſauri, cap. 3. & 5.

S. Gregorius lib. 18. Moralium, cap. 33. exponens illud cap. 18. Non commemorabuntur in comparatione eius. Omnes, inquit, supernæ patriæ electi, sancti quidem, & iusti sunt, sed participatione sapientiæ, non comparatione. Iustitia quidem sapientiæ, iustitia & servi sapientiæ nuncupantur, sed illa iustitia iustificans est, isti autem sunt iustitia iustificata.

Vide etiam Basilium lib. 1. de Baptismo, c. 2. Nyssenum & Nazianzenum oratione in sanctum Baptisma: Chrysostomum hom. 16. in priorem ad Corinth. in illud: Et hæc quidem sumpsit, 1. ad Corinth. 6. & in eundem locum Theophylactum & Oecumenium. Leonem epist. 91. cap. 1. & Bernardum serm. 4. de dedicatione Ecclesiæ, & in epistol. 190. ad Innocentium Papam.

CAPVT IX.

Soluuntur argumenta aduersariorum ex epistola ad Romanos.

SUPEREST ut argumentis aduersariorum respondeamus, è quibus præcipua nobis esse videntur, quæ profert Calvinus lib. 3. Instit. ca. 11. quamvis multa eorum communia sint etiam Lutheranis. PRIMUM igitur ex epistola ad Romanos colligit argumenta nonnulla, quæ ordine proponemus, & diluemus.

PRIMUM sumit ex nomine iustificationis, quod ad Rom. 5. & 8. contendit sumi pro declaratione iustitiæ. RESPONDEO, Nomen iustificationis accipitur quidem sæpe in Scripturis, pro declaratione iustitiæ, sed non semper; loca protulimus, cap. 3. Porro ad Rom. 5. accipi iustificationem pro eo, quod est iustum facere, siue constituere, demonstrauius loco citato ex ipsa B. Pauli declaratione, qui cum dixisset. *Per unius iustitiam in omnes homines in iustificationem*, exposui dicens: *Per obedientiam unius hominis iusti constituentur iusti*.

Sic etiam ad Rom. 8. accipi verbum iustificare, pro eo, quod est iustum facere, non autem solum, & iustum pronunciare; perspicuum est ex similitudine huius vocis ad alias, quæ in eodem loco ponuntur. Ait enim Apostolus: *Quos iustificauit, hos & magnificauit*. Ibidem etiam vitur verbis viuificandi, mortificandi, conglorificandi, quæ sunt omnino similia verbo iustificandi. Nemo autem negaret magnificare esse magnum facere, viuificare, viuum facere, mortificare, mortuum facere, conglorificare, gloriosum cum alio facere: cur igitur iustificare non sit etiam iustum facere?

DENIQUE, vt ostendimus loco citato, etiam si iustificare acciperetur vbique pro iustum pronunciare, nihil tamen aduersarii obtinerent. Non enim potest impius, vere iustificari, id est iustus pronunciari, nisi qui pronunciat iustum, simul faciat iustum. Hinc enim solus Deus iustificat impios, quia solus potest de impiis facere pios. Homines autem qui iustificat impios, nõ minus abominabiles sunt, quam si condemnarent iustos, vt ait Salomon Prouerb. decimo septimo.

SECUNDO, petit argumentum ex cap. 4. ad Rom. vbi dicit Apostolus, Abraham fidem reputatam esse ad iustitiam. Hinc enim colligit, nihil esse aliud nostram iustitiam, nisi fidem in Christum, id est, Christi iustitiam, fide apprehensam.

RESPONDEO, Fides quidem reputata est Abraham ad iustitiam, vt Apostolus dicit: sed non admittimus glossam, quod reputari fidem ad iustitiam, sit nobis imputari Christi iustitiam, si fide illam apprehendamus. Nam glossa hæc repugnat Apostolo, duas ob causas. PRIMUM, quoniam Apostolus ipsam fidem dicit imputari ad iustitiam, fides autem non est iustitia Christi, id est, qua Christus iustus est, sed iustitia nostra, id est, qua nos iusti sumus ex dono dei. DEINDE, quoniam verbum (*imputare*) hoc loco non significat nudam existimationem, sed existimationem cui veritas in re ipsa respondeat, vt perspicuum est ex illis verbis: *Ei qui operatur, merces imputatur non secundum gratiam, sed secundum debitum*. Certum enim est, ei, qui operatur, non sola opinione & existimatione, sed vere ac re ipsa deberi mercedem.

TERTIO, petit argumentum ex illis verbis Psal. 31. in eodem cap. 4. ad Romanos citati: *Beati quorum remissa sunt iniquitates, & quorum secula sunt peccata, beatus vir, cui non imputauit Dominus peccatum*. Querit hoc loco Calvinus, an hæc sit plena definitio iustificationis, an dimidia. Nam si plena, sit, verum erit quod ipse docet, iustificationem sola peccatorum remissione constare. Nulla enim hic mentio sit infusionis virtutum & donorum, sed solus remissionis. Si dimidia sit, quomodo beatus dici poterit, qui non erit, nisi media ex parte iustificatus? At beatum dicit David eum, cui non imputauit Dominus peccatum.

Præterea colligitur ex hoc loco, ipsam etiam remissionem non esse veram peccati ablutionem & extinctionem, sed non imputationem. Quod enim dixe-

rat: *Beati quorum remissa sunt iniquitates*, explicuit per illa verba: *Quorum secula sunt peccata*. Et: *Cui non imputauit Dominus peccatum*. Ac ne forte dicamus, non imputare peccatum, esse delere peccatum, & infundere iustitiam; occurrit remnitiu, & probat, à contrario sensu id esse falsum. Nam si non imputare peccatum, esset delere peccatum, & infundere iustitiam: imputare peccatum esset delere iustitiam, & infundere iniquitatem, quod est absurdissimum. Igitur imputare peccatum, est habere hominem pro peccatore, non imputare peccatum, est habere pro iusto. Idem etiam Remnitiu alio loco probat, tegere peccata, non esse delere, sed abscondere, vt sint, & non videantur. Prouerb. 11. *Homo astutus, tegit scientiam*. Vbi inepte exponas, delet scientiam, cum sensus sit, homo astutus abscondit scientiam, vt non facile percipiat, quod ipse nouit.

RESPONDEO, Ad quæstionem Caluini posset obijci alia similis quæstio, Sit ne plena definitio iustificationis, an dimidia illa eiusdem Prophetæ, *Beatus vir qui timet Dominum*, Psal. 111. Et illa: *Beati immaculati in via, qui ambulant in lege Domini*, Psal. 118. Nam si plena sit, vbi est remissio peccatorum? si dimidia, quomodo dicuntur beati, qui non sunt nisi media ex parte iustificati? Potest igitur ad omnes eiusmodi quæstiones responderi, non poni in his locis integram definitionem iustificationis, aut beatitudinis: sed explicari solum aliquid, quod pertinet ad iustificationem, vel beatitudinem acquirendam. Nam hoc etiam modo accipimus illa Domini verba Matth. 5. *Beati pauperes spiritu, beati miseres, beati qui lugent*, & alia, quæ eo loco sequuntur. Neque beatus Paulus ad Roman. 4. allegat hoc testimonium Psal. mi, vt definiat integre iustificationem, sed solum vt probeat iustificationem veram esse donum Dei, nec posse propriis viribus obtineri. Id autem rectissime probat ex eo, quod David beatum dicit eum, cui Deus peccata remittit, hoc est, qui dono & gratia Dei iustificatur.

Potest etiam responderi, in his verbis definitionem integram, sed implicite contineri. Nam remissio peccatorum nõ potest fieri, nisi iustitia infundatur, quomodo fugantur tenebre, nisi lumẽ succedat. Id quod Apostolus ipse manifeste indicat, cum ait, *David dicit, beatitudinem hominis, cui Deus accepto fert iustitiam sine operibus*. *Beati quorum remissa sunt iniquitates, &c.* Vbi ex non imputatione peccatorum, colligit imputationem iustitiæ, ac per hoc docet, non posse duo ista separari, remissionem peccati, & donationem iustitiæ. Atque hæc de quæstione Caluini.

Porro regi & non imputari peccata, non est quidem, si vim horum vocabulorum spectes, deleri, atque extingu: sed tamen est deleri, atque extingu quoad sensum, si hæc referantur ad Deum. Nam Deo non potest aliquid regi, nisi penitus deleatur. *Omnia enim nuda sunt, & aperta oculis eius*, ad Heb. 4. Quare si Deo regitur aliquid, hoc ipso à necessitate deletur & euanciscit. Neque potest Deus non imputare peccata, hoc est, nõ habere hominem impium, pro impio, nisi desinat esse impius: & quia non potest homo transire ab impietate ad pietatem, nisi per gratiam eius, qui iustificat impium: ideo non imputatio peccati necessario trahit secum veram peccati remissionem & iustitiæ infusionem. Itaque in Scriptura fere semper coniunguntur hæc duo, remittere, siue delere, & tegere peccata, vt intelligamus vnum non esse sine altero. 2. Esdræ 4. *Ne operias iniquitatem eorum, & peccatum eorum coram facie tua non deleatur*. Psal. 50. *Auertere faciem tuam à peccatis meis, & omnes iniquitates meas dele*. Psal. 84. *Remissisti*

iniquitatem plebis tuæ, operuisti omnia peccata eorum. Sic igitur etiam dictum est, Beati quorum remissa sunt iniquitates, & quorum tecta sunt peccata.

Neque aliquid probant argutæ Remittitii. Nam non dicimus, non imputare peccatum, esse infundere iustitiam, nisi consequenter, quia videlicet sequitur infusio iustitiæ ad non imputationem, cum Deus non possit falli non imputando id, quod imputari deberet. A contrario autem sensu non efficitur, ut imputare peccatum, sit delere iustitiam, vel infundere impunitatem, ne consequenter quidem; nam cum Deus imputat peccatum, habet pro peccatore eum, qui re vera est peccator, propria voluntate, & operibus. Non enim necessarium est, ut Deus iustitiam deleat, vel iniquitatem infundat, cum satis per se sit homo potens, & fortis ad malum. Præterea si diceremus non imputare peccatum, esse infundere iustitiam; imputare peccatum, non esset infundere iniquitatem, sed esset non infundere iustitiam. Quemadmodum enim non imputare peccatum, & imputare peccatum, contradicentia sunt, non contraria; ita quoque à contrario sensu colligi debent duo contradicentia, infundere iustitiam, & non infundere iustitiam, non autem duo contraria, infundere iustitiam, & infundere iniquitatem.

Sed ignoscendum est remittitio, qui tam fuit occupatus in arte Grammaticæ, & non ei vacauerit dare operam Dialecticæ. Illud autem, quod obicit, tegere scientiâ, non esse delere scientiam, non ignorabamus, sed simul etiam sciebamus, quædam tegi, ut conseruentur, quædam ut deleantur, quo modo teguntur vulnera emplastro. Sed placet adferre sententias Patrum de hoc testimonio Psalmi, ut aduersarii intelligant quam longe aberrant à sententia veteris, orthodoxæque Ecclesiæ.

S. IUSTINVS Martyr in Dialogo cum Triphone Iudæo, prope finem: *Statens, inquit, cui non imputabit Dominus peccatum, hoc est, cui penitenti Deus peccata remittet. Non sicut prædicatis vosmetipsos fallentes, & alii quidam vestri similes asseuerant, etiamsi peccatores fuerint, modo Deum nouerint, non imputabit eis Dominus peccata.*

ORIGENES lib. 4. in epistolam ad Roman. scribit, Danidem quasi quibusdam gradibus ascendisse, ut diceret magnum esse beneficium, cum alicui peccata dimittit, maius, cum tegit, maximum cum non imputat. Tunc enim ita funditus delentur, ut ne vestigium quidem vllum appareat, & perinde fit, ac si talis homo nunquam peccasset.

SANCTUS HIERONYMVS in commentario Psal. 31. per similes quosdam gradus Prophetam deducit, scribit enim peccata remitti per Baptismum, tegi per charitatem, non imputari per Martyrium.

S. AUGUSTINVS, concione 2. in hunc eundem Psalmum. *Non sic, inquit, intelligatis quod dixit, peccata coperta sunt, quasi ibi sint & vinant. Et infra: Medicus, inquit, tegat, ut curet, emplastro enim tegit. Similem expositionem habet vterque Gregorius Romanus videlicet in Psalmum secundum penitentialem, & Nazianzenus in sanctum lauacrum: quod attinet ad modum tegendi peccata per gratiam, quasi emplastrum.*

QUARTVM argumentum sumit Calvinus ex cap. 5. ad Romanos, ubi cum dicit: *Apostolus per obedientiam vnius hominis iustos constituit multos; nihil aliud significare videtur, nisi ipsam Christi obedientiam nostram esse iustitiam.*

RESPONDEO, iam supra diximus, obedientiam Christi causam fuisse efficientem, non formalem nostræ iustificationis. Id quod ex antithesi probaui-

MUS, quoniam inobedientia Adams nos constituit peccatores, non formaliter, sed efficienter. De qua re vide Augustinum, lib. 1. de peccatorum meritis & remissione, c. 9.

QUINTVM argumentum sumit ex cap. 10. ad Romanos, ubi beatus Paulus reprehendit Iudæos, quod ignorantes Dei iustitiam, & suam quærentes contrahere, iustitiæ Dei subiecti non essent. Id enim in nos quosque conuenire videtur, qui ignorantes Dei iustitiam, nobis imputatam, & nostram inhaerentem quærentes contrahere, iustitiæ Dei subiecti non sumus.

RESPONDEO, **S. AUGUSTINVS** lib. de gratia & libero arbitrio, cap. 12. & alibi, locis prope infinitis, docet, iustitiam Dei vocari ab Apostolo iustitiam, quæ est in nobis, ex dono Dei: iustitiam autem nostram dici eam, quæ propriis viribus, sine gratia Dei, paratur, aut parari creditur. Itaque reprehenduntur ab Apostolo Iudæi, qui legem Dei se propriis viribus implere posse credebant: *Commendat* (inquit **AUGUSTINVS** Ierin. 13. de verbis Apostoli) *hoc assidue Apostolus commendans fidem gentibus, qua fide impetrant adiutorium, ut impleant legem, non per legem, sed vnos implendi impetrantes per fidem. Ad hoc assidue ducit, & commendat ista Apostolus propter Iudæos, qui de lege gloriabantur, & libero suo arbitrio legem sufficere arbitrabantur, ac per hoc, quia libero suo arbitrio legem sufficere arbitrabantur, ignorantes Dei iustitiam, id est, ex fide iustitiam datam à Domino, & suam volentes statuere, quasi suis viribus impleram, non dante fide impetratam, iustitia Dei non sunt subiecti.*

Vbi vides, iustitiam Dei appellari gratiam & virtutem, qua lex impletur, quæ est charitas, in corde diffusa, per Spiritum sanctum, qui datus est nobis; iustitiam autem propriam, nominari præsumptionem legis implendæ, solis naturæ viribus. Non igitur adducimus homines à Christo (ut aduersarii mentionuntur) cum iustitiam inhaerentem docemus, sed eos maxime adducimus ad Christum, cum doceamus, iustitiam illam inhaerentem, per quam iustificatio legis impletur in nobis, non esse in nobis, ex nobis, sed ex dono & gratia Dei, per meritum Iesu Christi, Domini nostri. Ipsi autem vere extenuant beneficium Christi, cum illum velint, non veram, absolutamque iustitiam, sed imputatitiam tantum, & relativam, nobis tot suis laboribus & doloribus comparasse.

CAPVT X.

Soluantur argumenta ex Epistolis ad Corinthios.

EX **EPISTOLIS** ad Corinth. depromunt Calvinus, & alij argumenta tria.

PRIMVM argumentum sumunt ex illis verbis. ad Corinth. 1. *Qui saluus est nobis à Deo sapientia & iustitia & redemptione.* Cui loco adiungunt illud Hier. 23. *Et hoc est nomen, quod vocabunt eum, Dominus iustitia nostra.* Sic enim vertunt ex Hebreo. Ex his locis colligunt, nostram iustitiam non esse aliam, nisi eam, quæ est in Christo nobis imputatam.

RESPONDEO, Rectè dicitur Christus nostra iustitia, non quod iustificemus ea iustitia, quæ est in Christo nobis imputata, sed duabus alijs de causis. **PRIMVM**, quia Christus causa est efficiens nostræ iustitiæ. Sic enim dicitur Christus iustitia nostra, quomodo dicitur Deus fortitudo nostra in Psal. 17 & patientia nostra in Psal. 70. & salus nostra in Psal. 26. quod explicatur in Psal. 36. cum dicitur: *Salus autem iustorum à Domino.* DENIQUE sic dicitur Christus

iustitia

iustitia nostra, quomodo dicitur sapientia nostra, & redemptio nostra: alibi pax nostra, quia videlicet nos redemit, & iustos ac sapientes fecit, & Patri suo reconciliauit, pacificans quæ in terris, & quæ in cælis sunt.

DEINDE, dicitur Christus iustitia nostra, quoniam satisfecit Patri pro nobis, & eam satisfactionem ita nobis donat & communicat, cum nos iustificat, ut nostra satisfactio & iustitia dici possit. Nam etiam si per iustitiam nobis inhzrentem vere iusti nominemur & simus, tamen non per eam satisfacimus Deo pro culpis nostris, & pœna æterna: sed est illa iustitia inhzrens cum remissione culpæ, & sempiternæ pœnæ, effectus satisfactionis Christi, quæ (ut docet Concilium Trident. sess. 6. cap. 7.) nobis in iustificatione confertur & applicatur. Et hoc modo non esset absurdum, si quis diceret, nobis imputari Christi iustitiam, & merita, cum nobis donentur & applicentur, ac si nos ipsi Deo satisfacissemus, modo non negetur esse in nobis præterea iustitiam inhzrentem, eamque veram & absolutam esse iustitiam, cui iusto Dei iudicio non debeat pœna, sed gloria. Sic enim loquitur S. Bernardus in epistol. 190. ad Innocentium: *Nam si unus, inquit, pro omnibus mortuus est, ergo omnes mortui sunt, ut videlicet satisfactio unius omnibus imputetur, sicut omnium peccata unus ille portauit.*

ALTERVM argumentum sumunt ex c. 5. posterioris ad Corinth. *Deus erat in Christo mundum reconcilians sibi, non reputans illis delicta ipsorum.* Videtur enim hoc loco B. Paulus in eo constituere iustificationem, quod peccata non imputentur.

RESPONDEO, Non imputatio, ut supra dixi, remissionem peccati, & iustitiæ infusionem secum trahit. Ideo si quidem non reputat nobis Deus delicta, quoniam satisfecit Christus pro nobis, & Deus ea satisfactione placatus, reconciliauit nos sibi, & ex inimicis amicos fecit. Quare idem Apostolus quod hic dixit, *reconcilians, & non reputans delicta*, dixit ad Coloss. 2. *Conuincit vos Christo, donans vobis omnia delicta, id est, quod aduersus vos erat chirographum decreti.* Vbi vides viuificationem, quæ pertinet ad internam renouationem & donationem delictorum, quæ pertinet ad remissionem peccati, & deletionem chirographi: hi, quæ significat omnimodam extinctionem debiti.

Et ad Romanos 5. cum idem Apostolus dixisset: *Gloriamur in Deo, per Dominum nostrum Iesum Christum, per quem nunc reconciliationem accepimus*, explicat paulo infra, quid sit accipere reconciliationem, & ait: *Abundantiam gratiæ & donationis & iustitiæ accipientes, regnabunt in vita per ipsum.* Non igitur reconciliatio est sola non imputatio delictorum, sed acceptio abundantis gratiæ & iustitiæ & donorum, per quæ ad ipsum quonque regnum & vitam peruenitur æternam. Sed clarissime explicat idem Apostolus effectum reconciliationis ad Coloss. 1. cum ait: *Nunc autem reconciliauit in corpore carnis eius, per mortem exhibere vos sanctos & immaculatos, & irreprehensibiles* E

TERTIVM argumentum sumunt ex illis verbis eiusdem epistolæ, & eiusdem capituli, *Eum qui non nouerat peccatum, pro nobis peccatum fecit, ut nos efficiamur iustitia Dei in ipso.* Hinc enim sequi dicunt, ut nos iusti simus ipsa iustitia Dei, quæ est in Christo; sicut ipse dicitur peccatum, id est, peccator, per peccata, quæ sunt in nobis. Ut enim imputantur illi peccata nostra, ita imputatur nobis iustitia illius.

RESPONDEO, Non dicitur Christus peccatum, id est, peccator, neque imputantur illi peccata nostra, quasi ipse illa fecerit, & iniquus haberi possit. Sed

A solum imputantur illi, quoad debitum satisfaciendi, quod ille sponte suscepit. Ex quo non peccator, sed iustus dici meretur. Qui enim pro alio satisfacit, iustissimus est. Sic igitur & nobis imputatur iustitia eius, quoad satisfactionem, quam pro nobis præstitit: sed non propterea nos iusti, id est, mundi & immaculati haberi possumus, si vere in nobis peccatorum maculæ & sordes inhzreant.

Hac igitur falsa expositione reiecta, tribus modis potest hic locus exponi. Vno modo, ut iustitia Dei, sit iustitia ipsa diuina, quæ est in Christo. Quæ iustitia nos esse dicimur, non in nobis, sed in illo, quia ipse est caput nostrum, & quod conuenit capiti, conuenit etiam membris, non ut sunt membra distincta à capite, sed ut faciunt vnum, & sunt vnum cum ipso capite. Ob quam vnionem cum capite scribit Apostolus ad Ephes. 2. *Conuersi sciamus nos, & confedere feci in cælestibus in Christo.* Et propter eandem vnionem tribuit ipse Christus sibi passionem nostras. & hinc Saulo dixit act. 9. *Quid me persequeris?* & Apostolo Petro: *Vado Romam iterum crucifigi.* Et sicut nos dicimur iustitia in illo, non quia simus formaliter iusti, iustitia eius, sed quia simus membra eius: sic etiam contra dicitur ipse peccatum, non quia formaliter sit peccator, sed quia caput & nostrum, est peccata nostra, sua esse voluit, ut pro eis satisfaceret. Itaque 53. *P. fuit in eo iniquitatem omnium nostrum.* Et in Psalm. 21. ipse dicit: *Longe à salute mea uerba delictorum meorum.*

C ALTERA expositio est, ut per iustitiam Dei intelligatur iustitia nobis inhzrens, quæ dicitur Dei, quia donatur nobis à Deo, ut Augustinus exponit in lib. de Spiritu & littera, c. 18. & dicitur in ipso, id est, in Christo, quia per eius meritum donatur. Et dicimur iustitia potius, quàm iusti, ut seruetur antithesis, cum voce (peccatum) quoniam enim dixerat, Christum factum esse peccatum, id est, hostiam pro peccato, maluit dicere, nos esse iustitiam, quam iustos. Neque est absurdum, ut homines iusti dicantur iustitia, cum dicantur etiam lux. Matt. 5. *Vos estis lux mundi.* Et ad Ephes. 2. *Eratis aliquando tenebræ, nunc autem lux in Domino.* Addit S. Ioan. Chrysostomus in commentario huius loci, nos dici iustitiam, & iustitiam Dei, quia tanta est iustitia, quam nobis Deus donat per Christum, ut nulla in iustificatis macula relinquatur.

D TERTIA expositio est, ut per iustitiam Dei intelligatur quidem iustitia inhzrens, sed dicatur iustitia dei per tropum, quia est effectus: & imago iustitiæ dei. Nam Christus dicitur peccatum per tropum, quia fuit hostia pro peccato: & etiam quia participauit carnem similem carni peccati. Probat enim S. August. in lib. 2. aduersus Maximinum, cap. 2. hunc ipsum locum Apostoli exponens, peccatum in Scripturis sæpe accipi pro victima oblata in expiatione peccati, ut cum dicuntur Sacerdotes mādūcare peccata populi: nec non pro similitudine carnis peccati, ut ad Rom. 6. *De peccato damnauit peccatum.* Et ad Rom. 6. *Quod enim mortuus est peccato, mortuus est simul.*

Sicut igitur Christus factus est pro nobis peccatum, id est, assumpsit similitudinem carnis peccati, ut fieret victima pro peccato: ita nos efficiamur iustitia Dei, per similem tropum, quia iustitiam inhzrentem recipimus, quæ est iustitia Dei, id est, effectus iustitiæ Dei, & item iustitia Dei, id est, similitudo quædam iustitiæ Dei. Et sicut Christus non imputatiue, sed vere participauit similitudinem carnis peccati, cum verbum factum est caro: & non imputatiue, sed vere factus est victima pro peccato: ita nos in iustificatione non imputatiue, sed vere participamus effectum & similitudinem diuinæ iustitiæ, cum iustitiam inhzrentem accipimus. Vide

Cyrillum libro 11. thesauri, cap. 3. qui hunc locum ita exponit.

CAPVT XI.

Soluntur argumenta ex Epistola ad Ephesios.

EX EPISTOLA ad Ephesios duo argumenta depromunt. PRIMVM est ex cap. 1. vbi Apostolus ait: *Deus nos acceptos, sine gratias habuit in dilecto filio suo.* Vbi clarissime videtur ostendere, nos in nobis semper esse turpes, & odio dignos, sed in Christo, id est, coopertos iustitia Christi nobis imputata, gratiosos & acceptos fieri coram oculis Dei. Huc etiam trahunt illa omnia testimonia, quæ docent, nos in Christo, aut per Christum iustificationem & remissionem peccatorum accipere.

RESPONDEO, verbum Græcum, *izaeiow*, quod noster interpretes vertit, gratificauit, non significat (vt Caluinus existimat) gratiosos vel acceptos habuit, sed gratiosos fecit, id quod vel ex vnius S. Ioannis Chrysostomi verbis intelligere licebit. Fuit enim vir ille non solum diligentissimus Apostoli explanator, sed etiam eloquentissimus, & Græcæ linguæ peritissimus, vt Caluinus ægre ferre non debeat, si in intelligentia Græci vocabuli & sententiæ Paulinæ neminem Chrysost. præferamus.

Sic igitur loquitur in commentario huius loci, *Gratiosos*, inquit, nos reddidit, hoc est non solum peccatis liberauit, sed & dilectos amicos effecit. Quemadmodum enim, si quis seculi sum quendam, peste, morbo, senio, paupertate pariter ac fame corruptum, nactus formisum mox adulescentem reddat, qui quosuis venustate superet, vehementem splendorem ex genis emittat, ipsaque fulgura oculorum repercussumibus obijcet. Quem deinde & in ipso ætate flore constituat, atque insuper & purpura, & omnigeno mundo vestiat, atque exornet. Non aliter animam nostram Deus, & elaboratam & pulchram, & desiderabilem ac dilectam reddidit. Habemus igitur (interprete Chrysostomo) ex Apostoli sententiâ, in iustificatione non solum dari nobis remissionem peccatorum, sed etiam donum iustitiæ animam renouantis & exornantis; & nos à Deo non modo gratiosos & acceptos haberi, sed etiam vere gratiosos & interna, ac spiritali pulchritudine formosissimos reddi.

Illud autem, *in dilecto filio*, siue, *in Christo*, siue, *in ipso*, quod tam sæpe Apostolus addit, nihil aliud significat, nisi nos omnia nostra bona debere Christo. quoniam Deus Pater, intuitu Christi, nos iustificat, quia videlicet diligit filium: quia ipse hoc meruit; quia par est, vt membra dilecti filij sint conformia capiti: quia decet vt spõsa filij, speciosi præ filiis hominum, sit etiam pulchra atq; formosa: quia fratres Christi non debent esse dissimiles primogenito: *Prædestinatus enim nos conformes fieri imaginis filij sui, vt sit ipse primogenitus in multis fratribus.* Itaque valde absurde sentiunt hæretici, cum nos in Christo iustificari, ita exponunt, ac si per Christi iustitiâ imputatam, iusti haberemur, quamuis reipsa sordidi semper, & immundi essemus. Sic enim Christus horribile monstrum videri posset, cum caput quidem formosissimum, membra vero turpissima haberet. Et sponsus ipse pulcherrimus sponsæ teterissimæ coniunctus esset.

ALTERVM argumentum sumunt ex c. 4. ad Ephes. vbi B. Paulus; *Induite nouum hominem, qui secundum Deum creatus est.* Ista enim similitudo ab indumento petita indicat nos iustificari per iustitiâ extrinsecam, quæ non inhæret, sed per fidem apprehenditur,

A & nos tegit atque operit, ne turpitudine nostra Dei oculos offendat. Confirmant hoc argumentum exemplo Patriarchæ Iacob, qui indurus vestibus primogenitiæ pro primogenito reputatus, benedictionem & hæreditatem à patre obtinuit. Gen. 27.

RESPONDEO, similitudo indumenti aptissime conuenit iustitiæ inhærenti. PRIMVM enim iustitiâ inhærentem comparatur indumento, quia non est naturalis, nec nascitur nobiscum, sed extrinsecus accedit ex infusione Spiritus sancti. Sic exponit S. August. ser. 15. de verb. Apost. *Sacerdotes enim, inquit, induantur iustitiâ sua. Vestis accipitur, non cum capillis nascitur. Pecora de suo vestiuntur.* DEINDE, comparatur etiam vestimento, quia vestes distinguunt homines, vt alij ab alijs discernantur: sic iustitiâ per bona opera distinguit nos ab impijs, & facit, vt Christum, quem in corde gerimus, vita & moribus exprimamus. Itaque in hoc ipso loco Apostolus antequam diceret: *Induite nouum hominem, aut, deponite secundum pristinam conuersationem veterem hominem.*

DEINDE, secundum Hæbraicam phrasim verbum *induire*, significat abundanter & copiose tegere. Sic dicitur in Psalm. 64. *Induti sunt arietes onium, & valles abundabant frumento.* Est enim sensus, abundasse greges lætibibus & valles frumeto. Sic etiam Iudicum 6. Spiritus Domini dicitur induisse Gedeonem, quia videlicet copiose in eum descendit, & quasi vndiq; illum texit. Sic in Psalmis sæpe legimus, induantur confusione, vbi significatur magna confusio, quæ vndiq; se ostendat, nec tegi villo modo possit. Sic igitur dicuntur induere Christum siue nouum hominem, qui pleni fide & charitate in omnibus operibus suis Christum imitantur, & eius doctrinam, vitam & mores exprimunt, & illi dicuntur induere iustitiâ, qui abundantiam gratiæ, iustitiæque accipiunt. Habemus igitur similitudinem indumenti, non necessario requirere imputationem iustitiæ Christi, cum satis apte conueniat in ipsam iustitiâ inhærentem.

Potest, tamen sano modo accommodari hæc similitudo, vt etiam exemplum Patriarchæ Iacob, iustitiæ imputatæ: si quis dicat, oportere vt induamus merita Christi, & illis quodammodo recti petimus à Deo indulgentiam peccatorum. Nam (vt supra dixi) solus Christus pro peccatis nostris satisfacere potuit, & reipsa ex iustitiâ satisfecit, & illa satisfactio nobis donatur & applicatur, & nostra reputatur, cū Deo reconciliamur & iustificamur. Itaque si exemplum illud referatur ad iustitiâ satisfactionis pro culpa, admitti potest: Si vero referatur ad iustitiâ, qua formaliter iustificamur, cum de peccatoribus iusti, & pii de impijs efficiuntur, omnino reiciendum, cum Scripturis & Patribus, & ipsi rationi manifeste repugnent. Quod enim vnus pro alio satisfaciât, facile potest intelligi, quod autem vnus sit iustus, quia alius est iustus, est omnino inauditum, & non tam supra, quam contra omnem rationem.

CAPVT XII.

Soluntur argumenta ex Actis Apostolorum, & ex parabola pharisei.

EX ACTIS Apostolorum sumit Caluinus argumentum vnum, in quo magnam spem posuisse videtur. Ait enim Apostolus, vt refert S. Luc. Act. 13. *Per hunc annuntiauit vobis remissio peccatorum ab omnibus, à quibus non potuistis in lege Moysi iustificari.* In hoc omnis, qui credit iustificatur. Vbi illud, *per hunc*, significat, per Christum, non per nostras virtutes & qualitatem nos iustificari. Illud, *annuntiauit*, significat ipsam annunciationem diuinæ remissionis, si fide

apprehendatur,

apprehendatur, iustificare, nam ut statim idem Apostolus explicat, in hoc omnis, qui credit, iustificatur. Illud, *remissio peccatorum*, significat iustificationem nulla alia in re positam esse, quam in remissione peccati. Proinde non est altera pars iustificationis interna renouatio. Ista enim renouatio non tam est iustificatio, quam iustificationis effectus. Denique illud: *à quibus non potuistis in lege Moysi iustificari*, significat, iustificationem non consistere in obseruatione legis, sed (ut dictum est) in sola remissione peccatorum propter Christi iustitiam imputatam.

RESPONDEO, Illud, *per hunc*, significat quidem, per Christum, sed non excludit virtutem & qualitatem à deo infusam. Nam per Christum iustificamur, ut per causam efficientem, per virtutem & qualitatem infusam, ut per causam formalem. Particulam autem, *per*, significare causam efficientem, perspicuum est ex illo. Prouerb. 8. *Per me reges regnant*. Et Ioan. 1. *Omnia per ipsum facta sunt*. Et ad Rom. 1. *Per quem accepimus gratiam & Apostolatam*. Et ad Heb. 11. *Per quem fecit & secula*. Et ex alijs plurimis locis. Et cum sit Christus, vel eius iustitia causa efficiens nostræ iustitiæ, non potest fieri, ut sit causa formalis eiusdem nisi velimus vnā rem, & eādem esse causam & effectum respectu eiusdem rei. Causa enim formalis, effectus est causæ efficientis. Neque est cur confugiant ad latibulum mysteriorum, & dicant (ut solent) hoc esse mysterium fidei, quod ratione attingi non potest. Nam mysteria fidei superant quidem rationem, sed non repugnant rationi, neque oportet mysteria fingere, ubi Scripturæ facilem & perspicuam sententiam præbent.

Illud autem, *annunciatur*, non significat ex sola annunciatione remissionis fide apprehensa homines iustificari, alioquin non dixisset Petrus Act. 2. *Penitentiam agite, & baptizetur vnusquisque vestrum in remissionem peccatorum*. Sed significat, annunciati remissionem peccatorum ijs omnibus, qui credunt in Christum ut oportet, id est faciendo quicquid ille fieri iussit. Iuxta illud Mat. ult. *Docete omnes gentes, baptizantes eos in nomine Patris, & Filii, & Spiritus sancti, docentes eos seruare omnia, quaecunque mandauimus vobis*. In hoc sensu, Omnis qui credit in Christum, iustificatur, id est, qui credit sicut oportet, implendo videlicet omnia, quæ fides implenda esse demonstrat. Neque enim qui credit Medico, quamuis peritissimo & infallibiliter curanti, sanatur, nisi pharmaca ab illo instituta recipiat.

Quod vero solam hoc loco nominat Apostolus remissionem peccatorum, non impedit quo minus iustificatio constare intelligatur remissione peccatorum, & infusione iustitiæ. Nam (ut supra non semel ostendimus) remissio peccatorum non est sola condonatio pœnæ, sed est ablutio & emundatio culpæ, quæ ablutio & emundatio non fit, nisi succedente nitore gratiæ & decore iustitiæ. Quod etiam præfert nomen iustificationis, quod à iustitia nomen accepit.

DEINDE, quamuis hoc loco sola mentio fieret iustificationis à peccato: tamen in alijs multis locis mentio fit sanctificationis, mundationis, abluitionis, renouationis & similium, quæ alteram partem iustificationis ostendunt.

DENIQUE illud: *À quibus non potuistis in lege Moysi iustificari*, significat obseruationem legis proprijs viribus, vel sola ipsa lege iuuante præsumptam, non iustificare, non quod vera legis obseruatio non sit iustitia, sed quod lex ante remissionem peccatorum seruari non possit. Deus enim, cum per Christi merita reconciliat aliquem, simul ei peccata dimittit, & charitatem infundit, per quem legis mandata cu-

stodiat. Id quod significat S. AUGUSTINVS, cum tam sæpe repetit, opera non præcedere iustificandum, sed sequi iustificatum. Loquitur enim de operibus vere iustis, quibus legis mandata integre, perfecteque seruantur. Quod ut possimus, ille facit: *Qui de de peccato damnauit peccatum, ut iustificatio legis impleatur in nobis*. Ad Rom. 8.

ALTERVM argumentum sumunt ex alio lib. eiusdem beati Lucæ, videlicet ex cap. 18. Euangelij, ubi proponitur parabola publicani & Pharisæi. Nam publicanus dicitur iustificatus, cum solū postulasset remissionem peccatorum, dicens: *Deus propitius esto mihi peccatori*. Contra, Pharisæus prædicans dona Dei sibi collati, & gratias agens, discessit minime iustificatus. Igitur iustificatio non in donis & operibus bonis, etiam Deo adiuuante factis, sed in sola peccatorum remissione consistit.

RESPONDEO, Publicanus, cum dixit, *Deus propitius esto mihi peccatori*, non petiit solam debiti condemnationem, quasi veller iniquus esse, sed non haberi à Deo, neque puniri: sed petiit integram reconciliationem; & talem obtinuit. Vnde Dominus parabolam concludit: *Descendit hic iustificatus ab illo, quia omnis qui se humiliat, exaltabitur, & qui se exaltat, humiliabitur*. Exaltatio autem humilis, & pœnitentis publicani, aliquid amplius certe significat, quam solam delicti condonationem. Non enim dicuntur exaltari, quibus debita dimittuntur, sed qui ad gradus & honores euehuntur. Itaque publicanus ideo dicitur exaltatus, quia de peccatore iustus, de seruo peccati, seruus iustitiæ, de filio diaboli, filius Dei repente factus est.

Porro Pharisæus, non quia dona Dei recensebat, & ipsi Domino gratias agebat, publicano postponi meruit, sed quia tumore superbiæ plenus erat, & in sua iustitia ita confidebat, ut nihil sibi addi, nihil sibi ignosci peteret: insuper etiam publicanū humilem contenebat. Alioquin enim alius Publicanus Luc. 19 qui bona opera promittebat, dicens: *Domine ecce dimiduum bonorum meorum do pauperibus, & si quem defraudauit, reddo quadruplum*, audiuit à Domino: *Hodie saluus hinc domum factus est*. Et Ezechias Rex, qui morti proximus in oratione, bona sua opera sincero corde prædicauit, dicens: *Obsecro, Domine, memento, quæ ego, quando ambulauerim coram te in veritate, & in corde perfecto, & quod bonum est in oculis tuis fecerim*. Isaia teste, c. 38. exauditus est à Deo, & additi sunt ad vitam eius quindecim anni. Non igitur confessionem operum bonorum, sed tumorem superbiæ, & inanem fiduciam Deus in Pharisæo damnauit, qui ut (ut ait S. Augustinus homil. 2. ex lib. 50. homiliarum) iactabat merita sua, & occultabat vulnera sua.

CAPVT XIII.

Soluntur argumenta ex Patribus.

PRÆTER loca Scripturarum præfert etiam CALVINVS tria testimonia Patrum.

PRIMUM est S. AMBROSII in Psalm. 118. serm. 3. *Qui dicit (inquit Ambrosius) peccata sua, iustificatur*. Si dicere peccata, iustificari est, nihil erit aliud iustificatio, nisi remissio peccatorum. Nam ideo qui dicit, peccata sua, iustificatur; quia confitenti Deus ignoscit, iuxta illud: *Dixi, confitebor aduersam me inuentionem meam, & tu remisisti impietatem peccati mei*.

RESPONDEO, iam sæpe diximus, iustificationem, esse remissionem peccati, & remissionem peccati, esse iustificationem, sed remissionem istam peccati non esse solam liberationem à debito luendo pœnā, sed esse ipsius iniquitatis, & maculæ in animo residentis

per infusionem gratiæ & iustitiæ mundationem. Id quod vel ex vno Davidis Psal. intelligi potest. Quod cum ait David 2. Reg. 12. *Peccavi Domino; & audiuit, Dominus quoque suffulit peccatum tuum à te: & quod dixit in Psal. 31. Dixi confitebor aduersum me iniquitatem meam, & tu remisisti impietatem peccati mei; explicat suffulsi in Psal. 50. ubi ex eo, quod petiit, intelligimus quid acceperit. Sic igitur ait: Amplius laua me ab iniquitate mea: & a peccato meo munda me. Asperges me, Domine, hyssop, & mundabor, lauabis me, & super niuem dealbabor. Auerte faciem tuam à peccatis meis, & omnes iniquitates meas dele. Cor mundum crea in me Deus & spiritum rectum innoua in visceribus meis.*

Hoc modo fatemur eum, qui dicit peccata; iustificari, & iustificationem esse remissionem peccati, ita ut anima ante sordida munderetur, & super niuem dealbatur, & cor mundum & distortum, reformetur ac reponatur, ut iam aliud, & quasi recens creatum videri possit.

ALTERVM testimonium est S. Augustini lib. 19. de ciuit. Dei, cap. 17. ubi sic scribit: *Ipsa nostra iustitia, quamuis vera sit, propter veri boni finem, ad quem refertur: tanta tamen est in hac vita, ut potius peccatorum remissione constet, quam perfectione virtutum.* Quibus verbis negare videtur S. Augustinus iustitiam nostram esse virtutem à Deo infusam. Qui enim dicit, hoc potius volo, quam illud, idem est, ac si diceret, hoc volo, non illud.

RESPONDEO, illud, potius, hoc loco non excludit perfectionem virtutum, sed præponit remissionem peccati, ut sensus sit, iustitiam nostram, quæ partim in remissione peccati, partim in perfectione virtutis sita est, magis consistere remissione peccati, quam perfectione virtutis. Id autem ita esse, manifeste probatur. PRIMO ex eo, quod dicit Augustinus, hanc esse veram iustitiam propter finem veri boni, ad quæ refertur. Hæc enim iustitia non est iustitia Christi imputata, nec absolutio à peccatis, sed iustitia nobis inherens, quam dicit esse veram, propter veri boni finem: ut eam distinguit à iustitia Philosophorum, quorum opera iusta erant ex genere suo, sed carebant recto fine, quia non referebantur ad Deum, cum non haberent ex fide, ut prolixè disputat idem Augustinus libro 4. in Iulianum. Nostra autem iustitia vera est, quia per eam non solum facimus opera iusta ex genere, sed etiam ex omnibus circumstantiis, ac potissimum ex fine. Cum igitur sit in nobis vera iustitia, Augustini testimonio, & ea iustitia sit virtus diuinitus infusa: quomodo diceret Augustinus, iustitiam nostram non constare perfectione virtutis, sed sola remissione peccati.

SECUNDO, idem probatur ex eo, quod in eodem capite paulo infra idem Augustinus dicit: *Hæc itaque in unoquoque iustitia est, ut obediens Deus homini, animus corpori, ratio autem, vitis etiam repugnantibus imperet, vel subigendo, vel resistendo: atque ut ab ipso Deo petatur, & meritorum gratia & venia delictorum, ac de acceptis bonis gratiarum actio persolvatur.* Vbi vides, iustitiam definiri sola remissione peccati, sed etiam perfectione virtutis, quæ ratio Deo pareat, & corpori imperat, & vitis dominatur.

TERTIO, probatur ex omnibus illis locis, quos adduximus, cap. 8. & ipsius Caluini confessione, qui (ut ibi notauimus) fatetur, Augustinum ad sanctificationem & renouationem, iustificationis gratiam retulisse.

Cur autem dicat Augustinus, iustitiam nostram in hac vita potius, id est, magis constare remissione peccati, quam perfectione virtutis, duplex est ratio: VN A, quia peccata in Baptismo perfecte delentur &

purgantur, ut nihil omnino remaneat, quod habeat rationem culpæ: virtutes autem infusæ, ita suo quodam modo perfecte sunt, ut quotidie magis, ac magis perfici debeant.

ALTERA, quoniam remissio peccati, semel facta, non eget noua infusione virtutum: at virtus semel infusa, eget quotidie noua remissione peccati, non lethalis, quod cum iustitia simul esse non potest, sed venialis: iusti enim, tametsi multa bona, & iusta opera faciunt, tamen sæpe etiā labuntur in peccata leuia & venialia. Atque hoc est quod in eo loco potissimum S. Augustinus intendit. Nam cum dixisset, iustitiam nostram in hac vita potius constare remissione peccati, quam perfectione virtutis: Continuo, ut id probaret, subiunxit hæc verba: *Tessis est oratio totius ciuitatis Dei quæ peregrinatur: in terris. Per omnia quippe membra sua clamat ad Deum, Dimitte nobis debita nostra. Nec pro eis est efficax hæc oratio, quorum fides sine operibus mortua est, sed pro eis, quorum fides per dilectionem operatur.* Quia enim Deo quidem subdita, in hac tamen conditione mortali, & corpore corruptibili, quod aggrauat animam, non perfecte ratio vitis imperat: ideo necessaria est iustis talis oratio. Vides iustos esse, qui sic orant, ac per hoc egere indulgentia venialium delictorum, quæ iustitiam non tollunt è medio, non autem remissione lethali, quæ si iusti committerent, hoc ipso iusti non essent.

TERTIVM testimonium est S. Bernardi, qui in epist. 190. ad Innocentium, sic ait: *Iustum me dixerim, sed illius iustitia. Quam ipsa? finis legis Christi ad iustitiam omni credenti. Denique qui factus est nobis, inquit, iustitia à Deo Patre. Et serm. 22. in Cantica, exponens illud: Qui factus est nobis sapientia, iustitia, sanctificatio & redemptio. Sapientia, inquit, in predicatione, iustitia in absolutione peccatorum. Et infra: Delicta inuentis mea, & ignorantias meas ne memineris, & iustus sum. Et serm. 23. Sufficit mihi ad omnem iustitiam solum habere propitium, cui soli peccavi. Et paulo post: Non peccare Dei iustitia est, hominis iustitia, indulgentia Dei.*

RESPONDEO, In epist. 90. iustitia Christi S. Bernardus vult esse nostram, quomodo peccatum Adam fuit nostrum, quia videlicet iustitiam Christi participamus per regenerationem, sicut peccatum Adam per generationem. Proinde sicut peccatum Adam in nos traductum, non est illud, quod Adam inhereret, sed aliud nobis inherens, sed ab illo derivatum: sic iustitia Christi, nobis donata, non est illa, quæ ipse iustus est, sed alia, quæ nobis inheret, sed ab illa sine dubio deriuata.

Sed verba eius audiamus: *Qui factus est, inquit, nobis iustitia à Deo Patre: quæ ergo mihi iustitia facta est, mea non est? Si mea traducta culpa, cur non mea indulta iustitia? Et sane mihi iustior donata, quam innata. Et infra: Ergo docuit iustitiam, non dedit? ostendit charitatem, sed non infudit? Vbi reprehendit Petrum Abailardum, qui dicebat, Christum profuisse hominibus doctrinam, atque exemplo, non autem nos redemisse, nec iustitiam & charitatem infudisse.*

In sermonibus autem in Cantica dicit quidem, Christum nobis esse iustitiam, quia nos à peccato iustificauit, & indulgentiam Dei nostram esse iustitiam: sed nomine indulgentiæ & remissionis, intelligit plenam iustificationem: quoniam, ut sæpe diximus, nunquam remittitur culpa, quin simul infundatur iustitia. Quod si aliquando per indulgentiam intelligit solam remissionem, adiungit tunc etiam iustificationem: ut cum ait in serm. 22. *Tam valde es ad iustificandum, quam multus ad ignoscendum.* Et infra: *Sic factus à peccatrice iustus, iustitiam impertis,*

non perdis, nec si de peccatis, quia illam mundat, se inquinat. Vides hic aperte distingui duas partes iustificationis, cum Christus iustitiam Magdalene impertit, & maculas tergit. Et infra de S. Petro: *Qui lapsus fletu amare, & nos culpam dilueret, reciperaret iustitiam.* Idem etiam S. Bernardus in sermone 5. de verbis Isaie: *Vidi Dominum, &c.* luculenter tradit iustitiam nobis inhaerentem, eamque distinguit à iustitia, qua iustus est Christus, quod nostra in hac vita sit recta, sed non pura, ob admixtionem venialium delictorum: Christi autem & recta sit & pura.

CAPVT XIV.

Solvitur argumentum petiti ex ratione.

ARGUMENTVM POSTREMVM ex duplici ratione leprosum. PRIMA ratio sumitur ab imperfecte ratione iustitiæ nostræ: iustitia enim debet exacte respondere legi: nulla autem humana iustitia exacte respondet legi, iuxta illud Psalm. 142. *Non intres in iudicium cum seruo tuo, quia non iustificabitur in conspectu tuo omnis vivens.* Et illud S. Gregori lib. 8. Moralium, c. 23. *Quantalibet iustitia polleat nequaquam sibi ad innocentiam vel electi sufficiens, si in iudicio districto requiratur.* Cum igitur humana iustitia iudicium Dei sustinere non possit, necesse est, ut confugiamus ad iustitiam Christi, quæ nobis imputetur, ut per eam iusti haberi ac pronuntiari in diuino iudicio valeamus.

RESPONDEO, hoc argumentum, si quid probat, probat iustitiæ actualem non esse perfectam, non autem probat, iustitiam habitualement, qua formaliter iusti sumus, ut paulo post fusius ostendemus, non esse ita perfectam, ut absolute, simpliciter, & proprie iusti nominemur, & simus. Non enim formaliter iusti sumus opere nostro, sed opere Dei, qui simul maculas peccatorum tergit, & habitum fidei, spei & charitatis infundit. *Dei autem perfecta sunt opera;* Deuteronomi 32. Et: *Exquisita in omnes voluntates eius.* Psalm. 110. Vnde parvuli baptizati, vere iusti sunt, quamvis nihil operis fecerint. Adde præterea, nec de iustitia actuali argumentum illud recte concludere. Iustitia enim actualis, quamvis aliquo modo sit imperfecta, propter admixtionem venialium delictorum, & eget quotidiana remissione peccati, tamen non propterea definit esse vera iustitia, & suo etiam quodam modo perfecta. Sed de hac re dicemus in libro de iustitia actuali.

ALTERVM argumentum aduersariorum sumitur ab iniuria, quam ipsi existimant fieri meritis, & iustitiæ Christi, si per inhaerentem iustitiam iustificari dicamur: Addunt etiam TERTIVM ab occasione superbæ, quam dicunt hominibus præberi, si eis dicatur, propriam ipsos, atque inhaerentem habere iustitiam.

RESPONDEO, Neque Christi gloria, neque nostra humilitas indiget protectione mendacii, nihil detrahimus Christi meritis, cum ab illorum virtute & efficacia confiteamur iustitiam nostram omnino pendere. Sed aduersarii multum detrahunt de Christi gloria, cum affirmant, eum non potuisse tot suis laboribus & doloribus tam profunda humilitate, tam accurata obedientia, tam ardenti charitate à Patre impetrare, ut peccata nostra vere deleceret, nolque ad veram iustitiam reformaret. Et plus multo tribuunt Satanæ ad nocendum, quam Christo ad curandum: & maiores vires peccati volunt fuisse, quam gratiæ.

Nulla quoque datur superbiendi occasio illis, quibus

A dicitur: *Quid habes, quod non accepisti? si autem accepisti, quid gloriaris quasi non acceperis?* Ecce: *Qui gloriatur, in Domino gloriatur.* Et: *Gratia salui facti estis per fidem.* Et: *Hoc non ex vobis, Dei enim donum est, non ex operibus, ne quis gloriatur.* Hæc autem omnia Catholici dicunt, cum dicunt, homines ex dono Dei habere iustitiam, id est, charitatem in corde diffusam per Spiritum sanctum, qui datus est eis ex merito obedientiæ & passionis Christi.

Aduersarii vero an non incredibili timore superbiunt, qui se ipsam Christi iustitiam apprehendisse iactant, & inde se nulli Sanctorum æquare formidant. Certe Lutherus in sermone de natali B. Virginis, omnes fideles ipsi Deiparæ facit æquales. Nec desuerunt, qui se ipsi etiam Christo æquare contenderent, ut Ruardus testatur in explicatione articuli de Iustificatione.

CAPVT XV.

Iustitiam, qua formaliter iustificamur, habitualement esse, non actualement.

EXPEDITA controuersia de iustitia inhaerente, sequitur ALTERA quæstio breuior, Vtrum iustitia inhaerens, per quam formaliter iusti sumus, sit iustitia habitualis, an actualis, an veraque. Disputant enim de hac Catholici Doctores, cum in eo conveniant omnes, ut sit in nobis vera iustitia inhaerens non autem Christi iustitia imputata.

C Nos eorum sententiam magis conformem esse in dicamus Scripturis, Concilio Tridentino, testimoniis Patrum, & rationi, quæ docet, solam esse habitualement iustitiam, per quam formaliter iusti nominamur & sumus: iustitiam vero actualement, id est, opera verè iusta, iustificare quidem, ut S. Iacobus loquitur, cum ait c. 2. ex operibus hominem iustificari, sed meritorie, non formaliter.

D Quod igitur ad Scripturas attinet, ea testimonia nobis hoc loco sufficere posse videntur, quæ docent nos per Sacramenta iustificari, Ioan. 3. *Nisi quis renatus fuerit ex aqua & Spiritu sancto, &c.* Ad Ephes. 5. *Mundans eam lanacro aquæ in verbo vite.* Ad Tit. 3. *Saluos nos fecit per lanacrum regenerationis, & renouationis Spiritus sancti, quem effudit in nos abunde.* At certe Sacramenta non iustificant, nisi concurrento per modum instrumenti ad infusionem iustitiæ habitualis. Nam si iustificare deberent excitando actualement fidem & dilectionem, frustra adhiberetur Baptismus infantibus, & frustra baptizarentur, vel reconciliarentur ii, qui vi morbi alicuius, vltim rationis & sensuum amisissent. Quos tamen recte baptizari vel reconciliari docet S. Ambrosius libro 1. de adulterinis coniugiis, c. ultimo. Vide alia testimonia in lib. 1. de gratia & libero arbitrio, c. 4. ubi ex Scripturis & Patribus probauimus, gratiam gratum facientem esse qualitatem.

E Quod vero attinet ad Concilium Tridentinum, perspicua res nobis esse videtur. Nam quod agnoscat Concilium habitualement iustitiam, patet ex c. 6. ca. 7. ubi dicit, causam formalem iustificationis esse iustitiam, siue charitatem quam Deus unicuique propriam infundit, secundum mensuram dispositionum, & quæ in cordibus iustificatorum inhaeret. Quæ certe non conueniunt proprie, nisi in iustitiam habitualement. Illa enim est, quæ requirit dispositiones: illa quæ proprie infunditur ab alio, non à nobis exhibetur: illa quæ vere & permanenter inhaeret, cum non sit actus transiens, sed qualitas permanens. Quod autem idem Concilium neget, per actualement iustitiam nos formaliter iustificari, intelligi potest ex

odem capite, vbi Concilium docet, vnicam esse formalem causam iustificationis. Nam si vnica est formalis causa iustificationis; non igitur iustificamur formaliter per habituales & actuales iustitiam, cum istæ duæ sint, non vna. Adde quod idem Concilium in eadem sess. 6. can. 3. distinguit gratiam iustificationis ab actibus fidei, spei, & dilectionis. Adde etiam testimonium Catechismi Romani, eiusdem Concilii auctoritate confecti. Sic enim loquitur in tract. de Baptismo: *Est autem gratia quemadmodum Tridentina Synodus ab omnibus credendum pœna anathematis proposita, decreuit, non solum per quam peccatorum sit remissio, sed diuina qualitas in anima inherens, ac veluti splendor quidam, & lux, quæ animarum nostrarum maculas omnes delet, ipsasque animas pulchriores & splendidiores reddit.* Et paulo post addit auctor eiusdem libri, per eam qualitatem ad omnia Christianæ pietatis officia nos habiles reddi. Et rursus paulo infra adiungit, ex eadem pias, honestasque actiones proficisci. Quem locum citauimus in 1. lib. de gratia & libero arbitrio, sed placuit eum repetere, quoniam luculenter explicat Concilij sententiam, & nulla ratione, quæ Concilium de causa formalitradit, ad actualem iustitiam detorqueri patitur.

Iam vero quod attinet ad testimonia Patrum, vnius Augustini testimonio contenti erimus, quod satis multa loca Patrum, loco notato sint à nobis allata. Sanctus igitur AUGUSTINUS plurimis in locis docet, opera iusta esse effectus iustificationis, ac per hoc non causam formalem eiusdem, libro de fide & operibus, cap. 14. *Sequuntur opera iustificatum, non præcedunt iustificandum.* Lib. 1. contra duas epist. Pelagi. cap. 2. *Non viuunt homines bene, nisi prius effecti sint filii Dei.* In Psalm. 110. *Iustitiam homo non operatur, nisi iustificatus.* Libro de spiritu & littera, capite 26. *Sic intelligendum est, factores legis iustificabuntur, ut sciamus, eos non aliter esse factores legis nisi iustificauerint, ut non iustificatio factoribus accedat, sed factores legis iustificatio præcedat.* Et capite 30. *Per legem cognitio peccati, per fidem impetratio gratiæ contra peccatum, per gratiam sanatio animæ à vitio peccati, per animæ sanitatem libertas arbitrii, per liberum arbitrium iustitia dilectio, per iustitia dilectionem legis operatio.* Denique in Psalm. 118. conc. 26. explicans illud: *Feci iudicium & iustitiam, Iustitia,* inquit, *nomine hoc loco non ipsa virtus, sed opus eius significatum est. Quis enim fecit in homine iustitiam, nisi qui iustificat impium? hoc est per gratiam ex impio facit iustum. Facit ergo iustitiam, id est, opus iustitiæ, qui habet in se iustitiam, id est, opus gratiæ.* Vbi per opus gratiæ intelligit sine dubio ipsam virtutem infusam. Nam ideo dixerat, per iustitiam, quam facit homo, non intelligi virtutem, sed opus eius, quoniam virtutem in homine non facit homo sed Deus: & initio dixerat, iustitiam esse virtutem magnam, præcipue que laudabilem.

Circa hæc Augustini testimonia sunt aliqua breuiter obseruanda; PRIMVM, est impudenter ijs abuti nonnunquam hæreticos, ut probent opera non misceri iustificationi, & solam fidem in ea locum habere. Falluntur enim hæretici duabus de causis; PRIMÒ, quoniam non loquitur Augustinus de operibus, quæ disponunt ad iustitiam acquirendam, quales sunt actus fidei, spei, dilectionis, pœnitentiæ & alij similes, sed solum de operibus absolute iustis & meritorijs. Quamuis autem opera, absolute iusta, ut Augustinus recte dicit, sequatur iustificatum, non præcedant iustificandum; tamen opera pœnitentiæ disponencia ad gratiam iustificationis omnino præcedunt, ut suo loco ex eodem Augustino docuimus. SECUNDO, falluntur, quoniam S. Augustinus loquitur de prima

tantum iustificatione, qua iustificatur impius, non de secunda, qua iustus iustificatur adhuc, id est, in iustitia crescit. Quamuis autem fateamur cum Augustino in prima iustificatione non admisceri opera perfecte iusta, tamen in secunda iustificatione docemus cum eodem Augustino, opera iusta maxima admisceri, ut in disputatione de actuali iustitia suo loco, Deo fauente, monstrabimus.

SECUNDO loco obseruandum est, non posse eludi testimonia, à nobis allata, si quis forte dicat, Augustinum per iustificationem intelligere initium iustificationis, id est, fidem, ac velle dicere, opera iusta non posse fieri sine fide. Nam in Psalm. 110. vbi August. dixit, non posse fieri opera iustitiae, nisi ab homine iam iustificato, ibid. obicit sibi orationem & confessionem publicani, quæ præcessit iustificationem, & tamen fiebat ex fide. Vnde ergo, inquit, illa confessio? nondum quidem opus est iustitiæ, sed delicti improbatio. Hic certe videmus Augustinum loqui de operibus iustitiæ, quæ præquirunt perfectam iustificationem. Inde etiam Augustinus cum tam sæpe repetit, fide impetrari iustificationem, ut in lib. de spiritu & littera, cap. 29. & alibi, aperte distinguit iustificationem à fide. Et cum dicit, homines non bene viuere, nisi prius effecti sint filii Dei, nonne apertissime loquitur de perfecta iustificatione, quæ non solum initium fidei, sed etiam ipsam regenerationem & adoptionem includit?

TERCIO Notandum est, non posse etiam eludi hæc testimonia, si quis dicat, Augustinum per iustificationis gratiam, quæ præcedit operationem iustitiæ, non intelligere habitum aliquem permanentem, sed continuam motionem Dei, vel ipsam rectitudinem voluntatis erga Deum, ut ipse Augustinus definit in lib. 19. de ciuit. Dei, c. 27. qui etiam alibi dicit, charitatem esse motum animi. Non possunt, inquam, hoc inodo eludi testimonia allata. Nam motio illa Dei nihil ponit in nobis reale & inherens, nisi actus nostros. Actus autem nostri ex Augustino præquirunt iustificationem, non ipsi formaliter iustificanti: proinde iustificatio non esset aliquid reale in nobis, & inherens ex sententia S. Augustini, quod nemo Catholicus admittet. DEINDE, August. aperte dicit nos iustificari per infusionem iustitiæ, quæ est virtus magna, præcipueque laudabilis, concione 26. in Psalm. 118. & eam distinguit ab opere iustitiæ. DENIQUE, idem August. in lib. 1. de peccatorum meritis & remissione, cap. 9. scribit, nos iustificari per communicationem gratiæ spiritualis, quam Deus latenter infundit & paruulis. At certe paruuli non habent continuam illam Dei motionem.

Rectitudo autem illa voluntatis & aliarum potentialium, si præcise sumatur, non est aliquid reale infusum & inherens, sed ordo quidam & relatio rationis. Fides autem Catholica iustificari nos docet per aliquid reale, infusum & inherens. Iustitia igitur, qua formaliter iustificamur, est habitus infusus & inherens, ex quo rectitudo illa potentialium consequitur. Sanctus autem Augustinus in lib. 19. de ciuit. Dei, & cum dicit, charitatem esse motum animi, definit iustitiam actualem, vel certe ab effectu declarat, quid sit illud, quo formaliter iusti sumus. Atque hæc de sententia Augustini.

Porro rationi consentaneam esse hanc sententiam, quæ docet nos formaliter iustificari per habitum, non per actum, facile probari potest. PRIMVM enim iustitia, qua formaliter iustificamur, non est solum in adultis, sed etiam in paruulis baptizatis. At in paruulis nulla esse potest iustitia actualis.

SECUNDO, iusti non tantum, cum operantur, sed etiam cum cessant ab opere, iusti sunt; neque enim dormientes iustos deserit iustitia.

TERTIO, Spiritus sanctus peculiari modo inhabitat iustificatos, non adultos tantum, sed etiam paruulos, ut sanctus Augustinus scribit in epist. 57 ad Dardanum, 105. ad Sixtum: nec desinit vnquam inhabitare, donec iusti sunt, ut omnes concedunt. At non potest intelligi, quomodo Spiritus sanctus semper inhabitet iustos, & nos inhabitet peccatores, nisi aliquid, atque id permanens, efficiat in iustis, quod non efficit in peccatoribus. Id autem est gratia iustificationis.

QUARTO, non dicitur homo peccator, quia male operatur, sed quia transiente opere malo, remanet in illo peruersio, & macula per modum habitus: Igitur à contrario sensu, non dicitur iustus formaliter, qui operatur iustitiam, sed qui habet in se iustitiam & rectitudinem, per modum habitus permanentem,

QUINTO, ipsi etiam Philosophi hoc docent, non posse recte dici iustum, qui vnum, aut aliud opus efficit iustum, sed qui per habitum ita dispositus est, ut possit, quando velit, facile, perfecte, & cum delectatione operari iustitiam.

CAPVT XVI.

Soluantur obiectiones contra doctrinam capitis superioris.

ADVERSUS ea, quæ diximus obijci possunt, **PRIMO**, testimonia Scripturarum, quæ docent, homines iustificari operibus, ut ad Roman. 2. *Factores legis iustificabuntur.* Iacobi 2. *Videtur, quoniam ex operibus iustificatur homo.* 1. Ioan. 3. *Qui facit iustitiam, iustus est.*

RESPONDEO, **PRIMUM** testimonium tribus modis explicari potest. Nam factores legis iustificabuntur, id est, augmentum iustitiæ merebuntur, ac per hoc iustificabuntur per opera meritoria, non formaliter. Item, factores legis iustificabuntur, id est, qui cupiunt vere legis esse factores, dent operam, ut iustificentur. Non enim iustitiam legis faciunt, nisi iustificati. Ita explicat S. Augustinus libro de spiritu & littera, c. 26. **DEINQUE**, factores legis iustificabuntur, id est, in diuino iudicio iusti iudicabuntur, & iustitiæ coronam iuste consequentur. Sic etiam exponitur in eodem loco idem Augustinus. Estque hæc, præter cæteras maxime literalis expositio. Siquidem tractat eo loco B. Paulus de præmiis & pœnis, in quibus non debet esse acceptio personarum: *Gloria*, inquit, *honor & pax omni operanti bonum: ira & indignatio omni operanti malum.* Non enim est acceptio personarum apud Deum, & quicumque sine lege peccauerunt, sine lege peribunt, & quicumque in lege peccauerunt, per legem iudicabuntur. Non enim auditores legis iusti sunt apud Deum, sed factores legis iustificabuntur.

ALTERVM testimonium explicatur ab ipso Tridentino Concilio, sess. 6. cap. 10. de secunda iustificatione, qua qui iustus est, iustificatur adhuc, dum per opera iusta iustitiæ habitualis augmentum promeretur.

TERTIVM testimonium non docet, quid faciat hominem formaliter iustum, sed vnde possit cognosci an aliquis sit iustus. Ille enim iustus est, qui iustitiam facit, sicut ille viuens est, qui mouetur: & illa est arbor bona, quæ fructus facit bonos, nec tamen ideo est arbor bona, quia facit fructus bonos, nec ideo viuit aliquis, quia mouetur, sed cōtra ideo mouetur, quia viuit, & ideo facit fructus bonos, quia est arbor

A bona: Sic igitur qui facit iustitiam, iustus est: sed non adeo iustus, quia facit iustitiam, sed ideo iustitiam facit, quia iustus est.

SECUNDO, obijci potest triplex ratio, ducta ex natura iustitiæ habitualis. **PRIMO**, si iustitia habitualis esset formalis causa iustificationis, formaliter peccato opponeretur. Id autem non ita est: nam iustitia habitualis non opponitur peccato contrarie, nec priuatiue: proinde nullo modo: non opponitur contrarie, quoniam habitus iustitiæ contrarius est habitui iniustitiæ, qui non est peccatum, sed vitium ex malis actibus contractum, quale etiam in iustificatis reperiri potest; non opponitur priuatiue, quoniam peccatum non est priuatio iustitiæ habitualis, sed deuiatio, ac recessus à regula rationis, siue à lege Dei. Neque enim sunt idem recessus à regula, & priuatio iustitiæ habitualis, ut ex eo potest intelligi, quod qui in peccato sunt, iterum peccant, si præuaricentur legem, & tamen iustitiam habituales non amittunt, cum eam non habeant: neque enim amitti potest, quod non habetur.

SECUNDO, si iustitia habitualis esset formalis causa iustificationis: ea iustitia faceret nos gratos Deo, & acceptos ad regnum: at non ita est, nam iustitia habitualis, donum Dei est, & ex prædestinatione datur electis iam ante ad regnum. Itaque quia sunt grati, & electi in prædestinatione, datur illis hoc donum, tanquam medium ad consequendum finem.

TERTIO, si iustitia habitualis esset formalis causa iustificationis, non posset villo modo aliquis iustificari sine infusione iustitiæ habitualis, causam enim formalem, ne à Deo quidem suppleri posse scholæ communiter docent. At non desunt grauissimi Theologi, qui sentiant, posse per Dei potentiam absolutam, tolli peccatum, sine infusione iustitiæ: igitur non est omnino certum, nec tanquam dogma Ecclesiasticum defendi debet, causam formalem iustificationis esse habitum charitatis infusum.

Ad hæc omnia argumenta **R**ESPONSTIO erit in promptu, si breuiter explicemus, ac probemus, habituales iustitiam **Q**UATVOR habere formales effectus, videlicet purgare peccatum, efficere iustum, conciliare Deo, ordinare ad regnum.

De **P**RIMO effectu multa discernimus in quinto libro de statu peccati, qui erat secundus de peccato originis, in duobus extremis capitulis. Nunc in pauca rem contrahemus. Sciendum igitur est, non esse multum laborandum, quem ad modum tollatur actus peccati enim per se transit, dum fit: sed quem ad modum tollatur id, quod manet, transiente actu, & vnde dicitur homo formaliter peccator. Hæc autem sunt auersio à Deo: macula, dignitas pœnæ, & indignitas gratiæ: reatus, siue obligatio ad pœnam, & offensæ, atque inimicitia Dei.

Porro auersio siue inclinatio à Deo, & à lege, quæ maxime proprie peccatum est habituale, priuatiue opponitur conuersioni ad Deum, & conformitati ad legem: proinde non potest tolli, etiam de potentia Dei absoluta, sine ipsa conuersione & conformitate. Hæc autem conuersio, & conformitas habitualis esse debet, sicut auersio & inclinatio habitualis est. Conuersio vero & conformitas habitualis vera, atque perfecta, quæ est, vel esse debet in homine, nihil est aliud, nisi habitus charitatis, qui omnes virtutes eminenter continet, & (ut loquitur Augustinus) plenissima iustitia est. Ergo solus habitus charitatis formaliter tollit, quod in homine peccatore maxime proprie habet rationem peccati.

Macula quoque non potest vlla ratione formaliter tolli, nisi per eundem habitum charitatis. Nam quemadmodum ex auersione illa orietur macula, ita ex conuersione contraria tollitur macula. Neque differunt, nisi ratione, auersio & macula, ac per hoc eadem est ratio vtriusque.

Dignitas siue meritum pœnæ, & indignitas gratiæ, nascitur ex auersione & macula: proinde ex conuersione, & restituto decore tollitur. Nam quemadmodum qui à Deo recessit & distortus ac deformis euasit, dignus est qui odio habeatur, & indignus qui diligatur: Sic etiam, si rursus ad Deum accesserit, atque ab eo lumen & decorem acceperit, dignus erit qui diligatur, indignus qui odio habeatur.

Reatus pœnæ & offensa, possent quidem tolli sine infusione iustitiæ: nihil enim impedire videtur, quominus possit Deus velle non ordinare ad pœnam & condonare offensam, & non habere pro inimico illum, cui donum habitualis iustitiæ non concesserit, tamen tolluntur etiam ista per habituales iustitiam: & sine ea ordinarie non tolluntur, nec possunt non tolli, si donum illud præcesserit. Quomodo enim fieri potest, ut velit Deus inimicus esse illi, atque eum in æternum perdere, quem per infusionem charitatis amicum suum, imo & filium fecerit? Habemus igitur primum effectum formalem iustitiæ, id est, charitatis habitualis, diuinitus infusæ, esse de medio tollere, ac delere peccatum.

De ALTERO effectus res erit adhuc faciliior. Nam tamen si possit homo vtcumque iustus fieri, per humanas virtutes, Dei potissimum adiutorio concurrente, acquisitas: tamen iustus ea iustitia, quæ hominem perfecte disponat in ordine ad vltimum finem etiam supernaturalem, & ad omnes leges, etiam supernaturales, nullo modo fieri poterit, nisi per charitatem diffusam in corde, per Spiritum sanctum, ea siquidem est verissima, plenissima, perfectissimaque iustitia, ut sanctus AUGUSTINUS recte docet in libro de natura & gratia, capite quadragesimo secundo, neque sufficit actualis dilectio, qualis per auxilium Dei speciale haberi potest: sed requiritur habitualis. Nam (ut supra diximus) non est iustus, qui interdum iusta opera facit, sed qui perfecte, atque intrinsece ita dispositus est, ut possit, quando velit, prompte, facile, cum delectatione operari.

TERTIUS effectus infusæ charitatis, est reconciliare hominem Deo, id est, gratum, & amicum Deo facere, & hic quidem non est immediatus charitatis effectus, sed consequens ex natura rei absolute. Charitas enim infusa, si consideretur, ut habet ordinem ad subiectum, proprie facit hominem iustum, bonum, formosum: si consideretur, ut habet ordinem ad opus, facit hominem expeditum, ad diligendum Deum, & proximum, & per hoc ad legem implendam. Sed quia ex natura rei, amor petit amorem mutuum & reciprocum, inde cōsequitur, ut qui diligit Deum, & diligatur à Deo. Rursus, quia simile, & ex natura rei, diligitur à simili, & nihil est, quod similiores nos Deo reddat, quam dilectio, ut S. AUGUSTINUS docet in Pl. 99. ideo qui diligit Deum, diligitur à Deo. DENIQUE, quia iustus Dominus est, & iustitiam diligit, fieri non potest, ut charitas, quæ facit hominem iustum & bonum, non faciat etiam Deo gratum & amicum.

QUARTUS effectus est ordinarie ad gloriam. Et quidem posset fortasse Deus ordinare ad gloriam hominem carentem isto habitu, & contra non ordinare ad gloriam hominem isto habitu præditum: Non enim videtur tanta esse vis huius habitus absolute

A considerati, ut ex necessitate petat tanquam sibi debitam beatitudinem. Tamen quoniam Deus promissit (ut ait S. Iacobus c. 1.) coronam vitæ, omnibus diligentibus se: ideo charitas infusa, non solum facit iustos & amicos, sed etiam hæredes regni: nec potest vllus, secundum ordinariam Dei legem, acceptus esse ad regnum, qui non sit per infusam charitatem adoptatus in filium.

B Ex his ad rationes, quæ contra obiciebantur, facile respondebitur. Ad PRIMAM Dico, iustitiam habituales opponi peccato priuatiue, id est, ut opponitur habitus priuationi. Neque verum est, quod in argumento allumebatur, non idem esse recessum à regula, & priuationem iustitiæ habitualis, immo sunt prorsus idem, si de recessu, & auersione habituali sermo sit, de qua nos in præsentia loquimur: illa est enim, quæ remanet in homine, transeunte actu peccati, & quæ facit hominem formaliter peccatorem, per accidens autem est, quod qui semel peccauit, cum iterum peccat, non amittat iustitiam, quam non habet. Satis est enim, quod peccatum ex natura sua iustitiam expelleret, si in homine reperiret. Actus enim peccati opponitur gratiæ habituali, non priuatiue, sed cōtrarie, & eam expellit efficienter, siue dispositiue: quomodo actus dilectionis super omnia opponitur peccato habituali, non priuatiue, sed contrarie, & expellit illud efficienter, siue dispositiue per modum vltimæ dispositionis, ita ut ex natura rei, & infallibiliter sequatur ad illud actum infusæ gratiæ, & deletio peccati habitualis sicut ad vltimam dispositionem in generatione humana sequitur ex natura rei, & infallibiliter infusio animæ rationalis. Itaque sine miraculo non potest post actum peccati manere gratia, nec post actum dilectionis super omnia manere peccatum.

C Ad SECUNDAM rationem Dico, Deum in prædestinatione acceptasse electos ad gloriam, sed voluisse, ut ad eam non peruenirent, nisi prius per infusam charitatem iusti, grati, amici & filii facti essent. Proinde acceptasse fatemur Deum electos ad gloriam in prædestinatione, quamuis nondum charitate præditos, sed non acceptare in executione ad eandem gloriam, nisi præditos charitate. Sicut enim dilexit nos Deus, cum adhuc peccatores essemus, ut iustos faceret, & cum inimici essemus, ut amicos faceret: & cum mortui essemus, ut viuentes faceret, quos postea diligit, quoniam iustos, amicos, & viuentes cernit.

D Ad TERTIAM rationem Dico, auctores, qui docent, peccatum remitti posse sine infusione iustitiæ, vel niti falso quodam fundamento, quod videlicet nihil maneat in peccatore præter reatum pœnæ: vel certe loqui de peccato, quod ab homine in puris naturalibus condito committeretur: nam si quis admittat peccatum, à quo formaliter nominatur homo peccator, non esse solam reatum pœnæ, sed auersinam, & maculam, ut supra ex diuinis litteris manifeste probauimus: & loquatur de homine, qualis nunc est post lapsum Adæ, non qualis esset, si in puris naturalibus conderetur, certe negare non poteris, nullo modo fieri posse, ut qui peccator est, & per hoc habitualiter aduersus à Deo, & à diuina lege, iustificari possit à peccato, sine conuersione habituali ad Deum, & ad diuinam legem. Neque enim priuatio tolli potest formaliter, nisi per habitum, ut neque habitus, nisi per priuationem.

E Quod autem quidam dicunt, peccatum & iustitiam, non esse contraria immediata, ut necessario vnum alteri succedere debeat, cum sit medius status innocentie naturalis: recte refellitur à S. Thoma in

quæst. 28. de veritate, articulo 2. vbi docet, peccatum & iustitiam, esse contraria immediata, si non respectu hominis absolute, saltem respectu hominis conditi in gratia, quemadmodum visus & cæcitas, non sunt contraria immediata, respectu canis, ante nonum diem, quando non est aptus ad videndum, sed tamen post eum diem sunt omnino contraria immediata,

At, inquiunt illi, si potuit Deus condere hominem in puris naturalibus, ac per hoc non conuersum ad Deum, vt obiectum supernaturale, cur non poterit nunc etiam velle, vt aliquis peccator non teneatur

A esse conuersus ad Deum, vt obiectum supernaturale, ac per hoc efficere, vt carentia iustitiæ diuinitus infusa, non sit illi amplius priuatio, sed simplex negatio, & consequenter non habeat culpæ rationem? **RESPONDEO**, Si id ponatur, perinde erit, ac si conditus fuisset homo ille in puris naturalibus. Quare nihil impediet ista positio, quo minus verum sit, quod diximus, non posse fieri, vt homo, qualis nunc nascitur, iustificetur à peccato, sine infusione iustitiæ habitualis. Sed de his rebus non est necesse hoc loco subtilius disputare.

LIBER TERTIVS.

DE IUSTIFICATIONE, QVI EST DE

Incertitudine, Mutabilitate & Inæqualitate iustitiæ.

CAPVT PRIMVM.

De varijs erroribus recentium Hæreticorum, circa Iustificationem.



EX EA FORMA IUSTIFICATIONIS, quam Lutherani constituunt, multi ac varii deducuntur errores; quos in hoc tertio libro, Dei gratia adiuuante, profligare conabimur.

Errores præcipui QUATVOR esse videntur.

PRIMVM enim ex eo, quod sibi persuaserunt, iustificationis formalem causam non esse donum aliquod infusum à Deo, atq; in nobis inhærens, sed iustitiam Christi, fide apprehensam: colligunt posse ac debere omnes certo statuere, se esse iustos. Et in hoc errore conueniunt plane omnes huius temporis hæretici. **DEINDE**, quoniam ipsorum sententia iustificatio non est donum alicuius infusio, sed acceptio ad gratiam & benevolentiam per Christum; ac per hoc nihil ponit in homine, sed est actio Dei immutabilis, ac sempiterna, & eadem omnino cum electione & prædestinatione.

Colligunt **SECUNDO**, debere homines certo credere, non tantum se esse iustos, sed etiam electos ac prædestinatos. Quem errorem audacter docent Calvinistæ, timidius autem Lutherani.

TERTIO, ex præcedente errore colligunt Calvinistæ, fidem, ac iustitiam semel adeptam nullo vnquam tempore posse perdi: proinde qui post fidem, & iustificationem ad peccata redeunt, eos nec veram fidem, nec veram vnquam habuisse iustitiam.

QUARTO, ex iisdem fontibus imputatiuæ iustitiæ, colligunt Lutherani omnes, non esse vnum alio iustiore, cum omnium iustitia sit ipsa Christi obedientia, fide apprehensa, & à Patre imputata. Hos igitur quatuor errores in hoc libro, quem de incertitudine, mutabilitate, & inæqualitate iustitiæ idcirco inscripsimus, refutare aggrediemur, sed præcipue primum, quia latius patet, & non solum hæreticos huius temporis omnes, sed etiam aliquos ex Catholicis patronos inuenit.

CAPVT II.

Proponitur status questionis de incertitudine iustitiæ.

VT PRIMVS error distinctè & perspicue refellatur, operæpretium erit explicare quid sit, & quotuplex certitudo, & inde controuersię statum ob oculos manifeste ponere.

Certitudo igitur nihil aliud esse videtur, nisi firmitas quædam & immutabilitas veritatis. Illud enim dicitur certum, quod exploratè, & immobiliter est verum. Est autem **DVPLEX** certitudo; **VNA** obiecti, id est, rei cognitę, vel creditę; **ALTERA** subiecti, id est hominis agnoscantis, vel credentis. **PRIOR** certitudo est immutabilitas rei, quę re vera aliter se habere non potest, quam creditur, vel cognoscitur: quā notione dicimus, certum esse, Deum esse bonum, peccatum esse malum. **POSTERIOR** certitudo est firmitas quædam assensus nostri ad rem, quę cognoscenda vel credenda proponitur: de qua certitudine loquimur, cum dicimus, hoc mihi est certum, ego de hac re certus sum, hoc habeo pro comperto: id est, ita firmiter adhæreo huic sententię, vt prorsus de illius veritate non dubitem.

Oritur **PRIOR** certitudo vel à necessitate ipsius rei, si forte non sit contingens, sed necessaria; vel à determinatione iam facta, si non sit necessaria, sed cōtingens. Deum esse bonum, certum est, quoniam est in se necessarium. Christum venturum esse ad iudicandos viuos & mortuos, certum est, quoniam à diuina voluntate determinatum est, quamuis aliqui contingens esset in se non necessarium.

Certitudo **POSTERIOR** nascitur partim à medio quo nobis res aliqua suadetur, partim ab ingenii bonitate, & voluntatis affectu. Quædam enim sunt media, quę vim habent gignendi firmum assensum, quædam sunt etiam, quę non habent. Sic etiam aliqui ex bonitate, vel exercitatione ingenii plane percipiunt vim mediõrum, & certi redduntur, alii contra ex ingenii tarditate non allequuntur efficaciam

mediorum, & ideo certi reddi non possunt. Vir doctus & acutus certus est, Solem multo terra tota esse maiorem: quod multi rudes non modo non credunt, sed etiam ridendos existimant esse eos, qui credunt.

Denique ipsum quoque affectum non parum valere ad certitudinem ex parte subiecti efficiendam, testes esse possunt hæretici rudiores, qui sæpe nesciunt ipsi quid credant, & tamen ita firmiter adherent hæresibus, quæ in sua patria prædicantur, ut aliquando maluit occidi, quam illas non credere. Quamquam, si proprie loquendum sit, certitudo vera ex parte subiecti, nunquam separatur a certitudine ex parte obiecti. Qui enim certo credunt ea, quæ falsa sunt, non tam certi, quam persuasi dici debent. Potest tamen certitudo vera ex parte obiecti, separari a certitudine ex parte subiecti, cum multa sint in se certa, quæ nobis videntur incerta.

Sed est alia etiam partitio certitudinis. Quædam enim est certitudo EVIDENS, quædam OBSCURA, & in utraque TRES quasi gradus distingui possunt. Certitudo EVIDENS est earum rerum, quæ aliquo modo videntur. Cuius certitudinis PRIMVM gradum obtinent prima rerum principia, quæ solis vocabulis explicatis, sine alia ratiocinatione ab omnibus vera esse creduntur, ut non posse idem esse, & non esse totum maius esse, quam partem, & similia, atque hæc dicitur certitudo intellectus, siue habitus principiorum. SECUNDVM gradum certitudinis evidenter obtinent conclusiones ex principiis primis evidenter deductæ: atque hæc dicitur certitudo scientiæ. TERTIVM gradum obtinent ea, quæ sensibus corporis percipiuntur, quæ dicitur certitudo experientiæ.

Certitudo OBSCURA est earum rerum, quæ sola fide, vel opinione nituntur. Cuius certitudinis PRIMVM gradum habent, quæ propter divinam auctoritatem certo creduntur; & hæc est certitudo fidei Catholicæ & divinæ, estque absolute, ac simpliciter certitudo, quoniã nulla ratione potest ei subesse falsum. SECUNDVM gradum obscuræ certitudinis habent ea, quæ creduntur ob auctoritatem humanam, sed ita confirmatam & celebrem, ut omnem formidinem prorsus excludat, qualia sunt, Ciceronem & Virgilium fuisse insignes viros; Augustum magnæ parti orbis terrarum feliciter imperasse; multas esse civitates præclaras in provinciis à nobis longe distitis, Alexandriam in Ægypto, Constantinopolim in Thracia, Hierosolymam in Palestina, Antiochiam in Asia. Atque hæc dicitur certitudo fidei humanæ, siue certitudo moralis: quæ tamen non tanta sit, ut ei nullo modo falsum subesse possit (omnis enim homo mendax) tamen tanta est, ut temerarius merito iudicetur, qui contra sentiat, aut disputet. TERTIVM gradum habent illa, quæ tot signis, & coniecturis nituntur, ut securum hominem reddant, & anxietatem excludant, non tamen formidinem omnem expellant, atque hæc dicitur certitudo coniecturalis & opinionis est potius, quam fidei.

His explicatis ad statum controversiæ accedamus. Calvinus in Antidoto Concilii, & Kemnitius in Examine eiusdem Concilii, sessione sexta, ad invidiam Catholicis solito more constandam: & ponentes mendacium spem suam, nec recte statum questionis proponunt, & apertissime mentiuntur. Nam Calvinus quidem scribit, Patres Concilii miscere dubitationem cum fide. Kemnitius autem adhuc impudentius dicit, Concilium Tridentinum facere dubitationem vi tutem fidei & ornamentum, ita ut sine

dubitatione non sit fides vera, neque iustificans. Et in alio loco scribit, questionem inter nos & Lutheranos esse, An fides iustificans sit fiducia, an dubitatio de remissione peccatorum, quasi nos fidem iustificantem doceamus esse dubitationem. At Concilium Tridentinum, tantum abest, ut dubitationem cum fide miscuerit, ut potius ideo reiecerit fidem specialem hæreticorum, & non fidem, sed inanem fiduciam esse dixerit, quoniam ea fides certa esse non potest, cum fides vera certissima esse debeat.

Porro statum questionis ita proponit Kemnitius, *Virum peccator in serâ pœnitentiâ ex fide usque in Christum possit certa fiducia statuere, sibi remissa esse peccata.* Sed non istum esse questionis nostræ statum ex duobus intelligi poterit, TVM quia questio esset conditionalis, non absoluta, TVM quia non de fiducia, sed de fidei certitudine disputamus. Questio (inquam) esset conditionalis: nam illud, *in serâ pœnitentiâ*, idem significat, ac si diceretur, si serâ sit pœnitentiâ, quod si questio ita conditionaliter proponatur, An possit homo certo statuere, sibi remissa esse peccata, si constet eum seriâ egisse, vel agere pœnitentiâ: nemo Catholicorum erit, qui non respondeat, posse atque debere. Non igitur conditionaliter, sed absolute controversia hoc tempore inter Catholicos atque hæreticos, de certitudine iustitiæ magna contentione tractatur.

DEINDE, si de fiducia tantum ageretur, ut Kemnitius proponit, non esset etiam opus longa disputatione. Neque enim Catholicæ negant, certam fiduciam in Deo collocandam esse, & certo confidendum post actam legitime pœnitentiâ & Sacramentum Baptismi, vel Absolutionis rite perceptum; remissa esse peccata. Sed aduersarij, ut fidem cum fiducia, ita certitudinem fidei cum certitudine fiduciæ confundunt. Multum autem interest inter utramque certitudinem, nam certitudo fidei, quia nititur sola Dei auctoritate, omni ex parte dubitationem excludit. Certitudo fiduciæ (ut suo loco inferius fusius explicabimus) partim nititur divina promissione, partim propria dispositione: & quod attinet ad divinam promissionem, omnem similiter formidinem excludit, & est absolute, & simpliciter certitudo: quod attinet ad propriam dispositionem, non excludit quidem penitus formidinem, neque est certitudo simpliciter, sed secundum quid, & coniecturalis, tamen tanta est, ut satis esse possit ad securitatem gignendam. Sed de hac re suo loco dicemus.

Status igitur questionis, si absque fallacia, & ambiguitate constituatur, hic erit: *Virum debeat, aut possit aliquis, sine speciali revelatione certus esse, certitudine fidei divinæ, cui nullo modo potest subesse falsum sibi remissa esse peccata.* Neque necesse est hoc loco distinguere fidem Catholicam à fide divina speciali, quamvis enim inter se differant, quod fides Catholica non tantum divina sit, sed etiam omnibus hominibus necessaria: fides autem divina specialis ad eos tantum pertineat, ad quos revelatio pertinet: tamen non differunt, quantum ad certitudinem, neque sunt habitus diverſi, sed unus & idem, cum eiusdem æternæ veritatis auctoritate nitantur.

CAPVT III.

Recensentur varia sententiæ de proposita questione.

DE PROPOSITA igitur questione tres videntur esse sententiæ, siue potius errores. PRIMVS est omnium huius temporis Hæreticorum, qui tria docent. PRIMO, posse fideles eam notitiam habere de sua gratia, ut certa fide statuunt, sibi remissa esse

peccata.

peccata. SECUNDO, non solum posse, sed etiam debere omnes hoc de se statuere, alioqui nec fideles, nec iusti futuros. TERTIO, hac ipsa fide, & sola hac fide homines iustificari. Ita Lutherus in articulo 10. 11. & 12. & eorundem articulorum assertionem. Melancthon in Locis, titulo de fide, & in Apologia confessionis, articulo 4. & 20. Bucerus in libro Concordiæ, in articulo de Iustificatione. Calvinus in Antidoto Concilii, sess. 6. & in lib. 3. Institutionum cap. 1. §. 16. 17. & 18. & cæteris, usque ad finem capitis. Kemnitius in Examine Concilii Tridentini, sess. 6. & alii.

ALTERA sententia est auctoris Enchiridii Coloniensis, in tractatu de Iustificatione, qui ex tribus illis hæreticorum erroribus, solum tertium non recipit. Vult enim necessarium esse ad iustificationem, ut certò credat unusquisque sibi remissa esse peccata: sed tamen negat, hominem sola fide iustificari, *Faremur*, inquit, *verum esse ad iustificationem hominis omnino requiri, ut homo certo credat, non tantum generaliter, quod propter Christum vere paenitentibus remittantur peccata, sed & quod ipsimet homini credenti remissa sint propter Christum per fidem.* Hæc ille. Sed liber is in multis aliis censura Ecclesiastica dignus esse videtur. Certè in modo loquendi doctrinam Melancthonis & Bucerii valde redolet.

TERTIA sententia est Ambrosii Catharini, qui solum in primo dicto cum hæreticis communicat. Non enim docet, certitudinem fidei de propria gratia necessariam esse ad iustificationem, neque hac fide, qua homo credit, se iustum esse, & multo minus hac sola fide hominem iustificari, sed tantum asserit, posse hominem fidelem habere certitudinem fidei, de sua gratia. Proinde sententia eius longe distat ab hæresi Lutheranorum: tamet si erronea non immerito iudicari solet. Vide assertiones eius, & Apologiam contra Dominicum à Soto.

His erroribus contraria est sententia communis fere omnibus Theologis, qui docent, non posse homines in hac vita habere certitudinem fidei de sua iustitia, iis acceptis, quibus Deus speciali revelatione hoc indicare dignatur. Ita docet S. Thomas in 1. 2. quæst. 112. artic. 5. Item sanctus Bonaventura, Scotus, Durandus & alii, in primum sententiarum: distinctione decima septima, & ex recentioribus Ioannes Rossensis contra articulum 10. & 11. Lutheri, Alphonsus à Castro libro 7. aduersus hæresim verbo, Gratia. Dominicus à Soto lib. 3. de natura & gratia, cap. 10. & sequentibus. Ruardus Tapper. in explicatione articuli 9. Louanienſium, Ioannes à Louanio in lib. de fide speciali. Andreas Vega lib. 9. in Concilium Tridentinum, Nicolaus Sanderus, & Thomas Stapletonus in libris de Iustificatione, & alii.

Videtur autem hæc esse sententia non solum particularium Theologorum, sed etiam ipsarum Academicarum, & quod longe maius est, ipsius Concilii Oecumenici. Parisiensis Academia in iis censuris, quas ad articulo Lutheri edidit, recitatis verbis illis Lutheri: *Pessime docent Theologi, quando docent, nos nescire, quando sumus in gratia*, hanc censuram adiecit: *Hæc propositio, intelligendo nescire certitudinem fidei, de qua loquitur scribens, & falsa, sacris Doctoribus dissona & sacra intelligentia Scriptura.*

Louanienſium Academia in articulis aduersus Lutheranos, artic. 9. sic habere videtur, *qua quis firmiter credit & certe statuit, per Christum sibi remissa esse peccata, sequæ possentur vitam æternam, nullum habet in Scripturis testimonium immo eisdem aduersatur.*

Necitur quidem Ambrosius Catharinus hæc duo

testimonia alio detorquere, dicit enim ab iis Academicis solum damnatam esse sententiam hæreticorum, quæ docet hominem certum esse sibi remissa esse peccata certitudine fidei, non cuiuscunque autem fidei, sed fidei, quæ sola iustificet.

At frustra nititur. Nam Parisiensis Academia, cum ait: *Intelligendo certitudine fidei, de qua loquitur scribens*, per illud (de qua) non significat fidem sed certitudinem. Distinguit enim certitudinem fidei à certitudine scientiæ. Præterea dānant Parisienses, quod Lutherus affirmat, & probant, quod ipse improbat. Lutherus autem cum Theologos reprehendit, quod dicant nescire nos, quando sumus in gratia, non agit de iustificatione, sed de certitudine fidei. Non enim Theologos arguit, quod negēt, nos iustificari sola fide, sed quod dicant, nos ignorare, quando sumus in gratia. Igitur Parisienses hoc ipsum in Luthero censura dignum esse iudicarunt, quod affirmauerit, nos certitudine fidei statuere posse, quando sumus Deo grati.

Louanienſium vero sententia clarior est, quam ut deprauari possit. Nam errorem illum de fide sola iustificante, iam ante damnauerant in artic. 8. proinde in artic. 9. non iterum repetunt, quod dixerant, sed alium errorem damnant, qui est de certitudine propriæ iustificationis.

Sed Concilii Tridentini, cui Catholici omnes ingenia sua, atque iudicia sponte subiiciunt, decretum audiamus: *Sicut* (inquit sess. 6. capite 9.) *nemo pius de Dei misericordia, de Christi merito, deque Sacramentorum virtute & efficacia dubitare debet: sic quislibet, dum seipsum suamque propriam infirmitatem & indisp. sionem respicit, de sua gratia formidare & timere potest. Cum nullus scire valeat, certitudine fidei, cui non potest subesse falsum, se gratiam Dei esse, consequutum.* Et capite 16. *Et quia in multis offendimus omnes, unusquisque sicut misericordiam & bonitatem, ita severitatem & iudicium ante oculos habere debet, neque forte sum aliquis etiam si nihil sibi conscius fuerit, iudicare, quoniam omnis hominum vita non humano iudicio examinanda & indicanda est, sed Dei.*

Ad hoc testimonium Concilii Catharinus longa oratione respondet, summa est, Concilium edidit decretum illud aduersus hæreses Lutheranorum, non contra opiniones Catholicorum, id quod probat ex titulo capitis, qui est, contra inanem hæreticorum fiduciam. Addit eo decreto, non negari omnem fidei certitudinem de propria gratia, atque iustitia, sed certitudinem fidei Catholicæ. Probat autem id, *TVX* ex illis verbis: *Cui non potest subesse falsum*, quæ non conveniunt, nisi fidei Catholicæ; *TVX* ex eo, quod alioqui nemo posset certus esse, certitudine fidei, sibi remissa esse peccata. Etiam si haberet specialem revelationem, Concilium enim nihil excepit.

Hæc Catharini defensio non videtur esse satis idonea. Nam in primis nihil impedit, quo minus Concilium præcipue decretum edat aduersus hæreticos, & simul damnet omnes opiniones erroneas, quæ aliquid commune habent cum hæreticorum erroribus, qui in eo decreto damnantur. Itaque titulus illius capitis non indicat, quò potissimum spectent verba decreti, sed non prohibet, quo minus intelligamus, alia quoque daminari, quæ in eo titulo non sunt expressa, modo sint expressa in decreto.

Quod verò Concilium non reiiciat certitudinem solius fidei Catholicæ, sed omnis diuinæ fidei, intelligi potest PRIMUM ex eo, quod Concilium, data opera, non fecit mentionem fidei Catholicæ, ut similibus glossis aditum præcluderet, & omnem fidem veram atque diuinam includeret. DEINDE ex eo, quod di-

fertis verbis docet, neminem esse, qui non possit de sua gratia formidare, Atqui habet certitudinē fidei, non potest formidare, alioqui facit iniuriam diuinę fidei. TERTIO, quoniam omnis fides diuina habet certitudinem fidei Catholicę, fides enim non est certa, quia Catholica, sed quia diuina. Non enim ideo certitudinem habet fides, quia toti Ecclesię communis est, sed quia nititur auctoritate Dei, qui nec falli, nec fallere potest, cum sit ipsa veritas.

At (inquit Catharinus) soli fidei Catholica conuenit, ut ei falsum subesse nequeat, quoniam est de obiecto probatum ab Ecclesiā: fides autem diuina particulari falsum subesse potest, quoniam est de obiecto non probatum ab Ecclesiā. RESPONDEO, nouam, atque inauditam hanc esse doctrinam, ut fidei diuinę possit subesse falsum, antequam eius obiectum probatum fuerit ab Ecclesiā. Probatio enim Ecclesię facit, ut omnibus innotescat, obiectum illud esse reuelatum à Deo, & propter hoc certum & indubitatum; non autem tribuit firmitatem verbo Dei aliquid reuelantis.

Itaque implicat contradictionem, ut aliquid sit reuelatum à Deo, & possit ei subesse falsum, siue illud ab Ecclesiā probatum sit, siue non sit. Alioqui quod Christus Paralytico & Magdalene dicebat, Remittuntur tibi peccata tua, poterat esse falsum, quia nondum fuerat ab Ecclesiā approbatum, quis ita desipiat, ut verba Christi ab Ecclesię approbatione pendere arbitretur? Et si quis infantem baptizet, cum intentione vere baptizandi, nonne hæreticus censetur, si dubitet, an infans ille sit vere iustificatus? Et tamen non est hoc obiectum ab Ecclesiā approbatum.

Denique Prophetę & Apostoli, quibus immediate mysteria diuina reuelabantur, nonne tenebantur ea credere, antequam ab Ecclesiā probarentur? & nonne fides eorum tam certa erat, ut nullo modo falsum ei subesse posset? Nam si Prophetarum & Apostolorum fidei falsum subesse poterat, certe multo magis fidei reliquę Ecclesię falsum subesse posset: Reliqua enim Ecclesiā superædificatur super fundamentum Apostolorum & Prophetarum, ut ait Apostolus ad Ephes. 2.

Curigitur (inquit Cathar.) Concilium non exceptis specialē reuelationem, cum definit, neminem esse, qui de suo gratia formidare non possit? RESPONSIO est in promptu, quia priuilegia semper intelliguntur excepta, Concilium enim cum docet, neminem esse certum certitudine fidei sibi esse remissa peccata, loquitur de certitudine quę habetur per media ordinaria, qualia sunt Scripturę, Sacramenta, opera bona, & alia id genus. Porro idem Concilium disertis simis verbis damnat errorem Enchiridii Colonien- sis, cum sic loquitur sess. 6. Can. 13. Si quis dixerit, omni homini ad remissionem peccatorum asequendam necessariū esse, ut credat certo & absque ulla hesitatione propria infirmitatis & dispositionis peccata sibi esse remissa, anathema sit.

CAPVT IV.

Probatur testimoniis Salomonis incertitudo propria gratiæ, atque iustitiæ.

SED iam ad argumenta veniamus, ac primū ad ea, quę ex testimoniis diuinę Scripturę ducuntur. PRIMVM testimonium habetur in variis locis Proverbiorum, Ecclesię & Ecclesiastici. PRIMVS locus est in libro Proverb. cap. 20. Quis potest dicere, mundum est cor meum, purus sum à peccato? Notat hoc loco venerabilis Beda in comment. recte Salomonem non dixisse, neminem esse mundum corde & purum à peccato, sed neminem posse dicere, mun-

dum est cor meum, & purus sum à peccato. Nam nisi possent homines per gratiam Dei mundum cor habere, non diceret Dauid Psal. 50. Cor mundum crea in me Deus. Neque in Psal. 118. Beati immaculati in via. Neque Dominus Matth. 5. Beati mundo corde. Sed quoniam illi ipsi, qui mundi sunt, non possunt hoc certo scire, neque testimonium aliquod infallibile habent de sua iustitia, ideo nemo potest gloriari, ac dicere, mundum est cor meum.

Calvinus lib. 3. Instit. cap. 13. §. 3. respondet, hoc dictum esse, quia nemo est in hac vita vere mundus, & ideo egent omnes Christi iustitia imputata. At repugnant loca paulo ante citata; Beati mundo corde. Et: Beati immaculati in via. Et: Cor mundum crea in me Deus. Et illud ad Ephes. 1. Et essemus sancti & immaculati in conspectu eius. Et c. 5. Mundans eam lauacro aquę. Et ad Tim. 2. Mundans sibi populum acceptabilem &c.

Catharinus respondet in Hebræo esse, Quis potest dicere, mundaui cor meum? & purificaui me à peccato meo? proinde reprehendi hoc loco superbiam eorum, qui suis viribus existimabant se posse iustificari, non autem prædicari certitudinem proprię gratiæ. Sed quamquam in Hebræo verba sint actiue vocis, tamen sine dubio eum habent sensum, quem & 70. Interpretes, & S. Hieronymus reddiderunt. Nam apud Hebræos cōstans erat fides, purificationem peccatorum à solo Deo fieri. Id enim significat Iob, cum ait c. 14. Quis potest facere mundum de immundo conceptum semine? nonne tu qui solus es? Unde & Dauid à Deo petit, Cor mundum crea in me Deus. Et Pharisei, cum audiebant Christum dicentem: Remittuntur tibi peccata tua: dicere solebant, hic blasphematur, quis potest dimittere peccata, nisi solus Deus? Marc. 2. Luc. 5. & alibi. Itaque mundaui cor meum, significat, mundum est cor meum, ut etiam Rabbinus ipsi hunc locum enarrant.

Possent fortasse solidius responderi, Salomonem hoc dixisse propter peccata venialia. Sed hæc solutio PRIMVM nihil iuuat Lutheranos, qui non distinguunt peccatum mortale à veniali. Deinde, non est probabile, Salomonē loqui de solis venialibus, quoniam sol venialia non impediunt, quo minus homines mundi & immaculati esse dicantur. Non enim peccatis venialibus carebāt, de quibus dicitur: Beati immaculati in via, qui ambulauit in lege Domini. Rectus igitur sensus eorum verborum est, ut nemo sit, qui quantumuis sibi conscius non videatur esse peccatorum, non possit merito de sua iustitia formidare.

SECVNDVS locus est in libro Ecclesię, capite 9. Sunt iusti, atque sapientes, & opera eorum in manu Dei. Et tamen nescit homo, virum odio vel amore dignus sit, sed omnia in futurum seruantur incerta. Addamus hunc loco commentarium sancti Hieronymi. Sensus, inquit, est, inueni in istorum quidem opera in manu Dei esse, & tamen virum amantur a Deo, an non, nunc eos scire non posse, & ambiguas fluctuare, virum ad probationem sustineant, quę sustinent, an ad supplicium. In futuris igitur scient, & in vultu eorum sunt omnia, id est, auertedat eos, cum de hac vita discesserint, notitia istius rei. Quia tunc est iudicium, & nunc certamen. Et quicumque aduersa sustinent, virum per amorem Dei sustineant, ut Iob, an per odium, ut plurimi peccatores, nunc habetur incertum.

Ad hunc locum respondere nituntur, non solum hæretici, Bucerus, Calvinus, atque Kemnitius, sed etiam Ambrosius Catharinus. Quare ipsorum objectiones breuiter refellendę erunt.

PRIMVM igitur queritur Kemnitius, locum hunc esse deprauatum, ad stabiliendum dogma de dubitatione fidei in iustificatione. Nam ad verbum ex

Hebræo

Hebræo sic reddi posset: *Et amorem & odium non sciens homo, omnia ante eos.*

Sed hoc facile refellitur. Nam cum editio vulgata antiquissima sit, non potuit depravari ad stabilendum dogma, quod ipsi recens & Papistarum proprium esse dicunt. Vel certe fateri debet sententiam nostram esse antiquissimam, & Sanctum Hieronymum, qui Ecclesiasten vertit ex Hebræo, ut nos habemus in editione vulgata, egregium fuisse Papistam. Cæterum, versio Sancti Hieronymi non reddidit quidem verbum verbo, sed sententiam fideliter & eleganter expressit, ac præsertim in Ecclesiaste, ut omnes eruditi fatentur, & si id Kemnitius neget, hoc ipso se imperitum linguæ Hebræicæ & rationis interpretandi demonstrabit.

SECUNDO dicunt, Salomonem non absolute negare, posse hominem scire, sit ne dignus odio vel amore, sed negare, id posse cognosci ex eventis externis. Id vero probant, quoniam aliqui sequeretur, non posse homines manifeste impios scire, se dignos esse odio, non amore, quod absurdissimum est.

Sed facilis est responsio. Nam Salomon non, loquitur, nisi de iustis, ut verba illa declarant: *Sunt iusti, atque sapientes, & opera eorum in manu Dei, tamen nescit homo* (iustus videlicet) *utrum odio vel amore dignus sit.* Idem perspicui potest ex commentario sancti Hieronymi supra citato, qui sic ait: *Inveni iustorum opera in manu Dei esse, & tamen utrum amentur a Deo, an non, nunc eos scire non posse.*

TERTIO obiicit Calvinus libros. Institut. cap. 2. §. 38. verba quæ locum citatum proxime consequuntur. *Es quod universa æque enervant iusto & impio.* Hæc enim ratio satis aperte ostendere videtur loqui Salomonem de notitia, quæ haberi potest ex eventu externo.

RESPONDEO, Non est necesse, ut ratio æque late pateat, atque ipsa conclusio, quæ ratione probanda est. Salomon igitur probare voluit, non posse homines iustos certo cognoscere, utrum diligantur à Deo: id autem recte probat ex eo, quod si possent id certo cognoscere, maxime cognoscerent ex beneficiis Dei. At beneficia Dei communia sunt iustis & impiis, & universa æque enervant iusto & impio. Deus enim ut suos in humilitate conseruet, interdum sinit eos affligi, & rursus ne desperent, interdum eos misericordie consolatur. Et similiter impios nunc ut alliciat ad se, beneficiis temporalibus cumulat, nunc ut eosdem deterreat à peccatis, severe punit. Ita beneficia & flagella divina nec odii, nec amoris certa sunt indicia.

Falsam autem esse illam interpretationem, nesciunt an odio, vel amore digni sint, id est, nesciunt id non absolute, sed ex præsentis rerum eventu, perspicuum est ex illis verbis proxime sequentibus: *Sed omnia in futurum servantur incerta.* Non enim post hanc vitam servatur nobis cognitio, an digni essemus odio, vel amore quantum ad signa præsentium eventuum, sed absolute. Nam si sciremus, nunc esse nos iustos & dignos amore, quamvis non sciremus ex eventu præsentis, non esset verum, omnia in futurum incerta servari, neque nos de futuro solliciti essemus contenti cognitione præsentis.

QUARTO obiicit Calvinus similem locum ex c. 3. eiusdem li. Ecclesiastæ. Nam cum Salomon ait, non posse sciri quid intersit inter animam hominis & animam iumentum, cum utrumque similiter intereat, certe non significat ignorari absolute, utrum anima hominis sit immortalis, anima iumentum mortalis; sed non posse id colligi ex morte corporali, cum illa communis sit homini cum iumento.

A RESPONDEO, Loquitur in eo capite Salomon ex persona insipientium, qui omnia metuntur præsentis voluptate; aut dolore, quique ex eo, quod cerunt homines & iumenta similiter interire, vix adduci possunt, ut credant animam hominis esse immortalem: *Quis novit*, inquit, *utrum spiritus filiorum Adam ascendas sursum, & spiritum iumentorum descendat deorsum?* id est, quotus quisque est ex vulgo hominum, qui intelligat aut cogitet, spiritum hominis redire ad Deum, ut ab illo pro factis iudicetur, spiritum autem iumentorum descendere deorsum, id est, resolui in terram, unde sumptus erat. Ipsum enim Salomonem, hoc non ignorasse, perspicuum est ex cap. 12. ubi disertis verbis dicit, spiritum hominis redire ad Deum, qui dedit illum. Quod si multi ob istam mortis communionem, quam cum iumentis habemus, ignorant id, quod aliqui naturali ratione discere potuissent, quanto magis ignorabunt omnes homines statum gratiæ, qui nisi ex divina revelatione cognosci non potest?

QUINTO obiicit Catharinus, posse exponi locum Salomonis propositum, de cognitione quam habet homo, ut homo, non autem de ea, quam habet, ut est filius Dei. Neque enim scire potest homo, ut homo, id est, per solam ratiocinationem humanam, utrum dignus sit odio, vel amore, sed tamen id scire potest ex testimonio spiritus, quem habemus in corde, si filii Dei sumus.

RESPONDEO, Potest quidem homo iustus, si spiritus ei perspicue id revelare voluerit, scire, se dignum esse amore, non odio: tamen ordinarie spiritus id non revelat per manifestam notitiam, sed per experimenta quædam & internas consolationes, quæ non faciunt certam fidem, ut infra suo loco dicemus. Hoc autem loco Salomonem absolute loqui de incertitudine, quam habent iusti, siue ut homines, siue ut filii Dei, de propria gratia, intelligi potest ex duobus. PRIMUM ex illis verbis: *Sed omnia in futurum servantur incerta.* DEINDE, ex intentione Salomonis, quæ erat ostendere, unam ex miseriis huius vitæ, eamque non minimam esse, quod homines iusti merito formidare possint, ne forte non sint vere iusti. At si scirent, se vere esse iustos, undecunque id scirent, non omnia in futurum servarentur incerta, neque miseriam illam experirentur, quam Salomon docet, iustis omnibus esse communem.

SEXTO, Idem Catharinus non dedignatur testimonium accipere à Rabbi Salomone, qui hunc locum ita exponit: *Nescit homo, id est, carnalis & peccator.* At Rabbi Salomon Regi Salomoni manifeste repugnat. De iustis enim, non de peccatoribus, se loqui testatur, cum ait: *Sunt iustorum opera in manu Dei, &c.* DEINDE carnales & peccatores facile scire possunt, se odio esse dignos, non amore. Non enim tam difficile est cognoscere se peccatorem, quam cognoscere se iustum, cum peccatum sit opus nostrum, iustitia inhærens & infusa, de qua loquimur, sit opus solius Dei, & quidem occultum & abditum valde. DENIQUE mirum est, cur Catharinus velit nos homini Indæo, fabellarum architecto, potius fidem habere, quam sancto Hieronymo, Ecclesiæ doctori, & non solum linguarum, sed etiam dogmatum peritissimo.

ULTIMO obiiciunt aliqui, quod hic locus à sancto Bernardo exponi soleat de incertitudine prædestinationis, ut in sermone 1. de Septuagesima, & in sermone 2. in octava Paschæ, de verbis Ioannis: *Tres sunt qui testimonium dant in celo.*

RESPONDEO, Non pugnat inter se incertitudo iustitiæ præsentis, incertitudo prædestinationis,

imo ex vna colligitur altera. Et ideo hic locus de utraque recte exponi potest.

TERTIVS locus est in libro Ecclesiastici, cap. 5. De propitiato peccato noli esse sine metu, neque adicias peccatum super peccatum, & dicas: Misericordia Domini magna est, multitudinis peccatorum meorum miserebitur. Hic locus mirifice pūgit hæreticos huius temporis. Ipsi enim proprie illi sunt, qui ubi fide sibi visi sunt Christi iustitiam apprehendisse, nullo deinceps metu tanguntur. Et quamvis adiciant peccatum super peccatum, putant sibi salutem perire non posse, quia misericordia Domini magna est, & credentibus non imputat multitudinem peccatorum. Quos sane vanissimos indicat Ecclesiastes cap. 8. cum ait, *Sunt impii, quia securi sunt, quasi iustorum facta habeant. Sed & hoc vanissimum iudico.*

Respondet ad hunc locum Kemnitius, verba illa depravata esse à Papistis, cum ex Græco legendum esse constet de propitiatione, non de propitiato. Addit præterea, locum istum pugnare contra carnalem securitatem eorum, qui spe misericordiae peccare non desinunt.

Sed inane est quod queritur de corruptione verborum. Idem enim prorsus est sensus, siue dicas, de propitiato peccato, siue de propitiatione peccati. Non enim loquitur de propitiatione futura, sed præterita. Nam de futura adiungit quæ sequuntur: *Et ne dicas, misericordia Domini magna est, multitudinis peccatorum meorum miserebitur.*

Similis est hic locus illi, qui habetur cap. 21. *Fili peccasti, ne adicias iterum, sed & de pristinis deprecare, ut tibi dimittantur.* Vbi duplicem sollicitudinem iniungit, VNAM pro futuris, ALTERAM pro præteritis. Sic igitur & hoc loco **PATIMVS** admonet, ut de propitiatio peccato, siue de propitiatione peccati, quam quis existimat se accepisse, non sit absque metu, sed adhuc sollicitè oret ut sibi dimittatur: DEINDE, ut caueat in futurum, & non adiciat peccatum super peccatum spe facili indulgentiæ.

Sed, si daremus, loqui Ecclesiasticum de propitiatione futura, adhuc error aduersariorum non difficulter euerteretur. Nam ideo de propitiatione futura non possumus esse securi, quia nescimus, an habebimus spaciū pœnitentiæ. Quod explicat idem Ecclesiasticus, cum ait: *Non tardes conuerti ad Dominum, neque differas de die in diem, subito enim veniet ira illius.* Proinde requiritur ad obtinendam indulgentiam aliquid etiam ex parte nostra nimirum seria conuersio & pœnitentia. Quis autem potest certus esse præsertim ex fide diuina, se veram habere conuersionem & pœnitentiam?

Itaque loquitur quidem Ecclesiasticus contra carnalem securitatem, sed eam securitatem non solum constituit in eo, quod aliqui spe misericordiae adiciunt peccatum super peccatum: sed etiam in eo, quod aliqui non precantur pro pristinis, ut sibi dimittantur, sed certo credunt, sibi esse remissa; ob id solum, quia credunt sibi esse remissa; & cum Lutero auctore carnalis securitatis, dicunt, se non posse perdere salutem suam, etiam si velint, modo nolint credere.

CAPVT V.

Idem probatur testimonio, & exemplo Iob, Davidis & Pauli.

SECUNDO loco petemus argumentum à testimonio & exemplo trium perfectissimorum hominum, Iob, Davidis & Pauli. Nam si viri iusti tam in-

A signes quorum VNVS dicebat: *Non reprehendis me cor meum in omni vita mea.* **ALIVS** in innocentia mea ingressus sum. **TERTIVS**: *Nihil mihi conscius sum;* non audebant sibi certitudinem propriæ gratiæ arrogare, quis erit ille, qui de propria iustitia non formidet?

Igitur S. Iob capite 9. *Si venerit, inquit, ad me, non videbo eum: Si abierit, non intelligam.* Item, *Si iustificare me volueris, os meum condemnabit me, si innocentem ostendero, prauum me comprobabit, etiam si simplex fuero, hoc ipsum ignorabit anima mea.* Et infra: *Verebar omnia opera mea, sciens quod non parceres delinquenti.* Et cap. 31. *Quid faciam, cum surrexerit ad iudicandum Dominus? Et cum quaesierit, quid respondebo illi?*

Addamus ad hæc loca comment. S. Gregorii lib. 9. Moralium, capite 17. & 19. *Quid de aliis loquar, qui ipse pro me testimonium ferre non valeo?* Et infra: *Si subtilis, inquit, discussione nos requiritur, plerumque inter vicia virtutesque caligamus.* Et infra: *Conductoris contra me iudicia, qua temeritate redarguo, qui ipsum me ex infirmitatis caligine ignoro?* Et infra: *Sed iustorum corda, quia ad perfectum se examinare nequeunt: agere hoc exilium cæcitate fecerunt.* Vnde & bene subditur, *& tacebit me vita mea.* Taces iustum vivere, quia & operando vitam non desinit querere; & tamen eiusdem vita sua meritum non valet inuenire.

Ad hunc locum Catharinus responder, sanctum Iob, non ignorasse, iustum se esse, cum in toto hoc libro contra amicos suos disputando defendat: sed noluisse iactare iustitiam suam, nec sibi aliquid superbe arrogare. At sancti humiles esse debent, sed non mendaces. Proinde si Iob certus fuisset certitudine fidei, de sua iustitia non potuisset sine mendacio, vel etiam sine perfidia dubitationem illam ostendere, *Si simplex fuero, hoc ipsum ignorabit anima.* Et: *Verebar omnia opera mea, &c.* Neque enim sine peccato dubitare, vel dubitationem ostendere possumus in his rebus, quas fide tenemus. In toto autem libro S. Iob asserit quidem innocentiam suam, quia nullius criminis sibi conscius erat, & docet, se non puniri tam grauitè propter scelera sua, ut amici eius existimabant: sed non dicit, se certo scire se iustum esse in oculis Dei: immo formidare se affirmat, sicut vere formidabat, ne forte de se ipso aliud esset iudicium suum, aliud iudicium Dei.

Iam vero, S. David in Psalm. 18. *Delicta quis intelligit?* inquit, *& ab occultis meis munda me Domine, & ab alienis parce sermo tuo.* Sanctus Hieronymus libro primo & secundo aduersus Pelagianos, & sanctus Bernardus in epist. 42. sententiam huius loci esse volunt, neminem esse iustorum, qui plene intelligat, careat ne peccatis, an non. Et quamvis hic locus interdum exponi soleat de peccatis venialibus; tamen probabilius est extendi ad omnia, cum sententia sit generalis, & nihil sequatur absurdum, si generaliter exponatur. Præterea distinctio peccati mortalis, & venialis nihil aduersarios nostros Lutheranos & Calvinistas iuuat, qui omnia peccata mortalia esse contendunt.

Quod autem Catharinus dicit, ab Augustino & Hieronymo hunc locum exponi de peccatoribus, quid in tenebris sunt, peccata sua videre non possunt: non infirmat argumentum nostrum. Loquuntur enim sancti illi Patres de visione peccati, vtili adeo curanda, neque enim dicere volunt, peccatores non intelligere; homicidium, & adulterium, & similia, quæ ab illis committuntur, esse peccata; Sed indicare volunt, peccata non videri à peccatoribus, quia nec cogitant peccatores quæ magna sint illa mala, & quam grauitè per ea ipsi lædantur, quod tamen co-

gnoscere incipiunt, cum à Domino cōuertuntur, & ideo quasi tunc primum ea vidissent magno horrore concutiuntur, & de eorum curatione magno studio fatagunt. Hæc autem doctrina, quæ verissima est, nihil impedit, quo minus iustissimi quique dicant: *Ab oculis meis munda me Domine*, metuentes videlicet, forte hoc ipso peccatores sint & excecati, quod peccata non vident. Nam David sanctus erat, & tamen dicebat: *Ab oculis meis munda me Domine*: & ipse etiam S. Augustinus concione 2. in hunc Psalmum, pro se, & universo populo dicit: *Ab oculis meis munda me Domine*.

Sed iam ad Apostolum veniamus. In epist. priore ad Cor. c. 4. *Nihil*, inquit, *mibi conscius sum*, sed non in hoc iustificatus sum. Propositum Apostoli erat deterere Corint. à iudicijs temerarijs, quibus unus alium aut iustum, aut peccatorem iudicat. Ostendit autem iudicium de nostra iustitia Deo esse relinquendum, cum ne nos quidē ipsi nos plene cognoscamus; *Mibi*, inquit, *pro minimo est*, ut à vobis iudicer, aut ab humano die, id est, non magnifico aliena iudicia de me, quia non ignoro, quā sint incerta: sed neque me ipsum iudico, id est, nec meo iudicio fidere audeo, quoniam etiam si nihil mihi conscius sim, tamen non in hoc iustificatus sum, id est, non ideo iustus sum, quia bonam conscientiam habeo. Fortasse enim Deus videt in conscientia mea id, quod ego ibi non video; *Qui autem iudicat me, Dominus est*, id est, solus Deus est verus iudex; ille solus omnia novit, & tunc vere iustum me putabo, cum Dominus me iustum esse pronuntiabit: *Nolite itaque ante tempus iudicare, quousque veniat Dominus, qui reuelabit abscondita tenebrarum, & manifestabit consilia cordium, & tunc laus erit unicuique à Deo*.

Ad hoc testimoniū alio atque alio modo respondent Lutherani & Catharini. Lutherus in assertionē articuli 14. Calvinus lib. 3. Institut. cap. 17. §. 14. Petrus Martyr in commentario huius loci, & Kemnitius in Examine Concilij dicūt. Apostolum significare potuisse, se contra maledicos, & obrectatores, innocentiam suam testari, tamen coram Deo se nō esse iustum ex vlla virtute, aut qualitate, aut opere bono, sed ex sola Dei misericordia, quæ propter Christum peccata credentibus non imputat.

Hæc expositio PRIMVM absurda esse conuincitur, ex illis verbis: *Nihil mihi conscius sum*: Nam vel significant illa verba; non agnosco in me vlla peccata, quasi re vera in me existentia, & inhærentia; Vel significant, Video mea peccata per misericordiam Dei tecta, & ideo existimo, non esse amplius mea; quamuis in me sint, & vivant: Si dixerint PRIMVM falsum erit Apostolū non fuisse iustum coram Deo, ex vlla virtute & qualitate. Quomodo enim non est iustus ex interiori puritate & virtute, si re vera nullum in eo peccatum inheret? vel si vere peccata in illo inhærebant, immo omnia eius opera, iuxta doctrinam Lutheranorum, erant peccata mortalia, falso dixit Apostolus: *Nihil mihi conscius sum*, & contra potius dicere debuit, Multa mala mihi conscius sum, quoniam omnia opera mea sunt ex se peccata mortalia. Si dixerint SECVNDVM, falsum erit illud: *Non in hoc iustificatus sum*. Nam si Beatus Paulus nihil sibi conscius erat, quia peccata non imputari sibi, & per non imputationem tecta esse credebat, certe per hoc ipsum iustificabatur ex sententia Lutheranorum. Quomodo igitur opponit illud: *Nihil mihi conscius sum*, illi, *Sed non in hoc iustificatus sum*? debuisset igitur dicere, Multa bona opera, & multas bonas qualitates, & virtutes me habere, mihi conscius sum, sed non propter eas, sed propter so-

lam Dei misericordiam iustificatus sum.

Respondebunt fortasse, illud, *Nihil mihi conscius sum*, hunc habere sentum, non agnosco in me vlla ex illis criminibus, quæ humano iudicio damnari solent, tamen non ideo iustificatus sum, quoniam illa ipsa opera quæ videntur bona, in me peccata sunt. At hæc responsio refellitur ex illis verbis: *Sed neque me ipsum iudico*. Apostolus enim eum dicit: *Nihil enim mihi conscius sum*, non reddit causam, cur non timeat externa iudicia, sed cur non audeat ipse se iudicare. *Sed neque*, inquit, *me ipsum iudico*, *nihil enim mihi conscius sum*, &c. non igitur loquitur de criminibus, quæ externo iudicio damnari solent, sed de peccatis, quæ ipse ad suum internum tribunal adducere posset. Potuisset autem ipse se facile iudicare, si vera esset sententia Lutheranorum, facile enim cognosceret opera sua per se esse mala, sed à Deo nō imputari.

Præterea tota hæc hæreticorum expositio repugnat scopo, siue proposito Apostoli. Nam ut ante diximus, cupiebat deterere Corinthios à iudicio temerario, & ideo ait: *Nolite ante tempus iudicare*. Et: *Mibi pro minimo est, ut à vobis iudicer*. Et: *Neque me ipsum iudico*. Et: *Qui iudicat me, Dominus est*. Ad hoc autem propositum nihil pertinet illa ratio, non iustificor ex virtutibus, aut qualitatibus meis, sed ex Dei misericordia non imputante peccata: multum autem pertinet illa, ita incerta sunt humana iudicia, ut nemo possit etiam ipse se, ne dum alios iudicare, quod attinet ad iustitiam & peccata.

Postremo, repugnat ista Lutheranorum expositio communi Patrum interpretationi, qui omnes ex hoc colligunt incertitudinem gratiæ.

S. Ambrosius (vel quicumque est auctor commentariorum illorum) hunc locum enarrans, *Humiliat*, inquit, *se, & loquitur ut homo, qui possit peccatum incurrere nescius*.

Sanctus Ioannes Chrysostomus in hunc eundem locum: *Non Corinthios*, inquit, *tantum, sed scriptum quoque hoc privati iudicio, quod cognitione sua maius testatur*. Et infra: *Qua ratione, inquit, si res meas non satis exploratas habeo, aliena potero iudicare?*

S. Hieronymus lib. secundo adversus Pelagianos: *Qui hoc*, inquit, *dicebat, nullius vitæ peccati sibi conscius erit, sed quia legerat, Delicta quis intelligit, idcirco temperabat sententiam, ne forte per ignorantiam deliquisset*.

S. August. in Psalmum quadragesimum primum, tractans illud: *Abyssus abyssum invocat*, dicit omnes Sanctos, quantumvis proficiant, adhuc esse abyssum, quoniam non se ipsi novierunt, & adducit hunc locum Apostoli: *Quanta*, inquit, *abyssus sit, audite, tantam profunditatem credi esse in homine, quæ lateat ipsi in hominem, in quo est: cum eum dixisset, Nihil mihi conscius sum, adiecit, sed non in hoc iustificatus sum*.

S. Bernardus in epistola quadragesima secunda ad Henricum Senonensem Archiepiscopum, *Cum Apostolus*, inquit, *diceret, Mibi pro minimo est, ut à vobis iudicer, aut ab humano die, adiecit, Sed neque me ipsum iudico. Quare? non possum, ait, ratam de me præferre sententiam. Ego enim nihil mihi conscius sum, non tamen in hoc iustificatus sum. Non ex toto cor de credo me vel ipsi conscientia mea. Quippe cum ne ipsa quidē queat me comprehendere totum. Neque potest iudicare de toto, qui totum non audit. Qui autem iudicat me, Dominus est, Dominus inquit, Cuius vitæ conscientiam non fugit, sententiam non subterfugit, etiam quod propriam lateat conscientiam. Audi: Deus in corde cogitantis, quod non audit vel ipse, qui cogitat*.

Vide quæ citamus cap. 7. & præterea Theophylactum, S. Anselmum, S. Thomam, & alios huius loci interpretes, qui omnes in eandem sententiam mani-

teite conueniunt.

Iam vero Ambrosius Catharinus in commentario huius loci, ne sententiam suam de certitudine gratiæ, ex tam aperto Apostoli testimonio refutari posse concederet, ita hunc locum exponi voluit, *Nihil mihi conscius sum*, id est, ego quidem scio me iustum & innocentem esse, *tamen non in hoc iustificatus sum*, hoc est, sed non propterea iustus sum coram hominibus, qui iustitiam meam internam videre non possunt; *Qui autem indicat me, Dominus est*, id est, Deus ipse in extremo iudicio, me iustum esse coram alijs omnibus declarabit.

Hæc expositio PRIMVM refellitur, quia est noua & contraria Patribus paulo ante citatis.

SECUNDO, quia non bene cohæret cum verbis illis, *Sed neque meipsum iudico*. Huius enim sententiæ causam reddit, cum ait, *Nihil enim mihi conscius sum*, &c. Quæ est autem ista connexio, Ego meipsum nõ iudico, quia scio me esse iustum, sed non ideo iustus sum apud homines.

TERCIO, quia repugnat scopo & proposito Apostoli, ut ostendimus.

QUARTO, quia Concilium Tridentinum sessione 6. c. 16. hunc locum intelligendum esse docuit, iuxta communem Patrum sententiam, de certitudine gratiæ; *Vnusquisque*, inquit, *sicut misericordiam & benignitatem, ita severitatem & iudicium ante oculos habere debet*, neque seipsum aliquis, etiamsi nihil sibi conscius fuerit, iudicare; quoniam omnis hominum vita, non humano iudicio examinanda & indicanda est, sed Dei, qui illuminabit abscondita tenebrarum, & manifestabit consilia cordium, & tunc laus erit unicuique à Deo.

CAPVT VI.

Idem probatur ex varijs locis Prophetarum & Apostolorum.

EADEM veritas probari potest testimonijs Prophetarum & Apostolorum, quæ vel requirunt ex parte nostra varias condiciones ut iustificemur, vel indicant in certum esse, an qui agit pœnitentiã, consequatur remissionem, vel admonent, ut non simus nimium securi, quasi certi simus de iustitia iam adepta.

PRIMI generis sunt hæc testimonia, Deut. 4. *Cum quaesieris tibi Dominum* (nimirum post varia peccata) *inuenies eum, si tamen in toto corde quaesieris eum, & in tota tribulatione animæ tuæ*, 2. Paralip. 6. *Si peccauerint tibi, & iratus fueris, &c.* Et infra: *Si conuersi fuerint ad te in toto corde suo, & in tota anima sua, in exaudies de caelo, & dimittes populo tuo*. Isaia 1. *Quiescite agere peruersè, disce bene facere, quare iustitiam, &c. & venite & arguite me, dicit Dominus, si fuerint peccata vestra sicut coccinnum, sicut nix dealbabuntur, & si fuerint rubra sicut vermiculus, sicut lana alba erunt*. Ezech. 18. *Si impius egerit pœnitentiam ab omnibus peccatis suis, & fecerit iudicium & iustitiam, vita viuet, &c.* Ioan. 13. *Vos amici mei eritis, si feceritis, quæ ego precipio vobis*. Luc. 13. *Nisi pœnitentiam habueritis, omnes similiter peribitis*. Act. 8. *Si credis in toto corde, licet*.

Hæc & similia testimonia manifeste significant requiri aliquid in nobis, ut iustificemur. Neque aduersarij hoc negare possunt, qui tamen dicant, remissionem non pendere à conditione operum, neque pœnitentiam, aut fidem, aut vllum actum nostrum, esse causam aut meritum iustificationis, tamen non negant, requiri fidem, & pœnitentiam, & fidem viuam, & pœnitentiam seriam, & sine his neminem iustifi-

ari. At nemo certus esse potest, præsertim certitudine fidei, se toto corde conuersum esse ad Deum, & fidem, ac pœnitentiam habere, qualis requiritur, cum in nulla Scriptura testimonium eiusmodi inueniatur de fide & pœnitentia nostra in particulari: igitur nemo certus esse potest, certitudine fidei, sibi remissa esse peccata. Hæc plane Theologica demonstratio est, de qua satis multa diximus in lib. 1. vbi probauimus, non esse veram fidem illam, qua quis credit, sibi remissa esse peccata.

SECUNDI generis sunt hæc testimonia, Daniel. 4. *Foras ignoscat Deus delictis tuis*. Ioel 2. *Conuertimini ad me in toto corde vestro, &c.* Et paulo post: *Quis scit si conuertatur & ignoscat Deus?* Ionæ 3. idem habetur: *Quis scit, si conuertatur, & ignoscat Deus*. Act. 8. *Pœnitentiam age ab hac nequitia tua, & roga Deum, si forte remittatur tibi*. Hæc, & similia, quæ significant incertitudinem remissionis, non faciunt dubias promissiones Dei, quibus promisit vere pœnitentibus indulgentiam, illæ enim certissimæ sunt, sed respiciunt incertitudinem nostræ dispositionis. Vndeunque autem veniat incertitudo, semper probant hæc testimonia, non debere hominem ita esse securum, ut non semper à Deo petat seriam pœnitentiam, & peccati remissionem.

Sic exponit S. Hieronymus illud Ionæ 3. *Ideo*, inquit, *ambiguum ponitur, & incertum, ut dum homines dubij sunt de salute, fortius agant pœnitentiam, & magis ad misericordiam prouocent Deum*. Huc etiam pertinere docet S. Augustinus illud Psalm. 50. *Incerta & occulta sapientia tua manifestasti mihi*. Vbi etiam allegat locum Ionæ: *Quis scit, si conuertatur & ignoscat Deus*. Incertum est, inquit, cum dicitur, *quis scit*. De incerto pœnitentiam egerunt, & certam misericordiam meruerunt.

TERTII generis sunt hæc testimonia, Prouerb. 2. *Beatus homo qui semper est pauidus*. 2. ad Cor. 10. *Non enim qui seipsum commendat, ille probatus est, sed quem Deus commendat*. At certe si quis certitudine fidei sciret, se iustum esse, posset utique se commendare, & probatus esset, quia sine dubio minime falleretur. Ad Philip. 2. *Cum metu & tremore salutem vestram operamini*. 1. Pet. 1. *In timore incolatus vestri tempore conuersamini*. 2. Pet. 1. *Satagite, ut per bona opera certam vestram vocationem & electionem faciatis*. At si per bona opera certitudo vocationis quaerenda est, certe etiam iustificationis. Nam *quos vocauit, hos & iustificauit*. ad Rom. 8. Quod si certitudo iustificationis ex bonis operibus pendet; non igitur certus est homo de sua iustificatione, mox atque iustificatus est. Rursum, non igitur ex sola fide pendet certitudo iustificationis. Denique non igitur certa est iustificatio nostra certitudine fidei, quæ infallibilis est, sed certitudine operum, quæ coniecturalis atque imperfecta certitudo est.

CAPVT VII.

Idem probatur testimonijs sanctorum Patrum.

A DFEREMVS nunc testimonia veterum Patrum, ad rem eandem comprobandam.

S. Ambrosius serm. 5. in Psalm. 118. tractans illud, *Amputa opprobrium meum, quod suspicatus sum*, sic loquitur: *Sini volebat offerri opprobrium, quod suspicatus est, vel quia cogitauerat in corde, & non fecerat, & pœnitentia licet abolitum, suspectus tamen erat, ne forte adhuc maneret eius opprobrium, & ideo Deum precatur, ut illud auferat, quia solus nouit, quod nescire potest etiam ipse qui fecit*. Et addit testimonium Apostoli: *Nihil mihi conscius sum, &c.*

S. Basilus in Constit. Monasticis, c. 2. Multa, inquit, peccantes, plurima neque intelligimus. Quapropter dicit Apostolus, Nihil mihi conscius sum, sed non in hoc iustificatus sum, hoc est, multa pecco, & non intelligo.

S. Hieronymus lib. 2. aduersus Pelagianos: Sunt, inquit, iusti, ad quos peruenit quasi opus impiorum, & sunt impij, ad quos peruenit, quasi opus iustorum. Hoc idcirco dicitur, quia certum iudicium solius Dei est. Idem lib. 3. in Hierem. exponens c. 13. Homo, inquit, videt in facie, Deus in corde, & quod nobis interdum mandum videtur, illius oculis sordidum deprehenditur.

S. Ioannes Chrysostomus hom. 87. in Ioannem, S. Petrum, sic loquentem inducit: Propterea contritus sum, nescio me amare arbitrans, non amem, ut ante, cum me fortem & constantem putarem, imbecillis inmentus sum. Et homil. 11. in priorem ad Corin. Multis de causis incertum est, inquit, nostrum iudicium, una, quod multa opera nostra nos lateant, &c.

S. Augustinus in Psalmum quadragesimum primū, tractans illud: Ad meipsum anima mea turbata est. Non, inquit, quia iustitia Dei mei manet, virum mea inueniat, nescio, Terret enim me Apostolus, dicens: Qui se putat stare, videat ne cadat. Idem serm. 23. de verbis Domini: Fortasse, inquit, in nihil inuenies in conscientia tua, inuenit illi, qui melius videt. Idem homilia trigesima quinta: Quamdiu, inquit, vivimus hic, de nobis ipsis nos ipsi iudicare non possumus, non dico quod eras erimus, sed quod bodie simus. Idem in Psal. 50. super illud: Incerta & occulta sapientia tua manifestasti mihi: Quae occulta, inquit, & quae incerta? quia Deus ignoscit & talibus. Nihil tam occultum, nihil iam incertum. Idem in libro de perfectione iustitiae, post medium: Quantalibet, inquit, iustitia sit praeclusus homo, cognare debet, ne aliquid in illo, quod ipse non videt, inueniatur esse culpandum.

Theodoretus in comment. ad cap. 4. prioris ad Corinthios enarrans illud: Nihil mihi conscius sum, Non me, inquit, à peccato immunem pronuntiabo, sed Dei sententiam expectabo. Sape enim cuenit, ut etiam ignorantes peccent, æquum & iustum esse existiment, sed hoc aliter videt vniuersorum Deus.

S. Gregorius lib. 6. epist. 12. ad Gregoriam, Augustæ cubiculariam: Quod vero, inquit, dulcedo tua in suis epistolis subinxiit, importunam se mihi existere, quo ad usque scribam, mihi reuelatum esse, quia peccata tua dimissa sunt: rem & difficilem etiam & inutilem postulasti. Difficilem quidem, quia ego indignus sum cui reuelatio fieri debeat. Inutilem vero, quia secuta de peccatis tuis fieri non debet, nisi cum iam in die vite ultimo, plangere eadem peccata minime valebis. Quia dies, quousque veniat, semper suspecta, semper trepida metuere culpas debes, atque eas quotidianis fletibus lanare.

S. Beda in comment. ad cap. 10. Prouerb. Potest, inquit, hic versus, & de electis accipi, Qui habent aliquando latentia in mente mala, quae ab alijs videri non possunt hominibus, quae tamen ipse Dominus cernit. Et infra: Sunt, inquit, multi mundo corde, & iuxta humanam possibilitatis modum, puri à peccato, nec tamen se ipse quicquam mundicordem & immunem à peccato absque temeritate pronuntiaverit.

S. Bernardus serm. 3. de Adventu: Accedit, inquit, ad sollicitudinis cumulum & pondus timoris, quod cum & meam, & proximi conscientiam seruare necesse sit, neutra mihi satis est nota, utraque abyssus est imperferibilis, utraque mihi nox est, & nihilominus exigitur à me utriusque custodia. Item in epist. 107. De qua tamen, inquit, percepta summet ex parte notitia, interim quidem gloriatur in spe, nondum tamen in securitate. Idem serm. 2. de octaua Paschæ: Nouit Dominus, qui sunt eius, quis vero sis hominam si est dignus amore, an odio? Idem serm. 1. de septuagesima: Quis potest dicere, ego de ele-

ctus sum, ego de predestinatis ad vitam, ego de numero filiorum? quis hæc inquam dicere potest reclamante Scriptura, nescit homo, si dignus sit amore, an odio? certitudinem utriusque non habemus, sed spei fiducia consolatur nos, ne dubitationis huius anxietate penitus cruciemur.

Hic accedat Innocentius III. Papa doctissimus, qui capite ultimo de purgatione canonica. scribit iuramentum cuiusdam hominis, qui iurare paratus erat, se à certis criminibus immunem esse, quæ per penitentiam sibi dimissa fuisse credebatur, esse iuramentum temerarium & indiscretum, eo quod nemo scire possit, an, ut oportet, egerit penitentiam; ac per hoc an ad veram peruenierit indulgentiam.

CAPVT VIII.

Idem probatur rationibus varijs.

PRÆTER testimonia Scripturarum & Patrum, non desunt etiam egregiae rationes, quibus hæc veritas comprobetur. Probabimus igitur ratione. Primum, non posse haberi certitudinem fidei de propria iustitia. Secundo, neminem teneri ad illam habendam, etiam si forte posset haberi. Tertio, non expedire, ut ordinarie habeatur. Quarto, re ipsa non haberi, nisi à paucis, quibus à Deo specialiter propria iustificatione reuelatur.

PRIMA ratio, Non potest aliquid certum esse certitudine fidei, nisi aut immediate contineatur in verbo Dei; aut ex verbo Dei per euidentem consequentiam deducatur: Fides enim non est, nisi verbi diuini auctoritate nitatur. Neque de hoc principio vel Catholici, vel Hæretici dubitant. At in verbo Dei non continetur immediate particularis ista propositio, Talis vel talis homo vere iustificatus est, exceptis enim paucissimis, ut Magdalena, & quodam Paralytico, qui ab ipso Christo audierunt, Remittuntur tibi peccata tua: Ceteri homines in sacris litteris, ne nominantur quidem. Vniuersales autem promissiones, conditiones suas requirere, ut singulis applicentur, iam supra in primo libro demonstrauimus. Oportet igitur ut ex verbo Dei, per euidentem consequentiam id colligat, quisquis eam certitudinem habere se iactat. Id autem fieri non posse probamus hoc modo.

Ratiocinatio, qua quis certitudinem fidei de sua iustitia ex verbo Dei concluderet, hæc esse deberet. Verbum Dei testatur, omnes vere conuersos ad Deum, & penitentiam serio agentes peccatorum, indulgentiam & gratiam obtinere: Mihi autem evidens est mea vera conuersio, & penitentia; igitur mihi certum est, certitudine fidei, me indulgentiam & gratiam accepisse.

Huius argumenti assumptionem dico non solum falsam, sed etiam impossibilem esse, nisi adsit reuelatio; nam imprimis primum est cor hominis, & infertabile, & quis cognoscat illud? inquit Hiere. ca. 17. Deinde videmus re ipsa multos falli, qui se putant habere quod non habent. Certe B. Petrus, cum dicebat. Tecum paratus sum in carcerem, & in mortem ire; paratum se esse credebatur mortem subire pro Christo; & tamen vere paratus non erat, ut euentus ostendit. Et Apostolus Paulus, cum in Christianos fureret, magna se Dei charitate flagrare arbitrabatur, & tamen ex ignorantia fellebatur. Et quis est, qui certus sit, se non laborare ignorantia aliqua non probabili, sed crassa & ex ea peccandi affectum gere, quem ipse non videat? Denique, nulla sunt cla-

riora signa veræ conversionis & gratiæ iam adeptæ, quàm opera charitatis, & præsertim, si quis animam pro Deo ponat: at hoc ipsum potest esse signum fallax, cum Apostolus dicat primæ ad Cor. 13. posse hominem sine vera charitate Dei consumere in cibos pauperum omnes facultates suas, & tradere corpus suum ita ut ardeat. Et re ipsa interdum videmus, hæreticos pro defensione perfidiæ suæ mortem libenter oppetere, qui se Deum acerrimè amare non dubitant, cum tamen ne micam quidem veræ charitatis habeant.

Dicent fortasse aduersarij, non requiri talem conversionem, sufficere solam fidem. At hoc iam sæpe refutatum est, præsertim cum ipsi quoque Lutherani veram fidem à charitate & penitentia separari non posse contendunt. Sed fortasse Catharinus respondeat, non exigì necessario perfectam conversionem & penitentiam, nisi extra Sacramentum, cum Sacramento autem sufficere, ut quis obicem non ponat. At neque potest quis certus esse certitudine fidei, se non ponere obicem, cum possit ex ignorantia crassa gerere affectum ad peccatū; neque potest certus esse certitudine fidei, se percipere verum Sacramentum, cum Sacramentum sine intentione ministri non conficiatur, & intentionem alterius nemo videre possit. Nec ignoro quid de intentione, in Sacramentis conficiendis, sentiat Catharinus; sed eius sententia definitioni Ecclesiasticæ contraria esse conuincitur, ut alibi demonstraui.

SECUNDA ratio erit ad probandum neminem teneri certo credere certitudine fidei, sibi remissa esse peccata. Nam eiusmodi articulus in nullo Symbolo fidei continetur. Et eiusmodi præceptum in nullo canone Ecclesiastico reperitur. Percurrantur Symbola, Apostolicum, Nicænum, Constantinopolitanum, Athanasij, nusquam reperietur talis articulus, *Credo me esse iustum*. Quod autem in Symbolo Apostolico dicitur: *Credo remissionem peccatorum*, significat in Ecclesia dari Baptismum in remissionem peccatorum, ut explicatur in Symbolo Constantinopolitano.

Porro in Concilijs Ecclesiasticis non solum non habetur tale præceptum fidei, sed habetur etiam expresse contrarium in Concilio Tridentino, sessione 6. canone 13. id est, non teneri homines ad credendum, sibi remissa esse peccata.

Adde quod si eiusmodi articulum fidei haberemus, sequeretur, omnem hominem, qui peccat quocunque genere peccati mortalis, continuo fieri hæreticum, atque ita nullum esse peccatorem, qui non simul esset hæreticus, neque enim potest, qui voluntarie peccat, credere, se iustum esse, nisi falsum, dedita opera, credere velit. At certe inauditum est, in Ecclesia nullum esse peccatorem, qui non sit hæreticus. Et præterea cum omnes hæretici ab Ecclesia separantur, & foris sint, sequeretur nunc peccatorem in Ecclesia esse posse, quæ fuit hæresis Donatistarū, & ab Augustino, & cæteris Patribus ex Euangelio manifeste refutata est. Quid enim sunt grana & paleæ in eadem area, boni & mali pisces in eodem reti, oues & hædi in eodem ovili, nisi iusti & peccatores in eadem Ecclesia? Viderint igitur Lutherani, qui per omne peccatum fidem iustificantem; id est, veram fidem excuti dicunt, quomodo se ab hæresi Donatistarum expediant, & quomodo non aperte cum ipso Euangelio pugnant.

TERTIA ratio probabit, non expedire ut homines habeant ordinariæ certitudinem de propria gratia. Nam (ut sanctus Augustinus ait in lib. de corrept. & gratia, c. 13.) in hoc loco temptationis tanta est infirmitas, ut superbiam possit generare securitas. Vnde etiam S.

A) Gregorius scribit lib. 9. Moralium, cap. 17. *Si scimus nos gratiam habere, superbimus*. Euphle Domnus Luc. 17. per parabolam Pharisei, & Publicani ostendit, eos, qui se iustos esse confidunt, facile se cæteris antepone, eosque despicere: *Non sum, aiunt, sicuti cæteri hominum, velut etiam hic Publicanus*. Contra autem ignorantio huius secreti, humilitatem conseruat, & auget, facit enim ut se fideles superiores inuicem arbitrentur, & vnus alium honore præueniat.

Dices, si ita est, cur Deus aliquibus iustificationem propriam reuelat? Quoniam sicut speciali hoc favore dignos illos iudicat, ita etiam præuidet, sic in humilitate, & charitate radicos esse, ut non sit illis ab hac elatione periculum, quod tamen infirmioribus, & imbecillioribus facile imminere posse cognoscat.

B) QUINTA ratio docebit, re ipsa fidelibus, eiusmodi certitudinem non adesse. Nam in primis quibusdam singulari beneficio reuelatum esse constat, ipsis remissa fuisse peccata. Id enim testatur de sancto Antonio Magnus Athanasius in eius vita. de sancta Galila S. Gregorius in lib. 4. Dialogorum, cap. 13. de sancto Francisco, sanctus Bonaventura in eius vita, c. 3. nec desunt alia eiusdem generis exempla. Quorsum autem Deus id certis hominibus reuelaret, quasi speciali prærogatiua, si fidelibus omnibus esset notitia ista communis?

Deinde non minus constat, alios quosdam, aliqui perfectissimos, in obitu suo propter hoc incertum non mediocriter trepidasse. Refert S. Hieronymus, B. Hilarionem in morte dixisse: *Egredere anima mea, quid times? Egredere, quid trepidas? Septuaginta prope annis seruisti Christo, & mortem times?* Similia exempla trepidantium sanctissimorum Patrum recenset Ioan. Climacus. At certe si viri etiam sanctissimi propter incertitudinem gratiæ, & abyssum iudiciorum Dei trepidant, quomodo credibile erit, omnibus fidelibus certitudinem adesse de propria gratia atque iustitia?

Denique idem apertissime probat experientia huius temporis hæreticorum. Nam cū omnes omnino hanc certitudinem iactent, tamen ipsorum sententia falluntur plurimi, nostra autem, omnes. Neque pertinet ad rem, quod dicit Kemnitius, falli Sacramentarios, & Anabaptistas, & alios, præter sectæ homines, quoniam illi erant contra fundamentum fidei. Hoc, inquam, ad rem non facit; nam si per fundamentum fidei intelligatur fides in Mediatorem Christum, non descendendo ad particulares articulos, tenent illi quoque fundamentum. Sin autem per fundamentum intelligantur omnia dogmata fidei, quæ in Scripturis habentur, errant quidem illi contra fundamentum, ut etiam errat ipse Kemnitius, tamen isti errores sunt in fide historica, non in fide iustificante, omnes enim eodē prorsus modo credunt, se iustos esse propter Christi merita imputata, & eadem promissiones fide amplectuntur. Vnde igitur fit, ut illi fallantur, & non isti? Quoniam (inquit Bucerus) *illis ista certitudo non est ex motu Spiritus sancti*. At hoc ipsum est, quod quaerimus, cur non sit ex motu Spiritus sancti, si fidem iustificantem habent?

Dicent, eos non habere fidem iustificantem, quia fides iustificans, cū errore coniuncta esse non potest. At experientia docet, fidem quam ipsi iustificantem esse definiunt, cum errore facile permanere. Nam Anabaptistæ & Sacramentarij, quos Lutherani errare contendunt, firmiter credunt, sibi propter Christum, fide apprehensum, remissa esse peccata.

Deinde, quo certo iudicio Lutherani docebunt, Anabaptistas & Sacramentarios errare, se autem non

errare, cum omnes iactent Scripturas, & non sit apud eos ullum commune iudicium, quo ipsorum contronensia dirimi queant?

Denique vndeunque accidat, ut fallantur Anabaptistæ & Sacramentarij, iudicio Lutheranorum, & contra Lutherani, iudicio Anabaptistarum & Sacramentariorum, nos euidenter concludimus, atque hoc potissimum urgemus, maximam partem eorū, qui hanc certitudinem iactant, ipsis etiam testibus, sine dubio decipi.

CAPVT IX.

Soluantur argumenta aduersariorum, ex testimonijs Scripturarum de prompta.

QUONIAM testimonia Scripturarum, quæ Caluinus, Kemnitius & Catharinus adducunt, plurima sunt, ut saltem multitudine testimoniorum speciem aliquam probabilitatis efficiant, nos illa omnia secundum ordinem Scripturarum proponemus & refellemus.

PRIMUM igitur testimonium Catharinus profert ex c. 17. Luc. *Cum feceritis hæc omnia, dicit, serui inutilis sumus, quod debuimus facere, fecimus.* At hoc quomodo potest quis dicere, nisi certo sciat, se fecisse omnia quæ præcepta sunt? qui autem certo scit, se omnia mandata complexisse, certo quoque scit, se diligere Deum, & diligere à Deo, & iustū esse, *Qui enim diligit me, sermones meos seruabit.* Et: *Qui diligit me, diligitur à Patre meo,* Dominus ait. Et: *Qui facit iustitiam, iustus est,* inquit Ioannes.

Respondeo, Absit ut Christus eo loco nos hortetur, ut dicamus vel existimemus, nos fecisse omnia, quæ scripta sunt nobis. Id enim esset ad iactantiam & superbiam exhortari: cum cōtra potius ad humilitatem nos eo loco Saluator informet. Sententia igitur Domini est, ut cum bona fide fecerimus, quæ præcepta sunt nobis, ita ut cor nostrum nos non reprehendat, non inde superbiamus, sed dicamus, serui inutilis sumus, quod debuimus facere, fecimus.

SECUNDUM testimonium profert ex c. 3. Ioan. *Qui facit veritatem, venit ad lucem, ut manifestentur opera eius, quia in Deo sunt facta.* At quis auderet venire ad lucē, id est, ad Christum iustitiae solē, & opera sua diiudicanda proferre, nisi certo sciret, illa esse vere bona?

Respondeo, sententia huius loci est, hanc esse naturam operum malorum, ut quærant latebras, quoniam reprehensionem timent, cōtra vero naturam esse operum bonorum, ut si opus sit proferri in lucem, non erubescant, nec timeant reprehendi. Ex hac autem generali, verissimaque doctrina non debet colligi, eundem nobis esse ad Christum, ut apud eum prædicemus opera nostra. Neque etiam colligi debet, omnes qui ad Christum libenter accedunt esse perfecte iustificatos. Multi enim ad illum accedunt, ut iustificentur, iuxta illud, *Venite ad me omnes, qui laboratis & onerati estis, & ego reficiam vos.* Matt. 11. sed colligi debet, id quod ipse Christus in eo loco colligit, qui eius consortium fugiebant, ut Phariseos & scribas, hoc ipso fuisse homines malos, fugiebant enim Christi consortium, qui timebant reprehensionem; qui autem ad eum accedebant, ut publicanos & peccatores, vel etiam veros Israelitas, in quibus dolus non erat, ut Nathanaelem & Nicodemum, hoc ipso fuisse bonos, vel voluisse bonos, & denique bonam fuisse illam voluntatem, qua Christum quærebant.

A Quod si peccatores ad Christum accedere poterant, & hoc ipso veritatem faciebant, & veniebant ad lucem, nec timebant manifestari opera sua, id est, desiderium & voluntatem suam, quam habebant recuperandæ salutis: multo magis possunt, qui non sunt sibi conscij peccatorum, sincero corde ad Christum accedere, non ut iactent opera sua, sed ut ab eo illuminentur & proficiant, si boni sunt, vel corrigantur, si forte boni sibi videntur, & non iunt.

TERTIUM testimonium profert ex illo Ioan. 13. *In hoc cognoscent omnes, quod discipuli mei estis, si dilectionem habueritis ad invicem.* Quanto igitur magis poterit unusquisque cognoscere, se vere discipulum fuisse Christi, si dilectionem proxime habere se videat?

B Respondeo, Nihil plane concluditur ex hoc loco, nisi quis velit non solum nos ipsos, sed etiam omnes alio certo cognoscere nostrā gratiam. Dominus enim non ait: *In hoc cognosceitis, sed, in hoc cognoscent omnes.* At profecto absurdissimum est tribuere omnibus hominibus certitudinem fidei de aliena iustitia. Sententia igitur Domini est, Discipulos Christi non posse internosci ab alijs clariore signo, quā dilectionis. Eiusmodi autem externa signa non efficiunt certitudinem fidei diuinæ, sed humanam & coniecturalem: cum hoc ipsum non possit sine reuelatione cognosci, an quis vere diligit Deū & proximum, ut oportet. Sæpe enim cupiditas se venditat pro charitate, id est, amor concupiscentiæ pro amore amicitiae.

C **QUARTUM** testimonium non à Catharino tantum, sed etiam à Caluino producit ex illo Ioan. 14. *Vos autem cognosceitis eum, quia apud vos manebit, & in vobis erit.* Item: *In illa die cognosceitis, quia ego sum in Patre, & vos in me, & ego in vobis.*

Respondeo, ex priore loco solum colligitur, eos qui per fidem Spiritum sanctum noscunt, non sine eius gratia & auxilio noscere. Quomodo etiam dicitur de notitia Christi: *Nemo potest dicere, Dominus Iesus, nisi in Spiritu sancto.* Dixerat enim Dominus: *Mittam vobis Spiritum paracletum, quem mundus non potest accipere, quia non nouit eum, nec scit eum: vos autem cognosceitis eum, quia apud vos manebit, & in vobis erit.* Ex quibus verbis intelligimus, non posse accipi Spiritum sanctum, nisi prius cognoscatur, & tamen non posse cognosci, nisi prius habeatur.

D Proinde duobus modis haberi potest Spiritus sanctus. Vno modo, ut per donum iustitiæ, & charitatis inhabitet in nobis, tanquam in templis mundatis & sanctificatis; Altero, ut per donum fidei præparet sibi templum in nobis, & capaces efficiat perfectæ iustificationis. De priore modo dictum est: *Mundus enim non potest accipere, quia non videt eum, nec scit eum.* id est, non potest mundus accipere Spiritum sanctum, ad perfectam iustificationē, quia nondum habet illum ad fidem. Neque est capax donorū, quem non cognoscit, nec videt oculis fidei. De posteriore modo dictum est: *Vos autem cognosceitis eum, quia apud vos manebit.* Vel ut habent codices Græci & plerique Latini: *Vos autem cognosceitis eum, quia apud vos manet,* id est, vos ut iam illum habetis ad fidem, & ideo cognoscitis eum, & capaces facti estis donorum eius, & propterea mittam eū ad vos. Non igitur habetur ex hoc testimonio, nos certos esse de nostra iustitia & gratia, sed solum, si cognoscimus Deum per fidem, certos esse id non fieri sine ipsius auxilio.

E In altero testimonio, si credimus Augustino & Cyrillo in commentario huius loci, loquitur Dominus de cognitione beata, quæ post hanc vitam erit, cum videbimus Deum, sicuti est. Tunc

enim aperte cognoscemus, Filium esse in Patre, & nos in Filio, & Filium in nobis. Si quis autem contendat, in hac etiam vita compleri, quod Dominus ait, in promptu erit responsio, cognoscere nos esse in Filio, & Filium in nobis, non esse cognoscere, nos esse iustos, sed Christum esse caput totius Ecclesiae: sic enim est Christus in nobis, id est, in Ecclesia, & Ecclesia in Christo, quia ipse est caput, & Ecclesia est corpus.

QUINTVM testimonium sumunt hæretici ex illo ad Rom. 3. *Iustitia Dei in omnes & super omnes, qui credunt in eum.* Et ad Rom. 4. *Si ex lege hæreditas, eximata est fides, abolita est promissio.* Item ibidem: *Ideo ex fide, ut firma sit promissio.* Et ibidem: *Ideo reputatum est ei ad iustitiam.* Hinc enim colligunt, omnes qui credunt, etiam si nihil aliud agant, certissime iustificari, & hoc ipso iustificari, quod credunt. Proinde non pendere promissionem iustificationis ab illa conditione operis, & ideo nihil esse, quod illam incertam possit efficere. Itaque Kemnitius his locis citatis exclamat: *Hæc non verba sunt, sed fulmina contra Tridentinum decretum, quod dicit, Nemini, qui in fiducia & certitudine remissionis peccatorum, iuxta promissionem acquiescit, remitti peccata.* Paulus vero dixit, *ideo reputatum est ei ad iustitiam.*

Respondeo, Hæc omnia sunt à nobis explicata in primo libro, ideo nunc paucis respondemus. PRIMVM manifeste hallucinantur hæretici, cum existimant Apostolum loqui de fide, seu fiducia, qua quis credit, sibi remissa esse peccata. Nusquam enim id Apostolus significat, sed loquitur de fide, qua credimus, Christum resurrexisse à mortuis; & qua credit Abraham, se habiturum filium ex uxore vetula & sterili, iuxta promissum diuinum.

Deinde manifeste falsum assumunt, imo secum ipsi pugnant, cum dicunt promissionem non pendere ab illa conditione operis, & tamen requirere fidem. Nam ipsa fides est quoddam opus, & conditio; & omnino sufficit ad hoc, ut iustificatio reddatur incerta. Nam nemo certus esse potest certitudine fidei, se habere fidem illam, quæ requiritur ad iustificationem, cum hoc in nulla parte verbi Dei contineatur. Itaque certum est, omnes qui credunt, ut oportet, id est, viua fide, iustificari, sed nemo certus est ex fide, se fidem viuam habere. Rursus certum est, hominem iustificari ex fide, non ex lege, aut operibus, id est, non ex sola notitia legis, vel operibus factis solis naturæ viribus, sed ex gratia Dei, quæ primum inspirat fidem, ut per illam iustificatio impetretur, sed (ut diximus) nos sumus certi ex fide, nos vel fidem habere, qualis requiritur, vel per fidem impetrasse iustificationem. Denique certum est, Abraham reputatam fuisse fidem ad iustitiam, sed nemo certus est ex fide se talem habere fidem, qualem habuit Abraham. Obstat Kemnitius ex verbo Dei, se, aut alios in particulari habere eiusmodi fidem viuam, & per dilectionem operantem, & tum fulmina contra Concilium iactat; alioqui sciat, verba quidem Apostoli fulmina esse, sed per paralogismos non bene torqueri, vel potius in caput recidere imperiti fulminatoris.

SEXTVM testimonium sumunt ex illo ad Ro. 8. *Accipistis Spiritum adoptionis filiorum, in quo clamamus Abba Pater.* Ipse enim Spiritus testimonium reddit spiritui nostro, quod sumus filij Dei. At Spiritus testimonium certitudinem summam efficere debet, cum Spiritus sanctus nec falli possit, nec fallere. Atque hoc testimonium, ut vnum ex præcipuis non solum Calvinus & Kemnitius, sed etiam Catharinus maximus facit.

Respondeo, Duæ sunt huius loci expositiones,

ut etiam duæ sunt lectiones. Vna lectio est Latini codicis, quæ habet, Spiritum S. testimonium reddere spiritui nostro; Altera est codicis Græci, quæ habet, Spiritum S. simul testari cum spiritu nostro: *αὐτὸ τὸ πνεῦμα συμμαρτυρεῖ τῷ πνεύματι ἡμῶν.* Iuxta priorē respondemus cum Latinis interpretibus, Spiritum S. attestari spiritui nostro, quod sumus filij Dei, sed hoc testimonium non esse per verbum aliquod expressum, id est, per reuelationem, sed per experimentum cuiusdam suauitatis & pacis internæ, quæ non gignit certitudinem, nisi coniecturalem.

Iuxta posteriorem lectionem respondemus cum interpretibus Græcis, testimonium Spiritus nihil esse aliud, nisi ipsam orationem, qua dicimus: *Abba Pater.* Illa enim oratio testimonium est nostrum, & Dei: Nostrum, quia nos sumus, qui dicimus: *Abba Pater*, ac per hoc testamur hac ratione, Patrem nos habere Deum; Dei autem, quia Deus est, qui mouet nos, ut dicamus: *Abba Pater*, & hoc modo Spiritus Dei simul cum spiritu nostro testimonium perhibet, quod sumus filij Dei.

Sed hoc ipsum, quod videlicet Spiritus sanctus sit, qui nos mouet, cum dicimus: *Abba Pater*, non constat nobis ex fide diuina, sed solum ex coniecturis, quæ fallaces esse possunt. Multi enim non solum peccatores inter Catholicos, sed etiam hæretici dicunt Deo, *Pater noster qui es in celis*, & tamen non sunt ipsi vere filij Dei. Et Iudæis dicentibus Ioan. 7. *Nos unum Patrem habemus Deum*, Christus dixit: *Vos ex Patre diabolo estis.* Non igitur hoc testimonium fidem facit, nisi coniecturalem.

SEPTIMVM testimonium sumunt Calvinus, & Kemnit. ex illis verbis ad Rom. 8. *Certus sum, quia neque mors, neque vita poterit nos separare à charitate Dei.*

Respondeo, Duæ sunt etiam huius loci expositiones, Vna quod loquatur Apostolus de prædestinationis in genere. Ut sensus sit, certum esse, omnes prædestinatos perseveraturos in charitate Dei. Nam paulo ante dixerat idem Apostolus: *Scimus quoniam diligentibus Deum omnia cooperantur in bonum his, qui secundum propositum vocati sunt sancti.* Nam quos præscituit & prædestinavit, &c. Atque hæc est S. Augustini sententia de hoc loco Apostoli in libro de corrept. & gratia, cap. 7.

Altera expositio est, quod loquatur Apostolus de se in particulari, & alijs similibus sibi, sed per illud, *certus sum*, non intelligat certitudinem fidei diuinæ, sed quandam persuasionem & confidentiam, ad quam gignendam satis est certitudo cōiecturalis. Id autem ita esse perspicuum est ex verbo Græco, Nam *πέποιθα*, significat proprie persuasus sum, siue confidens; Nam comment. Ambrosij hoc loco, & S. Hier. in epist. ad Algaliam, q. 9. legunt: *Confido quia neque mors neque vita, &c.* & idem Apostolus in hac ipsa epist. c. 15. utitur eodem verbo, cum dicit: *Certus sum fratres mei, & ego ipse de vobis, quoniam & ipsi pleni estis dilectione, repleti omni scientia, &c.* Et 2. ad Tim. 1. *Certus sum autem quod & in te.* Et Luc. 20. *Certus sum enim Ioannem Prophetam esse.* Denique ad Heb. 6. ubi nos habemus, *Confidimus de vobis meliora*, habetur Græce *ἐμπιστεύωμεθα*. Quis autem ita desperet, ut dicat Apostolum certum fuisse ex fide, omnes Romanos plenos fuisse dilectione & scientia? Illa igitur est vis eius verbi in omnibus locis citatis, ut significet persuasionem & confidentiam, quam possumus habere ex varijs coniecturis, quamuis ea non sit eiusmodi, ut omnem formidinem prorsus excludat. Vide aliam expositionem huius loci apud Augustin. in libro de moribus Ecclesiae, cap. 11. & seq.

OCTAVVM testimonium sumunt ex cap. 2. prioris

ad Corin. ubi legimus: *Nos autem non spiritum huius mundi accepimus, sed spiritum, qui ex Deo est, ut sciamus quæ donata sunt nobis.*

Respondeo, Non loquitur Apostolus de notitia beneficiorum Dei, quæ in particulari ad hunc, aut illum pertinet, sed de notitia beneficiorum, quæ Deus præparavit electis suis, qualia sunt imprimis hæreditas, & gloria regni cælorum. Quam notitiam habemus per spiritum Dei, qui in Scripturis ea reuelavit, non per spiritum huius mundi, id est, nõ per sapientiam, & studium humanum. Nam paulo ante dixerat: *Et ego, cum venissem ad vos, fratres, veni non in sublimitate sermonis, aut sapientia, annuncians vobis testimonium Christi.* Et intra: *Sicut scriptum est, quod oculus non vidit, nec auris audiuit, nec in cor hominis ascendit, quæ præparavit Deus diligentibus se: nobis autem reuelavit Deus per spiritum suum.* Et intra cum dixisset: *Et sciamus quæ donata sunt nobis,* subiiecit continuo, *quæ loquimur non in doctis humana sapientia verbis, sed in doctrina spiritus.*

Nonum testimonium sumunt ex illo 1. ad Cor. 11. *Probet se unusquisque, & sic de pane illo edat.*

Respondeo, Hæc discussio, atque probatio non exigit certitudinem fidei, sed qualem possumus ex ipsa nostræ conscientie examinatione consequi. Ille enim paratus dicitur ad percipiendam Eucharistiam, qui post discussionem non est sibi conscius alicuius criminis, quod per poenitentiam expiare neglexerit, & neque fidem, aut charitatem, aut devotionem tanto Sacramento debitam sibi deesse bona fide existimat.

Decimum testimonium sumunt ex illo 1. ad Cor. 1. *Gloria nostræ hæc est, testimonium conscientie nostræ. At gloria ista, inquit, inanis esset, nisi testimonium conscientie certitudinem infallibilem gigneret.*

Respondeo, testimonium conscientie magnam lætitiæ adfert, sed non infallibilem certitudinem; non enim solum lætamur, & gloriamur de ijs rebus, quas certi sumus nos habere, vel habituros, sed etiã de ijs, quas vel nos habere confidimus, vel habituros esse speramus, quamvis non sine timore. Vnde etiam iubemur in Psal. 1. exultare cum tremore. Denique testimonium conscientie non parere certitudinem absolutam, testis est idem Apostolus, qui ait 1. ad Cor. 4. *Nihil mihi conscius sum, sed non in hoc iustificatus sum.*

Vndecimum testimonium sumunt ex illo 2. ad Cor. 13. *Vosmetipsos tentate, si estis in fide, an non cognoscitis vosmetipsos, quia Christus in vobis est, nisi forte reprobis estis?*

Respondeo, Loquitur Apostolus de præsentia Christi apud Corinth. non secundum gratiã gratum facientem, sed secundum potentiam, providentiam, & miracula, quæ apud illos faciebat. Alioqui enim cum idem Apostolus in toto eo capite & tribus præcedentibus, eos reprehendat, & severam ultionem comminetur, quomodo consequens esset, ut affirmare vellet omnes illos eo tempore iustos fuisse?

Sed ex verbis præcedentibus perspicuum erit, de qua præsentia Christi apud Corinth. loquatur Apost. Ecce, inquit, *tertio venio ad vos, in ore duorum, vel trium testimonium stabit omne verbum. Prædixi & prædico, ut præsens ijs, qui ante peccaverunt, & cæteris omnibus. Quoniam si venero, iterum non parciam. An experimentum quaritis eius, qui in me loquitur Christus, qui in vobis non infirmatur, sed potens est in vobis? Nam etsi crucifixus est ex infirmitate, sed vivit ex virtute Dei.* Hoc est, vultis ne experiri animadversionem Christi, qui per me tradat aliquos vestrum Satanæ, in interitum carnis? Nam etsi Christus secundum infirmitatem car-

nis crucifixus fuit, tamen nunc immortalis regnat per potentiam Dei, & quos vult punire potest.

Et mox adiunxit: *Nam & nos infirmi sumus cum illo, sed vivimus cum eo ex virtute Dei in nobis. Vosmetipsos tentate, &c.* id est, Nos quoque in vtraque, in infirmitate videlicet, & in poenitentia Christosimiles sumus; & ideo secundum infirmitatem multa quotidie patimur, secundum potentiam, signa, & prodigia facimus, & ex auctoritate Christi omnem inobedientiam castigare parati sumus. Id quod vel ex vobis ipsis intelligere potestis. Nam si vos ipsi consideretis, & ea, quæ apud vos facta sunt, si quid fidei in vobis est, & non estis traditi in reprobum sensum, facile cognoscetis, Christum in vobis esse, & res vestras administrare, & ipsum esse, qui per ministerium nostrum tradit inobedientes Satanæ in interitum carnis. Hæc est Apostoli sententia, ex qua nihil omnino colligi potest pro certitudine gratiæ.

Duodecimum testimonium sumunt ex capite 3. ad Ephes. *Per quem habemus fiduciam, & accessum in confidentia per fidem eius.* In Græco nomine fiduciæ est *πίστις*, id est, audacia. Audacia vero, inquit Calvinus, *plus est quam certitudo. Igitur per fidem plus quam certi sumus, nos esse gratos Deo, atque inde ad Deum audacter accedimus.*

Respondeo, Audacia non est certitudo, neque esse audacem, est esse certum, sed certitudo gignit audaciam. Itaque ex quadam certitudine summa, & infallibili audaces sumus. Cæterum ea certitudo nõ est de iustitia nostra, sed de veritate mysteriorum fidei. Nimirum quia certissimi sumus ex fide Catholica, Christum pro nobis, natum, passum & mortuum esse, & eundem resurrexisse & ascendisse in cælum, & nunc stare vultui Dei pro nobis, inde nos tanto intercessore freti, audemus confidenter accedere ad thronum gratiæ, & sperare à Deo indulgentiam, iustificationem, sanctificationem, & alia id genus beneficia. Itaque paralogismus Calvinus in eo consistit, quod per fidem accipiat notitiã propriæ iustificationis, quam nõ esse fidem, sed falsam persuasionem in primo libro copiose probauimus.

Tertiumdecimum testimonium sumunt ex epist. 1. S. Ioannis; nam in 3. c. sic legimus: *Scimus quoniam translati sumus de morte ad vitam, quoniam diligimus fratres.* Et c. 4. *In hoc cognovimus, quoniam in seipso manemus, & ipse in nobis, quoniam de Spiritu suo dedisti nobis.* Et c. 5. *Scimus quoniam ex Deo sumus.* Et ibidem: *Qui credit in filium Dei, habet testimonium Dei in se.*

Respondeo, *P. R. I. M. V. M.* Illæ voces, *scimus*, & *cognoscimus*, non necessario includunt certitudinem fidei divinæ. Dicimur enim etiam scire & cognoscere ea quæ ex signis & coniecturis colligimus. Deinde, quamvis B. Ioannes in prima persona loquatur, tamen sententiæ illæ generales sunt, non particulares: significant enim, eos translatos esse de morte ad vitam, qui diligunt fratres, & eos in Deo manere, & Deum in ipsis, qui habent in se spiritum Dei: & denique eos ex Deo esse, qui iuste & sancte vivunt. Loquitur autem S. Ioannes in prima persona, quia, bona spe confidebat, se vnum ex illis esse, qui diligunt fratres, qui habent spiritum Dei, & qui sunt ex Deo. Sicut etiam B. Paulus cum loquitur de prædestinatis, fere semper ita loquitur, quasi certus esset, non solum se, sed etiam illos omnes, ad quos scribit, in numero electorum fuisse, quia videlicet, id cupiebat, & sperabat.

Illud autem: *Qui credit in Filium Dei, habet testimonium Dei in se*, non est ad propositum. Quoniam non loquitur sanctus Ioannes de testimonio nostræ iustificationis, sed de testimonio divinitatis Christi. Di-

xerat enim paulo ante: *Hoc est testimonium Dei, quod maius est, quia testificatus est de filio suo. Et mox subiungit: Qui credit in filium Dei, habet testimonium Dei in se, id est, retinet, & conseruat, & acceptat testimonium Dei, non de se, sed de filio Dei in se, qui autem non credit, non recipit hoc testimonium in se, & ideo mendacem facit eum, qui de filio testificatus est, cum dixit: Hic est filius meus dilectus, in quo mihi bene complacui.*

Ultimum testimonium sumunt ex illo 2. Pet. 1. *Satagite, ut per bona opera certam vestram vocationem & electionem faciat.*

Respondeo, Hoc testimonium non adfertur à Lutheranis, & merito, quia cum eorum sententia manifeste pugnat. Ipsi enim certitudinem suā priorem operibus esse volunt, non posteriorem. Sed neque Catharinum hæc auctoritas inuat. Non enim certitudo, quæ ex operibus nascitur, potest esse certitudo fidei, sed tantum coniecturalis, ut omittam quod Apostolus non tam loquitur de certitudine ex parte subiecti, quam ex parte obiecti. Id enim monet, ut per bona opera certam, id est, ratam & firmā vocationem, & electionem faciamus. Nam cum Deus nos elegerit, ut essemus sancti & immaculati in conspectu eius in charitate, ad Ephes. 1. illi electionem suam confirmant, & certam reddunt, qui sancti & immaculati fieri student, & in charitate magis, ac magis, Deo adiuuante, proficiunt.

CAPVT X.

Soluantur argumenta ex Patribus.

EX Patribus multa testimonia Catharinus adducit, quædam etiam hæretici, Kemnitius, & Calvinus.

PRIMVS est Dionysius Areopagita in lib. de diuinis nominibus, c. 7. prope finem, qui sic ait: *Notuit penitus is, qui veritati coniunctus est quam bene se habeat, etiam si plures illum corripiant, quasi amentem.*

Respondeo, Fallitur Catharinus, existimans, loqui Dionysium de certitudine propriæ iustitiæ, cum ipse loquatur de certitudine Christianæ religionis, quæ stulticia eo tempore Gentilibus esse videbatur. Itaque sententia Dionysij est, pios Christianos omnino scire, & certos esse, quam bonum sit in Christiana religione viuere, quamuis propterea, ut stulti à mundi sapientibus arguantur. Et subiungit paulo post, sanctos martyres huic ipsi veritati quotidie libenter etiam cum vitæ periculo testimonium dare. Certe autē Sancti Martyres nō pro sua iustificatione, sed pro Christi diuinitate mortem oppetebant.

SECUNDVS est sanctus Basilius, qui in quaestionibus breuiter explicatis, q. 12. & 296. quaerit: *Quomodo certificatur anima, quod Deus dimiserit ei peccata?* Et respondet. *Si contemplantur ipsum in affectu eius, qui dixit, iustitiam odio habui, & abominatus sum.*

Respondeo, loquitur Basilius de certitudine coniecturali, quæ satis est ad animæ tranquillitatē. Alioqui enim certitudinem fidei diuinæ, non potest gignere quiquis affectus, & odium contra peccata, nisi Deus reuelare dignetur, affectum illum & odium esse purum & syncerum, atque ex vera Dei charitate, non ex solo pænæ timore procedere.

TERTIVS est sanctus Gregorius Nazianzenus, cuius testimonium adducit Kemnitius ex oratione de plaga grandinis: *Quis scis inquit, numquid conuertatur, & pœniteat, & relinquat post se benedictionem? ac-*

A qui manifeste hoc scio. Ego diuinæ clementiæ iam fidemissor. Nam iram, quæ præter naturam ipsius est, remittet, & ad misericordiam, quæ secundum naturam eius est, conuertetur.

Respondeo, Valde acutus est Kemnitius, qui videt argumenta etiam ubi non sunt. Quid enim hoc testimonium facit ad rem? affirmat vero Gregorius, se manifeste scire, Deū esse clementem, & nullis vere pœnitentibus indulgentiam denegare. Et verba illa Prophetica: *Qui seui si conuertatur, &c.* non falsa esse contendit, sed exponit, docens, dubitationem illam non pertinere ad ipsum Deum, quasi is nō velit pœnitentibus veniam dare. Nusquam autem Gregorius dicit, se manifeste scire, omnes qui videntur pœnitentiam agere, ex animo illam agere, neq; si fidei uisorem nostræ pœnitentiæ, quam perfecte scire non poterat, sed diuinæ clementiæ, cuius ex diuinis literis certissimus erat, offerre non dubitat.

QUARTVS est sanctus Ioannes Chrysostomus, cuius illa verba Catharin. profert ex hom. 14. in epist. ad Rom. *Quando vero Spiritus testatur, quamquam relinquatur ambiguitas? Et infra: Suprema illa essentia, quæ & hoc ipsum largitur, quod promittit, atque adeo orare etiam iussit, testimonium perhibente, quisnam, de dignitate hac deinceps dubitare audebit?*

Respondeo, S. Ioannes Chrysostomus explicat verba B. Pauli, de testimonio, quod Spiritus sanctus perhibet, dum efficit in nobis, ut clamemus *Abba Pater*. Ex quo testimonio certissime colligitur, eos qui vere, & ex corde dicunt, *Abba Pater*, esse filios Dei. Nā ista vox est à Spiritu scto, qui nulla ratione falli potest. At non dicit Chrysostomus, omnes qui dicunt, *Abba Pater*, ex corde, & sicut oportet, illud dicere, ac per hoc non affirmat Chrysostomus omnes qui dicunt, *Abba Pater*, hoc dicere, impulsos à Spiritu sancto, & proinde esse filios Dei. Itaque Chrysostomi sententia conditionata est, nō absoluta, generalis, non particularis.

QUINTVS est S. Cyrillus li. 10. in Ioan. c. 3. qui sic ait: *Cum non recte à discipulo uerba sua intellecta Christus videret, repetit rursus quod dixit, dilucideque docet, non solum cognitione ista communi, amicis suis se manifestaturū, sed excellentiori quodam fulgoris modo: Nam rudiores ab impio idololatri cultu cognitionem Dei vocati, solummodo per fidem discunt, quod vnus Deus, qui nos creatur, colendus est. Qui vero omni virtute mentem suam purgando apti iam ad maiora facti sunt, Spiritus illuminatione recepta, oculi animi habitantem in se Deum videbunt.*

Respondeo, Nulla est in hoc difficultas. Nam loqui videtur S. Cyrillus de notitia beata, quæ obtinebitur post hanc vitā, ut ex c. 1. & 2. intelligi potest. Proinde non distinguit rudiores à perfectioribus, id est alios ab alijs in hac vita; sed eodē ipsos rudiores in hac vita à seiphs perfectioribus in alia. Deinde, si loqueretur de notitia solius huius vitæ, diceremus, eum non prædicare certitudinem fidei, sed notitiam maiorem, quam vulgus habere consueuerit.

Iam vero ex Latinis PRIMVS, quem adducunt, S. Cyprianus est. Cuius auctoris duo loca profert Catharinus, vnum Kemnitius. PRIMVS locus est in lib. aduersus Demetrianum, ubi sic legimus: *Viget apud nos spes robur, & firmitas fidei. & inter ipsas sæculi labentes ruinas erecta mens, & immobilis virtus, & de Deo suo semper anima secura.*

SECUNDVS locus est in sermone de cœna Domini, ubi Cyprianus dicit, animam fidelem in perceptione Eucharistiæ mirabiliter affici dum videt, quod Deus condonet, & quid etiam donet. Et addit, *si donatam & sanctificatam agnoscens fletibus se abluit, & lacrymis se baptizat.*

TERTIVS locus est in lib. de mortalitate, vbi hæc habentur verba: *Quis hic anxietatis, & sollicitudinis locus est? quis inter hæc trepidus, & mortuus est, nisi cui spes & fides deest? eius enim est mortem timere, qui ad Christum transire nolit. Eius est ad Christum nolle ire, qui se non credit cum Christo incipere regnare. Scriptum est enim: Iustus ex fide vivit, si iustus es, fide vivis, si vero in Deum credis, cur non cum Christo futurus, & de Domini pollicitatione securus, quod ad Christum voceris, amplecteris? Item ibidem: Deus tibi de mundo recedens immortalitatem pollicetur, & tu dubitas? hoc est, Deum omnino non nosse, hoc est, Christum credentium Magistrum peccato incredulitatis offendere, hoc est, in Ecclesia constitutum, fidem in domo fidei non habere.*

Respondeo, primum testimonium omnino gratis adducitur. Fatemur enim apud omnes pios vigere spei robur, & fidei firmitatem, & animam de Deo suo semper esse securam. Sed negamus, inde sequi, ut certi sint certitudine fidei, de sua iustitia; ut enim securi de Deo vivamus, satis est, si certi simus, Deum fidelem esse in omnibus verbis suis, & non deferere suos, nisi prius ipse deferatur ab illis.

Alterum quoque testimonium non docet agnitionem certam certitudine fidei, sed experimentalem, & coniecturalem, quæ non ex testimonio, id est, ex verbo aliquo Dei, sed ex infusa divinitus lætitia, & suavitate oritur.

TERTIVM testimonium pugnat adversus eos, qui de promissionibus Dei dubitant, id est, qui non satis firmiter credunt, parata esse gaudia sempiterna diligenter Deum, & spem talem non gerunt qualis requiritur, & ideo nimis anxie mortem timeant, & fugiunt. Nos autem non negamus, oportere fidem certissimam, quæ dubitationem prorsus excludat, habere de divinis promissionibus, & spem etiam talem ac tantam, quæ desiderium moriendi pariat, quamvis ea spes cum timore coniuncta esse debeat propter incertitudinem dispositionis nostræ, ut hoc modo servamus Domino in timore, & exultemus ei cum tremore.

Reprehendi autem à S. Cypriano trepidationem natam ex incredulitate, perspicuum est, Tum ex verbis citatis, Tum etiam clarius ex verbis interiectis inter duo testimonia allegata. Sic enim loquitur Cyprianus: *Hoc autem sit, fratres dilectissimi, quia fides deest, quia nemo credit futurum esse, quæ promittit Deus. Si tibi vir gravis, & laudabilis aliquid polliceretur, haberes utique pollicenti fidem; nunc Deus tecum loquitur, & tu mente incredula perfidus fluctuas?*

At, inquit Kemnitius, hoc est, quod nos dicimus, divinæ promissioni fidem esse habendam etiam in particulari, ut ad nos pertinet, & per hoc nihil esse dubitandum de remissione peccatorum, vel æterna salute. Respondeo, Divinæ promissioni etiam in particulari fides habenda est, quantum pertinet ad veritatem promittentis. Et hoc dicit S. Cyprianus, & probat similitudine allata gravis alicuius & laudabilis viri.

Ceterum ex parte dispositionis nostræ, sine qua non iustificamur, potest locum habere formido. Promissio enim remissionis peccatorum, & salutis, non absoluta, ut Kemnitius somniat, sed conditionata, & ab operibus pendet, ut ipse S. Cyprianus multis in locis docet, ac præsertim in serm. 5. de lapsis, vbi inter alia sic loquitur: *Putas, inquit, in Dominum cito posse placari? putas enim facile misereri tui? orare oportet impensus, & rogare; diem luctus transigere, vigiliis noctes, & fletibus ducere, tempus omne lacrymosis lamentationibus occupare, stratos sola adherere cineri, in cilicio, & sordibus volitari, &c.*

Ergo cum ipse idem Kemnitius affirmet, Catho-

licos ideo dicere incertitudinē iustificationis, quia existimant eam pendere à conditione operum penitentiarum; quamvis non dubitent de promissionibus ex parte Dei; cogatur omnino, nisi secum pugnare velit, concedere, S. Cyprianum non docuisse certitudinem fidei habendam de remissione peccatorum absolute, sed tantum ex parte Dei, cum tam aperte idem Cyprianus doceat iustificationem ab operum penitentiarum conditione pendere.

Sæcundus ex Latinis, quem adducit Kemnitius, est sanctus Hilarius, cuius hæc verba citat ex commentar. in capit. 5. Matthæi: *Regnum cælorum, quod Dominus in se esse positum est professus, vult sine aliqua incerta voluntatis ambiguitate sperari. Alioquin iustificatio ex fide nulla est, si fides ipsa fiat ambigua.*

Respondeo, Hoc testimonium verissimum est, sed ad rem propositam nihil pertinet. Non enim loquitur S. Hilarius de fide propriæ iustificationis, quasi unusquisque sine ambiguitate credere debeat, sibi remissa esse peccata; sed de fide resurrectionis corporum, nisi quæ certissima sit, ita ut omnem dubitationem excludat, spes quoque nulla esse poterit. Quomodo autem iustificabitur ex fide, qui fidem verbo Dei resurrectionem futuram protestanti non habet? aut quomodo regnum Dei consequetur, qui illud venturum esse non sperat?

Loqui vero sanctum Hilarium de fide dogmatica resurrectionis, intelliget quicunque locum illum allegatum consulere voluerit. Dixerat enim paulo ante, quosdam ob præsentium delectationem, & futurorum desperationem fieri negligentes. Ac deinde in sequentibus explicauerat, desperationem futurorum inde nasci, quod nonnulli adduci non possunt, ut credant, corpora mortuorum esse resurrectura. Inde postea subiunxit, regnum cælorum sine ambiguitate sperandum, & quia spes oritur ex fide; addiderat, iustificationem nullam futuram, si fides ipsa sit ambigua.

TERTIVS est sanctus Ambrosius, cuius duo testimonia profert Catharinus, Vnum ex lib. 6. de Sacramentis, capit. 2. vbi dicit, animam post Baptismum susceptum, videre se à peccatis esse mundatam. Alterum ex sermone 5. vbi sic loquitur Ambrosius: *Quisquis illi sermone Christi adhærescit, efficitur, & ipse sermentum, tam sibi vult, quam idoneus omnibus, & de sua certus salute, & de aliorum acquisitione securus.*

Respondeo, in priore loco docet Ambrosius animam videre se ipsam esse mundatam, quoniam ita tibi persuadet, tum ex certa fide virtutis Baptismi, tum ex bona spe, quam de sua dispositione gerit. In eo vero fallitur Catharinus, quod ubicunque legit, videre, scire, cognoscere, & similia verba, continuo interpretatur de notitia fidei divinæ: cum tamen ea verba multis alijs modis accipi queant, & soleant.

In posteriore loco loquitur de certitudine conditionali, non absoluta, ut sensus sit, cum qui adhæret Christo, certum esse de sua salute, & de aliorum acquisitione, si Christo vere adhæreat, & in illo permaneat: quomodo loquitur Apostolus cum Timotheo. scribit: *Hæc faciens, & te ipsum salvum facies, & eos qui te audiunt.* Non loqui autem Ambrosium de certitudine absoluta, perspicuum est, quia non solum dicit, hominem fore certum de sua salute, sed etiam affirmat, eum fore securum de aliorum acquisitione. At ne Catharinus quidem dixerit, hominem iustæ certitudine fidei divinæ absolute esse de aliorum acquisitione securum.

QUARTVS est sanctus Hieronymus, cuius te-

Testimonium adferunt ex comment. ad ca. 6. ad Galat. tractans enim Hieronymus illa verba: *Vos qui spirituales estis, huiusmodi instruite in spiritu lenitatis, considerans scriptum, ne in sententia, obijcit ipse sibi: Ergo iustus, qui de sua certus est mente, qui scit se non posse labi, non debet instruere peccatorem in spiritu lenitatis. Admittit igitur Hieronymus, aliquos esse ita perfectos, ut certo sciant, se non posse labi.*

Respondeo, Non negamus esse quosdam, qui ex multis victorijs contra aliqua vitia probabilem certitudinem perseverantiae sint adepti. Nam qui ad senectutem virgines perueniunt, quod exemplum Hieronymus adfert, non immerito certi, ac securi dici possunt de sua continentia. Non enim probabile est, vinci posse in senectute, qui in adolescentia carnis petulantiam adeo gloriose vicerunt.

Nihil autem pugnat hoc testimonium contra sententiam nostram, Tum quia S. Hieron. loquitur de certitudine in aliquo certo genere virtutis, non absolute de iustificatione; Tum quia non loquitur de certitudine fidei, cui falsum subesse non potest, sed de certitudine coniecturali, atque humana.

Quintus est S. Augustinus, cuius vnum testimonium profert Calvinus, duo Kemnitius, multa Catharinus.

PRIMVS igitur locus est in tractatu super Psalmum octuagesimum octauum: *Hoc dixit Deus, hoc promisit Deus, si parum est, hoc inruit. Quia ergo non secundum opera nostra, sed secundum illius misericordiam firma est promissio, nemo debet cum trepidatione praedicare, de quo non potest dubitare.*

Respondeo, est argumentum hoc in specie magnum, in rei veritate nullum. Nam non loquitur sanctus Augustinus de verbo, aut iuramento Dei, quod iste, aut ille sit iustus, sed quod Christus sit perpetuo regnaturus in Ecclesia. Explicans enim versiculum illum: *Iuravi David seruo meo, usque in aeternum preparabo semen tuum: ait: In aeternum regnabit Christus in sanctis suis, hoc dixit Deus, hoc promisit Deus, &c.* Et quis credat sanctum Augustinum dicturum fuisse. Nemo debet cum trepidatione praedicare, si de praedicatione propriae iustitiae loqueretur; an non fuisset hoc ad iactantiam homines exhortari? igitur de regno Christi perpetuo, cuius absoluta est promissio, nec villo modo pendens ex operibus nostris, nemo debet cum trepidatione praedicare, de quo non potest sine perfidia dubitare.

SECUNDVS locus est in serm. 28. de verbis Domini: *O homo, faciem tuam non audebas attollere, oculos tuos in terram dirigebas, & subito accepisti gratiam Christi, omnia tibi peccata dimissa sunt. Ex malo seruo factus es bonus filius. Ideo praesume non de operatione tua, sed de gratia Christi. Non ergo arrogantia est, sed fides, praedicare quod accepisti, non superbia, sed deuotio. Ergo attolle oculos ad Patrem, qui te per lavacrum genuit, qui te per filium redemit, & dic, Pater noster.*

Respondeo, Hae omnia libenter amplectimur, asserimus, praedicamus, nec videre possumus, qua in re sententiae nostrae repugnent. Non enim hortatur Augustinus recens baptizatos, ut certo credant, sibi remissa esse peccata ea certitudine, qua credunt Christum esse Deum; id est certitudine fidei diuinae, sed ut confidant, se per Baptismum iustificatos, & filios Dei effectos, & ideo cum fiducia oculos ad Patrem attollant & dicant: *Pater noster.* Ad hanc enim fiduciam gignendam abunde sufficit fides, qua certissime credimus per Baptismum rite collatum, & susceptum omnia peccata deleri, & gratiam iustificationis infundi, & praeterea bona conscientia, quae non reprehendat cor nostrum de obiectione diuinae gratiae posito, id est, de

effectu aliquo erga peccatum. Itaque nos ipsi, qui contendimus, non posse quenquam sine peculiari reuelatione, certo scire, certitudine fidei, sibi remissa esse peccata, tamen quando Sacramenta percepimus, & cor nostrum non reprehendit nos, magna cum fiducia, & securitate dicimus, *Pater noster.*

TERTIVS locus est in tractatu 22. super Ioannem: *Oportet omnes nos exhiberi ante tribunal Christi, & tibi audeas promittere, quod in iudicium non venies? Absit, inquis, ut hoc ego tibi promittere audeam: sed credo promittenti. Saluator loquitur, veritas pollicetur, ipse dixit tibi, qui audis verba mea, & credit ei, qui me misit, habet vitam aeternam, & in iudicium non venit. Ego audivi verba Domini mei, credidi. Iam infidelis cum essem, factus sum fidelis, sicut ipse monuit, transi de morte ad vitam, ad iudicium non venio, non praesumptione mea, sed promissione ipsius.*

Respondeo, Ex promissione Christi potest vnusquisque, ut sanctus Augustinus recte docet, colligere, se transisse de morte ad vitam, & in iudicium non esse venturum. Ceterum, quaestio est, qua certitudine id possit colligere, id enim Augustinus non explicat. Nos vero dicimus, id eum posse colligere certitudine infallibili, planeque diuina, si promittentis fidelitas attendatur. sin autem consideretur dispositio propria, non maiorem certitudinem illi damus, quam coniecturalem. Quoniam promissio Christi non absoluta, sed conditionalis est. Non enim dixit absolute Christus tu, in iudicium non venies, aut ille in iudicium non veniet: sed qui audis verba mea, & credit ei, qui misit me, in iudicium non veniet. Vtrum autem ego verba eius, sicut oportet, audierim, & crediderim; mihi ipse non dixit, sed experientiae meae, quae fallax esse potest, credere me oportet.

QUARTVS locus est super Psal. 149. *Est ergo modus gloriandi in conscientia, ut noueris fidem tuam esse sinceram, ut noueris spem tuam esse certam, ut noueris charitatem tuam esse sine simulatione.*

Respondeo, Loquitur sanctus Augustinus de notitia humana, & coniecturali, quae sufficit ad gloriam conscientiae, de qua dicit Apostolus 1. ad Cor. 1. *Gloria nostra haec est, testimonium conscientiae nostrae.* Nam ibidem admonet Augustinus, cum hac notitia & gloria, posse consistere peccatum occultum, & ideo scriptum esse Prouerbiorum 20. *Quis gloriabitur mundum se esse a peccato? sed quoniam, inquit, multa sunt adhuc, quae possunt forte offendere oculos Dei, laudam qui ista tibi donauit, tunc perficiet, quod donauit, id est, laudam eum, quod scias te multa peccata non fecisse, & non habere, & ipse dabis etiam ut auferantur, si qua habes occulta.*

QUINTVS locus est in sermone sexto de verbis Apostoli fere extremo: *Si quis Spiritum Christi non habet, hic non est eius. Ecce adiuvante ipsius misericordia Spiritum Christi habemus, ex ipsa delectatione iustitiae integra fide, Catholica fide, spiritum Dei in nobis esse cognoscimus.*

Respondeo, Hunc locum, quem tanti fecit Catharinus, ut diceret, per eum plane obstrui ora omnium aduersariorum, dico nihil omnino concludere, si ambiguitas sententiae tollatur a medio. Illud enim Catholica fide, non debet referri ad modum cognoscendi, sed ad signum, & coniecturam. Non enim significauit S. Augustinus nos Catholica fide cognoscere, Spiritum Dei esse in nobis; quasi Spiritum Dei esse in nobis, sit obiectum fidei Catholicae: Sed dicit, nos ex fide Catholica, quam habere nos experimur, tanquam ex quodam signo colligere posse, Spiritum Dei esse in nobis.

Hanc autem esse mentem sancti Augustini evidenter probamus ex eo, quod idem Augustinus coniungit cum fide Catholica delectationem iustitiæ, dicens: *Ex ipsa delectatione iustitiæ, integra fide, Catholica fide, spiritum Dei in nobis esse cognoscimus.* Nam vel particula *ex*, refertur etiam ad fidem Catholicam, vel non refertur: si refertur, tunc sensus iste erit, ex delectatione iustitiæ, & ex Catholica fide, tanquam duobus signis, spiritum Dei in nobis esse cognoscimus. Si non refertur, iste erit sensus, ex delectatione iustitiæ, tanquam ex quodam signo cognoscimus fide Catholica, Spiritum Dei esse in nobis. Hæc autem sensus absurdissimus est & repugnantiæ involuit, quomodo enim Catholica fide cognoscimus, si ex iustitiæ delectatione cognoscimus? fides enim Catholica, in diuina reuelatione, non in nostra delectatione niti debet. Itaque idem est, ac si diceret, sententiæ aliquam se certissima demonstratione concludere ex argumento topico. Prior igitur sensus qui verus est, Augustino tribui debet.

Adde, quod cum Tridentinum Concilium, ipso etiam Catharino teste, definiat, non posse haberi de propria iustitiæ certitudinem fidei Catholicæ, si Augustinus diceret contrarium, ut iam videtur Catharinus velle, pugnaret Concilium cum Augustino, & Catharinus cum Concilio. Quæ si Catharinus concedere non audeat, non dicat etiam eo testimonio obstrui ora contra sentientium.

Sextus locus est in tractatu septuagesimo quinto, super Ioannem: *Tunc eris, & possimus videre quod credimus. Nam nunc est in nobis, & nos in illo. Sed hæc nunc credimus, tunc etiam cognoscemus.* Ergo (inquit Catharinus) nunc fidei certitudine certis sumus, Christum esse in nobis, & nos in illo.

Respondeo, Ita est, sed Christum esse in nobis, & nos in illo, non significat in me, aut in te, in particulari esse Christum per gratiam iustificationem, sed significat Christum esse in Ecclesia, ut caput in corpore, & Ecclesiam esse in Christo, ut corpus in capite.

Septimus locus est in lib. 11. de Trinit. cap. 1. *Fidem ipsam vides quisque esse in corde suo, si credit, vel non esse, si non credit.* Et lib. 8. cap. 8. *Qui diligit, inquit, fratrem, magis nonis dilectionem, qua diligit, quam fratrem, quem diligit.*

Respondeo, loquitur sanctus Augustinus de actione credendi & diligendi. Certissimi enim sumus nos credere & diligere, quando credimus & diligimus, sed verum actus illi sint, quales oportet, & verum ex habitu proficiantur, sine reuelatione sciri non potest.

Octavus locus est in tractatu super epistolam Ioannis, *Nemo interroget hominem, redeat ad cor suum, si inueniens charitatem, securus sit, quia transijt a morte ad vitam.*

Respondeo, Charitas sine ulla dubitatione vivificat, & ideo si quis illam inueniat in corde suo, securus merito esse potest. Cæterum quamvis possit unusquisque in corde videre actum dilectionis, tamen (ut dixi) non potest certo cognoscere, siue ille actus veræ charitatis, an non. Proinde poterit quidem securus esse, quoniam ad hoc sufficit certitudo moralis, non tamen certus erit certitudine fidei, cui falsum nulla ratione subesse possit.

Nonus locus est in libro de pœnitentiæ medicina, cap. 1. *Dimitte nobis debita nostra, non dicimus pro ijs peccatis, quæ remissa credimus in Baptismo, nisi de ipsa fide dubitemus.*

Respondeo, Illud (credimus) positum est pro eo quod est, existimamus, censemur, arbitramur. Unde in lib. 2. aduersus Cresconium, ca. 28. eandem sen-

tentiam idem Augustin. repetens, usus est verbo, *confidimus.* *Dimitte nobis, inquit, debita nostra, non dicimus, pro ijs debitis, quæ semel in Baptismo dimissa esse confidimus.* Illud autem, *nisi de ipsa fide dubitemus*, ideo positum est, quoniam si quis dubitet, an in Baptismo peccata omnia deleantur, de ipsa fide Baptismi dubitare censetur, non quod fieri non possit, ut vel propter defectum intentionis ministri, vel propter indispositionem susipientis non sint deleta peccata, sed quia ut plurimum nulla est rationalis causa dubitandi de intentione vel dispositione, quod attinet ad Baptismum rite ministrandum & suscipiendum; & ideo si quis dubitet de ipsa efficacia Baptismi, hoc est, de fide Catholica dubitare videbitur.

Dices, ergo talis certitudo haberi debet de remissione peccatorum in Baptismo, ut omnem dubitationem prorsus excludat.

Respondeo, ita esse, si per dubitationem intelligas eam animi dispositionem, per quam neutri parti assentiri quis audeat, illi enim dubij proprie sunt, qui ita fluctuant, ut nihil decernere audeant. At si per dubitationem intelligas formidinem, quam interdum habemus de contraria parte, etiam si vni parti assentiamur, nego talem certitudinem haberi debere, quæ dubitationem, id est, formidinem prorsus excludat. S. autem Augustinus dicit, eos dubitare de fide, qui dicunt, *Dimitte nobis debita nostra*, pro ijs peccatis, quæ in Baptismo dimissa esse confidere debent, quoniam qui orant pro illis peccatis, videntur esse dubij priore modo, ac per hoc anxij & fluctuantes, quæ fluctuatio non præsumitur nasci, nisi ex defectu fidei de efficacia Sacramenti, ut dictum est.

Decimus locus est in tractatu super Psal. 85. *Dicit unusquisque fidelium, sanctus sum, non est ista superbia elata, sed confesso non ingrati.*

Respondeo, dicat sane unusquisque fidelium, qui nihil sibi conscius est, ex bona spe, sanctus sum. Nam ex fide diuina non potest hoc dicere, nisi hoc ipsum Deus ei reuelauerit. Alioqui falsa esse posset fides, cum facile fieri possit, ut aliqui sanctos se esse credant & non sint.

Sextus est sanctus Leo in serm. 2. de festo Paschæ: *Discutiant se fidelium mentes, & intimos sui cordis affectus vera examinatione dijudicent, ut si depositum aliquod in conscientia sua de fructibus charitatis inueniant, Deum sibi inesse non dubitent.* Et idem habet in serm. 8. de Epiphania.

Respondeo, eadem est sententia S. Leonis, quæ S. Augustini in tractat. 5. in epist. Ioannis. De quo loco paulo ante loquuti sumus.

Septimus est sanctus Gregorius in primo libro Dialogorum, capite primo: *Mens qua sancto Spiritu impletur, habet evidentissima signa sua, viventes scilicet & humilitatem, quæ si utraque perfecte in una mente conveniunt, liquet, quod de præsentia sancti Spiritus testimonium ferant.*

Respondeo, loquitur sanctus Gregorius de evidentia signorum, quæ quamvis tanta sit, quanta esse potest, semper tamen est evidentia signi, id est, coniecturalis; ac per hoc certitudinem efficit coniecturalem, non fidei diuinæ. Deinde, non videtur loqui sanctus Gregorius de notitia, quam unusquisque habet de se, sed potius quæ habet de alijs, in quibus videt cum summis virtutibus humilitatem esse coniunctam.

Octavus est S. Anselmus in comment. ad cap. 8. ad Rom. *Per hoc, quod Spiritus sanctus charitatem nobis infundit, quia nos facit imitatores esse diuinæ bonitatis, ut diligamus inimicos, evidenti testimonio declarat mentis nostræ, nos esse filios Dei.*

Respondeo, loquitur de evidentia signorum, ut paulo ante dicebamus, signum enim omnium maximum gratiæ Dei, est dilectio, ac præsertim inimicorum.

Nonus est sanctus Bernardus, quem pro sententia sua omnes adducunt, Lutherus, Calvinus, Philippus, Bucerus, Kemnitius: & ex Catholicis Catharinus. Is igitur in serm. 1. de Annunciatione Dominica, habet hæc verba: *Si credis peccata tua non posse deleri, nisi ab eo, cui soli peccasti, & in quæ peccata non cadis, benefacis, sed adde adhuc ut credas, quia per ipsum tibi peccata donantur. Hoc est testimonium, quod perhibet in corde nostro Spiritus sanctus, dicens: Dimissa sunt tibi peccata tua. Sic enim arbitratur Apostolus, gratis iustificari hominem per fidem.*

Respondeo, S. Bernardus in eo sermone, proponit explicanda illa verba Psalmi, *ut inhabites gloria in terra nostra.* Et statim in ipso principio, dicit hanc gloriam esse illam de qua loquitur Apostolus. 1. Cor. 1. *Gloria nostra hæc est, testimonium conscientie nostræ.* Deinde docet, hoc testimonium cōscientiæ, esse testimonium, quod perhibet Spiritus sanctus in corde nostro, non testimonium, quod ipsi perhibemus de nobis. Et addit, esse testimonium triplex, de remissione peccatorum, de meritis vitæ æternæ, de electione ad gloriam.

Ut autem quis habeat hoc testimonium triplex, & possit dicere: *Gloria nostra hæc est, &c.* Tria necessaria esse demonstrat.

PRIMUM est, ut quis credat, non posse haberi remissionem peccatorum, neque merita, neque vitam æternam, nisi per gratiam Dei. Et de hoc primo non est quæstio, certum enim est, hoc debere credi fide Catholica.

SECUNDUM est, ut quis credat, per Christum sibi indulgeri peccata, donari merita, & paratam esse vitam sempiternam. De hoc secundo, quæstio est, quo pacto intelligi debeat.

Aliqui ex Catholicis dicunt, sanctum Bernardum non loqui de fide Catholica, sed de fide quæ haberi potest ex coniecturis & signis, ut sensus sit debere hominem sibi persuadere & confidere sibi remissa esse peccata, non tamen id certo credere certitudinæ fidei divinæ. Sed hæc responsio non videtur solida, Tum quia S. Bernardus eadem voce (*credendi*) utitur, cum dicit, credendum esse, non posse deleri peccata, nisi per gratiam, & cum dicit, credendum esse per Christum remitti peccata: & in priore sententia sine dubio loquitur de fide Catholica, nō de persuasione ex signis, neque credibile est, eum intra duas lineas æquivocatione uti voluisse: Tum, quia mox adiungit de hac fide, qua credimus, nobis per Christum remitti peccata, *Sic enim arbitratur Apostolus, gratis iustificari hominem per fidem.* At certe non iustificamur per illam persuasionem ex signis, sed per veram & Catholicam fidem.

Dico igitur, sanctum Bernardum loqui de fide Catholica, qua credimus Deum velle nobis peccata remittere, & re ipsa ex parte sua remittere, modo conditio impleatur, de qua paulo post dicemus, non autem loqui de fide, qua absolute, & sine respectu dispositionis credamus nobis peccata remitti, ut hæretici somniant. Id autem probō.

PRIMUM, quoniam S. Bernardus sicut dicit, credendum esse nobis remitti peccata, ita etiam dicit in eodem loco, credendum esse nobis donari merita, & paratam esse vitam æternam, at idem Bernardus in epist. 107. & in sermone 1. de septuagesima, & alibi, discretis verbis dicit, de vita æterna consequenda spem nos habere, non securitatem.

Deinde, idem Bernardus probare volens, nos debere credere, peccata per Christum nobis remitti, merita donari, & vitam æternam esse paratam, dicit, argumenta validissima esse Christi mortem, resurrectionem & ascensionem. At hæc argumenta vere validissima sunt ad probandum, Deum velle peccata remittere, & ex parte sua re ipsa illa remittere, & merita donare, & vitam æternam parare. Non enim Christus mortuus est, resurrexit & ascendit, ut ostenderet sine sua gratia non posse deleri peccata, haberi merita & vitam æternam, sed ut ostenderet se velle ista omnia præstare, & re ipsa ex parte sua iā præstare. At non probant hæc argumenta nobis in particulari, sine vlla dispositione ex parte nostra, dimitti peccata, donari merita & vitam æternam. Nam si ita esset, omnes homines iustificarentur & saluarentur, quia pro omnib⁹ Christus mortuus est & resurrexit.

TERCIO, idem Bernardus paulo post (ut mox dicemus) aperte docet, multas condiciones ex parte nostra requiri, ut iustificemur & saluemur: non igitur docet, credendum esse absolute, nobis remitti peccata, donari merita, & vitam æternam.

Adde ultimo, quod cū Bernardus antea loquutus esset de potentia Dei, cum dixit, necessarium esse credere, non posse deleri peccata, haberi merita, & vitam æternam, nisi per gratiam Dei, recto ordine adiungit, credendum esse secundo loco, Deum velle delere peccata, donare merita, & vitam æternam, ut habeamus primo testimonium potentie, secundo testimonium voluntatis. Atque hæc de secundo.

TERCIUM, quod necessarium esse demonstrat S. Bernardus, est, ut nobis applicetur in particulari remissio peccatorum, & merita donentur, & spes vitæ æternæ conferatur, ut non solum habeamus testimonium potentie, & voluntatis, sed etiam executionis. Et in hoc tertio non dicit Bernardus, credendum esse, sed potius experiendum an habeamus condiciones, quæ requiruntur. Sic ergo (inquit, loquens de applicatione in particulari) *inhabitas hæc gloria etiam hic in terra nostra, si misericordia, & veritas obviunt tibi, & sese iustitia & pax osculantur. Præveniens siquidem misericordia, ut veritas nostræ cōversionis occurrat, necesse est, ut de cætero sanctimoniam sectemur & pacem, sine qua nemini videbitur Deum. Vbi enim compungitur quis, tunc cum misericordia prævenit, sed nequaquam ingreditur, donec ei veritas confessionis occurrat. Et hoc quidem, ut declines à malo. Iam vero ut facias bonum, in tympano, & choro tibi psallendum est, ut ipsa mortificatio carnis tuæ, & penitentia fructus, ac iustitia opera in unitate & concordia fiant.* Et infra: *Sane quisquis ille est, in quo misericordia, & veritas obviaverunt tibi, iustitia & pax osculata sunt, securus gloriatur, sed in eo qui tibi testimonium perhibet in spiritu, utique veritatis.* Hæc ille.

Vides igitur sanctum Bernardum non docere absolute credendum esse sine respectu operum, nobis remitti peccata; sed eum requirere conditionē cōversionis, confessionis, fructuum penitentiae, & similibus operum, ex quibus, ut ex signis quibusdam gignitur persuasio & securitas gratiæ, nō tamen certitudo fidei Catholicæ, vel divinæ. Hunc locum fufius explicare volui, quoniā ex verbis huius sermonis perperam intellectis, duxit originem perniciofa illa hæresis de fide speciali, quæ magnam partem Septentrionis infecit.

CAPVT XI.

Soluntur argumenta ex ratione.

PRÆTER testimonia Scripturarum & Patrum, multas quoque rationes colligunt adversarij.

PRIMAM

PRIMAM rationem ducunt ab exemplis sanctorum, qui certi fuisse narratur de sua iustitia. Enumerant Kemnitius, & Catharinus Sanctos Patriarchas, Abel, Henoch, Noe, Abraham, & similes, quos ipsa Scriptura commendat.

Sed facilis est responsio. PRIMVM enim pauci illi viri, & ij valde eximij: fortasse peculiari reuelatione certi fieri meruerunt de gratia, quam apud Dominum inuenerunt. Certe ad Abraham manifeste dictum esse legimus Genes. 22. *Nunc cognoui, quod timeas Dominum*, id est, nunc te cognoscere feci, quod verus sis cultor & amator Dei. Sic enim exponit S. Augustinus quæst. 57. & 58. in Genesim, ex quo intelligimus, non esse commune omnibus iustis, ut se iustos esse certo sciant. Quandoquidem Patriarcha Abraham, tot annis pie Deo seruierat, & tamē tunc solum audire meruit. Nunc cognoui, quod timeas Deum, quando ad imperium Dei vnigenitum filium immolare decreuit. Deinde, Scriptura dum sanctos commendat, & eorum iustitiam & virtutes laudat, nos certos reddit, quibus id vtilissimum erat, potius quam illos.

SECUNDAM rationem petunt Kemnitius & Calvinus à veritate promissionum. Deus enim, qui mentiri non potest, gratiam promissit non solum in genere omnibus, sed etiam in particulari singulis. Id enim sonant illa verba Zachariæ 9. *Ecce Rex tuus venit tibi*. Et Lucæ duodecimo: *Complacuit patri in te*. Addit Calvinus in Antidoto confirmationem ex Concilio Tridentino: *Concilium sessione 6. cap. 9. monet, ut nemo dubitet de efficacia passionis Christi, ac nunquid in aere*, inquit Calvinus, *locanda est ista efficacia? Si efficax fuit Christi passio, certe tibi & tibi suis efficax, non Ideæ Platonice*.

Respondeo, multa de hac re diximus in primo libro, ideo breuiter nunc respondemus, PRIMVM promissiones allegatas non esse particulares, sed generales. Illud enim, *Ecce Rex tuus venit tibi*, dicitur filiæ Sion, id est, toti Ecclesiæ. Et illud, *Complacuit patri in te*, dicitur toti gregi pusillo, id est, eidem Ecclesiæ. Deinde addimus, promissiones istas posse quidem etiam applicari singulis in particulari, sed tunc esse conditionatas, non absolutas. Non enim quæ promittuntur Ecclesiæ, conueniunt singulis hominibus, nisi illi per fidem & charitatem incipiāt esse mēbra viua corporis Ecclesiæ, immo nisi prius renascantur ex aqua & Spiritu sancto, & postea seruent omnia quæ mandata sunt.

TERTIAM rationem sumunt iidem ab efficacia & proprietatibus fidei & spei. Scriptura enim tribuit fidei *πληροφορίαν*, id est, plenissimam certitudinem, ad Hebr. 10. Item ut sit coniunctio & hypostasis, ad Hebræos 11. Et Iacobi 1. Fidei opponitur hæsitatio. Præterea ipsi etiam spei tribuitur firmitas & certitudo, imo & *πληροφορία*, ad Hebr. 6. vbi etiam comparatur anchoræ propter stabilitatem & immobilitatem: Igitur promittenti Deo remissionem peccatorum debet homo firmissime, ac certissime credere & confidere, sibi remitti peccata. Alioqui fides & spes dubiæ esse possent.

Respondeo, quod attinet ad Fidem, nulla est in hac parte difficultas. Fides enim certissima est. Neque vllus vnquā Catholicus, dixit fidem non esse certā, aut posse dubitari, vel cum formidine assentiri, in ijs, quæ ad fidem pertinent. Sed paralogismus aduersariorum in eo positus est, quod assument remissionem peccatorum, siue iustificationem vniuersiusque, ad fidem proprie dictam pertinere, quod falsum esse ostēdimus in primo libro: neque possunt aduersarij vllum argumentum, non solum vere soli-

um, sed neque in speciem solidum contra proferre.

Quod autem attinet ad spem, fatemur eam quoque esse debere certissimam, sed in suo genere. Alia enim fidei, alia spei certitudo est. Duplex igitur in spe certitudo considerari potest, vna, ex parte voluntatis, altera, ex parte intellectus. Ex parte voluntatis certitudo spei est firma adhæsiō voluntatis ad rem speratam, & hæc maxima esse potest, etiam si ex parte intellectus non sit homo certus, se rem illam consecuturum. Immo videtur spes non solum non exigere, sed nec ferre posse ex parte intellectus certitudinem absolutam. Nam quod certo scimus nos habituros, non proprie speramus, sed simpliciter expectamus. Hoc enim modo animæ beatorum non proprie sperant corporum resurrectionem, sed tantum expectant, quia certissimæ sunt ex parte intellectus, eam sibi deesse non posse. Itaque Hæretici nostri temporis, qui certitudinem absolutam ex parte intellectus, requirunt de iustificatione & salute, nullum locum spei proprie dictæ relinquunt.

Quamuis autem (ut diximus) absolutam certitudinem spes non requirat, ex parte intellectus, tamen habet etiam ex parte intellectus duplicem certitudinem.

PRIMA oritur ex fundamento spei primario, quod est promissio Dei. Certi enim sumus, Deum non posse fallere. Et si quidem nihil requireretur ad iustificationem, vel salutem nisi promissio Dei, haberemus etiam de his rebus absolutam, & infallibilem certitudinem: tamen quia requiruntur etiam alia, de quibus non sumus tam certi, ideo spes non expellit omnem timorem. De hac certitudine ex parte fundamenti, loquitur Apostolus 1. ad Timotheum primo: *Scio cui credidi, & certus sum, quia posui depositum meum seruare in illam diem*. Et ad Hebræos 6. Interpositus (Deus) iurandum, *ut per duas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem, quam sicut anchoram habemus animæ tutam ac firmam*.

Altera certitudo spei ex parte intellectus oritur ex charitate, ac per hoc non conuenit nisi hominibus iustis. Amicus enim ab amico omnia bona sperare potest, neque periculum est, ne confundatur. De hac certitudine scribit Apostolus ad Rom. 5. *Sperare autem non confundit, quia charitas Dei diffusa est in cordibus nostris*. Et si quidem amicitia ista cum Deo corrumpi non posset, infallibiliter & absolute de salute securi essent, qui charitate cum Deo coniuncti sunt: tamen quia dum peregrinamur à Domino, fieri potest, ut qui amicus est, iterum fiat inimicus. Idcirco non possunt etiam iusti sine timore aliquo vivere.

Habemus igitur spem Christianorum certissimam esse, tum ex parte voluntatis, tum ex parte intellectus, sed ex parte intellectus certitudinem absolutam & infallibilem habere, ratione fundamenti, & ratione formæ, id est, ratione promittentis Dei, & ratione Charitatis, quæ est forma spei: & solum ratione propriæ dispositionis formidinem aliquam habere coniunctam.

QUARTAM rationem ducunt aduersarij ex natura & efficacia Sacramentorum. Sed aliter hoc argumentum texunt hæretici, aliter Catharinus. Hæretici sic ratiocinantur: Sacramenta sunt instituta ad obsignandam gratiam per Christum acceptam, vel quæ per Christum accipitur, ut nimirum hoc symbolo externo sustentetur fides, & certi reddamur de eo, quod non videmus. Igitur qui dicit, baptizatos non esse certos de remissione peccatorum, iniuriam

Sacramentis facit, & ipsi etiam deo, quod fallacia signa instituerit. Præterea cum Minister absolute in Christi nomine pronunciat, Ego te absolvo, vel est certum quod dicit, vel incertum; si certum, igitur peccat qui non credit, se certo esse absolutum, ac per hoc iustificatum; si est incertum, igitur peccat minister, tam audacter pronuntiās Christi nomine, quod fortasse est falsum: *Et posset ei dici, inquit Lutherus, Domine tu mentiris.*

Catharinus autem in hunc modum argumentum proponit, Sacramenta non ponenti obicem certo gratiam conferunt; præest autem qui Sacramentum recipit, certo scire à se obicem nullum poni: igitur potest idem ipse certus esse, sibi peccata esse dimissa.

Respondeo, Falso assumunt Hæretici Sacramenta instituta esse præcipue ad fidem sustentandam, & nos certos Dei voluntate reddendos: nam (vt in lib. 1. de Sacramentis in genere demonstraui) si ita esset, frustra baptizarentur infantes & amentes, qui eiusmodi effectus capaces non sunt. Potissima igitur causa institutionis Sacramentorum est, vt sint instrumenta iustificationis efficiendæ. Et ideo B Paulus ad Titum 3. non dixit, certos nos fecit, sed, *saluos nos fecit per lauacrum*; neque lauacrum dixit certificationis (vt sic loquar) sed, *regenerationis & renouationis*. Et ad Eph. 5. non dixit, certam faciens Ecclesiam, sed, *mundans eam lauacro aquæ in verbo vitæ*. Concedimus tamen Sacramenta non solum esse causas, sed etiam signa iustificationis, & quidem infallibilia ex parte sua, nõ absolute. Non enim significat cæremonia illa Baptismi, hominem absolute lauari & mundari à peccato, sed lauari & mundari, quod attinet ad vim, & efficaciam Sacramenti, modo non impediatur effectus per indispositionem susipientis. Requiritur autem dispositionem fidei & penitentiam, & posse fieri, vt quis fidem, & penitentiam simulans ad Baptismum accedat, neque hæretici negant.

Itaque non sunt fallacia signa, neque potest dici Ministro, Domine tu mentiris, si quis forte ficto corde accedens, à Ministro, qui id ignorat, simpliciter baptizetur, non enim ille cum dicit, ego te baptizo, aliud significat, nisi, ego Sacramentum tibi præbeo, quod vim habet omnia peccata delendi, vel (quod est in me) ablui te, & munda à sordibus peccatorum. Et hoc ipsum est, quod credere tenetur, qui Sacramentum recipit, nimirum sibi remitti peccata vi Sacramenti illius, nisi forte ipse per indispositionem suam in causa sit, cur non succedat iustificationis effectus.

Iam vero ad Catharinum respondeo, argumentum eius recte concludere, posse eum, qui non est sibi conscius fraudis alicuius, certum esse de remissione peccatorum, sed certitudine quadam humana & morali, non certitudine fidei. Quoniam (vt supra ostendimus) non potest haberi certitudo fidei (si reuelationem remoueas) de intentione Ministri, sine qua non perficitur Sacramentum, neque de remotione omnis impedimenti: cum fieri possit, vt aliquis non sit sibi conscius obicis, & tamen re ipsa obicem ponat, cum effectum gerat ad peccatum aliquod lethale, quod esse peccatum ignoret.

Quintam rationem ducit Kemnitius ab origine sententiæ nostræ. Scribit enim eam ortam esse ab errore Phariseorum & Nouatianorum. Quod inde probat, quoniam Pharisei (vt ipse dicit) non dubitabant de remissione peccatorum in genere, sed mormurabant, quia Christus iubebat homines confidere, sibi in particulari dimissa esse peccata. Nouatiani vero (vt ex Ambrosio de penitentia, & ex historia tripartita lib. 8. Kemnitius

A citare se dicit) non dubitabant in genere posse dimitti peccata, sed an Minister deberet certo affirmare, an dubitative in particulari penitentibus peccata dimitti.

Respondeo, Hæc vero non argumenta, sed imposturæ & mendacia sunt. Nam Euangelium aperitissime testatur, Phariseos non mormurasse, quod Christus iuberet in particulari fiduciam concipi de remissione peccatorum, sed quod se Deum facere videretur, dum potestatem peccata relaxandi soli Deo propriam sibi sumebat. Sic enim Pharisei loquuntur, Marci 2. *Quid hic sic loquitur? blasphematur. Quis enim potest peccata dimittere, nisi solus Deus?* Et Lucæ 7. *Quis est hic, qui etiam peccata dimittit?* Adde quod Dominus non iussit, homines credere fide Catholica, sibi peccata esse dimissa, sed tantum confidere. Quod ipsum Catholici omnes docent, quippe qui sciunt fidem & fiduciam non esse idem, & posse hominem confidere sibi remissa esse peccata, etiam si ex parte intellectus, non habeat eius rei certitudinem absolutam.

Quod ad Nouatianos pertinet, mirum est, cur audeant Lutherani nobis errorem Nouatianorum tribuere, cum ipsi verissimi sint Nouatiani. Nam error Nouatianorum ille erat, quod nullum in Ecclesia Sacramentum penitentiam & reconciliationis agnoscebant distinctum à Baptismo. Quod ipsum Lutherani omnes docent. Sed quoniam nondum Satanas inspirauerat Nouatians, vt dicerent per memoriam Baptismi posse homines reconciliari, quod Lutheranis postea inspirauit, ideo Nouatiani lapsos post Baptismum monebant, vt cum Deo agerent, in Ecclesia enim non esse potestatem reconciliandi. Sic Ambrosius loquitur lib. primo de penitentia, capite 1. *Assunt Nouatians se Domino deferre reuerentiam, cui soli remittendorum criminum potestatem permittunt.* Et Socrates libro octauo Tripart. & libro quarto historiarum suarum, capite vigesimo tertio: *Nouatus, inquit, Ecclesijs scribebat, ne eos, qui demonibus immolauerant, ad Sacramenta suscipere, sed inuitarent quidem ad penitentiam, remissionem vero Dei relinquerent potestati, cuius solus est peccata remittere.*

Postremam rationem ducunt ab absurdo. Nam valde absurda videtur esse doctrina, quæ perpetuam dubitationem, hæitationem & fluctuationem docet. Qualis (inquit Kemnitius) est illa doctrina, cuius effectus, summa & finis est, vt anxie conscientia, querentes consolationem, rejiciantur in perpetuas hæitationes, & dubitationes suæ cum Deo reconciliationis, salutis, & vitæ æternæ.

Respondeo, Posset hoc argumentum, si rhetoricari liberet, multo verius in aduersarios retorqueri, qui miseras animas querentes consolationem ita seducunt, vt in vanissimam fiduciam & temerariam præsumptionem præcipitare non dubitent. Sed his omissis, dico nullum esse Catholicum Scriptorem, qui doceat oportere homines perpetuo dubitare, & hæitare de sua cum Deo reconciliatione.

E Tres enim videntur numerari inter Catholicos de hac questione sententiæ, quarum vna, quæ est Ambrosij Catharini, non solum dubitationem omnem excludit, sed etiam addit posse iustos habere de sua iustificatione certitudinem fidei diuinæ, de qua sententia non potest Kemnitius queri.

Altera sententia non docet quidem certitudinem fidei diuinæ, tamen affirmat posse, imo etiam solere præsertim homines perfectos ad eam securitatem venire, vt nullam habeant de sua iustificatione formidinem, plane ad eum modum, quo credimus sine vlla hæitatione & formidine deceptionis, Cæsarem imperasse in Italia, Alexandrum in Græcia.

Ciceronem Oratorem, Liuium Historicum, Virgilium Poetam fuisse: Constantinopolim esse urbem in Thracia, & Antiochiam in Syria, quamuis neutram viderimus.

De qua etiam sententia non video cur Kemnitius queri possit. Quamquam (vt verū fatear) mihi hæc sententia non probatur: Tum quia Concilium Tridentinum sess. 6. c. 9. docet, neminem esse, qui dum considerat suam infirmitatē & indispositionem, non possit de sua gratia formidare, ac timere: Tum etiam quia exempla sanctorum, Iobi, Davidis, Pauli, Hilariionis, & aliorum perfectissimorum hominum, supra citata, contrarium persuadent. Tum denique quoniam de Cæsare, Alexandro, Cicerone, Liuiio, Virgilio, Constantinopoli & Antiochia, alijsque similibus rebus ideo non dubitamus, quoniam habemus plurimos oculatos testes, nec vnquam in eiusmodi rebus accidit deceptio, vel multis sæculis celebrata est, & nemo vnquam contradixit, & eiusmodi res sunt, quæ sub aspectum cadunt, & facili negotio cognosci possunt. Sæpe etiā nihil ad nos pertinet, & ideo malumus simpliciter credere, quā anxie querere, vtrum sic, an aliter se habeant. At negotium iustificationis, & salutis æternæ ad nos maxime pertinet, neque illos habemus de ea re testes oculatos, & scimus non paucos vehementer esse deceptos, & res est altissima, atque abdita valde.

TERTIA sententia, quæ communior in Ecclesia est, non tollit quidem omnem formidinem, tamen tollit omnem anxietatem & hæsitacionem, & ipsam etiam dubitationem, si dubius dicatur, qui nō audeat alteri parti assentiri. Neque enim bona est argumētatio, Catholici non habent certitudinem fidei de sua iustificatione, igitur semper dubitant, hærent, anxij sunt. Sicut neque contra recte quis concluderet, Catholici non sunt anxij, neque hæsitāt de sua iustificatione, igitur certi sunt certitudine fidei, sibi remissa esse peccata. Datur enim aliquid medium inter hæc externa, videlicet certitudo quædam moralis ex parte intellectus, & spes, ac fiducia ex parte voluntatis.

Porro solidam consolationem & pacem, ac tranquillitatem, & lætitiā interiorem longē melius gignit in Catholicis bona cōscientia, contritio, charitas, studiū bonorum operum, frequens Eucharistiæ perceptio, visitatio Spiritus sancti, quæ est māna absconditum, quod nemo scit, nisi qui accipit, quā inanis illa fiducia, & vere temeraria præsumptio in Lutheranis. Nam de bona cōscientia scribit Apostolus, 2. Cor. 1. *Gloria nostra hæc est testimonium cōscientiæ nostræ.* Et S. Ioan. in epist. 1. c. 3. *Si cor nostrum non reprehenderit nos, fiduciam habemus apud Deum.* De vera contritione scribit Salomon, Proverb. 14. *Cor quod non est amaritudinem animæ suæ, in gaudio eius non miscebitur extraneus.* Vere enim incredibilis lætitiā oritur ex eo, quod quis videat se amarissime peccata sua deflere. Porro charitas nihil prius gignit quā gaudiū & pacem. Inde enim dicitur, Galat. 5. *Fructus spiritus est charitas, gaudium, pax, &c.*

Sed ex patientia (vt alia nunc omittam) solidissima oritur consolatio. Nā vt ait Apostolus, Rom. 5. *Gloriamur in tribulationibus, quia tribulatio patientiam operatur, patientia probationem, probatio vero spem, spes autem non confundit, &c.* Et 2. Cor. 7. *Repletus sum consolatione, superabundo gaudio in omni tribulatione nostra.* Et c. 8. *Notum, inquit, vobis facimus fratres gratiam Dei, quæ data est in Ecclesijs Macedonia, quod in multo experimento tribulationis abundantia gaudijs ipsorum fuit.* Et Iacobus c. 1. *Omne gaudium existimate fratres, cum in tentationes varias incideritis, scientes quod probatio fidei vestræ patientiam operatur, patientia autem opus perfectum habet.* Et

ante hos omnes Propheta David: *In tribulatione, inquit, delasasti mihi.* Et rursus: *Secundum multitudinem dolorum meorum in corde meo consolationes tuæ lætificauerunt animam meam.*

Sancti quoque Patres, quorum testimonia perperam adduxerunt aduersarij pro certitudine fidei, & præsertim Cyprianus, Ambrosius, Augustinus, Leo securitatē animæ, non ex fide remissionis peccatorū, sed ex conscientia charitatis & operum bonorum colligebant. Placet autem nomine aliorum S. Bernardi testimonium hic adscribere, vt omnes intelligant, vnde petenda sit solida consolatio. Sic igitur loquitur in serm. 69. in Cantica: *Quantum puras ex hac mansione inter animā & verbum familiaritatis gratia oriuntur: quantum de familiaritate sequatur fiducia? Non est (vt opinor) quod sanis talis anima dicere vereatur, dilectus meus mihi, quæ ex eo quod se diligere, & vehementer diligere sentis, etiam diligis nihilominus vehementer non ambigit, ac de sua singulari intentione, sollicitudine, cura, opera, diligentia studioque, quo incessanter & ardentius inungit quem admōdū placeat Deo, æque hæc omnia in ipso indubitatē agnoscit, recordans promissionē eius, in qua mensura mensi fueris, remetietur vobis. Ergo ex proprijs, quæ sunt penes Deum agnoscit, nec dubitat se amari quæ amat. Et intra: Vides quomodo non solum de amore suo certum reddit, siquidem in amicum, sed etiam de sollicitudine sua, quam pro te geris, si se senseris sollicitum suum.*

Hanc igitur certitudinem libenter agnoscimus, quæ non oritur ex præsumptione imputatæ iustitiæ, neque est certitudo fidei Catholicæ, sed oritur ex charitatis & operum bonorum experimento, ac per hoc moralis & coniecturalis certitudo nominari potest.

CAPVT XII.

Refellitur error de certitudine Prædestinationis.

HACTENVS primum errorem ex illis quatuor quos initio huius libri proposuimus, expugnare conati sumus. Sequitur vt aduersus secundum breuiter disseramus.

SECUNDVS error eorum erat, qui non solum de præfenti gratia, atque iustitia, sed etiam de prædestinatione, atque electione ad gloriam certitudinem fidei haberi contendunt. Docuit hunc errorem Martinus Bucerus in colloquio Ratisbonensī. Nam exat in eo colloquio inter alios titulos, vnus de firmissima æternæ salutis fiducia, & certitudine, & in eo affirmat Bucerus, non esse verum Christianū, qui non eadem fidei certitudine, credit se habiturum esse vitam æternam, quæ credit, Christū esse, & Deum etiam esse. Idem etiam docet in libro de concordia, in cōciliatione articuli de iustificatione: Idem quoque docet Petrus Martyr in commentar. ad cap. 8. epist. ad Rom. Eundem errorem mordicus defendit Ioannes Calvinus in lib. 3. Institut. cap. 2. vbi sic loquitur, §. 16. *Vere fidelis non est, nisi qui solida persuasionē Deum sibi propitium persuasus, de eius benignitate omnia sibi pollicetur, nisi qui diuina erga se beneuolentiæ promissionibus fretus, indubitatam salutis expectationem præsumit.* Vide eundem §. 40. & in antidoto Concilij. In eodem errore versatur Kemnitius in Examine Concilij Tridentini. Reprehendit enim quod Concilium docet, sess. 6. c. 12. neminem sine peculiari reuelatione, certo statuere debere se esse ex numero prædestinatorum. Affirmat vero Kemnitius, hanc falsam esse doctrinam, & probat ex cap. 8. ad Rom. Ex verbo Dei posse ac debere omnes iustificatos certo statuere de sua prædestinatione.

Ceterum hic error pugnat cum Scripturæ divinæ testimonijs, cum sententijs sanctorum Patrum, & cum manifesta, atque apertissima ratione.

PRIMUM igitur, Apostolus Paulus ad Rom. 11. de prædestinatione disputans, refert hoc mysterium inter altissima Dei secreta, exclamans: *O altitudo divitiarum sapientiæ & scientiæ Dei, quam inscrutabilia sunt iudicia eius, & inuestigabiles viæ eius?* Et, *quis novit sensum Domini, aut quis consiliarius eius fuit?* Et quantum hæc altitudo secreti præcipue respiciat causam, cur Deus unum eligat, alterum non eligat, tamen indicat etiam non posse sciri sine revelatione, quem Deus elegerit, & quem non elegerit. Nā ex hoc ipso, quod ignoramus, quid moveat Deum, ut hūc potius quā illum eligat, & in eius voluntatem re totam referre cogimur, intelligimus non posse alia via cognosci, quem eligere, & quem non eligere voluerit, nisi per revelationem specialem, qua suam ipse voluntatem alicui manifestare dignetur.

SECUNDO, Scriptura hortatur omnes fideles ad timorem, cum ait Rom. 11. *Tu autem fide stas, noli altum sapere, sed time, ne forte & tibi non pareat.* Et 1. Cor. 10. *Qui stat, videat ne cadat.* Et Philip. 2. *Cum timore, & tremore salutem vestram operamini.* Et Apoc. 3. *Tene quod habes, ne forte alius accipiat coronam tuam.* Et in epist. 2. idem Ioannes: *Videte, inquit, ne perdatis quæ operati estis.* Et in Psal. 2. *Servite Domino in timore, & exultate ei cum tremore. Apprehendite disciplinam, ne quando irascatur Dominus, & pereatis de via iustæ.*

Ad hæc & similia respondent Calvinus & Kemnitius, hæc dici ad excutiendum torporem & carnalem securitatem, quæ homines in operibus bonis negligentes faciunt, non quod reuera periculum sit, ne veri fideles excidant à salute. At verum quidem est, nullum esse periculum, ne prædestinati salutem æternam perdant, & terrores illos à Spiritu sancto, per Scripturas sanctas adhiberi, ut electi ad sollicitudinē & diligentiam excitentur, sed hæc omnia locum habent in ijs, qui prædestinationem suam ignorant, non in ijs, qui de illa certissimi sunt. Nam qui certo persuasi sunt, se omnino saluandos, & non possunt timere, ne excidant à salute, imo nec debent timere, si id certo credunt certitudine fidei, quomodo credunt Christum esse Deum, non isto suo timore iniuriam fidei facerent.

Proinde si vera esset responsio hæreticorum, Spiritus sanctus hortaretur electos ad infidelitatem cum hortatur ad timorē amittendæ salutis. Quemadmodum enim si quis admoneret fidelem ut timeret, ne forte non sit verum, Christum esse Deum, ad impietatem sine dubio eum impellere videretur. Ita prorsus Spiritus sanctus (quod blasphemum est cogitare) ad impietatem provocaret electos, dum hortatur ut timeant, ne forte excidantur, ne pereant de via iustæ, ne amittant coronam suam. Igitur qui timere iubemur, non debemus, nec possumus certo credere certitudine fidei, nos esse de numero saluandorum.

TERTIO, Scriptura disertis verbis docet, salutem pendere à conditione operum, Matt. 5. *Nisi abundaverit iustitia vestra plus quā scribarum, & Phariseorum, non intrabitis in regnum cælorum.* Matt. 19. *Si vis ad vitam ingredi, serva mandata.* Rom. 8. *Quod si filij & heredem, si tamen compatimur, ut & cōglorificemur.* 2. Tim. 2. *Si cōmortui sumus & convivemus.* Et ibidē: *Non coronabitur, nisi qui legitime certaverit.* At concedunt aduersarij nullam esse posse certitudinem salutis, si ea pēdeat à conditione operum, unde igitur tam confidenter affirmant se de salute & vita æterna esse certissimos?

Respondent fortasse, hæc omnia se habere non in se, sed in Christo, cuius facti sunt membra per fi-

dem. Sic enim iubet Calvinus, ut fidelis non respiciat se & opera sua, sed respiciat Christum, non ut extra se positum, sed ut in se manentem, & omnia bona sua communicantem. Sed hæc responsio non est solida. Nam Christus ipse requirit à mēbris suis, ut ipsa etiam bene operentur, & tāquam vitis requirit, ut palmites fructum ferant, Alioqui excisionem minatur: *Ego sum vitis vera* (inquit Ioan. 15.) *& Pater meus agricola est. Omnem palitem in me non ferentem fructum, tollet eum.* Et infra: *Si quis in me non manserit, mittetur foras sicut palmes, & arefcet, & colligent eum, & in ignem mittēt, & ardet.* Non igitur sufficit ad salutem insertum esse in vitem Christum, nisi quis ut palmes fructum bonorum operum pariat. Deinde, cū Dominus ait: *Nisi abundaverit iustitia vestra, &c.* Et: *Si vis ad vitam ingredi, &c.* Non significat ut membra iustitiam capitis sibi arrogent, sed ut ipsa quoque operentur, & iustitiam faciant, ut perspicuum est ex sequentibus, ubi ait Matt. 5. *Ego autem dico vobis, diligite inimicos vestros, &c.* Et Matt. 19. *Si vis perfectus esse, vende omnia quæ habes, & habebis thesaurum in cælo.*

Respondere solent, opera quidem requiri, sed non ut conditionem, à qua pendeat promissio vitæ æternæ, sed quia fides vera non est nisi sit viva, & fructificet opera bona, nam peccata, id est, opera carnis excutunt fidem, & effundunt Spiritum sanctum. At non laboramus hoc loco cur sint opera necessaria, contenti sumus, si detur nobis, ea necessario exigi, & sine illis non obtineri vitam æternam. Hinc enim evidenter concludimus, sine divina revelatione neminem certo statuere posse, se esse de numero electorum, cum nemo, ipsis etiam aduersarijs testibus, certo statuere possit, se facturum omnia illa bona opera, quæ Christus fieri iubet.

QUARTO, Scriptura testatur, multos ad tempus credere, & postea circa fidem naufragare & perire, ut patet Luc. 8. de semine quod cecidit super petram, quod exponit Dominus de ijs, qui ad tempus credunt, & in tempore tentationis recedunt. Et 1. Tim. 4. *Spiritus manifeste dicit, quia in novissimis diebus discedet quidā à fide.* Et c. 9. *Quam quidam appetentes erraverunt à fide.* Qui autē à gratia & fide exciderunt, nullam certitudinem habent suæ restitutionis in gratiam, imo Scriptura dicit, hoc plane esse incertū. Cum ait 2. ad Tim. 1. *Ne forte det illis Deus penitentiam & respiciant.* Et Ioel. 2. *Quis scit si convertatur & ignoscat Deus?* At si multi credentes à veritate postea aberrant, & reprobi fiunt, igitur non erāt illi certi ex fide se perseveraturos, alioqui falsa fuisset eorum fides. Non potest autem certitudo prædestinationis haberi sine certitudine perseverantiæ, cum perseverantia sit effectus maxime proprius prædestinationis, & sine perseverantia non possit impleri prædestinatio, igitur neque de prædestinatione homines illi certi fuerunt ex fide. Ac per hoc falsum est, omnes fideles certos esse certitudine fidei de sua prædestinatione.

Ad hoc argumentum utcumque respondere potest Calvinus, quippe qui negat habuisse veram fidem illos qui non perseverant. Quem errorē paulo post refellemus. Kemnitius vero nihil omnino respondere potest. Ipse enim aperte fateatur, posse fideles excidere à gratia, & non perseverare, & tamē audacter affirmat debere eos, qui fidem habent certo statuere se esse prædestinatos. Quæ quam male inter se cohercant, nemo non videt. Nam si omnes debent ex fide certo statuere se esse prædestinatos, & tamen possunt non perseverare, & per hoc non salvari, igitur vel potest falli prædestinatio Dei, vel potest homo ex fide certo credere id, quod est incertum, & quod fieri potest ut sit falsum.

Respondet

Respondet Kemnitius, fidem semper esse veram quia quod aliqui non perseverant, non sit ex eo quod Deus nolit conservare eos usque in finem, sed quia ipsi per opera carnis fidem excutunt. At inepta solutio est. Hoc enim est quod nos vergemus, non posse vllum ex fide certum esse, se ad numerum electorum pertinere, quia potest fieri, ut excutiat fidem, & tandem sit reprobus. Nam cum vera fides possit esse in eo, qui reuera coram Deo reprobus est, cum praesciatur non perseveraturus, euidenter sequitur, ut vel fides non doceat eum esse de numero electorum, vel fides sit falsa: quomodo enim reprobis credere potest ex fide vera se non esse reprobis, sed electum?

Ad hæc testimonia Scripturæ addi possunt etiam testimonia Patrum. S. IOANNES CHRYSOSTOMVS hom. 11. in epist. ad Philipp. Si Paulus, inquit, qui tanta passus est non diuideretur resurrectione illa securus fuit, quid sane nos dicemus?

S. HIERONYMVS lib. 2. aduersus Pelagianos. Ne beatum, inquit, dixeris quempiam ante mortem, quamdiu enim vivimus in certamine sumus: quamdiu in certamine, nulla est certa victoria.

S. AUGUSTINVS lib. 11. de ciuit. Dei, cap. 12. Licet, inquit, sancti de sua perseverantia premio certi sint, de ipsa tamen perseverantia sua reperiuntur incerti. Quis enim hominum semel in actione, profectuque iustitiae perseverantiam usque in finem sciat, nisi aliqua reuelatione ab illo fiat certus, qui de hac re iusto, latenteque iudicio non omnes instruit, sed neminem fallit?

Martinus Bucerus in lib. de concordia, sub finem conciliationis articuli de iustificatione, hunc vnum locum sibi ipsi obiecit, & duas adhibuit responsiones, siue malis dicere tergiversationes. PRIMO dicit, Sanctos ex se non posse certo statuere, an sint perseverantur tamen quia vocati sunt ad sempiternum Christi consortium, ex fide debere omnino certos esse, se usque in finem perseveranturos. SECUNDO dicit, Augustinum loqui de certitudine scientiæ, non de certitudine fidei. At si Sancti ex se statuere debeant, id est, ex viribus naturæ suæ: certo statuere debet, se non perseveranturos. Quo modo enim sine Dei gratia perseverarent? Itaque si ex se statuere debent, non sunt incerti, ut Augustinus dicit, sed plane certi.

Dicit fortasse Bucerus, illud (ex se) non debere ad vires perseverandi referri, sed ad cognitionem, ut sensus sit, Sanctos non posse statuere certo se perseveranturos ex lumine solius rationis, sed ex lumine fidei omnino posse. At contra, nam de premio perseverantiæ non sunt certi ex se, id est, ex lumine solius rationis, sed ex lumine fidei: & tamen August. scribit, de premio perseverantiæ Sanctos esse certos, de ipsa perseverantia incertos. Præterea si certi essent Sancti ex lumine fidei de sua perseverantia, omnes, qui fide præditi sunt, hanc certitudinem haberent. At Augustinus dicit, non omnes Sanctos, id est, non omnes qui fidem habent, esse de hac re certos, sed illos tantum quibus Deus per specialem reuelationem id manifestare dignatur. Vult igitur Augustinus non solum ex se, sed etiam ex fide, & non solum certitudine scientiæ, sed etiam certitudine fidei Sanctos de sua perseverantia esse incertos.

Sed ut omnem tergiversandi occasionem Bucero auferamus, addamus alia duo loca in lib. de corrept. & grat. cap. 11. Quis, inquit, ex multitudine fidelium quamdiu in hac mortalitate vivit, in numero prædestinatorum se esse præsumat? Item in lib. de bono perseverantiæ, c. 13. Ad quam vocationem (secundum propositum, quæ propria est electorum) pertinere nullus est homo ab hominibus certa æstimatione dicendus, nisi cum de hoc sæculo exierit. In hac autem vita humana, quæ ten-

atio est super terram, qui videtur stare videat ut cadat.

S. GREGORIUS lib. 6. in primum Reg. Quia iudicium, inquit, omnipotentis Dei imperferutabile est, unde veniat, & quo vadat homo nescit, quia sciri non potest an quis in gratia, quam recipit, perseverare in perpetuum debeat.

S. PROSPER, in lib. 2. de vocatione gentium, c. vlt. In remotissimo, inquit, ab humana cognitione secreto præfinitio huius electionis abscondita est. Ea de nullo ante ipsius finem prænunciari potest, quod in electorum gloria sui finimus, ut perseverantem humilitatem visus meus seruet, & qui stat videat ne cadat.

S. BERNARDVS, quem virum Dei, loco citato Bucerus appellat, & Lutherani omnes in questione de Iustificatione magni facere solent, sic loquitur in serm. 1. de Septuagesima: Qui potest dicere, ego de electis sum? ego de prædestinatis ad vitam? ego de numero electorum? certitudinem utique non habemus, sed sperfiducia consolatur nos. Idem in epist. 107. Datur, inquit, aliquid præsentire de sua ipsius futura benedictione, quemadmodum ab æterno latuit in iustificante, plenius appariturum beatificante. De qua tamen iam præcepta sumus ex parte notitia, interim quidem gloriatur in spe: nondum tamen in securitate.

Addamus vlt. rationes. PRIMA ratio: nihil affirmari debet de his, quæ pendent ex sola Dei voluntate, nisi ex manifesta reuelatione ipsius: si enim nemo certo scire potest, quid sit in homine nisi spiritus eius, quæto magis nemo scire poterit quid sit in Deo nisi spiritus Dei? Pendere autem prædestinationem ex Dei voluntate perspicuum est, quia cuius vult miseretur, & quem vult indurat Rom. 9. Et quos eligit non ex operibus, sed ex misericordia eligit. Dicent, reuelavit Deus per spiritum suum in Scripturis, omnes qui credunt, habituros esse vitam æternam. At nusquam reuelavit omnes qui dicunt se credere, eos credere sicut oportet: nam si satis esset dicere, ego credo, vel etiam, ego recte credo, & sicut oportet, credo: omnes hæretici falsarentur.

SECUNDA ratio. Non potest homo certus esse ex fide, an sit dignus odio vel amore secundum præsentem iustitiam, quam in se habet, ut ostendimus in disputatione præcedenti, igitur multo minus ex fide certus esse potest, an sit dignus odio vel amore secundum æternum decretum, quod in ipso Deo latet. Neque enim dubitari potest, quia facilius sit notitia præsentis iustitiæ, quam æternæ prædestinationis.

TERTIA ratio sumitur ab utilitate huius secreti. Nam ut scribit S. August. in lib. de corrept. & gratia, c. 13. utilissimum est ad humilitatem conservandam, ut non sciatur in hac vita, quis ad numerum electorum certo pertineat. Et quamvis posset Deus alia etiam ratione huic elationis morbo medicinam facere: tamen sic placuit magno illi medico, qui ordinem sanandi non recipit ab ægroto.

QUARTA ratio est S. Prosperi loco notato, quoniam id etiam utilissimum fuit propter improbos. Nam si scirentur qui sint prædestinati, reliqui omnes desperantes de salute, nihil omnino boni peragere curarent. Itaque ut qui stat, videat ne cadat, & qui victus tentatione cecidit, resurgere conetur, & nemo de Dei miseratione diffidat, nemo desperet, utilissimum fuit, ut secretissima esset electio.

CAPVT XIII.

Soluantur obiectiones.

QUAMVIS autem is, quem refutauimus, error exploratus & apertissimus esse videatur, non

fecerit, non loquitur de omnibus vocatis sed de vocatis secundum propositum: & cum addit, quos iustificavit, & hos magnificavit: non loquitur de omnibus iustificatis, sed de iustificatis secundum propositum, de quibus dicitur in eodem cap. Scimus quia diligentibus Deum omnia cooperantur in bonum, his, qui secundum propositum vocati sunt sancti. Vide Augustinum in lib. de bono perseverantiae, cap. 13. qui sunt autem vocati & iustificati secundum propositum, nemo scire potest. Quis enim novit sensum Domini, aut quis consiliarius eius fuit?

ULTIMO obiicit Kemnitius multa loca, quae nihil ad rem faciunt, ut Ioan. 10. Nemo rapiet eas de manu mea. Rom. 8. Quis accusabit adversus electos Dei? Cor. 1. Confirmamus vos usque in finem. Ephes. 1. Elegit nos ante mundi constitutionem.

RESPONDEO, priora duo loca docent, electos non posse perire: sed non docent electos nosse de se in particulari, se esse tales. Quae autem est ista consecutio. Nemo rapiet oves de manu Christi, ergo Kemnitius certo scit certitudine fidei se esse de numero electorum? duo loca posteriora, ut etiam multa alia similia testantur Apostolum bene sperasse de salute Corinthiorum & Ephesiorum; non autem certum fuisse certitudine fidei eos omnes salvandos.

Hinc prudenter monet S. Augustinus, in libro de bono perseverantiae, cap. 22. ut cum in concione ad populum de electis loquimur, utamur prima vel secunda persona, ponentes in eo numero nos & auditores nostros, ut ostendamus, nos bene sperare cum de nobis, tum etiam de illis: ac cum loquimur de reprobis, utamur verbis tertiae personae, ne nobis aut auditoribus male ominari videamur.

CAPVT XIV.

Fidem, ac iustitiam non esse propriam electorum, & semel habitam amitti posse.

VENIO ad errorem TERTIUM, qui proprius est Caluini, qui docet in lib. Institut. c. 2. §. 11. Fidem & iustitiam propriam esse electorum, & semel vere acceptam, non posse vlla ratione amitti, & qui eam videntur amittere, nunquam vere habuisse. Solos, inquit, electos semine incorruptibili Deus in perpetuum regenerat, ut nunquam dispareat semen vita in eorum cordibus insitum. Et infra §. 12. Hoc, inquit, interim tenendum est, quamvis exigua sit, ac debilis in electis fides: quia tamen spiritum Dei certa illis arba est, ac sigillum suae adoptionis, nunquam ex eorum cordibus deleri posse eius sculpturam. Et ibidem affirmat plurimos decipi, qui fidem se habere putant, cum nihil habeant, nisi fidei umbram & simulacrum.

Repugnant Calvino non solum Catholici, sed etiam plerique Lutherani, & ipse etiam Petrus Martyr in comment. ad c. 8. ad Rom. & Kemnitius in Examine Concilii. Quamvis hi duo postremi etsi aperte doceant, posse iustum interdum labi: tamen sentire videntur non posse fieri quin ante mortem redeat ad fidem. Certe cogit error ille de fide praedestinationis, ut credant, nullum fidelem esse posse reprobum, nisi secum ipsi apertissime pugnare velint. Quomodo enim ex fide certos esse dicerent omnes fideles de sua praedestinatione, si crederent, fideles aliquos in aeternum posse perire?

Itaque hoc solum inter Calvinum & ipsos interesse videtur, quod Calvinus dicat, fidem non solum non esse nisi in electis, sed etiam addat, in electis esse plane immobiliter: ipsi vero convincti argumentis ta-

teantur, posse fidem ad tempus amitti, non tamen ita ut ante mortem non redeat. Refelli potest uterque error testimoniis & exemplis divinae Scripturae, definitione Ecclesiastica, & ratione.

Quod attinet ad Scripturae testimonia, tam multa & tam perspicua sunt, ut mirum sit, potuisse in mentes hominum eiusmodi errorem cadere. Ezech. 18. Cum averteris se iustus à iustitiis suis, & feceris iniquitatem, morietur in illa. Quid elarius? Quomodo quæso, avertitur iustus à iustitiis, si fide sola iustificatur, & fides semel concepta extingui non potest?

Sed veniamus ad Evangelium Luc 8. Nam quod super petram, qui cum gaudio suscipiunt verbum, & huiusmodi non habent, sed ad tempus credunt, & in tempore tentationis recedunt. Isti certe suscipiunt semen verbi Dei cum gaudio, & credunt, neque deest illis fides, sed pericueantia in fide.

Ioannis 15. Omne palmitem in me non ferentem fructum, tollet eum. At palmes esse non potest, qui aliquando non vixerit in vite: non enim palmites aliunde inferuntur, sed nascuntur ex vite, & non mortui, sed vivi nascuntur. Sic igitur fideles renascuntur in Christo, & cum renascuntur, non mortui sunt, sed vivi: & tamen si postquam renati sunt, fructum bonorum operum terre recusent, arescunt, praeciduntur & pereunt. Ex quo non solum Calvinus, sed etiam Martyr & Kemnitius refutatur. Dominus enim non solum dicit, palmitem arescentem, sepatandum à vite, sed addit, & colligent eum, & in ignem mittent, & ardet. Potest igitur, qui aliquando palmes in vite, id est, membrum in corpore Christi per fidem vivum fuit, mitti in ignem aeternum, ut semper ardeat.

Matthaei 24. Et quoniam abundabit iniquitas, refrigeret charitas multorum. Qui autem perseveraverit usque in finem, hic salvus erit. Ex hoc loco intelligimus, non omnes iustos perseverare, ac per hoc non omnes iustos salvari. Illud enim (refrigeret charitas) extinctionem plane significat charitatis, alioqui non opponeretur perseverantiae usque in finem.

Prima ad Corinth. 9. Castigo corpus meum, & in servitutem redigo, ne forte cum aliis predicanerim, ipse reprobus efficiar. At Calvinistae merito non castigant corpus suum, & operibus poenitentiae vale dixerunt, quia certi sunt certitudine fidei, se reprobos fieri nulla ratione posse.

Galat. 5. Evacuati estis à Christo, qui in lege iustificamini, & gratia excidistis. Quomodo possent evacuari à Christo, & à gratia excidere, si in Christo & in gratia vere nunquam fuissent?

1. ad Timoth. 1. Quidam circa fidem naufragaverunt. 1. ad Timoth. 4. In novissimis diebus discedent quidam à fide. 1. ad Timot. 6. Quam quidam appetentes erraverunt à fide. ad Hebræos 6. Impossibile est eis, qui semel sunt illuminati, gustaverunt etiam donum caeleste, & participes facti sunt Spiritus sancti: gustaverunt nihilominus bonum Dei verbum, virtutesque seculi venturi, & prolapsi sunt: renouari iterum ad poenitentiam, &c. Quid hic dici potest? Non habuerunt veram fidem, qui discesserunt à fide? Et quomodo naufragaverunt qui in navi nunquam fuerunt? Non vere iustificati fuerant, qui illuminati gustaverant donum caeleste, & & participes facti erant Spiritus sancti? Et tamen prolapsi sunt.

Et vide quantum intersit, inter sententiam Pauli Apostoli, & Petri pseudomartyris, iste dicit, certissime renouandos ad poenitentiam qui prolapsi sunt, iste dicit impossibile, hoc est, difficile limum & rarissimum esse, ut renouentur. Nam ut idem ait, cap. 10. Voluntarie peccantibus nobis post acceptam notitiam veritatis, iam non relinquitur hostia pro peccato: terri-

illis autem quedam expectatio iudicii & ignis amulatio, qua consumptura est aduersarios. 2. Petri 2. Melius erat illis non gnouisse viam iustitiae, quam post agnitionem retrorsum conuersi ab eo, quod illis traditum est sancto mandato. Conspicitur illis illud veriprouerbiis, Canis reuersus ad suum vomitum, & sus lota in volutabro luti. Poterat ne clariùs explicari vera prolapsio? Nam qui reuertitur ad suum vomitum, certe antea vomuerat, & vomendo peccatus purgauerat; & sus lota non diceretur reuerti ad volutabrum luti, nisi de illo antea exiisset & lota vere fuisset.

Veniamus nunc ad exempla eorum, qui Spiritu sancto referente, fidem vel charitatem amiserunt. Atque ut alte incipiamus, PRIMO, Angelimali, qui scriptura teste peccauerunt, & ex Angelis diaboli ieri meruerunt, certe antequam peccarent iusti fuerant, ut colligunt sancti Patres, ex ca. 14. Isaia, & 28. Ezechielis.

SECUNDO, primi nostri parentes ad imaginem & similitudinem Dei cõditi fide & gratia ornati erant, etiam aduersariis testibus, & tamen eos grauissime aplos esse aduersarii negare non possunt.

TERCIO, Saul Rex initio bonus & iustus erat, & tamen non solum peccauit, sed etiam reprobus & datus creditur. Id enim insinuat Scriptura 1. Reg. 15. & 16. Et aperte asserit Augustinus lib. 2. ad Simplicianum, q. 1. Et ante eum Cyprianus, lib. 1. epist. 5. Negat quidem Caluinus, Saulem fuisse vnquam vere iustum. Sed audi, quid Spiritus S. dicat in 1. lib. Reg. c. 9. *Erat Saul electus & bonus, & non erat vir de filiis Israel melior illo, ab humero & sursum eminebat super omnem populum.* Hic plane describitur vir animo & corpore prorsus: & cum nemo esset in filiis Israel melior illo, si non erat hic vere iustus, nullus tunc fuisset in vniuerso populo Dei vere iustus. Quod factum esse certum est, cum adhuc vixeret Samuel, & multi cum eo Prophetæ & Prophetarum filii.

QUARTO, Dauid Rex omnium consensu iustus fuit, cum de eo diceret Deus: *Sumens Dauid virum secundum cor meum.* Act. 13. & tamen quis negare potest, eum vere à gratia & iustitia, & secundum aduersarios, qui sola fide iustificant, à fide excidisse? Magnitudinem enim peccati eius testatur poenitentiae magnitudo, qua lauabat per singulas noctes lectum suum, & lachrymis suis stratum suum rigabat. Psalm. lxxv.

QUINTO, Salomon fuit aliquando vere iustus, & à Deo singulariter dilectus. Nam 2. Reg. 7. dicit de eo Deus: *Ego ero illi in patrem, & ipse eris mihi in filium.* Et c. 12. *Vocauit nomen eius Salomon, & Dominus dilexit eum, misitque in manu Naïban Prophetæ, & vocauit nomen eius amabilis Domino, eo quod Dominus diligeret eum.* Denique filius erat Dauidis, hominis sancti, igitur secundum doctrinam Caluini & Petri Martyris, & ipse sanctus erat. Hunc autem virum in senectute à gratia & iustitia excidisse, Scriptura testatur. Quæ refert eum etiam idola omnium concubinarum suarum turpissime coluisse. Eundem plane reprobum atq; damnatum esse indicat S. Cyprianus lib. 1. ep. 5. Et post eum S. AUGUSTINUS in lib. 12. contra Faustum, c. 88. his verbis: *De Salomone quid dicam? quem vehementer arguit sancta Scriptura, atque condemnat; nihilque de poenitentia eius, vel in eum indulgentia Dei omnino commemorat?*

SEXTO, S. Petrus sine dubio iustus erat, cum ei diceretur à Domino, Matth. 16. *Beatus es Simon Bar-Iona.* Et Ioan. 13. *Qui lotus est, non eget, nisi ut pedes lauet, sed est mundus totus.* Et tamen peccauit negando Christum, & negationem periurio confirmando. Docet autem S. Augustinus, tract. 66. in Ioan. pec-

catum illud sancti Petri fuisse lethale, & reprehendit defensores Apostoli, qui audent excusare peccatum, cuius magnitudinem ipse idem amarissime flendo monstrauit.

SPTIMO Simon Magus, conuersus à Philippo credidit, & baptizatus Philippum sequebatur, ut Lucas scribit Act. 8. Et tamen hærelarcha factus misere periit. Dicit quidem Caluinus, eum non vere credidisse, sed fidem simulasse. At nos magis credimus sancto Lucæ, qui dicit, eum credidisse, & hoc dicit, ubi alios multos credidisse dicit, qui permanserunt in fide: nec vilo verbo indicat simulationem Simonis.

OCTAVO, Iudas proditor, etiâ si solus esset, exemplo suo omnia ora obstrueret. Nam fuisse Iudam aliquando iustam, probat S. Hieronymus, in lib. 3. aduersus Pelagianos, ex illis verbis Domini. Ioan. 17. *Pater quos dedisti mihi custodiri, & nemo ex eis perit, nisi filius perditionis.* Nam si Pater dedit illum Filio, certe bonus erat: & si periit ex grege, certe antequam periret, in Christi grege numerabatur. Constat autem Iudam reprobum & damnatum esse, tum ex hoc loco, ubi dicitur *Filius perditionis*: tum ex c. 26. Matt. ubi Dominus de Iuda dicit: *Melius erat ei, si natus non fuisset homo ille.*

Habemus igitur octo exempla, quorum tria, Adam, Dauidis & Petri, demonstrant, iustitiam posse & amitti & recuperari, alia quinque, Satanæ, Saulis, Salomonis, Simonis & Iudæ indicant, posse aliquos vere iustos ita excidere à iustitia, ut inter reprobos numerari non sine ratione credantur. Proinde iustitiâ non semper esse propriam electorum, sed cum reprobis aliquando communem.

His testimoniis & exemplis diuinæ Scripturæ addi potest traditio, ac definitio Ecclesiastica. Nam eundem hunc errorem olim in Ioviniano damnauit Ecclesia. Testantur enim sanctus Hieronymus libro secundo aduersus Iovinianum, & sanctus Augustinus, hæres. 82. Vnum ex erroribus eius fuisse, iustos post baptismum non posse peccare, & si forte peccent, eos quidem fuisse lotos aqua: spiritum autem gratiæ minime recepisse. Itaque error Caluini iam ante mille & ducentos annos in Ioviniano dijudicatus & damnatus fuit.

Prius hoc publicum antiquitatis testimonium, disertis verbis idem testatur S. AUGUSTINUS, in lib. de corrept. & grat. c. 13. *Credendum est, inquit, quosdam de filiis perditionis non accepto dono perseuerandi usque in finem, in fide, quæ per dilectionem operatur, incipere vivere, & aliquandiu fideliter & iuste vivere, & postea cadere, neque de hac vita priusquam eis id contingat, auferri.* Et sanctus GREGORIUS libro 30. Moral. capite 32. *Quis, inquit, intelligat, quod alius Catholice matris venire proditus, iuxta viam terminum erroris voragine denoratur, alius autem vitam suam in Catholica pietate consummat, qui oritur in perfidia, cum lacte matris hauserat virus erroris?*

Accedant VITIMO rationes. PRIMA ratio, Fides quæ secundum Caluini sententiam immobiliter hæret in corde hominis semel iustificati, sine dubio non est actus, sed habitus: actus enim non semper est in corde hominis iustificati, ut experientia testatur, habitus autem non impedit ex necessitate actum contrarium, ut perspicuum est ex ratione & natura omnium aliorum habituum, qui inclinât ad suum actum, sed non cogunt. Poterit igitur is, qui habet habitum fidei facere actum infidelitatis. At secundum Scripturas, qui facit actum infidelitatis, perdit etiam habitum, nam efficitur simpliciter infidelis & inimicus Dei, & reus mortis æternæ: & ex doctrina ad-

uerfariorum per omne peccatum excutitur fides iustificans, & effunditur ex corde Spiritus sanctus.

Dicent fortasse non esse ex natura fidei, quod immobiliter hæreat, sed ex assistentia, & providentia Dei, qui non permittit homines semel vere iustificatos labi in peccatum. At si ita esset, cur dicerent ipsi, omnia opera iustorum esse peccata mortalia? Et ubi est promissio ista Dei, quod non permittet iustos labi in peccatum? Nonne Scriptura contrarium disertis verbis docet? cum ait, *Cum auerteris se iustus à iustitia sua.* Ezech. 18. & *Si negauerimus, & ille negabit nos.* 2. Tim. 2. & alia, quæ supra citauimus.

SECUNDA ratio, Infantes omnes per Baptismum vere iustificantur, & fidem accipiunt etiam testimonio Lutheranorum, imo etiã sine Baptismo, ex sententia Caluini, & Petri Martyris, & Bucerii, filii fidelium nascuntur sancti: ut quis credat omnes filios fidelium, vel certe omnes, qui in infantia baptizantur esse prædestinatos, & non posse peccare secundum Caluinum, vel non posse damnari secundum Bucerum & Martyrem? Nonne videmus multos in infantia baptizatos, cum adoleuerint grauissime peccare. Adde quod, si verum esset paradoxum istorum, omnes Catholici, qui in infantia baptizati sunt, prædestinati essent ad vitam, & perire non possent: quos tamen isti pro mēbris Antichristi & infidelibus habent.

TERTIA ratio, si fides amitti non potest, unde tot sunt in mundo hæretici? Hoc enim interest inter paganos & hæreticos, quod pagani fidem nunquam habuerunt, hæretici habuerunt & amiserunt. *Ex vobis ipsis* (inquit Apostolus Act. 20.) *exurgens viri loquentes peruersi.* Et 2. Timoth. 1. *Hymeneus & Phileus à veritate exciderunt.* Et ad Tit. 3. *Hæreticum denota, sciens, quia subuersus est, &c.*

QUARTA ratio, si iusti peccare non possunt, quorsum tot admonitiones & cohortationes Apostolorum, & Prophetarum, & omnium sequentium Doctorum Ecclesiæ ad populum Dei ut timeant, ut caueant, ut solliciti sint? quorsum ipse Dominus Apostolos suos & omnem Ecclesiam orare iussit: *Dimittite nobis debita nostra, ne nos inducas in tentationem, & libera nos à malo.* Quorsum pœnitentia, absolutio & reconciliatio lapsum defenditur contra Nouatianos, si iusti peccare non possunt?

QUINTA ratio, sententia ista Caluini, ex parte etiam Bucerii, Martyris, & Kemnitii, non solum certitudinem nullam adfert, sed plane desperationem inducit; proinde non modo contraria est veræ doctrinæ Catholicorum, sed etiam ipsorum hæreticorum proposito & instituto, qui nihil sepius iactant, quam solidam consolationem se conscientiiis hominum ex certitudine iustificationis adferre. Nam si præsens gratia & iustificatio vera esse non potest, nisi quis certus sit de perseverantia, ita ut vel certo sciat se nunquam lapsurum, vel ad pœnitentiam rediturum; quomodo fieri potest, ut vllus sani cerebri certo speret, se vere iustum esse, cum de futuris euentibus nihil sibi certi polliceri nisi temere possit? Et cum videat quotidie se & alios in varia peccata, etiam contra conscientiam labi? *Ne glorieris in crastino* (inquit Sapiens Proverb. 27.) *ignorans quid superueniatur patrias dies.* Et Ecclesiasticus c. 11. *Ante mortem ne laudes quemquam.* Et S. Iacobus cap. 4. *Ignoratis quid eritis crastino.*

CAPVT XV.

Soluntur obiectiones.

OCCURRUNT in diuinis litteris testimonia quædam, quæ partim aduersarii pro causa sua

allegant, partim etiam talia sunt, ut eis in speciem non parum fauere videantur.

PRIMUM est illud Cant. 8. *Aque multa non poterunt extinguere charitatem: neque flumina obruent illam.* Quod si charitas non potest extinguere, certe nec fides, cum sine fide charitas esse non possit. RESPONDEO, hoc testimonium non probat, non posse amitti charitatem, si quis velit eam exuere, & cupiditatem in eius locum recipere, ut multi quotidie faciunt, quibus dicitur in Apocalypsi. cap. 2. *habeo aduersum te pauca, quia primam charitatem reliquisti. Memor esto unde excideris.* Sed probat, manente charitate nullam esse tribulationem, quæ non facile toleretur. Nam aquarum nomine hoc loco tribulationes significari testantur Ambrosius, in lib. 1. de Iacob, c. 7. Et Gregorius in comment. huius loci. charitatem autem omnia tolerare, docet Apostolus, 1. Cor. 13. *Charitas omnia suffert, omnia sustinet, benigna est, pateriens est, &c.*

SECUNDUM testimonium Ioan. 4. *Qui biberit ex aqua, quam ego dabo ei, non sitiet in æternum, sed fiet in eo fons aque salientis in vitam æternam.* RESPONDEO, eadem est vis huius testimonii, quæ superioris. Nam in quo manet gratia Dei, siue charitas, is non sitiet in æternum, cum habeat in se fontem viuum: tamen fons ille siccare & obstrui potest, dum sumus in hoc loco tentationum. Et si forte sicceat, id est, si excidamus à gratia, iuxta illud Galat. 5. *A gratia excidistis,* quid mirum, si iterum delectationes vanas, urgente cupiditate, sitire incipiamus?

TERTIUM testimonium Rom. 8. *Quis nos separabit à charitate Christi?* Et infra: *Certus sum, quia neque mors, neque vita &c. poterit nos separare à charitate Dei.* RESPONDEO, S. Augustinus, in lib. 1. de moribus Ecclesiæ, c. 11. & sequentibus, explicans hunc locum, docet, hic explicari efficaciam & potentiam charitatis, quæ si adsit in corde nostro, omnes tribulationes vincit, ut sensus totius illius sententiæ sit, nullum esse terrorem, qui possit efficere in homine, in quo ardeat charitas, ut Deum suum offendant: tamen ibidem idem Augustinus monet, posse in hac vita amitti charitatem, & ideo diligentissime tantum bonum esse seruandum. Posset tamen etiam responderi, Apostolum hic loqui in persona electorum, ut supra diximus cap. 9. in explicatione testimonii septimi.

QUARTUM testimonium 1. Cor. 13. *Charitas nunquam excidit.* RESPONDEO, Charitas nunquam excidit, quia non frangitur laboribus, sed omnia tolerat, ut exponit hoc loco S. Ioan. Chrysost. Rursus & magis ad litteram, Charitas ex se nunquam excidit, sed nos ab illa interdum excidimus. Ipsa (inquam) ex se nunquam excidit, quia & in hac vita, & in futura locum suum habet. Non sic autem fides & spes, quæ post hanc vitam non erunt. Itaque non significat Apostolus, nullum esse, qui charitatem amittat, sed ostendit, non repugnare charitati, ut semper vigeat, sicut id fidei repugnat.

QUINTUM testimonium 1. Ioan. 3. *Qui natus est ex Deo, peccatum non facit, quoniam semen illius in eo manet, & non potest peccare, quoniam ex Deo natus est.* RESPONDEO, Varie sunt huius loci, qui omnium est difficillimus expositiones.

PRIMA est sancti Ambrosii, in commentario Isaie (ut S. Augustinus testatur lib. 4. ad Bonifacium, c. 7.) Refert hæc expositio hunc locum ad statum futuræ gloriæ, ut sensus sit, eos non posse peccare, qui nati sunt ex Deo, per secundam illam regenerationem, de qua dicitur Matth. 19. *In regeneratione cum sederis filius hominis, &c.* Vera est hæc doctrina, sed videtur Ambrosius potius alludere voluisse ad hunc locum, quam eum ex proposito explicare. Apostolus enim

Ioānes docet in eo capite, quo signo interno sci possunt in hac vita filii Dei, à filiis diaboli, & dicit, illud esse primum signum, quod filii Dei non peccant, filii diaboli peccant, atque ita utrique patrem suum imitantur, illi Deum, qui est ipsa iustitia, isti diabolum, qui ab initio peccat.

SECUNDA expositio est S. Bernardi, in 1. sermone de Septuagesima, & sermone 23. in Cantica, qui per semen Dei intelligit gratiam prædestinationis, ac dicit, prædestinatos non posse peccare, non quod reuera quandoque non peccent, sed quod perinde sit, ac si nunquam peccarent, cum certum sit, eis peccata remittenda esse, imo ipsa etiam peccata eis coeperentur in bonum. Hæc quoque expositio veram doctrinam continet: sed non explicat proprie sensum Apostoli, & credibile est, sanctum Bernardum, more suo uti voluisse Scripturæ verbis, ad sententiam quandam veram explicandam, quamvis non eo loco intentam ab eo, qui verba illa conscripserat. Certe S. Ioannes sicut dicit, omnem, qui est natus ex Deo, non peccare, ita etiam dicit, omnem, qui facit iustitiam, ex Deo natum esse. Nec tamen significare voluit, omnem, qui facit iustitiam, esse prædestinatum. Præterea docere intendit Apostolus (ut diximus) quomodo discernantur filii Dei à filiis diaboli, non autem quomodo internoscantur electi à reprobis. Nam de electis & reprobis ne verbum quidem facit, neque possunt in hac vita discerni, ut supra docuimus.

TERTIA expositio est aliorum, qui docent, illud (non posse peccare) positum esse pro eo, quod est, non debet peccare. Refert hanc sententiam S. Augustinus in libro de natura & gratia, capite 14. Sed non videtur hæc sententia multum ad rem facere. Nam etiam qui non est natus ex Deo, non debet peccare. Nemo enim debet peccare, alioqui peccatum non esset, si fieri deberet.

QUINTA expositio est S. Augustini, in lib. 2. de peccatorum meritis & remissione, capite septimo, de gratia Christi, c. 21. & alibi, qui refert hunc locum ad peccata venialia, ut sensus sit: eum, qui natus est ex Deo, non posse peccare etiam venialiter, quatenus est filius Dei, id est, quatenus operatur ex charitate: sed posse tamen eundem peccare, quatenus idem ipse ratione corruptionis carnis est adhuc filius huius sæculi.

Sed procul dubio melior est expositio QUARTA, quæ est eiusdem Augustini tract. 5. in epist. Ioannis, & Hieronymi lib. 1. aduersus Pelagianos & libro 1. aduersus Iovinianum. Hæc sententia docet, S. Ioannem loqui, de peccatis lethalibus, non de venialibus. Nā distinguit filios Dei à filiis diaboli per hoc, quod est peccare & non peccare: non autem distinguuntur filii Dei, à filiis diaboli, id est, iusti ab impiis per hoc, quod iusti non peccent venialiter, & impii venialiter peccent. Igitur sententia Apostoli hæc est: Qui natus est ex Deo non peccat, nec peccare potest lethaliter, dum perseverat filius Dei, quoniam semen illius, id est, charitas, quæ omnibus peccatis lethalibus contraria est, in ipso manet. Charitas enim est plenitudo legis, ac per hoc nullo modo fieri potest, ut sit præparator, qui charitatem habet. Id quod de nulla alia virtute dici potest: Nam qui fidem habet, qui temperantiam habet, qui liberalitatem habet, qui fortitudinem habet, qui reliquas virtutes habet, potest qualibet earum retenta contra aliam peccare: at qui charitatem habet, non potest ea retenta contra aliam virtutem peccata committere, quoniam charitas virtutes omnes continet. *Benigna est, patiens, omnia credit, omnia sperat, omnia sustinet, &c.* Quare ipsa so-

la est certissima nota, qua discernuntur filii Dei à filiis diaboli.

Ex quo intelligimus, omnia quinque testimonia pro immobilitate charitatis adducta, excellentiam charitatis probare, non autem immortalitatem: quoniam si maneat, efficit ut homo non peccet, nec possit peccare: tamen potest non manere, si quis (ut diximus) eam abiciat & cupiditati sponte succumbat.

CAPVT XVI.

Non esse omnes iustos inter se pares.

QUARTVS restat error breuiter refellendus. Nam ut diximus, in eo conueniunt Lutherani, ut dicant, omnes iustos æqualiter esse iustos, ita ut neque vnus sit iustior alio, neque idem homo in iustitia crescat. Similem errorem docuit olim Iovinianus, teste S. Hieronymo, in lib. 2. aduersus Iovinianum: quamvis non ex fundamento eodem. Iovinianus enim docebat virtutes esse pares, & peccata etiam paria, iuxta antiquam sententiam Stoicorum. Lutherani vero non dicunt (quod sciam) virtutes esse pares, aut peccata paria, neque negant, posse hominem crescere in fide, spe, dilectione, aliisque virtutibus, neque dicunt, non esse vnum alio maiorem, quod attinet ad eiusmodi virtutes: sed affirmant, per has virtutes, neminem iustificari, ac per hoc crescere in fide & charitate, non esse crescere in iustitia: & ex eo quod alius alio fide & charitate sit maior, non effici, ut vnus sit alio iustior, quandoquidem vna & eadem Christi iustitia fide apprehensa, atque à Deo imputata omnes iustificari docent.

Nos igitur primum aduersus Iovinianum proferemus pauca quædam testimonia Scripturarum & Patrum: deinde alia quædam seorsim aduersus Lutheranos.

Quod attinet ad Iovinianum, euidenter refellitur error ipsius ex his testimoniis, Iob. 1. *Numquid confiderasti seruum meum Iob, quod non sis ei similis in terra?* 1. Reg. 9. *Non erat vir de filiis Israel melior illo.* Ecclesiastici 4. 4. *Non est inuentus similis illi, qui conseruaret legem excelsi.* Psal. 83. *Beatus vir, cuius est auxilium abs te, ascensiones in corde suo disponit in valle lachrymarum, in loco quem posuit. Etenim benedictionem dabit legislator, ibunt de virtute in virtutem, &c.* Quem locum tractans S. GREGORIUS, ho. 15. in Ezech. *Non mirum (inquit) si de virtute in virtutem gradus sunt, quando ipsa unaquaque virtus quasi quibusdam gradibus augeatur, & sic per incrementa meritum ad summa perducitur.* Lucæ 17. Apostoli petunt sibi fidem augeri. Ex quo loco deducit argumentum S. HIERONYMUS, libro 2. in Iovinianum: *Quare, inquit, dicunt Apostoli, Adauge nobis fidem, si omnium vna mensura est?* Matth. 11. *Non surrexit maior Ioanne Baptista.* Mat. 8. *Non inueni tantam fidem in Israel.* Lucæ 7. *Remittuntur ei peccata multa, quoniam dilexit multum.*

Huc pertinent variz similitudines. Nam Matth. 13. comparatur Ecclesia terræ, quæ pro varia dispositione alicubi reddit fructum tricenum, alicubi sexagenum, alicubi centenum. Roman. 12. & 1. Corinth. 12. comparatur Ecclesia corpori humano, in quo sunt varia membra, alia sublimiora, alia inferiora, alia nobiliora, alia viliora. 2. Timoth. 2. alia non minus apta similitudine dicuntur in domo Dei esse vasa aurea & argentea, lignea & fictilia. Et sine dubio præstantiora sunt aurea quam argentea, & argentea quam lignea vel fictilia. Quo etiam spectat illa similitudo eiusdem

Apostoli,

Apostoli, 1. Corint. 3. de his qui supra fundamentum fidei edificant aurum, argentum, lapides preciosos, ligna, fenum, stipulas.

Denique idem probant omnia testimonia, quæ docent, præmia in cælo non esse paria, ut Illud Io. 14. *In domo patris mei, mansiones multe sunt.* Et 1. Corint. 15. *Alia claritas Solis, alia claritas Lune, alia claritas stellarum, & stella differit à stella in claritate, &c.* Neque his repugnat, quod Mat. 20. dari videtur idem præmium omnibus operariis, videlicet denarius quidam diurnus. Nam denarius ille significat æqualitatem æternitatis, non gloriæ & excellentiæ.

Pulchre S. AMBROSIVS lib. 7. in Lucam, exponens, cap. 15. *Æqualitatem, inquit, dignaris solvere mercedem, æqualem mercedem vitæ, non gloriæ.* Itaque datur omnibus idem denarius, quoniam sancti omnes sine fine regnabunt, quamvis non omnes eadem eminentia regnabunt. Quemadmodum commune stellis omnibus est perpetuo fulgere in cælo, tamen aliæ aliis clarius micent. Atque hoc modo locum istum exponunt sancti Patres. Ambrosius loco citato, Hieronymus lib. 2. in Iovinianum. August. lib. de sancta Virginitate cap. 26. Gregorius lib. 4. Moral. capit. quadragesimo secundo.

At, inquires, si denarius diurnus non significat omnino par præmium, unde murmurabant operarii, qui plus laborauerant, quod eandem mercedem acciperent cum iis, qui minus laborauerant? Introducitur murmur illud in parabola, non quod in cælo vllum futurum sit murmur, sed ut ostendatur, nullam esse in Deo iniquitatem, si cū aliis liberalior, quàm cum aliis esse velit. et si (quod fieri non potest) murmur inter beatos oriretur, illud esset plane iniustum. Non enim facit Deus iniuriam ei, cui debitam mercedem reddidit, si parem, vel maiorem alteri ex benignitate donaverit.

Ad hæc testimonia Scripturæ addi possunt testimonia Patrum. S. AMBROSIVS, in epist. 81. ad Siricum: *Agrestis, inquit, vulnatus est, nullam virginis gratiam, nullum castitatis ordinem servare, promiscue omnia velle confundere, diversorum gradus abrogare meritum, & pauperatatem quandam cælestium remunerationum inducere, quasi Christo una sit palma, quam tribuas, nec plurimi abundantis tituli meritum.*

S. HIERONYMVS lib. 2. aduersus Iovinianum, ex iustitio hoc agit, ut superuacaneum sit testimonium eius adducere.

S. AUGUSTINVS in epist. 17. ad Dardanum: *Dens, inquit, totus adesse rebus omnibus potest, & singulis totus: quamvis in quibus habitas, habeant enim pro sua capacitatis diversitate alij amplius, alij minus, quos ipse sibi dilectissimum templum & gratia sua bonitatis ædificat.* Et ibidem: *Vnde in omnibus sanctis sunt alij alij sanctiores, nisi abundantius habendo habitorem Deum.*

S. GREGORIUS lib. 4. Moral. cap. 42. *Quia, inquit, in hac vita nobis est discretio operum, erit proculdubio in illa discretio dignitatum, ut quod hic alius alium merito superat, illic alius alium retributione transcendat.* Atque hæc in Iovinianum.

Nunc aduersus LUTHERANOS PRIMO pugnat illud Proverb. 4. *Iustorum semita quasi lux splendens procedit & crescit usque ad perfectum diem.* Hic enim describitur iustitiæ ipsius progressus per similitudinem lucis, quæ ab aurora progreditur ad meridiem. Sicut enim vera lux est, quæ fulget in aurora, & semper augetur, crescit usque, ad perfectionem meridianam: sic etiam vera iustitia est in hominibus iustificatis, & ea tamen semper magis ac magis augetur, donec

ad perfectionem beatorum in cælesti felicitate peringat.

S E C U N D O, illud Apostoli, 2. Corint. 9. *Augebit incrementa frugum iustitiæ vestra.* Quomodo enim Deus augebit incrementa frugum iustitiæ nostræ, si nulla in nobis iustitia, nisi Christi, quæ augeri non potest?

T E R T I O, illud S. Ioan. in Apocalypsi, cap. vlt. *Qui iustus est, iustificetur adhuc, & qui sanctus est, sanctificetur adhuc, & qui in sordibus est, sordescat adhuc.* Quis autem dubitat, eos qui in sordibus sunt, vere posse adhuc sordescere, & vnum esse sordidiorum alio? cur igitur non concedunt, posse etiam iustos effici iustiores, & vnum alio in iustitia esse maiorem?

Q U A R T O, pugnant aduersus eos omnia loca, in quibus dicitur charitas augeri, & in vno maior esse, quam in alio, ut Ioan. vlt. *Dilegi me plus his?* Et Luc. 7. *Remittuntur ei peccata multa, quoniam dilexit multum.* Et: *Cui minus dimittitur, minus diligit.* Et Ioan. 15. *Maiorem hæc dilectionem nemo habet, ut animam suam ponat quis pro amicis suis.* Et 1. Ioan. 14. *Perfecta charitas foras mittit timorem.* Et: *Qui timet non est perfectus in charitate.* Nam secundum Scripturas, iustitia nihil est aliud nisi charitas. Nam 1. Ioan. 3. Apostolus pro eodem accipit esse iustum, & diligere: *In hoc, inquit, manifesti sunt filii Dei, & filii diaboli. Omnis qui non est iustus, non est ex Deo, & qui non diligit fratrem suum. Quoniam hæc est annuntiatio, quam audistis ab initio, ut diligatis alterutrum.* Et ibid. *Qui non diligit, manet in morte.* Translati sumus de morte ad vitam, quoniam diligimus fratres.

Item Apostolus Paulus cum ait Rom. 14. *Regnum Dei est iustitia, pax & gaudium in Spiritu sancto.* Per iustitiam intelligit charitatem, cuius proprii sunt effectus pax & gaudium, iuxta illud Galat. 5. *Fructus autem Spiritus sunt, charitas, gaudium, pax.* Et Dominus Matth. 5. cum admonet, ut iustitia nostra abundet plus quam Scribarum & Phariseorum, præcipue loquitur de charitate. Scribarum enim & Phariseorum iustitia erat, diligere amicos & odio prosequi inimicos: iubet autem Christus, ut diligamus etiam inimicos, & sic iustitia nostra abundet plus quam Scribarum & Phariseorum. Itaque cum aduersarii non negent, disparitatem esse charitatis in regeneratis: non possunt etiam negare disparitatem esse iustitiæ, nisi verbo Dei repugnare velint.

Q U I N T O pugnant contra eos omnia loca, quæ docent, in cælo varietatem esse præmiorum & coronarum, quæ supra citata sunt contra Iovinianum. Nam præmia regni cælorum proprie iustis parata sunt, ut Dominus ait, Matth. 25. *Ibunt iusti in vitam æternam.* Et Philipp. 3. Apostolus vocat beatitudinem *bravium supernæ vocacionis.* Et apertius 2. Tim. 4. vocat *coronam iustitiæ, quam reddit iustus index.* Quare si diversitas est in cælo præmiorum, sine dubio diversitas est in terra meritum, & si varia est corona iustitiæ, varia quoque est ipsa iustitia. Non sunt igitur omnes regenerati æque iusti.

Accedant vlt. testimonia S. Augustini serm. 16. de verbis Apostoli: *Iustificari, inquit, sumus, sed ipsa iustitia, dum proficit, crescit.* Item in epist. 29. ad Hieronymum: *Induti sumus sancti iustitia, alius magis, alius minus.* Item tract. 6. in Ioan. *Ipsi, inquit, spirituales sancti in Ecclesia, sunt alij alij sanctiores, alij alij meliores.*

Argumenta contraria nulla remanent hoc loco solvenda, quoniam non alia sunt, quam quæ in libro superiore dissolvimus. Quibus videlicet in hærentem iustitiam oppugnare, & imputatitiam propugnare aduersarii nitebantur.

LIBER QVARTVS.

DE IVSTIFICATIONE, QVI EST DE IVSTITIA OPERVM.

DE IVSTITIA ACTV ALI, SIVE OPERVM Quatuor sunt quæstiones, VNA de necessitate, ALTERA de veritate, TERTIA de merito, QVARTA de perfectione. Dissidemus enim ab Hæreticis huius temporis. PRIMVM an sint hominibus iustificatis opera necessaria ad salutem, cum qua quæstione fere coincidunt illa, Vtrum iusti legem Dei seruare teneantur, & quid intersit inter Legem & Euangelium. DEINDE, dissentimus de ipsa veritate iustitiæ actualis, id est, vtrum opera iustorum sint vere iusta, ita vt coram Dei iudicio comparere audeant, cum qua quæstione coincidit illa, possit ne homo iustus legem diuinam ita implere, vt in opere peccatum nullum admittat. TERTIO, contendimus de meritis operum bonorum, vtrum ex iustitia digna sint retributione. QVARTO, disceptamus de perfectione iustitiæ, sed ea duobus in locis à nobis explicata est, in libro de Monachis, & in libro de distinctione peccati mortalis & venialis.

CAPVT PRIMVM.

Quod hæretici huius temporis negent operum necessitatem.

VT IGITUR à PRIMA quæstione incipiamus, explicanda est sententia aduersariorum de necessitate operum. Siquidem multi ipsorum aliud loquuntur, aliud sentiunt. Non desunt enim qui clament iniuriam Lutherani fieri, cum dicuntur opera bona, tanquam non necessaria ad salutem contemnere.

Ac PRIMVM Confessio ipsa Augustana art. 20. falsò dicit accusari suos, quod bona opera negligat, vel prohibeant. Philippus quoque in Locis, Brennius in Catechismo, Kemnitius in Examine Concil. sess. 6. prope finem. Caluinus lib. 3. Institut. cap. 16. et ipse etiam Lutherus, in libro de Visitatione Saxonica, docent opera bona esse facienda, & aliquo modo indicant esse necessaria, cum affirmant, veram fidem non esse, quæ non parit opera bona, & quæ charitatem comitem non habet. Denique in Colloquio Altemburgensi Maioristæ, siue Electorales disertis verbis docent opera bona esse ad salutem necessaria, non quidem necessitate efficientiæ, sed necessitate præsentæ. Illyriciani autem, siue Saxonicæ, non negant opera esse necessaria necessitate præsentæ: sed tamen propter scandalum & periculum contendunt, istam propositionem, opera sunt necessaria ad salutem, non esse in Ecclesia tolerandam.

Cæterum quidquid sit de modis ipsorum loquendi, cum exentiuntur ipsorum principia & pleraque dicta & scripta Lutheri, videntur omnino existimare posse hominem saluari, etiam si nulla bona opera faciat, nec mandata diuina custodiat. Quod his argumentis probo.

PRIMVM, ex verbis disertis Prophetæ ipsorum Lutheri, qui affirmat mala opera credenti nihil nocere. Sic enim loquitur in libro de libertate Christiana: *Bona opera non faciunt bonum virum, nec malum mala.* Et paulo post: *Vt infideli nullum bonum opus prodest ad salutem & iustitiam sic & diuerso nullum malum opus facit malum & damnatum, sed sola incredulitas.* Idem in sermone, Sic Deus dilexit mundum. *Vbi fides est, inquit, nullum peccatum nocere potest.* Et in libro de captiuitate Babylonica c. de Baptismo, *Vides, inquit, quam diues sit homo Christianus, vel baptizatus, vt etiam*

A volens non possit perdere salutem suam, quantiscumque peccatis, nisi nolis credere. Nulla enim peccata possunt eum damnare, nisi sola incredulitas. Hæc & similia manifeste docent, omnia bona opera posse tuto omitti, ac per hoc non esse necessaria. Nam si quævis peccata non faciunt hominem malum, neque ipsum damnant, quare non possunt omitti? Et si possunt omitti, quare sunt necessaria?

In commentario ad caput secundum ad Galat. Quando, inquit, sic docetur, fides in Christum iustificat quidem, sed simul seruari oportet mandata Dei, quia scriptum est, si vis ad vitam ingredi serua mandata, ibi statim Christus negatus est, & fides abolita, quia mandatis Dei siue legi tribuitur, quod est solius Dei. Item in sermone de nouo testamento, siue de Missa: *Cauemus, inquit, à peccatis, sed multo magis à legibus, & operibus bonis, tantum attendamus Dei promissionem & fidem.*

B Denique in sermone citato, Sic Deus dilexit mundum: Ego, inquit, dico tibi, quia angusta est via, oportet te fieri renuem, si vis per eam venire. Cæterum qui operibus onerati sunt, sicut conchilibus onustos videmus Iacobi peregrinos, si non poterunt penetrare. Et infra: Si ueneris cum magnis saccis operum plenis, deponere oportebit, alio qui non poteris penetrare.

Hæc & similia, quæ in Lutheri scriptis contra studium operum bonorum passim leguntur, satis indicant mentem eius, & quomodocumque excusentur, certè magnam vim habent ad persuadendum simplici populo, & ad malum propenso, non esse facienda opera bona.

C SECUNDO, idem probatur ex illo communi ipsorum dogmate, quod omnia opera iustorum sunt ex natura sua peccata mortalia, vt patet ex Luthero in assertionem articulo trigesimi primi, trigesimi secundi & trigesimi sexti. Et ex Caluino libri tertij Institutionum, cap. duodecimo, paragrapho quarto & capite quadragesimo primo, paragr. nono. Nam si bona opera sunt peccata mortalia, & tamen propter fidem non imputantur, certe poterunt etiam mala opera propter fidem non imputari, ac per hoc non nocere. Neque erit causa cur vitentur. Atque hoc est, quod dicit Lutherus in captiuitate Babylonica, loco citato, omnia peccata in momento à fide absorberi.

Dicent fortasse, mala opera non posse cum fide consistere, quoniam qui habet propositum peccandi, non potest concipere fiduciam remissionis peccatorum, & ideo fides vera semper est cum charitate coniuncta. At contra, nam si hoc esset verum, non posset etiam opera, quæ dicuntur bona, cum fide consistere. Nam opera bona non sunt bona (ex ipsorum sententia) nisi nomine, & secundum quid, re ipsa vero & simpliciter sunt peccata mortalia. Quare qui habet propositum faciendi eleemosynam quoniam scit, hoc se non posse facere, nisi peccando mortaliter, habet propositum peccandi mortaliter, atqui hoc propositum cum fide consistit, imo propter fidem non reputatur peccatum, igitur eodem modo qui habet propositum furandi poterit simul habere fidem, & propter eam fidem furtum non reputabitur ad peccatum. Sequitur igitur ex hoc ipsorum dogmate, ut re vera non sint necessaria bona opera ad salutem, sed perinde sit utrum quis amet coniugem suam, an alienam, utrum furetur, an donet.

TERTIO, idem probamus ex discrimine legis & Evangelii. Nam ex doctrina ipsorum communi hoc interest inter legem & Evangelium, quod lex proponit iustitiam & salutem cum conditione totius legis implendæ, Evangelium promittit iustitiam & salutem sine vlla conditione, sed absolute, vel cum sola conditione fidei. Et hinc deducunt alterum discrimen, quod lex terret, Evangelium consolatur. Ita docet Lutherus passim in commentario ad caput secundum ad Galatas, & alibi, Philippus in Locis, titulo de lege & de Evangelio, & alii. Et in Colloquio Altemburg. ita loquuntur Saxonici: *Legis promissiones sunt conditionales, proponunt enim cum conditione obedientiæ, sed promissiones Evangelij non sunt conditionales, sed gratuita.* At si Evangelium nullam requirit conditionem obedientiæ, sed est sola fide contentum, certe qui nihil boni faciat, consentaneæ ad Evangelium vivet.

Quod si dicas, Evangelium non requirit conditionem operum, fides tamen requirit, non enim erit fides, nisi pariat bona opera, sequetur aut fidem non esse conformem Evangelio, aut Evangelium si non immediate, saltem mediate requirere conditionem operum. Quomodo enim fides si requirit opera, non erit potius ex lege, quam ex Evangelio? aut si Evangelium requirit fidem, & fides requirit opera, nonne etiam consequenter Evangelium requirit opera? Quare vel inane est discrimen quod frequentissime tradunt inter legem & Evangelium, vel coguntur dicere, absolute nulla bona opera necessaria esse ad salutem, & consolationem magnam ex Evangelio percipere, & iustificari & saluari etiam eos, qui voluntarie in sceleribus perseverant.

QUARTO, probamus idem ex libertate Christiana, quam ipsi communi consensu docent. In eo siquidem libertatem Christianam constituunt, quod homo iustus sit liber à debito legis implendæ coram Deo, & per hoc omnia opera sint illi iam indifferentia, id est, nec præcepta, nec prohibita. Quod necessario colligunt ex alio principio, quod docent legis observationem esse etiam iustus penitus impossibilem. Nam si lex impossibilis est, nisi tollatur debitum eius implendæ, omnes damnabit. Ne igitur iusti damnentur, ab eius iugo & debito liberantur.

Ita docet Lutherus tum in lib. de libertate Christiana, tum in commentario epistolæ ad Galat. tum in sermone de Mose: *Sola fides* (inquit in cap. 2. ad Galatas) *neccessaria est, ut iustus simus, cetera omnia liberi-*

ma, neque præcepta amplius neque prohibita. Ibidem: *Si conscientia dicat, peccasti, responde, peccavi, ergo Deus puniet & damnabit? Non: At lex hoc dicit. Sed nihil mihi cum lege.* Quare? *Quia habeo libertatem.* Et in argumento eiusdem epistolæ. *Summa ars, inquit, & sapientia Christiana est, nescire legem, ignorare opera, & totam iustitiam actinam.* Et in libro de libertate Christiana. *Nullo opere, nulla lege homini Christiano opus est, cum per fidem sit liber ab omni lege.*

Et Calvinus lib. 3. Institutionum capite decimo nono, paragrapho secundo, quarto & sept. tribus in rebus libertatem Christianam ponit, **PRIMUM** in eo, quod ubi fiducia iustificationis quaeritur, nulla legis, vel operum ratio habeatur. **DEINDE** in eo, ut opera bona non fiant tanquam examinanda ad regulam legis, sed tanquam certo acceptanda à Deo qualiacumque sint. **DEINQUE** in eo ut omnium rerum externarum usus habeatur pro indifferenti, ita ut homo nulla religione tangatur, siue eas vsurpet, siue relinquat. Ex hac doctrina quis non videt, quam lata porta sceleribus & flagitiis omnibus pateat? Et quis ambigat nulla esse opera bona necessaria ad salutem, si res omnes externæ, proinde etiam baptismus & Eucharistia, adiaphoræ sunt, & nihil ad legis regulam examinandum est?

QUINTO, probamus ex vita & moribus Lutheranorum, qui occasione huius doctrinæ ita cæperunt incredibili licentia in omnia scelera & peccata prorumpere, ut necesse fuerit, Lutherum ipsum Visitationem instituere & laudare opera bona, atque ad ea populos adhortari. Sed quam parum feliciter id ei successerit, scribit Ioannes Cochleus in eius vita. Recte igitur, id est, inconsistentes ad Lutheri dogmata in Colloquio Altemburgensi dixerunt quidam ex rigidis Lutheranis: *Opera bona, & nonam obedientiam non ad regnum Christi, sed ad mundum pertinere.* Item, *Ad Satanam spectare Christianos cum operibus bonis.* Item, *A deo non esse necessaria opera bona, ut etiam ad salutem incommodent, sinique perniciofa.* Denique, *peccari oportere, ut in fide sine omnibus operibus bonis usque in finem perseveremus.* Vide Petrum Canisium in lib. 1. de corruptelis verbi Dei cap. 10. ubi multa huius generis ex aduersariorum libris refert.

CAPVT II.

Refutatur falsum discrimen legis & Evangelii, & inde probatur operum necessitas.

N V N C V T errorem omnium perniciosissimum refellamus; **PRIMO** probabimus, in Evangelio contineri doctrinam operum, & leges varias, eiusque promissiones requirere conditionem legis implendæ. **DEINDE**, iustos non esse liberos ab observatione legis diuinæ. **POSTREMO**, opera bona simpliciter ad salutem esse necessaria.

Igitur **SCIENDUM** est Evangelium **DVOBUS** modis accipi posse, **VNO** modo pro doctrina, quam Christus & Apostoli prædicarunt, & in libris Evangelistarum, aliisque Apostolorum scriptis continetur. **ALIO** modo pro gratia novi testamenti, quæ lex scripta in corde, & spiritus viuificans: & lex fidei dici solet, quamvis (ut verum fatear) nomen Evangelii non videatur in Scripturis vique accipi, nisi priore modo, id est, pro doctrina. Et quidem, si loquamur de gratia novi testamenti, non distinguitur lex ab Evangelio, quod lex requirat opera, Evangelium non requirat opera; sed quod lex doceat quid sit faciendum, Evangelium præbeat vires ad facien-

dum: inde enim dicitur lex scripta esse in tabulis, Evangelium in cordibus. De quo discrimine copiose scribit sanctus Augustinus in libro de Spiritu & littera ad Marcellinum, in epist. 200. ad Afellicum & alibi.

Neque de hac acceptione hoc loco controuersia est. Nam ipsi etiam aduersarii, cum de discrimine legis & Evangelii differunt, nomine Evangelii non gratiam ipsam, sed prædicationem Christi & Apostolorum intelligunt, quam ideo Evangelium, id est, bonum nuncium appellatam esse dicunt, quoniam nihil nisi consolationem annunciat. Nos vero contendimus Evangelio contineri illa omnia quæ aduersarii soli legi tribuunt quæ sunt præcipue tria, leges proprie dictæ, communicationes & promissiones cum conditione obedientiæ.

Quod attinet ad leges proprie dictas, id probamus ex cap. 5. Matth. ubi Dominus confirmat, explicat & perficit legem Moysi de homicidio, adulterio, periurio, & similibus rebus. Nam quod re vera Dominus eam legem, ut à se explicatam seruari velit, perspicuum est.

PRIMO, ex modo illo loquendi, *Ego autem dico vobis*. Quæ verba Legislatorem proprie decent.

SECUNDO, ex eo quod Dominus ait: *Non veni solvere legem, sed adimplere*. Si enim nulla esset in Evangelio legis obligatio, sustulisset Dominus legem veterem, etiam quoad præcepta moralia.

TERTIO, ex eo quod dicitur Matth. 7. in fine: *Quod erat docens sicut potestatem habens, non sicut Scriba & Pharisei*. Id est, sicut Legislator, qui ex auctoritate leges interpretatur, vel mutat, vel addit, non sicut Legisperitus, qui solum ex scientia legem explicat.

QUARTO, ex eo quod concludit: *Si quis ergo soluerit unum de mandatis istis minimis, & docuerit sic homines, minimus vocabitur in regno cælorum*. Non igitur Dominus solum explicat legem veterem, sed etiam iubet eam seruari, quod attinet ad præcepta moralia. Alioqui non diceret, qui soluerit unum de mandatis istis minimis, minimus vocabitur in regno cælorum.

PRÆTEREA, si lex vetus moralis ad Christianos non pertineret, quare Dominus tam accurate illam exponeret & perficeret? Num Evangelium Christi otiose in rerum inutilium explicatione consumi debuit? Vide plura de hoc argumento infra capite 3.

Quod attinet ad ALTERVM de comminationibus & terroribus, quæ maior comminatio excogitari potest, quam illa Dominico ore prolata. Mat. 5. *Qui dixerit fratri suo, satana, veus erit gehennæ ignis*. Et Mat. 7. *Omnis arbor quæ non facit fructum bonum, excidetur, & in ignem mittetur*. Similes autem comminationes habentur in Evangelio passim, Matth. 22. 23. 25. Marc. 9. Luc. 12.

Sed respondent aduersarii comminationes, quæ in Evangeliiis reperiuntur, ad legem pertinere, sicut etiam contra promissiones remissionis peccatorum, quæ leguntur in Prophetis, ad Evangelium. At certe coguntur ita dicere, quia Evangelium sola consolatione definiunt. Sed cogitent, an non satius esset, corrigere definitionem illam, quam dicere maximam partem sermonum Christi non esse Christi verba, sed Moysi: & Christum in Evangelio nihil minus, quam Evangelium prædicare.

Deinde, nonne Apostolus Paulus ad Rom. 1. & 2. ipsi Evangelio tribuit officium terrendi? *Non erubescio* (inquit capite 2.) *Evangelium, virtus enim Dei est in salutem omni credenti, Iudeo primum & Græco*. Insi-

ria enim Dei in eo reuelatur ex fide in fidem. Sine scriptum est, Iustus autem ex fide vivit. Reuelatur enim ira Dei de cælo super omnem impietatem, &c. Ista reuelatio iræ Dei manifeste tribuitur Evangelio, reuelatur enim in Evangelio iustitia Dei ex fide, ut iustificati evadant iram Dei, quam idem Evangelium omnibus impiis imminere testatur. Vnde in 2. cap. idem Apostolus ait: *In die cum indicabit Dominus occulta hominum, secundum Evangelium meum*.

Ad hæc, Nonne Apostolus Petrus in die Pentecostes, accepto Spiritu sancto Evangelium prædicavit? Quis autem fuerit eius prædicationis effectus, docet S. Lucas, Actor. 2. cum ait: *His auditis compuncti sunt corde, & dixerunt ad Petrum, & ad reliquos Apostolos, Quid faciemus viri fratres?* Evangelium igitur non solum consolatur, sed etiam terret. Compunctio enim ex terrore nascitur.

Nec solum Petrus, sed etiam Paulus cum Evangelium prædicaret, homines terrefaciebat. Sic enim scribit idem Lucas, Actorum 24. *Veniens Felix cum Drusilla uxore sua, quæ erat Iudæa, vocavit Paulum, & audivit ab eo fidem, quæ est in Christum Iesum*. Disputante autem illo de iustitia & castitate, & de iudicio futuro, tremefactus Felix respondit, quod nunc attinet, vade, &c. Non audebunt (credo) Lutherani dicere, Paulum vocatum, ut prædicaret fidem Christi, pro fide legem, pro Christo Moysen, pro Evangelio aliquid Evangelio contrarium prædicasse, & tamen finis prædicationis fuit terror & tremor audientium.

Quid S. Iacobus? An ipse quoque Evangelium non prædicabat, cum scriberet in epist. sua, cap. 1. *Agite nunc dimites, plorate ululantes in miserijs, quæ advenient vobis* et frater eius Iudas item Apostolus, quid nisi Evangelium prædicabat, cum in epistola sua scriberet: *Ecce venit Dominus in sanctis millibus suis facere iudicium contra omnes, & arguere omnes impios de omnibus operibus impietatis eorum*?

Denique S. Ioan. Apostolus & Evangelista in Apocalypsi c. 14. *Vidi, inquit, alterum Angelum volantem per medium cæli, habentem Evangelium æternum, ut evangelizaret sedentibus super terram, & super omnem gentem, & tribum, & linguam, & populum, dicens magna voce, Timeate Dominum, & date illi honorem, quia venit hora iudicij eius*.

Cum igitur Christus & omnes Apostoli evangelizando terreant, & in Symbolo Apostolico, quod Evangelii summam continet, sit etiam articulus vnus de futuro iudicio, falsò docet Lutherani, proprium esse legis officium tertere, & ad Evangelium non pertinere.

At si res ita se habet, inquiunt, cur Apostolica prædicatio dicitur Evangelium, id est, laus & bonus nuncius? Et cur sanctus Paulus ad Rom. 8. scribit, nos non accepisse spiritum servitutis iterum in timore? RESPONDEO, Nomen Evangelii impositum est ad significandum officium vnum, idque potissimum Apostolicæ prædicationis, sed non propterea sequitur non esse etiam alia officia Evangelii, quamvis eo nomine non explicentur. Quomodo clavis dicitur quia claudit, & tamen etiam aperit: & lingua dicitur instrumentum lingendi, quod est tamen instrumentum etiam loquendi.

Dicitur igitur Evangelium, quia annunciat Salvatoris adventum, reconciliationem cum Deo, adiutum patefactum ad regnum cælorum. Vnde etiam dicitur Evangelium Regni, Mat. 24. et Marc. 1. Sed simul etiam annunciat iram & indignationem his, qui non recipiunt Salvatorem, neque poenitentiam agunt. Adde quod Evangelium terret, ut consoletur, quo-

modo medicus vulnerat ut sanet. Quod non tam proprie conuenit legi Moysi, quæ terrebatur comminando supplicia peccatoribus, & non ostendebat, nisi obscure liberatorem.

Quod autem attinet ad spiritum timoris & charitatis, non colligitur inde discrimen inter legem & Euangelium quatenus Euangelium significat doctrinam Christi & Apostolorum; secundum quam acceptionem nos hic loquimur de Euangelio, sed inter testamentum nouum & vetus. Nam testamentum vetus proprie non continet, nisi quod Moyses attulit, id est, legem scriptam in tabulis, quæ quidem seruitutem generat, ut dicitur ad Galatas 4. Et timorem incutit, quoniam ostendit quid facere oporteat, & non dat vires faciendi: at nouum testamentum continet id, quod Christus attulit: Christus autem non attulit solum doctrinam & præcepta Evangelica, quamuis hæc etiam attulerit, sed gratiam quoque Spiritus sancti, quæ est lex in corde scripta, id est, charitas in corde diffusa, per quam non timore pœnæ, sed amore iustitiæ lex in tabulis conscripta seruetur. Atque hoc discrimen indicat Apostolus ad Romanos 8. ad Galatas 4. ad Hebræos 8. & 10. Et sanctus Augustinus in libro contra Adimantum, capite 17. breuissimam differentiam esse scripsit, non legis & Evangelii, sed testamenti veteris & noui timorem & amorem.

Veniamus ad TERTIVM discrimen, quod est huius loci maxime proprium. Igitur promissiones Evangelicas conditionales esse, non absolutas, probatur PRIMO ex capite quinto Matthæi: *Nisi abundaueris iustitia vestra plus quam Scribarum & Phariseorum, non intrabitis in regnum celorum.* Hæc certe promissio est Evangelica, cum regnum celorum comprehendat. Et tamen requirit conditionem iustitiæ non imputatiuæ, sed actualis & operosæ, quæ in perfecta mandatorum obseruatione consistit. Explicat enim Dominus quid sit, iustitiam nostram abundare plus quam Scribarum & Phariseorum, cum dicit, Phariseorum & Scribarum iustitiam fuisse diligere amicos, non occidere, non mæchari, non peierare: nostram autem esse debere, diligere etiam inimicos, non irasci sine causa, non videre uxorem alienam ad concupiscendum, non iurare omnino absque necessitate.

SECUNDO, probatur ex cap. 19. Matthæi: *Si vis ad vitam ingredi, serua mandata.* Hæc enim apertissima promissio vitæ æternæ, apertissimam conditionem exigit obedientiæ. Et similis habetur promissio, Luc. 10. ubi cum is, qui Dominum rogauerat, quid facto opus esset ad vitam æternam acquirendam, mandata legis exposuisset, Dominus ait, *Recte respondisti, fac, hoc, & viues.*

Ad hæc loca respondent aduersarii, Dominum hæc dixisse ironice, cum solum significare vellet, fieri non posse, ut aliquis mandata diuina custodiat: quomodo si quis diceret, si vis in celum conscendere, vola per aërem; vel hoc fac, assume pennas sicut columbæ, & altissimæ volabis. Ita docet Lutherus, in commentar. ad cap. 3. ad Galatas, explicans illud: *Qui fecerit ea, viuet in illis.* Quæ verba dicit esse intelligenda ironice, sicut illa Christi: *Hoc fac & viues.*

Sic etiam Calvinus libro tertio Institutionum, cap. 18. § 9. dicit Christum attemperare solitum suam responsionem, qui eum interrogabant: quoniam Legis peritus per suasionem legalis iustitiæ imbutus erat, & in operum fiducia cecutiebatur, ideo à Christo ad legis obseruationem esse remissum. Idem quoque in Antidoto Concilio exagitat illud quod monet Con-

cilium sess. 6. cap. 7. catechumenis dicendum esse, si vis ad vitam ingredi serua mandata; *Væ*, inquit, eorum catechumens, si tam dura illis conditio imponitur. Quid enim aliud, quam æterna illis maledictio induitur?

Porro Ioannes Brentius hom. 1. in Dominica 13. post Trinitatem audent etiam dicere, Christum sic respondisse, cum ait: *Si vis ad vitam ingredi, serua mandata*, ut potius indicauerit ei viam ad æternam damnationem. Ita videlicet isti verbi Dei simplicitatem peruertunt, & ad suos errores & blasphemias detorqueere conantur.

At multis de causis nihil eos conficta ista ironia iuuare poterit. PRIMVM, quoniam si ironica esset responsio, ideo talis esset, quoniam ad Legis peritos, vel Phariseos dirigitur: igitur cum Dominus Apostolos suos alloquitur, non ironice, sed proprie & serio loquitur. Audiant ergo quid Apostolis suis dicat, Ioannis 13. *Si hæc fecitis, beati eritis, si feceritis ea.* Ioannis 15. *Vos amici mei eritis, si feceritis, quæ ego precipio vobis.* Et illud quod ante citauimus, Matth. 5. *Nisi abundauerit iustitia vestra, &c.* Et cap. 6. *Si dimiseritis hominibus peccata eorum, dimittet & vobis pater vester cælestis peccata vestra: si autem non dimiseritis hominibus, nec pater vester dimittet vobis.* Hæc, & similia non possunt eludi per ironiam, & tamen promissiones continent, cum conditione operum bonorum, & obedientiæ legis.

SECUNDO, is cui Dominus dixit, *Si vis ad vitam ingredi, serua mandata*, non erat Scriba, nec Phariseus, aut Legis peritus, sed Adolescens quidam diues. Matthæus enim cap. 19. adolescentem vocat & diuitem fuisse narrat. Marcus cap. 10. non meminit, nisi diuitiarum. Luc. c. 18. principem appellat, Legis peritum, Scribam, aut Phariseum nullus Evangelistarum nominat. Præterea non venit ille ut Christum tentaret, sed ut simpliciter viam salutis addisceret. Nam tentationis hoc loco nulla mentio est: & Marcus scribit cum genuflexo rogasse Dominum de via salutis. Et addit: *Inuitus enim Dominus, dilexit eum.* Certe tam adolescentis erga Christum humilitas, quam Christi erga adolescentem beneuolentia manifeste indicant serium fuisse colloquium, neque ullam ironiæ suspicionem subesse.

TERTIO is, cui Dominus dixit: *Hoc fac, & viues*, Lucæ 10. Legis quidem peritus erat, & Dominum tentaturus accessit: sed non propterea sequitur, ut ironice Dominus illi responderit. Nam tentatio illa non erat ad fallendum, sed ad inquirendum quid Dominus de via salutis sentiret, quidve doceret: id quod intelligi potest, TVM ex eo quod Dominus illi ait: *Recte respondisti, hoc fac, & viues.* Quomodo enim Dominus diceret, recte respondisti, ei quem hypocritam & tentatorem subdolum esse cognosceres? TVM ex eo quod ibidem Dominus, ut illum magis instrueret, parabolam adiecit de eo, qui incidit in latrones, & cum narrasset opus misericordiæ, quo in eum Samaritanus quidam exercuit, ait ad Legis peritum: *Vade & tu fac similiter.* Vbi nullo modo ironiam suspicari fas est, nisi velimus Dominum ironice commendasse opera misericordiæ, vere autem & proprie contemptum eorum docuisse. Quod si in illis verbis, *Vade, & tu fac similiter*, nulla ironia, certe neque in illis est, *Recte respondisti, hoc fac, & viues.* Nam ad eundem, ab eodem, eadem phrasi, in eodem loco & tempore, & eadem occasione dicuntur.

QUARTO, cum Dominus tentaretur tentatione fallaci, & subdola, non reddebat dolum pro dolo, sed vincebat in bono malum & non ironice, sed

proprie respondebat, & doctrinam seriam, & solidam tradebat, ut patet Matthæi vigesimo secundo, ubi primum Phariſæi conſilium ineuntes, ut caperent eum in sermone, quærun, liceat ne cœsum dare Cæsari an non: deinde Sadducæi non dissimili studio quæſtionē proponunt, cuius vici futura sit vxor in resurrectione, quæ septem viris sibi per mortem ordine succedentibus nupserat. Denique legisperiti tentantes interrogant, quod sit mandatum magnum in lege. Omnibus autem quæſtionibus Dominus vere, proprie, simpliciterque respondit. Ad primam: *Reddite quæ sunt Cæsari Cæsari, & quæ sunt Dei Deo.* Ad secundam: *In resurrectione neque nubent, neque nubentur, sed sunt sicut Angeli Dei in cælo.* Ad tertiam: *Diliges Dominum Deum tuum, ex toto corde tuo, & in tota anima tua, & in tota mente tua.* Audeant Calvinistæ & Lucherani, si pudorem penitus exuerunt, has responsiones Domini ironicas facere. Si vero non audent, multo minus Matth. 19. & Luc. 10. ironiam suspicentur, cum in his locis minor occasio ironiæ reperiatur.

TERTIO, probari potest, promissiones Evangelicas esse conditionales ex doctrina Apostolorum, qui passim conditiones operum inculcant, ad Romanos 8. *Si spiritus facta carnis mortificaueritis, vivetis.* Et ibidem, *Cohæredes autem Christi, si tamen compatimur.* 2. ad Timoth. 2. *Si commortui sumus, & conuinemus, si sustinebimus & congregabimur.* Iacobi 1. *Si tamen legem perfecitis regalem.* 1. Petri 1. *Sic enim (si videlicet, per bona opera certam vestram vocationem facitis) abundanter ministrabitur vobis introitus in æternum regnum Domini nostri.* 1. Ioan. 1. *Si confiteamur peccata nostra fidelis est & iustus, ut remittat nobis peccata nostra.* Apoc. 3. *Qui viderit, dabo ei sedere mecum in throno meo.*

QUARTO, probatur ex doctrina prophetica. Nam promissiones remissionis peccatorum, etiam si in Prophetis sint, non ad legem, sed ad Evangelium pertinet aduersarii non negant. Sic igitur loquitur Ezechiel, capite 18. *Si impius auerterit se ab impietate sua, & fecerit iudicium & iustitiam, vita vivet &c.* Vbi non semel, sed sæpius Dominus repetit, se indulgentiam, & vitam impio donaturum, si tamen penitentiam egerit à peccatis, & mandata omnia custodierit. Et contra, se iustum graviter puni-turum, si auerterit se à iustitia, & mandata omnia non custodierit. Quo loco sicut auertere se à iustitia & mandata non custodire, conditio est, à qua pendet comminatio mortis, omnium consensu, & nemo dicere tuderet comminationem mortis non esse conditionalem, sed absolutam: ita quoque auertere se à peccato, & facere iudicium, & iustitiam, conditio est, à qua pendet promissio vitæ, & nemo dicere debet, promissionem vitæ non esse conditionalem, sed absolutam, nisi diuinis litteris aperte repugnare velit.

QUINTO, probatur ex conditione fidei, quam requiri ad salutem non negant aduersarii, cum scriptum sit Marci ultimo: *Qui crediderit, saluus erit, qui non crediderit, condemnabitur.* Ex hac enim fidei conditione sequitur PRIMO, ut falsum sit, quod ipsi dicunt promissiones Evangelii non esse conditionales: quomodo enim conditionales non sunt, si conditio aliqua, fidei videlicet, in omnibus requiritur? SECUNDO, ut etiam falsum sit, non requiri conditionem legis implendæ. Nam quibus verbis Scriptura docet, requiri conditionem fidei ad salutem, usdem, vel etiam clarioribus docet, requiri conditionem legis implendæ, ut patet ex tot locis supra citatis.

At (inquiunt) *Promissiones Evangelij gratuita sunt,*

A non igitur conditionales. RESPONDEO, Gratuitum non opponitur conditionali, neque est idem, quod absolutum, alioqui promissio Evangelica conditionem fidei non requireret. Gratuita igitur dicitur promissio, quamvis conditionalis, quoniam ipsa etiam conditio gratuita est, gratuita enim est promissio indulgentiæ, tamen si fidem & penitentiam exigit, quoniam fides & penitentia dona sunt Dei, & gratuita est promissio vitæ æternæ, quamvis obedientiam legis requirat, quoniam ipsa etiam obedientia legis donum Dei est: & hoc modo gratiam dat Deus pro gratia, ut legimus Ioannis primo. Quoniam gratiam vitæ æternæ dat pro gratia meritum, & gratiam indulgentiæ dat pro gratia penitentis.

CAPVT III.

Afferitur verum discrimen legis & Evangelij, & inde necessitas operum comprobatur.

EXPLICABIMVS nunc verum discrimen Legis & Evangelii, ut hinc etiam necessitas bonorum operum comprobetur.

DVO sunt præcipua discrimina Legis & Evangelii, ex quibus multa alia consequuntur.

PRIMUM igitur illud interest inter legem & Evangelium, quod inter doctrinam inchoatam & perfectam, continetur enim Evangelium in Lege, ut arbor in semine, ut S. Thomas recte docet in 1. 2. q. 107. Vnde S. Augustinus in libro 16. de ciuitate Dei cap. 16. scribit, testamentum vetus esse occultationem noui, & testamentum nouum esse reuelationem veteris. Et S. Gregorius homil. 6. in Ezechielem, explicans mysterium rotæ quæ erat in rota, dicit rotam in rota esse testamentum nouum in testamento veteri.

TRIA continet Scriptura vtriusque testamenti, mysteria, promissiones & præcepta, id est, res credendas, sperandas & faciendas, quibus fides, spes, charitasque respondent. Nam ad hæc tria reuocatur summa totius doctrinæ cælestis, ut S. Augustinus docet in Enchiridio, in libro de agone Christiano, in libro de catechizandis rudibus, & alibi. Sed in omnibus tribus longe præstat doctrina Evangelica & Apostolica doctrinæ legis & Prophetarum.

Nam quod attinet ad MYSTERIA FIDEI; doctrina veteris testamenti vnitatem Dei manifeste docet, Trinitatem personarum, & Incarnationem verbi non nisi obscure & imperfecte, ut ea potius adumbrat, quam exprimat: doctrina vero testamenti noui hæc omnia perspicue tradit & prædicat. Itaque ad hoc significandum, Moses cum loqueretur ad populum, faciem velabat, nobis autem Christus ipse reuelata facie loquutus est, annuncians omnia, quæcunque audiuit à Patre suo. Vnde Apostolus 2. ad Corinthios 3. *Moses, inquit, ponebat velamen super faciem suam, ut non intenderent filij Israel in faciem eius: nos autem reuelata facie, gloriam Domini speculantes, transformamur à claritate in claritatem, tanquam à Domini spiritu.*

Quod attinet ad PROMISSA, Lex & Prophetæ pollicentur expresse bona temporalia, figurate autem regnum cælorum, Christus & Apostoli manifeste regnum cælorum, & vitam æternam pollicentur, bona temporalia adiicienda esse dicunt, & ideo non esse sollicite & anxie requirenda. Et quoniam promissionibus adiungi solent etiam minæ, Lex & Prophetæ comminantur temporalia mala, Christus

& Apostoli mortem sempiternam. Si audieritis me (inquit Dominus, per prophetam Isaia primo) bona terra comedetis: quod si nolueritis, & me ad iracundiam provocaueritis, gladius deuorabit vos. Christus autem Matthæi 5. Beati pauperes spiritu, quoniam ipsorum est regnum cælorum, Beati mundo corde, quoniam ipsi Deum videbunt. Et infra: Qui dixerit fratri suo sane, reus erit gehenna ignis.

Sanctus AVGVSTINVS libro decimo octauo de ciuitate Dei, capite vndecimo: Educto, inquit, populo in monte Syna, diuinitus acceptam tradidit legem, quod vetus dicitur testamentum, quia promissiones terrenas habet: & per Iesum Christum futurum fuerat testamentum nouum, quo regnum cælorum promitteretur. Et in Psalmum 73. Deus se utriusque testamenti esse voluit auctorem, ut & terrena promitteret in veteri testamento, & cælestia in nouo testamento. Obseruat idem Augustinus in libro 19. contra Faustum, capite vlt. in Prophetis inueniri non raro testimonia de resurrectione & vita æterna; sed regnum cælorum nusquam expresse nominatum, nedum promissum, nisi in Euangelio. Quare non immerito Sanctus Hieronymus in libro 1. aduersus Pelagianos, reprehendit Pelagianos, quod dicerent in testamento veteri regnum cælorum esse promissum.

Restant LEGES & MANDATA, quorum alia ceremonialia, alia iudicialia, alia moralia erant in veteri testamento. In nouo autem pro CEREMONIIS illis Mosaicis, quæ prope modum infinitæ erant, instituit in Euangelio CHRISTVS, vt S. AVGVSTINVS loquitur in epist. 118. ad Ianuarium, Sacramenta numero paucissima, obseruatione facillima, significatione præstantissima, quibus societatem noui populi colligauit. Et in Psalm. 73. Mandata, inquit, sunt Sacramenta facta sunt pauciora, faciliora, salubriora, feliciora.

IUDICIALES leges in Euangelio Christus non tulit, sed ferèdas reliquit iis, qui variis in locis Republicam gerentes, pro rerum personarum, & temporum diuersitate instituendas esse iudicauerint. Hoc enim interest inter populum Hebræum & Christianum, quod ille vnâ gentem & vnâ regionem, eamque satis exiguam continebat. De qua re vide Hieronymum in epist. ad Dardanum, de terra promissionis: iste autem orbem terræ complexus est, vbi regiones sunt & regna vastissima, mores & consuetudines diuersissimæ, temperamenta, ingenia, habitus animorum & corporum infinitis modis varietes. Hinc igitur facile poterat Hebræus populus iisdem iudiciis regi, non potest autem populus Christianus vlla ratione iisdem particularibus ritibus & legibus gubernari.

MORALES leges, quæ perpetuæ sunt, easdem fere habent lex & Euangelium, vt ostendit S. Augustinus libro 19. contra Faustum, cap. 18. sed in hoc præstat Euangelium legi, quod quædam grauiora, quæ à Iudæis propter infirmitatem ipsorum in lege non exigebantur, à Christianis in Euangelio exiguntur, vt patet de libello repudii & polygamia: quædam etiam expressius leguntur in Euangelio quæ obscurius habebantur in lege. Quare S. Augustinus, cum in libro contra Adiantum, cap. 3. scripserit, nihil esse in Evangelica & Apostolica disciplina, quod in lege & Prophetis desideretur: admonuit postea in lib. 1. retract. cap. 22. addendam fuisse voculam fere: non enim omnia, sed fere omnia, quæ ad mores pertinent, habet Euangelium cum lege communia.

Sed vt plane intelligatur, quemadmodum in Euangelio Dominus legem moralem non sustulerit, sed perfecit, exponam breuiter summam sermonis Domini in monte; quem vere scripsit S. Augusti-

nus lib. 1. de serm. Domini in monte, cap. 1. omnibus præceptis, quibus vita hominis formari potest esse perfectum.

INITIO igitur sermonis sui, Dominus quasi loco præmii, diuino prorsus artificio, simul explicat finem vltimum hominis & virtutum, atque operum bonorum vtilitatem proponit, dicens, Beati pauperes spiritu, quoniam ipsorum est regnum cælorum. Et quæ sequuntur. Quoniam enim vltimus finis, principium & fundamentum est totius doctrinæ moralis, ideo primo loco exponi debuit, simul autem adiungi par fuit vtilitatem virtutis, vt discipuli attentiores efficerentur.

Deinde, quasi præmio explicato, accedit Dominus ad præcepta tradenda, & primum instruit Doctores, deinde auditores. Doctores admonet, eos saltem terræ & lucem mundi esse debere, id est sapientia & charitate ita cæteris præstare, vt alios sapientes & ardentes efficere possint. Quas duas condiciones non semel repetiuit, cum præpositos Ecclesiæ fideles, & prudentes esse debere præmonuit.

Aggreditur deinde instructionem populorum, eosque instruit, tum quoad SVBSTANTIAM præceptorum diuinorum, tum quoad FINEM, nam in utroque Scribæ & Pharisei prauas opiniones induxerant.

Quod attinet ad SVBSTANTIAM præceptorum reprobat Dominus quinque phariseorum corruptelas. PRIMVM, deprauabāt Scribæ & pharisei præcepta grauissima de homicidio & adulterio, docentes in eiusmodi præceptis, actum externum solum esse prohibitum, non autem internum, nisi signis exterioribus proderetur. In quo errore fuit etiam Iosephus li. 12. antiquitatum, cap. 13. & David Kimhi in comment. Psalm. 66. v. 17. exponens illud: Iniquitatem si aspexi in corde meo, non audies Dominus: deprauat enim illud, non audies Dominus; vt significet, non imputabit Dominus. Aduersus eiusmodi corruptelas, declarat Dominus legem, non occides, non solum manum, sed etiam linguam & animum cohibere; & legem, non mœchaberis, extendi vsque ad concupiscentiam in ipsa mente conceptam.

DEINDE, pharisei deprauabant legem de repudio; quod enim ob infirmitatem eorum hominum lex impunitum dimiserat, ipsi vt rem absolute iustam proponebant. Dominus autem docuit, non licere uxorem dimittere, nisi causa fornicationis, & legem de libello repudii penitus abrogauit.

TERCIO, pharisei docebant, non esse peierandum, tamen frequentare iuramenta, etiam leui de causa nullum peccatum esse ducebant. Contra Dominus iubet non esse iurandum omnino, nisi (videlicet) sub iurandi necessitas.

QUARTO, corrumpebant pharisei legem illam talionis, oculum pro oculo, dentem pro dente. Nam cum non animaduertent, eam legem constitutam fuisse ad iustitiam conseruandam, non ad appetitum vindictæ saturandum, docebant, licitum esse vindictam appetere. Dominus igitur monet, non esse appetendam vindictam, nec malum pro malo reddendum; sed potius paratum esse debere hominem probum si opus sit, percutienti maxillam vnâ, præbere etiam alteram.

QUINTO, pervertebant pharisei primum dilectionis præceptum. Quoniam enim lex iusserat, vt hostes suos occiderent, non odii causa, sed zelo iustitiæ, qua iusta bella interdum etiam à piis Regibus indicuntur, illi generale præceptum tradebant diligendos esse amicos, odio habendos inimicos. Dominus ergo grauissime admonet, diligendos esse inimicos, benefaciendum his qui nos oderunt, orandum pro persequentibus & calumniantibus nos.

His ita explicatis transit ad modum, ac docet, cauendam esse in primis inanem gloriam, & non esse faciendam opera bona ea intentione, ut videantur & laudentur ab hominibus. Et quoniam nimis prolixum fuisset, de singulis operum bonorum generibus differere: reuocauit omnia ad tria capita, orationem, ieiunium & elemosynam, quorum primum erga Deum, alterum erga nos ipsos, tertium erga proximum exhibemus: & vno mentem, altero corpus, & tertio bona externa sacrificamus.

Addit postea Dominus, ac docet quæ sint impedimenta cauenda & quæ adiumenta querenda iis, qui cupiunt ad perfectionem iustitiæ peruenire. IMPEDIMENTA tria demonstrat, nimis sollicitudinem in opibus congregandis: *Nolite thesaurizare vobis thesauros in terra*, superuacaneam diligentiam in rebus etiã necessariis procurandis, *Nolite solliciti esse in crastinum*. Temerarium iudiciũ de vita & factis alienis, *Nolite iudicare*. ADIUMENTA etiã tria ostendit, orationẽ assiduam, *petite & dabitur vobis*: conatum & contentionem proficiendi & superandi omnes difficultates; *Contendite intrare per angustam portam*: electionem bonorum Magistrorum. *Attendite vobis à falsis Prophetis*.

Postremo concludit sermonem, iterum commendans utilitatem operum bonorum, ut in præmio fecerat: *Omnis qui audit verba mea hæc, & facit ea, similis est viro sapienti, qui aedificauit domum suam supra petram, &c.* Atque hæc de sermone Domini in monte.

Perfectit autem Dominus legem moralem, non solum explicando & addendo, quæ diximus, sed etiã adiciendo, consilia quædam ad perfectionem charitatis, quæ finis est omnium præceptorum adipiscendam aptissima: de quibus satis multa disputauimus in libro de Monachis. Habemus igitur primum, discrimen legis & Euangelii, ex quo manifeste colligitur, obedientiam legis, atque opera bona non minus, sed multo magis in Euangelio, quam in lege doceri. Proinde Lutheranos sine dubitatione verum Euangelii, ac legis ignorare discrimen.

CAPVT IV.

Ostenditur alterum discrimen legis & Euangelii.

ALTERVM discrimen legis & Euangelii sumitur ex annexis. Nam lex per Moysen data est, qui legislator tantum fuit: Euangelium per Christum, qui non fuit solum legislator, sed etiã Redemptor. Proinde lex venit sola: Euangelium non solum, sed cum gratia. Itaque qui legem in mote Syna per Moysen acceperunt, doctrinam tantum acceperunt, ut instructi per legem, inter vitia, virtutesque discernere: qui vero per Christum Euangelium acceperunt, non solam doctrinam, sed etiã gratiam acceperunt, ut non modo inter virtutes & vitia discernere, sed etiã ut iustitiam diligerent, & odio haberent iniquitatem.

Hoc discrimen prædixerunt Ezechiel cap. 36. & Hierem. c. 31. Ille enim cum baptismum adumbrasset illis verbis: *Effundam super vos aquam mundam, & mundabimini ab omnibus inquinamentis vestris*, adiungit de spiritu gratiæ, *auferam à vobis cor lapideum, & dabo vobis cor carneum, & spiritum meum ponam in medio vestri, & faciam, ut in præceptis meis ambuletis*. Iste autem discretis verbis duo testamenta distinguit: *Eccce dies veniunt, dicit Dominus, & serui domui Israel, & domui Iuda fœdus nouum, non secundum pactum, quod pepigi cum patribus vestris, in die, qua apprehendi manum eorum, ut educerem eos de terra Ægypti, pactum, quod irritum fecerunt, & ego dominatus sum eorum, dicit Dominus*. Sed hoc est

A pactum, quod seruiam cum domo Israel post dies illos, dicit Dominus. Dabo legem meam in visceribus eorum, & in corde eorum scribam eam, & ero eis in Deum, & ipsi erunt mihi in populum.

Quam prophetiam de testamento nouo, cuius Christus auctor est, exponit Apostolus ad Hebræos 8. & 10. & idem Apostolus ad Rom. 5. cum dicit: *Charitas Dei diffusa est in cordibus nostris, per spiritum S. qui datus est nobis*. Significat legem in corde scriptam, de qua loquitur Hieremias, & spiritum in medio nostri positum, de quo vaticinatur Ezechiel, nihil esse aliud, nisi charitatem in corde diffusam. Tunc enim Deus facit, ut ambulemus in præceptis suis, cum charitatem in cordibus nostris diffundit: *Quoniam qui diligit, legem impleuit, & plenitudo legis est dilectio*. Roman. 13. **B** Quod discrimen copiose & eleganter persequitur S. Augustinus in pluribus locis, sed præcipue in toto lib. de spiritu, & litera.

Porro hoc discrimen legis & Euangelii tantum abest, ut operum necessitatem ab Euangelio remoueat, ut eam potius ad Euangelium maxime pertinere demonstret. Quorsum enim cum Euangelio gratiam bene operandi, & legis ipsius implendæ Christus coniunxit, nisi ut, quod per literam legis Euangelicæ discimus esse faciendum, id per spiritum & gratiam impleamus? Quod enim Apostolus ait 2. Cor. 3. *Litera occidit, spiritus vivificat*; demonstrat S. Augustinus, manifestissima ratione, non tantum intelligi debere de litera legis Moisaicæ, sed etiã de litera legis Euangelicæ, utraque enim occidit, si à spiritu separatur. Sed ideo scriptum est de lege Moysi, lex iram operatur. Non autem scriptum est de lege Christi, Euangelium iram operatur, quoniam (ut diximus) cum Moyses legem dedit, nihil nisi literam dedit, Christus autem cum Euangelium dedit, simul cum litera spiritum dedit. Quare S. Ioannes hoc ipsum discrimen attendens ait: *Lex per Moysen data est, gratia & veritas per Iesum Christum facta est*. Ioan. 1. Habemus igitur duas potissimas differentias Legis & Euangelii. Nunc paucis percurramus alias, quæ ex his duabus tanquã ex fontibus deriuantur. Ex primo discrimine nascuntur alia tria, & ex secundo itẽ tria.

TERTIUM igitur discrimen legis & Euangelii est, quod lex Moysi vni tantum genti data fuit, lex Christi omnibus gentibus, Deuteron. 4. *Quæ est alia gens, ut habeat ceremonias, iustaque iudicia, & vniuersam legem, quam ego ponam hodie ante oculos vestros?* Psalm. 147. *Non fecit taliter omni nationi, & iudicia sua non manifestauit eis*. Rom. 3. *Quid ergo amplius Iudeo est, aut quæ utilitas circumcissionis? Multum quidem per omnem modum, primum, quia credita sunt illis eloquia Dei*. Et c. 9. *Optabam ego ipse anathema esse pro fratribus meis, secundum carnem, quorum est testimoniũ & legislario, &c.* At Christus Matthæi vlt. *Euangelium, inquit, docete omnes gentes: &c.* Marci vlt. *Prædicare Euangelium omni creatura*. Et Lucæ vlt. *Oportet prædicari in nomine meo penitentiam, & remissionem peccatorum in omnes gentes, incipientibus ab Hierosolyma*. Et Apostolus ad Romanos 1. *Non erubescio euangelium*. Virum enim Dei in salutem omni credenti, Iudeo primum, & Græco. Oritur hoc discrimen ex primo. Lex enim Moysi positiva (id est) ceremonialis & iudicialis angusta erat, & ritus, ac iudicia particularia continebat: Euangelium vero lex est perfecta & ritus, præcepta & sacramenta ita vniuersalia comprehendit, ut toti mundo communia esse possint.

QUARTUM discrimen, quod oritur etiã ex primo, in eo positum est, quod lex vmbra, & figuras rerum futurarum magna ex parte cõplectitur: Euangelium ipsum corpus, & veritatem exhibet, Ioan. 1. *Lex per Moysen data est, gratia & veritas per Iesum*

Christum

Christum facta est. Lex enim per Moysen data, per Christum facta est gratia, propter infusionem fidei & charitatis facta est veritas, propter impletionem omnium figurarum, 1. Cor. 10. *Hæc autem in figura facta sunt nostri.* Et paulo post: *Hæc autem omnia in figura coniungebant illis, scripta sunt autem ad correptionem.* Heb. 10. *Umbram habens lex futurorum bonorum non ipsam imaginem rerum.* Denique passim in Evangelio legimus, varia in Christo mysteria fuisse completa, quoniam sic scriptum erat in lege aut Prophetis.

QUINTVM discriminem est, quod lex Moysi adueniente Christi lege mutanda erat, Christi autem legi nulla succedere debet alia lex. Oritur hoc discrimen ut alia duo, item ex primo: ideo siquidem mutanda fuit lex Moysi quoniam imperfecta erat, omne enim imperfectum perfectiori dedit, & umbræ luce apparente diffugiunt. Luc. 16. *Lex & propheta, usque ad Ioannem Baptistam.* Heb. 7. *Translato sacerdotio necesse est, ut & legis translatio fiat.* Et ibid. *Reprobatio fit præcedentis mandati propter infirmitatem & inutilitatem.* Et ca. 8. *Dicendo novum, veteravit prius. Quod enim antiquatur & senescit, prope interitum est.* Et ad Gal. 3. *Quid ergo lex? propter transgressionem posita est, donec veniret semen, cui promiserat.* At Christi legem non esse finem habituram, perspicuum est ex duobus. PRIMO, quoniam sacerdotium Christi manet in æternum, iuxta illud Psalm. 109. *Tu es sacerdos in æternum secundum ordinem Melchisedech.* SECUNDO, quoniam regni Christi nullus erit finis, ut legimus Danielis 2. & Luc. 1. Lex enim cum sacerdotio & regno ita coniuncta est, ut illis manentibus, & ipsa manere debeat, quod de sacerdotio & lege Apostolus docet ad Hebr. 6. de regno & lege dubium esse non potest, cum regnum proprium sit leges ferre, neque ullum sit regnum, quod proprias leges non habeat. DENIQUE testamentum novum æternum dicitur, Psalm. 110. *Mandavi in æternum testamentum suum.* Baruch. 2. *Statui illis testamentum æternum sempiternum.* Ad Hebr. 1. *Deus autem pacis, qui eduxit de mortuis pastorem magni ovium, in sanguine testamenti æterni, Dominum nostrum Iesum Christum.*

Est autem hoc loco breuiter annotandum, legem Moysi, quoad præcepta cæremonialia & iudicialia simpliciter abrogatam esse. quoad moralia præcepta, & doctrinam fidei mutatam esse, non abrogatione, sed profectu, non enim sublata est lex moralis, nec fides unitatis Dei, sed aucta, amplificata, perfecta; quomodo mutari solet infans in adolescentem, adolescens in virum, & quo modo populus Dei, Christo adueniente, non periiit, sed statum mutauit. Lex autem in Evangelica sempiterna dicitur non quod Sacramenta & omnia eius præcepta nullum sint fidem habitura, sed quoniam usque ad mundi consummationem legi Evangelicæ nulla succedere debet alia lex, cum hæc perfectissima sit: & præterea quia charitas, quæ est lex nova, & testamentum novum scriptum in cordibus, nunquam excidit, & sine fine in omnem æternitatem durare debet.

SEXTVM discriminem quod oritur ex secundo, illud est, quod lex Moysi non habebat vim iustificandi, neque data erat ut iustificaret, sed ut morbum ostenderet, & ad quærendum medicum excitaret: Lex autem Christi, id est Evangelium, vim habet iustificandi, & ad hoc ipsum datum est, ut ab iniquitate iustificet Rom. 3. *Per legem cognitio peccati.* Galat. 2. *Si per legem iustus, ergo gratis Christus mortuus est.* Et capite 3. *Quoniam in lege nemo iustificatur, manifestum est, quia in lege ex fide vivit: lex autem non ex fide.* Item si data esset lex quæ posset vivificare, vere ex lege esset iustitia. At Evangelium (ut dicitur ad Romanos primo) *Virtus, Deest in salutem omni credenti.*

A Et 1. Cor. 15. *Notum vobis factum (inquit Apostolus) Evangelium, quod prædicavi vobis, quod & accepistis, per quod & salvamini.*

Sed hoc quod dicimus, Evangelium vim habere iustificandi, non ita accipiendum est, quasi sola litera Evangelii salutem adferre possit, sed quoniam (ut dictum est in secundo discrimine) cum Evangelii doctrina data est etiam gratia fidei & charitatis, quia legislator noīter, simul etiam redemptor fuit & simul cum lege dedit benedictionem, id est, gratiam implendi legem, iuxta illud Psalm. 83. *Etenim benedictionem dabit legislator, ibunt de virtute in virtutem.*

Quocirca B. Paulus ubicunque dicit legem non iustificare, non opponit legi Moysi doctrinam Evangelii, sed legi opponit fidem, operibus gratiam, & literæ spiritum. Alioquin enim etiam litera Evangelii, sine spiritu & gratia, iram operaretur, & occideret, ut iam sæpe diximus.

SEPTIMVM discriminem, quod item oritur ex secundo, illud est, quod lex Moysi, lex timoris & servitutis fuit, Evangelium lex amoris & libertatis. Rom. 8. *Non accepistis spiritum servitutis iterum in timore, sed accepistis spiritum adoptionis filiorum, in quo clamamus Abba Pater.* Galat. 4. *Hæc enim sunt duo testamenta, unum quidem in monte Syna, in servitutem generans quæ est Agar. Et intra: Itaque fratres, non sumus ancilla filii, sed libera, qua liberat Christus nos libertavit.* 2. Tim. 1. *Non dedit nobis spiritum timoris, sed virtutis & dilectionis.*

C Sed hoc discrimen fufus explicabimus in sequenti cap. Interim illud annotasse satis erit, legem Moysi dici legem timoris & servitutis, quoniam legis mandata sine gratia Dei, quam Moyses dare non potuit, reos constituent homines, & pæne obnoxios; Evangelium Christi legem esse libertatis & amoris, quoniam Christus, qui dedit mandata, dedit etiam spiritum, per quem in corde diffusa est charitas.

OCTAVVM discriminem est, quod lex Moysi gravissima & importabilis erat: Evangelium Christi iugum iuave & onus leve. Sic enim de lege Moysi B. Petrus loquitur Act. 15. *Quid tentatis imponere iugum super cervicem discipulorum, quod nec nos, nec patres nostri portare potuimus?* De lege autem sua Christus Match. 11. *Tollite iugum meum, inquit, super vos. Iugum enim meum suave est, & onus meum leve.* Oritur hoc quoque discrimen ex secundo. Potissima enim causa cur lex nova sit levis, & lex vetus gravis est annexa legi novæ gratia charitatis. Quod est enim durum & importabile timenti, leve est facile diligenti. Et hanc rationem reddit sanctus Augustinus in omnibus fere locis, ubi de hac retractat. q. 166. in Exod. in lib. 83. quæst. 66. lib. de gratia & libero arbitrio, cap. 17. in libro de natura & gratia, c. 69. & in lib. de perfectione iustitiæ post rationationem decimam sextam. Vbi etiam addit insignem similitudinem de pennis avium: quæ non tam premunt, quam sublevant: *Perfecta, inquit, charitas foras mittit timorem, & facit præcepta facinam levem, non solum non prementem onere pondus, verum etiam sublevantem vice pennarum.*

E Sunt tamen etiam alie duæ rationes cur lex nova vere dici possit facilior veteri: UNA est, quam reddunt Nazianzenus in 2. orat. de Pascha, & Chrysostomus hom. 8. de pœnitentia, quod spes retributionis longe sit maior in lege nova, quam in veteri, cum iam propalata sit via sanctorum, atque aditus patet ad regnum felicitatis æternæ, ALTERA ratio est, quoniam in lege veteri præcepta cæremonialia & iudicialia plurima erant, & parum utilia; in lege nova paucissima sunt & utilissima: præcepta vero moralia fere sunt eadem in utraque lege. Nam illa quoque quæ vidē-

tur in Euangelio esse grauissima de dilectione inimicorum, & de concupiscentia cohibenda inueniuntur Exod. 20. Prouerb. 25. & alibi. vt S. August. demonstrat in lib. contra Adimantum, cap. 3. & lib. 19. contra Faustum, cap. 28.

Itaq. non ait Dominus Matt. 5. Nisi abundauerit iusticia uestra pluiquam legis & Prophetarum, sed pluiquam Scribarum & Pharizorum, vt videlicet significaret, se non tam addere velle ad onera preceptorum legis, quam tollere de medio corruptelas Scribarum & Pharizorum. Quod si quæ grauiora precepta addidit, aut certe magis expresse tradidit, vt de non dimittenda vxore per libellum repudii, & si quæ sunt alia; non debent illa grauia videri populo Christiano, etiamsi grauia viderentur populo Iudæorum. Nam non est graue viro forti, quod pueri delicato importabile solet videri.

CAPVT V.

Refellitur falsa libertas Christiana, & inde probatur necessitas operum.

DISSERVIMVS hactenus de falso & vero discrimine legis & Euangelii. Nunc de falsa & vera libertate Christiana breuiter differemus. Nam hoc est alterum caput, vnde magna ex parte dependet questio de necessitate operum ad salutem.

Igitur aduersarij, vt supra diximus, in eo ponunt Christianam libertatem, vt nulli legi subiecti sint in conscientia, & coram Deo: & Christum habeant pro Redemptore, non pro Legislatore; Moses autem cum suo Decalogo nihil ad eos pertineat. Nos vero cum Tridentino Concilio in sess. 6. can. 19. 20. & 21. docemus homines Christianos & iustificatos, non esse liberos ab obligatione preceptorum Dei & Ecclesiæ, & eam, quam Hæretici prædicant, non esse Christianam, sed profanam libertatem, & verius peccati, ac diaboli voluntariam seruitutem.

PRIMUM, id probamus ex iis testimoniis, quæ docent, Christum verum fuisse Legislatorem. Neque enim negare audebunt, si legi subiectos esse, si Dominum suum Legislatorem fuisse negare non possint. Isaïas quidem, c. 41. de Salvatore dicit: Dominus Iudex noster, Dominus Legisfer noster, Dominus Rex noster, ipse saluabit nos. Ac ne ad tropum aliquem forte confugiant, audiamus Mosē in Deuter. c. 18. Prophetam, inquit, de gente tua, & de fratribus tuis sicut me, suscitabis tibi Dominus, ipsum audies.

Hunc Prophetam, Christum esse, testatur Apostolus Petrus Act. 3. & S. Stephanus Act. 7. sed apertissime Apostolus Paulus Christum confectū cū Moſe, vt Legislatorem cū Legislatore. Nam in epist. ad Hebræos c. 2. dicit, sermonem factum per Angelos in manu Moſis, ita firmum fuisse, vt omnis inobediētia dignam receperit vindictę retributionem. Et inde colligit: multo magis timendum esse nobis, si sermonem filii Dei contempserimus. Et c. 3. dicit, Moſem fidelem fuisse in tota domo Dei tāquam famulum, Christum autem in domo sua tanquam filium. Et capite quinto, dicit, Christum factum esse omnibus obedientibus sibi causā salutis æternæ. Obedientia autem proprie Legislatore debetur, & c. 12. ita concludit: Videte ne recūsatis loquentem. Si enim illi non effugerunt recusantes eum qui super terram loquebatur, multo magis nos, qui de cælis loquentem nobis auertimus, cuius vox mouit terram tunc, nunc autem prepromittit dicens, adhuc semel & ego mouebo non solum terram, sed & cælum.

Præterea Christum esse Regem nostrum omnis

A Scriptura testatur, Psal. 2. Ego autem constitutus sum Rex ab eo. Micheæ 5. Ex te exiet Dux, qui regat populum meum Israel. Luc. 1. Et regni eius non erit finis. Apocal. 1. dicitur: Princeps Regum terræ. Et c. 19. Rex Regum, & Dominus dominantium. At Regis proprium est leges conderendo liquidem Isaïa 33. coniungitur, Legisfer noster, cum verbis, Rex noster, & Prouerb. 8. dicitur: Per me Reges regnant, & legum conditores iusta decernunt. Christus igitur Rex noster legem aliquam sine dubio nobis dedit, per cuius custodiam obedientiam illi præstemus.

SECUNDO, idem probamus ex testimoniis, quæ docent, Euangelium esse quandā legem. Nam Isaïa 2. & Micheæ 4. dicitur: De Syon exiit lex, & Verbum Domini de Hierusalem. Quæ verba intelliguntur communiter de prædicatione Euangelica, quæ ab vrbe Hierosolyma per totum mūdum propagata est. Vide August. lib. 18. de ciuit. Dei, c. 50. & Isa. 42. Ecce seruus meus, electus meus, complacuit sibi in illo anima mea, dedi spiritum meum super eum, iudicium gentibus proferet. Et paulo post: Et legem eius in ſula expectabunt. Et c. 51. Attendite ad me popule meus, quia lex à me exiit, & iudicium meum in lucem populorum requiescet.

Pertinere autem hæc ad Christum, perspicuum est ex verbis sequentibus: Prope est iustus meus, egressus est Saluator meus. Et Matth. 11. cum Dominus ait: Iugum meum suauē est, & onus meum leue. Nonne aperte legem aliquam se attulisse testatur? neque enim promissio, exhortatio, instructio, iugum, & onus dici possunt. Sed lex, quæ obligat, & obligando premit & grauat, recte dicitur iugum. Vnde Act. 15. & ad Galat. 5. lex Moſis iugum ab Apostolis appellatur. præterea B. Paulus 1. Cor. 9. ita inquit, qui sine lege erant, factus sum tanquam sine lege essem, cum sine lege Dei non essem, sed in lege essem Christi. Et ad Gal. 6. Alter alterius onera portate, & sic adimplebitis legem Christi.

TERTIO, probatur ex particularibus & propriis Christi mandatis. Nam imprimis mādatum Christi in Euangelio contineri, de suscipiendo Baptismo & Eucharistia, nemo negare potest, cum tam aperte scriptum legamus, Ioan. 3. Nisi quis renatus fuerit ex aqua & Spiritu sancto, non potest intrare in regnum Dei. Et Ioan. 6. Nisi manducaueritis carnem filij hominis, & biberitis eius sanguinem, non habebitis vitam in vobis. Deinde lex prohibens libellum repudii, & præcipiens, vt vir vxorem non dimittat, neque vxor virum, ni si in causa fornicationis, & si dimiserint, hac etiam de causa maneant innupti, vel coniugibus reconciliantur: propria Christi est, de qua sic loquitur Apostolus 1. ad Corinthios 7. His qui matrimonio iuncti sunt, præcipio, non ego, sed Dominus, vxorem à viro non discedere quod si disceſerint, manere innuptam, aut viro suo reconciliari. Et Matth. ultimo. Dominus ipse aliqua se mandasse, & ab omnibus esse custodienda testatur his verbis: Docete omnes gentes, baptizantes eos in nomine Patris, & Filij, & Spiritus sancti, docete eos seruare omnia, quæ mandauimus vobis.

QUARTO, probatur ex testimoniis, quæ docent, legem Moſis, quæ ad mores pertinet, à Christo & Apostolis approbatam, & fidelibus ad obseruandum traditam. Nam id IMPRIMIS perspicuum est ex cap. 5. 6. 7. Matt. vbi Dominus approbat, & explicat legem Moſis. De qua re diximus supra in 1. cap. 1. & 2. DEINDE, idem patet ex capite 18. Matth. 10. Marc. & 18. Luc. Vbi Dominus iterum approbat Decalogum Moſis, ac dicit, eam legem viam esse ad vitam æternam. De quo etiā diximus capite primo.

TERTIO, probatur euidenter ex eo, quod idem Dominus testatur Matt. 23. præceptum dilectionis esse primum & maximum mandatum, & ab eo legem,

Prophetaſque

Prophetasque pendere, quippe quod virtute Decalogum, & omnes alias leges, & præcepta comprehendit: & hoc ipsum mandatum ita commendat Apostolus, & per eos Ecclesie vniuersæ, ut dicat Ioā. 15. *Hoc est præceptum meum, ut diligatis inuicem.* Et rursus: *Hæc mando vobis, ut diligatis inuicem.* Et Ioā. 13. *Mandatum nouum do vobis, ut diligatis inuicem.* Vbi nouum appellat, tum quia reuocari illud volebat, tum quia illud vnum diligenter seruatum homines facit nouos.

Nec solum Dominus, sed etiam Apostoli mandata Decalogi, & ipsum dilectionis præceptum, in quo totus Decalogus (ut diximus) continetur, fidelibus omnibus diligenter assidueque commendat, quod certe non facerent, si decem præcepta non pertinerent ad Ecclesiam Christianorum. Rom. 13. *Nemini quidquam debeatis, nisi ut inuicem diligatis.* Qui enim diligit proximum, legem implet. *Nam non adiuuaueris, non occides, non furaberis, non falsum testimonium dices, non concupisces, & si quod est aliud mandatum, in hoc verbo instantur, Diliges proximum tuum sicut teipsum.* Dilectio proximi malum non operatur, plenitudo ergo legis est dilectio. Idem ad Ephes. 6. *Honora, inquit, patrem tuum & matrem tuam, quod est mandatum primum in promissione.*

Apostolus quoque Iacobus, ca. 2. *Si tamen, inquit, legem perficimus regalem secundum Scripturas, Diliges proximum tuum sicut teipsum, benefacis; Si autem personas accipitis, peccatum operamini, redigitis à lege quasi transgressores; Quicunque autem totam legem seruauerit, offendas autem in uno, factus est omnium reus.* Qui enim dixit, *non mactaberis, dixit, & non occides, quod si non mactaberis, occides autem, factus es transgressor legis.* Vides quam aperte Iacobus Decalogum Moysi ad nos quoque pertinere demonstrat?

Porro & Petrus in epist. 1. c. 1. & 4. & Ioan. in tota 1. epist. imo etiam in 2. & 3. nihil sæpius admonent, quam ut dilectionis præceptum implere satagamus, sciens videlicet in eo præcepto, ut sæpe diximus, vniuersam legem plenissime contineri.

Quinto, probatur ex testimonijs illis, quæ docent, legem Moysi moralem non esse per fidem Christi, & Euangelium abrogatam, Matt. 5. *Nolite putare quoniam veni soluere legem, non veni soluere, sed adimplere.* Quomodo vero le dixerit impleturum, explicat in sequentibus, ubi per se & sime seruari mādāt præcepta legis, Non occides, Non mactaberis, & similia. Et Apostolus ad Rom. 7. *Quid ergo legem destrumus per fidem? absit, sed legem statuimus.* At si prædicatio Evangelica totam fidem ita docet, ut opera non requirat, nec legem vllam proprie dictam admittat, quidni verū sit legem destrui per fidem? quid enim est, legem destrui, nisi vim obligandi ab ea tollere? idem quoque Apostolus ad Rom. 7. *Itaque, inquit, lex quidem sancta, & mandatum sanctum, iustum & bonum.* Et ibidem: *Consentio legi, quia bona est.* Item: *Ego ipse mente seruo legi Dei.* Et c. 8. *Deus filium suum misit in similitudinem carnis peccati, de peccato damnauit peccatum, ut iustificatio legis impleatur in nobis.* Quis igitur credat, legem illam à Christo esse sublatam, quam sanctam, bonam & iustam appellauit Apostolus, & cuius gratia misit Deus filiū suum, & de peccato damnauit peccatum, ut eam videlicet, ipso adiuuante, implere possemus?

Sexto, probatur ex testimonijs, quæ habent nomen debiti, ut Rom. 8. *Debitores sumus non carni, ut secundum carnem viuamus, & c. 1. Ioan. 4. Nos debemus alterutrum diligere.* 1. Ioan. 2. *Qui se dicit in Christo manere, debet sicut ille ambulauit, & ipse ambulare.* 1. Ioan. 3. *Nos debemus pro fratribus animas ponere.* Luc. 17. *Quod debemus facere, fecimus.*

Septimo, probatur ex ijs, quæ docent, Christum esse iudicem totius mundi, & vltimo die secundum opera vniuersiusque vel pœnas, vel præmia distributurum. Id enim habetur expresse Matt. 25. Act. 10. & 17. Ro. 2. & 14. 1. Petri 2. & alibi passim. At quale iudicium erit, si nullæ sunt leges, ex quarum præuaricatione damnari, vel obseruatione coronari mereamur? quod enim quidam ex nouatoribus dicunt, in iudicio extremo examen futurum de sola fide, manifeste pugnat cum verbis Domini, qui Matt. 25. iustis dicturum se esse testatur: *Possidete paratum vobis regnum, esurini enim & dedistis mihi manducare, &c. iniustis autem: Ite maledicti in ignem æternum, esurini enim, & non dedistis mihi manducare, &c.* In quo loco (ut notat S. Augustinus in lib. de fide & operibus, ca. 15.) nulla mentio fidei facta est, ut intelligeremus, Christianis, qui damnantur, non fidem, sed opera defuisse. Id quod etiam aperissime docet Apostolus 2. Cor. 5. cum ait: *Omnes nos manifestari oportet ante tribunal Christi, ut referat unusquisque propria corporis, prout gessit, siue bonum, siue malum.*

Octauo, probatur ex testimonijs Patrum, Clemens in li. 6. Apostolicarum constitutionum, c. 19. *Cognoscitis, inquit, Deum per Christum, vniuersamque eius dispensationem à principio institutam, quod dedit nobis legem simplicem ad auxilium naturalis legis, puram, salutarem, sanctam, in qua & proprium nomen repositum, perfectam, absolutam, decem præcepta continentem, reprehensionem carentem, conuertentem animas, &c.*

S. Augustinus in lib. de spiritu & littera, c. 14. *In illis, inquit, decem præceptis, excepta sabbati obseruatione, dicatur mihi, quid non sit obseruandum à Christiano.* Et infra: *Quid horum quisquam dixerit, non debere seruare Christianum?* Item li. 10. contra Faustum, c. 2. *Iudeo dicenti mihi, cur tenes vetus Testamentum, cuius præcepta non seruas? Respondeo, seruare à Christiano etiam ex ipsis libris præcepta vitæ agenda, præcepta autem vitæ significanda tunc recte obseruanda, cum prænuntiabantur, quæ nunc reuelata sunt.* Item tract. 3. in Ioan. *Illæ, inquit, omnes (morales præcepta) nobis magis præcipiuntur, & obseruanda sunt.* In Psal. 73. non procul ab initio: *Si discernimus, inquit, duo Testamenta, vetus & nouum, non sunt eadem sacramenta, non eadem promissa, eadem tamen pleraque præcepta.* Nam non occides, Non mactaberis, Non furaberis, Honora patrem & matrem, Non falsum testimonium dixeris, Non concupisces res proximi tui, Non concupisces uxorem proximi tui: & nobis dictum est, & quisque ea non obseruauerit, deniat, nec omnino dignus sit, qui ascendere mereatur montem sanctum Dei. Et infra: *Diffusa ergo præcepta, aut eadem omnia inueniuntur, aut vix aliqua in Evangelio, quæ non dicta sint à Prophetis, præcepta eadem, sacramenta non eadem.*

S. Leo serm. 6. de ieiunio decimi mensis: *Ex ipsa, inquit, Ecclesiastica deuotione demonstratur, quod Dominus Iesus Christus non venit legem soluere, sed adimplere.* Cessantibus enim significationibus, quibus Saluatoris nostri nuntiabatur aduentus, & peractis figuris, quas adstulit ipsa præsentia veritatis, ea quæ vel ad regulas morum, vel ad simplicem Dei cultum ratio pietatis instituit, in eadem apud nos forma, in qua sunt condita perscruantur: & quæ vtriusque Testamento erant congrua, nulla sunt commutatione variata. Idem in ser. 14. de passione Domini: *Sic, inquit, nemo est credentium, cui dona neganda sint grane, uia nemo est, qui non sit Christiana debitor disciplina. Quia celsiorem a se mystica legis asperitas, voluntaria tamen obseruantia creuit utilitas. Vbi vox illa, voluntaria, non opponitur debitorum, alioqui secum iple pugnaret, sed opponitur asperitatis & seruiti, ut fusius, in sequenti capite declarabimus.* Vnde subiungit ibidem S. Leo: *In præceptis moralibus nulla prioris Testamenti decreta reprobata, sed*

Evangelico ministerio multa sunt aucta, ut perfectiora & lucidiora essent dantis salutem, quam promissio salutis.

Possent eiusmodi testimonia adhuc multa proferri, sed non est opus, cum obuia sint, & legentibus passim occurrant. Id vnum addam, nonnullos ex Patribus non solum obiter hoc dixisse, sed etiam studiose collegisse ex utroque Testamento præcepta moralia, quibus ad perfectionem iustitiae informari debeat vita fidelium. Vide Clementem Alexandr. lib. 3. Pædagogici, cap. 10. Cyprianum lib. 3. ad Quirinum. Augustinum in Speculo, tomo 3. nam alius liber de Speculo, qui habetur tomo 9. non videtur esse Augustini. Simile opus meditabatur quoque S. Basilus, sed Augustini temporis exclusus, non collegit præcepta moralia, nisi ex Testamento nouo, ut ipse testatur in præfatione moralium.

Nono, probatur evidentissima ratione. Nam vel homo Christianus & iustus peccat, cum moralia legis veteris præcepta transgreditur, vel non peccat. Si peccat, igitur non est liber ab eius legis obseruatione. Quid enim est peccatum, nisi præuicatio legis? non autem præuicatur legem, qui non habet legem. Nam ubi non est lex, neque præuicatio, proinde si lex illa moralis Testamenti veteris non est homini Christiano & iustificato vere lex, non peccat, dum eam non seruat: vel si peccat, igitur est illi vere lex. Denique fingi non potest, quomodo peccet, qui liber sit à lege. Quod si non peccat, igitur falsum est quod sectarii omnes dicunt, omnia opera hominis iusti esse peccata mortalia. Itæ si non peccat, igitur vera est Libertinorum hæresis, quod nihil sit peccatum, nisi falsa imaginatio: & laxandæ sunt omnibus habentibus, ut unicuique liceat quod ei libet. Ista videlicet libertas est Christiana, quam sectarii prædicant, libertas omnia flagitia sine scrupulo perpetrandi, libertas carnis non spiritus, filiorum diaboli, non filiorum Dei, libertas denique omni seruitute inferior.

Dicent fortasse, non ita se intelligere libertatem à lege, quasi præuicatio legis non sit peccatum, sed quod fidelibus ea præuicatio non imputetur. Hunc enim sensum videntur efficere verba Lutheri in lib. de votis Monasticis, ubi dicit, in eo consistere libertatem, quod pia conscientia sit libera ab omnibus operibus, non quidem faciendis, sed accusantibus & defendentibus, quia nulla sunt tam mala, quæ possint illum accusare & damnare, nulla tam bona, quæ eum queant defendere & iustificare. Et in 2. ca. ad Galat. ubi agnoscit hominem peccare, sed dicit, nihil sibi esse cum lege, quia non potest eum damnare. Eundem sensum faciunt verba Caluini lib. 3. Instit. c. 19. §. 4. & 7. ubi dicit, libertatem in eo consistere, ut faciamus opera non tanquam examinanda ad regulam legis, sed tanquam acceptanda qualiacunque sint.

At si ita dixerint, fateri debent, vere & proprie legem ad se pertinere, eiusque iugo se quoque esse subiectos: nam si vere peccant, licet peccatum eis non imputetur, vere præuicantur legem. Proinde vere legem habent. Non enim vere præuicatores dici possent, nisi legem haberent, neque vere peccarent, nisi legem præuicarentur.

Præterea quæro, utrum præuicatio legis, ut exempli gratia, homicidium, adulterium, periurium, cum fide simul habitare possit, vel non possit: nam si non potest, igitur præuicatio illa non solum est peccatum, sed imputatur. Quomodo enim non imputatur, si excurrit fidem? an etiam infidelibus præuicatio non imputatur? si vero potest præuicatio legis habitare cum fide, ut satis aperte indicat Luther. cum dicit in lib. de captiu. Babylonica, cap. de Baptismo,

A nulla peccata nocere posse baptizato, quia si stec, vel redeat fides, in momento absorbentur; ubi significat posse stare fidem. Et lib. de votis Monasticis, ubi dicit, credentis nulla esse tam mala opera, quæ eum accusare vel damnare possint. Igitur non sunt necessaria opera bona, etiam ut fructus & signa fidei: igitur nulla est omnino ratio, cur sint scelera & flagitia fugienda, nisi forte ex metu supplicij temporalis. Vides ut semper ad id reuoluatur error sectariorum, ut aditum patefaciant vitii & peccatis, & tamen passim vociferentur, sibi magnam à Catholicis iniuriam fieri, quasi negligant opera bona.

CAPVT VI.

B *Afferitur vera libertas Christiana, & inde quoque probatur necessitas operum bonorum.*

V **E**RA igitur Christiana libertas ex Evangelicis & Apostolicis litteris, tribus in rebus sita esse cognoscitur, in libertate à peccato & morte, in libertate à iugo legis ceremonialis & iudicialis Hebræorum, & à dominio, & reatu legis naturalis atque moralis.

De libertate à peccato & morte, quæ ex peccato sequitur, loquitur Dominus Ioan. 8. *Si vos Filii liberi eritis, vere libereritis.* Nam paulo ante dixerat: *Qui facit peccatum, seruus est peccati.* De eadem loquitur Apostolus ad Rom. 6. *Cum serui essetis peccati, liberi sumus iustitiæ: nunc autem liberati à peccato, serui autem facti Deo habetis fructum vestrum in sanctificationem, finem vero vitam æternam.* Et cap. 7. idem Apostolus hoc rursus confirmat similitudine mulieris, quæ per mortem viri liberatur à seruitute eiusdem viri, ut possit libere cum alio viro coniungi. Tres enim personæ in ea similitudine introducuntur, persona mulieris, persona viri morientis, & persona alterius viri, cui rursus mulier nubit.

Applicando autem similitudinem, per mulierem intelligit Apostolus homines baptizatos, & iustificatos: per virum, cui rursus mulier nubit intelligit Christum, per virum morientem, à quo mulier liberatur, intelligit peccatum, & mortem: sed reddita est obsecra sententia Apostolica, quoniam cum debuisset dicere, peccatum esse mortuum, ipse contradixit, nos mortificatos esse per mortem Christi. Nam in idem recidit, siue nos moriamur peccato, siue peccatum moriatur nobis. Obscurior etiam sententia reddita est, quoniam cum debuisset saltem dicere, nos mortificatos esse peccato, vel morti, dixit, nos mortificatos esse legi, quoniam lex (ut infra explicat) ex occasione peccatum fouebat & augebat, & nos ipsi peccato, ut coniugem viro subiectos tenebat.

Quod autem intentio Apostoli fuerit dicere, nos per Christi mortem liberatos esse à peccato, & in ea similitudine peccatum tenere locum viri morientis, perspicuum est ex illis verbis: *Itaque fratres mei, & vos mortificati estis legi per corpus Christi, ut sitis alterius, qui ex mortuis resurrexit, ut fructificemus Deo, cum enim in carne essemus, passionibus, quæ per legem erant, operabamur in membris nostris, ut fructificaremur morti.* Nunc autem soluti sumus à lege mortis, in qua desinebamus, ita ut seruiamus in nouitate spiritus, & non in ueritate litteræ. Vbi sicut ex eo, quod dicit, *ut fructificemus Deo*, intelligimus, Deum esse secundum virum cui nubit anima, & cui fructificat, proles bonorum operum pariendo: sic etiam in eo, quod dicit, *ut fructificaremur morti*, intelligimus mortem esse priorem virum cui copulata erat anima, & cui fructificabatur,

proles malorum operum pariendo. Vide S. August. A *posita est. Ut videlicet transgressores eam videre cog*
copiose hunc locum explicantem in lib. 83. q. 66. &
lib. 15. contra Faustum, cap. 8. Vbi monet, hominem
baptizatum dici mortificatum legi, non quia sit mor-
tuus legis iustitiæ, sed legis reatu, & pręuicationi,
quam lex per litteram, cum gratia defuit, faciebat.

Ex hac prima libertate colligimus, aduersarios
graniter errare cum dicunt, peccatum in hominibus
iustificatis semper viuere, sed non imputari. Nam si
ita esset, non essemus vere & proprie liberati, neque
essemus peccato vere mortui, sed adhuc fructificare-
mus morti, & seruiremus in vetustate litteræ, non in
nouitate spiritus.

Iam vero de libertate secunda, quæ est ab on-
eribus legis ceremonialis & iudicialis, extant etiam
apertissima testimonia. Hoc enim est, quod clamat
Apostolus Petrus Act. 15. *Quid tentatis imponere in-*
gum super ceruices discipulorum, quod nec nos, nec patres B
nostri portare potuimus? Et Apostolus Paulus ad Galat.
2. *Nec Titus, inquit, compulsus est circumcidi, cum*
esset gentilis. Sed propter falsos fratres, qui subintroierunt
explorare libertatem nostram, quam habemus in Christo
Iesu, ut nos in seruitutem redigerent. Et cap. 4. *Quomo-*
do iterum conuertimini ad infirma & egena elementa, qui-
bis denuo seruire vultis. Et cap. 5. *Scite & nolite iterum*
iugo seruitutis contineri. Ecce ego Paulus dico vobis, quoniam
si circumcidamini, Christus vobis nihil proderit. Et ad He-
bræos 7. *Translatio enim sacerdotio, necesse est ut & legis*
translatio fiat. Et ibidem: *Reprobatio fit precedentis man-*
dati propter infirmitatem eius & inutilitatem. Nihil enim C
ad perfectum adduxit lex. Et cap. 9. vocantur cere-
moniarum legis, iustitiæ carnis usque ad tempus cor-
rectionis impositæ. Neque de hac libertate vlla iam
dubitatio est.

De tertia libertate, quæ est à dominio legis di-
uinæ moralis, id est, per quam fit, ut lex nobis non
dominetur tanquam seruus imminens flagello, & ti-
morem semper incutiens, sed ut imperet liberis, &
liberaliter obtemperare volentibus: non adimendo
legi vim obligandi, sed addendo hominibus charita-
tem illam libenter implendi, loquitur idem Aposto-
lus cum ait ad Rom. 6. *Non estis sub lege, sed sub gratia,*
2. ad Cor. 3. *Vbi spiritus Domini, ibi libertas.* ad Galat.
5. *Si spiritu ducimini, non estis sub lege.* Et 1. Timoth.
1. *Iustus non est lex posita, sed iniustus, & non subditus.* Nā
ut sanctus Augustinus obseruat in explicatione pri-
mi Psalmi, aliud est hominem esse sub lege, aliud
hominem esse in lege. Sub lege enim dicitur esse,
qui à lege agitur tanquam seruus; in lege est, qui
secundum legem agit, ut liber. Quare Apostolus
1. Corinth. nono dicit se factum esse omnia omni-
bus, ijs qui sub lege sunt, quasi esset sub lege cum ve-
re non esset sub lege, ijs qui sine lege sunt, quasi sine
lege esset, cum tamen sine lege Dei non esset, sed in
lege esset Christi. Vbi negat se esse sub lege, & affir-
mat esse in lege.

Vnde in libro de continentia, c. 3. idem Augusti-
nus ait: *Non sumus sub lege bonum quidem iubente, non* E
tamen dante, sed sumus sub gratia, quæ id quod lex iubet,
faciens nos amare, potest liberis imperare. Et in libro de
natura & gratia, cap. 57. *Si spiritu, inquit, ducimini, non*
estis sub lege quæ timorem incutit, non tribuit charitatem.
Et in libro de spiritu & littera, ca. 10. explicat illud:
Iustus non est lex posita, de lege terrente & minante, qua
iusti non indigent, sed iniusti. Quod etiam pulchre
explicat in eadem sententiam S. Ambrosius in Psal.
36. tractans illud: *Lex Dei eius in corde ipsius.* Vbi di-
cit, legem scriptam fuisse in tabulis lapideis propter
iniustos, quorum cordibus lex Dei deleritiam cœ-
perat. Iuxta illud ad Galat. 3. *Lex propter transgressionē*

posita est. Ut videlicet transgressores eam videre cog-
erentur in tabulis, qui non amplius eam videbant
in cordibus. Nam iustis non est necessaria lex scripta
in tabulis, cum eam diligenter seruent in cordibus.
Lex enim Dei eius in corde ipsius.

Addunt aliqui ex Catholicis, in quibus est Domi-
nicus à Soto lib. 2. de iustitia & iure, q. 5. art. 4. non
solum Christianos liberatos esse à lege ceremoniali,
& à reatu, & terrore legis moralis, sed etiam à tota
lege scripta in libris Moysi, non quod non teneamus
seruare legem illam Moysi, ut est naturalis, & quate-
nus in Euangelio, & epistolis Apostolorum renouat-
ur, sed ut est ab ipso Mose scripta. Non enim Moyses
nos iam obligare potest, sed solus Christus. Christia-
ni enim sumus, non Iudæi. Et videtur id satis effica-
citer probari, Primo ex ipso principio Decalogi,
ut scribitur Exod. 20. *Ego sum Deus tuus, qui eduxi te*
de terra Egypti. Nos enim nūquam fuimus serui in
Egypto. Secundo ex illo Luc. 16. *Lex & Propheta*
usque ad Ioannem. Tercio ex Apostolo, qui ad Rom.
7. & ad Hebr. 7. & ad Galat. 3. videtur absolute di-
cere totam legem Moysi esse sublatam.

Ceterum nos verius putamus, legem moralem,
etiam ut est data per Moysen & per Prophetas, at-
que ut est in libris veteris testamenti scripta, vere
obligare Christianos. Nā quod Dominus ait, Matt.
5. *Non veni legem solvere, sed adimplere,* intelligitur de
lege morali, ut patet ex toto illo capite. Adimplere
autem non est (ut Dominicus à Soto ait) adducere
tempus, quo lex illa cessare debet, id est, per aduen-
tum suum illi finem imponere, quandoquidem vs-
que ad Christi aduentum duratura erat. Non (in-
quam) id est eo loco adimplere, sed perficere & sta-
bilire remotis corruptelis, quæ per falsas interpreta-
tiones illi accesserant. Adimpleuit enim Christus le-
gem de cauendo homicidio, quia docuit cauendam
esse etiam iram, quæ est via ad homicidium.

Præterea S. Paulus ad Rom. 3. cum ait: *Nunquid*
legem destruiamus per fidem? absit, sed legem statuimus. Lo-
quitur de lege Moysi, illa enim in scripturis intelli-
gitur cum absolute lex nominatur.

Ad hæc Apostoli semper allegant verba Testamē-
ti veteris, cum præcepta moralia seruanda esse do-
cent, ut patet ad Rom. 13. *Non adulterabis, non occi-*
des, non furaberis, non falsum testimonium dices, non con-
cupisces, & si quod est aliud mandatum, &c. Ad Ephes.
5. *Honora patrem & matrem, quod est mandatum primum*
in promissione. Iacobi 2. *Si tamen legem perfecitis regalem*
secundum Scripturas, Diliges proximum tuum sicut teipsum,
&c. At cur Apostoli hoc facerent, si testimonia illa
ad Christianos non pertinerent?

Sane mirum est, cur Dominicus à Soto loco nota-
to scripserit, nullum testimonium ex libris veteris
Testamēti quoad vim obligandi adduci posse Chri-
stianis. Nam non solum apostoli, sed etiam Patres
omnes, imo & Theologi omnes testimonia veteris
Testamenti allegant ad probanda præcepta moralia,
vterbi gratia ad probandum vsuras esse prohibitas,
quis non allegat Psalm. 14. & Ezech. cap. 18.

Ad hæc S. Augustinus lib. 10. contra Faustum, ca.
2. disertis verbis dicit, seruari à Christianis præcepta
vitæ ex ipsis libris Testamenti veteris. Et tam ipse,
quàm alij Patres citati capite superiore, crebro re-
petunt, præcepta moralia data Iudæis obligare etiam
Christianos. Et nonne in Catechismis, quibus om-
nis Christianorum Ecclesia vtitur, scribuntur decem
præcepta ad verbum deprompta ex cap. 20. Exodi?
Denique lex moralis Testamenti veteris, non tan-
tum diuina est, sed etiam spiritualis, sancta, iusta, bo-
na, ut dicitur ad Rom. 7. & præterea immaculata,

inuertere animas, & illuminans oculos, ut dicitur Psalm. 18. denique liber mandatorum Dei, & lex, ut est in æternū, ut dicitur Baruch. 4. quare nulla ratio, cur non conveniat Christianis, vel cur abrogari debuerit à Christo.

Neque contraria argumenta conuincunt, sed potius sententiam nostram confirmare videntur. Nam quod attinet ad illud; *Ego sum Deus tuus, qui eduxi te ex terra Ægypti*, nobis etiam convenit, quippe qui natus in Ægypto, & ex Ægypto liberati sumus in personis patrum nostrorum. Nam qui ex gentilitate inuerfi sumus ad Deum, in radicem bonæ oliuæ inserti sumus, id est, ad populum Patriarcharum adiuncti, ut dicit Apostolus ad Rom. 11. non enim populus Dei veteris Testamenti extinctus est, sed creuit ex diuisione Gentilium; unde idem Apostolus 1. Cor. 10. alloquens Christianos ex Gentilibus, dicit: *Voluistis ignorare fratres, quoniam patres nostri omnes ibi nubesuerunt, & omnes mare transierunt, &c.* Itaque nos sumus Abraham filij, quos ei Deus promissit, cum sit Genes. 17. *Patrem multarum gentium constitui te.* De qua re vide plura apud Apostolum ad Rom. 3. & 4. & Galat. 4. & apud Augustinum in epist. 100. ad Allicum. Vbi deducit ex Scripturis, Iudæos, qui secundum carnem ex Sara & Israel descendunt, & tamen increduli sunt, secundum spiritum esse ramos fractos, & ad Agar & Esau pertinere: nos autem qui secundum carnem Iudæi non sumus, & tamē in Christum credimus, esse veros Iudæos in spiritu, & ad Sam & Israel pertinere. Et ibidem dicit, omnia præcepta legis veteris moralia, à nobis, qui iam sumus populus Dei, sine dubitatione esse seruanda. Præterea si non fuimus in Ægypto captiui, fuimus tamen in potestate diaboli, quam seruitus illa significabat, & si liberati non sumus ab oneribus duris luti & laterum, liberati tamen sumus ab oneribus longe durioribus peccatorum. Itaque recte nobis quoque Deus dicit: *Ego sum Deus tuus, non habebis Deos alienos coram me, &c.*

Ad illud; *Lex & Prophetæ usque ad Ioannem*, responsio in promptu est. Nam loquitur Dominus de lege prophetante per figuras, non de lege instituente mores hominum. Quod apertius habetur Matt. 11. *Omnes Prophetæ & lex usque ad Ioannem prophetauerunt*, id est, omnes prædictiones futuri Messie, siue per verba prophetarum, siue per figuras & cæremonias legis non ultra Ioannem extenduntur, qui fuit nouissimus Prophetarum. Itaque locus iste de cæremoniali lege non de morali intelligi debet.

Porro ad Rom. 7. iam supra ostendimus in huius capitis initio, non abrogari legem, sed reatum legis. Quod vel inde confirmari potest, quod in eodē cap. 7. idem Apostolus ait: *Condelector legi secundum interiorem hominem.* Item: *Consensio legi, quia bona est.* Item: *Ego ipse mente serui legi Dei.* Certe si seruebat legi Dei, non erat mortuus legi, nec lex erat illi mortua, quoad obligationem & debitum implendi. Quare initio c. 8. dicit, lex spiritus vitæ liberauit me à lege peccati & mortis, id est, lex in corde scripta, quæ est charitas, liberauit me à lege scripta in tabulis, quæ sine spiritu litteta erat occidens. Liberauit autem, quia effecit (ut mox idem Apostolus subiungit) ut iustificatio legis (scriptæ nimirum in tabulis) impleretur in nobis.

In locis autem ad Gal. 3. & ad Hebr. 7. sermo est de lege cæremoniali, ut supra dictum est. Vide quæ diximus ca. 2. in explicatione quinti discriminis Legis & Euangelij. Habemus igitur ex vera Christiana libertate colligi legis custodiam & opera bona homini Christiano esse maxime necessaria.

CAPVT VII.

Probat ex Scripturis necessitas operum ad salutem.

SE d iam propius ad quæstionem ipsam de necessitate operum accedamus.

Aduersarij in eo conueniunt, ut opera bona non sint necessaria ad salutem, nisi necessitate præsentis. Cuius propositionis hic sensus est, ut opera bona fieri debeant, quoniam alioqui fides non esset viuæ, nec vera, nisi fructus bonos faceret, quomodo ignis non est ignis, nisi calefaciat; tamen opera bona non habent ullam relationem ad salutem, quasi sint merita, causæ, conditiones, &c. in quo distingui dicitur fides ab operibus, quoniam fides habet relationem ad salutem, quia illam apprehendit, & ideo necessaria dicitur ad salutem; opera vero nullam omnino relationem habeant, & ideo sunt quidem necessaria, sed non ad salutem.

Nos contra dicimus, opera bona homini iusto esse necessaria ad salutem, non solum ratione præsentis, sed etiam ratione efficietis, quoniam efficiunt salutem, & sine ipsis sola fides non efficit salutem. Intelligimus autem hoc esse necessarium hominibus rationis usum habentibus: & qui tam diu post adeptam remissionis gratiæ superuiuant, donec occasio implendæ legis occurrat. Non enim negamus, quin infantes, & etiam adulti recens baptizati saluentur, si continuo ex hac vita decedant. Censentur enim totam legem implere, qui post iustificationem adeptam legis præcepta non violarunt, & qui charitatem, quæ est legis plenitudo, saltem habitualiter in corde gerunt.

PRIMUM igitur probatur necessitas operum ad salutem ex ijs, quæ dicta sunt de discrimine Legis & Euangelij, & de libertate Christiana. Nā si promissio vitæ æternæ est conditionata, ut in 1. cap. probauimus, certe necessarium est implere conditionem, si quis saluus fieri velit. Et si iustus non est liber ab obligatione diuinæ legis, certe nisi eam impleat non saluabitur.

Deinde probatur specialibus testimoniis. PRIMUM testimonium ad Hebr. 10. *Patientia vobis necessaria est, ut facientes voluntatem Dei reportetis promissionem.* Hic habemus imprimis modum loquendi contrarium sententiæ Lutheranorum rigidorum, qui non admittunt propter periculum erroris (ut ipsi somniant) opera esse necessaria ad salutem. Nam patientia opus quoddam est, cum sit actus virtutis à fide distinctus, imo opus perfectum iuxta Iacobum ca. 1. & verbis disertis necessaria prædicatur; & additur ad quid sit necessaria, *ut reportetis*, (inquit) *promissionem.* Deinde, habemus etiam hoc loco patientiam esse necessariam, non solum ratione præsentis, sed etiam relationis ad salutem. Id enim significat illud, *ut reportetis promissionem.* Nam si tantum necessaria esset ratione præsentis, satis fuisset dicere, patientia vobis necessaria est, sed cum additur ratio necessitatis, & dicitur, *ut reportetis promissionem*, aperte significatur relatio aliqua patientiæ ad acquisitionem promissionis. Id enim videmus in omnibus similibus loquendi formis: cibis est necessarius, ut nutriamur, aer est necessarius, ut respiciamus, vestis est necessaria, ne frigeamus. Vbi semper relatio causæ alicuius exprimitur.

SECUNDUM testimonium 1. ad Timoth. 2. *Mulier seducta in prauaricatione suis, saluabitur autem per filiorum generationem, si permanserit in fide, & dilectione & sanctificatione cum sobrietate.* Quo loco per seuerantiam non in sola fide, sed in fide, dilectione, sanctificatione,

& sobrietate ponitur necessaria ad salutem, ut conditio quædam, sine qua mulier saluari non potest.

Tertium testimonium ad Philippen. secundo: *Cum meum & vestram salutem vestram operamini.* Profecto, si actiones bonæ salutem operantur, non sunt necessariæ solum ratione præsentis, sed etiam ratione efficientis.

Quartum testimonium 2. ad Corinth. 7. *Tristitia qua secundum Deum est, penitentiam in salutem stabilem operatur.* Hic etiam videmus rationem efficientis. Nam tristitia penitentiam, penitentia saltem stabilem operatur. Tristitia enim vere efficit in homine penitentiam, id est, detestationem peccati, & propositum peccata vitandi: igitur ipsa etiam penitentia vere efficit stabilem salutem. Proinde non est necessaria solum ratione præsentis, sed etiam causæ.

Quintum testimonium 2. ad Cor. 4. *Idem quod in presenti est momentaneum, & leue tribulationis nostræ, supra modum in sublimitate æternæ gloriæ pondus operatur in nobis.* Quid apertius dici potuit? si patientia tribulationis operatur pondus æternæ gloriæ: quis negare potest relationem aliquam esse inter patientiam & salutem? nisi forte operari saltem, non sit aliquid operari, ut nulla consequatur ex operatione relatio.

Sextum testimonium Roman. 8. *Si spiritum facta carnis mortificaueritis, vivetis.* Vbi mortificationem carnalium concupiscentiarum necessariam esse ad salutem, ut conditionem & causam, ac per hoc relationem habere ad ipsam salutem, primum demonstrat particula conditionalis, *si*, deinde antithesis. Nam paulo ante dixerat, *si secundum carnem vixeritis, moriemini.* Neque enim dubitari potest, quin secundum carnem vivere sit vera causa mortis æternæ. *Stipendium enim peccati mors*, ad Rom. 6. Quod autem additur: *Gratia autem Dei vita æterna*, non significat, vitam æternam non esse stipendium iustitiæ, sed ipsam iustitiam non haberi, nisi ex gratia Dei, ut in libro de Meritis operum fulius declarabimus.

Septimum testimonium ad Rom. 8. *Si tamen compatimur, ut & glorificemur.* Existimo enim, quia non sunt condignæ passionibus huius temporis ad futuram gloriam. Hic vero non solum conditionalis particula indicat causam, sed etiam ratio addita de excessu gloriæ ad passionibus. Nam si nullam haberet patientia tribulationum relationem ad salutem, frustra Paulus diceret, *Existimo enim, quod non sunt condignæ, &c.* Ista enim collatio passionum ad gloriæ & excessus unius ad alterum manifeste declarat, esse aliquam vim in opere patientiæ ad acquirendam illam gloriam, tamen absolute longe maior sit futura illa gloria, quam sit præsens tribulatio.

Octavum testimonium ad Roman. 10. *Corde creditur ad iustitiam, ore autem confessio fit ad salutem.* Videmus hoc loco non sufficere fidem ad salutem, quæ vera & integra in corde esse non potest, nisi accesserit etiam externa confessio. Mirum est autem quanta sit aduersarij audacia, & quid non moliantur, ut euadant retia veritatis. Nam, ut scribitur in Colloquio Altemburgensi, Illyricianus quidam, timens ne hoc testimonia stabiliretur necessitas operum ad salutem, pro, *ad salutem*, posuit, *de salute*, ut sensus sit, hominem corde credere ad iustitiam obtinendam, ore autem confiteri de adepta salute. Sed refellit hæc deprauationem Apostolus, ipse, cum ait: *Si enim confessus fueris Dominum Iesum, & in corde tuo credideris, quoniam Deus eum suscitauit à mortuis, saluus eris.* Vbi quod confitemur, non est, salutem nos esse adeptos, sed Iesum esse Filium Dei. Respexit enim Paulus ad

A verba Domini Matth. decimo: *Qui me confessus fuerit, confitebor & ego cum coram Patre meo: & qui me negauerit coram hominibus, negabo & enim coram Patre meo.*

Nonum testimonium Matth. 25. *Venite benedicti Patri mei, possideite paratum vobis regnum à constitutione mundi.* Esurus enim, & dedisti mihi manducare, &c. Certe reddita ratio luculenter ostendit, opera bona esse aliquo modo causam æternæ salutis. Respondent quidem aduersarij, opera bona à Domino commendari, ut fructus & signa veræ fidei. Sed non oportet verba Domini expresse dimittere, & alia, quæ ipse non dixit, & quæ in quæstione sunt posita, aliunde accipere. Quod enim opera sint necessario cum vera fide coniuncta, & proinde sint eius signa & testimonia infallibilia, Dominus hoc loco non dicit, ubi fidei ne meminit quidem, & res (ut diximus) in quæstione posita est. At quod propter opera bona detur regnū cælorum, disertis verbis hoc loco Scriptura testatur, nec solum hoc loco, sed etiam in alijs plurimis, ut in sequenti libro probabimus.

Decimum testimonium Iacobi primo: *Qui autem perpexit in lege perfectæ libertatis, & permanserit in ea, non audet obliuiscens factus, sed factor operis, hic beatus in facto suo erit.* At quomodo quæso beatus in facto suo, si facta nullam habent relationem ad beatitudinem, sed solum præsentiam suam ociose exhibent? Adde, quod idem Apostolus ait cap. 2. *Quid proderit fratres mei, si fidem quis dicat se habere, opera autem non habeat, nunquid poterit fides saluare eum?* De quo testimonio satis multa diximus in primo libro.

His accedant integre epistolæ Petri, Ioannis, Iacobi & Iudæ, qui, teste S. Augustino in lib. de fide & operibus, ca. 14. intentionem suam eo potissimum dirigunt, ut probent, opera bona iustificatis hominibus ad salutem esse necessaria, neque fidem solam sufficere, ut quidam eo tempore ex epistolis B. Pauli non bene intellectus, prædicare cœperant.

CAPVT VIII.

Probatur operum necessitas ex traditione Ecclesiastica.

A D Scripturæ testimonia traditio Ecclesiastica debet adiungi. Ac primum testantur Patres, hanc ipsam hæresim, quæ negat operum necessitatem ad salutem, patronos habuisse perditissimos hæreticos. Nam ipso tempore Apostolorum non defuisse, qui dicerent solam fidem sufficere, opera non esse necessaria, testatur S. Augustinus, tum in libro de unico Baptismo contra Peulianum, ca. 10. tum in libro de fide & operibus, cap. 14.

Præterea nominatum Simonem Magum huius erroris assertorem faciunt, Sanctus Irenæus & Theodoretus. S. Irenæus lib. 1. cap. 20. dicit, vnum ex erroribus Simonis fuisse, saluari homines per gratiam eius, non secundum operas iustas. Theodoretus autem de hæreticis fabulis: *Iubeat, inquit, Simon suos legis minas non pertimescere, sed tanquam liberos facere quæ vellent.* Non enim per bonas actiones, sed per gratiam eos esse salutem consequuturos.

Denique Eunomium corpore & mente leprosum, atque hæreticorum pene omnium impudentissimum in eodem errore versatum, testatur sanctus Augustinus in libro de hæresibus, cap. 54. *Fertur, inquit, usque adeo fuisse bonis moribus inimicus, ut asseneret, quod nihil cuiquam obesset quorumlibet perpetratio & perseverantia peccatorum, si biuui, quæ ab illo docebat,*

proprie respondebat, & doctrinam seriam, & solidam tradebat, ut patet Matthæi vigesimo secundo, ubi primum Pharisæi consilium ineuntes, ut caperent eum in sermone, quærent, liceat ne cœsum dare Cæsari an non: deinde Sadducæi non dissimili istudium quæstionem proponunt, cuius viri futura sit vxor in resurrectione, quæ septem viris sibi per mortem ordine succedentibus nupserat. Denique legisperiti tentantes interrogant, quod sit mandatum magnum in lege. Omnibus autem quæstionibus Dominus vere, proprie, simpliciterque respondit. Ad primam: *Reddite quæ sunt Cæsari Cæsari, & quæ sunt Dei Deo.* Ad secundam: *In resurrectione neque nubent, neque nubentur, sed sicut Angeli Dei in cælo.* Ad tertiam: *Diliges Dominum Deum tuum, ex toto corde tuo, & in tota anima tua, & in tota mente tua.* Audeant Calvinistæ & Lucherani, si pudorem penitus exuerunt, has responsiones Domini ironicas facere. Si vero non audent, multo minus Matth. 19. & Luc. 10. ironiam suspicentur, cum in his locis minor occasio ironiæ reperiatur.

TERTIO, probari potest, promissiones Evangelicas esse conditionales ex doctrina Apostolorum, qui passim conditiones operum inculcant, ad Romanos 8. *Si spiritus facta carnis mortificaueritis, viuetis.* Et ibidem, *Cohæredes autem Christi, si tamen compatimur.* 2. ad Timotheum. 2. *Si mortui sumus, & conuincimus, si sustinebimus & congregabimur.* Iacobi 2. *Si tamen legem perfectius regalem.* 1. Petri 1. *Sic enim (si videlicet, per bona opera certam vestram vocationem faciat) abundanter ministrabitur vobis introitus in æternum regnum Domini nostri.* 1. Ioan. 1. *Si confiteamur peccata nostra fidelis est & iustus, ut remittat nobis peccata nostra.* Apoc. 3. *Qui vicerit, dabo ei sedere mecum in throno meo.*

QUARTO, probatur ex doctrina prophetica. Nam promissiones remissionis peccatorum, etiam si in Prophetis sint, non ad legem, sed ad Evangelium pertinere aduersarii non negant. Sic igitur loquitur Ezechiel, capite 18. *Si impius auerterit se ab impietate sua, & fecerit iudicium & iustitiam, vita viuet &c.* Vbi non semel, sed sæpius Dominus repetit, se indulgentiam, & vitam impio donaturum, si tamen penitentiam egerit à peccatis, & mandata omnia custodierit. Et contra, se iustum grauius puniaturum, si auerterit se à iustitia, & mandata omnia non custodierit. Quo loco sicut auertere se à iustitia & mandata non custodite, conditio est, à qua pendet comminatio mortis, omnium consensu, & nemo dicere tuderet comminationem mortis non esse conditionalem, sed absolutam: ita quoque auertere se à peccato, & facere iudicium, & iustitiam, conditio est, à qua pendet promissio vitæ; & nemo dicere debet, promissionem vitæ non esse conditionalem, sed absolutam, nisi diuinis litteris aperte repugnare velit.

QUINTO, probatur ex conditione fidei, quam requiri ad salutem non negant aduersarii, cum scriptum sit Marci ultimo: *Qui crediderit, saluus erit, qui non crediderit, condemnabitur.* Ex hac enim fidei conditione sequitur **PRIMO**, ut falsum sit, quod ipsi dicunt promissiones Evangelii non esse conditionales: quomodo enim conditionales non sunt, si conditio aliqua, fidei videlicet, in omnibus requiritur? **SECUNDO**, ut etiam falsum sit, non requiri conditionem legis implendæ. Nam quibus verbis Scriptura docet, requiri conditionem fidei ad salutem, usdem, vel etiam clarioribus docet, requiri conditionem legis implendæ, ut patet ex tot locis supra citatis.

Ac (inquiunt) *Promissiones Evangelii gratuita sunt,*

A non igitur conditionales. **R**ESPONDEO, Gratuitum non opponitur conditionali, neque est idem, quod absolutum, alioqui promissio Evangelica conditionem fidei non requireret. Gratuita igitur dicitur promissio, quamuis conditionalis, quoniam ipsa etiam conditio gratuita est, gratuita enim est promissio indulgentiæ, tametsi fidem & penitentiam exigat, quoniam fides & penitentia dona sunt Dei, & gratuita est promissio vitæ æternæ, quamuis obedientiam legis requirat, quoniam ipsa etiam obedientia legis donum Dei est: & hoc modo gratiam dat Deus pro gratia, ut legimus Ioannis primo. Quoniam gratiam vitæ æternæ dat pro gratia meritum, & gratiam indulgentiæ dat pro gratia penitentia.

CAPVT III.

Afferitur verum discrimen legis & Evangelij, & inde necessitas operum comprobatur.

EXPLICABIMVS NUNC verum discrimen Legis & Evangelij, ut hinc etiam necessitas bonorum operum comprobetur.

Dvo sunt præcipua discrimina Legis & Evangelij, ex quibus multa alia consequuntur.

PRIMUM igitur illud interest inter legem & Evangelium, quod inter doctrinam inchoatam & perfectam, continetur enim Evangelium in Lege, ut arbor in semine, ut S. Thomas recte docet in 1. 2. q. 107. Vnde S. Augustinus in libro 16. de ciuitate Dei cap. 16. scribit, testamentum vetus esse occultationem noui, & testamentum nouum esse reuelationem veteris. Et S. Gregorius homil. 6. in Ezechielem, explicans mysterium rotæ quæ erat in rota, dicit rotam in rota esse testamentum nouum in testamento veteri.

TRIA continet Scriptura vtriusque testamenti, mysteria, promissiones & præcepta, id est, res credendas, sperandas & faciendas, quibus fides, spes, charitasque respondent. Nam ad hæc tria reuocatur summa totius doctrinæ cælestis, ut S. Augustinus docet in Enchiridio, in libro de agone Christiano, in libro de catechizandis rudibus, & alibi. Sed in omnibus tribus longe præstat doctrina Evangelica & Apostolica doctrinæ legis & Prophetarum.

Nam quod attinet ad **MYSTERIA FIDEI**; doctrina veteris testamenti unitatem Dei manifeste docet, Trinitatem personarum, & Incarnationem verbi non nisi obscure & imperfecte, ut ea potius adumbrat, quam exprimat: doctrina vero testamenti noui hæc omnia perspicue tradit & prædicat. Itaque ad hoc significandum, Moses cum loqueretur ad populum, faciem velabat, nobis autem Christus ipse reuelata facie loquutus est, annuncians omnia, quæcunque audiuit à Patre suo. Vnde Apostolus 2. ad Corinthios 3. *Moses, inquit, ponebat velamen super faciem suam, ut non intenderent filij Israel in faciem eius: nos autem reuelata facie, gloriam Domini speculantes, transformamur à claritate in claritatem, tanquam à Domini spiritu.*

Quod attinet ad **PROMISSA**, Lex & Prophetæ pollicentur expresse bona temporalia, figurate autem regnum cælorum, Christus & Apostoli manifeste regnum cælorum, & vitam æternam pollicentur, bona temporalia adiicienda esse dicunt, & ideo non esse sollicite & anxie requirenda. Et quoniam promissionibus adiungi solent etiam minæ, Lex & Prophetæ comminantur temporalia mala, Christus

& Apostoli mortem sempiternam. Si audieritis me (inquit Dominus, per prophetam Isaia primo) bona terre comedetis: quod si nolueritis, & me ad iracundiam prouocaueritis, gladius deuorabit vos. Christus autem Matthæi 5. Beati pauperes spiritu, quoniam ipsorum est regnum cælorum, Beati mundo corde, quoniam ipsi Deum videbunt. Et infra: Qui dixerit fratri suo salue, tuus erit gehenne ignis.

Sanctus AVGVSTINVS libro decimo octauo de ciuitate Dei, capite vndecimo: Educto, inquit, populo in monte Syna, diuinitus acceptam tradidit legem, quod vetus dicitur testamentum, quia promissiones terrenas habet: & per Iesum Christum futurum fuerat testamentum nouum, quo regnum cælorum promitteretur. Et in Psalmum 73. Deus se utriusque testamenti esse voluit auctorem, ut & terrena promitteret in veteri testamento, & cælestia in nouo testamento. Obseruat idem Augustinus in libro 19. contra Faustum, capite vlt. in Prophetis inueniri non raro testimonia de resurrectione & vita æterna; sed regnum cælorum nusquam expresse nominatum, nedum promissum, nisi in Euangelio. Quare non immerito Sanctus Hieronymus in libro 1. aduersus Pelagianos, reprehendit Pelagianos, quod dicerent in testamento veteri regnum cælorum esse promissum.

Restant LEGES & MANDATA, quorum alia ceremonialia, alia iudicialia, alia moralia erant in veteri testamento. In nouo autem pro CEREMONIIS illis Moisaicis, quæ prope modum infinitæ erant, instituit in Euangelio CHRISTVS, vt S. AVGVSTINVS loquitur in epist. 118. ad Ianuarium, Sacramenta numero paucissima, obseruatione facillima, significatione præstantissima, quibus societatem noni populi colligauit. Et in Psalm. 73. Mutata, inquit, sunt Sacramenta facta sunt pauciora, faciliora, salubriora, feliciora.

IUDICIALIS leges in Euangelio Christus non tulit, sed ferèdas reliquit iis, qui variis in locis Republicam gerentes, pro rerum personarum, & temporum diuersitate instituendas esse iudicauerint. Hoc enim interest inter populum Hebræum & Christianum, quod ille vnã gentem & vnã regionem, eamque satis exiguam continebat. De qua re vide Hieronymum in epist. ad Dardanum, de terra promissionis: iste autem orbem terræ complexus est, vbi regiones sunt & regna vastissima, mores & consuetudines diuersissimæ, temperamenta, ingenia, habitus animorum & corporum infinitis modis variætes. Hinc igitur facile poterat Hebræus populus iisdem iudiciis regi, non potest autem populus Christianus vlla ratione iisdem particularibus ritibus & legibus gubernari.

MORALES leges, quæ perpetuæ sunt, easdem ferè habent lex & Euangelium, vt ostendit S. Augustinus libro 19. contra Faustum, cap. 28. sed in hoc præstat Euangelium legi, quod quædam grauiora, quæ à Iudæis propter infirmitatem ipsorum in lege non exigebantur, à Christianis in Euangelio exiguntur, vt patet de libello repudii & polygamia: quædam etiam expressius leguntur in Euangelio quæ obscurius habebantur in lege. Quare S. Augustinus, cum in libro contra Adimantum, cap. 3. scripsisset, nihil esse in Euangelica & Apostolica disciplina, quod in lege & Prophetis desideretur: admonuit postea in lib. 1. retract. cap. 22. addendam fuisse voculam ferè: non enim omnia, sed ferè omnia, quæ ad mores pertinent, habet Euangelium cum lege communia.

Sed vt plane intelligatur, quemadmodum in Euangelio Dominus legem moralem nõ sustulerit, sed perfecit, exponam breuiter summam sermonis Domini in monte; quem vere scripsit S. Augusti-

nus lib. 1. de serm. Domini in monte, cap. 1. omnibus præceptis, quibus vita hominis formari potest esse perfectum.

INITIO igitur sermonis sui, Dominus quasi loco proœmii, diuino prorsus artificio, simul explicat finem vltimum hominis & virtutum, atque operum bonorum vtilitatem proponit, dicens, Beati pauperes spiritu, quoniam ipsorum est regnum cælorum. Et quæ sequuntur. Quoniam enim vltimus finis, principium & fundamentum est totius doctrinæ moralis, ideo primo loco exponi debuit, simul autem adiungi par fuit vtilitatem virtutis, vt discipuli attentiores efficerentur.

Deinde, quasi proœmio explicato, accedit Dominus ad præcepta tradenda; & primum instruit Doctores, deinde auditores. Doctores admonet, eos saltem terræ & lucem mundi esse debere, id est sapientia & charitate ita cæteris præstare, vt alios sapientes & ardentes efficere possint. Quas duas condiciones non semel repetiuit, cum præpositos Ecclesiæ fideles, & prudentes esse debere præmonuit.

Aggreditur deinde instructionem populorum, eoque instruit, tum quoad SVBSTANTIAM præceptorum diuinorum, tum quoad FINEM, nam in vtroque Scribæ & Pharisei prauas opiniones induxerant.

Quod attinet ad SVBSTANTIAM præceptorum reprobat Dominus quinque phariseorum corruptelas. PRIMVM, deprauabāt Scribæ & pharisei præcepta grauissima de homicidio & adulterio, docentes in eiusmodi præceptis, actum externum solum esse prohibitum, non autem internum, nisi signis exterioribus proderetur. In quo errore fuit etiam Iosephus li. 12. antiquitatum, cap. 13. & David Kimhi in comment. psalm. 66. v. 17. exponens illud: Iniquitatem si aspexi in corde meo, non audiet Dominus: deprauat enim illud, non audiet Dominus; vt significet, non imputabit Dominus. Aduersus eiusmodi corruptelas, declarat Dominus legem, non occides, non solum manum, sed etiam linguam & animum cohibere; & legem, non mœchaberis, extendi vsque ad concupiscentiam in ipsa mente conceptam.

DEINDE, pharisei deprauabant legem de repudio; quod enim ob infirmitatem eorum hominum lex impunitum dimiserat, ipsi vt rem absolute iustam proponebant. Dominus autem docuit, non licere vxorem dimittere, nisi causa fornicationis, & legem de libello repudii penitus abrogauit.

TERTIO, pharisei docebant, non esse peierandum, tamen frequentare iuramenta, etiam leui de causa nullum peccatum esse ducebant. Contra Dominus iubet non esse iurandum omnino, nisi (videlicet) subsistendi necessitas.

QUARTO, corrumpebant pharisei legem illam talionis, oculum pro oculo, dentem pro dente. Nam cum non animaduertent, eam legem constitutam fuisse ad iustitiam conseruandam, non ad appetitum vindictæ saturandum, docebant, licitum esse vindictam appetere. Dominus igitur monet, non esse appetendam vindictam, nec malum pro malo reddendum; sed potius paratum esse debere hominem probum si opus sit, percutienti maxillam vnã, præbere etiam alteram.

QVINTO, peruertebant pharisei primarium dilectionis præceptum. Quoniam enim lex iusserat, vt hostes suos occiderent, non odii causa, sed zelo iustitiæ, qua iusta bella interdum etiam à piis Regibus indicuntur, illi generale præceptum tradebant diligendos esse amicos, odio habendos inimicos. Dominus ergo grauissime admonet, diligendos esse inimicos, benefaciendum his qui nos oderunt, orandum pro persequentibus & calumniantibus nos.

His ita explicatis transit ad modum, ac docet, cauendam esse in primis inanem gloriam, & non esse faciendam opera bona ea intentione, ut videantur & laudentur ab hominibus. Et quoniam nimis prolixum fuisset, de singulis operum bonorum generibus differere: reuocauit omnia ad tria capita, orationem, ieiunium & eleemosynam, quorum primum erga Deum, alterum erga nos ipsos, tertium erga proximum exhibemus: & vno mentem, altero corpus, & tertio bona externa sacrificamus.

Addit postea Dominus, ac docet quæ sint impedimenta cauenda & quæ adiumenta querenda iis, qui cupiunt ad perfectionem iustitiæ peruenire. **IMPEDIMENTA** tria demonstrat, nimiam sollicitudinem in opibus congregandis: *Nolite thesaurizare vobis thesauros in terra*, superuacaneam diligentiam in rebus etiam necessariis procurandis, *Nolite solliciti esse in crastinum*. Temerarium iudiciū de vita & factis alienis, *Nolite iudicare*. **ADIUMENTA** etiam tria ostendit, orationē assiduam, *petite & dabitur vobis*: conatum & contentionem proficiendi & superandi omnes difficultates, *Contendite intrare per angustam portam*: electionem bonorum Magistrorum, *Attendite vobis à falsis Prophetis*.

Postremo concludit sermonem, iterum commendans utilitatem operum bonorum, ut in proœmio fecerat: *Omnis qui audis verba mea hæc, & facit ea, similis est viro sapienti, qui aedificauit domum suam supra petram, &c.* Atque hæc de sermone Domini in monte.

Perfecit autem Dominus legem moralem, non solum explicando & addendo, quæ diximus, sed etiam adiuciendo, consilia quædam ad perfectionem charitatis, quæ finis est omnium præceptorum adipiscendam aptissima: de quibus facis multa disputauimus in libro de Monachis. Habemus igitur primum, discrimen legis & Euangelii, ex quo manifeste colligitur, obedientiam legis, atque opera bona non minus, sed multo magis in Euangelio, quam in lege doceri. Proinde Lutheranos sine dubitatione verum Euangelii, ac legis ignorare discrimen.

CAPVT IV.

Ostenditur alterum discrimen legis & Euangelii.

ALTERVM discrimen legis & Euangelii sumitur ex annexis. Nam lex per Moysen data est, qui legislator tantum fuit: Euangelium per Christum, qui non fuit solum legislator, sed etiam Redemptor. Proinde lex venit sola: Euangelium non solum, sed cum gratia. Itaque qui legem in monte Syna per Moysen acceperunt, doctrinam tantum acceperunt, ut instructi per legem, inter vitia, virtutesque discernere: qui vero per Christum Euangelium acceperunt, non solum doctrinam, sed etiam gratiam acceperunt, ut non modo inter virtutes & vitia discernere, sed etiam ut iustitiam diligerent, & odio haberent iniquitatem.

Hoc discrimen prædixerunt Ezechiel cap. 36. & Hierem. c. 31. *ILLIS* enim cum baptismum adumbrasset illis verbis: *Effundam super vos aquam mundam, & mundabimini ab omnibus inquinamentis vestris*, adiungit de spiritu gratiæ, *auferam à vobis cor lapideum, & dabo vobis cor carneum, & spiritum meum ponam in medio vestri, & faciam, ut in præceptis meis ambuletis*. **ISTE** autem disertis verbis duo testamenta distinguit: *Ecce dies veniunt, dicit Dominus, & feriam domui Israel, & domui Iuda fœdus nouum, non secundum pactum, quod pepigi cum patribus vestris, in die, qua apprehendi manum eorum, ut educerem eos de terra Aegypti, pactum, quod irritum fecerunt, & ego dominatus sum cor, dicit Dominus. Sed hoc est*

A pactum, quod feriam cum domo Israel post dies illos, dicit Dominus. *Dabo legem meam in visceribus eorum, & in corde eorum feribam eam, & ero eis in Deum, & ipsi erunt mihi in populum.*

Quam prophetiam de testamento nouo, cuius Christus auctor est, exponit Apostolus ad Hebræos 8. & 10. & idem Apostolus ad Rom. 5. cum dicit: *Charitas Dei diffusa est in cordibus nostris, per spiritum S. qui datus est nobis*. Significat legem in corde scriptam, de qua loquitur Hieremias, & spiritum in medio nostri positum, de quo vaticinatur Ezechiel, nihil esse aliud, nisi charitatem in corde diffusam. Tunc enim Deus facit, ut ambulemus in præceptis suis, cum charitatem in cordibus nostris diffundit: *Quoniam qui diligit, legem impleuit: & plenitudo legis est dilectio*. Roman. 13. **B** Quod discrimen copiose & eleganter persequitur S. Augustinus in pluribus locis, sed præcipue in toto lib. de spiritu, & litera.

Porro hoc discrimen legis & Euangelii tantum abest, ut operum necessitatem ab Euangelio remoueat, ut eam potius ad Euangelium maxime pertinere demonstret. Quorsum enim cum Euangelio gratiam bene operandi, & legis ipsius implendæ Christus coniunxit, nisi ut, quod per literam legis Euangelicæ discimus esse faciendum, id per spiritum & gratiam impleamus? Quod enim Apostolus ait 2. Cor. 3. *Litera occidit, spiritus viuificat*, demonstrat S. Augustinus, manifestissima ratione, non tantum intelligi debere de litera legis Mosaicæ, sed etiam de litera legis Euangelicæ, utraque enim occidit, si à spiritu separetur. Sed ideo scriptum est de lege Moysi, lex iram operatur. Non autem scriptum est de lege Christi, Euangelium iram operatur, quoniam (ut diximus) cum Moyses legem dedit, nihil nisi literam dedit, Christus autem cum Euangelium dedit, simul cum litera spiritum dedit. Quare S. Ioannes hoc ipsum discrimen attendens ait: *Lex per Moysen data est, gratia & veritas per Iesum Christum facta est*. Ioan. 1. Habemus igitur duas potissimas differentias Legis & Euangelii. Nunc paucis percurramus alias, quæ ex his duabus tanquā ex fontibus deriuantur. Ex primo discrimine nascuntur alia tria, & ex secundo itē tria.

TERTIVM igitur discrimen legis & Euangelii est, quod lex Moysi vni tantum genti data fuit, lex Christi omnibus gentibus, Deuter. 4. *Quæ est alia gens, ut habeat ceremonias, iustaque iudicia, & uniuersam legem, quam ego ponam hodie ante oculos vestros?* Psalm. 147. *Non fecit taliter omni nationi, & iudicia sua non manifestauit eis*. Rom. 3. *Quid ergo amplius Iudæo est, aut quæ utilitas circumcissionis? Multum quidem per omnem modum, primum, quia credita sunt illi eloquia Dei*. Et c. 9. *Optabam ego ipse anathema esse pro fratribus meis, secundum carnem, quorum est testimoniū & legislatio, &c.* At Christus Matthæi vlt. *Euntes, inquit, docete omnes gentes: Et Marci vlt. Prædicare Euangelium omni creaturae*. Et Lucæ vlt. *Oportet prædicari in nomine meo penitentiam, & remissionem peccatorum in omnes gentes, incipientibus ab Hierosolyma*. Et apostolus ad Romanos 1. *Non erubescio euangelium*. *Virtus enim Dei in salutem omni credenti, Iudæo primum, & Græco*. Oritur hoc discrimen ex primo. Lex enim Moysi positiva (id est) ceremonialis & iudicialis angusta erat, & ritus, ac iudicia particularia continebat: Euangelium vero lex est perfecta & ritus, præcepta & sacramenta ita vniuersalia comprehendit, ut toti mundo communia esse possint.

QUARTVM discrimen, quod oritur etiam ex primo, in eo positum est, quod lex umbram, & figuras rerum futurarum magna ex parte cōplectitur: Euangelium ipsum corpus, & veritatem exhibet, Ioan. 1. *Lex per Moysen data est, gratia & veritas per Iesum*

Christum

Christum facta est. Lex enim per Moysen data, per Christum facta est gratia, propter infusionem fidei & charitatis facta est veritas, propter impletionem omnium figurarum, 1. Cor. 10. Hæc autem in figura facta sunt nostri. Et paulo post: Hæc autem omnia in figura conungebant illis, scripta sunt autem ad correptionem. Heb. 10. Umbra habens lex futurorum bonorum non ipsam imaginem rerum. Denique passim in Evangelio legimus, varia in Christo mysteria fuisse completa, quoniam sic scriptum erat in lege aut Prophetis.

QVINTVM discrimen est, quod lex Moysi adueniente Christi lege mutanda erat, Christi autem legi nulla succedere debet alia lex. Oritur hoc discrimen ut alia duo, item ex primo: ideo siquidem mutanda fuit lex Moysi quoniam imperfecta erat, omne enim imperfectum perfectiori dedit, & umbræ luce apparente diffugiunt. Luc. 16. *Lex & prophetæ, usque ad Ioannem Baptistam, Heb. 7. Translatio sacerdotii necesse est, ut & legis translatio fiat. Et ibid. Reprobatio sit præcedentis mandati propter infirmitatem & inutilitatem. Et ca. 8. Dicendo novum, veteravit prius. Quod enim antiquatur & fenescit, prope interitum est. Et ad Gal. 3. Quid ergo lex? propter transgressionem posita est, donec veniret semen, cui promiserat. At Christi legem non esse finem habituram, perspicuum est ex duobus. PRIMO, quoniam sacerdotium Christi manet in æternum, iuxta illud Psalm. 109. *Tues sacerdos in æternum secundum ordinem Melchisedech. SECUNDO, quoniam regni Christi nullus erit finis, ut legimus Danielis 2. & Luc. 1. Lex enim cum sacerdotio & regno ita coniuncta est, ut illis manentibus, & ipsa manere debeat, quod de sacerdotio & lege Apostolus docet ad Hebr. 6. de regno & lege dubium esse non potest, cum regnum proprium sit leges ferre, neque ullum sit regnum, quod proprias leges non habeat. DENIQUE testamentum novum æternum dicitur, Psalm. 110. *Mandavit in æternum testamentum suum. Baruch. 2. Statim illis testamentum æternum sempiternum. Ad Heb. 1. Deus autem pacis, qui eduxit de mortuis pastorem magni ovium, in sanguine testamenti æterni, Dominum nostrum Iesum Christum.***

Est autem hoc loco breviter annotandum, legem Moysi, quoad præcepta cæremonialia & iudicialia simpliciter abrogatam esse. quoad moralia præcepta, & doctrinam fidei mutatam esse, non abrogatione, sed profectu, non enim sublata est lex moralis, nec fides unitatis Dei, sed aucta, amplificata, perfectæ, quomodo mutari solet infans in adolescentem, adolescens in virum, & quo modo populus Dei, Christo adueniente, non perit, sed statum mutavit. Lex autem in Evangelica sempiterna dicitur non quod Sacramenta & omnia eius præcepta nullum sint fidem habitura, sed quoniam usque ad mundi consummationem legi Evangelicæ nulla succedere debet alia lex, cum hæc perfectissima sit: & præterea quia charitas, quæ est lex nova, & testamentum novum scriptum in cordibus, nunquam excidit, & sine fine in omnem æternitatem durare debet.

SEXTVM discrimen quod oritur ex secundo, illud est, quod lex Moysi non habebat vim iustificandi, neque data erat ut iustificaret, sed ut morbum ostenderet, & ad quærendum medicum excitaret: Lex autem Christi, id est Evangelium, vim habet iustificandi, & ad hoc ipsum datum est, ut ab iniquitate iustificet Rom. 3. *Per legem cognitio peccati. Galat. 2. Si per legem iustitia, ergo gratis Christus mortuus est. Et capite 3. Quoniam in lege nemo iustificatur, manifestum est, quia influit ex fide vivit: lex autem non ex fide. Item si data esset lex quæ posset vivificare, vere ex lege esset iustitia. At Evangelium (ut dicitur ad Romanos primo) *Pertus, Deus est in salutem omni credenti.**

A Et 1. Cor. 15. *Notum vobis facio (inquit Apostolus) Evangelium, quod prædicaui vobis, quod & accepistis, per quod & salvamini.*

Sed hoc quod dicimus, Evangelium vim habere iustificandi, non ita accipiendum est, quasi sola litera Evangelii salutem adferre possit, sed quoniam (ut dictum est in secundo discrimine) cum Evangelii doctrina data est etiam gratia fidei & charitatis, quia legislator noster, simul etiam redemptor fuit & simul cum lege dedit benedictionem, id est, gratiam implendi legem, iuxta illud Psalm. 83. *Etenim benedictionem dabit legislator, ibunt de virtute in virtutem.*

B Quocirca B. Paulus ubicunque dicit legem non iustificare, non opponit legi Moysi doctrinam Evangelii, sed legi opponit fidem, operibus gratiam, & literæ spiritum. Alioqui enim etiam litera Evangelii, sine spiritu & gratia, iram operaretur, & occideret, ut iam sæpe diximus.

SEPTIMVM discrimen, quod item oritur ex secundo, illud est, quod lex Moysi, lex timoris & servitutis fuit, Evangelium lex amoris & libertatis. Rom. 8. *Non accepistis spiritum servitutis iterum in timore, sed accepistis spiritum adoptionis filiorum, in quo clamamus Abba Pater. Galat. 4. Hæc enim sunt duo testamenta, unum quidem in monte Syna, in servitutem generans quæ est Agar. Et intra: Itaque fratres, non sumus ancillæ filii, sed libera, quæ liberat Christus nos libertatis. 2. Tim. 1. Non dedit nobis spiritum timoris, sed virtutis & dilectionis.*

C Sed hoc discrimen fufius explicabimus in sequenti cap. Interim illud annotasse satis erit, legem Moysi dici legem timoris & servitutis, quoniam legis mandata sine gratia Dei, quam Moyses dare non potuit, reos constituent homines, & pæne obnoxios; Evangelium Christi legem esse libertatis & amoris, quoniam Christus, qui dedit mandata, dedit etiam spiritum, per quem in corde diffusa est charitas.

OCTAVVM discrimen est, quod lex Moysi gravissima & importabilis erat: Evangelium Christi iugum iuave & onus leve. Sic enim de lege Moysi B. Petrus loquitur Act. 15. *Quid tentatis imponere iugum super cervicem discipulorum, quod nec nos, nec patres nostri portare potuimus? De lege autem sua Christus Matth. 11. Tollite iugum meum, inquit, super vos. Iugum enim meum suave est, & onus meum leve. Oritur hoc quoque discrimen ex secundo. Potissima enim causa cur lex nova sit levis, & lex vetus gravis est annexa legi novæ gratia charitatis. Quod est enim durum & importabile timenti, leve est facile diligenti. Et hanc rationem reddit sanctus Augustinus in omnibus fere locis, ubi de hac retractat. q. 166. in Exod. in lib. 83. quæst. 66. lib. de gratia & libero arbitrio, cap. 17. in libro de natura & gratia, c. 69. & in lib. de perfectione iustitiæ post ratiocinationem decimam sextam. Vbi etiam addit insignem similitudinem de pennis avium: quæ non tam premunt, quam sublevant: *Perfella, inquit, charitas foras mittit timorem, & facit præcepta suavia leviorem, non solum non prementem onere ponderum, verum etiam sublevantem vice pennarum.**

E Sunt tamen etiam aliz duæ rationes cur lex nova vere dici possit facilior veteri: UNA est, quam reddunt Nazianzenus in 2. orat. de Pascha, & Chrysostomus hom. 8. de pœnitentia, quod spes retributionis longe sit maior in lege nova, quam in veteri, cum iam propalata sit via sanctorum, atque aditus patet ad regnum felicitatis æternæ, ALTERA ratio est, quoniam in lege veteri præcepta cæremonialia & iudicialia plurima erant, & parum utilia; in lege nova paucissima sunt & utilissima: præcepta vero moralia fere sunt eadem in utraque lege. Nam illa quoque quæ vidē-

tur in Evangelio esse gravissima de dilectione inimicorum, & de concupiscentia cohibenda inveniuntur Exod. 20. Prouerb. 25. & alibi. Vt S. August. demonstrat in lib. contra Adimantum, cap. 3. & lib. 19. contra Faustum. cap. 28.

Itaq. non ait Dominus Matt. 5. Nisi abundauerit iustitia vestra plusquam legis & Prophetarum, sed plusquam Scribarum & Phariseorum, ut videlicet singificaret, se non tam addere velle ad onera præceptorum legis, quam tollere de medio corruptelas Scribarum & Phariseorum. Quod si quæ graviora præcepta addidit, aut certe magis expresse tradidit, ut de non dimittenda vxore per libellum repudii, & si quæ sunt alia; non debent illa graua videri populo Christiano, etiamsi graua viderentur populo Iudeorum. Nam non est graue viro forti, quod puero delicato importabile solet videri.

CAPVT V.

Refellitur falsa libertas Christiana, & inde probatur necessitas operum.

DISSERVIMVS hæcenus de falso & vero discrimine legis & Evangelii. Nunc de falsa & vera libertate Christiana breuiter differemus. Nam hoc est alterum caput, vnde magna ex parte dependet questio de necessitate operum ad salutem.

Igitur aduersarij, ut supra diximus, in eo ponunt Christianam libertatem, ut nulli legi subiecti sint in conscientia, & coram Deo: & Christum habeant pro Redemptore, non pro Legislatore; Moses autem cum suo Decalogo nihil ad eos pertineat. Nos vero cum Tridentino Concilio in sess. 6. can. 19. 20. & 21. docemus homines Christianos & iustificatos, non esse liberos ab obligatione præceptorum Dei & Ecclesiæ, & eam, quam Hæretici prædicant, non esse Christianam, sed profanam libertatem, & verius peccati, ac diaboli voluntariam seruitutem.

PRIMUM, id probamus ex iis testimoniis, quæ docent, Christum verum fuisse Legislatorem. Neque enim negare audebunt, si legi subiectos esse, si Dominum suum Legislatorem fuisse negare non possint. Isaias quidem, c. 31. de Salvatore dicit: Dominus Iudex noster, Dominus Legisfer noster, Dominus Rex noster, ipse saluabit nos. Ac ne ad tropum aliquem forte confugiant, audiamus Mosiem in Deuter. c. 18. Prophetam, inquit, de gente tua, & de fratribus tuis sicut me, suscitabit tibi Dominus, ipsum audies.

Hunc Prophetam, Christum esse, testatur Apostolus Petrus Act. 3. & S. Stephanus Act. 7. sed apertissime Apostolus Paulus Christum confert cum Mose, ut Legislatorem cum Legislatore. Nam in epist. ad Hebræos c. 2. dicit, sermonem factum per Angelos in manu Moysi, ita firmum fuisse, ut omnis inobediencia dignam receperit vindictæ retributionem. Et inde colligitur: multo magis timendum esse nobis, si sermonem filii Dei contempserimus. Et c. 3. dicit, Mosiem fidelem fuisse in tota domo Dei tanquam famulum, Christum autem in domo sua tanquam filium. Et capite quinto, dicit, Christum factum esse omnibus obedientibus sibi causam salutis æternæ. Obedientia autem proprie Legislatori debetur, & c. 12. ita concludit: Videte ne recusis loquentem. Si enim illi non effugerunt recusantes eum qui super terram loquebatur, multo magis nos, qui de cælis loquentem nobis auertimus, cuius vox mouit terram tunc, nunc autem per promittis dicens, adhuc semel & ego monebo non solum terram, sed & cælum. Præterea Christum esse Regem nostrum omnis

A Scriptura testatur, Psal. 2. Ego autem constitutus sum Rex ab eo. Micheæ 5. Ex te exiet Dux, qui regat populum meum Israel. Luc. 1. Et regni eius non erit finis. Apocal. 1. dicitur: Princeps Regum terræ. Et c. 19. Rex Regum, & Dominus dominantium. At Regis proprium est leges condere: ideo liquidem Isaiæ 33. coniungitur, Legisfer noster, cum verbis, Rex noster, & Prouerb. 8. dicitur: Per me Reges regnant, & legum conditores iusta decernunt. Christus igitur Rex noster legem aliquam sine dubio nobis dedit, per cuius custodiam obedientiam illi præstemus.

B SECUNDO, idem probamus ex testimoniis, quæ docent, Evangelium esse quandam legem. Nam Isaiæ 2. & Micheæ 4. dicitur: De Syon exiit lex, & Verbum Domini de Hierusalem. Quæ verba intelliguntur communiter de prædicatione Evangelica, quæ ab vrbe Hierosolyma per totum mundum propagata est. Vide August. lib. 18. de ciuit. Dei, c. 50. & Isai. 42. Ecce seruus meus, electus meus, complacuit sibi in illo anima mea, dedi spiritum meum super eum, iudicium gentibus proferet. Et paulo post: Et legem eius insula expectabunt. Et c. 51. Attendite ad me popule meus, quia lex à me exiet, & iudicium meum in lucem populorum requiescet.

C PERTINERE autem hæc ad Christum, perspicuum est ex verbis sequentibus: Prope est iustus meus, egressus est Saluator meus. Et Matth. 11. cum Dominus ait: Iugum meum suauis est, & onus meum leue. Nonne aperte legem aliquam se attulisse testatur? neque enim promissio, exhortatio, instructio, iugum, & onus dici possunt. Sed lex, quæ obligat, & obligando premit & grauatur, recte dicitur iugum. Vnde Act. 15. & ad Galat. 3. lex Moysi iugum ab Apostolis appellatur. præterea B. Paulus 1. Cor. 9. Iu, inquit, qui sine lege erant, factus sum tanquam sine lege essem, cum sine lege Dei non essem, sed in lege essem Christi. Et ad Gal. 6. Alter alterius onera portate, & sic adimplebitis legem Christi.

D TERTIO, probatur ex particularibus & propriis Christi mandatis. Nam imprimis mādātum Christi in Evangelio contineri, de suscipiendo Baptismo & Eucharistia, nemo negare potest, cum tam aperte scriptum legamus, Ioan. 3. Nisi quis renatus fuerit ex aqua & Spiritu sancto, non potest intrare in regnum Dei. Et Ioan. 6. Nisi manducaueritis carnem filij hominis, & biberitis eius sanguinem, non habebitis vitam in vobis. Deinde lex prohibens libellum repudii, & præcipiens, ut vir vxorem non dimittat, neque vxor vicum, nisi in causa fornicationis, & si dimiserint, hac etiam de causa maneant innupti, vel coniugibus reconciliantur; propterea Christi est, de qua sic loquitur Apostolus 1. ad Corinthios 7. His qui matrimonio iuncti sunt, præcipio, non ego, sed Dominus, vxorem à viro non discedere quod si discesserit, manere innuptam, aut viro suo reconciliari. Et Matth. ultimo. Dominus ipse aliqua se mandasse, & ab omnibus esse custodienda testatur his verbis: Docete omnes gentes, baptizantes eos in nomine Patris, & Filij, & Spiritus sancti, docete eos seruare omnia, quæ mandauimus vobis.

E QUARTO, probatur ex testimoniis, quæ docent, legem Moysi, quæ ad mores pertinet, à Christo & Apostolis approbatam, & fidelibus ad obseruandum traditam. Nam id IMPRIMIS perspicuum est ex cap. 5. 6. 7. Matt. vbi Dominus approbat, & explicat legem Moysi. De qua re diximus supra in 1. cap. 1. & 2. DEINDE, idem patet ex capite 18. Matth. 10. Marc. & 18. Luc. Vbi Dominus iterum approbat Decalogum Moysi, ac dicit, eam legem viam esse ad vitam æternam. De quo etiā diximus capite primo.

TERTIO, probatur euidenter ex eo, quod idem Dominus testatur Matt. 22. præceptum dilectionis esse primum & maximum mandatum, & ab eo legem,

Prophetasque

Prophetaeque pendere, quippe quod virtute Decalogum, & omnes alias leges, & praecepta comprehendit: & hoc ipsum mandatum ita commendat Apostolus, & per eos Ecclesiae vniuerse, ut dicat Ioan. 15. *Hoc est praeceptum meum, ut diligatis inuicem.* Et rursus: *Hec mando vobis, ut diligatis inuicem.* Et Ioan. 13. *Mandatum nouum do vobis, ut diligatis inuicem.* Vbi nouum appellat, tum quia reuocari illud volebat, tum quia illud vnum diligenter seruatum homines facit nouos.

Nec solum Dominus, sed etiam Apostoli mandata Decalogi, & ipsam dilectionis praeceptum, in quo totus Decalogus (ut diximus) continetur, fidelibus omnibus diligenter assidueque commendat, quod certe non facerent, si decem praecepta non pertinerent ad Ecclesiam Christianorum. Rom. 13. *Nemini quidquam debeatis, nisi ut inuicem diligatis.* Qui enim diligit proximum, legem implet. Nam non adulterabis, non occides, non furaberis, non falsum testimonium dices, non concupisces, & si quod est aliud mandatum, in hoc verbo instauratur, *Diliges proximum tuum sicut teipsum.* Dilectio proximi malum non operatur, plenitudo ergo legis est dilectio. Idem ad Ephes. 6. *Honora, inquit, patrem tuum & matrem tuam, quod est mandatum primum in promissione.*

Apostolus quoque Iacobus, ca. 2. *Si tamen, inquit, legem perficitis regalem secundum Scripturas, Diliges proximum tuum sicut teipsum, benefacitis.* Si autem personas accipitis, peccatum operamini, redamini à lege quasi transgressores. Quicumque autem totam legem seruauerit, offendet autem in uno, factus est omnium reus. Qui enim dixit, non moechaberis, dixit, & non occides, quod si non moechaberis, occides autem, factus es transgressor legis. Vides quam aperte Iacobus Decalogum Moysi ad nos quoque pertinere demonstrat?

Porro & Petrus in epist. 1. c. 1. & 4. & Ioan. in tota 1. epist. imo etiam in 2. & 3. nihil sapientius admonent, quam ut dilectionis praeceptum implere satagamus, scientes videlicet in eo praecepto, ut ita diximus, vniuersam legem plenissime contineri.

Quinto, probatur ex testimonijs illis, quae docent, legem Moysi moralem non esse per fidem Christi, & Euangelium abrogatam, Matt. 5. *Nolite putare quoniam veni soluere legem, non veni soluere, sed adimplere.* Quomodo vero se dixerit impleturum, explicat in sequentibus, ubi perfectissime seruari mandat praecepta legis, Non occides, Non moechaberis, & similia. Et Apostolus ad Rom. 3. *Quid ergo legem destruximus per fidem? absit, sed legem statuimus.* At si praedicatio Evangelica totam fidem ita docet, ut opera non requirat, nec legem ullam proprie dictam admittat, quidni verum sit legem destrui per fidem? quid enim est, legem destruere, nisi vim obligandi ab ea tollere? idem quoque Apostolus ad Rom. 7. *Itaque, inquit, lex quidem sancta, & mandatum sanctum, iustum & bonum.* Et ibidem: *Consentio legi, quia bona est.* Item: *Ego ipse mente seruo legi Dei.* Et c. 8. *Deus filium suum misit in similitudinem carnis peccati, de peccato damnauit peccatum, ut iustificatio legis impleatur in nobis.* Quis igitur credat, legem illam à Christo esse sublatam, quam sanctam, bonam & iustam appellauit Apostolus, & cuius gratia misit Deus filium suum, & de peccato damnauit peccatum, ut eam videlicet, ipso adiuvante, implere possemus?

Sexto, probatur ex testimonijs, quae habent nomen debiti, ut Rom. 8. *Debitor sumus non carni, ut secundum carnem vivamus, & c.* 1. Ioan. 4. *Nos debemus alterutrum diligere.* 1. Ioan. 2. *Qui se dicit in Christo manere, debet sicut ille ambulauit, & ipse ambulare.* 1. Ioan. 3. *Nos debemus pro fratribus animas ponere.* Luc. 17. *Quod debui facere, fecimus.*

Septimo, probatur ex ijs, quae docent, Christum esse iudicem totius mundi, & ultimo die secundum opera vniuersiusque vel poenas, vel praemia distributurum. Id enim habetur expresse Matt. 25. Act. 10. & 17. Ro. 2. & 14. 1. Petri 2. & alibi passim. At quale iudicium erit, si nullae sunt leges, ex quarum prauiatione damnari, vel obseruatione coronari mereamur? quod enim quidam ex nouatoribus dicunt, in iudicio extremo examen futurum de sola fide, manifeste pugnat cum verbis Domini, qui Matt. 25. iustis dicturum se esse testatur: *Possidete paratum vobis regnum, esurini enim & dedistis mihi manducare, & c.* iniustis autem: *Ite maledicti in ignem aeternum, esurini enim, & non dedistis mihi manducare, & c.* In quo loco (ut notat S. Augustinus in lib. de fide & operibus, ca. 15.) nulla mentio fidei facta est, ut intelligeremus, Christianis, qui damnantur, non fidem, sed opera defuisse. Id quod etiam apertissime docet Apostolus 2. Cor. 5. cum ait: *Omnes nos manifestari oportet ante tribunal Christi, ut referat unusquisque propria corporis, prout gessit, siue bonum, siue malum.*

Octauo, probatur ex testimonijs Patrum, Clemens in li. 6. Apostolicarum constitutionum, c. 19. *Cognoscitis, inquit, Deum per Christum, vniuersamque eius dispensationem à primis ipso institutam, quod dedisti nobis legem simplicem ad auxilium naturalis legis, puram, salutarem, sanctam, in qua & proprium nomen reposuit, perfectam, absolutam, decem praecepta continentem, reprehensione carentem, conuertentem animas, & c.*

S. Augustinus in lib. de spiritu & littera, c. 14. *In illis, inquit, decem praeceptis, excepta sabbati obseruatione, dicatur mihi, quid non sit obseruandum à Christiano.* Et infra: *Quid horum quisquam dixerit, non debere seruare Christianum.* Item li. 10. contra Paulinum, c. 2. *Iudeo dicens mihi, cur tenes vetus Testamentum, cuius praecepta non seruas? Respondes, seruas à Christianis etiam ex ipsis libris praecepta vitae agenda, praecepta autem vitae significantia tunc recte obseruata, cum praenunciabantur, quae nunc reuelata sunt.* Item tract. 3. in Ioan. *Ille, inquit, omnia (moralia praecepta) nobis magis praecipuntur, & obseruanda sunt.* In Psal. 73. non procul ab initio: *Si discernimus, inquit, duo Testamenta, vetus & nouum, non sunt eadem sacramenta, non eadem promissa, eadem tamen pleraque praecepta.* Nam non occides, Non moechaberis, Non furaberis, Honora patrem & matrem, Non falsum testimonium dixeris, Non concupisces res proximi tui, Non concupisces uxorem proximi tui: & nobis dictum est, & quisquis ea non obseruauerit, deniat, nec omnino dignus est, qui ascendere mereatur montem sanctum Dei. Et itera: *Diffusa ergo praecepta, aut eadem omnia inueniuntur, aut vix aliqua in Evangelio, quae non dicta sint à Prophetis, praecepta eadem, sacramenta non eadem.*

S. Leo serm. 6. de ieiunio decimi mensis: *Ex ipsa, inquit, Ecclesiastica deuotione demonstratur, quod Dominus Iesus Christus non venit legem soluere, sed adimplere.* Cessantibus enim significationibus, quibus Saluatoris nostri nuntiabatur aduentus, & peractis figuris, quas ad finem ipsa praesentia veritatis, ea quae vel ad regulas morum, vel ad simplicem Dei cultum ratio praestans instituit, in eadem apud nos forma, in qua sunt condita persueuerant: & quae utraque Testamento erant congrua, nulla sunt commutatione variata. Idem in ser. 14. de passione Domini: *Sicut, inquit, nemo est credentium, cui dona neganda sint gratia, ut nemo est, qui non sit Christiana debito disciplina. Quia etsi remota sit mystica legis asperitas, voluntaria tamen obseruantia creuit utilitas.* Vbi vox illa, voluntaria, non opponitur debita, alioqui secum ipse pugnaret, sed opponitur aspera & feruili, ut fusius, in sequenti capite declarabimus. Vnde subiungit ibidem S. Leo: *In praeceptis moralibus nulla prioris Testamenti decreta reprobata, sed*

Evangelico ministerio multa sunt aucta, ut perfectiora & lucidiora essent dantia salutem, quam promissio salutis em.

Possent eiusmodi testimonia adhuc multa proferri, sed non est opus, cum obuia sint, & legentibus passim occurrant. Id vnum addam, nonnullos ex Patribus non solum obiter hoc dixisse, sed etiam studiose collegisse ex utroque Testamento præcepta moralia, quibus ad perfectionem iustitiæ informari debeat vita fidelium. Vide Clementem Alexandr. lib. 3. *Pædagogici*, cap. 10. Cyprianum lib. 3. ad Quirinum. Augustinum in Speculo, tomo 3. nam alius liber de Speculo, qui habetur tomo 9. non videtur esse Augustini. Simile opus meditabatur quoque S. Basilus, sed angustis temporis exclusus, non collegit præcepta moralia, nisi ex Testamento nouo, ut ipse testatur in præfatione moralium.

Nono, probatur euentissima ratione. Nam vel homo Christianus & iustus peccat, cum moralia legis veteris præcepta transgreditur, vel non peccat. Si peccat, igitur non est liber ab eius legis obseruatione. Quid enim est peccatum, nisi præuicatio legis? non autem præuicatur legem, qui non habet legem. Nam ubi non est lex, neque præuicatio, proinde si lex illa moralis Testamenti veteris non est homini Christiano & iustificato vere lex, non peccat, dum eam non seruat: vel si peccat, igitur est illi vere lex. Denique fingi non potest, quomodo peccet, qui liber sit à lege. Quod si non peccat, igitur falsum est quod sectarii omnes dicunt, omnia opera hominis iusti esse peccata mortalia. Itē si non peccat, igitur vera est Libertinorum hæresis, quod nihil sit peccatum, nisi falsa imaginatio: & laxandæ sunt omnibus habendæ, ut unicuique liceat quod ei libet. Ita videlicet libertas est Christiana, quam sectarii prædicant, libertas omnia flagitia sine scrupulo perpetrandi, libertas carnis non spiritus, filiorum diaboli, non filiorum Dei, libertas denique omni seruitute superior.

Dicent fortasse, non ita se intelligere libertatem à lege, quasi præuicatio legis non sit peccatum, sed quod fidelibus ea præuicatio non imputetur. Hunc enim sensum videntur efficere verba Lutheri in lib. de votis Monasticis, ubi dicit, in eo consistere libertatem, quod pia conscientia sit libera ab omnibus operibus, non quidem faciendis, sed accusantibus & defendentibus, quia nulla sunt tam mala, quæ possint illum accusare & damnare, nulla tam bona, quæ eum queant defendere & iustificare. Et in 2. ca. ad Galat. ubi agnoscit hominem peccare, sed dicit, nihil sibi esse cum lege, quia non potest eum damnare. Eundem sensum faciunt verba Caluini lib. 3. *Instit.* c. 19. §. 4. & 7. ubi dicit, libertatem in eo consistere, ut faciamus opera non tanquam examinanda ad regulam legis, sed tanquam acceptanda qualiacunque sint.

At si ita dixerint, fateri debent, vere & proprie legem ad se pertinere, eiusque iugo se quoque esse subiectos: nam si vere peccant, licet peccatum eis non imputetur, vere præuicantur legem. Proinde vere legem habent. Non enim vere præuicatores dici possent, nisi legem haberent; neque vere peccarent, nisi legem præuicarentur.

Præterea quæro, utrum præuicatio legis, ut exempli gratia, homicidium, adulterium, periuirium, cum fide simul habitare possit, vel non possit: nam si non potest, igitur præuicatio illa non solum est peccatum, sed imputatur. Quomodo enim non imputatur, si excutit fidem? an etiam infidelibus præuicatio non imputatur? si vero potest præuicatio legis habitare cum fide, ut satis aperte indicat Luther. cum dicit in lib. de captiu. *Babylonica*, cap. de Baptismo,

A nulla peccata nocere posse baptizato, quia si steter, vel redeat fides, in momento absorbentur; ubi significat posse stare fidem. Et lib. de votis Monasticis, ubi dicit, credentis nulla esse tam mala opera, quæ eum accusare vel damnare possint. Igitur non sunt necessaria opera bona, etiam ut fructus & signa fidei: igitur nulla est omnino ratio, cur sint scelera & flagitia fugienda, nisi forte ex metu supplicij temporalis. Vides ut semper ad id reuoluitur error sectariorum, ut aditum patefaciant vitis & peccatis, & tamen passim vociferantur, sibi magnam à Catholicis iniuriam fieri, quasi negligant opera bona.

CAPVT VI.

B *Afferitur vera libertas Christiana, & inde quoque probatur necessitas operum bonorum.*

V ERA igitur Christiana libertas ex Evangelicis & Apostolicis litteris, tribus in rebus sita esse cognoscitur, in libertate à peccato & morte, in libertate à iugo legis ceremonialis & iudicialis Hebræorum, & à domino, & reatu legis naturalis atque moralis.

De libertate à peccato & morte, quæ ex peccato sequitur, loquitur Dominus Ioan. 8. *Si vos filius liberaueris, vere libereritis.* Nam paulo ante dixerat: *Qui facit peccatum, seruus est peccati.* De eadem loquitur Apostolus ad Rom. 6. *Cum serui effectus peccati, liberi sumus iustitiæ: nunc autem liberati à peccato, serui autem facti Deo habetis fructum vestrum in sanctificationem, finem vero vitam æternam.* Et cap. 7. idem Apostolus hoc rursus confirmat similitudine mulieris, quæ per mortem viri liberatur à seruitute eiusdem viri, ut possit libere cum alio viro coniungi. Tres enim personæ in ea similitudine introducuntur, persona mulieris, persona viri morientis, & persona alterius viri, cui rursus mulier nubit.

Applicando autem similitudinem, per mulierem intelligit Apostolus homines baptizatos, & iustificatos: per virum, cui rursus mulier nubit intelligit Christum, per virum morientem, à quo mulier liberatur, intelligit peccatum, & mortem: sed reddita est obsecrata sententia Apostolica, quoniam cum debuisset dicere, peccatum esse mortuum, ipse contradixit, nos mortificatos esse per mortem Christi. Nam in idem recidit, siue nos moriamur peccato, siue peccatum moriatur nobis. Obscurior etiam sententia reddita est, quoniam cum debuisset saltem dicere, nos mortificatos esse peccato, vel morti, dixit, nos mortificatos esse legi, quoniam lex (ut infra explicat) ex occasione peccatum fouebat & augebat, & nos ipsi peccato, ut coniugem viro subiectos tenebat.

Quod autem intentio Apostoli fuerit dicere, nos per Christi mortem liberatos esse à peccato, & in ea similitudine peccatum tenere locum viri morientis, perspicuum est ex illis verbis: *Itaque fratres mei, & vos mortificati estis legi per corpus Christi, ut sitis alterius, qui ex mortuis resurrexit, ut fructificemus Deo, cum enim in carne essemus, passionibus, quæ per legem erant, operabamur in membris nostris, ut fructificaremur morti.* Nunc autem solui sumus à lege mortis, in qua desinebamus, ita ut seruamus in nouitate spiritus, & non in veritate litteræ. Vbi sicut ex eo, quod dicit, *ut fructificemus Deo*, intelligimus, Deum esse secundum virum cui nubit anima, & cui fructificat, proles bonorum operum pariendo: sic etiam in eo, quod dicit, *ut fructificaremur morti*, intelligimus mortem esse priorem virum cui copulata erat anima, & cui fructificabat,

proles

proles malorum operum pariendo. Vide S. August. copiose hunc locum explicantem in lib. 83. q. 66. & lib. 15. contra Faustum, cap. 8. Vbi monet, hominem baptizatum dici mortificatum legi, non quia sit mortuus legis iustitiae, sed legis reatu, & praevaricationi, quam lex per litteram, cum gratia defuit, faciebat.

Ex hac prima libertate colligimus, aduersarios grauiter errare cum dicunt, peccatum in hominibus iustificatis semper viuere, sed non imputari. Nam si ita esset, non essemus vere & proprie liberati, neque essemus peccato vere mortui, sed adhuc fructificaremus morti, & seruiremus in vetustate litterae, non in nouitate spiritus.

Iam vero de libertate secunda, quae est ab oneribus legis ceremonialis & iudicialis, extant etiam apertissima testimonia. Hoc enim est, quod clamat Apostolus Petrus Act. 15. *Quid tentatis imponere iugum super cervices discipulorum, quod nec nos, nec patres nostri portare possumus?* Et Apostolus Paulus ad Galat. 2. *Nec Titus, inquit, compulsus est circumcidi, cum esset gentilis. Sed propter falsos fratres, qui subintraverunt explorare libertatem nostram, quam habemus in Christo Iesu, ut nos in seruitutem redigerent.* Et cap. 4. *Quomodo iterum convertimini ad infirma & egena elementa, quibus denuo seruire vultis.* Et cap. 5. *Scite & nolite iterum iugo seruitutis contineri.* Ecce ego Paulus dico vobis, quoniam si circumcidamini, Christus vobis nihil proderit. Et ad Hebr. 7. *Translatio enim sacerdotio, necesse est ut & legis translatio fiat.* Et ibidem: *Reprobatio fit precedentis mandati propter infirmitatem eius & inutilitatem.* Nihil enim ad perfectum adduxit lex. Et cap. 9. vocantur ceremonialis legis, iustitiae carnis usque ad tempus correctionis impositae. Neque de hac libertate vlla iam dubitatio est.

De tertia libertate, quae est à dominio legis diuinae moralis, id est, per quam fit, ut lex nobis non dominetur tanquam seruis imminens flagello, & timorem semper incutiens, sed ut imperet liberis, & liberaliter obtemperare volentibus: non adimendo legi vim obligandi, sed addendo hominibus charitatem illam libenter implendi, loquitur idem Apostolus cum ait ad Rom. 6. *Non estis sub lege, sed sub gratia,* 2. ad Cor. 3. *Vbi spiritus Domini, ibi libertas.* ad Galat. 5. *Si spiritu ducimini, non estis sub lege.* Et 1. Timoth. 1. *Iusto non est lex posita, sed iniustus, & non subditus.* Nā ut sanctus Augustinus obseruat in explicatione primi Psalmi, aliud est hominem esse sub lege, aliud hominem esse in lege. Sub lege enim dicitur esse, qui à lege agitur tanquam seruus; in lege est, qui secundum legem agit, ut liber. Quare Apostolus 1. Corinth. nono dicit se factum esse omnia omnibus, ijs qui sub lege sunt, quasi esset sub lege cum vere non esset sub lege, ijs qui sine lege sunt, quasi sine lege esset, cum tamen sine lege Dei non esset, sed in lege esset Christi. Vbi negat se esse sub lege, & affirmat esse in lege.

Vnde in libro de continentia, c. 3. idem Augustinus ait: *Non sumus sub lege bonum quidem iubente, non tamen dante, sed sumus sub gratia, quae id quod lex iubet, faciens nos amare, potest liberis imperare.* Et in libro de natura & gratia, cap. 57. *Si spiritu, inquit, ducimini, non estis sub lege quae timorem incutit, non tribuit charitatem.* Et in libro de spiritu & littera, ca. 10. explicat illud: *Iusto non est lex posita, de lege terrente & minante, quia iusti non indigent, sed iniusti.* Quod etiam pulchre explicat in eadem sententia S. Ambrosius in Ps. 36. tractans illud: *Lex Dei eius in corde ipsius.* Vbi dicit, legem scriptam fuisse in tabulis lapideis propter iniustos, quorum cordibus lex Dei deleri iam coeperat. Iuxta illud ad Galat. 3. *Lex propter transgressionem*

A posita est. Ut videlicet transgressores eam videre cogerebantur in tabulis, qui non amplius eam videbant in cordibus. nam iustis non est necessaria lex scripta in tabulis, cum eam diligenter seruent in cordibus. Lex enim Dei eius in corde ipsius.

Addunt aliqui ex Catholicis, in quibus est Dominicus à Soto lib. 2. de Iustitia & Iure, q. 5. art. 4. non solum Christianos liberatos esse à lege ceremoniali, & à reatu, & terrore legis moralis, sed etiam à tota lege scripta in libris Moysi, non quod non teneamus seruare legem illam Moysi, ut est naturalis, & quatenus in Euangelio, & epistolis Apostolorum renouatur, sed ut est ab ipso Mose scripta. Non enim Moses nos iam obligare potest, sed solus Christus. Christiani enim sumus, non Iudaei. Et videtur id satis efficaciter probari, Primo ex ipso principio Decalogi, ut scribitur Exod. 20. *Ego sum Deus tuus, qui eduxi te de terra Aegypti.* Nos enim nūquam fuimus serui in Aegypto. Secundo ex illo Luc. 16. *Lex & Propheta usque ad Ioannem.* Tercio ex Apostolo, qui ad Rom. 7. & ad Hebr. 7. & ad Galat. 3. videtur absolute dicere totam legem Moysi esse sublatam.

Ceterum nos verius putamus, legem moralem, etiam ut est data per Moysen & per Prophetas, atque ut est in libris veteris testamenti scripta, vere obligare Christianos. Nā quod Dominus ait, Matt. 5. *Non veni legem solvere, sed adimplere,* intelligitur de lege morali, ut patet ex toto illo capite. Adimplere autem non est (ut Dominicus à Soto ait) adducere tempus, quo lex illa cessare debet, id est, per aduentum suum illi finem imponere, quandoquidem usque ad Christi aduentum duratura erat. Non (inquam) id est eo loco adimplere, sed perficere & stabilire remotis corruptelis, quae per falsas interpretationes illi accesserant. Adimpleuit enim Christus legem de cauendo homicidio, quia docuit cauendam esse etiam iram, quae est via ad homicidium.

Præterea S. Paulus ad Rom. 3. cum ait: *Nunquid legem destruimus per fidem? absit, sed legem statuimus.* Loquitur de lege Moysi; illa enim in scripturis intelligitur cum absolute lex nominatur.

Ad hæc Apostoli semper allegant verba Testamenti veteris, cum præcepta moralia seruanda esse docent, ut patet ad Rom. 13. *Non adulterabis, non occides, non furaberis, non falsum testimonium dices, non concupisces, & si quod est aliud mandatum, &c.* Ad Ephes. 5. *Honora patrem & matrem, quod est mandatum primum in promissione.* Iacobi 2. *Si tamen legem perficitis regalem secundum Scripturas, Diliges proximum tuum sicut teipsum, &c.* At cur Apostoli hoc facerent, si testimonia illa ad Christianos non pertinerent?

Sane mirum est, cur Dominicus à Soto loco notato scripserit, nullum testimonium ex libris veteris Testamenti quoad vim obligandi adduci posse Christianis. Nam non solum Apostoli, sed etiam Patres omnes, imo & Theologi omnes testimonia veteris Testamenti allegant ad probanda præcepta moralia, verbi gratia ad probandum vsuras esse prohibitas, quis non allegat Psalm. 14. & Ezech. cap. 18.

Ad hæc S. Augustinus lib. 10. contra Faustum, ca. 2. disertis verbis dicit, seruari à Christianis præcepta vitæ ex ipsis libris Testamenti veteris. Et tam ipse, quam alij Patres citati capite superiore, crebro repetunt, præcepta moralia data Iudeis obligare etiam Christianos. Et nonne in Catechismis, quibus omnis Christianorum Ecclesia vtitur, scribuntur decem præcepta ad verbum deprompta ex cap. 20. Exodus? Denique lex moralis Testamenti veteris, non tantum diuina est, sed etiam spiritualis, sancta, iusta, bona, ut dicitur ad Rom. 7. & præterea immaculata,

& sobrietate ponitur necessaria ad salutem, ut conditio quædam, sine qua mulier saluari non potest.

Tertium testimonium ad Philippen. secundo: Cum metu & tremore salutem vestram operamini. Profecto, si actiones bonæ salutem operantur, non sunt necessaria solum ratione præsentis, sed etiam ratione efficientis.

Quartum testimonium 1. ad Corinth. 7. Tristitia qua secundum Deum est, penitentiam in salutem stabilem operatur. Hic etiam videmus rationem efficientis. Nam tristitia penitentiam, penitentia saltem stabilem operatur. Tristitia enim vere efficit in homine penitentiam, id est, detestationem peccati, & propositum peccata vitandi: igitur ipsa etiam penitentia vere efficit stabilem salutem. Proinde non est necessaria solum ratione præsentis, sed etiam causæ.

Quintum testimonium 2. ad Cor. 4. Idem quod in præsentem est momentaneum, & leue tribulationis nostræ, supra modum in sublimitate æternæ gloriæ pondus operatur in nobis. Quid apertius dici potuit? si patientia tribulationis operatur pondus æternæ gloriæ: quis negare potest relationem aliquam esse inter patientiam & salutem? nisi forte operari saltem, non sit aliquid operari, ut nulla consequatur ex operatione relatio.

Sextum testimonium Roman. 8. Si spiritum facta carnis mortificaueritis, viuetis. Vbi mortificationem carnalium concupiscentiarum necessariam esse ad salutem, ut conditionem & causam, ac per hoc relationem habere ad ipsam salutem, primum demonstrat particula conditionalis, si, deinde antithesis. Nam paulo ante dixerat, si secundum carnem vixeritis, moriemini. Neque enim dubitari potest, quin secundum carnem vivere sit vera causa mortis æternæ. Stipendium enim peccati mors, ad Rom. 6. Quod autem additur: Gratia autem Dei vita æterna, non significat, vitam æternam non esse stipendium iustitiæ, sed ipsam iustitiam non haberi, nisi ex gratia Dei, ut in libro de Meritis operum fusius declarabimus.

Septimum testimonium ad Rom. 8. Si tamen compatimur, ut & conglorificemur. Existimo enim, quia non sunt condigna passionibus huius temporis ad futuram gloriam. Hic vero non solum conditionalis particula indicat causam, sed etiam ratio addita de excessu gloriæ ad passionem. Nam si nullam haberet patientia tribulationum relationem ad salutem, frustra Paulus diceret, Existimo enim, quod non sunt condigna, &c. Ita enim collatio passionum ad gloriā & excessus vnius ad alterum manifeste declarat, esse aliquam vim in opere patientiæ ad acquirendam illam gloriam, tametsi absolute longe maior sit futura illa gloria, quam sit præsens tribulatio.

Octauum testimonium ad Roman. 10. Corde creditur ad iustitiam, ore autem confessio fit ad salutem. Videmus hoc loco non sufficere fidem ad salutem, quæ vera & integra in corde esse non potest, nisi accesserit etiam externa confessio. Mirum est autem quanta sit aduersarij audacia, & quid non moliantur, ut euadant retia veritatis. Nam, ut scribitur in Colloquio Altemburgensi, Illyricianus quidam, timens ne hoc testimonia stabiliretur necessitas operum ad salutem, pro, ad salutem, posuit, de salute, ut sensus sit, hominem corde credere ad iustitiam obtinendam, ore autem confiteri de adepta salute. Sed refellit hæc deprauationem Apostol. ipse, cum ait: Si enim confessus fueris Dominum Iesum, & in corde tuo credideris, quoniam Deus cum suscitauit à mortuis, saluus eris. Vbi quod confitemur, non est, salutem nos esse adeptos, sed Iesum esse Filium Dei. Respexit enim Paulus ad

A verba Domini Matth. decimo: Qui me confessus fuerit, confitebor & ego enim coram Patre meo: & qui me negauerit coram hominibus, negabo & enim coram Patre meo.

Nonum testimonium Matth. 25. Venite benedicti Patris mei, possideite paratum vobis regnum à constitutione mundi. Esurius enim, & dedistis mihi manducare, &c. Certe reddita ratio luculenter ostendit, opera bona esse aliquo modo causam æternæ salutis. Respondent quidem aduersarij, opera bona à Domino commendari, ut fructus & signa veræ fidei. Sed non oportet verba Domini expressa dimittere, & alia, quæ ipse non dixit, & quæ in quæstione sunt posita, aliunde accipere. Quod enim opera sint necessario cum vera fide coniuncta, & proinde sint eius signa & testimonia infallibilia, Dominus hoc loco non dicit, ubi fidei ne meminit quidem, & res (ut diximus) in quæstione posita est. At quod propter opera bona detur regnū cælorum, disertis verbis hoc loco Scriptura testatur, nec solum hoc loco, sed etiam in alijs plurimis, ut in sequenti libro probabimus.

Decimum testimonium Iacobi primo: Qui autem perpexit in lege perfecta libertatis, & permanserit in ea, non audet obliuiscens factus, sed factor operis, hic beatus in facto suo erit. At quomodo quæso beatus in facto suo, si facta nullam habent relationem ad beatitudinem, sed solum præsentiam suam ociose exhibent? Adde, quod idem Apostolus ait cap. 1. Quid proderit fratres mei, si fidem quis dicat se habere, opera autem non habeat, nunquid poterit fides saluare eum? De quo testimonio satis multa diximus in primo libro.

His accedant integre epistolæ Petri, Ioannis, Iacobi & Iudæ, qui, teste S. Augustino in lib. de fide & operibus, c. 14. intentionem suam eo potissimum dirigunt, ut probent, opera bona iustificatis hominibus ad salutem esse necessaria, neque fidem solam sufficere, ut quidam eo tempore ex epistolis B. Pauli non bene intellectis, prædicare cœperant.

CAPVT VIII.

Probatur operum necessitas ex traditione Ecclesiastica.

A D Scripturæ testimonia traditio Ecclesiastica debet adiungi. Ac primum testantur Patres, hanc ipsam hæresim, quæ negat operum necessitatem ad salutem, patronos habuisse perditissimos hæreticos. Nam ipso tempore Apostolorum non defuisse, qui dicerent solam fidem sufficere, opera non esse necessaria, testatur S. Augustinus, tum in libro de vnico Baptismo contra Peulianum, ca. 10. tum in libro de fide & operibus, cap. 14.

Præterea nominatim Simonem Magum huius erroris assertorem faciunt, Sanctus Irenæus & Theodoretus. S. Irenæus lib. 1. cap. 20. dicit, vnum ex erroribus Simonis fuisse, saluari homines per gratiam eius, non secundum operas iustas. Theodoretus autem de hæreticis fabulis: Iubeat, inquit, Simon suos legis minas non perimere, sed tanquam liberos facere quæ vellent. Non enim per bonas actiones, sed per gratiam eos esse salutem consequuturos.

Denique Eunomium corpore & mente leprosum, atque hæreticorum pene omnium impudentissimum in eodem errore versatum, testatur sanctus Augustinus in libro de hæresibus, cap. 54. Fertur, inquit, usque adeo fuisse bonis moribus inimicus, ut asseneret, quod nihil cuiquam obesset quorumlibet peccatorum & perseverantia peccatorum, si bini, quæ ab illo docebatur,

fides particeps esset. Ex his apparet, ab antiquissimis Patribus pro hæreticis habitos, qui sine bonis operibus saltem hominibus promittebāt. Sed audiamus etiam in particulari aliquot Patrum sententias.

Clemens Alexandrinus lib. 5. Stromatum: Gratia, inquit, saluamur, sed non absque bonis operibus. Et infra: Quando audierimus, fides tuæ salutem fecit, non accipimus absolute eos saluos futuros, qui quomodoque crediderint, nisi facta quoque fuerint consecuta.

S. Hilarius cant. 7. in Matth. Salus, inquit, gentium omnis in fide est, & in præceptis Domini vita est universorum.

Sanctus Gregorius Nazianzenus oratione in sanctum lauacrum, prope extrema: Operare, inquit, bonum super hoc doctrinarum fundamentum, quoniam fides sine operibus mortua est, quemadmodum & opera sine fide.

S. Ambrosius, vel quicumque est auctor in commentar. ad cap. 4. ad Hebr. tractans illud: Festinemus ingredi in illam requiem. Festinemus, inquit, quoniam non sufficit fides, sed debet addi & vita fidei condigna. Opus est quippe omni volenti cælum possidere, fidem operibus bonis ornare.

Sanctus Ioannes Chrysostomus hom. 13. in Ioannem, tractans illud: Qui credit in filium, habet vitam æternam. Nunquid ergo, inquit, satis est ad vitam æternam in filium credere? minime. Non enim omnis qui dicit mihi, Domine Domine, intrabit in regnum cælorum. Et peccatum in Spiritum sanctum, vel solum est satis ut hominem in gehennam deirudat. Et quid de Patre loquor? Nam si in Patrem, & Filium, & Spiritum sanctum recte credideris, non autem velle vixeris, nullatibi ad salutem utilitas. Cum ergo dicis, ipsa est vita æterna, ut cognoscant te solum Deum verum: nolimus hoc nobis ad salutem satis arbitrari. Opus namque nobis est & vita & morum puritate pollere. Et licet hoc in loco dicat, Qui credit in filium, habet vitam æternam: non tamen dicimus, satis esse solam fidem ad salutem. Quod quæ de vita sæpe in Evangelijs dicuntur.

Hieronymus in comment. Isa. ad ca. 26. tractans illud: Murus & antemurale ponetur in ea: Murus, inquit, bonorum operum, & antemurale fidei. Non enim sufficit habere murum fidei, nisi ipsa fides bonis operibus confirmetur. Idem in c. 4. Osee, imitans pene ipsam Lutheri vocem: Per dulces, inquit, sermones decipiunt infelices. Cum enim viderint aliquos delinquentes, aiunt, Nihil aliud quarit Deus, nisi fidei veritatem, quam si custodieritis, non curat quid agatur. Quid, quæso, interest inter ista verba, & illa Lutheri de captivitate Babylonica, c. de Eucharistia: Nos cum Deo nunquam aliter agere possumus, quam fide, opera ille nihil curat?

S. Cyrillus li. 10. in Ioann. cap. 18. Quod autem, inquit, fides ad salutem non sufficiat, Christi etiam discipulus ostendit, scribens, Tu credis quia unus est Deus, &c.

S. Augustinus in lib. de fide & operibus, cap. 14. Iam, inquit, illud videamus, quod excusandum est à cordibus religiosi, ne mala securitate salutem suam perdant, si ad eam obtinendam sufficere solam fidem putaverint. Idem de gratia & libero arbitrio, cap. 7. Homines, inquit, non intelligentes, quod ait Apostolus, arbitramur, hominem iustificari per fidem sine operibus, putaverunt eum dicere sufficere homini fidem, etiam si male viuas, & bona opera non habeat, quod absit ut sentiret vas electionis. Et in præfat. Psal. 31. explicans præceptum quo ruunt, qui sola fide nituntur: Si, inquit, se infirmitati proprie omni ex parte donaverit, & in hanc cognitionem se inclinaverit, ut dicat, quia misericordia Dei omnibus peccatoribus, in quibuslibet peccatis perseverantibus tantum credentibus, quia Deus liberat, Deus ignoscit, ita parata est in finem, ut nemo pereat fidelium iniquorum, id est, nemo pereat eorum

A qui sibi dicunt, quicquid vis faciam quibuslibet facinoribus & flagitijs inquiner, quantumlibet peccem, liberat me Deus misericordia sua, quia credidi in eum. Qui ergo dicit neminem perire saluum, cogitatione mala inclinatur in impunitatem peccatorum: & Deus ille iustus, cui cantatur misericordia & iudicium, non sola misericordia, sed iudicium, inuenit hominem male de se præsumentem, & ad interitum suum misericordia Dei abutentem, & necesse est, ut damnetur.

Vbi sanctus Augustinus videtur Lutheranum hominem aperte describere, qui infirmitatem suam respiciens & existimans impossibile esse, ut legem Dei servare possit, totum se transfert ad præsumptionem misericordiae Dei, & hoc ipso quod credit se à Deo liberandum, & peccata sua propter fidem non imputanda, existimat sibi iam omnia esse salva. Cæterum eiusmodi hominem, Augustinus dicit, ad interitum suum abuti misericordia Dei, & necessario esse damnandum.

S. Gregorius hom. 38. in Evangelia, explicans illud: Amice, quomodo huc intraisti, Amicum, inquit, vocat & reprobat, ac si apertius dicat, amice, & non amice, amice per fidem, non amice per operationem.

S. Prosper in Psal. 111. explicans illud: Potens in terra eris semen eius, semen futura messis, inquit, esse opera misericordiae, Apostolus testis est dicens, Bonum autem facientes, non deficiamus: tempore enim proprio metemus. Quid autem potentius hoc semine, cuius impius impendit comparatur regnum cælorum & vita æterna? Idem lib. 1. de vita contemplatiua, cap. 19. Verbum fidei prædicandum est, ut audiens credat, credens intelligat, intelligens bonum opus perseveranter exerceat, quoniam eum, qui potest vii libera voluntatis arbitrio, nec opera sine fide, nec fides sola sine operibus iustificat.

S. Fulgentius in lib. 2. de remiss. peccat. cap. 1. Vita, inquit, bona non veraciter dicitur, quæ peruersæ credulitatis vitio depravatur: neque sufficit ad salutem fides recte credentis, si conversatio moribus atque operibus turpatur obsecans.

Primasius in commentar. ca. 5. ad Ephes. notat illud: Omnis fornicator, aut immundus, aut avarus, &c. proprie dictum esse aduersus eos, qui solam fidem sufficere credunt ad salutem.

CAPVT IX.

Probatur operum necessitas ad salutem ex ratione.

Addemus postremo rationem illi similem, quæ texuimus in primo libro, ut probaremus, fidem solam iustificare.

Sic igitur ratiocinari possumus, si fides sola saluaret, & opera non essent necessaria nisi ratione præsentis, ut fructus & signa fidei, sequeretur, fidem saluare posse, etiam si careret omni bono opere, & coniuncta esset omnibus vitijs & peccatis: hoc autem consequens est manifeste falsum, & Scripturis, ac rationi repugnat; igitur fides sola non saluat, & necessaria sunt opera bona, non solum ratione præsentis, sed etiam ratione alicuius efficientis.

Propositio argumenti, quæ conditionata est, probatur hoc modo; opera non requiruntur in actu saluandi nisi per accidens, nullam enim ipsa vim saluandi habent, neque addunt fidei, neque tollunt à fide vim, quam habet saluandi, ut aduersarij contendunt, igitur bonis omnibus operibus sublati, adhuc fides saluaret. Quemadmodum enim quia ignis solo calore calefacit, si tollerentur ab igne omnes alie

qualitates

litates, quæ per accidens sunt cum calore coniunctæ, adhuc sine dubio calefaceret: & quoniam pater sola relatione paternitatis refertur ad filium, si ab eo, qui pater est, omnia alia attributa remouerentur, ut scientia, nobilitas, potestas, sanitas, pulchritudo, & contra adderetur ignorantia, obscuritas, debilitas, ægrotudo, deformitas, & ex prioribus attributis sola paternitas remaneret, adhuc pater ille referretur ad finem. Ita prorsus quia Christianus per solam fidem salutem apprehendit, atque ad eam refertur per aduersarios, certe sequitur, ut manente fide saluari possit, etiam si nulla habeat opera bona, & multa habeat opera mala.

Neque respondere debent, nostram hypothesim esse impossibilem. Tum quia probauimus in primo libro vere posse fidem ab operibus separari non solum ratione, sed etiam re: Tum quia satis nobis hoc loco est ad hypotheticam propositionem statuendam, fidem posse intelligi sine bonis operibus, atque ab eis si non re, saltem ratione separari. Posse autem fidem intelligi sine operibus, & ab eis saltem ratione separari, aduersarij negare non possunt, quippe qui dicunt, fidem & opera ita se habere ut causam & effectum, ut arborem & fructus, ut ignem & calorem. Quidni enim intelligi possit causa sine effectu, arbor sine fructu, prius sine posteriore? Vera igitur est argumenti propositio ita conditionata, si fides sola saluaret, id præstaret, etiam si bonis omnibus operibus esset vacua, & cum omni genere vitiorum coniuncta.

Assumptio eiusdem argumenti, quæ docet, fieri nullo modo posse, ut fides bonis operibus destituta, & malis operibus comitata, hominem saluet, ab aduersarijs non negatur, & si negaretur, in promptu esset probatio, cum scriptum sit: *Tribulatio & angustia in omnem animam operantis malum*, *Iudei primum & Græci*: gloria autem, & honor, & pax omni operanti bonum, *Iudeo primum & Græco*. Rom. 2. Item: *An nescitis, quia iniqui regnum Dei non possidebunt?* nolite errare, neque fornicari, neque idolis seruientes, neque adulteri, neque molles, neque masculorum concubiores, neque iures, neque auari, neque ebriosi, neque maledici, neque rapaces regnum Dei possidebunt, 1. ad Cor. 6. Item: *Manifesta sunt opera carnis, quæ sunt fornicatio, immunditia, impudicitia, luxuria, &c. quæ prædico uobis, sicut prædixi, quoniam qui talia agunt, regnum Dei non consequentur*. Galat. 5. Demique ut alia multa præteream: *Hoc scitote intelligentes, quod omnis fornicator, aut immundus, aut auarus, quod est idolorum seruus, non habet hereditatem in regno Christi & Dei*, Ephes. 5.

Sequitur igitur conclusio, necessaria esse ad salutem opera bona, non solum ratione potentiz, sed etiam alicuius efficientiz, & non minus opera, quam fidem ad salutem tuo modo referri. Atq; hæc de necessitate operum hoc loco sufficient. Nā argumenta contraria nulla sunt, præter ea, quæ soluimus in primo libro, cum disputarem de fide non sola iustificante, & quæ soluimus paulo post in questione de iustitiz veritate in operibus bonis.

CAPVT X.

Propositur questio de veritate iustitiæ operum, & sententiæ referuntur Hæreticorum & Catholicorum.

SEQVITVR altera questio de iustitia actuali, quæ est de veritate iustitiæ actualis, siue operum. Est autem hic controuersiz status: *Utrum homines iustificati, & gratia Domini adiuuante, possint ita legem diuinam implere, ut opera ipsorum non modo non sint ap-*

pellenda peccata, sed etiam vere ac proprie iustitiam mereantur.

Et quidem Hæretici huius temporis partem negantem defendunt. Docent enim, legem diuinam esse plane impossibilem homini, etiam iusto, & inde colligunt, nullam esse in nobis veram actualem iustitiam, sed omnia opera iustorum esse peccata mortalia ex natura sua. Ita Lutherus docet in libro de libertate Christiana: *Æque, inquit, nobis impossibilia sunt omnia præcepta, atque illud unum, Non concupisces*. Idem in assert. art. 2. 31. 32. & 36. aperte scribit, omnia opera hominis iusti esse peccata mortalia.

Idem habet Ioannes Caluinus lib. 3. Institutio-num, c. 14. §. 9. *Nullum, inquit, à sanctis exire potest opus, quod non mereatur iustam approbationem mercedem*. Idem etiam in Antidoto Concilij sess. 6. cap. 11. sic ait: *Non sunt sanctorum exagitandi, qui dixerunt quamlibet bona opera, si exacto rigore, censentur eterna, potius damnatione, quam uitæ premio dignasse*. Ibidem disputat contra id quod habet Concilium, legem Dei non esse impossibilem. Et in lib. 2. Institut. cap. 7. §. 1. ex instituto probat, ne sanctis quidem possibilem esse legis impletionem, præsertim quod attinet ad illud: *Diliges Dominum Deum tuum ex toto corde tuo*. Et illud: *Non concupisces*.

Idem habet Philippus in Locis anni M D. X X I. tit. de peccato: *Consequitur itaque, inquit, omnia hominum quantumuis laudabilia opera, plane vitiosa esse, & morte digna peccata*. Idem habet in Confessione Augustana, art. 7. & in Apologia tit. de impletionem legis, & in Locis, tit. de libero arbitrio.

Kemnitius in Examine Concilij, more suo fraudulenter agens, videtur admittere, legem Dei per gratiam posse seruari, modo non addatur, perfectio. Nam reprehendens cap. 11. sess. 6. accusat Patres Concilij, quod non explicauerint, an lex Dei posset impleri perfecte, an inchoate: *Nam posse per gratiam legem impleri, non est, inquit ipse, controuersia*. Et ibidem: *Persuasio, inquit, quæ renatorum operibus bonis in hac uita tribuit perfectionem, facit Christum post primam reconciliationem otiosum*.

Vbi si existimaret Kemnitius, non posse legem impleri ita perfecte, ut iusti in tota uita non admisceant operibus bonis vlla peccata venialia, nobiscum sentiret, & cum ipso Concilio, ut patet illo ipso cap. 11. sessione 6. sed non hoc sensu negat ille perfectionem operibus iustorum, sed quia cum cæteris sectarijs censet, non posse ita legem impleri, ut opus simpliciter iustum appellari queat. imperfectam enim dicit esse nostram obseruantiam legis, quia iudicat eam contaminatam & immundam. Vnde approbat dictum Lutheri, quod omnia opera iustorum sint vere peccata.

Porro Catholici omnes summa consensione contrarium docent. Fatentur enim primo, legem Dei iustis hominibus absolute esse possibilem, non quidem per solas vires liberi arbitrij, ut hæretici calumniantur nos dicere, sed per auxilium gratiæ Dei, & spiritum fidei & charitatis in ipsa iustificatione nobis infusum.

Secundo, opera iustorum simpliciter, & absolute iusta, & suo etiam modo esse perfecta, quamuis non ea perfectione, quin crescere possint, & quin (ut paulo ante dixi) non admisceantur interdum operibus bonis aliqua opera mala, non quidem mortifera, sed venialia, quæ non impediunt, quo minus iusti maneat, qui iusti erant. De qua re differimus in 1. libro de statu peccati.

Tertio, operibus iustis hominem vere iustificari, non prima, sed secunda iustificatione, quæ non fa-

cit iustos ex impijs, sed iustiores ex iustis. Hæc tria habentur in Concilio Tridentino sess. 6. cap. 10. & 11. & nos eadem tria in sequentibus capitibus, Domino adiuuante, probabimus.

CAPVT XI.

Legem Dei esse possibilem probatur ex dominis litteris.

Legem igitur Dei esse possibilem, probamus primo ijs testimonijs, quibus videtur Concilium Trident. sess. 6. c. 11. quæ non solum possibile, sed etiam facilia testantur esse mandata, *Matt. 11. Iugum meum suauis est, & onus meum leue. Et 1. Ioan. 15. Et mandata eius graua non sunt.*

Respondent, Calvinus in Antidoto, & Remniti-
us in Examine, legem Dei vocari iugum suauis &
onus leue, & mandata non graua, quoniam reatis
non imputatur præuicatio. Christus enim nos li-
berauit de maledicto legis, ut dicitur ad Galat. 3. &
nihil damnationis est his, qui sunt in Christo Iesu,
ut dicitur ad Rom. 8.

At hæc solutio non tollit, nec minuit vim argu-
menti, nam imprimis vel illa non imputatio tollit
obligationem legis, ita ut præuicator non incurrat
reatum: vel tollit reatum ex præuicatione contra-
ctum. Si tollit obligationem, facit, ut lex non sit lex, &
iugum non sit iugum. Proinde Scriptura falso dicit,
legem esse iugum suauis, & mandata non esse graua.
Neque enim sine obligatione lex esse potest.

Si vero permittit contrahi reatum, sed contractum
postea tollit: tunc non facit iugum esse suauis, neque
onus leue, imo ostendit iugum esse durissimum, &
onus grauissimum, quippe quod portari non potest.
Certe si boues sub iugo ad singulos passus caderent,
etiam si aratoris industria continuo resurgerent, non
tamen propterea diceretur iugum eorum suauis, &
onus leue. Domini autem & Apostoli verba indicant,
legem Dei esse iugum, quod facile portatur, & man-
data eius non esse graua, sed paruo negotio custodi-
ri, quod euidentius expressit David sub metaphora
viæ, cum ait in Psal. 18. *Viam mandatorum tuorum cu-
curri, cum dilatasti cor meum.* Et apostol. ad Philipp.
4. *Omnia possum in eo, qui me confortat.* Vbi vides dila-
tationem cordis per infusam charitatem & gratiam Do-
mini confortantem efficere, ut mandata facile con-
seruentur. Quod multo ante futurum prædixit Eze-
chiel. cap. 36. cum ait: *Spiritus meus ponam in medio
vestri, & faciam, ut in præceptis meis ambuletis, & iudi-
cia mea custodiat.*

Et hoc idem confirmant loca, quæ illi contra ad-
ducunt. Nam Christus liberauit nos de maledicto
legis, quia fecit ut mandatum implemus, & nulla
damnatio est his, qui sunt in Christo, non quia non
imputatur præuicatio, sed quia ij non secundum
carnem ambulant, & quia per gratiam Dei fit, ut ius-
tificatio legis impleatur in ipsis, ut ibidem subiun-
git Apostolus.

Secundo probatur ex testimonijs, quæ docent
mandata seruari ab his, qui diligunt, ut etiam Conci-
lium in eodem loco argumentatur. Ioan. 14. *Qui di-
ligit me, sermonem meum seruabit.* Rom. 13. *Qui diligit
proximum, legem implet.* Galat. 5. *Omnis lex in vno ser-
mone impletur. Diliges proximum tuum, sicut teipsum.* At
certe debemus & possumus diligere Deum & proxi-
mum, alioquin non possemus esse Christi discipuli, cum
ipse dicat Ioan. 13. *In hoc cognoscunt omnes, quod disci-
puli mei estis, si dilectionem habueritis ad inuicem.* Nec
possemus vnquam amici Christi fieri, si non posse-

mus diligere. Ipse enim ait Ioan. 15. *Vos amici mei eritis, si feceritis quæ ego præcipio vobis.* Quid autem præ-
cipiat, explicat ibidem dicens: *Hoc est præceptum
meum, ut diligatis inuicem.*

Ad hoc argumentum respondent Calvinus &
Remniti-
us, locis notatis, eum, qui diligit, legem
implere, sed neminem esse, qui diligit sicut oportet,
ut præcepto diuino satisfiat. Hic enim inchoatam
tantum esse dilectionem, non perfectam.

At nos fatemur dilectionem in hac vita imperfe-
ctam esse, quia potest crescere, & quia maior erit in
patria: tamen non posse esse etiam tam perfectam, ut
præcepto adimplendo sufficiat, omnino negamus.
Nam imprimis (ut diximus) non possemus esse Chri-
sti discipuli & amici, nisi hoc præceptum dilectionis
impleremus. Valde autem absurdum est, neminem
esse posse Christi discipulum, vel amicum.

Deinde nihil Deus requirit, cum dilectionem præ-
cipit, nisi ut diligamus ex toto corde: at hoc non so-
lum posse fieri, sed etiam fuisse futurum in statu Te-
stamenti noui testatur Scriptura Deuter. 30. *Cir-
cumcides, inquit Dominus, cor tuum, & cor seminis tui,
ut diligas Dominum Deum tuum in toto corde tuo, & in
tota anima tua.* Denique Scriptura docet, homines
posse esse perfectos in hac vita, ac per hoc vere, per-
fecteque diligere: charitas enim est vinculum perfe-
ctionis, Genesis sexto, *Noe vir iustus fuit atque per-
fectus.* Genesis 17. *Ambula coram me, & esto perfectus.*
C Matth. quinto: *Estote perfecti.* Matth. 19. *Si vis per-
fectus esse.* Philipp. 3. *Quicumque perfecti sumus.* 1. Ioan.
quinto. *Qui seruat verbum eius, vere in hoc charitas
Dei perfecta est.*

Porro Philippus Melancthon in Apologia, titu-
lo de impletionem legis, in solutione argumentorum,
videtur concedere, posse diligi proximum, sed negat
ab eo, qui diligit proximum, legem impleri. Stultum
enim esse dicit, somnare, quod dilectio proximi ius-
tificet coram Deo, & legi diuinæ satisfaciatur. At hoc
est negare verbum Dei expressum. Quid enim aper-
tius scribi potest, quam, qui diligit proximum, le-
gem impleuit?

Tertio probatur ex testimonijs, quæ docent,
aliquos seruasse mandata, ac præcipue de dilectione
ex toto corde, & non concupiscendo. Psalm. 118. in-
quit David: *In toto corde meo exquisiui te.* Et de eo-
dem dicitur lib. tertio Regum decimo quarto: *Non
fuiſti sicut seruus meus David, qui custodiuſt mandata mea,
& ſequutus eſt me in toto corde ſuo, faciens quod placitum
eſſet in conſpectu meo.* Et Actor. 13. Inueni, inquit, David
filium Iſſe, virum ſecundum cor meum, qui omnes vo-
luntates meas faciet. Et tertii Regum capite 15. *Eo
quod feciſſet David rectum in oculis Domini, & non decli-
naſſet ab omnibus, quæ præceperat ei cunctis diebus vite ſue,
excepto ſermone Vria.* Item de Iſſia libri quarti Reg.
cap. 23. *Similis non fuit ante eum Rex, qui reuerteretur ad
Dominum in omni corde ſuo, in tota anima ſua, & in vni-
uerſa virtute ſua.* Item de Aſa, & populo lib. 2. Pa-
ralip. cap. 15. *In tota voluntate ſua quaſerunt Dominum,
& innenerunt.* Item de Iſue in eius libro, capite 11.
E *sicut præceperat Dominus Moſi ſermo ſuo, ita præcepit Mo-
ſes Iſue, & ille vniuerſa complens. Non præterit de vni-
uerſis mandatis ne vnum quidem verbum, quod iuſſerit
Dominus Moſi.*

Neque dubium est, quin similia dici possint de A-
braham, de Moſe, de Samuele, de Helia, de Heliseo,
Iſaia, Hieremia, aliisque Prophetis. In Testamento
nouo legimus Luc. 1. de Zacharia & vxore: *Erant ius-
ti ambo ante Deum, incedentes in omnibus mandatis & ius-
tificationibus Domini sine querela.*

De Apostolis Dominus ait Ioan. 17. *Tui erant, &*

multos eos dedisti, & sermonem tuum seruauerunt. Eisdem etiam vocat amicos, Lucæ 12. Dico autem vobis amicis meis. Et Ioannis 15. Vos autem dixi amicos. Et tamen ibidem iam dixerat, solos amicos esse, qui præcepta custodiunt.

Apostolus vero Paulus ad Roman. 7. de præcepto, Non concupisces, verba faciens: Quod nolo, inquit, facio, si autem quod nolo facio, iam non ego operor illud, sed quod habitat in me peccatum. Vbi aperte demonstrat, se non peccare, dum inuitus concupiscit, quia non ipse illud opus facit, proinde seruare se legem, quæ cum iubet, non concupisces, voluntati præcipit, ne velit concupiscere, non sensui, qui legis capax non est. Vnde ibidem addit: Ego ipse mente seruius legi Dei. At si mente seruiebat legi, certe non peccabat, non enim peccatum esse potest nisi in mente, aut cum aliquo mentis consensu. Quod autem de Apostolis legimus, ambigi non potest, quinetiam de Ioanne Baptista dici possit, cum inter natos mulierum non surrexerit maior Ioanne Baptista. Habemus igitur multos seruasse legem Dei, ex quo euidenter sequitur, ut non sit impossibile.

Neque ad hoc argumentum applicari potest communis Lutheranorum solutio, quod sancti Patres mandata seruasse dicantur, tum propter inchoatam obedientiam, tum propter non imputationem Dei. Non enim dici potest, absolute implere mandatum, sed potius absolute præuaricari, qui tam imperfecte illud seruat, ut peccet mortaliter, & dignus sit propter illud opus odio, & ira Dei, & supplicio sempiterno. Scriptura autem dicit, illos absolute seruasse, immo etiam toto corde seruasse, addit etiam Ezechias, Iam trigesimo-octauo se in veritate & in corde perfecto ambulasse coram Deo. Et non esse mentitum, testis fuit Deus, qui eum exaudiuit. Et si Ezechias corde perfecto coram Domino ambulauit, quis id negabit Abrahamo, cui dictum est: Ambula coram me, & esto perfectus? Quis idem negabit Dauid, Mosi, Helix, & similibus, quibus Ezechiam præferre nemo sanus auderet?

CAPVT XII.

Legem Dei non esse impossibilem, probatur
ex Patribus.

Accedat traditio Ecclesiastica. Habemus in primis Concilium I. Araucanum Canon. ult. ubi sic legimus: Hoc etiam secundum fidem Catholicam credimus, quod accepta per Baptismum gratia, omnes baptizati, Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere.

Origenes homil. 9. in Iosue prope finem, mulieribus comparandos censet eos, qui dicunt, se Dei mandata seruare non posse.

S. Basilii orat. in illud: Attende tibi, non procul ab initio: Impium, inquit, est dicere, impossibilia esse spiritus præcepta.

S. Ioannes Chrysostomus hom. 8. de penitent. circa medium: Nequaquam, inquit, Dominum accusas, haud mandata impossibilia, Multi & ipsa superant præcepta. Similia habet hom. 19. in epist. ad Heb. hom. 39. in Matt. & hom. 2. in epist. ad Philipp.

S. Cyrillus libr. 4. contra Iulian. circa medium, ipsum etiam præceptum, Non concupisces, quod omnium difficillimum indicatur, dicit, impleri posse per gratiam.

Ex Latinis sanctus Hilarius in Psal. 118. tractans illud: Latum mandatum tuum nimis, latum, inquit, mandatum Dei est, & in omnia species nostræ genera diffun-

ditur, ut non difficile sit, si voluntas adsit, præcepto Domini obtemperare.

S. Hieronymus li. 3. aduersus Pelagianos prope initium: Deus, inquit, possibilia mandauit, hoc nulli dubium est. Idem in comment. ad cap. 5. Matt. prope finem: Multi præcepta Dei sunt imbecillitate merentes, putant esse impossibilia, quæ præcepta sunt. Et: Sciendum est ergo, Christum non impossibilia præcipere, sed perfectæ, quæ fecit Dauid, &c.

S. Augustinus lib. de natura & gratia, cap. 43. Non igitur, inquit, Deus impossibilia iubet, sed iubendo admonet, & facere quod possis, & petere quod non possis. Vbi docet, mandata omnia esse possibilia, sed alia immediate, alia mediate, id est, mediante oratione.

Hoc testimonium Concilium Tridentinum citauit, vel potius suum fecit, sess. 6. c. 11. Ideo respondet Kemnitius, Augustinum fuisse vexatum à Pelagianis ista questione, essent ne Dei præcepta possibilia, & ad cauendam inuidiam abstinuisse à voce impossibilitatis, interdum etiam concessisse esse possibilia, sed sine præiudicio veritatis. Nam in libro de perfectione iustitiæ resp. 16. dicit Augustinus non esse questionem, an possit homo vitare omnia peccata, sed quando, & per quem. Potest enim vitare, sed in alia vita, non ista, & per gratiam, non per naturam, quod est idem, ac si dixisset, legem esse possibilem, sed in cælo, non in terris, post mortem, non in vita. Item in lib. tertio contra duas epistolas Pelagianorum, c. 7. dicit, gratiam Dei dedisse homini studium præcepta seruandi, & eandem gratiam ignorare, si quid minus sit. Quibus verbis videtur S. Augustinus dicere voluisse, mandata non esse impossibilia, non quod impleri possint, sed quia quod non impletur, indulgetur.

At Kemnitius confundit more suo duas questiones, Vtrum præcepta seruari possint, & an possit homo viuere absque peccato. Istæ enim questiones adeo diuersæ sunt, ut ad priorem semper Augustinus responderit affirmando, ad posteriorem responderit semper negando. Peccata enim venialia non sunt contra, sed præter mandata, & etiam si essent contra mandata, non tamen necesse est, ut in quolibet opere peccatum veniale admisceatur. Itaque sanctus Augustinus constanter docet, non posse hominem in hac vita cauere omnia peccata venialia, libro de natura & gratia, cap. 44. de spiritu & littera, cap. ultimo, libro 1. ad Bonifacium contra duas epistolas Pelagianorum, cap. 14. in epist. 89. & 95. & in toto libro de perfectione iustitiæ.

Atque hoc modo intelligitur, quod obijcit Kemnitius ex libro de perfectione iustitiæ, non enim Augustinus dicit, mandata seruari posse in cælo, non in terra, sed in cælo non in terra habituros nos eam perfectionem, ut viuamus omnino absque peccato, etiam veniali. Imo in altero loco nobis obiecto, id est, in li. 3. ad Bonifacium, c. 7. cum Pelagiani colligerent ex sententia Augustini id, quod nunc Kemnitius colligit, legem videlicet in cælo impleri posse, non in terra, respondit Augustinus, valde illos errare, præcepta enim ad hanc vitam, non ad aliam pertinere: Hic, inquit, præcipitur nobis, ut diligamus, ibi autem diligere non obediunt, sed felicitas erit.

Quod autem ibid. subiungit, gratiam Dei præbere studium ad implenda mandata, & indulgentiam, si quid minus impletur, non arguit præcepta esse impossibilia, sed hominem non esse impeccabilem. Sensus enim eorum verborum est, ex gratia Dei hominem habere, ut velit, & studeat implere mandata. Quod si forte aliquando labatur & non impleat, ex gratia item indulgentiam esse sperandam.

Iam vero quod S. Augustinus ad priorem questionem semper respondeat affirmando, hæc loca testantur Libro de natura & gratia, cap. 69. *Eo ipso quo firmissime credimus Deum iustum & bonum impossibilia non potuisse præcipere, hinc admonemur, & in facilibus quid agamus, & in difficilibus quid petamus. Omnia quippe facilia sunt charitati, cui uni Christi sarcina lenis est.* Libr. 2. de peccatorum meritis & remissione, cap. 3. *Non præciperet Deus aliquid, quod esset humana impossibile voluntati.* Et in eodem lib. c. 6. *Dubitare non possum nec Deum aliquid impossibile homini præcuisse, nec Deo ad opitulandum & adiuuandum, quo fiat quod iubet, impossibile aliquid esse.* Libro de gratia & libero arbitrio, ca. 16. *Magnum aliquid Pelagiani se scire putant, quando dicunt, non iubere Deum, quod sciret non posse ab homine fieri, quis hoc nescit? In Psal. 56. Non imperaret hoc Deus, ut faceremus, si impossibile iudicaret.*

CAPVT XIII.

Legem Dei non esse impossibilem, probatur rationibus.

Accedant postremo etiam rationes. Prima ratio, potest homo facere plus quam Deus præcipiat, igitur multo magis potest implere præceptum. Posse autem fieri plus quam Deus præcipiat, testatur Dominus Matth. 19. qui posteaquam dixerat, *Si vis ad vitam ingredi, serua mandata, & quidam responderat, hæc omnia seruaui à iuuentute mea.* Rursus eidem ait: *Si vis perfectus esse, uade, vende omnia quæ habes, &c.*

Testatur quoque S. Ioannes Chrysostomus loco citato homil. 8. de penitentia: *Multi, inquit, & ipsa superant mandata.*

Testatur denique S. Augustinus serm. 18. de verbis Apostoli: *Non grande onus impositum est virginibus, maior amor imposuit maius onus, tanquam dicerent, quid iubet ne adultera simus? hoc præcipit amando te plus facimus, quam præcipit.*

Secunda ratio, si præcepta essent impossibilia, neminem obligarent, ac per hoc præcepta non essent præcepta. Neque enim fingi potest, quomodo aliquis peccet in eo, quod vitare non potest. Quod si non peccat, qui legis transgressionem vitare non potest, profecto nec legem transgreditur, nec legem ullam habet. Non enim fieri potest, ut legis transgressio non sit peccatum, cum nihil sit aliud peccatum nisi transgressio legis.

Tertia, si lex Domini esset impossibilis, sequeretur, Deum omni tyranno esse crudeliorem & inultio-rem, quippe qui ab ipsis etiam amicis tributum exigeret, quod nemo soluere posset, & leges ferret, quas sciret à nemine observandas. Quod vero Philippus & Kemnitius dicunt, non esse audiendam politicam iustitiam, quæ docet, nihil præcipi posse aut debere, quod seruari non possit, fortasse locum haberet, nisi huic iustitiæ politicæ, vel potius rectæ rationi Scripturarum & Patrum testimonia consentanea non haberemus. At cum politica in hac parte minime cum diuinæ Scripturæ auctoritate consentiat, quidni rationem politicam potius, quam Lutheri delirationem audiamus?

Quarta ratio, *Christus passus est, ut iustificatio legis impleretur in nobis, ut dicitur ad Rom. 8.* Item docuit nos orare: *Fiat voluntas tua sicut in celo & in terra,* Matth. 6. ubi petimus gratiam implendi præcepta, ut exponunt S. Cyprianus in sermo. de oratione Dominica. Et sanctus Augustinus lib. 3. ad Bonifacium, cap. 7. Denique Christus factus est omnibus obedientibus sibi causa salutis æternæ. Hebr. 5. At si lex impleri non potest, Christus non obtinuit quod vo-

Aluit, frustra nos oramus quotidie, & nemo omnino sanari poterit. Nam si lex impleri non potest, iustificatio legis nunquam impletur in nobis, etiam si Christus venerit in similitudinem carnis peccati, & de peccato, id est, victima pro peccato, dampnaverit peccatum, nec sit vnquam Dei voluntas in terra, sicut in celo, etiam si Christo Magistro freti hanc orationem assidue frequentemus, nec vnquam vere obedimus Christo, ac per hoc nulli nostrum erit causa salutis æternæ.

B Quinta ratio, omnes vere iustificati Spiritum sanctum habent, ut Scripturæ passim testantur, Roman. 5. & 8. 1 Cor. 3. Gal. 3. Tit. 3. & alibi: At Spiritus sanctus fructus suos parit, qui numerantur ad Galat. 5. *Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Qui vero hos fructus habet, non accusatur à lege, quippe qui eam non præuaticatur, sed implet. Id enim significat quod in eodem loco subiungitur, *aduersus huiusmodi non est lex.* Non enim lex habet, in quo accuset eos, qui sunt præditi charitate, patientia, &c. & ideo paulo ante dixerat idem Apostolus: *Si spiritu ducimini, non estis sub lege.* Et ad Rom. 8. *Lex spiritui uita liberauit me à lege peccati & mortis.* Quia videlicet lex in corde scripta, id est, Spiritus sanctus in corde diffusus facit implendo legem, ut lex non accuset amplius, neque occidat, ut præuaticatores, ergo de primo ad vltimum, qui est iustificatus, propter Spiritum quem accipit, legem omnino implet, & si non implet, nec Spiritum accepit, nec vere iustificatus est.

C Sexta ratio, omnes iustificati ex Deo nati sunt, ut perspicuum est ex plurimis locis diuinæ Scripturæ, Ioan. 1. *Qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Ioan. 3. *Nisi quis renatus fuerit ex aqua & Spiritu sancto.* 1. Petri 2. *Quasi modo geniti infantes.* Iacob. 1. *Genuit nos verbo veritatis.* 1. Ioan. 4. *Qui diligit, ex Deo natus est.* Rom. 8. *Accepistis Spiritum adoptionis filiorum, in quo clamamus Abba Pater.* At qui natus est ex Deo non peccat; nec potest peccare, quia ex Deo natus est. **D** *Habetur 1. Ioan. 3. qui autem non peccat, non præuaticatur, sed implet legem, qui enim legem non implet, hoc ipso præuaticatur & peccat.* Igitur omnis, qui vere iustificatus est; implet legem, nec potest fieri, ut iustificatus maneat, & legem non impleat. Quare qui legem impossibilem esse dicunt, contra Scripturarum apertissima testimonia, hominem iustificatum ex Deo natum esse negare coguntur.

CAPVT XIV.

Soluntur obiectiones hæreticorum.

Superest ut argumenta Hæreticorum breuiter dissoluamus.

E Primo obijciunt Caluinus in Antidoto, & Kemnitius in Examine illud S. Petri Act. 15. *Quid tentatis imponere iugum super ceruices discipulorum, quod nec nos, nec patres nostri portare potuimus? sed per gratiam Domini nostri Iesu Christi credimus saluari, quemadmodum & illi.* Hæc enim verba dicuntur fidelibus, non infidelibus, ne forte respondeatur, legem esse iugum importabile sine gratia & non renatis, non autem renatis, & qui gratiam Dei habent. Præterea intelligi debent hæc verba de omni lege, tam cæremoniali, quàm morali, tū quia solæ cæremonie legis non superant vires humanas, tum quia particula aduersatiua, sed, opponit gratiam legi simpliciter, tum quia si cæremonialis lex iugum est importabile, quanto magis lex moralis iugum erit importabile?

Respondeo,

Respondeo, non loquitur S. Petrus nisi de lege ceremoniali. Id quod euidenter probat. Primum ex occasione illorum verborum. Scribit enim sanctus Lucas, surrexisse quosdam ex discipulis, qui dicerent, oportere Gentiles conuersos ad fidem circumcidi, & Moysi legē omnino seruare: atque istam fuisse causam, cur Apostoli Conciliū coegerint, ut viderent de verbo hoc. Perspicuū est igitur, de circumcisione, aliisque id genus caeremoniis Apostolum Petrum esse loquentum.

Secundo, idem probatur ex decreto illius Concilii, quod iuxta Petri sententiam constitutum fuit. Sic enim habet decretum: *Visum est Spiritui sancto & nobis, nihil ultra imponere vobis oneris, quam hac necessaria, ut abstinatis vos ab immolatis simulachrorum, & à sanguine suffocato & fornicatione.* Quæro igitur, utrum ista dicantur sola necessaria ex lege ceremoniali Iudeorum, an ex omni lege simpliciter. Si ex lege ceremoniali Iudeorū, habemus quod volumus. Si ex omni lege simpliciter, id sequetur absurdum, ut non sit necessariū Christiano non colere idola, non mœchari, non furari, non occidere, non falsum testimonium dicere, & alia, de quibus Apostolus ait 1. Cor. 6. *Quoniam qui talia agunt, regnum Dei non consequentur.* Dicent fortasse, necessaria quidem esse hæc omnia, sed non inde homines iustificari. At num ex illis quatuor, quæ sola dicuntur necessaria, homines iustificantur?

Tertio, probari potest reseadem ex ipsa summa decreti, & verborum Petri. Volunt enim Petrus & Apostoli ceteri remouere iugum legis à cervicibus discipulorum. Quid vero est remouere iugum legis? tollere ne obligationem, atque abrogare legem, an tollere opinionem iustificationis, ac docere, neminem per eam legem iustificari? Si dixerint, remouere iugum, esse tollere obligationem, ergo nulla iam amplius lex obligabit Christianos excepta lege de immolatis simulachrorum, sanguine suffocato, & fornicatione. Si per legē intelligatur lex omnis non solum ceremonialis, sed etiam moralis: atqui hoc absurdissimum esse neque ipsi quidē aduersarij negare audebunt. Si dixerint tollere iugum, non esse tollere obligationem, sed opinionem tantum iustificationis, ergo lex ceremonialis de circumcisione, sabbathis, neomenijs, sacrificijs pecorū non erit sublata, quoad obligationem. Atqui id repugnat Apostolo, qui ad Galat. 5. scribit: *Si circumcidamini, Christus vobis nihil proderit.* Cogimur igitur dicere, Apostolos iugum importabile appellasse legē ceremoniam, atque eius obligationē declarasse per Christum omnino esse sublatam. Voluisse tamen eosdem Apostolos paucas quasdam caeremonias de sanguine suffocato, & immolatis idolorū à gentibus ad tempus obseruari, quibus adiunxerunt continentiam à fornicatione, quod fornicatio apud Gentiles non haberetur pro peccato, sicut habebatur adulterium, homicidium, perurium, & alia id genus.

Ad illud igitur quod obijciunt, caeremonias legis non superare vires humanas, præsertim addita gratia Dei; Respondeo verum esse, & ideo Zachariam & Elisabetham ambulasse in omnibus mandatis, & iustificationibus Domini sine querela, sed tamen dici iugum importabile, quoniam ægre ac difficulter portabatur, ut recte exponit S. Thomas in secundo sentent. distinct. 18. quæstion. vnica, artic. 4. ad 3. & Nicolaus Lyranus in hunc locum Actorum. Et Theophylactus exponens illud Matth. 23. & Luc. 11. *Alligant onera graua & importabilia in humeros hominum.*

Ad illud autem, quod aduersatiua particula, sed per

gratiam Dei, &c. videatur opponere gratiā legi simpliciter; Respondeo, S. Petrum duas rationes indicasse, cur non essent obligandi Christiani ad caeremonias legis, Vnam, quod ex caeremoniis essent iugum grauissimum.

Alteram, quod essent inutiles ad iustificationem. Itaque sensus hic est verborum sancti Petri. Quid tentatis Deum, imponere iugum super cervices discipulorum, quod nec nos, nec patres nostri portare potuimus? præsertim cum non per eas caeremonias, sed per gratiā Domini nostri Iesu Christi credamus saluari, sicut & illi saluati sunt: ubi in illa particula aduersatiua includitur, sine implicite continetur altera illa ratio de inutilitate caeremoniarum.

Ad illud quod lex moralis sit grauior ceremoniali, ac proinde iustius dicenda sit iugum importabile, quàm ceremonialis; Respondeo, legem ceremoniam non debere comparari cū morali præcise, sed conferri debere legem ceremoniam ad iunctam morali, cum ipsa morali remota ceremoniali. Non enim lex ceremonialis dicitur iugum importabile, quia sola ipsa sit importabilis, sed quoniam adiuncta legi morali, auget vehementer onus, & sic iugum fere importabile homini iam onerato lege morali. Quare lex moralis, remota ceremoniali Iudaica, non est iugum importabile habenti gratiam Dei, sed iugum suauē, & onus leue, & lex ceremonialis Iudaica, adiuncta morali, iugum est grauissimum, ita ut importabile dici possit. Quamuis enim per gratiam Dei portatum fuerit à nonnullis, tamen recte dicuntur etiam illi portare non potuisse, quod non sine magno labore & sudore portarunt.

Secunda obiectio Caluini eiusmodi est, Paulus ad Galat. 3. pro confesso assumit legem esse impossibilem, cum dicit: *Qui ex operibus legis sunt, sub maledicto sunt. Scriptum est enim, Maledictus omnis qui non permanserit in omnibus, quæ scripta sunt in libro legis huius.* Vbi hoc argumentum texit Apostolus, Maledictus est qui non seruat totam legem, ut Moses dicit: *Maledictus omnis qui non permansit, &c.* Igitur qui ex operibus legis sunt, id est, qui iustificari volunt implendo legem, maledicti sunt. Quæ consequutio nulla est, nisi subintelligatur assumptio ista. Atqui nullus legem totam seruare potest. Sic igitur argumentum integrum conficiendum erit. Maledictus omnis, qui totam legem non seruat; Nemo potest legem totam seruare; igitur maledictus omnis qui ex operibus legis est, id est, qui ut legi subiectus ex ipsius obseruatione iustificari quærit.

Respondeo, Assumptio necessaria, ut argumentatio apostoli concludat, quod ipse intendit, non est illa. Atqui nemo totā legem seruare potest; sed ista. Atqui nemo suis viribus, sine fide & gratia seruare potest totam legem. Illud quoque: *Qui ex operibus legis sunt, sub maledicto sunt,* non significat, eos esse maledictos, qui legē implendo iustificari quærunt, cum dicat idem Apostolus ad Rom. 1. *Factores legis iustificabuntur;* sed significat, maledictos esse eos, qui suis viribus sine fide & gratia legem implere, & iustificari se posse credunt. Nam paulo ante dixerat, eos qui ex fide sunt, benedicendos esse cum fidei Abrahamo, quia scriptum est: *Benedicentur in semine tuo omnes gentes.* Inde opponens fidei opera sine fide, subiungit: *Quicumque enim ex operibus legis sunt, sub maledicto sunt.*

Itaque argumentum Apostolicum est hoc, Maledictus est omnis qui non seruat totam legem, at nemo potest suis viribus, sine fide & gratia totam le-

gem seruare, igitur maledicti sunt omnes illi, qui ex operibus legis sunt, id est, qui suis viribus, sine fide & gratia totam legem seruare, & eo modo iustificari quærent. Atque hinc intelligimus id quod sequitur: *Christus liberauit nos de maledicto legis factus pro nobis maledictum*; non significare, ut aduersarij credunt, nos liberatos à lege per non imputationem præuicationis, sed (ut nos sæpe diximus) nos liberatos à maledicto, quia per Christi fidem & gratiam legem implere possumus & implemus.

Dicit aliquis, Apostolus Paulus loquitur eo loco de lege circumcisionis, non de lege morali, ut nos etiam supra diximus cum ageremus de libertate Christiana: legem autem circumcisionis omnino tollendam, vel sublatam esse contendit: non igitur maledictos eos esse dicit, qui legem non seruant ex fide & gratia, sed qui eam quomodocunque seruare volunt.

Respondeo, B. Paulus in epist. ad Galatas, ut etiam in epist. ad Rom. duos errores Iudaizantium, quorum vnus est ratio alterius, refellit. Vnus error eorum erat, seruandam esse legem circumcisionis, atque aliarum id genus cæremoniarum.

Alter error erat, ideo seruandam esse legem circumcisionis, quoniam observatio legis esset necessaria præparatio ad fidem & gratiam Christi, & ideo possent & deberent omnes seruare legem, & iustificari, ut digni essent Euangelio & promissis Christi. Apostolus igitur contra priorem errorem; dicit legem cæremonialem fuisse quasi pædagogum, & ad tempus impositam, non esse amplius seruandam, & hoc diximus cum ageremus de libertate Christiana. Contra posteriorem errorem, qui perniciosior erat, Apostolus dicit, ex operibus legis sine fide nullam posse esse iustitiam, & alioqui Christum gratis mortuum esse, & in hac disputatione contra posteriorem errorem loquitur de omni lege, non solum cæremoniali, sed etiam morali. Nulla enim lex est, quæ sine fide & gratia iustificare possit.

Tertia obiectio sumitur ex illis verbis Apostoli ad Roman. 7. *Velle adiacet mihi, perficere autem non inuenio.*

Respondeo, loquitur Apostolus de actu concupiscendi, quem sæpe sentimus, quando etiam non consentimus. Quamuis enim non sit peccatum sentire carnalem concupiscentiam, & non consentire, tamen nollet homo castus eam sentire, & in partem infelicitatis suæ ponit, quod cogatur etiam nolens, carne seruire legi peccati. Hinc igitur Apostolus dicit: *Velle adiacet mihi, perficere autem non inuenio.* Et: *Infelix ego homo, quis me liberabit de corpore mortis huius?* Vide Augustinum tract. 41. in Ioan. lib. 6. in Iulian. cap. 11. & lib. 1. ad Bonifac. cap. 10.

Quarta obiectio, Nemo potest vitare omnia peccata, cum scriptum sit Iacobi 2. *In multis offendimus omnes.* Et 1. Ioan. 1. *Si dixerimus quia peccatum non habemus, nos ipsos seducimus.* At qui legem omnem impleret, nullum haberet omnino peccatum: igitur fieri non potest, ut lex omnis à nobis, etiam cum fide & gratia impleatur.

Respondeo, Ab hoc argumento, quod valde Kemnitius vrget, non tam facile se expediunt, qui concedunt, peccatum veniale esse proprie contra legem, ut Vega lib. 11. in Concilium, cap. 10. coguntur enim dicere, legem non esse impossibilem, non quod tota simul seruari possit, sed quod seruari possit maior ei pars, & à meliori parte fiat denominatio. Sed videndum est illis, quid respondeant Apostolo Iacobo dicenti: *Quicumque totam legem seruauerit, offendat autem in vno, factus est omnium reus.*

A Solida igitur responsio est, peccata venialia, sine quibus non viuimus, non esse peccata simpliciter, sed imperfecte, & secundum quid, neque esse contra legem, sed præter legem, ut S. Thomas recte docet in 1. 2. q. 88. art. 1. Hinc enim omnia coherent. Nam qui offendit in vno, præuicarij videlicet vnū præceptum, factus est omnium reus, & iniustus simpliciter constituitur, & tamen in multis offendimus omnes, quia tamen nihil facimus contra legem, tamen multa facimus præter legem. Et qui natus est ex Deo non peccat, transgrediendo legem, & tamen si dixerimus, quia peccatum non habemus, nihil videlicet præter legem faciendo, nos ipsos seducimus, & veritas in nobis non est.

B Quinta obiectio, Christus Mediator est non solum in prima reconciliatione, sed etiam postea in toto vitæ nostræ tempore, ergo semper egemus intercessionem Christi, ac per hoc semper peccamus, legemque transgredimur, alioqui post primam reconciliationem Christus ociosus esset. Hoc argumentum commune est Caluino, Philippo, Kemnitio, & alijs, qui inde concludunt, si qua est in nobis legis impletio, illam non tam esse operum, quæ respondeant perfectioni legis, quam fidei, quæ perpetuo apprehendit remissionem.

C Respondeo, Christus semper nobis Mediator est, nec vnquam est ociosus, idque duplici ratione; Primo, quoniam semper nobis vires & gratiam subministrat, per quam bona opera faciamus. Ideo siquidem recte comparauit se ipse viti, & nos palmitibus. Ut enim palmes non potest ferre fructum, nisi manserit in vite, & succum traxerit ex vite, sic nec nos nisi manserimus in Christo, & spiritum hauserimus ex ipso.

Secundo, quoniam peccata nostra, quamuis leuia & quotidiana, ipse purgat, & sanguis eius emundat nos ab omni peccato. Et si forte legem præuicando à iustitia excidamus, ipse nihilominus propitiatio est pro peccatis nostris, & non septies, sed septuagies septies nos Patri reconciliat, si per eius gratiam, conuersi serio penitentiam agere incipiamus. Itaque non facimus nos, qui legem impleri posse dicimus, Christum Mediatorem ociosum, sed vere faciunt aduersarij Christi merita inefficacia, cum docent Christum tam insigni obedientia id efficere non potuisse, ut iustificatio legis impleteretur in nobis.

D Sexta obiectio sumitur ex S. Augustino, qui in lib. 1. Retractat. cap. 19. sic ait: *Omnia mandata facta deputantur, quando quicquid non fit, ignoscitur.*

E Respondeo, loquitur eo loco S. Augustinus de summa perfectione implendi præcepta, quam dicit expressam fuisse à Domino per illa verba Matth. 5. *Tota vnum, aut vnus apex non præteribit à lege, donec omnia fiant*; quærit autem num hæc perfectio possit haberi in hac vita, & respondet, non posse haberi, nisi in hoc sensu quod omnia mandata facta deputantur, quando quidquid non fit ignoscitur. Nam inter alia mandata implenda est etiam illud, ut oremus: *Dimitte nobis debita nostra.* Ex quo intelligimus eam imperfectionem in lege diuina seruanda asseri ab Augustino, quæ non sit præuicatio integri præcepti, sed carentia perfectionis in ipsa legis obseruatione, quomodo qui scribendo, aut proferendo legem, proferret quidem omnes dictiones & syllabas, sed litterulam, aut litteræ partem aliquam non exprimeret. Hac enim similitudine Dominus vsus est, cum non ait, verbum vnum, sed *tota vnum, aut vnus apex non præteribit à lege, donec omnia fiant.*

Atque hæc dicta sint ad mentem S. Aug. in eo testimonio explicandâ. Alioqui enim si aperte dixisset

Augustinus omnia mandata facta deputantur, quando si quid mandatū violatur, ignoscitur: non debet, nec posset inde colligi, legem Domini esse impossibilem. Potest enim fieri, ut quis multa mandata integre seruauerit, & postea tamen aliquod aliud mandatum non impleat, cuius prauaricationis poenitentiam agat, & indulgentia impetrata ille saluetur, ac si mandata omnia custodisset.

Addi posset alia obiectio ex præceptis: *Diliges Dominum Deum tuum ex toto corde tuo; & non concupisces.*

Hæc enim duo in hac impleri non posse probant aduersarij ex Augustino & Bernardo. Sed hæc à nobis fuisse tractata sunt in lib. 2. de Monachis, ca. 13. & in lib. 2. de peccato originis, qui est quintus de statu peccati, cap. 10. Ideo videntur hoc loco prætermittenda, ne fatigemus nimia repetitione lectorem.

CAPVT XV.

Iustorum opera non esse peccata, sed iustitiam, probatur ex diuini iudicii.

Nunc veniendum est ad alterum caput huius controuersie de veritate iustitiæ actualis, in quo probandum erat, opera bona iustorum non esse peccata, sed vere iusta, ut etiam iustitia actualis dici possint.

Primum igitur testimonium ad hoc probandum sumitur ex lib. Iob, c. 1. *In omnibus his non peccauit Iob labijs suis, nec stultum aliquid contra Deum loquutus est.* Vbi Scriptura reddit testimonium S. Iob, quod in tanta occasione impatientiæ, nec verbo quidem peccauerit, ac ne forte Lutherani Rabbinos quosdam imitari velint, qui dicunt, Iob non peccasse labijs, tamen corde peccasse; audiamus Deum ipsum in 2. c. ita loquentem ad Satanam: *Nunquid considerasti seruū meum Iob, quod non sit illi similis in terra, vir simplex, & rectus, & recedens à malo, & adhuc retinens innocentiam?* Certe si innocentiam retinebat, & si à malo recedebat, neque lingua, neque corde peccauerat.

Adde quod cum Satan nihil aliud quæreret tot suis tentationibus, nisi Iob ad peccandum inducere, contra autem Deus illa omnia tentamenta permetteret, ut patientia & virtus sancti viri demonstraretur, si Iob peccasset, Deus ipse quodammodo à Satana superatus fuisset. Quare certum est, opus illud patientiæ S. Iob nullo peccato maculatū fuisse, & Lutheranos, qui id negant, à partibus diaboli contra Deum pugnare.

Secundum testimonium sumi potest ex verbis Davidis Psal. 7. *Iudica me Domine secundū iustitiā meam, & secundum innocentiam meam super me.* Psal. 6. *Exaudi Domine iustitiam meam. De vultu tuo iudicium meum producat. Oculi tui videant aequitatem. Probasti cor meum, & visitasti nocte, igne me examinasti, & non est inuenta in me iniquitas.* Psal. 17. *Retribuit mihi Dominus secundum iustitiam meam, & secundum puritatem manuum mearum retribuet mihi, quia custodivi vias Domini, nec impie gessi à Deo meo.* Psal. 25. *Iudica me Domine, quoniam ego in innocentia mea ingressus sum.* Psal. 118. *Feci iudicium & iustitiam, non calumniatur me superbi.* In his locis David non solum opera sua iustitiæ nomine ornanda censebat, sed etiam confidebat ea in iudicio Dei posse consistere, alioqui petens iudicari secundum iustitiam suam, damnationē pro absolutione quæsisset. Igitur David credebat posse hominē cum Dei gratia facere opera vere iusta.

Neque vero satisfacit Philippi & Caluini responsio, qui dicunt Davidem non velle in his locis affirmare, opera sua fuisse absolute iusta, sed per compa-

rationem ad opera aduersariorum suorum, nec id etiam absolute, sed incerta aliqua causa. Hæc, inquam, responsio non satisfacit, quoniam verba Davidis generalia sunt, atque illa præsertim: *Quia custodivi vias Domini, nec impie gessi à Deo meo.* Item: *Ab omni via mala prohibui pedes meos.* Item: *Feci iudicium & iustitiam. Igne me examinasti, & non est inuenta in me iniquitas.*

Tertium testimonium Matt. 6. *Si oculus tuus simplex fuerit, totum corpus tuum lucidum erit.* Et Lucæ 11. *Si ergo corpus tuum lucidum fuerit non habens aliquam partem tenebrarum, erit lucidum totum, & sicut lucerna fulgoris illuminabit te.* Hoc loco describitur opus perfecte bonum, quod videlicet sit bonum ex genere suo, & ex intentione, aliisque circumstantiis. Nam oculus simplex, est intentio recta, corpus lucidum, est opus bonum, de quo dicitur Mat. 5. *Sic luceat lux vestra, ut videant opera vestra bona, &c.* Tale autem opus pronunciat Dominus esse lucidū totum, nec vllam habere partem tenebrarum. At si illud opus peccatum esset mortale natura sua, ut Lutherani dicunt, magnam partem haberet tenebrarum, imo esset tenebrosus totum, ut Dominus ibidem dicit de opere quod mala intentione fœdatur. Sicut enim mala intentio, quodlibet aliud vitium reddit opus malum, quamuis ex genere suo bonum esset.

Quartum testimonium ex Apostolo in priore ad Cor. cap. *Si quis superædificat supra fundamentum hoc, aurum, argentum, lapides preciosos, ligna, fenum, stipulam, vniuscuiusque opus quale sit, ignis probabit. Si cuius opus manserit, quod superædificauit, mercedem accipiet, si cuius opus arserit, detrimentum patietur, &c.* Quo loco indicantur esse quædam opera supra fundamentum veræ fidei ædificata adeo bona, ut nihil omnino habeant vitij. Id enim primum ostendit comparatio ad aurum, argentum, lapides preciosos. Deinde quod illa opera in igne diuini iudicii manere dicantur, & mercedem accipere. Certe enim peccata nec aurum dici possunt, nec in diuini iudicii igne subsisterent, nec mercedem, sed pœnam, suppliciumque perciperent.

Quintum testimonium ex Iacobo, cap. 3. *In multis offendimus omnes.* Quare, quæso, non dixit, in omnibus offendimus omnes? nam si omnia opera iustorum sunt peccata mortalia, certe non tantū in multis, sed etiam in omnibus offendimus, sed nouerat ipse quid diceret. Nā, cap. 2. distinxerat opera bona à peccatis, dicens: *si legem perficitis regalem secundum Scripturas, diliges proximum tuum sicut teipsum, bene facitis: si autem personas accipitis, peccatum operamini, redarguit à lege quasi transgressores.*

Sextum testimonium sumitur ex illis locis, quæ hortantur hominē ad non peccandum. Psal. 4. *Trasgimini & nolite peccare.* Isaïæ 1. *Quiescite agere peruerse, discite bene facere.* Ioan. 5. *Noli amplius peccare.* 1. ad Cor. 15. *Enigilate iusti, & nolite peccare.* 2. Petri 1. *Satagite ut per bona opera certam vestram vocationem & electionem faciatis: hæc enim facientes, non peccabitis aliquando.* 1. Ioan. 2. *Hæc scribo vobis ut non peccetis.* Quorsum enim pertinet hæc cohortationes, vel admonitiones, si in omni opere, quantumvis bono non possumus non peccare?

Septimum testimonium sumitur ex illis locis, quæ docent opera iustorum placere Deo; Malach. 3. *Placuit Deo sacrificium Iuda & Hierusalem, sicut dies seculi, & sicut anni antiqui.* Sapient. 9. *Sapientia custodiet me in potentia sua, & accepta erunt opera mea.* Actorum 10. *Qui timet Deum, & operatur iustitiam, acceptus est illi.* 1. Petri 2. *Offerens spirituales hostias acceptabiles Deo.* Philippen. 4. *Repletus sum acceptus ab Epaphrodiso,*

que missis in odorem suavitatis hostiam acceptam, placen-
tem Deo. Atqui Deo nihil placere potest, nisi quod
est vere bonū & purum ab omni vitio, ut ipse etiam
Calvinus fatetur, lib. 3. Instit. cap. 12. §. 1.

Quod vero idem Calvinus ait, placere Deo eius-
modi opera, non ratione propriæ dignitatis, sed quia
Deus per indulgentiam lauat operum fœditatē, om-
nino est absurdum, nisi forte non solum peccatori-
bus imputari velit Christi iustitiam, sed ipsis etiam
peccatis, quod nullo modo fieri potest. Nam si quis
dixerit, Deum ignoscere culpas, non velle punire,
non imputare, facile intelligetur, ac ipsum peccatum
per indulgentiam fieri hostiam placentem Deo in
odorem suavitatis, quis tandem intelliget?

Octauum testimonium ex locis illis, quæ abso-
lute iustorum opera, bona opera nominant, Matt. 5.
*Sic luceat lux vestra coram hominibus, ut videant opera
vestra bona, & glorificent patrem vestrum, qui in caelis est.*
1. ad Timoth. 6. *Diuitibus præcipe non superbe sapere,
diuites fieri in operibus bonis.* Tit. 3. *Curent operibus bonis
præesse, qui credunt Deo.* Ephes. 3. *Ipsius enim sumus fa-
ctura, creati in Christo Iesu in operibus bonis, quæ præpara-
uit Deus ut in illis ambulemus.*

Ac si opera omnia iustorum essent peccata mor-
talia, dicenda essent potius mala quàm bona. Nam
ut ex Dionysio in ca. 4. de diuinis nominibus, Theo-
logi colligunt, malū dicitur opus absolute, ex quo-
cunque vitio, bonum non dicitur absolute, nisi inte-
gre sit bonum. Quomodo igitur Scriptura prædi-
cat absolute opera bona, si non sunt bona, nisi se-
cundum quid, sed absolute & simpliciter mala? Om-
nino necesse est, ut vel Spiritus sanctus in hac parte
fallatur, vel Lutherus & Calvinus erret. Vtrum au-
tem horum sit verius, ipsismet sectarijs iudicandum
relinquo.

CAPVT XVI.

*Opera bona non esse peccata, sed vere bona, probatur
ex Patribus.*

Quod attinet ad testimonia sanctorum Patrum
si producere vellemus in medium, quæ illi di-
cunt in commendationem operum bonorum, nul-
lus esset finis. Solum igitur pauca quædam notabi-
mus. Ex quibus colligi possit, agnouisse Patres ope-
ra simpliciter bona, atque à peccatis, vere, proprie-
que distincta.

S. Ambrosius in lib. de Apologia David cap. 6.
*Etenim, inquit, quia non potest sine peccato esse humana
fragilitas, cauendum est, ne plura peccata sint, quàm opera
virtutis.* Vbi distinguit aperte S. Ambrosius, opera vir-
tutum à peccatis, quod non faceret, si existimaret,
omnia opera, quantumvis bona, vere esse peccata.

S. Hieronymus lib. 3. aduersus Pelagianos, *Hoc,*
*inquit, & nos dicimus, posse hominem non peccare: si
velis, pro tempore, pro loco, pro imbecillitate corporis,
quandiu intentus est animus, quandiu chorda nullo vitio
laxatur in cithara.* Et infra: *Qui cautus est & timidus,
potest ad tempus vitare peccata.* Quo loco S. Hierony-
mus non laborat, ut probet, posse hominem ali-
qua facere bona, quæ non sint peccata. Id enim in
controuerisiam nondum venerat, sed nititur contra
Pelagianos ostendere vitam humanam, etiam iusto-
rum, non ita esse posse perfectam, ut longo tempore
caueat omnia peccata, etiā quotidiana & leuia. Vbi
tamen admittit, saltē aliquanto tempore posse ho-
minem diligentem ita viuere, ut nullum peccatum,
ne veniale quidem admittat, ac per hoc aliqua opera
facere ab omni vitio pura & integra.

Augustinus in libr. de spiritu & littera, capite

A ultimo: *Dici potest quedam iustitia minor, huic vite
competens, quæ iustus ex fide vivit, quamvis peregrinus à
Domino, & ideo per fidem ambulans, nondum per spe-
ciem: non absurde dicitur etiam ad istam pertinere, ne
peccet. Neque enim si nondum esse potest tanta dilectio
Dei, quanta illi cognitioni plena, perfecteque debetur,
iam culpa deputandum est. Aliud est enim totam nondum
assequi charitatem, aliud nullam sequi cupiditatem. Quam-
obrem debet homo quamvis longe minus amare Deum, quàm
cum potest amare conspectum, nihil tamen appetere illicitum,
sicut etiam in his, quæ adiacent sensibus corporis, potest ocu-
lus nullis tenebris delectari, quamvis non possit in fulgentis-
sima luce desigi.* Hoc loco S. Augustinus fatetur qui-
dem iustitiam nostram in hac vita esse minorem,
quàm sit futura in alia vita, tamen disertis verbis
affirmat, ad hanc etiam iustitiam nostram pertinere,
ut non peccet; & posse, ac debere hominem nullam
sequi cupiditatem.

B Idem in lib. de bono coniugali, cap. 6. *Coniugalis,*
inquit, concubitus generandi gratia non habet culpam;
*concupiscentiæ vero satianda, sed tamen cum coninge
propter fidem tori, venialem habet culpam, adulterium
vero, sine fornicatio lethalem habet culpam.* Et capite 7.
*Continentia meriti est amplioris, reddere debitum coniugi
nullius est criminis, exigere contra generandi necessitatem
culpa venialis, sollicitari, vel mochari, puniendi crimi-
nis.* In his quatuor gradibus operum, quos distin-
guit Augustinus, assignare debent aduersarij dis-
crimen aliquod: vel potius necessario confiteri, in
C primo & secundo nullum omnino esse peccatum,
neque mortale ex natura sua, neque veniale per mi-
sericordiam Dei. Nam si continentia ab omni con-
cubitu peccatum est mortale ex natura sua, & venia-
le per misericordiam Dei, quid erit concubitus gi-
gnendi causa, nisi peccatum omni ex parte morta-
le? & si concubitus gignendi causa peccatum est
omni ex parte mortale, quid erit concubitus causa
libidinis satiandæ, nisi peccatum in Spiritum san-
ctum, quod non remittitur, neque in hoc sæculo, ne-
que in futuro? At sanctus Augustinus huic tertio
gradui tribuit culpam venialem: secundo gradui nul-
lam culpam, primo gradui meritum ingens. Tantum
videlicet interest inter sententiam sancti Augustini
D & Nouatorum.

Idem denique sanctus Augustinus lib. 4. in Iulia-
num, cap. 3. & alijs in locis plurimis, contendit ope-
ra infidelium esse peccata, non quod non sint, vel
esse possint bona ex genere suo, sed quoniam deest
illis intentio bona dirigendi opera illa ad verum
Deum, quem ignorant, cum fidem non habeant.
Igitur opera fidelium ex sententia sancti Augusti-
ni poterunt esse simpliciter & absolute bona. Nam
si fidelium quoque opera essent omnia peccata, &
quidem morte digna, quorsum tantopere laborasset
Augustinus, ut probaret opera infidelium esse pec-
cata?

E S. Gregorius lib. 1. Moral. cap. 8. *Si in sermonibus,*
*inquit, suis dicimus Iob deliquisse, quod sentire nefas est,
Deum dicimus in sua propositione victoriam perdidisse. I-
tem lib. 9. cap. 26. Ipsa, inquit, bona nostra insidiant-
ibus culpa cadere gladium nequeunt, nisi sollicitè quoridie
timore muniantur.* Vbi admittit S. Gregorius posse
fieri, ut bona nostra insidiantis culpæ gladium
vitent. Idem in epist. ad Augustin. respon. 10. *Bona-
rum, inquit, mentium est, ibi etiam aliquomodo culpam
agnoscere, ubi culpa non est.*

Sanctus Bernardus in lib. de præcepto & dispen-
satione distinguit inter bonum obedientiæ, & ma-
lum inobedientiæ, & ponit aliquos gradus, ut su-
pra sanctus Augustinus ponebat in concubitu: Bo-

nus, inquit, obedientia gradus est, si iuxta Magistri nostri sententiam, propter metum gehennæ, seu propter professionem sanctam, quam professus est, quispiam obedierit. Melior tamen cum ex Dei amore obedierit. Illa quippe obedientia necessitatis est, ista charitatis. Et infra de obedientia: Hæc, inquit, generalis regula sit uniuersorum, quæ per se, aut propter se nec bona, nec mala sunt, aut propria cuiusque professione, aut diuina institutione fixa non sunt, ut non iussa quidem, licite utrumlibet, vel admittantur, vel omittantur, iussa uero, sine culpa non negligantur, sine crimine non contemnantur. Vbi quæ enim & culpabilis neglectus & contemptus damnabilis est.

Vbi sanctus Bernardus cum dicit, obedientiam ex metu gehennæ esse bonam, ex charitate meliorem, intelligit bonam simpliciter, & sine ullo peccato, etiam veniali posse præstari. Alioqui non distingueret eam ab inobedientia propter neglectum, quam dicit esse culpam venialem; & inobedientia propter contemptum, quam dicit esse criminalem, atque damnabilem.

CAPVT XVII.

Opera bona iustorum non esse peccata, sed vere bona probantur rationibus.

IAm vero potest eadem veritas manifestis rationibus comprobari.

Prima ratio, si opera bona iustorum essent omnia vitiosa, & corrupta, ita ut peccata mortalia ex natura sua dici deberent, id sine dubio, vel ex innata concupiscentia, vel ex defectu dilectionis Dei, vel ex admittance peccatorum venialium nasceretur. Istas enim causas aduersarij reddere solent, cur opera ex genere suo bona, vel à Deo mandata & bona intentione facta, tamen peccata mortalia esse contendunt. At nihil horum trium contaminare potest opera iustorum bona.

Nam imprimis concupiscentia ipsa peccatum non est, sed infirmitas, nisi ei consentiatur. Vnde S. Augustinus in lib. de perfectione iustitiæ, & alibi sæpe repetit non oportere pro moribus concupiscentiæ inuoluntarijs dicere: *Dimitte nobis debita nostra*: Deinde etiam si peccatum esset, tamen non semper mouetur, ut idem testatur August. lib. 6. in Iulian. c. 8. ac per hoc opera bona fieri possunt aliquando ex charitate, sine vlla admittance cupiditatis.

Defectus autem charitatis, quod videlicet non faciamus opera nostra tanto feruore dilectionis, quanto faciemus in patria, defectus quidem est, sed culpa, & peccatum non est, ut sanctus Augustinus docet in libro de spiritu & littera, ca. vlt. Vnde etiam charitas nostra, quamuis comparata ad charitatem beatorum sit imperfecta, tamen absolute perfecta dici potest, ut eam sanctus Ioannes appellat, in 1. epist. cap. 2. & 3. S. Augustinus in lib. 1. de doctrina Christiana, cap. 39. lib. 1. de pecc. merit. & remiss. cap. 13. & alibi.

Admittio denique venialium peccatorum non impedit veram iustitiam, Tum quia non est necesse, ut in singulis operibus admisceatur veniale peccatū, ut ex Patribus probatum est, & experientia ipsa docet; Tum etiam quia peccatum veniale non est contrarium charitati, nec proprie contra legem, sed præter legem, ut supra diximus. Itaque Scriptura diuina quamuis dicat, In multis offendimus omnes, & si dixerimus, quia peccatū non habemus, nos ipsos seducimus; tamen absolute vocat homines quosdam iustos, sanctos, immaculatos, perfectos, quod nullo modo faceret, si veniale peccatū iustitiam impediret. Genes. 6. *Noë vir iustus fuit, æq. perfectus*, Eph. 1.

Ut essemus sancti & immaculati in conspectu eius. Philip. 3. *Quicumque perfecti sumus, hoc sentiamus*. Psal. 118. *Beati immaculati in via, qui ambulant in lege Domini*. Similia habet S. August. in lib. 2. de peccat. merit. & remiss. cap. 12. & 13. & in lib. 3. contra duas epist. Pelagianorum, cap. 2.

Secunda ratio ducitur ab absurdis, nam si omnia iustorum opera essent peccata, etiam opus fidei quo iustificamur, esset peccatū; & illa oratio, quam fundimus, cum dicimus: *Dimitte nobis debita nostra*, esset peccatum. At nonne absurdissimum est, hominem per peccatum iustificari, & per peccatum quætere & impetrare remissionem peccati?

Item si omnia opera iustorum sunt peccata, qua fronte dicere potuit Apostolus Paulus: *Nihil mihi conscius sum*? nullū ne bonum opus fecerat? aut ignorabat illa ipsa bona opera peccata esse mortalia? & nonne adhuc maior fuisset audacia pro eiusmodi operibus, id est, peccatis mortalibus expectare à iusto iudice coronam iustitiæ.

Præterea si omnia iustorum opera essent peccata mortalia, sequeretur, ipsum Deum peccare mortaliter: *Dens enim est, qui operatur in nobis*. Cum bona opera facimus, ut dicit Apostolus ad Philip. 1. & 2. neque aduersarij id negant.

Item fieret ingens iniuria Redemptori: *Qui, ut Apostolus ait ad Tit. 1. dedit semetipsum, ut nos redimeret ab omni iniquitate, & mundaret sibi populum acceptabilem, sectatorem bonorum operum*. Nam à nulla nos iniquitate vere redemisset, nec vere populum suum mundasset, nec sectatores nos operum vere bonorum, sed peccatorum mortalium effecisset.

Ad hæc si omnia opera bona sunt peccata mortalia, sequitur, ut aliqua peccata mortalia sint operabona, & posse fieri hos syllogismos, Omnia opera bona sunt facienda, aliqua peccata mortalia sunt opera bona, igitur aliqua peccata mortalia sunt facienda. Item, nullum peccatum mortale est faciendum, omnia opera bona sunt peccata mortalia, igitur nullum opus bonum est faciendum. Dignæ sane Lutheranis conclusiones, aliqua peccata mortalia sunt facienda, & nullum bonum opus est faciendum.

Denique quis non videt, opera bona esse peccata mortalia, contradictionē implicare, atque inuoluerē? nā erunt opera bona, & non bona; digna præmio & pœna; & per ea seruiemus Deo & diabolo, & simul erimus filij Dei & filij diaboli.

Dicent fortasse, quod Lutherus dicit in assert. art. 6. eadem opera esse bona, ut fiunt à Deo, mala ut fiunt à nobis, vel in nobis. Vel esse bona ex genere suo, siue ex obiecto, mala ex circumstantia, id est, propter cupiditatem, qua fiunt.

At prior distinctio inanis est, cum Deus non faciat nostra opera bona, nisi per nos, id est, faciendo ut nos illa faciamus; ac per hoc si ut à nobis fiunt mala sunt, simpliciter mala, non bona sunt. Id quod ex ipso Lutheri exēplo intelligi potest: *Si quis, inquit, securi corrossa & dentata fecerit, licet operator sit bonus faber, tamen securi facit malas, & difficiles, & deformes incisiones, sic Deus per nos operans, &c.* Ex hac similitudine manifeste colligitur, opera nostra non esse bona & mala, sed tantū mala. Bonus enim faber per malā securim non facit bonas, sed malas incisiones, sic igitur Deus per nos operans non faciet opera bona, sed mala.

Posterior quoque distinctio non soluit nodum. Nam opera bona ex genere, siue ex obiecto, sed mala ex circumstantia, non sunt bona simpliciter, sed mala. Quoniā (ut supra diximus) bonum non existit nisi ex integra causa, malum vero ex quolibet vitio. Quare Dominus Matth. 6. & 7. orationes, ieiunia &

eleemosynas, quæ sunt bona ex genere suo, simpliciter damnat, & mercede apud Deum carere dicit, si fiant intentione captandæ auræ popularis. Pugnatia igitur aduersarii docent, cum opera bona iustorum bona opera, & peccata mortalia simul esse definiunt.

CAPVT XVIII.

Opera bona non solum esse vere iusta, sed etiam iustificare, probatur ex cap. 2. Iacobi.

Nunc antequam argumenta Hæreticorum contra iustitiam operum proponamus, probare nitimur, id quod tertio loco probandum esse diximus in cap. 10.

Operibus igitur bonis hominem iustum magis iustificari, atque adeo fieri iustiores probamus ex epistola S. Iacobi, qui sic loquitur, c. 2. *Abraham pater noster nonne ex operibus iustificatus est, offerens filium suum super altare? Vides, quoniam fides cooperabatur operibus eius, & ex operibus fides consummata est & impleta est. Scriptura dicens, credidi: Abraham Deo, & reputatum est illi ad iustitiam, & amicus Dei appellatus est. Videris quoniam ex operibus iustificatur homo, & non ex fide tantum? Similiter autem & Raab meretrix nonne ex operibus iustificata est, suscipiens nuncios, & alia via eiciens?*

Ad hoc testimonium respondere conatur Ioann. Calvinus in lib. 3. Instit. cap. 17. §. 11. & 12. & in summa tria dicit.

Primo, scopum Iacobi fuisse ostendere quæ sit vera fides.

Secundo per fidem, quæ sine operibus non iustificat, Iacobum non accipere veram fidem, sed vmbra quandam veræ fidei.

Tertio, nomine iustificationis hoc loco non intelligi imputationem iustitiæ Christi, sicut apud Paulum ad Rom. 4. sed declarationem iustitiæ. Ex his efficit, ut cum Iacobus dicit, Abrahamum ex operibus iustificatum fuisse, intelligere debeamus iustum fuisse declaratum, & ideo iustum, quia veram fidem haberet.

In omnibus tribus ab eo dissentimus; Primum enim dicimus, scopum Iacobi fuisse demonstrare, non quæ sit vera fides, sed fidem veram, atque Catholicam ad salutem sine operibus non sufficere, & fidelem, qui bene operatur, in iustitia crescere, qui male operatur, iustitiam amittere, & fidem in eo mortuam, ociosamque manere.

Id ita esse non esset nobis necesse probare, cū sententiam suam Calvinus nulla ratione probauerit, tamen habemus imprimis testimonium S. August. qui in lib. de fide & operibus, cap. 14. disertis verbis affirmat, scopum epistolæ Iacobi, ut etiam Petri, Ioannis & Iudæ, dirigi aduersus hæresim tunc recens exortam eorum, qui dicebant fidem sine operibus ad salutem sufficere: *Quoniam, inquit, hac opinio tunc fuerat exorta, alia Apostolica epistola, Petri, Ioannis, Iacobi, Iudæ, contrariam maxime dirigunt intentionem, ut vehementer adstruant, fidem sine operibus nihil prodesse.* Deinde, scopus Iacobi in hac epistola satis aperte colligitur ex ipso contextu verborum eius. Nam ad finem, cap. 1. concludit: *Estote factores verbi, & non auditores tantum, fallentes vosmetipsos, &c.* Erad initium, cap. 2. *Frates mei, inquit, nolite in personarum acceptione habere fidem Domini nostri Iesu Christi: hoc est, Nolite cum fide quam habetis in Christum, simul peccata nutrire, quale est acceptio personarum.* Deinde pergit explicare, magnum esse malum personas accipere, & hoc vnum sufficere ad æternam damnationem, sicut etiam quodcumque aliud lethale pec-

catum: *Quoniam, ut ipse dicit, qui totam legem seruauerit, offendat autem in vno, factus est omnium reus.* Deinde quoniam sciebat pseudo-apostolos multum gloriari de fide, quæ iuxta Paulum iustificatur, continuo subiungit: *Quid proderit frates mei, si quis dixeris fidem se habere, opera autem non habeat, nunquid poteris fides saluare illum?* Atque hinc sumpta occasione demonstrat fidem, si operibus destituatur, reddi ociosam, si vero opera adiungantur, hominem iustum fieri iustiores, quod ostendit exemplo Abraham & Raab. Atque hæc de scopo.

Quod attinet ad fidem, disseruimus de toto hoc loco in 1. lib. capite 15. ubi ostendimus multis rationibus Iacobum loqui de vera fide, & obiectiones Caluini diluimus, & certe res clarior est, quàm ut probatione indigeat. Iacobus enim dicit, hominem iustificari ex fide, sed non ex fide tantum, & fidem cooperari operibus: vmbra autem fidei neque iustificare, neque operibus cooperari posse, non dubium est.

Iam vero de nomine iustificationis, præcipua controversia est: Calvinus enim contendit, iustificationem hoc loco necessario pro declaratione iustitiæ accipiendam esse, quoniam alioqui manifeste pugnaret Iacobus cum Paulo, cum Iacobus dicat, hominem ex operibus iustificari, Paulus autem ad Rom. 4. dicat, non ex operibus iustificari. Quos ita Calvinus conciliat, ut dicat Paulum loqui de iustificatione quæ fit per imputationem iustitiæ Christi, Iacobum, vero de declaratione iustitiæ. In utroque à veteribus, & ab ipsa veritate dissentit.

Nos igitur dicimus, Paulum loqui de primâ iustificatione, quæ homo ex impio fit iustus; Iacobum de secunda, quæ iustus efficitur iustior. Et ideo recte Paulum dicere, iustificari hominem sine operibus; Iacobum, iustificari ex operibus. Quemadmodum enim nemo potest opere suo se ipse procreare, aut à morte reuocare; procreatus autem, vel à morte reuocatus, ipse se, comedendo & bibendo nutrit & augere: sic etiam homo per peccatum mortuus, non potest merito operum suorum, se iustificare, sed postquam à Deo iustus factus est, potest recte viuendo iustitiam in se alere & augere, atque ita operibus iustificari. Ita conciliat hæc loca Tridentinum Concilium, sess. 6. cap. 8. & 10. & multo antea S. Augustinus præfatione in Psalm. 31. in libro de fide & operibus, cap. 14. in questionibus ad Dulcitium, quæst. 1. & lib. 83. quæst. 76.

Ac ne sola auctoritate niti videamur, probatur, Iacobum per iustificationem non intelligere declarationem, sed incrementum iustitiæ, Primo ex eo, quod Iacobus dicit, fidem Abraham cooperatam esse operibus ad eum iustificandum. Neque enim fides cooperatur operibus ad iustitiæ declarationem. Nam neque aduersarii hoc dicunt, fidem iustificare per modum declarationis, neque id ratio fidei patitur.

Secundo probatur ex eo, quo Iacobus adiungit, hominem iustificari ex operibus, & non ex fide tantum. Vbi non potest iustificatio sumi pro declaratione, eadem de causa, quia videlicet fides non iustificat declarando, sed vel disponendo ad iustitiam, & inchoando iustitiam formalem secundum Catholicos, vel apprehendendo iustitiam Christi, secundum hæreticos.

Tertio ex eo, quod additur, fidem Abraham ex operibus consummatam esse. Id enim non potest aliud significare, nisi iustitiam inchoatam per fidem, accepisse incrementum, & perfectionem per opera.

QUARTO ex eo, quod dicitur Raab meretricem ex operibus iustificatam. Neque enim Raab declarari potuit iusta, cum esset meretrix, sed vere iustificata est, id est, ex infideli fidelis, & ex meretrice iusta facta est. Non igitur iustificatio apud Iacobum pro declaratione sumitur.

Iam vero quod Paulus loquitur de prima iustificatione, qua quis ex impio efficitur iustus, multis argumentis probari posset. Sed vnum hoc loco sufficiet, quod ex ipso cap. 3. & 4. ad Rom. patitur. Nam cap. 3. sic ait: *Omnes peccaverunt & egent gloria Dei, iustificati gratis per gratiam eius, per redemptionem qua est in Christo*. Et cap. 4. probare volens Apostolus, hominem iustificari ex fide, non ex operibus, adducit testimonium Prophetæ dicentis: *Beati quorum remissa sunt iniquitates, & quorum tecta sunt peccata*. Quod testimonium de iustificatione impii apertissime loquitur. Præterea ibidem Apostolus dicit: *Ei qui operatur, merces non imputatur secundum gratiam, sed secundum debitum, credens autem in eum, qui iustificat impium, deputatur fides eius ad iustitiam*. Vbi non alia de causa, non dixit, credenti in Deum, sed credenti in eum, qui iustificat impium, nisi quia de impii iustificatione tractabat.

Sed una est hic gravissima difficultas, ex qua totus hic locus dependet. Nam & Paulus, & Iacobus, vtitur eodem exemplo Abraham, & vterque citat illa verba: *Credidit Abraham Deo, & reputatum est illi ad iustitiam*. Quare vel eodem modo vterque accipit iustificationem, vel alter eorum inepte vtitur exemplo Abraham, & perperam explicat verba Moïsi.

Cæterum RESPONDEMUS, Paulum & Iacobum, non eodem modo accipere iustificationem, & tamen ab utroque recte usurpari exemplum Abraham, & verba Moïsi. Ac (ut à Iacobo incipiamus) respexit ille præcipue tempus, quo Abraham immolare voluit filium suum, quod legitur in Gen. c. 22. sic enim ait: *Abraham pater noster nonne ex operibus iustificatus est, offerens Isaac filium suum super altare?* Illo autem tempore certum est, Abraham fuisse iustum, quippe qui iam obedierat Deo, ut exiret de terra sua, & signum acceperat circumcisionem signaculum iustitiæ fidei, &c. & ideo illo nouo opere obedientiæ non factum esse iustum ex impio, sed iustiorum ex iusto.

Quod vero Iacobus dicit, tunc impletam fuisse Scripturam, quæ ait: *Credidit Abraham Deo, & reputatum est ei ad iustitiam*: non repugnat sententiæ nostræ. Nam non vult Iacobus dicere, tunc primum eam Scripturam impletam fuisse. Non enim ignorare poterat, verba illa multo antea fuisse dicta de fide Abraham, quando videlicet credidit Deo, promittenti sibi filium ex Sara, quod scriptum est in Gen. cap. 15. sed dicere voluit, tunc etiam fuisse Scripturam illam impletam, quando ex fide obtulit eundem illum filium super altare. Possunt enim illa verba applicari ad omnes insignes actus fidei eiusdem Patriarchæ. Quemadmodum si quis narraret aliquod factum Nathanaelis, in quo eius integritas & simplicitas appareret, posset vere dicere, nunc impletum est quod Dominus ait, Ecce verum Israelitam, in quo dolus non est. Itaque de verbis Iacobi nulla remanet quaestio.

De verbis Pauli maior est difficultas: non desunt, qui existiment, Abrahamum tunc primum iustificatum esse à peccatis, cum credidit Deo promittenti filium, & cum de eo dictum est: *Credidit Abraham Deo, & reputatum est ei ad iustitiam*. Ita docet infelms in comment. ad c. 4. ad Rom. & eandem sententiam indicare videtur S. Augustinus, præfatione in Psal. 11. cum ait, exponens hunc locum: *Ergo ex fide iustificatus est Abraham & si opera non præcesse-*

runt, tamen sequuta sunt. Et si quidem hæc opinio vera esset, nulla esset in Paulo difficultas.

Cæterum non audeam dicere, Abrahamum non fuisse multo ante iustificatum, quam de eo dictum sit: *Credidit Abraham Deo, &c.*

PRIMO, quoniam in Genes. cap. 12. 13. & 14. narrantur egregia opera Abraham, ut quod vocatus à Deo, & iussus exire de terra sua, continuo obedierit, quod aram Deo erexerit, quod sæpius cum Deo familiariter collocutus fuerit.

SECUNDO, quoniam Apostolus ad Heb. 11. inter præcipuas laudes Abraham ponit, quod fide obedierit exire in locum, quem nesciebat. Quod certe factum est multo ante, quam diceretur de eo: *Credidit Abraham Deo, &c.*

TERTIO, quoniam idem confirmant Patres, Origenes libro 4. in epist. ad Rom. Ambrosius lib. 1. de Abraham. cap. 2. Chrysostomus hom. 31. & 35. in Genes. & Augustinus libro 16. de civitate Dei, capite 13.

QUARTO, quoniam id quod dicitur Genes. 15. *Credidit Abraham Deo, & reputatum est ei ad iustitiam*, si verba Hebræa diligenter inspiciantur, hunc sensum habet, quod actus ille credendi fuerit opus iustum & meritorium, & pro tali sit à Deo iudicatum & acceptum. Ex quo intelligimus, eum antea fuisse iustum, cum opera iusta facere potuerit, eumque fide non esse factum iustum ex impio, sed iustiorum ex iusto.

Dico igitur Paulum usum esse exemplo Abraham, non ut significaret, Abrahamum tunc primum iustificatum fuisse à peccatis, sed ut ostenderet, non iustificari impium ex operibus sine fide & gratia Dei factis, sed ex fide & gratia Dei. Nam si Abraham iustus non est factus iustior ex operibus sine fide, multo magis impius non poterit fieri iustus ex operibus sine fide.

Possimus enim doctrinæ causâ distinguere TRES iustitias, VNAM quæ sit gratia & non merces: qualis secundum rei veritatem est illa, qua impius iustificatur: ALTERAM, quæ sit merces & gratia, qualis est etiam secundum rei veritatem, qua iustus fit iustior.

TERTIAM, quæ sit merces & non gratia, qualis esset, si homo ex operibus solius liberi arbitri viribus factis iustificaretur. Hanc tertiam contendit Apostolus excludere in epist. ad Roman. & ad Galat. Ad hoc autem faciendum nihil interest, utrum sumantur exempla à prima, vel à secunda iustitia, cum neutra ex operibus sine fide obtineri possit.

Igitur Apostolus ad Rom. 4. loquitur de prima iustificatione, qua quis ex impio fit iustus: tametsi ad probandum, eam non fieri ex operibus, sed ex fide, exemplum petat à secunda iustificatione, qua quis ex iusto fit iustior. Quare Paulus & Iacobus, consentiunt omnino in exemplo Abraham, & verbis Moïsi intelligendis, quamvis ad varias conclusiones probandas illis utantur.

Porro sicut Paulus, cum loqueretur de prima iustificatione attulit exemplum Abraham, quod erat secundæ, ut probaret à maiori, non posse impium iustificari ex operibus sine fide, si Abraham iustus non est factus iustior ex operibus sine fide: sic Iacobus cum loqueretur de secunda iustificatione, attulit exemplum Raab, quod est primæ iustificationis, ut probaret à maiori, iustum fieri iustiorum ex operibus, & non ex fide tantum: si Raab ex meretrice facta est iusta ex operibus, & non ex fide tantum. Nam probabile est valde, Raab usque ad illud tempus, quo suscepit nuncios Iosue, fuisse non solum meretricem, sed etiam infidelem: sed ab eo tempore credidisse in Deum, &

cit iustos ex impijs, sed iustiores ex iustis. Hæc tria habentur in Concilio Tridentino sess. 6. cap. 10. & 11. & nos eadem tria in sequentibus capitibus, Domino adiuuante, probabimus.

CAPVT XI.

Legem Dei esse possibilem probatur ex diuinis litteris.

Legem igitur Dei esse possibilem, probamus primo ijs testimonijs, quibus vtitur Concilium Trident. sess. 6. c. 11. quæ non solum possibile, sed etiam facilia testantur esse mandata, Matt. 11. *Iugum meum suauis est, & onus meum leue.* Et 1. Ioan. 15. *Et man data eius graua non sunt.*

Respondent, Calvinus in Antidoto, & Kemnitius in Examine, legem Dei vocari iugum suauis & onus leue, & mandata non graua, quoniam renatis non imputatur præuicatio. Christus enim nos liberauit de maledicto legis, ut dicitur ad Galat. 3. & nihil damnationis est his, qui sunt in Christo Iesu, ut dicitur ad Rom. 8.

At hæc solutio non tollit, nec minuit vim argumenti, nam imprimis vel illa non imputatio tollit obligationem legis, ita ut præuicator non incurrat reatum; vel tollit reatum ex præuicatione contractum. Si tollit obligationem, facit, ut lex non sit lex, & iugum non sit iugum. Proinde Scriptura falso dicit, legem esse iugum suauis, & mandata non esse graua. Neque enim sine obligatione lex esse potest.

Si vero permittit contrahi reatum, sed contractum postea tollit: tunc non facit iugum esse suauis, neque onus leue, imo ostendit iugum esse durissimum, & onus grauissimum, quippe quod portari non potest. Certe si boues sub iugo ad singulos passus caderent, etiam si aratoris industria continuo resurgerent, non tamen propterea diceretur iugum eorum suauis, & onus leue. Domini autem & Apostoli verba indicant, legem Dei esse iugum, quod facile portatur, & mandata eius non esse graua, sed paruo negotio custodiri, quod euidentius expressit David sub metaphora viæ, cum ait in Psal. 18. *Viam mandatorum tuorum cucurri, cum dilatasti cor meum.* Et Apostol. ad Philipp. 4. *Omnia possum in eo, qui me confortat.* Vbi vides dilationem cordis per infusam charitatem & gratiam Domini confortantem efficere, ut mandata facile conferuentur. Quod multo ante futurum prædixit Ezechiel. cap. 36. cum ait: *Spiritus meus ponam in medio vestri, & faciam, ut in præceptis meis ambuletis, & iudicia mea custodiat.*

Et hoc idem confirmant loca, quæ illi contra adducunt. Nam Christus liberauit nos de maledicto legis, quia fecit ut mandatum implemus, & nulla damnatio est his, qui sunt in Christo, non quia non imputatur præuicatio, sed quia ij non secundum carnem ambulant, & quia per gratiam Dei fit, ut iustificatio legis impleatur in ipsis, ut ibidem subiungit Apostolus.

Secundo probatur ex testimonijs, quæ docent mandata seruari ab his, qui diligunt, ut etiam Concilium in eodem loco argumentatur. Ioan. 14. *Qui diligit me, sermonem meum seruabit.* Rom. 13. *Qui diligit proximum, legem impleuit.* Galat. 5. *Omnis lex in vno sermone impleuit. Diliges proximum tuum, sicut teipsum.* At certe debemus & possumus diligere Deum & proximum, alioqui non possemus esse Christi discipuli, cum ipse dicat Ioan. 13. *In hoc cognoscent omnes, quod discipuli mei estis, si dilectionem habueritis ad inuicem.* Nec possemus vnquam amici Christi fieri, si non posse-

mus diligere. Ipse enim ait Ioan. 15. *Vos amici mei eritis, si feceritis quæ ego præcipio vobis.* Quid autem præcipiat, explicat ibidem dicens: *Hæc est præceptum meum, ut diligatis inuicem.*

Ad hoc argumentum respondent Calvinus & Kemnitius, locis notatis, eum, qui diligit, legem implere, sed neminem esse, qui diligit sicut oportet, ut præcepto diuino satisfiat. Hic enim inchoatam tantum esse dilectionem, non perfectam.

At nos faciemus dilectionem in hac vita imperfectam esse, quia potest crescere, & quia maior erit in patria: tamen non posse esse etiam tam perfectam, ut præcepto adimplendo sufficiat, omnino negamus. Nam imprimis (ut diximus) non possemus esse Christi discipuli & amici, nisi hoc præceptum dilectionis implemus. Valde autem absurdum est, neminem esse posse Christi discipulum, vel amicum.

Deinde nihil Deus requirit, cum dilectione præcipit, nisi ut diligamus ex toto corde: at hoc non solum posse fieri, sed etiam fuisse futurum in statu Testamenti noui testatur Scriptura Deuter. 30. *Circumcides, inquit Dominus, cor tuum, & cor seminis tui, ut diligas Dominum Deum tuum in toto corde tuo, & in tota anima tua.* Denique Scriptura docet, homines posse esse perfectos in hac vita, ac per hoc vere, perfecteque diligere: charitas enim est vinculum perfectionis, Genes. sexto, *Noe vir iustus fuit atque perfectus.* Genes. 17. *Ambula coram me, & esto perfectus.* Matth. quinto: *Estote perfecti.* Matth. 19. *Si vis perfectus esse.* Philipp. 3. *Quicumque perfecti sumus.* 1. Ioan. quinto. *Qui seruat verbum eius, vere in hoc charitas Dei perfecta est.*

Porto Philippus Melancthon in Apologia, titulo de impletionem legis, in solutione argumentorum, videtur concedere, posse diligi proximum, sed negat ab eo, qui diligit proximum, legem impleri. Stultum enim esse dicit, somnare, quod dilectio proximi iustificet coram Deo, & legi diuinæ satisficiat. At hoc est negare verbum Dei expressum. Quid enim apertius scribi potest, quam, qui diligit proximum, legem impleuit?

Tertio probatur ex testimonijs, quæ docent, aliquos seruasse mandata, ac præcipue de dilectione ex toto corde, & non concupiscendo. Psalm. 118. inquit David: *In toto corde meo exquisivi te.* Et de eodem dicitur lib. tertio Regum decimo quarto: *Non fuisti sicut seruus meus David, qui custodivit mandata mea, & sequutus est me in toto corde suo, faciens quod placitum esset in conspectu meo.* Et Act. 13. Innemi, inquit, David filium Iesse, *virum secundum cor meum, qui omnes voluntates meas facies.* Et tertii Regum capite 15. *Eo quod fecisset David rectum in oculis Domini, & non declinasset ab omnibus, quæ præceperat ei cunctis diebus vite sue, excepto sermone Vria.* Item de Iosia libri quarti Reg. cap. 23. *Similis non fuit antecum Rex, qui reuerteretur ad Dominum in omni corde suo, in tota anima sua, & in vniuersa virtute sua.* Item de Asa, & populo lib. 2. Paralip. cap. 15. *In tota voluntate sua quæserunt Dominum, & innenerunt.* Item de Iosue in eius libro, capite 11. *Sicut præceperat Dominus Moysi seruo suo, ita præcepit Moyses Iosue, & ille vniuersa complenit. Non præteritis de vniuersis mandatis ne vnum quidem verbum, quod iusserat Dominus Moysi.*

Neque dubium est, quin similia dici possint de Abraham, de Mose, de Samuele, de Helia, de Heliseo, Isaiâ, Hieremia, aliisque Prophetis. In Testamento nouo legimus Luc. 1. de Zacharia & vxore: *Erant iusti ambo ante Deum, incedentes in omnibus mandatis & in iustificationibus Domini sine querela.*

De Apostolis Dominus ait Ioan. 17. *Tu erant, &*

multos dedisti, & sermonem tuum seruauerunt. Eisdem etiam vocat amicos, Lucz 12. Dico autem vobis amicos meos. Et Ioannis 15. Vos autem dixi amicos. Et tamen ibidem iam dixerat, solos amicos esse, qui praecepta custodiunt.

Apostolus vero Paulus ad Roman. 7. de praecepto, Non concupisces, verba faciens: Quod nolo, inquit, facio, si autem quod nolo facio, iam non ego operor illud, sed quod habitat in me peccatum. Vbi aperte demonstrat, se non peccare, dum inuitus concupiscit, quia non ipse illud opus facit, proinde seruare se legem, quae cum iubet, non concupisces, voluntati praecipit, ne velit concupiscere, non sensui, qui legis capax non est. Vnde ibidem addit: Ego ipse mente serui legi Dei. At si mente seruiebat legi, certe non peccabat, non enim peccatum esse potest nisi in mente, aut cum aliquo mentis consensu. Quod autem de Apostolis legimus, ambigi non potest, quinetiam de Ioanne Baptista dici possit, cum inter natos mulierum non surrexerit maior Ioanne Baptista. Habemus igitur multos seruasse legem Dei, ex quo euidenter sequitur, ut non sit impossibile.

Neque ad hoc argumentum applicari potest communis Lutheranorum solutio, quod sancti Patres mandata seruasse dicantur, tum propter inchoatam obedientiam, tum propter non imputationem Dei. Non enim dici potest, absolute implere mandatum, sed potius absolute praeuariuari, qui tam imperfecte illud seruat, ut peccet mortaliter, & dignus sit propter illud opus odio, & ira Dei, & supplicio sempiterno. Scriptura autem dicit, illos absolute seruasse, immo etiam toto corde seruasse, addit etiam Ezechias, Iam trigesimo octauo se in veritate & in corde perfecto ambulasse coram Deo. Et non esse mentitum, testis fuit Deus, qui eum exaudivit. Et si Ezechias corde perfecto coram Domino ambulauit, quis id negabit Abrahamo, cui dictum est: Ambula coram me, & esto perfectus? Quis idem negabit Dauid, Mosi, Heliae, & similibus, quibus Ezechiam praeferre nemo sanus auderet?

CAPVT XII.

Legem Dei non esse impossibilem, probatur
ex Patribus.

Accedat traditio Ecclesiastica. Habemus in primis Concilium II. Arausicanum Canon. vlt. ubi sic legimus: Hoc etiam secundum fidem Catholicam credimus, quod accepta per Baptismum gratia, omnes baptizati, Christo auxiliante & cooperante, quae ad salutem pertinent, possint & debeant, si fideliter laborare voluerint, adimplere.

Origenes homil. 9. in Iosue prope finem, mulieribus comparandos censet eos, qui dicunt, se Dei mandata seruare non posse.

S. Basilius orat. in illud: Attende tibi, non procul ab initio: Impium, inquit, est dicere, impossibilia esse spiritus praecepta.

S. Ioannes Chrysostomus hom. 8. de poenitent. circa medium: Nequaquam, inquit, Dominum accusas, haud mandat impossibilia. Multi & ipsa superant praecepta. Similia habet hom. 19. in epist. ad Heb. hom. 39. in Matt. & hom. 2. in epist. ad Philipp.

S. Cyrillus libr. 4. contra Iulian. circa medium, ipsum etiam praeceptum, Non concupisces, quod omnium difficillimum iudicatur, dicit, impleri posse per gratiam.

Ex Latinis sanctus Hilarius in Psal. 118. tractans illud: Latum mandatum tuum nimis, latum, inquit, mandatum Dei est, & in omnia species nostra genera diffun-

ditur, ut non difficile sit, si voluntas adsit, praecepto Domini obtemperare.

S. Hieronymus li. 3. aduersus Pelagianos prope initium: Deus, inquit, possibilia mandauit, hoc nulli dubium est. Idem in comment. ad cap. 5. Matt. prope finem: Multa praecepta Dei sunt imbecillitate metuentes, putant esse impossibilia, quae praecepta sunt. Et: Sciendum est ergo, Christum non impossibilia praecipere, sed perfecta, quae fecit Dauid, &c.

S. Augustinus lib. de natura & gratia, cap. 43. Non igitur, inquit, Deus impossibilia iubet, sed iubendo admonet, & facere quod possis, & petere quod non possis. Vbi docet, mandata omnia esse possibilia, sed alia immediate, alia mediate, id est, mediante oratione.

Hoc testimonium Concilium Tridentinum citauit, vel potius suum fecit, sess. 6. c. 11. Ideo respondet Kemnitius, Augustinum fuisse vexatum à Pelagianis ista quaestione, essent ne Dei praecepta possibilia, & ad cauendam inuidiam abstinuisse à voce impossibilitatis, interdum etiam concessisse esse possibilia, sed sine prauiudicio veritatis. Nam in libro de perfectione iustitiae resp. 16. dicit Augustinus non esse quaestionem, an possit homo vitare omnia peccata, sed quando, & per quem. Potest enim vitare, sed in alia vita, non ista, & per gratiam, non per naturam, quod est idem, ac si dixisset, legem esse possibilem, sed in caelo, non in terris, post mortem, non in vita. Item in lib. tertio contra duas epistolas Pelagianorum, c. 7. dicit, gratiam Dei dedisse homini studium praecepta seruandi, & eandem gratiam ignorare, si quid minus sit. Quibus verbis videtur S. Augustinus dicere voluisse, mandata non esse impossibilia, non quod impleri possint, sed quia quod non impletur, indulgetur.

At Kemnitius confundit more suo duas quaestiones, Vtrum praecepta seruari possint, & an possit homo viuere absque peccato. Istae enim quaestiones adeo diuersae sunt, ut ad priorem semper Augustinus responderit affirmando, ad posteriorem responderit semper negando. Peccata enim venialia non sunt contra, sed praeter mandata, & etiam si essent contra mandata, non tamen necesse est, ut in quolibet opere peccatum veniale admisceatur. Itaque sanctus Augustinus constanter docet, non posse hominem in hac vita cauere omnia peccata venialia, libro de natura & gratia, cap. 44. de spiritu & littera, cap. vltimo, libro 1. ad Bonifacium contra duas epistolas Pelagianorum, cap. 14. in epist. 89. & 93. & in toto libro de perfectione iustitiae.

Atque hoc modo intelligitur, quod obijcit Kemnitius ex libro de perfectione iustitiae, non enim Augustinus dicit, mandata seruari posse in caelo, non in terra, sed in caelo non in terra habitare eos ea perfectione, ut viuamus omnino absque peccato, etiam veniali. Imo in altero loco nobis obiecto, id est, in li. 3. ad Bonifacium, c. 7. cum Pelagiani colligerent ex sententia Augustini id, quod nunc Kemnitius colligit, legem videlicet in caelo impleri posse, non in terra, respondit Augustinus, valde illos errare, praecepta enim ad hanc vitam, non ad aliam pertinere: Hic, inquit, praecipitur nobis, ut diligamus, ibi autem diligere non obediunt, sed felicitas erit.

Quod autem ibid. subiungit, gratiam Dei praebere studium ad implenda mandata, & indulgentiam, si quid minus impletur, non arguit praecepta esse impossibilia, sed hominem non esse impeccabilem. Sensus enim eorum verborum est, ex gratia Dei hominem habere, ut velit, & studeat implere mandata. Quod si forte aliquando labatur & non impleat, ex gratia item indulgentiam esse sperandam.

Iam vero quod S. Augustinus ad priorem quaestione semper respondeat affirmando, hæc loca testantur Libro de natura & gratia, cap. 69. *Eo ipso quo firmissime creditur Deum iustum & bonum impossibile non potuisse præcipere, hinc admonemur, & in facilibus quid agamus, & in difficilibus quid petamus. Omnia quippe facilia sunt charitati, cui vni Christi sarcina levis est.* Libr. 2. de peccatorum meritis & remissione, cap. 3. *Non præciperet Deus aliquid, quod esset humana impossibile voluntati.* Et in eodem lib. c. 6. *Dubitare non possum nec Deum aliquid impossibile homini præcuisse, nec Deo ad opitulandum & adiuvandum, quo fiat quod iubet, impossibile aliquid esse.* Libro de gratia & libero arbitrio, ca. 16. *Magnum aliquid Pelagiani se scire putant, quando dicunt, non iuberet Deus, quod sciret non posse ab homine fieri, quis hoc nescit? In Psal. 56. Non imperaret hoc Deus, ut faceremus, si impossibile indicaret.*

CAPVT XIII.

Legem Dei non esse impossibilem, probatur rationibus.

A Ccedant postremo etiam rationes. Prima ratio, potest homo facere plus quam Deus præcipiat, igitur multo magis potest implere præceptum. Posse autem fieri plus quam Deus præcipiat, testatur Dominus Matth. 19. qui posteaquam dixerat, *Si vis ad vitam ingredi, serua mandata, & quidam responderat, hæc omnia seruavi a iuuentute mea.* Rursus eidem ait: *Si vis perfectus esse, uade, vende omnia quæ habes, &c.*

Testatur quoque S. Ioannes Chrysostomus loco citato homil. 8. de penitentia: *Muli, inquit, & ipsa superant mandata.*

Testatur denique S. Augustinus serm. 18. de verbis Apostoli: *Non grande onus impositum est virginibus, maior amor imposuit maior onus, tanquam dicerent, quid iubet ne adultera simus? hoc præcipit amando te plus facimus, quam præcipis.*

Secunda ratio, si præcepta essent impossibilia, neminem obligarent, ac per hoc præcepta non essent præcepta. Neque enim fingi potest, quomodo aliquis peccet in eo, quod vitare non potest. Quod si non peccat, qui legis transgressionem vitare non potest, profecto nec legem transgreditur, nec legem ullam habet. Non enim fieri potest, ut legis transgressio non sit peccatum, cum nihil sit aliud peccatum nisi transgressio legis.

Tertia, si lex Domini esset impossibilis, sequeretur, Deum omni tyranno esse crudeliorem & itul-tiorem, quippe qui ab ipsis etiam amicis tributum exigeret, quod nemo soluere posset, & leges ferret, quas sciret à nemine obseruandas. Quod vero Philippus & Kemnitius dicunt, non esse audiendam politicam iustitiam, quæ docet, nihil præcipi posse aut debere, quod seruari non possit, fortasse locum haberet, nisi huic iustitiæ politicæ, vel potius rectæ rationi Scripturarum & Patrum testimonia consentanea non haberemus. At cum politica in hac parte mirifice cum diuinæ Scripturæ auctoritate consentiat, quidni rationem politicam potius, quam Lutheri delirationem audiamus?

Quarta ratio, *Christus passus est, ut iustificatio legis impleretur in nobis, ut dicitur ad Rom. 8.* Item docuit nos orare: *Fiat voluntas tua sicut in celo & in terra, Matth. 6.* ubi petimus gratiam implendi præcepta, ut exponunt S. Cyprianus in sermo. de oratione Dominica. Et sanctus Augustinus lib. 3. ad Bonifacium, cap. 7. Denique Christus factus est omnibus obediens sibi causa salutis æternæ. Hebr. 5. At si lex impleri non potest, Christus non obtinuit quod vo-

A luit, frustra nos oramus quotidie, & nemo omnino sanari poterit. Nam si lex impleri non potest, iustificatio legis nunquā impletur in nobis, etiam si Christus venerit in similitudinem carnis peccati, & de peccato, id est, victima pro peccato, damnauerit peccatum, nec sit vnquam Dei voluntas in terra, sicut in celo, etiam si Christo Magistro freti hanc orationem assidue frequentemus, nec vnquam vere obedi-mus Christo, ac per hoc nulli nostrum erit caussa salutis æternæ.

B Quinta ratio, omnes vere iustificati Spiritum sanctum habent, ut Scripturæ passim testantur, Roman. 5. & 8. 1 Cor. 3. Gal. 3. Tit. 3. & alibi: At Spiritus sanctus fructus suos parit, qui numerantur ad Galat. 5. *Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Qui vero hos fructus habet, non accusatur à lege, quippe qui eam non præuaricatur, sed implet. Id enim significat quod in eodem loco subiungitur, *aduersus huiusmodi non est lex.* Non enim lex habet, in quo acculet eos, qui sunt præditi charitate, patientia, &c. & ideo paulo ante dixerat idem Apostolus: *Si spiritu ducimini, non estis sub lege.* Et ad Rom. 8. *Lex spiritu vitæ liberauit me à lege peccati & mortis.* Quia videlicet lex in corde scripta, id est, Spiritus sanctus in corde diffusus facit implendo legem, ut lex non accuset amplius, neque occidat, ut præuaricatores, ergo de primo ad vltimum, qui est iustificatus, propter Spiritum quem accipit, legem omnino implet, & si non implet, nec spiritum accepit, nec vere iustificatus est.

C Sexta ratio, omnes iustificati ex Deo nati sunt, ut perspicuum est ex plurimis locis diuinæ Scripturæ, Ioan. 1. *Qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Ioan. 3. *Nisi quis renatus fuerit ex aqua & Spiritu sancto.* 1. Petri 2. *Quasi modo gentes infantes.* Iacob. 1. *Genuit nos verbo veritatis.* 1. Ioan. 4. *Qui diligit, ex Deo natus est.* Rom. 8. *Acceptis Spiritum adoptionis filiorum, in quo clamamus Abba Pater.* At qui natus est ex Deo non peccat: nec potest peccare, quia ex Deo natus est. **D** *Habetur 1. Ioan. 3. qui autem non peccat, non præuaricatur, sed implet legem, qui enim legem non implet, hoc ipso præuaricatur & peccat.* Igitur omnis, qui vere iustificatus est, implet legem, nec potest fieri, ut iustificatus maneat, & legem non impleat. Quare qui legem impossibilem esse dicunt, contra Scripturarum apertissima testimonia, hominem iustificatum ex Deo natum esse negare coguntur.

CAPVT XIV.

Soluntur obiectiones hæreticorum.

Superest ut argumenta Hæreticorum breuiter dissoluamus.

Primo obijciunt Caluinus in Antidoto, & Kemnitius in Examine illud S. Petri Act. 15. *Quid iuratis imponere iugum super ceruices discipulorum, quod nec nos, nec patres nostri portare potuimus? sed per gratiam Domini nostri Iesu Christi credimus saluari, quemadmodum & illi.* Hæc enim verba dicuntur fidelibus, non infidelibus, ne forte respondeatur, legem esse iugum importabile sine gratia & non renatis, non autem renatis, & qui gratiam Dei habent. Præterea intelligi debent hæc verba de omni lege, tam cæremoniali, quā morali, tū quia solæ cæremoniarum legis non superant vires humanas, tum quia particula aduersatiua, sed, opponit gratiam legi simpliciter, tum quia si cæremonialis lex iugum est importabile, quanto magis lex moralis iugum erit importabile?

Respondeo,

Respondeo, non loquitur S. Petrus nisi de lege ceremoniali. Id quod euidenter probo. Primum ex occasione illorum verborum. Scribit enim sanctus Lucas, surrexisse quosdam ex discipulis, qui dicerent, oportere Gentiles conuersos ad fidem circumcidi, & Moysi legē omnino seruare: atque istam fuisse causam, cur Apostoli Conciliū coegerint, vt viderent de verbo hoc. Perspicuū est igitur, de circumcisione, aliisque id genus caeremoniis Apostolum Petrum esse loquutum.

Secundo, idem probatur ex decreto illius Concilii, quod iuxta Petri sententiam constitutum fuit. Sic enim habet decretum: *Visum est Spiritui sancto & nobis, nihil ultra imponere vobis oneris, quam hac necessaria, vt abstinatis votis ab immolatis simulachrorum, & à sanguine suffocatio & fornicatione.* Quæro igitur, vtrum ista dicantur sola necessaria ex lege ceremoniali Iudeorum, an ex omni lege simpliciter. Si ex lege ceremoniali Iudeorū, habemus quod volumus. Si ex omni lege simpliciter, id sequeretur absurdi, vt non sit necessariū Christiano non colere idola, non mœchari, non furari, non occidere, non falsum testimonium dicere, & alia, de quibus Apostolus ait 1. Cor. 6. *Quoniam qui talia agunt, regnum Dei non consequentur.* Dicent fortasse, necessaria quidem esse hæc omnia, sed non inde homines iustificari. At num ex illis quatuor, quæ sola dicuntur necessaria, homines iustificantur?

Tertio; probari potest reseadem ex ipsa summa decreti, & verborum Petri. Volunt enim Petrus & Apostoli ceteri remouere iugum legis à cervicibus discipulorum. Quid vero est remouere iugum legis? tollere ne obligationem, atque abrogare legem, an tollere opinionem iustificationis, ac docere, neminem per eam legem iustificari? Si dixerint, remouere iugum, esse tollere obligationem, ergo nulla iam amplius lex obligabit Christianos excepta lege de immolatis simulachrorum, sanguine suffocato, & fornicatione. Si per legē intelligatur lex omnis non solum ceremonialis, sed etiam moralis: atqui hoc absurdissimum esse neque ipsi quidē aduersarij negare audebunt. Si dixerint tollere iugum, non esse tollere obligationem, sed opinionem tantum iustificationis, ergo lex ceremonialis de circumcisione, sabbathis, neomenijs, sacrificijs pecorū non erit sublata, quoad obligationem. Atqui id repugnat Apostolo, qui ad Galat. 5. scribit: *Si circumcidamini, Christus vobis nihil proderit.* Cogimur igitur dicere, Apostolos iugum importabile appellasse legē ceremoniam, atque eius obligationē declarasse per Christum omnino esse sublatam. Voluisse tamen eisdem Apostolos paucas quasdam caeremonias de sanguine suffocato, & immolatis idolorū à gentibus ad tempus obseruari, quibus adiunxerunt continentiam à fornicatione, quod fornicatio apud Gentiles non haberetur pro peccato, sicut habebatur adulterium, homicidium, perurium, & alia id genus.

Ad illud igitur quod obijciunt, caeremonias legis non superare vires humanas, præsertim addita gratia Dei; Respondeo verum esse, & ideo Zachariam & Elisabecham ambulasse in omnibus mandatis, & iustificationibus Domini sine querela, sed tamen dici iugum importabile, quoniā agere ac difficulter portabatur, vt recte exponit S. Thomas in secundo tentent. distinct. 28. quæstion. vnica, artic. 4. ad 3. & Nicolaus Lyranus in hunc locum Actorum. Et Theophylactus exponens illud Matth. 23. & Luc. 11. *Alligant onera graua & importabilia in humeros hominum.*

Ad illud autem, quod aduersatiua particula, sed per

gratiam Dei, &c. videatur opponere gratiā legi simpliciter; Respondeo, S. Petrum duas rationes indicasse, cur non essent obligandi Christiani ad caeremonias legis, Vnam, quod ex caeremoniæ essent iugum grauissimum.

Alteram, quod essent inutiles ad iustificationem. Itaque sensus hic est verborum sancti Petri. Quid tentatis Deum, imponere iugum super cervices discipulorum, quod nec nos, nec patres nostri portare potuimus? præsertim cum non per eas caeremonias, sed per gratiā Domini nostri Iesu Christi credamus saluari, sicut & illi saluati sunt: vbi in illa particula aduersatiua includitur, siue implicite continetur altera illa ratio de inutilitate caeremoniarum.

Ad illud quod lex moralis sit grauior ceremoniali, ac proinde iustius dicenda sit iugum importabile, quàm ceremonialis; Respondeo, legem ceremoniam non debere comparari cū morali præcise, sed conferri debere legem ceremoniam ad iunctam morali, cum ipsa morali remota ceremoniali. Non enim lex ceremonialis dicitur iugum importabile, quia sola ipsa sit importabilis, sed quoniam adiuncta legi morali, auget vehementer onus, & fit iugum fere importabile homini iam onerato lege morali. Quare lex moralis, remota ceremoniali Iudaica, non est iugum importabile habenti gratiam Dei, sed iugum suauē, & onus leue, & lex ceremonialis Iudaica, adiuncta morali, iugum est grauissimum, ita vt importabile dici possit. Quamuis enim per gratiam Dei portatum fuerit à nonnullis, tamen recte dicuntur etiam illi portare non potuisse, quod non sine magno labore & sudore portarunt.

Secunda obiectio Caluini eiusmodi est, Paulus ad Galat. 3. pro confesso assumit legem esse impossibilem, cum dicit: *Qui ex operibus legis sunt, sub maledicto sunt. Scriptum est enim, Maledictus omnis qui non permanserit in omnibus, quæ scripta sunt in libro legis huius.* Vbi hoc argumentum texit Apostolus, Maledictus est qui non seruat totam legem, vt Moses dicit: *Maledictus omnis qui non permanet, &c.* Igitur qui ex operibus legis sunt, id est, qui iustificari volunt implendo legem, maledicti sunt. Quæ consequutio nulla est, nisi subintelligatur assumptio ista. Atqui nullus legem totam seruare potest. Sic igitur argumentum integrum conficiendum erit. Maledictus omnis, qui totam legem non seruat; Nemo potest legem totam seruare: igitur maledictus omnis qui ex operibus legis est, id est, qui vt legi subiectus ex ipsius obseruatione iustificari querit.

Respondeo, Assumptio necessaria, vt argumentatio apostoli concludat, quod ipse intendit, non est illa. Atqui nemo totā legem seruare potest; sed ista. Atqui nemo suis viribus, sine fide & gratia seruare potest totam legem. Illud quoque: *Qui ex operibus legis sunt, sub maledicto sunt,* non significat, eos esse maledictos, qui legē implendo iustificari querunt, cum dicat idem Apostolus ad Rom. 2. *Factores legis iustificabuntur;* sed significat, maledictos esse eos, qui suis viribus sine fide & gratia legem implere, & iustificari se posse credunt Nam paulo ante dixerat, eos qui ex fide sunt, benedicendos esse cum fidei Abrahamo, quia scriptum est: *Benedicentur in semine tuo omnes gentes.* Inde opponens fidei opera sine fide, subiungit: *Quicumque enim ex operibus legis sunt, sub maledicto sunt.*

Itaque argumentum Apostolicum est hoc, Maledictus est omnis qui non seruat totam legem, at nemo potest suis viribus, sine fide & gratia totam le-

gem seruare, igitur maledicti sunt omnes illi, qui ex operibus legis sunt, id est, qui suis viribus, sine fide & gratia totam legem seruare, & eo modo iustificari quæruunt. Atque hinc intelligimus id quod sequitur: *Christus liberauit nos de maledicto legis factus pro nobis maledictum*; non significare, ut aduersarij credunt, nos liberatos à lege per non imputationem præuaricationis, sed (ut nos sæpe diximus) nos liberatos à maledicto, quia per Christi fidem & gratiam legem implere possumus & implemus.

Dicit aliquis, Apostolus Paulus loquitur eo loco de lege circumcisionis, non de lege morali, ut nos etiam supra diximus cum ageremus de libertate Christiana: legem autem circumcisionis omnino tollendam, vel sublatam esse contendit: non igitur maledictos eos esse dicit, qui legem non seruant ex fide & gratia, sed quicam quomodocunque seruare volunt.

Respondeo, B. Paulus in epist. ad Galatas, ut etiam in epist. ad Rom. duos errores Iudaizantium, quorum vnus est ratio alterius, refellit. Vnus error eorum erat, seruandam esse legem circumcisionis, atque aliarum id genus caeremoniarum.

Alter error erat, ideo seruandam esse legem circumcisionis, quoniam observatio legis esset necessaria preparatio ad fidem & gratiam Christi, & ideo possent & deberent omnes seruare legem, & iustificari, ut digni essent Euangelio & promissis Christi. Apostolus igitur contra priorem errorem; dicit legem caeremonialem fuisse quasi pædagogum, & ad tempus impositam, non esse amplius seruandam, & hoc diximus cum ageremus de libertate Christiana. Contra posteriorem errorem, qui perniciosior erat, Apostolus dicit, ex operibus legis sine fide nullam posse esse iustitiam, & alioqui Christum gratis mortuum esse, & in hac disputatione contraposteriorem errorem loquitur de omni lege, non solum caeremoniali, sed etiam morali. Nulla enim lex est, quæ sine fide & gratia iustificare possit.

Tertia obiectio sumitur ex illis verbis Apostoli ad Roman. 7. *Velle adiacet mihi, perficere autem non inuenio.*

Respondeo, loquitur Apostolus de actu concupiscendi, quem sæpe sentimus, quando etiam non consentimus. Quamuis enim non sit peccatum sentire carnalem concupiscentiam, & non consentire, tamen nollet homo castus eam sentire, & in partem infelicitatis suæ ponit, quod cogatur etiam nolens, carne seruire legi peccati. Hinc igitur Apostolus dicit: *Velle adiacet mihi, perficere autem non inuenio.* Et: *Infelix ego homo, quis me liberabit de corpore mortis huius?* Vide Augustinum tract. 41. in Ioan. lib. 6. in Iulian. cap. 17. & lib. 1. ad Bonifac. cap. 10.

Quarta obiectio, Nemo potest vitare omnia peccata, cum scriptum sit Iacobi 2. *In multis offendimus omnes.* Et 1. Ioan. 1. *Si dixerimus quia peccatum non habemus, nos ipsos seducimus.* At qui legem omnem impleret, nullum haberet omnino peccatum: igitur fieri non potest, ut lex omnis à nobis, etiam cum fide & gratia impleatur.

Respondeo, Ab hoc argumento, quod valde Kemnitius vrget, non tam facile se expediunt, qui concedunt, peccatum veniale esse proprie contra legem, ut Vega lib. 11. in Concilium, cap. 20. coguntur enim dicere, legem non esse impossibilem, nou quod tota simul seruari possit, sed quod seruari possit maior ei pars, & à meliori parte fiat denominatio. Sed videndum est illis, quid respondeant Apostolo Iacobo dicenti: *Quicunque totam legem seruaeris, offendas autem in vno, factus est omnium reus.*

Solida igitur responsio est, peccata venialia, sine quibus non viuimus, non esse peccata simpliciter, sed imperfecte, & secundum quid, neque esse contra legem, sed præter legem, ut S. Thomas recte docet in 1. 2. q. 88. art. 1. Hinc enim omnia coherent. Nam qui offendit in vno, præuaricans videlicet vnū præceptum, factus est omnium reus, & iniustus simpliciter constituitur, & tamen in multis offendimus omnes, quia tamen nihil facimus contra legem, tamen multa facimus præter legem. Et qui natus est ex Deo non peccat, transgrediendo legem, & tamen si dixerimus, quia peccatum non habemus, nihil videlicet præter legem faciendo, nos ipsos seducimus, & veritas in nobis non est.

Quinta obiectio, Christus Mediator est non solum in prima reconciliatione, sed etiam postea in toto vitæ nostræ tempore, ergo semper egemus intercessionem Christi, ac per hoc semper peccamus, legemque transgredimur, alioqui post primam reconciliationem Christus ociosus esset. Hoc argumentum commune est Caluino, Philippo, Kemnitio, & alijs, qui inde concludunt, si qua est in nobis legis impletio, illam non tam esse operum, quæ respondeant perfectioni legis, quam fidei, quæ perpetuo apprehendit remissionem.

Respondeo, Christus semper nobis Mediator est, nec vnquam est ociosus, idque duplici ratione; Primo, quoniam semper nobis vires & gratiam subministrat, per quam bona opera faciamus. Ideo siquidem recte comparauit se ipse viti, & nos palmitibus. Ut enim palmes non potest ferre fructum, nisi manserit in vite, & succum traxerit ex vite, sic nec nos nisi manserimus in Christo, & spiritum hauserimus ex ipso.

Secundo, quoniam peccata nostra, quamuis leuia & quotidiana, ipse purgat, & sanguis eius emundat nos ab omni peccato. Et si forte legem præuaricando à iustitia excidamus, ipse nihilominus propitiatio est pro peccatis nostris, & non septies, sed septuagies septies nos Patri reconciliat, si per eius gratiam, conuersi serio poenitentiam agere incipiamus. Itaque non facimus nos, qui legem impleri posse dicimus, Christum Mediatorem ociosum, sed vere faciunt aduersarij Christi merita inefficacia, cum docent Christum tam insigni obedientia id efficere non potuisse, ut iustificatio legis impleteretur in nobis.

Sexta obiectio sumitur ex S. Augustino, qui in lib. 1. Retractat. cap. 19. sic ait: *Omnia mandata facta deprecantur, quando quisquid non fit, ignoscitur.*

Respondeo, loquitur eo loco S. Augustinus de summa perfectione implendi præcepta, quam dicit expressam fuisse à Domino per illa verba Matth. 5. *Iota vnum, aut vnus apex non prateribit à lege, donec omnia fiant*; quærit autem num hæc perfectio possit haberi in hac vita, & respondet, non posse haberi, nisi in hoc sensu quod omnia mandata facta deputantur, quando quidquid non fit ignoscitur. Nam inter alia mandata implenda est etiam illud, ut oremus: *Dimitte nobis debita nostra.* Ex quo intelligimus eam imperfectionem in lege diuina seruanda asseri ab Augustino, quæ non sit præuaricatio integri præcepti, sed carentia perfectionis in ipsa legis obseruatione, quomodo qui scribendo, aut proferendo legem, proferret quidem omnes dictiones & syllabas, sed litterulam, aut litteræ partem aliquam non exprimeret. Hac enim similitudine Dominus vsus est, cum non ait, verbum vnum, sed *iota vnum, aut vnus apex non prateribit à lege, donec omnia fiant.*

Atque hæc dicta sint ad mentem S. Aug. in eo testimonio explicandâ. Alioqui enim si aperte dixisset

Augustinus omnia mandata facta deputantur, quando si quid mandatū violatur, ignoscitur: non deberet, nec posset inde colligi, legem Domini esse impossibilem. Potest enim fieri, ut quis multa mandata integre seruauerit, & postea tamen aliquod aliud mandatum non impleat, cuius prauaricationis poenitentiam agat, & indulgentia impetrata ille saluetur, ac si mandata omnia custodisset.

Addi posset alia obiectio ex præceptis: *Diliges Deum tuum ex toto corde tuo; & non concupisces.*

Hæc enim duo in hac impleri non posse probant aduersarij ex Augustino & Bernardo. Sed hæc à nobis fuisse tractata sunt in lib. 2. de Monachis, ca. 13. & in lib. 2. de peccato originis, qui est quintus de statu peccati, cap. 10. Ideo videntur hoc loco prætermittenda, ne fatigemus nimia repetitione lectorem.

CAPVT XV.

Iustorum opera non esse peccata, sed iustitiam, probatur ex diuinis litteris.

Nunc veniendum est ad alterum caput huius controuersie de veritate iustitiæ actualis, in quo probandum erat, opera bonæ iustorum non esse peccata, sed vere iusta, ut etiam iustitia actualis dici possint.

Primum igitur testimonium ad hoc probandum sumitur ex lib. Iob, c. 1. *In omnibus his non peccauit Iob labijs suis, nec stultum aliquid contra Deum loquutus est.* Vbi Scriptura reddit testimonium S. Iob, quod in tanta occasione impatientiæ, nec verbo quidem peccauerit, ac ne forte Lutherani Rabbinos quosdam imitari velint, qui dicunt, Iob non peccasse labijs, tamen corde peccasse: audiamus Deum ipsum in 2. c. ita loquentē ad Satanam: *Nunquid considerasti seruū meum Iob, quod non sit illi similis in terra, vir simplex, & rectus, & recedens à malo, & adhuc retinens innocentiam?* Certe si innocentiam retinebat, & si à malo recedebat, neque lingua, neque corde peccauerat.

Adde quod cum Satan nihil aliud quæreret tot suis tentationibus, nisi Iob ad peccandum inducere, contra autem Deus illa omnia tentamenta permitteret, ut patientia & virtus sancti viri demonstraretur, si Iob peccasset, Deus ipse quodammodo à Satana superatus fuisset. Quare certum est, opus illud patientiæ S. Iob nullo peccato maculatū fuisse, & Lutheranos, qui id negant, à partibus diaboli contra Deū pugnare.

Secundum testimonium sumi potest ex verbis Davidis Psal. 7. *Iudica me Domine secundū iustitiā meam, & secundum innocentiam meam super me.* Psal. 6. *Exaudi Domine iustitiam meam. De vultu tuo iudicium meum prodeat. Oculi tui videant aequitatem. Probasti cor meum, & visticasti nocte, igne me examinasti, & non est inuenta in me iniquitas.* Psal. 17. *Retribuit mihi Dominus secundum iustitiam meam, & secundum puritatem manuum mearum retribuet mihi, quia custodivi vias Domini, nec impie gessi à Deo meo.* Psal. 25. *Iudica me Domine, quoniam ego in innocentia mea ingressus sum.* Psal. 118. *Feci iudicium & iustitiam, non calumnietur me superbi.* In his locis David non solum opera sua iustitiæ nomine ornanda censebat, sed etiam confidebat ea in iudicio Dei posse consistere, alioqui petens iudicari secundum iustitiam suam, damnationē pro absolutione quæsisset. Igitur David credebat posse hominē cum Dei gratia facere opera vere iusta.

Neque vero satisfacit Philippi & Caluini responsio, qui dicunt Davidem non velle in his locis affirmare, opera sua fuisse absolute iusta, sed per compa-

rationem ad opera aduersariorum suorum, nec id etiam absolute, sed incerta aliqua causa. Hæc, inquam, responsio non satisfacit, quoniam verba Davidis generalia sunt, atque illa præsertim: *Quia custodivi vias Domini, nec impie gessi à Deo meo.* Item: *Ab omni via mala prohibui pedes meos.* Item: *Feci iudicium & iustitiam.* *Ignem examinasti, & non est inuenta in me iniquitas.*

Tertium testimonium Matt. 6. *Si oculus tuus simplex fueris, totum corpus tuum lucidum erit.* Et Lucæ 12. *Si ergo corpus tuum lucidum fuerit non habens aliquam partem tenebrarum, erit lucidum totum, & sicut lucerna fulgoris illuminabit te.* Hoc loco describitur opus perfecte bonum, quod videlicet sit bonum ex genere suo, & ex intentione, aliisque circumstantiis. Nam oculus simplex, est intentio recta, corpus lucidum, est opus bonum, de quo dicitur Mat. 5. *Sic luceat lux vestra, ut videant opera vestra bona, &c.* Tale autem opus pronunciat Dominus esse lucidū totum, nec ullam habere partem tenebrarum. At si illud opus peccatum esset mortale natura sua, ut Lutherani dicunt, magnam partem haberet tenebrarum, imo esset tenebrosus totum, ut Dominus ibidem dicit de opere quod mala intentione fœdatur. Sicut enim mala intentio, quodlibet aliud vitium reddit opus malum, quamuis ex genere suo bonum esset.

Quartum testimonium ex Apostolo in priore ad Cor. cap. *si quis superadificat supra fundamentum hoc, aurum, argentum, lapides preciosos, ligna, fenum, stipulam, unuscuiusque opus quale sit, ignis probabit. Si cuius opus manserit, quod superadificauit, mercedem accipiet, si cuius opus arserit, detrimentum patietur, &c.* Quo loco indicantur esse quædam opera supra fundamentum veræ fidei ædificata adeo bona, ut nihil omnino habeant vitij. Id enim primum ostendit comparatio ad aurum, argentum, lapides preciosos. Deinde quod illa opera in igne diuini iudicii manere dicantur, & mercedem accipere. Certe enim peccata nec aurum dici possunt, nec in diuini iudicii igne subsisterent, nec mercedem, sed pœnam, suppliciumque perciperent.

Quintum testimonium ex Iacobo, cap. 3. *In multis offendimus omnes.* Quare, quæso, non dixit, in omnibus offendimus omnes? nam si omnia opera iustorum sunt peccata mortalia, certe non tantū in multis, sed etiam in omnibus offendimus, sed nouerat ipse quid diceret. Nā, cap. 2. distinxerat opera bona à peccatis, dicens: *si legem perfecistis regalem secundum Scripturas, diliges proximum tuum sicut teipsum, bene facitis: si autem personas accipitis, peccatum operamini, redarguti à lege quasi transgressores.*

Sextum testimonium sumitur ex illis locis, quæ hortantur hominē ad non peccandum. Psal. 4. *Trasgredimini & nolite peccare.* Isaia 1. *Quiescite agere peruerse, discite bene facere.* Ioan. 5. *Noli amplius peccare.* 1. ad Cor. 15. *Enigilate iusti, & nolite peccare.* 2. Petri 1. *Satagite ut per bona opera certam vestram vocationem & electionem faciatis: hæc enim facientes, non peccabitis aliquando.* 1. Ioan. 2. *Hæc scribo vobis ut non peccetis.* Quorsum enim pertinet hæc cohortationes, vel admonitiones, si in omni opere, quantumuis bono non possumus non peccare?

Septimum testimonium sumitur ex illis locis, quæ docent opera iustorum placere Deo; Malach. 3. *Placebit Deo sacrificium Iuda & Hierusalem, sicut dies seculi, & sicut anni antiqui.* Sapientia 9. *Sapientia custodiet me in potentia sua, & accepta erunt opera mea.* Actuum 10. *Qui timet Deum, & operatur iustitiam, acceptus est illi.* 1. Petri 2. *Offerens spirituales hostias acceptabiles Deo.* Philippen. 4. *Repletus sum acceptis ab Epaphrodito,*

quæ misistis in odorem suavitatis hostiam acceptam, placen-
tem Deo. Atqui Deo nihil placere potest, nisi quod
est vere bonū & purum ab omni vitio, ut ipse etiam
Calvinus fatetur, lib. 3. Instit. cap. 12. §. 1.

Quod vero idem Calvinus ait, placere Deo eius-
modi opera, non ratione propriæ dignitatis, sed quia
Deus per indulgentiam lauat operum scæditatē, om-
nino est absurdum, nisi forte non solum peccatori-
bus imputari velit Christi iustitiam, sed ipsis etiam
peccatis, quod nullo modo fieri potest. Nam si quis
dixerit, Deum ignoscere culpas, non velle punire,
non imputare, facile intelligitur, at ipsum peccatum
per indulgentiam fieri hostiam placentem Deo in
odorem suavitatis, quis tandem intelliget?

Octavum testimonium ex locis illis, quæ abso-
lute iustorum opera, bona opera nominant, Matt. 5.
*Sic luceat lux vestra coram hominibus, ut videant opera
vestra bona, & glorificent patrem vestrum, qui in celis est.*
1. ad Timoth. 6. *Diuitibus præcipe non superbe sapere,
diuites fieri in operibus bonis.* Tit. 3. *Carent operibus bonis
præesse, qui credunt Deo.* Ephes. 2. *Ipsius enim sumus fa-
ctura, creati in Christo Iesu in operibus bonis, quæ prepara-
vit Deus ut in illis ambulemus.*

Ac si opera omnia iustorum essent peccata mor-
talia, dicenda essent potius mala quàm bona. Nam
ut ex Dionysio in ca. 4. de divinis nominibus, Theo-
logi colligunt, malū dicitur opus absolute, ex quo-
cunque vitio, bonum non dicitur absolute, nisi inte-
gre sit bonum. Quomodo igitur Scriptura prædi-
cat absolute opera bona, si non sunt bona, nisi se-
cundum quid, sed absolute & simpliciter mala? Om-
nino necesse est, ut vel Spiritus sanctus in hac parte
fallatur, vel Lutherus & Calvinus erret. Vtrum au-
tem horum sit verius, ipsismet sectarijs iudicandum
relinquo.

CAPVT XVI.

*Opera bona non esse peccata, sed vere bona, probatur
ex Patribus.*

QUOD attinet ad testimonia sanctorum Patrum
si producere vellemus in medium, quæ illi di-
cunt in commendationem operum bonorum, nul-
lus esset finis. Solum igitur pauca quædam notabi-
mus. Ex quibus colligi possit, agnovisse Patres ope-
ra simpliciter bona, atque à peccatis, vere, proprie-
que distincta.

S. Ambrosius in lib. de Apologia David cap. 6.
*Etenim, inquit, quia non potest sine peccato esse humana
fragilitas, cavendum est, ne plura peccata sint, quàm opera
virtutum.* Vbi distinguit aperte S. Ambrosius, opera vir-
tutum à peccatis, quod non faceret, si existimaret,
omnia opera, quantumvis bona, vere esse peccata.

S. Hieronymus lib. 3. aduersus Pelagianos, *Hoc,*
*inquit, & nos dicimus, posse hominem non peccare: si
velit, pro tempore, pro loco, pro imbecillitate corporis,
quandiu intentus est animus, quandiu chorda nullo vitio
laxatur in cithara.* Et infra: *Qui cantus est & timidus,
potest ad tempus vitare peccata.* Quo loco S. Hierony-
mus non laborat, ut probet, posse hominem ali-
qua facere bona, quæ non sint peccata. Id enim in
controverfiam nondum venerat, sed nititur contra
Pelagianos ostendere vitam humanam, etiam iustor-
um, non ita esse posse perfectam, ut longo tempore
caueat omnia peccata, etià quotidiana & levia. Vbi
tamen admittit, saltē aliquanto tempore posse ho-
minem diligentem ita vivere, ut nullum peccatum,
ne veniale quidem admittat, ac per hoc aliqua opera
facere ab omni vitio pura & integra.

Augustinus in libr. de spiritu & littera, capite

A ultimo: *Dici potest quædam iustitia minor, huic vitæ
competens, quæ iustus ex fide vivit, quamvis peregrinus à
Domino, & ideo per fidem ambulans, nondum per spe-
ciem; non absurde dicitur etiam ad istam pertinere, ne
peccet. Neque enim si nondum esse potest tanta dilectio
Dei, quanta illi cognitioni plena, perfectæque debetur,
iam culpa deputandum est. Aliud est enim totam nondum
assequi charitatem, aliud nullam sequi cupiditatem. Quam-
obrem debet homo quamvis longe minus amet Deum, quàm
eum potest amare conspectum, nihil tamen appetere illicitum,
sicut etiam in his, quæ adiacent sensibus corporis, potest oculus
nullis tenebris delectari, quamvis non possit in fulgentis-
sima luce desigi.* Hoc loco S. Augustinus fatetur qui-
dem iustitiam nostram in hac vita esse minorem,
quàm sit futura in alia vita, tamen disertis verbis
affirmat, ad hanc etiam iustitiam nostram pertinere,
ut non peccet; & posse, ac debere hominem nullam
sequi cupiditatem.

B Idem in lib. de bono coniugali, cap. 6. *Coniugalis,*
*inquit, concubitus generandi gratia non habet culpam;
concupiscentia vero satianda, sed tamen cum coniuge
propter fidem tori, venialem habet culpam, adulterium
vero, sine fornicatio lethalem habet culpam.* Et capite 7.
*Continentia meritis est amplioris, reddere debitum coniugi
nullum est criminis, exigere ultra generandi necessitatem
culpe venialis, fornicari, vel mœchari, puniendi crimi-
nis.* In his quatuor gradibus operum, quos distin-
git Augustinus, assignare debent aduersarij dis-
crimen aliquod: vel potius necessario confiteri, in
primo & secundo nullum omnino esse peccatum,
neque mortale ex natura sua, neque veniale per mi-
sericordiam Dei. Nam si continentia ab omni con-
cubitu peccatum est mortale ex natura sua, & venia-
le per misericordiam Dei, quid erit concubitus gi-
gnendi causa, nisi peccatum omni ex parte morta-
le? & si concubitus gignendi causa peccatum est
omni ex parte mortale, quid erit concubitus causa
libidinis satiandæ, nisi peccatum in Spiritum san-
ctum, quod non remittitur, neque in hoc sæculo, ne-
que in futuro? At sanctus Augustinus huic tertio
gradui tribuit culpam venialem: secundo gradui nul-
lam culpam, primo gradui meritum ingens. Tantum
videlicet interest inter sententiam sancti Augustini
& Nouatorum.

D Idem denique sanctus Augustinus lib. 4. in Iulia-
num, cap. 3. & alijs in locis plurimis, contendit ope-
ra infidelium esse peccata, non quod non sint, vel
esse possint bona ex genere suo, sed quoniam deest
illis intentio bona dirigendi opera illa ad verum
Deum, quem ignorant, cum fidem non habeant.
Igitur opera fidelium ex sententia sancti Augusti-
ni poterunt esse simpliciter & absolute bona. Nam
si fidelium quoque opera essent omnia peccata, &
quidem morte digna, quorsum tantopere laborasset
Augustinus, ut probaret opera infidelium esse pec-
cata?

E S. Gregorius lib. 2. Moral. cap. 8. *Si in sermonibus,*
*inquit, suis dicimus Iob deliquisse, quod sentire nefas est,
deum dicimus in sua propositione victoriam perdidisse. I-
tem lib. 9. cap. 26. Ipsa, inquit, bona nostra insidiant
nobis culpa evadere gladium nequeunt, nisi sollicite quotidie
timore muniantur.* Vbi admittit S. Gregorius posse
fieri, ut bona nostra insidiantis culpe gladium
vitant. Idem in epist. ad Augustin. respon. 10. *Bona-
rum, inquit, mentium est, ibi etiam aliquomodo culpam
agnoscere, ubi culpa non est.*

Sanctus Bernardus in lib. de præcepto & dispen-
satione distinguit inter bonum obedientiæ, & ma-
lum inobedientiæ, & ponit aliquos gradus, ut su-
pra sanctus Augustinus ponebat in concubitu: Bo-

nus, inquit, obedientia gradus est, si iuxta Magistri nostri sententiam, propter meritum gehenna, seu propter professionem sanctam, quam professus est, quispiam obedierit. Melior tamen cum ex Dei amore obeditur. Illa quippe obedientia necessitatis est, ista charitatis. Et infra de obedientia: Hec, inquit, generalis regula sit uniuersorum, quæ per se, aut propter se nec bona, nec mala sunt, aut propria cuiusque professione, aut diuina institutione fixa non sunt, ut non iussa quidem, licite utrumlibet, vel admittantur, vel omittantur, iussa uero, sine culpa non negligantur, sine crimine non contemnantur. Vbiq; enim & culpabilis neglectus & contemptus damnabilis est.

Vbi sanctus Bernardus cum dicit, obedientiam ex metu gehennæ esse bonam, ex charitate meliorem, intelligit bonam simpliciter, & sine vilo peccato, etiam veniali posse præstari. Alioqui non distingueret eam ab inobedientia propter neglectum, quam dicit esse culpam venialem; & inobedientia propter contemptum, quam dicit esse criminalem, atque damnabilem.

CAPVT XVII.

Opera bona iustorum non esse peccata, sed vere bona probatur rationibus.

IAm vero potest eadem veritas manifestis rationibus comprobari.

Prima ratio, si opera bona iustorum essent omnia vitiosa, & corrupta, ita ut peccata mortalia ex natura sua dici deberent, id sine dubio, vel ex innata concupiscentia, vel ex defectu dilectionis Dei, vel ex admittance peccatorum venialium nasceretur. Istas enim causas aduersarij reddere solent, cur opera ex genere suo bona, vel à Deo mandata & bona intentione facta, tamen peccata mortalia esse contendunt. At nihil horum trium contaminare potest opera iustorum bona.

Nam imprimis concupiscentia ipsa peccatum non est, sed infirmitas, nisi ei consentiatur. Vnde S. Augustinus in lib. de perfectione iustitiz, & alibi sæpe repetit non oportere pro motibus concupiscentiz inuoluntarijs dicere: *Dimitte nobis debita nostra*: Deinde etiam si peccatum esset, tamen non semper mouetur, ut idem testatur August. lib. 6. in Iulian. c. 8. ac per hoc opera bona fieri possunt aliquando ex charitate, sine vlla admittance cupiditatis.

Defectus autem charitatis, quod videlicet non faciamus opera nostra tanto seruiore dilectionis, quanto faciemus in patria, defectus quidem est, sed culpa, & peccatum non est, ut sanctus Augustinus docet in libro de spiritu & littera, ca. vlt. Vnde etiam charitas nostra, quamuis comparata ad charitatem beatorum sit imperfecta, tamen absolute perfecta dici potest, ut eam sanctus Ioannes appellat, in 1. epist. cap. 2. & 3. S. Augustinus in lib. 1. de doctrina Christiana, cap. 39. lib. 1. de pecc. merit. & remiss. cap. 13. & alibi.

Admissio denique venialium peccatorum non impedit veram iustitiam, Tum quia non est necesse, ut in singulis operibus admisceatur veniale peccatū, ut ex Patribus probatum est, & experientia ipsa docet; Tum etiam quia peccatum veniale non est contrarium charitati, nec proprie contra legem, sed præter legem, ut supra diximus. Itaque Scriptura diuina quamuis dicat, In multis offendimus omnes, & si dixerimus, quia peccatū non habemus, nos ipsos seducimus; tamen absolute vocat homines quosdam iustos, sanctos, immaculatos, perfectos, quod nullo modo faceret, si veniale peccatum iustitiam impediret. Genes. 6. *Noe vir iustus fuit, atq; perfectus*, Eph. 1.

Ut essemus sancti & immaculati in conspectu eius. Philip. 3. *Quicumque perfecti sumus, hoc sentiamus.* Psal. 118. *Beati immaculati in via, qui ambulant in lege Domini.* Similia habet S. August. in lib. 2. de peccat. merit. & remiss. cap. 12. & 13. & in lib. 3. contra duas epist. Pelagianorum, cap. 2.

Secunda ratio ducitur ab absurdis, nam si omnia iustorum opera essent peccata, etiam opus fidei quo iustificamur, esset peccatū; & illa oratio, quam fundimus, cum dicimus: *Dimitte nobis debita nostra*, esset peccatum. At nonne absurdissimum est, hominem per peccatum iustificari, & per peccatum quærere & impetrare remissionem peccati?

Item si omnia opera iustorum sunt peccata, qua fronte dicere potuit Apostolus Paulus: *Nihil mihi conscius sum*? nullū ne bonum opus fecerat? aut ignorabat illa ipsa bona opera peccata esse mortalia? & nōne adhuc maior fuisset audacia pro eiusmodi operibus, id est, peccatis mortalibus expectare à iusto iudice coronam iustitiæ.

Præterea si omnia iustorum opera essent peccata mortalia, sequeretur, ipsum Deum peccare mortaliter: *Dens enim est, qui operatur in nobis.* Cum bona opera facimus, ut dicit Apostolus ad Philip. 1. & 2. neque aduersarij id negant.

Item fieret ingens iniuria Redēpt ori: *Qui*, ut Apostolus ait ad Tit. 1. *dedit semetipsum, ut nos redimeret ab omni iniquitate, & mundaret sibi populum acceptabilem, sectatorem bonorum operum.* Nam à nulla nos iniquitate vere redemisset, nec vere populum suum mundasset, nec sectatores nos operum vere bonorum, sed peccatorum mortalium effecisset.

Ad hæc si omnia opera bona sūt peccata mortalia, sequitur, ut aliqua peccata mortalia sint operabona, & posse fieri hos syllogismos, Omnia opera bona sunt facienda, aliqua peccata mortalia sunt opera bona, igitur aliqua peccata mortalia sunt facienda. Item, nullum peccatum mortale est faciendum, omnia opera bona sunt peccata mortalia, igitur nullum opus bonum est faciendum. Dignæ sane Lutheranis conclusiones, aliqua peccata mortalia sunt facienda, & nullum bonum opus est faciendum.

Denique quis non videt, opera bona esse peccata mortalia, contradictionē implicare, atque inuolueret nā erunt opera bona, & non bona; digna præmio & pœna; & per ea seruiemus Deo & diabolo, & simul erimus filij Dei & filij diaboli.

Dicent fortasse, quod Lutherus dicit in assert. art. 6. eadem opera esse bona, ut fiunt à Deo, mala ut fiunt à nobis, vel in nobis. Vel esse bona ex genere suo, siue ex obiecto, mala ex circumstantia, id est, propter cupiditatem, qua fiunt.

At prior distinctio inanis est, cum Deus non faciat nostra opera bona, nisi per nos, id est, faciendo ut nos illa faciamus; ac per hoc si ut à nobis fiunt mala sunt, simpliciter mala, nō bona sunt. Id quod ex ipso Lutheri exēplo intelligi potest: *Si quis*, inquit, *securi corrasa & dentata fecerit, licet operator sit bonus faber, tamen securus facit malas, & difficiles, & deformes incisiones, sic Deus per nos operans, &c.* Ex hac similitudine manifeste colligitur, opera nostra non esse bona & mala, sed tantū mala. Bonus enim faber per malā securim non facit bonas, sed malas incisiones, sic igitur Deus per nos operans non faciet opera bona, sed mala.

Posterior quoque distinctio non soluit nodum. Nam opera bona ex genere, siue ex obiecto, sed mala ex circumstantia, non sunt bona simpliciter, sed mala. Quoniā (ut supra diximus) bonum non existit nisi ex integra causa, malum vero ex quolibet vicio. Quare Dominus Matth. 6. & 7. orationes, ieiunia &

QVARTO ex eo, quod dicitur Raab meretricem ex operibus iustificatam. Neque enim Raab declarari potuit iusta, cum esset meretrix, sed vere iustificata est, id est, ex infideli fidelis, & ex meretrice iusta facta est. Non igitur iustificatio apud Iacobum pro declaratione sumitur.

Iam vero quod Paulus loquitur de prima iustificatione, qua quis ex impio efficitur iustus, multis argumentis probari posset. Sed vnum hoc loco sufficiet, quod ex ipso cap. 3. & 4. ad Rom. patitur. Nam cap. 3. sic ait: *Omnes peccaverunt & egent gloria Dei, iustificati gratis per gratiam eius, per redemptionem qua est in Christo.* Et cap. 4. probare volens Apostolus, hominem iustificari ex fide, non ex operibus, adducit testimonium Prophetæ dicentis: *Beati quorum remissa sunt iniquitates, & quorum secreta sunt peccata.* Quod testimonium de iustificatione impii apertissime loquitur. Præterea ibidem Apostolus dicit: *Ei qui operatur, merces non imputatur secundum gratiam, sed secundum debitum, credenti autem in eum, qui iustificat impium, deputatur fides eius ad iustitiam.* Vbi non alia de causa, non dixit, credenti in Deum, sed credenti in eum, qui iustificat impium, nisi quia de impii iustificatione tractabat.

Sed una est hic grauissima difficultas, ex qua totus hic locus depēdet. Nam & Paulus, & Iacobus, videntur eodem exemplo Abraham, & vterque citat illa verba: *Credidit Abraham Deo, & reputatum est illi ad iustitiam.* Quare vel eodem modo vterque accipit iustificationem, vel alter eorum inepte vtitur exemplo Abraham, & perperam explicat verba Moysis.

Cæterum RESPONDEMV, Paulum & Iacobum, non eodem modo accipere iustificationem, & tamen ab utroque recte usurpari exemplum Abraham, & verba Moysis. Ac (vt à Iacobo incipiamus) respexit ille præcipue tempus, quo Abraham immolare voluit filium suum, quod legitur in Gen. c. 12. sic enim ait: *Abraham pater noster nonne ex operibus iustificatus est, offerens Isaac filium suum super altare?* Illo autem tempore certum est, Abraham fuisse iustum, quippe qui iam obedierat Deo, vt exiret de terra sua, & signum acceperat circumcisionem signaculum iustitiæ fidei, &c. & ideo illo nouo opere obedientiæ non factum esse iustum ex impio, sed iustiore ex iusto.

Quod vero Iacobus dicit, tunc impletam fuisse Scripturam, quæ ait: *Credidit Abraham Deo, & reputatum est ei ad iustitiam:* non repugnat sententiæ nostræ. Nam non vult Iacobus dicere, tunc primum eam Scripturam impletam fuisse. Non enim ignorare poterat, verba illa multo antea fuisse dicta de fide Abraham, quando videlicet credidit Deo, promittenti sibi filium ex Sara, quod scriptum est in Gen. cap. 15. sed dicere voluit, cum etiam fuisse Scripturam illam impletam, quando ex fide obtulit eundem illum filium super altare. Possunt enim illa verba applicari ad omnes insignes actus fidei eiusdem Patriarchæ. Quem admodum si quis narraret aliquod factum Nathanaelis, in quo eius integritas & simplicitas appareret, posset vere dicere, nunc impletum est quod Dominus ait, Ecce verum Israelitam, in quo dolus non est. Itaque de verbis Iacobi nulla remanet questio.

De verbis Pauli maior est difficultas: non desunt, qui existiment, Abrahamum tunc primum iustificatum esse à peccatis, cum credidit Deo promittenti filium, & cum de eo dictum est: *Credidit Abraham Deo, & reputatum est ei ad iustitiam.* Ita docet nescimus in comment. ad c. 4. ad Rom. & eandem sententiam indicare videtur S. Augustinus, præfatione in Psal. 11. cum ait, exponens hunc locum: *Ergo ex fide iustificatus est Abraham & si opera non præcesse-*

runt, tamen sequuta sunt. Et si quidem hæc opinio vera esset, nulla esset in Paulo difficultas.

Cæterum non audeam dicere, Abrahamum non fuisse multo ante iustificatum, quam de eo dictum sit: *Credidit Abraham Deo, &c.*

PRIMO, quoniam in Genes. cap. 12. 13. & 14. narratur egregia opera Abraham, vt quod vocatus à Deo, & iussus exire de terra sua, continuo obedierit, quod aram Deo erexerit, quod sæpius cum Deo familiariter collocutus fuerit.

SECUNDO, quoniam Apostolus ad Heb. 11. inter præcipuas laudes Abraham ponit, quod fide obedierit exire in locum, quem nesciebat. Quod certe factum est multo ante, quam diceretur de eo: *Credidit Abraham Deo, &c.*

TERTIO, quoniam idem confirmant Patres, Origenes libro 4. in epist. ad Rom. Ambrosius lib. 1. de Abraham. cap. 2. Chrysostomus hom. 31. & 35. in Genes. & Augustinus libro 16. de ciuitate Dei, capite 13.

QVARTO, quoniam id quod dicitur Genes. 15. *Credidit Abraham Deo, & reputatum est ei ad iustitiam,* si verba Hebræa diligenter inspiciantur, hunc sensum habet, quod actus ille credendi fuerit opus iustum & meritorium, & pro tali sit à Deo iudicatum & acceptum. Ex quo intelligimus, eum antea fuisse iustum, cum opera iusta facere potuerit, eumque fide non esse factum iustum ex impio, sed iustiore ex iusto.

Dico igitur Paulum vsum esse exemplo Abraham, non vt significaret, Abrahamum tunc primum iustificatum fuisse à peccatis, sed vt ostenderet, non iustificari impium ex operibus sine fide & gratia Dei factis, sed ex fide & gratia Dei. Nam si Abraham iustus non est factus iustior ex operibus sine fide, multo magis impius non poterit fieri iustus ex operibus sine fide.

Possimus enim doctrinæ causâ distinguere TRES iustitias, VNAM quæ sit gratia & non merces: qualis secundum rei veritatem est illa, qua impius iustificatur: ALTERAM, quæ sit merces & gratia, qualis est etiam secundum rei veritatem, qua iustus fit iustior.

TERTIAM, quæ sit merces & non gratia, qualis esset, si homo ex operibus solius liberi arbitri viribus factis iustificaretur. Hanc tertiam contendit Apostolus excludere in epist. ad Roman. & ad Galat. Ad hoc autem faciendum nihil interest, vt sumantur exempla à prima, vel à secunda iustitia, cum neutra ex operibus sine fide obtineri possit.

Igitur Apostolus ad Rom. 4. loquitur de prima iustificatione, qua quis ex impio fit iustus: tamen si ad probandum, eam non fieri ex operibus, sed ex fide, exemplum petat à secunda iustificatione, qua quis ex iusto fit iustior. Quare Paulus & Iacobus, consentiunt omnino in exemplo Abraham, & verbis Moysis intelligendis, quamuis ad varias conclusiones probandas illis vtantur.

Porro sicut Paulus, cum loqueretur de prima iustificatione attulit exemplum Abraham, quod erat secundæ, vt probaret à maiori, non posse impium iustificari ex operibus sine fide, si Abraham iustus non est factus iustior ex operibus sine fide: sic Iacobus cum loqueretur de secunda iustificatione, attulit exemplum Raab, quod est primæ iustificationis, vt probaret à maiori, iustum fieri iustiore ex operibus, & non ex fide tantum: si Raab ex meretrice facta est iusta ex operibus, & non ex fide tantum. Nam probabile est valde, Raab vsque ad illud tempus, quo suscepit nuncios Iosue, fuisse non solum meretricem, sed etiam infidelem: sed ab eo tempore credidisse in Deum, &

opere illo misericordie preparatam fuisse ad iustificationem, ita ut bonum illud opus ex fide factum, non fuerit meritorium simpliciter iustificationis, sed imperfecte & de congruo, ut supra diximus de dispositionibus ad gratiam.

CAPVT XIX.

Opera iustificare, probatur ex alijs Scripturis & rationibus.

PRÆTER Iacobi testimonium, quod apertissimum est, non desunt alia multa, quæ breuiter perstringemus. Idem igitur probatur ex verbis illis Ecclesiastici, cap. 18. *Non impediaris orare semper, & ne verearis usque ad mortem iustificari.* Vbi monet Sapiens, ut assidua oratione iustitiam nostram augere atque alere studeamus.

Calvinus in Antidoto ex occasione Græci vocabuli, *μαρτις*, dicit, legendum esse, ne differas iustificari usque ad mortem, ut hoc testimonium ad primam iustificationem, non ad secundam pertineat. At verbum illud græcum potest etiam commode verti: ne cesses, quod est idem cum illo, ne verearis, vel, ut legit S. Augustinus in Speculo, ne verearis. Omnia enim continuationem & progressionem, non inchoationem iustitiæ significant. Et consonant huic sensui præcedentia & sequentia. Illud enim quod proxime antecedit: *Non impediaris orare semper*, significat continuationem & progressum orationis, quæ propria sunt iustorum proficientium, non impiorum nondum conuersorum. Quod autem proxime sequitur: *Quia merces Domini manet in æternum*, est ratio aptissima congruens præcepto augendæ iustificationis. Nam primæ iustificationi impiorum non merces, sed indulgentia congruit.

ALTERVM testimonium habetur apud Apostolum ad Rom. 6. *Sicut exhibuistis membra vestra seruire immunditie & iniquitati ad iniquitatem, sic exhibete membra vestra seruire iustitie in sanctificationem.* Quo loco illud in sanctificationem, non significat, ad acquirendam primam sanctitatem: nam sanctos & iustos alloquebatur Paulus, sed ad augendam sanctificationem. Intelligi autem per sanctificationem, iustificationem, & per sanctitatem, iustitiam, perspicuum est ex antithesi. Opponit enim sanctificationem iniquitati.

TERTIVM testimonium est eiusdem Apostoli in posteriore ad Cor. cap. 7. *Hæc ergo habentes promissiones charissimi, emundemus nos ab omni inquinamento carnis & spiritus, perficientes sanctificationem in timore Domini.* Vbi docet Apostolus, per mentis & corporis puritatem proficiendum esse quotidie ad maiorem iustitiam & sanctificationem.

QUARTVM testimonium 2. ad Cor. 9. *Multiplicabit semen, & auget incrementa frugum iustitiæ vestræ.* Docemur his verbis, per eleemosynas liberaliter pauperibus erogatas, diminui facultates, sed augeri iustitiam. Vbi opportune etiam Paulus allegat illud Psalm. 111. *Dispersit, dedit pauperibus, iustitia eius manet in sæculum sæculi;* pulchre enim verbo, *dispersit*, opponitur verbum contrarium, *manet*, quia sicut diuitiæ corporales per eleemosynam dissipantur, ita iustitia spiritualis per eandem eleemosynam radicitur, stabilitur, & crescit, ut manere possit in sæculum sæculi.

QUINTVM testim. Ioan. 14. *Qui diligit me, sermonem meum seruabit, & Pater meus diliget eum.* Hæc noua dilectio post impleta mandata, quid est, nisi dilectionis, ac per hoc iustitiæ augmentum, quod per obseruantiam diuinæ legis acquiritur?

SEXTVM testimonium, Apoc. ult. *Qui in sordibus est, sordescat adhuc, & qui iustus est, iustificetur adhuc.* Certe qui magis sordescunt, per mala opera, & noua

A peccata sordescunt: igitur & qui magis iustificantur, per bona opera, & nouam obedientiam iustificatur.

His addi possunt **D**UÆ rationes ex iis, quæ in capitulis superioribus probata sunt. Nā si potest iustus legem diuinam implere, ut supra demonstratum est, potest etiam sine dubio per opera iustificari. Neque enim aduersarii negant, implenti legem, deberi iustitiam; *Obedientia legis* (inquit Philippus in Apologia Confess. tit. de impletionem legis) *esset iustitia, si legem faceremus.* Rursus, potest si iustus opera vere bona facere, quæ nullo vitio polluta sint, ut supra ostendimus: potest vique iustitiam facere, & multiplicando opera iusta, consequenter augere iustitiam.

CAPVT XX.

Soluuntur obiectiones in scripturis, contra veritatem iustitiæ æternæ.

SUPEREST tandem, ut obiectiones hæreticorum, quibus illi probare nituntur, omnia opera nostra esse peccata, breuiter diluamus.

PRIVM igitur obicit Calvinus illud Psalm. 31. *Beati quorum remissa sunt iniquitates, & quorum reuera sunt peccata.* David enim cum hæc diceret, non ad vnum temporis momentum, quo homo per Baptismum iustificatur, sed ad totam vitam iustorum respiciebat. Proinde sequitur, ut tota vita iustorum remissione indigeat, quod non fieret, nisi perpetuo, & in omnibus operibus peccaremus.

RESPONDEO, Quam vera sunt verba Davidis, tam falsa est glossa Caluini. Nam si tota vita iustorum, & omnia ipsorum opera peccatis sordescerent, unde diceret idem David in Psalm. 1. *Beatus vir, qui non abiit in consilio impiorum, & in via peccatorum non stetit, & in cathedra pestilentie non sedit, sed in lege Domini voluntas eius.* Et in Psalm. 100. *Psallam, & intelligam in via immaculata quando venies ad me. Perambulabam in innocentia cordis mei, in medio domus meæ. Non proponebam ante oculos meos reminiscam. Non adhaesi mihi cor prauum, ambulans in via immaculata, hic mihi ministrabas: & similia, quæ passim repetitis, certe hæc non bene coherent cum eo, quod dicit Calvinus, totam vitam iustorum, ex testimonio Davidis, nihil esse nisi peccatum. Loquitur igitur David in Ps. 31. de initio iustificationis, siue de prima iustificatione, per quam remittuntur peccata, & infunditur charitas, ut per eam corde dilatato per viam mandatorum currere valeamus.*

SECVNDØ obiciunt aduersarii omnes, illud Ps. 142. *Non intres in iudicium cum seruo tuo, quia non iustificabitur in conspectu tuo omnis viuens.*

RESPONDEO, TRIPLEX huius loci explicatio à Patribus indicatur. **P**RIMA est S. AUGUSTINI in commentario huius loci, ubi dicit, hominem coram Deo iustificari non posse, quoniam ex se iustitiam nullam habet, sed si quam habet, ex Deo habet: *Qui cum illo* (inquit AUGUSTINVS) *volunt intrare in iudicium, nisi qui ignorantes Dei iustitiam, suam volunt constituere?* Sententia igitur Davidis hæc est. Non intres in iudicium cum seruo tuo, id est, noli me iudicare ex his, quæ ex me habeo. Sic enim non iustificabitur in conspectu tuo omnis viuens: Et ideo paulo ante dixerat: *In veritate tua exaudi me in iustitia:* id est, in iustitia, quam ut haberem, tu dedisti.

ALTERA expositio est eiusdem Augustini in libro de perfectione iustitiæ, Hieronymi in epistola ad Ctesiphontem, & Gregorii in commentario huius Psalmi, qui est postremus ex penitentialibus, qui referunt hunc locum ad peccata venialia, sine quibus in hac vita esse non possumus. Non autem

sequitur

sequitur, ut omnia nostra opera sint peccata, etiam si absque peccato vivere non possumus. miscentur enim operibus bonis opera quædam mala, quæ tamen si leuia, & quotidiana sint, tamen in iudicio Dei non iniuste puniuntur. Igitur sententia Psalmi hoc secundo modo accepti, hæc erit, Non intres in iudicium cum seruo tuo, id est, non cupio tecum contendere, confiteor me peccatorem, & veniam oro. Nam non ego solus, sed etiam omnis homo aliquando peccat, nec est ullus ita iustus, qui non aliquando labatur, & erret.

TERTIA expositio est Hilarii, Hieronymi, Arnobii, Euthimii, & aliorum in hunc Psalmum, & S. Bernardi serm. 5. de verbis Isaïæ, qui dicunt, sententiam Davidis esse, non posse hominem iustificari, si comparatur ad Deum, non quod non sit in homine iusto vera iustitia, si absolute consideretur, sed quia tanta est puritas, & sublimitas iustitiæ Dei, ut omnis hominum, & Angelorum iustitia, cum ea comparata, iustitia esse videatur. Sicut etiam stellæ clarissimæ sunt in se; tamen coram Sole continuo tenebescunt. Atque hoc est, quod in Iob legimus, capite 4. *Numquid homo Dei comparatione iustificabitur?* Et cap. 9. *Vere scio, quod ita sit, & quod non iustificabitur homo comparatus Deo: Quem locum tractans Augustinus li. ad Orosium, contra Iulianitatem, & Origenitatem cap. 10. In comparatione iustitiæ Dei, si nec sancti in cælis Angeli iusti esse dicantur, non mihi videtur importuna sententia; non quia ut hoc essent, à iustitia lapsi sunt, sed quia facti sunt, & Deus non sunt, tantumque spiritualis luminis habere non possunt, quantum habet ille, à quo facti sunt. Ibi enim summa iustitia, ubi summa sapientia: & hoc Deus est, de quo dictum est, soli sapienti Deo. Et infra: Cuius participatione iusti sunt, eius comparatione nec iusti sunt.*

TERTIO, obiciunt illud Ecclesiæ 7. *Non est homo iustus, qui faciat bonum, & non peccet.*

RESPONDEO, Non significat Sapiens, ut Lutherus existimare videtur, hominem iustum peccare, dum bonum facit, sed neminem esse tam iustum, qui semper bonum faciat: omnes enim aliquando peccant, iuxta illud Prouerborum 24. *Septies in die cadit iustus, & resurgit.* Vbi non dicitur iustus ad singulos passus cadere, sed aliquoties cadere, nec dicitur semper cadere, sed aliquando cadere, aliquando resurgere: nisi etiam resurgere apud Lutheranos sit cadere. Vide S. Hieronymum, hæc loca explicantem, cum in commentario Ecclesiastæ, tum in libro primo aduersus Pelagianos, & in epistola ad Celsiphontem.

QUARTO, obiciunt illud Isaïæ 64. *Facti sumus ut immundi omnes nos, & quasi pannus menstruatus uniuersa iustitia nostra.*

RESPONDEO, Hic plane triumphare sibi videntur hæretici. Hunc enim locum semper in ore habent: cum tamen ad rem nihil pertineat propter **TRES** rationes. **PRIMO**, quoniam sine dubio non loquitur Isaïas de iustis hominibus, sed de insignibus peccatoribus, ob quorum scelera tradenda erat ciuitas, & totus populus in manu regis Babyloniz. Quod enim loquatur Isaïas in persona cuiusmodi hominum sceleratorum, patet **PRIMO**, quoniam paulo ante dixerat: *Eccce iratus es, & peccauimus*, id est, ut Cyrillus exponit, quia tu iratus es, deseruisti nos, deserti autem resistere non potuimus. At iusti non deferuntur à Deo, quippe qui non deserit, nisi prius deseratur. Non igitur de iustis, sed de impiis loquitur: quod si exponas: *Eccce iratus es, & peccauimus*, id est, ideo tu iratus es, quia peccauimus, in idem recidet sententia. Deus enim non irascitur iu-

stis, sed tegit eorum peccata, & non imputat, ut aduersarii volunt. Loquitur igitur Isaïas de impiis, quibus Deus irascitur, non de iustis, quorum peccata dissimulat.

SECUNDO, patet ex verbis sequentibus. *Non est qui inuocet nomen tuum, & qui consurgat, & teneat te.* At iusti Deum inuocant, & ipse Isaïas, qui iustus erat, in hoc ipso cap. Deum inuocat, & Philippus in Apologia Confessionis Augustinæ valde gloriatur, quod propter Lutheri doctrinam didicerit populus exercere opera fidei, & maxime in precibus Deum frequenter inuocando. Loquitur igitur Isaïas in persona impiorum, non in persona sua, vel aliorum iustorum.

TERTIO, opere iustarum Scriptura ubique laudat, & dicit, esse Deo placita, & accepta in odorem suauitatis, ut supra probatum est, & in hoc ipso cap. dicit Isaïas: *Occurristi latenti, & facienti iustitiam: in viris tuis recordabuntur tui.* non igitur loquitur de operibus iustorum, cum dicit, iustitiam esse quasi pannum menstruatum, nisi quis ita desipiat, ut existimet, Deo placere sordes, & pannum menstruatum ab illo, qui fons est totius puritatis, acceptari in odorem suauitatis.

Nec; mouere nos debet, quod Isaïas loqui videatur ita generatim, ut omnes homines comprehendat. Est enim iste Scripturæ mos, ut loquatur de multis, quasi de omnibus: *Omnis caro* (inquit Moyses Gen 6.) *corruerat viam suam.* Et tamen ibid. vocat Noe virum iustum, atque perfectum. Et Apostolus Paulus 1. ad Cor. vocat omnes Corinthios sanctificatos in Christo Iesu, & tales, ut nihil eis desit in vlla gratia, & prædicat fore, ut confirmentur à Deo usque in finem sine crimine. Et tamen, c. 13. omnes vocat carnales, & dicit, *Tanquam paruulis in Christo lac vobis potum dedi, non escam, nondum enim poteratis, sed nec nunc quidem potestis, adhuc enim carnales estis.* Cæterum laudat omnes propter quosdam, qui apud eos laudabiles erant, vituperat omnes propter quosdam, qui apud eosdem vituperatione digni erant. Vide Augustinum lib. de vnitatē Ecclesiæ, c. 12. ubi hunc morem Scripturæ sacræ diligenter obseruat. Atque hæc est **PRIMA** ratio cur testimonium Isaïæ ad rem non faciat.

ALTERA ratio est, quoniam etiam si loqueretur Isaïas de omnibus, id est, de toto illo populo, tamen non loquebatur de omnibus, pro omni tempore, sed solum pro eo tempore, quo tradendi erant propter summa ipsorum scelera in captiuitatem Babylonicam. Id enim patet sequentibus verbis: *Cinitas sancti in iustitia est deserta, Syon deserta facta est, Hierusalem desolata est, domus sanctificationis nostræ, & gloria nostræ, ubi laudauerunt te patres nostri, facta est in exultationem ignis, & omnia desiderabilia nostræ versa sunt in ruinas.* Non autem sequitur, si quodam tempore totus populus fuit malus, ut omni alio tempore fuerit malus, & omnia opera ipsorum semper fuerint mala.

TERTIA ratio est, quoniam non solum non loquitur Isaïas de iustis, sed de impiis, & de impiis pro certo quodam tempore: sed etiam non loquitur de omnibus operibus illorum impiorum, quasi omnia essent peccata, sed tantum de operibus illis, quæ ipsi iustitias esse putabant, ut sacrificia, neomenias, &c. poterant enim illi ipsi impii multa opera facere, quæ neque essent meritoria apud Deum, neque peccata, sed bona inoraliter, ut alibi docuimus. Et ideo non dicit Isaïas, omnia opera esse quasi pannum menstruatum, sed omnes iustitias esse quasi pannum menstruatum, vocat enim iustitias opera quædam ad cultum diuinum instituta, in quibus illi præcipue iustitiam

constituebant, quæ quoniam in bona intentione, nec sicut oportebat, ab illis fiebant, merito panno menstruatæ comparantur. De iis enim dicit Dominus Isaia 1. *Nec offeratis ultra sacrificium frustra, incensum abominatio est mihi. Kalendas vestras, & solennitates vestras odium anima mea, &c.*

Ad has causas accedat confessio Lutheri & Calvini. Vterque in commentario huius loci fatetur, hoc testimonium non recte adferri contra iustitiam operum, & tamen idem Lutherus in assert. art. 31. ex hoc potissimum testimonio probare conatus erat, omnia opera iustorum esse peccata.

QVINTO, obiicit Lutherus ex c. 6. Matth. orationem Dominicam. Nam ex eo quod oramus quotidie: *Sanctificetur nomen tuum, Fiat voluntas tua, Dimitte nobis debita nostra*: colligi dicit Lutherus, nos omnes in omni opere nostro peccare: quoniam non petimus, quod habemus, sed quod non habemus. Igitur semper in nobis polluitur nomen Domini, semperque rebelles sumus in omni opere voluntati Dei, semper denique egemus, ut nobis peccata misericorditer remittantur.

RESPONDEO, Potest hoc argumentum rectissime in aduersarium retorqueri. Nam Christus non docuit nos petere, quæ nunquam impetraturi essemus, imo promisit nos accepturos, quod peteremus, dicens: *Petite, & accipietis. Et: Omnis qui petit accipit.* Petimus autem sanctificari nomen Domini, & ut fiat à nobis voluntas Dei, igitur non polluitur semper in nobis, sed sanctificatur potius nomen Domini, & legi obediens, facimus Domini voluntatem. Alioqui frustra id peteremus, si nunquam impetraremus. Præterea si non potest quisquam petere, ut fiat voluntas Dei, nisi qui semper Dei voluntati rebellis est, quomodo Christus orauit, *Fiat voluntas tua*? an etiam Christus semper voluntati Dei rebellis erat?

RESPONDEO igitur, Non solum posse peti quod non habemus, sed etiam conseruationem, & incrementum eius quod habemus. Sic enim explicat S. Cyprianus sermo. de orat. Dominica primam illam petitionem, *Id, inquit, petimus, & rogamus, ut qui in Baptismo sanctificati sumus, in eo quod esse cepimus, perseueremus.* Et eodem modo explicat S. Aug. in lib. de bono perseuerantiæ, cap. 2.

Illud autem, *Fiat voluntas tua sicut in celo, & in terra*, monent prædicti Patres, posse etiam sic intelligi, ut petamus conuerſionem infidelium, ut videlicet illi quoque, qui nomine terræ intelliguntur, faciant voluntatem Dei, sicut eam faciunt plerique fideles, qui nomine cæli significantur. Ex quo intelligimus, sanctos Patres contrario modo ex Dominica oratione argumentari, ac Lutherus facere soleat.

Porro illud, *Dimittenobis debita nostra*, dicimus non pro omni opere nostro (pro multis enim gratias agimus, non veniam petimus) sed pro venialibus peccatis, quæ bonis operibus admiscuntur. Quod autem Lutherus dicit in assertionem art. 2. dici illam orationem pro concupiscentia, quæ semper est in nobis, repugnat expresse S. Augustino, qui in lib. de perfectione iustitiæ scribit, non esse opus dicere, *Dimitte nobis debita nostra*, pro concupiscentia, quæ est in nobis, nisi motibus eius voluntate consentiamus.

CAPVT XXI.

Soluantur obiectiones ex Patribus, contra veritatem iustitiæ actualis.

PRÆTER Scripturæ testimonia proferunt etiam aduersarii nonnulla ex Patribus, Cypriano, Hieronymo, Augustino, Gregorio, Bernardo. Sanctus

enim CYPRIANVS in serm. 4. de mortalitate sic loquitur *Obsessamens hominis, & undique Zabuli infestatione vallata, vix occurrat singulis, vix resistat. Si avaritia prostrata est, exurgit libido &c.*

RESPONDEO, Nihil hoc loco S. Cyprianus dicit, contra iustitiam operum, sed contra miseriam huius vitæ, quæ tota militia, siue tentatio est super terram. Vna enim tentatione deuicta, continuo exortur alia, arque ita semper pugna pugna succedit. Quam autem iustitiam operum veram, & meritoriam Cyprianus agnouerit, perspicuum est ex serm. de elemosyna, ut in lib. sequenti citabimus.

Ex S. HIERONYMO adducunt verba illa in primo Dialogo aduersus Pelagianos, *Tunc ergo iusti sumus, quando nos peccatores fateamur, & iustitia nostra non ex proprio merito, sed ex Dei consilii misericordia.*

RESPONDEO, Potest hic locus referri ad primam iustificationem, per quam ex impiis reddimur iusti: hanc enim iustitiam non ex merito, sed ex misericordia Dei consequimur, atque hanc proprie penitentia, & confessio peccatorum præcedit. Nec tamen vllum sequetur incommodum, si idem locus referatur ad secundam iustificationem. Nam ad iustitiam huius vitæ pertinet veritas confessionis, quod sæpe labatur in peccata saltem venialia, quæ (ut sæpe diximus) non repugnant iustitiæ: & quod quidquid boni facimus, non sine gratia, & auxilio Dei facimus.

Ex S. AUGUSTINO tria loca obiici solent, præter ea, quæ in disputatione de meritis operum in sequenti lib. excutiemus. PRIMVS igitur locus est in epist. 29. ad Hieronymum: *Plenissima charitas, quæ tam non possit augeri, quamdiu hic homo vivit, est in nomine, quamdiu autem augeri potest, profecto illud quod minus est, quam debet ex vitio est, ex quo vitio non est, qui faciat bonum, & non peccet.* Alius locus est huic similis, in lib. de perfectione iustitiæ. respo. 15. *Peccatum, inquit, est, cum vel non est charitas, quæ esse debet, vel minor est, quam debet.*

RESPONDEO, Appellat S. Augustinus vitium, & largo modo peccatum, imperfectionem: & defectum illum, qui est in nobis, ratione concupiscentiæ. Cuius vitii causa nemo est, qui non aliquando peccet. Non esse autem eam imperfectionem peccatum proprie dictum, perspicuum est, TVM ex ipso lib. de perfectione iustitiæ, ubi S. August. dicit, non esse opus, pro concupiscentia carnis, contra quæ spiritus concupiscit, dicere: *Dimitte nobis debita nostra*; TVM ex lib. de spiritu & littera, cap. ult. ubi disertis verbis dicit, non esse ad culpam imputandum, quod charitas in hac vita non tanta sit, quanta erit in patria.

SECUNDVS locus est in lib. 9. confess. c. 13. *Vt etiam laudabili vitæ hominum, si remota misericordia discutias eam.*

RESPONDEO, Non dicit S. Augustinus, laudabilia opera esse peccata, si remota misericordia discutiantur; immo in eodem loco separat opera bona matris suæ, pro quibus gratias agit Deo, à peccatis pro quibus à Deo veniam petit. Solum igitur dicit, vitam hominis laudabilem propter opera bona, egere misericordia in iudicio Dei, propter peccata, saltem venialia, à quibus nemo liber inuenitur.

TERTIVS locus est in lib. 2. contra duas epist. Pelagianorum. cap. 7. *Ex quo factum est, inquit, virtutem, quæ nunc est in homine infirmo, perfectam habentis nominari, ut ad eius perfectionem pertineat etiam ipsius imperfectionis, & in veritate cognitio, & in humilitate confessio.*

RESPONDEO, Nihil aliud hoc loco S. August. dicit, nisi iustitiam in hac vita imperfectam esse, si comparetur ad iustitiam vitæ beatæ: & huius imper-

fectionis

fectionis cognitionem & confessionem, hoc tempore non parum esse necessariam, ne quis existimet, se esse, quod vere non est, atque ita se ipse seducat. Nusquam autem in toto hoc lib. imperfectionem istam peccatum esse Augustinus dicit, sed contra potius veram iustitiam, & suo modo perfectam esse confirmat. Sic enim ait in fine capituli. *Iustitia, secundum quam iustus ex fide vivit, quoniam per spiritum gratia homini ex Deo est, vera iustitia est. Quae licet non immerito in aliquibus iustis pro eius vitae capacitate perfecta dicatur; parva tamen est ad illam magnam, quam capit aequalitas Angelorum, quam qui nondum habebat, & propter illam, quae ierat, perfectum, & propter istam, quae adhuc deerat, imperfectum se esse dicebat. Sed plane minor ista iustitia facit meritum, maior illa sui premium, unde qui istam non sequitur, illam non assequitur. Hæc ille, ex quibus evidenter apparet, aduersarios abuti Patrum auctoritate ad imperitos, simplicesque fallendos.*

Ex S. GREGORIO proferunt multa testimonia. PRIMVM est lib. 9. Moral. cap. 1. *Sanctus, inquit, vir, quia omnia virtutis nostrae meritum esse vitium conspicit, si ab interno arbitrio districte iudicatur, recte subiungit, si volueris contendere cum eo, non poteris ei respondere unum pro mille.*

RESPONDEO, Districte iudicari hoc loco virtutis nostrae meritum, nihil est aliud, nisi iudicari ex his, quæ homo ex se habet remotis donis gratiæ Dei. Sic enim vere, quod virtutis meritum esse videtur, vitium & peccatum esse cognoscitur. Id ita esse, probamus ex verbis præcedentibus & sequentibus. Nam districte iudicari dicit eum, qui se Deo comparat, & cum eo cōtendere cupit; illum autem se Deo comparare, & cum eo contendere velle dicit, qui non agnoscit se à Deo habere quod habet. Sed totum locum adscribamus. *Homo, inquit, Deo non composuit, iustitiam percepit, composuit amittit, quisquis se auctora bonorum comparat, homo se quod acceperat, priuat. Qui enim accepta bona sibi arrogat, suis contra Deum donis pugnat. Sanctus autem vir, quia omne virtutis nostrae meritum esse vitium conspicit, si ab interno arbitrio districte iudicatur, recte subiungit, Si volueris contendere cum eo, non poteris ei respondere unum pro mille. Cum Deo autem contendere est, non ei tribuere, sed gloriam suæ virtutis arrogare. Sed sanctus vir conspiciat, quia & qui summa iam dona percepit, si de acceptis extollitur, cuncta, quæ acceperat, amittit & dicat: Si volueris contendere cum eo, non poteris ei respondere unum pro mille. Ex his intelligimus, eum districte iudicari apud Gregorium, qui propter superbiam prius amittit dona Dei, quæ acceperat, & seuerè secundum propria iudicatur.*

ALTERVM testimonium est in lib. 9. Moral. c. 11. Repente, inquit, Deus interrogat, cum nos, ad distinctionem sui examinis inopinatus vocat, sed interrogationi illius, homo respondere non sufficit, quia si remota tunc pietate discutitur, in illo examine etiam iustorum vitia succumbit.

RESPONDEO, Explicat S. Gregorius illa verba Iob: Si repente interroget, quis respondebit ei? docet autem, esse valde periculosum, si quis inopinatus, & imparatus ad iudicium Dei vocetur, quia cum nemo sit, qui non peccet, qui imparatus vocatur, verisimiliter in peccato aliquo reperitur, cuius nullam pœnitentiam egit. Cæterum non dicit Gregorius, opera iustorum in iudicio succumbere, quasi ipsa bona opera sint peccata, ut Lutherani, sed vitam iustorum in iudicio succumbere, quoniam (ut dixi) in peccatis inveniuntur, de quibus nullam pœnitentiam egerunt. nec dicit, iustos ita succumbere in iudicio, ut ad pœ-

nas destinentur æternas, sed intelligit eos succumbere, quoniam pœna aliqua, saltem purgatoria, temporariaque multantur, iuxta illud 1. Cor. 3. *Si cuius opus a se, detrimentum patietur, ipse autem saluus erit quasi per ignem.*

TERTIVM testimonium est in eodem lib. cap. 14. Vbi explicans Gregorius illa verba: *Si habuero quippiam iustum, non respondebo, sed meum iudicem deprecabor,* sic ait: *Omnis humana iustitia esse conuincitur, si districte iudicatur. Prece ergo post iustitiam indiget, ut quæ succumbere discussa poterat, ex sola iudicis pietate conualescat.*

RESPONDEO, Hic locus eundem sensum habet, cum primo loco. Significat enim humanam iustitiam esse iniustitiam, si districte iudicatur, id est, si iudicatur remotis beneficiis Dei, secundum ea, quæ homo habet ex se. Nam hoc loco hortatur nos Gregorius ad humilitatem, nō ad pœnitentiam, ut patet ex verbis sequentibus: *Preci itaque innitendum est, cum recta agimus, ut omne quod iuste vivimus, ex humilitate condiamus.* Itaque sensus verborum eius hic est, ut cum bona opera aggredimur, Dei auxilium inuocemus, scientes nos abique Deo nihil boni facere posse: & posteaquam bona opera fecimus, non superbiamus, quasi nostris viribus illa fecerimus, sed insistamus precibus orantes Deum, ut confirmet, quod operatus est in nobis.

QUARTVM testimonium est in eodem lib. c. 26. in illud: *Verebar omnia opera mea. Ac si, inquit, humilis confessione diceretur, quæ aperte egerim, video: sed quæ in his latenter pertulerim, ignoro.*

RESPONDEO, Non dicit in omni bono opere esse latentem culpam, sed sæpe cum bona opera facimus, culpam aliquam admisceri, nisi quis diligenter vigilet. Id quod apertius dixerat paulo ante, cum ait: *Ipsa bona nostra, quia insidians culpe enadere gladium nequeunt, nisi sollicito quotidie timore muniamur, per sanctum virum nunc recte dicitur, verebar omnia opera mea.*

QUINTVM testimonium est in eodem lib. cap. 28. Notandum, inquit, quod vir sanctus non ait, suscepi mundissimam manum meam, sed velut mundissimam manum meam, quia quousque pœna corruptionis adstringimur, quamlibet rectis operibus insudemus, veram munditiam nequaquam apprehendimus, sed imitamur.

RESPONDEO, Vocat Gregorius veram munditiam, munditiam Dei & beatorum: cuius comparatione, nostra munditia vera non esse videtur, quamuis absolute sit vera. Sic enim loquitur idem Gregorius lib. 5. Moral. cap. 26. *Humana iustitia divina iustitia comparata, iniustitia est, quia & lucerna in tenebris fulgere cernitur, sed in solis radio posita tenebratur.* Et lib. vlt. cap. 1. *Omnia humana, quæ iusta, & pulchra sunt, Dei iustitiæ & pulchritudinis comparata, nec iusta, nec pulchra sunt.*

SEXTVM testimonium est in libro vlt. cap. vlt. Si autem, inquit, de his diuinitus districte discutimur, quis inter ista remanet salutis locus, quando & mala nostra pura mala sunt, & bona, quæ nos habere credimus, pura bona esse nequaquam possunt?

RESPONDEO, Non dicit Gregorius, omnia bona opera nostra impura, sed non omnia posse esse pura: quia fieri non potest, ut non aliquando subrepat aliquid, quo bona aliqua opera viciuntur. Ita enim seipie explicat, cum paulo post ait: *Fatendum est igitur, quod rectam intentionem nostram, quæ soli Deo placere appetit, nonnunquam intentio minus recta, quæ de donis Dei placere hominibus querit, insidiando comitatur.* Quamuis autem loquatur Gregorius de peccatis venialibus, dicit tamen, non remanere salutis locum: si

districte iudicemur, quoniam peccata etiam venialia, si non misericorditer remittantur, impediunt ab ingressu illius regni, in quod nihil coinquinatum intrare potest.

Ceterum fieri non potest, ut non misericorditer remittantur, si iustis simus, & in charitate Dei perleueremus. Nam, ut scribit S. August. in lib. de correptione & gratia, c. 13. *Misericordia illa iusto Dei iudicio dabitur iustus, quoniam bonis suis operibus meruerunt, ut non sine misericordia iudicarentur. Nam beati misericordes, quoniam ipsi misericordiam consequuntur, ait Dominus. Matth. 9. et iudicium sine misericordia ei, qui non fecerit misericordiam, inquit Iacobus, cap. 2.*

Ex S. Bernardo proferri solet testimonium illud, quod habetur in serm. 5 de verbis Isaie Prophetæ: *Nostre, si quæ est humilis iustitia, recta forsitan sed non pura, nisi forte meliores nos esse credimus, quam patres nostros, qui non minus veraciter, quam humiliter dicebant. Omnes iustitia nostra tanquam pannus menstruata mulieris. Quomodo enim pura iustitia, ubi non potest adhuc culpa deesse?*

RESPONDEO, S. Bernardus exponit quidem illud Isaie de panno menstruata paulo aliter, quam alii Patres exponant: Tamen in re non dissentit à ceteris,

neque ab ipsa veritate. Distinguit enim triplicem iustitiam. VNAM, quam dicit esse rectam, sed non puram, nec firmam: ALTERAM, rectam, & puram, sed non firmam. TERTIAM, rectam, puram, & firmam. RECTAM esse docet, cum peccato non consentitur. Sic enim ait: *Recta prout interim videri potest iustitia hominum, si tamen peccato non consentiant.* PURAM autem vocat, quæ in eis est, qui nunquam fuerunt iniusti. FIRMAM denique, quæ amitti non potest. Itaque in Angelis beatis ponit iustitiam rectam, puram & firmam: in primis nostris parentibus, antequam peccarent, dicit fuisse iustitiam rectam & puram, sed non firmam: Denique in nobis dicit esse posse iustitiam rectam, quia possumus peccato non consentire: sed non puram, quoniam nemo nostrum est, qui non peccauerit in Adamo, & qui non aliquando saltem venialiter peccet. Nec firmam, quoniam nemo est, qui eam non possit amittere.

Videmus igitur S. Bernardum iustitiam rectam, id est, quæ in peccatum lethale non consentiat, libenter admittere. Quod vnum plane sufficit ad nouatores refellendos, qui omnia bona opera, peccata mortalia esse definiunt.

LIBER QVINTVS.

DE IUSTIFICATIONE, QUI EST DE MERITIS OPERVM.

DISSERVIMVS hactenus de necessitate, & veritate iustitiæ actualis; nunc de efficacia eiusdem, id est, de meritis operum differendum est. Erit autem QVADRIpartita hæc de meritis disputatio. PRIMVM enim tractandum erit; *An sint merita aliqua vera iustorum.* DEINDE, *Quid sit meritum, siue quid requiratur ad verum meritum constituendum.* TERTIO, *Qualia sint hæc merita, id est, an ex condigno, an ex congruo tantum.* QVARTO, *Propter quid sint, siue quid illud sis, quod proprie cadit sub meritum.*

CAPVT PRIMVM.

Proponitur controuersia, sint ne opera bona iustorum meritoria salutis æternæ.

PRI-MVM Igitur Controuersia illa principalis tractanda erit: *Sintne opera iustorum meritoria vitæ æternæ.* DEINDE quæstiones duæ breuiiores de intuitu mercedis, & de fiducia meritum.

Quod igitur ad controuersiam illam principalem atinet, aduersarii, quamuis initio valde cōtempnim loquerentur de operibus bonis, paulatim tamen ceperunt non nihil eis tribuere. Nam confessio Augustana, & Apologia art. 10. dicunt, opera bona iustorum placere Deo, & esse meritoria præmiorum. Sed ne videantur omnino consentire Papistis, addunt DVO temperamenta, quorum vnum est, opera bona esse meritoria præmiorum temporalium & spiritualium, in hac vita, & in futura, sed non ipsius vitæ & salutis æternæ; Ne videlicet falsum sit, quod tam sæpe repetiuerunt, sola fide iustificari & saluari homines. ALTERVM temperamentum est, opera iustorum, non esse meritoria ex propria dignitate, quasi re vera sint iusta, & legi satisfaciant, sed ex fide, & indulgentia Dei, quia videlicet Deus iis, qui credunt sibi remissa esse peccata, indulgentia sua tegit operum fœditatem, & sic accipit, quasi iusta essent.

Eandem sententiam habet Ioan. Brentius in Confessione Vvitembergensi, capite de bonis operibus. Martinus Kemnitius in Exam. Concilii Trident. ad finem sess. 6. & alii passim.

Ioannes vero Calvinus lib. 3. Institut. c. 15. §. 2. & sequentibus, in re cum Lutheranis consentit, in verbis discrepat. Contendit enim, non esse vtendum nomine meriti & mercedis, sed dicendum esse operibus bonis dari à Deo remunerationem aliquam, & compensationem liberalem, & quamuis agnoscat, & fateatur veteres Patres passim vsos esse vocabulis meriti & mercedis, tamen ita acerbè in eos inuehitur, ut dicat pessime consuluisse fidei sinceritati, qui primus nomen meriti operibus tribuit. Quæ incredulæ arrogantia non solum totam antiquitatem temere & impudenter accusat, sed ipsum etiam Spiritum sanctum corrigit, qui in sacris litteris hæc ipsa nomina (ut paulò post videbimus) extare voluit. Fatemur nihilominus cum valde male consuluisse Calvinianæ & Lutheranae fidei, qui hoc nomen primus inuenit. Nihil enim efficacius dici potest ad probandam iustitiam veram operum bonorum, & ad iustitiam imputatiuam refellendam, quam si opera iustorum merita vitæ æternæ esse dicantur.

Porro Martinus Bucer in actis Colloquii Ratisbon. ne totam antiquitatem cōtemnere videatur, negat Scripturam, vel Patres, nomine meriti vfos esse, addit tamen, si forte Patres hoc nomine vfi sint, duram esse in ea voce catachresim. Sed tam frequenter, & tam aperte vtuntur Patres hoc nomine, vt nesciam, vtrum sit maius Caluini sacrilegium, an Bucer mendacium.

Nos igitur probabimus id, quod habet communis Catholicorum omnium sententia, opera bona iustorum vere, ac proprie esse merita, & merita non cuiuscunque premii, sed ipsius vitæ æternæ, contra Sectarios omnes. Sed antea tamen contra Caluinum probabimus nomen meriti in Scripturis fundari, ac proinde non male consuluisse fidei sinceritati sanctos Patres, qui eo nomine passim vfi esse inveniuntur.

CAPVT II.

Probatur ex Scripturis, opera iustorum recte vocari merita.

QUOD igitur ad nomen meriti pertinet non, desunt testimonia sacræ Scripturæ, vbi eiusmodi nomen vel aperte contineatur, vnde facili negotio deducatur.

PRIMUM testimonium habetur Ecclesiastici cap. 19. *Omnis misericordia facies locum unicuique secundum meritum operum suorum*, Respondet CALVINUS, in Græco textu non haberi nomen meriti, sed solum *ἔργον*. At illud *ἔργον*, recte vertitur secundum meritum operum: vel pro merito, & dignitate operum. Quid enim est reddere secundum opera, nisi reddere sicut opera merentur? Quare non solum vetus interpretes Ecclesiastici, sed etiam S. Hieronymus, qui trium linguarum peritissimus erat, Latine reddere solet per vocem MERITI, quod Hebræi, vel Græci dicunt, iuxta, vel secundum opera. Vt exempli causa, quod habetur Iud. 20. in Hebræo & Græco, vt possimus reddere contra Gabaa Beniamin, iuxta omnem stultitiam, quam fecerunt in Israel. S. Hieronymus vertit, *Vt possimus pugnare contra Gabaa Beniamin, & reddere eis pro scelere quod merentur*.

ALIVS locus est in epist. ad Hebræos cap. 13. *Beneficentia, & communionis nolite obliuisci, talibus enim hostiis promeretur Deus*. Vbi passim vsurpauit interpretes vocem PROMERETUR, sed alioqui rectissime vertit vocem Græcam *ἀπομνηστέον*, Significat enim hoc verbum delectari, hilariter se habere, placari. Itaq; sensus est, talibus hostiis delectatur, siue placatur Deus, vt habet commentarius Chrysost. vel talibus hostiis placetur Deo, vt exponit Occumenius. Caluinus fatetur, Apostolum dicere voluisse, tales hostias placere Deo, atq; ei acceptas esse: & tamen negat recte vocari merita. At certe propriissime dicimus Latine, vnum apud alterum mereri, & eum sibi obstringere, qui facit aliquid, quod ei placeat, eumque delectet. Adde quod verbum illud coniunctum cum vocabulo, *hostiarum*, non solū significat, Deum delectari bonis operibus, sed etiam conciliari, & induci ad benefaciendum iis, qui bene operantur. Hoc autem est, quod dicimus, opera bona esse meritoria.

ALIA loca sunt, vbi cunque inuenitur nomen dignitatis. Nam quod nos dicimus mereri, dicunt Græci *ἀξιοῦναι*, id est, dignum esse, & meritum vocant *ἀξια*. Hæc autem verba frequenter habentur in Scripturis, vt 2. ad Thess. 1. *Vt digni habeamini regno Dei*. Græce est, *ὅτι τὸ καταξιοῦναι ἡμᾶς, ἡ βασιλεία τοῦ Θεοῦ*

quod eque verti poterat, vt vos mereamini regnum Dei. Et Apoc. c. 3. *Ambulabunt mecum in albis, quia digni sunt*, id est, quoniam id merentur. Et cap. 16. *De-dissus eis sanguinem bibere, digni sunt enim*, id est, eiusmodi pœnam merentur. In his omnibus locis aliisque permultis, ponitur illa vox, qua Græci meritum designare solent.

DENIQUE plurima sunt testimonia Scripturæ, quæ disertis verbis continent nomen mercedis. Vt Genes. 15. *Ego protector tuus sum, & merces tua magna nimis*. Paral. 15. *Vos ergo confortamini, erit enim merces operi vestro*. Proverb. 11. *Seminans iustitiam merces fidelis*. Sap. 5. *Iusti autem in perpetuum viuunt, & apud Dominum est merces eorum*. Ecclesiast. 18. *Non vereris usque ad mortem iustificari, quoniam merces Dei manet in æternum*. Isa. 40. *Ecce Dominus veniet, & merces eius cum eo*. Matth. 5. *Merces vestra copiosa est in cælis*. 1. ad Cor. 3. *Vnusquisque propriam mercedem accipiet*. Apocal. ultimo, *Ecce venio cito, & merces mea mecum est*. At merces, & meritum, relatiua sunt: merces enim meritis redditur, sicut gratia gratis datur. Igitur cum tam sæpe, & tam perspicue præteritum operum dicatur merces, dubium esse non debet, quin ipsa opera secundum morem loquendi Scripturæ, recte dicantur merita.

Neq; probabile est, in tot locis semper esse duram catachresim, vt dicit Bucerus. Catachresis enim, præsertim dura, in vno aut alio loco fortasse tolerari posset: tot autem in locis plane intolerabilis esset, & iniuriam facit Spiritui sancto, qui tot in locis durissima catachresi illum vsum esse confirmat.

CAPVT III.

Opera iustorum meritoria esse vita æterna, probatur ex diuinis litteris.

SED vt iam ad rem ipsam veniamus, probare possumus ex diuinis litteris sententiam nostram testimonio plurimis: sed ea nos ad certa capita reuocabimus.

PRIMUM igitur argumentum ducitur ab iis locis, vbi vita æterna nominatur merces. Nam si ipsa est merces, bona opera, quibus illa redditur, sine dubitatione sunt merita, Matth. *Gaudete & exultate, quoniam merces vestra copiosa est in cælis*. Quid autem sit hæc merces, paulo ante explicauerat Dominus dicens: *Beati qui persecutionem patiuntur propter iustitiam, quoniam ipsorum est regnum cælorum*. Dicit igitur, gaudendum, & exultandum in persecutionibus, quoniam copiosa nos manet merces in cælo, cum regnum cælorum iis paratum sit, qui persecutionem patiuntur propter iustitiam.

Item Matt. 20. *Voca operarios, & redde illis mercedem*. Huius autem mercedis nomine intelligi denarium diurnum, ex ipsa eadem parabola perspicuum est. Per denarium vero diurnum significari vitam æternam, communi consensu Patres docent. Nam præter commentarios in hunc locum, id habent S. Hierony. l. 2. in Iovinianum, S. August. l. de sancta virginitate, c. 26. & S. Greg. lib. 4. Moral. cap. 42.

Ad hoc argumentum responderet Philippus in Apologia confessionis Augustanæ, mercedem dici præmium, quod Deus reddit, non quia debeatur operibus, sed quia debetur promissioni, qua Deus constituit filiis suis adoptatis per Christum dare vitam æternam. At Scriptura disertis verbis dicit, hanc mercedem dari operibus, non soli promissioni. Quid enim apertius dici potuit, quam, *Voca operarios, & redde illis mercedem*? Deinde esto, propter solam promissionem aliquid vere & proprie debeatur: tamen nunquam id mercedis nomine vere ap-

que misistis in odorem suavitatis hostiam acceptam, placentem Deo. Atqui Deo nihil placere potest, nisi quod est vere bonum & purum ab omni vicio, ut ipse etiam Calvinus fatetur, lib. 3. Instit. cap. 12. §. 1.

Quod vero idem Calvinus ait, placere Deo eiusmodi opera, non ratione propriæ dignitatis, sed quia Deus per indulgentiam lauat operum fœditatē, omnino est absurdum, nisi forte non solum peccatoribus imputari velit Christi iustitiam, sed ipsis etiam peccatis, quod nullo modo fieri potest. Nam si quis dixerit, Deum ignorare culpas, non velle punire, non imputare, facile intelligitur, at ipsum peccatum per indulgentiam fieri hostiam placentem Deo in odorem suavitatis, quis tandem intelliget?

Octauum testimonium ex locis illis, quæ absolute iustorum opera, bona opera nominant, Matt. 5. Sic luceat lux vestra coram hominibus, ut videant opera vestra bona, & glorificent patrem vestrum, qui in celis est. 1. ad Timoth. 6. Diuitibus præcipe non superbe sapere, diuites fieri in operibus bonis. Tit. 3. Curent operibus bonis præesse, qui credunt Deo. Ephes. 2. Ipsi enim sumus factura, creati in Christo Iesu in operibus bonis, quæ præparauit Deus ut in illis ambulemus.

At si opera omnia iustorum essent peccata mortalia, dicenda essent potius mala quam bona. Nam ut ex Dionysio in ca. 4. de diuinis nominibus, Theologi colligunt, malum dicitur opus absolute, ex quoque vicio, bonum non dicitur absolute, nisi integre sit bonum. Quomodo igitur Scriptura prædicat absolute opera bona, si non sunt bona, nisi secundum quid, sed absolute & simpliciter mala? Omnino necesse est, ut vel Spiritus sanctus in hac parte fallatur, vel Lutherus & Calvinus erret. Vtrum autem horum sit verius, ipsi semet sectarijs iudicandum relinquo.

CAPVT XVI.

Opera bona non esse peccata, sed vere bona, probatur ex Patribus.

Quod attinet ad testimonia sanctorum Patrum si producere vellemus in medium, quæ illi dicunt in commendationem operum bonorum, nullus esset finis. Solum igitur pauca quædam notabimus. Ex quibus colligi possit, agnouisse Patres opera simpliciter bona, atque à peccatis, vere, proprieque distincta.

S. Ambrosius in lib. de Apologia David cap. 6. Etenim, inquit, quia non potest sine peccato esse humana fragilitas, cauendum est, ne plura peccata sint, quam opera virtutum. Vbi distinguit aperte S. Ambrosius, opera virtutum à peccatis, quod non faceret, si existimaret, omnia opera, quantumvis bona, vere esse peccata.

S. Hieronymus lib. 3. aduersus Pelagianos, Hoc, inquit, & nos dicimus, posse hominem non peccare: si velit, pro tempore, pro loco, pro imbecillitate corporis, quamdiu intentus est animus, quamdiu chorda nullo vitio laxatur in cithara. Et infra: Qui cautus est & timidus, potest ad tempus vitare peccata. Quo loco S. Hieronymus non laborat, ut probet, posse hominem aliqua facere bona, quæ non sint peccata. Id enim in controuerisiam nondum venerat, sed nititur contra Pelagianos ostendere vitam humanam, etiam iustorum, non ita esse posse perfectam, ut longo tempore caueat omnia peccata, etiā quotidiana & leuia. Vbi tamen admittit, saltem aliquanto tempore posse hominem diligentem ita viuere, ut nullum peccatum, ne veniale quidem admittat, ac per hoc aliqua opera facere ab omni vitio pura & integra.

Augustinus in libr. de spiritu & littera, capite

Aultimo: Dicit potest quædam iustitia minor, huic vite competens, quæ iustus ex fide vivit, quamvis peregrinus à Domino, & ideo per fidem ambulans, nondum per speciem; non absurde dicitur etiam ad istam pertinere, ne peccet. Neque enim si nondum esse potest tanta dilectio Dei, quanta illi cognitioni plenæ, perfectæque debetur, iam culpa deputandum est. Aliud est enim totam nondum assequi charitatem, aliud nullam sequi cupiditatem. Quamobrem debet homo quamvis longe minus amare Deum, quam eum potest amare conspectum, nihil tamen appetere illicitum, sicut etiam in his, quæ adiacent sensibus corporis, potest oculus nullis tenebris delectari, quamvis non possit in fulgentissima luce desigi. Hoc loco S. Augustinus fatetur quidem iustitiam nostram in hac vita esse minorem, quam sit futura in alia vita, tamen disertis verbis affirmat, ad hanc etiam iustitiam nostram pertinere, ut non peccet; & posse, ac debere hominem nullam sequi cupiditatem.

BIdem in lib. de bono coniugali, cap. 6. Coniugalis, inquit, concubitus generandi gratia non habet culpam; concupiscentiæ vero satienda, sed tamen cum coniuge propter fidem tori, venialem habet culpam, adulterium vero, siue fornicatio letalem habet culpam. Et capite 7. Continentia meritis est amplioris, reddere debitum coniugi nullum est criminis, exigere ultra generandi necessitatem culpa venialis, sollicitari, vel mœchari, puniendi criminis. In his quatuor gradibus operum, quos distinguit Augustinus, assignare debent aduersarij discrimen aliquod: vel potius necessario confiteri, in primo & secundo nullum omnino esse peccatum, neque mortale ex natura sua, neque veniale per misericordiam Dei. Nam si continentia ab omni concubitu peccatum est mortale ex natura sua, & veniale per misericordiam Dei, quid erit concubitus gignendi causa, nisi peccatum omni ex parte mortale? & si concubitus gignendi causa peccatum est omni ex parte mortale, quid erit concubitus causa libidinis satiandæ, nisi peccatum in Spiritum sanctum, quod non remittitur, neque in hoc sæculo, neque in futuro? At sanctus Augustinus huic tertio gradui tribuit culpam venialem: secundo gradui nullam culpam, primo gradui meritum ingens. tantum videlicet interest inter sententiam sancti Augustini & Nouatorum.

CIdem denique sanctus Augustinus lib. 4. in Iulianum, cap. 3. & alijs in locis plurimis, contendit opera infidelium esse peccata, non quod non sint, vel esse possint bona ex genere suo, sed quoniam deest illis intentio bona dirigendi opera illa ad verum Deum, quem ignorant, cum fidem non habeant. Igitur opera fidelium ex sententia sancti Augustini poterunt esse simpliciter & absolute bona. Nam si fidelium quoque opera essent omnia peccata, & quidem morte digna, quorsum tantopere laborasset Augustinus, ut probaret opera infidelium esse peccata?

DS. Gregorius lib. 2. Moral. cap. 8. Si in sermonibus, inquit, suis dicimus Iob deliquisse, quod sentire nefas est, dum dicimus in sua propositione victoriam perdidisse. Item lib. 9. cap. 26. Ipsa, inquit, bona nostra insidiantibus culpa euadere gladium nequeunt, nisi solliciti quorundam timore muniantur. Vbi admittit S. Gregorius posse fieri, ut bona nostra insidiantis culpæ gladium vitent. Idem in epist. ad Augustin. respon. 10. Bonarum, inquit, mentium est, ibi etiam aliquomodo culpam agnoscere, ubi culpa non est.

ESanctus Bernardus in lib. de præcepto & dispensatione distinguit inter bonum obedientiæ, & malum inobedientiæ, & ponit aliquos gradus, ut supra sanctus Augustinus ponebat in concubitu: Bo-

nus, inquit, obedientia gradus est, si iuxta Magistri nostri sententiam, propter metum gehenna, seu propter professionem sanctam, quam professus est, quispiam obedierit. Melior tamen cum ex Dei amore obedierit. Illa quippe obedientia necessitatus est, ista charitatis. Ex infra de obedientia: Hec, inquit, generalis regula sit uniuersorum, quæ per se, aut propter se nec bona, nec mala sunt, aut propria cuiusque professione, aut diuina institutione fixa non sunt, ut non iussa quidem, licite utrumlibet, vel admittantur, vel omittantur, iussa vero, sine culpa non negligantur, sine crimine non contemnantur. Vbiq; enim & culpabilis neglectus & contemptus damnabilis est.

Vbi sanctus Bernardus cum dicit, obedientiam ex metu gehennæ esse bonam, ex charitate meliorem, intelligit bonam simpliciter, & sine vilo peccato, etiam veniali posse præstari. Alioqui non distingueret eam ab inobedientia propter neglectum, quam dicit esse culpam venialem; & inobedientia propter contemptum, quam dicit esse criminalem, atque damnabilem.

CAPVT XVII.

Opera bona iustorum non esse peccata, sed vere bona probatur rationibus.

IAm vero potest eadem veritas manifestis rationibus comprobari.

Prima ratio, si opera bona iustorum essent omnia vitiosa, & corrupta, ita ut peccata mortalia ex natura sua dici deberent, id sine dubio, vel ex innata concupiscentia, vel ex defectu dilectionis Dei, vel ex admittance peccatorum venialium nasceretur. Istas enim causas aduersarij reddere solent, cur opera ex genere suo bona, vel à Deo mandata & bona intentione facta, tamen peccata mortalia esse contendunt. At nihil horum trium contaminare potest opera iustorum bona.

Nam imprimis concupiscentia ipsa peccatum non est, sed infirmitas, nisi ei consentiatur. Vnde S. Augustinus in lib. de perfectione iustitiz, & alibi sæpe repetit non oportere pro motibus concupiscentiz inuoluntarijs dicere: *Dimitte nobis debita nostra*: Deinde etiam si peccatum esset, tamen non semper mouetur, ut idem testatur August. lib. 6. in Iulian. c. 8. ac per hoc opera bona fieri possunt aliquando ex charitate, sine vlla admittance cupiditatis.

Defectus autem charitatis, quod videlicet non faciamus opera nostra tanto seruiore dilectionis, quanto faciemus in patria, defectus quidem est, sed culpa, & peccatum non est, ut sanctus Augustinus docet in libro de spiritu & littera, ca. vlt. Vnde etiam charitas nostra, quamuis comparata ad charitatem beatorum sit imperfecta, tamen absolute perfecta dici potest, ut eam sanctus Ioannes appellat, in 1. epist. cap. 2. & 5. S. Augustinus in lib. 1. de doctrina Christiana, cap. 39. lib. 1. de pecc. merit. & remiss. cap. 13. & alibi.

Admissio denique venialium peccatorum non impedit veram iustitiam, Tum quia non est necesse, ut in singulis operibus admisceatur veniale peccatū, ut ex Patribus probatum est, & experientia ipsa docet; Tum etiam quia peccatum veniale non est contrarium charitati, nec proprie contra legem, sed præter legem, ut supra diximus. Itaque Scriptura diuina quamuis dicat, In multis offendimus omnes, & si dixerimus, quia peccatū non habemus, nos ipsos seducimus; tamen absolute vocat homines quosdam iustos, sanctos, immaculatos, perfectos, quod nullo modo faceret, si veniale peccatū iustitiam impediret. Genes. 6. *Nec vir iustus fuit, atq; perfectus*, Eph. 1.

Ut essemus sancti & immaculati in conspectu eius. Philip. 3. *Quicumque perfecti sumus, hoc sentiamus*. Psal. 118. *Beati immaculati in via, qui ambulant in lege Domini*. Similia habet S. August. in lib. 2. de peccat. merit. & remiss. cap. 12. & 13. & in lib. 3. contra duas epist. Pelagianorum, cap. 2.

Secunda ratio ducitur ab absurdis, nam si omnia iustorum opera essent peccata, etiam opus fidei quo iustificamur, esset peccatū; & illa oratio, quam fundimus, cum dicimus: *Dimitte nobis debita nostra*, esset peccatum. At nonne absurdissimum est, hominem per peccatum iustificari, & per peccatum querere & impetrare remissionem peccati?

Item si omnia opera iustorum sunt peccata, qua fronte dicere potuit Apostolus Paulus: *Nihil mihi confectum sum*? nullū ne bonum opus fecerat? aut ignorabat illa ipsa bona opera peccata esse mortalia? & nonne adhuc maior fuisset audacia pro eiusmodi operibus, id est, peccatis mortalibus expectare à iusto iudice coronam iustitiz.

Præterea si omnia iustorum opera essent peccata mortalia, sequeretur, ipsum Deum peccare mortaliter: *Dens enim est, qui operatur in nobis*. Cum bona opera facimus, ut dicit Apostolus ad Philip. 1. & 2. neque aduersarij id negant.

Item fieret ingens iniuria Redemptori: *Qui*, ut Apostolus ait ad Tit. 2. *dedit semetipsum, ut nos redimeret ab omni iniquitate, & mundaret sibi populum acceptabilem, sectatorem bonorum operum*. Nam à nulla nos iniquitate vere redemisset, nec vere populum suum mundasset, nec sectatores nos operum vere bonorum, sed peccatorum mortalium effecisset.

Ad hæc si omnia opera bona sunt peccata mortalia, sequitur, ut aliqua peccata mortalia sint operabona, & posse fieri hos syllogismos, Omnia opera bona sunt facienda, aliqua peccata mortalia sunt opera bona, igitur aliqua peccata mortalia sunt facienda. Item, nullum peccatum mortale est faciendum, omnia opera bona sunt peccata mortalia, igitur nullum opus bonum est faciendum. Dignæ sane Lutherani conclusiones, aliqua peccata mortalia sunt facienda, & nullum bonum opus est faciendum.

Denique quis non videt, opera bona esse peccata mortalia, contradictionē implicare, atque inuolueret? *ut* erunt opera bona, & non bona; digna præmio & pœna; & per ea seruiemus Deo & diabolo, & simul erimus filij Dei & filij diaboli.

Dicent fortasse, quod Lutherus dicit in assert. art. 6. eadem opera esse bona, ut sunt à Deo, mala ut sunt à nobis, vel in nobis. Vel esse bona ex genere suo, siue ex obiecto, mala ex circumstantia, id est, propter cupiditatem, qua fiunt.

At prior distinctio inanis est, cum Deus non faciat nostra opera bona, nisi per nos, id est, faciendo ut nos illa faciamus; ac per hoc si ut à nobis fiunt mala sunt, simpliciter mala, non bona sunt. Id quod ex ipso Lutheri exēplo intelligi potest: *Si quis*, inquit, *securi corvæ & dentata fecerit, licet operator sit bonus faber, tamen securis facit malas, & difficiles, & deformes incisiones, sic Deus per nos operans, &c.* Ex hac similitudine manifeste colligitur, opera nostra non esse bona & mala, sed tantū mala. Bonus enim faber per malā securim non facit bonas, sed malas incisiones, sic igitur Deus per nos operans non facit opera bona, sed mala.

Posterior quoque distinctio non soluit nodum. Nam opera bona ex genere, siue ex obiecto, sed mala ex circumstantia, non sunt bona simpliciter, sed mala. Quoniam (ut supra diximus) bonum non existit nisi ex integra causa, malum vero ex quolibet vitio. Quare Dominus Matth. 6. & 7. orationes, ieiunia &

eleemosynas, quæ sunt bona ex genere suo, simpliciter damnat, & mercede apud Deum carere dicit, si fiant intentione captandæ auræ popularis. Pugnatia igitur aduersarii docent, cum opera bona iustorum bona opera, & peccata mortalia simul esse definiunt.

CAPVT XVIII.

Opera bona non solum esse vere iusta, sed etiam iustificare, probatur ex cap. 2. Iacobi.

NUNC antequam argumenta Hæreticorum contra iustitiam operum proponamus, probare nitemur, id quod tertio loco probandum esse diximus in cap. 10.

Operibus igitur bonis hominem iustum magis iustificari, atque adeo fieri iustiores probamus ex epistola S. Iacobi, qui sic loquitur, c. 2. *Abraham pater noster nonne ex operibus iustificatus est, offerens filium suum super altare? Vides, quoniam fides cooperabatur operibus eius, & ex operibus fides consummata est & impleta est. Scriptura dicens, credidit Abraham Deo, & reputatum est illi ad iustitiam, & amicus Dei appellatus est. Videris quoniam ex operibus iustificatur homo, & non ex fide tantum? Similiter autem & Raab meretrix nonne ex operibus iustificata est, suscipiens nuncios, & alia via eiciens?*

Ad hoc testimonium respondere conatur Ioann. Calvinus in lib. 3. Instit. cap. 17. §. 11. & 12. & in summa tria dicit.

Primo, scopum Iacobi fuisse ostendere quæ sit vera fides.

Secundo per fidem, quæ sine operibus non iustificat, Iacobum non accipere veram fidem, sed vnam quandam veræ fidei.

Tertio, nomine iustificationis hoc loco non intelligi imputationem iustitiæ Christi, sicut apud Paulum ad Rom. 4. sed declarationem iustitiæ. Ex his efficit, ut cum Iacobus dicit, Abrahamum ex operibus iustificatum fuisse, intelligere debeamus iustum fuisse declaratum, & ideo iustum, quia veram fidem haberet.

In omnibus tribus ab eo dissentimus; Primum enim dicimus, scopum Iacobi fuisse demonstrare, non quæ sit vera fides, sed fidem veram, atque Catholicam ad salutem sine operibus non sufficere, & fidelem, qui bene operatur, in iustitia crescere, qui male operatur, iustitiam amittere, & fidem in eo mortuam, ociosamque manere.

Id ita esse non esset nobis necesse probare, cū sententiam suam Calvinus nulla ratione probauerit, tamen habemus imprimis testimonium S. August. qui in lib. de fide & operibus, cap. 14. disertis verbis affirmat, scopum epistolæ Iacobi, ut etiam Petri, Ioannis & Iudæ, dirigi aduersus hæresim tunc recens exortum eorum, qui dicebant fidem sine operibus ad salutem sufficere: *Quoniam, inquit, hæc opinio tunc fuerat exorta, alia Apostolica epistola, Petri, Ioannis, Iacobi, Iudæ, contra eam maxime dirigunt intentionem, ut vehementer adstruant, fidem sine operibus nihil prodesse.* Deinde, scopus Iacobi in hac epistola satis aperte colligitur ex ipso contextu verborum eius. Nam ad finem, cap. 1. concludit: *Estote factores verbi, & non auditores tantum, fallentes vosmetipsos, &c.* Et ad initium, cap. 2. *Frates mei, inquit, nolite in personarum acceptione habere fidem Domini nostri Iesu Christi;* hoc est, Nolite cum fide quam habetis in Christum, simul peccata nutrire, quale est acceptio personarum. Deinde pergit explicare, magnum esse malum personas accipere, & hoc vnum sufficere ad æternam damnationem, sicut etiam quodcumque aliud lethale pec-

catum: *Quoniam, ut ipse dicit, qui totam legem seruauerit, offendat autem in vno, factus est omnium reus.* Deinde quoniam sciebat pseudo-apostolos multum gloriari de fide, quæ iuxta Paulum iustificamur, continuo subiungit: *Quid proderit fratribus mei, si quis dixeris fidem se habere, opera autem non habeat, nunquid poteris fides saluare illum?* Atque hinc sumpta occasione demonstrat fidem, si operibus destituatur, reddi ociosam, si vero opera adiungantur, hominem iustum fieri iustiores, quod ostendit exemplo Abraham & Raab. Atque hæc de scopo.

Quod attinet ad fidem, disseruimus de toto hoc loco in 1. lib. capite 15. ubi ostendimus multis rationibus Iacobum loqui de vera fide, & obiectiones Caluini diluimus, & certe res clarior est, quam ut probatione indigeat. Iacobus enim dicit, hominem iustificari ex fide, sed non ex fide tantum, & fidem cooperari operibus: vnam autem fidei neque iustificare, neque operibus cooperari posse, non dubium est.

Iam vero de nomine iustificationis, præcipua controuersia est: Calvinus enim contendit, iustificationem hoc loco necessario pro declaratione iustitiæ accipiendam esse, quoniam alioqui manifeste pugnaret Iacobus cum Paulo, cum Iacobus dicat, hominem ex operibus iustificari, Paulus autem ad Rom. 4. dicat, non ex operibus iustificari. Quos ita Calvinus conciliat, ut dicat Paulum loqui de iustificatione quæ sit per imputationem iustitiæ Christi, Iacobum, vero de declaratione iustitiæ. In utroque à veteribus, & ab ipsa veritate dissentit.

Nos igitur dicimus, Paulum loqui de primâ iustificatione, quæ homo ex impio fit iustus, Iacobum de secunda, quæ iustus efficitur iustior. Et ideo recte Paulum dicere, iustificari hominem sine operibus; Iacobum, iustificari ex operibus. Quemadmodum enim nemo potest opere suo se ipse procreare, aut à morte reuocare; procreatus autem, vel à morte reuocatus, ipse se, comedendo & bibendo nutrit & auget: sic etiam homo per peccatum mortuus, non potest merito operum suorum, se iustificare, sed posteaquam à Deo iustus factus est, potest recte viuendo iustitiam in se alere & augere, atque ita operibus iustificari. Ita conciliat hæc loca Tridentinum Concilium, sess. 6. cap. 8. & 10. & multo antea S. Augustinus præfatione in Psalm. 31. in libro de fide & operibus, cap. 14. in questionibus ad Dulcitium, quæst. 1. & lib. 83. quæst. 76.

Ac ne sola auctoritate niti videamur, probatur, Iacobum per iustificationem non intelligere declarationem, sed incrementum iustitiæ, Primo ex eo, quod Iacobus dicit, fidem Abraham cooperatam esse operibus ad eum iustificandum. Neque enim fides cooperatur operibus ad iustitiæ declarationem. Nam neque aduersarii hoc dicunt, fidem iustificare per modum declarationis, neque id ratio fidei patitur.

Secundo probatur ex eo, quo Iacobus adiungit, hominem iustificari ex operibus, & non ex fide tantum. Vbi non potest iustificatio sumi pro declaratione, eadem de causa, quia videlicet fides non iustificat declarando, sed vel disponendo ad iustitiam, & inchoando iustitiam formalem secundum Catholicos, vel apprehendendo iustitiam Christi, secundum hæreticos.

Tertio ex eo, quod additur, fidem Abraham ex operibus consummatam esse. Id enim non potest aliud significare, nisi iustitiam inchoatam per fidem, accepisse incrementum, & perfectionem per opera.

QUARTO ex eo, quod dicitur Raab meretricem ex operibus iustificatam. Neque enim Raab declarari potuit iusta, cum esset meretrix, sed vere iustificata est, id est, ex infideli fidelis, & ex meretrice iusta facta est. Non igitur iustificatio apud Iacobum pro declaratione sumitur.

Iam vero quod Paulus loquitur de prima iustificatione, qua quis ex impio efficitur iustus, multis argumentis probari posset. Sed vnum hoc loco sufficiet, quod ex ipso cap. 3. & 4. ad Rom. patitur. Nam cap. 3. sic ait: *Omnes peccaverunt & egent gloria Dei, iustificati gratis per gratiam eius, per redemptionem que est in Christo.* Et cap. 4. probare volens Apostolus, hominem iustificari ex fide, non ex operibus, adducit testimonium Prophetæ dicentis: *Beati quorum remissa sunt iniquitates, & quorum tecta sunt peccata.* Quod testimonium de iustificatione impii apertissime loquitur. Præterea ibidem Apostolus dicit: *Ei qui operatur, merces non imputatur secundum gratiam, sed secundum debitum, credenti autem in eum, qui iustificat impium, deputatur fides eius ad iustitiam.* Vbi non alia de causa, non dicit, credenti in Deum, sed credenti in eum, qui iustificat impium, nisi quia de impii iustificatione tractabat.

Sed una est hic gravissima difficultas, ex qua totus hic locus depēdet. Nam & Paulus, & Iacobus, utitur eodem exemplo Abraham, & uterque citat illa verba: *Credidit Abraham Deo, & reputatum est illi ad iustitiam.* Quare vel eodem modo uterque accipit iustificationem, vel alter eorum inepte utitur exemplo Abraham, & perperam explicat verba Moïsis.

Cæterum RESPONDEMVVS, Paulum & Iacobum, non eodem modo accipere iustificationem, & tamen ab utroque recte usurpari exemplum Abraham, & verba Moïsis. Ac (ut à Iacobo incipiamus) respexit ille præcipue tempus, quo Abraham immolare voluit filium suum, quod legitur in Gen. c. 22. sic enim ait: *Abraham pater noster nonne ex operibus iustificatus est, offerens Isaac filium suum super altare?* Illo autem tempore certum est, Abraham fuisse iustum, quippe qui iam obedierat Deo, ut exiret de terra sua, & signum acceperat circumcisionem signaculum iustitiæ fidei, &c. & ideo illo nouo opere obedientiæ non factum esse iustum ex impio, sed iustiorē ex iusto.

Quod vero Iacobus dicit, tunc impletam fuisse Scripturam, quæ ait: *Credidit Abraham Deo, & reputatum est ei ad iustitiam:* non repugnat sententiæ nostræ. Nam non vult Iacobus dicere, tunc primum eam Scripturam impletam fuisse. Non enim ignorare poterat, verba illa multo antea fuisse dicta de fide Abraham, quando videlicet credidit Deo, promittenti sibi filium ex Sara, quod scriptum est in Gen. cap. 15. sed dicere voluit, tunc etiam fuisse Scripturam illam impletam, quando ex fide obtulit eundem illum filium super altare. Possunt enim illa verba applicari ad omnes insignes actus fidei eiusdem Patriarchæ. Quem admodum si quis narraret aliquod factum Nathanaelis, in quo eius integritas & simplicitas apparet, posset vere dicere, nunc impletum est quod Dominus ait, Ecce verum Israelitam, in quo dolus non est. Itaque de verbis Iacobi nulla remanet questio.

De verbis Pauli maior est difficultas: non desunt, qui existiment, Abrahamum tunc primum iustificatum esse à peccatis, cum credidit Deo promittenti filium, & cum de eo dictum est: *Credidit Abraham Deo, & reputatum est ei ad iustitiam.* Ita docet nescimus in comment ad c. 4. ad Rom. & eandem sententiam indicare videtur S. Augustinus, præfatione in Psal. 31. cum ait, exponens hunc locum: *Ergo ex fide iustificatus est Abraham & si opera non præcesse-*

runt, tamen sequuta sunt. Et si quidem hæc opinio vera esset, nulla esset in Paulo difficultas.

Cæterum non audeam dicere, Abrahamum non fuisse multo ante iustificatum, quam de eo dictum sit: *Credidit Abraham Deo, &c.*

PRIMO, quoniam in Genes. cap. 12. 13. & 14. narrantur egregia opera Abraham, ut quod vocatus à Deo, & iussus exire de terra sua, continuo obedierit, quod aram Deo erexerit, quod sæpius cum Deo familiariter collocutus fuerit.

SECUNDO, quoniam Apostolus ad Heb. 11. inter præcipuas laudes Abraham ponit, quod fide obedierit exire in locum, quem nesciebat. Quod certe factum est multo ante, quam diceretur de eo: *Credidit Abraham Deo, &c.*

TERTIO, quoniam idem confirmant Patres, Origenes libro 4. in epist. ad Rom. Ambrosius lib. 1. de Abraham. cap. 2. Chrysostomus hom. 31. & 35. in Genes. & Augustinus libro 16. de ciuitate Dei, capite 13.

QUARTO, quoniam id quod dicitur Genes. 15. *Credidit Abraham Deo, & reputatum est ei ad iustitiam,* si verba Hebræa diligenter inspiciantur, hunc sensum habet, quod actus ille credendi fuerit opus iustum & meritorium, & pro tali sit à Deo iudicatum & acceptum. Ex quo intelligimus, eum antea fuisse iustum, cum opera iusta facere potuerit, eumque fide non esse factum iustum ex impio, sed iustiorē ex iusto.

Dico igitur Paulum usum esse exemplo Abraham, non ut significaret, Abrahamum tunc primum iustificatum fuisse à peccatis, sed ut ostenderet, non iustificari impium ex operibus sine fide & gratia Dei factis, sed ex fide & gratia Dei. Nam si Abraham iustus non est factus iustior ex operibus sine fide, multo magis impius non poterit fieri iustus ex operibus sine fide.

Possimus enim doctrinæ causâ distinguere TRÆS iustitias, VNAM quæ sit gratia & non merces: qualis secundum rei veritatem est illa, qua impius iustificatur: ALTERAM, quæ sit merces & gratia, qualis est etiam secundum rei veritatem, qua iustus fit iustior.

TERTIAM, quæ sit merces & non gratia, qualis esset, si homo ex operibus solius liberi arbitri viribus factis iustificaretur. Hanc tertiam contendit Apostolus excludere in epist. ad Roman. & ad Galat. Ad hoc autem faciendum nihil interest, utrum sumantur exempla à prima, vel à secunda iustitia, cum neutra ex operibus sine fide obtineri possit.

Igitur Apostolus ad Rom. 4. loquitur de prima iustificatione, qua quis ex impio fit iustus: tamen si ad probandum, eam non fieri ex operibus, sed ex fide, exemplum petat à secunda iustificatione, qua quis ex iusto fit iustior. Quare Paulus & Iacobus, consentiunt omnino in exemplo Abraham, & verbis Moïsis intelligendis, quamuis ad varias conclusiones probandas illis utantur.

Porro sicut Paulus, cum loqueretur de prima iustificatione attulit exemplum Abraham, quod erat secundæ, ut probaret à maiori, non posse impium iustificari ex operibus sine fide, si Abraham iustus non est factus iustior ex operibus sine fide: sic Iacobus cum loqueretur de secunda iustificatione, attulit exemplum Raab, quod est primæ iustificationis, ut probaret à maiori, iustum fieri iustiorē ex operibus, & non ex fide tantum: si Raab ex meretrice facta est iusta ex operibus, & non ex fide tantum. Nam probabile est valde, Raab usque ad illud tempus, quo suscepit nuncios Iosue, fuisse non solum meretricem, sed etiam infidelem: sed ab eo tempore credidisse in Deum, &

cit iustos ex impijs, sed iustiores ex iustis. Hæc tria habentur in Concilio Tridentino sess. 6. cap. 10. & 11. & nos eadem tria in sequentibus capitibus, Domino adiuuante, probabimus.

CAPVT XI.

Legem Dei esse possibilem probatur ex diuinis litteris.

Legem igitur Dei esse possibilem, probamus primo ijs testimonijs, quibus vtitur Concilium Trident. sess. 6. c. 11. quæ non solum possible, sed etiam facilia testantur esse mandata, *Matt. 11. Iugum meum suauis est, & onus meum leue. Et 1. Ioan. 15. Et man data eius gratia non sunt.*

Respondent, Calvinus in Antidoto, & Remnitijs in Examine, legem Dei vocari iugum suauis & onus leue, & mandata non graua, quoniam renatis non imputatur præuicatio. Christus enim nos liberauit de maledicto legis, ut dicitur ad Galat. 3. & nihil damnationis est his, qui sunt in Christo Iesu, ut dicitur ad Rom. 8.

At hæc solutio non tollit, nec minuit vim argumenti, nam imprimis vel illa non imputatio tollit obligationem legis, ita ut præuicator non incurrat reatum; vel tollit reatum ex præuicatione contractum. Si tollit obligationem, facit, ut lex non sit lex, & iugum non sit iugum. Proinde Scriptura falso dicit, legem esse iugum suauis, & mandata non esse graua. Neque enim sine obligatione lex esse potest.

Si vero permittit contrahi reatum, sed contractum postea tollit: tunc non facit iugum esse suauis, neque onus leue, imo ostendit iugum esse durissimum, & onus grauissimum, quippe quod portari non potest. Certe si boues sub iugo ad singulos passus caderent, etiam si aratoris industria continuo resurgerent, non tamen propterea diceretur iugum eorum suauis, & onus leue. Domini autem & Apostoli verba indicant, legem Dei esse iugum, quod facile portatur, & mandata eius non esse graua, sed paruo negotio custodiri, quod euidentius expressit Dauid sub metaphora viz, cum ait in Psal. 18. *Viam mandatorum tuorum cucurri, cum dilatasti cor meum.* Et apostol. ad Philipp. 4. *Omnia possum in eo, qui me confortat.* Vbi vides dilationem cordis per infusam charitatem & gratiam Domini confortantem efficere, ut mandata facile conseruentur. Quod multo ante futurum prædixit Ezechiel. cap. 36. cum ait: *Spiritus meus ponam in medio vestri, & faciam, ut in præceptis meis ambuletis, & iudicia mea custodiatis.*

Et hoc idem confirmant loca, quæ illi contra adducunt. Nam Christus liberauit nos de maledicto legis, quia fecit ut mandatum implemus, & nulla damnatio est his, qui sunt in Christo, non quia non imputatur præuicatio, sed quia ij non secundum carnem ambulant, & quia per gratiam Dei fit, ut iustificatio legis impleatur in ipsis, ut ibidem subiungit Apostolus.

Secundo probatur ex testimonijs, quæ docent mandata seruari ab his, qui diligunt, ut etiam Concilium in eodem loco argumentatur. Ioan. 14. *Qui diligit me, sermonem meum seruabit.* Rom. 13. *Qui diligit proximum, legem implet.* Galat. 5. *Omnis lex in vno sermone impletur. Diliges proximum tuum, sicut teipsum.* At certe debemus & possumus diligere Deum & proximum, alioqui non possemus esse Christi discipuli, cum ipse dicat Ioan. 13. *In hoc cognoscent omnes, quod discipuli mei estis, si dilectionem habueritis ad inuicem.* Nec possemus vnquam amici Christi fieri, si non posse-

mus diligere. Ipse enim ait Ioan. 15. *Vos amici mei eritis, si feceritis quæ ego præcipio vobis.* Quid autem præcipiat, explicat ibidem dicens: *Hæc est præceptum meum, ut diligatis inuicem.*

Ad hoc argumentum respondent Calvinus & Remnitijs, locis notatis, eum, qui diligit, legem implere, sed neminem esse, qui diligit sicut oportet, ut præcepto diuino satisfiat. Hic enim inchoatam tantum esse dilectionem, non perfectam.

At nos fateamur dilectionem in hac vita imperfectam esse, quia potest crescere, & quia maior erit in patria: tamen non posse esse etiam tam perfectam, ut præcepto adimplendo sufficiat, omnino negamus. Nam imprimis (ut diximus) non possemus esse Christi discipuli & amici, nisi hoc præceptum dilectionis implemus. Valde autem absurdum est, neminem esse posse Christi discipulum, vel amicum.

Deinde nihil Deus requirit, cum dilectione præcipit, nisi ut diligamus ex toto corde: at hoc non solum posse fieri, sed etiam fuisse futurum in statu Testamenti noui testatur Scriptura Deuter. 30. *Circumcides, inquit Dominus, cor tuum, & cor seminis tui, ut diligas Dominum Deum tuum in toto corde tuo, & in tota anima tua.* Denique Scriptura docet, homines posse esse perfectos in hac vita, ac per hoc vere, perfecteque diligere: charitas enim est vinculum perfectionis, Genes. sexto, *Noe vir iustus fuit atque perfectus.* Genes. 17. *Ambula coram me, & esto perfectus.* Matth. quinto: *Estote perfecti.* Matth. 19. *Si vis perfectus esse.* Philipp. 3. *Quicumque perfecti sumus.* 1. Ioan. quinto. *Qui seruat verbum eius, vere in hoc charitas Dei perfecta est.*

Porro Philippus Melancthon in Apologia, titulo de implezione legis, in solutione argumentorum, videtur concedere, posse diligi proximum, sed negat ab eo, qui diligit proximum, legem impleri. Stultum enim esse dicit, somniare, quod dilectio proximi iustificet coram Deo, & legi diuinæ satisfaciatur. At hoc est negare verbum Dei expressum. Quid enim apertius scribi potest, quam, qui diligit proximum, legem impleuit?

Tertio probatur ex testimonijs, quæ docent, aliquos seruasse mandata, ac præcipue de dilectione ex toto corde, & non concupiscendo. Psalm. 118. inquit Dauid: *In toto corde meo exquisiui te.* Et de eodem dicitur lib. tertio Regum decimo quarto: *Non fuisse sicut seruus meus Dauid, qui custodiuisset mandata mea, & sequutus est me in toto corde suo, faciens quod placitum esset in conspectu meo.* Et Act. 13. Inueni, inquit, Dauid filium Iesse, virum secundum cor meum, qui omnes voluntates meas faciet. Et tertii Regum capite 15. *Eo quod fecisset Dauid rectum in oculis Domini, & non declinasset ab omnibus, quæ præceperat ei cunctis diebus vite sue, excepto sermone Vria.* Item de Iosia libri quarti Reg. cap. 23. *Similis non fuit ante eum Rex, qui reuerteretur ad Dominum in omni corde suo, in tota anima sua, & in vniuersa virtute sua.* Item de Asa, & populo lib. 2. Paralip. cap. 15. *In tota voluntate sua quæserunt Dominum, & inuenerunt.* Item de Iosue in eius libro, capite 11. *Sicut præceperat Dominus Moysi sermo suo, ita præcepit Moyses Iosue, & ille vniuersa complenit. Non præterijt de vniuersis mandatis ne vnum quidem verbum, quod iussisset Dominus Moysi.*

Neque dubium est, quin similia dici possint de Abraham, de Mose, de Samuele, de Helia, de Heliseo, Isaia, Hieremia, aliisque Prophetis. In Testamento nouo legimus Luc. 1. de Zacharia & vxore: *Erant iusti ambo ante Deum, incedentes in omnibus mandatis & iustificationibus Domini sine querela.*

De Apostolis Dominus ait Ioan. 17. *Tulerant, &*

nobi eos dedisti, & sermone in me seruauerunt. Eisdem etiam vocat amicos, Lucæ 12. Dico autem vobis amicis meis. Et Ioannis 15. Vos autem dixi amicos. Et tamen ibidem iam dixerat, solos amicos esse, qui præcepta custodiunt.

Apostolus vero Paulus ad Roman. 7. de præcepto, Non concupisces, verba faciens: Quod nolo, inquit, facio, si autem quod nolo facio, iam non ego operor illud, sed quod habitat in me peccatum. Vbi aperte demonstrat, se non peccare, dum inuitus concupiscit, quia non ipse illud opus facit, proinde seruare se legem, quæ cum iubet, non concupisces, voluntati præcipit, ne velit concupiscere, non sensui, qui legis capax non est. Vnde ibidem addit: Ego ipse mente serui legi Dei. At si mente seruiebat legi, certe non peccabat, non enim peccatum esse potest nisi in mente, aut cum aliquo mentis consensu. Quod autem de Apostolis legimus, ambigi non potest, quinetiam de Ioanne Baptista dici posse, cum inter natos mulierum non surrexerit maior Ioanne Baptista. Habemus igitur multos seruasse legem Dei, ex quo euidenter sequitur, vt non sit impossibile.

Neque ad hoc argumentum applicari potest communis Lutheranorum solutio, quod sancti Patres mandata seruasse dicantur, tum propter inchoatam obedientiam, tum propter non imputationem Dei. Non enim dici potest, absolute implere mandatum, sed potius absolute præuaricari, qui tam imperfecte illud seruat, vt peccet mortaliter, & dignus sit propter illud opus odio, & ira Dei, & supplicio sempiterno. Scriptura autem dicit, illos absolute seruasse, immo etiam toto corde seruasse, addit etiam Ezechias, Iam trigesimo-octauo se in veritate & in corde perfecto ambulasse coram Deo. Et non esse mentitum, testis fuit Deus, qui eum exaudivit. Et si Ezechias corde perfecto coram Domino ambulauit, quis id negabit Abrahamo, cui dictum est: Ambula coram me, & esto perfectus? Quis idem negabit Dauid, Mosi, Helix, & similibus, quibus Ezechiam præferre nemo sanus auderet?

CAPVT XII.

Legem Dei non esse impossibilem, probatur ex Patribus.

Accedat traditio Ecclesiastica. Habemus in primis Concilium II. Araulicanum Canon. ult. vbi sic legimus: Hoc etiam secundum fidem Catholicam credimus, quod accepta per Baptismum gratia, omnes baptizari, Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere.

Origenes homil. 9. in Iosue prope finem, mulieribus comparandos censet eos, qui dicunt, se Dei mandata seruare non posse.

S. Basilus orat. in illud: Attende tibi, non procul ab initio: Impium, inquit, est dicere, impossibilia esse spiritus præcepta.

S. Ioannes Chrysostomus hom. 8. de pœnitent. circa medium: Nequaquam, inquit, Dominum accuses, hanc mandat impossibilem. Multi & ipsa superant præcepta. Similia habet hom. 19. in epist. ad Heb. hom. 39. in Matt. & hom. 2. in epist. ad Philipp.

S. Cyrillus libr. 4. contra Iulian. circa medium, ipsum etiam præceptum, Non concupisces, quod omnium difficultimum iudicatur, dicit, impleri posse per gratiam.

Ex Latinis sanctus Hilarius in Psal. 118. tractans illud: Latum mandatum iuniorum, latum, inquit, mandatum Dei est, & in omnia species nostra genera diffun-

ditur, vt non difficile sit, si voluntas adsit, præcepto Domini obtemperare.

S. Hieronymus li. 3. aduersus Pelagianos prope initium: Deus, inquit, possibilis mandauit, hoc nulli dubium est. Idem in comment. ad cap. 5. Matt. prope finem: Multa præcepta Dei sua imbecillitate motientes, putant esse impossibilia, quæ præcepta sunt. Et: Sciendum est ergo, Christum non impossibilia præcipere, sed perfectæ, quæ fecit Dauid, &c.

S. Augustinus lib. de natura & gratia, cap. 43. Non igitur, inquit, Deus impossibilia iubet, sed iubendo admonet, & facere quod possit, & petere quod non possit. Vbi docet, mandata omnia esse possibilia, sed alia immediate, alia mediate, id est, mediante oratione.

Hoc testimonium Concilium Tridentinum citauit, vel potius suum fecit, sess. 6. c. 11. Ideo respondet Kemnitius, Augustinum fuisse vexatum à Pelagianis ista questione, essent ne Dei præcepta possibilia, & ad cauendam inuidiam abstinuisse à voce impossibilitatis, interdum etiam concessisse esse possibilia, sed sine præiudicio veritatis. Nam in libro de perfectione iustitiæ resp. 16. dicit Augustinus non esse questionem, an possit homo vitare omnia peccata, sed quando, & per quem. Potest enim vitare, sed in alia vita, non ista, & per gratiam, non per naturam, quod est idem, ac si dixisset, legem esse possibilem, sed in cælo, non in terris, post mortem, non in vita. Item in lib. tertio contra duas epistolas Pelagianorum, c. 7. dicit, gratiam Dei dedisse homini studium præcepta seruandi, & eandem gratiam ignorare, si quid minus sit. Quibus verbis videtur S. Augustinus dicere voluisse, mandata non esse impossibilia, non quod impleri possint, sed quia quod non impletur, indulgetur.

At Kemnitius confundit more suo duas questiones, Vtrum præcepta seruari possint, & an possit homo viuere absque peccato. Istæ enim questiones adeo diuersæ sunt, vt ad priorem semper Augustinus responderit affirmando, ad posteriorem responderit semper negando. Peccata enim venialia non sunt contra, sed præter mandata, & etiam si essent contra mandata, non tamen necesse est, vt in quolibet opere peccatum veniale admisceatur. Itaque sanctus Augustinus constanter docet, non posse hominem in hac vita cauere omnia peccata venialia, libro de natura & gratia, cap. 44. de spiritu & littera, cap. vltimo, libro 1. ad Bonifacium contra duas epistolas Pelagianorum, cap. 14. in epist. 89. & 95. & in toto libro de perfectione iustitiæ.

Atque hoc modo intelligitur, quod obijcit Kemnitius ex libro de perfectione iustitiæ, non enim Augustinus dicit, mandata seruari posse in cælo, non in terra, sed in cælo non in terra habitos nos eâ perfectione, vt viuamus omnino absque peccato, etiam veniali. Imo in altero loco nobis obiecto, id est, in li. 3. ad Bonifacium, c. 7. cum Pelagiani colligerent ex sententia Augustini id, quod nunc Kemnitius colligit, legem videlicet in cælo impleri posse, nō in terra, respondit Augustinus, valde illos errare, præcepta enim ad hanc vitam, non ad aliam pertinere: Hic, inquit, præcipitur nobis, vt diligamus, ibi autem diligere non obedientia, sed felicitas erit.

Quod autem ibid. subiungit, gratiam Dei præbere studium ad implenda mandata, & indulgentiam, si quid minus impletur, non arguit præcepta esse impossibilia, sed hominē non esse impeccabilem. Sensus enim eorum verborum est, ex gratia Dei hominem habere, vt velit, & studeat implere mandata. Quod si forte aliquando labatur & non impleat, ex gratia item indulgentiam esse sperandam.

Iam vero quod S. Augustinus ad priorem quaestione semper respondeat affirmando, hæc loca testantur Libro de natura & gratia, cap. 69. *Eo ipso quo firmissime creditur Deum iustum & bonum impossibilia non potuisse precipere, hinc admonemur, & in facilibus quid agamus, & in difficilibus quid petamus. Omnia quippe facilia sunt charitati, cui uni Christi sarcina lenis est.* Libr. 2. de peccatorum meritis & remissione, cap. 3. *Non præciperet Deus aliquid, quod esset humana impossibile voluntati.* Et in eodem lib. c. 6. *Dubitare non possum nec Deum aliquid impossibile homini præcuisse, nec Deo ad opitulandum & adiuvandum, quo fiat quod iubet, impossibile aliquid esse.* Libro de gratia & libero arbitrio, ca. 16. *Magnum aliquid Pelagiani se scire putant, quando dicunt, non iubere Deum, quod scires non posse ab homine fieri, quis hoc nescit? In Psal. 56. Non imperaret hoc Deus, ut faceremus, si impossibile iudicaret.*

CAPVT XIII.

Legem Dei non esse impossibilem, probatur rationibus.

Accedant postremo etiam rationes. Prima ratio, potest homo facere plus quam Deus præcipiat, igitur multo magis potest implere præceptum. Posse autem fieri plus quam Deus præcipiat, testatur Dominus Matth. 19. qui posteaquam dixerat, *Si vis ad vitam ingredi, serua mandata, & quidam responderat, hæc omnia seruavi a iuuentute mea.* Rursus eidem ait: *Si vis perfectus esse, uade, vende omnia quæ habes, &c.*

Testatur quoque S. Ioannes Chrysostomus loco citato homil. 8. de penitentia: *Mulus, inquit, & ipsa superant mandata.*

Testatur denique S. Augustinus serm. 18. de verbis Apostoli: *Non grande onus impositum est virginibus, maior amor imposuit maius onus, tanquam dicerent, quid iubet ne adultera simus? hoc præcipit? amando te plus facimus, quam præcipis.*

Secunda ratio, si præcepta essent impossibilia, neminem obligarent, ac per hoc præcepta non essent præcepta. Neque enim fingi potest, quomodo aliquis peccet in eo, quod vitare non potest. Quod si non peccat, qui legis transgressionem vitare non potest, profecto nec legem transgreditur, nec legem ullam habet. Non enim fieri potest, ut legis transgressio non sit peccatum, cum nihil sit aliud peccatum nisi transgressio legis.

Tertia, si lex Domini esset impossibilis, sequeretur, Deum omni tyranno esse crudeliorem & stultiorem, quippe qui ab ipsis etiam amicis tributum exigeret, quod nemo soluere posset, & leges ferret, quas sciret à nemine obseruandas. Quod vero Philippus & Kemnitius dicunt, non esse audiendam politicam iustitiam, quæ docet, nihil præcipi posse aut debere, quod seruari non possit, fortasse locum haberet, nisi huic iustitiæ politicæ, vel potius rectæ rationi Scripturarum & Patrum testimonia consentanea non haberemus. At cum politica in hac parte mirifice cum diuinæ Scripturæ auctoritate consentiat, quidni rationem politicam potius, quam Lutheri delirationem audiamus?

Quarta ratio, *Christus passus est, ut iustificatio legis impleteretur in nobis, ut dicitur ad Rom. 8.* Item docuit nos orare: *Fiat voluntas tua sicut in celo & in terra,* Matth. 6. ubi petimus gratiam implendi præcepta, ut exponunt S. Cyprianus in sermo. de oratione Dominica. Et sanctus Augustinus lib. 3. ad Bonifacium, cap. 7. Denique Christus factus est omnibus obedientibus sibi causa salutis æternæ. Hebr. 5. At si lex impleri non potest, Christus non obtinuit quod vo-

Aluit, frustra nos oramus quotidie, & nemo omnino sanari poterit. Nam si lex impleri non potest, iustificatio legis nunquam impletur in nobis, etiam si Christus venerit in similitudinem carnis peccati, & de peccato, id est, victima pro peccato, damnauerit peccatum, nec sic unquam Dei voluntas in terra, sicut in celo, etiam si Christo Magistro freti hanc orationem assidue frequentemus, nec unquam vere obedi-mus Christo, ac per hoc nulli nostrum erit causa salutis æternæ.

B Quinta ratio, omnes vere iustificati Spiritum sanctum habent, ut Scripturæ passim testantur, Roman. 5. & 8. 1 Cor. 3. Gal. 3. Tit. 3. & alibi: At spiritus sanctus fructus suos parit, qui numerantur ad Galat. 5. *Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Qui vero hos fructus habet, non accusatur à lege, quippe qui eam non præuaricatur, sed implet. Id enim significat quod in eodem loco subiungitur, *aduersus huiusmodi non est lex.* Non enim lex habet, in quo accuset eos, qui sunt præditi charitate, patientia, &c. & ideo paulo ante dixerat idem Apostolus: *si spiritu ducimini, non estis sub lege.* Et ad Rom. 8. *Lex spiritum vitæ liberauit me à lege peccati & mortis.* Quia videlicet lex in corde scripta, id est, Spiritus sanctus in corde diffusus facit implendo legem, ut lex non accuset amplius, neque occidat, ut præuaricatores, ergo de primo ad vltimum, qui est iustificatus, propter Spiritum quem accipit, legem omnino implet, & si non implet, nec spiritum accepit, nec vere iustificatus est.

C Sexta ratio, omnes iustificati ex Deo nati sunt, ut perspicuum est ex plurimis locis diuinæ Scripturæ, Ioan. 1. *Qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Ioan. 3. *Nisi quis renatus fuerit ex aqua & Spiritu sancto.* 1. Petri 1. *Quasi modo genitis infantes.* Iacob. 1. *Genuit nos verbo veritatis.* 1. Ioan. 4. *Qui diligit, ex Deo natus est.* Rom. 8. *Accepistis Spiritum adoptionis filiorum, in quo clamamus Abba Pater.* At qui natus est ex Deo non peccat; nec potest peccare, quia ex Deo natus est. **D** *Habetur 1. Ioan. 3. qui autem non peccat, non præuaricatur, sed implet legem, qui enim legem non implet, hoc ipso præuaricatur & peccat.* Igitur omnis, qui vere iustificatus est, implet legem, nec potest fieri, ut iustificatus maneat, & legem non impleat. Quare qui legem impossibilem esse dicunt, contra Scripturarum apertissima testimonia, hominem iustificatum ex Deo natum esse negare coguntur.

CAPVT XIV.

Soluantur obiectiones hæreticorum.

Superest ut argumenta Hæreticorum breuiter dissoluamus.

Primo obijciunt Caluinus in Antidoto, & Kemnitius in Examine illud S. Petri Act. 15. *Quid tentatis imponere iugum super ceruices discipulorum, quod nec nos, nec patres nostri portare posuimus? sed per gratiam Domini nostri Iesu Christi credimus saluari, quemadmodum & illi.* Hæc enim verba dicuntur fidelibus, non infidelibus, ne forte respondeatur, legem esse iugum importabile sine gratia & non renatis, non autem renatis, & qui gratiam Dei habent. Præterea intelligi debent hæc verba de omni lege, tam cæremoniali, quàm morali, tū quia solæ cæremoniæ legis non superant vires humanas, tum quia particula aduersatiua, *sed*, opponit gratiam legi simpliciter, tum quia si cæremonialis lex iugum est importabile, quanto magis lex moralis iugum erit importabile?

Respondeo,

Respondeo, non loquitur S. Petrus nisi de lege ceremoniali. Id quod euidenter probo. Primum ex occasione illorum verborum. Scribit enim sanctus Lucas, surrexisse quosdam ex discipulis, qui dicerent, oportere Gentiles conuersos ad fidem circumcidi, & Moysi legē omnino seruare: atque istam fuisse causam, cur Apostoli Conciliū coegerint, vt viderent de verbo hoc. Perspicuū est igitur, de circumcissione, & aliis id genus ceremoniis Apostolum Petrum esse loquutum.

Secundo, idem probatur ex decreto illius Concilii, quod iuxta Petri sententiam constitutum fuit. Sic enim habet decretum: *Visum est Spiritui sancto & nobis, nihil vltra imponere vobis oneris, quam hac necessaria, vt abstineatis vos ab immolatis simulachrorum, & à sanguine suffocato & fornicatione.* Quæro igitur, vt cum ista dicantur sola necessaria ex lege ceremoniali Iudeorum, an ex omni lege simpliciter. Si ex lege ceremoniali Iudeorū, habemus quod volumus. Si ex omni lege simpliciter, id sequeretur absurdi, vt non sit necessariū Christiano non colere idola, non mœchari, non furari, non occidere, non falsum testimonium dicere, & alia, de quibus Apostolus ait 1. Cor. 6. *Quoniam qui ista agunt, regnum Dei non consequentur.* Dicent fortasse, necessaria quidem esse hæc omnia, sed non inde homines iustificari. At num ex illis quatuor, quæ sola dicuntur necessaria, homines iustificantur?

Tertio; probari potest re eadem ex ipsa summa decreti, & verborum Petri. Volunt enim Petrus & Apostoli ceteri remouere iugum legis à cervicibus discipulorum. Quid vero est remouere iugum legis? tollere ne obligationem, atque abrogare legem, an tollere opinionem iustificationis, ac docere, neminem per eam legem iustificari? Si dixerint, remouere iugum, esse tollere obligationem, ergo nulla iam amplius lex obligabit Christianos excepta lege de immolatis simulachrorum, sanguine suffocato, & fornicatione. Si per legē intelligatur lex omnis non solum ceremonialis, sed etiam moralis: atqui hoc absurdissimum esse neque ipsi quidē aduersarij negare audebunt. Si dixerint tollere iugum, non esse tollere obligationem, sed opinionem tantum iustificationis, ergo lex ceremonialis de circumcissione, sabbathis, neomenijs, sacrificijs pecorū non erit sublata, quoad obligationem. Atqui id repugnat Apostolo, qui ad Galat. 3. scribit: *Si circumcidamini, Christus vobis nihil proderit.* Cogimur igitur dicere, Apostolos iugum importabile appellasse legē ceremonialem, atque eius obligationē declarasse per Christum omnino esse sublatam. Voluisse tamen eosdem Apostolos paucas quasdam ceremonias de sanguine suffocato, & immolatis idolorū à gentibus ad tempus obseruari, quibus adiunxerunt continentiam à fornicatione, quod fornicatio apud Gentiles non haberetur pro peccato, sicut habebatur adulterium, homicidium, perurium, & alia id genus.

Ad illud igitur quod obijciunt, ceremonias legis non superare vires humanas, præsertim addita gratia Dei; Respondeo verum esse, & ideo Zachariam & Elisabetham ambulasse in omnibus mandatis, & iustificationibus Domini sine querela, sed tamen dici iugum importabile, quoniā ægre ac difficulter portabatur, vt recte exponit S. Thomas in secundo sentent. distin. 28. quæstion. vnica, artic. 4. ad 3. & Nicolaus Lyranus in hunc locum Actorum. Et Theophylactus exponens illud Matth. 23. & Luc. 11. *Aligant onera graua & importabilia in humeros hominum.*

Ad illud autem, quod aduersatiua particula, *sed per*

gratiam Dei, &c. videatur opponere gratiā legi simpliciter; Respondeo, S. Petrum duas rationes indicasse, cur non essent obligandi Christiani ad ceremonias legis, Vnam, quod ex ceremoniis essent iugum grauissimum.

Alteram, quod essent inutiles ad iustificationem. Itaque sensus hic est verborum sancti Petri. Quid tentatis Deum, imponere iugum super cervices discipulorum, quod nec nos, nec patres nostri portare potuimus? præsertim cum non per eas ceremonias, sed per gratiā Domini nostri Iesu Christi credamus saluari, sicut & illi saluati sunt: vbi in illa particula aduersatiua includitur, siue implicite continetur altera illa ratio de inutilitate ceremoniarum.

Ad illud quod lex moralis sit grauior ceremoniali, ac proinde iustius dicenda sit iugum importabile, quā ceremonialis; Respondeo, legem ceremoniam non debere comparari cū morali præcise, sed conferri debere legem ceremonialem adiunctam morali, cum ipsa morali remota ceremoniali. Non enim lex ceremonialis dicitur iugum importabile, quia sola ipsa sit importabilis, sed quoniam adiuncta legi morali, auget vehementer onus, & sit iugum fere importabile homini iam onerato lege morali. Quare lex moralis, remota ceremoniali Iudaica, non est iugum importabile habenti gratiam Dei, sed iugum leue, & onus leue, & lex ceremonialis Iudaica, adiuncta morali, iugum est grauissimum, ita vt importabile dici possit. Quamuis enim per gratiam Dei portatum fuerit à nonnullis, tamen recte dicuntur etiam illi portare non potuisse, quod non sine magno labore & sudore portarunt.

Secunda obiectio Caluini eiusmodi est, Paulus ad Galat. 3. pro confesso assumit legem esse impossibilem, cum dicit: *Qui ex operibus legis sunt, sub maledicto sunt. Scriptum est enim, Maledictus omnis qui non permanserit in omnibus, quæ scripta sunt in libro legis huius.* Vbi hoc argumentum texit Apostolus, Maledictus est qui non seruat totam legem, vt Moyses dicit: *Maledictus omnis qui non permanet, &c.* Igitur qui ex operibus legis sunt, id est, qui iustificari volunt implendo legem, maledicti sunt. Quæ consequutio nulla est, nisi subintelligatur assumptio ista. Atqui nullus legem totam seruare potest. Sic igitur argumentum integrum conficiendum erit. Maledictus omnis, qui totam legem non seruat; Nemo potest legem totam seruare; igitur maledictus omnis qui ex operibus legis est, id est, qui vt legi subiectus ex ipsius obseruatione iustificari quærit.

Respondeo, Assumptio necessaria, vt argumentatio Apostoli concludat, quod ipse intendit, non est illa. Atqui nemo totā legem seruare potest, sed ista. Atqui nemo suis viribus, sine fide & gratia seruare potest totam legem. Illud quoque: *Qui ex operibus legis sunt, sub maledicto sunt,* non significat, eos esse maledictos, qui legē implendo iustificari quærent, cum dicat idem Apostolus ad Rom. 2. *Factores legis iustificabuntur;* sed significat, maledictos esse eos, qui suis viribus sine fide & gratia legem implere, & iustificari se posse credunt. Nam paulo ante dixerat, eos qui ex fide sunt, benedicendos esse cum fidei Abrahamo, quia scriptum est: *Benedicentur in semine tuo omnes gentes.* Inde opponens fidei opera sine fide, subiungit: *Quicumque enim ex operibus legis sunt, sub maledicto sunt.*

Itaque argumentum Apostolicum est hoc, Maledictus est omnis qui non seruat totam legem, at nemo potest suis viribus, sine fide & gratia totam le-

gem seruare, igitur maledicti sunt omnes illi, qui ex operibus legis sunt, id est, qui suis viribus, sine fide & gratia totam legem seruare, & eo modo iustificari quærent. Atque hinc intelligimus id quod sequitur: *Christus liberavit nos de maledicto legis factus pro nobis maledictum*; non significare, ut aduersarij credunt, nos liberatos à lege per non imputationem præuaricationis, sed (ut nos sæpe diximus) nos liberatos à maledicto, quia per Christi fidem & gratiam legem implere possumus & implemus.

Dicit aliquis, Apostolus Paulus loquitur eo loco de lege circumcisionis, non de lege morali, ut nos etiam supra diximus cum ageremus de libertate Christiana: legem autem circumcisionis omnino tollendam, vel sublatam esse contendit: non igitur maledictos eos esse dicit, qui legem non seruant ex fide & gratia, sed qui eam quomodocunque seruare volunt.

Respondeo, B. Paulus in epist. ad Galatas, ut etiam in epist. ad Rom. duos errores Iudaizantium, quorum vnus est ratio alterius, refellit. Vnus error eorum erat, seruandam esse legem circumcisionis, atque aliarum id genus caeremoniarum.

Alter error erat, ideo seruandam esse legem circumcisionis, quoniam obseruatio legis esset necessaria præparatio ad fidem & gratiam Christi, & ideo possent & deberent omnes seruare legem, & iustificari, ut digni essent Euangelio & promissis Christi. Apostolus igitur contra priorem errorem: dicit legem caeremonialem fuisse quasi pædagogum, & ad tempus impositam, non esse amplius seruandam, & hoc diximus cum ageremus de libertate Christiana. Contra posteriorem errorem, qui perniciosior erat, Apostolus dicit, ex operibus legis sine fide nullam posse esse iustitiam, & alioqui Christum gratis mortuum esse, & in hac disputatione contraposteriorem errorem loquitur de omni lege, non solum caeremoniali, sed etiam morali. Nulla enim lex est, quæ sine fide & gratia iustificare possit.

Tertia obiectio sumitur ex illis verbis Apostoli ad Roman. 7. *Velle adiacet mihi, perficere autem non inuenio.*

Respondeo, loquitur Apostolus de actu concupiscendi, quem sæpe sentimus, quando etiam non consentimus. Quamuis enim non sit peccatum sentire carnalem concupiscentiam, & non consentire, tamen nollet homo castus eam sentire, & in partem infelicitatis suæ ponit, quod cogatur etiam nolens, carne seruire legi peccati. Hinc igitur Apostolus dicit: *Velle adiacet mihi, perficere autem non inuenio.* Et: *Infelix ego homo, quis me liberabis de corpore mortis huius?* Vide Augustinum tract. 41. in Ioan. lib. 6. in Iulian. cap. 11. & lib. 1. ad Bonifac. cap. 10.

Quarta obiectio, Nemo potest vitare omnia peccata, cum scriptum sit Iacobi 2. *In multis offendimus omnes.* Et 1. Ioan. 1. *Si dixerimus quia peccatum non habemus, nos ipsos seducimus.* At qui legem omnem impleter, nullum habet omnino peccatum: igitur fieri non potest, ut lex omnis à nobis, etiam cum fide & gratia impleatur.

Respondeo, Ab hoc argumento, quod valde Kemnitius vrget, non tam facile se expediunt, qui concedunt, peccatum veniale esse proprie contra legem, ut Vega lib. 11. in Concilium, cap. 20. coguntur enim dicere, legem non esse impossibilem, nou quod tota simul seruari possit, sed quod seruari possit maior ei pars, & à meliori parte fiat denominatio. Sed videndum est illis, quid respondeant Apostolo Iacobo dicenti: *Quicumque totam legem seruaueris, offendat autem in vno, factus est omnium reus.*

Solida igitur responsio est, peccata venialia, sine quibus non viuimus, non esse peccata simpliciter, sed imperfecte, & secundum quid, neque esse contra legem, sed præter legem, ut S. Thomas recte docet in 1. 2. q. 88. art. 1. Hinc enim omnia cohærent. Nam qui offendit in vno, præuaricans videlicet vnū præceptum, factus est omnium reus, & iniustus simpliciter constituitur, & tamen in multis offendimus omnes, quia tamen si nihil facimus contra legem, tamen multa facimus præter legem. Et qui natus est ex Deo non peccat, transgrediendo legem, & tamen si dixerimus, quia peccatum non habemus, nihil videlicet præter legem faciendo, nos ipsos seducimus, & veritas in nobis non est.

Quinta obiectio, Christus Mediator est non solum in prima reconciliatione, sed etiam postea in toto vitæ nostræ tempore, ergo semper egemus intercessionem Christi, ac per hoc semper peccamus, legemque transgredimur, alioqui post primam reconciliationem Christus ociosus esset. Hoc argumentum commune est Caluino, Philippo, Kemnitio, & alijs, qui inde concludunt, si qua est in nobis legis impletio, illam non tam esse operum, quæ respondeant perfectioni legis, quam fidei, quæ perpetuo apprehendit remissionem.

Respondeo, Christus semper nobis Mediator est, nec vnquam est ociosus, idque duplici ratione: Primo, quoniam semper nobis vires & gratiam subministrat, per quam bona opera faciamus. Ideo siquidem recte comparauit seipse viti, & nos palmittibus. Ut enim palmes non potest ferre fructum, nisi manserit in vite, & succum traxerit ex vite, sic nec nos nisi manserimus in Christo, & spiritum hauserimus ex ipso.

Secundo, quoniam peccata nostra, quamuis leuia & quotidiana, ipse purgat, & sanguis eius emundat nos ab omni peccato. Et si forte legem præuaricando à iustitia excidamus, ipse nihilominus propitiatio est pro peccatis nostris, & non septies, sed septuagies septies nos Patri reconciliat, si per eius gratiam, conuersi serio penitentiam agere incipiamus. Itaque non facimus nos, qui legem impleri posse dicimus, Christum Mediatorem ociosum, sed vere faciunt aduersarij Christi merita inefficacia, cum docent Christum tam insigni obedientia id efficere non potuisse, ut iustificatio legis impleretur in nobis.

Sexta obiectio sumitur ex S. Augustino, qui in lib. 1. Retractat. cap. 19. sic ait: *Omnia mandata facta deputantur, quando quicquid non sit, ignoscitur.*

Respondeo, loquitur eo loco S. Augustinus de summa perfectione implendi præcepta, quam dicit expressam fuisse à Domino per illa verba Matth. 5. *Iota vnum, aut vnus apex non prateribit à lege, donec omnia fiant*; quærit autem num hæc perfectio possit haberi in hac vita, & respondet, non posse haberi, nisi in hoc sensu quod omnia mandata facta deputantur, quando quidquid non sit ignoscitur. Nam inter alia mandata implenda est etiam illud, ut oremus: *Dimitte nobis debita nostra.* Ex quo intelligimus eam imperfectionem in lege diuina seruanda asseri ab Augustino, quæ non sit præuaricatio integri præcepti, sed carentia perfectionis in ipsa legis obseruatione, quomodo qui scribendo, aut proferendo legem, proferret quidem omnes dictiones & syllabas, sed litterulam, aut litteræ partem aliquam non exprimeret. Hac enim similitudine Dominus vsus est, cum non ait, verbum vnum, sed *iota vnum, aut vnus apex non prateribit à lege, donec omnia fiant.*

Atque hæc dicta sint ad mentem S. Aug. in eo testimonio explicandâ. Alioqui enim si aperte dixisset

Augustinus omnia mandata facta deputantur, quando si quid mandatū violatur, ignoscitur: non deberet, nec posset inde colligi, legem Domini esse impossibilem. Potest enim fieri, ut quis multa mandata integre seruauerit, & postea tamen aliquod aliud mandatum non impleat, cuius prauaricationis poenitentiam agat, & indulgentia impetrata ille saluetur, ac si mandata omnia custodisset.

Addi posset alia obiectio ex præceptis: *Diliges Deum tuum ex toto corde tuo; & non concupisces.*

Hæc enim duo in hac impleri non posse probant aduersarij ex Augustino & Bernardo. Sed hæc à nobis fusc tractata sunt in lib. 2. de Monachis, ca. 13. & in lib. 2. de peccato originis, qui est quintus de statu peccati, cap. 10. Ideo videntur hoc loco prætermittenda, ne fatigemus nimia repetitione lectorem.

CAPVT XV.

Iustorum opera non esse peccata, sed iustitiam, probatur ex diuinis literis.

Nunc veniendum est ad alterum caput huius controversiæ de veritate iustitiæ actualis, in quo probandum erat, opera bonæ iustorum non esse peccata, sed vere iusta, ut etiam iustitia actualis dici possint.

Primum igitur testimonium ad hoc probandum sumitur ex lib. Iob, c. 1. *In omnibus his non peccauit Iob labijs suis, nec stultum aliquid contra Deum loquutus est.* Vbi Scriptura reddit testimonium S. Iob, quod in tanta occasione impatientiæ, nec verbo quidem peccauerit, ac ne forte Lutherani Rabbinos quosdam imitari velint, qui dicunt, Iob non peccasse labijs, tamen corde peccasse: audiamus Deum ipsum in 2. c. ita loquentē ad Satanam: *Nunquid considerasti seruū meum Iob, quod non sit illi similis in terra, vir simplex, & rectus, & recedens à malo, & adhuc retinens innocentiam?* Certe si innocentiam retinebat, & si à malo recedebat, neque lingua, neque corde peccauerat.

Adde quod cum Satan nihil aliud quæreret tot suis tentationibus, nisi Iob ad peccandum inducere, contra autem Deus illa omnia tentamenta permitteret, ut patientia & virtus sancti viri demonstraretur, si Iob peccasset, Deus ipse quodammodo à Satana superatus fuisset. Quare certum est, opus illud patientiæ S. Iob nullo peccato maculatū fuisse, & Lutheranos, qui id negant, à partibus diaboli contra Deū pugnare.

Secundum testimonium sumi potest ex verbis Dauidis Psal. 7. *Iudica me Domine secundū iustitiā meam, & secundum innocentiam meam super me.* Psal. 6. *Exaudi Domine iustitiam meam. De vultu tuo iudicium meum prodeat. Oculi tui videant aequitatem. Probasti cor meum, & visitasti nocte, igne me examinasti, & non est inuenta in me iniquitas.* Psal. 17. *Retribuit mihi Dominus secundum iustitiam meam, & secundum puritatem manuum mearum retribuet mihi, quia custodivi vias Domini, nec impie gessi à Deo meo.* Psal. 25. *Iudica me Domine, quoniam ego in innocentia mea ingressus sum.* Psal. 118. *Feci iudicium & iustitiam, non calumniatur me superbi.* In his locis David non solum opera sua iustitiæ nomine ornanda censebat, sed etiam confidebat ea in iudicio Dei posse consistere, alioqui petens iudicari secundum iustitiam suam, damnationē pro absolutione quæsisset. Igitur David credebat posse hominē cum Dei gratia facere opera vere iusta.

Neque vero satisfacit Philippi & Caluini responsio, qui dicunt Dauidem non velle in his locis affirmare, opera sua fuisse absolute iusta, sed per compa-

rationem ad opera aduersariorum suorum, nec id etiam absolute, sed incerta aliqua causa. Hæc, inquam, responsio non satisfacit, quoniam verba Dauidis generalia sunt, atque illa præsertim: *Quia custodivi vias Domini, nec impie gessi à Deo meo.* Item: *Ab omni via mala prohibui pedes meos.* Item: *Feci iudicium & iustitiam. Igne me examinasti, & non est inuenta in me iniquitas.*

Tertium testimonium Matt. 6. *Si oculus tuus simplex fuerit, totum corpus tuum lucidum erit.* Et Lucæ 11. *Si ergo corpus tuum lucidum fuerit non habens aliquam partem tenebrarum, eris lucidum totum, & sicut lucerna fulgoris illuminabit te.* Hoc loco describitur opus perfecte bonum, quod videlicet sit bonum ex genere suo, & ex intentione, aliisque circumstantiis. Nam oculus simplex, est intentio recta, corpus lucidum, est opus bonum, de quo dicitur Mat. 5. *Sic luceat lux vestra, ut videant opera vestra bona, &c.* Tale autem opus pronunciat Dominus esse lucidū totum, nec vllam habere partem tenebrarum. At si illud opus peccatum esset mortale natura sua, ut Lutherani dicunt, magnam partem haberet tenebrarum, imo esset tenebrosus totum, ut Dominus ibidem dicit de opere quod mala intentione fœdatur. Sicut enim mala intentio, quodlibet aliud vitium reddit opus malum, quamuis ex genere suo bonum esset.

Quartum testimonium ex Apostolo in priore ad Cor. cap. *Si quis superadificat supra fundamentum hoc, aurum, argentum, lapides preciosos, ligna, fenum, stipulam, cuiuscunque opus quale sit, ignis probabit. Si cuius opus manserit, quod superadificauit, mercedem accipiet, si cuius opus arserit, detrimentum patietur, &c.* Quo loco indicantur esse quædam opera supra fundamentum veræ fidei ædificata adeo bona, ut nihil omnino habeant vitij. Id enim primum ostendit comparatio ad aurum, argentum, lapides preciosos. Deinde quod illa opera in igne diuini iudicii manere dicantur, & mercedem accipere. Certe enim peccata nec aurum dici possunt, nec in diuini iudicii igne subsisterent, nec mercedem, sed poenam, suppliciumque perciperent.

Quintum testimonium ex Iacobo, cap. 3. *In multis offendimus omnes.* Quare, quæso, non dixit, in omnibus offendimus omnes? nam si omnia opera iustorum sunt peccata mortalia, certe non tantū in multis, sed etiam in omnibus offendimus, sed nouerat ipse quid diceret. Nā, cap. 2. distinxerat opera bona à peccatis, dicens: *si legem perfecistis regalem secundum Scripturas, diliges proximum tuum sicut teipsum, bene facitis: si autem personas accipitis, peccatum operamini, redarguiti à lege quasi transgressores.*

Sextum testimonium sumitur ex illis locis, quæ hortantur hominē ad non peccandum. Psal. 4. *Trasgredimini & nolite peccare.* Isaia 1. *Quiescite agere peruerse, dissite bene facere.* Ioan. 5. *Nolite amplius peccare.* 1. ad Cor. 15. *Enigilate iusti, & nolite peccare.* 2. Petri 1. *Satagite ut per bona opera certam vestram vocationem & electionem faciatis: hæc enim facientes, non peccabitis aliquando.* 1. Ioan. 2. *Hæc scribo vobis ut non peccetis.* Quorum enim pertinet hæc cohortationes, vel admonitiones, si in omni opere, quantumuis bono non possumus non peccare?

Septimum testimonium sumitur ex illis locis, quæ docent opera iustorum placere Deo; Malach. 3. *Placitis Deo sacrificium Iuda & Hierusalem, sicut dies sæculi, & sicut anni antiqui.* Sapient. 9. *Sapientia custodiet me in potentia sua, & accepta erunt opera mea.* Actorum 10. *Qui timet Deum, & operatur iustitiam, acceptus est illi.* 1. Petri 2. *Offerens spirituales hostias acceptabiles Deo.* Philippen. 4. *Repletus sum acceptis ab Epaphrodito,*

que misistis in odorem suavitatis hostiam acceptam, placensem Deo. Atqui Deo nihil placere potest, nisi quod est vere bonum & purum ab omni vitio, ut ipse etiam Calvinus fatetur, lib. 3. Instit. cap. 12. §. 1.

Quod vero idem Calvinus ait, placere Deo eiusmodi opera, non ratione propriæ dignitatis, sed quia Deus per indulgentiam lauat operum sordiditatem, omnino est absurdum, nisi forte non solum peccatoribus imputari velit Christi iustitiam, sed ipsis etiam peccatis, quod nullo modo fieri potest. Nam si quis dixerit, Deum ignoscere culpas, non velle punire, non imputare, facile intelligetur, at ipsum peccatum per indulgentiam fieri hostiam placentem Deo in odorem suavitatis, quis tandem intelliget?

Octavum testimonium ex locis illis, quæ absolute iustorum opera, bona opera nominant, Matt. 5. Sic luceat lux vestra coram hominibus, ut videant opera vestra bona, & glorificent patrem vestrum, qui in caelis est. 1. ad Timoth. 6. Divitiis præcipe non superbe sapere, divites fieri in operibus bonis. Tit. 3. Carent operibus bonis præesse, qui credunt Deo. Ephes. 2. Ipsi enim sumus factura, creati in Christo Iesu in operibus bonis, quæ præparavit Deus ut in illis ambulemus.

Ac si opera omnia iustorum essent peccata mortalia, dicenda essent potius mala quam bona. Nam ut ex Dionysio in ca. 4. de divinis nominibus, Theologi colligunt, malum dicitur opus absolute, ex quoque vitio, bonum non dicitur absolute, nisi integre sit bonum. Quomodo igitur Scriptura prædicat absolute opera bona, si non sunt bona, nisi secundum quid, sed absolute & simpliciter mala? Omnino necesse est, ut vel Spiritus sanctus in hac parte fallatur, vel Lutherus & Calvinus erret. Vtrum autem horum sit verius, ipsi semet sectariis iudicandum relinquo.

CAPVT XVI.

Opera bona non esse peccata, sed vere bona, probatur ex Patribus.

Quod attinet ad testimonia sanctorum Patrum si producere vellemus in medium, quæ illi dicunt in commendationem operum bonorum, nullus esset finis. Solum igitur pauca quædam notabimus. Ex quibus colligi possit, agnovisse Patres opera simpliciter bona, atque à peccatis, vere, proprieque distincta.

S. Ambrosius in lib. de Apologia David cap. 6. Etenim, inquit, quia non potest sine peccato esse humana fragilitas, cavendum est, ne plura peccata sint, quam opera virtutum. Vbi distinguit aperte S. Ambrosius, opera virtutum à peccatis, quod non faceret, si existimaret, omnia opera, quantumvis bona, vere esse peccata.

S. Hieronymus lib. 3. adversus Pelagianos, Hoc, inquit, & nos dicimus, posse hominem non peccare: si velit, pro tempore, pro loco, pro imbecillitate corporis, quamdiu incensus est animus, quamdiu chorda nullo vitio laxatur in cithara. Et infra: Qui cantus est & timidus, potest ad tempus vitare peccata. Quo loco S. Hieronymus non laborat, ut probet, posse hominem aliqua facere bona, quæ non sint peccata. Id enim in controuersiam nondum venerat, sed nititur contra Pelagianos ostendere vitam humanam, etiam iustorum, non ita esse posse perfectam, ut longo tempore caueat omnia peccata, etiam quotidiana & leuia. Vbi tamen admittit, saltem aliquanto tempore posse hominem diligentem ita vivere, ut nullum peccatum, ne veniale quidem admittat, ac per hoc aliqua opera facere ab omni vitio pura & integra.

Augustinus in libr. de spiritu & littera, capite

A ultimo: Dici potest quædam iustitia minor, huic vite competens, quæ iustus ex fide vivit, quamvis peregrinus à Domino, & ideo per fidem ambulans, nondum per speciem; non absurde dicitur etiam ad istam pertinere, ne peccet. Neque enim si nondum esse potest tanta dilectio Dei, quanta illi cognitioni plena, perfecta que debetur, iam culpa deputandum est. Aliud est enim totam nondum assequi charitatem, aliud nullam sequi cupiditatem. Quamobrem debet homo quamvis longe minus amare Deum, quam cum potest amare conspectum, nihil tamen appetere illicitum, sicut etiam in his, quæ adiacent sensibus corporis, potest oculus nullis tenebris delectari, quamvis non possit in fulgentissima luce desigi. Hoc loco S. Augustinus fatetur quidem iustitiam nostram in hac vita esse minorem, quam sit futura in alia vita, tamen disertis verbis affirmat, ad hanc etiam iustitiam nostram pertinere, ut non peccet; & posse, ac debere hominem nullam sequi cupiditatem.

B Idem in lib. de bono coniugali, cap. 6. Coniugalis, inquit, concubitus generandi gratia non habet culpam; concupiscentia vero satianda, sed tamen cum coniuge propter fidem tori, venialem habet culpam, adulterium vero, siue fornicatio leibalem habet culpam. Et capite 7. Continentia meritis est amplior, reddere debitum coniugi nullus est criminis, exigere ultra generandi necessitatem culpa venialis, fornicari, vel mæchari, puniendi criminis. In his quatuor gradibus operum, quos distinguit Augustinus, assignare debent aduersarij discrimen aliquod: vel potius necessario confiteri, in primo & secundo nullum omnino esse peccatum, neque mortale ex natura sua, neque veniale per misericordiam Dei. Nam si continentia ab omni concubitu peccatum est mortale ex natura sua, & veniale per misericordiam Dei, quid erit concubitus gignendi causa, nisi peccatum omni ex parte mortale? & si concubitus gignendi causa peccatum est omni ex parte mortale, quid erit concubitus causa libidinis satiandæ, nisi peccatum in Spiritum sanctum, quod non remittitur, neque in hoc sæculo, neque in futuro? At sanctus Augustinus huic tertio gradui tribuit culpam venialem: secundo gradui nullam culpam, primo gradui meritum ingens. Tantum videlicet interest inter sententiam sancti Augustini & Nouatorum.

C Idem denique sanctus Augustinus lib. 4. in Iulianum, cap. 3. & alij in locis plurimis, contendit opera infidelium esse peccata, non quod non sint, vel esse possint bona ex genere suo, sed quoniam deest illis intentio bona dirigendi opera illa ad verum Deum, quem ignorant, cum fidem non habeant. Igitur opera fidelium ex sententia sancti Augustini poterunt esse simpliciter & absolute bona. Nam si fidelium quoque opera essent omnia peccata, & quidem morte digna, quorsum tantopere laborasset Augustinus, ut probaret opera infidelium esse peccata?

D S. Gregorius lib. 2. Moral. cap. 8. Si in sermonibus, inquit, suis dicimus Iob deliquisse, quod sentire nefas est, deum dicimus in sua propositione victoriam perdidisse. Item lib. 9. cap. 26. Ipsa, inquit, bona nostra insidiantibus culpa enadere gladium nequunt, nisi sollicite quotidie timore muniantur. Vbi admittit S. Gregorius posse fieri, ut bona nostra insidiantis culpæ gladium vitent. Idem in epist. ad Augustin. respon. 10. Bonarum, inquit, mentium est, ibi etiam aliquo modo culpam agnoscere, ubi culpa non est.

E Sanctus Bernardus in lib. de præcepto & dispensatione distinguit inter bonum obedientiæ, & malum inobedientiæ, & ponit aliquos gradus, ut supra sanctus Augustinus ponebat in concubitu: Bo-

nus, inquit, obedientia gradus est, si iuxta Magistrum nostrum sententiam, propter metum gehennæ, seu propter professionem sanctam, quam professus est, quispiam obedierit. Melior tamen cum ex Dei amore obeditur. Illa quippe obedientia necessitatis est, ista charitatis. Et infra de obedientia: Hæc, inquit, generalis regula sit uniuersorum, quæ per se, aut propter se nec bona, nec mala sunt, aut propria cuiusque professione, aut diuina institutione fixa non sunt, ut non iussa quidem, licite utrumlibet, vel admittantur, vel omittantur, iussa uero, sine culpa non negligantur, sine crimine non contemnantur. Vbiq; enim & culpabilis neglectus & contemptus damnabilis est.

Vbi sanctus Bernardus cum dicit, obedientiam ex metu gehennæ esse bonam, ex charitate meliorem, intelligit bonam simpliciter, & sine ullo peccato, etiam veniali posse præstari. Alioqui non distingueret eam ab inobedientia propter neglectum, quam dicit esse culpam venialem; & inobedientia propter contemptum, quam dicit esse criminalem, atque damnabilem.

CAPVT XVII.

Opera bona iustorum non esse peccata, sed vere bona probatur rationibus.

IAm vero potest eadem veritas manifestis rationibus comprobati.

Prima ratio, si opera bona iustorum essent omnia vitiata, & corrupta, ita ut peccata mortalia ex natura sua dici deberent, id sine dubio, vel ex innata concupiscentia, vel ex defectu dilectionis Dei, vel ex admittance peccatorum venialium nasceretur. Istas enim causas aduersarij reddere solent, cur opera ex genere suo bona, vel à Deo mandata & bona intentione facta, tamen peccata mortalia esse contendunt. At nihil horum trium contaminare potest opera iustorum bona.

Nam imprimis concupiscentia ipsa peccatum non est, sed infirmitas, nisi ei consentiatur. Vnde S. Augustinus in lib. de perfectione iustitiæ, & alibi sæpe repetit non oportere pro motibus concupiscentiæ inuoluntarijs dicere: *Dimitte nobis debita nostra*: Deinde etiam si peccatum esset, tamen non semper mouetur, ut idem testatur August. lib. 6. in Iulian. c. 8. ac per hoc opera bona fieri possunt aliquando ex charitate, sine vlla admittance cupiditatis.

Defectus autem charitatis, quod videlicet non faciamus opera nostra tanto seruiore dilectionis, quanto faciemus in patria, defectus quidem est, sed culpa, & peccatum non est, ut sanctus Augustinus docet in libro de spiritu & littera, ca. ult. Vnde etiam charitas nostra, quamuis comparata ad charitatem beatorum sit imperfecta, tamen absolute perfecta dici potest, ut eam sanctus Ioannes appellat, in 1. epist. cap. 2. & 3. S. Augustinus in lib. 1. de doctrina Christiana, cap. 39. lib. 1. de pecc. merit. & remiss. cap. 13. & alibi.

Admittio denique venialium peccatorum non impedit veram iustitiam, Tum quia non est necesse, ut in singulis operibus admisceatur veniale peccatū, ut ex Patribus probatum est, & experientia ipsa docet; Tum etiam quia peccatum veniale non est contrarium charitati, nec proprie contra legem, sed præter legem, ut supra diximus. Itaque Scriptura diuina quamuis dicat, In multis offendimus omnes, & si dixerimus, quia peccatū non habemus, nos ipsos seducimus; tamen absolute vocat homines quosdam iustos, sanctos, immaculatos, perfectos, quod nullo modo faceret, si veniale peccatū iustitiam impediret. Genes. 6. *Noë vir iustus fuit, atq; perfectus*, Eph. 1.

Ut essemus sancti & immaculati in conspectu eius. Philip. 3. *Quicumque perfecti sumus, hoc sentiamus*. Psal. 118. *Beati immaculati in via, qui ambulant in lege Domini*. Similia habet S. August. in lib. 2. de peccat. merit. & remiss. cap. 12. & 13. & in lib. 3. contra duas epist. Pelagianorum, cap. 2.

Secunda ratio ducitur ab absurdis, nam si omnia iustorum opera essent peccata, etiam opus fidei quo iustificamur, esset peccatū; & illa oratio, quam fundimus, cum dicimus: *Dimitte nobis debita nostra*, esset peccatum. At nonne absurdissimum est, hominem per peccatum iustificari, & per peccatum quærere & impetrare remissionem peccati?

Item si omnia opera iustorum sunt peccata, qua fronte dicere potuit Apostolus Paulus: *Nihil mihi conscius sum*: nullū ne bonum opus fecerat? aut ignorabat illa ipsa bona opera peccata esse mortalia? & nōne adhuc maior fuisset audacia pro eiusmodi operibus, id est, peccatis mortalibus expectare à iusto iudice coronam iustitiæ.

Præterea si omnia iustorum opera essent peccata mortalia, sequeretur, ipsum Deum peccare mortaliter: *Deus enim est, qui operatur in nobis*. Cum bona opera facimus, ut dicit Apostolus ad Philip. 1. & 2. neque aduersarij id negant.

Item fieret ingens iniuria Redemptori: *Qui*, ut Apostolus ait ad Tit. 1. *dedit semetipsum, ut nos redimeret ab omni iniquitate, & mundaret sibi populum acceptabilem, sectatorem bonorum operum*. Nam à nulla nos iniquitate vere redemisset, nec vere populum suum mundasset, nec sectatores nos operum vere bonorum, sed peccatorum mortalium effecisset.

Ad hæc si omnia opera bona sunt peccata mortalia, sequitur, ut aliqua peccata mortalia sint operabona, & posse fieri hos syllogismos, Omnia opera bona sunt facienda, aliqua peccata mortalia sunt opera bona, igitur aliqua peccata mortalia sunt facienda. Item, nullum peccatum mortale est faciendum, omnia opera bona sunt peccata mortalia, igitur nullum opus bonum est faciendum. Dignæ sane Lutherani conclusiones, aliqua peccata mortalia sunt facienda, & nullum bonum opus est faciendum.

Denique quis non videt, opera bona esse peccata mortalia, contradictionē implicare, atque inuolueret? nā erunt opera bona, & non bona; digna præmio & pœna; & per ea seruiemus Deo & diabolo, & simul erimus filij Dei & filij diaboli.

Dicent fortasse, quod Lutherus dicit in assert. art. 6. eadem opera esse bona, ut fiunt à Deo, mala ut fiunt à nobis, vel in nobis. Vel esse bona ex genere suo, siue ex obiecto, mala ex circumstantia, id est, propter cupiditatem, qua fiunt.

At prior distinctio inanis est, cum Deus non faciat nostra opera bona, nisi per nos, id est, faciendo ut nos illa faciamus; ac per hoc si ut à nobis fiunt mala sunt, simpliciter mala, nō bona sunt. Id quod ex ipso Lutheri exēplo intelligi potest: *Si quis*, inquit, *securi corrasa & dentata fecerit, licet operator sit bonus faber, tamen securus facit malas, & difficiles, & deformes incisiones, sic Deus per nos operans, &c.* Ex hac similitudine manifeste colligitur, opera nostra non esse bona & mala, sed tantū mala. Bonus enim faber per malā securim non facit bonas, sed malas incisiones, sic igitur Deus per nos operans non faciet opera bona, sed mala.

Posterior quoque distinctio non soluit nodum. Nam opera bona ex genere, siue ex obiecto, sed mala ex circumstantia, non sunt bona simpliciter, sed mala. Quoniā (ut supra diximus) bonum non existit nisi ex integra causa, malum vero ex quolibet vicio. Quare Dominus Matth. 6. & 7. orationes, ieiunia &

QVARTO ex eo, quod dicitur Raab meretricem ex operibus iustificatam. Neque enim Raab declarari potuit iusta, cum esset meretrix, sed vere iustificata est, id est, ex infideli fidelis, & ex meretrice iusta facta est. Non igitur iustificatio apud Iacobum pro declaratione sumitur.

Iam vero quod Paulus loquitur de prima iustificatione, qua quis ex impio efficitur iustus, multis argumentis probari posset. Sed vnum hoc loco sufficiet, quod ex ipso cap. 3. & 4. ad Rom. patitur. Nam cap. 3. sic ait: *Omnes peccaverunt & egent gloria Dei, iustificati gratis per gratiam eius, per redemptionem qua est in Christo.* Et cap. 4. probare volens Apostolus, hominem iustificari ex fide, non ex operibus, adducit testimonium Prophetæ dicentis: *Beati quorum remisse sunt iniquitates, & quorum tecta sunt peccata.* Quod testimonium de iustificatione impii apertissime loquitur. Præterea ibidem Apostolus dicit: *Ei qui operatur, merces non imputatur secundum gratiam, sed secundum debitum, credenti autem in eum, qui iustificat impium, deputatur fides eius ad iustitiam.* Vbi non alia de causa, non dixit, credenti in Deum, sed credenti in eum, qui iustificat impium, nisi quia de impii iustificatione tractabat.

Sed una est hic gravissima difficultas, ex qua totus hic locus depēdet. Nam & Paulus, & Iacobus, utitur eodem exemplo Abraham, & uterque citat illa verba: *Credidit Abraham Deo, & reputatum est illi ad iustitiam.* Quare vel eodem modo uterque accipit iustificationem, vel alter eorum inepte utitur exemplo Abraham, & perperam explicat verba Moſis.

Cæterum RESPONDEMV, Paulum & Iacobum, non eodem modo accipere iustificationem, & tamen ab utroque recte usurpari exemplum Abraham, & verba Moſis. Ac (ut à Iacobo incipiamus) respexit ille præcipue tempus, quo Abraham ieiunare voluit filium suum, quod legitur in Gen. c. 12. sic enim ait: *Abraham pater noster nonne ex operibus iustificatus est, offerens Isaac filium suum super altare?* Illo autem tempore certum est, Abraham fuisse iustum, quippe qui iam obedierat Deo, ut exiret de terra sua, & signum acceperat circumcisionem signaculum iustitiæ fidei, &c. & ideo illo novo opere obedientiæ non factum esse iustum ex impio, sed iustiore ex iusto.

Quod vero Iacobus dicit, tunc impletam fuisse Scripturam, quæ ait: *Credidit Abraham Deo, & reputatum est ei ad iustitiam:* non repugnat sententiæ nostræ. Nam non vult Iacobus dicere, tunc primum eam Scripturam impletam fuisse. Non enim ignorare poterat, verba illa multo antea fuisse dicta de fide Abraham, quando videlicet credidit Deo, promittenti sibi filium ex Sara, quod scriptum est in Gen. cap. 15. sed dicere voluit, tunc etiam fuisse Scripturam illam impletam, quando ex fide obtulit eundem illum filium super altare. Possunt enim illa verba applicari ad omnes insignes actus fidei eiusdem Patriarchæ. Quem admodum si quis narraret aliquod factum Nathanaelis, in quo eius integritas & simplicitas apparet, posset vere dicere, nunc impletum est quod Dominus ait, Ecce verum Israelitam, in quo dolus non est. Itaque de verbis Iacobi nulla remanet questio.

De verbis Pauli maior est difficultas: non desunt, qui existiment, Abrahamum tunc primum iustificatum esse à peccatis, cum credidit Deo promittenti filium, & cum de eo dictum est: *Credidit Abraham Deo, & reputatum est ei ad iustitiam.* Ita docet infelimus in comment ad c. 4. ad Rom. & eandem sententiam indicare videtur S. Augustinus, præfatione in Psal. 11. cum ait, exponens hunc locum: *Ergo ex fide iustificatus est Abraham & si opera non præcesse-*

runt, tamen sequuta sunt. Et si quidem hæc opinio vera esset, nulla esset in Paulo difficultas.

Cæterum non audeo dicere, Abrahamum non fuisse multo antè iustificatum, quàm de eo dictum sit: *Credidit Abraham Deo, &c.*

PRIMO, quoniam in Genes. cap. 12. 13. & 14. narratur egregia opera Abraham, ut quod vocatus à Deo, & iussus exire de terra sua, continuo obedierit, quod aram Deo erexerit, quod sæpius cum Deo familiariter collocutus fuerit.

SECUNDO, quoniam Apostolus ad Heb. 11. inter præcipuas laudes Abraham ponit, quod fide obedierit exire in locum, quem nesciebat. Quod certe factum est multo antè, quàm diceretur de eo: *Credidit Abraham Deo, &c.*

TERTIO, quoniam idem confirmant Patres, Origenes libro 4. in epist. ad Rom. Ambrosius lib. 1. de Abraham. cap. 2. Chrysostomus hom. 31. & 35. in Genes. & Augustinus libro 16. de civitate Dei, capite 13.

QVARTO, quoniam id quod dicitur Genes. 15. *Credidit Abraham Deo, & reputatum est ei ad iustitiam,* si verba Hebræa diligenter inspiciantur, hunc sensum habet, quod actus ille credendi fuerit opus iustum & meritorium, & pro tali sit à Deo iudicatum & acceptum. Ex quo intelligimus, eum antea fuisse iustum, cum opera iusta facere potuerit, eumque fide non esse factum iustum ex impio, sed iustiore ex iusto.

Dico igitur Paulum usum esse exemplo Abraham, non ut significaret, Abrahamum tunc primum iustificatum fuisse à peccatis, sed ut ostenderet, non iustificari impium ex operibus sine fide & gratia Dei factis, sed ex fide & gratia Dei. Nam si Abraham iustus non est factus iustior ex operibus sine fide, multo magis impius non poterit fieri iustus ex operibus sine fide.

Possimus enim doctrinæ causâ distinguere TRÉS iustitias, VNAM quæ sit gratia & non merces: qualis secundum rei veritatem est illa, qua impius iustificatur: ALTERAM, quæ sit merces & gratia, qualis est etiam secundum rei veritatem, qua iustus fit iustior.

TERTIAM, quæ sit merces & non gratia, qualis esset, si homo ex operibus solius liberi arbitri viribus factis iustificaretur. Hanc tertiam contendit Apostolus excludere in epist. ad Roman. & ad Galat. Ad hoc autem faciendum nihil interest, utrum sumantur exempla à prima, vel à secunda iustitia, cum neutra ex operibus sine fide obtineri possit.

Igitur Apostolus ad Rom. 4. loquitur de prima iustificatione, qua quis ex impio fit iustus: tamen si ad probandum, eam non fieri ex operibus, sed ex fide, exemplum petat à secunda iustificatione, qua quis ex iusto fit iustior. Quare Paulus & Iacobus, consentiunt omnino in exemplo Abraham, & verbis Moſis intelligendis, quamvis ad varias conclusiones probandas illis utantur.

Porro sicut Paulus, cum loqueretur de prima iustificatione attulit exemplum Abraham, quod erat secundæ, ut probaret à maiori, non posse impium iustificari ex operibus sine fide, si Abraham iustus non est factus iustior ex operibus sine fide: sic Iacobus cum loqueretur de secunda iustificatione, attulit exemplum Raab, quod est primæ iustificationis, ut probaret à maiori, iustum fieri iustiore ex operibus, & non ex fide tantum: si Raab ex meretrice facta est iusta ex operibus, & non ex fide tantum. Nam probabile est valde, Raab usque ad illud tempus, quo suscepit nuncios Iosue, fuisse non solum meretricem, sed etiam infidelem: sed ab eo tempore credidisse in Deum, &

opere illo misericordie preparatam fuisse ad iustificationem, ita ut bonum illud opus ex fide factum, non fuerit meritorium simpliciter iustificationis, sed imperfecte & de congruo, ut supra diximus de dispositionibus ad gratiam.

CAPVT XIX.

Opera iustificare, probatur ex alijs Scripturis & rationibus.

PRÆTER Iacobi testimonium, quod apertissimum est, non desunt alia multa, quæ breuiter perstringemus. Idem igitur probatur ex verbis illis Ecclesiastici, cap. 18. *Non impediaris orare semper, & ne verearis usque ad mortem iustificari.* Vbi monet Sapiens, ut assidua oratione iustitiam nostram augere atque alere studeamus.

Calvinus in Antidoto ex occasione Græci vocabuli, *paris*, dicit, legendum esse, ne differas iustificari usque ad mortem, ut hoc testimonium ad primam iustificationem, non ad secundam pertineat. At verbum illud Græcum potest etiam commode verti: ne cesses, quod est idem cum illo, ne verearis, vel, ut legit S. Augustinus in Speculo, ne verearis. Omnia enim continuationem & progressionem, non inchoationem iustitiæ significant. Et consonant huic sensui præcedentia & sequentia. Illud enim quod proxime antecedit: *Non impediaris orare semper*, significat continuationem & progressum orationis, quæ propria sunt iustorum proficiendum, non impiorum nondum conuersorum. Quod autem proxime sequitur: *Quia merces Domini manet in æternum*, est ratio aptissima congruens præcepto augendæ iustificationis. Nam primæ iustificationi impiorum non merces, sed indulgentia congruunt.

ALTERVM testimonium habetur apud Apostolum ad Rom. 6. *Sicut exhibuistis membra vestra seruire immunditie & iniquitati ad iniquitatem, sic exhibete membra vestra seruire iustitiæ in sanctificationem.* Quo loco illud in sanctificationem, non significat, ad acquirendam primam sanctitatem: nam sanctos & iustos alloquebatur Paulus, sed ad augendam sanctificationem. Intelligi autem per sanctificationem, iustificationem, & per sanctitatem, iustitiam, perspicuum est ex antithesi. Opponit enim sanctificationem iniquitati.

TERTIVM testimonium est eiusdem Apostoli in posteriore ad Cor. cap. 7. *Has ergo habentes promissiones charissimi, emundemus nos ab omni inquinamento carnis & spiritus, perficientes sanctificationem in timore Domini.* Vbi docet Apostolus, per mentis & corporis puritatem proficiendum esse quotidie ad maiorem iustitiam & sanctificationem.

QUARTVM testimonium 2. ad Cor. 9. *Multiplicabit semen, & augebit incrementa frugum iustitiæ vestra.* Docemur his verbis, per eleemosynas liberaliter pauperibus erogatas, diminui facultates, sed augeri iustitiam. Vbi opportune etiam Paulus allegat illud Psalm. 111. *Dispersit, dedit pauperibus, iustitia eius manet in sæculum sæculi:* pulchre enim verbo, *dispersit*, opponitur verbum contrarium, *manet*, quia sicut diuitiæ corporales per eleemosynam dissipantur, ita iustitia spiritalis per eandem eleemosynam radicitus, stabilitur, & crescit, ut manere possit in sæculum sæculi.

QUINTVM testim. Ioan. 14. *Qui diligit me sermonem meum seruabit, & Pater meus diligit eum.* Hæc noua dilectio post impleta mandata, quid est, nisi dilectionis, ac per hoc iustitiæ augmentum, quod per obseruantiam diuinæ legis acquiritur?

SEXTVM testimonium, Apoc. vlt. *Qui in sordibus est, sordescat adhuc, & qui iustus est, iustificetur adhuc.* Certe qui magis sordescunt, per mala opera, & noua

A peccata sordescunt: igitur & qui magis iustificantur, per bona opera, & nouam obedientiam iustificatur.

His addi possunt Dvæ rationes ex iis, quæ in capitulis superioribus probata sunt. Nā si potest iustus legem diuinam implere, ut supra demonstratum est, potest etiam sine dubio per opera iustificari. Neque enim aduersarii negant, implenti legem, deberi iustitiam: *Obedientiæ legis* (inquit Philippus in Apologia Confess. tit. de impletionem legis) *esset iustitia, si legem faceremus.* Rursus, potest si iustus opera vere bona facere, quæ nullo vitio polluta sint, ut supra ostendimus: potest vique iustitiam facere, & multiplicando opera iusta, consequenter augere iustitiam.

CAPVT XX.

Soluuntur obiectiones in scripturis, contra veritatem iustitiæ actualis.

SUPEREST tandem, ut obiectiones hæreticorum, quibus illi probare nituntur, omnia opera nostra esse peccata, breuiter diluamus.

PRIMVM igitur obicit Calvinus illud Psalm. 31. *Beati quorum remissa sunt iniquitates, & quorum tecta sunt peccata.* David enim cum hæc diceret, non ad vnum temporis momentum, quo homo per Baptismum iustificatur, sed ad totam vitam iustorum respiciebat. Proinde sequitur, ut tota vita iustorum remissione indigeat, quod non fieret, nisi perpetuo, & in omnibus operibus peccaremus.

RESPONDEO, Quam vera sunt verba Davidis, tam falsa est glossa Caluini. Nam si tota vita iustorum, & omnia ipsorum opera peccatis sordescerent, unde diceret idem David in Psalm. 1. *Beatus vir, qui non abiit in consilio impiorum, & in via peccatorum non stetit, & in cathedra pestilentie non sedit, sed in lege Domini voluntas eius.* Et in Psalm. 100. *Psallam, & intelligem in via immaculata quando venies ad me. Perambulabam in innocentia cordis mei, in medio domus meæ. Non proponebam ante oculos meos rem in iustam. Non adhaesi mihi cor prauum, ambulans in via immaculata, hic mihi ministrabat: & similia, quæ passim repetit, certe hæc non bene coherent cum eo, quod dicit Calvinus, totam vitam iustorum, ex testimonio Davidis, nihil esse nisi peccatum. Loquitur igitur David in Ps. 31. de initio iustificationis, siue de prima iustificatione, per quā remittuntur peccata, & infunditur charitas, ut per eam corde dilatato per viam mandatorum currere valeamus.*

SECUNDO obiciunt aduersarii omnes, illud Ps. 142. *Non intres in iudicium cum seruo tuo, quia non iustificabitur in conspectu tuo omnis viuens.*

RESPONDEO, TRIPLEX huius loci explicatio à Patribus indicatur. PRIMA est S. AVGVSTINI in commentario huius loci, ubi dicit, hominem coram Deo iustificari non posse, quoniā ex se iustitiam nullam habet, sed si quam habet, ex Deo habet: *Qui cum illo* (inquit AVGVSTINVS) *volunt intrare in iudicium, nisi quis ignorantes Dei iustitiam, suam volunt consistere?* Sententia igitur Davidis hæc est. Non intres in iudicium cum seruo tuo, id est, noli me iudicare ex his, quæ ex me habeo. Sic enim non iustificabitur in conspectu tuo omnis viuens: Et ideo paulo ante dixerat: *In veritate tua exaudi me in tua iustitia:* id est, in iustitia, quam ut haberem, tu dedisti.

ALTERA expositio est eiusdem Augustini in libro de perfectione iustitiæ, Hieronymi in epistola ad Ctesiphontem, & Gregorii in commentario huius Psalmi, qui est postremus ex pœnitentialibus, qui referunt hunc locum ad peccata venialia, sine quibus in hac vita esse non possumus. Non autem

sequitur

sequitur, ut omnia nostra opera sint peccata, etiam si absque peccato vivere non possimus. Miscentur enim operibus bonis opera quædam mala, quæ tamen leuia, & quotidiana sint, tamen in iudicio Dei non iniuste puniuntur. Igitur sententia Psalmi hoc secundo modo accepti, hæc erit, Non intres in iudicium cum seruo tuo, id est, non cupio tecum contendere, confiteor me peccatorem, & veniam oro. Nam non ego solus, sed etiam omnis homo aliquando peccat, nec est ullus ita iustus, qui non aliquando labatur, & erret.

TERTIA expositio est Hilarii, Hieronymi, Arnobii, Euthimii, & aliorum in hunc psalmum, & S. Bernardi serm. 5. de verbis Isaïæ, qui dicunt, sententiam Davidis esse, non posse hominem iustificari, si comparetur ad Deum, non quod non sit in homine iusto vera iustitia, si absolute consideretur, sed quia tanta est puritas, & sublimitas iustitiæ Dei, ut omnis hominum, & Angelorum iustitia, cum ea comparata, iustitia esse videatur. Sicut etiam stellæ clarissimæ sunt in se; tamen coram Sole continuo tenebescunt. Atque hoc est, quod in Iob legimus, capite 4. *Numquid homo Dei comparatione iustificabitur?* Et cap. 9. *Vere scio, quod ita sit, & quod non iustificabitur homo compositione Deo: Quem locum tractans Augustinus li. ad Orosium, contra Iulianistas, & Origenistas cap. 10. In comparatione iustitiæ Dei, si nec sancti in cælis Angeli iusti esse dicantur, non mihi videtur importuna sententia; non quia ut hoc essent, à iustitia lapsi sunt, sed quia facti sunt, & Deus non sunt, tantumque spiritualis luminis habere non possunt, quantum habet ille, à quo facti sunt. Ibi enim summa iustitia, ubi summa sapientia: & hoc Deus est, de quo dictum est, soli sapienti Deo. Et infra: Cuius participatione iusti sunt, eius comparatione nec iusti sunt.*

TERTIO, obiciunt illud Ecclesiæ 7. *Non est homo iustus, qui faciat bonum, & non peccet.*

RESPONDEO, Non significat Sapiens, ut Lutherus existimare videtur, hominem iustum peccare, dum bonum facit, sed neminem esse tam iustum, qui semper bonum faciat: omnes enim aliquando peccant, iuxta illud Prouerborum 24. *Septies in die cadit iustus, & resurgit.* Vbi non dicitur iustus ad singulos passus cadere, sed aliquoties cadere, nec dicitur semper cadere, sed aliquando cadere, aliquando resurgere: nisi etiam resurgere apud Lutheranos sit cadere. Vide S. Hieronymum, hæc loca explicantem, tum in commentario Ecclesiastæ, tum in libro primo aduersus Pelagianos, & in epistola ad Ctesiphontem.

QUARTO, obiciunt illud Isaïæ 64. *Facti sumus ut immundi omnes nos, & quasi pannus menstruatus uniuersa iustitia nostra.*

RESPONDEO, Hic plane triumphare sibi videntur hæretici. Hunc enim locum semper in ore habent: cum tamen ad rem nihil pertineat propter **TRES** rationes. **PRIMO**, quoniam sine dubio non loquitur Isaïas de iustis hominibus, sed de insignibus peccatoribus, ob quorum scelera tradenda erat ciuitas, & totus populus in manu regis Babyloniz. Quod enim loquatur Isaïas in persona eiusmodi hominum sceleratorum, patet **PRIMO**, quoniam paulo ante dixerat: *Eccc iratus es, & peccauimus*, id est, ut Cyrillus exponit, quia tu iratus es, deseruisti nos, deserti autem resistere non potuimus. At iusti non deferuntur à Deo, quippe qui non deferit, nisi prius deferatur. Non igitur de iustis, sed de impiis loquitur: quod si exponas: *Eccc iratus es, & peccauimus*, id est, ideo tu iratus es, quia peccauimus, in idem recidet sententia. Deus enim non irascitur iu-

stis, sed tegit eorum peccata, & non imputat, ut aduersarii volunt. Loquitur igitur Isaïas de impiis, quibus Deus irascitur, non de iustis, quorum peccata dissimulat.

SECUNDO, patet ex verbis sequentibus. *Non est qui innocet nomen tuum, & qui confurgat, & teneat se.* At iusti Deum inuocant, & ipse Isaïas, qui iustus erat, in hoc ipso cap. Deum inuocat, & Philippus in Apologia Confessionis Augustinæ valde gloriatur, quod propter Lutheri doctrinam didicerit populus exercere opera fidei, & maxime in precibus Deum frequenter inuocando. Loquitur igitur Isaïas in persona impiorum, non in persona sua, vel aliorum iustorum.

TERTIO, opera iustarum Scriptura ubique laudat, & dicit, esse Deo placita, & accepta in odorem suauitatis, ut supra probatum est, & in hoc ipso cap. dicit Isaïas: *Occurristi latenti, & facienti iustitiam: in visis tuis recordabuntur tui.* non igitur loquitur de operibus iustorum, cum dicit, iustitiam esse quasi pannum menstruatæ, nisi quis ita desipiat, ut existimet, Deo placere sordes, & pannum menstruatæ ab illo, qui fons est totius puritatis, acceptari in odorem suauitatis.

Neque mouere nos debet, quod Isaïas loqui videatur ita generatim, ut omnes homines comprehendat. Est enim iste Scripturæ mos, ut loquatur de multis, quasi de omnibus: *Omnis caro* (inquit Moyses Gen 6.) *corrupterat viam suam.* Et tamen ibid. vocat Noe virum iustum, atque perfectum. Et Apostolus Paulus 1. ad Cor. vocat omnes Corinthios sanctificatos in Christo Iesu, & tales, ut nihil eis desit in vlla gratia, & prædicit fore, ut confirmentur à Deo usque in finem sine crimine. Et tamen, c. 13. omnes vocat carnales, & dicit, *Tanquam paruulis in Christo lac vobis potum dedi, non escam, nondum enim poteratis, sed nec nunc quidem potestis, adhuc enim carnales estis.* Cæterum laudat omnes propter quosdam, qui apud eos laudabiles erant, vituperat omnes propter quosdam, qui apud eosdem vituperatione digni erant. Vide Augustinum lib. de vnitæte Ecclesiæ, c. 12. ubi hunc morem Scripturæ sacræ diligenter obseruat. Atque hæc est **PRIMA** ratio cur testimonium Isaïæ ad rem non faciat.

ALTERA ratio est, quoniam etiam si loqueretur Isaïas de omnibus, id est, de toto illo populo, tamen non loquebatur de omnibus, pro omni tempore, sed solum pro eo tempore, quo tradendi erant propter summa ipsorum scelera in captiuitatem Babylonicam. Id enim patet sequentibus verbis: *Cinix facta est iuxta facta est deserta, Syon deserta facta est, Hierusalem desolata est, domus sanctificationis nostræ, & gloriæ nostræ, ubi laudauerunt se patres nostri, facta est in exustionem ignis, & omnia desiderabilia nostræ versa sunt in ruinas.* Non autem sequitur, si quodam tempore totus populus fuit malus, ut omni alio tempore fuerit malus, & omnia opera ipsorum semper fuerint mala.

TERTIA ratio est, quoniam non solum non loquitur Isaïas de iustis, sed de impiis, & de impiis pro certo quodam tempore: sed etiam non loquitur de omnibus operibus illorum impiorum, quasi omnia essent peccata, sed tantum de operibus illis, quæ ipsi iustitias esse putabant, ut sacrificia, neomenias, &c. poterant enim illi ipsi impii multa opera facere, quæ neque essent meritoria apud Deum, neque peccata, sed bona moraliter, ut alibi docuimus. Et ideo non dicit Isaïas, omnia opera esse quasi pannum menstruatæ, sed omnes iustitias esse quasi pannum menstruatæ, vocat enim iustitias opera quædam ad cultum diuinum instituta, in quibus illi præcipue iustitiam

constituebant, quæ quoniam in bona intentione, nec sicut oportebat, ab illis fiebant, merito panno menstruata comparantur. De iis enim dicit Dominus Isaia 1. *Nec offeratis ultra sacrificium frustra, incensum abominatio est mihi. kalendas vestras, & solennitates vestras odinit anima mea, &c.*

Ad has causas accedat confessio Lutheri & Calvini. Vterque in commentario huius loci fatetur, hoc testimonium non recte adferri contra iustitiam operum, & tamen idem Lutherus in assert. art. 31. ex hoc potissimum testimonio probare conatus erat, omnia opera iustorum esse peccata.

QUINTO, obicit Lutherus ex c. 6. Matth. orationem Dominicam. Nam ex eo quod oramus quotidie: *Sanctificetur nomen tuum, Fiat voluntas tua, Dimitte nobis debita nostra*: colligi dicit Lutherus, nos omnes in omni opere nostro peccare: quoniam non petimus, quod habemus, sed quod non habemus. Igitur semper in nobis polluitur nomen Domini, semperque rebelles sumus in omni opere voluntati Dei, semper denique egemus, ut nobis peccata misericorditer remittantur.

RESPONDEO, Potest hoc argumentum rectissime in aduersarium retorqueri. Nam Christus non docuit nos petere, quæ nunquam impetraturi essemus, imo promisit nos accepturos, quod peteremus, dicens: *Petite, & accipietis. Et: Omnis qui petit accipit.* Petimus autem sanctificari nomen Domini, & ut fiat à nobis voluntas Dei, igitur non polluitur semper in nobis, sed sanctificatur potius nomen Domini, & legi obediens, facimus Domini voluntatem. Alioqui frustra id peteremus, si nunquam impetraremus. Præterea si non potest quisquam petere, ut fiat voluntas Dei, nisi qui semper Dei voluntati rebellis est; quomodo Christus orauit, *Fiat voluntas tua*? an etiam Christus semper voluntati Dei rebellis erat?

RESPONDEO igitur, Non solum posse peti quod non habemus, sed etiam conseruationem, & incrementum eius quod habemus. Sic enim explicat S. Cyprianus sermo. de orat. Dominica primam illam petitionem, *Id, inquit, petimus, & rogamus, ut qui in Baptismo sanctificati sumus, in eo quod esse capimur, perseueremus.* Et eodem modo explicat S. Aug. in lib. de bono perseuerantiæ, cap. 2.

Illud autem, *Fiat voluntas tua sicut in celo, & in terra*, monent prædicti Patres, posse etiam sic intelligi, ut petamus conseruationem infidelium, ut videlicet illi quoque, qui nomine terræ intelliguntur, faciant voluntatem Dei, sicut eam faciunt plerique fideles, qui nomine cæli significantur. Ex quo intelligimus, sanctos Patres contrario modo ex Dominica oratione argumentari, ac Lutherus facere soleat.

Porro illud, *Dimitte nobis debita nostra*, dicimus non pro omni opere nostro (pro multis enim gratias agimus, non veniam petimus) sed pro venialibus peccatis, quæ bonis operibus admiscuntur. Quod autem Lutherus dicit in assertionem art. 2. dici illam orationem pro concupiscentia, quæ semper est in nobis, repugnat expresse S. Augustino, qui in lib. de perfectione iustitiæ scribit, non esse opus dicere, *Dimitte nobis debita nostra*, pro concupiscentia, quæ est in nobis, nisi motibus eius voluntate consentiamus.

CAPVT XXI.

Soluantur obiectiones ex Patribus, contra veritatem iustitiæ actualis.

PRÆTER Scripturæ testimonia proferunt etiam aduersarii nonnulla ex Patribus, Cypriano, Hieronymo, Augustino, Gregorio, Bernardo. Sanctus

A enim CYPRIANVS in serm. 4. de mortalitate sic loquitur *Obsessa mens hominis, & undique Zabuli infestatione vallata, vix occurrat singulis, vix resistit. Si auaritia prostrata est, exurgit libido &c.*

RESPONDEO, Nihil hoc loco S. Cyprianus dicit, contra iustitiam operum, sed contra miseriam huius vitæ, quæ tota militia, siue tentatio est super terram. Vna enim tentatione deuicta, continuo exortitur alia, atque ita semper pugna pugna succedit. Quam autem iustitiam operum veram, & meritoriam Cyprianus agnouerit, perspicuum est ex serm. de elemosyna, ut in lib. sequenti citabimus.

Ex S. HIERONYMO adducunt verba illa in primo Dialogo aduersus Pelagianos, *Tunc ergo iusti sumus, quando nos peccatores fatemur, & iustitia nostra non ex proprio merito, sed ex Dei confectis misericordia.*

RESPONDEO, Potest hic locus referri ad primam iustificationem, per quam ex impiis reddimur iusti: hanc enim iustitiam non ex merito, sed ex misericordia Dei consequimur, atque hanc proprie penitentia, & confessio peccatorum præcedit. Nec tamen vllum sequetur incommodum, si idem locus referatur ad secundam iustificationem. Nam ad iustitiam huius vitæ pertinet veritas confessionis, quod sæpe labatur in peccata saltem venialia, quæ (ut sæpe diximus) non repugnant iustitiæ; & quod quidquid boni facimus, non sine gratia, & auxilio Dei facimus.

Ex S. AUGUSTINO tria loca obici solent, præter ea, quæ in disputatione de meritis operum in sequenti lib. excutiemus. PRIMVS igitur locus est in epist. 29. ad Hieronymum: *Plenissima charitas, quæ iam non possit augeri, quamdiu hic bono vivit, est in nomine, quamdiu autem augeri potest, profecto illud quod minus est, quam debet ex vitio est, ex quo vitio non est, qui faciat bonum, & non peccet.* Alius locus est huic similis, in lib. de perfectione iustitiæ. respo. 15. *Peccatum, inquit, est, cum vel non est charitas, quæ esse debet, vel minor est, quam debet.*

RESPONDEO, Appellat S. Augustinus vitium, & largo modo peccatum, imperfectionem; & defectum illum, qui est in nobis, ratione concupiscentiæ. Cuius vitii causa nemo est, qui non aliquando peccet. Non esse autem eam imperfectionem peccatū proprie dictum, perspicuum est, TVM ex ipso lib. de perfectione iustitiæ, ubi S. August. dicit, non esse opus, pro concupiscentia carnis, contra quā spiritus concupiscit, dicere; *Dimitte nobis debita nostra*; TVM ex lib. de spiritu & littera, cap. vlt. ubi disertis verbis dicit, non esse ad culpam imputandum, quod charitas in hac vita non tanta sit, quanta erit in patria.

SECUNDVS locus est in lib. 9. confess. c. 13. *Vt etiam laudabili vita hominum, si remota misericordia discutias eam.*

RESPONDEO, Non dicit S. Augustinus, laudabilia opera esse peccata, si remota misericordia discutiantur; immo in eodem loco separat opera bona a peccatis suis, pro quibus gratias agit Deo, à peccatis pro quibus à Deo veniam petit. Solum igitur dicit, vitam hominis laudabilem propter opera bona, egere misericordia in iudicio Dei, propter peccata, saltem venialia, à quibus nemo liber inuenitur.

TERTIVS locus est in lib. 1. contra duas epist. Pelagianorum. cap. 7. *Ex quo factum est, inquit, virtutem, quæ nunc est in homine inflo, perfectam balteus nominari, ut ad eius perfectionem pertineat etiam ipsius imperfectionis, & in veritate cognitio, & in humilitate confessio.*

RESPONDEO, Nihil aliud hoc loco S. August. dicit, nisi iustitiam in hac vita imperfectam esse, si comparetur ad iustitiam vitæ beatæ; & huius imper-

fectionis

fectionis cognitionem & confessionem, hoc tempore non parum esse necessariam, ne quis existimet, se esse, quod vere non est, atque ita se ipse seducat. Nusquam autem in toto hoc lib. imperfectionem istam peccatum esse Augustinus dicit, sed contra potius veram iustitiam, & suo modo perfectam esse confirmat. Sic enim ait in fine capitis. *Iustitia, secundum quam iustus ex fide vivit, quoniam per spiritum gratia homini ex Deo est, vera iustitia est. Quae licet non immerito in aliquibus iustis pro eius vite capacitate perfecta dicitur; parva tamen est ad illam magnam, quam capis aequalitas Angelorum, quam qui nondum habebat, & propter illam, quae ierut, perfectum, & propter istam, quae adhuc deerat, imperfectum se esse dicebat. Sed plane minor ista iustitia facit meritum, maior illa sit premium, unde qui istam non sequitur, illam non assequitur.* Hæc ille, ex quibus evidenter apparet, aduersarios abuti Patrum auctoritate ad imperitos, simplicesque fallendos.

Ex S. GREGORIO proferunt multa testimonia. PRIMVM est lib. 9. Moral. cap. 1. *Sanctus, inquit, vir, quia omnia virtutis nostra meritum esse vitium conficit, si ab interno arbitrio districte iudicetur, recte subiungit, si volueris contendere cum eo, non poteris ei respondere unum pro mille.*

RESPONDEO, Districte iudicari hoc loco virtutis nostræ meritum, nihil est aliud, nisi iudicari ex his, quæ homo ex se habet remotis donis gratiæ Dei. Sic enim vere, quod virtutis meritum esse videtur, vitium & peccatum esse cognoscitur. Id ita esse, probamus ex verbis præcedentibus & sequentibus. Nam districte iudicari dicit eum, qui se Deo comparat, & cum eo cõtendere cupit; illum autem se Deo comparare, & cum eo contendere velle dicit, qui non agnoscit se à Deo habere quod habet. Sed totum locum adscribamus. *Homo, inquit, Deo non composuit, iustitiam percipit, composuit amittit, quisquis se auctors bonorum comparat, homo se quod acceperat, primat. Qui enim accepta bona sibi arrogat, suis contra Deum donis pugnat. Sanctus autem vir, quia omne virtutis nostræ meritum esse vitium conficit, si ab interno arbitrio districte iudicetur, recte subiungit, Si volueris contendere cum eo, non poteris ei respondere unum pro mille. Cum Deo autem contendere est, non ei tribuere, sed gloriam suæ virtutis arrogare. Sed sanctus vir conficiat, quia & qui summa iam dona percipit, si de acceptis extollitur, cuncta, quæ acceperat, amittit & dicat: Si volueris contendere cum eo, non poteris ei respondere unum pro mille.* Ex his intelligimus, eum districte iudicari apud Gregorium, qui propter superbiam prius amittit dona Dei, quæ acceperat, & seuerè secundum propria iudicatur.

ALTERVM testimonium est in lib. 9. Moral. c. 11. *Repente, inquit, Deus interrogat, cum nos, ad distinctionem sui examinis inopinatos vocat, sed interrogationi illius, homo respondere non sufficit, quia si remota tunc pietate discutitur, in illo examine etiam iustorum vita succumbit.*

RESPONDEO, Explicat S. Gregorius illa verba Iob: *Si repente interroget, quis respondebit ei?* docet autem, esse valde periculosum, si quis inopinatus, & imparatus ad iudicium Dei vocetur, quia cum nemo sit, qui non peccet, qui imparatus vocatur, verisimiliter in peccato aliquo reperitur, cuius nullam pœnitentiam egit. Cæterum non dicit Gregorius, opera iustorum in iudicio succubere, quasi ipsa bona opera sint peccata, vt Lutherani, sed vitam iustorum in iudicio succumbere, quoniam (vt dixi) in peccatis inveniuntur, de quibus nullam pœnitentiam egerunt. nec dicit, iustos ita succubere in iudicio, vt ad pœ-

nas destinentur æternas, sed intelligit eos succumbere, quoniam pœna aliqua, saltem purgatoria, temporariaque multantur, iuxta illud 1. Cor. 3. *Si cuius opus a se sit, detrimentum patietur, ipse autem saluus erit quasi per ignem.*

TERTIVM testimonium est in eodem lib. cap. 14. Vbi explicans Gregorius illa verba: *Si habuero quippiam iustum, non respondebo, sed meum iudicem deprecabor,* sic ait: *Omnis humana iustitia esse conuincitur, si districte iudicetur. Prece ergo post iustitiam indiget, vt quæ succumbere discussa poterat, ex sola iudicis pietate conualecat.*

RESPONDEO, Hic locus eundem sensum habet, cum primo loco. Significat enim humanā iustitiam esse iniustitiā, si districte iudicetur, id est, si iudicetur remotis beneficiis Dei, secundum ea, quæ homo habet ex se. Nam hoc loco hortatur nos Gregorius ad humilitatem, nō ad pœnitentiam, vt patet ex verbis sequentibus: *Prece itaque innuendum est, cum recta agimus, vt omne quod iuste vivimus, ex humilitate condiamus.* Itaque sensus verborum eius hic est, vt cum bona opera aggredimur, Dei auxilium inuocemus, scientes nos abique Deo nihil boni facere posse: & posteaquam bona opera fecimus, non superbiamus, quasi nostris viribus illa fecerimus, sed insistamus precibus orantes Deum, vt confirmet, quod operatus est in nobis.

QUARTVM testimonium est in eodem lib. c. 26. in illud: *Verebar omnia opera mea.* Ac si, inquit, humilis confessione diceretur, quæ aperte egerim, video: sed quæ in his latenter pertulerim, ignoro.

RESPONDEO, Non dicit in omni bono opere esse latentem culpam, sed sepe cum bona opera facimus, culpam aliquam admisceri, nisi quis diligenter vigilet. Id quod apertius dixerat paulo ante, cum ait: *Ipsa bona nostra, quia insidiantis culpa euadere gladium nequeunt, nisi sollicito quotidie timore muniantur, per sanctum virum nunc recte dicitur, verebar omnia opera mea.*

QVINTVM testimonium est in eodem lib. cap. 28. Notandum, inquit, quod vir sanctus non ait, *sulserim mundissimæ manus meæ, sed velut mundissimæ manus meæ;* quia quoniamque pœna corruptionis adstringimur, quamlibet rectis operibus insudemus, veram mundiciam nequaquam apprehendimus, sed imitamur.

RESPONDEO, Vocat Gregorius veram mundiciam, mundiciam Dei & beatorum: cuius comparatione, nostra mundicia vera non esse videtur, quamuis absolute sit vera. Sic enim loquitur idem Gregorius lib. 5. Moral. cap. 26. *Humana iustitia diuina iustitia comparata, iniustitia est, quia & lucerna in tenebris fulgere cernitur, sed in solis radio posita tenebratur.* Et lib. vlt. cap. 1. *Omnia humana, quæ iusta, & pulchra sunt, Dei iustitiæ & pulchritudinis comparata, nec iusta, nec pulchra sunt.*

SEXTVM testimonium est in libro vlt. cap. vlt. *Si autem, inquit, de his diuinitus districte discutimur, quis inter ista remanet salutis locus; quando & mala nostra pura mala sunt, & bona, quæ nos habere credimus, pura bona esse nequaquam possunt?*

RESPONDEO, Non dicit Gregorius, omnia bona opera nostra impura, sed non omnia posse esse pura: quia fieri non potest, vt non aliquando subrepat aliquid, quo bona aliqua opera vitientur. Ita enim seipie explicat, cum paulo post ait: *Fatendum est igitur, quod rectam intentionem nostram, quæ soli Deo placere appetit, nonnunquam intentio minus recta, quæ de donis Dei placere hominibus querit, insidiando comisatur.* Quamuis autem loquatur Gregorius de peccatis venialibus, dicit tamen, non remanere salutis locum: si

Porro Martinus Bucer in actis Colloquii Ratisbon. ne totam antiquitatem cōtemnere videatur, negat Scripturam, vel Patres, nomine meriti vfos esse, addit tamen, si forte Patres hoc nomine vfi sint, duram esse in ea voce catachresim. Sed tam frequenter, & tam aperte vtuntur Patres hoc nomine, vt nesciam, vtrum sit maius Caluini sacrilegium, an Bucer mendacium.

Nos igitur probabimus id, quod habet communis Catholicorum omnium sententia, opera bona iustorum vere, ac proprie esse merita, & merita non cuiuscunque premii, sed ipsius vitæ æternæ, contra Sectarios omnes. Sed antea tamen contra Calvinum probabimus nomen meriti in Scripturis fundari, ac proinde non male consuluille fidei sinceritati sanctos Patres, qui eo nomine passim vfi esse inueniuntur.

CAPVT II.

Probatur ex Scripturis, opera iustorum recte vocari merita.

QUOD igitur ad nomen meriti pertinet non, desunt testimonia sacræ Scripturæ, vbi eiusmodi nomen vel aperte contineatur, vnde facili negotio deducatur.

PRIMUM testimonium habetur Ecclesiastici cap. 19. *Omnis misericordia faciet locum unicuique secundum meritum operum suorum*, Respondet CALVINUS, in Græco textu non haberi nomen meriti, sed solum *ἀξία*. At illud *ἀξία*, recte vertitur secundum meritum operum: vel pro merito, & dignitate operum. Quid enim est reddere secundum opera, nisi reddere sicut opera merentur? Quare non solum vetus interpret Ecclesiastici, sed etiam S. Hieronymus, qui trium linguarum peritissimus erat, Latine reddere solet per vocem *MERITI*, quod Hebræi, vel Græci dicunt, iuxta, vel secundum opera. Vt exempli causa, quod habetur Iud. 20. in Hebræo & Græco, vt possimus reddere contra Gabaa Beniamin, iuxta omnem stultitiam, quam fecerunt in Israel. S. Hieronymus vertit, *Vt possimus pugnare contra Gabaa Beniamin, & reddere ei pro scelere quod meretur.*

ALIVS locus est in epist. ad Hebræos cap. 13. *Beneficentia, & communionis nolite obliuisci, talibus enim hostiis promeretur Deus*. Vbi passim usurpauit interpret vocem *PROMERETUR*, sed alioqui rectissime vertit vocem Græcam *ἐμψύχως*, Significat enim hoc verbum delectari, hilariter se habere, placari. Itaq; sensus est, talibus hostiis delectatur, siue placatur Deus, vt habet commentarius Chrysost. vel talibus hostiis placetur Deo, vt exponit Occumenius. Caluinus faretur, Apostolum dicere voluisse, tales hostias placere Deo, atq; ei acceptas esse: & tamen negat recte vocari merita. At certe propriissime dicimus Latine, vnum apud alterum mereri, & cum sibi obstringere, qui facit aliquid, quod ei placeat, eumque delectet. Adde quod verbum illud coniunctum cum vocabulo, *hostiarum*, non solū significat, Deum delectari bonis operibus, sed etiam conciliari, & induci ad benefaciendum iis, qui bene operantur. Hoc autem est, quod dicimus, opera bona esse meritoria.

ALIA loca sunt, vbicunque inuenitur nomen dignitatis. Nam quod nos dicimus mereri, dicunt Græci *ἀξιδου*, id est, dignum esse, & meritum vocant *ἀξία*. Hæc autem verba frequenter habentur in Scripturis, vt 2. ad Thess. 1. *Vt digni habeamini regno Dei*. Græce est, *ὅτι τὸ κατὰ τὴν δικαιοσύνην ἡμῶν, ἡ βασιλεία τοῦ Θεοῦ*

quod eque verti poterat, vt vos mereamini regnum Dei. Et Apoc. c. 3. *Ambulabunt mecum in albis, quia digni sunt*, id est, quoniam id merentur. Et cap. 16. *De ditis eis sanguinem bibere, digni sunt enim*, id est, eiusmodi pœnam merentur. In his omnibus locis aliisque permultis, ponitur illa vox, qua Græci meritum designate solent.

DEIN QUÆ plurima sunt testimonia Scripturæ, quæ disertis verbis continent nomen mercedis. Vt Genes. 15. *Ego proscctor tuus sum, & merces tua magna nimis*. Paral. 15. *Vos ergo confortamini, erit enim merces operi vestro*. Proverb. 11. *Seminanti iustitiam merces fidelis*. Sap. 5. *Iusti autem in perpetuum viuunt, & apud Dominum est merces eorum*. Ecclesiast. 18. *Non vereris usque ad mortem iustificari, quoniam merces Dei manet in æternum*. Isa. 40. *Ecce Dominus veniet, & merces eius cum eo*. Matth. 5. *Merces vestra copiosa est in cælis*. 1. ad Cor. 3. *Vnusquisque propriam mercedem accipiet*. Apocal. ultimo, *Ecce venio cito, & merces mea mecum est*. At merces, & meritum, relatiua sunt: merces enim meritis redditur, sicut gratia gratis datur. Igitur cum tam sæpe, & tam perspicue præteritum operum dicatur merces, dubium esse non debet, quin ipsa opera secundum morem loquendi Scripturæ, recte dicantur merita.

Neq; probabile est, in tot locis semper esse duram catachresim, vt dicit Bucerus. Catachresis enim, præsertim dura, in vno aut alio loco fortasse tolerari posset: tot autem in locis plane intolerabilis esset, & iniuriam facit Spiritui sancto, qui tot in locis durissima catachresi illum vsum esse confirmat.

CAPVT III.

Opera iustorum meritoria esse vitæ æternæ, probatur ex diuinis litteris.

SED vt iam ad rem ipsam veniamus, probare possumus ex diuinis litteris sententiam nostram testimonio plurimis: sed ea nos ad certa capita reuocabimus.

PRIMUM igitur argumentum ducitur ab iis locis, vbi vita æterna nominatur merces. Nam si ipsa est merces, bona opera, quibus illa redditur, sine dubitatione sunt merita, Matth. *Gaudete & exultate, quoniam merces vestra copiosa est in cælis*. Quid autem sit hæc merces, paulo ante explicauerat Dominus dicens: *Beati qui persecutionem patiuntur propter iustitiam, quoniam ipsorum est regnum cælorum*. Dicit igitur, gaudendum, & exultandum in persecutionibus, quoniam copiosa nos manet merces in cælo, cum regnum cælorum iis paratum sit, qui persecutionem patiuntur propter iustitiam.

Item Matt. 20. *Voca operarios, & redde illis mercedem*. Huius autem mercedis nomine intelligi denarium diurnum, ex ipsa eadem parabola perspicuum est. Per denarium vero diurnum significari vitam æternam, communi consensu Patres docent. Nam præter commentarios in hunc locum, id habent S. Hierony. l. 2. in Iovinianum, S. August. l. de sancta virginitate, c. 16. & S. Greg. lib. 4. Moral. cap. 41.

Ad hoc argumentum respondet Philippus in Apologia confessionis Augustanæ, mercedem dici præmium, quod Deus reddit, non quia debeatur operibus, sed quia debetur promissioni, qua Deus constituit filiis suis adoptatis per Christum dare vitam æternam. At Scriptura disertis verbis dicit, hanc mercedem dari operibus, non soli promissioni. Quid enim apertius dici potuit, quam, *Voca operarios, & redde illis mercedem*? Deinde esto, propter solam promissionem aliquid vere & proprie debeatur: tamen nunquam id mercedis nomine vere ap-

salutis esse faceretur, omnes protestantes illum tanquam Papistam nouum, execrarentur. Nam (vt sæpe diximus) nulli omnino hominum minus tribuit fidei, quam Lutherani, & Calviniani, qui soli fidei omnia tribuere videri volunt.

TERTIVM argumentum sumitur ex illis locis, quæ ita vitam æternam reddi testantur operibus bonis, vt ipsam rationem, cur detur vita æterna, in operibus ponant. Sunt autem hæc loca, Matth. 25. *Venite benedicti Patris mei, possidete paratum vobis regnum ab origine mundi. Esurini enim, & dedistis mihi manducare, &c.* Item ibidem: *Quia in paucis fuistis fidelis, supra multam constituam: in iram gaudium Domini mei.* Apoc. 7. *Hi sunt qui venerunt ex magna tribulatione, &c. ideo sunt ante thronum Dei.* In quibus locis particula, **ENIM**, **QVIA**, **IDEO**, sunt omnes causales, vt notum est.

Respondet **CALVINVS**, in his locis notari ordinem diuinæ prouidentie: quæ non donat salutem, nisi iis, quos antea iustificauit, & bona opera exercere fecit. Itaque sensum illorum verborum: *Possidete regnum, esurini enim, & dedistis mihi manducare, &c.* hunc esse vult, non possidebunt regnum, nisi qui prius misericordie opera fecerint, non quod opera misericordie sint merita, vel causæ illius regni adipiscendi, sed quia Deus voluit, prius fieri opera misericordie ab electis, & posterius ab eisdem obtineri regnum. Probat autem Calvinus, in Scripturis illud **ENIM**, vel **QVIA**, sæpe notam esse ordinis & consequentie, non autem causæ: quoniam in Gen. c. 15. Deus absolute, & gratis promittit Abraham, quod semen eius multiplicaretur instar stellarum, quæ numerari non possunt. Et tamen cap. 22. ait: *Quia fecisti rem hanc, multiplicabo semen tuum, &c.*

At si ita licet omnia eludere, nullæ erunt formæ loquendi, quibus sententias nostras explicare possimus. Fingamus enim, voluisse Christum ostendere, opera misericordie esse veram causam, cur iustis hominibus in iudicio, reddenda sit merces salutis æternæ. Quibus, quæso, verbis breuius, apertius, commodius id explicare potuisset, quàm illis: *Possidete regnum: esurini enim, & dedistis mihi manducare?*

DEINDE, nonne eodem modo loquitur Dominus de bonorum præmiis, & de impiorum suppliciis? certe sicut dixerat: *Possidete regnum, esurini enim, & dedistis mihi manducare, &c.* ita dicit: *Ite maledicti in ignem æternum: esurini enim, & non dedistis mihi manducare, &c.* At nemo dicere potest, in his verbis posterioribus non reddi veram causam, sed ordinem & consequentiam tantum ostendi, nam stipendium peccati mors, vt dicitur ad Rom. 6.

DEINQUE utrum illæ particulae, **ENIM**, & **QVIA**, & similes, veræ sint causales cum agitur de bonorum operum præmiis, perspicuum est ex plurimis aliis locis, vbi bona opera dicuntur salutem ipsam efficere, vt 2. ad Cor. 4. *Quod in presenti est momentaneum, & leue tribulationis nostræ, supra modum in sublimitate gloriæ pondus operatur in nobis.* Et ad Galat. 6. *Qui seminat in spiritu, de spiritu metet vitam æternam.* Et ad Philippens. 2. *Cum timore, & tremore salutem vestram operamini.* Vide etiam alia, quæ supra attulimus in disputatione de necessitate operum bonorum.

Ad illud autem, quod Calvinus obicit ex cap. 15. & 22. Geneseos, facilis est **RESPONSIO**, Deus enim voluit semen Abraham multiplicare sicut stellas cæli, & simul voluit, vt donum illud Abraham bonis operibus promeretur, quemadmodum etiam postea voluit, vt Isaac precibus impetraret filios, quos tamen idem Deus ante promiserat, Voluit enim dare,

A sed per meritum precum eius. Sicut etiam omnes electos Deus prædestinauit ad gloriam, & tamen vult vt ad eam per bona opera, meritaque perueniant. Itaque ex eo, quod Deus absolute promittit Abraham multiplicationem posteritatis, non sequitur, vt Abraham eam non vere meruerit: imo sequitur, vt meruerit, cum Deus per eiusmodi medium promissionem suam implere decreuerit.

QVARTVM argumentum sumitur ab illis testimoniis, vbi præmium bonis operibus ex iustitia dicitur esse reddendum. Vt 2. ad Thessal. 2. *Gloriamur in Ecclesijs Dei, pro patientia vestra, & fide in omnibus persecutionibus vestris, & tribulationibus, quas sustinetis in exemplum iusti iudicii Dei.* Et infra: *Si tamen iustum est apud Deum, retribuere tribulationes his, qui vos tribulant, & vobis, qui tribulamini requiem nobiscum.* 2. ad Timoth. 4. *bonum certamen certasti, cursum consummasti, fidem seruasti, in reliquo reposita est tibi corona iustitiæ, quam reddet tibi Dominus in illa die iustus iudex.* Ad Hebr. 6. *Non est iniustus Deus, vt oblitiscatur operis vestri.* Iacobi 1. *Beatus vir qui suffert tentationem, quoniam cum probatus fuerit, accipiet coronam vitæ.* Apoc. 2. *Esto fidelis usque ad mortem, & dabo tibi coronam vitæ.* Huc etiam pertinent illa: *Funeratur Domino, qui misereatur pauperis.* Prouerb. 19. *Et: Nescitis quod hi, qui in stadio currunt, omnes quidem currunt, sed unus accipit brauium: sic currite, vt comprehendatis.* 1. ad Cor. 9. *Et: Certe sum, quia potens est depositum meum seruare in illum diem.* 2. ad Timoth. 4. *Siquidem iniuriam faceret, qui mutuum non redderet, vel brauium vincenti non daret, vel depositum non restitueret.* Hæc enim omnia iustitiam includunt.

Respondet Calvinus ad primum testimonium, afflictiones iustorum esse quasi notas, & stigmata quædam quibus Christiani Christo similes efficiuntur, & illis insigniti digni sunt, qui in regnum Cælorum admittantur, non propter meritum patientie, sed quia sunt veri Christiani, quod notas, & stigmata illa testantur. Ad alia loca respondet, Scripturas ita loqui, vt hortentur homines ad opera bona.

Sed non solas notas esse veri Christiani, tribulationes patienter propter Christum toleratas, sed etiam vera merita, perspicuum est, quia quod solis notis respondet, non dicitur corona, brauium, & similia. Neque si essent opera illa solū notæ veri Christiani, diceretur. Deus iusto iudicio, & vt iustus iudex, & iustitia distribuere. Denique non diceret Apostolus, eadem iustitia reddi à Deo tribulationem his, qui tribulant, & requiem his, qui tribulantur. Neque enim qui tribulant, & persequuntur Sanctos, eiusmodi impietate solum testantur, se veros non esse Christianos, sed vere ac proprie iram diuinam in se prouocant, & supplicia, pœnaque suis sceleribus debitas promerentur.

Quod autem Scriptura hortetur homines ad opera bona, verissimum est, sed illud etiā est verum, cohortationes diuinas non habere officiosa mendacia, sed veritate esse plenissimas. Quare si Deus vt nos ad bona opera cohortetur, dicit bene operantibus, iusto iudicio reddendam esse coronam iustitiæ, securi esse debemus, quia non fallit nos Deus, & sic ad bona opera excitari, vt simul credamus, bonis operibus ex iustitia reddendam esse mercedem.

QVINTVM argumentum sumitur ex illis testimoniis quæ docent, vitam æternam promissam esse operibus bonis, qualia sunt Matth. 19. *Si ad vitam ingredi, serua mandata.* Et ibidem: *Omnis qui reliquerit domum, vel patrem, &c. centuplum accipiet, & vitam æternam possidebit.* 1. ad Timoth. 4. *Pietas ad omnia utilis est, promissionem habens vitæ, quæ nunc est, & futura.* Iac. 1.

Accipiet coronam vitæ, quam repromisit Deus diligentibus se. At promissio facta cum conditione operis, non solum debitam facit rem promissam, qui enim promissus sit, ex iustitia tenetur stare promissis: sed etiam facit, ut qui opus impleverit, meruisse rem promissam, eamque ut mercedem iure suo exigere posse dicatur. Sed de hoc plura diximus in libro superiore.

S E X T U M argumentum sumitur ab illis locis, in quibus fit mentio dignitatis. Nam (ut supra diximus c. 2.) dignum esse præmio, & mereri præmium, idem sunt, iuxta illud Domini Luc. 10. *Dignus est operarius mercede sua.* Sunt igitur hæc loca Sap. 3. *Deus tentavit eos, & invenit eos dignos se.* Item 2. ad Thessal. 1. *Ut digni habeamini regno Dei, pro quo & patimini.* Luc. 20. *Qui digni habebuntur saculo illo, & resurrectione ex mortuis.* Apocal. 3. *Ambulabunt mecum in albis, quia digni sunt.*

Neque his locis repugnat illud ad Rom. 8. *Non sunt condigna passiones huius temporis ad futuram gloriam.* Loquitur enim Apostolus de substantia ipsorum operum, non de proportionione absoluta. Nam passiones huius temporis breves sunt, gloria illa æterna est, tamen proportio est inter has passiones, & illam gloriam propter charitatis dignitatem, unde procedunt. Nam & Christi passio multo brevior fuit pœnis damnatorum sempiternis, & tamen propter dignitatem personæ patientis dignissima fuit, quæ pro illis pœnis iustissime satisfaceret, & delicta peccatorum incomparabiliter minores sunt tormentis gehennæ, & tamen propter cōtemptum Dei dignissima sunt, quæ illis supplicitis puniantur. Et semen multo est minus, quod ad molem attinet, ipsa arbor, & tamen proportio est inter semen, & arborem tanta, ut semini rite fato naturali quadam iustitia arbor debeatur. Itaque 2. ad Cor. 4. dicit quidem, passiones huius temporis momentaneas & leues esse, si cōferantur ad pōdus æternæ gloriæ, quod expectamus, & tamen addit has ipsas momentaneas leuesque passiones operari æternum gloriæ pondus, operari vero sine dubio intelligit non phylice, sed moraliter, id est, non efficienter, sed meritorie, ac per hoc dignas esse, quibus gloria illa, quamvis maxima, & sempiterna, iusto iudicio tribuatur.

S E P T I M U M argumentum sumitur ab illis locis, ubi dicitur Deus iudex iustus, & non acceptor personarum. Ut ad Rom. 2. *Non est acceptus personarum apud Deum.* Ad Galat. 2. *Deus personas non accipit.* 1. Pet. 1. *Si patrem invocatis eum, qui sine acceptione personarum indicat secundum universiusque opus, &c.* Act. 10. *In veritate comperi, quia non est personarum acceptio apud Deum.* At acceptio personarum est vitium contrarium iustitiæ distributiæ, cum videlicet iudex dat præmium sine meritis, aut maius præmium minoribus meritis, vel contra. Deus igitur retributione præmiorum merita hominum considerat, & pro meritorum diversitate vitæ æternæ mansiones assignat.

Itaque recte S. AUGUSTINUS in epist. 46. ad Valentinum: *si non sunt merita, inquit, quomodo iudicabis Deus hunc mundum?* proinde aduersariorum hæresis, quæ tollit merita, tollit simul articulum fidei de iudicio futuro.

CAPVT IV.

Idem probatur ex traditione Patrum.

Nunc addemus testimonia sanctorum Patrum. Ac ut à Græcis incipiamus, Deinde ad Latinos veniamus.

S. IGNATIUS in epist. ad Rom. *Sinite, inquit, me, ut beatorum escaam, per quem possim Deum promereri.*

S. IUSTINUS in Apolog. 2. ante medium: *Homines, inquit, qui dignos se Dei voluntate, & consilio operibus præstiterint, cum eo victuros esse meriti sui sumpsimus, ac regnatos, sic ut ab omni interitu, perturbationeque sint liberi.*

S. IRENÆUS lib. 4. aduersus hæreticos, c. 72. *Preciosam, inquit, arbitramur coronam, quæ per agonem nobis acquiritur, sed non vltro coalitam, & quanto per agonem nobis aduenit, tanto est preciosior.* Item c. 44. probat meritum operum ex iudicii forma, quæ describitur Matth. 25.

ORIGENES lib. 2. in epist. ad Rom. explicans c. 2. *Primo, inquit, excludantur hæretici, qui dicunt, animarum naturas bonas & malas, & audiant, quia non pro natura, sed pro meritis reddit Deus. Secundo, adificentur fideles, ne putens hoc solum sufficere quod credunt, sed sciant, iustum iudicium Dei unicuique reddere secundum opera sua.* Vide etiam Clementem Alexandrinum Origenis præceptorem, lib. 4. Strom.

S. BASILIUS in lib. de Spiritu sancto, c. 4. *Homo, inquit, ex operibus iustitia saluatur. Et oratione in initium Prouerb. Omnes, inquit, qui vitam Evangelicam incedimus, mercatores sumus, per opera mandatorum nobis possessionem celestium comparantes.*

S. IOANNES CHRYSOSTOMUS hom. 4. de Lazaro, circa medium: *Si iustus, inquit, est Deus, & his & illis reddet pro meritis. Quod si & his, & illis rependit pro meritis, hic vero nullus eorum recepit, neque ille improbitatis pœnam, neque hic virtutis præmia, per spem est, restare tempus aliud in quo congruens præmium bonum, uterque ferat. Vide eundem hom. 42. in Genes. & hom. 43. in priorem ad Corinth.*

S. GREGORIUS NAZIANZENSIS orat. in S. Baptisma, extrema: *Crede, inquit, resurrectionem, iudicium, mercedem, ad instam Dei lancem exigendam.*

S. GREGORIUS NYSSENSIS orat. 1. de amandis pauperibus: *Denique, inquit, pro suis quemque meritis ornatum cerno: Illis qui boni, benignique fuerint summa, & perpetua requies tribuitur in regno celesti, inhumanis autem, & improbis, supplicium ignis, idque sempiternum.*

Iam ex Latinis, **TERVLLIANUS** in lib. de resurrectione carnis, ultra medium, tractans cap. 15. prioris ad Corinthios: *Ordo, inquit, meritorum, dispositorum nomine disponetur; merita autem cum corpori quoque adferbantur, ordo quoque corporum disponatur necesse est, ut possit esse meritorum.*

S. CYPRIANUS in lib. de Simplicitate Prælatorum, sine de vnitatem Ecclesiæ, ultra medium: *Iustitia, inquit, opus est, ut promereri quis possit Deum: præceptis eius, & monitis obtemperandum est, ut accipiant merita nostra mercedem.* Item in ser. de elemosyna, extremo: *Si, inquit, expeditor, si celetes, si in hoc operis agone currentes dies nos vel reditutionis, vel persecutionis inuenerit, nusquam Dominus meriti nostri ad præmium decet. In pace coronam viventibus candidam pro operibus dabit, in persecutione purpuream pro passione geminabit.* Vide eundem lib. 2. epist. 4. lib. 3. c. 25. lib. 4. c. 6. & 8.

S. HILARIUS Can. 5. in Matth. Regnum, inquit, Dei vita nostra stipendius quaramus. Et hac recte, perfectæque videntur merces est, ut in nouam, celestemque substantiam ex hac corruptibilis corporis materie transferantur, & corruptis terrena celesti incorruptione mutentur. Et Can. 6. De nostro, inquit, est beata illa æternitas promerenda, præstandumque est aliquid ex proprio.

S. AMBROSIVS lib. 1. de officiis, c. 35. *Nonne, inquit, evidens est meritorium, aut præmia, aut supplicia post mortem manere?* Vide eundem in epist. 8. ad Siricium lib. 2. de Cain, c. 9. libro de Noe, & arca, c. 7. in Psal. 118. serm. 7. & libro 7. in Luc. in illud: *Nonne duo passeret, &c.*

S. HIERONYMVS lib. 2. aduersus Iovinianum, non procul a fine: *Denarius*, inquit, *quasi indulgentia veri Principis omnes per Baptismum emittit de carcere: Iam nostri laboris est pro diuersitate virtutum diuersa nobis premia preparare.*

S. PAVLINVS in epist. ad Victricium: *Tuarum*, inquit, *nbi premia se debere virtutum, index iustus agnosceret.*

S. AVGVSTINVS in epist. 105. ad Sixtum: *Nulla ne*, inquit, *sunt merita iustorum? sunt plane, quia iusti sunt. Sed ut iusti fierent, merita non fuerunt. Et infra: Sicut merito peccati, tanquam stipendium redditur mors, ita merito iustitie, tanquam stipendium, vita aeterna.* Idem in libro de moribus Ecclesie, capite 25. *Vita*, inquit, *aeterna est totum premium, cuius promissione gaudemus. Nec premium potest precedere merita, & prius homini dari, quam dignus est. Quid enim hoc est iniustus, & quid iustus Deo? non ergo debemus poscere premium, ante quam mereamur accipere.*

Hic S. Augustinus non solum docet, hominem habere merita vite aeternae, sed etiam vnum, & totum esse premium nostrum vitam aeternam, contra sententiam aduersariorum, qui finxerunt varia premia in hac vita, & in futura, ut eluderent testimonia, quae loquuntur de meritis, ac ne cogerebantur admittere, bona opera esse premia vite aeternae. Itē docet hoc loco S. Augustinus, meritis operum ex iustitia dari premium vite aeternae, ne forte dicerent, dari quidem, sed ex mera liberalitate. Itē addit, non dari nisi prius ea digni inueniantur, qui illam habituri sunt, nedicant, nullam esse in operibus dignitatem. DENIQUE dicit, iniustissimum esse petere à Deo iustissimo iudice vitam aeternam, antequam merearis accipere, vbi aperte damnat omnes Lutheranos, qui vitam aeternam operibus mereri non volunt, & tamen eam sibi certissima fide dandam esse praesumunt. Vide eundem Augustinum in Pl. 83. 93-100. Item in epist. 46. 47. 52. In Enchiridio, c. 106. & 107. lib. de natura & gratia, c. 2. de correptione & gratia, c. 13. de gratia & libero arbitrio, c. 4. & seq.

S. PROSPER in responsione ad caput Gallorum: *Iustificatus*, inquit, *homo, id est, ex impio pios factus, nullo precedente bono merito accipit donum, quo medio acquirit & meritum.* Idem habet in libro 2. de vocatione gentium, ca. 8. & in Psalm. 125. in vltimis verbis.

S. CELESTINVS Papa in epist. ad Gallos, c. 12. *Tanta*, inquit, *erga omnes homines est bonitas Dei, ut nostra vellet esse merita, quae sunt ipsius dona, atque pro his, quae largitus est, aeterna premia sit donaturus.*

S. GREGORIUS lib. 4. Moral. c. 42. *Quia*, inquit, *in hac vita nobis est discretio operum, erit in illa proculdubio discretio dignitatum, ut quo alius alium merito superat, ille alius alium retributione transcendat.* Vide eundem lib. 18. Moral. c. 24. & lib. 25. c. 1.

S. BERNARDVS serm. 68. in Cant. *Merita*, inquit, *habere curas, habita data nouerit. Perniciosa paupertas, penuria meritorum.* Et serm. 81. Item in Cant. *Omne*, inquit, *quod feceris, bonum malumve, quod quidem non facere liberum sit, merito ad meritum deputatur.*

His addi possunt testimonia Conciliorum. Nam in Concilio ARAUSICANO can. 18. sic legimus: *Debetur merces bonis operibus, si fiant, sed gratia, quae non debetur, praecedat ut fiant.*

Concilium LATERANENSE Oecumenicum, sub Innocentio 3. ut habetur in ca. Firmiter, de Summa Trin. & fide Catholica: *Non solum*, inquit, *Virgines, & continentis, verum etiam coniugata per rectam fidem, & operationem bonam placentes Deo, ad aeternam merentur beatitudinem peruenire.*

A Concilium FLORENTINVM item Oecumenicum in decreto de purgatorio, docet animas, quae nihil expiandum habent, in caelum mox recipi, Deumque videre pro meritorum diuersitate, aliam alia clarius atque perfectius. Nihil igitur noui, sed fidē antiquam docuit Concilium Trid. sess. 6. c. 16. & can. 26. & 32. vbi merita iustorum asseruit.

Accedat VLTIMO ratio euident ex ijs, quae probata sunt in lib. superiore. Demonstratum est enim, opera bona iustorum esse verē iusta, satisfacere legi diuinæ, iustificare hominem: Hinc autem sequitur, esse verē meritoria. Potissima enim ratio, cur haeretici huius temporis merita negent, illa est, quoniam existimant, nullum esse opus in hac vita verē iustum, & quod legi satisficiat, sed esse omnia opera nostra peccata mortalia ex natura sua, & solum propter Domini indulgentiam venialia.

CAPVT V.

Soluantur obiectiones ex scripturis, contra merita operum bonorum.

ARGUMENTA aduersariorum magna ex parte soluta sunt in lib. superiore extremo. Siquidem illa omnia, quae adferuntur ad probandum, omnia iustorum opera esse peccata, adferri solent etiam ad probandum, nulla esse vera merita salutis aeternae. Soluemus igitur hoc loco eas tantum obiectiones, quae proprie contra merita pugnare videntur.

PRIMUM ex diuinis litteris obiciunt illud Psalm. 102. *Qui coronat te in misericordia, & miserationibus.* Item: *Beati misericordes, quoniam ipsi misericordiam consequentur.* Et Iacobi 2. *Iudicium sine misericordia ei, qui non fecit misericordiam.* Hæc enim, & alia similia loca testantur, ipsam etiam coronam gloriæ, & beatitudinem caelestem dandam esse sanctis hominibus ex misericordia, non ex iustitia, ac per hoc non reddi proprie meritis, sed gratis dari.

RESPONDEO, S. Augustinus hæc loca diligenter expendit, TVM in epist. 105. TVM in lib. de correptione & gratia, c. 13. DVAS autem indicat expositiones. VNA est, quod beatitudo tribuatur misericordiae, non quia non sit vera merces meriti, sed quia merita ipsa ex misericordia data sunt. Non enim potest opera meritoria facere homo, nisi prius iustificatus. Iustificatur autem non ex operibus, sed ex gratia & misericordia.

Quare solet etiam AVGVSTINVS ita distinguere ut dicat, ipsi iustitiae vitam aeternam esse mercedem, non gratiam, ipsi autem homini esse gratiam, non mercedem, quoniam homini iustitia gratia est. Eandem explicationem sequitur S. GREGORIUS in Pl. 7. penitentialem, tractans illud: *Audiam fac mihi misericordiam tuam.*

ALTERA expositio est, quod in ipsa coronatione, quae merces est meriti, sit etiam misericordia necessaria, quae peccata venialia remittat, sine quibus nulli viuunt, & pauci vitam hanc finiunt: cæterum addit ibidem Augustinus, hanc ipsam misericordiam debitā esse bonis meritis Sanctorum, & in iudicio non tam donari, quam reddi, ut dici possit iusta misericordia, quoniam iusto iudicio redditur.

Sed etiam si ista misericordia non redderetur meritis, sed pura misericordia esset, non tamen impediret rationem meriti in bonis operibus hominum iustorum. Nam comitatur misericordia coronam gloriæ sed non est ipsa corona gloriæ. Corona enim respicit bona merita, misericordia respicit peccata venialia, quae remissione delēda sunt. Sicut enim ex parte hominis duo sūt bona merita, & peccata venialia, quorum vnum non destruit alterum, ita ex parte Dei duo

referunt ad opera bona, quæ ex fide & gratia Dei à sanctis & iustis hominibus fiunt, deberent vel vnum ex tota vetustate producere, qui ea loca ita exposuisset.

Certe S. AUGUSTINVS in lib. 2. de pec. merit. & remiss. c. 13. dicit, Apostolum vocare detrimēta & stercore opera bona, quæ fecerat in Iudaismo, quoniam talia videri poterant in comparatione euentissimæ iustitiæ, quæ habetur per fidem Christi, in Ecclesia Catholica, vbi iustitiam Christianorum non solum non vult appellari detrimenta vel stercore, sed eminentissimam iustitiam nominat, imo nec iustitiam, quæ erat in Iudaismo absolute damnat eo loco, sed tantum in comparatione Christianæ iustitiæ.

Idem vero AUGUSTINVS cum locum diligentius tractans in lib. 3. ad Bonifacium, in lib. de gratia & libero arbitrio, & in serm. 15. de verbis Apostoli, dānat quidem absolute iustitiam illam, quam Apostolus vocat detrimenta & stercore, sed ideo damnat, quia docet illam esse iustitiam superbiorum, qui suis solis viribus existimant, sine fide & gratia Christi se posse implere iustitiam. Iustitiam enim ex fide, & gratia ubique Augustinus laudat, & meritum vitæ æternæ esse docet.

Quod vero Kemnitius notat, Apostolum in præfenti dixisse, *Arbitror vs stercore*, quasi damnare voluerit impuritatis eam etiam iustitiam, quam ex fide Christi, cum esset Apostolus, faciebat: puerile est, nam illud (*Arbitror*) non respicit opera præsentia, sed præsens iudicium de operibus præteritis, atque in Iudaismo factis.

SEPTIMO, obiciunt illud ad Rom. 3. *Exclusa est gloriatio tua, per quam legem? factorum? non, sed per legem fidei.* At si fides excludit omnem gloriationem, quæ ex operibus nascitur: certe excludit omnia merita. Si quis enim vera merita haberet, de illis iure gloriari posset.

RESPONDEO, fides excludit gloriationem eorum, qui in se gloriantur, quasi suis viribus iustitiam facere possint, & à se habeant, si quid boni habent: non autem excludit gloriationem eorum, qui in Domino gloriantur, id est, qui iustitiam & merita, Deo iuvante, habere se posse confidunt. Alioquin non diceret Apostolus: *Qui gloriatur, in Domino gloriatur.* Itaque S. BERNARDVS serm. 13. in Cantica: *Hæc nobis, inquit, gloriatio non solum non prohibetur, sed etiam suadetur, cum dicitur, gloriam ab inimicis queritis, & gloriam, quæ à solo Deo est, non vultis.*

OCTAVO obiciunt, fieri Christo magnam iniuriam, si meritis nostris aliquid tribuatur, quasi non sufficiant Christi merita.

RESPONDEO, hoc argumentum, quanto ab aduersariis magis rethorice, vel potius tragice amplificatur, tantum, cum discutitur, inanius inuenitur. Siquidem merita iustorum non opponuntur meritis Christi, sed ab illis nascuntur, & quidquid ipsa iustorum merita laudis habent, id totum redundat in laudem meritorum Christi, ipse enim vitis, nos palmites, & sicut palmes non potest ferre fructum, nisi manserit in vite, sic & nos nihil possumus sine Christo facere. Et sicut nemo vnquam ita desipuit, ut diceret detrahi de gloria vitis, si palmites ipsius multum fructum adferant. Ita nemo nisi plane stultus, dicere potest detrahi de gloria Christi, si serui eius, per gratiam eius, per spiritum eius, per fidem, & charitatem, ab ipso inspiratā, bona opera faciant, quæ ita vere sint iusta, ut eius debeat à iusto iudice corona iustitiæ.

At, inquit, si requiruntur merita hominum, non igitur sufficebant merita Christi. Non ita est.

Nam merita hominum non requiruntur propter insufficiētiā meritorum Christi, sed propter maximam eorum efficaciam. Meruerunt enim Christi opera apud Deum, non solum, ut salutem consequeremur, sed etiam, ut eam per merita propria consequeremur. Siue (quod est idem) non solum æternam salutem, sed etiam virtutem merendi nobis meruerunt. Sicut etiam quod Deus Sole vtatur ad mundum illustrandum, igne ad calefaciendum, aura & pluuiis ad refrigerandum, non est in causa imbecillitas Dei, quasi non posset ipse per se, absque Sole, igne, aura mundum illustrare, calefacere, refrigerare: sed omnipotentia eius, qua potuit non solum ista facere, sed etiam rebus creatis vim faciendi tribuere.

At saltem, inquit, diuiditur gloria inter Deum & hominem, si non solis eius meritis, sed etiam nostris salutem assequimur. Neque id verum est. Nam merita nostra, dona sunt Christi, & quamuis in opere bono quod nos, Deo iuvante, facimus, nihil sit nostrum, quod non sit Dei, neque aliquid sit Dei, quod non sit nostrum, sed totum faciat Deus, & totum faciat homo: tamen ratio, cur id opus sit dignum vita æterna, tota pendet à gratia.

DEINQUE, nos ipsi non minus Christo sumus obstricti, nec minus salutem nostram totam, atque integram illi acceptam referimus, cum illam meritis nostris acquirimus, quam si absque vllis meritis nostris illam acciperemus: imo multo magis nunc illi nos debitores esse fatemur, quandoquidem non solum per eius gratiā saluamur, sed etiam per eandem nobilissimo modo, honorificentissimoque saluamur.

CAPVT VI.

Soluantur obiectiones ex Patribus.

IAM VERO ex Patribus nonnulla proferunt testimonia contra merita humana, quæ facili negotio explicari poterunt.

PRIMO, obiciunt illa verba S. HILARII in Psal. 51. *Non enim illa ipsa iustitia opera sufficiens ad perfectā beatitudinis merum, nisi misericordia Dei etiam in hac iustitia voluntate humanarum demutationum, & motuum, non reputet vitia. Spes igitur misericordia Dei in seculum seculi.*

RESPONDEO, Explicatio huius loci petenda est ex iis, quæ diximus ad primam obiectionem capituli superioris. Solum enim Hilarius docet, cum bonis meritis admisceri peccata quædam, quæ tamen non faciant hominem iniustum cum sint leuia, & venialia, tamen remissione, & misericordia indigēt, quia nihil coinquatum intrare potest in regnum cælorum.

SECUNDO, obiciunt illa verba S. BASILII in Ps. 114. *Manet sempiterna requies illos, qui in hac vita legitime certauerunt, non ob eorum merita factorum, sed de munificentissimi Dei gratia, in qua sperauerunt.*

RESPONDEO, Non recte verba S. Basilii Kemnitius interpretatur. Non enim in Græco textu inuenitur illud: *Non ob eorum merita*, neque illud, *gratia*. Hæc enim sunt verba: *ὅτι οὐκ ἐπὶ τῶν ἰσχυρῶν ἀποδοῦναι, ἀλλὰ ἐπὶ τῇ μεγαλοδουλίᾳ τοῦ Θεοῦ.* Quæ verba significant, requiem æternam reddendā esse legitime certantibus, non secundum debitum operum, sed secundum debitum Dei munificentissimi, id est, non pro mensura operum, sed pro mensura magnificentiæ Dei, siue non quantum debetur operibus, sed multo amplius, quantum videlicet decet munificentiam Dei.

Sed etiam si recte Kemnitius verba S. Basilii Latine reddidisset, nihil tamen obtineret ex Basilio contra merita. Diceremus enim à Basilio excludi merita,

quæ sint homini à se, & prædicari merita, quæ sint homini ex gratia. Nam cum dicit, manere requiem æternam legitime certantes, aperte ponit merita: legitime enim certanti debetur iure brauium. Cum autem addit (si tamen addit) Non ob eorum merita saltem, sed de munificentissimi Dei gratia, indicat, neminem legitime certare suis solis viribus, sed per gratiam condonationis. Ac per hoc non ob merita propria, id est, propriis viribus acquisita, sed ob gratiam Dei, à qua merita vera nascuntur, dari certantibus requiem sempiternam.

TERTIO, obiciunt ex AUGUSTINO, illa verba in Psal. 70. conc. 2. *Tua peccata sunt, merita, Dei sunt, Supplicium tibi debetur, & cum premium veneris, sua dona coronabis, non merita tua.* Item illa ex serm. 15. de verbis Apostoli: *Promittit saluos facies illos, nihil inuenis, unde salues, & multum inuenis, unde damnes.* Item illa verba ex libro de gratia, & libero arbitrio capite 9. *Maluit, inquit, dicere, Gratia Dei vita æterna, ut intelligeremus, non pro meritis nostris, Deum nos ad æternam vitam, sed pro sua misericordia perducere.*

RESPONDEO, S. AUGUSTINVS, vbicunque merita damnat, loquitur de meritis, quæ sint in nobis, ex nobis, id est, sine gratia Dei. Id quod ex duobus locis aperitissime intelligi poterit. PRIOR locus est in epist. 103. ad Sixtum, *Ipsa, inquit, vita æterna, quæ in fine, sine fine habebitur, & ideo meritis precedentibus redditur: tamen quia eadem merita, quibus redditur, non à nobis parata sunt per nostram sufficientiam, sed in nobis facta per gratiam, etiam ipsa gratia nuncupatur, non ob aliud, nisi quia gratis datur: nec ideo, quia meritis non datur, sed quia data sunt & ipsa merita, quibus datur.* Et infra: *Cui debetur vita æterna, vera iustitia est: si autem vera iustitia est, ex te non est, deorsum est descendens à Patre luminum, ut haberes eam, si tamen habes, profecto accepisti. Quid enim habes, quod non accepisti? quapropter, o homo, si accepturus es vitam æternam, iustitia quidem stipendium est, sed tibi gratia est, cui gratia est ipsa iustitia. Tibi enim tanquam debita redderetur, si ex te tibi esset iustitia, cui debetur.*

Habemus ex hoc loco, iustitiam nostram, cui redditur vita æterna, veram esse iustitiam, ac per hoc vere meritariam, non autem ita imperfectam, ut peccatum dici possit, ut aduersarii dicunt. Habemus deinde AUGUSTINVM, cum dicit, nobis non deberi vitam æternam ex merito: sed gratis donari, loqui de homine, qualis est sine gratia Dei, & qui suis solis viribus operatur: homini enim, ut operatur ex gratia, nunquam negauit Augustinus, deberi vitam æternam ex merito, cum ipsi iustitiz, quam homo per gratiam operatur, dicat, reddi tanquam stipendium vitam æternam.

LOCUS POSTERIOR est libro de gratia, & libero arbitrio cap. 6. *Cum, inquit, dicunt Pelagiani hanc esse solam, non secundum merita nostra gratiam, qua homini peccata dimittuntur: illam vero, quæ datur in finem, id est, æternam vitam, meritis nostris precedentibus reddi: respondendum est eis. Si enim merita nostra sic intelligerent, ut etiam ipsa dona Dei esse cognoscerent, non esset reprobanda ista sententia: quoniam vero merita humana sic prædicant, ut ea ex se ipsis habere hominem dicant, prorsus rectissime respondet Apostolus, Quis enim se discernit? quid autem habes, quod non accepisti? si autem accepisti, quid gloriaris quasi non acceperis? prorsus tali cogitanti verissime dicitur, Dona sua coronat Deus, non merita tua: si tibi à teipso non ab illo sunt merita tua. Hæc enim si talia sunt, mala sunt, quæ mala sunt, non coronat Deus: si autem bona sunt, Dei dona sunt.*

Et capite 7. *Si, inquit, Dei dona sunt bona merita*

tua, non Deus coronat merita tua, tanquam merita tua, sed tanquam dona sua.

Et cap. 8. *Apostolus, inquit, cum dixisset: Gratia salui facti estis, per fidem, & hoc non ex vobis, sed Dei donum est, non ex operibus, ne extollatur, vidit utique, putare posse homines, hoc ita dictum, quasi necessaria non sint opera bona credentibus, sed eis fides sola sufficiat, & rursus posse homines de bonis operibus extolli, velut ad eas accendebis sufficiant: mox itaque addidit, ipsius enim sumus signum, creati in Christo Iesu, in operibus bonis, quæ præparauit Deus, ut in illis ambulemus. Quid est hoc, quod cum Dei gratiam commendans, dixisset, non ex operibus, ne forte quis extollatur, cur hoc dixerit rationem reddens, ipsius enim sumus, inquit, signum, creati in Christo Iesu in operibus bonis? quomodo ergo non ex operibus, ne forte quis extollatur? sed audi, & intellige, non ex operibus dictum, tanquam tuis ex teipso tibi existentibus, sed tanquam his in quibus te Deus finxit, id est formauit, & creauit.*

Et infra: *Illam (nimium gratia boni operis) cui datur, tantummodo gratia est. Hæc autem, (id est, vita æterna) quæ illi datur, quoniam premium est, gratia est pro gratia, tanquam merces pro iustitia, ut verum sit quoniam verum est, quia reddet unicuique Deus secundum opera eius. Ex his manifeste colligitur, quid Sanctus Augustinus de meritis sentiat: neque opus est verbis eius aliquid addere, cum sine vili ambagibus dixerit, illa se merita damnare, quæ non sunt nobis ex Deo.*

QUARTO obiciunt illud ex Sancto PROSPERO in libro primo de vocatione gentium, capite 17. siue (in alia editione) capite 5. Vbi dicit: *Ideo in parabola de his, qui laborant in vinea, dari idem premium, eandemque mercedem omnibus operariis, siue multum, siue parum laborauerint, ut ij, qui multo labore sudauerunt, nec amplius, quam non iussim acceperunt, intelligant, donum se gratiæ, non operum accepisse mercedem.*

RESPONDEO, Considerat S. Prosper vitam æternam, ut est vna, & eadem, siue ut est æqualis in omnibus beatis. Neque enim alius longius, alius breuius, sed omnes in æternum viuunt. Dicit autem, hanc vitam æternam donum esse gratiæ, non operum mercedem, eo sensu, quo dixit AUGUSTINVS, dona sua coronat Deus, non merita tua, videlicet, non est vita merces operum, quæ sint nobis à nobis, sed quæ sunt nobis à gratia Dei. Atque ut hoc intelligeretur, ideo voluit Deus vitam æternam tribuere iis, qui multum, & iis, qui parum laborauerant: ne, qui multum laborant, de suis viribus extollantur. S. autem Prosperum non negare vera merita, quæ oriuntur ex gratia, planum est ex eodem loco, ubi dicit: *Bona merita sequi in homine post adeptam gratiam, non autem præcedere.*

QUINTO, obiciunt illud S. GREGORII lib. 9. Moralium, cap. 14. *Si opus virtutis exercueris, ad vitam non ex meritis, sed ex venia conualefco.*

RESPONDEO, Loquitur Sanctus Gregorius de meritis, quæ sunt in nobis ex nobis, eo modo quo loqui diximus Augustinum, & Prosperum. Vult enim ad humilitatem nos adhortari, & ideo dicit, cum opera virtutis facimus, nos ad vitam conualefco, non ex meritis propriis viribus acquisitis, sed ex venia, per quam iustificati à Deo iustitiam, & bona opera habere incipimus.

SEXTO, obiciunt, S. BERNARDVM, qui in ser. 1. de Annunciatione sic loquitur: *Neque talia sunt hominum merita, ut propter ea vita æterna debeatur ex iure, aut Deus iniuriam aliquam faceret, nisi tam donaret. Item sermone decimo quinto in Psalmum, Qui habitat. Totum, inquit, hominis meritum est, si totam spem*

sum ponat in eo, qui totum hominem saluum facit. Et sermone sexagesimo primo in Cantica: Proinde meritum meum, miseratione Domini. Addit etiam Kemnitius altercationem sancti Bernardi cum Diabolo, in qua dixisse legitur: Fateor, non sum dignus ego, nec propriis possunt meritis regnum obtinere celorum. Ceterum Dominus meus duplici iure illud possidens, hereditate Patris, & merito passionis, altero ipse contentus, alterum mihi donat.

RESPONDEO, In primo testimonio docet S. Bernardus, vitam æternam, non deberi meritis ex iure absolute, quia merita præsupponunt & gratiam & promissionem. Id enim paulo infra ita ipse explicat dicens, propterea non deberi meritis vitam æternam ex iure, quia merita ipsa nascuntur ex gratia. Præsupposita autem gratia & promissione, deberi vitam æternam ex iure, docet Apostolus, cum ait secunda ad Timotheum 4. Reposita est mihi corona iustitiæ. Et ad Heb. 6. Non est iniustus Deus, qui obliuiscatur operis vestri & laboris. Et S. AUGUSTINUS de natura & gratia cap. 2. Non est iniustus Deus, ut iustos fraudes mercede iustitiæ.

Ad alia loca RESPONDEMUS, ea dicta esse a S. Bernardo, ut intelligamus, merita nostra non esse ex nobis, sed ex misericordia Dei; quod clarius explicat 68. in Cant. Merita habere cures: habita, data noneris, &c. Fortasse etiam S. Bernardus. Tunc ex humilitate, quæ propria merita ignorat, Tunc ex incertitudine propriæ gratiæ, prudenter non confidebat in meritis suis, sed sola misericordia Domini. Quod imitandum esse in sequenti capite pluribus ostendimus. Sed non ideo merita non habebat, quia merita sua non agnoscebat.

CAPVT VII.

Quatenus fiducia in meritis collocari possit, exponitur.

CONTRouERSIÆ superiori coniunctæ sunt DVÆ quæstionculæ breuiiores, VNA, de fiducia meritorum: ALTERA, de intuitu mercedis.

Quod attinet ad PRIMAM, Hæretici nostri temporis, nullam omnino fiduciam in meritis constitui posse contendunt. Quam sententiam coguntur defendere, si uelint in illo errore persistere, quod omnia opera iustorum sint peccata mortalia.

Sed in primis IOANNES CALVINUS aduersus hanc fiduciam mentorum tragice commouetur. Nam in lib. 3. Institut. c. 2. §. ult. reprehendens Petrum Lombardum, quod scripserit, spem gigni in nobis ex gratia Dei: & meritis præcedentibus: Quis, inquit, non merito tales bestias excreuit? & magistrum talibus dignum discipulis, quales in insanis rabularum Scholis nactus est. DEINDE, cap. 12. §. 3. & 4. ex instituto docet, nullam in propriis meritis fiduciam esse locandam. Errorem huic plane cōtrarium docuit IOANNES VICLEFFVS, Pelagium sequutus, ut testatur Thomas Vvaldensis tom. 3. cap. 7.

Sed Catholica Ecclesia mediam viam ingreditur, quæ præcipuè quidem spem & fiduciam in Deo ponendam esse: aliquam tamen etiam in meritis poni posse docet. Sed ut res tota plamè explicetur, SCRIBENDUM est, fiduciam nihil esse aliud, nisi spem confirmatam atque perfectam, ut S. Thomas docet in 2. 2. q. 129. art. 9. Quod etiam profani Scriptores traderunt. Sic enim loquitur Seneca in epist. 16. ad Lucilium: De te spem habeo, nondum fiduciam.

Sciendum est etiam, aliud esse fiduciam nasci ex meritis, aliud fiduciam esse ponendam in meritis. Potest enim fieri, ut quis exiguam, ac pene nullam

A fiduciam in meritis propriis constituat, eo quod non certo sciat, an habeat vera merita, & tamē veris, magnisque meritis abundet, & ex illis fiducia in ipso erga Deum maxima oriatur, ex qua distinctione tota quæstio absolui, & varia Scripturarum, ac Patrum testimonia conciliari poterunt. Igitur tribus propositionibus nostram sententiam complectemur.

PRIMA Propositio. Fiducia Sancti-um, quam in Deo constituunt, non ex fide sola, sed etiam ex bonis meritis nascitur, atque ideo summo studio merita querenda sunt, ut apud Deum fiduciam habere possimus.

Hæc propositio directe contra Calvinum ponitur, & ex Scripturis & Patribus facile probari potest. Tobia 4. Fiducia magna erit raram summo Deo elemosyna, omnibus facientibus eam. Iob. 11. Si iniquitatem, quæ est in manu tua abstuleris, & non manserit in tabernaculo tuo iniquitas, tunc lenare poteris faciem tuam, & habebis fiduciam proposita spe, & defessus securus dormies. Ad Roman. 5. Tribulatio patientiam operatur, patientia vero probationem, probatio vero spem. primæ ad Timoth. 3. Qui bene ministraverit, gradum bonum sibi acquirat, & multam fiduciam, &c. Ad Hebr. 10. Vincis compassi estis, & rapinam bonorum vestrorum cum gaudio suscepistis. Nolite itaque amittere confidentiam vestram. 1. Ioan. 3. Si cor nostrum non reprehenderit nos, fiduciam habemus ad Deum. His apertissimis Scripturæ testimoniis addi possunt hæc testimonia sanctorum Patrum.

S. CYPRIANUS in sermone de elemosyna, circa finem: Præclara, inquit, & diuinares, fratres charissimi, salutaris operatio, solatium grande credentium, securitatis nostræ salubre præsidium, munimentum spei, tutela fidei, medela peccati.

C S. IOANNES CHRYSOSTOMUS hom. 2. in posteriorum ad Cor. Nos, inquit, oramus, ut post baptismum etiam vitam honestam habeatis: in contra studeas, nihilque non facis, ut hinc migres absque bona vita. At nos optamus, ut ex benefactis habeas fiduciam.

AVCTOR operis imperfecti hom. 14. in Matth. non procul ab initio, sicut oleum, inquit, accendit lumen lucerne, ita & bona opera accendant fidem cordis, & dant confidentiam animæ.

S. AMBROSIVS in comment. ad cap. 17. Lucæ: Ex fide, inquit, charitas, ex charitate spes, & rursus in se mutuo quoddam circuire renouantur. Idem (si tamen idem) in cap. 3. posterioris ad Cor. Nunc, inquit, opus est, ut crescat in nobis fiducia bonis actibus comparata.

D S. AUGUSTINUS præfatione in Psalm. 3. Ille sperat qui bonam conscientiam gerit: quem vero pungit mala conscientia, ventabis se à spe, & non sibi sperat nisi damnationem. Ut ergo speret regnum, habeat bonam conscientiam, credas & operetur. Idem in serm. 16. de verbis Apostoli. Quæ spes, inquit, est nisi de aliqua conscientia bonitate?

His accedit etiam ratio, nam cum promiserit Deus coronam vitæ diligentibus se, ut dicit S. Iacobus c. 1. ex duobus pendet adeptio gloriæ, ex fidelitate Dei, qui præstat quod promissit, & ex operibus nostris, diligere enim oportet, non verbo & lingua, sed opere & veritate, ut ait S. Ioannes in epistola 1. cap. 3. proinde sicut spes certa non esset, si nos bene operaremur, sed Deus fidelis non permaneret, ita nec certa esse potest, si Deus quidem fidelis sit, sed nos non bene operemur, nec diligamus opere & veritate. Spes igitur, ac per hoc etiam fiducia, non solum ex gratia Dei promittentis, sed etiam ex meritis & operibus nascitur, ut recte docuit Petrus Lombardus lib. 3. Sent. dist. 26.

E Sed forte obiciet aliquis, quod his, quæ dicta sunt, repugnare videatur, quod Sanctus Augustinus

tractatu 83. in Ioannem, & Petrus Lombardus in 2. Sent. d. 25. dicunt, spem priorem esse charitate, & sine ea posse consistere, contra autem charitatem sine spe esse non posse. Nam si hæc vera sint, illud verum esse non poterit, quod supra dictum est, spem ex charitate & bonis operibus nasci.

Sed facilis est responsio. Nam (ut recte ait sanctus Ambrosius) spes oritur ex charitate, & ex ipsa spe oritur charitas. Amor enim beatitudinis, ut rei nobis conuenientis, spem omnem præcedit. Non enim speratur, quod non amatur, ut Augustinus docet in Enchiridio, c. 117.

Itaq; in homine nondum conciliato primus motus ad salutem est fidei, inde sequitur amor, & desiderium beatitudinis, per fidem iam cognite: post amorem, siue cupiditatem beatitudinis, sequitur in homine spes consequendæ eiusdem beatitudinis: sed ea spes non immediate, sed mediate beatitudinem respicit. Non enim qui nondum cum Deo in gratiam rediit, nec habet vlla bona merita, immediate beatitudinem sperare potest. Ista enim non spes, sed præsumptio esset, ut August. dicit in locis supra citatis: sed sperat reconciliationem, & bona merita per Dei misericordiam se habiturum, & per hæc tandem ad beatitudinem peruenturum. Post hanc spem, quam Theologi vocant informem, sequitur vera charitas, & operatio bona. Inde autem roboratur spes, & fiducia incipit appellari, quæ immediate beatitudinem respicit.

Sitiam ALTERA Propositio: In bonis meritis, quæ vere talia esse compertum sit, fiducia aliqua collocari potest, modo superbia caveatur.

Hæc quoque propositio exemplis diuinæ Scripturæ confirmari potest. Legimus enim in 2. lib. Eisdæ, capit. 5. Nehemiam virum sanctum, enumerantem opera sua bona, & dicentem Deo: *Memento mei Domine in bono secundum omnia, quæ fecisti populo huic.* Item Dauidem dicentem in Psalm. 17. *Et retribuet mihi Dominus secundum iustitiam meam, quia custodivi vias eius.* Et Ezechiam orantem apud Isaiam, cap. 38. *Obsecro Domine memento, quæso, quomodo ambulauerim coram te in veritate, & in corde perfecto; & quod bonum est in oculis tuis fecerim.* Et sanctam Hester ita orantem capite 24. *Tu scis necessitatem meam, quod abominer signum superbie & gloria mea, quod est super caput meum, in diebus ostentationis meæ, & desister illud, sicut pannum menstruat: & non portem in diebus silentis mei; & quod non comedirim in mensa Aman, nec mihi placueris conuiuium regis, & non biberim vinum libaminum; & nunquam læcata sit ancilla tua, quo huc translata sum usque in presentem diem, nisi in te Domine Deus Abraham, Deus fortis super omnes, exaudi vocem eorum, qui nullam aliam spem habent, & libera nos de manu iniquorum.* Denique Apostolum dicentem: *Bonum certamen certavi, cursum consummaui, fidem seruans, in reliquo reposita est mihi corona iustitiæ.*

His exemplis addi possunt alia ex testimoniis Patrum. Scribit enim S. Hieronymus in vita Pauli primi Eremitæ, eundem Paulum morti propinquum dixisse, *Peractis cursu superest mihi corona iustitiæ.* In vita vero Hilarionis refert idem Hieronymus; dixisse Hilarionem: *Egredere anima mea, egredere, quid times? septuaginta prope annis seruisti Christo, & mortem times?* Scribit quoque Sulpitius, Sanctum Martinum in exitu diabolo astanti, magna cum fiducia dixisse: *Quid hic astas cruenta bestia? nihil in me funeste reperies. Abrahæ me sinu excipiet.* Denique S. Bonaventura scribit, illa fuisse verba extrema Sancti Francisci: *Educ de custodia animam meam ad confitendum nomini tuo. Me expectant iusti, donec retribuas mihi.*

His tot, ac tantis exemplis satis apparet in bonis meritis nonnullam fiduciam reponi posse: addidi autem, modo superbia caveatur. Quoniam si quis propriis meritis ita confideret, ut ea se à se, non ex gratia Dei habere crederet, vel ceteros præ se despiceret, aut maiora se merita habere existimaret, quam reuera haberet: is non tam in spem erigeretur, quam in superbiæ barathrum præcipitaretur.

Posse autem in meritis spem aliquam poni, si vera sint merita, & sobrie id fiat, probari potest hac etiam ratione, quoniam sicut misericordia Dei, ita etiam bona merita sunt vera salutis causa; licet autem confidere in omni vera causa, quæ ad finem optatum & speratum consequendum, cognoscatur idonea. Nam & in rebus corporalibus ægrotus recte confidit non solum in arte, & industria medici: sed etiam in medicamentorum virtute & efficacia. Neque hoc est confidere in propria virtute, sed in Deo, & eius gratia, cuius sunt munera omnia bona merita.

Sit TERTIA Propositio: Propter incertitudinem propriæ iustitiæ, & periculum inanis gloriæ tutissimum est, fiduciam totam in sola Dei misericordia & benignitate reponere.

Explico propositionem, non enim ita accipienda est, quasi non sit homini totis viribus studendum operibus bonis, aut non sit in eis confidendum, quasi non sint vera iustitia, aut iudicium Dei sustinere non possint, sed hæc solum dicimus tutius esse, meritum iam partorum quodammodo obliuisci, & in solam misericordiam Dei respicere, Tum quia nemo absque reuelatione certo scire potest, se habere vera merita, aut in eis in finem usque perseueraturum: Tum quia nihil est facilius in hoc loco tentationis, quam superbiam ex consideratione bonorum operum gigni.

Probat igitur propositio testimoniis illis quæ aduersarii contra merita operum adferre solent. Nam quod ait Daniel cap. 9. *Non in iustificationibus nostris prosterminamus preces nostras ante faciem tuam, sed in miserationibus tuis multis.* Et quod ipse Dominus admonet Luc. 17. *Cum feceritis hæc omnia, quæ præcepta sunt vobis, dicite serui inutiles sumus: hoc solum probant, quod nos dicimus, tutum esse in sola misericordia Dei, & non in operibus nostris fiduciam collocare. Quod etiam testantur publicæ preces, quas Ecclesia Catholica ad altare fundere solet. Nam in collecta Dominicæ, quæ sexagesima dicitur, sic orat Ecclesia: Deus, qui conspicis, quia ex nulla nostra actione confidimus, &c. Item in collecta secret. Dominicæ 2. Adventus: Vbi nulla suppetunt suffragia meritum, tui nobis succurre præsidijs. Item in canone post consecrationem: Intra quorum nos consortium non estimatur meriti, sed venia quasumus, largitor, admittere.*

Similia passim leguntur in patribus, S. Iohannes Chrysostomus homil. 21. in Gen. ante medium: Oportet, inquit, in virtute, & recte factis, spem salutis habere, imo neque in illis multum de se sentire, sed tunc magis humilem & modestum esse, cum magnas virtutum diuitias congerere possumus. Sic enim & ipsi collectas diuitias custodimus, & gratiam Dei nobis conciliabimus. Enimvero propter hoc & Christus discipulis dicebat: Cum feceritis hæc omnia, dicite, serui inutiles sumus. Item homilia 3. in illud: *Elatum est cor Ozia, sub initium, Nihil, inquit, perinde gignit superbiam, ut bona conscientia, nisi aduigilemus. Vnde & Christus sciens quod post benefacta nos hic morbus adurit, dicebat discipulis, cum omnia feceritis, dicite, serui inutiles sumus.* Item hom. 3. in Mat. Noli, inquit, mercedem requirere, ut accipias mercedem. Tu saluari per gratiam confisere, ut se ille tibi debitorem fateatur: nec modo pro operibus tuis, sed

etiam pro hac aequanimitate. Quando enim aliqua praeclare fecerimus, habemus eum debitorem ob res bene gestas: quando vero nihil arbitramur nos operatos, egregium amplius etiam ob talem meremur affectum, quam propter opera ipsa, quae fecimus. Minus namque de se fecisse, tam magnum est, quam maximas res fecisse.

S. Ambrosius, ut in eius vita scribit Paulinus, sub mortem ita loquutus fertur ad ciues Mediolanenses: *Non sic vixi, ut me pudeat inter vos vivere: nec mori timeo, quia bonum Dominum habemus.* Quae verba S. Augustinus (ut in eius vita Possidonius refert) vehementer mirari & laudare solebat; ideo siquidem Ambrosium dixisse affirmabat: *Nec mori timeo, quia bonum Dominum habemus*, ne crederetur praesidens de suis purgatissimis moribus praesupposuisse. Sciens enim Ambrosius examen aequitatis diuinæ, magis de bono Domino, quam de suis meritis confidebat.

Ipse quoque S. August. lib. 3. contra Cresconium, c. 80. *Ad existimationem*, inquit, *hominum magna restitum, qui me nonerunt, superest copia: ad Dei vero conspectum sola conscientia, quam contra vestras criminationes, cum intrepidam geram; non me tamen sub oculis omnipotentis iustificare audeo, magisque ab illo effluentem misericordia largitatem, quam iudicis summum examen exspecto.*

S. Gregorius lib. 9. Moral. cap. 17. *Si scimus*, inquit, *bona quae agimus, ad elationem duemur: si nescimus, minime seruamus.* Quis enim aut de virtutis suae conscientia non quantulumcumque superbiat? aut quis rursus bonum in se custodiat, quod ignorat, sed contra utraque quid superest, nisi ut recta quae agimus sciendo nesciamus, ut haec & recta asserimus, & minima, quatenus & ad custodiam sensus animam scientia rectitudinis, & in tumorem non elenat asseruatio minorationis.

S. Bernardus serm. 9. in Psal. *Qui habitat, Prendat*, inquit, *alter meritum, suslinere se iacet pondus diei, & astus: mihi adhaerere Deo bonum est, ponere in Domino Deo spem meam.* Item in Cant. serm. 68. *Perniciosa paupertas penuria meritum: praesumptio autem spiritus fallaces diuitiae.* Et ideo diuitias & paupertatem ne dederis mihi Domine, ait Sapiens: *Felix Ecclesia, cui nec merita sine praesumptione, nec praesumptio absque meritis deest.* Habes merita, sed ad promerendum, non ad presumendum. Idem in epistola quadragesima secunda scribit, utilissimum esse coram Deo, non iustitiam praetendere, sed misericordiam postulare. Et in epist. 310. quam in ipsa pene morte constitutus, dictauit: *Orate*, inquit, *Saluatorem, ut tempestiuum iam exitum non differas, sed custodias: curate munire votis calcaneum nudum meritis.* Vbi S. Bernardus ex conscientia bonae vitae optat, non differri diutius mortem suam: & tamen adeo non confidebat in meritis, ut existimaret, se nudum esse meritis.

Denique, his accedit ratio manifesta. Vel enim habet homo vera merita, vel non habet; si non habet, perniciose fallitur, seque ipse seducit, dum in falsis meritis confidit. Istae enim sunt fallaces diuitiae apud S. Bernardum, quae veras impediunt. Si vero habet, nihil perdit ex eo, quod ipse ea non intuetur & in solo Deo confidit. Deus enim ea bene nouit, & intuetur, nec irremunerata esse patitur, ut pulchre docet S. Ioan. Chrysost. hom. 38. ad populum Antiochen. Habemus igitur quatenus in bonis meritis fidendum, aut non fidendum esse videatur.

CAPVT VIII.

Licetum esse operari tunc opera intuitu mercedis aeternae.

Altera quaestio est de intuitu mercedis, liceatne operari opera bona intuitu mercedis aeternae. Ioannes Calvinus lib. 3. Instit. cap. 16. §. 3. & cap. 18. §. 2. negare videtur operandum esse intuitu mercedis, & quoniam negare non potuit, Scripturas interdum hortari homines ad bonum spe mercedis, addit, saltem non esse à tali exhortatione ducendum exordium. In Antidoto quoque Concilij, sess. 6. Cant. 31. dicit, Apostolum ad Ephes. 1. longe aliam doctrinam tradere de intuitu mercedis, quam Concilium faciat. Fuit etiam in Catalonia quidam Bugantius publice damnatus, ut Bernardus Lutemburgensis in suo Catalogo refert, quod diceret opera bona vitari, si fierent intuitu mercedis aeternae.

Contrariam doctrinam tradit Concil. Tridentinum, sess. 6. c. 11. & Can. 31. ubi tamen non dicit Concilium, operandum esse tantum affectu mercedis, ut Calui. in Antidoto significat, cum contra ipse asserit, non tantum affectu mercedis operandum esse. Haec enim sunt verba Concilij, c. 11. *Constat eos orthodoxae religionis doctrina aduersari, qui statuunt, iustos peccare, si suam ipsorum secularem exortando, & sese ad currendum in stadio exhortando, cum hoc ut in primis glorificetur Deus, mercedem quoque inueniatur aeternam.* Vbi clare videmus, non tantum, nec praecipue amore mercedis operandum esse ex doctrina Concilij, sed primum quidem propter gloriam Dei; Deinde etiam, propter mercedem felicitatis aeternae. Quam doctrinam ex Scripturis & Patribus: & ipsa naturali ratione probabimus.

Primum quod Christus ipse Matt. 4. praedicationem suam ita exorsus est. *Poenitentiam agite, appropinquabit enim regnum caelorum.* Item Matt. 5. Instructionem Apostolicam inchoauit: *Beati pauperes spiritu, quoniam ipsorum est regnum caelorum.* A simili ipse regni caelorum exordium sumpsit Ioan. Baptista Matt. 3 ab eodem iussit Christus, Matt. 10. ut Apostoli exordirentur. Quid igitur est, quod Calvinus dicit, non esse ducendum exordium à promissione mercedis: utrum, quæso, Christus, & eius praecursor, & Apostoli falluntur, an Calvinus errat?

Secundo, habemus Christi non solum exhortationem, sed etiam praeceptum: Matt. 6. *Primum quaerite regnum Dei, & iustitiam eius, & haec omnia adiacentur vobis.* Et Luc. 16. *Facite vobis amicos de Mammona iniquitatis, ut cum defeceritis, recipiant vos in aeterna tabernacula.* Simile est Apostoli praeceptum 1. ad Cor. 9. *Debet in se, qui arat, arare, & qui trahit in se fructus percipiendi.*

Tertio, habemus exempla Sanctorum, in Psal. 118. *Inclinasti cor meum ad faciendas iustificationes tuas propter retributionem.* Neque obstat, quod in Hebræo habetur, *אֲנִי עָשִׂיתִי*, id est, in aeternum finis, siue merces. Nā idem est sensus; est enim ac si dixisset, quoniam merces, quam exspecto, sempiterna erit. Quod expressit Ecclesiasticus c. 18. cum ait: *Ne timearis usque ad mortem iustificari, quoniam merces Dei manet in aeternum.* Itaque non solum Septuaginta viri vertebant, propter retributionem: sed etiam S. Hieronymus reddidit, propter aeternam mercedem. Aliud exemplum est ad Hebr. 11. *Moses grandis factus, negavit se esse filium filiae Pharaonis, magis eligens affligi cum populo Dei, quam temporalis peccati habere incunditatem, maiores diuitias aestimans thesauro Aegyptiorum improprium Christi, afflicto erat enim in remunerationem.* Aliud exemplum est ipsius Apostoli ad Philipenses tertio. *Ad destinationem persequar, ad brauium supernae vocations in Christo Iesu.*

Quarto habemus cohortationes Apostoli plurimas. nam 1. ad Cor. 9. ait: *Sic currite, ut compreh-*

*dati. ad Gal. 6. Bonum autem facientes non deficiamus, A
tempore enim suo metemur. ad Col. 3. Quodcumque facitis
ex animo operamini, sicut Domino, & non hominibus, scientes
quod à Domino accipietis retributionem hereditatis.*

Quid autem Calvinus sibi velit, cum contra allegat primum c. ad Ephes. penitus nescio. Nihil enim est in eo cap. quod vel imaginē prę se ferat argumenti aduersus sententiam nostram. Contra autem illud est, quod Apostolus orat Deū, ut illuminet Ephesiorum mentes, ut sciatis quę sit spes vocationis eius, & quę diuinitas gloria hereditatis eius in sanctis. Quę oratio Apostoli eo tendit, ut Ephesij, cognita pręmij magnitudine, prompti ad bona opera faciendā, & mala omnia pro Christo ferenda reddantur.

Addamus his etiam testimonia Patrum; S. Cyprianus in lib. de exhortatione Martyrij, ca. vlt. posteaquam docuit, quā magnum pręmium in cęlo Martyres maneant: *Has cogitationes, inquit, quę persecutio potest vincere? quę possunt tormenta separare? Et infra: Hac oportet mentis contemplari, & cogitatione: hæc diē ac nocte meditari. Si talem persecutionis dies Christi militem inuenit, vinci non potest virtus ad pręmium prompta.*

S. Ambrosius in c. 15. Luc. tractans illud; *Quanti mercenarij, &c.* distinguit bonos mercenarios à malis mercenarijs: malos autem esse dicit, qui seruiunt Deo propter lucella bonorum temporalium. Ex quo sequitur, ut boni sint, qui seruiunt propter lucrum mercedis æternę.

S. Hieronymus lib. 1. in Iouin. differens contra quartam propositionem. *Ideo, inquit, Paulus hoc facit, ut plus laborans, plus etiam mercedis accipiat.*

S. Augustinus in Plal. 110. super illud: *Dominus protectio tua super manum dexteram tuam. Quid est, inquit, nescias sinistra tua quid faciat dextera tua? id est, quando facis opus bonum, propter vitam æternam fac. Nam si opus bonum in terra propterea feceris, ut terrena tibi cibum dent, scit sinistra tua quid faciat dextera tua, miscisti dextram sinistra. Noli facere nisi propter vitam æternam, ideo fac, & securus facies. Hoc enim mandauit Deus.*

S. Gregorius hom. 13. in Euangelia: *Nec castitas, inquit, magna est, sine bono opere, nec opus bonum est aliquid sine castitate. Sed si utrumque agitur, restat, ut quisquis ille est, spe ad supernam patriam tendat, & nequaquam se à vitijs pro mundi huius honestate contineat.*

Neque defunt ad rem eandem confirmandam optimę rationes. Primum enim, si vita æterna est finis fidei, & operum iustorum, ad Ro. 6. *Habetis fructū vestrum in sanctificationem, finem vero vitam æternam.* Et 1. Petri 1. *Ut reportetis finem fidei vestrę salutem animarum vestrarum.* Quis ambigere potest, liceatne vitā æternam intueri, atque ad eam opera bona dirigere: cum certo constet, finem spectandum esse inter operandum, atque ad eum media omnia esse referenda?

Deinde si licet propter metum gehennę continere manum, & oculos, & cor ipsum à peccato, & maledata legis implere, ut in 1. lib. probatum est, cur non magis licebit idem facere propter spem felicitatis æternę?

Ad hæc, non vitiantur pœnitentia, & Sacramentorum perceptio, cum ista sunt causa obtinendę gratiæ Dei, cur ergo vitabuntur opera bona, si fiant causa obtinendę beatitudinis, quę est gratia consummata, atque perfectā?

Postremo, licet omnium consensu in operibus temporalibus spectare temporalem finem, ut pharmacū sumere gratia sanitatis, arare & serere spe fructus percipiendī, currere, vel decertare in stadio causa obtinendę victorię. Cur igitur non liceat in opere spirituali, in cursu, & certamine ab ipso Deo proposito, ad brauium supernę vocationis attendere?

CAPVT IX.

Solumur obiectiones.

NEquę argumenta, quę contra obijciuntur, aliquid probant. Primum obijciuntur testimonium Domini, qui Io. 10. mercenarios reprehendit. Secundo, Additur testimonium S. Bernardi in lib. de diligendo Deo, sic loquentis: *Non sine premio diligitur Deus, & si alique premij intuitu diligendus sit. Vacua namque vera charitas esse non potest, nec tamen mercenaria est.* Tertio, testimonium S. Thomę qui in 2. 2. q. 19. art. 4. ad 3. scribit, amorem mercenarium cum vera charitate non posse consistere.

Quarto, quod seruile, ac sordidum videatur operari propter mercedem. Quinto, quod Deus amore amicitię, non amore concupiscentię diligendus sit.

Ad Primum, secundum, & tertium respondeo, Mercenarios proprie non vocari, nisi qui mercedem solam, aut pręcipue intuentur. Isti enim seruiunt. Isti etiam sunt, qui viso lupo fugiunt & dimittunt oues, quoniam non pertinent ad eos de ouibus, id est, non ouium salutem, sed propriam tantum utilitatem propositam habent. Hos igitur Dominus reprehendit: nec non S. Bernard. & S. Thom. Nos vero non dicimus, in bonis operibus solam, aut pręcipue spectandam esse mercedē, sed Deum eiusque gloriam, tanquam vltimum finem, mercedem autem, ut finem secundarium, qui propter Deū eiusque gloriam expectatur. Cupimus enim Deum videre, atque ex ea visione felices effici, ut tanto ardentius & securius Dominum diligamus.

Ad quartum respondeo, seruile ac sordidum esse intueri mercedem opere ipso, & labore viliorē. Quod faciunt, qui propter temporalia lucra pręcipue Deo seruiunt, aut Ecclesiastica & spiritalia ministeria obeunt. At spectare mercedem eminentissimam, quę in ipsius Dei visione consistit, non potest esse sordidum, aut seruile, sed nobilissimū ac regium. Et quamuis ne ipsa quidem vita æterna sit appetenda, plusquam Dei gloria, & vitiosus amor esset, magis beatitudinem propriam amare, quā Deum, tamen incomparabiliter turpius & periculosius est temporalem mercedem intueri, quā æternam: non solum quoniam (ut diximus) merces temporalis opere ipso vilior est, sed etiam quoniam temporalis mercedis amor impedit amorē Dei, reuocat à Deo, implicat terrenis: amor autem mercedis æternę, quę in Dei visione posita est, cum Deo coniungit, auellit à rebus terrenis, purgat animā à prauis cupiditatibus, excitat ad custodiam mandatorum Dei. Denique vix contingere solet, ut aliquis ardentem appetat videre Deum, nisi quia ardentem amat ipsum Deum amore amicitię, ita ut cupiat eum videre, quia diligit eum, non quia diligit se.

Atque hinc est, quod Sacti, cum detestantur amorem mercenarium, semper loquuntur de amore temporalium commodorum. Vide S. Ambrosium li. 7. in Lucam, in c. 15. S. Hieronymum li. 6. in Isaiā, prope finem, S. August. tract. 46. in Ioan. S. Gregorium hom. 14. in Euangelia. Hinc etiam S. Bernardus in libro de diligendo Deo dicit: *Anima amans Deū, aliud præter Deum, pręmium non requirit, aut si aliud requirit, illud pro certo, non Deum diligit.*

Ad Quintum respondeo, Amorem concupiscentię proprie dici, cum potissimum quis diligit alterum propter se, non propter illum. Nam si quis diligit amicum, pręcipue propter ipsum, etiam si se-

cundatio

cundario mercedem operis ab illo expectet: non est amor concupiscentiæ, sed amicitie.

CAPVT X.

Ad meritum constituendum requiri liberum voluntatis arbitrium.

Sequitur altera pars disputationis de merito, in qua discutiendum est, *quæ sint, & quot necessariae conditiones, ut aliquod opus dici possit vere ac proprie meritum felicitatis æternæ.* De hoc enim potissimum quærimus. Videntur autem septem omnino conditiones requiri, quarum tres conceduntur ab omnibus, alie quatuor in controuersia sunt.

Prima conditio est, ut sit opus bonum. Mala enim opera merentur quidem, sed pœnam, non præmium. *Quæ mala sunt, non coronat Deus,* inquit S. Augustinus de grat. & lib. arb. c. 6. Nos autem de bonis meritis hoc loco differimus. Altera conditio est, ut opus illud fiat in obsequium Dei. Meritum enim relationem dicit ad mercedem ab alio accipiendam, proinde qui meretur, apud aliquem meretur. Tertia, ut qui meretur, sit viator. Nam in hac vita stadium est, & prælium, in alia brauium, & corona. Sed de hac conditione vide infra capit. 14. ubi agitur de conditione sexta. Quarta, ut opus sit non solum bonum, sed etiam liberum. Quinta, ut qui meretur, sit amicus & gratus Deo. Sexta, ut intercedat promissio. Septima, ut opus ex charitatis virtute procedat.

Omissis igitur tribus prioribus, de quibus nulla questio est, examinare incipimus *QUARTAM.* Sed quævis non desinit, qui doceant libertatē arbitrij ad merendū non esse necessariam: id enim sentisse Robert. Olchor, testatur Io. Picus Apologia, q. 8. tamen cōmunis Theologorum sententia contrarium habet, ut perspicuum est ex S. Thom. 1. 2. q. 114. art. 1. & ex Doctoribus cæteris in 1. sentent. dist. 17. & in 2. dist. 27. & in 3. dist. 18.

Potest autem hæc sententia vera, atque communis probari, *PRIMO* ex diuinis litteris vtriusque testamenti. Nam Ecclesiastici 31. cum dictum esset: *Qui potuit transgredi, & non est transgressus, facere malum, & non fecit:* continuo additur meritum: *Ideo stabilisa sunt bona illius, & elemosynas illius enarrabit omnis Ecclesia Sanctorum.* Et Apostolus 1. ad Cor. 9. *Si volens,* inquit, *hoc ago, mercedem habes, si autem inuitus, dispensatio mihi credita est.* Et 2. ad Corint. 9. *Vniuersusque prout destinauit in corde suo: non ex tristitia, aut ex necessitate.* Hilarem enim datorem diligit Deus.

SECUNDO, idem probatur ex Patribus, quorum testimonia plurima attulimus in 5. li. de gratia & libero arbitrio. Ex quibus paucissima adscribemus, quæ magis proprie ad rem præsentem faciunt.

S. Iulianus in Apologia prima circa medium: *Neque enim,* inquit, *quidquam horum laude dignum esset, nisi illi (homines videlicet) utramque in partem conuertere, & quasi flectere se possent.*

S. Irenæus lib. 4. c. 71. *Qui operantur,* inquit, *bonum, gloriam & honorem percipient, quoniam operati sunt bonum, cum possent non operari illud.*

Clemens Alexandrinus li. 1. Strom. circa medium: *Sed,* inquit, *nec laudes, nec vituperationes, nec honores, nec supplicia iusta sunt, si anima non habeas liberam potestatem & appetendi & aggrediendi.*

S. Basiliius in orat. quod Deus non sit auctor malorum: Deo, inquit, non est gratum, quod coactum, sed quod ex virtute recte geritur. Virtus autem ex voluntate, & non

ex necessitate fit. Voluntas autem ex his, quæ in nobis sunt, dependet. In nobis autem est liberum arbitrium.

S. Ioannes Chrysostomus homil. 22. in Genes. Nonne, inquit, manifestum est, suam quæque voluntate vel malitiam, vel virtutem eligere? nam iniusta esset, & natura nostra potestas iniusta esset, neque illos puniri, neque istos præmia virtutum accipere oportebat. Verum quia in nostra voluntate totum (post gratiam Dei) relictum est, ideo & peccantibus supplicia propoſita sunt, & bene operantibus mercedes & præmia.

S. Cyrillus li. 2. in Ioan. c. 54. Liberum, inquit, arbitrium hominis his verbis ostendit, qui ad alterutrum secundum animi sui iudicium potest proficisci. Sic enim iuste laudem, si bene agimus, & contraria, si mala committimus, inuenimus.

Tertullianus li. 2. in Marcionem, ante medium: *Ceterum,* inquit, *nec boni, nec mali merces iure pensaretur ei, qui aut bonus, aut malus necessitate fuisse inueniens, non voluntate.*

S. Hilarius in Psal. 2. Quid, inquit, honoris ac præmij, bonitatis necessitas mereretur, cum malos nos esse vis quædam inserta non frueret? voluntati ergo promissa bonitas est, ut præmium sibi voluntas bonitatis acquireret.

S. Hieronymus lib. 2. in Iovinian. *Liberi arbitrij nos condidit Deus, nec ad virtutes, nec ad vitia necessitate irabimur. Alioquin ubi necessitas, nec corona, nec damnatio est.*

S. Augustinus lib. 1. de lib. arbit. c. 1. Deinde, inquit, illud bonum, quo commendatur ipsa iustitia in damnandis peccatis, recteque factis honorandis: quo modo esset si homo voluntatem non haberet liberam: non enim recte factum, aut peccatum esset, quod non fieret voluntate, ac per hoc & pœna iniusta esset, & præmium, si homo voluntatem non haberet liberam.

S. Paulinus in epist. 2. ad Seuerū: *Quæ nobis,* inquit, *est gratia, si in alieno tantum fideles fuerimus, nisi de proprio seruiamus, id est, de libero voluntatis arbitrio?*

S. Bernardus serm. 81. in Cant. *Vbi,* inquit, *non est libertas, nec meritum. Propterea quæ sunt carentia ratione animalia, nihil merentur, quia sicut deliberatione, ita & libertate carent.*

TERTIO, idem probatur rationibus. *PRIMUM* enim res multæ, ut Sol, Luna, campi, vineæ, horci, iumenta, pecora, maxima nobis commoda præstant, & tamen non dicuntur proprie de nobis bene mereri, quia non libere agunt, nec possunt aliud facere, quam quod faciunt. Deinde, merito debetur merces: debitum autem non oritur, nisi ex eo, quod vnus dat alteri, quod suum erat. Nā si rem non suam, sed alienam daret, nihil ei deberetur, nihil autem proprie nostrum est, nisi quod pro arbitrio possumus facere, vel omittere. Ista enim in nostra potestate sūt, & horum dominium proprie habere dicimur. Denique mala opera, nisi libere fiant, pœnam nullam merentur: igitur nec bona opera præmium merentur, nisi libere facta fuerint.

CAPVT XI.

Soluntur obiectiones.

Sed contra doctrinam capitis superioris obijci solet, quod meritum ex acceptatione dependeat, & possit Deus ad vitam æternam acceptare non solum actiones liberas, sed etiam necessarias, quemadmodum ad Martyrij palmam acceptauit mortem sanctorum Innocentium.

Sed facilis est responsio, pendet enim meritum ab acceptatione Dei, sed non sola. Et potest Deus acceptare ad vitam æternam actionem non liberam, sed non ad meritum vitæ æternæ. Sancti autē Innocentes privilegio singulari gloriæ Martyribus debi-

tam, acceperunt, quamvis illam proprie non meruerint: *Si quis*, inquit S. Bernardus in sermone de Natali Innocentium, eorum apud Deum merita, ut coronarentur, quare & apud Herodem crimina, ut trucidarentur? An forte minor Christi pietas, quam Herodis impietas, ut ille quidem potuerit innocuos nec dare, Christus non potuerit propter se occisos coronare? Et infra: Ceterum si sunt plane Martyres tui Deus, ut in quibus nec homo nec Angelus merum inuenit, singularis tua prerogativa gratia euidentius commendatur.

Secundo, obijciuntur Christi merita, quæ constat fuisse maxima atque verissima: & tamē Christus non libere, sed necessario Deum diligebat, quippe qui beatus erat. Nam meritum omne ex charitate pendere, suo loco demonstraturi sumus.

Respondeo, Christus simul viator fuit, & comprehensor, & ideo duplex in eo dilectionis actus inueniri poterat, vnus consequens ad visionem Dei, qui necessarius erat, alter consequens ad cognitionem infusam, qui liber ac voluntarius erat. Vide S. Thom. 3 p. q. 19. art. 3. ad 1. Deinde quamvis Christus non posset non diligere Deū, tamen poterat ex actibus charitatis imperatis, alios facere, alios omittere pro arbitrio: quemadmodum ceteri, tum Angeli, tum homines, qui Deū vident, & ipse etiam Deus, non possunt quidem peccare, aut Deum non semper diligere: tamen possunt in alijs multis rebus pro arbitrio agere.

Itaque electionem passionis, qua nos Christus redemit, liberam, voluntariamque fuisse testatur *Itaias c. 35. Oblatus est, quia ipse voluit.* Et aperte de merito eiusdem passionis: *Si posueris pro peccato animam suam, videbis semen longæuū.* Et infra: *Pro eo quod laborauit anima eius, videbis & saturabitur, &c.* Et ipse Dominus Ioan. 10. *Nemo tollit animam meam à me, sed ego pono eam.* Et: *Potestatem habeo ponendi animam meam.*

Tertia obiectio contra solutionem argumenti superioris: Christus præceptum habuit à Patre ponendi animam suā: sic enim ipse subiungit Ioan. 10. *Hoc mandatum accepi à Patre meo.* Vnde ad Philip. 2. dicitur: *Factus obediens usque ad mortem.* At Christus peccare non poterat: igitur non poterat non implere præceptum, ac per hoc electio illa ponendi animam suam, non libera, sed necessaria fuit.

Respondeo, duplex est necessitas, altera interna, altera externa: necessitas interna est, cum ipsa potentia naturaliter determinata est ad vnum: vel cum obiectum eam ex necessitate determinat: & hæc necessitas impedit libertatem, ac per hoc meriti rationem. Necessitas externa est, cum remanet in voluntate vera indifferentia, & indeterminatio ad vtrumlibet, sed tamen fieri non potest, ut eligat non seruare præceptum, quoniam regitur, & gubernatur à Deo, qui semper illi obijcit ea media ad non peccandum, quæ videt eam acceptaturam. Hæc necessitas non tollit libertatem, nec meriti rationem, & talis fuit non solum in Christo, sed etiam in ijs, qui dicuntur confirmati in gratia.

At si res ita se habet, sicut confirmati in gratia, absolute peccare poterant, quamvis peccaturi non essent lethaliter saltem, ita & Christus peccare potuit absolute, quamvis peccaturus non esset.

Respondeo, Magnum est discrimen inter Christum, & alios confirmatos in gratia. Christus enim, quia Deus & homo erat, etiam cum viator esset, habebat intra se, vnde peccare non posset. Diuinitas enim, quæ humanitatem regebat, vnita erat ipsi humanitati Christi hypostatice, ac per hoc intrinsecū, & naturale erat Christo, ut non posset peccare etiā secundum humanitatem, & ideo absolute, & simpli-

ter Christus, etiam ut homo viator (stante hypostatice vnione) peccare non potuit. At ceteri confirmati in gratia, non habent intra se, id est, in suo supposito aliquid, vnde peccare non possint, cum diuinitas, quæ eos regit, ad ipsorum suppositum non pertineat. Proinde ipsi in se considerati, absolute peccare possunt, etiam lethaliter: sed sine dubitatione immunes erunt à peccato, si Deus eos in gratia confirmauit.

Quod autem diximus, in voluntate Christi humanæ fuisse verā indifferentiam ad vtrumque, id est, ad præcepti obseruationem & violationem, & necessitatem non peccandi, respectu illius voluntatis, fuisse extrinsecam: non repugnat his, quæ diximus. Nam necessitas non peccandi ipsi voluntati humanæ Christi præcise sumptæ fuit extrinseca, sed ipsi Christo etiam ut homo est, fuit intrinseca & naturalis.

CAPVT XII.

Ad meritum requiritur statum gratiæ & adoptionis filiorum.

Altera questio tractanda est propter quintam conditionem meriti: *Quæritur igitur, Vtrum ad meritum vitæ æternæ necessario requiratur, ut homo sit iustus, & gratus Deo, & in filium per regenerationem adoptatus.*

Potest autem questio duobus modis intelligi. Primo, Vtrum requiratur eleuatio illa naturæ ad statum filiorum Dei, ex parte operum: quia videlicet non possit legem perfecte implere, nisi qui per gratiam iustificans factus est filius Dei. Secundo, Vtrum requiratur ex parte subiecti, quia videlicet, etiam si quis legē perfecte impleat, tamen non mereatur vitam æternam, nisi esset eleuatus ad statum illum supernaturalem.

Fuit opinio cuiusdam recentioris, cuius multæ sententiæ à Pio V. Pontifice damnatæ fuerunt, operibus bonis vitam æternam deberi, ex eo quod sunt vera legis obedientia, non quia fiant à persona eleuata per gratiam ad statum filiorum Dei. Intelligit vero Doctor ille non solum non esse necessarium eleuationem naturæ ex parte subiecti, sed neque ex parte operum. Existimat enim opera vere meritoria vitæ æternæ posse fieri ab homine nōdum renato per Baptismum, vel nondum reconciliato per Sacramentum penitentis. Itaque ex eius sententia Catechumeni, & penitentes ante remissionem peccatorum seruantes mandata per auxilium Dei speciale, vitam merentur æternam.

Contraria sententia communis est, & fuit in Scholis Catholicorum Theologorum. Neque solū nunc in statu naturæ corruptæ, sed etiam in statu naturæ integræ Theologi docent necessarium fuisse ad meritum vitæ æternæ, ut homo per iustificationis gratiam, & Spiritum inhabitantem adoptaretur in filium, & ad statum quandam supernaturalem & diuinum eueheretur. Vide Magistrum & Theologos in 2. Sent. dist. 24. 27. 28. & 29.

Atque hanc ipsam sententiā esse Concilij Trident. ac per hoc Ecclesiæ vniuersæ, certum est ex sess. 6. c. 16. vbi Concilium docet, vitā æternam esse gratiam misericorditer filiis Dei per Christū promissam, & simul mercedem bonis eorum operibus fideliter ex Dei promissione reddendam. Idem constat ex Can. 32. vbi Concilium declarat, opera meritoria illa esse, quæ sunt à iustificatis per gratiam Dei, ut sunt viua Christi membra.

Denique extat Bulla Pij V. Pontificis, à Gregorio XIII. renouata, in qua damnantur hæc duæ propo-

tiones. Pelagij sententia est opus bonum citra gratiam adoptionis factum, non esse regni celestis meritorium. Opera bona à filiis adoptionis facta, non accipiunt rationem meriti ex eo, quod sunt per spiritum adoptionis inhabitantem corda filiorum Dei, sed tantum ex eo, quod sunt conformia legi. Nos igitur probabimus, gratiam adoptionis ad meritum constituendum requiri, varijs argumentis, quorum aliqua ostendunt, eam gratiam esse necessariam ex parte operum, alia ex parte subiecti.

Probatur igitur hæc sententia, Primo ex diuinis litteris: Gen. 4. *Respexit Deus ad Abel, & ad munera eius.* Notat S. Gregorius lib. 12. Moralium, c. 12. hoc ideo dictum esse, quia Deus non habet gratum offerentem propter munera; sed munera propter offerentem. Neque intelligit propter solam intentionem offerentis, sed propter bonitatem & puritatem: dicit enim, debere ab omni malitia esse purgatum: qui cupit, ut sua munera Domino placeant, Ioan. 15. *Manete in me, & ego in vobis, sicut palme non potest ferre fructum à semetipso, nisi manserit in vite, sic & vos nisi in me manseritis: ego sum vitis, & vos palmites: qui manet in me, & ego in eo, hic fert fructum multum.* Requiritur igitur ad fructum, id est, ad bona opera facienda, non quæcunque gratia, sed ea, quæ facit hominem esse viuum membrum corporis Christi. Idem enim est, esse palmitem vitis, & membrum corporis.

Ad hæc Scriptura passim docet, regnum celorum esse gloriam & hereditatem filiorum. Ioan. 8. *Servus non manet in domo in æternum, filius manet in æternum: quod si vos filius liberavistis, vere liberi eritis.* Rom. 8. *Acceptistis adoptionem filiorum. Si autem filij & heredes.* Et infra: *Et ipsa creatura liberabitur à servitute corruptionis in libertatem gloria filiorum Dei.* Galat. 3. *Itaque iam non est servus, sed filius: quod si filius & heres per Deum.* Et infra: *Sed quid dicit scriptura? Ecce ancillam & filium eius.* Non enim eris heres filius ancille cum filio libera. Similia habentur ad Ephes. 1. ad Coloss. 3. ad Tit. 3. ad Heb. 1. 1. Petri 1. & alibi, ubi vita æterna dicitur hereditas, quæ proprie ad filios pertinet. Non igitur qui servus est, vitam æternam ullis meritis obtinere poterit: non enim hereditas merces est servorum, etiamsi annis mille seruirent, sed propria portio filiorum. Quare sine dubio necessaria conditio ad meritum vitæ æternæ est regeneratio, & adoptio filiorum Dei.

Præterea, Scriptura testatur ita fundari meritum in amicitia cum Deo, ut statim atque aliquis Deum offendit, amittat omnia bona merita. Ezech. 18. *Si auerteris te in iustitia tua, & feceris iniquitatem, omnes iustitiae eius non recordabuntur.* Et Iacob. 2. *Si quis totam legem servauerit, offendas autem in uno, factus est omnium reus.* At si merita non penderent à statu, & qualitate personæ, sed à sola obedientia legis, non deberet is, qui Deum offendit, amittere bona merita per obedientiam legis antea parata. Quemadmodum qui laboravit in colenda vinea alicuius certa mercede conductus, non perdit mercedem suam si forte inimicus fiat domino vineæ, non enim meritum illud in amicitia, sed in solo opere & labore fundatur. Igitur meritum vitæ æternæ, quod statim perditur cum quis Deum ad iracundiam provocat, non in solo opere, sed etiam in amicitia & dignitate personæ fundamentum habet. Atque hinc est, quod Scriptura vitam æternam diligentibus Deum promissam esse testatur, Ioan. 14. 1. Cor. 2. 2. Timoth. 4. Iacobi 1. & alibi.

Probatur secundo eadem veritas testimonijs S. Augustini, qui in lib. 1. ad Bonifacium, contra duas epist. Pelagianorum, c. 2. *Non vivunt, inquit, recte homines, nisi effecti filij Dei.* At non sunt homines filij

Dei, nisi per regenerationem, in qua remittuntur peccata, & infunditur gratia gratum faciens. Item lib. 1. ad Simplicianum, quæst. 2. *Sed quibusdam (inquit) causa est gratia fidei, quanta non sufficit ad obtinendum regnum celorum, sicut in Catechumenis, sicut in Cornelio antequam sacramentorum participatione incorporaretur Ecclesie.*

Neque solum in statu naturæ corruptæ, sed etiam in statu naturæ integræ agnoscit Augustinus gratiæ necessitatem ad bona merita comparanda. Sic enim ait in Enchiridio, c. 106. *Quamvis sine gratia nec sine ullum bonum meritum esse posset.* Non loqui autem Augustinum de aliqua gratia auxilij generalis, vel etiam specialis transeuntis, sed de ipsa charitate infusa & inherente, perspicuum est ex lib. 12. de civit. Dei, c. 1. ubi de S. Angelis loquens: *Cum amore (inquit) castos creavit, simul in eis & condens naturam, & largiens gratiam.* Et mox: *Constituendum est igitur, cum debita laude creatoris non ad solos sanctos homines pertinere, verum etiam de sanctis Angelis posse dici, quod charitas Dei diffusa sit in eis per spiritum sanctum, qui datus est eis.* Illa igitur gratia, sine qua nec tunc (id est, in statu naturæ integræ hominum, vel Angelorum) ullum bonum meritum esse posset, est charitas Dei diffusa per spiritum sanctum, qui datus est vis.

Huc etiam pertinent, quæ diximus in 1. lib. de Iustificatione, ubi probavimus iustificari hominem, per iustitiam habitalem, id est, per gratiam gratum facientem, inherentem & permanentem. Nam ut idem Augustinus ait in libro de fide & operibus, ca. 14. *Sequuntur bona opera hominem iustificatum, non præcedunt iustificandum.* Et in libro de spiritu & littera, cap. 29. *Per spiritum incorporatus, factusque membrum eius, potest quisque, illo incrementum intrinsecus dante, operari iustitiam.*

Probatur tertio rationibus. Prima ratio, Visio Dei, in qua proprie vita æterna consistit, res est non modo supernaturalis, sed usque adeo naturam omnem creatam excedit, ut nec agnosci, nec appeti, nec cogitari possit, nisi Deo ipso revelante; *Oculus non vidit (inquit Apostolus Iaiam citans, 1. Cor. 2.) auris non audivit, in cor hominis non ascenderunt quæ præparavit Deus diligentibus se.* Atqui ad finem supernaturalis & diuinum requiruntur opera supernaturalia, & diuina, præsertim cum Deus omnia sapienter, suauiterque disponat. Non potest autem diuina & supernaturalia opera facere, nisi prius ipse diuinus & supernaturalis efficiatur, ut S. Dionysius ratiocinatur in libro de Ecclesiastica Hierarchia, c. 2. pa. 1. debet igitur homo per gratiam inherenter, & spiritum inhabitantem euehi ad consortium diuinæ naturæ, ut opera diuina, id est, vitæ æternæ meritoria facere valeat. Atque hæc est ratio S. Thomæ, S. Bonaventuræ & aliorum illustrium Theologorum.

Secunda ratio, si merita non penderent à statu & dignitate personæ, sed solum ab ipso opere, siue legis obedientia; certe merita Christi non essent infiniti precii, neque multo essent maiora, quam cæterorum iustorum: nam ubi solum spectatur opus, nihil interest verum qui operatur sit Rex, an miles, nobilis, vel ignobilis, probus, aut improbus. At certum est opera Christi fuisse infiniti precii, quandoquidem propitiatio fuisse infiniti precii, quandoquidem propitiatio fuerunt pro peccatis totius mundi, & copiosa fuit apud eum redemptio: igitur dignitas personæ plurimum confert ad valorem meriti. Et confirmatur hæc ratio, nam de Christo nullus Catholicus negare audebit, quin eius merita fuerint maximi precii propter dignitatem personæ. Næ (ut alia nunc omitam) extat epistola decretalis Clementis VI. quæ incipit,

Vnigenitus, in quo docemur guttam unam sanguinis Christi propter infinitam personę dignitatem ad totius mundi redemptionem sufficere potuisse. At non dissimilis esse debet ratio meriti in capite & membris. Igitur sicut Christi meritum, ita etiam merita iustorum aliorum vim accipient a dignitate personę.

Tertia ratio, Si non requiritur ad meritum adoptio & regeneratio: certe poterit homo ante remissionem peccati per auxilium Dei speciale mereri vitam æternam, id vero tamen ab aduersario concedatur, non solum est falsum, sed etiam repugnantiam continere videtur. Nam idem ipse merebitur vitam æternam, & mortem æternam. Reus enim erit mortis æternę propter peccata olim admissa, & nondum remissa, & simul ius habebit ad vitam æternam propter bona merita per legis obedientiam acquisita. Mereri autem simul vitam æternam & mortem æternam repugnantiam includit, quoniam mors æterna carentiam significat vitę æternę, proinde qui talis esset, deberet vivere in æternū, & non vivere in æternum: mori in æternum & non mori in æternum.

Quarta ratio, si posset qui nondum regeneratus est, vitam æternam operibus suis vere mereri: certe posset etiam gratiam iustificationis proprie mereri. Nam si mereri potest gloriam, quę est gratia consummata, cur mereri non poterit gratiam, quę est gloria inchoata? At gratiam iustificationis, id est, iustitiam ipsam, per quam formaliter iustificamur, nõ cadere sub meritum proprie dictum, Theologi omnes consentiunt, & ipsum Concilium Tridentinum disertis verbis affirmat, sess. 6. cap. 8. Vnde etiam S. Augustinus in epist. 105. ad Sixtum scribit, vitam æternam in scripturis appellari mercedem & gratiam: ipsam autem iustitiam nunquam appellari mercedem, sed solum gratiam.

CAPUT XIII.

Soluntur obiectiones.

Sed iam argumenta, quę contra obijciuntur breuiter diluamus. PRIMA obiectio, Scriptura diuina promittit vitam æternam obedientię legis, Ecclesiast. 15. *Si uolueris mandata seruare, conseruabis te.* Et Matt. 19. *Si uis ad vitam ingredi, serua mandata.* Non autem dicit, si uis ad vitam ingredi, cura ut adopteris in filium.

Responsio, Imo hoc ipsum Scriptura manifeste clamat, cum ait Ioan. 3. *Nisi quis renatus fuerit ex aqua & Spiritu sancto, non potest intrare in regnum Dei.* Et Rom. 8. *Viuisificat corpora nostra propter inhabitantem spiritum cum in nobis.* Et ad Tit. 3. *Saluos nos fecit per lachrymam regenerationis, &c.*

Sed intuendum est in scripturis sanctis ad quos dirigitur oratio. Nam cum infidelibus scripturę loquuntur: non tam opera bona, quàm fidem & Baptismum prædicant: cum autem alloquuntur fideles atque regenitos, non amplius fidem & Baptismum, sed opera, & legis obedientiam docent. Quod etiam nobis faciendū esse, ut uidelicet aliter fideles, aliter impios adhortemur, monet S. Augustinus in libro de natura & gratia, cap. 68. Dominus igitur apud Mattheum & Ecclesiasticus legis obedientiam tanquam viam ad vitam proponunt, quoniam fidelibus loquuntur.

Adde, quod si quis omnia mandata integrè obseruaret, sine dubio saluaretur. Sed inter omnia est etiā illud primum & maximum de dilectione Dei super omnia, quod ab hominibus nondum regenitis perfecte obseruari non potest. Actus enim dilectionis

A Dei super omnia, vel non potest haberi, nisi per gratiam gratum facientem, & spiritum cor inhabitantem, vel si potest haberi per auxilium Dei speciale, continuo ad eum tanquā ad vltimam dispositionem sequitur infusio gratię iustificantis & regenerantis, atque in filium Dei adoptantis.

Secunda obiectio, Apostoli Petrus & Paulus, ille Act. 10. iste ad Rom. 2. docent, Deum non accipere personas, sed gloriam & honorē tribuere omni operanti bonum. Non igitur requiritur ad meritum vitę æternę exaltatio naturę ad esse quoddam supernaturale, sed sola obedientia legis.

B Respondeo, sæpe iam diximus cum S. Augustino, lib. 2. contra duas epistolas Pelagianorum, cap. 7. acceptionem personarum vitium esse contrarium iustitię, non misericordię, vel liberalitati: proinde in iudice locum habere, non in eo qui sua liberaliter donat. Deus igitur in iudicio non accipiet personas, sed unicuique reddet secundum opera sua. At opera bona nascuntur ex gratia & iustificatione, ac regeneratione præcedente, quam gratiam Deus non ut iudex reddit, sed ut Princeps liberalis donat. Itaque etiam si in iudicio Deus non respiceret personę dignitatem, sed solam obedientiam legis, adhuc necessaria esset exaltatio illa naturę ad esse quoddam supernaturale, quoniam sine illa merita vitę æternę haberi non possunt.

C Sed addo non esse acceptionem personarum, si iudex præmia distributurus dignitatem personę consideret, quando ex ipsa dignitate meritū pender. Accipere enim personam non est attendere ad quāuis qualitatem personę, sed ad eam, quę ad causam nihil pertinet. Nam si forte lex sit, ut soli filij nobilium currant ad brauiū aliquod à Rege propositum, non accipiet personam Iudex, si non solum celeritatem cursus, sed etiam nobilitatem considerabit. Sic igitur cum vita æterna sit brauium solis iustis & bonis, & in filios Dei adoptatis propositum, non accipit Deus personas, cum has personę qualitates attendit: sicut acciperet si consideraret, an qui bene operatur sint Græci, vel Iudæi, liberi, an serui, masculi, an scemine, & ideo nominatim Apostoli cū dicunt, Deum non accipere personas, mentionem faciunt Iudæi & Græci. Quam rem sæpe repetunt & inculcant, quoniam Iudæi existimabant se solos ad regnum Dei, & gratiam pertinere.

D Tertia obiectio, Concilium Arausicanum, can. 18. docet, deberi mercedem bonis operibus, si fiant, sed gratiam, quę non debetur, præcedere, ut fiant. Non igitur requiritur ad meritum aliqua exaltatio naturę, sed sola gratia bene operandi.

E Respondeo, Gratia bene operandi, & gratia adoptans homines in filios Dei, & exaltans in confortium diuinę naturę, una atque eadem est, nimirum charitas infusa in cordibus nostris per Spiritum sanctum, qui datus est nobis. Illa enim si consideretur ut virtus, dicitur gratia bene operandi, si consideretur ut forma inherens in anima, eamque formosam & diuinam reddens, dicitur gratia adoptionis filiorum. Quare idem Concilium, can. ult. dicit, debere homines per baptismum regenerari, ut possint legem implere sicut oportet.

Quarta obiectio, S. Augustinus lib. 1. de libero arbitrio, ca. 6. dicit lege naturę constitutum esse, ut boni beatam, mali miseram vitam ducant,

Respondeo, non dicit Augustinus, lege naturę, sed lege æterna. Nec loquitur de vita beata, quę in Dei visione consistit, sed de vita beata in genere. Itaque sententia S. Augustini hæc est, lege æterna, & immutabili constitutum esse, ut boni bene, & mali

male recipiant, & si quidem boni sint boni bonitate supernaturali, supernaturalem beatitudinem consequantur: si tantum boni sint bonitate naturali, simili etiam beatitudine sint beati.

Quinta obiectio, S. Augustin. in lib. de natura & gratia, c. 2. *Natura*, inquit, *humani generis ex illius unius prauaricatoris carne procreata, si potest sibi sufficere ad implendam legem, perficiendamque iustitiam, de premio debet esse secunda, hoc est, de vita aeterna, etiam si in aliqua gente, aut in aliquo superiori tempore fides eam latuit sanguinis Christi. Non enim est iniustus Deus, qui iustos fraudet mercede iustitiae.* Hoc enim loco videtur sanctus Augustinus refellere sententiam Pelagianorum, qui dicebant hominem posse suis viribus legem implere, & tamen egere gratia adoptionis & regenerationis, ut regnum caelorum valeat obtinere. Sequitur autem ex hac refutatione, S. Augustinum in ea sententia fuisse, ut existimaret non esse opus gratia adoptionis & regenerationis, ad regnum caelorum obtinendum, sed solum gratia, quae iuuaret ad implendam legem, perficiendamque iustitiam. Ac per hoc meritum pendere simpliciter ex obedientia legis, non ex dignitate personae.

Respondeo, Propositio conditionata S. Augustini verissima est: videlicet, si homo sine fide Christi possit solis suis viribus implere legem, de premio vitae aeternae debet esse securus. Sed non inde sequitur, non esse necessariam gratiam adoptionis ad meritum.

Nam (ut idem Augustinus docet, loco citato (id est) lib. 1. ad Bonifacium, cap. 2.) non viuunt recte homines, ac per hoc non implent legem neque iustitiam perficiunt, nisi prius filii Dei efficiantur.

Neque eo loco S. Augustinus refellit Pelagianos, quod existimarent gratiam adoptionis esse necessariam. Huius enim rei in toto eo libro ne meminit quidem: sed tantum refellit errorem cuiusdam, qui naturae humanae nimium tribuebat. In alijs quidem locis idem Augustinus Pelagianis tribuit, quod requirerent gratiam adoptionis tanquam necessariam ad capeiendam vitam aeternam, sed non eos inde reprehendit, quod eam gratiam requirerent, sed quod negarent, eam necessariam esse in paruulis ad peccatum originale purgandum, in adultis ad implenda mandata diuina. Vide quae scripsimus de hac re in primo libro de gratia & libero arbitrio, cap. 5.

At (inquit) ex hac propositione conditionata S. Augustini, si homo sibi sufficeret ad implendam legem, perficiendamque iustitiam, de premio (id est) de vita aeterna deberet esse securus: sequitur, non esse necessariam gratiam adoptionis ex parte subiecti, sed tantum ex parte operis.

Respondeo, Id non sequi, quoniam (ut supra diximus) eadem gratia habitualis infusa, quae perficit subiectum, est etiam principium operis. At nonne posset Deus sine habituali illa gratia eleuante naturam, per solum auxilium speciale id efficere, ut homo legem impleat iustitiamque perficeret? Posset quidem, sed non quærimus hoc loco quid Deus possit, sed quid velit, & quid faciat. Constat autem nobis ex sacris litteris, & ex ipso S. Augustino, non vivere homines recte nisi filij Dei efficiantur: proinde non sufficere secundum ordinariam Dei legem, siue potentiam, ad bona opera, qualia requiruntur ad meritum faciendam, quodlibet auxilium speciale, sed exigi gratiam illam adoptionis infusam, quae naturam eleuat ad esse quoddam supernaturale, atque diuinum.

Sexta obiectio; Opus malum ex natura sua meretur poenam, nec requiritur ut procedat ex habitu destruyente naturam, igitur & opus bonum ex natura sua meretur premium, etiam si non procedat ex

habitu eleuante naturam.

Respondeo, Facilius est peccare, quam bene agere. Et ideo ad peccandum sufficit libertas arbitrij, ad bonum opus requiritur etiam gratia. Præterea, ut peccato debeat poena, nulla conuentio, vel promissio necessaria est, qui enim alterum lædit, iustitiam violat, & ideo satisfacere tenetur ex iustitia, etiam si nulla promissio intercesserit. At ut bono operi debeat merces ex iustitia, conuentio vel promissio necessaria est. Non enim tenetur vnus alterius obsequium accipere, nisi conuentio interuenerit. Deus autem non promittit mercedem vitae aeternae, nisi per Christi gratiam regeneratis & adoptatis, ut passim Scriptura testatur.

CAPVT XIV.

Requiri ad meritum vitae aeternae promissionem Dei gratuitam.

Discutienda sequitur conditio sexta, quam esse diximus promissionem, siue pactum liberale, atque gratuitum. Nam recentior ille Doctor, cuius sententiam superioribus duobus capitibus refutauimus: docuit præterea, opera bona ex natura sua esse meritoria vitae aeternae, ita ut non requiratur pactum aliquod, vel gratuita promissio, ad hoc ut ex iustitia merces vitae aeternae bonis operibus debeat.

Addit etiam quod ex hac ipsa sententia manifeste sequitur, Christum nobis non meruisse vitam aeternam, nisi quatenus gratiam bene operandi nobis meruit. Sed verba eius in Bulla Pii V. Pontificis audiamus: hæc enim est secunda propositio damnata: *Sicut opus malum ex sua natura est mortis aeternae meritorium, sic opus bonum ex sua natura, est vitae aeternae meritorium.* Et hæc est undecima, *Quod pie & iuste in hac mortali vita conuersati vsque in finem, vitam consequuntur aeternam: id non gratia Dei proprie, sed ordinariis naturalibusque merito creationis constituta, iusto Dei iudicio deputandum est. Neque in hac retributione bonorum ad Christi meritum respicitur, sed tantum ad primam institutionem generis, in qua lege naturali constitutum est, ut iusto Dei iudicio obedientia mandatorum vitae aeternae reddatur.*

Quamuis autem omnibus Ecclesiarum filiis ad has sententias repudiandas satis abunde sufficiat Pontificis Maximi auctoritas: tamen addemus etiam ad maiorem veritatis confirmationem auctoritatem Concilij Tridentini, & rationes ex Scriptura depromptas. Concilium igitur in 6. sess. cap. ult. *Bene operantibus* (inquit) *vsque in finem, & in Deo sperantibus proponenda est vita aeterna, & tanquam gratia filij Dei per Christum Iesum misericorditer promissa, & tanquam merces ex ipsius Dei promissione bonis ipsorum operibus & meritis fideliter reddenda.* Et Cant. 26. *Si quis dixerit, iustus non debere pro bonis operibus, quae in Deo fuerunt facta, expectare & spectare aeternam retributionem à Deo per eius misericordiam, & Iesu Christi meritum, si bene agendo, & diuina mandata custodiendo vsque in finem persenerint, anathema sit.* Hic habemus & promissionem eamque misericordem, & gratuitam, & Christi merita respectu vitae aeternae nobis tanquam filijs donandæ. Sed veniamus ad rationes.

Prima ratio, sumitur ex parte ipsorum operum, quæ si considerentur ex natura sua, remota promissione & dignitate principij operantis, nullam habent proportionem ad beatitudinem illam supernaturalem: proinde non eis debetur ex iustitia merces aeternae vitae, si ex natura sua tantummodo considerentur. Atque hoc est, quod Apostolus dicit, ad Ro.

8. Existimo, quod non sunt condigne passionis huius reperi ad futuram gloriam, quæ reuelabitur in nobis. Et 2. Cor. 4. Quod in presenti est momentaneum, & leue tribulationis nostra, supra modum in sublimitate æternæ gloriæ pondus operatur in nobis. Hæc enim non docent opera bona non esse meritoria vitæ æternæ, sed non esse meritoria tanti præmij, ex natura sua, sed aliunde, nimirum ex promissione, ex dignitate principij, &c. Huc etiā pertinent testimonia Patrum, Athanasij in vita S. Antonij: Nec vniuerso orbi renunciantes, dignum aliquid habitaculis possumus compensare celestibus. Eusebii Emilensi, homil. 3. ad Monachos: Totus licet anima, & corporis laboribus defudemus, totus licet obedientia viribus exerceamur, nihil tamen condignum merito pro celestibus bonis compensare, & offerre valebimus. Augustini, in Psal. 93. Quanto labore digna est requies, quæ non habet finem? Si verum vis comparare, & verum indicare, æterna requies æterno labore recte emitur. Verum hoc est, sed noli timere, misericors est Deus. Bernardi in serm. 1. de Annunciatione: Quid sunt merita omnia ad tantam gloriam? Thomæ in 1. 2. q. 114. art. 3. Si consideretur opus meritorium secundum substantiam operis, & secundum quod procedit ex libero arbitrio, sic non potest ibi esse condignitas, propter maximam inæqualitatem. Cum igitur opera ipsa nostra bona, si per se, & secundum naturam suam tantum considerentur, sint temporalia & vilia, & nullo modo æqualia præmio supernaturali & sempiterno: certe necesse est, vt addatur eis dignitas aliunde, si ex iustitia merces æternæ vitæ illis reddenda sit.

Secunda ratio, sumitur ex parte Dei, qui nulla re indiget, & cuius sunt omnia iure creationis. Hinc enim sequitur, vt non teneatur Deus acceptare opera nostra ad præmium, iure reddendum, nisi ipse promissione sua liberali, se antea obligare voluerit. Hinc enim Iob dicit, c. 35. Si in se egers, quid donabis ei? aut quid de manu tua accipiet? Et Apostolus ad Ro. 11. Quis prior dedit illi, & retribuetur ei? Nam ex ipso, per ipsum, & in ipso sunt omnia. Et sanctus Augustinus serm. de verbis Apostoli: Debitor (inquit) nobis factus est Deus, non aliquid accipiendo, sed quod ei placuit promittendo. Aliter enim dicimus homini, debes mihi, quia dedi tibi: Et aliter dicimus, debes mihi, quia promissi sunt mihi. Deo igitur quid dicimus? Redde mihi, quia dedi tibi? Quid dedimus Deo, quando quod sumus, & quod habemus boni? Illo habemus? Nihil ergo ei dedimus, non est quemadmodum ista vice exigamus debitorem Deum. Illo ergo modo possumus exigere Dominum nostrum, redde quod promissisti, quia fecimus quod iussisti. Et hoc in secessi, qui laborantes iussisti.

S. Folgentius in prologo librorum ad Monimum: Nam (inquit) & se ipsum sua largitate dignatus est, facere debitorem.

Et S. Bernardus in lib. de grat. & libero arbit. extremo: Promissum quidem (inquit) ex misericordia, sed tamen ex iustitia persolendum. Et S. Thom. in 1. 2. q. 114. art. 1. concludit, Deum, cum nobis aliquid debet, non tam nobis debere quam dispositioni & promissioni suæ.

Denique potest institui hæc ratio, vel debet Deus vitam æternam bonis operibus reddere, ex iustitia commutativa, vel ex distributiva: si ex commutativa, igitur requiritur pactum, siue promissio. Neque enim opus, quantumvis eximium, & æquale mercedi, potest ex iustitia commutativa alterum obligare, nisi conuentio, & pactum ante præcesserit. Nam si quis forte non conductus, sed sponte sua vineæ alterius colat, non potest iure mercedem exigere, vt omnes nouerunt, etiam si alioqui opus eius mercede dignissimum iudicari posset. Itaque in pa-

rabola vineæ Matth. 20. Operarii quidam toto die ociosi in foro sedere malebant, quæ ad laborandum in vinea, nisi prius conducerentur, accedere, & Dominus vineæ conuentionem fecisse legitur, cum operariis ex denario diurno.

Si vero ex iustitia distributiva Deus reddit præmia laborantibus, tunc quoque necessaria est promissio, atque conuentio. Nam in iustitia distributiva non solet exigi pactum, vel promissio saltem expressa, quando Princeps distribuit bona communia, sed plane exigitur, quædo propria bona distribuit, vt cum ad certamen brauii sponte proponit. Neque enim debetur velocius currenti certum præmium, nisi promissio pactumque præcesserit. Deus igitur qui non distribuit bona communia, sed propria, sine dubio non tenetur præmia reddere laborantibus, nisi quia redditurum se ante promissit.

Quod si quis forte hic explicari cupiat, Vtrum Deus secundum iusticiam distributivam, an secundum commutativam bonis hominum meritis sit præmia redditurus; illud breuiter habeat, Substantiam diuini iudicii secundum distributivam iusticiam fore. Modum autem secundum commutativam. Substantiam enim illius iudicii futuram esse secundum iusticiam distributivam, docet S. Thomas in prima parte, quest. 21. art. 1. & lib. 1. contra Gent. cap. 93. Et ratio manifesta est, quoniam Deus, vt summus Iudex præmia pro meritis distribuit. Vnde etiam in sacris litteris dicitur Deus non esse acceptor personarum, quod vitium, iustitiæ distributivæ contrarium esse non dubium est.

Modum autem eiusdem iudicii futurum secundum iusticiam commutativam, docet idem S. Thomas, in secunda secundæ, quest. 61. articulo quarto, ad primum. Et ratio est etiam manifesta, quoniam Deus non solum constituit proportionalem æqualitatem inter merita & præmia, vt ille plus habeat præmij, qui plus habet meriti, quod proprium est iustitiæ distributivæ, sed etiam constituit absolutam æqualitatem inter opera & mercedes, vt vnusquisque non minorem habeat mercedem, quam iusto iudicio mereatur, quod est iustitiæ commutativæ. Et ideo Deus in diuinis litteris, nunc se Iudicem fore dicit, qui præmia, pœnasque distribuat, vt Matth. 25. in parabola de talentis, nunc patrem familias, qui laborantibus mercedem ex conuentione restituat, vt Matth. 20. in parabola de conductis ad vineam pro denario diurno.

Hoc enim interest inter iusticiam distributivam & commutativam, quod Commutativa perfectam æqualitatem constituit inter meritum & præmium: Distributiva proportionalem, siue sint absolute æqualia, siue non sint. Neque enim iniustus distributor, Princeps erit, si officium præstantissimum in hominem, cæteris omnibus digniorem conferat, etiam si ille absolute maiore, vel minore dignus esset. Cæterum Deus qui thesauros bonorum infinitos habet, non solum (vt diximus) meliores magis remunerat, sed etiam singulis non minus mercedis attribuit, quam ipsorum opera iusto iudicio mereantur, atque ita vtrique parti iustitiæ ita plane satisfacit, vt nihil omnino in eius iustitia desiderari queat.

Tertia ratio, sumitur ex parte hominum, qui merentur. Nam cum simus omnes conditione serui, & mancipia Dei, non posset esse iustitia inter nos & Deum, nisi ipse liberali conuentione operibus nostris alioqui debitis, etiam si nulla merces illis reddenda esset, præmium constituere voluisset. Atque hoc (vt supra diximus) significauit Dominus cum ait Lucæ 17. Cum feceritis hæc omnia, dicit, serui inutiles sumus. Et

S. Augustinus

S. AUGUSTINVS serm. 3. de verbis Domini: *O magna bonitas Dei, cui cum pro condicione reddere debeamus obsequia, ut serui domino, famuli Deo, subiecti potenti, mancipia redemptori, amicitiarum nobis premia repromittit.* Et **S. BERNARDVS** in serm. de quadruplici debito, demonstrat pluribus de causis in solidum, omnia nostra opera bona esse debita Deo, ita ut possit omnia exigere, etiamsi primum nullum dare velit. Inter alia numerat creationem: *Ecce, inquit, in iannus est, qui fecit celum & terram; & creator tuus est, tu creatura; tu seruus, ille dominus; ille singulus, tu figmentum. Totum ergo quod es, illi debes, à quo totum habes.*

Dicent fortasse, conuentionem esse necessariam, sed non aliam, quam quæ in ipsa creatione lege naturæ facta est, ut operibus bonis vita æterna reddatur. At si lege naturæ conuentio facta est, & ex natura rei bonis operibus, etiam sine gratia Dei factis, deberetur vita æterna, non potuit Deus istam conuentionem non facere, non enim lex naturæ mutabilis est. Proinde non est gratuita, sed debita conuentio. Atque hoc quidem Doctor ille concedit; sed reclamant Scriptura, & Augustini, ac Bernardi testimonia iam citata, & ipsa ratio à conditione deprompta.

Præterea, idem Augustinus serm. 13. de verbis Apostoli, apertissime tribuit gratiæ, non legi naturæ, promissionem vitæ æternæ: *Genus, inquit, humanum iusto suo iudicio condemnatum, noluit Deus in interitum sempiternum relinquere, sed misit & medicum, misit Saluatorem, misit eum qui gratis sanaret. Parum est, qui gratis sanaret, qui sanatus etiam mercedem daret. Nihil addi ad istam beneuolentiam potest. Quis est qui dicat, sanem te, & do tibi mercedem?* Hic apertè videmus, non legi naturæ, sed admirabili beneuolentiæ tribui promissionem mercedis. Idem quoque Augustinus in Psalmo 93. cum dixisset, æternam requiem æterno labore comparandam fuisse. Non addidit, noli timere, quia iustus est Deus: sed, *Noli timere, quia misericors est Deus.* Vbi ostendit, ex misericordia factum esse, ut bonis operibus, quamuis imparibus tanto præmio, vita promitteretur æterna.

QVARTA ratio sumitur ex ipso statu viatorum, qui requiritur ad merendum. Nulla enim causa reddi potest, cur opera bona, quæ fiunt in hac vita, mereantur præmium apud Deum, & non mereantur bona opera, quæ fiunt in alia vita, nisi quia requiritur ad meritum promissio Dei liberalis, atque gratuita; placuit autem Deo, ut promissionem suam non ultra tempus vitæ præsentis extenderet. Alioquin enim multa faciunt sancti Angeli, atque homines in cælo opera bona liberè, in obsequium Dei, quibus gloriæ incrementum mereri possent, nisi tempus ad merendum præscriptum præterisset. Et tamen si lege naturæ, siue ex natura rei, bonis operibus absolute præmium deberetur, nullum certum tempus ad meritum præscribi posset, nisi post illud tempus desinerent esse opera bona, quæ ante illud tempus erant opera bona.

Esse autem certo tempore definitum spatium ad merendum, Scripturæ passim testantur, 1. Cor. 7. *Tempus breue est.* 2. Cor. 6. *Ecce nunc tempus acceptabile, ecce nunc dies salutis.* Galat. 6. *Dum tempus habemus operemur bonum, &c.*

QVINTA ratio sumitur à virtute meritum Christi. Nam si distributio præmiorum lege naturæ deberetur obedientiæ legis, Christus nobis non meruisset vitam æternam immediate, sed solam gratiam benè operandi. Id quod aduersarius concedere videtur. At contra est ratio in diuinis litteris manifestè fundata. Nam hoc ipso quod incipimus esse filij Dei, incipimus ius habere ad hæreditatem felicitatis æter-

na. Nam si filij & heredes, inquit Apost. ad Rom. 8. & ad Gal. 4. *Quod si filius & heres per Deum.* Incipimus autem esse filij Dei, antequam incipiamus benè operari: nam (ut supra ex Augustino probauimus) non viuunt homines rectè, nisi prius filij Dei efficiantur; igitur ius habemus ad æternam hæreditatem per gratiam regenerationis, antequam incipiamus benè operari, imò etiam baptizati infantes, per solam eam gratiam, ante omnia opera bona saluantur; meruit igitur Christus nobis ipsam hæreditatem, dum gratiam regenerationis & adoptionis promeruit.

Quod autem voluerit, ut eandem etiam nos bonis operibus mereremur, argumentum est amplioris gratiæ & benignitatis ipsius, qui (ut supra demonstrauimus) non solum vitam æternam nos habere voluit iure hæreditatis, sed etiam iure promeritorum, quæ ut haberemus, ipse etiam dedit. Rectè igitur Concilium Tridentinum, sessione 6. cap. 16. concludit, vitam æternam proponendam esse fidelibus, & tanquam gratiam filijs Dei per Christum promissam, & tanquam mercedem bonis operibus à Deo iustè, fideliterque reddendam.

Argumenta soluenda contra hanc doctrinam nulla sunt. Si qua enim erant, soluta sunt cap. superiore.

CAPVT XV.

Bonum opus non esse meritorium vitæ æternæ, nisi ex charitate procedat.

RESTAT POSTREMA conditio, quæ erat, ut opus bonum ex charitatis virtute procedat. Fuit enim singularis opinio Gulielmi Altisiodorensis libro tertio, tractatu duodecimo, capite primo, questione secunda, & cap. 2. quæst. 1. Meritum prius, & principalius à fide, quam à charitate pendere. Quæ sententia non parum fauere videtur erroribus huius temporis hæreticorum, quamuis ille longè alio sensu fidem ita prædicet, ac hæretici facere soleant. Sed profectò tam sunt aperta Scripturarum testimonia, ut mirum sit egregium illum virum in ea re labi potuisse.

PRIMUM enim disertis verbis charitati beatitudo promittitur, Ioan. 14. *Si quis diligit me, diligetur à Patre meo, & ego diligam eum, & manifestabo ei meipsum.* Esse autem in hac manifestatione sitam beatitudinem, idem Dominus testatur, cum ait Matth. 5. *Beati mundo corde, quoniam ipsi Deum videbunt.* Et Ioan. 17. *Hæc est autem vitæ æternæ, ut cognoscant te solum Deum verum, & quem misisti Iesum Christum.* Et Apostolus Ioan. in 1. epist. cap. 3. *Nunc filij Dei sumus, & nondum apparuit quid erimus. Scimus enim quia cum apparuerit, similes ei erimus, quia videbimus eum sicuti est.* Præterea rursus de præmio charitatis Apostolus Paulus 1. Cor. 2. *Oculus, inquit, non vidit, auris non audiuit, in cor hominis non ascenderunt, quæ præparauit Deus diligentibus se.* Et 1. Cor. 13. *Si habuerò omnem fidem, ita ut montes transferam, & charitatem autem non habeam, nihil sum.* At quo pacto, quæso, fides prius & principalius felicitatem meretur, quam charitas, si homo fidem habens sine charitate nihil est? Idem Apostolus 2. ad Timoth. 4. *Reposita est mihi coronam iustitiæ, quam reddes mihi in illa die iustus iudex, non solum autem mihi, sed & ijs qui diligunt aduentum eius.* Item beatus Iacobus cap. 1. *Beatus vir qui suffert tentationem, quoniam cum probatus fuerit, accipiet coronam vitæ, quam repromissit Deus diligentibus se.*

DEINDE argumenta omnia, quibus supra probatum est, formalem causam iustificationis non esse

fidem sine charitate, sed fidem charitate formatam, itaut principaliter iustitia vera & Christiana in charitate consistat, probant etiam meritum principaliter ex charitate pendere, quandoquidem premium vitæ æternæ nihil est aliud, nisi merces, & corona iustitiæ.

TERTIO, idem probatur manifesta ratione. Nam meritum vitæ æternæ ita ex diuina ordinatione dependet, ut illa sola opera propriè meritoria vitæ æternæ possint esse, quæ Deus ad vitam æternam acceptare dignatur. Est enim vita æterna veluti brauium quoddam, ut Scripturæ loquuntur, & in libera potestate Principis proponentis brauium, est, ut definiat quibus operibus, quo cursu, quo certamine brauium obtineri velit.

Porro charitatis opera ad vitam æternam à Deo requiri, perspicuum est, tum ex Scripturis paulò ante citatis, tum etiam ex ratione suavis providentiæ Dei, illa enim media Deus ordinare solet ad finem, quæ maiorem cum illo proportionem & conformitatem habent. Nihil autem esse quod maiorem proportionem & conformitatem cum æterna felicitate habeat, quàm dilectionem, & opera ex dilectione manantia, facile probari potest. Nam æterna felicitas est consecutio ultimi finis, atque adeptio summi boni; sola verò charitas est, quæ finem ultimum, summumque bonum, tanquam objectum proprium respicit, atque ad illud mouet & ordinat actus virtutum omnium reliquarum. Inde est enim, quod ipsa sola vera dicitur, & est forma, & regina virtutum; & ipsi soli actus virtutum omnium quasi proprii eius essent, ab Apostolo tribuuntur: *Charitas patiens est, benigna est, omnia credit, omnia sperat, &c.* 1. ad Cor. 13.

Atque hæc est ratio, cur S. Augustinus libro primo de moribus Ecclesiæ, cap. 15. dixerit virtutem esse amorem summi boni, & omnes virtutes per amorem definiendas esse censuerit. Non quod ignoraret propriam rationem temperantiæ, prudentiæ, & aliarum virtutum, non in amore, sed in alio actu sitam esse, sed ut ostenderet virtutes omnes à charitate moueri, atque formari. Et easdem virtutes, non nisi charitate formatas, nos ad Deum promerendum posse perducere. Id enim in cap. 14. extremo posuerat, nos ad summum bonum non posse, nisi dilectione, amore, charitate conscendere.

Ex quo intelligi poterit, quid illud fuerit quod Altiſſiodorenses fecerit. Nam ex hoc loco S. Augustini perperam intellecto, collegit fidem ex propria ratione, & ut est virtus à charitate distincta, includere non solum cognitionem, sed etiam amorem primæ veritatis, ut proprium sit fidei, ut fides est, credere primæ veritati propter amorem ipsius primæ veritatis; & hoc distinguatur à charitate, quod fides sit cognitio & amor primæ charitatis, charitas verò amor primæ bonitatis. Sed non erit opus in his refellendis diutius laborare, cum nemo sit vel mediocriter in morali disciplina versatus, qui nesciat fidem non esse amorem, & amorem non veritatem, sed bonitatem respicere.

His igitur ita constitutis, quæri solet à Theologis: *Utrum ad meritum vitæ æternæ satis sit ut opus bonum procedat ab homine iusto, & habitu charitatis prædito; an etiam requiratur, ut actus, vel virtute ab ipsa charitate procedat.* Et quamvis non desint grauissimi auctores, qui sentiant omne opus bonum hominis iusti, & habitu charitatis præditi, vitæ æternæ meritorium esse; nobis tamen probabilius videtur ad meritum exigi, ut opus bonum, vel tunc, cum sit, actu imperetur à charitate, atque in Deum ut finem supernaturalem & vlti-

um referatur, vel certè nascatur ab actu imperato à charitate, atque in Deum antè relato, quod est virtute, non actu in Deum referri.

Quo loco non est omittendum, quod prudenter monet S. Bonaventura in 2. Sent. dist. 41. art. 1. q. 3. non sufficere, ut opus virtute referri dicatur in Deum, si quis ad initium anni, vel mensis, vel etiam diei, generali quadam intentione referat omnia sua futura opera in Deum, sed necesse esse ut illud ipsum opus particulare referatur in Deum, quod postea faciendum est. Tunc enim dicuntur opera virtute in Deum relata, cum intentio præcedens est vera causa operum quæ postea fiunt, ut si quis apud se certò constituat aliquam nummorum summam propter Deum pauperibus erogare, & postea summam illam oblata occasione erogat, is dicitur virtute referre opus suum in Deum, etiam si dum pecunias illas distribuit, nihil de Deo cogitet.

Hæc sententia, quæ communior in scholis esse videtur, his argumentis confirmari potest. **PRIMO**, Scriptura testatur Ioan. 15. ita se habere homines iustos ad Christum, ut palmites ad vitem; constat autem palmites non ferre fructum, nisi succum à vite traxerint: igitur neque homines iusti (ut Concilium Trid. sess. 6. cap. 16. explicat) opera meritoria facere possunt, nisi per illam gratiam, quam Christus in ipsos, ut vitis in palmites influit. Quod etiam confirmatur ex epist. Cælestini ad Gallos, cap. 8. ubi legimus, non placere Deo, nisi opera illa, quorum ipse auctor est. Idem ex Augustino, qui in epist. 105. & alibi passim scribit, merita nostra munera esse Dei. Non igitur meritoria sunt opera bona tantum moraliter, quæ sine relatione in Deum per actum charitatis, à iustis fieri possunt.

SECUNDO, Dominus, Matth. 5. cum ait: *Si diligitis eos qui vos diligunt, quam mercedem habebitis?* sine dubio demonstrat, posse hominem iustum facere aliqua bona moralia, quale est, diligere amicum, quoniam ab illo diligetur, & tamen non habere mercedem in vita æterna. Idem etiam Matthæi decimo, non ait: *Qui recipit iustum, mercedem iusti accipiet*: sed qui recipit iustum in nomine iusti (id est) ea intentione, quia seruus Dei est. Et Matth. 19. cum diceret: *Omnis qui reliquerit patrem, vel matrem, &c. centuplum accipiet, & vitam æternam possidebit*: Addere curauit, *propter nomen meum*: Ut alibi etiam sæpè addit, *propter me*. Et cur Apostolus tam sollicitè monet, 1. ad Corinth. 10. & ad Coloss. 3. ut quicquid facimus in nomine Domini, & in gloriam Dei faciamus, si omnia iustorum opera ex se diriguntur in Deum, & meritoria sunt?

TERTIO, Illa solum opera meritoria sunt vitæ æternæ, quæ ex natura sua charitatem augent. Nam iuxta communem Theologorum sententiam, omne meritum vitæ æternæ, simul etiam incrementi charitatis meritum est: at charitas non augetur, nisi per actus qui ex ipsa procedunt, id enim omnibus habitibus commune est; igitur illa solum opera meritoria sunt vitæ æternæ, quæ vel sunt actus charitatis elicit, vel saltem imperati.

QUARTO, Conuenit inter omnes, ut opus referri debeat in Deum, ut finem supernaturalem, si futurum sit meritorium vitæ æternæ: at opera virtutum certarum non referuntur in Deum, ut finem supernaturalem, nisi à charitate imperentur, & dirigantur: nam si morales sint, non referuntur ex natura sua in Deum, nisi ut finem naturalem; si Theologice sint, respiciunt quidem Deum, ut objectum supernaturale, sed non referuntur in eum, ut finem supernaturalem, vel ut summum bonum; igitur non

sunt meritorij actus virtutum reliquarum, nisi à charitate imperentur, & moueantur.

Respondebunt fortasse, omnia bona opera iustorum referri in Deum, vt finem supernaturalem, etiam si à charitate non imperentur; tum quia ipse operans ratione habitualis charitatis, est ordinatus in Deum; tum quia quicumque recipit habitum charitatis infusè, hoc ipso refert, atque ordinat omnia sua ad gloriam Dei.

At responsio non rectè soluit argumentum. Nam subjectum ordinatum per habitum aliquem in finem, non necessariò communicat operi ordinationem in eundem finem, nisi ex illo habitu operetur, alioqui omnia opera hominis habitualiter à Deo auerli, & ad creaturam, vt ad finem vltimum conuerli essent, ordinata ad peruersum vltimum finem, atque adeò peccata essent mortalia, quod esse falsum & hæreticum suprà docuimus.

Item nulla esse possent in homine iusto verba, vel facta ociosa: nam illa dicuntur, & sunt ociosa, quæ carent debito fine; nulla verò iusti verba, vel facta debito fine carerent, si ratione subjecti directæ atque ordinata intelligerentur in Deum, vt finem. Neque verò sufficit generalis illa & confusa relatio operum in Deum, quam facere debent, vel solent, qui recipiunt habitum charitatis infusæ, alioqui (vt diximus) non ita sedulò Apost. hortaretur, vt omnia in Dei gloriam faceremus; neque diceret, 1. Cor. vlt. Omnia opera vestra in charitate fiant, si non posset accidere, vt opera iustorum in charitate, vel ex charitate non fierent. Maneat igitur opera meritoria id ex necessitate requirere, vt actu, vel virtute à charitate dirigantur, atque ordinentur in Deum.

CAPVT XVI.

Opera iustorum ex charitate facta, meritoria esse vitam æternam ex condigno.

DISSERVIMVS hætenus de merito, an sit, & quid sit; sequitur nunc, vt quale sit videamus. Sunt autem tres de hac re quæstiones: Vna, siue meritum iustorum dicendum ex condigno, an ex congruo: Altera, siue condignum ratione promissionis tantum, an etiam ratione operis: Tertia, num Deus remuneret opera iustorum supra condignum, & impiorum citra condignum.

Quod attinet ad PRIMAM quæstionem, Catholici omnes agnoscunt opera bona iustorum esse meritoria vitæ æternæ, sed tamen aliqui censent non esse vtendum his vocibus, de condigno, & de congruo, sed absolutè dicendum, opera bona iustorum esse meritoria vitæ æternæ, ex gratia Dei. Ita docet Tho. Vvaldensis, to. 3. de Sacramentalibus, cap. 7. cui subscribere visus est Paulus Burgenfis in additione ad comment. Nic. Lyrani in Psal. 135.

Alij volunt opera bona iustorum esse meritoria de condigno, largo modo, itaut hoc condignum respectu condigni propriè sumpti, possit dici congruum, respectu congrui propriè sumpti, possit dici condignum. Ita docent Durandus in 2. sent. dist. 27. qu. 2. & Gregorius in 1. sent. dist. 17. q. 1. art. 2.

Communis autem sententia Theologorum admittit simpliciter meritum de condigno. Quæ sententia verissima est. Et quidem quod ad voces attinet, rectè dicuntur merita nostra esse ex gratia Dei, sicut etiam verè dicuntur esse munera Dei, tamen non minus rectè dicuntur esse ex iustitia & ex condigno. Nam Scriptura diuina satis apertè agnoscit has vo-

Aces, dum dicit, Coloss. 1. *Vt ambuletis dignè Deo*. Et 2. Thess. 1. *Vt digni habeamini in regno Dei*. Et Apocal. 3. *Ambulabunt mecum in albis, quoniam digni sunt*.

Quod verò quidam distinguunt inter dignum & condignum, & meritum ex digno admittunt, non ex condigno, nimis leue est. Nam interpres Latinus eandem vocem Græcam nunc vertit dignum, vt in locis citatis, non condignum, vt ad Rom. 8. *Non sunt condignæ passionēs, &c.*

BQuod verò attinet ad rem ipsam, Durandi sententia, si nihil aliud vellet nisi merita nostra non esse ex condigno, siue ex iustitia absolutè, sed tantum ex hypothesi, id est, posita liberali Dei promissione, non esset reprobanda. Cæterum, videtur omninò velle, merita nostra ex gratia Dei procedentia, & posita promissione, adhuc non esse talia, vt eis ex iustitia debeat merces, sed ex sola Dei liberalitate. In quo sensu refellitur à Theologis communi ferè omnium consensu, & merito, pugnant enim contra eam sententiam omnia argumenta quæ fecimus aduersus hæreticos. Omnia enim probant iusto Dei iudicio deberi meritis operum bonorum mercedem vitæ æternæ.

Neque necesse erit hoc loco illa repetere. Satis erit paucis refutare quatuor eius dicta, quibus potissimum eius sententia niti videtur. Dicit enim PRIMO, temerarium & blasphemum dicere, Deum fore iniustum, si meritis hominum iustorum non reddat mercedem promissam.

CDicit SECUNDO, Non extare in sacris litteris promissionem, quæ Deum obliget ad reddendam mercedem, sed tantum quæ doceat Deum ordinasse, ac disposuisse vitam æternam dare ijs qui mandata seruauerint.

Dicit TERTIO, in illis B. Pauli verbis, 2. ad Timoth. 4. *Quam reddet mihi in illa die iustus iudex*, rectè positum esse, *iustus iudex*, & rectè non esse positum, *iusto iudicio*, quia Deus qui reddit præmia iustis, & pœnas iniustis, iustus & misericors est; & vt iustus, iusto iudicio pœnas reddit iniustis; vt misericors, liberaliter præmia tribuit iustis.

DDicit QUARTO, Non posse vllum ex iustitia mercedem ab alio petere, nisi reddat ei omnia quæ illius sunt, & aliquid amplius; nos autem, non posse Deo vnquam reddere omnia quæ illius sunt, nedum aliquid amplius, cum omnia sint ipsius.

Ad PRIMVM RESPONDEO, non esse temerarium, nec blasphemum, sed pium & sanctum, dicere Deum fore iniustum, si non seruaret promissa. Sic enim loquuntur Scripturæ & Patres. Quid enim sibi vult illud Psal. 114. *Fidelis Deus in omnibus verbis suis*? Et ibidem: *Iustus Dominus in omnibus vijs suis*. Et illud 2. Esdræ 9. *Tu ipse Domine Deus, qui elegisti Abraham, & inuenisti cor eius fidele coram te, & percussisti eum eo fœdus, vt daret ei terram Amorrhæi, & Iebusæi, & implesti verba tua, quoniam iustus es*. Et illud ad Hebr. 6. *Non est iniustus Deus, qui obliuiscatur operum vestri & labori*. Certe qui dicit, Deus implet verba sua, quoniam iustus est, & non obliuiscitur Deus laboris & operis suorum, quia iniustus non est; manifestè significat, eum iniustum fore, si secus faceret.

ES. AVGVSTINVS lib. de natura & gratia, cap. 2. *Non est, inquit, iniustus Deus, qui iustos fraudes mercede iustitiæ*. Et lib. 4. in Iulian. cap. 3. *Per quod, inquit, vera iustitia, per hoc & regnum Dei: Deus namque ipse, quod absit, erit iniustus, si ad eius regnum verus non admittitur iustus*. Vides quàm non timeat S. Augustinus temeritatem, vel blasphemiam, si dicat, Deum iniustum fore, si iustos excludat à regno.

Adde, quod si Deus non seruando promissa, non

esset iniustus, posset certe non seruare promissâ, ac per hoc posset non esse fidelis, posset mentiri, posset negare seipsum, quæ verè temeraria sunt, atque blasphemata: *Nam si nos nos negauerimus, ille fidelis permanet, negare seipsum non potest*, 2. ad Timoth. 2. Item: *Quam promissit, qui non mentitur Deus*, Timoth. 1. Item: *Impossibile est mentiri Deum*, Hebr. 6. Item: *Fidelis est, qui re-promissit*, Hebr. 10.

Ad SECUNDVM RESPONDEO, Omnem veram promissionem ferre secum obligationem, & ideo ex iustitia implendam esse, atque seruandam. Nam ideo fidelis dicitur, qui stat promissis; infidelis, qui promissâ non præstat. Extare autem in Scripturis non solum ordinationem, & dispositionem, siue propositum, sed etiam promissionem, quæ ad fidelitatem verè pertineat, perspicuum est ex loco citato, ad Tit. 1. *Secundum spem vitæ æternæ, quam re-promissit qui non mentitur, Deus*. Et Iac. 1. *Accipiet coronam vitæ, quam re-promissit Deus diligentibus se*.

DEINDE, similitudo brauij, cui comparat Apostolus vitam æternam, 1. Corinth. 9. similitudo denarij diurni, ex conuentione promissâ laborantibus in vinea, Matth. 20. similitudo depositi, quæ habetur 2. Timoth. 1. & alia id genus multa, nonne apertissimè significant promissionem ex debito & obligatione reddendam?

Quid quod Patres passim dicunt, Deum fieri hominibus propter bona opera debitorem. Sanctus CYPRIANVS in sermone de elemosyna, extremo, de eo qui benè operatur: *Deum, inquit, computat debitorem*.

S. BASILIUS oratione ad diuites: *Opera, inquit, ostende, & exige retributionem*.

S. AMBROSIVS serm. 7. in Psal. 118. in illud, *Memor esto verbi tui*. *Vult, inquit, Deus conueniri, ut si qui proposita secutus virtutibus præmia benè certaueris, fructum remunerationis expectes, quin etiam exigas*.

S. IOANNES CHRYSOSTOMVS homil. 3. in Matth. *Vt se, inquit, Deus tibi debitorem fateatur, non solum pro operibus, sed etiam pro hac gratia, humilique sententia*.

S. AVGVSTINVS in Psal. 83. in illud, *Misericordiam & veritatem diligit Dominus*. *Ecce, inquit, videmus, quia tenet eum Paulus debitorem*. Item: *Debitorem, inquit, Dominus ipse se fecit, non accipiendo, sed promittendo. Non ei dicitur, redde quod accepisti, sed redde quod promissisti*. Similia suprà citauimus ex Paulino ad Victricium, & Fulgentio ad Monimum.

Ad TERTIVM RESPONDEO, Non rectè à Durando exponi sententiam Apostoli, quod enim illa verba, *quam reddes mihi iustus iudex*, sint accipienda formaliter, ut sensus sit, reddet mihi Dominus, quatenus est iustus iudex, ac per hoc, ex iustitia, non ex sola liberalitate, planum est. PRIMO, ex singulis penè verbis illius sententiæ, ut ex illis, *Bonum certamen certauit*. Item ex illo, *reddes*, & ex illo, *corona iustitiæ*.

SECUNDO, quia superuacaneum esset illud, *iustus iudex*, eo loco, ubi non agitur de pœnis impiorum, sed de præmijs tantum iustorum, si Deus pœnas solum ut iustus iudex infligeret, præmia vero ut liberalis donator effunderet.

TERTIO ex Augustino, qui loco citato in Psal. 83. hunc locum Apostoli tractans, dicit, Deum indulgentiæ esse largitorem, coronæ autem debitorem, & ideo indulgentiam tribuere ut patrem, coronam iustitiæ ut iudicem iustum. Item in lib. de gratia & libero arbitrio, eundem locum exponens, cap. 6. *Qui redderet, inquit, coronam iustus iudex, si non donasset gratiam misericors Pater?* Et in libro de correptione & gratia, cap. 13. non solum vitam æternam,

sed etiam misericordiam in remissione venialium, dicit iusto iudicio bonis meritis reddi.

DEINQUE, in alijs locis idem Apostolus non solum dixit, iustum iudicem esse Deum in remuneratione operum bonorum, sed etiam iustum esse apud Deum, ut bona opera remuneret, 2. Thessal. 1. Et ibidem disertis verbis dicit, iusto iudicio Dei Thessalonicenses dignos haberi regno Dei, pro quo patiebantur.

Ad QUARTVM RESPONDEO, Absolutè non posse hominem à Deo aliquid exigere, cum omnia sint ipsius, tamen posita eius voluntate & pacto, quo non vult exigere à nobis opera nostra gratis, sed mercedem reddere iuxta proportionem operum, verè possumus ab eo mercedem exigere; quomodo seruus non potest absolutè à domino suo vllum præmium postulare, cum omnia quæ seruus acquirit, domino suo acquirat; tamen si domino placeat donare illi opera sua, & pro iisdem tanquam sibi non debitis, mercedem promittere, iure mercedem pro suis operibus postulare.

DEINDE, obiectio ista Durandi locum haberet, si Deus ex iustitia commutatiua mercedem redderet operibus bonis: sed cum Deus ex iustitia distributiua præmia benè operantibus dare decreuerit, non est opus ut ei propriè aliquid demus. Nam neque ij qui currunt ad brauium, dant aliquid Regi, & tamen tenetur Rex brauium tribuere ei, qui cæteros in cursu superauerit. Maneat igitur opera bona iustorum ex iustitia, atque adeo ex condigno, mereri vitam æternam.

CAPVT XVII.

Opera bona iustorum meritoria esse ex condigno, non solum ratione pacti, sed etiam ratione operum.

ALTERA quæstio sequitur, Vtrum opera bona sint meritoria ex condigno ratione pacti tantum, an ratione operis tantum, an ratione vtriusque. Neque enim dubitari debet, quin meritum ex condigno his tribus modis variari possit. Nam si fortè opus aliquod sit multò inferius mercede ex conuentione promissâ, ut si dominus vineæ conduceret operarios, & non denarium diurnum, sed centum nummos aureos pro mercede promitteret; esset eiusmodi meritum ex condigno, ratione pacti, non ratione operis.

CONTRA verò, si opus sit reuera æquale mercedi, vel fortè etiam maius, sed conuentio nulla interuenit, si dici debeat eiusmodi meritum ex condigno, dici debet ex condigno ratione operis, non ratione pacti. Et in malis quidem facillè reperiemus meritum pœnæ ex condigno ratione operis, non ratione pacti, quoniam sine vlla conuentione qui alterum lædit, satisfacere tenetur, atque ad pœnam à iudice compelli potest; vtrum autem in bonis sit aliquod meritum verè de condigno ratione operis, non ratione pacti, paulò post videbimus.

DEINQUE, si & pactum intercedat, & opus sit verè par mercedi, ut cum operarij ad vineam iuxta Euangelium, conducuntur pro denario diurno, id meritum erit ex condigno ratione operis, & ratione pacti.

Non desunt, qui sentiant opera bona iustorum esse meritoria vitæ æternæ ex condigno ratione operis, etiamsi nulla extaret diuina conuentio. Ita

enim docet Ca-

videtur sensisse Do-
& gratia, cap. 7.

Alij contra existimant opera bona ex gratia procedentia, non esse meritoria ex condigno ratione operis, sed tantum ratione pacti, & acceptatione diuina. Ita docet Scotus in 1. sent. dist. 17. q. 2. quem alij quoque sequuntur ex veteribus scholasticis, & recentioribus Andreas Vega, in opusculo de iustificatione, quat. 5.

Distat autem hæc opinio longissimè ab hæresi Lutheranorum. Non enim Scotus censet, opera bona non esse verè bona, sed peccata, si ad legem diuinam examinantur, ut Lutherani censent; sed existimat opera iustorum esse bona verè & propriè, sed non tam excellentia, ut proportionem habeant cum vita æterna, & idèò acceptari quidem à Deo ad iustitiam & dignam mercedem vitæ æternæ, sed ex pacto, & promissione, non ex operis dignitate.

Nobis media sententia probabilior, esse videtur, quæ docet opera bona iustorum meritoria esse vitæ æternæ ex condigno ratione pacti & operis simul, non quidem quod sine pacto, vel acceptatione non habeat opus bonum proportionem ad vitam æternam, sed quia non tenetur Deus acceptare ad illam mercedem opus bonum, quamvis par, & æquale mercedi, nisi conuentio interueniat. Quam sententiam conformem esse non dubitamus Concilio Trident. & principibus Theologorum S. Thomæ in 2. 2. q. 114. art. 1. ad 3. & art. 3. sancti Bonaventuræ, & alij in 2. sent. dist. 27.

Primum igitur, opera iustorum, remoto pacto, vel promissione, non esse meritoria vitæ æternæ ex condigno, siue ex iustitia, itaut non possit Deus sine iniustitia talem negare mercedem, satis probatum est supra c. 14. in 2. ratione. Scriptura siquidem & Patres vbiq; dicunt, Deum fidelem esse, & iustum in reddendo præmio, semper aut ferè semper mentionem faciunt promissionis.

At (inquiunt) filio debetur hæreditas, si benè se gesserit, etiamsi nulla conuentio inter patrem & filium intercedat. Nos autem per gratiam filij Dei sumus; igitur si benè operemur, debebitur nobis hæreditas vitæ æternæ, etiamsi nulla conuentio, vel promissio intercedat.

RESPONDEO, aliud esse loqui de merito personæ, aliud de merito operis. Et rursus aliud de vita æterna, ut est hæreditas, aliud ut est merces, stipendium, brauium. Nam ex eo quod aliquis est filius Dei per gratiam, meretur ex condigno hæreditatem vitæ æternæ, sine alio pacto, sed merito personæ, non merito operis. Nam etiam infantibus, qui decedunt mox à Baptismo, quia filij Dei sunt, debetur iure hæreditas, & ipsi eam mereri dici possunt, non merito operis, sed personæ. Quemadmodum etiam cum distribuenda sunt officia, vel beneficia publica melioribus ciuib; illi dicuntur ea mereri ex condigno, qui sunt optimi inter ciues.

Porro bona opera non requiruntur ad vitam æternam acquirendam, ut hæreditatem, sed requiruntur, ne filius excidat ab adoptione, & iure mereatur exheredari. Proinde filius Dei adoptiuus per bona opera, sine alio pacto non meretur vitam æternam acquirere, ut hæreditatem, sed meretur eam non amittere. Quod patet, tum ex eo quod hæreditas ante omnia bona opera, iure adoptionis illi debetur, tum quia infantes baptizati, ex hac vita migrantes, vitam æternam accipiunt in hæreditatem, cum tamen nulla habeant operum merita, ut experientia testatur, & sancti Patres docent, Augustinus in epistola 157. ad

Optatum, & Bernardus sermone 68. in Cantica.

At verò ut filius Dei adoptiuus vitam æternam obtineat, ut mercedem, siue stipendium, & brauium, dicimus requiri promissionem, siue pactum, neque sufficere gratiam adoptionis. Nam etiamsi tenetur pater admittere probum filium ad hæreditatem, tamen non tenetur admittere opera eius, quamvis atque valde egregia ad obtinendum brauium, nisi pactum vel promissio interueniat. Id quod magis aperte perspiceretur, si cælestis hæreditas & cælestis brauium omninò distinguerentur. Tunc enim omnes intelligerent hæreditatem deberi personæ à Deo in filium adoptatæ, etiamsi nulla alia extaret promissio, iuxta illud, *Si filij, & hæredes*, Rom. 8. at brauium deberi operibus ex pacto & promissione, iuxta illud: *Accipiet coronam vitam, quam repromisit Deus diligentibus se*, Iacobi 1. Et: *Nonne ex denario conuenisti mecum?* Matth. 20.

Sed quanquam ipsa gloria sempiterna, hæreditas est & brauium, tamen ut hæreditas personæ debetur iure adoptionis sine alio pacto, ut objectio probat, ut brauium debetur operibus ex pacto, ut nos hic docemus; & præterea cum varij sint gradus cælestis gloriæ, vnus tantum debetur personæ iure adoptionis sine alio pacto, reliqui debentur operibus ex promissione vel pacto.

Iam verò opera bona iustorum meritoria esse vitæ æternæ ex condigno non solum ratione pacti & acceptationis, sed etiam ratione operis, itaut in opere bono ex gratia procedente, sit quædam proportio & æqualitas ad præmium vitæ æternæ, probatur his argumentis.

PRIMO vita æterna est gratia pro gratia, ut dicitur Ioan. 1. id est, gratia mercedis pro gratia meritum, siue charitas patris pro charitate filij, ut exponitur à S. Augustino in epist. 105. & in lib. de gratia & libero arbitrio, cap. 9. At inter gratiam & gratiam sine dubio magna similitudo & proportio est.

SECUNDO, vita æterna est flumen laticians ciuitatem Dei, Psalm. 45. gratia verò benè operandi est fons aquæ salientis in vitam æternam, ut dicitur Ioan. 4. At fons proportionem habet ad flumen, imò totum flumen virtute continet. Et præterea, proportio est inter descensum & ascensum aquæ; tam enim altè ascendit, quam altè descendit: fons autem aquæ viuæ, id est, gratia Spiritus sancti diffusa in cordibus nostris, de cælo descendit, & idèò debita proportione salit in vitam æternam.

TERTIO, vita æterna est denarius diurnus laborantium in vinea, Matth. 20. At denarius diurnus iustum est precium laboris diurni; idèò enim vocatur denarius diurnus, quia solet ordinariè ex communi æstimatione respondere labori diurno.

QUARTO, gratia est semen gloriæ, iuxta illud 1. Ioan. 3. *Semen Dei manet in eo*. At semen non est quidem æquale rei cuius est semen, quo ad molem, sed est tamen æquale, quo ad virtutem.

Neque Durandi responsio, quod gratia sit semen gloriæ, metaphoricè, non propriè, solida est. Nam hæc ipsa metaphora satis aptè atque accommodatè potest indicare quod volumus. Ut enim semen propriè dictum, arboris videlicet, aut animantis, physica virtute totam arborem, vel animantem continet; sic etiam charitas Dei in corde diffusa, mortali meritoriaque virtute gloriam ipsam continet.

QUINTO, vita æterna est actio quædam supernaturalis ex parte objecti, & principij tum efficientis, tum etiam formalis: At meritum quod in dilectione consistit, est etiam actio supernaturalis ex parte objecti, & principij tum efficientis, tum formalis; igitur

proportionem habent inter se, & vnum ad alterum, A
quali recta via ad suum terminum ducit.

S E X T O Deus est, qui electos per merita ad vitam æternam, vt brauium & coronam iustitiæ perducendos esse decreuit; igitur sine dubio eiusmodi merita illi donat, quibus verè & propriè, atq; adeò ex condigno perueniant ad coronam. Neq; enim potestas, vel sapientia, qua id faceret, Deo deesse potuit.

S E P T I M O, merita nostra pendunt à meritis Christi, tum quia nobis ille meruit virtutem merendi, tum quia nos meremur vt membra viuæ Christi, & per influxum, quem ab illo, vt à capite nostro recipimus. Igitur detrahatur de gloria Christi, si merita nostra sint ita imperfecta, vt non sint merita ex condigno, nisi ratione acceptationis Dei.

CAPVT XVIII.

Soluntur objectiones contra doctrinam capitis superioris.

N E Q V E argumenta, quæ contrà obijci solent, aliquid concludunt. **P R I M O** obijci potest illud Apostoli, Rom. 8. *Non sunt condigna passiones, &c.* & illa testimonia Patrum, quæ nos suprà citauimus, cap. 14. in prima ratione.

Sed intelliguntur illa omnia loca de meritis secundum substantiam operum, non vt à Spiritu sancto, & gratia Dei proficiuntur, vt tum eo loco, tum in cap. 6. diximus. Quod si velimus locum Apostoli vniuersaliter intelligere de bonis operibus omnibus, etiam vt à Spiritu sancto, & gratia Dei proficiuntur, vt S. Fulgentius intellexit in lib. 1. ad Monimum, promptum erit respondere, non requiri ad meritum ex condigno absolutam æqualitatem inter meritum & premium, sed satis esse proportionalem, vt paulò post fusius explicabimus.

S E C U N D O, obijci potest S. Augustinus, qui lib. 1. Conf. cap. 4. dicit: *Qui reddit debita nulli debens.* Et serm. 16. de verbis Apostoli: *Non dicimus Deo, redde, quia accepisti: sed redde, quia promissisti.* Item S. Bernardus, qui in serm. 1. de Annunciat. dicit: *Neque enim talia sunt hominum merita, vt propter ea vita æterna debeat ex iure, aut Deus iniuriam aliquam faceret, nisi eam donaret.* Denique S. Thomas, qui 2. 2. q. 114. art. 1. ad 3. dicit, Deum non debere nobis, sed dispositioni suæ.

Sed facilis est responsio. Nam dicitur Deus reddere debita nulli debens, quia nihil vlli debet absolute, sed solum ex promissione & dono suo. Pari ratione dicimus Deo, redde quia promissisti, non dicimus, redde quia accepisti, quoniam fundamentum primum debiti diuini non in opere nostro, sed in eius promissione consistit. Nam remota promissione, non tenetur acceptare opus nostrum ad mercedem. Quod autem non ex sola promissione, sed etiam ex opere nostro Deus efficiatur debitor, docet ibidem Augustinus, cum subiungit: *Redde quod promissisti, quia fecimus quod iussisti.*

S. quoq; Bernardus dicit, vitam æternam non deberi ex iure, quoniam (vt ipse ibidem explicat) merita nostra nascuntur ex gratia. Proinde significat, non deberi ex rigore iustitiæ (vt Theologi loquuntur) qui gratiam nullam præsupponit, & Deum absolute non facturum iniuriam iustis, si eos priuer mercede iustitiæ; non tamen regat, quin ex hypothese Deus iniuriam facturum esset, si vitam æternam bonis operibus ex conuentione non redderet.

Denique S. Thomas non dicit, Deum non fieri nobis debitorem, sed non fieri nobis simpliciter debi-

torum, quoniam (vt diximus) & potissima ratio debiti diuini, ex ipsius Dei promissione & dispositione confurgit.

T E R T I O obijciunt, inter Deum & hominem non posse esse iusticiam, nisi secundum quid, vt S. Tho. docet 1. 2. q. 114. art. 1. iusticiam autem secundum quid, non esse iusticiam simpliciter & absolute; quare non esse absolute dicendum operibus nostris, ex condigno deberi vitam sempiternam.

R E S P O N D E O, Duobus modis dicitur aliquid secundum quid: Vno modo, cum caret ea forma, à qua denominatur secundum quid, quo modo Cygnus dicitur niger secundum quid, id est, secundum pedes, & Æthiops albus secundum quid, id est, secundum dentes: Altero modo cum non caret ea forma, sed tantum perfectione eius, quæ in alijs rebus eiusdem generis reperitur; quo modo puer dici potest homo secundum quid, si ad virum perfectum compareretur; & res creatæ dicuntur entia secundum quid, si conferantur ad Deum; & accidentia dicuntur habere esse secundum quid, ad substantiam comparata.

Igitur quæ dicuntur secundum quid priore modo, non possunt simpliciter & absolute nominari talia; quæ dicuntur secundum quid modo posteriore, dicuntur etiam simpliciter & absolute talia, sed imperfectius, quàm alia generis eiusdem. Atque hoc modo posteriore Theologi dicunt iusticiam secundum quid esse inter Deum & hominem, quia præsupponit gratiam, & tamen simpliciter etiam dicunt esse iusticiam, sed minus perfectam, quàm ea sit, quæ nullam gratiam prærequirit.

Q U A R T O obijciunt, maximam esse inæqualitatem inter opera nostra, quamuis ex gratia proficiantur, & ipsam æternam beatitudinem, præsertim si beatitudo obiectiue consideretur, sicut scriptum est: *Ego ero merces tua magna nimis.*

R E S P O N D E O, negari non potest quin beatitudo longè excellat actioni meritorie, cum in illa sit cognitio & charitas perfecta, in ista verò sit cognitio & charitas imperfecta: sed non requiritur absoluta equalitas inter meritum & premium, secundum iusticiam distributiuam, vt dici possit premium deberi meritis ex condigno, etiam ex parte operis: sed sufficit, vt sit proportio quædam, secundum quam, is qui meretur, dici possit dignus eo premio. Nam hic etiam in terris, qui doctrina & bonis moribus præditus est, & pro Ecclesia aliquandiu laborauit, dignus Episcopatu iudicari solet, quamuis absolute dignitas Episcopalis amplissima sit, & nullo pretio comparabilis. In rebus quoque naturalibus dispositio ad formam multò imperfectior est ipsa forma, & tamen ex naturali quadam iustitia subiecto rite disposito forma debetur; sic igitur qui Deum ex toto corde diligit, ac per hoc mundus est corde, pacificus, mitis, humilis, misericors, dignus est qui ad beatitudinem illam admittatur, quæ diligentibus Deum, mundis corde, pacificis, mitibus, misericordibus, humilibus, vt rite dispositis promissa est.

Quod autem dicebatur de beatitudine obiectiua, quæ Deus est, non auget difficultatem. Nam sicut Deus obiectum est beatitudinis (id est) cognitionis & amoris beatorum, sic etiam obiectum est meriti (id est) fidei & charitatis viatorum. Hoc solum interest, quod fides & charitas in hac vita minus perfecte Deum attingunt, quàm visio & charitas in alia vitâ; sed ideo dicimus ex condigno fidei formate per charitatem deberi visionem cum ardentissima charitate, quia dignum est, vt res à Deo inchoata, & disposita, tandem aliquando perficiatur, & absolua-

Monimum, cap. 10.) Cum Deus vitam eternam donat, opus suum, quod inchoavit iustificans impium, perficit, glorificans iustum.

QVINTO obijciunt, Deum ex communi sententia Theologorum remunerare iustorum opera supra condignum, proinde non esse in operibus iustorum veram condignitatem ad primum.

RESPONDEO, Deum remunerare supra condignum, non ita esse accipiendum, quasi bona opera non sint digna premio vite eternae; sed quod ultra primum, quod ex condigno meritis bonis debetur, Deus ex liberalitate aliquid semper adjungat. Sed de hac re in sequenti capite disseremus.

CAPVT XIX.

Deum remunerare opera bona supra condignum.

POSTREMA restat questio, Num Deus opera bona remuneret ex mera liberalitate supra condignum. Communis enim Theologorum sententia id constanter affirmat, ut perspicuum est ex S. Thoma, S. Bonaventura, Scoto, Durando, & alijs in 4. sent. distinct. 46.

Contrarium docuit Andreas Vega, in quinta questione de iustificatione, & Doctor ille Louaniensis, cuius multas sententias Pius V. Pontifex damnauit. Est enim inter damnatas sententias, quartadecima his verbis expressa: *Opera bona iustorum non accipient in die iudicii extremi ampliorem mercedem, quam iusto Dei iudicio mereantur accipere.*

Probatur igitur breuiter, Deum remunerare ultra, vel supra condignum. PRIMO, ex diuinis litteris: nam Matthæi 5. non sine causa Dominus ait: *Gaudete, & exultate, quoniam merces vestra copiosa est in celis.* Et apertius Lucæ 6. *Mensuram bonam, & confertam, & coagitatam, & superfluentem dabunt in sinu vestro.* Certè enim iusta merces esse poterat mensura bona; cur autem additur, conferta, coagitata, superfluentem, si nihil additur supra condignum?

Item Lucæ 19. posteaquam seruus fidelis qui lucratu fuerat decem Mnas, acceperat primum suum, id est, imperium supra decem ciuitates; rursus extraordinario munere datur ei Mna, quæ fuerat ablata à seruo infideli & pigro. Quid autem hoc significare potest, si Deus in iudicio nulli dabit aliquid nisi iustè, & ex condigno illud mereatur?

Adhæc, Matthæi 20. in parabola vineæ manifestè videmus, multis dari integrum diurnum denarium, cum tamen non integrum diem in opere posuissent. Atque id non ex iustitia, sed ex liberalitate factum esse indicat Dominus illis verbis: *Volo huic dare, sicut & tibi. An non licet mihi quod volo facere? An oculus tuus nequam est, quia ego bonus sum?* Ex quo etiam intelligimus, id quod supra condignum additur, non dari ex æquo, nec omnibus. Fortasse etiam huc pertinet illud Apostoli ad Romanos 8. *Non sunt condigne passionibus huius temporis ad futuram gloriam, quæ reuelabitur in nobis:* quamuis & aliter hoc testimonium exponi possit, ut supra notauimus.

Idem SECUNDO, ex Patribus probari potest. S. BASILIUS in Psal. 114. in illud: *Conuertere anima mea in requiem tuam. Proposita est, inquit, aeterna requies his qui legitime in hac vita decesserunt, quæ non secundum operum debitum ac meritum retribuitur, sed iuxta magnificentiam Dei, his qui in ipsum sperauerunt, exhibetur.* Quem locum ostendimus cap. 6. malè allegari contra merita ex condigno, cum non extenuet merita,

A sed amplifcet munificentiam Dei in retribuendis premijs etiam supra condignum.

S. FVLGENTIVS in lib. 1. ad Monimum, capite decimo, reddens rationem cur vita æterna dicatur gratia, cum merces sit meriti, ita loquitur: *Gratia autem ipsa non iniuste dicitur, quia non solum donis suis Deus dona sua reddit, sed quia tantum etiam sibi gratiæ diuinæ retributionis exuberat, ut incomparabiliter, atque ineffabiliter omne meritum, quantumvis bonæ, & ex Deo datæ humanæ voluntatis atque operationis excedat.* Hæc ille. Itaq; non temerè, nec sine fundamento scholæ Theologorum primum operibus bonis à Deo supra condignum reddendum esse confirmant.

B Vtrum autem operibus malis Deus pœnam reddat citra condignum, non videtur ita esse certum: nam nec inueniuntur loca Scripturæ, quibus id faciliè confirmetur; & quamuis S. IOAN. CHRYSOSTOMVS homil. 37. in Genesim, huius sententiæ patronus esse videatur, tamen S. AVGVSTINVS libro vigesimo primo de ciuit. Dei, cap. 24. hanc ipsam sententiam tolerat potius, quàm probat. Nam cum dixisset illa verba Psal. 76. *Nunquid obliuiscetur misereri Deus, aut continebit in ira sua misericordias suas:* non pertinere ad reprobos, sed ad electos, ita subiunxit: *Sed quibus placet, istam sententiam usque ad illa impiorum tormenta protendere, saltem sic intelligant, ut manente in eis ira Dei, quæ in æterno est prænuntiata supplicia, non contineat Deus in hac ira sua miserationes suas, & faciat eos non tanta, quanta digni sunt pœnarum atrocitate cruciari; non ut eas pœnas vel nunquam subeant, vel aliquando finiant, sed ut eas mitiores, quàm merita sunt eorum, lenioresque patiantur.* Sic enim & ira Dei manebit, & in ipsa ira sua miserationes suas non continebit. Quod quidem non ideo confirmo, quia non resisto. Hæc ille.

Quia tantum hæc sententia de pœnis circa condignum, & multis Theologis placuit, & à S. Augustino minimè refutatur, respondendum erit quatuor testimonijs Scripturæ diuinæ, quæ contra eam pugnant videntur.

PRIMUM testimonium est illud: *Non exibis inde, donec reddas nonissimum quadrantem,* Matthæi quinto. Sed facilis est RESPONSIO. Nam siue hic locus intelligatur de pœnis purgatorij, ut nos in libro primo de purgatorio, & in primo libro de statu peccati ostendimus, siue etiam de pœnis gehennæ; significat Dominus, nullum peccatum sine suo cruciatu manfurum, non autem nullam partem eius cruciatu qui singulis peccatis debetur, esse minuendam. Deinde loquitur Dominus de pœna, quæ soluenda manebit post latam iudicis sententiam, non de ea, quam iudex constituet, cum sententiam feret. Quamuis enim Deus, cum peccatores iudicabit, citra condignum fortasse iudicabit, sed post sententiam latam, nihil vnquam de pœna minuetur.

ALTERVM testimonium est Lucæ 6. *Qua mensura mensi fueritis, remetietur vobis.* Sed absque dubio sententia hæc generatim accipienda est, ut sensus sit, qui boni fuerint, bona recipient; qui mali, mala; & qui valdè boni fuerint, multum boni recipient; qui valdè mali, multum mali. Nam si æqualitas præmij ad merita describeretur, repugnaret hæc sententia verbis illis, quæ ex eodem capite nos citauimus, *Mensuram bonam, & confertam, &c.*

TERTIVM testimonium est Iacobi 2. *Iudicium sine misericordia ei, qui non fecerit misericordiam.* SED loquitur Apostolus eo loco de misericordia, non quacunque, sed saluante, atque à damnatione æterna hominem liberante. De qua loquitur Dominus, Matthæi 5. *Beati misericordes, quoniam ipsi misericordiam consequentur.*

POSTREMUM testimonium est in Apocalypsi, cap. 18. *Quantum se glorificavit, & in deliciis fuit, tantum date illi tormentum & luctum.* CÆTERVM, hic locus docet proportionem quandam futuram inter culpam & pœnam, ut maiori culpæ maior pœna respondeat, & minor minori. Non tamen necesse est ex hac proportionem æqualitatem colligere. Sed de his satis, præsertim cùm de supplicijs citra condignum inferendis, res sit (ut diximus) satis incerta.

CAPVT XX.

Vitam æternam, etiam quoad primum eius gradum, reddi meritis operum bonorum.

EXPLICAVIMVS tres partes disputationis de merito, sequitur Quarta, quæ est etiam vltima, in qua breuissimè docendum est, quænam sint illa, quæ cadunt sub meritum de condigno.

Sunt autem omninò quinque res, quæ in dubium reuocari possunt, vita æterna, gratia iustificationis, gratiæ incrementum, reparatio post lapsum, & perseverantia in fide & charitate usque in finem. De quibus disputat S. Thomas 2. q. 114. art. 3. & sequent. Nos paucis indicabimus, quæ veriora de his omnibus quæstionibus nobis esse videantur.

PRIMUM igitur de vita æterna solum quæstio est. Vtrum ipsa vita æterna, an gradus tantùm in ea præstantiores cadant sub meritum de condigno. Sunt enim qui sentiant, vitam æternam, siue primum eius gradum non cadere sub meritum, cùm debeat iure hæreditatis omnibus filiis Dei, hoc ipso quod sunt filij Dei. Sunt etiam qui existimant, vitam æternam, siue primum eius gradum, reddi meritis operum, si dilectio illa Dei, quæ est vltima dispositio ad iustificationem, oriatur ex ipsa gratia iustificationis, alioqui meritis non reddi.

Nos existimamus, vitam æternam, tum quoad primum gradum, tum quoad cæteros, reddi bonis meritis filiorum Dei; nec multùm ad rem facere, vtrum vltima illa dispositio procedat ex gratia iustificante, vel eam præcedat. Nam Scriptura diuina passim docet, non solum gloriæ incrementum, sed ipsam gloriam simpliciter præmium esse operum bonorum, ut Matth. 9. *Si vis ad vitam ingredi, serua mandata Dei.* Et ibid. *Qui reliquerit patrem, vel matrem, &c. centuplum accipiet, & vitam æternam possidebit.* Et Iacobi 1. *Beatus vir qui suffert tentationem, quoniam cùm probatus fuerit, accipiet coronam vitæ.* Galat. 6. *Qui seminat in spiritu, de spiritu metet vitam æternam.* Et ad Coloss. 3. ipsam hæreditatem scribit Apostolus reddi operibus bonis: *Quodcumque facitis, ex animo operamini, sicut Deo, & non hominibus, scientes quod à Domino recipietis retributionem hæreditatis, Domino Christo seruite.*

Ex quo intelligitur illum ipsum gradum gloriæ qui debetur iure hæreditario, retribui etiam iure mercedis. Non enim est absurdum (ut suprà non semel diximus) eandem rem duplici iure deberi, titulo videlicet hæreditatis, & titulo meritum. Atque hoc præstabit in cælo adulti infantibus, non solum quod illi ampliorem gloriam obtinebunt, sed etiam quod ipsam gloriam, & primum eius gradum habebunt infantes solo iure hæreditatis, adultis verò gloria illa simul erit & patris hæreditas, & corona victoriæ.

Porrò dispositio illa vltima, si gratiam adoptionis præcedat, non erit meritoria vitæ æternæ de condigno, quia non possunt merere vitam æternam de condigno, nisi filij Dei, ut suprà demonstratum est: si verò ex gratia illa nascatur, eamque sequatur, sal-

tem ordine naturæ, non poterit mereri primum gradum gloriæ, si vera sit illorum opinio, qui dicunt, non cadere sub meritum id, quod iam debetur titulo hæreditatis: nam primus gradus gloriæ prius natura debetur titulo hæreditatis homini iustificato, quàm vltima illa dispositio ex gratia iustificationis procedat. Sicut enim prius est in homine gratia adoptionis, quàm dispositio ex gratia ipsa procedat: ita prius est ius ad hæreditatem, quod à gratia adoptionis separari nequit, quàm ex gratia adoptionis dispositio illa procedat.

Vides igitur ad rem non facere, vtrum illa dispositio gratiam præcedat, vel sequatur. Neutro enim modo meritoria esse poterit primi gradus gloriæ, si quod iam debetur, non potest sub meritum cadere. At si concedatur, quod nos contendimus, & quod S. Thomas docet in 3. sent. dist. 18. q. 1. art. 3. rem vnam & eandem varijs titulis posse deberi, sine dubio vltima illa dispositio post infusionem gratiæ continuata, meritoria erit vitæ æternæ, ut S. Thomas confirmat in 1. 2. q. 112. art. 2. ad 1.

CAPVT XXI.

Non gratiam iustificationis, sed eius incrementum cadere sub meritum de condigno.

IAM verò de gratia iustificationis, & eius incremento, tota res breuissimè expediti poterit. Nam gratiam eiusmodi non posse obtineri, neque ex condigno, neque ex congruo meritis operum, solis viribus liberi arbitrij effectorem, docuimus aduersus Pelagianos, in libro quinto de gratia & libero arbitrio. Rursus, eandem gratiam non posse obtineri ex condigno, sed solum ex congruo meritis operum ex fide & auxilio Dei speciali procedentium, docuimus in lib. 1. de iustificatione, cap. 21. Præterea, non posse gratiam eandem obtineri meritis consequentibus, hoc est, bono usu gratiæ, ut quidam olim absurdè dixerunt, docet sanctus Augustinus in l. b. 2. contra duas epistolas Pelagianorum, cap. 7. & in lib. 1. de prædest. Sanctorum, cap. 12. quod illo argumento potissimùm confirmatur, quia gratia iustificationis sæpè datur illis, qui ea bene uti non possunt, videntibus mox à baptismo morituris; vel qui non volunt, ut adultis quibusdam, qui gratiam iam acceptam abijciunt, & sunt nouissima eorum peiora prioribus; sæpè etiam non datur illis, qui ea bene vsuri fuissent, si illam accepissent, quod de Tyrijs & Sidonijs Dominus ipse testatur Matth. 11.

Ad hæc, nullum (Christo excepto) quamuis iustum & sanctum, posse alijs mereri gratiam de condigno, certa ratio persuadet. Nullum enim extat pactum, nulla promissio de merito alienæ salutis, & solus Christus, ut Ecclesiæ totius caput, eam gratiam habuit, qua membris omnibus gratiam & gloriam mereretur. *Quamuis* (inquit sanctus Leo in epist. 97. ad Leonem, cap. 2.) *multorum Sanctorum in conspectu Domini preciosa mors fuerit, nullius tamen infantis occisio, redemptio fuit mundi. Acceperunt iusti, non dedere coronas, & de fortitudine fidelium exempla nata sunt patientiæ, non dona iustitiæ.*

Sed sicut certum est, non posse vnum alteri ex condigno gratiam promereri, ita non dubium est, posse id ex congruo fieri. Quomodo sanctum Stephanum precibus apud Deum cōuersionem Apostoli Pauli, & sanctam Monicam lachrymis apud eundem cōuersionem sancti Augustini promeruisse, nemo est qui neget. Et in ipso Euangelio legimus, Matthæi 9.

Videns

Videns Iesus fidem illorum, dixit paralytico, Confide fili, A
remittuntur tibi peccata tua.

Denique posse hominem istum mereri ex condigno augmentum iustitiæ, docet Concilium Tridentinum sess. 6. can. 32. docet etiam sanctus Augustinus tractatu 77. in Ioannem, quamvis nomen ipsum de condigno non ponat: *Restat, inquit, ut intelligamus Spiritum sanctum habere qui diligit, & habendo mereri ut plus habeat, & plus habendo plus diligit.*

CAPVT XXII.

Reparationem post lapsum, & perseverantiam usque in B
finem non cadere sub meritum de condigno,
sed solum de congruo.

DE reparatione post lapsum, & perseverantia usque in finem, concors est sententia Theologorum, non cadere ea sub meritum de condigno. Ac (ut cetera argumenta præteream) si caderent illa duo sub meritum de condigno, nemo iustorum esset, qui non esset etiam de numero electorum, & prædestinatorum ad vitam. Qui error fuit Ioviniani & Caluini, & à nobis in 3. lib. confutatus est.

Posse autem donum perseverantiæ precibus impetrari, docuimus in secundo libro de gratia & libero arbitrio, cap. 12. Posse verò reparatione post lapsum eum qui iustus est, mereri ex congruo, negat quidem sanctus Thomas in 1. 2. q. 114. art. 7. sed id ipsum concedere videtur in epist. ad Hebr. cap. 6. lect. 3. ut etiam aperte concedit sanctus Bonaventura in 2. sent. dist. 28. explicans verba Petri Lombardi. Et certè non desunt optimæ rationes, quibus id probari posse videatur. Nam in 2. lib. Paralip. cap. 19. dictum est ad Iosaphat Regem Iuda: *Impio præbes auxilium, & his qui oderunt Dominum amicitia iungaris, & idcirco iram Domini mereris: sed bona opera inuenta sunt in te, &c.* Ex quo intelligimus sanctum illum Regem bonis operibus apud Deum obtinuisse, ut etiam cum

peccaret, à Deo non desereretur, nec pro meritis puniretur. Item in Psal. 70. orat Propheta, quod nos etiam orare convenit: *Cum defecerit virtus mea, ne derelinquas me.* Et certè frustra fieret talis oratio, si nulla ei respondere posset impetratio.

Ad hæc, si potest iustus mereri de congruo, id est, impetrare alteri conversionem, cur non & ipse sibi postulare & impetrare possit, ut si labatur, non deseratur, sed ad pœnitentiam reuocetur?


Præterea, potest homo nondum reconciliatus per opera pœnitentiæ impetrare & mereri ex congruo gratiam iustificationis, ut in primo libro demonstratum est; cur igitur non poterit idem ipse, dum est iustus & amicus Dei, impetrare & mereri ex congruo reparationem, si fortè labatur?

Neque objectio illa conuincit, per peccatum amittuntur omnia merita præcedentia, igitur fieri non potest, ut reparatio post lapsum bonis meritis vlla ratione reddatur. Nam probat quidem hoc argumentum, reparationem non posse esse mercedem, quæ sit reddenda ex iustitia. Qui enim amisit omnia merita, quomodo potest ex iustitia postulare mercedem? At non probat non esse congruens, ut Deus respiciat ex clementia sua ad bona opera præcedentia, & illorum intuitu misereatur eius qui cecidit.

AT (inquit) quo quis plura merita habuerit, eo grauius Deum offendit, cum peccat. Quoniam merita nostra munera Dei sunt, & qui plura beneficia accepit, si benefactorem offendat, magis est ingratus, & minus dignus indulgentia.

RESPONDEO, Argumentum rectè concludit aduersus eos qui ex malitia & contemptu benefactorum peccant, ac non aduersus eos, qui ex ignorantia & infirmitate delinquant. De quibus nos tantum loquimur. Quare sanctus Thomas in secunda secundæ, questione 186. articulo 10. docet, peccata Religiosorum, etiam mortalia, sed ex ignorantia, vel infirmitate commissa, minus esse graua, & facilius condonari, quàm aliorum hominum, propter bona opera quæ Religiosi assidue faciunt.

Finis Secundæ Controuersie Particularis.



T E R T I Æ
C O N T R O V E R S I Æ
G E N E R A L I S
T E R T I A E T V L T I M A C O N T R O V E R S I A
P R I N C I P A L I S,

De bonis operibus in particulari.

O R D O D I S P U T A T I O N I S.

POSTREMA RESTAT CONTROVERSIA Ex tribus illis, quas de reparatione gratiae tractandas esse diximus; ea verò est de bonis operibus in particulari, & tribus libris continetur, quorum PRIMVS erit de Oratione, SECVNDVS de Ieiunio, TERTIVS de Eleemosyna. Tot enim esse præcipua genera operum bonorum, testatur Angelus Raphaël apud Tobiam, cap. 12. Bona est oratio cum ieiunio & eleemosyna, magis quàm thesauros auri recondere.

L I B E R P R I M V S,
D E B O N I S O P E R I B V S
I N P A R T I C V L A R I,
Qui est de oratione.

C A P V T P R I M V M.

Definitio orationis breuiter explicatur.

DE ORATIONE solita breuitate scripturus, PRIMVM de ipsa oratione generatim disseram, DEINDE de certa illa forma precum, quæ propria est Sacerdotum & Monachorum, & Horarum canonicarum nomine appellari solet.

De oratione generatim Septem capita tractanda esse censeo: Quid sit oratio, Quotuplex, An sit necessaria, vel utilis, Quid sit in oratione petendum, Cuius sit petere, A quo, & pro quibus sit petendum, Quomodo sit petendum, ut quod petimus, impetremus.

Quod attinet ad PRIMVM, sic potest oratio definiri ex sancto Thoma, 2. 2. q. 83. art. 1. *Est actus rationis practica, voluntatis desiderium explicantis, & ab alio aliquid postulantis.*

Dicitur *Actus rationis*, quoniam tametsi tum ratio, tum voluntas ad orationem ex necessitate concurrant, tamen propriè actus est rationis, non voluntatis. Nam oratio est petitio quædam; petitio autem cum sit intimatio, ac loquutio, sine dubio ad rationem & intelligentiam pertinet. Itaque Dominus Matthæi septimo: *Petite, inquit, & accipietis.* Et Marci vndecimo: *Quidquid orantes petitis, &c.* Et Apostolus ad Romanos octauo: *Quid oremus, sicut oportet, nescimus: Spiritus postulat pro nobis, &c.* Et sancti Patres, BASILIUS oratione in Iulittam: *Oratio, inquit, est boni cuiusdam petitio, quæ à pijs ad Deum ef-*

funditur. GREGORIUS NYSSENVS oratione prima, de orat. Dominica: *Oratio est conuersatio, sermocinatioque cum Deo.* Et orat. 2. *Oratio est petitio bonorum, quæ Deo cum supplicatione offertur.* IOANNES CHRYSOSTOMVS homil. 30. in Genesim: *Oratio colloquium est cum Deo.* IOANNES DAMASCENVS lib. 3. de fide, cap. 24. *Oratio est ascensio mentis in Deum, aut decentium à Deo petitio.*

Dicimus DEINDE esse actum rationis non theoreticæ, sed *practica*, quoniam non ad cognitionem, sed ad impetrationem ordinatur.

Dicimus TERTIO, esse actum rationis, *Explicantis desiderium voluntatis.* Nam cum intellectus & affectus ad orandum concurrat, affectus concurret desiderando id bonum quo caret; intellectus verò desiderium illud explicando & proponendo, quemadmodum in rebus corporalibus, cum re aliqua indigemus, per appetitum, qui concupiscibilis dicitur, rem illam desideramus; per linguam verò, quæ appetitus interpres est, exprimimus.

Dicimus POSTREMO, esse actum rationis, *Ab alio aliquid postulantis.* Quoniam desiderium voluntatis, si est in nostra potestate, non exprimitur à ratione per modum postulantis, sed per modum imperantis. At si non in nostra, sed in aliena potestate est, tum demùm exprimitur per modum postulantis, & ea propriè dicitur oratio. Atque hæc de definitione.

CAPVT II.

De partitione orationis.

PORRO triplex est orationis partitio. **P**RI-M-V-M enim alia est oratio publica, quæ nomine totius populi à sacerdotibus, tanquam publicis ministris in templis potissimum ritè celebratur: alia est priuata, quæ ad singulos pertinet, & de qua scribit Apostolus: *Volo ergo viros orare in omni loco, leuantes puras manus, sine ira & disceptatione*, 1. ad Tim. 2.

DEINDE, alia est oratio tantùm mentalis; alia mentalis simul & vocalis. Neque debet addi tertium membrum, id est, vocalis tantùm. Ea siquidem non est utilis ad placandum Deum, sed magis ad prouocandum ad iram, iuxta illud: *Populus hic labijs me honorat, cor autem eorum longè est à me*, Mat. 26.

Et quidem oratio, quæ sola mente concipitur, cum quis priuatim orat, vtilissima est, & aliquando vtilior, quàm si etiam vox corporalis addatur. Nam & Deus latius intelligit quid velimus, & quid petamus, etiam si id sola mente exprimamus, & nos ipsi non nunquam toto ictu cordis Dei aures melius attingimus, cum ab omni strepitu corporali vacamus, quàm si voce simul & corde orare velimus. Et denique (vt S. Ambros. docet in lib. 6. de Sacramentis, cap. 4.) *Qui in silentio orat, fidem deservit, & conficitur, quod Deus secretorum cordis & reus sit, & orationem tuam ante ille audiat, quam tuo ore fundatur.*

CÆTERVM non negamus, quin oratio vocalis sit interdum utilis, & aliquando etiam necessaria. Vtilis enim est: *Quoniam* (vt sanctus Augustinus loquitur in epist. 121. ad Probam, cap. 9.) *interdum voce nos ipsos ad deuotionem acius excitamus.* Vtilis quoque est, quoniam seruit deuotioni iam excitatæ, quæ erumpere solet, & redundare in extremum affectum, iuxta illud Psalmi 25. *Lassarum est cor meum, & exultauit lingua mea.* Et illud Psal. 83. *Cor meum, & caro mea exultauerunt in Deum vivum.* Denique utilis est, vt non solum corde, sed etiam corpore debitæ seruitutis Deo reddamus obsequium, iuxta illud Osee ultimo: *Omnes aufer iniquitatem, & reddemus vitulos labiorum nostrorum.* Est autem non solum utilis, sed etiam necessaria vocalis oratio, quando ex præcepto maiorum, vel publicè, vel priuatim certas preces recitare iubemur.

TERTIA partitio orationis extat apud Apostolum, 1. ad Timoth. 2. vbi quatuor facit quali genera, siue partes orationis, cum ait: *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus, &c.* Et ad Philippenfes 4. *In omni oratione, & obsecratione, cum gratiarum actione petitiones vestre innotescant apud Deum.* Et quoniam hæc partitio subobscura esse videtur, referam breuiter quid præcipui Patres de ea scriptum reliquerint.

Igitur S. HILARIUS in explicatione Psalmi 140. ita loquitur: *Quatuor genera orationum Apostolus esse significat, ad Timotheum scribens: Exoro ergo primo omnium fieri preces, orationes, postulationes, gratiarum actiones. Humilitatis nostræ est deprecari, Magnificentia Dei est orari, Fidei est postulare, Confessionis & laudis est gratulari.*

S. AMBROSIVS in lib. 6. de Sacramentis, cap. 5. *Prima, inquit, oratio laudem debet habere Dei, secunda supplicationem, tertia postulationem, quarta gratiarum actionem.* Vbi sanctus Ambrosius primo loco ponit orationem, secundo loco obsecrationem, non nihil inuertens ordinem Apostoli, & per orationem intel-

Aligit laudem Dei; per obsecrationem intelligit supplicationem, qua petimus vt Deas nos audire dignetur; per postulationem intelligit petitionem eius rei, quam desideramus; per gratiarum actionem intelligit iterum laudes Dei. Nam ipse paulo post exponit, quomodo incipit oratio à laudibus Dei, sic debet in Dei laude desinere.

S. AUGUSTINVS in epist. 59. ad Paulinum, quæst. 5. totum hunc locum refert ad publicas preces, quæ tempore sacrificij ad altare funduntur. Quod idem facit Chrysostomus in commentario: sed Chrysostomus non indicat, quid intersit inter has voces. Augustinus autem indicat, cum ita loquitur: *Eligo, inquit, in his verbis hoc intelligere, quod omnis, vel pene omnis frequentat Ecclesia, vt preces accipiamus dictas, quas facimus in celebratione Sacramentorum, inquam illud, quod est in Dominica mensa, incipiat benedictio. Orationes, cum benedictio, & sanctificatur, & ad distribuendum communuitur; quam totam petitionem ferè omnis Ecclesia Dominica oratione concludit. Interpellationes autem, siue (vt vestri codices habent) postulationes, sunt, cum populus benedicitur. Tunc Anachores velut aduersarij susceptos suos per manus impositionem misericordissimè offerunt potestati. Quibus peractis, & participato tanto sacramento, Gratiarum actio cuncta concludit, quam in his etiam verbis vltimam commendauit Apostolus.*

IOAN. CASSIANVS collat. 9. c. 9. & sequentibus fusè tractat de hac partitione, & in summa docet; per obsecrationem intelligi orationem pro remissione peccatorum; per orationem vota, quibus Deo aliquid offerimus; per postulationem, siue interpellationem, preces, quas pro salute aliorum fundimus; per gratiarum actionem, laudes Dei, pro acceptis beneficijs.

THEODORETVS in commentario 1. Tim. 2. scribit, obsecrationem esse deprecationem malorum; orationem, postulationem bonorum; interpellationem esse accusationem aduersariorum, id est, diaboli & angelorum eius, qui nos ad peccata sollicitant; denique gratiarum actionem, id quod verba ipsa significant.

S. BERNARD. in ferm. de 4. modis orandi, per obsecrationem accipit orationem peccatoris penitentiam inchoantis, qui intercessores adhibet, nondum audens per se ad Deum accedere; per orationem intelligit preces penitentis, qui per se à Deo postulat indulgentiam; per postulationem orationem iusti, qui petit regnum cælorum, & alia necessaria ad salutem; per gratiarum actionem, orationem viri perfecti, qui se certo confidit exauditum.

S. THOMAS in 2. 2. q. 83. art. 17. explicans hanc ipsam partitionem, scribit, in omni oratione tria esse necessaria. Primò, vt animus coniungatur cum Deo, quod fit per orationem, quæ est ascensio mentis in Deum. Secundò, vt aliquid petatur à Deo, quod fit per postulationem. Tertiò, vt proponatur ratio aliqua cur videatur esse concedendum id quod petitur, tum ex parte orantis, tum ex parte Dei. Et quidem ex parte Dei optima ratio est meritum Christi, quod proponitur per obsecrationem; ex parte nostra est actio gratiarum, quæ proponitur, cum Deum aliqua ratione laudamus.

Explicat S. Thomas hæc omnia in orat. de sancta Trinitate. Nam cum dicimus, *Omnipotens sempiternus Deus*, oratio est: Cum addimus, *Qui dedisti famulis tuis in confessione veræ fidei æternæ Trinitatis gloriam agnoscere*, gratiarum actio est: Cum adjungimus, *Tribue quesumus, vt eiusdem fidei firmitate ab omnibus semper maniamur aduersis*, postulatio est: Cum concludimus, *Per Dominum nostrum, &c.* obsecratio est.

THEOPHYLACTVS in commentario huius loci, scribit, Apostolum loqui de oratione sacerdotis ad altare, in quo cum Augustino conuenit, sed non agnoscit distinctionem inter obsecrationem, orationem, & postulationem, in quo conuenit cum Chrysostomo.

Si mihi licet addere, quid de hoc loco Apostoli sentiam; PRIMUM exultimo loqui Apostolum, non solum de oratione sacerdotis ad altare, sed etiam de oratione priuata cuiuscunque fidelis. Nam ideo 1. Timot. 2. concludit: *Volo ergo viros orare in omni loco, &c. Similiter & mulieres in habitu ornato, &c.* Et ad Philip. 4. omnibus dicit: *Nihil solliciti sitis, sed in omni oratione, & de obsecratione, &c.* Fateor tamen hoc præceptum, quod omnibus datur, ad sacerdotes præcipue pertinere, & in illis precibus, quæ funduntur ad altare, potissimum locum obtinere.

Existimo PRÆTEREA, voluisse Apostolum per has voces partitionem aliquam indicare, non rem eandem pluribus vocibus inculcare. Id mihi persuadet tum communis opinio; nam vno vel altero excepto, omnes in eo conueniunt, vt Apostolus distinctionem aliquam inter eas voces notari voluerit: tum quod eadem quatuor voces repetierit in epist. ad Philipenses.

Existimo TERTIO, partitionem hanc Apostoli desumi à materia orationis, quæ est res bona, vel mala, præterita, vel futura; vt sensus Apostoli sit, orandum esse Deum pro malis auertendis, & bonis accipiendis, & quidem vtraque postulanda esse in futurum, & pro iam impetratis gratias exhibendas. Quem sensum clarius ostendit epist. ad Philipenses, quam ad Timotheum. Nam cum ait ad Philipenses: *In omni oratione & obsecratione, cum gratiarum actione petitiones vestrae innotescant apud Deum:* hoc manifestè præcipit, vt siue bonorum adeptionem, siue à malis liberationem cupiamus, & precemur à Deo; semper coniungamus petitionem cum gratiarum actione (id est) ita petamus futura, vt pro præteritis agere gratias nunquam obliuiscamur.

Existimo deniq; per OBSECRATIONES, Græcè *δευξαι*, rectè Theodoretum & Augustinum locis citatis, accipi voluisse deprecationes malorum. Nam vox illa à verbo *δωω* descendit, quod est indigere; ille autem maximè indiget opæ diuina, qui malo aliquo premitur. Item per ORATIONES rectè eodem auctores intellexisse petitiones bonorum: non enim in Græco est *ευχαριστία*, vt Cassianus legisse videtur, qui interpretatur vota, sed *προσευχή*, quod orationes significat. Nam vt scribit Gregorius Nyssenus orat. 2. de oratione Dominica, ideo oratio, qua boni aliquid petimus, dicitur *προσευχή*, quoniam votum dicitur *εὐχὴ*, & illi cum fiducia petunt à Deo bona, qui illi antea boni aliquid deuouerunt. Ac per POSTULATIONES non existimo cum Theodoro, significari hoc loco accusationem aduersariorum, sed cum Augustino simpliciter postulationem. Nam etiam si vox Græca *ἑρωτεύω* significet interpellationem pro aliquo, vel contra aliquem; tamen quia omnis interpellans petit, imò ideo interpellat, vt petat, rectè S. August. loco notato monet, vicinitate vocabuli vnum pro alio poni solere, neque corrigendum esse textum Latinum, qui non habet interpellationes, sed postulationes.

Addo quod in epist. ad Philip. cap. 4. vbi obsecratio, oratio, & gratiarum actio, iisdem Græcis verbis exprimuntur, quibus in epistola priore ad Timoth. ep. 2. solum nomen postulationis variatur. Non est illi *ἑρωτεύω*, sed *αἰτούω*, quod propriè petitionem, vel postulationem significat. Vbi videtur Apo-

stolus explicare voluisse vno in loco id quod dixerat in alio.

Addo etiam, quod interpellatio contra aliquem, comprehenditur in obsecratione, quæ est deprecatio malorum, sicut interpellatio pro aliquo, in oratione, quæ est precatio bonorum, vt non fuerit opus distinguere tria membra, cum duo sufficerent.

Addo denique auctoritatem Latini interpretis antiquissimi, qui non sine causa verbum *ἑρωτεύω*, hoc loco postulationes, non interpellationes, reddendum esse iudicauit.

CAPVT III.

De necessitate, & vtilitate orationis.

SEQUITUR pars TERTIA disputationis propositæ, quæ erat de necessitate, vel vtilitate orationis. Multi fuerunt, ac sunt errores de fructu orationis, qui facili negotio recenseri & refutari poterunt.

PRIMUM igitur non defuerunt olim tum Ethnici, tum Hæretici, qui nimis multum orationi tribuerent. Refert enim S. Thomas in lib. 3. contra Gentes, cap. 96. errorem Ethnicorum quorundam, qui arbitrantur, per orationes hominum mutari posse prouidentiam Dei. Refert quoque Theodoret. lib. 4. hist. cap. 10. & lib. 4. de fabulis hæreticorum, Messalianos hæreticos vsque adeo extollere solitos orationem, vt existimarent per eam solam verè iustificari homines: Sacramenta verò, præsertim Baptismum, & Eucharistiam nihil prodesse. Vnde etiam Eucharistia dici meruerunt.

Sed hic error nullo negotio refutari potest. Deum enim esse prorsus immutabilem, non solum docet Scriptura diuina, Num. 23. 1. Reg. 15. Malach. 3. & Iac. 1. sed etiam manifesta ratio. Nam si Deus vlla ratione mutationi esset obnoxius, non esset simplex, neque infinitus, neque æternus, ac per hoc esset creatura, non Deus. Vide S. Thomam in prima parte, quæst. 9. art. 1. Non igitur potest humana oratio prouidentiam illius inuerrere, aut mutare, apud quem non est transmutatio, nec vicissitudinis obumbratio. Et si absque Sacramentis à Christo institutis, possent homines per solas preces iustificari, atque saluari, non diceret idem Saluator: *Nisi quis renatus fuerit ex aqua & Spiritu sancto, non potest intrare in regnum Dei,* Ioan. 6. Neque diceret: *Nisi manducaueritis carnem filij hominis, non habebitis vitam in vobis.* Ioan. 6. Non igitur sola oratio sufficit ad salutem.

Alter error, & quidem superiori contrarius, est eorum, qui nimium extenuant fructum orationis. In quo numero reponendi sunt in primis Ethnici illi, qui tollebant è medio prouidentiam Dei erga res humanas, vt Epicurei, teste Marco Tullio, in lib. 1. de natura Deorum, vt Peripatetici, teste Clemente Alexandrino, libro quinto Stromatum, & sancto Ambrosio lib. 1. de officijs, cap. 13. vt illi, qui Epicurum & Aristotelem præcesserunt, qui in lib. sancti Iob, cap. 22. dixisse leguntur: *Circa cardines cali ambulat, nec nostra considerat.* Illi enim omnes orationis studium non solum extenuant, sed etiam penitus tollunt. Quid enim prodest orare Deum, si nostra non curat?

Ad horum errorem accedunt hæretici Pelagiani, qui si non vtilitatem, certè necessitatem orationis tollebant, cum dicerent, posse homines suis viribus benè viuere, seruare mandata, gratiam Dei, & gloriam promereri. Quare S. Augustinus, tum in libro de hæresibus, cap. 88. tum in epistola 106. ad Pauli-

num,

num, inter præcipuos Pelagianorum errores posuit, quod destruerent orationes Ecclesiarum.

In similem errorem incidit postea Ioan. Vviclef, qui teste Thoma Vvaldensi, tomo tertio, capite primo & secundo, docebat Deum non requirere à nobis cogitationem, aut vocem, sed bonis operibus esse contentum. Idem etiam cum diceret tria esse genera orationis: aliam enim esse orationem mentalem, aliam vocalem, aliam vitalem. In oratione vitali, id est, in operibus bonis, omnia comprehendendi, & ipsam solam, sine mentali & vocali, ad salutem sufficere, contendebat.

Denique in hoc errantium numero iure collocari posse videtur quidam Ioannes Monhemius, ex Grammatico ludimagistro Theologus Lutheranus, qui in suo Catechismo, tractatu de oratione, scribit, Deum id petentibus dare, quod etiam aliis daturus esset, etiam si non peteretur. Ex quo sequitur, ut non solum non necessaria, sed etiam superuacanea videatur oratio.

Aduersus omnes istos errores pugnat Euangelica illa sententia, Luc. 18. *Oportet semper orare, & nunquam deficere.* Item illo cap. 21. *Vigilate omni tempore orantes, ut digni habeamini sugere ista omnia.* Item ill. Apostolica, 1. Theisal. vlt. *Sine intermissione orate.* Quibus non dissimilis est illa Sapientis Ecclesiastici 18. *Non impediaris orare semper.* Hæc enim, & alia, quibus plena est Scriptura diuina, apertissime docent omnino necessariam esse orationem, neque esse committendum, ut alia vitæ huius negocia à studio rei tam necessariae nos impediunt.

Neque responderi potest, prædicta testimonia referenda esse ad necessitatem solius orationis vitalis, ut loquitur Vviclef. Nam Dominus in Euangelio, Luc. 18. cum dixisset: *Oportet semper orare, & nunquam deficere*: explicaturus de quo genere orationis intelligi veller sententiam suam, narrauit parabolam duas: Vnam de vidua, quæ importunitate petendi, extorsit à iudice, alioqui iniusto & leuio, iustam sententiam. Aliam de Phariseo & Publicano orantibus in templo. Et rursus Lucæ vndecimo, cum vehementer commendaret studium orationis, narrauit aliam parabolam de quodam, qui ab amico tres panes petijt importunitissimo tempore, & tamen accepit quod petijt, non quia esset amicus, sed quia non destituit petere, donec acciperet. Quæ omnes parabole clarissime sunt, & omnium iudicio orationem propriè dictam, non autem metaphoricam, qualis est vitalis, necessariam esse demonstrant.

Præterea, ut benè viuamus, fieri non potest sine auxilio Dei, cum scriptum sit, Ioan. 15. *Sine me nihil potestis facere.* Et 2. Cor. 3. *Non sumus sufficientes cogitare aliquid ex nobis, tanquam ex nobis, sed sufficientia nostra ex Deo est.* Igitur auxilium Dei per orationem propriè dictam petere necesse habemus, si vitalem orationem exercere, id est, si benè viuere desideramus. Quare non sola vitalis oratio, sed etiam mentalis & vocalis necessariae sunt, & de ijs verba Domini, & Apostoli intelligi debent.

Quod autem Monhemius dicit, auxilium Dei non defuturum, etiam si illud minimè petamus, cum Deus illa det petentibus, quæ non petentibus etiam daturus erat, repugnat manifestis Scripturæ testimonijs. Nam quod legimus in Psal. 105. *Et dixit, ut disperderes eos, si non Moyses electus eius stasset in conspectu eius*: satis apertè demonstrat, ita liberatum fuisse populum ab ultimo exitio, per orationes Moysis, ut si Moyses non orasset, vniuersus populus periturus fuisset. Illud etiam quod ait Do-

minus, Matth. 17. *Hæc genus demoniorum non eicitur, nisi in oratione & ieiunio*: nonne apertè indicat, beneficia quædam impetrari per orationem & ieiunium, quæ sine oratione & ieiunio minimè impetrarentur? Quod verò sanctus Iacobus in epistola sua, cap. 4. docet: *Non habetis, propterea quod non postulatis: petitis, & non accipitis, eo quod malè petatis*: certè manifestius esse non potuit.

Quibus testimonijs congruens est illud sancti Augustini, in serm. primo de sancto Stephano: *Si sanctus Stephanus sic non orasset, Ecclesia Paulum non haberet.* Et illud in lib. 2. de bono perseuerantiæ, capite 16. *Constat Deum alia danda non orantibus, sicut in finem perseuerantiam.* Ex quo loco intelligimus, quæ causa sit, cur Deus quædam beneficia concedat orantibus, quæ alioqui minimè concessurus erat; & tamen per orationes diuina providentia non mutetur. Nam sicut Deus iam ab æternitate statuit, quid nobis donare velit, sic etiam statuit per orationes nobis ea donare. Atque id tam in corporalibus, quàm in spiritualibus. Quia enim Deus constituit dare nobis frumentum & vinum, & simul constituit id nobis præstare per humanos labores, quibus agri, vineæq; coluntur; nemo est qui neget necessarium esse arare, ac ferere, plantare, ac fodere, & alia id genus facere, si metere, & vindemiare velimus, etiam si Deus quos fructus & quantos nobis dare velit, ab æternitate decreuerit.

Sic etiam Patriarcha Isaac, tametsi sciebat ex diuina promissione in semine suo benedicendas omnes gentes, ac per hoc prolem aliquam se habiturum dubitare non posset, orauit tamen Deum pro sterilitate coniugis suæ, ut legimus in Gen. 25. Quoniam illud etiam sciebat, multa Deum promittere, quæ per orationes à se impetrari velit, ut S. Gregorius annotauit in lib. 1. dialog. cap. 8.

Et Helias Propheta, cum Dei nomine pluuiam promississet Regi, & certo sciret, falsum esse non posse quod Deus promittit, anxie tamen Deum precari cepit pro pluuiâ impetranda, 3. Reg. 18. quia nouerat pluuiam quidem donandam esse à Deo, sed non nisi per orationes suas esse donandam.

Denique Tobie cap. 6. Angelus Raphaël dicit Saræ Tobie iuniori à Deo destinatam esse uxorem, & tamen eundem Tobiam admonuit, ut Deum precaretur, ne se à dæmonio illo pateretur occidi, à quo necatos fuisse constabat alios omnes, qui cum eadem Sara coniugio copulari tentauerant. Nimirum indicauit Angelus, concilius Dei secretorum, præordinatum fuisse à Deo coniugium Tobie & Saræ, sed non nisi per orationes eorum diuinam illam præordinationem fuisse complendam.

POSTREMVS error citra necessitatem orationis, est hæreticorum huius temporis, ut Philippi Melancthonis in locis communibus, titulo de precatone, ut Ioannis Caluini libro tertio Institutionum, capite vigesimo, §. tertio: Ioannis Brenij in Confessione Vvirtembergensi, capite de oratione, & aliorum omnium, qui quamuis orationis studium maximi facere se iactent, tamen præcipuos eius fructus negant, imò nihil ferè vtilitatis orationi relinquunt.

TRES enim sunt primarij fructus orationis: SATISFACTIO, MERITVM, IMPETRATIO. Ex quibus duos priores aduersarij funditus tollunt, ut ostendimus in 4. libro de pœnitentia, & in lib. 5. de iustificatione. Tertium mutilant, si non tollunt. Nam ex ijs bonis quæ precibus impetrantur, præcipuum est remissio peccatorum, ac iustificatio. Hunc

autem fructum omnes cuius temporis hæretici orationi detrahunt, cum illam soli fidei, quæ orationem præcedit, attribuant.

Reliqua bona fatentur orationibus impetrari, si oratio fundatur ex fide. Sed quia per fidem intelligunt fidem illam suam specialem, qua unusquisque certo credere debet se gratum esse Deo, sibi que non imputari peccata; quæ fides reuera haberi non potest, inde fit, ut conditionem planè impossibilem ad impetrandum requirant, ac per hoc nihil omnino orationi relinquunt. Sed quoniam fundamenta huius erroris alibi sunt à nobis pro nostrarum virium tenuitate satis diligenter euerſa; nunc solum præcipuos fructus orationis indicabimus, & ex diuinis literis breuiter confirmabimus.

PRIMVS igitur fructus est **SATISFACTIO** pro peccato, de quo diximus in lib. 4. de poenitentia, cap. 6. Et sanè si quis concedat opera bona laboriosa, satisfactoria esse pro peccatis, nunquam negabit, quin sit oratio inter illa opera numeranda, cum satis constet, orationem non tantum bonam, sed etiam laboriosam esse, atque poenalem. Quæ causa est, ut ferè semper ieiunio & eleemosynæ adiungatur, cum de satisfactionibus agitur.

SECUNDVS fructus est **MERITVM**. Oratio enim siue impetret quod postulat, siue non impetret, semper est meritoria maioris gratiæ & gloriæ, quando ab homine iusto, & sicut oportet, funditur. Cuius rei testimonium habemus in Euang. Matth. 6. *Cum oratis, non eritis sicut hypocritæ, qui amant in Synagogis, & in angulis platearum stantes orare, ut videantur ab hominibus. Amen dico vobis, receperunt mercedem suam. Tu autem cum oraueris, intra in cubiculum tuum, & clauso ostio, ora Patrem tuum in abscondito, & Pater tuus, qui videt in abscondito, reddet tibi.* Quo loco Dominus ostendit, orationem esse opus bonum, cui, si benè fiat, debetur merces à Deo; ex quo fit, ut etiam sit meritoria, cum merces merito iuste proprièque respondeat.

TERTIVS fructus est **IMPETRATIO**, ac primùm oratione impetrari remissionem peccatorum, docemur in orat. Dom. non enim iuberet nos Dominus dicere: *Dimitte nobis debita nostra*, si remissio debitorum per orationem impetrari non posset. Quod idem testatur parabola Publicani & Pharisei, Luc. 18. *Publicanus enim orans & dicens, Deus propitius esto mihi peccatori, descendit in domum suam iustificatus.*

Nec solum remissionem peccatorum, sed multa alia beneficia, imò etiam penè omnia, quæ nobis necessaria, vel vtilia sunt, per orationem à Domino impetramus. Nam (ut rectè animaduertit sanctus Ioannes Chrysostomus, in duobus libellis de oratione) sicut in rebus corporalibus homo nascitur nudus, & egens rebus omnibus: sed habet manus, quæ satis appositè organum organorum propterea dici meruerunt; quod per eas reliqua omnia instrumenta confici, & cibus, vestis, domus, arma, & quicquid humanæ vitæ necessarium est, faciliè parari queat. Sic etiam in vita spiritali nihil omnino potest homo sine ope diuina, non solum operari, sed nec loqui, aut cogitare: sed habet organum organorum, id est, orationem, qua si benè vtatur, omnia sine dubio obtinebit.

Præter hos tres primarios fructus, sunt etiam alij permulti, quasi secundarij. Nam oratio frequens mentem illustrat, neque enim fieri potest, ut aliquis cordis oculos in Deum, qui lux est, intentè defigat, quin ab eo aliquantulum illustretur. In cuius rei signum Moyses rediens à colloquio Domini, frontem gerebat mirifica luce fulgentem, Exod. 34. Et Dauid ait: *Accedite ad eum, & illuminamini*, Psal. 33.

DEINDE, oratio spem & fiduciam alit; quo enim aliquis cum alio frequentius loquitur, eo fidentius ad eum accedit.

TERTIO, inflammat etiam oratio charitatem & mentem, ad maiora dona recipienda capaciorem reddit, ut S. August. docet in lib. 2. de serm. Domini in monte, cap. 7.

QUARTO, auget humilitatem, & castum timorem. Nam qui ad orationem accedit, intelligit se Dei esse mendicum, ac per hoc humiliter coram eo apparere studet, & diligentissimè cauet ne illum offendant, cuius auxilio in rebus omnibus indiget.

QUINTO, gignit oratio frequens in animo orantis contemptum rerum omnium temporalium. Neque enim fieri potest, ut non vileſcant & sordiant terrena omnia illi, qui cælestia atque æterna assidue speculatur. De qua re vide S. Augustinum, libro 9. Confess. cap. 1. & 10.

SEXTO, parit oratio delectationem incredibilem, cum per eam fiat, ut incipiat homo gustare quàm suavis sit Dominus. Quanta autem sit hæc suauitas, vel ex eo potest intelligi, quod nonnullos non solum pernoctare, sed etiam dies integros cum integris noctibus in oratione coniungere sine labore potuisse, nouimus.

DEINQUE, præter vilitatem & voluptatem, adfert etiam oratio dignitatem, atque honorem non exiguum oranti. Nam (ut sanctus Chrysostomus docet in primo libro de orando Deo) ipsi etiam Angeli animam illam honorant, quam cernunt tam familiariter, & crebrò ad colloquium diuinæ Majestatis admitti.

CAPVT IV.

De excellentia orationis Dominice.

IAM verò quid sit in oratione petendum, quod erat quartum caput propositæ disputationis, non possumus breuius & plenius explicare, quàm si Dominicam orationem plenissimè exponamus. Nam (ut S. Augustinus in epist. 111. cap. 12.) *Quamlibet alia verba dicamus, nihil aliud dicimus, quàm in ista Dominica oratione possumus, si rectè & congruenter oramus.* Igitur orationem Dominicam ex Patrum sententia explanabimus, si de excellentia eius, de numero, & ordine petitionum, pauca quedam solita breuitate præfati fuerimus.

Quod ad **EXCELLENTIAM** attinet, præstat oratio Dominica omnibus alijs formis orandi, auctoritate, breuitate, perfectione, ordine, efficacia, necessitate.

AUCTORITATE, quoniam ab ipsa Dei sapientia condita est; proinde non solum nullus hominum, sed nec ullus Angelorum melius potuit nos instituere in ratione orandi, quàm Christus fecerit.

BREUITATE etiam præstat, quoniam non magnitudine & multitudine rerum quas continet, non poterat oratio fieri breuior. Est autem vtilis hæc summa breuitas: tum ad memoriam adiuuandam, ut notat sanctus Cyprianus; tum etiam, ut monuit Tertullianus, ut intelligamus non multis verbis opus esse, cum oramus Deum, qui scit quid velimus, antequam petamus, sed ingenti desiderio, & feruenti affectu.

Præstat quoque **PERFECTIONE**, quoniam omnia comprehendit, quæ à Deo nos petere vel necessarium, vel vtile est, ut paulò ante ex Augustino discimus.

Addit

Addit verò Tertullianus, orationem Dominicam esse quasi breuiarium Euangelij, quia dum hanc orationem fundimus, simul admonemur quid credere, quid sperare, quid amare, quem colere, quid agere, quid fugere, quid appetere, quid contemnere debeamus, ut hic maxime locum habeat quod Cœlestinus scribit in epist. ad Gallos, cap. 11. *Legem credendi, adde & operandi, lex statuit supplicandi.*

ORDINE præstat, quoniam diuina planè methodo postulare docemur. Primum quæ ad gloriam Dei, deinde quæ ad salutem nostram pertinent; & in ijs primum æterna, deinde temporalia.

EFFICACITATE, siue utilitate præstat, quoniam (ut rectè notat Cyprianus) nihil potest Deum Patrem magis mouere, quàm oratio filij eius. Neque vllus melius nouit quæ sit oratio efficacior apud Deum, & quibus bonis nos potissimum egeamus, quàm is, quem Deus aduocatum nostrum, patronumq; constituit. Denique si quidquid petitur in nomine Christi, facillè impetratur, ut dicitur Ioân. 16. quanto facilius impetrabitur, quod non solum in nomine Christi, sed etiam verbis Christi postulabitur?

Præstat demùm etiam **NECESSITATE**, quoniam nulla est alia forma precandi, quam omnes Christiani conceptis verbis tenere & frequentare iubeantur, nisi ista. In Constit. Apostolicis, lib. 7. cap. 25. monentur Christiani omnes, ut quolibet die orationem hanc fundere. Item in Concilio Toletano IV. can. 9. iubemur, nullo vnquam die orationem hanc intermittere, quam non sine ratione sancti Patres Cyprianus serm. 6. & Augustinus in Enchirid. cap. 71. quotidianam vocauerunt. Denique in Concilio Remensi, ca. 2. docemur, non licere homini Christiano Dominicam orationem, aut non tenere memoria, aut non intelligere, aut non frequentare.

Addi potest alia excellentia, quod hanc orationem veteres Patres summo studio explicarunt. Vide Tertullianum in lib. de oratione, qui est postremus inter eius opera: Cyprianum in ser. 6. qui est de oratione Dominica: Cyrillum Hierosolymitanum Catechesi 5. Mystagogica: Ambrosium lib. 5. de Sacramentis, cap. 4. Gregorium Nyss. in quinque orationibus de oratione Dominica: Hieronymum in comment. ad cap. 6. Matth. Io. Chrysostomum in comment. eiusdem capituli, & in homil. de oratione Dominica: Augustinum in epist. 121. ad Probam, cap. 11. in Enchir. cap. 115. lib. 2. de serm. Domini in monte, cap. 8. & seq. serm. 18. de verbis Domini, homil. 42. ex lib. 50. homiliarum, serm. 126. 135. & 182. de tempore: Ioan. Cassianum Collat. 9. cap. 18. & sequentibus: Petrum Chrysologum serm. 67. & seq. Bernardum serm. 6. de Quadragesima: Innocentium Papam lib. 5. de mysterijs Missæ, cap. 17. Denique commentaria in cap. 6. Matthæi, vel 11. Lucæ, Theophylacti, Euthymij, Bedæ, Anselmi, Ruperti, Thomæ, Bonauenturæ, Alberti, & aliorum.

CAPVT V.

De numero & ordine petitionum orationis Dominicæ.

PETITIONES orationis Dominicæ septem esse communis habet sententia veterum & recentiorum, paucissimis tantùm exceptis, in quibus sunt Tertullianus in lib. de oratione, & Ioannes Calvinus in lib. 3. Instit. cap. 20. §. 35. qui sex tantùm esse contendunt, reuocantes ad vnā petitionem omnia illa verba: *Et ne nos inducas in tentationem, sed libera nos*

A à malo. Sed Tertulliano, ut ait S. Hilarius can. 5. in Mattheum, consequens error abtulit auctoritatem; & Calvinus, quod sit hostis Ecclesiæ manifestus, indignus est, cuius ratio habeatur, nisi fortè sit eius refellenda sententia.

Septem igitur esse petitiones orationis Dominicæ, disertis verbis docent Augustinus, Anselmus, Rupertus, Innocentius, Thomas, Bonauentura, suprâ citati. Reliqui veteres Cyprianus, Cyrillus, Nyssenus, Chrysost. & alij, non laborant de numero: sed ita tamen orationem tractant, ut satis apertè significant in septem petitiones esse diuisam.

B Quare falsum est, nisi mendacium etiam dici possit, quod iactat Calvinus, pro se facere veteres Patres, & ad marginem scribit Augustinum, & Chrysostomum. Nam Chrysostomus (ut monui) de numero non laborat. Augustinus autem sic loquitur in Enchir. cap. 115. *Proinde apud Euangelistam Mattheum septem petitiones continere Dominica videtur oratio.* Et in libro 2. de serm. Domini in monte, c. 16. *Vltima, inquit, & septima petitio est, Sed libera nos à malo.* Et c. 17. *Sed harum septem petitionum consideranda & commendanda distinctio est.* Et c. 18. *Videtur etiam mihi septenarius iste harum petitionum numerus congruere illi septenario numero, ex quo totus iste sermo manauit.* Idem habet in homil. 42. extrema ex lib. 50 homiliarum, ubi diuidit orationem Dominicam in tres petitiones, quibus æterna, & quatuor, quibus temporalia postulantur. Viderit igitur Calvinus, ubi legerit in Augustino senarium petitionum numerum.

C Accedit præterea etiam ratio, nam nisi petitiones sint septem, non erit oratio Dominica breuissima & plenissima, cum tamen à breuitate & plenitudine passim à sanctis Patribus laudetur. Non erit (inquam) breuissima, quoniam res eadem bis repetitur, videlicet: *Et ne nos inducas in tentationem, & Libera nos à malo.* Non est autem credibile, Dominum, qui paulò ante dixerat, *Orantes nolite multum loqui:* nunc formam orandi præscribere, in qua res vna & eadem diuersis verbis, id est, duabus sententijs significetur. Neque erit plenissima, quoniam si idem prorsus sint: *Ne nos inducas in tentationem, & Libera nos à malo:* non petemus liberari à malo præterito, sed solum à futuro; nec à malo pœnæ, sed solum à malo culpæ. Tentatio enim, in quam petimus non induci, non est malum præteritum, sed futurum, nec malum pœnæ, sed culpæ.

D Adde postremò, omninò congruere ut tot sint petitiones Dominicæ orationis, quot sunt dona Spiritus sancti, quandoquidem his petitionibus illa dona respondent, ut S. Augustinus demonstrat in 2. lib. de sermone Domini in monte.

E Porro habet Calvinus argumentum ex particula (*sed*) non omninò despicendum. Nam si duæ petitiones essent, *Ne nos inducas in tentationem, & Libera nos à malo:* non coniungerentur per aduersatiuam (*sed*) sed per copulationem *Et*, nunc autem ita dictum est: *Et ne nos inducas in tentationem, sed libera nos à malo.* Ac si dictum esset, *Ne nos inducas in tentationem, sed erue nos à tentatione.*

Sed est præterea alia grauior obiectio, quoniam Lucæ 11. non habetur illa sententia, *Sed libera nos à malo.* Et S. August. in Enchir. c. 116. dicit, idèd non fuisse additam à Luca illam sententiam, quoniam continetur in superiore. Atque hic fortasse est locus Augustini, ad quem respexit Calvinus, cum pro numero petitionum senario Augustinum citauit.

RESPONDEO, quod attinet ad particulam (*sed*) illam non esse positam hoc loco, ad explicandum quod antea dictum erat; id enim superuacaneum vi-

deretur, & breuitati orationis repugnaret, sed ad aliquid maius significandum, & quasi correctionis cuiusdam speciem proferat, quod clarius esset, si adderetur vocula (*potius*) hoc modo: Et ne nos inducas in tentationem, sed potius libera nos ab omni malo. Quomodo si debitor creditori dicat, Ne quæso repetas nummos, quæ mihi dedisti mutuum, sed adde potius aliquot alios.

Quod verè pertinet ad concordiam Matthæi & Lucæ, sciendum est apud Lucam in Latinis codicibus duas petitiones desiderari, *Fiat voluntas tua*, & *Libera nos à malo*. Proinde non sex, ut vult Calvinus, sed quinque tantum futuras esse petitiones, si obiectio illa locum habere debeat.

PRIMUM igitur fieri potest, ut in Latinis codicibus, incuria Librariorum, desint duæ illæ petitiones, quæ integræ habentur in codicibus Græcis & Syriacis, & exponuntur ab Euthymio & Theophylacto, in commentarijs Lucæ.

DEINDE fieri etiam potest, ut Dominus apud Lucam non integrè tradiderit orationem Dominicam. Constat enim alio tempore, & alijs auditoribus, Dominum docuisse formam orandi apud Lucam, quàm apud Matthæum. Et quoniam apud Lucam Dominus instituebat discipulos minores, quibus omnia breuius & imperfectius tradere sciebat, idèò fortasse (ut Rupertus notat) non integram orationem tradidit.

Denique TERTIO dici potest cum S. Augustino in Enchir. c. 116. duas petitiones apud Lucam omitti, quoniam aliquo modo in præcedentibus continentur. Non quod sint omninò eadem cum illis, sed quod valdè sint similes, & ex illis facile deduci queant. Nam idèò S. Augustinus addidit particulas (*quodammodo*, & *tanquam*) cum ait, tertiam esse quodammodo repetitionem primæ & secundæ, & septimam esse tanquam vnam cum sexta. Idem videmus factum esse in beatitudinibus. Nam Matth. c. 5. numerauit octo, Luc. c. 6. quatuor: sed (ut monet S. Ambrosius lib. 5. in Luc.) in illis octo, instæ quatuor sunt, & in istis quatuor, illæ octo. Itaque sicut verè omnium consensu octo sunt beatitudines Euangelicæ, quamuis Lucas contraxerit eas ad quatuor; ita septem sunt petitiones orationis Dominicæ, tametsi Lucas renouauerit eas ad quinque.

Iam verò quod attinet ad ordinem petitionum, S. August. in Enchir. c. 115. & lib. 2. de serm. Domini in monte, c. 17. docet tribus petitionibus prioribus peti res æternas, quatuor posterioribus temporales. Plenius rem totam explicat Cornelius Iansenius in Concordia Euang. Scribit enim PRIMO, peti bonorum largitionem. SECUNDO, malorum remotionem, & in bonis. PRIMO, bonum Dei: *Sanctificetur nomen tuum*. SECUNDO, bonum nostrum summum: *Adueniat regnum tuum*. TERTIO, bonum nostrum medium, id est, gratiam implendi mandata: *Fiat voluntas tua*. QUARTO, bonum nostrum infimum, id est, subsidia temporalia: *Panem nostrum quotidianum da nobis hodie*. In malis, PRIMO, peti remotionem mali præteriti: *Dimitte nobis debita nostra*. SECUNDO, mali futuri: *Et ne nos inducas in tentationem*. TERTIO, mali præsentis: *Sed libera nos à malo*.

Plenissimè S. Thomas in 2. 2. q. 83. art. 9. ita petitionum ordinem digere. Quoniam oratio interpres est desiderij, desiderium autem actus est charitatis, quæ diligimus Deum in se, & nos in Deo. Idèò PRIMO, petimus gloriam Dei, ut sanctificetur nomen ipsius, quæ petitio nascitur ex amore, quo diligimus Deum in se. SECUNDO, beatitudinem nostram, quam habebimus cum adueniet regnum Dei, & hæc petitio

ORITUR ex amore quo diligimus nos in Deo. TERTIO, medium principale, & per se ad beatitudinem; id verò est obedientia legis, fiat voluntas tua, nam per obedientiam legis mereamur beatitudinem. QUARTO, medium per se, sed instrumentarium, id est, panem tum spiritalem Verbi & Sacramentorum, tum etiam corporalem. QUINTO, medium per accidens, id est, remotionem peccati præteriti, quod propriè excludit à regno, & opponitur primo nostro bono. SEXTO, aliud ad medium per accidens, id est, remotionem peccati futuri, ne videlicet superemur à tentatione, quæ impedit ne Dei præcepta seruemus, quod erat bonum nostrum secundum. SEPTIMO, aliud medium per accidens, id est, remotionem mali præsentis, omnium videlicet huius vitæ miserationum, quatenus impediunt sufficientiam temporalium bonorum, quæ suo modo ad vitam æternam consequendam, vel necessaria, vel vtilia sunt. Quare mala ista, quæ in postrema petitione remoueri cupimus, opponitur tertio nostro bono, quod in quarta petitione à Domino postulamus.

CAPVT VI.

Exponitur oratio Dominica.

NUNC ad ipsa verba Dominicæ orationis explicanda veniamus, & non tam nostras, quàm Patrum sententias in medium adferamus.

Pater noster qui es in cælis.

Hæc pauca verba præfationem continent totius orationis breuissimam, pulcherrimam, atque vtilissimam. PRIMVM enim simul nos admonent adoptionis diuinæ, dum dicimus, *Pater noster*; & peregrinationis terrenæ, dum addimus, *qui es in cælis*, ut simul intelligamus nos egere auxilio, quia peregrini sumus, & fiduciam petendi concipiamus, quia filij Dei sumus. Ita S. Bernardus in serm. de natali beate Mariæ, qui inscribitur de aquæ ductu.

DEINDE, verba illa sunt quasi præmium benevolentiam captans, ut S. Augustinus monet in lib. 2. de sermone Domini in monte, cap. 18. Nam cum dicimus, *Pater noster*, laudamus bonitatem Dei, qui appellari dignatur à vilissimis seruulis; cum addimus, *qui es in cælis*, laudamus eius potentiam & excellentiam, qui in cælo, id est, in altissimo folio præsidet. Quæ duo significari solent illis duabus vocibus, Optimus, Maximus.

TERTIO, excitant illa verba in orante amorem & timorem, quæ sunt optimæ ad benè orandum præparationes; accenditur enim ad amorem, qui cogitat se patrem adire, ut cum eo de rebus sibi necessarijs colloquatur, & simul sancto timore concutitur, qui cogitat patrem illum in cælo sedere, & terrena simul ac cælestia moderari.

QUARTO, miro quodam artificio rationem insinuamus, cur Deus possit, & debeat nos audire. Nam si pater est, debet certè filijs quod iuste postulant, non negare; si in cælis est, ut summus rector vniuersitatis, in manu eius sunt omnia, & potest quæcunque voluerit facere.

QUINTO, nos ipsos (ut Cyprianus docet) admonemus, ut meminerimus nos patri terreno renunciasse, & patrem in cælis habere cœpisse, & idèò deinceps non terrenam, sed cælestem vitam nobis agendam, & non in terris, sed in cælis patriam & hæreditatem esse quærendam. Sed iam seorsim de singulis vocibus pauca dicenda sunt.

Ac primum de illa voce, Pater, annotandum est, ea voce significari primam personam sanctissime T. initatis; atque ad eam dirigi orationem Dominicā, ut docent Tertullianus, Cyprianus, Ambrosius, & Augustinus, locis supra notatis: quamvis (ut idem Tertullianus monet) in parte inuocentur etiam Filius & Spiritus sanctus, quorum una est natura, una potestas, una voluntas, una diuinitas. Quod idem seruari videmus in plerisque collectis, quæ diriguntur ad Patrem, & concluduntur per filium, qui cum eodem Patre & Spiritu sancto uiuit & regnat in sæcula sæculorum.

Solet autem quæri, an hoc loco dicatur Deus esse hominū Pater ratione creationis, iuxta illud Deut. 32. Nonne ipse est Pater meus, qui fecit & creauit te? An ratione adoptionis, de qua dicit Apostolus ad Rom. 8. Accepistis spiritum adoptionis filiorum, in quo clamamus, Abba Pater. Cæterum S. Cyprianus, Nyssen, Chrysostomus, Augustinus & alij affirmant, in hac oratione, Deum vocari Patrem, præcipue ratione adoptionis. Est enim hæc oratio propria noui Testamenti. Iudæi siquidem (ut Augustinus notat in 2. lib. de sermone Domini in monte, cap. 8.) ut serui audierunt in monte Sina: Ego sum Dominus Deus, qui eduksi te de terra Aegypti nos: (ut filij) orare iubemur, Pater noster qui es in cælis.

Ex quo colligit S. Gregorius Nyssen orat. 2. de oratione Dominica, eos, qui filij Dei nec sunt, nec esse volunt, quippe qui uoluntarie in peccato mortali persistunt, mendaciter dicere: Pater noster qui es in cælis: nam cum Patrem inuocant (ut ipse ait) non Deum, sed Diabolum inuocant; siquidem ex patre Diabolo sunt. Diabolus autem non est in cælis, sed in inferis. Ac de tali oratione recte intelligitur illud Prouerb. 18. Oratio eius erit execrabilis. Et illud cæci nati Ioan. 9. Scimus quia Deus peccatores non exaudit. Tamen si peccator pœnitentiam agere incipiat, & iam spe, ac desiderio filius Dei sit, non absurde dicere poterit, Pater noster, ut S. Hieronymus docet in epist. ad Damasum de filio prodigo; & probat ex eo quod filius prodigus Lucæ 15. nondum reconciliatus, dicit se indignum, qui vocetur filius, & tamen patrem appellat, cum ait: Pater peccati in cælum, & coram te. Quomodo etiam Isaïas in persona pœnitentis orat, cap. 63. Tu Domine, Pater noster es, &c.

Porro ad vocem noster, obseruandum est ea voce admoneri diuites & nobiles, ut notat S. Augustinus loco notato, ut non se extollāt supra ceteros, neque pauperes obscurosque despiciant, cum in hac oratione fateantur se pro fratribus Christianos omnes agnoscere. Item admoneri fideles, ut S. Cyprianus docet, unitatis & pacis, quam cum omnibus habere debemus, si exaudiri cupimus. Debent enim, qui vnum patrem communiter inuocant, esse cor vnum, & anima vna, & quasi vno ore dicere, Pater noster: quod de tribus pueris legimus Daniel. 3. Tunc hi tres quasi ex vno ore laudabant Deum. Denique ex hac voce colligunt Patres, Cyprianus, Ambrosius, Chrysostomus, meliorem esse orationem generalem, quam specialem. Ideo enim orare docemur, Pater noster, non Pater mi. Notat autem S. Ambrosius in lib. 1. de Cain, cap. 9. orationem generalem non solum utiliore esse alijs, sed etiam ipsi oranti. Nam dum singuli orant pro omnibus, sequitur, ut omnes orent pro singulis. Itaque si unusquisque diceret, Pater mi, nemo pro me oraret, nisi ego solus; at si dicat omnes Pater noster, omnes omnino, quotquot sunt in orbe Christiano, pro me orabunt: quæ sane est utilitas maxima.

Restant illæ voces, Qui es in cælis. De quibus quæri potest, quid hoc loco proprie significant.

A Siquidem sancti Patres, Cyrillus, Ambrosius & Augustinus, per cælum intelligunt mentes Sanctorum, in quibus Deus per gratiam inhabitat. Alii vero ut Gregorius Nyssen, Ioannes Chrysostomus & Cassianus locis citatis, & Bernardus serm. 1. in Psal. Qui habitat, intelligunt cælos corporales ac proprie dictos. Quamuis autem utraque expositio pia sit & vera, tamen posterior magis videtur litteræ, siue sententiæ Euangelicæ inherere. Nam in Scripturis passim cælū hoc corporale, quod ipseamus, sede Dei nominatur. ut Isaïa 66. Cælum mihi sedes est, terra autem scabellum pedum meorum. Et Mat. 5. Nolite iurare per cælum, quia thronus Dei est, neque per terram, quia scabellum est pedum eius.

B Dicitur autem Deus esse in cælo, non quod ubique non sit, sed quoniam in eo gloriam præsentis suæ maxime manifestat. Nam & beati in cælo Deum facie ad faciem vident, & nos ex cæli conspectu, quod est corporum omnium maximum & pulcherrimū, potentiam & sapientiam Dei maxime intelligimus: Cæli enim enarrant gloriam Dei, & opera manuum eius annuntiat firmamentum. Psal. 18.

C Porro aptissime fit mentio habitationis Dei in cælo in principio huius orationis; Tum ut admoneamur sursum cor habere, & nihil nisi cælestia cogitare debere, cum ad orandum accedimus, ut S. Augustinus notat in 2. lib. de serm. Domini in monte, ca. 4. Tum ut intelligamus, magno clamore opus esse, ut S. Bernardus docet in ser. 16. in Psal. Qui habitat, si a Deo exaudiri volumus, cum nos in profundo terrarum, ille in summo cælo sedem habeat. Quod recte intelligebat, qui dicebat: De profundis clamavi ad te Domine. Clamor autem iste non corporis, sed cordis, non vocis, sed dei deri accipiendus est.

PRIMA PETITIO.

Sanctificetur nomen tuum.

Hæc est petitio prima: quam quidem nonnulli referunt ad sanctitatem Dei in nobis vel inchoandam, vel perficiendam, ut videlicet petere intelligamur ut sancti simus, vel in sanctitate perseueremus. Ita Tertullianus & Cyprianus. Alii referunt ad gloriam nominis Dei, sed ex nostris bonis moribus & operibus consequentem, iuxta illud Matth. 5. Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est. Ita Cyrillus catech. 5. Mystagoga, Nyssen orat. 3. de oratione Dominica, Chrysostomus, Hieronymus & Rupertus, in c. 6. Matth. Sed optima & litteræ maxime inherens est explicatio S. August. lib. 1. de serm. Domini in monte, ca. 10. Cassiani Collat. 9. cap. 18. S. Bernardi serm. 6. in Quadragesima, & aliorum, qui dicunt simpliciter peti gloriam Dei, id est, ut innotescat omnibus nomen Dei, & ab omnibus sanctificetur. Quod fit, quando homines relictis Idolis, vel peccatis, agnoscunt Deum vnum & verum, illi credunt, in eum sperant, eum toto corde diligunt, laudant, prædicant, venerantur. Atque ita impletur quod Malachias futurum aliquando prædixit: Ab ortu solis usque ad occasum magnum est nomen meum in gentibus. Superiores enim explicationes, & præsertim prima, ideo minus probabiles sunt, quod hanc petitionem cum tertia fere confundunt.

SECUNDA PETITIO.

Adueniat regnum tuum.

Hæc est secunda petitio, in qua recto ordini

deretur, & breuitati orationis repugnaret, sed ad aliquid maius significandum, & quasi correctionis cuiusdam speciem proferat, quod clarius esset, si adderetur vocula (*potius*) hoc modo: Et ne nos inducas in tentationem, sed potius libera nos ab omni malo. Quomodo si debitor creditori dicat, Ne quæro repetas nummos, quos mihi dedisti mutuo, sed adde potius aliquot alios.

Quod verè pertinet ad concordiam Matthæi & Lucæ, sciendum est apud Lucam in Latinis codicibus duas petitiones desiderari, *Fiat voluntas tua*, &, *Libera nos à malo*. Proinde non sex, ut vult Caluinus, sed quinque tantum futuras esse petitiones, si obiectio illa locum habere debeat.

PRIMUM igitur fieri potest, ut in Latinis codicibus, incuria Libratorum, desint duæ illæ petitiones, quæ integræ habentur in codicibus Græcis & Syriacis, & exponuntur ab Euthymio & Theophylacto, in commentarijs Lucæ.

DEINDE fieri etiam potest, ut Dominus apud Lucam non integrè tradiderit orationem Dominicam. Constat enim alio tempore, & alijs auditoribus, Dominum docuisse formam orandi apud Lucam, quam apud Matthæum. Et quoniam apud Lucam Dominus instituebat discipulos minores, quibus omnia breuius & imperfectius tradere sciebat, ideò fortasse (ut Rupertus notat) non integram orationem tradidit.

Denique TERTIO dici potest cum S. Augustino in Enchir. c. 176. duas petitiones apud Lucam omitti, quoniam aliquo modo in præcedentibus continentur. Non quod sint omnino eadem cum illis, sed quod valde sint similes, & ex illis facile deduci queant. Nam ideò S. Augustinus addidit particulas (*quodammodo, & tanquam*) cum ait, tertiam esse quodammodo repetitionem primæ & secundæ, & septimam esse tanquam vnā cum sexta. Idem videmus factum esse in beatitudinibus. Nam Matth. c. 5. numerauit octo, Luc. c. 6. quatuor: sed (ut monet S. Ambrosius lib. 5. in Luc.) in illis octo, iustæ quatuor sunt, & in istis quatuor, illæ octo. Itaque sicut verè omnium consensu octo sunt beatitudines Euangelicæ, quamuis Lucas contraxerit eas ad quatuor; ita septem sunt petitiones orationis Dominicæ, tametsi Lucas renouauerit eas ad quinque.

Iam verò quod attinet ad ordinem petitionum, S. August. in Enchir. c. 115. & lib. 1. de serm. Domini in monte, c. 17. docet tribus petitionibus prioribus peti res æternas, quatuor posterioribus temporales. Plenius rem totam explicat Cornelius Ianfenius in Concordia Euang. Scribit enim PRIMO, peti bonorum largitionem. SECUNDO, malorum remotionem, & in bonis. PRIMO, bonum Dei: *Sanctificetur nomen tuum*. SECUNDO, bonum nostrum summum: *Adueniat regnum tuum*. TERTIO, bonum nostrum medium, id est, gratiam implendi mandata: *Fiat voluntas tua*. QUARTO, bonum nostrum infimum, id est, subsidia temporalia: *Panem nostrum quotidianum da nobis hodie*. In malis, PRIMO, peti remotionem mali præteriti: *Dimitte nobis debita nostra*. SECUNDO, mali futuri: *Et ne nos inducas in tentationem*. TERTIO, mali præsentis: *Sed libera nos à malo*.

Plenissimè S. Thomas in 2.2. q. 83. art. 9. ita petitionum ordinem digerit. Quoniam oratio interpret est desiderij, desiderium autem actus est charitatis, quæ diligimus Deum in se, & nos in Deo. Ideò PRIMO, petimus gloriam Dei, ut sanctificetur nomen ipsius, quæ petitio nascitur ex amore, quo diligimus Deum in se. SECUNDO, beatitudinem nostram, quam habebimus cum adueniet regnum Dei, & hæc petitio

ORITUR ex amore quo diligimus nos in Deo. TERTIO, medium principale, & per se ad beatitudinem; id verò est obedientia legis, fiat voluntas tua, nam per obedientiam legis meremur beatitudinem. QUARTO, medium per se, sed instrumentarium, id est, panem cum spiritalem Verbi & Sacramentorum, cum etiam corporalem. QUINTO, medium per accidens, id est, remotionem peccati præteriti, quod propriè excludit à regno, & opponitur primo nostro bono. SEXTO, aliud ad medium per accidens, id est, remotionem peccati futuri, ne videlicet superemur à tentatione, quæ impedit ne Dei præcepta seruemus, quod erat bonum nostrum secundum. SEPTIMO, aliud medium per accidens, id est, remotionem mali præsentis, omnium videlicet huius vitæ miserationum, quatenus impediunt sufficientiam temporalium bonorum, quæ suo modo ad vitam æternam consequendam, vel necessaria, vel vtilia sunt. Quare mala ista, quæ in postrema petitione remoueri cupimus, opponitur tertio nostro bono, quod in quarta petitione à Domino postulamus.

CAPVT VI.

Exponitur oratio Dominica.

NUNC ad ipsa verba Dominicæ orationis explicanda veniamus, & non tam nostras, quam Patrum sententias in medium adferamus.

Pater noster qui es in cælis.

Hæc pauca verba præfationem continent totius orationis breuissimam, pulcherrimam, atque vtilissimam. PRIMUM enim simul nos admonent adoptionis diuinæ, dum dicimus, *Pater noster*; & peregrinationis terrenæ, dum addimus, *qui es in cælis*, ut simul intelligamus nos egere auxilio, quia peregrini sumus, & fiduciam petendi concipiamus, quia filij Dei sumus. Ita S. Bernardus in serm. de natali beatæ Mariæ, qui inscribitur de aquæ ductu.

DEINDE, verba illa sunt quasi præmium benevolentiam captans, ut S. Augustinus monet in lib. 2. de sermone Domini in monte, cap. 18. Nam cum dicimus, *Pater noster*, laudamus bonitatem Dei, qui appellari dignatur à vilissimis seruis; cum addimus, *qui es in cælis*, laudamus eius potentiam & excellentiam, qui in cælo, id est, in altissimo folio præsidet. Quæ duo significari solent illis duabus vocibus, Optimus, Maximus.

TERTIO, excitant illa verba in orante amorem & timorem, quæ sunt optimæ ad bene orandum præparationes; accenditur enim ad amorem, qui cogitat se patrem adire, ut cum eo de rebus sibi necessarijs colloquatur, & simul sancto timore concuteitur, qui cogitat patrem illum in cælo sedere, & terrena simul ac cælestia moderari.

QUARTO, miro quodam artificio rationem insinuamus, cur Deus possit, & debeat nos audire. Nam si pater est, debet certè filijs quod iuste postulant, non negare; si in cælis est, ut summus rector vniuersitatis, in manu eius sunt omnia, & potest quæcunque voluerit facere.

QUINTO, nos ipsos (ut Cyprianus docet) admonemus, ut meminerimus nos patri terreno renunciasse, & patrem in cælis habere cœpisse, & ideò deinceps non terrenam, sed cælestem vitam nobis agendam, & non in terris, sed in cælis patriam & hæreditatem esse querendam. Sed iam seorsim de singulis vocibus pauca dicenda sunt.

Ac primum de illa voce, Pater, annotandum est, ea voce significari primam personam sanctissime Trinitatis; atque ad eam dirigi orationem Dominicā, ut docent Tertullianus, Cyprianus, Ambrosius, & Augustinus, locis supra notatis: quamvis (ut idem Tertullianus monet) in parte inuocentur etiam Filius & Spiritus sanctus, quorum una est natura, una potestas, una voluntas, una diuinitas. Quod idem seruari videmus in plerisque collectis, quæ diriguntur ad Patrem, & concluduntur per filium, qui cum eodem Patre & Spiritu sancto uiuit & regnat in sæcula sæculorum.

Solet autem queri, an hoc loco dicatur Deus esse hominū Pater ratione creationis, iuxta illud Deut. 32. *Nonne ipse est Pater meus, qui fecit & creauit me?* An ratione adoptionis, de qua dicit Apostolus ad Rom. 8. *Accepisti spiritum adoptionis filiorum, in quo clamamus, Abba Pater.* Cæterum S. Cyprianus, Nyssen, Chrysostomus, Augustinus & alij affirmant, in hac oratione, Deum vocari Patrem, præcipue ratione adoptionis. Est enim hæc oratio propria noui Testamenti. Iudæi siquidem (ut Augustinus notat in 2. lib. de sermone Domini in monte, cap. 8.) ut seruus audierunt in monte Sina: *Ego sum Dominus Deus, qui eduxi te de terra Aegypti nos:* (ut filij) orare iubemur, *Pater noster qui es in cælis.*

Ex quo colligit S. Gregorius Nyssen orat. 2. de oratione Dominica, eos, qui filij Dei nec sunt, nec esse volunt, quippe qui uoluntarie in peccato mortali persistunt, mendaciter dicere: *Pater noster qui es in cælis:* nam cum Patrem inuocant (ut ipse ait) non Deum, sed Diabolum inuocant; siquidem ex patre Diabolo sunt. Diabolus autem non est in cælis, sed in inferis. Ac de tali oratione recte intelligitur illud Prouerb. 28. *Oratio eius erit execrabilis.* Et illud cæciniti Ioan. 9. *Scimus quia Deus peccatores non exaudit.* Tamen si peccator pœnitentiam agere incipiat, & iam spe, ac desiderio filius Dei sit, non absurde dicere poterit, *Pater noster*, ut S. Hieronymus docet in epist. ad Damasum de filio prodigo; & probat ex eo quod filius prodigus Lucæ 15. nondum reconciliatus, dicit se indignum, qui vocetur filius, & tamen patrem appellat, cum ait: *Pater peccauit in cælum, & coram te.* Quomodo etiam Isaias in persona pœnitentiū orat, cap. 63. *Tu Domine, Pater noster es, &c.*

Porro ad vocem *noster*, obseruandum est ea voce admoneri diuites & nobiles, ut notat S. Augustinus loco notato, ut non se extollāt supra cæteros, neque pauperes obscurosque despiciant, cum in hac oratione fateantur se pro fratribus Christianos omnes agnoscere. Item admoneri fideles, ut S. Cyprianus docet, unitatis & pacis, quam cum omnibus habere debemus, si exaudiri cupimus. Debēt enim, qui vnum patrem communiter inuocant, esse cor vnum, & anima vna, & quasi vno ore dicere, *Pater noster*: quod de tribus pueris legimus Daniel. 3. *Tunc hi tres quasi ex vno ore laudabant Deum.* Denique ex hac voce colligunt Patres, Cyprianus, Ambrosius, Chrysostomus, meliorē esse orationem generalem, quā specialē. Ideo enim orare docemur, *Pater noster*, non *Pater mi.* Notat autem S. Ambrosius in lib. 1. de Cain, cap. 9. orationem generalem non solum utiliore esse alijs, sed etiam ipsi oranti. Nam dum singuli orant pro omnibus, sequitur, ut omnes orent pro singulis. Itaque si vnusquisque diceret, *Pater mi*, nemo pro me oraret, nisi ego solus; at si dicāt omnes *Pater noster*, omnes omnino, quotquot sunt in orbe Christiano, pro me orabūt: quæ sane est utilitas maxima.

Restant illæ voces, *Qui es in cælis*: De quibus queri potest, quid hoc loco proprie significant.

A Siquidem sancti Patres, Cyrillus, Ambrosius & Augustinus, per cælum intelligunt mentes Sanctorum, in quibus Deus per gratiam inhabitat. Alii vero ut Gregorius Nyssen, Ioannes Chrysostomus & Cassianus locis citatis, & Bernardus serm. 1. in Psal. *Qui habitat*, intelligunt cælos corporales ac proprie dictos. Quamuis autem utraque expositio pia sit & vera, tamen posterior magis videtur literæ, siue sententiæ Euangelicæ inhærere. Nam in Scripturis passim cælū hoc corporale, quod spectamus, sedes Dei nominatur. ut Isaia 66. *Cælum mihi sedes est, terra autem scabellum pedum meorum.* Et Matæ. 5. *Nolite inuolare per cælum, quia thronus Dei est, neque per terram, quia scabellum est pedum eius.*

B Dicitur autem Deus esse in cælo, non quod ubiq; non sit, sed quoniam in eo gloriam præsentis suæ maxime manifestat. Nam & beati in cælo Deum facie ad faciem vident, & nos ex cæli conspectu, quod est corporum omnium maximum & pulcherrimū, potentiam & sapientiam dei maxime intelligimus: *Cæli enim enarrant gloriam Dei, & opera manuum eius annuntiant firmamentum, Psal. 18.*

C Porro aptissime fit mentio habitationis dei in cælo in principio huius orationis; Tum ut admoneamur sursum cor habere, & nihil nisi cælestia cogitare debere, cum ad orandum accedimus, ut S. Augustinus notat in 2. lib. de serm. Domini in monte, ca. 1. Tum ut intelligamus, magno clamore opus esse, ut S. Bernardus docet in ser. 16. in Psal. *Qui habitat*, si a Deo exaudiri volumus, cum nos in profundo terrarum, ille in summo cælo sedem habeat. Quod recte intelligebat, qui dicebat: *Deprofundis clamaui ad te Domine.* Clamor autem iste non corporis, sed cordis, non vocis, sed dei deri accipiendus est.

PRIMA PETITIO.

Sanctificetur nomen tuum.

D Hæc est petitio prima: quam quidem nonnulli referunt ad sanctitatem dei in nobis vel inchoandam, vel perficiendam, ut videlicet petere intelligamur ut sancti simus, vel in sanctitate perseueremus. Ita Tertullianus & Cyprianus. Alii referunt ad gloriam nominis dei, sed ex nostris bonis moribus & operibus consequentem, iuxta illud Matæ. 5. *Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est.* Ita Cyrillus catech. 5. Mystagoga, Nyssen orat. 3. de oratione Dominica, Chrysostomus, Hieronymus & Rupertus, in c. 6. Matæ. Sed optima & literæ maxime inhærēs est explicatio S. August. lib. 2. de serm. Domini in monte, ca. 10. Cassiani Collat. 9. cap. 18. S. Bernardi serm. 6. in Quadragesima, & aliorum, qui dicunt simpliciter peti gloriam dei, id est, ut innotescat omnibus nomen dei, & ab omnibus sanctificetur. Quod sit, quādo homines relictis Idolis, vel peccatis, agnoscunt Deum viuū & verū, illi credunt, in eum sperant, cum toto corde diligūt, laudant, prædicant, venerantur. Atque ita impletur quod Malachias futurū aliquando prædixit: *Ab ortu solis usque ad occasum magnum est nomen meum in gentibus.* Superiores enim explanationes, & præsertim prima, ideo minus probabiles sunt, quod hanc petitionem cum tertia fere confundunt.

SECUNDA PETITIO.

Adueniat regnum tuum.

Hæc est secunda petitio, in qua recto ordi-

petimus nostram beatitudinem, cum in prima petierimus gloriam Dei. Regnum enim Dei in sacris literis triplex inuenitur, regnum gloriæ, regnum gratiæ, & regnū quod naturæ, vel naturale dici potest.

Ac ut ab hoc postremo incipiamus, regnum Dei naturale dicitur imperium illud, quod naturaliter Deus habet in omnes res creatas, quas pro arbitrio regit & gubernat: de quo legimus in Psal. 144. *Regnum tuum, regnum omnium seculorum.* De hoc regno nemo est qui petitionem secundam orationis Dominicæ explicandam censuerit. Quoniam non est opus petere, ut fiant ea, quæ semper fiunt, nec possunt non fieri. Hoc autē regnum semper est, ac fuit & erit: & quāvis impij nihil magis moliantur, quā regnum Dei, id est ordinem diuinæ providentiæ perturbare: tamen semper fit, quod Deus vult fieri, & ut Machabæus ait Esther 13. *In ditione Dei cuncta sunt posita, neque est, qui possit eius resistere voluntati.*

Regnum gratiæ est illud, quo Deus regnat in Ecclesia in mentibus fidelium, de quo dicitur Matthæi 13. *Colligens de regno eius omnia scandala.* De hoc regno exponunt hanc petitionem nonnulli, ut S. Ambrosius lib. 5. de Sacramentis, c. 4. Rupertus in comment. c. 6. Matth. & alij.

Sed verissima expositio est de regno gloriæ, quod inchoatur vunc in spiritibus beatorum, & perficietur in nouissimo die, quando beati accepta gloria etiam corporum cum Deo perfecte, feliciterque regnabunt. Tūc enim tolletur omnis potestas dæmonum & hominum impiorum, & solus Deus, & filij eius sine vlla resistantia, vbique regnabunt.

Hanc esse expositionem optimam perspicuum est. Primo, quoniam in eam conveniunt Tertullianus, Cyprianus, Cyrillus, Chrysostomus, Hieronymus, Augustinus, Cassianus, Bernardus, & alij fere omnes. Secundo, quoniam superior expositio confundit hanc petitionem cum sequenti: hæc autem vnam ab alia cōmode apteque distinguit. Tertio, quoniam nisi ita dicamus, nusquā in tota Dominica oratione petetur beatitudo, quæ tamen in primis petenda esse videtur. Nam (ut docet S. Augustinus in Psal. 118. conc. 20.) quemadmodum ante Christi Incarnationē omnia vota piorū in primum Christi aduentum aspiciant: ita nunc par est, ut aspiciant in secundū: quod etiam Apostolus monet cum ait Ro. 8. *Et ipsi intra nos gemimus adoptionem filiorum Dei expectantes redemptionem corporis nostri.* Et 2. Tim. 4. *Reposita est tibi corona iustitiæ, quam reddet tibi in illa die iustus iudex: non solum autem tibi, sed etiam illis, qui diligunt aduentum eius.* Et ad Tit. 2. *Expectantes beatam spem & aduentum gloriæ magni Dei.* Quarto, quoniam in Scripturis regnū Dei, quod promittitur esse venturum, vix vquam aliter accipitur, quā pro resurrectione & gloria cœlesti, ut Lucæ 13. *Cum videritis Abraham, Isaac, & Iacob, & omnes Prophetas in regno Dei: vos autem expellistis foras.* Et c. 14. *Beatus qui manducabit panem in regno Dei.* Et Matth. 5. *Venite benedicti Patris mei, possidete patrum vobis regnum & constitutionem mundi.*

TERTIA PETITIO.

Fiat voluntas tua sicut in cælo & in terra.

Recte distinguunt Theologi voluntatem Dei in voluntatem signi & voluntatem beneplaciti: ac voluntatem signi appellant præcepta & prohibitiones, quibus Deus significat, quid à nobis agi, vel non agi velit. Voluntatem beneplaciti nominant eam, qua Deus vult absolute aliquid fieri, quæ semper impletur, & quam nulla vis externa impedire potest.

A De priore intelliguntur ea loca Matth. 12. *Quicumque fecerit voluntatem Patris mei, qui in cælis est, ille meus frater, & soror, & mater est.* Ioan. 4. *Mens cibus est, ut faciam voluntatem eius qui misit me.* 1. Thess. 4. *Ita est enim voluntas Dei sanctificatio vestra.* Hebr. 10. *Ut voluntatem Dei facientes, reperiatis promissionem.*

De posteriore intelliguntur illa Psal. 113. *Omnia quæcumque voluit Dominus fecit in cælo & in terra.* Itā. 46. *Omne consilium meum stabit, & omnis voluntas mea fiet.* Esther 13. *Non est qui tua possit resistere voluntati.* In hac autem petitione, *Fiat voluntas tua*, conveniunt sancti Patres initio citati, accipi voluntatē pro voluntate signi. Id enim est, quod petimus ut gratia & auxilium Dei nobis adsit, quo possimus ac velimus diuina implere mandata.

B Observat autē hoc loco Auctor operis imperfecti in Matthæū recte dictum esse, *Fiat voluntas tua*: non autem, *fac in nobis voluntatem tuam*, vel, *faciamus voluntatem tuam*; ut intelligamus obedientiam legis quam Dei ope præstamus, non esse opus solius Dei, nec solius liberi nostri arbitrij, sed utriusque simul.

C Quamvis autem hæc petitio præcipue referatur ad obedientiam legis & voluntatem signi: tamen potest etiam aliquo modo referri ad voluntatem beneplaciti, quatenus videlicet debemus nunquam reprehendere beneplacitum Dei, neque de eo submurmurare, etiam si nos affligi ac premi velit, sed ei, patienter & libenter etiam acquiescere. Nam hoc modo Dominus dixit Matth. 26. *Non mea, sed tua voluntas fiat.* Et Actor. 21. cum discipuli non possent Paulum retinere, quo minus in Hierusalem ad manifesta pericula carceris & vinculorum pergeret, dixerunt: *Voluntas Domini fiat.*

S. quoque Cyprianus in sermone de mortalitate, cum hortaretur populū, ut æquo animo ferret mortalitatem, quæ tunc in illa provincia grassabatur: *Memnisse, inquit, debemus voluntatem nos non nostram, sed Dei facere debere, secundum quod nos Dominus quotidie iussit orare.*

D Et S. Augustinus in serm. 109. de tempore, qui est primus in feria tertia post Dominicam passionis, adducens illud quod paulo ante citavimus ex Actis Apostolorum: *Voluntas Domini fiat, Nunquid, inquit, quia dixerunt, Voluntas Domini fiat, optaverunt Apostolo, ut talia pareretur, ac non potius mentem suam sublimi, & diuino statuto deuotissime subderunt?*

E Cæterum recte docet idem Augustinus in Enchiridio, cap. 101. non semper nobis optandum esse, ut fiat, quod Deus vult fieri voluntate beneplaciti, tametsi nunquam displicere debeat consilium Dei. Sæpe enim aliud conuenit Deo, ut velit, aliud nobis. Ex quo etiam fit, ut sæpe homo bona voluntate non velit quod Deus vult; ut quando Ioseph ab Arimathia volebat Christum occidi, & ideo non erat consentiens actibus Iudæorum; Lucæ 23. & sæpe mala voluntate velit quod Deus vult, ut cum Iudæi Christum occidi voluerunt.

Hinc etiam intelligimus, non esse malum dolere propter afflictiones Ecclesiæ, aliæque mala, quæ ex beneplacito Dei nobis adueniunt, atque ea etiam deprecari. Sic enim Samuel fleuit Saulem Regem, quem sciebat à Deo reprobatum, & David fleuit interitum Absalonis; & Hieremias amarissime luctu deuastationem Hierosolymæ, & ipse Dominus videns civitatem fleuit super eam, & mortem etiam suam horrens orauit ad Patrem, ut si fieri posset, transiret ab eo hora. Denique omnes Patres in funebribus orationibus defleunt mortes eorum; quorum vita Ecclesiæ utilis esse videbatur.

Summa igitur sit, voluntati beneplaciti non esse obmurmurandum, sed voluntatem signi à nobis esse totis viribus perficiendam. Quamvis enim non semper velle debeamus quod Deus vult absolute fieri, semper tamen velle debemus id, quod Deus vult nos velle, quod ut diximus explicatur nobis per legem & præcepta. 1. Regum 15. Nunquid vult Deus holocausta & victimas, & non magis ut obediat vobis Domini?

Quod autem additur, *Sicut in celo & in terra*, quatuor modis à Patribus explicatur. PRIMVM enim per cælum intelligunt spiritum, per terram carnem. Et quoniam caro concupiscit aduersus spiritum, spiritus autem aduersus carnem, dicunt, nos petere, ut concordet caro cum spiritu, & sicut spiritus seruit legi Dei, ita & caro nõ seruiat ampli⁹ legi peccati, sed legi Dei. Ita Tertullianus, Cyprianus & Augustin.

Rursus per cælum intelligunt fideles & iustos, per terram infideles & peccatores, ut sensus petitionis sit, ut sicut fideles & iusti Deo seruiunt, ita infideles & peccatores conuertantur ad Deum, eique subijciantur & seruiant. Ita Cyprianus.

Item per cælum intelligunt Christum, per terram Ecclesiam, atq; id peti dicunt, ut Ecclesia sponsum suum imitetur in obedientia Deo præstanda. Ille enim obediens fuit vsque ad mortem, mortem autem crucis. Ita Augustinus lib. 2. de serm. Domini in monte, cap. 12.

Sed expositio communis, & plane litteralis est, ut per cælum intelligatur cælestis Hierusalem, siue Ecclesia triumphans, per terram Ecclesia, quæ militat & peregrinatur in terris. Id enim optamus, ut sicut in cælo Angeli sancti Deo prompte, perfecte, atque in omnibus obediunt, ita & nos per Dei gratiam faciamus: ita exponunt omnes Patres initio citati tum Græci, tum Latini: solis exceptis Tertulliano & Cypriano, qui huius expositionis non meminerunt.

QUARTA PETITIO.

Panem nostrum quotidianum da nobis bodie.

Hæc est petitio quarta, de qua tres inuenio auctorum sententias. Prima eorum est, qui existimant, hoc loco nihil aliud peti nisi panem corporalem. Ita exponunt Chrysostomus, & auctor operis imperfecti cap. 6. Matthæi, quam sententiam mordicus defendunt Philippus Melanchthon in Locis, tit. de inuocatione & precatione. Et Ioannes Calvinus lib. 3. Institut. cap. 20. §. 44. sed hoc interest inter illos veteres Patres, & hos recentiores hæreticos, quod illi non reprehendunt eos, qui de pane spirituali hanc petitionem accipiunt, isti non sine conuicio excipiunt, si quis audeat de spirituali pane hunc locum exponere.

Sed notandus est puerilis lapsus Philippi Melanchthonis, qui Chrysostomum reprehendit, omnino nesciens quid loquatur: Chrysostomus, inquit, & alij multi infulse deprauant precationem, quam tradidit Christus cum panem quotidianum nolunt intelligi de corporali pane. Hæc ille loco citato. Itaque Philippus non legit Chrysostomum, sed cum fureret pro defensione panis corporalis, illum verbis flagellare cepit, qui primus animo eius occurrit.

Hæc prima sententia minime nobis probatur, Primo quoniam omnes Patres initio citati, Chrysostomo, & auctore operis imperfecti exceptis, de pane spirituali vel solo, præcipue hunc locum accipiunt: Secundo, quoniam valde imperfecta & manca esset Oratio Dominica, si tam diligenter per eam peteretur cibus corporis, & cibi spiritualis nul-

la mentio fieret. Tercio, quoniam ut S. Augustinus docet lib. 2. de sermone Domini in monte, c. 12. non est credibile Dominum voluisse tam sollicite peti panem corporalem, aut solum, aut præcipue, cum in eodem sermone præceperit, cauendam esse sollicitudinem rerum corporalium, dicens: Nolite solliciti esse, dicentes, quid manducabimus, aut quid bibemus, aut quo operiemur: hæc enim omnia gentes inquirunt. Scitis enim Pater vester, quia his omnibus indigetis. Querite ergo primum regnum Dei, & iustitiam eius, & hæc omnia adicientur vobis. Vbi propterea videtur dixisse Dominus: *Scit Pater vester, quia his omnibus indigetis*, ut intelligeremus, non esse opus, ista sollicite & anxie querere. Quemadmodum etiam non dixit, Querite primū regnum Dei, & iustitiam eius, deinde hæc temporalia, sed, *Et hæc omnia adicientur vobis*, videlicet, etiam non querentibus.

Respondent aliqui, hoc ipsum esse, non esse sollicitum de temporalibus, si quis iacēt cogitatū suum in Domino, & non aliter ista querat, nisi per orationem à Patre cælesti ea petendo. At responsio ista aspernanda non esset, si dicerent, hæc bona peti à Deo debere, ut additamenta, obiter, implicite, raro: quod autē ipsi volunt hæc peti in media oratione Dominica, quam debemus quotidie summa attentione, summoque studio fundere, non recte vitium nimie sollicitudinis & anxietatis excusat. Quomodo enim non erimus de cibo corporis nimium solliciti, si eum tam crebro, & tanta cum attentione flagitemus?

Altera expositio est S. Hieronymi in cap. 6. Matthæi, & in cap. 2. ad Tit. S. Ambrosij lib. 5. de Sacramentis, ca. 4. Cyrilli Catechesi 5. Mystagogica. Ioannis Cassiani Collat. 9. c. 21. & 24. & Petri Chrysologi in serm. de oratione Dominica, qui exponunt hanc petitionem de solo pane spirituali, Quæ sententia si ita velit de pane spirituali hunc locum esse intelligendum, ut omnino excludatur panis corporalis, non videtur admodum esse probabilis. Nam cum panis corporalis recte desiderari & peti possit, ut perspicuum est ex illa oratione sapientis Prouerbio, 30. *Tribue tantum vultui meo necessaria.* Et ex voto illo Patriarchæ Iacob Genesis 28. *Si fuerit Dominus mecum, & custodieris me in via per quam ego ambulo, & dederis mihi panem ad vescendum, & vestimentum ad induendum, reuersusque fuero prospere ad domum patrum meorum, erit mihi Dominus in Deum, &c.* Certe debuit in hac oratione aliquo modo peti, ut sit oratio perfectissima, & contineat omnia, quæ peti possunt, ut supra docuimus ex Augustino in epist. 121. c. 12.

Est igitur tertia sententia sine dubio recipienda, quæ docet: nomine panis intelligi debere alimenta in genere, id est, omnia subsidia necessaria ad vitam cum animæ tum corporis conseruandam: & quoniam subsidia vitæ spiritualis, ut Sacramenta, conciones, & alia id genus, multo magis sunt, & necessaria & nobilia, quam subsidia vitæ corporalis, ideo intentionem orantis ferri debere ad panem spirituale, ut ad id quod primario petitur, ad panem autem corporalem, ut ad quoddam additamentum.

Hæc sententia communissima est apud Patres. Sic enim exponunt hunc locum Tertullianus, Cyprianus, Gregorius Nyssenus, Theophylactus, Euthymius, Beda, & alij, quos initio citauimus, & sanctus Augustinus in Enchiridio, c. 115. & in epist. 121. c. 11. proinde quod idem auctor in lib. 2. de sermone Domini in monte, c. 12. explicat hunc locum de solo pane spirituali, intelligendum est, de solo pane principaliter, & primaria intentione petendo, non

autem absolute de solo pane spirituali, alioqui manifeste secum ipse pugnaret. Quo modo etiam exponi possent omnes illi Patres, quos pro secunda opinione citauimus.

Vna tantum est obiectio aduersus hanc sententiam tertiam, quod vox Græca *ἐπιούσιος*, quæ est tam apud Matthæum, quàm apud Lucam, non videatur posse conuenire pani corporali. Nam vel significat supersubstantialem, vel certe eximium, peculiarem, excellentem. Idem est enim (vt S. Hieronymus dicit) *ἐπιούσιος* & *μετέωρος*. Vox autem *μετέωρος* peculiarem significat, vt perspicuum est ex Deuter. c. 7. 14. & 26. Et ex epist. ad Tit. c. 1. vbi populus electus, & peculiaris dicitur *λαός μετέωρος*.

Respondeo, Vox *ἐπιούσιος*, si sonum spectes, supersubstantialem significat: tamen si rem subiectam consideres pro eodem accipitur, pro quo substantialis, siue essentialis, vt non tam ad excellentiam, quàm ad necessitatem panis, referenda esse videatur. Nam Græci Patres, qui vim Græci vocabuli optime nouerant, vt Basilii in quæstionibus breuioribus q. 252. Gregorius Nyssenus orat. 4. de oratione Dominica, Ioannes Chrysostomus, Theophylactus & Euthymius in commentario ad 6. cap. Matt. dicunt, *ἐπιούσιος* esse panem substantialem, id est, substantiæ nostræ alendæ accommodatum. Quo etiam respexit antiquus interpres, qui quotidianum reddidit, id est, quo pane quotidie indigemus.

At inquires, vulgata editio Matth. 6. habet supersubstantialem, quæ Latina vox nō videtur nisi ad excellentiam posse referri. Respondeo. Primum non desunt multi codices antiqui vulgatæ editionis, qui non habeant supersubstantialem, sed quotidianum. Quomodo etiam legisse constat S. Cyprianum: imo & Ecclesiam Latinam vniuersam, quæ in oratione Dominica, quam ex Matthæo sine dubitatione desumpsit semper orauit & orat, *Panem nostrum quotidianum da nobis hodie*. Deinde sicut Græci *ἐπιούσιος* legunt, & tamen non habita ratione præpositionis exponunt substantialem, cur non possumus & nos Latini legere supersubstantialem, vt verbum verbo respondeat, & tamē non habita ratione præpositionis exponere substantialem? Adde quod cum vulgata Latina editio eandem Græcam vocem *ἐπιούσιος* reddat apud Lucam quotidianum, apud Matthæum, substantialem, ita debet exponi vox supersubstantialis, vt cum voce, quotidianus, apte consentiat. Consentiet autem aptissime, si per illud (supersubstantialem) significari dicamus panē substantiæ nostræ alendæ & conseruandæ quotidie necessarium. Denique potest etiam supersubstantialis idem esse quod valde substantialis. Quomodo dicimus superabundare & supereminere, valde abundare & valde eminere. Qua significatione idem omnino erit panis supersubstantialis, & quotidianus. Ideo enim quotidie necessarius est, quia valde substantialis est. Sed iam de singulis vocibus huius petitionis pauca dicamus.

PANEM. Recte panem petimus, posteaquàm gratiam, quæ est animæ vita, petiuimus. Nihil enim prius appetit: qui viuere cœpit, quàm panem. Recte etiam nomine panis significatur omnia subsidia vitæ spirituali & corporali necessaria. Nā & Sacramentū altaris, quod est vnum ex præcipuis animæ subsidijs, panis dicitur, 1. Cor. 11. & Verbu Dei, cuius prædicatione etiā pascimur, dici potest etiam panis, cum dicat Apostolus 1. Tim. 4. *Ennirius verbum fidei*. Et Heb. 6. *Gustauerunt bonum Dei verbum*. Denique cibum omnē corporalem in Scripturis panis nomine cōprehendi notius est, quā vt sit necesse probari.

A. NOSTRUM. Recte ad panem additur nostrum, tum vt intelligamus panē Eucharistiæ esse nostrum, id est, proprium filiorum, quem alieni habere non possunt, vt S. Cyprianus exponit: Tum quia non cupimus panem alienum, id est, verbum prædicationis hereticæ, sed panē nostrum, id est, doctrinam sanam, Catholicam, Orthodoxam: qualis Ecclesiæ filijs dispensatur. Tum deniq; quoniam etiam panem corporalem non volumus alienum, id est, furto, rapina, fraudibus, malisq; artibus acquisitum, sed nostrum, hoc est, proprio labore & industria: vel ex iustis legitimisque redditibus, Deo benedicente, partum: de qua re vide auctorem operis imperfecti.

QUOTIDIANVM. Hanc vocem addere iubemur, primum, Cypriano & Chrysostomo auctoribus, vt intelligamus non esse querenda superuacanea & curiosa, sed substantialem, simplicia, necessaria, sine quibus nullo die viuere possumus. Deinde (vt iidē auctores docent) ne de crastino solliciti simus, sed tāquam hospites, & peregrini viuamus in diem. Tertio, quotidianum petimus, S. August. monet in serm. 182. ad sufficientiam panis æterni, quo panem ita fruemur in cælo, vt semel gustatus æternam adferat saturitatem. Quare non erit opus quotidie illum petere, vel accipere.

DA NOBIS. Quamuis non petamus neque expectemus, vt Deus pluat māna de cælo, vel Sacramenta per Angelos administret, aut sapiētiam dormientibus infundat: sed in sudore vultus nostri panē nostrum tum spirituale, tum corporalem manducare velimus: tamen recte dicimus, *da nobis*. Tum quia sine Dei prouidentia & auxilio, inanes essent nostri conatus: Tum etiam (vt docet S. August. serm. 135.) quoniam cupimus cibum de manu Dei accipere, id est, ab illo sanctificatum, temperatum, dimensum, vt corpori prosit, & animæ non obstat, si de corporali agatur; & contra mentem nutriet, & corpus non destruat, si de spirituali tractetur.

HODIE. Hæc vltima vox duobus modis accipi potest. Vno modo, vt significet, hoc tempore, id est, vitæ huius mortalis: quo modo accipitur ab Apostolo ad Hebr. 3. *Adhortamini vosmetipsos, donec hodie cognominatur*. Altero modo, vt significet præcise hoc die. Prior expositio est Cyrilli Catechesi 5. Mystagogica, & Augustini in epist. 121. c. 11. & lib. 2. de sermone Domini in monte, c. 12. Posterior est Tertulliani, Cypriani & Chrysostomi.

Et quidem si priorem amplectamur, cessant multe quæstiones, quæ fieri solēt, cur petamus dari nobis panem sacramentalem eo die, quo ipsum panem accipere nolumus, aut iam accepimus: & cur petamus panē corporalem sæpe statim à cœna vel prandio. Orationem enim Dominicam omnibus horis recitare solemus. Sed istæ aliæque similes quæstiones nullum locum habent, si vox hodie, non hunc diem, sed totum tempus nostræ mortalitatis, peregrinationisque designet.

Si tamen posteriorem explicationem sequamur, ad illas quæstiones respondendum erit, nomine panis significari generatim omnia subsidia vitæ necessaria. Et ideo non solum omni die, sed etiam omni hora, & omni momento recte dici posse, panem nostrum quotidianum da nobis hodie, quoniam nullus est dies, nulla hora, nullum momentum, quo aliqua in re subsidio Dei non egeamus: etiam si non omni die, vel hora Sacramento Eucharistiæ, vel pane corporali indigemus.

QUINTA PETITIO.

Et dimitte nobis debita nostra, sicut & nos dimittimus debitoribus nostris.

Nomine debitorum non intelliguntur hoc loco nisi peccata, non autem debita seruandi leges, vota, promissiones & alia id genus. Nam Luc. 11. disertis verbis dicuntur: *Et dimitte nobis debita nostra.* Et Mat. 6. explicans Dominus hanc petitionē ait: *Si enim dimiseritis hominibus peccata eorum, dimittet vobis Pater vester celestis peccata vestra.*

Porro peccata dicuntur debita. Tum, quia omnis qui peccat, iniuriam facit Deo, ac per hoc debitor est satisfactionis: Tum quia omnis qui peccat, legem Dei præuariat: lex autem Dei pœnam habet adiunctam, cuius luendæ sit debitor, qui legem ipsam violat. Tum deniq; quoniam commisit Deus unicuique nostrum animam propriam, tanquam vineam excolendam: ex qua fructus expectat temporibus suis, deditq; nobis talenta naturæ & gratiæ, vt operaremur in eis, proinde qui negligunt bene operari, debitores fiunt lucri non acquisiti, & census non reddit. Vide etiam aliam rationem apud Ambrosium lib. 3. de Sacram. c. 4.

Solent autem Patres ex hac petitione probare tria dogmata Ecclesiastica. Primum est, omnes homines, quauis alioqui iustos & sanctos, in hac vita non carere peccatis. Omnes enim dicunt quotidie Deo, *Dimitte nobis debita nostra.* Id colligunt præter cæteros, Tertullianus, Cyprianus & Gregor. Nyssenus in locis supra citatis. Secundum, sequitur ex superiore, esse quædam peccata venialia, quæ natura sua non faciunt hominem inimicum Dei, & cum ipsa charitate consistunt, de quo vide Augustinum in Enchiridio, cap. 71. Tertium est, post Baptismum esse adhuc locum pœnitentiæ & indulgentiæ. Hac enim oratio propria baptizatorum est, & quamuis potissimum instituta esse videatur ad peccata venialia delenda, tamen valet etiam ad impetrandam peccatorum mortalium indulgentiam. Vide Chrysostomum in commentario ad cap. 6. Matthæi.

Quod vero addimus, sicut & nos dimittimus debitoribus nostris, non ideo addimus vt Deus nos imitetur, atque à nobis misericordiam vt discat: sed vt testemur, nobis misericordiam valde placere, videriq; omnino præclarum condonare iniurias: ne forte supplicantibus nobis Deus respondeat. Quare tu misericordiam à me petis, qui misericordiam odisti? & cur audes postulare, vt tibi parcam, qui turpe tibi ducis conferuis tuis parcere? Vide Nyssenum oratione quinta de oratione Dominica, hunc locum eleganter & copiose explicantem. Existunt autem hoc loco quatuor dubitationes quæ paucis expediendæ videntur.

Prima dubitatio, *Quenam debita proximis nostris dimittere nobis necesse sit, si nobis à Deo debita nostra dimitti velimus.* Sed facilis est responsio. Non enim iubemur dimittere omnia debita, sed ea solum, quæ sunt cum offensione coniuncta: neque ea omni ex parte, sed tantum quoad offensionem animi, vt videlicet, non oderimus proximum, qui nos læsit, neq; cum eo inimicitia geramus. Vnde etiam fiet, vt non cogamus eum scire dānum nobis illatum, si forte id facere Deus cum nobis peccata dimittit, condonat iniuriam, atq; ad amicitiam suam nos reconciliat, neq; expetit pœnam æternam, quam sine summo exitio luere non possemus: requirit tamen vt temporalem satisfactionem minime negligamus.

A Secunda dubitatio est: *An satis sit dimittere iniuriam proximo veniam postulanti: an vero necesse sit dimittere etiam non postulantem.* S. Augustinus in Enchiridio, c. 73. scribit satis esse dimittere veniam postulantem. Sed ipse idem in 2. lib. de sermone Domini in monte, cap. 13. dicit, necesse esse omnibus dimittere, etiam non petentibus. Et hoc est verius. Dominus enim Marci 11. præcipit: *Cum stabitis ad orandum, dimittite si quid habetis aduersus alterum, vt & Pater vester dimittat vobis peccata vestra.* Ex quo loco intelligimus, dimittendam esse iniuriam homini absenti, ac per hoc veniam non petenti. Quod autem S. Augustinus dixit in Enchiridio, scilicet esse intelligendum de remissione, quæ fit per signa externa, non de ea quæ solo animo fieri potest.

B Tertia dubitatio est: *An qui ex animo remittit iniurias, & tamen in aliquo alio peccato voluntarie perseverat, possit hac oratione aliquid impetrare.* Respondeo, velis, qui in peccato voluntarie perseverat, cupit sibi dari gratiam à Deo perfectæ conuersionis, eamque serio postulat: vel non cupit, nec serio postulat: si cupit gratiam conuersionis, quamuis interim à concupiscentia victus, peccatum non relinquat, non inutiliter dicit Deo, *Dimitte nobis debita nostra*, & si ex corde dimittat fratri suo iniuriam, disponetur ad gratiam perfectæ conuersionis adipiscendam. Nam qui cœpit opus bonum inspirando illi desiderium, & petitionem conuersionis, & condonationem iniuriarum, perficiet sine dubio, si perseveret ille pulsando & orando, vt Deus adiuuet infirmitatem ipsius, & rebellem ad se conuertat propitius voluntatem.

C Sin autem non cupit gratiam conuersionis, neque ex animo illam petit, sed vel orat solis labijs ex consuetudine, vel (quod grauius est) vt videatur ab hominibus: is non solum nihil impetrat, sed etiam oratio eius fiet in peccatum, cum in singulis fere petitionibus mentiatu. Quomodo enim dicere potest *Pater noster* qui non vult esse filius? & *Sanctificetur nomen tuum*: per quem nomen Dei assidue blasphematur? & *Adueniat regnum tuum*: qui nihil magis, quam aduentum Domini timet? & *Fiat voluntas tua*: qui suam, non Dei voluntatem semper facit?

D Quarta dubitatio est: *Recte ne faciant illi, qui cum iniurias condonare nolunt, ne mentiantur in oratione sua Deo verba illa prætereunt, sicut & nos dimittimus debitoribus nostris?* Id enim aliquos facere solere, testatur Cassian. collat. 9. c. 12. quos in eodem loco merito reprehendit. Nam etiam si ea verba prætereant, tamen adhuc frustra petunt sibi remitti peccata, cum Dominus tam aperte dixerit: *Si non remiseritis hominibus peccata eorum, nec Pater vester remittet vobis peccata vestra.*

E Adde quod ij, qui neq; condonant iniurias, neque cupiunt gratiā à Deo sibi donari, qua velle incipiant iniurias condonare: etiā si non mentiuntur dum non dicunt, sicut & nos dimittimus debitoribus nostris, tamen mentiuntur cum reliquis partes Dominicæ orationis pronunciant, vt paulo ante diximus.

SEXTA PETITIO.

Et ne nos inducas in tentationem.

Dux sunt huius petitionis explicationes. Prior Hilarij & Hieronymi in commentario ad capit. 26. Matth. Ambrosii libro quinto de Sacrament. ca. 4. Cyrilli cateches. quinta mystagoga, S. Augustini in epist. 121. c. 11. & Cassiani collat. 9. c. 23. qui docent, his verbis peti à Deo, non quidem vt non tentemur, sed ne à tentatione vincamur. Posterior

est Tertullianus in lib. de oratione, Cyprianus in scem. de oratione Dominica, Gregorius Nysseni oratio. 5. de oratione Dominica, Chrysostomus & Euthymius in comment. ad c. 6. Matth. qui volunt id peti, ut simpliciter non tentemur. Quæ sententia posterior videtur nobis aliquanto probabilior.

Nam secundum modum loquendi Scripturarum, non induci in tentationem, non videtur esse, non vinci à tentatione, sed in tentationem non incidere. Quod enim legimus in Psalm. 65. *Induxisti nos in laqueum, omnino idem est, ac si dictum esset, induxisti nos in tentationem, & tamen eo loco non significat Propheta, se Dei permissione à tentatione fuisse deuietum, sed solum tentari, vexarique permissum, ut ipse etiã S. Augustinus eum locum exponit, & Psalmus totus, si consulatur, clamat. Simile est illud Apostoli 1. ad Corinth. 10. *Tentatio vos non apprehendit, nisi humana.* Idem enim esse videtur, apprehendi à tentatione, & induci in tentationem: & tamen non significat Apostolus Corinthios ab humana tentatione fuisse separatos, sed tantum fuisse Deo permitte tentatos.*

Adde quod cum tentatio, quamvis interdum sit utilis, semper sit periculosa, propter ambiguam, incertamque victoriam, non solum præsumptio est illa appetere, sed etiam humilitas declinare, & à Deo petere, ut nos in certamen eiusmodi non inducat.

At Iacobus ait c. 1. *Omne gaudium existimate fratres, cum in tentationes varias incideritis.* Et David in Psalm. 25. *Proba, inquit, me Domine, & tenta me.* Respondeo, Tentatio quamvis appetenda non sit, tamen non solum fortiter, sed etiam cum gaudio toleranda est, ut Iacobus dicit. Tamen quod toleratur, non amatur, neque petitur. *Tolerare* (inquit Augustinus lib. 10. Confessionum, cap. 28.) *cas iubet, non amare.* *Nemo quod tolerat amat, nisi tolerare amet.* *Quamvis enim gaudeat se tolerare, tamen manet non esse quod toleret.* Porro Sancti nonnunquam ex revelatione diuina certiores redditi de victoria recte petunt tentari, vel ipsi se periculis & persecutoribus obiciunt; sed eiusmodi exempla veneranda sunt ab omnibus, non ab omnibus imitanda.

Quoniam autem finis huius petitionis est euitatio peccati futuri, possent duæ illæ sententiæ Patrum ita conciliari, ut prior respexerit finem atque intentionem orationis: posterior, verba ipsa orationis. Petimus enim non induci in tentationem, ne forte à tentatione superati, legem Domini violemus.

Discimus vero ex hac petitione (ut S. Cyprianus monet) duo utilissima documenta, nos videlicet sine Dei auxilio, omnino esse infirmos & imbecilles: & Satanam sine Dei permissione non solum non deijcere, sed ne tentare quidem seruos Dei posse: proinde neq; de viribus nostris gloriari, neq; Satanæ potentiam formidare non oportere, si ut serui fideles & humiles de Dei semper auxilio & protectione speremus.

SEPTIMA PETITIO.

sed libera nos à malo.

Græci Patres omnes per *malum* intelligunt diabolum, ut Nyssenus, Cyrillus, Chrysostomus, Euthymius & Theophylactus, locis supra citatis. Mouet autem eos articulus additus ad nomen: sic enim legunt *ἐκ τοῦ πονηροῦ*. Eandem sententiam sequuntur ex Latinis, Ambrosius, Chrysologus, Cassianus. Verum Cyprianus, Augustinus, Rupertus, Beda & plerique alij Latini intelligunt per, *malum*, res omnes malas,

ac potissimum præsentis vitæ calamitates, in quas incidimus per Adæ peccatum.

Confirmat hanc sententiam Ecclesiæ auctoritas, quæ in sacrificio altaris, posteaquàm dictum est, *libera nos à malo*, subiungi instituit hanc veluti explanationem, *Libera nos quæsumus Domine ab omnibus malis, præteritis, præsentibus & futuris, ut ope misericordie tue adiuti, & à peccatis simus semper liberi, & ab omni perturbatione securi.* Vbi illud, *præteritis*, respicit petitionem 5. *futuris*, petitionem 6. *præsentibus*, petitionem 7. Illud autem *à peccatis simus semper liberi*, pertinet ad petitionem 5. & 6. Illud vero *ab omni perturbatione securi*, ad petitionem septimam.

Neque vero articulus Græcus multum adiuuat sententiam priorem. Nam in Scripturis eadem vox *μακάριος* cum suo articulo, non raro accipitur pro re mala, ut ad Rom. 14. *Obedientes malum adhærentes bono.* In Græco pro voce, *malum*, est *πονηρόν*. Et Matth. 5. *Sic autem sermo vester, est, est, non, non.* Quod enim his amplius est, à malo est, id est, à corruptione est. Græce habetur *ἐκ τοῦ πονηροῦ*.

Addunt Græci codices Matth. 6. post septem petitiones hæc verba: *Quia tuum est regnum, & potentia & gloria in sæcula, Amen.* Et explicant clausulam istam Chrysostomus, Theophylactus & Euthymius in commentario eiusdem loci. Sed certum est, ea verba non esse de textu Euangelico, sed inserta fuisse à Græcis ex consuetudine, quam habent ea verba recitandi post orationem Dominicam in sacrificio Missæ. Nam Latini etiam antiquissimi, & Græcæ lingue periti, ut Tertullianus, Cyprianus, Ambrosius, Hieronymus, Augustinus nullā horum verborum mentionem faciunt. Videtur igitur illa esse appendix quædam orationis Dominicæ apud Græcos, sicut est apud Latinos illud, *Libera nos quæsumus Domine, &c.* Nam sicut apud nos non continuantur hæc verba cum oratione Dominica: ita neq; apud Græcos continuantur, ut perspicuum est ex Liturgia Chrysostomi. Atque hæc de Dominica oratione sufficiant.

CAPVT VII.

Solius creature rationalis proprium esse orare.

SEquitur pars quinta disputationis, in qua explicandum est, cuius sit orare. Sed res facilis est. Non enim conuenit munus orandi, nisi Angelis, & hominibus. Est enim oratio actus quidam rationis, quo vnus alteri supplicat, inferior videlicet superiori, & pauper diuiti. Ex quo sequitur, ut nec Deo conueniat orare, cum ipse nullum habeat se ditiorē aut superiorem, quippe qui omnes dicunt, *Deus meus es tu, quoniam bonorum meorum non eges*: Neque etiam bestis & rebus inanimatis, quæ sunt rationis, & orationis expertes. Quare impia & blasphemica censenda est illa deliratio Iudæorum Thalmudistarum, qui dicunt, Deū quotidie certas orationes deuoto animo fundere. In Thalmudist. ord. 1. tract. 1. dist. 1. Item illa Pseudoprophetæ Mahomethi, qui affirmat Deum & Angelos pro se orare. In Alcorano, c. 43.

Illud autem quod dicit Dominus ad Moysen Exodi 32. *Dimitte me, ut irascatur furor meus*: non proprie, sed metaphorice accipiendum est, ut sancti Patres exponunt, Augustinus q. 149. in Exo. Cyrillus libro 5. in Iulianum, & Gregorius libro nono Moralium, c. 12. non enim significat illud, *Dimitte me*, Deum potuisse à Moysē impediri, ne faceret quod vellet, cum scriptum sit in lib. Job, c. 9. *Deus, cuius ira nemo resistere potest*: sed significat, Deum præ-

cibus Moſis placatum id feciſſe, quod illi ſolent, qui ab aliquo impediuntur, ne in aliquem alium ſeuere animaduertant. Quemadmodum etiam illud, *ut irascatuſ furor meus*, non proprie, ſed per metaphoram accipitur. Dicitur enim Deus irasci, & furere, cum id facit ſine vlla perturbatione, quod homines impellente furore faciunt, id eſt, perdit ac deſtruit. Denique ſimilis metaphorā eſt in illo Iſue 10. *Stetit Sol in medio caeli obediēte Deo voci hominū*. Significatur enim in his verbis, Deum tam prōpte feciſſe, quod Iſue fieri cupiebat, ac ſi ad nutum ei parere voluiſſet, hoc eſt, feciſſe id, quod facere ſolent, qui dominis ſuis libenter obediunt.

Quod autem legimus ad Ro. 8. *Ipe ſpiritus poſtulat pro nobis gemitibus inenarrabilibus*: pro eo ſine dubio poſitum eſt, quod nos poſtulare facit, ut S. Auguſt. docet in lib. 1. aduerſus Maximinum non procul ab initio.

Non diſſimili ratione explicandæ ſunt ſententiæ Scripturarum vel Patrum, quæ mutis animantibus tribuere videntur munus precandi, quale eſt illud Pſal. 103. *Catuli Leonum rugientes ut rapiant, & quarant à Deo eſcam ſibi*. Et illud Pſal. 146. *Qui dat inimicis eſcam iſtorum, & pullis cornuorum innocentibus eum*. Et illud ſancti Hieronymi in vita S. Pauli primi eremitæ, ubi refert monſtrum quoddam S. Antonio humana voce dixiſſe: *Legatione fungor gregis mei: precamur, ut pro nobis communem Deum deprecetur*. Et in eodem loco cum dixiſſet duos Leones S. Antonio blādiri, eiſq; manus ac pedes lingere, & quaſi oſculari cœpiſſe, ſubiungit: *Ille animaduertit, benedictionem eoſ à ſe precari*.

Hæc, inquam, & alia id genus omnia metaphorica ſunt. Dicuntur enim catuli Leonū, & cornuorū pulli Deum inuocare, dum naturali quodā inſtinctu ſue rugiendo, ſue crocitando exprimunt famem ſuam, cui Deus ſecundum ordinē providentiæ ſuæ proſpicit aperiens manum ſuam, & implens omne animal benedictione. Quod autem Leones ſancto blandiebantur Antonio, inter miracula numerandum eſt, ſicut etiam illud, quod petulcum illud & cornutum animal humana voce pro ſuo grege orari petiuerit. Nam ut olim Aſina Balaam, ut legimus Num. 22. Deo volente loquuta eſt, & quæ ſibi neceſſaria erāt, petijt, quamvis vocem ipſa ſuam non intelligeret: ſic etiam Monſtrum illud, quod S. Hieronymus perpetuo beſtiam vocat, diuino miraculo loqui, & quæ ſibi, ſuoq; gregi congruebant, petere potuit, quamvis nec ſciret, nec intelligeret quid loqueretur, aut poſtularet.

CAPVT XIII.

Non ſolum generatim, ſed etiam in ſpecie pro certis hominibus orari poſuiſſe.

Sexto loco tractandum propoſuimus à quibus & pro quibus ſit aliquid per orationem petendum. Sed quoniam duz primariæ controuerſiæ de inuocatione Sanctorum, & oratione pro defunctis quæ hic tractari potuiſſent, iam ſunt à nobis partim in lib. de cultu Sanctorum, partim in 1. lib. de Purgatorio explicatæ: ſolum hoc loco dubitationem illam expediemus, liceat ne in ſpecie pro aliquo preces fundere. Siquidem Ioannes Vicleſſus duos errores de ſpeciali oratione inuexit. Vnum, orationes ſpeciales nō magis prodeſſe, quā generales, & ideo non recte facere eoſ, qui certos redditus legant Eccleſijs, ut ſingulis diebus, vel hebdomadib; ſacrificiant, ut preces fundantur pro ipſorum anima. Al-

terum, non licere ſpecialem orationem pro aliquo fundere, ſed omnem orationem debere eſſe generalem, & pro omnibus ſimul, non pro ſingulis ſeorſim. Priorem errorem damnauit Concil. Conſtantienſe ſeſſio. 8. Poſteriore refert & refellit Thomas Vvaldenſis tom. 3. de Sacramentalibus, tit. 11. cap. 107.

Poſſumus vtrumque errorem exemplis Scripturarum breuiter confutare. Legimus enim Patriarchas, Prophetas, Apoſtolos, & ipſum etiam Chriſtum ſpeciales orationes fudiſſe, quod nunquam feciſſent, ſi vel illicitæ, vel inutiles eſſēt eiſmodi preces. Igitur in Gen. c. 25. Iſaac orat in ſpecie pro coniuge ſua Rebecca. 2. Reg. 12. David orat pro ſalute filij ſui perſequentis, 3. Reg. 17. orat Helias pro filio viduæ. 2. Machab. 3. Onias orat pro ſalute Heliodori. Luc. 22. Chriſtus orat pro Petro, ut non deficeret fides eiſ. Act. 11. Oratio ſiebat ſine intermiſſione à tota Eccleſia Hieroſolymitana pro S. Petro in carcere cōſtituto. Ephel. 6. Apoſtolus Paulus petit ab Ephelijs, ut orent generatim pro omnib; Sanctis, & ſpecialim pro ſe. Quod etiā in commentario eiſ loci obſeruauit Hieronymus, & 1. ad Timot. 2. idem Apoſtolus orari præcipit pro omnibus generatim, & in ſpecie pro Rege, & alijs in ſublimitate cōſtitutis. Neq; vlla ratio eſt, cur non liceat orare pro ſingulis, ſi licet orare pro omnibus, & cur non ſit vtilior oratio ut ſatisfactoria illi, pro quo ſit, ſi pro ipſo tantum fiat, quā ſi fiat generatim pro omnibus: Quomodo etiam eleemoſyna vtilior eſt illi cui datur, ſi tota detur ei ſoli, quā ſi diuidatur in multos?

Sed obicit Vicleſſus argumenta tria, PRIMUM eſt, Oratio non eſt efficax, quæ ex perfecta charitate non prodit: perfecta vero charitas omnes amplectitur, nullum excludit.

Reſpondeo, perfecta charitas eſt ordinata, & ideo quamuis omnes amplectamur, tamen alios alius anteponit, & nunc illos, nunc iſtos, nūc omnes, nunc ſingulos iuuat, prout magis vel minus omnes, aut ſingulos iſtos, aut illos ope ſua indigere cognouit.

Secunda obiectio, Oratio Dominica tota generalis eſt; non enim dicimus Pater mi, ſed Pater noſter, nec Panem meum quotidianum da mihi hodie; ſed, Panem noſtrum quotidianum da nobis hodie; Nec, dimitte mihi debita mea, ſed dimitte nobis debita noſtra: nec denique, Ne me inducas in tentationem, ſed libera me à malo, ſed: Ne nos inducas in tentationē, ſed libera nos à malo. At non licet aliud petere, niſi quod in oratione Dominica continetur, ut S. Auguſtinus docet in epiſt. 121. c. 12.

Reſpondeo, Non petimus illud, ſue generatim, ſue ſpecialim oremus, niſi quod in oratione Dominica continetur, ſed petim⁹ alio modo; vel potius non tam petimus alio modo, quā ipſam generalem orationem applicamus particularibus perſonis, quod fieri poſſe, Dominus ipſe exemplo ſuo nos docuit. Alioqui enim non recte idem Dominus in horto pro ſe ſolo orans dixiſſet: *Pater mi, ſi poſſibile eſt, tranſcas à me calix iſte*. Cur autem Chriſtus orationem Dominicam verbis generalibus pronunciarī voluerit; cauſa eſt, quā ſupra diximus, quia generalis oratio eſt absolute melior, & vtilior, quāuis illi pro quo ſit, vtilior ſit ſpecialis, ſi non tam impetratio, quā ſatisfactio ex oratione quærat.

Tertia obiectio, Communitas præferenda eſt ſingularitati: at non poſſumus eodem tempore pro communitate orare, & pro ſingulis in ſpecie.

Reſpondeo, Negari non poteſt, quin ſit communitas præferenda ſingularitati, ſi eodē tempore oc-

currat necessitas veriusque, sed si forte, quod sæpe accidit, vnus aliquis versetur in magno discrimine, quod discrimen cum ipsa eorum communitate non sit commune, nihil prohibet, quo minus tunc omnia communitate, pro qua nunquā defunt qui orant, ad spectale illud malū specia i oratione auerendum possimus, vel debeamus intentionem nostram animūque conuerrere. Quod Patriarchas & Prophetas, Christum quoque & Apostolos fecisse paulo ante docuimus.

CAPVT IX.

De conditionibus quæ requiruntur ad impetrandum.

Restat pars vltima de modo orandi, siue potius de conditionibus, quæ requiruntur, vt quis certo impetret quod orando postulat.

Sciendum est autem primo, multum interesse inter meritum & impetrationem. Nam meritum requirit charitatem, & charitatem viæ, vt Theologi loquuntur, & ideo neque peccatores, neque beati mereri possunt, sed solum iusti, qui peregrinantur in terris: impetratio autem non requirit charitatem viæ, imo ne charitatem quidem si absolute de impetratione sit sermo. Proinde non solum viatores, sed etiam comprehensores: nec solum iusti, sed etiam peccatores aliquando impetrant.

Præterea vt oratio sit meritoria, non requiritur, nisi vt ab homine iusto, & ex charitate fiat, vt supra diximus de alijs operibus meritorijs: at vero vt sit infallibiliter impetratoria, multæ conditiones requiruntur: quamuis enim Scriptura videatur absolute promittere orantibus impetrationē earum rerum, quas postulant. Vt Matt. 7. & Luc. 11. *Petite & accipietis: &, Omnis qui petit accipit: tamen promissiones istæ conditionem includunt, quā expressit Iacobus c. 4. cū ait: Petitis, & non accipitis, eo quod male petatis.* Itaque interdū oratio est meritoria, & non impetratoria, vt cum homo iustus ex charitate petit id quod sibi forte non expedit, vt cum Paulus ter rogauit, vt auferretur à se stimulus carnis. Interdum est impetratoria, sed non meritoria, vt cū beati pro nobis, vel cum peccatores pro seipsis orant, vt cum Publicanus dixit, Deus propitius esto mihi peccatori. Interdum est meritoria & impetratoria, vt cum iusti in terris cum omnibus requisitis conditionibus orant.

Sciendum secundo, conditiones ad infallibiliter impetrandum à S. Tho. in 2. 2. q. 83. art. 15. numerari quatuor, videlicet, vt qui orat pie, perseueranter, pro se, & necessaria ad salutem postulet: sed ipse idem tum eo loco, tum in 4. sent. dist. 15. quæst. 4. art. vlt. indicat ad pie petendum requiri quinque conditiones, fidem, spem, charitatem, humilitatem & deuotionem. Itaque omnes conditiones simul octo erunt non quatuor. De singulis ordine ac breuiter disseremus.

Prima conditio est fides, de hac enim scribit Apostolus ad Ro. 10. *Quomodo inuocabunt, in quem non crediderunt?* Et S. Iacobus c. 1. *Postulet autem in fide, nihil hafitans.* Eripse Dominus Marc. 11. *Quæcunque orantes petitis, credite quia accipietis, & euenient vobis.* De hac fide multa diximus in lib. de Iustificatione, vbi refutauimus Lutheranorū errorē, qui fiduciam cum fide confundunt, nec volunt veram esse fidem, nisi eam, qua quis certo credit, se gratum esse Deo.

Illud est proprium huius loci, vt intelligamus non requiri in oratione fidē, qua certo credamus Deum absolute facturum quod petimus, sed solum vt certo credamus, Deum esse potentissimū, sapientissimū,

benignissimū, fidelissimū, & proinde posse scire, & etiam velle facere quod petimus, si non sit ex nostra parte defectus. Nam hanc fidē quæsiuit Dominus Matth. 9. ab illis, quibus dixit: *Creditis quia hoc possum facere vobis?* eadem fide orauit Dauid libro 1. Regum, c. 12. pro filio. Nam non certo credidisse se impetratorum, testantur illa eius verba: *Quis scit si forte donet eum mihi Dominus?* Simili fide orasse Apostolum 2. ad Cor. 12. vt stimulus carnis auferretur à se: in dubium reuocari non potest. Nam orauit ex fide: neque enim aliud sentire fas est de tanto Apostolo: & tamen non credidit se certo impetraturum, alioqui falsa fuisset eius fides. Non enim quod petijt, impetrauit. Neque alia fide orat Ecclesia vniuersa pro infidelibus & peccatoribus, vt ad fidem, vel ad iustitiam adducantur: neque enim certo credit Ecclesia, omnes infideles & peccatores esse conuertendos. De qua re vide S. Prosperum lib. 1. de vocatione gentiū, c. 4. Denique nulla est absoluta promissio Dei, qua certi efficiamur nos absolute quicquid petierimus impetraturos, cum semper intelligatur adiuncta conditio, si bene petierimus: igitur falsa esset fides, aut certe non esset diuina & Catholica fides, si certo crederemus Deum absolute quicquid petierimus esse facturum.

Altera conditio, eaque valde necessaria, est spes & fiducia impetrandi. Quamuis enim non oporteat per fidem, quæ est actus intellectus, certo statuere nos impetraturos quod petimus, oportet tamen per spem & fiduciam, quæ est actus voluntatis, firmiter adherere benignitati diuinæ, & certo confidere, Deum facturum esse quod petimus.

Hanc conditionem quæsiuit Dominus in Paralytico, cui dixit Matt. 9. *Confide fili, remittuntur tibi peccata tua.* Eandem quærit Apostolus ad Heb. 4. cum ait: *Accedamus cum fiducia ad thronum gratiæ eius.* Item 1. ad Timoth. 3. *Quæ vere vidua est, speret in Deo, & infuset obsecrationibus & orationibus nocte & die.* Eidem promittit Deus impetrationem in Psalm. 90. *Quoniam in mœsserant, liberabo eum, inuocabis me, & ego exaudiam eum.*

Quia verò fiducia nascitur ex fide, ideo Scriptura cum requirit fidem in orante, adiungit aliquid pertinet ad fiduciam, vt intelligamus requiri ad impetrandum non quamlibet fidem, sed perfectam, quæ gignat fiduciam, vt simul credamus Deum posse facere quod petimus, & simul certo confidamus, eum id quod petimus pro sua benignitate facturum.

Hinc legimus Marci 11. *Quicumque dixerit monti huic, tollere & mittere in mare: & non hafitauerit in corde suo, sed crediderit, quia quodcumque dixerit, fiet ei.* Hoc est, quicumque imperauerit monti, vt sese transferat in mare, & non habuerit in corde suo vllā diffidentia, sed fidem perfectam, quæ maximam etiam gignat fiduciam, impetrabit sine dubitatione quod petit. De qua perfecta fide gignente fiduciam, intelligitur illud Apostoli 1. ad Cor. 13. *Si habuerō tantam fidem, ita vt montes transferam, &c.* Atque hinc scribit Ioannes Cassianus Collat. 9. c. 32. Signum certum impetrationis esse cum quis in oratione magnā fiduciam sentit. Deus enim quando non exaudit, non infundit fiduciam, cum vero exaudire decernit, fiduciam & lætitiā ingentē in corde orantis infundit. Denique hæc ipsa fides magna, gignens, pariensque fiduciam est illa fides, quæ operatur miracula, & quæ non omnibus datur, dicente Apostolo 1. ad Cor. 12. *Alteri fides in eodem spiritu.*

Tertia conditio est charitas, siue iustitia, charitas enim (vt ostendimus in 2. libro de Iustificatione) ipsa est Christianorum, vera perfecta que iu-

sticia Requirit autem iustitiam in orante, ut certo impetret, Scriptura non vno in loco testatur Psal. 33. Oculi Domini super iustos, & aures eius in preces eorum. Et contra Psal. 65. Si aspexi iniquitatem in corde meo, non exaudiet Dominus. Isaia 58. Frange esurienti panem tuum, &c. Et mox: Tunc invocabis, & Dominus exaudiet: clamabis, & dices, ecce adsum. Et contra Isaia 1. Cum multiplicaveritis orationem, non exaudiam, manus enim vestra sanguine plena sunt. Item Ioan. 15. Si manseritis in me, & verba mea in vobis manserint, quodcumque volueritis, petetis, & fiet vobis. Et 1. Ioan. 3. Charissimi, si cor nostrum non reprehenderit nos, fiduciam habemus ad Deum, & quicquid petierimus, accipiemus ab eo, quoniam mandata eius custodimus, & ea quae sunt placita coram eo facimus. Denique Ioan. 9. Scimus quia peccatores non exaudis: sed si quis cultor eius est, hunc exaudis.

Sunt tamen aliqua loca, quibus probari videtur, etiam peccatores à Deo exaudiri: Matth. 7. Omnis qui petit, accipit, id est, inquit auctor operis imperfecti hom. 18. siue iustus siue peccator sit. Item ibidem peccatores quidam ac reprobi dicunt: Nonne in nomine tuo demonia eiecimus? Et Luc. 11. Dico vobis & si non dabit illi eo quod amicus eius sit, propter improbitatem tamen eius surget, & dabit eo quotquot habet necessarios. Ex quo loco S. Basilii colligit in Constitutionib⁹ Monasticis, capit. 1. peccatores quoque impetrare, quod petunt, quando perseveranter petunt. Denique Luc. 18. Publicanus peccator erat, & tamen indulgentiam meruit dicens: Deus propitius esto mihi peccatori. Quo exemplo adductus S. AUGUSTINVS tract. 44. in Ioan. dicit cæcum illum non fuisse huc illuminatum, cum dixit: Scimus quia peccatores Deus non exaudis. Si peccatores, inquit, Deus non exaudiret, frustra publicanus oculos in terram demittens, petens suum percussus diceret: Deus propitius esto mihi peccatori.

RESPONDEO, TRIBVS modis peccatores orare possunt, Vno modo ut impetrent à Deo miracula in confirmationem fidei. Et hoc modo fieri potest, ut peccatores impetrent, si veram fidem confirmare velint, quia tunc non est proprie ipsorum vita vel meritum, vel etiam oratio, quæ miraculum impetrat, sed fides vera, quæ confirmanda est, vel invocatio nominis Dei, aut signum crucis, vel aliquid eiusmodi: quo ille utitur ad miraculum faciendum. Sic enim loquitur sanctus Petrus Actorum tertio, Fides, quæ per eum est, dedit integram sanitatem istam. Et S. HILARIUS canone sexto in Matth. loquens de improbis, qui miracula faciunt: Quasi vero, inquit, eorum aliquid proprium sit, & non omnia virtus Dei invocata perficiat. et paulo post: Et demonia Christi nomen exagitet.

Si quis autem peccator miracula impetrare nitatur, ut sanctitatem suam ipse demonstret, vel solam suæ orationis virtutem, non autem nomen Dei, aut crucis signum, aut aliam rem sacram adhibeat, nihil unquam impetrare poterit, quia nec Deus testis falsitatis esse, nec peccatoris oratio virtutem miracula faciendi habere potest. Quare verissimum est, quod cæcus ille dixit: Scimus, quod peccatores Deus non exaudis. Loquebatur enim de iis, qui propriam sanctitatem confirmare volunt, & qui oratione sua, non aliquo signo sacro miracula faciunt. Et quoniam Christus miracula faciebat, ut se Messiam, ac Deum, ac per hoc sanctissimum esse probaret, & non utebatur nomine, aut signo aliquo sacro, sed solo imperio, & voluntate sua, inde cæcus firmissimum argumentum duxit, ut ostenderet Christum non esse peccatorem.

ALTERO modo peccatores orant, ut impetrent

A sibi donum aliquod spirituale, vel corporale, & tunc vel in peccato voluntarie permanent, vel incipiunt pœnitentiam agere. Si voluntarie permanent in peccato, ordinarie non exaudiuntur, ut testimonia Prophetarum & Apostolorum allata demonstrant. Iustum enim est, ut qui Deum præcipientem & docentem audire contemnunt, eos orantes, & supplicantes Deus quoque despiciat. Interdum tamen etiam isti exaudiuntur, vel ad iudicium, vel ad misericordiam. Quosdam enim Deus audit, ut puniat; quomodo audiuit Israelitas petens carnes in deserto, Num. 11. Metuendum est, ait S. AUGUSTINVS tract. 73. in Ioan. ne id quod posset non dare propitius, desirans. Quosdam tamen extraordinaria quadam benignitate concedit etiam peccatoribus, ut eos beneficiis ad amorem suum alliciat. Et hoc fortasse sibi voluit auctor operis imperfecti.

TERTIO modo peccatores orant, cum pœnitentiam agere incipiunt, quo modo Ninivitar & Publicanus orabant: & hi sæpe impetrant, non ex iustitia quasi digni sint, sed ex misericordia Dei, & non omnino infallibiliter. Nam ideo Scripturæ addere solent particulam, forte, vel, quis scit, ut Ioelis 2. Ionæ 3. Daniel. 4. & Actor. 8. quando de orationibus peccatorum loquuntur. Ex his explicari possunt omnia loca paulo ante adducta.

QUARTA conditio est humilitas, quæ is, qui orat non in sua iustitia, sed in Dei benignitate confidat: Sed & vitam æternam, inquit, S. BERNARDVS serm. 5. de Quadragesima, fortassis aliqui non humilitate quarunt: Sed tanquam in fiducia suorum meritorum. Nec hoc dico, quin accepta gratia fiduciam donec orandi, sed non oportet, ut in ea constituat quisquam fiduciam impetrandi. Et infra: Sit, inquit, oratio in omni humilitate præsumens de sola, ut dignum est, miseratione divina. Igitur ut huius conditionis necessitatem Dominus commendaret, parabolam illam Publicani & Pharisei narrauit, Lucæ decimo octavo, direxit enim eam parabolam ad quosdam, qui in se confidebant tanquam iusti & aspernabantur ceteros, ut ipse Evangelista testatur.

Hinc etiam Dominus per Isaia, capite sexagesimo sexto: Ad quem, inquit, aspiciam nisi ad pauperculum, & contritum spiritu, & tremementem sermones meos? Et sanctus Daniel capite 9. Neque enim, inquit, in iustificationibus nostris prosterminimus preces aut faciem tuam, sed in miserationibus tuis multis. Et Ecclesiasti. capite trigésimo quinto: Oratio humiliantis se nubes penetrabit, & non discedet donec altissimus aspiciat. Et Iacobus capite 4. Deus superbis resistit, humilibus autem dat gratiam. Et sanctus Abraham Genesis 18. Loquar, inquit, ad Dominum meum, cum sim pulvis & cinis.

Denique ratio idem probat, Neque enim dignus est accipere quod petit, qui non agnoscit se re illa quam postulat indigere. Itaque miseri & mendici in oculis nostris esse debemus, si misericordiam & gratiam impetrare desideramus.

QUINTA conditio DEVOTIO est: vocatur autem hoc loco devotio, studium attente, sollicite, diligenter atque ardentem orandi. Reprehendit enim Dominus populum, qui solum labiis orat. Isaia 29. & Matt. 15. & maledictus pronuntiatur, qui facit opus Dei negligenter, Hieremias 48.

Oritur autem hæc conditio, ut etiam superiores ex fide. Qui enim attente, & firmissima fide cogitat quanta sit maiestas Dei, quanta virtus nostra, quam magna res, quam petimus, vix fieri potest, ut non humiliter, reuerenter & ardentem ad orandum accedat. Adscribam hic testimonium S. HIERONYMI,

in Dialogo aduersus Luciferianos transfigurans A
in se personas hominum indeuotorum: *Ad oratio-*
em, inquit, affixio, non orarem, si non crederem: sed si
vere crederem, illud cor, quo Deus videtur, mundarem,
manibus tundere pettus: genas lacrymis rigarem: cor-
poris imborrescerem, ore pallerem, iacerem ad Domini mei
pedes, eosque solum perfunderem, crinem tergerem, harenem
terio truncis crucis, nec prius amitterem quam misericor-
diam impetrarem: Nunc vero creberrime in oratione mea,
aut per porticus deambulo, aut de senore computo, aut
abductus turpi cogitatione, etiam quæ dictu erubescenda
sunt, gero. Vbi est fides? sicne putamus orasse Ionam? sic
tres pueros? sic Daniele inter Leones? sic certe latronem in
cruce?

Vide de eadem conditione S. BERNARDVM in
sermone de quatuor modis orandi. Vbi inter alia sic
loquitur: *Omnino oportet nos orationis tempore curiam*
intrare caelestem, illam utique curiam: in quo Rex regum
stellatus sedet solio, circumdante innumerabili, & ineffa-
bili beatorum spirituum exercitu. Quanta ergo cum reue-
rentia, quanto timore, quanta illic humilitate accedere
debet à palude sua procedens, & repens rannuncula vilis?
quam tremebundus, quam supplex, quam denique humi-
lis, & sollicitus, & toto intentus animo Maiestatigloria,
in praesentia Angelorum, in concilio iustorum, & con-
gregatione assistere poteris miser homuncio? In cunctis
igitur actionibus nostris multa est opus animi vigilantis, sed
praecipue in oratione.

Sexta conditio, perseverantia est. Hanc condi-
tionem Dominus ipse & verbis & parabolis persua-
dere studuit. Nam I. ut. 11. parabolam narrauit illius,
qui ob improbitatem assidue petendi impetrauit
quod voluit. Et Lucæ 18. disertis verbis ait: *Oportet*
semper orare, & nunquam deficere. Continuo adiecit
parabolam viduae: quæ sola perseverantia precum ab
Iudice quodam inhumano sententiam, iudicium-
que extorsit. Et Luc. 21. *Vigilate, inquit, omni tempo-*
re orantes. Quam doctrinam legimus etiam apud
Ecclesiæ, capite 18. *Non impediaris orare semper.* Et
apud Apostolum 1. ad Thessal. vlt. *Sine intermissione*
orate.

Sed explicemus breuiter quid proprie sibi velit
Scriptura, cum dicit semper esse orandum. QUA-
RTOR enim huius sententiæ expositiones inuenio.
PRIMO non desunt, qui dicunt illum semper orare
qui semper bene operatur. Sed quamuis non inepte
dici possint opera bona genus quoddam orationis,
quoniam Deum ad misericordiam prouocant, quem-
admodum & mala opera clamant ad Deum, & iram,
ac furorem eius accedunt, tamen non hoc proprie
Dominum voluisse cum ait, oportet semper orare,
& nunquam deficere; perspicuum est ex adiunctis
parabolis de vidua & iudice: nec non de Publicano
& Pharisæo, ut etiam supra contra Vicleffum osten-
dimus.

SECUNDO alii sunt, qui semper orare nihil aliud
esse volunt, nisi mentem cum Deo per amorem, &
desiderium assidue coniungere. Ita docet S. August.
in epist. 121. ad Probam, cap. 9. & S. Basilius oratione
in Iuliteam. Quo loco demonstrat idem auctor non
esse impossibile hoc præceptum, oportet semper
orare, quoniam impossibile non est rem vehemen-
ter directam semper desiderare. Nam & amatores
huius sæculi siue comedant, siue bibant, rem amatam
cum desiderio cogitant, & etiam inter dormiendum
cum eadem somniando versantur. Hæc doctrina ve-
rissima, atque vtilissima est, sed non videtur tamen
proprie explicare quid Christus ad litteram docere
voluerit. Parabolæ enim ab ipso adductæ indicant
eo loco de oratione proprie dicta tractari, quæ non

est simplex desiderium, sed expressio desiderii per
verba, cetera quadam forma & ratione concepta.

TERTIO, idem S. Augustinus in libro de hæresi-
bus, cap. 57. & Beda in comment. ad cap. 18. Lucæ.
necnon Anselmus, Haymo & alii in Comment. ad
cap. 5. prioris ad Thessalon. docent semper orare,
iuxta Christi & Apostoli præceptum, illos omnes
qui statas, & certas orandi horas nunquam præter-
mittunt. Quo sensu dictum est secundo libro Reg.
cap. 9. *Tu comedes panem in mensa mea semper.* Neque
enim illud, *semper*, significat totum diei & noctis
tempus, sed illas omnes horas, quibus sit cæna vel
prandium.

Hæc quoque satis apta & utilis expositio est. Sed
videtur tamen simplicissima & verissima explicatio
illa esse, quæ etiam QUARTA numerari potest, quam
sequuntur Chrysostomus & Theophylactus in illa
verba Apostoli, *Sine intermissione orate.* Docet hæc
ultima sententia, Dominum & Apostolum nihil aliud
commendare voluisse, nisi perseverantiam & assi-
duitatem orandi, quantam maximam habere possu-
mus. Id enim proprie declarant parabolæ de vidua
instante apud iudicem, & de amico petente tres pa-
nes; quorum exemplo non solum certis horis, sed
omni oblata occasione tum noctu, tum interdiu ora-
tioni vacare debemus.

Similes sunt in diuinis litieris permultæ aliæ sen-
tentia, quæ per vocem, *semper*, nihil aliud nisi assi-
duitatem significant, ut Psalm. 1. *Sed in lege Domini*
voluntas eius, & in lege eius meditabitur die ac nocte.
Psalm. 24. *Oculi mei semper ad Dominum.* Psalm. 33.
Semper laus eius in ore meo. Lucæ 2. *Non discedebat de tem-*
plo sciens & orationibus seruens die ac nocte. Lucæ
vlt. *Erant semper in templo laudantes & benedicentes*
Dominum.

Sed huic doctrinæ contraria videtur sententia illa
Domini Matth. 6. *Orantes nolite multum loqui, sicut*
Ethnici faciunt: putant enim quod in multiloquio suo ex-
audiantur. Nolite ergo assimilari eis, scitis enim Pater ve-
ster quid opus sit vobis, antequam petatis eum. RESPON-
DET S. AUGUSTINVS in epistola 12. ca. 10. non pro-
hiberi à Domino longam orationem, sed inanem ver-
borum multiplicationem: *Abstine, inquit, ab oratione*
multa loquutio, sed non desis multa precatio, si seruens
perseuerat intentio. Nam Dominus qui prohibuit
multum loqui, pernoctabat in oratione, Lucæ 6. &
iussit nos semper orare, Luc. 18. & factus in agonia
prolixius orabat, Luc. 22.

Porro caussam, cur ita sit perseveranter orandum
esse docet S. Augustinus serm. 5. de verbis Domi-
ni; quia sæpe cum aliquid petimus, nondum sumus
idonei, ut illud accipiamus, sed perseverantes peten-
do extendimus desiderium, & ad rem petitam acci-
piendam animum dilatamus, & dilatando præpara-
mus. Vide de perseverantia in oratione S. Basilium
in constit. monasticis, cap. 1. Chrysostomum homil.
30. Gen. S. Augustinum tract. 73. & 102. in Ioan. &
S. Bernardum serm. 9. in Cant.

SEPTIMA conditio, ut pro pro se quisque petat,
quam conditionem colligit S. Augustinus loco cita-
to ex verbis illis Domini Ioan. 16. *Si quid petieritis*
Patrem in nomine meo, dabit vobis. Exaudiantur, in-
quit, omnes Sancti pro seipfis, non autem pro omnibus ex-
audiantur, vel amicis, vel inimicis suis, vel quibuslibet
alijs, quia non vnicuique dictum est, dabit, sed dabit vo-
bis.

Sed hæc sancti Augustini doctrina vera quidem
est, at non videtur satis efficaciter probari ex illis so-
lis vocibus, *dabit vobis.* Posset enim responderi, id
omne dari nobis, quod in gratiam nostram alii da-

tur. Sic enim Actor. vigesimo septimo, Angelus Domini dixit B. Paulo, *Donavit tibi Deus omnes, qui navigant tecum.* Quocirca Ioan. 14. idem Dominus absolute promittit: *Quodcumque petieritis in nomine meo, hoc faciam.* R A T I O igitur, cur homines iusti semper exaudiantur pro se, & non semper exaudiantur pro aliis, illa est, quoniam non semper ii, pro quibus oramus, idonei sunt, ut accipiant. Quare Dominus Matthæi decimo cum Apostolos monuisset, ut in quamcunque domum intrarent, primum dicerent: *Pax huic domui*, quoniam sciebat non esse omnes filios pacis, adiunxit continuo, & *sibi fuerit filius pacis, requiescet super eum pax vestra; sin autem, ad vos revertetur.*

POSTREMA conditio est, ut petantur necessaria, vel utilia ad salutem. Colligit hanc conditionem item Augustinus tractat. 73. 81. & 102. in Ioan. ex verbis illis, *in nomine meo*, quæ habentur Ioan. 14. 15. & 16. Nam cum Christus Saluator sit, non petit vere in nomine Salvatoris, qui petit ea, quæ non sunt utilis ad salutem.

Efficacius fortasse probari posset ex verbis illis 1. Ioan. 5. *Hæc est fiducia quam habemus ad Deum, quia quodcumque petierimus, secundum voluntatem eius, audit nos.* Hæc est autem voluntas eius sanctificatio nostra. 1. Thel.

4. Itaque cum id petimus, quod non est secundum voluntatem eius, id est, quod nobis vetere utile non est, non exaudit dando, quod petimus, sed potius exaudit negando quod petimus. Tunc enim magis facit quod cupimus, cum negat ea, quæ nobis inutilia esse nescimus, quam cum ea concedit. Siquidem nos etiam si sciremus, ea quæ petimus utilia non esse, nunquam peteremus.

Quare S. Ioannes Chrysostomus hom. 30. in Genes. recte monet agendas esse Deo gratias non minus cum negat, quam cum tribuit id quod petimus. Et S. Augustinus tract. 73. i Ioan. dicit, inter alia, quæ petimus, cum benepetimus, illud etiam esse debere, ut petamus nobis non dari quod ignorantes non bene petimus. Aque hæc de oratione in genere dicta sunt, nunc de oratione, quæ ex præscripto Ecclesiæ, certis canonicisque horis fundi debet, breuiter differemus.

CAPVT X.

De nomine & definitione officij diuini, siue Horarum Canoniarum.

DE OFFICIO diuino, siue horis Canonicis, tum ad Hæreticos confutandos, tum ad Clericos, & Monachos instruendos, QVINQUE capita mihi hoc loco tractanda desumpsi. PRIMVM de nomine & definitione officij diuini. ALTERVM de partitione eiusdem officij. TERTIVM de ipsius antiqua & rationabili institutione. QVARTVM de modo rite officium persoluendi. QVINTVM de personis, quæ ad hoc officium persoluendum obligantur.

Quod igitur ad PRIMVM attinet, nomen officij diuini, extat in Concilio Aquisgranensi, cap. 131. & in Concilio Lateranensi, cuius extat cap. Volentes, in epistolis Decretalibus, titul. de celebrat. Missarum. Nomen *Horarum canonicarum* extat apud Bedam in Comment. ad cap. 8. Luc. & apud omnes auctores, qui de Horis canonicis tractant.

Dicuntur autem hæ preces & Laudes, *diuinum officium*, quoniam in iis continetur id, quod facere debemus erga Deum, siquidem orare & laudare Deum proprium est officium Christianorum, & præsertim eorum, qui Clerici, vel Monachi dicuntur. Hinc

A) enim Dominus per Ieremiam, c. quinquagesimo sexto: *domus mea, domus orationis vocabitur cunctis gentibus.* B) Quod non solum de materiali domo, id est, de templis & oratoriis, sed etiam de mystica domo Dei, quæ sumus nos, intelligendum esse videtur. Hoc enim interest inter Christianos, & alias omnes gentes, quod cum illæ in industria & viribus suis confidunt, quippe quæ peccatum originis, & naturæ humanæ corruptionem & infirmitatem ignorat; Christiani de auxilio Dei in rebus omnibus præsumunt, atque ideo in rebus omnibus ad Deum per orationem confugiunt, atque opem & misericordiam ipsius implorant; ut non potuerit breuius Ecclesiæ definiti, quam domus orationis. Et quamuis officium orandi temporale sit, nec diutius duraturum quam peregrinatio ipsa durabit: tamen officium laudandi sempiternum erit, iuxta illud Psalm. 83. *Beati qui habitant in domo tua Domine, in sæcula sæculorum laudabunt te.*

Dicuntur autem eadem laudes & preces, horæ canonicæ, quia certis horis recitari debent iuxta canones & regulas sanctorum Patrum. Quod enim Brentius ait in Confessione Vvitembergenfi, capite de Horis canonicis, dici apud veteres Horas canonicas certa tempora præscripta à sacris canonicis, ut in his sacris scriptoræ per totum annum ordine legerentur, non modo falsum, sed etiam ineptum & puerile est. Neque enim canones præscribunt, quid sit legendum singulis horis, sed quid sit legendum singulis mensibus, ut perspicuum est ex distict. 15. can. sancta Romana. Proinde tempora illa non horæ canonicæ, sed menses canonici appellari debuissent. Neque ullus auctor antiquus aut recens inuenitur, qui notionem horæ canonicæ ita explicet, ut Brentius facit. Itaque inter alia Sectariorum deliramenta, qui sæpe nesciunt quid loquantur, cum de rebus nostris loquuntur, hæc etiam numerari poterit.

Porro si quis definitionem officij diuini forte desideret, ita accipiat: *Diuinum officium est certa ratio publice laudandi, precandique Deum, mente simul & voce, auctoritate Præsulum Ecclesiæ instituta.*

D) Dicitur PRIMO, *certa ratio*, quoniam non libet dei laudatio, vel ad Deum oratio, est officium diuinum, sed certa quædam forma & ordo psalmodiarum, hymnorum & precum, quem omnes sequi debent, qui diuinum officium ex obligatione persolunt.

Additur SECUNDO, *publice*, quoniam officium diuinum persoluitur publico nomine totius Ecclesiæ, pro bono communi & publico, per publicos & solennes ministros. Atque ea causa est, cur etiam si dicatur interdum ab vno homine, & in priuata domo, tamen non omittuntur voces illæ, *Domine vobiscum, Oremus, Benedicamus Domino*, & similes. Dicuntur enim toti Ecclesiæ, & nomine eiusdem Ecclesiæ ipse sibi respondet: *Et cum spiritu tuo, Deo gratias, &c.*

Additur TERTIO, *laudandi precandique*, quoniam hæc duo continent officium, de quo agimus, laudes pro beneficiis acceptis, preces pro accipiendis. In quo differt officium Ecclesiæ militantis ab officio Ecclesiæ triumphantis. Ecclesiæ enim triumphantis officium, quando post vltimi iudicii diem in omnibus suis membris triumphabit, solas laudes continebit.

Additur QVARTO *Deum*, quoniam totum hoc officium proprie soli deo præstat. Est enim sacrificium laborum, de quo legimus in Psalm. 49. *Immolabo sacrificium laudis.* Neque mouere nos debet,

pus canonicum laudum sit ab initio crepusculi matutini usque ad ortum Solis. Id quod perspicuum est, T V M ex nominand enim est, proprie officium, quod Matutinum à veteribus omnibus nominatur, T V M ex hymnis, quæ in laudibus decantantur; in plurimis enim eorum sit mentio aurore: T V M denique ex communi omnium sententia; nulli sunt enim auctores, qui contra sentiunt.

Atque hæc est causa cur Ecclesia in nocte Natalis Domini sciungat nocturnos à Laudibus, & Missam celebret ante Laudes. Quoniam enim vetere instituto Missa illa circa mediā noctem celebrari debet, nimium præueteretur tempus Laudum si ante mediam noctem Laudes canerentur. Ex quo intelligimus minus absurdum esse nocturnos à Laudibus separare, quam totum illud officium ante mediam noctem persolvere.

Neque moueri debemus ex eo quod in triduo ante Pascha Ecclesia ipsa publice nocturnum officium & Laudes ad vesperam canere solet. Nam ratione mysterii, deditaque opera ista sunt; ideo enim tribus illis diebus officium matutinum Sole occidente celebratur, & in tenebras desinit, unde & nomen accepit: T V M ut repræsentetur occasus Solis iustitiæ; T V M ut significantur tenebræ gentis Iudaicæ, quæ Dominum abnegauerat & crucifixerat. Quod idem extinctio candelarum, & alia signa mœstitiæ, quæ in officio illo exhibentur, satis aperte demonstrant. De quibus mysteriis vide Amalarium lib. 4. de officiis Ecclesiasticis, ca. 21. & 22. & Rupertum lib. 5. de officiis diuinis, cap. 24. & seq.

Officium P R I M A prima hora diei celebrandum esse, ac per hoc tempus eius canonicum esse ab ortu Solis usque ad finem primæ horæ, docet nomen ipsum primæ: docet hymnus ille: *Iam lucis orto fidere*; docent collectæ verba illa, *Qui nos ad principium huius diei venire fecisti*; docent auctores plurimi, ut Rabanus lib. 2. de Instit. clericorum, c. 3. Amalarium in libro de ordine Antiphonarii, cap. 6. & in primis Ioannes Cassianus lib. 3. de institutis cœnobiolorum, cap. 4. ubi etiam monet, officium Primæ, suo primum tempore institutum fuisse, cum officia aliarum Horarum antiquissima sint. Et vere nec Cyprianus, nec Athanasius, nec Basilii, nec Hieronymus, neque alii Cassiano antiquiores huius primæ Horæ mentionem faciunt, cum aliarum Horarum sæpe meminerint. extat quidem hymnus ad Primam, qui à S. Ambrosio cōpositus dicitur; fortasse S. Ambrosius scripsit hymnum illum pro exortu diei, postea Ecclesia officio Primæ hymnum illum inseruit. Quod autem quidam Doctores canonum exponentes ca. 1. de celebrat. Missarum, dicunt, officium Primæ esse officium nocturnum, & celebrandum ante Solis exortum, manifeste falsum est, & recte cōfutatur à Francolino in tractatu de tempore Horarum cononicarum, cap. 15. & 16.

Officium Horarum trium, videlicet T E R T I A, S E X T A, & N O N A, illis ipsis horis celebrandum esse, non dubium est. Quoniam autem horæ illæ inæquales, non sunt iam amplius in usu, propterea tempora illa accipienda sunt, quæ Horis illis in nostra supputatione respondent. Quod nullo negotio fiet, si quis aduertat in quas horas Solis ortus & occasus & meridies incidant. Nam hora S E X T A, inæqualis, quæ est hora orationis sexta, semper incidit in meridiem, Hora T E R T I A inæqualis semper incidit in illud tempus, quod est medium inter ortum Solis & meridiem. Hora nona inæqualis in illud incidit, quod est medium inter meridiem & occasum.

Itaque in iis regionibus ubi numerantur horæ à

A meridie, D V O D E C I M A hora diei semper est hora S E X T A canonica; & ab ea reliquæ duæ facile colliguntur. In iis autem regionibus, ubi horæ numerantur ab occasu; tempore æquinoctii hora Q V I N T A D E C I M A; ipsa est T E R T I A; D E C I M A O C T A V A est S E X T A; V I C E S I M A P R I M A, est N O N A. Cum autem crescentibus diebus, meridies fuerit hora septimadecima; tum de hora T E R T I A canonica, erit hora diei T E R T I A D E C I M A cum dimidia, hora S E X T A canonica erit hora diei S E P T I M A D E C I M A, hora N O N A canonica erit hora diei V I C E S I M A cum dimidia. Contra autem cum dies decrescant, & erit meridies hora decima nona, tunc hora T E R T I A canonica erit hora diei S E X T A D E C I M A cum dimidia, hora S E X T A canonica erit hora diei D E C I M A N O N A; hora N O N A canonica erit hora diei V I C E S I M A P R I M A cum dimidia.

B Si quis autem haberet in tabella descriptos quadrantes dierum artificialium per totum annum, id est, quot horas contineat quarta pars cuiuslibet artificialis diei, is facillime horas canonicas inuestigaret. Nam ubi dies incipiunt à meridie, si quis detraheret ab hora duodecima quadrantem vnum, haberet horam tertiam canonicam, si detraheret duos quadrantes, haberet ortum Solis: post meridiem vero primus quadrans esset hora nona canonica, secundus hora vespertina. Ubi autem horæ numerantur ab occasu, si detraheret quadrantem vnum à numero viginti quatuor horarum, haberet horam nonam; si detraheret quadrantes duos, haberet horam sextam; si detraheret tres, haberet horam tertiam, si detraheret quatuor, haberet ortum Solis & initium horæ primæ. Descripsit eiusmodi tabulas Francolinus accuratissime, sed per arcus semidiurnos. Cæterum non erit opus fortasse tam accurate ista cognoscere, cum satis sit ex ortu & occasu, quæ ad sensum patent, crasso modo colligere tempora media, ut iam diximus.

C Sed existit dubitatio quædam circa tres has canonicas Horas, T E R T I A M, S E X T A M, & N O N A M; sit ne tempus legitimum persoluedi officium harum Horarum posteaquam ipsæ horæ finitæ sunt, an potius posteaquam labi cœperunt, & adhuc labuntur: non enim desunt qui existiment tempus canonicum officii horæ tertie tunc primum incipere, cum hora tertia diei iam fluxit, & in horologiis, ut completa signatur, quod idem intelligendum esse volunt de Sexta & Nona.

D Sed contra sentiendum existimo. Nam certum est officium Laudum matutarum non esse celebrandum hora duodecima completa, id est orto iam Sole, sed hora duodecima labente, ac per hoc in aurora, ut omnes consentiunt. Pati ratione officium Primæ satis constat ex auctoribus supra citatis, non esse celebrandum hora prima exacta, sed labente, id est, paulo post ortum Solis: cur igitur non idem dicemus de officio Tertie Sextæ & Nonæ, celebrandum esse videlicet horis illis labentibus, non autem exactis atque completis?

E Sequitur officium V E S P E R T I N U M, quo varias video esse sententias, sed ego mihi omnino persuasi, tempus canonicum vespertinarum esse horam duodecimam, atque postremam totius diei, non quidem exactam, sed labentem, ut de aliis horis dixi.

Nam omnes fere veteres scribunt, vespertinum officium celebrandum esse in fine diei, ut Isidorus, Rabanus, hugo, Rupertus, & alii, & Amalarium, qui lib. 4. de officiis Eccles. cap. 7. scripserat vespertinum officium ad noctem pertinere, in lib. de ordine antiphonarii scribit, consuetudinem habere, ut pau-

lo aute Solis occasum celebretur, & addit, horam duodecimam esse legitimum tempus vespertarum. Eiusdem horæ duodecimæ mentionem facit S. Athanasius in libro de Virginitate, ubi post officium Tertiar, Sextar & Nonar, officium plenius & maius in hora duodecima celebrandum esse dicit. S. etiam Ioannes Chrysostomus hom. 59. ad populum scribit Monachos quatuor in partes diem distribuere, dum celebrant diuinas laudes, hora Tertia, Sexta, Nona & Vespertina. Vbi per Vespertinam necessario intelligit duodecimam. Illa enim explet quartam partem diei, & iusta proportionem tantum distat à nona, quantum nona à sexta, & sexta à tertia, & tertia ab initio diei. Sanctus quoque Basilii in regulis suis explicatis quæst. 37. dicit, completo die Vesperas celebrandas, Et Cyprianus sermone. 6. scribit, recedente Sole, & cessante die id esse faciendum.

Sed quod maximi momenti esse videtur, illud est, quod Cassianus refert lib. 2. de institutis cœnobiorum, cap. 4. & 5. non humana inuentione, sed cœlestis angelico magisterio institutum, ut in Vesperis duodecim Psalmi canerentur. Concilium autem Tur. II. cap. 19. Vespertinam horam in qua duodecim Psalmi Angelo doctore canuntur, dicit esse horam duodecimam. Itaque ex definitione Concilii ante annos mille celebrati habemus horam Vespertinam, proprie esse duodecimam, quæ diem artificialem claudit.

His accedit ratio ex proportionem, quam habet officium vespertinum cum matutino, id est, cum laudibus, has enim vocant omnes veteres matutinum. Sunt enim hæc duo officia valde similia. Nam habent sæpe antiphonas, easdem eundem hymnum, idem capitulum, easdem commemorationes, eundem numerum & ordinem psalmorum: igitur par est, ut sicut matutinum celebratur paulo ante ortum Solis, in extrema hora noctis, ita vespertinum celebretur paulo ante occasum Solis in extrema hora diei. Quod item confirmatur ex illis verbis hymni vespertini: *Iam sol recedit igneus, infunde lumen cordibus.* Et denique ex eo, quod veteres vespertinum officium accensa lucerna celebrandum esse dicunt, ut perspicuum est ex illis verbis S. Hieronymi in epist. ad Letam de institutione filiarum *Assuescat accensa lucerna reddere sacrificium vespertinum.* Neque enim lucerna necessaria est hora decima vel vndecima inchoante, cum adhuc sol clarissime luceat: sed hora duodecima Sole iam occumbente, præsertim in locis obscurioribus, qualia oratoria esse solent, omnino lucernæ lumine indigemus.

Quod autem Ioannes Cassianus lib. 3. de institutis cœnobiorum, cap. 3. dicit, lucernarum horam esse vndecimam, non infirmat, sed confirmat sententiam nostram. Loquitur enim ipse de hora vndecima iam exacta. Nam accommodat laudes officii vespertini ad opus illorum, qui hora vndecima vocantur ad vineam. Illos autem hora vndecima exacta operari cœpisse, & usque in finem duodecimæ operatos, testatur Evangelium, Matth. 20. *Hi nouissimi una hora fecerunt, &c.*

Restat officium COMPLETORII, quod non esse æque antiquum, ac officia reliquarum horarum neque obseruauit Radulphus de Riio in libro de cano. obseruat. propos. 14. Indicat enim tempus Completorii obscure Sanctus Ambrosius libro 3. de Virginitatibus. Sed expressam mentionem inuenio primum apud Græcos, in quæstion. 37. Sancti Basilii ex regulis suis explicatis: apud Latinos autem & nomen & tempus Completorii primum inue-

nio in Regula Sancti Benedicti cap. 16.

Porro tempus canonicum Completorii est initium noctis ante finem crepusculi vespertini. Id enim satis aperte colligitur ex omnibus antiquis auctoribus. Nam Ildorus lib. de officiis, cap. 21. Amalarius libro 4. de officiis Eccles. capite 8. & in lib. de ordine Antiphonarii, capite 7. Hugo de S. Victore lib. 2. de officiis diuinis, cap. 7. Rupertus lib. 1. de officiis diuinis cap. 7. & alii dicunt, Completorium ad noctem pertinere, & post cœnam, & omnia alia opera, quæ somnum præcedunt, debere persolui. S. autem Basilii loco citato dicit, primis se iam noctis intendentibus tenebris Completorium persoluum, & in eo Psalm. 90. recitandum, ut quies, quam sumus capturi, in offensa, & ab omni perturbatione sit libera.

Vnus est ex antiquis Rabanus, qui in lib. 2. de institutis cleric. cap. 8. dicit, Completorium hora vndecima celebrandum. Sed videndum est, ne forte sit vitium librorum. Nam, cap. 7. disertis verbis idem auctor dicit, Vespertinum officium in fine diei Sole occidente, celebrandum esse, & paulo post adiungit Vesperam dici à sidere, quod Sole occidente exoritur. Quomodo igitur ista coherent, ut Completorium, quod omnium consensu Vesperas sequi debet non præcedere, persoluendum sit hora vndecima, si Vesperæ persoluantur in fine diei, Sole occidente & Hespero oriente?

Quod autem Smaragdus Abbas in comment. ad cap. 16. Regulæ S. Benedicti dicere videtur, horam duodecimam ad Completorium pertinere, non habet difficultatem. Tamen quia fortasse non loquitur de Completorio, sed de Vesperis, neque enim Completorium, aut Vesperas nominat, cum horæ duodecimæ mentionem facit, & præterea duodecimam illam horam horæ non immediate subiungit, ac per hoc de vespertino officio loqui videtur: Tamen quia per horam duodecimam intelligere possumus duodecimam iam exactam, quæ coincidit cum prima hora noctis inchoata.

Ad veterum auctoritatem accedit manifesta Ratio. Nam officium Primæ, & Completorii eam inter se proportionem & similitudinem habent, quam Matutinum & Vespertinum. Sunt enim officia simillima, cum habeant eundem numerum & ordinem psalmorum & precum, & præterea symbolum, confessionem, &c. Sicut igitur officium Primæ persoluitur prima hora diei, sic officium Completorii persolui debet prima hora noctis; quemadmodum quia laudes matutinæ celebrantur vltima hora noctis, vespertinæ laudes celebrari debent, ut iam ostendimus, vltima hora diei. Et sane totum officium Completorii, si quis illud recte inspiciat, nihil aliud sonat nisi præparationem ad nocturnam requiem.

Quod vero quidam obiciunt verba illa, *Te lucis ante terminum*, indicare Completorium persoluum ante occasum Solis: item sepulturam Domini quæ in officio Completorii recolitur, factam esse ante Solis occasum: facile dissoluitur. Nam terminus lucis non est occasus Solis, sed finis crepusculi. Ideo enim ad Primam, ut significetur exortus Solis, non antem solius lucis, non dicitur, *Iam lucis orto lumine*, sed, *Iam lucis orto sidere*, id est, Sole. In Completorio vero nulla fit mentio sideris, siue Solis, sed solius lucis, quæ in fine crepusculi terminatur.

Porro sepultura Domini eadem hora facta est, qua depositio ex cruce. Non enim inter depositionem & sepulturam aliquod spacium temporis interiectum fuit. Quia vero duo mysteria sunt quamuis vno tempore peracta, ideo placuit Ecclesiæ vnum

commemorare suo tempore, id est, in Vesperis: alterum in hora consequente, id est, in Completorio, ut omittant officium Completorii, non propter solam memoriam Dominicæ sepulturæ, sed propter alias causas institutum fuisse: ac potissimum, ut in eo gratiæ Deo agerentur pro beneficiis diurnis, & indulgentia imploraretur pro peccatis toto illo die commissis, ac demum contra nocturna pericula & tentationes, Dei gratia peteretur: atque ita officium in matutino crepusculo inchoatum, in vespertino crepusculo completeretur.

CAPVT XI.

Referuntur Hæretici, qui Horas canonicas reprehendunt.

NON defuerunt vnquam Hæretici, qui vel omnino, vel ex parte aliqua officium Ecclesiasticum reprehenderent. PRIMVM enim Paulus Samosatenus circa annum Domini CCLXXX. Ecclesiam Catholicam arguebat, quod hymnos ab hominibus compositos, & qui in sacris litteris non haberentur, Christo detantaret. Quocirca ipse eos tanquam neotericos, & nuper inuentos ab Ecclesia sua remouit. Refert hanc hæresim Eusebius libr. 7. hist. cap. 26.

DEINDE, Vigilantius non totum quidem officium Ecclesiasticum, sed nocturnas vigilias reprehendebat, ut refert S. Hieronymus in epist. ad Riparium. Atque hæc videtur esse hæresis illorum, quos Isidorus in lib. de officiis ca. 22. dicit, vocari solitos nyctozontes, id est, somniculosos.

Post aliquot sæcula Ioannes Vvicleffus multa contra horas canonicas scripsit, quæ referuntur & refelluntur à Thoma Vvaldensi tom. 3. de Sacramentalibus, cap. 24. Non diu post in Boëmia Thaboritarum hæresim fuisse, frustra tempus teri in horis canonicis persoluendis, testis est Aeneas Syluius in libro de origine Boemorum, cap. 35.

Hoc nostro sæculo MARTINVS LUTHERVS in libro de abroganda Missa extremo, ritum Ecclesiæ improbat, quem seruat in Horis canonicis: & re ipsa sustulit in regionibus, quas à fide Catholica alienare potuit. Qui postea instituerit ipse quoque suas quasdam Horas canonicas, sed breuissimas, & ordine peruerso, ut Apostolum Satanæ decebat: præcepit enim, ut mane tres dicerentur Psalmi, & tres ad Vesperam. Cantica quoque, *Te Deum laudamus*, & *Benedictum Dominus Deus Israel*: & symbolum Athanasij recitari voluit, non mane, ut in Ecclesia fieri consuevit, sed vespere, ut videlicet nihil sibi commune esse cum Ecclesia Catholica demonstraret.

ILLYRICVS in Centuriis passim reprehendit summos Pontifices: quod officium Ecclesiasticum instituerint, vel auxerint, vel ornarint, sed insignis est locus Cent. 6. cap. 10. col. 674. vbi de Pelagio I. loquens, sic ait: *Notus Antichristi hic quoque insignis fuit. Num constituit, ut Clerici quotidie canonicas horas septies cantarent, vbi habetur 91. dist. can. Elutherus frater.* Quo loco TRIA sunt breuiter obseruanda. PRIMVM, non haberi in canone illo citato, verbum vllum de horis canonicis septies decantandis, sed solum de vigillis in quadam particulari Ecclesia celebrandis. ALTERVM, non solum reliquas Horas, sed etiam nocturnas ad quas proprie vigilie pertinent, antiquissimas esse, ut mox ostendemus ex Patribus, qui Pelagii Pontificatum longe præcesserunt. TERTIVM miram esse illam Illyrici consecrationem. Pelagius

A Papa instituit horas canonicas, igitur notis Antichristi insignis fuit. Quis enim vnquam inter Antichristi notas posuit, instituere Horas canonicas, id est, officium itatis horis Deum laudandi ac precandi? nonne Antichristus iuge sacrificium auferet, Daniele testem nonne efferet se, testē Apostolo, super omne quod dicitur Deus: quomodo igitur credibile est ab illo instituendum esse iuge sacrificium laudis & precatōis Deo nostro, & Christo eius, cuius ipse hostis acerrimus erit?

Iam vero IOANNES BRENTIVS in Confessione Vvitembergensi, capite de Horis canonicis, QVARTOR in vsu canonicarum Horarum reprehendit. PRIMO, quod instituat certum hominum genus, id est, sacerdotes, ad canonicas horas persoluendas. SECUNDO, quod persoluantur horæ illæ lingua aliena, quæ vulgo Ecclesiæ non sit nota. TERTIO, quod sine intermissione, die, noctuque hoc officium persoluatur. QVARTO, quod hoc fiat, non ut per patientiam & consolationem Scripturarum spem habeamus, sed ut merito huius operis mitigemus iram Dei, & expiemus peccata hominum coram Deo.

Sed PRIMVM illud de ministris tractabitur infra in suo loco. ALTERVM de lingua vulgari, tractatum est à nobis in 2. lib. de verbo Dei, cap. 15. & 16. neque aliquid noui hoc loco scribendum occurrit. De TERTIO differemus cap. sequenti, id enim est huius loci proprium. QVARTVM partim est falsum, partim commune orationi cū aliis operibus bonis. Falsum est enim non decantari à nobis laudes Dei, ut per patientiam & consolationem Scripturarum spem habeamus. Hunc enim fructum inter alios, & querunt & referunt omnes pii, qui rise diuinum officium canunt, vel legunt. Commune vero est orationi cum aliis bonis operibus, ut sit meritoria & satisfactoria, ut supra ostendimus.

Similia scribunt contra horas canonicas Tilmanus Mesthusius in lib. de sexcentis erroribus Pontificiorum, tit. 2. num. 7. & alii passim.

CAPVT XIII.

Demonstratur antiqua & rationalis institutio canonicarum Horarum.

ADVERSVS prædictos hæreticorum errores nos breuiter ostendemus antiquam & rationabilem institutionem esse canonicarum Horarum, ac primum de ipsis horis, deinde de iis, quæ leguntur aut canuntur in officio Ecclesiastico breuiter differemus.

E Quod igitur ad horas attinet, habemus exempla Prophetarum & Apostolorum, testimonia veterum Patrum, & antiquæ Ecclesiæ consuetudinem, rationes, denique, & causas huius institutionis.

Veniamus ad exempla. Propheta David septies in die laudem dicebat Deo Psalm. 118. quod si ille in bellis, & regni administratione occupatus, septies in die, sine intermissione, Deum precabatur & laudabat, quid habet Brenzius, quod queratur, si sacerdotes, quorum proprium munus est vacare deo, septies in die sine intermissione orationi & laudibus diuinis insistant?

Sed audiamus exempla de singulis horis. De NOCTURNA ORATIONE idem David in eodem Psalmo 11. Media, inquit, nocte surgebam ad confitendum tibi. Dominus quoque non solum media nocte orabat, sed etiam pernoctabat in oratione, Lucæ 6. & Apo-

Stolus Paulus & Silas in ipso etiani carcere media nocte orantes laudabant Deum, Act. 7.

De LAUDIBUS MATUTINIS habemus illud Psalm. 5. *Mane exaudies vocem meam, mane astabo tibi & videbo.* Et illud Psalm. 62. *In matutinis meditabor in te.* Et illud Psalm. 118. *Præueniunt oculi mei ad te diluculo, ut meditarer eloquia tua.*

De PRIMA, TERTIA, SEXTA, & NONA, explicat Beda illud 2. Esdr. 6. *Legerunt in volumine legis Domini dei sui quater in die, & quater consuebantur, & adorabant Dominum Deum suum.* Item illud Daniel. 6. *Tribus temporibus in die flectebat genua, & adorabat, consuebatque coram Deo;* exponunt Cyprianus in serm. 6. & Hieronymus in comment. Danielis, de hora Tertia, Sexta, & Nona.

Easdem horas legimus in actis Apostolorum. Nam hora TERTIA Apostoli orantes accipiunt Spiritum sanctum, Act. 2. hora SEXTA Princeps Apostolorum ascendit in superiorem ædium partem, ut orationi vacaret, Act. 10. Denique Petrus & Ioannes ascendebant in templum ad horam orationis NONAM, Act. 3. De officio VESPERTINO Propheta Dauid Psalm. 54. *Vespere & mane & meridie narrabo & annuntiabo, & exaudiet vocem meam.* Et Psalm. 140. *Elenatio manuum mearum sacrificium vespertinum.*

Iam ex Patribus plurima testimonia adferri possunt, nunquam enim in Ecclesia Christiana non fuit consuetudo laudandi, precandique Deum nocturno tempore, præterea Mane, hora Tertia, Sexta, Nona, & ad Vesperam. Proinde qui hunc usum reiiciunt, quod faciunt omnes huius temporis Hæretici, vel imperiti sunt antiquitatis, vel nimium impudentes nouatores.

CLEMENS ROMANVS lib. 8. Apostolicarum constitutionum, c. 40. *Preces, inquit, vestras facite diluculo, hora Tertia, Sexta, Nona, Vespere: & in galli cantu.*

S. CYPRIANVS in serm. qui est de oratione dominica: *In orationibus, inquit, celebrandis inuenimus obseruasse cum Daniele tres pueros in fide fortes, & in captivitate victores, horam Tertiā, Sextā, & Nonā.* Et paulo post: *Sed nobis fratres dilectissimi præter horas antiquitus obseruatas, orandi nunc & spatia, & sacramenta creuerunt. Nam & mane orandum est, ut resurrectionis Domini matutina oratione celebretur. Recedente item Sole, ac die cessante necessario rursus orandum est. Et infra: Qui autem in Christo, hoc est, in lumine semper sumus, ne noctibus ab oratione cessemus.*

S. ATHANASIUS in libro de Virginitate, siue de meditatione: *Habere, inquit, Psalterium & Psalmos edisce. So lexorians videas librum in manu tua; post tertiam horam peragito communionem, quoniam hac hora adductum est lignum crucis. Sexta hora celebrato preces cum Psalmis, plorationibus & obsecrationibus, quoniam hac hora filius Dei sublatu est in crucem. Hora nona rursus esto in hymnis & laudibus Dei cum lacrymis confitens peccata tua, Deo supplica quoniam hac hora Dominus in cruce pendens reddidit spiritum.* Et infra: *Hora duodecima maiorem & crebriorem celebra communionem cum virginibus tuis, &c.* Item in eodem libro: *Media, inquit, nocte surgito, laudato Dominum Deum tuum,*

S. AMBROSIVS in Psalm. 118. serm. 8. meminit orationis, quæ sit media nocte, in meridie, & vespere Et in lib. 3. de Virginibus notat sex tempora orandi, cum surgimus mane, cum est prodeundum, ante prandū, post prandium, hora incensi, & cum pergitur cubitum. Quæ tempora cum solennium orationum tempora ab ipso vocentur, videntur omnino significare horam Matutinam, Tertiam, Sextam, Nonam, Vespertinam & Completorii. Extant etiam S. Ambrosii hymni pro singulis horis canonicis.

S. BASILIUS in regulis suis explicatis q. 37. eundem Horarum multo apertius meminit; nam cum dixisset, non esse negligendas præscriptas orationes statis temporibus, quas in conventibus obseruari solenne est & quotidianum; continuo enumerat tempora, & singulorum rationes reddit. Tempora vero illa his nominibus appellat: *Matutinum, horam Tertiam, Sextam, Nonam.* Addit præterea officium Completorii dici, id est, Vesperas & Officium, initio tenebrarum pro quiete nocturna captanda, id est, Completorium & officium, media noctis, id est, Vigiliis nocturnas.

S. HIERONYMVS in epistola ad Eustochium de custodia virginitatis: *Horam Tertiam, inquit, Sextam, Nonam, diluculum quoque, & Vesperas, nemo est qui nesciat.* Et infra: *Noctibus quoque his, terque surgendum.* Et in epist. ad eandem de obitu Pauli: *Mane inquit, hora Tertia, Sexta, Nona, Vespere, noctis medio per ordinem psalterium cantabant.* Similia habet idem auctor in epistola ad Letam de institutione filiae. S. Ioannes Chrysostomus hom. 59. ad populum Antiochenum, de scribens Monachorum consuetudinem: *Antelucem, inquit, cum gallus vocem dedit, omnes statim cum ieiunia somnum deponentes exurgunt: excitante eos Prelato, & consistunt sanctum constituentes chorum, & statim manus extendentes sacros hymnos decantant.* Et infra de diuinis precibus: *Tertiam, inquit, Sextam, Nonam, & Vespertinas orationes celebrant, & in quatuor partes diem distanti, dum singula partes implentur psalmodiis & hymnis Deum venerantur.*

S. AVGVSTINVS serm. 55. de tempore Rogo, inquit, vos ad Vigiliis maturius surgite, ad Tertiam, ad Sextam, ad Nonam, ante omnia capuenite.

IOANNES CASSIANVS lib. 2. de institutis cenobiorum differit de officio nocturno, & lib. 3. de diurno, & nominat horam matutinam ante ortum Solis, & rursus aliam matutinam orto iam Sole, id est, Primam, deinde Tertiam, Sextam, Nonam, Vesperas.

S. BENEDICTVS in Regula cap. 16. *His, inquit, horis referamus laudes creatori nostro, Matutinis, Prima, Tertia, Sexta, Nona, Vespere, Completorio, & nocte surgamus ad conficiendum ei.*

Præter hos Patres, multi alii grauissimi, doctissimi que scriptores singulorum horarum canonicarum tempora, & mysteria explicant. Isidorus lib. 1. de officiis diuinis, Amalarius lib. 4. de officiis Ecclesiasticis, Rabanus lib. de institutione clericorum Hugo de S. Victore in libro 2. de officiis Ecclesiasticis, Rupertus Tuitiensis in lib. de diuinis officiis, eo quibus RABANVS lib. 2. de de institutione clericorum, cap. 9. usum hunc totius Ecclesie communem esse testatur, his verbis: *Iste, inquit, est Carolicus ordo diuinarum celebrationum, qui ab vniuersa Ecclesia Christi incommutabiliter seruetur.* Atque hæc de testimoniis patrum.

Porro rationes variae adferuntur à Patribus, sed TRÆ videntur esse præcipuæ. PRIMÆ ratio est, quam assignat S. Cyprianus in serm. 6. ut videlicet in honorem sanctissime Trinitati tertia quaque hora Deum laudemus. Nam horæ canonicæ antiquissimæ sunt, ut diximus tertia, sexta, nona, duodecima, quæ totum diem in quatuor ternarios horarum diuidunt: quibus addebantur quatuor vigilæ nocturnæ: quæ terminabantur hora tertia, sexta, nona, duodecima noctis, & noctem totam in alios quatuor horarum ternarios diuidebant.

SECUNDA ratio est, ut beneficium creationis commemoremus: & pro eo conditori rerum omnium gratias agamus. Ideo enim sunt horæ septem diurnæ

quoniam

quoniam septem diebus creauit Deus cælum & terram, & omnia quæ in cælo & in terra continentur. Additur autem hora octaua, id est, officium nocturnum, pro ipse resurrectionis, quæ per diem octauam significari solet. Noctu autem futuram resurrectionem, Dominus ipse admonuit, cum ait Lucæ 17. *In illa nocte erant duo in lecto, unus assumeretur, alter relinqueretur.* Et Matth. 25. *Media nocte clamor factus est, Ecce sponsus venit, exite obuiam ei.*

TERTIA ratio, eaque potissima, quam reddunt sancti Patres Ambrosius, Basilii, Cassianus, & alij, est ad memoriam redemptionis conseruandam. N. v. præcipua Redemptionis mysteria his horis completa esse noscuntur. Hora VESPERTINA (inde enim officium Ecclesiasticum initium sumit) Christus cenam cum discipulis fecit, pedes eorum lauit: Sacramentum Eucharistiæ instituit. Hora COMPLETORII post orationem in horto, & sudorem sanguinis comprehensus ab inimicis, atque ad Annam & Caipham ductus, varijs modis illusus fuit. Hora MATUTINA in Concilio Pontificum & Phariseorum, initum est consilium de ratione perdendi Christum. Hora PRIMA ductus est Dominus ad Pilatum, atque inde ad Herodem, & rursus reductus ad Pilatum. Hora TERTIA crucifixus est vocibus Hebræorum, flagellis cælus, & spinis coronatus à militibus Pilati. Hora SEXTA crucifixus re ipsa, atque à terra (vt ipse prædixerat) exaltatus, maximum Deo Patri pro totius mundi salute sacrificium immolauit. Hora NONA spiritum emisit, ad inferos descendit, regnum satanæ destruxit.

Rursus, Hora Vespertina de cruce depositus, & in sepulchrum illatus est. Hora Completorii dum ipse quiesceret in tumulo, sepulchrum ipsum ab inimicis signatum fuit, & militum custodijs septum, atque munitum. Hora Matutina, id est, sub auroram, resurrexit, redemptionemq; perfecit: in cuius rei figuram, in vigilia matutina Deus olim Pharaonem cum exercitu suo demersit in mare, & filios Israel liberauit. Hora Prima apparuit sanctis mulieribus. Hora Tertia descendit Spiritus sanctus super Apostolos. Hora Sexta sanctus Petrus orans, mandatum accepit, vt Gentiles admitteret ad Ecclesiam; & eadem hora Coapostolus eius Paulus, Christo sibi apparente, conuersus, & ad prædicandum Gentilibus destinatus est. Hora Nona primitiæ Gentium, Cornelius Centurio, Angelico ministerio ad Apostolum Petrum audiendum missus est.

His rationibus addi potest confirmatio ex eo, quod satis constat ex Ioanne Cassiano libro secundo de institutis Canobiorum, cap. 4. & 5. non solo humano, sed etiam Angelico magisterio canonicarum horarum ordinem constitutum. Item alia confirmatio ex eo, quod narrat Ado Treuirensis in Martyrologio ad nonum diem Ianuarij, occisa magna copia sacerdotum in persecutione Diocletiani, auditam fuisse circa eorum reliquias cælestem psalmodiam mane & vesperi, & rursum hora tertia, sexta, & nona. Quæ sanè manifesta sunt indicia, quod hæc Religio statis horis Deum laudandi, quam sancti illi Martyres, dum viuerent, semper tenuerant, Deo non mediocriter placeat.

Denique illud etiam addi potest, vsque adeò antiquis temporibus studium celebrandi canonicas horas in Ecclesia floruisse, vt Iulianus Apostata inuidens Christianis hoc ornamentum, iusserit sacerdotibus idolorum, vt ipsi quoque similem formam statis horis precandi & laudandi deos in suis fanis instituerent. Vide Sozomenum lib. 5. hist. cap. 15.

CAPVT XIV.

De antiquitate singularium partium officij Ecclesiastici.

DIXIMVS de horis canonicis, nunc de ijs quæ in ipsis horis canuntur, aut leguntur, breuiter dicendum est. Sunt autem hæc, Psalmi, Cantica, Hymni, Lectiones, Responsoria, Antiphonæ, Litanie, Capitula, Collectæ, Symbolum, & Confessio.

Et quidem Psalmi & Cantica reprehendi non soleat, nec possunt, cum habeantur omnia in diuinis litteris, excepto Cantico, quod incipit: *Te Deum laudamus.* Fuisse autem in vsu apud Christianos ab ipso exordio nascentis Ecclesiæ, vt in conuentibus Ecclesiasticis psalmodia primum locum haberet, cognosci potest ex loco illo Apostoli, 1. Cor. 14. *Cum conuenitis, unusquisque vestrum psalmum habet.* Item ex Tertul. in libro de velandis virginibus extremo, & lib. 2. ad vxorem extremo; denique ex Concilio Laodicensi, cap. 15. & 17.

Porro Canticum, *Te Deum laudamus*, non habetur quidem in Scripturis, tamen compositum fuit, Deo inspirante, à sanctis Patribus Ambrosio & Augustino, qui statim à Baptismo eiusdem Augustini, toto populo obstupesciente, Canticum illud alternatim & ex tempore cecinerunt, vt scribit S. Dacius Episcopus Mediol. lib. 1. Chronici, cap. 10. Floruit autem S. Dacius, imperante Iustino seniore, vt S. Gregorius refert lib. 3. Dialog. cap. 4. Addit quoque idem Dacius, Canticum illud ab vniuersa Ecclesia frequentari cepisse. Quod verum esse cognosci potest etiam ex regula S. Benedicti, in qua post lectiones præscribitur Canticum, *Te Deum laudamus.* Denique ipse etiam Lutherus ab hoc Cantico non abhorruit, vt supra diximus. Quare nihil est cur in eius defensione plura dicamus.

Iam verò de Hymnis superadditis, habemus primò testimonium Apostoli, Col. 3. & Ephes. 5. qui Psalmis & Canticis, Hymnos adiungit. Videtur enim Hymnorum nomine intelligere carmina spiritualia, quæ Christiani illius temporis componebant, vt Haymo exponit. Nam & Eusebius in lib. 2. hist. cap. 17. ex Philone refert, primos Christianos non tantum Psalmos dauidis & Cantica Scripturarum, sed etiam proprios Hymnos canere solitos esse. Sanctus quoque Dionysius in libro de diuinis nominibus, cap. 4. non pauca commemorat ex Hymnis sacris à B. Hierotheo compositis. Factum etiam illud Pauli Samosatani, qui Ecclesiasticos Hymnos tanquam neotericos, & nuper inuentos reiecit, satis testatur vsum eiusmodi hymnorum esse vetustissimum. Vixit enim Samosatenus ante annos mille trecentos. Denique Concilium Toletanum IV. ante annos ferme mille, can. 12. præcipit, vt Hymni à sanctis Patribus Hilario & Ambrosio compositi, in officio Ecclesiastico retineantur. Quidam enim iam tunc ceperant eos contemnere, propterea quod in sacris litteris non haberentur.

Lectiones præcipuè leguntur in officio nocturno, partim ex Scripturis, partim ex homilijs Patrum, partim ex vitis Sanctorum. Vsum Lectionum, antiquissimum esse in Ecclesia, perspicuum esse potest ex Apolog. 2. S. Iustini extrema, vbi dicit, Lectiones ex Prophetis & Apostolis in conuentu fidelium legi solitas. Item ex Concilio Laodicensi, quod ante annos mille ducentos celebratum fuit: statuit enim cap. 17. vt Psalmis Lectiones intersererentur. Item ex Concilio Carthagenensi III. cap. 47. vbi præscri-

buntur lectiones, non tantum ex Scripturis, sed etiam ex vitis sanctorum Martyrum. De lectionibus quoque ex homilijs Patrum, testis est sanctus Hieronymus in libro de scriptoribus Ecclesiasticis, ubi dicit sermones B. Ephrem legi consuevisse in Ecclesia, post lectiones Apostolorum & Prophetarum. Ioannes etiam Cassianus libro secundo de institutis cenobiorum, cap. 5. refert à maioribus institutum fuisse, ut in officio nocturno duodecim Psalmi, & duodecim lectiones pronunciarentur. Denique Gelasius Papa ante annos mille descripsit ordinem lectionum, tum ex Scripturis sacris, tum ex Patrum homilijs per totum annum, ut est apud Gratianum distinct. 15. can. Sancta Romana. Et Gregorius VII. ante annos quingentos restituit Breuiarium Romanum in eam formam, quam habuerat antiquissimis temporibus, idque fecit in Concilio generali. Vnde extat canon, In die, de consecr. dist. 5. Quod idem fecit nostris diebus Pius V. Pontifex, de Ecclesia Dei optimè meritis.

Cur autem lectiones per totum annum eo sint ordine distributæ, quem nunc quoque in Romano Breuiario cernimus, explicat Rupertus libro 12. de officijs diuinis, propè extremo. Et quoniam non multum referre videtur id agnoscere, & nos breuitati studemus, ad eum auctorem lectorem censuimus remittendum.

Ante lectiones præcedit B E N E D I C T I O, de qua scribit Petr. Dam. in lib. de *Dominis vobiscum*, cap. 2. ubi etiam notat, propter humilitatem non petere lectionem à Sacerdote, vel Pontifice, ut ipse benedicat, sed ut iubeat ab alio benedici: Sacerdotem autem, vel Pontificem, ut vicem reddat humilitati, nec per se, nec per alium benedicere, sed benedictionem lectori, & cæteris omnibus ab ipso Deo precari.

Post lectiones sequuntur R E S P O N S O R I A, quæ ab Italicis Ecclesijs primùm inuenta, ut referunt Isidorus lib. 1. de officijs diuinis, cap. 8. Et Rabanus lib. 1. de institut. clericorum, cap. 51. & fortè à S. Ambrosio, ut censet Vualfridus in lib. de rebus Eccles. cap. 25. inde ad alias Ecclesias dimanarunt. Certè S. Benedicti tempore iam erant in vsu, ut ex ipsius regula intelligi potest. Appellantur autem Responsoria, teste Rabano, loco notato, quoniam vno inchoante, à cæteris respondetur.

C A P I T U L A nihil sunt aliud nisi breuissimæ lectiones, quæ dicuntur in singulis Horis diurnis, & semper ex sacris litteris depromuntur. Meminit eiusmodi Capitulum Concil. Agathense, cap. 30.

De C O L L E C T I S, L I T A N I A, G L O R I A P A T R I, S Y M B O L O, & C O N F E S S I O N E, quæ sunt communia officia cum Missa, disseruimus in 2. lib. de sacrificio Missæ, cap. 16.

A N T I P H O N A restant, quæ ut plurimum cum Psalmis coniunguntur, aliquando etiam seorsum canuntur. Significat autem Antiphona, vocem reciprocā, & per Antiphonas canere, nihil est aliud nisi alternatim canere. Dicitur verò in officio Ecclesiastico Antiphona, sententia illa, quæ Psalmo concinendo præmittitur, quoniam secundum eius modulationem totus Psalmus canitur, atque vtrumque chorum in fine coniungit, ut rectè docet Amalarius lib. 4. de officijs Ecclesiasticis, cap. 7.

Porro vsum Antiphonarum, id est, alternatim canendi Psalmos, ex Angelica admonitione, atque exemplo S. Ignacii didicisse, & Antiochenæ Ecclesiæ tradidisse, Socrates scribit lib. 6. hist. cap. 8. Quod igitur scribit Theodoret. lib. 1. hist. cap. 24. primos fuisse Flavianum & Diodorum, qui Antiochenis Davidicos Psalmos alternatim canendos tra-

diderunt, non de prima institutione, sed vel de institutione, vel de commodiore aliqua ratione alternatim concinendi intelligendum esse videtur. Apud Latinos primum fuisse S. Ambrosium, qui hanc ipsam consuetudinem introduxit, scribit Isid. lib. 1. de officijs diuinis, cap. 7. Sed hoc de solo officio Ecclesiastico accipiendum videtur. Nam in sacrificio Missæ, Psalmum alternatim canendum tradidit Celestinus Papa, ut in eius vita legimus. Absolutè autem vltimum alternatim canendi Psalmos apud Latinos antiquissimum esse, perspicuum est ex Tertulliano, qui in libro secundo ad uxorem extremo, dicit Psalmum inter duos sonare. Sed de his hæcenus.

C A P V T XV.

Antiphona, Salve Regina, ab hæreticorum calumnijs assertur.

E X omnibus officijs partibus, nihil est quod magis hæreticis nostri temporis displiceat, quàm Antiphona illa, quæ incipit, S A L V E R E G I N A. Eam enim Lutherus in serm. de Natali Beatæ Mariæ, dicit nulla ratione in bonum sensum posse trahi. Petrus quoque Pseudomartyr in comment. ad cap. 3. prioris ad Corinth. scribit, hanc Antiphonam non posse vilo modo ab impietate defendi, cum illa omnia tribuat Mariæ, quæ soli Deo conueniunt.

Ac ut eius ratiunculas ordine digeramus, sic ille ratiocinatur: *Deus est propriè Pater misericordiarum*, 2. Cor. 1. *Non ergo licet vocare Mariam Matrem misericordiarum, nisi diuinis honoribus eam ornare velimus.* Item, *Christus est propriè vita, qui de se ait, Ioan. 14. Ego sum vita, veritas, & vitæ.* Aequatur igitur Maria Christo, cum appellatur *vi-ta*. Adhæc, *Deus est propriè totius auctor consolationis*, 2. Cor. 1. *Non igitur Maria dulcedo nominari potest, nisi Deo asseratur æqualis.* Præterea, *In solo Deo sperandum esse testatur Propheta, qui dicit, Maledictus vir qui sperat in homine*, Hier. 17. *Non ergo Maria spes nostra nominanda est, nisi fortè iam homo esse desierit.* Denique, *Deus Pater est, qui ad filium credentes adducit*, Ioan. 6. & ipse se *Filius nobis ostender*, cum beatos faciet, Ioan. 14. *Quomodo igitur Maria nobis post exilium Iesum ostender, nisi ipsa quoque sit Deus, & beatos homines facere queat?*

Hæc argumenta nullius sunt ponderis, ac ut omit-tamus Ecclesiæ auctoritatem, quæ hanc Antiphonam multis iam seculis vsu probauit; neque enim fas esse putamus, vnum vel duos Apostatas cum ipsa Ecclesia in comparisonem adducere, certè longè nobilior fuit doctrina & pietate, ac per hoc etiam dignior, cui fides adhibeatur, Hermannus Contractus, qui hanc Antiphonam, & illam, *Alma Redemptoris*, composuisse fertur, quàm Petrus Martyr, aut Lutherus. Sed ad proposita argumenta veniamus.

P R I M O rationem illam argumentandi infirmam esse, ac nihil omnino efficere, demonstramus ex diuinis litteris. De Christo dicitur Ioan. 1. *Plenus gratia*. Proinde non potest hoc alteri tribui, si bona sit ratiocinatio Petri Martyris: At Lucæ primo dicitur, *Maria plena gratia*. Et Act. 16. Stephanus *plenus gratia*. Item Christus, *Lux mundi*, dicitur Ioannis 9. & tamen hoc idem Apostolis Christus ipse tribuit, cum ait Mat. 5. *Vos estis lux mundi*. Denique nonne in Scripturis Christus dicitur *Apostolus, Magister, Pater, Pastor, Episcopus?* & nonne ista eadem passim in eadem Scriptura tribuuntur Apostolis? Non igitur rectè colligit Petrus Martyr, Deus est Pater misericordiarum, ergo impius est, qui Mariam salutat Matrem misericordiarum.

Sed ostendamus præterea singulas partes huius Antiphonæ in B. Mariam rectissime convenire.

PRIMO dicitur **REGINA**; nam & omnes beati Reges sunt, quibus dicitur: *Beati pauperes spiritu, quoniam ipsorum est regnum celorum*, Matth. 5. Et, *Venite benedicti Patris mei, possidete paratum vobis regnum*, Matth. 25. Et ipsa præterea cum sit vera mater Regis Regum, Regis appellationem singulariter meretur.

SECUNDO dicitur **MATER MISERICORDIÆ**, Tum quia Christi mater est, per quem misericordiam à Deo consequuti sumus; Tum quia nobis quotidie misericordiam à Deo precatur, & impetrat; Tum denique phrasi Hebraica dicitur mater misericordiæ, quali mater valde misericors. Quomodo etiam illud accipimus, *Pater misericordiarum*, id est, pater summe misericors.

TERTIO dicitur **VITA**, non quod sit ipsa vita per essentiam, quomodo est Deus; neque quod sit principalis causa vitæ, quomodo de Christo dicitur, Act. 3. *Auctorem vero vitæ interfecistis*: sed quod Christum pepererit, & per illum facta sit mater omnium viventium vita spirituali. Sic enim Heuā dicta est vita. Vox enim Hebræa *ḥayā* vitam significat, quia mater futura erat omnium viventium vita animali. Obseruat autem Epiphanius hæres. 68. Heuam appellatam esse vitam, non quia ipsa per se tam insigni nomine digna esset; sed quia typus erat Mariæ, quæ verè vita dici meretur, cum sit mater Christi, & per eum etiam omnium fratrum Christi, ac per hoc omnium viventium.

QUARTO dicitur **DULCEDO**, quod nomen optimo iure Deiparæ convenire testantur innumerable beneficia, quibus illa semper consolata est; & quotidie consolatur afflictos. Neque enim est angulus orbis terræ, in quo non luceat memoria aliqua beneficiorum eius. Et si potuit Apostolus dicere Philemoni, *Isafrater ego te fruor in Domino*, cum tamen frui propriè non quadret, nisi in summum bonum, & ipsam dulcedinem, quæ per se ipsa expetenda est; cur non liceat nobis eodem tropo dulcedinem vocare matrem Dei, per quam non quorundam sanctorum, ut per Philemonem, sed omnium omnino viscera requiescunt?

QUINTO dicitur **SPES NOSTRA**, quoniam post Dominum, in ipsius potissimum intercessione confidimus. Neque enim spes in auctore solum boni reponi debet, sed etiam in intercessoribus & ministris. Itaque Dominus cum Iudæis ait, Ioan. 6. *Est qui vos accuset Moses, in quo vos speratis*, non illos reprehendit quod sperarent in Mose, sed quod Mose non crederent.

Quod verò Hieremias ait: *Maledictus vir qui sperat in homine*, intelligendum est de ijs, qui potissimam spem suam ponunt, quique ita confidunt in homine, ut in Deo nulla ratione confidant. Sic enim sequitur: *Et à Domino recessit cor eius*. Et qui piè, recteq; in Maria confidunt, potissimam spem habent in Deo. Denique hæc forma loquendi, ut etiam superiores, inveniuntur passim in scriptis S. Bernar. & S. Ephrem, quos certè impietatis accusare nemo unquam audeat. Nam in 1. serm. de Assumptione, vocat S. Bernardus Virginem Mariam, *Reginam, & Dominam, Matrem misericordiae, totam suamem, &c.* Et serm. 3. addit, convenire suo quodam modo in Mariam, quod in Psalmo legitur: *Misericordia eius plena est terra*. Et serm. de Aquæ ductu: *Filioli, inquit, hæc peccatorum scala, hæc mea maxima fiducia est, hæc tota ratio spei meæ*. S. quoque Ephrem in serm. de Deipara, vocat eam *Spem suam, & omnium Christianorum*.

SIXTO, rectè additur: **ET IESVM BENEDI-**

CTVM FRUCTVM VENTRIS TVI NOBIS POST HOC EXILIUM OSTENDE. Nam certè non minus est saluare homines, quàm ostendere illis Saluatorem; posse autem rectè dici saluari homines ab hominibus, perspicuum est ex his locis, Rom. 9. *Omnibus omnia factus sum, ut omnes facerem salvos*, 1. Timoth. 4. *Et te ipsum saluum facies, & eos qui te audiunt*. Iac. 5. *Qui converti feceris peccatorem ab errore viæ suæ, salvabit animam eius à morte*. Et Iudas in epist. sua dicit: *Filios verò salvate de igne rapientes*.

Iam igitur si Apostoli non timuerunt dicere, saluari homines ab ijs, qui verbo, exemplo, orationibus student animarum salutem: cur Ecclesia timeat dicere Virgini cum Christo regnanti, & primum locum in cælo post ipsum obtinenti, ut Iesum nobis post hoc exilium ostendat? Id enim sano modo intelligi debere, id est, per intercessionem, nemo Catholicus dubitat. Quomodo intelligenda sunt etiam illa: *Da mihi virtutem contra hostes tuos*. Et illa: *Tu nos ab hoste proteges, & hora mortis suscipe*. Et si qua sunt alia his similia.

S. enim Bernardus serm. 1. de Assumptione ait Virgini Mariæ: *Trabe nos post te, in odorem unguentorum tuorum curremus*. Et infra: *Ascendens in altum Virgo beata, dabis ipsa quoque dona hominibus*. Quidni daret? siquidem nec facultas ei deesse poterit, nec voluntas. Sed explicat ipse idem, tum alibi, tum in sermone 4. de Assumptione, quomodo hæc faciat beatissima Virgo: *Sis, inquit, pietatis tuæ ipsum quam apud Deum gratiam inuenisti, notam facere mundo, reis veniam, medicam agris, pusillis corde robur, afflictis consolationem, periclitantibus adiutorium, & liberationem tuis sanctis precibus obtinendo*. In hac quoque die solemnitate & lætitiæ, dulcissimum Mariæ nomen cum laude invocantibus servulis, per te Regina clemens, gratiæ suæ munera largiatur Iesus Christus filius tuus, Dominus noster.

Sed placet adscribere verba aliqua S. Ephrem, Patris omnium consensu celeberrimi, ex oratione de laudibus Deiparæ, quæ extat in 8. tomo Aloysij Lipomani: *Intemerata, inquit, prorsusque pura, Virgo Deipara, Regina omnium, spes desperantium*. Et infra: *Tu portus procellis vexatorum solatium mundi, carcere clausorum liberatrix, tu orphanorum susceptio, tu captivorum redemptio, tu agrotantium exultatio, & omnium salus*. Et infra: *Sub alis tuis custodi me, & proteges, miserere mei, qui sum luto inquinatus*. Et infra: *Non mihi alia fiducia, o Virgo sincera*. Et infra: *Aue pax, gaudium, & salus mundi*. Hæc & alia id genus multa habet sanctus Ephrem, quæ similia sunt ijs quæ in Antiphona, quæ incipit, *Salve Regina*, continentur. Sufficit autem ad hæc omnia ab hæreticorum calumnijs allerenda, illud unum, quando nihil haberemus aliud, sanctum hunc virum tantæ claritudinis fuisse, ut eius scripta post divinas litteras in Ecclesijs publicè legerentur, ut suprà ex testimonio sancti Hieronymi demonstravimus.

CAPVT XVI.

Defenditur cantus, qui in officio diuino, adhiberi solet.

EXPLICVIMVS hactenus partes tres disputationis de officio diuino; sequitur quarta, quæ est de modo ritè officium persoluendi.

Tres autem quæstiones de modo institui possunt, VNA de genere linguæ, Latine ne, an vulgari, & communi lingua sit officium persoluendum: ALTE-
RA de genere vocis, cantusve, an simplex pronun-

ciatio fit in officio adhibenda: TERTIA de conditionibus, circumstantijs, integritate, ordine, loco, tempore, & similibus. Sed quoniam de prima questione satis copiose disseruimus in 2. lib. de verbo Dei, cap. 15. & 16. secundam tantum & tertiam hoc loco explicare aggrediemur.

Quæritur igitur, siene cantus in officio Ecclesiastico adhibendus. Fuit enim antiquus error Hilarij cuiusdam, qui cantum omnino ab Ecclesijs excludi volebat. Refert hunc errorem sanctus Augustinus lib. 2. Retract. capite vndecimo. Eandem errorem postea sequuti sunt Henricus, & Petrus de Bruijs. Unde Henriciani & Petrobrusiani quidam hæretici dicti sunt, quos refellit Petrus Cluniacensis in epist. scripta ad omnes Episcopos, ca. ultimo. Ioannes autem Vviclef non modò cantum, sed etiam vocem paulò elatiorem in precibus reprehendebat, & ea de causa clericos in templis canentes cum sacerdotibus Baal comparandos esse iudicabat. Vide Thomam Vvaldensem to. 3. tit. 2. vbi per multa capita hunc errorem confutat.

Trinitarij Transyluani in 2. lib. cap. 1. dicunt se cantum cum omnibus tubis & organis proseripsisse. Et in antichetibus Christi veri & falsi, dicunt Christum falsum velle in suis templis cantum & organa, Christum verum nihil eiusmodi approbare. Magdeburgenses in Centurijs, cent. capite sexto, colum. 279. & alibi passim, dum vitas Pontificum Romanorum describunt, Catholicos Sacerdotes, Baaliticos vocant; nec dubium, quin propter cantum, propter illud quod Helias dixit sacerdotibus Baal: *Clamate voce maiori*. Sed certè mirum est, cur cantum Ecclesiasticum reprehendat Illyricus, cum apud Lutheranos & Calumnistas non solum Ministri, sed etiam populus magno clamore in templis canat. Sed hac in re Arianos imitantur, qui cantum in Catholicis reprehendebant, ut sanctus Ambrosius testatur in oratione de tradendis basilicis, & ipsi tamen canendis hymnis operam dabant, ut refert Socrates lib. 6. hist. cap. 8.

His igitur omissis, nos breuiter consuetudinem Ecclesiæ, quam in canendo seruauit, antiquam, & rationabilem esse demonstrare nitemur. Habemus PRIMò exemplum Angelorum, qui nato Christo, magnis vocibus canebant: *Gloria in altissimis Deo, & in terra pax hominibus bonæ voluntatis*. Ex quo verba illa Canticum Angelorum nominari cœperunt. notat Vvalfridus Strabo in libro de rebus Eccles. cap. 22. & perspicuum est ex Concilio Toletano quarto, can. 12.

Habemus SECUNDO, exempla Patrum veteris Testamenti, ac præsertim Regis & Prophetæ Dauid, qui non solum Psalmos plurimos composuit, & choros cantorum instituit; sed etiam hortatur in Psalmo 150. ut instrumentis musicis Dominum laudemus.

Neq; nos mouet, quod Petr. Martyr in comment. ad cap. 14. prioris ad Cor. dicit instrumenta musica pertinere ad caeremonias Hebræorum, & idè non magis conuenire Christianis, quàm circuncisio, sabbata, neomeniæq; conueniunt. RESPONDEMVS enim, caeremonias Iudaicas aliàs fuisse proprias Testamenti veteris, eas videlicet, quæ res futuras significabant, ut circuncisionem, sabbatum, & similia; alias communes utrique Testamento, quæ non ad significandas res futuras, sed ad colendum simpliciter Deum, referebantur, ut flectere genua ad orationem, tundere pectus, colere festos dies, & alia id genus multa, ac priores quidem caeremonias fateamur Christianis minimè conuenire; posteriores au-

tem non minus ad nos, quàm ad Iudæos pertinere contendimus. Huius generis esse musica instrumenta, intelligi potest ex eo quod Hebræi non utebantur eiusmodi instrumentis ad mysterium aliquod futurum significandum, sed ad excitandos animos infirmos ad laudes Dei, & tædium remouendum, quod ex prolixitate Psalmorum atque Hymnorum oriri solet, quæ ratio locum habet etiam in Ecclesia Testamenti noui. Non enim desunt in Ecclesia multi infirmi & rudes, qui eiusmodi fomentis curandi, & ad laudes Dei audiendas alliciendi sint. Deniq; nulla ratio reddi potest, cur cantus quo utebantur Hebræi, & quo nunc utuntur etiam Lutherani, non sit caeremonia propriè Iudaica, & sonus organi alicuius, sit caeremonia Iudæorum propria, atque idè interdicta Christianis.

Habemus TERTIO exemplum à Christo ipso approbatum: nam cum obuiau illi venirent turbæ, & magnis vocibus canerent, *Benedictus qui uenit in nomine Domini, hosanna in excelsis*, non tantum non eas prohibuit, sed etiam Phariseos & Scribas volentes prohibere, compescuit.

Habemus QUARTO exemplum ipsius Domini, & discipulorum eius, siquidem, *Post cenam* (ut Matthæus refert cap. 26.) *hymno dicto, exierunt in montem Oliueti*. Non enim simpliciter pronunciatum, sed verè, proprièq; cantum hymnum illum fuisse à Christo & Apostolis, indicat Concilium Toletanum IV. cap. 12. ut colligitur ex ipsa Græca voce *ἐκινουµε*, & ex Augustino, qui explicans titulum Psalmi 72. scribit ita proprium esse Hymnorum ut canantur, ut nisi canantur, Hymni vocari non possint. Et in epist. 119. cap. 18. ad hunc locum aspiciens, dicit, de canendis Hymnis non habere Saluatoris & Apostolorum exemplum.

Habemus QUINTO exemplum Pauli & Silæ, qui (ut Lucas testatur Act. 16.) media nocte orantes, Hymnos decantabant; id enim significat illud, *οὐκ ἐπαύσαντο ὑµνεῖν*. Clara autem, atque elata voce illos cecinisse, perspicuum est ex eo, quod audiebantur ab alijs qui in custodia erant.

Habemus SEXTO præceptum Apostoli ad Ephes. 5. & ad Colos. 3. vbi monet Christianos, *Ut in Psalmis & Hymnis & Canticis spiritualibus se exercant*. Atque hæc ex diuinis litteris.

Nunc ut ad traditionem Ecclesiæ veniamus, annotabimus Primò testimonia Conciliorum ex primarijs partibus orbis terræ, Deinde singulorum Patrum testimonia proferemus.

Igitur ex Oriente habemus Concil. LAODICE- NVM Can. 5. vbi statuitur, *Ut nulli alij in Ecclesia Psalmos canant, præter eos qui cantorum funguntur officio*.

Ex Italia habemus decretum DAMASI Pontificis, *Ut Psalmi in Ecclesia die nocteq; canentur*. Item decretum GREGORII I. in Concilio Romano: *Ut Diaconi non canant in Ecclesia, nisi Euangelium, Lectiones ceteras, ut etiam Hymnos & Psalmos ab inferioribus Clericis decantari sinant*.

Ex Africa habemus Concil. IV. CARTHAGINENSE, Can. 10. vbi sic legimus: *Cantor potest absque scientia Episcopi, sola iussione Presbyteri, officium cantandi suscipere, dicente sibi Presbytero, Vnde ut quod ore cantas, corde credas; & quod ore cantas, operibus comprobcs*.

Ex Hispania habemus Concil. TOLETANVM IV. cap. 12. quod ita loquitur: *De Hymnis & Psalmis canendis publice in Ecclesia, & Saluatoris, & Apostolorum habemus exemplum*.

Ex Gallia habemus Concilium AGATHENSE, capite 21. vbi statuitur, *Ut Hymni singulis diebus decantentur*.

Ex Germania habemus Concilium A Q V I S G R A N N E N S E, cap. 132. & 133. vbi monentur Cantores Ecclesiæ, *ut adificationem, non adulationem populi querant, dum sacras lectiones, & Psalmos, atque Hymnos modulatis vocibus canunt.*

Iam verò ex Patribus singulis S. D I O N Y S I V S Areop. in lib. de Ecclef. Hier. cap. 7. par. 12. meminit cantus Ecclesiastici, quo utebatur Ecclesia illius temporis in sepeliendis mortuis.

T E R T V L L I A N V S in Apolog. cap. 2. refert ex epist. Plinij ad Trajanum, consuetudinem primorum Christianorum, qui horis antelucanis conueniebant ad sacros hymnos Deo canendos. Idem etiam meminit cantus Ecclesiastici in eodem Apolog. cap. 39. & in lib. 2. ad uxorem, extremo.

Similia refert ex Philone E V S E B I V S lib. 2. hist. cap. 17. primi enim Christiani, quos Marcus Evangelista in Ægypto docuerat in canendis Deo Psalmis & Hymnis, die noctuque se exercebant. De quorum vita, ut planè admiranda, ac propè Angelica, librum scripsit Philo, ut nos in libro de Monachis copiosè probauimus.

Auctor quæstionum, quæ habentur inter opera S. Iustini, cantum Ecclesiasticum vtilissimum esse docet in responsione ad quæst. 107. quem locum paulò infra integrum adscribemus.

Sanctus B A S I L I V S in epist. 63. ad Clerum Neocæsariensem, purgat se diligenter à crimine, quod ei nonnulli obiecebant, quasi ritum canendi in Ecclesijs immutasset. Docet verò ritum à se receptum optimum, atque Orienti penè toti esse communem.

S. H I L A R I V S in comment. Psal. 65. meminit cantus his verbis: *Audiat, inquit, orantes populi, consistens quis extra Ecclesiam, vocem, spectet celebres hymnorum sonitus.*

S. A M B R O S I V S in oratione de trahendis basilicis, quæ habetur in 5. lib. epistol. aduersus Ariano- rum calumnias, cantum Ecclesiasticum, hymnosq; suos defendit.

S. H I E R O N Y M V S in epist. ad Oceanum de obitu Fabiolæ, & in altera ad Eustochium de obitu Paulæ, meminit cantus Ecclesiastici in funere. Et quod magis est admirandum, in vita B. Pauli primi Eremitæ, scribit S. Antoninum, quamuis solus esset, Pauli exequias celebrantem, Psalmos, atque Hymnos de Christiana traditione cantasse.

Sanctus I O A N N E S C H R Y S O S T O M V S cantus Ecclesiastici meminit hom. 56. in Matth. & homil. 59. ad pop. Antiochenum. Ipse quoque cantum Ecclesiasticum auxit, & ornauit, ut scribit Socrates lib. 6. cap. 8.

S. A V G V S T. lib. 9. Confess. cap. 7. scribit, ab Ambrosio primùm institutum fuisse, ut iuxta morem Orientalium, partim Psalmi, atque Hymni in Mediolanensi Ecclesia canerentur, atque hunc vsum inde ad alias Occidentis Ecclesias dimanasse, eundem vsum idem August. probat, tum loco notato, tum etiam lib. 10. cap. 33.

Sed quod ait, ab Ambrosio id primùm institutum, non ita videtur accipiendum, quasi cantus Ecclesiasticus in Occidente ante Ambrosij tempora planè ignotus fuerit. Contrarium enim testantur, quæ paulò ante citauimus ex Hilario & Tertulliano. Sed fortasse loquitur Augustinus non de cantu absolute, sed de cantu totius populi. Antea siquidem Psalmum cantabat vnus tantum, audientibus cæteris. Vnde est illud Hieronymi in epistola ad Rusticum: *Dicas Psalmum in ordine tuo.* Fortasse etiam soli Clerici, ut nunc fieri videmus, canebant. Ambrosius au-

tem ad leniendum inærorem populi sui in persecutione Iustinæ, instituit, ut totus populus caneret. Quod etiam fecit Chrysostomus in simili occasione apud Constantinopolim, ut Socrates refert libro 6. histor. cap. 8.

Fortasse etiam non loquitur Augustinus de toto Occidente, sed solum de locis, in quibus ipse fuerat. Nam certè testimonium ex Hilario adductum, videtur omninò cogere, ut credamus in Gallia fuisse consuetudinem, ut populus in Ecclesia caneret, etiam ante Ambrosij tempora. Sed quidquid de hac re sit, id nobis hoc loco sufficit, ritum canendi in Ecclesia antiquissimum esse.

Adferamus postremò Rationes ductas ab vtilitate eximia, quæ in hoc instituto cernitur. P R I M A vtilitas quæ ex cantu percipitur, illa est, quod accendunt pia cantica non parum audientium animos. Cuius rei vel vnum August. testem adduxisse iam erit. Sic enim ipse loquitur in lib. 9. Conf. cap. *Quantum, inquit, sicut in Hymnis & Canticis tuis, suauiter sonantis Ecclesiæ tuæ vocibus commotus acriter? Voces illæ influebant auribus meis, & eliquabatur veritas tua in cor meum, & ex ea afflu- bat inde affectus pietatis, & emerebant lacrymæ, & benè mihi erat in eis.* Et lib. 10. cap. 33. *Cum reminiscor, inquit, lacrymas meas, quas fudi ad cantus Ecclesiæ tuæ in primordijs recuperatæ fidei meæ, magnam institui huius vtilitatem agnosco.* Et in epist. 119. cap. 18. *Sine dubitatione, inquit, sciendum, maxime illud quod de Scripturis descendit potest, sicut de Hymnis & Psalmis canendis, cum & ipsius Domini & Apostolorum habemus documenta, & exempla. Et præcepta de re tam vtili ad mouendum animum, & accendendum diuinæ legis affectum.*

A L T E R A vtilitas in eo posita est, quod facilius & libentius Deo laudes pertoluuntur, quando officium diuinum alioqui prolixum & graue, quadam cantus iucunditate conditur. Quam enim ob causam Spiritus sanctus voluit diuinæ laudes à Prophetis carmine scribi; ob eandem vtile fuit, ut eiusmodi cæmina non simplici pronuntiatione, sed cantu celebrarentur. Cur autem voluerit Spiritus sanctus laudes diuinæ carmine scribi, causam reddit sanctus Basilus oratione in primum Psalmum, ut sine tædio, immò etiam cum voluptate & delectatione discerentur, & frequentarentur, præsertim cum in eiusmodi laudibus diuinis multa sunt admixta præcepta vitæ ac moribus vtilissima.

Magnam verò atque honestissimam percipi voluptatem ex cantu laudum diuinarum, docet Lactantius lib. 6. cap. 21. *Si voluptas est, inquit, audire cantus & carmina, Dei laudes canere & audire incandum sis. Hac est voluptas vera, quæ comes & sociâ virtutis est. Hac est non caduca & brevis, ut illa quæ appetunt, qui corpori ut pecudes seruiunt, sed perpetua, & sine ulla intermissione delectans.*

T E R T I A vtilitas illa est, quod hac ratione testamur Ethnicis & Hæreticis, non erubescere nos fidem nostram, quandoquidem fidei dogmata, quæ ab Ethnicis, vel Hæreticis irridentur, nos cantu, ac versibus celebrare non dubitamus. Cuius rei multa exempla in historia Ecclesiastica legi possunt. Vide sanctum Ambrosium in oratione de tradendis basilicis: Rufinum libro primo histor. cap. 35. & 36. cum describit translationem reliquiarum sancti Babilæ Martyris: & Theodoretum libro tertio hist. cap. 17. vbi narrat res gestas Publicæ, & Virginum, quas illa erudiebat.

Q V A R T A vtilitas est, ut Christiani testentur, sibi diuinam legem non esse molestam & grauem, sed iucundam & suauem, seque eam non ex timore, sed ex amore seruare, iuxta illud Psalmi 118.

Cantabiles mihi erant iustificaciones tue in loco peregrinationis mea.

POSTREMA utilitas est, ut Deo nostro perfectum omni ex parte reddamus obsequium, dum & animo ardentissimis votis, & corpore clarissima voce laudes eius celebrare contendimus.

Sed claudamus hunc locum verbis IUSTINI, aut quicumque fuit auctor questionum illarum, quæ inter opera Iustini leguntur. Sic enim auctor ille loquitur in responsi. ad q. 107. *Excitas (cantus Ecclesiasticus) cum voluptate quadam animum ad flagrans eius, quod carmine celebratur, desiderium. Affectiones & concupiscentias carnis sedat, cogitationes malas inimicorum, quos cernere non est. Suggestione oborientes amolitur. Pietatis decertatores generosos & fortes, per constantiam rebus adversis efficit. Omnium rerum, quæ vitæ tristes, & luctuose accidunt, p̃ys adfert medicinam. Mentes ad fructificationem diuinorum bonorum rigat. Gladium spiritus hoc Paulus appellat in armamentario, ubi cõtra inuisibiles aduersarios, milites veræ pietatis suis instruit armis. Verbum namque Dei est, & quod animi cogitatione, quod carminis præludio, carmine ipso celebratur, ac demones fugat atque depellit. Et in rebus omnibus, quæ p̃ys eueniunt, animus veræ pietatis virtutibus per carmina Ecclesiastica perficitur.*

CAPVT XVII.

Soluntur objectiones aduersariorum.

ADVERSUS ea quæ diximus, non desunt objectiones quæ dissoluendæ sint.

PRIMO igitur obijciunt, qui cantum Ecclesiæ ferre non possunt, irrisiõnem illam Helix Prophetæ ad Sacerdotes Baal: *Clamate voce maiori, Deus enim est, & forsitan loquitur, aut in diuersorio est, aut in itinere, aut certe dormis, ut excitetur.* 3. Reg. 18.

RESPONDEO, Sacerdotes Baal non irridentur ab Helia, quia clamarent voce magna; nam neque clamasse eos Scriptura tradit, sed quia Baal inuocabant Deum inanem & falsum, & qui exaudire non poterat. Alioqui enim si clamor in oratione reprehendi posset, reprehendenda fuisset mulier illa Chanana, quæ clamabat ad Christum, Matth. 15. & cæci illi similiter clamantes, Matth. 20. & ipse Dominus, qui cum clamore valido orauit, Matth. 27. & Hebr. 5. & Stephanus, qui Act. 7. voce magna clamauit: *Ne statuas illis hoc peccatum.* Itaque ineptè Illyricus & alij, Baalifimum Sacerdotibus Catholicis propter cantum obijciunt, nisi fortè Christum, cui Catholici laudes canunt, & Baal pro eodem accipi velit Illyricus.

SECUNDO obijciunt exemplum Annæ, quæ 1. Reg. 1. orabat in corde suo, ita ut vox penitus non audiretur. Hanc enim sanctam feminam, figuram Ecclesiæ fuisse scribit S. Cyprianus in serm. 6. his verbis: *Deus non vocis, sed cordis auditor est, nec admonendus est clamoribus, qui cogitationes videt. Quod Anna in primo Regum lib. Ecclesiæ typum portans, custodit, & seruat quæ Dominum non clamosa petitione, sed tacite & modeste intra ipsas pectoris latebras precabatur.*

RESPONDEO, Anna priuatim orabat in Templo, & idèõ tacita, vel submissa voce preces suas fundebat, ne alios in eodem loco orantes, suo clamore turbaret. Sanctus etiam Cyprianus in hoc exemplo instituit populum, siue Ecclesiam de ratione priuatæ orationis. Alia verò ratio est orationis publicæ, vel diuinarum laudum, quæ communiter celebrari debent. Nam in iisdem libris Regum legimus Dauidem instituisse Cantores, qui magnis voci-

bus Deum laudarent; & Salomon Rex nomine totius populi orans, 3. Reg. 8. clara voce orauit, ut ab omnibus audiretur.

TERTIO, obijciunt illud Matth. 6. ubi Dominus iubet, ut qui orare volunt, *Inirent in cubiculum suum, & clauso ostio, Patrem cœlestem in silentio orent.* Quem locum exponens Chrysostomus homilia 19. in Matth. sic ait: *Non gestibus corporis, neque clamoribus vocis, sed intentione optima voluntatis orationum vota reddamus.* Et similia habet auctor operis imperfecti, homil. 13.

RESPONDEO, Eadem est solutio. Dominus enim instituit eo loco fideles suos, cum priuatim orare volunt. Quocirca auctor operis imperfecti, loco notato, tres causas reddit, cur non sit magna voce in oratione vtendum. Quæ omnes causæ cogunt ut intelligamus hunc locum de oratione priuata: Ex clamorosa, inquit, oratione, multa mala nascuntur, maxime tria. PRIMUM, qui clamose orat, non credit Deum ubique esse, & absconsa audire. DEINDE, mysteria secretarum petitionum tuarum, quæ fortè non oportebat alium scire præter te & Deum, in auribus bonorum & malorum hominum audienda committis. DENIQUE, clamose orans inexta se, alterum non permittis orare. Hæc ille.

At qui publicè in Ecclesia Dei laudes, precesve decantant, non idèõ hoc faciunt, quia credant Deum non esse ubique, vel abscondita non audire, sed quia volunt homines ædificare, atque ad Dei laudes, & amorem excitare: pari ratione qui publicè canunt, non secretas petitiones Deo porrigunt, sed manifestas, & quæ ab omnibus audiri possunt. Denique non est mirum, si qui canunt in templo, non permittant alios priuatim, nisi difficulter orare, quoniam tempus illud non priuatas, sed publicas preces requirit. Itaque rationes illæ non habent locum, nisi ubi ab omnibus priuatim oratur.

Adde quod præceptum Domini de ingrediendo cubiculo, & ostio claudendo, non tam ad cubiculum materiale, quàm ad cubiculum cordis referendum est, ut sanctus Augustinus monet in 2. lib. de serm. Domini in monte, cap. 6. alioqui pugnaret hæc sententia Evangelica cum illa Apostolica, 1. Timoth. 2. *Volo viros orare in omni loco, &c.* Hoc igitur est quod præcipit Dominus, ut cum oramus, & intentio sit in abscondito, & aditum vanis cogitationibus præcludamus.

QUARTO, obijciunt illud Apost. ad Eph. 1. *Psallentes & cantantes in cordibus vestris Domino.* In quem locum scribens S. Hieron. ait: *Audians hæc adolescentuli, audiant hi, quibus psallendi in Ecclesia officium est, Deo non voce, sed corde canendum, nec in iracundiam modum guttur & fauces dulci medicamine collinuendas, ut in Ecclesiæ theatrales moduli audiantur, & cantica, sed in timore & in opere, in scientia Scripturarum.*

RESPONDEO, Apostolus non meminit hoc loco vocis, sed tantum cordis, quoniam non erat necesse homines admonere, ut voce cantarent (nemo enim propriè sine voce cantat) admonere autem ut corde canerent, omninò necesse erat, quoniam multi solis labijs Deum honorant. Et tamen ipse idem Apostolus 1. Corinthiorum 14. & vocis & cordis mentionem facit, cum ait: *Psallam spiritui, psallam & mente.*

Porrò S. Hieronymus abusum reprehendit, non bonum vsum tollit. Et cum ait, *Deo non voce, sed corde canendum*, non intelligit solo corde, sed non sola voce esse canendum. Quod enim vocem sanctus Hieronymus non excludat, perspicuum est ex verbis illis: *Qui psallendi in Ecclesia officium habent.* Item ex illis: *Et canere, & psallere, & laudare Dominum magis*

animo, quam voce debemus. Item ex illis: Sic canet seruus Christi, ut non vox cantantis, sed verba placeant, que leguntur.

QVINTO obijciunt eundem Hieronymum, qui præfatione lib. 1. in Habacuc, dicit, titulum orationis Habacuc non debuisse verti, Oratio Habacuc cum cantico (ut Septuaginta verterunt) sed Oratio Habacuc pro ignorantibus. Et rationem reddit, quoniam non decet orantem canere. Ex quo videtur posse colligi, non rectè fieri, quod in Ecclesia non solum Hymni & Psalmi, sed etiam Collectæ, & ipsa Dominica Oratio cani soleat.

RESPONDEO, quæ propriè canuntur in Ecclesia, non sunt puræ preces, sed Hymni & Psalmi, quibus Dei laudes continentur. Admisceri autem laudibus preces & ea ratione cantari, non est absurdum. Alioqui David Propheta reprehendi deberet, qui dum Psalmos canebat, simul etiam Deum orabat, ut ex verbis Psalmorum perspicuum est. Apud nos etiam non censetur absurdum, si quis inter canendas laudes Principis, aliquid ab eo modestè postulet. Quæ autem sunt puræ preces, ut Collectæ, & Oratio Dominica, non tam canuntur, quam clara voce distinctè pronunciantur, & cum aliqua vocis inflexione, quæ indicet supplicantis affectum. Vox enim supplicantis miserabilis esse debet, ac per hoc inflexionem aliquam vocis, sed modicam & grauem requirit, qualis omnino illa est, quam in precibus ab Ecclesia adhiberi videmus.

SEXTO, obijci posset testimonium Clementis Alexandrini libro secundo *Pædagogici*, capite quarto, qui sic approbare videtur vsum canendi, ut vsum musicorum instrumentorum penitus improbet. Et in eandem sententiam descendit Iustinus, vel quicumque auctor est earum questionum, in questione 107.

RESPONDEO, Clemens Alexandrinus loquitur de conuiujs, non de officio Ecclesiastico, nec omnino improbat vsum instrumentorum musicorum, quamuis magis probet cantum solius vocis humanæ. Nam in eo capite cum in vniuersum improbare visus esset instrumenta musica, addit tamen hæc verba: *Et si ad lyram, vel citharam canere & psallere noveris, nulla in te cadet reprehensio. Hebraum insum Regem imitaberis, qui Deo est gratus, & acceptus, &c.*

Iustinus autem dicit, vsum instrumentorum concessum fuisse Iudæis propter imperfectionem ipsorum, & ideo in Ecclesia locum non habere eiusmodi instrumenta: Nos verò fatemur, vsum instrumentorum musicorum non ita conuenire perfectis & imperfectis, & ideo in Ecclesia serò admitti cœpisse, primum etiam tempore Vitaliani Pontificis, circa annum Domini DCLX. organorum vsum in Ecclesia cœpit, si Platina credimus; si verò fidem habere volumus Aimonio libro quarto de gestis Francorum, capite 114. non ante Ludouici Pij tempora, id est, post annum Domini DCCCXX. organa in Ecclesijs audita sunt.

Ex quibus omnibus illud efficitur, ut organa propter infirmos in Ecclesijs retinenda sunt, ita non facile alia instrumenta esse introducenda, & in ipsis organis non nisi res sacras & pias sobriè, & grauer exprimendas. Neque enim leue peccatum, vel sacrilegium, vel superstitionis existimandum est, si quis inter sacra celebranda, lasciuum aliquid organis ludat, & audiens animos non ad pietatem, sed ad amorem mundi & carnis accendat. Vide de ratione rectè canendi in Ecclesia, & de abusibus vitandis, Concilium Romanum sub sancto Gregorio, quod habetur in Registro epistolarum eius, libro quarto,

capite octauo, Concilium Aquilgranense capite 130. 132. & 133. Concilium Tridentinum sess. 22. in decreto de obseruandis & vitandis in celebratione Missæ: sanctum Bernardum serm. 47. in Cantica, Rabanum libro secundo, de institutione Clericorum, capite 48. & Thomam Caietanum in commentario ad 2. 2. quæst. 91. art. 2.

CAPVT XVIII.

De ijs quæ requiruntur ad officium ritè persoluendum.

IAM verò de ijs quæ requiruntur ad officium diuinum ritè persoluendum, quæ erat **TERTIA** quæstio quartæ partis huius disputationis, breuiter disseremus. Accuratam enim harum rerum tractationem relinquimus ijs, qui ex instituto casus conscientie suscipiunt explicandos.

Igitur ad **SEPTIM** capita reuocari possunt, quæ necessaria sunt ad hoc munus, ut oportet, implendum, videlicet ad integritatem, ordinem, qualitatem, locum, tempus, attentionem, deuotionem.

INTEGRITAS **IMPRIMIS** obseruanda est, quoad numerum, ut septem Horarum diurnarum, & vnius, vel trium nocturnorum officium integrè persoluatur. Cum enim hæc sint partes officij principales, qui vel vnâ ex his partibus sciens, & prudens, ac non legitimè impeditus omitteret, lethali crimine se obstringeret, ut præter alios docet grauis auctor S. Antoninus in 3. parte Summæ Theologicæ, tit. 13. cap. 4. §. 5.

Integritas **DEINDE** seruanda est, quoad partes minores, ut Psalmos, Hymnos, Lectiones, &c. nec non etiam quoad alia singula verba. In qua re non leuiter peccant nonnulli, qui praua consuetudine dimidia verba pronunciant. Quos officio non satisfacere censet Nauarrus in Enchir. cap. 25. num. 98. Sanctus verò Bernardus in sermone 47. in Cantica: *Non præcidentes, inquit, verba dimidia, non integra transsistentes, non fractis & remissis vocibus muliebres quiddam balba de nare sonantes, sed virili (ut dignum est) & sonitu & affectu voces sancti Spiritus depromamus.*

Ordo in eo situs est, ut singula suo loco ponantur, & officia priorum Horarum prius, posteriorum posterius absoluantur, quamquam si quis fortè secus fecerit, non ideo repetere cogetur, quod non suo loco recitauit, ut sanctus Antoninus rectè docet tertia parte, titulo 13. capite 4. §. 4. à quo Doctores ceteri non dissentiant.

De ordine inter officium Horarum, & officium Missæ disputari solet. Mihi probabilis videtur ea sententia, quæ habet, nullum esse ordinem essentialem inter Missam, & Horas canonicas, ut præter alios docet Dominicus à Soto lib. 10. de iustitia & iure, quæst. 5. art. 4. Ideò siquidem consuetudo Ecclesiastica seruat, ut ante Missam persoluantur officia Laudum & Primæ, quoniam iuxta veteres canones, Missa celebrari non poterat, nisi hora tertia, vel sexta, vel nona, ut perspicuum est ex Can. nocte, & seq. de consecr. diff. 1.

Ceterum, si quis ante ortum Solis, quod hoc tempore permitti non dubium est, Missam celebrare velit, rectius faciet, si officium Primæ sacrificio Missæ postponat, quam si præponat. Quod Ecclesia ipsa Catholica exemplo suo nos docet, cum in nocte Natalis Domini, non alia de causâ Missas celebrari iubet ante officium, non solum Primæ, sed etiam Laudum, nisi quoniam media nocte non est canonicum tempus Laudum, aut Primæ.

Quia tamen communis sententia & consuetudo fidei id habere videtur, ut peccato mortali se obstringere censeatur, qui absque graui necessitate Missam celebrare præsumit, matutino officio non expleto, ut patet ex Antonino parte 3. tit. 13. cap. 6. §. 4. Petro Paludano in 4. dist. 13. quæst. 2. art. 2. Hostien. in Sum. tit. de consecr. Ecclesiæ, distin. 2. Gab. super Can. lect. 13. Silu. in verbo Missa 1. qu. 6. Nauarro in Enchiridio de oratione, cap. 21. num. 30. & alijs plurimis. Et quia id expressè præscribitur in Rubricis Missalis Romani in principio, & in titulo de defectibus, sine dubio tutius est hoc sequi, quam propter probabilem aliquam rationem peccandi periculo se exponere.

QUALITAS officij tunc obseruatur, cum & Clerici suarum Ecclesiarum, & Monachi suorum ordinum formam sequuntur. Constat enim aliam esse formam Romani Breuiarij, aliam Leodiensis, aliam Salisburgensis, aliam Mediolanensis, aliam aliarum quarundam ciuitatum; & rursus aliam Monachorum sancti Benedicti, aliam Fratrum Prædicatorum, &c.

Et quamuis Cardinalis Caietanus in sua Summa, ubi de horis canonicis agit, doceat, non peccare lethaler Clericos, siue Monachos, qui Romanum Breuiarium eligunt, propriæ Ecclesiæ, vel ordinis Breuiario prætermissis; tamen non est id vsque adeo certum, vel tutum, ut rectè monet Dominicus à Soto lib. 10. de iustitia & iure, quæst. 5. art. 4. nisi id fiat de consensu Episcopi & totius Capituli, iuxta concessionem Pij V. in Bulla, quæ habetur ad initium Breuiarij Romani.

Cuius rei DVPLEX est ratio: VNA, quoniam (ut sanctus Thomas docet in quodli. 6. artic. octauo) quemadmodum Clericus, quia Ecclesiæ mancipatus, atque addictus est, ad officium Ecclesiasticum obligatur; sic etiam quia tali Ecclesiæ ratione beneficij addictus est, talis Ecclesiæ officium recitare debet.

ALTERA, quoniam Concilium Viennense indulgeret (hoc enim verbo Concilium vitur, ut patet in Clementia Dignum, de celebrat. Missæ) Clericis & Monachis, ut officium diuinum recitare possint iuxta formam officij Episcoporum, vel Cardinalium, cum quibus fortè viuunt, nisi alioqui excepto Ecclesiarum suarum, vel ordinum formam diuini officij sequi tenerentur. Porro qui nec certæ Ecclesiæ, nec alicui ordini religioso addicti sunt, ut nonnulli, quia ad solum patrimonij titulum ordinantur, ijs liberum est cuiuscunque Ecclesiæ formam sequi, ut ex directorio iuris docent sanctus Antoninus 3. par. tit. 13. cap. 4. §. 2. & Nauarrus cap. 26. num. 107. Rectè tamen facerent, si vsum illius Ecclesiæ sequerentur, apud quam ordinariè versari solent, iuxta consilium sancti Augustini in epist. 118. capite secundo.

LOCVS publicarum precum & laudum diuinarum proprius atque ordinarius, Ecclesia est, ut habetur in Clementi 1. de celebrat. Missæ, qui verò priuatim officium diuinum persoluant, ubique id facere possunt; quamuis doceat, nisi necessitas cogat, loca turpia, vel minus honesta vitare, ut Ambrosius, siue quicumque est auctor, & Haymo, admovent in comment. ad illa verba: *Volo viros orare in omni loco*, 1. Timoth. 2. Rectè autem refellitur à Dominico de Spto lib. 10. de iustitia & iure, quæst. 5. art. 4. eorum opinio, qui censebant non satisfacere officio diuino eos, qui beneficia Ecclesiastica possident, nisi in ipsa Ecclesia preces horarias cum cæteris Clericis canant.

TEMPVS canonicas horas persoluendi, ut peccatum mortale vitetur, est totum illud spacium, quod intercedit inter vespeream vnius diei, & mediam noctem alterius, ut sanctus Antoninus, & cæteri ferè omnes docent. Itaque si quis intra spacium illud preces horarias legat, non peccat lethaler, etiam si alioqui non obierit tempora singularum horarum.

Soler autem quæri, quid accipiendum sit hoc loco nomine *Vesperæ*, occasus ne solis, an tempus illud, quo vespertinum officium celebrari solet. Sed nos cum S. Thoma in quodlib. 5. art. 28. in responsione ad 3. existimamus nomine *Vesperæ*, intelligi debere tempus officij vespertini, ac per hoc non peccare lethaler, qui post Vesperas & Completorium, continuè recitant officium matutinum sequentis diei, etiam si id fiat ante solis occasum. Ratio enim, cur Doctores ad integrum officium persoluendum assignent tempus à vespere vnius diei, vsque ad mediam noctem alterius, illa est, quoniam officium incipit à primis Vesperis, & terminatur ad Completorium sequentis diei: Completorium autem celebrari debet secundum veterem ritum, post occasum solis, & vsque ad mediam noctem extendi potest, quoniam in media nocte incipit tempus canonicum officij matutini.

Vt autem peccatum quodcunque etiam veniale vitetur, debent officia singularum horarum illis horis celebrari, vnde nomina acceperunt. De quibus horis satis multa diximus suprà, cap. 11. Esse autem peccatum, saltem veniale, à canonico tempore in officio persolueno recedere, communis est sententia Theologorum & Canonistarum, quorum ingentem numerum citat Marcellus Francolinus in libro de tempore Horarum canonicarum, cap. 24. num. 4. & cap. 25. num. 7.

Intelligendum est autem, tunc solum peccatum esse, preces Horarias non suo tempore celebrare, quando & longè receditur à tempore canonico, & abique vlla rationabili causa id præsumitur; nisi fortè consuetudo iam multis in locis recepta, & à pijs doctisque viris tacito quodam consensu approbata, excuset. Censetur autem longè recedere à legitimo tempore, qui tunc officium alicuius Horæ persoluit, cum verba, quæ leguntur, aut canuntur, cum tempore nulla ratione conueniunt, vel si quis ante lucem dicat: *Iam lucis orto sidere*; vel sub vespeream, *Aurora lucis rutilat*; vel ante meridiem, *Iam sol recedit igneus*; vel mox à cœna, siue etiam ante cœnam, *Somno refectis artubus, spreto cubili surgimus*.

Sed quicquid sit de rigore iuris, certè dubitari non debet, quin sit longè perfectius, fructuosius, & facilius, officia singularum Horarum, suis, propriisque temporibus celebrare, quàm multa simul officia sine vlla horarum & temporum distinctione coniungere. Sic enim satisfat Ecclesiasticæ institutioni, quæ idè in certas horas diuinas, atque nocturnas officium distribuit, ut in ijsdem horis, atque adeo per omnes totius diei partes Deum laudemus. Sic etiam maxima utilitas ex officij recitatione ad nos accedit, dum tam crebrò ad nos ipsi redimus, & à tumultibus seculi ad pacem Dei, animum reuocamus: sic denique labor precum horariarum in tot partes diuisus ita minuitur, ut leuissimus, ac penè nullus esse videatur.

Denique ita faciendum esse tunc etiam, cum priuatim officium diuinum persoluitur, sancti Patres apertissimè docent, quos capite 11. citamus. Quibus addi potest Petrus Damiani, qui in epistola

ad Deliderium, de miraculis sui temporis, post narrationem horribilis exempli ad hanc rem pertinentis ita concludit: *Distinguenda sunt ergo per momenta temporum Ecclesiastica institutionis officia.*

ATTENTIO triplex distinguitur à Doctoribus, **VNA** ad verba, **ALTERA** ad sententiam, **TERCIA** ad ipsum Deum, qui oratur, vel laudatur. Quælibet vero harum trium sufficit, neque necesse est ut semper sit actualis, modò ita sit virtualis, ut voluntarie nunquam interrompatur. Vide S. Thomam in 2.2. q. 83. art. 1. Dominicum à Soto lib. 10. de iustitia & iure, q. 5. art. 5. & Nauarrum in Enchir. cap. 25. num. 105. Huc pertinet illud Isaïæ 29. *Populus hic labijs me honorat, cor autem eorum longè est à me.* Et illud Apostoli ad Ephes. 5. *Cantantes, & psallentes in cordibus vestris Domino.*

Illud quoque S. Cypriani in serm. 6. *Idè & sacerdos ante orationem præparat fratrum mentes, dicendo: Sursum corda, ut dum respondet plebs, Habemus ad Dominum, admonetur, nihil aliud se quàm Dominum cogitare debere.*

Et illud S. Augustini in epist. 109. *Psalmis & Hymnis dum oras Deum, hoc versetur in corde, quod profertur in ore.*

DEVOTIO quam in officio diuino ritè persoluendo exigit generale Concilium Lateranense, vnde extat c. Dolentes, de celebr. Miss. partim est interna, partim externa. **INTERNA** deuotio est promptitudo quædam animi ad Deum laudandum, ac precandum, quam certè non habent, qui cum tædio ad hoc munus accedunt, vel de prolixitate facilè querunt. Deuotio **EXTERNA** est promptitudo ad genua flectenda, ad Laudum, ad canendum, & alia id genus præstanda.

Proderit autem ad deuotionem excitandam, si quis dum ad officium persoluendum accedit, breuiter apud animi suum reuoluat, vel se in precibus cum Deo colloquatur, vel in lectionibus Deum sibi loquentem auditurum, vel in Psalmis & Hymnis cum Angelis Deo laudes esse dicturum. Sic enim fiet, ut diuinum officium non per modum legentis historiam aliquam, sed affectu precantis, audientis & laudantis Deum, deuotè, reuerenter, humiliterq; persoluat. Sic nimirum illi sanctissimi viri Psalmos canebant, apud quos, ut Chrysost. scribit hom. 59. ad populum Antiochenum, Dauidica cantica multos mouebant fontes lachrymarum.

Sic etiam S. August. qui de se scribit lib. 9. Conf. cap. 4. *Quas tibi voces dabant in Psalmis illis, & quomodo iute inflammabar ex eis?*

Sic quoque S. Bernard. qui serm. 7. in Cant. scribit: *Vsurpamus officium, quorum sortimur consortium, ut in ore infantium & lactentium perficiatur laus. Dicamus Angelis, Psallite Deo nostro, psallite. Atque audiamus eos vicissim respondentes, Psallite Regi nostro, psallite. Laudem ergo cum cælis cantoribus in commune ducentes, ut potè cines Sanctorum & domestici Dei psallite sapienter. Cibus in ore, Psalmus in corde, &c. Vide eundem, serm. 47.*

Sed placet adscribere, quid de magno illo Dei seruo & amatore Francisco, S. Bonauentura tradat in vita eiusdem, cap. 16. *Solitus, inquit, erat vir sanctus, Horas canonicas non minus timorè persolvere, quàm deuotè. Nam licet oculorum, stomachi, splenis & hepatis agitudine laboraret, nolebat mure, vel parieti inherere dum psalleret: sed Horas semper erectus, & sine caputio, non gynomagis oculis, nec cum aliqua synopa persolvebat. Si quando esset in itinere constitutus, fugebat tunc temporis gressum, huiusmodi consuetudinem reuerentem & sacram, propter plurimarum inundantium non omittens. Dicebat enim, si quiesce comedit corpus cibum suum, futurum cum ipso verminum escam, cum quanta pace & tranquillitate accipere debet anima cibum vitam?*

CAPVT XIX.

De ijs, qui ex officio tenentur ad Horas canonicas persoluedas.

RESTAT pars vltima disputationis, quæ est de ijs, quibus incumbit ex proprio munere diuinum hoc tributum Domino reddere. Et quidem non dubium est apud Catholicos hoc officium ad Clericos & Monachos, atque ad Clericos, vel ratione ordinis sacri, vel ratione Ecclesiastici beneficii propriè pertinere. Extant enim non pauci Conciliorum veterum canones, vnde id colligi potest, de quibus vide apud Gratian. dist. 92. can. finali, & in epistolis decretalibus, cap. Presbyter, de celebrat. Miss. & cap. Dolentes, eodem tit. & Clementinam p. imam, eodem etiam tit. item Concilium Cabilonenfe, can. 59. Moguntinum sub Rabano, can. 16. Concilium Lateranenfe postremum sub Leone X. sess. 9. & alia id genus.

Est autem quæstio, an id rectè fiat, ut soli Clerici & Monachi ad hoc officium obligentur. Id enim reprehendi ab aduersarijs, ac potissimum à Io. Brenzio, notauimus, cap. 12. Sed quia res facilis est, breuiter expediri poterit.

Tribus igitur argumentis probamus id rectè fieri. **P R I M U M** enim id probatur exemplo veteris Ecclesiæ vtriusque Testam. Nam in Testamento veteri, non totus populus, sed soli Leuitæ Psalmos ex officio publicè decantabant. 1. Paral. 15. *Dixit David Principibus Leuitarum, ut constituerent de fratribus suis cantores, &c. Et c. 16. Constituitq; coram arca Domini de Leuitis, qui ministrarent, & recordarentur operum eius, & glorificarent, atq; laudarent Dominum Deum Israël.* In Testamento nouo Apostoli primi fuerunt, qui relicta cura temporalium rerum, munus suum proprium esse dixerunt, verbo Dei & orationi sine intermissione instare: Nos (inquit Aq. 6.) *orationi & verbo Dei instantes erimus.* Ex quo intelligimus, omnium quidem fidelium esse priuatim orare, & alios exhortari: sed proprium esse sacerdotum publicè populo prædicare, & pro eodem populo assidue orare. Et sicut reprehendere non possunt aduersarij, quod non omnes in Ecclesiâ verbum Dei prædicent, sed soli Ministri ad hoc munus electi, & ordinati; ita reprehendere non debent, quod ipsi soli publicas preces in Ecclesiâ fundant, & ex officio Dei laudibus vacent. Exempla ista Scripturarum sequutam esse antiquam Ecclesiam, & munus Deum laudandi, ac precandi publicè, solis Clericis & Monachis demandasse, perspicuum est ex Concilijs suprâ citatis, tum in hoc ipso capite, tum etiam in capite 16.

D E I N D E idem probatur argumento ducto à simili. Nam si Respub. temporalis habet milites suos, qui die noctuque excubant ad custodiam ciuitatis; cur etiam non conueniat, ut Respub. spiritualis, id est, Ecclesia, habeat suos, qui similiter excubent contra spirituales nequitias, easque clamando exterreat? *Super muros tuos* (inquit Dominus, Isa. 62.) *Hierusalem, constituit custodes, tota die & nocte in perpetuum non tacebunt. Quem locum S. Hieronymus de Pastoribus Ecclesiæ exponit: Qui custodes, inquit, nec diebus debent, nec noctibus tacere, sed semper Domini clementiam deprecari, ut grex illius, & muri Hierusalem custodiantur, & vallentur eius auxilio. Vnde & ad eosdem custodes, atque Doctores sermo dirigitur: O vos qui recordamini Domini, eiusque clementiam die ac nocte precibus fatigatis, caueat ne nunquam in ore vestro fileat oratio.*

T E R T I O, idem probatur alio argumento ducto

item à simili. Nam si ad cætera omnia munera certi homines destinantur, & non omnes ex officio docent, aut iudicant, aut hanc, vel illam artem exercent; cur non par sit ad munus Deum laudandi, atque assiduè precandi certos homines destinari? præsertim cùm reliquus populus alijs rebus occupatus, neque tam frequenter, neque tanta intentione huic summo negotio vacare possit, quàm eius dignitas & necessitas postulat.


DVA solent hoc loco quæstiones tractari; UNA quo iure teneantur Clerici & Monachi ad Horas canonicas persolvendas, diuino ne, an humano; ex qua quæstione pendet alia, vtrum possit in hac re à summo Pontifice dispensari: ALTERA quæstio est, vtrum qui ratione beneficij ad hoc officium obligantur, fructibus beneficiorum carere debeant, si diuinum officium non persoluant.

Ad priorem breuiter RESPONDEMVS, iure diuino teneri Clericos & Monachos ad vacandum precibus & laudibus Dei, magis quàm cæteros: tamen formam illam precum & laudum, quæ nunc est in usu, non à iure diuino, sed ab Ecclesiæ determinatione pendere.

Quod verò Panormitanus insignis alioqui Iuris interpres, scribit in capite primo de celebr. Miss. iu-

re diuino determinatum esse numerum septem Horarum, cùm scriptum sit: *Septies in die laudem dixi tibi*, Psal. 118. & ideo non posse in Horarum numero per Ecclesiam dispensari, non est magni ponderis. Illud enim Scripturæ testimonium, non præceptum, sed exemplum continet, & exemplum Regis non Sacerdotis. Proinde si quid efficeret, ad Horas canonicas Reges obligaret, non Sacerdotes. Adde quod Horæ canonicæ in Ecclesia aliquando solum quinque, aliquando sex, aliquando etiam octo fuisse videntur, vt supra notauimus. Vide Ioannem de Turrecremata in can. Eleutherius, d. 91. & Nauarrum in Enchiridio, cap. 25. num. 102.

Ad POSTERIOREM quæstionem RESPONDEMVS, quicquid olim Doctores aliqui senserint, hoc tempore habitari non posse, quin fructibus beneficiorum carere, & si eos perceperint, restituere debeant, vt in eleemosynis pauperum, vel Ecclesiæ fabricam insumantur, qui diuinum officium non persoluant. Extat enim de hac re perspicuum decretum in Concilio Lateranensi, sub Leone X. sess. 9. §. Statuimus. Et in Const. Pij V. Pont. Max. quam vide apud Nauarrum, cap. 25. num. 122. Atque hæc de Horis canonicis & oratione, hoc loco sufficere possunt.



LIBER SECVNDVS, DE IEIVNIO.

CAPVT PRIMVM.

De nomine, & varia acceptione Ieiunij.

DE IEIVNIO, quod est alterum ex bonis operibus, & orationi atq; eleemosynę tanquam comes adiungitur; quinque capita tractanda suscepi. PRIMVM enim differam breuiter de nomine, & varia acceptione ieiunij. DEINDE de ijs quę ad essentiam ieiunij requiruntur. TERTIO, de præcepto ieiunij, tum diuino, tum humano. QVARTO, de fine, id est, de fructu & vtilitate ieiunij. QVINTO, de temporibus ieiuniorum, vt Quadragesima, Aduentu, Vigilijs, &c.

Igitur nomen ieiunij abstinentiam à cibo significare videtur; Gręcę enim ieiunare dicitur *νηστεύω*, quasi *νησθῆναι*, id est, non edere. Vnde est nomen Latinum Inedia. Accipitur autem vox ieiunium quatuor modis, ex quibus oriuntur quatuor quasi genera ieiunij, spirituale, morale, naturale, & Ecclesiasticum. Ieiunium spirituale, dicitur abstinentia à vitijs, iuxta illud Isaia 58. *Nonne hoc est magis ieiunium quod elegi? dissolue colligationes impietatis, solue fasciculos deprimentes, &c.* Ieiunium magnum (inquit S. Augustinus tract. 17. in Ioannem) & generale est, abstinere ab iniquitatibus, & illicitis voluptatibus seculi. Et libro secundo Quęstionum Euangelicarum, quęstione 18. *Scriptura, inquit, docet generale ieiunium, non à concupiscentia ciborum tantum, sed ab omni latuitia temporalium delectationum.* Ceterum hæc abstinentia metaphoricę ieiunium appellatur, sicut ipsa delectatio vitiosa cibus non est, nisi metaphoricę. Neque de tali ieiunio disputare aggredimur.

Ieiunium Morale, est parsimonia illa, & temperantia cibi & potus, quam Philosophi quoque, duce natura & ratione, approbauerunt, & quam eorum aliqui tenuerunt. De qua vide S. Hieronymum in lib. 2. aduersus Iovinianum. De hoc etiam ieiunio nos hoc loco disputamus.

Ieiunium Naturale, vocant Theologi abstinentiam ab omni prorsus cibo, vel potu, quacunque ratione sumpto. Dicitur autem sumptus cibus, vel potus, quando iam ad stomachum est transmissus. Si quis enim cibum aliquem degustatum continuò expueret, non solueret naturale ieiunium. De hoc ieiunio differuimus in disputatione de sacramento Eucharistię: non enim est in præcepto eiusmodi ieiunium, nisi propter communionem corporis Domini: *Placuit enim Spiritui sancto (vt loquitur sanctus Augustinus in epistola 118.) vt propter honorem tanti Sacramenti, prius in os Christiani Dominicum corpus intraret, quam ceteri cibi.*

Ieiunium Ecclesiasticum, de quo solo disputare nobis propositum est, definiri solet, abstinentia cibi secundum Ecclesię regulam assumpta.

Dicitur ieiunium Ecclesiasticum *Abstinentia cibi*, quoniam Tria sunt, quę per os transiuntur ad stomachum. PRIMVM ea, quę per se referuntur ad corpus alendum, & hi proprię dicuntur cibi, siue sumantur per modum cibi, vt panis & caro; siue per modum potus, vt mel, lac, iusculum, & similia.

SECVNDVO, ea quę per se referuntur non ad corpus alendum, sed ad adiuuandam cibi digestionem, vel ad restinguendam sitim, qualia sunt vinum, aqua,

sicera, &c. quorum sumptio proprię dicitur potus. Quamuis enim vinum etiam nutriet, tamen per se non ad nutriendum, sed ad alios effectus (vt diximus) ordinatur.

TERTIO, quę referuntur per se non ad corpus alendum, vel sitim extinguendam, sed ad morbos pellendos, vel evitandos; atque hæc non cibi, vel potus, sed pharmaca nominantur. Quamuis enim interdum medicamenta vel carnem nutrant, vel sitim sedent, tamen distinguuntur à cibo & potu, ratione proprii finis, qui est morbos impedire, vel tollere. Ieiunium igitur Ecclesiasticum dicitur abstinentia cibi, quoniam hoc ieiunium, neque potus, neque medicamentorum, sed solius cibi abstinentiam per se requirit.

S. Leo serm. 8. de ieiunio septimi mensis: *Licet, inquit, ieiunium generali nomine ad omnem continentiam pertinere videatur, proprię tamen ad edendi diminutionem refertur, vt profic nunc voluntate non sumere, quod ab iniuria contra verum nocuit vsurpasse, vt sicut illis concupiscentia vulnere, ita hic abstinentia sit saluti.* Idem tradit S. Thomas in 2.2. q. 147. art. 6. & Theologi ceteri in 4. Sentent. distinct. 15.

Addimus in explicatione ieiunij Ecclesiastici, secundum Ecclesię regulam assumpta: quibus verbis non volumus significare, nullum esse ieiunium Ecclesiasticum, nisi ab Ecclesia indictum. Scimus enim ieiunium Ecclesiasticum, aliud esse voluntarium, aliud necessitatis, & aliud necessitatis ratione voti, aliud ratione præcepti: sed indicare volumus, ieiunium Ecclesiasticum esse abstinentiam cibi, non qualemcunque, sed iuxta regulam ieiunantibus ab Ecclesia, vel consuetudine, vel lege præscriptam.

Tria verò sunt, quę secundum regulam Ecclesiasticam ad ieiunium requiruntur. PRIMVM, vt qui ieiunat, semel tantum in die cibumumat. SECVNDVO, vt vna illa refectio sit cœna non prandium. TERTIO, vt habeatur ciborum delectus, & præsertim à carnibus se abtineat, qui Ecclesiastico more ieiunat.

CAPVT II.

Vnicam in ieiunio refectionem, eamque cœnam esse debere, non prandium.

EX tribus illis, quę ad ieiunium Ecclesiasticum Exigi diximus, duo priora, hoc est, vnica refectio, & hora tardior, à Kemnitio non negatur, sed solum tertium, id est, ciborum delectus. At Calvinus libro 4. Institutionum, cap. duodecimo, omnia tria negare videtur. Dicit enim ieiunium tribus rebus perfici, tempore, qualitate, & quantitate; sed per tempus non intelligit certam, ac definitam horam, sed solum vt ieiunium non solvatur antequam res illa peracta sit, cuius gratia ieiunium est susceptum, vt si ieiunium suscipiatur propter solemnem precationem, non ante capiatur cibus, quàm solennis precatio absoluat. Per quantitatem non intelligit vnicam refectionem, sed vt minus solito comedatur. Per qualitatem, non delectum alicuius cibi in

specie, sed abinentiam à lauitijs in genere. Nos igitur de duobus prioribus in hoc capite breuiter, de tertio in sequenti capite fufius differemus.

Vnam igitur refectiorem, eamque cœnam esse debere, non prandium, cùm ieiunio datur opera, facile probari potest. Extant enim exempla Scripturarum, testimonia Patrum, & perpetua consuetudo fidelium. In Testamento veteri cùm de ieiunijs agitur, horæ vespertinæ fit mentio, Iudicum 20. *Ieiunauerunt illa die usque ad vespem.* Idem habetur 2. Regum 1. & 3. & alibi. Ex quo intelligimus apud Patres veteris Testamenti, ieiunium fuisse, semel tantum, idque ad vespem cibum capere. Ex qua consuetudine fluxit superstitiosa obseruatio Iudæorum, & Saracenorum, qui cùm ieiunant, non ante cibum sumere audent, quàm stellam conspexerint, vt de Iudæis sanctus Hieronymus refert lib. 2. in Iouinianum, & ante eum Tertullianus in libro contra Psychicos, extremo. De Saracenis perspicuum est ex capite secundo Alcorani.

Porro Christiani veteres non ita supersticiosè stellas obseruabant, sed tamen ieiunia non soluebant, nisi hora nona ab ortu solis, vel etiam hora vespertina in Quadragesima. Et vnicam illam refectiorem, non prandium, sed cœnam nominabant.

TERVLLIANVS in lib. de ieiunio contra Psychicos, scribit, Psychicos solitos ieiunia protrahere vsque ad horam nonam; suos autem, id est, Montanistas, vsque ad vespem, vbi scribit quidem aduersus Ecclesiam, & Catholicos vocat Psychicos, id est, animales, propterea quod non admitterent nouam disciplinam Montani de tribus Quadragesimis, & ieiunio ordinario vsque ad vespem: tamen ex eo colligimus antiquissimum esse vsum Ecclesiæ ieiunandi vsque ad nonam.

S. ATHANASIUS in lib. de virginitate, loquens de hora soluendi ieiunium: *Post communionem*, inquit, *hora nona comede panem tuum, gratias agens Deo super mensam tuam.*

S. BASILIUS oratione prima de ieiunio, de quadragesima loquens: *Expectas*, inquit, *vesperam, ut cibum capias, &c.*

S. EPIPHANIVS in fine librorum aduersus hæreses: *Quarta*, inquit, *& pro Sabbato ieiunium statutum est usque ad horam nonam.* Et ibidem dicit, sex diebus ante Pascha protrahendum esse ieiunium vsque ad vespem.

S. AMBROSIVS sermone octauo in Psalmum centesimum decimum octauum: *Indictum*, inquit, *est ieiunium, caue ne negligas: & si te famis quotidianum cogit ad prandium, ut intemperantia declinet ieiunium, tamen celestis magis te seruato coniunio, non epula parata extorqueant ut celestibus sis vacuus sacramentis. Differ aliquantulum, non longè finis est diei.*

S. HIERONYMVS in epist. ad Eustochium, de custodia virginitatis, dicit, apud Monachos quosdam ieiunium totius anni æquale esse, excepta Quadragesima, in qua sola conceditur districtius viuere. Dixerat autem paulò ante, Monachos illos post horam nonam cibum sumere solitos fuisse. Ex quo intelligimus, horam nonam esse tempus soluendi ieiunij ordinarij, in Quadragesima verò expectandam esse horam tardiozem. Ibidem ait, senibus & paruulis sæpè fieri prandium; significare volens, senes & paruulos sæpè excipi à lege ieiunij. Et rursus ibidem: *A Pascha*, inquit, *usque ad Pentecostem, cœna mutantur in prandia, quo & traditioni Ecclesiastica satisfiat, & ventrem cibo non onerent duplicato.* Ex quo loco apertissimè colligitur, non satis esse ad ieiunium vt quis tantum semel capiat cibum, nisi etiam tarda hora illum

A capiat, vt ea refectio cœna non prandium dici possit. Siquidem Monachi illi censebantur non ieiunare à Pascha vsque ad Pentecostem, quia prandebant, quamuis alioqui semel tantum, non bis in die cibum sumerent.

PRVDENTIVS in Hymno post ieiunium, describens horam soluendi ieiunium:

Nona, inquit, *submissam rotat hora solem,*
Partibus vix dum tribus euolutis,
Quarta denexo superest in axe
Portio lucis.

Nos brevis voti dape vindicata,
Soluimus festum, sinimurque mensis
Affatum plenis, quibus imbuetur
Prona volaplas.

B S. PAVLINVS in epist. 6. ad Amandum: *Quotidiana*, inquit, *ieiunia non refugit, & pauperum mensam vespertinam continua non horruit.*

S. IOAN. CHRYSOSTOMVS homilia 4. in Genes. de ieiunio Quadragesimæ loquens, apertè indicat, horam soluendi ieiunium in Quadragesima esse vespem: *Non existimemus*, inquit, *inediam usque ad vespem ad salutem nobis sufficere.* Et rursus hom. 6. *Quæ*, inquit, *utilitas ieiunij? hoc, obsecro, si tota die nihil comedis, ludis autem & nugaris, sæpè etiam pejeras & blasphemias, & ita totum perdis diem.*

S. AVGVSTINVS in epist. 86. ad Casulanum, disputans de ieiunio Sabbati, passim accipit non prandere pro eo, quod est ieiunare; & contrà, non ieiunare, pro eo quod est prandere. Et in epist. 118. ad Ianuarium, cap. 7. dicit, horam soluendi ieiunium esse nonam.

C IOAN. CASSIANVS Collat. 21. cap. 23. scribit, horam capiendi cibi tempore ieiunij esse horam nonam; tempore autem Quinquagesimæ, id est, à Pascha ad Pentecostem, esse horam sextam.

S. BENEDICTVS in Reg. c. 41. *Quarta*, inquit, *& sexta feria ieiunent usque ad nonam.* Et infra: *Ab initio Quadragesimæ usque ad Pascha, ad vespem reficiant.*

S. GREGORIUS lib. 3. Dial. cap. 15. describens vitam Florentij Monachi, dicit eum, cùm non ieiunabat, hora sexta, cùm ieiunabat, hora nona cibum sumere consueuisse.

D S. BERNARDVS sermone 3. de Quadragesima: *Hætenus*, inquit, *usque ad nonam ieiunauimus soli, nunc usque ad vespem ieiunabunt nobiscum vniuersi Reges & Principes, Clerus & populus, nobiles & ignobiles, simul in vnum diues & pauper.*

MICROLOGVS in lib. de Ecclesiasticis obseruationibus, c. 49. In hoc, inquit, *Quadragesimale ieiunium ab alijs differt, quod in alijs post nonam, in hoc autem post vespem reficere debemus. Nec iuxta Canones quadragesimaliter ieiunare censetur, si ante vespem reficimur. Canon autem quem ipse citat, videtur esse ille, quem ex Cabilonenti Concilio his verbis refert Gratianus de consecratione, distinctione prima: Solent plures, qui se ieiunare putant in Quadragesima, mox vt audierint signum ad horam nonam, manducare. Qui nullatenus ieiunare credendi sunt, si ante manducauerint, quam vespertinum celebretur officium.*

E Denique apud veteres, quamuis de tempore Quadragesimæ nonnulla varietas esse videatur, an ad finem diei, an post horam nonam ieiunium solui possit, tamen inauditum est prorsus, vt ante horam nonam, quæ est tertia post meridiem, ieiunium quodcunque soluatur. Quemadmodum etiam nulla est apud veteres mentio binæ refectiõis, cùm de ieiunijs agitur.

Porro S. Thomas in 2. 2. quæst. 147. art. 6. & 7. rationem reddidit, cur ad ieiunium ritè seruandum

vna refectio, & hora nona ex Ecclesie lege, vel consuetudine requiratur. Vnius enim refectiois illa est causa, quod ieiunium ideò sit institutum, vt natura dometur, non vt destruat. Domatur autem & non destruitur, si assueta bis cibum capere, semel tantumumat; destrueretur enim si nihil sumeret, & non domaretur si nihil amitteret. Horæ autem nonæ ratio est, quoniam qui ieiunant, carnem suam quodammodo crucifigunt, & Christo patienti compatiuntur. Christus autem vsque ad horam nonam in passione perdurans, illa demum hora à doloribus & laboribus requieuit.

Sed opus erit breuiter Remittio respondere, qui in 4. parte Examinis Concilij Trid. pag. 516. & 517. Catholicos reprehendit, quod non amplius horam nonam, aut vespem expectent, cum temporibus ieiuniorum cibum capiunt, quodque non semel, sed bis corpus reficiant, dum sumunt prandium sub meridiem, cœnam sub vespem.

PRIMUM RESPONDEMUS, vsum ieiunia soluendi circa meridiem, & cœnam sumendi sub noctem, ab Ecclesia non imperari, sed tolerari: neque deesse inter Catholicos, qui vnica omnino refectioe contenti, nihil omnino cibi degustent, nisi vel hora nona, vel sub vespem. Neque enim ignorant ieiunium tantò esse perfectius, quantò diutius refectio siue cœna differtur.

DEINDE addimus determinationes eiusmodi rerum, quæ non habentur ex diuino iure, posse per Ecclesiasticam legem, vel consuetudinem pro locorum & temporum diuersitate ita variari, vt quod vno loco, vel tempore non licet, alio loco, vel tempore liceat. Nam & apud veteres in quadagesima quædam Prouinciæ, hora nona soluebant ieiunium, aliæ non nisi sub vespem. In quibusdam locis Sabbato ieiunabatur, in alijs prandebatur. Et multa huiusmodi refert S. August. in epist. 118. Itaque tamen nostro tempore seueritas ieiuniorum aliquantulum relaxata esse videatur, tamen non ideò reprehendi possunt populi Christiani, qui morem in Ecclesia introductum, atque à pastoribus vel probatum, vel certè permissum sequi volunt.

Addimus postremò non carere probabili ratione mutationem illam horæ nonæ in horam sextam, quod attinet ad tempus soluendi ieiunia. Nam quando veteres definierunt horam nonam pro solutione ieiunij, tempus ordinariū cibum sumendi solebat esse meridies. Satis enim esse putauerunt ad carnis afflictionem & castigationem, si ad spatium trium horarum, id est, ab hora sexta vsque ad nonam refectio differretur. Nostro verò tempore magna pars hominum non hora sexta, sed tertia prandere solet, ex quo sequitur, vt si tempore ieiunij cibum sumant hora sexta, hoc est, ad meridiem, tribus horis serius ad reficiendum corpus accedant, quàm ordinariè soleant, ac per hoc ab antiqua consuetudine non recedant.

Fuisse autem apud veteres in more positum, vt ad meridiem prandium sumerent, multis testimonijs ostendi potest. Vt omittam quod prandium, scribit Festus, dictum esse etiam merendam, quod meridie fieret. Et Plutar. lib. 8. de problem. conuiuialibus, problemate 6. dicit prandium nomen habere ab hora meridiana, vt sit prandium quasi parendium. Genes. 43. Ioseph cum fratribus ad meridiem prandet. Lib. 2. Esdræ, cap. 8. vsque ad meridiem populus audit lectionem legis, inde dimittitur ad capiendum cibum. Daniel 13. de hora meridiana qua finiebantur iudicia, dicunt senes, Eamus domum, quia hora prandij est. Ioan. 4. hora dicitur fuisse quasi sexta, cum discipuli cibos parauerunt, vt Dominus pran-

dere posset. Act. 2. B. Petrus, vt probaret Apostolos non fuisse ebrios post acceptum Spiritum sanctum, vt turbæ existimabant, satis esse putauit, si diceret, horam tertiam tunc fuisse. Act. 10. idem Apostolus hora sexta sibi prandium parari iubet. Ioan. Cassianus Collat. 21. cap. 23. Festis diebus, quibus non ieiunatur, hora sexta cibum sumendum esse dicit. Quod idem statuit sanctus Benedictus in Regula, cap. 41. Sanctus etiam Gregorius lib. 3. Dial. cap. 15. tempus cibi capiendi, cum non ieiunatur, horam sextam; cum ieiunatur, horam nonam fuisse scribit. Denique sanctus Thomas in 2. 2. q. 147. art. 7. ideò dicit horam nonam aptissimam esse soluendo ieiunio, quoniam tribus horis distat meridie, quod est tempus prandij, cum non ieiunatur. Sed quauis hæc ita sint, & probabilem causam suæ consuetudinis habeant, qui ieiunium soluunt hora sexta, tamen faciendum est melius illos facere, qui more veteri non ante horam nonam, & in Quadagesima non ante vespem cibum capiunt.

CAPVT III.

De ciborum delectu referuntur sententiæ hæreticorum.

DE TERTIO, quod ad ieiunium pertinere diximus, hoc est, de ciborum delectu, duæ contrariæ hæreses Ecclesiam vexarunt, & ex parte etiam vexant. VNA fuit hæresis, cibos quosdam natura sua esse immundos, ac per hoc illicitos, atque prohibitos. Et alij quidem omnium animalium carnes immundas esse dicebant, vt Ebionitæ apud Epiphani. hæresi 30. Encratitæ apud August. hæresi 25. Eutlantiani apud Socratem lib. 2. cap. 33. Priscillianistæ apud August. hæresi 70. Apostolici apud Bernard. sermone 66. in Cantica. Alij non solum carnes, sed etiam vinum immundum dixerunt, atque omnino vitandum, vt Manichæi apud August. hæresi 46. Quam hæresim, quod attinet ad vinum, sequutus est etiam Mahometus in Alcorano cap. 3. qui rursus cap. 12. prohibet quoque suis sanguinem, & suffocatum, & à lupo tactum.

Aduersus hanc hæresim pugnant apertissima Scripturæ testimonia, ac præsertim illud Apostoli Pauli 1. ad Timoth. 4. Spiritus manifeste dicit, quia in nouissimis temporibus discedent quidam à fide, attendentes spiritibus erroris, & doctrinis demoniorum, in hypocritis loquentium mendacium, & cauteriatam habentium suam conscientiam, prohibentium nubere, abstinere à cibis quos Deus creauit ad percipiendum cum gratiarum actione fidelibus, & ijs qui cognouerunt veritatem, quia omnis creatura Dei bona est, & nihil reiciendum quod cum gratiarum actione percipitur. Pugnat etiam aduersus eandem hæresim exemplum Domini & Apostolorum, qui tum aliàs, tum potissimum in vltima cœna Agnum comederunt, & vinum biberunt.

ALTERA igitur hæresis priori contraria fuit, aliorum, qui nullos omnino cibos, neque in perpetuum, neque ad tempus, neque omnibus, neque quibusdam, neque absolute, neque certa de causa interdici patiuntur. Ad hanc hæreticorum classem pertinent in primis Nicolaitæ & Valentiniiani, qui cibos etiam idolis immolatos, audacter edebant, vt Irenæus refert libro primo, capite primo & 27. Ad eandem classem pertinet Iouinianus, qui teste sancto Hieronymo in secundo libro aduersus eundem Iouinianum, & sancto Augustino in libro de hæres. cap. 82. docebat, ieiunia, & à cibis quibusdam abstinentiam nihil prodesse.

ieiunium indicitur ad cohibendam carnis concupiscentiam, quæ circa delectationes gulæ, luxuriæque versatur. Carnes autem terrestrium, & volatilium animantium magis nutriunt, & delectant ex genere suo, quàm cæteri cibi, cum sint humanæ carni similiores. Inde enim & libentius appetunt, & materiam generationis magis augent, unde stimuli carnis actiores oriri solent. Atque eadem ferè ratio est ouorum & lactis: nam ut S. Hieronymus ex sententia veterum Ægyptiorum refert libro 2. aduersus Iouinianum, nihil esse videntur aliud ouum & lac, nisi caro liquida, & sanguis albus.

Præter hanc rationem, quam Theologi communiter dare solent: querunt aliqui varias congruentias, quasi topicas rationes, quas omnino stultum est ad trutinam solidorum argumentorum velle reuocare. Tales sunt duæ illæ ratiuncule, quas Kemnitius exagitandas suscepit, & vel falso ipse credidit, vel callidè credi voluit, in illis fundamenta Catholica sententia contineri. Itaque negamus, rationes illas fundamenta esse nostræ sententiæ, præsertim cum in ipsa Ecclesia, in qua de dogmatibus fidei omnes idem dicunt, eiusmodi ratiuncule, ut à quibusdam simpliciter proferuntur, sic ab alijs refellantur.

SECUNDO obijcit hoc modo: *Non obscure, inquit, dicunt, carniẽ esse immundiciẽ, quod in homine prauas carnis concupiscentias excitent. An hæc procul absint à Tatianorum & Manichæorum fundamentis, lector indices.*

RESPONDEO, carniẽ esum seminarium esse libidinis, testantur omnes Patres, ac potissimum sanctus HIERONYMVS libro secundo aduersus Iouinianum: testatur ratio, quam supra posuimus: testatur experientia, quam nemo negare potest. Proinde stupidus sit Kemnitius necesse est, si id negandum putet. Sed non idèò tamen caro immunda censeri debet, neque immunda à Catholicis nominatur, quia concupiscentias excitet. Non enim idèò creata est à Deo, vel concessa in cibum, ut concupiscentias excitet, sed ut moderatè sumpta, corpus reficiat, & sustentet; proinde abusus immoderatè vescientium carnibus, non ipsa natura carniũ vituperatur: Non ego (inquit A VGVS T I N V S libro decimo Confess. cap. 31.) immundiciẽ obsonij tunc, sed immundiciẽ cupiditatis.

Quare ergo, INQVIES, non prohibet Ecclesia immoderatum vsum carniũ potius, quàm ipsum vsum? RATIO est in promptu, nam generatim vsum immoderatum, tum carniũ, tum aliarum omnium rerum, iure naturali & diuino prohibitus est, ut non fuerit opus noua aliqua lege; particulatim autem definire quantum sit cibi sumendum, siue ex carnibus, siue ex alijs rebus, non potuit Ecclesia villo modo. Lex enim debet esse generalis, & omnibus in commune proposita; non potest autem certa mensura cibi communiter statui, cum variæ sint hominum complexionēs, & quod vni non est satis, alteri sit nimium. Itaque quoniam Ecclesia de quantitate cibi sumendi legem ferre non poterat, de sola qualitate legem tulit; & quamvis qualitas moderatè sumpta non sit mala, tamen quia ut plurimum abusus immoderationis irrepserit, Ecclesia ad carnis petulantiam cohibendam, certis temporibus esum carniũ simpliciter interdixit.

Quod verò Kemnitius dicit, hæc non abesse à fundamentis Tatianorum & Manichæorum, indicat, eum in historijs, & in doctrina antiquitatis valdè negligenter esse versatum. Sic enim scribit S. EPIPHANIUS de Eueratistis Tatiani discipulis: *Anima abominantes interdicens, non continentia gratia, neque honesta vita, sed ob timorem, & imaginationem, ut non*

A *condemnentur ab animarum usu.* Vbi vides (Epiphanius teste) Tatiani discipulos non continentiæ gratia, ut nos facimus, sed metu naturalis immunditiæ à carnibus abstinuisse. Quod etiam indicat S. Hieronymus lib. 1. in Iouinianum, non longè à principio, ubi dicit, Catholicos non abstinere à cibis iuxta errorem Tatiani, qui cibos à Deo creatos ad vtendum, simpliciter interdixit. Et in secundo postea libro in eundem Iouinianum, dicit Catholicos abstinere à carnibus continentia gratia, quia carnis esus seminarium est libidinis.

De Manichæis autem testatur S. A VGVS T I N V S lib. de hæresibus, c. 46. carnes ab eis non comedi, quia dum occiduntur, fugit ab eis diuina substantia, id est, anima, & solum remanet corpus, quod à malo principio factum, indignum est, quod à fidelibus comedatur: *Nec vescuntur*, inquit, *carnibus, tanquam de mortuis, vel occisis, sugerit diuinam substantiam, tantumq; ac tale inde remanserit, quod iam dignum non sit in electorum ventrem purgari. Nec vna saltem sumunt, quasi & ipsa cum franguntur, expirent, nec oporteat vltis mortuis corporibus vesci.* Et infra: *Nam & vinum non bibunt, dicentes se esse Principum tenebrarum, &c.* Et infra cap. 70. de Priscillianistarum hæresi loquens: *Carnes, inquit, tanquam immundas esca etiam ipsa denuntiat.*

Iudicet ergo lector, vtrum ratio abstinentiæ Catholicorum à fundamentis Tatianorum, & Manichæorum non longè absit, an potius Kemnitij obiectio cum aperto mendacio, & calumniandi libidine sit coniuncta.

C TERTIO obijciunt ciborum benedictiones, atque inde opinionem immunditiæ naturalis colligere nititur: *Omnium*, inquit, *clarissimè causa prohibitionis ciborum quorundam, in Ecclesia Pontificia inde colligitur, quod in consecrationibus suis expressis verbis petunt, ut diaboli vis, ac potestas à creaturis expellantur, ut per consecrationes hoc accipiant, ut sint sanitas mentis & corporis. Ergo sentiunt creaturas per se, & prohibitis temporibus quando non consecrantur, à potestate diaboli infectas inquinare & corpus & animam, nisi diabolus Pontificis executionibus inde exorcizetur. Hæc cerè sunt ipsissima fundamenta Tatianorum & Manichæorum, quos cum damnare se simulent, quomodo suam prohibitionem ipsorum fundamentis subnixam, descendere possint, lectoris sit iudicium.*

RESPONDEO, piget profecto tempus terere in eiusmodi calumnijs refellendis. Sed quid faciam, cum aduersarius hanc objectionem tanti faciat, ut propter eam, triumphum canere non vereatur? PRIMVM, si ex benedictione ciborum cognosci possit causa, cur Ecclesia Catholica certos cibos ieiunantibus interdiceret, non solum à carnibus, sed etiam à pane, oleribus, & aqua, in Quadragesima nos abstinere, aduersarius exultare deberet. Nam ista etiam in Ecclesia benedicuntur, & formulas benedictionum ipse etiam Kemnitius citat. At quis nescit panis & olerum, & ipsius aquæ vsum esse maximum in Quadragesima.

E DEINDE, si diebus ieiuniorum non vesceremur carnibus, quia tunc destituimur his benedictionibus, & idèò carnes ut immundas horreremus: (id enim Kemnitius dicit sequenti pagina) cerè non solum in Quadragesima, sed etiam toto anno carnibus abstinere. Rari enim sunt, qui carnes iuxta formulæ illas benedici curent, nisi in ipso die Paschatis, paucissimi quoque ne illo quidem die benedictionem istam expetunt, quippe qui sciunt ritum hunc esse libere obseruationis, non alicuius necessitatis. Ignorat igitur Kemnitius, & quid loquatur, & de quibus affi met.

TERTIO, si Catholici crederent (vt Kemnitiuſ ſomniat) benedictione mundari carnes pecorum & auium, ac de prohibitis licitas fieri; quis prohiberet in Quadrageſima carnes eiufmodi benedictione purgari, ac deinde liberè illis veſci: neque enim vſquam interdixit Eccleſia, ne cibi quicunque quolibet tempore benedicantur.

DENIQUE, nullus Catholicorum eſt tam rudis, qui exiſtmet cibos eſſe vel illicitos, vel immundos, niſi certa illa formula benedicantur. Sed ideò, peracto ieiunio Quadrageſimæ, ſolent plerique ipſo die Paſchatis carnes & oua deferre ad ſacerdotes, vt benedicantur; quoniam redituri ad eſum carniũ & ouorum, piè cupiunt nouum illum cibum quaſi de manu Domini recipere, & ſacerdotali benedictione iuari, vt eo ſobriè & ſalubriter vti poſſint, atque ita & corpori & animæ proſint.

PORRO exorcizatio dæmonum, quæ in aquæ potiſſimum benedictione adhibetur, non eo refertur, quaſi putemus aquam à diabolo inquinari, vt ea iam vti non liceat, niſi benedicatur. Sed quoniam ſcimus, diabolum ſapè vti creaturis Dei bonis in noſtram perniciem, ideò & ſigno crucis munimus creaturas, quibus vti volumus, & Deum precamur, vt non ſinat eos illas à diabolo conuerſi nobis in malum.

AD extremum, illud hoc loco addendum eſt, Kemnitiũ laudare veteris Eccleſiæ morem, quæ ad menſam in prandio utebatur illa benedictione: *Oculi omnium in te ſperant Domine, &c.* Et ad cœnam: *Edent pauperes, & ſaturabuntur, &c.* Quaſi noſtro tempore illæ benedictiones exoluerint, & in earum locum ſubintrauerint particulares illæ benedictiones carniũ, ouorum, &c. **SED** mera calumnia eſt, ad imponendum ſimplicibus excogitata. Nam benedictiones, & gratiarum actiones, quas ipſe tanquam veteris Eccleſiæ laudat, fuerunt ſemper, & ſunt in communi vſu Catholice Eccleſiæ, & habentur in Romanis Breuiarijs, tum antiquis, tum nouis, integre omnino, vt eas Kemnitiũ quaſi depromptas ex antiquitate deſcribit. Neque enim Eccleſia Catholica ſimilis eſt ſynagogis ipſorum, quæ ſingulis annis, non ſolũ ritus, ſed etiam fidem mutant. Particulares autem illæ benedictiones, à paucis (vt diximus) & raro, & ſine vlla intermiſſione quærantur.

CAPVT V.

Ad rationem ieiunij abſtinentiam à certis cibis, ac potiſſimum à carnibus pertinere.

PROBANDVM nunc ſuper eſt, ad rationem ieiunij abſtinentiam à certis cibis, atque à carnibus potiſſimum pertinere. Aduerſarij ſiquidem ſolũ in genere abſtinentiam à nimio & lauto cibo, non autem in particulari ab aliquo genere cibi, ad rationem ieiunij pertinere contendunt.

PRIMUM igitur ſententiam noſtram probant exempla Scripturarum & Patrum. Siquidem piorum conſuetudo optima eſt interpres Eccleſiaſtica- rum traditionum & legum. Daniel cap. 10. deſcribens formam ieiunij ſui: *In diebus illis, inquit, ego Daniel iugebam triũ hebdomadarum diebus, panem deſiderabilem non comedi, & caro & vinum non introierunt in os meum.* Hic videmus non ſolũ abſtinentiam à pane deſiderabili, qui ad lautitias à Kemnitiũ refertur, ſed etiam in ſpecie à carnibus & vino. S. Ioan. Baptiſta, cuius vita perpetuum ieiunium fuit, non ſolũ à

lautitijs in genere, ſed in ſpecie ab omni cibo & potu abſtinebat, præterquam à locuſtis & melle ſylueſtri, vt habemus Matthæi tertio. Sanctus Petrus Apoſtolorum Princeps, penè ſemper ieiunans, nihil aliud ſumebat in cibum, niſi lupinos minuto aſſe- neutes, vt ſcribit Gregorius Nazianzenus in oratione de pauperum amore. Sanctus Matthæus Apoſtolus oleſibus, baccis, & ſeminibus, non autem carnibus veſcebatur, teſte Clemente Alexandrino libro ſecundo Pædagogi, capite primo. S. Iacobus item Apoſtolus, à carnibus & vino ſe abſtinebat, vt Eufebius refert libro ſecundo hiftoriarum, capite vigefimo ſecundo. S. Timotheum à vino ordinariè abſtinere ſolituſ fuiſſe, perſpicuum eſt ex verbis illis Apoſtoli Pauli, primæ ad Timotheum quinto: *Noli adhuc aquam bibere, ſed vtere modico vino propter ſtomachum, & frequentes tuas infirmitates.*

Primi illi Chriſtiani, qui apud Alexandriam à ſancto Marco erudiebantur, ad Veſperam tantũ cibum ſumere, & à carnibus & vino abſtinere ſolebant, vt ex Philone referunt Eufebius libro ſecundo hiftoriarum, capite decimo ſeptimo; ſanctus Epiphanius hæreſi vigefima nona, quæ eſt Nazæorum, & ſanctus Hieronymus in libro de viris illuſtribus in Philone. Sanctus Epiphanius in compendiaria doctrina, quæ habetur in fine librorum aduerſus hæreſes, teſtatur, multos fuiſſe, qui ſponte abſtinerent à carnibus per totum annum: ſed in hebdomada quæ ſanctum Paſcha præcedit, totam Eccleſiam perſeuerare ſolitam in eſu ficorum. Cyrillus Hieroſolymitanus Catecheſi quarta, dicit Chriſtianos ieiunantes abſtinere à carnibus. Sanctus Baſilius oratione prima de ieiunio. Sanctus Chryſoſtomus homilia ſexta in Genefim. Theophilus Alexandrinus libro tertio Paſchali. Sanctus Auguſtinus libro trigefimo contra Fauſtum, capite quinto, & alij Patres, paſſim docent, in Quadrageſima ceſſare vſum carniũ. Sanctus Hieronymus libro quinto aduerſus Iovinianum, ex inſtituto probat, bonam eſſe abſtinentiam à carnibus & vino. Et in epiſtola ad Euſtochium de cuſtodia virginittis, ſcribit, apud multos Anachoretas continua per totum annum fuiſſe ieiunia, & à vino & carnibus abſtinentiam. Similia tradunt ſanctus Auguſtinus libro primo de moribus Eccleſiæ, cap. 31. & 33. & ſanctus Ioannes Chryſoſtomus homilia quinquageſima nona ad populum Antiochenum. Theodoretus in epitome diuinorum decretorum extrema, docet, Eccleſiam Catholicam ſapè abſtinere à carnibus, ſed longè alia opinione quàm hæretici faciant.

DENIQUE, ſi quis legat vitas Sanctorum, & præſertim Eremitarum, vt Antonij, Hilarionis, & ſimilium, videbit vſum abſtinentiæ à carnibus in ſpecie, & non ſolũ à lautitijs in genere fuiſſe frequentiſſimum, & maximè probatum, & laudatum.

DEINDE ratio naturalis rem eandem confirmat. Nam finis ieiunij eſt corporis concupiſcentias edomare, & in ſeruitutem redigere, vt ſanctus Auguſtinus docet libro triceſimo contra Fauſtum, capite quinto, neque aduerſarij id negant: at non poterat certa & communis regula conſtitui circa quantitatem cibi ſumendi, vel circa lautitias & condimenta ciborum; hæc enim infinitis modis variantur, & quod vni eſt multum, alteri eſt parum; quod vni eſt lautum, alteri non eſt lautum: debuit igitur conſtitui regula penes abſtinentiam ab aliquo genere cibi, qui ex genere ſuo, & vt plurimum, magis nutrit, & magis delectat, qualem eſſe carnem pecorum & auium omnes concedunt.

Sed

Sed obicit **KEMNITIVS** in quarta parte examinis, pagina quadringentesima quadagesima secunda in Scripturis veteris Testamenti, de iuri ieiunia vnica comestione, eaque ad vesperam sumenda, nihil autem præscribi de ciborum delectu. Addit **P R A E T E R E A** magis pugnare cum fine ieiunii, si quis ventrem repleat optimis piscibus, & fructibus laute præparatis, quam si modicumumat ex carnibus fumo duratis, arido caseo, vel rancido butyro. Addit **D E N I Q U E** non esse dubium, quin concupiscentia carnis magis & facilius irriteretur per potum vini, quam per esum casei & ouorum; proinde nullam esse causam, cur ieiunantes potius ab ouis & caseo, quam à vino contineant.

Sed facilis est **R E S P O N S I O**. Nam Scripturæ, quæ testantur, veteres illos Patres ieiunasse vsque ad vesperam, nusquam dicunt, eos in refectione illa vespertina sumptisse carnes in cibum. Neque locum vllum pro hac re Kemnitius proferre potuit. Quod illi veteres ieiunantes ad vesperam carnes comederint, non habetur ex testimonio Scripturæ, sed ex suspitione Kemnitii. Nos autem qui contra sentimus, non nitimur nostra suspitione, sed exemplo Danielis, qui capite decimo scribit, se ieiunasse tribus hebdomadis, & toto eo tempore, neque carnes gustasse, neque vinum bibisse.

Ad **A L T E R A M** obiectionem **R E S P O N D E M U S**, per accidens fieri, vt magis pugnet cum fine ieiunii immoderatus vsus piscium, atque aliorum ciborum laute conditorum, quam moderatus vsus carniū simpliciter, vel negligenter conditorum. Quia videlicet cum piscibus coniungitur immoderatio, cum carnibus moderatio. Præterea ex piscibus sumuntur recentes, & optimi, ex carnibus aridæ & deterrimæ; Denique piscibus adduntur varia condimenta; carnes simpliciter parantur, at si iusta fiat collatio, & carnes cum piscibus, aridæ cum aridis, recentes cum recentibus comparentur, & moderate sumatur verumque, dubium esse non poterit, quin multo magis ad finem conducatur ieiunii, carniū, quam piscium, ouorum & casei, quam oleum & leguminum abstinentia. Lex autem Ecclesiastica (vt supra diximus) non potuit fieri de moderatione, quantitate, lauitiis & similibus, quæ infinitis modis variantur, & de quibus lex naturalis & recta ratio consulenda est: & ideo certum genus cibi prohibuit ieiunaturis, illud videlicet, quod ex genere suo, & vt plurimum magis nutrit & magis delectat.

Ad illam obiectionem de vini potu, **R E S P O N D E O**, Abstinentiam vini in iis locis, vbi corporum valetudini potus aquæ non multum nocet, valde congruentem esse ieiunio, & ideo Ecclesiam Orientalem Quadagesima non minus à vino, quam à carnibus abstinuisset, vt testantur basilii oratione 1. de ieiunio, Cyrillus Catechesi 4. Theophilus lib. 3. de Paschali, & Chrysostomus homil. 6. in Genesim. In regionibus autem frigidioribus ideo noluisse Ecclesiam vini abstinentiam imperare, quoniam à plurimis sine magno valetudinis periculo tolerari non potuisset. Accedit quoque, quod carniū esus, causa est luxuriæ magis principalis, quam potus vini. Siquidem carnis alimentum parat materiam generationis, quæ exuberante dispumat corpus in luxuriam, vinum autem non parando materiam, sed calefaciendo corpus incitat ad libidinem. Sed flamma, quæ ex vino concipitur, si materia generationis non suppetat, non difficulter extinguatur, materia vero generationis exuberans, etiam si vinum absit, stimulare non cessat ad libidinem.

CAPVT VI.

Ieiunium in genere lege diuina esse præceptum.

S E Q U I T U R TERTIA pars disputationis, quæ erit de præcepto ieiunii. Sunt autem **D V A** questiones de præcepto ieiunii, **V N A** sit ne ieiunium diuina lege præceptum; **A L T E R A**, poterit ne Ecclesia legem in conicientia obligantem de ieiunijs ferre.

De priore questione sententia aduersariorum easse videtur, vt nullum sit de ieiunio diuinum præceptum. Nam Ioannes Calvinus in Institutione lib. 4. cap. 12. dicit esse pecciosam superstitionem confundere ieiunium cum operibus à Deo mandatis, cum sit res per se media, & indifferens. Kemnitius quoque in quarta parte examinis pag. 440. dicit, in Scripturis extare testimonia & exempla ieiunii; & addit ad imitationem illorum exemplorum libere nunc fieri posse ieiunia. Vbi cum dicit, libere fieri posse, satis indicat nullum esse præceptum, quod obliget ad ieiunium.

Contraria sententia, quam habet sanctus Thomas in 2. 2. quæst. 147. art. 3. & Theologi communiter, verissima est: Ieiunium generatum sumptum habere diuinum præceptum; quamuis in particulari ab Ecclesia determinetur tempus, modusque ieiunii. **P R I M U M** enim sententia illa Domini, quæ Ioelis secundo penitentibus imperat ieiunium cum fletu & planctu; non est proprie ceremonialis, vel iudicialis, sed plane moralis, & non magis ad Iudæos, quam ad Ecclesiam pertinet. Vt S. Leo monet in sermone quarto de ieiunio decimi mensis. Item illa Domini sententia *Matth. sexto: Tu autem cum ieiunas, unge caput tuum, &c.* ita tradit modum ieiunandi, vt præsupponat aliquando esse ieiunandum, & quidem ex diuino præcepto: nam ideo coniungit ieiunium cum oratione & eleemosyna, & simul quomodo sit orandum, ieiunandum & largiendum præcipit: quoniam eadem est ratio & necessitas horum trium operum.

Quod vero Philippus Melancthon in hunc locum scribit, *D V L T E X* ieiunii genus in diuinis litteris inueniri: **V N U M**, quo sobrie & moderate cibus & potus sumitur, & de hoc dictum esse, *Tu autem cum ieiunas, &c.* **A L T E R U M**, quo nihil omnino, aut parum admodum cibi sumitur, vel quia deest cibus, quo modo pauperes sæpe ieiunant, vel quia deest appetitus, quo modo interdum ieiunant ægroti, & qui ob grauem aliquem mororem nauſeant ad omnem cibum. Atq; hoc proprie dicit esse ieiunium euangelicum, de quo scriptum est *Matthæi 9: Cum auferetur ab eis sponsus, tunc ieiunabunt in illis diebus.* Et hoc modo ieiunasse Niniuitas, & Davidem territos ex agnitione peccati, & ipsum etiam Paulum tribus diebus ante baptismum.

Hoc, inquam, totum ineptum & vanum est. Dominus enim *Matthæi 6.* cum ait, *Tu autem cum ieiunas, unge caput tuum,* non loquitur de eo quod sit quotidie, sed quod sit aliquo certo tempore, vt patet ex illa particula, *cum*, at sobrietas & moderatio in cibo sumendo semper adhibenda est, sicut crapula & ebrietas omni tempore fugienda est. Et paulo antea idem Dominus dixerat: *Cum ieiunatis, nolite fieri sicut hypocritæ tristes. Exterminant enim facies suas, vt appareant hominibus ieiunantes.* Hypocritæ autem non cupiunt ostentare solam sobrietatem & temperantiam, quæ non reddit homines deformes & hor-

ridos, sed ingentem inedia. Loquitur igitur Dominus de ieiunio proprie dicto, quod præter temperantiam & sobrietatem addit abstinentionem acriorem, qua corpus extenuatur ultra solitum morem.

Quod autem Dominus dicit Matth. 6. *Cum auferetur ab eis sponfus, tunc ieiunabunt in illis diebus*: non significat, Apostolos post Christi Ascensionem tanto mœrore afficiendos, ut præ tristitia ad omnē cibum nauseaturi sint, ut Philippus somniat. Contra enim scribit S. Lucas, cap. ult. Christo in cœlum sublato, Apostolos cum ingenti gaudio in Hierusalē rediisse & Act. 1. idem Lucas loquens de tempore illo, quo recens ablatus fuerat sponfus: *Sumebant*, inquit, *cibum cum exultatione & simplicitate cordis*. Et Act. 41. Paulus, qui & ipse vnus erat de filiis sponfi, de Deo loquens, ait: *Implet cibo & lætitia corda nostra*. Non itaque ieiunabant filii sponfi, sponso ipso oblato, quia præ mœrore cordis nauseabant ad cibum, sed quia luctum habentes cor, ubi sponfus est, carnem ieiuniis castigare studebant, ne concupisceret aduersus spiritum iam ad cœlestia suspirantem. Atque hæc pauca hoc loco de Scripturis sufficiant.

Audiamus nunc vnum vel alterum ex Patribus, S. AVGVSTINVS in epist. 86. ad Casulanum, Ego, inquit, in Evangelicis & Apostolicis litteris, totoque instrumento, quod appellatur Testamentum nouum, animo id reuoluens, video præceptum esse ieiunium. Quibus autem diebus non oporteat ieiunare, & quibus oporteat, præcepto Domini, vel Apostolorum, non inuenio definitum. Hæc ille. Qui cum ieiunium in sacris litteris Evangelicis & Apostolicis dicit esse præceptū, sine dubio non loquitur de temperantia & sobrietate. Alioqui non diceret, Christum & Apostolos non definiuisse, quibus diebus non oporteat ieiunare, & quibus oporteat. Certum enim est, semper esse temperate vescendum, & nunquam oportere intemperanter cibum sumere.

Quare in eadem epistola idem AVGVSTINVS distinguens ieiunium à temperantia: *Aliud est*, inquit, *grauare corda in crapula & ebrietate, qua semper est malum, aliud autem modestia & temperantia custodita, relaxare ieiunia*. Et in eadem epistola addit, non solere à Christianis die Dominica ieiunari, neque à Pascha ad Pentecostem per totos quinquaginta dies. Quis autem credat, eum voluisse dicere, non solere Christianos diebus Dominicis, & per Quinquagesimam paschalem sobrie ac temperanter vivere?

Ex quo etiam refellitur altera illa species ieiunii Melanchthonici: ieiunium enim ex carentia cibi, vel appetitus non magis prohibitum est diebus Dominicis: & paschali tempore, quam aliis diebus; nisi quis ita deliriat, ut existimet pauperem peccare, si Dominica die non prandeat, quia non habet cibum, vel ægrotus quia destituitur appetitu.

S. LEO I. serm. 4. de ieiunio decimi mensis: *Illæ, inquit, quæ rerum futurarum figuras gerebant, impletis, quæ significare finitas sunt: ieiuniorum vero utilitatem noui Testamenti gratia non remouit, & continentiam corporis, atque anima semper profuturam pia obseruatione suscepit. Quia sicut permanent ad intelligentiam Christianam, Dominum Deum tuum adorabis, & illi soli seruias, & cætera talia mandatorum: ita quod in eisdem libris de ieiuniorum sanctificatione præceptum est à nulla interpretatione vacatur*. Similia reperit in sermone sexto, de ieiunio decimi mensis, & sermone 7. de ieiunio septimi mensis. Quibus verbis non significat sanctus Leo ieiunandum esse à Christianis illis ipsis diebus, quibus ieiunabant Iudæi: sed præcepta ieiunandi in veteri Testamento tradita, seruanda esse à Christianis secundum determinationem Ecclesiæ, quod attinet ad tempus & modum.

Accedat POSTREMO etiam ratio: quæ docet, ad ipsum ius naturæ ieiunium aliquod pertinere. Nam penitentiam agere pro peccatis dimissis, & tentatori resistere, ac peccata vitare, diuini & naturalis iuris esse nemo negare potest, sæpe autem contingit, ut recta ratio iudicet, non posse vinci tentationem sine ieiunio, vel non posse nisi per ieiunium pro culpis commissis congrue satisfieri, ut si quis forte, nec orationi instare, nec elemosynas largiri possit.

Sed contra obiici solent DVÆ Patrum sententiæ, Vna Esichii lib. 7. in Leuiticum, cap. 27. qui docere videtur, ieiunium nusquam à Deo esse præceptum. ALTERA Theodoretii, apud quem in historia religiosa, cap. 7. Martianus affirmat, charitatem præstantiorem esse ieiunio, quod lege Dei charitas præcipiatur, ieiunium vnusquisque pro arbitrio sponte suscipias.

Sed facilis est SOLVTIO, nam Esichius loquitur de solo Decalogo, & recte dicit, ieiunium non contineri in præceptis Decalogi, quoniam præcepta Decalogi pertinent ad iustitiam, ieiunium autem non ad iustitiam, sed ad temperantiam pertinet. Marcianus vero apud Theodoretum loquitur de voluntariis ieiuniis, quæ vnusquisque sibi pro arbitrio assumit, quæ sine dubitatione omittenda sunt, cum id proximorum charitas postulat.

CAPVT VII.

Lege Ecclesiastica obligari fideles in conscientia ad certa quadam ieiunia, & ciborum delectam.

N VNC de lege Ecclesiastica differendum erit. Hanc enim & olim Eustathiani & Aeriani oppugnabant, teste Socrate lib. 2. hist. cap. 33. & Epiphonio hæres. 75. & hoc tempore Sectarii omnes oppugnant. Nam Lutherus de libertate Christiana, Philippus in Confessione Augustana, art. 26. Brennius in Confessione Vvitembergenſi, capite de ieiunio, Calvinus in lib. 4. Instit. cap. 12. & Kemnitius in quarta parte examini. docent, Ecclesiam non potuisse leges ferre de ieiuniis & delectu ciborum. Et fideles non obligari in conscientia ad eiusmodi præcepta seruanda, nisi forte ratione scandali, aut contemptus.

Huic hæresi contraria est sententia communis totius Ecclesiæ Catholicæ, quæ legibus ieiuniorum obligari homines in conscientia docet. Vide S. Tho. in 2. 2. q. 147. art. 3. ad 2. & Theologos cæteros in 4. sentent. dist. 15. interpretes iuris canonici in rubricam de obseruatione ieiuniorum.

Verissima hæc sententia probatur. PRIMO exemplis & testimoniis Scripturæ diuinæ. In veteri Testamento extant exempla, VNUM ex cap. Hieremiæ 35. ubi filii Ionadab laudantur, quod obedierint parenti suo, qui interdixerat illis vinum vsque in sempiternum. At si potuit Ionadab prohibere filiis & nepotibus vinum vsque in sempiternum, & tum illi præceptum, tum filiorum obedientia placuit Deo, cur non poterit Mater Ecclesia certos aliquos cibos pro tempore filiis interdicare, ut ita & nostra obedientia, & Ecclesiæ præceptum Domino placeat?

ALTERVM exemplum est in li. Hester cap. 9. ubi ex constitutione Mardochei, totus populus suscepit nouum ieiunium, & festum diem celebrandum perpetuo in memoriam liberationis à persecutione Aman agagitæ.

TERTIVM est in Zacharia cap. 8. ubi mentio fit

quatuor ieiuniorum, quæ dicebantur ieiunia mensium, quarti, quinti, septimi, & decimi, quæ non fuerunt ab ipso Deo præcepta, sed ab iis qui Rempub. Iudæam regebant, variis occasionibus introducta. Ex his enim exemplis intelligimus, in Ecclesia Testamenti veteris non solum diuinis legibus, sed etiam Ecclesiasticis consuevisse determinari, ac sanciri ieiunia.

Sed Kemnitius pro sua censoria potestate reprehendit hunc morem Hebræorum, & ad *ἡμετέριον* pertinere contendit in quarta parte examinis pag. 437. & 438. in quo incredibilem suam audaciam & impudentiam manifestat. Siquidem Scriptura diuina non solum non reprehendit eiusmodi leges ieiuniorum, sed etiam laudat, dum Mardocheum, & Ionadab vehementer laudat; & dum apud Zachariam dicit, ieiunia illa quarti, quinti, septimi & decimi mensis vertenda esse aliquando in gaudium & solennitates præclaras.

In nouo Testamento extat aliud exemplum. Constat enim Actor. decimoquinto, Concilium Apostolicum Christianis omnibus interdixisse vsum quorundam ciborum, vt sanguinis & suffocati, non quidem continentie causa, sed vt facilius Ecclesia ex Gentibus & Iudæis coalesceret, dum ad tempus iubentur Gentes abstinere ab iis cibis, à quibus Iudæi vehementer abhorrebant. Ita enim docet S. Augustinus libro trigésimo secundo contra Faustum, capite decimotertio. Quemadmodum igitur Apostoli propter bonum finem certos cibos prohibuerunt, quos alioqui Deus non prohibebat: cur, quæso, non possint, qui Apostolis succedunt, ieiunia indicere, & certos quosdam cibos prohibere ob alium bonum finem, nimirum ad carnis petulantiam cohibendam? hunc enim esse bonum finem ieiunii aduersarii non negant.

Fuisse autem verum præceptum, illud Apostolorum decretum de certis cibis non comedendis, perspicuum est. T V M ex verbis illis Lucæ, Act. 15. *Perambulauit, Paulus, Syriam, & Ciliciam, præcipiens custodire præcepta Apostolorum & Seniorum.* T V M ex eo, quod præceptum illud per aliquod tempus ita seuerè custoditum est, vt Christiani mori mallerent, quam sanguinem degustare, vt patet ex Apologetico Tertulliani, cap. 9.

Eadem sententia probatur SECVNDO ex testimoniis veterum Conciliorum. In Canonibus Apostolorum canone sexagesimo octauo, iubetur Clericus deponi, & Laicus excommunicari, si Quadragesimam non ieiunet. At eiusmodi pœnæ iniustæ essent, si Quadragesimam non ieiunare peccatum non esset. Rursum in Concilio Gangrensi canone 19. anathema dicitur iis, qui sine magna necessitate ieiunia indicta dissolunt. Sentiebant igitur Patres illi veteris Ecclesiæ, ieiunia rectè indici, & indicta sine peccato non posse dissolui. Item in Concilio Laodicæno, capite quinquagesimo, præcipitur, vt in Quadragesima cæcis aridis omnes vtantur. In Concilio Toletano VII. capite nono, ita seuerè præceptum ieiunii Quadragesimalis obseruandum esse præscribitur, vt qui secus fecerint, tanquam rei Dominicæ Resurrectionis, & sacra communione priuentur in Pascha, & per integrum annum à carnibus abstinere cogantur. In Concilio Bracarensi secundo, canone nono, mandatur sacerdotibus, vt suo tempore ieiunium Quadragesimæ populis prædicent, & accurate obseruari præcipiant. Nec dissimilia habentur in Concilio Moguntino, tempore Caroli Magni celebrato can. 35. & in canonibus, qui circumferuntur nomine sextæ Synodi, can. 6.

A Accedant TERTIO testimonia Patrum de præcepto ieiunii. TERTULLIANVS in libro de ieiunio: *Bene, inquit, quod & Episcopi vniuersæ plebi mandare ieiunia assolent.*

S. EPITRANIVS in libro de hæresibus, hæresi 75. aduersus Aërium disputans, qui stata ieiunia contemnebat, testatur ieiunia quædam ab ipsis Apostolis esse mandata. Idem etiam in compendiaria doctrina dicit, in Ecclesia alios ritus ex lege seruari, alios voluntarios, alios liberos esse. Atque inter hos ritus, quorum alii necessarii, alii liberi sunt, ieiunia in primis refert.

B Sanctus BASILIUS orat. 1. de ieiunio, differens de ieiunio Quadragesimæ: *Omnes, inquit, æqualiter & præceptum audiunt, & cum gaudio suscipiunt. Angelis sunt, qui per singulas Ecclesias ieiunantes describunt. Vide ne propter paruum edulcorum voluptatem damnum incurras, vt ne ab Angelo in numerum adscribaris, & te ipsum criminis desertoris reum, ab exercitus Iustratore stituas.*

Sanctus AMBROSIVS serm. 34. *Quisquis, inquit, Christianus ieiunando non impleverit Quadragesimam, præuaricationis, & contumaciæ reus tenebitur.* Et serm. 25. non leue peccatum esse dicit, indicta ieiunia violare.

C Sanctus HIERONYMVS in epist. ad Marcellam aduersus errores Montani: *Nos, inquit, vnam Quadragesimam secundum traditionem Apostolorum tempore nobis congenito ieiunamus: Non quod & per totum annum, excepta Pentecoste, ieiunare non liceat: sed quod aliud sit necessitate, aliud voluntate minus offerre.* Vide hoc loco, quam aperte sanctus Hieronymus ieiunium Quadragesimæ necessarium vocet, & à ieiuniis voluntariis separet.

THEOPHILVS Alexandrinus lib. 3. Paschatis dicit, semper in Ecclesia fuisse legem abstinendi à carnibus in Quadragesima, & criminis reos esse qui carnibus clam vescuntur. Ex quo loco intelligimus, præceptum Ecclesiæ obligare in conscientia, etiam citra scandalum & contemptum.

D S. IOANNES CHRYSOSTOMVS hom. 6. ad populum Antiochenum: *Adueniente, inquit, ieiunio, cisi milites quis exhortetur, & infinita crucient, & cogant vinum delibare, vel aliud ieiunii lege non concessum gustare, omnia quis mallet pati, quam prohibitum tangere nutrimentum.*

Verum autem esse quod Chrysostomus dicit, testatur illustre exemplum Constantinopolitanorum, qui (vt Nicephorus refert lib. 17. histor. ca. 32.) cum Iustinianus Imperator ob ingentem penuriam rerum cæterarum, quæ ad victum pertinent, in secunda hebdomada Quadragesimæ iussisset carnes publicè in macello proponi, nullus in tanto populo inuentus est, qui carnes emere, aut gustare voluerit. Certe autem qui sic affecti erant, omnino ieiunium Quadragesimæ necessarium esse, & in conscientia obligare credebant. Quod etiam apertius scribit idem Chrysostomus hom. secunda, in Genes. ubi dicit, Quadragesimam inflectere omnium conscientiam, etiam Regum & Imperatorum ad obedientiam.

E S. AVGVSTINVS in serm. 62. de tempore: *Alijs, inquit, diebus ieiunare remedium est, aut præmium, in Quadragesima non ieiunare peccatum est.* Idem quoque in libro de hæresibus, cap. 35. inter errores Aërii numerat, quod is diceret, ieiunia ab Ecclesia indicta, non debere seruari.

S. LEO, serm. 1. de ieiunio septimi mensis: *Res, inquit, est præcipuum operis, quam ex auctoritate incipimus, & ex charitate suademus.* Et serm. 3. de ieiunio decimi

mensis, *Pium*, inquit, *est agere non indictum, impium est negligere prædictum.*

IOANNES CASSIANVS Collatione vigesima prima cap. 29. & 30. disertis verbis docet, legis necessitate teneri Christianos ad ieiunium Quadragesimæ.

Accedat POSTREMO etiam ratio. Nam possunt Ecclesiæ præfules veras leges ferre, vt fusc probauimus in libro 4. de Summo Pontifice: est autem commune omni veræ legi, vt actum virtutis non necessarium, faciat esse necessarium, cum illum determinat, ac faciendum præcipit; igitur actus ieiunandi certis diebus, & abstinendi à certis cibis, Ecclesiastica lege præscriptus, actus est virtutis temperantiæ necessarius: etiam si alioqui necessarius non esset nisi lege præscriberetur. Peccat igitur vitio intemperantiæ, qui non ieiunat, quando Ecclesia indicit ieiunia, & qui ab iis cibis non abstinere, à quibus Ecclesia præcipit abstinendum.

Neque responderi potest, eos qui legem ieiunii violant, peccare solum propter scandalum, vel contemptum. Nam lex Ecclesiastica distincta est à lege diuina & naturali: scandalum autem, & contemptus siue contumacia prohibetur, diuina & naturali lege: igitur lex Ecclesiastica alio vinculo subditos adstringit.

Præterea lex Ecclesiæ, quæ ieiunium certis diebus præscribit, facit, (vt diximus) actum illum ieiunandi esse actum temperantiæ necessarium: igitur qui legem illam non seruat, peccat vitio intemperantiæ, etiam si absque scandalo & contemptu id faciat, vt si quis clam aliis in quadragesima carnes comedat, idque non ea mente, vt Ecclesiam contemnat, sed tantum, vt concupiscentiæ satisfaciatur. Quare sanctus Ambrosius in serm. vigesimo quinto scribit, non leue peccatum esse indicta ieiunia ventris voracitate dissolvere. Vbi non constituit peccatum non ieiunantis in contemptu Ecclesiæ aut scandalo pusillorum, sed in intemperantia, quam ventris voracitatem nominat. Sic etiam S. Basilus orat. 2. de ieiunio, cum reprehendit eos qui non ieiunant, non scandali, aut contemptus, sed intemperantiæ illos arguit. Dicit enim eos ob eduliorum voluptatem ieiunia indicta violare. Denique Concilium Tolosanum VIII. ca. 9. non contemptores, aut scandalizantes, sed gulæ addictos, & intemperantes reprehendit.

CAPVT VIII.

Soluantur argumenta ex Scripturis contra præceptum ieiunij, & delectum ciborum.

NUNC breuiter argumenta proponenda atque soluenda sunt, quæ tum hæretici veteres, tum noui Catholicis obicere solent.

PRIMUM argumentum, Deus creauit omnia propter hominem, vt perspicuum est ex cap. 1. & nono Geneseos, & ex Psalmo octauo, at nonnulla sunt, quæ nullum vsum homini præbent, nisi comedantur, vt anseres, gallinæ, & alia id genus. Non igitur debet Ecclesia cibos vltos fidelibus interdiceret, ne cum ipso creatoris beneficio pugnare velle videatur.

RESPONDIAM olim ad hoc Ioviniani argumentum sanctus Hieronymus in secundo libro aduersus Iovinianum, non esse condita vlla animantia ob id solum, vt comedantur, sed vel ad medicamenta, vel ad alios vsus, ac saltem ad ornamentum

vniversitatis, atque ad ipsum conditorum ex tanta rerum varietate laudandum. Id vero probat tum quia per multa secula, hoc est, vsque ad tempus diluuii, nullus fuit apud homines carnum edendarum vsus, tum quia si res illæ omnes in cibum sumendæ essent, quæ non videntur hominibus aliquem vsum præbere, comedendæ essent nocturnæ, bufones, serpentes, araneæ, atque alia permulta, quæ omnium iudicio nihil utilitatis humano generi adferre videntur. Adde ex Clemente Alexandrino lib. 2. Pædagogi, capite primo, esse quidem escas omnes propter hominem conditas, sed vt pro loco & tempore sumantur. Proinde legem Ecclesiæ cum conditoris voluntate minime pugnare, cum certis solum diebus cibos quosdam prohibeat, alio tempore omnes permittat.

SECUNDUM argumentum: *Quod intrat per os non coquinat hominem*, vt Dominus ait Matth. 15. at si legem Ecclesiæ cibos quosdam prohibentem seruare in conscientia tenemur, certe quod intrat per os, hominem omnino coquinaret.

RESPONDEO, Negari non potest, quin id quod intrat per os, aliquo modo coquinat hominem; alioqui crapula & ebrietas, quæ per os intrant, hominem non coquinarent. Loquitur igitur Dominus de cibo & potu, non quocunque modo, sed vt res sunt corporales, quæ ex natura sua, non possunt animam, quæ spiritualis est, coquinare, quamuis ratione adiunctæ concupiscentiæ, aut inobedientiæ facile possint eandem animam inquinare, vt sanctus Augustinus docet libro primo, de moribus Ecclesiæ, capite trigesimo tertio: voluit enim Dominus illis verbis superstitionem Iudæorum reprehendere, qui existimabant, cibos illorum manibus sumptos contrahere nescio quas sordes, quibus animæ quoque inficerentur, & cibos quosdam propterea fuisse à Deo prohibitos, quod natura sua immundi essent, cum tamen Deus eos prohibuisset, non ob naturalem immundiciam, quæ nulla est; sed ob certam significationem rerum vel præsentium, vel futurarum.

TERTIUM argumentum, iussit Dominus Lucæ decimo, vt manducemus, quæ apponuntur nobis. Et Apostolus primæ ad Corinthios decimo: *Omne, quod in macello venit, inquit, manducate.* Non igitur potest Ecclesia suis legibus hanc libertatem nobis eripere, quam à Christo & Apostolo habemus.

RESPONDEO, Verba Domini non libertatem transgrediendi leges Ecclesiæ, sed temperantiam, & modestiam docent. Nimirum id iubet Dominus, vt cum hospitio recipimur, non queramus sumptuosos cibos, sed iis, qui apponuntur, contenti simus, etiam si fortasse viliores sint, quæ vellemus. Ita hunc locum exponunt sanctus Ambrosius, Theophylactus, & alii. Neque dubitari potest, quin Dominus de iis tantum cibis loquatur, qui pro loco & tempore liciti & viles sunt. Neque enim venenum, si apponeretur, comedi voluit, aut etiam carnes suillas eo tempore quo vigeat lex Moysis.

Eodem modo B. Paulus quicquid in macello venit manducari voluit, vt fideles liberaret sollicitudine inquirendi, vtrum carnes illæ essent idolis immolatæ, vel non essent. Nam alioqui idem Apostolus Actuum 15. & 16. iubeat seruari decretum Concilii Hierosolymitani de sanguine, & suffocato, & idolothytis non edendis; ac per hoc non volebat in macello emi sanguinem, vel suffocata, vel carnes qua aliquis sciret esse immolatas. Et certe is, qui dixerat bonum esse non comedere carnes, & non bibere vinum, ne frater scandalizetur, Rom. 14. multo

magis cupiebat ieiunia ab Ecclesia indicta, seruari, quæ qui non seruant, non solum fratres multos scandalizant, sed etiam intemperantiæ & inobedientiæ crimen incurrunt.

QUARTVM argumentum sumunt ex illis verbis ad Coloss. 2. *Si mortui estis cum Christo ab elementis mundi huius, quid adhuc decernitis, ne tetigeritis, ne gustaueritis, ne contrectaueritis? quæ sunt omnia in interitum ipso usu, secundum præcepta & doctrinas hominum.* Hunc locum præter ceteros vrget Kemnitius, atque in hunc modum ex illo argumentatur: Paulus, inquit, primum tractat de abrogatione discriminis legalis, quod verbo & mandato diuino sancitum erat: postea loquitur etiam de doctrinis, decretis & mandatis hominum constitutis, ne tetigeris, ne gustaueris, ne contrectaris. Hæc enim non posse de legali, seu Mosæico discrimine intelligi, inde patet: quia vocat præcepta & doctrinas hominum, cum Mosæicum discriminem verbo, & mandato diuino sit sancitum. Et argumentatur Paulus à maiori ad minus, Si mortui estis cum CHRISTO, ab elementis mundi huius, hoc est, si in CHRISTO à Levitico discrimine ciborum, quod mandato diuino sancitum erat, liberati estis: cur decretis iuxta doctrinas, & mandata hominum tenemini, ne gustaueris, &c.

RESPONDEO, loquitur Apostolus in toto isto loco de legalibus ceremoniis, nec possunt eius verba, nisi per summam impudentiam detorqueri ad leges Ecclesiæ de ciborum delectu. PRIMVM enim S. Hieronymus in epist. ad Algasia, quæst. 10. à quo non dissentiant S. Augustinus in epist. 59. ad Paulinum, quæst. 7. S. Ioannes Chrysostomus, & alii in cōmentario huius loci, disertis verbis docet, illud, *Ne tetigeris, neque contrectaueris*, significare, Ne tetigeris cadaver hominis mortui, neque sedem aut lectum mulieris menstruata: illud autem, *Ne gustaueris*, referendum esse ad carnem suillam, leporinam & alios cibos Levitica lege prohibitos. Quo etiam pertinet, id quod paulo antea Apostolus ait: *Nemo vos iudicet in cibo aut potu, aut parte diei festi, aut Neomenia, aut Sabbatorum, quæ sunt umbra futurorum.* Hæc enim omnia manifeste pertinent ad Mosæicam legem.

Ad id vero, quod obicit Kemnitius, hæc non decretis hominum, sed lege diuina sancita fuisse:

RESPONDIT iamdudum CHRYSOSTOMVS hom. 7. in epist. ad Colossenses: *Etiamsi, inquit, legem obicias, ea tamen ipsa iam deinceps humana doctrina est, elapso videlicet temporis sui præscripto.* Itaque lex ipsa diuina de discretione ciborum post abrogationem suam si rursus in usum reuocetur, vt tum à Pseudoapostolis & Hæreticis Simonianis, & aliis multis reuocabatur, iam non lex diuina, sed humana & commentitia traditio dici poterit.

DEINDE, si constaret, Apostolum non loqui de ceremoniis Leviticis, quod tamen vt ostendi non constat, sed contrarium potius constat: dici posset cum eodē Chrysostomo, Apostolum taxare dogmata Græcorum Philosophorum, de quibus paulo ante dixerat: *Videte ne quis vos decipiat per Philosophiam, & inanem fallaciam.* Consequens autem varios Philosophos varios cibos interdiceret, testatur S. Hieronymus in 2. lib. aduersus Iovinianum. Atque ab his Patriarchis hauserunt hæreses suas magna ex parte Simoniani, Ebionitæ, Menandriani, Saturniani & alii, qui tempore Apostolorum, vel cibos tanquam immundos, vel nuptias tanquam a Satana inuentas execrabantur.

Ceterum siue Iudaizantes, siue Philosophos, aut hæreticos Apostolus reprehendat, illud certum est, eum loqui de iis, qui cibos aliquos, vt immundos ita prohibebant, vt nunquam eos comedi vellent, qui-

A que res aliquas ita natura sua immundas esse iudicabant, vt ne tangi quidem sine contaminatione possent. Quæ omnia longissime absunt ab Ecclesiæ doctrina, quæ res omnes bonas & mundas à Deo conditas esse fatetur, & in cibis pro tempore prohibendis non immunditiam ciborum, sed immunditiam concupiscentiæ respicit.

DEINQUE, illud accedat, quod per doctrinam & præcepta hominum Scriptura sacra, tum hoc loco, ad Titum 1. tum Isaia 29. & Matth. 15. non intelligit constitutiones humanas quascunque, sed constitutiones humanas, quæ vel pugnant diuinis, vel certe non sunt eis conformes, nam alioqui constitutiones hominum, qui spiritu Dei aguntur, & secundum regulam fidei, & iuxta Scripturarum exempla & doctrinam aliquid præcipiunt, non tam hominum, quam Dei præcepta dici solent. Sic enim Dominus ait, Lucæ 10. *Qui vos audit, me audit.* Et Apostoli Act. 15. *Vsque est Spiritui sancto, & nobis.* Et Beatus Paulus 1. ad Corinth. 14. *Si quis videtur Prophetæ esse, aut spiritualis, cognoscat quæ scribo vobis, quia Domini sunt mandata.* Et primæ ad Theil. 4. de suis præceptis loquens. Itaque, inquit, qui hæc spernit, non hominem spernit, sed Deum, qui etiam deduxit Spiritum suum sanctum in nobis. Porro præcepta Ecclesiæ de ieiuniis, & delectu ciborum, dubium esse non potest, quin sint conformia Scripturarum doctrinæ & exemplis, cum Scriptura passim hortetur ad ieiunia, & exēpla plurima narret, Davidis, Danielis, Marдохæi, Ioannis Baptistæ, Esther, Iudith, Annæ matris Samuelis, & alterius filia Phannuel, & aliorum. Neque negari potest, quin sancti illi Patres, qui in Conciliis veteribus ieiunia, ciborumque delectum indixerunt, viri fuerint fide & spiritu Dei pleni.

QUINTVM argumentum sumunt ex verbis illis Apostoli 1. ad Timoth. 4. *In nouissimis diebus discedent quidam à fide, prohibentes nubere, & abstinere à cibis, quos Deus creauit, &c.* Et quoniam satis Kemnitius nouerat, Catholicos responsuros, Apostolum loqui de iis, qui cibos prohibent vt per se immundos, ideo sic locum hunc explicat, *Locus, inquit, Pauli non tam de illis, qui cibos crassa accusatione, quasi à Diabolo essent damnant, agit, quam de illis, qui ob hypocrisin, seu speciem, seu ostentationem externam sanctitatis habent, à quibusdam cibis abstinere.* Sicut & ad Colossenses 2. *Speciosa decreta de non gustando rejicit: fundamenta certe, quæ Paulus prohibitioni istius ciborum, de qua 1. Timoth. 4. loquitur, opponit, generalia sunt contra quasvis prohibitiones ciborum, quæ sunt prætextus sanctitatis, & cultus, ideo enim hypocrisin in textu nominat.*

RESPONDEO, damnat Apostolus hæreticos omnes, qui cibos, vt per se immundos prohibent, ac præsertim (vt sanctus Chrysostomus, Ambrosius, Theophylactus, & Oecumenius in cōmentario huius loci, & S. Hieronymus in libro secundo aduersus Iovinianum docet) Marcionistas, Encratistas, & Manichæos. Neque obstat illud, in nouissimis diebus, quasi loquatur Apostolus de iis, qui longe post Apostolica tempora futuri erant. Nam per dies nouissimos intelligit Apostolus totum tempus, quod est à Christi aduentu vsque ad finem mundi. Hoc enim tempus vocat etiam fines sæculorum, 1. Corinth. 10. cum ait. *Omnia contingebant illis in figuram, facta sunt autem ad correptionem nostram in quos fines sæculorum deuenerunt.* Et Apostolus Petrus Act. 2. exponit de suo tempore, quod Israel propheta futurum esse prædixerat in nouissimis diebus. Idem etiam Petrus in priore epistola cap. 1. dicit, Christum præcognitum quidē fuisse ante mundi constitutionem, manifestatum autem in nouissimis temporibus.

Denique Ioannes item Apostolus in epist. 2. c. 1. non semel repetit: *Filii non sumus huius mundi*. Manichæos autem, & Encratitas damnaſſe cibos quosdam, ut natura immundos, ostendimus supra cap. 4.

Sed possumus addere alia testimonia, ut impudentia Kemnitii clarius detegatur.

TERTULLIANVS in libro de ieiunio, cap. 15. *Prædamus, inquit, iam hæreticos, abstinentiam perpetuam præcepturos, ad destruenda & despicienda opera creatoris. Quales inueniam apud Marcionem, apud Tatianum, &c.*

S. HIERONYMVS, in secundo libro aduersus Iovinianum tractans hunc locum Apostoli; *Marcionem inquit, designat, & Tatianum, & ceteros hæreticos, qui abstinentiam indicunt perpetuam, ad destruenda & contemnenda, & abominanda opera creatoris.*

S. AVGVSTINVS in libro trigesimo contra Faustum, cap. 5. *Vos, inquit, ipsam creaturam negatis bonam, & immundam dicitis, quod carnes Diabolus operetur feculentiore materia mali, ac per hoc eas tanquam immundiores & truculentiores Dei vestri vincula exhorrentes abijcitis.*

Item libro contra Adimantum Manichæum, capite decimo quarto: *In nouissimis, inquit, temporibus futuros dicit quosdam, prohibentes nubere, abstinentes à cibis, quos Deus creauit. Hos enim (Manichæos) proprie designat, qui non propterea temperant à cibis talibus, ut aut concupiscentiam suam refrenent, aut infirmitatis alterius pareant: sed quia ipsas carnes immundas putant, & eorum creatorem Deum esse negant.*

THEODORETVS in cap. 4. prioris ad Timoth. *Excerabiles, inquit, nuptias, & plurimos cibos appellant, ut creatorem iniuria afficiant.*

Certe hi Patres manifeste docent ab Apostolo eos reprehendi, qui cibos quosdam prohibebant, in iniuriam creatoris, quia videlicet existimabant creatorem non esse Deum bonum, sed malum, & non tam Deum, quam diabolum, & ideo eius operibus uti nolebant. Falso igitur Kemnitius & sine villo teste dicit, Hæreticos, quos Apostolus damnat, non sensisse, cibos quosdam à diabolo esse.

At (inquit Kemnitius) dum Apostolus nominat hypocrisin, generaliter damnat omnes, qui prætextu sanctitatis, & cultus, cibos prohibent.

RESPONDEO, Callide Kemnitius confundit hypocrisin, & prætextum sanctitatis, & cultus, cum ipsa vera sanctitate & cultu. Facemur enim damnari ab Apostolo omnes hypocritas, qui prætextu sanctitatis, & cultus à cibis abstinendum esse docent, cum ipsi re vera neque sanctitatem, neque cultum veri Dei propositum habeant. Quales erant hæretici supra nominati Marcion, Tatianus, Manichæus, qui abstinere iubebant à cibis tanquam immundis, ut ipsi mundi, & puritatis amatores esse viderentur, cum tamen vitiosi & immundi essent, ut & Epiphanius & aliis Patribus constat.

At Ecclesia Catholica non ex hypocrisi, neque prætextu sanctitatis, sed propter veram sanctitatem, & cultum Deo præstandum, ieiunia, & ciborum delectum aliquando præscribit, cum aliqui omnes cibos natura sua mundos, & à bono Deo creatos esse, & cum gratiarum actione pro tempore, & loco percipi posse doceat. Quoniam autem aduersarii existimant, non posse sine superstitione cultum Dei in ieiuniis, & ciborum delectu constitui, ideo Kemnitius ad hypocrisin pertinere voluit abstinentiam à cibis cum opinione cultus. Sed hunc eorum errorem paulo infra refutabimus.

SEXTVM argumentum sumit Kemnitius ex Evangelio Matth. 9. Marc. 2. & Luc. 5. ubi Dominus interrogatus à discipulis Phariseorum & Ioannis Baptistæ, cur non indiceret discipulis suis statim ieiunia,

A quemadmodum Ioannes Baptista & Pharisei discipulis suis indixerant, respondit, filios nuptiarum non esse huiusmodi legibus ad ieiunia adigendos. Et rationem addit, vetustatem, siue disciplinæ legalis, ex qua Baptista aliquid retinuit: siue traditionum humanarum, unde Pharisei ieiunabant, non esse assumendam nouitati euangelicæ. Talem enim mixturam non prodelle, sed obesse. Ita enim & Hieronymus similitudinem de vestimento veteri & assummento nouo interpretatur. Hæc enim Kemnitius in 4. part. examinis pag. 548.

B RESPONDEO, Fallitur Kemnitius in TRIBVS. PRIMVM enim non ait Dominus, quod Kemnitius eum dixisse falso asseruit, non esse filios nuptiarum huiusmodi legibus ad ieiunia adigendos. Sed ait, non esse filios nuptiarum, dum cum illis sponsus versatur, cogendos ad ieiunia, cum tempus nuptiarum conuiuia potius, & modestam relaxationem quam ieiunia, & seueritatem penitentiae requirat. Cæterum futurum paulo post, ut sponsus ab Apostolis auferatur, & tunc eos ieiuniis operam daturus. Vbi debemus intelligere, discipulos Christi post ablatum sponsum, non solum ieiunaturos, sed etiam ex legis præscripto, certis diebus ieiunaturos. Nam si quæstio intelligitur de ieiunio ex legis præscripto, certe etiam responsio de ieiunio ex legis præscripto intelligi debet.

C Itaque sicut illa verba, *Cur discipuli tui non ieiunant*, exponuntur à Kemnitio de ieiunio legitimo: sic etiã illa verba, *Cum ablatus fuerit sponsus tunc ieiunabunt*, exponi debent de ieiunio legitimo, præsertim cum illa verba eiusdem sententiæ, *Non possunt filii nuptiarum ieiunare, quamdiu cum illis est sponsus*, exponat idem Kemnitius de ieiunio legitimo. Habemus igitur ex loco euangelico à Kemnitio contra legem ieiuniorum adducto, non euerti, sed stabiliri legem ieiuniorum.

D DEINDE fallitur Kemnitius in explicatione similitudinis de vestimento veteri & nouo; nam per vestimentum vetus intelligendum esse docet præceptum ieiunii, atque ita similitudinem illam exponit, quasi Dominus dixerit, non debere assummentum vetus adiungi vestimento nouo, hoc est, non debere leges ieiuniorum, quæ sunt propriæ Testamenti veteris, adiungi doctrinæ Euangelicæ Testamenti noui. At Christus non dixit, assummentum vetus non esse adiungendum vestimento nouo: sed contra, non esse assummentum nouum adiungendum vestimento veteri, ut perspicuum est tum ex verbis Matthæi, Marci & Lucæ, tum ex alia similitudine, in qua Dominus dicit, vinum nouum reponendum non esse in vtribus veteribus: & neminem qui bibit vinum vetus, statim velle nouum.

E Porro sancti Patres, Chrysostomus, Hieronymus, Beda, & alii, in Comment. ad c. 9. Matth. & Augustinus lib. 1. quæstionum Euangelicarum, cap. 18. & lib. 8. contra Faustum, cap. 2. per vestimentum vetus non intelligunt præceptum ieiunii, sed ipsos Apostolos, qui eo tempore adhuc veteres erant, id est, carnales & infirmi: per assummentum panni noui intelligunt præcepta euangelica, quorum vnum esse dicunt de ieiunio. Et sensum huius loci hunc esse volunt, non esse præcepta vitæ austerioris ut ieiuniorum, abstinentiæ à certis cibis, & similibus rerum iniungenda veteribus, & infirmis hominibus quales tunc erant Apostoli, & ceteri Christi discipuli, sed renouatis & fortibus, quales Apostoli futuri erant post aduentum Spiritus sancti: sicut pannus nouus non assuitur indumento veteri, nec vinum nouum in vtribus veteribus ponitur.

Itaque

Itaque SS. Patres contrario plane modo locum hunc euangelicum exposuerunt, ac fecerit Kemnitius, & praecepta ieiunii magis ad nouum Testamentum, quam ad vetus pertinere voluerunt.

Dices, si praecepta ieiuniorum non conueniunt hominibus veteribus, & si magis propria sunt Testamenti noui, quam veteris: quomodo discipuli Ioannis & Phariseorum, qui sine dubio veteres erant, ieiunabant frequenter?

RESPONDEO, praeceptum euangelicum ieiunandi proprie conuenit hominibus nouis: quoniam Dominus suos discipulos perfecte ieiunare volebat, id est, ex amore, non ex timore. Discipuli autem Ioannis & Phariseorum non ex amore, sed ex timore ieiunabant. Et fortasse Dominus cum similitudines illas adhibuit de vestimento veteri, & vtriusque veteribus, non solum significari voluit, discipulos suos nondum esse idoneos ad euangelica praecepta cum ea, qua par erat, perfectione seruanda: sed etiam oblique discipulos Ioannis, & Phariseorum voluit admonere, vt non nimium de suo ieiunio gloriarentur. Nam ipsos quoque esse vestimenta vetera, & vtres veteres: & ideo parum capaces doctrinae euangelicae, ac propterea non assequi mysterium Christi, & cur eo tempore discipuli eius minime ieiunarent. Et hoc modo conciliari possunt Patres supra citati cum aliis Patribus, qui per indumenta vetera & vtres veteres intelligunt Phariseos, per pannum nouum, & vinum nouum doctrinam euangelii. Vide Epiphanium haeresi quadragesima secunda, Hilarium & Hieronymum in capite 9. Matth.

TERTIO fallitur Kemnitius, dum pro sententia sua Sanctum Hieronymum profert. Sanctus enim Hieronymus attingit breuiter duas explicationes, quas paulo ante posuimus, quarum vtraque, sed maxime prima, Kemnitium apertissime iugulat. Sic igitur loquitur S. Hieronymus in Comment. ad ca. 9. Matth. *Nemo autem immittit, &c. Quod dicit, hoc est, Donec renatus quis fuerit, & veteri homine depositus, per passionem meam nouam hominem induerit: non potest seueriora ieiunij, & continentia seruare praecepta; ne per austeritatem nimiam, etiam credulitatem, quam nunc habere videtur, amittat.*

In his certe verbis praecepta ieiunii comparantur panno nouo, non veteri, & hominibus renouatis, non veteribus conuenire dicuntur: cum Kemnitius contra ieiunii praecepta panno veteri similia esse dixerit, & ad vetus Testamentum proprie pertinere voluerit.

Attingit deinde S. Hieronymus alteram expositionem his verbis: *Veteres vtres debemus intelligere Scribas & Phariseos: plagula vestimenti noui, & vinum nouum praecepta euangelica sentienda, quae non possunt sustinere Iudaei, ne maior scissura fiat.* Hic etiam per veterem pannum non legem ieiuniorum, vt Kemnitius cupiebat, sed Scribas & phariseos à S. Hieronymo exponi videmus. Ac de his haec tenus.

CAPVT IX.

Soluitur obiectio ex historia antiquitatis.

EX historia antiquitatis profert Kemnitius in 4. parte Examinis, pag. 589. locum vnum ex Irenaeo in epistola ad Victorem, quam refert Eusebius lib. 5. hist. cap. 24. quoniam enim Irenaeus scribit ad Victorem, non solum quaestionem esse de Pascha, sed etiam de ieiunio, ita colligit Kemnitius: Ergo

A de ieiunio Paschali, quod nunc Quadragesimale vocatur, voluerunt tunc quidam cum Romano Episcopo leges ferre, opinione necessitatis sub poena excommunicationis, quando quot diebus, quamdiu, & quomodo ieiunandum esset. Sed Irenaeus respondit, liberas, & dissimiles esse illas obseruationes ad quorum similitudinem Ecclesiae non sint adigendae, nec propter dissimilitudinem quasi in damnamdam.

B RESPONDEO, PRIMO, Kemnitius non recte colligit, qui cum Romano Episcopo legem de ieiunio ferre vellent. Id enim Irenaeus ne insinuat quidem. Quod vero narrat de ieiunio Paschali, eo pertinet, vt Victorem admonteat, tolerandam esse dissimilitudinem in celebratione Paschae, sicut tolerabatur dissimilitudo in obseruatione ieiunii.

DEINDE, non erat quaestio tempore Irenaei, an deberet lex aliqua esse ieiunii, aut paschae, vt Kemnitius fingit, sed an deberet eadem esse lex in Oriente & Occidente. Multa enim sunt in Ecclesia, quae ex praecepto, & lege seruantur, & tamen non est eadem lex in omnibus prouinciis.

C DENIQUE, non erat quaestio de substantia ieiunii, sed de quadam accidentaria qualitate, quae sub legem non erat necesse cadere. Nemo enim dubitabat, an ex lege ieiunium Paschae obseruandum esset, sicut etiam nemo ambigebat, vtrum ex lege Pascha celebrandum esset; sed controuersia erat, die ne lex praescriberet Pascha esse celebrandum, quo die Dominico tantum, an quocunque alio die, in quem Luna quarta decima incideret: & similiter quaestio erat, quale ieiunium Quadragesimae, lex praescriberet, vtrum videlicet semel in die cibis sumi deberet, an post biduum, vel triduum. Et quoniam reuera quaestio ista de forma ieiunii non necessario definienda erat, ita sentiebat Irenaeus, quaestionem de die Paschatis, non necessario definiri debuisse. Sed contra sensit Victor Pontifex, & eius sententiam postea Synodus Nicæna probauit. De qua re differimus in libro de Pontifice, & in libro de cultu sanctorum.

D Rursus profert Calvinus Duo loca in praefatione Institutionis, quae fusius tractat Kemnitius in 4. parte Examinis Concilii Tridentini. PRIOR locus est in hist. Eusebii, lib. 5. cap. 37. vbi refertur ex Apollonio primum fuisse Montanum, qui leges ieiunii imposuerit.

E RESPONDEO, Vox illa (primus) additio est Haereticorum. Nam nec habetur in textu Graeco Eusebii, nec in editionibus Latinis, excepta Basileensi. praeterea Tertullianus in libro de ieiunio, vbi Montanum acriter defendit, non dicit, accusatum fuisse Montanum, quod primus leges ieiuniorum imposuerit, sed quod novas leges addiderit. Et in eodem loco fatetur Tertullianus, ieiunium Paschale fuisse ex lege seruatum in Ecclesia ante tempora Montani. Quod est argumentum euident, non fuisse à Montano primum excogitatas leges ieiuniorum. Accedit etiam quod Sanctus Hieronymus in epistola ad Marcellam de erroribus Montani non reprehendit Montanum, quod primus leges ieiuniorum excogitauit, sed quod tres Quadragesimas obseruari voluerit. Et Theodoretus in lib. 3. de haeret. fabulis dicit, Montanum novas leges ieiunii tulisse praeter Ecclesiae consuetudinem.

Sed obiicit Kemnitius, Catholicos apud Tertullianum defendisse libertatem Christianam aduersus Montanum, ac pro haeresi habuisse novas leges de ieiuniis ferre; & interdicare aliquos cibos in

diebus ieiunii. Hunc enim sequitur, ut Ecclesia, quæ nunc leges ieiuniorum constituit, & certos cibos in diebus ieiuniorum prohibet, non sequatur vestigia veteris Ecclesiæ Catholicæ, sed potius hæresim, ac dogma Montani.

RESPONDEO, Tertullianus in eo libro eo modo Catholicorum doctrinam exponit, quo solent hoc tempore Lutherani, id est, calumnias & mendacia passim admiscendo. Itaque mirum est, cur Kemnitius malit doctrinam Ecclesiæ Catholicæ colligere ex Tertulliano hoste Catholicorum, quam ex Epiphanio, aliisque Patribus vere Catholicis. Nisi forte, quia ut ipse hæreticus est, ita mores hæreticorum diligit. Exempli causa, dicunt hoc tempore Catholici, Lutheranos non recte facere, quod uxores Monachis, Sacerdotibusque concedant; illi clamant, Catholicos nuptias prohibere.

Sic etiam dicebant Catholici olim, Montanistas non recte facere, quod adigerent præcepto omnes Christianos ad plures Quadragesimas: item quod tempore ieiunii cogerent omnes ad cibos tantum aridos sumendos. Item quod feria quarta & sexta iuberent omnes ieiunare usque ad vespeream. Denique quod ista præcepta tanquam diuina (id est) ab ipso Spiritu sancto edita iactarent. Tertullianus autem ut odiose ista proponat, dicit à Catholicis prohiberi leges ieiuniorum, prohiberi aridos cibos tempore ieiunii, prohiberi ieiunium usque ad vespeream, reprehendi ipsum Paracletum, & cætera. Constat autem hæc omnia esse calumnias atque mendacia. Sicut etiam quod Tertullianus disputat de utilitate ieiunii, satisfactione, ac merito, quasi Catholici ista negarent, calumniatur more suo. Nam alioqui pleni sunt libri sanctorum Patrum eiusmodi laudibus ieiuniorum.

Sed illud addendum est, Kemnitium ipso Tertulliano impudentiorem videri. quod enim Kemnitius pag. 607. colligit ex Tertulliano, Apostolos docuisse esse ieiunandum, sed non imposuisse iugum, quod ad tempus attinet, certorum, & in commune ex imperio obeundorum ieiuniorum. Et, interdictionem certorum eduliorum tempore ieiunii, Ecclesiam tunc tanquam hæresim damnassee nusquam in Tertulliano inueniuntur. Dicunt enim Catholici apud Tertullianum, Apostolos non imposuisse iugum ieiunandi, nisi eo tempore, quo oblatum est sponsus, sed eo tempore plane imposuisse iugum. Vocat autem tempus quo oblatum est sponsus, ipsam Quadragesimam, quæ ad passionem Domini commemorandam celebratur. Kemnitius autem omisit illam exceptionem, & simpliciter affirmat Apostolos docuisse ieiunium, sed non imposuisse iugum.

Sic etiam Tertullianus vocat ieiunium feræ quartæ & feræ sextæ quo utebantur Catholici, portionale ieiunium, aut semiieiunium: exponit Kemnitius, ita nuncupari illud ieiunium, quia sine ciborum delectu, & tantum usque ad nonam ieiunabant, & inde colligit, in diebus ieiuniorum Catholicos non habuisse ciborum delectum. At ipse Tertullianus portionale ieiunium explicat exceptionem ciborum: *Exceptio (inquit) quorundam eduliorum portionale ieiunium est.* Et ibidem affirmat, Catholicos in semiieiuniis feræ quartæ & sextæ, sæpe pane tantum & aqua vitare.

Summa igitur hæc sit. Catholici in Montano non leges ieiuniorum, vel ciborum delectum, vel opinionem meriti, & satisfactionis damnant: sed quod ipse priuatus homo, Ecclesiam ad suas leges obligare vellet, & leges plane indiscretas, & eas tamen

per summam impudentiam Spiritui sancto auctori tribueret.

Locus posterior est in historia Sozomeni, lib. 1. cap. 11. ubi Spiridion in Quadragesima carnes edendas hospiti suo apposuit. Hinc enim Calvinus & Kemnitius colligunt, delectum ciborum in Quadragesima non ita esse lege præceptum, ut in conscientia & coram Deo obliget, cum sit tam sanctus in ipsa Quadragesima carnes edere, & aliis edendas apponere non dubitauerit.

RESPONDEO, sanctus Episcopus Spiridion, carnes quidem hospiti suo apposuit in Quadragesima, & easdem ipse gustauit, sed cogente necessitate & charitate. Quod fieri posse nullus Catholicorum negat. Imo extat de hac re decretum Innocentii summi Pontificis cap. Concilium, de obseru. ieiunii.

Sed ut impudentia hæreticorum manifestius innotescat, pauca quædam ex illa historia referenda sunt. **P**RIMUM scribit Sozomenus, consuevisse Spiridionem plures dies sine cibo transmittere: & ideo cum aduenisset hospes quidam valde fellis ex itinere, nihil omnino habuisse, quod ei posset apponere, præter carnes salitas, quæ in longum tempus conseruari solent. Nam nec panem, nec aliquid aliud parauerat, cum sine omni cibo illo die ieiunaturus esset. Ex quo intelligimus, Spiridionem nunquam fuisse in Quadragesima hospiti carnes appositurum, si panem, vel aliquid aliud habuisset.

SECUNDO scribit, eundem Spiridionem non prius carnes apposuisse, quam à Deo veniam petiisset. Quorsum petitio ista venit, si lex de ciborum delectu in Quadragesima non obligat coram Deo?

TERTIO addit, hospitem recusasse alimoniam illam carnis, eo nomine quod Christianus esset. Igitur mirari non debent Lutherani, si dicimus, eos Christianos non esse, qui carnibus vescuntur in Quadragesima.

QUARTO denique adiungit, Spiridionem, ut hospiti scrupulum eximeret, atque ostenderet, in eiusmodi summa necessitate non esse illicitum carnibus vesci, dixisse, propterea illum carnibus vesci posse, quia Christianus esset, cum Christianis dictum sit: *Omnia munda mundis.*

Sed arripit Kemnitius hoc vltimum verbum, ac dicit, magnos viros qualis Spiridion erat, quamvis ipse quoque, opinione necessitatis interdum fascinantur, tamen ad fundamenta Scripturæ tandem respicere solitos fuisse, quibus superstitiosa illæ opiniones reprimuntur. At non huc pertinet locus Scripturæ à Spiridione citatus, ut superstitiosa indicanda sit Quadragesimæ observatio. Causa enim scripturæ citandæ illa fuit, ut hospes intelligeret, se reprehendi posse tanquam existimantem, carnes esse immundas, si urgente necessitate illis vesci recusaret. Nam cum necessitas excuset à lege, qui non vult in extrema necessitate carnibus vesci, indicat, se non ideo abstinere, quia lex prohibet, sed quia caro sit res per se immunda: quod est contra verbum Apostoli: *Omnia munda mundis.*

Quod autem Kemnitius dicit, iam tunc (Spiridionis videlicet tempore) cœpisse superstitiosam opinionem necessitatis, eaque magnos etiam viros fascinari solitos, pertinet ad solitam eius impudentiam. Cur enim non potius credidit se fascinari potuisse, quam sanctissimum illum senem? & cur observatio antiquissimæ Ecclesiæ superstitiosa potius dici debuit, quam contraria Lutheranorum nouitas temeraria atque hæretica?

Præter hæc duo loca profert Kemnitius alia quædam Augustini, Chrysostomi, Theodoret. Ex Augustino profert primo, epistol. 86. ad Casulanum, ubi sanctus Augustinus dicit, Apostolos non constituisse quibus diebus ieiunandum esset, aut non ieiunandum.

Respondeo, loquitur sanctus Augustinus de præceptis Apostolorum scriptis, non autem de traditis sine scripto. Deinde etiam si Apostoli nihil statuisent, num eorum successores nihil statuere potuerunt?

Secundo, profert librum tertium contra Faustum, cap. 15. ubi sic loquitur Augustinus: *Christiani non solum à carnibus, verum à quibusdam etiam terræ fructibus abstinent, vel semper sicut pauci, vel certis diebus, atque temporibus, sicut per Quadragesimam fere omnes, quanto magis quisque vel minus seu voluerit, seu potuerit.*

Respondeo, illud (*fere*) significat, non omnes in Quadragesima abstinere à carnibus, quia multi excusantur, vel ob ætatem, vel ob infirmitatē, ut paulo post dicemus. Quod autem sequitur, *Quanto magis quisque seu voluerit, seu potuerit*, nō refertur ad abstinētiā à carnibus, sed ad abstinētiā à fructibus. Sententia enim eius est, Christianos non solum à carnibus, sed etiam à fructibus abstinere, sed à pluribus, vel paucioribus fructibus prout voluerint, vel potuerint.

Ex Chrysostomo adducit potissimū locum vnum, ex homil. 10. in Genesim, ubi Chrysostomus hortatur eos, qui ob infirmitatem ieiunare non possunt, ut ad concionem vel pransi accedant.

Respondeo, hic locus, ut multa similia, perperam adducitur à Kemnitio. Non enim negamus, eos ieiunii lege non comprehendi, qui ieiunare non possunt.

Ex Theodoro producit Epitomen diuinorum decretorum, capite de abstinētia, ubi Theodoretus dicit, hæreticos lege sancire de cibis tanquam immundis reiiciendis: Ecclesiam autem nihil tale præcipere, sed omnes cibos permittere.

Respondeo, hic locus nihil ad rem facit, fate-mur enim, Ecclesiam nullum cibum prohibere tanquam immundum, sed omnes permittere, ut cum gratiarū actione pro loco & tempore percipiantur.

CAPVT X.

Quinam excipiantur à lege ieiunii.

Demonstrauimus ieiunia sub legem tum diuinam, tum etiam Ecclesiasticam cadere; sequitur ut videamus, num aliqui ab his legibus excipi debeant. Non desuerunt Hæretici, qui dicerent, viros perfectos non teneri legibus ieiuniorum, cum ipsi peccare non possint, ac per hoc nō egeant ieiunio, quod ad peccatum cauendum aut delendum institutum esse, non dubium est. Id enim sensisse quosdam, qui Begardi dicti sunt, testis est Ioannes de Turrecremata, lib. 4. Summæ de Ecclesia, parte 2. cap. 37. à qua sententia non abhorruisse Ioannem Cassianum, collatione 21. cap. 29. nonnulli existimant.

Cæterum, hæc sententia damnata est in Concilio Viennensi, vnde extat Clementina, Ad nostram, cit. de Hæreticis. Eandem prius etiam, quàm oriretur, damnauit sanctus Leo, sermone vndecimo, de Quadragesima, his verbis: *Adest maximum, sacratissimumque ieiunium, quod obseruantiam sui vniuersis fidelibus sine exceptione denunciat. Quia nemo tam sanctus*

A est, ut non sanctior, nemo tam deuotus, ut non debeas esse deuotior.

Eadem refellunt exempla sanctissimorum hominum, qui ieiunijs assidue operam dabant. Siquidem S. Ioannes Baptista, quo maior inter natos mulierum non surrexit, adeo ieiunium coluit, ut diceretur non comedere, neque bibere, Matth. 11. Apostolus Paulus, qui raptus fuit in Paradisum, & audiuit arcana verba, quæ non licet homini loqui, tamen inter alios suos labores numerat ieiunia multa, 1. Corinth. 11. & ieiunio se eguisse aduersus carnis rebellionem, testatur cum ait, 1. Corinth. 9. *Castigo corpus meum, & in seruitutem redigo.* Omitto Mardochæum, Daniele, Dauidem, Iudith, Hester, Annam, & alios innumerabiles tū viros, tum fœminas, qui & perfecti dici poterant, & tamē ieiunia studiole celebrabant.

Porro argumentum illud Hæreticorum, quo se à lege ieiunii excipiendos esse probabant, quia ieiunio non egerent, nec verum assumit, nec recte concludit. Verum non assumit, quoniam etiam viri perfecti in hac vita ieiunio egent, cum rebellionē carnis, velint nolite, experiri cogantur, & peccare possint, ac peccent. Perfectorum enim sunt illæ voces: *sentio aliam legem in membris meis, &c.* Rom. 7. Et: *In multis offendimus omnes,* Iacob. 2. Et: *Si dixerimus, quia peccatum non habemus, nos ipsos seducimus.* 1. Ioan. 2. Recte autem idem argumentum non concludit, quoniam lex non definit obligare ex eo, quod in vno vel altero non inueniatur finis legis, modo quod præcipitur, non sit contra finem legis, exempli causa: finis proximus legis ieiuniorum est edomatio carnis; remotus, est charitas, quæ finis est omnium præceptorum, 1. Timoth. 1. Si quis ieiunando salutem suam, ac per hoc charitatem læderet, is ieiunare non deberet, neque legis præuicator esset, quoniam lex obligare non potest contra charitatem, cum ad charitatem fouendam & conseruandam instituta sit. Si quis autem aliunde carnis rebellionē resistat, neque ieiunio ad hunc finem obtinendum indigeat, & tamen ieiunando salutem suam vel aliorum, id est, charitatem nullo modo lædat, is omnino tenetur communibus ieiuniorū legibus. Lex enim non respicit, quid vni, aut alteri, sed quid communitati, ac multitudini expediat.

Iam vero quod attinet ad Cassianum, longissime absuit ipse à Begardorum errore. Tria sunt autem præcipua, quæ docet in eo capite: Primum, affirmat homines iustos, ac perfectos, non subiaccere legi cogenti, cum ipsi non per Quadragesimam solum, sed etiam per totum annum sponte, alacriterque ieiunent. Deinde addit, eiusmodi perfectos viros, si causa ad sit relaxandi ieiunium indictum, tutius id posse facere, quàm cæteros, qui non seruant, nisi præscripta ieiunia. Quoniam ipsi certi sunt & apud se, & apud alios, se non causa intemperantiæ, sed solius charitatis relaxasse ieiunia. Addit tamen tertio, viros illos perfectos, qui per totum annum ieiunant, non teneri legibus ieiuniorum, quibus cæteri tenentur, cum ipsi plus offerant Deo, quàm his legibus præcipiatur.

Atque in hoc tertio non existimamus, sententiam eius esse sequendam. Tum, quia non oportet propter oblationem voluntariam, prætermittere necessariam; Tum, propter rationem, quam paulo ante tradidimus: quamuis enim non egeat illi ad carnem edomandam ieiunio paucorum dierum, qui per totos menses ieiunare solent: tamen lex communis est, & omnibus indicta: proinde eos quoque obligare non desinit.

His igitur omiſſis, qui à lege ieiunii non excipiuntur: Eccleſia ipſa Catholica non paucos liberat à lege communium ieiuniorum, Concilium Toletanũ VIII. cap. 9. dicit: iis permittendum eſſe, vt in Quadrageſima carnis vefcantur, quos aut ætas incuruat, aut languor extenuat, aut neceſſitas arctat. Sed Scholaſtici Theologi paulo aliter hæc tradunt. docent enim tria eſſe, quæ à legibus ieiuniorum excuſant, impotentiam, neceſſitatem, pietatem. Vel enim ex ieiunio læditur corpus, vel ſpiritus, vel ſubſtantia externa. Si corpus læditur, impedimentum excuſans à ieiunio, dicitur impotentia; ſi læditur ſpiritus, dicitur pietas; ſi læditur ſubſtantia externa, dicitur neceſſitas.

At propter impotentiam quidem excuſantur à lege ieiunii ſenes, & pueri, vt aliorum feſſa ſuſtinetur ætas, aliorum non frangatur incipiens, vt loquitur S. Hieronymus in epiſt. ad Euſtochium, de cuſtodia virginittis; Item ægroti, debiles, prægnantes, & alii, qui Medicorum iudicio, non ſine periculo ſalutis corporalis ieiunare queunt: denique pauperes, qui non habent vnde ſumant vnam integram refectionem, ſed nunc emendicant vnum panis fragmentum, paulo poſt aliud. Propter pietatem excuſantur Concionatores, Lectores, Cõfeſſarii, qui miniſtrant ægrotis, & alij, ſi forte non poſſint ſimul ieiunare, & pietatis officio ſatisfacere. Denique propter neceſſitatem excuſantur ij, qui ex officio laborioſis operibus dant operam, quæ vires corporis exhauriunt, vt Fabri murarii, Ferrarii, Lignarii, & ſimiles.

Cæterum de his ipſis, qui à ieiunii legibus excuſantur, multæ regulæ traduntur, quas non exiſtimamus huic noſtro operi inferendas; præſertim cum de his rebus copioſiſſime ſcribant tum Scholaſtici Theologi, in quart. ſent. tum etiam ii, qui ſummas caſuum conſcientiæ conſecrerunt.

Illud non eſt prætereundũ, ſemper in Eccleſia Orientali fuiſſe leges ieiunii ſeucriores, quàm in Occidentali. Scribit enim ſanctus Baſilius, in oratione ſecondæ de ieiunio, pueros quoque & viatores, & omnes omnino homines edictũ ieiunii ſuſcipere. Nec ſolum à carnis, & iis, quæ ex lacte conſciuntur, ſed etiam à vino & piſcibus in Quadrageſima Orientalis Eccleſiæ ieiunare ſolebant, vt ex eodẽ Baſilio, in orationibus de ieiunio, ex Chryſoſtomo in primis homiliis in Geneſim, ex Catecheſibus Cyrilli, & epiſtolis Paſchalibus Theophyli poteſt intelligi.

CAPVT XI.

De fructibus, & vtilitate Ieiunij.

Sequitur Quartum caput diſputationis, in quo de fructibus & vtilitate ieiunii diſſerendum eſſe diximus. Atque aduerſarii quidem noſtri Lutherani & Caluiſtiæ in magno errore verſantur, ſequuti Patriarcham ſuum Iouinianum. Nam quemadmodum Iouinianus docebat, nihil prodeſſe ad ſalutem ieiunia, delectumque ciborum, vt referunt ſanctus Hieronymus libro 2. in Iouinianum, & ſanctus Auguſtinus in lib. de hæreſi, cap. 82. Sic etiam Philippus in Confeſſ. Auguſtana, art. 26. Brentius in confeſſ. Vvittenbergenſi, in duobus capitibus de ieiunio. Caluius lib. 4. Inſtitut. cap. 12. Et Kemnitius in quarta parte exam. pag. 420. & ſequentibus, docent quidem ieiunium vtile eſſe ad carnis petulantiæ coercendam, ad orationis auxilium, ad ſignum humilitatis, & pœnitentiæ; tamen obſtinate contem-

Adunt, ieiunium nihil valere ad placandũ Deum, nihil ad ſatisfaciendum pro peccatis, nihil ad impetrandum auxilium, nihil ad cæleſte præmium promerendum.

Nos autem ieiunii fructus eſſe contendimus, tum eos, quos aduerſarii fatentur, tum etiam eos, quos negant: ac rectiſſime in Eccleſia cano exiſtimamus: *Qui corporali ieiunio vitia comprimit, mentem eleuat, virtutem largitur, & præmia.*

Primum igitur, ieiunium vtiliſſimum eſt ad carnẽ edomandam, & hoc nomine placet Deo, cui placet, vt carnem crucifigamus cum vitiis & concupiſcentiis eius. Quare de ieiunio potiſſimũ loquitur Apoſtolus, cum ait 2. Cor. 9. *Caſtigo corpus meum, & in ſeruitutem redigo.* Sic enim hunc locum interpretantur Chryſoſtomus & Theophylaſtus in Commentario, & ſanctus Ambroſius in epiſt. 8. 2. ad Eccleſiam Vercellenſem. Hanc vtilitatẽ ieiunii prædicant Patres, Cyprianus in ſerm. de ieiunio, & tentatione Chriſti. Baſilius in oratione prima de ieiunio. Chryſoſtom. hom. 2. in Geneſim. Hieronymus in epiſt. ad Euſtochium, de cuſtodia virginittis. Auguſtinus in lib. 10. Confeſſ. c. 31. & Eccleſia vniuerſa ad officium Horæ primæ canit ex hymno ſancti Ambroſii: *Carnis teras ſuperbiam potus, cibique paucitas.* Sed hanc vtilitatem (vt dixi) aduerſarii non negant.

Secundo, vtile ieiunium eſt ad animam diſponendam ad orationem, & rerum cœleſtium contemplationem. Sic Moſes quadraginta dierũ ieiunio animã præparauit, antequã ad Dei colloquium auderet accedere, Exo. 34. Sic Elias quadraginta dies ieiunat, vt Deũ in monte Horeb, ſub ſpecie auræ tenuis videre poſſet, 3. Reg. 16. Sic Daniel ieiunio hebdomadarũ trium præparatur ad revelationes Domini recipiendas, Daniel. 10. Sic Eccleſia Catholica in profeſtis magnarum celebritatũ ieiunia inſtituit, vt animi parationes ſint ad vacandum rebus diuinis, vt ſanctus Bernardus docet, ſerm. in vigilia ſancti Andreæ: *Ieiunium* (inquit Chriſo.) hom. 1. in Geneſ. *anima noſtra alimentum eſt, leues ei pennas producit, vt in ſublime ſeuatur, & ſumma contemplari queat.* Vide in eandem ſententiam Athanaſium in lib. de Virginitate, Ambroſium in libro de Helia, & ieiunio, cap. 3. & Baſilium oratione prima & ſecunda de ieiunio, qui ſimilitudinibus aptiſſimis hanc ieiunii vtilitatẽ explicat. Sed non eſt opus de hac re ſuſius diſſerere, cum hanc vtilitatem nullus ſit, qui neget.

Tertio, ieiunium vtile eſt ad Deum colendum. Eſt autem hoc loco obſeruandum, nos non dicere id, quod Kemnitius fingit nos dicere, in quarta parte exam. pagina 421. 490. & alibi, ieiunium per ſe ſumptum ſine relatione ad vllum bonum finem, ex opere operato eſſe cultum Dei, meritum, ſatisfactionem, &c. Nam ieiunium per ſe ſumptum, vt ſolam ſignificat abſtinentiam cibi & potus, ſcimus re eſſe mediam, non virtutem, aut vitium. Poteſt enim fieri, vt quis abſtineat à cibo & potu, quia cupit de vita decedere, vel quia non habet quod comedat, aut bibat; vel quia vitio ſtomachi, aut palati abhorret à cibo & potu. Loquimur igitur ſolum de abſtinentia, quæ ex electione aſſumitur ad bonum aliquẽ finem, ſic enim ieiunium non eſt res media, ſed actus virtutis.

Et quidem proprie ieiunium ad virtutem temperantiæ pertinet, atque actus eius elicitus eſt, vt ſcholæ loquuntur, cum verſetur circa delectationes cibi & potus moderandas; tamen ad alias etiam multas virtutes pertinere poterit, ſi ad fines earum ab ipſo ieiunante referatur. Qui enim ieiunat, vt melius oret, vel quia vouit Deo ieiunium, facit actum reli-

gionis. Qui ieiunat, ut hoc signo protestetur fidem Catholicam aduersus Lutheranos, facit actum fidei. Qui ieiunat, ut Ecclesie obediat, facit actum obedientie. Qui ieiunat, ut peccatum admissum puniat, facit actum iustitie punitiue, siue penitentie. Qui ieiunat, ut Christum ieiunantem imitetur, facit actum dilectionis.

Nemo autem nostrum somniauit vnquam, ieiunium esse cultum Dei, vel meritum, aut satisfactionem ex opere operato, ut Kemnitius nesciens quid loquatur, nobis adiagit. Opus enim operatum vocamus id, quod non pendet ex merito, virtute, vel deuotione operantis, sed ex sola Dei institutione: quo modo Baptismus vim habet ex opere operato, quoniam ex institutione Christi susipientem iustificat, etiam si forte Minister, qui baptismum prebet, sit peccator & inimicus Dei, & sine deuotione baptizet. Ieiunium autem ut sit meritum, vel satisfactorium, atque adeo cultus Dei, omnino pendet ex deuotione, & virtute ieiunantis, proinde non ex opere operato, sed ex opere operantis vim habet.

Porro, cum dicimus, ieiunium esse cultum Dei, non accipimus nomine cultus solum actum religionis proprie dictum, sed omnem actum, qui Deo placeat. Sic enim de cultu loquuntur aduersarij, cum ieiunium, preecipue voluntarium, cultum esse negant. His igitur premissis probamus, ieiunium cultum esse Dei: Primo ex Scripturis. Nam Luc. 2. dicitur, Anna vidua coluisse Deum ieiunijs, & orationibus *καὶ δαΐσμα καὶ ὁρῶντι*, ubi & ponitur nomen cultus, & distinguitur ieiunium ab oratione, ut intelligamus non solum orationem, sed etiam abstinenciam, propter Deum assumptam, esse cultum Dei. Nec ieiunabat sancta ista mulier quotidie ex mandato Dei, sed plane voluntarie; & tamen hoc ieiunio spontaneo vere Deum colebat.

Item Apostolus ad Romanos duodecimo, cum dicit: *Obsecro vos per misericordiam Dei, ut exhibeatis corpora vestra hostiam viuentem sanctam, Deo placentem, rationabile obsequium vestrum.* Loquitur de compressione carnalium concupiscentiarum, quæ sit potissimum per ieiunium, atque hanc compressionem & mortificationem hostiam vocat, *λογικὴ λατρεία*, id est, rationabilem cultum. Est igitur ieiunium, ut per ipsum concupiscentie reprimatur, cultus Deo gratus & acceptus. Concilium Nicænum I. Can. 5. Ieiunium Quadragesimæ, cultum appellat, cum ait: *Ut mundum, & solemne Deo ieiunium possit offerri.* Tertullianus in libro de resurrectione carnis: *Sacrificia, inquit, Deo grata dico ieiunia, seras & aridas escas.* Certe autem quod sacrificium est, etiam cultus est. Sanctus Leo in ser. 2. de ieiunio decimi mensis: *Pro consummata, inquit, perceptione omnium fructuum dignissime largitori coram Deo continentie libamen offertur.* Sanctus Gregorius homil. 16. scribit, nos per ieiunium Quadragesimæ offerre Deo quasi decimas & primitias vite nostræ. Quod etiam scribunt Ioannes Cassianus: Collat. 21. cap. 29. & alij. Denique ieiunium est satisfactorium & meritum, ut mox probabimus, igitur est cultus Dei, ut nunc de cultu verba facimus.

Quarto, Ieiunium est utile ad satisfaciendum Deo, vel ad eum placandum. Id primum ostendunt exempla Scripturarum. Nam 1. Reg. 7. ieiunantes filii Israel cum Samuele, Deum placarunt, & victoriam de hostibus retulerunt, 3. Reg. 21. Achab Rex impius cum Deum ad iracundiam prouocasset propter vineam Naboth, indutus cilicio ieiunauit & ambulauit demisso capite. Et eo facto, iram Domini, saltem ex parte, mitigauit. Sic etiam Niniuite Ionæ 3. indicto communi ieiunio Deum placarunt,

& re ipsa placarunt. Idem fecerunt Iudæi tempore Hester, & tempore Iudith, & placato Deo liberati sunt ab excidio imminente, Esther 4. & Iudith 4. denique Ioel cap. 2. hortatur peccatores, ut conuertantur ad Deum in ieiunio, & fletu, & planctu.

Item probatur ex Patribus, Tertullianus in libro de ieiunio: *Omnium, inquit, erga vitium macerationem hæc est ratio, quæ rursus interdicto cibo, & obseruato precepto primordiale iam delictum expiaretur; ut homo per eandem materiam causa Deo satisfaciat, per quam offenderat.* Et infra: *Sicut primū usus cibi perdidit, ita ieiunium Deo satisfaciat.*

S. Cyprianus in sermo. de lapsis, prope extremo: *Iram, inquit, & offensam eius, ieiunijs, fletibus, planctibus, sicut monet ipse, placemus.* Et infra: *Daniel, inquit, ieiunijs promereri Deum nititur, in sacco, & cinere volutatur, exomologosin faciens dolenter, & dicens, &c. Quo loco (promereri Deum) pro eo accipit, quod est Deum placare, eique satisfacere, ut ex toto sermone perspicuum est.*

S. Basilii oratione 1. de ieiunio: *In morbum, inquit, incidimus per peccatum, sanemur per penitentiam. sine ieiunio ociosa & infructifera est, per ieiunium satisfactio Deo.*

Kemnitius in 4. par. Examinis, pagina 493. notat hoc loco, vocem *ἀπολογία*, quam interpretes reddunt *satisfactio*, non significare satisfacere, vel defendere, aut excusare, sed reatum agnoscere, & culpam precari. At quis vnquam audiuit, *ἀπολογία* esse reatum agnoscere? nisi forte idem sit excusare & accusare; confiteri & negare. An hoc non est pro arbitrio vocabulorum significationes inuertere? Itaque *ἀπολογία* proprie significat defendere & excusare; & quia satisfactio pœnalis compensat delictum, & eo modo purgat & aufert, ideo ad eam significandam vtuntur sæpe auctores vocabulo excusandi, & contra vocabulo satisfaciendi ad excusationem significandam. Hoc autem loco certum est sententiam sancti Basilij esse, ut opponamus iræ Dei, tanquam clypeum pro peccato ieiunium, quod illud excusabit non negando, sed satisfaciendo & compensando.

S. Ambrosius in libro de Elia, & Ieiunio, cap. 3. *Ieiunium, inquit, culpa mors, excidium delictorum, remedium salutis.* Et cap. 4. dicit, ieiunio regi & ablui peccata. Et cap. 9. ipsum ieiunium sacrificium reconciliationis appellat.

S. Epiphanius in compendiarie doctrina, quæ est ad finem librorum aduersus hæreses; *Ieiunemus, inquit, non ut beneficium aliquod ei, qui pro nobis passus est, exhibeamus, sed ut Domini passionem, quam pro nobis ipse suscepit, ad salutem nostram consecramur, & ut pro peccatis nostris ieiunia nobis apud Deum supputentur.*

Hoc etiam loco Kemnitius admonet, deprauari hanc sententiam à Iesuitis; in Græco enim sic legi, *ὅπως καὶ τὸν ἡμῶν ἀμαρτιῶν αἰνέτην ἡμῶν ἐνλογώσιν θεῷ ἡμῶν*, hoc est, ut ipse verit, ut pro peccatis ieiunia nobis fiant grata & accepta Deo.

At nonne est omnino idem, ieiunia pro peccatis supputari, & ieiunia pro peccatis fieri grata & accepta Deo? Itaque ipse idem Kemnitius paulo post ab Epiphaniij sententia recedere se libere profiteretur.

S. Hieronymus in commentario ad caput 3. Ionæ, *Saccus, inquit, & ieiunium arma sunt penitentiae, auxilia peccatorum.* Et lib. 2. aduersus Iovinianum scribit, ipsam etiam Sodomam & Gomorram ieiunio Deum potuisse placare.

S. Ioannes Chrysostomus homil. 1. in Genesim: *Communis, inquit, nostris omnium Dominus, veluti pater*

filios indulgentem amans, cupiens ea, quæ unquam peccamus, non ablatere; hanc nobis, quæ per ieiunium fit, curatio- nem adinuenit.

S. Augustinus serm. 60. de tempore: Nemo, inquit, pro laude humana, sed pro peccatorum indulgentia ieiunet. At ne dicat Kemnitius, hunc sermonem fortasse non esse Augustini, idem auctor in serm. de utilitate ieiunij, quem ipse etiam Possidius nominatim S. Augustino tribuit: Responde, inquit, sententiæ, exercitio me plane, ut ille pareas, do de me penas, ut ille subuenias, ut placeam oculis eius.

S. Leo sermone quarto de Quadragesima: Magna, inquit, diuina institutionis salubritate promissum est, ut ad reparandam mentium puritatem, quadraginta nobis dierum exercitatio mederetur, in quibus aliorum temporum culpas, & pia opera redimerent, & ieiunia casta decoquerent. Idem serm. 4. de ieiunio septimi mensis, dicit, ieiunij sacrificio Deum placari. Ac similes sententiæ in sancto Leone passim leguntur.

Sanctus Bernardus serm. 66. in Cantica: Ego, inquit, interdum abstineo, sed abstinentia mea satisfactio est pro peccato, non superstitio pro impietate. Item serm. 4. de Quadragesima: Pro eo, inquit, quod ipsis quoque licitis abstinemus, ea nobis, quæ prius commissimus, illicita condonantur, &c.

Quinto, Ieiunium utile est ad merendum & impetrandum beneficia Dei temporalia, & sempiterna. Nam (ut in lib. 1. Regum, cap. 1. legimus) Anna vxor Helcanæ filium Samuel per ieiunium impetrauit. Anna (inquit sanctus Hieronymus libro secundo in Iouinianum) inanem cibo ventrem filio meruit implere. David quoque ieiunio se afflixit, ut periclitanti filio vitam impetraret, 1. Reg. 12. Sara item per ieiunium à dæmonio liberatur, Tob. 3. atque hoc forte est genus illud dæmoniorum, quod non eijcitur nisi per orationem & ieiunium, ut Dominus ait, Matth. 17.

Sed est insignis locus præter cæteros, pro merito ieiunij, Matth. 6. Tu autem cum ieiunas, unge caput tuum, & faciem tuam laua, ne videaris hominibus ieiunans. Et pater tuus, qui videt in abscondito reddet tibi. At quid quæso reddet, nisi mercedem? Opponit enim Dominus hoc ieiunium illi, de quo antea dixerat, Exterminant facies suas, ut pareant hominibus ieiunantes. Amen dico vobis, quia receperunt mercedem suam.

Calvinus in commentatio huius loci scribit mercedem accipiendam esse improprie, quoniam merces promittitur etiam orationi, & tamen quod oranti datur non est merces, sed donum. Addit non esse eandem rationem orationis & ieiunij, quoniam oratio est cultus Dei, cum non sit opus à Deo præceptum, ieiunium non est cultus, cum non sit præceptum, sed res media & indifferens. Ex quo sequitur, ut orationi per se reddatur merces, ieiunio autem non per se, sed ut orationi deferuit.

At fallitur Calvinus, nam tamen orationi, ut oratio est, respondeat potius donum, quam merces, tamen orationi, ut est opus bonum, & ex charitate perfectum, omnino debetur merces. Et hoc modo tum ipsi orationi, tum ieiunio mercedem respondere Saluator affirmat. Falsum est autem, ieiunium esse rem mediam, si sumatur (ut à nobis sumitur) pro abstinentia ex electione assumpta ad bonum aliquem finem. Sic enim non est res media, sed actus virtutis, & res à Deo præcepta, & illi gratissima, non solum ut orationi deferuit, sed etiam per se, ut actus operantiz, vel alterius cuiuscunque virtutis.

His testimoniis & exemplis Scripturæ subici possunt testimonia, atque exempla Patrum. Sanctus Ioannes Apostolus, teste Clemente Alexandrino, apud Eusebium lib. 3. historiarum, capite 17.

A crebra duxit ieiunia, ut gratiam Dei cuidam iuueni impetraret. Idem etiam Ioannes scripturus Evangelium indixit solenne ieiunium, ut gratiam recte scribendi accipere mereretur, ut sanctus Hieronymus tradit præfatione commentariorum in Matthæum, & eum sequutus Venerabilis Beda in primum caput Ioannis.

Tertullianus in libro de ieiunio, Etiam, inquit, sacramentorum agnitionem ieiunia de Deo merentur.

Sanctus Ambrosius in epi. 82. ad Ecclesiam Vercellensem: Qui sunt, inquit, hi præceptores noni, qui merum excludunt ieiunium?

Sanctus Gregorius Nazianzenus, oratione de laudibus Cypriani, explicans quibus armis sancta quædam Virgo diabolum à se repulerit: Ieiunij, inquit, & humi cubationis pharmacum obiecit.

Sanctus Athanasius in libro de virginitate, non procul ab initio: Vides, inquit, quid faciat ieiunium? morbos sanat, distillationes exsiccat, demones fugat, prauas cogitationes expellit, cor mundum efficit, &c. Et infra: Quisquis, inquit, ab immundo spiritu vexatur, certum habere debet, hoc pharmaco, ieiunio (inquam) statim spiritus malos afflictos abscedere, vim ieiunij metuentes.

Sanctus Basilus oratione prima de ieiunio: Ieiunium, inquit, ad venturi sæculi mala fugienda & assequenda bona utile est, &c.

Sanctus Ioannes Chrysostomus sermone primo de ieiunio: Ieiuna, inquit, quia peccasti: ieiuna ut non pecces: ieiuna, ut accipias: ieiuna, ut permancant quæ accepisti.

Sanctus Hieronymus in secundo libro aduersus Iouinianum, ex proposito disputat, meritum esse ieiunium.

Sanctus Augustinus ser. 62. Ieiunium, inquit, remedium est, aut præmium. Hoc est, aut indulgentiam peccatorum, aut præmium regni celestis acquirit.

Auctor libri de Ecclesiasticis dogmatibus, qui habetur in 4. tomo S. Augustini, sic loquitur cap. 68. Pro amore castigandi corporis abstinentibus à vino, vel carnibus, nihil credere meritis accrescere, non hoc Christiani, sed Iouiniani est.

S. Leo ser. 1. de Ieiunio septimi mensis: Ut per humilitatem, inquit, ieiunij contra omnes hostes nostros diuinum mereamur auxilium.

Ad aliqua testimonia Patrum, quæ in toto præfati capite citauimus, respondere nititur kemnitius in 4. part. Examinis, pag. 490. & sequentibus.

Primo dicit, Patres sæpe rhetoricari solitos: nam existimant, ut ipse ait, se huiusmodi rhetoricis exaggerationibus efficacius posse homines ad suscipienda & exercenda ieiunia permouere. Sicut Chrysostomus fatetur in lib. de compunct. cordis, quædam cohortatorie magis, quam vere dici.

Secundo addit, posse Patrum sententias ad analogiam fidei explicari, si dicamus, eos tribuere ieiunio tanquam causæ remotæ id, quod conuenit orationi, vel pœnitentiæ, quibus ieiunia seruire debent.

Tertio, obiecit aliqua loca Patrum, ubi legimus ieiunium à cibis nihil prodesse, nisi ieiunetur à vitiis. Ac dicit, in his locis se Patres explicasse.

Quarto, cum videret non satis commode verba Patrum ita exponi, fatetur eos errare: Negari, inquit, non potest, Patres in rhetoricis illis ieiunij encomijs sæpe longius prouectos, ab analogia fidei, & norma Scripturæ non parum discessisse. Et infra: Quando contra hanc fidei analogiam Pontificij talia veterum dicta videntur, cogimur salua reuerentia, quæ tam magnis viris debetur, illa rejicere, ut fundamentum salutis saluum retineamus. Et in-

fra: Quando

fra: Quando Pontificum sales veterum excessus ad palliandos A
& stabiliendas supersticiosas de ieiunijs opiniones produunt,
cogimur contri adicere, & à Patrum exorbitantibus vestigijs
aliquantisper discedere, ut iuxta canonem Scripturæ recte pe-
de ad veritatem Evangelij ambulare possimus.

Sed hæc omnia facile refelluntur. Nam quod at-
tinet ad primum, si Kemnitius vnum, aut alterum
Patrem rhetorica amplificatione vsum esse diceret,
nō videretur omnino sine ratione loqui: at quis cre-
dat, nullum fuisse ex tanto numero Patrum, qui non
extulerit supra veritatem ieiunii laudes? Adde quod
multa testimonia adduximus non excerpta ex ser-
monibus, sed ex libris dogmaticis, vel commenta-
rijs Scripturarum, in quibus locum non habent rhe-
toricæ amplificationes. Quod autem Kemnitius
Chrysostomū citat ex libro de compunctione cor-
dis, plane contra se citat. Chrysostomus enim eo lo-
co non laudat, sed reprehendit eos, qui ad homines
terrendos aliqua cohortatorie, non vere dicta exi-
stimant.

Quod attinet ad secundum. Non possunt testi-
monia Patrum ita exponi, ut solum velint ieiunium
seruire orationi & pœnitentiæ, præsertim si dicatur,
ieiunium signum esse pœnitentiæ, non autem par-
tem, siue opus, & fructum pœnitentiæ. Patres enim
omnia distincte docent, nimirum ieiunio iuari ora-
tionem, & præterea placari Deum, impetrari benefi-
cia, satisfieri pro peccatis, &c.

Porro, non facit ad rem, quod assertur tertio
loco. Fatemur enim parum prodesse ieiunia à cibis,
si non abstinence à vitijs, sed ideo ieiunia utilissima
esse dicimus, quia iuvant, ut purgemur à vitijs, & ut
in vitia non labamur. Proinde non pugnant senten-
tiæ Patrum inter se; neque vna sententia impedit,
quo minus aliz sunt veræ, etiam si proprie & sine
tropo accipiantur.

Quod vero quarto loco, Kemnitius dicit, id pla-
ne satis est ad ipsius & eius similibus nouatorum te-
meritatem coarguendam. Quis enim sibi persua-
dere possit, tot sanctissimos & doctissimos Patres
minus recte canonem sacræ Scripturæ intellexisse,
& fundamentum fidei & salutis tenuisse, quam pau-
cos nouatores, magis Grammaticos quàm Theolo-
gos? Quis non magis credat Kemnitium exorbitasse,
& à norma, atque analogia fidei recessisse, quàm
Basilium, Chrysostomum, Ambrosium, Hierony-
mum & alios, quos citauimus, quibus iniuriam fa-
cimus, si cum eis nouatores istos vlla ex parte com-
paremus?

CAPVT XII.

Soluantur obiectiones.

Sed videamus quæ ipsi argumenta habeant, ut
proberent, ieiunium non esse cultum, nec satisfac-
torium, vel meritorium.

Primum obiecit Brentius, testimonium Isaie,
capite quinquagesimo octauo: *Nunquid tale est iei-
unium, quod elegi, per diem affligere hominem animam suam,*
&c. Nonne hoc est magis ieiunium, quod elegi? Dissolue collig-
ationes impietatis, &c. Addit Kemnitius testimonium
Hieremiz, capite decimoquarto: *Populus hic diligit
vacillare pedibus, & nō abstinere, vel cohibere se. Ideo Domino
non est complacitum in illis. Est igitur ieiunium, non exaudiri.*
Idem testimonium Zachariæ, capite septimo: *Cum
ieiunaueritis, & plangeretis, nunquid ieiunium ieiunasti mihi?*
His testimonijs, aliisque similibus probari existi-
mant, ieiunium non esse cultum Dei.

Respondeo, Ex allatis testimonijs non solum
non colligitur, ieiunium non esse cultum Dei, sed
colligitur omnino contrarium. Nam cum Domi-
nus dicat, non placere sibi ieiunium eorum, qui
non student mores emendare, satis aperte indicat,
illud ieiunium sibi placere, ac per hoc esse cultum,
quod est coniunctum cum iustitia & pietate. Itaque
cum dicitur: *Nunquid hoc est ieiunium, quod elegi, affli-
gere hominem per diem animam suam,* Subintelligendum
est, solum, ut monet sanctus Hieronymus in com-
mentario, ut sensus sit, non placere Deo ieiunium,
in quo solum affligitur anima, sed illud, in quo cum
afflictione animæ coniuncta est emendatio morum.
Placere enim Deo, ut homines ieiunando affligant
animam, perspicuum est ex cap. 16. & 23. Leuitici,
& cap. 29. Numer. vbi Deus inducit ieiunium septi-
mi mensis, & non solum dicit: *Affligere animas ve-
stras,* sed etiam addit, *si quis ea die afflictus non fuerit, pe-
ribit anima eius de populo suo.*

Secundo, obiecit Calvinus illud Ioelis 1. *Scindite
corda vestra & non vestimenta vestra.* Id est, non car-
nis afflictione, sed cordis contritione conuertimini
ad Deum.

Respondeo, Per scissionem vestium non signi-
ficatur ieiunium, aut alia corporalis afflictio, sed
signum plane externum doloris, & pœnitentiæ. Iei-
unium enim coniungitur ab eodem Propheta cum
ipsa conuersione & contritione cordis ut fructus
eius: *Conuertimini ad me in toto corde vestro in ieiunio, &
fletu, & planctu.* Deinde non prohibetur scissio ve-
stium, quicquid tandem illa significet, nisi quando
non ei respondet cordis contritio. Itaque sensus
est, Nolite scindere solum vestimenta, sed etiam
corda. Scissionem enim vestium in signum detesta-
tionis ac doloris, non displicuisse Deo, vel ex eo po-
test intelligi, quod etiam post Christi aduentum
Apostoli hac cerimonia vsi fuisse inueniuntur, Act.
14.

Tertio, obiecit Philippus verba illa Beati Pau-
li, 1. ad Timoth. 4. *Exerce te ad pietatem. Corporalis
enim exercitatio ad modicum valet: pietas autem ad omnia.*
Vbi nomine corporalis exercitationis intelligitur
ieiunium, ut Ambrosius in commentario exponit.

Quare cum opponatur ieiunium pietati, quæ pro-
prie ad cultum Dei pertinet, sequitur, ut ieiunium
proprie non sit cultus.

Respondeo, Dux sunt huius loci explicatio-
nes. Vna est commentarii, qui tribuitur Ambrosio,
quæ quidem per corporalem exercitationem iei-
unium intelligit, sed per pietatem non intelligit cul-
tum Dei proprie dictum, sed misericordiam in pau-
peres. Vult autem hic commentarius, ieiunium ad
modicum vtile esse, nisi cum misericordia & ele-
mosynis coniungatur. Quod idem docet Chryso-
stomus hom. 78. in Matth. vbi dicit, ieiunium sine
eleemosynis nihil valere. Quod intelligendum est, si
eleemosynæ faciendæ præceptum occurrat, & is qui
ieiunat, tam sit auarus, ut nolit eleemosynam facere
etiam de eo, quod sibi superest, & quod alias con-
sumpserit, nisi ieiunare institueret. Alioqui enim iei-
unium cum eleemosyna coniungere non est neces-
sarium, quāuis sit vtilissimum. Quare sanctus Am-
brosius ser. 33. Sanctus Augustinus ser. 56. & San-
ctus Leo sermone secundo de ieiunio decimi men-
sis, non iubent, sed hortantur, ut vnusquisque tem-
pore ieiunij, prandium quod sibi ipse subtrahit,
pauperibus eroget.

Alterā expositio verior, & plane ad mentem
Apostoli, est Chrysostomi, Theodoreti, Theophy-
lacti, Oecumenij & aliorum, qui per corporalem

CAPVT XIII.

Soluuntur obiectiones ex Patribus.

EX Patribus & historia antiquitatis multa colligit argumenta Kemnitius, contra meritum ieiunij: sed magna ex parte tam sunt inepta, & leuia, & mendacijs vndique aspersa, vt pigeat in ijs referendis vel refellendis tempus terere. Pauca quædam attingam, quæ grauiora vix sunt.

Primum igitur ex Ignatio duo loca producit. Primus est in epistola ad Heronem, vbi sic loquitur Ignatius; *Ieiunij & orationibus vacato, sed non immodice, ne te ipsum distingas, à vino & carnibus non penitus abstineas: neque enim abominabilia sunt.* Et infra: *Quicumque dicit aliquid contra ea, quæ mandata sunt, etiamsi fide dignus sit, etiamsi ieiunet, etiamsi propheta, etiamsi signa faciat, lupus tibi habeatur sub ouis pelle, unum exitum machinans.*

Alter locus est in epistola ad Philippenses: *Si quis in reliquis recte sentiat, ex cibis autem quosdā vocet abominabiles, ille inhabitatorem habet draconem Apostatam.*

Ex his locis Kemnitius ita colligit: *Fuerunt igitur, inquit, Ignatij tempore circa annum C. X. qui à cibis quibusdam, maxime à carne & vino sub specie religionis abstinerunt, & immodicis ieiunijs corpora laeserunt, &c.* Quibus verbis Cartusienfes, aliosque Catholicos Monachos reprehendit, qui carnibus nunquam vescuntur.

Sed facilis responsio. Nam Ignatij doctrina sanctissima est, & ab omnibus Catholicis libenter admittitur. Non enim sanctus Ignatius illos reprehendit, qui propter continentie virtutem semper à vino & carnibus abstinent, sed eos, qui id faciunt, quod vinum & carnes res immundas esse arbitrentur, quales fuisse ipso Ignatij tempore Ebionitas, ex Epiphanio conitat.

Id autem ita esse, probatur primo, quoniam alioqui sanctum Iacobum Apostolum Ignatius reprehendisset, qui teste Egelippo apud Eusebium, libro secundo historiarum, capite vigesimo secundo, à carnibus & vino perpetuo abstinebat. Quod idem commune fuit omnibus illis sanctis Anachoretis, Antonio, Hilarioni, Machario, Simeoni Stilicæ, & alijs, quorum laudes Athanasius, Hieronymus, Palladius, Theodoretus, & alij veteres conscripserunt.

Præterea, sanctus Ignatius cum dicit, non esse à vino & carnibus abstinentum, quia non sunt abominabilia, aperte docet, tunc esse malum à vino & carnibus abstinerere, cum aliquis propterea illis abstinet, quod abominabilia esse credat.

Denique, sicut reprehendit Ignatius prohibentes cibos, sic reprehendit prohibentes nuptias, sic enim loquitur in epistola ad Philadelphienfes, in ipso loco, quem citat Kemnitius: *Si quis in reliquis recte sentiat, sed legitimam commixtionem, & liberorum procreationem corruptelam & pollutionem appellet, aut cibos quosdam abominabiles vocet, talis Apostatam Draconem, inhabitantem habet.* Nam Ignatii tempore sicut Ebion carnes immundas, sic Saturninus nuptias à Diabolo esse dicebat.

De nuptiis autem non detestandis, ita sanctus Ignatius loquitur, vt perpetuam virginitatem etiam laudet & nuptiis anteponat. Sic enim scribit in eadem epistola ad Philadelphienfes: *Virgines Christi in puritate, non abominantes nuptias, sed id quod præstantius est amplectentes, &c.* Et in epistola ad Philippenses: *Si quis, inquit, caste, si quis continenter vivit, non extollatur, ne perdat mercedem.*

A Sic igitur Ignatius cibos omnes mundos esse docet, nullum vitandum, quasi immundum, non tamen prohibet, quo minus quis continentie gratia semper ieiunet, aut semper à vino & carnibus abstineat, nisi forte certa de causa alicui magis expediat, aliquando saltem vinum & carnes degustare. Sic enim Apostolus Timotheum admonet, vt propter stomachi sui debilitatem non semper aquam bibat, sed modicum vinum illi adiungat, & noster Ignatius Heroni præcipit, vt non omnino vini potum & carnum cibum respuat. Cum enim tunc primū exorta esset hæresis, quæ prætextu religionis vinum, & carnes detestari docebat, vtile erat multis, vt Hero, qui persona erat publica hæresim illam exemplo suo refelleret. Nec tamen inde sequitur, vt non debuerit Hero in Quadragesima, aliisque ieiunii diebus à carnibus abstinere.

B Secundo loco profert Kemnitius historiam Alcibiadis, quam etiam attingit Philippus in Locis, titulo de Scandalo. Summa historie hæc est, vt eam refert Eusebius libro quinto, capite tertio. Alcibiades quidam assueuerat vitæ admodum austere, vt nihil præter panem & aquam in cibum & potum sumeret. Is propter Christi fidem in carcerem coniectus, vbi simul aderant Attalus, Marurus, Blandina & alij Confessores, in ipso etiam carcere nihil omnino præter panem & aquam gustare volebat. Interim Attalo diuinitus indicatur, non recte agere Alcibiadem, quod creaturis Dei non vteretur, & inde scandalum in mentibus aliorum gigneret, quare Alcibiades à fratribus admonitus, omnibus cibis promiscue vti cœpit. Hanc historiam ita Philippus & Kemnitius interpretantur, quasi Alcibiades à cibis abstineret opinione cultus & vitæ perfectioris. Et hoc ipsum Attalo diuinitus reuelatum fuerit, Alcibiades abstinentiam ideo non placere Deo, & scandalum in alijs gignere, quod ipse censeret discrimen ciborum esse cultum Dei præstantiorem.

C Sed nullo negotio res expediri potest. Nam in tota illa historia nulla fit mentio cultus præstantioris, sed simplicitate narratur, ex diuina reuelatione cognitum fuisse Alcibiadem non recte facere, quod creaturis Dei non vteretur, deque ea re cæteros fratres non leue scandalum pati. Ex qua narratione colligitur satis probabiliter, suspicatos esse fratres, qui cum Alcibiade in carcere erant, illum hæresi damnantium cibos, vt immundos infectum fuisse. Habuerunt autem occasionem huius suspicionis, ex eo, quod cum prudentia Christiana doceret, homines in carcerem coniectos, & fere quotidie variis tormentis vexatos ac debilitatos, indigere aliqua refectioe maiori, & ea non deesset, ipse tamen in sua illa seuerissima abstinentia perseverare veller. Scribit enim Tertullianus in libro ad Martyres, solitos fuisse Christianos, summa diligentia & charitate ministrare cibos, etiam delicatos, confessoribus in carcere constitutis. Hoc igitur est, quod socios Alcibiadis offendeat, quod eum viderent refectioe indigere, & eam tamen respuere. Inde enim suspicabantur, eum aliquo errore circa ciborum mundiciem laborare.

D At (inquit Kemnitius) *Alcibiades post admonitionem illam non cepit illa opinione à cibis abstinere, sed absque delectu cibis omnibus vti.* Non igitur in eo solum errabat quod abstinebat, quasi ab immundis. Respondeo, Possit obiectio in aduersarium retorqueri: quoniam si Alcibiades reprehensus fuisset, quod abstineret propter opinionem cultus præstantioris, potuisset mutare opinionem, & ea mutata in abstinentia sua

perseuerare. Cæterum vera responsio est, nō potuisse Alcibiadem se ab erroris suspitione purgare, nisi edendo promiscue cibos, quibus alij vesciebantur, tum quia fratres, qui scandala passi fuerant, non poterant certiores reddi de opinione illius interna, nisi per actionem externam, tum etiam quia prudentia atque discretio (ut diximus) eo tempore postulabat, ut rigorem illum abstinentiæ relaxaret.

Omitto lapsum Philippi, qui scribit Attalum & Blandinam coniuges fuisse, cuius contrarium ex ipsa historia manifeste colligitur. Blandina enim ancilla erat & virgo; Attalus vir nobilissimus & cuius Romanus. Omitto item multa, quæ ex capite suo Kemnitius comminiscitur, quod fratres ex loco Apostoli, 1. ad Timoth. 4. opinionem Alcibiadis refutauerint, & alia quæ ex ipso loco Eusebij inspecto & per se eua nescunt.

Tertio, profert Kemnitius historiam hæresis Tatiani, ut probeat, sententiam nostram de merito ieiunii natam esse ex errore Tatiani. Sed hoc supra refutatum est. Constat enim ex communi Patrum consensu, Tatianum prohibuisse cibos aliquos, propterea quod immundos natura sua esse censeret, & ideo nunquam eos gustari voluisse. Quod longissime abest ab Ecclesiæ doctrina.

Quarto, producit librum Tertulliani de ieiunio, in quo Tertullianus Montanum Hæresiarcham defendens, dicit, ieiunium ac delectum ciborum esse utilem ad merendum, ad satisfaciendum, ad placandum Deū. Et contra obijcit sibi Catholicorum refutationem, qui proferebāt Scripturas Isaïæ: *Non est ieiunium quod elegi*, & Euangelii: *Quod intrat in os non inquinat hominem*, & Apostoli: *Escā nos non commendat Deo*. Ex quibus colligit Kemnitius, sententiam nostram de merito ieiunii consentaneam esse doctrinæ Tertulliani, & Montani Hæresiarchæ, & alienam à doctrina veteris Ecclesiæ, quæ Tertullianum Montanumque damnauit.

Respondeo, iam supra diximus: Tertullianum non bona fide recitare doctrinā Catholicorum. Catholici enim non reprehendebant Montanistas, quod ieiunia, & ciborum delectum ad meritum, & satisfactionem valere existimaret, sed quod ita superstitione Xirophagias vrgerent, ut viderentur summam religionis in eo ponere, sed nihil nisi crudū & aridum comederent. Hæc enim sunt verba Tertulliani: *Arguant, inquit, nos, quod Xirophagias observamus, sicantes cibum ab omni carne, & omni virulentia, & viciis quibusque pomis: ne quid vino sitatis, vel edamus, vel potemus*. Hæc certe superstitionem diligentiam demonstrant, & ideo Catholici non sine causa Scripturas allegabant; *Non est hoc ieiunium quod elegi. Quod intrat in os non inquinat hominem. Escā nos non commendat Deo*. Alioqui fuisse in Ecclesia Catholica vsum ieiunandi in pane & aqua, fatetur in eodem lib. Tertullianus, & ieiunium, atque abstinentiā à certis cibis meritoriam esse, patres omnes docet.

Quinto, profert Kemnitius historiam hæresis Eustathii. *Eustathius enim* (inquit Kemnitius) *à carnium esu abstinendum docuit, non quod eum Manichæus eas immundas & abominandas indicaret, sed propter exercitationem cultus diuini*. Id quod probat ex Sozomeno li. 3. cap. 11. qui scribit, ipsum Eustathium in Concilio Gangrensi se declarasse, *in auditibus vestris, illud tamen* *id est, non contumaciæ gratia, sed cultus erga Deum abstinentiā illam instituisse*, Concilium autem Gangrense nihilominus Eustathii sententiam damnauit; igitur damnauit ieiunia & abstinentiā, quæ suscipitur cum opinione cultus & meriti apud Deū. Colligit etiam ex hoc loco Kem-

nitius, nondum fuisse illo tempore in Ecclesia prohibitionem carniū in diebus ieiuniorum, sed tentatam quidem fuisse ab Eustathio, sed ab Ecclesiæ continuo repressam.

Respondeo, Eustathii hæresim non possumus melius cognoscere, quā ex Gangrensi Concilio; quo illo ipso tempore celebratum est. Sic igitur loquitur Concilium in ipsa præfatione. *Declaratum, inquit, est hos* (nimirum Eustathianos) *nuptias accusare & docere, quod nullus in coniugali positus gradu spem habeat apud Deum*. Et infra. *Ieiunia, quæ in Ecclesia prædicantur contemnenda asseruisse*. Nonnullos eorum etiam cibos carniū tanquam illicitos reputasse. Deinde in canonibus, canone primo. *Si quis vituperat nuptias, &c. Anathema sit*. Et canone secundo: *Si quis carnem edentem præter sanguinem, & idolum immolatum & suffocatum, cum religione & fide, condemnat, velus spem propter huiusmodi perceptionem non habentem, anathema sit*.

Ex his manifeste colligitur ab Eustathio, eiusque discipulis nuptias, & carnis esum absolute fuisse damnata, ita ut saluum esse non posse crederent, qui nuptias contraheret, aut carnes vilo tempore degustaret. Quæ est ipsa hæresis Manichæi, quoad substantiam, quamvis fortasse non ex eodem fundamento Manichæus & Eustathius hanc hæresim fabricauerint.

Manifestum quoque est, Eustathium à Concilio damnatum, non quod à nuptiis, vel carnis esu propter cultum Dei perfectiorem, abstinendum esse diceret, sed quod absolute nuptias, carnisque esum, ut res illicitas Christianis (ut diximus) repudiaret. Nam idem Concilium, Can. 9. & 21. Virginitatem & continentiam recipit & laudat.

At (inquit Kemnitius) *Eustathius* (Sozomeno teste) *dabat operam vitæ severæ, & in Concilio Gangrensi profusus est, se non contumaciæ gratia, sed ob cultum Dei abstinentiā illam introduxisse*.

Respondeo, Ita est, sed idem Sozomenus addit, Eustathium ob amorem vitæ seuerioris in absurdas opiniones incidisse. Itaque non abstinentiā ob cultum Dei, sed absurdas illas opiniones Concilium damnauit.

Quod vero Kemnitius dicit, nondum eo tempore interdictum fuisse carniū esum in diebus ieiuniorum, merum est ipsius figmentum. Eustathius enim non arguitur aut dānatur, quod carnes comedi noluerit in diebus ieiuniorū, sed quod absolute carniū esum illicitū esse dixerit, interdictū autem illo tempore fuisse Christianis carniū esum, cum ieiunia celebranda erant, ac potissimum in Quadragesimā a perspicuum est ex historia Spiridionis, quam supra tractauimus. Spiridion enim Eustathii æqualis fuit, aut etiam paulo antiquior, & tamen eo tempore sci-mus ab homine Christiano repudiatas fuisse carnes in Quadragesima, eo nomine quod Christianus esset. Vide eundem Sozomenum lib. 1. cap. 11.

Sexto profert Caluinus lib. 4. Instit. cap. 12. §. 19. locum vnum S. Augustini, ex li. 30. contra Faustū, ubi dicit, ab Augustino refelli delirium Manichæorum, apud quos in magno honore erant, qui abstinebant à certis cibis, quasi abstinentiā illa sit opus Deo gratum.

Respondeo, S. Augustinus non refellit Manichæos, quod in magno honore haberent à carnibus abstinentes; sed quod putarent, carnes natura sua esse immundas. Id quod probat, quoniam etiam si apud Manichæos soli sacerdotes à carnibus abstinerent, tamen plebi carniū esus, non tam ut licitus concedebatur, quā ut illicitus indulgebatur: *Auditoribus, inquit, vestris, quos tanquam distinctos*

esse credamus: tamen quoniam tum Ruffinus, tum Christophorus, tum alij locum hunc Irenæi ad Quadragesimæ veritatem retulerunt, adferemus. Alteram rationem, cur Kemnitij argumentum nihil prober. Nam quod sequitur in testimonio Irenæi, non significat, consuetudinem quadragesimalis ieiunij introductam fuisse à priuatis hominibus, & ex simplicitate quadam, & ideo à viris Apostolicis non fuisse accurate seruata: sed significat, aliquos ex antiquis non accurate seruasse consuetudinem, vt erat tradita à maioribus & Apostolicis viris, & ex hac negligentia ortam esse varietatem, quæ ipsius tempore cernebatur. Sic enim vertit Ruffinus: *Cæpit hæc diuersitas ab illis (vt opinor) qui non simpliciter, quod ab initio traditum est tenentes, in alium morem, vel per negligentiam, vel per imperitiam postmodum decidere.*

Sed Kemnitius obijcit versionem Christophoroni, qui ita vertit, vt ipse paulo ante citauit. At nos Ruffinum, vt multo antiquiorem & doctiorem, & qui multa vertit in Latinum sermonem ex Græco, Christophorono anteponendum censemus. Præsertim cum verba Græca extant, & de vtraque versione à peritis iudicium fieri possit. Hæc enim sunt verba Irenæi, quæ proprie sequuntur post ea, quæ paulo ante descripsimus: *καὶ τινες μὲν πικρὰ τὸν ἐπιτηδεύον ἐν τῷ ἱερῷ ἡμῶν χειρῆς, ἀλλὰ καὶ πολλοὶ σέβουσιν ἐπὶ τῷ σερβίῳ τὸν παρὰ τὸ ἀκριβὲς ὡς τὸς κραταιῶν τῶ καὶ ἀπλότοι καὶ ἰδιωτῶν συνάδουσιν εἰς τὸ ματαίωτα πεινῶνται.* Quæ ad verbum sic reddi possunt, *Et talis quidem diuersitas obseruantium, non nunc nostro tempore facta est; sed & multo antea tempore maiorum nostrorum, qui non accurate (vt patet) tenentes simplicem, & propriam consuetudinem, eam ad posteros transmiserunt.*

Ex quo non sequitur, quod Kemnitius dicit, ieiunium Quadragesimæ ex simplicitate quadam & priuata quorundam auctoritate introductum; sed tantum id sequitur, aliquos ex veteribus non conseruasse consuetudinem Apostolicam, ita simpliciter ac proprie vt conseruanda erat, & inde natam esse apud aliquos magnam in forma ieiunij diuersitatem.

Sed his omiſſis, altera sententia est Ioannis Cassiani, qui Collatione vigesima prima, capite trigesimo docet, in Ecclesia primitiua, per totum annum æquale fuisse ieiunium; deinde frigescere deuotione, cum inciperent apud multos negligi ieiunia, placuisse omnibus sacerdotibus, vt Quadragesimæ ieiunium indiceretur, ac fixa lege stabiliretur.

Sed hæc sententia falso nititur fundamento. Tamen enim credibile sit Apostolos, aliosq; nonnullos, sicut in commune vivebant, & continentiam perpetuam colebant: ita etiam vel per totum annum, vel certe frequentissime ieiunasse: tamen neque certum, neque verisimile est omnes Christianos Apostolicis temporibus per totum annum operam dedisse ieiunijs: quemadmodum nulla ratione affirmari debet, omnes ubiq; Christianos sub Apostolis vitam cælibem, & communem duxisse. Nam certe apud Corinthios, aliasque ciuitates Græcorum (vt ex epistolis B. Pauli perspicuum est) Christiani permulti liberis operam dabant, & res suas proprias retinebant, & per vnā Sabbati collectæ apud eos fiebant. Item 1. Cor. 7. admonet coniugatos Apostolus, vt ad tempus intermittant opus coniugale, vt vacet orationi & ieiunio. Ex quo sequitur, vt non per totum annum ieiunare soliti fuerint. Et 1. ad Cor. 8. monet, vt comedant quicquid in macello venit: ex quo intelligimus, eos carnibus vesci solitos, à quibus tamen abstinere ieiunantes.

Quid quod Acto. 13. Apostoli Paulus & Barnabas

A ordinantur in opus Euangelij cum ieiunio, & oratione, & manuum impositione. Vbi sine dubio fit mentio specialis ieiunii tempore ordinationis; proinde non semper in prima illa Ecclesia ieiunabatur. Ipse etiam beatus Paulus secundo Corinth. 11. commemorat inter alios suos labores, ieiunia multa. Et de sancto Ioanne Apostolo supra citauimus, illum cum quodam adolescente crebra duxisse ieiunia; & cum Euangelium scribere vellet, solenne induxisse ieiunium. Quæ sunt argumenta clarissima, non fuisse apud Christianos omnes, Apostolicis temporibus per totum annum æquale ieiunium.

B Adde quod nusquam inuenitur lex illa, quam Cassianus dicit, ab omnibus simul Christi sacerdotibus fuisse latā de ieiunio Quadragesimæ. Primum enim generale Concilium omnium sacerdotum constat fuisse Nicænum primum: in eo autem Concilio fit mentio Quadragesimæ tanquam rei notissimæ, & multo antea institutæ.

C Tertia sententia est aliorum, qui institutionem Quadragesimæ referunt ad Telephorum Papam. Id enim aliquos sensisse refert Eusebius in Chronico. Sed forte inde nata est opinio illa, quod Telephorus legatur clericis mandasse, vt septem integras hebdomadas à carnibus abstinerent, cum Laici septem hebdomadas non integras abstineant. Alioqui enim fieri non potest, vt Telephorus ieiuniū Quadragesimæ instituerit, cum ante ipsius tempora vixerit S. Ignatius, qui Quadragesimæ apertissime meminit.

Vera igitur sententia est, Quadragesimale ieiunium ab Apostolis Domini institutum, atque Ecclesiæ vniuersæ traditum fuisse. Id enim primum constat ex canone Apostolorum 68. Deinde, ex testimonio expresso duorum insignium Patrum Hieronymi & Leonis. Sic enim scribit sanctus Hieronymus in epistola ad Marcellam aduersus Montanum: *Nos vnā Quadragesimam, secundum traditionem Apostolorum, toto anno, tempore nobis congruo, ieiunamus.*

D Sanctus vero Leo sermone sexto de Quadragesima ita loquitur: *Quod ergo dilectissimi in omni tempore vnumquemque conuenit facere Christianum, id nunc sollicitius est, & deuotius exequendum: vt Apostolica institutio quadraginta dierum ieiunij impleatur.* Et sermone nono de Quadragesima loquens: *A sanctis, inquit, Apostolis, per doctrinam Spiritus sancti maiora sunt instituta ieiunia, vt per commune consortium crucis Christi, etiam nos aliquid in eo, quod propter nos gessit, ageremus.*

E Tertio, probatur ex regula illa notissima beati Augustini in epi. 118. ad Ianuarium, & lib. 4. de Baptismo, capite 24. quæ habet, illa omnia sine dubio ex Apostolica traditione descendere, quæ in vniuersa Ecclesia obseruantur, & in nullo Ecclesiæ concilio instituta inueniuntur. Eiusmodi esse Quadragesimale ieiunium, nullo negotio demonstrari potest. Nam non esse institutum in vlllo Concilio perspicuum est, Tum ex eo, quod nusquā extat tale Concilium, in quo primum Quadragesima instituta esse dicatur; Tum ex eo, quod inuenitur mentio Quadragesimæ in auctoribus, qui omnia Concilia præcesserunt.

Observatum vero ieiunium hoc in Ecclesia vniuersa semper fuisse, manifeste patet ex Concilijs & Patribus diuersorum temporum & locorum. Fit enim mentio Quadragesimæ, vt rei generalis & antiquissimæ, in Concilio primo Nicæno, canone quinto, in Concilio Laodiceno canone 49. & sequentibus. Et in canonibus, quæ dicuntur sextæ Synodi, canone 29. quæ sunt Concilia in Oriente cele-

brata. Item Concilijs Occidentalibus Aurelianensi primo, can. 11. Aurelianensi quarto, can. 2. Agathensi, can. 8. Antisiodorensi, can. 2. Toletano 8. can. 9. & Bracarensi 2. can. 9.

Porro, nullus est veterum Patrum, qui Quadragesimæ non meminerit. Ex Græcis, sanctus Ignatius in epistola ad Philippenfes. S. Irenæus in epistola ad Victorem, apud Eusebium lib. 5. Historiarum, cap. 24. Origenes hom. 10. in Leviticum, Cyrillus Hierosolymitanus Catechesi 1. & 18. Epiphanius in compendiarie doctrina. Athanasius in epistola ad Orthodoxos de persecutione. Basilii oratione secunda de ieiunio. Gregorius Nazianzenus oratione in sanctum lauacrum. Gregorius Nyssenus oratione de amandis pauperibus. Ioannes Chrysostomus homilia 1. in Genesim, & homilia 18. & 73. ad populum Antiochenum. Theophilus Alexandrinus in epistolis tribus Paschalibus. Denique Dorotheus Abbas in libro de vita recte ac pie instituenda doctrina 15. ubi etiam affirmat, Quadragesimam ab Apostolis institutam. Vide hunc auctorem in tomo 3. Bibliothecæ sanctorum Patrum.

Ex Latinis, Tertullianus in libro de ieiunio, capite secundo dicit, ieiunium quoddam esse in Ecclesia lege præscriptum. Deinde capite decimotertio illud ipsum vocat ieiunium Paschale. Ex quo intelligimus, eum de Quadragesima loqui, id est, de ieiunio, quod ante Pascha sollemniter celebratur. Sed verbis disertis Quadragesimæ faciunt mentionem ex Latinis, Ambrosius libro de Noe, & arca, cap. 13. & sermone 23. & sequentibus, Hieronymus in caput 58 Isaia, in caput tertium Ionæ, in caput 9. Matthæi, in epist. ad Letam de institutione filiarum, & alibi. Augustinus in epist. 119. cap. 15. Et in Psal. 110. & in sermonibus plurimis. Paulinus in epist. 5. ad Aman-dum, Maximus in sermonibus de Quadragesima, Cassianus Collat. 21. Leo Pontifex in sermonibus, item de Quadragesima. Petrus Chrysologus, in sermonibus de Quadragesima. Gregorius Magnus, homilia 16. in Euangelia. Isidorus libro primo de officiis diuinis, cap. 36. Rabanus lib. 2. de Institut. clericorum. Amalarius lib. 1. de officiis Ecclesiasticis, Rupertus lib. 4. de officiis diuinis. Bernardus in sermone de Quadragesima.

Ex hac autem tanta nube testium, qui omnes Quadragesimæ, ut rei sacræ & celeberrimæ, faciunt mentionem, mirum est, si non opprimatur impudentia Hæreticorum, & præsertim Caluini, qui in libro quarto Institutionum, capite duodecimo, §. vicesimo, dicere ausus est: *Iam inualuerat superstitiosa Quadragesimæ observatio.* Quomodo enim superstitiosa observatio dici potest, quæ ab Apostolis per doctrinam Spiritus sancti instituta, omnibus seculis post Apostolica tempora succedentibus, ab omnibus Concilijs, omnibusque Patribus Græcis & Latinis celebrata est?

Adde quod non desunt insignes Patres, qui ab ipso Domino indictam Quadragesimam fuisse docent. Sic enim loquuntur, Ambrosius sermone 25. Hieronymus in caput 58. Isaia, & caput 3. Ionæ. Augustinus in Psal. 110. Et Leo sermone duodecimo de Quadragesima. Quamvis enim Ambrosius, Hieronymus & Augustinus intelligant, Quadragesimam à Domino indictam, non verbo, sed exemplo: & Leo diuinitus institutam esse dicat, quoniam Apostoli, non ex proprio capite, sed ex inspiratione Dei illam instituerunt: tamen hoc ipsum, quod Christus exemplo suo, & Spiritus sanctus vñctione sua Quadragesimam instituerit, apertissime docet, plane blasphemum & sacrilegum esse Caluinum, qui super-

stitiosam Quadragesimæ obseruationem vocare non dubitauit.

Sed obijcit Kemnitius testimonium sancti Augustini, ex epistola 86. ad Casulanum: *Ego in Euangelicis & Apostolicis litteris, totoque instrumento, quod appellatur testamentum nouum, animo id renouens, video præceptum esse ieiunium. Quibus autem diebus non oporteat ieiunare, & quibus oporteat, præcepto Domini, vel Apostolorum non inuenio definitum.* Sed facilius Respondeo. Loquitur enim sanctus Augustinus de præcepto Domini, vel Apostolorum scripto in diuinis libris. Facemur autem nullum eiusmodi in diuinis libris extare præceptum. Et ideo non præcepto scripto, sed traditione scripta defendimus Quadragesimam ab Apostolis institutam. Esse autem hanc vere Apostolicam traditionem, probauimus paulo ante per illam ipsam regulam, quam nobis ad traditiones Apostolorum internoscendas, idem ipse sanctus Augustinus reliquit.

CAPVT XV.

De Quadragesima varietate.

Admiranda plane fuisse videtur, apud veteres in Quadragesima obseruanda varietas. Nā S. Irenæus apud Eusebium lib. 5. cap. 25. scribit, alios vno die, alios duobus, alios pluribus, alios quadraginta diebus Paschale definiuisse ieiunium.

S. Basilii oratione secunda de ieiunio, indicit publice Quadragesimam, & tamen dies tantum quinque, non autem quadraginta ieiunandos esse monet. Quod diligenter notari iubet Kemnitius in quarta parte Examinis, cap. 630.

S. Ambrosius ser. 4. dicit, suo tempore aliquos non Quadragesimam, sed quinquagesimam ieiunare solitos; alios contra vix Trigessimam, aut Vigessimam, cum alternis tantum hebdomadis in Quadragesima ieiunarent.

Ioannes Cassianus Collatione 21. capite 27. scribit, alios ieiunare sex hebdomadas, alios vero septem.

Socrates libro quinto historiarum, capite 21. dicit, Romanos ieiunare solitos tres tantum hebdomadas ante Pascha, Dominicis & Sabbatis nō supputatis. Græcos, Illyricos & Alexandrinos, sex hebdomadas. Alios quosdam septem hebdomadas, sed interuallo posito post quintumdecimum quemque diem. Quem locum non solum Kemnitius in Exam. sed etiam Caluinus Instit. lib. 4. cap. 12. obseruari iubet.

S. Leo sermone 4. de Quadragesima indicat, suo tempore solum quatuor dies per hebdomadam ieiunari consueuisse in Quadragesima. Sic enim loquitur indicens ieiunium Quadragesimæ: *Igitur feria secunda, feria quarta, & feria sexta ieiunamus: Sabbato autem apud S. Petrum vigilias celebremus.* Dixi autem quatuor dies, quia Sabbato cum vigilia semper ieiunium iungebatur.

Cæterum hæc tanta diuersitas non difficulter tolli potest. Vere enim in Ecclesia Catholica omnibus seculis, tum apud Græcos, tum apud Latinos, ieiunium Paschale fuit dierum quadraginta, aut fere quadraginta, id est, triginta sex. Id vero perspicuum est primo, quoniam omnia Concilia & Patres supra citati vtuntur nomine Quadragesimæ, cum ieiunium Paschale commendant. Per Quadragesimam autem non potest intelligi nisi numerus quadragenarius, aut prope quadragenarius. Quis

enim Quadragesimam vocaret ieiunium dierum quindecim, aut viginti.

Secundo, multi Patres dicunt, ieiunari Quadragesimam ad exemplum Christi, Moïse, & Eliæ; Id enim habet sanctus Basilius oratione in quadraginta Martyres, sanctus Hieronymus in caput quadragesimum octauum Isaïæ, sanctus Augustinus in epistola centesima decima nona ad Ianuariū, & alij. At Christus, Moïse, & Elias quadraginta dies ieiunauerunt.

Tertio, sanctus Ambrosius ser. 23. Sanctus Gregorius hom. 17. & Cassianus Collat. 21. cap. 27. scribunt, Quadragesimam continere quadraginta duos dies, & detractis Dominicis in quibus non ieiunatur, remanere dies ieiunij triginta sex.

Quarto, sanctus Augustinus in epistola 117. capite 17. Sanctus Leo sermone 4. de Quadragesima, & Petrus Chrysiologus, sermone 11. disertis verbis tradunt, ieiunium quod ante Pascha celebratur, esse quadraginta dierum.

Sed hæc omnia clariora efficiuntur ex discussione eorum, quæ contra obijciebantur. Nam ad locum productū ex Irenæo iam respondimus capite superiore, non loqui Irenæum de varietate dierum Quadragesimæ: sed de varietate continuandi ieiunium sine omni cibo in ipsa Quadragesima; id est, an tempore Quadragesimæ cibus sumendus esset semel in die, aut semel post biduum, aut triduum, &c.

Ad locum sancti Basilij respondeo, loqui sanctum Basilium de ieiunio singularum hebdomadarum Quadragesimæ, ac numerare solum quinque dies, quoniam Græci die Sabbati & die Dominico non ieiunant. Hortatur enim sanctus Basilius populum ad ieiunium Quadragesimæ alacriter amplectendū: atque inter alia argumenta, quibus probat, non esse difficilem Quadragesimæ obseruationem, adducit illud, quod numerus dierum, quibus continenter ieiunandum est, non sit nisi quinquarius: quinario enim exacto succedere biduum, quibus ieiunij seueritas relaxetur. Itaque annotatio Kemnitij ex imperitia nata est.

Ad locum sancti Ambrosij respondeo, Qui ieiunare volebant Quinquagesimam pro Quadragesima, eos voluisse secundum ritum Græcorum non ieiunare die Sabbati. Sic enim detractis Sabbatis, & addita vna hebdomada, redit numerus dierum, quibus ieiunatur, omnino idem cum eo, qui resultat dempta vna hebdomada, & Sabbatis inclusis. Cæterum hic mos, quamuis in numero dierum cum nostro conueniat, tamen non placuit Ecclesijs Latinis, & ideo Concilium Agathense can. 8. Aurelianense I. can. 11. & Aurelianense IV. can. 8. mandat, ut omnes ieiunent Sabbata Quadragesimæ, & veram Quadragesimam, non Quinquagesimam celebrent.

Hæc est igitur Quinquagesima, quam sanctus Ambrosius reprehendit, siue quicumque est auctor illius sermonis. Nam certe vix fieri potest, ut auctor sit Ambrosius, cum eius tempore Mediolani sexuaretur vsus Græcorum de Sabbato non ieiunando. Sic enim loquitur sanctus Ambrosius in libro de Elia & ieiunio, capite decimo: *Quadragesima totis, præter Sabbatum & Dominicum, ieiunatur diebus.*

Porro illi, qui apud eundem auctorem ieiunabant alternis septimanis, forte addebant ad numerum hebdomadarum, ut etiam ipsi complerent eundem numerum dierum ieiunij quadragesimalis. Sed siue id fecerint, siue non fecerint, parum refert, quoniam hi non legem aliquam Ecclesiasticam, sed cupiditatem & intemperantiam suam habebant pro

A lege, & propterea ab auctore illo grauissime castigantur.

Ad locum Cassiani facilis est responsio. Ipse enim fatetur, nullam esse discrepantiam in numero dierum. Quidam enim, id est, Latini ieiunabant sex hebdomadas, quia solum Dominicos dies non ieiunabant: quidam, id est, Græci ieiunabant septem hebdomadas, quia non solum Dominicos dies, sed etiam Sabbata non ieiunabant, excepto Sabbato sancto. Sicut enim in sex hebdomadis triginta sex dies ieiuniorum inueniuntur, demptis Dominicis: ita quoque in septem hebdomadis triginta sex dies ieiuniorum inueniuntur, detractis Sabbatis & Dominicis, excepto Sabbato sancto.

B Ad locum Socratis dico primo, Socratem non multum fidei mereri, cum & Nouatianus & Aerianus fuerit. Cupiebat enim (ut ipse aperte in hoc ipso loco indicat) festa & ieiunia omnino esse libera. Deinde, aut manifeste falsa scribit, aut codicem eius corruptum habemus. Scribit enim apud Romanos non ieiunari nisi tribus hebdomadibus ante Pascha, detractis Sabbatis & Dominicis. At Romæ potissimum ieiunabatur Sabbato, non solum in Quadragesima, sed etiam per totum annum, ut S. Augustinus docet in epist. 86. ad Casulanum. Imo ipsi Græci in cano. 55. eorum, qui sextæ Synodo tribuuntur, Romanos reprehendunt, quod Sabbato in Quadragesima ieiunent.

C Itaque exploratus est error Socratis, quod Romani Sabbata excipiant à ieiunio Quadragesimæ. Nec minus exploratus est error, quod non ieiunent, nisi tres hebdomadas. Nam Cassianus, qui vixit eodem tempore, quo Socrates, scribit, Latinos ieiunare sex hebdomadas. Et S. Leo, qui fuit Episcopus Romanus tempore Socratis, in sermone 5. de Quadragesima dicit, Romæ ieiunium ante Pascha esse omnino quadraginta dierum.

Sed probabile est, codicem Socratis esse corruptū, & pro tribus septimanis scribendum esse quinque, ut numeri, quos ipse ponit, se consequantur, videlicet quinque, sex, septem, & nomen Sabbati irrepserit in codicem Socratis consuetudine Græcorum, qui Sabbatis non ieiunant.

D At (inquies) Romani non quinque septimanas ieiunant, sed sex; & Græci non sex, sed septem, ut ex Cassiano didicimus. Verum est, sed Socrates distinguit Quadragesimam ab hebdomada sancta, & ideo dicit, ieiunari quinque hebdomadas à Romanis, & sex à Græcis: Cassianus includit in Quadragesima sanctam hebdomadam, & ideo ieiunio Latinorum tribuit hebdomadas sex, ieiunio Græcorum septem. Morem autem esse Græcorum distinguere ieiunium Quadragesimæ à ieiunio hebdomadæ Paschalis, id est, quæ ipsum Pascha proxime præcedit, perspicuum est ex Ignatio in epistola ad Philippenses, ex Clemente libro quinto constitutionum Apostolicarum, cap. 13. & 19. & ex Epiphanio in compendiarie doctrina.

E Itaque si corrigamus textum Socratis, & pro tribus septimanis ponamus quinque, nulla erit discordia inter Socratem & Cassianum de ieiunio tum Latinorum, tum Græcorum. Illi autem qui apud Socratem dicuntur, præter regulam cæterorum ieiunare septem hebdomadas, sed intervallo interposito post quindecim dies: conueniunt etiam cum cæteris in numero dierum. Nam ieiunabant primas duas hebdomadas integre, deinde in tertia hebdomada cessabant à ieiunio. Rursus ieiunabant quartam & quintam hebdomadam etiam integre; tum cessabant in hebdomada sexta. Denique ieiunabant

hebdoma-

hebdomadam septimam, eique addebant hebdomadam sanctam. Proinde ieiunabant integre sex hebdomadas, quæ ut supra diximus, continent dies ieiuniorum sex & triginta.

Ad locum sancti Leonis respondeo, sanctum Leonem loqui de ieiunio quatuor dierum, qui adduntur ante primam Dominicam Quadragesimæ, ut numerus quadragenarius compleatur. Nam si loqueretur de ieiunio ipsius Quadragesimæ, & vellet eximi in singulis hebdomadis feriam tertiam & feriam quintâ, sequeretur, ut vel dies ieiunij Quadragesimalis non essent triginta sex, sed pauciores, vel certe hebdomadæ Quadragesimales non essent sex, sed plures. Vtrumque autem repugnat Cassiano, qui tempore sancti Leonis vixit, & apertissime tradit apud Latinos sex esse hebdomadas Quadragesimales & in ijs ieiunari dies sex & triginta. Quod idem tradit S. Gregorius, hom. 16.

Adde, quod sanctus Leo in singulis fere sermonibus de Quadragesima repetit, dies ieiunij Quadragesimalis non esse triginta sex, sed plane quadraginta, ex quo intelligimus, iam tunc addi cœpisse quatuor dies ante primam Dominicam Quadragesimæ. Sic enim loquitur sermone 4. *Pronisum est ut ad reparandam mentium puritatem, quadraginta nobis dierum exercitatio mederetur.* Et sermone 5. *Saluberrime nos quadraginta dierum ieiunio preparamus.* Et ser. 6. *Apostolica institutio quadraginta dierum ieiunij impleatur.* Et ser. 8. *In istis quadraginta dierum ieiunij, vos pietatis operibus expolite.* Et sermone 10. *Merito nos quadraginta dierum ieiunio preparamus.* Et sermone 12. *Sic est praeconando consuetudo ieiunij, ut nos quadraginta dierum numerus exerceat.*

Ex quo postremo loco intelligimus, sermonem esse habitum non in ipsa prima Dominica Quadragesimæ, sed in præcedente. Ideo enim dicitur præcurrendum esse ieiunij consuetudinem, ut quadraginta dierum numerus nos exerceat, quia nisi præcurreremus consuetudinem ieiunij addendo quatuor dies, non esset numerus quadraginta dierum, sed tantum triginta sex. Et ideo etiam in sermone illo quarto, ubi denunciatur ieiunium feræ 1. & 4. & 6. & vigilia, ac per hoc etiam ieiunium in Sabbato, dicitur: *Ingressuri mysticos dies, &c.* Ex quo intelligimus, sermonem esse habitum in Dominica præcedente primam Dominicam Quadragesimæ, ac per hoc indictum esse ieiunium quatuor dierum ante ipsam primam Dominicam, in qua proprie incipit Quadragesima.

Porro, hanc additionem quatuor dierum vniuersa Ecclesia recepisse videtur. Esse enim valde antiquam in Latina Ecclesia, perspicuum est ex Alcuino in libro de officiis Ecclesiasticis, ubi tractat de capite ieiunij, ex Amalario libro primo de officiis Ecclesiasticis, capite septimo, ex Micrologo, in libro de obseruationibus Ecclesiasticis, capite 49. ex Ruperto libro quarto de officiis diuinis, cap. 9. ex Iuone in serm. de capite ieiunij, ex Gratiano, de consec. distin. 5. can. Quadragesima. Denique ex sacramentario sancti Gregorij, in quo annotatur initium ieiunij feria quarta, ante primam Dominicam Quadragesimæ.

Nec solum in Latina Ecclesia, sed etiam in Græcia receptam fuisse hanc consuetudinem complendi numerum quadragenarium, cognosci potest ex Dorotheo Abbate, quem supra citauimus in lib. de vita recte instituenda, doctrina 15. qui dicit, Quadragesimam constare triginta sex diebus ieiuniorum, sed additam esse vnam hebdomadam à maioribus, ut numerus quadragenarius completeretur.

Illud tamen faciendum est, additionem horum quatuor dierum aliquo modo variatam esse. Nam tempore sancti Leonis quatuor dies erant, feria secunda, quarta, sexta, & Sabbatum: tempore autem sancti Gregorij, feria quarta, quinta, sexta, & Sabbatum. Quod autem in sermone quodam S. Augustini, titulus extat, feria quarta in capite ieiunij, nos mouere non debet. Nam neque certum est, verum sermo ille sit beati Augustini, neque an titulus ille ab Augustino sit additus. Videntur enim sermones illi de tempore, ab aliquo posteriore collecti, & ad ordinem Gregorianum accommodati.

CAPVT XVI.

De ratione instituenda Quadragesimæ.

QUæ fuerit ratio Quadragesimalis ieiunij instituendi, breuiter explicandum est, tum propter Caluinum, qui non aliam rationem agnoscit, quam *maxiliar*, tum propter Kemnitium, qui rationes, quas Theologi adferunt, ita ineptas iudicat, ut solam earum recitationem dicat satis esse ad confutationem.

Igitur septem videntur esse præcipuæ causæ huius institutionis. Prima, ut Christiani omnes pro negligentij toto anno commissis agant, quasi communem & publicam penitentiam, & Deum coniunctis studiis, precibus & lachrymis placare nitentur. Sic enim loquitur sanctus Leo sermone quarto de Quadragesima: *Dum per varias actiones vite huius sollicitudo distenditur, necesse est de mundano puluere citam religiosa corda sordescere: ideo magna diuine institutionis salubritate prouisum est, ut ad reparandam mentium puritatem quadraginta nobis dierum exercitatio mederetur, in quibus aliorum temporum culpas & pia opera redimerent, & ieiunia casta decoquerent.* Quadragenarium autem numerum penitentiz conuenire, docent sancti Patres, Hieronymus in caput tertium Ionæ, & Gregorius homilia decimasexta in Euangelia.

Secunda ratio, ut ad sacram communionem, quam in Paschate Christianorum nullus debet omittere, simul omnes per hoc publicum ac solemne ieiunium præparemur. Reddunt hanc rationem Chrysostomus homilia prima in Genesim, & Hieronymus in caput 3. Ionæ, quo loco sic ait: *Ipsæ Dominus verus Iona ieiunauit quadraginta dies, & hereditatem nobis ieiunij derelinquens ad Iesum corpus suum, sub hoc numero nostras animas preparat.* Et in caput 9. Matthæi, scribit idem Hieronymus ieiunari Quadragesimam, ut saginæ spirituali, ieiunio corporis præparemur.

Tertia, ut impleatur quod Dominus ait, Matthæi nono. *Cum auferetur ab eis sponsus, tunc ieiunabunt in illis diebus.* Hanc enim rationem reddebant antiquissimi Christiani apud Tertullianum in libro de ieiunio. Scribit enim sanctus Hieronymus in caput nonum Matthæi, Montanistas occasione huius sententiæ instituisse vnam Quadragesimam ieiuniorum post Ascensionem Domini, interpretantes per ablationem sponsi ipsam Ascensionem. Sed Ecclesia Catholica à Spiritu sancto, melius edocta, per ablationem sponsi passionem eius & mortem interpretatur. Et ideo tunc maiora ieiunia instituit, cum ipsam Dominicam passionem commemorare aggreditur.

Quarta, ut non solum verba Domini impleantur

tar, sed etiam ut ad celebrationē passionis & resurrectionis Domini, quæ sunt mysteria nostræ redemptionis omnium maxima, per hoc solenne ieiunium præparemur. Reddunt hanc rationem passim sancti Patres, sed præcipue sanctus Leo, qui in sermone 9. de Quadragesima sic ait: In omnibus dilectissimi, solemnitatebus Christianis non ignoramus, Paschale Sacramentum esse præcipuum, cui condigne & congrue suscipiendo, totius quidem nos temporis insistentia reformamur, sed devotionem nostram præsentem vel maxime dies exigunt, quod illi sublimissimo diuinae misericordiae Sacramento scimus esse congruos. Et sermone decimo: Cognoscimus (inquit) ad celebrandum Paschæ diem merito nos quadragesima dierum ieiunio præparari, ut digni possimus diuinis interesse mysterijs. Et sermone 12. Suscepturi festum omnium maximum festum, ea non debemus obseruantia præparare, ut in cuius sumus resurrectione conresuscitati, in ipsius inueniamur passionem commortui.

Quinta, ut Christiani non solum pro se, sed etiam pro Catechumenis in Paschate regenerandis ieiunent & orent. Pulchre S. Ambrosius sermone 37. Sic (inquit) Etnas quadragesima dierum curricula continet ieiunio, totius mundi longam ac nimiam siccitatem, meruit imbrum vix restinguere, & ardentem terrarum sitim celestis pluuia largitate perfundere. Quod quidem in figuram nostri factum esse cognoscimus, ut nos quoque horum quadragesima circulo dierum ieiunantes spirituales Baptismati pluuiam mereamur, nostramque tandem aridam terram celestis desuper imber infundat, & longam gentium siccitatem lacuari inundatio salutaris irroret. Siccitatem enim, & aridam animæ suæ patitur, quisquis Baptismi gratiam non rigatur. Vide etiam serm. 38.

Sexta, ut quasi decimas vite nostræ per abstinentiam quadragesimalem Domino consecremus. Nam dierum totius anni decima pars sunt dies triginta sex. Tot autem sunt dies ieiunii Quadragesimalis proprie dicti. Quadragesima enim proprie incipit in prima Dominica Quadragesimæ, ut perspicuum est tum ex officio Ecclesiastico; tum ex eo, quod ieiunium Quadragesimæ soluitur ad vespertinam, ieiunium autem dierum præcedentium primam Dominicam Quadragesimæ, soluitur ad nonam. Et hæc est ratio cur sanctus Gregorius homil. 16. dicat, ieiunium Quadragesimæ constare triginta sex diebus. Tamen enim ipse ignorare non posset, addi solere quatuor dies ad numerum quadragenarium perficiendum: Tamen sciebat etiam Quadragesimam proprie dictam non ultra triginta sex dies extendi. Vide hanc rationem de decimis. per ieiunium Deo soluendis apud Cassianum Collat. 21. capite vigesimo septimo. Gregorius hom. 16. Isidorus lib. 1. de officiis diuinis, cap. 36. & Dorotheum Abbatem, loco supra citato.

Septima, ut Christum, qui caput nostrum est, eo modo, quo possumus, imitemur. Imitamur autem per hoc ieiunium, tum passionem Christi, quam hoc tempore ipse pro nobis pertulit, tum etiam illud ipsum ieiunium, quod nostri causa suscipere dignatus est. Atque hanc rationem, quam Hæretici præcipue rident, sancti Patres supra citati maximi faciunt. Et vere non potest reddi certior ratio, cur hoc Paschale ieiunium, Quadragesima nominetur, nisi quia suscipitur ad imitandum Christum, qui quadragesima diebus legitur ieiunasse.

Sic Ignatius ad Philipenses monet: Ieiunandam esse a fidelibus Quadragesimam, quia imitationem continet conuersationis Domini. Scribit quidē Kemnitius hanc sententiam videri assutam in epistola sancti Ignatii, ex Constitutionibus Clementis. Sed cur fieri non potuit, ut Ignatius Clementem imitaretur, & Ver-

ba illius sua etiam verba faceret?

Deinde, præter Ignatium omnes fere Patres hoc ipsum repetunt. Basilii oratio. 1. de ieiunio: Caput (inquit) omnium relocatorum Dominus noster cum per ieiunium carnem, quam pro nobis assumpsit, munivisset, sic in ipso Diaboli insultus sustinuit, quo & nos erudiret, ut per ieiunia vngamus, ac exerceamus nos ipsos ad certamina in tentationibus.

Gregorius Nazianzenus oratione in sanctum Lauacrum: Christus, inquit, paulo ante tentationem ieiunavit nos ante Pascha. Ieiunium unum, idem est, ac utriusque temporis non parua est differentia. Ille totos quadragesima dies à cibo abstinuit, ut pote Deus: nos autem ad virum nostrarum modulum ieiunium attemperamus.

Hieronymus in caput quinquagesimum octauum Isaie: Dominus, inquit, quadragesima diebus in solitudine ieiunavit, ut nobis solennes ieiuniorum dies relinqueret.

Chrysostomus homilia prima in Genesim. Dominus noster, inquit, Iesus Christus & ipse quadragesima dierum ieiunio declarato, sic certamen contra diabolum aggressus est, omnibus nobis exemplar datus, ut per illud armemur, &c.

Augustinus in epistola 119. capite decimo quinto: Quadragesima, inquit, ieiuniorum habet auctoritatem, & in veteribus libris ex ieiunio Moysis, & Elie, & ex Evangelio, quia totidem diebus Dominus ieiunavit.

Ambrosius sermone vigesimo quinto: Vbi est, inquit, similis cum Christo deuotio, similis est & cum Christo tentatio. Et sermone 34. Quadragesimam, inquit, nobis Dominus suo ieiunio consecrauit. Et sermone 37. Hoc fecit, inquit, causa salutis nostræ, ut rem utilem non solum doceret verbis, sed etiam exemplis instrueret, ut ipsius vestigijs, quibus ad fidem currimus, ad abstinentiam graderemur.

Hæc loca paulo fufius adscribere volui, ut aduersarij intelligant, quos auctores reprehendant, cum Quadragesimam ex praua Christi imitatione natam esse dicunt. Sed habet Calvinus tria argumenta, ut probe, Christum non ieiunasse ut se nobis imitandum præberet. Primum est, quoniam si Christus id facere voluisset, debuisset singulis annis Quadragesimam ieiunare. Secundum, quia debuisset non omnino à cibo abstinere, sed vna tantum refectione esse contentus. Tertium, quoniam Moyses ieiunavit quadragesima diebus: & tamen non fuit in testamento veteri institutum, ut ad Moyses imitationem Quadragesima ieiunaretur. Addit Kemnitius quartum argumentum ex Chrysostomo, homilia quadragesima septima in Matthæum. Non enim, inquit, dicit Christus, ieiunium suum esse imitandum, quamvis quadragesima illos dies posset proponere; sed, Discite à me, quia mitis sum, & humilis corde. Imo vero contra, Omne quod apponitur vobis manducate, inquit.

Ad primum respondeo, Christum ieiunasse vnam Quadragesimam solum, & vna tantum die palam tentari voluisse. Quoniam id satis erat ad exemplum nobis præbendum, ut ad resistendum tentationibus per ieiunium armaremur. Nos autem, qui non semel, sed annis singulis cum tentatore pugnaturi sumus, annis singulis ieiunare debemus.

Ad secundum dico, nos non ita velle Christum imitari, ut non simul eum admirari velimus. Imitamur enim eum, ut discipuli magistrum, ut serui dominum, ut homines Deum, non perfecte, sed pro modulo nostro, ut Nazianzenus admonuit.

Ad tertium dico, non esse eandem rationem Moysis & Christi, Synagogæ & Ecclesiæ. Nam &

Christus dignior est quam imitemur, quam fuerit Moyses, & Ecclesie conuenit maior promptitudo, & amor ad ipsum Dominum imitandum, quam Synagoga ad imitandum seruum. Adde quod nusquam legitur, Moyses datus Hebraeis in exemplum. Nobis autem Christus, Ioannis 13. ait: *Exemplum dedi vobis, ut quemadmodum ego feci, ita & vos faciat.* Et B. Petrus in priore epist. cap. 2. *Christus passus est pro vobis, vobis relinquens exemplum, ut sequamini vestigia eius.* Et Apostolus Paulus ad Ephes. 5. *Estote imitatores Dei, sicut filij carissimi, & ambulate in dilectione, sicut & Christus dilexit nos.*

Ad Quartum, Fateor, Christum non dixisse verbo ut imitemur ieiunium eius, sicut dixit: *Discite à me, quia mitis sum, & humilis corde.* Tamen quod non dixit verbo, dixit exemplo, ut tot sancti Patres, & ipse etiam Chrysostomus, monuerunt. Cur autem Christus non dixit verbo, ut ieiunium eius imitemur non dixit, ut humilitatem & mansuetudinem disceremus, ratio est quam reddit Chrysostomus, quia ieiunium sine humilitate nihil prodest, humilitas sine ieiunio multum prodest. *Hac dixi,* inquit Chrysostomus, *non quia ieiunium mihi non placet, quod magnis soleo efferre laudibus: sed quia doleo, si ceteris neglegitis satis ad salutem vobis ieiunium existimetis.*

Querunt aliqui, si Quadragesima ieiunij Christi imitatio est, cur non ieiunemus illo ipso tempore, quo Dominus ieiunauit. Sed facilis est responsio. Primum enim maluit Ecclesia post Dominum, quam cum ipso Domino ieiunare, ut vere eius vestigia sequeretur. Itaque ieiunauit Dominus à sexta die Ianuarij, vsque ad quartam decimam Februarij: nos autem ut plurimum ibi incipimus, vbi ipse desijt.

Deinde, par erat, ut ieiunium celeberrimum cum festo celeberrimo iungeretur. In qua parte anni, (inquit S. Augustinus in epist. 119. cap. 15.) *congruentius observatio Quadragesimae constitueretur, nisi consensu, atque contigua Dominicae passioni?*

Ad hæc, nunquam magis sunt necessaria arma ieiunij: quam ineunte vere, quo tempore crescentibus humoribus, aciores tentationes existere solent.

Denique, nullum est aptius tempus, quo facilius ab omnibus ieiunari possit. Nam in hyeme nimium frigus exigit multum alimenti: pisces natura sua frigidi, non multum eo tempore conferunt valetudini, olera, quibus in Quadragesima magnus est vsus, vix vsquam in hyeme reperiuntur. In æstate nimius calor exigit cibum modicum, sed frequentem: pisces quoque vix à putrefactione conseruari queunt. Denique tum in æstate, tum in autumno multi sunt labores agricolarum, multæ ægrotudines, multa incommoda. In vere autem tempus est temperatum, pisces salubres, copia olerum ingens, opera in agris rara, ac pene nulla. Quare sanctus Hieronymus rectissime dixit in epist. ad Marcellam: *Non nam Quadragesimam tempore nobis congruo ieiunamus.*

CAPVT XVII.

De ieiunio ferie quartæ, & ferie sextæ.

Post ieiunium Quadragesimæ nullum est aliud cuius maior inueniatur mentio apud veteres, quam ferie quartæ, & ferie sextæ. Meminit huius ieiunij canon. Apostolorum sexagesimus octauus. Ignatius in epist. ad Philipenses. Tertullianus in lib. de ieiunio, Clemens Alexandrinus lib. 7. Strom.

Rob. Bellarm. Card. Tom. 4.

A ultra medium, Origenes hom. 10. in Leuiticum, Epiphanius in compendiarie doctrina, Hieronymus in caput quartum ad Gal. Augustinus in epist. 86. ad Casulanum, Palladius in historia Lausiaca, cap. 52. & alij passim.

Causam huius ieiunij callide, sed falso reddit Kemnitius in quarta parte examin. pag. 387. dicit enim veterem Ecclesiam ieiunare solitâ feria quarta & feria sexta, quia duobus illis diebus conueniebant populi in Ecclesiam ad audiendum verbum Dei, & sumendam cœnam. Et inde colligit pag. 384. hoc tempore debuisse hæc ieiunia cessare, cum causa ipsa cessauerit. Et ibidem addit, Quadragesimam fuisse institutam, quoniam apud veteres in Paschate catechumeni baptizabantur, & pœnitentes absoluebantur, & ideo cū eis totus populus ieiunabat. Proinde hoc tempore superuacaneam esse Quadragesimam, cum ritus illi, propter quos fuerat instituta, cessauerint.

B At si verum esset, quod Kemnitius dicit de causa ieiunij ferie quartæ & sextæ: oportuisset Christianos semper in Dominica ieiunare. Nullo enim die solērior atque celebrior populi conuentus in Ecclesia esse solet ad concionem audiendam, & sacram communionem percipiendam, quam die Dominico. Et hanc fuisse consuetudinem antiquissimam, cognosci potest ex Apologia S. Iustini ad Antoninum. Neque aduersarij id negant. Die vero Dominica nō esse ieiunandum, testantur multi veteres, atque in primis S. Augustinus in epist. 86. & 119. Falsum igitur est, quod Kemnitius dicit, Feria quarta & sexta ieiunij indici solitū, quia diebus illis conueniebat populus ad verbum Dei audiendum, & cœnam Domini participandam.

C Quod autem addit, oblitam esse consuetudinem baptizandi catechumenos, & absoluendi pœnitētes in paschate, verum est apud Lutheranos: ceterum apud Catholicos, ac præsertim in vrbe Romana nullus est annus, quo nō multi Catechumeni in Paschate baptizentur. Pœnitentes autem non solum Romæ, sed in tota plane Catholica Ecclesia maximo numero in Paschate præmissa absolutione, Christi corpus accipiunt.

D His igitur omisissis vera causa ieiunij quartæ & sextæ ferie est ipsa Dominica passio, quam per totum annum his potissimum diebus commemoramus, quod feria quarta Dominus proditus ac venditus fuerit, feria sexta crucifixus & mortuus. Hanc enim causam reddunt Clemens lib. 5. Apostol. Const. c. 16. & Augustinus epist. 86. Sanctus autem Epiphanius dicit quidem feria sexta ieiunari, quia Dominus ea die crucifixus fuit: sed feria quarta ieiunari dicit, quia illucescente quarta, Dominus fuit assumptus, quod non satis conuenit cum traditione Ascensionis Domini.

Addit autē Epiphanius loco notato, per hoc ieiunium impleri, quod Dominus ait Matt. 9. *Cum ablatus fuerit sponsus, tunc ieiunabunt in illis diebus.* Nam etiā si hoc dictum impleatur per Quadragesimale ieiunij, ut supra ex Tertulliano notauimus: non est tamen absurdum, si per ieiunium quoque ferie quartæ & sextæ impleri dicatur, cum tam ieiunium Quadragesimæ, quam ferie quartæ & sextæ ad passionem Domini, per quam ablatus fuit à nobis sponsus, sine dubio referatur.

E Addit etiam ibidem Epiphanius, si festum Natalis Domini in feriam quartam, aut sextam incidit, neque esse ieiunandum, neque à carnibus abstinendum, nisi forte ratione voti aliquis ad ieiunium, aut abstinentiam obligetur. Quod idem postea de-

clarauit Honorius Pontifex Max. cap. explicari, de obseruatione ieiuniorum.

Existunt autem de ieiunio feriarum quartæ & sextæ quæstiones duæ, Prior est, si ne hoc ieiunium lege sancitum, an potius in arbitrio fidelium positum. Nā can. 68. Apostolorum, & Epiphanius hæresi 75. & in compendiarie doctrina indicat, Ieiunium feriarum quartæ & sextæ per totum annum Apostolica esse lege sancitum.

Contra autem Tertullianus in libro de ieiunio, refert Catholicos dicentes, ieiunium feriarum quartæ & sextæ passim currere, non sub lege præcepti, id est, permitti, non imperari. Item sanctus Augustinus in epistola octuagesima sexta scribit, Romæ frequenter ieiunari feria quarta & sexta, & Sabbato, ubi cum dicit, frequenter, indicat non semper id fieri. Sic etiam Ilidorus lib. 1. de officiis diuinis, cap. 42. cum scribit, nonnullos feria sexta, per totum annum ieiunare, aperte significat id non ab omnibus fieri.

Ad hæc, si per totum annum fideles omnes feria quarta & sexta ieiunaret ex lege: quorsum opus fuisset ieiunio quatuor temporum, quod, ut postea demonstrabimus, feriarum quartæ & sextæ, & Sabbati ieiunium continet?

Denique, pœnitentibus apud veteres iniungi solebat, ut feria quarta & sexta, per totum annum ieiunarent: ut cognosci potest ex Burchardo, lib. 6. & 19. Decretorum. Nō igitur fideles ceteri feria quarta & sexta, per totum annum ad ieiunia cogebantur.

Proposita quæstio ita soluenda esse videtur, ut dicamus feria quarta & sexta, per totum annum ex legis præcepto ieiunari, quoad abstinentiam à carnibus, & de hac lege intelligendum esse canonem Apostolicum, & testimonium Epiphani: Quod autem pertinet ad abstinentiam à prandio, quo modo ieiunium nominare solet Augustinus epistola octuagesima sexta, non ex præcepto legis, sed passim, ut Tertullianus loquitur, hoc ieiunium cucurrisse. Quamuis ipse etiam Tertullianus meminisse videatur ieiunij per abstinentiam solum à carne, cum in libro de ieiunio dicit, exceptionem quorundam ciborum portionale esse ieiunium; & rursus feria quarta & sexta, à Catholicis semieiunium plerumque seruari.

Posterior quæstio est, cur in Latina Ecclesia non seruetur lex, quæ feria quarta abstinentiā à carnibus imperat. Respondendum videtur in Occidentali Ecclesia, magna ex parte mutum fuisse ieiunium feriarum quartæ in ieiunium Sabbati. Scribit enim Ambrosius, siue quicunque est auctor, qui certe antiquissimus est in comment. ad caput 14. ad Rom. Alios feria quarta, alios die Sabbati carnibus abstinere. Innocent. quoque Pontifex eius nominis primus, in epistola prima sæpe repetit, feria sexta, & Sabbato ieiunandum; feriarum autem quartæ non meminit. Quod idem faciunt auctores Latini posteriores, scribit quidem S. Augustinus in epist. 86. Romæ sæpe ieiunari feria quarta & sexta & Sabbato, sed nec dicit id semper fieri, nec loquitur de portionali, sed de integro, perfectoque ieiunio.

CAPVT XVIII.

De ieiunio Sabbati.

De ieiunio Sabbati magna quæstio apud veteres fuit. Et quidem nonnulli existimant nefas esse die Sabbati ieiunari, excepto Sabbato Paschali.

Quam sententiam sequuti sunt Græci in Concilio, quod ipsi sextum, vel quinisextum vocant cano. 55. Contra autem quidam Vrbicus nefas esse docuit, Sabbato non ieiunare, cuius sententiam refellit S. Augustinus in epist. 86. ad Casulanum.

Præter has extremas sententias, sunt alie duæ mediae. Nam S. Innocentius I. in epistola prima contendit, Sabbato convenientissime ieiunari; quod idem sensisse videtur Epiphanius in compendiarie doctrina, ubi solum excipit dominicos dies à ieiunio Quadragesimæ. Necnon sanctus Hieronymus ad Lucinium Beticum, qui ad quæstionem sibi propositā, utrum ieiunandum esset die Sabbati, ut Romæ, & in Hispania fieri solebat, respondit quidem seruandam esse propriæ Ecclesiæ consuetudinem; tamen addit, *Vtinam per totum annum ieiunare possemus*. Quibus verbis indicasse videtur, probari sibi ut etiam die Sabbati ieiunetur.

Contra autem S. Ambrosius & sanctus Augustinus congruentius esse putabant, ut non ieiunaretur Sabbato, sed tamen hortabantur omnes, ut Prouinciæ suæ consuetudinem obseruarent. Vide Augustinum in epist. 86. & 118.

Ceterum sententia sancti Innocentij tandem præualuit, & ab Ecclesia Occidentali vniuersa recepta est, ut patet ex Concilio Agathensi, canone duodecimo, & Aurelianensi quarto, canone secundo. In Hispania vero etiam ante tempora Innocentij admixta fuerat, ut perspicuum est ex Concilio Elibertino, can. 21. Et certe ratio Innocentij solidissima est. Nam quemadmodum Græci cum Latinis ieiunant in Sabbato maioris hebdomadæ, propter Christi sepulturam, & Apostolorum maiorem: sic etiam par esset, ut ieiunaret in omnibus Sabbatis per totum annum propter eandem causam, alioqui non deberent ieiunare feria sexta propter Christi passionem, nisi in maiori hebdomada; nec deberent non ieiunare die Dominico per totum annum, sed solum in ipso die Dominicæ Resurrectionis. Nulla enim ratio reddi potest, cur in omni feria sexta liceat imitari ieiunium feriarum sextæ Paschalis, & non liceat in omni Sabbato imitari ieiunium Sabbati Paschalis. Præsertim cum in omni Dominica die imitemur gaudium Dominicæ Paschalis, & ideo nunquam in Dominica ieiunemus.

Sed respondendum est ad obiectionem, quæ fieri solet ex canone 65. Apostolorum, & ex epist. sancti Ignatii ad Philipp. ubi prohibetur ieiunium Sabbati & Dominicæ, & Christi dicitur interfector, qui Sabbato, aut Dominica ieiunauerit. Respondeo, Clemens in Apostolico illo canone, & Ignatius in epistola ad Philipp. non sine magna ratione prohibent ieiunium Sabbati, exorti sunt enim illo tempore hæretici varij, qui negabant Deum verum esse illum, qui mundum condidit sex diebus, & in septimo requieuit. Ut de Simonianis refert Epiphanius hæresi 46. & de Marcionistis, hæresi 42. ubi etiam expresse addit, Marcionistas propterea die Sabbati ieiunare solitos fuisse, ne viderentur gaudere de quiete & operibus Creatoris. Itaque in odium & detestationem horum Hæreticorum, placuit veteribus per Orientem prohibere ieiunium die Sabbati.

Possent etiam fieri, ut tam in canone Apostolico, quam in epistola Ignatii solum prohiberetur ieiunium diei Dominicæ; sed postea à Græcis posterioribus insertum fuit nomen Sabbati. Nam S. Epiphanius optime nouerat canones Apostolicos; quos etiam sæpe citare solet; & tamen (ut supra diximus) non excipit à ieiunio, nisi dies Dominicos.

Sed

Sed quidquid de hoc sit, Romana Ecclesia, & Occidens vniuersus longe alia de causa ieiunat Sabbato, quam Hæretici illi facerent. PRIMVM enim Sabbato ieiunamus, vel à carnibus abstinemus, vel longissime à Iudaismo recedamus. Iudæi siquidem non ieiunant, sed epulantur in Sabbato. DEINDE, in memoriam humilitatis Domini, qui die Sabbati iacuit mortuus & clausus in sepulchro. TVM, vt imitemur Apostolos aliosque discipulos Domini, qui cum ipsa Deipara, & sanctis mulieribus, non solum feria sexta, sed etiam die Sabbati in luctu & mœrore fuerunt. Denique, vt ad celebritatem Dominicæ diei per hoc ieiunium præparemur.

Refert S. Augustinus in epist. 86. aliam causam, quod videlicet S. Petrus cum Simone Mago decertaturus die Dominico, pridie cum tota Ecclesia, quæ in Vrbe erat, ieiunauerit, & consuetudo tam prospero euentu, eundem morem postea tenuerit. Sed hanc causam falsam esse, inquit Augustinus, perhibent plerique Romani.

CAPVT XIX.

De ieiunio quatuor temporum.

DE ieiunio quatuor temporum TRIA sunt explicanda, origo, varietas & causa.

Originem ab Apostolica traditione deducimus. PRIMVM enim id confirmat expresse S. Leo in sermone secundo de ieiunio Pentecostes, & in sermone 8. de ieiunio septimi mensis, idem etiam auctor in sermo 7. de ieiunio decimi mensis, testatur hæc ieiunia quatuor temporum in vniuersa Ecclesia celebrari.

Quod verum esse etiam de Orientali colligitur ex sancto Athanasio, qui in Apologia pro fuga sua meminit ieiunii Pentecostes, quod est vnum ex quatuor. Cum autem in nullo Cōcilio Oecumenico instituta reperiantur, sequitur vt ex Apostolica traditione descendere credenda sint, iuxta regulam S. Augustini, supra citatam, ex lib. 4. de Baptismo, c. 24.

His accedit, quod Callistus Papa vicinus Apostolorum temporibus in epist. ad Benedictum, affirmat iam ante sua tempora consuevisse in Ecclesia seruari trium tēporum ieiunia, à se vero additum quartum ieiunium, siue quarti temporis ieiunium. Ex quo sequitur, vt ieiunia quatuor temporum saltem per figuram intellectiois, id est maxima ex parte ab Apostolis sint instituta.

Denique de ieiunio decimi mensis, quod est vnum ac præcipuum ex quatuor, videtur mentio fieri in Actis Apostolorum, cap. 27. in illis verbis: *Incipiebat enim periculosa esse nauigatio, quia ieiunium iam præterierat.* Neque enim exponi potest hic locus de inedia nauigantium, vt sensus sit, incipiebat periculosa esse nauigatio, quoniam qui erant in nauis ob longam inediam, viribus iam destituti erant. Nam si S. Lucas id significare voluisset, non dixisset, quia ieiunium iam præterierat, sed quia magnum ieiunium iam præcesserat. Cum autem absolute dicat, quia ieiunium iam præterierat, loquitur de aliquo stato, & solemniori ieiunio, ex quo tempus anni describit, vt Chrysostomus & Oecumenius in comment. huius loci affirmant.

Et confirmari potest hæc expositio ex collatione cum alio loco in eodem capite, vbi describitur ieiunium prophanum ortum ex mœrore nauigantium. Ibi enim non dicitur, quia ieiunium iam præterierat, sed cum multa ieiunatio fuisset, & ipsum ieiunium

A *quædam* ibi vocat, cum hic *temus* vniuersum appellet. Verum est quidem à Chrysostomo & Oecumenio hunc locum exponi de solemniori ieiunio Hebræorum. Sed certe longe probabilius est, eum loqui de solemniori ieiunio Christianorum. Neque enim Hebræis, sed Christianis librum Actuum scripsit sanctus Lucas, & ex ieiunio illis noto, descripsit tempus hibernum, in quo periculosa nauigatio esse solet. Videtur igitur loqui de ieiunio decimi mensis, quod semper apud Christianos celeberrimum fuit propter ordinationes clericorum. Apud veteres enim non fiebant ordinationes nisi in mense Decembri, vt Amalarius testatur lib. 2. de officiis Ecclesiasticis, cap. 1. & perspicuum est ex Pontificali Damasi, vbi solum mense Decembri leguntur antiquissimi Pontifices ordinasse Presbyteros, vel Diaconos. Tempore autem ordinationis solitam fuisse Ecclesiam ieiunare, docemur in Actis Apostolorum, c. 13. & Hæretici quoque id fatentur.

Iam vero varietas Duplex in hoc ieiunio inuenitur. PRIMVM enim trium temporum obseruabatur ieiunium. Deinde decreto Callisti quartum est additum. Præterea nonnulli hæc ieiunia ita distribuiebant, vt Primum celebrarent prima hebdomada primi mensis, id est Martii. SECUNDVM, secunda hebdomada quarti mensis. TERTIVM, tertia hebdomada septimi mensis. QVARTVM, quarta hebdomada decimi mensis. Ita legimus in Concilio Moguntino, canone 34. & apud Rabanum, li. 2. de institutione clericorum, cap. 24.

Alii vero, idque magis communiter, PRIMVM tempus constituiebant in prima hebdomada Quadragesimæ; SECUNDVM, in hebdomada Pentecostes; TERTIVM, in tertia hebdomada Septembris; QVARTVM, in tertia hebdomada Decembris. Sic enim hæc tempora describunt Summi Pontifices, Leo primus, in sermone octauo de ieiunio decimi mensis, & Gelasius primus, in epistola prima, capite decimotertio, quamuis non expresse notent hebdomadas septimi & decimi mensis, sed solum ipsos menses.

Porro causæ præcipuæ institutionis quatuor temporum Quatuor assignari possunt. PRIMA causa fuit, ne Christiani Iudæis in hac parte remissiores viderentur. Constat enim ex capite octauo Zachariæ, fuisse apud Hebræos solenne ieiunium quater in anno, id est, mense quarto, quinto, septimo, & decimo. Equum igitur fuit, vt Christiani, qui perfectiores Hebræis esse debent, haberent etiam sua quatuor tempora quibus solenniter ieiunarent. Reddunt hanc rationem sancti Pontifices, Cassianus in epistola ad Benedictum, & Leo sermone septimo de ieiunio septimi mensis, & serm. 4. 6. de ieiunio decimi mensis.

ALTERA causa fuit propter ordinationes clericorum. Nam etiam si primi Summi Pontifices sacros ordines non conferrent, nisi mense Decembri, postea tamen crescente numero ordinandorum, institutum est, vt aliis etiam tribus temporibus sacri ordines conferrentur, vt ex epistola prima Gelasii iam citata intelligi potest.

TERTIA, vt his temporibus Deo supplicemus pro frugibus & fructibus terræ, & pro ipsam iam perceptis gratias ageremus. Nam in iis quatuor temporibus aeris temperies maxime variatur, & fructus omnes ac fruges vel seruntur, vel nascuntur, vel maturantur, vel colliguntur. Adfert hanc rationem sanctus Leo sermone 2. 5. & 8. de ieiunio decimi mensis.

QVARTA, vt sicut habemus solenne ieiunium

singulis annis, quod est ieiunium Quadragesimæ, & ieiunium statum singulis hebdomadibus, quod est ieiunium feriæ quartæ & sextæ, vel feriæ sextæ, & sabbati: sic haberemus ieiunium aliquod singulis mensibus.

Tres autem dies, qui tribus mensibus respondent, commoditatis gratia in vnum mensem cōiecerunt. Ita ieiunamus tribus diebus primi mensis, pro mense primo, secundo, & tertio. Item tribus diebus mensis quarti pro mense quarto, quinto & sexto. Tribus quoque diebus mensis septimi pro mense septimo, octavo & nono. Denique tribus diebus mensis decimi pro mense decimo, undecimo & duodecimo. Sic Leo nos docet serm. 9. de ieiunio septimi mensis, & serm. 8. decimi mensis, & Amalarius lib. 2. de officiis Ecclesiasticis, c. 2.

Sed obiectiones Kemnitii breuiter diluendæ sunt, quas habet in quarta part. Exam. pag. 645. 646 & 686. PRIMVM obiecit, quod in libro Tertulliani de ieiunio Catholici dicant, nullum esse impositum ab Apostolis iugum ieiuniorum, excepto ieiunio Paschali.

RESPONDEO, Fieri potest, vt Apostoli ieiunium quatuor temporum instituerint quidem, sed non sub lege præcepti: deinde deuotione fidelium frigelcente, vel à Callisto Pontifice, vel ab alio præceptum sit additum. Quamquam (vt supra monui) non satis magna fides haberi potest Tertulliano in ijs libris, quos dedita opera contra Ecclesiam scripsit.

Obiecit SECUNDŌ, quod sanctus Hieronymus, in epistola ad Marcellam scribit, Montanistas tres Quadragesimas ieiunare, nos autem vnam tantum, secundum traditionem Apostolorum, per reliquum autem annum ieiunare non necessitate, sed voluntate. Ex quo loco ita Kemnitius colligit: Hieronymi ergo tempore illa necessitas ieiuniorum quatuor temporum adhuc fuit ignota Ecclesiæ, sicut hac ipsius sententia manifeste ostendit. Et infra: Lex igitur, quæ in Montanistis antea damnata fuerat, postea in ieiunijs quatuor temporum per metamorphosin in cultum Dei conuersa, & canonizata est. Hæc ille.

RESPONDEO, Non ieiunabant Montanistæ quatuor tempora, sed tres Quadragesimas, vel duas hebdomadas, vt Tertullianus indicare videtur. Proinde nihil habet simile ieiunium quatuor temporum cum ieiunijs Montanistarum. Sed Kemnitio licet non solum ex dissimilibus similia, sed etiam ex diuersis eadem facere, sicut ex quolibet antecedente quolibet consequens pro arbitrato colligere. Sanctus enim Hieronymus non dicit, per reliquum annum nulla esse ieiunia per legem Ecclesiasticam constituta, sed dicit, licitum esse vnicuique per totum annum, si voluerit, ieiunare. Nam cum dixisset, Montanistas tres Quadragesimas habere præcepto Montani, ne videretur improbare frequentia ieiunia, subiungit: *Non quod per totum annum (excepta Pentecoste) ieiunare non liceat; sed quod aliud sit necessitate, aliud voluntate munus offerre.*

Vbi DVO dicit, PRIMŌ licitum esse per totum annum (excepta Pentecoste) id est, præter quinquaginta dies qui sunt à Pascha ad Pentecostem, ieiunare. DEINDE addit, non esse tamen Ecclesiam cogendam ad ieiunium totius anni vel trium Quadragesimarum, quod esset multis plane intolerabile. Alioqui enim S. Franciscus, & alii, non tres, sed quinque vel sex Quadragesimas ieiunabant, sed voluntate, vt S. Hieronymus monet esse faciendum, non necessitate.

A Obiecit TERTIO, Quod ieiunium quatuor temporum natum sit ex praua æmulatione Iudæorum, qui ieiunium in quatuor mensibus obseruabant. DVO sunt autem, quæ in hac imitatione kemnitius reprehendit, PRIMŌ, quod ieiunia illa quatuor temporum Iudæi non ex præscripto Domini, sed ex proprio capite instituerint, & ideo Zachariæ 8. ab ipso Domino per Prophetam reprobata fuerint. Secundo, quod non liceat Christianis ritus Iudaicos imitari, etiam à Domino institutos & imperatos, vt ait Apostolus ad Galat. cap. 4.

B RESPONDEO, falsum est, ieiunia quarti, quinti, septimi & decimi mensis à Deo per Prophetam reprobata fuisse. Nam vt etiam supra ostendimus, quod Dominus ait Zachariæ 8. ieiunia illa conuertenda esse in solennitates præclaras, ad laudem eorum ieiuniorum pertinet. Significat enim Dominus, si ieiunia illa pie seruentur, fore vt aliquando id præmii accipiant, vt conuertantur in solennitates præclaras, atque in hunc sensum hunc locum exponunt Hieronymus, Theodoretus & Rupertus in commentario, & S. Leo serm. 7. de ieiunio septimi mensis, & serm. 4. de ieiunio decimi mensis.

Porro ieiunia quatuor temporum ex pia & sancta Iudæorum veterum imitatione orta esse, cum sancto Leone asserere non veremur, nam etiam si ceremonias Iudæorum, quæ significationis causa institutæ fuerant, imitari non possumus, tamen exercitia virtutum communia sunt vtrique Testamento, & magis conueniunt Christianis, quam Iudæis, & ideo pati non debemus, vt in eiusmodi rebus ab illis superemur.

C S. Augustinus in epist. 86. ad Casulanum, scribit, ieiunare bis in Sabbato, vt Phariseus Luc. 18. bonum esse Christiano, modo sine superbæ tumore id faciat. Sicut etiam decimas fructuum omnium dare, quod Iudæi faciebant, optandum esse dicit, vt à Christianis omnibus impleatur. Itaque Aëriani apud Epiphanium sic ratiocinabantur: Hebræi statuta ieiunia habuerunt, igitur nefas est, statuta ieiunia habere Christianos. Contra sanctus Augustinus, & sanctus Leo, Hebræi ieiunabant bis in Sabbato, & rursus in quatuor mensibus certa ieiunia obseruabant, igitur æquum est, vt Christiani ieiunent feriæ quarta & sexta, & ieiunia quatuor temporum religiose custodiant. Cum igitur in eodem antecedente contrarias conclusiones Heretici veteres, & veteres Patres collegerint, Dialecticam Hæreticorum Lutheranis relinquentes, nos Patrum sanctorum Dialecticam amplectemur.

At (inquit Kemnitius) B. Ioannes Chrysostomus notat, Apostolum ad Galat. 4. reprehendisse Christianos, qui non solum integros Iudaicos ritus, sed etiam partem aliquam eorum rituum seruant. Non igitur licet Christianis vllō modo seruare Iudaicum ritum de ieiunio quatuor temporum.

E RESPONDEO, Loquitur beatus Paulus, & cum eo sanctus Ioannes Chrysostomus de ceremonialibus præceptis, quæ nec ex toto, nec ex parte seruanda sunt: qualia sunt circumcisio, sacrificia pecorum, neomeniæ, Sabbata & alia id genus: at ieiunia, elemosynæ, preces, plane moralia sunt. Præterea non eodem ritu, neque eodem tempore, neque ob eandem causam ieiunia quatuor temporum à nobis, & à Iudæis seruantur.

CAPVT XX.

De ieiunio aduentus.

ADVENTVM Domini ieiunio celebrari consue-
uisse in Romana Ecclesia, perspicuum est Tvm
ex Innocentio III. capite, Consilium, de obseruatione
ieiuniorum: Tvm ex ipso ritu Romani Breuiarii,
in quo preces illæ ad singulas Horas ponuntur
legendæ in feriis Aduentus, quæ propriæ sunt eorum
dierum, quibus ieiunatur. Cæterum, hoc ieiunium
non tam ex præcepto, quam ex consilio, aut voto,
à multis seruari, Ecclesiæ vsus satis aperte testatur.
Vide Radulphum de Riio in libro de Canonum
obseruanda, cap. 17.

CAPVT XXI.

De ieiunio Rogationum.

IEIUNIVM tridui ante ascensionem, vna cum Lita-
niis, instituisse fertur S. Mamertus Viennæ Epi-
scopus, vt scribit Gregorius Turonicus, libro 2.
historiæ Francorum, cap. 34. propter multa incom-
moda, quæ à terræ motibus, & luporum incursionibus
eo tempore Gallia patiebatur. Deinde, idem
ieiunium receptum legimus in Concilio Aurelia-
nensi I. cap. 29. Romæ quoque olim idem ieiunium
ita seruabatur, vt cibis solum quadragesimalibus
populus vesceretur, vt intelligi potest ex Ord. Ro-
mano, vbi agitur de Rogationibus.

Videtur tamen non tam præcepti, quam consilii
fuisse eiusmodi obseruatio, cum satis constet, i inter
Pascha, & Pentecostem, ex antiquissima consuetu-
dine nulla ieiunia imperari. Sicubi tamen hoc ipsum
ieiunium præcepti lege seruatur, non est improban-
dum. Seruanda est enim in eiusmodi rebus Ecclesiæ
consuetudo, vt Hieronymus in epistola ad Luci-
num, & Augustinus in epistola ad Casulanum mo-
nent. Extat de institutione Rogationum insignis
sermo sancti Alchimi Auiti, qui fuit tertius à sancto
Mamerto, Viennensis Episcopus.

CAPVT XXII.

De ieiunijs Vigiliarum, & Stationibus.

PRIDIÆ magnorum festorum non solum vigilias
agi per noctem, sed etiam interdium ieiunari, tes-
tis esse potest sanctus Bernardus in serm. de vigilia
sancti Andreæ. Item Burchardus lib. 13. decr. cap.
16. & Innocentius III. cap. 1. & 2. de obseruatione
ieiuniorum.

Quoniam autem stationis nomen, cuius frequens
est mentio apud veteres, partim cum vigilia, partim
cum ieiunio conuenit, ita vt sæpe pro alterutro
accipi videatur, operæ pretium esse duxi breuiter
explicare, quid sit propriæ statio.

Igitur non desunt, qui stationem existiment di-
ctam esse à stando, quod fieret diebus Dominicis,
quibus diebus Christiani non nisi stantes orabant,
iuxta illud Tertulliani in libro de corona militis,
die Dominico ieiunare nefas dicimus, & de genicu-
lis adorare. Sed falsam esse hanc opinionem ex illo
ipso libro de corona militis intelligi potest. Docet
enim Tertullianus, nunquam fieri stationem die
Dominico, iam, inquit, & stationes, aut alij magis faciet,
quam Christo, aut die Dominico, quando nec Christo.

A Igitur statio propriè nihil aliud erat, nisi vigilia
diurna tempore solemnis ieiunii. Cum enim pu-
blice, & solemniter ieiunabatur, vigilabant in ora-
tionibus, & eiusmodi vigiliæ, & quali excoibiæ oran-
tium & ieiunantium, stationes dicebantur, vocabu-
lo desumpto ex militia, vt Tertullianus monet in
libro de oratione.

Hoc autem intererat inter stationem, vigiliam, &
ieiunium, propriè loquendo, quod ieiunium fieri
poterat noctu & interdium, vigilia solum de no-
cte, statio solum de die. Atque ideo diximus
stationem non esse vigiliam simpliciter, sed vigiliam
diurnam. Item ante omnem vigiliam, nocturnam
videlicet, præcedebat statio & ieiunium: non au-
tem post omnem stationem, & ieiunium sequebatur
vigilia.

B Et quidem quod statio esset vigilia diurna, & di-
stingeretur à ieiunio, & oratione, perspicuum est
ex TERTULLIANO in li. de fuga in persecutione:
Quando, inquit, Deus magis creditur, nisi cum magnitimi-
tur, nisi tempore persecutionis? tunc Ecclesia in Antonio est,
sunt ex fide in expeditione sollicitior, & disciplinatio-
in ieiunijs, stationibus, orationibus. Vbi per stationem
intelligit vigilas ieiunantium, & orantium.
Quod autem interdium solum fieret statio, ac per
hoc esset vigilia diurna, docet idem Tertullianus
in libro secundo ad uxorem: Si statio, inquit,
facienda sit, martius de die conducat ad balnea. Item in
libro de ieiunio dicit, stationem finire hora nona,
aut ad vesperam. Simul enim ieiunium soluebatur
& statio.

C Fieri autem solitam stationem in diebus solem-
nium ieiuniorum, docent Isidorus, libro sexto Ety-
molog. cap. vltimo, & Rabanus libro secundo de
institutione Clericorum. capite decimo octauo, &
ante hos omnes Tertullianus in lib. de ieiunio, vbi
dicit stationes fieri feria quarta & sexta, & tam diu
stationem durare, quamdiu non soluitur ieiunium.
Imo propter hanc coniunctionem stationis cum ie-
iunio, ieiunium ipsum aliquando statio nominatur.
Sic enim accipit stationem Tertullianus in libro de
oratione, extremo, vbi querit, vtrum per sumptio-
nem Eucharistiæ soluaturs statio, cum querere vellet,
vtrum Eucharistia sit talis cibus, vt eo sumpto, dica-
tur solum esse ieiunium, sic etiam accipit Cassia-
nus Collat. 21. cap. 29. cum dicit stationem ieiunii
relaxari.

D Porro sanctus Gregorius stationibus certa loca
attribuit in vrbe Romana, & ipse ad ea loca veniens
tempore stationum viginti homilias in variis Eccle-
siis declamauit, vt scribit Ioannes Diaconus in vita
sancti Gregorii libro secundo, cap. 18. & lib. 4. cap.
74. Forte etiam ipse primus fuit, qui stationes à ie-
iunio separauit, & in Dominicis Aduentus, & Qua-
dragesimæ, & in ipsa etiam Dominica Resurrectio-
nis stationes fieri voluit, cum antea solum in diebus
ieiuniorum fieri solerent. Legimus enim in Antipho-
nario & Sacramentario S. Gregorii annotatam sta-
tionem ad Lateranum prima Dominica Quadrage-
simæ, & in ordine Romano in ipso principio, men-
tio fit stationis in die festo.

E Vfus autem, qui nunc viget, Ecclesias, vbi statio
celebratur, iuuifendi, ac breuiter orandi, ex ne-
cessitate ortus videtur. Quoniam enim Basilica illa
ad quam statio forte in dicitur, tantam populi mul-
titudinem capere non potest, & omnes tamen sta-
tionis participes esse cupiunt, ideo consuetudo in-
troducenda est, vt nunc illi, nunc illi locum stationis
adirent.

Itaque Duabus in rebus differt statio huius tem-

poris ab antiqua. PRIMVM enim iidem homines tunc in oratione perseverabant à summo mane, usque ad horam nonam, aut vespas: nunc autem alii, atque alii vigilant in orationibus, sic tamen, ut à summo mane, usque ad vespas nunquam desint, qui in Ecclesia Deum precentur, aut laudent. DEINDE, tunc stationem semper cum ieiunio, & oratione iungebant, nec ante statio, quam ieiunium soluebatur: nunc autem non solum diebus ieiuniorum, sed etiam in festis, & Dominicis, nec solum ante cibum, sed etiam post cibum statio celebratur.

CAPVT XXIII.

De diebus quibus ieiunari non debet.

PER OMNES Dominicas, & spacium illud, quod est inter Pascha & Pentecostem, & in die Natalis Domini ieiunandum non esse, communi consensu Patres docent.

TERTULLIANVS in libro de corona militis: Die Dominico, inquit, ieiunari nefas ducimus.

S. AMBROSIVS in epistola 83. Dominica, inquit, ieiunare non possumus, quia Manichæos etiam ob istius diei ieiuniatione damnamus. Hoc est enim in resurrectione Christi non credere, si legem quis ieiunii die resurrectionis indicat.

S. HILARIUS præfatione in Psalmos: Et hæc, inquit, Sabbata Salvatorum, ea ab Apostolis religione celebrata sunt, ut bis Quadragesima diebus nullus neque in terram, strato corpore adoraret, neque ieiunio festivitatem spiritualis huius beatitudinis impediret. Quod id ipsum extrinsecus etiam in diebus Dominicis est constitutum.

S. EPIPHANIUS in compendiarie doctrina: Per totum, inquit, annum hoc servatur in eadem sancta Catholica Ecclesia, quarta, inquam, & Prosabbato usque ad horam nonam, excepta sola Pentecoste, per totos quinquaginta dies, in quibus neque genua flectuntur, neque ieiunium est imperatum. Et infra: At vero Dominicas omnes delicias ducit sancta hæc Catholica Ecclesia, & communionem manne perficit, & non ieiunat: Inconsensaneum enim est in Dominica ieiunare. Et ibidem: Neque, inquit, in die Epiphaniarum, hoc est, Apparitionis, & Adventus, quando natus est in carne Dominus ieiunare licet etiam si contingat, ut sit quarta, aut Prosabbatum. Quo loco nomine Epiphaniarum, more Græco, non intelligit, nisi ipsum diem Natalis Domini.

Vide similia apud Hieronymum in epistola ad Lucinium Beticum, in epistola ad Marcellam contra Montanum, & in epistola ad Eustochium, de custodia virginis, apud Augustinum in epistola 86. ad Casulanum, & in epistola 219. ad Ianuarium, capite decimoquinto, apud Leonem in epistola 91. ad Turbium. Item in Concilio Gangrensi, canone 18. Carthaginensi IV. can. 64. Bracharensi 1. can. 4. & aliis.

Causa huius prohibitionis fuit, tum ob læticiam, & celebritatem horum dierum: tum maxime in odium Hæreticorum, qui his potissimum diebus, dedita opera, ieiunabant. Montanistæ enim unam Quadragesimam, siue unam hebdomadam (varie sunt enim de hac re sententiæ) post Ascensionem Domini, & aliam post Pentecostem ieiunabant, ut S. Hieronymus refert in commentario ad cap. 9. Matthæi Manichæi ieiunabant ordinarie die Dominico, ne viderentur de Christi resurrectione gaudere, quam falsam fuisse sibi persuaserant, ut ex Ambrosio in epist. 83. & ex Augustino in epistol. 86.

A cognosci potest. Eustathius & Acrius, atque eorum discipuli, diem Dominicum ad ieiunium potissimum deputabant: & contra iidem Acriani hebdomadam sanctam conuiuiis & potationibus celebrabant, ut Epiphanius hæresi 75. & Socrates libro secundo historiarum, cap. 33. testes sunt. Denique Priscillianistæ die Dominico, & in Natali Domini ieiunare solebant, ut sanctus Leo testatur in epist. ad Turbium, iam citata.

B Sed illud hoc loco non est omittendum, ieiunium in his diebus non simpliciter esse prohibitum, sed solum si quis vel ex superstitione ieiunet, ut Montanistæ faciebant, vel errore, ut Manichæi & Priscillianistæ, vel ex contemptu Ecclesiæ, ut Eustathiani, & Acriani, vel denique cum scandalo aliorum, ut si quis unam hebdomadam ieiunaturus eligat sine ulla rationabili causa hebdomadam paschalem: aut unum diem ieiunaturus, eligat diem Natalis Domini, aut Dominicam. Alioqui enim si quis vel ad tentationem carnis superandam, vel causa morbi corporalis curandi, vel quia vouit ieiunium totius anni, aut integri mensis, non peccabit, si Paschali tempore, vel in Dominica die, aut etiam in Natali Domini ieiunauerit. atque hoc ipsum Epiphanius, Hieronymus & Augustinus locis notatis docent.

C Ex quo intelligimus, non debere consuetudinem eorum reprehendi, qui (ut supra diximus) in diebus Rogationis ieiunant: Et multo minus consuetudinem Ecclesiæ vniuersæ, quæ vigiliam Pentecostes similiter ieiunat. Cuius ieiunii meminit Ordo Romanus ubi describit officium vigiliæ Pentecostes. Ordinem autem Romanum antiquissimum esse, vel ex eo perspicui potest, quod ab Alcuino & Amalario passim citatur.

D Quod autem in Concilio Salegustaho apud Gratianum dist. 76. can. de ieiunio, dicitur, ieiunium quatuor temporum non debere celebrari immediate ante Pentecostem, quia ieiunium, & vigilia simul celebrari non debent, non significat in vigilia Pentecostes non esse ieiunandum, sed non debere in unum diem concurrere duo ieiunia, ieiunium videlicet vigiliæ, & ieiunium quatuor temporum, sicut etiam paulo infra monet, ut ieiunium decimi mensis celebretur in Sabbato præcedente vigiliam Natalis, ne ieiunium illud concurrat cum Vigilia, id est, cum ieiunio Vigiliæ Natalis.

CAPVT XXIV.

De fraudibus & corruptelis Kemnitij in historia antiquitatis.

IN EXTREMA disputatione de ieiunio, miræ calliditate Kemnitius per modum simplicis historiarum se demonstraturum proficitur, nunquam defuisse, qui leges ieiuniorum, aut opinionem meriti, & satisfactionis in ieiuniis suscipiendis obtrudere voluerint: sed nunquam etiam defuisse sanctos viros, qui magno zelo contra eiusmodi supersticiosas opiniones, & leges pro Evangelica libertate & sinceritate pugnaverint.

Hanc eius historicam observationem duabus de causis non existimaui mihi esse accurate refellendam. Nam hoc ipso tempore, magno Ecclesiæ bono Cæsar Baronius, (nunc S. R. E. Cardinalis meritisissimus) vir optimus, & sine controuersia eruditissimus, Annales suos Ecclesiasticos partim edidit, partim iam edit, ex quibus omnes omnium hæreticorum

fraudes & corruptelæ, quæ ad historias pertinent, nullo negotio deprehendi & profligari poterunt. Et ego in superioribus capitibus ad omnia illa respondi, quæ speciem aliquam difficultatis habere posse videbantur, ut de Montano, de Alcibiade, de Spiridione, & similibus. Solum igitur hoc loco summam historicæ observationis ipsius perstringam, & fraudes, atque calumnias in ea observatione inseras patefaciam, ac refellam.

Igitur in quarta parte Examinis pagina 542. & sequentibus, septemdecim capita proponit. In PRIMO capite expositorum se dicit, quales superstitiones opiniones de ieiunio Scriptura taxet & refutet. DEINDE, adducit loca Isaïæ 58. & Zachariæ 7. & 8. Item Matthæi 9. ad Colossenses 2. & 3. ad Timotheum quarto, ad quæ omnia supra responsum est. Addit etiam locum Evangelii Matthæi sexto: *Cum ieiunatis, nolite fieri sicut hypocritæ tristes, &c.* Et Lucæ 18. *Ieiunabis in Sabbato.* Vbi reprehendit opinionem Phariseorum, qui sanctitatem & pietatem putabant sitam esse in extrema observatione traditionum de ieiuniis, & opinionem habebant meriti, & iustitiæ coram Deo ex ieiuniis à Deo non præceptis.

At more suo Scripturas depravat. Dominus enim Matthæi sexto non negat sanctitatem aliquam, & pietatem sitam esse in externa observatione ieiunii à Deo non imperati, sed à maioribus traditi: nec enim ignorabat laudatos à Deo Rechabitas, qui ex traditione patris sui à vino perpetuo abstinabant, & Nazaræos, qui abstinentiam à Deo non imperatam sponte vouebant: Sed vituperat hypocritas, qui gloriæ humanæ causâ videri volunt magis ieiunare & abstinere, quam faciant. Ideo enim, ut Dominus ait: *Exterminant facies suas, ut paveant hominibus ieiunantes.* Lucæ autem 18. non reprehenditur Phariseus, quod ieiunaret bis in Sabbato, neque etiam quod ieiunium non imperatum, meritum esse crederet, ut re vera meritum erat ieiunium eorum, qui Num. 30 illud sponte suscipiebant, & Deo, ut rem illi gratam promittebant, sed quod ex bono opere in superbiam efferretur, alioque contemneret, ut ex ipsius parabolæ conclusione colligitur.

In SECUNDO capite narrat ritus Gentilium circa ieiunia, ex Hieronymo contra Iovinianum, ex Volaterrano li. 13. Anthropologie, capite 4. ex Alexandro ab Alexandro lib. sexto, cap. 2. & lib. 4. capite 7. & 17. ex Rausio & Polydoro. Ex quibus ritibus colligit, à spiritu demoniorum profectam esse opinionem, quod ipsum opus operatum ieiunii, præcipue vero abstinencia à quibusdam cibis sit cultus Dei.

Sed hic multa sunt errata Kemnitii. PRIMUM aut ignorat, quid sit opus operatum, aut opus operatum ieiunii apud Catholicos cultum Dei esse mentitur. Nullum enim Catholicorum protulit, aut proferet, qui ita desipiat.

DEINDE, socium se Ioviniano Hæresiarchæ adiungit dum nobis Gentilium abstinentiam obicit, ut meritum ieiunii oppugnet. Sic enim & Iovinianus apud sanctum Hieronymum libro secundo obiciebat: *De ciborum sibi placet abstinencia, quasi non & superstitio Gentilium Cossam matris Deum obferret & Isis.*

TERTIO, non intelligit, cur à sancto Hieronymo Gentilium exempla in causa ieiunii adferantur. Rectissime enim probat sanctus Hieronymus exemplis Gentilium naturalilumine rationis cognosci posse utile esse ieiunium ad sapientiam acquirendam, &

A passionibus animi cohibendas.

QUARTO, non recte colligit ieiunium & abstinentiam à certis cibis non esse cultum Dei, quia Gentiles res easdem cultû Dei esse censebant. Nam si licet ita ratiocinari, probabimus etiam oratione, sacrificiis, templis, votis, Deum non posse coli, quia Gentiles his omnibus rebus Deum coli existimabant. Errabant igitur Ethnici, quod ieiunia propter falsos Deos suscipiebant, ut etiam quod falsos Deos inuocarent, eisque templa & aras erigerent: at non errabant, quod Deo non solum orationes, templa, altaria, sacrificia sed etiam ieiunia placere arbitrabantur.

DEINDE, cum Scriptura divina manifeste Kemnitius pugnat, cum à spiritu demoniorum opinionem illam profectam esse affirmat: quæ abstinentiam à certis cibis cultum Dei facit. Nam (ut supra ostendimus) Spiritus Dei abstinentiam à certis cibis, aut à vino, cultum Dei esse testatur, cum dicit, placere Deo vota Nazaræorum, qui à vino se abstinabant. Item vota aliorum, qui abstinentiam aliquam Deo pollicebantur, & cum Annam viduam orationibus, & ieiuniis Deo servisse confirmat. Vide Num. 6. & 30. & Luc. 2.

In TERTIO capite differit de abstinencia Essæorum, ac PRIMUM S. Hieronymum redarguit, quod scripserit in secundo libro adversus Iovinianum, Essæos, teste Iosepho, à vino & carnibus abstinere solitos. Id enim Iosephum nusquam testari Kemnitius dicit.

At Iosephus libro secundo de bello Iudaico, capite septimo, describens prandium Essæorum, siue (ut ipse loquitur) Essæorum, scribit, Essænis in cibum nihil aliud apponi, nisi panem & vasculum vnum cum edulio. Et passim laudat in eis continentiam, sobrietatem, & victus, ac vitæ simplicitatem. Itaque non male sanctus Hieronymus, ex verbis Iosephi collegit, Essæos à vino & carnibus abstinere, præsertim cum existimaverit eosdem esse, qui à Philone & Iosepho laudentur. Quos enim Philo laudat, certum est, perpetuo à vino & carnibus abstinuissent.

DEINDE, Kemnitius cum negare non posset, eos, quos Philo insigni libro commendat, fuisse Christianos, & ieiunia, atque abstinentiam à certis cibis, ut res Deo gratas studiosissime coluisse, dicit, hoc eorum institutum non fuisse Apostolicæ traditionis, sed reliquias veteris fermenti Essæorum, quod ipsis etiam ad fidem Christi conuersis adhæsit. Id autem probat, quia Sozomenus libro primo, cap. duodecimo. Nicephorus libro secundo, capite 57. & Sophronius in vita Marci dicunt, eos, quos Philo laudat, Hebræos fuisse ad Christum conuersos, & adhuc iudaizare solitos. Addit PRÆTEREA, si quis conferat cap. 2. epistolæ ad Colossenses cum vita, & institutis Essæorum: eum plane perspecturum, ab Apostolo Paulo notari: ac reprehendi eiusmodi vitam & instituta.

At Kemnitius PRIMUM secum ipse pugnat, cum velit institutum abstinendi à carnibus, & vino esse reliquias fermenti Essæorum, & tamen paulo ante scripserit, non colligi ex Iosepho, quod Essæni à vino & carnibus abstinerint. Non enim Essæorum instituta aliunde melius, quam ex Iosepho dicere possumus.

DEINDE Sozomenus, Nicephorus & Sophronius, quibus auctoribus Kemnitius nititur, contra ipsum manifeste pugnant. Nam Sozomenus & Nicephorus miris laudibus efferunt institutum eorum, de quibus loquitur Philo, & sanctum sine du-

bitatione appellant. Proinde cum dicunt, eos Iudai-
zasse, non loquuntur de ieiunio & abstinencia, quæ
sunt communia Iudæis cum Christianis, sed de
ritibus propriis Iudæorum, ut de custodia Sabbati,
Circumcisione, & similibus rebus. Sophronius au-
tem tum in vita Marci, tum in vita Philonis, & Ni-
cephorus loco notato, disertis verbis docent, eos,
quos Philo tantopere laudat, discipulos fuisse sancti
Marci Evangelistæ, & ab ipso institutum illud vitæ
ieiunia & abstinencia didicisse. Quare non reliquæ
fermenti Esænorum, sed Apostolica doctrina erat,
si Sophronio & Nicephoro credimus, illa, quam
Philo commendat.

Sed in eo potissimum stultitia Kemnitii se prodit,
quod Sozomenum, Nicephorum, & Sophronium,
Eusebio & Hieronymo, quasi opponit, cum tamen
Sozomenus & Nicephorus Eusebium sequantur, &
Sophronius idipsum scribat Græce, quod Hierony-
mus scripsit Latine.

Quod attinet ad collationem capitis secundi ad
Colossenses, cum libro Philonis de vita contem-
plativa supplicum: nemo unquam iudicabit, ab
Apostolo reprehendi vitam illorum, quos laudat
Philo, nisi sensum iudicandi corruptum, ac deprava-
tum habeat, nisi forte probabile sit ab Apostolo
Paulo Marcum Evangelistam reprehendi. Marci
enim sectatores fuisse, quos Philo laudibus cele-
brat, non solum Sophronius & Nicephorus, sed
etiam Hieronymus, Epiphanius, Cassianus, Beda,
& alii docent. Vide quæ scripsimus in libro de Mo-
nachis, cap. 5.

In capite QUARTO probat, adulterinos libros
esse constitutiones & canones Apostolicas, librum
Pastoris, & Abdiam de vitis Apostolorum, in quibus
multa leguntur de ieiunio, & abstinencia à certis
cibis.

Sed laborem differendi de libris Kemnitius omit-
tere potuisset. Non enim desunt Ecclesiæ Catho-
licæ plurimi alii libri sanctorum Patrum certi & in-
dubitati, unde traditiones Apostolicæ probari pos-
sint. De constitutionibus & canonibus Apostolo-
rum multa scripsit noster Turrianus. Sanctus Epi-
phanus hæresi Audianorum dicit quidem, consti-
tutiones Apostolicas non ab omnibus recipi, tamen
addit, nihil in eis, nisi verum & sanum contineri.
Liber Pastoris non est quidem canonicus, sed po-
tius Apocryphus, quod attinet ad auctoritatem
Scripturæ divinæ: tamen utilis ab omnibus fere Pa-
tribus iudicatus est, ut patet ex Tertulliano in libro
de oratione, Origene lib. 10. in epist. ad Romanos,
Irenæo lib. 4. cap. 37. Clemente Alexandrino lib. 6.
Stromat. Athanasio in libro de decretis Nicænæ
Synodi. Eusebio lib. 3. histor. cap. 3. Hieronymo
in libro de viris illustribus in in Hermete, Rufino in
explicatione Symboli, Cassiano Collat. 11. cap. 12.
Quare temere Kemnitius hunc librum ut contra-
rium litteris Apostolicis improbat. Librum Abdiæ
supposititium esse, viri docti etiā apud nos censent.
Ego certe nullum ab eo testimonium petii, ut nec
ex libro Pastoris.

In QUINTO capite disputat de causa, cur vetus
Ecclesiæ paschale ieiunium, & feræ quartæ & sextæ
aliquando servauerit, salva Evangelica libertate.
Sed respondimus supra, tum in capite de origine
Quadragesimæ, tum in capite de ieiunio feræ quar-
tæ & sextæ, ubi demonstraui falsas & ineptas
causas Kemnitium reddidisse.

In SEXTO capite profert testimonia Ignatii & Ire-
næi, & historiam Attali, & Alcibiadis contra meritū
& necessitatem ieiunii. Sed hæc omnia excussimus

supra in propriis locis, ubi differimus de lege iei-
unii, & de utilitate ieiunij.

In SEPTIMO & OCTAVO capite tractat historiam
Tatiani & Montani, & multa ex Tertulliano addu-
cit, ad quæ omnia supra respondimus. VNVM est
hoc loco NOTANDUM, graviter & non semel san-
ctum Epiphanius à Kemnitio reprehendi, pag. 596.
& 605. quod scripserit, Montanistas abstinere à ci-
bis, non disciplinæ gratia, non maioris virtutis, non
præmiorum & coronarum, sed quod ea quæ à Do-
mino facta sunt, abominabilia iudicent. Sed certe
non Epiphanius Montano, sed Kemnitius Epi-
phanio falsum affingit. Epiphanius enim illa quæ
citat Kemnitius non de Montanistis, sed de aliis
hæreticis scribit, ut perspicuum erit, si quis locum
Epiphanius diligenter inspiciat.

In NONO, DECIMO, & VNDECIMO capite,
producit in medium loca quædam Origenis, histo-
riam Eustathii & Spiridionis, quæ sunt à nobis tracta-
ta suis locis.

In DVODECIMO & DECIMOTERTIO capite
docet, circa annum Domini CCCC. cepisse in
Ecclesiâ inuehi leges ieiuniorum, cum opinione
necessitatis & meriti, per Basilium, Ambrosium,
Epiphanius & Hieronymus: & simul Aerium &
Iovinianum excusat, Epiphanius & Hieronymus
accusat. Hic vero gratias agimus Kemnitio quod
lumina illa Ecclesiæ, tam Occidentalis, quā Ori-
entalis nobis tam prompte liberaliterque concedat.
Existimamus enim neminem esse debere tam stul-
tum, qui non magis fidem habere velit sanctissimis
illis viris, Basilio, Ambrosio, Epiphanius & Hiero-
nymo, quam Luthero, Caluino, Philippo, Kemni-
tio, Neque miramur, si Kemnitius, cum plane sit
Aerianus & Iovinianista, parentes suos defendere
ut cumque voluerit.

Sed illud male haberet fortasse, ipsum etiam
Aerium, quod falso commēto eum defendere cona-
tus sit. Dicit enim Kemnitius, Aerium, cum impro-
bauit statuta ieiunia, non tam Ecclesiæ Catholicæ,
quam Eustathii leges ieiuniorum improbare voluisse.
At quamvis Aerius & Eustathius quibusdam in re-
bus dissenserint, tamen in hac re minime consen-
tiebant. Nam ipse Eustathius statuta ieiunia ferre non
poterat, ut ex Concilio Gangrensi, & historia So-
cratis supra probauimus.

DEMIQUE quanta temeritas est, ut velit Kemni-
tius, qui heri natus est, maiorem sibi fidem haberi in
intelligentia hæresis Aerianæ, quam sancto Epi-
phanio, qui primus hanc heresim exposuit, & ipso Aerio
vivente scripsit, quemadmodum etiam valde inepte
fingit, dubium esse, quid Iovinianus senserit, quasi
non satis aperte id sanctus Hieronymus exposuerit
in libris aduersus Iovinianum, quos sanctus Augu-
stinus in epist. 29. lucidissimos, suauissimos & præ-
clarissimos vocat.

In DECIMOQUARTO, DECIMOQUINTO, &
DECIMOSEXTO capite producit, tanquam defensores
libertatis Christianæ in usu ciborum, Augustinum,
Prosperum & Primasium Latinos, Chrysostomum
Cyrillum, Theodoretum & Socratem Græcos;
eosque cum Basilio, Epiphanius, Ambrosio & Hiero-
nymo aduersa fronte committit. Quasi credibile sit
sanctum Augustinum, Prosperum & Primasium
sancto Ambrosio & Hieronymo; Chrysostomum,
Cyrillum, & Theodoretum à sancto Basilio & Epi-
phanio tam aperte, ut Kemnitius fingit, dissentire
potuisse. Expertus erat Kemnitius, summos prin-
cipes novatorum, Lutherum, Zwinglium, & alios
inter se primariis fidei nostræ capitibus digla-

diari solitos: Itaque idem censuit sanctis Patribus accidisse.

Sed longe aliud scribit de Concordia Catholicorum Patrum in dogmatibus fidei, S. Augustinus in primo & secundo libro aduersus Iulianum. Et ea quæ nos supra ex Augustino & Chrysostomo citauimus, satis ostendunt, eos cum Basilio, Ambrosio, Epiphânio & Hieronymo mirifice consensisse. Si quid autem obscuritatis erat in auctoribus, quos Kemnitius citat, supra in locis propriis explicatum est: multa vero de industria prætermisi, quod nihil omnino difficultatis haberent.

In DECIMO SEPTIMO capite scribit Kemnitius ab anno Domini CCCCLX. cum non essent, qui contradicerent, extinctis videlicet luminaribus Ecclesiæ, superstitiones leges & opiniones de ieiunio per Pontificum, & Conciliorum decreta cumulas fuisse, donec Scholastica Theologia inde extructa est. Profert autem S. Leonis Magni multa loca pro ieiunio, item S. Gregorii, S. Bernardi, & aliorum.

At si diuina prouidentia per annos CCCCLX semper aliquos excitauit, qui superstitiones reprimerent: cur non etiam postea id fecit? Defuit ne

Spiritus sancto sapientia, aut potentia: An vero Ecclesiam suam omnino deseruit? An forte impedire non potuit, quo minus portæ inferorum aduersus Ecclesiam præualerent? Et, si luminaria quædam extincta sunt, non poterat alia rursus accendere? Cur igitur non potius dicimus, S. Leonem, S. Gregorium, S. Bernardum fuisse quoque magna Ecclesiæ luminaria: & nihil diuersum ab antiquioribus Patribus docuisse: Nec fuisse alios, qui legem & meritum ieiunii oppugnare tentauerint, nisi manifestos hæreticos. Eustathium? Aërium, Iouinianum, Nam si defensores illi, quos Kemnitius fingit, libertatis euangelicæ à Deo excitati fuissent, continuasset sine dubio Deus opus suum. Nec permisisset luminaria omnia Ecclesiæ ita extinguere, ut per annos mille & censentum, portæ inferi aduersus Ecclesiam præualerent.


Quare maximum præiudicium causæ suæ Kemnitius fecit, cum tam aperte confessus est, ab anno CCCCLX. S. Leonem, S. Gregorium, & quot fuere deinceps Ecclesiæ Doctores, & pastores legem ieiunii, & opinionem cultus, ac meriti, nemine contradicente tradidisse.

LIBER TERTIVS.

DE ELEEMOSYNA.

CAPVT PRIMVM.

Quid sit Eleemosyna.



DE ELEEMOSYNA Vix vllæ sunt controuersie cum hæreticis nostri temporis, tamen de ipsa quoque nobis disserendum esse censuimus, ne videlicet eam à ieiunio & oratione distingeremus. Sequemur autem in hac tota disputatione vestigia S. Thomæ. & ea quæ ipse docet, in 2. 2. q. 31. vel pleniora efficere conabimur, vel clariora.

Igitur de eleemosyna Octo capita tractanda esse videntur. Quid sit eleemosyna. Quæ sint, & quot genera eleemosynæ. Quis sit eius fructus & finis. Sit ne præceptum aliquod de eleemosyna faciendæ. Quibus ex rebus corporalis eleemosyna fieri debeat: ubi de male partis, de superuacaneis, de necessariis opibus disseretur. A quo sit eleemosyna faciendæ. Cui sit faciendæ. Quia ratione & modo sit faciendæ.

Ac ut à definitione incipiamus, Eleemosyna defini potest. *Opus quo datur aliquid indigenti ex misericordia.* Est enim eleemosyna proprie actus misericordiæ, quæ virtus miseriam respicit, ut eam tollat, ac per hoc rationem habet ad indigentem, & miserum. Id perspicuum est PRIMVM ex nomine. Dicitur enim eleemosyna à verbo Græco *ἐλεεινός*, quod est misereor. DEINDE ex Scripturis, quæ per misericordiam eleemosynam describunt. Prouerb. 19. *Fæneratur Deo, qui misereatur pauperis.* Et Daniel. 4.

Peccata tua eleemosynis redime, & iniquitates tuas misericordia pauperum. TERTIO, ex S. AUGUSTINO, qui in Enchiridio cap. 76. *Est enim, inquit, eleemosyna opus misericordiæ.* DENIQUE ex communi sensu omnium gentium. Nemo enim eleemosynam vocat id, quod datur non egenti, & omnes eleemosynam vocant, quam pauperes à diuitibus petunt, & quam diuites pauperibus erogant.

Quamuis autem eleemosyna sit actus elicited misericordiæ, tamen imperatur à charitate, & adiuuatur à liberalitate: *Charitas enim benigna est.* 1. ad Cor. 13. *Et qui videt fratrem suum necessitatem habere, & clausit viscera sua ab eo, quomodo charitas Dei manet in eo?* 1. Ioan. 3. Liberalitas autem remouet auaritiam, quæ sæpe impedit eleemosynam, & promptum facit ad dandum, quæ promptitudo facit hilarem datorem, qualem diligit Deus. Denique S. AMBROSIVS, in 2. lib. de officiis, c. 15. liberalitatis effectum eleemosynam esse docet, quoniam vix fieri potest, ut aut auarus eleemosynas faciat, aut liberalis eas non faciat.

Illud autem hoc loco non est omittendum, eleemosynam sine charitate factam, atque ut est actus solus misericordiæ, quæ est virtus moralis, vere proprieque eleemosynam dici posse: cum in Scripturis & Patrum libris absolute, ac simpliciter eleemosynæ dicantur, quas peccatores faciunt, ut perspicuum est ex cap. 4. Danielis, ex cap. 6. Matth. ex cap. 11.

Lucæ, & ex Augustino in Enchiridio, cap. 75. & 76. & lib. II. de Ciuit. Dei, c. 22. & sequentibus. Quia tamen virtutes morales sine charitate non sunt omnino perfectæ virtutes, quamuis veræ virtutes esse possint, vt S. Thomas docet in 2.2. q. 23. art. 7. Ideo si eleemosyna sumatur pro actu perfectæ virtutis, siue pro actu misericordiæ à charitate imperato, non dicitur eleemosynas facere, nisi materialiter, qui sine charitate eleemosynas faciet.

CAPVT II.

De partitione eleemosynæ.

PARTIVNTVR eleemosynam Theologi in DVO generat: alias enim corporales, alias spirituales esse docent: vtrumque autem genus in SEPTEM quasi formas & species diuidunt. Et quidem S. Thomas elegantem huius numeri rationem reddit. Sed nos paulo fortasse breuius & planius rem eandem exponemus.

PRIMUM igitur omnis humana miseria, aut ad corpus, aut ad animam pertinet; Quæ pertinet ad corpus, aut in vita toleratur, aut post mortem: Quæ toleratur in vita, vel est carentia earum rerum, quibus omnes egent, vel est aliquorum specialis ærumna. Carentia earum rerum, quibus omnes egent; aut est interior, vt carentia cibi & potus: aut exterior, vt carentia vestium & domicilii. Atq; his quatuor corporalibus miseriis respondent quatuor genera eleemosynæ, pascere esurientem, potare sitientem, vestire nudum, excipere hospitio peregrinum.

Ærumnæ speciales DVÆ sunt, ALTERA interior, morbus: ALTERA exterior, captiuitas: quibus respondent duo alia genera eleemosynæ, visitare ægrotum, redimere captiuum. Atque ad eiusmodi eleemosynas reuocantur omnia similia officia, quæ proximis exhibemus, siue propter internas miseras depellendas, vt dirigere cæcos, sustentare claudos, regere paralyticos: siue propter externas, vt protegere viduas, ac pupillos, soluere debita pauperum, dotem providere virginibus, & alia id genus. Miseria post mortem est carentia sepulturæ, cui responderet vltimum genus eleemosynæ corporalis, quod est sepelire defunctos: cui possunt adiungi pompa funebriis, exequutio testamenti, & alia, quæ fieri solent ab amicis in gratiam defunctorum.

Iam vero miseria, quæ pertinet ad animam, aut culpa est, aut pœna: si culpa, non potest ea simpliciter à nobis tolli, potest tamen iuari, qui in eam incidit, TRIBVS modis, PRIMO, oratione ad Deum. SECUNDO, remissione iniuriæ. TERTIO, correptione fraterna. Si pœna est, aut intellectum lædit, vt ignorantia, tum theoretica, tum practica aut affectum vt tristitia, ac dolor: aut consuetudine cōm aliis, vt morositas, id est, incommoditas & difficultas morum. Et quidem ignorantia theoretica mederi possumus per doctrinam, practica per consilium, tristitia, per consolationem, morositati per patientiam. Atque hæc sunt SEPTEM genera eleemosynæ spiritualis, orare pro peccatoribus, condonare iniurias, corripere delinquentes, docere imperitos, consilium imprudentibus dare, consolari afflictos, tolerare alienam infirmitatem.

Neque defunt testimonia Scripturæ diuinæ, quibus hæc omnia genera eleemosynæ vel imperantur, vel laudantur. Prima sex genera eleemosynæ corporalis habentur Matth. 25. Septimum genus Tobia 12.

A PRIMUM genus eleemosynæ spiritualis habetur Matth. 5. *Orate pro persequentibus & calumniantibus vos.* SECUNDUM Matth. 6. *Si non dimiseritis hominibus peccata eorum, nec pater vester dimittet vobis.* TERTIUM Matth. 18. *Si peccaueris in te frater tuus, vade & corripe eum: &c.* QUARTUM, Matth. 5. *Qui fecerit & docuerit, hic magnus vocabitur in regno cælorum.* QUINTUM, ad Galat. 6. *Si preoccupatus fueris homo in aliquo delicto, vos qui spirituales estis, eiusmodi instruite in spiritu lenitatis.* SEXTUM, *Consolamini pusillanimes, 1. ad Thessal. 5.* SEPTIMUM, *Supportantes inuicem, ad Ephes. 4. & ad Rom. 15. Debeamus nos firmiores imbecillitates infirmorum sustinere.*

Ex his omnibus nihil est, quod ab hæreticis in controuersiam reuocetur, excepta sepultura, præsertim cum Dominus Matth. 25. cum opera misericordiæ corporalis enumeraret & commendaret, non sine ratione solum omiserit officium sepulturæ. Sed de hac re differimus in 2. lib. de Purgatorio, extremo.

CAPVT III.

Eleemosynas non sufficere ad salutem sine fide, spe, dilectione, penitentia, aliisque ad salutem præsidij.

DE FRUCTV eleemosynæ, quod erat TERTIVM caput initio propositum, DVO sunt errores contrarij. VNVS quorundam veterum, qui nimis multum eleemosynæ tribuebant: ALTER recentiorum, qui nimis parum tribuunt. Scribit igitur S. AUGUSTINVS in lib. 21. de Ciuit. Dei, cap. 22. de prioribus hoc modo: *Comperit etiam quosdam putare, eos tantummodo arduos illius æternitatis supplicij, qui pro peccatis suis facere dignas eleemosynas negligunt: iuxta il lud Iacobi, Iudiciū autem siue misericordia est, qui non facit misericordiam. Qui ergo fecerit, inquit, quamuis mores in melius non mutauerit sed inter ipsas suas eleemosynas nefarie, ac nequiter vixerit: iudiciū illi cum misericordia futurum est: vt aut nulla dānatione plectatur, aut post aliquod tempus, siue paruum, siue prolixum, ab illa damnatione liberetur.* Hæc ille.

Quamuis autem hæc sententia, quæ peccatoribus sine penitentia de hac vita migrātibz per eleemosynas ad salutem aperit, non careat argumentis in speciem magnis & difficilibz; tamen sine dubio falsa est, & Scripturæ diuinæ manifeste repugnat. PRIMUM enim Iaiæ primo, describens Dominus dispositiones ad iustificationem, primo loco ponit internam conuersionem: *Lanamini, mundi estote, auferite malum cogitationum vestrarum ab oculis meis, quiescite agere peruerse, discite benefacere.* Deinde vltimo loco collocat eleemosynam, *Subuenite oppresso, indicite pupillo, defendite viduam.*

DEINDE Ioannes Baptista, Matth. 3. cum dixisset: *Omnis arbor, quæ non facit fructum bonum, excindetur, & in ignem mittetur,* explicat quis sit fructus bonus, dicens: *Facite ergo fructus dignos penitentia.* Ex quo loco docemur, non sufficere opera bona, qualis est eleemosynarum largitio ad placandum Deum, nisi ex vera penitentia oriantur, & hominem ex animo resipuisse testentur.

PRÆTEREA Luc. 12. Dominus ipse ait, *Nisi penitentiam egeritis, omnes similiter peribitis.* Cui sententiæ simile est quod Apostolus ait 1. ad Cor. 6. *Neque fornicarij, neque idolis seruientes, neque adulteri, neque molles, neque masculorum concubitores, neque fures, neque ebriosi, neque maledici, neque rapaces, regnum Dei possidebunt.* Quod idem repetit ad Galat. 5. ad Eph. 5. & alibi. At si eleemosyna sine innocentia, vel penitentia salutem adferre posset, Christi & Apostoli verba falsa esse possent.

Ac (ut alia multa præteream) certe illud Apostoli 1. ad Cor. 13. sententiam eorum qui eleemosynas plus quam oportet, efferunt, non obscure refellit, *Si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest.* Quomodo enim charitatem habet, qui nec Deum timet, nec hominem reueretur? & qui non solum Deum & proximum offendere non veretur, sed neq; animum tam sceleratum exuere, neque per veram pœnitentiam Deo reconciliari satagit? Adde quod hanc sententiam accurate refellit S. Augustinus in Enchiridio, cap. 76. & lib. 21. de Ciuit. Dei, cap. 27. & eum sequutus S. Gregorius lib. 12. Moralium. cap. 24. Sed obiectiones soluendæ sunt.

PRIMA obiectio sumitur ex c. 11. Lucæ, vbi Dominus ait: *Date eleemosynam, & omnia munda sunt vobis.*

RESPONDO, Locus Evangelicus variis modis explicari solet. Aliqui docent, non commendari in his verbis eleemosynam, sed redargui Phariseos, qui existimabant, per eleemosynam mox expiari furta & rapinas, & omnia omnino peccata. Quocirca verbum Græcum, *δίνω*, non reddunt *date*, sed, *datis*. Vel si reddatur, *date*, dicunt accipiendum esse ironice, non proprie. Hæc sententia, quam indicat in commentario huius loci Cardinalis Caietanus, non videtur recipienda, quoniam omnes alii interpretes, tum Græci, quos paulo infra citabimus, agnoscunt hoc loco commendationem eleemosynæ.

Alia est expositio S. Augustini in Enchirid. cap. 76. & serm. 30. de verbis Domini, qui docet, Christum his verbis generatim eleemosynæ studiū commendasse, non solum erga alios, sed etiam erga se. Et quoniam qui à se incipit secundum ordinem charitatis; primum animæ suæ eleemosynam facit, eam purgando à vitis per conuersionem & pœnitentiā; deinde proximos per eleemosynam, siue corporalem, siue spiritualem iuuat; ideo vere dictum esse scribit Augustinus, *Date eleemosynam, & omnia munda sunt vobis.*

Hæc explicatio veræ atque vtilem doctrinam continet, sed non videtur tamē propria, & litteræ inhærens explicatio esse. Nam nomine eleemosynæ, cum hoc nomen absolute ponitur, omnes intelligunt opus misericordiæ erga alios. Deinde verba illa, quæ proxime præcedunt. *Veruntamen quod superest, ita date eleemosynam, &c.* satis aperte indicant loquutum esse Dominum de eleemosyna, quæ fit erogando pauperibus facultates. Nam etiam si Beda in commentario huius loci, illud, *quod superest*, ita exponat, ac si dictum esset de cetero, vel quod restat agendum, tamen Græca vox, *ὑπολοίπον*, perspicue significat, facultates, quæ supersunt, aut quæ adsunt, ut sit sensus, *date eleemosynam de eo quod habetis, & omnia munda sunt vobis.*

TERTIA expositio est S. Basilii in quæstionibus breuioribus, quæst. 271. qui docet, non loqui Dominum de expiatione omnium peccatorum, sed eorum tantum, quæ nascuntur ex auaritia, ut furti, rapinæ, usuræ, & similia. Ut sensus sit, Vos Pharisei habetis cor plenum rapinis & furtis, sed, *Date eleemosynas ex iis facultatibus, quas habetis, & omnia vestra furta, & rapinæ expiabuntur.* Vbi addit Basilus peccata per auaritiam contracta mundari per largam eleemosynarum largitionem, non quidem principaliter, sed ut per fructus dignos pœnitentiæ causam enim principalem purgationis peccatorum esse gratiam dei, & sanguinem Iesu Christi.

QUARTA expositio, quæ videtur omnium optima, est Euthymii & Theophylacti in hunc locum, &

A fortasse etiam Ambrosii in eundem locum, & sancti Maximi serm. 1. de eleemosyna. Docet hæc sententia Dominum commendasse præcipue studiū eleemosynæ, quoniam alloquebatur Phariseos, quorum præcipuum vitium erat auaritia. Quemadmodum enim Medicus aliquis peritus, si videat originem variorum morborum in aliquo ægroto esse repletionem, dicere poterit, Adhibe inediam, & integre conualeces; quia videlicet radice principalis morbi sublatâ, ceteri morbi facile tolli poterunt: Sic enim Dominus dicit Phariseis, *Date eleemosynas, & omnia munda sunt vobis.* Quoniam cum radix omnium malorum, præcipue in Phariseis auaritia esset, si ea, per virtutem contrariam euulsa fuisset, facile illi ad fidem & pœnitentiā, ac per hoc ad plenam salutem animi peruenerunt.

B SECUNDA obiectio, Dominus promissit Matth. 5. misericordiam misericordibus: *Beati misericordes, quoniam ipsi misericordiam consequentur.* Et Matth. 6. *Si dimiseritis hominibus peccata eorum, dimittet vobis Pater vester peccata vestra.* Et contra lac. 2. dicitur: *Iudicium sine misericordia ei, qui non fecerit misericordiam.* Videntur igitur homines misericordes, etiam si alioqui perditæ viuunt, securi de sua salute, propter apertam Domini promissionem.

RESPONDO, cum Dominus ait: *Beati misericordes, quoniam ipsi misericordiam consequentur*, ostendit misericordiam esse rem Deo gratam, & ingenti præmio remunerandam: non tamen solam sufficere ad salutem. Singulæ enim virtutes, per se ducunt ad regnum, nisi aliunde sit impedimentum, hoc est, nisi delinæ aliz virtutes.

C Illud: *Si dimiseritis hominibus peccata eorum*, &c. non tam docet quid sufficiat, quam quid necessario requiratur ad peccati expiationem. Ideo enim dicitur Deus remissurus nobis peccata nostra, si nos fratribus nostris dimiserimus peccata eorum, quoniam nisi nos dimiserimus, nec nobis dimittetur, ut notat Sanctus Augustinus in lib. 21. de ciuitate dei, capite vltimo, vbi etiam monet, posse hunc totum locum referri ad peccata venialia, ideo enim dictum esse: *Pater dimittet vobis*, id est, vobis iustis, qui patrem habetis Deum. Et, *peccata vestra*, id est, qualia iusti habere possunt, quotidiana ac leuia, quæ per eleemosynam remissionis iniuriæ facile condonantur.

D Denique S. Iacobus recte dixit. *Iudicium sine misericordia ei, qui non fecerit misericordiam*: quoniam vel vnum crimen non deletum, sufficit ad damnationem, dicente eodem Apostolo: *Qui offendit in uno, factus est omnium reus.* At non dixit Iacobus, *misericordia sine iudicio ei qui fecerit misericordiam*, quia non sufficit vnum opus bonum ad salutem, sicut sufficit vnum crimen ad damnationem. Dixit tamen, *Superexultat autem misericordia iudicium*, quia misericordia, qua Deus cum bonis, iustis & misericordibus utitur, ipsum iudicium, quo damnabuntur immisericordes, magis etminere faciet. Vel iuxta Græcos codices, *Misericordia superexultat iudicio*, id est, exultat & gloriatur supra iudicium, illudque vincit & superat. Et ideo iudicium sine misericordia immisericordibus fiet; ne si cum misericordia fieret, cogeret ipsa misericordia iudicium aliquid remittere de rigore sententiæ aduersus immisericordes.

E TERTIA obiectio: Scriptura diuina Tob. 4. manifeste pronunciat, non posse perire eos qui eleemosynas faciunt. Sic enim ait: *Eleemosyna ab omni peccato à morte liberat, & non patitur animam ire in tenebras.* Cui simile est illud Ecclesiastici 3. *Sicut aqua exstinguit ignem, ita eleemosyna exstinguit peccatum.* Et

confirmari potest hæc obiectio testimoniis Patrum, qui eleemosynam comparant cum Baptismo, quia sicut non potest baptizatus perire, si gratiam Baptismi conferuet usque in finem: sic etiam non potest misericors homo perire, qui usque ad finem in eleemosynæ studio perseueret. **CYPRIANVS** in serm. de eleemosyna, explicans verba Ecclesiastici iam citata; *Hic, inquit, ostenditur & probatur, quia sicut lanæ aqua salutaris, gehenna ignis extinguitur, ita eleemosynis, atque operibus iustis delictorum flamma sopitur.* **AMBROSIVS** sermone 31. *Eleemosyna, inquit, quodammodo animarum aliud est lanacrum, sicut ait Dominus, Dase eleemosynam, & omnia munda sunt vobis, nisi quod salua fide dixerimus, Indulgentior est eleemosyna, quam lanacrum. Lanacrum enim semel datur, & semel veniam pollicetur: eleemosynam autem quoties feceris, toties veniam promereris.* **CHRYSOSTOMVS** homilia 25. in Acta Apostolorum: *Non est, inquit, peccatum, quod non possit purgare eleemosyna, quod ve non possit extinguere. Omne peccatum infra illam stat.* **LEO** serm. 5. de collectis: *Eleemosyna, inquit, peccata delent, mortem perimunt, & pœnam perpetui ignis extinguunt.*

RESPONDEO, Loquuntur Ecclesiasticus & Tobias de eleemosynis, quæ sunt fructus pœnitentiæ. Vere enim eiusmodi eleemosynæ partim vt dispositiones ad iustificationem, peccatum etiam quoad culpam, suo modo delent, dum gratiam impetrant iustificationis: partim post acceptam remissionem culpæ satisfaciunt pro pœna temporali, & suo quodam modo peccatum extinguunt. Et eodem modo sancti Patres comparant eleemosynas ex pœnitentia procedentes cum Baptismo. Sicut enim Baptismus culpam, & pœnam tollit, ita vt si quis mox à Baptismo decedat, nihil sit ei periculi vel à gehenna, vel à Purgatorio: Sic etiam eleemosynæ, culpa iam remissa per pœnitentiam, satisfaciunt pro pœna temporali. Atque ita eleemosyna coniuncta cum pœnitentia, est alter Baptismus, & in eo excellit, vt Ambrosius ait, quod Baptismus semel tantum, eleemosyna sæpius peccata dimittit.

Obiectio QVARTA, Dominus Matt. 25. ca. totum examen futuri iudicii circa eleemosynas constituisse videtur, non igitur damnantur, nisi qui eleemosynas non fecerunt, neque saluantur, nisi qui eas fecerunt. Quare **S. AVGVSTINVS** serm. 1. in Septuagesima, qui est 50. de tempore, inducit Christum in iudicio sic loquentem: *Difficile est, vt si examinem vos, & appendam vos, & scruter diligentissime facta vestra, non inueniam unde vos damnem, sed ite in regnum. Esurini enim, & dedistis mihi manducare, &c.*

RESPONDEO, In die iudicii non solum de eleemosyna, sed etiam de aliis omnibus rebus, ex quibus bene, vel male meriti fuerimus, rationem Deo reddaturi sumus. Alioqui non diceret Dominus Matth. 12. *Omne verbum ociosum, quod loquuti fuerint homines reddent de eo rationem in die iudicii.* Cur autem exemplum examinis Dominus posuerit in eleemosyna, illa causa fuit, vt ex ea de rebus grauioribus iudicium faceremus. Nam si damnabitur, qui res suas non dederit, quid fiet de eo, qui rapuerit alienas? & si coronabitur, qui res vtilissimas cum pauperibus communicauerit: quo præmio dignus erit, qui vitam ipsam pro Dei honore posuerit?

Ad locum sancti Augustini **RESPONDEO**, non significari illis verbis, in die iudicii inuenienda esse peccata in hominibus iustis, ob quæ damnari possent: sed ob quæ damnari potuissent, nisi ea per dignam pœnitentiam, & pœnitentiæ fructus, inter quos eleemosynæ sunt, delere studuissent. Sic enim expli-

cat idem Augustinus cum subiungit: Non ergo itis in regnum quia non peccatis sed quia vestra peccata eleemosynis redemistis.

Porro **S. Augustinus** non loqui de eleemosynis sine pœnitentia, perspicuum est ex verbis sequentibus, vbi reprehendit **S. Augustinus** sterilem pœnitentiam, quæ nomen pœnitentiæ non meretur, ac docet illam pœnitentiam esse necessariam, quæ parit fructus eleemosynæ, & citat illud Matth. 3. *Facite fructus dignos pœnitentiæ.* Itaque cum dicit peccata eleemosynis redimi, intelligit de eleemosynis, quæ sunt veræ pœnitentiæ fructus. Quod etiam clarius docet in Enchiridio, cap. 66. & 70.

CAPVT IV.

Eleemosynas esse opera meritoria, & satisfactoria, ac multos præterea fructus habere.

ALTER error est recentium omnium hæreticorum, qui tametsi eleemosynas viles esse non negant, tamen negant eas ad merendam vitam æternam, aut satisfaciendum pro peccatis, aliquam vim habere. Sed hic eorum error satis refutatus est, tum in 4. lib. de Pœnitentia, tum in 5. de Iustificatione. His igitur omissis, nos hic breuiter attingemus eleemosynæ fructus, quos Catholici confitentur, qui sex numerari posse videntur.

PRIMUM enim eleemosyna, si ab homine iusto, & ex vera charitate fiat, meretur vitam æternam, quod verbis disertis Dominus docet, cum ait Matth. 25. *Percipite regnum, quod vobis paratum est à constitutione mundi. Esurini enim, & dedistis mihi manducare, &c.* Idem docent **S. Cyprianus** in sermone de eleemosyna, & alii Patres passim.

Neque videtur contemnendum, quod quidam observant, non sine mysterio portas tabernaculi, & quod Sancta Sanctorum dicebatur, ex ligno oliuæ fieri debuisse 3. Reg. 6. Nam per Sancta Sanctorum vitam æternam significari, docet Apostolus ad Hebræos 6. per oliuam autem significari misericordiam, passim docent Patres, ac præsertim **S. Io. Chrysostomus** hom. 70. in Matthæum, contra autem portæ inferorum ferreæ describuntur in Psal. 106. vt intelligamus per misericordiam aditum patefieri ad vitam æternam, per inhumanitatem ad gehennam.

SECUNDO, eleemosyna satisfactio est pro peccatis: Id quod satis probant testimonia Scripturæ & Patrum, quæ paulo ante allata sunt, videlicet in tertia obiectione capitis superioris.

TERCIO, auget fiduciam apud Deum, & gaudium spirituale. Quamuis enim id commune sit cum omni opere bono: tamen præcipue conuenit eleemosynæ, cum per eam Deo simul, & proximo gratum præstemus obsequium, & sit opus, quod facile cognoscitur esse bonum. Tobiz 4. *Fiducia magna eris coram summo Deo eleemosyna, omnibus facientibus eam.* Ad Heb. 10. *Vinctis* (inquit Apostolus) *compassi estis, nolite itaque amittere confidentiam vestram.* **S. Cyprianus** eleemosynam appellat *solatium grande credentium, securitatis nostræ salutare praesidium.* Similia vide apud **Chrysostomum** homilia 34. in Genesim, & alibi.

QVARTO, conciliat beneuolentiam multorum, qui pro benefactoribus Deum precantur, eisque vel gratiam conuersionis, vel donum perseuerantiæ, vel incrementum gratiæ & gloriæ impetrant. Nam his omnibus modis intelligi potest, quod Dominus ait: *Facite vobis amicos de mammona iniquitatis, vt cum*

defeceritis,

d. fecerunt, recipient vos in aeterna tabernacula. Luc. 16. Huc etiam illud pertinet: Qui recepit iustum, in nomine iusti, mercedem iusti accipiet. Matth. 10. hoc est, qui iustum eleemosynis suis fouet, particeps erit meritum ipsius. Et quemadmodum S. Petrus Tabitham, corporaliter mortuam, ad preces viduarum, quæ ab ea eleemosynas acceperant, excitauit: ita sæpe Deus spiritualiter mortuos excitat ad preces sanctorum pauperum qui pro benefactoribus suis orant.

QUINTO, eleemosyna dispositio est ad gratiam iustificationis, si fiat ab eo: qui penitentiam agere incipit, & ex Dei motione, & auxilio speciali. De hoc fructu loquitur Salomon. Prouerb. 15. *Eleemosyna & fide, delicta purgantur.* Et Dominus Luc. 11. ut supra exposuimus: *Date eleemosynam, & omnia munda sunt vobis.* Et Luc. 19. cum dixisset Zachæus: *Ecce dimidium bonorum meorum, Domine, do pauperibus, &c.* adiunxit Dominus: *Hodie salus huic domus facta est.* Denique Actor. 10. *Eleemosynæ tuæ ascenderunt in memoriam in conspectu Dei. Et nunc mitte in Ioppem, & accerses Simonem, &c.* Ex quo loco probat S. Augustinus in 1. lib. de p. d. e. Sanctorum, ca. 7. Cornelium per eleemosynas impetrasse à Deo gratiam fidei Christianæ, & perfectæ iustificationis.

SEXTO, eleemosyna sæpe causa est maioris abundantiae temporalium bonorum. Id enim ut plurimum diuina prouidentia ordinare solet, ut qui sunt eleemosynæ studiosi, quo magis erogant, eo magis abundant. Id quod affirmat Sapiens Prouerb. 19. cum ait, *Generatur Domino qui misereatur pauperis.* Et apertius ca. 28. *Qui dat pauperibus, nunquam egebit.* Idem exemplo suo Dominus docere voluit, cum discipulis iussit, panes, quos solos habebant, turbis egentibus apponerent. Nam turbis satiatis, pro quinque panibus duodecim cophinos, panibus plenos, discipuli retulerunt. Tobias quoque, qui bona cum pauperibus benigne communicabat, ingētes diuitias breui consequutus est. Vidua etiam Sareptana, quæ modicum farine, & olei in vsum Prophetæ libenter infundebat, id à Deo obtinuit, ut farina & oleum, longo tempore nunquam ei defuerit. Exempla præterea plurima & dignissima, quæ legantur, extant apud Gregorium Turon. cum lib. 5. historiz Francorum, cap. 19. apud Leontium, in vita sancti Ioannis Eleemosynarii, & apud Sophronium in Prato spirituali, cap. 135. & 201. Idem denique S. Patres affirmant, ac præsertim S. Cyprianus in sermone de eleemosyna, & S. Basilii in oratione ad diuites, explicans illud: *Destruam horrea mea, &c.* Vbi etiam eleganti similitudine diuitias comparat aquis puteorum, quæ si frequenter hauriantur, semper meliores, & copiosiores scaturire solent, si vero immotæ conseruentur, putrescunt, atque decrescunt.

CAPVT V.

Vnde sumatur eleemosyna magnitudo.

QVARTO solet post enumeratos eleemosynæ fructus, vnde sumatur eleemosynæ magnitudo. Quam quæstionem quia facilis est, paucis absoluemus. Igitur, tria sunt quæ maiorem eleemosynam reddunt, magnitudo rei, quæ datur, promptitudo voluntatis ad dandum, & dignitas personæ, quæ eleemosynam facit. Nam, cæteris paribus, semper maior eleemosyna esse censetur, & Deo gravior, quo plura vel preciosiora dantur, quia donum ipsum est absolute, & simpliciter maius. Sic etiam, cæteris paribus, semper eleemosyna maior existimatur, quo maiori promptitudine, & seruire tribuitur. Si quidem in ea promptitudine includitur voluntas plura,

A & maiora tribuendi, si facultas suppeteret. Denique, cæteris paribus, eleemosyna illa pluris à Deo fit, quæ proficiscitur ab eo, qui iustior, sanctior, & ipsi Deo gravior est. Respexit enim Deus ad Abel primum, deinde ad munera eius, Genes. 4. Verum si hæc tria inter se conferantur, primum locum obtinebit seruire & promptitudo voluntatis actualis: secundum bonitas personæ siue magnitudo gratiæ habitualis: postremum cerum, quæ donantur, magnitudo, vel pretium.

Hinc videlicet Dominus Lucæ 21. anteposuit eleemosynam duorum minorum viduæ cuiusdam egentis, ingentibus donariis diuitum, quia cum illa dederit totum victum suum, sine dubio tanta promptitudine animi dedit, ut parata fuerit multo plura, & maiora donare, quam diuites illi fecerint, si quod dare posset, habuisset. Hinc etiam sancti Patres passim anteponunt affectum censui.

S. CYPRIANVS in lib. ad Quirinum, cap. 2. In opere, inquit, & eleemosynis, si per mediocritatem minus fiat, ipsa voluntas satis est.

S. AMBROSIVS in libro de viduis: Liberalitas, inquit, non cumulo patrimonii, sed largitatis definitur affectu. Idem repetit in lib. 1. de officiis c. 30.

S. IOANNES CHRYSOSTOMVS hom. 34. ad populum Antiochenum: Eleemosyna, inquit, magnitudo non in pecuniarum multitudine indicatur, sed in danis promptitudine.

C S. AVGVSTINVS in Psalm. 125. in illud: Tunc implebitur gaudium os nostrum, & lingua nostra exultatione: Si manum, inquit, porrigas, nec in corde miserearis, nihil fecisti. Si autem in corde miserearis, etiam si non habeas quod porrigas manus, acceptat Deus eleemosynam tuam.

S. LEO. serm. 4. de Quadragesima Ex affectibus, inquit, piorum benignitatis mensura taxatur.

S. GREGORIUS homil. 5. in Evangelia: Exteriora inquit, nostra Domino, quamlibet parua sufficiunt. Cor namque, & non substantiam pensat.

CAPVT VI.

Esse præceptum aliquod de eleemosyna faciendâ, idque ad quartum præceptum Decalogi reuocari.

D PRÆCEPTVM est: aliquod in diuinis litteris de eleemosyna faciendâ, in dubium reuocari non potest. Non enim in iudicio damnarentur, qui eleemosynas non fecerunt, nisi præceptum aliquod violarent, qui eleemosynas non faciunt. Damnari autem perspicuum est ex Evangelio. Matth. 25. Deinde vnum ex primariis præceptis esse: Diliges proximum tuum sicut teipsum, notum est ex Leuit. 19. Matth. 22. & ad Rom. 13. proximum autem non verbo, & lingua diligere debemus, sed opere & veritate, ut sanctus Ioannes in epistola 1. capite 3. scribit. Quid est autem opere & veritate diligere, nisi proximo indigenti succurrere, quod fit per eleemosynæ largitionem?

Quamuis autem præceptum eleemosynæ proprie ad Decalogum non pertineat, cum in Decalogo non ponantur nisi præcepta iustitiæ: eleemosynæ autem præceptum, charitatis sit, non iustitiæ, tamen solent Theologi omnia præcepta moralia aliquo modo ad Decalogum reuocare. Et alii quidem, in quibus est Albertus in 4. dist. 15. artic. 16. reducunt eleemosynæ præceptum ad illud Decalogi: Non furaberis, quoniam genus furti esse videtur, non tribuere pauperibus quod debemus.

Alii vero in quibus est S. Thomas in secunda se-

cundæ, quæ it. 32. art. 5. ad quartum, reuocant ad præceptum: *Honora patrem & matrem*. Quæ sententia probabilior est. Nam Apostolus, ad Timoth. 4. ait: *Pietas ad omnia utilis est, promissionem habens vitæ, quæ nunc est & futura*. Vbi commendans opera pietatis, quibus proximis subuenimus, indicat ad illud præceptum eiusmodi officia pertinere, quod habet promissionem vitæ. In nullo autem præcepto Decalogi annexa est promissio vitæ nisi in illo: *Honora patrem & matrem, ut sis longæuus super terram*.

DEINDE, præceptum eleemosynæ sine dubio est affirmatiuum, non negatiuum. Includitur enim illo: *Deliges proximum tuum, sicut teipsum*. At in secunda tabula Decalogi nullum est affirmatiuum præceptum, nisi vnum illud: *Honora patrem & matrem*. Cætera enim pertinent omnia ad mala, quæ cauere debemus, ne proximis inferamus, & ideo negatiua sunt. Quartum dicitur præcipit bona officia, quæ proximis præstare tenemur, & affirmatiuum est. Itaque omnia bona, quæ proximis debemus, continentur in illis verbis, *Honora patrem & matrem*. Sed ideo parentum solum mentionem fecit Scriptura diuina, quoniam ipsi in proximis primum locum tenent, & magis elucet ratio iustitiæ in eo, quod parenti, quam in eo quod alii cuicunque debemus.

DEINQUE, si præceptum eleemosynæ faciendæ, non ad quartum, sed ad septimum præceptum Decalogi, quod est, *non furaberis*, reuocaremus, id sequeretur, ut ad restitutionem obligandus esset, qui eleemosynam non fecisset. Quod certe à communi sententia Scholarum abhorret.

CAPVT VII.

Diuino præcepto diuites obligari ad ea pauperibus eroganda, quæ sibi superuacanea sunt.

PRÆCEPTUM esse aliquod eleemosynæ faciendæ capite superiore docuimus. Sed quibus ex rebus eleemosyna facienda sit, superest ut quæramus: Ac PRIMA quæstio est, Vtrum superfluas opes præcepti necessitate, diuites pauperibus erogare cogantur. Vt autem status quæstionis proprius explicetur, pauca quædam præmittenda sunt.

SCIENDUM est PRIMO, DVORVS modis posse dici opes superfluas: VNO modo si sint superfluæ naturæ, non tamen personæ. ALTERO modo, si superfluæ sint tam naturæ quam personæ. Superfluum NATURÆ dicitur id, sine quo viuere posset tum is, qui superfluum habere dicitur, tum etiam familia, quam ipse alere, ac sustentare debet. Superfluum PERSONÆ appellatur id, sine quo non solum viuere, & familiam alere, sed etiam statum, conditionem, ac dignitatem propriam conseruare posset. Quæstio igitur de superfluo absolute, id est, quod tam naturæ, quam personæ superfluum est, intelligi debet.

SÆCUNDO considerandum est, necessitatem naturæ, vel personæ, non esse accipiendam mathematicæ, sed moraliter, ac secundum iudicium pii, prudentisque Christiani. Neque enim id solum necessarium dici debet, sine quo nullo modo naturæ, aut personæ status conseruari potest: sed etiam id, sine quo non bene conseruari potest. Contra quoque non ideo debent opes necessariæ, aut non superfluæ iudicari, quoniam non seruantur ociosæ, sed in vestibus, aut hortis, aut ædificiis infumuntur. Nam hæc ipsa dicuntur superuacanea, & sunt quando non sunt necessaria naturæ, vel personæ. De qua re dili-

genter legi deberent, quæ scribit sanctus Basilus in oratione ad diuites.

TERCIO addendum est, non tantum id posse dici non superfluum, sed necessarium, quo in præsentī opus habemus, sed etiam id, quo paulo post opus habebimus. Si quis enim filias habeat paruulas, non dicitur retinere superfluum, si pecunias conseruet, quæ pro earum dotibus necessariæ erunt, quamuis in præsentī necessariæ non esse videantur. Ex quo intelligimus, minus excusari posse Ecclesiasticos, quam Laicos, si opes superuacaneas habeant, cum ipsi ab onere vxorum, & filiarū, liberi sint, & exemplo temperantiæ, moderationis, & omnium virtutum aliis præluere debeant.

Quamuis autem non censeatur esse superfluum id, quod paulo post necessarium erit, tamen non sunt opes conseruandæ propter omnes casus, qui aliquando accidere possent, sed propter eos tantum qui probabiliter, & quasi certo ita imminet, ut nisi nunc is prospiciamus, postea prouideri non poterit. Alioquin peccatur contra præceptum Domini, prohibentis sollicitum esse de crastino, Matth. 6. Is enim dicitur sollicitus esse de crastino, qui hodie pro ea re sollicitus est, de qua satis tempestiue cras cogitare inciperet.

QUARTO est obseruandū, conuenire inter inter Theologos, tunc saltem præcepti necessitate superfluum esse pauperibus erogandum, quando occurrunt pauperes, qui extrema, vel graui admodum necessitate premuntur: sed quæstionem esse de superfluis opibus, ratione superfluitatis, id est, An diuites teneantur superflua erogare, quia superflua sunt, quicquid sit de necessitate extrema, vel graui egenorum. Et quamuis non desint graues Theologi, qui contra sentiant, nos tamen tutiorem, & veriore in eam sententiā arbitramur, quæ docet, superfluas opes sine peccato retineri non posse. Quam sententiam sequitur sanctus Thomas in 2. 2. quæst. 66. artic. 7. & quæst. 87. art. 1. ad 4. & quæst. 118. art. 4. ad 2. & Quodlibeto 6. art. 12. & præterea Albertus, Richardus, Paludanus, & alii in 5. Sentent. distinct. 15. Quo loco Sanctus Thomas quæst. 2. art. 1. quæstiuncula 4. scribit, hanc esse communem Theologorum sententiam.

Probat igitur hæc sententia, PRIMO ex diuinis litteris, Matth. 6. *Nemo potest duobus dominis seruire. Non potest Deo seruire & Mammonæ*. Seruire Mammonæ nihil esse aliud docent Chrysostomus & Hieronymus in hunc locum nisi superuacaneas diuitias congregare. Qui enim opes suas distribuit indigentibus, is non seruit, sed dominatur Mammonæ; qui autem congregat, & custodit ociosas pecunias, aut vestes, aut alia id genus, sine dubio seruit. Item Luc. 3. *Qui habet duas tunicas, det non habenti, & qui habet escas similiter faciat*. Quo loco per duas tunicas, & duplices escas aperte superfluum indicatur. Nam ut S. Hieronymus recte explicat in epistola ad Hedibiam, quæst. 1. vna tunica dicitur vestimentum vnicuique necessarium, & si alicui tres, aut quatuor vestes per hyemem necessariæ sint, illæ omnes vna tunica sunt. Sed si plures forte habeat, illæ dicuntur altera tunica, & ex præcepto à Ioanne declarato, pauperibus distribuendæ sunt. Neque dicit Beatus Ioannes, qui habet duas tunicas, det alteram frigore morienti, sed, *non habenti*: neque est cōsiliū, sed præceptum. Nam cum dixisset: *Omnis arbor, quæ non facit fructum bonum, excidetur & in ignem mittetur*: quærentibus turbis, quid ergo faciemus respondit: *Qui habet duas tunicas &c.*

Ad hæc Lucæ 12. diues quidam cum haberet bona plurima,

plurima cogitare cepit vbinam ea recondere posset, dictum autem illi est: *Sicute, hac nocte repetunt à te animam tuam, & quæ parasti cuius erunt? Quem locum tractans B. Augustinus homil. 7. in lib. 50. homiliarum, scribit, diuitem illum non ob aliud peccatum fuisse damnatum, nisi quia superflua retinebat. Illud enim: Sicute, hac nocte repetunt à te animam tuam, dicit, non esse simplicem reprobationem, sed damnationis iudicium. Sicut etiam quod sequitur: Sic est omnis, qui sibi thesaurizat, & non est in Deum diues, nihil significat aliud, nisi sic perituros omnes, qui student augendis opibus non necessariis, cum potius studere deberent, ut diuites fierent apud Deum meritis operum bonorum.*

Similis locus est Luc. decimo sexto, ubi describitur alius diues, qui induebatur purpura & bysso, & epulabatur quotidie splendide; & cum aleret etiam canes, tamen ulcerosi pauperis non miserebatur. Nam iste quoque, ut sanctus Augustinus monet loco notato, non alia de causa damnatus est, nisi quia superfluas opes in superfluo cultu, & deliciis inlumebat, cum eas pauperibus distribuere debuisset. Neque Lazarus introducit in extremam necessitatem, sed plane talis, quales in plateis, vel ante fores diuitum videmus quotidie.

Addi solet alius locus ex cap. 11. Luc. *Quod superest, date eleemosynam.* Et quamvis Græca vox, *ut iuxta*, significet, quæ ad sunt; tamen interpret recte exposuit sententiam Domini, & vertit, quod superest, id est, quod vobis adest ultra necessitatem.

Probatur SECUNDO eadem sententia testimoniis Patrum, S. BASILIUS orat. in illud: *Destruam horrea mea, prope finem.* At tu, inquit, nonne spoliator es, qui quæ dispensanda accepisti propria repuas? est panis famelicis, quem tu tenes; nudi tunica, quam in conclavi conseruas; discalceati calcus, qui apud te marcescunt; indigentis argentum quod possides inhumatum. Quocirca tot pauperibus iniuniam facis, quot dare vales.

S. IOANNES CHRYSOSTOMUS hom. 34. ad populum Antiochenum: Numquid, inquit, graue quippiam, & onerosum à nobis requirit necessitatem excedentia: vult nos facere necessaria, & quæ nequaquam, & inutiliter reposita sunt, hæc vult bene distribui, ut hinc occasione sumpta, nos coronet. Et infra disputans de superfluis: *Tuarum, inquit, rerum es, o homo, dispensator, non minus quam qui Ecclesia bona dispensat.* Et infra: *Non ad hoc accepisti, ut in deliciis absumeres, sed ut in elemosynam erogares.* Nunquid enim tua possides? res pauperum tibi sunt credita, siue ex laboribus iustis, siue ex hereditate paterna possideas.

S. AMBROSIVS serm. 81. Sed au, inquit, quid iniustum est si cum aliena non inuadam, propria diligentius seruem? o impudens dictum, propria dicuntur? ex quibus reconditis in hunc modum deulisti? Et infra: Non minus est criminis, habenti tollere, quam cum possis, & abundes indigentibus denegare.

S. HIERONYMUS in epistola ad Hedibiam, q. 2. Si plus, inquit, habes, quam tibi ad victum, vestitumque necessarium est, illud eroga, & in illis debitorum esse te noueris. Citatur etiam illud ex Hieronymo: *Aliena ualere conuincitur, qui ultra sibi necessaria retinere probatur.* Vide Gratianum dist. 41. can. Hospitale.

S. AUGUSTINUS in Psalm. 147. in illud: *Confortauit serui portarum tuarum, Superflua, inquit, diuiti necessaria sunt pauperi, aliena retinet, qui ista tenet.* Item hom. 18. in lib. 50. homiliarum: *Desert, inquit, tibi Deus bonorem, & quasi dicit tibi, prior de communi tolle, quod sufficit necessitatibus domus tua: quod reliquum est, à Christo.* Item tract. 50. in Ioan. Tibi, inquit, superflua sunt; sed Domini pedibus necessaria sunt.

A S. LEO serm. 5. de collectis: *Etiā terrene, inquit, & corporea facultates ex Dei largitate proueniunt, ut merito rationem eorum quaesiturus sis, quæ non magis possidenda, quam dispensanda commisit.*

S. GREGORIUS 3. par. pastoralis admonitione 22. *Admonendi sunt, inquit, qui nec aliena appetunt, nec sua largiuntur, ut sciatis sollicite, quod ea, de qua sumpti sunt, cunctis hominibus terra communis est, & ideo alimonia quoque omnibus communiter proferri, & ideo in eas sumpti: innocentes putant, qui commune Dei munus sibi primum vendicant.*

S. BERNARDUS in epist. 41. ad Henticum Senonensem Archiepiscopum: *Nostrium est, inquit, pauperes clamant, quod effunditis, nobis crudeliter subtrahitur, quod inani ter expenditis.*

B Probatur ULTIMO rationibus. PRIMÆ ratio, Debet unusquisque diligere proximum sicut seipsum, ut omnes concedunt: At fieri non potest, ut quis vere diligit proximum sicut seipsum, si ne superflua quidem cum illo egente communicare velit, imo qui eiusmodi est, in utroque extremo versatur, nam non solum non diligit proximum, quantum oportet, sed etiam se ipse diligit plus quam oportet.

SECUNDÆ ratio, qui diuitias habent, quamuis re vera domini sint opum suarum iuste acquisitarum, si comparentur ad alio homines: tamen si conferantur ad Deum, non tam domini, quam dispensatores dici debent, ut perspicuum est ex parabola de villico iniquitatis Lucæ 16. & ex Patribus supra citatis, & ex ipsa ratione. Nam Deus omnia creauit, & eius providentia fiunt homines, aut diuites, aut pauperes. Et Deo sine dubio rationem de diuitiis suis reddituri sunt: igitur secundum voluntatem Dei diuitias suas erogare debent. Non vult autem Deus, qui pater est omnium, & qui mundum creauit in communem omnium utilitatem, ut alii sint ita diuites, ut abundant superfluis, alii ita pauperes, ut careant necessariis: Sed vult alios esse diuites, alios pauperes, ut illi per misericordiam, isti per patientiam in regnum celorum ingrediantur. Quare contra Dei voluntatem agunt, & sine dubio peccant, quia superflua retinent. Atque hæc est potissima ratio, quam sancti Patres in suis ad populum concionibus adferre solent.

D At contra nostram hanc sententiam obiici potest, quod Apostolus 2. ad Cor. 8. cum hortaretur ad eleemosynam, ait: *Non imperans dico, sed consilium do.* Et loquebatur de eleemosyna ex superfluo: In presenti, inquit, vestra abundantia illorum inopiam suppleat.

E RESPONDEO, vel Apostolus nomine abundantiz, non intellexit superfluum, sed id, quod comode sufficiebat Corinthiis. Nam & illi abundare dicuntur, qui comode viuunt. Vel cerge si de superfluo loquebatur, non dixit, consilium do, quia non tenerentur Corinthii donare superfluum pauperibus, sed quia non tenebantur donare iis, qui erant in Hierusalem, ut Apostolus eupiebat, sed poterant, quod eis supererat, distribuere in ciues suos Corinthios. Quamuis enim diuites non possint sine peccato retinere superflua: non tamen coguntur cuicunque pauperi petenti, eleemosynam facere, sed possunt vni potius, quam alteri dare, dummodo bona fide ea dispense, quibus, quando, quomodo prudentia & charitas docent, ut Sanctus Thomas monet in Quodlib. 6. art. 12. ad 1. & 2.

CAPVT VIII.

Non solum superflua, sed etiam necessaria interdum erogare, vel praeceptum, vel consilium est.

DE NECESSARIIS naturæ vel personæ, an sit eleemosyna facienda, multa disputant Theologi, sed quoniam hæc satis accurate traduntur à multis, ac præsertim ab iis, qui casus conscientie tractant, attingam hoc loco solum capita rerum.

PRIMUM igitur de necessario naturæ proprie non videtur eleemosyna fieri debere, nisi forte publica aliqua persona, ex qua salus Reipublicæ penderet, in extrema necessitate versetur. Id enim exigit ordo charitatis, ut non diligamus proximum magis quam nos ipsos, nisi forte ex proximi alicuius salute, ut diximus, salus penderet Reipub. vniuersæ.

SECUNDO, de necessario personæ, vel statui, sed superfluo naturæ eleemosyna fieri debet pauperibus necessitatem naturæ patientibus, Nam & id postulat ordo charitatis, ut pluri faciamus vitam proximi nostri, quam statum & conditionem nostram.

TERTIO, non semper est necesse donare, sed tunc solum, cum egenti neque per mutuum, neque per venditionem, neque alia ratione succurri potest. Nam si quis forte vno in loco pecuniis egebat, quibus in alio abundet, satis erit ei pecunias mutuo dare: & hoc ipsum genus est eleemosynæ, iuxta illud Psal. III. *Incedens homo qui miseretur, & commodat.* Et Ecclesiastici 29. *Exerare proximo tuo in tempore necessitatis illius.* Vbi per vocem, *sancrare*, nihil aliud nisi mutuare intelligendum est. Itaque Tobias, qui multis pauperibus plurima largiebatur, Gabelo tamen egenti, sed alioqui locupletissimo non donauit, sed sub chirographo pecunias mutuo dedit. Sic etiam, si absque mutuo, sola venditione, necessitati proximorum subueniri possit, id solum præstare debebimus, quemadmodum Patriarcha Ioseph in summa anno-næ charitate iis: qui pecunias habebant, non donauit frumenta, sed vendidit.

QUARTO, dare in eleemosynam tantum de suis rebus, ut non possit quis deinceps viuere secundum dignitatem proprii status, vitium est, nisi velit is mutare statum, aut occurrat extrema necessitas proximi, aut grauius necessitas Reipub. Debet enim unusquisque pro conditione sua honeste viuere, & famæ, atque honori suo consulere. Neque villo modo de-
cet, cessante necessitate (ut diximus) extrema proximorum, aut graui Reipub. ut qui Doctoris munere fungitur, neque libros, neque vestes, neque alia conuenientia proprii gradui sibi retineat: & qui militiam proficitur, arma omnia, & equos, ac cætera instrumenta bellica pauperibus tribuat. Si quis tamen statum mutare velit, & sæculo valedicens ordinem monasticum profiteri incipiat is poterit, ac debet iuxta verbum Domini Matth. 9. vendere omnia, & pauperibus dare.

Quamuis autem hæc doctrina vera sit, & non solum à Sancto Thoma in 2.2. q. 32. artic. 6. Sed etiam ab aliis Theologis communiter tradi solet: tamen quoniam prout sunt homines ad retinendum magis quam ad largiendum, & plerumque amplificandæ necessitate suas, & extinguent alienas: & ideo sententia ista communis restringenda videtur ex parte diuitum, & dilanda ex parte pauperum.

Itaque tunc solum vitium censeretur, nimis multum de rebus suis proximo largiri, quando valde magnum detrimentum pateretur persona lar-

A gentis, & non occurreret proximi necessitas, nisi communis & leuis. Contra autem non vitium, sed virtus existimari deberet, liberaliter sua profundere, etiam cum detrimento proprii status, quando vel grauis occurreret necessitas proximi, vel non adeo graue detrimentum persona dantis pateretur. Certe enim exempla Scripturæ & Patrum id nobis apertissime persuadent. Nam vidua illa, quæ totum victum suum misit in donaria Dei, non reprehenditur, sed laudatur à Christo, Luc. 21. & Apostolus 1. ad Cor. 8. Macedones laudat, quod non solum secundum virtutem, sed etiam supra virtutem eleemosynas fecerint.

Neque repugnat huic sententiæ, quod in eodem loco adiungitur: *Non ut aliis sit remissio, vobis autem tribulatio.* Non enim significatur his verbis, nō licere aliquid pati, ut succurratur necessitatibus aliorum, sed non debere ita fieri eleemosynam, ut is, qui accipit, fiat ditior, quam is, qui dat: & incipiat, qui pauper erat, habere superflua; qui diues erat, carere etiam necessariis. Ipse etiam Beatus Apostolus non sine aliquo detrimento non solum personæ, sed etiam naturæ donabat populis id, quod iure exigere potuisset, & labore manuum se ac suos, ut poterat, sustentabat. Act. 20. & 1. ad Cor. 9.

Sanctus Martinus cum pauperi occurrenti dimidium chlamydis dedit, non superfluum, sed plane necessarium dedit. Nam ut Sulpitius in eius vita, ca. 2. scribit, nihil præter chlamydem, qua indutus erat, habebat: iam enim reliqua in opus simile consumpserat. Quam autem id tueri Christo gratum, testatur idem Sulpitius in eodem loco.

S. GREGORIUS NAZIANZENSIS, in oratione de obitu Gregorii patris sui, parentem valde commendat, quod non tantum superflua, sed etiam quæ necessaria sibi erant, pauperibus largiri solitus esset.

S. AMBROSIVS, cum non solum omnia sua, sed etiam Ecclesiæ sacra vasa conflare, ac pauperibus dari iussisset: de hoc facto suo ita scripsit in 2. lib. de officiis, c. 28. *Hoc, inquit, maximum iucundum misericordiam, ut compariamur alienis calamitatibus, necessitates aliorum, quantum possumus, iunemus, & plus interdum quam possumus. Melius est enim pro misericordia causas præstare, vel inuidiam perire, quam prætereundam inclementiam.*

Sanctus Hieronymus in vita Paulæ Romanæ refert eam cum esset alioqui ditissima, ita omnia pauperibus erogasse, ut ne quidem nummum filiarum dereliquerit.

Sanctus Paulinus Episcopus Nolæ, cum omnia quæ habebat, in captiuorum redemptione, & egenitum necessitatibus consumpsisset: ad extremum se ipse dedit in seruum, ut alium quendam à seruitute liberaret. Neque hoc eius factum reprehensum fuisse legimus, sed egregie laudatum à Sancto Gregorio lib. 3. Dialog. cap. 1.

Sanctus Benedictus, eodem Gregorio teste libro secundo Dialogorum, capite 28. cum videret provinciam in qua erat, fame grauius laborare, omnia quæ in monasterio reperire potuit, pauperibus erogauit.

Ipse quoque Sanctus Gregorius, cum aliquando pecunias omnes, & vestes, quas domi habebat, pauperibus dono dedisset, argenteum etiam vas, quod vnum remanserat, pauperi petenti dari iussit, dicens, mallo se nihil habere, quam pauperes sine consolatione dimittere. Vide Ioannem Diaconum in vita S. Gregorii lib. 2. cap. 10.

Sanctus Ioannes Eleemosynarius, ut in eius vita scribit Leontius, ita liberaliter omnia prorsus, quæ habere posset, pauperibus erogabat, ut sæpe mira-

centur tam effusam liberalitatem ipsietiam qui eleemosynam accipiebant. Quibus ille respondere solitus erat, Prater nondum pro te sanguinem fudi, sicut mandauit mihi Dominus meus Christus.

CAPVT IX.

Quando ex male partis eleemosyna fieri possit.

RESTANT opes male partæ: de quibus etiam quæri solet. Vtrum ex iis eleemosyna fieri possit, aut debeat. Sed facilis erit responsio, si illud teneamus, **T**RA esse genera male partorum. **S**APE enim ait sunt male parta, ut iniustitia sit tantum eius qui acquisiuit, non eius, qui amisit, ut cum ex furto, rapina, usura, lucrum accedit. **I**NTERDVVM verò iniustitia communis est, tum ei, qui accepit, tum ei, qui dedit, ut cum per simoniam, vel iudicii subuersionem, vel patriæ prodicionem aliquid acquiritur. **D**ENIQUE, aliquando, nec in dante, nec in accipiente iniustitia est, & ideo lucrum eiusmodi non iniustum, sed turpe, ac sordidum appellatur, quale est lenonum, meretricum, & histrionum.

Igitur ex rebus male partis **P**RI-MO MODO eleemosyna fieri non potest nisi in extrema pauperum necessitate, quoniam eleemosyna ex propriis fieri debet. res autem male partæ primo illo modo alienæ sunt, ac restitutioni obnoxie, Iob. 4. *Ex substantia tua fac eleemosynam.* Prou. 3. *Hora Dominum de tua substantia, & de primitiis frugum tuarum da pauperibus.* Eccles. 34. *Immolantis ex iniquo oblatio est maculata.* Isaia 54. *Frangite esurienti panem tuum.* **S.** AMBROSIVS lib. 1. de officiis, c. 30. *Non probatur largitas, si quod alteri quis largitur, alteri quis extorqueat: si iniuste quarat, & iniuste dispensandum patet.* **S.** AVGVSTINVS serm. 25. de verbis Domini: *De iustis laboribus iustis (Deus) dari: de rapinis vero prohibuit dari.* **S.** GREG. lib. 7. Epistolarum, epist. 110. *eleemosyna redemptoris nostri oculus illa placet, quæ non de illicitis rebus, & iniquitate congeritur: sed quæ de rebus concessis, & bene acquisitis, impenditur.* Vide eundem lib. 12. Moral. c. 24. & Theologos in 4. Sent. dist. 15. & 16. Quod autem contra obiici solet ex verbis Domini Luc. 16. *Facite vobis amicos ex mammona iniquitatis:* in vndecimo capite exponetur.

Iam vero ex rebus male partis **S**E-CVND-O MODO, hoc est, cum lucrum est iniustum, tam ex parte dantis, quam ex parte accipientis: eleemosyna quidem fieri potest, ac debet, quia lucrum illud ad pauperes pertinet: cum illud neque possit retinere, qui iniuste accepit, nec mereatur recipere, qui iniuste dedit: tamen ea proprie non tam eleemosyna, quam restitutio dici debet, ut **S.** GREGORIUS affirmat loco citato epist. 110. lib. 7. ubi differens de eleemosyna ex lucro Simoniacò. *Neque enim, inquit, eleemosyna reputanda est, si pauperibus dispenseretur, quod illicitis rebus accipitur.* Et infra: *Vnde etiam illud certum est, quia essimonasteria, ac xenodochia, vel quid aliud de pecunia, quæ pro sacris ordinibus datur, construat, mercedi non proficit, &c.*

EST OBSERVANDVM hoc loco, Simoniacum lucrum non semper pauperibus erogandum esse: sed interdum illi Ecclesiæ conferendum, in cuius iniuriam Simonia commissa est, de qua re vide titulum de Simonia in epist. Decretalibus.

POST-TRAMO, de lucro non tam iniusto, quam turpi eleemosyna fieri potest: quamvis Ecclesia iustis de causis oblationes non admittat Histrionum, Lenonum, Meretricum, & similium personarum.

AId enim facit, TVM ob reuerentiam rerum sacrarum, TVM ut eiusmodi homines confundantur, & relinquantur: TVM, ne videatur eorum facta approbare: TVM denique, ad imitationem testamenti veteris, in quo lege sancitum erat, ut non offerretur merces prostibuli in domo Domini, Deuter. 23. Rectissime tamen facient isti omnes, si fructus dignos penitentiae facere cupientes, peccata sua eleemosynis redimant, & iniquitates suas misericordis pauperum, Danielis quarto,

CAPVT X.

Diuitias non esse Christianis illicitas.

EXPOSIVIMVS hactenus quatuor partes disputationis de eleemosyna. Nunc, ut **Q**UINTAM & **S**EXTAM, id est, quis facere debeat eleemosynam, & cui facienda sit, explicemus: necessarium esse duximus, paucis demonstrare, licitum esse Christianis possidere diuitias. Nam cum diuitis sit eleemosyna facere, pauperis: recipere si nulli possint esse in Ecclesia diuites, sed omnia sint communia omnibus, nulli quoque pauperes esse poterunt. Ita fundamentum eleemosynæ dandæ & accipiendæ nullum erit.

Igitur nemo quod sciam, in quæstionem vocauit vnquam, An iure naturæ & gentium licitum esset, habere proprias opes. Tamen enim Plato in Timæo & in lib. 5. de Repub. conatus est introducere communionem omnium rerum, etiam vxorum: tamen non docuit, illicitam esse proprietatem, sed communionem vtiliorem esse iudicant. Quem egregie refutauit ex Ethnicis Aristoteles li. 2. Polit. ex Christianis Tertullianus in Apologet. cap. 39.

Cæterum, non defuerunt, qui lege Evangelica diuitias, ac rerum proprietatem Christianis interdixit esse contenderent. Ita enim sensit quondam Iulianus Apostata, teste sancto Gregorio Nazianzeno oratione prima in Iulianum. Ita etiam hæretici, qui Apostolici nominari volebant, teste Epiphanio hæresi 61. & Augustino hæresi 40. Ita quoque Manichæi, teste Augustino libro primo de moribus Ecclesiæ Catholicæ, capite vlt. Ita denique Pelagiani, teste Augustino in epist. octogesima nona ad Hilarium, & 106. ad Paulinum. Et quamvis non desint argumenta huic errori, verum tamen atque exploratus est error.

PRI-MVM enim Dominus Matth. 19. petenti diuiti adolescenti, quid opus factu esset ad consequendam vitam æternam, non ait, Abiice omnes diuitias: sed, *Si vis ad vitam ingredi, serua mandata.* Deinde consilium perfectionis, non preceptum necessitatis exposuit, dicens: *Si vis perfectus esse, vade, vende omnia quæ habes, & da pauperibus, &c.*

SE-CVND-O, beatus Petrus Act. 5. cum Ananias dixit: *Nonne manens tibi manebat, & venundatus in tua erat potestate?* Satis aperte significauit, liberum fuisse Ananias, quamvis Christiano, agrum suum non vendere, & precium agri iam venundati, non offerre Apostolis, neque in commune conferre. Ex quo intelligimus id, quod narratur Act. 4. de primis Christianis, qui in Hierusalem habitabant, quod nemo suum aliquid diceret, sed omnia essent illis communia: non præcepti, sed consilii fuisse.

TERTIO, **B.** Paulus in priore ad Timot. cap. 6. de diuitibus ita loquitur: *Diuitibus huius sæculi præcipe non superbe superere, facile iribueri, &c.* At certe non decipiebat Apostolus diuites, & tamen non eis dicebat, Renunciate diuitiis.

QUARTO, passim prohibet furta, imperat reddi debita, iubet solui tributa, commendat eleemosynas, & laudat mutuantes: quæ certe omnia manifeste clamant, à Spiritu sancto non improbari proprietatem, & rerum possessionem.

QUINTO, Semper in Ecclesia fuit usus collectarum, hoc est, ut Dominicis diebus in conuentu Ecclesie à diuitibus colligeretur, quod pauperibus erogaretur, idque pro arbitrio, & voluntate diuitum, ut notum est ex Apostolo 1. ad Cor. 16. & 2. ad Cor. 8. & 9. ex Iustino in Apologia ad Antoninum extrema, & ex Apologetico Tertulliani, cap. 39. Quod autem in eo loco idem Tertullianus dicit, omnia indiscreta esse apud Christianos, præter uxores, nihil aliud significat, nisi omnia facile, & libenter communicari cum cæteris, præter uxores.

SEXTO, Patres communi consensu docent, consilium esse, non præceptum, abdicare à se proprietatem, & dominium rerum suarum. Vide præter cæteros Eusebium in primo libro Demonstrat. Evangelicæ cap. 8. Chrysostomum homil. 8. de pœnitentia, Ambrosium in libro de viduis ultra medium, Hieronymum in epist. ad Hedibiam, quæst. 1. Augustinum in epist. 89. quæst. 4. & Bedam in commentario capituli 14. Lucæ.

POSTREMO, accedat ratio ducta ab utilitate, vel potius necessitate, diuisionis rerum, ex qua proprietates orta est. Siquidem fieri non potest posita corruptione generis humani, ut pacifice, ordinate, ac diligenter res administrantur, nisi unusquisque rerum suarum curam suscipiat. Nam si omnia essent communia, multo uellent rebus melioribus uti, atque inde rixæ, contentiones, & prælia orirentur, quæ causa fuit, cur Abraham separari coactus fuerit à nepote suo Loth. Gen. 13. Item si essent omnia communia, qui essent robustiores cæteris, illi sine dubio præualerent, minus laborarent, & plura consumerent. DENIQUE si essent omnia communia, vix inueniretur, qui diligentiam adhiberet in agris colendis, & rebus cæteris procurandis. Quod si non solum facultates, sed etiam uxores essent communes, periret virtus pudicitie coniugalis; incestus plurimi inter fratres & sorores, parentes ac filias sequerentur: liberi denique recte institui nullo modo possent, cum nec parentes agnoscerent proprias proles, nec proles agnoscerent suos parentes, ac per hoc nulla esset prouidentia parentum erga filios, nulla obedientia filiorum erga parentes. Quis autem credat, legem Evangelicam, quæ perfectissima est, & naturam non detrahit, sed exornat, de medio tollere voluisse utilitatem, quæ nascitur ex diuisione rerum; & incommoda, atque absurda illa adducere, quæ ex communiōe & confusione nascuntur?

CAPVT XI.

Soluntur obiectiones.

ADVERSUS doctrinam capituli superioris multa fieri possunt argumenta, quæ breuiter soluenda sunt.

PRIMUM argumentum, Matth. 19. Dominus ait: Facilius est camelum transire per foramen acus, quam diuitem intrare in regnum cælorum.

RESPONDEO, difficile, vel etiam impossibile esse diuitem intrare in regnum cælorum, nisi magna Dei gratia adiuvetur. Nam ut plurimum diuites superbi sunt, voluptuarii, auari, crudeles, & nimium in ipsis diuitiis confidentes. Quocirca Marci 10. dicitur,

Filioli, quam difficile est confidentes in pecuniis in regnum Dei intrare. Facilius est camelum per foramen acus transire, &c. Sed quoniam per gratiam Dei fieri potest, ut diues affectum inordinatum erga diuitias exuat, & iis bene & sapienter utatur: ideo subiungit Dominus: *Apud homines hoc impossibile est, sed non apud Deum.*

SECUNDO argumentum, Marci 10. Adolescenti, qui omnia mandata seruauerat dicitur à Domino: *Adhuc unum tibi deest, vade, & quaecumque habes da pauperibus.*

RESPONDEO, Adhuc unum illi deerat, non ad vitam æternam parandam, sed ad perfectionem adipiscendam. Id quod ex Euangelio Matthæi, qui pluribus verbis rem eandem descripsit intelligi potest. Sic enim legimus Matth. 19. *Si vis ad vitam ingredi, serua mandata.* Et paulo post, *Si vis perfectus esse, vade, vende omnia, &c.*

TERTIUM argumentum, Lucæ 14. *Nisi quis renuntiauerit omnibus quæ possidet, non potest meus esse discipulus.*

RESPONDEO, Præceptum hoc Dominicum in præparatione animi seruandum est semper, re autem ipsa cum articulus necessitatis aduenerit, ut aut Christo, aut opibus renunciandum sit. Sic enim docent S. Augustinus in epist. 4. ad Marcellinum, & Beda in hunc locum, & colligitur hæc explicatio ex eodem loco Euangelii, ubi Dominus dicit: *Qui non odit patrem & matrem, & filios, & uxorem, &c.* Et tamen constat parentes, & filios, & coniuges, nec auerandos, nec deserendos esse, nisi quando causa fidei & honoris Dei tale aliquid postulat.

QUARTUM argumentum, Lucæ 16. *Facite vobis amicos de mammona iniquitatis, &c.* Quem locum ita explicant Chrysostomus homilia duodecima in priorem ad Timotheum, & Hieronymus in epistola ad Hedibiam, quæst. 1. ut dicant, diuitias appellari mammonam iniquitatis, quia primi qui fecerunt sibi propria, quæ erant communia, iniquitatem commiserunt. *Necesse est* (inquit Chrysostomus) *opum initium ac radicem ex aliqua iniquitate manasse. Unde id constat? Ex eo scilicet, quod Deus ab initio non fecit alium diuitem, alium pauperem, sed eandem omnibus hominum asperuit. Quo pacto igitur cum illa communis sit, tu illius permulta iugera possides, proximus vero nec unus glebæ possessione letatur? Pater (inquit) mihi ista relinquit. Ille autem à quo ea suscepit? A maioribus scilicet. Sed necesse profecto est per successionis lineam ascendendo inuenire principium. Id autem iniustitia vacare non potuit. S. Hieronymus in epistola ad Hedibiam, quæstione prima, dicit esse prouerbum: *Omnem diuitem, aut esse iniquum, aut iniqui heredem.* Et in epistola ad Algaham quæstione sexta dicit: *Mammonam vocabulum esse Syriacum, & in eo significari diuitias, quod ex iniquitate collectæ sint.**

RESPONDEO, Cur diuitiæ ab iniquitate nomen acceperint, & iniquæ à Domino appellentur, non ea causa est quod semper iniuste possideantur, sed vel quia valde inæqualiter possideantur, cum alii ditissimi, alii pauperissimi sint. Vel quia materiam præbent multarum iniquitatum, imo incitamenta sunt ad omnes iniquitates, ut Sanctus Ambrosius exponit in commentario, capite 16. Lucæ. Vel quia iniuste sibi nomen diuitiarum usurpant, cum vere diuitiæ non sint, ut S. Augustinus docet, sermone 35. de verbis Domini. Et libro 2. quæstionum Euangelii, cap. 34. quæ expositio confirmatur de verbis sequentibus: *Si in iniquo Mammona fideles non fuistis, quod verum est quis credet vobis? Vbi verum opponitur iniquo, quia diuitiæ corporales falso vocantur diuiti-*

tia, & ideo iniuste nomen diuitiarum gerunt, quod proprie solis diuitiis spiritualibus cōuenit. Vel denique quia re vera vix fieri potest, vt aliquis sine iniquitate ditescat, vt Chrysostomus & Hieronymus docent: *Qui enim volunt diuites fieri, incidunt in tentationes, & laqueum diaboli, & desideria multa noxia & inutilia, quæ mergunt hominem in interitum, & in perditionem.* vt ait Apostolus in 1. ad Timoth. cap. 6.

Nec tamen significat Chrysostomus & Hieronymus terræ possessionem diuidere, & proprietatem inducere iniquum fuisse, sed in modo diuisionis indicant esse peccatum, quod aliqui multo plus terræ occupauerint quàm æquum esset, & eo modo alios excluderint. Quo tendit similitudo theatri, qua vtitur S. Basilii in oratione in illud: *Destruam horrea mea.* Non tenetur peccatum esse occupare in theatro locum virum, cumque satis commodum, sed occupare plus loci, quàm sibi necesse sit; ex quo sequitur, vt alius excludatur. Porro, S. Ioannes Chrysostomus in eadem homilia 12. in priorem ad Timotheum fateretur, multos esse, qui iuste diuitias possideant, & ponit exempla Patriarcharum, qui ditissimi simul & iusti erant.

Quintum argumentum, S. Clemens Papa primus in epist. 5. disertis verbis communionem omnium rerum necessariam esse docet: *Communio, inquit, vita omnibus necessaria est, & maxime his qui Deo irreprehensibiliter militare cupiunt.* Et infra: *Communio usus omnium, quæ sunt in hoc mundo, omnibus esse hominibus debuit, sed per iniquitatem alius dixit hoc esse suum, alius istud, & sic inter mortales facta diuisio est.*

Respondeo, Possent verba citata in bonam partem accipi, vt nimirum intelligamus vitam communem esse necessariam non simpliciter ad salutem, sed ad melius & facilius Domino seruiendum. Et per iniquitatem factam esse diuisionem rerum, id est, occasione peccati originalis, & communis deprauationis generis humani.

Cæterum non est opus in hac re multū laborare; constat enim eam epistolam aut non esse Clementis, aut ab aliquo valde corruptam ac deprauatam. Primum enim initio epistolæ fingitur Clemens Romanus Episcopus scribere fratribus habitantibus in Hierusalem cum Iacobo. At Iacobus obiit septem annis ante Petrum, & Clemens non fuit Romanus Episcopus nisi post Petrum, vt colligitur ex libro sancti Hieronymi de viris illustribus, & ex omnibus historicis, qui res Ecclesiæ conscripserunt. Deinde, laudat hæc Clemens communio- nem vxorum, quod Nicolai potius Hæresiarchæ, quàm S. Clementis dogma fuisse extra controuersiam est. Denique, totus hic locus de communionem rerum & vxorum, translatus est in hanc epistolam ex libro 10. Recognitionum, vbi ista secundum philosophiam Platonis dicuntur à Faustiano Ethnico, & ab ipso sancto Clemente refelluntur. Quis igitur credat ea ipsa nunc à sancto Clemente tradi Christianis, quæ ipse idem alibi ab ethnico disputata refutauit?

Sextum argumentum, S. Athanasius in vita B. Antonij, & S. Basilii in oratione ad diuites, præceptum Dominicum vocant illa verba: *Vade, vende omnia quæ habes, & da pauperibus.* Et rursus idem Basilii ibidem, & Ambrosius serm. 81. & alij Patres non raro docent, diuites non esse dominos, sed dispensatores rerum suarum.

Respondeo, Athanasius & Basilii recte vocant præceptum Dominicum illa verba: *Vade, vende omnia, &c.* Sed intelligunt præceptum esse conditionatum, non absolutum, id est, non omnibus datum,

sed ijs tantum qui cupiunt esse sancti. Porro, qui dicunt diuites non esse dominos, sed dispensatores, nihil aliud sibi volunt, nisi reddituros esse diuites rationem Deo, à quo diuitias acceperunt, vt non ipsi solum inde viuerent, sed etiam alios sustentarent.

Septimum argumentum, communio rerum in usu fuit apud Apostolos, Act. 4. & sancti Patres miris eam laudibus effecerunt, & præsertim Chrysostomus hom. 12. in 2. ad Timot. & Augustinus in lib. 1. de moribus Ecclesiæ, cap. 31. & sequentibus. Non igitur necessaria est rerum diuisio, vt nos capite superiore docuimus.

Respondeo, Sæpe accidit, vt vnum ex se præstet aliis, & tamen ratione aliorum circumstantiæ eligi non debeat. Exempli causa dare operam litteris per se melius est, quàm artem aliquam mechanicam exercere; tamen non pauci sunt, quibus vel ob ingentem inopiam, vel ob ingenii tarditatem magis expediat artem futuriæ, quàm bonas litteras discere. Sic igitur communio rerum externarum per se melior est, quàm diuisio; & tamen ob corruptionem generis humani perniciosa esset, si omnibus hominibus imponeretur. Nam si homines paucis indigerent, vt animantia cætera, vel terra vbique sponte produceret omnia necessaria, vel nulli essent cupidi, nulli auari, nulli pigri, ac desidiosi, optima esset vita communis, qualis erat in statu innocentie: sed quoniam nunc propter peccatum originis omnia sunt contraria, non expedit vix communio, nisi paucis illis, qui serio animum abstrahunt à rebus temporalibus, & paucis contenti Deo soli seruire student, quales sunt Cœnobitæ, quos Augustinus & Chrysostomus laudant.

Octauum argumentum. Iure naturæ omnia sunt communia, vt perspicuum est ex capite 1. & 9. Gen. vbi datur hominibus commune imperium in animantia, & in ea omnia quæ nascuntur ex terra. Et ex can. Ius naturale, dist. 1. non autem potuit iure gentium; quò dicitur introducta esse diuisio, abrogari ius naturæ; iniqua igitur fuit diuisio rerum, iure gentium introducta.

Respondeo; Iure naturæ sunt omnia communia, sed aliter quoad vsum necessarium, aliter quoad dominium & proprietatem. Nam quoad vsum necessarium sunt omnia communia politice; ita vt per nullum aliud ius possit quicumque homo prohiberi, quominus viuat de rebus à Deo creatis. Atque hinc est quod in articulo necessitatis non dicitur, neque est fur, qui ex quocunque loco accipit, vnde viuat. At quod proprietatem & dominium iure naturæ sunt omnia communia negative, id est, non sunt diuisa iure naturæ; sed tamen permissum est, vt diuiderentur, si id ipsi generi humano videretur expedire. Quemadmodum cum pater familias moritur, & filios in commune relinquit hæredes: hæreditas quidem est eis ex testamento communis, sed negative, non politice, & ideo nihil prohibet, quo minus eam inter se diuidant, & vna pars vnius, altera alterius efficiatur propria. Itaque diuisio rerum iure gentium introducta, iuri naturæ nullo modo repugnat.

CAPVT XII.

Quis eleemosynam facere, & cui eleemosyna fieri debeat.

EX fundamento posito in capite decimo, non difficile erit colligere quis eleemosynam facere, & cui eleemosyna fieri debeat. Siquidem cum

eleemosynam facere, diuitum, accipere pauperum sit: id sequitur, ut illi soli possint & debeant eleemosynam facere, qui vere diuites sunt, id est, qui proprietatem & dominium diuitiarum habent. Qui vero proprietatem & dominium non habent, ut uxores quæ sunt in potestate virorum, filij, qui sunt in potestate parentum, serui, qui sunt in potestate dominorum, & regulares, qui sunt sub potestate præpositorum: non debent, nec possunt eleemosynas facere, nisi vel in extrema pauperum necessitate, vel ex consensu tacito, vel expresso superiorum; vel in certis alijs casibus, de quibus disserunt, qui casus conscientie tradunt.

Quod vero attinet ad eos, quibus eleemosyna fieri debet, una solum occurrit dubitatio, Vtrum videlicet peccatori sit eleemosyna facienda, cum scriptum sit Ecclesiastici 12. *Da bono, & ne receperis peccatorem; prohibe panes illi dare, &c.* Sed facilis est responsio, nam peccatoribus, ea ratione, qua peccatores sunt, non est eleemosyna facienda; ipsi tamen, quia homines miseri sunt, facienda est; semper tamen cæteris paribus, anteponendi sunt boni malis; quando utrique succurri non potest. Et quidē non esse peccatoribus, qua peccatores sunt, eleemosynam faciendam probat sanctus Augustinus in Psalm. 102. quia hoc nihil aliud esset, nisi diligere iniquitatem: & sicut qui recipit iustum in nomine iusti, mercedem iusti accipiet, id est, vitam æternam: Sic etiam qui recipit peccatorem in nomine peccatoris, mercedem peccatoris accipiet, id est, mortem sempiternam. Nam stipendium peccati mors est.

Peccatoribus vero non ut peccatores, sed ut homines sunt, non esse eleemosynam denegandam, probant illa verba Salomonis Proverb. 25. *Si es furivis inimicus tuus, et basilium.* Et illa Domini Matth. 5. *Benefacite his, qui vos oderunt.* Et Luc. 6. *Omni petenti tribue.* Et illa B. Pauli ad Galat. 6. *Operemur bonum ad omnes.* Idem sancti Patres Gregor. Nazianzenus in orat. de obitu patris sui Chrysost. ho. 21. in epist. ad Roman. Hieronymus in libro aduersus Vigilantium extremo; Augustinus in Psalm. 102. Et Gregorius in 3. parte pastoralis admonitione 21.

Anteponendos autem esse iustos iniustis, facile probari potest, Tum quia iusti sunt digniores, qui iuventur, Tum etiam, quia id utilius est ijs, qui eleemosynam faciunt, ut copiose docet S. Hieronymus in libro aduersus Vigilantium. Monent tamen Gregorius Nazianzenus loco notato, & Chrysostomus in oratione, quæ inscribitur, ne curiose pauperes scrutemur, non oportere nimis accurate pauperes interrogare, sed simpliciter propter Christum esse illis eleemosynam faciendam.

Sed occurrunt obiectiones aliquæ breuiter dissolvendæ. Prima est, quam initio posuimus ex capite 12. Ecclesiastici: *Da iusto, & ne receperis peccatorem, prohibe panes illi dare.* Respondeo, Videtur eo loco Ecclesiasticus non loqui de eleemosyna, quæ datur pauperi, sed de beneficio, quod in amicum confertur, etiam si forte non egeat. Sic enim ait: *Si benefeceris, fisco cui feceris, da bono, & ne receperis peccatorem; benefac humili, & ne dederis impio. Prohibe panes illi dare, ne in ipsis potentior te sis.* Itaque prohibet Ecclesiasticus, ne beneficiamus impijs, quando non egent, quomodo multi benefaciunt histrionibus & meretricibus. Potest etiam vnico verbo responderi, prohiberi eleemosynam, quæ datur peccatori, ut peccator est.

Secunda obiectio, Lucæ 16. Dominus ait: *Facite vobis amicos de mammona iniquitatis, ut cum desce-*

ritis, recipiant vos in æterna tabernacula. At peccatores non habent æterna tabernacula nisi forte in gehenna. Respondeo, fortasse nomine amicorum, intelligi debent Angeli sancti, ut sanctus Ambrosius in hunc locum scribens, monet; eos enim amicos nobis facimus, cum eleemosynas pauperibus quibuscunque propter Deum facimus. Sed si nomine amicorum intelligantur ipsi pauperes, ut sanctus Hieronymus in libro aduersus Vigilantium, & S. Augustinus sermone 35. de verbis Domini, docent, respondendum erit, moneri nos à Domino, ut potissimum eleemosynas faciamus sanctis pauperibus, atque ijs præcipue, qui voluntarie sunt pauperes, id est, qui relictis omnibus sequuti sunt Christum. Ipsorum enim est regnum cælorum, Matt. 5. & ipsi habent thesaurum in cælo, & cum Christo iudices futuri sunt in nouissimo die, Matthæi 19.

Sed non ideo prohibemur peccatoribus quoque eleemosynam dare, quamuis moneamur solliciti esse, ut iustis & sanctis pauperibus præcipue beneficiamus. Nam ut ait Apostolus ad Galat. 6. operari debemus bonum ad omnes, sed maxime ad domesticos fidei. Et quamuis pauperes peccatores non habeant in cælo æterna tabernacula, neque nos possint apud Deum sua intercessione iuare; tamen eleemosyna ipsa propter Deum facta, non poterit esse inanis, dicente Ecclesiastico, cap. 29. *Conclude eleemosynam in corde pauperis, &c.* (videlicet eleemosyna) *pro te exorabis ab omni malo.*

Tertia obiectio, Dominus Matthæi 25. dicit: *Quid fecistis vni ex fratribus meis minimis, mihi fecistis.* At peccatores non possunt recte fratres Christi nominari. Respondeo, Eadem est solutio. Dominus enim laudat eos, qui pijs pauperibus bona sua distribuunt, sed non reprehendit alios, qui non solum pijs, sed etiam peccatoribus benefaciunt, modo propter ipsum faciant, præsertim cum Matth. 5. iusserit nos imitari Patrem nostrum cælestem, qui Solem suum oriri facit super bonos & malos, & pluit super iustos & iniustos.

Quarta obiectio, Sæpe accidit, ut pauperes propter peccata sua inopiam patiantur: non igitur debemus eis opem ferre, ne cum Deo pugnare velle videamur.

Respondeo, Hoc argumentum proponit, & soluit S. Gregorius Nazianzen. in orat. de cura pauperum habenda. Summa responsionis hæc est, Primo, non facile cognosci posse, utrum aliquis prematur inopia propter peccata sua, an propter aliam causam; cum sciamus, diuitias & paupertatem bonis & malis posse esse communes.

Secundo, etiam si certo sciremus, aliquem hominem iusto Dei iudicio, propter sua peccata, ad extremam inopiam esse redactum: tamen non propterea non esse illi eleemosynam faciendam. Hæc enim est pœna satis magna, si quis cogatur ex mendicatione vivere, quamuis mendicando inueniat unde viuat.

Tertio, si constaret, velle Deum ut aliquis fame moriatur, non tamen debere illum à nobis deseri, nisi speciali mandato id ipsum Deus imperaret, cum contra generale mandatum acceperimus operandi bonum ad omnes. Sæpe enim vult Deus aliquem per inedia interficere, & non vult tamen uti nostra inhumanitate ad eum interimendum. Quare si quis indigentibus ea de causa non succurreret, quod existimaret, velle Deum ut in pœnam peccatorum fame enecarentur; is officium sibi tortoris assumeret, iudice non solum id non iubente, sed etiam prohibente.

CAPVT XIII.

Quomodo sit eleemosyna facienda.

Quique potissimum conditiones bonæ eleemosynæ ex Scripturis & Patribus colliguntur. Prima, ut fiat intentione placendi Deo, non autem ad captandam auram popularem. Matthæi sexto: *Cum facis eleemosynam, noli tuba canere, &c.* Et: *Nesciat sinistra tua, quid faciat dextera tua.* Quo loco per dexteram intelligit sanctus Augustinus tractatu sexto in epistolam Ioannis, intentionem operandi propter vitam æternam, & intentionem operandi propter honorem temporalem, intelligit per sinistram: ut sententia Domini hæc sit, Cum facis eleemosynam, caue ne intentio fauoris humani se admisceat intentioni vitæ æternæ.

Secunda, ut eleemosyna fiat prompte, & non extorqueatur precibus, nec differatur de die in diem. Prouerb. 3. *Ne dicas amico tuo, Vade & reuere, cras enim dabo tibi, cum statim possis dare.* Sic Abraham Genes. 18. hospites rogat, ut ad se diuertant, non expectat ut ab eis rogetur, quod idem facit Lot, Genes. decimo nono. Tobias quoque, ut in eius historia capite primo legitur, per singulos dies discurrebat pauperes quærens, quibus eleemosynam faceret. Denique hoc faciendum monet sanctus Gregorius homilia 23. in Euangelia, explicans illud: *Et coegerunt eum.*

Tertia, ut fiat hilariter; Ecclesiastici 35. *In omni dato, hilarem fac vultum tuum.* 2. ad Corinth. 9. *Non ex tristitia aut ex necessitate, hilarem enim datorem diligit Deus.* Vide S. Ambrosium lib. 1. de officiis, cap. 30.

Quarta, ut fiat humiliter & existimet, qui dat eleemosynam, non tam se dare, quam accipere beneficium. De qua re pulchre scribit S. Gregorius libro 21. Moralium, capite 14. *Multum, inquit, ad edomandam dantis superbiam valet, si cum terrena tribuit, verba solliciti Magistri cælestis penset, qui ait, Facite vobis amicos de Mammona iniquitatis, ut cum defeceritis, recipiant vos in æterna tabernacula. Si enim eorum amicitias æterna tabernacula acquirimus, dantes proculdubio pensare debemus, quia patronis potius munera offerimus, quam egenis dona largimur.*

Quinta, ut abundanter fiat pro modo facultatum.

A Tobias 4. *Quomodo potueris, ita esto misericors; si multum tibi fuerit, abundanter tribue: Si exiguum tibi fuerit, etiam exiguum libenter impertiri stude.* Apostolus 2. ad Corinthios 8. dicit eleemosynam dandam esse, ut benedictione, non ut auaritia. Quoniam qui parce seminat, parce & metet. Sanctus Ioannes Chrysostomus homilia 17. ad populum Antiochenum: *Non dare, inquit, sed cum copia dare eleemosyna est.* Et ibidem addit, eos qui audiri volunt cum dicunt Deo: *Miserere mei Deus secundum magnam misericordiam tuam.* Debere etiam misereri pauperum secundum magnam eleemosynam suam.

B Hic tamen illud est obseruandum, eleemosynæ largitatem magis in eo constitui debere, ut multis aliquid, quam ut paucis multum detur. Id enim significat Scriptura cum dicit Psal. 111. *Dispersit, dedit pauperibus.* Et Isaia 58. *Frangere esurienti panem tuum.* Frangere enim distribuere significat. Et 1. ad Cor. 13. *Si distribuero in cibos pauperum omnes facultates meas, &c.* Tobias (ut dicitur cap. 1.) *quotidie pergebat per omnem cognationem suam, diuidebatque singulis, prout poterat ex facultatibus suis.* Sanctus Ambrosius libro primo de officiis, cap. 30. *Non sunt, inquit, profundenda opes, sed dispensanda.* Sanctus Hieronymus in vita Paulæ Romanæ: *Solent, inquit, pleræque matronarum in paucos largitate profusa, manum a cæteris retrahere, quo Paula omnino carebat vitio. Ita enim singulis suam pecuniam diuidebat, ut singulis necessarium erat, non ad luxuriam, sed ad necessitatem.*

Accedit etiam ad hoc probandum manifesta ratio; sic enim pluribus subuenitur: plures orant pro eo, qui eleemosynam facit: & ipse facilius inanem gloriam vitat.

C Cæterum per ea, quæ diximus, non excluditur, quin aliquando contra etiam fieri possit, ut si virgo matrimonio collocanda sit, vel captius redimendus, vel sacræ ædes, aut cimiterium extruendum. Nulla enim est in hac re certior regula, quam pia charitas cum vera prudentia, & vera prudentia cum pia charitate coniuncta. Vide sanctum Gregorium tertia parte pastoralis admonitione 21. qui quod ipse egregie præstabat opere, ut eleemosynas non minori largitate, quam prudenti charitate profunderet, idem etiam ut alij facerent, litteris ad posteritatem scriptis non minus pie, quam sapienter admonuit.

LAUS DEO.

Finis Vltimæ Controuersiæ

PRINCIPALIS.



IVDICIVM
ROBERTI BELLARMINI
POLITIANI,

S. R. E. CARDINALIS,

De Libro quem Lutherani vocant Concordiæ;

CVM APOLOGIA BREVI

PRO EODEM IVDICIO.

DE LIBRO CONCORDIAE LUTHERANORVM.

LIBER CONCORDIAE, nuper editus à Lutheranis, tria mihi continere videtur, prater communes & notos Lutheranorum errores, insignem videlicet Vanitatem, grauissimas haereses contra symbolum Apostolicum, & mendacia innumeralia, apertissima, atque inter se pugnantia. De singulis ordine dicemus.

De Vanitate Concordiae.

INSIGNIS igitur vanitas in subscriptione perspicitur. Quorum enim attinebat, ut omnes ministri, concionatores, ludimagistri, hypodidascali, subscriberent? Certe non potest exemplum vllum, eiusmodi subscriptionum, in negotio fidei, ab antiquitate peti. Siquidem ab Apostolicis temporibus per annos mille quingentos, in omnibus Concilijs, tam generalibus, quam nationalibus, aut provincialibus, soli Praelati, qui iurisdictionem aliquam habent, subscribere consueverunt. Sunt etiam interdum addita nomina Imperatorum, aut Regum, aut Principum aliquorum; sed ludimagistrorum & hypodidascalorum, nulla vnquam inuenitur mentio. Deinde ista subscriptio ad librum Concordiae, ingentis discordiae signum est. Qualem enim vnionem inter Lutheranos esse existimabimus, quando non solum Principes ad Concordiam redigi, sed etiam priuati homines, ad subscribendum cogi debuerunt? Et quamuis numerosa subscriptio esse videatur, est tamen ipsa quoque argumentum paucitatis. Nam si Catholica Ecclesia eiusmodi subscriptionem requireret, in puncto temporis haberet non octo millia, sed plus quam octingenta millia subscribentium, neque ex sola Italia libentissime subscriberent innumerales Presbyteri & Diaconi, atque Scholarum & Gymnasiorum Praefecti, sed etiam ex Hispania, Germania, Gallia, America, Brasilia, India, Iaponia; nec deessent etiam ex Britannia, & Palestina. Denique tam numerosa subscriptio, inexcusabilia reddit tam multa, & tam crassa mendacia, quae nos infra annotabimus. Si enim vnus tantum aut alter librum istum, antequam ederetur, vidisset, ignosci posset fortasse humanae imbecillitati, si aliquid erroris obrepisset: at quod sedecim millia oculorum crassissima illa mendacia deprehendere non potuerint, quis ferat? Alterum profecto necessarium est, aut caecos omnes fuisse, aut etiam cum mendacijs Concordiam facere voluisse.

De erroribus Concordiae discordantibus à Symbolis in ipsa Concordia exceptis.

I. ERROR.

Primus error est, quod Christus non solum ut homo, sed etiam ut Deus, Patri fuit obediens. Qui error destruit penitus veram diuinitatem Christi, quam Symbolum Nicenum contra Arianos asseruit. Nam si Christus ut Deus Patri obediuit, certe ut Deus à Patre distinguitur; alius igitur Deus est pater, alius Deus est filius: sed vnus tantum est verus Deus, & constat Patrem esse verum Deum, non igitur filius est verus Deus, nec quoniam Patri, ut in

A Niceno Symbolo confitemur. Rursum qui obedit, minor est illo cui obedit; nam imperare superioris, obedire inferioris est: Ergo si Christus ut Deus patri obedit, Deus minor est patre, & mentitur Symbolum Athanasij, cum ait: Aequalis patri secundum diuinitatem, minor patre secundum humanitatem. Ad hæc secundum illam naturam Christus obediuit, secundum quam mortuus est: nam ipsa mors, obedientia fuit summa, & absolutissima: at non est mortuus Christus secundum diuinitatem, sed solum secundum carnem, 1. Pet. 4. Christo igitur in carne passo, &c. Denique cur Apostol. Paulus, ad Philippenf. secundo dicturus, humiliavit semetipsum, factus obediens usque ad mortem, præmisit; exinanivit semetipsum formam serui accipiens: nisi ut nos admoneret, non secundum formam Dei qua æqualis est patri, sed secundum formam serui, qua minor est patre, Christum obedientiam usque ad mortem Deo patri præstitisse?

B Sed fortasse non habet Concordia hunc errorem. Inspiciamus igitur an ita sit. In Epitome articulorum controuersorum, art. 3. pag. 556. *Credimus, inquit, docemus, & confitemur magno consensu, quod Christus quidem vere sit nostra iustitia; sed tamen neque secundum solam diuinam naturam, neque secundum solam humanam naturam: credimus autem Christum totum, secundum utramque naturam, esse nostram iustitiam: in sola videlicet obedientia sua, quam ille Patri ad mortem usque, absolutissimam præstitit.* Hæc illi. Si igitur iustitia nostra, id est, nobis imputata, totus Christus est, secundum utramque naturam, & iustitia illa in obedientia consistit, quam Christus patri usque ad mortem exhibuit, certe sequitur Christum totum secundum veramque naturam Deo patri obedientiam præstitisse. Et infra, pag. 664.

Ac sentiendum est, inquit, quod iustitia nostra, neque in diuina, neque in humana natura, sed in tota ipsius persona consistit: quippe, qui ut Deus, & homo, in sola sua tota, & perfectissima obedientia, est nostra iustitia. Quid est, qui ut Deus & homo in sua obedientia est nostra iustitia, nisi Christus ut Deus, ut homo, patri obediuit, & ea obedientia, nostra obedientia reputatur? Nec est idem, Deus & homo patri obediuit, & Christus ut Deus & homo patri obediuit. Illud enim personæ diuinæ obedientiam tribuit, sed in natura humana,

C & Catholicum est: hoc vero utrique naturæ tribuit obedientiam, & Arianum est. Et pag. 663. *Tota totius personæ Christi obedientia, quam ille patri usque ad ignominiosam crucis mortem, nostri causa, præstitit, nobis imputatur.* Et infra: *Cum autem obedientia Christi, non sit vniustaxat naturæ, sed potius personæ, &c.* Et in his locis, quare dicunt totius personæ obedientiam illam fuisse? Non satis erat dicere, fuisse personæ? Sed utrique naturæ obedientiam non tribuissent, nisi totius personæ dixissent. Per totam enim personam duas naturas, pag. 727. significare se dicunt. Nec mirum est, Professores Augustinæ Confessionis & Apologiæ

ita sentire: quandoquidem ipse primarius, tam Confessionis quam Apologiæ architectus Philipp. Melanchthon, in Locis communibus anni 1556. loco de Filio, pag. 40. ita scripsit; *Natura diuina, non est quidem lacerata, aut mortua, sed fuit obediens Patri, quieuit, cessauit à eterni Patris.* Et Martinus Lutherus in libro de Concilijs, & Ecclesia, non solū obedientiam, sed etiam passionem diuinitati tribui posse contendit.

II. ERROR.

Alter error est, quod Christus fuerit perfun-ctus munere mediatoris, & Pontificis, non solum per humanam naturam, sed etiam per diuinam. Sic enim habent verba Concordiæ, pag. 736. in articulo de persona Christi: *Itaque Christus est noster mediator, redemptor, Rex, summus Pontifex, &c. Non secundum unam tantum naturam, siue diuinam, siue humanam, sed secundum utramque naturam.* At quod Christus sit mediator, & Pontifex secundum utramque naturam, & ideo non solum ut homo, sed etiam ut Deus, error est, qui aperte pugnat cum Christi vera diuinitate, & proinde cum Symbolo fidei, ubi dicitur Christus, Deus verus, de Deo vero. Nam mediator per id quo munus mediatoris exercet, necessario distinguitur ab eo cuius est mediator. Est autem Christus mediator Dei & hominum. Ergo, si ut Deus mediator est, ut Deus à Deo distinguitur; erunt igitur duo dii, vnus maior, alius minor, ut Ariani volebant. Quocirca Beatus Paulus, 1. Timot. 2. cum dixisset, Vnus est mediator Dei & hominum, mox adiunxit, homo Christus Iesus. Et B. Augustinus lib. 2. de peccato Originali, cap. 28. Non, per hoc, inquit, mediator est, quod æqualis patri, per hoc enim quantum pater, tantum & ipse à nobis distat: & quomodo erit medietas, ubi eadem distantia est? Ideo Apostolus non ait, Christus Iesus, sed homo Christus Iesus, per hoc ergo mediator, per quod homo inferior Patri, per quod nobis propinquior: superior nobis, per quod patri propinquior. Quod apertius ita dicitur inferior patri, quia in forma serui: superior nobis, quia sine labe peccati. Et tractatu 82. in Ioannem, Mediator Dei & hominum, non in quantum Deus, sed in quantum homo est, Christus Iesus. Deinde si Christus, ut Deus, mediator est, sequitur vnum è duobus, aut totam Trinitatem esse mediatricem, aut Christum non esse vnum Deum cum Patre & Spiritu sancto, sed alium quendam Deum. Nam quod vni personæ conuenit ratione Deitatis, id etiam alijs omnibus personis conuenit, quæ habent eandem Deitatem. Igitur esse mediatorem, quod filio conuenit ratione Deitatis, quandoquidem ut Deus mediator est, conuenit etiā Patri & Spiritui sancto, si vnā & eandem cum filio Deitatem habent; vel si non conuenit, certe non habent. Denique esse Pontificem & Sacerdotem, intrinsece & essentialiter includit esse creaturam, & longe minorem eo, cui sacrificium offerri debet. Omnis enim Pontifex & Sacerdos minister Dei est, & cultu latriæ Deum summum colit, dum ei sacrificium offert. Ergo si Christus, ut Deus est, Pontifex etiam est, & Patri suo sacrificium defert, profecto ut Deus, patre suo longe minor, atque adeo vere & proprie creatura est. Hinc videlicet Ariani inter propositiones suas, quæ leguntur apud Augustinum tom. 6. in sermone Ariatorum, etiam istā numerabant, quod filius Dei minister & Sacerdos sit Patris sui. Ipse vero B. Augustinus lib. 1. de consensu Evangelistarum, c. 3. Secundum hominem, inquit, Christus & Rex, & Sacerdos effectus

A, est, ut esset ad interpellandum pro nobis mediator Dei & hominum, homo Christus Iesus. Et lib. 10. de Ciui. Dei, c. 6. Vnde, inquit, verus ille mediator in quantum in formam serui accipiens, mediator effectus est Dei & hominum, cū in forma Dei sacrificium cum Patre sumat, cū quo est vnus Deus? Et S. Cyrillus in Apologia pro capitulis suis aduersus Orientales, in defensione decimi capituli, Quando, inquit, factus est homo vocatus est & Pontifex, non quod maiori Deo offerret sacrificium, sed sibi ipsi & Patri. Et infra: Dictus est, inquit, Sacerdos propter humanitatem. Et lib. 11. in Ioan. c. 7. In quantum, inquit, filius & Deus est, vna cum Patre bona nobis largitur, in quantum vero mediator est, & Pontifex nostras preces ad Deum adducit.

III. ERROR.

Tertius error est, quod natura humana Christi sit vbique vere, & realiter. Sic enim loquitur liber Concordiæ in articulo de Cœna Domini, pagina 572. *Dextera Dei vbique est: ad eam autem Christus, ratione humanitatis suæ, vere & re ipsa collocatus est: ideoque præsens gubernat, in manu sua, & sub pedibus suis, ut Scriptura loquitur, habet omnia quæ in cælo sunt & in terra.* Et infra pag. 731. *Reuera omnia implet, & vbique non tantum ut Deus, verum etiam ut homo, præsens dominatur à mari ad mare.* Et similia leguntur, pag. 745.

Porro hic error repugnat primo Scripturis, quæ passim asserunt, Christum ratione humanitatis, alicubi non fuisse. Ioan. 6. Cum vidisset turba, quia Iesus non esset ibi. Ioan. 11. Lazarus mortuus est, & gaudeo propter vos, ut credatis, quoniam non eram ibi. Matthæi ultimo: Non est hic, surrexit.

Secundo, repugnat articulis Symboli, de Christi conceptione, natiuitate, passione, morte, descensu ad inferos, resurrectione à mortuis, ascensione ad cælos, & descensu ad iudicandum. Nam articulus de Conceptione, docet in solius Mariæ vtero corpus Christi fuisse; At si vbique fuit statim ab incarnatione, ut aduersarij docent, fuit in vteris omnium foeminarum, imo etiam omnium virorum. Articulus de Natiuitate, docet, Christi corpus post nonum mensem ex vtero prodijisse, & sic vere esse natum. At secundum Vbiquistas, antè nonum mensem, imo primo die conceptionis fuit extra vterū, & post nonum mensem adhuc erat in vtero, nec inde vnquam exijt. Nec valet responsio quam adferunt, cum dicunt, Christum vere esse natum, quia cum fuisset in vtero localiter spatio nouem mensium, & nō alibi, postea esse cœpit localiter extra vterum, & non in vtero. Hæc inquam solutio nihil valet, nam quod vere est vbique, siue localiter, siue alio modo sit, nō potest vere & proprie moueri de loco ad locum, sed solum potest metaphorice moueri, id est, apparere, ubi non apparebat, licet ibi esset. Quemadmodum Deus, qui vbique vere est, tamen si non localiter, moueri non potest, sed solum apparere, & ostendere se, ubi antea non videbatur esse, quamuis ibi esset. Eodem igitur modo, si corpus Christi ab ipsa conceptione vbique fuit, licet non localiter fuerit vbique, tamen nunquam vere moueri potuit de loco ad locum; & proinde Natiuitas ex vtero, non verus ex vtero egressus, nec vera natiuitas, sed tantum apparens, & metaphorica fuit. Pari ratione destruuntur cæteri articuli. Qui enim semper vbique fuit, non vere potuit in passione transire de loco cœnæ ad hortum, nec de orto ad domum Caiphæ, nec inde ad prætorium Pilati, nec inde ad montē Caluariz: nec

potuit

potuit in morte separari anima à corpore, ita ut corpus sine anima in sepulchro iaceret, & anima sine corpore ad inferos descenderet: nec potuit vere anima in resurrectione ad corpus redire, nec corpus illud redituum de clauso sepulchro egredi, nec intrare ad discipulos ianuis clausis; nec denique vere potuit in cælum conscendere, nec poterit vere in nouissimo die de cælo descendere; Sed hæc omnia metaphorice exponi debent, quemadmodum cum de Deo legimus eiusmodi mutationes.

Tertio, repugnat hic error veritati corporis Domini in Cæna, & quod admirabile est, confirmat Zvinglij sententiam, ad quam destruendam excogitatus est. Nam si corpus Christi, ab ipsa conceptione est ubique, non egemus Sacramento Cæne, ut præsentiam habeamus corporis Domini. Quid igitur Sacramentum Cæne facit? non exhibet certe præsentiam corporis Domini: nam hæc antea quoque aderat. Quid igitur facit? nisi hoc quod significat Christi corpus adesse? Ad hoc voluit Zvingliani, ex vi Sacramenti Cæne nihil nos habere, nisi signum. Et hoc idem videtur liber Concordiæ agnoscere, pag. 745. cum ait: *Quarecum præsentem habemus, non tantum secundum diuinam, verum etiam secundum humanam naturam iuxta quam ipse frater noster est, & nos caro sumus de carne eius, & os de ossibus eius. Et sane in huius etiam rei confirmationem, sacram suam Cænam instituit: ut testaretur se etiam secundum eam naturam, quæ carnem & sanguinem habet nobiscum esse, in nobis habitare, & efficaciter operari velle.* Præterea, si Christi corpus ubique est, non potest vere cum pane, quantumlibet consecrato, sumi, nec sanguis eius cum vino, quantumlibet etiam consecrato bibi. Nam panis & vinum ideo sumi vere possunt, quia non sunt ubique, & proinde vere transeunt de mensa ad manum, de manu ad os, de ore ad stomachum: quæ de Christi corpore & sanguine dici non possunt, si ubique sunt: quemadmodum licet Deus ubique sit, nemo tamen cum pane Deum comedit, nec cum vino Deum bibit. Quorsum igitur Eucharistia, ut habeatur Christi corpus fructuose, dicit aliquis Brentianus; Ergo solus fructus, sola efficacia, sola virtus corporis Domini sumitur in Cæna; at hoc ipsum docent Calvinistæ.

Quarto, repugnat hæc ubiquitas decreto Dresdeni, quod in eadem Saxonia, ab ipsdem Confessionis Augustanæ Theologis, ante annos circiter decem promulgatum est, id est, anno 1571. ubi præter alia hæc verba leguntur: *Commentitia ista communicatio physica, quæ nostro primum tempore cum ubiquitate corporis Christi introduci coepit, est, vniuersa Orthodoxæ Ecclesiæ, & toti orbi Christiano, inde usque ab initio incognita fuit, atque etiamnum à Pontificiis ipsis rejicitur, & taxatur acerrime.* Et infra: *Commentitia illa ubiquitas, horrendum in modum corruptis omnes pene articulos fidei de Christo, ac discrimen diuinæ & humanæ naturæ in Christo, in primis delet atque euertit.* Hæc ibi tunc. Nunc autem Sacrosanctæ fidei dogmata esse debent, quæ ante annos decem pestilentissimæ hæreses erant. Ista videlicet est constantia Theologorum Saxoniorum.

Quinto, repugnat sententiæ primarij auctoris Confessionis, & Apologiz, qui duo libri primū locum in Concordia obtinent. Philipp. siquidem Melancthon in epist. ad Fridericum Comitem Palatinum, quam scripsit anno 1531. ita loquitur: *Alij ubiquitatem excogitant.* Et addit: *Hæc sunt portentosa omnia, ignota eruditis versari.* Denique repugnat S. Augustino, & omnibus Patribus. Ac, ut cætera omittamus, August. in epist. 57. ad Dardanum, non solum

docet, Christi humanitatem non esse ubique, sed etiam soluit primarium argumentum aduersariorum. Illi enim existimant, necessario sequi, ut Christi humanitas sit ubique, si coniuncta est personaliter Verbo, quod sine dubio est ubique. At S. Augustinus, Homo, inquit, Christus, illo die secundum carnem in sepulchro, secundum animam in inferno futurus, Deus vero idem ipse Christus, ubique semper est. Et infra: Non est autem consequens, ut quod in Deo est, ita sit ubique ut Deus. Nam & de nobis verissima Scriptura dicit, quod in illo viuimus, mouemur, & sumus, nec tamē sicut ille, ubique sumus, Sed aliter homo ille in Deo, quoniā aliter & Deus ille in homine proprio quodam & singulari modo. Vna enim persona Deus & homo est, & utrumque est vnus Christus Iesus, ubique per id quod Deus est, in cælo autem per id quod homo. hæc ille. Neque hic loci habent distinctiones de varijs modis essendi in loco. Nam S. Augustinus negat in forma id ipsum, quod aduersarij docent. Ipsi enim volunt, propter vniōem hypostaticam, Christi humanitatem necessario esse debere, ubicunque est Verbum, modo quodam supernaturali, & diuino: at hoc idem Augustinus negat. Et præter exemplum ab eo adductum, habemus etiam insigne exemplum in anima rationali. Nam caput est vnitum animæ, & tamen non ubicunque est anima, ibi continuo est caput; cum anima sit etiam in pedibus, ubi certe non est caput.

IV. ERROR.

Q Vartus error est, quod Christi humanitati sint collata vere & realiter, multa attributa diuina, ut omnipotentia, omniscientia, omnipræsentia, atque adeo ipsa diuina Maiestas. Qui error destruit veritatem humanitatis Christi, renouat hæresim eutychetis, & pugnat cum Symbolo fidei. Nā si Christi humanitas, vere & realiter non solum est ubique, quia est in toto mundo, sed quia habet omnipræsentiam & immensitatem, quam habet Verbum, & proinde est in infinitis spatijs imaginarijs extra mundum, vel certe esse potest: profecto & formaliter infinita & immensa; & cum nō sit infinita magnitudine molis, ut aduersarij concedunt, nam dicunt eam non esse diffusam ubique localiter, infinita erit magnitudine virtutis; Infinita autem virtus infinitam essentiam requirit. Est igitur Christi humanitas essentia infinita; & proinde vel est conuersa in Deitatem, vel duo sunt entia infinita. Idem argumentum de omnipotentia, & alijs Dei attributis fieri potest. Sed verba Concordiæ audiamus, pag. 731. *Adeptus autem est Christus secundum humanam naturam, plenam possessionem, & diuinæ maiestatis usurpationem.* hæc ibi. Iam si Christus secundum humanam naturam adeptus est diuinam maiestatem, ergo secundum humanam naturam est Deus: Ergo secundum humanam naturam non est homo. Nec enim idem secundum idem, duo disparata esse potest. Et pag. 744. *Iam etiam secundum assumptam humanam naturam, omnia nouis, & reuera omnipotens est.* hæc ibi. Ecce quā aperte dicunt, Christum ut hominem esse omniscientem, & omnipotentem: quod quid est aliud, quā dicere: Christum ut hominem, non esse hominem, sed Deum? Et pag. 745. *Scriptura sacra hanc maiestatem omnipræsentia soli Christo, nulli autem alii homini tribuit.* Et paulo ante dixerant, se de Christi humanitate loqui, & non de sola diuinitate, cum Christo tribuunt omnipræsentiam. Denique pag. 738. prolixè docere conantur, Christi humanitatem capacem esse infinitorum attributorū,

Vere & realiter sibi communicatorum per hypostaticam vnionem. Nec satis expediunt se, cum dicunt, hanc esse idiomatum communicationem, quam etiam veteres Patres agnouerunt. Nam communicatio idiomatum, secundum Patrum doctrinam, non tribuit vni naturæ ea quæ sunt alterius, sed tribuit vni supposito vtriusque naturæ proprietates. Vide de communicatione idiomatum, Ambros. li. 2. de fide, c. 4. Augustin. lib. 1. de Trinitate, ca. 13. Cyrillum in defensione 4. Anathematismi. Et Ioann. Damascenum lib. 3. cap. 4. Et præterea communicatio idiomatum, quam Patres agnoscunt, mutua est, & non minus Deo conuenit quàm homini. At aduersarij, humanæ naturæ tribuunt realem communicationem diuinorum attributorum; Diuinæ autem non tribuunt realem communicationem humanarum proprietatum; vt in hac ipsa Concordia diserte docent, pag. 736. Itaque recte Dresdense decretum, cuius supra mentionem fecimus, ab iisdem Saxonis ministris editum, ita alicubi habet: *Quod præcipuum fidei nostræ, & Ecclesiæ caput est, videlicet articulum de duabus naturis in Christo idiomatum reale & physica, in ipsis naturis communicatione, deprauari horribiliter: atque è contrario, hæreses iam olim damnatas, Marcionitarum, Arianorum, Manicheorum, Samosatensium, Valentinianorum, Sabellianorum, Nestorianorum, Eutychianorum, & Monothelitarum, reduci atque innouari, factis euidenter demonstratum est.* Hæc ibi.

V. ERROR.

Q Vintus error est, quod vnio hypostatica consistat in communicatione diuinorum attributorum. Tamen si enim pag. 744. videntur dicere communicationem istam esse posteriorem vnione hypostatica; Sic enim loquuntur: *Propter vnionem autem hypostaticam, & ex ea consequentem communicationem, &c.* Tamen in pluribus locis aperte indicant, in ista communicatione consistere vnionem hypostaticam, pag. 729. *Propter hanc, inquit, hypostaticam vnionem, quæ sine vera illa communicatione nec cogitari, nec subsistere potest, &c.* At certe id non est posterius, sed est vere de essentia, sine quo alterum nec esse, nec cogitari potest. Et pag. 730. *Et sane, inquit, veteres Ecclesiæ Doctores, duo hæc vocabula, κοινωνία & ὁμοῦν, communionem & vnionem in explicatione huius mysterij coniunxerunt, & alterum per alterum declarauerunt.* En quàm aperte idem esse volunt vnionem hypostaticam, & suam illam communicationem proprietatum. Cum ergo dicunt, vnum ex altero sequi, vel manifeste secum pugnant, vel intelligunt de consecutione Logica, non Physica, quo modo dicimus, ex eo quod aliquis est homo, sequi vt sit animal rationale.

Porro hæc sententia, quod vnio hypostatica consistat in illa communicatione diuinorum attributorum, destruit omnino mysterium incarnationis. Nam in primis, cum diuina attributa, id est, omnipotētia, omniscientia, omnipræsentia, & similia, sint communia toti Trinitati; Si in illorum communicatione consistit vnio hypostatica, sequitur, omnes tres personas esse incarnatas. Vt enim secundum Catholicam fidem, quam exposuerunt vetera Concilia generalia, 3. 4. 5. & 6. ideo sola persona filij incarnata est, quia vnio facta est per communicationem subsistentiæ propriæ ipsius filij: ita secundum aduersariorum sententiam totam Trinitatem incarnatam esse necesse est, cum vnio facta sit in eo quod est commune toti Trinitati.

A Deinde si vnio hypostatica consistit in communicatione attributorum, sequitur, Patrem, & Filium, & Spiritum sanctum, vnitos esse hypostatice, atque vniam tantum esse personam. Nam Pater gignendo Filium, omnia sua attributa illi communicauit, & similiter Pater & Filius producendo Spiritum sanctum, omnia sua attributa illi communicauerunt. Præterea, aut volunt hypostaticam vnionem consistere in communicatione omnium attributorum, vel aliquorum tantum; si omnium, impossibilis erit vnio hypostatica. Nam inter attributa Dei, numeratur vera æternitas, quæ principio & fine caret: at impossibile est re creatam careere principio, & saltem certum est, Christi humanitatem non fuisse ab æterno. Pari ratione, Dei proprium est, careere principio effectiuo; at id nullo modo creaturæ comunicari poterit. Si vero aliquorum tantum; quis dicere poterit quæ sint illa, cum eadem sit ratio omnium? Vt enim esse potest vnio hypostatica, sine communicatione æternitatis; cur non poterit esse sine cōmunicatione omnipræsentis, vel omnipotētis? Denique ista attributa non possunt esse naturæ humanæ essentialia, erunt igitur accidentalia; id quod liber Concordiæ asserere videtur, cum pag. 741. explicat istam communicationem per operationem diuinitatis, quam exercet per humanitatem. At hæc ipsa est Nestorij hæresis, qui Verbum cum homine per operationem coniungebat; estque hæc hæresis expresse damnata in Concilio V. generali, cap. 4. & 5.

VI. ERROR.

Sextus error est, quod totus Christus, Deus & homo, ad inferos descenderit. Id quod aperte sequitur ex tertio errore, & præterea in ipsa Concordia diserte asseritur, pag. 750. *Simpliciter, inquit, credimus, quod tota persona Deus & homo post sepulturam ad inferos descenderit.* Atque hic error cū duobus, imo etiā tribus articulis Symboli pugnat: destruit enim mortem, sepulturam, & resurrectionem Christi. Nam si Christus homo descendit ad inferos, viuus non mortuus descendit; mortuus enim non est homo, cum omnis homo per mortem definat esse homo. At si Christus viuus, & de cruce descendit, & viuus peruenit ad inferos, non anima solū descendit, sed etiam caro; non enim sola anima homo dici potest; quod si anima & caro descendit, quid quæso iacuit in sepulchro? Denique si Christus semper fuit homo, nec vnquam vere mortuus aut sepultus est, certe nec vere etiam resurrexit; non enim resurgit homo, nisi quando per nouam vitam iterum incipit esse homo, qui per mortem desierat esse homo. Atque hæc pauca de erroribus contra Symbolum sufficiant.

Mendacia Concordiæ.

I. MENDACIVM.

IN præfatione Concordiæ, atque adeo in ipso principio præfationis, habetur illustre mendacium de Confessione Augustana, quod videlicet in totum orbem terrarum sparsa, vbique percrebuerit, & in ore & sermone omnium esse cœperit. Nam ex tribus partibus orbis terræ, dñz, Asia atque Africa, ne nomen quidem August. Confessionis adhuc audierunt; in Europa, quæ tertia pars est, Græcia, Italia, Hispania,

aut

aut omnino quid sit Augustana Confessio, ignorat; aut eam ut perniciosam & hæreticam doctrinam execrantur. Gallia ac Britannia, partim à Catholicis, partim à Calvinistis habitantur, quorū illi August. Confessionem aperte repudiant; isti solo nomine recipiunt. Quanquam nouam hanc in Confessione Concordiam, Calvinistæ, ne quidem nomine amplectuntur. Solus restat angulus Germaniæ, isque nō totus in quo sese fama Confessionis dilaret. Nam & in ipsa Germania Zvingliani, & Anabaptistæ inueniuntur, qui Confessionem August. nunquam receperunt. Quid? quod initio nec in parte Germaniæ Confessio August. locum habere potuit. Nam eo ipso anno quo August. nata est, August. quoque extincta quodammodo est. Siquidem à Theologis Catholicis refutata, & ab Imperatore Carolo V. publice damnata fuit in generali recessu; cui damnationi subscripserūt Electores v. Ecclesiastici Principes xxx. Seculares xxiii. Abbates xxi. Comites & Barones xxxii. Ciuitates liberæ & Imperiales xxxix. Cum ipsi confessioni solum subscripserint, Elector 1. Principes vi. Ciuitates ii. Quocirca merito Philippus lib. 1. Epist. in Epist. ad Ioan. Obemburgerum ita scribit; *Non delector*, inquit, *recordatione Comitum Augustanorum, in quibus tristi ac atroci sententia damnati sumus.* Nec solum August. confessio vix dum nata, extincta fuit, sed etiam in duobus archinijs ita sepulta, ut per totos annos quadraginta lucem non viderit. Confessio enim Germanica in Cancellaria Moguntina: Latina vero in Bruxellensi longissimo tempore delituerunt, atque interim singulis prope annis edebantur, aliæ atque aliæ; quæ cum omnes Confessionis Augustanæ titulum præ se ferrent, tamen & verbis, & sententijs, cum inter se, cum ab illa prima plurimum dissentiebant. Itaque gloriosum illud encomium Augustanæ Confessionis, quod in totum orbem terrarum sparsa, ubique percrebuerit, ita interpretandum esse videtur: Confessio Augustana, id est, Confessio, falsum nomen gerens Confessionis August. per totum orbem terrarum, id est, in quodam angulo Septentrionis, ubique sparsa percrebuit, id est, in aliquot oppidis Germaniæ audiri cœpit.

II. MENDACIVM.

IN eadem præfatione, ultra medium, protestantur aduersarij, in negotio Cænæ ad nulla alia fundamenta pios homines deducendos esse, quàm verborum institutionis Testamenti Domini nostri Iesu Christi; licet tam ipsi, quàm etiam Lutherus, inuiti pertracti sint ad disputationem de vnione personali duarum in Christo naturarum. At in ipsa Concordia, pag. 571. & iterum pag. 717. in articulo de Cæna Domini, vna cum Luthero, quatuor alia fundamenta iaciunt. Primum est, quod Christus sit Deus & homo: in vna persona, indiuisus, & inseparabilis. Secundum, quod dextera Dei est ubique. Tertium, quod verbum Dei sit neque falsum, neque fallax. Quartum, quod Deus varios modos habet, nouitque, quibus aliquo in loco esse potest. Mendax igitur est huius præfationis protestatio.

III. MENDACIVM.

PRæfatione Confess. ad Carolum V. pag. 6. ita habetur: *Offerimus in hac religionis causa, nostrorum Concionatorum, & nostram Confessionem; cuiusmodi doctrinam ex Scripturis sanctis, & puro verbo Dei, habite-*

A *mus illi in nostris terris, Ducatibus, diocesis, & urbibus tradiderunt, ac in Ecclesijs tractauerunt.*

Hæc insigne mendacium esse, vel ex eo cognosci potest, quod Confessio Lutheri, in multis ab Augustana dissentit; cum tamen eodem anno 1530. edita sit, neque credibile videatur, melius Lutheranos, quàm ipsum Lutherum, quæ sit Lutherana doctrina, scire potuisse. Artic. 11. Lutherana Confessionis habet: *Quod Confessio priuata debeat esse libera.* Confessio autem Augustana, in cap. de Confessione, dicit, *Apud suos non solere porrigi corpus Domini, nisi antea explorati & absoluti.* Et in cap. de Missa, sic ait: *Nulli admittuntur ad Sacramentum, nisi antea explorati atque auditi.* Item artic. 16. Lutherana Confessionis, vult *Missam præ omnibus abominationibus, esse abrogandam.* Confessio vero Augustana, in cap. de Missa: *Falso*, inquit, *accusantur Ecclesiæ nostræ, quod Missam aboleant; retineant enim Missa apud nos, & summa reuerentia celebrantur.* Ad hæc, nec Augustana Confessio à Philippo fabricata, nec Lutherana, quæ Augustanam sine dubio peperit, cum ea doctrina concordat, quam initio Lutherus & Melanchthon tradiderunt. Audio Ioannem Cochleum eodem anno 1530. collegisse articulos ex libris Lutheri & Philippi, contra singulos articulos Confessionis Augustanæ; sed eos nondum videre potui. Sed facile credo illum hoc fecisse, cum ipse quoque id præstare nullo negotio possim, qui tamen multo minus versatus sum in Lutheranorum libris, quàm Cochleus fuerit. Ac ne sim nimis prolixus, conferam solum duos, aut tres principales Confessionis articulos, cum Lutheri & Philippi doctrina.

Articulus primus Confessionis Augustanæ sic habet: *Ecclesiæ magno consensu apud nos docent, decretum Nicænæ Synodi, de unitate essentia diuina, & de tribus personis, verum & sine ulla dubitatione credendum esse.* Et infra: *Et nomine persona vnitur ea significatione, qua vsunt in hac causa scriptores Ecclesiastici, ut significet non partem aut qualitatem in alio, sed quod proprie subsistit.* Et infra: *Damnant omnes hæreses contra hunc articulum exortas, ut Manichæos, Valentinianos, Arianos, Eunomianos, &c.* Huic art. 1. recte annectitur tertius, qui est de incarnatione filij Dei, in quo duæ naturæ vnitæ asseruntur in vna persona. Lutherus autem quàm verum crediderit Nicænū decretum de unitate essentia, satis ostendit illis verbis, quibus est vsus contra Iacobum Latomum: *Anima mea*, inquit, *edit hoc verbum quoniam.* Quod tamen verbum ignorare non poterat in Concilio Nicæno, (ut D. Augustinus loquitur lib. 3. cōtra Max. c. 14.) aduersus hæreticos Arianos, veritatis auctoritate, & auctoritatis veritate, firmatum esse. Neque vero id Luthero excidit per incogitantiam; Nam rursus id repetit, in libro de Concilijs: *Sanctus*, inquit, *Hieronymus vehementer perturbatus, lamentabiles litteras scribat ad Episcopum Romanum Damasum, & capiebat expungi vocabulum quoniam.* Vbi scilicet notanda est alia fraus Lutheri, Non enim sanctus Hieronymus vocabulum *quoniam*, sed vocabulum *quoniam*, tacēdum arbitrabatur, propter eius vocis ambiguitatem. Notæ sunt epistolæ duæ S. Hieronymi de hac re ad Damasum, quarum altera ita concluditur: *Obtestor beatitudinem tuam per*, crucifixum, mundi salutem, *per quoniam* Trinitatem, ut mihi Epistolis tuis siue tacendarum, siue dicendarum hypostaseon detur auctoritas.

Deinde, si Luthero probatur doctrina Catholica de unitate essentia, & Trinitate personarum, cur ex precibus communibus Germanorum, illam precatiunculam sustulit, Sancta Trinitas vnus Deus, miserere nobis? Nec nouam esse hanc formam inuo-

cationis, sed ab antiquissimis Patribus, tam Græcis, quàm Latinis, usurpatam, certum est ex Nazianzeno, qui oratione 2. de pace, ad finem, ait: O Trinitas sancta & longanimis, suscipe etiā iustos, &c. Et ex Augustino lib. vlt. cap. vlt. de Trinitate: Domine Deus, vnus, inquit, Deus Trinitas, quæcunq, que dixi in his libris de tuo, agnoscant & tui: Si qua de meo, & tu ignosce, & tui, Amen.

Porro de incarnatione, quam recte Lutherus senserit, ex tribus eius operibus facile poterit intelligi. Nam in concione de Natali Domini, qua primum caput Epistolæ ad Hebræos exponit, dum metuit cum Eutychete permiscere naturas, audacter cum Nestorio diuidit personas. Dicit enim, *Imperitos quosdam, facere Christum hominem omnipotentem*. At si ille homo Christus non est omnipotens, eadem ratione non est Deus: Nec enim Deus esse potest qui non sit omnipotens. Duo igitur erunt Christus Deus & Christus homo, quæ est apertissime Nestoriana sententia. Contra vero, in libro de Concilijs & Ecclesia, parte 2. dum vitare cupit Nestorium, aperte incidit in Eutychetem. Sic enim loquitur: *Mibi paulo ante negotium fuit cum Nestorianis, qui pertinacissime contra me disputabant, quod diuinitas Christi non posset pati*. Et infra: *Oportet dici hic homo Christo, hæc caro & sanguis condidit cælum & terram*. Certe nomina diuinitatis & carnis, nomina sunt naturarum non personarum. Ergo si Luthero diuinitas patitur, si caro cælum ac terram condit, quis non videat, à Luthero Christi naturas confundi? ac ut propensionem animi sui in Nestorium, & Eutychetem Lutherus ostenderet, in eodem de Concilijs libro, ita diligenter Nestorium & Eutychetem excusat, ut vtrique zelum bonum, animum syncerum, & fidem rectam tribuat, & solum ex inscitia quadam, & in modo loquendi lapsos dicat; totam vero causam tumultuum & perturbationis illius temporis, in Episcopos Catholicos referat. Et eo usque tandem progreditur, ut dicat; *Vereris se, ne in extremo iudicio aliqui qui dicuntur hæretici, iudices sedcant; & Episcopi, qui illos in Concilijs damnauerunt in æternum pereant*. Tantum non aperte affirmans, Nestorium, & Eutychetem cum Christo indices futuros, Sanctos vero, Leonem, & Cyrillum, in æternum perituros. Porro in libro, qui inscribitur, *Confessio Martini Lutheri de Cæna Domini*, non solum reprehendit Zvinglianos, quod passionem Christi soli tribuant humanitati, non etiam Deitati; Sed etiam è contrario ipsam humanitatem in Deitatem euehere videtur, cum ait: *Necesse habes, eam Christi essentiam, quæ est cum Deo vna persona, longissime extra creaturas collocare, ideoque tam longe quàm Deus ipse, extra creaturas est*. Neque vult Lutherus dicere, Christi humanitatem extra creaturas esse, quantum ad locum, siue spatium, sed quantum ad ordinem & dignitatem; Nam in eodem libro contendit, vbique esse Christi humanitatem. Et in sermone de Sacramento Cænæ Domini; *Credimus*, inquit, *quod Iesus Christus sit iuxta humanitatem, super omnes creaturas collocatus, & omnia impleat*. Et infra: *Et habeat omnia in sua manu, & sit vbique præsens*. Si igitur Christi humanitas, extra ordinem creaturarum est, non creata natura, sed increata essentia est, ac per hoc non amplius humanitas, sed diuinitas dici debet. Rursum: Si Christi humanitas tam longe abest à creaturis, quantum ad excellentiam & dignitatem, quàm longe abest ipse Deus, Deus autem infinito intervallo à creaturis omnibus separatur. Igitur Christi humanitas infinitæ dignitatis, & excellentiæ est. Ex quo sequitur, aut duas esse infini-

tas naturas, aut Christi humanitatem in Deitatem esse conuersam; quæ est hæresis Eutychiana. Et fortassis non sine mysterio, nec in Confessione, nec in Apologia, vlla sit mentio Nestorij & Eutychetis, qui tamen nominatim damnari debuissent in art. 3. ut damnantur in primo Arius, & Eunomius. Iam vero Philippus Melanchthon in locis anni 39. pag. 9. *Necesse est, inquit, in filio aliquid esse diuinæ naturæ*. Et rursum, pag. 11. *Necesse est in Christo aliquam esse diuinam naturam*. Et in Locis anni 45. fol. 53. de Spiritu sancto loquens; *Testatur, inquit, per Ioannem Deum, non mitti creatam agnitionem, sed aliquid essentia Dei*. Necesse est autem personam esse distinctam, quæ est aliquid Dei, & tamen non est Pater. Philippo igitur aut multæ sunt naturæ diuinæ, cum necesse sit in filio aliquam esse diuinam naturam; aut certe multæ sūt partes eiusdem diuinitatis, cum tam in Filio, quàm in Spiritu sancto aliquid sit diuinæ naturæ. Quod quàm bene cohæreat cum art. 1. Confessionis, nemo non videt. Rursum idem Philippus in Locis anni 45. & 58. pag. 40. *Non est, inquit, lacerata aut mortua diuina natura, sed fuit obediens Patri, quicquid, cessit ira æterni Patris*. Quid clarius pro Ariana hæresi dici poterat? Nam si natura diuina Filij, Patri fuit obediens, & iræ illius cessit; distinguitur diuinitas Filij à Patre, & Pater non habet diuinitatem, vel habet aliam. Vbi est igitur vnitatis essentia diuinæ quam prædicat Augustana Confessio? Ad hæc in iisdem Locis, pag. 42. ita exponit illud, *Glorifica me Pater, Nunc missus subiectus sum cruci, & seruo mee vocationi*. Deinde vero gloriam mihi restitue, quam ante mundi constitutionem apud te habui, &c. Certe nō potest restitui quod non fuit amissum; Amisit igitur Christus gloriam, quam habuit ante mundi constitutionem; non autem amisit eam ut homo, cum ante mundi constitutionem non fuerit homo, amisit igitur ut Deus. Deus igitur mutabilis est Christus, ac per hoc ne Deus verus, nec Deus vnus cum Patre, sed Deus factus & creatus à Patre, ut Ariani docebant. Atq; huc etiam fortasse alludit in iisdem Locis, pag. 45. cum ait: *Tempore passionis non fuisse in Christo gloriam beatitudinis, ut alio tempore*. Omitto illud, quod ibidem pag. 11. tres personas diuinas, tres esse singulares intelligentes. Qui modus loquendi, non satis consentit cum Symbolo Athanasij, quod in hac Concordia, tanquam pium, ut vere est, recipitur. Ut enim in Symbolo dicitur: Non tres omnipotentes, sed vnus omnipotens, ita sine dubio dici debet, non tres intelligentes, sed vnus intelligens.

Veniamus ad articulos de libero arbitrio, & causa peccati, & videamus, an id semper Lutherus & Philippus docuerint, quod in Confessione nūc docent. Articulus 18. Confessionis, sic habet: *De libero arbitrio docent, quod humana voluntas, habeat aliquam libertatem ad efficiendam ciuilem iustitiam, & diligendas res rationi subiectas, &c.* Artic. 19. de causa peccati, docet: *Quod tametsi Deus creas & conseruat naturam, tamen causa peccati est voluntas malorum, videlicet diaboli, & impiorum, quæ non adiuvante Deo auertit se à Deo, sicut Christus ait, Cum loquitur mendacium, ex se ipso loquitur*.

Audiamus nunc verba Lutheri ex assert. artic. 36. *Libertum, inquit, arbitrium est figmentum in rebus, & ritulus sine re, quia nulli est in manu sua quippiam cogitare boni vel mali, sed omnia, (ut Viclefij articulus Constantia damnatus recte docet) de necessitate absoluta eneniunt, quod & Poeta voluit, quando dixit; Certe stant omnia lege. Et Christus Matth. 6. Folium arboris non cadet in terram, sine patre vestro*. Et infra: *Non est dubium*

Satana magistro, in Ecclesia venisse hoc nomen, Liberrimum arbitrium. Ac ut sibi & suis Lutherus præcluderet aditum ad retractationem in eadem assertionem, ita præfatus fuerat: In cæteris articulis, de Papam, de Concilijs, de Indulgentijs, alijsque non necessarijs nugis, ferenda est lenitas & stultitia Papæ, & sanctorum: Sed in hoc articulo, qui omnium optimus, & verum nostrarum summa est, dolendum & flendum est, miseros sic insinire. Et in libro quem contra Regem Angliæ scripserat: Adeo se certum esse de sua doctrina, ut si quis aliter doceret, aut damnavet, quæ ipse scripsit de fide, de operibus, de libero arbitrio, &c. is damnavet Deum, & oporteret ipsum manere filium inferni. Atque his similia Philippus docuit in Locis, anno 21. & 22. editis. Tantum abest igitur ut verum sit, quod in præfatione Confessionis dicitur; Hanc ipsam Confessionis doctrinam eam esse, quam hætenus Lutherani Concionatores tradiderunt, ut potius sit verissimum, in præcipuo articulo, & in summa rei defecisse Confessionis auctores à Luthero ad Papam. Et (si verum sit Lutheri vaticinium) oportere iam eos manere filios inferni; quippe qui Deum in Luthero damnare ausi fuerint. Non ignoro Lutherum in Visitatione Saxonica, & Philippum in Epitome Moralis Philosophiæ, & in Locis editis posterioribus annis, longe aliter docuisse de libero arbitrio & causa peccati, quam antea docuerunt, cum haberent primitias Spiritus; tamen id neque mendacium excusat, & arguit inconstantiam. Et quia non parum conducere videtur ad commendationem architecti huius Confessionis, ad memoriâ reuocare Philippi egregiam in doctrina constantiam, annotabo breuiter eius sententias de libero arbitrio, & causa peccati.

In Locis anni 21. primo, repudiat nomen ipsum, liberi arbitrij, & rationis. *Vsurpata est vox*, inquit, *liberi arbitrij*, à diuinis litteris, à sensu, & iudicio spiritus alienissima: additum est à Platonis Philosophia, vocabulum rationis æque perniciosum. At in Locis posterioribus, *Monendi sunt*, inquit, *rudiores*, ut à Physicis sumant distinctiones & appellationes partium hominis. In homine est pars cognoscens, & iudicans, quæ vocatur mens, vel intellectus, vel ratio; altera pars appetens, vocatur voluntas. Vocatur autem liberum arbitrium mens & voluntas coniuncta.

Secundo, defendit Vallam, contra Ioann. Eckium: *Valla*, inquit, *ait Eckius*, quod scholarum sententiam de libero arbitrio confutauit, plura voluisse scire, quam didicisset, scilicet egregie festinus nugator. At in Locis posterioribus: *Valla*, inquit, & plerique alij non recte detrahunt voluntati hominis libertatem. Et in Epitome morali Philosophiæ: *Stoicas illas*, inquit, *de Fato*, seu *Vallæ absurdas imaginationes*, quæ propter diuinam gubernationem, adimunt libertatem voluntatis, fugiamus.

Tertio, reprehendit Philosophiam: *Hoc loco*, inquit, *prorsus Christiana doctrina à Philosophia*, & *humana ratione dissentit*. At in Epitome morali Philosophiæ: *Est*, inquit, *prudenter ab Aristotele addita rationis descriptio*. Et in Locis, cap. de viribus hominis: *Hæc est*, inquit, *libertas voluntatis*, quam Philosophi recte tribuunt homini.

Quarto, tollit omnem libertatem, & contingentiam: *Quandoquidem*, inquit, *omnia quæ eueniunt*, necessario iuxta diuinam prædestinationem eueniunt, nulla est arbitrij nostri libertas. Quid igitur, inquires, nulla ne est in rebus contingentia? nihil casus? nihil fortuna? omnia necessario euenire, Scriptura docet. Et si videatur tibi in rebus humanis esse contingentiam, iudicio rationis hic imperandum est. At in Locis posterioribus: *Concedendum est*, inquit, *quod Scriptura Apostolica tribuat*

homini, etiam nunc post lapsum, libertatem aliquam diligendi ea, quæ sunt subiecta rationi. Et infra: *Hæc Manichea imaginatio* (quæ videlicet libertatem & contingentiam tollit) *horribile mendacium est*, & ab hoc errore mentes abducenda sunt, & docenda agere aliquid liberum arbitrium.

Quinto, in commentarijs ad caput 8. Epistolæ ad Rom. docet, Deum peccatorum causam esse. *Sicut*, inquit, *fatemur*, proprium Dei opus fuisse, Pauli vocationem, ita fatemur opera Dei propria esse; siue quæ media vocantur, ut comedere, bibere, &c. Siue quæ mala sunt, ut Davidis adulterium, Manly feneritatem. *Constat enim ex cap. 1. ad Roman.* Deum omnia facere, non permittit, sed potenter. Et infra: *Ergo non est*, cur frigidum glossæ admittamus, Deum mala permittere, non etiam facere. At in Locis de causa peccati: *Est*, inquit, *hæc vera & præsententia*, utraque manu, & verius, toto præfatore tenenda, Deum non esse causam peccati: nec vere peccatum. Et infra: *Nec figuræ illæ verborum in sermone Hebraico pugnant cum hac sententia*; Indurabo cor Pharaonis; & similes. *Certum est enim Hebraica phrasi significare permissionem, non efficacem voluntatem.*

Ex his satis constare puto, & quam gravē & constantem auctorem habuerit illa Confessio tanto opere celebrata, & quam verum sit, quod in eius præfatione assertitur, in hac Confessione eam doctrinam contineri, quam utique ad illud tempus ex diuinis litteris Lutherani tradiderant.

IV. MENDACIUM.

IN Confessione Augustana, art. 12. pag. 15. Concordiæ, sic habetur: *Reijciuntur & isti, qui non docent, remissionem peccatorum per fidem contingere; Sed docent, remissionem peccatorum contingere propter nostram dilectionem & opera.* Hæc verba etsi de industria obscure proposita esse videntur, tamen sine dubio hunc faciunt sensum, ut reijciendos esse significant illos, qui docent homines iustificari à peccatis sine fide, per solam dilectionem, & opera. Nec dubitari potest, quin his verbis notentur Catholici omnes, & præsertim Theologi Scholastici; Et si quod dubium esse potuisset, iam est sublatum per Apologiam ubi usque ad nauseam repetitur, & inculcatur hoc mendacium, quod Scholastici doceant, iustificationem non contingere ex fide, sed ex operibus, hoc est, ex operibus sine fide. Quoniam enim versantur ipsi in vno extremo; cum docent, iustificari homines ex fide sine operibus; cupiunt nos in altero extremo collocare, quasi doceamus, iustificari homines ex operibus sine fide. At non est ista, nec vnquam fuit, doctrina Ecclesiæ Catholicæ, nec etiam Scholasticorum Theologorum. Semper enim docuimus & docemus, iustificari homines ex fide & dilectione ac operibus bonis: ita ut ad præparationem ac dispositionem ad iustificationem, requirantur actus, fidei, spei, & dilectionis, quos ipsos tamen non habemus, nisi Dei gratia nos præueniente, excitante, & adiuvante: Ipsa vero formalis iustificatio consistat in remissione vera omnium peccatorum, & infusione habituum fidei, spei, & charitatis, quos propter Christi meritum, Deus in gorda nostra gratis diffundit. Denique actualis iustitia sit legis diuinæ obedientia & observatio, ad quam non ex nobis idonei sumus, sed ex spiritu gratiæ, id est, fidei, spei, & charitatis, nobis à Deo per Christum, donato. Ita docet Concil. Trid. sess. 6. c. 6. *Disponuntur*, inquit, *ad ipsam iustitiam, dum excitati di-*

una gratia, & adiuti, fidem ex auditu concipiētes, libere monentur in Deum, &c. Et c. 7. Quāquam, nemo possit esse iustus, nisi cui merita passionis Domini nostri Iesu Christi communicantur, id est, meriti in hac impij iustificatione sit, dum eiusdem sancti si ne passionis merito, per Spiritū sanctam, charitas Dei diffunditur in cordibus eorum, qui iustificantur; atq; ipsis inhæret. Vnde in ipsa iustificatione cum remissione peccatorum, hæc omnia simul infusa recipit homo, per Iesum Christum, cui inferitur, fidem, spem, & charitatem. Et ca. 10. Per obseruationem mandatorum Dei & Ecclesiæ in ipsa iustitia, per Christi gratiam accepta, cooperante fide bonis operibus, crescunt, &c. Vi des igitur fidem nunquam excludi, sed contra potius semper requiri, siue de ipsa iustificatione agatur, siue de ijs, quæ illam aut præcedunt, aut etiam consequuntur. Ac ne dicant nouam hanc esse doctrinam, & nos nunc demum ab ipsis excitatos sapere cœpisse, vt aliquoties Philippus iactat in Apologia, addamus etiam testimonium principis Scholasticorū, quod fides ad iustificationem requiratur. S. Thom. 1. 2. q. 113. art. 4. Ad iustificationem impij requiritur motus mentis, quo conuertitur in Deum. Prima autem conuersio in Deum, fit per fidem, iuxta illud Heb. 11. Accedentem ad Deum, oportet credere. Et ideo, motus fidei requiritur ad iustificationem impij.

V. MENDACIVM.

P Ag. 16. in art. 13. Confess. habentur hæc verba: *Damnanti igitur illos, qui docent quod sacramenta ex opere operato iustificent, nec docent fidem requiri in usu sacramentorum, qua credat remitti peccata.* Hoc etiam loco Theologi Scholastici notantur, quasi doceant, Sacramenta etiam sine fide prodesse. Sed apertum mendacium est, ad quod refellendum vnus S. Thomæ testimonium sufficiet, qui 3. parte, q. 68. art. 8. „Recta fides, inquit, ex necessitate requiritur ad Baptismum, quia sicut dicitur Ro. 3. Iustitia Dei est, per fidem Iesu Christi. Et infra: Ad primum ergo, dicendum, quod Dominus loquitur ibi de Baptismo, secundū quod perducit homines ad salutem, per gratiam iustificantem, quod quidem sine recta fide esse non potest, & ideo signanter dicit: „Qui crediderit, & baptizatus fuerit, saluus erit.

VI. MENDACIVM.

P Ag. 17. in artic. 16. Confess. ita habetur: *Damnanti & illos, qui Evangelicam perfectionem non collocant in timore Dei, & fide: sed in deferendis civilibus officijs.* Mendacium est manifestum contra Cathol. professores ordinum religiosorum, quasi existiment perfectionem proprie consistere in deferendis civilibus officijs, coniugio, militia, magistratibus, & similibus. At neq; veteres, neq; recentiores Monachi, vnquam hoc docuerunt. Ioan. Cassianus Collat. 1. c. 7. Ieiunia, vigilæ, meditatio Scripturarum, nuditas, ac priuatio omnium facultatum, nō perfectio, sed perfectionis instrumenta sunt. B. Thomas ex Scholasticis, 2. 2. qu. 184. art. 4. Per se inquit, & essentialiter cōsistit perfectio Christianæ vitæ in charitate, principaliter quidē secundum dilectionem Dei, secundario autem secundum dilectionem proximi. Et infra: Secundario, & instrumentaliter cōsistit perfectio in consilijs, quæ ordinantur ad remouendum impedimenta actus charitatis, quæ tamen charitati

A non contrariantur; sicut est matrimonium, occupatio negotiorum sæcularium, & alia huiusmodi. Quod autem status perfectior sit eorum, qui deserunt omnia propter Christum, nec implicantur negotiis sæcularibus, quam aliorum, qui hoc non faciunt, & quod hic perfectior status, non imperetur, sed consulatur, satis aperte colligitur ex verbis Domini Mat. 19. vbi postquam dixerat: Si vis ad vitam ingredi, serua mandata, subiunxit: Si vis perfectus esse, vade, vende omnia quæ habes, &c. Nec vsquam legimus, si vis perfectus esse, uxorem ducito, capelle Rempub. &c. Hinc D. Augustinus epist. 89. q. 4. Viderit, inquit, ille iuuenis, quemadmodum illa legis mandata seruauerit. Veruntamen Magister bonus, mandata legis ab ista excellentiore perfectione distinxit. Ibi enim dixit: Si vis venire ad vitam, serua mandata. Hic autem: Si vis perfectus esse, vade, vende omnia, &c. Euseb. lib. 1. de demonstrat. Euangel. c. 8. declarans communem doctrinam Ecclesiæ Catholicæ, ex diuinis litteris deriuatam: Quocirca, inquit, in Ecclesia Dei, duo modi viuēdi instituti sunt. Alter quidem naturam nostram, & communem hominum vitæ rationem excedens; non nuptias, non sobolem, non substantiam, non opum facultatem requirens, & soli diuino cultui, ex immenso rerum cœlestium amore, addictus. Et talis quidem existit in Christianismo vitæ perfectæ modus. Alter vero remissior atq; humanior; hic & modesto coniugio, & sobolis procreatione implicatur, & rei familiaris curam assumit, & iuste militantibus quæ sint agenda describit, agros quoque & mercaturam, adiuncta religione non negligit; Et his quidem secundus pietatis attributus est gradus.

Hoc idem ex pluribus Scripturæ, & Patrum testimoniis probare possemus, si refellere errores Confessionis, & non solum mendacia indicare, propositum nobis esset.

VII. MENDACIVM.

P Ag. 18. in artic. 20. Confess. *Falso accusantur nostri, quod bona opera prohibeant.* Mendacium hoc esse non dubitabit, quicumq; aliquod scriptorum Lutheri perlegerit. Certe in serm. de piscatione Petri sic legimus: *Quanto sceleratior es, tanto citius Deus gratiam infundit.* Ibidem: *Debemus cum solo Isaac venire, id est, cum fide; seruos & asinos, hoc est, opera, deorsum dimittere oportet.* Item in serm. Sic Deus dilexit mundum: *Ego dico tibi, quia angusta est via. Oportet te fieri tenuem, si vis per eam venire.* Cæterum, qui operibus onerati sunt (sicut conchilibus onustos videmus Iacobi peregrinos) non poterunt penetrare. Et infra: *Si veneris cum magnis sacris operum plenis, deponere oportebit, alioqui non poteris penetrare.* Porro ex his fontibus inanarunt illa præclara dogmata, quæ Lutheri discipuli in Colloquio Altemburgensi stabilire conati sunt. *Opera bona legis, & non obedientia, non ad regnum Christi, sed ad mundum pertinent. Ad Satanam spectant Christiani cum omnibus bonis operibus. Peccari vero oportet, vt in fide sine bonis operibus omnibus, ad finem vsque constantes, perseueremus. Adeo necessaria illa non sunt, vt etiam ad salutē incommodent, sintq; permixta.* Deinde Catholici non tam Lutheranos accusant, quod prohibeant opera bona, quàm quod ea contemnunt, & cum Eunomio antiquo hæresiaracha, immo etiam cum Simone Mago hæreticorum omnium principe, non necessaria ad salutē esse, doceant. Ac de Eunomio quidem testis est Augustinus in lib. de hæres. c. 54. de Simone, Irenæus li. 1. c. 20.

de

de Luthero, liber ipsius de captivitate Babylonica, cap. de Baptismo: Liber de libertate Christiana; sermo de Moyse; Commentarij in epist. ad Galatas.

VIII. MENDACIVM.

P Ag. 16. in artic. 20. Confess. *Iubent* (Catholici Doctores) *mereri remissionem peccatorum operibus.* Si de merito operum illorum, quæ fiunt solis naturæ viribus sermo sit: de quo merito articulum intelligendum esse, consequentia verba declarant: insigne est mendacium Philippi. Nō enim id habet Catholica doctrina, ut operibus illis, quæ fiunt sine fide, & auxilio Dei gratuito mereri possint homines remissionem peccatorum; & contra hæc operum merita defendit S. Augustinus gratiam & iustitiam fidei: nec non etiam S. Prosper in libris de vocatione gentium, quos libros imperite Philippus tribuit Ambrosio, cum in ijs libris nominatim refellatur Pelagiani, qui post Ambrosij obitum orti sunt. Si vero de illis operibus agatur, quæ ex fide & gratia Dei proficiuntur, fatemur quidem nos illis operibus aliquo modo mereri remissionem peccatorum. Sed idem fatentur Prophetæ, Euangelistæ, Patres; Ezech. 18. Cum auerterit se impius ab impietate sua, ipse animam suam viuificabit. Dan. 4. Peccata tua elemosynis cedime. Ionæ 3. Vidit Deus opera eorum, & misertus est eis. Lucæ 11. Date elemosynam, & ecce omnia munda sunt vobis. Lucæ 7. Remittuntur ei peccata multa, quia dilexit multum. Ambros. lib. 10. in Lucam. Lachrymæ veniam non postulant, sed merentur. Et infra: Et tu si veniam vis mereri, dilue culpam tuam lachrymis, &c. Hieronymus l. 2. contra Pelagianos: Qui peccata simpliciter confitentur, merentur humilitate clemētiā Saluatoris. „ Augustinus epist. 105. Nec ipsa remissio peccatorum sine aliquo merito est, si fides hanc impetrat: „ neque enim nullum est meritum fidei: qua fide ille dicebat, Deus propitius esto mihi peccatori, & descēdit iustificatus merito fidelis humiliatus, quoniam qui se humiliat exaltabitur. Restat igitur, ut ipsam fidem vnde omnis iustitia sumit initium, non humano, quo isti extolluntur, tribuamus arbitrio, nec ullis præcedentibus meritis, quoniam inde incipiunt bona quæcunque sunt merita, sed gratuitum donum Dei esse fateamur, si gratiam veram, id est, sine meritis, cogitamus. Et epist. 106. Si quis dixerit, quod gratiam bene operandi fides mereatur, negare non possumus, immo gratissime confitemur. Gregorius in lib. 1. Reg. lib. 3. cap. 4. Dum Ninivitarum, veluti pro difficili reconciliatione, graui pœnitentia se deiciunt, omnipotentis Dei misericordiam facile meruerunt. Sanctus etiam Thomas, ex Scholasticis, cum prædictis Patribus docet ijs operibus, quæ fiunt ex fide, & auxilio Dei, mereri nos aliquo modo iustificationem à peccatis, 2. Sentent. dist. 27. q. 4. in resp. ad quartum. Quod tamen constanter negat de illis operibus, quæ fiunt solis naturæ viribus. 1. 2. quæst. cent. 9. art. 6. & q. 214. art. 5. Huc accedit, quod istis etiam operibus, quæ fiunt ex fide, & auxilio Dei, non tale tribuimus meritum, ut ei respondeat ex iustitia merces; sed meritum solum impetrationis, ut Augustinus loquitur, quod Scholastici meritum de congruo, non de condigno nominare solent. Neque in hoc vlla est inter Catholicos dissensio. Et Concil. Trid. sess. 6. cap. 8. de hoc genere meriti aperte pronuntiat, ideo gratis iustificari homines, quia nec fides, nec opera, quæ iustificationem præcedunt, ipsam merentur. Sed para-

doxum videtur aduersarijs, quod homo opereatur de fide, & nondum sit iustificatus à peccato, cum apud ipsos ita fides sola iustificet, ut separari nequeat fides à iustificatione. At non illis paradoxum videtur, qui ex fide orantes dicunt; Dimitte nobis debita nostra, Matth. 6. Nec illi paradoxum hoc videbatur, qui ex fide orabat; Deus propitius esto mihi peccatori, Luc. 18. Nec denique Augustino paradoxum hoc erat, cum scriberet in epist. 105. Nec ipsa remissio peccatorum sine aliquo merito est, si fides hanc impetrat.

IX. MENDACIVM.

Et quidem multiplex.

P Ag. 18. & 19. in eodem arti. 20. multa simul conglomerantur mendacia, ut, *Quod nostri concionatores olim parum docebant de operibus, quæ Deo placent; quod tantum urgerent puerilia, & non necessaria opera; quod nunc à Lutheranis admoniti, hæc dediscant: quod iam incipiant fidei mentionem facere; quod doctrina fidei dum iacuerit ignota.* Scilicet, non legerat Philippus sermones sancti Bernardi, Petri Damiani, Innocentij III. Thomæ Aquinatis, Vincentij, Bernardini, Laurentij, Iustiniani, & aliorum innumerabilium, in quibus de Symbolo, de Decalogo, de oratione Dominica, de omnibus vitij omnibusque virtutibus grauissimæ disputationes continentur. Sed facile est dicere, & non probare.

X. MENDACIVM.

P Ag. 22. in artic. 21. Confess. *Hæc fere summa est doctrina apud nos, in qua cerni potest nihil inesse, quod discrepet à Scripturis, vel ab Ecclesia Catholica, vel ab Ecclesia Romana, quatenus ex Scripturis nota est.* Ad hoc mendacium conuincendum, non erit opus ut extra artic. istum 21. egrediamur. Hic enim asserunt, non esse à Sanctis auxilium petendum, eo quod vnus sit intercessor Christus. In quo quidem articulo manifeste dissentiant à Scripturis, ab Ecclesia Catholica, & ab Ecclesia Romana. Nam etsi vnus est mediator Dei & hominū, homo Christus Iesus; & ideo vnus mediator, quia dedit semetipsum redemptionē pro multis, 1. Tim. 2. Nec vllus Catholicorū docuit vquam sanctos esse mediatores per modum redemptionis: tamen vnum esse tantum intercessorē, vnum aduocatum, vnum qui interpellat pro nobis, immo etiā vnum tantum mediatorem per modum supplicationis, non modo Scriptura non dicit, sed etiam ita dicentibus apertissime contradicit, Iob. 5. Voca si quis est, qui tibi respondeat, & ad aliquem Sanctorum conuerrere, vbi Angeli sunt intercessores hominum, teste August. in annotat. in Iob. non igitur solus est intercessor Christus. Deuter. 5. Ego, inquit Moyses, sequester fui, & medius inter Deum, & vos, in illa die 1. Reg. 7. dicunt filij Israel ad Samuelem: Ne cesses pro nobis clamare ad Dominum. Iob. vlt. Ite ad seruum meum, ille orabit pro vobis: suscipiā faciem eius. Rom. 15. obsecro vos fratres, ut adiuvetis me in orationibus pro me ad Deum. Idem repetit 2. Cor. 1. Coloss. 4. Ephes. 6. Heb. 13. Quomodo igitur vnus est tantum intercessor, cum & Ioh., & Moyses, & Samuel, & tot Romani, & tot Corinthij, tot Colossenses, tot Ephesij, tot Hebræi adhibeantur intercessores? At, inquit, de mortuis agimus, non de viuentibus. Sed si ideo mortui inuocandi nō sunt,

nec esse possunt intercessores, ne Christo gloria singularis intercessionis detrahatur, eadem de causa nec viuentes inuocandi erunt, nec esse poterunt intercessores. Deinde si viuentes in terris inuocari possunt, cur non magis viuentes in cœlis; An fortassis ideo, quam non valeant, aut non velint illi pro nobis orare, aut certe nesciat quid petamus? Sed nec eorum felicitas patitur, ut non valeant; nec charitas finit ut non velint, nec possunt ignorare preces ad se porrectas, cum non ignorent pœnitentiam peccatorum. Gaudium enim est in cœlo super vno peccatore pœnitentiam agente, Luc. 15. Iam vero Concilium Calcedonenſe, Concilium Ecclesiæ Catholice fuisse, & Concilium Orthodoxum, generale plenissimum, aduersarij non negant. Concilium autem istud A & II. ita clamat; Flavianus post mortem viuit, Martyr pro nobis orat. Eusebius Cæsariensis Catholice Ecclesiæ communem doctrinam tradens, lib. 13. Præparat. Evangelicæ, c. 7. Hæc nos, inquit, quotidie facitamus, qui veræ pietatis milites, ut Dei amicos honorantes, ad monimenta quoque illorum accedimus, vota quoque ipsis facimus tanquam viris sanctis, quorum intercessione ad Deum non parum iuari profitemur. S. Basilus ad Catholicam Ecclesiam verba faciebat, cum diceret, oratione in 40. Martyres; Qui aliqua premitur angustia, ad hos confugiat, qui rursum lætatur, hos orat; ille, ut à malis liberetur; iste, ut duret in rebus lætis. S. Ambrosius in libro de Viduis, Catholicas viduas instigebat, cum ita scriberet: Obsecrandi sunt Angeli, qui nobis ad præsidium dati sunt, Martyres obsecrandi, quorum videmur nobis quoddam corporis pignore patrocinium vindicare: possunt pro peccatis rogare nostris, qui proprio sanguine, etiam si quæ habuerunt peccata, lauerunt. Isti enim sunt Dei Martyres, nostri præfules, speculatores vitæ, ætæque nostrorum. Non erubescamus eos intercessores nostræ infirmitatis adhibere, quia ipsi infirmitatem corporis etiam cum vincerent cognouerunt. S. Augustinus, tract. 84. in Ioannem, tribus pene vrbis tria aduersariorum dogmata conuellit, de Sacrificio altaris, de Oratione pro defunctis, de inuocatione Sanctorum: Ideo quippe, inquit, ad ipsam mentem, non sic eos (Martyres) commemoramus, quemadmodum alios, qui in pace requiescunt. Ut etiam pro eis oremus, sed magis, ut ipsi pro nobis orēt. Denique Theodosius Imperator, orthodoxus & pius erat, ut etiam aduersarij confitentur; & tamen de eo sic scribit Rufinus, lib. 2. h. stor. cap. 33. Circumibat cum sacerdotibus & populo omnia orationum loca, ante Martyrum & Apostolorum thecas iacebat, cilicio prostratus & auxilia sibi fida Sanctorum intercessione poscebat. Et de eodem Chrysostomus homil. 66. ad populum Antiochen. Nam & ipse, qui purpuram indutus est, accedit, illa complexurus sepulchra, & factu deposito, stat sanctis supplicaturus, ut pro se, apud Deum intercedant, & ienarum fabrum, & piscatores, ut protectores orat, qui diademate redimitus incedebat. Viderint ergo qui negant Sanctos esse orandos, an ab Ecclesia Catholica non dissentiant.

Quod autem ab Ecclesia Romana, quatenus ex antiquis Scriptoribus nota est, pariter dissentiant, ex Leone, & Prudentio, ut cæteros omittamus, notissimum est Leo siquidē, qui Episcopus Romanæ Ecclesiæ ante mille & centum annos fuit, & propter sanctitatis, & sapientie, atque etiam eloquentiæ excellentiam, Magnus dici meruit, Romanam Eccle-

A, siam ita instituebat, Serm. 5. de Epiphania: Conſirmate amicitias cum sanctis Angelis, & Patriarchis, Prophetis, Apostolis, Martyribusque sociamini. Horum diuitias concupiscite, & per bonam æmulationem ipsorum ambite suffragia. Et Ser. 1. de natali SS. Petri & Pauli. Sicut, inquit, & nos expecti sumus, & nostri probauere maiores, credimus atque confidimus, inter omnes labores istius vitæ, ad obtinendam misericordiam Dei, semper nos specialium patronorum orationibus adiuuandos. Prudentius in hymno de S. Laurentio, de Romana Ecclesia loquens, ita cecinit.

Quod quisque supplex postulat,

Fert impetratum prospere,

Et tristis haud vllus redit,

En præsto semper adſies,

Tuoque alumnos vrbicos.

Lactante complexus sinu,

Paterno amore nutrias.

Quale igitur & quàm impudens mendacium est huius Confessionis, quæ in eo ipso articulo affirmat, in nulla parte doctrinæ dissentire se à Scripturis, vel Ecclesia Catholica, vel Ecclesia Romana, in quo articulo Sanctorum inuocationem oppugnat, quam & Scripturæ, & Ecclesia Catholica, vel Ecclesia Romana apertissime docuerunt. Neque vero hoc vnum est, in quo discrepat Confessio Augustana, à Confessione Catholice & Romanæ Ecclesiæ. Nam nec de ipsa Ecclesia, nec de peccato originis, nec de Iustificatione, nec de Sacrificio, nec de Sacramento Eucharistiæ, nec de alijs Sacramentis consensus est. Sed vnum sufficebat, ad mendacium detegendum.

XI. MENDACIVM.

P Ag. in artic. 21. Confess. Apud nos, inquit, magnæ ex parte veteres ritus diligenter obseruantur. Falsa enim calumnia est, quod omnes caerimoniae, omnia vetera instituta, in Ecclesiis nostris aboleantur. Quale sit hoc mendacium nullo negotio intelliget, qui conferre voluerit cum præſenti ſtatu Ecclesiarum Protestantium, ea quæ de ritibus Ecclesiæ scripta reliquerunt Tertullianus, Basilus, Epiphanius, Augustinus, alijque veteres Scriptores. Certe Tertullianus in libro de corona militis, inter Ecclesiasticas caerimoniae numerat, ante Baptismum renunciare diabolo, & pompis eius, ter mergi in sacro fonte, oblationes annuarias pro defunctis facere, ad omnem progressum frontem crucis signaculo terere. Basilus libro de Spiritu sancto ad Amphilochem, cap. 27. inter Ecclesiæ ritus ponit, orare ad Orientem, cruce signare, inuocationis verba dum ostenditur Eucharistia, benedictionem aquæ baptismatis, benedictionem olei vñctionis, benedictionem eius qui baptizatur, trinam immersionem, &c. Epiphanius in compendiarie doctrina Ecclesiæ, primo loco ponit virginitatis professionem, deinde etiam viduitatis, tum solitudinem Anachoretarum, ieiunia 4. & 6. feriarum, ieiunium quadriagesimæ, arctiorem abſtinentiam in sacra hebdomada passionis Dominicæ, memoriam defunctorum in precibus, nocturnas & matutinas Psalmorum & Hymnorum celebrationes, varia Monachorum instituta, quorum alij à carnibus abſtinent, alij etiam ab ouis, alij etiam à piscibus, &c. Denique August. meminit consecrationis aquæ per signum crucis, libro 6. contra Iulianum, cap. 8. Exorcismi & exſufflationis, lib. de gratia Christi, cap. 40. Vñctionis, qua vtimur

in Baptismo, lib. 2. quæst. Euang. c. 40. Item Christum, quo inungimur post Baptismum lib. 15. de Trinit. cap. 26. Signo crucis, quo benedicatur Christum, & quo signamur in fronte, dum Sacramentum Confirmationis accipimus, In Psalm. 141. & tract. 118. in Ioan. Aquæ miscendæ vino in sacro calice, lib. 4. doctrin. Christ. cap. 21. Ieiunij 4. & 6. feriæ, epist. 86. ad Casulanum, Ieiunij quadragesimalis, in Pl. 110. Delectus ciborum in diebus ieiuniorum, lib. 3. contra Faustum, c. 5. Voti continentie etiam post coniugium epist. 45. ad Armentarium. Voti virginitatis, lib. de sancta virginitate, cap. 29. Voti paupertatis, lib. 17. de Cuius Dei, cap. 4. Monachorum, & Anachoretarum, lib. de moribus Ecclesiæ, cap. 31. Voti Monachorum, in Psalm. 75. & 99. Peregrinationem ad loca sancta, epist. 137. ad clerum & populum suum. Porro hæc & similia, quæ in veteri Ecclesia in usu erant, & nunc etiam in Ecclesia Catholica locum suum retinent, à Lutheranis non modo non seruantur, sed etiam iridentur, & tamen in Confessione dicere audent, veteres ritus à se diligenter seruari, & falsam esse calumniam, quod omnium veterum instituta atque omnes ferme cæremonias aboleuerint.

XII. MENDACIVM.

P Ag. 12. in præfatione de abusibus mutatis: *Cum Ecclesiæ, inquit, apud nos de nullo articulo fidei dissentiant ab Ecclesia Catholica, tantum paucos quosdam abusos omittant, &c.* Hæc verba mendacij arguuntur ab vltima parte huius Concordiæ, vbi ea de Christo docent, quæ cum Symbolo Apostolico, Nicæno, & Athanasij, aperte pugnant, ut supra iam ostendimus. Illud autem non est prætereundum, quod cum dicunt, se ab Ecclesia Catholica non dissentire, nisi propter paucos eosque novos abusos, si per Ecclesiam Catholicam intelligunt eam, quæ nunc patet Rom. Pontifici, fatentur se extra Catholicam esse. Et sane viderint ipsi, an propter paucos abusos ab Ecclesia Catholica separari licuerit. Si vero per Catholicam intelligunt antiquam aliquam Ecclesiam, mentiuntur, cum dicunt, hos abusos esse novos; fuerunt enim in antiqua Ecclesia, si illa est ea Catholica, à qua non dissentiunt, nisi ratione abusu.

XIII. MENDACIVM.

P Ag. 23. in artic. de coniugio sacerdotum: *In Germania, inquit, primum ante annos 400. sacerdotes vi coacti sunt ad celibatum.* Quod idem repetit Philipp. in Apolog. At extat Concil. Moguntinum, celebratum in Germania tempore Arnulphi Imperatoris, ante annos 600. cuius decimus canon statuit, ut nulla penitus mulier, ne soror quidem aut mater, cum Ecclesiasticis habitare permittatur. Extat Concilium Vormatiense, in Germania ante annos 700. celebratum, cuius nonus canon ita habet; Placuit, ut Episcopi, Presbyteri, Diaconi, & Subdiaconi abstineant se ab vxoribus, & non generent filios; quod si hoc decretum violauerint, ab honore clericatus pellantur. Extat Concilium Aquisgranense, tempore Ludouici Pij celebratum, anno Domini 816. id est, annis 714. ante Confessionem Augustanam, in cuius Concilij Can. 6. indicitur Subdiaconis perpetua continentia; & quod de Subdiaconis dicitur, sine dubio de alioribus gradibus intelligitur. Extat denique Epistola Zachariæ Romani Pontificis, ad Bonifacium Episcopum, & Apostolum Germanorum scripta an-

te annos 800. vbi sic legimus: A die suscepti sacerdotij, etiam ab ipso proprio coniugio prohibendi sunt. Cuius legis inemerunt etiam Magdeburgenses, Cent. 8. cap. 10. colum. 704. Mendacium igitur confessionis tot testibus refutatur, quot Episcopi in tribus supra citatis Concilijs confederunt, addito etiam Romani Pontificis testimonio.

XIV. MENDACIVM.

P Ag. 24. in eodem artic. de coniugio Sacerdotum: *Et res, inquit, gesta est tam inciviliter, ut non solum in posterum coniugia prohiberentur, sed etiam præsentia, contra omnia iura diuina & humana, contra ipsos etiam canones factos non solum à Pontificibus, sed à laudatissimis Synodis distraberentur.* Et hoc numerari potest inter illustria mendacia Confessionis. Dux sunt enim quæstiones de coniugio sacerdotum; Vna, an liceat post sacros ordines susceptos vxorem ducere; Altera, an liceat ei, qui duxit vxorem ante sacram ordinationem, simul & sacerdotio & coniugio operam dare. Ac de prima quidem quæstione Lutherani omnes, & verbis & factis respondent, licere. Sed hoc, ex sententia veterum canonum, quos vel Concilia, vel Pontifices ediderunt, velle defendere, nimis aperta impudentia est. Nam etiam Græca Ecclesia, quæ tamen in hac parte semper liberalior fuit, & damnat, & omni tempore damnauit coniugia post ordinationem. Extat Concilium Neocæsariense, ante annos 1200. celebratum. In cuius primo canone sic legimus: Presbyter si vxorem duxerit, ordine suo moueatur. Et Synodus Tralliana, Can. 6. prohibet, ne Episcopi, Presbyteri, Diaconi, Subdiaconi, post ordines susceptos vxorem ducere præsumant. Quam eandem prohibitionem legimus in Synodo Romana sub Syluestro, Can. 8. In Concilio 2. Toletano, cap. 1. in Canonibus Apostolorum, Can. 27. in Decreto Callixti I. apud Gratianum, dist. 27. Can. Presbyteris. In epist. 82. Leonis I. ad Anastasium, Thessalonice Episcopum, cap. 4. Et in Epistolis Gregorij I. lib. 1. epist. 41. Nec vlla fuit vnquam de hac re in Ecclesia Catholica dissensio. Adde, quod hoc ipsum affirmat Paphnutius & Vdalricus, quos aduersarij pro sua causa opportune & importune adducere solent. Scribunt enim Socrates lib. 1. ca. 8. & Sozomenus lib. 2. cap. 22. Paphnutium in Concilio Nicæno, dum sententiam suam de coniugio clericorum explicaret, inter alia dixisse, oportere iuxta veteres canones, Ecclesiasticis prohibere, ut post sacram ordinationem vxores ducant. Vdalricus quoque in epistola ad Nicolaum, quam referunt Magdeburgenses, & sæpius inculcant, Cent. 6. cap. 7. col. 388. Et c. 10. col. 686. Et Cent. 9. ca. 10. col. 340. aperte docent, non licere Presbyteris & Monachis vxores ducere, & si duxerint, debere separari. Et quanquam nec historiam Paphnutij, nec epistolam Vdalrici omnino nos probamus: tamen ostendere volui, in quæstione de nouis nuptijs sacerdotum, non solum à nostris, sed etiam à suis patronis aduersarios refutari.

Iam vero de altera quæstione; An videlicet liceat sacerdotibus liberis operam dare; Philippus affirmat; & quidē ita, ut subtrahere sacerdotibus coniugium, esse contendat contra veteres Canones, quos tam Pontifices, quam laudatissimæ Synodi cōdiderunt. Mirum autem est, cur nec in Confessione, nec in Apologia, vllum talē protulerit canonem. Nos enim e contrario, omnes Ecclesiarum canones proferre possumus, quæ omnem vsum vxorum sacris ho-

minibus interdunt. Ex quibus Philippi mendacium evidentissime confutatur.

Ac primum ex Orientali Ecclesia, proferimus Nicænum Concilium primum, in cuius Concilij 3. canone prohibetur Episcopis, Presbyteris, Diaconis, ne ullam domi mulierem habeant, præter matrem, aut sororem, aut amitam. Vbi nulla vxoris sit mentio, quæ tamen primo loco nominari debuit, si eius cohabitatio sacerdotibus licita esset. Ac eam mentem Nicæni Concilij fuisse, tribus testibus fide dignissimis comprobabimus.

Basilus enim in epistola ad Georgium, ex huius canonis sententia, prædictum Georgium ab vxore separari præcipit. Epiphanius in hæc. 59. quæ est Catharorum, ita scribit: Sed & adhuc viventem, & liberos gignentem, vnius vxoris virum, non suscepit, sed eum qui se ab vna continuit, aut in viduitate vixit, Diaconum, & Presbyterum, & Episcopum, & Hypodiaconum, maxime vbi synceri sunt Canones Ecclesiastici. At dices mihi in quibusdam locis adhuc liberos gignere Presbyteros, & Diaconos, & Hypodiatonos, at hoc non est iuxta Canones, sed iuxta hominum mentem, quæ per tempus elanguit. Hieronymus in lib. contra Vigilantium; Quid facient, inquit, Orientis Ecclesiæ? quid Aegypti, & sedis Apostolicæ, quæ aut virgines clericos accipiunt, aut si vxores habuerint, mariti esse desistunt?

Ex Ecclesia Africana, testem habemus Concilium II Carthaginense, can. 1. vbi sic legimus: Omnibus placet, vt Episcopi, Presbyteri, Diaconi, vel qui Sacramenta contrectant, pudicitie custodes, etiam se ab vxoribus abstineant, vt quod Apostoli docuerunt, & ipsa seruauit antiquitas, nos quoque custodiamus. Idem habet Concil. Carthag. V. can. 3. & Concil. Africanum, Can. 77. His subscribit Augustinus, qui in libro 2. de adulterinis coniugijs, cap. 20. Solemus, inquit, eis proponere continentiam clericorum, qui plerumque ad eam sarcinam subeundam capiuntur inuiti, eamque susceptam vsq; ad debitum finem, Domino adiuuante, producunt.

Ex Ecclesia Hispanica testem habemus Concilium Elibertinum antiquissimum, Can. 33. Toletan. II. Can. 1. Toletan. IV. Can. 26. Tolet. VIII. Can. 6. quæ etiam Subdiaconis vsum vxorum prohibent.

Ex Ecclesia Gallicana testem habemus Concil. Arelatense II. ante annos 1200. celebratum, in cuius II. canone cauetur, Ne vllus coniugatus ad sacerdotium assumatur, nisi continentiam ab vxore promiserit. Item Aurelianense III. Can. 1. Vt nullus, inquit, clericorum à Subdiacono & supra, propriæ, si forte iam habeat, misceatur vxori. Quod idem præcipiunt Agathenise Concilium, Can. 92. Turonense I. Can. 1 & 2. Et Turonense II. Can. 20.

Ex Ecclesia Germanica, iam supra citauimus tria antiqua Concilia, Aquisgranense, Vormaticense, Moguntinum.

Ex Ecclesia Anglicana testem habemus Bedam, qui lib. 3. de tabernaculo, c. 9. Nemo, inquit, potest vel sacerdotium suscipere, vel ad altaris ministerium consecrari, nisi aut virgo permanferit, aut contracta cum vxore matrimonij fœdera soluerit.

Ex Ecclesia denique Italica, testem habemus D. Ambrosium, qui lib. 1. de Officijs, cap. vlt. Inoffensum, inquit, exhibendum & immaculatum ministerium, nec vllò coniugali coitu violandum cognoscitis. Item Siricius Papam in epist. ad Himericum, ca. 7. Innocentium I. in epist. ad Victorium, cap. 9. & ad

A Exuperium, cap. 1. Leonem I. in epist. 90. ad Rusticum cap. 3. Et Gregorium I. l. 3. epist. 34. Sed verba Leonis audiamus in epist. ad Anastasium Thessalonicensem Episc. Omnium, inquit, sacerdotum tam excellentis est electio, vt hæc, quæ in alijs Ecclesijs, membris vacant à culpa, in illis tamen habeantur illicita. Cum enim extra clericorum ordinem constituti nuptiarum societati, & procreationi filiorum studere sit liberum, ad exhibendam tamen perfectam continentiam puritatem, nec Subdiaconis quidem carnale connubium conceditur, vt & qui habent sint tanquam non habentes, & qui non habent permaneant singulares, & innupti.

B His accedunt exempla totius antiquitatis; quotquot enim ab Apostolicis temporibus Episcopi, & Presbyteri celebres & laudati fuerunt, omnes omnino aut vxorem nunquam duxerunt, vt Athanasius, Basilus, vterque Gregorius, Chrysostomus, Ambrosius, Hieronymus, Augustinus, Leo, & alij innumerales, aut vxores quidem habuerunt, sed illis post susceptum sacerdotium operam non dederunt, vt Gregorius pater Gregorij Theologi, Hilarius, Paulinus, & alij non pauci. Certe vnum aliquem laudatum Episcopum, Presbyterum, Diaconum, Subdiaconum aut Monachum, qui duxerit vxorem, aut ex vxore antea ducta, filios procreauerit, adhuc aduersarij inuenire in tota antiquitate minime poterunt. Videt igitur Confess. contra quos canones, Pont. agant, cum sacerdotes non patiuntur nuptiis & procreationi operam dare.

XV. MENDACIUM.

Pag. 23. in eodem articulo: Hinc, inquit, capitalibus pœnis exercentur sacerdotes, contra canonum voluntatem, nullam aliam ob causam, nisi propter coniugium. Si hoc non est mendacium, proferant aduersarij, vel vnum canonem vbi prohibitum sit, ne sacerdotes exercentur, si vxorem ducere tentauerint. Nos enim iam canones multos produximus, in quibus indicitur continentia sacerdotibus, & sane contra canones esse non potest, si pœna statuatur in canonum violatores. At, inquit Philippus in Apologia, Canones tantum suspendunt ab officio, vos autem suspenditis ab arboribus. Ergo fatetur imprimis Philippus, Lutherum præceptorem suum, & omnes alios noui Euangelij ministros, qui vxoribus carere noluerunt, ex canonum sententia, suspensos ab officio fuisse, & cum nihilominus officio fungi voluerint, contumaces, & rebelles, contra leges omnium Ecclesiarum extitisse, propter quod crimen, iure sane ab arboribus suspendi potuissent. Deinde, neque est verum antiquos canones solum ab officio suspendisse. Extat enim can. 1. II. Concilij Toletani, vbi statuitur, vt qui post sacros ordines vxorem ducunt, aut ad eam redeunt à cuius contubernio iam recesserunt: vt sacrilegij rei ab Ecclesia habeantur extranei. Et in Concilio Toletano VIII. Can. 6. qui post sacros ordines vxoribus copulantur, iubentur sub pœnitentiae oneribus vsque ad extremum vitæ ad Monasteria relegari. In Concilio vero Turonensi II. ante 1000. annos celebrato, Can. 16. habentur hæc verba de Monachis, (qualis Lutherus, Bucerus, Martyr, Ochinus, & alij fuerunt ex Euangelicis) Si qui in monasterio conuersi sunt, nullatenus habeant licentiam euagandi, nec, quod absit, vllus eorum coniugem ducere. Nam si vxorem duxerit, excommunicetur, & de vxoris male sociatæ consortio, etiam iudicis auxi-

lio, separetur: qui infelix Monachus, tali cōiunctione fœdatus, si per cuiuscunque patrociniū se conatus fuerit defendere, & eis qui in hac pertinacitate perdurat, & illi qui eum susceperint defendendū, ab Ecclesia segregentur donec reuertatur ad septa Monasterii, & indictam ab Abbate, quamdiu præceptum ei fuerit, agat pœnitentiam, & post satisfactionem reuertatur ad gratiā. Scribit Gregorius Turonicus, lib. 4. hist. Francorum, c. 4. insignem quendam Commitem, qui dimisso, ex consensu mutuo, vxoris thoro, sacris ordinibus initiatus fuerat, ac deinde à diabolo instigatus, ad eādem redire præsumperat, mox fuisse vna omnium Episcoporum sententia excommunicatum. Et multa similia vel exempla, vel decreta proferri possent, si necessitas postuleret.

Accedit postremo, quod nunquam Ecclesia sacerdotes puniuit, propter coniugia, (vt mœitur Philip-
pus) sed propter sacrilegia. Sicut enim (vt Aug. dicit, in libro de bono viduitatis, cap. 9.) non damnantur viduæ, quæ nubunt post votum, quia coniugalem fidem posterius inierunt, sed quia cōtinentiæ primam fidem irritam fecerunt. Sic etiam non punit Ecclesia sacerdotes, quia coniugiū inire volunt; sed quia coniugium post solemne votum contrahendo, non verum coniugium contrahunt, sed sacrilegiū committunt. Et si August. in eodem lib. cap. 11. lapsus viduarum, quæ post simplex votum continentia nubunt, adulterus peiores esse dicit; quid de lapsu sacerdotum diceret, qui post solemne votum, vxorum nomine concubinas ducendo, coniugiū simul & sacerdotium violant? Quod si contendant vt faciūt, vota continentia non esse seruanda, iam non sacrilegi solum, sed etiam hæretici sunt, & merito ab arboribus suspendi possunt, cū Apostolo contradicant, dicenti 1. Tim. 5. Adolescentiores viduas deuita, cum enim luxuriatæ fuerint, in Christo nubere volūt, habentes damnationem, quia primam fidem irritam fecerunt: quem locum de voti continentia violatione esse intelligendum, docent duo antiqua Concilia, Carthagenense IV. Can. 104. Et Toletan. IV. Can. 55. Duo autem qui Pontifices, Innocentius I. in epist. 2. cap. 23. Et Gelasius I. in Epist. 1. cap. 23. Omnes interpretes huius loci, Chrysostomus, Theodoretus, Theophylactus, Oecumenius, Ambrosius, Sedulius, Primasius, Beda, Haymo, & ceteri denique Patres, Tertullianus de Monogamia, Basilius de virginitate, Epiphanius hæresi 48. Hieron. lib. 1. in Iovinianum, Augustinus de bono viduitatis, cap. 8. & 9.

XVI. • MENDACIVM.

PAG. 25 in eodem articulo: Cyprianus, inquiunt, suadet, vt mulieres nubant, quæ non seruant promissam castitatem. Verba hæc sunt lib. 1. Epistola 11. Si autem perseverare nolunt, aut non possunt, melius est vt nubant, quam vt in ignem delictis suis cadant. Mendacium hoc esse, & Cyprianum non de iis loqui, quæ continentiam voverunt, sed de iis, quæ adhuc deliberant, quid sint facturæ, & interim extra matrimonium impudice viuunt, multis modis idem Cyprianus docet. Primo, quia non ait, si perseverare nolunt, aut non possunt, quæ promiserunt Christo continentiam; Sed simpliciter, si perseverare nolunt, aut non possunt, melius est vt nubant, quam vt in igne delictis suis cadant, id est, si persevereare nolunt, melius est, vt non voueant, quam vt voueant, & votum non impleant. II. Quia in sequentibus verbis idem Cyprianus coniugia detestatur earum, quæ se Christo dicauerant: Christus, inquit, Dominus & iudex noster,

A cum virginem suam sibi dicatam iacere cum altero cernit, quam indignatur, & irascitur, & quas pœnas incestis eiusmodi cōiunctionibus comminatur? III. Quia cum Cyprianus sub disunctione loquatur, & dicat si perseverare nolunt, aut non possunt; Si de iis loqueretur, quæ continentiam promiserunt, videretur velle dicere, licitum esse iis, pro arbitrio vota violare, si tantum nolūt perseverare etiam si possunt: quod certe nemo sanus admitteret. Accedit, quod non est vilo modo credibile, aliud se fuisse Cyprianum de isto loco Apostoli; Melius est nubere, quā vti; quam quod postea sentit Aug. qui tractans eundem locum lib. 1. de adul. c. 15. coniugis cap. 15. Ihs, inquit, quæ se non continent, expedit nubere, & quod licet, expedit, quæ autem voverunt continentiam, ihs nec licet, nec expedit: Multo vero minus credibile est, aliud Cyprianum Carthagin. Episc. de voto continentia docuisse, quam ante eum Tertull. docuerit, & post eum omnes Patres, ac præcipue CCXIV. Episcopi Afric. qui in IV. Carthag. Concilio, conuenerunt, quorum testimonia paulo ante citauimus.

XVII. MENDACIVM.

PAG. 25 in artic. de Missa, Falso, inquiunt, accusantur Ecclesiæ vestra, quod Missam aboleant: retinetur enim Missa apud nos, & summa reuerentia celebratur. Concordent, si possunt, huius Concordiæ auctores hæc sua verba, cum illis aliis verbis suis, quæ habentur pag. 279. inter articulos Smalchaldicos. Curatur, vt publice hominibus ostendatur, Missam vt rem commentitiam seu humanum figmentum, posse sine peccato omitti. Et pag. 280. Abroganda merito Missa est. Et pa. 281. Ceterum Draconis cauda ista (Missam intelligo,) peperit multiplices abominationes, & idololatrias. Signum Missa res est vobis commentitia, & humanum figmentum, & cauda draconis, & merito abroganda: cur eam non abrogatis? aut si eam iam dudum abrogastis, nec vllus ei apud vos locus conceditur, cur tam splendide mentimini? Dicent fortasse, Pontificiam Missam, id est, oblationem corporis Dominici pro viuis & mortuis, à se abrogatam, Lutheranam autem, id est, Eucharistia distributionem, retineri, & summa reuerentia celebrari. At non accusantur Ecclesiæ vestra, quod Eucharistia distributionem aboleant; sed quod sacrificium è medio tollant, quod omnibus sæculis in Ecclesia fuit. Itaque si per Missam intelligitis Cœnam Dominicam, mendacium est quod accusemini: si vero sacrificium, mendacium quod falso accusemini.

XVIII. MENDACIVM.

PAG. 27 in eodem articulo: Accessit, inquiunt, opinio, quod Christus satisfecerit sua passione pro peccato originis: & instituerit Missam, in qua fieret oblatio pro quotidianis delictis mortalibus & venialibus. Hinc manauit, quod Missa sit opus tollens peccata viuiorum & mortuorum ex opere operato. Multa sunt in his paucis verbis, vel absurda, vel mendacia, vel pugnantia cum superioribus partibus huius libri. Primum enim, quis ante hoc tempus audiuit, Peccata mortalia vocari delicta quotidiana? Sane D. Augustinus in Enchirid. cap. 71. distinguit peccata quotidiana, à sceleribus, & illa lenia, breuia, & minima vocat. Deinde impudenti mendacio tribuitur Catholicis doctoribus illa diuina, quod Christus passione sua satisfecerit solum pro peccato originis; Pro actualibus autem instituerit Missam. Nemo enim Catholico-

rum vnquā sic docuit, sed credimus & profiteamur, Christum in cruce pro omnibus omnino peccatis satisfecisse, tam originalibus, quā actualibus: quia tamen meritum passionis eius non prodest, nisi certa aliqua ratione applicetur, (si enim nulla requiritur applicatio, cur non omnes homines saluantur, cum sanguis Christi fuerit propitiatio pro peccatis totius mundi, 1. Ioan. 2. neque vero sola fide applicari potest, alioqui mentiretur, qui dixit: Nisi quis renatus fuerit ex aqua & Spiritu sancto, non potest intrare in regnum Dei. Io. 3.) propterea docet Ecclesia Catholica, ad peccata expianda, siue ad meritum passionis Christi hominibus applicandum, instituta esse varia Sacramenta, & ipsum etiam corporis Domini sacrificium, quē omnia ex opere operato vtilia sint, & ad peccatorum purgationem conducant, licet non equaliter, nec eodem modo. Quod vero hic negat Philipus Missam valere ex opere operato, & apertius Lutherus in articulis Smalchaldicis, qui huic ipsi operi inserti sunt, repugnat articulo Confessionis 8. & hæresim Donatistarum renouat. Nam cum in hoc artic. de Missa, Missam à se retineri, & summa reuerentia celebrari dicunt, certe Missam vtilem esse credunt. Non autem volunt vtilem esse ex opere operato: Ergo ex opere operantis vim illius pendere existimant. At hæc hæresis est Donatistarum, quam nominatim art. 8. damnauit August. Confessio. Vbi etiam asseruit: *Verbum, & sacramenta, vtilia & efficacia esse ex institutione Dei, siue per bonos, siue per malos ministros exhibeantur.* Et hoc ipsum est, quod Theologi nostri per opus operatum intelligunt, & ab opere operantis distinguunt. Sed vide vnde Philippus occasionem arripuerit mentiendi, & calumniandi, quia videlicet S. Thomas in opusculo, de Sacramento altaris, cap. 1. docet: Corpus Domini semel oblatum in cruce pro debito originali, iugiter offerri in altari pro debitis quotidianis. At S. Thomas non dicit, in cruce pro solo debito originali oblatū Christi corpus, imo etiam pro actualibus oblatum docet; 3. p. q. 1. art. 4. & q. 49. art. 1. ad 4. Id ergo in eo opusculo sibi voluit S. Thomas, quia peccatum originale semel dimissum nunquam repetitur, ideo ad illud expiandum non esse necessaria quotidiana sacrificia, sed sufficere sacrificium crucis semel peractum, & semel per Baptismum applicatum: At pro peccatis actualibus, quæ sæpius committuntur, instituta esse, præter Baptismum, quotidiana remedia, in quibus sacrificium altaris merito numeratur. Nō quod statim peccatores iustificet, (vt aduersarii nos dicere mentiuntur;) sed quod iuuat ad placandum Deum, & ab eo impetrandum, vt super peccatores clementer respiciat, eisque desiderium conuersionis inspi-ret, atque ad iustificationem querendam, & obtinendam disponat.

XIX. MENDACIVM.

PAG. 28. in eodem articulo: *Veteres*, inquit, ante Gregorium, non faciunt mentionem priuata Missæ. Quod idem repetitur in Apologia pag. 225. Si per Missam priuatam intelligatur Missa, quæ priuato nomine fiat, siue ab vno tantum fiat, & vni soli pro-sit: Mendacium est, quod post Gregorium, eiusmodi Missæ in Ecclesia esse cœperint. Nulla est enim nec vnquam fuit in Ecclesia Missa priuata; sed omnis Missa publica est, cum omnis Missa fiat à sacerdote, vt publicus minister est, & pro communi & publica vtilitate totius Ecclesiæ. Si vero per Missam priuatam intelligant eam, quæ non fit in loco publico, vel

A ad quam non conuenit populi multitudo, vel in qua non distribuitur populo Sacramentum: falsum est apud veteres non extare memoriam eiusmodi Missarum, ante tempora Gregorii. Certe Augustinus Gregorium ducentis fere annis antecessit, & tamen lib. 22. de Ciuit. Dei, ca. 8. scribit hæc verba: Vir tribunitius Hesperius, qui apud nos est, habet in territorio Fussalensi fundum Cupedi appellatū, vbi cum afflictione animalium & seruorum suorum, domum suam spirituum malignorum vim noxiam perpeti comperisset, rogauit nostros, me absente, Presbyteros, vt aliquis eorum illo pergeret, cuius orationibus cederent. Petrexit vnus, obtulit ibi sacrificium corporis Christi, orans quantum potuit, vt cessaret illa vexatio, Deoque protinus miseratē cessauit. Habes hic Missam in loco priuato, ab vno celebratam, sine distributione Eucharistiæ populo facta, & tamen vtilem, & Deo gratam, vt miraculum subsequens declarauit.

XX. MENDACIVM.

PAG. 29. in art. de Confessione. *Antea*, inquit, inmodice extollebantur satisfactiones, fidei vero & meriti Christi, ac iustitiæ fidei, nulla fiebat mentio. Hoc mendacium refellunt omnes libri Catholicorum; in quibus & fides passim prædicatur, & virtus Sacramentorū, & ipsarū etiam satisfactionum, ad meritū Christi refertur. Nūc vnus locus sancti Thomæ sufficit. 3. p. q. 62. art. 5. Christus (inquit) S. Thomas, liberauit nos à peccatis nostris, præcipue per suam passionem, non solum efficienter, & meritorie, sed etiam satisfactorie. Similiter etiam per suam passionem initiavit ritum Christianæ religionis, offerens seipsum oblationem, & hostiam Deo, vt dicitur ad Eph. 5. Vnde manifestum est, quod Sacramenta Ecclesiæ specialiter habent virtutem ex passionem Christi, &c. Et infra: Per fidem Christus habitat in nobis, vt dicitur ad Ephes. 3. & ideo virtus Christi copulatur nobis per fidem, &c. Mentitur ergo qui dicit, ante hæc tempora nullam factam esse in Ecclesia fidei & meriti Christi mentionem.

XXI. MENDACIVM.

PAG. 34. in art. de votis monasticis, *Augustini*, inquit, tempore Monasteria erant libera collegia, postea corrupta disciplina, ubique addita sunt vota, vt tanquam excogitato carcere, disciplina restitueretur.

Mendacium est hoc sane, dignissimum cui non solum octo millia Lutheranorum subscriberent; sed etiam tot illustres ciuitates, totq; illustrissimi Principes, suffragium suum adiungeret. Quid enim? An non vixit August. tempore Augustini? Is igitur scribens in Psalm. 75. ita loquutus est: Nemo positus in Monasterio frater dicat, recedo de Monasterio, neque enim soli qui sunt in Monasterio, peruenturi sunt ad regnum cælorum; & illi qui ibi non sunt, ad Deum non pertinent. Respondetur ei, sed illi non vouerunt, tu Vovisti. Et in Psalm. 99. de Monachis apostatis loquens: dum non perseuerauerit, inquit, implere quod Vovit, fit desertor tam sancti propositi, & reus voti non redditus. Sed forte nō sufficit vnus. Nam in ore duorum vel trium testium stabit omne verbum. S. IOAN. CHRYSOST. qui ætate Augustini ita vixit, vt etiam ante Augustinum mortuus sit, in epist. 6. quæ est ad Theodorum, qui deserto Monasterio uxorem ducere voluerat (vt hoc

tempore

tempore passim faciunt, qui ab Ecclesia ad Luthera-
 „ nos deficiunt) Honorabiles, inquit, nuptiæ, sed e-
 „ tiam seruare non conuenit priuilegia nuptiarum;
 „ quamuis frequenter hoc ipsum nuptias voces, ego
 „ tamen adulterio illud peius existimo, &c. At cur
 obsecro, nuptiæ Monachorum, adulteriis sunt peiores,
 si nullis votis tenentur? S. Hieronymus, & ipse
 Augustino senior in epistola ad Sabinum. Moris est,
 „ inquit, in Ægypti & Syriæ Monasteriis, ut tam vir-
 „ go quam vidua, quæ se Deo vouerint, & seculo
 „ renunciantes, omnes delicias sæculi conculcarint,
 „ erinem Monasteriorum matribus offerant desecan-
 „ dum. S. Epiphanius scribens contra hæresim sexa-
 gesimam primam. Tradiderunt, inquit, S. Aposto-
 li, peccatum esse, post decretam virginitatem, ad nup-
 tias conuerti. S. Basilus, qui nominatis aliquanto
 „ Patribus vetustior fuit, in proœmio monasticarum
 „ constitutionum, Itaque, inquit, qui à mundi vin-
 „ culis liber esse cupit, nuptias veluti pedicæ quas-
 „ dam fugit, his autem relictis, vitam suam Deo
 „ consecrat, & castitatem proficitur, ut neque facul-
 „ tas ipsi sit conuersionis ad nuptias. Et infra, cap. 21.
 Constitut. meminit voti Obedientiæ, & cap. ult. voti
 Paupertatis. Idem in libro de virginitate: parum à
 „ medio: Cum, inquit, Domino virginitatem pro-
 „ fecisse sint, carnali post modum voluptate male blanda
 „ delinunt ac deuiant, stupri scelus honesto coniugii
 „ nomine obtegere cupiunt. Hæc dicta putentur Ca-
 tharinæ coniugi Lutheri, ipsi autem Luthero con-
 uenit, quod paulo ante habet: Horrendo, inquit Ba-
 silius, sacrilegio Christi sponsæ adulter efficitur. De-
 nique idem Basilus in epist. ult. quæ est ad virginem
 „ lapsam. Et quia, inquit, impius in profundum col-
 „ lapsus, mala de cetero contemnit, etiam ipsa abne-
 „ gas ad verum sponsum pacta, neque esse virgo, ne-
 „ que unquam promississe clamans. Reuoca in me-
 „ moriam honestam professionem, quam professus
 „ es, coram Deo, & Angelis, & hominibus, &c.

XXII. MENDACIVM.

IBIDEM sic aiunt. Docebant vota paria esse baptis-
 mo, docebant se hoc visa genere mereri remissionem pec-
 catorum & iustificationem coram Deo. Et infra: Ita per-
 suadebant vitam monasticam esse meliorem baptismo. Et
 addit Philippus in Apologia, pag. 250. docebant, ap-
 plicata aliis, alios saluare. At quis Catholicorum un-
 quam ita docuit? Dicimus quidem opera religionis,
 id est, caste viuere, nihil proprii possidere, obedire
 maioribus, opera esse bona, & meritoria vitæ æter-
 næ, si à iustis fiant, & conducere, ad satisfaciendum
 pro peccatis, sicut certa omnia opera bona: at me-
 reri iustificationem illam, qua ex impiis efficitur ius-
 ti nullus Catholicorum docet. Scimus enim non
 ex operibus iustitiæ, quæ fecimus nos, sed propter
 magnam Dei misericordiam, iustos fieri quotquot
 vere iustificantur. Addimus vero, posse Monachos
 facere alios homines operum suorum bonorum par-
 ticipes, ut possunt omnes alii fideles, cum sit com-
 municatio inter membra eiusdem corporis. At quod
 possit Monachus suis operibus alios saluos facere,
 merendo eis gratiam & gloriam, mera calumnia est,
 nemo nostrum hoc dicit. Denique non negamus, in-
 ter Baptismum & Monachatum esse quandam simi-
 litudinem; quod sicut in Baptismo remittitur omnis
 pœna peccatis debita; ita quoque in susceptione vi-
 tæ monasticæ fieri credibile est. At non continuo an-
 tepnimus, vel æquamus Monachatum Baptismo,
 Baptismus enim, & culpam, & pœnam remittit, &

A hominem de impio facit pium, & de filio diaboli fi-
 lium Dei: Professio vero monastica, solam pœnam
 remittit, quæ post remissam culpam aliquando re-
 manet, neque hæc est solius S. Thomæ doctrina (ut
 Philippus existimat) sed etiam veterum SS. Patrum.
 Scribit S. Athanasius in vita B. Antonii, Angelicam
 vocem aliquando auditam, quæ testaretur, D. Anto-
 nio omnia peccata dimissa, cum per vitam monasti-
 cam sæculo renunciauit. Sanctus quoque Hierony-
 mus in epist. 25. de obitu Blehillæ. Cum, inquit, pro-
 pitio Christo ante quatuor ferme menses, secundo
 quodam modo sepropoliti Baptismo lauerit, & ita
 deinceps vixerit, ut calcato mundo semper Mona-
 sterium cogitauerit, &c. S. Bernardus libro de præ-
 „ cepto & dispensatione, non procul à fine: Audite, in-
 „ quit, & hoc vultis à me, unde præter cetera pœni-
 „ tentiæ instituta, monasterialis disciplina meruerit
 „ hanc prærogatiuam, ut secundum Baptisma nun-
 „ cupetur Arbitror, ob perfectam mundi renuncia-
 tionem, ac singularem excellentiam vitæ spiritualis,
 qua præminens vniuersis vitæ humanæ generibus
 huiuscemodi conuersatio, Professores & amatores
 suos Angelis similes, dissimiles hominibus facit, im-
 mo diuinam in homine reformat imaginem, confi-
 gurans nos Christo instar baptismi, & quasi denique
 secundo baptizamur, dum per id, quod mortifica-
 mus membra nostra, quæ sunt super terram, Chri-
 stum induimus, cõplantari, denuo similitudini mor-
 tis eius. Hæc S. Bernardus, cuius testimonium Phi-
 lippus reiicere non deberet, cum in Apologia eum,
 tum inter sanctos viros numeret, tum eius testimo-
 nia tanquam grauissima, pro se adducat. Illud tamen
 non est prætereundum, nec S. Bernardum, nec S.
 Thomam, nec vllum Catholicorum vitam mona-
 sticam baptismi anteposuisse, quod tamen Philip-
 pus Catholicis attribuit.

XXIII. MENDACIVM.

PAG. 34. Quid fiebat, inquiunt, in Monasterijs? olim
 erant Schola sacrarum litterarum, & aliarum disci-
 plinarum. At non ita describunt nobis monasterio-
 rum exercitationes. Hieronymus in epistola ad Eu-
 stochium, de seruanda virginitate, & in altera ad Ru-
 sticum de institutione monachi; Augustinus in libro
 de moribus Ecclesiæ Catholicæ; Ioannes Cassianus
 in libro de institutis Cœnobiorum; Benedictus in
 Regula; & ante hos omnes Basilus, in monasticis
 constitutionibus; Hi siquidem meminerunt obe-
 dientiæ, continentiæ, paupertatis, ieiuniorum, vigi-
 liarum, silentij, psalmodiæ, solitudinis, ciliciorum, &
 similibus rerum: At humanarum disciplinarum,
 Physicæ, Dialecticæ, Oratoricæ, ac Poeticæ artis: ne
 verbo quidem meminerunt. Viderit ergo Philippus
 ubi scholastica & politica monasteria somniarit.

XXIV. MENDACIVM.

PAG. 45. in art. de potestate Ecclesiastica. Facile,
 inquiunt, possent, Episcopi legitimam obedientiam
 retinere, si non vigerent seruare traditiones, quæ bona con-
 scientia seruari non possunt. Nunc imperant calibatam, nul-
 los recipiunt nisi iurent se puram Euangelij doctrinam nolle
 docere. Ostendant si possunt, quis unquam Episco-
 pus exegerit iuramentum de non docenda pura Eu-
 angelij doctrina. Nisi forte nomine puræ doctrinæ,
 hæreses intelligi velint. Praxis enim Ecclesiæ habet,
 ut exigatur à Pastoribus iuramentum, de non docen-

dis hzresibus, & de Scriptura non explicanda nisi iuxta consensum sanctorum Patrum, & hoc, ut erroribus, & impuritati doctrinæ aditus præcludatur. Neque verum est, cœlibatum imperari, sed tantum exigi ut conditionem ad sacerdotium necessariam. Quemadmodum enim liberum est unicuique sacros ordines non suscipere, ita quoque liberum est cœlibatum non seruare.

XXV. MENDACIVM

PAG. 51. in præfatione. *Et nunc scripsi, quam moderatissime potui. Ac si quid videtur dictum asperius, hoc mihi præfandum est me cum Theologis, ac Monachis, qui scripserant consutationem, litigare, non cum Casare, aut Principibus, quos, ut debeo, veneror, &c.* Si vera sunt hæc verba, contra Theologos, & Monachos, aliosque Catholicos qui cōsutationem non scripserunt, nihil scripsit in Apologia hac Philippus, quod contumeliam sonare possit: contra ipsos etiam, qui consutationem scripserunt, etsi aliquid asperius dictum sit, seruata tamen est moderatio, quæ tantum Theologum decebat. At in ista ipsa pag. 51. in verbis, quæ immediate præcedunt hanc protestationem moderationis, asperissime flagellantur Theologi Catholici. *Sed aduersarij, inquit, sic agunt causam, ut ostendant se neque veritatem, neque concordiam querere, sed ut sanguinem nostrum exorbeant.* Et infra, eadem pagina: *Sophista nominantur omnes Theologi.* Et infra, pagina centesima tertia, moderatissime loquitur Philippus, cum ait: *Turpe est autem aduersariis, tantopere predicare dilectionem, cum nusquam præstant eam. Quid nunc agunt? dissipant Ecclesias, scribunt leges sanguine, & has proponunt Casari, clementissimo principipromulgandas, trucidant sacerdotes, & alios bonos viros, si quis leniter significarit se aliquem manifestum abusum non omnino probare.* Et pagina 164. Insignis moderatio cernitur in istis verbis Philippi: *Deus perdat illos impios Sophistas, qui tam scelerate detorquent verbum Dei, ad sua somnia vanissima.* Et paulo post: *Quis docuit hos asinos Dialecticam.* Et pagina 200. *Ned vident isti asini apud Hieronymum contra Vigilantium, &c.* Et pagina 208. *Manifestos abusus noua & inusitata crudelitate defendunt. Nullos patiuntur in Ecclesia idoneos doctores.* Et pagina 212. *Nunc hoc expendat prudens lector, quid frontis habeant isti nihili homines.* Et infra, de grauissimis Theologis ait: *Quasi vero Ecclesiam valde ornet ista publica infamia flagitiosarum, prodigiosarum libidinum, quæ flagrant apud illos sanctos Patres, qui Curios simulant & Bacchanalia viuunt: ac pleraque ne verecunde quidem nominari queunt, quæ isti summa licentia faciunt.* Et pag. 220. *Illi Sardanapali consilio abutuntur prætextu religionis.* Et pagina 122. *Videris, inquit, extremam impudentiam istorum nebulonum, &c.* Sane prædicanda moderatio est, senes grauissimos doctissimosque Theologos, nunc asinos, nunc nebulones, nunc Sardanapalos, nunc homines nihili appellari, & sic appellari ab eo, qui vix Grammaticam bene teneat.

XXVI. MENDACIVM.

PAG. 59. in Apol. art. 2. *Ad eundem modum* (inquit Philippus) *loquitur & Augustinus, qui ait, Peccatum in baptismo remittitur, non ut non sit, sed ut non imputetur. Hic palam fatetur esse, hoc est, manere peccatum, tamen si non imputetur. Et hæc sententia, adeo placuit posterioribus, ut recitata sit & in decretis.*

Mirum profecto est, tantopere placere quibusdam

A mendacia, ut ab eis auelli nulla ratione possint. Scripserat hoc idē Lutherus in assertionem art. 2. & ostentum illi fuit ab Episcopo Rossensi, nusquam dicere Augustinum, peccatum manere, & non imputari, sed concupiscentiam manere, & nō imputari in peccatum, sicut vere non est peccatum. Hæc enim verba sunt Augustini; quæ corrupte citantur à Lutheranis, lib. 1. de nuptiis & concupiscentia, ca. 25. Si queritur: Quomodo ista concupiscentia maneat in regenerato, in quo vniuersorum facta est remissio peccatorum? Respondetur, dimitti concupiscentiam carnis in Baptismo, non ut non sit, sed ut in peccatum non imputetur. Lib. quoque 6. in Iulianum, cap. 8. non dicit Aug. peccatum actu manere, reatu transire. Nec enim tam stupidus erat Aug. ut non intelligeret, ista non coherere, peccatum actu manere, & non manere reatu: cum ipse idem Aug. peccatum per reatum definire soleat. Et idem ibid. de nuptiis & concup. cap. 25. Cum dicit, hoc est non habere peccatum, reum non esse peccati. Qui etiam passim asserit, concupiscentiam remanentem malum quoddam, & infirmitatem esse, nō autem peccatum. Tract. 41. in Ioannem: Numquid, inquit, quia deleta est tota iniquitas, nulla remansit infirmitas? Et lib. 6. contra Iulianum, ca. 5. Omni peccato carent iustificari, sed non omni malo. Quid quod ipse etiam Philippus in Colloquio Vvormatiensi, (ut Ioannes Cochleus testatur in discussione Confessionis Augustinæ, art. 2.) ingenuè fassus est, male hunc locum ex Augustino esse citatum, cum id ei Ioannes Eckius obieciisset. Quid? quod multi nostrorum sæpius iam de hoc errore Lutheranos admonuerunt? Cum igitur mendacium toties patefactum & refutatum, in libro Concordiæ, cui octo millia hominum subscripserunt, adhuc inueniatur: vnum è duobus necessarium est, aut hoc mendacium à sedecim millibus oculorum deprehendi non potuisse, aut voluisse aduersarios, etiam cum mendaciis Concordiā facere. Adde quod in decreto etiam Gratiani, dist. 4. de consecratione, can. Per Baptismum, non habetur peccatum manere (ut Philippus mentitur) sed concupiscentiam.

XXVII. MENDACIVM.

PAG. 62. in Apologia pro art. 4. sic ait Philippus, *Damnant auctores consutationis Confessionis Augustinæ, quod affirmamus, homines fide consequi remissionem peccatorum, & fide in Christum iustificari.* At mendacium est. Non enim auctores consutationis Confessionis damnant, quod fide dicamur iustificari, sed quod fide sola. Illa enim consutatio, de qua Philippus loquitur, extat in harmonia Confessionis Augustinæ, edita ab Andrea Fabricio Leodio, & in ea sic legimus, art. 5. Quod fidei mentionem hic faciunt, catechismus approbatur, quatenus de fide non sola, ut aliqui male docent, sed quæ per dilectionem operatur, ut Apostolus recte docet, ad Gal. 5. intelligatur. Hæc ibi.

XXVIII. MENDACIVM.

IBIDEM: *Antonius, Bernardus, Dominicus, Franciscus, & alij sancti Patres, elegerunt certum vita genus, &c.* Vel ex animo Philippus loquitur, cum sanctos vocat Antonium, Bernardum, Dominicum, Franciscum: vel aliud sentit, aliud dicit. Si loquitur ex animo, destruit totam Confessionem Augustinam, & vniuersum prorsus Lutheranismum. Cōstat enim hos

quatuor Patres Monachos fuisse, & Patres Monachorum, & omnes certum vestimenti genus excogitasse, cucullos gestasse, à certis cibis abstinuisse, vota continentiae perpetuae, & paupertatis, ac obedientiae coluisse, atque aliis commendasse. Item Antonium certum est in solitudinem se contulisse, & omnia civilia officia deseruisse. Bernardum & Dominicum Missam assidue dixisse, Papae Romano adhæsisse, atque adeo Papistas supra modum fuisse; Franciscum denique nemo ignorat, in suo testamento fidem Romanae Ecclesiae commendasse, ac imperasse, ut si quis ex suis à fide Romanae Ecclesiae aberraret, is indulgentissime custoditus, in manus iudicis traderetur. Si vero aliud loquitur, aliud sentit, illius imitator, & filius est, qui mendax fuit ab initio, imo qui & pater mendacii, ab ipsa veritate nominatur.

XXIX. MENDACIVM.

PAG. 105. in Apologia: *Aduersarij*, inquit Philippus, *docent homines iustificari, dilectione & operibus de fide, qua apprehendimus propitiorem Christum, nihil dicunt: imo hanc fidem improbant, neque improbant tantum sententijs, aut scriptis, sed etiam ferro & supplicijs conantur in Ecclesia delere.* Iam sepe diximus, veram fidem in Christum nos maxime requirere in negotio iustificationis: & propterea mentiri Philippum; cum ait, nos de fide aut nihil dicere, aut fidem oppugnare. Specialem tamē illam fidem Lutheranorum, superbam atque arrogātem, quae sola vult iustificare, nec patitur comites, quos illi Deus assignauit, merito reieciimus, & deletam funditus, atque exterminatam optamus, quandoquidem & ipsa delet atque exterminat orationem, Sacramenta, opera bona, & quidquid Deus ad salutem hominum instituit. Nam si quis non orat ex fide, male orat, & Deum irritat potius, quam placat, ut aduersarii etiam fatentur. Debet igitur fides orationē præcedere: at ubi est fides, ibi continuo est iustificatio: & certus est Lutheranus ex fide sibi remissa esse peccata: neque potest ea de re sine gravissimo scelere dubitare; Ergo non potest orare ac dicere; Dimitte nobis debita nostra: vel cum publicano; Deus propitius esto mihi peccatori; Sed cū Phariseo dicendum illi est; Domine, gratias tibi ago, quia nō sum sicut cæteri homines. Quomodo enim petere audebit, quod certo scit ex fide, se iā esse consecutum? Pari ratione sine fide Sacramenta non profunt, sed obsunt; at fides ubi adest, mox iustificat, quorsum igitur Baptismus post fidem adhibetur? Niniuitæ quoque perdiderunt ieiunium illud suum tam laboriosum. Nam si absque fide ieiunarūt, nihil eis profuit; si fide præcedente, iā Deus ante ieiunium placatus erat. Multa hic dici possent, sed causa ista usque ad fastidium iam à multis tractata est:

XXX. MENDACIVM.

PAG. 112. in Apologia: *Planē*, (inquit Philippus) *sardi sunt aduersarii, toties iam dictum est, legem sine Christo non prodesse, propter quem placent bona opera. Sed illi ubique, excluso Christo, docent mereri iustificationem, opera legis..* Mentiris, Philippe, & tam impudenter, ut mirum sit, si quem inueneris, qui tibi credat. Profer saltem vnum ex Theologis nostris, qui doceat, opera sine Christo mereri iustificationem. Certē ipsa confutatio Catholica, aduersus quam potissimum Apologiam scribis, ita loquitur articulo 4. At tamen omnes Catholici fatentur, opera nostra ex se nullius esse meriti. Vide supra, Mendacio XX.

XXXI. MENDACIVM.

PAG. 124. in Apolog. art. 6. sic ait Philippus: *Nec offendant quicquam, quod sibi Ecclesia nomen vendicant. Nam Ecclesia Christi apud hos est, Euangelium Christi recte docent: non apud illos, qui prauas opiniones contra Euangelium defendunt.* Et passim in hac Apolog. negat Philippus, apud nos esse Ecclesiam. At hoc falsum esse, ex eadem Apologia conuinci potest. Nam pag. sequenti, id est 125. dicit Philippus: *Antichristum sedere in templo Dei, id est, ut ipse exponit, in Ecclesia dominari & gerere officia.* Et pag. 130. dicit: *Papam esse Antichristum.* Si ergo Papa tanquam Antichristus in Ecclesia dominatur & gerit officia, & tamen non dominatur nec gerit officia inter Lutheranos, sed inter Papistas: Ergo non Lutherani, sed Papistae sunt in Ecclesia. Et propterea pag. 222. Philippus agnoscit aliquam offensionem, eo quod schisma fecerit, & se cum suis diuulserit, ab illis, qui existimantur ordinarij Episcopi, & addit, *se concordiam summo studio concupuisse: quod & alibi saepe repetit.* At si apud nos non est Ecclesia, sed regnum Antichristi, & ipsi Episcopi membra sunt Antichristi, certe non est crimen, à nobis & Episcopis nostris dissidere, sed è contrario potius crimen gravissimum est, cū Antichristo velle concordare. Concordet igitur secum liber Concordiae, & aut apud nos Ecclesiam esse fateatur, aut non dicat Antichristum in Ecclesia magistratum gerere, neque nobiscum Concordiam delideret.

XXXII. MENDACIVM.

PAG. 149. in Apolog. *Manifestus*, (inquit Philippus) *error est, quod docent aduersarij, mereri homines remissionem peccatorum dilectione erga Deum, ante gratiam.* At profecto ne somniauit quidem vnquam vllus Catholicorum, quod hic nobis obiicitur, & in confutatione Catholica passim repetitur, opera sine gratia nihil valere.

XXXII. MENDACIVM.

IBIDEM: *Quid opus erit fide, si Sacramenta ex opere operato, sine bono motu videntis iustificanti?* At nullus Catholicorum dixit vel scripsit vnquam in adultis non requiri cum Sacramentis motum internum fidei, displicentiae, vel contritionis, &c. Et nos supra, Mendacio XX. adduximus S. Thomam, asserentem, applicari Christi meritum hominibus per fidem, in Sacramentis.

XXXIV MENDACIVM.

PAG. 129. in Apolog. sic ait Philippus: *Sed fortasse aduersarij sic postulanti, defini Ecclesiam quod sit Monarchia externa suprema intus orbis terrarum, in qua possit Romanum Pontificem habere potestatem auctoritatis, de qua nemini liceat disputare, aut iudicare, condendi articulos fidei, abolendi scripturas, quas velit, instituendi cultus & sacrificia, &c.* Et infra: *Atque haec definitio non Ecclesia Christi, sed Regni Pontificii, habet auctores non solum Canonistas, sed etiam Danielem, cap. 11.*

Profer igitur vnum Canonistam, qui dicat Pontificem Romanum posse Scripturas abolere, institueri sacrificia, & similia facere, & cum non potueris, scito te & esse & haberi mendacem. At nos facile

possumus ostendere, Lutherū vestrum id sibi auctoritatis arrogasse, ut aboleret plurimos sacrosanctæ Scripturæ libros, ut Machabæorum volumina, Epistolam Iacobi, Epistolam ad Hebræos, & alia quædam. Item, ut consideret nouum articulum, quo videlicet quisque ex fide credere teneatur se esse iustum, licet in omni bono opere peccet. Quod vero ex Daniele adducitur, ad demonstrandū Romanum Pontificem esse Antichristum, non in Pontificē, sed in Lutherum aptissimè quadrat. In eo enim loco Daniel Antichristo tribuit, nō instituere sacrificia, quod vos Papæ tribuitis, sed tollere iuge sacrificium, quod Lutherus totis viribus facere conatus est. Adde ibidem Daniel, Antichristū contra omnes Deos pugnaturū; At pontifex Romanus, ut vos quidem putatis, Deos innumerabiles colit, omnes videlicet Sanctos, & Sanctas, qui cum Christo regnant, cum e contrario Lutherus aduersus omnes Sanctos bellum gerat.

XXXV. MENDACIVM.

PAG. 130. in Apolog. art. de Ecclesia sic de Romanis Pontificibus loquitur Philippus. *Quotus quisque curat Euangelium, aut indicat dignum lectione? Multi etiam palam irridens religiones omnes. At cur tam insignis criminis nullum testem citas, nisi quia non crimen Pontificum, sed tuum mendacium, tua blasphemia est? Certe Innocentius III. ex illis est, quos non probatis, & tamen exstant sermones eius, exstant epistolæ, exstant alia opera plena sacris testimoniis. Quod idem de multis aliis dici posset ut omittam, quod semper Pontifices sacra fecerunt, ubi leguntur Evangelica non Latine solum, sed etiam Græce.*

XXXVI. MENDACIVM.

PAG. 136. in Apolog. art. 10. sic mentitur Philippus: *Decimus articulus approbatus est, in quo confitemur nos sentire, quod in Cæna Domini vere, & substantialiter adsint corpus & sanguis Christi, & vere exhibeantur cum illis rebus, quæ videntur, panem & vino, his qui Sacramentum accipiunt. At bone Philippe in art. 10. Confessionis, quem nostri receperunt, nulla facta est mentio, panis & vini manentis cum corpore, & sanguine Christi. Hinc enim est articulus decimus. De Cæna Domini docent, quod corpus & sanguis Christi vere adsint, & distribuuntur vescentibus in Cæna Domini. In Germanico autem exemplari additum erat, sub specie panis & vini. Tantum vero abest, ut Catholici tunc receperint talem articulum, de pane manente cum corpore Domini, ut expresse monuerint, recipiendum esse decretum Generalis Concilii de transubstantiatione panis in corpus, & vini in sanguinem Domini.*

XXXVII. MENDACIVM.

PAG. 140. in Apolog. art. 11. *Nunc de hac fide consequente remissionem peccatorum, nulla est syllaba in tantamole Constitutionum, Glossarum, Summarum, Confessionalium: nusquam ibi Christus legitur. Si de fide loqueris, quæ sola iustificet, & certos absolute reddat remissa esse peccata, non mireris, si ea fides non inueniatur in Glossis & Summis; nam cum illæ fierēt, ista nondum erat nata. At de fide vera in Christum & de ipso Christo, nihil in tot libris legi, mendacium est nimis crassum. Certe S. Antonius, qui inter Summistas non postremum locum tenet, tam de fide, quam de Christo fusissime disserit. Nec ulli alii de hisce rebus siluerunt.*

XXXVIII. MENDACIVM.

PAG. 140. in Apol. art. 12. sic Philippus loquitur: *Quid hic Carole, Caesar misericordissime, faciemus? Hæc est propria vox Euangelii, quod, fide consequamur remissionem peccatorum. Hanc vocem Euangelii damnant isti scriptores confutationis. Sed non ita est Philippe: nō enim confutatio usquā negat, nos fide consequi remissionem peccatorum; sed negat nos sola fide consequi remissionem peccatorum: quod & Euangelium passim negat, cum & Sacramentis, & dilectioni, & pœnitentiæ tribuat remissionem peccatorum.*

XXXIX. MENDACIVM.

Sed Sexies Geminatum.

PAG. 143. in Apol. art. 12. numerantur hæc dogmata, tanquam sint Catholicorum Theologorum: *Quod per bona opera extra gratiam facta, mereamur ex pacto diuino gratiam. Quod per attritionem mereamur gratiam. Quod ad deletionem peccati, sola detestatio criminis sufficiat. Quod per contritionem non fide in Christum consequamur remissionem peccatorum. Quod potestas clauium valeat ad remissionem peccatorum, non coram Deo, sed coram Ecclesia. Quod susceptio Sacramentis pœnitentiæ, ex opere operato, sine bono motu ventis, hoc est sine fide in Christum, conferat gratiam. At hæc omnia non nostra dogmata, sed Philippi mendacia sunt. Nec dubium quin subcriberent contra ista dogmata, non octo millia, sed plusquam octingenta millia Catholicorum, ut iam periculum sit, ne suffurentur aduersarii Cretensisbus illud Encomium Apostolicum. Cretenfes semper mendaces.*

XL. MENDACIVM.

PAG. 163. in Apol. art. 12. de satisfactione loquens Philippus, sic ait. *Hæc tota res est commentitia, recens conficta, sine auctoritate Scripturæ, & veterum scriptorum Ecclesiasticorum. Ac ne Lombardus quidem, de satisfactionibus hoc modo loquitur. Scholastici viderunt in Ecclesia esse satisfactiones, nec animaduertunt, illa spectacula instituta esse tum exempli causa, tum ad prouandos hos, qui debeant recipi ab Ecclesia. In summa, non viderunt esse disciplinam, & rem prorsus politicam. Ideo superstitiose fixerunt eas, non ad disciplinam coram Ecclesia, sed ad placandum Deum valere. Et pag. 164. Adhuc, Lombardi tempore ignota erat (satisfactio.) Et pagina 175. Quod Patres mentionem faciunt satisfactionis, quod Concilia fecerunt canones, diximus supra, disciplinam Ecclesiasticam fuisse exempli causa constitutam: nec sentiebant, hanc disciplinam necessariam esse, vel ad culpæ, vel ad pœnæ remissionem.*

Hoc esse mendacium, vel vnus Cyprianus abunde declarabit. Is enim auctor, & sanctus, & antiquus, & doctissimus fuit. Nam de sanctitate, martyrium; de doctrina volumina quæ reliquit: de antiquitate, historiæ omnes testimonium præbent: certe plus quam octingentis annis, Petro Lombardo vetustior est Cyprianus. Is igitur in Sermone, qui est de lapsis, prope finem, ita loquitur: Qui autem pœnitentiam, criminis tollunt, satisfactionis viam claudunt: ita fit, ut dum temeritate quorundam promittitur salus falsa, vel creditur, spes veræ salutis adimatur. Vos vero fratres dilectissimi quorū timor in Deū pronus est, in ruina licet animus constitutus, mali sui memor est: pœnitentes ac dolētes peccata vestra perspicite, grauissimum conscientie crimen agnoscite, ad intelligentiam delicti vestri oculos cordis aperite, nec desperātes misericordiam Do-

,, mini

„mini, nec tamen iam veniam vindicantes. Deus
 „quantum Patris pietate indulgēs semper & bonus
 „est, tantum iudicis maiestate metuendus est. Quam
 „magna deliquimus, tam granditer defflamus. Alco
 „vulneri diligens & longa medicina non desit: pœ-
 „nitentia crimine minor non sit. Putasne tu Domi-
 „num cito posse placari, quē verbis perfidis abnu-
 „isti, cui patrimoniu prapponere maluisti, cuius tem-
 „plū sacrilega contagione violasti? Putas facile eum
 „misereri tui, quem tuum non esse dixisti? Orate
 „oportet impensius, & rogare, diem luctu transige-
 „re, vigiliis noctes ac fletibus ducere, tempus omne
 „lacrymosis lamentationibus occupare, stratos so-
 „lo adherere cineri, in cilicio & sordibus volutari
 „post indumentum Christi perditum, nullum hic
 „iam velle vestitum, post diaboli cibum, malle ieiun-
 „ium. Et infra: Sic sub Apostolis fides viguit, sic
 „primis credentium populus Christi mandata ser-
 „uauit. Et infra: Pœnitenti operanti, roganti, potest
 „clementer ignoscere, potest in acceptum referre,
 „quidquid pro talibus & petierint martyres, & se-
 „cerint sacerdotes: vel si quis plus eum suis satisfac-
 „tionibus mouerit, si eius iram, si indignantis of-
 „fensam, iusta deprecatione placauerit, dat ille & ar-
 „ma rursus, quibus victus armetur. Et infra: Qui
 „sic Deo satisfecerit, qui pœnitentia facti sui, qui pu-
 „dore delicti plus & virtutis & fidei de ipso lapsus
 „sui dolore conceperit, exauditus & adiutus à Do-
 „mino, quam contristauerat nuper, lætam faciet Ec-
 „clesiam: nec iam solum Dei veniam merebitur, sed
 „coronam. Hæc ille. Habes hic imprimis ter no-
 „men satisfactionis. Habes deinde, illam consistere in
 „operibus, luctu, cinere, cilicio, ieiunio, elemosynis,
 „precibus. Habes tertio, hæc non tantum expedire,
 „sed necessaria etiam esse; Orare oportet, inquit, Cy-
 „prianns, & impensius rogare, &c. Habes quartò, his
 „operibus Deum placari, nam & hoc aliquoties repe-
 „tutum est, & proinde non ad solam disciplinam ex-
 „ternam, & politicam satisfactionem pertinere. Ha-
 „bes quinto in vltimis verbis, per eiusmodi opera nō
 „solum nos veniam, sed etiam coronam promereri.
 „Habes sexto, non sufficere fidem solam, quando tam
 „multa alia necessaria sunt. Habes septimo, non de-
 „bere nos continuo veniam vindicare, etiam si iam
 „cœperimus non solum credere sed etiam timere &
 „dolere. Habes postremo, sic sub Apostolis fidem vi-
 „guisse: & propterea mendacium esse Philippi, quod
 „ista sint noua, & inaudita ante tempora Petri Lom-
 „bardi.

XLI. MENDACIVM.

PAG. 130. in Apol. art. 13. *Hic damnamus* (inquit
 Philippus) *totum populum Scholasticorum Doctorum,*
qui docet, quod Sacramenta non ponentis obicem conferant
gratiam, ex opere operato, sine bono motu vtentis. Hæc sim-
 pliciter Iudæa opinio est, sentire quod per carissimam
 iustificemur, sine bono motu cordis, hoc est, sine fide; & ta-
 men hac impia & perniciofa opinio, magna auctoritate doce-
 tur in toto regno Pontificio. Hæc ille. Ex ore tuo te iudi-
 cio serue nequam; Nonne tu dixisti supra, pag. 124.
 & 135. Scholasticos cum de Sacramento pœnitentiæ dispu-
 tant, requirere contritionem vel attritionem? & quid aliud
 est tam contritio quam attritio, nisi motus cordis?
 Deinde in ipsa confutatione, articulo 12. vt etiam
 in omnibus libris Scholasticorum, nonne passim in-
 culcatur, tres esse partes pœnitentiæ, contritio-
 nem, confessionem, & satisfactionem? Et certe con-
 tritio, sine fide, spe, & dilectione, id est: sine tribus
 cordis motibus esse non potest.

XLII. MENDACIVM.

PAG. 184. in Apol. art. 15. *At isti* (inquit, Philip-
 pus) *sentiunt Deum esse placatum, propitium, propter*
traditiones, non propter Christum.

XLIII. MENDACIVM.

PAG. 186. in Apolog. art. 15. sic rursus mentitur
 Philippus, Docent, inquit, quod non propter Chri-
 stum gratis iustificamur per fidem, sed per tales cultus. Hæc
 & similia non egent confutatione, cum nec aduerla-
 rius vllum pro se testem adducat. Et contra eum
 omnes scholæ, omnia templa, omnes libri Catholi-
 corum testentur.

XLVI. MENDACIVM

Et quidem Tergeminum.

PAG. 186. in Apolo. art. 15. *Has causas habebant Patres*
 (inquit Philippus) *rituum seruandorum, ut aper-*
te testatur Epiphanius in disputatione contra Encratistas,
quod genus simile Monachorum nostrorum. Fuerunt enim so-
dalitate, qua sibi certas traditiones imponebant, abstinebant à
vino, & in ipsa Cœna Domini, nullis carnibus vescaban-
tur, ne piscium quidem, qua in re fratres Domini
longe superabant; à coniugio vero vel maxime abhorrebant.
 Et infra: *Has observationes fingebant esse cultum Dei, &*
institiam, propter quam Deo accepti essent, qua placarent
iram Dei: hanc opinionem improbat Epiphanius. Hic tria
 sunt apertissima mendacia. Primum, quod Mona-
 chi nostri similes sint Encratitis, dum abstinent à
 vino, à carnibus, à coniugio. Nam Encratitæ ab-
 stinebant, vt à rebus natura sua immundis, & quæ
 nulli omnino hominum licitæ essent: & hoc dam-
 nat Epiphanius. Sic enim scribit hæresi 47. quæ est
 „Encratitarum; Nuptias palam Diaboli esse decer-
 „nunt, animata vero abominantes interdunt. Et
 „infra: Vtuntur & ipsi mysteriis, per aquam; vino
 „vero omnino nō vtuntur, Diabolicum esse dicen-
 „tes, & bibentes ac vtentes iniquos esse ac peccato-
 „res. At quis vnquam Monachorum Catholicorum
 nuptias Diaboli esse dixit, & non potius vt à Deo in-
 stitutas in cōiugatis Catholicis honorauit? Quis ani-
 matas res abominans interdixit? quis vinum Diabolicum
 asseruit? quis illud bibentes iniquos iudicauit?
 Quis non saltē inter mysteria illo vsus est? Quod ve-
 ro etiam tēpore Epiphani, Catholici Monachi ad
 alios bonos fines, à coniugio abstinerent, & quidam
 eorum à vino, quidam à carnibus, supra ostendimus
 ex compendiarie doctrina eiusdem Epiphani. Alter-
 rum mendacium est quod encratitæ abstinerent à
 coniugio, carnibus & vino, propter cultum Dei, exi-
 stimantes se eo modo Deum placaturos. Nam non
 meminit Epiphanius eo loco huius finis, id est, cul-
 tus Dei; & clarissime dicit, eos abstinerere solitos non
 continentiæ gratia, sed propter timorem, & imagina-
 tionem, vt ne cōdemnarentur propter animatorum,
 esum. Itaque non abstinebant, vt Deum placarent, sed
 ne magis irritarent, cum crederent, res illas immun-
 das esse, & contaminare eos, qui illis vterentur. Ter-
 tium mendaciū est, quod Epiphanius improbet hanc
 opinionem; quod abstinentia à coniugio, carnibus
 & vino, sit utilis ad colendum Deum. Nam neq; hoc
 loco talis improbatio cernitur, & alibi apertissime
 habetur approbatio. Sic enim Epiph. scribit hæc. 48.
 „quæ est Montanistarum; Pleræque enim sectarum

matrimonium contrahere prohibet, & à cibis abstinerere præcipiunt, nō honestæ vitæ gratia exhortantes, non maioris virtutis gratia & præmiorū ac coronarum; sed abominabilia ea, quæ à deo facta sunt, putantes. At vero sancta Ecclesia, & virginitatem glorificat, & solitudinem, ac castitatē laudat, & nuptias pudicas honorat, & suscipit: Scottatio, nem vero & adulteriū, ac petulantia interdicit. Et infra: Etenim cum moderatione quadā, Deus, verbum in Evangelio dixit: Si vis perfectus esse, misericordiam exhibeas hominum formationi ac debilitati. Et gaudet quidem his, qui approbatū Dei cultum præstare possunt, & virginitatē ac castitatem, & continentiam exercere deligunt. Verū vnas nuptias honorat, etiam si maxime sacerdotii dona per eos, qui ab vnis etiam nuptiis se continuerunt, & in virginitate vitam degunt, se ornasse præexpresit: velut etiam Apostoli ipsius, Ecclesiasticā sacerdotii regulā ordinate ac sancte cōstituerunt. Quid hic dicis, Philippe? Nonne audis ab Epiphanio continentiam ab vxore, à vino & carnibus debere suscipi, gratia maioris virtutis & præmiorū ac coronarum? Item virginitatem cultū esse à Deo approbatum, & illi gratissimum? Demique sacerdotum cōtinentiam, etiam ab vna vxore, sancitam ab Apostolis fuisse?

LXV. MENDACIVM.

P Ag. 188. in Apolog. art. 15. *Exstant* (inquit Philippus) *immediati libri, imo bibliotheca tota nullam syllabam de Christo, de fide in Christum, de bonis operibus suæ cuiusque vocationis continentes, sed tantum colligentes traditiones.* Si tu omnes bibliothecas adisti, & omnes libros legisti, cur non indicas nobis, vel vnum auctorem Ecclesiasticum, qui de Christo & fide non loquatur?

XLVI. MENDACIVM.

P Ag. 190. in Apolog. art. 15. *Apud aduersarios* (inquit Philippus) *nullus prorsus est ratiōnis puerorum.* Quam impudens hoc mendacium sit testantur innumerabiles Catechismi, qui à nostris editi sunt; nec vnquam defuit in ecclesia puerilis institutio; sed stultum est respondere homini nihil probanti, & ad mentiendum proiectissimo.

XLVII. MENDACIVM.

P Ag. 194. in Apol. art. 16. *Vanissimum est* (inquit Philippus) *quod sit perfectio Christiana, non tenere proprium.* Et infra: *Sed Monachi illam externam hypocrisis offuderunt oculis hominum, ne videri posset, in quibus rebus sit vera perfectio: quibus laudibus vexerunt communionem rerum quasi Evangelicam? At hæc laudes plurimum habent periculi, præsertim cum longe dissentiant à Scripturis.* Bene autem Philippus fecisset, si ad probandum, laudes vitæ cōmunis dissentire à Scripturis, attulisset in mediū verba illa B. Lucæ: (solet enim ipse plerumque, ut est insignis Dialecticus, ita connectere argumenta) Multitudinis autem credentium, erat cor vnum, & anima vna: nec quisquam eorum quæ possidebat, aliquid suum esse dicebat, sed erant illis omnia communia. Et paulo post: Et gratia magna erat in omnibus illis, neque enim quisquā egens erat inter illos. Quotquot enim possessores agrorū aut domorū erant, vendētes afferebant pretia eorum, quæ veniebant & ponebant ante pedes Apostolorum. Diuidebatur autē singulis, prout cuique opus

A „ erat. Act. 4. Potuisset quoque Augustini commentarium adicere, ut magis cōmuniret sententiā suam. Is enim in ser. 1. de Comuni clericorum vita, sic habet: Ecce dico, audite; Qui societatem communis vitæ iam susceptā, quæ laudatur in Actibus Apostolorum, deserit, à voto suo cadit, & à professione sancta cadit. Et infra: Ego scio quantum mali sit, profiteri sanctum aliquid, nec implere, Vouete, inquit & reddite Domino Deo vestro. Ac breuiter, si quis legat duos illos Augustini sermones, mirum si non videat Philippi vanitatem.

XLVIII. MENDACIVM.

P Ag. 195. in Apolog. art. 18. *Sed quid interest* (inquit Philippus) *inter Pelagianos, & aduersarios nostros cum virique sentiant homines sine Spiritu sancto posse Deum diligere, & præcepta Dei facere, quoad substantiam actuum, mereri gratiam ac iustificationem operibus, quæ ratio per se efficit sine Spiritu sancto? Vis audire, quantum inter sit inter nos & Pelagianos quantum inter Catholicos & hæreticos.* Neque Pelagianus error est, posse hominem aliqua præcepta, & aliquando facere quoad substantiam actuum, solis naturæ viribus, id est, sine speciali auxilio gratiæ Dei. Nam hoc idem & tu doces: nisi tecum forte pugnas, in eadem pagina. Hæc enim sunt verba tua: *Habet humana voluntas libertatem in operibus, & rebus deligendis, quas ratio per se comprehendit: potest aliquo modo efficere iustitiam civilem, seu iustitiam operum, potest loqui de Deo, exhibere Deo certum cultum externo opere, obedire magistratibus, parentibus in opere externo elegando, potest continere manus à cade, ab adulterio, à furto.* Hæc tua, etiam nostra sunt: Et hoc vocamus implere quædam præcepta, quoad substantiam actuum. Porro diligere Deum super omnia sine Spiritu sancto, tribuit homini fortasse vnus aut alter Scholasticorum, sed grauiores repugnant, ut S. Thomas, S. Bonauentura, & alii. Quod autē opera sine Spiritu sancto facta, mereantur gratiam & iustificationem, nullus Theologorum docet, tuum est mendacium, tua calumnia.

XLIX. MENDACIVM.

P Ag. 198. in Apolog. art. 20. *Non est ferenda* (inquit Philippus) *blasphemia, tribuere honorem Christi nostris operibus.* Nihil pudet iam istos Theologos, si talem sententiam in Ecclesia audienti ferre. At, bone vir, non id habet confutatio Theologorum, quod tu reprehendis. Nec enim vquam dicunt Theologi illi, opera sine Christo mereri remissionem peccatorum. Sed negant, quod vos docetis, opera nostra, licet ex fide, licet ex gratia, licet ex Christi meritis prodeant, nihil tamen mereri. Itaque Confutatio dicit, opera nostra mereri remissionem peccatorum, hunc habet sensum, quod opera penitentis cum fide, & auxilio Dei facta, mereantur ex congruo, siue per modum dispositionis, culpæ remissionem, quam esse vocem Scripturarum & Patrum, supra docuimus Mendacio V I I I. Opera vero hominis iustificati facta ex gratia, per Christi meritum nobis infusa, mereantur ex condigno remissionem pœnæ, quæ interdum relinquitur, culpa dimissa, Nam, ut ait August. Tract. 124. in Ioan. Productior est pœna, quam culpa, ne parua putaretur culpa, si cum illa finiretur & pœna. Nec solum pœnæ remissionem, sed & coronam gloriæ mereri nostras satisfactiones, paulo ante ex Cypriano audiimus, in serm. de lapsis, in postremis verbis.

L. MENDACIVM.

PAG. 200. in Apolog. art. 21. *Nec vident isti Afini*, (inquit humanissimus Philippus) *apud Hieronymum contra Vigilantium, nullam exstare syllabam de inuocatione. Loquitur de honoribus Sanctorum, non de inuocatione. At quænam est ista consequentia? Loquitur Hieronymus de honoribus Sanctorum; Ergo non de inuocatione? Videlicet inuocatio non est honor, sed ignominia. Et idcirco nullum præter Christum, inuocari vultis, ne decus Christo proprium, cum aliis communicetur. Audi igitur: Vigilantius nolebat Sanctos honorari; & quoniam non ignorabat, præcipuè Sanctorum honorem, esse ipsorum inuocationem, duabus rationibus ostendit, non eos debere ab hominibus inuocari, tum, quia abditis receptaculis inclusi, non possent ubi vellent esse præsentibus, & se inuocantibus per se opem ferre; tum etiam, quia nec posset ullus post mortem, pro alio apud Deum aliquid impetrare, & proinde superuacanea esset inuocatio. Vtramque rationem Hieronymus refellit. Ais, inquit vel in sinum Abraham, vel in loco refrigerij vel subter aram Dei, animas Apostolorum & Martyrum confedisse, nec posse suis tumulis (ubi videlicet à fidelibus præcipue inuocantur) & ubi voluerint adesse præsentibus. Senatoria videlicet dignitas sunt ut non inter homicidas teterrimo carcere; sed in libera honestaque custodia recludantur. tu, Deo leges pones? Tu Apostolis vincula iniicies, &c. Et infra: Dicit, inquit, quod dum viuimus, multo pro nobis orare possumus, postquam autem mortui fuerimus, nullus sit pro alio exaudienda oratio. Si Apostoli, & Martyres adhuc in corpore constituti, possunt orare pro ceteris; quanto magis post coronas, victorias, & triumphos? Cum ergo Hieronymus Vigilantii argumenta refellat, quibus ille Sanctorum honoribus inuidens, inuocationem eorum oppugnabat: vere stupidi, ac ferme asini essemus, si non inde colligeremus, inuocationem sanctorum ab Hieronymo approbari.*

LI. MENDACIVM.

PAG. 200. in Apol. art. 21. *Neque reliqui veteres scriptores* (inquit Philippus) *ante Gregorium fecerunt mentionem inuocationis.* Non te pudet tantum Magistrum in Israel, aut nihil in veteribus legisse, aut tam impudenter mentiri? Proferam igitur viginti quatuor Patres, Gregorio antiquiores, qui instar viginti quatuor seniorum de Apocalypsi testimonium dicant pro inuocatione Sanctorum. Vide Dionys. Arcopag. libro de Ecclesiastica hierarchia, cap. 6. Iren. lib. 5. Euseb. l. 13. de præpar. Euangel. c. 7. Athan. Serm. in Euangelium de S. Deipara. Basilium oratione in quadraginta Martyres; item in Psal. 33. Nazianzenum oratione in Cyprianum; item in Athanasium. Nyssenum oratione in S. Theodorum. Cyrillum Catechesi 5. Mystagogica. Ephrazm. Serm. de laudibus Martyrum. Chryl. hom. 66. ad populum Anthiochenum. Item hom. 43. in Genesim. hom. 8. in Matthæum. homil. 1. in priorem ad Thessalonicenses. Theodoretum lib. 8. de curandis Græcorum affectionibus. Et in historia religiosa, ad finem singulorum vitarum. Hilariū in Psal. 124. & in Psal. 129. Ambrosium lib. 10. in Lucam, cap. 21. Et in lib. de viduis. Hieron. in epitaphio Paulæ. Rufinum lib. 2. histor. Eccles. ca. 33. Prudentium in hymno de sancto Cassiano; item de sancto Hippolyto, item de sancto Laurentio. Paulinum Nolensem, Epist. 12. ad Severum. Gaudentium Brixiensem, tractatu in dedicatio-

Rob. Bellarm. Card. Tom. 4.

A ne Basilic. Concilij Sanctorum. Seuerum Sulpitium, Epist. ad Aurelium Diaconum & Epist. ad Basilam Socrum. Maximum Taurinensem, serm. de sancta Agnete. Aug. libr. de cura pro mortuis c. 4. & Serm. 17. de verbis Apostoli. Leonem primum, Serm. 5. de Epiphania. Victorem Vicentem, lib. 3. de persecutione Vandalica. Fulgentium Ruspensem, Serm. de laudibus Beatæ Mariæ. His accedit Concilium Chalcedonense, 630. Patrum, & alia quæ supra citauimus, Mendacio X.

LII. MENDACIVM.

B **P**AG. 201. in Apolog. art. 21. *Triplex bonus* (inquit) *probandus est. Primus est gratiarum actio. Secundus confirmatio fidei nostræ. Tertius imitatio fidei & ceterarum virtutum. Hos vero honores non requirunt aduersarii.* At ubi legisti, vel à quo audiisti, nos non requirere hos honores?

LIII. MENDACIVM.

PAG. 220. in Apolog. pro coniugio sacerdotum. *Vituperabant Monachi*, (inquit) *coniugium, tanquam vitæ genus, quod vix unquam Deo placeret, aut certe non placeret, nisi propter procreationem.* At omnes Monachi, qui commentaria in Magistrum scripserunt, agnoscunt tria bona, propter quæ Matrimonium Deo placeat, fidem, prolem, & Sacramentum. Vide lib. 4. Sent. dist. 31.

LIIII. MENDACIVM.

PAG. 223. in Apologia, pro coniugio sacerdotum, Philippus sic argumentatur. *Iouiniani tempore nondum norat mundus legem de perpetuo celibatu. Impudens igitur mendacium est, coniugium sacerdotum; Iouiniani hæresim esse.*

D Vtrum Philippus mentiatur necne, iudex sit beatus Hieronymus, Is igitur in lib. contra Vigilantium, sic ait: Quomodo Euphorb. in Pythagora renatus, esse perhibetur, sic in isto Iouiniani mens praua, surrexit: ut in illo, & in hoc, diaboli respondere, cogamur insidiis. Romanæ Ecclesiæ auctoritate, damnatus inter phalides aues & carnes suillas, non tam emisit spiritum, quam eructauit: ille caupo Callagurritanus, & in peruersum propter nomen viculi mutus Quintilianus, miscet aquam vino; & de artificio pristino, suæ venena perfidia, Catholicæ fidei sociare conatur impugnare virginitatem, odisse pudicitiam, in conuiuio secularium, contra Sanctorum ieiunia proclamare. Pro nefas, episcopos sui sceleris dicitur habere confortes; Si tamen Episcopi nominandi sunt, qui non ordinant Diaconos, nisi prius uxores duxerint; nulli cælibi credentes pudicitiam immo ostendentes, quàm sancte viuant, qui male de omnibus suspicantur. Et nisi prægnantes uxores viderint clericorum, infantesque de vlnis matrum vagientes, Christi sacramenta non tribuunt. Quid facient Orientis Ecclesiæ? quid Egypti & sedis Apostolicæ? quæ aut virgines clericos accipiunt, aut continent, aut si uxores habuerint, mariti esse desistunt. Hoc docuit Dormitantiū, libidini frena permittens, &c. Si igitur Hieronymo teste Vigilanti hæresis ac Iouiniani, vna atque eadem sententia fuit, adeo ut in Vigilatio Iouinianus reuixisse dicatur, mentitur Philippus, cum ait non fuisse hæresim Iouiniani oppositam continetæ sacerdotum. Quod vero mendacium etiam sit, Iouiniani tempo-

Rr

re mundo notam non fuisse legem perpetui cœlibatus, satis constat ex iis, que supra diximus, Médacio XIV. necnon ex hoc ipso Hieronymi testimonio, & ex Augustino in libro de hæresibus, cap. 81. ubi legimus quasdam sacras virgines, prouectæ iam ætatis, Ioviniano auctore, nuptias contraxisse. Quod certe D. Augustinus non reprehendisset, si uirginitas consecrata Deo, votum perpetui cœlibatus non complecteretur, aut hoc votum illo tempore notum mundo non fuisset.

LV. MENDACIVM.

PAG. 226. in Apologia, de Missa: *Hic causæ status est* (inquit Philippus) *de quo ita nobis monendi sunt lectores, ut Æschinus admonere indices, ne finirent aduersarium extra causam egredi.* Nos in Confessione nostra ostendimus nos sentire quod Cœna Domini non conferat gratiam ex opere operato, nec applicata pro alijs, uiuis aut mortuis, mereatur eis ex opere operato remissionem culpa aut pœnæ.

At mira ista peruersitas est, alios arguere eius peccati quod ipse committit. Non enim istæ est causæ status, An Missa mereatur gratiam, & iustificet ex opere operato. Si enim iste status esset, causæ finita esset. Quæstio uero præcipua in eo consistit, An Missa sit verum, & proprie dictum sacrificium, quod omnes Lutherani negant, & Catholici omnes affirmant.

LVI. MENDACIVM.

PAG. 223. in Apologia, de Missa: *Sed aduersarii* (inquit) *ubique sacrificii nomen ad solam carismiam detorqueant: prædicationem Euangelii, fidem, inuocationem, & similia omittunt; cum carismia propter hæc instituta sit.* Fatemur quidem sacrificium proprie dictum, nec prædicationem Euangelii, nec inuocationem significare, sed oblationem corporis Christi, cum mystica cœrimonia à sacerdote factam; sed quod non sit apud nos Euangelii prædictio, nec inuocatio, nimis impudens mendacium est, cum in ipsa celebratione sacrificii legatur Euangelium & sæpe etiam exponatur, & multæ preces fundantur pro sacerdotibus, pro regibus, pro populo.

LVII. MENDACIVM

PAG. 236. in Apolog. de Missa: *De fide* (inquit) *qua gratis consequimur remissionem peccatorum, nulla prorsus fiebat ab aduersariis mentio; De exercitiis fidei luctantis cum desperatione, de gratuita remissione peccatorum propter Christum, omnes libri, omnes conciones aduersariorum mutæ erant.* Magnus & mirabilis vir fuit Philippus, qui omnes libros legit, omnes conciones audiuit etiam si variis in locis eodem tempore, aut variis temporibus eodem loco haberentur: Et quod mirabilis est, etiam illas conciones audiuit, quæ prius factæ sunt, quam ipse nasceretur, alioqui, unde nouit, de gratuita remissione peccatorum propter Christum omnes conciones mutas fuisse?

LVIII. MENDACIVM

PAG. 239. in Apol. de Missa: *Transferunt* (inquit) *Missam ad mortuos, & liberant animas applicatione Sacramenti, à pœnis purgatorii; cum sine fide nec uiuis Missa pro sit.* Neque ex Scripturis, vel unam syllabam afferre possunt, ad defensionem istarum fabularum, quas in Ecclesia magna auctoritate docent; neque Ecclesia ueteris, neque Patrum testimonia habent. Duo sunt hic mendacia. Vnum, quod

A applicatione Sacramenti liberari dicamus animas à pœnis purgatorii. Nemo enim Catholicorum hoc docet; sed quod de sacrificio dicimus, imperite aut callide transfert Philippus ad Sacramentum. Alterum mendacium est, quod non habemus testimonia ueteris Ecclesiæ, quod Missa pro sit etiam defunctis. Tot enim habemus testimonia, ut plane aduersarios obruere possimus, Concil. Carthaginense IV. Can. 79. iubet commendari defunctos orationibus, & oblationibus. Concil. Vvortatiense Can. 10. iubet etiam pro suspensis orari & sacrificari. Similia passim in Conciliis leguntur. Tertullianus lib. de Monogamia: Pro anima inquit, eius, oret, & offerat annuis diebus dormitionis eius, Cyprian. lib. 1. Epist. 9. Non est, inquit, quod pro dormitione eius apud nos fiat oblatio, aut deprecatio. Ambros. lib. 2. epist. 8. Itaque, inquit, non tam deplorandam quam prosequendam orationibus reor, nec iustificandam lachrymis tuis, sed magis oblationibus animam eius Domino commendandam. Cyrillus Catecheli 5. Mystagogica: Maximû, inquit, credentes esse animarum iuuamen, pro quibus offertur obsecratio sancti illius & tremendi sacrificii. Chrysost. hom. 69. ad pop. Antioch. Non temere hæc ab Apostolis sancita fuerunt, ut in tremendis mysteriis defunctorum agatur memoria. Omitto cæteros.

LIX. MENDACIVM.

PAG. 247. in Apolog. de Missa *Falso* (inquit Philippus) *citant aduersarij contra nos damnationem Aerii, quem dicunt propterea damnatum esse, quod negauerit in Missa oblationem fieri pro uiuis, & mortuis.*

Quæstio nostra cum Lutheranis est, an Missa pro sit mortuis, nam quod uiuis pro sit, nemo negat. Porro August. lib. de hæresibus. c. 53. inter dogmata propria Aerii etiam illud numerat. Orare, vel offerre pro mortuis oblationem, non oportere. At hoc idem omnes Lutherani dicunt.

LX. MENDACIVM.

IBIDEM, sic ait Philippus: *Epiphanius testatur Aerium sensisse, quod orationes pro mortuis sint inutiles, id reprehendit neque nos Aerio patrocinamur.* Si verum loquitur Philippus, mentitur altera pars Concordiæ, cui fere concordant omnes Lutherani. Nam pag. 381. *Purgatorium animarum, mera diaboli larua esse definitur.* At si nullum est purgatorium animarum, inutiles sunt orationes pro mortuis; ut volebat Aerius, nisi forte velit Philippus, pro animabus beatis, aut damnatis orandum esse. Adde quod Epiphanius, hæresi 75. quæ est Aerii, refert etiam alium eiusdem errorem, & quidem ipsius uerbis: *Sed neque ieiunium, inquit, erit ordinatum; Hæc enim Iudaica sunt, & sub iugo seruitutis. Iusto enim lex non est posita, sed paricidis ac matricidis, & reliquis. Si uero omnino uolo ieiunare, quaecunque eligam diem, à me ipso, & ieiunabo propter libertatem.* Et infra: *In diebus autem Paschatis (quos nos uocamus maiorem siue sanctam hebdomadam) quando apud nos fiunt humi dormitiones, castitates, afflictiones, siccorum esus, preces, uigiliæ, ac ieiunia, & omnes animarum salutes, per sanctas afflictiones; ipsi à summo mane obsonantur, carneque ac uino uenas suas explentes, cachinantur, ridentes ac subsannantes eos, qui sanctum hunc cultum hebdomadis Paschatis perficiunt.* Quæso te, Philippe, an non & vos

hoc

hoc idē facitis, & docetis? Magis ingenue Matthias Illyricus facit, qui Cent. 4. cap. 5. col. 401. agnoscit Aërii dogmata fuisse, non orandum, nec offerendum pro mortuis, nec statuta ieiunia seruanda; & quia horum similia docuit Lutherus, mauult Epiphanium & Augustinum hæreticos facere, quam Aërium.

LXI. MENDACIVM.

PAG. 253. in Apologia de votis monasticis, *Obedientia paupertas, & cælibatus* (inquit Philippus) *exercitia sunt ad id præparanda. Ideoque sancti vii eis sine impietate possunt, sicut vsi sunt Bernardus, Franciscus, & alij sancti viri; Et hi sunt propter utilitatem corporalem, ut expeditiores essent ad docendum.* Scilicet, magna utilitas corporalis erat S. Francisco, nudis pedibus ambulare, vna sola tunica eaque cilicina, & asperima cooperiri, humi cubare, pane solo & aqua ut plurimum viuere, tres noctes vigilare. Dein de quid dicemus de S. Antonio, S. Hilarione, S. Paulo I. Eremita, imo de tot millibus sanctorum Anachoretarum, qui non fungebantur docendi officio, & tamen vitam pauperissimam & seuerissimam, in perpetuo cælibatu, & sub obedientie iugo ducebant. Porro S. Bernardus non solum vilissimis pannis, & cibariis aridissimis utebantur, sed etiam Serm. 30. in Cantica diligenter monuit, non esse Monachi sed medici, corporis utilitatem, & bonam valetudinem curare: Monachi vero esse spiritu utilitatem quære re, & carnem crucifigere, atque in ea se Dominum & saluatorem imitari.

LXII. MENDACIVM.

PAG. 255. in Apologia: *Nemo nescit* (inquit Philippus) *monasticam vitam recens excogitatam esse.* Omit quod Patres ad Apostolos referunt, ut Euseb. lib. 2. hist. cap. 16. Epiphanius. hæres. 29. quæ est Nazæorum, Hieron. 1. lib. de Scriptoribus Ecclesiasticis, in Philone. Ioan. Cassianus. lib. 2. de institutis Cenobiorum, capite 5. & Collat. 18. cap. 5. August. Serm. 2. de communi vita clericorum. Possidonius in vita S. August. Sozomenus lib. 1. hist. cap. 12. Et Nicephorus libro 2. cap. 15. Certe Magdeburgenses Cent. 4. cap. 6. col. 464. anno 300. à Saluatoris aduentu ponunt initium Monasticæ. Quod si contendunt Monachos huius temporis, non esse illis similes qui erant tempore Antonii, Hilarionis, Augustini; tamen non negant, nec possunt negare, quin saltem Monachatus qui nunc est, à tempore S. Benedicti initium sumpserit, id enim Lutherani omnes admittunt, cum videant adhuc extare, & seruari regulas ab ipso conditas, & habitari Monasteria, quæ ille fundauit. S. autem Benedictus ante 1000. annos floruit. Nisi ergo apud Philippum mille anni sint, sicut dies vnus, ut Scripturæ loquuntur de temporibus cum Dei æternitate collatis, viderit ipse, quam sit verum vitam monasticam recens excogitatam.

Hic Libellus tam fabre aperit mendacia, renellit errores Concordiæ Lutheranae, ut nihil possit esse aut enucleatius aut nervosius in hoc genere; Nam animus fuit Auctori, stringere rem, non explicare, sed stringere ea arte, ut Lutherani aliqui plumbeo facile tangant se tangi, aut potius eueri.

Censui ROBERTVS TURNERVS Sacræ Theologiæ Doctor, atque INGOLSTADII Professor, & pro tempore eiusdem facultatis DECANVS.

LXIII. MENDACIVM.

PAG. 156. in Apologia, de votis monasticis: *Desertio facultatum* (inquit Philippus) *non habet mandatum aut consilium in Scripturis. Nam Evangelica paupertas, non est desertio rerum, sed non esse avarum, &c.* De hoc mendacio diximus supra mendacio VI. sane deberet sufficere tot Sanctorum exemplum. Omnes enim illi veteres Monachi qui tantopere celebrantur à Patribus, verba Domini, Matth. 19. Si vis perfectus esse, vade vende omnia, &c. de ieiunio desertione intellexerunt.

LXIV. MENDACIVM.

PAG. 259. in Apologia, de votis monasticis, *Sancti* (inquit Philippus) *in locum Christi subrogantur, & impie coluntur.* Longe aliud ostendunt Litanie, alique preces Catholicorum. Christo enim, ut Deo ac Domino dicimus *Kyrieleyson, Christe eleysen*, Sanctis vero, Sancta MARIA, ora pro nobis, Sancte Petre, ora pro nobis Sed antiqua ista calumnia est; quod enim Lutherani nunc dicunt, dixerunt olim Echnici, Iudæi, hæretici, ut patet ex historia Eusebii, lib. 4. ca. 15. Et lib. 8. cap. 5. Ex Cyrillo lib. 6. & 10. in Iulianum. Ex Hieronymo libro contra Vigilantium, Et ex Augustino libro 20. contra Faustum, cap. 21.

LXV. MENDACIVM.

PAG. 263. in Apologia de potestate Ecclesiastica: *Suas traditiones*, inquit Philippus, *longe accuratius seruari possunt, quam Evangelium.* Hoc de Episcopis Ecclesiæ generatim dictum, apertissimum mendacium est.

LXVI. MENDACIVM.


PAG. 267. ibidem, *Libri aduersariorum*, inquit, *nusquam fides mentionem faciunt, cum, de remissione peccatorum loquuntur. nusquam docent de dignitate rerum ciuiliū, nusquam docent quomodo Evangelium tradat iustitiam æternam.* Et hæc mendacia toties repetuntur in hac Apologia, ut mirum sit, quomodo non ipsi auctori nauseam fecerint.

LXVII. MENDACIVM.

PAG. 268. Ibidem. *Cultus Sanctorum*, inquit, *plenus est apud eos manifesta idololatria.* At nos corde sentimus & voce asserimus, Sanctos non esse Deos, sed creaturas eximias. Nec illis ut Deus sacrificamus, ut etiam Deus Augustinus docet. libro 22. de Ciuitate Dei, capite decimo. Nec inuocamus, vn gratiam vel gloriam largiantur, sed ut eam nobis à Deo precibus obtineant. Nec denique illi eos animis, & corda scrutari existimamus, ut Aduersarii nos credere mentiuntur; Sed Deo reuelante atque ostendente, quid nos petamus, cognoscere eos posse docemus.

BREVIS APOLOGIA

ROBERTI BELLARMINI,

Pro Libello suo de Libro CONCORDIÆ Lutheranorum.

V M ante multos annos liber Concordiæ Lutheranorum in Saxonia prodisset: petiit à me vir quidam grauiſſimus, atque doctiſſimus, & qui mihi iure tuo impetrare poterat vt ei per litteras ſignificarem quid mihi de ea concordia videretur. Perlegi continuo librum, quem idem ipſe ad me miſerat, & ſententiam meam de eo libro pauciſſimis verbis, id eſt, breuiſſimo libello comprehendendi. Peruenit is meus libellus, nescio quomodo, ad manus Davidis Sartorii, egregij ſanè Typographi, qui tunc Ingolſtadii Catholicis libris excudendis magna cum laude operâ dabat. Is verò per amicum quendam meum à me quaſiuit moleſtè ne eſſem laturus, ſi is libellus typis ipſius emitteretur in cem: reſpondi, quod reſerat, me non eo animo libellum confeſſiſſe, vt dederetur, ſed vt ei parerem, qui mihi onus illud impoſuerat: tamen ſi Theologi Ingolſtadienſes opusculum illud vtiliter edi poſſe iudicarent, me non repugnare quo minus id fieret. Ita libellus in lucem editus eſt. qui quoniam viſus eſt non leuiter aduerſarios pupugiffe, iterum iuſſu clariffimæ memoriæ STEPHANI Regis Poloniæ potentiſſimi, typis mandatus eſt: nec multo poſt in linguam Germanicam paraphraſtice conuerſus, & auctus, ita Miniſtrorum noui Euangelij bilem accendit, vt dignus viſus ſit qui ab vniuerſa Academia Vvitembergienſi Theologorum coniunctis armis, & quaſi agmine factò opprimeretur. Sed libellus ipſe, vt audio, viuit adhuc, imo ne guttam quidè cruoris emiſit, ſed clypeo veritatis armatus canit cum Prophe-
ta, *Sagitta paruulorum facta ſunt plaga eorum.* Et certe ſi Auctori ipſius vacaret in cuiſmodi nugis tempus conſumere, poſſet decem diebus decem alios ſimiles libellos emittere de vanitate, erroribus, & mēdacijs huius Reſutationis. Ac vt rem ita ſe habere demonſtrem, pauca quædam exempli gratia proferam. Totum enim librum aduerſariorum refellere non eſſe operæ preciū, niſi quem inuet bonas horas male perdere, ex his paucis quæ dicemus lector intelliget. In prima parte libelli notaueram vanitatem eorū, qui vt concordiam in doctrina maximam eſſe apud Lutheranos oſtenderent, coegerant ad ſubſcribendum dogmatibus fidei turbam Ludimagiſtrorum, Hypo- didaſcalorum, & ſimiliū qui neque auctoritate, neque ſcientia pollēt, vt de dogmatibus præſertim cō- trouerſis iudicare poſſint. atq; addidi, nullum exemplum cuiſmodi ſubſcriptionū in negotio fidei poſſe ab antiquitate peti, cum ab Apoſtolicis temporibus per mille quingentos annos Conciliis tum Generalibus tū Nationalibus, vel Prouincialibus ſoli Prælati, qui iuriſdictionem habent, ſubſcribere conſueuerint. Ad hoc reſpondent Theologi Vvitembergienſes, his verbis: *Non lateat nos Deolauus, quæ ratio in Conciliorum ſubſcriptionibus obſeruata fuerit, quam etiam in noſtris conuentibus antehac multoties ſecuti ſumus, vt ſi quid de religione ſcripto commendaretur, præcipuum Theologi ſubſcriberent: quemadmodum in Smalcbaldici articulis videre licet. Quod autem etiam vulgariter necita excellenter docti Miniſtri ſubſcripſerunt; in ſcripto publico omitti id bene poterat, niſi electores, & Principes ad hoc coegiffent impudenter veſtræ calumniæ, quas contra ipſorum Theologos & Miniſtros in pulicam Con-*

ſeſſionis Auguſtanæ contumeliā publicis typis enomiſtiſſis. Meminiſſe autem leſuita debebant, qualibz ementiſſis titulis Tridentini Concilij Episcopos ſuperbuerint vt homines in ſui admiſtrationem raperent, cum ſe Episcopos, & Patriarchas ſactarant nescio quorum locorum, in qua nemo illorum unquam peruenit, neque ex illis regionibus quiſquam Eccleſiaſticus ad Concilium Tridentinum miſſus erat.

Hæc reſpōſio ſatis indicat, eos nihil ſolidi habuiſſe quo vanitatem illam à nobis notatam purgare poſſent. Primum enim non eis obieciſſimus, quod antiquis Conciliis ſoli Theologi præſtantes ſubſcribere conſueuerint, ſed quod ſoli Prælati, qui iuriſdictionem habent, id eſt, Episcopos. Itaque cum dicūt, non latere ſe, quæ ratio ſeruata ſit in antiquis Conciliis, & eam à ſe quoque ſeruata in ſuis conuentibus, vbi præcipui Theologi tantum ſubſcripſerunt: vel falſo dicunt non latere ſe formam veterum Conciliorum, vel mentiuntur cum affirmant, eam à ſe in conuentibus ſuis eſſe ſeruata. In veteribus enim Conciliis veros Episcopos, non autem Theologos quoscuque, in conuentibus autem Lutheranorum nullum verum Episcopum, ſed Theologos nescio quos ſubſcripſiſſe non dubium eſt.

Deinde cum addunt, omitti potuiſſe nomina Miniſtrorū vulgariter tantum, & non excellēt eruditorum niſi coegiffent eos noſtræ calūniæ, quibus eis exprobrare ſolemus, quod nulla ſit inter Miniſtros eorū concordia: nihil omnino dicunt, quod ad rē faciat. Nos enim cum illis obieciſſimus, quod in grauiſſimis dogmatibus inter ſe non cōueniant, non loquimur de turba imperitorum, quam ſcimus facile duci ab iis, quos opinione doctrinæ ſuſpiciūt: ſed de viris doctis, vel certe qui docti haberi volunt. Scimus autem non ſolum in tota Germania inter varias Lutheranorum ſectas, ſed in ipſa Saxonia, atque inter eos, qui proprie Lutherani dici volunt, diſſentiones eſſe grauiſſimas, vt vel ex Colloquio Altemburgienſi cognoſci potuit, vbi ex ipſa Saxonia duodecim viri delecti ad cōponenda diſſidia de religione, non ſolum grauiſſimos errores alii aliis obiecerunt, ſed etiam inde abſque vlla ſpe cōcordiæ diſceſſerunt. Ad hanc igitur notam tantæ inter eos diſſentionis eluendam, nihil omnino prodeſt ſuſcriptio tot milliū vilium perſonarum. Quid enim mirum, ſi ex vna ſactione ſex tantū viri (tot enim fuerunt auctores libri Concordiæ) inter ſe cōueniant, & octo milia imperitorum, ſibi que ſubiectorū ad ſubſcribendum cogant? Certe in Eccleſia Catholica definitionibus Tridentini Concilii omnes omnino qui Catholici haberi volūt, ſiue docti ſiue indocti, ſiue Principes, ſiue priuati, ſiue Itali, ſiue Galli, ſiue Hiſpani, ſiue Germani, ſiue Angli, ſiue Poloni, ſiue cuiuſcuque regionis ſint, ſententiam ſuam, iudiciumque ſubiciunt.

Quod poſtremo adiungunt de Patribus Tridentini Concilii, quod nūquam viderint ea loca: quorum titulos proferunt, inter ſplendida mendacia numerari poſſe. Exſtat enim Concilium, exſtant nomina & tituli ſingulorum Episcoporum; atque inter trecentos ferme Episcopos, variarum nationum, nescio an tres, vel quatuor inueniri poſſint, quorum Eccleſiæ in iis locis ſitæ ſint, vbi Episcopos tutum aditum habere non poſſunt.

In altera parte mei libelli reprehendi ſex errores grauiſſimos contra ſymbolum Apoſtolicum, quos

in libro

in libro Concordiæ Aduersarij posuerunt. Ita verò ipsi in sua Refutatione respōdent, vt errores erroribus addant, & eam imperitiam rerum Theologicarum præ se ferant, vt indociles omnino videantur.

Exemplum esto in refutatione primi erroris. Primus error à me notatus in eorum libro fuerat, quod Christus non solum vt homo, sed etiam vt Deus Patri fuerit obediens: Respondent se hanc sententiam libenter agnoscere, nec opus est, inquit, vt Iesuitæ ex libro Concordiæ, & locis communibus Philippi istius doctrinæ nos prolixè conuincant: quandoquidem hanc non tantum constanter profiteamur, sed etiam quoque summam nostram consolationem esse ducamus, quod obedientia qua iusti & beati reputamur, Christo non solum secundum humanitatem, verum etiam secundum Deitatem adscribatur. Hæc illi. Non solum admittunt Christum vt Deum, obedisse Patri, sed etiam admittūt B. Virginem Mariam non tantum esse Matrem Dei, quæ est Catholicorum omnium sententiā, verum etiam esse Matrem Christi vt Dei, quod est hæcenus apud Christianos inauditum, cum vt infrā ostendam, reduplicatio, vt, non suppositum, sed formam reduplicet. Quemadmodum, inquit, Maria Christi non solum vt hominis, sed etiam vt Dei Mater est, ita quoque Christus non solum vt homo, sed etiam, vt Deus Patri obediens fuit. Quid est autem, si propriè loqui velimus, B. Mariam esse Matrem Christi, non solum vt hominis, sed etiam vt Dei, nisi Christum à B. Maria diuinitatem habere, quemadmodum ab illa humanitatem habet? Quod si Christus à Matre humanitatem & Diuinitatem habet, certè antequam ex Virgine nasceretur, Deus non erat, imò neque aliquid erat, qui est error Ebionis & Photini.

Ex eodem ignorantiz fundamento paulò post adiungunt nō posse negari, quin Christus vt Deus, fuerit Patri obediens, nisi duæ cum Nestorio affirmantur in Christo esse personæ, vna quæ obediuerit Patri, videlicet persona humana, altera quæ Patri non obediuerit, videlicet filius Dei. Quasi verò nō possit vna & eadem persona humana in forma serui, (vt scripturæ verbis vtamur) obedire Patri, in forma Dei cū Patre iubere? Sic enim Apostolus ad Philip. 2. de vna & eadem Christi persona dicit, quod in forma Dei non rapinam putauerit, esse se æqualem Deo Patri, in forma serui Patri obediens fuerit usque ad mortem, mortem autem Crucis. Et S. Athanasius in Symbolo de eadem persona Christi dicit, *Æqualis Patri secundum Diuinitatem, minor Patre secundum Humanitatem*. Neque aliud est, quod Theologi Catholici dicunt, Christus vnus, & idem, id est, vna & eadem persona, vt Deus, æqualis est Patri; vt homo, minor est Patre: vt Deus fuit ante Matrem, vt homo ex Matre principium habuit.

Sed vltèrius progrediuntur Aduersarij, & obedientiam filio Dei tribuunt etiam antequā formam serui acciperet, id est, non solum secundū Deitatem, sed etiam secundum solam Deitatem, quod quemadmodū ab hæresi Ariana distingui possit, ipsi vident. Adferunt enim illa verba Domini Ioan. 3. *Non misit Deus filium suum in mundum vt condemnet mundum, sed vt seruetur mundus per eum*. Sic enim ipse citant qui vulgatæ atque antiquissimæ editionis rationem nullam habent, ac statim adiungunt; *Si igitur Deus filium suum unigenitum in mundum misit, vt genus humanum seruaret, necesse est hunc filium Dei obediens fuisse Patri, dum in Mundum venit, naturam humanam assumpsit, & ipse nos miseros peccatores redemit. Hinc de filio Dei æterno in Symbolo Nicæno cautatur, Descendit de cælis & incarnatus est de Spiritu sancto, &c.* Hæc illi. ex quibus manifestè colligitur, eos sentire filium Dei etiam antequā esset homo, obediuisse Patri, ac per

hoc secundū solam Deitatem. Filius enim Dei cum venit in Mundum, & naturam humanam assumpsit, non erat Deus & homo, sed Deus tantum, nisi quis ita desipiat, vt dicat, Deū & hominem descendisse de cælo, vt fieret homo. Itaq; Deus Verbum: cum non esset homo, descendit de cælo, vt fieret homo, & ideo, Verbum caro factum est, & ipsa incarnatio descensio fuit. Quod alijs verbis dicit Apostolus Philipp. 2. *Exinmisit semetipsum formam serui accipiens*. quod si Deus Verbum cum nōdum esset homo obediuit Patri, vt descenderet & fieret homo, quis non videt, obedientiam, ac per hoc subiectionem tribui Deo Verbo secundum solā diuinitatem? neq; enim secundum humanitatem, quam non habebat obedire poterat. At, inquit, Si Deus filium suum misit in mundum, vt carnem assumeret, quomodo non obediuit filius Patri, dum in mundū venit, & carnē assumpsit? Hoc ipsum est argumentum Arianorum, qui ex missione colligebant subiectionem; sed respondebant maiores nostri veteribus Arianis & nos respondemus nouis Arianis, mittere non esse iubere, nec mitti semper esse parere. nam dominus quidem seruum iubendo mittit, amicus amicum hortando, inferior superiorem orando mittere potest. Ac certe negare non possunt Aduersarij, Spiritum sanctum mitti à Patre, & Filio: iuxta illud Ioan. 14. *Paracletus autem, quem misit Pater in nomine meo. &c.* 15. *Cum venerit Paracletus, quem ego mittam vobis à Patre, & tamen Spiritum sanctum obedire Patri, & Filio; vel Patrem, & Filium imperare aliquid Spiritui sancto, ne aduersarij quidē admittere aui sunt.* Itaq; vera est communis Theologorum sententia, missionem in diuinis non iussionem, non imperium, sed processionem vnus personæ ab alia significare, cum noui effectus cōnotatione. Sed opere precium erit cognoscere quid Aduersarij ad nostra aargumenta respōdeant. Referunt primum hæc nostra verba, Si Christus, vt Deus, Patri obediuit, certè vt Deus à Patre distinguitur. Alius igitur Deus est Pater: alius Deus est filius, sed vnus tantum est verus Deus & cōstat Patrem esse verum Deum, non igitur filius est verus Deus nec cōparatur Patri, vt in Nicæno Symbolo confitemur. Respondent deinde his verbis, *Rudes asinos Iesuitas istos esse oportet, quod distinguere nesciunt inter vnitatem Deitatis, & distinctionem inter personas in hac vna Deitate. Nam certè filius à Patre distinctus est, tanquam persona diuina, quæ ipse pater nō est: & tamen non alius Deus quā Pater est. Atque ita Pater & Filius vnus Deus sunt, licet distinctæ personæ quarum vna alteri obedit.* Hæc illi. Qui qua modestia præditi sunt, eodem pollent acumine. Nos autem quia scimus vnitatem Deitatis cum sola personarum distinctione credi ab omnibus fidei Catholicæ professoribus, ideo tanquam exploratum errorem notauimus dogmata Aduersariorum, ex quo sequitur Deitatem filij distingui à Deitate Patris, & proinde filium non esse verum Deum, neq; Patri consubstantialē. argumentum verò, quo id sequi demonstrauimus, Aduersarij nō soluerunt. quod enim illi exponunt, Christus vt Deus obediuit Patri, idem esse, ac si diceretur, Christus vt persona diuina obediuit Patri, vt alteri personæ diuinæ, nullo modo defendi potest. siquidem illa particula reduplicans, vt, non reduplicat suppositum, sed formam. neq; enim dubium est, omnes actiones esse suppositorum siue personarum, & ideo non ponuntur reduplicantes particulæ ad notandam personam, siue suppositum; sed quia dubium esse potest, secundū quam formam suppositum agat, quando plures habet formas, ideo per reduplicatē particulam significatur ea forma,

secundum quam suppositum agit. Itaq; sicut qui dicit, Petrus ut Musicus canit, ut Medicus curat, ut homo ratiocinatur, significat illam personam, quæ dicitur Petrus secundum scientiam musicam canere, secundum scientiam medicinæ curare, secundum rationalitatem, ut sic loquamur, ratiocinari; ita qui dicit, Christus ut Deus obedit Patri, significat Christum, qui est persona diuina, obedire Patri secundum Deitatem. Et quoniam qui obedit distinguitur ab eo, cui obedit, sequitur ut Christus, qui obedit Patri secundum Deitatem, distingatur à Patre secundum Deitatem. Quod si filius distinguitur à Patre secundum Deitatem, euidenter sequitur, ut dux sint Deitates Patris & Filij, & alius Deus sit Pater, alius Deus sit Filius: quemadmodum ex eo, quod Filius distinguitur à Patre secundum personalitatem, rectè colligunt omnes Theologi duas esse personalitates Patris & Filij, & aliam personam esse Patrem, aliam personam esse Filium. Hoc igitur est argumentum, quod soluere debuissent Theologi illi Vvitterbergenses. Sed ut videtur, argumenti vim non perceperunt, cum tamen tam acuti videri velint, ut eorum comparatione cæteri omnes Alini dici possint.

Nec multò feliciter ab altero nostro argumento se expediunt. His enim verbis alterum argumentum nostrum proponunt. *Rursus qui obedit, minor est illo, cui obedit, nam imperare superioris, obedire inferioris est. Ergo si Christus ut Deus Patri obedit: ut Deus, minor est Patre, & mentitur Symbolum Arianis cum ait: Aequalis Patri secundum Diuinitatem, minor Patre, secundum humanitatem.* Respondent autem hoc modo: *Hæc ratio locum habet in ijs personis quæ non sunt eiusdem dignitatis: ubi hæc imperat, illa necessitate quadam patet etiam inuita, cum Christo autem eiusque obedientia res se aliter habet. Pater enim filio ut Deus non imperauit, ut coactus humanam naturam sumeret: Sed filius Dei sponte, & libere hoc fecit secundum æternum decretum totius Trinitatis, quocirca etiam Filij Dei obedientia alia est, quam obedientia subditi erga suum Magistratum.* Nouam hic audiuimus Theologiam, nouam Philosophiam, nouam vocabulorum acceptionem. hætenus enim obedientia virtus fuit, qua subditus superioris sui mandatum implet. Inter personas eiusdem prorsus dignitatis, atq; adeo in omnibus æquales inauditum est esse veri nominis obedientiam, cum par in parem non habeat imperium, vel potestatem. Certe B. Paulus ad Ephes. 6. scribit, *Filij obedite parentibus.* & rursus, *Serui obedite dominis.* Et ad Heb. 13. *Obedite Præpositis vestris, & subiaceite eis.* & ratio horum omnium est; quia Præpositus maior est subdito, dominus maior est seruo, Pater in humanis maior est Filio, quia senior, quia prudentior, quia causa. & S. Augustinus serm. 6. de verbis Domini scribit, obedientiam superioribus esse præstandam, sed illo ordine, ut semper maiores minoribus anteponan- tur, ita ut filij parentibus obediant, quia parentes maiores sunt filijs, sed magis patriæ, quam parentibus, quia patria parentibus maior est, & magis Deo, quam patriæ, quia Deus maior est, quam patria. sic etiam obediendum docet curator, sed magis Proconsuli, quam curator; magis Imperatori, quam Proconsuli, magis Deo, quam Imperatori. nec difficile esset multa huiusmodi testimonia proferre, nō solum ex scripturis sanctis, & veteribus Patribus, sed etiam ex Philosophia, alijsq; scriptoribus profanis, apud quos semper obedientiæ, quasi e regione responder imperium, & obedientia subdito, imperium Principi tribuitur. Neque rectè Aduersarij obedientiam respondentem imperio non agnoscunt, nisi in ijs, qui parent inuiti. quasi vero non sit illa vera &

A laudabilis obedientia, qua subditus libenter Principi suo patet. Quæ cum ita sint, nisi Aduersarij vocabulis abuti, & obedientiæ nouam definitionem assignare velint, omnino coguntur aut admittere cum Arianis, Christum secundum Diuinitatem esse Patre minorem, si Christum secundum Diuinitatem Patri veram obedientiam exhibuisse contendunt: aut negare debent Christum secundum Diuinitatem Patri obediuisse, si cum Catholicis æqualem Patri filium secundum Diuinitatem esse voluit.

Sed ineptissima præter cæteras est responsio ad argumentum tertium. Sic enim argumentum nostrum tertium ipsi proponunt. *Ad hæc secundum illam naturam Christus obediuit, secundum quam mortuus est; nam ipsa mors obedientia fuit summa, & absolutissima; At non est mortuus Christus secundum Diuinitatem, sed solum secundum carnem: ergo nec secundum Diuinitatem, sed solum secundum humanitatem obediuit Patri.* Respondent his verbis: *Voces istæ, secundum, causam indicant propter quam filio Dei adscribitur quod humanitatis proprium est: & vitiosum cur Deitatis propria Homini tribuantur, quia enim non duo, sed unus duntaxat Christus est, in quo due diuersæ naturæ ætissime & intime, unitæ sunt: idcirco hæc due naturæ, omnes istius personæ operationes, passiones, & gloriam quoque inter se communicant, &c.* Mirum est valde cur non animaduertant ex hac responsione sua non solui, sed confirmari argumentum nostrum. nam si vox &, id est, secundum, indicat causam, cui tribuatur filio Dei, quod proprium est humanitatis, & homini Christo, quod proprium est Diuinitatis, certe non licet dicere, filius Dei secundum Diuinitatem mortuus est, sicut non licet dicere, Christus homo secundum humanitatem creauit mundum: sed hoc modo dicendum est: Filius Dei secundum humanitatem mortuus est, & Christus homo secundum Diuinitatem mundum creauit. causa enim cur filio Dei mors tribuatur, non est Diuinitas, sed Humanitas, & causa cur mundi creatio tribuatur homini, non est Humanitas, sed Diuinitas, ut Aduersarij in sequenti pagina confitentur, & res ipsa per se clamat. Quid igitur opus est, ut nos in eorum errore confutando laboremus, cum ipsi tam aperte secum pugnent, & sententiam suam sua responsione confutent? Quod vero paulo post addunt, nos cum Nestorianis negare, Christum Deum esse natum, passum, mortuum: mera calumnia est. Nos enim etsi negamus, Christum ut Deum siue secundum Diuinitatem, passum & mortuum esse; tamen Christum Deum passum, & mortuum libentissime confitemur. Denique (ut hunc locum aliquando concludamus) id vnum ab aduersarijs peto, & quando quidem ipsi in extremo libro refutationis huius, prouocant omnes Iesuitas ad disputationem cum ea conditione, ut sola scriptura diuina sit iudex; proferant vnum locum ex toto veteri aut nouo testamento, ubi habeatur, B. Mariam Matrem esse Christi ut Dei, & Christum ut Deum, siue quod est idem, secundum Deitatem, obediuisse Patri, aut passum, & mortuum esse. Hætenus enim non protulerunt, nisi illa, *Sanguis Iesu Christi Filij Dei emundat nos ab omni peccato.* 1. Ioan. 1. & illud, *Non misit Deus filium suum in mundum, ut iudicet Mundum, sed ut saluetur Mundus per ipsum.* Ioan. 3. & illud, *Ecce venio, in volumine libri scriptum est de me, ut facerem voluntatem tuam Deus meus volui, & lex tua est in medio cordis mei.* Sed neq; in his locis, neque vsquam alibi inuenient suas illas verborum nouitates. Vel certe sicut nos illis ostendimus scriptum esse 2. Corinth. 13. *Christus excrucifixus est ex infirmitate;* id est, ex ea parte qua erat infirmus, & passibilis, nimirum ex

Humanitate & ad Rom. 1. *Qui factus est ei ex semine David secundum carnem.* & denique 1. Petri 4. *Christo igitur in carne passio*: ita nobis ipsi vicissim legant alicubi scriptum esse. Qui crucifixus est ex virtute, id est, ex ea parte, qua erat impassibilis, nimirum ex Diuinitate. Vel, Qui factus est ei ex semine David secundum Diuinitatem; Vel, Christo igitur in Deitate passio. Quod cum ostendere non possint, intelligant se, Iudice scriptura, ad quam appellauerunt, omnino causa cecidisse. Reliqua omnia, quæ ad errores pertinent, omittenda censui, quoniam superioribus similia sunt, & mihi propositum est, non ad refutationem respondere, sed id solum ostendere, refutationem indignam esse, cui respondeatur.

In postrema libelli mei parte notavi mendacia libri Concordiæ, quæ tam perspicua sunt, ut mirum sit ausos fuisse Aduersarios refutationem eorum aggredi. Sed quàm apte responderint, vno exemplo, vel altero demonstrabimus.

In 21. articulo Confessionis Augustanæ habentur hæc verba, *Hæc fere summa est doctrina apud nos, in qua cerni potest, nihil inesse quod discrepet à Scripturis, vel ab Ecclesia Catholica, vel ab Ecclesia Romana, quatenus ex scriptoribus nota est.*

In his verbis notavi mendacium contineri. Quoniam in hoc ipso artic. 21. docent non esse inuocandos sanctos: & tamen non ignorat in Ecclesia Catholica veteri, & in Ecclesia Romana, ut nota est ex veterum scriptis, sanctos passim inuocatos fuisse, ac ut mendacium hoc tegi non posset, citavi in meo libello testimonia expressa pro inuocatione sanctorum Eusebij, Basilij, Chrysostomi, Græcorum; & Ambrosij, Augustini, Ruffini, Latinorum. Addidi testimonia sancti Leonis Papæ, ut inde fides Ecclesiæ Romanæ veteris cognosceretur; & testimonium Prudentij ipso Leone antiquioris, qui testatur Romanam Ecclesiam consuevisse sanctos inuocare. Respondent in hac sua refutatione, testimonia veterum Patrum, quæ nos adduximus, pugnare cum diuino mandato, *Inuocame, & Dominum Deum tuum adorabis;* & ideo veritati confessionis ipsorum nihil derogare. At nostra quaestio non est, an Patres vera scripserint, quamquam & hoc nullo negotio defendi potest, sed an scripserint, id est, an testentur, Ecclesiam sui temporis, quam veram Ecclesiam, Catholicam fuisse Aduersarij confitentur, sanctos inuocasse; Cum autem affirmant Aduersarij, Patres antiquos docuisse inuocationem sanctorum, eosque accusent, quod id fecerint contra mandatum Dei, quomodo non mœtuntur, vel mendacium non confirmant, cum dicunt, & repetunt doctrinam suam, quæ prohibet inuocationem sanctorum, à doctrina Ecclesiæ Catholice veteris non dissidere? Deinde ut probent in Ecclesia Romana veteri non fuisse usum inuocandi Sanctos, adducunt vnum testimoniū Ambrosij ex commentario in c. 1. ad Roman. Vbi videtur Ambrosius damnare Inuocationem Sanctorum, cum tamen constet Ambrosiū esse Doctorem Ecclesiæ Romanæ. Sed multis modis respondere possumus. Nam primo auctor eorum commentariorum non damnat inuocationem sanctorum, sed errorem quorundam Gentilium, qui docebant Deum immediate adiri non posse, sed necessario per quasdam inferiores virtutes cœlestes, ad eundem esse. Secundo commentaria illa à viris doctis non tribuuntur Ambrosio. Tertio, Ambrosius in libro de Viduis, quem nemo negat Ambrosij esse, apertissime docet inuocationem Sanctorum, atque adeo aperte, ut Aduersarij hoc loco Ambrosiū hoc nomine reprehendant, quod contra verbum Dei sanctos inuocandos esse docuerit. Quarto Ambro-

sius nusquam dicit in Romana Ecclesia non inuocari sanctos. & contra Prudentius, qui æqualis Ambrosio fuit, disertis verbis in hymno de S. Laurentio Romanam Ecclesiam inuocare sanctos solitam esse testatur, atque idem testatur S. Leo Papa Romanus. Quæ omnia cum Aduersarij sciant, & saltem in nostro libello legerint, qua fronte mendacium excusare possunt, quo affirmant doctrinam suam ab Ecclesia Romana veteri non discrepare? Atque hoc de inuocatione sanctorum exempli loco posuimus. Nam alioqui plurima sunt in Confessione Augustana, quæ manifestè discrepant à Romana Ecclesia, quæ ante mille annos & eo amplius florebat.

In eadem Confessione Augustana, in articulo de Missa, habentur hæc verba: *Falsò accusantur Ecclesiæ nostræ quod Missam aboleant: retinetur enim Missa apud nos, & summa reuerentia celebratur.* In his verbis evidens mendacium contineri probavi in meo libello ex articulis Smalchaldicis, qui vnà cum Confessione Augustana describuntur, & approbantur in eodem libro Concordiæ, nam in articulis Smalchaldicis, Missa ut res commentitia, & figmentum humanum, vel potius ut cauda draconis abroganda, mādatur. Respondent in Refutatione, per Missam quæ secundum Confessionem Augustanam in Ecclesiis Lutheranorum retinetur, intelligi distributionem Sacramenti, non autem sacrificium pro viuis & mortuis: per Missam, quæ in articulis Smalchaldicis damnatur ut res commentitia, figmentum humanum, & cauda draconis intelligi Missam Papisticam, quæ dicitur esse sacrificium pro viuis & defunctis. At hanc refutationem ego ante præuideram, & ideo in meo libello addideram, non accusari à nobis Lutheranos, quod abrogauerint distributionem Sacramenti, sed quod sustulerint sacrificium quod in Ecclesia Catholica sub Missæ nomine celebratur. Itaq; hoc Dilemmate usus sum, Si per Missam intelligitis Cœnam Domini, mendacium est quod acculemini, si verò intelligitis sacrificium, mendacium est quod falsò acculemini. Ad hoc nostrum dilemma non potuerunt in Refutatione aliud respondere, nisi Missam à se abrogatam non esse, quia ipsa Cœna Dominica nonnullis in locis apud Lutheranos adhuc Missæ nomen retinet, quamuis nullum in ea sacrificium offeratur. At non de nomine, sed de re quaestio est. Nec; Lutherani à Catholicis accusantur, quod Missæ nomen abolerent, sed quod Missam ipsam, qualem ante Lutheri tempora per multa sæcula Germani sacerdotes celebrauerant, iam non solum non celebrent, sed etiam ut idololatriam & Sacrilegium execrentur. Quare eodem dilemmate uti possumus, Si per Missam intelligitis vocabulum Missæ cœnæ Dominicæ accommodatum, mendacium est quod acculemini: sin autem rem ipsam, quæ Missa dicebatur ante Lutheri tempora, id est, sacrificium corporis Domini pro viuis & defunctis oblatum, mendacium est, quod falsò acculemini.

Addam & tertium exemplum, In eadem Confessione Augustana, & ex ea in lib. Concordiæ habentur hæc verba: *Augustini tempore Monasteria erant libera colligia: postea corrupta disciplina vbique addita sunt vota, ut tanquam excogitato carcere disciplina restitueretur.* Hoc manifestum esse mendacium probavi ex ipso Augustino, qui sic loquitur in explicatione Psalm. 75. *Nemo positus in Monasterio frater, dicat, Recedo de Monasterio: neque enim soli qui sunt in Monasterio perueniunt ad Regnum cœlorum, & illi qui ibi non sunt ad Deum non pertinent. Respondetur ei, Sed illi non voverunt, in vovisti.* & in Psalm. 99. *Dum*

non perseverauerit implere quod voluit, sis desertor tam sancti propositi, & reus voti non reddisi. Respondent in Refutatione, falso accusari mendacii suam Confessionem Augustanam, & reddunt rationem, quia sanctus Augustinus in eadem explicatione Psal. 99. significat, eodem loco habitas Virgines sacras, quæ in Monasterio debebant, & alias, quæ in proprijs ædibus versabantur. Secundo, quia idem sanctus Augustinus in libro de bono viduitatis, ca. 10. & 11. dicit, se non probare illorum opinionem, qui dicunt lapsum à sancto proposito fœminarum, si nupserint, adulteria non coniugia esse. Tertio, *Quia Confessio Augustana, cum dicit, Augustini tempore Monasteria fuisse libera collegia, & sine votis, non loquitur de votis in genere, sed de votis in Papatu visitatis, quibus puella, & iuvenes ante iustam ætatem implicati & constructi in vinculis istis, & contra verbum Dei, & conscientiam manere coacti sunt.* At hoc quid aliud est, nisi fugere recta veritatis, & in laqueos falsitatis incurrere? Primum enim falsum est, quod eodem loco habitæ fuerint Virgines Deo sacrae, quæ in Monasterijs, & quæ in domibus proprijs versabantur. Nam quæ in domibus proprijs versabantur, solo voto castitatis obstrictæ erant, quæ in Monasterio debebant, vouerant præter castitatem etiam vitam communem, ut idem Augustinus in utroque loco à nobis allegato scribit. Deinde S. Augustinus dicit quidem in libro de bono viduitatis, videri sibi coniugia post votum castitatis non esse adulteria, sed vera cōiugia, tamen addit in eodem loco esse sacrilegia, adulterio ipso peiora: proinde nō vult, liberum illis fuisse post votum nubere, nisi sacrilegia adulterijs peiora libera esse debeant; Adde quod Augustinus eo loco de voto castitatis simplici loqui videtur, non de voto castitatis solenni, quale est illarum, quæ ut mūdo omni ex parte mortuæ, in Monasterijs vitam communem sub obedientia profitentur. Deniq; falsum est, quod in Ecclesia Catholica ante iustam ætatem iuvenes aut puellæ seruare cogantur vota temere emissæ. Contrarium enim cauetur in antiquis Concilijs, & in ipso iure Canonico, & demū idem renouatum cernimus in Concilio Tridentino, Sess. 25. c. 15. & 17. de Regularibus. Sed illud omnem impudentiam superat, quod verba Confessionis Augustanae generalia, perspicua, diserta, quibus asseritur tempore Augustini Monasteria fuisse libera collegia, & postea ob corruptam disciplinam, addita fuisse vota, per nouam glossam restringere velint ad vota emissæ ante iustam ætatem. Sed veniā damus pudori, voluerunt enim aliquo saltem imaginario pallio Patrum suorum verenda contegere. quamuis si quis eos vrgeret, ac peteret, an vota monastica emissæ iusta ætate necessario seruanda sint, ex doctrina S. Augustini, & exemplo veteris Ecclesiæ, in maiores angustias credo, redigerentur, nec scio, qua ratione Lutheri, Catharinæ, Bucerii, Petri Martyris, totq; aliorum suorum Principum apostasiam defenderent. Sed his ommissis, veniam ad id, quod in principio, in medio, in fine totius Refutationis, atque adeo in singulis fere paginis libri sui repetit & inculcant ad nauseam usque. Quoniam enim ad tot mendacia illis obiecta quid solidi responderent, non inueniebant, excogitauerunt callidū sane consilium, ut Iesuitis inuidiam eo nomine constarent, quod ausi sint Illustrissimos Principes mendacii coarguere. Ita enim deriuata mendaciorum infamia à se in Principes, id futurum

A sperauerunt, ut quod ipsi rationibus non possent, notam videlicet mendaciorum eluere, id Principes auctoritate præstarent. Ego vero sanctè affirmare possum, nunquam mihi in mentem venisse, ut Illustrissimos Principes, quamuis à Religione Catholica alienos, mendacii reprehenderem. Illorum esse mendacia, quæ retuli, semper existimaui, qui Confessionem Augustanam, qui Apologiam, qui librum Concordiæ confecerunt, id est Philippi, Smiddelini, & paucorum aliorum Theologorum. Isti enim sunt, qui sciebant, vel certe scire poterant & sciuisse præsumuntur falsa esse, quæ dicebant, & scribebant; Atque hoc est esse mendacem. Principes, & populi, quorum munus non est libros euoluere, quique suis Theologis crediderunt, seducti, circumuenti, decepti dici possunt, mendaces dici non possunt. At (inquiunt aduersarij pag. 62.) idcirco Iesuita non solo fædo illo mendacii nomine contenti, adiuncto epitheto illustre mendacium vocarunt, hoc est, vanitatem, & mendacium Principum, probe namque nouerunt vocem hanc, illustre, in lingua Latina, præcipue erga Principum personas usurpari. Responderem profecto illustrem hanc esse calumniam, nisi timerem, ne id etiam detorquerent ad Principum iniuriam. Ego igitur in Cicerone, alijsque bonis linguæ Latinæ auctoribus frequentissime legi (illustre) pro dilucidio, & perspicuo, pro verbo, vel factio Principis nunquam legi. Illustre periurium est in oratione Ciceronis, de Haruspicio responsis. quod si Aduersarij nostri periurium hominum illustrium, id est, principum interpretentur, quis non rideat? Ita igitur Iesuitæ de mendacijs Principum ne cogitantes quidem, illustria dixere mendacia Philippi Melanchthonis, aliorumque similium Sectariorum, quomodo Tullius illustre periurium, quod perspicua, manifesta, clarissima essentiam ut idem ait Cicero in Partitionibus, illustre aliquanto plus est, quàm dilucidum. At, inquiunt, verba illa præfationis Concordiæ in quibus mendacia notantur, Principum verba sunt. Verba quidem illa ita scripta sunt, ac si à Principibus dicerentur, sed à Theologis composita, & cōscripta sunt. Principes enim nomine suo præfationem illam edi voluerunt, quo liber Concordiæ plus auctoritatis haberet. Sed quemadmodum decepti sunt, non autem mentiti, cum Concordiæ subscripserunt, quia vera esse crediderūt, quæ in ea continebantur: ita quoque cum præfationem à Theologis cōfectam suo nomine typis mandari voluerunt, non ipsi mentiti esse dicendi sunt, quamuis in ea præfatione multa sint falsa, sed ii, qui scientes falsa esse, nō veriti sunt ea conscribere. Quæ cum ita sint, si Principes Lutherani rectè iudicare voluerint, non de Iesuitis queretur, à quibus nulla iniuria sunt affecti, sed Theologis suis merito irascantur, atque ab his dignas pœnas reposcant, qui ipsis ita imposuerunt, ut errores grauissimos, mendaciaque clarissima pro veritate eis obtruserint. Quod autem ad libellum meum attinet, is magnas agit Aduersariis gratias, quod cum antea ab Auctore suo neglectus, sola Typographi benignitate lucem aspiceret, nunc tantorum virorum summo conatu, totisque viribus oppugnatus, & nihil tam læsus, cuius rei iudicium æquis lectoribus libere libenterque permittitur, ab Auctore proprio, non solum pro suo agnitus, eiusque iussu editus, sed etiam inter alios eius libellos optimo loco sit collocatus.

Apologiæ Finis.



INDEX LOCORVM

SACRÆ SCRIPTURÆ,

Quæ hoc Quarto Tomo Controuersiarum explicantur.

Numerus primus capita Bibliorum, secundus vero paginas indicat.

EX VETERI TESTAMENTO.

GENESIS.

Cap.	Colum.
P RODUcant aquæ reptile animæ viuens, & volatile super terram. 121 c	
Producat terra animam viuentem in genere suo, iumenta, & reptilia, & bestias. ibid.	
Creauit Deus hominem ad imaginem & similitudinem suam. 7 c. 173 c. 281. a, & seq.	
Masculum & feminam creauit eos, & dixit, crescite & multiplicamini. 35. c. 174 c. 191. d. 193 a 135. c. 241 c	
Dominamini piscibus maris & volatilibus cæli. 34. a. b. 38. c	
Vidit Deus cuncta quæ fecerat, & erat valde bona. 119. a 167 c	
Quomodo Deus omnia finiuisset sex diebus. 38. a. b. cum seq.	
Quo die creatus sit homo. 38 b. 241. c	
2 Inspirauit in facie eius spiraculum vitæ. 11 b. & 38. b. 242 d	
Plantauerat autem Dominus Deus paradysum voluptatis à principio & in eo posuit hominem quem formauerat. 36. c. d. 38. b. d	
Fluuus egrediebatur de loco voluptatis ad irrigandum paradysum, quinde diuiditur in quatuor capsa, nomen vni Phison, &c. 36. d. & c. 41 c. 42 b. 12. a. b	
Flumina paradysi. 36. d. c. 37 a 41 a, & seq.	
De omni ligno comede. 34. b. 12 a	
Quacunque die comederis morte morieris. 9 b. 31. c. 71 d, 174. d. 175. a. 188 d 89 a. 94. c. 191 a 211. c. 259 c. 281 c	
Dixit Deus non est bonum hominem esse solum, faciamus ei adiutorium simile sibi. 193 b	
Hoc nunc os ex ossibus meis, & caro de carne mea, & propter hoc relinquet homo patrem, &c. 193 a	
Relinquet homo patrem & matrem, & adhærebit vxori suæ & erunt duo in carne vna ibid. & 93 b	
Erant autem ambo nudi, & non erubescabant. 8 c. & 9 a	
1 Cur præcepit vobis Deus, &c. 181. c. 389. a	
Nequaquam moriemini, scit enim Deus quia quacunque die comederitis aperientur oculi vestri, &c. 171. d. c. 81. d	
Eritis sicut Dij. 181 c. 81. d. 184. a. 189. a	
Vidit lignum quod esset pulchrum visu & ad vescendum suauis. 189. b	
Sumpsit de fructu & manducauit. ibid.	
Attulit viro, qui & ipse comedit. ibid.	
Quomodo Adam & Eva absconderunt se in paradiso. 36 c	
Comedisti de ligno, de quo præceperam ne comederes 189 b	
Mulier quam dedisti mihi sociam, dedit mihi. 189. b. c	
Dicitur Eux, quare hoc fecisti. serpenti, quia hoc fecisti. 361. b	
Serpens decepit me. 176. d. 189. c. e. 10. c	
Quia fecisti hoc, maledictus es inter omnia animantia & bestias terræ, super pectus tuum gradieris, & terram comedes cunctis diebus vitæ tuæ. Inimicitias ponam inter te, & mulierem, & semen tuum, & semen illius, ipsa conteret caput tuum, & tu insidiaberis calcaneo eius 195. a. b. & seq.	
Mulieri quoque dixit, multiplicabo ærumnas tuas, & conceptus tuos, in dolore paries filios, & sub viri potestate eris, & ipse dominabitur tui. 191. c. 193. d. c	
Quia audisti vocem vxoris tuæ, &c. 180. b. 190. b	
Maledicta terra in opere tuo, in labore comedes ex ea cunctis diebus vitæ tuæ spinas & tribulos germinabit tibi, & comedes herbas terræ: in sudore vultus tui vesceris pane tuo. 194. b. 184. a. 378. c. 699. c	
Pulvis es, & in puluerem reuerteris. 10. a. 33 a. 35. c. 190 c. 194. c	
Ecce Adam sicut vnus ex nobis factus est. 181. c. 190. c	
Ne forte sumas de ligno vitæ. 49 d. cum seq.	
Et viuatis æternum. 50 c. d. c	
Tunc aperti sunt oculi amborum. 271. a	
4. Adam non cognouit Eux, nisi post eiectionem ex Paradiso. 174. c	
Genuit filium ad imaginem suam. 181. a	
Respexit Deus ad Abel & munera eius. 997 a. 1170. a	
Quare iratus es & quare conceidit facies tua, nonne si bene egeris, recipies sin autem malè, statim in foribus pecca-	

tum tuum aderit? Sed sub te erit appetitus eius, & tu dominaberis illius. 561 b. 643 c. d. & seq.	
Sub te erit appetitus eius, & tu dominaberis illius. 561 b. 604 c. 605 a. 643. c. e. & seq. 659 c	
Egressusque Cain à facie Domini, habitauit profugus in terra ad Orientalem plagam Eden. 43 c.	
6. Figmentum cordis esse malū 277. b. d. 287 b. 315. a. 690. b. 611. c	
Noe vir iustus atque perfectus fuit. 590. c. 612. a. 810 b. & seq.	
Omnis caro corruerat viâ suâ 277. d. 590 c. 612. a. 619. c. 961 b	
Non permanebit spiritus meus in homine quia caro est. 47. b	
7. Mortui sunt vniuersi homines, remansitque solus Noë & qui cum eo erant in arca. 46. b. c	
8. Figmentum cordis humani malum est ab adolescentia sua. 277. a. 289. a. 315. a	
9. Terror vester ac tremor sit super omnia animantia terræ, & super omnes volucres cæli, & cuncta quæ mouentur in terra. 315. c. d	
15. Credidit Abraham Deo, & reputatum est ei ad iustitiam 730 c. 785. a. b. 786. d. 791. d 917. b. d. e. 958. a. b	
Ego protector tuus sum, & merces tua magna nimis. 970. a	
10. Ambula coram me & esto perfectus. 68 c. 940. b. 941. c	
Pater multarum gentium posui te. 225. a. 238. c. 363. c. 752. c. 931. b	
Ero Deus tuus, & seminis tui. 233. c. 254 a. b	
11. Cur Abraham non celebrauerit filii sui diem natalem, sed diem ablaſtationis. 233. a	
22. Tentauit Deus Abraham ad probandum eum. 110. d	
Nunc cognoui quod timeas Dominum. 88. a	
In semine tuo benedicetur oēs gētes. 22. a. 363. c. 946. c. 1030 c	
40. Pharaō celebrat conuiuium in die natiuitatum suorum. 235. a	
43. Det vobis Deus inuenire misericordiam coram viro. 568 a	
45. Nolite pauere, neque durum vobis videatur, quod me vendidistis in his regionibus. Pro salute enim vestra misit me Dominus ante vos. 119. a	
Non vestro consilio, sed Dei voluntate, hac missus sum. 118. b & seq. 120 a	
46. Omnes animæ quæ egressæ sunt de femore Iacob, fuere sexaginta sex. 243 c	
50. Nolite timere, num Dei possumus resistere voluntati? 118. b 129. b. c	
Vos copitastis de me malum, sed Deus vertit illud in bonum ut exaltaret me, & saluos faceret multos populos. 128 c	
Te vidi iustum coram me in generatione hac. 817. c	

EX ODVS.

Cap.	Colum.
1. Quia timuerunt obſterrices Deum, edificauit illis domos. 606. a	
7. Indurauit Dominus cor Pharaonis. 143 c. 144. a. 589. c	
8. Quare puniantur indurati & excecati. 142. a	
Videns Pharaō quod data esset requies, ingrauiuit eum, & non audiuit eos sicut præceperat Dominus. 143. c	
9. Idcirco autem posui te vt ostendam in te fortitudinem meam, & naretur nomen meum in omni terra. 130. a. 135. c	
Videns Pharaō quod cessasset pluuia & grando, & tonitrua, auxit peccatum & ingrauiatum est cor eius, & seruatorum illius, & induratum est nimis. 139. c. 141. c. 144. a. 589. c	
Peccaui, Dominus iustus, ego & populus meus impij. 389. b. c.	
12. Dominus dedit gratiam populo coram Aegyptijs, &c. 570. b	
14. Vigilia matutina quid? 109. c. & seq.	
10. Non mœchaberis, non occides, non furaberis. 60. b. 637. c	
Honora parentes. 60. b. 637. c	
Non mœchaberis, & non concupisces vxorem proximi tui, sunt duo mandata. 81. a	
Ego sum Dominus Deus tuus fortis, Zelotes, visitans peccata patrum in filios in tertiam & quartam generationem 222. b. 270 b. 630. b	
Non concupisces. 301. b. & seq. 596. c	
Qui reddis peccata patrum in filios in tertiam & quartam	

INDEX LOCORVM.

generationem,	270. b
17. Munera cæcæcant oculos sapientum.	143. b
32. Dimitte me vt irascatur furor meus.	1048. c, & seq.
LEVITICVS.	
Cap.	Colum.
5. Anima quæ retigerit aliquid immundum, &c.	245. d
Si peccauerit anima, & audierit vocem iurantis.	ibid.
NUMERI.	
Cap.	Colum.
13. Ibi vidimus monstra quædam filiorum Enach de genere Giganteo, quibus comparati quasi locustæ videbamur.	198. c
14. Amalec & Chananeus ante vos sunt, quorum gladio corruetis, eo quo nolueritis acquiescere Domino.	640. b
22. Quomodo Balaam Asina locuta sit.	17. c
30. In arbitrio viri erit vefacias. vel non faciat.	560. a, c
DE VETERONOMICVM.	
Cap.	Colum.
1. Filij tui, qui hodie ignorant distantiam boni & mali	286. b
Addat Deus ad hunc numerum multa milia	239. a
1. Indurauerat Dominus spiritum Schon.	139. c
9. Peccatum vestrum quod feceratis, id est vitulum, igne combussit, & in frusta comminuens, in puluerem redegi.	308. b
18. Tu autem perfectus eris coram Domino Deo tuo	68. c
17. Maledictus omnis, qui non permanserit in omnibus, quæ scripta sunt in libro legis huius.	2. a, 39. b
18. Dabo vobis cor pauidum, & oculos deficientes.	30. a
30. Mandatum hoc quod ergo præcipio tibi, hodie non iurate, neque proculpositum.	598. c, c, 840. b, & seq.
Confidera quod hodie posuerim in conspectu tuo vitam & bonum & contrario mortem & malum: Et infra: Testes inuoco cælum & terram, quod proposui vobis vitam & mortem, benedictionem & maledictionem; Elige ergo vitam vt & tu viuas, & semen tuum.	646. c
Circumcidet Dominus cor tuum, & cor seminis tui, vt diligas Dominum Deum tuum in toto corde tuo, & in tota anima tua	598. d, 641. b, 641. a, 713. c, 740. b
32. Dei perfecta sunt opera.	841. c
Deus fidelis, & abique vlla iniquitate.	119. b, c
IOSVE.	
Cap.	Colum.
10. Stetit Sol in medio cæli obediente Deo voci hominis.	1049. a
11. Domini sententia fuerat vt indurarentur.	119. c
14. Heoron ante vocabatur Carath Arbe: Adam maximus ibi inter Enachim situs est.	198. c
14. Optio vobis datur, cui seruire potissimum debeatis.	560. c
646. c	
LIBER IV DICVM.	
Cap.	Colum.
7. Vigiliæ noctis medix quid significant.	1060. a
10. Ieiunauerunt illa die vsque ad vespem.	1091. a
Cap.	Colum.
LIBER I REGVM.	
2. Dominus mortificat & viuificat.	139. b, 483. c
Non audierunt vocem patris tui, quia voluit Dominus occidere eos	139. c, 148. a, 568. b
10. Certè videris quem elegit Dominus quoniam non est illi similis in omni populo.	139. c, 899. c
Abiit cum eo pars exercitus, quorum retigerat Deus corda.	508. b
12. Irruit super eum spiritus Domini.	568. a
12. Peccauit populus in petendo Rege, & ideo occasio eligendi Saulem non fuit à Deo.	119. c
21. Scribat Deus futurum vt David proderetur, si maneret in Ceilam, & tamen, quia non mansit, non fuit prodixit.	157. d
28. Quomodo dicitur samuel apparuisse Sauli.	245. d
LIBER II. REGVM.	
12. David correptus à Natan propheta.	142. d, c, 839. a
Hæc dicit Dominus, ego suscitabo super te malum de domo tua, & tollam vxores tuas in oculis tuis, & dabo proximo tuo, & dormiet cum vxoribus tuis in oculis Solis huius. Tu enim fecisti abscondire, ego autem faciem verbum istud in conspectu omnis Israël & in conspectu Solis huius.	145. c, d
16. Dominus præcepit Semei vt malediceret David.	135. a, 137. d, 143. b
27. Quomodo Absalon Dei prouidentia deceptus.	144. c
24. Addidit irasci furor Domini contra Israel, commouitque David in eis dicentem. vade, numera Israel	135. a, 137. c, d
Cap.	Colum.
LIBER III. REGVM.	
1. Quia postulasti verbum hoc, & non postulasti diuitias, aut animas inimicorum tuorum, sed postulasti sapientiam, &c.	560. d
4. De Eliseo reuocante mortuum puerum ad vitam.	24. c
8. Inclinet cor nostrum ad se Dominus, vt seruemus mandata eius.	670. c

10. A Deo fuisse rebellionem Hieroboam contra Roboam.	138. b, c
11. Si audieris omnia quæ præcepero tibi, & ambulaueris in vijs meis, & feceris quod rectum est coram me, custodieris mandata mea, & præcepta mea, sicut fecit David seruus meus, ero tecum, & ædificabo tibi domum fidelem, quomodo ædificavi David domum.	ibid.
12. Semeias iussus à Deo dixit ad Roboam, non ascendetis, neque bellabit, contra fratres vestros, filios Israel. A me enim factum est verbum hoc.	138. c, d
Non acquieuit Rex populo, quoniam auersatus cum fuerat Dominus.	140. a, 568. a
14. David in toto corde suo secutus est Deum.	940. d
17. De puero reuocato ad vitam ab Helia.	24. c, 50. b
Quid mihi & tibi vir Dei? intraisti ad me vt interficeres filium meum.	638. b
21. De deceptione Achab, dixit Dominus spiritui malo, decipies & præualebis, vade & fac ita.	130. b, c, 131. c, & 135. a, 137. c
Cap.	Colum.
LIBER III. REGVM.	
9. Rebellio Hiehu contra Achab legitimum regem dicitur fuisse à Deo, & quomodo.	138. d, e
10. Quia studiosè egisti quod rectum erat, & placebat in oculis meis, & omnia quæ erant in corde meo fecisti contra domum Achab, filij tui vsque ad quartam generationem sedebunt super thronum Israel.	138. e
14. Nunquid liberauerunt Dig gentium singulos, quos vastauerunt patres mei, Goran, videlicet, & Charan & Reseph, & filios eodem, qui erant in Thalassar.	44. c
13. Iosias Rex ambulauit post Dominum, cum populo suo, & percussit scædus, vt ambularent post dominum, & custodirent præcepta eius, & testimonia, & caeremonias in omni corde, & in tota anima.	940. d
Cap.	Colum.
LIBER II. PARALIPOMENON.	
15. Vos ergo confortamini, erit enim merces operi vestro.	970. a
19. Impio præbes auxilium, & his qui oderunt Dominum amicitia iunges, & ideo iram Domini merebaris, sed bona opera inuenta sunt in te.	1021. c
10. Credite in Dominum Deum vestrum, & securi eritis.	730. b, c
Cap.	Colum.
LIBER II. ESDRÆ.	
9. Legerunt in volumine legis Domini Dei sui quater in die & quater constabantur, & adorabant Dominum Deum suum.	1045. e
Tu ipse domine Deus, qui elegisti Abraham & inuenisti cor eius fidele coram te, & percussisti cum eo scædus, vt dares eum terram Amorrhæi, & Iebusi, & impleuisti verba tua, quoniam iustus es.	1010. d, e
Cap.	Colum.
THOBIA S.	
.. Superbiam nunquam in tuo sensu; aut in vno verbo dominari permittas. In illa enim initium sumpsit omnis perditio.	176. a, b
Cap.	Colum.
HESTER.	
11. Non est qui possit tui resistere voluntati, si decreueris saluare, continuo liberabimur.	151. b, 540. a, 10. 9. b
Cap.	Colum.
IOB.	
1. Dominus dedit, Dominus abstulit.	135. b, 136. b
Eccæ vniuersa quæ habet, in manu tua sunt, tantum in eum non extendas manum tuam.	136. a
Extende manum tuam, & tange cuncta quæ possidet, nisi in faciem benedixerit tibi,	ibid. b
Erat vir ille simplex & rectus & timens Deum, & recedens à malo.	161. d
1. Tu autem commouisti me, vt affligerem eum frustra	ibid. b
3. Pereat dies in qua natus sum.	223. a
4. Quis vnquam innocens perii? aut quando recti delicti fui?	222. d
5. Homo natus ad laborem vt auis ad volandum.	384. a
9. Si iustus fuero, hoc ipsum ignorabit anima mea.	118. d
Si uenerit ad me non uideb o eum: si abierit non intelligam. Si iustificare me uolero, os meum condemnabit me, si innocentem me ostendero, prauum me comprobabit. etiamsi simplex fuero, hoc ipsum ignorabit anima mea. Verebar omnia opera mea, sciens quod non parceres delinquenti.	160. a, b, & seq.
Vere scio quod ita sit, & quod non iustificabitur homo compositus Deo.	961. b
10. Pelle & carnibus uestisti me.	154. c
11. Qui commutat labium veracium, & doctrinam senum aufert, qui immutat cor principis, & decipit eos vt frustra incedant per inuium, palpabunt quasi in tenebris & non in luce, & errare eos faciet quasi ebrios.	140. a, 144. b
14. Homo natus de muliere breui uiuens tempore, repletur multis miserijs, qui quasi flos egreditur & conteritur, & sicut velut umbra, & nunquam in eodem statu permanet.	384. c, d

Ipse constituit terminos, qui præteriri non possunt. 483. b
 Nemo mundus à sorde, nec infans, cuius est vnus diei vita super terram. 23. c, d, e, 228. c, 352. b
 Quis potest facere mundum de immundo conceptum tem-
 ne? nonne tu quis solus es? 213. d, e, 217. b, 266. b, 727. d, 856. b
 Breues dies hominis sunt, numerus mensium eius apud te est. 237. d, e
 15. Bibunt sicut equam iniquitatem. 380. d, e
 31. Quid faciam cum surrexerit ad iudicandum Dominus? &
 cum quaesierit, quid respondebo illi? 160. 2, 965. c
 36. Omnes homines vident Deum, sed vnusquisque intuetur
 procul. 149. c
 Cap. P S A L M I. Colum.
 1. Nouit Dominus viam iustorum. 486. c
 2. Ego autem constitutus sum rex ab eo super Syon montem
 sanctum eius, prædicans præceptum eius. 650. c, 676. c, 23. c
 Sacrificare sacrificium iustitiæ. 748. a
 4. Multi dicunt quis ostendit nobis bona? signatum est super
 nos lumen vultus tui Domine. 259. b, 586. b, 588. d
 Irascimini & nolite peccare. 950. d
 5. Non Deus volens iniquitatem tu es. 119. b, 149. d, 199. a
 8. Quid est homo, qui memor es eius, aut filius hominis,
 quia visitas eum? munuisti eum paulo minus ab angelis,
 gloria & honore coronasti eum, & constituisti eum super
 opera manuum tuarum. 20. b, c, 338. c
 Propter misertiam inopum, & gemitum pauperum, nunc exur-
 gam, dicit Dominus. 323. c, 314. a
 11. Omnes declinauerunt simul inutiles facti sunt, non est qui
 faciat bonum, non est vnusque ad vnum. 612. b
 14. Domine quis habitabit in tabernaculo tuo? aut quis re-
 quiescet in monte sancto tuo? qui ingreditur sine macula
 & operatur iustitiam. 69. a
 17. Preciosa in conspectu domini mors sanctorum eius. 123. b
 17. Ero immaculatus cum eo, & obsecrabo me ab iniquitate
 mea. 19. a
 18. Delicta quis intelligit? ab occultis meis munda me Do-
 mine, & ab alienis parce seruo tuo. 860. c, d, 35. d, 379. c, 675. a
 18. Viam iniquitatis amoue à me. 301. c
 Non est qui se abscondat à calore eius. 456. c
 22. Misericordia tua subsequetur me. 40. a
 23. Innocens manibus & mundo corde. 73. b
 24. Omnes viæ eius misericordia & veritas. 46. c
 In te respiciat à tentatione. 602. a
 31. Dixit confitebor aduersum me iniustitiam meam, & turre-
 misisti impietatem peccati mei, pro hac orabit ad te omnis
 sanctus in tempore opportuno 66. c, & seq. 75. b, 838. c, 839. a
 Nolite fieri sicut equus & mulus, &c. 538. b
 Beati quorum remisse sunt iniquitates, & quorum recta sunt
 peccata, beatus vir, cui non imputauit Dominus peccatum.
 829. c, 830. a, d, 831. a, 957. b, 950. b
 32. Diligit misericordiam & iustitiam, misericordia Domini
 plena est terra. 214. c
 Qui fingit ligillatim corda eorum. 243. a
 35. Diuertere a malo & fac bonum. 913. c
 Timorem Domini docebo vos. 759. a
 Benedicam Dominum in omni tempore. 612. a
 36. Lex Dei eius in corde ipsius. 169. a, b, 929. c
 37. A Domino gressus hominis diriguntur, & viam eius volens.
 433. a
 41. Abyssus abyssum inuocat. 862. d
 Ad me ipsum anima mea turbata est. 865. b
 43. Declinasti semitas nostras à via tua. 137. c, 139. c, d
 Hæc omnia venerunt super nos, nec oblitus sumus te & inique
 non egimus in testamento tuo. sic declinasti, &c. Quoniam
 humiliasti nos in loco afflictionis, & cooperuit nos umbra
 mortis. 139. b
 44. Diffusa est gratia in labiis tuis. 406. b
 Deus in medio eius non commouebitur. 454. c
 48. Homo cum in honore esset non intellexit, comparatus
 est iumentis insipientibus, & similis factus est illis. 187. c, 338. b
 Propheta Spiritum sanctum, Spiritum rectum, & Spiritum
 principalem à Deo petebat. 839. a
 Tibi soli peccaui, & malum coram te feci. 71. c
 Cor mundum crea in me Deus, & Spiritum rectum in nouis
 visceribus meis. 72. c, 281. c, 15. c, d, 708. c, 839. a, 856. a, d
 50. Redde mihi gratiam salutaris tui. 72. d
 Auditus meo dabis gaudium & letitiam, & exultabunt ossa
 mea humiliata. ibid.
 Cor contritum & humiliatum Deus non despicies. ibid.
 Libera me de sanguinibus. ibid. c
 Miserere mei Deus secundum magnam misericordiam tuam.
 73. a, 1186. a
 Ecce in iniquitatibus conceptus sum, & in peccatis concepit
 me mater mea. 214. b, 233. c, d, 252. c, 255. c, 260. c, d, 266. b
 271. b
 Incerta & occulta sapientie tue manifestasti mihi. 864. c, 865. b

54. Vespere, & mane, & meridie, narrabo & annuntiabo, &
 exaudiet vocem meam. 106. b
 Viri sanguinum & dolosi non dimidiabunt dies suos. 484. b
 57. Si verè vtrique iustitiam loquimini, recte iudicare filij ho-
 minum. 585. c
 58. Misericordia eius præueniet me. 410. a
 61. Mendaces filij hominum in stateris, vt decipiant ipsi de
 vanitate in idipsum. 611. c, d, 631. c
 64. Induti sunt arcteres ouium, & valles abundabunt frumen-
 to. 83. b
 65. Induxisti nos in laqueum, 1047. a
 66. Iniquitatem si asperi in corde meo, non exaudiet Domi-
 nus. 309. d, 918. c, 1053. a
 68. Quem tu percussisti persecuti sunt. 30. a
 Quæ non rapui, tunc exolebam. 181. a, 185. a
 Operui confusio faciem meam, 277. b
 72. Odisti omnes qui fornicantur abs te. 119. c
 76. Dixi nunc cæpi, hæc mutatio dexteræ excelsi. 682. c
 Nunquid oblitiscetur misereri Deus? 1018. b
 77. Deduxit eos in nube diei. 256. c
 Cum occideret eos quærebant eum, & reuertebantur, & di-
 luctulo veniebant ad eum. 758. c
 81. Ego dixi diuinitas, & filij excelsi omnes. 49. d, 817. b
 82. Imple facies eorum ignominia, & quærent nomen tuum
 Domine. 718. c, d
 84. Conuertere nos Deus salutaris noster. 686. d
 Gratiam & gloriam dabit Dominus. 473. c
 85. Erui animam meam de inferno inferiori. 24. a
 90. Angelis suis mandauit de te, vt custodiam te in omnibus
 vijs tuis. 34. b
 91. Testimonia tua credibilia facta sunt nimis. 681. b
 93. Beatus homo quem tu erudieris Domine. 36. d, 590. d
 94. Hodie si vocem meam audieritis, nolite obdurare corda,
 vestra. 124. d, e, 461. c, eum seq. 468. d, 705. a, 709. a
 98. Moyses & Aaron in sacerdotibus eius, & samuel inter eos
 qui inuocant nomen eius, &c. 66. c
 Iustitiam & iudicium in iacob tu fecisti, exaltare Dominum
 Deum nostrum. 827. b, c
 Tu propitius fuisti eis, & vlciscens ad omnes ad inuentione
 eorum. 75. b
 99. Ipse fecit nos, & non ipsi nos. 708. c, d
 101. Tu autem idem ipse es, & anni tui non deficient. 218. a
 102. Qui coronat te in misericordia & misericordibus. 978. c
 104. Conuertit cor eorum, vt odirent populum eius. 135. c, 137. b, c
 106. Misit verbum suum & sanauit eos. 793. b
 108. In memoriam redeat iniquitas patrum eius. 212. b
 109. Tu es Sacerdos in æternum. 921. b
 110. Opera Domini exquisita in omnes voluntates eius. 841. c
 Timor Domini initium sapientiæ. 433. c, 753. c, 758. b
 111. Potens in terra erit semen eius. 936. b
 Magna opera Domini, &c. 337. c
 Dispersit dedit pauperibus, iustitia eius manet in seculum
 seculi. 959. c, 1186. a, b
 113. Cælum & cælum Domino, terram autem dedit filiis hominum.
 365. d
 114. Circumdederunt me dolores mortis, & pericula inferni
 inuenerunt me. 67. b
 Conuertere anima mea in requiem tuam. 139. c, 1087. c
 118. Fac cum seruo tuo secundum misericordiam tuam. 67. b
 Beati immaculati in via, qui ambulant in lege Domini. 69. a
 810. b, 830. b, 856. a, d
 Inclina cor meum Deus in testimonia tua, & non in auaritiam.
 135. c, 670. c
 Priusquam humiliarer ego deliqui. 239. c
 Præuaricantes reputati omnes peccatores terræ. 316. c
 Da mihi intellectum, & scrutabor legem tuam. 591. c
 Feci iustitiam, & iudicium. 722. a, 726. d, 949. c, 950. a
 Amputa opprobrium meum, quod suspicatus sum. 864. c
 Viam mandatorum tuorum cucurri, cum dilatasti cor meum.
 934. c
 Latum mandatum tuum nimis. 941. c
 120. Dominus custodiat te ab omni malo. 34. a, b
 138. Mirabilis facta est scientia tua ex me, confortata est &
 non potero ad eam. 581. a
 140. Non declines cor meum in verba malitiæ. 135. c
 141. Educ de custodia animam meam. 239. c
 In veritate tua exaudi me in tua iustitia. Et non intres in iudi-
 cium cum seruo tuo, quia non iustificabitur in conspectu
 tuo omnis viuens. 687. c, 841. b, 960. d, e
 142. Anima mea sicut terra sine aqua tibi. 687. c
 141. Redemisti seruum tuum de gladio maligno. 264. a
 146. Qui producit in montibus scenum. 554. c
 Cap. PROVERBIA SALOMONIS. Colum.
 1. Timor Domini est initium sapientiæ. 43. c, 753. c, 758. b
 2. Lætatur cum malè fecerint, & exultant in rebus pessimis.
 180. d

beatus homo qui semper est pauidus, 86. a
 3. Sapientia dicitur lignum vitæ. 36. c
 4. Iustorum semita quasi lux splendens procedit & crescit usque ad perfectum diem. 90. c
 8. Præparatur voluntas à Domino, id est, hauriet salutem à Domino. 68. 7. a
 Vocauit & renouauit. 70. 2. a
 11. Homo alturus, regit scientiam. 330. a
 Seminanti iustitiam merces fidelis. 970. a
 1. Errant qui operantur malum. 127. c, 520. c
 Mileros facit populus peccatorum. 313. c
 15. Sacrificium impiorum abominatio. 611. c
 Vir prudens dirigit gressus suos. 168. c, 369. a
 16. Omnia propter semetipsum operatus est Dominus, impiū quoque ad diem malum. 129. c, 130. a
 Cor hominis cogitat viam suam, & Dominus dirigit gressus eius. 568. b, c
 Hominis est præparare animam, & Domini gubernare linguam. 68. b, 689. b
 17. Qui iustificat impiū, & qui condemnat iustum, uterque abominabilis est apud Deum. 725. c
 20. Quis potest dicere mundum est cor meum, purus sum à peccato? 855. c
 21. Cor Regis in manu Domini, quocūque voluerit inclinabit illud. 568. b, c, 574. a
 22. Errant qui operantur malum. 127. c
 24. Septies in die cadit iustus & resurgit. 66. d, 617. b, 961. c
 28. Qui sperat in Domino, sanabitur. 756. d
 19. Fœneratur Domino qui miseretur pauperis. 974. b
 Cap. ECCLESIASTES. Colum.
 1. Feci mihi hortos & pomaria. In Hebræo hortos & paradisos. 19. b
 3. Quis nouit verum spiritus filiorum Adam ascendat sursum, & spiritus iumentorum descendat deorsum? 858. a
 7. Creauit Deus initio hominem rectum. 9. b, 318. a
 Considera opera Dei, quod nemo potest corrigere, quem Deus despecterit. 141. c, 460. c
 Non est homo iustus, qui faciat bonum & non peccet. 66. d
 9. Si iusti atque sapientes, & opera eorum in manu Dei. Et tamen nescit homo verum odio vel amore dignus sit, sed omnia in futurum seruantur incerta. 856. d, 857. b, 866. a & seq.
 11. Vbiūq; ceciderit lignum, siue ad Austrum, siue ad Aquilonem, ibi erit. 319. c
 12. Spiritus redeat ad Deum, qui dedit illum. 243. a
 Cap. CANTICA CANTICORVM. Colum.
 2. Sicut lilium inter spinas, sic amica mea inter filias. 456. d
 4. Emissiones tuæ paradisus malorum puniceorum cum pomorum fructibus. 39. b
 4. Tota pulchra es amica mea, & macula non est in te. 156. d, & 239. c, 811. b
 Hortus conclusus, soror mea sponsa, hortus conclusus, fons signatus. 256. d
 Lampades eius lampades ignis atque flammarum. 687. d, 768. b
 8. Aquæ multæ non potuerunt extinguere charitatem, neque flumina obruent illam. 768. b, 501. a
 Cap. SAPIENTIA. Colum.
 1. Deus mortem non fecit. 33. c, 339. b, 339. c, d
 2. Fecit Deus hominem inexterminabilem. 9. b, 33. c, 173. c
 Inuidia diaboli mors intrauit in orbem terrarum. 33. c, 173. c
 3. Deus tentauit eos, & inuenit eos dignos se. 975. a
 4. Raptus est, ne malitia mutaret intellectum illius, aut ne fictio deciperet animam eius. 451. d, 484. b
 5. Iusti autem in perpetuum viuunt, & apud Dominum merces eorum. 970. a
 6. Aequaliter est illi cura de omnibus. 451. c, 451. c
 8. Quomodo Deus disponit omnia suauiter. 451. c
 Vt scui quoniam aliter non possem esse continens, nisi Deus det & hoc ipsum erat sapientia, scire cuius erat hoc donum, adiū Dominum & deprecatus sum. 196. d, c, 602. a
 9. Corpus quod corrumpitur aggrauat animam. 339. d, & 241. a, 379. d
 Mitte illam de cælis sanctis tuis, vt tecum sit, & tecum laboret. 701. c
 Cogitationes mortalium timidæ & incertæ prouidentia nostræ. 379. a
 11. Nihil odisti eorum, quæ fecisti. 456. d, 331. a, 147. b
 Dissimulat Deus peccata hominum propter penitentiam. 143. c, 140. b
 12. Cum ergo sis iustus, iuste omnia disponas, ipsum quoque qui non debet puniri condemnare, ceterum æstimas à tua virtute. 221. d
 Quis stabit contra iustitiam tuam, aut quis tibi imputabit, si perierint nationes, quas tu fecisti? 455. b
 13. Si tantum potuerunt scire, vt possent æstimare sæculum, quomodo huius Dominum non facilius inuenerunt. 549. d

A magnitudine speciei, & creaturæ cognoscibiliter potent horum creator videtur. 5. 2. b, c
 14. Odio est Deo impietas, & impietas eius. 119. b, 299. a, 331. c, 333. a
 Creaturæ dantur in municipulam pedibus insipientium. 130. c
 16. Omnia transfigurata omnium nutrici gratia tuæ deferuebant. 405. a
 Cap. ECCLESIASTICVS. Colum.
 2. Nullus sperauit in Domino & confusus est. 791. c
 Dirige viam tuam, & spera in illum. 748. a
 5. De propitiato peccato noli esse sine metu, neque adicias peccatum super peccatum, & ne dicas miseratione Domini magna est, multitudinis peccatorum meorum miserebitur. 859. a, b
 Ne tardes conuerti ad Dominum. 462. a
 Qui timetis Dominum, sperate in illo. 760. a
 10. Initium superbiae hominis apostatare à Deo, quoniam ab eo qui fecit eum recessit cor eius. 176. a, c
 Initium omnis peccati superbia. 176. a
 12. Da iusto, & ne receperis peccatorem, prohibe panes illi dare. 1183. b, d, e
 15. Nemini mandauit impiè agere. 119. c
 Non dicas per Deum abest. Quæ enim odit ne feceris. Non dicas ille me implanauit, non enim necessarij sunt ei homines impij. 320. a, b, 465. b, 646. a
 Deus reliquit hominem in manu consilij sui, adiecit mandata & præcepta. Si volueris mandata seruare, appositum tibi ignem, & aquam, &c. Ante hominem vita & mors, bonum & malum, quod placuerit, &c. 108. d, 517. d, 532. c, 538. c, 561. c, 643. d, 646. a
 Si volueris mandata seruare, conseruabunt te. 517. d, 599. c, 646. a, 999. d
 16. Omnis misericordia faciet locum unicuique secundum meritum operum suorum. 969. b
 17. Secundum se vestiuit illum virtute. 9. b, 20. d
 Deus creauit hominem de terra, & secundum, &c. 20. c
 18. Post concupiscentias tuas non eas. 311. c, 111. a, & seq.
 Non impediaris orare semper, & ne verearis vsque ad mortem iustificari. 725. b, 919. a, b, 970. b, 990. d, 1093. c
 Non verearis vsque ad mortem iulincari, quoniam merces Dei manet in æternum. 970. b
 19. Qui spernit modica, paulatim deciderit. 96. b
 Vinum & mulieres faciunt apostatare sapientes. 143. b
 Qui cito credit, leuis est corde. 677. a
 20. Munera excæcant oculos sapientum. 143. b
 22. Fili peccati, ne adicias iterum, sed & de pristinis deprecare vt dimittantur. 819. c
 24. Qui adimplet quasi Phison sapientiam, & sicut Tygris in diebus nouorum. Qui adimplet quasi Euphrates sensum, qui multiplicat quasi Iordanis in tempore messis, qui mittit disciplinam sicut lucem, & assistens quasi Geon in die vindemiarum. 42. c, & seq.
 25. A muliere initium peccati, & per illam morimur omnes. 167. c, 189. c, 215. c, d
 29. Fœnare proximo tuo in tempore necessitatis illius. 1175. c
 31. Qui potuit transgredi, & non est transgressus, facere mala & non fecit, ideo stabilita sunt bona illius. 560. d, 646. c, 993. c, d
 40. Graue iugum super filios Adæ, à die exitus de ventre matris eorum vsque in diem sepulture in matrem omnium. 9. d, 388. c
 44. Henoch placuit Deo, & translatus est in paradysum, vt det gentibus penitentiam. 44. a, b
 Cap. ISAIAS. Colum.
 1. Incensum abominatio est mihi, & solennitates vestras odit anima mea. 611. c, 963. a
 Bene agite, ac malè si potestis. 669. c
 5. Quid est quod vltra debui facere vineæ meæ, & non feci ei? An quod expectaui vt faceret vinas, & fecit labruscas? 435. d, cum seq. & 640. b
 6. Excæcaui oculos eorum, & indurauit cor eorum. 140. a, 678. b, c
 8. Dominum exercituum ipsum sanctificate, ipse pauor vester, & ipse terror vester, & erit vobis in sanctificationem, in lapidem autem offensionis, & in petram scandali duabus domibus Israel, in laqueum & in ruinam habitantibus in Ierusalem, & offendant ex eis plurimi, & cadent, & conterentur, & irretientur, & capientur. 141. d, c, & seq.
 10. Sennacherib dicitur terra in manu Domini, item virga furoris, & baculus iræ eius. 135. b
 26. Omnia opera nostra operatus es in nobis, Domine. 534. c, 568. b, 569. b
 Murus & antemurale ponetur in ea. 935. c
 28. Ecce mittam in Sion lapidem angularem, probatum, electum. 147. a
 33. Si posuerit pro peccato animam suam, videbit semen longæuum. 222. d, 727. d, 995. c

In scientia sua iustificabit ipse iustus seruus meus multos, & iniquitates eorum ipse portabit. 806. a, 816. d
 54. Erunt omnes doctores Dei. 439. d, 480. c
 55. Venite, emite absque argento, & absque ulla commutatione vinum & lac. 979. a
 56. Domus mea domus orationis vocabitur. 1058. a
 57. Fatum omnem ego feci. 243. a
 58. Nunquid ale est ieiunium quod elegi, affligere hominem per diem animam suam. 1087. b, 1125. d, 1126. a
 60. Ecce tenebræ operient terram, & caligo populus. 612. a
 61. Super muros tuos Ierusalem constitui custodes, tota die & nocte in perpetuum non tacebunt. 1086. c
 63. Quare errare nos fecisti de vijs tuis, indurasti cor nostrum ne timeremus te? 140. a
 64. Ecce tu iratus es, & peccauimus. 9. 1. c
 Facti sumus, vrimundi omnes nos, & tanquā pannus menstruarum, omnes iustitiam nostram. 214. b, 961. d
 65. Inuentus sum a non querentibus me, palam apparui his qui me non interrogabant. 683. d
 66. Qui immolat bouem, quasi qui interficit virum. 611. c
 Cap. IEREMIAS Colum.
 1. Antequam te formarem in vtero, noui te. 354. c
 2. Quid tibi vis in via Ægypti, ut bibas aquam turbidam. 42. d
 7. Loqueris ad eos omnia verba hæc, & non audient te. 640. b, 641. a
 10. Scio Domine, quia non est in homine via eius, nec viri ut dirigat gressus suos. 168. b
 17. Prauum est cor hominis. 860. c, 315. d, 613. a
 19. Edificauerunt excelsa Baalim, quæ non præcepi, nec locutus sum, nec ascenderunt in cor meum. 119. c
 20. Seduxisti me Domine, & ledactus sum. 140. a, 144. d
 Maledicta dies in qua natus sum. 223. a
 23. Et hoc est nomen quod vocabunt eum Dominus iustitia nostra. 832. c
 31. In diebus illis non dicent patres manducauerunt vnam a cerbam, & dentes filiorum oblitupuerunt. Sed vniquisque in suo peccato monetur, &c. 640. b
 Dabo legem meam in cordibus eorum. 817. c
 50. Rex Babylonis malleus vniuersæ terræ. 130. b, 335. c
 51. Excitauit Dominus spiritum Regum Medorum, quoniam cogitatio eius est contra Babel. ibid. b, c
 Cap. THRENII Colum.
 4. Completa est iniquitas tua filia Sion, non addet ultra Dominus ut transmigret te. 303. b
 5. Conuerste nos Domine & conuertemur. 68. c
 Cap. EZECHIEL Colum.
 Si ad populum ignotæ linguæ mitterem te, audirent te, &c. 486. a
 12. Rex Babylonis rete Dei ad capiendos filios Israel. 130. b, 135. c
 18. Tu signaculum similitudinis. 8. a b
 Hic iustus est, vita viuet. 66. a
 Si auerterit se iustus a iustitia sua, & fecerit iniquitatem secundum omnes abominationes, quas operari solet impius, nunquid viuet? 66. a, 670. c, 98. a, 901. a, 91. c, 997. d
 Anima quæ peccauerit, ipsa morietur. 187. a, 89. b, cum seq. 121. c, d, 208. a, 212. a, & seq.
 Nunquid voluntatis meæ est mors impij, dicit Dominus. 219. c
 Filii non portabit iniquitatem patris. 121. c, 212. a, & 123. c, 170. b
 Facite vobis cor nouum & spiritum nouum. 670. b, 700. c, 701. a, 707. c, 761. c
 Ipse animam suam viuificabit. 708. c, 761. a
 27. Charan & Chene, & Eden negotiatores tui. 44. c
 28. In delicijs paradisi fuisti. 39. b
 31. Conuertimini, conuertimini. 42. a
 36. Auferam a vobis cor lapideum, & dabo vobis cor carneum. Spiritum meum ponam in medio vestri, & faciam ut in præceptis meis ambuletis. 283. c, 437. a, 5. c, 70. a, 700. b, & seq. 817. c
 Non propter vos faciam, domus Israel, sed propter nomen meum sanctum, quod pollustis in gentibus. 686. c
 Cap. DANIEL Colum.
 1. Regni eius non erit finis. 921. b, 924. a
 3. Potens est Deus, non de manibus tuis, o rex, liberare, quod si noluerit, statuam tamen quam fecisti non adorabimus. 520. a, 817. c
 6. Tribus temporibus in die flectebant genua, & adorabant, confitebanturque coram Deo. 1007. a, cum seq.
 12. Multi ex ijs qui dormiunt in terræ pulueris, euigilabunt, alij in vitam æternam, alij in opprobrium. 303. a
 Quia ad iustitiam erudiunt multos, fulgebunt sicut stellæ in perpetuas æternitates. 803. d, e
 13. Species decepit te, & concupiscentia subuertit cor tuum. 126. c
 17. Angustia mihi sunt vndique, & quid eligam ignoro. 560. c

Cap. OSEÆ Colum.
 2. Sponsabo te mihi in iustitia, & iudicio, & in misericordia, & miserationibus, & sponsabo te mihi in fide. 793. c, 94. c
 4. Quomodo Sacerdotes comedunt peccata populi. 308. c
 8. Ipsi regnauerunt, & non ex me, principes extiterunt, & non cognoui. 839. a, c
 12. Et tu ad Dominum Deum tuum conuerteris. 748. a
 13. Perditio tua ex te Israel, tantummodo in me auxilium tuum. 111. c, 463. b
 Cap. IOEL Colum.
 Conuertimini ad me in toto corde vestro. 864. a, 112. b
 Quis scit si conuertatur, & ignoscat Deus, & relinquat post se benedictionem. 415. d, 864. a, 873. c, 876. d, 892. d
 Scindite corda vestra, & non vestimenta vestra. 12. b
 Cap. MALACHIAS Colum.
 1. Posui montes eius in solitudinem. 476. d
 5. Ego Deus, & non mutor. 238. a
 Placebit Deo sacrificium Iuda & Ierusalem sicut dies sæculi. 950. c

IONAS.
 3. Quis scit si conuertatur, & ignoscat Deus. 455. d, 758. d, 864. a, c, 871. c, & seq. 891. d
 Cap. HABACVC Colum.
 1. Mundi sunt oculi tui, ne videant malum, & respicere ad iniquitatem non poteris. 119. b
 2. Iustus ex fide viuit. 58. d, e, 710. a, 785. a, 786. b, 813. a
 Cap. ZACHARIAS Colum.
 1. Conuertimini ad me, & ego conuertar ad vos. 619. b, 700. c, 701. a
 3. Auferte vestimenta sordida ab eo, & dixit ad eum, ecce abstulisti a te iniquitatem tuam. 214. b
 9. Ecce Rex tuus venit tibi. 885. b, c
 14. Hoc erit peccatum Ægypti. 308. b
 LIBER II. MACHABÆORVM.
 7. Nescio qualiter in vtero meo apparuistis, neque enim ego spiritum & animam donavi vobis, & vitam, &c. 214. c
 Filij nouem mensibus in vteris matrum gestantur. 260. c

EX NOVO TESTAMENTO.

Cap. MATTHÆVS Colum.
 Quod in eo natum est, de Spiritu sancto est. 166. c
 3. Cuius ventilabrum in manu eius, & permundabit aream suam, & congregabit triticum in horreum suum, paleas autem comburet igni inextinguibili. 309. c, 767. c
 Omnis arbor, quæ non facit fructum bonum excindetur, & in ignem mittetur. 349. d, 911. d, 1104. c, 1172. c
 Potens est Deus de lapidibus istis suscitare filios Abraham. 540. b
 Quis vobis demonstraui fugere a ventura ira? 756. c
 5. Estote perfecti, sicut pater vester cælestis perfectus est. 68. c, e, 83. c, 940. b
 Beati mundo corde. 35. c
 Qui dixerit fratri suo fatue, reus erit gehennæ ignis. 77. d, 78. c
 80. b, c, 911. d, 917. a
 Qui irascitur fratri suo, reus erit iudicio, qui dixerit raci reus erit concilio, &c. 78. c, 79. a, 91. c
 Qui viderit mulierem, ad concupiscendam eam, iam mechatus est eam in corde suo. 82. a, 294. c, 309. c, & seq.
 qui soluerit vnum de mandatis istis minimis, minimus vocabitur in regno cælorum. 88. a, 89. a, 90. b, 911. c
 Non veni legem solvere, sed adimplere. 90. b, d, 91. b, 915. c, 930. b
 Herodes celebrat suum diem natalem. 223. c
 Vox estis lux mundi. 814. c
 Qui Solem oriri facit super bonos & malos, & pluit super iustos & iniustos. 457. a, c
 Beati mundo corde. 856. c
 Si salutaueritis fratres vestros tantum, quid amplius faciti nonne & Ethnicici hoc faciunt? estote ergo vos perfecti. 60. d
 Nisi abundauerit iustitia vestra plus quam Scribarum & Pharisæorum, non intrabitis in regnum cælorum. 726. a, 831. c, 921. b, 922. c
 Iota vnum aut apex non præteribit a lege, donec omnia fiant. 648. d
 Non exibis inde, donec reddas nouissimum quadrante. 81. c, 81. a, 1018. c
 6. Dimitte nobis debita nostra. 66. d, 190. a, 303. c, 304. d, 318. b, 328. e, 329. a, 1011. a, b, c, & seq. 617. b, 6. a, 281. c, 822. a, 901. c, 948. c, 953. c, 954. a, 955. d, 1010. c
 Si enim remiseritis hominibus peccata eorum, dimittet & vobis Pater vester cælestis delicta vestra. 1046. d, 1168. b, 99

INDEX LOCORVM.

100. a, 104 f. a
 Et ne nos inducas in tentationem. 104. e, 601. b, 115. c, 136. d, 314. a, 431. b, 1031. c, & seq.
 Tota ferè oratio Dominica explicatur. 316. a, b, 1044. a, b, c, & seq.
 Sanctificetur nomen tuum, adueniat regnum tuum, &c. 316. a, b, c, 483. b, 943. c, 963. a, d, 1035. d, e
 Si oculus tuus simplex fuerit, totū corpus tuum lucidum erit. 950. a
 Pater noster quies in celis. 873. b, 879. d, e, & seq. Est præfatio & præmium totius orationis Dominicæ. 10. 6. c, d, & seq.
 Tota oratio Dominica quoad singulas petitiones, & singula verò vocabula pulcherrimè explicatur. 316. a, 483. b, 1036. e, d, & seq.
 Orantes intrent in cubiculum suum, & clauso ostio Patrem cœlestem in silentio orent. 1031. c, 1036. c, 1080. a
 Quod si fœnum agri Deus sic vestit. 554. e
 Cum ieiunatis, nolite fieri sicut hypocritæ tristes. 1157. b
 Quid sit seruire Mammonæ. 1178. d
 Cum facies elemosynam, noli tuba canere, &c. Nesciat sinistra tua, quid faciat dextera tua. 1185. a
 7. Quid vides festucam in oculo fratris tui. 80. d, 84. b
 Si vos cum sitis mali, nōtis bona data filiis vestris, &c. 321. c, & seq.
 Non potest arbor mala bonos fructus facere. 387. a, 613. c, d, & seq.
 None in nomine tuo prophetauimus, & virtutes multas fecimus? 432. e, 1033. b
 Erat docēs sicut potestatem habens, non sicut Scribæ & Pharisei. 911. c
 8. Quid timidi estis modicæ fidei. 751. a
 9. Conhde fili, remittuntur tibi peccata tua. 745. c, 759. d, 1020. e, 1051. c
 Cum auferetur ab eis sponsus, tunc ieiunabunt in illis diebus. 1101. d, 1103. a, 1142. d, 1146. e
 Creditus quia hoc possum facere vobis? 739. c, 750. d, e
 10. Timere eum qui potest animam & corpus perdere in gehennam. 79. c
 Vnus passer non cadit in terram sine patre vestro. 568. c
 Quicumque dederit vni ex minimis istis calicem aquæ frigidæ, non perdet mercedem suam. 91. c, & seq.
 Qui recipit iustum in nomine iusti, mercedem iusti accipiet. 1008. d, 1119. a
 11. Venite ad me omnes. 869. e, 111. d, 453. c, 457. b
 Iugum meum suauis est, & onus meum leue. 306. d, 922. d, 124. b
 Si in Tyro & Sidone factæ fuissent virtutes, quæ factæ sunt in te, olim in cinere & cilicio poenitentiam egissent. 357. c, d, 446. a, 451. e, 468. b, 484. a
 Quomodo a Christo vocati sunt Galilæi. 445. a
 Confiteor tibi pater, &c. Reuelasti ea paruulis, &c. 481. a, 678. a
 Omnes Prophetæ & lex vsque ad Ioannem prophetauerunt. 921. b, 930. b, 931. c
 12. De omni verbo otioso, quod locuti fuerint homines reddent rationem in die iudicii. 1167. d, e, 82. c, 85. c
 13. Incrassatum est cor populi huius, & auribus grauiter audierunt, & oculos suos clauferunt, ne quando videant oculis, & auribus audiant, & corde intelligant, & conuertantur, & sanem eos. 140. c
 Siceris in consummatione sæculi, exhibunt angeli, & separabunt malos, &c. 369. c, 370. a, 767. a
 Explicatur parabola seminantis. 316. c, d, 891. c, 904. c
 15. De corde exeunt cogitationes malæ, &c. 590. c, 278. e, 280. a, 413. b, 613. b
 Vobis datum est nosse mysterium regni Dei, cæteris autem non est datum. 451. e
 Quod inuit per os, non coinquinat hominem. 1108. b, 1131. b
 16. Tu es Christus filius Dei viui. 739. c, 740. b
 Christus Petrum beatum appellauit. 481. a, 899. c
 8. Quæ dicunt, facite secundum autem opera illorum nolite facere. 613. e
 Angeli eorum in cœlis semper vident faciem patris mei, qui in cœlis est. 354. a, b
 19. Si vis perfectus esse, vade, vende omnia quæ habes, & da pauperibus, & habebis thesaurum in cœlo, & veni sequere me. 68. d, eum seq. 361. a, 639. d, 892. b, 940. b, 943. b, 1178. d, 1180. b
 De matrimonio. 193. b
 Facilius est camelum per foramen acus transire, quàm diuitem intrare in regnum cœlorum. 340. c, 1180. a
 Si vis ad vitam ingredi, serua mandata. 511. a, 639. a, & seq.
 Apud Deum omnia possibilia sunt. 540. c, 541. a, 750. c
 Omnis qui reliquerit patrem vel matrem, &c. propter me, centuplum accipiet, & vitam æternam possidebit. 974. c, 1008. d, 1017. d
 20. Voca operarios, & redde illis mercedē. 1017. d, 451. c, 488. d, 699. a, 905. a, 970. d, e

Denarius diurnus quam æqualitatem significet. 505. a
 Quid significet murmur operariorum. 975. b, c
 Vita æterna dicitur denarius diurnus. 1011. b, 1014. d, 970. d
 22. Diliges Dominum Deum tuum ex toto corde tuo. 91. d, 737. a, 915. b, 938. b, 949. a, 970. d
 Per vestem nuptialem intelligitur charitas. 767. a, b
 Amice quomodo huc intrasti. 767. a, 936. b
 23. Duces cæci excolantes culicem camelū autem de glutientes. 80. d
 Ierusalem, Ierusalem quæ occidis Prophetas & lapidas eos qui ad te missi sunt: quoties volui congregare filios tuos, quemadmodum gallina congregat pullos suos sub alas, & noluisti? 456. a, b, 640. b, 702. a
 24. Quoniam abundabit iniquitas refrigescet charitas multorum. Qui autem persecutus fuerit vq; in finem hic saluus erit. 481. d, 89. c
 25. Ite maledicti in ignem æternum: Esurini enim & non dedistis mihi manducare. 77. c, 926. a, 973. d, 771. e, 370. a, c, 371. d, e, 499. b
 Non noui vos. 486. c, 764. c, 767. a, 69. c, 784. d
 Distribuit vnicuique talenta secundum propriam virtutem. 488. a
 Percipite regnum, esurini enim & dedistis mihi manducare. 458. c, 926. a, 934. a, 973. a, b, c, d, 1168. c
 Per oleum intelliguntur opera misericordiæ. 767. c
 26. Petrus fleuit amarè. 73. c, d
 An putas, quia non possum rogare patrem meum, & exhibebit mihi modo plusquam duodecim legiones angelorum? 540. d
 Orate ne intretis in tentationem. 601. b, 603. b
 Docete omnes gentes, baptizantes eos, &c. 837. c, 920. d, 524. d
 Non mea, sed tua voluntas fiat. 1040. c

M A R C V S.

1. Domine si vis, potes me mundare. 740. d
 Remittuntur tibi peccata tua. 836. c, 866. c, 904. c, 906. b
 6. Quid sit quarta vigilia noctis. 1060. a
 10. Solus Deus dicitur bonus. 261. e
 11. Credite quia accipietis. 750. a, d, 895. b, 103. c, 1051. c
 13. Vigilate ergo, nescitis enim quando Dominus veniet, sero, an media nocte, an gallicantu, an mane. 1060. a
 16. Illi verò profecti, prædicauerunt vbique Domino coopertante. 676. c, 699. d, 920. d
 Domino confirmante sermonem sequentibus signis. 699. c, 750. c
 Qui crediderit & baptizatus fuerit, saluus erit qui verò non crediderit, condemnabitur, &c. Signa autem eos, qui crediderint, &c. 370. c, 479. c, 730. b, 7. 1. a, 765. b, 915. c

L V C A S.

1. Erant autem iusti ambo, incedentes in omnibus mandatis & iustificationibus Domini sine querela. 69. c, & 87. d, e, 940. e, 261. d, 810. c
 Regni eius non erit finis. 911. b
 2. Ecce positus est hic in ruinam, & in resurrectionem multorum in Israel. 145. d, 146. b, c
 Gratia Dei erat in illo. 406. b
 3. Qui habet duas tunicas det non habenti, & qui habet escas, similiter faciat. 1172. d, e
 4. Imperauit Dominus febri & febris cessauit. 277. c
 6. Quid vides festucā in oculo fratris tui, trabem autem quæ in oculo tuo est, non consideras. 80. d, 84. b
 Non potest arbor mala bonos fructus facere. 387. a, 613. c
 Meoluram bonam, & confectam, & coagitatam, & iupetefluentem dabunt in sinus vestros. 10. 7. c
 Qua mensura mensi fueritis, remetietur vobis. 1018. d, 971. d
 7. Fides tua te saluam fecit. 736. b, 776. c, d, 1784. b
 8. Credentium, & salua erit. 736. b, 784. b, c
 9. Venim eorum non morietur, & ignis non exstinguetur. 355. a, 367. b, 372. e
 Si quis vult venire post me, abneget seipsum, 361. a
 10. De eo qui incidit in latrones, & ipoliatus, & plagis impositis seminarius relictus est. 316. c
 11. Si oculus tuus fuerit nequam, totum corpus tuum tenebrosum erit. 278. c
 Comparat Christus Satanā forti armato custodienti arrium suum. 358. a
 Petite & dabitur vobis, &c. Dabit spiritum bonum petentibus se. 453. c, 963. b, 1051. c
 Omnis qui petit accipit. 451. c, 746. c, 792. c, 961. b, 1051. b
 Stergo corpus tuum lucidum fuerit non habes aliquam partem tenebrarum, erit lucidum totum & sicut lucerna fulgoris illuminabitur. 950. a
 Quod super est, date Eleemosynam, & omnia munda sunt vobis. 1165. b, c, 1169. a, 1173. b
 12. Dico tibi non exies inde, donec etiam nouissimum minimum reddas. 80. c, & seq.
 Veniet dominus serui illius in die qua non sperat, & horqua

infcit,

nescit, & diuidet eum, partemque eius cum infidelibus poterit. 370. e

Seruus qui cognouit voluntatem Domini sui, & non pręparauit, & non fecit secundum voluntatem eius, vapulabit multis, qui autem non cognouit & fecit digna plagis, vapulabit paucis. Omnia autem cui multum datum est, multum quæretur ab eo. 85. d

Quia complacuit Patri vestro dare vobis regnum. 474. b, 475. a, b, 491. c, 493. d, 885. b, c

Ignem veni mittere in terram. 687. d, 694. c

Si venerit in secunda vigilia, & si in tertia vigilia venerit. 1060. a

Stulte, hac nocte repetent à te animam tuam, & quæ parasti curus erunt. 1173. a

Nisi penitentiam egeritis, similiter omnes peribitis. 771. c, 795. e, 863. c, 1164. d

13. Cum videritis Abraham, Isaac, & Iacob, & omnes Prophetas in regno Dei. 72. b, 1039. d

14. Nisi quis renuntiauerit omnibus quæ possidet, non potest esse meus discipulus. 1180. b

Qui non odit patrem & matrem, & filios & uxorem, &c. ibid. b, & seq.

Quanti mercenarii, &c. 991. b

15. Lex & Prophetæ usque ad Ioannem. 921. b, 910. b, 931. c

Facite vobis amicos de Mammona iniquitatis, ut cum defeceritis, recipiant vos in æterna tabernacula. 990. d, 1168. c, 1169. a, 1177. d, 1180. c, 1183. c, 1184. a

De diuine Epulone. 1173. b

17. Si habueritis fidem sicut granum sinapis, dicetis huic arbori moro, eradicare & transplantare in mare, & obediet vobis. 765. b

18. Tradetur gentibus & illudetur. 588. a

Cum feceritis hæc omnia, dicite, serui inutiles sumus quod debuimus facere fecimus. 869. b, 979. c, 986. c, 1004. c

18. Mortuus erat, & reuixit. 687. c

Publicanus orat cum fide pro remissione peccatorum. 740. c, 838. a, b, 1031. c, 1033. b

Gratias tibi ago Domine, quia non sum sicut ceteri homines, &c. 740. c, 838. a, 868. a

Omnis qui se humiliat exaltabitur. 792. c, 838. b, 1127. c

Fides tua te saluam fecit. 736. b, 776. c, d, 784. b

Oportet semper orare. 612. a, 1029. b, c, 1035. c

19. Venit filius homines quærere, & saluum facere quod perierat. 681. c, 719. d

23. Hodie mecum eris in paradiso. 39. b, 745. c

I O A N N E S.

Cap. Colum.

Omnia per ipsum facta sunt, & sine ipso factum est nihil. 172. c, 140. c, d, 817. b

Ecce agnus Dei, ecce qui tollit peccata mundi. 215. b, 284. a, 107. c, 822. b

Erat lux vera, quæ illuminat omnem hominem venientem in hunc mundum. 239. b, cum seq. 452. d, 457. b, 488. c

Verbum caro factum est. 615. b

Quotquot receperunt eum, dedit eis potestatem filios Dei fieri. 411. a, 713. c, 757. b, 784. b, 793. d

Lux in tenebris lucet, & tenebræ eam non comprehenderunt. Item: in mundo erat, & mundus per ipsum factus est, & mundus eum non cognouit. 552. d, 553. a, b

Plenum gratiæ & veritatis. 406. b, 1072. c

Lex per Moysen data est, gratia & veritas per Iesum Christum facta est. 920. c, c

Vita æterna dicitur gratia pro gratia. 916. a, 1014. c

2. Soluite templum hoc, & ego in triduo reedificabo illud. 146. c

3. Qui non credit in filium, ira Dei manet super eum. 215. b, 326. a & 356. a, 170. c

Quod natum est ex carne, caro est. 180. c, 297. c, 615. a, c

Nisi quis renatus fuerit ex aqua & Spiritu sancto, non potest intrare in regnum Dei. 355. c, 416. a, 421. c, 761. b, 220. c, 771. c, 812. c, 924. c, 993. d, 1018. d

Qui credit in filium habet vitam æternam. 356. a, 740. c, 745. d, e, 746. a, 784. b, 935. b

Qui incredulus est filio, non videbit vitam. 356. a, 370. c

Sicut Moyses exaltauit serpentem in deserto, ita exaltari oportet filium hominis. 355. c, 356. a

Ut omnis qui credit in eum, non pereat, sed habeat vitam æternam. 356. a, 359. d, 740. c, 792. a, c

Qui facit veritatem, venit ad lucem ut manifestentur opera eius, quia in Deo sunt facta. 869. d

4. Aqua quam ego dabo ei, fiet in eo fons aquæ salientis in vitam æternam. 412. c, c

Qui bibet ex aqua quam ego dabo ei, non sitiet in æternum sed fiet in eo fons aquæ salientis in vitam æternam. 412. c, c, 902. b

Quomodo vos potestis credere, qui gloriam ab inuicem ac-

cipitis, & gloriam quæ à solo Deo est, non quæritis? 145. b

Pater meus vique modo operatur. 554. c, 555. c

6. Omnis qui audiuit à patre, & didicit, venit ad me. 468. c, 480. d, 416. d, 708. c, 714. c, 939. c, 441. d, c

Nemo potest ad me venire, nisi pater qui misit me, traxerit illum. 413. d, 461. c, 468. c, 499. a, 480. d, 677. c, 686. d, 714. b

Vultis & vos abire? 702. a, c

Sunt quidam ex vobis qui non credunt, ipse enim sciebat, qui essent credentes, & quis eum traditurus esset. 678. a, 769. d

7. Qui credit in me, flumina de ventre eius fluent aquæ viue. Hoc autem dixit de spiritu, &c. 412. c

8. Cum loquitur mendacium ex proprijs loquitur, qui mendax est, & pater eius. 121. c

Qui facit peccatum, seruus est peccati. 670. d, 928. b

Vos ex parte diaboli estis. 872. c, 171. c, 281. a, b, c, 1037. c

Si vos filius liberauerit, verè liberi estis. 307. b, 928. b, 993. c

9. Ego in iudicium veni, ut qui non vident, videant, & qui vident cæciant. 146. c

Si essetis cæci, non haberetis peccatum: nunc autem dicitis quia videmus, peccatum ergo vestrum manet. 464. c

10. Non rapiet eas quicquam de manu mea. 436. d, 475. b, 483. a, 897. a

Ego sum pastor bonus, & cognosco oues meas. 486. c

Vos non creditis, quia non estis ex ouibus meis. 480. c

Alias oues habeo, quæ non sunt ex hoc ouili, & illas oportet me adducere, & vocem meam audient. 490. c, c

11. De resurrectione Lazari. 145. c, 740. d, 763. c

Nonne duodecim horæ sunt in die? 1019. c

12. Propterea non poterant credere, quia iterum dixit Iudas exerceat oculos eorum, & indurauit cor eorum. 678. b, c, 140. a, 41. c, 142. b, 145. a, 400. c, d, 464. a, 470. a

Nunc princeps huius mundi ei, cietur foras. 358. c

Cum tanta signa fecisset, non credebant in eum. 763. c, 460. c, 464. c, 677. b

Veruntamen multi ex principibus credebant in eum, sed non confitebantur. Dilexerunt enim magis gloriam hominum quam gloriam Dei. 140. a, 211. b, 388. d, 763. d, 764. c

Mundus totus post eum abiit. 62. c

13. Dixit Christus S. Petro: qui lotus est, non indiget, nisi vi pedes lauet. Et vos mundi estis sed non omnes. 73. c, 75. b, 92. d, 896. c

Si non laueri te, non habebis partem mecum. 92. b, c, c

Quod facis, fac citius. 146. c

In hoc cognoscent omnes, quod discipuli mei estis, si dilectionem habueritis ad inuicem, 814. a, 870. a, 939. c

Mandarum nouum do vobis. 814. a, 925. c

14. Vos autem cognoscetis eum, quia apud vos manebit, & in vobis erit. In illa die cognoscetis, quia ego sum in patre, & vos in me, & ego in vobis. 740. b, 870. c, d, c

Qui diligit me, sermonem meum seruabit, & Pater meus diliget eum. 422. c, 416. a, 597. a, 693. a, 794. a, 869. c, 939. c, 959. c, 1000. d

Hæc est autem vita æterna, ut agnoscat te solum Deum verum. 354. b

15. Excusationem non habent de peccato suo. 142. b, 463. c

Non vos me elegistis, sed ego elegi vos. 475. b, 491. b

Hoc est præceptum meum, ut diligatis inuicem. 597. b, 693. a, 925. a, 940. a

Qui manet in me, & ego in eo, hic fert fructum multum. 621. a

Sine me nihil potestis facere. 615. d, 633. c, 634. d, 683. c, 686. d, 713. c, 712. d, 1049. d

Vos amici mei eritis, si feceritis quæ ego præcipio vobis. 421. b, 863. c, 940. a

Sicut palme non potest à semetipso ferre fructum, nisi manserit in vite: ita & vos nisi in me manseritis. 671. a, 997. b

Omnem palmitem in me non ferentem fructum tollet eum. 891. a, 898. b

16. Pater amat vos, quia vos me amastis. 416. a

17. Cum sensueris alius einger te, & ducere quod tu non vis, hoc autem dixit significans quia morte clarificaturus erat Deum. 713. c

ACTA APOSTOLORVM.

Cap. Colum.

1. Hunc definito consilio, & præscientia Dei traditum, per manus iniquorum affligentes interemistis. 128. c

Pœnitentiam agite, & baptizetur vnusquisque vestrum. 761. b

4. Conuenerunt verò in ciuitate ista aduersus sanctum puerum tuum Iesum quem vnxiisti, Herodes & Pontius Pilatus cum gentibus & populis Israel, facere quæ manus tua & consilium tuum decreuerunt fieri. 128. c

5. Nonne manens tibi manebat? & venundatum erat in tuam potestate? 560. c, 67. c, 1178. d, c

7. Vos semper Spiritui sancto resististis. 436. b, 445. b, 640. b, 702. a

8. Nondum Spiritus sanctus in quenquam illorum venerat, sed baptizati tantum erant in nomine Domini Iesu. 7. c, 6. b, c

INDEX LOCORVM

Credo illum Dei esse Iesum Christum. 736.c, 741. b
In veritate compertum, quia non est personarum acceptio apud Deum. 975. d
10. De eleemosynis & oratione Cornelij. 691. a, 1169. b
13. Suscepit illis David Regem, cui testimonium perhibens dixit: inueni David filium Iesse virum secundum cor meum. 71. b, c, 839. c, 940. d
Crediderunt quotquot praedesignati erant in vitam aeternam. 618. d
In hoc omnis qui credit iustificatur. 745. d, 746. a, d, 792. a
Per hunc annunciatum vobis remissio peccatorum, ab omnibus a quibus non potuistis in lege Moysis iustificari. In hoc omnis qui credit iustificatur. 836. c, & seq.
14. Aperuit Dominus ostium fidei. 678. d
15. Fide purificans corda eorum. 354. 475. c, 825. d
Quid tentatis imponere iugum super ceruices discipulorum, quod nec nos, nec patres nostri portare potuimus. 921. c, 924. c, 29. b, 644. c
16. Transcuntes autem Phrygiæ & Galatiæ regionem, verati sunt a Spiritu sancto loqui verbum Dei in Asia. Cum venissent autem in Mysiam, tentabant ire in Bithyniam, & non permisit eos Spiritus Iesu. 351. a
Aperuit Dominus eis cor intendere his, quæ dicebantur a Paulo. 481. b, 678. d
17. Quærere Deum, si forte attrectent eum, aut inueniant quamuis non longè sit ab unoquoque nostrum. 549. c
In ipso viuimus, mouemur & sumus. 551. c
18. Tota confunditur Hierusalem. 629. c
19. Ablue peccata tua inuocato nomine ipsius. 221. b, 822. b
20. Paulus mittitur ad gentes & populos, ut aperiat oculos eorum, & conuertantur de tenebris ad lucem, & de potestate Sathanae ad Deum. 358. a, 676. c
21. Incipiebat enim periculosa esse nauigatio, quia ieiunium iam praetererat. 1149. d
EPIST. AD ROMANOS.
1. Sicut non probauerunt, Deum habere in notitia, tradidit illos in reprobum sensum. 140. a, 464. a, Item: Quia commutauerunt veritatem Dei in mendacium, & coluerunt, ac seruierunt creaturae potius quam creatori: Propterea tradidit Deus illos in passionem ignominiae. ibid. & 141. b
Nolo autem vos ignorare fratres, quia saepe proposui venire ad vos, & prohibitus sum usque adhuc. 151. a
Multi per ea quæ facta sunt, Deum cognouerunt, non tamen sicut Deum glorificauerunt. 381. d, 586. c
Christus praedestinatus est filius Dei in virtute. 484. d
Reuelatur ira Dei de caelo super omnem impietatem, & iniustitiam hominum eorum, qui veritatem Dei in iustitia detinent, quia quod notum est Dei manifestum est in illis. Deus enim illis manifestauit. Inuisibilia enim ipsius a creatura mundi per ea quæ facta sunt, intellecta conspiciuntur. Semper terra quoque eius virtus & diuinitas, ita ut sint inexcusabiles, quia cum cognouissent Deum, non sicut Deum glorificauerunt. 388. d, 550. a, b, c, & seq. 586. c, 912. a
Per quem accepimus gratiam & Apostolatam. 837. b
Euangelium virtus Dei est in salutem omni credenti, quia reuelatur in eo Dei iustitia ex fide in fidem. 785. a, 792. b, 793. b, c, 11. c, 920. c, 921. c
2. Gentem quæ legem non habent, naturaliter quæ legis sunt faciunt. 16. b, 184. b, cum seq. 586. d, 587. a, & seq. 688. a, b, 599. c, 600. c, 606. d
Iudicium Dei secundum veritatem est. 199. a
Quomodo patientia Dei homines indurat. 143. c
Qui sine lege peccauerunt, sine lege peribunt. 216. c, 845. c
Factores legis iustificabuntur. 556. c, 780. a, 845. d, 946. c
Ira & indignatio in omnem animam operantis malum. 499. b
Non est acceptio personarum apud Deum. 975. d
3. Non sunt facienda mala, ut bona conueniant. 150. a, 160. b, d, 170. a
Nunquid iniquus est Deus? absit. Alioquin quomodo iudicabit Deus hunc mundum? 119. b
Omnes peccauerunt, & egent gloria Dei. 215. b, 146. a, 957. a
Iustificati gratis per gratiam ipsius, per redemptionem quæ est in Christo Iesu. 403. a, 727. c, 770. c, 786. c, 807. d
Per legem cognitio peccati. 921. c
Exclusa est gloriatio tua. Per quam legem? factorum? non, sed per legem fidei. 771. b, 779. b, 981. c
Attribuam hominem iustificari per fidem, sine operibus. 747. a, 758. c, 770. c, 774. a, 779. b, 80. c
Vnus est Deus, qui iustificat circumcisionem ex fide, & praprium per fidem. 727. d, 747. a, 774. a, 780. a
Iustitia Dei per fidem Iesu Christi omnes, & super omnes qui credunt in eum. 745. d
4. Vbi non est lex, nec prauaricatio esse potest. 16. b, 416. a, b
Lex circumcisionis signaculum iustitiæ fidei. 168. e, 815. a
Non infirmatus est fide, nec considerauit corpus suum emortuum, & emortuam vuluam Sathanae in repromissione etiam Dei non haesitauit dissidentia, sed confortatus est fide, dans

gloriam Deo, plenissime sciens, quia quæcumque promissit Deus, potens est facere. Ideo & reputatur ei ad iustitiam. 741. d, 735. c, d, 750. a, d, 776. d, 793. d, c, 815. a, 823. a
Ideo ex fide, ut secundum gratiam firma sit promissio. 751. d, 795. c, 871. a
Credidit Abraham Deo, &c. 716. c, 829. c, 955. b, 957. b, c, & seq.
Credenti in eum, qui iustificat impium, reputatur fides eius ad iustitiam. 725. b, 815. a, 957. b
Et qui operatur, merces imputatur secundum debitum non secundum gratiam. 405. a, 781. b, 716. c, 799. b, 829. d, 917. b, 980. b, c
Si Abraham ex operibus iustificatus esset, haberet gloriam, sed non apud Deum. 716. a, 150. a, 779. b
Qui traditus est propter delicta nostra, & resurrexit propter iustificationem nostram. 818. c
Beati quorum remissa sunt iniquitates, & quorum tecta sunt peccata, beatus vir cui non imputauit Dominus peccatum. 829. c, 937. b, 960. d
5. Per unum hominem peccatum in hunc mundum intrauit, & per peccatum mors. 33. c, 71. d, 167. c, 206. b, c, 107. c, d, c, 210. b, 213. a, 219. c, d, 221. c, 251. a, 205. d, 388. c
Vbi abundauit delictum, superabundauit & gratia. 171. c
Sicut per inobedientiam unius hominis peccatores constituti sunt multi, ita per obedientiam unius hominis iusti constituentur multi. 216. b, 213. a, & seq. praeterum 106. b, 213. a, 221. d, 231. c, 168. d, 307. b, 346. b, 363. b, 412. b, c, 804. c, 812. c, 829. a
Per unius hominis delictum peccatum in mundum intrauit, in quo omnes peccauerunt. 176. b, 190. a, 202. b, c, d, 107. a, b, c, 210. c, 226. c, 236. c, 249. c, 261. c, 268. d, 146. a, 233. c
Ferretur caput quintum ad Romanos explicatur a columna 102. d, & que ad 136. & 268.
Christus secundum tempus pro impijs mortuus est. 221. d, 411. c
Quomodo gratia Dei per Christum abundauit in plures, quam peccatum abundauit per Adam. 224. c, & seq. 812. c, 808. b, c, 215. b, 217. c
Vique ad legem peccatum erat in mundo, Peccatum autem non imputabatur, cum lex non esset. 211. c, cum seq. Adam quomodo forma futuri. 212. b, 256. b
Iudicium quidem ex uno in omnes homines in condemnationem. 370. c, 375. a, gratia verò ex multis delictis in iustificationem. 212. d, & 2. 6. c, 268. d, 316. b, 336. b, 365. c, 804. c, 805. a
Per unius iustitiam in omnes homines in iustificatione vitae. 212. c, 312. d, 804. c, 829. a
Charitas Dei diffusa est in cordibus nostris per Spiritum sanctum qui datus est nobis. 413. b, 416. d, 421. c, 4. 5. c, 417. c, 397. a, 692. d, 760. c, 808. d, 814. b, 880. d, 910. a
Legem datam esse, ut peccatum superabundet, quo modo intelligendum? 638. b
Iustificati ergo ex fide, pacem habeamus ad Deum. 747. a, 748. b, 760. d, e, 774. a, 784. c
Sicut regnavit peccatum per mortem, ita & gratia regnet per iustitiam in vitam aeternam. 819. a
6. Non estis sub lege, sed sub gratia. 169. c, d, 919. c
Vt in nouitate vitae ambuletis. 211. a
Mori peccato, ut resurgamus iustitiæ. ibid. b, 810. c
Habetis fructum vestrum in sanctificationem. 615. a
Stipendium peccati mors. 33. c, 80. b, 89. a, 89. c, 167. c, 208. a, 222. c, 251. c, 188. d, 407. a, 913. c, 973. d, 980. b
Vetus homo noster crucifixus est, ut destrueretur corpus peccati. 177. b, cum seq. 278. b
Non regnet peccatum in vestro mortali corpore ad obediendum concupiscentijs eius. 177. b, 178. d, 304. c, 307. d, 308. d, 317. c
Gratia Dei vita æterna. 612. a, b, 916. a, 933. c, 980. b
Liberati a peccato, serui facti estis iustitiæ. 507. c, 617. c, 918. c
Neque exhibeatis membra vestra arma iniquitatis peccato, sed exhibete vos Deo, tanquam ex mortuis viuentes, & membra vestra arma iustitiæ Deo. 89. b, 959. c
Quod enim mortuus est peccato, mortuus est semel. 134. d
Exhibete membra vestra seruire iustitiæ in sanctificationem. 359. c
7. Iam nqn ego operor illud, sed quod habitat in me peccatum. 9. a, 675. a, 717. b, 722. d, 196. b, cum seq. 304. c, 310. d, 613. c, 941. a
Infelix ego homo, quis me liberabit de corpore mortis huius? 9. d, 239. c, 297. a, 313. c, 4. b, 947. d
Sento aliam legem in membris, &c. 272. c, 296. c, 307. a, 308. c, 313. b, d, 317. c, 331. b, 335. c, 675. a, 1118. b
Peccatum per mandatum seduxit me, & per illud occidit. 186. c
Absque lege peccatum mortuum erat. 227. a, b, c
Peccatum operatum est in me omnem concupiscentiam. 279. c, 310. a

Peccatum non cognoui nisi per legem. 226. b, Nam concupiscentiam nesciebam, nisi lex diceret, non concupisces. 169. b, c, 309. b, c, 311. a, c, 312. a, 316. d

Scio enim quia lex spiritualis est, ego autem carnalis sum venunatus sub peccato. 310. a, 311. a, c, 312. a, b

Quod odi facio, & mente seruo legi Dei. 272. d, c, 310. c, d, 197. c, 297. b, 333. a, 325. c, 331. d, 341. a

Inuenior igitur legem, volenti mihi facere bonum, quoniam malum mihi adiacet. 313. a

Velle adiacet mihi, perficere autem bonum non inuenio. 314. a, 86. c, 690. b, 947. c, d

Omnia cooperantur in bonum his, qui secundum propositum vocati sunt sancti. 46. c, 440. a, 812. c, 897. a

Libertas a peccato explicatur similitudine mulieris liberæ a seruitute viri morte intercedente. 928. c

8. Si autem Christus in vobis est, corpus quidem mortuum est propter peccatum, &c. 31. c, 167. c, 261. c, 311. a

Expectamus redemptionem corporis nostri. 232. d, 311. d, c, 49. c, 811. a

Nihil ergo damnationis est ijs, qui sunt in Christo Iesu. 297. c, 499. a, b, c, 110. d, 314. a, 500. c

Et nos primitias spiritus habentes, intra nos ingemiscimus adoptionem expectantes, redemptionem corporis nostri. 749. c, 1039. d

Sapientia carnis inimica est Deo. 314. b

Vanitati creatura subiecta est non volens. 310. a

Quos prædestinavit, hos & vocavit, quos vocavit, hos & iustificavit. 40. d, 416. c, 439. c, 475. b, 487. d, 490. c, 631. c, 735. b, 810. c, 829. b, 896. c

Qui spiritu Dei aguntur, hi sunt filij Dei. 485. d

Ut conformes efficiamur imaginis filij Dei. 484. d

Quos præcivit, & prædestinavit conformes fieri imaginis filij sui. 486. c, 497. d, 728. d, 810. d, 812. c

Tunc & ipsa creatura liberabitur a seruitute corruptionis in libertatem gloriæ filiorum Dei. 507. c

Quod impossibile erat legi, in quo infirmabatur per carnem, Deus filium suum misit in similitudinem carnis peccati, & de peccato damnauit peccatum, ut iustificatio legis impleatur in nobis. 596. a, 780. a, 925. d, c

Spe salui facti sumus. 784. d, 895. d

Spiritus adiuuat infirmitatem nostram. 701. b

Spiritus vivit propter iustificationem. 808. c, 809. a, 819. c

Acceptistis spiritum adoptionis filiorum, in quo clamamus Abba pater. Ipse enim spiritus testimonium reddit spiritui nostro, quod sumus filij Dei. 803. c, 817. c, 871. c, & seq. 922. b, 944. c, 997. c, 1037. b

Certus sum, quia neque mors, neque vita poterit nos separare a charitate Dei. 871. c, 901. c

Si tamen compatimur, ut & conglorificemur. Existimo enim quia non sunt condignæ passionibus huius temporis ad gloriam eternam. 933. d, 971. b, c, 1003. a, 1010. a, 1017. d, c

Lex spiritus vitæ liberauit me a lege peccati & mortis. 931. c, 94. b

9. Nunquid iniquitas apud Deum? absit. 279. c, 308. b, 309. c, 476. b

An non habet potestatem figulus facere aliud vas in honore, aliud in contumeliam? 330. a, & seq. 47. d, 48. b

In hoc ipsum excitauit te, ut ostendam in te virtutem meam. 130. a, 133. c, & seq.

Si Deus volens ostendere iram, & notam facere potentiam suam, sustinuit in multa patientia vasa iræ aptata in interitum, ut ostenderet diuitias gloriæ suæ in vasa misericordiæ, quæ præparauit in gloriam. 484. c, 485. a

Cur Deus vnus miseretur, non alterius, Iacob dilexit, Esau odio habuit antequam quidquam mali vel boni egerant, non est ratio nisi voluntas Dei. 233. b, 134. c, 239. b, 288. a, 475. c, 491. c, 498. a

Cuius vult miseretur, & quem vult indurat. 140. c, 451. a, 498. b

Ecce ponam in Sion lapidem offensionis, & petram scandalum. 145. d, 146. b, d, c

Non volentis, neque currentis, sed miserentis Dei est. 481. c, 482. a, 494. a, d

Ut secundum electionem propositum Dei maneret. 474. b, 493. c, & seq.

Iacob dilexit, Esau odio habui. 333. b, 288. a, cum seq. 440. a, 475. c, 476. c, 477. a, b, 497. c

Gentes quæ non sedabantur iustitiam, apprehenderunt iustitiam iustitiam autem quæ ex fide est &c. 780. b

10. Fides ex auditu, auditus autem per verbum Christi. 420. c

Quæ ex fide est iustitia sic dicit, ne dixeris in corde tuo, quis ascendet in celum, id est, Christum adducere? aut quis descendet in abyssum, id est, Christum a mortuis reuocare? sed quid dicit? prope est verbum in ore tuo, & in corde tuo, hoc est verbum fidei, quod prædicamus: quia si confitearis in ore tuo Dominum Iesum, &c. 599. a, b, 746. a

Quicumque inuocauerit nomen Domini saluus erit. Sed quo

quomodo inuocabunt in quem non crediderunt? quomodo credent sine prædicante? quomodo prædicabunt nisi mittantur? 453. c, 467. c, 637. a, b, c, d, 737. a, 776. c, 794. c, 1051. c

Ignorantes Dei iustitiam, & iuam querentes statuerunt, iustitiæ Dei non sunt subiecti. 780. a, b, 832. a

Omnis qui credit in eum, non confundetur. 794. b, & seq.

Corde creditur ad iustitiam, ore autem confessio fit ad salutem. 736. c, 933. d

11. O altitudo diuitiarum sapientiæ & scientiæ Dei. 133. b, c, 439. b, 485. b, d, c, 891. a

Non repulit Deus plebem suam, quam præsciuit. 486. c

Cum abstulero peccata eorum. 308. a

11. Si autem gratia, iam non ex operibus, alioquin gratia iam non est gratia. 405. a, 787. a

12. Vnicuique Deus diuisit mensuram fidei. 451. c

Reliquæ secundum electionem gratiæ salutis factæ sunt. 475. a, c, 481. a

Quis prior dedit illi, & retribuetur ei? 680. a, 687. b, 1003. c

13. Qui autem diligit, legem impleuit. 411. d, 476. b, 577. b, 691. c, 688. b, 794. a, 812. c, 920. a, 921. b

Induimini Dominum nostrum Iesum Christum. 278. a

14. O ne quod non est ex fide peccatum est. 615. c, 616. a, 610. a, 731. b

Qui dilcernet, si manducauerit, damnatus est, quia non ex fide. 616. b

16. Deus dicitur solus sapiens. 161. c

I. AD CORINTHIOS.

Cap. Colum.

1. Qui gloriatur, in Domino gloriatur. 592. b, 81. c, 842. a, 981. d

Qui factus est nobis à Deo, sapientia, & iustitia & redemptio. 832. d

2. Sapientiam loquimur inter perfectos. 675. d, 823. c

Nos autem non spiritum huius mundi accepimus, sed spiritum, qui ex Deo est, ut sciamus, quæ donata sunt nobis. 873. a

3. Si quis superædificat supra fundamentum hoc, aurum, argentum, lapides preciosos, ligna, fœnum, stipulam, vnicuique opus manifestum erit. Dies enim declarabit, &c. 18. b, 81. b, 775. d, 90. a, 910. a

Ego plantavi, Apollo rigauit, Deus autem incrementum dedit. 699. b

Vnicuique mercedem accipiet secundum suum laborem, Dei enim sumus coadiutores. 699. b, 728. b, 9. b, 971. d, 971. c

Fundamentum aliud nemo potest ponere præter id, quod positum est, quod est Christus Iesus. 771. d

Neque qui plantat est aliquid, neque qui rigat. 634. a, c

4. Quomodo Apostolus Corinthios filios suos vocet? 281. c, 42. b

Tunc illuminabuntur abscondita tenebrarum, & manifesta erunt consilia cordium. 375. a

Quis enim te discernit? Quid habes quod non accepisti? 419. d, 447. a, 469. b, 480. c, 481. c, 592. b, c, 631. c, 671. b, 678. c, 680. a, 68. c, 686. d, 10. c, 812. a

Neque mihi conticius sum, sed non in hoc iustificatus sum. 86. a, 871. b, d, c, & seq. 865. a, b, & seq. 873. d, 954. b

Mihi autem pro minimo est, ut à vobis iudicer, aut ab humano die, sed neque me ipsum iudico. Qui autem iudicat me, Dominus est. Itaque nolite ante tempus iudicare, &c. 861. b, c, & seq.

6. An nescitis quia iniqui regnum Dei non possidebunt? nolite errare, neque fornicarij, neque idolis seruientes, neque adulteri, &c. 662. b, 937. c, 945. b, 1164. c

Et hæc quidem fuistis, & abluti estis, sed sanctificati estis, sed iustificati estis in nomine Domini nostri Iesu Christi, & in spiritu Dei nostri. 721. b, 809. a, 822. b, 818. d

Qui adhæret Deo, vnus spiritus sit cum eo. 421. a

7. Qui non se continent, nubant, melius enim est nubere quam vri. 386. d

Non habens necessitatem, sed potestatem habens suæ voluntatis. 507. b, 517. d, 472. b

Quod vult faciat, non peccat, si nubat. 100. a, 67. a

Qui statuit in corde tuo firmus, non habens necessitatem, sed potestatem habens suæ voluntatis, & hoc iudicauit in corde tuo, &c. 647. a, b

Castigo corpus meum, & in seruitutem redigo. 386. c, 1220. a

Non sum liber? non sum Apostolus? 560. d

Emundemus nos ab omni inquinamento carnis & spiritus. 59. c

9. Nescitis quod hi qui in stadio currunt, omnes quidem currunt, sed vnus accipit præmium, sic currite ut comprehendatis. 974. b

10. Fidelis Deus qui non sinet vos tentari supra id quod potestis. 120. c, 306. c, 601. b, c, 101. a

Deum operari omnia in omnibus. 151. c. 368. c
 Siue manducatis, siue bibitis, siue quid aliud facitis, omnia in gloriam Dei facite. 616. c
 Omne quod in macello venit, manducate. 1108. c
 11. Mulier ex viro, non vir ex muliere, & mulier propter virum, non vir propter mulierem fornicatus est. 185. d
 Probet se vnusquisque, & sic de pane illo edat. 873. b
 12. Diuisiones gratiarum. 407. d, 412. d, 434. d, 738. a
 Vnicuique datur manifestatio spiritus ad vtilitatem. 432. d
 Nemo potest dicere, Dominus Iesus, nisi in spiritu sancto. 430. d, 678. c
 Hec autem operatur vnus, & idem spiritus diuidens singulis prout vult. 434. c, 539. c
 Qui operatur omnia in omnibus. 554. c, 588. c, 709. b
 13. Charitas patiens est, benigna, &c. 421. d, 427. b, 692. c, 762. b, 901. b, 903. c, 1007. c, 1162. a
 Nunc autem manent fides, spes, charitas, tria hæc, maior autem horum est charitas. 432. d, 735. c, 765. c, 767. d, 813. c, 822. d
 Charitas nunquam excidit. 902. d
 Si habuero omnem fidem, ita vt montes transferam, charitatem autem non habuero, nihil sum. 432. d, 433. c, 730. b, 730. b, 764. c, 765. b, 802. a, 1006. c, 1052. c, 1165. a
 15. Primum hominem factum esse in animam viuentem, secundum in spiritum viuificantem. 12. d, e, 142. c
 In Adam omnes moriuntur. 33. d, 176. b, 189. b, 207. c, 231. a, 239. c, 262. a, 454. a
 Per hominem mors. 31. d
 Stimulus mortis peccatum. ibid. d, & 122. d
 Primus homo forma futuri. 112. b, 256. b
 Sicut portauimus imaginem terreni, ita portemus imaginem celestis. 278. a, 810. d
 Sicut in Adam omnes moriuntur, ita & in Christo omnes viuificantur. 207. c, 118. b, 454. c
 Pro omnibus mortuus est Christus. 417. c
 Lex virtus peccati. 596. b, 638. a
 Plus omnibus laboraui, non autem ego solus, sed gratia Dei mecum. 701. c, d
 Caro & sanguis regnum Dei non possidebit. 297. c
 Christus resurrexit primitiæ dormientium. 318. b
 16. Spero me aliquantulum temporis manere apud vos, si Dominus permiserit. 150. a, & seq. 151. a

II. AD CORINTHIOS.

1. Qui vixit nos Deus, & signauit nos, & dedit pignus spiritus in cordibus nostris. 413. c
 2. Gloria nostra hæc est, testimonium conscientie nostræ. 873. c, 880. c, d, 883. b, 889. d
 3. Non sumus sufficientes cogitare aliquid ex nobis, tanquā ex nobis, sed sufficientia nostra ex Deo est. 568. c, 589. c, 615. c, 678. c, d, 709. a, 1019. d
 4. Littera occidit. 696. b, 638. c
 Moyses ponebat velamen super faciem suam, vt non intenderent filij Israel in faciem eius, nos autem reuelata facie, &c. 916. c
 Vbi spiritus Domini, ibi libertas. 929. c
 Vnusquisque propriam mercedem accipiet. 970. b
 4. Sed licet is qui foris est noster homo corrumpitur, tamen is qui intus est renouatur de die in diem. 10. d
 Leues & momentaneæ passionis æternum gloriæ pondus operantur. 933. b, 973. c, 1009. a
 Quod in præfenti est momentaneum & leue tribulationis nostræ, supra modum in sublimitate æternum gloriæ pondus operatur in nobis. 973. d
 5. Si vnus pro omnibus mortuus est, ergo omnes mortui sunt, & pro omnibus mortuus est Christus. 215. c, d, 222. c, 262. b, 262. c
 Qui non nouerat peccatum, pro nobis peccatum fecit. 205. d, e, 262. d, 833. c, 834. c
 Omnes nos manifestari oportet ante tribunal Christi, vt referat vnusquisque propria corporis, sicut gessit, siue bonum, siue malum. 225. d, e, 239. b, 371. c, 3. 2. a, 916. b
 Deus erat in Christo mundum reconcilians sibi, non reputans illis delicta ipsorum. 835. b, c
 7. Emundemus nos ab omni inquinamento carnis, & spiritus, perficientes sanctificationem in timore Domini. 959. d
 Que secundum Deum tristitia est, poenitentiam in salutem itabilem operatur. 612. a, 933. a
 8. Non imperans dico, sed consilium do: in præfenti vestra abundantia illorum inopiam suppleat. 117. a, d
 9. Vnusquisque prout destinauit in corde, non ex tristitia, aut ex necessitate, hilarem enim datorem diligit Deus. 447. b, c, 993. d
 Multiplicabit semen vestrum, & augebit incrementa frugum iustitiæ vestræ. 919. d
 10. Captiuandum esse intellectum in obsequium fidei.

736. a, 738. a
 Non enim qui seipsum commendat, ille probatus est. 814. c
 11. Timeo ne sicut serpens Heuam seduxit astutia sua, ita corrumpantur sensus vestri. 184. d, cum seq.
 12. Paulus raptus in tertium cælum, & in paradysum. 39. a, b & seq.
 Sufficit tibi gratia mea. Nam virtus in infirmitate perficitur. 307. a, 334. b, 407. c
 Ter Dominum rogavi, vt auferretur à me stimulus carnis. 380. c, 1052. a
 Vosmetipsos tentate, si estis in fide, an non cognoscitis vosmetipsos, quia Christus in vobis est, nisi forte reprobi estis? 873. d
 13. An experimentum queritis eius, qui in me loquitur Christus, qui in vobis non infirmatur, sed potens est in vobis, nam etsi crucifixus est ex infirmitate, sed viuit ex virtute Dei. 873. c
 Nam & nos infirmi sumus cum illo, sed viuimus cum eo ex virtute Dei in vobis, &c. 874. a

AD GALATAS.

Qui dedit semetipsum pro peccatis nostris. 751. b
 Si per legem iustitia, ergo Christus gratis mortuus est. 596. c, 782. d, 921. c
 Qui dilexit me, & tradidit semetipsum pro me. 751. b
 2. Deus personas non accipit. 975. d
 3. Concluserit scriptura omnia sub peccato, vt remissio per Christum daretur credentibus. 596. d
 Omnes filij Dei estis per fidem. 421. a
 Si ex lege hæreditas, ergo non ex promissione. 782. d
 Si data esset lex, quæ posset viuificare, verè ex lege esset iustitia. 819. c, d, 921. c
 Lex propter transgressionem posita est. 929. c
 Qui ex operibus legis sunt, sub maledictione sunt. 946. c, d, e
 Christus nos liberauit de maledictione legis, factus pro nobis maledictum. 753. b, 947. a
 5. Caro concupiscit aduersus spiritum. 280. c, 116. c
 5. Operatio carnis sunt fornicatio, &c. 297. c, 319. a, 6. 5. b
 Quæ talia agunt, regnum Dei non consequentur. 77. d, e, 297. c, & seq. 937. d, 945. b, 1164. c
 Si spiritu ducimini, non estis sub lege. 919. d, 914. b
 Euacuati estis à Christo, qui in lege iustificamini, à gratia excidistis. 421. a, 782. d, 795. c, 8. 8. d, 902. b
 Fructus spiritus est charitas, &c. 415. c, 615. a, 692. d, 889. d, 906. c, 944. b
 Diliges proximum sicut teipsum. 137. c, 9. 9. c
 Nos autem spiritum ex fide, spem iustitiæ expectamus. Nam in Christo Iesu neque circumcisio aliquid valet, neque præputium, sed fides quæ per dilectionem operatur. 421. a, 780. b, 811. d, 812. a, 811. c, 815. a, 945. c
 6. Qui se existimat aliquid esse, cum nihil sit, seipsum seducit. 186. c
 Qui seminat in spiritu, metet vitam æternam. 973. c

AD EPHESIOS.

1. Elegit nos in ipso ante mundi constitutionem, vt effemus sancti & immaculati. 69. b, 425. c, 475. a, c, 808. b, 856. b, 875. b, 897. a, 954. a
 Qui omnia operatur secundum consilium voluntatis suæ. 141. d, e, 147. a, 539. c, 568. c
 Prædestinauit nos in laudem gloriæ gratiæ suæ. 407. d, 475. d, 484. c, 727. b
 In quo nos sorte vocati sumus, prædestinati secundum propositum eius. 475. d
 Deus nos acceptos siue gratiosos habuit in delicto filio suo. 813. a
 2. Etiamus & nos natura filij iræ. 9. b, 18. a, 158. c, 216. c, 236. c, 262. a, 284. a, 356. b, 385. a
 Gratiæ estis saluati per fidem, & hoc non ex vobis, Dei enim donum est. 453. b, 678. d, 779. b, 787. a, 842. a, 920. d, e
 Ipsi enim sumus factura, creati in Christo Iesu in operibus bonis. 421. a, 615. c, 951. b
 Cum essetis mortui in peccatis & delictis. 687. c
 3. Christus per fidem habitat in cordibus. 46. d, 421. b
 Per quem habemus fiduciam, & accessum in confidentiam per fidem eius. 736. a, 8. 4. b
 4. Renouamini spiritu mentis vestræ, & induite nouum hominem, qui secundum Deum creatus est in iustitia, & sanctitate veritatis. 10. b, 18. d, 281. a, 316. c, 615. a, b, 819. d, 835. c
 Vnus hunc, Vnum Baptisma. 731. c
 Deponite vos, secundum pristinam conuersationem, veterem hominem. 281. a, 117. b, 816. b
 5. Fornicatio, & omnis immunditia, aut auaritia ne nominetur in vobis, sicut decet sanctos, aut turpitudinis, aut stultitiorum, &c. 81. c, 936. c, 937. d, 1164. c
 Ecclesiam omnino esse sine macula & ruga. 821. b, c

Mundans eam lauacro aquæ in verbo vitæ 842.c, 856.b, 211 a
784.d, 811.c, 837.b

6. Pax fratribus, & charitas cum fide à Deo patre. 678. d,
692 d

19. De matrimonio. 193 b

AD PHILIPPENSES.

1. Qui cepit in vobis opus bonum, perficiet usque in diem
Christi. 684 a

2. Deus est qui operatur in vobis velle & perficere pro bona
voluntate. 441.c, 447.b, & seq. 454.c, 482.b, 615.c, 684 a,
701 a, 709 b, 954 b

Vobis donatum est, ut in illum credatis. 451. a, 453.b, 480. a,
678 d

Cum metu & tremore salutem vestram operamini. Deus enim
est, &c. 482 b 700.d, 701 a, 709.c, 864. c, 891.b, 913. a, 913. c

3. Non quod iam acceperim, aut iam perfectus sim, sequor
autem si comprehendam. 68. d

Quicumque perfecti sumus, hoc sentiamus. 67.a, 823.c, 940.c,
954.a

Ut inueniar in illo non habens meam iustitiam, quæ ex lege
est, sed illam, quæ ex fide Christi est, quæ ex Deo est iustitia
in fide. 716.b, 779 b, 980.d, c

4. In omni oratione & obsecratione, cum gratiarum actione
petitiones vestre innotescant apud Deum. 1015.d, & seq
filius explicatur.

AD COLOSSENSES.

1. Nos per Christum eripi de potestate tenebrarum. 358. a,
801.c

Pacificans per sanguinem crucis eius, siue quæ in terris, siue
quæ in coelis sunt. 166. a

2. Cum mortui essetis in delictis. 282. c, 687. c

Inflati sensu carnis suæ. 29. a

Si mortui estis cum Christo ab elementis mundi huius, quid
adhuc decernitis, ne tetigeritis, ne gustaueritis, ne contre-
staueritis, quæ sunt omnia in interitum ipso usu, secundum
præcepta, & doctrinas hominum. 1109 a, b, c

3. Quid sit exuere veterem hominem, & induere nouum.
10.c, 281.a, c, 282.a, 700.d, 835.b

Mortificate membra vestra, quæ sunt super terram. 178 a,
127.b

Expoliantes vos veterem hominem cum actibus suis, & in-
duentes nouum. 117. b

Nolite mentiri inuicem, &c. Et induentes eum qui renouatur
in agnitionem, secundum imaginem eius qui creauit illum.
10. c

Induite nouum hominem qui reformatur secundum imaginē
eius qui creauit illum. 282. a

II. AD THESSALONICENSES.

1. Sine intermissione orate. 6. 12.a, 1051.c, 1056.b

2. Eo quod charitatem veritatis non receperunt, ut salui fi-
rent, ideo mittit illis Deus operationem erroris, ut credant
mendacio. 1. 1. b, c

Gloriamur in Ecclesijs Dei pro patientia vestra, & fide in om-
nibus persecutionibus vestris, & tribulationibus quas iusti-
netis in exemplum iusti iudicii Dei. 874 a

Sitamen iustum est apud Deum retribuere tribulationem his
qui vos tribulant, & vobis qui tribulamini requiem nobis-
cum. 944 b

Ut digni habeamini Regno Dei, pro quo & patimini. 975 a

3. Non omnium est fides. 452. a

I. AD TIMOTHEVM.

1. Eui blasphemus & contumeliosus, & persecutor, sed mise-
ricordiam consecutus sum, quia ignorans feci in increduli-
tate. 612.a, & 81. d

Lex iusto non est posita. 167.a, 169.c, diffusæ, & 929. d

Habent fidem & bonam conscientiam, quam quidam repel-
lentes, circa fidem naufragauerunt. 178. c, 895. d

Finis præcepti, charitas de corde puro. 316. a, 418.b, 767.d,
1118.b

Vult omnes homines saluos fieri. 454 c, d, 457. b, 489. a, 739. d

2. Vir non est seductus, mulier autem seducta in præuica-
tione fuit. 173. d, c, & seq. 184. d, 185. a, b, & seq. 931. c

Mulier in fidentia discat cum omni subiectione. Docere au-
tem mulieri non permitto, neque dominari in virum, sed
esse in silentio. 185. d

Quia prior Adam formatus est, deinde Heua. 118 d, & seq.

Dedit redemptionem semetipsum pro omnibus. 222.0, 362.b,
457.c, 733 d

Obsecro igitur primum omnium fieri obsecrationes, oratio-
nes, postulationes, gratiarum actiones, pro omnibus homi-
nibus. 1015.d

4. Deus solus immortalis. 261. c

Omnis creatura Dei bona est. 1. 2. c

Qui est saluator omnium hominum, maximè fidelium. 454 c,
457 d

In nouissimis diebus discedent quidam à fide prohibentes nu-

bere & abstinere à cibis, &c. 892.c, 898.d, 1094.d, 111c

Exerce te ad pietatem. Corporalis enim exercitatio ad m-
dicum valet, pietas autem ad omnia. 1126.c, 1127

Pietas ad omnia utilis est, promissionem habens vitæ quæ nu-
est, & futuræ. 974.

5. Qui suorum maximè domesticorum curam non habet,
deum negauit, & est infideli deterior. 769

Tellor coram Deo, & Christo Iesu, & electis Angelis, ut c-
studias hæc. 500

Primam fidem irritam fecerunt. 731.

6. Radix omnium malorum est cupiditas, quam quidam a-
petentes errauerunt à fide. 178.c, & seq. 892 c, 896.

II. AD TIMOTHEVM.

1. Scio cui credidi, & certus sum, quia potens est depositu-
meum seruare in illum diem iustus iudex. 886. c, 974

2. Ne quando Deus det illis penitentiam ad cognoscenda
veritatem, & relinquant à laqueis diaboli. 460 c, 716.
892. d

Si negauerimus & ille negabit nos. 931

Cognouit Dominus qui sunt eius. 471. b, 486. c, 437

In magna domo sunt vasa aurea & fictilia, alia in honore
alia in contumeliam, &c. 486. c, 487 b, 904

Discedat ab iniquitate omnis qui nominat nomen Domini.
48. b

Exit vas in honorem. 486. c, 487. c, 979

A quo captiui tenentur ad ipsius voluntatem. 616

4. Quam reddet mihi in illa die iustus iudex. 632 a, 784.
790.c, 817.c, 820.d, 906 d, 974.b, 979.c, 1006 c, 1010 c, d,
1019.d

4. Bonum certamen certavi, cursum consummaui, fides
seruaui, in reliquo reposita est mihi corona iustitiæ, quæ
reddet mihi Dominus in illa die iustus iudex. 974.

AD TITVM.

1. Omnia munda mundis, inquinatis autem, & infidelibus
hile est mundum, sed inquinata sunt eorum & mens & co-
scientia. 616 c, 617.

2. Sobriè, iuste & piè viuamus in hoc sæculo. 60.

Expectantes beatam spem & aduentum gloriæ magni Dei.
749 c, 811 c

3. Per lauacrum regenerationis & renouationis. 211.a, 413.
416.a, 721.b, 825.b, 887.b

Apparuit benignitas & humanitas saluatoris nostri Dei, ne
ex operibus quæ fecimus nos, sed secundum suam, mise-
cordiam saluos nos fecit per lauacrum, &c. 779. b 784.
819.b, c, 841.c, 930 d, 939 d

AD HEBRÆOS.

1. Qui cum sit splendor patris & figura substantiæ eius.
749.c, d

Portans omnia verbo virtutis suæ. 556

3. Initium substantiæ eius. 749.a, 595

4. Festinemus ingredi in illam requiem. 935

Christus per omnia tentari voluit, sed absque peccato. 334.

1. Factus est omnibus obed. entibus sibi causa salutis æternæ.
792 c, 913.c 913.c

6. Hoc faciemus siquidem permiserit Deus. 110

Non est iniustus Deus, ut obliuiscatur operis vestri. 974.
1010 c

7. Talis decebat ut nobis esset Pontifex innocens, impolluti
legregatus à peccatoribus. 261.

Melchisedech dicitur sine patre, sine genealogia, neque in-
itium dierum, nec finem vitæ habens. 183.

Christus & Leui in lumbis Abraham. 215.d, e, & 1c

10. Quanto magis putatis deteriora mereri supplicia, qui
lium Dei conculcauerit, & sanguinem testamenti polluxit
duxerit, in quo sanctificatus est, & spiritui gratiæ contum-
liam fecerit. 85

Patientia vobis necessaria est, ut facientes voluntatem Dei, r-
portetis promissionem. 932 d, 1040

11. Sine fide impossibile est placere Deo. 617.c, d, 731 d, 751

Fides est sperandarum substantia rerum, argumentum ne
apparentium. 712 a, b, & seq. 749

Fide intelligimus aprata esse sæcula verbo Dei. 730.b, 733.
& seq.

Fide Noë responso accepto deijs quæ adhuc non videba-
tur, metuens aprauit arcam in salutem domus suæ, per quam
damnaui mundum, & iustitiæ, quæ per fidem est, hæres c
constitutus. 733.d, 735.a, 810

Accedentem ad Deum, oportet credere quia est, &c. 714.
757 a

Sancti per fidem vicerunt regna, operati sunt iustitiam, adeq-
sunt repromissionem, & curauerunt ora leprosum. 735.

732 b, 765. b, 774 a, 825 b

Abel primam hostiam fide obtulit. Noë aprauit arcæ. Abr-
ham obediuit Deo. 733.d, 735

Abel consecutus est testimonium, quod esset iustus. 810.
817 c

12. Deponentes omne pondus, & circumstant nos peccatum.
317. c, & seq

EPISTOLA IACOBI.

Scopus Epistolæ est, ut probet bona opera esse necessaria ad salutem. 955. b, c, & seq.

1. Neminem à Deo tentari, sed à concupiscentia sua. 120. a, & seq 280 b, 294 a, b, 295. a, 33. b, 604 c

Concupiscentia cum conceperit, parit peccatum: peccatum verò cum consummatum fuerit generat mortem. 82 d, e, 82 a, 294 a, b, c, d, 295 a, b, 236. a

Apud quem non est transmutatio nec vicissitudinis obumbratio. 238 a, 1018. c

Suscipite infirmum verbum quod potest saluare animas vestras. 793. b, c

Beatus vir qui sustinet tentationem, quoniam cum probatus fuerit, accipiet coronam vitæ. 296 b, 974 b, 129. c, 33 b, 1014. b, 975 a, 1006. c, 1013. b, 1014. b, 1019. d

Ut simus in irum aliquod creaturæ eius. 318 a, 420 c, 887. d

Postulet in fide nihil hæsitans. 433 c, 750. a, d, 88. d, 105. e

Accipiet coronam vitæ, quam repromittit Deus diligentibus se. 1011. b

2. Qui offendit in vno, factus est omnium reus. 87 d, 88. a, 90 a, 92. c, 583. c, 92. c, 616 a, 916 a, 997. d, 1166. d

Qui enim dixit, non machaberis, dixit non occides. Quod si non machaberis, occides autem, factus es transgressor legis. 925 c

Dæmones credunt & contremiscunt. 766 d, e

Quid proderit fratribus mei, si fidem dicat quis se habere, opera autem non habeat? nunquid poterit fides saluare illum? 607. c, 76 d, 766. c, 69 c, 770. a, 312 b, 914 c, 5 a

Ex operibus iustificatur homo. 711 b, 765 c, 770. d, 956. b

Abraham pater noster nonne ex operibus iustificatus est, offerens filium suum super altare, &c. 935 b, 97 c

Nolite in personarum acceptione habere fidem Domini nostri Iesu Christi. 955. e

Iudicium sine misericordia fiet ei, qui non fecit misericordiam. 978. c, 1018 c, 1166. b

3. In multis offendimus omnes. 66 d, 318. c, 947 d, 9. o. c

4. Petitis & non accipitis, quod quod male petatis. 745. d, 1030. a

5. Vnde bella & lites in vobis? nonne ex concupiscentiis vestris. 319 a

EPISTOLA I. PETRI.

Scopus epistolæ est, ut probet opera bona esse necessaria ad salutem. 955. c, & seq.

1. Renati non ex semine corruptibili, sed incorruptibili per verbum Dei. 410. c, 687. d, 722 b, 717. e

Ut reportetis finem fidei vestræ, salutem animarum vestrarum. 727 c, 972. c, 991. d

Si Patrem invocatis cum qui sine acceptione personarum iudicat secundum vniuersumque opus, &c. 95. d

2. Qui peccatum non fecit, nec inuentus est dolus in ore eius. 70 c, d

3. Saluos facit per Baptisma. 728. b

4. Christus semel pro peccatis nostris mortuus est, iustus pro iniustis. 222. d

Qui in abscondito est cordis homo. 117. b

5. Cui resistite fortes in fide. 751. b, 823. b

EPISTOLA II. PETRI.

Scopus epistolæ est, ut probet opera bona esse necessaria ad salutem. 955. d, e, & seq.

1. Efficiamur consortes diuinæ naturæ. 429 c, 816. c, 817 b

Satagite, ut per bona opera certam vestram vocationem, & electionem faciatis. 748 b, 864. d, 875. a, 950. d

2. A quo quis superatus est, huius & ieruus est. 388 c

Angelis peccantibus non peperit. 519. a

3. Deus neminem vult petire. 119. c, 170 a, 454. c, d, 457. b, diffusè. 489. a

I. EPIST. IOANNIS.

Scopus epistolæ est, ut probet opera bona esse necessaria ad salutem. 955. d, e, & seq.

1. Si dixerimus, quia peccatum non habemus, nos ipsos seducimus. 66. d, 67. d, 69. a, 75 a, 83. a, 87. c, 88 b, 89. c, 90. a, 91 b, 1. 8. c, d, 947. d, 1118 b

Si confiteamur peccata nostra, fidelis est, & iustus, ut remittat nobis peccata nostra, & emundet nos ab omni iniquitate. 71 a, 790 c, 8. 6. d, 812 b, 915. c

Deus lux est, & in eo tenebræ non sunt ullæ. 121. a

Vocationem quam accepistis ab eo, maneat in vobis. 413. c

2. Concupiscentia non est ex Deo, sed ex mundo. 313 c, 387. a

Ipse est propitiatio pro peccatis totius mundi. 361. b, 457. c,

733. c, d, 86 c

Ex nobis prodierunt, sed non erant ex nobis. Nam si fuissent ex nobis, permansissent utique nobiscum. 482. c, d, & seq.

Quidquid est in mundo, concupiscentia carnis est, aut concupiscentia oculorum, aut superbia vitæ. 279. d, 617. d

Qui natus est ex Deo, non peccat. 69 c, 903. d

Qui dicit se nosse Deum, & mandata eius non seruat, hic mendax est. 769. c

3. Peccatum est iniquitas. 58. a, 280. c, 314. d, & seq.

Seimen Dei manet in eo. 1014. d

Omnis qui natus est ex Deo peccatum non facit, quoniam in men ipius manet in eo, & non potest peccare, quoniam ex Deo natus est. 69. c, d, 413. c, 709. c, 902. c

Videte qualem charitatem dedit nobis pater, ut filij Dei nominemur & simus. 420. d

Peccatum in eo non est. 119. b

Qui facit peccatum, ex diabolo est. 121. a

Qui facit iustitiam, iustus est. 726 d, 830 b, 869. c

Scimus quia cum apparuerit, similes ei erimus, quia videbimus eum sicuti est. 354. b, 423. a, 1006. d

Scimus quoniam transiit sumus de morte ad vitam, quoniam diligimus fratres. 421. c, 760 b, 761 a, 811. b, 841. c, 874. d

4. Qui manet in charitate, in Deo manet, & Deus in eo. 416 d, 411. b, 412 a, 430 b, c, 779. a, 817. b

Dei charitas est. 421. b

Non quia nos dileximus Deum, sed ipse prior dilexit nos. 425. c, 760. b

Charitas ex Deo est. ibid 691. d, 696. a

Omnis qui diligit, ex Deo natus est. 420. d, 792. c, 617. b, 944. c

Charitas est vinculum perfectionis. 421. c, 795 a, 814 a, 815. c

In hoc cognouimus, quoniam in ipso manemus, & ipse in nobis, quoniam de spiritu suo dedit nobis. 874. d

5. Et mandata eius graua non sunt. 306. c, 823. d

Omnis iniquitas est peccatum. 58. a

Hæc est charitas Dei, ut mandata eius custodiamus. 597. a, 693. a, 813. d, 940. c

Si diligatis inuicem, charitas Dei in vobis perfecta est. 693. a

Hæc scribo vobis qui creditis in filium Dei, ut sciatis quia habetis vitam æternam. 754 b, 891. d

Hæc est victoria, quæ vincit mundum, fides nostra. 823. b

Omnis qui credit, quoniam Iesus Christus ex Deo natus est. 430. d, 741 c, 742 a, 743. c, 769. c, 792. b

Scimus quoniam ex Deo sumus. 874. d

Qui non credit, mendacem faciet eum. 751. c, 751. d, 754. b

Qui credit in filium Dei, habet testimonium Dei in se 874. d, c, 875. a

12. Mundus totus post illum abit. 619. c

EPIST. IVDÆ.

Scopus epistolæ est, ut probet opera bona esse necessaria ad salutem. 955. d, e, & seq.

Odientes eam, quæ carnalis est maculatam tunicam. 335. a

Quæcunque naturaliter tanquam muta animalia morunt, in his corrupturatur. 388. b

APOCALYPSIS.

1. Princeps Regum terræ. 924. a

2. Vincenti dabo edere de ligno vitæ, quod est in paradiso Dei mei. 39. b

Memor esto vnde excideris. 9. o. b

Esto fidelis vsque ad mortem, & dabo tibi coronam vitæ. 97. b

3. Ego sto ad ostium, & pulso, si quis aperuerit mihi, intrabo ad eum. 111. d, 406. c, 436. c, 461. d, 702. a

Tene quod habes, ne alius accipiat coronam tuam. 481. d, 87. d, 488. a, 891. b

Ambulant mecum in albis, quia digni sunt. 970 a, 975. b

14. Beati mortui, qui in Domino moriuntur. 225. b

16. Dedisti eis sanguinem bibere, digni sunt enim. ibid.

18. Quantum se glorificauit, & in delicijs fuit, tantum dare illi tormentum & luctum. 307. a, 376. a

20. Diabolus serpens antiquus. 171. d

Qui non est inuentus in libro vitæ scriptus, missus est in stagnum ignis. 356 c, 371. a, b

10. Beatus & sanctus, qui habet partem in resurrectione prima, in his secunda mors non habet potestatem. 371. a

10. Et libri aperti sunt, & iudicati sunt mortui ex his, quæ scripta erant in libris, secundum opera ipsorum. 371. b

Ecce venio cito, & merces mea mecum est. 970 b, 971. c

12. Qui in sordibus est, tordeat adhuc, & qui iustus est, iustificetur adhuc. 725. b, 806. c, 906. a, 959. c

Cap. vi. Ecce venio cito, & merces mea mecum est. 970. b

F I N I S.



INDEX RERVM NOTABILIVM.

A

Abailardus.

BAILLARDI error de peccato originali. 201.c
Eius error de Christi incarnatione & passione. ibid. d
Infantes nec in Adamo periisse, nec in Christo saluari ibid.
Negat Deo liberum arbitrium. 539. b
Negat hominibus liberum arbitrium. 539. b

162.

Abel.

Abel ante Adamum mortuus est. 107. c
Primus bene viuendo ceteris præluxit. 112. c
Eius fides erat causa religiosi operis. 775. a, 777. a
Erat perfecte iustus iustitia inherente. 810. a, b, c
Probatur iustus ab effectu operum suorum. ibid. 817. c

Abraham.

Abraham potuit licite Deo iubente, occidere filium suum. 162. a
Non celebravit diem natalem filij sui. 121. a
Celebravit diem ablationis filij. ibid.
Quomodo decimatus. 245. d, e, & seq.
Illi & semini eius facta est repromissio. 255. a
Eius filij non carne, sed fide. 255. a, b, 476. a
Eius fides commendatur. 741. c, 775. a, b, 957. a, & seq.
Reputata est ei ad iustitiam. 741. c, 776. c, 794. c, 829. c, 951. d, e & seq.
Per charitatem operabatur. 794. d
Operibus consummata est. 794. d, 955. b, 957. c
Quomodo iustificatus. 955. c, 958. c, 782. a, & seq.
Eius iustificatio explicatur. 956. c, d, & seq.
Reuelatum fuit ei, quod esset iustus. 885. a, b, & seq.
An fuerit prius iustificatus, quam de eo dictum sit: credidit Abraham Deo. 857. c, d, & seq.
Meruit promissam posteritatis multiplicationem. 973. c, 974. c

Acceptio personarum.

Acceptio personarum non est apud Deum. 451. c, d, 453. d, e, 975. d
Est vitium contra iustitiam. 413. d, 975. d
Non habet locum in donis gratiæ. 453. d
Prohibetur vt graue peccatum. 655. c
Quid sit accipere personam. 675. d

Achab.

Achab Deo permitente deceptus à spiritu malo. 135. a, b, 136. c
137. c

Actio, & Actus.

Actionum instrumenta generalia tria; cor, lingua, manus. 58. b
Actionum tria sunt genera; desideria, facta, verba. ibid.
Actiones sumunt species ab obiectis. 59. c
Actio aliquando est mala, vbi passio est bona. 118. c, d, cum seq.
Actiones malæ, quoad entitatem sunt à Deo. 147. b, c, 160. c, 166. d, e
Aliquæ intrinsecè malæ. 161. a, & seq. 166. c
Aliquæ prohibentur, quia malæ, non malæ, quia prohibentur. 161. a, b, c
Quæ nullo modo bene fieri possunt. ibid.
Actionis malæ non est querenda causa efficiens, sed deficiens. 161. c
Actio mala non est effectio sed defectio. ibid.
Actionis defectus soli causæ deficienti tribuitur. ibidem, & sequent.

Actus peccati debet esse necessariò à libero arbitrio. 163. d, e
164. c, 165. d

Actus moralis per se non est, nisi elicited à libera voluntate. 163. d

Actus aliarum potentiarum secundum se non sunt morales sed solum vt imperantur à voluntate. 163. d, e, & seq.

Actus morales debent esse certi & particulares. 163.

Actio mala est à Deo, vt à causa vniuersali præbente vin communem, & indifferentem ad illam actionem vel contrariam. 164. a, b, & seq. 166. c, & seq.

Actio mala non est talis in specie, vt est à Deo, sed vt est à particulari causa. 164. a, b, & seq. 166. c, & seq.

Actio particularis est à Deo, sed non ideo talis, quia à Deo sed quia à nostra voluntate. 164. a, b, & seq.

Actiones bonæ & malæ, quomodo differunt in ordine à causis. 165. b, c, & seq.

Bonæ supernaturales fiunt à Deo per auxilium speciale, & Deo habent vt sint tales. 165. c, d, & seq.

Bonæ moraliter sunt à Deo per auxilium generale. 165. c
Duas ob causas tribuuntur Deo vt tales specie. ibid.

Actiones bonas Deus intendit. 165. d, e
Suadet. 165. d, e
Imperat. 165. e
Laudat. 165. e

Actio mala non potest Deo tribui. ibid.
Turpitudinem & actiones impias turpes, Deus auerfatur. ibid.

Actiones intrinsecè malæ nullæ sunt, nisi vt determinatæ & tales in specie. 166. c

Actuum malorum priores sunt interiores, quam exteriores. 178. b

Actuum interiorum circa bonum intelligibile prior est actus circa finem, quam circa media. 178. c

In omni actione requiri quatuor causas. 330. l

Actio immanens idem habens efficiens, & subiectum. 330. b & seq.

Naturalis eundem finem, & formam. 330. b, c, & seq.

Actus voluntatis subiectum, & efficiens est voluntas. 330. c

Actio voluntatis à quo specificetur. 330. c, d

Actus voluntatis sunt diuersarum specierum, quia diuersa sunt obiecta. 330. d, e

Actiones aliquæ incipiunt, & desinunt in eodem instanti. 334. c

Humanæ sunt triplicis generis. 347. c

Hominum naturales necessariò sunt bonæ vel malæ in individuo, ex genere tamen suo indifferentes. 347. d

Actionum suarum homo cur sit Dominus. 374. d, e, 375. b, c

Actiones singulares sunt, non vniuersales. 388. d, e

Actiones internæ nostræ sunt, diuinæ alienæ. 658. b, c

Actiones peccatorum bonæ moraliter non habent vllum ordinem ad gratiam. 691. a, b

Actiones, id est, opera mala querunt tenebras. 869. d & seq. ibid.

Bona lucem.

Adam.

Adam secundum Pelagianos sine donis naturalibus creatus 3. b, & seq. ibid. b

Lapsu nihil amisisse. ibid. b

Adæ integritatem secundum Lutherum & Caluinum fuisse naturalem. 1. d, 6. a, b, & seq.

Suo lapsu aliquid naturale, scilicet liberum arbitrium perdidisse. 5. b, c, & seq.

Adam non erat creatus, vt modo nascimur, pronus ac malum, sed rectus, iustus & sapiens. 6. d, & seq. 8. c & seq.

Felix in paradiso. 8. c, 9. b, c, 29. a, b, & seq. 30. c

Accepit in creatione gratiam gratum facientem. 9. e, 10. a, b & seq. 11. a, b

Ornamenta eius in paradiso. 13. b, c, & seq.

I N D E X

Eius rectitudo erat donum supernaturale, 15. d, e
 Eius caro antelapsum non potuit rebellare spiritui, sed Spiritus potuit rebellare Deo. 16. a, 28. c, d, e
 Eius iustitia originalis quomodo potest dici naturalis. 16. a, b, 28. a, b, c, 28. a
 Eius rectitudo etiam partis inferioris, fuit donum supernaturale per se. 15. c, 17. a
 Refutantur argumenta que probant eius integritatem fuisse naturalem. 25. a, b, c, & seq.
 Adæ & angelorum ante lapsum qualis gratia. 27. a, b, c
 In statu innocentie quomodo Christi morte non egerit. 29. b, c
 Eius gratia latior, nostra potentior. 27. 28. 29. 30. vide per totum.
 Habuit in paradiso angelum custodem, 34. a, b
 Adæ corpus natura fuit mortale, gratia immortale. 34. c, 35. a, b, & seq. 38. b, c, & seq.
 Adam & Eva quo die creati. 38. b, c, & seq.
 Adam non est creatus in paradiso, sed postea ibi positus. 40. d, e
 Adam de paradiso expulsus, ne lignum vitæ attingeret. 49. c, 50. a, b, & seq.
 Adamo imperatū fuit, ut de omni ligno paradisi comederet, excepto tantum ligno scientie boni & mali, 51. c, 52. a
 Nec Adamum, nec dæmonem tenuisse, ubi erat arbor vitæ in paradiso. 51. d, 52. a, b, & seq.
 Adam post peccatum eiectus est de paradiso ne si mansisset in æternam incidisset miseriam. 49. c, 50. a, b, & seq.
 An si Adam non peccasset transferendus fuisset simul ad beatitudinem totus electorum numerus, an successuue. 51. c, 52. b, c
 Adamum prædestinatum fuisse & nunc in cælis esse. 71. c, 72. a, b, 196. c, d, e, 197. a, b, c, 182. a, b, c, & seq.
 Adamum peccando fidem amisisse & hæreticum fuisse. 71. c, d, e, 72. a, b, 12. a, b, & seq. 182. a, b, & seq.
 Adam fuit vas in honorem factum. 133. d, e
 Adams lapsum fuisse à Deo decretum & definitum, & volutum secundum Calvinum & Beza. 148. c, d, e, 19. v, b, & seq. 155. b, c, 157. a, b, 169. c
 Adam per liberum arbitrium potuit cadere vel non cadere. 155. c, d, & seq. 157. e
 Adam lapsum potuit Deus vel iuste punire, vel misericorditer liberare. 155. d, & 157. e
 Adamus naturam in se vitiauit. 158. c, 234. b, 236. b
 Adamum non peccasse, nec peccare, vel ad peccatum tentari potuisse error, 167. a, b, c
 Adamum tantum admonitum, non aliqua lege prohibitum ne comederet de ligno scientie boni & mali. 167. a, b, & seq.
 Adamum fuisse vera lege prohibitum, ne comederet de ligno scientie boni & mali. 167. b
 Gustando graviter peccasse. ibid. b, c
 Graviter puniunt fuisse ibid. 175. a, b
 Adam in paradiso non erat sub lege. 169. d
 Non erat sine lege. ibid.
 Erat in lege. ibid.
 Adæ tentatio in paradiso. vide tentatio.
 Adam in paradiso, qualibus Dei prædijs instructus. 170. e
 Adam fuit in Diabolo tentatus, ut (quod potuit) supereslet hostem gloriosus triumphasset. ibid. & 171. a, b, 175. a, b
 Adam non cognovit Evam, nisi postquam eiectus est ex paradiso. 174. c
 Adam & Eva perfecti in statura creati sunt. ibid.
 Statim gignere potuissent. 174. c
 Adam habuit scientiam insulam à Deo. 175. a, 180. d
 Adam videns Evam comedentem de pomo verito & non morientem, ipse etiam comedit persuadens sibi quod non moreretur. 183. e, 184. a, b, & seq.
 Adam non fuit seductus, sed alia ratione erravit. 183. d, e, 184. a, b, cum seq. 185. b, c, d, & seq.
 Adam quomodo dici potest seductus. 185. b, c, & seq.
 Adam in tribus erravit, & quare, 186. b, c, d
 Adam habuit hostem debiliorem. 189. b
 Adam præceptum ab ipso Deo immediate accepit, Eva ab Adamo audiuit. 183. b, 190. c
 Adam non agnovit culpam suam. 190. c
 Adam gravius reprehensus à Deo, quam Eva. ibid. e
 Adam & Eva poena mulati ibid.
 Adam & Evam damnatos esse, hæresis Tatiani. 196. b, c, & seq.
 non esse damnatos probatur ex traditione. 196. c, d
 Adæ & Evæ Deus non maledixit, ut serpenti. ibid. e
 Adam ibi sepultus, ubi Christus passus. 197. a, b
 Adam Christi sanguine saluatus. ibid.
 Adæ cadaver Christi sanguine aspersum, anima saluata. ibid.
 Nomen Adam varie accipitur. 198. b, c
 Adam tales genuit qualis ipse post peccatum fuit. 191. d, e
 Adam quoad animam fuit iustificatus à peccato antequam filios generaret. 228. a, b, & seq.

Adam factus ex terra nondum maledicta. 156. b, c
 Adam quomodo forma Christi. 216. b, 268. d, e
 Adam si non peccasset, in omnes posteros transmississet iustitiam originalem. 269. b, 270. a
 Adæ voluntas fuit quodammodo totius nature. 346. a, b
 Adam ante peccatum cognovit rerum omnium naturam. 387. c, 188. a, b, & seq.
 Adam rebus omnibus nomina imposuit. 48. e, 387. e
 Adam non peccante tantum certus numerus prædestinatorum fuisset nasciturus. 473. d, 500. e, & seq.
 Adæ liberum arbitrium, & nostrum differunt. 662. a, b, c, 663. a, b, & seq.
 Adam peccando, Deus iudicando nos condemnat. 875. b
 Adamum liberare à Dæmone valde convenientium fuit. 196. c, d, e, 197. a, b

Adæ peccatum.

Per Adæ peccatum totum hominem factum esse deteriorem. 5. c, 5. a, b, c, 10. b, c, 21. c
 Adam non amisit peccando liberum arbitrium. 21. c
 Amisit tantum dona supernaturalia. 7. c, 8. b, 17. a
 Nihil amisit secundum Pelagianos, liberum arbitrium secundum Lutheranos. 1. b, c, & seq.
 Non amisit imaginem Dei, sed similitudinem. 8. d
 Adæ peccatum est causa cur erubescimus nudi. 8. e
 Dici potest naturale. 18. a
 Naturam in se vitiauit. 158. c, 234. b, 236. b
 Adæ fuit voluntarium, nobis naturale. 158. d, e
 Adæ primum peccatum non fuit quod anteverit esum ligni scientie. 174. c, d, e
 Non fuit intemperantia, nec immoderatus amor coniugis. 174. d, e
 Fuit infidelitas secundum Lutherum & Calvinum. 175. c, d
 177. c, 170. c, 178. c, d, & seq. 179. a, b, c
 Fuit superbia. 175. c, 176. a, b, 177. c, d, e, & seq. 190. c
 Probatur ex Patribus. 176. a, b, c, & seq.
 Primi etiam angeli fuit superbia. 176. b
 Adam per primum peccatum amisit originalem iustitiam. 176. c, d
 Adæ primum peccatum fuit superbia occulta. 176. c, 177. a, b, 180. b
 Fuit superbia qua voluit esse Deo similis. 177. b, c, 180. b, c, 181. a, b, 186. b, 188. c
 Hæc superbia habuit initium à nullo errore, sed à sola inconsideratione. 181. c
 Adam paulatim seductus est, ut per amorem sui perveniret ad contemptum Dei. 181. d
 Eius primum peccatum non potuit esse veniale. 187. c, d, e
 Fuit gravius peccato Evæ absolutè. 188. c, d, & seq. 189. c, e, 190. b
 Secundum aliquos fuit æquale. 188. c, 189. c
 Continuit septem actus malos. 179. a
 Gravius læsit humanum genus, quam Eva. 189. c, 190. a
 Adam causa, Eva occasio perditionis nostræ. 189. e
 Adam non audire, sed docere Evam debuit. 190. b
 Adæ peccatum quomodo gravissimum, quomodo non. 190. d, e, 191. a, b, & seq.
 Non fuit absolutè omnium gravissimum. 190. d
 Non fuit odium Dei. 190. e
 Fuit ex triplici capite gravissimum, ex facilitate magna non peccandi, ex eo quod habuit tantum vnum facile præceptum, & quod facile erat illi non peccare. 190. c, 191. a, b, & seq.
 Quam magna & manifesta beneficia à Deo accepit, quam ingratus exiit. 191. b
 In eo omnes in initio peccaverunt. 191. d, e, 201. a, & seq. 235. a, c, e
 Adæ peccatum non nocuit posteris secundum Pelagium propagatione, sed exemplo. 200. c, 201. a, b, & seq.
 Reiciatur ex quinto capite ad Romanos. 200. a, b, cum seq.
 Adæ peccatum propagatum cum natura. 210. c, d
 Potest dici vnum & plura. 214. c, d, 225. c
 Adam peccans in se, omnium personam gerebat. 211. a, 235. c, 240. c, 251. a, b, & seq.
 Adam non Eva causa primaria originalis peccati. 225. d, 229. d, e, 230. a, b, c, 231. & seq.
 Adæ peccatum non Evæ traducitur in posteror. 225. d, 234. b, c, 235. a, b, & seq. 249. b, 246. b
 Adæ anima prius vitio infecta quàm caro. 249. d, e, 250. a, b, & seq.
 Adæ peccatum solum, non etiam proximorum parentum, transmittitur ad posteror. 268. b, c, d, & seq.
 Adæ peccatum omnibus commune. 346. c
 Perfectissimè voluntarium. 665. a, b, c, 666. a, & seq.
 Poena nullius peccati. 664. d, e
 Nostrum per generationem productum. 840. c, d
 Adæ peccato amisit homo imperium in cetera animalia. 185. b, c, d

Adolescens.
Adolescentes præcipientes in malum feruntur, quàm primùm accedit usus rationis. 29. d, e
Etiam in puris naturalibus fuissent proni & præcipientes ad malum. 29. c
Infantibus libidine. 380. c, e, 381. c, 382. c, 383. c
De adolescente diuite XI X. capite Matthæi. 214. c
Ægrotus.
Ægroti nunquam sunt contenti. 382. c
Ærius.
Ærius quid senserit pro Missa in remedium defunctorum. 137. c, d, & seq.
Æstas.
Æstas non est apta ieiunijs. 1145. d
Æstatis nimius calor exigit cibum modicum, sed frequentem. ibid.
Tum pisces faciliè putrescunt, multi tum labores, multæ ægritudines. ibid.
Agricola, Agricultura.
Agricolarum labor plurimus in Autumno potissimum. 1145. d
Agricultura necessaria est. 1030. b
Albigenses.
Albigensium error circa peccatum originale. 201. c
Amicitia.
Amicitia inter homines non debet, nec solet dissolui pro leui qualibet offensione. 86. c, d
Amicitia oritur ex similitudine non naturæ, sed morum. 413. b
Eius firmamentum inter nos, & Deum. ibid.
Amor.
Amor sui radix & causa omnium malorum. 380. b, c, d
Amor Dei oritur ex ordinato amore sui. 695. c, 696. a
Est actus maximè meritorius. 335. b
Amor sui inordinatus est cupiditas. 696. a
Parit contemptum Dei. ibid.
Amor sui ordinatus est Dei donum. ibid.
Amor sui facilis. 696. d, e
Anabaptista.
Anabaptistæ cum Pelagianis dicunt, mortem quidem corporis trahi per generationem ex Adamo, non tamen peccatum quod est mors animæ. 201. b, c, d
Docent infantes non baptizandos, quia carent peccato originali. ibid. b, c
Anabaptistæ ex Lutheranis promanarunt. 102. a
Angelus.
Angeli quomodo Deo adhaereant. 26. b, c
In Angelis Deus simul condidit naturam, & largitus est gratiam. ibid. c
nec Angeli, nec homines sine gratia meritum habere poterunt. 26. c
Angeli & primus homo qualem gratiam habuerint ante lapsum. ibid. c
Angelorum custodia. 34. a
Angeli custodierunt paradysum, ne homines intrarent post peccatum Adæ. 40. c, 50. b, c
Angelos modò non custodire paradysum, ne homines intrent. 41. c, 41. a
Angeli veri & sancti custodierunt paradysum. 48. b, c
Angelorum tempus, viæ, & meriti fuit breuissimum. 51. a
Angeli & animæ fiunt malæ, cum à Dei bonis deficiunt. 122. a, b, & seq.
Angelos & homines similiter relictos sibi cum libero arbitrio in creatione. 135. c, d, e, 137. c, 138. c, 141. b, c, & seq.
Angelus malus in paradiso bonum hominem tentauit. 170. d, c, 171. a, b, & seq.
Deiicit. 171. b
Angeli boni, vel mali loqui possunt per ora animalium brutorum. 173. c
Angelorum primum peccatum superbia. 176. a, b, 178. a, b
Angelus commisit primum omnium peccatum. 176. b, 207. a, 209. d, e
Angeli non sunt formæ cœli. 240. c
Eodem instanti creati & gratia imbuti. 239. a
Immortales per participationem. 261. c
Naturaliter incorruptibiles. 274. a
Sunt substantialiter immutabiles. ibid.
Angeli naturæ præstantioris quàm homines. 502. b, 538. c
Angeli præpositi singulis gentibus. 458. a
Iuuant & promouent bonas hominum voluntates. 468. a
Angeli & homines diuersa ratione prædestinati. 471. c
Angelorum maior pars ad vitam prædestinata fuit. 448. a, b
Angelos gratis esse, & electos, & prædestinatos. 500. d, 501. a, b, & seq.
Angelorum & hominum electio, siue reprobatio, quomodo differunt. 500. c, d, e, & seq.
Angeli mali partim ex Dei voluntate, partim ob præuisionem

cata reprobati. 501. c, d
Angeli prius ad gloriam prædestinati, quàm eorum opera præuisionem. 501. b, c
Angelorum reprobatio negatiua non pendeat ex præuisionem peccati. 501. b
Reprobatio positiua, vel damnatio fuit ex peccatis præuisionem. 501. c
Angelorum beatitudo ex beneficio gratiæ. 502. a
Angelorum & hominum dignitas in ordine ad gratiam & gloriam quomodo differt. 502. b, c
Angelis homines natura inferiores, gratia & gloria æquales. 501. b, c, d
Angelis tantum data est gratia habitualis, non autem excitans. 502. c, d
Angelos habere liberum arbitrium. 538. c
Angeli simul causam, & effectum cognoscunt. 541. c
Angeli & homines æternam providentiam, velint, nolint, sequuntur. 545. c, d
Angeli beati quale habeant liberum arbitrium, respectu finis ultimi. 618. d
Quale, respectu mediorum. ibid.
Angeli boni benefaciunt, non tamen augetur eorum præmium essenziale. 618. d, e
Anima.
Anima hominis sedes peccati. 237. c, d, 249. c, 250. a, b, c, 283. c, 292. d, e, 308. d, 316. e
Animæ rationalis origo. 237. 238. a, b, & seq.
De origine animæ sententiæ sex. 237. c, 238. b, c, & seq.
Animas humanas esse particulas substantiæ Dei. 238. a
Quos habuerit sectatores. 101d.
Refutatur & damnatur ut hæresis. 238. a, b
Anima humana mutabilis in malum per peccatum. In bonum per gratiam. 238. a, b, c
Anima tribus modis potest à Deo produci. 238. b, c
Animæ bestiarum spiritus vocantur tertio capite Ecclesiasticæ. 238. c
Animæ humanæ ex nihilo creatæ. 238. c, 245. b
Animæ humanæ omnes simul à Deo creatæ, & quomodo in corpora detrusæ, error Origenis ex Platone decerptus. 238. c, d
Reijcitur & condemnatur hic error. 238. d, e
Animas non esse detrusas in corpora tanquam in carceres, probatur multis rationibus. 238. d, e, & seq.
Anima quomodo in corpore tanquam in carcere. ibid. c, & 239. d, e
Animæ humanæ quomodo creatæ omnes simul. 240. a, 241. d
Non prius factæ quàm in corpore intus. 240. b, c, 241. a
Anima est natura imperfecta, pars ac forma hominis. 240. b, c, d
Naturaliter coniungitur cum corpore. 240. c, d, e, 360. e
In corpore non intelligit sine phantasmatis. 240. c
Eius conditiones in corpore. ibid. 241. d, e
Animarum ut corpus à patre generari vel traduci, error Tertulliani & Apollinaris. 241. c, 241. a
Refutatur & condemnatur. 242. a, b
Animæ bestiarum materiales ex materiaeductæ. 242. b, 245. c, 250. d
Animæ hominum immateriales à Deo creatæ. 242. b
Anima, vitæ principium. 242. d
Anima primi hominis noneducta ex materia, sed à Deo creata ex nihilo. 242. c
Animæ non propagantur ex parentibus, sed creantur à Deo. 243. a, b, c, 245. c, Probatur ex Patribus. ibid. b, c, & seq.
Rationibus. 244. c, d, & seq.
Anima aduenit perfectò corpore. 243. d
Animæ hominum sunt immortales, est principium fidei. 244. c, d
Per se subsistunt. 244. d
Animæ pecudum per se non subsistunt, sed à corpore pendunt quo pereunte pereunt. ibid.
Anima humana est forma corporis. 240. c, d, e, 245. l
Sæpe accipitur pro toto homine. 245. c
Tum creatur & infunditur, cum scetus in utero præparatur animationem. 246. c, & seq.
Non inficitur à carne. 249. b, c, & seq.
Inficitur per conjunctionem cum carne ex Adamo tracta. 250. a, c
Non trahitur ex Adamo. 250. a, b, c
Potest eodem instanti creari, & gratia repleti. 259.
Animæ primorum parentum simul creatæ & gratia imbutæ, sicut & anima Christi. 260.
Anima beatæ Virginis fuit in primo instanti creationis sine peccato. 256. a, b, c, & seq. 257. a, b, & seq. 259. d, e, & seq.
Anima rationalis non est naturaliter corruptibilis, nec substantialiter mutabilis: est una & impartibilis, varios habet gradus. 244. a

I N D E X.

Anima Christi eiusdem speciei cum animabus nostris. 274. c, d
 Anima non carni dantur praecepta. 301. b, c, 311. c
 Anima in corpore tanquam in vase vitiatum corrumpitur. 341. d, e
 Anima separata imperfecte intelligunt. 344. d, 179. d
 Post resurrectionem corpora sequuntur animas, non contra. 366. d
 Anima esse immortalem naturaliter cognoscimus. 381. b
 Anima pars inferior laesa ab originali peccato. 381. d, e, 382. a, b, c, & seq.
 Anima inferioris partes & potentiae. 382. d
 Anima immortalis corpus immortale desiderat. 384. b, c
 Anima peccatricis descriptio. 414. c
 Anima quomodo trahitur & allicitur ad Deum. 442. b, c
 Anima hominis imago Trinitatis. 515. b, 521. a, b
 Habet liberum arbitrium. 515. b, 527. a, b, c, & seq. usque ad 675.
 Animam sibi, corpus animae subiecit Deus. 661. c
 Anima nostra separata naturaliter propendit ad corpus, neque tamen naturae viribus potest cum corpore coniungi. 691. d
 Anima rationalis differt ab omnibus alijs formis: vi gratiae excrescentis & adiuvantis disponitur, ut ei gratia iustificationis diuino munere infundatur. 722. b, c
 Anima iusti sponsa Christi pulcherrima. 825. c

Animantia.

Animantia rationis expertia fuissent cum homine in paradiso, si non peccasset. 47. b, c, d
 Bruta non iunxerunt de fructibus arboris vitae. 47. c, d
 Bruta non habuissent immortalitatem si de ligno vitae gustassent. 47. d, e
 Animantia bruta per se loqui non posse. 173. c, 1049. b, c, d
 Per animantium brutorum ora angeli boni vel mali, loqui possunt. 173. c
 In animantibus cor primum incipit vivere, & ultimum desinit vivere. 179. c
 Animantia bruta quare peccare non possunt. 163. d, 322. c, 338. c, 513. c, 706. d, 615. d
 Omnia homini obedire debent. 329. c, 385. c
 Bruta quot gradibus inferiora hominibus. 338. c, 339. a
 Nulla erunt amplius post diem iudicii. 360. b
 Bruta multa mala patiuntur ex conditione naturae. 371. d
 In quare homines superant. 378. d, 384. c
 Nulla tam inconstancia, quam homo. 381. e
 Cur non obediunt homini. 385. a, c, d, 389. a, b
 Is homo ad commodum suum utitur. 385. c
 Non timebant Adamum, nec contra ante peccatum. 385. d, 39. a, b
 Cur quibusdam sanctis viris mansuetè obediunt. 389. b, 1049. b, c, d
 Animantium brutorum appetitus cur ad vnum determinatur. 519. c, 520. a, b, & seq.
 Animantia bruta habere quid simile libero arbitrio, videntur habere rationem. 537. c, d, e
 Quenam sit suprema animantium potentia. 538. b
 Habent conditionalem libertatem, absolutam necessitatem, homines contra. 538. b, c
 Omnia eiusdem generis easdem habent operationes. ibidem
 Animantia bruta habent libertatem à coactione. 617. b, c, 654. c, 655. d, 656. c
 Nihil possunt mereri. 660. b
 Animantia bruta in quem finem creata. 1097. c, 1107. c, 1108. a
 Non solebant comedi, nisi post diluuium. 1108. a
 Aliqua ad nihil utilia videntur. ibidem

Animus.

Animorum dispositiones sequuntur corporum complexionem. 340. c
 Animi dolor & poena sensus quomodo differunt. 375. a, b, c, & seq.

Antichristus.

Antichristi signa. 1065. c

Apostasia.

Apostasia non fuit prior, quam superbia in Angelis & Adamo peccantibus. 176. d

Apostoli.

Apostolos habuisse omnia dona. 432. c
 Apostoli obseruabant eandem orationis horas, quas nunc obseruamus. 1067. b
 Primi fuerunt, qui in lege noua relicta cura saecularium rerum orationi vacarunt. 1086. c
 Apostolorum ieiunium & abstinentia. 1100. a, 1136. a

Apostoli in suo concilio quosdam cibos prohibuerunt. 1105. c, 1108. d, e, 1109. a, b, & seq.
 Apostoli quaedam ieiunia instituerunt. 1106. b, c
 Apostolica traditio est, quadagesimam ieiunare. ibidem. 1134. b
 Apostoli quando infirmi, quando fortes. 1112. d, 1113. a
 Ab Apostolica traditione sunt illa quae in vniuersa Ecclesia seruantur, & in nullo Ecclesiae concilio instituta inueniuntur. 1136. d, 1149. c, d
 Apostolos non praecepisse ieiunium quatuor temporum. 1151. b
 Apostolicas constitutiones nihil nisi verum continere, non tamen ab omnibus recipi. 1159. d
 Apostolici quidam haeretici negarunt licere Christianis diuitias possidere. 11. 8. c

Appetitus.

Appetitus inferior in Adam ante lapsum fuit subditus rationi & parti superiori, vti etiam ratio & pars superior Deo. 13. b & seq. 15. c, 19. c, d, 178. b, 187. c
 Appetitus inferior, & superior sibi mutuo repugnant in homine post lapsum Adae. 15. c, 17. a, b, & seq. 19. d, 381. c, 387. a
 Carnis obedientia ad spiritum non fuit in primo homine naturalis, sed supernaturalis & gratuita. 15. d, e, 16. a, b, & seq. 21. & seq.
 Appetitus inferior in primis parentibus non potuit repugnare rationi, nisi prius repugnaret ratio Deo. 174. c, 178. b, 187. d, e, & seq.
 Appetitus carnis saepe praeuenit rationem. 187. d, e, 197. c
 Irascibilis in homine qualis sit, & qualis esse debeat. 380. d, e, & seq. 381. c, 382. c, 383. a
 Concupiscibilis quantum imperium habeat in rationem. 380. c, 381. d, e, 383. b, c
 Inferior peccato debilitatus. 427. b
 Rationalis est voluntas. 518. c, 520. d, e
 In bestiis ad vnum determinatus. 519. c, 520. c
 Sua natura est capax libertatis. 521. a
 Appetitus & apprehensiuus potentiae discrimen. 531. a
 Appetitus animalis, rationalis & inanimis quomodo differunt in ordine ad acquisitionem finis. 537. b, c
 Appetitus semper sequitur cognitionem. 567. c, d
 Appetitus inferior natura apta est obedire, superior imperare, inferior tamen potest reluctari. 604. d
 Superior imperat inferiori non despotico, sed politico imperio. 604. d, e, & seq.
 Appetitus inferior superat superiorem, quatuor de causis. ibidem.
 Appetitus inferior multis annis viget ante superiorem. 604. c
 Inferioris obiecta sunt praesentia, superioris futura. ibidem.
 Illa viciniore, haec remotiora. ibidem.

Aqua.

Aqua post diem iudicii cooperiet totam faciem terrae. 360. a, b, c
 Aqua initio totam terram ambebat. ibidem.
 Aqua quare Dei iussu in vnum locum congregata. ibidem. c

Arbor.

Arbor vitae, vide lignum vitae.
 Arbor scientiae boni & mali. 48. c, 49. a, 174. c
 Arbores in paradiso duae mirabiles. 49. c
 Arbor scientiae, arbor mortis. ibidem.
 Arbor scientiae natura sua non poterat tollere ab Adamo immortalitatem. 107. b, c
 Arbor scientiae quid mysticè possit significare. 174. c, d
 Arbor scientiae erat quoddam bonum. 174. c, d, 340. b, 659. a, b, 167. a, b.
 Arboris scientiae usus non ad tempus, sed in perpetuum erat prohibitus. 174. d

Arnobius.

Quo tempore floruerit. 659. d, e
 Arnobij fuerunt duo. ibidem.

Asina.

Asina Balaam, ut habetur Num. 22. loquuta est Deo volente. 173. c, 1049. c

Attentio.

Attentio in horis canonicis recitandis est triplex. 1085. a, b, c & seq.

Auaritia.

Ex avaritia quae vitia oriuntur. 1165. c
 Auaritia radix omnium malorum. 1166. a

Augustinus.

Augustinus non erat author questionum noui & veteris Testamenti.	11. b, c
Composuit Canones Concilij Mileuitani.	87. a
Oravit pro matre defuncta.	96. d, e
Quare scripserit tres libros de libero arbitrio.	114. a, b
Probat ex traditione Adamum esse saluatum.	196. d
Senex scripsit quatuor libros de origine animarum.	246. d
Post libros in Genesim, & epist. ad Optatum.	247. c
Quod studens non intellexit, Deum orauit, vt intelligeret.	247. b, c, d, & seq.
Laudatur à Papa Coelestino.	479. a, b, c
Eius doctrina de prædestinatione approbatur.	ibid. c, d
Eius doctrina de gratia & libero arbitrio commendatur à Leone Papa, recipitur in Concilio Arausicano.	ibid. c
Omnia eius scripta approbantur à Gelasio Papa in Concilio L. X. X. Episcoporum, damnantur contra sentientes.	ibid. d
Non scripsit librum de prædestinatione, & gratia.	492. d
Iuuenis scripsit libros ad Simplicianum.	493. c, 494. c
Senex ad Sixtum & Paulinum.	494. b, c
Augustinus post Chrysostomum, & ante Prosperum scripsit.	633. a
Eodem tempore scripsit librum de correptione & gratia, & librum de gratia & libero arbitrio, & epist. 46. ad Valentinum.	635. c, d
Laudat Chrysostomum.	635. c
Enumerat errores Tertulliani.	655. c
Commendat S. Hilariū.	655. b
Innocentium Papam I.	658. d
Enumerat errores Pelagij.	668. b, c
Quos libros scripserit autequam factus sit Episcopus, quos postea.	704. b

Autumnus.

Autumnus non est aptus ieiunijs propter plurimos labores agriculturalum, & varias agerudines.	1145. d
---	---------

*B.**Balaam.*

B alaam asina loquuta est.	173. c, 1049. c
Balaam multa de Christo verè prophetauit.	432. c

Baptismus.

Baptismus necessarius infantibus.	218. c, d, & seq.
Omnibus omnino necessarius.	219. b, c, & seq. 269. c, d
Baptismi exultatio, exorcismus & ceremoniarum.	221. b, c, 357. d, c, 358. a, 318. c
Datur in remissionem peccati.	222. a, b
Est regeneratio ex aqua, & Spiritu sancto.	ibid. 317. a
Baptismi forma.	222. a, b
Honores.	230. c, d
Est fornax decoquens sordes peccati.	232. b, c
Baptismo non solum condonantur peccata, sed etiam infunditur gratia, ornatur anima.	233. a, b, 299. b, c, d, e
Est Sacramentum fidei.	254. b
Eius effectus, vel fructus.	299. c, 300. a, 414. a, b, & seq.
Omnia tollit peccata non tamen omnes infirmitates.	316. c, & seq. 322. b, c, d, 325. a, b, & seq. 330. c
Baptismus adultorum, & paruulorum inter se comparantur.	325. b, c, 411. c
Baptismatis vnda signo crucis consecratur.	357. c
Quomodo restituit originalem iustitiam.	357. a, b
A laico aliquando debet conferri.	357. a, b
Auferit homines de potestate diaboli.	358. a
Est vnicum instrumentum, quo paruulis applicatur redemptio Christi.	362. d, e
Sine Baptismo moriuntur tria genera hominum.	366. d, e
Baptismo Christus induitur.	372. a
Infunditur habitus gratiarum, & virtutum.	411. b, c, & seq. 424. a
Est natiuitas secunda.	413. c, 414. c
Non confert actuale, sed habituale iustitiam.	415. c
Est renouatio & regeneratio.	416. a, b
Baptismus sanguinis.	496. b
Baptismus in voto.	682. c, 683. a
Non iustificat sine fide.	798. b, c
Immersio & emersio quid significant.	818. c, d
Inualidus quando.	882. a, b, c, & seq.
Recentior baptizati statim morientes saluantur.	932. b
Baptismi ceremoniarum antiquarum.	979. b

Beatitudo.

Beatitudo est status omnium bonorum aggregatione perfectus.	319. b
Ad beatitudinem requiritur loci commoditas.	360. a, b
Beatitudo naturalis requirit perfectionem virtutum moralium.	62. c, 360. d
Beati quibus nominibus vocentur.	365. a
In adeptione vltimi finis consistit.	378. c
Beatitudo huius vite in virtute perfecta consistit.	381. b
Vix cuiquam curæ est.	ibid.
Nunc est donum gratiarum, fuisset merces meriti, si Adam non peccasset.	302. d
Quomodo liberè, & quomodo necessariò eam appetimus.	311. a, b, c, & seq.
Beati non sunt liberi circa visionem diuinam.	575. a
Confirmantur in actuali amore Dei & proximi.	623. a, b
Quomodo habent arbitrium à necessitate liberum, vel coactione respectu finis & mediorum.	628. d, e
Beatorum premia non sunt æqualia.	804. c, d, e, 905. a, b, & seq.
Beatitudo merces meriti tribuitur misericordiarum.	978. c, 979. a
Beatitudinis amor spem omnem præcedit.	987. a
Beatitudo longè superat actionem nostram meritoriam.	1016. b, c, 1017. a, b, c, & seq.
Beatitudo obiectiua est ipse Deus.	1016. d
Beatitudines Evangelicarum.	1035. c, d

Benedictio.

Benedictio Dei dat fecunditatem.	194. c, 1030. a, b, & seq.
Quantam vim habuerit in Virgine Maria.	215. b, c, & seq. 256. a, b, c, d, & seq.
Benedictiones ciborum & mensarum.	1098. d, e, & seq.

Beneficia.

Beneficia Dei in nos non sunt tam perfecta quàm ea, quæ dedit Adæ.	191. b, c, d
Sunt gratiarum.	406. a, b
Communia sunt iustis, & impijs.	817. c, d
Non sunt amoris aut odij Dei certa indicia.	ibid.
Deus aliquando ea dat peccatoribus ad misericordiam, aliquando ad iudicium.	138. a

S. Bernardus.

S. Bernardus omnia sua scripta subijcit auctoritati & examini Romanæ Ecclesiæ.	265. b, c
--	-----------

Bonum.

Bona nostra, & Dei sunt & nostra.	125. c
Bonum, est in nullo deficere.	127. b
Bonum ex integra causa.	111. a
Est solum obiectum voluntatis.	111. c, 127. c, 178. d, 309. b, c, 531. c, d
Bona quædam simul expeti non possunt.	521. a
Bonum cognitum, est causa finalis amoris.	529. d, e
Bonum morale, est melius obseruatione præcepti secundum substantiam operis.	605. d, e
Non potest cum peccato fieri.	ibid. d
Est congruum naturæ.	610. c
Naturaliter appetitur & cognoscitur.	611. a
Boni homines inter opera bona habent aliqua mala.	614. d, 619. b
Bonum opus propriè tantum est illud, quod est meritorium gratiarum & gloriæ.	610. c, d
Bonum morale est quidquid non est peccatum.	610. c, e
Bona omnia sunt à Deo.	611. a, b, c
Bonum moraliter præcipit & consulit Deus.	622. d
Bonum meritorium gratiarum & gloriæ maius habet auxilium à Deo quàm bonum morale.	622. c
Bona opera non prohibentur præter fidem in iustificatione, contra Lutheranos.	1204. c

*C.**Calix.*

C alix à Deo derelictus conuerti non potuit.	461. a
Excusando se auxit peccatum.	655. a

Caluaria.

Caluaria à Cranio Adæ nomen accepit.	197. b
--------------------------------------	--------

Cantus.

Cantus secundum errorem cuiusdam Hilarij ab Ecclesia excludendus.	1075. a, b, & seq.
Cantus approbatur exemplo Angelorum & David.	ibid. d
Item exemplo Christi, & discipulorum Pauli & Silæ.	1076. b, c
Cantus finis.	ibid. c, 1078. b, c, & seq.
Cantus probatur ex Concilijs.	ibid. d, e, & seq. ex Patribus.
1077. a, b, & seq. Ratione.	1078. b, c
Cantus fimebris probatur.	1077. c, d
Cantus in Orientalibus Ecclesijs primum, tum in Mediolanensi Ecclesia, deinde in alijs.	1077. c, d, e

Totus populus quomodo solebat in Ecclesia cantare. 1077. c
1078. a
Cantus in Ecclesijs Gallie ante Ambrosij tempora. ibi. 1078. a
Cantus utilitates, & effectus singulares enumerantur. 1078. b,
c. & seq.
Cantatio est oratio. 1081. b
Cantus & inflectio vocis affectum supplicantis indicat. 1081. b
Organa & instrumenta musica quo tempore, & quare in Ec-
clesijs primùm instituta. 1081. c, d, e
Cantantibus laudem Dei Angeli cantando respondent. 1085
c, d
Carnis esus seminarium est libidinis. 1097. c, 1098. a

Charitas.

Charitas anima vitæ. 425. c
Charitas finis præcepti. 68. e, 87. b, cum sc. 89. d, e, 95. b, c, 767. d
Charitas est vera perfectaque iustitia. 98. c, 420. c, 427. b, 597. a,
823. c, 824. c, 418. d, 847. c, d, 1012. c
Charitatem, qui violat totam legem violat. 89. d
Dilectio Dei ex toto corde duplex. 68. c, d, & seq.
Amori Dei nihil præferendum. 190. e
Charitas virtus excellentissima. 190. e, 423. c
Eius habitus à solo Deo infunditur & conseruatur. 352. c, 353. a
Expellitur ab actu peccati mortalis. 353. a
Charitas, nostra non facit nos alij charos, sed alios nobis.
419. c, d, 426. e
Est virtus qua diligimus, non qua diligimur. ibid. & seq.
Potest esse ratio cur ab alijs diligamur. 419. c, d, 426. e, 430. a, b, c
Charitate Deum habemus charum, gratia grati sumus Deo.
419. c, d, 423. c, 425. d, e
Charitatis laudes enumerantur. 421. c, 422. a, b, & seq.
Prodest sine cæteris virtutibus, cæteræ sine ea nihil. ibid.
Charitate maritatur anima Deo. 422. a, 423. b, c
Charitas est vestis nuptialis. 422. b, 767. b
Maximè nos euehit ad participationem esse diuini. 422. c,
423. a, b, & seq. 425. d
Dat animæ esse quoddam supernaturale. 422. c, 425. c, d
Est regina virtutum. 423. b, 427. a
Est effectus beneuolentiæ Dei. 425. c, 426. a
Est fructus Spiritus sancti. 426. a, b
Charitatis effectus qui. 427. a, 847. d
Quomodo est donum vniuersale. 427. a, b
Est radix omnis meriti. ibid. 429. c
Nullum secum patitur peccatum mortale. 427. b
Non est ipse Spiritus sanctus, sed habitus nobis inhaerens.
426. c, & seq.
Est qualitas creata. 427. d, e, 429. c
Aqualis & habitualis discrimen. Probat ex Scripturis. 427
c, Ex Patribus, 428. d, e, Ratione. 429. b
Charitate nihil magis voluntarium & iucundum. 429. b, c
Charitate efficiuntur filij Dei. 429. c, 757. d
Charitas qua nos Deus diligit, est ipse Deus. 430. b
Charitas actualis est effectus nostri liberi arbitrij. 431. b
Charitas nihil prius gignit quàm gaudium & pacem. 829. c
Charitatis officia omnibus in hac vita exhibenda. 456. a, b, &
seq.
Charitas in beatis ex necessitate determinat voluntatem.
570. a
Naturæ viribus acquiri non potest. 597. a
Non solet esse otiosa. 708. a
Est consummatio iustificationis. 757. a, b, c, & seq. 812. b
Differt à fide, oritur ex fide. 767. c
Assimilatur igni. 768. b, c
Est finis vitæ. 776. a, 1007. c
Est forma fidei. 812. a, 1007. c
Inchoata inchoat iustitiam, perfecta perficit. 812. d, 813. d
Est forma extrinseca fidei, non intrinseca. 813. c
Est summa religionis Christianæ. 813. d, 814. a
Summum Christi beneficium. 813. d, 814. b
Charitatis & fidei præcepta ad legem pertinent. 813. c, 814. d
Charitatis & fidei Spiritus ad Euangelium. 814. c, d
Charitas Martyrum est maxima. 815. d
Charitatis perfectio in hac vita quanta. 815. c, d, & seq.
Charitatis habitus continet eminenter in se omnes virtutes.
846. c
Charitas petit murtam charitatem. 847. d, e
Dilectio inimicorum maximum diuinæ gratiæ signum. 815. a
Charitatis fructus. 889. d, e
Efficacia. 901. b, c, d, 904. a
Charitas in quo differt ab omnibus alijs virtutibus. 901. d,
903. c
Facit iugum Christi suauis. 912. c, d
Charitas perfecta huius vitæ. 949. d, e, 950. a, b
Charitas nostra quanto inferior charitate beatorum. 953. d, e
Charitatis opera requirit Deus ad vitam æternam. 1007. b

Maximam habent cum æterna felicitate conformitatem.
ibid. b, c
Charitatis obiectum finis vltimus, & summum bonum. ibid. c
& seq.
Charitati tribuntur actus omnium aliarum virtutum. ibid. c, d
Charitas ordinata, licet omnes amet, tamen alios magis, alios
minus. 1050. c
Charitas requiritur vt quis impetret quod orat. 1053. a, b, &
seq.

Charitas qua diligitur Deus.

Charitas qua diligimus Deum, & ab eo diligimur, se mutuo
consequuntur. 430. b, d, & seq.
Dilectio Dei ex toto corde est duplex. 68. c, d, & seq.
Dilectio Dei quot modis accipitur. 691. c
Dilectio Dei quomodo non est sine gratia & fide præcedente.
692. a
Dilectio Dei duplex. ibid. a, b
Dilectio Dei super omnia, quoruplex. ibid. & seq.
Dilectio perfecta vel imperfecta tribus modis accipitur. 692.
a, b, & seq.
Dilectio Dei est donum Dei, probatur ex Scripturis. 692. d, e,
& seq. Ex concilijs. 693. c, & seq. Ex Patribus. 694. a, b, c,
Ratione. ibid. c, & seq. Soluuntur argumenta contraria.
695. c, d, & seq.
Dilectio plenitudo legis. 692. c
Dilectio proximi, charitas Dei. ibid. & 693. a
Dilectio etiam imperfecta est donum Dei, & ipsum initium
charitatis. 695. c, d, & seq. 695. a, b
Dilectio Dei super omnia vt est auctor naturæ. 694. c
Dilectio Dei super omnia quomodo est naturalis. 695. d
Amor Dei quomodo oritur ex amore sui. 695. c
Quomodo est dispositio ad iustificationem, & prior remis-
sione peccatorum. 760. a, b
Dilectio perfecta non est sine Spiritu sancto inhabitante, con-
tra verò imperfecta. 760. c, d
Dilectionis actus quo diligitur Deus super omnia, quomodo
opponitur peccato. 848. b

Dilectio qua Deus diligit.

Dilectio Dei est efficax. 415. a
Diligere nihil est, nisi bonum velle. ibid.
Dilectio vult nobis optimum. 423. a
Diligit Deus sui similes. 423. b
Dilectio Dei est duplex. 425. c
Diligimur à Deo vt sumus boni vel quia sumus boni. ibid.
428. d, e, & seq.
Dilectio Dei est ipse Deus. 429. a, 430. b
Diligimur à Deo si Deum diligimus. 430. c, d, e
Charitas Dei ignis accendens: nostra, ignis accensus. 430. c
Dilectio Dei nos paulatim iustos facit. 760. c, d

Caro.

Caro quomodo significat totum hominem, quomodo alte-
ram tantum partem. 296. d, e, 338. b, 615. b
Carnis affectus sunt naturales. 300. d, e
Comparantur equo indomito. 300. c, 312. c, d, e
Carni non dantur præcepta, sed animæ. 301. b
Caro non est sedes iustitiæ vel iniustitiæ, sed anima. 308. c, d
Carnis delectatio quomodo peccatum, quomodo non. 313. a
Carnis opera quæ. 333. b, 615. b
Caro infecta non inficit animam. 340. c
Carnis contra spiritum rebellio. 353. a, b
Caro non est sedes peccati. 247. d, e, 248. b, 291. c, 308. c, d,
316. c
Caro in sacris litteris sumitur pro homine carnali. 615. a
Carnis affectus mors. 615. b
Carnis fructus. ibid. a, b, & seq.
Caro accipitur pro parte inferiore. 615. d
Carni in omnibus acquiescere, est peccatum mortale. ibid. d,
& seq.
Carne animalium terrestrium, & volatiliu, oua etiam & lac
magis delectant, & nutriunt. 1097. a, 1100. c
Carnium esus seminarium libidinis. 1097. c
Carne quare à Deo creatæ. ibid.
Carne quare omnino certis temporibus prohiberi potius
quàm moderate. 1097. d, e, 1100. c
Carnium esus magis est causa luxuriæ, quàm potus vini.
1107. c
Carnium esus non fuit ante diluuium. 1108. a

Catechumenus.

Catechumenis ab ipso initio traditur decalogus, & symbolum
fidei. 588. b, 741. b, 743. c

Catechumeni

Catechumeni credunt sanctam Ecclesiam, cuius tamen non sunt adhuc partes. 743. c
Ante Baptismum symbolum recitant. 743. c
Romæ singulis annis aliqui in Paschate catechumeni baptizantur. 1146. a

Causa.

Causa Causæ, est causa causati. 164. d, e, 166. c
Causa alia efficiens, alia deficiens. 162. b
Causæ multæ concurrunt ad vnum effectum. 162. b, c, 163. e, d
Causa monstri sola materia, quia illa sola deficit. 162. c, 164. d, 156. b, 554. c
Claudicationis causa est sola tibia. 162. c, d
Vniuersalis, præsertim indifferens licet sit causa causæ, non tamen est causa causati. 164. d, e, 166. a, b
Secunda abutens bono influxu causæ vniuersalis, detorquet ad malum. 166. a, b, & seq.
Qui sciens, & volens causa est actionis, cum qua est annexa deformitas, peccat; quomodo hoc intelligendum. 166. b, c
Causæ particulares vere concurrunt ad actionem malam. ibid. e, d
Vniuersales concurrunt ad actionem indifferentem, ibid. d, e
Secundæ vere & proprie operantur. 554. c
Habent ideo virtutem operatricem. 554. c
Causæ secundæ nihil possunt operari sine concursu Dei. 554. d, e, & seq.
Primæ & secundæ ordo in operando. 578. d
Principalis, & instrumentalis ordo in operando. 579. a, b, & seq.
Causæ rerum omnium sunt quatuor. 717. a, b, c
Causa formalis designatur voce *PAR.* 801. c, 803. a
Finalis designatur voce *P R O P T E R.* ibid.
Formalis est effectus causæ efficientis. 837. b

Cæremonia.

Cæremoniæ veteris legis quare tollendæ. 917. b, c, 930. a, 1075. c
Quæ tollendæ, quæ non. 1075. c, 1076. a, b
Cæremonias Iudeorum imitari non licet, virtutes licet. 924. c, 925. c, d, 1152. c, d, & seq.
Cæremoniæ Ecclesiæ veteris antiquorum Patrum in Ecclesia nostra seruantur, & quæ illæ sint. ibid.

Certitudo.

Certitudo est firmitas, & immutabilitas veritatis. 850. a, b, 851. b, c, & seq.
Certitudo obiecti, est immutabilitas rei, quæ aliter se habere non potest, quam cognoscitur. 850. b, c
Subiecti, est firmitas assensus nostri ad rem. ibid.
Obiecti oritur à necessitate ipsius rei. ibid.
Subiecti pendet partim à medio, partim à dispositione nostra. 850. c
Certitudo vera ex parte subiecti, proprie nunquam separatur à certitudine ex parte obiecti. 851. a
Ex parte obiecti potest separari à certitudine ex parte subiecti. 851. b
Alia est euident, alia obscura. ibid.
Vtrique habet tres gradus. ibid. & seq.
Certitudo euident est eorum, quæ aliquo modo videntur, 851. b
Hic primum gradum habent prima principia. ibid.
Dicitur certitudo intellectus vel principiorum. ibid. & seq.
Secundum gradum habent conclusiones ex principijs euidenter deductæ, & dicitur certitudo scientiæ. 852. b, c
Tertium gradum habent, qui sensibus percipiuntur, & dicitur certitudo experientiz. 852. c
Certitudo obscura est eorum, quæ sola fide vel opinione nituntur, ibid.
Primus eius certitudinis gradus est propter diuinam auctoritatem, quæ est certitudo fidei, & dicitur absoluta. ibid.
Secundus gradus est eorum, quæ creduntur propter humanam, celebrem & confirmatam auctoritatem. 852. c, d
Tertius est eorum, quæ signis nituntur, quæ dicitur certitudo coniecturalis. 852. d, e
Certitudo fidei, & certitudo fiduciæ, quomodo differunt. 852. c
Certitudinem fidei de iustitia nostra non possumus habere nisi per reuelationem, probatur ex Scholasticis & Academicis. 852. c, d, 852. c
Certitudo fidei non Ecclesiæ, sed Dei auctoritate nititur. 852. c, 852. c, d, 852. a
Certitudo salutis pendet à bonis operibus. 863. a, 864. a, b, c, d
Potest iusto reuelari. 868. b, c, & seq.
Certitudo fidei vel in verbo Dei continetur, vel ex verbo Dei euidenter deducitur. 866. c
Certitudo aliquando accipitur pro persuasionem & confidentia. 872. d, e

Gignit audaciam. 874. b, c, & seq.
Certitudo religionis Christianæ. 875. d
Certitudo coniecturalis propriæ iustitiæ satis est ad animæ tranquillitatem. 875. c
Certitudo remissionis peccatorum in Sacramentis. 879. c
880. a, 882. a, b
Quomodo simus certi, quomodo incerti de nostra iustitia. 880. b, c, 887. d, e
Certitudo ex signis etiam euidentissimis non potest esse nisi coniecturalis. 882. c
Certitudo spei, vide spes.

Christiani.

Christiani non nascuntur, sed fiunt. 255. a, 254. a
Christiani alij boni, alij mali. 369. c, 170. a, b
Boni omnibus, mali hædis assimilantur. 370. b, c
Christiani non sunt tantum vna gens vt Hebræi. 917. c, d
Christianus populus cur non potest iisdem particulis ritibus regi. ibid. d
A Christianis exiguntur plura quam antiquitus à Iudæis. ibid. d
Christiani quam liberi à lege Moysi. 930. a, b, & seq.
Quomodo non liberi. ibid.
Christiani omnes debent memoria tenere, intelligere, & quotidie recitare orationem Dominicam. 1033. b, c
Omnes inter se fratres se esse agnoscunt, dicendo, *Pater noster.* 1037. d, e
Omnes pro se mutuo orant dicendo. *Pater noster.* 1037. d, e & seq.
Horum proprium est officium diuinum recitare. 1037. e, 1038. a
Quomodo differunt ab omnibus gentibus. ibid. & seq.
Possunt imitari Iudeorum virtutes, non autem cæremonias. 1152. b, c, & seq.
Possunt diuitias possidere. 1178. b, c, & seq. Probat. ibid. d, e, & seq.
Contra aliqui senserunt. 1178. c, d, Soluuntur eorum argumenta. 1178. d, e, & seq.

Christus.

Christus filius Dei per naturam. 252. a, b, & seq.
Missus in mundum, vt esset causa salutis, non occasio ruinæ. 146. b, c, d
Hominum malitia erat petra scandali. ibid.
Erat lapis ab ædificantibus reprobatus. ibid. c, & seq.
Lapis angularis, caput anguli, probatus, electus, & c. 146. b, c, & seq.
Quomodo elegit Iudam. 154. c, 155. a
Quare non venit statim post lapsum Adæ. 156. e, 157. a
Occasione peccati Adæ nobis datus est. 172. a, b, & seq.
In eo maiora dona recuperauimus, quam in Adamo amissimus. 172. b, c, d
Non prodest, nisi quibus per instrumentum aliquod applicatur. 104. c
Comparatur cum Adamo. 107. c, 158. d, e, 112. a, b, 133. c, 205. e, 256. c, 268. c, d
Nos Deo reconciliauit. 209. a, 112. c, 115. b, c, d, 833. c, d
Pro omnibus mortuus est. 215. c, 221. d, e, 262. b, c, d, 263. a, 266. d, e
Factus est pro nobis peccatum. 215. d, d, 183. c, & seq. 308. b, c, 825. a, 833. e, 834. d
Pro actuali & originali peccato passus est. 217. a, 119. b, 372. d
Non fuit in Adamo iniustus. 127. d
Eius iustitia quibus nihil prodest. 334. e
Quomodo in lumbis Abrahæ. 245. d, e, & seq.
Quomodo non est decimatus in lumbis Abrahæ. ibid. & seq.
Eius Sacerdotium præstantius Levitico. 245. e, & seq.
Erat secundum ordinem Melchisedech. 245. e, & seq.
Non patrem sed matrem habuit ex progenie Abrahæ. 246. a
Ex virgine conceptus & natus per virtutem Spiritus sancti. ibid. a, b, 257. d, 261. c, d, e, 263. d, 265. e, 267. a
Cur non contraxit peccatum originis. 246. a, b, 262. d, e
Christi ad Belial nulla conuentio. 259. c, 260. a
Christus quomodo solus immunis à peccato originis, quomodo non solus. 261. d, e, 263. d, e, 266. a
Solus ex vi generationis peccatum originis non contraxit. 263. e, & seq. 265. a, b, c
Quo fuit eius caro in similitudinem peccati. 182. d, 265. a
Assumpsit naturam humanam eiusdem speciei cum nostra. 277. c
Quare concupiscentiam & ignorantiam noluit habere. 334. c
Quare, quomodo, & qualem sensus pernam passus est. 373. b
Dupliciter homines diligit. 417. c, 295. b
Singulare privilegium, vt humanitas eius in diuina persona sustentaretur. 419. c

Quomodo similis, quomodo dissimilis Soli. 451. c, 453. a, 458. a
 Caput electorum. 484. c, d, 1143. c
 Christus homo non potuit mereri suam prædestinationem 484. d, e
 Non habet gloriam ex meritis. 545. c
 Causa est meritoria nostræ iustificationis. 7. 8. a
 Ut homo vere & proprie iustus erat, iustitia creata inherente 810. d
 Creata hac iustitia pro nobis satisfecit. 816. c, d
 Quomodo dicitur maledictus. 815. a, b
 Sponsus animæ nostræ. 815. c
 Iustitia nostra est, quia causa est efficiens nostræ iustitiæ. 831. c, 833. a, 837. b
 Item quia nostra satisfactio. 833. a, c, 834. a
 Item quia sumus membra Christi capitis nostri. 834. a
 Christum induere quid significet. 840. b, c, d, 841. d
 Christi iustitiam participamus per regenerationem. 841. d
 Christus est verus legislator. 923. c, d, e
 Conferretur cum Mose. ibid.
 Rex noster ex Scripturis. ibid. c, 924. a
 Iudex totius mundi. 923. c, d
 Semper mediator. 948. b
 Debita ipsi erat gloria corporis duplici titulo. 971. c
 Simul viator & comprehensor. 995. b, c
 Est magis impeccabilis, quam confirmati in gratia. ibid. c, 996. a
 Solus potest gratiam mereri de condigno. 1022. d, e
 Christi ieiunium, & rentatio ad exemplum nostrum semel. 1143. c, 1144. a, b, & seq.
 Christum admiramur magis, quam imitatur. 1144. d, e, 1145. a
 Christus feria quarta traditus, feria sexta crucifixus. 1146. d, e
 Sua passione satisfecit pro omnibus peccatis non solum pro peccato originis contra Lutheranos. 1214. c, 1215. a, b, c

Circuncisio.

Circuncisio erat instituta ad tollendum peccatum originis. 221. c, d,
 Vel ad significandam purgationem peccati originis. ibid.
 Circuncisio quare in membro genitali facta. ibid.
 Circuncisio Dei mandato filiis fidelium adhibenda erat. 252. d

Clericus.

Clerici vel Sacerdotes magis orare debent, quam alii. 1017. a, 1080. a, b, & seq.
 Magis obligantur ad officium diuinum recitandum. 1038. a, 1086. a, b, 1087. b, c
 Idque vel ratione ordinis sacri, vel Ecclesiastici beneficii 1086. a
 Clerici & Monachi soli obligantur ad officium diuinum, ut in antiqua lege soli Levitæ. 1037. c, 1038. c
 Clerici iunt Ecclesiæ milites spirituales. 1086. d, e
 Horum proprium est publice populo prædicare, & pro populo assidue orare. ibid. c, d
 Antiquitus solebant ordinari tantum in solemnibus ieiuniis decem mensis. 1150. d, e
 Nunc in quatuor ieiuniis solemnibus ordinari solent. ibid. d

Cælum.

Cælum natura sua est corpus incorruptibile. 360. a, b
 Cælum nouum quid. 366. b
 Cælum aliud sydereum, aliud æthereum. ibid.
 Cæli mentes sanctorum hominum. 1038. a
 Cælum propriè sedes Dei. ibid.
 Cælum, id est, spiritus. 1041. a
 Per cælum intelliguntur iusti, & fideles. 1041. b
 Cælum, id est, Christus. ibid.
 Cælum est Ecclesia triumphans. 1041. c

Columba.

Columba & ovis natura sunt animalia simplicissima. 174. a, b
 Columba assimilatur Maria in Canucis. 258. c

Communitas.

Communitatem rerum omnium introducere voluit Plato 1138. b, c, 1181. d
 Refutatur ab Aristotele & Tertulliano. 1138. c
 Communitas rerum omnium magnas introducit confusiones. 1179. b, c, d
 Nō simpliciter est necessaria ad salutem, sed commodior ad seruandum Deo. 1181. c
 Laudatur. 1181. d, 1182. b
 Esset melior simpliciter, non autem supposita naturæ corruptione. 1181. b
 Expeditis paucis, qui serio abstrahant se à rebus temporalibus. 1181. c

Quomodo communia sunt omnia iure naturæ, quomodo non. 2181. c, d

Concilia.

Concilia condemnantia eos qui negant peccatum originale. 219. a, b, & seq.
 Concilium primum generale Nicænum fuit omnium primum. 1130. a, b

Concupiscentia.

Concupiscentia fontamentationum. 23. d, 81. d, e, 121. b, 330. a, b, & seq. 179. c, d
 Est lex membrorum repugnans legi mentis. ibid. 180. a, b, & seq. 292. c, d, 297. c, 298. c, 309. c, 387. a, b, c, 317. c
 Est potius peccati. ibid. 25. c, 302. c, 305. d, 308. b, 309. a, b, 330. d, e
 Fuisse homini in putis naturalibus conditio naturalis. 25. c, 298. a, b, & seq. 300. c
 Est mala, & naturæ contraria. 25. c, 309. a, c, 330. c
 Peccati fomes. 70. c, 205. d, 310. a
 Habet tres motus. 81. d, e, & seq. 81. b, c, 194. b
 Non potuisset in statu innocentie repugnare rationi, nisi prius ratio rebellasset Deo. 174. c, 178. d, 87. c
 Concupiscentia proximorum parentum non transtulit peccatum originis in filios. 249. c
 Quando dicitur regnare & imperare. 278. d
 Est vis appetendi immoderata. ibid. d, 337. d
 Potest dici animi potentia, sed viciata. 285. c, & seq. 341. d
 Est languor naturæ. 285. c, 289. c, 302. d, 306. a, 316. d, 327. c, 331. c, d, 341. d, e
 Est materialiter peccatum originis. 345. d, e
 Non esse peccatum originis probatur ex Scripturis. 294. a, b, & seq. Ex Patribus 300. a, b, & seq. Ratione. 304. c, 305. a, b, & seq.
 Soluuntur hereticorum obiectiones. 307. c, d, & seq.
 Concupiscentia in nobis relicta est ad agonem. 300. c, 302. d, e, 319. c, d, 314. a, b
 Assimilatur canibus rabiosis. 300. d
 Eius principium est à natura, male tamen concupiscere, est à voluntate. 301. a
 Est via ad peccatum. 301. c, 309. a, b
 Non esse peccatum, probatur ex omnibus tomis operum S. Augustini. 302. b, c, 308. d
 Vocatur tamen peccatum, quia ex peccato ortum habet. 9. a, b, 279. c, 290. b, d, 302. b, c, 306. e
 Est vna pars corruptionis humanæ naturæ. 306. c
 Concupiscentiæ primi motus inuoluntarij non sunt peccata. 295. d, 306. c, 318. c, 330. b, c, & seq. 332. d, 334. b, c
 Dicitur peccatum, quia causa est peccati. 307. d, 310. b, c, & seq. 321. a, b, & seq. 309. c, 330. d, e
 In iustificatione non tollitur. 308. c
 Quot modis dicitur mala. 386. c, d
 Duobus modis accipitur. 310. a, b, c, & seq.
 Concupiscentia non carnis, sed cordis est voluntaria & prohibita. 309. d, 310. b, c, 312. b, c
 Quomodo dicitur lex. 309. c
 Superata potest ad mercedem gloriæ. 310. c, 312. a
 Est ciuile bellum. 312. b, 333. b, 382. a, 383. b
 Quomodo dicitur iniquitas. ibid. c, 382. a, b, & seq.
 Eius actus duplex. 323. b, c
 Remanet in Renatis quo ad actum non tamen facit reos. 324. a, b, & seq. 325. c, d, 331. d
 Eius reatus triplex. ibid. c
 Quomodo dicitur remitti in Baptismo. 314. b, & seq. 325. a, c, 331. b
 In carne materialiter, in mente formaliter est peccatum. 326. c, 327. a
 Assimilatur habitui, non actui. 317. a, 318. b
 Quomodo repugnat virtuti. ibid.
 Post Baptismum non est peccatum, sed vitium. 318. c, 334. c, d
 Est sub animi potestate. 318. d
 Odio habetur à Deo. 327. a, 330. a, 331. b, 333. b
 Est illicita. 331. c, 332. a, b, c
 Quomodo à Deo, quomodo non. 333. d, e
 Repugnat legi mentis & Dei. ibid. 335. c, d, & seq.
 Quomodo sit bona. 337. b, c, 387. a
 Variis modis accipitur. ibid. & seq.
 Respondet in parte hominis inferiore. 317. c, 338. a
 Concupiscentia bonorum, & vanitatum est in superiori animi parte. 338. b, c
 Non solum in carne sed etiam in mente sedem habet. ibid. c
 Magis apparet in sensualitate. 338. c, d, 339. a
 Non est positina qualitas. 339. a
 Repugnat rationi ex carentia iustitiæ originalis. ibid. & seq.
 Per Baptismum non tollitur, sed ligatur. 341. b
 Contra Spiritum vsque ad mortem pugnat. 381. b
 In verat rationi. 338. b, 339. d, 381. c
 Adolescentes ad insaniam adigit. 385. c

Hominum

Hominum concupiscentia longè peior bestiarum. *ibid.*
 Quibus armis sancti viri concupiscentiam represserint. 83. c, d
 Concupiscentia miras clades mundo intulit. 383. d
 Quam insignes viros peruerterit. *ibid.*
 Quibus modis sit reprimenda. 333. d, 383. c, d
 Concupiscentia spiritus bona, carnis mala. 333. d, 337. b, c, & seq.
 337. a
 Concupiscentiæ motus etiam inuoluntarios homines casti
 pari nollent. 947. d
 Compunctio ex terrore nascitur. 912. b

Confessio Augustana.

Confessio Augustana cohæret cum Ariana hæresi circa vni-
 tatem essentia diuinæ, & quomodo. 1121. b, c, & seq. 1100.
 a, b, c, & seq. damnata à Carolo V. cum subscriptione quin-
 que Electorum, Ecclesiasticorum principum triginta, sa-
 cularium viginti trium Abbatum viginti duorum, Comi-
 tum & Baronum triginta duorum, Ciuitatum liberarum &
 Imperialium triginta nouem. 1197. b
 Confessio Lutheri in quor dissentiat à Confessione Augusta-
 na, & quam sit secum pugnans in duobus articulis, altero
 de unitate essentia diuinæ, altero de Incarnatione 1199. a,
 b, & seq.

Coniugium.

Non exercetur opus coniugii sine ardore libidinis etiam à
 sanctissimis coniugibus. 150. b, 301. a, b
 Coniugium concupiscentiæ remedium. 386. c
 Coniugii opus exercetur non amore posteritatis sed ardore
 libidinis. *ibid.*
 Cur exercetur in tenebris. 387. b
 Quando & quomodo est peccatum, quando & quomodo
 non. 952. b, c, & seq.
 Saturninus, & quidam alij Hæretici dixerunt, nuptias malas
 esse, & à diabolo. 1129. d, 1131. a, b, & seq.
 Coniugium omnino prohibitum sacerdotibus, ex Canonibus
 omnibus contra Lutheranos. 1112. c, d, e, 1213. a, b, 1114. a, b
 quando prohibitum sacerdotibus. 1209. d, e, & seq.

Conscientia.

Conscientia etiam erronea semper obligat. 616. c
 Conscientiæ discussio ante Eucharistiam. 873. b, c
 Conscientia bona consolationem, non omnimodam securi-
 tatem affert. *ibid.* 887. d, c, 889. c, d, 986. d
 Conscientiæ bonæ triplex testimonium. 883. b, c
 Conscientia bona quos habeat effectus 889. c, d, & seq.

Consuetudo.

Consuetudinis Ecclesiasticæ vis & efficacia. 255. a

Continentia.

Continentia est virtus moralis. 596. d, e
 Non potest seruari sine gratia Dei. *ibid.* & seq.
 Continentia est virginum, viduarum & coniugatorum. *ibi-*
 dem c

Coniucium.

Coniucium manifestum est peccatum mortale 77. c, 78. c
 79. a, 91. b, c
 Coniucium in bonum à Deo conuersum. 148. a, b

Cooperatio.

Cooperatio Dei non excluditur per liberum arbitrium. 569. a,
 711. c, d, e
 Non tollit aut destruit, sed adiuvat & perficit naturam. *ibid.* b
 Cooperatio diuina concordat cum libero arbitrio. 574. b, c,
 & seq. 711. c, d, e
 Non est ante, sed simul cum voluntate humana. 576. b, c, d, &
 seq.
 In vnoquoque est secundum naturam vniuscuiusque. 577. c
 Concurrit cum causis secundis. 161. c, 381. a, b, & seq.
 Sumus cooperatores & coadiutores Dei. 699. a, b, & seq.
 Cooperatio hominum cum Deo, in quibus operibus est, in
 quibus non. 612. c, d, 699. d, e
 Bonis omnia cooperantur in bonum. 699. c, & seq.
 Cooperatio hominum cum Deo, probatur ex Scripturis.
 700. a, b, c, & seq. Ex S. Augustino. 701. c, & seq.
 Possunt homines cooperari, vel non cooperari Deo. 701. a, b
 & seq.
 Cooperatio gratiæ cum libero arbitrio probatur. 712. c, 713.
 a, b, & seq.
 Cooperatio gratiæ adiuantis quomodo concurrit. 718. a, b

Cor.

Cor est fons peccatorum per modum principij actiui & in-
 terni. 180. a, b

Cor peccato obduratum assimilatur lapidi. 283. c, d
 Cordis non carnis concupiscentia voluntaria est, & lege pro-
 hibita. 309. d
 Cor hominis fons & origo malorum. 613. b
 Cor in sacris litteris accipitur pro toto homine interiore.
 737. b

Cornelius.

Cornelius quomodo ad fidem conuersus. 676. c, 690. c
 Cornelij eleemosynæ & orationes. *ibid.* & 691. a
 Eleemosynis obtinuit gratiam. *ibid.*

Curiositas.

Curiositas valnus mentis humanæ. 379. d, e
 Curiosus libentius aliena obseruat, quàm sua. *ibid.*
 Curiosa aliorum vitiatorum inquisitio perniciofa. 379. d, e

*D.**Damnati.*

Damnatorum corpora post resurrectionem qualia erunt.
 372. c
 In damnatis Deus iustitiam suam manifestat. 364. c
 Damnatis optimè conuenit carcer & ergastulum sub terra.
 365. b, 366. c
 Damnatis ad ignem inferni bonum fuisse numquam nasci.
 368. d
 Damnati in die iudicij videbunt electos in gloria ad cælum
 ascendentes. 374. c, 375. a
 Damnati sunt obfirmati in odio actuali Dei & proximi. 614.
 a, b

David.

David cum omnibus Prophetis in cælis regnat. 72. b, c
 Davidis magnum peccatum. 72. c, d, & seq. 162. a
 Publica eius penitentia. 73. a, b
 David voce Domini per Nathan reuixit, vt Lazarus ex sepul-
 chro voce Christi. 73. b
 In toto corde secutus est Deum. 92. a
 Peccauit grauius numerando Israël. 135. a, 137. c
 Occidit Uriam. 142. d, e, 162. a
 A Deo punitur. 145. a
 Confitetur & deplorat peccata sua. 214. b, d, 217. d, 218. b, 219. c,
 255. c
 Natus est ex honesto coniugio. 214. d, e, 218. b, c
 Fugit persecutionem Saulis. 239. d
 Erat filius viri fidelis & iusti. 218. b, 252. c
 Conceptus & natus in peccato originis. 214. b, 218. b, 255. c
 A concupiscentia victus. 383. c, d
 Non aude se iustum pronunciare. 810. a, d, 867. a
 Semel iustus excidit a iusticia. 899. b, c, d, & seq.
 Confidebat opera sua in iudicio Dei posse consistere. 949. d, e
 Septies in die laudem dicebat Deo. 1066. d, e
 Media nocte surgebat ad confitendum Domino. *ibid.* c
 Vespere, mane & meridie orabat. 1067. b

Decalogus.

Decalogum ad se non pertinere, dicunt hæretici. 913. c
 Decalogus à Christo & Apostolis commendatur fidelibus.
 924. c, 925. a, b, & seq.
 Excepta Sabbati obseruatione. 926. c

Defectus.

Defectus est necessario à causa deficiente. 262. b, c
 Defectus est causa peccati. 162. c, d, & seq.
 Est triplex. 162. c
 Defectus proximus est, non attendere ad regulam rationis.
 162. c, 163. a
 Est voluntarius, non quia elicitus à voluntate, sed quia in
 potestate voluntatis. 162. c, & seq.
 Non est actus positivus. *ibid.*
 Vt præcedit actum peccati, non est malum aliquod naturale,
 vel voluntarium. 162. c, 163. a
 Est simplex negatio. 163. a
 Quomodo induit rationem mali, quomodo non. *ibid.*
 Quomodo est causa mali. *ibid.*
 Defectus in infinitum non datur. *ibid.*
 Defectus remotus est, quia voluntas nō est summum bonum
 163. a, b
 Remotissimus, quia voluntas humana est creata ex nihilo.
 163. b
 Defectus in summum bonum cadere non potest. 163. b, c

I N D E X

Referri debet in causam proximam. 154. d, e
 Sæpe est in causa secunda, & non in prima. 166. a, b

Deuotio.

Deuotio interna est promptitudo animi ad Deum laudandū 1085. c, d
 Externa est promptitudo ad opera exteriora, vt ad genuflexionem, &c. 1085. d
 Quæ collectione animi excitanda. 1085. c, d
 Deuota oratio exprimit lachrymas. 1085. d
 Deuotio S. Francisci in horis recitandis. 1085. e

Deus.

Deus neminem tentat. 23. d, 120. a, b, & seq.
 Deus non est causa mali. 23. d, e, 119. a, b, & seq. 123. d, e, 137. e
 Non est auctor peccati. 30. d, e, & seq. 113. d, 119. a, b, & seq.
 Non punit antequam peccent homines. 33. c
 Promptior est ad præmiandum, quam ad puniendum. 96. c, d
 Non potest punire sine malis meritis, quia iustus est. 79. b
 130. c, 499. c, d
 Deum esse auctorem primum peccati, primus omnium dixit Simon Magus. 99. a, b, & seq.
 Deos duos poluerunt quidam hæretici, malum & bonum 99. b, 100. a, b, 128. a
 Deo repugnante nihil fieri potest. 108. d, e
 Deo non ponitur lex ab aliquo superiore. 112. b, c, 161. c
 Dei sapientia lex Dei est. 112. a, b, 117. c, 160. d, 161. c, d, e
 Deus non potest seipsum negare. 112. b, 160. d, 161. e
 Non est auctor peccati, probatur ex Scripturis. 119. a, b, & seq.
 Ex Patribus. 122. a. a, b, cum seq. 137. c. 135. c
 Deus non nouit præfice malum. 123. d
 Est mali permissor, non effector. ibid. 124. a, b, 130. c
 Est auctor naturæ, non culpæ. 125. e
 Est causa essendi non deficiendi. 127. c, 162. b, c
 Est summum bonum & tantum causa boni. 127. c, 163. c
 Conuertit malum in bonum. 128. c, 130. c, d, e, 134. a, 137. c, 147. c, 153. e
 Quomodo Deus creat impios. 130. a
 Dei iudicia profunda & inscrutabilia. 133. c, 235. e, 443. d, e
 439. b, 441. e, 448. c, 449. a
 Deus præuidet & ordinat peccatum in bonum. 134. a, 137. c
 Quatuor modis dici potest causa, cur homines male agant. 135. c, d, & seq.
 Non positiue sed permissiue. 135. c, 136. a, b, 140. b, 148. d, 149. a, b
 Nullum deserit, nisi deseratur. 140. b, 178. a, 438. b, 483. a
 633. d
 Facit malum peccatæ, non culpæ. 145. c
 Facit entitatem, non defectum peccati. 147. c
 Deo inuito nihil fit. 148. c, d, 149. a, b
 Deus respectu peccati habet tantum non velle. 148. c, d
 Non habet velle aut nolle. 148. d, 149. a
 Non impedit concursum rerum etiam defectibilium. 150. b
 Volens permittit mala. 148. b, c, & seq.
 Deus voluntate omnia facit, quæ fieri vult. 148. c
 Si vellet fieri mala, ipse faceret mala. 148. d, 150. a
 Bene facit sinendo, quæ male fiunt. 149. c, d, 155. e
 Nunquam vult mala per se. 148. d, 149. a, b, 150. a
 Prius scit necessaria quam libera. 157. b, 501. a
 Scit qua quisque vocatione vocatus veniet, qua non ibid.
 439. c, 440. c, d, & seq. 443. d, e, 445. a, b, & seq.
 Libere, non necessario mundum creauit. 160. b
 Seipso est beatus. ibid.
 Multa facere potest, quæ hominibus sunt prohibita. 161. c
 Est omnium Dominus. 161. c, 162. a, 150. d
 Licite potuit iubere Abrahamum occidere filium suum. 162. a
 Non potuit iuare Dauid, vt occideret Vriam. 162. a
 Licite potuit Vriam, vel quemuis hominem occidere, non tamen cum homine occidente alium iniuste, concurrere. 162. a
 Ita agit cum secundis causis liberis, vt relinquat determinationem in potestate liberi arbitrii. 161. c, 164. b, c
 Non teneret mala euentura impedire. 165. a
 Eius concursus ex se est vnus, communis, & indifferens. 164. c, d, 168. b, e
 Dei concursus limitatur à voluntate humana. 164. c, 165. b
 Deus quomodo videtur causa peccati. 161. d
 Nunquam alloquitur inanimata. 195. a, b, c
 In odio peccati quoduis eius instrumentum punit. ibid. b
 Deus non potest peccare. 163. c
 Est auctor naturæ. 236. d, e, 237. a

bit immutabilis, solus bonus, solus sapiens, &c. 138. a, 161. d, e
 273. b,
 Non iubet impossibile. 306. e
 Non fecit omnia præter peccatum. 333. b, c, & seq.
 Deus quomodo est auctor mortis, quomodo non. 333. d
 Deus ab æternitate nos dilexit. 423. a, b
 Nec fato premittitur, nec personarum acceptione corrumpitur. 418. a, 412. d, e, & seq.
 Dupliciter nos diligit. 425. c
 Nos prius diligit. 426. a, b
 Dei natura non potest alteri communicari. 429. c
 Quomodo est charitas, quomodo non, quomodo sapientia & iustitia. 430. d, e
 Vocat aliquos ita, vt sciat non venturos. 441. a, b, c
 Bona operatur in nobis, sed non sine nobis. 448. d, e
 Aliquando beneuolentior adultis sceleratissimis, quam paruulis minus malis. 490. b, c, & seq.
 Quomodo prius vult electis gloriam, quomodo prius bona opera. 491. c, d
 Amando facit bonos. 494. e
 Quomodo diligit libere, quomodo necessario, 509. b, 511. b, d
 Semper viuere, & tamen libere, quid. 512. d
 Dei præscientia & potentia quomodo libera. 511. c, 512. a
 Deum esse liberi arbitrii probatur ex Scripturis. 512. a, & seq.
 Ex Patribus. 339. c, & seq. Ratione. 541. e, 542. a, b, & seq.
 Soluuntur obiectiones. 543. a, b, c, & seq.
 Deus auctor necessitatis, non seruit necessitati. 541. c, 542. a, b
 Causa efficiente & subiecto caret. 542. d
 Deum inuocare in miseris naturale est. 541. d, e, 550. d, e
 Deus & sibi omnibus alijs est finis. 542. e
 Dei velle duobus modis consideratur. 543. c
 Non est omni modo necessarium. 544. c
 Deus & Christus homo non habet gloriam ex meritis. 545. c
 Deus non potest naturali lumine cognosci & demonstrari, item quod sit vnus & bonus. 549. c, d, & seq. Probatur ex Scripturis. ibid. Ex Patribus. 550. c, & seq. Ratione. 552. b, c, Soluuntur obiectiones. 552. d, e, & seq.
 Manifestauit se ex rebus creatis mundi sapientibus & Philosophis. 550. b, c, d, & seq.
 Eius vnitas est obiectum naturale. 552. b, c
 Deum non concurrere ad opera nostra secundum Pelagianos. 553. e
 Omnia immediate operari Deum, causas vero secundas nihil, secundum Mahometanos. 554. a
 Refutatur vterque error ex Scripturis. 514. a, b, c, & seq. Ex Patribus. ibid. b, Ratione. 514. b, c, & seq.
 Deus operatur omnia in omnibus. 553. c, 554. e, & seq.
 Quomodo facit bona & mala. 555. d
 Dat, & continuat omnium rerum esse. 555. c, 556. a
 Quomodo est determinatus ad vnum. 577. b
 Est Dominus actionum suarum ad extra. 576. a, b, 577. b
 Deus operatur, quia voluntas nostra operatur, non contra 578. c, 579. a
 Dei concursus generalis, & indifferens modificatur à causa secunda quoad specificationem. 579. d
 Quomodo ab æterno determinauit omnes effectus. 579. c, 580. a
 Quomodo futura præcognoscit. 581. a, b, & seq.
 Eset colendus licet beatitudinem dare nollet. 605. a
 Nos condemnat vt iudex. 805. b
 Quomodo nos modo iustificat, quomodo in die iudicii iustificabit. 805. c
 Declarando iustum, facit iustum. ibid.
 Condemnat & iustificat longe aliter atque homines. 807. b
 Quomodo omnia inhabitat. 816. b, c
 In Baptismo iustificat & iustificatur. 818. a
 Quomodo est totus in omnibus & singulis. 905. d
 Nemini est debitor, nisi ex promissione. 1003. d, 016. e, 1017. a
 Fit debitor bene operantibus ex sua promissione. 1011. c, d, & seq.
 Est iustus iudex in remuneratione. 1011. d, e
 Dat mercedem ex iustitia distributiva, non commutativa. 1016. d
 Quomodo obiectum beatitudinis, quomodo meriti. 1016. c
 Præmiat supra condignum. 1017. a, b, & seq.
 Punit citra condignum. 1018. b, c, d, & seq.
 Cur dicitur esse in cælis, cum sit in terris, & vbique. 1038. b
 Dicitur irasci ad similitudinem hominum. 1049. a

Diabolus.

Diabolus non potest cogere ad peccatum. 156. b, 611. d
 Permissus est Adamum vincere, vt postea maiore cum Sacerum gloria vinceretur. 172. b, c
 Per verum serpentem locutus est, & tentauit Heuam. 173. b, c, d, & seq.
 Vocatur serpens, quia serpentem induit. 171. d

Quare potius serpentem quam aliam bestiam assumpsit a-
tentandum Heuam. 173. c. 174. a, b
Non fuit illi permittum aliud animal ad hoc assumere. 174.
a, b
Eius astutia & calliditas. ibid. 195. d
Vt Heuam seduceret, finxit se amicum Dei. 171. c, & seq.
Per mulierem seduxit Adamum. 183. d. c. 184. d, c, & seq. 189. c
Est obdurator in malo. 195. d
Est miserrima bestia. ibid.
Quomodo gaudet de malo. ibid. c
Potestatem aliquando habet in homines etiam sanctos, quo-
ad corpus. ibid. c, 383. d. c
Illi accommodatur maledictio serpentis. 195. a, b
Diabolum imitantur qui peccant. 209. c, 181. b
Est fons peccatorum. 279. a, b, c
Quam habet potestatem producendi res. 339. c
Eius potestas in corpora & mentes hominum. 385. a
Dæmones credunt & contremiscunt. 518. b, 746. d
Dæmon negat liberum arbitrium. 564. d
Varias habet nocendi artes per concupiscentiam nostram.
604. c
Dæmones sunt obfirmati in actuali odio Dei & proximi.
623. a
Respectu ultimi finis non habent liberum arbitrium à neces-
sitate, sed tantum à coactione. 628. d. c
Respectu mediorum habent utroque modo liberum arbi-
trium. ibid.
Quomodo semper necessarii mala agunt, quomodo non.
ibid. & 629. a, & seq.
Eorum poena crescere non potest, quia sunt in termino.
628. c
Diabolum inuocant, qui in peccato persistentes, dicunt,
Pater noster. 1037. b, c
Diabolus neminem vincere, imò nec tentare potest, nisi Deo
permittente. 1047. d

Dies iudicij.

Post diem iudicij nulla erunt corpora mixta. 359. a, b, c, & seq.
360. b
In vniuersali iudicio omnes aderunt. 370. a, b, 371. a
Huius iudicij forma non omnibus eadem. ibid. & seq.
Iudicium auctorum secundum opera eorum. 367. c, & seq.
371. a, b, c
Idem quomodo dicitur de infantibus. 371. c, d
Post diem iudicij rerum vis & natura mutabitur. 371. d, 372. d
In vniuersali iudicio omnibus omnia manifestabuntur. 374. c,
375. a, b, c, & seq.
Dies iudicij magis horrendis magnatibus & regibus, quam
alijs. 412. d, 433. c, 415. a

Diluuium.

Diluuium deformasse locum paradisi. 41. c, 43. c
Non abstulisse inde temperiem aeris. 43. d, c, 47. a
Non penetrasse paradysum. 46. b, d
Non abstulisse arbores. 47. a
Detrimentum aliquod paradiso intulisse. 47. a, b

Diuitia.

Diuitias possidere licet Christianis. 1178. b, c, & seq.
Contra senserunt aliqui. ibid. c, d
Refutantur & probatur rerum proprietas ex Scripturis & Pa-
tribus. ibid. b, & seq. Ratione. 1179. b, c, d, & seq.
Diuitibus quare difficile intrare cælum. 1179. c, 1180. a, b, c
Diuitiarum quomodo relinquenda, vt simus Christi discipuli.
1178. d, 1180. a, b, c, d, 1181. a
Quomodo sunt iniquæ. ibid. d, c
Diuites Deus non fecit. ibid. c
Velsunt iniqui, vel iniquorum hæredes. 1180. d, c
Diuitiarum vocantur mammona, id est, iniquitas, quod ex ini-
quitate collecta sit. 1180. c, d, & seq.
Non semper iniqui possidentur, licet valde inæqualiter. 1180.
d, c
Præbent causas & incitamenta ad iniquitatem. 1179. c, 1180. c
Corporales falsò vocantur diuitiarum, spirituales verè & propriè.
1180. c, 1181. a
Diuites vix sunt sine iniquitate. ibid. a, 1179. c, 1181. a
Non sunt Domini, sed dispensatores rerum, quia Deo ratio-
nem reddere debent. 1181. c, 1182. a
Soli eleemosynam facere possunt, qui proprietatem & domi-
nium rerum habent. 1183. a
Diuitiarum & paupertas possunt esse bonis & malis communes.
1181. b, 1184. d, c

Dominica dies.

Dominicis diebus nunquam ieiunatur. 1138. d, 1139. a, c, e, 1140.
a, b, 1146. b, c, 1148. d, 1151. b, c, d

Maxime tum sit conuentus Christianorum ad verbum Dei
audiendum, & communionem percipiendam. 1146. b
Latandum propter resurrectionem Christi. 1147. c, d
Dominica ieiunare est resurrectionem Christi non credere.
1155. b, c, 1156. a
Tum non orandum stato corpore. ibid. c
Dominicis qui hæretici ieiunabant. 1155. b
Dominicis nec quouis tempore est illicitum ieiunare, nisi in-
debitè fiat. 1156. a, b

Donatista.

Donatista quomodo conueniant cum Lutheranis circa Mis-
sæ vtilitatem. 1215. b, 1216. a, b

Donum.

Dona Dei possunt esse quatuor in quolibet homine. 13. b
Dona nouem. 432. a, b
Dona possunt à se inuicem separari. 432. d
Sunt à gratia gratum faciente. ibid. d, c
Vt plurimum tamen sunt cum gratia gratum faciente. ibid. c
Dona septem Spiritus sancti & à charitate, & à se inuicem se-
parari possunt. 433. a, b, c, & seq.
Donum sapientiarum, & sermonem sapientiarum idem esse. 433. a, b
Dona sapientiarum & scientiarum non sunt in omnibus bonis fide-
libus. 433. c, d, & seq.
Dona quomodo sunt inter se semper coniuncta, & cum cha-
ritate. 434. c
Non sunt tantum nouem, sed multo plura. 434. c, d
Dona septem Spiritus sancti, septem petitionibus orationis
Dominicis respondent. 1034. d

*E**Ecclesia.*

Ecclesia grex vnius pastoris. 370. b
Petit Theologicarum virtutum augmentum. 420. a
Orat pro infidelibus. 471. c, d, 679. c, d, & seq.
Occasione hæresum nouas voces cogitur admittere. 560. a, b
Ecclesie iudicio acquiescendum. 595. a
Eius orationes in paratene. 679. c
Iudicium innumeris signis confirmatum. 682. b
Ecclesia quomodo dicitur sancta, cum habeat in se bonos &
malos. 742. c, 741. a
Ecclesia ex parabolis Euangelicis probatur habere in se bo-
nos & malos. ibid. 867. c, & seq.
Sponsa Christi pulcherrima. 825. c
Facit vt innotescat quid reuelatum sit à Deo. 851. b
Ædificatur supra fundamentum Apostolorum & Prophetarum.
855. c
Per Baptismum remittit peccata. 867. c
Est in Christo vt corpus in capite. 868. c
Quibus rebus comparatur. 904. c
Vellet mortem piorum. 1040. c
Qua fide orat pro hominibus conuertendis. 1052. a, l
Per quam aptè dicitur domus orationis. 1058. a, l
Ecclesie triumphantis & militantis officium in differt. 1058. c
Ecclesiarum diuersarum consuetudines in horis recitandis. 1060.
c, d, & seq.
Ecclesia habet potestatem instituendi ieiunia, quæ obligent
in conscientia. 1155. c, 1160. c, c
Ecclesia Græca in quo Concilio damnet coniugia sacerdo-
tum non esse facienda post susceptos ordines, & quæ poen-
illis esset constituta. 1230. b, c
Ecclesia habet duos modos viuendi perfectos, & qui illi sint.
1204. b, c

Eden.

Eden multis modis accipitur. 44. d,
Eden non esse Paradysum. ibid.
Eden significare voluptatem & non esse nomen loci. ibid.
Paradysum esse in Eden. ibid.

Electio.

Electio est voluntatis. Probatur ex Scripturis. 474.
electos ad regnum Dei infallibiliter saluandos. 474. a, c, & seq.
Electos esse ex mera Dei gratia. 475. b, c, d, & seq. 491.
Electio est sortitura respectu electorum, certa respectu De-
476. c
Est sine ulla præuisione operum. ibid. 488. d, c, 489.
Aliquando accipitur pro vocatione, quæ est effectus præ-
stinationis. 496. d, c, 497.
Electio Dei æterna dupliciter accipitur. 491.
Aliquando accipitur pro voluntate dandi gloriam pro-
merita. ibid. c
Est conclusio consultationis & proprius actus liberi arbitrii.
506. d, c, 510. c, 511. a, 515. a, 534. d

Est de medijs, non de fine. 306. d
 Dupliciter fieri potest. ibid. d, e, 307. a
 Varijs nominibus appellatur. 325. a, b
 Continet in se & actum vltimi iudicii practici, & actum approbationis voluntatis. ibid.
 Electio requisita ad liberum arbitrium, debet fieri cum pleno rationis iudicio. 343. b
 Electio mali est imperfectio libertatis. ibid.
 Electio tantum humana requirit precedentem consultationem. ibid. b, c
 Electio libera, non autem executio libera requiritur ad liberum arbitrium. 368. c
 Diuina ut faciat homines bonos, requirit in eis liberum arbitrium. 633. a
 Diuina non facit, sed finit esse malos. ibid. b

Eleemosyna.

Eleemosyna commendatur. 691. a, 1167. a, b, c, & seq.
 Auger iustitiam. 919. c
 Non separanda ab oratione, & ieiunio. 1161. a
 Eleemosyna quid. 1161. a, b, 1162. a
 Est actus misericordiae elicited. ibid.
 Unde denatur hoc nomen. 1161. b
 Est id quod pauperes petunt, & diuites dant. 1162. a
 Est actus a charitate imperatus. ibid.
 Impeditur ab auaritia, inuatur a liberalitate, cuius est effectus. 1162. a, b, & seq.
 Sine charitate est actus moralis, & proprie eleemosyna, vel saltem materialiter dici potest. 1162. b
 Alia est corporalis, alia spiritalis, & vtriusque septem sunt species. 1163. a, b, & seq.
 Laudatur & iubetur in Scripturis. 1163. d, 1168. c
 De eius fructu duo errores. 1164. b
 Non sufficit ad salutem sine alijs virtutibus. 1164. c, d, & seq.
 Soluuntur obiectiones contrariae sententiae. 1165. b, c, & seq.
 Eleemosynam dare est suam & aliorum animas vitij purgare. 1165. c
 Est proprie opus misericordiae erga alios. 1165. d
 Ut est fructus poenitentiae tollit peccatum, impetrat iustificationem. 1167. b, c, & seq. 1169. a, b
 Nec meretur, nec satisfact secundum haeticos. 1168. b
 In homine iusto meretur vitam aeternam, satisfact pro peccatis, auger fiduciam apud Deum, & gaudium spirituale, Deo & proximo gratiam facit, conciliat beneuolentiam & orationes multorum. 1168. c, d, e, & seq.
 Impetravit Cornelio gratiam fidei Christianae. 1169. b
 Causa est augmenti diuitiarum temporalium. 1169. b, c
 Eius magnitudo ex tribus sumitur, 1169. c, & seq.
 Eleemosyna parua videtur praefertur diuitum magnis donationibus. 1170. a, b, & seq.
 Praeceptum de danda eleemosyna non est iustitiae, sed charitatis. 1171. b
 Reducitur ad non fura beris, vel honora patrem & matrem. 1171. b, c
 Est praecceptum affirmatiuum, non negatiuum. 1171. a
 Magis obligat Ecclesiasticos, quam laicos. 1172. a
 Eleemosynam dare, est imperare non seruire diuitijs. 1172. d
 Quando danda ex necessarijs naturae. 1175. a, b
 Quando ex necessarijs personae, vel statui. 1175. b
 Non est necessariu danda, quando per mutuum, vel venditionem, vel alio modo proximo subueniri potest. 1175. b, c
 Non est facienda in magnum praedudicium proprii status, & dignitatis, nisi in satis causis. 1175. d
 Multi Sancti etiam ex necessarijs ad statum dederunt pauperibus. 1176. b, c, d, & seq.
 De male partis quando fieri potest, quando non. 1177. b, c, & seq.
 Debet esse ex proprijs. 1177. b
 Eleemosynas dare est diuitum, recipere pauperum, & hic habet suum fundamentum eleemosyna. 1178. b, 1181. c, 1183. a
 Eleemosynas dare est tantum eorum, qui dominium & proprietatem diuitiarum habent, non eorum, qui obedire debent. 1183. a
 Eleemosyna non est danda peccatori ut talis est, sed ut est miser, & potius bono quam malo danda. 1184. a, b
 Eleemosyna facit nobis amicos Angelos. 1184. a
 Malis data propter Deum, non est inanis. ibid.
 Ut sit bona, quinque conditiones requirit. 1185. a, b, c, & seq.
 Largas pluri aestimatur, cum multis aliquid, quam cum paucis multum datur, aliquando tamen contrarium expetit. 1186. a, b, c
 Eleemosynas non minore largitate, quam prudenti charitate esse faciendas. 1186. a, b

Elementa.

Omnia pugnant contra hominem 381. b, & seq. 388. a, b, & seq.

Esa.

Qui contempta vocatione fit reprobus. 437. d, 441. b
 Habuit gratiam sufficientem, non efficacem. 440. b
 Etiam reprobus, Iacob electus. 133. b, 239. b, 475. c, 476. a, b, c, & seq. 494. a, b, 497. c

Esseni.

Essenorum laudatur ieiunium, continentia, abstinentia, sobrietas, victus. 1158. b, c, & seq. 1159. a
 Fuerunt Christiani adeoque discipuli S. Marci Euangelistae. 1158. c, 1159. a

Ethnici.

Ethnici vocarunt naturam nouercam. 30. c, 31. a, 384. c, 388. c
 Varia senserunt de homine eiusque natura. 31. a, b
 Crediderunt equos & fluuios loqui. 173. d, e
 Ignorabant peccatum originis. 223. a, 1058. a
 Celebrare solebant dies suos natales. 223. a
 Varia senserunt de origine animae rationalis. 237. c, 238. a, b, & seq.
 De breuitate vitae. 384. b, c
 De miseris vitae. 388. c, d, & seq.
 Quomodo dicantur a Deo derelicti. 467. d, e, 468. a
 Quomodo habeant sufficiens auxilium ad salutem. ibid.
 Hi electi, Iudaei reiecti. 476. c
 Vocat eos Christus suas oues. 490. c, d
 Multi illorum defenderunt liberum arbitrium. 566. a, b
 Per cognitionem vnius Dei ex creaturis collectam potuerunt abstinere ab idolis. 586. c, d, 587. a, b
 Gentes in Scripturis ferè semper infideles significant. 588. a
 Eorum opera nonnulla a Deo premiata. 606. a
 Ab ijs opera fieri possunt siue, cum speciali Dei auxilio, siue solis naturae viribus. 606. d, 607. d, 610. a
 Sine fide Deum & eius providentiam cognoscere potuerunt. 610. a, b, & seq.
 Quantum rationis naturalis lumen ostenderint. 613. a
 Omnia ferè eorum opera vitiantur ex malo fine. 608. b, c, 620. a, 639. c
 Eorum famosissimi verè fuerunt improbi. 690. c
 Moriendi pro patria nihil praeter gloriam suam quaerebant. 696. d
 Aliqui eorum putarunt orationibus hominum mutari providentiam Dei. 1028. b, c

Euangelium.

Euangelium continet doctrinam operum, & leges varias. 910. d, e
 Duobus modis accipi potest. 920. c, 911. a, & seq.
 Ferè semper accipitur in sacris litteris pro doctrina Christi, & Apostolorum, & Euangelistarum. 911. a, 913. a, b
 Quomodo differt a lege. 909. b, 910. c, 911. a, 916. c
 Secundum haeticos dicitur praedicatio Christi & Apostolorum. 911. a
 Euangelium continet in se tria. 911. b
 Continet leges. ibid.
 Continet comminationes. 911. d, & seq.
 Promissiones conditionales, non absolutas. 911. c
 Euangelium quot modis dicatur. 912. c
 Euangelij & legis duo praecipua discrimina. 916. b, c
 Euangelium est in lege, ut arbor in semine. ibid.
 Euangelica doctrina superat doctrinam legis & Prophetarum. 916. d, & seq.
 Euangelium ferè conuenit cum lege in legibus moralibus. 888. a, 917. d
 Quomodo superat legem veterem. 917. d
 Euangelium per Christum, lex per Moysen. 919. d, 921. a
 Euangelium toti mundo, lex vetus tantum Iudaeis data est. 920. d, e, & seq.
 Euangelium corpus & veritas, lex umbra & figura. 920. c
 Succedit legi Moysi, Euangelio verò nulla lex succedet. 921. a, b, & seq.
 Euangelium vel Christi legem non habituram finem probatur. 921. d
 Quomodo dicitur sempiternum. ibid.
 Quomodo habet vim iustificandi. 921. c, 912. a
 Euangelium lex amoris & libertatis. 922. b, c
 Euangelium Christi iugum suauis, onus leue, & quare. 922. c, d
 Est lex quaedam cui debetur obedientia. 924. a

Eucharistia

Eucharistia ut ritè percipiat, quam requirit conscientiae discussionem. 871. b
 Eucharistia ritè percepta mirabiliter operatur. 876. c

Excusatio.

Excusatio peccati est aliud peccatum. 189. b, c

Auger delictum. 655. a, b
Qui excusat delictum negando, iustificatur apud homines,
sed condemnatur apud Deum. 807. a, b

Exemplum.

Exempla Sanctorum sunt ab omnibus venianda, non semper
imitanda. 1047. c

Exul.

Exul & relegatus quomodo differunt. 365. a

*F.**Fames.*

Fames quàm intolerabilis, & ad quam horrenda homines
adigit. 383. a, b
Fames quàm graui labore praeuenitur vel pellitur. ibid.

Fides, vel Fidei.

Fidem sola infidelitas excludit. 76. a, b, c, & seq.
Quot modis accipitur. ibid.
Fidem amittens, est haereticus. 76. b, c, 77. a, b
Fidelis tenetur magis studere perfectioni, quàm infidelis. 83. c,
d, & seq.
Ad fidem pertinent quae euidenter deducuntur ex articulis fi-
dei. 244. c
Fides sine spe & charitate non vnit perfectè cum Christo.
419. c
Fidem viuam ab Ecclesia petunt Cathecumeni. ibid.
Fides viuam & vera est Christiana iustitia. ibid.
Fides ex auditu. 420. c
Fides viuam est cum charitate. 419. c, 420. c, 421. a, b
Infusa non perit gratia recedente. 422. c
Fides imperfecta & informis potest esse sine gratia. ibid.
Est habitus supernaturalis, habens operationes supernaturales.
422. c, d
Fidei lumen in supernaturalibus quomodo se habet. 427. a
Ex fide manant spes & charitas. ibid.
Fides confessio. 430. d, c, & seq.
Fides donum Dei. 433. b, c, 434. b
Requirat pium voluntatis affectum, qui rationem superat.
518. d
Fides est vera sine operibus, tamen mortua. 607. d
Probatum esse donum Dei ex Scripturis. 677. c, & seq. ex Con-
cilijs. 678. d, c, & seq. ex Patribus ibid. ratione. 679. c, d, & seq.
Eius initium & augmentum est etiam donum Dei. 680. a, b,
693. d, 710. b
Est fundamentum praedestinationis. 688. b, c
Fides ut sit certa, duas causas infallibiles requirit. 681. c, 862.
a, b, & seq.
Catholica quàm certa. 682. b, c
Haereticorum & Turcarum non est donum Dei. 682. b
Fide humana historias humanas credimus. 682. c
Diuina diuinas. ibid.
Fides facilius & citius adhibetur falsis quàm veris. 682. c, d
Fides nostra quàm multis miraculis confirmata. 682. b
Fides Catholica & vera tria requirit. 681. d, 683. d
Fides Fideique principium est in potestate nostra. 705. b, c
716. a
Fidem triplicem distinguunt haeretici huius saeculi. 730. a, b,
& seq. refutatur hoc. 731. b, c, & seq.
Fides in diuinis literis multis modis accipitur. 731. b, c, & seq.
Pro fidelitate & constantia in seruanda promissione. ibid. b
Pro ipsa promissione & voto. Pro constantia. Pro ipso fidei
obiecto. ibid. b, c
Fides historica sacrarum literarum dicitur Catholica vel do-
gmatica. ibid. c, 731. c
In tribus differunt Catholici ab haereticis circa fidem iustifi-
cantem. 731. d
Fidem iustificantem non esse fiduciam misericordiae, proba-
tur ex cap. 12 ad Hebraeos. 732. a
Fidei iustificantis definitio. ibid. b, 733. a
Fides est vita, & anima rerum sperandarum. 732. c
Fides quomodo substantia sperantium, & sperantium. ibid.
c, d, & seq.
Fidei definitio duas continet fidei proprietates. 732. c, 733. a
Fides Christiana distinguitur ab omnibus habitibus intelle-
ctus. 731. c
Distinguitur à fide humana. 733. a
Fides humana potest esse fallax. ibid.
Fides distinguitur ab opinione, suspitione, dubitatione. ibi-
dem.
A scientia & intellectu. ibid.
Non est fiducia. 733. d, 735. a, c, 736. a
Fidei officium est credere quae non apparent. ibid. c

Fides idem facit quod argumentum, vel demonstratio, sed no-
eodem modo. 733. c, 734
Fides facit intellectum assentiri propter auctoritatem dicer-
tis. 714
Non est noticia, sed assensus in rem incognitam. 731. c, 733. c
734. a, 735. c
Fidei obiectum sunt omnia quae Deus reuelauit. 734. c, 735
Fides iustificans non est sola fides promissionum. 734
Fides vna & eadem est historica miraculorum, promissionum
ibid. c
Fidei multa obiecta materialia. 714
Fides vna est propter vnā rationem formalem, qua credun-
tur omnia. ibid.
Fidei duodecim articuli. 734
Fidei obiectum non esse misericordiam specialem. 735. a
Fides quomodo iustificat. ibid.
Fides Noë. 735. a, b, 775. a
Fides est causa fiduciae. 735. a, 736
Causa etiam est obedientiae. 775. b, & timoris. ibid.
Potest sine fiducia esse. 736.
Fidei actus est credere. 736
Est autem credere cum assensu cogitare. 736
Fides est specialis virtus, & ad vnā potentiam specialem per-
tinet. 737
Non est sapientium secundum mundum. 738
Credendo, non intelligendo saluatur simplices. 738. b, c
Fides est credere, quod non vides. 732. a, 738. c
Non est ex intellectu, sed contra. 738
Credere includit duo. ibid.
Fides melius per ignorantiam, quàm per scientiam definitur
739. a, b
Fidei iustificantis obiectum non est specialis misericordia, se-
omnia quae Deus reuelauit, probatur ex scripturis. 739. c, c
& seq. Ex traditione Ecclesiae. 741. b, c, & seq. Rationibus
745. b, c, d, & seq. soluuntur obiectiones. 742. c, 749. a, & seq.
Fides quam Christus exigerat, & miraculis confirmabat, esse
iustificans. 739
Fides Abrahæ commendatur. 741. c, 775. a, b, 750. c, d, 786.
Fides bona, est rerum bonarum & malarum. 744.
Est praeteritorum, praesentium, futurorum. 744. b, 741.
Est rerum suarum & alienarum. 744
Bonorum omnium fundamentum. 745. a, 757. c, d, 771.
Salutis initium. 745. a, 757. b, c, d, 776
Credere in filium Dei quid. 745. d
Quomodo oporteat credere. 746. c
Est causa iustificationis. 747
Fides primo subiungat animam Deo. 748
Fides miraculorum debet esse magna. 750. b, 765. a, b
Est fides Catholica. 750. b, 765. a
Est fundamentum religionis & salutis. 750.
Est genus armorum spiritualium. 751.
Fides sola quomodo iustificat secundum haereticos. 754. d
Quomodo dissentiant inter se haeretici circa suam solam fides
iustificantem. 754. c, 755. a, b, & seq.
Fides est prima radix iustificationis. 756. c, 757. a, b, & seq.
763. b
Pulchrè habent hoc plurimi antiqui Patres. 757. b, c, &
seq.
Fides iustificat, quia per eam quaerimus & accedimus ad Dei
758. c
Fidei timorique iustificatio comparatur. 758. a, b, c, d, & seq.
Fides sola non potest iustificare. 776. a, b, & seq.
Vera potest esse sine alijs virtutibus. 763. d, c, & seq.
Fides eadem est incipiens & proficiens. 764
Sine charitate potest esse, sed non prodesse. 764. d, c, 765
769. a
Fides miraculorum saepe est etiam sine charitate. 764. d
Fides ut iustificet requirit opem charitatis. 765.
Fides improborum hominum ac Demonum, quomodo di-
fert & quomodo conuenit. 766. c
Demonum est vera fides ex parte obiecti. ibid.
Fides mortua quomodo intelligitur. 766.
Fidei & charitatis discretimen multiplex. 777. d
Fides dispositiue gignit charitatem. 767. c, 768
Non operatur nisi per charitatem. 768. b
Fides impetrat charitatem. 779. a, b, 789.
Fidei actus, opus Dei. 771. a, 772.
Fides non est proprie apprehensio. 772. a, 773.
Fides quibus modis iustificet. 773. c, & seq.
Fides causa bonorum operum. 775. a, b, & seq.
Fides Abel, Noë, Abrahæ 750. c, d, 775. a, b, 776. d, c, 777.
Principium vitae 776. a, b, & seq.
Fides, Spes, & Charitas comparantur. 776. a, 785. d
Fides impetrat sanitatem. 776.
Fides per inuocationem impetrat iustificationem. ibid. b, c,
d, 777. a, b, & seq.

I N D E X

Soluntur argumenta hæreticorum adducta pro sola fide iustificante. 779. a, b, c, & seq.

Fides sine operibus nihil prodest. 780. a, b

Fides sola interdum sufficit ad miracula impetranda. 784. c

Non cedit veniente iustitia. 785. d, 786. c, d

Sola incipit eum charitate, continuat iustitiam. ibid.

Fides quomodo meretur iustificationem. 789. b, c

Impetrat remissionem peccatorum. ibid.

Gratiam bene operandi. ibid. 91. d

Fides non potest esse merces. 791. c

Nulla omnino merita eam præcedunt. ibid.

Sola enim iustificat. 792. d, 797. c

Aliquo tamen modo dicitur sola iustificare. 795. d, c, & seq.

diffuse

Paria opera bona non contrā. 797. a, b, c

Quomodo iustificat sine baptismo. 798. c, d

Tantum inchoat, charitas consummat iustitiam. 812. a, b, & seq.

Impetrat iustitiam. 812. c, d

Non potest esse in Deo, nec Christo, nec beatis. 811. d, e, 822. c

Est imperfectior iustitia. 812. c, 813. a

Fidei formata & informis distinctio irridetur ab hæreticis. 813. a, b, & seq. Probatur ex Scripturis hæc distinctio. ibid. b, c

Informis potest fieri formata, & contrā. ibid.

Fides in hac vita suam perfectionem consequi potest. 811. c, & seq.

Fidei certitudo quare omnem dubitationem excludat. 852. c, d

Sine fide impossibile est placere Deo. 733. d, 777. b

Fides Catholica est necessaria omnibus, specialis non item. 852. d, e

Est unus & idem habitus. ibid. c

Fides non est, nisi verbi divini auctoritate nitatur. 866. c

Debet esse certissima & omnem dubitationem de divinis promissionibus tollere. 877. b, c, 886. c, & seq.

Fidem & iustitiam semel habitam posse amitti, probatur ex Scripturis. 897. d, c, & seq. Exemplis sanctorum hominum. 899. b, c, & seq. Rationibus. 900. c, & seq. Soluntur objectiones. 902. a, b, c, & seq.

Fides amittitur per unum actum infidelitatis. 900. c

Fides & spes non manent in futura vita. 902. d

Sine operibus non iustificat. 915. a, b, c, & seq.

Fides perfecta est necessaria, ut impetremus quod petimus. 1051. d, e, 1052. a, b, c, & seq.

Fides in homine est merè gratuitum Dei donum, non procedens ab humano arbitrio. 1205. d, e

Fiducia.

Fiducia est spes roborata. 731. c, 735. c, 981. c, 986. a, b, & seq.

Fiducia est in voluntate, fides in intellectu. 733. c, d, 735. d, 895. c, d

Fiducia est causa metus. 733. d

Ex fide oritur. 735. c, & seq. 751. b, 757. d, e, 1051. c, 1052. a, b

Tantum bona futura respicit. 736. b

Ex charitate procedit. 748. b

Illi opponitur timiditas. 751. b

Eius certitudo aliquo modo omnem formidinem excludit, aliquo modo non. 812. c, d

Fiduciam & fidei opponitur hæsitatio. 895. a, b

Ut sit sine hæsitatione quid requiritur. ibid. d

Fiduciam nullam in meritis habendam, secundum Calvinum. 981. c, d

Fiduciam præcipuam in Deo, aliquam tamen in meritis ponendam esse. 981. c, 986. a, b, & seq.

Fiducia Sanctorum in Deo non ex sola fide, sed etiam ex meritis nascitur, probatur ex Scripturis. 986. a, b, c, d. Ex Patribus. ibid. c, d. Ratione. 986. d, e, & seq.

Fiduciam causa bona conscientia. 986. d

In fiducia bonorum operum cadenda est superbia. 987. c, 988. a, Ex Scripturis. ibid. c, d. Ex Patribus & exemplis Sanctorum. ibid. c. Ex ratione. 988. a, b

Fiduciam totam in sola Dei misericordia ponere, tutissimum esse, probatur ex Scripturis. 988. b, c, d. Ex Patribus. ibid. d, e, & seq. Ex ratione. 989. d, c

In fiducia bonorum operum mediocritas servanda est. 989. d, c, & seq.

Fiducia firmiter adhærescimus divinæ benignitati. 1051. c, 1052. a

Filius.

Christus est Filius Dei per naturam. 15. a, b

Homines sunt filij Dei per gratiam & adoptionem. 15. a, b, & seq.

Filij debent amare parentes. 151. c

Filius in quo casu potest iure occidere patrem. 152. a

Quomodo non portant filij iniquitatem patris. 88. a, 19. b, 121. c, 108. a, 222. a, b, & seq. 223. d, 224. a, b, c

Filij fidelium necessariò sunt baptizandi. 252. c, d, e

Quomodo novem mensibus in utero matrum gestantur. 260. c, 262. c

Sepè sunt omnino dissimiles parentibus. 270. a, b

Filius potest dici per naturam, per doctrinam, per imitationem. 281. c, d, & seq.

Filij Dei ius habent ad hæreditatem æternam. 296. c, & seq. 1006. c

Et quo merito. 1013. d, e

Filio, iure adoptionis, ante omnia bona opera debetur hæreditas. 1013. c

Filius Dei adoptivus quo vitam æternam obtineat, ut mercedem, requirit necessariò promissionem. 1014. a, b

Finis.

Finis in præcepto indicari, non propriè imperari potest. 310. c, 311. a

Finem tum naturalem, tum supernaturalem naturaliter ignorant homines. 377. c, & seq. 378. c

Finis hominis naturalis quantum ad voluntatem est vivere secundum rationem. 380. d, e

Finis est primus intentione, ultimus executione. 491. d, e, 496. a, b

Quomodo pertineat ad liberum arbitrium. 535. b, c

Quomodo induit rationem medij. ibid.

Finis amor primus an sit liber, an necessarius, tres sententiæ. 535. c, 536. a, b

Fit efficienter à voluntate. 536. b

Deo tribuitur, quia sequitur ex inclinatione naturali imperfecta à Deo. 536. a, b

Finis ultimus duplex. 548. a

Circa finem, & necessariò coniuncta cum fine non sumus liberi. 575. a

Omnis bonus finis movet in virtute ultimi finis. 610. b

Quomodo referenda sunt opera in finem, ut sint bona. 510. c, & seq.

Finis malus vitiat totum opus. ibid. d

Finis ultimus, principium, & fundamentum totius doctrinæ moralis. 918. a

Finis dicit relationem ad media. 972. c

Inter operandum spectandus est. 991. d

Ad finem supernaturalem requiruntur opera supernaturalia. 998. d, 999. a,

G.

Galli.

G Allorum error de prædestinatione. 478. a, c, 479. a, b, c

Gallie Rex, ad libitum curat morbum strumæ. 432. c

Gloria.

Gloria non erit habitus in essentia animæ. 423. c

Gloria est coniunctio cum Deo per visionem & amorem. ibid.

Gloriæ corona hominibus duplici titulo debita. 487. c, 1019. d

Quomodo potest amitti, quomodo non. 487. c, 488. a

Gloria ut est finis, est prior bonis operibus. 491. c

In genere autem causæ efficientis gloria est posterior. 491. d

Gloriam habere, ex se quot modis. 545. c, 546. a

Gloriæ gradus soli Deo proprius, quis. 546. a

Gloriæ gradus quis Christo convenit, quis angelis & hominibus proprius. ibid.

Gloria Dei tum in bonorum remuneratione, tum in malorum punitione perspicitur. 548. b

Gloria gratia consummata, gratia gloria inchoata. 999. b

Gloriæ celestis varij gradus. 1014. b

Vnus autem gradus debetur personæ iure adoptionis sine alio pacto, alij debetur operibus ex pacto. ibid.

Gloria eiusque incrementum, est præmium bonorum operum. 1019. c

Gloriæ gradus idem qui debetur iure hæreditario, tribuitur iure mercedis. ibid. d

Gloria adultorum maior infantum in cælo. 971. b, c, 1019. c

Gloria Dei primum omnium petenda est. 1035. c

Gratia.

Gratia gratum faciens est habitus naturam perficiens. 9. c, 13. b, & seq. 15. d, c, & seq. 410. c, d, & seq.

Gratia sanat naturam. 16. b

Est necessaria ad meritum. 16. c, 47. a, & seq.

Non tollit liberum arbitrium. 27. c, 28. c, 29. a, & seq.

Sufficit non modò ad velle, sed etiam ad perficere. 29. d

Est lux & vita animæ. 98. c, 349. b, 421. c, 425. c

Est habitus in anima in hærens. 99. a, 409. c, d, 411. c

Accipitur

Accipitur pro liberali condonatione peccatorum. 39 a
 Est efficacior peccato. 215. c
 Gratia personalis proximorum parentum in filios non transfunditur. 149. c
 Gratia Dei vita æterna. 407. c. 980. c
 Gratia B. Mariæ quanta & quotuplex. 256 a, b, c, & seq. 41 b
 Gratia præuatio mors animæ. 349. c, d, & seq. 350. c
 Gratia dicitur quia gratis data. 405. a, b
 Opponitur debito. ibid. 437. c
 Tribus modis in sacris litteris accipitur. 405. a, b
 Gratia humanitatis Christi quæ, qualis. 407. a, b
 Gratia accipitur pro solis Dei beneficijs naturæ superadditis. 407. a
 Gratia nomine intelliguntur quæuis supernaturalia beneficia. ibid. a
 Gratia Dei maximè propria quæ. ibid. a, b
 Alia æterna, alia temporaria, & quid utraque. 407. c, d, e
 Temporalia duplex. ibid. d, e
 Gratia est finis ultimus, sanitas animæ sempiterna. 408. a, b
 Gratia grata data & gratum faciens ad diuersum finem dantur. 408. b, c
 Gratum faciens est duplex. ibid.
 Gratia nomen magis propriè conuenit auxilio speciali, quàm generali. 409. a, b, & seq.
 Gratia specialis est duplex. ibid. b, c
 Efficax & sufficiens quid. ibid. d, e, 435. b, c, & seq.
 Efficax duplex. 409. c
 Præueniens & subsequens quid. 410. a, b
 Gratia est virtus nobis à Deo infusa. 411. b
 Est fons vnde fluuntur bonorum operum. 411. c, 413. a
 Multis rebus comparatur in sacris litteris. 413. c
 Regit liberum arbitrium, vt iumentum. 416. c, d
 In nobis augeatur & perficitur. ibid. d
 An gratia gratum faciens re distinguatur ab habitu charitatis, quatuor sententiæ. 418. c, d, & seq.
 Tantum ratione distingui, & quomodo. 418. c, & seq.
 Gratia grati sumus Deo, charitate Deum habemus carum. 419. a, & seq. 420. a, b, 421. b
 Gratia iustificans non distinguitur ab habitibus Theologicarum virtutum. 420. a
 Dat homini quoddam esse supernaturale. 420. d, e, 421. d, 424. d
 Gratia & charitati eadem tribuuntur. 421. d, 420. e, & seq. 422. d, e
 Per gratiam Spiritus sanctus in nobis habitat. 421. d, e, & seq. 423. c, d
 A peccato iustificamur. 421. d
 Gratia, fons & radix omnium virtutum. ibid.
 Separat filios regni à filiis damnationis. 421. c
 Est donum Dei omnium maximum. ibid.
 Est & habitus & actus in voluntate. 423. c, d
 Respondet gloriæ. ibid. c
 Non est habitus in essentia animæ, sed in potentijs. ibid. & seq.
 Significat beneuolentiam Dei erga nos. 425. c
 Quomodo est prior charitate. ibid.
 Eius formalis effectus semper est actus. 426. c, & seq.
 Gratia gratis datæ nouem recensentur. 431. a, b
 Nihil proiunt sine charitate. ibid. c
 Non sunt in determinato aliquo numero. 434. c, d, & seq.
 Sunt inferiores gratia gratum faciente. 435. a
 Gratia efficax à nullo duro corde respuitur. 436. e, 437. c, 439. b, 495. d, 11. b, 717. c, & seq.
 Gratia sufficiens probatur ex Scripturis. 436. a, b, c, & seq.
 Item efficax, ibid. d, e, Et ex Patribus. 437. b, c, & seq. Et ratione. 438. a, b, & seq.
 Datur efficax electis, vt certissimè perseuerent. 437. c
 Est fundamentum prædestinationis. 438. d, e, 439. c, & seq.
 Sufficiens est communis reprobis. 438. d, e
 Gratia efficacia in quo consistat, tres opiniones. 439. a, b, c
 Pendet à proposito Dei, non voluntate hominis. 439. b, c, & seq. 440. a, b
 Efficax quàm præstans, & quibus nominibus vocetur. 308. b, c
 Non est actio physica voluntatem determinans. 440. c, 442. c
 Quomodo trahit voluntatem. 441. d, e, & seq.
 Gratia inspirationis internæ differt à concione externa. 444. c
 Gratia operans & cooperans variè explicantur. 446. d, e, 447. a, b, & seq.
 Gratia operans quomodo nos præuenit. 448. d, e
 Conuerit D. Paulum. 449. b
 Operans & cooperans quid. 450. a
 Sufficiens nulli deest. 451. a, 452. c, & seq.
 Sine gratia præueniente nemo potest gratiam desiderare & accipere. 451. a, b, & seq.

Gratia non expectat, sed præuenit voluntates nostras. 451. c, d, & seq.
 Non datur omnibus æqualiter. 451. d, e
 Soluuntur obiectiones. 452. c, d, & seq.
 Gratia nemini est debita. 452. a
 Gratiam sufficientem ad salutem omnibus dari probatur ex Scripturis. 456. c, d, & seq. Ex Patribus. 457. c, 458. a, b, & seq.
 Soluuntur obiectiones. 457. a, b, c, cum seq. 458. b, c, & seq.
 Gratia sufficiens non adest peccatoribus omnibus momentis, probatur ex Scripturis. 460. a, b, & seq. Ex Patribus. 461. a, b, c, Ratione. ibid. b, c, & seq.
 Gratia præueniens illuminat cor. 461. c, d
 Gratia vitandi peccatum semper adest, probatur ex Scripturis. 462. d, e, 463. a, b, & seq. Ex Patribus. ibid. c, d, Ratione. ibid. d, e, & seq. Soluuntur obiectiones. 467. a, b, & seq.
 Gratia Dei parcius antiquis, quàm nobis communicata. 467. d
 Efficax ita suadet, vt persuadeat. 468. d
 Gratia gratis datæ suos talenta, Matth. 25. distributa. 483. b
 Gratia Dei præuenit omnia nostra opera. 499. b. 485. a, b, c
 Gratia iustitiæque diuinæ opus magis ostenduntur in electione & reprobatione hominum, quàm angelorum. 500. d, e, 501. c, d, 502. d, e
 Qualis gratia nunc requiritur ad perseuerandum. 674. d
 Gratia si ex merito, non est gratia. 680. a, 687. c, 688. a, b, 716. d, e, & seq.
 Gratiam præuenientem in orationibus petit Ecclesia. 686. a
 Gratia non est ex meritis, sed merita ex gratia. 887. e
 Gratia præueniens non excludit liberi arbitrij cooperationem. 689. b, c
 Gratia diuinæ cooperatur voluntas humana. 705. c, d, & seq. 708. b, c, 710. c
 Gratia efficax est effectus prædestinationis, & habet infallibilitatem non necessitatem coniunctam. 711. a, b, 718. a
 Gratia efficaci absolute potest quis resistere. 711. a, b
 717. c
 Gratia donis nemo potest abuti. 713. c
 Gratia perficit, non destruit naturam. 713. c, d, & seq. 721. b
 Gratia excitans interna necessitatio præcedere debet homini conuersionem. 714. a
 Excitantis & adiuantis discrimen. ibid.
 Præuenientis necessitas. 614. e, & seq.
 Adiuvans & excitans diuerso modo requiruntur. 715. c
 Excitans datur sine vili meritis vel præparatione. 716. d
 Excitans duo complectitur. 716. c
 Adiuvans est necessaria ad assentiendum excitanti. 717. a
 Neutra imponit homini necessitatem. 717. c, & seq.
 Gratia efficax quid. 718. a
 Adiuvans tribus in rebus consistit. 718. a
 Adiuvans datur, vt excitans non respuatur. 719. c
 Gratia eadem inspirationis internæ duobus hominibus proposita, potest ab vno eorum recipi, ab altero renici. 720. b, c
 Gratia iustificantis habitus à solo Deo infunditur. 721. c
 Gratis duobus modis accipitur. 787. a, b, & seq.
 Gratis iustificari quid. 787. b, c, & seq.
 Est semen gloriæ, & fons aquæ salientis in vitam æternam. 1014. c, d, e, & seq.

Gratia Primi Parentis.

Gratia humano generi in primo parente collata. 52. c, 9. c, 10. 11. 12. diffusè.
 Per peccatum amissa. 52. c, 10. c, & seq.
 Per Iesum Christum reparata. ibid. a, b, 10. a, b, & seq.
 Hæc gratia fuit triplex, animæ vt originalis iustitia, corporis immortalitas, loci paradisi. 52. c
 Gratia quem accepit Adam in creatione, erat gratia gratum faciens. 9. c, 10. a, b, c, & seq.
 Gratia Adæ qualis. 10. a, b, & seq.

H.

Habitum.

Habitum vitiosum, & peccatum habituale multis modis differt. 30. c, d, & seq.
 Habitum acquisiti non dant, sed supponunt operari. com. 425. a
 Habitum supernaturales & infusi non exigunt naturalem dispositionem in subiecto. ibid.

I N D E X.

Habitus vimur pro arbitrio. 432.b, 516.e, 629.a
 Habitus naturalis inclinat nos ad vnum. 425.a
 Habitus virtutis non ponit necessitatem, nec tollit liberum arbitrium voluntatis. 569.e, 570.a
 Idem dicitur de habitu virij. 629.a, b
 Habitus non potest tolli nisi per priuationem, nec priuatio nisi per habitum. 848.c

Hæresis, vel Hæreticus,

Hæresis vna nota est nouitas. 213.b
 Hæretes ex philosophis oritur. 217.e, 218.a, b, c
 Hæretici de rebus fidei inter se contendunt, & se mutuo condemnant. 76.c, d, 869.a
 Hæretici & mali Catholici inter se comparantur. 77.b
 Satanam imitantur in seducendis fidelibus. 183.c, d
 Hæreticorum Patriarchæ philosophi. 217.c
 Hæresis inter opera carnis numeratur. 296.d
 Hæreses cogunt Ecclesiam examinare res & voces. 559.e, 560.a, b
 Hæreticorum notæ. 613.d, e, 614.a
 Quomodo differant à Paganis. 680.d, e
 Hæretici & Mahometani quomodo credunt. 680.e, 681.e, 682.a
 Ob vanam gloriam mortem patiuntur. 696.d, e
 Separantur ab Ecclesia. 867.c
 Hæresis Eutichiana circa humanitatem Christi. 1100.a

Henoch, & Helias.

Henoch & Helias translati & conseruati. 35.a, 45.e, 47.a
 Habitant nunc in paradiso terrestri vbi habitauit Adam. 38.c, 43.c, 44.a, 45.c, 46.d, e
 Henoch non est in cœlesti paradiso. 44.b
 Venient vt resistent Antichristo. 46.a
 Henoch non est submersus diluuiio. 46.c
 Fide translatus est. 777.a
 Helias petit à Deo pluuiam promissam. 1030.c
 Cur misit sacerdotes Baal. 1077.c, d

Hiehu.

Hiehu rebellis contra Achab regem suum. 135.a, 138.a, b
 Regnum non ambiuit. 138.a, b, c
 In nomine Domini uictus est super Israël, vt occideret regem Achab, & reginam Iezabel. 138.d, e

Hieroboam.

Hieroboam non peccauit rebellando contra Roboam. 135.a, 138.a, b, & seq.
 Fuit verus rex. ibid. & seq.
 Hieroboam postea fuit Schismaticus. ibid. d
 Quomodo ex Deo non regnauit. 138.c, 139.a, b

Heua.

Heua ignorabat diabolum locutum per serpentem. 175.a, b & seq.
 Eius infidelitas qualis. 188.c, 189.b, d, e
 Per mendacium decepta à diabo. 183.a, 184.b, c, e
 Seducta per serpentem. 183.a
 Non audiuit præceptum immediate à Deo, sed ab Adamo. 183.b, 190.c
 Dubitauit verum præceptum daretur à Deo nec ne. 183.b
 Heua seducta per serpentem, non Adam. 183.c, 184.c, d, & seq.
 Heua prior decepta, decepit virum. 185.a
 Proprie non seduxit Adamum. 186.c, d, 187.a
 Heux peccatum fuit grauius, quàm Adæ. 188.c
 Eius infidelitas maior Adæ infidelitate. 188.c
 Eiusque superbia maior Adæ superbia. ibid.
 Heua voluit inuito Deo fieri similis Deo. ibid.
 Heux infidelitas coniuncta cum blasphemia. 188.c, & seq.
 Heux peccatum continuit septem actus malos. 189.a, b, & seq.
 Heua non caussa, sed occasio tantum nostræ perditionis fuit. 189.c, 190.a, 191.b, c
 Habuit hostem potentiorum, Adam debiliorem. 190.b
 Heua magis agnouit culpam, quàm vir. 190.c
 Heua ante Adamum peccauit. 207.a
 Seducitur à diabo simulans se idcirco amicum Dei. 181.a
 Non transmississet peccatum in posteros, si illa peccante Adam innocens remansisset. 225.d, 225.a, b, c
 Heua figura Mariæ. 236.b, c, 1071.b
 Quomodo dicta vita. 1073.b

Homo.

Homines fuissent in hac vita felices, nisi Adam peccasset. 9.c
 Homo post lapsum indiget multiplici auxilio Dei. 13.d, cum seq.
 Homo carne cum bestiis, spiritu cum angelis naturam communikat. 15.d
 Vnde habeant homines difficultatem bene operandi. ibid. e
 Hominis status post lapsum Adæ, & in puris naturalibus differunt, vt spoliatus & nudus. 17.a, 18.a, b, c, & seq. 19.d
 Homo in puris naturalibus habuisset rebellionem carnis contra spiritum. 17.c, 25.c, 315.a, b
 Hominis creatio & lapsus describitur. 20.b, c, & seq.
 Nec homines, nec angeli sine gratia meritum habere poterunt. 26.c, 27.a, b, & seq.
 Homines sancti nunc habent gratiam, vt actu perseuerent. 27.b
 Hominem alij ex philosophis miserum, alij felicem prædicant, & quare. 31.a, b
 Homines & angelos sibi ipsis esse causas suorum malorum. 121.a, b, & seq.
 Homines non possunt malis bene vri. 149.c
 Homo ad gloriam Dei conditus. 155.c, d, 156.e, 158.a
 Quare Deus hominem sic fecit quem casurum præcuiuit. ibid. & seq. 160.b, 161.d
 Homo generat hominem sibi similem in specie, non in individuo. 236.d
 Homo quo die creatur. 241.a, b
 Factus est ad imaginem Dei. 241.c
 Productus est à Deo, cætera ab aqua aut terra. 241.b
 Quomodo animalis, quomodo spiritualis. ibid. c, d
 Homo generat vt cætera animantia. 245.c
 Generat hominem verè & proprie, licet animam non generet. 250.c
 Hominis excellentia supra belluas. 338.c, 339.a
 Homo si crearetur in puris naturalibus, haberet rebellionem carnis contra spiritum, non tamen esset proprie peccator. 348.a, b
 Homines recenter nati qualibet bestia sunt infirmiores & inferiores. 378.d, 382.d
 Homo solus contra naturam, omnia alia secundum naturam agunt. 381.e
 Hominum grauis negligentia in procuranda salute æterna. 382.a, b
 Sunt omnium rerum inconstantissimi. 381.c
 Omnium miserissimi quoad corpus. 382.d
 Quot & quibus indiget ad corporis sustentationem. 383.a, b, c, 382.a, b
 Hominum in hac vita quanti labores, & quàm brevis vita. 382.d, 383.c, 384.a, b, c
 Homo homini quàm inimicus. 384.a, 189.a
 Homo omnibus alijs animantibus præpositus. 388.c
 Quomodo in bestias principatum retinet, quomodo amittit. 388.c, 389.a, b
 Homo facile imperasset bestiis in statu innocentie, non difficulter. 389.a, b
 Hominem infestant cælum, terra, mare. 389.c
 Homo non angelorum seruus, sed conseruus. 388.c
 Quomodo potest legem implere, quomodo non. 390.b, 404.c, 960.a, 681.b
 Per peccatum fit debilius ad bene operandum. 404.d
 Homo perfectus tribus constat. 413.c
 Ad supernaturalem finem creatus, debet facere opera supernaturalia. 415.c
 Quomodo imago Dei. 8.d, e, 141.a, c, 181.a, b, & seq. 410.c, 426.d, 427.b
 Quomodo similitudo Dei. 8.d, e, 13.b, 281.a, b, & seq. 420.c, 427.b
 Cur hominum minor, Angelorum maior pars ad vitam æternam prædestinata. 496.d, e, 501.d
 Hominum & angelorum comparatio in gratia & gloria. 502.b, c
 Hominum & angelorum caput Deus & homo Christus. ibid.
 Hominum gratia maior quàm angelorum. ibid.
 Homines habent conditionalem necessitatem & absolutam liberare. 538.c
 Homines & angeli æternam Dei prouidentiam, velint nolint, liberè sequuntur. 501.c
 Homo solis naturæ viribus quæ præstare potest, quæ non. 595.b, c, d, & seq.
 Homo tentatus, Dei destitutus auxilio, comparatur iactatz nauis fracto gubernaculo. 603.b
 Homo sine fide, & speciali Dei auxilio nulla virgente tentatione, potest aliquid bonum morale perficere. 601.d, e, & seq.

Homo sine gratia Dei opera bona vitæ æternæ meritoria facere non potest. 611. a, 619 a, b, & seq.

Homo renatus totam legem Dei implere potest. 526 a, b, 560 a

Homo non potest sine gratia Dei speciali velle; aut facere aliquid ad pietatem aut salutem pertinet, probatur ex sacris licentis. 683. b, c, & seq. Ex Concilijs. 684. a, b, c, Ex summis Pontificibus. ibid. d, c, Ex antiquis Patribus. ibid. e, & seq. Ex Ecclesiæ orationibus. 685. e, 686. a, b, Ex condemnatione contrariorum errorum. 686. a, b

Homo non potest solis naturæ viribus ad gratiam recipiendam ullo modo se disponere. 686. c, d, & seq. Probat ex Scripturis 686 c. & seq. Ex Concilijs & Patribus. 688. a, b, & seq. Ratione. 688. c, d, Soluuntur obiectiones. 689. b, c, & seq.

Homo ante gratiam habet liberum arbitrium ad opera naturalia, moralia, & pietatis supernaturalia. 713. a

Ante omnem gratiam habet potentiam remotam ad opera pietatis. 713. d

Non habet potentiam proximam. ibid. e

Homini conversio quomodo à gratia & libero arbitrio simul, quomodo à gratia tantum. quomodo à libero arbitrio tantum. 711. a, b

Homo iustus potest bona opera facere, & præcepta diuina seruare, neque eget ordinariæ noua gratia excitante, sed solum adiuuante. 712. c

Homines quare gratis iustificentur, ex Concilio Tridentino. 1105. c, 1106. a.

Honor.

Honor & gloria sunt extrinseca & superaddita naturæ. 10. c, 21. d, e

Humana gloria est impedimentum gloriæ Dei. 141. b, c

Gloria Dei relucet & in præmio iustorum, & in pœna malorum. 158. b

Honor & ignominia matris redundat in filium. 219. e

Honori proprio & statui consulendum. 217. f, d

Hora Canonica siue officium diuinum.

Nomen horarum canonicarum siue diuini officij, quàm antiquum, & vnde sumptum. 1057. d, e, 1058 a, b, & seq.

Quinam præ cæteris hoc officium perfoluere teneantur. ibid.

Horæ canonicæ vnde dictæ. 1058. b, c

Iuramentum Brentij hac de re. ibid.

Officij diuini definitio ponitur & explicatur. ibidem, c, d, & sequent.

Omnis oratio non dicitur propriè diuinum officium. ibidem, d

Officium diuinum quot modis publicum dicitur. ibid.

Vt dicatur publicum non requiritur fieri loco publico, vel in præsentia multorum. ibid. d, e

Continet laudes pro beneficijs acceptis, & preces pro accipiendis. 1058. e

Officium Ecclesiæ triumphantis & militantis differunt. ibid. & seq.

Soli Deo propriè præstatur. ibid. e

Officium aliud de sanctis, aliud de mortuis, aliud de tempore. 1059. a

Qui obligantur, necessariò debent voce distinctè integrèque omnia verba proferte. 1059. a, b, 1082. b, c

Debet definiti & institui ab Ecclesia & eius prælati. ibidem, b

Officij diuini partes aliæ maiores, aliæ minores. ibid. c

Majores à tempore nomen accipiunt. 1059. c, d

Horæ canonicæ ad horas diei accommodantur. ibid. d

Horæ diei & noctis quales tempore Christi. 1059. e, & seq.

Duodecim horæ noctis diuiduntur in quatuor vigilas. 1059. e, 1060. a, b, & seq.

Hora quilibet tertia diei & noctis deputatur ad aliquod officium diuinum. 1060. b, c, & seq. 1068. c

Horæ canonicæ nocturnæ quomodo celebrabantur apud veteres. 1060. c

Horæ nocturnæ & laudes secundum vsum Romanum simul dicendæ sunt, vigilia quarta, id est, manè. 1060. d, e

In natali Domini quomodo officium & Missa celebrari debeant. 1061. a

Quomodo in triduo ante Pascha sub vespere, & vnde vocantur tenebræ. 1061. b

Omnia trillux signa in illo officio ostenduntur. ibid.

Hora prima diei prima hora celebranda. 1061. c

Instituta est recentius quàm aliæ horæ. 1061. c, d

De hymno, *Iam lucis orto sydere.* 1061. c, 1064. c

Horæ in quales siue Planetariæ quid significant, & vnde dicantur. 1059. d, e, & seq. 1061. c

Hora quando recitanda in quibuscunque regionibus. 1061. e, 1062. a, b

Vesperarum tempus canonicum secundum sanctos Patres. 1062. c, 1063. a

Horæ diei ad diuinas laudes deputatæ quatuor. column. 1063. a

In vespere angelo ducente, solebant duodecim psalmi hora duodecima cantari. 1063. b

Laudes à veteribus vocantur matutinum, sunt in multis similes vespertis. 1063. c, 1064. d

Vesperæ antiquitus dici solebant accensa candela. 1063. c, d

Completorium non est æquè antiquum, atque aliæ horæ. 1063. c

Completorij dicendi tempus. 1064. a, 2. d

Completorij nomen & tempus apud Latinos primum inueniuntur in regula S. Benedicti. 1063. c, 1064. a

Vesperæ dicuntur à sydere, quod oritur Sole occidente. 1064. b

Completorium vespere sequi debet. ibid.

Hora prima & completorium, quam inter se habent proportionem. 1064. c, d

Completorium agit gratias Deo de beneficijs diurnis. Significat Christi sepulturam, præparat nos ad nocturnam requiem, &c. 1064. c, 1065. a, 1069. c

Horarum canonicarum institutio quàm antiqua & laudabilis. 1066. d, 1070. a, b, & seq.

Commendatur nobis officium diurnum & nocturnum exemplo David, Pauli, Silæ & aliorum. 1066. c, & seq.

Omnis hora diurnæ antiquis exemplis & testimonijs commendatur. 1066. d, e, & seq.

Probantur ex antiquis Patribus. 1067. b, c, & seq.

Tertia quaque hora, tum diei, tum noctis oratur in Ecclesia in honorem S. Trinitatis. 1068. e

Horæ septem instituuntur ad gratias Deo agendas de creatione rerum in septem diebus. 1068. c, 1069. a

Additur octaua hora nempe officium nocturnum pro spe resurrectionis octauo die designatæ. 1069. a

Cur ab hora vespertina officium Ecclesiasticum incipit. 1069. a, b

Horæ singulæ canonicæ pulchrè significant aliquod mysterium passionis Christi, & redemptionis nostræ. 1069. a, b, c, d

Horæ canonicæ Euangelico magisterio & miraculis confirmantur. 1069. c, d

Horarum singulæ partes vindicantur à reprehensione. 1070. a, b, c

To Deum laudamus. 1070. a, b, c

Hymnus quid sit, & quanta eius antiquitas. ibid. b, c, d

Hymnorum proprium est cantari. 1070. d

Lectiones sunt triplicis generis. Earum antiquitas. Leguntur tantum in nocturnis. 1070. c, & seq.

Breuiarium restitutum bis ad antiquam formam. 1071. a, b

Benedictio præcedens lectiones. 1071. b, c

Responsoria quàm antiqua, vnde dicta, an in Italia primum inuenta. 1071. c

Capitula sunt breuissimæ lectiones semper ex sacris literis, dicuntur in singulis horis diurnis. Quàm sint antiqua. 1071. d

Antiphona quid & quis eius vsus ab angelica admonitione & exemplo initium habuit. 1071. d, e

Alternatim canere quid, & à quo ortum habeat & quanta antiquitas sit in Ecclesia. ibid. c, 1072. a

Antiphona, *Salve Regina*, liberatur à calumniis hæreticorum. 1072. b, c, d, & seq.

Singulæ eius partes approbantur. 1073. a, b, & seq.

Ad officium rite perfoluendum septem requiruntur. 1082. b, c, & seq.

Horæ omnes quo ad partes maiores quotidie dicendæ sunt sub pœna peccati mortalis, si quis obligatur. 1082. b, c

Quo ad partes minores grauius peccant, nec officio satisfaciunt, qui dimidiata verba pronunciant. 1082. c

Ordinem officij mutans, non tenetur iterum repetere. 1082. d

Inter horas & missam nullus est ordo essentialis. ibidem.

Laudes in prima cor ante missam dici debeant. 1082. c

Breuiarij & officij diuini diuersitas in diuersis Ecclesijs. 1083. b, c

Officium Ecclesiæ suæ quisque tenetur dicere, nisi ex consensu Episcopi & Capituli dispensetur. ibid. b, c

Officij obligatio inducitur ex beneficio vel ordine, & tale officium ex tali beneficio vel ordine. 1083. c, d

Officij diuini locus Ecclesia. 1084. a, b, 1085. c

Tempus est à vespere vnius diei ad mediam noctem alterius, ut vitetur mortale peccatum. 1084. d

I N D E X

on peccat mortaliter, qui continuo post vesp̄as & completorium diei marutini sequentis diei. 1084. a
 heium incipit à primis vesp̄is, & terminatur ad completorium diei sequentis. 1084. a, b
 mpletorium dici potest vsque ad mediam noctem. 1084. b
 iunini tempus canonicum incipit post mediam noctem. ibid.
 ra canonicæ temporibus suis canonicis dici debent, vt viterur peccatum veniale. 1084. b, c
 tempore canonico longè recedere quid. 1084. c, d
 heium canonicum est tributum diuinum. 1086. a
 Monachorum & Clericorum. ibid. & seq.
 heij forma quæ nunc est in vsu, non est à iure diuino, sed ab Ecclesiæ determinatione. 1087. b
 arum canonicarum numerus aliquando fuit alius quàm nunc est. 1088. a
 heium diuinum non persoluentes fructibus carere debent, vel si percipiant, restituere. 1188. b

Humilitas.

umilitas accipitur pro obedientia. 176. d, c, & seq.
 omodo latius patet, quàm obedientia. 177. a
 umilitas exaltatur. 792. c, 838. b, c
 umilis de se cogitatio commendatur. 988. c, d, & seq.
 umilitas est, tentationes declinare. 1047. b
 : necessaria, vt orans quod petit impetret, 1050. b, c

I.

Ieiunium.

Eiunium, orationis & elemosynæ comes. 1089. a, 1101. c, 1115. b, 1126. c
 iunij nomen græcè abstinentiam à cibo significat. colum. 1089. a
 iunium quadruplex. 1089. b
 irituale est abstinentia à vitijs. ibid.
 t metaphoricè ieiunium. ibid.
 orale est temperantia & parsimonia cibi & potus, quod fuit duce natura apud Philosophos. 1089. c
 aturale est abstinentia ab omni omnino cibo & potu. ibidem.
 iurum, quando in stomachum cibum vel potus est transmissus. ibid.
 ocie iunium est tantum in præcepto propter Eucharistiam. 1089. d
 iunium Ecclesiasticum est abstinentia cibi, secundum Ecclesiæ regulam. ibid. 1090. a, b, c
 on soluitur potu vel pharmaco. 1090. a
 iunium generali nomine quid significet. 1090. b
 .clesiasticum est aliud voluntarium, aliud necessarium, aliud necessitate voti, aliud necessitate præcepti. 1090. c, 1106. b, d
 .clesiasticum tria requirit. ibid.
 iunans tantum semel in die cibum sumere debet, & quare. 1090. c, 1092. c, 1093. a, b
 a vna refectio debet esse cœna, non prandium. 1090. c, 1091. a, 1092. a
 sic à carnibus abstinentia. 1090. c
 alui error circa ieiunium. 1090. d, & seq.
 iunium superstitiosum Iudæorum. 1091. b
 iunium non soluebant veteres Christiani ante horam nonam vel vesp̄tinam. 1091. b, & seq. 1091. c, d, probatur ex sanctis Patribus. 1091. c, d, & seq.
 iunandum in Quadragesima vsque ad vesp̄eram. 1091. c, & seq. 1091. c, d, 1094. b
 iunium quorundam Monachorum per totum annum, artius tamen in quadragesima. 1091. c
 iunium non obligat senes & paruulos. 1091. c
 are debet vsque ad horam nonam protrahi. 1093. a
 une solui circa meridiem & vesp̄eri cœnulam sumi ab Ecclesiâ toleratur. 1091. b
 iam nunc observant multi vsque ad vesp̄eram. ibid.
 iunium & alia quæ non sunt de iure diuino, possunt determinari ad arbitrium Ecclesiæ. ibid. b, c
 iam antiquitus non similiter in omnibus locis observabatur. 1093. c
 iunij seueritas aliquantulum nunc relaxata est. 1093. c, d, & seq.
 erenda dicitur à meridie. 1093. c
 iunium antiquitus solebat solui ad meridiem. 1093. d, c
 iunare diutius & tardius melius est, & laudabilius. 1093. b
 xereses & hæretici circa ieiunium. 1094. c, d, & seq.
 iunij finis præcipuus. 1100. c, 1118. b, c

Refelluntur circa ciborum delectum. 1095. d, c, & seq.
 Ieiunantes non dicimus carnes immundas. 1096. a
 Ieiuniorum temporibus permittuntur carnes ex causa legitima. 1096. c
 In ieiunijs quare prohibeantur carnes. 1096. d, & seq.
 Ieiunium indicitur ad domandam carnem. 1097. a, b, & seq.
 1100. c, 1105. c, 1119. c
 Ieiunium consistere in abstinentia à certis cibis, præsertim carnibus. 1099. d, & seq. Probatur exemplo Danielis & Ioannis Baptistæ, S. Petri, &c. 1099. e, cum seq.
 Ieiunium Christianorum Alexandrinorum. 1100. b
 Ieiunium hebdomadæ sanctæ ante Paschā. 1100. c
 Eremitarum. ibid. c, d
 Ieiunantes in orientali Ecclesiâ abstinerunt etiam à vino, cur non in occidentali. 1101. d, 1119. c
 Ieiunium nullum secundum Calvinum & Kemnitium, esse iure diuino præceptum. 1102. a, b
 In genere lege diuina esse præceptum, ab Ecclesiâ determinatum, probatur ex Scripturis. 1102. b, c, & seq.
 Ex Patribus. 1103. b, c, & seq. Ratione. 1104. a, b
 Est duplex secundum Melancthonem. 1102. d, Refutatur. ibidem. c, & seq.
 Plus est quàm moderatio vel sobrietas. 1102. c, 1103. a
 Ieiunantes non debent assimilari Hypocritis. 1102. c, 1111. c, 1157. b
 Ieiunium nullum est inter Christianos in die Dominica, nec à Paschā ad Pentecosten. 1103. c
 Ieiunium aliquod ad ipsum ius naturæ pertinet. 1104. a
 Necessarium ad tentationes superandas, & ad poenitentiam. ibid.
 Non præcipitur in decalogo. 1104. b
 Pertinet ad temperantiam. ibid. 1120. d
 Ieiunij præcepta obligare fideles in conscientia. 1104. c, Probatur testimonijs & exemplis Scripturæ sacræ. ibid. d, & seq.
 Et ex Concilijs. 1105. b, c, d, & seq. Ex sanctis Patribus. 1106. a, b, & seq. Ratione. 1107. a, b, c. Soluuntur obiectiones ex Scriptura. 1107. d, 1108. a, b, & seq. Ex historia. 1114. a, b, c, & seq.
 Ieiunium publicum. 1104. d
 Ieiunium mensium non à Deo, sed à Repub. Iudæorum obligabant populum in conscientia. 1105. a, b
 Ieiunia & ieiunantes valde laudantur in Scripturis. ibid. a, b
 Ieiunium violare est peccatum mortale. ibid. c, d, c, 1107. c
 Violantibus dicitur anathema. 1105. d, e
 Actus ieiunandi præscriptus à lege Ecclesiastica, est actus temperantiae necessarius. 1107. a, b, c
 Violans ieiunium peccat contra virtutem temperantiæ. ibid. b, c
 Ieiunia antiqua hæretica rejiciuntur. 1109. d, c
 Ab Ecclesiâ instituta sunt sanctitatis & diuini cultus causa. 1111. c, d
 Ieiunium Evangelicum perfectius ieiunio Phariseorum. 1113. a, b
 Non pertinere ad viros perfectos secundum Begardos. 1117. c, d, 1118. d, e
 Refutatur hic error. 1117. d, 1118. a, b, & seq.
 Ieiunium pertinere etiam ad perfectissimos. 1118. a, b, & seq.
 Ieiunare nemo tenetur cum præiudicio salutis corporalis. 1117. a, b, c, 1119. a, b
 A ieiunio tria excusant, pueritia, senectus, ægrotudo. 1119. a, b
 Propter pietatem excusantur concionatores, &c. Propter necessitatem omnes qui versantur in laboriosis operibus. 1119. b
 Ieiunium in orientali Ecclesiâ semper fuit strictius quàm in occidentali. 1119. c
 Ieiunium disponit animum ad orationem, & rerum celestium contemplationem. 1120. b
 Moysen præparauit ad colloquium Dei. 1120. b
 Quare instituitur in professis magnarum celebratum. 1120. b, c
 Ex se est res mediocris. 1120. c, d, 1123. d
 Est actus elicitus temperantiæ. 1120. d, 1123. d
 Versatur circa moderandas delectationes cibi & potus. 1120. d
 Ad alias virtutes pertinere poterit. ibid. 1123. d
 Vt sit meritum, requirit deuotionē ieiunantis. 1120. d, 1121. a
 Ieiunium esse cultum Dei. 1120. c, 1121. c, 1158. a, b. Soluuntur obiectiones ex Scripturis. 1126. a, b, & seq. Ex Patribus. 1129. a, b, & seq.
 Placare Deum iratum. 1121. d, 1122. a, Probatur ex Patribus. 1122. a, b, & seq. 1123. b
 Esse impetratorium beneficiorum Dei. 1023. b, Probatur exemplis sacræ Scripturæ. 1123. b, c
 Illi respondet merces. 1123. c
 Multi eius fructus enumerantur. 1124. a, b, & seq.
 Ieiunium à cibis parum prodest nisi abstinatur à vitijs. 1126. a
 Cum elemosyna coniungere non est necessarium. 1126. d, & seq.

Ieiunium sanctorum eremitarum. 1100. c, d, 1129. c
Ieiunium in pane & aqua in Ecclesia antiquitus fuisse, testatur Tertullianus. 1131. c
Ieiunij apud veteres semper varia fuit consuetudo. 1134. a, b, c & seq.
 Nonnulli aliquando biduum, vel triduum, vel sex dies egisse ieiunos. 1134. a, b, c, & seq.
Ieiunium sine humilitate nihil prodest. 1145. b
Ieiunium feræ quartæ & sextæ. 1145. c, & seq.
 Non ieiunandum die Dominica. 1146. b, 1147. c
Ieiunij feræ quartæ & sextæ causa. 1146. d
 Propter absentiam sponſi. 1146. e
 Non debet obseruari hoc ieiunium, quando natalis Domini contingit feria quarta vel sexta. 1146. e
 Hoc ieiunium est ex traditione Apostolica. 1147. a, 1151. b
 Secundum alios permittitur tantum, non imperatur. 1147. a
 Romæ omnes non obseruabant. 1147. a
Ieiunium quatuor temporum addit etiam Sabbatum. 1147. b
Ieiunium feræ quartæ & sextæ solebat poenitentibus iniungi. 1147. b
 Abſtinentia à carnibus fuit ex præcepto per totum annum. 1147. c
Ieiunium feræ quartæ fere mutatur in Sabbatum, in occidentali Ecclesia. 1147. d
Ieiunare Sabbato Græci nefas putarunt, quod tamen maxime conuenit, ut sit Romæ & in Hispania. 1147. c, 1148. a, b, c
Ieiunandum secundum morem Ecclesiarum. 1148. a, b
 Semper ieiunandum & ubique Sabbato sancto, & omnibus Sabbatis propter Christi sepulturam & Apostolorum memoriam. Die Veneris propter Christi passionem. 1148. c, d, 1149. a
Ieiunium Sabbati quare olim prohibitum, nunc præceptum. 1148. d, e
Ieiunium quatuor temporum est à traditione Apostolica. 1149. c, d, 1151. b
Ieiunium decimi mensis est præcipuum ex quatuor. 1149. d, e, 1150. a
 Huius ieiunii varietas apud veteres. 1150. b, c
 Quos ob fines obseruari solebat. 1150. c, d, & seq.
 Pro singulis anni mensibus vnum diem ieiunamus. 1152. a
Ieiunium quomodo prohibitum in Pentecoste. 1152. c, 1153. b, c, & seq.
 Licet imitari ieiunia Iudæorum. 1152. b, c
Ieiunium Aduentus ex consilio, non ex præcepto. 1153. a
 Rogationum quomodo obseruatur, est consilij potius quam præcepti. 1153. b, c
Ieiunium vigiliarum antiquitus statio dicebatur. 1153. c, d, 1154. a, b, & seq.
 Quibus temporibus ieiunium, nunquam celebrari debet. 1155. b, c, & seq.
 Licet ieiunare in Rogationibus, & in vigilia Pentecostes. 1156. b, c
Ieiunium & ieiunantes laudantur. 1157. b, c, 1158. b, c, d
Ieiunium vtile est ad sapientiam acquirendam, & ad passionem animi cohibendas. 1157. c, 1158. a
Ignis.
 Ignis post diem iudicij non habebit vim vtendi, nisi vt instrumentum diuinæ iustitiæ. 371. d
 Ignis gehennæ vrit, sed non splendet. 703. b
Ignorantia.
 Ignorantia fons erroris. 367. c, 378. c, 379. a, b
 Vulnus mentis. 378. c, d, e, 379. a, b, & seq.
 Ignorantia rerum necessariorum in infantibus maior quam in ipsis bestiis. 378. c
 Ignoratio finis tum naturalis, tum supernaturalis. 378. c & seq.
 Ignorantia quomodo non fuisset in paradiso. 387. c
 Antecedens facit inuoluntarium. Et excusat à peccato. 465. a, b
 Concomitans relinquit liberum voluntatis actum. Et non excusat à peccato. 465. a, b
Imago.
 Imago & similitudo Dei quomodo differunt. 8. c, 23. b, 420. c
 Imago Dei in homine significat liberum arbitrium. 8. c, d, cum seq. 250. d, 564. b
 Proprie est in anima hominis. 241. c, 281. a, b, & seq.
 Est totus homo. 241. c, d, & seq.
 Tribus modis in nobis consideratur. 281. c
 In nobis est obſcura non deleta, & quomodo renouatur. 281. b, c, d, 282. b, 2. o. d.
 Imago picta tribus modis consideratur. 281. d

Imago Dei est ornamentum originalis iustitiæ. 281. b
 Ad hanc primus homo factus est. 281. b
 Læditur vt est in potentijs, non vt in substantijs. 427. b
 Imago Dei in anima humana per peccatum non omnino sublata est. 608. d

Immortalitas.

Immortalitatem Adæ fuisse ei naturalem, error. 31. c, d
 Damnatur in Concilio Mileuitano, & Arausicano, & Tridentino. & à Pio V. & Greg. XIII. 31. d, e, & seq.
 Immortalitatem Adæ fuisse donum supernaturalem. 16. c, 17. a, b, & seq. 31. c, 34. c, d, & seq.
 Immortalitas fuit præmium obedientiæ in paradiso. 657. a

Impetratio.

Impetratio & meritum differunt. 1051. b
 Impetratio non requirit charitatem. 1051. b
 Impetrare possunt & peccatores in via, & beati in patria. 1051. b
 Impetratio multas requirit condiciones. 1051. b, c, d
 Impetratio omnibus promittitur. 1051. b, c, d
 Impetratoria potest esse oratio non meritoria, vel contra. 1051. c, d
 ad Impetrationem requisitæ condiciones enumerantur. 1051. c, d, e, 1052. a, b, & seq.
 Impetrationis magnum signum est, cum quis in orando magnam habet fiduciam. 1052. b, c, & seq.

Impotentia vel impossibilitas.

Impotentia vel impossibilitas, quæ, quando, & quomodo excusat à peccato vel non. 464. c, 465. a
 Quæ impotentia tollendo liberum arbitrium excusat à peccato quæ non. 464. c, d, & seq. 560. d, e, 561. a, b, & seq.

Incertitudo.

Incertitudo propriæ gratiæ & iustitiæ, probatur ex Salomone. 855. c, 856. a, b, & seq. Probatur ex testimonio & exemplo Iob, Davidis & Pauli. 859. c, 860. a, b, & seq. De Paulo ex Patribus. 862. b, c, d, & seq. Ex Prophetis & Apostolis. 863. c, d, & seq. Ex Sanctis Patribus. 864. c, & seq. Rationibus. 866. b, c, d, & seq. Soluuntur obiectiones ex scripturis. 869. b, c, d, & seq. Ex Patribus. 875. c, d, & seq. Ex ratione. 885. a, b, & seq.
Incertitudo iustitiæ præsentis, & prædestinationis non pugnant inter se. 858. c, 859. a
Incertitudo remissionis peccatorum non facit dubias promissiones Dei. 858. a, b, & seq.
Incertitudo gratiæ propriæ ex eo provenit, quod opera nostra nos ipsos latent. 858. d
Incertitudo hæc conseruat in fidelibus humilitatem. 868. a, b
 Satis manifesta est ex timore quam habent sanctissimi homines in hora mortis. 858. a, b, c, d

Induratio, vel excecatio.

Quomodo dicitur Deus obdurasse cor Pharaonis. 139. e, 140. a, b, & seq. 153. d
Quomodo dicitur excecari vel obdurare corda hominum. 140. b, c
 Deus non est causa indurationis & excecationis positivè sed negativè, permittendo, deferendo, non misereendo. 140. b, c, 158. c, 159. a, b, c
 Excecitas mentis, & cordis obduratio est peccatum. 140. d
 Est causa peccati. 140. d
 Est effectus vel pœna peccati. 140. d, e, 141. b, 498. c, d, & seq.
 Excecitas cordis non est solum carencia luminis, sed affectus pravis, quo quis impedimentum ponit illustrationibus diuinis. 140. e
 Exci corde dicuntur Matth. 13. videntes videri & non videre. 141. a
 Exci corde excecatur malitiarum. 141. a, 143. d
 Obduratio cordis est pravis affectus, quo quis admonitiones diuinas internas vel externas contemnit, & eis resistit, donec eas amplius non sentiat. 141. a
 Cor dicitur durum, lapideum, crassum, graue, quod non mouetur ad correptiones diuinas. 141. a
 E contrario cor tenerum, molle, carneum dicitur, quod facile acquiescit Deo. 141. a
 Excecatio vel obduratio est iniustorum, non autem iustorum. 141. b
 Ad excecationem requiritur, vt quis nec videat, nec videre possit. 141. c
 Ad obdurationem requiritur, vt quis nec cedat, nec cedere possit. 141. c

Quænam permissio Dei & desertio sit execratio & obduratio 1. o. d. 141. d. c. 142. a, b, & seq.
 Execrari & obdurari semper habent vires a Deo, ut si velint possint obdurationem & execrationem amovere, peccando Dei auxilium. 141. a, 141. a, b
 Obdurati in Scripturis reprehenduntur merito & & puniuntur quia culpa sua indurationem incurrunt & in ea perseverant. 1. 2. a, b
 Execrandi & obdurati actio tribuitur interdum rebus, quæ sunt occasiones actuum. 143. b
 Patientia Dei quomodo indurat homines 141. c, d, 153. c
 Obdurationis finis est, ut ostendatur iustitia & potentia Dei. 161. d, e
 Obduratio à Deo permittitur propter demerita hominum. 153. d, e, 154. a, b, c, d
 Obduratio peccatorum assimilatur duritiei lapidis. 183. c, d
 Execrati durante execratione videre non possunt. 460. c, 467. b, c, 470. a
 Possunt removere execrationem si gratia præuenienti cooperentur, sed hanc gratiam non temper habent. 4. o. d, e & seq.
 Obdurati & execrati post obdurationem peccare possunt. 461. c, 464. a, b & seq.
 Obduratio & execratio non excusat à peccato, non tollit liberum arbitrium, sed facit peccantes inexcusabiles. ibidem.
 Obdurati & execrati quomodo habent gratiam resistendi tentationibus 464. d, e, & seq.
 Obdurati & execrati possunt deponere obdurationem & execrationem 470. a, b
 Indurare, & odio habere, non positiue, sed negatiue significant. 478. b, c
 Induratio quomodo pœna peccati, quomodo effectus reprobationis. 498. c, d
Infantes.
 Infantes quare non possunt peccare. 101. a, b, & seq. 106. a, b, & seq. 227. c, d, & seq.
 Carent vii liberis arbitrii. 101. a, b, 106. a, b, & seq. 110. d, 187. c, d
 Non sunt capaces præcepti. 101. a, b, c
 Non tales nunc nati, qualis erat Adam ante lapsum. 101. a
 Non baptizandi secundum Anabaptistas. 101. b
 In antes nec in Adam peccasse, nec in Christo saluari, error Abailardi. 101. c, d
 Sunt mortui obnoxij antequam quicquam boni vel mali fecerint propria voluntate. 106. b, c, 207. d. 1. b, 212. a, 214. a, b, 214. b, 41. b, 111. b, c, 216. c
 Infantes esse baptizandos 218. c, d, 219. b, 220. a, b, & seq.
 Cum omni festinatione baptizandos esse, si periculum mortis instet. 218. c, 220. a, b, c, 233. b, c, & seq. 350. c, 357. a, b, & seq.
 Infantes ante baptismum possidentur à diabolo, 1. o. b, 228. d, 233. d, 357. a, b, & seq.
 Non possunt imitari peccata parentum. 212. a, b, c, & seq.
 Quo modo puniantur pro peccatis parentum, quomodo non, vide filius.
 Per baptismum habent meritum fidei. 215. c
 Quomodo sistentur in die iudicii ante Christi tribunal. ibidem.
 Nullam habent actionem malam, sed tantum reatum & maculam. 35. b, 137. a, b
 Contrahunt peccatum originis non propria, sed aliena voluntate. 135. b, 346. c, 378. c
 Infantes iustorum parentum quomodo nascuntur in peccato. 136. c
 Fidelium quam primum baptizandos esse ex Patrum traditione. 153. b
 Infantes in primo instanti animationis, habent peccatum originis. 128. a, b
 In infantibus non est vllum peccatum actuale, ne omissionis quidem. 128. c
 Infantes recentur baptizati comparantur munditie cum Christo. 303. a
 Sine baptismo morientes quomodo puniantur, quinque sententiarum 353. a, b, c, & seq.
 Puniri pœna damni non sensus. 255. a, b, c
 Cœlesti & natali beatitudine perpetuo carituros 355. c, Probat ex Scripturis. 355. c, 356. a, b, cum seq. Ex Conciliis. 356. c, d, e, Ex Pontificibus ibid. c, & seq. Ex sanctis Patribus 357. b, c, & seq. Ex rationibus ibid. c, & seq.
 Infantum sine baptismo decedentium locus est ipse infernus. 355. d, c, 356. a, & seq. 360. a, b, & seq.
 Infantes sine baptismo decedentes nec acquisitas, nec infusas habent scientias. 360. d, c, 364. c
 Horum infantum animæ separatæ nihil discunt. 360. c

Nec habent virtutes, nec vitia, 361. a, 364. c
 Habent auersionem habitualement à Deo. ibid.
 Horum infanum, felicitas, secundum Pighium & Catharinum. 391. a, b
 Infantibus non applicatur redemptio Christi nisi per baptismum. 362. d
 Infantes illi patiuntur pœnam damni, non autem sensibilem ignis infernalis. 364. a, b, 37. a, b, & seq.
 Infantes sine baptismo decedentes, in inferno minore pœna puniuntur. 1010.
 Sine baptismo morientes non puniti sensus, sed tantum damni, probatur ex Scripturis. 367. a, b, Ex Patribus. ibid. c, d, & seq.
 Probat ratione. 349. a, b, c
 Infantum damnatio omnium leuissima. 368. c, d, 371. c, 372. d, & seq.
 Infantibus sic damnatis non fuisset melius non fuisse. 368. c, d
 Infantes sine baptismo decedentes, quomodo erunt in loco ignis, non tamen ventur igne. 371. c, d, 372. b, c
 Infantum miseriarum non sunt propriæ pœnæ originalis peccati. 372. c, d
 Sine baptismo decedentes quibus corporibus resurgent 372. c, 373. a
 Infantes sine baptismo decedentes interdum patientur animi dolorem. 373. c, d
 Intelligent quid amiserint. 373. c
 Quare unum eorum pœnæ. ibid. & 377. a, b
 Dolorem eorum interius cur erit leuissimus. ibid. d, & seq.
 Cur verime conscientiarum carebunt 373. d, 376. d, e
 Videbunt alios se miseros. 373. d
 Infantes vocantur innocentes imagines Dei. 374. a
 Soluuntur argumenta contra interium dolorem infantum, sine baptismo decedentium post hanc vitam 376. b, c, & seq.
 Infantes illi naturaliter habent animi dolorem ex amissione beatitudinis. 376. b
 Infantum sine baptismo morientium, quomodo pœna mitissima 376. c, d, 377. a
 Est mitissima tribus modis. 376. c, d
 Infantes magis ignorant res necessarias quam ipsæ bestiae 378. c
 Infantes etiam baptizati, nec actu cognoscunt, nec diligunt Deum. 411. a
 In infantibus habitat Spiritus sanctus per habitum aliquem. ibid.
 In infantibus non potest esse iustitia actualis, sed tantum habitualis. 416. a
 Cur permittit Deus infantes aliquos non alios mori sine baptismo 417. d, e, & seq.
 Infantes sunt sub arbitrio voluntatis alienæ. 419. c
 Aliena confessione credunt, aliena infidelitate non credunt. ibid. & seq.
 Infantum diuersa mors satis ostendit prædestinationem, non esse ex præuisis bonis operibus. 472. a, b, c, 48. c, d, 48. c
 Infantes morientes statim post baptismum quomodo merentur hæreditatem cœlestem 1013. c

Infideles.

Infideles non hædis, sed lupis & canibus assimilantur. 370. b, c, 490. c, d
 Infideles quomodo iudicabuntur. 370. c, d, & seq.
 Infideles aliqua bona opera, siue cum auxilio speciali siue solius naturæ viribus facere posse. 605. d, e, & seq.
 Infidelium & fidelium bona opera non eodem modo verique profunt. 607. b, c, & seq.
 Infidelium opera plerumque ob prauum finem sunt mala. 608. b, c, 620. a, b
 Infidelitatis vnico actu amittitur fides 900. c, 901. a

Infidelitas.

Infidelitatem non fuisse ante Adæ peccatum 175. c, d, 177. b, c, & seq. 178. c, d, e, 179. b, c, & seq.
 Infidelitatis actus est, non velle Deo credere. 178. c
 Infidelitas conuenitur ex aliis malis operibus. ibid.
 Infidelitas Adæ fuit hæresis. 181. a, 181. a
 Infidelitate amittit Adam fidem. 181. a, b, c, 185. a, 190. c
 Infidelitas Henricus quænam fuerit. 181. d, c, 183. a, b, & seq. 184. a, 184. d, e, & seq.
 Adæ qualis. 185. c, 184. a
 Infidelitatis motus potest præuenire perfectam rationis deliberationem. 187. c
 Infidelitas Henricus grauior infidelitate Adæ. 188. d, e
 Infidelitas maxima quæ. 188. d, e
 Infidelitas Henricus coniuncta cum blasphemia. ibid. & seq.
 Infidelitas Henricus & Adæ parum differt. 189. d, e

Innocentia.

Innocentia in quo consistit. 349. d, e
Semel amissa nunquam recuperari potest. 350. a
In infantibus apparet amissa. 383. b
Innocentia paruulorum baptizatorum quanta 485. b

Inobedientia

Inobedientia est, nolle subiici alterius imperio. 176. c, e
& seq.
Inobedientia est primus actus superbiz 176. c
Inobedientia est quedam superbia 176. d, e
Inobedientia Adæ & Heuz eadem 189. e
Inobedientia Adæ quomodo constituit omnes peccatores 176. b, e, 190. a, 2, 213. a, 215. a, b, 412. c, 812. c
Inobedientiam Adæ & nostram sanauit obedientia Christi. 212. c, 412. b, c, d, 822. c, d, 831. e
Inobedientia Adæ efficienter nos peccatores constituit. 831. e
831. a
Inobedientiæ malum. 932. e, 933. a, & seq.

Inspiratio.

Inspiratio Dei plus valet exhortatione hominis. 444. a, b, & seq.
Inspiratio interna est necessaria, vt quis à peccato resurgat, non vt quis peccatum fugiat. 462. d
Inspiratio interna quot & quales motus efficit in homine. 717. b, c

Intellectus.

Intellectus & ratio quomodo differunt 104. a, 516. d
Intellectus obiectum est veritatis. 532. e, 539. c, d
Intellectus humanus cum solo auxilio generali verum morale etiam in particulari cognoscere potest. ibid.
Peccato primi hominis lætus non extinctus est. 612. b

Iniustitia.

Iniustitia nobis vere inhaeret per modum habitus. 412. c, 804. c 810. d

Intentio.

Intentio mala facit omnes actiones malas. 278. c, 930. b
Intentio finis debet esse libera. 535. c
Intentio ministri, necessario requiritur ad conficiendum Sacramentum. 867. b, c, 882. a
Intentio dicitur oculus. 930. a, b, & seq.
Quæ intentio requiritur vt opus dicatur in Deum referri. 1008. a, b, c
Intentio orantis debet esse in abscondito. 1080. a, b, & seq.
Intentio bona dicitur dextra manus, mala sinistra. 1181. a, b
Intentio placendi Deo facit bonam elemosynam 1185. a, b
Intentio fauoris humani corrumpit opus. ibid. b

S. Ioannes Baptista.

S. Ioannes Baptista in utero matris sanctificatus 258. a
259. d
eius Ieiunium 1100. a, 1118. a, 1199. c

Iob.

Iob afflictio quare tribuitur Deo. 116. a, b, & seq.
Eius afflictio nec maior, nec longior, nec planè alia fuit quam vt Deus permisit. ibid.
Non vixit tentationes nisi auxilio diuino. 603. e
Quare à Deo tentatus. 642. e
Iob non audeat se iustum pronunciare. 860. c, d
In grauissimis tentationibus innocens perseuerauit. 949. c, d

Ioseph.

Ioseph venditio & Christi passio quomodo bona, quomodo mala. 128. d, e

Ira vel iracundia.

Iracundiz tres gradus. 78. e, 79. a 80. d, e
Iracundia interior aliquando grauissima. 78. e, 79. a
Iracundiam mitigare non mediocre est. 301. d
Iracundia mala bestia. 312. e
Ira quare homini data. 383. a, b
Eius officium quale. ibid.
Ira quomodo hominem in belluam conuertat. ibid.
Ira nobiscum nata in ipsa infantia apparet. ibid.
Iracundia vitiosa animi pars. 387. c
Ira Dei præter naturam eius est. 876. e

Tribuitur Deo ad similitudinem iræ hominum 1048. e, 1049. a
Ira diuina ieiunijs placatur. 1121. d, & seq.

Iubilæum.

Iubilæum apud Hebræos quid. 50. e

Iudæi.

Iudæi verum Deum per innumera prodigia nouerunt, & tamen Deos alienos sæpe coluerunt. 381. d
Iudæi cur olim soli verum Deum coluerint. 459. b
Iudæi etiam obdurati & excæcati adhuc peccauerunt 463. d
e, 464. a, b,
Iudæi reiecti, Gentiles electi. 485. d, e
Iudæi cur non crediderunt in Christum. 480. d
Quæ auxilium habuerunt. ibid. d, e
Iudæi quidem dicunt Deum quotidie orare. 1048. e, e

Iudas.

Iudæ avaritia. 114. e
Iudas electus ad opus, cui congruebat. 155. a
Iudæ mala voluntas in bonum versa. ibid.
Iudas liberè & nulla necessitate compulsus, Christum perdidit. 563. d
Iudas amisit fidem, & erat infidelis. 769. d
Aliquando iustus postea peccauit, & factus est reprobus & damnatus. 900. a, b

Iudex.

Iudex & arbiter quomodo differunt 505. e

Iustificatio.

Iustificationis causa formalis est gratia à Deo infusa. 549. b, 723. d, 809. b, c, & seq.
Iustificatio post lapsum Adæ non modo gratis, sed etiam peccatoribus. 406. a, b, 407. a, b
Iustificationem non esse solum remissionem peccatorum, sed etiam gratiæ susceptionem. 411. d, 423. c, 424. a, b, 727. d
809. b, 813. b, c, & seq. 820. a, b, & seq. 827. a, b, 830. c, 833. c, & seq. 837. d, e, 838. e 839. a, c, d 843. a, b
Cum iustificatione iniungitur spes, fides, charitas. 411. d, 419. d, e 419. c
Iustificationis gratia distinguitur ab actibus virtutum. 421. d, & seq.
Non est tantum externus Dei fauor, sed charitas in corde diffusa. ibid.
Iustificatio à iustitia derivata. 414. b, 725. d
Iustificatio impij describitur. ibid. c, 415. a, b, 617. a, d
Iustificationis instrumenta sunt Sacramenta. 416. e
Iustificationis vnica causa formalis in spe, fide & charitate consistens. 419. d, 421. d, 820. a, 822. d
Iustificationem nostram antiqui Patres in virtute præstetim in charitate constituunt. 420. b, c
Iustificati gratis per gratiam. ibid. 787. a, b, & seq.
Iustificationis effectus glorificatio. 438. e, 820. c
Iustificationis principium est à Deo vocante. 714. e
Iustificatis, gratiæ habitus à solo Deo infunditur. 728. c, d
Iustificationis nomen multis modis accipitur in sacris litteris. 725. a

Accipitur pro ipsa lege quæ iustitiam docet. ibid.
Pro acquisitione iustitiæ. ibid. a, b
Pro incremento iustitiæ. ibid. b
Pro declaratione iustitiæ. ibid. b, c, 829. a
Nomen habet à iustitia ibid. d, 414. b, 725. d
Iustificationis finis quis. 727. a, b, & seq.
Iustificationis causa efficiens quatuorplex. ibid. c, d, 827. d, 809. d 837. a, b
Causa meritoria. 627. e, cum seq. 607. d, 809.
Causa instrumentalis. 828. a, b, 809. d
Causa materialis animus hominis. 728. d
Dispositiones quæ, & quor, pertinent ad materialem causam. 728. c
Intrinseca causa formalis est habitus gratiæ vel charitatis infusus. ibid.
Extrinseca, seu exemplaris est ipsa Christi iustitia. 728. d
Iustificationis actus quem ordinè habent. 730. e, 750. c, & seq.
Dispositiones ad iustificationem, quot & quæ. 756. c, d, cum seq. 780. d, e, 796. a, b, 843. e
Iustificationis prima radix fides. 756. e, & seq.
Iustificationis ordo describitur. 757. a, b, & seq.
Iustificatio sanitas animæ à morbo peccati 717. a
Iustificationis causa formalis non est iustitia, quæ est in Christo. 419. d, 831. e, 833. a 843. a
Est iustitia in nobis realiter inherens. 420. b, c, 822. d, 833. a, 839. c, d
Iustificatio gratuita quomodo excludit merita, quomodo non. 787. a, & seq.
Non excludit fidem, & ceteros. ibid.

I N D E X

Iustificatio initium est à gratia praeueniente. 788. d
Iustificatio semper vocatur misericordia vel gratia. 790. d, c
Iustificationis causam formalem quam statuunt haeretici
799. a, b, c, & seq.
Enumerat Osiander viginti discrepantes eorum de hac resen-
sionis. 780. a, 799. d, c, 816. a, c
Quinque haeticorum sententia numerantur de causa iusti-
ficationis. 801. d, c Refutantur. 811. c, d, & seq.
Iustificationis unica causa formalis est Dei iustitia, non qua
ipse iustus est, sed qua nos iustos facit. 419. d, c 795. a, 804. b,
c, & seq.
Iustificatio quid. 805. a, b, 820. b
Opponitur damnationi. 805. b
Est actus iudicis, est actus gratiae. 805. c
Iustificari intrinsecè & extrinsecè quid. 805. d
Iustificatio multis modis dicitur. 806. b
Erat vocabulum ignotum Ciceroni & Terentio. 806. c
Idem est quod iustum facere. 805. a, d, 806. a, 807. b, 819. a
Iustificationem gratiam non esse solum Dei fauorem. 807. c,
808. a, b, c
Iustificatio quibus nominibus vocetur, & quibus rebus com-
paretur. 808. b, c, 819. a
Eius causam formalem non esse solum fidem, probatur. 811.
c, d, & seq.
Iustificatio à fide incipitur, à charitate consummatur. 812. b, c
& seq.
Iustificatio praecedat inhabitationem Dei. 815. c, d
Iustificationem non consistere in sola remissione peccatorum,
sed etiam in interna renovatione, probatur ex sacris litteris.
818. b, c, d, & seq. Ex S. Augustino. ibid. 819. d, e, & seq. Ra-
tione. ibid. 810. b, c, d
Iustificatio non tantum datur ut gehennae poenas euadamus,
sed etiam ut premia vitae acquiramus. 810. c
Quot, & quam magna nobis tribuit. ibid. c, d
Eam non consistere in imputatione iustitiae Christi. 821. a, b, c,
& seq.
Iustificatione verè peccata nostra tolli, probatur ex Scriptu-
ris. 821. c, 822. a, b, c, & seq.
Iustificatio mundat cor, & praeparat ad visionem Dei. 825. d
Iustificari est ex impio pium fieri. 828. a, b, c, & seq. 836. d, 843. d
Soluuntur argumenta haeticorum contra Catholicam sen-
tentiam de iustificatione. 829. a, b, c, & seq.
Iustificatio effectus sunt opera iusta. 843. b
Iustificatio prima non habet opera perfectè iusta. 844. a
Secunda habet opera perfectè iusta. ibid.
Secunda per opera iusta augeri potest. 845. c, & seq.
Circa iustificationem quatuor errores 849. a, b, c, Explicantur
& refutantur. 850. a, b, c, & seq.
Iustificati habent Spiritum sanctum. 709. d, 849. a, 944. b, c, d
Per Spiritum quem accipiunt, legem implent. ibid. b
Ex Deo nati sunt. 709. d, 944. c, 948. a
Iustificatio est duplex. 956. b, c
Quoniam ex operibus, quae non. ibid. b
Iustificationem pro declaratione iustitiae vult Calvinus acci-
pi. 956. c
Primam explicat S. Paulus. ibid. b, c
Prima est, qua quis ex impio fit iustus. 956. c, 957. a
Secunda, qua quis ex iusto fit iustior. 956. c
Iustificatio prima non est ex nostro merito, sed ex Dei mise-
ricordia. 706. a, 717. c, c, 728. a
Iustitia.
Iustitia est qualitas animae nostrae inherens. 411. b, c, d, 416. a,
801. d, & seq. 804. c, d, & seq.
Est actualis & habitualis. 416. a, b
Est in multis, in quibus non esse potest, nisi habitualis. ibid. b
Iustitia Baptismatis non est actualis, sed habitualis. ibid. a
Iustitia Dei, quae nos iustos facit, nostrae iustificationis est
causa. 410. a, b, 421. a, b, c, 27. b, 813. b, c, d
Iustitiae laus. 410. b, c
Iustitia iustificans quae. ibid.
Est virtus in voluntate, non in essentia animae. 423. c, d
Iustitia Dei lumen illuminans, nostrae illuminatum. 430. d
Iustitia quid. 725. d
Eius multae acceptiones in sacris litteris. ibid. d, & seq.
Est idem quod ius. ibid. b
Accipitur pro rectitudine scripta. ibid. d
Pro rectitudine operum exteriorum. 725. d, 726. a
Pro iustitia politica, quae est duplex. 726. a
Politica vniuersalis vel legalis est aggregatio quaedam virtu-
tum. 726. a, b
Particularis est specialis virtus, & diuiditur in commutati-
uam & distributiuam. 726. b
Accipitur pro rectitudine interna. ibid.
Et haec dicitur iustitia fidei, quia a fide incipit. ibid. b, & seq.
Et iustitia Dei quod à Deo datur. ibid.
Iustitia legis est in libris. 726. c, 779. c

Operum in manibus. ibidem
Iustitia fidei, siue Dei in animo & corde. ibid. c
Iustitia interna, alia habitualis, alia actualis. 726. d
Iustitia legis & iustitia in lege, vel ex lege quomodo differ-
runt. 726. b, c, 779. c, 780. a, b, & seq.
Iustitia nobis à Deo infunditur, secundum dispositionem &
cooperationem vniuscuiusque. 789. a
Quare nunquam vocatur merces. 790. d, 791. c
Iustitia Christi quomodo vocatur nostra. 791. a, 834. a, b, c
& seq.
Quando perfectior fide. 811. d, c
Iustitia adiunctione aliarum virtutum, semper sit perfectior.
812. d
Iustitia facit nos similes Christo. 812. c
Est plenitudo legis diuinæ. ibid.
Iustitia non potest esse informis & mortua. 812. c, 813. a
Est animae vita. ibid.
Iustitia Dei essentialis non est formalis causa iustificationis.
814. d, c, 815. a, b, & seq.
Iustitia Christi hominis erat verè creata inherens. 810. d
816. d
Fuit infiniti valoris. 817. d
Fuit infinitae personae. ibid.
Iustitia nobis inherens probatur ex S. August. 826. c, d, c, &
seq. Ex aliis sanctis Patribus. 827. c, & seq.
Iustitia Dei dicitur quae inest nobis ex dono Dei. 832. b, 834. b
Nostra, quae propriis viribus, sine gratia Dei acquiri creditur.
ibid. b, c
Vel est praesumptio legis implenda solis naturae viribus.
832. c
Iustitia nobis inherens comparatur aptè indumento. 836. a
Iustitia nostra vera ex fine. 839. c, d
Iustitia nostra in hac vita, cur magis consistit in remissione
peccati, quam in perfectione virtutis. 839. c, d, c
Iusti sapè committunt peccata venialia. 840. a
Iustitiam Christi participamus per regenerationem. 840. c, d
Iustitia Christi opponitur peccato Adæ. ibid.
Actualis non est, quae nos formaliter iustificat. 841. c, d
Actualis quomodo perfecta, quomodo imperfecta. ibid. d
Habituali formaliter iusti sumus. 841. c, & seq.
Iustitia nostra omnino pendet à meritis Christi. ibid. c
Actualis meritorie iustificat, non formaliter. 841. c, c, 843. b, c
Quae nos formaliter iustificat, debet in nobis permanere &
inherere, nec debet esse actus transiens, sed qualitas per-
manens. 842. c, 844. c
Iustitia infusa opus gratiae. 843. d
Iustitia, qua formaliter iustificamur, est in paruulis baptizatis
in quibus nulla potest esse actualis, sed tantum habitualis.
845. c, 846. a
Iustitia & iniustus dicitur ab habitu, non ab actu. 845. b
Soluuntur obiectiones adductae contra hanc doctrinam. 845.
c, d, & seq.
Iustitia habitualis quatuor habet formales effectus. 846. c, d
Habituali opponitur peccato priuariuè. 846. c, 848. a
Iustitia & peccatum sunt contraria immediata. 848. c, 849. a
Iustitiam & fidem semel habitam posse amitti, probatur ex Sa-
cris litteris. 848. a, b, & seq. Exemplis Sanctorum. 899. a, b, c,
& seq. Rationibus. 900. c, 901. a, b, c, & seq.
Iusti omnes non esse inter se pares, probatur ex Scripturis.
901. c, d, & seq. Ex Patribus. 903. c, d, & seq.
Iustitiae progressus describitur. 903. c
Iustitia Scribarum & Phariseorum. 906. c
Triplex cogitari potest. 908. c, d
Nec prima, nec secunda potest operibus sine fide obtineri. ibid.
Secunda est augmentum iustitiae. 959. c, c, Soluuntur obieccio-
nes sumptae ex Scripturis, contra iustitiam actualem. 960.
b, c, d, & seq. Ex Patribus. 963. c, 964. a, b, c, & seq.
Iustitia humana, si cum diuina comparatur, videtur iniusta.
961. b, 966. d
Iustitiae aliquando vocantur opera ad cultum diuinum insti-
tuta. 962. c
Iustitia in futura, quanto perfectior quam in praesenti vita
964. c
Iustitia humana, remotis donis diuinis, nulla est. 965. b, c
Iustitia triplex. 968. a
Iustitia recta, pura & firma est in Angelis & Beatis. 968. a, b
In primis par casibus ante peccatum recta, & pura, non firma.
in nobis recta, non pura, nec firma. ibid. b
Iustitia recta quid. ibid. d
Iustitia Iudaismi detrimentum in comparatione ad iustitiam
Christianorum. 981. a
Iustitia commutativa & distributiva. 1003. c, 1004. a, b, c
Vniuscuiusque officium. 1004. d
Quomodo inter se differunt. 1004. a
Iustitia quomodo potest esse inter Deum & homines. ibid. c,
1016. b, c

Iustitia actualis legis diuinæ quid sit, & quomodo ad illam idonei reddimur. 1202.c, 1203.a, b

L.

Lex.

Ex mentis repugnat legi membrorum. 13. d, 180. a, 272. c

Lex aeterna legum omnium radix. 39 a, b,

Lex quatuorplex. ibid.

Proprie tantum ijs datur, qui habent liberum arbitrium. 39. b, 162. d, c, 193. a, b, & seq. 619 b

Aeterna est ipsa Dei sapientia 160. d

Lex non est nisi de actibus particularibus, & certis. 164. c

Lex iusto quomodo posita. 167. 178. 166. & seq.

Quomodo non. ibid. diffusè. 929. d, e

Lex circumcisionis. 169. n, b

Naturalis ab ipsa hominis creatione cepit. ibid.

Scripta in hominum cordibus. ibid.

Iustos & peccatores obligat. ibid.

Leges quare scribantur in tabulis. ibid. a, b, 919. c, 930. a

Iusti etiam legibus carere non debent 169. a, b

Legem non habent supra se. ibid. c, d

Sunt in lege non sub lege. ibid. d

Legis ignari dicuntur sine lege. 226. c, d

Lex Moysis peccatum prohibendo, peccatum manifestauit. 227. c, d, & seq.

Lex non causa, sed occasio peccati. 279. c

Lex Domini non solum possibilis, sed etiam suavis & facilis. 306. d, e

Lex quomodo dicitur peccatum. 279. d, e, 308. b, c, & seq.

Quomodo dicitur spiritualis. 311. c, d, e

Lex naturæ bifariam consideratur. 334. b, c

Lex naturæ, & synderesis quomodo differunt. 625. a, b, 6. c, e

Lex est regula dirigens actiones. 629. b

Legis finis quis. 311. a, b, 637. e, & seq.

Lex de actibus, non de habitibus datur. 693. c

Lex factorum quid. 779. b, c, d, & seq.

Lex fidei. 779. b, c, d, e

Quibus modis inter se differunt. ibid. & seq.

Legis obseruatio est iustitia. 837. c

Lex ante remissionem peccatorum seruari non potest. ibid.

Legis & Euangelij discrimen secundum Lutheranos. 909. d, & seq.

Refutatur hoc à Lutheranis positum. 910. d, e, & seq.

Legis & Euangelij verum discrimen. 911. a, 916. b, c, & seq.

Legis periti. 91. a

Leges veteris Testamenti sunt caeremoniales, iudiciales & morales. 917. b, c

Leges iudiciales Christus non ruit, sed Rerum publicarum moderatoribus ferendas reliquit. ibid.

Lex & Euangelium fere conueniunt in legibus moralibus. ibid. d

Lex talionis non propter vindictam, sed propter iustitiam instituta est. 918. d

Legis & Euangelij alterum discrimen. 919. d, e, & seq.

Lex per Moysen, Euangelium per Christum. ibid. & seq.

Lex Moysis tantum iudæis, lex Evangelica omni populo data est, probatur ex litteris sacris. 919. c, d, & seq.

Lex Moysis umbra Euangelij. 920. c, 921. a

Lex Moysis, adueniente Christi lege, mutanda erat, Christi legi nulla alia succedere debet. ibid. a, b

Lex Moysis quoad caeremonialia & iudicialia abrogata, quoad moralia in perfectius mutata. ibid. c, d, 924. c, 925. & seq.

Lex Moysis non iustificabat, at lex Christi. 921. c

Lex Moysis, lex timoris & seruitutis, Euangelium lex amoris & libertatis. 922. b

Lex Moysis gravissima, Euangelium Christi iugum suauis, & onus leue. 922. c, d

Legem destruere quid. 925. d, 949. a

Lex Moysis quomodo ad Christianos non pertinet. 930. a, b

Quomodo pertinet. ibid.

Legis Moysæ laus. 930. c, 912. b, & seq.

Legem Dei secundum hæreticos esse impossibilem. 938. a, b & seq.

Legem Dei implere non est impossibile bonis & iustis. ibid. d, e, & seq.

Probat ex Scripturis 939. a, b, c, & seq. Ex Patribus. 941. d, e, & seq. Rationibus 943. b, c, d, & seq. Soluuntur obiectiones. 944. d, e, & seq.

Lex quomodo importabilis. 945. c, & seq.

Lex nulla sine fide & gratia iustificare potest. 946. d, e, & seq.

Lex debet esse generalis, & omnibus in communi proposita. 1097. d

Lex Ecclesiastica obligat fideles in conscientia, & ad certa ieiunia, & ad delectum ciborum. 1104. b, c, Probat ex exemplis, & testimonijs sacrarum litterarum. 1104. d, e, & seq. Ex Concilijs. 1105. d, Ex Patribus. 1106. a, b, c, & seq. Ratione. 1107. a, b, c

Legum omnium commune est, facere actum virtutis necessarium, qui alioquin non est necessarius. 1107. a, b

Lex Ecclesiastica distincta est à diuina & naturali. 1107. b

Leges eadem non obligant eodem modo in omnibus locis 1114. b

Lex nulla obligat contra charitatem. 1118. c

Lex communis est, & respicit omnes. 1118. c, d, & seq.

Liberum arbitrium.

Liberum arbitrium debilitatum Adæ lapsu. 14. d, e, 388. d, e 505. d, e, 521. d, e, 619. a, b, 706. a

Liberum arbitrium post lapsum Adæ, quomodo non sufficit, ut perseueremus in bono. 14. c, 15. a

Gratia quæ facit nos velle, non tollit liberum arbitrium. 27. b, c

Deus non impedit quominus liberum arbitrium possit eligere quod vult. 221. c, 123. c

Liberum arbitrium esse in obduratis & excecatis. 1. 2. a, b, c

Liberi arbitrii nulla sunt bona merita sine Dei gratia. 7. b, c

Liberum arbitrium quomodo in instrumentum legitur à gratia. 416. c, d

Diuiditur tota materia de libero arbitrio in multas difficiles quæstiones. 503. a, b, & seq.

Qui heretici scripserint contra liberum arbitrium. 504. a

Qui Catholici pro eo. 504. b, c, & seq.

De nomine liberi arbitrii. 505. b, c

Esse iudicium cum electione, vel electionem cum iudicio. ibid. b

Esse rationis iudicium & liberum, duas ob causas. ibid. & seq.

Esse solius voluntatis actum. ibid. b, c

Arbitrium proprie ad intellectum pertinet, tamen accommodatur voluntati. 506. c, d

Cur arbitrium dicitur potius quam iudicium. ibid. c

Arbitrarius multo liberior quam iudex. ibid.

Liberi arbitrii variae definitiones. 506. a, b 509. b, c, & seq.

Vera definitio explicatur. 506. c, d, & seq.

Liberum arbitrium non est habitus, vel actus, sed potentia libera & indeterminata. 506. c, 516. e

Est proprium intelligenti naturæ. 506. d

Eius obiectum, subiectum, est actus. ibid. d, e

Versatur circa med. a, non circa finem. ibid. d, d

Quomodo differt à voluntate. ibid. e

Liberum arbitrium est voluntas, ut est principium electionis. 510. c

Liberum arbitrium non tollitur per necessitatem non peccandi. 510. d

Liberi arbitrii potestas ad malum non est virtus, sed defectus eius. 511. d

Liberum arbitrium quomodo potest esse simul cum necessitate. 512. a, b, & seq.

Liberum arbitrium consistere in actu, non in potentia, vel habitu, sententia Heruzæ. 514. c, 516. d, e

Esse habitum naturalem in ratione & voluntate consistentem, docet Bonauent. 514. e, Refutatur. 517. a

Esse potentiam perfectam per habitum naturalem superadditum, sententia Alberti. 514. e

Esse potentiam vniuersalem continentem omnes alias animæ potentias, incerti auctoris. 515. a, b, Refutatur. 517. b, c, & seq.

Esse particularem, distinctam à ratione & voluntate sententia Alepfi Refutatur. 517. b, c

Esse ipsas potentias rationis & voluntatis, & magis rationis, est Durandi. 515. b, Refutatur. 517. d, Rationibus. ibid. e, & seq. 517. a, b

Esse ipsam voluntatem, est Scoti, & Henrici. 515. c

Esse ipsam voluntatem determinatam à iudicio ultimo practica rationis, sententia communis est & vera. 516. b, & seq. & probatur. 519. a, b, & seq.

Liberum arbitrium habemus à natura. 517. c, 516. e

Est potestas eligendi. 517. d

Liberum arbitrium esse potentiam simpliciter actiuam. 515. c & seq.

Liberum arbitrium habet in potestate actiones, tum præsentium futurarum. 517. c, d

Liberum arbitrium non est solum eorum, quorum est consultatio, sed etiam quorum fuit consultatio. 514. c

Quomodo non est solum mediorum, sed etiam ipsius finis. 535. a, b, c

Liberi arbitrii similitudo in bestiis. 537. d, e

Liberum arbitrium hæretici negant. 539. c, d

Liberum arbitrium esse in Deo. 539. c, 540. a, b, & seq. Probat ex Scripturis. ibid. a, b, & seq. Ex Patribus. 541. b, c, & seq. Ratione. ibid. e, & seq. Soluuntur obiectiones. 547. a, b, & seq.

Ad liberum arbitrium quid requiratur. 547. a, b

Liberum quomodo nobilior necessario. 546. c, 548. a, b

Liberum arbitrium cur datū Angelis & hominibus, rationes. 546. c, d, & seq. 548. a

Datum ad augmentum meriti & gloriæ. 545. c, d, e, 547. b
 Liberum arbitrium Angelorum & hominum, quare non fuit confirmatum in bono. ibid. a
 Non datum ad peccandum, sed ad peccata liberè detestandum. 547. a, b
 Quomodo maiore ex parte in donum conuersum. 548. a
 Sitne in homine, tres sententiæ. 556. c, d
 Semper ferè fuisse impugnatum. 559. a, b, & seq.
 Liberum arbitrii nomen quomodo in sacris litteris habeatur. 559. c, d, & seq.
 Liberum arbitriū esse in homine quoad actiones indifferentes & ciuiles, probatur, ex Scripturis. 560. c, d, cum seq.
 Ex traditione & Conclis. 562. b, c, & seq.
 Ex Patribus. 553. b, c, & seq. Rationibus. 560. a, b, & seq.
 Ad obiectiones respondetur. 567. c, 568. a, b, & seq.
 Liberum arbitrium impugnantes, semper habiti hæretici. 562. b, 567. a, b, & seq.
 Liberum arbitrium non pugnat cum prouidentia. 561. c, 563. c
 Liberum arbitrium hominis non tollit prouidentiam, nec præscientia Dei. 565. b, c, & seq.
 Liberum arbitrium sapientes ex quatuor scholis Ethnicorum Philolophorum, & sapientes Aegyptii approbat. 566. b, c, Probat ex consensu totius vniuersi. ibid. c, d, Experiētia ibid. c
 Ex conscientia remorsu, & verecundia peccati. 567. b
 Libera electio & libera executio quomodo differunt. 568. c
 Liberum arbitrium non excludit cooperationem Dei. 569. a
 Manet integrum cum infallibilitate. 570. a
 Quam perfectum fuit in statu innocentia. 571. c
 Liberum arbitrium habemus in morali bono eligendo, & malo deuitando. 623. c
 Liberum arbitrium quomodo est in beatis & damnatis, respectu ultimi finis. 628. d
 Quomodo respectu mediorum. ibid.
 Liberum arbitrium probatur ex præmiis, & pœnis. 629. d, e 630. b, c, 632. b, 655. c, 656. a, 659. c, d, 669. b
 Liberum arbitrium & gratia non pugnant inter se. 630. c
 Liberum arbitrium ex eo probatur, quod alii sint boni, alii mali. 632. d, e
 Si non esset liberum arbitrium, frustra essent exhortationes & reprehensiones, &c. 633. d, e & seq. 649. b
 Liberum arbitriū reuelauit nobis Deus per Scripturas sacras. 639. a, b, 667. d
 Liberum arbitrium in moralibus contra hæreticos probatur ex Scripturis sacris. 637. b, c, & seq. Ex Patribus Græcis 648. d, e, & seq. Ex Latinis. 654. c, & seq. Ex libris S. Augustini ante hæresim Pelagii scriptis. 630. c, & seq. Ex libris eius post hæresim Pelagii scriptis 667. b, c, & seq. Soluuntur argumenta hæreticorum, ex verbo Dei petita. 669. c, & seq. Soluuntur argumenta petita ex D. Augustino 671. d, e, & seq.
 Liberum arbitrium assimilatur statui liberè & æqualiter se habenti in vtramque partem. 652. a
 Liberum arbitrium vocatur portio filii prodigi. 654. c, d 657. c
 Quot modis potest accipi. 507. a, b, & seq. 658. c, d, 662. d
 Liberi arbitrii defensores eximii, omnis ordinis recensentur. 660. b, c, d
 Liberum arbitrium Adami quomodo differt à nostro. 662. d, e, & seq.
 Liberum arbitrium requirit auxilium gratia Dei. 669. c, 672. b, c, d, 673. d, 674. d, e, 674. d, e, & seq.
 Liberum arbitrium in paradiso quale fuerit 671. d, e, & seq.
 Liberum arbitrium quomodo à libertate gratia, quomodo à libertate naturæ denominetur. 672. a, 674. a, b
 Liberum arbitrium in actionibus piis, probatur ex diuinis litteris. 709. a, b, & seq.
 Ex Patribus 702. a, b, & seq. Rationibus. 706. c, d, & seq.
 Soluuntur obiectiones. 707. b, c, d, & seq.
 Soluuntur obiectiones ex S. Augustino. 710. a, b, & seq.
 Liberum arbitrium semper in Ecclesia Dei. 702. b, c
 Liberum arbitrium habemus in ipsa prima conuersione. 706. b, 707. c, e, 708. a
 Liberum arbitrium in statu innocentia, & statu corrupto comparatur. 706. b
 Liberum arbitrium non ex eo operatur, sed per gratiam preuenientem cooperatur ad conuersionem peccatorum. 707. d, e
 Liberum arbitrium est vis materialis, & media, quæ ad fidem, vel infidelitatem inclinare potest. 713. b
 Non potest dari, nec tolli per gratiam, nec per peccatum ibid. c
 Quando & quomodo ligatum, quando & quomodo liberum. 713. c, 714. a

Libertas.

 Libertas alia specificationis, alia exercitii 507. a, 512. a

Libertas triplex 507. b, c, d
 Libertas naturæ vel à necessitate requiritur ad liberum arbitrium. 507. d, e, 508. d, e
 Libertas naturæ duplex. 507. d
 Libertas à coactione quæ. ibid.
 A necessitate quæ. ibid.
 Libertatem à coactione tantum requirunt hæretici liberum arbitrium. 507. d, e, 509. a, 515. c
 Libertas à necessitate requiritur ad liberum arbitrium, probatur ex Scripturis 508. d, e & seq. Ex Conciliis. 508. e, & seq. Ex Patribus. 509. b, c, & seq. Ratione. 510. d, e. Soluuntur argumenta, quæ pro contrario adducuntur. 512. a, b, c, & seq.
 Libertas quomodo constat simul cum necessitate. 512. a, 513. c, & seq.
 Libertas ad vtrumlibet, requiritur ad liberum arbitrium. 510. c 513. b
 Libertatis causa & radix est ratio. 515. c, 522. c, 525. d
 Libertas arbitrii formaliter consistit in sola voluntate. 517. d, e & seq. 522. c
 Libertas voluntatis in quo consistit. 522. c, 526. c
 Libertas ad malum nec Deo, nec Angelis, nec hominibus beatis conuenit. 541. b
 Libertas à coactione est etiam in bestiis. 627. c, 647. c, d, 654. c 655. d
 Libertas à coactione non repugnat fato. 655. d, e
 Libertas à necessitate repugnat fato. ibid.
 Libertas in anima, tanquam gemma in auro. 660. a
 Libertas & seruitus quomodo opponuntur. 660. d, e
 Libertas naturæ propriè est liberum arbitrium. ibid. 674. a
 Libertas peccati duplex. 672. c, 673. a
 Libertas peccati & seruitus peccati, quomodo idem significant. 673. a
 Libertas gratia est à Christo. 673. c
 Libertas Christiana secundum Lutheranos. 909. c
 Libertas Christiana in tribus consistit secundum Caluinum 910. a
 Libertas Christiana, quam ponunt hæretici refutatur. 913. b c, d, cum seq. 925. a, b, c, & seq. 927. c, d
 Libertas eorum definitur, quid sit. 923. b, c, 927. c, d
 Qualis sit. ibid.
 Libertas à peccato explicatur. 928. b, c, d
 Libertas ab oneribus legis probatur. 922. a, b
 Libertas à timore serui legis. ibid. c, d

Libido.

Libido parentum generantium, non est causa peccati originis. 249. c, d
 Si quis sine libidine generaret, tamen peccatum originis transfunderet. ibid.
 Libidinis ardor est etiam in sanctissimis coniugibus generantibus 250. b
 Libido generantium est signum corruptæ naturæ. 266. c
 Libido quare mala est in hominibus & non in belluis. 338. c
 Libido quomodo vitiosa animi pars. 287. c
 Libido non fuisset in paradiso. 388. a

Lignum vite.

Lignum scientia, vide arbor.
 Lignum vitæ confortasset vim nutrientem, nisi Adam peccasset, 34. c, 49. a, b, c
 Quomodo Adam fuit immortalis propter lignum vitæ. 34. d, e, 47. d
 Fuisse in paradiso corporali, 36. c, 39. a, b, & seq. 40. b, d
 Lignum vitæ Prouerbiorum cap. 3. accipitur pro sapientia. 36. c
 Lignum vitæ spiritualiter 36. c, 39. a, b
 Perfectam immortalitatem afferre potuisset. 49. b, c, & seq.
 Institutum ad arcendam mortem quæ est ex senio. 49. b, c
 Semel gustatum, perfectam dedisset immortalitatem. 49. b, c
 Tum solum sumendum fuisse, cum transferendi fuissent homines de statu gratia ad statum gloriæ. 49. c, d, 52. a
 Præmium fuisse obedientia. 49. d
 Post peccatum aut tactum fecisset homines perpetuo miseris. 50. a, b, c, & seq. 52. a, b
 Fuit Adæ interdictum. 49. c, 50. a, b, & seq.
 Fuisset remedium contra senium. 34. d, e, & seq. 49. c
 Lignum vitæ Adamum & dæmonem in paradiso latuisse 52. d

Lingua.

Lingua instrumentum actionum. 58. b

Loth,

Loth incestus, quomodo voluntarius, quomodo non. 466. a
 Loth ebrietas puniēda, non incestus. ibid.

Lutherani.

Lutherani refelluntur affirmantes Christum esse mediatorem, non tantum ut hominem, sed ut Deum 1191. b, item afferentes Christum, ut Deum & hominem fuisse Patri obediētem. 1190. c, d, item Christum Deum & hominem descendisse ad inferos. 1196. c, d, item humanitati Christi esse collata multa attributa diuina, vere & realiter. 1194. c, d, e, item naturam humanam Christi esse: ubique vere & realiter 681. a, 1192. b, c, d, item unionem hypostaticam verbi consistere in communicatione diuinorum attributorum 1195. c, d, e, in quo dissentiant à Catholicis circa effectum Sacramentorum. 1216. c, & seq. in quo à Catholicis dissentiant circa satisfactionem. 1221. b, c, & seq.

*M.**Machabai.*

Machabai laudantur. 67, a, b
Conferuntur, & præferuntur Adæ & Euz. ibid

Mahometani.

Mahometani recipiunt ex leuitate credēdi doctrinam a bradam, nullis miraculis confirmatam. 977. a, 682. b
Mahometani quare credunt Deum esse trinum & vnum. 610. c
Christum esse filium virginis, Christum non esse Deifilium ibidem.
Mahometus dicit, Deum & Angelos pro se orare. 1048. c

Maledictio.

Maledictio sterilitatem significat. 194. c
Maledictio serpentis Genes. 3. quomodo applicatur diabolo. 173. b, 195. a, b, c, & seq. 196. c
Nulla Adæ & Euz inflicta 196. d, c
Maledictio dici natalitiorum. 123. a, b

Malum.

Mala bonis præstant quod vocabulis magis abundant. 57. a
Malum culpæ non committendum. ut fugias malum præne. 97. c, d, & seq.
Malum culpæ malum simpliciter. 97. c, d
Malum pœnæ, malum tantum patiendi, non simpliciter. ibid
Malum non faciendum, ut bonum eueniat. 98. a, 150. a, 160. b, d
Nemo vult malum sub ratione mali. 112. c, 127. c
Malum est extra obiectum voluntatis. ibid 117. c, 178. c
Mala à Deo præsciuntur, non prædestinantur. 114. d, 130. a
Mala nostra solummodo nostra sunt. 115. c
Malum est ex quolibet defectu, 112. a, 127. c, d, & seq. 147. c
Mala permittuntur à Deo, ut bona inde eliciantur. 128. c, 119. a, 130. d, c, 148. a, b, 149. a, b, c, 158. a, b
Mali iam sumus ex conditione materiz. 131. a, b
Mali Deus potest bene vti. 130. a, b, c, & seq. 154. a, b, c, 149. d
Mali & malitia Deus vtitur ad exercitium bonorum 134. c, d, & seq.
Mala esse, bonum est. 149. c, & seq. 150. c, d
Mala per se nihil ornamenti adferunt rebus. 150. d
Mala ut ordinantur à Deo, faciunt ut bona magis elucescant. ibid. 158. b, b
Mala per se nunquam vult Deus. 151. b, c, d
In malis per se, nunquam vult Deus id, quod homines volunt 151. c, d
In his quæ sunt mala ratione præcepti positi, si prohibēis potest fieri, ut Deus bona voluntate velit, quod mala voluntate volunt homines mali 151. d, 151. c
Malum per se & intrinsecè est, iuuare aliquem ut peccet. 161. c
Malum est non attendere rationis regulam dum quis operatur. 163. d, c, 164. a
Malum non est aliquid subsistens. 175. a, b
Malum non est res aliqua, sed rei priuatio. 333. c
Malum idem quomodo & à Deo potest esse, & à Diabolo. 333. d, c
Malorum fontes in nobis, qui. 377. c
Mala huius vitæ alia interna, alia externa. 378. a
Interna alia in parte animæ superiore, alia in inferiore, alia in corpore. 378. b
Malum quomodo potest esse obiectum voluntatis. 331. d, c, & seq.
Malum est arduum & contra naturam. 610. c
Mali homines inter opera mala habent aliqua bona. 615. d
616. d, c, & seq. 619. b

Mali ut operantur ex cupiditate, non possunt nisi malum agere 615. d, 618. a, b, 619. a
Mali quæ opera bona facere possunt, quæ non. 616. d, c, 618. b, 619. b
Mali non possunt opera gratiæ & gloriæ meritoria facere 617. a, b, c, 619. a
Malum potest dici omne id, quod ad regnum cælorum non perducit. 620. c, c
Malum moraliter nullo modo est à Deo. 621. c, c
Mala ab hominibus facilius fiunt, quam bona. 622. c
Mala quæ à Deo indignantur, desistere licet. 1040. c

Mandatum.

Mandata Dei quomodo impossibilia. 461. c, 595. c, 596. a, b, & seq. 600. a, b
Mandata Dei sunt impossibilia, vide lex. 463. c, 595. c, & seq. 600. a, b, & seq. 640. b, c, & seq.
Mandata omnia moralia totis naturæ viribus homo non potest implere secundum substantiam operis 595. c, d, & seq.
Breui tamen aliquo tempore potest homo hæc præstare. 595. c, d, 600. d, c
Mandatorum obseruatio tribuitur gratiæ Dei. 595. d, c
Aliqua non possunt seruari sine gratia Dei. 596. d, c
Mandatum dilectionis Dei super omnia, quomodo morale & naturale. 596
Mandatorum obseruatio certissimum charitatis signum. 597. a, b, & seq.
Mandata omnia non sunt paria, sed, vnum gratius altero. 608. c
Plura nonnunquam simul occurrunt seruanda. ibid
Mandatum seruare secundum substantiam operis, & facere bonum morale differunt. 605. d
Mandati obseruatio secundum substantiam operis non excludit necessitatem peccatum. ibid
Mandatum vel præceptum est regula bene viuendi. 637. d, c
Mandata diuina nihil prodesse, nisi homines haberent liberum voluntatis arbitrium. 638. c
Veteris legis fere omnia manent in noua lege. 916. b, c, & seq.
Moralia data Iudæis obligant Christianos. 910. d, c, & seq.
Mandata Dei esse leuia & facilia. 916. b
Ea multi seruauerunt. 946. c, 941. c, d, & seq.
Omnia vel mediatè, vel immediatè possibilia. 551. d, c, & seq.

Manus.

Manus instrumentum actionum. 38. b, 1031. d
Organum organorum. 1031. d

Maria.

S. Maria virgo immune ab omni peccato. 70. b, c, & seq.
Semper Virgo. 119. c
Non est deinde, Mariam virginem fuisse sine peccato originis conceptam. 234. d
Est tamen probabile, & consonum cultui Ecclesiastico, fidei Catholicæ, Scripturis & rationi. 154. c, & seq. 215. c, d, & seq.
Hæreticorum calumniæ in hac materia. 215. b, c
B. Mariam fuisse immunem à peccato originis, non est contra Scripturas, vel Ecclesiam ibid. d, c
B. Mariam singulari privilegio à communi lege excipi posse. 71. a, 235. a, b, 266. a, b, c, & seq.
Fuisse singulari privilegio ab omni omnino peccato immunem. 157. c, Probabiliter ostenditur ex Scripturis. 36. a, b, & seq. Probatur ex sanctis Ecclesiæ Patribus. 156. c, & seq. Ex Ecclesiæ consensu. 158. d, c, Ratione. ibid. & seq.
Cur benedicta inter mulieres ab Angelo est salutar. 256. c
Maria figurata in Heua. 216. c, 1073. b
Missam & cetera Ecclesiastica officia de Beata Virgine sumi ex Canticis. 155. d
Maria semper excipitur, cum de peccatis est sermo. 256. d, 257. a, b, & seq.
Maria vas electionis. 157. d
In Maria natura gratiam non anteuertit. ibid. c
Maria altiore modo quam Ioannes Baptista, vel Hieremias in utero matris sanctificata. 218. a
Mariæ puritate nulla sub Deo maior. 218. b, c
Maria in Canticis columba vnica, quia Cherubini & Seraphini puritate superat. ibid. c, 71. b
Mariæ conceptio fere ubiq. solenniter celebratur. ibid. c, & seq.
Eius conceptionem præcipue Academicæ immaculatam esse contendunt. ibid.
Maria saltem ante natiuitatem secundum omnes Catholicos in utero matris fuit sanctificata 159. d, 165. b, 166. b
Debuit esse omnis peccatis actualis expers. 159. d, c
Maria cum Christo ut quælibet mater cum filio, singularem habet affinitatem. ibid. c
Maria dignitate superare debuit omnes creatas naturas etiam angelicas. 160. a

Argumenta contra immaculatam Mariæ conceptionem sol-
uuntur. 160. c, d, & seq
Maria quodammodo originis peccatum contraxit in lumbis
Adz. 161. b, c, & seq 161. a, b
S. Maria sanguine Christi redempta. 161. b. 162. a, b
Eius anima in primo initati creationis fuit sine peccato. 161.
b, c. 162. a, 163. a
Eius persona nunquam actu exitit in peccato. 161. c
Mariæ liberatio à peccato originis quomodo differt ab alio-
rum liberatione. 161. c
Mariæ natura filia iræ 162. b
Gratia temper filia misericordiæ. ibid.
Maria vi generationis fuit subdita peccato & morti 161. c,
162. c, d
Fuit præuenta in benedictionibus gratiæ. 162. b, 164. a
Maria tribus temporibus fuit peccato obnoxia. 162. d
Maria in peccato concepta in prima cõceptione ante anima-
tionem. 162. d, 163. a, 165. d, c, & seq.
Non fuit natura sua impeccabilis. 101d. 163. a, b, 164. a
Quanta & quoruplex eius gratia. 156. a, b, & seq. 163. b
Maria liberata à peccato, quia præuenta, ne in peccatum in-
cideret. 164. a, b, & seq. 165. a
Maria si filios ex viro suscepisset, in eos peccatum originis
transfudisset. 165. a
Mariæ caro, caro peccati. 164. c, 165. a
Mariæ natiuitas ab Ecclesia celebratur. 165. b, 166. b, 167. d
Maria sola vixit sine vilo peccato actuali. 165. c
De Spiritu sancto concepit, concepta est. 165. c, 166. a
Mariæ anima ab omni peccato præseruata. 167. a
Eius corpus post mortem itatim glorificatum. ibid.
Conceptionis eius, quàm antiqua testuitas. 167. d, c
Filium Dei vnicum concepit. 168. d, c
Maria vigo rectè dicitur regina. 1071. b, c
Mater misericordiæ. 1073. a, c
Vita. 101d. b
Dulcedo. ibid. c, e
Spes nostra 1073. d, e, 1074. c, d
Quomodo saluat homines. 1074. a, b, & seq.

Martyr.

Martyrum summa est charitas. 813. d, e
Martyrium tollit peccata. 831. d
Martyres pro testimonio Christi mortem patiuntur. 875. d
Martyrium sanctorum innocentium. 994. c, 995. a

Matthæus.

S. Matthæus efficaciter vocatus. 490. a, b, c, & seq
Matthæus in telonio, margarita in cæno. ibid. a, b

Massa damnationis

Massa damnationis est genus humanum, peccato corruptum.
132. a, b, 133. a, b, & seq. 191. d, 211. c, 217. c, 473. d, 492. d
496. d, 499. c, d
Ex massa Deus alias iuste punit, alios misericorditer liberat.
171. c, d, 217. c, & seq. 218. c
Ex massa multi per Baptismum eruantur, & reinci dunt per ac-
tuale peccatum. 500. a, b

Medicina

Medicinæ sæpè morbis ipsis grauiiores & acerbiores. 384. a

Mendacium.

Mendacium ex genere suo est peccatum. 187. c
Mendacium officiosum vnde oritur. ibid.
Mendacium in orando quomodo committatur. 1046. c, d

Mens

Mentis humanæ vulnera quot ex peccato originis. 378. c, d,
& seq.
Mens humana sua ignorat & seipsam. 379. c
Mentes Angelicæ se perfectè norunt. ibid.
Mens humana à scientia impeditur per corpus. 379. d
Mens est æterna. 380. b
Mens perpetuam habet operationem. ibid.
Mens in corpore, quàm sæpè multumque impediatur à suis
operationibus. 379. d, 380. b

Mercenarius

Mercenarius propriè quis. 992. b
Mercenarius amor. 992. b, c

Merces.

Merces & meritum sunt relatiua. 788. b, 790. a, 993. q
Mercedem solam vel præcipuè in operibus intueri non debe-
mus. 991. c, d
Merces ex debito, & iustitia redditur. 788. b

Mercedem intiendo operari quomodo seruile & sordidum,
quomodo non. 991. c
Merces temporalis ex ipso opere est vilior. 992. d
Mercedis temporalis amor impedit amorem Dei. ibid.
Mercedis æternæ amor coniungit cum Deo. ibid.
Merces in die iudicii restituetur secundum iustitiam com-
mutatiuam, an distributiua. 1004. b, c, & seq.
Mercedem operum nostrorum à Deo exigere possumus.
1012. b

Mercedem dat Deus hanc operantibus ex iustitia distributi-
ua. ibid. b, c

Meritum.

Meritum non potest esse sine gratia. 16 c. 17 a 407. a
Meriti iustitiæ stipendium vita æterna. 407. b, 980. c,
Meritis iustorum hominum misericordia reddenda. 1002. a,
131. b, c,
Merita nostra Dei munera. 407. b, 489. c, 631. c, 721. d,
977. d, 980. c, 981. c, 982. d, c & seq.
Meritum nullum sine libero arbitrio. 313. d, c, 631. a, 991. c, d
& seq.
Meritum esse ex gratia, non contra. 631. c, 1015. c
Meritum esse ex gratia merces est ex meritis. 631. a
Meritum potest intelligi aliud ex nobis, aliud ex dono Dei.
771. c, 787. c
Merita quæ nobis sunt ex Deo non pugnant cum gratia. 787.
c, d
Meritum ex duplicis generis operibus. 788. d, c
Meritum esse in operibus penitentiae ex gratia factis. 788. c
789. c
Meritum iustificationis quibus virtutibus tribuatur. 788. a
789. c
Merito respondet merces. 790. a, 994. d
Merito ex congruo debet merces magis ex gratia quàm ex
iustitia. 790. b,
Merita de cõgruo fundantur in aliqua dignitate operis. 739. b
790. c, d, 791. a
Meritum iustorum fundatur in promissione vitæ æternæ.
790. c, 791. a, 974. c, 979. c, & seq. 993. b, 1015. d, c
Meritum de congruo & condigno quomodo differunt 791.
b, c, & seq.
De condigno necessario requirit pactum. 791. a, b, 1018. d, c
Meriti nomen omnino tollendum censet Calvinus. 968. a, b,
969. a, b, & seq.
Meriti nomen probatur ex sacris litteris. 969. b, c, & seq.
Mereri quid. 969. d, c, 970. a, b, 973. a
Meritis operum datur gradus æternæ gloriæ, ad quem non
peruenitur solo hæreditatis iure 971. c
Meritum acquirit ex tolerantia tribulationum. 974. c, d
Pro meritorum diuersitate vitæ æternæ mansiones assignat
Deus. 975. d 977. a, b, & seq.
Meritis redditur præmium vitæ, vel mortis sempiternæ. 976.
c, 977. a, b, & seq.
Merita sunt iustorum, postquam gratis sunt iusti 977. a, 978.
c, d, 979. b, 983. d
Meritum hominis non tollitur per misericordiam Dei. 978. c
Merita iustorum nascuntur ex meritis Christi. 981. d, c 983. a
& seq. 1015. a
Merita hominum non requiruntur quod sint insufficientia
merita Christi. 981. c, 981. a
Meruit Christus, vt per merita salutem consequeremur. 982. a
1011. a
non Merita ex nostris viribus, sed ex gratia Dei profunt 983. a
Merita quæ sunt ex nobis, reuincuntur. 983. a, b, c, & seq.
Merita supponunt gratiam & promissionem. 983. a
Meriti iure debetur vita æterna. 983. b
Merita sunt ad promerendum, non ad præsumendum. 989. c
Meritorum penuria perniciofa paupertas. ibid.
Meritum requirit septem conditiones. 993. a, b, & seq.
Debet esse opus bonum, in obsequium Dei factum. ibid. item.
victoris, liberum vt operans sit amicus Dei, vt intercedat
promissio, vt sit opus ex charitate procedens. ibidem b
Debere esse liberum probatur ex sacris litteris 993. c, d, Et Pa-
tribus ibid. d, c, & seq. Ratione. 993. c, d. Soluuntur obieccio-
nes. 994. d, 995. a, b, & seq.
Meritum pendet ab acceptance Dei. 994. c
ad Meritum quomodo requiritur status gratiæ. 996. c, d, & seq.
Probatur ex sacris litteris 997. b, c, & seq. Ex S. Augustino.
997. c, & seq. Ratione. 998. c, d, & seq. Soluuntur obieccio-
nes. 999. d, e, & seq.
Necessariu fuit hoc esse in statu naturæ integrit. 996. d, c, 998. a
Meritum fundatur in amicitia cum Deo. 997. d
Merita amittuntur per offensam Dei. ibid. d, e
Meritum inter homines non fundatur in amicitia, sed in so-
lo opere & labore. 997. d, e
Merita Christi quare infanti precij. 998. c
Meritum recipit vim à dignitate personæ. ibid. & seq.

ad Meritum

Ad meritum vitæ æternæ requiri promissionem Dei 1002. c
d, e, 1003. a, b, c, & seq.
Merita an præmiabuntur, secundum iustitiam cōmutatiuam,
an distributiua. 1005. b, c, & seq.
Meriti tempus est definitum. 1005. d, e
Meritum debet esse bonum opus ex charitate procedens.
1006. c, d, e, & seq.
Meritum principaliter à fide, quàm à charitate pendere, secun-
dum Altiliodorensium. 1006. c
Meritum principaliter ex charitate pendere. 1007. a
Meritum debet esse bonum opus actu imperatum & charitate.
1007. c, 1008. a
Meritum de condigno variis modis dici potest. 1009. d, e, &
seq. 1012. c, d, e, & seq.
Meritum ex condigno ratione pacti quid. 1012. d
Ratione operis quid. 1012. d
Ratione virtutis quid. 1012. c, & seq.
Meritum pœnæ ex condigno ratione operis tantum dari po-
test. 1012. d, e
Meritum personæ & meritum operis differunt. 1013. d
Meritum quam pueram habeat proportionem ad vitam æ-
ternam. 1013. a
Duplici ratione considerari potest 1013. c
Meritum ex condigno non requirit absolutam æqualitatem
inter meritum & præmium. 1013. c, 1016. d,
Meritum obiectum Deus quomodo. 1016. c
Meritum filiorum Dei redditur vita æterna, tū quoad primum
gradum, tum quoad ceteros. 1019. b, c, & seq.
Mereri non possumus de condigno gratiam iustificationis, sed
eius incrementum. 1020. b, c, d
Mereri gratiam alius, nemo hominum potest de condigno.
ibid. c, d, e
Ex congruo tamen id fit. ibid. c, 1021. a, b, & seq.
Reparationem post lapsum de condigno nemo potest, nec li-
nalem persequerantiam. 1021. a, b, & seq.
De congruo potest quis iustus reparationem post lapsum me-
reri. 1021. a, b, & seq.
Potest impius de congruo mereri iustificationis gratiam.
1021. a, b
Merita amittuntur per peccatum, tamen iuuant ad reparatio-
nem. ibid.
Meritum differt ab impetratione. 1021. b
Meritum requirit charitatem vitæ. ibid.
Meritum pænis Christi quare non omnibus prodest, cum
eius sanguis fuerit propitiatio totius mundi. 754. a, b, c, 1135. a

Meritis.

Meretrix Raab iustificata recipiendo nuncios. 955. b
Meretricum, lenonum, & similibus lucra non iniusta sunt, sed
turpia, & sordida. 1177. b
Ex his elemosyna fieri potest, non tamen oblationes in Ec-
clesie multis de causis. 1177. c, 1178. a

Miraculum.

Miracula non sunt ad voluntatem hominum, sed Dei. 699. d,
c, 706. c, 707. a, b
Non sunt ex virtute creatæ, sed Dei. 431. c, 351. a, b, & seq.
Miracula faciunt doctrinam diuinā credibilem. 676. d, & seq.
681. c, d, & seq. 750. b, c, 784. c, 896. d, 1031. e, & seq.
Miraculū mentē omnino cōvincere nō potest 677. b, c, & seq.
Miracula fecit Christus & Apostoli ad confirmandam suam
doctrinam. 1035. c
Miracula fieri possunt ab improbis. 896. d, e, 1035. c, & seq.
Miracula fecit Christus non alterius nomine, sed proprio im-
perio.

Miseria.

Miseria vitæ humanæ ex peccato inuectæ. 19. b, c, 376. b, c, d
& seq. 377. d, 389. c
Mentis humanæ. 378. c, d, & seq.
Voluntatis. 380. b, c, d, & seq.
Inferioris partis. 382. d, e, & seq.
Corporis. 385. d, e, & seq.
Misericordie quæ humanæ naturæ extrinsecus accedunt. 384. c,
385. a, b, c, & seq.
Misericordie humanæ sunt pœnæ peccati. 387. c, 388. a, b, & seq.
Misericordie fuissent naturales homini in puris naturalibus crea-
to. 389. c, d
Misericordie humanæ vitæ quomodo Ethnici deplorantur. 389. d,
390. a
Misericordia magna, est quod nemo sciat, virum amore dignus sit
an odio. 818. c
Misericordia omnis humana, aut ad corpus pertinet, aut ad animam
1163. b
Corporis in hac vita, vel in futura. ibid.
Huius vitæ est vel carentia rerum, quibus omnes egent, vel
aliquorum specialis ærumna. ibid.
Carentia rerum quibus omnes egent, vel est exterior, vel in-
terior. ibid.

Miseris septem corporalibus respondent septem elemosy-
næ. ibid. b, c
Misericordie septē specialibus, aliæ septem elemosynæ. 1163. b, c
Misericordia specialis alia interna, vt morbus alia externa, vt ca-
ptiuitas. ibid. c
Misericordia post mortem est carentia sepulture. 1163.

Misericordia.

Quibus modis Deus misericordiam semper manifestauit, &
manifestat quotidie. 160. b
Deus potuisset omnes Angelorum & hominum iniurias mi-
sericorditer condonare. 160. c
Misericordie locus nullus post hanc vitam. 319. c
Misericordia accipitur pro proposito iustificationis. 491. a
Misericordia sola separat vasa in honorem a vasis contume-
liæ. 493. d, e
Misericordia Dei super omnia opera eius. 496. c, d, e, & seq.
Est secundum naturam eius, ita præter naturam. 876. a
Non tollit hominum merita. 978. c
Respicit peccata remittenda. 116. d
Respicit misericordiam. 1161. b
Deo grata. 1166. b
Per oliuam significatur. 1168. d

Missæ.

Missæ partes & orationes quæ & quales. 1026. a, b
Missam nocte Natalis Domini cantitur inter matutinum &
laudes. 1061. a, 1082. c
Missæ secundum aliquos canones celebrari non poterat, nisi
hora tertia, sexta, vel nona. 1082.
Missam nunc dici potest ante ortum Solis, & tum rectius de-
citur prima hora post missam. 1082. e
Missam celebra-æ ante expletum officium matutinū est pec-
catum mortale, nisi grauis sit necessitas. 1082. e, 1083. a
Missæ priuata quid intelligatur à Catholicis. 1114. c, 121. e
Missæ quæ sit damnata apud Lutheranos. 1214. c, d
Missæ oblatio fit pro defunctis. 1214. c, 1215. a
Monachi & ceteri fideles quomodo possint facere alios par-
ticipes suorum bonorum operum. 27. c
Monasteria habuerunt semper adiuncta sua vota. 1219. d, e,
& seq.

S. Monica.

S. Augustini conuersionem precibus suis promeruit. 1010. e

Monstrum.

Monstri causa est sola materia. 161. c
Monstra non tribuuntur causis vniuersalibus. 166. b, c, &
seq.
Tribuuntur solis causis proprijs & particularibus. ibid.
Monstra sunt peccata naturæ. 166. b, 131. c, 330. c, 331. a, 331. c,
354. c
Monstrum quoddam allocutum est S. Paulum primum ere-
mitam. 1049. b

Morbus.

Morbi non fuissent in statu innocentie. 31. b, 49. c
Morbi mentis, voluntatis, totius hominis. 178. a, b, c, & seq.
Morbi corporis quorū & quā graues. 382. b, c, & seq.
Morbi vix grauiorē ipsi remedijs morborum. ibid. 385. c
Morborum sanatio non conceditur ordinariē per modum
habitus. 432. c
Morbum strumæ quomodo ad liberum sanent reges Gallie.
432. c

Mors.

Mors pœna peccati. 19. b, c, 17. a, 32. c, 33. a, b, c, & seq. 35. d, 71. d,
167. c, 108. b, c, d, & seq. 119. c, d, & seq. 221. c, 227. d, 151. d
105. c, d
Mors triplex. 33. b
Mors animæ est per amissionē gratiæ. 33. b, 101. b, c, & seq. 349. b
Mors corporis per amissionem animæ. 33. b, 201. d
Mors nouissima per amissionem gloriæ. 33. b
Mors venit quatuor modis. 33. c, 34. a
Mors ex morbo non potuit esse in statu innocentie. 34. a, b,
Post peccatum mortis est inuitabilis necessitas. 33. d, 35. c, 167.
b, 191. c, d, 192. c, 194. c, 207. a, b, c, & seq. 231. c, 233. b, 251. b
Mors stipendium peccati. 27. a, 33. c, d, 35. c, 167. c, 108. a, 222. c, d
2.1. c, 933. c, 1113. c
Mors Adæ ab inobedientia. 40. a, 71. b
Mors potius subeunda, quàm aliquod vel leue peccatum
committendum. 93. c, 97. d, e, & seq.
Mors Adæ tantum, non Heuæ significata est. 190. c, 194. c
Mortem corporis, non animæ, vel peccatum per generatio-
nem ex Adam trahi, docuerunt Pelagiani. 208. a, b
Condemnantur. 219. a, b, c, & seq.

Idem nunc tuentur Anabaptistæ. 201. b
Mors ab Adam inualuit vsque ad Christum. 217. a, b
Vt quis actu non moriatur, potest Deus ex singulari privilegio efficere. 259. c
Mortuus accipitur pro mortu obnoxio. 259. b, 161. c
Mors est accidens. 283. a
Est vna pars corruptionis humanæ naturæ. 305. d
Mors quomodo à Deo, quomodo à Diabolo. 333. d, e
Mors prima & secunda quid. 371. a, b
Mortis timor continuus. 384. d
Morte nihil acerbius. ibid.
Mors inimica naturæ & omnium horribilium extremum. 384. c
Mors Christi exemplar mortis, id est, remissionis peccatorum. 818. c
Idem de immersione baptismali dicitur, nam significat mortem Christi, & emersio eius resurrectionem. ibid. c, d, e. 819. a, b, & seq.
Mors Christi & causa est remissionis peccatorum & inter-næ renouationis. ibid.
Mors Christi sola non satisfacit, sed necessaria etiam fuit resurrectionis. 818. c, 819. c
Morrem bonorum deslere licet. 1040. c

Mortalis.

Homo natura mortalis, quia ex contrarijs elementis constat. 35. b, 36. a
Quia generabilis, etiam corruptibilis. 35. c, 36. b
Item Adam eguit cibo & alimento, ne periret, quare mortalis erat. ibid.
Mortales omnes efficiuntur per comestionem ex ligno vitæ in Adamo. 229. c, 230. a, 231. c
Mortales quot rebus ad vitam sustentandam indigeant. 233. c

Moyse.

Moyse orante cessant flagella Egypti. 144. a
Moyse serpens quid erat. 173. a
Moyse oratione populum ab extremo exitio liberauit. 1029. c, 1048. c, 1049. a

Mulier.

Mulier à diabolo seducta. 183. a, b, c, cum seq. 185. a, b, c, & seq.
Mulier dignitate inferior viro. 185. c, d, e
Mulier in Ecclesia cum silentio discere debet, non docere. 185. d, 190. b
Non debet dominari in virum. 185. d
Ex viro & propter virum, non contra. ibid. 194. c
Mulieres quia facilius seducuntur, ineptiores sunt ad docendum. 185. c
Mulieris poena. 192. c, 191. d, e, & seq.
Mulier ideo facta, vt virum iuuaret in propagatione filiorum 193. b
Quomodo & quantum viro subdita. 194. a, b
Mulier causa passiva generationis. 225. d, 251. c
Mulier quid faciendo saluabitur. 932. c
Mulieres quæ continentiam voverunt, non possunt nubere 1213. c

Mysterium.

Mysteria supernaturalia vt cognoscantur, tria requiruntur. 675. c, d, & seq.
Mysteria fidei non posse ab hominibus credi sine speciali Dei illustratione, probatur ex lacris litteris. 677. c, & seq. Ex Concilijs, 678. d, e, Ex Patribus ibid. e & seq. Ratione. 679. c, d, e & seq. Refutantur obiectiones. 680. d, e, & seq.
Mysteria ab ijs credi debent, à quibus intelligi non possunt. 737. d, e, 738. a, b, & seq.
Mysteria fidei docentur in veteri Testamento. 916. d
Alia manifestè, alia obscurè. ibid.
Omnia manifestè docentur in Testamento nouo 916. d, e

N.

Natalia, vel natalis dies, natiuitas.

Natalitiorum suorum dies celebres Ethnicis. 223. a
Lugubris Sanctis. ibid.
Natalia Sanctorum Ecclesia Christiana vocat diem exitus ex hac vita. 223. a, b
Hos dies celebrat Ecclesia natales. ibid.
Natiuitas Mariæ ab Ecclesia celebratur. 165. b, c, 266. b, 267. d
Natiuitas duplex. 265. d, e, & seq.
Natiuitas secunda dicitur Baptismus. 413. c, & seq.

Natura & naturale.

Natura sumus filii iræ, ad Ephes. 2. 9. b, 16. a, 18. a, 215. c, 216. a, 216. c, 236. c, 284. a

Naturale à natiuitate. 16. a, 18. a, b, 216. a, & seq.
Naturale à natiuitate non opponitur supernaturali. 16. a, b
Naturale quoduplex. 16. a, b, c, & seq.
Naturale naturæ consentaneum. 16. a, b
Naturaliter quæ legis sunt, faciunt, quomodo intelligendum. 16. b
Naturale naturæ cōsentaneum, non opponitur supernaturali ibid.
Naturale quod perficit naturam in operibus naturalibus. ibid. b, c
Naturale vel est pars naturæ, vel fluit à principiis naturæ, & hoc modo opponitur propriæ supernaturali. 16. c
Naturæ humanæ corruptio non est ex doni naturalis carētia, sed ex supernaturalis amissione. 17. a
Naturalia in hominibus & dæmonibus post peccatū manent. 17. b, 21. a, b, c
Natura corrupta hominis, & natura eius in puris naturalibus differunt, vt nudus & spoliatus. 17. a, 18. b, c & seq. 19. a, b, & seq.
Natura hominum & dæmonum post peccatum, quomodo corrupta, quomodo integra. 21. c
Naturæ humanæ corruptio quomodo à Deo. 23. d, e, 4. a, b & seq.
Naturæ corruptio quomodo à conditione materiæ. 24. b
Naturæ corruptio ab Adamo vt à causa demeritoria. ibid.
Pura naturalia habuissent quandam rectitudinem. 26. a, 30. b, c
Naturam Ethnicis vocarunt nouercam. 31. a, 389. d
Naturæ humanæ est magna dignitas, quod ad altiorē finem ordinatus sit, quam naturæ viribus consequi possit. 31. a
Natura est à Deo, non culpa. 125. c, 127. d
Naturaliter totum genus humanum cadit, cadente primo homine. 157. c, 158. b
Naturam in se primus homo vitiauit. 158. c, 217. a, b, 234. b, 236. a, 237. c, 284. b
Naturæ omnes bonæ sunt, quoniam naturatum omnium conditor summè bonus est. 163. b
Non sunt incommutabiliter bonæ, quia non sunt summum bonum. ibid.
Natura quomodo per peccatum mutata, quomodo non. 193. a, 221. a, b, c, & seq.
Naturæ & peccati eadem propagatio. 210. d, e, 235. d, e
Natura mortalis quot indiget ad sui conseruationem. 235. c, 382. d, e, & seq.
Naturalia omnia tribuntur Deo. 236. c
Naturale non potest esse peccatum. 236. c, 236. a
Naturæ auctor Deus, corruptor homo. 237. a, b, c
Naturæ diuinæ proprium est, ab eius infinitatem, vt vna numero sit in pluribus personis. 245. c
Natura corrupta naturaliter carnem vitiosam generat, & concipit. 236. a, b, 266. c
Natura humana eiusdem speciei cum nostra assumpta est à Christo. 274. c
Naturæ quatuor vulnera ex peccato originis. 286. c, 378. a
Naturæ conuenienter agunt omnia, solus homo contra naturam. 378. c, d, & seq.
Natura nostra non est modo sana, tum propter defectum iustitiæ originalis, tum propter concupiscentiam. 599. c, 600. a
Natura infirma, sed non sola, potest omnia, quæ posset sana 599. c, 600. a
Natura nunc non est infirmior, quam fuisset in puris naturalibus. 611. a
Naturalia manent integra post peccatum. 626. c

Necessitas.

Necessitas differt à coactione. 507. c, 513. d
Necessitas duplex. 512. c, d, 513. c, d, 34. a, b
Necessitas quæ maximè ponit libertatem. 513. a
Necessitas non repugnat libertati. 513. c
Necessitatis conditor Deus, non seruit necessitati. 541. c
Quæ ex naturæ necessitate agunt, agunt secundum totā suam virtutem. 542. c
Necessarium quomodo nobilius libero. 544. c, d
Vbi necessitas, nec corona est, nec damnatio. 664. c, 675. a, b, & seq.
Necessitas peccandi quoduplex. 675. a, b, & seq.
Necessitas patiendi motus carnales non repugnat libero arbitrio. 675. a, b
Etiam necessitas peccandi ex ignorantia non repugnat libero arbitrio. 675. a, b
Necessitas diuinæ gratiæ non tollit liberum arbitrium. 675. a
Neque etiam necessitas habendi peccata venialia. 676. b
Necessitas faciendi actus malos, posita mala & efficaci voluntate, tantum conditionalis, & ideo non repugnat libero arbitrio. 676. a, b
Necessitas absolute faciens hominem non dominum suarum actionum, in homine non potest esse, quæ sola repugnat libero arbitrio. 676. b

Necessitas

Necessitas non cadit in voluntatem nostram. 704. b, c, & seq.
 Necessitas interna & externa quid. 995. d
 Interna tollit liberum arbitrium, non autem externa. ibid. & seq.
 Necessitas non peccandi, quomodo Christo intrinseca, quomodo extrinseca. 995. c, 996. a, b
 Necessitas excusat à lege. 664. c, 1119. a, b
 Necessitas naturæ & personæ moraliter estimari debet. 1171. c
 Necessarium potest aliquid pro presenti vel futuro. 1172. a
 De necessariis naturæ propriæ quando facienda eleemosyna. 1175. a, b, c, & seq.
 Quando de necessitate personæ vel statui. 1171. c, 1175. a, b, c, & seq.
 Necessitate graui Reipublicæ, vel extrema proximi cogente dandum de necessariis ad statum. ibid.

Nox.

Nox artificialis apud antiquos per totum annum semper fuit duodecim horarum. 10. 9. e. Inde in estate nocturnæ horæ erant breuiores diurnis: in hyeme contra. ibid. & seq.
 Noctibus bis, terve surgendum ad laudes diuinas cantandas. 1060. c, d

Nuditas.

Nuditas post peccatum Adæ causa ruboris propter pudendam membrorum rebellionem. 8. c, 9. a, 11. b, c, d, & seq. 180. d, 192. a, 339. b, c
 Nudus & maxime egens nascitur homo ex omnibus animantibus. 8. c, 11. c

Nuptia.

Nuptiæ, vide coniugium.

O.

Obediencia.

Obedientia est subiici imperio, vel præceptis alterius. 176. d
 Non est nisi humilium. ibid. d, e
 Per obedientiam summo bono coherentes. ibid.
 Obediencia & superbia sunt contraria. 170. d, e
 Obediencia Christi nos reconciliabit Deo. 41. b, c
 Obedienciæ præmium in paradiso fuisse immortalitas. 656. e, 657. a
 Obediencia fidei. 775. a, b, & seq.
 Obediencia Christi est causa efficiens nostræ redemptionis. 831. c
 Obediencia debetur regi & legislatori. 923. c
 Obedienciæ bonum. 952. c, 953. a, b, & seq.
 Obedienciæ gradus. ibid.
 Obediencia legi Dei non est opus solius Dei, nec solius liberi arbitrii, sed vtriusque simul. 1040. b
 Obediencia melior, quam victima. 1041. a

Odium.

Odium Dei omnium peccatorum est grauissimum. 190. c
 Odium proximi cauendum & fugiendum. 1045. c

Opera.

Opera bona non esse necessaria ad salutem, secundum hæreticos. 907. a, b, & seq. 927. c, d, 932. a, b
 Fuit etiam hæc hæresis tempore Apostolorum. 934. d
 Fuit etiam error Simonis Magi & Eunomii. 934. e
 Opera bona secundum Lutherum non faciunt virum bonum, nec mala malum. 907. c, 908. a, b, c
 Opera bona obesse. ibid. & seq.
 Opera omnia iustorum esse peccata mortalia natura sua. 849. b, c, 918. a, b, & seq.
 Opera mala quærent tenebras, bona lucem. 869. d, e
 Operum bonorum necessitas ostenditur ex discrimine legis & Euangelii. 9. 6. e, & seq. 931. c
 Opera bona non sunt ideo facienda, vt videantur ab hominibus. 919. a
 Opera bona sunt magis necessaria tempore Euangelii, quam tempore veteris legis. 919. c
 Secundum opera sunt omnes iudicandi. 916. a, b, & seq.
 Operum bonorum necessitas probatur ex Scripturis. 932. a, b, & seq. Ex sanctis Patribus. 935. a, b, & seq. Rationibus. 936. d, e, & seq.
 Opera bona efficienter concurrere ad salutem. 931. b, c, & seq.
 Opera sine fide, & fides sine operibus mortua. 935. a, b, & seq.
 Opera iustorum simpliciter sunt iusta, ita tamen vt in perfectione crescere possint. 938. c
 Opera debent esse talia, qualis eorum est forma à qua procedunt. 415. d

Opera iustificanti non prima, sed secunda iustificatione. 938. c, 939. a

Opera iustorum non esse peccata, sed iustitiam, probatur ex Scripturis. 949. b, c, d, & seq. Ex Patribus. 951. d, e, & seq. Rationibus. 953. b, c, d, & seq.
 Opera iustorum placent Deo. 962. c, & 67. a
 Opera iustorum sunt absolute bona. ibid. 969. a
 Operum infidelium sunt mala, ex defectu bonæ intentionis. 961. c, 962. a, b, & seq.
 Opera bona aliquando fieri falsa sine admistione cupiditatis. 93. c, d
 Opera bona iustiore et iusto faciunt, probatur ex 1. cap. Iacob. 955. a, b, c, & seq. Ex aliis Scripturæ testimoniis. 917. a, b, & seq. 659. a, b, & seq.
 Opera bona & mala in hac vita miscentur. 961. a, 962. c, 963. d
 Opera iustorum laudantur in Scripturis. 962. b, c, & seq.
 Opera moraliter bona possunt fieri ab impiis. 96. c
 Opera ad cultum diuinum instituta, vocantur iustitia. 952. e, & seq.
 Opera bona quomodo sunt meritoria præmiorum, quomodo non, secundum hæreticos. 967. a, b, c, & seq.
 Opera iustorum recte vocantur merita, probatur ex Scripturis. 969. a, b, & seq.
 Esse meritoria vitæ æternæ, probatur ex Scripturis. 970. c, d, & seq. Ex Patribus. 975. c, 9. 6. a, b, c, & seq. Ex Conciliis. 977. c, 978. a, Soluuntur obiectiones ex Scripturis. ibid. b, c, & seq. Ex Patribus. 982. d, c, 933. a, b, c, & seq.
 Operibus secundum proportionem laborum datur præmium celeste. 9. 1. b, c, d, e 972. a, b, & seq.
 Malis datur mors æterna, bonis vita æterna. 972. a, b
 Opera semini, vita æterna frugibus comparatur. 972. c, d
 Opera bona sunt ratio, cur reddatur vita æterna. 973. a, 977. a, b, Salutem ipsam efficiunt. 973. d, e
 Operibus bonis præmium ex iustitia est reddendum. 974. a, b, c, & seq. 977. a, b, & seq.
 Operibus bonis vita æterna promittitur. 974. c, 975. a, 977. a, b
 Opera bona sunt mercatura regni celestis. 971. a, b, & seq.
 Operum discretio facit discretionem dignitatum & præmiorum. 975. b, c, & seq.
 Opera sua bona legitime enumerare possunt iusti. 987. c, d, & seq.
 Operari bona intuitu mercedis æternæ licitum esse, probatur ex Scripturis. 990. b, c, d, & seq. Ex patribus. 99. b, c, d, Ratione. 991. d, e & seq. Soluuntur obiectiones. 992. b, c, & seq.
 Opera bona nec tantum, nec præcipue debent fieri intuitu mercedis, sed ad gloriam Dei primo referri. 9. 0. b, 1008. d
 Opera bona sequuntur hominem iustificatum, non præcedunt iustificandum. 998. c
 Opera bona sanctorum, tum hominum, tum Angelorum, cur non mercantur. 1004. d
 Opera meritoria vitæ æternæ quæ. 1007. a, c, 1008. d
 Opera charitatis à Deo ad vitæ æternæ requiri. 1007. d, 1009. c
 Opera virtute in Deum relata, quæ. 1008. a, b
 Opera tantum illa Deo placent, quousque ipse est auctor. 1008. c
 Illa tantum meritoria sunt vitæ æternæ, quæ ex natura sua charitatem augent. 1008. d
 Opera vitæ æternæ meritoria debent referri in Deum, vt in finem supernaturalem. 1008. a, c
 Opera aliorum virtutum non referuntur in Deum, vt finem supernaturalem, nisi imperata à charitate. 1008. e
 Ex charitate facta sunt meritoria vitæ æternæ ex condigno. 1009. d, e, & seq.
 Opera bona iustorum meritoria esse vitæ æternæ, ex condigno, ratione partis & operis simul. 1012. c, d, e, & seq. Soluuntur obiectiones. 1015. b, c, & seq. 1016. a, b, & seq.
 Opera bona quomodo requirantur ad hæreditatem acquirendam. 1013. d, e
 A Deo præmiantur supra condignum, probatur ex Scripturis. 1017. b, c, d, Ex Patribus. ibid. c, & 1018. a, b, & seq.
 Operibus malis datur à Deo poena citra condignum. 1018. c, d
 Opera nostra non merentur de condigno reparationem post lapsum, nec finalem perseverantiam. 1021. a, b, c, & seq.
 Iustus de condigno mereri potest reparationem post lapsum. ibid.

Ophite.

Ophite hæretici, qui pro Christo serpentem coluerunt, eo quod hominibus auctor fuerit adipiscendi scientiam. 48. d
 Serpentem vocant Dei sapientiam. 172. c
 Hanc sapientiam dixerunt creatori fuisse contrariam. ibid.
 Alij secuti sunt hanc hæresim. 173. b, c, & seq.

Oratio.

Oratio distractionibus varijs impeditur. 382. c
 Orandum ne intremus in tentationem. 463. a, b, 602. b, d, e, 603. a, b, c, & seq.

I N D E X.

Oratione superantur tentationes. 463. a, b, c, & seq.
 Oratio & Eleemofyna Cornelius ad fidem conuersus. 468. a
 Oratio impetratur fides. ibid. a, b, & seq. 480. a, 891. a
 Orationes Ecclesie pro infidelibus. 471. d, 679. c, d, e
 Orandum semper pro perseverantia. 483. a, b, 895. b
 Orationes Ecclesie in Parasceue. 679. c
 Oratio est actio maximè pia & salutaris. 681. d, 701. b
 Orationem nostram Deus adiuuat. ibid.
 Oratio Publicani & Pharisei. 838. a, b, c, d
 Oratio Fzechie Regis exaudita. ibid. c, d
 Oratio est efficax pro iustis, non pro iniustis. 840. b
 Oratio debet esse cum fide & fiducia. 805. a, b
 Oratio non est ita facienda, vt laudem queramus ab hominibus. 919. a
 Orationis meritum & virtus. 1021. b, c, & seq.
 Oratio est actus rationis practice voluntatis desiderium explicantis, & ab alio aliquid postulantis. 1023. b, & seq.
 Oratio est petitio, intimatio & locutio. ibid. b, c
 Est conuersio, sermocinatio, colloquium, cum Deo. 1024. a
 Est ascentio mentis in Deum. ibid. 1026. d
 Ordinatur ad impetrationem. ibid. d, e
 Quomodo ad orandum intellectus & affectus concurrunt. 1024. b
 Oratio alia est publica, alia priuata. 1025. a
 Alia mentalis tantum, alia mentalis simul & vocalis. 1025. a, b
 Mentalis aliquando utilior vocali. ibid. b, & seq.
 Vocalis aliquando utilis, aliquando necessaria. 1025. c, d
 Orationis quatuor sunt genera: partes explicantur. 1025. d, e, 1026. a, b, & seq. 1055. b
 Oratio debet à laudibus Dei incipere, & in iisdem finire. 1026. a
 Tria necessariò requiritur. 1026. d, e
 Oratio pro felicitate sanctissimæ Trinitatis explicatur. 1026. e
 Orationis materia. 1027. a
 Quid orandum & petendum à Deo. ibid.
 In oratione semper petitio cum gratiarum actione coniungenda est. ibid. c
 Orationes sunt, vel petitiones bonorum vel deprecationes malorum. 1027. c, d, & seq.
 Orationis fiducia augetur per votum. 1027. d
 Oratione mutari posse prouidentiam Dei, secundum aliquorum errorem. 1028. b
 Orationes iustificare sine Sacramentis secundum Eucharistiam. 1028. c, d
 Alii orationes omnino inutiles existimant. 1028. d, e, & seq.
 Orationem nobis esse necessariam, probatur ex Scripturis. 1029. b, c
 Orationibus auxilium à Deo semper petendum. ibid. d, e
 Orationibus Moyses populus ab ultimo exitio liberatus. 1029. c
 1030. a, b, & seq.
 Oratione & ieiunio demonia eiciuntur. 1030. a
 Oratio Isaac Patriarchæ pro semine promissa. 1030. c
 Helie ad petendam pluuiam à Deo promissam. ibid.
 Tobie vt Sata liberaretur à Dæmonio. 1030. d
 Per operationes complendæ sunt ordinationes diuinæ. ibid.
 Orationis fructus præcipuos hæretici huius temporis negant. 1030. d, e, & seq.
 Orationis tres fructus primarij. 1030. e
 Oratione impetratur remissio peccatorum, & iustificatio. 1030. e, & seq.
 Oratio opus est bonum, laboriosum, & satisfactorium pro peccatis. 1031. b
 Semper est meritoria maioris gratiæ & gloriæ. ibid.
 In spiritali vita, est manus, id est, organum organorum. 1031. e
 Orationis fructus secundarij. 1031. e
 Oratio mentem illustrat, spem & fiduciam alit, inflammat charitatem, auget humilitatem & timorem, facit contemptum rerum corporalium, gignit delectationem in Deo, parit homini magnum honorem. ibid. & seq.
 Orationis Dominicæ excellentia. 1031. c, d, & seq.
 Sex habet dignitates. 1032. d, e, & seq.
 Est memoria tenenda, intelligenda, & à Christianis quotidie frequentanda. 1033. b, c
 Omnes ferè sancti Patres hanc orationem explicant. ibid. c, d
 Septem sunt eius petitiones. 1033. e, & seq.
 Tribus petuntur æterna, quatuor temporalia. 1034. b, c, 1035. d
 Septem petitiones respondent septem donis Spiritus sancti. 1034. d
 Soluuntur obiectiones adductæ vt probent tantum esse sex petitiones. 1034. d, e, & seq.
 Oratio Dominica aliter apud Matthæum, aliter apud Lucam traditur. 1035. b, c
 Hæ petitiones à se mutuo pendent. 1035. c, d, & seq.

Ordo harum petitionum. 1035. e
 Oratio interpret desiderii. ibid.
 Oratio Dominica, petitur, vt vel concedatur bonum, vel vt remoueat malum. 1036. a, b
 Oratio Dominica ex professo fusè explicatur. 1036. c, d, & seq.
 Pater noster quies in cælis: est præfatio & proœmium totius huius orationis. ibid. & seq.
 Melior est oratio generalis, quam specialis. 1037. c, 1038. c
 In mortali peccato persistentes, mendaciter dicunt, Pater noster. 1037. b
 Inuocant Diabolum, non Deum. 1037. c
 Oratio peccatorum quare execrabilis, nisi quando penitere incipiunt. ibid.
 In oratione nihil cogitandum præter cœlestia. 1038. b
 Orandum magis mente, quam voce. ibid. c
 Singulæ petitiones orationis Dominicæ explicantur. 1038. c, d, e, 1039. a, b, c, & seq.
 Oratio Dominica singulis horis dicenda. 1045. e
 Est propria baptizatorum. ibid.
 Quare potissimum instituta. ibid.
 In quinta petitione multa mouentur dubia. 1045. d, e, & seq.
 Oraturi debent dimittere proximis debita. 1045. e
 Quomodo qui in peccato perseverat, vtiliter hanc orationem recitat, quomodo non. 1046. b, c, & seq.
 Cuius oratio sit ei in peccatum. 1046. c
 Cuius mendax. ibid.
 Orare proprium est solius creature rationalis. 1048. d, e
 Oratio est actus quidam rationis, quo inferior supplicat superiori. ibid.
 Orare non conuenit Deo. ibid. & seq.
 Oratio Iosue fecit Deum illi obedientem. 1049. a
 Oratio metaphoricè tribuitur mutis animantibus. ibid. b
 Oratio & generatim & speciatim pro certis hominibus potest. 1050. d, e
 Orationes particulares pro certis hominibus non prodesse eis per Vicleffum. 1049. c. Idem dixit non licere orare pro singulis seorsim, sed tantum pro omnibus simul. ibid. 1050. a, c, d
 Orationes speciales, & licere, & viles esse, ex exemplis omnium ferè sanctorum, quorum mentio fit in sacris literis. 1050. a, b, & seq.
 Oratio Dominica est oratio generalis. 1050. d, e
 Orantes nihil petimus, nisi quod in oratione Dominica continetur. 1050. d
 Orationem generalem possumus applicare ad personas particulares. 1050. d, e
 Oratio Dominica quando proposita est in generali. ibid.
 Oratio generalis absolute melior & utilior. 1057. e, 1058. e
 Specialis utilior illi pro quo fit. ibid. e, & seq.
 Orationes nunquam desunt recitandi. 1058. a
 Oratio vt sit meritoria sufficit, vt sit ab homine iusto. 1058. b, c
 Vt sit impetratoria multa requiruntur. ibid. c, d, & seq.
 Non est esse meritoria quæ non sit impetratoria. ibid. c
 Oramus sæpè pro eo, quod non expedit nobis dari. ibid.
 Oratio aliquando est simul meritoria & impetratoria. ibid. d
 Orant peccatores tribus modis. 1053. c, d, & seq.
 Oratio improborum non habet virtutem miracula faciendi. ibid.
 Quomodo exauditur à Deo, quomodo non. 1053. e, 1054. a
 Qui Deum non audiunt præcipientem, orantes ab eo non exaudiuntur. ibid.
 Orans peccator & penitentia incipiens, sæpè impetrat quod petit. ibid. b
 In oratione perseverandum. 1059. c, d, e, 1055. c, d
 Orare semper quomodo non impossibile. 1055. e
 Quid sit semper orare. 1055. d, e
 Non oratio longa, sed nimia loquacitas in orando prohibetur. 1056. c, d
 Iusti orantes pro se quare semper exaudiantur & non semper orantes pro aliis. 1057. a
 Orationis & diurnæ & nocturnæ exemplum Duid. 1066. e, 1067. a, b, & seq.
 Oratio clamosa non reprehendenda. 1079. c, d, & seq.
 Oratio priuata debet fieri submissa voce, & quare. ibid. & seq.
 Orationes publicæ debent fieri magnis & altis vocibus. ibid. e, 1080. b, c, & seq.
 Oratio vocis tantum, parum vel nihil prodest. 1080. d, e
 Oratio clara & alta cum vocis inflexione supplicantis affectum indicat. 1081. b
 Oratio priuata ubique fieri potest, & ab omnibus publicam Ecclesiam. 1083. c, 1086. c, d
 In oratione, vel semper loquimur ad Deum, vel Deus ad nos. 1086. c
 Oratio monet lachrymas. 1088. d, e
 Orationi quomodo respondet donum, quomodo sperces. 1123. d

Originale peccatum.

Originalis peccati effectus, vel poenæ. 17. a, b, c, & seq. 27. a, b, c, & seq. 30. c, 191. c, 192. a, b, & seq. 216. d, e, & seq. 231. a, b, c, 234. a, b, & 79. d, 305. d, e

Originale peccatum trahitur à primo parente, & est voluntarium voluntate aliena. 80. a, 105. c, d, 206. d, e

Est privatio originalis iustitiæ. 176. c, 191. c, 192. a, b, c, 205. c, 237. a, 280. a, 282. c, 285. d, e, & seq. 338. d, e, & seq.

Originalis peccati tota materia diuiditur. 199. b, c, & seq.

Est disputio grauissima. 199. a, b

Quot & quam præclari Catholici scripserint de originali peccato. 199. c, d, 200. a

Quot hæretici de eadem materia egerint. 200. h, c

Peccatum originis est, quod per generationem à parentibus trahitur. 200. c, d, 205. c

Nullum fuisse asseruit Pelagius & Cœlestius. 200. d

Hunc errorem damnavit Synodus Palestina. 200. c

Est auersio quædam habitualis à Deo. 201. c, 289. d, 290. c, 348. c

Est macula reatus, qui hominem verè peccatorem constituit. 205. c

Propagatur cum natura. 210. c, d, 216. c, d, & seq. 235. d

Non imitatione. 210. c, d, 211. a, 212. c

Originis peccata quomodo plura. 214. b, c, 269. b

Originis peccatum probatur ex antiquis Patribus, qui ante Pelagium scripserunt. 216. c, d, & seq.

Originale & actuale peccatum sublatum passionem Christi. 216. c, 217. a, b, & seq.

Peccatum originis vocatur antiqua impietas. 216. c, 268. c

Contagium mortis antiquæ. 217. b, d, 252. e, 268. c, 371. c

Inquinamentum naturæ. 217. d

Probatur ex Concilijs. 219. a, b, & seq.

Ignorabatur ab Ethnicis, negabatur à Pelagio. 223. a, b, c, d

Non est Adam, sed nostrum ex Adamo. 224. c, 234. c, 235. c, c

Originalis peccati primaria causa Adam non Eva. 235. d

Soluntur argumenta sumpta ex Patribus contra originale peccatum. 228. d, e, & seq.

Originale peccatum ex inobedientia Adæ 231. a, b, c, 237. a, 346. c, 348. d

Dicitur radicale peccatum. 231. b, c, d, e, 269. a

Dicitur peccatum quod nascendo trahimus. 200. c, 268. c, d, e, 269. a, b, 305. a, b

Chirographum quod scripsit Adam. 237. a, 268. c

Fuit in Adamo per modum habitus. 231. c, 289. c, d

Non tam est offensa quam macula. 233. a, 235. b, 237. b, c

Soluntur rationes adductæ contra originale peccatum. 234. c, 235. a, b, & seq.

Originis peccatum, quomodo proprium, quomodo alienum. 234. c, 235. a, 346. b, c, d, 665. b

Cui & quomodo voluntarium, cui & quomodo non. 234. c, & seq. 347. c, 348. a

Est voluntarium voluntate primi parentis. 235. c, 346. b, c, d, 348. b, 664. c, 665. a, b

Est peccatum minimum, quia minus voluntarium. 235. c, 665. a

Maximum, quia privat hominem maximo bono. 235. c

Est vitium naturæ non personæ. 236. c, 270. a

Quomodo traducatur difficile est intelligere. 249. b, c, d

Est hæreditas peccati, in omnibus æqualiter. ibid.

Trahitur à solo Adamo non ab Heua. 251. a, b, & seq.

Tam ad fidelium, quam infidelium filios pertinet. 251. c, 252. a, c, d, & seq. 293. d

Hoc peccatum habemus, antequam nascamur. 252. c

Est necessarium mortale. 257. b

Magis iniquum quam actuale. 260. a

Contrahitur tribus modis. 260. c, d, & seq.

Licet sit vnum tantum, aliquando tamen dicitur in plurali, quia multa in se continet. 269. b

Nō est fons & origo omnis actualis peccati. 279. b, c, d, & seq.

Est habitus corruptus & languor totius naturæ. 285. c, 289. c, d

Continet privationem iustitiæ, peruerfionem omnium potentiarum. 287. b, c, 289. d

Est auersio à Deo in qua formaliter consistit peccatum originis. 289. c

Est rebellio partis inferioris contra superiorem, in qua consistit peccatum originis materialiter. ibid. d, e

Errores circa peccatum originis in Concilio Tridentino damnantur. 293. c

Originis peccatum, quomodo vnum, quomodo non. ibid. d

Cuius rebellionis sit causa in homine. 305. a, b, c, & seq.

Assimilatur febri. 285. c, 289. c, d, 302. c, d, 306. a

Perfectè tollitur baptismo. 316. d, 317. a

Refelluntur opiniones aliquorum Catholicorum de peccato originis. 336. c, 337. a, b, & seq. 342. c, d, & seq.

Sententia Concilij Tridentini de peccato originali. 342. c, 343. a, & seq.

Auctoritas sententia de peccato originali explicata. 344. a, b, c, & seq.

Quomodo est carentia iustitiæ originalis debet in esse. 345. b, c, d, 348. c

Quid sit propriè peccatum originale, & quid eius formale. 345. c, 352. c

Dupliciter accipitur. 345. c

Refutantur variae sententiæ de peccato originali. 348. c, d, & seq.

Originalis peccati idem diuerso respectu dicitur materiale & formale. 352. c

Originale peccatum nunquam dimittitur, ijs qui in eo moriuntur. 353. a, b, & seq. 355. c, 356. a, b, c, & seq. 358. a, b, & seq.

Eius poena post hanc vitam. 359. c, 367. b, c, 376. b, c, e

Non delet in homine ordinem naturalem, sed supernaturalem. 369. a

Eius æterna poena est tantum damni, non sensus. 364. a, 367. c, e, 37. b, 466. b

Probatur ex Scripturis 367. a, b, c, Ex Patribus. 367. d, e, & seq.

Ratione. 369. a, b

Originalis culpa est tantum habitualis. 369. b

Originalis peccati diuersæ poenæ in hac vita. 376. c, d, & seq. 377. d, e, & seq.

Originale peccatum læsit omnes hominis potentias, & animæ vires. 378. c, d, e, 379. a, b, & seq. 417. b, c

Idem corpus & totum hominem. ibid.

Est causa cur multi nascuntur, cum variis corporalibus defectibus. 382. d

Originalis iustitia.

Originalis iustitia fecit perfectam tranquillitatem in animâ & omnibus eius potentiis. 18. c, d, e, 19. a, b, & seq. 19. c, d, 34. a, b, 187. c, 188. a, b, 352. c

Non poterat amitti nisi mortali peccato. 187. b, c

Quando primum dicitur amitti. 261. a, 351. c

In Adam tota naturæ data fuit. 269. a, b, 270. a, 325. a

Eius privatio quomodo voluntaria, quomodo non, quomodo poena, quomodo non. 352. c, d

Hanc iustitiam Deus non abstulit, sed homo abiicit. ibid.

Quare non infunditur animis hominum. 352. c

Quomodo à Deo, quomodo ab homine tollitur. 353. a

Originalis iustitiæ privatio quomodo est causa originalis peccati, quomodo ipsum originale peccatum, 354. a

Originalis iustitia quomodo restituitur baptismo, quomodo non. 354. a, b

Quomodo dicitur gratia. 403. a, b, & seq. 407. a, b, & seq.

On.

Ovis & columba animalia simplicissima. 174. a

Ovis perdita apud S. Lucam quid. 221. c

Ovis bonis Christiani assimilantur. 370. b, c, 480. c

P.

Panis.

Panis omne genus cibi significat. 194. d, 1036. a, 1043. de, e, 1044. c

Panis spiritualis verbi & Sacramentorum. 1036. a

Accipitur aliquando pro corporali, aliquando pro spirituali, aliquando pro utroque. 1043. d, e, 1044. a, b, c, & seq.

Significat omnia necessaria ad vitam animæ & corporis. 1043. a, b, & seq. 1044. a, b, & seq.

Panis quotidianus, vel supertubstantialis, quare sic dictus in oratione Dominica. 1043. c, d, e, 1044. a, b, & seq.

Panis est Eucharistia. 1044. a

Est verbum Dei prædicatum. 1043. c

Paradisus.

Paradisum non fuisse verum corporalem locum, sed figuratiue dictum, error aliquorum. 36. c

Fuisse verum locum corporeum. 36. d, e, & seq. 39. a, b, & seq. 40. c

Paradisus quomodo corporalis, & quomodo spiritualis. 37. c, d, 39. b

Quo die creatus. 38. c, e

Non frustra conditus, licet Adam breuissimo tempore ibi manserit. 38. b

Henoch & Eliam in paradiso nunc habitare, 38. c, 43. c, 44. a, b, 46. d, e, & seq.

Paradisus ille etiam nunc nobis utilis. 38. c, 49. a

Quomodo potest dici ante cælum & terram creatus. 38. c

Paradisus in quem raptus est D. Paulus, quomodo intelligendus. 39. a

Paradisus significat hortum vel locum deliciarum. 39. b, 44. b, c

Interdum accipitur pro paradiso spirituali. 37. c, d, 39. b, c, & seq.

De paradisi quatuor fluminibus. 36. d, e, & seq. 39. c, 40. a, d, 41. a, 42. a, b, & seq. 44. d, e

Per paradisum aliqui intellexerunt totum terrarum orbem. 40. d

Per flumen paradisi intellexerunt Oceanum. ibid.

Paradisum non esse totum orbem. 40. d, e

Potant alii esse locum extra terram, quâ nos incolimus. ibid. e

Esse in Oriente. 41. b

I N D E X

Non esse locum sublimem circa Lunam, ut quidam putant. 41 b, c
 Quomodo dicitur locus sublimis, & propè cœlum. ibid. d
 Fuisse in Mesopotamia. 41. c
 Paradisi omne vestigium diluuii sublatum. 41. c, 43 d, 45. b
 Paradisi modò non custodiri ab angelis, ne homines intrant. 41. c, 42. a
 Non esse in Mesopotamia. 41. a, b, c, & seq.
 Paradisi quatuor flumina, vbi habeant originem. 42 a, 44 d, c, 45. a, 46. a
 Quis terras ambiunt. 42. a, b, c
 Quid nominibus eorum intelligatur. 42 d, c, 43. a, b
 In Paradiso semper fuisset ver, & summa æris temperies. 43. c, d, 188. a
 Diluuium non abstulit temperiem Paradisi. 43. c, 47. a
 Difficile est cognoscere vbi fuit Paradisus. 43. 43. 42. 43. 44. per totum.
 Paradisum adhuc superesse. 45. b, c, & seq.
 Non esse vastatum diluuii. 46. b, c, & seq.
 Non est locus peccatorum, sed eorum qui liberi sunt, ab omnibus mundi malis, quales fuerunt Adam & Heua ante peccatum, & nunc sunt Henoch & Elias. 46 d
 Aliquod detrimentum accepta diluuii. 47. a
 Necessariò debuit esse vacuus omni timore & dolore. 137. d, 188. a
 In Paradiso fuisset propagatio sobolis per officium coniugale. 191. c, 193. a, b, c, & seq. 136. a, 250 a, b
 Non fuisset opus foemina, nisi propter generationem. 193. b
 In Paradiso foemina peperissent sine dolore. 193. c
 Paradisus post Adæ peccatum elausus. 42. a, 127. c
 In Paradiso nullus fuisset error, nulla deceptio, nulla ignorantia, nullum malum, nulla malicia voluntatis, nisi Adam peccasset. 187. c, 387. c, 388. a
 Parentes.
 Parentum est filiis suis baptismum procurare 472. b
 Pascha.
 Paschalis celebritatis qualis fuerit olim controuersa. 1114 b, c, d, 1134. b, c, d,
 Passio Christi.
 Passio Christi quomodo & quibus est bona, quomodo & quibus mala. 128. d, e, 119. d, c, 146. b, c, & seq.
 Passio & resurrectio Christi, pretium & causa salutis humanæ 812. b, c, & seq.
 Passio Christi propitiatio pro omnibus peccatis. 754. a
 Satisfactio pro peccatis totius mundi. 817. d, e, 998. e
 Quomodo fuit finita, quomodo infinita. 817. d, e,
 licet brevis tamen satisfecit pro pœnis æternis. 975. b
 fuit voluntaria. 995.
 Toto anno, præsertim feria quarta & sexta, commemoratur. 1146. d, e, 118. c
 Patientia.
 Patientia opus bonum & perfectum. 932. d
 necessaria ad salutem. ibid.
 Patientia lob tentationibus à Deo probatur. 949. c, d
 Patria.
 Pro Patria Romani præcipue sæpè occisi sunt, stimulante vana gloria. 695. d
 Pro Patria mori patriæ potissimum salutem non suam gloriam querendo, ne infidelis quidem sine speciali Dei auxilio potest. 696. d, e
 Pro Patria mori est opus morale, sed arduum, & difficile. ibidem.
 Paulus.
 Paulus raptus in tertium cœlum & in Paradisum, quomodo intelligitur. 39 a
 Paulus ad Gal. 2. natura Hebræus 252. d, 477. d
 Paulus efficaciter vocatur. 437. c, 441. d, e, 442. a, b, & seq. 719. c
 Quomodo à sancto Spiritu prohibitus prædicare in Asia. 468. b, c
 Semper se ponit in numero electorum. 477. d
 Non audeat se iustum affirmare. 860. a, 895. b
 Conuersus est precibus S. Stephani, 1020 c
 Traxit ut auferatur à se stimulus carnis. 1051. c, 1052. a
 Peccatum.
 Peccatum Adæ. vide Adæ peccatum. peccatum originale. vide originale peccatum.
 Peccatum significat rebellionem carnis ex peccato ortam 9. a
 vide concupiscentia.
 Riuar hominem donis supernaturalibus. 18. b
 Quomodo diminuit bonum naturale. 18. b, 28. c, 29 a, b, & seq.

Est pœna peccati. 23 c, 152. d, 159 a, b
 Peccatum Adæ fuit Actuale, ut cætera hominum peccata 24. c
 Peccati stipendium mors. 27. a, b, 33. c, d, 35 c, 167. c, 208 a, 221. c, d, 407. b, 251. c, 933. c, 1283. c
 Peccatum introduxit vitæ breuitatem, & inevitabilem moriendi necessitatem. 13 b, c, & seq. 35. a, b, & seq.
 Peccatum est nomen operationis malæ. 57. a, 328. b
 Peccati quàm multa sint nomina. 57 a, b, c, & seq.
 Peccati definitiones. 58 a, b, 59 a, b, 164. a, 344 a, b, & seq. 351. b, c, & seq.
 Peccati materiale. 58. a, 59 a, 162. c, d
 Peccati formale. 58. a, 59 a 162. c, d
 Peccata esse contra legem æternam. 59. a, b, 78 a, 114 a, 127. c
 Peccatum necessariò debere esse voluntarium. 59. b, c, 78. a, b, c, 86 a, b, c, & seq. 1. 6. a, b, c, & seq. 127. d, 158 d, 160 c, d, 466. a, 517. c, 118. a, 664. a
 Peccatum aliud carnale, aliud spirituale. 59 c, 60. a
 Per conversionem ad quæ sunt peccata carnalia 60. a
 Per conversionem ad quæ sunt peccata spiritualia. ibid.
 Peccata carnalia nos faciunt similes bestiis, spiritualia demonibus 60. a
 Spiritualia dicuntur scelera vel facinora. ibid.
 Peccatum aliud actuale, aliud originale. 59 c, 60. a
 Peccata actualia sunt propria voluntate. 60. a
 Originalia trahuntur à primo parente, & sunt voluntaria voluntate aliena. ibid.
 Peccatum aliud commissionis, aliud omissionis. 60. a, b
 Commissionis repugnat legi prohibenti aliquid. 60. b
 Omissionis violat leges imperantes aliquid. ibid.
 Commissionis vocatur propriè peccatum. ibid.
 Omissionis dicitur propriè delictum. ibid.
 Peccatum aliud contra Deum, aliud contra nos, aliud contra proximum. 60. b, c
 Peccata quædam mortalia, quædam venialia. 60. c, d, 65. c, d & seq. 62 a, 71. c, 80. a, b, c, & seq.
 Mortalia plene hominem auerunt à Deo. 60. c, 65 c, 82. d, 98. c
 Merentur mortem æternam. 60. c, 65 c, 78. c, & seq. 98. c, 194 b, c, d, & seq.
 Venialia non nos auerunt à Deo, sed impediunt cursum ad Deum. 60 c, d, 81. a, b, & seq. 66. c, d, & seq. 97 c, & seq.
 Mortalia dicuntur crimina. 60. d 81. d, 89. f
 Venialia dicuntur peccata. 60 d, cum seq. 67. a, b, & seq.
 Veniale quod duplex 60. c, & seq. 87. a
 Venialia ex natura & ratione peccati propriè mortalibus opponuntur. 61. b, c,
 Venialia hæc ex natura sunt duplicia, alia ex genere, alia ex imperfectione operis. 61. c, 87. a
 Veniale ex genere habet pro obiecto rem malam, & inordinatam. 61. c
 Veniale ex imperfectione operis. 61. d, 87. a, b, & seq.
 Veniale ex imperfectione operis, Aliud ex subreptione, Aliud ex materiæ paruitate. 61. d, e, 87. a, 187. d,
 Errores hæreticorum de peccatorum æqualitate. 62. a, b, & seq. vsque ad 65
 Refutantur ex sacris Scripturis. 65 c, 66. a, b, & seq.
 Ex Conciliis. 66. c Ex sanctis Patribus 67 a, b, & seq.
 Peccatum veniale natura sua distingui à mortali. 65 c, & seq. 78 d, e, 79 a, b, & seq.
 Peccatorum gradus diuersi. 78. c, & seq. 81. c, d, 90. d, e, & seq. 94. a, 195. a, b, & seq. 111. d, e, & seq.
 Peccata venialia cum festuca & culice comparat Christus. 80 d, e, 81. a, b, c
 Mortalia cum camelo, & trabe. 80 d, e, 81. a, b, c
 Peccatum consummatum 1. c. Iacobi, quid. 81. d, e, & seq. 194 b, c, d, & seq.
 Quædam esse peccata venialia natura sua, probatur ex Conciliis, & antiquis Ecclesiæ Patribus. 12 c, 83. a, b, & seq.
 Peccata venialia, qualia nominantur. 83 a, b, & seq. 85 a, b, & seq.
 Peccatum veniale, id est, venia dignum. 86.
 Peccatum dicitur analogicè de mortali & veniali. 86. d, e 88. d, e
 Peccatum duo constituunt. 86. c
 Veniale est peccatum imperfectè. 86. c, & seq. ibid.
 Et quomodo. ibid.
 Peccata omnia venialia, vel sunt non perfectè voluntaria, vel non perfectè contra, sed præter legem. 86. c, 87. a, b, & seq.
 Peccatum sit cogitatione, verbo, vel opere 91. b, 195. b, c, & seq.
 Peccata venialia assimilantur sordibus pedum. 92 d, e
 Venialia multa quomodo æquivalent vni mortali. 95. c, d, & seq.
 Quotidiana quotidianis remediis expiantur 95 d, 96. c, d, & seq.
 Peccatum est malum simpliciter, pœna est mala tantum patienti. 97. c.
 Peccati deformitas est macula in anima ex peccato relicta. 98. b, c
 Reatus pœnæ ob iniuriam Deo factam. 98. b

Peccatum veniale est irremissibile, quamdiu est cum mortali. 98. c, d, & seq.
 Simul cum mortali in æternum punitur. 98. d, e
 Remittitur propter actum charitatis elicitum ab habitu manente. ibid
 Peccatum nihil esse præter inanem, & falsam opinionem, error Libertinorum Item: Peccatores non debere reprehendi, quia hoc est Deum reprehendere. 101. c
 Ad peccatum tria requiruntur. 113. a, b, 162. c
 Peccatum est præuicatio legis. 113. a, 162. d
 Est in voluntate. 117. a, 128. c
 Est proprium creaturæ non creatoris. 111. a, 124. c, & seq.
 Non debet referri in creatorem. 121. c, d, & seq.
 Fit Deo permittente non iubente 114. c, & seq. 150. a, b, & seq.
 Peccare est deficere & errare. 147. c
 Peccatum à Deo præuidetur & in bonum ordinatur. 114. a
 Peccatum facere non est facere, sed deficere. 147. c, 161. c
 Non est res, sed corruptio rei, vel priuatio. ibid. & 162. c, d
 Peccata esse non est bonum. 150. c, d, c, & seq.
 Peccata cum fiant, bonum est, ut à Deo ordinentur. ibid.
 Peccati seruus quanta. 192. b, c, & seq.
 Peccata Deus præcitat, non facit. 154. d, c, & seq.
 Ad peccatum impellere est malum, à lege æterna abhorrens. 160. d
 Peccati deformitas à quo est. 161. a, b, & seq.
 Peccatum non est effectio, sed defectio. 147. c, 161. c, d, & seq. 272. c
 Peccatū cum sit defectus soli causæ defecti tribuitur. ib. c, d
 Peccatum est malum morale. 161. d
 Consistit formaliter in priuatione rectitudinis actus voluntatis. 161. d, c, & seq.
 Est priuatio conformitatis ad regulam rectæ rationis. ibid. d, c, 180. d, c
 In peccato priuationis causa non potest esse positiua, sed est alia priuatio vel defectus. 161. d, 348. c
 Peccati causa non est res, sed priuatio rei. 161. d, c, 163. c
 Ad actum peccati tria requiruntur necessariò. 161. a, 163. d, c
 Peccatum debet esse actus à libero arbitrio productus. 163. d, c
 Moralis per se. 162. d, 163. d, c
 Elicitur à libera voluntate. ibid. d, c
 Particularis. 163. c, 164. a
 Peccata & peccatores non sunt Deo necessaria. 120. c, d, & seq. 1184. b
 Peccatum est conuersio ad bonum creatum. 178. d
 Est auersio à bono increato. 86. c, 178. d
 Prius est in peccato conuersio, quam auersio. ibid.
 Peccatum veniale, aut ex subreptione, aut ex genere suo 187. d
 Peccatum veniale ex subreptione, aut oritur ex appetitu carnis præueniente rationem, aut ex voluntate præueniente perfectam rationis deliberationem. ibid. & seq.
 Peccati grauitas sumitur ab oppositione ad maius bonū. 190. c
 Peccati instrumenta etiā irrationalia punit Deus, 193. a, b, & seq.
 Peccatum actuale initium habetur ab Angelo. 207. a
 Ab Heuæ. 207. c
 Peccatum interdum accipitur pro pena peccati. 208. b, c, 219. c
 Ipsum peccare vix potest accipi pro pena peccati. ibid. & seq.
 Peccatum mortis meritum. 208. c, 231. d
 Propagatur cum natura. 210. d
 Ante legem incognitum. 211. a
 Peccatum tum actuale, tum originale sustulit Christus passionem suam. 217. a, 219. c
 Peccatum Adæ quomodo non constituit omnes simpliciter peccatores. 224. d, c
 Peccati actualis, & originalis distinctio. 230. c, 231. b
 Peccatum actuale est legis transgressio. 231. a, b
 Peccatum bifariam consideratur. 235. b, 303. c
 Peccatum, reatus, macula, quomodo differunt. ibid. 237. b
 Peccatum non in carne, sed in anima est. 237. c, d, 249. d, c, 250. b
 Peccatum fuisse tantum personale quocumque peccante præter Adamum. 251. d, c
 Non esse naturam aliquam, sed priuationem aut defectum. 272. c
 Peccati tres fomites. 279. c
 Peccatum non tam contrarium legi, quam legis contrarietas dicitur. 280. d
 Peccati sedes quomodo anima, quomodo caro. 280. a, 292. c
 Vide anima. 304. a, 352. a
 Peccatum sublato reatu non est peccatum. 308. a, b, c & seq. 310. a, b, & seq.
 Peccatum propriè dictum tollitur in iustificatione. 308. c
 Repugnat legi priuatiuè. 313. c
 Peccatum largo modo accipitur pro omni corruptione & vicio. 330. a
 Peccata naturæ quænam dicantur. 330. c, & seq.
 Peccatum omne vel à cupiditate, vel à timore ortum habet. 70. c, 338. c

Peccatum bifariam accipitur. 159. a, 235. b, 344. a, 351. b
 Non est res positiua, sed priuatio. 348. c, 350. d
 Peccatum est mors animæ. 261. b, d
 Peccati actu transeunte octo mala remanent in anima. 349. d
 c, 351. c, 352. a
 Peccatum actuale & habituale. 350. c, d
 Habituale quomodo differt ab habitu vitioso acquisito. ibid. d
 Habituale quomodo est voluntarium. ibid. d
 Peccatum habituale cur potest esse in dormiente, amente, infante. 350. c
 Peccatū quomodo trāsit, & quomodo maneat. 352. a, b, & seq.
 Peccati actualis poena, est poena sensus. 373. b, c, & seq. 68. a, c
 Peccata propria quibus modis. 368. a, b, & seq.
 Peccata sua homines non norunt. 39. c, d, c
 Peccata omnia mortalia vitare quis potest per gratiam, 382. b
 c, 709. d, c
 Venialia non potest omnia vitare nisi ex privilegio singulari. ibid. & 461. a, b, c, & seq.
 Peccare humanum est. 382. c
 Peccatum totum hominem, & omnes eius potentias debilitat. 427. b, c
 Peccatum vitare, & à peccato resurgere, quomodo differunt. 462. d
 Peccata singula vitari possunt, non omnia. 470. c, d, c, 628. b
 Peccandi necessitas potuisset esse Adamo naturalis, nobis vero poena peccati. 470. c, 666. b
 Peccatum non potest esse in voluntate, nisi præcedat error, vel defectus in intellectu, vel ratione. 520. c
 Peccatores mortui sunt, morte gratiæ non naturæ. 622. a, b, 687. c, d, & seq. 710. a
 Peccati necessitas quomodo nobis incumbit, & quomodo peccatum potest esse, ubi est hæc necessitas. 628. b
 Peccati definitio virtute continet in se liberū arbitrium. 629. b
 Peccati quatuor genera. 665. a, b, c
 Peccatum ex ignorantia quomodo voluntarium, quomodo non. 665. c
 Peccata ex cupiditate sunt absolutè voluntaria. 665. a, b, c, 66. b, c, 67. d
 Peccatores comparantur rebus mortuis, & se nihil iuuare valentibus. 687. c, d, 710. a
 Quando dicuntur in momento conuerti. 715. c, 716. a, b
 Peccatores non ab actu, sed ab habitu dicuntur. 845. b, 846. c, 848. b
 Peccato actu transacto, quæ & quot mala remaneant in peccatore. 845. a, b, 848. d
 Peccatum habituale in quo maximè consistat. 846. c, d
 Quomodo tollatur peccati auersio & declinatio, macula peccati dignitas, & reatus poenæ. 846. c, 847. a, b, & seq.
 Peccatum ex natura sua iustitiam expellit ubi inuenit. 848. b
 Peccati actus opponitur gratiæ habituali, non priuatiuè, sed contrariè, & gratiam expellit efficienter. 848. b
 Peccatum & iustitia sunt contraria immediata. 849. a
 Circa peccatorum remissionem certam & indubitaram, tres errores. 852. c, 853. a, b, & seq.
 Peccatum est opus nostrum, iustitia donū Dei occultū. 858. d
 Peccata nostra semper esse lugenda. 877. c
 Peccatores facilius scire possunt se odio dignos, quam iusti se amore dignos. 858. c
 Venialia non sunt contra, sed præter mandata. 913. c
 Non possunt semper omnia vitari in hac vita. ibid. 1045. b, c
 Peccare nemo potest in eo, quod vitare nō potest. 116. b, 466. c
 Peccatum accipitur pro victima peccati. 314. a
 Peccatum veniale non impedit veram iustitiam. 56. c, 187. d, 913. c, 1045. c
 Peccare facilius est, quam bene agere. 1002. a
 Per peccatum mortale amittuntur omnia merita præcedentia. 1021. b, c
 Peccata religiosorum, quomodo grauiora, quomodo leuiora peccatis secularium hominum. 1022. c
 Peccata sunt debita & peccatores debitores. 1045. a, b, & seq.
 Peccant omnes dum sunt in hac vita. 1045. b, c
 Peccata quædam sunt natura sua venialia. ibid.
 Pelagiani.
 Pelagiani orti post obitum D. Ambrosij. 1. 05. b
 Perfectio.
 Perfectio beatorū est sine vilo peccato. 68. c, 69. c, 91. c, 92. a, b
 Perfectio huius vitæ. 68. c, d, & seq. 951. c
 Perfectio non imperatur, sed consulitur. 68. c, d
 Perfectio quæ imperatur qualis est. 68. c, & seq.
 Perfectio gradus. 68. d, c, & seq.
 Perfectio beatorum in hac vita nec imperatur nobis, nec consulitur, sed tantum indicatur. 68. c, d, 91. c, 92. a
 Perfectio maior in Christianis, quam in infidelibus requiritur. 85. c, d, 91. d, c
 Perfectio maior in religiosis viris requiritur. 93. d, c
 Perfectio Christianæ vitæ duplex, & vita necessaria. 1203. c

I N D E X

Perfectio Evangelica quomodo sumatur à Catholicis.	120 j
d, e, & seq.	
<i>Permissio Dei & desertio.</i>	
Permissione diuina non iussu sunt peccata & mala.	122. a, b.
& seq. 123. a, b, & seq. 124. a, b, & seq.	
Permissio Dei est, quod homines malum possunt.	128. c, 126. a, 128. c
Permitte Deus vendi Ioseph, & crucifigi Christum.	128. d, e
Permitte, Deus mala vt inde eliciat bona.	128. e, 129. a, 130. a, b, & seq. 137. c, 147. c, & seq. 152. d, c, 153. a, b, & seq. 154. c, d, & seq. 155. a, b
Permissio Dei dicitur esse causa, cur male agant homines.	135. a, b, c, & seq. 156. c, d, & seq.
Deus concessit diabolo facultatem verandi Iob.	136. a, 144. a
Permissor quodammodo dicitur auctor.	135. a, b, c, & seq. 146. a, b
Permitte Deus homines mala facere tribus modis.	135. c, d, & seq.
Non quolibet permissio vel desertio est execratio, vel induratio.	140. d, e, & seq.
Permissio peccati Adæ, & peccati iustorum hominum, non est obduratio vel execratio.	141. b, c
Quia n permissio & desertio Dei dicitur execratio & obduratio.	141. c, d
Illā permissio, & desertio, qua homo auxilio diuino prius destituitur, est grauissima punitio.	141. c
Deus nunquam ita hominem sibi relinquit & deserit, quin vires det, vt possit si velit, impetrare Dei gratiam, & remouere execrationem & obdurationem.	141. a
Perfectio licet nominetur actio, tamen est actionis omisio.	142. d
Permitte Deus Iob affligi quantum, quamdiu, & quomodo illi placuit.	136. a, b
Permitte Deus mala ira loco, tempore, persona, modo, vt in bonum conuerti possit.	147. b, c, & seq. 149. c, d
Deus volens permittit mala, quia de malo potest facere bene.	148. a, b, c, & seq. 149. c, d
Permittere non includit velle, sed non nolle, siue non impedire.	150. a, b
Deum non velle, sed permittere mala.	149. b, c, & seq.
Permissio distinguitur ab opere.	150. c, d, & seq.
Deus bene facit permittendo, vt mala fiant.	150. d, e
Permittere in Sacris scripturis significat non impedire.	151. a
Deus permittit homines cadere eos deserendo.	152. c
Deus propter dementiam permittit homines seduci & obdurari.	153. c, & seq.
Quare & quando Deus permittit prodicionem Iudæ.	154. c, & seq.
Deus voluit ex malis potius bene facere, quàm mala esse non sinere.	155. c, d, 171. b, c, & seq.
Deus ita omnia administrat, vt ipsa proprios motus exercere & agere fiant.	171. b
Quare permittit Deus hominem tentari, quem sciebat casurum.	169. c, 170. a, b, c, & seq.
Permitte Deus hominem tentari, vt ita si voluisset, de hoste potuisset gloriosius triumphare.	170. c
Permissio peccati Adæ quomodo utilis humano generi.	172. b, c, d
Diabolus est permissus Adamum vincere, vt maiore cum sanctorum gloria postea vinceretur.	ibid.
Permissio peccati pertinet ad pulchritudinem vniuersi.	171. d, c, 172. a
<i>Perseuerantia.</i>	
Perseuerantia datur electis.	437. c, 482. c
Quam gratiam requirit.	ibid. & seq.
Perseuerantia in finem.	481. d, c, 483. a, b, c, 893. b, c, 895. c
Sine perseuerantia nemo saluari potest.	481. d
Perseuerantia est donum Dei, quod non datur ex meritis.	481. d, 483. a, 680. c, 893. c
Perseuerantiam nobis promittere non possumus.	482. b
Pendet à manu Dei.	ibid.
Perseuerantia donum continuis precibus petendum.	483. a, 895. c, 1021. b, c, 1019. c, d
Perseuerantia fundamentum prædestinationis.	680. b, c
Perseuerantia est effectus maximè proprius prædestinationis.	822. d,
Perseuerantia incertitudo.	893. a, b, c, 894. a, b, & seq.
Perseuerantia præmium certissimum.	893. b, d
Perseuerantia in fide necessaria ad vitam æternam.	895. c
Perseuerantia est necessaria vt impetres quod petis.	1019. c, d, 1031. d, 1033. b, 1035. b, c
<i>Petrus.</i>	
Petrus prædestinatus, nunc in cælis.	73. b, c
Petri peccatum quàm graue,	73. c, 899. c, 900. a
Petri penitentia.	ibid.
Petrus iustus lapsus est in graue peccatum.	73. c, 899. c
Ascendebat in Templum oraturus.	1067. b

<i>Pharao.</i>	
Pharao quomodo à Deo dicitur induratus.	134. d, e, 139. c, & seq. 343. c, 389. c
Ad quid à Deo seruatus.	134. c
Abundat patientia Dei.	143. a
Deus ostendit potentiam suam in flagellis & submersione Pharaonis.	133. d
Pharao celebrauit suum diem natalem.	213. a
Antequàm induraretur, vocabatur a Deo.	437. b
Meruit obdurationem, quia vocatus venire noluit.	ibid.
An peccauit postquam fuit obduratus.	464. c, d
Pharao vitæ æquam, cognouit aliquid verum morale in particulari.	589. b
<i>Philosophus.</i>	
Philosophi vocant naturam nouercam.	31. a, 329. d
Philosophi variè dixerunt & senserunt de homine & eius natura.	ibid.
Philosophi excellentiores strenuè contenderunt, Deum non fuisse causam mali.	126. a, b
Philosophi patriarchæ hæreticorum.	217. c
Philosophorum diuersa de vltimo fine sententia, testes sunt humanæ ignorantia.	178. c, 179. a
Philosophi verè Deum nouerunt, sed non coluerunt.	81. d, 610. a
Philosophorum dicta de breuitate vitæ.	314. c
De miseris huius vitæ quid dixerunt.	389. d, 390. a
Duo genera virtutum in vita necessaria dixerunt.	408. b
Quid sentiant de libero arbitrio.	65. b, 107. c, 510. c, d, 113. c, d
Philosophos ex rebus creatis verum Deum cognouisse.	550. c, & seq. 551. d, c, & seq. 610. a
Philosophorum tres ex quatuor scholis, & sapientes Ægypti tenent liberum arbitrium.	166. b, c
Philosophi habiti sapientissimi, fuerunt sceleratissimi.	387. d
Philosophi dicunt rationem imperare appetitui inferiori non desposito impetio, sed politico.	604. a
Philosophorum opera non erant bona ex defectu bonitatis.	608. b, c, 620. a, d, 839. c
Philosophorum ieiunium quale.	1089. c, 1107. d, e
<i>Plato.</i>	
Platonem nouisse verum Deum.	551. c, 552. a
Tenuit liberum arbitrium.	56. b
Voluit omnium rerum cõmunionem, etiam vxorū.	1178. c, 1181. d
Refutatur ab Aristotele & Tertulliano.	1178. c
<i>Pœna.</i>	
Pœna æterna non debetur peccato, nisi ratione auersionis à bono æterno scilicet Deo.	86. c
Pœna æterna est simpliciter pœna & omnium grauissima.	86. a, 97. c
Pœna potius subeunda, quàm culpa cõmittenda.	97. d, e, & seq.
Debet respondere culpæ.	97. d, 187. d, 308. a, b
Peccatum pœna peccati.	19. c, 152. d, 159. a, b, 331. a, 494. b, c
Pœna huius vitæ omnium grauissima, à Deo delicti.	86. c, 141. c, 152. c, 153. a, b, & seq.
Pœna propriè debet esse inuoluntaria.	159. b, 352. d
Pœna bifariam accipitur.	ibid. 235. b, 301. c, 344. a, 351. b
Pœna peccati Adæ enumeratur.	151. c, & seq. 17. a, b, c, & seq.
Pœna mortis tantum Adæ post peccatum significata est.	190. c
Pœna prima peccati Adæ iustitia originalis iustitiæ, & supernaturalium donorum.	191. c, 192. b, c, & seq.
Ex hac pœna sequuntur omnes alie pœne.	ibid.
Pœna illa prima non describitur Genesis, cap.	191. a
Pœne consequentes describuntur, Genesis.	192. b
Pœne istæ sunt ferè innumerabiles.	192. b, 385. a, b, & seq.
Pœne corporis tres.	192. b, c
Pœna mulierum.	ibid. c, 193. d, e, & seq.
Virorum.	192. c
Vtriusque sexus.	ibid. 194. c, 195. a
Serpentis.	173. b, 195. a, b, c, & seq. 196. c
Pœna vni dici potest infortunium vel miseria alteri.	121. a
Pœna omnis si iusta est, pœna peccati est.	121. d, 464. c
Pœna alia damni, alia sensus.	129. b, 351. b, c
Pœna semper est inuoluntaria, culpa autè voluntaria.	159. b, 351. d
Pœna originis peccati pœna tantum dāni.	129. b, 367. b, & seq.
Pœna omnis iusta est à Deo.	23. c, 24. a, 259. c, 333. d, 35. a
Pœne infernales, alie grauiiores, alie leuiiores.	356. d, 359. c, 364. a, b, & seq. 367. a, b, c, & seq. 373. c
Pœna damni & sensus.	367. c, 376. b, c
Pœna originalis peccati est priuatio boni supernaturalis.	367. b, 68. c, 369. a
Pœne sensib. his inflicto ipsam naturam lædit.	369. a
Pœna infantū sine baptismo decedentiū.	167. c, d, & seq. 372. d
Pœna sensus & animi dolor quomodo differunt.	376. b
Pœna adultorum, & damni, & sensus, & vermis conscientia.	376. c, d, e
Pœna peccati originalis in hac vita, quot & quæ.	19. c, 376. c
Pœna Purgatorii acerbissima est.	92. b, & maior omnibus pœnis & supplicijs huius vitæ.
	96. c

Pœnis varijs cœreantur homines à vitijs. 380. c, 381. a
 Pœna peccati, quot & quantæ. 386. b, c, d, & seq.
 Pœna malis operibus reddit Deus citra condignum. 1018. a, b, & seq.
 Pœna futuræ vitæ semel à iudice constituta non renouatur, vel minuitur. 1018. c, d
 Pœna tanta esse debet in futura vita, quantum est meritum culpæ. 1019. a

Pœnitentia.

Pœnitentia Adæ. 196. d, e
 Pœnitentia David. 71. d, 73. a, b, 114. b, c, d, 217. c, d
 Pœnitentiæ donum non semper adit. 460. c
 Pœnitentia non semper omnibus à Deo datur. 461. a, b
 Pœnitentiæ Sacramento reparari semper homines possunt. 461. a, b, 714. c
 Pœnitentia est dolor, & detestatio peccati. 760. c, 761. a, b, 933. a, b
 Ponitur quinta dispositio ad iustificationem. 760. c, 761. a, 771. c, d
 Salutem stabilem operatur. 761. a, 913. a
 Pœnitentiæ locum esse lapsis post Baptismum. 104. c
 Pœnitentia ut non sit sterilis requirit adiunctos elemosynæ fructus. 1167. b, c, & seq. 1. 68. a

Prædestinatio.

Prædestinatio non potest esse sine præsciencia. 124. c, 135. c, 136. a
 Præsciencia potest esse sine prædestinatione. ibid. c, d
 Prædestinatio est tantum bonorum. ibid. 135. c, 126. a, 128. d, e, 129. d, e
 Quos prædestinat ad gloriam, prædestinat ad iustitiam. 125. c
 Quos prædestinat ad pœnas, nō ad culpam prædestinat. ibid.
 Prædestinatio hominis est præparatio operum eius. 125. d
 Prædestinatio est præsciencia & præparatio beneficiorum Dei. 438. c
 Prædestinatio est gratiæ præparatio. 438. d
 Prædestinationis infallibilitas consistit in efficaci gratia. 439. c
 Prædestinati qui sint, & qui non, in hac vita nos latet. 455. b, c, d, & seq.
 Prædestinationis ratio ex parte nostri assignari non potest. 471. c, 473. a, b, & seq. 499. a, b
 Prædestinationis variæ definitiones explicantur. 473. b, c, & seq.
 Prædestinatio est species providentiæ. 473. c
 Prædestinatio pertinet ad solos homines. ibid.
 Prædestinatio non præcessit, sed secuta est præuisionem peccati originis. 473. d, e
 Prædestinatio est certissima. 473. e
 Prædestinare quid. 473. b, c, e, 474. a, c
 Prædestinatio partim ad intellectum, partim ad voluntatem pertinet. 474. a, b
 Magis ad intellectum. 474. b, c
 Prædestinationis ordo in mente diuina. 474. c, 488. d, e
 Prædestinationis ratio in quo potissimum consistat. 474. c, d
 Prædestinationis nullam esse causam in nobis, probatur ex diuinis literis. 474. c, 475. a, b, c, & seq.
 Ex traditione Ecclesiæ & Patribus. 477. c, 478. a, b, c, & seq.
 Rationibus ex Scriptura & traditione sumptis. 479. c, 480. a, b cum seq.
 Soluuntur argumenta, quæ obijci possunt ex Scripturis. 486. c, d, e, 487. a, b, c, & seq.
 Ex Patribus. 489. b, c, & seq. 490. a, b, c, & seq.
 Ex rationibus. 493. b, c, d, & seq.
 Prædestinatio ex non præuisionis, probatur rationibus. 483. d, e, & seq.
 Prædestinatus est Christus gratis. 484. d, e
 Prædestinationis finis quis. ibid.
 Prædestinatio non pender ab operibus, sed contra. 487. d
 Prædestinatio omnia cooperantur in bonum. 488. b
 Prædestinatio radix & origo omnium bonorum. ibid.
 Prædestinatio & executionis nō est eadē ratio. 488. d, 490. c
 Prædestinationis materia nūquam bene agitata est, ante tempus Pelagianæ hæresis. 489. b
 Prædestinationis effectus est, quod vocante Christo homines conuertuntur. 490. b, c, 491. a
 Prædestinationis effectus vocatio. ibid. 491. a, 8. o. d
 Prædestinatio accipitur pro voluntate, dante vitam æternam propter merita. 491. e, & seq.
 Prædestinatio gratuita non solum est ad gratiam, sed etiam ad gloriam. 494. c, d
 Prædestinatione non acquiri electis ius ad beatitudinem. 494. c
 Prædestinat Deus misericorditer, reprobatur iuste. 496. c
 Prædestinatio ex sacris literis, & ipso viu, est tantum bonorum. 497. d
 Prædestinatio angelorum. 471. c, 496. d, vide angelus.
 Prædestinationis duo fundamenta, fides & perseuerantia. 880. b
 Prædestinati ad gloriam, quomodo debeant esse charitate præditi, quomodo non. 848. c, d
 Prædestinationis certitudo quanta, secundum errorem Bucerii, Petri Martyris, Kemnitij atq; aliorum hæreticorum. 890. d, e

Refutantur ex Scripturis. 891. a, & seq. Ex Patribus. 893. b, c, d & seq. Ratione. 894. b, c, d, e
 Prædestinationis certitudo non potest haberi sine certitudine perseuerantiæ. 892. d
 Prædestinatio secretum Dei insecretabile. 894. a
 Prædestinationis incertitudo. 891. c, 894. b
 Prædestinatio pendet ex Dei voluntate. 894. b, c
 Prædestinati quomodo dicuntur non posse peccare. 893. d, e, 901. a

Prædicatio.

Prædicatio necessaria ad manifestanda mysteria Dei. 675. c, d
 Necessaria ad fidem. 676. c, 776. c
 Prædicatione verbi Christus collegit sibi regnum. 676. c
 Prædicationem & doctrinam diuinam credibilem faciunt miracula. 676. d, e, & seq.
 Prædicatio externa nihil prodest sine interna Dei inspiratione. 713. b, c, & seq.
 Prædicationem esse congruam meritis audientium, est gratia Dei. 716. d, e
 Prædicatio aperit viam ad iustificationem. 806. a
 Concionatores in qua persona loqui debeant ad populum. 896. b, c
 Aliter fidelibus, aliter infidelibus prædicandum. 999. c, & seq.
 Prædicatio verbi, est panis quo pascimur. 1043. c, 1044. a, b, & seq.

Præsciencia.

Præsciencia potest esse sine prædestinatione, non contra. 124. c, d, 135. c, 136. a
 Præsciencia est & bonorum, & malorum. 110. d, e, & seq. 128. d, e, & seq. 135. d, e, & seq. 136. a
 Præsciencia & prædicatio non imponit rebus futuris necessitatem. 145. a, 372. c, d, & seq.
 Est malorum & bonorum, quæ ex malis sequuntur. 154. c, d
 Præscit Deus scientia simplicis intelligentiæ, hominem casurum si conderetur, antequam eum conderat: vel condere decreuerat. 156. c, 157. b
 Sciuntur prius à Deo necessaria quam libera. 157. b, & seq.
 Deus præscit quæ essent, si tales, vel tales causas ponerentur, licet ipsa nunquam futura sint. 157. c, & seq.
 Præscit Deus Adam peccaturum, at non coëgit ad peccatum. 157. c, 158. a
 Præscire scientia approbationis. 486. d, 493. d
 Præsciencia Dei non tollit ab hominibus liberum arbitrium. 163. a, b, & seq. 372. c, d
 Præscita certò, eueniunt contingentè. 372. d, e, & seq.
 Præsciencia Dei non est causa rerum. 372. c, e, 373. a, c, 375. d
 Res non sunt futuræ, quia Deus præscit, sed cōtra, Deus præscit, quia res sunt futuræ. 372. c, e, 373. a, c, 375. d, e
 Præsciencia Dei quam necessitatem ponit in rebus. 372. c, d, e, 373. a, b, & seq.
 Præsciencia non est simplex intelligentia, sed scientia visionis, quæ præsupponit suum obiectum. 373. c
 Præsciencia non est causa rerum, sed decretum voluntatis diuinæ. 373. c, d
 Præscit omnia, non autem prædefinit, & prædestinat omnia. 376. b

Præsumptio.

Præsumptio de diuina misericordia quàm periculosa. 936. a, b, 1047. b
 Præsumptio est, tentationes petere. 1047. b, c

Promissio.

Promissiones veniæ quomodo differunt à promissionibus vitæ æternæ. 791. a
 Promissiones vitæ æternæ sunt vera pacta, in quibus fundatur meritum iustorum. ibid.
 Promissiones conditionatas, non absolutas contineri in Evangelio. 913. b, c, 915. c, 916. a
 Promissiones remissionis peccatorum, quæ in prophetis sunt ad Evangelium pertinent. 915. c
 Promissio Evangelica conditionem fidei requirit. 916. a
 Promissio gratuita potest esse conditionalis. ibid.
 Promissio legis temporalium, figuræ rerum spiritualium. 916. c, & seq.
 Promissionibus legis annectuntur temporales minæ, Evangelicis mors æterna. ibid.
 Promissiones regni cælorum tantum in nouo Testamento habentur. 917. b
 Promissa veteris & noui Testamenti non sunt eadem. 916. c, d
 Promissio vitæ æternæ est conditionata. 911. c
 Promissio Dei requiritur à merito vitæ æternæ. 1001. c, d, e, 1003. a, b, & seq.
 Promissio vitæ æternæ est gratiæ tribuenda. 1005. b, c, & seq.
 Promissio implenda, quia adfert obligationem. 1011. a, b, & seq.
 Promissio vitæ æternæ sit bene operantibus. ibid.

I N D E X

Prophetia.

Prophetia non semper adest prophetis. 431. b, c
 Prophetia spiritus excitatur per Platem. ib. d.
 Prophetia potest esse sine charitate. 432. d, e, 764. c
 Prophetia multi mali sepe prædicunt veritatem. 432. e
 Prophetia non inponit necessitatem rebus futuris. 363. c, d, & seq.

S. Prosper.

Prosper, discipulus S. Augustini. 479. a, 705. c
 Eius scripta approbantur a Gelasio Papa, in Concilio L X X.
 Episcoporum. 479. d

Providentia diuina.

Providentia diuina malum permittit, vt bonum inde eliciat. 118. e, 1. 9. a, 130. a, b, c, & seq.
 Providentia diuina res omnes gubernatur. 451. c, d, 473. b, c, d, & seq. 484. b
 Providentia est genus prædestinationum. 473. c
 Providentia Dei quam admittit. 545. c
 Providentia diuina, licet omnia etiam in particulari disponat, tamen necessitatem hominibus non imponit, sed illis liberum arbitrium relinquit. 361. c, 362. a, 553. d, e, & seq.
 Providentia includit præscientiam, & prædeterminationem. 572. a, & seq.
 Providentia diuina non prædeterminauit in particulari singula indiuidua. 579. e, 560. a

Pueri.

Pueri quam reprimendi & coercendi. 380. e
 Pueri meritis magis alliciuntur. 442. b, 444. a

Purgatorium.

Pro minutis peccatis satisfaciendum est in Purgatorio. 80. e, 81. a, b, & seq. 83. e 84. a, & seq.
 Per pauci purgatorium euadunt. 96. e, 97. b, c, & seq.
 Purgatorii poenas grauiorcs esse omnib. huius vitæ. 96. c, & seq.
 Purgatorium euadunt, qui nihil expiandum habent. 978. a

Q

Quadragesima.

in Q uadragesima non soluendum ieiunium ante vesperam. 1091. b, c, & seq. 1115. b
 in Quadragesima carnis esus cessat. 1100. e, 1106. e
 in Quadragesima cur Orientales abstinent à vino, non autem Occidentales Ecclesie. 1102. d, 1119. c
 Quadragesimam esse obseruandam sub poena excommunicationis. 1105. d, e, & seq.
 pro Quadragesima esca arida præscribitur. 110. e, 1115. b, 1121. c

Quadragesimale ieiunium violantes, priuantur communione Paschat. s. Et integro anno carnis abstinere iubentur. 1105. e, & seq.
 Quadragesimale ieiunium populis prædicari debet à sacerdotibus, vt accuratè seruetur. 1105. e
 Quadragesimam non seruare, est grauis præuicatio. 1105. d, e, 1106. b
 Violantibus dicitur anathema. 1105. d, e
 Quadragesimam ieiunare, est traditio Apostolica. 1106. d
 Eit ieiunium necessarium. 1106. c, d, 1107. a
 In conscientia obligat. 1106. c, e
 Fuit in vsu in Ecclesia ante tempora Montani. 1114. d, e, & seq.
 Quadragesimas tres voluit Montanus. 1091. c, 114. e, 1115. d
 in Quadragesima carnes necessitate cogente, comedi possunt & debent. 1106. d, e, 1116. a, b
 in Orientali Ecclesia in Quadragesima abstinerunt à carnibus, lacticijs, vino, & piscibus. 1119. c
 Quadragesima dierum ieiunium præparauit Mosem & Heliam ad aspectum & colloquium Dei. 1120. b
 Quadragesimæ ieiunium est cultus Deo gratus. 1121. c, d, & seq.
 Quadragesimæ ieiunio offerimus Deo decimas & primitias vitæ nostræ. 1121. c, 1143. b
 Est ieiunium omnium maximum. 1133. b
 de Quadragesimæ origine tres falsæ opiniones. 1133. b, c, d, & seq.

Quadragesimæ primos & vltimos duos, aut tres dies, omnino sine pastu adhuc agunt Græci. 1134. e
 Sed huiusmodi ieiunium semper fuit liberum, nunquam præceptum. 1134. c
 Quadragesima seruabatur per totum annum, secundum Calianum. 1135. c
 Per septem integras hebdomadas à clericis olim. 1136. b
 Institutum fuisse probatur ab ipsis Apostolis Christi. 1136. c, d, 1137. b, d, 1138. a, 1151. b
 Fuit ante omnia Concilia. 1136. e
 De ea fit mentio tanquam rei antiquioris in primis omnino Concilijs, item in antiquis Patribus. 1136. c, 1137. a, b, & seq.

Aliqui vocant ieiunium Paschale. 1138. b, e
 Aliqui putant à Christo institutum. 1137. d
 Mira fuit olim huius ieiunij varietas. 1138. b, c, & seq.
 Sine omni cibo aliq. vino, aliq. duobus, aliq. tribus, aliq. quadraginta diebus ieiunabant. 1138. b
 Alij Quadragesimam, aliq. etiā quinquagesimam, aliq. à ternis tantum hebdomadis ieiunantes, vix vigesimam, vel trigessimam compleunt. 1138. b, c
 Secundum Socratem Romanos ieiunasse tres tantum hebdomadas. 1138. c, 1140. b, c
 Græcos alios sex, alios septem. 1138. d, 1140. a, d, e
 Alij ieiunauerunt tantum quatuor dies in hebdomada. 1138. d
 Fuit semper & vbique hoc ieiunium quadraginta vel triginta sex dierum. 1138. a, 1139. a, b, 1140. a, c, & seq.
 Obseruatur ad exemplum Christi, Moysi & Elie. 1140. b, 1139. a, 1141. b, c

Dominicis Quadragesimæ non ieiunatur. 1139. e, 1140. a
 Græci Sabbatho & Dominica non ieiunant. 1139. c, d, e, 1140. a
 Sabbathis Quadragesimæ ieiunare iubetur. 1140. b
 Alij in Quadragesima includebant hebdomadam sanctam, aliq. non. 1140. d, e, & seq.
 Quatuor dies ante primam Dominicam adduntur pro Dominicis, quibus non ieiunatur, vt compleatur numerus dierum quadragenarius. 1141. a, c, d, & seq.
 Hi quatuor dies non semper fuerunt iidem qui nunc sunt: sed aliquando alij feria secunda, quarta, sexta, & Sabbatho ieiunabant. 1141. a
 Quadragesimæ causæ præcipuè septem numerantur. 1142. b, c, & seq.

Quadragesima propriè incipit Dominica prima, vt patet ex officio Ecclesiastico. 1143. c
 Soluuntur obiectiones Caluini & Kemnitij 1144. d, 1145. a, b, & seq.
 Christus vnā Quadragesimam obseruauit, vt resisteret vni tentationi ad nostrum exemplum, nos quia multis tentationibus resistere debemus multis ieiunijs armari debemus. 1144. d
 Quadragesima Moysi non erat exemplum propositum Iudeis vt Christi nobis. 1145. a
 Quadragesima Christi fuit à sexto die Ianuarij, vsque ad decimam quartam Februarij, nostra non semper eodem tempore. 1145. c
 Quadragesimæ ieiunium constitutum est commodissimo ar. 1145. c, 1

R

Ratio.

R atio & intellectus quomodo differunt. 306. e, 516. d
 Ratio quomodo libera, quomodo non. 515. b, c, d
 Ratio est, quæ post deliberationem cõcludit quid faciendum 515. c
 Rationem esse magis liberam, quam voluntatem, probat Durandus. 515. d
 Ratio est libera & causa libertatis voluntatis. 515. e, & seq.
 Dicitur radix libertatis. 515. e, 520. d, 522. d
 Ratio non est libera, nec radicaliter, nec formaliter secundum Hentium & Scotum. 515. e, 516. a
 Ratio quomodo non omnino libera. 518. a, 519. a, 510. d, e
 Non est libera à coactione, vt voluntas. 518. a, b
 Ratio potest cogi ad iudicandum, & credendum contra inclinationem totius suppositi. 518. b
 Ratio non est libera à necessitate quoad specificationem. 518. a, b, & seq.
 Nec quoad exercitium. ibid.
 Ratio est regula humanarum actionum. 519. a
 Sua natura non est capax libertatis. 520. e, 521. a
 Ratio quomodo facit obiectum voluntatis. 525. c, 530. a
 Quomodo impetat appetitui inferiori. 604. d
 Quatuor de causis superatur ab appetitu inferiore. 604. e
 Rationis & sensus multæ differentie. ibid.
 Ratio quomodo potest à passione absorberi. 605. b, c
 Ratio in vniuersali dicitur Deum super omnia diligendum 696. b
 Ratio imperat vitijs, subigendo vel resistendo. 826. c, 839. d

Reatus.

Reatus est inseparabilis à merito poenæ. 290. a, b, 292. b, c, 298. c
 Reatus est relatio cuius proximum fundamentum est actus malus. 290. a, b, & seq. 298. c, d
 Est dignitas, vel meritum poenæ. 298. c, 349. d, 350. a
 Est inseparabilis à peccato. 324. a
 Reatus concupiscentiæ tribus modis accipitur. 324. c, d
 Reatu sublato manet infirmitas. 314. c, 321. a
 Reatus Adæ quis fuerit. 324. d, 325. c
 Reatus culpæ quid. 349. d, 350. a
 Reatu non amisso, peccatum non est plene remissum. 352. a, b & seq.

Regnum.	
Regnum gratiæ quid.	1039. a, b
Regnum gloriæ, & regnum naturæ.	ibid. & seq.
Religiosus.	
Religiosi debent esse ceteris perfectiores.	93. c
Religiosorum peccata quomodo grauiora, quomodo leuiora peccatis aliorum.	1022. c
Religiosi magis ad diuinum officium persoluendum obligantur quam reliqui Christiani.	1058. a
Remissio peccatorum.	
Remissio peccatorum præter fidem habetur ex operibus non purè naturalibus, id est, sine fide, sed gratuitus per auxilium.	1102. d, e, & seq.
Reprobatio.	
Reprobatio pertinet ad iustitiam.	416. c
Quomodo reprobet Deus ante præuisionem operum, quomodo post.	ibid. b, c
Reprobationis, & prædestinationis diuersa ratio.	ibid. c, & 499. a, b
Reprobationis causa partim Dei voluntas, partim præuisa peccata.	497. b, c, & seq.
Reprobationem vocat D. Augustinus prædestinationem ad interitum.	497. b, c
Reprobi vocantur communi nomine præsciti.	497. d
Opponunt electis contradictoriè & contrariè.	497. c
Reprobatio continet duos actus.	497. d, e, 498. c
Reprobationis negatiuæ non datur causa ex parte hominis.	497. c, 498. a, 499. b
Reprobationis positivæ causa peccata hominum.	499. b
Reprobationis causa est præuisio peccati originis, vel actualis, vel utriusque simul.	499. c
Reprobatio nulla speratur, siue damnatio, nec etiam corona, ubi præest necessitas.	664. c
Reprobis plurimis dimittitur originis peccatum per gratiam baptismi.	ibid.
Reprobatorum omnium damnatio incipit à peccato originis.	100. a
Resurrectio.	
Resurrectio Lazari.	14. c
Resurrectio alia viæ, alia iudicii.	362. c, 363. a
Corpora damnatorum qualia resurgent.	362. c, 363. a, 372. b, c, d, & seq.
Resurrectio Christi est exemplar regenerationis nostræ internæ.	818. c, d
Resurrectio Christi significatur emersione ex aqua baptismatis.	ibid.
Resurrectionem certissimè esse sperandam.	878. b, c
Resurrectio nostra media nocte futura est.	1059. a
Reuelatio.	
Reuelatio diuina duplex.	675. c, d
Post reuelatam diuinis victoriâ, peti potest tentatio.	1047. c
Reus.	
Reus iudicio.	
Reus consilio.	77. c, 79. c, & seq.
Reus gehennæ ignis.	
Rex.	
Rex Galliæ quomodo dicitur curare morbum strumæ.	412. c
Regum & Principum personas non accipiet Deus in die iudicii.	452. d
Reges & Prælati specialiter orationibus populi commendantur.	1050. a, b
S.	
Sacerdos.	
Sacerdos, vide clericus.	
Sacerdotes non posse coniugio se obstringere vilo modo, quæ causæ.	1110. b, c, d, & seq.
Sacerdotes qui uxorem duxissent, quare ab Ecclesiis non solerent puniri, nec soleant propter coniugium, sed propter sacrilegium.	1113. b, c
Sacerdotium.	
Sacerdotium Christi est præstantius Levitico.	145. c
Sacerdotium Christi secundum ordinem Melchisedech.	ibid.
Sacramentum.	
Sacramenta corporalia gratiam spiritualem operantur.	47. d
Sacramenta sunt instrumenta iustificationis.	415. c, 416. a, 718. b, 809. d, 842. c, d
Sacramenta gratiam conferunt, vt instrumenta Dei, non actuali, sed habituali.	416. b, 772. d, c
Sacramenta sunt omnibus communia.	454. d
Sacramentorum desiderium ponitur sexta dispositio ad iustificationem.	761. b, 772. c

Sacramentum magis propriè iustificat, quam fides.	772.
Sacramentum sine intentione ministri non conficitur.	867. l
882. a, b, 887. c	
Sacramentorum præcipua institutio est, vt sint instrumenta iustificationis.	887.
Sacramenta sunt, & causæ, & signa iustificationis.	886. c, 887. b, c
Sacramenta succedunt ceremonijs veteris legis.	917. b
Durantur vique ad finem mundi.	621. a, b, c, & seq.
Sacramenta veteris & nouæ legis non sunt eadem.	916. b, c, & seq. 916. d, e, & seq.
Sacramenta iustificare ex opere operato.	1103. c
Sacrificium.	
Sacrificia alia instituuntur, Leuitici 7. pro peccatis, alia pro delictis.	
Sacrificia & opera moralia quomodo differunt.	611.
Sacrificium offerens debet detestari peccata.	ibid.
Sacrificiorum finis placare Deum.	ibid.
Salomon.	
Salomon per concupiscentiam perdidit sapientiam.	383.
Salomon semel iustus, postea lapsus, vtum damnatus, dubitatur.	899. d
Samson.	
Samson per concupiscentiam mirabili fortitudine priuatus.	383. d
Sancti.	
Sancti diem suum natalem cur deplorant.	123.
Sanctorum natalitia vocantur dies mortis.	ibid. a
Dies egressionis è mundo, non ingressionis, celebratur ab Ecclesia Christiana.	123. a
Sanctorum mors Domino preiosa.	ibid.
Sancti viri ex reuelatione diuina tentationes petere possunt.	1047. c
Sanctorum exempla omnia sunt veneranda omnibus, non imitanda.	ibid.
Sancti quomodo sint intercessores pro hominibus, & iterum Christus.	1206. d, e, & seq.
Sanguis menstruus.	
Sanguis menstruus superfluum alimenti.	150.
Non est pars animantis.	ibid.
Satisfactio.	
Satisfactio pro peccato primus fructus orationis.	1031.
Opera bona laboriosa, sunt satisfactoria pro peccatis.	ibid.
Satisfactionem temporalem à nobis requirit Deus.	1045.
Scandalum.	
Scandalum aliud datum, aliud ex hominū malitia acceptum.	145. c, 146. a, b, & seq.
Scientia.	
Scientiæ magnum desiderium à natura hominibus insitum.	379. a, b
Scientia hominum quàm tenuis & exigua.	378. c, 379.
Scientia longo tempore, & magno labore acquiritur.	384. b
Scientiæ donum potest esse sine charitate.	432. d, e, 433. a
Scientiæ sermo, & sapientiæ sermo, & spiritus scientiæ & sapientiæ non distinguuntur.	432.
Scientia & sapientia quomodo differunt.	433. b, c, & seq.
Scientiæ & sapientiæ sermo quid.	ibid.
Scientia in Deo est duplex.	513.
Scientia visionis præsupponit rerum existentiam.	373.
Scientia simplicis intelligentiæ supponit rerum possibilitatem.	573. c
Scriptura sacra.	
Scripturæ sensus mysticus non fundat argumentum de fide.	477. a
Literalis fundat argumentum de fide.	ibid. a
Literalis quomodo sit mysticus.	ibid.
Scriptura sacra potest vocari à Poëtis, vel Philosophis accipere.	559.
Tria in se continet.	916. c
Seductio.	
Seductio Heuz.	183. a, b, c, & seq.
Seductio Corinthiorum per Pseudo-apostolos.	183.
Seductio est, cum falsum alicui persuadetur sub specie veri.	183. b, 184. b, 187. a
Seductio fidelium per hæreticos.	183.
Seductio Adæ nulla est in comparatione ad seductionem Huius.	183.
Seductio quot modis accipi potest.	186. c, 187.

I N D E X

Semen.
 Semen superfluum alimenti. 150 d
 Non est pars animantis. ibid. & seq.
 Semen hominis quomodo differt ab omni alio semine. ibid.
 Semina virtutum quoniam proprie dicantur. 623. b, c, d
 Semen Dei est gratia predestinationis. 903. a
 Semen Dei est charitas. 902. c, 903. c

Senium.
 Senium non fuisse in statu innocentie. 34. c, 49. c
 Senio pauci moriuntur. 50. c

Sensus.
 Sensus quomodo pro peccato originis puniantur. 382. d
 Sensus exteriores & interiores quare dati. ibid. d, e
 Quomodo non prestant officium suum. ibid.
 Sensus multis annis viget ante rationem. 604. c
 Sensus bona sunt presentia, rationis futura. ibid.
 Sensus & rationis variz differentiz. ibid.

Servitus.
 Servitus peccati quam grauis. 171. c, 221. d, e, & seq. 386. d, e, & seq. 670. c
 Servitus & libertas quomodo opponantur. 670. d, e
 Servitus peccati opponitur libertati a peccato. 670. c
 Non opponitur libertati nature. ibid.
 Servitus nature quid. ibid.
 Opponitur libertati nature. ibid.
 Servitus peccati, & libertas peccati: item servitus iustitie, & libertas iustitie quomodo idem significant. 671. a, 928. b, c
 Servitus etiam mille annorum non meretur hereditatem. 997. c

Serpens.
 Serpens qui tentavit Adamum in paradiso, qualis erat, errores aliquorum. 173. b, c, & seq.
 Serpentem Moysi fuisse fictum & fabulosum, error. 173. a, b, d
 Serpens fuit verus & naturalis, per quem diabolus locutus, tentavit Heum. 174. b, 195. a, b
 Serpentis pena, ut sit maledictus super omnia animalia. 173. b, 195. a, c, d
 Serpens per se loqui non potuit, nec vllum animal brutum potest. 173. c
 Serpens quare potius quam aliud animal assumptus est a diabolo ad tentandum Heum. 173. c, 174. a
 Serpentem fuisse apertissimum ad tentandum propter suam naturalem caliditatem. 174. a, b
 Serpentem solum fuisse permissum diabolo, per cuius os loqueretur ad tentandum Heum. ibid.
 Heu ignorabat diabolus ei locutum per serpentem. 175. b, c
 Serpentis astutia in muliere seducenda. 183. a, c
 Serpens seduxit Heum non Adamum, ut Gen. 3. habetur, & ad Tim. 2. cap. 18. c, 184. d, & seq. 187. a, b
 Serpens quomodo Adamum seduxerit. 184. d, e, & seq. 186. d, e & seq.
 Serpens peccare non potuit, & tamen punitur in odium peccati, cuius erat instrumentum. 195. a, b
 Serpens non potuit intelligere, licet Deus eum alloqueretur. 195. b, c
 Serpens animal abiectionissimum, inuisum, execrabile. 195. c
 Serpens initio rectus corpore incedebat, nunc super pectus & ventrem rept. 195. a, c, d
 Serpens prius herbas, nunc terram comedit. 195. a, c, e
 Serpentis inimicitia cum hominibus. 195. a, c, d, 196. a
 Serpens maledictus a Deo, non Adam & Heu. 196. c
 Serpens non timuit Heum, nec illa serpentem ante peccatum. 389. a

Simonia.
 Simonia est iniustitia communis danti & accipienti. 1177. d
 Simoniaci lucra non dantur proprie in elemosynam. ibi. d, e
 Interdum non danda pauperibus, sed restituenda Ecclesie cui facta est iniuria. ibid. e, & seq.

Sitis.
 Sitis quam intolerabilis, & ad quam horrenda hominem adigit. 383. c, 384. a

Somnus.
 Somnus a natura ad quietem capiendam datus & concessus. 382. d, e
 Somnus quomodo Somniorum visis reddatur inquietus. ibi.

Spes.
 Spes quoad certitudinem pertinet ad voluntatem. 737. c
 Spei certitudo est in intellectu causaliter. ibid.
 Spei certitudo rerum bonarum & futurarum. 344. c
 Est tantum pertinentium ad sperantem. ibid.
 Spes nascitur ex fide. 739. c, 811. d, 878. c
 Spes obtinendz veniz est dispositio ad iustitiam. 739. d, 811. d, e
 Spes sepe ponitur pro re sperata. 811. d, e
 Spes nostra debet esse anchora animz. 823. c, 886. a, b

Debet esse talis, ut mori cum timore tamen desideremus. 877. c
 Spes non est securitas de vita eterna. 883. c
 In genere suo debet esse certissima. 886. a
 Spei certitudo duplex. ibid.
 Ex parte voluntatis quz. 886. a, b, & seq.
 Non fert ex parte intellectus certitudinem absolutam. 886. a, b, c, d
 Spei certitudo ex parte intellectus est duplex. 886. a
 Spei fundamentum primum promissio Dei. ibid.
 Spes non expellit omnem timorem. 877. c, 886. c, d, e
 Spei certitudo ex parte intellectus, quz oritur ex charitate, est tantum iustorum. 886. c, d
 Spes Christianorum quomodo est certissima. ibid. d, e
 Spei forma est charitas. 886. d
 Spes oritur ex charitate, & charitas ex spe. 98. e
 Spes est necessaria ad impetrandum id quod petimus. 10. a, b, c
 Spes non solum in ipso boni auctore, sed etiam in intercessoribus ponenda est. 1073. d

Spiritus sanctus.
 Spiritus sanctus per fontem aquz viuz significatur. 411. c, d, e
 Spiritus sanctus quomodo abunde in nos effunditur. 413. b, c, & seq.
 Per gratiam in nobis habitat. 412. d, & seq. 422. a, 427. c, 428. a, b, c, & seq.
 Potest duobus modis in nobis habitare. 428. a, b, & seq.
 Spiritus sanctus habitat in iustificatis. 870. d, e
 Spiritus sancti fructus. ibid.
 Eiusdem septem dona respondent septem petitionibus orationis Dominicz. 1034. d

Statio.
 Statio partim cum vigilia, partim cum ieiunio convenit. 1153. c, d, & seq.
 Statio a stando iuxta aliquos, quia Christiani in Dominicis stantes orant. 1153. d
 Est vigilia diuina, tempore solennis ieiunij. 1154. a, b, & seq.
 Stationes excubiz orantium & ieiunantium. ibid.
 Statio differt a vigilia, & ieiunio. ibid.
 Solum fit de die. ibid.
 Statio & ieiunium ante omnem vigiliam precedebat. ibid.
 Finiri solebat hora nona, vel ad vespertam, ut ieiunium. 1154. b
 Finiri solebat feria quarta, & sexta. ibid. c
 Stationum loca Romz constituta a S. Gregorio. ibid. c, d
 Stationes a ieiunio fortassis primus separavit. ibid.
 In ipsis Dominicis fieri noluit. ibid.
 In stationibus parum nunc singuli orant, & dant locum alijs. 1154. d
 Stationes nostrz duabus in rebus differunt ab antiquis 1154. c, 1155. a
 Tunc idem toto die orabant, nunc alijs alij succedunt, ut semper orent aliqui usque ad vespertam. 1155. a
 Tunc statio cum oratione & ieiunio durabat, nunc & post cibum, & cum omnino non ieiunatur, fit statio. ibid.
 Status perfectior qui fit, & quare non sit imperatus. 1204. a

Suggestio.
 Suggestio quid. 294. b, c, 295. c
 Suggestio non potest dici peccatum originis. 295. c
 Est actio quzdam. ibid.
 Suggestio distinguitur a delectatione. 296. a, b

Superbia.
 Superbia vitium maxime detestabile. 176. a
 Initium est omnis peccati, ut Ecclesiastici cap. 10. habetur. ibi. a, d, 177. d, 178. d, 179. b, c, 180. c
 Superbia primum primi Angeli peccatum. 176. b
 Fuit primum primi hominis peccatum. 176. b, 178. c, 189. a
 Superbiz primus actus est, nolle subijci imperio alterius. 176. c, 177. a, 181. a, b, & seq. 180. b, c, & seq.
 Superbia & inobedientia pro eodem accipi. 176. d
 Superbia & obedientia contraria. 176. d, e
 Superbia latius patet, quam inobedientia. 177. a
 Superbia qua quis contemnit preceptum superioris, est inobedientia. 177. a
 Omnis superbia non est inobedientia, sed contra. ibid.
 Superbiam fuisse primum primi hominis peccatum, probatur ex Patribus. 177. b, c, d, 178. a, b, c, & seq.
 Superbia primi hominis fuit, quod voluit esse Deo similis. 149. d, 177. b, d, e, 178. d, e, & seq. 186. b, 189. d
 Superbia malz voluntatis initium. 177. d
 Superbiz vulnera humilitatis remedijs curantur. 176. c, 177. c, & seq.
 Per superbiam homo perdidit humilitatem. 177. c, 178. a, 185. a
 Superbiz obiectum est excellentia propria, quz in malis est finis hominis. 178. c, 179. c, 180. a, b, & seq. 181. a, & seq.
 Superbia mater infidelitatis. 178. d, 188. d, e, & seq.
 Superbia occulta fuit primum Adz peccatum. 180. b, c
 Superbia Adz initium habuit a nullo precedente errore, sed per solam incogitantiam. 181. c, d

Superbia

Superbia est amor sui, usque ad contemptum Dei. 183. d, 184. d.
 Superbia Heux maior superbia Adx. 188. d. e.
 Superbia Adx & Heux, quomodo eadem. 175. c, 176. a, 189. d.
 Superbia humiliatur. 838. b, c, & seq.

Superfluum.

Superfluum vel opes superfluz dupliciter dici possunt natu-
 rz & personz. 1171. d.
 Superfluum personz dicitur, sine quo quis & vivere, & fami-
 liam alere, & statum ac dignitatē tueri potest. ibid. & 1172. a
 & seq.
 Naturz sine quo quis cum familia sua vivere potest. 1171. e.
 Superfluum in presenti potest esse simpliciter necessarium
 pro futuro. 1172. a.
 Superflua pręcepti necessitate danda esse extrema, ut graui
 necessitate laborantibus. 1172. b, c.
 Imò une peccato retineri non possunt. ibid. c, cū seq. & 1173. d.
 Superflua congregare, est seruare Mammonz. 1172. d.
 Superflua congregantes damnantur. 1173. a, Probatur ex D.
 Lucę Euangelio. ibi. a, b, & seq. Ex Patribus, ibi. c, d, & seq.
 Ratione. 1174. b, c, & seq. Superflua non sunt nostra, sed pau-
 perum. 1173. b, c, & seq. Horum dispensatores sumus, non
 possidentes. ibid. 1174. c.
 In elemosynis, non in delicijs sunt consumēda. 1161. b, c, & se-
 Superflua retinere, est aliena rapere. 1173. c, & seq.
 Superflua diuini sunt Domini pedibus, id est, pauperibus ne-
 cessaria. 1173. c, 1174. a.
 Superfluis abundant diuites, necessarijs indigent pauperes.
 1174. c, & seq.
 Superflua retinentes contra Dei voluntatem agunt. 1174. d.
 Superflua dare cuique petenti, non tenentur diuites, sed vni
 potius quam alteri possunt secundum charitatem. 1174.

Supernaturale.

Supernaturale aliud per se, aliud per accidens, & quid sit vtrū-
 que. 10. d.

Symbolum.

Symbolum Apostolicum quare conditum. 743. b.
 Symbolum hoc summum continet totum fidei obiectum.
 743. c.
 Definitur à S. Augustino. ibid.
 Habet quatuor explicationes, quę vocantur etiam Symbola.
 743. d, 867. c.
 Symbolum Apostolorum nihil habet de fiducia quam here-
 tici prędicant. 742. d, e, & seq. 867. c, d.
 Credo remissionem peccatorum, quid significet. 867. c.
 Symbolum Apostolicum Euangelij summa. 912. d.

Synderesis.

Synderesis est inclinatio ad bonum. 623. c, 625. a, 626. e.
 Non extinguatur in Dæmonibus. 625. a.
 Quomodo differat à lege naturę. ibid. a, b.
 Est ipsum lumen intellectus per modum habitus in nobis ma-
 nens. 625. b.
 In Cain non fuit deleta post peccatum. ibid.
 Est sciētia & vermis conscientię. ibid.

*T.**Tentatio.*

Tentatio duplex, alia ad probandū. 120. c, d, 137. a, b, & seq.
 Alia ad seducendum. 110. c.
 Tentauit Deus Abraham Genes. 22. ad probandum. 120. d,
 641. c.
 Tentatio non est à Deo. 13. d, 80. d, e, 110. d, e, 122. a, b, & seq.
 Tentatio Iobi. 136. a, b, 442. c.
 Tentatio Adx in paradiso. 167. a, b, c, & seq.
 Tentatio Adx iussu à Deo permessa. 170. d, e.
 Tentationis huius causa soli Deo nota. 170. d, 171. a.
 Tentationis causę quę probabiliter assignari possunt. 170. d,
 171. a, b, & seq.
 Tentatio mali Angeli vicit bonum hominem in paradiso.
 170. d, e.
 Cur permisit Deus Adamum tentari, quem sciebat casurum.
 171. a, b, c, 172. a, b.
 Tentatio Adx fuisse gloriosior ad triumphum, si hostem su-
 perasset. 170. c, 172. a, b, c.
 Tentationes quomodo superandę. 461. c, 463. a, b, & seq. 601.
 a, b, c.
 Tentatio vera non potest solis naturę viribus superari. 601. c.
 d, & seq.
 Tentatio potest tribus modis superari. 601. a, b, & seq.
 Tentationi resistendum ex charitate Dei, ut acquiratur meri-
 tum. 601. b.

Tentatio vinci potest, ita ut meritū inde non acquiratur. 601. c.
 Tentationes, quę per se non superant vires humanas, Deo
 destitute sunt grauissimę. 601. d.

Tentationes possunt excidere super vires nostras, si Deus per-
 mittat. 602. a.

Tentationum victoria Deo tribuitur. 602. a, b.

Quid est, Deum tentare aliquem. 642. c.

In tentationibus apparet liberum arbitrium. 643. a.

Tentationes sunt virtutum probationes. 642. c, 943. a.

Tentatio legisperiti, Luc. 10. cap. 114. d, e.

Tentationes Christi à Pharisęis, Saducęis, & Legisperitis.
 915. a.

Tentatio est vita hominis. 964. a.

Interdum utilis, semper periculosa. 1047. b.

Tentatio non appetenda, sed fortiter toleranda. 1047. c.

Tentatio petenda si reueletur victoria. ibid.

Terra.

Terra manebit in æternum. 366. b.

Terra, id est, caro. 1042. a.

Per terram intelliguntur infideles & peccatores. 1041. b.

Terra, id est, Ecclesia. 904. e, 1041. b.

Est Ecclesia militans. 1041. c.

Terra ex qua sumpti sumus omnibus communis est. 1174. a,
 1180. c, d.

Terror compunctionem excitat. 912. b.

Timor.

Timor gehennę qualis, donum Spiritus sancti. 691. c.

Timor est secunda dispositio ad iustificationem. 758. a, b.

Timor qui est initium sapientię, est timor terribilis, qui est in
 peccatore. 758. b, c.

Timor quomodo iustificat. 758. d.

Timoris & fidei iustificatio comparantur inter se. ibid. & seq.

Timor medicamentum, charitas sanitas. 759. a.

Timoris laus. ibid. & seq.

Traditiones.

Traditiones defenduntur à S. Basil. Mag. 9. d, 112. a, b, c, & seq.

Ex traditione probat D. Augustinus Adamum esse beatum,
 non damnatum. 136. d.

*V.**Vanas.*

Vanas libri Concordię hæreticorum ex suscriptione
 notantur. 1189. a, b, & seq.

Vasa.

Vasa in honorem quę. 130. b, c, 131. a, b, & seq. 133. c, 171. a, b,
 477. c, 486. c, 487. a, b, & seq.

Vasa in contumelię quę. 130. b, 131. a, b, & seq. 133. c, 171. a, 477. c.

Vasa itz facta in perditionem ut Deus ostendat potentiam
 suam. 111. b, c, 132. b, c, & seq. 134. c.

Vasa misericordię facta in honorem, ut ostendat Deus diuitias
 glorię suę. 131. b, c, 132. b, c, & seq. 14. c.

Vasa contumelię Deus odit. 132. b, c, & seq. 14. c.

Vasa contumelię Deus sustinet in multa patientia. 132. b, 134.
 d, 133. c, d.

Talia sunt exigente conditione materię. 133. b, 133. a, b, c.

Adam vas in honorem. 133. c.

Vasa itz & misericordię. 131. b, 133. c, 358. c, 477. b, c.

Vasa in honorem habent duo signacula. 477. c, 487. a.

Vasa hæc distinguuntur sola misericordia, non meritis. 493. d, e.
 499. d.

Vasa in contumelię duobus modis fieri possunt. 483. d, e.
 & seq.

Velle.

Velle est Dei vocando, nostrum sequendo. 437. c, 441. a, 442. e,
 443. a, 444. b, 704. b, c, 711. c.

Velle & posse velle à Deo sunt. 439. c.

Velle credere, Deus operatur in homine. 439. c, 441. a.

Velle quomodo in nobis, sine nobis operatur Deus. 443. a, b.
 & seq. 446. c, 447. b, c, d.

Velle quomodo dat Deus vni & non alteri. 444. a, b, & seq.

Velle quomodo Dei, quomodo nostrū. 446. c, 447. b, c, & seq.

Velle non possumus, nisi eo volente & subueniente, à quo præ-
 paratur voluntas. 471. b, c, & seq.

Velle Dei duobus modis consideratur. 443. c.

Velle & non velle quid in Deo significant. 544. a.

Velle Dei est necessarium quoad cultum volendi, non quoad
 ordinem ad creaturam. 544. c.

Vr.

Ver est aptum ieiunio quadragesimali. 1145. c, d.

Vere inuente humores crescunt & valent in animalibus. ibid. c.

Opus est ieiunio contra tentationes. ibid.

I N D E X.

Vere optima acris tempestates, pisces salubres, olerum abundantia. 1145. d
Opera in agris ferè nulla. ibid.

Veritas.

Veritas est per se cognoscibilis sine respectu ad mendacium. 119. d, e
Veritatem celare nonnunquam licet, at nunquam falsitatem dicere. 304. b
Veritas omnis Deum veritatem increatam repræsentat. 431. e
Veritas non ex nobis, sed à Deo. 591. c
Veritas est obiectum intellectus. 531. d, 591. a, c
Veritates multas theoreticas, & mechanicas sololumine naturæ cognosci. 49. a, 591. b, d, e
Veritates morales aliæ plus, aliæ minus distat à principiis per se notis. 592. a

Verum.

Vera aliqua naturalia, moralia, & supernaturalia possunt etiā ab hominibus malis cognosci. 585. b, 592. c
Verum morale quomodo accipitur. 595. a, b, c
Verum nullum morale potest ab intellectu humano in statu naturæ corruptæ, sine speciali Dei auxilio, cognosci, secundum aliquorum opinionem. 585. c, 586. a, b, c, & seq.
Contra habet communis Theologorum sententia 585. d, 586. a
Verum aliquod morale solo Dei auxilio generari potest modo ab hominibus cognosci. 586. a, b, 591. c
Probat ex Scripturis. 586. b, c, & seq. Ex Patribus 589. a, b, Ex ratione ibid. b, c, d. Soluntur obiectiones. 589. c, 590. a, b, & seq.
Verum morale est obiectum intellectus humani. 591. a
Verum morale in uniuersum potest ab homine cognosci, sine auxilio Dei speciali. 585. a, b, c, & seq. 591. d, e
Veritas duobus modis in Scripturis accipitur. 317. a

Vigilia.

Vigiliæ noctis quatuor. 1059. e, 1060. a
Vigilia prima, & reliquæ, quibus horis. ibid.
Vigilia erat nocturna, cum diutino ieiunio pridie magnorum festorum. 1120. b, c, 1141. c

Vir.

Vir nō est seductus, sed mulier 183. a, b, c, 184. e, 185. a, b, & seq.
Viri dignitas & privilegia super mulierem. 185. c, d, e
Viri naturaliter sunt prudēiores, & iudicio maturiores, quàm foeminae. 185. d, e, 190. b
Vir caput mulieris. 190. b, 194. c
Vir debet docere, & non discere à muliere. 185. d, 190. b
Viri officium est cura familiæ nutriendæ. 192. c, 164. b
Vir à viro melius quàm à muliere iuuatur, nisi in propagatione sobolis. 193. b
Vir & mulier in matrimonio, non sunt duo, sed vna caro. 115. d
Vir causa a diuina generationis. 125. d, 151. c
Virgo hæretica peior est quàm mulier bis nupta Catholica. 344. d

Virtus.

Virtus dicitur bonum naturæ. 18. b
Nomen virtus & actionem & habitum significat. 57. a, b
Est secundum naturam, quia virtute natura perficitur. 184. b, 380. d, 587. a
Virtuti actus, habitus malus, & passio opponitur. 328. b
Virtutum moralium perfectio est necessaria ad naturæ felicitatem. 163. c
in Virtutum acquisitione cur tanta difficultas. 379. a, b, 381. a, b
Virtuti pauci student. ibid. d
Virtus est bona qualitas animi. 411. b
Virtutum duo genera ex Philosophis. 408. b
Virtus vna perfecta non potest esse sine omnibus alijs 591. d, e
Virtus vna imperfecta potest esse sine alijs. ibid. c
Virtutes al quæ sunt naturales. 607. a, 609. a, b, c
Virtutes antiquorum Romanorum à Deo remuneratæ. 608. d
Virtutes etiam infidelium sunt dona Dei. 610. d, e
Virtutum semina quid. 623. b, c, & seq.
Virtutum semina aboleri non possunt. ibid.
Virtutum semina malè intellexit Cassianus. 623. c, d
Virtus est ex voluntate, non ex necessitate 652. a, b, c, & seq.
Virtutes & vitia sunt in nostro libero arbitrio. 651. c, d
Virtus est interioris hominis pulchritudo. 826. c
Virtus & actus virtutis distinguuntur. 843. d
Virtutes possunt augeri de perfecta in perfectiorem. 904. c, d, e, 905. a, b, c, & seq.
Virtutes omnes per amorem sunt definiendæ, & inde formantur. 1007. c, d
Virtutes morales non referuntur ex natura sua in Deum, nisi vt in finem naturalem. 1008. c, & seq.
Theologicæ respiciunt quidem Deum, vt finem supernaturalem sed non sic in eum referuntur, nisi per charitatem. ibid.
Virtutes morales sine charitate sunt veræ virtutes, sed imperfectæ. 1162. b, 1161. a

Vita æterna.

Vita æterna est & munus gratiæ, & merces meriti 26. d, e, 27. b, 407. b, c, d, 494. c, 984. b, 1018. a
Vita æterna stipendium meriti. 27. a, 66. b, 983. b, c, d
Sicne finis hominis naturalis, an supernaturalis. 31. c, & seq.
Est naturalis hominis finis quoad appetitum, nō quoad consecutionem. ibid.
Vita animæ æterna gloria. 211. c
Vita animæ gratia. 341. b
Vita æterna gratia Dei. 407. b, 632. a, 930. c, 983. b, c, 996. c
Sola dicenda est vita. 454. a, b, c, & seq.
Verè & propriè est merces operum bonorum. 494. c, 970. a, b, & seq.
Est piorum præmium. 630. c, 631. d
Quomodo corona misericordiæ, quomodo iustitiæ. 631. c, e, 632. a
Quibus nominibus vocetur. 790. d, e
Est denarius diurnus in parabola Matth. 20. cap. 970. d, 984. d, 1012. c, 1013. d
Habet rationem & mercedis & hereditatis. 971. a, b, & seq. 1011. d, e, 1014. a, b, 1019. d
Debetur iustus adultis, utroque titulo. 971. b, c, d, 1019. d, e
Datur secundum proportionem operum. 971. d, e, & seq.
Multis nominibus vocatur in sacris litteris. 971. a, b, c
Quomodo merces fidei. 971. c
Quomodo merces, quomodo gratia. 978. d, e, 1018. a
Est finis fidei, & bonorum operum. 991. d
Hereditas filiorum. 997. c, 1013. e, & seq.
In visione Dei consistit. 31. c, 998. c
Quibus rebus assimilatur. 1011. b, 1014. c, d, e
Vt hereditas personæ debetur iure adoptionis sine pacto. 1013. c, 1014. b
Vt brauium debetur operibus ex pacto. 1007. a, 1014. a, b
Gratia pro gratia. 934. b, 1014. c
Flumen significans ciuitatem Dei. ibid.
Redditur meritis filiorum Dei, tum quoad primum gradum, tum quoad ceteros. 1019. c
Vita S. Ioan. Baptistæ fuit perpetuum ieiunium. 1099. c

Vitium.

Vitium contra naturam. 18. b, 15. d, e, 184. b, 30. c, 331. a, 380. d, 587. a
Vitium quomodo differt à peccato. 57. a, 312. b, c
Est habitus oppositus virtuti. 57. a, b, c, 312. b
Vitium vnde accidit humanæ naturæ. 216. c, 237. a, b, & seq. 386. c
Significat quamcunque corruptionem, vel languorem naturæ. 312. b
Quomodo dicatur peccatum. 331. c, & seq. 34. c, & seq.
Vitium hominis, natura est pecoris. 330. c

Voluntarium.

Voluntarium est necessarium ad peccatum. 59. b, c, 334. c, d, & seq.
Voluntarium esse de natura peccati, 86. b, c, 87. a, b
Quomodo est in peccato, quomodo non 235. b, c
Voluntarij parum est in peccato originis. 235. c, 236. b, c
Voluntarium habituale non sufficit ad peccatum. 348. a
Voluntarium potest accipi pro spontaneo & libero, à sola coactione. 621. b, c, 626. c
Tale voluntarium est in pecoribus, & non pugnat cum necessario. 627. c, 630. d, 647. c, 654. b, c, 616. c
Propriè accipitur pro libero à necessitate. 617. c
Voluntarium spontaneum est genus ad liberum & non liberum. 630. d
Voluntarium liberum est proprium rationalis, vel intelligentis naturæ. 647. c, 654. b, c
Voluntarietumus vel Christi milites, vel serui diaboli. 616. b, c
Voluntarium vt opponitur coacto, non sufficit ad peccatum 656. c

Voluntas.

Voluntas signi est ipsum præceptum, vel prohibitio. 119. c, 149. a, 151. c, 1039. c
Voluntates malæ non sunt à Deo, quia contra naturam sunt. 119. d, e, 124. b, 133. d
Voluntas mala est peccatum licet desit potestas. 124. c, 127. d
Voluntas Dei nunquam vult nisi bona. 124. c, 125. e, & seq. 151. c
Ista voluntas hominis est, ea quæ vult id, quod Deus vult cum velle, 124. a, b, & seq. 151. c, d, e
Iniusta est ea, quæ vult id, quod Deus non vult cum velle, ibid.
Voluntas non potest appetere malum. 112. c, 127. c, 178. d, 319. a, b, c, 331. c, d
Voluntati Dei nemo potest resistere. 128. b, 129. b, c, 148. c, 149. a, b, 152. b
Voluntas quomodo Deus regit, flectit, inclinat, inclinat. 126. c, & seq. 153. a, d, e, & seq.
Voluntas mala, quomodo inclinat à Deo potius ad vnum malum quam ad aliud. 116. c, & seq. 133. a, d, e, & seq.
Voluntas Dei, quomodo se habeat ad peccatum 147. c, 148. a, b,

Non habet Deus nolle, aut velle respectu peccati. 148. c, d
 Habet non velle respectu peccati. 149. c, d, 149. a
 Deus non vult peccata. ibid. d, 149. b, c, 150. a, 151. e, 154. a
 Vult non impedire. 148. 149. b
 Vult permittere. 148. c, 149. b, c, 150. a, e, 154. c
 Vult ordinare, vult punire. 148. e, 153. d, e
 Non habet Deus positivè voluntatem beneplaciti, respectu peccati. 148. d, 149. a, 153. c
 Voluntas signi Deus non vult fieri peccata. ibid.
 Voluntas beneplaciti est absoluta. 149. a
 Voluntas signi non est absoluta, sed conditionata. ibid. a, d
 Cur dicitur conditionata. 149. a
 Qui prohibet ne quid fiat, vult id non fieri, vel si fiat, puniri. 49. a, b, c, & seq.
 Peccatum non fit præter, sed contra Dei volutatem, quomodo. 149. b, c, d
 Hoc ipso quod facit quis contra voluntatem Dei, fit voluntas Dei. 149. b, d
 Non sunt peccata præter voluntatem Dei, quia non fierent, si non sineret. 148. b, 149. d
 Velle fieri mala, est malæ voluntatis. 150. a
 Velle permittere mala, potest esse bonæ voluntatis in Deo. 147. d, e, 148. a, b, 150. b
 Deus voluntate agit, & quidquid vult fieri, facit. 150. c, 151. b, 154. b, c, & seq. 171. c, d, & seq. 808. a
 Si Deus vellet fieri mala, ipse faceret mala. 150. c
 Deus non vult mala per se. In malis nunquam Deus vult, quod homines volunt. 151. c, d
 Quæ mala potest Deus bona voluntate velle, homines autem mala. 151. d, e, 1040. d, e
 Voluntas hominis aliquando magis congrueret cum bona voluntate Dei, si nollet quod vult Deus quum quando vult, quod Deus. 151. d, e, 155. a
 Voluntas mala Iudæ vsus est Deus ad maxima bona. 154. e, 155. a
 Voluntas propria est causa peccati. 155. c, d, 162. e, & seq.
 Voluntas malæ non est causa efficiens, sed deficiens. 162. c
 Voluntas producit actum non conformem rationi, quia non respicit regulam rationis, dum operatur. 162. c
 Voluntas liberè operatur, vel non operatur. 163. a
 Voluntas Dei est regula omnis bonæ actionis. 163. d
 Voluntas non peccat. ut est à Deo, sed ut defleat à Deo. 166. b
 Voluntas propria quomodo ruina hominis. 176. c, 177. d, e
 Voluntas obiectum est solum bonum. 178. d, 519. b, 531. d
 Voluntas sæpè prævenit perfectam rationis deliberationem. 187. d, e
 Voluntas vulnus difficultas ex qua oritur dolor. 380. c, d, & seq.
 Voluntas vulnera ex peccato originis. 177. e, 380. c, d, & seq. 386. c, 190. e, d
 Voluntas humanæ perversitas in negligendo cultum veri Dei & colendo Deos falsos. 381. d, e
 Magna inconstantia voluntatis humanæ. 381. e, 382. a
 Magna ægrotudo. 383. c
 Voluntas malitia non fuit in primis parentibus ante peccatum. 388. a, b
 Voluntas Dei est efficacissima. 415. c, 439. a, b, c
 Nostra in bonis quomodo se habet ut pedissequa. 442. c, d, e, 703. b
 Voluntas per amorem immediatius Deus attingit in hac vita, quam intellectus per fidem. 422. c, 421. a
 Voluntas libertas peccato debilitata. 427. b
 Voluntas nostræ est consentire vel dissentire. 441. a
 Voluntas bona donum Dei est. 441. a, 443. b, d
 Voluntas efficax est sine difficultate. 443. b, 444. d, e, 447. c, d, e
 Voluntas ut movetur à Deo quomodo movens, quomodo mora. 448. c, d
 Voluntas præparatur à Domino. 451. d, 703. a, & seq. 711. e, & seq.
 Voluntas antecedente Deus vult omnes salvos fieri. 454. d, 472. a, b, c
 Voluntas absoluta Deus vult aliquos saluare, alios non. 47. b
 Voluntas glorificandi prior est prædestinatione. 491. d
 Voluntas & liberum arbitrium, quomodo differunt. 506. e, 510. c, d
 Voluntas simplex & voluntas vult principium electionis. 510. e, 57. c
 Voluntas simplex potest intelligi cum libertate à sola coactione, non autem ut est principium electionis. 510. e, 514
 Voluntas nostra quomodo libera, quomodo non, in petenda beatitudine. 511. a, b, c, & seq.
 Quomodo libera post hanc vitam. 511. b
 Voluntas se & alias potentias movet. 517. c, d, & seq.
 Voluntas simplex est impossibile. 517. c

Voluntas quomodo libera à coactione. 518. a
 Voluntas est appetitus rationalis. 518. e, 519. a, b, & seq.
 Est principium liberatum actionum. 520. e, 521. c, d
 Voluntas humana, ex nihilo creata. 163. b
 Voluntas obiectum nō est bonum in se, sed ut à ratione tale indicatur. 515. c
 Voluntas quomodo potest dici potentia activa & passiva. 519. e
 Quomodo se movet, quomodo ab intellectu movetur. ibid. & seq.
 Quomodo movetur necessariò, & habet se per modum causæ naturalis. 520. a
 Voluntas obiectum est bonum. 112. c, 117. d, e, 178. d, 519. b, 531. d, Probat rationibus 531. c, d, e, & seq. Et solvuntur objectiones. 531. c, d, e, & seq.
 Voluntas movet se ex appetitione finis. 136. d
 Voluntas sapientiæ, & sapientia volutati in Deo semper conformis. 544. b
 Voluntas Dei ad res creatas habet ordinem contingentem. 544. c
 Voluntas diuinæ actus quoad substantiam & entitatem, ab æterno fuit determinatus, non tamen respectu rei creatæ. 544. d
 Voluntas potest à Deo quatuor modis inclinari ad aliquid petendum vel fugiendum. 569. d, e
 Voluntas hominis efficienter per gratiam & virtutes inclinatur ad bonas actiones. 569. d
 Voluntas à passione vehementer nonnunquam rapitur ad consensum. ibid.
 Quomodo conditionis voluntas sit rerum necessitas. 571. c
 Voluntas humanas quocunque vult Deus inclinat. 571. c, d, & seq.
 Ad voluntatem humanam referenda est determinatio particularis, vniuersalis verò ad Deum. 577. a, b, c, & seq.
 Voluntas humanam non esse à Deo prædeterminatam, sed esse liberam relictam. 577. c, d, e, 178. b
 Voluntas humana operante, cooperatur Deus, non contra. 578. c, 579. a, b
 In voluntate tria considerantur, quando determinat se ad opus. 579. b, c
 Voluntas nostra Dei motione liberè vritur. 582. d, e, 583. c
 Voluntas determinatio negativa quid. 583. a
 Voluntas diuina est causa rerum omnium, sed in liberis particularibus nihil decernit, nisi præcognita determinatione secundarum causarum. 584. a, b
 Voluntas non necessitatur à passione physicè sed moraliter. 601. b
 Voluntas sine charitate est vitiosa cupiditas. 618. a, b
 Voluntas mala quomodo potest operari aliquid boni, & bona aliquid mali. 619. b
 Voluntas non cogitat, sed sua detur. 638. q
 Voluntas nostra comitatur, non ducit, pedissequa est, non præuia. 441. c, d, e, 703. b
 Voluntates nostræ non sunt sub necessitate. 704. b, c, d
 Voluntas est credere, & non credere, consentire vel non. 703. c, d, e, & seq. 704. e, & seq.
 Voluntas nostra quomodo præparatur à Deo, quomodo à nobis. 451. d, 704. a, b, & seq. 711. e, 712. a, b, & seq.
 Voluntas Dei alia signi, alia beneplaciti. 149. a, 1039. e, & seq.
 Voluntas signi sunt præcepta & prohibitiones, quibus Deus nobis significat, quid agi, quid non agi à nobis velit. ibid. & seq.
 Beneplaciti est, quia Deus vult absolute aliquid fieri, quæ, semper impletur. ibid. & seq.
 Voluntas hominis non debet semper velle id, quod Deus vult fieri voluntate beneplaciti. ibid. 1040. d, & seq.
 Voluntas beneplaciti Dei non obmurmurandum. 1041. a
 Voluntas signi totis viribus à nobis perficienda. ibid.

Voluptas.

Voluptas quædam ante omne peccatum præcurrit. 295. e, 296. a, b, 301. a, b, c, & seq.
 Adolescentes ad insaniam redigit. 383. c
 Voluptas corporis domina sæuissima. 387. d
 Sapientiæ repugnat. ibid.
 Pestis omnium capitalissima. ibid.

Z.

Zvingliani.

Zvinglianos hæresis quæ sit circa Sacramentum Eucharistiæ, & circa corporis Christi omni præsentiam. 1193. a, b

FINIS. INDICIS.

20 SET 1969

RESTAURO del LIBRO ANTICO
Cav. G. DI GIACOMO
PESCARA

